

**DOCT. FRANCISCI  
SUAREZ  
GRANATENSIS, E  
SOCIETATE IESU  
... OPERIS DE...**

---

Francisco Suárez





---

Ex Bibliotheca  
majori Coll. Rom.  
Societ. Jesu

16. 1. 7.





17

1733

College of Arts

DOCT. FRANCISCI  
SVAREZ  
GRANATENSIS,  
E SOCIETATE IESV,  
IN REGIA CONIMBRICENSI



Academia olim Primarij Theologiæ  
Professoris emeriti;

OPERIS DE DIVINA GRATIA  
PARS SECVNDA,  
CONTINENS LIBROS III. IV. ET V.



*Nimirum, De Auxilijs Gratia, in generali; De Auxilio sufficiente;  
& de Auxilio efficaci Gratia Dei.*

Collegij Rom: S. I. EDITIO PRIMA. Biblioth: secretæ



LVGDVNI,

Sumptibus PHILIPPI BORDE, LAURENTII ARNAVD,  
& CLAVDII RIGAVD.

M. DC. LI.

CVM SUPERIORVM PERMISSV.

کتابخانه عمومی

بیتوته



Illustriss<sup>mo</sup> & Reuerendiss<sup>mo</sup> Domino  
**D. ALPHONSO LVDOVICO**  
**DV PLESSIS DE RICHELIEV,**  
**S. R. E. CARDINALI,**  
**ARCHIEPISCOPO LVGDVNENSI**  
**GALLIARVM PRIMATI,**  
**SVMMO SACRARVM**  
largitionum Curatori.



**A**MBIT Purpura tegi tua ( **CARDINALIS EMI-  
NENTISSIME** ) summi Doctoris opus ostro plane  
& murice dignum. Prodit in longas Academi-  
arum lites Magni Suarum lucubratio posthuma, & publicam lucem,  
quam Lugdunum quondam cæteris eius scriptis dedit,  
Tuis affectat auspiciis. Eò nempe ut vetus & casta de  
Gratia Dei Theologia ab erudito limatoque Eminentia  
Tuæ iudicio splendorem sibi ac patrocinium accersat: ut enim multis dis-  
plicet, abunde ei fuerit probari Tibi.

Habes in huius voluminis Prolegomeno accuratum de scientia Dei, vo-  
cata media, tractatum, quem si iis oculis propius inspexeris quibus obscura  
quæque peruadis, Medius arbiter Numinis effectus negabis nescire Deum  
quod Tu ipse ignorare non potes; quibus nimirum litem adiudicares, si dis-  
fidentes de auxiliis Gratia Theologi Arbitrio Tuo acquiescere communi  
consilio decreuissent.

Ab hoc præludio tribus libris pendit Gratia Dei Sapientia Tuæ vêtigal  
ingens auxilia sua, frequentat hospes nota ac pene domestica Auxiliatrix  
Gratia augustos Mentis tuæ lares; ea felicitate ut, sicut cum eius ope, Apo-  
stoli imbutus exemplo, nihil non potes: ita vicissim apud te ipsa potest om-  
nia. Vtra laus maior existat illam in Te, Teque in illa cuncta posse ambi-  
guum est.

Tum verò sufficiens Gratia tot Nouantium Theologorum oppugnata  
cuncis,



## EPISTOLA DEDICATORIA.

cuneis, tot hæreticorum impetita telis in aciem prodit ardua fronte minax & quidem te Auspice secura victoriæ. Quid in Ecclesia possis illa tibi repræsentabit, quæ dat singulis recta posse. Sensit Lugdunum tua quid in profliganda corporum lue Purpuratus Eminentissimæ Charitatis tuæ posset apex, ut enim sacras infulas periculo maior animus in medium vitæ discrimen intulit ministrato laboranti viatico, repente ad speciem tantæ Pietatis pestis exterrita primum gradus suspensos dedit; Ac ne cœlestia spirans pectus afflaret in quod imprudens inciderat, deinceps sæuire desiit. Sentiet Ecclesia Gallicana haud secus quid possis in compescenda serpente latius periculosarum de Gratia Dei opinionum contagione. Cum primum enim in huius operis fronte Eminentia tua prodierit; habet quod speret veritas, futurum ut larua pietatis nudatus error Te hostem nactus breui pedem referat, & infestis fidem petere signis Mentis tuæ radiis percussus absistat, donec suadente Te Romani fulminis ictu profligetur. Sic cedent tuæ fatalia corporibus animisque monstra virtuti.

Neque minus in Authoritate tua præsidij sibi repositum vltimus isque Palmaris de Gratia efficaci liber pollicetur, quando victrix suauitas Gratiæ in tua Benignitate conquiescit. Neminem arces, amas omnes huius urbis ordines, plebem ut Pastor foues, virginibus tanquam virtutibus Prudens Moderator præes, Nobiles ut amicos instituis, Regulares ut clientes complecteris, Clericos ut Antistes exemplis informas, Gallicanæ Ecclesiæ Patribus ut Primas pietatis & doctrinæ fulgore præluces. Quæ omnia efficientis gratiæ more congruo aptoque eruditionis lumine & blandis Beneficiæ illecebris administras. Vtramque Gratiam & misces & superas. Sufficiens omnibus adest, Effectrix multis prodest; Tu cum omnibus efficax Præsul adsis, Tui copiam præbes vniuersis, quodque Diuinius est, vnus ipse Tibi sufficis. Spreuisti aulæ fauores & emorientis Eminentissimi fratris inclinatam in te fortunam, ac tantum num palmas tendentem vocantemque neglexisti, ut Deo Tibique viueres & Lugdunensibus Tuis.

Quocirca neque te negabis, PRÆSVL ÆQVISSIME, Doctori rediuiuo pro libera Gratiæ efficientia decretoria concertatione dimicanti. Erumpit hætenus desideratus tertius & vigesimus doctissimi Suaris tomus, non quidem ex materno Societatis Iesu sinu, ut æquum fuërat, sed ex obscuris Lusitani hominis scriniis. Conqueritur enim sibi nascenti non modo non obstetricatam tanquam germanæ filij sui Proli Parentem optimam; sed quod pene Nouercali odio nuper emergentem & etiamnum sub prælo brachia iactantem conata sit præfocare.

Verum diuturnis latebris opprimi celeberrimi Auctoris opus fortasse Superi voluerunt, ut mora labori pretium faceret. Magna expectes diu; nam & ipse fons gratiæ Christus pluribus annorum millibus spem lactauit Orbis, donec iam prope desperatus aduenit. Sic cœlo visum ut optima quæque serò proueniant. Omnis est tarda maturitas. Sat citò venit quod opportunè. Quid verò hac tempestate opportunius eo libro quem nomini tuo,

CARDI

## *EPISTOLA DEDICATORIA.*

CARDINALIS EMINENTISSIME, dedicamus; id enim temporis ingens librorum examen aduersus Auxilia diuinæ Gratia tota Gallia volitat, quibus manifestum spargitur virus, violatur Religio, fides tanquam crebro ariete percussa labat.

Patere igitur, PRIMAS EMINENTISSIME, hunc trium librorum velut aggerem sparsis in vulgus erroribus oppositum, vnà cum nostra trium Bibliopolarum sodalitate triplici gentilitiæ Tesserae Tuæ valle muniri. Erit enimverò, vt speramus, qui collatum in Typographiam nostram sacrae protectionis beneficium istud concelebrat. Erit qui eruditissimi Suarum Manibus Te Patronum, & disceptationum suarum arbitrum gratuletur. Magnum est vna opera, & viuos clientes autoritate tueri, & simul fato functis suffragari. Hanc Tibi laudem asserere peroptamus, CARDINALIS EMINENTISSIME, certumque nobis est dum spiramus & viuimus quàm superstitum quàm extinctorum scriptorum dicandis operibus Tuæ ministrare gloriæ, vt viuas necnon, & mortuos habeas raro miraculo clientelæ Tuæ deuinctos. Vale & quod facis Bibliopolarum tuorum sodalitati semper faue.

EMINENTIAE TVÆ

*Serui additissimi*

PHILIPPVS BORDE, LAVRENTIVS ARNAVD,  
& CLAVDIVS RIGA VD Bibliopola Lugdunenses.

¶ 3

APPRO

---

## APPROBATIONES.

**G**ratissimum & profundissimum reperimus librum de Gratia, cui titulus est *Doctōris* FR. SVAREZ, &c. *Operis de diuina Gratia Pars II.* nihil enim in eo continetur quod veram doctrinam non sapiat; Scripsimus hoc iudicium, die 6. Decembris 1650. nos in Alma facultate Parisiensi Theologiæ Doctores.

F. M. MICARD Minor.

PAVLVS LOMBARD Prior Carmelitarum  
Lugduni.

---

## CONSENSVS.

**V**isa Doctōrum approbatione, Ego infrà scriptus, Regio nomine non impedio, quin hic liber à PHILIPPO BORDE, LAURENTIO ARNAVD, & CLAUDIO RIGAVD, Bibliopolis Lugdunensibus excusus, in publicam lucem prodeat; cum defensione tali casu requisita, & solida. Actum Lugduni 13. Decembr. 1650.

LORIN.

---

## PERMISSIO.

**I**Ta & me non dissentiente fiat. Lugduni, die duodecima Decembris, anno millesimo sexcentesimo quinquagesimo.

SEVE.

INDEX





# INDEX CAPITVM HVIVS VOLVMINIS.

## Prolegomena de Scientia conditionata.

- CAP. I. **S**ENS V & statu controuersie proposito, varia sententia cum suis Auctoribus referuntur. pag. 1
- II. Deum habere certam, & infallibilem scientiã futurorũ contingentium conditionatorum, ex Scriptura, prout à Patribus intellecta est, ostenditur. 5
- III. Plures ex Sanctis, & antiquis Patribus scientiam conditionatam in Deo cognouisse, præsertim Augustinum, & nullum eorum illam Deo negasse. 10
- IV. Neque in Augustino, neque in aliis Patribus aliquid contra perfectionem diuinæ scientiæ conditionatæ reperiri. 15
- V. Deum habere conditionatam scientiam futurorum ante decretum liberum, seu voluntatis, secundum rationis ordinem, nec posse talem scientiam in tali decreto fundari, ex eisdem Scripturæ, & Patrum testimoniis ostenditur. 19
- VI. Quid de hac scientia conditionata D. Thomas senserit. 24
- VII. Ratione à priori ostenditur dari in Deo conditionatam præscientiam, & principali fundamento contrariæ sententiæ occurritur, veritasque talium propositionum declaratur. 28

- VIII. Quæ decreta conditionata, & libera Deo attribuenda sint, & in illis non posse contingentia sub conditione futura præsciri. 36
- IX. Nonnullis obiectionibus occurritur, earumque occasione doctrina data magis declaratur, & veluti in summa redigitur. 44
- X. Alteri obiectioni occurritur, & an scientia visionis sit causa futurorum explicatur. 47

## LIBER TERTIVS.

De Auxiliis Gratiæ in generali, prout in diuina actione, vel motione consistunt.

- CAP. I. **Q**uid sit, & quotuplex internum gratiæ auxilium. 61
- II. Vtrum auxilium excitans sit primum in ordine gratiæ sanctificantis adultorum. 64
- III. Vtrum gratia excitans sit actus vitalis hominis. 66
- IV. Aliis fundamentis prima sententiæ satisfiat, & quod sit principium proximum efficiens gratiæ excitantis inquiritur. 69
- V. Vtrum motus gratiæ excitantis sint indeliberati, ita ut ex necessitate non libertate fiant. 71

¶ VI. Vtrum

# INDEX CAPITVM.

- VI. *Vtrum gratia excitans in intellectu sit, & quæ sit necessitas, vel munus eius.* 73
- VII. *Vtrum gratia excitans in voluntate sit, & quæ sit necessitas, vel munus eius.* 75
- VIII. *Vtrum gratia excitans sit necessaria solum ante fidem, & alios habitus infusos, vel etiam post illos.* 79
- IX. *Duo incidenter dubia de necessitate excitantis gratiæ, tam in natura lapsa, quam integra expediuntur.* 87
- X. *Vtrum motus gratiæ excitantis sint in sua entitate supernaturales.* 89
- XI. *Quomodo supernaturalis excitatio ex naturalibus actibus Ecclesiæ, seu eorum, per quos vocatur pendere possit.* 93
- XI I. *Quomodo supernaturalis vocatio ab actibus eorum, qui vocantur pendere possit.* 94
- XIII. *Vtrum præter excitantem gratiam sit necessaria gratia adiuuans ab illa distincta.* 99
- XIV. *An gratia adiuuans sit actio, vel principium actionis, & quæ sit eius necessitas.* 102
- XV. *Diuisio auxilij moraliter, vel physice adiuuantis, exponitur.* 103
- XVI. *Quibus modis differat actualis influxus gratiæ adiuuantis, ab excitante gratia.* 105
- XVII. *Vtrum gratia excitans sit principium physice adiuuans præsertim ubi habitus infusus deest.* 108
- XVIII. *Vtrum in homine liberè ac supernaturaliter operante sine habitu, principium adiuuans, ad talem actum supernaturalem eliciendum, sit aliquid creatum animæ infusum;* 112
- XIX. *Solum Spiritum sanctum immediatè adiuuare voluntatem vt principale principium proximè, & physice faciès supernaturalem actum quando sine habitu elicitur.* 116
- XX. *Quid sint gratia operans, & cooperans & quomodo ad excitantem, & adiuuantem comparentur.* 119
- XXI. *Obiectionibus occurritur, & rursus*
- sententiæ de operante, & cooperante gratia attinguntur.* 121
- XXII. *Augustini sententiæ de gratia operante, & cooperante amplius examinatur.* 124
- XXIII. *Quid sit gratia præueniens, comitans, & subsequens, & quomodo ad excitantem, & adiuuantem comparentur.* 127
- XXIV. *Quomodo gratia præueniens, comitans, & subsequens ad operantem, & cooperantem gratiam comparentur.* 130
- XXV. *Vtrum concursus Dei, vt primæ causæ, ad supernaturales actus auxilium supernaturale sit.* 134
- XXVI. *Corollaria nonnulla, quæ ex doctrina superioris capitis inferuntur.* 138
- XXVII. *Vtrum causa prima, & secunda, vt partiales causæ, ad eundem effectum concurrant.* 141
- XXVIII. *An Deus etiam in ordine gratiæ per concursum simultaneum influat in effectum, & actionem causæ secundæ immediatè immediatione virtutis, & suppositi.* 145
- XXIX. *Vtrum præter simultaneum concursum gratiæ, qui est in actum voluntatis, vel intellectus, sit necessarius alius præuius in potentia receptus, & à motibus excitantis distinctus, referturque prima sententiæ cum suis fundamentis.* 147
- XXX. *Quid sit concursus præuius, & quod munus eius, ob quod necessarium esse creditur.* 150
- XXXI. *Quomodo præuius concursus à potètia in qua recipitur, & ab eius actione distinguatur.* 153
- XXXII. *An præuius concursus sit qualitas, vel in quo predicamento sit.* 155
- XXXIII. *Vtrum concursus præuius constituat causam secundam in actu primo, vel compleat virtutem eius ad agendum.* 157
- XXXIV. *Vtrum concursus præuius sit separabilis à simultaneo, seu ab actione causæ secundæ, & è conuerso.* 167
- XXXV. *Proponitur altera sententiæ, quæ docet*



# INDEX CAPITVM.

<i>docet generalem concursum Dei esse influxum in effectum, &amp; imbibitum in actione causa secunde: influxum autem in causa per se, &amp; ex vi generalis concursus necessarium non esse.</i>	170
XXXVI. <i>Influxum praeuium primae causae in secundam non esse per se necessarium ad actiones proprias naturalium agentium.</i>	174
XXXVII. <i>Quid Patres, &amp; Philosophi de necessitate praeuij concursus quoad causas naturales senserint.</i>	176
XXXVIII. <i>Quid de concursu praeui in causis secundis naturalibus D. Thomas senserit.</i>	179
XXXIX. <i>Quid Aristoteles, vel antiqui Philosophi de necessitate concursus praeuij in causis secundis naturaliter agentibus senserint.</i>	183
XL. <i>Soluendo rationes assertioni nostrae contrarias, eadem veritas amplius confirmatur.</i>	187
XLI. <i>Ex vi generalis concursus non esse necessariam praeuiam motionem in voluntate, moraliter determinantem illam vt liberos actus eliciat.</i>	192
XLII. <i>Praeuium concursum physicè praedeterminantem non esse voluntati liberae necessarium, vt aliquid determinatè velit.</i>	196
XLIII. <i>Doctrina superioris capitis auctoritate Scripturae, &amp; Patrum confirmatur.</i>	200
XLIV. <i>Auctoritate D. Thomae, &amp; aliquorum posteriorum Theologorum eadem doctrina confirmatur.</i>	202
XLV. <i>Ex concursu Dei ad actus, qui sunt peccata, peculiari ratione superior doctrina comprobatur.</i>	209
XLVI. <i>Deducendo ad varia incommoda eadem doctrina comprobatur.</i>	211
XLVII. <i>Sententia superioris capitis ex Scriptura, &amp; Conciliis colligitur.</i>	218
XLVIII. <i>Ex Patribus eadem doctrina confirmatur.</i>	222
XLIX. <i>Quid de concursu praeui ac praedeterminante ad actum peccati D. Thomas senserit.</i>	225

L. <i>Fundamentis contrariae sententiae satisfacit.</i>	227
LI. <i>Ad actus supernaturales necessarium non esse auxilium praeuium per modum concursus, sed simultaneum sufficere.</i>	231

## LIBER QVARTVS.

De Auxilio sufficiente, quid sit, quibusque detur, & quomodo ad libertatem voluntatis circa supernaturales actus necessarium sit.

CAP. <b>A</b> N rectè Auxilium gratiae insufficiens, & efficax diuidatur.	236
II. <i>Vtrum auxilium sufficiens non solum homini sit necessarium vt possit operari, sed etiam vt operetur, aliquo modo tribuat.</i>	240
III. <i>Vtrum auxilium sufficiens sit verum auxilium gratiae internae distinctum à lege, reuelatione, &amp; doctrina.</i>	246
IV. <i>Vtrum auxilium sufficiens internum in sola gratia excitante consistat, &amp; cum illa conuertatur, seu idem omnino sit.</i>	249
V. <i>Vtrum gratia sufficiens sit tantum actualis, vel etiam habituales includat.</i>	253
VI. <i>An auxilium aliquod verè sufficiens, sit ex se inefficax, vel vnde id habeat, quando tale esse contingit.</i>	255
VII. <i>Vtrum auxilium sufficiens detur interdum praedestinati, vel reprobis.</i>	260
VIII. <i>Vtrum auxilium sufficiens detur omnibus hominibus adultis, quantumuis reprobi sint.</i>	263
IX. <i>An, &amp; quomodo fidelibus semel iustificatis, qui tandem non saluantur, detur auxilium sufficiens ad salutem aeternam.</i>	267
X. <i>An &amp; quomodo fidelibus peccatoribus semper dum viuunt, gratia sufficiens tribuatur, qua conuerti, &amp; iustificari possint.</i>	269
XI. <i>Quomodo infidelibus omnibus detur auxilium</i>	



# INDEX CAPITVM.

- auxilium sufficiens ad fidem, & salutem.* 274
- XII. *Difficultas circa superiorem doctrinam proponitur, eiusque occasione tractare incipit axioma, Facienti quod in se est Deus non denegat gratiam.* 278
- XIII. *Tractatur altera sententia precedenti contraria, negans datam esse à Deo legem dandi auxilium gratie facienti quod in se est per vires nature ad seruandam legem naturalem.* 281
- XIV. *Tractatur tertia opinio, quæ partim à precedentibus recedit, partim cum utraque conuenit.* 283
- XV. *Proposita difficultati satisficit, & Axioma propositum in vero, & catholico sensu explicatur.* 285
- XVI. *Difficultati cap. 12. propositæ satisficit.* 296
- XVII. *Obiectionibus in cap. 13. propositis satisficit.* 301
- XVIII. *Quid Augustinus senserit de sufficienti auxilio, an omnibus adultis detur.* 304
- XIX. *Vtrum auxilia sufficientia omnibus hominibus aequaliter conferantur ex parte Dei, vel unde eorum varietas, seu inæqualitas oriatur.* 314
- XX. *De concordia liberi arbitrii cum necessitate sufficientis auxilii præuenientis.* 319
- IV. *Vtrum gratia efficacia consistat in necessitate, quam infert voluntati, ut non liberè, sed necessariò consentiat.* 333
- V. *Vtrum auxilium sit excitans, seu in aliqua excitatione positum, præsertim iuxta mentem Augustini.* 338
- VI. *An efficax auxilium consistat in motione, vel in effectiōe, de se & natura sua prædeterminante physicè voluntatem humanam ad vnum actum, & exercitium eius.* 341
- VII. *Vtrum auxilium efficax necessarium ad piè operandum sit positum in aliqua excitatione per se, & ex vi suæ nature, ac præcise entitatis, prædeterminantis physicè voluntatem ad consensum.* 347
- VIII. *Vtrum excitans gratia per seipsam, & natura sua determinet saltem moraliter voluntatem, ideoque talis efficacia auxilii excitantis ad actus liberos & sanctos voluntatis necessaria sit.* 350
- IX. *Proponitur opinio affirmans efficaciam auxilii præui consistere in physica prædeterminatione voluntatis per modum actus primi, ac proinde talem prædeterminationem ad omnes & singulos actus pietatis esse necessariam.* 355
- X. *Directè ostenditur, auxilium efficax necessarium ad singula supernaturalia opera, non posse consistere in motione, vel qualitate prædeterminante physicè in actu primò voluntatem ad consensum.* 358
- XV. *Corollaria, quibus ratio ab incommodis distinctius concluditur.* 371
- XVI. *Quibusdam suffragiis rationis facta occurratur.* 373
- XVII. *Obiectionibus contra discursum factum satisficit.* 375
- XVIII. *Vtrum possibile sit auxilium efficax physicè prædeterminans voluntatem in actu primo saluo libero vsu eiusdem voluntatis in eodem actu secundo, ac subinde an libertas quoad exercitium in actu voluntatis simul possit cum auxilio*

## LIBER QVINTVS.

### De Auxilio efficaci Gratia Dei.

- CAP. **Q** *Votuplex sit auxilium efficax.*
- I. 324
- II. *Vtrum auxilium efficax sit ad singulos actus pietatis necessarium, vel solum ad aliquos, vel aliquam eorum multitudinem.* 328
- III. *Vtrum auxilium efficax in omni statu, & in omnibus personis sit ad salutem, & ad omnes pietatis actus necessarium.* 330

- XV. *Corollaria, quibus ratio ab incommodis distinctius concluditur.* 371
- XVI. *Quibusdam suffragiis rationis facta occurratur.* 373
- XVII. *Obiectionibus contra discursum factum satisficit.* 375
- XVIII. *Vtrum possibile sit auxilium efficax physicè prædeterminans voluntatem in actu primo saluo libero vsu eiusdem voluntatis in eodem actu secundo, ac subinde an libertas quoad exercitium in actu voluntatis simul possit cum auxilio*



# INDEX CAPITVM.


- auxilio physicè, & in actu primo prædeterminante voluntatem concordari.  
376
- XXIX. In humana voluntate non posse simul esse auxilium ex se ac physicè illam prædeterminans cum potestate resistendi eidem auxilio. 379
- XX. Auxilium si ex se sit efficax, ac physicè prædeterminans non posse à libero usu pendere, sed necessitatem antecedentem inducere. 382
- XXI. Vis superioris discursus alio modo manifestatur, & argumentis satisficit. 384
- XXII. Verùm concursus Dei simultaneus ex se prædeterminet voluntatem ad concursum. 388
- XXIII. Verùm concursus simultaneus ut est à voluntate Dei semper ac necessariò habeat vim prædeterminandi physicè voluntatem. 394
- XXIV. Verùm auxilium efficax prædeterminans physicè voluntatem influendo immediatè in actum eius liberum possibile sit. 398
- XXV. Quid addat auxilium efficax auxilio præuenienti sufficienti, seu vocatio efficax generali, ac sufficienti vocationi, & an per congruitatem vocationis hoc sufficienter explicetur. 404
- XXVI. Duabus obiectionibus contra superiorem doctrinam satisficit. 406
- XXVII. Satisficit alteri obiectioni, & à varijs incommodis doctrina data vindicatur. 409
- XXVIII. Concluditur vera concordia libertatis auxilij cum efficaci auxilio eiusque necessitate in gratiæ operibus. 414
- XXIX. Aliis obiectionibus contra superiorem concordiam ab incommodis desumptis satisficit. 418
- XXX. Doctrina data de auxilio efficaci, & concordia eius cum libero arbitrio, verbis Christi Matth. 11. comprobatur. 425
- XXXI. Eadem doctrina alijs Scripturæ locis ad bonum usum gratiæ exhortantibus suadetur. 428
- XXXII. Alia Scripturæ testimonia contra physicam prædeterminationem expenduntur. 432
- XXXIII. An ex locis Scripturæ, quæ dependentiam liberi arbitrij à voluntate, & omnipotentia diuina testantur: physicam prædeterminationem ostendant. 433
- XXXIV. An Scriptura dicat Deum dare nobis velle propter physicam prædeterminationem. 436
- XXXV. An soli Deo tribuantur in Scripturæ opera pietatis propter physicam prædeterminationem. 438
- XXXVI. An Deus faciat, ut velimus, & faciamus per physicam prædeterminationem, aut efficientiam. 440
- XXXVII. Ex capite quinto, & Canone quarto sess. 6. Concilij Tridentini veritas confirmatur, & quedam euasio refellitur. 444
- XXXVIII. Alteri euasioni occurritur. 447
- XXXIX. Ad fundamenta contrariæ interpretationis respondetur. 451
- XL. Ex alijs locis eiusdem Concilij Tridentini eadem veritas confirmatur, & alijs obiectionibus occurritur. 453
- XLI. Expenduntur Canones 4. Concilij Mileuitani, & Arausicani, & an Deus expectet hominis voluntatem, exponitur. 456
- XLII. Expenduntur Canones quintus, & vigesimus quintus Concilij Arausicani, & an initium bonæ operationis sit, vel non sit, à libero arbitrio, declaratur. 462
- XLIII. Quid alia Concilia, vel Pontifices summi de gratia efficaci senserint. 464
- XLIV. Ex Patribus Augustino antiquioribus physica prædeterminatio refellitur, & vocatio congrua comprobatur. 469
- XLV. Antiquos Patres nihil pro physica prædeterminatione nobis tradidisse. 475
- XLVI. Au

# INDEX CAPITVM.

- XLVI *Augustinum in vocatione congrua sine physica praedeterminatione efficacem praeuientem gratiam constituisse.* 478
- XLVII. *Verum Augustinus physica praedeterminationi aliquando faueat.* 483
- XLVIII. *Quid post Augustinum Patres Latini de Gratia efficaci senserint.* 487
- XLIX. *Quid D. Thomas de hac controuerfia, seu de auxilio gratiae efficaci senserit.* 492
- L. *Quid alij antiqui Scholastici in hac controuerfia senserint.* 496
- LI. *Quid moderni Scriptores de hac controuerfia senserint.* 500
- LII. *Tractatur quaestio appendix, an gratia praeueniens, auxilium sufficiens, & efficax, possint esse aequalia in duobus hominibus, quorum unus consentit vocationi, & non alter.* 512
- LIII. *Dubium appendix de concordia gratiae efficaci cum gratuita, & efficaci electione, ac praedestinatione saluandorum omnium, & cum diuina prouidentia, ac praedefinitione actuum liberorum humanae voluntatis.* 522
- LIV. *Appendix de praedefinitionibus, cum aliarum obiectionum responsione.* 529



PROLE



PROLEGOMENON ALTERVM  
DE SCIENTIA,  
QVAM DEVS HABET  
DE LIBERIS ACTIBVS  
SVB CONDITIONE FVTVRIS,  
prius ratione, quàm absolutè futura  
cognoscat.

Dicitur *Al-*  
*terum*, quòd  
Patriſprmx  
Prolego me-  
non ſecun-  
dum breuius  
de eadem  
ſententia diſ-  
putat.

CAPVT PRIMVM.


*Senſu, & ſtatu controuerſiæ propoſito,  
varia ſententiæ cum ſuis Auctori-  
bus referuntur.*

A tractant, ſed quæ huic tantùm loco fuerint ne-  
ceſſaria, & in eo præcipuè inſiſtam, vt exami-  
nem, quàm ſint firma, & probabilia, quæ poſt-  
ea de illa ſententia ſcripta ſunt.

Dum habet  
ſententiam  
contingen-  
tiam.

*Prior ſententia cum multiplici eius varietate  
proponitur.*

I.  
Neceſſitas  
huius Pro-  
legomeni.



VIA in diſcurſu  
huius operis maxi-  
mo vſui nobis futu-  
ra eſt ad concurſum  
diuinum, efficaciam  
vocationis, ſeu præ-  
uenientis auxilij, &  
diuinam prædeſini-  
tionem explicandâ,  
& cum libertate ar-  
bitrij conſiliandam, ideo ne ex fundamento non-  
dum probato, vel non ſolido procedere videa-  
mur, conabimur in præſenti oſtendere, hanc  
ſcientiam non eſſe Deo denegandam. Nam licet  
de hac eadem controuerſia ante viginti annos  
proprium opusculum ſcripſerimus, quod paulo  
poſt in lucem prodijt; tamen poſtea moderni  
Auctores, qui contendunt Deum ita mouere cau-  
ſas ſecundæ ſeriem liberæ ad agendû, vt ineuita-  
bili quadam neceſſitate antecedente eas præde-  
terminet, ad ſingulas actiones totos neruos con-  
tenderunt, vt hanc ſententiam impugnarent, &  
è medio tollerent, quia illâ ſublata, conuince-  
re ſe putant, nec præuenientis gratiæ efficaciam,  
nec perfectam Dei prouidentiam, præſectim præ-  
deſinentem, & prædeterminantem poſſe ſubſiſtere.  
è contrario autem illa ſcientia ſubſiſtente om-  
nia fundamenta ſunt ſententiæ facilè conuelli  
vident; ideo neceſſarium nobis hoc loco vi-  
ſum eſt, ſententiam quam veram credimus, ſtabi-  
lire, vt poſtea de auxilijs gratiæ cum fundamen-  
to diſputare poſſimus. Non diſputabo autem  
hic omnia, quæ de illa ſcientia in prædicto loco

Prædeter-  
minatæ eſt  
toti ſine in  
conuella  
ſcientiæ me-  
diâ.

Opus. 2. de  
ſcientia quâ

Fr. Suarez, de Gratia Pars I. I.

In primis autem ſcire oportet modernos Theo-  
logos, qui neceſſitatem phyſicæ prædetermina-  
tionis introducere cœperant, abſolutè, & ſine  
diſtinctione negaſſe hanc ſcientiam conditiona-  
tam, quam mediam etiam vocant in Deo, & Scri-  
pturas omnes, & Sanctos, qui de illa loquuntur,  
aliter interpretari conati ſunt. Nunc autem il-  
las inter ſe diuiſas eſſe reperio, nam primarij eo-  
rum Magiſtri, qui de hoc puncto nouiſſimè, &  
poſt multam inquisitionem, & diſputationem  
ſcripſerunt, in ſententias omnino contrarias  
abierunt. Nam Aluarez lib. 2. de Auxilijs diſp.  
7. n. 8. ſupponit tanquam certum, & ex Scriptu-  
ra, & Patribus ſatis probatum, Deum cognoscere  
aliqua futura conditionata, quæ de factò neque  
futura ſunt, neque conditio, quâ includunt, euen-  
tura eſt aliquândo. Addit tamen Deum non cognoscere  
hæc futura ante decretum aliquod liberum,  
ſed præcedere ſecundùm rationem quoddam de-  
cretum conditionatum, in quo à Deo cognosci  
poſſint, vt in exemplo illò vulgari de prædi-  
ctione Chriſti, *Si in Tyro, & Sidone, &c.* dicit  
habuiſſe Deum in ſua æternitate ante ſcientiam  
illius futuri effectus hoc decretum conditionale:  
ſi ego decreuiſſem, vt talia ſigna, & virtutes ſie-  
rent in Tyro, & Sidone, ego efficaciter facerem,  
vt Tyrij, & Sidonij crederent; & in hoc decreto  
cognouit certiffimè illam conditionem, ſi in  
Tyro, & Sidone factæ eſſent tales virtutes, præni-  
tentiæ egiffent. Et hanc ſententiam ſequuti  
ſunt poſtea aliqui ex Magiſtris & Lectoribus eiuf-  
dem familiæ, qui proinde non negant hanc  
ſcientiam conditionatam, ſed cum addito, videli-  
cet, non eſſe poſſibile talem ſcientiam vt prio-  
rem

Aluarez.

Decretum  
in quo Deus  
futura con-  
ditionata  
videt, quale  
ſic ex mente  
Aluari.

A rem



rem omni decreto libero Dei, quod sit efficax respectu talis effectus, licet de facto non sit effectum illum, quia non absolute ponitur, sed solum sub quadam conditione, quæ ex alio Dei decreto absolute futura non est. Hanc opinionem quoad hæc decreta conditionata probabilem iudicavit tandem Cumel in tom. 2. opusc. disp. 9. in secunda eius parte de modo cognoscendi hæc futura, conclus. 5.

Cumel.

3.

D. sident inter se Thom. mistæ circa decretum in quo Deus videt futura conditionata.

Ledesma, Cumel.

At verò P. Ledesma in disp. 2. affini de hac scientia, 1. p. seu difficultate principali concl. 2. & 5. non solum asserit, superiorem sententiam esse falsam, sed etiam impossibilem, tam quoad asseritionem talis scientiæ, quam quoad illum modum, quo haberi ponitur in decreto conditionato. quam sententiam docuerat prius Fr. Cumel 1. p. q. 14. art. 13. disp. 8. concl. 3. in qua dixerat, quod licet Deus cognoscat futura absolute in suo decreto, ac præ definitione; conditionata verò non sic cognoscere, quia nihil de illis decrevit. *Sed respondens* (inquit) *nonnulli, quod si ei Deus illa non decreverit absolute, nihilominus decrevit sub conditione.* Et addit, *Ridicula sanè responsio, qua Deum imperfectum reddit.* Eandem sententiam tenuit Cabrera 3. p. disp. 1. §. 22. an. 338. ubi multis argumentis scientiam mediam, seu conditionatam impugnat. Et in n. 349. refert, illum modum agnosci in diuina prædeterminatione sub conditione, & ait: *Sed responsio frivola est, & in Deo imperfectionem constituit.* Inferius verò num. 363. & 364. dicit illud auctor scientiam horum futurorum, sub conditione infallibilem, & probabilem secundum exigentiam causarum, posse communicari creaturæ, & fuisse in anima Christi. Quæ quomodo coherere non video. nam si Deus non habet illam, quomodo communicavit creaturis, aut animæ Christi. Nam si solum contendit de nomine scientiæ mediæ, satis frivola disputatio est, præsertim, quia rationes ad rem ipsam evertendam tendunt, non nomen, maxime cum diserte neget, habere Deum talem scientiam etiam in suo decreto conditionato. Fortasse tamen, cum dicit, posse communicari creaturæ, & fuisse communicatam animæ Christi scientiam infallibilem, & probabilem, non intelligit duos agnoscendi modos, ut verba ipsa præferunt, vnum infallibilem in se, & alium probabilem in causa; sic enim esset repugnantia in dictis quoad primum membrum: sed intelligit vnammet cognitionem, quæ absolute sit tantum probabilis, seu coniecturalis in causis; infallibilis verò non quoad rei veritatem in se, sed tantum quoad probabilitatem. Sed tam est improprie sensus, ut sit parum verisimilis. Alia est etiam notanda repugnantia in illo auctore, nam in num. 345. sentit, potuisse Deum hæc futura cognoscere, *quia intellectus diuinus præiudicis ad quid diuina voluntas se determinare debuisset.* Quod ut rectè aduertit Ledesma, non est consequenter dictum, cum non sit minus indifferens diuina voluntas prius ratione, quam se determinet, qua voluntas humana. Eandem ferè doctrinam tradit idem Auctor in q. 18. 3. p. art. 2. disp. 2. §. 8. nihil tamen addit.

Alia repugnantia eiusdem auctoris refutatur a Ledesma.

4.

Cabezudo.

Cum his etiam sentit Cabezudo 3. p. q. 62. quoad negandam scientiam hanc infallibilem; quoad decreta verò conditionata, nihil clarè dicit. nam in solut. ad 12. exponendo verba Christi *si in Tyro, & Sidone*, dicit per illa verba significasse Christum, quid contineretur in dis-

A positione causarum, nimirum, quod Iudæi erant indigni auxilio efficaci, & pecores, seu indigniores Tyrii, & Sidoniis. In solutione autem 13. ait, sciuisse Christum, quod si Tyrii, & Sidonij illa exteriora reciperent, etiam reciperent auxilium efficax, in quo significat habuisse Deum illud conditionale decretum; quomodo enim posset illud aliter sciri? Non tamen propterea tribuo illi hanc opinionem, quia potuit illud dicere in sensu posito in priori solutione, nam prius dicit iam explicata illa verba, & iuxta illa videtur intelligere, quod Christus illud sciuit, non certò, & in se, sed quantum erat ex minori repugnantia

B Tyriorum, vel etiam potuit sentire, ut ex Cabrera proximè retuli, sciuisse Christum posita illa conditione habituros esse Tyrios auxilium efficax; non quia iam Deus decrevit, sed quia tunc illud decreuisset. Ex professo etiam scripsit contra scientiam mediam, seu conditionatam, Ripa in 1. p. q. 14. art. 13. dub. ult. qui nulla distinctione, seu limitatione adhibita, negat Deum cognoscere talia futura, nullamque facit mentionem conditionalium decretorum. Scripsit etiam his diebus peculiarem releditionem Blasius Verdu, in qua plurimis, & acerrimis verbis scientiam mediam impugnat, de conditionatis autem decretis nihil dicit. Affirmat quidem in 3. conclus. Deum sua scientia naturali, seu simplicis intelligentiæ cognoscere determinatè, & infallibiliter consentium determinatum possibiliter in tali ordine, & præiis, ita ut hæc determinata cognitio non sit præcisè in natura arbitrij comprehensi, sed in præuentionia, & præuia fiat, & in propositum Dei efficax volens mouendo, seu permittens. Hæc ferè est assertio eius, quam magis declarans ait: Itaque asserimus præcognosci infallibiliter possibilem alterum consensum, ex vi cognitionis eorum, quibus circumuenitur arbitrium absque libertatis iactura.

Ripa.

Blasius Verdu.

C Dum autem hanc scientiam dicit esse omnino naturalem, sentit profectò hanc scientiam antecedere secundum rationem omne decretum liberum, quod Deus ex æternitate habuerit, sed sufficere, ut sub conditione supponatur inclusa in his, quibus circumuenitur arbitrium. Quamuis autem hi auctores in modo negandi, vel admittendi scientiam conditionatam futurorum contingentium inter se dissentiant, in vno puncto maxime conueniunt, nimirum, non posse scire Deum determinatè, ad quam partem inclinanda sit liberè voluntas creata applicata ad agendum cum omnibus prærequisitis, nisi secundum rationem præcedat in voluntate Dei decretum determinandi illam vel absolute, vel ex hypothesi

D iuxta scientiæ qualitatem. Et quoad hoc allegant Scotum pro hac sententia, eo quod in 1. d. 39. dixerit Deum cognoscere futuros actus voluntatis humanæ in absoluto decreto volutatis suæ, nam videtur ponere illum modum præsciendi futura, vel ut vnicum, vel ut ante omnem alium necessarium, & quasi fundamentum aliorum, si qui sunt. Nam si hoc verum est in præscientia absolute futurorum, proculdubio eadem est ratio de conditionatis cum proportionem. Et eodem modo potest pro eadem opinione allegari Richardus in 1. d. 38. artic. 1. quæst. 5. quatenus etiam ait Deum cognoscere futura absoluta in decreto suæ voluntatis, licet prius admittat scientiam illam in præscientia æternitatis. Et eodem modo allegari possunt, qui eiusdem sunt sententiæ in futuris absolutis.

In quo consentiunt prædicti auctores.

Citatur ab aduersariis Scotus.

Possent etiam Richardus.



An verò constans sit illatio, infra videbimus. Solent etiam allegari Alensis, & Albertus, sed immerito, ut dicam. Addunt præterea auctoritatem negatiuam antiquorum Scholasticorum, tum quia apud illos nulla mentio talis scientiæ inuenitur, imò semper dum de præscientia Dei tractant, ad illam decretum diuinæ voluntatis absolute præordinans, ac prædefiniens effectum requirunt; tum etiam, quia adæquatè diuidunt scientiam Dei, in scientiam simplicis intelligentiæ, & visionis, & ad neutram pertinet hæc scientia futurorum sub conditione, siue mediâ, siue conditionata appelletur. Vnde dicti moderni magnis probis, & conuictis in hanc scientiam inuehuntur, vocant enim illam saltem inutilitatem, inutilem, leuissimam, improbabilem euidenter contra Augustinum, & D. Thomam, & quam omnes Doctores antiqui negant, ait Aluarez disp. 120. n. 4. & nostra sententia certum est non dari. Et hæc exaggeratio est, ut opinor, vnum ex potissimis fundamentis huius sententiæ; cum additur infamatio contrariæ sententiæ, dicendo illam fuisse inuentum Pelagianorum, & Semipelagianorum, qui illam inuenerunt ad saluandam certitudinem diuinæ providentiæ, quia necessitatem diuini concursus, & efficiæ gratiæ negabant; hanc enim putant illi auctores esse potentiorum modum sententiæ suam persuadendi. Addunt verò aliud fundamentum ex Philosophia, vel Dialectica mendicatum, scilicet quòd in illis propositionibus, ut antecedunt ratione decretum Dei liberum, non est determinata veritas, nec cogitari potest modus, quo illa attingatur; ergo non possunt cadere sub scientiam etiam Dei. Hoc verò fundamentum cum aliis, quæ alicuius momenti fuerint, postea expendemus. nam omnia, quæ hinc inde coarctantur, qualia sint, & facile à quocunque mediocri Theologo conspici potest, & in medium afferre prolixum, & inutile iudico.

*Altera sententia contraria, & affirmans refertur.*

§. Proponitur nostra sententia & explicatur.

Secunda principalis sententia docet cognoscere Deum in sua æterna præscientia hæc omnia futura prius ratione, quàm aliquid de rebus extrinsecis producendis liberè discernat, non per coniecturam, nec cognoscendo solum inclinationem, seu pronitatem voluntatis liberæ in actu primo completo constitutæ cum omnibus prærequisitis ad agendum; sed infallibiliter, & præsciendo determinatè, quam partem sua libertate eligeat, si non impediatur. Dum autem dicitur debere in illa hypothesi supponi voluntatem cum omnibus prærequisitis ad agendum, in primis supponitur concursus Dei generalis in illa hypothesi inclusus, ut ex parte Dei sufficienter oblatum, ac subinde supponitur decretum Dei liberum concurrenti, quantum in se est, cum voluntate, nam hoc est vnum ex maximè requisitis ad potestatem simpliciter operandi, seu volendi, ut in lib. 4. & 5. latissime ostendimus: non potest autem prævideri actus futurus, nisi prævideatur potentia simpliciter cum omnibus prærequisitis ad agendum, ut est per se notum. Sic etiam non potest actus prævideri, quin in eo prævideatur futurus concursus simultaneus intus in illo inclusus. Non est tamen necesse ut supponatur decretum aliquod liberum, ut secundum rationem præexistens in voluntate Dei;

*Fr. Suarez de Gratia Pars II.*

A hæc enim videntur ab auctoribus prioris sententiæ confundi, cum omnino sit didicimus, & multum refert illa distinguere. Nam aliud est ponere in obiecto scientiæ voluntatem liberam Dei, aliud supponere illam in ipso Deo, quasi in subiecto; quis enim dubitet per scientiam simplicis intelligentiæ præsciuisse Deum in sua æternitate, prius ratione, quàm vellet creare mundum, se posse voluntariè ac liberè creare mundum? quomodo enim posset velle illud creare, nisi præsciret se posse id facere, & voluntatem suam esse efficientem, ut si voluerit ad id determinare, id faciat? Illa ergo præscientia includit in suo obiecto volitionem Dei liberam, sub illa conditione, si determinetur, licet nondum supponat illam determinatam: sunt ergo illa duo valde diuersa. Vnde in præsentī sententiā sensus est prius ratione, quàm Deus supponatur habere in se decretum liberum, ac determinatum, quòd voluntas creata velit præscire, quid hæc voluntas in tali opportunitate, aut circumstantiis volitura sit, si Deus etiam ipse voluntate sua libera affert sufficientem, ac necessariū concursum ex parte sua, etiamsi nondum intelligatur Deus habere tale decretum offerendi, vel non offerendi concursum.

C Hanc sententiā sic explicatam docuerunt à quadraginta, vel pluribus annis, Patres Societatis, & plures ex illis, qui per Dei gratiam, & sanæ fidei, & prudentiæ, ac religionis, & non mediocriter doctrinæ eruditionis, nomen, & auctoritatem non modicam obtinuerunt. Iam & illam expressè Cardinalis Tolet. super Luc. cap. 10. annotat. 18. Bellamin. lib. 2. de amitt. grat. cap. 17. ad 1. & latius lib. 4. de grat. & liber. arbit. cap. 12. & 13. & lib. 4. cap. 15. Fonseca lib. 6. Metaph. cap. 11. q. 4. sect. 18. Molina in Concord. disp. 17. ad art. 13. Valentia 1. p. q. 14. art. 13. punct. 1. & ibi Vasquez disp. 67. Lessius in opuscul. de Auxil. cap. 9. Benedict. Peter. lib. 16. in Genes. cap. 11. disp. 7. circa illa verba, *Non desissent à cogitationibus suis.* Maldonat. Mat. h. 11. & D. Barradas ad eundem locum tom. 3. lib. 2. cap. 11. Albertinus in suis corol. in 3. q. 3. Theolog. dub. 1. Ioan. Lorin. Actor. 16. ad vers. 5. quibus ego fidenter adhæsi.

E Nec verò in hac causa soli fuimus, alij enim grauissimi omnium Ordinum viri, vel recentiores, vel æquales eandem sententiā, ut verissimam amplexi sunt. In primis Algarb. Episcopus tract. de Auxil. disp. 2. p. 3. num. 24. & disp. 3. p. 4. n. 6. Dotalenius in egregio opusculo de hac ipsa scientia; & latè Alexand. Pefancius 1. p. q. 14. art. 13. præsertim disp. 3. & vlt. P. Lore. Theologia Primarius Complutensis 1. 2. tom. 1. disp. 4. de actib. human. 9. In secundo punctu, circa finem, & Ludouicus Ióna in eadem vniuersitate Primarius super Epist. ad H. br. cap. 4. diff. 6. num. 12. Item Ioan. Alphons. Curiel, Salmanticæ insignis Primarius Theologus in lib. controuers. in 7. aliàs 1. ad locum Sapient. 4. *Rapsum est, &c.* quamvis enim dubium se ostendat, & non parum fundamenta nostræ sententiæ enervare conetur, tandem eam, ut probabiliorē eligit, & in hoc etiam dicitur misisse sententiā, quod hactenus examinare non licuit. Ante hos verò docuit hanc sententiā Stapleton in Antidot. Euangel. ad 11. cap. Mat. ubi etiam Molinam, & Gregorium de Valent. honorificè allegat. Idem habet in Antidot. ad Epist. ad Roman. cap. 9. ad vers. 12. §. *Deum altitudine, &c.*

Aliud est ponere in obiecto scientiæ voluntatem liberam Dei sub illa conditione si determinetur; aliud supponere illam determinatam in ipso Deo quasi in subiecto.

6.

Card. Tolet.  
Card. Bellar.

Fonseca.  
Molina.  
Valentia.  
Vasquez.  
Lessius.  
Bened. Peter.

Maldonat.  
Barradas.  
Albertin.  
Ioan. Lorin.

7.

Algarb. v.  
Episc.

Dotalenius.  
Pefancius.  
Lorea.

Ludou. Ióna.

Ioan. Alphons.  
Curiel.

Stapleton.

& eandem sententiam ex professo disputat, & affirmat Alphonsus Mendoza in quodlibet. 7. Sci. lib. 1. Nulla ratione (ait) neganda est Deo certa, incommutabilis, & determinata cognitio illorum euentuum conditionatorum, & oppositum qui afferunt, plurimum derogare thesauris sapientie, & scientie Dei, & capacitate cognitionis immensitati. Et licet postea inter varios modos huius scientie, illum de cognitione in prævio decreto referat, & ut probabilem relinquit, non simpliciter illum approbat, sed alium addit postea, & plures antea posuerat. & certum credit non limitari immensitatem diuini intellectus ad præuium decretum. Eandem sententiam expressè tener Corduba dicto lib. 1. suorum questionum, q. 55. dub. 10. 6. Sed notat. vbi ait Deum in æternitate sua non prius determinare voluntatem suam ad concurrendum in tempore cum voluntate creatura ad talem actum particularem, quam prævideat, quod nostra voluntas sic applicata, & disposita se determinabit ad volendum, vel nolendum, se uad producendum hunc, vel illum actum, tunc (ait) & ante diuina voluntas se determinat ad volendum talem actum. At futura determinatio voluntatis nostræ ad talem actum dicendum contingens est; ergo ex sententia huius Auctoris præscit Deus illud futurum contingens ante absolutum decretum suæ voluntatis. Et reddit rationem, quia alias non posset concordari libertas voluntatis cum concilio diuino. Præterea eadem sententia subterfuit Cuius, & quod attinet ad ipsam scientiam, tanta allucinatione illam affirmat, ut in 1. p. q. 14. art. 13. disp. 8. in conclus. 1. dixerit, non esse tutum negare infallibilem, & certam cognitionem contingentium conditionatorum in Deo. A qua sententia non recessit in opusculo, nam in dicta disp. 1. 2. tom. conclus. primâ addit. Neque esse tutum, neque villo pacto ferendum, præsertim de his conditionatis, quæ in Scriptura reuelata sunt.

Ante hos etiam, & ante nos omnes, hanc Magister Soro lib. 3. Summularum cap. 8. lect. 3. & illum ponit inter prima Dialecticæ rudimenta, tanquam rem illo tempore receptam communiter, & extra controuersiam existentem. Ita verò illam sententiam explicat, ut dicat in his conditionalibus esse veritatem cognoscibilem ab ipso Deo, non vi illationis, sed solum ex eo, quod de facto nunquam poneretur in re antecedens sine consequente. In quo planè supponit non cognosci in aliquo decreto, vel priori influxu prædeterminante nam tunc veritas illa esset tantum ex vi illationis, quod ipse negat. Nec refert quod de propositionibus promissiuis sub conditione loquatur, quia in illis includitur hæc conditionalis, si ille impleffet conditionem, ille impleteret promissum, quæ est merè conditionalis contingens, quam ait Soro, solum Deum nosse, an sit vera, vel falsa, quando conditio non est implenda, imò, quod magis est, etiam quando conditio impleri non potest, ut apertè in solut. ad 5. in fine.

Præterea magis theologicè hæc scientia conditionata ad explicanda diuinæ gratiæ auxilia nostris temporibus vti sunt Driedo in p. 1. cap. 4. ad 3. vbi exponendo verba quædam Ambrosij exponentis illa verba, *Misererebor, tui miserabor*, hoc est, *misererebor, quem præscivi conuersurum*; & illa, *hoc est dare cui est dandum, & non dare cui non est dandum, ut illum vocet, quem scias obedire, illum autem non vocet, quem scias non obedire*; addit ipse Driedo. *Voluit Ambrosius obedientiam, seu*

A cordis conuersionem præscissam à Deo esse suam vocationis, perinde atque finis gratiæ, seu vocationis, & usus gratiæ, & addit. *Quia rationabile, & decens est, Deum dare gratiam ei, quem nouit bene usurum gratia, idcirco dare illi, est dare cui est dandum.* In quibus verbis supponit præscire Deum, an homo sit bene vsurus vocatione, priusquam velit dare illam, quod non potest esse nisi per scientiam conditionatam. Et similiter tractans inferius sententiam Augustini, dicit, *Consensum liberi arbitrii esse ex motione Patris celestis sic trahentis illum, qualiter aptum nouit.* quæ notitia conditionata etiam est, ut constat, nec ab illo Auctore ponitur

B in prævio decreto Dei prædeterminante, nam illud sæpe negat, ut in lib. 5. videmus. Et ibidem paulo inferius ita exponit verba similia Chrysostomi, quem constat etiam apud aduersarios, illa decreta prædeterminantia ad extra liberum arbitrium non posuisse. Eodem modo vtitur hæc sententia Ruard. art. 7. ut latius in lib. 5. videbimus, ne sæpius eiusdem Auctoris verba repeteremus. Et eadem ratione possunt pro hac sententia allegari omnes Catholici Doctores, qui putant omnem antecedentem necessitatem factam voluntati, repugnare libertati eius, & nihilominus saluant gratuitam Dei electionem, & prædestinationem, & gratiæ, ac vocationis efficaciam; hæc enim sine hac præscientia conditionata subsistere non possunt, ut in nos argumentando aduersarij fatentur. Sic autem maximè potest allegari Waldens. in Doctrinali fidei cap. 23. & 25. vbi inter alia multa habet hæc notanda verba, *Certe ille qui facit concordiam in sublimibus, non faceret illam concordiam inter necessitatem, quam Augustinus appellat extrinsecam, & Auselmus præcedentem, & liberum arbitrium.* Eodem modo potest referri Rossens. art. 32. §. *Nemo sanè, & sequentibus.*

Ex antiquis Theologis omisso pro nunc D. Thoma, cuius mentem in speciali capite inuestigabimus, allegari in primis possunt omnes, qui negant Deum cognoscere futura libera in efficaci proposito suæ voluntatis, ut sunt Marsilius in 1. q. 4. Okam distinct. 38. q. 1. & ibi Gabriël q. 1. art. 2. & præsertim Gregor. q. 1. art. 2. vbi contra Scotum dicit, tolli libertatem, si futura contingentia cognoscuntur à Deo, ut determinatè vera in suo decreto; & addit, in omni signo, quo cogitur propositio de futuro ante decretum, esse determinatè veram, vel falsam. Ex quo principio euidenter sequitur, idem sensisse de illis futuris conditionatis, ut repæsentatis in intellectu diuino per scientiam simplicis intelligentiæ ante omne decretum liberum, in quo fundamentum contrariæ sententiæ euerit, ut constat. Illa autem sententia inter antiquos Theologos valde communis est, ut infra lib. 5. ostendemus, referendo illos, qui negant, dari causas secundis auxilium præuium prædeterminans illas, & simultaneum, non putant dari ex absoluta efficaci voluntate antecedente, sed vel ex concomitante, vel ex voluntate includente aliquam conditionem. Fauent etiam huic opinioni, qui dicunt, aliquam præscientiam ad prædestinationem supponi, ut Ægidius n. 1. d. 40. q. 2. art. 2. Id enim non videtur posse intelligi, nisi de hac præscientia conditionata: nam absoluta vel sequitur prædestinationem, vel est ipsa prædestinatio. Et hoc modo merito potest pro hac sententia allegari Ioannes Arboreus tom. 1. Theosoph. lib. 4. cap. 1. vbi exponens vocationem, quæ ab Augustino vocatur

August.

Chrysost.

Ruard.

Waldens.

Rossens.

IO.  
Antiqui  
Theologi  
nobiscum  
sentient.  
Marsil.  
Okam.  
Gabriel.  
Gregorius  
Arum.

Corduba  
mens eui  
tut.

Cuius affir  
matio, non esse  
tutum, ne  
que villo po  
tè ferendum,  
negat Deo  
sententiam  
contingentium  
conditionato  
rum.

8.  
Sententiam  
nostram ut  
extra controuersiam  
existentem  
Soro trahit  
in lumen  
his.

9.  
Driedo can  
tem sequi  
tur in expli  
candis Pauli  
locis.  
Ambros.

Secundum

secundum propositum, dicit, Hoc propositum ad præscientiam, & prædestinationem Dei pertinet, nec prædestinavit aliquem, nisi quem præscivit crediturum, & sequenturum esse vocationem. Hæc enim præscientia cum ponatur antecedere vocationem, & propositum eius, non potest esse, nisi conditionata. Denique fauent huic sententiz, qui dicunt effectum contingentem posse certo cognosci ab eo, qui omnes causas comprehendit, & omnia, quæ possunt illas impedire, vel non impedire, nam in hoc eadem est ratio de effectibus futuris in tempore, & de futuris possibiliter, ut est manifestum: tenet autem id Argentin. in 6. d. 40. art. 3. ad 6. contr. 1. concl. & alij, ut infra attingemus.

Argentina.

**II.** Hæc ergo sententia in auctoritate Theologorum, non solum recentiorum, sed etiam antiquorum Scholasticorum longè contrariam superat, dummodo contra illam non stet D. Thomas, quod nunc supponimus, & infra ostendemus. Quapropter nullus potest illam novam vocare, nisi qui vel antiquos non legerit, aut non intellexerit, aut de nominibus voluerit potius disputare, quàm de rebus. Fundamentum autem huius sententiz primariò nititur in auctoritate Scripturæ, & Patrum; quia verò auctores utriusque partis, illos in suum fauorem allegant, paulatim singula expendere necesse est, postea verò vim rationum expendemus. Quia verò auctores prioris sententiz diuisi sunt, nam, ut dixi, multi eorum simpliciter negant ealem scientiam certam, alij verò illam admittunt, limitant tamen illam, ad modum habendi illam post decretum liberum, & in illo; ideo prius stabiliemus veritatem, & certitudinem talis scientiæ, nihil enim supponere volumus, ne aliqua ex parte rem infectam relinquamus; postea verò ostendemus modum illum talis præscientiæ in proposito, non solum esse alienum à Scriptura, & Patribus, & sine fundamento excogitatum, sed etiam absolute impossibilem.

## CAPUT II.

*Deum habere certam, & infallibilem scientiam futurorum contingentium conditionatorum, ex Scriptura, prout à Patribus intellecta est, ostenditur.*

**I.** Nihil ferè possum addere in hoc cap. his, quæ de eodem argumento in lib. 1. de scientia Dei dixi; nec tamen omnia repetam, sed duo, vel tria testimonia selectiora, quamvis vulgaria, accuratius ponderabo. Primum est illud Matth. 11. & Luc. 10. *Va tibi Corozain, va tibi Bethsaida, quia si in Tyro, & Sidone facta essent viximas, quæ facta sunt in vobis, olim in cælis. & vixit penitentiam egissent.* In his enim verbis continetur quædam propositio de quodam futuro effectui sub conditione, qui nunquam de facto fuit, quia conditio illa, impleta non est, & illa conditionalis propositio à Christo tanquam vera dicta est; fuit ergo certissima, & infallibiliter vera; ergo Christus, qui illam protulit, habuit scientiam certam, & infallibilem illius contingentis futuri sub conditione; ergo multo magis illam habet Deus. Et qua ratione vnum cognoscit, cognoscit omnia.

Fr. Suarez de Gratia Pars I I.

nia similia, quia eadem est de omnibus ratio.

Dux sunt euasiones. Prima est, illum Christi sermonem non esse intelligendum tanquam propheticum, & ex certa scientia profectum, sed altero è duobus modis. Primò, ut non sit propria locutio assertiua, sed tantum figurata ad exaggerandum delictum Iudæorum, iuxta quendam vulgarem modum loquendi, quo solent homines exaggerare factum aliquod per comparisonem ad aliud minus proportionatam. Ut ad exaggerandam ingratitude amici dicere soleamus, si extraneo, vel inimico id fecissem, magis gratus fuisset, & ad reprehendendum fidelis delictum, Paganus hoc non fecisset, sicut dixit

**B** Paulus ad 1. Corinth. 5. *Audistis inter vos fornicatio, talisq; fornicatio, qualis nec inter Gentes.* Ita ergo dici potest in præsentia, quia non est novum in Scriptura, accommodare interdum sermonem ad vulgarem modum loquendi hominum, ut latè Riber. Amos 2. num. 19. Cantipratenfis lib. 9. Hypotypos. regul. 2. Et hic locus videtur aptissimus, cum Euangelista dicat ita fuisse loquutum ad exprobandum Iudæis. Et hanc expositionem inter alias ponit Iansenius in Concord. cap. 47. non approbat tamen illam, nec in ea figit pedem, sed ut tolerabilem permittit. Neque negat, quin possint illa verba secundum veram, & propriam præscientiam intelligi; imò refert illam ut expositionem Augustini, eamque laudat, & defendit. Caluinus autem negavit constanter Christum loquutum fuisse ex præscientia, sed ad communem humanam mentis captum (ait) sermonem suum accommodavit.

Alius modus exponendi est, ut licet Christus asserendo, & affirmando id dixerit, non tamen ut certum, & infallibile, sed quantum ex dispositione talium hominum coniectari poterat. Quam expositionem indicavit etiam Caluinus relatus à Stapletonio ibi, dicens, *Non disputat Christus, quid præscierit Deus, sed quid facturi fuerint alteri, quatenus ex re ipsa percipi poterat.* Vnde Hilar ibi canon. 11. quasi per paraphrasin, dicens. *Fortè illis credendi fuisset affectus, si salium virtutum contemplatio contigisset.* Nam dicens *fortè*, indicat non fuisse propheticam infallibilem reuelationem ex præscientia. Quæ particula paulo post additur ab ipso Euangelista Matthæo in simili exprobratione comparatione Sodomitæ facta, & in Græco eadem particula reperitur. Adduntq; alij, Christum non dixisse omnes Tyrios, & Sidonios fuisse penitentiam acturos, sed absolute ciuitates illas, totum & parte nominans, quia plures essent credituri. Quod confusè tantum, & non de certis personis dixerit, certum esse poterat in causa, & in dispositione illorum populorum, quia non erant malè affecti erga Christum. Denique hæc expositio sufficit, ad exprobrationem, quæm

**D** Christus intendebat, hoc enim solo titulo eos exprobrare voluit, quod essent magis indispositi ad credendum, quàm essent Tyrij, & ideo dixit Tyrios, & Sidonios lenius esse puniendos, quàm Iudæos, non certè, quia credituri essent, quia propter futura sub conditione tantum nec augeatur, nec minuitur pœna; ergo id dixit Christus, quia tunc Tyrij non erant tam malè affecti; ergo in hoc tantum ponit vim exprobrationis, non in eo, quod infallibiliter crederent. Et hæc expositio placet maximè pluribus ex modernis defensoribus primæ opinionis secundo modo explicata. Et eam constanter defendit contra Stapletonium Curiel. ibi supra num. 62. & sequentibus.

2.  
Evasio ex duplici expositione verborum Christi.

1. Cor. 5. 1.

Riber. Cantipratenf.

Iansen.

Vtraque expositio Caluini est.

3.

Stapleton.

D. Hilarius.

Curiel.

A ; Hæ



4. Enasio re-  
fclitur pri-  
mum, quia  
neutra expo-  
silio necessa-  
ria; deinde  
quod amb-  
fuit contra-  
rix Partibus.

August.

Hæ autem expositiones essent quidem tolera-  
biles, si essent necessariae, & si essent consen-  
tent, vel non contrariæ traditioni Patrum; neu-  
trum autem in eis inuenio; & ideo verba Christi  
simpliciter vt assertiua, & vt infallibiliter vera, &  
vt ex scientia prophetata iudico accipienda.  
Nam in primis quod nulla sit necessitas confu-  
giendi ad figuratas locutiones, id est, quod agi-  
mus, & in discursu probabitur, id quod supponunt  
Patres locum interpretantes. Inter quos Augusti-  
nus de dono perseuer. cap. 9. vbi arguens Semi-  
pelagianos, dicentes, homines iudicari secun-  
dum opera præscita sub conditione tantum, &  
nunquam futura, sic infert. *Nec damnarem Ty-  
rum, & Sidon, quamuis remissius, quam illa ciui-  
tates, in quibus non credentibus à Domino Christo  
mirabilia sunt facta; quoniam si apud illos facta  
essent, in cinere, & cilicio poenitentiam egissent, sicut  
se habent eloquia veritatis, in quibus verbis Domi-  
nus Iesus aliis nobis mysterium prædestinationis  
ostendit.* In quibus verbis euidenter docet Augu-  
stinus, primò verba illa Christi non fuisse vulga-  
rem exaggerationem propter reprehensionem,  
sed fuisse eloquia veritatis, quæ non sunt nisi  
propria, & assertiua rerum verarum. Secundò  
docet, illa verba esse adeò certa, & infallibilia, vt  
si per poenitentiam sic præscitam absoluendi es-  
sent peccatores, Tyrij & Sidonij proculdubio,  
nec remissè punirentur: iudicium autem Dei  
non sit per coniecturas, vel humanas præsum-  
ptiones, sed per certam, & infallibilem scientiam.  
Supponit ergo Augustinus talem fuisse illam  
scientiam, quam Christus habebat de tali poeni-  
tentia Tertio inde colligit Augustinus præde-  
stinationis mysterium, quod etiam non satis col-  
ligeretur, nisi præscientia illa esset certa. Vnde  
subiungit. *Si enim quærat à nobis, cur apud eos  
santa miracula facta sint, qui videntes illa non fuis-  
sent credituri, & apud eos facta non sunt, qui cre-  
derent, si viderent, quid responderemus? Vbi etiam  
pondero tam verum, & certum fuisse Augustino,  
Tyrios, & Sidonios credituros fuisse, si talia vi-  
dissent, quam fuit certum Iudæos audientes non  
credidisse. Denique postea expressioribus verbis  
id Augustinus testatur, illa tamen in caput se-  
quens referuo, quia proprior est locus.*

5. August.

Hinc idem Augustinus in Enchirid. cap. 95.  
*Tunc (id est, in die iudicii, ait) non latebit cur  
apud quosdam non factæ sunt virtutes, egissent illi  
homines poenitentiam, & facta sunt apud alios, qui  
non fuerant credituri. Apertissime namq; Dominus  
dicit: Va tibi Corozain, &c. Vbi verbum apertissi-  
mè considerandum est, explicat enim quanta cer-  
titudine id crediderit Augustinus. Nec aliter vi-  
detur sensisse Ambrosius, nam eadem verba ex-  
ponens in Luc. 10. ait. Docet grauiori poena ob-  
noxios fore, qui Euangelium consequendum, quam  
qui legem indicauerint soluendam, eo quod Tyri, &  
Sidon si tanta virtutum celestium vidissent miracu-  
la, non desperissent remedium poenitentiae.* Vbi con-  
sidero Ambrosium absque vlla hæsitacione, vel  
formidine verbis Christi innixum dixisse, quod  
Tyrij, & Sidonij non desperissent poenitentiam,  
si illis æquè ac Iudæis prædicata fuisset. Additq;  
ideo Iudæos grauius fuisse puniendos, quam  
Tyrios, & Sidonios, quia grauius peccabant non  
credendo, quam isti naturalem legem violando.  
Quam rationem habent etiam Hieronymus,  
Chrysostomus, & alij, omnes tamen indicant  
præsciuisse Christum futuram poenitentiam Ty-  
riorum, Maxime verò id declarat Anselmus iuxta

Ambros.

Hieronym.  
Chrysostom.

A doctrinam Augustini, & ideo dicit. Quamuis il-  
los præuidebat Deus habiles ad conuersionem,  
non fuisse iniusticiam illis talem vocationem ne-  
gare, quia aliàs erant peccatores, & Gentiles,  
quibus statuerat non prædicari Euangelium, do-  
nec Iudæis esset oblatum, & ab eis repudiatum,  
addit. *Sed quare Deus negat gratiam (vtiq; abun-  
dantiorē) libenter suscepturis, & gratia consen-  
suris, non est nostrum scire,* supponens profectò  
Tyrios, & Sidonios tales fuisse. Eodem fecè mò-  
do loquitur D. Thomas ibi allegans Augustinum  
in dicto lib. de prædestinat. Sanctorum, eiusque  
doctrinam sequens. Item de certa, & infallibili  
præscientia exponit illum locum Remigius,  
quem sequitur ibidem Abulensis q. 48. & in 51.  
dicens. *Christus testatur hic, quod si Tyrijs & Sido-  
nijs fuisset Euangelium prædicatum, poenitentiam  
egissent.* Et in 52. explicans particulam for-  
sitam in posterioribus verbis de comparacione  
Sodomorum, dicit cum Remigio, positam esse,  
vt indicaretur, quod licet Deus certò id præscie-  
rit, & non sub dubio, non imponit hominibus  
necessitatem.

D. Thom.  
August.

Remig.  
Abulens.

B His addere possumus similem locum apud  
Ezechiel. cap. 3. *Non ad populum profundi sermo-  
nis, & ignota lingua tu mitteris: & infra, Et si ad  
illos mittereris, audirent te.* Vbi Hieronymus, &  
Theodoretus illa verba interpretatur esse prophe-  
tica dicta, ex vera & infallibili præscientia Dei.  
Neque est cur in eis fingamus exaggerationem,  
aut figuratum, & vulgarem loquendi modum.  
Denique ad vtrumque locum potest accommodari  
regula Augustini de interpretatione Scriptu-  
ræ, vt proprietates verborum, & rigorosa veritas  
seruetur, vbi vel auctoritas, vel necessitas non  
cogit aliter interpretari. Hæc enim regula non  
solum intelligenda est de singularum dictionum  
proprietate, sed multò magis de totius sententiæ  
proprio, & non figurato sensu literali. Quod  
maximè locum habet vbi proprius, & rigorosus  
sensus magis deseruit intentioni loquentis, quam  
figuratus, & vt in præfati licet considerare in  
verbis Christi; nam licet iuxta alios sensus im-  
proprijs aliqualis exprobratio possit subsistere,  
multo est maior, & efficacior si intelligamus  
Christum ex propria præscientia loqui, quia sic  
comparatio est ad confundendos, & conuincen-  
dos Iudæos aptior. Denique hoc modo magis  
ostenditur in illis verbis diuina Christi sapien-  
tia, & potentia virtutis eius, magnumq; myste-  
rium gratiæ, & prædestinationis eius. Non est  
ergo in hoc testimonio à verborum proprietate,  
& communi Patrum auctoritate recedendum, &  
etiam moderni Interpretes grauiores communi-  
ter senserunt Caicranus, Maldonat. Tolercus,  
& alij.

6. Similis locus  
Ezechiel. 3.  
5. 6.

August.

Certa inter-  
pretandi  
Scripturam  
regula est, vt  
proprietates  
non solùm  
verborum,  
sed etiam  
sententiarum  
seruetur, vbi  
vel auctori-  
tas, vel ne-  
cessitas non  
cogit aliter  
interpretari,  
præsertim  
vbi rigoro-  
sus sensus,  
magis deser-  
uit intentioni  
loquentis,  
quàm figu-  
ratus.  
Caicran.  
Maldon.  
Tolercus in  
hunc locum.

E Neque aliud sensit Hilarius, sed particulam  
forse posuit, quia Matthæus illam posuerat, vn-  
de credendum est, in eodem sensu illam posuisse.  
Matthæus autem non posuit illam propter du-  
bitationem, aut incertitudinem cognitionis. Pri-  
mò quidem, quia probabile est, particulam Græ-  
cam illi correspondentem aut, magis esse expleti-  
uam, & confirmatiuam sermonis, quam dubitatio-  
nis, vt latè comprobatur ex Scriptura Salmeron in  
Prolegom. 16. Et quamuis possit etiam esse poten-  
tialis, & ideo ab interprete vulgato in illo loco  
per particulam forse translata fuerit, nihilominus  
seruanda est regula Augustini tract. 37. in Ioan.  
Scribitur, *dubitationis verum est, quando dicitur ab  
homine ideo dubitante, quia nesciente; cum verò dici-*

7. Occurrit  
obiectioni  
ex verbis  
Hilarij.

Particula aut  
forse, magis  
est expletiva  
& confirma-  
tiua sermo-  
nis, quàm  
dubitationis  
nota.

August.  
Chryso.  
Hieron.  
Theodor.  
Greg. Magn.  
Forſitan do-  
bitationis est  
verbum, cum  
ab homine  
dicitur, quā-  
do à Deo  
mysterium  
sonat.

tur à Deo verbum dubitationis, cum Deum nihil veri-  
que lateat, illa dubitatione arguitur infidelitas, non opi-  
natur diuinitas. Et idem notat idem Augustinus  
in Psalm. 2. circa finem, & Chrysostomus hom. 78.  
in Matth. & Hieron. & Theod. in dictum locum  
Ezechiel 3, & Ierem. 26, & Gregor. hom. 9. in Eze-  
chiel vbi ait, vocem illam dubitationis vsurpatam  
in eloquio diuino aliquod aliud mysterium signi-  
ficare, scilicet, vel libertatem arbitrij, vel quodd  
præscientia Dei non imponat humanæ volun-  
tati necessitatem, vel quodd in paucis contin-  
gere debeat id, quod prædicitur, vel quia non  
vult Deus homines in desperationem, vel ni-  
miam seueritatem inducere, quæ in præſenti  
optimè possunt accommodari. Quomocunque  
ergo illa particula ab Evangelista posita sit, nullo  
modo significat dubitationem, aut coniecturalem  
fermonem, neque etiam existimandum est, eo  
quodd Dominus simpliciter de Tyro, & Sidone lo-  
quutus sit, non designando certas personas eas  
non cognouisse, sed in confusa tantum cognitio-  
ne perstitisse; talis enim cognitio non caret im-  
perfectiōe propter confusionem, nec potest esse  
omniñō certa, cum in morali tantum coniectura  
funderetur, aut non tam erit cognitio effectus,  
quàm dispositionis causæ. Quæ omnia repugnant  
vel perfectiōi Christi, vel proprietati verborum  
eius, nam de ipso effectu, & satis in particulari  
loquitur, cum & modum, & tempus, seu accelera-  
tionem poenitentia indicet, dicens, *Olim in cili-  
cio, & cinere poenitentiam egissent.* Non potest ergo  
de certitudine illius prophetia dubitari, nec  
quodd fuerit à propria, & prophetica scientia  
profecta. De modo autem, quod pertinet ad  
aliam illorum verborum interpretationem, postea  
dicemus.

Aliud principale testimonium.

8.  
Insignis lo-  
cus 1. Reg.  
23. 11, 12.  
expeditur.

Secundum & potissimum fundamentum huius  
veritatis sumitur ex responso Dei 1. Reg. 23.  
Cum enim David fugiens Samlem, se in Ceilam  
recepisset, & Saul obsidere urbem, & illum  
comprehendere deliberaret, consuluit David Do-  
minum, dicens: *Si tradent me viri Ceilæ in manus  
eius? & si descendet Saul, sicut audiuisti seruis tuis,  
Domine Deus Israel indica seruo tuo.* Et ait Do-  
minus: *Descendet; dixitque David: Si tradent me viri  
Ceilæ, & viros, qui sunt mecum, in manu Saul?* Et di-  
xit Dominus: *Tradent.* postea verò fugiente Da-  
uid, nec Saul obsedit ciuitatem, nec Ceilæ tradi-  
derunt David. Fuit ergo illa reuelatio purè con-  
ditionalis, duasque contingentes propositiones  
condicionales continuit. Vna est, si David perse-  
uerauerit intra Ceilam, Saul descenderet ad obsi-  
dendam ciuitatem. Altera est, si Saul descenderet  
& obsederet ciuitatem, viri Ceilæ tradent David.  
Optimè ergo sciebat Deus veritatem illarum pro-  
positionum, aliàs non fuisset infallibile ipsius  
responsum.

9.  
Proponitur  
primam ef-  
fugium.

Hunc locum, quamuis expressus satis videatur,  
duobus modis effugiant Auctores contrariæ sen-  
tentia. Prior est, ut illis verbis nihil de futuro  
euenire reueletur, sed tantum de præſenti volun-  
tate Saulis, & Ceilitarum. Supponit enim hæc ex-  
positio, David non interrogasse Deum de futuro  
euentu, sed de voluntate, & deliberatione, quam  
iam tunc habebant Saul, & viri Ceilæ. Nam ut ille  
fugeret, satis illi erat, certò scire, quid machinaba-  
tur Saul, & quid cogitabant, & secum iam statue-  
bant ciues circa traditionem eius; quia verò neu-

trum sciebat, sed de aduentu Saulis solum per fa-  
mam audierat insidias eius, ut ipse dixit, consu-  
lendo Deum, & de consiliis sectoris Principum  
Ceilæ nihil nosse poterat, voluit de his per diui-  
nam reuelationem certior reddi. Vnde cum Domi-  
nus respondit, *Descendet, tradent*, sensus est, hoc  
molitur Saul, & hoc cogitant viri Ceilæ. Nec ex-  
positio caret auctore, nam paraphrasis Chaldaica  
ita exponit interrogationes David, *nam cogitans  
descendere, num cogitantes tradere?* & in responſio-  
ne Dei addunt, *cogitans descendere, cogitantes tradere,*  
& Glossa Interlinear. ad verbum *tradent*, hanc ha-  
bet glossam, *in voluntate habent, ut tradant*, & Mar-  
thias Toringis replicator Lyrae ibi annotat. 1.  
etiam dicit, Deum solum reuelasse, quæ Saul, &  
Ceilitæ habebant in corde, quia putat illam con-  
ditionalem non esse veram.

Paraphras.  
Chald.

Glossa inter.

Marthias  
Toringis.

Nihilominus censeo, hanc expositionem pro-  
bandam non esse, multam enim vim infert Scri-  
pturae verbis. Si autem ita licet verba Scripturae  
propter priuatas opiniones additionibus, & im-  
propriatibus verborum corrumpere, nihil cer-  
tum erit in eius reuelationibus, & assertionibus:  
cum enim Scriptura expressè dicat, interrogasse  
David, *si descendet? si tradent?* & Deum simpliciter,  
& pleno ore respondisse, *descendet, tradent*, quæ  
omnia sunt verba futuri euentus, quis audeat di-  
cere Deum nihil de futuro euentu, sed solum de  
præſenti cogitatione, aut deliberatione certior  
fecisse David? vnde contra verba tam expressa,  
nullius ponderis sunt paraphrasis Chaldaica, vel  
Glossa Interlin. Quodd si addendo, & improprian-  
do aliquid interpretandum est, exponantur potius  
hoc modo illi Auctores, quàm Scriptura. Cum  
enim significant reuelasse Deum præſentem co-  
gitationem, & voluntatem, piè exponi debent,  
quodd & voluntas præſens, & perseverantia in il-  
la vsque ad effectum, si David non fugeret, fuerit  
reuelata. Alioqui eorum expositio admittenda  
non est, quia multum repugnat veritati, & proprio  
sermoni Scripturae, quod generaliter reprehensi-  
bile est, quoties sine causa, vel urgente auctori-  
tate fit, ut sæpè diximus, maximè verò in historica  
narratione, quæ solet esse simplex, & omnia  
propria.

10.  
Excludit.

Si quid ad-  
dendo mi-  
nus proprio  
sensu inter-  
pretandum  
est, id in Pa-  
raphr. Chal.  
& glossa to-  
lerabilius,  
quàm in  
propria &  
historica  
narratione  
Scripturae.

Accedit, quodd ita intellexerit verba illa Hiero-  
nymus lib. Quæſtionum in 1. Regum, vbi verbum  
Dei *descendet*, ita exponit, *ut si diceret, si hic steteris,  
descendet.* Ut in verbo *tradent*, ait. *Iste est sensus, si  
descenderit Saul, & hic te inuenies, tradent.* Ex qui-  
bus Hieronymi verbis sumitur optimum argu-  
mentum. nam interrogationem David, non so-  
lùm de præſenti tempore, sed maximè de futuro,  
& addita, vel subintellecta conditione, vel vna, &  
in prima interrogatione, scilicet, si hic permanse-  
ro, veniet Saul. Vel duplici in altera interroga-  
tione, videlicet, si hic perseverauero, & Saul vene-  
rit, tradent me. At verò interrogatio de sola præ-  
ſenti cogitatione, aut voluntate non recipit: con-  
ditionem, ut per se constat; ergo non fuit illa in-  
terrogatio David, & consequenter neque Deus in  
illo sensu respondit. Eiusdem sententia fuit  
Theodoret. lib. Quæſtion. in 1. Regum n. 54. vbi  
de David ait, *Divina Scriptura ostendit eius pie-  
tatem, semper enim Deum sciscitans, & aciem instruebat,  
& quiescebat.* Et addit. *Cum itaque rescivisset Sau-  
lem accedere, &c. Sciscitatus est num eum essent tra-  
dituri, & cum ex eo didicisset, eos esse dedituros, migra-  
vit in alium locum.* Expressius Lyra Dei verbum,  
*descendet*, ita exponit. *Si manseris in ciuitate, de-  
scendet.* Et verbum *tradent*, ita. *Si manseris in ciui-  
tate,*

11.  
Vergetur va-  
liantius ex in-  
terpretatio-  
ne Hiero-  
nymus.

Theod.

Lyram.

*rate, & Saul illuc venit, tradent, itaque conditionalis est vera, quamvis neutrum eueniret.* Quam sententiam defendit ibi Burgenfis, quia illa conditionalis vera est, & necessaria. & subest scientiæ Dei, esto secundum se ex vi solius illationis non sit necessaria, & idem tanquam certum supponit ibi Abulens q 13.

Burgenf.

Abulens.

12.  
Alterum ef-  
fugium de-  
claratur.

Alter modus fugiendi vim huius loci est, Dauid quidem interrogasse de futuris euentibus, & Deum de eisdem respondisse, non tamen ex certa scientia, sed ex coniectura, non quod vel scientia Dei in se formaliter spectata, sit tantum probabilis, nec dictum eius in eo sensu accipiendum sit, in quo sit fallibile, sed quod Deus euidentissimè cognoscat presentem dispositionem talium voluntatum, ratione cuius sunt magis propense in hunc effectum, & quantum est ex vi illarum, verisimilius est, illum effecturas, quam alium, ita ut illud *verisimiliter* ex parte obiecti accipiat, non ex parte scientis. Et in simili sensu verba reuelationis accipiantur, scilicet, *tradent*, subintelligendo, quantum ex proposito, & dispositione talium voluntatum coniectari potest. Et suadent hanc expositionem aliis Scripturæ exemplis, in quibus Deus absolute loquitur, & tamen reuelatio non est absoluta, sed subintellecta conditione, ut in Ninivitis Ionæ 3. & in Ezechia, cum illi Isaias cap. 38. dixit, *Morietur*, & idem in comminatoriis prophetiis inuenitur, ut obseruat D. Thomas 2. 2. q. 171. art. 6. ad 2. & 1. p. q. 19.

Ionæ 3. 4.  
Isaiæ 63. 1.

13.  
Ocluditur  
dignâ Au-  
gustino sen-  
tentia, non  
opinatur di-  
uinitas.

Hæc verò expositio partim conuenit cum precedenti, partim addit aliquid minus probabile. Conuenit etenim quatenus ait, Deum certò non reuelasse Dauidi nisi presentem actum, vel dispositionem personarum: addit autem etiam reuelasse, tales homines in ea voluntate permanens fuisse usque ad effectum; hoc tamen non absoluta assertionem, sed subintellecta limitatione, quantum ex dispositione causarum iudicari poterat. Nos autem in primis dicimus; Deum nihil de presenti dispositione illorum hominum habitatorum Ceilæ reuelasse, præcisè enim dixit *tradent*, & fieri poterat ut tunc non haberent tale propositum, nec aliam affectionem ad illum effectum vehementer inclinantem, & nihilominus postea ex sua libertate id facerent. Ergo sine fundamento in reuelatione, vel in verbis Scripturæ cogitatur, quidquid de illo affectu dicitur. Deinde dicimus, alienum valde esse à diuina perfectione coniecturâ vi, & ex illa sola absolutum proferte sermonem, non enim *opinatur diuinitas*, ut Augustinus dixit. Nec refert dicere illud non esse iudicium opinatiuum, sed certum de probabilitate effectus euenturi ex talibus causis, nam quod attinet ad imperfectionem cognitionis de tali effectu futuro, id idem reddit, vel recurrendum est ad aliam responsionem, quod illa non est cognitio effectus ut futuri, sed tantum ut possibilis ex tali causa cum maiori propensione, quod iam reiectum est, quia est contra veritatem verborum, nisi illis magna vis fiat, & ad figuratos sensus transferantur. Limitare autem diuinam scientiam, ut non possit de tali effectu ut futuro nisi coniecturalem cognitionem assequi, multum certè derogat diuinæ perfectioni, & ideo hanc etiam limitationem voluit excludere Augustinus, cum dixit, *Non opinatur diuinitas*.

14.  
Instantia  
efficax.

Et præterea hoc etiam est aut contra perfectam veritatem Dei in loquendo, aut contra vim verborum dictæ reuelationis: nam dubia pro certis affirmare contra veritatem est; ibi autem Deus

A simpliciter affirmauit, *tradent*, & eo ipso, quod ipse dixit, certum esse voluit; ergo proprie accipiendo illa verba, contra veritatem erant; si illa reuelatio ex sola coniecturali cognitione oriebatur. Si autem ad saluandam verborum veritatem, subintelligenda dicatur limitatio, *quantum est ex parte causarum*, hoc ipsum est miserum refugium contra verborum vim, & simplicem intellectum, unde non saluat simplicem veritatem; quia absoluta locutio, quæ simpliciter sumpta est falsa, & solum per subintellectam additionem est vera, non est usurpanda à viro prudente, nedum ab ipso Deo, nisi vel consuetudo loquendi id habeat, vel aliqua specialis causa, & necessitas id postulet: neutrum autem in presenti inuenitur.

Miserum  
effugium.

B Et confirmatur, quia aliàs potuisset Dauid dubitare, non obstante tali reuelatione diuina, an esset tradendus à Ceilicis, etiam veniente Saule, nec teneretur maiorem fidem adhibere illi responso Dei, quam si à Dæmone datum esset, quantum est ex parte cognitionis: vtrumque autem videtur absurdum. Item fingamus in eo casu Ceilitas habuisse animum, & dispositionem magis propensam ad non tradendum Dauid, eumque postea expectasse, & non fugisse, tunc si vera est illa postulatio, potuisset contingere, ut expectante Dauid, & veniente Saule, viri Ceilæ pro suo arbitrio mutarent propositum, vel affectionem, & traderent Dauid, quia hoc non esset contra reuelationem Dei in hoc sensu factam. At profectò non immeritò conqueri posset Dauid, quod esset à Deo deceptus, talisque euentus multum derogaret auctoritati Dei loquentis. Ergo non est verisimile, aut Deum consulturum esse illo modo, si non speraret certam cognitionem de futuro, vel non futuro euentu sub tali, vel tali conditione recipere: aut Deum fuisse ita responsurum, si de re non sibi certò cognita loqueretur. Et simpliciter mihi videtur incredibile, & Deo indignum sentire, non posse illum absolutum, ac certum responsum dare de tali euentu, si de illo interrogaretur. Est ergo illa expositio contra factum ipsum, prout à Scriptura refertur, & contra summam Dei perfectionem, considerando ipsam ut possibilem, quidquid fuerit de facto.

15.  
Confirmatio  
valida.

Neque sunt similia exempla de aliis reuelationibus comminatoriis, vel tacitam conditionem includentibus, tum quia in comminationibus est ille valde usuratus modus loquendi, quasi per se, & ex vi materiæ includens talem conditionem, tum etiam, quia conditio subintellecta in aliis locutionibus non præuenit ex impotentia (ut sic dicam) Dei ad certò cognoscendum id, quod affirmat, sed ex ipsius voluntate Dei in aliis locis ab ipsius reuelata. Ut in comminatione includitur conditio, nisi penitentiam egeris, quam reuelauit Deus aliis locis promittendo penitentibus remissionem, & dicens per Ieremiam cap. 18. *Repente loquar aduersus gentem, & aduersus regnum, ut eradicem, & destruiam, & disperdam illud, si penitentiam egeris gens illa à malo suo, agam & ego penitentiam super malo, quod cogitaueram ut facerem ei.* Et similiter in prædictione mortis Ezechie fuit conditio inclusa, nisi aliud à Deo impetraueris, quæ conditio continetur in promissione Dei, quod exaudiet orantes ad se, & quomodo fuerit conueniens. Et ideo in illis, & similibus reuelationibus, nec periclitatur veritas, vel auctoritas Dei, nec vis infertur verbis secundum communem loquendi modum. Cuius signum est, quia non obstante tali comminatione, vel prædictione, potest,

16.  
Respondetur  
exemplis ex  
Scriptura  
allatis n. 12.

Jer. 18. 7. 8.  
Isai. 38. 1.

Isai. 3. 7.



Ion. 3. 9.

Discremen  
revelationis  
comminato-  
ris, vel in-  
cludentiſta-  
ticam con-  
ditionem ab  
absoluta.

17.

Locus Je-  
rem. 18. à v.  
17 palmaris  
& convin-  
cens pro  
exiſtentia  
ſcientiæ co-  
ditionatæ.

potest, qui audit, licet dubitare de euentu, iuxta illud Ninivitarum apud Ionam. *Qui ſciit, ſi convertatur, & ignoret Deum.* Et ideo Ezech. 5. ſtatim ac audiuit verbum Prophetæ, oravit ad Dominum, non credens prædictionem ut absolutam, & immutabilem. nam iuxta alias promiſſiones eiſdem Dei credidit eſſe poſſibilem mutationem in effectu, ſeu in cauſis. At verò hæc non habent locum, vbi revelatio eſt absoluta, & non includit tacitam conditionem pendentem ex alia promiſſione, & voluntate Dei, ſed ſolùm ex illa conditione, quæ in ea exprimitur; tunc enim non licet de tali revelacione dubitare, nec aliquid addere, ſolùm eo prætextu, quòd Deus non potuerit certius illa cognoscere, hoc enim contra vim verborum eſt, & contra uſum Scripturarum, ac proinde contra verborum vim, & proprietatem.

Tertiò expendi poſteſt locus Ieremiæ 38. vbi variæ ſunt prophetiæ prædictiones conditionales Ieremiæ ad Regem Sedeciam; vna eſt, *Si exieris ad Principes Regis Babylonis, vivet anima tua, & cinis tuus non succendetur igni, & ſalvus eris tu, & domus tua.* Cùmque Rex reſponſiſſet. *Sollicitus ſum propter Iudæos, qui tranſierunt ad Chaldaeos, ne forte tradar in manus eorum, & illudant me.* Adiecit Ieremias aliam ſimilem prophetiam, *non te tradent, utique, ſi exieris, &c.* In hoc ergo loco prædicuntur multi effectus contingentes, & pendent ex libertate Chaldaeorum, & futuri ſub conditione, quæ impleta non eſt, & ideo nunquam fuerunt. Profecta ergo eſt illa prophetia ex infallibili ſcientia Dei, & ad hoc ſignificandum præmittit Ieremias, *Hæc dicit Dominus exercituum Deus Iſrael.* Et inferiùs poſtquam dixit, *non tradent,* ſubiungit: *Audi, quaſo, vocem Domini, quani ego loquor ad te.* Vnde in tam perſpicuo ſermone non habet locum aliquis tropus, nec interpretatio prædictione coniecturali in diſpoſitione humanæ voluntatis; tum quia voluntates Chaldaeorum potiùs erant avertæ, & diſpoſitæ ad occidendum Iudæos, tum etiam, quia aliàs non peccaſſet Sedecias non credendo, ac dubitando, & ob timorem ambiguum non exeundo. Atque ita hic locus videtur mihi convincere id, quòd nunc agimus, quòd dari poſſit hæc ſcientia. Nam re-  
uerſa non poſteſt ille locus, non intelligi de vera, propria, & absoluta prophetia, quantum ad veritatem rei revelatæ, & ita planè exponunt Theodoret. D. Thomas, & Gloſſæ. Fortaſſe tamen quoad modum illius præſcientiæ non convinçit contra primam ſententiam primo modo explicatam, de quo poſtea dicam.

18.

Congerun-  
tur plura  
Scripturæ  
loca mino-  
ris notæ  
pro noſtra  
ſententia.  
Act. 12. 18.

Quartò videtur ſatis efficax locus Act. 12. vbi Paulus narrat viſiſſe ſe Dominum dicentem ſibi: *Festina, & exi velociter de Hieruſalem, quoniam non recipient teſtimonium tuum de me.* quæ verba ſatis euidenter concludunt conditionalem propoſitionem, *Si Hieruſolymis prædicaveris, non recipient teſtimonium;* cùm enim Paulus inde exierit, & non prædicaverit, ille effectus nunquam fuit absolute futurus; ergo fuit revelatus ſub conditione. Quis autem audeat dicere illam non fuiſſe veram, & absolutam revelacionem de tali effectu, ſub conditione futura, aut Chriſtum fuiſſe ex coniectura, aut ex non certa ſcientia loquentum?

Exod. 3. 19.

Quintò facit illud Exod. 3. *Ego ſcio, quòd non dimittet vos Rex Aegypti, niſi per manum validam.* Nam illa ſcientia de conditionali euentu erat, & ipſum verbum ſcio ſatis indicat cognitionem certam, & euidentem, maximè coniunctum cum

A pronomine *Ego*, quòd denotat illam ſcientiam eſſe diuinam, ac proinde omnino infallibilem, & ita exponit ibi Theodoretus q. 8.

Theodor. in  
Exod.  
3. Reg. 11. 2.

Sextò addi poſteſt illud 3. Regum 11. vbi reſertur Salomonem adamalſſe mulieres alienig. n. 5, de gentibus, ſuper quibus dixit Dominus filiis Iſrael: *Non ingrediemini ad eas, neque de illis egredientur ad veſtras; certiffimè enim auerſent corda veſtra, ut ſequamini Deos earum.* In loco prein Exod. 34. ſolùm dictum fuerat, *Nec uxorem de filiabus eorum accipies filiis tuis, ne poſtquam ipſæ fuerint fornicatæ, fornicari faciant filios tuos in Deos ſuos.* In quibus verbis per ſe ſpectatis, ut indicauit D. Thom. 1. 2. q. 105. art. 4. ad 6. ſolùm ſignificari videtur periculum, & occaſio moralis; tamen per hoc non excluditur, quin fuerit tale illud periculum, ut in re ipſa ex illo eſſet futurus effectus, & ita in alio explicatur Deum certiffima ſcientia nouiſſe in pluribus, & in quibus ille effectus poſita conditione implendus eſſet. Fateor tamen poſſe illam certitudinem referri ad actus, & lapſus, quos Deus absoluta ſcientia futuros eſſe ob ſimilem occaſionem præcognouit.

Denique induci poſteſt illud Matth. 24. *Niſi breuiati fuſſent dies illi, non fuſſet ſalua omnis caro.* Cui conſonat illud Iſaïæ 1. *Niſi Dominus reliquiſſet nobis ſemen, ſicut Sodoma, & Gomorha fuſſemus.* Et ſimiles ſunt aliæ locutiones in Scriptura, ſed non omnes æquè vigentes.

19.  
Teſtimonia  
Scripturæ  
convinçunt  
ſcientiæ me-  
dium eſſe de  
ſile efficaci-  
cia tamen  
ſunt ad fa-  
ciendâ ma-  
gnam fidem  
humanam, &  
muit horru-  
dinem opi-  
nionis lon-  
gè probabi-  
liorem.

C Et ideo illis non obſtantibus aliqui dicunt non probari hanc ſcientiam efficaciter ex Scriptura; qui ſi per efficaciter intelligant, id eſt, non conuinci, rem eſſe de fide certam, rectè dicunt, quia Scriptura non tam euidenter loquitur, quin aliquam euafionem pariat. Et cùm Eccleſia nihil in hoc definiſſet, nec proprium ſenſum illorum teſtimoniorum declarauerit, per ſe non ſufficiunt ad certam, & infallibilem fidem faciendam. Si autem negare velint, illa teſtimonia eſſe efficaciæ ad faciendam magnam fidem humanam, & intralitudinem opinionis longè probabiliorem, im-meritò id dicunt; non vdeo enim quæ maiora teſtimonia, vel in numero, vel in verborum proprietate, & energia ad veritatem aliquam nondum de fide certam perſuadendam deſiderari poſſint, maximè cùm ille ſenſus talium teſtimoniorum ſit conſentaneus expoſitionibus Patrum, qui illa exponendo attigerunt. Cùmque oppoſita ſententia nullum in Scriptura habeat fundamentum, ut etiam defenſores eiſ fatentur; negari non poſteſt, quin hæc ſententia, quam defendimus, valde probabiliter ex Scriptura colligatur. Accedit tandem, quòd contraria ſententia nihil ex Scriptura, niſi generalia quædam principia, non ad ſuam opinionem ſuadendam, ſed ad noſtra fundamenta eneruanda poſteſt inducere. Qualia ſunt, quòd Deus interdum, ac ſæpe loquitur de futuris effectibus iuxta diſpoſitiones cauſarum ſecundarum, etiamſi aperte id non explicet, ut notat D. Thomas 1. p. q. 19. art. 6. ad 2. ex Iſaï. 38. & 22. q. 171. art. 6. ad 2. & Ionæ 3. & Ierem. 18. & idem ſumitur ex Ierem. 23. Ezechiel. 2. & 3. Genef. 3. Exod. 23. Deuter. 4. & 7. Vnde ſuadere volunt omnia allegata teſtimonia poſſe hoc modo exponi, præſertim cùm addatur particula *forte*, quæ licet in aliquibus locis ſumatur in ſignificatione propria, nihil vetat in aliis proprie ſumi, & conſequenter ita poſſe in prædictis locis exponi.

Sed hæc (ut dixi) generalia ſunt, nec rectè applicantur. Ut enim verum ſit, Deum interdum loqui

20.  
Satis ſit Scri-  
qui

prout, locis  
quibus ad-  
uertitur, ut  
rar ad fan-  
damus no-  
stra eneta-  
da.

August.

qui de futuris iuxta dispositionem causarum secundarum, non est id pro libito applicandum ad quamcunque prædictionem futurorum, aliàs destruitur certitudo prophetica, iuxta doctrinam Augustini lib. de vñe. Eck. l. c. p. 9. & lib. 3. de doctrin. Christian. cap. 10. Oporteret ergo, & locum circumstantias, ac doctrinas, & expositiones Pittoni obseruare. Illum ergo modum loquendi obseruat Deus, vel in prophetiis comminationis, vel in effectibus, qui à sua voluntate, & ex aliis promissionibus ab ipso factis pendent, ut supra declarauimus. Sæpe idem inuenitur ille modus loquendi in verbis Dei, quæ non continent reuelationem, sed admonitionem, consilium, aut reprehensionem, ut in multis ex locis allegatis videre licet. Et in eis sæpe additur particula *forte* in omni proprietate intellecta. Hæc autem non possunt accommodari ad testimonia à nobis adducta, tum quia in illis continentur reuelationes diuinæ cum absoluta asseueratione, & sine circumstantiis, quæ subintellectam conditionem, vel impropriam indicent. Nec particula *forte* semper addita est, & non est dubium, quin sæpe adiungatur, ubi de rebus certissimis, & indubitatis sermo est, ut Psalm. 80. *Si populus meus audisset me, forsitan inimicos illorum humiliasset.* Et Ierem. 6. *Erudire Hierusalem, ne forte discedas anima mea à te.* Et docent Patres supra citati, ex quorum doctrina hæc proprietas melius seruetur in locis citatis, ut ostensum est.

Psalm. 80.  
Ierem. 6. 8.

### CAPVT III.

*Plures ex Sanctis, & antiquis Patribus scientiam conditionatam in Deo cognouisse, præsertim Augustinum, & nullum eorum illam Deo negasse.*

1.  
Auctorita-  
tes Augu-  
stini pro sci-  
entia condi-  
tionata.

**P**rimum omnium tribuo sententiam hanc Augustino in lib. de Corrept. & Grat. cap. 8. ubi probans perseuerantiam esse ex gratuito Dei dono, illos adducit in exemplum, qui cum essent iusti, deum perseuerantia non habent, sed ex bono in malum, eliciente bona voluntate moriuntur, & addit: *Respondent, si possunt, cur illos Deus cum fideliter, & pie seruaret, non tunc de vita huius periculis rapuit, ne malitia mutaret intellectum eorum, & ne scilicet deciperet animas eorum. Primum hoc in potestate non habuit, an eorum mala futura nesciuit? Nampe nihil horum nisi peruersissime, & insanissime dicitur. In quibus verbis illa, an eorum mala futura nesciuit? euidenter de scientia conditionata intelliguntur; quia loquitur Augustinus de scientia, qua supposita, posset Deus, si vellet, rapere hominem, priusquam talia mala committeret, etiam in sensu composito talis scientiæ, sicut fecit cum illo, de quo Sapientia dictum est, *Raptus est ne malitia mutaret intellectum eius.* At verò semel supposita in Deo scientia, absoluta futurorum peccatorum, non potest cum illa scientia locum habere antecedens mors, priusquam talia committantur peccata, quia supponitur iam præuisa vita usque ad illud tempus.*

2.  
Per ipius  
causam.

Loquitur ergo Augustinus de scientia conditionata, & dici non potest ipsum loqui tantum de probabili coniectura, ob pericula huius vitæ, tum quia expressè interrogat, *an eorum mala futura nesciuit*, utique si viderent; de ipsis ergo futuris

**A** malis loquitur; tum etiam, quia sola pericula vitæ præcognita, nisi etiam lapsus occasione illorum futuris præuideatur, non poterant esse sufficiens ratio rapiendi iustum priusquam malitia mutaret illum, aliàs omnes iusti statim ac iustificantur, rapti debuissent, quia omnes in tali periculo versantur. Quod si hoc restringatur ad speciale periculum in quo lapsus probabilissima coniectura timeatur, & in tali causa cogitoscatur, sic non potest doctrina esse vniuersalis. nam multi iusti cadunt, qui non habent specialia pericula, sed facillimè occurrentibus tentationibus cedunt; ergo in eis non præcedit illa coniectura specialis, quod essent lapsuri, si viverent. nam multi, & fortasse plures similes perseuerant semper in gratia inter similia pericula, & similia etiam gratiæ præuenientis auxilia, ut inter Religiosos maxime considerate licet; & nihilominus de illis verissime dicitur, quod Deus præsciens ipsorum lapsum, potuisset, si vellet, eos rapere, ne malitia mutaret eorum intellectum. Nam doctrina Augustini vniuersalis est, & in omnibus, qui de bono in malum mutantur, & ita pereunt, locum habet, eo vel maxime, quod est valde alienum à doctrina, & mente Augustini, scientiam coniecturalem Deo tribuere, ut ex tract. 35. in Ioannem allegauimus. Loquitur ergo de certa scientia talium futurorum, quæ sola & Deo digna est, & propria. nam aliam coniecturalem in causa etiam demon habere potest, imò si de omnibus periculis vitæ sermo sit, etiam nos illam habemus. At Augustinus aliquam scientiam Deo attribuit singularem, & illi propriam, quæque ad altissimam eius prouidentiam, & prædestinationem sufficiat. Igitur de inscientia huius scientiæ contraria, eque ac de impotentia ait Augustinus, *non nisi peruersissime, & insanissime Deo attribui*, in quo ego nihil ex me assero, sed solum, quod Augustinus dicit, refuto. Qui autem Deo illam nescientiam tribuunt, exogitant modum, quo sub Augustini censura non comprehendantur, cum exponentes altero ex duobus modis, quos impugnauimus.

**D** Secundo allego Augustinum in epist. 49. q. 2. ubi inquirens cur Incarnatio tali tempore facta sit, rationem reddit ex hac præscientia, dicens, *tunc voluisse in hominibus apparere Christum, & apud eos prædicari doctrinam suam, quando sciebat, & ubi sciebat esse, qui in eum fuerant credituri.* Respondent aliqui retractasse Augustinum locum hunc in lib. de prædestinat. Sanctor. cap. 9. Ego verò dico non solum non retractasse, sed potius confirmasse. Sunt enim in hac sententia duo distinguenda, quæ pro his, quæ dicemus, sunt valde notanda, scilicet, eum esse, vel non esse, vel supposito quod sit, uti ad reddendas rationes aliquorum effectuum prouidentie Dei. Nam licet verissime Deo talis scientia tribuatur, errari potest in usu eius. Augustinus ergo in posteriori loco retractat aliquo modo priorem quoad usum illius scientiæ, non quoad existentiam eius in Deo. Imò hanc iterum confirmat; verba enim eius sunt. *Certis ne me sine prauicio latens consilij Dei, aliarumque causarum, hoc de præscientia Christi dicere voluisse, quod conuincenda paganorum infidelitati, qui hanc obiecerant questionem, in, iustificare videretur? Quid enim est verius quam præfati Christum, qui, & quando, & in quibus locis in eum fuerant credituri.* In his ergo verbis recognoscit Augustinus, Deum habere illam scientiam, & non solum verum id censet, sed etiam nihil verius indicat. Addit tamen potuisse etiam dici, *tunc voluisse hominibus apparere Christum,*

Gravis cen-  
tura Augu-  
stini in ad-  
uersarios  
scientiæ me-  
diæ.

3.  
Secunda au-  
thoritas ex  
epist. 49.

Solutio quo-  
rundam  
retractat.

Deo valde  
dignanda  
in questione  
de hac sci-  
entia existentia  
eius & usu.



Christum, & apud eos predicari doctrinam suam, quando sciebat, & unde sciebat esse, qui electi fuerant in ipso ante mundi constitutionem. per quæ verba non reprobatur prior sententia de scientia Dei conditionata, imò nec priorem rationem simpliciter retractat, sed aliam altiore tradit, causamque assignat, cur illam omiserit.

4. Altera solutio rejicitur.

Hinc verò sumunt aliqui occasionem respondendi, admisisse quidem Augustinum in utroque loco illam scientiam, sed in posteriori loco declarasse talem scientiam fundatam fuisse in absoluto decreto voluntatis Dei, quo tales homines, tali tempore futuros prædestinauerat. Sed de hoc puncto postea dicendum est, nunc enim non de modo, seu medio, quo scientia illa videri futura, sed solum de veritate ipsius scientiæ tractamus. Expendimus autem alia verba in eadem epistola Augustini, quibus illa responsio accommodari non potest, subiungit enim, *His enim temporibus, & his locis, quibus Evangelium non est prædicatum, tales omnes in eius prædicatione futuros esse præsciebat, quales non quidem omnes, sed multi in eius corporati præscientia fuerunt, qui in eum, nec suscitatis ab eo mortuis, credere voluerunt. Et infra. Quid ergo mirum si tam infidelibus plenum orbem terrarum Christus prioribus sæculis noster, ut eis apparere, aut prædicari meritis nollet, quos nec verbis, nec miraculis suis credituros esse præsciebat.* & similia in fine repetit. At de his dicere non possumus Christum noluisse venire, aut Evangelium prædicari, quando, vel ubi sciebat esse, quos ipse ante mundi constitutionem ad non credendum elegerat, tum quia Deus non subtrahit illis auxilium, quia non sunt illo bene vsuri, tum etiam, quia Deus ex se neminem eligit ad non credendum, vel ut damnetur; ergo saltem hæc præscientia mali vsus gratiæ si detur, non potest resolui in electionem Dei, ut capite sequenti latius ponderabo.

5. Tertia solutio excutitur.

Scio non defuturos, qui respondeant, reduci in non electionem, itaque eo ipso, quod Deus sciuit, se non elegisse illos, scire potuit illos non consensuros, vel malè vsuros vocatione gratiæ. Sed hoc non potest satisfacere, quia si sit sermo de electione merè negatiua, illa non est decretum Dei liberum, sed carentia decreti liberi, quæ non est operativa ad extra. Vnde non potest efficaciter determinare liberum arbitrium, ut propterea in ea infallibiliter sciatur, quid esset sub tali ratione futurum à libero arbitrio. Si verò sit sermo de positivo proposito non eligendi, illud etiam propositum, cum solum habeat pro obiecto negationem alterius propositi Dei, nihil etiam ad extra operatur, quia per illud nihil ad extra vult Deus; solum ergo quasi formaliter excludit à voluntate diuina liberam electionem talium hominum; ergo de se relinquit æquè indifferens liberum arbitrium eorum; ergo non potest in tali decreto infallibiliter cognosci futura determinatio libera voluntatis hominis. Necesse est ergo, ut dicant, eo ipso quod hominem non prælegit, vel vult non prælegere, velle efficaciter determinare illius voluntatem ad actum fidei, vel poenitentiae contrarium: aut certè velle ex se non dare illi prædeterminationem ad volendum credere, aut poenitere, sine qua impossibile est, ipsum credere, aut poenitere in sensu composito. Quor verò incommoda hinc sequantur, in capite sequenti insinuabo, & ex professo in lib. 5. tractabo.

6. Auctoritas tertii Augustini.

Tertiò assero Augustinum in lib. de dono persever. cap. 9. quem locum cap. præcedenti tractavi, expendendo verba Matth. 11. Si in Tyro, & Sidone,

&c. quæ de hac scientia manifestè exponit Augustinus. Ultra id verò vitur ibi eadem scientia ad explicandum mysterium diuinæ prædestinationis, & diuinæ etiam permissionis circa multos, qui cum vno tempore iusti fuerint, tandem damnantur, & in primis de illis ait potuisse Deum, vel non permittere, ut ita tentarentur, vel per gratiam ita illorum voluntates munire, ut tentationes, superarent. Deinde verò addit. *Ut ergo id non dicam, certè peccaverat illos Deus, præsciens esse lapsuros, antequam id fieret, auferre de hac vita, ubi particula præsciens, de conditionata scientia est intelligenda, scilicet, præsciens esse lapsuros, si viverent, ut probavi, quia si præscientia absoluta supponatur, iam non potest retrocedi (ut sic dicam) auferendo de vita, antequam peccet, eum, qui iam supponitur præuisus, & viuens, & peccans pro tali tempore. Deinde eandem præscientiam supponit Augustinus ibi, cum ait, magna absurditate cogitari, iudicari homines mortuos, etiam de his peccatis, quæ præscit Deus perpetraturos esse si viverent. Vbi nunquam dicit, Deum non habere illam scientiam, sed illam supponendo, illum abusum reprehendit.*

C

Neque solum scientiam ipsam supponit, sed etiam expressis verbis affirmat, & verbis Christi probat, dicens: *Nunquid possumus dicere Tyriorum, & Sidoniorum salibus apud se virtutibus factis, credere noluisse, aut credituros non fuisse, si fierent, cum eis ipse Dominus attestetur, quod acturi essent magna humilitatis poenitentiam, si in eis facta essent diuinarum signa virtutum.* ubi iam non expendo sensum verborum Christi, sed solius Augustini sententiam propono, expressè enim testatur, illum effectum sub tali conditione futurum infallibili scientia fuisse à Christo cognitum. Denique in cap. 10. refert euasione eorum, qui dicebant, præsciuisse Deum, non solum futuram fidem Sidoniorum, si vocarentur, sed etiam præuidisse negaturos postea fuisse fidem, & ne propterea grauius punirentur, ideo illos non vocasse. Ipse autem non negat talem scientiam, quod erat facillimum, si falsum esse crederet, quod illi supponebant, non tamen id facit, sed acutè replicat, si Deus ex tali præscientia non vocauit illos, ne tandem grauius punirentur, eo ipso sequi Deum non iudicare hominem ex malis, quæ facturus absolutè non est, licet de illo præsciat, id fuisse facturum, si talis, vel talis conditio permitteretur, & ita semper inuehitur in illum talis scientiæ abusum, nunquam autem in ipsam scientiam.

D

Quartò eandem scientiam attribuit Augustinus Deo in libro de Grat. & lib. arbit. cap. 23. ubi inter mysteria diuinæ prædestinationis ponit, *illum baptizatum parvulum in hac vita relinqui, quem præscit Deus impium futurum, alium verò baptizatum rari ex hac vita, ne malitia multet intellectum eius.* Nam cum de illo priori dicit præsciuisse Deum impium futurum, necesse est intelligi, de præscientia antecedente deliberationem, (ut sic dicam,) an talis parvulus relinquendus sit in hac vita, necne: nam priusquam Deus decreuisset illi vitam concedere, iam præsciebat illum futurum esse impium, aliàs nollum mysterium ad prædestinationem pertinens in eo inueniretur, quod Deus permetteret illum vivere, quia non cum præscientia peccati id decerneret, sed potius quasi ignorans pro illo signo, quid ille esset postea

gust. ex lib. de dono perseverant.

7. Abusum scientiæ inordinatè reprehendit, ipsam supponit & probat.

8. Auctoritas quarta Augustini ex lib. de Grat. & lib. arbit.

Quoddam  
my. tenum  
prædestina-  
tionis expli-  
catur ab Au-  
gust. per hanc  
scientiam.

postea futurus; ita ut respectu scientiæ Dei quasi à casu sequatur peccatum ex tali vitæ concessione: ergo ut ubi sit admiratio prædestinationis, seu providentiæ divinæ, quam Augustinus suspicit, necesse est, ut loquatur de præscientia antecedente secundum rationem decretum de concedenda vitæ tali puero; ergo necesse est ut de præscientia conditionata loquatur, quia ante decretum de vitæ tribuenda, non potest ipsa vitæ durabilitas, seu duratio per absolutam scientiam prævideri, cum pendeat ex decreto Dei; ergo minus possunt per absolutam scientiam præsciri peccata in illo vitæ tempore committenda; ergo necesse est loqui de scientia conditionata, utique sub illa conditione, si in vita conferretur, & cum his, vel aliis auxiliis relinquantur.

9.  
Occupatur  
suave

Neque etiam hic potest dici esse sermonem de præscientia periculi, & non ipsius impietatis futuræ, ut facile ostendi potest discursu facto in primo testimonio, quia si sit sermo de generali periculo, cum quo omnes nascimur, & vivimus, in eo nullum est peculiare mysterium, cum ratio generalis providentiæ postulet, ut non obstante illo periculo homines iuxta cursum, & exigentiam generalium causarum vivere sinantur. Si verò sit sermo de speciali periculo, illud non semper invenitur in omnibus baptizatis in puericia, qui postea impiè vivunt, & moriuntur cum illis communibus occasionibus, & periculis, & nihilominus in eis etiam habet locum admiratio Augustini, cur Deus providens eorum impietatem futuram reliquerit vivere eos; ergo necesse est ut loquatur de præscientia ipsa certa ipsorum malorum, & effectuum in se, & non in solo antecedenti periculo. Omitto, fugam illam alienissimam esse à mente Augustini, & aliorum Sanctorum, qui ita loquuntur de hac præscientia Dei, sicut de præscientia aliarum omnium rerum absolute futurarum, ut in aliis locis citatis aperte declaravit Augustinus in tertio testimonio proxime citato.

10.  
Auctoritas  
quarta ex  
locis in qui-  
bus vocatio-  
nem secundum  
propositum  
explicat  
et August.  
per hanc  
scientiam.

Ultimò addo omnia loca Augustini, in quibus vocationem efficacem, congruam, seu secundum propositum, altam, atque secretam per hanc conditionatam scientiam explicat, quia nimirum Deus prævidet, quæ inspiratio, seu vocatio tali voluntati ita congrua, & apta sit, ut ab ea sit infallibiliter acceptanda, illa enim præscientia conditionalis est manifesta, nam antecedit voluntatem dandi vocationem, ut ipsemet Augustinus supponit, unde necessariò includit hanc conditionem, si hæc voluntas ita vocata fuerit, consentiet, & ex suppositione talis præscientiæ Deus vult dare talem vocationem. Hæc doctrina habetur sæpius repetita, & fuscè declarata in Augustino q. 1 ad Simplician de prædestinat. Sanctorum, cap. 6. & seqq. de bono persever. cap. 8. & 14 de spirit. & liter. cap. 54. epistol. 107. ante medium, & aliis locis in lib. 5. latè tractandis.

infra lib. 5.  
cap. 5. 30 47.

11.  
Responsio  
Curiel, &  
obiectionis  
capuosa.

Ad hæc testimonia respondet Magist. Curiel, negando hanc vocationem, ut congrua sit, fundari in dicta præscientia, quia infallibilitas consensus futuri à voluntate sic vocatæ, non potest provenire ex directione talis scientiæ, quod probat ad hominem contra nos, quia futurum sub conditione, non ideo est futurum, quia Deus illud novit, sed potius ideo illud Deus novit, quia ipsum futurum est, ut nos postea dicemus. Ergo non potest consensus infallibiliter coniungi cum tali vocatione ratione præscientiæ, nec potest provenire ex subordinatione principij proximi, sci-

A licet, liberi arbitrij sic vocati ad directionem huius scientiæ. Probat consequentiam, quia alias dabitur vitiosus circulus, quia infallibilitas futuri-  
tionis eiusdem consensus sub hac conditione proveniet ex directione talis scientiæ. Unde addit hic auctor illam infallibilitatem provenire aut ex vocatione ipsa, & aliquo modo speciali illius, aut ex efficaci voluntate, vel intentione Dei habentis ita sibi subordinatam, & subiectam humanam voluntatem, ut infallibiliter obsequatur modo suo, & salua libertate.

12.  
Impugnatur.

Sed in primis undecunque talis infallibilitas proveniat, negari non potest, quin ex sententia Augustini in dictis locis, scientia conditionata talis consensus futuri à tali voluntate, si ei talis vocatio detur, omnino infallibilis, & certa præcedat in Deo secundum rationem ad voluntatem dandi homini talem vocationem, quod nunc solum tractamus. nam de modo, aut medio, quo illa scientia potest esse infallibilis, postea dicturi sumus. Et quidem, quod illa infallibilitas, si perfecta sit, ut in scientia Dei esse debet talis, ut implicet contradictionem illi subesse falsitatem, tanta (inquam) infallibilitas non potest in sola vocatione, siue sola, siue cum his, vel illis conditionibus antecedentibus ad consensum fundari, quia illa esset infallibilitas in causa, quæ non potest fundari in efficacia vocationis, & causa ad determinandam antecedenter voluntatem ad unum, ita ut non possit resistere, & ita non potest non tollere libertatem, nec movere voluntatem modo suo, id est, modo libero, quia indifferentia libertatis cum tali determinatione antecedente repugnat, ut ex dictis in præcedenti Prolegomeno convinci potest, & in lib. 5. latius est ostendendum. Vbi etiam ostendimus ex eodem principio non posse illam infallibilitatem futuri consensus, si talis vocatio detur, fundari in proposito Dei antecedenti, & omnino efficaci, quia quomodocunque cogitetur infallibilis, & inseparabilis consequutio humani consensus ex illo proposito divino, & vi solius causalitatis, & efficacitæ talis propositi divini, non potest talis consensus liberè ab homine præstari, sed tantum voluntariè, quod, ut dixi in dicto lib. 5. longo discursu probandum à nobis est, & in sequenti cap. aliquid necessariò erit dicendum.

Relinquitur ergo necessariò dicendum esse, loquutum esse Augustinum de scientia, per quam Deus veritatem ipsam in omnibus rebus infallibiliter attingit, quam intuens gratis decernit dare suis electis vocationes illas, quas prævidet habituras esse effectum, id est, habituras effectum inducendi voluntatem electorum, ad consensum, si illis tribuantur. Neque video quam vim habeat ad hominem contra nos obiectio facta. Respondemus enim concedendo antecedens, nimirum, Deum scire illam conditionalem esse veram, quia voluntas hominis cum tali vocatione ita determinanda est, & non è conuerso. Circa consequentiam autem aduertimus, committi æquivocationem, quam statim explicabo: nam licet consequutio nostri consensus non fundetur in illa scientia, nihilominus in executione verum est, infallibilitatem divini propositi absolute posse fundari in illa scientia, non tanquam in causa, sed tanquam in conditione necessaria, ut divina nec feratur in incognitum, nec sine certo, & infallibili medio absolute intendat aliquid; quod est contra divinam sapientiam, & prudentiam. Unde attentè est cavenda æquivocatio

13.  
Solvitur in  
formâ argu-  
mentum  
ad hominem  
Curiel.

Laborat æ-  
quivoco.

æquivocatio

æquiuocatio, quæ in argumento committitur, transeundo tacite à proposito absoluto Dei ad consensum humanæ voluntatis. Nos enim non dicimus, consensum voluntatis humanæ infallibiliter esse coniungendum tali vocationi ratione præscientiæ, nam illa coniunctio semper supponitur futura ex parte obiecti, ex libera determinatione voluntatis creatæ cum diuino auxilio in dicta conditione incluso. Sed dicimus ex parte voluntatis diuinæ requiri cognitionem illius futuri sub tali cognitione, & quod cognitio illa sit infallibilis, ut posset voluntas Dei determinari absolute ad volendum, ut homo credat, & habeat auxilium cum quo efficaciter operaturus est. Quapropter cum in argumento subinfertur; ergo non potest consensus infallibiliter coniungi vocationi ratione præscientiæ, nec ex directione illius facile potest totum concedi, quia non est contra nos, nec ad causam refert, quia nihilominus potest illa præscientia esse necessaria ad directionem suo modo voluntatis diuinæ, ut possit dare vocationem congruam, cui vult, & quem vult præligere ad credendum, v. g. quia non habet in sua præscientia medium infallibile, quo suum propositum exequi potest. Et ita nullus circulus committitur, quia infallibilitas futuritionis nunquam in re prouenit ab hac scientia, sed secundum ordinem rationis, absolutum decretum Dei prouenit ab hac scientia tanquam à proponente voluntati diuinæ obiectum tali proposito accommodatum. Et hæc sine dubio fuit mens Augustini in citatis locis.

Secundò principaliter probatur eadem veritas ex aliis Patribus. Et in primis affero, quos suprà citavi circa testimonium Matth. 11. quibus ad excerpta Genuens. respons. 8. ubi sic ait: *De Tyrijs & Sidonijs quid aliud possumus dicere, quam non esse eis datum, ut crederent, quos etiam credituros fuisse ipsa veritas dicit, si talia, qualia apud non credentes facta sunt, virtutum signa vidissent.* Et subdit inferius. *Nos autem etiam si rationem facti, & profunditatem indicij eius penetrare non possumus, manifestissimè tamen scimus, & verum esse, quod dixit, & iustum esse, quod fecit.* Neque video quomodo ad verba tam clara Prosperi possint similiter applicari euasiones, quas suprà circa ipsa Christi verba retulimus, & refellimus. Et eodem modo possumus pro hac parte allegare Anselmum, Remigium, & Abulensem. Matth. 11. nam exponentes verba Christi modo suprà dicto, hanc scientiam in Deo esse supponunt. Item Anselm. Matth. 6. exponens verba illa orationis Dominicæ, de hac scientia loquitur, cum ait, *Deum per dulcedinem dare gratiam* (vtrique vocationis, vel auxilij) *ei, quem scit non consensurum.* Simili modo Beda Actor. 16. reddit rationem, cur Paulus & socij vetiti sunt prædicare verbum Christi in Asia, ut ibi dicitur. *Quia sciebat* (inquit) *contempturos verbum Dei,* & quod ad præsentem causam attinet, similem rationem reddit OEcumen. dicens. Quia præsciuit contra Spiritum sanctum pugnantiam hæresim ibi esse dominaturam. Et similem doctrinam habet Gregorius homil. 12. in Ezechiel. & hom. in Euang. & Origen. homil. 9. in Leuitic.

Præterea Nemescius lib. de Natur. homin. cap. 44. §. Euripides, in fine, uti Deum hac scientia ad perfectam prouidentiam, satis apertè docet, dicens, *Providentia res humanas non solum ex his,* Fr. Suarez de Gratia Pars II.

qua sensibus notantur, sed etiam ex sua, & propria præcognitione administrat. Hoc autem intelligi de præcognitione conditionata, declarat, dicens; *Cum enim Deus non nesciat, bono viro expedire pauperem esse, eiusque sensum opes, si dentur, depravaturas, utiliter eum in paupertate finit vivere.* At qui opulentus est, saepe importunior fore videns, si egeat (ad latrocinandum enim, aut alia quadam grana facinora animum adiungeret) posiri illum opibus permittit. Et concludit. *Nos enim nihil rerum venientium præsentientes, & ea, quæ instant, tantum expectantes, non rellè de his, quæ in rebus humanis eueniunt, iudicamus.* At Deo etiam futura tanquam præsentia sunt. quæ vltima verba de eadem præscientia conditionata, de qua expressè fuerat loquutus, sine vlla tergiversatione intelligenda sunt, & de eadem ait, longè esse ab hominibus, & ideo sæpe nos amare illa, & procurare, quæ habita futura nobis sunt in ruinam, quia præscire non possumus, quid euenturum sit, si illa obtineamus, quæ conditionata scientia est. De Deo verò ait, etiam hæc futura illi esse præsentia, & reuera hic videtur omnium communis sensus, & conceptus hominum, præsertim de Deo, & de seipsis. Nam quia fideles ignorant, an diuitiæ, vel scientia, vel dignitas, aut quid simile, illis futura sit occasio peccandi, ad Deum accedunt orantes, ut si ea de causa peccaturi sunt, talem statum, vel conditionem ab eis auertat, supponentes profectò non ignorare Deum, quid ipsi acturi sint, si in tali munere, vel statu constituantur; neque ita erant præsumentes de Deo coniecturalem cognitionem, quam Dæmon, vel etiam ipse homo ex parte habere potest, sed magna fiducia orant, nihil de certissima præscientia diuina dubitantes. De præscientia (inquam) quæ præcedit absolutam futurarum rerum dispositionem, & quæ potest esse ratio sic, vel aliter de euentibus absolute futuris disponendi. Nam quia nos uti illa non possumus ad nostram prouidentiam, quia, ut dicitur Ecclesiast. 7. *Ignorat homo, quid conducat sibi in vita sua;* ideo ad Deum occurrimus, quem omnia talia futura scire non dubitamus. Inde enim videtur illa oratio profecta. *Cum ignoremus, quid agere debeamus, hoc solum habemus residui, ut oculos nostros dirigamus ad te, 2. Paralip. 20.*

Præterea est egregium Cyrilli testimonium ad idem confirmandum lib. 9. in Ioan. cap. 10. ubi varias mouet quæstiones, cur Deus futurorum præsciens hoc, vel illud faciat, quæ non possunt nisi de præscientia conditionata intelligi. Prima est. *Si omnia scire Christus creditur, cur Iudam, qui futurus erat proditor, elegerit.* cui multis aliis propositis responder, quia multa similia occurrunt, si de his, quæ à Deo facta sunt, ita velimus inquirere. Vnde ait: *Quid enim prohibebit inuolare Deum, ac dicere: Cur in Regem, Saul elegisti, quem sciebas gratiam tuam esse spreiturum? Imò cur primum à terra hominem formasti, quem non ignorabas mandata tua non seruaturum? Ascendet hæc oratio etiam in superiora. Cur enim Angelorum etiam naturam creasti, cum ut Deus prævideris futuram nonnullorum rebellionem? Ad quas quæstiones non responder, negando talem scientiam in Deo, sed illam supponendo ex libertate arbitrij, & aliis causis diuinæ prouidentie rationem reddendo. Illa autem præscientia non potest esse coniecturalis, vel in dispositionibus talium personarum, quia in Angelis, & primo homine erant optimæ dispositiones, ad bonum*

Ecclesiast. 7.

2. Paralip. 20. 12.

16. Egregium Cyrilli testimonium.

Quæstio celebris cur Deus creauit homines & malos An-



gelos cum  
præscientia  
peccati eo-  
rum, adstruit  
scientiam  
mediam.

Eandem  
questionem  
Hierony-  
mus mouet.

Damascenus  
illustrat.

Gregorius  
Nyss tangit.

Auctor ho-  
mil. de Ada-  
m & Eva.

Præiurat  
omnibus  
Tertullia-  
nus.

17.  
Responsio  
cuius in  
viri docti di-  
minuta.

num potius, quàm malum eligendum, nec erat in eis aliqua praua dispositio, vel inclinatio ad malum, in qua talis coniectura fundari possit; fuit ergo præscientia certa veritatis futuræ, & Deo præsentis. Atque eandem questionem de creatione malorum Angelorum cum præscientia peccati eorum mouet D. Hieronymus. Decalog. 3. contr. Pelagian. non longè à principio, & respondet, *Vis audire rationem. Deus præsentia iudicat, non futura, nec condemnat ex præscientia, quem nouerit talem fore, qui postea sibi displiceat.* quæ profectò non nisi de conditionata scientia vera simpliciter esse possunt. Item idem interrogat Damascen. Dialog. contra Manichæos, parum ante medium, & respondet: Eximia quædam ac singularis bonitas in causa fuit, cum eum procrearet. *Sic enim secum loquutus est. Quandoquidem iste malus futurus est, omniaque, quibus eum afficio, bona perditurus, egone quoque eum bono prorsus spoliabo, ac delebo? Minime. Verum quamuis ipse improbus futurus sit, tamen eum non ita mulctabo, ut mei particeps non sit, verum hominem unum ipsi tribuam, nempe, ut essentia ratione me ipsi impertiam, hocque nomine, quod sit in boni mei partem, vel iniunctus veniat.* Per quæ verba euidenter affirmat Damascenus habuisse Deum hanc conditionatam præscientiam de peccato Angelorum prius ratione, quàm haberet decretum creandi illos, & non obstante illa voluisse illos creare propter bonitatem suam, & quia non punit peccata, priusquam fiant, nec decernit propter illa, donec absolute futura esse præuideat; nec eius bonitatem malum vincere potest, ut idem Damascen. dixit lib. 4. de Fide cap. 22. Et similis quæstio tam de Angelo, quàm de homine in statu innocentie tangitur à Gregorio Nysseno, in orat. catechetica cap. 7. & nomine Chrysostomi in homil. de Adam & Eva in tom. 1. ubi eandem præscientiam supponere videtur, quamuis non tam clarè, quin possit aliquis tergiversari. Denique similem quæstionem, seu obiectionem à Marcione refert Tertullianus lib. 2. contr. illum cap. 5. & constanter contra illum hanc præscientiam cum bonitate, & potentia Dei coniunctam docet, ostendens non esse contrarium diuinæ bonitati, imò illi valde consentaneum, non obstante præscientia peccati futuri in homine, si tali modo crearetur, illum creare simul permittendo peccatum sub tali conditione præuisum; non potest enim totus ille discursus de alia præscientia peccati futuri in homine, si tali modo crearetur, illum creare simul permittendo peccatum sub tali conditione præuisum; non potest enim totus ille discursus de alia præscientia intelligi. Vnde cap. 7. expresse dicit, *Sed etsi præscierat, malè hominem institutione sua usurum, quid tam dignum Deo, quàm grauitas, quàm fides institutionum qualiumcumque.*

Ad hæc verò testimonia respondet quidam vir doctus, hos Patres non loqui de præscientia conditionata, sed de absoluta, quia hæretici, vel Ethnici, quibus respondent, de hac scientia loquebantur; non enim erant tam subriles, ut de altera cogitarent, neque ad obiectiones illorum erat necessaria, sic enim argumentabantur. Si Deus non præsciuit peccatum Adæ, non est perfectus; si præsciuit, non est Adæ imputandum peccatum, quia illud vitare non potuit; ita enim refert argumentum Hieronymus lib. 3. contra Pelagianos circa principium, & optime intelligitur

A de absoluta scientia visionis. Vnde Sancti respondent habuisse Deum præscientiam, & nihilominus Adamo iuste imputari, quia præscientia illi peccandi necessitatem non imposuit. Hæc verò responsio diminuta est, licet alicui loco possit accommodari, non tamen omnibus. Tribus enim modis fit illa obiectio, vel quæstio. Primò, in sensu prædicto, in quo sine dubio loquitur Hieronymus. Et sine dubio intelligitur optimè de absoluta scientia, & ideo nos illo testimonio, & similibus non vtimur. Secundò fit illa interrogatio de præscientia peccati antecedente voluntatem creandi, non verò de futuro in effectu, sed de possibili, id est, cur Deus præsciens hominem peccare posse, illum creare voluit, & dare præceptum exponendi illum tali periculo, & non præueniendo illum, ne peccare posset. Et in hoc sensu tractat quæstionem Basilii homil. 9. ex variis, quod Deus non sit auctor malorum, versùs finem. Et sic etiam illa quæstio præsentis institutio non deseruit, & ideo non allegaui illum locum Basilij. Et in eundem sensum trahi potest Auctor homiliæ de Adam & Eva. Tertiò mouetur quæstio de præsentia peccati non tantum possibilis, sed etiam futuri, & quæ secundum rationem antecedit in Deo voluntas creandi hominem, & dandi præceptum, ac permittendi peccatum, & in hoc sensu euidenter procedit quæstio de scientia conditionata, ut satis ostensum est, & prædictus Auctor non negat, sed negat in hoc sensu esse vel propositam quæstionem ab Ethnicis, vel admissam, & tractatam à Patribus.

Contrarium autem constat euidenter ex verbis Marcionis apud Tertullianum in dicto cap. 7. sic enim obieciebat. *Si Deus bonus, & præsciens futuri, & auerendi mali potens, cur hominem, & quidem imaginem, & similitudinem suam, imò & substantiam suam, per animam scilicet sensum passus est labi de obsequio legis in mortem, circumuentum à Diabolo? Si enim est bonus, qui euenire tale quid nollit, & præsciens, qui euenturum non ignoraret, & potens, qui depellere valeret, nullo modo euenisset, quod sub his tribus conditionibus diuina maiestatis euenire non posset. Quod si euenit, absolutum est è contrario Deum neque bonum credendum, neque præsciens, neque potentem.* Ex quorum tenore verborum constat, ipsum loqui de præscientia peccati non possibilis tantum, sed etiam futuri, ut expresse dicit, & postea Tertullianus in toto discursu supponit, & admittit. Item constat loqui de præscientia antecedente voluntatem creandi hominem, & permittendi peccatum eius, quia ex illa præscientia cum potentia, & bonitate inferebat hæreticus non debuisse Deum tale peccatum permittere. Vnde vltimò constat illum non voluisse ex præscientia inferre peccatum fieri necessariò, ac proinde non esse peccatum: sed potius supponendo illud esse malum, & peccatum, inferebat, quandoquidem Deus illud non euitauit, cum posset, & præsciret, illi esse imputandum, ac proinde non esse bonum. Et ad hunc sensum argumentationis respondet Tertullianus, Deum esse summum bonum, etiam si præsciens futurum peccatum, & potens illud impedire, voluerit illud permittere, quia non Deo, sed voluntati hominis imputatur. Similis quæstio

Moueri potest quæstio illa de creatione Demonum cum præscientia peccati tribus modis.

Basilii.

Arguitur ex solo testio sensu.

18.  
Stabilitur certum status quæstionis primò aduocate Tertulliani.

Secundò Damascen.

Argumen-  
mentum  
Mān chari  
supponit  
præscien-  
tiam, quæ  
antecedit vo-  
luntatem  
creandi An-  
gelum.

Tertiò Cy-  
rilli.

*enim procreavit.* Vbi constat non argumentari Ma-  
nichæum ex præscientia 'contra libertatem ar-  
bitrii, sed contra bonitatem volentis Deum crea-  
re Angelum, quem præsciebat futurum malum;  
ergo loquebatur de præscientia antecedente vo-  
luntatem creandi Angelum. Et in hoc sensu re-  
sponderet Damascenus, non quidem quòd præ-  
scientia non tollat libertatem, sed quia non  
iudicauit expedire priuare Angelum omni par-  
ticipatione bonitatis suæ; etiamsi præuideret  
illum malè fuisse illā vsurum, vt in verbis su-  
prā relatis manifestum est. Denique apud Cy-  
rillum euidenter distinguuntur quæstiones, cur  
Deus Iudam, quem præsciebat lapsurum, & cur  
Iudæ ad culpam imputetur, quod vi præscien-  
tiæ faciebat. Et nos non sumimus argumentum  
ex posteriori quæstione, sed ex priori, quam ne-  
cesse est intelligi de præscientiā antecedente ele-  
ctionem, at subinde esse conditionaram. Nec  
potest solūm intelligi de electione, quoad exe-  
cutionem eius in tempore factam, sed etiam  
de æterno proposito, quia non loquitur de ma-  
lo, quod iam Iudas commiserat, quando voca-  
tus est, sed de malo futuro post temporalem  
electionem, & ab æterno præuiso ante propo-  
siti talis electionis, sub ea conditione, quòd  
si eligeretur, tale malum esset commissurus, præ-  
terquam quòd ibi etiam adiungit Cyrillus  
interrogationem de Angelo & homine cur crea-  
ti sint, etiamsi præscirentur futuri mali: & ra-  
tio interrogationis non est, quia hoc repugnat  
libertati, sed quia repugnare videtur diuinæ  
bonitati; & ideo dixit ibidem Cyrillus, quòd  
huiusmodi interrogationes sunt quædam accu-  
sationes contra Deum, cuius sapientiam, &  
bonitatem defendit, quia ipse optimè fecit con-  
stituendo Angelum, & hominem liberum, vnde  
libertatem supponit, neque illam defendit, quia  
argumentum non fiebat contra illam, ex abso-  
luta præscientia. De his ergo, & similibus lo-  
cis, quæ acutè distinguenda sunt, dubitari non  
potest, quin in eis sit sermo de præscientia con-  
diti-nata.

19.  
Non offit  
huc si en-  
tiz quod  
fuit an i  
q. hæretici  
eis nota.

August.

Neque incredibile videri debet, hæreticos  
scientiam illam agnouisse, in qua intelligenda,  
& defendenda nunc tanto labore infudamus.  
Nam in primis aduersarij ad infamandam hanc  
scientiam dicunt ab hæreticis esse inuentam,  
Pelagianis scilicet, vel saltem Semipelagianis.  
Quid ergo mirum, quòd antiqui etiam hæretici  
illam cognoscere, & ex illa argumentari po-  
tuerint, quamquam nos sensum hæreticorum,  
non propter eorum sententiam inuestigamus, sed  
vt inde sensus Patrum intelligatur, quia eam-  
dem scientiam futurorum, quam hæretici sup-  
ponebant, admittunt, & illa stante obiectioni-  
bus, vel interrogationibus eorum respondent.  
Deinde Augustinus lib. 1. de Anim. & eius orig.  
cap. 12. refert, Vincentium Victorem, contra  
quem scribit in quodam libro, disputasse aduer-  
sus eos, qui dicunt, cur Deus hominem faciebat,  
quem, utpote præcius, sciebat futurum non bonum.  
quam quæstionem ille etiam Vincentius expen-  
debat, non negando illam Dei scientiam, sed quia  
de perfectu operibus debet Deus hominem indicare,  
non de præcognitis, nec fieri aliquando permittis.  
In quo sententiam eius probat Augustinus, ad-  
dens optimam rationem, quia aliàs Deus non  
natum iudicaret, si propterea creare voluisset,  
quia non bonum futurum præscisset. Vnde confi-  
derare licet, idem in illa contingere, quod in  
*Fr. Suarez de Gratia Pars I I.*

**A** aliis attributis Dei, in quibus distinguenda est  
cognitio, an sint, à cognitione, quid, vel quo-  
modo sint; nam prior sape est facilis, & vul-  
garis, etiam inter homines parum subtiles, vel  
etiam indoctos; posterior est alta, & subtilis, &  
à paucis obtineri potest. Quamuis ergo hæc  
præscientia conditionata quoad modum suum  
difficilè intelligatur, & non sine multa doctri-  
na, & subtilitate discernatur, nihilominus quo-  
ad quæstionem, seu quæstionem an sit, videtur  
esse valde communis, & vulgaris: & ad hunc  
modum loquuti videntur de illa hæretici, ne-  
scientes fortè quid dicerent, nec discernentes  
inter præscientiam conditionatam, & absolu-  
tam, & nihilominus verum dicentes, & in re  
ipsa de præscientia conditionata loquentes. Et  
vt antea dicebam, etiam communis plebs fide-  
lium sæpissimè orat Deum, hanc scientiam ne-  
cessariò supponendo, quamuis de illa distinctè,  
& (vt ita dicam) in actu signato cogitare ne-  
sciat. Quin potius etiam nostris temporibus le-  
gimus in Iapone, & India similes interrogatio-  
nes ab hæreticis proponi Prædicatoribus, & an-  
nuntiantibus nostram fidem, qui veluti naturæ  
lumine ducti cognoscunt, vel supponunt Denm  
præcium esse omnium futurorum siue absolutè,  
siue ex aliqua hypothesi nondum intellecta, vt  
de facto futura. Vnde quando interrogationes  
suppones, supponunt præscientiam conditiona-  
tā, vt faciliè declinarentur, negando habere Deum  
talem præscientiam: nunquam autem id faciunt  
Euangelici Prædicatores, magnum enim fuisset  
scandalum hominibus interrogantibus, neque  
etiam id fecerunt vnquam Patres, vt vidimus.

Idem con-  
tingit in hæ-  
cætia quod  
in aliis diui-  
nis attributis,  
in qui-  
bus verius  
cognoscitur  
an sit, quàm  
quid, vel  
quomodo  
sit.

Iaponibus  
eadem scien-  
tia lumine  
naturæ co-  
gnita, quam  
si inficia-  
rentur præ-  
cones Eua-  
gelij, id non  
sine ingenti  
scandalo fa-  
cerent.

#### CAPVT IV.

*Neque in Augustino, neque in aliis Pa-  
tribus aliquid contra perfectionem di-  
uina scientia conditionata reperiri.*

**N**ON obstantibus omnibus Augustini testi-  
moniis, quæ in præcedenti capite adduxi-  
mus, defensores contrariæ sententiæ proclamant,  
hanc scientiam reiectam esse ab Augustino, &  
Prospero tanquam fundamentum Semipelagia-  
ni, vel Pelagiani erroris, imò, addunt aliqui,  
etiam Arrianos illam scientiam adinuenisse ad  
suum errorem explicandum, ex quadam epistola  
Alexandri Episcopi Alexandrini ad Alexandrum  
Episcopum Constantinopolitanum, vbi Ale-  
xander refert Christum factum esse filium Dei  
eximium per gratiam, esseque in nostra potesta-  
te filios Dei fieri non aliter atque ille factus est,  
scriptum namq; esse, filios genui, & exaltans. Et  
addit: *At cum illis obiceretur sententia, qua se-  
quitur, & ipsi spreuerunt me, aiunt Deum cum præ-  
scientia, & præsentione præuoluisse, neutiquam  
ipsum aspernaturum, idcirco ex omnibus elegerisse.*  
Sed si attentè legantur sequentia, & locus Psal-  
mi, quem illi hæretici malè allegabant. *Dilexisti iustitiam, & odisti iniquitatem, propterea  
unxit te Deus, &c.* faciliè intelligitur loquu-  
tos fuisse illos hæreticos de præscientia absolu-  
ta futurorum operum Christi. Sed esto fue-  
rint loquuti de conditionata, quid nostrā in-  
terest, qui non solūm isti, sed etiam pluribus  
hæreticis notam fuisse hanc scientiam, vt dixi,  
B 2

1.  
Num Arria-  
ni ad suum  
errorem co-  
firmandum  
hac scientia  
vbi sint.

Alexand.  
Episc. Ale-  
xandrinus.

suprà

Non est fa-  
num viri  
prudens  
consilium  
scientiam  
consentia  
neam diuine  
perfectiōni  
Deo dene-  
gi e, ut hā-  
te eis resi-  
diamus.

Obieciunt  
Augustinus.

Idem.

Prosper.

Damasceus.

2.  
Enodatur  
sublata æ-  
quiuocatio-  
ne latente in  
voce *Præ-*  
*scientia*.

suprà demonstratis, neque propter illam isti damnantur, sed quia illa malè vti sunt. Nec est sanum consilium prudentis aliàs viri, ut scientiam consentaneam diuinæ perfectioni Deo negemus, ut hæreticis resistamus nam sicut non sunt facienda in la, ut eueniant bona, ita non est neganda vna veritas, ut alia defendatur, alioqui negetur scientia absoluta futurorum mentorum, quia Pelagiani dixerunt ex illa prædestinari homines, ut tollatur gratia efficax, quia Calvinistæ ad neganda libertatem illa vti sunt, elsetque illud consilium potius adhibendum ad non introducendam prædeterminationem physicam, propter difficultatem maximam, quæ est in constituenda differentia inter illam, & efficaciam motionis necessitante, quam ponit Calvinus. Igitur quidquid hæc tici senserint, videamus, an Augustinus impugnando Semipelagianos à priori sententia circa hanc scientiam recessit. Vnus enim, vel alter locus est apud Augustinum, qui nonnullam difficultatem habeat, quia contra Semipelagianos disputans, non solum videtur eos reprehendere, quod hac scientia malè vterentur, sed etiam, quod ad suum tuendum errorem illam falsò confingerent. Nam in lib. de Prædest. Sancto. cum in cap. 12. & 13. impugnasset tantum illius scientiæ abusum, in cap. 14. etiam ipsam scientiam refellere videtur, exponens enim locum Sapient. 4. *Rapinus est ne malitia mutaret intellectum eius*, ait: *Dilectum est enim secundum pericula vite huius, non secundum præscientiam Dei, qui hoc novit, quod erat futurum, non quod futurum non erat, id est, quod ei mortem imminutam fuerat largiturus, ut se rationum subtraheretur incerto, non quod peccaturus esset, qui mansurus in tentatione non esset.* Et lib. 1. de orig. anim. cap. 12. similem tractans questionem, postquam argumentatus est contra abusum talis scientiæ, etiam si illa daretur, arguit responsionem, etiam scientiam ipsam refellendo, sic enim ait: *Quid quod ipsa exinanitur omnino præscientia, si quod præscitur, non erit? Quomodo enim rectè dicitur præsciri futurum, quod non est futurum? Quomodo ergo puniuntur peccata, quæ nulli sunt, id est, quæ nec vita ista nondum incipiente commissa sunt ante carnem, nec morte præueniente post carnem?* Et simili modo videtur sensisse de hac scientia Prosper in Epist. ad Augustinum, ut referens ac reprehendens phantasmam Semipelagianorum, primum eos arguit quod gratiam etiam præuenientem in præsentis subicerent meritis sub conditione futuris. Deinde addit, *sed in tantum commemoratis meritis electionem Dei subiciunt, ut quia præcærita non extant, futura, quæ non sunt futura, confingant, nouoque apud illos absurditatis genere, & non agenda præcæta sint, & præcæta non acta sint.* Denique Damascenus etiam contra Manichæos in fine de solis effectibus aliquando futuris dicit esse præscientiam. *Nam si facturi (inquit) non essemus, nec ipse quidem, quod futurum esset, prænoceret.*

Respondetur totam hanc obiectionem in æquiuocatione vnius vocis præscientiæ positam esse. nam quod ad rem attinet, verisimile non est illos Partes sibi fuisse contrarios, & Augustinum præcipuè vno verbo obiter dicto voluisse destruere, quod tam expresse tantæque asseruatione in aliis multis locis docuerat. Dicimus ergo verbum *præsciendi* sumptum pro-

A priè, & in rigore, dicere habitudinem ad rem in tempore futuram, dicit enim antecessorem æternitatis ad tempus. Ita docet Damascenus supra; definiens enim quid sit *prænotio*, ait, *prænotio est, ea quæ futura sunt, antequam in orium prodeant, nosse*, nam in verbo *prænosse*, seu *præscire*, illa particula *præ*, non dicit habitudinem ad alios actus, vel ad res alias, sed ad obiectum ipsum præscitum. Vnde dicit antecessorem secundum existentiam realem aliquando futuram, quæ in Deo est antecessio æternitatis ad tempus. De præscientia ergo in hac proprietate sumpta, dixit Augustinus in priori loco citato de Prædestinat. Sancto. sententiam illam Sapientis, *Rapinus est*, &c. intelligendam esse secundum pericula vite huius, non secundum præscientiam utique propriam, quæ est rerum aliquando futurarum. Non excludit autem, quin possit, & debeat intelligi de his periculis vite, in quibus malitia mutaret intellectum hominis iusti. Nam (ut iam dixi) si talia non sint pericula, sola ratio periculi non esset sufficiens ad exaggerandam præmaturam mortem, ut specialem gratiam, præsertim in omnibus istis, qui in infantia, aut pueritia, vel intra quodcumque breue tempus rapiuntur. Nam in multis non est tantum periculum, quin suppositis communibus auxiliis gratiæ, ex vi causæ, & libertatis sit quæ contingens ad verumlibet, quod iste muretur, vel perseueret, & crescat in sanctitate. Ergo si anticipatio mortis solum est ex præscientia periculi profectio est etiam cum contingentia maioris sanctitatis; ergo etiam erit contingens, quod illa mors vel manus bonum, vel malum impediens: ergo similiter est contingens. & incertum, an sit gratia, necne; neque Deus ipse poterit hoc certò cognoscere, ac determinare, quomodo talis homo, vel puer vitam suam, vel illius reliquum tempus esset instituturus. Multo ergo melius locus ille de certa cognitione malitiæ futuræ sub conditione intelligitur, & saltem Augustinus hanc intelligentiam non excludit, sed solum veram, & propriam præscientiam respectu eorum, quæ nunquam futura sunt.

Potest autem hæc expositio suaderi, tum quia est necessaria, ne Augustinus sibi ipsi contrarius sit, tum in aliis locis, tum in eodem lib. in cap. 9. ubi illam scientiam ipse supponit, ut vidimus, & in cap. 16. & sequentibus per illam explicat vocationem congruam, tum ex verbis, quæ statim subiungit Augustinus. *Non secundum præscientiam Dei, qui hoc præscit, quod futurum erat, non quod futurum non erat, id est, quod ei mortem imminutam fuerat largiturus, ut tentationem subtraheretur incerto, non quod peccaturus esset, qui mansurus in tentatione non esset.* quæ omnia pertinent ad præscientiam rerum, quæ aliquando futura sunt.

Dices iuxta hanc opinionem vitiosum, & æquiuocum esse processum Augustini contra Semipelagianos. Nam illi bene sciebant non præscire Deum, aliquando esse futura opera, quæ puer mortuus in infantia operaretur, si viveret; ergo contra illos non rectè argumentatur, ex eo, quod illa non sit vera præscientia, id est, absoluta. Respondeo in hoc errasse, & propriam vocem ignorasse Semipelagianos, quia in operibus nunquam futuris rationem meriti, & demeriti confingebant, propter solam prænotionem eorum. Ad hoc ergo repellendum Augustinus ait, illam prænotio

Præscire & prænosse quid propriè sonet apud Patres.

In multis iustis non tanta sunt vite pericula, ut suppositis communibus auxiliis gratiæ non sit quæ contingens verumlibet, quod iste muretur vel perseueret.

3.  
Solutio data  
suaderetur.  
Augustinus  
sibi rectè con-  
uarius.

Instantia.

Diluitur.



prænotionem non esse propriam præscientiam, A  
quæ ad meritum, vel demeritum sufficiat, quia  
meritum, & demeritum æquale (vt sic dicam,) id  
est, quod possit esse ratio fundandi præmium,  
vel pœnam per diuinum iudicium conferendam,  
non potest fundari in opere absolutè tantum pos-  
sibili, etiam si cognoscatur vt futurum sub con-  
ditione, sed fundari debet in opere existente, vel  
saltem realiter futuro in aliquo tempore, quia si  
pœna, vel præmium absolutè dandum decernit-  
ur, etiam opus malum, vel bonum absolutè esse,  
vel futurum præsciri necesse est. Et ideo Semipe-  
lagiani admittentes verum meritum in obiecto  
talis cognitionis, in re ipsa affirmabant, esse ve-  
ram præscientiam rei aliquando futuræ, licet id  
forte ignorarent, & ideo meritò redarguuntur  
ab Augustino, quod illa non sit præscientia pro-  
priè dicta, & ideo ad meritum non sufficiat. Et  
hoc est, quod etiam ait in alio loco de Animæ  
origine, *Exinanitur omnino præscientia, si quod præ-*  
*scitur, non erit.* Exinanitur, ait, non quoad ratio-  
nem scientiæ, sed quoad propriam rationem  
præscientiæ, quæ necessaria est, vt in eius obiecto  
possit vera ratio meriti inueniri. Et ita etiam  
exinanitur quoad hoc, vt in illa possit ratio me-  
riti fundari, & ideo subdit: *Quomodo enim rectè*  
*dicitur præsciri futurum, quod non est futurum.* vbi  
pondero particulam, *Quomodo rectè dicitur*, per  
quam significat non improbari absolutè, sed qua-  
tenus opus per illam præscitum, tanquam ali-  
quid re vera futurum æstimetur, vt pote præmio,  
vel pœna dignum. Vnde rectè adiungit, *Quo-*  
*modo ergo puniuntur peccata quæ nulla sunt* id est,  
(vt exponit,) *quæ nunquam committentur post car-*  
*nem*, vtique morte præueniente. Intentia ergo  
Augustini illis locis est illam scientiam non qui-  
dem non esse, sed esse quandam simplicem intel-  
ligentiam, in cuius obiecto nulla ratio meriti  
fundari potest, & ita non esse veram præscien-  
tiam, quæ interdum ad rationem meriti, & ad  
præmium anticipatum sufficit, interdum verò ad  
præiudicium, & prædefinitionem alicuius pœnæ.

Et per hæc responsum est etiam ad Prosperum,  
quem alibi hanc scientiam conditionatam in Deo  
cognouisse iam ostendimus; in alio ergo non  
scientiam, sed abusum eius reprehendit, fundan-  
di nimirum in ea *conuentitia meriti*, vt rectè vo-  
cat, *conferendo futura, quæ non sunt futura*, id est,  
affigendo illis meritum ac si verè & absolutè  
futura essent, cum tamen simpliciter futura non  
sint, etiam si sub conditione sint futura. Et in eo-  
dem sensu inferre tanquam absurdum, quod *non*  
*agenda præscita* dicuntur, vtique tanquam vera  
merita, ac subinde tanquam verè futura, ex quo  
etiam sequitur aliud absurdum, scilicet, vt *præsci-*  
*ta non alim* sint; præscita nimirum sub eadem ra-  
tione, id est, vt vera merita, quia implicat sic  
præsciri, & non esse futurum aliquando, vt dixi-  
mus. Damascenus autem nulla indiget exposi-  
tione, quia ibi proponit explicare proprietates  
haurum vocum, *prædefinitio, præuocatio*, & aliarum,  
& prænotionem ita describit, *præuocatio est ea,*  
*quæ futura sunt, antea nosse*, vbi clarè limitauit vo-  
cem illam ad scientiam, quæ antecedit duratio-  
ne, vel æternitate rem in tempore futuram.  
De hac ergo præscientia loquens meritò subiungit,  
*Si facturi non essemus, nec ipse, quod futurum*  
*non esset, præuocaret.* Quamquam hæc verba, si  
rectè spectentur, cum proportionem in scientia  
conditionatam verum habent; nam si voluntas sub  
tali conditione posita hoc futura non esset,

Fr. Suarez, de Gratia Pars I I.

neque illud futurum sub conditione cognoscere-  
tur; sensus tamen Damasceni est, quem diximus,  
Atq; hæc nunc sufficiant de sententia Patrū, nam  
de mente D. Thomæ commodius dicemus, post-  
quam alium sensum contrariæ sententiæ exami-  
nauerimus, quod in sequenti cap. præstabimus.

Sed adhuc nescio quo colore obiicitur nobis  
Augustinus lib. de prædestinat. Sanctior. cap. 17.  
18. & 19. quia in eis ex professo probat contra  
Pelagianos, & Semipelagianos propositum diui-  
num eligendi prædestinatos ad gloriam, & sancti-  
tatem, non esse ex præscientia, potius præscien-  
tiam futuræ sanctitatis illorum esse ex Dei pro-  
posito; sic enim respondet ad quæstionem, quam

B Prosper in Epist. sua ipsum interrogauerat. Ad-  
duntur etiam verba Augustini Epist. 107. vbi  
tractans verba Ioan. 6. *Sciebat Iesus, qui essent*  
*credentes, & qui esset traditurus eum*, inquit: *Es-*  
*ne quisquam existimaret, credentes sic ad eius præ-*  
*scientiam pertinere, sicut non credentes, id est, ut eis*  
*non fides daretur, sed tantum voluntas præuocetur,*  
*max adieci: Nemo potest venire ad me, &c.* Et  
epist. 107. circa medium, ait, Deum omnia opera  
sua futura in prædestinatione præsciuisse. Sed  
hæc loca nullo probabilioris colore ad præsen-  
tem causam accommodantur, agit enim ibi  
Augustinus de absoluta præscientia meritorum,  
& probare vult sanctitatem, quæ à vocatione in-  
cipit, non dari ex meritis, sed ex gratia. Vnde  
sic incipit, *Intelligamus ergo vocationem, quæ sunt*  
*electi, non qui eliguntur, quia crediderunt, sed qui*  
*eliguntur, ut credant.* Vnde postea concludit,  
*Electi sunt itaq; ante mundi constitutionem ea præ-*  
*destinatione, in qua Deus sua futura facta præsci-*  
*uit.* Loquitur ergo aperte de absoluta præscien-  
tia meritorum, quam sequi, non præcedere de-  
cretum electionis diuinæ verissimè docet. Idem  
quoque prosequitur cap. 18. vbi refert sententiam  
Pelagij dicentis, prænouisse Deum in sua æterni-  
tate, qui essent futuri sancti, & ideo eos elegis-  
se. Et hoc impugnat ex verbis Pauli ad Ephes. 1.

D *Elegit nos, ut essemus Sancti, non quia*  
*futuri eramus Sancti*, quod latè prosequitur, &  
concludit, *Elegit ergo nos Deus in Christo ante*  
*mundi constitutionem, prædestinans in adoptionem fi-*  
*liorum, non quia per nos Sancti & immaculati fu-*  
*turi eramus, sed elegit, prædestinavitque ut essemus,*  
*&c.* Et infra sic inquit: *Ex hoc proposito est illa*  
*electorum propria vocatio, quibus omnia operantur*  
*in bonum.* quod propositum non est certe condi-  
tionatum, sed absolutum, quo Deus statuit san-  
ctitatem, vel vocationem congruam ad illam il-  
lis, quos gratuitò elegit ex quo proposito non  
conditionata, sed absoluta præscientia sequi-  
tur secundum rationis ordinem. De hac ergo  
scientia Augustinus ibi loquitur, nec de condi-  
tionata verbum ibi habet, multòque minus de-  
cretum conditionatum insinuat. In cap. autem 19.  
doctrinam, quam contra Pelagianos tradiderat,  
contra Semipelagianos applicat. Hi enim dice-  
bant elegisse nos, vt essemus Sancti, qui præui-  
dit, nos ex nobis futuros esse credentes. Ipse  
autem contra illos eodem testimonio, etiam ele-  
gisse nos Deum, vt essemus fideles, non quia præ-  
uideret credentes nostro arbitrio, sed vt sua gratia  
nos faceret credentes, & ita in suo proposito, &  
electione præuidit fidem nostram futuram, non  
ante illam.

Sed instare possunt, quia eadem ratio, & pro-  
portio, quæ est præscientiæ absolutæ ad decretum  
absolutum, est etiam præscientiæ conditionatæ

5.  
Plura Au-  
gustini loca  
perperam  
obiecta, cum  
in iis, sermo  
sit de scien-  
tia absoluta  
futurorum.

5

Ephes. 1. 4

6.

Instantia  
notanda.

B 3 ad

Exinanitur  
duobus mo-  
dis Præscien-  
tia si quod  
præscitur,  
non erit.

Summa in-  
tentionis  
Augustini  
in obiectis  
locis.

4.  
Aptatur hæc  
solutio Pro-  
spero.

Damasceni  
aperta mens.

ad propositum conditionatum; ergo licet Augustinus in illis locis loquatur de scientia, & decreto absolutis, inde sumitur efficax argumentum ad conditionata. Consequentia est clara, & antecedens probatur, quia ideo scientia absoluta supponit propositum, quia effectus præscitus, debet esse effectus propositi: sed idem effectus debet etiam esse effectus propositi sub conditione; ergo est eadem ratio. Vnde è contrario sequitur, si consensus, v.g. fidei prævidetur sub conditione, si datur talis vocatio, & ante omne propositum Dei, etiam conditionatum non prævideri, ut effectum saltem physicum, & proprium voluntatis Dei, ac subinde præsciri, ut effectum futurum ex sola voluntate hominis. Quod si hoc concedatur, sequitur ulterius, Augustinum nihil contra Semipelagianos effecisse, quia ille bonus usus futurus erit physicè à sola voluntate hominis credituri, & ita poterit esse meritum, & ratio totius prædestinationis.

Ad replicam responderetur in primis, non esse eandem rationem de præscientia absoluta, & conditionata. nam absoluta est de re futura in aliqua differentia temporis, & ideo necessariò supponit in Deo liberum decretum proportionatum effectui præmisso, quia non potest esse futurum nisi per voluntatem, aut cum voluntate Dei, & ita absoluta præscientia effectus absolute futuri necessariò supponit in voluntate Dei determinationem ad talem effectum producendum. Futura autem sub conditione tantum, ut sic præcisè spectata, non sunt de facto futura in aliqua differentia temporis, & ideo non necessariò supponunt decretum cum actuali determinatione voluntatis Dei, quia illud futurum ut sic, adhuc manet in statu possibilium. Secundò verò addimus hanc scientiam conditionatam necessariò includere in obiecto suo adæquato decretum Dei, non ut iam præexistens in voluntate Dei, sed ut comprehensum obiectivè sub conditione illa, sub qua futurum illud proponitur: ut, v.g. cum dicimus Deum præscire, quòd si homo ita vocetur ad fidem, consentiet, non est sensus, quod consentiet suis viribus solis, sed quòd adiutus tali vocatione, & cooperante etiam physicè gratia adiuvante, quæ cum illa offertur, & concurrente etiam Deo per influxum generalem gratiæ. Conditiò ergo hæc omnia includit, & consequenter includit propositum Dei dandi, vel offerendi hæc omnia cum vocatione, & tunc dicimus præscire voluntatem hominis etiam esse cooperaturam, & sic præscire Deum sub tali conditione consensum hominis.

Vnde non sequitur cognoscere Deum illum consensum ut effectum voluntatis, & non gratiæ, nam præscitur ut effectus futurus ex voluntate præveniente, & adiuta gratia. Nec etiam sequitur sciri ut effectum gratiæ solum in genere causæ moralis, quia licet futurus sit à gratia præveniente tantum moraliter, etiam præscitur futurus physicè à gratia cooperante, seu adiuvante, quamvis non prædeterminante. Denique non sequitur inefficacem esse discursum Augustini ex testimoniis Scripturæ contra Pelagianos, & Semipelagianos. Cum enim tam sanctitas ipsa, quam initium sanctitatis, vel fidei, vel voluntas credendi sit effectus divini electionis, & propositi, optimè inferitur, non posse esse causam eius etiam ut prævisam, quia ut prævisa per absolutam scientiam procedit ex vocatione data ex proposito, atque ita supponit gratuitum Dei propositum: ut prævisa autem tantum sub conditione, non potest

A habere rationem meriti, ut in eodem libro latè probat idem Augustinus contra Semipelagianos, Et præterea etiam ut sic prævisa voluntas credendi, non prævidetur ut effectus solius liberi arbitrii, sed ut effectus vocationis dandæ ex proposito, non quòd in Deo supponatur, sed in conditione ipsa includatur, ut declaravi. Vnde tantum abest, ut ex illa doctrina Augustini præscientia conditionata excludatur, ut potius necessaria consecutione inferatur. Nam in illis capitulis ad peruenit Augustinus contra dictos hæreticos, ut fides sit ex vocatione, & non è converso, & quòd vocatio illa debeat esse ex proposito. In aliis autem locis eiusdem libri, & aliis supra allegatis, docet, vocationem ex proposito esse illam, quæ datur, prout Deus novit congruere homini vocato ut vocantem non respuat: hæc autem præscientia conditionata est, & ante omne decretum Dei liberum præexistens in Deo, ut probavi; ergo iuxta discursum Augustini non repugnat hæc præscientia prædestinationi, sed ad illam est necessaria, de qua re dicemus plura in lib. 5. cap. ultimo.

Neque efficaciora sunt alia duo testimonia ex epist. 105. & 107. nam euidenter loquitur in eis Augustinus de præscientia operum futurorum in tempore, atque adeò de præscientia absoluta, non de conditionata. Possimus autem illa testimonia retorquere quatenus in eis, præsertim in priori docet Augustinus bona opera, quæ Deus speciali gratia facit in nobis, præsciri à Deo supposita eius electione, seu prædestinatione: opera autem mala non ita cognosci. Si enim hoc verum est in absoluta præscientia, etiam erit verum in scientia conditionata; ergo saltem illa non possunt cognosci in decreto absoluto ex parte Dei, licet sit ex parte Dei conditionatum, quia neutro modo potest Deus ex se velle, aut prædestinare peccatum. Nec valet distinctio de peccato pro materiali, vel pro formali, quia Augustinus etiam de ipsa voluntate non credendi negat esse ex proposito Dei, præterquam quòd non potest habere locum illa distinctio, ubi malitia est inseparabilis ab actione prædestinata, seu prædefinita, ut iam probatum est, & in lib. 3. iterum est dicendum.

Quocirca ante præscientiam conditionatam futuri operis prævi, non solum non est necesse, ut antecedar in Deo decretum, in quo possit tale decretum sic præsciri, verum etiam neque in conditione ipsa potest obiectivè includi tale propositum. Quamvis enim necesse sit, ibi includi aliquod decretum Dei, quia sine aliqua libera Dei determinatione non potest aliquis effectus esse futurus; nihilominus non potest illud decretum esse tale, ut in illo cognoscatur esse futurus siue absolute, siue sub conditione, servata proportionem, & partitionem, quia neque ante, neque post scientiam conditionatam, neque in ipsa, seu obiecto eius potest dari decretum prædefiniens actum, sed permittens, & offerens generalem concursus, in quo solo non potest cognosci futurus actus, nisi simul cognoscatur determinatio, & cooperatio libera voluntatis hominis, ut præsens obiectivè, vel simpliciter, vel sub conditione. In bonis autem licet ante scientiam conditionatam non possit antecedere propositum præfinitivum, & omnino absolutum ex parte Dei, ne libertas lædatur; tamen supposita conditionata scientia potest optimè antecedere ante absolutam præscientiam eiusdem futuri: quia cum sit de bono obiecto, non repugnat Deo, & cum supponat

Præscientia conditionata ex obiectis Augustini locis necessariò deducitur.

9. Gemina ex eiusdem epistolis testimonia retorquentur.

10.

Decretum includum in conditione tale non est; ut in illo cognosci possit effectus absolute, vel sub conditione futurus.

7. Responsio prima.

Præscientia conditionata eo differt ab absoluta, quòd hæc supponat actualem determinationem voluntatis divinæ, quam illa ad supponit. Responsio secunda. Conditiò sub qua futurum proponitur, includit propositum dandi, vel offerendi cū vocatione gratiæ cooperantem influxum generalem.

8. Consensus præscitur ut futurus à gratia præveniente ut à causâ morali, à gratia vero adiuvante ut à causâ physica.



supponat vsum libertatis praevisum, non tollit illum, sed purificat conditionem, & illi accommodat vocationem, per quam infallibiliter, & liberè compleatur, vt latius in lib. 5. dicturi sumus.

Infrà lib. 5. cap. 24.

# C A P V T V.

*Deum habere conditionatam scientiam futurorum ante decretum liberum, seu voluntatis, secundum rationis ordinem, nec posse talem scientiam in tali decreto fundari, ex eisdem Scriptura, & Patrum testimoniis ostenditur.*

**N**ON possumus ratione confirmare sententiam nostram, nec modum, quo talis scientia in Deo est concipienda, explicare, nisi prius hoc punctum, in quo ab Auctoribus prioris sententiae, qui nobiscum in asserenda ipsa scientia conveniunt, dissentimus, diligenter expendamus, quod maxime ex eisdem Scripturae testimoniis, & Patrum à nobis praestandum est, & obiter aliquas rationes attingemus. Dicimus ergo eisdem testimoniis tam Scripturae, quam Sanctorum Patrum, posse sufficienter probari, hanc praescientiam, quae in Deo est, non fundari in decreto libero Dei, sed esse priorem illo secundum rationem, vel etiam secundum illum modum dependentiae, vel independentiae, qui inter actus solum ratione distinctos inueniri potest, quia nimirum potest talis praescientia esse sine tali proposito vel omnino, vel saltem sine illo vt priori in quo fundetur.

Assertio in hoc capite probanda.

2.  
Primum testimonium Scripturae. Matth. 11. 21. Luc. 10. 13.

Effugium.

Occluditur.

Hoc probamus primò ex verbis illis Christi. *Si in Tyro, & Sidone, &c.* nam supponendo, quòd sint dicta ex certa praescientia conditionata, vt illi Auctores, cum quibus nunc disputamus, admittunt, nullum potest cogitari propositum Dei liberum, & secundum rationem antecedens, in quo illa nitatur, respondent ante illam scientiam habuisse Deum propositum ex parte sua absolutum, & efficax, licet conditionatum ex parte dandi hominis Tyri, & Sidonis auxilium efficax ad agendam poenitentiam, si in eis talia signa fierent (quidquid tale auxilium efficax sit,) & in illo proposito cognovisse illam conditionalem, quia ratione illius habebat infallibilem veritatem, neque aliter illam habere potuisset. Sed, vt omittam, tum quòd tale propositum conditionatum, & liberum in tali casu, & materia gratis confingitur, tum etiam, quòd ille modus praescientiae repugnat cum contingentia veritatis cognitae, de quibus in discursu capitis generalius dicemus; specialiter repugnat illa responsio intentioni Christi in illo loco, & circumstantiis praedictionis eius. Quia sic immeritò Christus exprobrasset Iudaeos comparatione Gentilium, si illi essent conuertendi per aliud auxilium, quod non dabatur Iudaeis, sine quo non stabat Iudaeos conuerti: sic enim Iudaei iustam responsionem habuissent, qua reprehensionem declinarent, & causam disparitatis in ipsum Christum reicerent. Quin potius dicere possent, frustra, & fidei tantam vim in signis, & virtutibus posuisse, etiamsi coniunctas haberent inspirationes illis externis signis proportionatas, si alia Dei voluntas absoluta non accederet, per quam voluntas audientis determinetur,

quia sine hac parum illa omnia valent, & haec sine tot virtutibus, & signis sufficeret.

Igitur sistendum est in illis virtutibus, & praeveneribus auxiliis, quae Iudaeis data sunt, ita vt illa verba Christi, *Si in Tyro & Sidone factae essent virtutes, quae factae sunt in te*, praecise, & exclusivè intelligantur. nam si aliquid aliud, & efficacius dandum Tyriis, & Sidoniis Christus substituit, non est sincerè loquutus, nec iustam obiurgationem Iudaeis obiecit. Sed ad hoc etiam respondent, obiurgatos comparatione Gentilium, non quia non fuisset tunc maior, & efficacius internum auxilium dandum Gentilibus, sed quia Iudaei indigniores ad illud recipiendum se reddiderunt. Haec autem responsio textus, aut intentioni Christi consentanea non est, quia non de prioribus peccatis, sed de praesenti obduratione, & incredulitate eos obiurgabat; neque reprehendit Iudaeos propter praecedentia peccata vt prius commissa, sed propter duritiam cordis, & firmam ad sua peccata adhaesionem voluntariam, quam tunc habebant, & quam non habuissent Tyrii & Sidonij, si apud illos signa fierent, praeterquam quòd illa evasio non potest accommodari ad auxilium efficax quacumque ratione explicatur. Nam si

3.  
Verba Christi, si in Sidone, &c. intelligenda praecise, & exclusivè alterius auxiliij, alioqui Christus non esset sincerè locutus. Altera evasio.

Pugnat cum reatu & intentione Christi.

Infrà lib. 5. cap. 18. ad 11.

consistat in physica Dei praedeterminatione, vel in sola absoluta Dei voluntate, neutra pendet ex dispositione hominis, vt lib. 5. ostendimus, & ideo nec datur propter dignitatem hominis, nec propter indignitatem negatur. Et quamvis aliquod auxilium ex se efficax negaretur propter praecedens peccatum, hoc ipsum reuocandum erit, iuxta illam sententiam in praeuiam voluntatem, & determinationem Dei, quam pro solo suo arbitrio facit, à qua semper sumi potest sufficiens excusatio talis exprobrationis, vt in lib. 3. latè dicemus. Si verò auxilium efficax consistit in vocatione congrua, haec supponit scientiam conditionatam, vt in superiori capite dicebam, & quando vocatio non est efficax, id non provenit ex Deo, sed ex homine, & non provenit formaliter, (vt sic dicam) ex praecedentibus malis meritis, sed ex actuali repugnantia, quam homo praebet vocationi. Hanc ergo praevitit Christus, non fuisse futuram in Tyriis, & Sidoniis, & ideo vocationem, si daretur, futuram fuisse in illis congruam. Sed de his latius in citato loco lib. 5. vbi Augustini, & aliorum Patrum auctoritate vim, & efficaciam huius loci confirmabimus, & has evasiones varias esse ostendimus.

Secundò argumentamur ex alio principali loco, & revelatione facta Davidi 1. Regum 23. de adventu Saulis in Ceilam, si David ibi expectaret, & traditione virorum Ceilae, si Saul veniret, supponendo etiam, vt dicti Auctores nobiscum admittunt, illam fuisse revelationem certam, & infallibilem ex scientia certissima illarum conditionalium veritatum. Nam illa scientia non potuit fundari in decreto libero absoluto Dei, quandoquidem effectus non erat aliquando futurus verè, & secundum actualem existentiam, vt per se patet. Neque etiam potuit illa scientia supponere decretum liberum conditionatum, quo nimirum Deus ex se simpliciter praedefinierat, vt si David expectaret, Saul veniret, & si Saul veniret, Ceilae traderent David. Nam, vt omittam alia, quae generatim dici possent de otiositate, vt sic dicam, & indecentia talium decretorum conditionalium, quae neque in Scriptura, neque in effectibus divinae providentiae fundari possunt: in hoc particulari casu, & similibus, est specialis repugnantia, & indecentia

4.  
Secundum testimonium 1. Reg. 23.

Decreta libera conditionata in quibus aduersarij fundant hanc scientiam, otiosa & indecentia sunt, & contraria diuinae bonitatis, maxime circa actus malos conditionatè praefectos, quod deinceps fusi probatur.

doctencia contra diuinam bonitatem, quia actiones illae, vel Saulis veniendi ad capiendum David Ceilae peripatentem, vel Ceilitarum tradendi David in manus Saul, erant peccaminosae, & contra iustitiam; ergo contra bonitatem Dei est dicere, Deum ex se decreuisse monere Saulm, & Ceilitas, vel excitando, vel praedeterminando voluntates eorum, siue ad volendum obsidere ciuitatem in odium, & comprehensionem David, siue ad volendum tradere David obsessum in manus iniustissimi persecutoris.

5. Respondere solent hoc non esse inconueniens respectu illarum actionum pro materiali, quia non oportet, ut Deus illas praefiniat formaliter quatenus peccaminosae sunt, quod solum diuinæ bonitati repugnat. Quia, ut dicti Auctores censent, non solum sub conditione, sed etiam absolute praefinit Deus omnes actiones liberas peccaminosas, quae in quouis tempore fiunt, & voluntatem creatam ad illas praedeterminat, prout actiones reales, & liberae sunt, licet ut non sunt malae, seu deficientes. Nos verò in primis credimus, repugnare hoc maxime diuinæ bonitati, quia, cum malitia sit inseparabilis a ratione actionis hinc, & nunc circa talem materiam liberè facta, impossibile est, Deum ex se velle determinare voluntatem hominis hinc, & nunc ad talem actionem circa talem materiam prohibitam, vel ex se rectae rationi contrariam, quin consequenter, & moraliter velit, quidquid cum tali actione necessitudo coniunctum est. Nam etiam naturalis Philosophia docet, qui dat formam, dare consequentia ad formam; & moralis docet, cum velle malitiam, qui vult actum, a quo inseparabilis est malitia. Deinde credimus repugnare hoc Conciliis & Patribus definiuntibus Deum non praedestinare actiones prauas. Nam Concilium Arausican. can. 25. anathema dicit in eos, qui dicebant, aliquos esse ad malum praedestinos a Deo. quod de malo culpae intelligendum est, & de praedestinatione ad illas actiones, per quas si fiant, inuitabiliter culpa committitur. Neque enim poterat Deus aliter homines ad malum praedestinare, nisi ad tales actiones ad eos praedestinando, & praeparando, & ideo Prosper de ipsis actionibus, & affectibus libetis, quibus homines peccant, dicit ad obiect. Vincent. cap. 6. *Quod sicut Deus non indidit malo Angela illam voluntatem, quia in veritate non fecit, ita nec hominibus illum affectum, quo diabolum imitarentur, iusserunt;* & cap. 7. *nullo modo credendum huiusmodi homines in hanc desperationem ex Dei voluntate cecidisse;* & cap. 10. inde probat, Deum non esse auctorem alienius malae actionis, quia eius praedestinatione nunquam extra bonitatem, nunquam extra iustitiam. At certe actus peccati etiam pro materiali extra iustitiam est, & infra alia afferemus.

6. Solent autem aduersarij ad vitandam verborum inuidiam, dicere, praecognouisse Deum talem actum peccaminosum, si talis occasio occurreret in permissione, seu in proposito, quod habuerat permittendi illum actum, & non dare auxilium efficax ad vitandum illum si talis conditio impleteretur. Et rationem reddit Bannez, quia voluntas creatura, nisi a Deo efficaciter determinetur ad bonum, infallibiliter deficiet circa quancunque honestam materiam. Sed haec responsio vel intelligitur de permissione merè negativa ex parte obiecti talis diuini propositi, id est, quod ad neutram partem velit de se determinare voluntatem; vel intelligitur de tali permissione, quae supponat, seu includat positiuam determinationem ad actum repugnantem praeccepto, seu honestati. Si hoc secundum dicatur,

A haec responsio non est alia à praecedenti, sed palliat nomine permissionis, ne scandalizentur audientes, si dicatur Deus ex mera sua voluntate decreuisse determinare hominum voluntates ad actus peccatorum. Vnde illa, quae dicitur permissio respectu malitiae, reuera non est permissio, sed virtualis volitio. Nam Deus iuxta illum modum dicendi non tantum decreuit non dare auxilium efficax ad honestè operandum, sed etiam decreuit dare motionem efficacem ad talem actum in tali materia, ex quo necessariò resultat deformitas peccati: sequitur ergo per quandam connexionem, ac consecutionem ex illo decreto Dei; non est ergo vera permissio, sed virtualis praedeterminatio ipsius malitiae, & ideo mirum non est, quod ex tali decreto, seu permissione agnoscat infallibiliter peccatum futurum. At verò talis modus decreti, siue nomine praefinitionis, siue nomine permissionis significetur, repugnat profecto diuinæ sapientiae, & bonitati. Sic enim dixit Prosper sentent. 4. ad Gallos, *Non esse catholicum dicere, quod, qui non credunt Evangelica praedicationi, ex Dei praedestinatione, & consuetudine non credunt.*

B Si verò sit sermo de priori permissione negativa, in primis etiam illud est falsum, & quod Deus quando permittit peccatum, ex se definit non dare homini auxilium per se efficax, & necessarium ad vitandum peccatum; repugnat enim hoc sufficientiae gratiae, & possibilitati non peccandi, & illi principio tradito à Patribus, & Concil. Trident. quod Deus neminem deserit, nisi prius deseratur ab ipso, de quo specialiter videri potest Chrysostomus hom. 67. in Ioan. praeter ea, quae in lib. 3. & 5. dicturi sumus de illo. Deinde etiam posito illo modo permissionis non potest illa cognosci, quid faciet humana voluntas in tali eventu, sed solum quid non faciet. Probat primum ad hominem, quia ut aliquid faciat, indiget praedeterminatione, & praedeliberatione Dei; sed Deus per illam negatiuam permissionem non deliberauit dare praedeterminationem ad oppositum actum, neque ad alterum oppositum, ut supponitur; ergo ex vi illius decreti non potest cognosci, quid sit voluntas creata in tali occasione volitura. Secundò argumentor simpliciter, quia vel Deus in illa voluntate permittendi sistit omnino in negatione, ita ut solum velit non determinare ad actum bonum, neque ad malum, neque etiam offerre sufficientem concursum ad aliquem actum; & sic non solum non cognoscet in tali permissione aliquem actum futurum, sed potius agnosceret carentiam omnis actus, non ut contingentem, sed ut necessariam, & consequenter non cognoscet futurum peccatum, quia talis carentia in tali homine non erit culpabilis, cum non sit in illius potestate habere actum. Vel Deus permittendo non se habet adeò negatiuè, quin quantum ex se offerat concursum sufficientem, quo voluntas velit aliquid arbitrari suo, & tunc impossibile est in tali permissione praecise spectata determinare scire, quid vult illa voluntas, quia illud decretum permissionis Dei tam indifferens est, sicut ipsa voluntas hominis, sed in voluntate hominis id non potest cognosci, ut maxime aduersarij concedunt; ergo nec in tali decreto.

C Si verò sit sermo de priori permissione negativa, in primis etiam illud est falsum, & quod Deus quando permittit peccatum, ex se definit non dare homini auxilium per se efficax, & necessarium ad vitandum peccatum; repugnat enim hoc sufficientiae gratiae, & possibilitati non peccandi, & illi principio tradito à Patribus, & Concil. Trident. quod Deus neminem deserit, nisi prius deseratur ab ipso, de quo specialiter videri potest Chrysostomus hom. 67. in Ioan. praeter ea, quae in lib. 3. & 5. dicturi sumus de illo. Deinde etiam posito illo modo permissionis non potest illa cognosci, quid faciet humana voluntas in tali eventu, sed solum quid non faciet. Probat primum ad hominem, quia ut aliquid faciat, indiget praedeterminatione, & praedeliberatione Dei; sed Deus per illam negatiuam permissionem non deliberauit dare praedeterminationem ad oppositum actum, neque ad alterum oppositum, ut supponitur; ergo ex vi illius decreti non potest cognosci, quid sit voluntas creata in tali occasione volitura. Secundò argumentor simpliciter, quia vel Deus in illa voluntate permittendi sistit omnino in negatione, ita ut solum velit non determinare ad actum bonum, neque ad malum, neque etiam offerre sufficientem concursum ad aliquem actum; & sic non solum non cognoscet in tali permissione aliquem actum futurum, sed potius agnosceret carentiam omnis actus, non ut contingentem, sed ut necessariam, & consequenter non cognoscet futurum peccatum, quia talis carentia in tali homine non erit culpabilis, cum non sit in illius potestate habere actum. Vel Deus permittendo non se habet adeò negatiuè, quin quantum ex se offerat concursum sufficientem, quo voluntas velit aliquid arbitrari suo, & tunc impossibile est in tali permissione praecise spectata determinare scire, quid vult illa voluntas, quia illud decretum permissionis Dei tam indifferens est, sicut ipsa voluntas hominis, sed in voluntate hominis id non potest cognosci, ut maxime aduersarij concedunt; ergo nec in tali decreto.

E Et in hoc sensu falsum omnino est dicere, voluntatem creatam infallibiliter determinari ad malum, nisi efficaciter praedeterminetur ad bonum, quia perinde est, ac dicere voluntatem creatam ex se, & natura sua esse determinatam ad malum, quod secundum fidem dici non potest. Sequela patet, quia vel voluntas non praedeterminata potest se ad aliquid determinare, vel non potest. Si non potest; ergo

Idem Pro-  
spect.7.  
Altera pars  
dilemmatis.Chrysostomus:  
infra lib. 3. c.  
12. lib. 5. à  
cap. 10.Impugnatur  
actus.8.  
Graue inco-  
modum ex  
praedicta so-  
lutione.

ergo licet non prædeterminetur ad bonum, ex vi illius negationis non determinabitur ad malum, nisi ad illud prædeterminetur: sicut etiam è contrario licet non prædeterminetur ad malum, non determinabitur ad bonum, nisi ad illud prædeterminetur; ergo de se est indifferens ad utrumque, neque in sola negatione prædeterminationis ad bonum potest esse certa determinatio ad malum. Vel potest voluntas sine prævia determinatione ad aliquid liberè determinari, & tunc etiam si non prædeterminetur ad bonum, poterit simpliciter ad illud determinari, & non ad malum, aliàs apertè sequitur illam de se esse ad malum determinatam, nisi per contrariam prædeterminationem detineatur, & quasi à sua naturali inclinatione extrahatur, quod dici nullo modo potest, nec ratione creationis ex nihilo, quia est contra bonam naturæ institutionem, nec ratione peccati originalis in nobis, quia est incidere in errorem in præcedenti Prolegomeno reprobatur, quod peccatum originale abstulit libertatem ad operandum bonum.

9. Tertiò possumus similem probationem sumere ex aliis testimoniis Scripturæ, 'quibus veritatem huius scientiæ confirmavimus, ex quibus tertium omitto, quia in illo facillè dici potest, decrevisse Deum lenire, & mutare cor Regis Babylonis, si Sedecias se illi dedidisset: quamvis enim id probari non possit, neque etiam à nobis improbari potest, quia potuit Deus id decernere absolute, quia sine peccato fieri poterat, & postea posset idem facere sine læsione libertatis, per aliquam morionem, & cogitationem congruam. Omisso ergo illo loco, alter ex Actibus videtur satis efficax, virtute enim continet conditionalem hanc propositionem à Deo reuelatam, *licet maneas, & prædices in Hierusalem, non credem*; hæc autem non potuit cognosci in decreto absoluto, quo Deus ex se, & ante omnem præscientiam efficaciter decreverat, ut illi non crederent, etiam si illis Evangelium prædicaretur. Alioqui veritas illius conditionalis reduceretur in voluntatem Dei, ut in causam propriam, & primariam, non in voluntates proprias aliorum hominum, atque ita verè dicere possemus, ideo Iudæi Hierosolymis existentes non crederent, etiam si Paulus illis prædicaret, quia Deus decreverat, ut non crederent. Hoc autem nihil aliud est quàm dicere, homines ex Dei prædestinatione non credere, quod à Prospero in sentent. 14. ad cap. Gallor. suprà citata damnatum est. Non ergo ideo Deus vidit, illos non fuisse credituros, prædicante Paulo, quia ipse facturus erat, ut non crederent, etiam si Paulus prædicaret; non credere enim, aut nolle credere, non est opus Dei, nec obiectum dignum divini absoluti decreti: prævidit ergo ante illum tale decretum, illos sua mera voluntate non fuisse credituros, si talis conditio poneretur.

10. Scio hic etiam esse dicturos, antecessisse decretum, non quo voluit Deus facere, ut non crederent, sed quo voluit non facere, ut crederent. Sed hoc vel nihil est, vel in idem revolvitur. Nam si velle non facere nihil aliud sit, quàm nolle dare extraordinarium auxilium, quod esset congruum, vel quod alio quovis modo faceret, ut crederent, non esset tamen de se simpliciter necessarium ad credendum; sic facillè admitti potest, habuisse Deum tale decretum, tamen illud non sufficit, ut in eo infallibiliter prævideret Deus, illos homines non fuisse credituros, prædicante Paulo, quia sine tali auxilio haberent homines sufficientem

A vocationem, & auxilium, quo possent credere si vellent; ergo etiam si non essent habituri maius auxilium ratione prædicti decreti, & illo stante adhuc erat contingens, & de se incertum, an illi essent credituri, necne; ergo in illo decreto non poterat incredulitas illorum infallibiliter prævideri. Declaratur, nam hæc conditionalis, si Deus decrevit non dare copiosius auxilium ad aliquem actum, quàm sit ad illum necessarium, non fiet, non est vera ex vi illationis, quia non repugnat fieri cum solis necessariis, & quia ex negatione causæ non adequatæ, seu non necessariæ, non sequitur negatio effectus. Ergo si illud decretum solum est de non dando auxilio extraordinario, seu copiosiori, quàm sit necessarium simpliciter ad credendum, ex illo non inferretur per necessariam consequentiam, negatio credendi; ergo nec potest in illo decreto infallibiliter videri. At si decretum illud fuit de non dando auxilio simpliciter necessario ad credendum, profectò illud decretum fuit faciendi, ut illi homines non crederent, quia negatio actus non fit per positivam actionem, per se loquendo, & ex vi negationis, sed fit per ablationem causæ, vel influxus necessarij ad actum; ergo si Deus ex se supponitur habuisse decretum non dandi auxilium necessarium ad credendum, planè supponitur decretum, quo statuit facere, ut non crederent, eo modo, quo hoc factibile est.

C Quòd si cum illa negatione iungatur voluntas non credendi, hæc non poterit prævideri in solo decreto purè negatiuo ex parte obiecti, sed oportebit addere decretum determinandi voluntatem hominis ad volendum non credere, quod plus est, quàm velle facere, ut non credant, & magis Deo repugnat, in præcedenti testimonio declaratum est.

Quartò ad hunc modum induci possunt cætera testimonia, non solum quæ ex Scriptura, sed etiam, quæ ex Patribus allegavimus, possumusque omnia ad hoc argumentum reducere. Omnis conditionalis propositio de futuro actu libero est de actu malo, aut de bono, & de utroque actu Deus habet talem præscientiam certam, sed malus non potest in decreto antecedente præsciri; ergo, ut cognoscatur bonus, vel non est necessarium decretum, vel illudmet decretum, ne tollat libertatem, debet supponere conditionatam scientiam alterius veritatis. Maiorem admittunt aduersarij, cum quibus nunc disputamus, & probata est omnibus testimoniis in duobus præcedentibus capitibus adductis. Minor quoad primam partem de actibus malis probata est in secundo, & tertio testimonio proximè ponderatis, quia tale decretum non potest esse merè permissivum, sed necessè est, ut sit prædestinativum, vel, quod idem est, prædefinitivum saltem ipsius actus, qui vocatur materiale peccati, ut à me satis probatum est. Repugnat autem, ut decretum Dei sit prædestinativum actus mali, nam prædestinatio mali, etiam pro materiali non potest Deo tribui, ut probavi.

E Et addi potest alia sententia Prosperi sexta ad Gallos, in qua dicit, non esse Catholicum, qui asserit, *prædestinationem in homine operari siue ad malum, siue ad bonum. Nam prædestinatio semper in bono est, quia peccatum sola voluntate commissum, aut remittendum novit cum laude misericordia, aut puniendum cum laude iustitia*. Vnde rectè dixit Fulgent. lib. 1. ad Monimum cap. 13. *Possit aliquod peccatum ex prædestinatione Dei esse, si posset aliquis homo iuste peccare*. quod eleganter prosequitur vsque ad cap. 17. Et simili modo possemus nos dicere, posset actus

Hæc propositio non est vera vi illationis, si Deus decrevit non dare copiosius auxilium ad aliquem actum, quàm sit ad illum necessarium, non fiet. Ex negatione causæ non adequatæ, seu non necessariæ, non sequitur negatio effectus.



11. Ratiocinatio efficax in formâ, ex cæteris Scripturæ & Patrum locis desumpta.

Confirmatur minor iterum autoritate Prosperi.

Fulgent:



actus peccati ex prædestinatione Dei esse, si posset iuste fieri, cum tamen inseparabiliter habeat adiunctam malitiam, nullo modo potest ex prædestinatione fieri, & consequenter nec in prævio decreto cognosci.

12.  
Argumentū  
ad hominē  
contra Al-  
uarez.

Et quamuis de hac re in lib. 3. & 5. ex professo dicturus sim, nunc ad hominem libet argumentari; quia D. Alvarez de hac ipsa scientia conditionata disputans, duplex Dei decretum distinguit, vnum formale, & aliud virtuale: formale per se satis clarum est; virtuale verò esse dicit, quod in alio virtute continetur, quia in obiecto eius virtute, seu implicite clauditur, sicut in voluntate (ait) comedendi carnes in die Veneris, includitur virtute voluntas offendendi Deum. Cum ergo ipse supponit hæc decreta virtualia in Deo, profecto negare non potest, quin si Deus absolute prædefiniuit, ac voluit, vt in tali opportunitate, & occasione si occurreret, homo haberet consensum in obiectum, cui inseparabiliter est connexa malitia, negare non potest quin habuerit virtuale decretum ipsiusmet malitiæ. nam virtute continetur in illo obiecto formaliter voluto. Admittere autem talem voluntatem in Deo, etiam virtualem ex certa scientia, & cognitione omnium proprietatum, quæ in illo obiecto virtute, seu implicite continentur, profecto multum derogat diuinæ bonitati. Non sunt ergo talia decreta circa tales actus malos in Deo admittenda. Et quod de actibus positiuis dicimus, intelligendum est etiam de omissionibus actuum etiam voluntariis, ac liberis, quando tales sunt, vt cum indiuiduo, & libere cum tali scientia, vel negligentia contra præceptum suo modo sunt, inseparabilem malitiam habent, tunc enim eadem ratio versatur, vt intuenti facile patebit.

13.  
Robur no-  
stræ argu-  
mentationis  
ex Patribus  
vbius de-  
claratur.

Hoc ergo fundamento firmissimo supposito, optimè argumentamur ex testimoniis omnium Patrum, qui in Deo ponunt hanc scientiam conditionatam, etiam circa peccatum, & actum malum, & circa omissiones etiam malas, non enim possunt talia testimonia intelligi de præscientia supponente decretum prædestinans huiusmodi actus, quia hoc & aliis eorum sententiis, & veritati multum repugnat; ergo sicut illa testimonia cum aliis ex Scriptura adductis in cap. 1. de actibus peccatorum, probant dari in Deo hanc scientiam, ita probant, non fundari in antecedente decreto, quia permissuum purum non sufficit, nisi vel supponat aliunde eandem præscientiam, vel aliquam voluntatem absolutam, ac prædestinantem includat, vt probaui. Similiter idem docet Augustinus vbiunque ait, Deum velle hominem iustum in vita conseruare vsque ad illud tempus, in quo præscit eum peccaturum, & similia ponderata in cap. præcedenti, in quatuor prioribus testimoniis Augustini. Nam illa scientia non potest supponere decretum efficax ex parte Dei, etiam sub conditione ex parte obiecti, quia eandem indecentiam, & repugnantiam cum diuina bonitate includit. Idemque est de illa præscientia, quod homo non sit consensurus, licet vocetur, de qua loquitur Anselmus Matth. 6. quia etiam illa resistentia, seu negatio consensus est peccaminosa, nec potest Deus ex se illam velle, maxime cum sit contraria generali eius intentioni. Possumusque in hunc modum hanc parrem confirmare, primò, quia Patres admittunt, & supponunt hanc conditionatam præscientiam peccati futuri sub conditione etiam in electis, in quibus non permittit electionem impleri, ne pec-

August.

Anselm.

Confirmatio prima  
Admittendus  
est modus  
Providentæ  
aominis Deo  
consentaneus.

Actum sub conditione præuiusum impleatur, hoc attribuunt magnæ gratiæ Dei; ergo supponunt, illud peccatum non fuisse futurum ex decreto ipsius Dei, sed ex pura fragilitate ipsius hominis, cui subuenit gratia. nam homo ex se non indigebat illa gratia, nisi à Deo ipso in illo conditionato discrimine (vt sic dicam) constitueretur. Vnde cum Deus in secundo illo signo determinat homini tollere vitam, ne peccet, non tam illi gratiam concedit, quàm impedit, ne maleficium, quod erga illum cogitauerat, compleatur: quod est satis violentum remedium, magisque dignum Deo fuisset, non imponere illi homini talem necessitatem peccandi, etiam sub conditione. Non est ergo ille modus providentiæ Deo consentaneus, ac subinde non est ille sensus Patrum, sed planè supponunt, hominem ex se, & cum communi concursu de se indifferente fuisse peccaturum, si viueret, & ideo ex misericordia præueniri, vt potius præmaturè moriatur, quàm postea peccet.

Secundò potest vterius declarari, quia sicut multos rapit, quos præscit fuisse peccaturos, si viuerent, ita etiam multos in vita conseruat præsciens similiter fuisse peccaturos, quod euidenter docet Augustinus in eisdem locis de corrept. & grat. cap. 8. & de dono persever. cap. 9. & aliis; ergo sicut primum cognoscit in decreto conditionato, ita etiam hoc posterius; ergo sicut Deus rapit illum, ne cadat, ita hunc conseruat, vt cadat: hoc autem absurdissimum est, & contra Augustinum lib. 1. contra Iulian. cap. 8. in fine, dicentem: *Non ideo creat pecora in armentis, & gregibus impiorum, vt Demonibus immolentur, quamuis hoc eis nonerit esse futurum.* Quod ideo verum est, quo Deus non decreuit, vt impij immolare pecora Dæmonibus, nec facit, vt id faciant. Nam si hoc ex se, & absoluta voluntate decreuisset, profecto etiam crearet armenta, vt illa sua voluntas impleteretur. Sic ergo nos dicimus, si Deus præsciret, hominem, si viuat, commissurum esse actum peccati, quia ipse Deus ita determinauit sub eadem conditione, quando postea vult antecedens impleri, id est, hominem viuere, id velle, vt homo ille cadat, & efficaciam sui primi decreti in illo ostendat; est ergo indignum Deo talia decreta illi tribuere. Vnde Augustinus in verbis citatis, quamuis de præscientia absoluta loqui videatur, tamen vt supponere videatur conditionalem, qua Deus voluit creare armenta, etiam si præsciret, quod si illa crearet, essent immolanda Dæmonibus. Et ipsam scientiam absolutam talium peccatorum supponit, non esse in decreto, quo Deus ante illam præscientiam absolute decreuisset, vt homines talia facerent. Nam si crederet in Deo esse tale decretum, non esset, cur negaret; imò negare non posset, Deum creare armenta talium hominum, vt materiam haberent, ex qua suum primum decretum infallibiliter implerent.

Tertiò sunt maximè ponderanda testimonia, in quibus Patres rationem inquirunt, cur Deus hominem, vel Angelum creauit, quem præsciebat peccaturum. Nam in tali præscientia fingi non potest antecedens decretum conditionale, in quo fundetur. Oportebit enim supponere, Deum prius ratione, quàm absolute decreuisset creare Angelum, secum ita statuisse, si talem Angelum, vel hominem creauero, illum peccare permittam, illa vtrique permissione, quæ includat absolutum decretum determinandi voluntatem talis hominis, vel Angeli ad actum habentem connexam ineuincibiliter

14.  
Confirmatio  
secunda.

August.

Deus neminem  
conseruat  
ut cadat.

15.  
Tertia con-  
firmatio.

Quale de-  
cretum in-  
dignum Deo  
teneatur  
admittere  
aduersarij.

tabiliter malitiam peccati. Hoc suppono tanquam manifestum in illa sententia, ex quo inferatur infallibiliter illa conditionalis illatio, seu ex vi illusionis, ut in illa sententia supponitur necessarium. Talis autem cogitatio habet repugnantiam ad diuinam bonitatem, quam satis ponderauimus, & per se statim occurreret cuilibet attentè consideranti. Habet etiam difficultatem de necessitate peccandi, quæ inde sequitur, & est contraria libertati, ut ex Prolegomeno præcedenti facile potest intelligi. Sed hæc prætereo, & in auctoritate Patrum insisto, est enim illa cogitatio euidenter aliena à mente Sanctorum illam quæstionem, vel rationem inquirentium; nam si præscientia peccati sub conditione futuri supponit decretum illud, in quo eius veritas, & illatio fundatur, potius quærenda esset ratio, cur Deus satis decretum habuerit. nam ibi esset sola ratio admirationis, & difficultatis, & sine dubio esset maxima, & iudicio meo inexplicabilis, quando Deus, cum sit summè bonus, & sapiens, sola libertate, & nulla occasione sumpta ex determinatione creaturæ talem determinationem ex se habuerit. At Patres nullam quæstionem de hoc mouerunt, nec rationem talis decreti dare tenuerunt; ergo signum est illam præscientiam, quam supponunt, esse simplicem scientiam quasi naturalem in ordine ad decreta libera diuina, quia ante illa supponitur, & ea nonobstante, decreuit Deus hominem liberè creare, & illi præceptum imponere, & suæ libertati eum committere, & hoc est primum decretum liberum, quod Sancti circa creationem hominis, vel Angeli ponunt, & ideo de illo solo rationem reddunt, cur illa præscientia ei non obstitit, quia malicia (inquiunt) hominis illo modo futura non potuit vincere bonitatem Dei, nec debuit puniri antequam fieret. Quæ rationes nullo modo accommodari possunt ad illud conditionatum decretum, ut constat; est ergo ille modus explicandi dictam præscientiam in illo casu alienus à mente dictorum Patrum, & per se incredibilis, cum nulla auctoritate nitatur, & sit de re obscurissima pendente ex sola libertate Dei, & habente alias difficultates, & incommoda, quæ insinuauimus.

Quare Deus illud habuerit, difficultas inexplicabilis. ideo intacta Patribus quod tale decretum conditionatum ab eorum mente sit alienum.

16. Præscientia actus boni sub conditione futuri non fundatur in decreto conditionato secundum Patres.

Primo, quia Patres fundant congruitatem vocationis non in decreto, sed in quadam attemperacione vocationis cum voluntate in his circumstantiis. Supra cap. 3.

Venio ad alteram partem de hac præscientia prout à Patribus esse dicitur de bonis actibus sub conditione futuri. In quo in primis consideranda est illa præscientia, quam Sanctus Augustinus antecedere supponit ad congruam vocationem, nimirum, quia præscit Deus quis modus vocationis erit congruus alicui, ut vocationem non respuat. quod etiam aliis allegatis locis dixit Chrysostomus, Deum aliquos ex gratia tunc vocare, quando eos scit obtemperaturos. Nam illa præscientia, ut ostendit, non potest esse absoluta, cum hæc sequatur ad propositum, sic vocandi, ut constat; est ergo scientia conditionata. Et non potest fundari in conditionato decreto. Primo, quia non fundant Patres congruitatem vocationis in decreto, sed in quadam attemperacione vocationis ad talem voluntatem taliter affectam, & tali tempore cum talibus circumstantiis præcognitam, quam Deus infinita sua sapientia intimè prospiciens intuetur in tali opportunitate esse obtemperaturam, ut videre licet in Augustino locis allegatis, & præcipuè in dicto cap. 14. de dono perseuer. vbi ex eo, quod Deus aliquos vocat prout nouit eis expedire, infert, esse in aliquibus naturaliter munus quoddam intelligentia, quo præmoueantur ad fidem, si congrua suis meritis vel audiant verba, vel signa conspiciant. In qua illatione aperte sentit veritatem illius conditionalis, si ista

ita vocetur, consentiet, non fundari in antecedente decreto Dei prædeterminante, illud enim in quocumque homine cuiuscumque conditionis, vel ingenij semper erit efficax: sentit ergo Augustinus illam præscientiam nullum supponere decretum, à quo habeat vocatio illam congruitatem, sed hanc sumi ex coaptatione ad tale ingenium cum aliis conditionibus, quibus perspectis Deus infinita sua scientia veritatem futuri consensus intuetur.

Secundò idem probamus ratione, quia hæc conditionata scientia, quam Augustinus, & alij Patres supponunt, ante vocationem præcedit secundum rationem ad propositum absolutum dandi vocationem; ergo nullum aliud decretum supponit vel absolutum, vel conditionatum. Maior euidentis est ex testimoniis, & statim amplius probabitur; consequentia verò quoad priorem partem de decreto absoluto probatur, quia vel illud esset in Deo per modum intentionis dandi homini consensum liberum in fidem, vel quid simile, vel esset per modum executionis, ita ut eadem volitio, sit effectio ipsiusmet consensus hominis, vel saltem motionis prædeterminantis ad illam. Prior actus non solum esse potest in Deo ante præscientiam absolutam futuri consensus, sed etiam est probabile semper præcedere in actibus bonis, & maxime in supernaturalibus, quia potest illos Deus prædefinire, & prædestinare, antequam absolute præsciat illos esse futuros. Nihilominus tamen hæc prædefinitio Dei supponit scientiam conditionatam in Deo, quia nouit, quod si hominem efficaciter moueat, aut vocet tali modo, infallibiliter conuertetur. quam præscientiam negare non possunt aduersarij, tum quia per se est necessaria ad talem actum intentionis absolutum prudenter habendum, quia nemo potest specialiter intendere, seu absolute velle consequi aliquem finem, nisi media, quibus illum consequuturus est, habeat præcognita. Vnde ut intentio sit infallibilis, necesse est ut media præcognoscantur, ut infallibiliter efficacia ad consequendum finem. Hæc autem præcognitio sistit in hac conditionali, si vsus fuero his mediis, consequar finem, & in præfenti reuocatur ad istam, si ita vocauero hunc hominem, consentiet. Tum etiam, quia dicunt auctores contrariæ opinionis, consensum infallibiliter sequi ex motione physice prædeterminante; ergo antequam Deus habeat intentionem saluandi, vel faciendi illum credentem, habet scientiam huius conditionalis: Si dederò, huic talem motionem, saluabitur, vel credet. Atque hinc facile probatur altera pars de decreto exequenti, quia omne volitum est præcognitum, etiam in Deo: sed Deus vult dare illam vocationem, vel motionem, ut congruam, & efficacem; ergo præcognouit illam vocationem; ergo antequam velit illam dare præscit, quod si illam dederit, habebit effectum, quod, ut probant, negare non possunt etiam aduersarij. Vnde quoad hoc solum est differentia, quia nos ponimus illam scientiam non ex vi illationis ex tali conditione: ipsi autem debent illam admittre ex vi illationis; & ita quantum ad hoc punctum reuocatur dissensio ad quæstionem de prædeterminatione physica tractanda ex lib. 3. per medium, ut latius in lib. 5. per totum. Iam verò probatur prior consequentia quoad decretum conditionatum liberum, quod in Deo præcedere debeat ad talem scientiam, & primò in sententia aduersariorum est euidentis, quia scientia illa, quam declarauimus, habetur ex vi illationis, vnde pertinet ad sciētiam simplicis intelligentiæ omnino necessariam; ergo nullum supponit decretum

17. Secundò idem ratione ostenditur.

Prima pars consequentiæ de decreto absolute probatur.

Scientia conditionata per se est necessaria ad actum intentionis absolutum prudenter habendum circa actus bonos.

Est etiam necessaria ad decretum exequenti.

Prima pars consequentiæ de decreto conditionato.

decretum liberum, sicut scientia huius conditionalis: si Sol creatus fuerit, illuminabit, vel si voluero creare mundum, incipiet esse, & quolibet similis est in Deo ante omne decretum liberum: non est autem minus necessaria illa conditionalis in vi illationis, si dederō huic homini mortem prædeterminantem, consentiet; ergo etiam illa non supponit decretum liberum conditionatum; sed potius in suo obiecto includit illud, non ut iam existens, quoad libertatem determinationem, cum respectu rationis, sed ut possibile nostro modo concipiendi; sicut intelligimus nunc fuisse in Deo possibile decretum liberum creandi alium modum, quod de facto non fuit. In nostra verò sententia probatur, quia vocatio non habet, quod sit congrua à physica prædeterminatione, neque ex immediata efficacia antecedente diuinæ voluntatis; ergo congruitas vocationis, seu efficacitatis eius ut possibilis non pendet ex aliquo decreto libero Dei etiam conditionato; ergo nec scientia de efficacia talis vocationis, si detur, supponit secundum rationem antecedens decretum conditionatum. Antecedens probamus, quia ille modus efficacie repugnat libertati, iuxta dicta in Prolegomeno præcedenti, & latius dicenda in lib. 5. Consequentia verò prima est per se satis evidens, quia nihil aliud est scire hanc conditionalem esse veram, si hæc vocatio detur, Homo consentiet, quam scire hanc vocationem cognitam ut possibilem, cognosci etiam ut efficaciter possibilem; ergo si vocatio non habet hanc efficacitatem ut possibilem à libero decreto Dei, sine illo, & ante illud præscietur, quia omne, quod est possibile, præcognoscit Deus ante omne liberum decretum. Et nihilominus in obiecto illius scientiæ includitur aliquod decretum Dei sub conditione, non tamen prædeterminans physicè, sed offerens concursum concomitantem, ut supra declaravi. Et ita quoad partem etiam reuocatur tota differentia questionum ad controuersiam de concursu Dei præuio, vel concomitante, & de præueniente gratia physicè prædeterminante, vel moraliter alliciente, & physicè tantum cooperante, & consequenter erit differentia in decreto incluso in obiecto illius scientiæ, seu in ipsa conditione, quale sit. Quod autem hoc decretum ut in re ipsa existens in Deo supponatur ad talem scientiam, in nulla sententia dici posse videtur.

Ultimò possunt ponderari testimonia Patrum, quia sicut dicunt præscire Deum hominem iustum esse lapsurum, si uiuat, per mortem præuenire illum, ne peccet; ita dicunt præscire Deum hominem prauum sui esse ætatum penitentiam, si uiueret, & nihilominus non vult ei concedere vitam, sed permittere, ut in peccato moriatur. Illa enim præscientia conditionata de penitentia nunquam futura non potest fundari in decreto absoluto, ut per se constat: conditionatum autem ibi superflueingeretur, & sanè præter intentionem Patrum. nam tale decretum solum esset huiusmodi. Si darem huic vitam, darem etiam penitentiam; quia tale decretum nec continetur in aliqua vniuersali promissione, vel ordinaria lege Dei, neque est necessarium secundum communem cursum providentiæ ad aliquem effectum eius, neque habet aliquam utilitatem, vel rationem: ergo & frustra ponitur, ac sine fundamento, & incredibile est, Patres fuisse loquutos de illa præscientia ex suppositione talis decreti liberi, cuius fundamentum, imò nec vestigium in Scri-

ptura, vel in effectibus, aut reuelationibus Dei inuenitur, quam rationem infra latius prosequemur, nunc enim solum ad ponderanda testimonia Sanctorum illam attingimus.

## CAPVT VI.

Quid de hac scientia conditionata  
D. Thomas senserit.

**Q**uoniam auctores contrariæ sententiæ (ut solent) auctoritate D. Thomæ in primis muniuntur, ideo in potissimis punctis huius materiæ, & maxime controuersis summa diligentia eius mentem inuestigare conabimur. Primum ergo D. Thomam non agnouisse scientiam hanc conditionatam vel omnem, vel saltem, quæ diuinum decretum antecedit, ex principiis eius colligunt. Primò, quia D. Thomas adæquatè diuidit scientiam Dei in liberam & naturalem; sed hæc scientia conditionata nec libera dici potest, quia est in Deo sine decreto libero eius, nec naturalis, quia simpliciter posset non esse in Deo, si voluntas creata aliter esset volitura, ut poterit etiam posita tali conditione; ergo est tertia scientia, quam D. Thomas non agnouit. Pro maiori certitudine D. Thomas 1. p. q. 14. art. 9. 3. p. q. 1. o. art. 2. ad 2. & q. 13. art. 1. ad 1. lib. 1. contr. gent. cap. 66. & 69. in fine, quod lib. 3. art. 3. q. 8. de verit. art. 4. q. 20. art. 4. ad 1. in 1. d. 38. q. 1. art. 3. in 3. d. 14. q. 1. art. 2. q. 2. in 4. d. 49. q. 2. art. 5.

Secundò, quia iuxta doctrinam D. Thomæ nullus est modus, quo possit Deus habere talem scientiam. Probat, quia 1. p. q. 14. art. 13. vnicam tantum viam esse dicit, qua possit Deus cognoscere futura contingentia, scilicet in præsentia æternitatis: sed conditionata futura non potest cognoscere in præsentia æternitatis, quia nunquam futura sunt, & æternitas non coexistit nisi in his, quæ in aliqua differentia temporis existunt; ergo in doctrina D. Thomæ futura conditionata contingentia non possunt subesse certæ, & infallibili cognitioni. Minor cum consequentia videntur clare. Maior patet ex D. Thoma 1. p. q. 14. art. 13. ubi distinguens duplicem statum futurorum in se, & in causis suis, ait, in causis nullo modo posse certò cognosci, sed ad summum per coniecturam: prout autem vnumquodque illorum est actu in seipso, sic subdi cognitioni certæ, & infallibili, & quia ita attinguntur per æternum Dei intuitum, ideo certò præsciri, quia eius æternus intuitus fertur super omnia, ut super æternitatem præsentia. In quo discursu manifestè omnem alium modum cognoscendi futura contingentia excludit. Idem docet 2. 2. q. 171. art. 6. ad 2. & lib.

1. contr. gent. cap. 67. ubi in ratione prima hanc sumit propositionem. *Contingens certitudini cognitionis non repugnat, nisi ut futurum est, non autem ut præsens est.* Declarat autem solum esse præsens pro tempore, pro quo est, quæ præsentia locum non habet in re nunquam futura, & in toto illo capite explicat præsentiam per actualem existentiam, quæ in futuris conditionatis ut sic non interuenit. Idem habet in 1. d. 38. q. 1. art. 3. & q. 2. de verit. art. 11. ubi generaliter concludit, contingens, ut futurum est, per nullam cognitionem etiam diuinam posse infallibiliter cognosci. Quod etiam tradit q. 6. de Malo, art. 7. & ubique addit particulam exclusiuam, dicens, non posse futura contingentia

Quale decretum includatur in obiecto scientiæ modis.

Propositio tripartita: quæ aduersarij nituntur probare ex D. Thoma. Prima ab adæquata diuisione scientiæ in liberam & naturalem.

D. Thom.

2. A cognitione futurorum contingentium in præsentia æternitatis.

Idem;

Idem.

Incredibile est Patres fuisse loquutos de præscientia supponente tale decretum cuius nusquam vestigium in Scriptura vel in effectibus Dei inuenitur.



tingentia certè sciri, nisi tali modo, vti que ut præ-  
scientia dicto modo; ergo.

3. Et confirmatur primò hoc testimonium D.  
Thomæ, quia si semel admittatur præscientia  
hæc conditionata, apertè sequitur, posse etiam ab-  
soluta cognosci alio modo, quàm per præsentiam  
æternitatis, nimirum, in aliqua causa proxima, vel  
remota, quod est contra eandem hypothèsim po-  
sitam in doctrina D. Thomæ. Sequela patet, quia  
si Deus ante omne decretum liberum per sim-  
plicem intelligentiam videt, hanc conditionalem  
esse veram, si Petrus in tali occasione cum tali-  
bus circumstantiis constituitur, liberè loque-  
tur, & in posteriori signo addatur decretum libe-  
rum, quo vult Petrum constituere in tali occa-  
sione, & circumstantiis, eo ipso videt Petrum libe-  
rè esse loquuturum in illis duabus præmissis sine  
discursu ex parte sua; ergo iam videt futurum ab-  
solutum alio modo, quàm per præsentiam  
existentiæ eius. Idem argumentum potest con-  
tra me fieri: nam supposita illa conditionali scien-  
tia, dico posse Deum prædefinire actum liberum  
futurum, saltem per modum intentionis abso-  
lutæ; ergo iam cognoscit Deus per absolutam  
scientiam in illo decreto Dei illum actum esse  
absolutè futurum, cum tamen in illo signo non  
videatur illum futurum in se ut præsens, quia  
pondum intelligitur decretum absolutum Dei,  
quo & conditio verificetur, & fiat effectus, sine  
quo non potest talis effectus videri ut præsens in  
æternitate.

Instantia ad  
hominem  
contra au-  
thorem.

4. Et confirmatur secundo, quia D. Thomas 1. p.  
q. 14. art. 13. ad 2. dicit veritatem conditiona-  
lis propositionis consistere in bonitate illatio-  
nis, sed in istis conditionalibus propositionibus,  
de quibus tractamus, illatio non est bona. nam si  
esset bona, esset necessaria, & si esset necessaria,  
iam futurum non esset contingens, sed neces-  
sarium, quod est contra hypothèsim, & contra con-  
tingentiam, seu libertatem talium effectuum; ergo  
illæ propositiones vel sunt falsæ, vel saltem non  
sunt cognoscibiles ut veræ: ac subinde iuxta D.  
Thomæ principia non cognoscit illa, quia sicut  
Deus non potest facere, quod de se est impossi-  
bile, ita non potest scire, quod de se non est cogno-  
scibile, quia verum non est. Et hæc ferè sunt testi-  
monia, quæ Thomistæ in hac causa allegant.

In proposi-  
tionibus de  
futuro con-  
tingenti &  
conditionato  
illatio si es-  
set bona,  
esset neces-  
saria.

5. Tandem quòd hæc præscientia saltem non  
possit esse ante decretum absolutum ex parte Dei,  
cum conditione ex parte obiecti, probatur argu-  
mento iam supra facto, quia eadem est proportio  
futuri conditionati ad decretum conditionatum,  
quæ est futuri absoluti ad decretum absolutum;  
sed futurum absolutum non potest à Deo sciri,  
nisi prævio decreto absoluto in voluntate Dei:  
ergo nec conditionatum sciri potest, nisi prævio  
conditionato decreto. Consequentia clara est, &  
Maior ex paritate rationis videtur nota. Minor au-  
tem probatur ex D. Thoma in 1. d. 39. q. 1. art. 2.  
ad 5. vbi loquens de scientia absoluta futurorum  
contingentium, ait, *Scire secundum rationem, sequi-  
tur voluntatem*, & art. 2. ad 1. dicit, quòd scire Deum  
est subiectum voluntatis ipsius, unde supponit  
illam.

Hæc præ-  
scientia non  
potest esse  
ante decretum  
absolutum ex  
parte Dei, &  
conditiona-  
tum ex par-  
te obiecti.

D. Thom.

6. Nihilominus assero in doctrina D. Thomæ ni-  
hil inueniri huic scientiæ contrarium, imò in-  
terdum illam indicare, vel supponere. Ut hoc  
ostendam, distinguo duo, quæ in hoc puncto sem-  
per sunt separanda, scilicet, an sit talis scientia in  
Deo, & quomodo, seu quo medio sit. Priorem er-  
go partem, scilicet non ignorasse D. Thomam

Fr. Suarez, de Gratia Pars I I.

A hanc scientiam simpliciter, & quoad an est colli-  
gimus ex 3. p. q. 1. art. 5. ad 2. vbi tractans D. Tho-  
mas rationem Augustini, cur Christus tali tempo-  
re voluit incarnari, & Evangelium prædicari, quia  
præsciuit tunc plures fuisse in eum credituros;  
illius occasione attingit etiam locum Marth. 11.  
de Tyriis, & Sidoniis, & cum eodem Augustino  
lib. de dono persever. cap. 9. sentit verba illa Chri-  
sti dicta fuisse per absolutam reuelationem præ-  
nitentiz, quæ futura erat in Tyriis & Sidoniis, si  
conditio illa in eis fuisset impleta, & occulto iu-  
dicio diuinæ prædestinationis tribuit, quòd non  
obstante illa præscientia non fuerint talia signa  
apud illos facta. Vnde super cap. Marth. 11. de  
propria præscientia exponit locum illum, vbi  
infert ex illis Christi verbis conuinci errorem  
dicentium, non saluari nisi eos, quos Deus præ-  
sciuit, quia conuertetentur, si prædicaretur eis,  
Nam hæc (inquit) excludit, dicens, quòd Tyriis, &  
Sidoniis male erit, vti que quamuis credituri essent,  
si audissent, quia non indicabit Deus illos ex his,  
quæ facerent, sed ex his, quæ fecerunt, ut ibidem  
cum Augustino subiungit. Supponens non de-  
esse Deo talium operum scientiam, sed in ipsis  
operibus deesse rationem meriti, & demeriti, nisi  
in aliqua differentia temporis futura sint. Potest  
etiam idem D. Thomas allegari in 3. p. q. 1. art. 3.  
ad 4. vbi dicit, *prædestinationem supponere præscien-  
tiam futurorum*, quod de hac præscientia optimè  
intelligitur. nam absoluta præscientia futurorum  
potius sequitur ad prædestinationem, maxime  
iuxta sententiam Thomistarum. Sed ille locus, ut  
ibi notavi, incertus est. Item allegatur D. Thomas  
in eadem q. art. 2. & 6. vbi rationem decreti, quòd  
Deus habuit, ut Incarnatio nec statim in princi-  
pio mundi fieret, nec in finem eius reseruaretur,  
sumit ex præscientia futurorum effectuum libero-  
rum, qui essent in humano genere, si aliquo ex il-  
lis extremis temporibus Christus carnem assume-  
ret, vel nonsumeret. Quæ præscientia sine dubio  
conditionata est, quia & præintelligitur ante de-  
cretum de tempore futuræ Incarnationis, & sub  
conditione, si tali, vel tali tempore fiat, & multi ex  
illis effectibus de facto non euenerunt, quia con-  
ditio non est impleta. Ut v. g. præcognouit Deus  
fidem esse penitus abolendam in mundo, si differ-  
retur Incarnatio vsque ad finem ipsius mundi;  
quod tamen postea non euenit, quia conditio im-  
pleta non est: oportet etiam scientiam esse cer-  
tam, aliàs prouidentia Dei, quæ in illa fundatur,  
non esset certa. Denique oportet præscientiam  
non esse confusam, sed distinctam, & claram, &  
ideo determinatè, & in particulari præsciuit Deus,  
in quibus, & quomodo tales effectus euenirent, si  
Incarnatio antea, vel tardius fieret.

B infert ex illis Christi verbis conuinci errorem  
dicentium, non saluari nisi eos, quos Deus præ-  
sciuit, quia conuertetentur, si prædicaretur eis,  
Nam hæc (inquit) excludit, dicens, quòd Tyriis, &  
Sidoniis male erit, vti que quamuis credituri essent,  
si audissent, quia non indicabit Deus illos ex his,  
quæ facerent, sed ex his, quæ fecerunt, ut ibidem  
cum Augustino subiungit. Supponens non de-  
esse Deo talium operum scientiam, sed in ipsis  
operibus deesse rationem meriti, & demeriti, nisi  
in aliqua differentia temporis futura sint. Potest  
etiam idem D. Thomas allegari in 3. p. q. 1. art. 3.  
ad 4. vbi dicit, *prædestinationem supponere præscien-  
tiam futurorum*, quod de hac præscientia optimè  
intelligitur. nam absoluta præscientia futurorum  
potius sequitur ad prædestinationem, maxime  
iuxta sententiam Thomistarum. Sed ille locus, ut  
ibi notavi, incertus est. Item allegatur D. Thomas  
in eadem q. art. 2. & 6. vbi rationem decreti, quòd  
Deus habuit, ut Incarnatio nec statim in princi-  
pio mundi fieret, nec in finem eius reseruaretur,  
sumit ex præscientia futurorum effectuum libero-  
rum, qui essent in humano genere, si aliquo ex il-  
lis extremis temporibus Christus carnem assume-  
ret, vel nonsumeret. Quæ præscientia sine dubio  
conditionata est, quia & præintelligitur ante de-  
cretum de tempore futuræ Incarnationis, & sub  
conditione, si tali, vel tali tempore fiat, & multi ex  
illis effectibus de facto non euenerunt, quia con-  
ditio non est impleta. Ut v. g. præcognouit Deus  
fidem esse penitus abolendam in mundo, si differ-  
retur Incarnatio vsque ad finem ipsius mundi;  
quod tamen postea non euenit, quia conditio im-  
pleta non est: oportet etiam scientiam esse cer-  
tam, aliàs prouidentia Dei, quæ in illa fundatur,  
non esset certa. Denique oportet præscientiam  
non esse confusam, sed distinctam, & claram, &  
ideo determinatè, & in particulari præsciuit Deus,  
in quibus, & quomodo tales effectus euenirent, si  
Incarnatio antea, vel tardius fieret.

C præscientiam futurorum, quod de hac præscientia optimè  
intelligitur. nam absoluta præscientia futurorum  
potius sequitur ad prædestinationem, maxime  
iuxta sententiam Thomistarum. Sed ille locus, ut  
ibi notavi, incertus est. Item allegatur D. Thomas  
in eadem q. art. 2. & 6. vbi rationem decreti, quòd  
Deus habuit, ut Incarnatio nec statim in princi-  
pio mundi fieret, nec in finem eius reseruaretur,  
sumit ex præscientia futurorum effectuum libero-  
rum, qui essent in humano genere, si aliquo ex il-  
lis extremis temporibus Christus carnem assume-  
ret, vel nonsumeret. Quæ præscientia sine dubio  
conditionata est, quia & præintelligitur ante de-  
cretum de tempore futuræ Incarnationis, & sub  
conditione, si tali, vel tali tempore fiat, & multi ex  
illis effectibus de facto non euenerunt, quia con-  
ditio non est impleta. Ut v. g. præcognouit Deus  
fidem esse penitus abolendam in mundo, si differ-  
retur Incarnatio vsque ad finem ipsius mundi;  
quod tamen postea non euenit, quia conditio im-  
pleta non est: oportet etiam scientiam esse cer-  
tam, aliàs prouidentia Dei, quæ in illa fundatur,  
non esset certa. Denique oportet præscientiam  
non esse confusam, sed distinctam, & claram, &  
ideo determinatè, & in particulari præsciuit Deus,  
in quibus, & quomodo tales effectus euenirent, si  
Incarnatio antea, vel tardius fieret.

D Secundo probatur, nihil esse in doctrina D.  
Thomæ, quòd huic scientiæ repugnet, quòd fieri  
sufficeret respondendo ad primam obiectio-  
nem contrariæ sententiæ, quæ in hoc sensu maxi-  
mè procedit, reliquæ enim magis attingunt par-  
tem alteram de modo talis scientiæ. Primò er-  
go negamus reperiri in D. Thoma in locis, quæ  
ibi allegantur, diuisionem scientiæ diuinæ, in  
naturalem, & liberam: non enim in D. Thoma  
illa verba inueniuntur. Sed diuidit D. Tho-  
mas illis locis scientiam Dei in scientiam sim-  
plicis intelligentiæ, & visionis, sub quibus  
verbis in aliis locis quamplurimis eandem diui-  
sionem repetit, nunquam sub prioribus de scien-  
tia naturali, & libera. Arguens autem nomina mu-  
tauit, ut aliquam speciem difficultatis haberet

E Nihil est huic scientiæ repugnans in doctrina D. Thomæ. Satisfit primæ obiecti-  
oni supra-  
num 1. Nusquam S. Doctor di-  
uisit scienti-  
am Dei in li-  
beram & ne-  
cessariam.

C obiectio,

Nota fuit  
D. Thomæ  
scientiæ con-  
ditionata  
quoad an  
est.

August.

D. Thom.

Idem:

Scilicet



obiectio, tacite supponens verba esse æquivalentia, cum tamen neque reuera sint, neque ex doctrina D. Thomæ id probari possit. Admissa ergo diuisione illa sub verbis D. Thomæ negatur consequentia, nam illa adæquata est, & scientia conditionata simpliciter loquendo sub scientia simplicis intelligentiæ continetur, siue libera, siue naturalis appelletur, quia scientia simplicis intelligentiæ formaliter non habet ex eo quod talis est, quod sit libera, vel necessaria, sed ex eo, quod est de rebus possibilibus, seu abstrahentibus ab existentia in aliqua differentia temporis futura, & ideo inuenitur in Deo ante omne decretum liberum de rebus aliquando futuris. Et hoc totum conuenit in conditionatam scientiam, quia licet per illam videatur effectus contingens, non tantum ut contingens, sed etiam ut determinatum ad alteram partem ex hypothesi; tamen quia illa hypothesi nondum supponitur futura ex aliquo decreto Dei, totum id manet sub esse possibili, & ideo tota illa cognitio ad simplicem intelligentiam pertinet. Vnde neque illi Doctores, qui admittunt hanc scientiam conditionatam saltem in decreto conditionato, loquuntur ad mentem D. Thomæ, dum dicunt, talem scientiam esse scientiam visionis, quia D. Thomas nunquam posuit scientiam visionis circa res nunquam futuras, neque in illa differentia temporis habituras existentiam, ut in locis citatis videri potest: at verò hæc scientia esse potest de rebus, nunquam de facto futuris, ut de penitentia Tyrorum, de traditione Cesarum, & similibus. Igitur ex diuisione illa prout à D. Thoma traditur, nullum argumentum sumitur.

Diuisio scientiæ Dei in scientiæ simplicis intelligentiæ & visionis prout à D. Thoma traditur, non officit sententiæ nostræ.

8. Suppositio.

Nulla est in Deo scientia libera propria libertate actus ex parte operantis, quia suppositio non ex se, sed quasi resultat naturaliter.

Varie accipitur scientia libera & necessaria in Deo.

Admissa tamen diuisione sub illis verbis *libera*, & *naturalis*, supponendum est, scientiam Dei non posse dici liberam, ex parte ipsius scientiæ, prout nostro modo intelligendi est quasi elicitus à Deo, quia determinatio scientiæ Dei ad talem respectum, sub quo dicitur scientiæ huius, vel illius rei, non subditur libertati Dei, sed supposito obiecto quasi resultat naturaliter. Quod ita declaratur ex his, quæ in nobis accidunt: nam actus duobus tantum modis potest esse liber, scilicet, vel formaliter, seu elicique, vel denominatione ex imperio alterius actus: primo modo est actus liber voluntatis, non verò actus intellectus, sed ad summum posteriori modo. Sic ergo in Deo seclusa imperfectione elicientiæ, seu efficientiæ actus, determinatio actus voluntatis Dei est per se formaliter liber, nam proposito eodem obiecto potest per seipsam voluntas Dei ad illud ceterminari; intellectus verò non est sic formaliter liber, nec potest etiam determinari ex motione voluntatis suæ, quæ circa ipsum intellectum versetur, quasi applicando illum ad talem determinationem, quia cum omnis scientia Dei sit clara, & euident, & sit purissimus actus, neque quoad exercitium, neque quoad specificationem (ut more nostro loquamur,) potest pendere ex motione voluntatis. Loquendo ergo de propria libertate actus ex parte operantis, nulla est in Deo scientia libera, sed ipsa etiam visionis est *naturalis*, non simpliciter, sed præsupposito obiecto, sicut calefactio ab igne est naturalis, supposita tamen materia applicata, circa quam versari possit. Et ita etiam non procedit argumentum; quia verò obiecta scientiæ diuinæ quædam sunt necessaria, alia verò ex se non habent necessitatem, sed contingentiam; ideo ex parte obiectorum potest admitti illa diuisio. Inter obiecta autem non necessaria quædam sunt talia per solam determinatam habitudinem ad voluntatem creatam, nullo supposito decreto libero voluntatis Dei, alia pendunt ex antecede-

nte decreto libero voluntatis Dei. Potest ergo uno modo dici libera omnis scientia, cuius obiectum de se non est necessarium, sed posset non esse, siue hoc habeat ex habitudine ad voluntatem creatam, siue ad voluntatem Dei, & sic omnis scientia contingentium, siue conditionata, siue absoluta, diceretur contingens, & à naturali distingueretur. Potest item restringi nomen scientiæ liberæ ad illam scientiam, quæ versatur circa obiectum futurum ex libero decreto Dei, quia proprie non dicitur alicui liberum, nisi quoddam aliquo modo pendet ex voluntate eius quoad esse, & non esse, & sic omnis scientia conditionata, quæ non pendet ex actuali decreto Dei libero, nec illud supponit, dicitur naturalis, id est, non libera, sed necessaria saltem ex parte obiecti, quod supponitur independentem à libero decreto Dei, quoad veritatem sub esse possibili, sicut creature omnes sub esse possibili sunt scibiles independentem à libero decreto voluntatis diuinæ; sub illis ergo contineri possunt & veritates necessariae, & contingentes, & nihilominus omnium scientia est naturalis, & non libera ipsi Deo, quæ doctrina in se vera est, & contra D. Thomam esse non potest, quia, ut dixi, nunquam distinxit scientiam Dei in naturalem, & liberam, nec declarauit vnde illæ denominationes sumende sint.

Secunda obiectio retorqueri potest in eos, qui dicunt præuidere Deum hæc futura in prædeterminatione voluntatis creatæ facta à Deo per absolutum decretum; nam certe D. Thomas modum præcognoscendi futura contingentia nunquam docuit, nec antiqui Thomistæ ita interpretati sunt D. Thomam, sed vbique docent secundum D. Thomam non posse futura contingentia cognosci in causa, quantumuis præparata, & disposita ad effectum, sed solum in præsentia ipsius actualis determinationis, ut patet ex Capiteolo in 1. dist. 38. quæst. 1. art. 1. per totum, præsertim ad argumentum Durandi contra primam conclusionem. Caietano 1. part. quæst. 14. art. 13. circa responsum ad primum in fine. Hispanens. in 1. dist. 38. quæst. 1. artic. 4. ad 7. ubi Aquarius in additionibus ad Capiteolum conclus. 6. distinctius id tradit, omnes alios modos cognoscendi futura excludendo, affirmatque omnes Thomistas antiquiores ita sensisse. Imò etiam alij Scholastici, qui sententiam illam D. Thomæ impugnauerunt, intellexerunt D. Thomam ita illum modum elegisse, ut omnes alios reiceret, & in hoc sensu illam impugnaverunt, ut in Durando, Scoto, Aureol. & aliis in 1. dist. 38. & 39. videre licet. Hinc ergo argumentamur, quia cognoscere futura, in decreto prædeterminante liberum arbitrium, non est cognoscere illa ut præsentia, sed futura, neque est illa cognoscere in se, sed in causa; utrinque autem repugnat certitudini cognitionis futurorum contingentium iuxta principia D. Thomæ; ergo. Minor auctoritate sola nititur, & ideo videtur satis probata, & ex ipsis locis D. Thomæ, & ex aliis Doctoribus. Maior autem probatur, quia prius natura, quam intelligatur effectus prodire à causa physice prædeterminata cognoscitur in illa; ergo ut sic non cognoscitur ut præsens, sed ut futurum à tali causa, quia effectus non est præsens donec à sua causa manat: tunc autem non cognoscitur ut iam emanans à causa; ergo ut emanaturus à causa sic effectus. Et inde etiam concluditur, illo modo non cognosci effectum in se, sed in causa, quia nondum intelligitur emanasse de causa; ergo nec habere esse in se, ratione cuius possit in se cognosci,

9.

Retorquetur obiectio secundum prædeterminationem.

Capiteol.

Caietan.

Hispanens.

Scot. ibi d. 39. ad 5. quæst. 1. autem ponitur. Bonan. d. 39. art. 2. q. 3. Alenf. 1. p. q. 23. memb. 4. art. 3. & memb. 3. art. 4. Cordub. qu. 55. dub. 3. Heras. in 1. d. 38. art. 3. Egidius opusculo contra Corruptores Doctrinæ D. Thomæ. Cognoscere futura in decreto prædeterminante voluntatem non est cognoscere illa ut præsentia, sed ut futura, neque in se, sed in causa.

gnosci; ergo in causa vel ultimè completa cognoscitur. Denique in conditionatis futuris id declaratur, quia iuxta illam sententiam cognoscuntur in vi illationis, quia ex causa sic determinata necessariò sequitur effectus, saltem necessitate consequentiz, ut etiam aduersarij loquuntur; ergo per talem scientiam non cognoscitur effectus contingens in se, sed in quadam causa, cum qua habet necessariam connexionem, & illationem: hoc autem, ut dixi, repugnat futuris contingentibus, iuxta doctrinam D. Thomæ, & infra ostendemus esse in hac parte verissimam; nam ille modus cognitionis rerum contingentiz repugnat.

10.  
Dilucet.

Quocirca ad argumentum quatenus sit contra nos, respondemus, doctrinam illam D. Thomæ nobis non repugnare; quia etiam futura contingentia sub conditione non præsciuntur in causa à Deo, nec ut futura, sed ut in se sunt aliquo modo scientiæ Dei, æterna. Quando enim Deus ante decretum liberum de vocando tali modo Paulum præcognouit, quod si Paulus sic vocaretur, esset consensus, non id cognouit, quia viderit, ex voluntate sic necessariò sequi consensus etiam necessitate consequentiz, & ita nec cognouit illum effectum in tali causa, nec propriè ut futurum, sed cognouit ab illa voluntate emanaturum fuisse consensus videndo obiectiue ipsammet emanationem tanquam præsentem. Supponimus enim, cum Deus dicitur futurum contingens ut præsens, non intelligi de præsentia reali fundata in existentia actuali, quam res cognita extra Deum habet, etiam in mensura æternitatis, id etiam in absolutis falsum censemus, & alienum à mente D. Thomæ, ut Hispanensis supra etiam rectè sensit: intelligitur ergo de præsentia obiectiua, quæ in hoc consistit, quod non cognoscitur effectus ut contentus tantum in causa, sed ut emanans ab illa pro sua duratione, quæ ita menti Dei præsentatur, ac si esset in re iam præsens. Et ad eundem modum res futura etiam si non absolutè, sed tantum sub conditione sit futura. nam videndo in exemplo adducto voluntatem Pauli ex hypothese, seu conditionaliter ita constitutam, & vocatam, videt ab illa dimanare consensus sub eadem hypothese; & ita ille consensus sic videtur futurus ut præsens, & in se, non ut futurus, & in causa, ut in sequenti cap. latius exponemus. Vnde non obstat, quod hæc futura conditionata vel nunquam sint futura, vel quod cognoscatur prius ratione, quam sint absolutè futura, quia nihilominus cognoscuntur ut præsentia obiectiue æternæ Dei cognitioni, quia non in causis, sed in seipsis cognoscuntur, & quia æternus intuitus omnia complectitur, ut in sequentibus explicabimus.

11.  
Infringitur  
1. confirm.  
suprà n. 3.

Ad primam confirmationem respondetur, post scientiam conditionatam alicuius futuri duplex decretum posse intelligi in diuina voluntate, quo illa cognitio transeat in absolutam, ut in eadem confirmatione tangitur. Vnum est decretum executiuum, quo Deus vult purificare conditionem illam, ut res illa sit absolutè futura: ut, v. g. dare vocationem, per quam nouit voluntatem esse conuertendam, si illi daretur, & tunc eo ipso videri talem conuersionem in se ipsa, & ut præsentem in æternitatem secundum illam existentiam, quam suo tempore habitura est. Quia ex vi illius decreti vult Deus non solum dare homini omne auxilium præuium ad talem

Ex. Suarez de Genia Paris 11.

A conuersionem, sed etiam dare omnem concursum, seu actuale influxum cooperantem ex parte sua necessarium ad talem effectum, quem concursum simul cum influxu voluntatis hominis intuetur ut terminum ad talem concursum, & ita illa cognitio est intuitiua talis effectus in se ipso: vnde non est cognitio quasi per discussum virtualem, videlicet, si ille homo vocetur, consentiet: sed vocabitur, ergo consentiet, quia illa minor videtur in se quatenus ipsa vocatio cum omnibus aliis necessariis iam est determinata ad esse, & non potest videri sine termino simili modo præsentem; ergo illa cognitio non est extra modum intuitionis rei in se, ut præsentis æternitatis.

Præscientia conditionata potest transire in absolutam per decretum executiuum, vel per modum intentionis.

B Maior difficultas est in alio decreto, quod supposita illa præscientia conditionata, potest Deus habere per modum intentionis, volendo immediatè, & absolutè, ut homo consentiat, v. g. volendo credere, ex qua intentione vult dare illi talem vocationem; nam illud decretum, seu propositum dandi fidem, prius est secundum rationem, quam voluntas executiua dandi vocationem; ergo in illo decreto scit Deus absolutè effectum esse futurum, priusquam illum ut absolutè præsentem in æternitate intueatur, atque cognoscit prius futurum ut futurum in causa, quam illum videat in re præsentem. Ad quod respondeo, non posse negari hunc præscientiæ modum, non tamen ita esse in causa, quin includat præsentiam in æternitate, quatenus illam supponit in præscientia conditionata, & ad illam dicit habitudinem virtualem; non posset enim Deus habere tale decretum de futuro actu libero, nisi iam in thesauris sapientiæ suæ prænouisset vocationem, per quam potest infallibiliter executioni mandari, & ideo tale decretum dicit habitudinem ad illud obiectum, ut iam conditionaliter præsens æternitati, & virtute includat voluntatem dandi talem vocationem, & concursum, & ideo ille modus præscientiæ non excluditur ab illo modo, qui esse dicitur per præsentiam æternitatis, sed sub illo continetur, vel ad illum reuocatur.

12.

Præscientia in decreto per modum intentionis ita est in causa ut includat etiam præsentiam in æternitate.

C Ad secundam confirmationem respondemus D. Thomam in loco ibi allegato, non loqui de omni genere propositionum, sed tantum de illis, quæ fundantur in illatione, in quibus ad earum veritatem necessarium est, ut illatio sit necessaria. Non negat autem D. Thomas posse esse aliud genus conditionalium propositionum, quarum veritas non pendet ex formali illatione (ut sic dicam), sed tantum ex materiali, id est, ex actuali emanatione, quam de facto talis actus haberet à tali potetia, si talis conditio supponeretur, etiam si ex vi antecedentis causæ posset non emanare. In quo sensu habent illæ propositiones veritatem, ut possint cognosci, ut in sequentibus dicemus. Nec D. Thomas ignorauit hoc genus conditionalium propositionum, cum sæpè aliàs de illis loquatur magis in actu exercito, quam in actu signato, ut sic dicam. Vnde fortius potest hæc obiectio retorqueri in eos, qui admittunt in Deo hanc scientiam conditionatam; volunt tamen semper fundari in vi illationis, & ab illa pendere dicunt veritatem propositionis sic cognitæ, & ut bona sit illatio, necessarium putant interponi, & antecedere decretum Dei, in quo bonitas illationis fundetur. Nam ex dicta scientia planè sequitur hæc futura non præsciri ut præsentia, sed ut futura, & consequenter non cognosci ut futura contingentia, sed ut futura necessaria, quia co-

13.  
Solutur confirm.  
1. suprà n. 4.

Duplex genus est propositionum conditionalium. 1. Quarum veritas pendet ex formali illatione, & ex materiali duratione. Retorquetur.

C 1 gnoscentur

Vulgaris respon-  
sio in-  
tercludit ut.

gnoscuntur ex vi illationis necessitatis. Nec satisfacit vulgaris responsio, quod illa sit necessitas consequentiae, quae non repugnat contingentiae, quia illud est verum quando illatio fit ab aliquo posteriori, quod supponit iam factum contingentem effectum, ut si Deus scit, fiet. At verò quando illatio est ab aliquo priori, & causa praecedente, tunc necessitas consequentiae redundat in necessitatem consequentis, consequenter tollit contingentiam, seu libertatem, iuxta dicta in Prolegomeno precedente. Hoc autem modo ponitur necessitas illationis in his futuris iuxta dictam sententiam: nam bonitas, aut necessitas illius conditionalis illationis fundari dicitur in efficaci decreto, & praedeterminatione divinae voluntatis, quae est causa efficacissima talis effectus futuri tandem inducens antecedentem, & causalem necessitatem, ut implicet contradictionem, effectum non sequi posita tali causa; ergo in illis futuris est necessitas simpliciter, ac subinde non cognoscuntur ut futura contingentia, sed ut necessaria, quod est contra hypotheseum, & contra libertatem, & ideo nunquam D. Thomas talem modum cognoscendi futura contingentia nos docuit, sed absolute reiecit omnem praescientiam futurorum contingentium in causa, ut visum est.

14.  
Praemittuntur quaedam  
ad solutionem  
4. conclusum.  
suprà n. 5.

Propositio  
Inter scientiam absolutam & conditionatam in quo ex parte admit-  
tenda.  
lib. 2. de a. b.  
solur. scientia futur. cō-  
ting. cap. 6.

Vnde ad ultimam confirmationem respondemus admittendo ex parte proportionem inter scientiam absolutam, & conditionatam in ordine ad decretum divinae voluntatis, & ex parte negando illam. Duplex enim potest intelligi decretum voluntatis Dei ante praescientiam, scilicet absolutum, quod solet dici praedefiniens, vel praedestinans, & includens aliquam conditionem, vel limitationem. Dicimus ergo ad neutram praescientiam supponi necessario decretum absolutum, & efficax ex parte Dei, in quo effectus futurus cognoscatur. De scientia conditionata ita in argumento supponitur, & nos id iam diximus, & iterum dicemus. De absoluta verò alibi est à nobis tractatum latè, ubi contra Scotum docuimus, non esse voluntatem Dei absolutam, esse adaequatam rationem praesciendi omnia futura contingentia, neque primariam, & per se sufficientem cognoscendi aliqua. Non quidem adaequatam, quia peccata futura cognosci non possunt in aliquo decreto absoluto voluntatis Dei, quod secundum rationem talem scientiam antecedit, quia Deus ex se nullum tale decretum habet circa peccata, nec ut peccata sunt, nec ut actus sunt. Sed habet tantum voluntatem concurrenti ad illa, in qua voluntate per se spectata non potest cognosci effectum esse futurum, quia oportet simul cognoscere, voluntatem humanam esse concurrentem, quod in illo decreto Dei non est volitum, nec absolute definitum, & ideo non potest in illa cognosci. Neque etiam potest tale decretum esse prima, & unica ratio cognoscendi aliqua futura, videlicet actus bonos, & supernaturales, quia licet hoc possit Deus praedefinire, & ea posita praedefinitione infallibile sit, effectum esse futurum; nihilominus non potest Deus talem actum praedefinire salva libertate, nisi supponeret conditionatam scientiam medij, per quod posset facere, ut ille effectus liberè, & infallibiliter fiat. Et ita, ut paulo antea dicebam, illa praescientia non est in solo decreto per se spectato, sed ut habitudinem ad tale medium tali praescientiae substantem.

suprà n. 12.

15.  
Solutio in  
forma.

Sic ergo ad argumentum negamus absolutam praescientiam contingentium supponere neces-

A sariò decretum absolutum, in quo solo sufficienter habeatur. Nec D. Thomas in argumento in locis citatis id dicit. Aliud est enim quod praescientia absoluta futurorum supponat aliquod decretum liberum; aliud verò, quod supponat decretum, in quo solo nitatur. Primum est verum, quia sine futura efficientia Dei nihil potest esse futurum: efficientia autem Dei esse non potest nisi ex libero decreto voluntatis Dei, & ideo à sola praescientia omnis futuri supponit aliquod decretum voluntatis Dei, & hoc solum est, quod D. Thomas docet locis citatis. Secundum autem est falsum, nec docetur à D. Thoma in illis locis, sed solum, quod praescientia supponit aliquam voluntatem, quod univocalius. nam potest supponere volitionem non omnino absolutam, nec praedefinitam, in qua sola non cognoscitur satis futurum, ut declaratum est, & ideo D. Thomas saepe distinguit in Deo ipso certitudinem praescientiae à certitudine praedestinationis, seu praedefinitionis, & dicit omnia, quae praesciuntur à Deo, esse certa priori, non tamen omnia posteriori modo, ut videre licet 1. p. q. 23. art. 7. & quaest. 6. de verit. art. 3. & infra ostendemus, non omnia praescita à Deo esse ab eodem praedefinita efficaciter ante praescientiam.

D. Thom.

De alio verò decreto libero sufficiente ad agendum ad extra, licet non sit omnino absolutum, sed praedefinitum, dicimus versari discrimen inter scientiam absolutam, & conditionatam, quia absoluta supponit in Deo aliquod huiusmodi decretum, ut dixi; conditionata verò, minime. Et ratio est, quia scientia absoluta terminatur ad realem existentiam rei aliquando futurae, & quia talis existentia pendet à voluntate Dei, vel per se efficiente, vel cum causa secunda concurrente; ideo necessario talis voluntas libera supponitur tali praescientiae absolute. At verò scientia conditionata non dicit habitudinem ad effectum aliquando futurum, & ideo ex hac parte non dependet à decreto libero, quod in Deo supponat; sed dicit habitudinem ad effectum sub conditione futurum, ad quod satis est, ut in conditione includatur decretum Dei, non quod iam sit, sed quod si ex parte Dei ponatur, sufficiat, ut voluntas humana operetur de facto, Deo cum illa concurrente, seu cooperante. Quia ergo conditionalis nihil ponit in esse, ideo nec supponit in esse (ut sic dicam) decretum Dei, sed tantum in conditione illud inuoluit, ac proinde de his quae D. Thomas dicit de praescientia absoluta, non rectè fit illatio ad conditionatam quoad hanc partem, quia est ratio longè diuersa, ut declaravi. Aliae item difficultates possent obijci hinc in doctrina D. Thomae, sed in sequentibus capitibus commodius examinabuntur.

16.  
Proportio  
inter scientiam absolutam & conditionatam in ordine ad decretum in quo neganda.

Conditio-  
nalis nihil  
ponit in  
esse, ideo  
nec sup-  
ponit in esse  
decretum  
Dei, sed tan-  
tum in con-  
ditione illud  
inuoluit.

## C A P V T VII.

*Ratione à priori ostenditur dari in Deo conditionatam praescientiam, & principali fundamento contraria sententia occurritur, veritasque talium propositionum declaratur.*

Vt nostram sententiam ratione confirmemus, supponimus in primis, certum esse debere omnibus Catholicis, quod si in his propositionibus

1.  
Fundamen-  
tum totius  
disputatio-

nis æterni  
Catholico  
dubium.

bus conditionatis de futuro contingenti est aliqua veritas determinata in alterutra parte contingentie, illam non ignorari à Deo. Ratio est, quia omnis veritas de se scibilis est, obiectum enim scientie est veritas. & c. conuerso omne verum participat aliquo modo rationem entis, unde sub ea ratione scibile est: si autem obiectum est scibile, etiam scientia possibilis est, teste Philosopho *cap. 5. Ad aliquid*, quia illa duo correlatiue dicuntur: imò scibile dicitur à scientia, quæ erga ipsum veritari potest. Si ergo tale futurum est scibile, profecto etiam scientia de illo est possibilis: si autem illa scientia possibilis est, Deo maxime erit possibilis, tum quia si est possibilis illa scientia, aliqua perfectio est: ergo non potest Deo deesse: tum etiam, quia sicut Deus est omnipotens, quia habet summam potentiam, ita est omnisciens, quia habet summam scientiam: ergo si eius potentia eius se extendit ad omne possibile, ita et scientia ad omne scibile: ergo si hæc propositiones scibiles sunt, scientia illarum possibilis est Deo. Ac denique si Deo est possibilis talis scientia, actu ac necessario illam habet, supposita veritate, & scibilitate obiecti, quia, vt supra tengeti, scientia de se est perfectio necessaria, & naturalis, quia non libere, sed ex necessitate terminatur ad omnia scibilia, supposita capacitate ex parte obiecti: ignorantia enim vel nescientia cuiuscumque rei scibilis imperfectio esset in Deo. In his ergo omnibus non est, nec potest esse dissentio. Tota ergo controuersia ad hoc reuocatur, vt videamus, an illæ conditionales habeant determinatam veritatem scibilem.

Cardo 2.  
cultus.

2.  
Propositiua  
argumenta  
contraria  
scientie.

Primum:

Secundum:

Tertium:

Primi ergo opinantes, qui hanc scientiam Deo negant, in hoc maxime fundantur, quod in illis propositionibus non est determinata veritas, nisi antecedit decretum Dei, quo causæ determinetur. Ex ideo qui negant tale decretum, consequenter absolute, & simpliciter dicunt talia conditionata non cognosci certo etiam à Deo: qui verò decretum conditionatum ponunt, saltem negant, ante illud posse cognosci. Illud autem fundamentum, scilicet, in his propositionibus conditionalibus non esse determinatam veritatem, ita suadere videntur. Quia res antequam fiat, non habet esse nisi in causa sua; ergo nec potest habere esse futurum, nisi prius sit in causa sua, quia esse futurum includat esse, ergo vel in se, vel in causa: non in se; ergo in causa. Et patet ex differentia inter futurum, & præteritum, vel præteritum comparatum. Nam res dicitur præterita propter esse, quod in se iam habet, præterita propter esse, quod iam habuit in se, & quod iam fuit extra causas: futura verò nondum habuit esse in se, & ideo non potest determinari futura ratione propriæ esse, quod in se habet; ergo solum quia habet esse in causa. Rursus non quodlibet esse in causa sufficit, vt res dicatur futurum, sed oportet, vt habeat esse in causa determinata ad efficiendum, quia res etiam habet esse possibile in causa sua, & tamen non omne possibile est futurum, vt per se constat; ergo aliquid addit ad id esse futurum, vltro hoc, quod est habere esse in causa: nihil autem aliud addere potest, nisi determinationem causæ ad agendum, ergo si causa in qua res est possibilis, non sit determinata, sed indifferens, quia ipsa fuerit in illo statu, non potest effectus eius determinatus esse futurus; ergo nec propositio significans illum esse futurum, potest esse vera determinatè; ergo nec scibilis. At verò per conditionales propositiones de quibus tractamus, significatur effectus

Fr. Suarez, de Gradis Pars 1.1.

A determinatus futurus à causa secunda de se indifferens, & indeterminatus; ergo nisi præcedat aliquod decretum causæ primæ, quo causæ secunda esset determinata in tali euentu, non potest illa propositio habere determinatam veritatem, ac proinde nec scibilis erit per certum, & infallibilem scientiam. Unde si tale decretum non datur absolute, nec erit talis scientia; si verò datur, saltem non erit antequam illud secundum rationem antecedit.

Nihilominus dicimus in his propositionibus conditionatis conceptis ante liberum decretum Dei in ipso iam existens, esse determinatam veritatem, ratione cuius & scibiles sunt, & à Deo sciuntur, non in decreto suo, sed in seipsis. Hanc assertionem latè tractauimus in lib. 1. de scient. Dei cap. 6. & 7. & nihil ferè hic addendum occurrat. Quia verò moderni instant, & contendant totam veritatem determinatam futurorum contingentiam esse sumendam ex solo esse, & determinatione, quam habent in causa, ideo ad hanc falsam apprehensionem excludendam, rem iterum breuiter explicabo. Nam nobiscum in assertionem consentiens, id tergitur latè, & subtiliter Dionaleius in dicto Opusculo. cap. 6. & breuiter quidem, tamen etiam optimè Petantius 1. p. q. 14. art. 13. disp. 3. qui auctores rectè iudicant tandem omnino esse difficilem, & rationem in præscientia Dei de futuris contingentibus absolute futuris, quæ est de conditionatis, & ideo & cognoscibilitatem ex parte obiecti, & cognitionem ex parte Dei in futuris conditionatis ad instar absolutorum esse explicandam, quæ sententia mihi valde placet, videturque verissima, vt etiam in allegato loco dixi, & ideo per discursum vtiq; quæ communem rem totam breuiter explicabo, & pariter inter illa ostendam, & inde facile concludetur ratio à priori nostræ sententiæ, & oppositum fundamentum facile displicetur.

C Primò ergo ad explicandam veritatem horum conditionalium de futuro, declarandum prius est, quid sit, aliquid esse futurum proprie, & formaliter. Aliqui enim dicunt esse futurum, nihil aliud esse, quam habere esse in causa aliquo modo determinata, & nondum habere, vel habuisse in se illud. Hoc vltimum manifestum est ex distinctione futuri à præteriti, & pæteriti, & inde sequitur, scilicet, quod sit esse in causa, quia tunc futurum est aliquid esse, ergo debet esse alicubi; ergo vel in se, vel in causa: sed non in se; ergo in causa. Quia verò esse in causa, & sic, sufficit ad esse possibile, non verò ad esse futurum, vt constat, quia multa sunt possibilia, quæ non sunt futura, ideo additur, quod debet esse in causa determinata ad agendum. Nam eo ipso quod causa est potens, & est determinata ad agendum, effectus eius futurus est, quæ doctrina videtur sumi ex D. Thoma lib. 1. Penultimæ lect.

D 13. circa finem, ubi docet, futurum habere esse in sua causa, & ideo si sit simpliciter determinata ad vnum, effectum eius posse dici simpliciter futurum; si verò sit magis propensa ad vnam partem, effectum posse dici futurum, sed non omnimoda certitudinis, autem causa sit indifferens, & non magis determinata ad vnam partem, quam ad aliam, effectum non posse dici futurum, vel non futurum, sed possibile. Sed licet verum sit effectum, antequam sit, habere esse in causa, nihilominus formalis denominatio futuri non sumetur ex eo, quod res habet esse in sua causa, quantumuis determinata. Probat, quia hoc ipsum, scilicet, rem habere esse in causa, non est futurum, sed est præteritum.

E 13. circa finem, ubi docet, futurum habere esse in sua causa, & ideo si sit simpliciter determinata ad vnum, effectum eius posse dici simpliciter futurum; si verò sit magis propensa ad vnam partem, effectum posse dici futurum, sed non omnimoda certitudinis, autem causa sit indifferens, & non magis determinata ad vnam partem, quam ad aliam, effectum non posse dici futurum, vel non futurum, sed possibile. Sed licet verum sit effectum, antequam sit, habere esse in causa, nihilominus formalis denominatio futuri non sumetur ex eo, quod res habet esse in sua causa, quantumuis determinata. Probat, quia hoc ipsum, scilicet, rem habere esse in causa, non est futurum, sed est præteritum.

3.  
Affirmo  
nostra.

Dialecticus,  
Responsum.

4.  
Præmissum  
declaratio  
quid sit  
futuri  
speculatiue  
sumpti.

D. Thom. lib. 1.

Responsum  
primum ex  
piscando modo.

C 3. ergo



ergo non. potest in eo solo consistere formaliter ratio futuri. Item aliàs cognoscere aliquid esse futurum, nihil aliud esse, quàm cognoscere, talem rem habere esse in sua causa hoc, vel illo modo determinata, quod dici non potest, aliàs & Angelus posset cognoscere futura, quantum cognoscibilia sunt, quod potest comprehendere esse quod habent in causis, vel Deus non posset cognoscere futura contingentia cum certitudine, quia solum cognosceret habere esse in causa vel indifferente, vel ad summum inclinata ad vnam partem, quod non satis est ad certam cognitionem, vt D. Thomas dixit, & per se constat. Denique ex ipsarum propositionum, seu locutionum distinctione potest facile intelligi, non esse formaliter idem, rem esse futuram, & habere esse in causa determinata, id enim potest iuxta illam sententiam intelligi de causa determinata in actu secundo, quia illa non est causa in potentia, sed in actu; intelligitur ergo de causa determinata in actu primo: sic autem esse causam determinatam, & effectum esse futurum, non sunt formaliter idem, tum quia illæmet duæ propositiones non sunt synonymæ, ac proinde in ipsis significatis est aliqua diuersitas: tum etiam, quia prius natura habet res esse in causa determinata, quàm sit futura; tum denique quia potest causa non esse determinata in actu primo, & effectus esse futurus; & è contrario potest causa secunda esse determinata simpliciter, & effectus non esse futurus, vt ex dicendis constabit.

Non est formaliter idem rem esse futuram & habere esse in causa determinata.

5. Definitio futuri à Pefantio tradita impugnatur.

In rigore aliud est esse volitum, à Deo, aliud esse futurum.

6. Vergetur ad hominem contra Pefantium.

Aliqui ergo addunt rem esse futuram esse denominationem à voluntate Dei volente illam esse, antequam sit, ita vt rem possibilem esse futuram formaliter nihil addat, nisi determinationem extrinsecam à voluntate Dei. Ita Alexander Pefant. suprà, & fundatur, quia res possibilis non incipit esse futura, nisi per decretum liberum Dei. Vnde ipsum etiam futurum in causa naturaliter agente, vt, v.g. Solem cras esse oriturum, non est simpliciter futurum in illa virtute Solis, nisi adiungatur decretum Dei concurrenti cum Sole. Sed mihi etiam hæc sententia non satisfacit vniuersaliter loquendo: nam licet posset aliquo modo habere locum in rebus futuris per efficientiam solius Dei, & in futuris à causis naturalibus adiuncto decreto efficaci concurrenti Dei, & ablato omni impedimento, nihilominus etiam in his non videtur illo modo rectè explicari formaliter ipsum esse futurum. Nam formaliter, & in rigore aliud est esse volitum, & esse futurum. nam illud est prius, & ratio, seu causa alterius, præferim, si verum est potentiam Dei executiuam esse ratione distinctam à voluntate. Item si loquamur de voluntate intentionis, per illam non potest dici res esse formaliter futura, sed magis remotè, & quasi radicaliter. Præterea in effectibus, quos non Deus solus immediatè, sed cum causis secundis facit, esse futurum non est à sola voluntate Dei, esto non sit sine illa; ergo licet demus rem esse futuram per denominationem à voluntate Dei, non esset ab illa sola, sed simul à concausa. Probat, quia ab eadem causa habet res, quod sit futura, à qua habitura est esse, cum fuerit præsens: sed tamen, v. g. cum est præsens, non habet esse à sola voluntate Dei; ergo esse futurum in tali effectui, non est denominatio à sola voluntate Dei, sed à tota causa.

Maximè verò illa sententia est difficilis in effectibus liberis, supponendo, vt idem auctor supponit, voluntatem Dei non prædeterminare physice voluntatem creatam ad agendum, sed tantum concurrere concursu simultaneo, supposita suffi-

A ciente virtute in actu primo. nam hoc posito, vt consensus liber sit futurus, sufficit ex parte Dei voluntas concurrenti, & illud decretum non sufficit, vt effectus sit futurus; ergo esse futurum talis actus, non est denominatio ab illo decreto. Consequentia est clara, quia si illud esse futurum consistit in tali determinatione, debet esse & inseparabile ab illa, & sufficienter ab eadem in ratione formæ denominantis. quod ostenditur probando minorem. Nam voluntas Dei concurrenti cum voluntate libera, relinquit illam indifferentem, & potentem ad agendum, vel non agendum, etiam in sensu composito, & stante illo decreto Dei; ergo ex vi illius decreti nullus actus illius voluntatis habet, quod sit futurus. Quod maximè videre licet in actu peccati, quem Deus ex se non absolute vult, & ideo non potest habere, quod sit futurus per denominationem à voluntate Dei. Respondetur potest ex doctrina eiusdem auctoris, Deum prius ratione, quàm velit concurrere cum voluntate creatura ad determinatum, & priusquam det illi determinatum concursum, præuidere, ipsam voluntatem creatam ex se talem determinatum actum esse operaturam, & ideo accedente voluntate concurrenti, statim ab illa denominari, & esse rem futuram. Sed contra hoc est, quia sicut voluntas non potest actu operari sine concursu Dei simul cum illa actu operante, ita non potest esse, vel intelligi operatura, quin intelligatur habitura concursum Dei; ergo si præscitur operatura absolute, intelligitur habitura concursum Dei, & consequenter præintelligitur in Deo voluntas dandi concursum in tali tempore, &c. Si autem præscitur solum operatura sub conditione, in ipsa conditione includi necessario debet voluntas concurrenti; ergo seruata proportionem nulla ratione potest esse prius, voluntatem hominis esse operaturam, quàm esse habituram concursum Dei; ergo nec potest Deus prius præscire absolute illam esse operaturam, quàm velit cum illa concurrere, cum ab illa voluntate debeat manare concursus, qui in futura operatione creaturæ necessario imbibitur; ergo decretum concurrenti Dei solum, ac præcisè spectatam nunquam denominat effectum liberum creaturæ absolute futurum, nisi cum illo decreto coniungatur determinatio creaturæ in actu secundo futura. Et hac ratione præscientia futuri actus peccati non potest haberi in sola voluntate Dei, sicut neque esse potest in sola voluntate creaturæ, sed altior modus præscientiæ necessarius est, vt in lib. 1. de scientia Dei latius diximus, & statim breuiter attingemus.

Quasio eripitur Pefantio.

Dico ergo esse rem futuram formaliter consistere in transitu quodam rei ab esse, quod habet in causa, ad esse, quod in seipsa aliquando habitura est, vnde est quasi tendentia quædam ab esse in potentia ad esse in actu, quæ in re ipsa ponenda est. Loquimur enim de futuris realibus, & extra Deum, vt excludamus futura, quæ vel secundum ordinem naturæ considerari possunt in creatura pro eodem instanti prius natura, quàm velit, vel secundum rationem in decretis Dei liberis spectari possunt, de quibus cum proportionem erit secundum ordinem rationis loquendum. Hæc ergo declaratio formalis rationis significatæ per propositionem de futuro probatur in primis à sufficienti partium enumeratione, quia exclusis aliis declarationibus, nulla alia occurrere potest, quæ formalem rationem futuri declaret. Deinde ex conceptu immediato, qui responderet propositioni significanti rem esse futuram; cum enim dicimus,

7. Conclusio prima ex dictis, quod sit esse futurum formaliter.

Petrus

Petrus peccabit, nihil aliud significamus, nisi peccatum, quod secundum se est possibile huic voluntati successu temporis, vel tali tempore esse actu futurum in illa, seu ab illa; ergo per hanc habitudinem, ut ita dicam, constituitur peccatum illud in esse futuri: idem autem est in reliquis; ergo formaliter in hoc consistit ratio futuri. Denique considerando futura in ordine ad cognitionem nostram, licet interdum ex cognitione causæ, nihilominus tunc certi omnino reddimur de veritate prolatæ propositionis de futuro, quando expectato euentu, videmus in actu positum, quod prius erat possibile, & futurum esse poterat pronuntiatum; ergo omnes concipimus rationem futuri positam esse in illo transitu, & ab illo pendere realem, ut ita dicam, seu physicam veritatem propositionis de futuro. Nam si est illi conformis, est vera, si minus, est falsa, qualemque fuerit esse, quod habebat in causa.

8. *Esse in causa est fundamentum, esse actuale terminus futuri, rationis.*

Quocirca esse, quod effectus habet in causa, solum est fundamentum futuri esse, non ratio formalis eius: esse autem actuale ipsius pro sua mensura, seu temporis differentia, est quasi terminus futuri: futuri autem concipitur à nobis, quasi habitudo quædam, seu transitus à tali fundamento ad talem terminum. Quia verò iste transitus non potest innotescere nobis, nisi per causas, ideo incipimus, & loquimur iuxta exigentiam, & dispositionem causæ, & hoc modo loquutus est de futuris D. Thomas in dicta lectione 13. lib. 1. Periherm. Vnde cum ait rem, quæ habet esse in causa de se propensa, & determinata ad talem effectum, quamvis impediri queat, dici posse futuram, intelligit profectò quoad modum loquendi humanum sine mendacio, quam vocamus nos veritatem moralem, seu formalem, quoad intentionem loquentis ex humana coniectura. Nihilominus tamen id satis non est ad formale esse futurum, nec ad physicam, & realem veritatem loquutionis, quam etiam materiale in scholis solemus appellare, si in re ipsa, & cum effectu res non euenit, sicut prædicta erat. Et hoc modo dicit idem D. Thomas in 2. disp. 38. q. 1. art. 5. non posse hanc propositionem esse veram: Petrus curret, & quod Petrus deficiat à cursu, id est, quod cursus nunquam fiat, quia & propositio iam esset, & fuisset falsa. Vnde ad tollendam æquivocationem uti possumus distinctione frequenti apud eundem D. Thomam. Nam duobus modis dici potest aliquid esse futurum, vno modo, quia ita est ordinatum, vel dispositum in causis, licet fortasse in re ipsa futurum non sit. Ita significat D. Thomas citato loco Periherm. & 1. p. q. 19. art. 7. ad 2. & clarius q. 12. de verit. art. 10. ad 7. ubi ait, *Aliquid potest dici esse futurum non solum ex hoc, quod ita erit, sed quia est ordinatum in causis suis, ut sic sit futurum.* Et huius, quamvis Medicus prædicet sanitatem futuram, licet postea impediat, non dixisse falsum, quia ita erat in causis ordinatum. Et allegat Aristot. 2. de Generat. cap. 11. text. 64. dicentem, fieri posse, *ut is qui futurus est incedere, non incedat.* Sed, ut dixi, inter hæc duo illud est simpliciter, & absolute futurum, quod tale dicitur, quia tale erit, & talia sunt omnia, quæ Deus absolute, & simpliciter reuelat esse futura, ut, *Virgo pariet, Petrus peccabit.* Vnde ad veritatem talis propositionis de futuro necessarium est, ut res eueniat sicut futura esse cognoscitur, aut dicitur. Aliud verò quod est futurum tantum in ordine aliquarum causa-

D. Thom.

Quobus modis dici potest aliquid esse futurum iuxta Doctrinam Angelicam simpliciter & secundum quid.

rum, quæ tamen impedienda sunt, re vera non est simpliciter futurum; sed tantum secundum quid, id est, quantum est ex vi talium causarum, unde prædictio in tantum est certa, in quantum non est absoluta, sed factam conditionem, vel limitationem includens, scilicet, erit, quantum est ex præsentis dispositione causarum, vel nisi impediantur. Aut certe si est absoluta prædictio, non erit materialiter, seu realiter, ut sic dicam, vera, & ideo nunquam poterit esse reuelatio Dei, cuius veritas semper est non tantum formalis, sed etiam materialis, id est, non tantum non mentitur, sed etiam in re ipsa nihil falsum dicit, & in eo duo coincidunt, quia semper ex certa scientia loquitur. In homine autem, qui sæpe simpliciter affirmat quod sibi tantum probabile, aut verisimilius est, locutio illa de tali futuro, si absoluta sit, poterit quidem vera dici formaliter, id est, iuxta mentem loquentis, quia sic loquendo non mentitur; nihilominus tamen propositio ipsa in se falsa erit, quia non est conformis rei in se, de qua absolute profertur, & sic sæpe contingit aliquem dicere falsum, & non mentiri. Et hæc de ratione formali futuri.

Futurum secundum quid non potest esse reuelatio Dei, cuius veritas non tantum est formalis, sed etiam materialis.

Secundò declarandum est quid addat futurum contingens ultra rationem futuri. Aliqui existimant futurum contingens esse, quod in se est indeterminatum, & indifferens, ut eueniat, vel non eueniat, vel æqualiter ad utramque partem, vel inæqualiter; sed hoc vel non est verum, vel magna indiget declaratione, & limitatione. nam iuxta illam rationem contingens sequitur, contingens futurum re vera non recte dici, nec esse futurum, quia si adhuc est ex se indifferens, ut postea sit, vel non sit, profectò non magis dici potest futurum, quam non futurum. Item illud futurum contingens est verè futurum, quod Deus præscit futurum esse; sed illud quod Deus præscit esse futurum, non est indifferens ad non esse futurum, quia Deus definite iudicat esse futurum, & non esse defuturum; ergo iam ita est in se determinatè verum, ac futurum. Denique cum dicitur aliquid esse futurum simpliciter, significatur determinata habitudo esse potentialis, ad esse actuale in aliquo tempore præsentialem ponendum; ergo quantumvis sit contingens, si verè futurum dicitur, secundum illam habitudinem dicit determinationem ad esse, & excludit negationem essendi vniuersalem pro omni tempore futuro. Igitur cum futurum contingens, per hoc additum non excluditur, vera, & determinata ratio futuri, sed modus eius declaratur. Addit ergo contingentia supra rationem futuri indifferentiæ potentialem, non actua-lem in ratione futuri, id est, per illam proprietatem significatur, quod licet ille effectus determinatè futurus sit, nihilominus de se talis conditionis est, ut posset non esse futurus, quod pro-uenit ex parte causæ, quæ illud est effectura; nam talis est ut possit impediri, licet de facto non sit impedienda. Quod ita breuiter, & distinctè explicatur nam futurum contingens non dicitur tale, quia erit, vel non erit, hoc enim disunctum non est contingens, sed necessarium, & inuitabile: oportet ergo alteram partem determinare; ergo futurum contingens positum dicitur, quod erit, quamvis posset non fore: negati-uum autem dicitur, quod non eueniet, licet posset euenire.

9. Præmittitur secundò declaratio conceptus futuri contingens. Placitum quoddam.

Futurum importat determinatam habitudinem esse potentialis ad esse actuale in aliquo tempore præsentialem ponendum. Conclusio secunda.

Contingentia supra rationem futuri addit indifferentiam potentialem, non actua-lem.

Atque hinc intelligitur, quæ indifferentia sit de ratione futuri contingens, & quæ determi-

10. Quæ intell. feretia quæ-

ve determi-  
natio sit de  
ratione fu-  
turi con-  
tingentis.

natio illi repugnet. Est enim de ratione eius aliqua indifferentia in causa in actu primo præcisè spectata, quæ dici potest indifferentia potentialis, quæ indifferentia aliter est in causa libera, aliter in causa naturaliter agente, ut statim dicitur, & ideo solet generali modo indifferentia illa explicari per hoc quod causa sit impedibilis ne producat effectum. nam tunc licet habeat in potentia effectum, nihilominus carere potest effectum, & ideo habet effectus hanc indifferentiam potentialem, ut possit esse futurus, & non esse. Non est tamen de ratione futuri contingentis indifferentia actualis in ipsa habitudine ad esse in se pro aliqua differentia temporis futuri, nam, ut dixi, in hoc habet determinationem, alioqui non est futurum. E contrario verò determinatio in causa secundum se, & in actu primo considerata, repugnat contingentie futuri effectus, quia excludit indifferentiam illam, à qua talis effectus contingens denominatur. Nam hæc contingentia re vera in effectum non est modus realis intrinsecus ipsius effectus, sed est denominatio à tali causa, & indifferentia locus, sicut libertas in actu voluntatis non est modus eius intrinsecus, sed denominatio à tali principio habente talem indifferentem potestatem; ergo si determinatio quasi potentialis in causa repugnat futuro contingenti, non illi repugnat determinatio actualis, quæ in ipsa habitudine ad terminum spectatur, ut declaravi, & intelligi potest in effectum contingentem præsentem: nam licet habeat determinationem actualem à causa, nihilominus est contingens simpliciter ex modo agendi, seu potestatem causæ: ita ergo effectus futurus potest esse determinatus quoad actualem habitudinem ad esse actualem, etiam si sit contingens in potentia, seu in modo agendi causæ.

11.  
Obicitur  
doctrina  
Aristotelis  
circa propo-  
sitiones de  
futuro con-  
tingenti.

Contra hæc verò obijci potest doctrina Aristot. lib. 1. Periherm. cap. ult. dicentis in propositionibus singularibus de futuris contingentibus non esse determinatam veritatem, vel falsitatem, & ideo vel nullo modo cognosci posse, ut ea, quæ sunt omnino indifferentia, ad utrumlibet, vel solum per conjecturam, ut in his, quæ ut in plurimum eveniunt, vel ad quæ causæ magis inclinant. De hac sententia Aristotelis dixi in lib. 1. de Scientia Dei, cap. 2. & ingenuè fassus sum, me in hac parte ab Aristotele dissentire, quia eius sententiam fidei veritati repugnare sentio. Postea verò Diotaleuius Aristotelem ab errore excusare visus est, quia loquutus est (inquit) de futuris contingentibus formaliter, ut futura sunt, id est, habent esse in causis suis, & ex illis cognosci possunt, non enim potuit de illis secundum rationem aliquam præsentiam ratione naturali assequi, quam nos fide illustrari possumus vix concipere.

Diotaleuius  
excusat Phi-  
losophum  
ab errore.

12.  
Sed frustra.

Sed hæc interpretatio non declarat, quod Aristoteles non erraverit, sed quod ut homo erraverit, quia modum talis veritatis & præsentie eius cognoscere non potuit. Supponendo enim futura contingentia non habere aliam veritatem, nisi quam habent in sua causa, & ex vi eius, ut talem effectum in potentia continet, consequenter fortasse loquutus est, dicens non habere determinatam veritatem, nec subiacere certæ cognitioni. Tamen in illa suppositione erravit, siue per impotentiam naturalem assequendi aliorum cognitionem contingentium, siue ex alia quacunque causa, id enim parum refert, cum de errore cõstet,

A quia futura, ut dixi, non ex sola causa, sed etiam ex determinatione futura, & ex euentu rei per illa significata habent veritatem. Et licet antequam sint, non habeant realem præsentiam in propria mensura, habent nihilominus aliquam præsentiam, vel realem obiectivam in mensura æternitatis, & ideo illa eadem prius significata ut futura, absolute, & determinatè vera esse possunt per conformitatem ad suum terminum, etiam si in causis prout sunt tantum in potentia, & actu primo, non habeant determinatam veritatem.

Quod si Aristoteles illam præscientiam, seu modum veritatis assequi non potuit, excusabitur ipse à culpa: sententia autem, quas inde intulit, non poterunt ab errore excusari. Nam in primis intulit non esse alium modum veritatis in his propositionibus de futuris contingentibus, præter illam, quæ ex suis causis, & ab esse in potentia, quod in eis habent, cognosci potest, quod absolute verum non est, ut declaravi, & aperte repugnat præscientie Dei de his contingentibus. Vnde secundo intulit, hæc contingentia non habere talem veritatem, quæ infallibili ac certa scientia cognosci possit. Nec limitat sermonem ad cognitionem humanam, vel divinam, quia certè videtur intellexisse, in tali propositione non esse veritatem certò cognoscibilem à quocunque, in quo sensu falsa est omnino loquutio. Vnde tertio probabilissimum est, credidisse, nec Deum præscire in his futuris absolutam & determinatam veritatem, ac subinde Deum non præscire certò hæc futura priusquam fiant, quod illi multi antiqui Patres tribuerunt, & ex concessis à prædicto auctore necessario sequitur. Nam Aristoteles non cognovit futura posse cognosci ut præsentia, & in causis censuit non esse certò cognoscibilia; ergo inferre debuit, neque à Deo ipso certò cognosci. Quamvis ergo Aristoteles rectè philosophatus fuerit de his futuris præcisè spectatis in ordine ad solas causas, & cognitionem, quæ ex illis sumi potest, absolute de his futuris non rectè sensit. Negari enim non potest quin habeant in se determinatam veritatem, vel falsitatem de se certò, & infallibiliter cognoscibilem, si ex parte intelligentis virtus intelligendi non desit, ut in dicto lib. 1. latius dixi, & rationibus Aristotelis respondi.

13.  
Potest fortè  
à culpa ex-  
cusari: sen-  
tentia ta-  
men eius, in-  
de deductæ  
errores  
sunt.  
Prima.

Secunda.

Tertia.

Ex hac autem doctrina Aristotelis, quam quoad hanc partem probat D. Thomas, colligimus, & tertio loco addimus duabus principiis positis veritatem determinatam, quæ inest propositionibus absolutis de futuro contingentibus, non esse sumendam ex determinatione causarum quasi in actu primo constitutarum ad agendum, sed aliunde. Loquor de determinatione in actu primo, ut excludam causam ut iam determinatam in actu secundo, quia causa quando iam est, vel cognoscitur in tali statu, effectus eius etiam si sit contingens, non cognoscitur ut futurus, sed ut præsens, quia determinatio illa in actu secundo non est aliud, quàm ipsa actio, per quam effectus accipit esse, & ideo sic spectatus iam non ut futurus, sed ut præsens consideratur; & ideo ut sic potest veritatem sumere à causa determinata in actu secundo, & in ipsa determinatione cognosci tanquam in via, quæ in seipsa, & tanquam præsens videatur. Futurum autem ut futurum ante hanc determinationem considerandum est, ac proinde solum spectatur in causa ut constituta in actu primo, & sic dicimus non habere veritatem certam, vel determinatam in illa. Et hoc optimè probatur ratione

14.  
Determina-  
tio causæ  
duplex, alte-  
ra in actu  
primo, alte-  
ra in actu se-  
cundo.

Conclusio  
tertia.



ratione Aristotelis, quia contingentia effectus futuri formaliter sumitur ex indifferentia causæ secundum se spectatæ; imò, ut dixi, effectum esse contingentem nihil addit nisi determinationem à causa indeterminata ad vnum, vel ad agendum, vel impedibili, ut dicunt. Item ob hanc causam non potest effectus contingens ut futurus certo cognosci in causa, vel ex causa, ut D. Thomas docet 1. p. quæst. 14. art. 3. & in 1. dist. 38. quæst. 1. art. 5. & quæst. 2. de verit. art. 12. & quæst. 12. art. 1. & quæst. 16. de malo, art. 7. & sæpe aliàs. Et hæc est potissima ratio, ob quam solus Deus potest sua veritate futura contingentia certo cognoscere, iuxta illud, *Annunciate nobis futura, & dicemus, quia dii estis vos*, nimirum, quia cognoscere futurum tanquam præsens transcendit potentialitatem creaturæ; & cognoscere futurum ex causa est impossibile, quando causa est indeterminata, ut in futuris contingentibus esse debet; ergo est contra rationem talis futuri, quod habeat talem determinationem in causa. Denique, quia in hoc maxime, & quasi adæquatè differt futurum contingens à necessario, quod hoc habet determinationem in causa, quam illud non habet.

D. Thom.

Ratio potissima cur solus Deus potest futura contingentia certo cognoscere.

15. Contingentia diuerso modo inueniuntur in causis naturalibus, & liberis, in istis actiue, in illis passiue.

Capit.

16. Effectus naturalis contingens habet in sua causa quandam determinationem ad vnum, ex qua positis omnibus ad agendum requisitis resultat necessitas.

Ut autem hæc assertio melius intelligatur, fiatque euidentior, oportet aduerte effectus contingentium inueniri tam in causis naturaliter agentibus, quam in liberis, diuerso tamen modo. Nam in causa naturaliter agente effectus non est contingens quasi actiue respectu propriæ, & proximæ causæ ratione virtutis eius, sed quasi passiue ob imperfectionem eius causæ, quæ impediri potest per aliam causam, vel rem aliam concurrentem, & ad impediendum virtutem alterius causæ, ne agat, sufficientem. In libera autem causa effectus est contingens per se, & ex interna virtute causæ, quia ita est sufficiens ad agendum, ut ipsa possit se impedire, (ut loquutus est Capreolus in 1. dist. 38. quæst. 1. art. 2.) id est, valeat actum suum suspendere, & ad hunc, vel oppositum determinare; quod etiam ex dictis Prolegomeno precedenti manifestum est.

Et hinc sequitur alia differentia, quia effectus naturalis contingens habet in sua propria causa per se, ac præcisè sumpta, quandam determinationem ad vnum, ratione cuius in illa cognosci potest, ut certo futurus certitudine quadam naturali, & includente conditionem hanc, ni impedimentum aliunde interueniat. Vnde si effectus comparatur non ad solam causam per se, ac præcisè spectatam, sed cum omnibus requisitis ad agendum, in quibus includitur impedimentorum ablatio, & quod concursus Dei sit paratus: in toto illo cumulo causarum habet talis effectus omnimodam determinationem ad vnum, quia hanc habet per se ex propria causa, contingentiam autem per accidens, ex impedimentis, vel effectibus aliarum causarum, quibus ablatis, ut in hypothesi supponitur, manet integra determinatio, & ideo poterit in illo toto causarum ordine cognosci certissime effectus futurus, quia licet respectu propriæ causæ sit contingens dicto modo, nihilominus non cognoscitur ut contingens, quia per concursum omnium causarum, & conditionum antecedentium ad talem actionem tollitur contingentia effectus, & resultat necessitas. Vnde si Deus velit absoluto decreto præfinire auferre à tali causa omnia impedimenta, in illo etiam decreto possit infallibiliter scire talem effectum esse futurum, tunc verò iam non

A scit illum ut contingentem, sed ut necessarium.

At verò effectus contingens ex libertate causæ non solum est contingens comparatus ad suam propriam, ac proximam, & per se causam præcisè spectatam, sed etiam in ordine ad totum cumulum causarum, vel conditionum necessarium, vel de facto concurrentium, ex parte actus primi ad talem effectum. Et ideo nunquam potest talis effectus habere absolutam determinationem in causa, ut est in actu primo, siue in ordine ad solam proximam causam per se, ut est per se notum, siue in ordine ad totum cumulum causarum, conditionum, aut circumstantiarum ex parte actus primi concurrentium. Quia si effectus esset determinatus in actu primo in cumulo causarum, &c. iam ut sic non esset contingens, & consequenter nec liber, esset enim omnino necessarius in causa, & positis omnibus prærequisitis ad agendum, quod repugnat libertati, ut ostensum est in superiori Prolegomeno. Item in illo cumulo causarum necesse est includi voluntatem liberam; ergo non obstantibus omnibus, quæ illi coniunguntur in actu primo, illa potest semper se impedire, ne agat, vel hoc agat, quia hoc habet per intrinsecam potestatem; vel si per coniunctionem aliarum conditionum, aut causarum, quæ illi coniunguntur in actu primo, illa est priuata hac potestate se impediendi, consequenter est priuata libertate, & ita iam non contingenter operatur propria, & perfecta contingentia libertatis. Vnde includitur effectum liberè futurum, non solum non cognosci posse cum certitudine in determinatione in actu primo, quam habeat in sua causa proxima, verum etiam nec in ea, quam habeat in collectione omnium causarum ad illum concurrentium, prout in actu primo respectu talis effectus considerantur. Probat, quia illa causa adæquata ut constata ex omnibus concurrentibus adhuc est indifferens, & retinet in se principium contingentie; ergo impossibile est in illa, quantumvis propensa, & inclinata sit in actu primo, infallibiliter cognosci effectum futurum, cum semper ab intrinseco possit talis effectus impediri per intrinsecam potestatem causæ proximæ, id est, potentie liberæ in illo cumulo causarum inclusa. Confirmatur, quia effectus futurus à causa naturali etiam determinata ad vnum, si impedibilis sit, non potest in tali causa certo sciri futurus, nisi aliunde præsciatur talem causam non fore impediendam: at verò in causa libera hoc non habet locum, quia virtus se impediendi est intrinseca, & inseparabilis ab illa manente libertate; ergo quamdiu in illo causarum cumulo includitur voluntas libera, & salua relinquitur eius libertas, nunquam potest in illa causa effectus esse omnino determinatus, ac proinde neque in illa infallibiliter cognosci, nisi aliunde præsciatur, ipsam voluntatem non esse impedituram.

E

Quartò ex his concludo quoad contingentia absolute futura, & libera, de quibus in præsentia solum agimus; hæc, inquam, futura habere determinationem veritatis suæ ex actuali determinatione causæ liberæ, quam tali tempore habitura est in actu secundo, ad quam determinationem, ut suo tempore præsentem, dicit habitudinem propositio illa, per quam eadem determinatio per modum futuri significatur, ita ut ille effectus non cognoscatur futurus à sua causa per modum illationis causalis, seu rationis, quæ his verbis explicatur, quia talis causa sic est in actu primo disposita,

17.

Contrarium omnino euenit in effectu causæ liberæ.

Idecirco non potest certo cognosci in sua causa præcisè sumpta, neque in cumulo eorum omnium quæ concurrunt ex parte actus primi.

18.

Conclusio quarta. Contingentia absolute futura habet determinationem suam veritatis ex actuali determinatione causæ liberæ, ut suo tempore præsentem.



Effectus liber non cognoscitur absolute futurus à sua causa per modum illationis causalis, sed per simplicem vel copulativam propositionem de inesse. Quis sensus eius sententia D. Thomae quod dicitur futura contingentia cognosci ut praesentia in seipsis, non in causis.

disposita, ideo talis actus erit, vel istis verbis: Hæc causa erit tali modo applicata, vel preparata; ergo talis actus erit, sed cognoscitur per simplicem, vel copulativam propositionem de inesse, quæ his verbis significari potest. Causa hæc, seu voluntas tali tempore ita disposita hoc faciet, cuius propositionis veritas non in virtute causæ, sed in se cognoscitur. Et hoc est, quod dixit D. Thomas, futura contingentia, & maxime libera cognosci ut praesentia in seipsis, non in causis. Sensus enim est non cognosci ex eo, quod in virtute causæ cognoscitur certa consequutio futuri effectus, sed quia prævidetur causa ut actu operans in tali tempore, quod est praesens æternitati, licet respectu prioris temporis sit futurum. Hæc autem praesentia secundum veram sententiam, non est per realem coexistentiam, quam res futura, antequam in suo tempore sit, habeat in æternitate; repugnat enim esse coexistentem alteri rem, quæ in se nondum existit, ut in dicto libro latius dictum est, sed est illa praesentia obiectiva respectu intuitus æterni diuini intellectus.

19. Explicatur & probatur alterius.

Diuinus intellectus ratione suæ eminentiæ praesentialiter attingit ex æternitate ea quæ in se nondum sunt sicut ea videt quædo postea actu sunt.

Infallibilitas cognitionis futurorum contingentium absolutorum vnde sumitur.

20. Conclusio quinta.

Quæ est satis expressa sententia D. Thom. 1. p. vbi supra, & 2.2. q. 171. art. 6. ad 2. vbi sic ait. *Diuina præscientia respicit futura secundum duo, scilicet secundum quod sunt in seipsis, in quantum scilicet ipsa præsentia intuitur, & secundum, quod sunt in suis causis, in quantum scilicet videt ordinem causarum ad effectum.* Vbi in priori parte satis declarat, illam præscientiam non esse per coexistentiam, sed per eminentiam diuini intuitus, qui præsentia attingit ea, quæ in se nondum sunt, ita nimirum ea videndo ex æternitate, sicut ea videt postea quando iam actu sunt. Quia Deus non aliter videt rem postquam est, quam antea, alias ex euentibus rerum aliquid accresceret diuina cognitio, quod repugnat immutabilitati Dei, ut rectè argumetur D. Thomas in 1. d. 38. q. 1. art. 5. Vnde respectu diuini intuitus non est antea, nec postea, sed semper est idem respectus in se omnino inuariabilis, & ideo sicut non existentem videt præsentem, ita etiam rem futuram præsentia intuitur, & hoc est esse præsentem æternitati, & ex hac præsentia sumitur infallibilitas cognitionis, non ex causis ut prioribus sua causalitate. Vnde in altera parte non dicit D. Thomas videri futura in suis causis determinatis, ut quidam malè allegant, addendo particulam determinatis. nam D. Thomas præcisè dicit *in suis causis*, & addidit explicationem, dicens, *in quantum videt ordinem causarum ad effectum*: qui ordo in causis liberis potest esse propensionis, seu inclinationis. Et ideo subiungit, *Et quamuis contingentia futura sint in seipsis determinata ad unum, tamen prout sunt in suis causis, non sunt determinata, quin possint aliter euenire.* Ex quo vltè colligit priorem modum cognoscendi esse omnino certum, & infallibilem quoad veritatem futuri euentus, posteriorem autem licet sit infallibilis quoad cognitionem dispositionis, & ordinis causarum, non tamen quoad veritatem futuri euentus, qui per propriam propositionem de futuro significatur, ut diximus. Et hæc nunc nobis sufficiunt de his contingentibus absolute futuris, quæ solum præmissa sunt, ut ab illis gradum faciamus ad futura conditionata, de quibus tractamus.

Quintò igitur ex dictis inferimus, futura contingentia conditionata non esse vera in vi illationis ex causa, neque in illa cognosci posse in-

fallibiliter, ut determinatè vera, & certò futura, etiam si talis causa integra futuri esse supponatur. Hæc assertio est directè contra eos, qui scientiam hanc conditionatam admittunt, non tamen nisi post decretum Dei absolutum ex parte sua, & conditionatum ex parte obiecti. Nam hi consequenter dicere coguntur Deum cognoscere illa in vi illationis ex tali decreto, vel (quod perinde est) ex vi prædeterminationis futuræ in voluntate hominis ex tali decreto Dei, seu ex vi voluntatis humanæ, ut est sub decreto Dei, aut denique ex vi collectionis, seu coniunctionis vtriusque voluntatis humanæ, & diuinæ ad talem effectum producendum. Hæc enim omnia in

idem redeunt, & æquivalentia sunt, quatenus eadem ratio in omnibus militat, ad hoc enim tale decretum postulatur, ut ex illo infallibiliter inferatur sub conditione, quod Deus sub tali conditione decreuit; ergo iuxta illam sententiam veritas illius conditionalis, quam non habet, nisi post decretum in illatione fundatur, ac subinde quod talis effectus sit futurus ex illa hypothese in causa cognoscitur. Contra hoc ergo probatur assertio ex dictis de futuris absolutis, nam hæc non possunt cognosci in causa, neque habent in illa determinationem; ergo neque poterunt sic conditionata cognosci. Patet consequentia, quia militat omnes rationes, quia idem genus ordinis, seu habitudinis habet causa actu existens ad effectum absolute futurum, quod habet causa sub conditione proposita, aut concepta ad effectum ex illa futurum, si conditio impleta fuerit. Vnde sicut in absolutis habitudo causæ ad effectum est indeterminata, & vel omnino indifferens, vel impedibilis, etiam ab intrinseco in contingentibus liberis, ita prorsus est in conditionatis; sed propter eandem causam non possunt absoluta cognosci certò ex vi causæ, sed ad summum coniecturaliter; ergo idem est de conditionatis. Atque ita tota doctrina, quam D. Thomas tradit de scientia futurorum contingentium, de se generalis est tam conditionatis, quam absolutis.

Ratio etiam à priori sæpe tradita eadem est, quia talis necessitas illationis ex causa determinata ad vnum tollit contingentiam; ergo conditionalis sic cognita, non cognoscitur ut contingens, sed ut necessaria; ergo neque effectus contingenter, vel liberè esset futurus à tali causa posita hypothese; hoc autem est contra id quod in disputatione tota supponitur, quodque est omnino certum, scilicet, talia futura esse verè libera, & ut talia cognosci. Cum enim Christus prænouit Tyrios, & Sidonios facturos fuisse poenitentiam, si virtutes in illis fierent, sine dubio prænouit, liberè facturos fuisse poenitentiam; & similiter de Saul præsciuit Deus liberè fuisse ascensurum Ceilam, si ibi permaneret David, & Ceilitas verè fuisse illum tradituros, & sic de aliis. Sequela verò est à nobis sæpius probata, quia illa necessitas licet per conditionalem illationem explicetur, re tamen vera non est necessitas solius illationis eiusdem effectus ex seipso, ut est illa, quod est, quando est, necessariò est; nec est illationis prioris ex posteriori, ut si homo loquitur, vult loqui, sed est necessitas causalitatis, & ex priori, & antecedenti hypothese indeperendenti ab vsu libertatis: talis autem necessitas, est necessitas simpliciter. Neque immorabor nunc in refutandis responsionibus, quia partim id actum est in Prolegomeno præcedenti, partim fusiùs in lib. 5. agendum erit.

Futura contingentia conditionata non sunt vera in vi illationis ex causâ etiam integrâ.

Probat.

Idem genus habitudinis habet causa actu existens ad effectum absolute futurum, quod habet causa sub conditione concepta ad effectum ex illa futurum, purificatâ conditione.

Ratio à priori communis à futuris absolutis & conditionatis.

21. **Conclusio 6.** Veritas de-terminata contingen-tis conditio-nis futuri inuenitur in vi actualis dimanationis effectus à sua causa quæ suppo-sitione facta per modum præ-sens co-gnoscitur ab intellectu diuino. Probatur 1.

Sextò concludimus ex dictis, nihilominus in his conditionatis contingentibus inueniri veri-tatem determinatam, quia non sumuntur in vi illationis, sed in vi actualis dimanationis effe-ctus à sua causa, quæ tali suppositione facta, vel concepta per modum præsentis cognoscitur ab illo intellectu, qui suo intuitu attingit tanquam præsentia ea, quæ futura sunt. Hæc assertio tam est contra eosdem, quatenus negant hæc condi-tionata esse scibilia ante decretum absolutum ex parte Dei, quam contra alios, qui absolute ne-gant talia conditionata cognosci à Deo certa, & infallibili cognitione. Probatur autem ex eadem propositione inter contingentia absoluta & con-ditionata. Intelligendum est enim, quòd sicut in absolutis causa supponitur tanquam existens ex hypothesi, & ut præsens in mente Dei ad mo-dum existentis sub eadem hypothesi, ut in exem-  
plo de David, supponitur David permanens in-  
tra Ceilam ita præsens in cognitione Dei ex hy-  
pothesi, ac si futurum aliquando esset. Quod  
potest explicari ex modo, quo nos solemus ali-  
quid supponere, ut discutamus, vel inquiramus,  
quid de illo consequenter dicendum esset. Deinde  
sicut in absolutis de causa, existente, vel præ-  
sente intuitu Dei ut existens verè affirmatur in  
eadem mente Dei talem effectum esse liberè di-  
manaturum ab illa, non quia in virtute causæ  
hoc videat Deus, sed quia intuitu suo videt cau-  
sam illam tametsi liberam, tanquam influentem in  
illum effectum, ita in his conditionatis de causa  
ex hypothesi concepta ut præsentis sub tali existi-  
tia possibili; potest verè affirmari, & cognosci in  
mente Dei, hunc determinatum effectum esse di-  
manaturum ab illa causa liberè, & eadem hypothesi,  
nò quia in virtute causæ talis effectus determinatè  
còtineatur, aut videri possit, sed quia verè esset ad  
illu determinanda, & intuitus diuinus propter suā  
infinitatem & immutabilitatem intueret causam  
illum sic ex hypothesi positam tanquam præsen-  
tialiter influentem, & non in alium: ita ut pro-  
positio, quæ nostro modo concipiendi inde for-  
matur, non sit hypothetica conditionalis pro-  
pria, & illatiua, sed simplex, & cathgorica, quæ  
dici rectè potest de conditionato extremo; ergo  
sicut in futuris absolutis est veritas determinata  
per habitudinem immediatam causæ ad effectum  
de facto futurum, quem Deus propter vim infi-  
nitam intelligendi intueri potest, & ita infalli-  
biliter præscire talia futura; ita conditionatis  
contingentibus est veritas determinata per im-  
mediatam habitudinem causæ ad effectum ex hy-  
pothesi futurum, quam Deus per modum etiam  
simplicis intuitus propter eandem infinitatem  
certò cognoscere potest. Probatur hæc conse-  
quentia primò à paritate rationis, & proportio-  
nis, quia de causa aliquando verè futura non alia  
ratione futurum aliquod cognosci potest ab ha-  
bente vim intelligendi, & intuen-di futura, nisi  
quia talis causa in se ipsa in actu secundò futura  
est, qui actus non potest non esse certus, & de-  
terminatus, & ita ad illum dicitur habitudinem  
propositio de futuro, ut sit vera, & ad eundem  
determinatur intuitus Dei æternus, & infini-  
tus, sed eodem modo causa ex hypothesi pro-  
posita, & apprehensa, ac si futura esset, conse-  
quenter transitura esset in actum secundum, qui  
in se non posset esse nisi certus, & determina-  
tus: ergo propositio de futuro dicens habitudi-  
nem ad talem effectum in se erit vera, & ad ean-  
dem infinitatem, & immutabilitatem intuitus di-

uini pertinet, ut illam attingat, & deinde sicut  
captum humanum superat intelligere, quomodo  
diuinus intuitus, & intellectiua virtus hanc ha-  
beat efficacitatem in his conditionatis, ita planè  
in absolutis, neque est maior difficultas in his,  
quàm in illis, si quis attentè, & consideratè rem  
inspiciat; ergo sicut illud non negatur Deo, ita  
neque hoc posterius negari debet.

Denique ex hoc modo declarandi veritatem  
obiectiuam, quæ his conditionatis futuris con-  
tingentibus inesse potest, & secundum quam  
cognoscibiles sint, satis constare potest, nullam  
implicationem contradictionis assignari posse in  
huiusmodi obiecto scibili, vel in eius scientia;  
ergo hoc satis est, ut à Deo rectè de Deo sen-  
tiente negari debeat, aut possit hæc scientia.  
Consequentia hæc probatur facilè ex compara-  
tione facta inter omnipotentiam, & omnis cien-  
tiam Dei, æquè enim sunt infinita; ergo sicut  
negari non debet, aut potest, Deum posse ali-  
quid, quod repugnantiam non inuoluit, ita nec  
potest negari, eum scire quidquid non implicat  
contradictionem. Item ratione supra facta, quòd  
si obiectum est cognoscibile, scientia est possi-  
bilis, & si est possibilis, inest Deo: at si obiectum  
illud esse potest verum sine repugnantia, eo ipso  
cognoscibile etiam esse; ergo etiam est possibi-  
lis eius scientia, ac proinde Deo non neganda.  
Denique talis scientia ex proprio conceptu, si in  
ea non inuenitur repugnantia, præ se fert ma-  
gnam perfectionem, & Deo dignissimam, mul-  
tūque extollit capacitatem (ut sic dicam,) &  
amplitudinem diuinæ intelligentiæ, ac scientiæ,  
& ad extollendam diuinæ prouidentie rationem,  
& exactissimam prudentiam in suis operibus est  
accommodatissima: nam quod prouidentie ordo,  
ac dispositio ex ampliori cognitione, & præsen-  
sione futurorum cuiuscunque ordinis, & ratio-  
nis cogitari possint, eo prudentia excellentior,  
ac perfectior intelligitur: multum ergo pertinet  
scientia hæc ad diuinam perfectionem, si in ea  
implicatio non inuenitur, ut in antecedenti su-  
mebamus.

Illud autem antecedens vel ex ipso credibile  
sit, quòd talis scientia videretur esse necessaria ad  
summam perfectionem prouidentie, & pruden-  
tiæ, quæ in Deo semper cogitanda est, & ideo  
dixit alicubi Augustinus, non posse Deum scire  
non varios, & mirabiles, ac infinitos modos, qui-  
bus voluntates humanas moueat eo modo; quo  
nouit eis conuenire, ut conuertantur, neque  
etiam posse ignorare, si aliquid tali, vel tali mo-  
do fieri permittat, infallibiliter esse euenturum,  
prius etiam ratione, quàm illud permittat. Et  
propterea idem antecedens ex discursu facto vi-  
detur satis persuaderi, quia nulla repugnantia  
maior potest assignari in futuris conditionatis,  
quàm in absolutis, supponendo, quòd absoluta  
per se primò non habent veritatem prædetermi-  
natam ex decreto prædeterminante, sed ex præ-  
sencia æternitatis, ut D. Thomas docet, & ratio-  
nes factæ rum de libertate, quales lædi viden-  
tur, rum de malis actibus, quorum prima origo  
in diuinam voluntatem iuxta illam sententiam  
retunditur, videntur conuincere. Sectus ergo  
tali fundamento veritatis, & præscientiæ futuro-  
rum liberorum, nulla profectò maior repugnantia  
posset assignari in veritate, & præscientia futurorū  
conditionatorum, quàm absolutorum: at in absolu-  
tis nulla est, ut declarauimus ex certissimis funda-  
mentis, maxime in doctrina D. Thomæ; ergo

Denique

22. Inferitur ex  
conclusioni-  
bus præ-  
missis, posita  
probatio as-  
sertionis po-  
stulata.

Consequen-  
tia probatur  
primò.

Secundò.

Tertio.

23. Antecedens  
illustratur  
Pronuncia-  
to Augusti-  
ni.

Soadetur.

Propositio  
de futuro  
contingenti  
conditionato  
non est  
hypothetica  
sed cathgo-  
rica de con-  
ditionato  
extremo.

Probatur  
1.

Ostenditur  
paritas ra-  
tionis inter  
modum in-  
telligendi ab-  
soluè & co-  
nditionatè  
futura.  
Intuitus Dei  
æternus pro-  
pter suā in-  
finitatem &  
immutabili-  
tatem attingit  
causam ex hypo-  
thesi si posita tan-  
quam præ-  
sentialiter in-  
fluentem.

24.  
Probatio  
negativa  
possibilitatis  
scientie  
conditionatae  
est.

Respondetur  
h. i. ar  
gum adu-  
er-  
sationem  
supra o. i.  
explicando  
ex quo for-  
te petatur  
veritas pro-  
positionum  
conditiona-  
lium & con-  
tingentium

Ad formam

25.  
Soluitur se-  
condum.

Denique ut probemus. hanc scientiam esse Deo possibilem sine repugnantia, satis nobis est quod talis repugnantia non ostendatur. Nam omnis scientia, ut talis est, & per se spectata aliquid perfectionis importat. Vnde, qui dicitur hanc scientiam non esse in Deo, tenetur ostendere ipsam esse quid impossibile, & repugnantem, & ideo non esse in Deo: hanc autem repugnantiam nobis non ostenditur, neque in ipsa scientia absolute, nec in eadem ut independente à decreto prædeterminante, seu à quocunque decreto secundum ordinem rationis præexistente in Deo; ergo. Adhuc enim probamus nunc, respondendo ad fundamentum, seu difficultatem in principio positam, nimirum, quid in his propositionibus non possit esse determinata veritas; procedit enim fundamentum illud ex falsa apprehensione talium propositionum. nam cogitantur, ac si affirmarentur, & cognite essent in vi conditionali, & ex sola necessaria connectione cum tali causa posita ex hypothesi in tali, vel tali dispositione, in quo sensu verum est, non habere determinatam veritatem. nec posse in vi illationis cognosci. imò id nos maxime contendimus. Addimus verò in alio sensu esse accipiendum, ut sint tantum de conditionato extremo, de quo per modum categoricæ, ac simplicis propositionis affirmatur, vel negatur, quid actum sit, vel non sit, si supponatur esse in hac, vel illa temporis differentia. Et sic dicimus in illis esse determinatam veritatem, non minus, quam in propositionibus absolutis de futuro contingenti, & veram contradictionem inter eas fieri, ita ut necessarii altera determinatè vera, altera determinatè falsa esse debeat, ac proinde possit per eam scientiam comprehendi, & pro certo præcognosci. Ad probationem autem, si contra hunc sensum procedat, concedendo primum antecedens, nimirum rem antequam fiat, non habere esse in se, sed in causa, & negando consequentiam, scilicet, non habere esse futurum, nisi prout illud esse est in causa. Nam licet verum sit, illud ipsum esse, quod nunc est tantum possibile, & in causa denominari futurum, & tale affirmari per propositionem de futuro, nihilominus non dicitur futurum prout est in causa, sed prout erit in se. Itaque ipsum esse possibile, quod res habet in causa, est quasi subiectum, quod denominatur futurum, non tamen est futurum, nec denominatur à modo essendi, quem habet in causa, sed à modo essendi, quem in se habebit à tali causa in aliqua futura duratione.

Cum autem viget, quia illud esse futurum includit esse, quod res futura, quandoque est futura, non habet in se, sed in causa. Respondendo includere illud esse ut subiectum denominationis futuri, non ut formam denominantem futurum, ut se dicamus, quia illud esse, prout est in causa, non est futurum, sed præsens. Forma autem illa, à qua illud esse possibile in causa denominatur futurum, non est causa ipsa, vel determinatio eius, ut in toto, illo argumentum contenditur, nam hoc est tollere contingentiam effectuum, & libertatem causarum secundarum; nec est aliqua res actu existens cum supponatur res futura in esse tantum possibili. Est ergo habendo quedam, quam res, prout est in causa, habet ad seipsam, ut erit præsens suo tempore. Qui ideo licet secundum compositionem mentis nostræ sit aliquid rationis, in mente Dei est obiectum præsentis, quam illud esse habet in æternitate, ratione

A cuius veritas illa per modum præsentis cognoscitur, quamvis in ordine ad nos determinetur futura secundum varios temporis differentias. Dicitur hæc quidem in futuris contingentibus absolute locum habere, & necessaria esse, ut tantquam præsentia, futura contingentia, est non tantquam futura necessaria potius, quam & contingentia præsentia; at verò futuri conditionati non ita posse accommodari, quia in prioribus illa præsentia fundatur in existentia, quam res futura verè habebit in suo tempore, quod fundamentum in his conditionatis deest. Respondetur autem actualium existentiam aliquando futuram esse fundamentum veritatis absolute assertionis de futuro, eodemque modo servata proportionem actualem existentiam, quæ ex ea hypothesi esset futura, esse fundamentum veritatis conditionate assertionis, & ideo utramque veritatem posse cognosci ad modum præsentis, quia Deus ita non accipit scientiam à rebus, ut ab actuali existentia obiecti pendat. Et reuera etiam in futuris absolutis res prius quam suo tempore, & ad extra producatur, non habet in se existentiam, sed intuitus diuinus attingit illam ut præsentem absolute; ita ergo conditionatis attingit rem futuram per modum præsentis. Vnde illud discrimen valde materiale est respectu diuini intuitus, & eminentis cognitionis eius. Et potest hoc ad hominem confirmari contrariis, qui saltem post decretum conditionatum Dei concedunt cognosci hæc futura, nam, ut videatur à D. Thoma non discordare, simul docent cognoscere Deum illa ad modum præsentium, cum tamen diuinum decretum conditionatum non deæ veram existentiam rei futuræ, satis enim censetur, quod daret illi si conditio impleteretur. Ita ergo nos dicimus, quod etiam absque tali decreto, & apertè illud daret illam, si alia conditio impleteretur: nam illud licet non videatur in causa, videri potest in se propter eminentiam diuini intellectus.

Instantia.

Respondetur.

Tertium in auctores reuertitur.

## CAPVT VIII.

D *Quæ decreta conditionata, & libera Deo attribueda sint, & in illis non posse contingentia sub conditione futura præfiri.*

IN superiori capite ostendimus posse in his futuris conditionatis esse determinatam veritatem, etiam ut obiciantur intellectui diuino prius secundum rationem, quam diuina voluntas aliquid decretum liberum, & conditionatum habet, quod satis est, ut præsentia talium futurorum Deo non negetur; ex quo sufficeret improbari sententia generaliter negans Deo huiusmodi præscientiam, imò, ut dixi, hæc est sola ratio à priori huius veritatis, quia si non ostendatur implicatio contradictionis, in tali scientia non est Deo neganda. Aliæ verò rationes, quæ addi possunt ex utilitate, vel necessitate talis scientiæ desumptæ, vel ad perfectissimam Dei providentiam, præsertim circa prædestinationem electionem, & liberorum actuum bonorum prædestinationem, vel circa peccati permissionem cū infallibili euentu, vel denique ad explicandū auxilium efficax præueniens: hæc, inquam, rationes læ n lib. a. de scientia futurorum tractatæ sunt, quod ideo

1.  
Satis quæ-  
stionis ex-  
plicandi in  
hoc capite.



nunc facere omittimus, & quia hæc utilitas, vel necessitas huius scientiæ præcipue probanda est ex his, quæ postea in lib. 3. & 5. de gratia efficaci contra motionem physicè prædeterminantem, & de permissione peccati contra prædefinitionem eius dicenda sunt. Quia verò contra nouam euasione[m] admittendi præscientiam horum futurorum sub conditione, ita tamen, ut decreta conditionata præcedant, in quibus fundetur, pauca in aliis locis diximus, visum est in hoc capite inquirere, an, & quatenus talia decreta Deotribuenda sint, ut ex discursu eius constet, sine fundamento illa confingi, quæ ad dictam scientiam fundandam inuenta sunt.

2.  
Notatio 1.

Duplex decretum conditionatum intelligi potest si tenens ex parte diuinæ voluntatis vnum cadit in antecedens, alterum in consequens propositionis conditionalis. Exemplum vtriusque.

Omittitur consilio tractatio decretorum Dei sub conditione futurorum vel aliena.

Notatio 2.

Aliud decretum est absolute solum ex parte subiecti, & conditionatum ex parte obiecti.

3.  
Repugnare tale decretum in Deo nonnulli arbitrantur leui fundamento.

4.  
Contraria sententia sua.

Primò igitur obseruare oportet, duobus modis posse in Deo supponi conditionale decretum. Primò, ut conditio ponatur ex parte ipsius voluntatis diuinæ, ita ut sensus non sit, Deum habere, vel habuisse tale decretum, sed quoddam haberet illum si talis, vel talis conditio poneretur. Quod duobus modis potest concipi, scilicet, vel ponendo ipsum conditionatum decretum pro antecedenti, seu subiecto in conditionali propositione; vel ponendo illud ex parte consequentis, seu prædicati. Exempla facillè poni possunt in facto Tyriorum, ut decretum conditionale tale sit: Si Deus decreuisset ut in Tyro talia signa fierent, illi agerent penitentiæ: vel è contrario, si in Tyro, & Sidone factæ essent virtutes, Deus decreuisset illorum voluntatem ad consensum determinare. In neutro enim modo denunciandi tribuitur Deo in præfenti aliquod decretum, quod iam habeat, sed affirmatur, quoddam iam habuisset. Est tamen diuersitas consideranda inter illos duos modos. Nam cum decretum ponitur sub conditione ex parte subiecti, seu antecedentis, nullo modo attribuitur, vel affirmatur de Deo tale decretum, sed tantum affirmatur, quid ex illo sequeretur, si poneretur. Et hoc modo deferuiri potest tale decretum sub conditione suppositum ad cognitionem multarum conditionalium contingentium de voluntate creata, ut ex dictis facillè patere potest, & statim magis explicabitur. Quando verò decretum ponitur ex parte prædicati, seu consequentis conditionalis pertinet ad sola decreta diuina, quatenus per modum futurorum secundum rationem cognosci possent, de quibus nunc nihil differere decreui, quia ad punctum de gratia, quò tendimus, non referunt.

Alio modo possunt decreta conditionata esse in Deo, ita ut conditio solum ponatur in obiecto, actus verò, & actualis determinatio verè sit in Deo absolute, & de præfenti. Ut si intelligamus, Deum intra se statuuisse hoc modo: Decerno, quoddam si virtutes, & signa fierent in Tyro, darem Tyriis auxilium internum prædeterminans, aut maius, vel specialius, quàm Iudæis sum daturus.

*De possibilitate decreti conditionati ex parte obiecti.*

Et de his decretis conditionatis circa ea, quæ nuncquàm futura sunt, aliqui putant esse impossibilia, quia neque in Deo possunt ponere mutationem, cum conditionalis nihil ponat in esse: impossibile autem videtur Deum habere decretum liberum, sine aliqua mutatione, vel in ipso, vel in obiecto volui; quia quando Deus habet decretum liberum, prius ratione intelligitur à nobis non volens, neque nolens, sed quasi indeterminatus, & in secundo signo rationis est volens per decretum suum: hoc autem intelligi non potest sine aliqua mutatione. Quoddam si hæc sententia vera esset, funditus tueret sententia ponens præscientiam conditionatam in decreto conditionato.

Sed nihilominus illam sententiam probare nunquam potui. Quia sicut falsum cenfeo negare Deo

*Fr. Suarez de Gratia Pars I. l.*

A præscientiæ alicuius scibilis, siue absoluti, siue conditionati, ita non minus cenfeo absurdum negare Deo libertatem, seu potestatem volendi omne obiectum volibile honestè, & secundum rectam rationem, ut nostro modo loquamur. Vnde considero differentiam inter scire, & velle, quoddam scire actualiter est ex perfectione simpliciter, ac necessariò, supposita veritate scibili ex parte obiecti: at velle actu quodcunque obiectum creatum amabile etiam honestum, non pertinet ad perfectionem simpliciter, & nihilominus posse illud velle pertinet ad perfectionem potestatis liberæ; cum ergo obiectum conditionatum de se amabile sit secundum rectam rationem, & nos possimus illud velle, non est hæc potestas neganda Deo, qui non minorem libertatem habet in volendo, quàm homo. Propter quod vniuersaliter cenfeo, posse Deum habere circa obiecta creata honestè amabilia omnes actus liberos voluntatis, quos potest homo habere, seclusa imperfectione, & mutatione in ipso Deo, quæ inuenitur in homine, etiam per efficientiam, & receptionem talium actuum. Nec videretur posse negari decreta omnia circa obiecta conditionata sine multis incommodis. Nam Deus offert homini gratiam, & remissionem peccati, si conuertatur, quod non potest intelligi sine actu positivo voluntatis Dei, nec potest dici sufficere actum, quo vult Deus dare tale auxilium sufficiens ad conuersionem, quia voluntas dandi gratiam dispositio, seu si disponatur, distincta est à voluntate dandi auxilium, tum quia obiecta sunt distincta, & posset Deus velle hoc secundum, & non velle, imò & nolle primò: tum etiam promittere gratiam homini, si disponatur, distincta promissio est à promissione auxilij: promissio autem in voluntate fundatur, & ab illa accipit vim obligandi. Similiter voluntas offerendi concursum generalem vel gratiæ, vel salutis, etiam ad actum nunquam futurum obiecto conditionato est, & non potest negari in Deo, quia certissimè est, Deum ad se tale offerre concursum, quia aliàs non daret auxilium sufficiens, non potest autem offerre sine actu voluntatis, quia liberè offert. Vnde non est necesse ut per omne decretum liberum Dei resultet semper mutatio physica in re voluta, ut aliis locis latè dixi; satis est enim, quoddam resultet physica mutatio, vel moralis, vel obiectiua, seu rationis quatenus ex tali decreto habet res ut obiecta menti aliam habitudinem ad esse existentiam, quam prius ratione ex sola possibilitate haberet. Sic enim per decretum, quo Deus statuit non creare alium mundum possibilem, intelligitur habere ad suum esse relationem nunquam futuri immutabilem, ac perpetuam. Admittimus ergo vtrumque genus conditionati decreti posse esse in Deo, nunc breuiter circa vtrumque explicandum est, an sint, de facto, & quadatenus admittenda sint.

*An & quomodo in Deo concipi possit decretum primi generis.*

E

De primo ergo genere decreti sub conditione interrogari potest, quæ ratione possit in Deo concipi, ita ut ex eo possit à nobis formari conditionalis propositio de futuro contingenti, quæ sit determinatè vera, & à Deo sciatur. Et ratio dubitandi est, quia illud non est, cum conditionalis nihil ponat in esse; ergo ex nihilo nihil determinatum potest cognosci. Item impossibile videtur, Deum in se ipso cognoscere, vel apprehendere tale decretum sub conditione, cum semper cognoscat omnia decreta suæ voluntatis tanquàm præfentia. Sed nihilominus dicendum est, & posse concipi in Deo non solum à nobis, sed etiam ab ipso Deo, & illo posito ex hypothesi aliquè effectum contingentem sciri etiam posse sub conditione futuri.

D

Vtrumque

biliter à prioribus & ab incommodis.

Potest Deus circa obiecta creata honestè amabilia omnes actus liberos voluntatis habere excludam perfectionem, quos homo potest elicere, & recipere.

1. Incommodum, non posset Deus offerre homini gratiam si conuertatur.

2. Incommodum, neque posset offerre concursum generalem ad actum nunquam futurum.

Ad fundamentum oppositæ sententia supra.

Assertio 1. Possibile est vtrumque genus decreti conditionati ex parte obiecti in Deo.

5.

Ratio dubitandi prima.

Secunda.

Deus prius ratione habet scientiam simplicis intelligentiæ: quàm habeat decreta libera, siue absoluta, siue conditionata ex parte obiecti.

6. Limitatur assertio.

Conditionales propositiones de effectibus totius Dei veræ sunt ex vi illationis.

Veræ sunt etiam conditionales de effectibus quos Deus facit cum causis naturaliter agentibus, ex vi illationis.

7. Quid de effectibusque Deus facit cum causis liberis?

Verumque breuiter declaratur, quia Deus ratione prius habet scientiam simplicis intelligentiæ, quàm habeat decreta libera, siue absoluta, siue conditionata ex parte obiectorum. Probatur, quia in Deo naturalia, seu necessaria sunt priora liberis, ut est vulgare apud Theologos: scientia autem simplicis intelligentiæ naturalis est; ergo antecedit secundum rationem decreta libera, præterquam quòd cognitio antecedit voluntatem circa idem; ergo cognitio creaturarum, quæ est per simplicem intelligentiam antecedit omne decretum Dei liberum, cum tale decretum non nisi circa creaturam cognitam versari possit. In illo ergo signo rationis Deus cognoscit creaturas esse posibles, quocunque modo posibles cogitentur, siue per non repugnantiam ex parte ipsarum, siue per denominationem à sua potentia, quæ per eandem scientiam comprehendit; ergo etiam per illam scientiam comprehendit decretum liberum creandi saltem ut possibile; ergo per eandem scientiam præcognoscit aliqua futura conditionata ponendo decretum in conditione, ut si decreuero creare mundum, fiet; si decretum ut filius fiat homo, incarnabitur, & similia: nam hæc cognitio intrinsecè connexa est cum priori cognitione comprehensiuâ omnipotentis Dei, & modi operandi eius circa omnes creaturas posibles.

Addendum verò est non omnes effectus eiusmodi decreti posse infallibiliter cognosci in decreto conditionato. Nam quidam sunt effectus solius Dei, & illi optimè cognoscuntur, quia voluntas Dei est sufficiens, & adæquata causa talis effectus, & per decretum supponitur ex hypothesi determinata ad talem effectum, & ita infallibiliter, & inuitabiliter infert effectum. Quapropter conditionales propositiones huiusmodi veræ sunt ex vi illationis. Neque hoc repugnat contingentie talium effectuum in ordine ad voluntatem Dei, quia illa hypothesi supponit liberam determinationem Dei in suo decreto, & per conditionalem solum explicatur efficacia, & immutabilitas talis decreti, quæ non repugnat libertati, ideoque illa necessitas est puræ consequentiæ, & suppositione consequente ad vsum libertatis: nam illum ponit in hypothesi, & ideo non repugnat libertati Dei, nec contingentie effectuum eius, ut ab illa tales denominantur. Denique licet illatio sit suppositio necessaria, semper pendet ex libertate Dei, & ideo effectus semper est absolute contingens. Alij verò sunt effectus, quos non facit Deus solus, sed cum causis secundis, quarum coëfficietiam decretum aliquo modo includit: & hi sunt duplici genere, nam quidam sunt à causis naturaliter agentibus, & in his etiam facile intelligimus conditionalem de futuro certo, & infallibiliter ex vi illationis, quia tales effectus, vel non sunt contingentes respectu causæ proximæ, solumque habere possent indifferentiam, seu contingentiam in ordine ad decretum: hoc autem in hypothesi supponitur, & ideo relinquatur illatio omnino necessaria. Vel certe si tales effectus habent aliquam contingentiam extrinsecam, quia causæ proximæ illorum possent ab alijs impediri, tunc oportebit in hypothesi, includi decretum, & concurrendi, & auferendi omnia impedimenta, ut in superioribus declaratum est.

Alij denique sunt effectus, quos Deus facturum est cum causis liberis, & in his etiam possunt illæ propositiones conditionales formari à nobis, & apprehendere representatæ obiectiue in mente Dei in illo primo signo rationis. Sed de illarum virtute aliter iudicandum est, iuxta sententiam admittentem decreta prædeterminantia actuum liberorum, vel iuxta appositam sententiam. Nam iuxta priorem habent tales propositiones veritatem determinantem, & infallibilem in vi illationis ex tali decreto, & ita Deus in illo primo signo rationis, & per solâ simplicis intelligen-

tiæ, ac merè naturalem, seu necessariam cognoscit in tali decreto conditionali suæ voluntatis, quidquid voluntates humanæ essent facturæ in omni occasione, si ipse tale, vel tale decretum prædeterminans circa illas haberet, & quid non essent facturæ si tale decretum ipse non haberet. Vnde cum illud decretum sit vera causa antecedens omnem aliam causam, videtur per illum modum omnis contingentia tolli respectu voluntatum creaturarum, & poni in eis quoddam inuitabile factum, solumque respectu diuinæ voluntatis possibile talia futura dici contingentia, seu libera, quatenus hypothesis, in qua ponitur tale decretum, ex Dei libertate pendet. Ad euitandum ergo hæc inconueniens talia decreta antecedentia omnem scientiam futurorum contingentium, tam absolutam, quàm conditionatam nos non admittimus, sed solum concomitantia, seu offerentia concursum ex parte Dei, de quibus etiam possunt formari propositiones conditionales in mente Dei. Si ego decreuissim dare concursum tali voluntati, in tali occasione hoc faceret, ut per se patet. Dicimus autem illas non habere voluntates determinatas in solo decreto, neque in illo solo posse cognosci, quia effectus pendet ex alia causa indifferente, quæ propter tale decretum ad vnū non determinatur. Vnde etiam dicimus tales propositiones non esse determinatas in integra causa, prout, scilicet, ex voluntate creata quasi conflatur, quia etiam tota illa est indifferens in actu primo, etiam ex parte voluntatis creatæ, & coniunctæ, seu compositæ cū tali decreto, quia alijs effectus non esset liber. Et nihilominus addimus habere tales propositiones veritatem determinatam, & habuisse illam in illo primo signo æternitatis, non in virtute, seu actu causæ, sed in se, & in ipsa determinatione in actu secundo ita præsentæ obiectiue in mente Dei, ut usque ad illam penetraret æternus eius intuitus, ut iam explicatum est. Et ad hunc modum sunt à Deo præscitæ omnes istæ conditionales in illo primo signo rationis, quod omnem liberam determinationem voluntatis diuinæ ut exercitam, & quasi in re positam antecedit. Et hæc de conditionatis decretis prioris ordinis.

#### De decretis conditionatis secundi generis ex parte obiecti.

Circa secundum autem genus decreti conditionati, quoniam talia decreta variis modis cogitari possunt, dubitari potest in primis, an possit cum probabilitate affirmari habuisse Deum ab æterno circa omnem voluntatem creatam, & creabilem omnia decreta conditionata ratione distincta, vel, quod perinde est, vnum simplex in finita virtute complectens determinando modum, quo moueret, seu determinaret omnes & singulas voluntates posibles in omnibus actibus earum, & in omnibus circumstantiis, & occasionibus, quæ infinitis modis combinari possunt. Aliqui enim sentiunt habuisse Deum talia decreta, potestque in hunc modum intelligi: nam post illud primū æternitatis signum, in quo Deus omnia possible, & omnia futura possibiliter (ut sic dicā) præscit, in secundo signo, priusquam aliquid absolute vellet facere, habuit decretum quoddam absolutum ex parte actus, conditione includens in obiecto, per quod statuit apud se, quid esset facturum circa omnem voluntatem creatā, vel creabilem in omni possibili opportunitate. Quod decretum nos ratione distinguimus in ordine ad diuersos actus, vel voluntates, in se tamen vnum simplicissimū est, & infinitum, & omnia conditionata, quantumuis infinitis, & infinitas infinitis modis cognoscibilia comprehendit; atque hoc modo opinantur aliqui ex his, qui nec Deo negare audent scientiam omnium contingentium futurorum sub conditione, nec voluntatem esse ante decretum liberum Dei. Nam hinc sequitur necessarium

Per decreta antecedentia omnem præscientiam conditionatam & absolutam tollitur omnis contingentia respectu nostri, & quoddam fatum inuitabile inducitur. Reiectis illis decretis antecedentibus sola admittenda sunt concomitantia.

8. Dubium primum an in Deo dentur infinita.

Affirmat aliqui.

Ratiocinatio in qua fundari possunt.

cessarium esse ponere in Deo talia conditionata decreta circa aliqua futura sub conditione, quæ de facto nunquam erunt: non apparet autem ratio admittendi hæc decreta, circa quædam futura potius, quàm circa alia; ergo admittenda erunt circa omnia possibilis. At verò possibilis ordine rationis priora sunt, quàm futura; ergo illud decretum conditionatum adæquatum his omnibus conditionatis possibilis ratione antecederet absoluta decreta de futuris. Et confirmatur hæc ratio, quia si Deus non habeat tale decretum adæquatum, multas propositiones similes ignorabit, illas scilicet, circa quas tale decretum non habuit, quod iuxta illam etiam sententiam admittendum non videtur.

9. Nihilominus hæc sententia parum probabilis apparet. Primò, quia de diuinis decretis, & voluntatibus liberis nihil asserere possumus cum fundamento, nisi quod vel reuelatum est, vel ex reuelatis, aut ex affectibus diuinis sufficienter colligi potest; sed illud decretum liberum est, & neque est reuelatum, neque ex reuelatis, aut aliis effectibus colligi potest: ergo non possumus cum probabilitate affirmare, habuisse Deum tale decretum. Maior certa est, quia decreta libera non ponunt in Deo perfectionem, & ideo ex perfectione diuina infinita non innotescunt, & ideo nulla superest via illa cognoscendi nisi vel reuelationis, vel effectibus. Minor autem quoad reuelationem certa est, vel ostendatur reuelatio: quoad effectus verò patet, tum quia illud decretum nullum habet effectum ad extra, quia conditionalis nihil ponit in esse, tum etiam, quia sine tali decreto per absoluta decreta sufficienter producit Deus res omnes, quæ in alia temporis differentia fiunt; ergo ex effectibus non potest tale decretum vel probabiliter colligi.

10. Vnde argumentor secundò, quia tale decretum adæquatum, vel decreta ratione distincta circa omnia conditionata possibilis sunt otiosa, & sine vilo fructu; ergo frustra & sine probabilitate in Deo cogitantur, vel finguntur. Antecedens probatur, quia talia decreta nec Deo perfectionem addunt, nec in creaturis aliquid efficiunt, nec ad effectus diuinæ providentiæ, aut prædestinationis aliquid conferunt: sunt ergo prorsus inutilia, & otiosa. Consequentia verò probatur, quia voluntas Dei est ordinatissima, & ideo nihil frustra, & otiosè vult: nam si in homine prudenti reputarentur tales actus otiosi, & vani, ac proinde alieni à recto vsu prudentiæ, quomodo non est multo magis de Deo ita sentiendum. Confirmatur primò, quia Deus nihil vult circa creaturas, nisi ordinando illas in aliquem finem: at per illud præcisè spectatum in nullum finem creaturæ ordinantur; est ergo ille modus decernendi, & volendi alienus à diuina sapientia, & providentia. Confirmatur secundò, quia si Deus absolute decreuisset nihil creare, non haberet illud decretum conditionatum circa possibilis, quia esset vanum, & sine fructu, & per se non pertinens ad perfectionem Dei; ergo non minus superfluum est tale decretum, licet sit coniunctum cum alio decreto absoluto. Patet consequentia, quia etiam hoc modo est otiosum, & sine fructu.

Dices, eadem ratione probaretur scientiam omnium conditionatorum esse Deo otiosam. Respondetur negando consequentiam, quia scientia illa nunquam potest dici otiosa, aut infructuosa, tum quia omnis scientia per se ad perfectionem simpliciter spectat, & ideo talis scientia, vt

*Fr. Suarez de Gratia Pars I.*

suprà dixi, est perfectio necessaria, & merè naturalis supposito obiecto scibili: volitio autem, seu determinatio libera, non est perfectio Dei, & ideo non est illi tribuenda sine fructu; tum etiam, quia aliàs in ordine ad perfectionem providentiæ est illa scientia vtilissima, vt in omnibus possit Deus ex certa præscientia omnimodo perfecta, & possibili disponere, quod non habet locum in illo decreto libero, vt ostensum est.

Tertiò possumus argumentari; quia in actibus diuini intellectus, & voluntatis non inuenitur ordo rationis prioris, & posterioris, nisi quatenus ex parte obiectorum inuenitur aliquis ordo, vel dependentia: sed inter decretum conditionatum, & absolutum, nullus talis ordo, nec fundamentum eius inuenitur; ergo sine fundamento assignatur talis ordo, & fingitur decretum conditionatum tanquam necessarium præmittendum ante absolutum. Maior supponitur ex communi sententia Theologorum, quæ in hoc merito fundatur, quod decretum voluntatis in se simplicissimum est, & ideo sicut in illo ex parte sua non est distinctio, ita neque ordo; neque debet à nobis gratis, & sine fundamento cogitari, vel potius fingi: solum ergo potest in ordine, vel dependentia obiectorum fundari. Probatur ergo minor, quia vel tale decretum conditionatum comparatur ad absolutum in ordine ad obiecta diuersa, videlicet, quatenus conditionatum est circa futura, quæ nunquam erunt, & absolutum circa illa, quæ aliquando erunt. Et sic nullus est ordo inter obiecta illorum, vt per se patet, quia impertinenter se habent, nec futurum vnius esse pedit ex esse possibili alterius, nec è conuerso; ergo neque inter tales actus est ordo. Vel illa decreta comparantur ad vnum, & idem futurum, quod prius sub conditione, postea absolute futurum decernitur, & sic minus potest ordo intelligi, nam licet possibile vt sic sit prius, quàm futurum, quia potest esse sine futuro, & non è contrario, tamen in futuro sub conditione non potest hic ordo considerari iuxta illam sententiam: nam illa supponit, quod res habet vtramque rationem futuri tam conditionati, quàm absoluti à decreto diuino. Cum ergo vtrique futuri non sit nisi per denominationem à decreto libero Dei ita prædefiniente, vt sit ordo aliquis in re ipsa sic, vel sic futura, debet supponi ordo inter ipsa decreta: in decretis autem esse non potest nisi ratione obiectorum; ergo committitur circulus, & impossibilis ostenditur talis ordo. Quod etiam patet, quia neutrum decretum alteri necessario supponit, etiam secundum nostrum intelligendi modum, potest enim Deus habere vnum decretum sine altero, & è contrario, vt facillimè potest ab vnoquoque considerari. Ergo frustra cogitatur ordo inter talia decreta: præterquam quod frustra inducuntur etiam concomitantè circa eadem futura, vt alia argumenta ostendunt, & nunc amplius explicabitur.

Potest enim vltèrius dubitari, esto non asseramus Deum habuisse decretum conditionatum circa omnia futura possibilis, & sub omni conditione, & combinatione possibili, saltem habuerit illud circa aliquos actus liberos sub conditione futuros. In qua interrogatione supposita resolutione negatiua dubij præcedentis consequenter videtur dicendum non habuisse Deum talem actum circa creaturas rationales, seu voluntates tantum possibilis, id est, quæ nunquam futuræ sunt. Probatur, quia ostensum est non habuisse tale decretum circa omnia possibilis præintellecta, & nondum absolute futura; ergo dicendum consequenter est circa

11. Impugnatur tertiò ab ordine prioris & posterioris inter actus diuini intellectus & voluntatis.

Circulus vitiosus existeret inter ordinem decretorum & obiectorum.

12. Dubium secundum, an saltem Deus habuerit decretum conditionatum circa aliquos actus liberos sub conditione futuros. Assertio 4. Sine libertate negatiua infidem de cau-



si circa creaturas rationales nunquam futuras.

Quid de hominibus, & Angelis creatis, vel creandis, dicendum deinceps inquitur in duplici actu ordine.

Nullam voluntatem consideratam tantum ut possibilem habuisse talem actum, ac proinde circa illas voluntates, quæ nunquam futuræ sunt, sed manserunt sub solo esse possibili, non habuisse Deum tale decretum: Probatur consequentia, tum quia eadem est ratio de singulis, quæ est de omnibus simul sumptis; tum etiam quia rationes factæ in præcedenti puncto eandem efficaciam habent in singulis voluntatibus tantum possibilebus, ut faciliè consideranti, & applicanti patebit. Superest ergo, ut de voluntatibus hominum, & Angelorum, qui creati, vel creandi sunt, videamus. In illis autem duos actuum ordines distinguere possumus, unus est actuum liberorum, qui sunt aliquando futuri, quatenus prius ratione considerari possunt ut possibile, quam ut absolute futuri: alius est actuum possibile, qui absolute non sunt futuri, ut fuit Tyrannorum penitentia.

*De actibus liberis sub conditione reipsa aliquando purificandâ futuris.*

I 3. Probant aliqui parrem negativam.

De his futuris contingentibus, quæ aliquando futura sunt, aliqui probant, non habere Deum circa illa conditionatum decretum, quia hæc futura nunquam præsciuntur ut futura sub conditione; ergo neque sub conditione præfiniuntur. Antecedens probatur, quia ex æternitate præsciuntur futura absoluta scientia simpliciter futura; ergo non possunt simul sub conditione præsciri, quia iam purificata est conditio. Prima verò consequentia probatur, tum à puritate rationis, imò si præscientia, quæ est suo modo naturalis, & necessaria, non datur circa talia absolute futura, multo minus dabitur conditionatum decretum, quod nec necessarium est, nec ad perfectionem per se pertinet; tum etiam, quia si daretur tale decretum conditionatum, eo ipso posset in illo subsistere conditionata præscientia eiusdem futuri sic prædefiniti. Hoc verò fundamentum non est solidum, nam antecedens eius falsum est, supra enim ostendimus peccatum Adæ, v. g. prius fuisse sub conditione præsum, si permitteretur, quam fuerit permissum, & consequenter prius etiam, quam fuerit absolute præsum, quia ante præscientiam absolutam præcedit voluntas permitrendi. Et similibus exemplis, variisque testimoniis ostendimus supra circa eandem rem futuram præcedere in Deo secundum rationem conditionatam præscientiam ante absolutam. Neque contra hoc obstat, quòd præscientia absoluta sit æterna, quia etiam præscientia conditionata æterna est, & in ipsa æternitate una scientia est prior ratione, quam alia, quando ex parte obiecti est fundamentum. Vnde licet posterius ratione purificetur conditio, & ideo sequatur absoluta scientia, nihilominus prius ratione potest conditio intelligi, ut nondum definita, vel impleta, & ideo esse potest locus conditionatæ præscientiæ, ut videre licet in futuris necessariis sub conditione: nam prius præsciuntur in obiectis possibilebus, licet in alio signo rationis præsciantur absolute futura, ut prius vidit, quòd si sol crearetur, illuminatus esset, & postea vidit sol illuminaturus. Idem ergo intelligitur facile etiam in contingentibus. Quapropter non repugnat simul, & ex æternitate habere Deum præscientiam conditionatam, & absolutam eiusdem futuri conditionati, sed semper conditionata præcedit absolutam.

Non solum non repugnat simul ab æterno habere Deum præscientiam conditionatam & absolutam eiusdem futuri conditionati, sed semper conditionata præcedit absolutam. Assertio 5. negativa.

A bera, nisi ex effectu, vel alio certo principio inferantur, non sunt gratis fingenda, ut dixi. Vnde circa res absolute futuras non videntur admittenda decreta conditionata, cum absoluta sufficiant.

Verumtamen hoc non obstante in hoc puncto varij sunt dicendi modi: nam qui putant præscientiâ Dei de futuris actibus liberis præsupponere semper decretum prædefiniens, & prædeterminans talem actum, in quo fundetur, simulque admittunt, Deum præscire certò hæc futura sub conditione prius ratione, quam illa cognoscat ut absoluta futura, consequenter dicunt habere Deum circa futura decretum conditionatum priusquam habeat absolutum, quod solum asserunt ne cogantur vel negare in his omnibus conditionatâ præscientiam, vel illam sine prævio decreto admittere. Sed nihilominus rationes supra factæ contra hanc sententiam vim habent, quia reuera otiosum est, & inutile tale conditionatum decretum, si effectus futurus est per absolutum, & prædefinitum. Quod explicatur exemplo illo de peccato Adæ: nam postquam Deus per simplicem intelligentiam prænovit tale peccatum fuisse futurum in tali occasione si ipse voluntatem Adæ ad materiale actum determinaret, & ita peccatum permetteret, statim decrevit voluntatem Adæ sic determinare, ergo inutiliter, & gratis fingitur, ante hoc decretum habuisse Deum aliud conditionatum, quo statuit, quòd si talis occasio occurreret, seu poneretur in rerum natura, determinaturus esset voluntatē Adæ ad talē actum, quia in ordine ad providentiam Dei circa talem actum nihil confert tale decretum, quia ex vi illius Deus ad extranihil operatur. Item, quia nulla est ratio ordinis etiam secundum rationem inter decretum illud conditionatum, & aliud absolutum, & concomitanter esse non possunt, quia posito actu absoluto, purificatur conditio, & consequenter obiectum decreti conditionati tollitur. Item, quia solum videtur fingi tale decretum, ut possit præcedere conditionata præscientia ante decretum absolutum, seu ante permissionem absolutam talis peccati, hoc enim Patres supra allegati supponere videntur. At verò hoc est contra mentem eorundem Patrum, ut supra visum est, loquuntur enim de præscientia, quæ præcedat omne decretum liberum Dei, aliàs frustra quærent, cur Deus præsciens peccatū futurum, illud permiserit, si iam illa præscientia esset ex priori permissione. Inde igitur potius probatur, illam præscientiam non fundari in decreto, quam quòd sit tale decretum propter præscientiam; imò si præscientia illa non posset haberi nisi in simili decreto, tam esset impertinens illa præscientia, quam ipsum decretum, quia ad nullū effectum providentia, nec ad conciliandam libertatem cum prædefinitione, nec ad reddendam rationem, cur Deus permittat peccatum, quod præscit futurum, deserviret. Ac denique cum illud decretum ex parte Dei sit prædefinitum, licet ex parte obiecti conditionem includat, augeat absurditatem, quæ in eo cernitur, quòd Deus ex se præfiniat actus malos, quasi non satis illis sit, eos absolute decernere, sed etiam in illis sub conditione præfiniendis, quasi complacere, & otiosè delectari, quæ ultima ratio est propria malorum actuum; aliæ verò etiam in bonis locum habent, & ideo omne decretum prædefinitum sub conditione circa actus liberos absolute futuros impertinens est, etiam si ex decreto absoluto prædefiniens futurus esse supponantur.

At verò aliqui auctores licet negent facere Deum in nobis actus liberos per decreta prævia prædeterminantia, nihilominus ponunt in Deo duplex decretum, unum absolutum, & aliud conditionatum

14. Contraria sententia quorundam prædeterminantium ad hanc huiusmodi decreta conditionata ante absolutam circa ritus futuros. Reicitur i. ex dictis.

Ponitur res in exemplo.

Secundò à defectu ordinis inter ista decreta.

Tertiò ex mente Patrum.

Quartò quòd nullus sint usus.

Quintò ab absurdo.

Alter modus  
admittendi  
in Deo du-  
plex decre-  
tum, condi-  
tionatum &  
absolutum  
circa actus  
liberè furo-  
ros.  
Fundamenti  
huius pla-  
citi.

tum circa hos actus, quos voluntas humana libe-  
rè facit, vel est aliquando factura. Nam quia hi  
actus fieri non possunt sine concursu Dei simulta-  
neo, necesse est, vt ex parte Dei antecedit de-  
cretum, & voluntas offerendi concursum huius-  
modi, quam voluntatem dicunt esse generalem,  
nimirum offerendi concursum ad plures actus, in-  
ter quos potest voluntas in tali occasione delibe-  
rare, seu eligere, quia hoc est necessarium, vt homo  
sit potens ad quemlibet eliciendum, & conse-  
quenter est etiam ad actum liberum necessarium,  
vnde etiam concludunt decretum illud volunta-  
tis Dei esse conditionatum, quia non habet effe-  
ctum nisi cooperante libero arbitrio hominis, quæ  
est conditio intimè inclusa in obiecto talis decre-  
ti: inde enim fit, vt licet hæc voluntas Dei ad plu-  
res actus diuisim offerat concursum, vnum tan-  
tùm operetur; ita ergo ad hos actus liberos decre-  
tum conditionatum antecedit. Quia verò condi-  
tionatum decretum non videtur sufficere, vt effe-  
ctus in te fiat, ideo dicunt dicti Auctores, neces-  
sarium esse aliud decretum absolutum, & parti-  
culare, quo Deus simpliciter vult, vt hic, & nunc  
talis actus, à tali voluntate circa tale obiectum  
fiat, quod decretum vocant concomitans, & non  
prædefiniens, quia est de effectu simul efficiendo  
cum libero arbitrio, & non aliter, & quia non vult  
Deus absolute liberum arbitrium sic operari, nisi  
quia supposito priori decreto conditionato, &  
vniuersali præuidet liberum ipsum arbitrium fo-  
re ad illum actum determinandum, potius quàm  
ad alium. Ita sentit Corduba lib. 1. q. 55. dub. 8. 9. &  
10. & multi alij ex modernis.

Corduba ita  
sentit.

16.  
Improbatur.

Decretum  
efficiens co-  
cursum ad  
plures actus  
non ideo ge-  
neralis dici-  
tur quòd sit  
confusum &  
circa actum  
liberum in  
communi.

Dicitur ge-  
nerale quòd  
in omnibus  
& singulis  
speciebus  
actuum qui  
possunt hic  
& nunc elici,  
singulos  
actus deter-  
minet.

Ego tamen nunquam intelligere potui, cur  
necessarium sit, vel quomodo satis intelligi possit,  
quòd concursus Dei simultaneus procedat imme-  
diatè ab hoc decreto particulari, quo Deus abso-  
lutè vult istum actum fieri nunc à tali voluntate  
humana. Nam suppono priorem actum non ita  
esse, aut dici generalem, vt solum in confuso verse-  
tur circa actum liberum in communi, vel possibi-  
lem circa tale obiectum hic, & nunc, quia Deus  
non habet huiusmodi actus confusos, qui ex parte  
cognitionis, seu apprehensionis obiecti imperfec-  
tionem videntur supponere, vel certè, quia talis  
actus, nec est necessarius, nec sufficit ex parte Dei  
ad agendum aliquid ad extra, cum actiones sint  
circa particularia, & ad illas etiam particularia de-  
creta sufficiant; neque etiam ex parte liberi arbi-  
trij est necessarium tale decretum confusum, quia  
per decretum particulare sufficienter ei provide-  
tur, vt iam declaro. Dicitur ergo illud conditio-  
natum decretum generale, quia per illud non of-  
fertur concursus ad vnum tantum actum, sed ad  
plures, vel etiam ad omnes, quos liberum arbitrium  
circa obiectum sic propositum potest hic, & nunc  
exerere. Ad omnes (inquam) non in diuino pos-  
sibiles, sed in specie, non tamen confusè, sed in  
particulari ad determinatum, & singularem actum  
sub speciebus singulis, vt ad talem actum amoris,  
odij, consensus, vel dissensus, & similibus; per hoc  
enim non impeditur libertas etiam quoad specifi-  
cationem, cum voluntas maneat indifferens ad  
actus diuersos, & contrarios efficiendos. Imò per  
illud decretum quodammodo completur libertas,  
quia voluntas creata non potest ex sua sola liber-  
tate determinare indiuiduationem sui actus, &  
ideo vt operari possit & digerere, necesse est, vt ha-  
beat paratum concursum ad determinatos actus  
in omnibus speciebus, inter quas potest eligere.  
Sic ergo necessarium est decretum commune ad

Fr. Suarez de Gratia Pars I I.

A plures actus, licet etiam sit ad singulos in indiui-  
duo. Est autem tale decretum quasi conditiona-  
tum, quia vt saluetur libertas quoad exercitium,  
non determinatur tale decretum simpliciter ad agē-  
dum, vtique si arbitrium creatum coagere voluerit.

Sic ergo explicato illo generali decreto condi-  
tionato, dico, per se, & ex vi concursus simultanei  
non esse necessarium aliud decretum absolutum  
particulare circa actum illum, qui in tempore fit,  
vel futurus est à libero arbitrio creato. Primò, quia  
illud prius decretum etiam est particulare, vt de-  
claravi; vnde ex hac parte habet sufficientem de-  
terminationem, vt operetur ad extra, neque enim  
obstat, quòd de se extendatur ad alios actus possi-  
biles, seu (quod perinde est) quòd Deus habeat plu-  
ra decreta similia ratione distincta, quibus offert  
concursum ad varios actus: nam potest nihilomi-  
nus agere per vnum potius, quàm per aliud, non  
ex parte ipsorum decretorum Dei, sed ex parte ar-  
bitrij creati, quod sua libertate vni decreto potius,  
quàm alteri operatur; ergo ex hac parte sufficit  
quodcumque ex illis decretis ad operandum ad ex-  
tra. Aliunde verò non obstat, quòd sit conditiona-  
tum, quia quantum est ex parte Dei, est absolutum,  
quia reuera Deus quantum est ex se, paratus est ad  
efficaciter concurrendum, tam ad hunc, quàm ad  
illum actum; ergo hoc satis est vt efficiat illum, ad  
quem coagendum liberum arbitrium inclinatur.  
Et declaratur, nam si potentia executiua, seu actiua  
Dei ad extra est distincta ratione à voluntate, &  
per hanc applicatur ad agendum per illum actum  
quasi conditionatum manet applicata, & exposita  
ad influendum in talem actum, si ei voluntas crea-  
ta adiungatur. Si verò ipsa voluntas est ipsa po-  
tentia immediatè ad extra efficiens, satis illi est ad  
efficiendum ita velle, sicut effectura est. At verò  
non est effectura actum liberum voluntatis creatæ  
se sola, sed simul cum voluntate creata si ipsa ve-  
lit; ergo satis est vt hoc ipsum velit, sicut reuera  
illud vult per conditionatum decretum; quia per  
illud præcisè vult coagere voluntati, licet non  
prædeterminando illam ad agendum; ergo illud idem  
decretum sufficit vt voluntas Dei actum voluntatis  
humane efficiat, quando hæc ipsi adiungitur.

Vnde etiam videtur concludi non solum frustra  
poni aliud decretum ratione posterius & absolu-  
tum, sed etiam poni nò posse salua integra volun-  
tatis creatæ libertate. Primò quidem, quia vel illud  
posterius decretum est simpliciter necessarium ad  
concursum ad extra præstandum, vel non est neces-  
sarium, si necessarium non est, superflue ponitur; si  
verò est necessarium; ergo per aliud prius decretum  
non offertur sufficienter voluntati humane con-  
cursus necessarius ad alios actus, quos nò facit, &  
consequenter non liberè illos omittit, sed ex de-  
fectu concursus. Sequela patet, quia non habet  
homo concursum quasi in actu primo, nisi quate-  
nus illum habet paratum per voluntatem Dei; er-  
go non habet illum sufficienter donec per suffi-  
cientem Dei voluntatem sit oblatum, ita vt non sit  
necessarium expectare aliud decretum Dei, vt in re  
ipsa ponatur ad extra talis concursus, nec vt volun-  
tas hominis illi cooperetur, si velit. Secundo, quia si  
illud decretum absolutum est necessarium, nò erit  
in potestate hominis, quòd Deus habeat, vel non  
habeat tale decretum, & consequenter cum illud nò  
supponitur, neque etiam effectus eius erit in ho-  
minis potestate. Hæc posterior sequela manifesta  
est; prior verò probatur, quia si esset in potestate  
hominis, maxime quia supponit in Deo præsciētiam  
sub conditione illius actus in particulari, ad quem

Decretum il-  
lud generale  
est quasi co-  
ditionatum.

17.

Affertio sex-  
ta posito illo  
generali de-  
creto non est  
necessarium  
decretum ab-  
solutum parti-  
culare. Primò quia  
decretum ge-  
nerale est  
etiam parti-  
culare.

Secundò est  
absolutum ex  
parte Dei  
quod sufficit.  
Declaratur  
in duplici  
opinione di-  
stinguere &  
non distin-  
guente for-  
maliter om-  
nipotentiam  
à voluntate  
Dei.

18.

Tertio vide-  
tur repugna-  
re tale decre-  
tum absolu-  
tum & po-  
sterius, libertati  
creatæ. Prima ratio  
sequetur  
voluntatem  
nò omittit  
liberè actus  
quos non  
facit.

secunda, nò  
esset in po-  
testate ho-  
minis effectus  
talis decreti  
in sententia  
Cordubæ.

est determinanda voluntas creata cum concursu absoluto per prius decretum generale, & conditionatum: at hoc inuoluit repugnantiam in illa sententia; ergo. Maior patet ex eiusdem sententiae declaratione. Minor probatur ex eiusdem principiis, quia concursus non potest dari ad extra per conditionatum decretum, donec accedat absolutum; ergo nec potest sub conditione praevideri, quid sit operatura voluntas, si illi offeratur concursus per solum conditionatum decretum, quia cum illo solo nihil potest operari ad extra, & ut futurum sub conditione praevideatur, necessarium est, ut ex parte causae ponantur omnia necessaria ad effectum immediate influendum, quia debet praevideri effectus in se, & ut manans a causa, quod est impossibile, nisi supponatur quidquid necessarium est ad agendum ex parte causae proximae. Propter quod existimo vel illum modum praescientiae esse impossibilem, vel posterius decretum non esse necessarium ad concursum ad extra tribuendum. Vnde argumentor tertio, quia tale decretum posterius, vel non potest non esse praedefinitiuum, ac praedeterminatum voluntatis humanae, vel non potest non esse aliquo modo conditionatum. Probatur, quia vel Deus per illud decretum non solum vult concurrere, sed etiam absolute vult ut voluntas hominis cooperetur; vel praecise vult concurrere, nihil de concursu voluntatis absolute disponendo, sed quasi permittendo. Priori modo decretum Dei est praedefinitiuum, & non tantum concomitans, quia est absolutum de actu ipso, & ipsomet voluntatis humanae conatu, & (ut ostendi) non potest esse ex praesentia eiusdem actus ut futuri, sub conditione, nisi in ipsamet conditione hoc idem decretum praedefinens includatur, quod & libertati repugnat, & a dictis auctoribus non conceditur. Posteriori autem modo decretum semper includit conditionem in obiecto suo, utrique concausationem liberi arbitrij, quam non determinat, sed suae libertati permittit, & ita superfluum est tale decretum, quia quoad partem coincidit cum priori decreto conditionato, solumque cum priori coniunguntur alia decreta, quibus concursus ad alios actus offertur, quae non obitant, quominus per illud prius decretum concursus ad extra non solum offeratur, sed etiam comitante libero arbitrio conferatur.

Impossibile est praevidere effectum liberi in se, & ut manans a causa nisi supponatur quidquid necessarium est agendum ex parte causae proximae. Tertia ratio tale decretum vel non est merè absolutum, vel est praedeterminativum.

Si posterius decretum non est merè absolutum, coincidit cum priori decreto conditionato.

19. Declaratur verius assertio sexta in n. 17.

Quapropter dicendum censeo propter solum simultaneum concursum non esse necessaria duo decreta, sed sufficere illud, quo Deus quantum est ex se offert concursum voluntati ad hunc actum in particulari, licet simul offerat similem concursum ad alios actus. Imò credimus de actibus malis, etiam ut actiones reales sunt, non habere Deum aliud decretum magis absolutum, quo illos esse velit, quia nec illos praefinit, neque in eis complacet simpliciter, sed tantum secundum quid, id est, prout ab ipso Deo sunt, seu quoad generalem concursum, quem ad eos praebet; prout verò sunt ab homine simpliciter, displicent Deo, & illos ad poenam ordinat. In quo est aliquod discrimen in bonis actibus, non illos absolute vult Deus, saltem voluntate consequente & complacentiae, & praeterea actus supernaturales, & gratiae. Nam praeter voluntatem antecedentem, qua Deus non solum vult ad illos actus concurrere, sed etiam cupit illos fieri, & ideo illos contulit, inspirat, &c. habet erga illos absolutum complacentiae affectum consequentem: nam videns liberum arbitrium cum gratia determinari ad actum bonum, in illo complacet, non solum prout est a se, sed etiam prout est ab homine,

A seu quatenus in se est honestus, & suae voluntati conformis. Et fortasse temper, vel saepius tales actus praefinit per modum intentionis, licet non per modum executionis, ut lib. 5. in fine explicabimus. Illa verò praedefinitio supponit scientiam conditionatam priorem omni decreto praedefiniente sub eadem conditione, quia tale decretum supervacaneum est, ut ostendimus, cum ad praebendum concursum, nec ad alium effectum providentiae circa tales actus est necessarium, imò neque esse possibile, salva libertate actus, ut dicto lib. 5. ostendimus.

B De actibus hominum & Angelorum sub conditione nunquam purificanda futuris.

Supereft dicendum de ultimo membro, scilicet de voluntatibus creatis, vel aliquando futuris quoad actus futuros sub aliqua conditione, qui nunquam futuri sunt, quia conditio nunquam est euentura, ut fuit poenitentia Tyriorum, & traditio Ceilarum, & similes, de quibus est controuersia cum aduersariis praecipua, qui propter Scripturae testimonia fatentur, habere Deum praescientiam talium futurorum certam, & infallibilem, & quia manifestum est Deum non habuisse circa haec futura absoluta decreta praedefinitiva, & particularia circa talia futura; nullam verò illorum decretorum rationem assignant, vel utilitatem, sed tantum a posteriori, quia Deus illa futura reuelauit, fatentur illa praevidisse, & quia alias supponunt, non posse futura praesciri, nisi in decreto praedefiniente, concludunt talium decretorum necessitatem. Vocatur autem tale decretum praedefinitiuum, licet sit conditionatum, quia tale est, ut posita conditione ex vi illius Deus efficaciter praedeterminaret voluntatem hominis ad talem actum, ut voluntatem Tyriorum ad poenitentiam si vidissent signa, & voluntates Ceilarum ad tradendum David, si Saul ascenderet, & ciuitatem obsideret.

20. Aperitur difficultas.

Nos verò dicimus distinguenda esse haec decreta, & ut doctrina sit generalis, & integra, extendere possumus sermonem etiam ad effectus, quos Deus esset factururus, si aliqua conditio impleteretur. Quaedam ergo decreta conditionata esse possunt de rebus, quas Deus esset factururus, si hoc, vel illud accideret, vel alia de his, quae homines liberè essent factururi, si talis conditio poneretur. Item quaedam ex his continentur sub generalibus legibus providentiae diuinæ, ut particulare sub vniuersali: alia verò cogitari possunt ita specialia, ut in generalibus principiis providentiae gratiae, vel naturae non contineantur. Item conditio ipsa interdum talis est, ut a Deo solo sit implenda pro suo arbitrio, interdum ab homine futura postulatur. Exempla quoad decreta ipsius Dei, seu de effectibus, quos ipse esset factururus, si talis conditio impleteretur, possumus adhibere ex Scriptura, dicitur enim Psalm. 80. Si populus audisset me, Israel si in vijs meis ambulasset, pro nihilo forsitan inimicos eorum humiliasset. Vbi sub conditione asserit Deus, quid ipse esset factururus, si populus Israel rectè circa eum se gessisset: quae praedictio potest fundari in generali lege providentiae Dei, quia statuit, & saepe promissit, illum populum ab inimicis defendere, si obedisset legi eius; particula verò forsitan non propter dubitationem addita est, sed fortè ad deuotandum illam conditionem debuisse perfecte impleri, ut locum haberet infallibilis eius consecutio, ac promissionis adimpletio. Simili modo cum Eliseus 4. Regum 13. dixit ad

21. Extenditur ad effectus quos Deus facturuset si conditio poneretur.

Diuisio horum decretorum.

Exempla ex Scriptura.

Psalm. 80. 11.

4. Reg. 13. 17.



**I**oas Regem Israël, *Si percussisses quinquies, aut sexies, siue septies, percussisses Syriam usque ad consumptionem*, prædixit sub illa conditione aliquid, quod Deus facturum fuisset si talis conditio fuisset impleta, illa enim victoria virtute diuina factura fuisset: illa ergo prædictio fundata sine dubio fuit in decreto conditionato Dei, quo id facere statuerat si Rex quinquies, &c. percussisset terram. Quod decretum non potest dici contentum esse in aliqua lege, vel permissione generali Dei, ut per se notum est; sed videtur fuisse ex speciali providentia eius factum illud ex solo consilio voluntatis suæ; ille enim effectus sine dubio non erat per se connexus cum illa conditione, nec conditio illa percutiendi multoties quidquam conferebat ad effectum: voluit tamen Deus expectare tale signum, aut symbolum, & non aliter conferre vires, & potentiam ad consummatam victoriam obtinendam. Simili modo intelligi potest locus Ieremæ 38. supra allegatus. *Si profectus exieris ad Principes Regis Babylonis, animatus.* Ibi enim prædicitur aliquid, quod Deus ipse promittebat tanquam sua virtute, ac speciali auxilio, & providentia implendum: promittere autem illud voluit sub tali conditione ex sua speciali dispensatione, & non alio modo, ut Rex ille se humiliaret, & ob alias causas Deo notas. Ad hoc denique genus pertinent conditionales omnes propositiones de futuro, quæ in promissionibus diuinis sub conditionibus factis hominibus fundantur: ut si homo se disposuerit, Deus illi gratiam conferet, si orauerit, sicut oportet, impetrabit, & similes.

Ierem 38. 17.

22.

De huiusmodi decretis ad generale, aut speciale promissionis non est difficultas.

Notatu dignum illud est nullam esse promissionem effectus sub conditione pendere à solo beneplacito Dei, quæ ob defectum solius conditionis non impleatur.

**A**ssertio septima. Repugnat Deo tale decretum, si re vocare prædeterminare posito quod statuerit non vocare.

23.

Exempla decretorum secundum generis supra n. 2. initio.

De his ergo ordinatis decretis nulla nobis est controuersia, tum quia sufficienter sunt reuelata, tum etiam, quia vel ad generalem, vel ad specialem providentiam gratiæ, vel naturæ necessaria sunt. Vnde quando decreta sunt generalia, in multis habent effectum, quia in eis subsistit conditio, in alijs vero in quibus non impletur, Deus ex parte sua paratus est ex vi decreti sui effectum conferre, licet postea non faciat ex defectu conditionis, quod satis est etiam in specialibus decretis, ut non sint odiosa, aut superflua, sed ad ordinem providentiæ pertinentia. Ex quo etiam fit, quod attentè considerandum, in omnibus huiusmodi conditionatis decretis semper postulari conditionem ex parte hominis liberè operantis, vel cooperantis ad aliquem effectum, ut in exemplis allatis videre licet. Nunquam enim inuenietur promissio effectus sub conditione pendente à solo beneplacito Dei, quæ ob defectum solius conditionis non impleatur, quia talis promissio vana esset, & nullius utilitatis, quia semper tota promissio pendet ex solo arbitrio promittentis, & ideo perinde est ac si non fieret: ut si ego alicui promitterem, si voluero, dabo tibi centum, vel si quis ita promittat, si venero, hoc faciam, cum proposito nunquam veniendi, frustranea esset promissio, maxime si propositum illud esset immutabile. Ita ergo esset si Deus promitteret alicui, verbi gratia, si te vocarem, prædeterminarem ad consensum, & alioqui haberet absolutum decretum nunquam vocandi; nam cum vocatio à sola Dei voluntate pendeat, & decretum illud sit immutabile, otiosa, & frustratoria esset talis promissio; & similiter vanum est tale decretum conditionale, in quo possit talis promissio fundari, ideoque non est Deotribuendum: nam de illo omnes rationes paulo antea factæ.

Exempla vero quæ pertinent ad effectus contingentes, quos ipse homo esset facturum, si talis conditio impleteretur, manifesta sunt in penitentia Tyriorum, & facto Ceilitarum, inter quæ differen-

**A**tiam confidero. nam in priori effectum conditio proximè pendebat ex diuina voluntate, in posteriori vero ex humana, ut facillè consideranti patebit. Ex qua differentia aliam infero: nam in priori effectum, qui futurus esset à voluntate hominis, si poneretur conditio pendens ex sola voluntate Dei, non potest veritas conditionata de futuro contingenti fundari in decreto prædeterminante conditionato Dei, quando tale futurum sub conditione nunquam est absolute futurum, quia si Deus habuisset tale decretum conditionatum de prædeterminanda voluntate creata ad talem effectum, subsistente tali conditionata, oportuisset, ut ex vi talis decreti Deus esset paratus ad prædeterminationem illam conferendam, alioqui vanum, & sine utilitate vlla esset tale decretum, ut in alijs argumentari sumus: at Deus in eo casu non est paratus ad dandum tale auxilium, quia si esset paratus, daret illud, cum ab homine non penderet; ergo nec habuit tale decretum. Item conditio illa, ut supponitur, pendet & sola voluntate Dei, alioqui Deus ex se decreuit non ponere talem conditionem, quia supponitur nunquam futura; ergo non potest esse paratus ad dandum aliud auxilium, quod illam conditionem impletam necessariò requirit. Denique in facto Tyriorum, & Sidoniorum res aperte declaratur; nam conditio sub qua prædicta fuit eorum penitentia, fuit, *si tales virtutes facta fuissent in te*, quæ conditio ex sola voluntate Dei fuit dependens; at verò per absolutum eius decretum præfinitum fuit, ut tales virtutes in illis ciuitatibus non fierent; ergo Deus non habuit decretum determinandi ad penitentiam homines illarum ciuitatum, si tales virtutes in illis fierent. Probatur consequentia, quia tale decretum fuisset de re pendente à sola voluntate Dei, & sub conditione ab eadem voluntate sola pendente, & ex decreto absoluto eiusdem voluntatis nunquam implendæ: tale autem decretum conditionatum est prorsus otiosum, & frustraneum, quia per illud reuera nihil Deus contulit Tyriis, vel Sidoniis, nec paratus fuit conferre, nec continet promissionem vllam, nec sub vlla generalitate diuinæ providentiæ, nec ad illam aliquam confert. Frustrà ergo Deo tribuitur, nec potest fundari in Scriptura. Nam considerando circumstantias illius particularis loci Matth. 21. potius illi repugnat, ut supra ostendi; in nullo vero alio Scripturæ loco simile aliquod decretum inuenitur, aut insinuat, quod ego inuenire poterim.

**A**ssertio 8. Discretem duplex inter penitentiam Tyriorum & factum Ceilitarum.

Probatur 1.

Probatur 2.

Probatur 3. in exemplo.

At verò quando effectus futurus esset à voluntate hominis, & conditio etiam pendet ab hominis voluntate, distinguendum videtur inter effectum futurum à malo, & peccaminoso actu voluntatis, vel à bono: nam in priori non potest futuritio conditionata fundari in decreto Dei conditionato, quia oportet per totale decretum esse paratam diuinam voluntatem ad inducendam voluntatem humanam ad actum malum, si talis conditio impleteretur, ut iam declaratum est: hoc autem repugnat diuinæ voluntati, siue illa inductio intelligatur per modum inspirationis, aut cogitationis à Deo immixtæ, siue multo magis per modum physice prædeterminationis, ut lib. 3. manifestum fiet, & talis est casus de Davide, & Sane, & Ceilitis, ut supra visum est. At verò si effectus contingens possit esse ab humana voluntate sine culpa, tunc non repugnat Deo tale decretum conditionatum, dummodo ad ordinem, & consilia diuinæ providentiæ aliquid conferat; quia licet tunc effectus esset futu-

24.

**A**ssertio 9. Quando effectus futurus & conditio pendet à voluntate creata, futuritio conditionata actus mali fundari nequit in decreto Dei conditionato: siue est de futuritione actus boni. Ostenditur 1. pars. Ostenditur 2. pars.

Exemplum  
Ierem. 38.

sus proximè ab humana voluntate, posset esse principaliter per operationem Dei facientis illam velie, siue per determinationem, siue per congruas inspirationes, & cogitationes, hoc enim ad præsens punctum non refert, & ideo non repugnat talem prædictionem in tali Dei promissione, seu decreto, sub conditione fundari. Exemplum adhibere possumus in alris verbis sumptis ex Ierem. 38. *Si exieris ad Principes Regis Babylonis, non te tradent transfugas Iudæis;* nam in eis prædicitur effectus pendens à voluntate Principum Chaldeorum, & supponens conditionem dependentem à voluntate Regis Sedeciz, & nihilominus continent illa virtuale promissionem Dei, & consequenter ostendunt voluntatem Dei determinatam ad dirigendas voluntates Chaldeorum Principum, si Sedecias ad illos exiret, ut infallibiliter illum non traderent Iudæis. Tale ergo decretum conditionatum in Deo esse potest, & non est frustrà, sed ad dispositionem suæ providentiæ pertinere potuit.

25.  
Assertio decima.  
Per hæc decreta conditionata non solum ascenditur præscientia omnium futurorum, Inferitur ex dictis.

His ergo modis videntur vel admittenda, vel reiicienda conditionata decreta libera in voluntate Dei, ita ut neque illa negentur, quæ in Scriptura, & ordine providentiæ fundantur, neque illa fingantur, quæ utroque fundamento omnivulitate carent. Vnde tandem concluditur per hæc decreta conditionata non satis defendi præscientiam certam omnium futurorum sub conditione. Nam licet ea futura sub conditione quæ pendent ex sola voluntate Dei, possint ex vi decreti conditionati præsciri, quia per ipsum decretum habent immediatè, quod essent futura; nihilominus alia futura quæ proximè pendent à voluntate humana, & in Scriptura reuelantur, non potuerunt præsciri ex vi talis decreti, quia vel in Deo esse non potuit, ut circa actus malos, vel quia ex aliis decretis Dei, vel ex rei inutilitate, & ex modo ipso loquendi Scripturæ satis colligitur Deum tale decretum non habuisse, ut explicatum est. Et de conditionatis decretis, & de fundamentis scientiæ conditionate nobis sufficere videntur. Nunc aliquibus obiectibus satisfaciendum fuerit.

## CAP V T IX.

*Nonnullis obiectionibus occurritur, earumque occasione doctrina data magis declaratur, & veluti in summam redigitur.*

I.  
Obiectio prima.  
Ducitur aliqua veritas creati necessario futura absque voluntate Dei.

**P**Robando sententiam nostram fundamenta contrariæ dissolvimus: ut verò nihil consideratione dignum prætermittamus, nonnullas alias obiectiones proponemus, ex quarum solutione veritas ipsa magis elucescet. Prima obiectio est, quia ex nostra sententia sequitur esse aliquam veritatem creatam necessario futuram absque voluntate Dei; consequens videtur valde absurdum; ergo. Sequela patet, quia si Deus ante omne suum decretum liberum prævidit Adam constitutum in tali statu, & occasione, ac tentatione fuisse peccaturum, talis effectus verè fuit futurus independentè à libertate Dei, quia ante omne decretum suum liberum fuit futurus, unde post talem præscientiam non potuit Deus impedire, quominus posita illa hy-

**A**porthesi peccatum illud esset futurum; & idem est in omnibus similibus. Consequens autem hoc absurdum esse videtur, quia si hoc esset verum, non habet Deus absolutum, & univernale dominium omnium futurorum eventuum, nec haberet omnipotentiam faciendi, ut à tali causa tali modo se habente proveniret, vel non proveniret talis effectus, quia necessario eventurus est, quiper scientiam conditionatam prævisus est futurus. Vnde confirmatur difficultas, quia sicut in absolute futuris verum est illud, *Omnia quæcumque voluit fieri*, & è contrario etiam verum est, nihil fieri, vel futurum esse, nisi quod ipse vult, aut liberè permittit, ita in conditionatè futuris verum esse debet, nihil fuisse, vel esse posse sub aliqua conditione futurum, nisi quod ipse sub conditione saltem liberè decernit, aut permittit, est enim eadem proportionalis ratio, & utrumque pertinet ad supremam, & univernalem potestatem Dei; ergo non est illi denegandum, præsertim, quia nihil repugnat habere Deum hæc conditionata decreta, cum in ordine providentiæ sæpe sint necessaria, ut nos etiam fateamur: nam Deus offert generalem concursum, quo voluntas sæpe non est usura, quod non potest esse nisi per conditionatum decretum, similiter paratus est iustificare peccatorem, quem nunquam iustificabit, & sic de aliis.

**C**onfirmatur secundò hæc difficultas, quia divina veritas est Deo ratio cognoscendi omnes veritates extra se, sicut divina bonitas est ratio volendi omnia bona extra se: non posset autem divina bonitas esse ratio cognoscendi veritates has conditionatas si illæ essent independentes à decreto Dei, quia tunc non haberent veritatem à Deo, & ita nec veritas Dei posset esse ratio cognoscendi illas; ergo impossibile est, quod habeant veritatem cognoscibilem ante decretum Dei. Tandem confirmatur, quia si Deus cognosceret hæc contingentia ut determinatè vera ante decretum voluntatis suæ, cognosceret illa ut ex se omnino necessaria, vel reuocanda erant in

**D**aliquam aliam causam extrinsecam, & infallibiliter determinantem voluntatem hominis: consequens autem omnino est falsum; ergo. Sequela declaratur. nam constituamus, v.g. Petrum & Paulum prævisos sub esse possibili cum tali vocatione, & omnibus circumstantiis eius, & ex vi libertatis de utroque prævideri in quodam priori signo rationis, posse consentire, vel dissentire: in posteriori autem signo, & ante decretum Dei Petrum videri consenturum, & Paulum non consenturum; pero unde provenire possit hæc diversitas, non enim ex Deo cum supponatur habuisse decretum, nec ex ipsis voluntatibus humanis, cum sint æquè indifferentes de se, nec ex obiecto, cum supponatur esse idem, & licet esset diversum, non efficaciter movet. Ergo oportet id referre vel in aliquam necessitatem individualet talis personæ, vel in aliquam constellationem, vel aliquid simile. Quàm verò absurdum hoc sit facile patet, quia & repugnat libertati, cum & illa necessitas sit antecedens, & quasi fatalis, cum non sit ex decreto Dei, nec ex decreto hominis libero, sed quasi ex naturali determinatione. Et in operibus pietatis repugnat maximè divinæ gratiæ, ut constat. Multa argumenta his similia ab auctoribus contrariæ sententiæ prolixè satis multiplicantur. Sed illa omitto, quia ex eisdem principiis, & æquivocationibus terminorum procedunt; imò hæc etiam ex-

Confirmatur  
primò à pari.

2.  
Confirm. secundò, quia Divina veritas non potest esse ratio cognoscendi id quod non habet veritatem à Deo.

Confirmatur  
tertiò, reuocanda essent conditionatè futura ad causam extrinsecam à qua determinaretur voluntas.

Augetur difficultas,  
quia daretur fatum.

cusari possent, quia ex principiis positis facile possunt à quocunque dissolui; tamen ut omnibus satisfaciamus, & maioris claritatis gratia, quæ diximus de veritate cognoscibili in his conditionatis, & modum præscientiæ illorum, quasi per recapitulationem, amplius explicemus.

*Recapitulatio hæctenus de hac scientia disputatorum per quinque notanda.*

3. Aduertendū primum hæc duo esse longe diuersa. Decretum Dei præcedere ordine rationis in ipso Deo, & obiectiue includi in hypothese futuri conditionati.

Multa ergo ex similibus argumentis ex eo procedunt, quia non distinguitur inter decretum Dei ut præcedens ordine rationis in ipso Deo, vel ut obiectiue inclusum in hypothese futuri euentus conditionati. Hæc autem diuersa esse, & suprà tactum est, & est per se manifestum. Nam Deus scit per scientiam simplicis intelligentiæ, quæ omne decretum liberum præcedit, quod si ignis applicetur ligno, calefaciet illud; in ea verò hypothese necessariò includitur decretum Dei volentis concurrere, quia sine illo non posset sequi talis effectus etiam posita conditione; ergo in illa includitur, si ignis applicetur, & Deus suum concursum non suspenderit, quæ non exprimitur, quia supponitur quasi inclusa ex naturali debito. Et in operibus liberis etiam gratiæ præcognoscit Deus per eandem scientiam, quod si talis homo talem inspirationem cum tali, vel tali motione, tali tempore habear, consentiet, quæ scientia antecedit omne decretum liberum in Deo ipso, non tamen excludit decretum liberum ad modum possibilis, & inclusum in obiecto. Et in hoc sub his verbis necesse est, ut aduersarij conueniant, quoniam talis præscientia necessaria est, ut Deus possit velle, & eligere media efficacia prædestinationis: sed differentia est in modo decreti, vel motionis: nam aduersarij volunt in illa hypothese debere includi motionem prædeterminantem voluntatem creatam, vel hanc conditionalem: Si ego voluero efficaciter, in talē voluntatem consentire, & ex hac voluntate illam vocauero, &c. nos autem dicimus tale decretum sic inclusum in illa conditione non esse necessarium, sed sufficere decretum concurrendi simultaneè post talem vocationem, ita ut sensus conditionalis sit iste: Si dederō huic talem inspirationem, seu vocationem, & voluero illi offerre meum concursum, seu concomitans auxilium, talis actus sequetur. Vnde sit, nunquam talem actum cognosci futuram sub conditione sine aliquo decreto libero Dei, etiamsi modo nostro cognoscendi & loquendi prius sit in Deo talis præscientia, quàm sit quasi elicitedum tale decretum liberum Dei.

4. Aduertendum secundò sæpe confundi decretū Dei liberum in genere cum decreto prædeterminante.

Vnde est secundò considerandum sæpe confundi decretum liberum Dei generatim sumptum, cum decreto prædefiniente efficaciter, seu prædeterminante, & quia dicimus Deum præcognoscere futura ante decretum prædeterminans, vel posse etiam esse futura sine tali decreto, statim inferitur, vel nobis tribuitur, quod asseramus futura conditionata præsciri independentē à decreto voluntatis Dei, quæ non est illatio bona; quia est à particulari ad vniuersale negatiue. Et defectus potest facile deprehendi, quia peccatum præscitur futurum non solum ante decretum prædeterminans, aut absolutè præfiniens, seu (quod idem est) prædestinans etiam actum ipsius peccati, & tamen non erit futurum sine aliquo decreto voluntatis Dei, iuxta illud Augustini in Enchirid. cap. 95. *Non fit aliquid nisi omnipotens fieri velit, vel sinendo ut fiat, vel ipse faciendo ut fiat, vel ipse facien-*

August.

A do. Dicimus ergo ad cognoscenda futura conditionata necessarium esse ut in ipsa conditione ponatur aliquod decretum Dei, non tamen ita absolutum, ut prædeterminet voluntatem creatam: nam necessitas talis decreti repugnaret libertati voluntatis creatæ quoad vsum liberum aliorum actuum, seu quoad liberam omissionem, vel (quod perinde est) quoad libertatem, quoad specificationem, & respectu eiusdem actus futuri ex vi talis decreti repugnaret libertati eius, quoad exercitium, neque præsciretur ut contingens, sed ut necessariò consequens ex antecedenti suppositione, præter absurditatem quæ de peccato sequitur, quod in simili decreto præscirentur futura, saltem quoad ipsos actus, à quibus est inseparabilis malitia, quæ quidem absurditas quanta sit, sæpe inculcatur à nobis, & milles repetetur, ac latissimè in discursu huius operis tractabitur, quia res est summæ considerationis, & quæ huic materiæ magnam lucem affert.

Ex quo aduertimus tertio (quod suprà iam tactum est) auctores contrariæ sententiæ reducere totam rationem præscientiæ diuinæ circa futura contingentia ad necessariam illationem actus liberi ex hoc decreto prædeterminante: nam sine illo putant, non posse esse veritatem determinatam in his propositionibus de futuro; hoc enim est totum suæ scientiæ fundamentum in hoc puncto de præscientia conditionata. Vnde duo ex illis sequuntur incommoda, vnum in re ipsa, & contra doctrinam certam, aliud in sua schola, & contra principia recepta ante hanc controuersiam. Primum est, quod reuera Deus non habet præscientiam contingentium, sed necessarium, quia ut illa futura præcisè possit, quæ ex se, & in ordine ad causam proximam essent contingentia, facit, ut necessariò eueniant, ut sic illa præscire possit. Vnde quidam ex dictis Theologis non dubitant dicere, Deum non minus euidenter cognoscere futurum effectum in voluntate creatæ à se prædeterminata, quàm in causa naturaliter agente: rat hoc dici non potest; ergo neque primum audiendum est. Consequentia cum minori sunt notæ. Maior autem satis probata est ex dictis in præcedentibus capitulis, iunctis his quæ in præcedenti Prolegomeno dicta sunt, & iterum est latè probanda in lib. 5. Secundum incommodum est, quod si vera est illa sententia, frustra laborauit D. Thomas in explicando modo, quo Deus præscit futura contingentia absoluta per præsentiam æternitatis, immeritòque dixisset, non posse cognoscere illa in causa, nam licet non cognoscat in causa proxima nudè sumpta, quia sic non est causa completa, cognoscit tamen in causa completa per determinationem impressam à causa prima, quam determinationem futuram esse in sua voluntate cognoscit. Nec esset vlla differentia in cognoscendis futuris, quæ à sola Dei voluntate pendent, & quæ pendent à voluntate creatæ: nam omnium cognitio ad solam Dei voluntatem resoluitur. Hæc autem omnia quàm sint noua in doctrina D. Thomæ, ex locis suprà allegatis, & ex veteribus Thomistis, quos etiam allegauimus, satis constat.

Quartò aduertimus in his obiectionibus, & aliis quæ ab istis auctoribus sunt, non distingui in his futuris contingentibus determinationem futuri effectus in causa, vel in se, quàm etiam vocauimus nos determinationem in actu primo, vel in actu secundo. Hinc enim ex eo, quod effectus futurus non habet determinationem in actu primo

5. Aduertendum tertio aduersarios fundantes hanc præsentiam in illatione necessaria ex decreto prædeterminante incidere in duo incommoda. Primum Deum non habere præscientiam contingentium, sed necessarium.

Secundum frustra D. Thomam defuisse in addituenda futurorum contingentium præsentia in æternitate.

6. Aduertendum quartò distingui illam esse determinationem futuri effectus in causa, vel in actu



primo, & in se, vel in actu secundo.

D. Thom.

mo in voluntate creata absque decreto prædeterminante iuxta eorum sententiam inferunt, non habere determinatam veritatem, quia nimirum supponunt nullam posse esse determinationem talis effectus, in qua veritas determinata propositionis de futuro nitatur. At verò D. Thomas in absolute futuris aliam determinationem effectus agnoscit, nimirum præsentia litatis in æternitate, quæ non est in causa, sed in ipso effectu in seipso, & consequenter includit determinationem causæ ad illum producendum in actu secundo, ut præsentem æternitati, & per ordinem ad illam determinationem, & præsentiam habent propositiones sub modo de futuro prolata determinatam veritatem. Ad hanc autem determinationem actualem etiam ut præsentem æternitati non oportet supponere causam ad unum determinatum in actu primo, sed satis est supponere illam completam omnimodo in actu primo, non ad unum tantum effectum, sed ad plures cum indifferentia, nam à tali causa potest prodire determinatus effectus pro eius libertate, & de necessitate aliquis prodibit considerando actum ut futurum, quamvis non hic, vel ille determinatè ex vi dispositionis causæ in completo actu primo, sed confusè aliquis: considerando autem actum ut præsentem æternitati necessariò futurus est certus, & determinatus actus in specie & individuo, & ad illum potest supponi concursus ex parte Dei ad hæc omnia determinatus, ac sufficiens, & simultaneus, qui satis est, ut effectus possit esse determinatè præsens æterno intuitu diuinæ præscientiæ sine alia prædestinatione, quæ libertatem ledat. Et ideo D. Thomas illum modum cognitionis ut necessariū ad salvandam libertatem, & conciliandam cum illa præscientiam excogitavit, vel potius ex antiquioribus Patribus hausit. Idem ergo modus determinationis intelligendus est in futuris conditionatis in ordine ad præscientiam, illa enim etiam potest intueri ut præsentia ex hypothesi, seu ad modum præsentium, & potest intueri causam non solum quoad dispositionem, & virtutem completam in actu primo, sed etiam quoad actualem habitudinem, & determinationem per actualem influxum in talem effectum, quem Deus infinita efficacia intelligendi intueri potest per modum præsentis. Nam eadem est habitudo inter talem causam apprehensos, ut præsentia, & in se existentia ex hypothesi, quæ intelligitur esse inter illa ut præsentia æternitati, nam etiam hæc præsentia est obiectiva, & non est de re verè, & realiter existente ab æterno, sed de re, quam Deus ita prorsus intuetur, ac si verè in se existeret, vel licet intuetur illam nunc, quando in se iam existit, & ideo de illa intuetur non solum quid potest operari, sed etiam quid operatur, ex efficacia, & infinitate sui æterni intuitus. Ex eodem ergo simili modo intuetur emanationem futuram talis effectus à tali causa supposita ex hypothesi per modum præsentis: nam eadem est ratio, & nulla maior invenitur repugnantia. Et tota hæc excellentia cognitionis meritisimè recognoscitur in infinitæ scientiæ Dei thesauro.

Idem.

Futura conditionata præsentia sunt in æternitate, quæ videntur à Deo ad modum præsentium.

*Satisfis obiectionibus numero primo, & secundo propositis.*

7.

His positis facile est ad singulas obiectiones respondere. Ad primam, in qua inferebatur ali-

**A** quid esse futurum saltem sub conditione sine voluntate Dei, respondetur negando sequelam, includit enim in ipsa hypothesi decretum liberum ponendum in re, ut ab illo possit esse effectus, qui dicitur sub conditione futurus, quia ab illo essentialiter pendet. Quod necesse est fateantur, qui dicunt Deum per suum concursum determinare voluntatem, quia consequenter negare non possunt, quin Deus per scientiam simplicis intelligentiæ cognoscat, quod si voluntas hominis cum tali obiecto, & cognitione creetur, & ipse Deus velit cum illa concurrere ad talem actum, illum efficiet. Solumque est inter nos, & ipsos differentia, quod ipsi dicunt, illum concursum esse præteritum, & prædeterminatum voluntatis creatæ, & ideo consequenter dicunt in illo, si dandus sit, cognosci infallibiliter futuram determinationem creatæ voluntatis: nos autem dicimus concursum non esse prædeterminantem, sed concomitantem, & ideo in decreto dandi illum, aut per modum illationis, ex illo non cognosci liberam determinationem voluntatis futuram, sed cognosci in se ipsa præsentia liter ex vi & efficacia diuini intuitus. Vnde si argumentum coarctetur ad voluntatem Dei prædeterminantem, ita ut illatio sit, sequi ex nostra sententia, aliquid esse futurum sine voluntate Dei prædeterminante, concedimus sequelam, est enim consequens verissimum, non solum conditionatis futuris, sed etiam in absolutis, ut satis nos docet actus peccatorum, etiam ut tales actus sunt, & liberè fiunt. Neque hoc est contra Dei omnipotentiam, vel absolutum dominium, quia talis effectus non est futurus sine influxu omnipotentiae Dei, nec sine voluntate sua, quia vult, & voluntatem creatam sinere liberè operari, & cum illa concurrere, possitque si veller illum actum impedire, aliter se habendo cum voluntate creata. Si autem vult illum indifferentem sinere, necesse est, ut quod voluerit ipsa operetur, & consequenter etiam necesse est, ut ipse Deus præsciat, quid ipsa voluntas creata sic constituta operatura, & volitura sit.

**B** unde facilis est responsio ad primam confirmationem: concedimus enim æquiparationem, quæ in illa sit inter futura absolute, vel sub conditione quantum ad hoc, quod sicut nihil est absolute futurum, nisi quod Deus aut vult fieri, aut vult sinere ut fiat; ita in conditionatis nihil est futurum ex hypothesi, nisi quod Deus aut veller fieri, aut veller sinere ut fieret. Discrimen autem est, nam respectu absolute futurorum illud velle Dei supponitur præexistens in Deo ante præscientiam absolutam; respectu verò futurorum sub conditione non ita supponitur, sed tantum includitur in conditione tanquam coniungendum cum illa, si in re ipsa poneretur. Et ratio, discriminis est clara, quia scientia absoluta terminatur, ad effectum secundum actualem existentiam præsentem absolute æternitati Dei, & ideo necessariò supponit in Deo actuale decretum æternum, à quo dimanaturus est concursus ad talem effectum. At verò conditionalis nihil ponit in esse, unde per scientiam illius non videtur effectus ut absolute futurus, sed tantum sub conditione, & ideo non necesse est ut decretum Dei in re ipsa supponatur, sed sufficit ut in conditione includatur. Quod verò in illa confirmatione additur non repugnare, quod sine in Deo aliqua decreta conditionata, iam declaratum est in cap. præcedenti, quatenus id verum sit, & quomodo

Ad primam negatur consequentia.

8. Ad primam confirmat. Imitatur paritas, inter futura absolute & conditionata.

Instantia quædam. Refellitur.

id

id non sufficiat, vt tota scientia futurorum sub conditione ad talia decreta conditionata, tanquam ad vnicum, & necessarium fundamentum reuocetur. Nam vt talia decreta præcisè spectata sint ratio sufficiens præsciendi futura, oportet, vt ex parte Dei sint absoluta, & prædefinitiuæ voluntatis creatæ, vt in tali decreto possit esse infallibilis futura cooperatio creatæ voluntatis. At verò respectu malorum actuum non sunt possibilia decreta prædeterminantia, quia repugnant diuinæ bonitati & sapientiæ, siue illa sint absoluta, ex parte obiectorum, siue conditionata, quia eadem est errorumque ratio, si ex parte Dei sint absoluta, & prædeterminantia. Respectu autem bonorum actuum repugnant talia decreta libertati ipsorum, si efficaciter sint prædeterminatiua quoad executionem, vt supponitur. Si verò solum sunt prædefinitiuæ secundum ordinem intentionis, necesse est, vt supponant scientiam conditionatam ne libertatem tollant, & ideo non possunt esse sufficiens talis scientiæ fundamentum, quæ omnia infra lib. 5. latè probanda sunt de absolutis decretis, & ideo nunc à longiori probatione supersedemus, supponendo, quod certissimum est, eandem in hoc esse rationem de decretis conditionatis, quæ de absolutis. Accedit præterea, quod multiplicatio talium decretorum conditionatorum superuacanea est, & inutilis, ac otiosa, & sine fundamento introducta, vt probaui. Sola ergo illa conditionata decreta admittenda sunt, quæ diuinæ prouidentiae, vt versatur circa res aliquando futuras, consentanea, & vtilia inveniuntur, & in generalibus principiis eius fundari possunt. Hæc autem ita sunt conditionata, vt etiam ex parte Dei non sint omnino absoluta, quoad executionem effectus, & prædeterminationem causæ secundæ. Quod si respectu contingentium absolute futurorum aliqua sunt decreta simpliciter absoluta, & prædefinitiuæ ex parte Dei, de se includunt virtutem conditionem, & ideo necesse est vt supponant illam quasi purgatam per scientiam conditionatam, vt simpliciter, & absoluta esse possint, vt in lib. 5. cap. ult. latius declarabo.

Sola illa conditionata decreta admittenda sunt in Deo, quæ diuinæ prouidentiae circa res futuras consentanea & vtilia sunt, & in generalibus principiis eius fundari possunt.

9. Secunda confirmatio duplicem distinguitur duplicem rationem cognoscendi vel per modum principij, vel per modum termini.

Ad instantiam.

Ad secundam confirmationem respondetur duplicem posse distingui rationem cognoscendi, scilicet vel per modum principij, vel per modum termini, seu ex parte cognoscentis aut ex parte rei cognoscendæ. Dico ergo veritatem Dei esse rationem cognoscendi omnes voluntates creatas, & creabiles ex parte principij, seu ex parte ipsius Dei, vt est creaturarum scientia. Et sic quamuis Deus per seipsum sciat omnia possibilia fieri ab ipso, nihilominus supponit ex parte obiecti veritates necessarias, vt hominem esse animal rationale, & similia. Et similiter supponit illa scientia veritates possibiles, vt hominem posse peccare, vel bene agere. Et cum eadem proportionem supponit veritatem cognoscibilem in futuris contingentibus, tam absolutis, quam conditionatis, quamuis per seipsum, & per suam veritatem in cognoscendo, id est, per suam infinitam, & certissimam scientiam, & per suas ideas vt rationes cognoscendi aliam omnem veritatem intueatur. Cum verò obicitur, quia Deus non potest hoc modo per se cognoscere veritatem futuram, si ab ipso non pendeat, concedimus assumptionem: negamus autem subsumptionem, nimirum futura conditionata non pendere à Deo, si non supponant in Deo decretum; satis enim est, quod in conditione illud includant, quia propter essentialem dependentiam necessario includi debet, vt decla-

raui, neque oportet vt tale decretum sit prædeterminans, neque quod sit adæquata ratio veritatis futuræ, quando talis est, cum non solum ab illo, sed etiam à libero arbitrio pendeat tanquam à sua concausa simul in suo genere concursura, quæ dependentia, vt futura, non potest in illo decreto cognosci, sed in se, vt iam declarauimus.

Ad vltimam confirmationem negatur sequela, nimirum, si Deus cognoscat talia futura ante suum decretum prædeterminans sub conditione, sequi vt illa cognoscat, vel vt per se necessaria, vel vt futura ex aliqua alia causa extrinseca prædeterminante hominis voluntatem. Neutrum enim sequitur, non quidem primum, quia licet hæc sint contingenter futura, habere possunt determinatam veritatem, non quia per se necessaria sit simpliciter, sed quia ita futura est, vnde ad summum refuleat necessitas suppositionis, qua dicitur, id quod est, necessario esse; sic enim quod futurum est necessario erit. Neque etiam sequitur secundum, quia voluntas humana, vt se determinet, non indiget causa intrinseca determinante, neque alia causa extrinseca propriè, & physicè cooperante præter Deum. Vnde ad exemplum in argumento propositum de duabus voluntatibus, v.g. Petri & Pauli conceptis sub esse possibili, & applicatis cum eisdem obiectis, & circumstantiis ad operandum, de quibus in quodam priori rationis æquè præscitur posse consentire & dissentire, & in alio signo rationis posteriori de vna præscitur esse consensuram, & de alia esse dissensuram, cuius diuersitatis, & præscientiæ ratio non creditur reddi posse, nisi ex aliqua causa extrinseca prædeterminante. Verumtamen non ita est: aut enim postulat ratio diuersi euentus, aut ratio præscientiæ illius ex parte Dei. Prior ratio propria, & proxima est liberum arbitrium, vel solum in malis, vel adiutum in bonis. Neque contra hoc obstat, quod illæ voluntates in priori signo sint æquè indifferentes. nam potius ex hac ipsa indifferentia nascitur, vt vnus sic, alius sic opereatur pro suo arbitrio, etiam ceteris omnibus antecedentibus existentibus paribus, quia hoc ipsum postulat libertatis dominium, vt in Prolegomeno præcedenti ostensum est. Frustrà ergo obicitur, vel cogitatur necessarium esse recurrere ad constellationem, vel indiuiduationem, seu complexionem: nam liberum arbitrium his omnibus dominari potest, si velit. Ex intrinseca ergo potestate illius futura esse poterit illa diuersitas. Supposito autem quod sit futura, non oportet ex parte Dei aliam rationem reddere, vt cognosci possit, nisi quia infinitam vim habet cognoscendi & omnem veritatem in se ipsa intuendi sine vllò discursu formali, vel virtuali, sed per solam simplicem veritatis contemplationem.

10. Tertia confirmatio negando alterutrum sequi vel vt per se necessaria, vel vt ab aliqua causa prædeterminante futura sint.

Ad exemplum.

Instantia præcluditur.

## CAPVT X.

Alteri obiectiōni occurritur, & an scientia visionis sit causa futurorum, explicatur.

IN fine huius Prolegomeni necessarium visum est de causalitate præscientiæ diuinæ circa futura contingentia pauca præmittere, tum quia hæc resolutio necessaria nobis erit ad auxilia diuinæ gratiæ explicanda: nam hac ratione hoc tempore valdè agitata est hæc controuersia, tum etiam

1. Occasione & necessitas huius questionis agitando.

Obiectio se-  
cunda.  
Si daretur  
scientia con-  
ditionata,  
esset causa  
futurorum,  
quod disce-  
pat. Assum-  
ptum proba-  
tur à pari,  
quia scientia  
visionis est  
causa rerum.

etiam ad occurrendum obiectioni, quæ contra præcedentem resolutionem fieri potest, videtur necessaria. Nam perinde comparari debet scientia conditionata ad contingentia sub conditione futura, sicut comparatur præscientia absoluta ad res aliquando futuras, sed per absolutam præscientiam non prævidentur futura, nisi quatenus eadem scientia est causa illorum; ergo ut præscientur futura sub conditione, oportebit, ut eadem præscientia sit causa futuritionis illorum. At hoc esse non potest; ergo nec potest dari talis præscientia. Minor (cætera enim nunc supponuntur) probatur, tum quia Deus non habet causalitatem circa futura tantum sub conditione, cum illa reuera futura non sint, & quatenus talia sunt, sub latitudine entium possibilium permaneant: tum etiam, quia licet in illis velimus conditionatam causalitatem considerare, hæc non potest scientiæ attribui, alioqui oportebit, in ipsa hypothese, seu conditione eandem scientiam inuolueri, sicut diximus in illa conditione includi decretum voluntatis Dei sufficiens ad causalitatem talis futuri. Hoc autem est impossibile, alioqui circulus committeretur, seu sensus identicus fieret, perinde enim esset, ac si diceretur: Si virtutes in Tyro fierent, & voluntas Dei, cum præscientia futuri consensus concurrerent, Tyrij prænitentiam agerent: hoc autem frivolum est, & absurdum, ut constat; ergo repugnat dari talem scientiam, si ipsa scientia est causa futuritionis rerum. Ut hæc igitur obiectio dissolvatur, necessarium est expendere, an id, quod supponit de causalitate scientiæ visionis, verum sit, & consequenter tractandum est, an hæc causalis propositio vera sit, *Quia Deus præscit hoc esse futurum, ideo futurum est.* Per occasionem verò, & quasi necessariam consequutionem in fine videbimus, an altera causalis vera sit, *Quia hoc futurum est, ideo Deus illud præscit.*

### An scientia visionis sit causa rerum.

2. Prior senten-  
tia affirmans  
suadetur  
primò au-  
thoritate  
Scholasti-  
corum.

Magistr.  
Bonavent.  
D. Thom.

Est ergo prior sententia affirmans illam causalem, *Hoc est futurum, quia Deus scit illud esse futurum*, esse veram, quod est dicere scientiam visionis, ut talis est, esse causam futuritionis, vel præsentis obiecti sui; hæc enim duo in idem redeunt, & ideo de illis indifferenter loquimur. Hanc sententiam defendunt hoc tempore moderni Thomistæ supra allegari, eamque antiquis Scholasticis tribuunt cum Magistro in 1. d. 39. & in speciali refertur Albertus art. 3. Bonavent. art. 1. q. 1. & 2. Maximè verò probatur in primis auctoritate D. Thomæ 1. p. q. 14. art. 8. ad 1. ubi refertur Origenem dicentem, *Non propterea aliquid erit, quia id scit Deus futurum, sed quia futurum est, ideo scitur à Deo antequam fiat.* Exponit, priorem partem intelligendam esse considerando rationem scientiæ non habentis adiunctam voluntatem: posteriorem autem partem accipiendam esse in ratione consecutionis, seu finalitatis, non secundum propriam rationem causalitatis. Et in solutione ad tertium ait, obiectum scibile non comparari ad scientiam Dei ut mensuram eius, sed è conuerso scientiam Dei esse mensuram eius, quia est scientia artificis, quæ est mensura arte facti. Et art. 16. dicit Deum rebus à se factis habere scientiam practicam, quæ non est nisi scientia visionis.

3. Secundò videtur hæc expressa sententia Augustini: nam lib. 6. de Trinitate, cap. 10. & lib. 13.

cap. 13. expressè dicit: *Creaturas non quia sumus novit Deus, sed ideo sunt, quia novit.* Et lib. 3. de Civitate, cap. 9. de creaturis ait: *Quidquid valent, & quidquid fallunt, certissime valent; & fallunt sunt, quia valituras atque falluras ille præscit, cuius præscientia falli non potest.* Similia ferè verba habet Gregor. lib. 20. Moral. cap. 23. aliàs 24. dicens: *Quæcunque sunt non ab æternitate ideo videntur, quia sunt, sed ideo sunt, quia videntur.* Eandem sententiam videtur latè docere Boëtius lib. 3. de Consolat. prola vlt. circa finem, ubi etiam Dionys. Carthus. ita exponere videtur, & illius verba postea referemus.

Tertio suadetur hæc sententia rationibus. Prima, & præcipua est, quia scientia visionis non est speculativa, sed practica; ergo est causa rerum. Consequentia clara est. Antecedens probatur, quia scientia simplicis intelligentiæ, est tantum speculativa; ergo scientia visionis est practica, nam sicut scientia visionis, & scientia simplicis intelligentiæ adæquare diuident scientiam Dei, ita etiam practica, & speculativa, & ideo si scientia simplicis intelligentiæ speculativa est, necesse est ut scientia visionis sit practica. Secundò probatur idem antecedens, quia scientia visionis non supponit obiectum suum, sed illud operatur; ergo est practica. Consequentia clara est. Antecedens verò probatur, quia scientia Dei non contempletur res existentes, nisi ut præsentis æternitatis, & ut à se factas; ergo non possunt obiecta illius scientiæ antecedere causalitatem eiusdem scientiæ, sed causando illa, iunctur illa quasi terminum suæ causalitatis. Secunda ratio est, quia aliqua scientia Dei est causa rerum: sed scientia simplicis intelligentiæ non est causa rerum; ergo scientia visionis est scientia illarum rerum, quæ per illam videntur. Consequentia supponitur ex sufficientia partitionis diuinæ scientiæ in visionis & simplicis intelligentiæ. Maior item ut certa relinquitur. Minor autem paret. Primò, quia nulla scientia antecedens determinationem voluntatis Dei potest esse causa rerum, quia ut sic non est ordinata ad opus, hæc enim ordinatio per voluntatem fit, nec potest esse causa, nisi prout ordinatur ad opus. At verò scientia simplicis intelligentiæ ut talis est, antecedit decreta libera diuinæ voluntatis, ut per se constat; ergo ut sic non est causa. Et confirmatur primò, quia scientia, ut sit causa, debet esse practica, ut per se notum est: at scientia simplicis intelligentiæ non est practica, sed speculativa, teste D. Thoma 1. p. q. 14. art. 16. & ibi Caietan. ergo. Et confirmatur secundò, quia scientia, quæ est causa rerum, est libera, potuit enim non esse causa, sicut res potuerunt non esse: at scientia simplicis intelligentiæ non est libera, sed sola scientia visionis. Tertia ratio sit, quia si scientia visionis non esset causa futuri, futurum esset causa visionis: hoc autem secundum dici non potest, quia temporale non potest esse causa æterni; ergo primum dicendum est. Maior sumitur ex D. Thoma q. 2. de veritate art. 14. ubi simili discursu probat scientiam Dei esse causam rerum, quia omnis scientia, vel est causa obiecti, vel causata ab illo, vel utrumque ab vno tertio: scientia autem Dei nec ab obiecto, nec ab aliquo tertio causatur, unde necesse est, ut sit causa sui obiecti: hæc autem ratio æquè ad scientiam visionis applicari potest.

Nihilominus dicendum est scientiam visionis quatenus ratione distinguitur ab omni alia scientia

thoritate  
Parrum.  
August.

Gregor.

Boët.

Dionys.  
Carthus.

4.  
Tertio ra-  
tione.  
Prima.

Secunda.

D. Thom.

Tertia.

D. Thom.

5.  
Assertio  
negativa.



## Cap. 10. Altera obiectio de causalitate diuine præscientiæ circa futura. 49

tia Dei, ac præcisè spectata, secundum respectum, quem scientia visionis, vt talis est, denotat, non esse causam obiecti sui, sed supponere illud, ideoque in rigore, & proprietate causalis notæ saltem esse illam propositionem, quia *Deus præscit hoc esse futurum, ideo futurum est*. Hanc sententiam docui prius in lib. 1. de Auxil. cap. 13. num. 15. & in lib. 1. de Scientia Dei cap. 5. n. 9. & postea in 1. p. lib. 3. de Attributis Dei posituius cap. 4. n. 10. & sequentibus, vbi auctoritate, & ratione confirmata est: propter nouas autem impugnaciones aliquid addere necessarium visum est. Animaduertimus autem, sermonem esse de scientia visionis, seu rerum existentium, aut futurarum formalissimè, ac præcisè vt talis scientia est. Nemo enim dubitat quin scientia Dei sit causa omnium actuum futurorum, quatenus boni sunt, sed quia illa scientia, quæ in se vnica, & simplicissima est, sub diuersis rationibus sectatur à nobis, ideo dicimus præcisè consideratam, vt est scientia visionis, vt & intensionis rerum, non esse causam, sed supponere causalitatem, & intueri, quod ab ipsa media voluntate, & omnipotentia sua factum est, iuxta illud Genes. 1. *Vide Deus cuncta quæ fecerat, & erant valde bona*. Ex quo non immerito argumentari possumus, quia illud verbum non potest nisi de scientia visionis intelligi, & verbum *fecerat* satis apertè indicat illam visionem supposuisse res iam factas, ac proinde vt talis visio est, non fecisse illas, sed eas per omnipotentiam à voluntate applicatam, & per alium modum scientiæ, vel artis directam iam factas vidisse, & in eis tanquam bonis complacuisse. At verò scientia, quæ supponit rem factam, non est causa eiusdem, quatenus talis scientia eius est; ergo neque scientia visionis est causa rerum factarum.

Secundò probatur auctoritate Patrum dicentium, res non esse futuras, quia Deus scit illas esse futuras, hæc enim negatio in illo proprio sensu potest esse vera, si scientia visionis est causa futurorum, quia si est causa, est vera, imò & realis & physica causa: sed per illam causalem locutionem nihil aliud significatur, nisi huiusmodi causalitas; ergo Patres negantes illam propositionem causalem, dictam planè causalitatem negant. Sunt autem illa Origen. Hieronym. Iustinus, Chrysostom. Beda, Cyrillus, & Damascen. quos dicto lib. de Auxil. cap. 13. retuli, ex quibus solius Damasceni verba hinc expendere visum est. Ille in Dialog. contra Manich. prope finem, sic inquit. *Deus ea, quæ voluntariè à nobis futura sunt, hoc est, ea quæ in potestate nostra sita sunt, nimirum, virtutem, ac vitium præsciens, ea demum definit, quæ in arbitrio nostro minime consistunt. Ac quidem vis Dei præsciens à nobis causam haudquanquam habet: ac verò vt ea, quæ facturi sumus, præsciat, à nobis proficiscitur: nam si facturi non essemus, ne ipse quidem quod futurum non esset, præsceret. Et quidem Dei præscientia vera, atque inuolabilis est, verum ipsa haudquanquam causa est, cur omnino fiat id, quod futurum est, quin potius, quia hoc, vel illud facturi sumus, idcirco præscit Deus*. Quod testimonium adeò est expressum, & luculentum, vt nec declaratione indigeat, nec tergiversationibus subesse posse videatur. Solum aduerto eleganter declar.

Fr. Suarez de Gratia Pars I l.

asse Damascenum, Deum non accipere scientiam à rebus futuris, seu suæ æternitati præsentibus, sed ex se habere vim præsciendi, & nihilominus quòd illa scientia terminetur, ad hoc, vel illud obiectum à nobis pendere, quatenus in nobis est ponere, vel non ponere, obiectum ad quod terminanda est illa præscientia, & ideo voluntas nostra causa est, quòd hoc, vel illud sit. At quod præsciat Deum (vt infra repetit) in vero præscienti ipsius potentia adscribendum est. Et in hoc sensu diserte negat, scientiam Dei, quæ præscit futura, esse causam, cur omnino fiat id, quod futurum est. vbi particula omnino emphasim habet ad significandum scientiam Dei non esse causam determinantem talem euentum futurum, sed futuritionem eius supponere. Et in eodem sensu subdit, quia hoc, vel illud facturi sumus, ideo præscit illud Deus. vbi causalis nota non dicit causam ex parte Dei, sed rationem, vel conditionem, quæ supponi debet ex parte obiecti.

Similiter Eusebius lib. 6. de Preparat. Euangel. cap. 9. vt declaret præscientiam Dei necessitatem actibus liberis non imponere, ita concludit. *Deus cum vniuscuiusque voluntatem prævideat, hunc perperam, illum rectè acturum non ignorat. Non ergo præcognitio futurorum causa: nec enim ullo pacto ad peccandum Deus quemquam impellit, aut monet, sed è contra. Dicam enim, etiamsi absurdum multis forassee videatur, id quod futurum est, causa est, vt Deus euentum illud prævideat; non erga ideo sit, quia præscitur, sed quia futurum erat, præscitur*. In quibus verbis profectò non habet locum vulgaris expositio, quòd illa particula causalis solum significet consecutionem, seu illationem vnus ex alio: tum quia si in hoc sensu loqui voluit Eusebius, profectò non timuisset ne sua sententia multis forsitan absurda videri possit: tum etiam, quia immerito negasset priorem partem, scilicet, rem fieri, quia præscitur. nam secundum illationem certissimum est, rem esse futuram, si præscita est. Item in illo sensu etiam in peccatis verè diceretur. Petrus peccabit, quia Christus prædixit utique secundum necessariam illationem, seu consecutionem. At hoc etiam Eusebius negat, loquitur ergo in proprietate causali in aliquo sensu, & ideo etiam ad probandum scientiam non esse causam, addit. *nec enim Deus quemquam ad peccandum mouet, aut impellit*. Et huc modum concordandi præscientiam Dei cum libertate arbitrij, & declarandi, quomodo Deus, licet præsciat peccatum futurum, non sit causa eius, sequuti sunt ceteri Patres, præsertim Hieronym. dialog. 3. contra Pelagian. vbi contra Marcionem ait. *Non ideo peccauit Adam, quia Deus hoc facturum nouerat, sed præscit Deus, quasi Deus, quod erat propria voluntate facturus*. Et similiter dixit Leo Papa sermon. 16. de passione Domini. *Non impias fuentium manus inuasisse in se Dominum, sed admisit, nec præscienda, quod faciendum esset, coegit, vt fieret*.

Tertiò ad locum Cyrilli supra allegatum addi potest alius, vbi de Iuda ait. *Non ideo, quia de illo scriptum est, quod periturus esset, propter ea eò nequitia processit, &c. Verum quoniam malignitatis sua periturus omnino erat, idcirco id omnino futurum esse Scriptura prædixit, quam falsum quicquam dicere impossibile est. Deus enim per Scripturam loquitur, &c. Quod prosequitur, ostendens*

7. Testimonij Eusebij Cæsariensis.

Vulgaris expositio repellitur.

Primò.

Secundò.

Hieronym.

Leo Papa.

8. Cyrill. ita de illo scriptum est, quod periturus esset, propter ea eò nequitia processit, &c.

E dens

Alibi per tractata.

Explicatur.

Prob. primò ex Scriptura. Genes. 1.

6. Prob. secundò, ex Patribus.

Damasceni locus expenditur.

dens planè idem esse de præsentia Dei. Et quamvis ibi de peccatis loquatur, tamè quia hoc fundat in ratione libertatis, scilicet, quia Deus suo præiudicio, ac præscientia non determinat voluntatem liberam, sententia eius in omnibus futuris locum habet, sicut illam tradiderat lib. 9. cap. 10. Et sic potest allegari quarto loco Gaudentius tract. 3. in Exod. ad Noophyt. vbi similiter ait, *Synagoga Iudeorum, quod erat crudeliter factam, prædictum est, non iussum, nec ideo factum est, quia prædictum erat, sed ideo prædictum erat, quia erat futurum, ut præscientiam Deus in his, qua per libertatem hominum futura erant, ostenderet.* In quo ultimo verbo declarat sententiam ad omnes actus liberos extendi, eandemque in diuina præscientia locum habere.

Gaudentius.

9.  
Augustini  
discutias.Ex mente  
Augustini  
sicut præ-  
scientia ho-  
minis nõ est  
causa futu-  
rorum, etiam  
si illa præsci-  
re ponatur,  
ita neque in  
Deo scientia  
visionis fu-  
tutorum est  
causa illorum.

Effugium.

Occluditur.

Additio effi-  
cax.

Quintò eodem modo diuinam præscientiam explicat Augustinus lib. 3. de liber. arbit. cap. 4. vbi ait necessariam connexionem, quæ inuenitur inter præscientiam Dei, & rem futuram, non provenire ex eo, quòd scientia Dei est: nam si ponamus hominem esse, qui præscit futurum, eadem necessitate inferretur euenturum esse, quod præscitum est, & inde è conuerso colligit, quòd sicut præscientia hominis nõ induceret necessitatem contrariam libertati, ita nec illam inducit præscientia Dei. qui discursus efficax non esset, si scientia futurorum Dei esset causa futurationis illorum, nam tunc non esset bona æquiparatio ad præscientiam hominis, quia hæc non esset causa futuri præcogniti, ut per se constat. Vnde longè alia connexio esset inter effectum futurum, & præscientiam Dei, quam inter eundem, & præscientiam hominis, nam illa esset causalis, ut sic dicam, & non ita, ut consequenter illa necessitas, qua sequitur futurum ex præscientia Dei, non esset ex illa præscientia, ut præscientia est, sed ut præscientia Dei est, quia non omnis præscientia habet causalem connexionem cum re futura, sed illa præscientia Dei, & ita ruit tota responsio, & declaratio Augustini. Igitur sententia eius est, quòd sicut præscientia hominis nõ est causa futurorum, etiam si illa præscire ponatur, ita nec præscientia Dei, ut est scientia visionis futurorum, est causa illorum: vnde concludit, *Sicut itaque non sibi aduersantur hæc duo, ut tu præscientia tua noneris, quòd alius sua voluntate facturus est, ita Deus neminem ad peccatum cogens, præiudicat tamen eos, quia propria voluntate peccabunt.* Et infra subiungit, *Hinc ergo iam intellige, qua iniuria Deus peccata puniat, quia, qua nonit futura, non facit.* Dicit fortasse aliquis id esse speciale in peccatis, quia Deus illa non facit, neque per scientiam visionis, neque per aliam, neque per voluntatem. Sed contra hoc est, quòd prior discursus Augustini generalis est, & ad omnes actus futuros tam bonos, quàm malos, & ideò, licet in malis ponat exemplum, non ideo coarctat sententiam, eo vel maxime, quòd statim argumentatur ab actibus bonis ad malos, quia Deus dat præmium bonis actibus, etiam si præsciat illos; ergo etiam dabit supplicium pro malis, licet illos præsciat. Supponens proinde ex vi præscientiæ futurorum non magis facere Deum bonos actus, quàm malos, licet per voluntatem, & alias virtutes, seu attributa sua efficiat bonos actus, & non malos, ut mali sunt. Vnde addo ex vi discursus Augustini Deum præsciendo actum malum futurum, non magis efficere illum per ipsam præscientiam quoad actum materiale, quàm quoad formalitatem peccati, quia etiam ad materiale actum non cogit præscientia, nec inducit, sed illum supponit, & quasi extinguit eum comparatur, sicut visio, vel scientia hominis ad rem visam, vel scitam; cum quia non aliter videt Deus malitiam peccati, quàm videndo actionem ipsam, cum obiecto, &

A modo, ac circumstantiis, quibus fit: nam inde videt malitiam resultare, & ideo intuetur; cum etiam, quia alias non satis responderet dicentibus, Deum præsciendo peccatum cogere ad illud, quia illi de actionibus ipsis loquebantur, & in eis ponebant necessitatem à præscientia prouenientem, quam non aliter Augustinus excludit, nisi negando præscientiam esse causam actionis.

Atque similem doctrinam habet Augustinus lib. 5. de Ciuit. cap. 10. vbi prius in generali loquitur, dicens: *Non propterea nihil esse in nostra voluntate, quia Deus præscit, quid futurum esset in nostra voluntate; & postea subdit, Nec enim ideo peccat homo, quia Deus illum peccaturum esse præscit.* Vbi certè non solum de peccato pro formali, sed etiam de actione peccati loquitur: nam si de ipsa actione dici posset, ideo Petrus negauit Christum, quia Christus id prædixit, vel præscit, consequens profectò esset, ut de peccato idem dici posset, cum talis actio hic, & nunc liberè facta non possit à malitia separari. Præter rationem factam, quòd aliter non satisfaceret Augustinus difficultati, accidit, quòd idem sentit de voluntate non peccandi cum adiungit, etiam si Deus præscierit, hominem esse peccaturum, nihilominus, si ipse nolit, non peccat. *Sed si peccare nolueris, (inquit) etiam hoc ille præscit, planè sentiens hoc etiam non fieri ex vi præscientiæ, sed supponi futurum, ut præsciatur, iuxta regulam Augustini lib. 4. Genes. ad liter. cap. 32. Neque enim cognitio fieri potest, nisi cognoscenda præcedant.* quæ regula, ut vniuersalis sit, non de antecessione obiecti secundum actualem existentiam, sed secundum veritatem, & secundum esse obiectiuum intelligenda est. Et non in eo fundatur, quòd cognitio à rebus sumitur, quia hoc in solis hominibus verum habet, sed quia cognitio conformatur rei cogniti, ut vera sit, vnde supponit in illa obiectiuam veritatem.

10.  
Alter Au-  
gust. locos.Regula Au-  
gustini.  
Cognitio he-  
ri non potest  
nisi cognos-  
cenda præ-  
cedant.

Sextò addimus Anselmum, qui toto lib. de Concord. hoc præcipuum iacet fundamentum concordie, præscientiæ, prædestinationis, & gratiæ cum libero arbitrio, quòd præscientia futurorum non est suppositio antecedens futurum, ut futurum est, sed consequens illud. Declarat autem quid intelligat per antecedentem suppositionem, dicens, *esse illam, qua facit non esse futuram; ergo ex sententia Anselmi præscientia Dei non facit rem esse futuram, alioqui esset suppositio antecedens, quod ipse negat; ergo talis scientia non est causa futuri, ut futurum est: solum enim esse posset causa in genere efficientis, utique faciendo, ut sit futurum.* Vnde in actibus liberis futuris à Deo præscitis ait, *solum esse necessitatem illam, quam ipsa voluntatis libertas facit.* Vnde concludit, *Hæc omnia Deus, qui scit omnem veritatem, & non nisi veritatem sciuit, sicut sunt spontanea, vel necessaria videt, & sicut videt, ita sunt.* Et infra, *Quamuis necesse sit fieri, qua præsciuntur, quadam tamen præscita, (scilicet futura liberata) non eueniunt ea necessitate, qua præcedit rem, & facit.* In quibus verbis, & toto discursu illius operis hoc agit, ut à scientia visionis causalitatem rei futuræ excludat, sed ad illam supponi doceat tanquam veritatem, quæ aliunde habet necessitatem, quàm ex eo, quòd futura esse supponitur. Atque eodem modo hanc præscientiam declarat Beda in lib. variar. quæstion. q. 13. vbi utitur exemplo scientiæ, seu visionis hominis, quo vsus est Augustinus. *nam sicut homo, ait, videndo hominem iacentem non facit illum iacere, ita nec Deus præsciendo hominem operaturum, facit illum sic operari;* ergo sicut visio hominis non est causa effectus, quem videt, ita nec ista scientia intuitiua est causa, ex horum Patrum sententia.

11.  
Anselmi so-  
lidum fun-  
damentum  
concordiæ  
Prædest. &  
gratiæ cum  
libertate, fir-  
mat assertio-  
ne nostram.

Beda.

Vltimò,

12.  
Boëtium no-  
biscam sen-  
tentiæ probatur  
pluribus

Vltimò, quia non defuit Theologus, qui au-  
sus fuerit dicere Boëtium contrariam sententiam  
expresse docuisse, contrarium verissimum esse  
paulo diligentius ostendam. Ille igitur lib. 5. de  
Consolat. prola 3. cum argumentum proposuisset  
ex præscientia futurorum contra libertatem,  
subiungit, *Neque enim illam probo rationem, qua  
se quidam credunt hunc questionis nodum posse dis-  
solvare. Aium enim, non ideo quid esse euenturum,  
quoniam id prouidentia diuina futurum esse prospe-  
xit, sed è contrariis potius, quoniam quid futurum  
est, id diuinam prouidentiam latere non posse. De-  
inde in tota illa prola contra dictam respon-  
sionem argumentatur; postea verò in prola 4.  
ita respondet in persona Philosophi, Quare cur  
illam soluentium rationem minus efficacem putes;  
qua, quia præscientiam non esse futuri causam neces-  
sitaris existimas, non impediri præscij arbitrij liber-  
tatem putas? postea verò rationem illam decla-  
rando & defendendo ad hoc in primis ita colligit.  
*Es enim positionis gratia, ut quid consequatur ad-  
uersas, statnamus nullam esse præscientiam, num  
que ex arbitrio eueniunt, ad necessitatem coguntur?*  
In qua positione aperte supponit, futurum non  
esse à præsentia tanquam à causa, aliàs positio se-  
cum pugnaret, nihilque ad rem declarandam  
deferret; quia verò non est causa, rectè infert,  
*Statuamus iterum esse, sed nihil rebus necessitatis in-  
iungere: manebit, ut opinor, eadem voluntatis inte-  
gra, atque absoluta libertas.* Deinde, quia ipse  
Boëtius quasi argumentando, vel subterfugien-  
do dixerat in prola 3. quòd licet præscientia non  
sit causa, inferret necessitatem, pergit Philoso-  
phus sic vergendo, *Sed præscientia, inquit, tamen si  
futuris necessitas non est, signum tamen est, ea neces-  
sarie esse euentura contra quod replicas, quia hoc  
modo etiam si præcognitio non fuisset, necessarios fu-  
tutorum exitus esse constaret; omne enim signum,  
quod sit, ostendit; non verò efficit, quod designet.* Vnde  
in toto discursu ad saluandam contingentiam fu-  
tutorum, supponit, præscientiam non esse causam  
euentuum eorum, sed solum signum, seu notitiam.*

13.  
Mens ciui-  
dem ex aliis  
locis eruitur.

Postea verò prosequitur declarando, quomodo  
earum rerum, qua necessarios exitus non habent, pos-  
sit esse certa prænotio. Et in summa in hoc ratio-  
nem constituit, quòd omne quod cognoscitur, non se-  
cundum sui vim, sed secundum potius cognoscendum  
comprehenditur facultatem, quod principium opti-  
mo discursu declarat tota illa prola 4. & 5. & de-  
inde in 6. ascendit ad diuinam æternitatem, ut  
inde colligat, Deum omnia prænoscere modo  
suo, & iuxta suam vim, & naturam; non secun-  
dum ordinem rerum cognitarum, ac proinde fu-  
tura, quasi iam gerantur in simili cognitione consi-  
derat. qui sanè discursus optimus est, etsi atten-  
tè consideretur, non minus ad futura conditio-  
nata, quam ad absoluta applicari potest. Deinde  
verò reuertetur ad concludendam, quomodo  
præscientia non lædat libertatem, quia sicut non  
causat, ita neque immutat, quæ videt. Sumitque  
argumentum ex nostra cognitione, dicens: *Quid  
igitur ut necessaria fiant, quo diuino lumine lustran-  
tur, cum nec homines quidam necessaria faciant, qua  
vident?* Quæ ratio nullius esset momenti, si præ-  
scientia, ut talis est, causa esset, sicut supra circa  
Augustinum dicebamus. Vnde subiungit. *Si est  
diuini humanique præsentis digna collatio, utique  
vos vestro hoc temporario præsentis quadam videtis,  
ita illo omnia suæ cernit æterno. Quare hæc diuina  
prænotio naturam rerum proprietatemque non mutat.*  
Denique eandem concordiam præscientiæ cum

Fr. Suárez de Gratia Pars I I.

A libertate distinguendo secundum necessitatem  
absolutam, & conditionatam, seu consequentem  
& antecedentem declarat, & tandem ita conclu-  
dit. *Quam comprehendendi omnia, videndique præ-  
sentia non ex futurarum prouentu rerum, sed ex  
propria Deus simplicitate sortitus est. Ex quo il-  
lud quoque soluitur, quod paulo antè posuisti, in-  
dignum esse, si scientia Dei causam futura nostra  
præstare dicantur. Hæc enim scientia vis præsentaria  
notione cuncta complectens rebus omnibus modum  
ipsa constituit, nihil verò posterioribus debet, quæ  
cum ita sint, manet intemerata mortalibus arbitrij  
libertas.* Ex quibus verbis colligere voluerunt,  
B Boëtium tribuere præscientiæ causalitatem præ-  
dicam, quia dicit, *rebus omnibus modum ipsam  
constituere.* Sed non satis perspecto, & conside-  
rato contextu ex sensu loquentis hoc intulerunt.  
Non enim sibi est contrarius, nec vno verbo  
euerit, quæ tam longo discursu confirmauerat.  
In his ergo solum infert, Deum non accipere  
scientiam à rebus, nam & scientiam, & modum  
scientiæ ex se, & ex sua simplicitate habet, &  
ideo non videt res successiue, sicut illæ fiunt,  
*sed præsentaria notione cuncta complectens rebus om-  
nibus modum ipsa constituit.* Non quia quatenus  
scientia visionis sit causa illarum, sed quia ead-  
em est scientia, quæ omnibus rebus modum  
imponit, dirigendo voluntatem, & quæ postea  
res intuetur: vnde præsciendo, & intuyendo il-  
las, non mutat modum, quem circa vnumquem-  
que ordinauit. Vel certè ipsamet præscientia, ut  
talis est, constituere dicitur rebus modum, non  
contingentiæ, vel necessitatis, sed præsentiali-  
tatis æternæ. Illam enim quasi constituit, vel  
complet Deus sua præscientia, & ideo nihil pos-  
terioribus debet. Et indirectè concluditur, quòd  
manet intemerata mortalibus arbitrij libertas, non  
quia præscientia, ut talis est, rebus conferat mo-  
dum contingentis, vel necessitatis, sed quia non  
aufert, sed vnamquamque rem videt, prout fu-  
tura est, & illam non immutat. hic enim sensus  
est consequens ad omnia, quæ dixerat.

Locus quo  
virtut aduer-  
sarij ut sibi  
Boëtium  
vendicent.

Sed perpe-  
ram.

#### Rationes theologica, pro assertione nostra.

Tertio principaliter argumentamur rationibus  
theologicis fundatis in principiis, vel communi-  
bus Theologorum, vel ab his, cum quibus dis-  
putamus, admissis. Prima ratio sit, quia Deus ita  
efficit res per intellectum, & voluntatem, ut im-  
mediatus ad extra efficiat per voluntatem, quàm  
per intellectum, siue voluntas immediatè per suum  
actum ad extra efficiat, siue per potentiam execu-  
tiam, ratione distinctam, quod ad præsens ni-  
hil refert: sed scientia visionis est ratione pos-  
terior, quàm voluntas illa, per quam Deus ad extra  
operatur; ergo talis scientia non est causa rei ad  
extra, sed supponit iam productam per volunta-  
tem, vel potentiam exequentem. Consequentia  
nota est, & minor maximè defenditur ab aduersa-  
riis. Ut autem maiorem probemus, supponimus,  
sermonem esse de propria efficientia, ut distin-  
guitur ab exemplari causalitate: nam hoc post-  
eriori modo potest scientia diuina esse immediatè  
causa operum Dei per suas ideas, seu exemplaria,  
quatenus per illas dirigit actiones omnipoten-  
tiæ, ut effectus talibus exemplaribus conformes  
euant, ut in Metaph. disp. 30. lect. 7. declarauimus. Sed  
illa causalitas est aliter rationis, & magis perti-  
net ad specificationem actus, quàm ad exercitium  
actionis, propriamque efficientiam de qua lo-  
quimur. Sic ergo intellecta maior probatur ex D.

14.  
Prima ratio  
petitur ex  
communi  
principio  
theologico:  
Deus imme-  
diatus agit  
ad extra per  
voluntatem,  
quàm per  
intellectum,  
siue omni-  
potentia sit  
ratione di-  
stincta à  
voluntate,  
siue non.

Explicatur  
maior

E 1 Thoma



Probat ex  
D. Thoma.

Thoma 1. p. q. 19. art. 4. ad 4. ubi ait, quod scientia, & voluntas sunt causa eiusdem operis, sed scientia ut dirigens, & voluntas ut imperans. Et in hoc comparat Deum cum homine per artem operante, in quo ars, per quam concipitur forma operans, dirigit voluntatem, voluntas autem imperat, & movet potentiam exequentem. Constat autem in artifice humano voluntatem immediatius concurrere ad executionem operis, quam artem. At vero in intellectu artificis præter conceptionem formæ exemplaris & iudicium movens ac dirigens voluntatem, quod antecedit voluntatem ut exequentem, intelligi non potest alius actus intellectus posterior voluntati, qui habeat rationem causæ respectu exterioris actionis, seu executionis, sed post executionem sequitur in eadem artifice visio ipsius artefacti, quæ non est causa, sed pura cognitio.

15.

Sic ergo in Deo servata proportionem scientia antecedit dirigendo voluntatem per modum prudentiæ & artis, neque habet scientia alium immediatum influxum ad extra, sed ille est vel immediatè à voluntate, vel ut mouente & applicante potentiam exequentem, si illa est ratione distincta, ut est satis probabile, & D. Thomas in illo loco indicat. Ergo scientia quæ subsequitur post talem influxum voluntatis, & potentie, non est causa rei ad extra: talis autem est scientia visionis, ut constat. Eandemque doctrinam tradit D. Thomas 1. p. q. 25. art. 1. ad 4. ubi ratione distinguendo illa tria, scientiam, voluntatem & potentiam, ait potentiam exequi, quod voluntas imperat, & ad quod scientia dirigit. Vbi etiam solum tribuit scientiæ in hac causalitate directionem voluntatis, & potentie, quæ directio, & remotior est, quam voluntatis motio, & nullo modo tribui potest scientiæ visionis, quæ voluntatem iam directam supponit. Et quamvis D. Thomas ibi quoad distinctionem potentie à scientia & voluntate sub distinctione ad artem, *vel diendum, quod ipsa scientia, vel voluntas divina secundum quod est principium effectuum, habet rationem potentie, quæ quantum tribuit scientiæ aliam causam præter directionem*. Et in ipsomet ordine numerandi prius ponit scientiam, quam voluntatem, & postea art. 5. d. 1. repetit, quod in causalitate Dei potentia intelligitur ut exequens, voluntas ut imperans, & intellectus, ac sapientia ut dirigens. Unde etiam secundum eam sententiam, quæ potentiam exequentem ab aliis attributis non distinguit, probabilius tribuetur voluntati, quam scientiæ. quod etiam sentit ibi Caietanus dum ex illa illatione colligit, *duobus modis sustineri potentiam actuum in Deo, vel ut sit potentia executiva intellectus, & voluntatis, vel ut sit ipsa voluntas consultiva, et efficiens respectu effectuum*. per quæ verba immediatam efficaciam ad extra tribuit voluntati consultæ, utique ab intellectu, in quo apertè sentit in effectum remotius concurrere. quod etiam est consentaneum D. Thomæ 1. d. 38. q. 1. art. 1. ut infra referam.

16.

Modi  
Thomæ  
confutari  
rell. Summi  
prium con  
tineat ad  
effectus ad  
exteriora  
scilicet diri  
gendi. non  
rati, sed et  
imponendo.  
Gen. 1.

At vero his non obstantibus moderni Thomistæ contendunt ad effectus ad extra intellectum divinum non tantum concurrere dirigendo voluntatem, & potentiam exequentem, sed etiam imperando; quod impium dicunt esse actum intellectus ex D. Thomæ 1. 2. q. 17. & illud dicunt esse posterius actu voluntatis, à quo imperio dicunt immediatè fluere effectus ad extra, & ita intellectum esse ipsam potentiam exequentem per hoc imperium, iuxta illud Genes. 1. *Fiat lux, fiant*

**A** luminaria, &c. Contra hanc verè impium argumentor secundò, quia in primis intellectus non est explicare hunc actum imperij, respectu rerum ad extra, qui sit distinctus à voluntate. Et ideo D. Thomas in locis citatis imperium Dei, prout est effectivum ad extra, tribuit voluntati, nihilominus in ordine ad executionem non illi imperio, sed voluntati tribuit efficaciam immediatam per actuum usum, quo & seipsum, & alias potentias applicat ad agendum. Verumtamen de illo actu latius disputavi nunc verò ulterius progredior, quia etiam posito illo imperio ut immediatè exequente actionem Dei ad extra, non potest negari, quin illud imperium sit ratione distinctum à scientia visionis, & quod ibi interuenit, sit prius illa. Primum videtur per se notum ex terminis, quia videre rem præsentem, vel futuram, non est imperare; ergo illa duo distinguuntur ratione cum magno fundamento in re. Antecedens patet, quia Deus videt per scientiam visionis decreta libera suæ voluntatis, & tamen non facit, neque imperat illa; ergo videre ut sic, non est imperare, nec facere; ergo licet coniungantur, ratione semper distinguuntur. nam videre ut sic semper est eiusdem rationis, seu modi circa omnia visibilia. Item est simile argumentum, quia Deus videt peccata, & non imperat illa; ergo etiam in actibus bonis videt illos, esto circa illos verumque actum Deus habeat. Quia, ut dixi, videre ut sic eiusdem rationis est tam in bonis, quam in malis. Et certè ex terminis & ex ipso communi omnium hominum sensu videre non est imperare. At per scientiam visionis Deus tantum videt ea, quæ sub illam scientiam, quatenus talis est, cadunt, ergo per illam scientiam, ut talis est, non imperat, ac proinde nec facit. Et confirmari optimè potest ex Genes. 1. ubi dicitur prius, *dixitque Deus, fiat lux*, & postea subditur, *& vidit Deus lucem, quod esset bona*, ubi imperare, & videre tanquam distincta ratione saltem ponuntur, & imperare idem est, quod facere, aut efficaciter velle: videre autem idem est quod intueri rem factam, quod sine dubio ad scientiam visionis spectat, & ideo verbum *fiat* ponitur ut præcedens, verbum *vidit* ut subsequens, quia nimirum, prius est rem facere, posterius verò rem factam intueri. Quamvis ergo hæc in Deo idem sint, tamen cum non sint synonyma, ratione saltem distinguuntur, fierique hoc ex sequenti discursu evidenti.

### Tertia ratio assertionis.

Tertiò igitur argumentor in hunc modum, quia Deus causat res ad extra per scientiam simplicis intelligentiæ ut applicatam, & determinatam per voluntatem; ergo non per scientiam visionis. Antecedens est expresse D. Thomæ 1. p. q. 14. art. 8. estque valde notandus discursus illius articuli ad veritatem, quam tractamus, intelligendam, & suadendam. Ad declarandum enim, quomodo scientia Dei sit causa rerum, hanc propositionem sumit: sic scientia artificis se habet ad artificiatum. Unde sicut scientia artificis, seu ars est principium, quo artifex ad extra operatur; sic scientia Dei est principium, quo Deus res ad extra producit. Hæc autem aequiparatio evidenter procedit de scientia simplicis intelligentiæ, in illa enim sunt rationes omnium rerum, & illa est divina ars non solum factorum, vel fiendorum, sed etiam factibilium. Quod evidenter etiam patet ex similitudine, & discrimine, quod statim D. Thomas adiungit inter formam naturalem,

hoc imperium.

Secunda ratio assertio. nis. Imperij huiusmodi (si quod sit) distinguitur à scientia visionis, & prius est illa. Prima, quia si videre idem esset ac imperare & facere, Deus videndo suo decreta libera, ea imperaret & faceret. Secunda à simili, si ut Deus videndo peccata non imperat illa, tanque videndo imperat alicui bonum. Confutatio.

17.

Deus cum res causet per scientiam simplicem intelligentiæ non causat illam per visionem.

naturalem, & intellectualem; conueniunt enim, quia vtraque operatur, prout inclinatur, seu determinatur opus; differunt verò, quia forma materialis à natura inclinatur, & determinatur; forma autem intellectualis determinatur, per voluntatem. Et rationem addit, quia illa forma est indifferens ad opposita, & ideo nihil agere potest nisi per appetitum determinetur. Ex quo discursu euidenter constat, illam scientiam, de qua D. Thomas ibi loquitur, non esse scientiam visionis, sed simplicis intelligentiæ, tum scientia simplicis intelligentiæ est verè indifferens ad opposita: scientia autem visionis minimè indifferens, sed determinata ad ea, quæ futura sunt: tum etiam, quia ars illa, vel scientia, aut forma intelligibilis, quæ determinanda est per voluntatem, antecedere debet decretum liberum voluntatis, quo determinatur: sic autem præcedit scientia simplicis intelligentiæ, non autem scientia visionis, quia hæc sequitur decretum Dei libera, vt ipsi etiam docent; ergo scientia de qua D. Thomas in illo articulo loquitur, & quæ per voluntatem determinatur, est ipsa scientia simplicis intelligentiæ, quæ secundum se, & vt præcedit, ita vocatur, vt verò determinata est, & applicata per voluntatem ad agendum, proprium nomen accepit, & scientia approbationis dicitur, vt ibidem D. Thomas notauit.

Potest denique ratione ostendi antecedens in argumento assumptum; quia per illam scientiam Deus ad extra operatur, quæ est illi principium, quasi in actu primo ad operandum; sed huiusmodi principium ex parte intellectus est ipsa scientia simplicis intelligentiæ: ergo, Maior pater, quia omnis res operatur per eam formam, quæ illam constituit in actu primo ad agendum, vt inductione in omnibus agentibus constat, & ratione, quia inter principium agendi proximum, & completum non mediat nisi actio: agens autem propriè agit per illam formam, à qua per se, & immediatè manat actio; illa autem forma est, quæ constituit agens in actu primo ad agendum. Minor verò, scilicet, hoc principium in Deo ex parte intellectus esse scientiam simplicis intelligentiæ, manifesta est, tum quia Deus nunc est sufficienter constitutus in actu primo ad producendum omnia possibilia, quæ nunquam actu produceret, tum etiam, quia artifex per ipsammet artis suæ conceptionem actualem est constitutus in actu primo sufficiente ex parte intellectus ad artificiosè operandum, & tantum deest applicatio voluntatis, & potentia executiua, vt per illud principium ad extra operetur. Deus autem per scientiam simplicis intelligentiæ constituitur supremus artifex in actuali conceptione omnium faciendorum, & factibilium, ergo per illam scientiam est constitutus quasi in actu primo ad operandum ad extra. Vnde propter hanc causam dixit D. Thomas 1. p. q. 14. art. 16. ad 1. *Scientiam Dei esse causam rerum, quorundam quidem actu, aliorum autem virtute, scilicet eorum, quod est facere, & tamen nunquam faciet.* Hæc autem posterior scientia eorum, quæ nūquam faciet, est scientia simplicis intelligentiæ; per illam ergo constituitur Deus ex parte intellectus in actu primo ad efficiendas creaturas possibiles, & per eandem est causa earum, quas aliquando facit. Et in q. 15. art. 3. ad 2. dicit idem Doctor sanctus, *eorum, quæ neque sunt, neque erunt, neque fuerunt.* Deum non habere practicam cognitionem, nisi virtute tantum. Ergo scientia simplicis intelli-

Fr. Suarez de Gratia Pars I.

gentiæ, quæ talium rerum est, practica saltem virtute, id est, in actu primo, & quantum est ex se; ergo ipsa est principium operandi, & quando Deus vult aliquid operari, per illam tanquam per principium agendi illud operatur. Et ideo idem D. Thomas dicto art. 16. non absolute negat scientiam speculatiuam esse practicam, sed cum addito, scilicet, *secundum quod scientia practica dicitur à fine.* Deus enim non habet illam scientiam per operationem ad extra, tanquam propter finem, nec etiam per voluntatem suam ordinauit illam ad operationem, & secundum hanc rationem dicitur non esse practica. At verò secundum virtutem, & vim cauſandi est maximè practica multo excellentius, quàm quælibet ars, vnde cum denominatur practica ex applicatione voluntatis ad opus, nihil additur in ratione scientiæ, nec in virtute cauſandi, sed additur quasi denominatio extrinseca ex actu voluntatis, quasi approbantis, & eligentis operationem huius effectus potius, quàm alterius.

Tandem potest hæc doctrina confirmari ex doctrina eiusdem D. Thomæ art. 3. q. 15. vbi docet easdem ideas esse in mente diuina principia cognitionis, & factionis; & vt sunt principia cognitionis vocari rationes rerum, prout verò sunt principia factionis, vocari exemplaria, & ideo habere Deum rationes omnium rerum possibilem; exemplaria verò tantum earum rerum, quas aliquando facit, vel facturum est. Ex hac enim doctrina aperte constat, in intellectu diuino idem esse principium faciendi res, & cognoscendi illas, vt possibile sunt. nam rationes rerum sunt in scientia simplicis intelligentiæ: sunt autem de rebus possibilem, & eadem dicuntur constitui in esse exemplarium, quando per voluntatem applicantur ad opus; ergo eadem scientia simplicis intelligentiæ, vt applicata per voluntatem est illa scientia, per quam Deus ad extra operatur, & consequenter est causa omnium, quæ fiunt, vel futura aliquando sunt. Et ita satis probatum est antecedens in ratione assumptum.

Prima verò consequentia non minus euidenter ostendi potest, nimirum, Deum non operari ad extra per scientiam visionis, vt talis est. Et primò expendo ipsummet D. Thomam in d. art. 8. q. 14. vbi querit, an scientia Dei sit causa rerum, nam quia non agit de causa virtuali (vt sic dicam,) id est, in actu primo, seu in potentia, sed de causa actuali, id est, actu agente, non dixit, solam scientiam simplicis intelligentiæ esse causam, sed addit, *secundum quod habet voluntatem conuenientiam.* Et addit: *Vnde scientia Dei secundum quod est causa rerum, consuevit nominari scientia approbationis,* nō dixit *visionis*, quod certe fuisset clarius, & notius, si vel essent idem secundum rationem, vel si scientia visionis vt sic esset causa rerum. Ne autem in nomine scientiæ approbationis committatur æquiuocatio, est aduertendū scientiam, quæ approbationis dicitur, solum addere supra scientiam affectum aliquem voluntatis ad rem scitam. Vnde fit, vt tam scientia simplicis intelligentiæ, quàm visionis possit scientia approbationis denominari; sic enim dici potest Deus habere de seipso scientiam approbationis, quia complacet in se, videndo se, & sic etiam scientia visionis, prout est de bonis, quæ facit ipse Deus, potest dici approbationis, quia videndo opera sua complacet in illis, non iam affectu cauſatiuo, & operatiuo, sed solum affectiuiuo, & quasi cuiusdam gaudij. Aliter verò se habet vo-

E 3 luntas

Iuxta D. Thom. scientia Dei quæ cauſat ad extra, est simplicis intelligentiæ.

18. Assumptum ratione ostenditur.

Axioma. Omnis res operatur per eam formam quæ illam constituit in actu primo ad agendum.

D. Thom.

Idem.

19. Confirmatio eiusdem assumpti.

In intellectu diuino idem est principium faciendi res & cognoscendi illas vt possibile sunt.

20. Probatur Deum non operari ad extra per scientiam visionis vt talis est, primò expendendo locum D. Thomæ.

Scientia approbationis solum addit supra scientiam affectum aliquem voluntatis ad rem scitam.

Tam scientia simplicis intelligentiæ quàm visionis denominari potest scientia approbationis.

luntas divina, cum adiungitur scientia simplicis intelligentiae, volendo, & determinando, quid ex his, quae per illum praenotat, factura est; tunc enim approbat id, quod vult per decretum, quo vult illud efficere, & causare, & tunc scientia sic determinata per voluntatem approbationis etiam dicitur, & in hoc sensu loquuntur est D. Thomas in dicto loco, cum dicit eam scientiam esse causam rerum, & sic etiam de illa in hoc discursu loquimur.

Hoc ergo posito probatur secundò prior consequentia, quia scientia approbationis est ratione distincta, & prior quam scientia visionis, sed scientia Dei, secundum quod est causa rerum, est scientia approbationis, ut D. Thomas expresse docuit, & reliqui Theologi infra citandi; ergo, Maior quoad priorem partem probatur, quia scientia approbationis ultra scientiam simplicis intelligentiae non addit aliquid in ratione scientiae, sed tantum addit applicationem, & determinationem voluntatis, ut D. Thomas dixit: ac scientia visionis nostro modo intelligendi addit aliquid pertinens ad cognitionem, nempe peculiarem respectum ad res creatas, & visibiles intuitu secundum actualitatem, & exercitiam existentiam, & ex parte voluntatis per se nihil addit; ergo plane distinguitur ratione cum fundamento in re scientia visionis à scientia approbationis. Et ita illas doctè distinguit Agglaus Lustranus 1. 2. q. 2. art. 4. §. 4. vers. Sed vi hic melius intelligatur, advertendum est duplicem scientiam poni in Deo, unam visionis, quam vocant speculationem, alteram approbationis, quam practicam appellant, quia est rerum causa. Neque propterea quis existimet diminui reddi distinctionem scientiae simplicis intelligentiae, & visionis, quia (ut dixi) scientia approbationis nihil addit scientiae simplicis intelligentiae, quoad rationem scientiae pertinet, sed solum aliquid pertinens ad rationem causae, ac subinde pertinens ad voluntatem per determinationem ab actu illius, ut declarant. Et hinc facile probatur altera pars eiusdem maioris, scilicet, quòd scientia visionis sit ratione posterior, quam scientia approbationis, quia scientia simplicis intelligentiae prior est, ut constat, & immediate illi adiungitur voluntas ordinans, & determinans in scientia tales ideas, ut sint exemplaria rerum futurarum, & hoc ipsum quasi formaliter, seu denominative transit prior scientia in scientiam approbationis, & practicam, & nondum intelligitur scientia visionis, quae ad res procedentes à scientia approbationis terminatur est ergo posterior, & nullo modo eius causa. Tercio potest idem declarari, quia scientia visionis per se, & proprie non subiacet applicationi, & determinationi libertate voluntatis ex parte ipsius scientiae, ut sic dicam, sed solum ex parte obiecti, quatenus à voluntate Dei pendet ut res sit, supposito enim quòd sit futura, vel sit, non pendet ex voluntate Dei, quin eam videt, sicut est, vel futura est, sed necessarium addit, & ideo Deus necessarìo videt mala, si futura sunt, & determinationes libertatis ipsius voluntatis divinae, quae supponuntur quidem ex parte obiecti, non ex parte scientiae, quasi applicando illam: ac verò scientia simplicis intelligentiae ex parte ipsius Dei applicatur ad opus per voluntatem liberam, & ab illa quasi pendet nostro modo loquendi, & per hanc applicationem scientia approbationis denominatur. Dices etiam, scientiam simplicis intelligentiae non pendere à

A voluntate in sciendo, sed in causando. Sed contrarium hic potius argueret vis rationis iudicio meo euidenter. Vnde argumentor quoniam illa scientia, quae est causa rerum in Deo, supponitur ut necessaria in ratione scientiae, & causa in potentia, & applicatur per voluntatem in ratione causae actualis ad extra, quia libere causatura est, & utrumque optime conuenit in scientiam simplicis intelligentiae, vel est scientia simpliciter, & ars operaria, vel scientia approbationis, & causa in actu: verò scientia visionis, ut talis est non potest supponi in ratione scientiae ante decretum libertum voluntatis, & illo decreto supposito necessarìo sequitur; inò in illo precipue habetur iuxta aliam sententiam, & postquam completa est in ratione talis scientiae, non potest per voluntatem applicari ad causandum suum obiectum, quia iam non habet in illo, quid causet: ergo talis scientia non potest esse scientia approbationis. Quinto scientia approbationis prius ratione est scientia indifferens, sed determinata ad id quod futurum est, & ita non est capax determinationis, quam à voluntate recipiat, sed supponit determinationem factam à voluntate in obiecto talis scientiae, & postquam completa est in ratione talis scientiae, non potest ulterius determinari, vel applicari; ergo non est propria scientia approbationis, nec per voluntatem Dei constituitur in ratione scientiae actualis.

Vnde argumentor sexto in hoc puncto, quia scientia approbationis, & quae est causa rerum, est scientia practica, sed scientia visionis non est scientia practica; ergo, Maior est D. Thomae dicto art. 8. & 16. q. 14. Minor patet ex dictis, quia scientia Dei constituitur in esse practicae ex parte finis per determinationem voluntatis, & ut sic possit constitui, supponitur in esse scientiae practicae virtualiter, seu in potentia: utrumque enim probatum est manifeste ex doctrina D. Thomae, & per se videtur clarum, quia nisi scientia supponatur tam in esse scientiae, quàm in esse artis, seu virtutis actualis in suo genere, quomodo per voluntatem ad aliquid faciendū applicari nisi supponatur practica virtute. A scientia visionis non potest constitui per voluntatem in ratione practicae actualiter, & ex parte finis, quia postquam scientia visionis in sua ratione completa est, nihil obiectum eius operandum relinquitur, nec potest amplius per voluntatem applicari: ergo finis nullo modo est practica in virtute, seu in actu primo, sed est mera contemplatio rei factae. Et ideo Patres super citari, merito illam computant visioni nostrae, quae rem praesentem inuicem, quae non immutat rem visam, neque aliquid agit in illam. Et similiter D. Thomas rem hanc explicat exemplo artificis humani, qui per artem est potens ad agendum, per voluntatem applicat artem, ut actualiter opere, dirigendo potentiam exequentem; postquam verò imaginem, v.g. operatus est, & contemplatur illam, quae visio nullo modo practica est, nec iam potest applicari, sed est mera contemplatio, & in sola cognitione sistit. Sic ergo scientia Dei, simplicis intelligentiae est ars, per quam Deus operatur; applicatur autem per voluntatem, & postquam sic applicata est, operata est suae per se, suae per voluntatem, suae per potentiam ex utraque ratione distinctam. Sequitur secundum rationis ordinem scientia visionis.

Sed vana. Quatio prob. Scientia quae est causa rerum supponitur necessariae scientiae & causae in potentia, & applicatur per voluntatem.

Oppositum conuenit scientiae visionis.

Quatio, prob. Scientia approbationis quae est causa rerum prius ratione est indifferens quam per voluntatem determinetur. Secus de scientia visionis.

22. Secus prob. Scientia quae est causa rerum est practica. D. Thom.

Scientia visionis non est practica.

Scientia simplicis intellectus est ars per quam Deus operatur.

21. Secus prob. quia scientia approbationis est ratione distincta, & prior quam scientia visionis. Obstat inter illas distinctio. D. Thom.

Aggla. Lustranus.

Monstratur posterior.

Tercio probatur eadem consequentia ex eo quòd scientia visionis proprie non subiacet applicationi diuinae voluntatis.

Z. 2. 110.



visionis per modum intuitionis simplicis; nullo A ergo modo potest intelligi vt causa.

Quarta ratio assertionis.

23.

Coexistentia obiectiua rem in æternitate supponitur ad scientiam visionis, unde non fit ab illa.

Declaratur ex discursu D. Thomæ.

Confirmatio.

Quarta ratio principalis sumi potest ex alio principio maxime recepto, præsertim in schola D. Thomæ, & verissimo, si conuenienter intelligatur, nimirum, Deum per scientiam visionis intueri res vt præsentem æternitati, quod etiam de præsentia secundum realem coexistentiam dicti moderni Thomistæ volunt intelligi; ergo coexistentia illa in æternitate supponitur ex parte rerum ad scientiam visionis Dei; ergo non facit illam, nec est causa illius, sed supponit illam, & ratione illius res omnes intuetur. Quod eodem modo procedit, etiam si præsentia illa vt præsentia ipsi scientiæ obiectiua tantum sit in actu primo. Et declaratur ex discursu D. Thomæ in 1. p. quæst. 14. art. 13. vbi inquit rationem ex parte obiecti necessariam, vt Deus cognoscat futura contingentia, & quia non potest esse nisi res ipsa, vel prout est in causa, vel prout est in se, docet ad certam præscientiam non sufficere cognoscere contingentia in causis, sed oportere cognoscere in seipsis, & sic dicit, Deum præscire futura, quia eius intuitus fertur ab æterno supra omnia prout sunt in sua præsentia; & addit. Vnde manifestum est quod contingentia infallibiliter à Deo cognoscuntur, in quantum subduntur diuino conspectui secundum suam præsentialem. Vbi etiam Caietanus dub. 1. & 2. ait, præsentiam illam in æternitate abstrahere à præsentia cogniti, formaliter loquendo, & supponi ad scientiam Dei, vt ex parte obiecti sit capacitas terminandi scientiam certam, & infallibilem, vt in §. 6. confirmatur. Et ad secundum apertè declarat. Ergo iuxta D. Thomæ, & antiquorum Thomistarum doctrinam, scientia visionis vt sic non facit rem, sed factam intuetur; non est ergo causa propria futurorum. Et confirmatur, quia si hæc scientia esset causa, à qua habet res contingens, vt sic futura, non oportuisset D. Thomam ad id laborare in explicanda ratione ex parte obiecti, qua possit hæc futura cognosci; vnica enim esset ratio, scilicet, efficacia ipsiusmet scientiæ, qua facit, vt futura licet contingentia, infallibiliter eueniant. Si enim ego efficacia meæ visionis possem facere præsentem hinc rem, quæ Romæ existit, facile esset rationem reddere, cur ego hinc existens possem videre rem Romæ existentem, nimirum, quia ego vt illam hinc videam, non est necesse, vt supponatur hinc præsentem, quia ego visione mea possum illam facere hinc præsentem: ita ergo ratiocinandum esset in Deo. At verò nec D. Thomas, nec ferè vllus antiquorum Theologorum hanc causam reddidit, ob quam Deus præsciat futura, & reuera non satis concipitur mente, quomodo visio, vt visio intuitiua, faciat obiectum suum esse.

24.

Illustratur & premittitur difficultas ex illa an Verbum procedat à Patre ex cognitione intuitiua sui ipsius.

Potestque ampliùs declarari, & vrgeti hæc difficultas ex alia, quam tractare solent Theologi de productione Verbi diuini, quærunq; enim, an procedat à Patre ex cognitione intuitiua sui ipsius, mirumque in modum laborant in explicando, quomodo possit ex scientia intuitiua sui ipsius produci, & solùm propter altitudinem mysterij, & quia productio illa merè naturalis est, credendo magis, quàm intelligendo illam admittunt. Quomodo ergo credibile est per scientiam visionis, per quam rem sibi præsentem intuetur, Deum fa-

cere illam præsentem, vt eam intueatur? vel quid est, quod nos in has angustias cogat, cum sit in Deo alia scientia, per quam intelligimus rem fieri, & deinde sic factam per scientiam visionis videri? Tandem isto modo optimè, & iuxta sententias Patrum conciliantur futura contingentia cum diuina præscientia, quia mera intuitio non mutat modum existentie, vel effectiõis rei visæ: at verò si illamet scientia est causa futuri, vix potest intelligi concordia, quia scientia illa non est indifferens de se, sed determinata ad vnum, nam per illam ex duabus contradiçtoriis, vel contrariis vnum determinatè futurum videtur: si autem hæc scientia facit obiectum suum, non determinatur ab illo, sed determinat illud: repugnat autem actioni liberæ ab extrinseco agente ad vnum determinari, vt infrà lib. 5. ostendimus.

Vrgetur iterum.

Deinde vt scientia Dei determinet effectum futurum, oportet illam esse determinatam: per igitur vnde scientia visionis determinetur ad faciendum, vt contingens potius, quàm oppositum sit sibi præsens: aut enim habet hanc determinationem à natura sua, & præcisa voluntate, & sic omnia euenient ex necessitate quadam naturali, quia scientia illa necessariò agit id, ad quod est natura sua determinata. Aut habet determinationem illam à voluntate Dei, & hoc etiam dici non potest, tum quia voluntas diuina non potest determinare intellectum ad actum scientiæ, nec quoad exercitium, quia est purus actus, nec quoad specificationem, quia est evidens cognitio: tum etiam, quia si voluntas diuina media scientia visionis determinaret ad vnā voluntatem creatam, & sic nec liberè nec cum indifferentia se determinaret. Concludimus ergo scientiam visionis, vt talis est, non esse causam futuri, quod per eam videtur, ac proinde causalem illam falsam esse, quia Deus videt hoc esse futurum, ideo futurum est, si in propria vi causali accipiat, licet in vi illationis optima sit consecutio.

Vltima instantia.

Conclusio tertiæ probationis.

Confirmatur assertio auctoritate Scholasticorum.

Tandem possumus hanc partem auctoritate Scholasticorum confirmare, quam in hunc vltimum locum referuauimus, quia ex principiis, & rationibus theologicis mens Theologorum in hoc puncto præcipuè colligenda est. Et sic in primis tribuimus hanc sententiam D. Thomæ, quia ex principiis eius ita colligitur, vt nõ videatur aliter posse consistere, vt declaratum est de illo principio, quod futura præsciuntur à Deo, vt sunt præsentia æternitati, & ex illo, quod scientia simplicis intelligentiæ, vt transit in scientiam approbationis per determinationem voluntatis, est causa rerum. Item ex illo, quod illamet scientia simplicis intelligentiæ, est de se practica virtualiter, & per adiunctam voluntatem constituitur practica actualiter, quod scientiæ visionis non competit. Item ex eo, quod illa scientia, quæ est causa rerum, supponitur voluntati operatiuæ, & habet illam adiunctam vt applicantem illam ad opus, quod etiam non potest scientiæ visionis adaptari. Et hoc confirmant optima verba D. Thomæ in 1. d. 22. q. 1. art. 2. sic enim ait, *Sciendum est quod scientia secundum rationem scientia non dicit aliquam causalitatem, alias omnis scientia causa esset, sed in quantum est scientia artificis operantis res, sic habet rationem causa respectu rei operata. Vnde sicut est causalitas artificis per artem suam, ita consideranda est causalitas diuina scientia.*

Principia D. Thomæ ex quibus & vera mens eius, & doctrina nostra deducitur.

Aliud testimonium Angelici Doctoris.

ria. Vnde inferius colligit quod principalitas causalitatis consistit penes voluntatem, quæ imperat actum. Et infra addit scientiam Dei esse causam bonorum, secundum quod consequuntur formam diuinæ artis, & finem, non tamen quod respectu horum dicat perfectam causalitatem, nisi prout illi adiungitur voluntas. quæ omnia, & singula verba nostrum in modum confirmant rationes à nobis factas, ac subinde assertionem. Nam prima propositio quam D. Thomas de scientia proferit, potest sub eadem forma ad scientiam visionis applicari nam scientia Dei secundum rationem scientiæ visionis non dicit aliquam causalitatem, aliàs omnis scientia visionis causa esset, quod falsum est, ut patet in scientia ætuum liberorum ipsius Dei, & scientia peccatorum. Ergo ut sit causa, oportet, ut id habeat sub alia ratione ex aliquo adiuncto; neutrum autem dici potest. De primo patet, quia si alia ratio cogitari potest, maxime ratio artis, ut in verbis proximè subiunctis addit D. Thomas, & ratio artis non conuenit scientiæ visionis, ut videtur per se notum, tum quia ratio artis est naturalis Deo, & antecedit omnia decreta libera Dei, tum etiam, quia scientia visionis terminatur ad ipsum arte factum. De secundo probatur ex vltimis verbis D. Thomæ, quia scientiæ ad causandum non adiungitur, nisi voluntas Dei: & voluntas Dei ut operatiua, & determinata ad operandum ad extra non adiungitur scientiæ visionis, sed potius visio adiungitur illi, & supponit, ut etiam aduersarij maxime contendunt, & omnes fatemur, licet in diuerso sensu, & supra explicatum est; ergo nullo modo secundum doctrinam D. Thomæ potest tribui scientiæ diuinæ, ut est visio rei futuræ, quod sit causa, cur illa futura sit. Neque D. Thomas in 1. part. aliud dixit, ut respondendo ad argumenta dictum.

Præterea Magister in 1. d. 38. cap. 4. sic ait. *Dicimus, scientiam, vel præscientiam Dei non esse causam eorum, quæ fiunt, si talis, sine qua non fiunt, si tamen scientiam ad notitiam referamus.* quæ verba simpliciter non nisi de scientia visionis vera esse possunt; nam licet de scientia simplicis intelligentiæ, ut separata à voluntate verum habeant, quoad rationem causæ actualis, nihilominus in potentia, & virtute, etiam illa scientia secundum se, & ut est quædam ars, est causa, seu causatiua scientiæ autem visionis est ars, nec est aliud, quam notitia, non est ergo causa secundum Magistrum. Vnde S. etiam Bonauent. lib. 1. art. 1. quæst. 1. ait posse sermonem esse de præscientia, quantum ad rem significatam, prout illo nomine significatur, vel quantum ad rem ipsam secundum se; & priori modo dicit non habere rationem causæ; posteriori autem modo esse causam. At verò per præscientiam ut significatam illo nomine, non videtur nudum nomen intelligendum, sed res ipsa ut subest alicui præcisè rationi significatæ per nomen præscientiæ, quæ non est alia, nisi scientia visionis. Nam quia hæc scientia in re non est alia, nisi ipsa scientia naturalis Dei, clarum est, rem importatam per illam vocem esse causam; tamen ut est præscientia, seu scientia visionis addit peculiarem respectum, & sub hac ratione non habet rationem causæ, sed tantum scientiæ. Addit verò Bonauent. (quod pro præscientia contra etiam notandum est) respectu futurorum quæ Deus causat cum causa secunda, scientiam Dei, etiam prout est causa futurorum, non esse totam causam, sed simul cum causa secunda cui cooperatur. Vnde sit illam præscientiam, etiam si sub illa ratione causa esset, non tamen dici posse totam causam talium futurorum, seu futuritionis illorum, ut

Auctores contrariæ sententiæ intendere videntur. Expressius docet hanc sententiam Gregor. eadem dist. 38. quæst. 2. art. 3. ad 3. principale, ubi dicit causalem hanc propositionem, quia Deus præscit, ideo res futuræ sunt, si sit causalis, & non æquivalens præcisè conditionali, absolute negandum esse, quia præscientia non est causa, & videtur exemplis Augustini & Boëtij de scientia nostra, & prædictionis rei futuræ. Marsilius verò, quæst. 40. art. 2. in vltima eius parte, licet non attingit in terminis quæstionem hanc de causalitate scientiæ visionis, tamen in suppositione causalitatem tribuit scientiæ, quam vocat dispositionis, seu approbationis, quam dicit supra scientiam simplicis intelligentiæ solam voluntatem addere, & postea subiungit præscientiam, & loquens de futuris à causa libera dicit in suppositione quinta præsciri æternaliter, ex immensitate scientiæ diuinæ præscientis quid, quaster, & quomodo, & quando cuiuslibet voluntas creata se debeat bene, vel male determinare. Quia ita se habet (ut sentit) scientia visionis ad futura quæ videt, sicut scientia simplicis intelligentiæ ad possibilia, scilicet, ut pura scientia, & non ut causa. Vnde etiam comparat illam cognitioni nostræ respectu præsentium, in quibus per scientiam nostram nullam mutationem facimus.

Eodem modo loquitur Egidius in eadem dist. q. 1. ubi inter alia dicit Dei voluntatem esse immediatam causam productionis rerum, & scientiam non esse causam, nisi media voluntate, & prout per illam extenditur ad praxim, quæ non possunt scientiæ visionis applicari, & in dist. 40. quæst. 1. art. 2. dicit, præscientiam esse suppositionem consequentem, non antecedentem. Ex quo principio aperte sequitur, non esse causam, ut supra declaratum est. Multoque magis idem sequitur ex sententia Durandi in eadem dist. quæst. 1. dicentis solam potentiam Dei executiuam esse proximam causam effectuum, & illam proximè applicari à voluntate; scientiam verò solum remota concurrete dirigendo per modum prudentiæ, vel artis. Denique non immerito allegatur pro hac parte Alensis in 2. quæst. 24. memb. 2. Nam inquirens an præscientia rei sit causa rerum,

D respondet, ut est sententia simplicis notitiæ, non esse causam, ut verò est approbata, ratione approbationis posse dici causam. Ex qua responsione constat nomine præscientiæ non intelligere scientiam visionis, cum sub illa comprehendat scientiam simplicis intelligentiæ. Loquitur ergo absolute de scientia Dei, & illi ut coniunctæ voluntati tribuit totam causalitatem. Et similem doctrinam habet quæst. 32. memb. 1. Vnde tacendo semper de scientia visionis, illam profecto omittit tanquam omnino à causalitate alienam, & consequentem secundum rationem post totam causalitatem circa id, quod per illam præscitur. Imò si præscitum sit futurum à voluntate creata, non solum causalitatem voluntatis increatæ, sed etiam causalitatem creatæ voluntatis ut futuram, seu existentem æternitatis talis præscientiæ præsupponit. His addo VValden. lib. 1. Doctrinal. cap. 25. num. 10. ubi referendo Hieronymum, ait, *Non ex eo quod Deus scit futurum aliquid, ideo futurum est.* Et similiter huic scientiæ consensit Ioan. Arbor. approbando dictum Origenum. tomo 1. Theoproph. lib. 4. cap. 11. circa finem. Denique ex modernis auctoribus præter nostros scriptores omnes, hanc sententiam constanter docet Ferdinand. Mascari lib. de Auxil. disp. 2. part. 6. num. 14. & Alexand. Pesant 1. part. quæst. 14. art. 8. & eandem sententiam (quamvis punctum non disputet) supponit planè Dorialeus in sua disp. de scient. conditionata. In qua simul explicat rationem,

Gregorius idem expressius docet.

Marsilius fauet.

Egidius consonat.

Durandus sequi tenetur.

Alensis stat à nobis.

Nec non VValdensis.

Ioan. Arbor. reus consecutus

Ferdin. Mascari. tueretur. Pesantius, & Dorialeus supponunt.

Subtilius ponderatur.

26. Magister notis sentit.

Interprete S. Bonauent.

nem, & modum cognoscendi omnia futura contingentia etiam absoluta, semperque supponit, res futuras secundum suum esse supponi, vt productas ante scientiam visionis, quod esse non potest si scientia visionis est causa earum. Imò in cap. 6. in propositione 2. de futuris contingentibus absolutis docet, præscentiam visionis horum futurorum adesse esse independentem, & quasi alienam à causalitate, vt si per impossibile actus voluntatis nostre liber non penderet à diuina voluntate, si Deus haberet eandem perfectionem intelligendi, quam nunc habet, eodem modo æternus actum futurum videret, vt suæ æternitati præsentem, quam propositionem latè persequitur, & in doctrina D. Thomæ putat esse vitiatam. Ex illa verò aperte sequitur, scientiam visionis, vt talis est, valde alienam esse à ratione causæ, & hoc sensisse illum auctorem, quod nunc solum intendimus, quidquid sit de illa hypothetica propositione.

27. Sequitur ex dictis causalitatem hanc, quia Deus præscit futura, ideo futura sunt, intellectam de scientia visionis, vt talis est, falsam esse, ideoque magno pondere rationis, & auctoritatis fundatam esse. De altera verò causali, quia res futura est, Deus illam præscit, dicam in vltimi argumenti solutione. Solum ergo superest, vt alterius sententiæ motiua expendamus.

Per hæc igitur existimo satis esse demonstratum, propositionem illam causalem, quia Deus præscit futura, ideo futura sunt, intellectam de scientia visionis, vt talis est, falsam esse, ideoque magno pondere rationis, & auctoritatis fundatam esse. De altera verò causali, quia res futura est, Deus illam præscit, dicam in vltimi argumenti solutione. Solum ergo superest, vt alterius sententiæ motiua expendamus.

Contrariæ sententiæ motiua soluntur.

28. Ad auctoritatem Alberti Magi.

Primum sumebatur ex auctoritate Scholasticorum, ex quibus Magister, & Bonauent. nostræ sententiæ non repugnant, imò fauent, vt ostendimus. Albertus autem in dicto art. 1. obsecutus loquitur: nam distinguendo præscientiam à scientia, dicit, præscientiam esse causam aliquorum futurorum, quamuis non omnium, quia non est causa malorum, sed bonorum. Sed licet non cogamur eius auctoritatem sequi, quia verè non loquitur expresse de scientia visionis, vt talis est, dicere possumus, loquutum esse de illa materialiter, vt est scientia approbationis. Eadem enim scientia simplicis intelligentiæ, adiuncta voluntate induit rationem scientiæ approbationis, & actualis causæ, per quam habet res, quod sit futura, & inde resultat statim proprius respectus, secundum quem illa eadem scientia visionis appellatur. Illam ergo scientiam, vt iam est sub voluntate, vocauit Albertus præscientiam, sic enim dicitur: *Scientia Dei potest esse duplex, scilicet, simplicis intelligentiæ, & approbationis*, & priorem dicit, non esse præscientiam, quia non respicit futurum: posteriorem autem sub præscientia comprehendit, & ideo illi causalitatem tribuit.

29. Ad loca D. Thomæ.

De D. Thomæ autem sententia satis dictum est; quæ verò in contrarium inducuntur ex 1. part. quæst. 14. parum obstant illi parti, seu propositioni, quam nunc disputamus. Nam in art. 8. ad 1. in priori parte eius, quia Origenes dixit scientiam Dei non esse causam futurorum, cum exponit eum loquutum esse secundum rationem scientiæ, & addit, *cui non competit ratio causalitatis, non adiuncta voluntate*. Et ita videtur exponere Origenem de scientia simplicis intelligentiæ. Sed quidquid sit de expositione Origenis (nam fortasse potius de scientia visionis, vt tali loquutus est,) D. Thomas ibi non scientiæ visionis, sed scientiæ approbationis causalitatem futurorum tribuit. De altera verò parte illius solutionis infra dicam. In solutione verò ad 3. de eadem scientia approbationis loquitur, de qua in articulo fuerat loquutus, considerat enim illam vt

A attem, per quam Deus operatur, non vt simplicem intuitionem rerum factarum. Et de eadem scientia loquitur in art. 16. cum dicit scientiam Dei esse practicam. Nam scientia visionis cum supponat rem factam in æternitate, non potest esse practica respectu eiusdem, sed simplex intuitio, sicut est respectu malorum, in quo respectu eadem profectò est ratio etiam bonorum.

Ad Augustinum Magister, & alij dicunt, Augustinum esse loquutum de scientia approbationis. Et in primo quidem loco non loquitur Augustinus de rebus futuris, sed de rebus creatis; sic enim loquitur. *Non enim hæc quæ creata sunt, ideo sciuntur à Deo, quia facta sunt: at non potius ideo facta sunt, vel mutabilia, quia immutabiliter à Deo sciuntur.*

B Non ergo loquitur de rebus futuris, vt futuris, sed materialiter (vt aliqui loquuntur) de rebus ipsis, quæ aliquando fiunt. Vnde non loquitur de scientia visionis, sed de scientia simplicis intelligentiæ, vt ex antecedentibus constat; loquitur enim de verbo diuino, quod est perfectum, & cui nihil deest. Et ars quadam, ait, omnipotentis, atque sapientis Dei plena omnium rationum incommutabilium. Et infra, *Ibi nouit omnia Deus quæ fecit per ipsam, &c.* Ipsam ergo naturalem scientiam Dei dicit esse causam, per quam facit omnia. Atque eodem modo exponendum est, quod in secundo loco ait de creaturis. *Ideo sunt, quia nouit, vel, quia scit, creauit;* semper enim de naturali scientia loquitur, vnde addit, *non enim nesciuit, quæ fuerat creatura.* loquitur ergo de illa scientia, quæ supponitur vt necessaria ad creandum. Intelligit autem esse causam de se in actu primo: in actu autem secundo adiuncta voluntate. Ac propterea Magister exponit. *Ideo sunt, quia nouit, id est, quia scienti placuit, seu quia scienti disposuit.* Scientia autem, quam voluntas supponit, vt de futuris disponat, scientia est simplicis intelligentiæ, non visionis. In

C tertio verò testimonio magis loqui videtur Augustinus de præscientia futurorum, nam & vtitur præsciendi verbo, & præmittit verbum volendi; sic enim ait: *Voluntates nostræ tantum valent, quantum eas Deus valere voluit, atque præsciuit.* Posset tamen etiam exponi de scientia simplicis intelligentiæ, quæ lato modo solet etiam dici præscientia, quia etiam præcedit res vt futuras, vel etiam, quia præsupponitur voluntati. Vnde cum postea subdit voluntates nostras tantum esse volituras, quia Deus id præsciuit, subintelligendum est, & voluit; præsciuit enim Deus vires omnes, & virtutes quas illis conferre poterat, & tales, ac tantas dare voluit, & ideo tantum volituras sunt. Aut si velimus de propria præscientia causalem illam intelligere, non dicit causalitatem rei in futuro esse, respectu certitudinis veritatis de futuro. Dixerat enim Augustinus, *Quidquid valent, certissime valent, & quidquid futura sunt, omnino, id est, indubitanter, futura sunt,* quia ita præscientiæ sunt, & præscientia Dei non potest non esse certissima, & ab illa denominantur res certissime futuræ, certitudo enim in rebus, formaliter loquendo, non est nisi denominatio ab aliqua certa scientia.

D E Ad verba Gregorij aliqui respondent, Gregorium non loqui de existencia rerum, sed de præsentia, ita vt sensus illius causalis sit, Deum non ideo cognoscere res, quæ illi sunt præsentis, sed potius quia cognoscit illas, eas habere præsentis, præsentia vtique obiectiua, quam habent in æternitate. Docet enim ibi Gregor. in Deo non tam esse præscientiam futurorum, quam scientiam. *Quia Deus (inquit) futurum nihil est, quia omne, quod nobis fuit, & erit, in eius conspectu præstò est.* Et infra. *Præscit dicitur, quamuis nequaquam futurum prævidet, quod*

30. Enodatur prius testimonium Augustini à Magistro.

Secundum.

Tertium.

Quartum.

31. Verborum Gregorij Magni sensus probabilis.



quod *presens* videt. Et statim adiungit. Nam, & quæque sunt, non ab æternitate eius ideo videntur, quia sunt (utique in sua reali existentia,) sed ideo videntur (utique in æternitate præsentia,) quia videntur. qui est satis probabilis sensus, intelligendus tamen est de præsentia, ut ita dicam, actuali; nam aptitudinalis ex parte obiecti supponitur, ut supra dixi. Dicit etiam potest Gregorium solum voluisse docere, Deum non accipere scientiam à rebus, sed ex se, & ex sua infinitate, & æternitate habere, ut omnia eodem modo intrinsecatur, quia eadem scientia, qua res omnes producit, easdem intuetur, & in hoc sensu dicit, ideo sunt, quia videntur, non quia visio, ut visio, sit ratio causandi illas, sed quia eademmet scientia, quæ est visio, est causa illarum. De Boëtio iam satis dictum est.

Verus.

32.  
Prima ratio  
adversariis  
soluitur, &  
retorquetur.

Axioma.  
Iudicium  
practicum  
in aliquo  
speculativo  
fundatur.

Probatio  
prior dilu-  
tur.

Posterior la-  
borat æqui-  
uoco.

Ad forma-

Ad primam rationem negatur antecedens, & in contrarium retorquetur, quia scientia visionis, ut talis est, non est practica, sed speculativa, ut ostensum est, & ideo non est causa sui obiecti, & per modum artis, quia supponit obiectum factum per scientiam Dei tanquam per artem rerum factibilium. Dico autem, sui obiecti, & per modum artis, quia si præscientia vnius rei comparatur ad alium effectum, potest dici causa eius, non immediata, nec per modum artis, nec ut proprium principium physice effectus, sed remotè, & per modum prudentiæ, vel potius experientiæ, quæ interdum prudentiæ ministrat, ut nostro modo res divinas explicemus, subintelligendo semper, imperfectionibus remotis. Sic enim præscientia peccati, v. g. inducit iudicium, & consequenter voluntatem puniendi illud, & hac ratione illa scientia culpæ, dici potest causa punitionis, neque ad hoc refert, quod sit speculativa, quia, ut dixi, est per modum experientiæ, quæ ad praxim, & prudentiam utilis est. Nam iudicium practicum in aliquo speculativo fundatur. Hic autem loquimur de scientia visionis respectu sui proprii obiecti, illius enim non est causa, nec practica cognitio, sed meta intuitio. Ad probationem item primam negatur assumptum, scilicet, scientiam simplicis intelligentiæ esse speculativam, & non practicam; hæc enim posterior pars falsa est: nam si scientia simplicis intelligentiæ secundum se, ac præcisè spectetur, ut præcedit actum liberum Dei, sic est practica in actu primo respectu effectus ad extra, quia est ars rerum factibilium: omnis autem ars practica est saltem in actu primo, seu virtute, ut D. Thomas dicit, quod perinde est. Si verò consideretur ut substantia voluntati liberè exequenti productionem rerum ad extra, sic est practica in actu secundo, quia simul cum voluntate concurret, dirigendo tanquam exemplar rei faciendæ. Altera verò probatio in æquivocatione versatur: nam ex scientia Dei absolute argumentatur ad scientiam visionis, quæ potest dici argumentatio ab universali ad particulare affirmatiue, seu ex puris particularibus, seu à materiali ad formale. Itaque in forma respondetur negando antecedens: nam scientia visionis supponit suum obiectum, quod etiam probatione ibi addita convincitur, quia intuetur res ut præsentem æternitati, ac subinde ut factas in eadem æternitate; supponit ergo causalitatem earum, ad quam quidem suo modo operatur scientia Dei non tam ut est visionis, sed ut est scientia approbationis. Quia tamen utraque scientia in re una est, & indivisibilis, eadem scientia Dei cau-

A sando res illas intuetur, nihilominus illa duo respectus ratione distinctos dicunt, & ratio visionis supponit rationem causæ, non constituit.

Secunda ratio ex dictis soluta est: iam enim ostendimus, quomodo scientia simplicis intelligentiæ sit causa rerum, vel in virtute, seu actu primo, si præcisè spectetur, vel in actu secundo, si coniuncta voluntati in scientiam visionis transeat. Vnde licet scientia Dei adæquatè dividatur in simplicis intelligentiæ, & visionis, illud maximè verum est in ratione scientiæ: nam in ratione causæ actualis additur scientia approbationis, vel ipsamet scientia simplicis intelligentiæ subdividitur quasi duos habens status ante, vel post decretum liberum voluntatis. Ad primam verò confirmationem iam dictum est ex eodem loco D. Thomæ ibi allegato, scientiam simplicis intelligentiæ, ex se practicam esse virtualiter, seu in actu primo, compleri autem per voluntatem, per quam ad operandum actu applicatur. Ad secundam confirmationem dicimus primò, scientiam simplicis intelligentiæ non esse liberam in ratione scientiæ, esse autem liberam in ratione causæ, & hoc solum in illa confirmatione probari. Deinde addimus scientiam visionis, neque esse in se liberam formaliter, cum non sit actus voluntatis, neque etiam denominatiue esse liberam ab actu voluntatis quasi mouente, vel applicante intellectum ad illam scientiam, ut declaravi. Solum ergo dici potest libera quasi antecedenter, quia obiectum circa quod versatur, liberum est. Hic autem modis libertatis nihil confert, ut possit esse causa rerum, quia potius supponit rem liberè futuram, & inde nostro modo loquendi, necessariò quasi resultat respectus, qui connotatur in scientia Dei, cum visionis appellatur: scientia autem, quæ est libera, in ratione causæ debet ita denominari à voluntate applicante illam ad causandum, quod optimè conuenit in scientiam simplicis intelligentiæ, seu approbationis, non in scientiam visionis, ut declaravi.

Tertia ratio postulat alteram partem, quam proposui de alia propositione, quia res sunt future, præsciuntur à Deo, an possit admitti in vi causalis, & non tantum in vi illationis. Nam D. Thomas supra simpliciter illam negat in priori sensu, & Origenem illo modo loquentem in posteriori sensu exponit. Augustinus etiam, & Gregorius absolute illam negant, quos Magister in dist. 38. sequitur, & Albertus ibi art. 3. & ducuntur, quia omnis scientia Dei est increata, immutabilis, & æterna, & ideo non potest habere causam, præfertim creatam, mutabilem, & temporalem. At verò D. Hieronymus, Origenes, Damascenus, & alij Patres supra citati illam causalem simpliciter admittunt. Nec videntur sufficienter exponi secundum illationem tantum, ita ut causalis illa ad conditionalem reducat, nam in illo sensu etiam altera propositio, quia Deus scit rem futuram, ideo futura est, esset admittenda, quia in sensu conditionali verissima est. At verò dicti Patres unam admittunt, & alteram negant; ergo loquuntur in sensu plusquam conditionato. Et ita illam admittunt Bonaventura, Gregorius, & alij Doctores supra citati. Ratio autem reddi potest, quia per illam causalem propositionem non denotatur causa physica scientiæ Dei, sed tantum ratio obiectiva, quæ non repugnat Deo; nam etiam in scientia simplicis intelligentiæ Deus scit tales creaturas.

33.  
Ratio secun-  
da soluta  
manet ex di-  
ctis.

Confirmatio  
prima in-  
fringitur.

Secunda di-  
stinctionem  
patitur.  
Scientia sim-  
plicis intel-  
ligentiæ li-  
bera est in  
ratione cau-  
sæ, non in  
ratione sci-  
entiæ.

Scientia vi-  
sionis libera  
est antecede-  
nter non  
formaliter.

34.  
Dubium pro  
responsione  
ad ultimam  
rationem.  
Verum hæc  
propositio,  
quia res sunt  
future, præ-  
sciuntur à  
Deo, vera sit  
in vi causa-  
lis, & non  
tantum in vi  
illationis.  
D. Thom.  
Augustinus.  
Gregor.  
Albertus.  
Magist. ne-  
gant.  
D. Hieronymus.  
Origenes.  
Damascenus.  
affirmant.

Bonavent.  
Gregor.  
Arim.

creaturas, quia possibiles sunt, & non ideo sunt possibiles, quia scit illas. Et in diuina voluntate etiam datur obiectiua ratio, amat enim seipsum, quia est bonus, imò & creaturas amat propter bonitatem suam.

35-  
Resolutio.  
Controver-  
sia posita est  
in modo lo-  
quendi.

In hoc puncto existimo controuerſiam esse in modo loquendi, nam posteriores auctores solum insistent, ad scientiam visionis necessarium esse, ut præsupponatur obiectum scibile, & verum, secundum aliquam veritatem determinatam, unde quia hæc scientia est de rebus futuris, necessario supponere debet, quòd sint futura, quia nisi hoc supponatur, non erit obiectum scibile, & consequenter nec poterit esse scientia. Si autem id supponatur, necessariò refutat talis scientia, ut nostro modo loquamur. Neque aliud causalitatis genus tribuunt futuris respectu scientiæ Dei, optimè enim norunt, hoc Deum accipere scientiam à rebus sicut homines, neque fieri aliquid argumentum reale in scientia Dei, ex eo, quòd res sint futuræ, sicut fit in Angelis, quando effectus contingentes vident: nam licet ab illis non accipiant scientiam, crescunt saltem in actuali scientia, Deus autem non ita, sed eadem simplicissima, & naturali scientia sine vlla additione

**A** reali videt res si supponantur futuræ, & sine vlla diminutione non videt illas, si non essent futuræ, ut rectè attingit Hugo de S. Victor. lib. 1. de Sacramento. p. 1. cap. 14. 16. & 18. Hæc ergo doctrina vera est, quam D. Thomas, & alij Patres non negarent; sed quia illa nota causalis aliquid amplius indicare potest, modum loquendi simpliciter non approbant. Et in rigore melius dicitur rem esse futuram, supponi ordine rationis ad scientiam visionis, vel ut conditionem necessariam, sicut dixit Magister, vel ut terminum, quo posito cum fundamento resultat relatio, & ideo licet in rebus non elicimus, vnum referri ad terminum, quia terminus existit, sed existente illo, aut non sine illo, ita in præsentia melius dicemus, ut Deus præsciat futura necessariam esse, ut supponatur futura; nam si non essent futura, non præsciterent, ut dixit Hugo supra. Et in hoc sensu reducitur illa causalis ad conditionalem, non quamcumque, sed talem, quæ fundetur in hypothesi necessariò præsupponenda, & ideo altera causalis, quia *Deus sciat, hoc erit*, etiam in hoc sensu non admittitur, quia scientia visionis nullo modo supponenda est, ut res sit futura.

In rigore  
melius dicitur,  
res esse  
futura, sup-  
poni ordine  
rationis ad  
scientiam vi-  
sionis, quam  
quasi res sunt  
faciunt, ut  
a Deo præ-  
sciam.

Reducitur  
illi causalis  
ad conditionalem.







LIBER TERTIVS  
DE AVXILIIS GRATIÆ  
IN GENERALI, PROVT  
IN DIVINA ACTIONE,  
VEL MOTIONE  
consistunt.

PRÆLVDIVM.

1.  
Partitio re-  
lius operis  
de Gratia.



UNIVERSAM Gratia am-  
plitudinem in duo prin-  
cipalia membra in supe-  
rioribus divisimus, actua-  
lem, & habitualement, cum  
D. Thoma 1. 2. quæst. 110.

art. 2. nam donum animæ inditum, si in ea  
sine actuali operatione permanere possit,  
sub habituali gratia comprehenditur: si ve-  
rò vel operatio animi sit, vel cum ea tan-  
tùm durer, actualis gratia vocatur. Et de  
habituali quidem in posteriori parte prin-  
cipali huius operis dicturi sumus. Actua-  
lem verò, de qua in priori parte dicere  
proposuimus, in duo membra subdistingui-  
mus, scilicet in humanam, ac mora-  
lem operationem supernaturalem, seu gra-  
tuitam, de qua in duobus præcedentibus  
libris dictum est: & motionem, seu auxi-  
lium, quod propter actus perfectos effi-  
ciendos diuinitus præstatur.

Posterior  
pars impro-  
biam eandem  
est.

3.  
Præmittitur  
necessitas  
gratiæ actua-  
lis, de qua in  
tribus se-  
quentibus  
libris agen-  
dum est.

Quòd autem talia auxilia nobis neces-  
saria sint, satis monstratum est. Illa verò  
ad actualis gratias pertinere, facillè patet,  
quia sunt dona humanæ naturæ debita,  
quibus Deus actu mouet, & iuuat homi-  
nem ad rectè & fructuosè in ordine ad su-  
pernaturalem finem operandum, & non  
permanent in homine, nisi quando ali-  
quam mentis opinionem actu exercet, &  
ita de his gratiis euidenter loquuntur Con-  
cilia, & Patres passim diuinam illuminatio-  
nem, inspirationem, internam doctrinam,  
vel motionem requirunt. Et simili modo  
cùm Concilium Tridentinum sess. 6. c. 11.

A num. 13. & 16. præter habitus gratiæ po-  
stulet in iustis diuinum auxilium ad perfi-  
ciendum in gratia, & ad perseverandum  
in illa, & ad merendum apud Deum, aper-  
te docet, præter habitualement esse nobis ne-  
cessariam gratiam actualement, ratio etiam  
est uicens, quia nulla virtus creata potest  
operari sine motione actuali Dei, unde si  
supernaturalia opera sine habitibus opera-  
mur, ibi maximè necessaria est actualis gra-  
tia Dei: si autem per habitus operamur,  
ipsimet habitus cùm sint virtutis actiue  
B creatæ, indigent actuali influxu Dei. Est  
ergo talis gratia actualis omnino necessa-  
ria, & hanc significare solemus nomine au-  
xiliorum gratiæ, de quibus in hoc loco di-  
cere aggredimur.

Hoc autem auxilium gratiæ actualis, si  
de illo in tota sua generalitate loquamur,  
tam ad actus sanctificantis gratiæ, quam ad  
actus gratiæ gratis datæ necessarium est,  
imò hæ gratiæ, quæ gratis datæ dicuntur,  
ordinariè non per habitus, sed per auxilia  
actualia dantur, vt de Prophetia docuit  
C D. Thomas 1. 2. quæst. 171. artic. 2. & de  
operatione miraculorum quæst. 178. art. 1.  
ad 1. idemque est de discretionem spirituum,  
quæ est veluti species quædam prophetiæ,  
vt idem D. Thomas sensit 1. 2. quæst. 3.  
art. 4. & fortasse idem est de aliis gratiis  
gratis datis, quæ Paulus annumerat 1. Co-  
rinth. 12. vt sensit D. Thomas 3. contr.  
gent. cap. 154. in fine, & diximus latius in  
tract. de Fide, propter quam vel propagan-  
dam, vel illustrandam illæ gratiæ præcipue  
conferuntur.

4.  
Divisio gra-  
tiæ actualis  
in auxilium  
ad actus gra-  
tiæ gratis  
datæ, & ad  
actus gra-  
tiæ sanctifi-  
cantis.



De posterio-  
ri genere in  
presenti ser-  
mo.

conferuntur. In presenti ergo de his auxi-  
liis tractamus, quæ ad actus, quibus sancti-  
ficamur, conferuntur, quia, ut in secundo  
Prolegomeno dixi, de gratiis gratis in par-  
ticulari differimus, quamvis intellectis, &  
explicatis auxiliis gratiæ sanctificantis fa-  
cillimum sit, eandem doctrinam, ad actus  
cuiuscunque gratiæ applicare: ad eos præ-  
cipue, qui in mente consummantur.

5.  
Subditio ho-  
auxilij gra-  
tiæ sanctifi-  
cantis.

Denique gratiæ sanctificantis auxilium,  
ut in eodem Prolegomeno dixi, externum,  
& internum esse potest. Veruntamen ex-  
ternum nullam peculiarem disputatio-  
nem requirit, sed simul cum interno obi-  
ter declarabitur. Agendum ergo nobis est  
in hoc libro, & duobus sequentibus de in-  
ternis gratiæ sanctificantis auxiliis: nam in  
presenti libro rationem communem, seu  
substantiam huius auxilij & species eius  
inuestigabimus, & explicabimus: in duo-  
bus verò sequentibus, de illius potestate  
sufficienti efficacia, & cum libero arbi-  
trio concordia dicemus.

Subiectum  
proprium  
huius secun-  
dæ partis.

## CAPUT I.

### Quid sit, & quotuplex internum Gratia auxilium.

1.

Quamvis interna gratiæ auxilia non possint  
exactly cognosci, nisi ad singulas earum spe-  
cies in particulari descendendo, nihilominus ne-  
cessarium duximus, nonnulla, quæ illis ferè omni-  
bus communia sunt, præmittere, ut ita deinceps,  
quæ singulorum sunt propria, facilius expli-  
ceamus.

Affertio pri-  
ma quid no-  
mine Auxilij  
gratiæ signi-  
ficetur.

Primo ergo supponimus, nomine auxilij gra-  
tiæ significari aliquod donum supernaturale gratis  
homini collatum, quo aliquo modo ad bene ope-  
randum iuuatur. Res autè ipsa ex dictis in duobus  
libris præcedentibus petenda est, nam ibi ostensum  
est contra Pelagium, non posse hominem sanctè  
vivere sine dono gratiæ Dei, hoc enim donum  
prout iuvat hominem ad rectè operandum, auxiliū  
vocatur, & quatenus non est debitum naturæ, sed  
supra ordinē eius, supernaturale dicitur. An verò  
sit supernaturale quoad substantiam, vel quoad  
modum tārū, infra videbimus, & eadem ratione  
dicitur gratis homini collatum, quia cū sit supra  
naturæ ordinem, non est naturæ debitum. Neque  
etiam potest esse ex merito ipsius naturæ, ut cōtra  
Semipelagianos definitū est, ut supra vidimus, &  
libro sequenti dicitur ex professo. Ideo ergo hoc  
auxilium vocatur gratiæ, quia gratuito datur. Dixi  
autem non esse debitum ex merito ipsius naturæ,  
quia ex merito prioris gratiæ, seu auxilij debitum  
esse potest subsequens auxilium, & nihilominus  
illud erit auxilium gratiæ, quia erit gratia pro gra-  
tia. Quia verò necessariū sustendum est in aliquo  
primo auxilio, illud omnimodo oportet esse li-  
beralis gratia, ac subinde tota collectio auxilio-  
rum, quæ cuilibet homini conferuntur, est gratia,  
id est, in aliquo primo auxilio omnino gratuito  
fundata.

Omne auxi-  
lium gratiæ  
est aliquo-  
modo super-  
naturale.

Tota colle-  
ctio auxilio-  
rum quæ  
cuilibet ho-  
mini confe-  
runtur, est  
gratia ratio-  
ne alicuius  
primi omni-  
no gratuiti  
auxilij.

2.

Affertio 1.

Secundò dicendum est, auxilium internum gra-  
tiæ, solum propriè sumptum, ac rigorosè esse ali-

Fr. Suarez de Gratia Pars I I.

A quid creatum, non quòd per propriam creatio-  
nem fiat, id enim necessariū non est, ut postea  
de gratia habituali dicemus, sed quòd aliquid sit  
extra Deum ut ab eo factum, ac participatum. Et  
sic est certissima assertio indefinitè & absolutè  
sumpta; quia Scriptura loquitur de donis gratiæ,  
ut significet esse effectus gratuiti diuinæ poren-  
tiæ, quod maximè de illis, quæ ad nos inueni-  
endum, ut sanctè vivamus, vel operemur, intelligit,  
ut constat ex illo Ephes 4. *Unicuique data est gra-  
tia secundum mensuram donationis Christi, propter  
quod dicitur: Ascendens in altum captivam duxit  
captivitatem, & dedit dona hominibus.* & Rom 12.

B quibus locis, licet videatur loqui de mini-  
steriis, vel gratiis gratis datis, sine dubio inuoluit  
auxilia gratiæ, gratum facientis. Et plura alia,  
quæ in Prolegomeno primo allegauimus, proban-  
do, dici in nobis gratiam creatam, & ex sequenti  
assertione euidenter etiam monstrabitur, ostende-  
mus enim auxilium gratiæ esse aliquid nobis in-  
hærens, quod esse non potest nisi sit aliquid crea-  
tum. Denique supra ostensum est, dari in nobis  
quosdam actus supernaturales, qui necessariò de-  
bent esse creati, cum sint actus vitales: sed in his  
actibus necessariò includitur auxilium aliquod in-  
trinsecum solum solum quoad essentialem dependen-  
tiam, quam à Deo habent. Deinde infra ostende-  
mus, multa ex auxiliis necessariis ad bene operan-  
dum esse actus vitales nostros. Ergo necesse est  
esse aliquid citatum.

C Dixi autem assertionem esse certam indefinitè  
& absolutè sumptam, quia quòd aliqua, & plu-  
ra auxilia gratiæ sint dona creata, sine dubio est  
de fide, ut in sequenti assertione probabitur. An  
verò aliquod auxilium sit etiam increatum, sub  
controuersiam theologicam cadit. nam Spiritus  
sanctus ipse prout immediatè nos adiuuat ad ali-  
quos actus, potest etiam denominari auxilium  
gratuitum, & increatum. Sicut sacra Scriptura  
vocauit mulierem adiutorium hominis, simile  
viro, Gen. 2. melius verò & proprius vocatur  
Spiritus sanctus adiutor noster, quàm ipsum ad-  
iutorium, nam ab adiutorio, quod nobis præbet,  
extrinsecè denominatur adiutor, sicut à creatio-  
ne creator; ergo ipsum adiutorium in rigore  
sumptum aliquid creatum est ab ipso Deo pro-  
manans, & ideo in Scriptura solent illa duo distin-  
gui. *Adiutorium nostrum in nomine Domini, qui se-  
cit calum & terram.* Psal. 113. & *Dens in adiuto-  
rium meum intende;* & *Inuocasti Dominum ut non  
derelinquat me in adiutorio.* Eccles. 1. Distinguitur  
ergo adiutorium ab ipso Deo tanquam aliquid  
dandum ab ipso Deo. Eodem modo loquitur Scri-  
ptura sacra, ut Psal. 19. *Mittat tibi auxilium de san-  
cto;* & Psal. 120 *Leuani oculos meos in montes, unde  
veniet auxilium mihi. Auxilium meum à Domino.*

E Propter hæc igitur dixi in assertione, auxilium  
internum propriè sumptum semper esse aliquid  
creatum, quia si nomē *auxilij* extendatur ad omne  
supernaturale principium nos adiuuans ad san-  
ctam operationem, potest in latitudine auxiliorū  
dari aliquod increatum; sed de illo dicimus im-  
propriè vocari auxilium, cū sit ipse principalis  
adiutor, ideòque de internis auxiliis propriè ita  
vocatis sine limitatione dicimus, esse aliquid crea-  
tum. in quo ut video nulla est dissensio inter Ca-  
tholicos. De illo verò puncto, an interdū principium  
nos proximè adiuuans ad actus supernaturales, sit  
increatum, solet esse aliqua controuersia, quam in-  
fra in hoc libro, & sequentibus tractabimus.

Auxilium  
internum  
gratiæ pro-  
priè dictum  
est aliquid  
creatum.

Prob. 1 ex  
Script.  
Ephes 4.7.

Rom. 12.6.

2 Quia hæc  
auxilia sunt  
eff. Actus su-  
pernaturale-  
les.

3. Quia actus  
vitalis.

3. Intelligenda  
assertio in-  
definitè.  
Dubium an  
aliquod au-  
xilium sit  
etiam in-  
creatum, pu-  
tè implet  
Spiritus san-  
ctus.

Resolutio.  
Rectius di-  
citur Adio-  
tor quàm  
adiutorium,  
& Auxilia-  
tor quàm  
auxilium.  
Probat ex  
Scriptura  
Psal. 123. 8.  
Psal 63 1.  
Eccles. 1. 14.

Psal. 119. 3.  
Psal 120 1.

Auxilium  
nō extendi-  
tur ad prin-  
cipium ad-  
iuuans nisi  
impropriè.

F

Tertiò

4.

Aff. 1. o 3.  
Internum  
gratiæ auxi-  
lium est ac-  
cidents po-  
tentia ratio-  
nali inherēs.  
Sequitur ex  
dictis.  
Ostenditur  
ex Script.  
quæ explicat  
hæc auxilia  
per verba si-  
gnificantia  
actus vitales.  
Ioh. 6. 45.  
Ibid. 44.

1. Tim. 6. 1.  
Hebr. 3. 1.  
Philipp. 3. 14.  
2. Pet. 1. 1.

Matth. 13. 9.  
Psal. 94. 8.  
Hebr. 3. 7. &  
15.

Dicuntur  
etiā à Script.  
donari.

Ioh. 1. 9.

Significatur  
nomine Spi-  
ritus.  
Ioh. 3. 8.  
E. hebr. 1. 17.

2. Timoth. 1. 7

5.

Probat ex  
Conciliis.  
Milcan.  
Idem.

Arausic.

Idem.

Trident.

Idem.

Inefficax  
alioum pro-  
bat ex co-  
dem Concil.

Tertiū dicendum auxilium internum gratiæ esse creatum accidens potentis animæ, prædictum voluntati, & intellectui inherens. Hæc conclusio intelligitur, sicuti præcedens, de proprijs auxilijs gratiæ modo ibi explicato, & sic est certa, & extra omnem controuersiam. Et in primis probari potest ex his, quæ diximus de actibus gratiæ. Nam illi sine dubio sunt dona Dei nobis inherētia. Ergo necesse est auxilia illis intrinseca nobis inherere. Item Scriptura explicat sæpe, hæc auxilia per verba significantia actus vitales, ut sunt vocare audire, & similia. At verò hi actus necessarij sunt nobis inherētes, ut per se constat; ergo. Assumptum patet ex illo Ioh. 6. *Omnis qui audiuit à Patre, & dedit, venit ad me.* Audire enim, & discere actus vitæ sunt, & mentis. Item dicitur ibidem, *Nemo potest venire ad me, nisi Pater, qui misit me, traxerit eum;* nam tractio per actus vitæ, & effectus sit, ut Augustinus exponit, & communiter Patres infra citandi. Item vocatio sancta, de qua Paulus loquitur 2. Timoth. 1. quam etiam cælestem appellat Hebr. 3. Philipp. 3. 14. supernam & Petr. 2. 1. certam, ac frequenter Scriptura loquitur, in mente auditur, & recipitur, unde est illud Matth. 13. *Qui habet aures audiendi audiat,* & Psal. 94. & ad Hebr. 3. *Hodie si vocem eius audieritis, nolite obdurare corda vestra,* &c. & ita etiam in mente recipitur. Hæc autem maximè pertinent ad gratiæ auxilia, ut postea videbimus. Denique Scriptura docet, hæc gratiæ auxilia sæpe donari; quauis enim frequenter hoc dicatur indifferenter de donis gratiæ, nihilominus sub illis comprehenduntur hæc auxilia, & intentū de illis in speciali est sermo, ut cum dicitur Ioh. 1. *Deus illuminat omnem hominem venientem in hunc mundum.* nam illuminatio in eo, qui illuminatur recipitur, & per eam ad agnoscendum iuuatur. Item solet gratiæ auxiliū significari nomine *Spiritus*, qui ad bene operandum nobis datur, unde & spiratio appellatur, iuxta illud, *Spiritus ubi vult spirat, & vocem eius audio,* Ioh. 3. unde Paulus ad Eph. 1. orat. *ut Deus deus vobis spiritum sapientiæ, & reuelationis, in eius agnitione; illuminatos oculos cordis vestri, ut sciatis, quæ sit spes vocationis eius,* &c. sic etiam dicit 2. Timoth. 1. *Non dedit nobis spiritum timoris, sed virtutis, & dilectionis, & sobrietatis.*

Præterea ex his, & similibus locis sumptæ sunt plures Conciliorū locutiones, quibus gratiæ auxilia significantur, ut dona creata nobis inherētia. Sic Conciliū Milcan. 3. dixit, sed etiam in adiutorium, ut non cōmittantur, & can. 4. tradit hoc adiutorium non consistere in sola reuelatione, sed in aliquo alio dono, quod nobis præstat, ut quæ facienda cognouerimus, facere diligamus, atque valeamus. Clariū Concil. Arausic. can. 4. dicit per sancti Spiritus infusionem, & operationem voluntatem nostram à peccato purgari, atque ad id præparari; & can. 5. dicit fieri in nobis per gratiæ donum; & can. 6. de reliquis actibus ait, fieri per infusionem, & inspirationē Spiritus sancti in nobis; ac denique idem nō minus clarè sumitur ex Concilio Trid. sess. 6. c. 5. ubi docet, initium iustificationis sumi à præueniente gratiæ, quæ sine dubio est vnum ex diuinis auxilijs, quod declarat dicens, hoc est, ab eius vocatione, quā in homine recipi manifestum est, unde statim vocat eam excitantem gratiam, & tactum cordis, qui in homine fit per Spiritus sancti illuminationē, & inspirationem, quæ omnia manifestè dicunt actus nobis inherētes. Quod aliqui etiam colligunt ex eo quod subdit Concilium, neque ut homo ipse nihil omnino agat, spirationem illam recipiens; nam videtur his verbis expresse significari illam spirationem in nobis recipi; sed decepti sunt in verbo *recipiendi*, nam ibi non

A significat physicam receptionem, sed liberum consensum, sicut dicitur recipere fidē, qui vult credere. Consentire ergo inspirationi est recipere illam, sicut abicere eā est illi dissentire, ut in can. 4. idem Concilium explicauit, nam abicere illam, ita, ut nos non exciter, sæpe non est in hominis libertate, sicut non est in nostra potestate, quin visus tangamur; ex hac verò potestate recipiendi hoc modo, vel abiciendi inspirationem, optimè colligitur, illam esse aliquam cogitationem, vel motionē animi nostri, ac subiundē nobis inherere. Addit denique ibi Concilium, gratiam adiuantem, quæ etiam est aliquid distinctum ab ipso Deo modo supra declarato, & ideo si est internum adiutorium, non potest esse nisi in nobis: unde in cap. 16. Deum in homines iustificatos iugiter virtutem influere ait, quæ virtus bona eorum opera semper antecedit. Quam doctrinam can. 4. repetit, & in 5. addit liberum arbitrium moneri, & excitari per vocationem, quod sine aliquo præuio dono inherente ipsi libero arbitrio intelligi non potest.

Tandem addi potest ratio, quia auxilium gratiæ præbet voluntati, vel intellectui vires ad agendum, vel ipsammet actionem: sed utriusque sit per aliquod nobis inherēs, quæ ratio ex principijs superius positis est manifesta. Unde Pelagiani, vel eorum reliquæ, aut alij hæretici, possunt à doctrina data dissentire. Pelagius enim cum omnes actus ad salutem utiles fieri posse viis naturæ diceret, consequenter vera auxilia gratiæ negauit, & licet aliqua interdum admittit ut vitia, seu ad facilius operandum, solum fuit per modum doctrinæ, & reuelationis ex parte obiecti, non per modum auxiliij interni dantis vires ad operandum, & ex Augustino in lib. de gratia Christi in 3. Prolegomeno ostendimus. Non autem hæretici in contrario extremo, licet hominem per se ipsum aliquid boni agere posse negent, ideo corruptionem humanæ naturæ exaggerant, ut vera gratiæ auxilia negare, & totam gratiam in fauore extrinseco ponere cogantur. Dicunt enim non posse ad iustitiam se disponere, & quo magis ad hoc conatur, eo magis peccare, nec posse fructus veros iustitiæ facere, sed in omnibus suis actibus peccare. Nullum ergo verum auxilium gratiæ in eorum sententia nobis datur, sed solus fauor, quo peccata propter fidem non imputantur; de ipsa vero fide quid sentiant, vel consequenter loquendo, ut se potuerint, in superiori lib. 2. diximus. Idem ad has etronibus nihil amplius dicere in præf. necesse est.

Dico igitur primò, auxilium gratiæ in nobis esse qualitatem aliquam, vel actionem, seu motionem nobis diuinitus immittam.

Ad probandam hanc assertionem suppono, ut dictum non posse auxilium gratiæ ad aliquod prædicamentum præter qualitatem, vel actionem, sub qua passionem semper includo pertinere, quia ostensum est esse accidens, per quod à prædicamento substantiæ excluditur, & cum sit in se totius potēt is immo rationalis, consistat esse accidens spirituale, per quod à quantitate, & ceteris imperfectis prædicamentis aliquod auxiliū gratiæ possit dari etiam in phantasia, vel appetitu sensitivo, ac proinde materiale sit, manifestū est longè distare à quantitatē ad effectus longè diuersos datur. Et eadem ratione non potest auxiliū gratiæ in relatione aliqua poni, cum relationis nec principia agendi, nec potest termini actionis, nec etiā actio per se tendens à aliquam actionem recipi possit, ut inquam manifestum suppono. Relinquitur ergo ut solum ad æternum ex illis duobus prædicamentis qualitatis, vel actionis possit auxiliū gratiæ pertinere.

De illis verò duobus est nonnulla dubitatio,

Consentire  
inspiratori  
est recipere  
illam: unde  
iuxta locu-  
tionem Tri-  
dent. recipere  
nō semper  
significat  
physicā sus-  
ceptionem.  
Idem.

Idem.

6.  
Probat ex ra-  
tione.

Hinc reici-  
tur Pelagia-  
norum error.

August.  
Nouatorum  
oppositum  
dogma.

Lib. 2. part. 1.  
de gratia.

7.  
Assertio 4.  
Auxilium  
internum  
gratiæ est  
qualitas, vel  
actio aut pas-  
sio. Non potest  
reduci ad  
aliud prædi-  
camentum.

8.

Diviso auxilij in habituale & actuale.

**D. Thom.** nam quidam distinguunt auxilium in habituale, & actuale, & dicunt auxilium habituale esse qualitatem; actuale verò non esse qualitatem, sed motionem puram, ac in sola actione, vel passione consistere, & videtur favere D. Thomas 1.2. q. 100. art. 2. ubi in genere tractans de gratia, prius concludit esse qualitatem, vel actionem, & postea distinguit gratiam in habituale, & actuale, & habitualem dicit esse qualitatem; actualem verò in prædicamento actionis reponi. Videtur intelligere ita esse actionem, ut nihil aliud sit, neque villo modo sit qualitas, nam si tantum intellexisset, esse actionem, quia semper tale auxilium per actionem datur, & conservatur, nulla esset differentia à D. Thoma constituta inter habituale, & actualem gratiam, quia etiam habitus non dabitur nobis sine actione Deo supernaturali, & gratuita. Nobis verò in præsentia distinctio illa necessaria non est, quia in hac prima parte huius operis de sola gratia actuali tractare proposuimus. Vnde nomine auxilij, solum illud intelligimus, quod in actuali operatione consistit, vel solum quandiu illa durat, in nobis permanet, quanquam suo modo possit etiam habitus vocari auxilium, quod ad solum modum loquendi spectat, ut in sequentibus iterum dicam.

Non est habitus loci

*Uterior explicatio & probatio assertio-  
nis quarta.*

9. Auxilij gratia non in sola motione, sed etiam in qualitate consistit.

Actionis Dei in nobis triplex terminus cogitari potest.

10. Est terminus vitalis liber productus per actionem à se distinctus.

Actio productiva huius termini proprii est auxilium.

De auxilio ergo gratia sic sumpto, dico non esse solum actionem, vel motionem, sed etiam qualitatem, quamvis dependentem ab actuali vitæ operatione. Declaratur, & probatur, quia in primis necessarium est, ut auxilium gratia incipiat ab actione Dei in nobis, quia auxilium actuale consistit in actuali mutatione interius in potentiis nostris facta, ut ex ipsis terminis, & probationibus tertiæ conclusionis manifestum est: omnis autem actualis mutatio mediis actione incipit, quia progredi ab agente, & in subiecto recipi necesse est. Hæc autem actio necesse est ut habeat aliquem terminum, hoc enim est de ratione omnis actionis realls, ut ex Philosophia, & Metaphysica suppono, quia omnis actio est via quædam, & via ad aliquem terminum ducit, nec aliter concipi potest. Omnis ergo actio Dei in nobis habet pro termino aliquod gratia donum in nobis factum. Hic autem terminus seclusis habitibus triplex cogitari potest.

Primo, quando vitalis, & libera operatio est proximus, & immediatus terminus talis actionis, ut est actio illa, qua Deus nobis immediatè infundit voluntatem credendi, vel ipsummet actum credendi deliberatum, vel perfectum amorem sui, aut contritionem, vel quemlibet alium similem actum. Et tunc sola Dei actio habet rationem auxilij: terminus autem eius per se non est auxilium, sed effectus auxilij. Atque ita de hoc auxilio verè dicitur solum constitui in prædicamento actionis. Probat, quia auxilium dicit relationem ad eum, qui iuvatur, datur enim illi in ordine ad actionem eius, nimirum ut in illa per tale auxilium aliquo modo iuuetur. At verò in illo genere auxilij Deus per actionem suam non facit solus, sed simul cum voluntate, vel intellectu hominis, à quibus necesse est ut tales actus simul procedant. Ergo tale auxilium in illa actione Dei, ut actio est, verè, ac propriè consistit. At verò terminus talis actionis, qui est actus vitalis perfectus, licet verè sit qualitas iuxta sententiam à Theologis, & Philosophis fre-

quentius receptam, non datur, per se loquendo, propter aliam operationem, sed proximè propter se, suumque effectum formalem, remotè verò propter premium, vel alios effectus supernaturales, & ideo non habet rationem auxilij, sed cuiusdam doni actualis gratia, ita enim vocantur hi actus à Patribus, dicentibus, tantà esse Dei erga homines bonitatem, ut eorum velit esse merita, quæ sunt dona sua: dixi autem, sæpè *per se loquendo*, quia interdum potest unus actus supernaturalis ac liber, & perfectus multum iuvare ad alium efficiendum, & sub eo fine, & intentione à Deo dari, ut actus fidei, vel orationis iuvet ad resistendum Dæmoni, & diuinus amor ad implenda diuina præcepta: sed hoc est secundarium, & quasi accessorium his actibus, & ideo strictè loquendo inter auxilia non computantur, sed ut illi fiant cetera auxilia præstantur.

Secundò potest actio, qua nobis Deus præbet auxilium, terminari proximè ad aliquem actum vitalem intellectus, aut voluntatis, non tamen liberum, nec perfectè humanum, sed mouentem, vel operantem ad alliciendum consensum supernaturalem ac liberum, & huiusmodi auxilium præter actionem Dei includit qualitatem quandam, quia, ut dixi, terminus intrinsecus illius actionis est actus vitalis: actus autem vitalis in suo esse perfectio qualitas est; & quamvis sub utraque ratione sit verum auxilium, nihilominus in ordine ad actum liberum, propter quem datur, immediatius est auxilium, prout est quædam qualitas animam afficiens, & excitans, seu dans ei vires ad operandum. Ratio est, quia motio illa, ut est actio diuina proximè iuvat potentiam hominis ad eliciendum actum illum indeliberatum, & ibi sistit, ut sic dicam, illud adiutorium quoad suum proximum, & per se influxum, & ideo non tam est auxilium per se ad actum virtutis intentum, quàm auxilium ad motum vitæ formaliter distinctum, qui ad actum moralem, & virtutis proximè iuvat; quia verò vitalis qualitas, quæ sit per illam actionem per se ipsam proximè iuvat ad ulteriorem actum supernaturalem, ideo etiam ipsa actio potest saltem remotè dici auxilium ad ipsum consensum. Hoc ergo genus auxilij in actione, & qualitate diuersis rationibus consistit. Et quia in re nunquam separantur, nec distinguuntur, nisi sicut res, & modus, ideo morali, & communi modo loquendo, totum illud unum auxilium reputatur, quod potest dici veluti ex actione, & qualitate compositum.

Tertio modo potest intelligi Deus aliquid in potentia efficiendo, quod non sit actus secundus, seu vitalis, sed tantum aliqua entitas per modum actus primi, non tamen permanentis in potentia non operante, sed durantis, solum quandiu potentia operatur, ut in hoc ab omni qualitate, quæ per modum habitus nobis infunditur, distinguatur. Et hoc genus auxilij ponit aliqui moderni Theologi, & vocant illud actuale, non quia sit actus vitæ, sed quia est quasi transiens, ut ita distinguant illud ab habituali auxilio. Et conueniunt omnes, esse motionem, seu actionem Dei. Est autè magna controuersia inter eos, an sit qualitas necne, quidam enim eorum dicunt esse puram motionem, alij verò addunt etiam esse qualitatem quandam, ad quam illa motio, vel actio intrinsecè terminatur. Ego verò nullum tale auxilium internum potentiisque animæ inherens præter actus vitales, & actiones eorum, nec alias qualitates per se infusas agnosco, nisi vel habitus, vel supernaturales actus vitales, quod in sequentibus latè tractandum est in variis

Terminus ille habet sit vera qualitas, non est auxilium strictè, sed effectus auxilij. Per accidens tamen & secundario denominari potest auxilium quatenus subinde iuvat ad aliud supernaturalem & liberum eliciendum.

11. Secundus terminus est actus vitalis intellectus, aut voluntatis non liber, per actionem à se distinctam productus. Est vera qualitas. Habet formaliter & proximè rationem auxilij, actio verò qua sit remota.

Moraliter hic terminus cum actione quæ sit verum auxilium reputatur.

12. Tertius terminus non vitalis per modum actus primi permanentis in potentia non operante vel quædam illa operatur. Admittitur à modernis Theologis. Controuertitur autem an sit qualitas necne. Nihil tale datur auxilium.



locis & euasionibus. Posita verò illa sententia multò probabilius est tale auxilium proximè consistere in qualitate, licet præcedat actio, vel motio Dei, per quam talem actum infundit, ut in discursu huius libri ostendam.

I 3.

Nunc  
infunditur  
motio sine  
qualitate,  
quæ sit etiam  
auxilium,  
vel terminus  
auxilij.

Mens D.  
Thomæ su-  
pra nuda. 3.

Aristotel.

Sic ergo satis probata relinquitur assertio, simulque declaratum est, quando actualia auxilia non solum actiones esse possunt, sed etiam qualitates, imò nunquam esse posse actiones, vel motiones, quin per ea infundatur aliqua qualitas, quæ sit etiam auxilium, vel ultimus actus, & terminus auxilij. Neque existimo D. Thomam in sensu contrario huic doctrinæ locutum esse, ille enim de solis auxilijs non tractat, sed simpliciter de gratia, & quando dixit actualem gratiam non esse qualitatem, non loquitur de auxilio gratiæ, nec de actione, ut actio est, sed gratuito effectu, hoc est, de ipsomet actu vitali, ut est quidam motus animi perfectus, de quo negari non potest, quin sit in re ipsa vera qualitas. Solum ergo ad distinguendum illud actuale donum ab habituali, dixit Diuus Thomas non esse qualitatem, imitatus Aristotelem lib. 10. Ethic. cap. 3. dicentem operationem virtutis, & felicitatem non esse qualitatem, intelligit enim non esse qualitatem non puram, & ab actuali, & vitali efficientia hominis independentem, & ideo isti actus, ne putarentur esse qualitates merè passibiles, seu receptibiles in subiectis, nomen operationum, seu actuum retinuerunt, quia ad suos formales effectus actuales influxum vitæ requirunt. In hoc ergo sensu D. Th. ut actum ab habitibus gratiæ distinguere, dixit actus non esse qualitates, quia in actuali motu consistunt, sine quo possunt habitus permanere.

I 4.

Assertio  
quarta.  
Auxilium  
gratiæ mul-  
tiplex est.  
Primo, di-  
uiditur in  
auxilium in  
intellectu,  
vel involun-  
tate recep-  
tum.

Secundò  
utrumque  
subdiuiditur  
in superna-  
turale se-  
cundò sub-  
stantiam,  
vel quoad  
modum.

Tertiò, in  
auxilium ex-  
citans & ad-  
iuuans.

Quartò, in-  
sufficiens &  
efficax.

Ultimò dicendum est auxilium gratiæ non vnum tantum, sed multiplex esse. Hanc assertionem perfunctoriè attigimus in Prolegomeno primo, voces diuersorum auxiliorum explicando: in discursu autem huius libri res per illas significatas explicaturi sumus ad vnam, vel duas diuisiones illas vocando. Potest enim auxilium gratiæ primò diuidi in auxilium, in intellectu, vel in voluntate receptum, quæ diuisio generatim sumpta nullâ indiget expositione, nam vnum in actibus, vel motionibus in voluntate receptis, aliud in illustratione intellectus consistit. Secundò, diuidi potest utrumque auxilium in supernaturale quoad substantiam, vel quoad modum, quam diuisionem in dicto Proleg. 1. sufficienter pro loci opportunitate declarauimus. Et ex dictis in duobus libris præcedentibus ex parte effectuum, seu terminorum amplius explicata est, nam auxilium in substantia supernaturali ad actus in se supernaturales necessarium est; illud verò quod datur ad actus ordinis naturalis, solum quoad modum supernaturale requiritur. Quomodo autem in seipsis hæc auxilia distinguantur, in cap. huius libri dicetur. Tertiò diuiditur auxilium gratiæ in excitans, & adiuuans, ad quæ membra reuocamus alia similia, quæ à PP. traduntur, nimirum auxilij operantis, & cooperantis, præuenientis, comitantis, & subsequæ, ac denique, illud quod specialiter dicitur dari per modum conuersus, de quibus omnibus eo ordine, quo proposita sunt, in discursu huius libri dicturi sumus. Quartò diuiditur auxilium gratiæ in sufficiens, & efficax, quæ membra in duobus libris sequentibus declarabimus.

A

## CAPVT II.

*Verum auxilium excitans sit primum  
in ordine gratiæ sanctificantis  
adulorum.*

**S**upponimus interna auxilia gratiæ propria esse adulorum & ratione vtentium, quia in operatione rationali aliquo modo consistunt, & ad actus liberos efficiendos conferuntur; ideoque infantes sicut ad liberè operandum, ratione vtendum apti non sunt, ita neque auxiliorum gratiæ sunt capaces; & ideo in hoc, & duobus sequentibus libris, etiam si interdum simpliciter de sanctificatione loquamur, de sola sanctificatione adulorum semper intelligimus, quod semel admonuisse sufficit. Supponimus deinde dari vnum ex auxilijs sub illa generali voce, videlicet sub sanctificatione quod conuenitur sub nomine vocationis, locis in præmio huius libri allegatis, & Rom. 8. Marc. 1. & alibi sæpe, & sub nomine pulsus, Apocalyp. 3. & sub nomine locutionis ad cor, Os. 1. & vox ipsa excitationis satis insinuat Dan. 13. ibi, suscitauit Dominus spiritum Danielis pueri. Perinde etiam dictum est, ac si diceretur *excitauit*, & ita etiam dixit Petrus Ep. 2. cap. 3. *Vestram excito in commotione sinceram mentem*. Et Ecclesia frequenter publice orat: *Excita Domine corda nostra, excita Domine tuorum fidelium voluntates, &c.* & ex Concilijs, & PP. plura statim afferemus. Ratio autem potissimè petenda est ex fragilitate liberi arbitrij ad opera virtutis, & pietatis, nam inde oritur necessitas huius auxilij, quæ magis in sequentibus declarabitur.

**T**ertiò supponimus sanctificationem hominis adulti, ut complectitur non solum formæ sanctificantis infusionem, sed dispositiones etiam, quæ ad illam præcedunt, non vno momento, nec vno actu, sed plurium successione fieri, & ideo priusquam quid sit hoc auxilium declaremus, necessarium iudicamus exponere, an via generationis, iustificationis initium ab hac gratia sumatur. Quod simili ferè modo queri potest de quolibet opere pietatis, quod est primum in aliquo tempore, vel serie operationum, quando videlicet homo prius de illo nihil cogitabat, & postea illud operatur; nam illa etiam mutatio non in momento fit, nec sine successione plurium actuum interiorum, & ideo ibi etiam queri potest, an gratiæ auxilium, quod ad tale opus datur, ab excitante incipiat.

**R**atio dubitandi esse potest, quia gratia excitans in aliquo vitali actu consistit; sed prima gratia auxilians non potest esse actus vitalis: ergo gratia excitans non potest esse prima gratia auxilians. Maior supponitur tum ex communi sententia, tum ex vi vocis, nam excitatio interna non fit sine hominis attentione, & vigilia, & hæc non fit sine actu vitæ. Minor probatur primò, quia gratia prima auxilians debet fieri in nobis à solo Deo: actus autem vitalis non fit in nobis à solo Deo, ut supponimus. Ergo actus vitalis non est prima gratia auxilians. Consequètia est clara: & maior testimonijs, & rationibus ostendi potest. Primum testimonium sit illud Psal. 120. *Auxi-*

I.  
Suppositio.  
Hæc auxilia  
pertinent ad  
solos adul-  
tos.

Supp. 2. Da-  
tur aliquod  
auxilium  
quod  
Script. vo-  
catio,  
locutio, ex-  
citatio dici-  
tur.  
Rom. 8. 30.  
Marc. 1. 17.  
Apo. 3. 20.  
Os. 1. 14.  
Dan. 11. 45.  
2. Pet. 3. 4.

2.  
Supp. 3.  
Sanctificatio  
adulti pluris  
actuum suc-  
cessionem  
includit.

Status qua-  
stionis.

3.  
Ratio dubi-  
tandi, gratia  
excitans est  
actus vitalis.

Gratiæ pri-  
mam auxi-  
liantem fieri  
in nobis à  
solo Deo  
ostenditur  
testimonijs.

Primum  
Psalm. 120. 2.

Secundum  
Apocal. 3.  
20.

Tertium  
Concil.  
Arausic.

4.  
Ratione  
confirmatur.  
Prima gra-  
tia cum sit  
supernatu-  
ralis à solo  
Deo in no-  
bis produci  
potest.

Quædam il-  
lud assump-  
tum.  
Primo actus  
1. supponit  
primum.  
Secundò, vi-  
talitas illius  
actus super-  
naturalis est.

Tertio, pri-  
mum initium  
nostræ iusti-  
ficationis  
est à solo  
Deo.

Quarto,  
gratia præ-  
ueniens cum  
sit præuia ad  
actum non  
efficitur à  
potentiis.

4. Cor. 3. 5.

5.

Afferio.

lumen meum à Domino, qui fecit celum & terram, quod additum videtur, ut intelligamus, sicut solus Deus fecit celum & terram, ita à solo Deo esse nostrum auxilium, non à nobis, & ideo etiam non dixit, à Domino, & à me, quia solus Deus confert tale auxilium. Secundò, ex illo Apoc. 3. *Ecce sto ad ostium, & pulso, si quis audierit vocem meam, &c.* Vbi duo distinguuntur, vnum est pulsare, quod est solius Dei, aliud est audire, quod est etiam ab homine: homo autem non excitatur docec audiat; ergo antequam exciteretur, excipit etiam gratiam præuenientem, qua pulsatur. ergo datur gratia præueniens prior excitante. Tertio probatur ex Concilio Arausico. 2. can. 20. dicente: Multa in homine bona fiunt, quæ non facit homo; quod maximè dictum est à Concilio propter gratiam primam præuenientem, qua homo à Deo mouetur, ut contra Semipelagianos doceat illam primam gratiam, quæ est exitum salutis, non pendere à natura, sed à solo Deo. Ergo illud primum auxilium ex mente Concilij, nullo modo fit ab homine, ac proinde non est actus vitalis, nec gratiam excitans.

Præterea potest rationibus confirmari. Prima, quia motus gratiæ excitantis, est in se supernaturalis, ut infra ostendemus: ergo non potest fieri à potentia naturali animæ, nisi constituta saltem primò natura, per aliquod principium supernaturale illi intrinsecum, & inherens, ut per illud in actu primo constituatur. Ergo primum donum gratiæ actualis est infusio illius principij gratuiti, quo intellectus, vel voluntas constituitur in actu primo ad efficiendum actum vitalem, supernaturalem etiam non liberum, & ita solus Deus efficit in nobis primam gratiam sine nobis actuè, sed tantum passiuè concurrentibus. Posterior illatio data est. Prior autem probatur. Primò, quia actus secundus supponit essentialiter actum primum; ergo non potest naturalis potentia efficere actum supernaturalem, quoad substantiam, nisi prius constituatur in actu primo etiam supernaturali. Secundò, quia in actu vitali supernaturali, etiam ipsa vitalitas est supernaturalis. Ergo debet esse à principio intrinseco supernaturali; ergo ante actum vitalem supernaturalem debet supponi alia prior gratia, quæ non sit actus vitalis. Tertio, quia aliàs primum initium nostræ salutis non esset reducendum in ipsum Deum solum, sed in Deum & naturam, quod nullus Theologus concedet; quia videtur ad Semipelagianismum accedere. Sequela probatur, quia actus vitalis excitantis gratiæ non pendet à solo Deo, sed etiam ex potentia nostra, ut quædam natura est, necessitate quadam naturali influens in tales actus. Quarto, quia gratia præueniens, qua Deus nos mouet ad hos actus gratiæ excitantis, non est influxus immediatus in ipsos actus; ergo ille influxus non est ab ipsis potentiis, nam ipsæ non efficiunt in se aliquid præuium ad actus. Ergo ille influxus non est actus vitalis, sed prius ipso. Antecedens probatur, quia si Deus solum influeret in actum cogitationis, v. g. gratiæ excitantis, talis cognitio esset sola ex sola facultate naturæ cum concursu Dei, contra illud Pauli 2. Cor. 3. *non sumus sufficientes cogitare aliquid à nobis quasi ex nobis, sed sufficientia nostra ex Deo est.* Nihilominus dicendum est, primum donum gratiæ, quod Deus homini confert in ordine ad eius sanctificationem, esse aliquam gratiam excitantem. Hæc assertio est immunis Theologorum, qui de his gratiis clariùs, & expressius scripserunt, quos in se.

*Fr. Suarez de Gratia Pars I.*

A quentibus referam, quamvis illam non tam disputare, quam supponere videantur, & quamvis in assertione de interna gratia loquimur, possumus eius probationem ab externa inchoare, quia in adultis prima gratia exterior necessariò esse debet etiam exterioris excitans, utique per verbum Dei, iuxta Paulum ad Rom. 10. dicentem, *fides est ex auditu, auditus autem per verbum Christi.* Est enim fides humane salutis initium, ac fundamentum, & radix totius iustificationis, ut dixit Concil. Trident. sess. 6. cap. 8. initium autem fidei externum est prædicatio Verbi Dei, quæ mentem excitat. Ergo prima gratia exterior ad iustificationem pertinens gratia excitans est. Idem autem non minus certum est de interna gratia, quod probatur, primò ex Concilio Tridentino supra cap. 5. dicente, declarat præterea ipsius iustificationis exordium in adultis à Dei per Christum Iesum præueniente gratia sumendum esse, hoc est, ab eius vocatione. Manifestum autem est vocationem esse gratiam excitantem, ut idem Concil. paulò post declarat, dicens, ut per eius excitantem gratiam: & in doctrina Augustini, est manifestum, ut postea declarabimus. Potestque declarari ex vocatione sensibili, nam illa nihil aliud est, quam quædam excitatio, quæ per sensum vsque ad mentem peruenit; ergo etiam interna vocatio Spiritus sancti nihil aliud est, quam excitatio ab eodem Spiritu sancto menti indica. Præterea idem Concilium in cap. 7. describit totam seriem gratiarum, & motionem Spiritus sancti, quæ in iustificatione interuenire solent ab exordio eius, vsque ad finem, & tamen caput illud sic inchoat. *Disponuntur autem ad ipsam iustificationem dum excitati diuina gratia, &c.* ergo excitantem gratiam ponit tanquam primam, & tanquam totius iustificationis initium. Secundò argumentari possumus in hunc modum, quia illuminatio, seu inspiratio Spiritus sancti gratia excitans est: sed prima gratia, quæ hominibus adultis datur, ad inchoandum in eis sanctificationem, est inspiratio, & illuminatio; ergo gratia inchoans iustificationem est gratia excitans. Consequentia est clara, & minor est certa, probabiturque in capite sequenti. Minor autem probatur apertè ex Concilio Tridentino in loco citato, nam cum dixisset, exordium iustificationis esse à vocatione, quæ per excitantem gratiam fit, subiungit. Ita ut tangente Deo cor hominis per Spiritus sancti illuminationem, neque homo ipse nihil omnino agat inspirationem illam recipiens, &c. ubi apertè declarat tactum cordis fieri per Spiritus sancti illuminationem, & ita tacitè exponit illud Apoc. 3. *Ego sto ad ostium, & pulso.* nam idem est tangere ac pulsare cor, & reuera idem est excitare illud. Atque ita ex illo loco optimè probatur tam assertio, quam dicta minor propositio: iam primus actus, seu pulsatio cordis à Spiritu sancto facta est prima gratia eius in hoc genere, sed hic tactus fit per illuminationem, & inspirationem eiusdem Spiritus sancti. Ergo illuminatio, siue inspiratio Spiritus sancti est prima gratia auxilians, ac proinde excitans gratia similiter est prima. Et confirmatur hæc ratio tam ex dicto Concilio Tridentino, quam ex Arausicano. Hæc enim Concilia, ut docerent gratiam absolute loquendo non dari ex meritis, reduxerunt totam gratiarum seriem ad primam, ut eam ante omne meritum dari ostenderent. Sed in hac reductione semper sistant in diuina excitatione per Spiritus sancti inspirationem; sentiunt ergo primam gratiam auxiliantem esse excitantem. Consequentia clara est: de Maiori autem postea latè dicturi sumus, nunc illam supponimus.

Gratia exci-  
tans est pri-  
mum donum  
hominis col-  
larum in  
ordine ad  
eius sancti-  
ficationem.  
Prima gratia  
exterior est  
excitans.  
Rom. 10. 17.  
Trident.

Prima etiam  
interior.  
Probatio  
prima ex  
Trident.

Probat. 2. ex  
eodem Conc.

Apocal. 3.

Probat. 3.  
efficax

Confirm.

F 3

batur

batur ex Concilio Tridentino ex locis citatis, & can. 3. Si quis dixerit sine præueniente Spiritus sancti inspiratione, &c. & can. 4. Si quis dixerit, liberum arbitrium à Deo motum, & excitatum. In quibus locis semper in diuina inspiratione, & excitatione tanquam in prima gratia sistit. Et Concil. Araus. cap. 5. inde docet initium fidei non esse ex nobis, quia affectus credendi per gratiæ donum fit in nobis, & explicat Concil. id est, per inspirationem Spiritus sancti, utique per primum gratiæ auxilium. Et similiter in can. 6. contra Semipelag. definit gratiam Dei non dari credentibus, volentibus, desiderantibus, sed potius, *ut credamus velimus, vel hac omnia sicut oportet agere valeamus per infusionem, & inspirationem Spiritus sancti in nobis fieri.* Et similem doctrinam habet in can. 7. & aliis, semperque ultimam gratiæ resolutionem, ac diuinam inspirationem facit.

Et iuxta doctrinam hanc dixit Bernardus lib. de Gratia, & lib. arbitrio. Conatus nostri cassi sunt, si non adiuuentur, nulli si non excitentur, & ibi sistit tanquam in primo initio. Similiter D. Prosper 2. de vocat. Gen. cap. 16. Gratia, inquit, Dei in nobis, iustificationibus principaliter præminet, suadendo, illuminando; & subiungit, sed etiam voluntas hominis subiungitur ei, quæ ad hoc prædictis est excitata præsidis, ut diuino in se cooperetur operi. Etiam planè docet initium gratiæ ab excitante summi. Omnes denique doctrinam hanc ex August. surpserunt, qui in libris contra Pelagium, & reliquas eius illam tradidit, præsertimque hanc gratiam explicat lib. 1. ad Simplicianum quæst. 2. & lib. 8. quæstionum q. 68. & toto libro de Gratia Christi, & lib. 2. de peccatis, ubi cap. 18. dicit, hominem conuertere ad Deum, nisi ipso excitante, & adiuuante non posse, & ubi ponit excitantem gratiam ut primam, & per illam dicit, agi hominem à Spiritu sancto, iuxta illud ad Rom. 8. *Qui Spiritu Dei aguntur, hi sunt filij Dei.* quod exponens serm. 10. de vero Apost. Aguntur, inquit, Spiritu illuminante, excitante, & adiuuante, ut filij Dei fiant.

Ratione declaratur hæc veritas, quia si comparemus gratiam actualem ad habitualementem in adultis, prior ordine generationis est actualis, & nunc supponimus, quia habitualis non infunditur sine hominis dispositione, quæ dispositio per actus hominis fit: dispositio autem præcedit formam, vel ordine naturæ si sit proxima, vel temporis si sit remota: sicut regulariter, & secundum communem legem in iustificatione hominis fit, procedit enim ab imperfecto ad perfectum, & ideo dispositiones remotæ præcedunt etiam tempore habitualementem gratiam. Ante dispositionem autem remotam, quæ in aliquo actu libero semper consistit, præcedere debet aliquod gratiæ auxilium, ut ita opus gratiæ à Deo solo incipiat; ergo tale auxilium non est nisi excitans. Probat hanc consequentia, quia auxilium adiuuans propriè sumptum, ut distinguatur ab excitante, non præcedit cooperationem liberam voluntatis ordine temporis, nec causalitatis, ut in sequentibus ostendemus: auxilium autem excitans utroque modo antecedit consensum liberum; ergo ab illo incipit motio diuina in ordine gratiæ; ergo illa est prima gratiæ. Secundò hoc ipsum declaratur, quia externa gratia excitans solum esse potest in intellectu, aut voluntate, nam si quæ possunt esse in aspectu sensitivo, nunc non considerantur, sed quasi externæ reputantur. Aut ergo loquimur de prima gratia simpliciter respectu totius mentis (ut sic dicam,) vel de prima gratia respectu singularum potentiarum. Priori modo manifestum est primam

A gratiam actualem in actu recipi debere, quia est prior potentia, neque potest voluntas moueri, nisi medio intellectu. Deinde in ipso intellectu ut operari possit, in aliquo ordine necesse est, ut præcedat aliqua excitatio, quia non potest iudicare, nisi apprehendat, nec potest apprehendere, nisi ab alio motus, quia de se est impotentia, quæ non potest se reducere in actum, nisi ab alio excitatus, & adiuutus, qui ordo etiam in naturalibus actionibus seruetur. Ergo multo magis in supernaturalibus, ut intellectus possit ad propriam operationem supernaturalem eleuari, necesse est, ut supernaturalis excitatio in illo antecedat. Illa ergo est prima gratia respectu intellectus, & consequenter etiam respectu totius mentis, seu partis rationalis. Atque hoc modo Augustinus lib. de prædestinat. Sanctor. in principio reuocat totam gratiarum seriem ad sanctam cogitationem, quæ non potest esse à nobis, sed ex Deo, iuxta illud Apostoli 2. ad Cor. 3. *Non sumus sufficientes cogitare aliquid* (utique ad salutem pertinens) *à nobis, quasi ex nobis, sed sufficientia nostra ex Deo est.* Et eandem doctrinam habet lib. de Bono persever. cap. 19. & lib. 2. contra 2. epistolæ Pelagianor. cap. 8. & alibi frequenter, præsertim in dicta quæst. 2. ad Simplician. Ex hac igitur parte sanctæ cogitationis excitatio prima gratia est: nam ante primam cogitationem est homo quasi dormiens, per cogitationem autem excitatur: respectu autem voluntatis illam excitatio intellectus dici potest prima etiam gratia voluntatis, quia licet subiectiuè sit ipsi intellectui, de se voluntatem allicit, & attrahit. Tamen hæc non est prima gratia intrinseca, seu inherens ipsi voluntati, & ideo in ipsamet voluntate distinguendus est tactus, seu motus Spiritus sancti à libero consensu, quæ duo in dicto loco Apocalyp. 3. per verba pulsandi, & aperiendi declarantur: prius autem est pulsare, quàm aperire; ergo & tactus cordis, prior est, quàm liber consensus; ergo gratia excitans, per quam ille tactus sic est prima inter gratias voluntatis. Quàm verò sit necessaria hæc gratia, & quòd sit munus eius, postea videbimus. Ad rationes dubitandi in principio positas in sequenti capite commodius respondebimus, duas enim quæstiones postulant, quas ibi tractabimus.

## CAPVT III.

## Vtrum Gratia excitans sit actus vitalis hominis.

D Vas opiniones ad hoc punctum pertinentes inuenio, quæ in vno principio conueniunt, in assertionibus autem multum differunt. Prima opinio dicit primam gratiam excitantem non esse actum vitalem, sed quandam priorem gratiam, quæ sit principium actus vitalis. Fundamenta huius opinionis sunt duo, tacta in rationibus positae capite præcedenti in principio. Primum est, quia prima gratia præueniens debet fieri à solo Deo in nobis, id est, non concurrentibus, nec moraliter, nec physice illam efficiendo; ergo non potest esse actus vitalis. Secundum est, quia actus vitalis, qui est per se actus gratiæ, & actus supernaturalis; ergo ut à nobis fiat, necessariò supponit aliam gratiam, quæ det nobis vires ad efficiendum talem actum, quia non potest fieri per solas vires naturæ; ergo prima gratia excitans non potest esse actus vitalis. Non negat autem hæc opinio, quin aliz excitantes gratiæ, quæ post primam sequuntur, possint esse actus vitales,

Intellectus de se est in potentia, nec potest se reducere ad actum, nisi ab alio excitatus & adiuutus.

August.

1. Cor. 3. 5.

Idem.

Prima gratia intrinseca voluntati est tactus distinctus à libero consensu.

Aper. 3. 10.

1. Opinio docet primam gratiam excitantem non esse actum vitalem, sed principium eius.

Fundatur 1.

Fundatur 2.

Concil. Araus.

6. Probat ex Patribus. Bernard. Prosper.

August.

Idem.

Rom. 8. 14.

7. Ratione stabilitur assertio.

Declaratur amplius.



les, vel necessarij, vel interdum etiam liberi.

2.  
Opinio 2.  
gratiam excitantem esse actum vitalem quidem, sed qui fit à solo Deo.  
Commune fundamentum utriusque sententiae est gratia praeuenientem fieri à nobis sine nobis.  
Conc. Araf. August. Bernard.

Altera opinio est gratiam excitantem etiam primam esse actum vitalem, & nihilominus non fieri à nobis effectiue, sed à solo Deo. Prioris partis fundamenta postea videbimus: posterior autem fundatur in illo principio, in quo hæc sententia conuenit cum præcedenti, quod Deus has præuenientes gratias facit in nobis sine nobis, nam ex illo colligit hæc opinio talem gratiam, etiam si actus vitalis sit non fieri à nobis. Antecedens probatur testimonio Concilij Arausici supra adducto, multa esse in homine bona, quæ non facit homo, quod præcipue dictum videtur propter gratias excitantes, vt ex Augustino, à quo sumpta illa sententia, intelligi potest, lib. 1. contra duas Epistolas Pelagianorum cap. 8. Et sic etiam Bernard. lib. de Grat. & libert. arbitr. circa finem dicit, *Deum solum operari in nobis exordium salutis, non per nos, neque nobiscum.* Et ibidem adiungit gratiam excitare liberum arbitrium, dum seminat cogitatum. Et eodem modo loquitur Anselmus circa id 1. ad Corinth. 15. *Non ego, sed gratia Dei mecum. Superna (inquit) pietas aliquid agit in nobis sine nobis, vt subsequente libero arbitrio bonum quod appetimus agat nobiscum.* Et eodem modo loquitur Gregor. cap. 10. aliàs 11. Consequenzia verò probatur, quia non repugnat cogitationem, aut motum vitalem fieri à Deo in nobis sine nobis physicè etiam concurrentibus; ergo ita exponendæ sunt dictæ locutiones Patrum, vt cum omni proprietate intelligantur.

3.  
Assertio 1.  
pro vera sententia.  
Gratia excitans prima est actus vitalis intellectus aut voluntatis.  
Sequitur ex dictis.  
Firmatur auctoritate.  
Trident.  
August.  
Adm.

Nihilominus communis, & vera sententia duabus assertionibus continetur. Prior est, gratiam excitantem etiam primam esse actum vitalem intellectus, vel voluntatis; ita sentiunt omnes auctores infra referendi, & probatur ex dictis in præcedenti capite, vbi ostensum est primam gratiam esse excitantem, eamque in illuminatione, & inspiratione consistere. At illuminatio, & inspiratio actus vitales sunt, vt est per se notum; ergo prima gratia excitans actus vitalis est. Simile argumentum est, quod ex vocatione, & initio iustificationis sumitur: nam vocatio est iustificationis initium, ac subinde prima gratia excitans; sed vocatio Dei interna, vt in nobis fit, & recipitur, non est sine aliqua actione vitali, imò in illa consistit; ergo prima etiam gratia excitans vitalis actio est. Maior satis probata est supra ex verbis Concilij Trident. sess. 6. cap. 5. *Declarat iustificationis exordium in adultis, & ab eius vocatione esse sumendum,* quam vocationem statim explicat per gratiam excitantem. Idemque tradit Augustinus citatis locis, ideoque in dicto libro 83. Questionum q. 68. dixit: *Si quis sibi tribuat quod veneris vocatus, non tamen potest sibi tribuere quod vocatus sit,* quia nimirum à vocatione sumitur initium. Minor item propositio ex eisdem locis probatur, nam vocatio Dei interna nihil aliud est, quam illustratio quædam mentis, & inspiratio, qua Spiritus sanctus potentias nostras ad bene operandum erigit, & inflammat; vt idem Concilium significauit, dicens Deum vocando hominem tangere cor eius per Spiritus sancti illuminationem, quam statim etiam inspirationem vocat. Et eodem modo loquitur Augustinus, qui etiam sæpe hanc vocationem explicat per sanctam cogitationem, vel sanctum desiderium, seu boni cupiditatem, vt loquitur lib. 2. contra duas epist. Pelagian. cap. 8. vel per illuminationem intellectus, vel voluntatis delectationem, aut suauitatem, vt lib. 2. de peccator. merit. cap. 17. Hæc autem omnia in vitalibus actibus consistunt, vt per se pater. Ergo prima gratia excitans, actus vitalis est.

Denique potest ratione ita declarari, quia diuina

A vocatio interiora à locutione Dei in nobis initium sumit. Locutio autem Dei in nobis non est nisi aliqua cogitatio, vel conceptus mentis nobis à Deo immissus, quia licet locutio sit à Deo loquente, vt percipiatur à creatura, in illa recipi debet, vt rectè docuit Gregor. lib. 2. Moral. cap. 4. aliàs 5. vbi ait, *Loqui Deum ad Angelos eo ipso, quod eorum cordibus occulta sua inuisibilia ostendit; & infra quasi audientibus dicitur, quod videntibus inspiratur.* Et infra eodem modo explicat locutionem Dei ad animas sanctas per infusionem altius cognitionis, vel effectus; sic ergo vocatio interior Spiritus sancti est illa locutio Dei, de qua ipse dixit, *ducam eam ad solitudinem, & loquar ei ad cor.* Ergo talis vocatio fit per actum vitalem nobis immissum. Et confirmatur, quia nisi homo perciperet locutionem Dei in se, non posset ab illo excitari, vt attenderet: locutio autem Dei fit, vt homo excitetur, & attendat; ergo necesse est vt fiat per aliquem actum vitæ, quo homo aliquid percipiat, & ex vi illius aliquid etiam appetat, vel fugiat, aut timeat. Declaratur præterea, quidquid à Deo infunditur præter actionem vitalem, potest infundi vel paruulo, vel homini dormienti; quid enim repugnat? Vocatio autem diuina, & gratia excitans est propria adultorum, vt Concilium Tridentinum supra non obscure aduertit, daturque illis vt quasi à somno excitentur, & vigilent, iuxta illud Ephes. 5.

B  
C  
Dico secundò. Gratia excitans non fit in nobis sine efficientia vitali & physica potentiatur anime, ita tenet Soto lib. 1. de Natur. & gratia cap. 16. & Medina 1. 2. q. 111. art. 2. ad argumenta, versic. sed & illud annotatione dignum. Bellarminus lib. 6. de liber. arbitr. cap. 15. proposit. 6. Gabriel Vasquez disput. 185. cap. 3. num. 11. & c. 9. n. 35. & Valent. disput. 8. q. 3. puncto 3. §. sed arbitror. & à cæteris modernis Theologis hæc sententia communiter recipitur. Ratio autem sufficiens est, quia iuxta veriorè doctrinam ita est intrinsecum actui vitali danti suum effectum formalem potentiae, in qua manet, quod effectiue ab ea prodeat tanquam ab intrinseco principio vitæ, vt omnino repugnet huiusmodi potentiam cognoscere, aut amare per actum, quem nunc elicit, vt nunc ex Philosophia suppono, & ex 1. 2. q. 3. & 9. sed per hos actus gratiæ excitantis homo ita mouetur, vt aliquid cognoscat, amet, timeat, delectetur: ergo non possunt fieri sine concursu vitali potentiaturum. Vnde licet diceretur de potentia absoluta posse actum vitalem aliter fieri, non posse sine extraordinario miraculo, & præter naturam talium actuum, nihilominus certum est fieri non posse: superuacaneum autem est tale miraculum fingere, quia neque experientia illud inducat, nam potius experimur ita nos perueniri, & moueri in his actibus, sicut in aliis motibus indeliberatis, quos sine dubio potentie nostræ eliciunt: neque ratione subsistit, quia miraculū illud, nec ad gratiam, vel ad meritū confert; neque è cōuerso physicus ille concursus potentiaturū aliquid obest veritatis gratiæ omnino gratuitæ, cum illa efficiētia non sit libera, vt

Ratione corroboratur.  
Quid locutio Dei.

Greg. Mag.

Diuina locutio in nobis est actus vitalis.

Ephes. 5. 14.

Aristot. Confirm.

5.

Assertio 2.  
Ad gratiam excitantem concurrunt vitaliter & effectiue potentie anime.  
Soto.  
Medina.  
Bellarm.  
Vasquez.

De ratione actus vitalis est vt efficienter producat a potentia vitali, saltem citra miraculum.

Quod tamen fingi non debet.

capite sequenti ostendemus. Nec denique tale miraculum reuelatum est, aut aliqua auctoritate verè, aut legitime fundatur, vt respondendo ad argumenta manifestum fiet.

6.

Ad Concil.  
Araus. supra  
v. 2.

Ad fundamentum, in quo contrariæ opiniones conveniunt, respondemus in primis sententiam illam generalem Augustini, & Concilij Arausiacani, multa sunt in homine bona, quæ non facit homo, etiamsi ita exponi permittamus, vt omnem efficientiam physicam ex parte hominis excludat sufficienter verificari quoad supernaturalia dona gratiæ, in virtutibus per se infusis, & Spiritus sancti donis, & habituali gratia sanctificante. Deinde magis ad mentem Patrum responderetur, per illa, & similia verba solum excludi liberam hominis cooperationem; sic enim, vt infra videbimus, distinguit Augustinus gratiam, quam Deus in nobis sine nobis operatur, à gratia qua nobiscum cooperatur. Nam huic posteriori nos liberè cooperamur, priori autem minime: quia ergo gratia excitans in nobis fit sine cooperatione libera nostra, ideo dicitur fieri in nobis sine nobis, etiamsi non fiat sine efficientia necessaria nostratum potentiarum; hoc enim referebat ad confutandos Semipelagianos, vt ab Augustino, vel alijs Patribus negaretur. Postestque hic modus loquendi explicari ex Paulo ad Romanos 7. vbi de naturali, & inordinato motu concupiscentiæ prius dicit, *Quod edi malum, hoc facio*. Et postea quasi declarans verbum facio, addit, *non ego operor illud, sed quod habitas in me peccatum*. Nam motus concupiscentiæ licet inuoluntarius sit, nihilominus fomes, seu appetitus verè, ac physicè facit, & operatur illum, & nihilominus ipse homo dicitur non operari illum, quia non liberè, neque humano modo illum operatur, nec illi consentit. Illud enim propriè dicitur homo operari, quod humano modo operatur. nam operatio humana illa est, quæ ex perfecto vsu rationis, & voluntatis procedit, vt docuit D. Thommas 1. 2. quæst. 1. art. 1. & ideo tunc propriè dicitur homo vt homo operari, quando libero, & morali modo operatur. Et hic modus loquendi maximè locum habet, quando sermo est de actionibus ad salutem pertinentibus, vt est in præsentī. Vnde potest hoc etiam declarari ex Concil. Trident. sess. 6. can. 4. vbi damnat negantes, hominis liberum arbitrium cooperari excitanti gratiæ: intentio autem eius fuit cooperationem liberam definire, vt postea apertè declarat, & nihilominus simpliciter, & sine addito cooperari dixit, quia videlicet non est propriè & simpliciter hominis operatio, nisi quæ libera est. Atque eo modo antiqua Concilia, & Patres cum dicunt gratiam non excludere cooperationem hominis post Dei vocationem, de libera cooperatione loquuntur. Et eodem sensu dixit Augustinus, *Qui creauit te sine te, non saluabit te sine te*.

7.

Ad 1. sedam.  
primæ sent.

Iuxta hanc ergo doctrinam ad primum fundamentum primæ sententiæ, & ad omnia testimonia, quæ Vega adducit, respondemus distinguendo propositionem assumptam, scilicet, primam gratiam fieri à solo Deo. Est enim vera si particula *solum* excludat hominis consensum, vel etiamsi excludat omne meritum, quod maximè Augustinus intendit; non tamen esse veram, si excludat omnem physicam efficientiam intellectus, vel voluntatis, nisi fortasse sumatur actus ille, qui est prima gratia secundum peculiarem respectum, seu inadequatam conceptum, vt sta-

tim declarabo. Ad illud autem testimonium Psalmi præcedenti capite propositum, *Auxilium meum, qui fecit celum, & terram*, responderetur primò, auxilium illud etiam primum absolute dici, esse à solo Deo, quia ipse principaliter efficit illum actum, vtiturque nostra facultate tanquam instrumento ad illum efficiendum. Vnde quia solus Deus potest illo modo efficere in nobis talem actum, & mouere potentiam, vt illum efficiat, ideo etiam dici potest tale auxilium esse à solo Deo, nam tunc etiam particula *solum* non excludit physicam efficientiam instrumentalem proximæ facultatis. Quod maximè est loquendum de illo actu sub nomine auxilij; nam ille actus habet duplicem respectum, vnum ad causam principalem, quæ est Deus, aliam ad causam proximam instrumentalem, quæ est potentia, sub priori tamen habitudine habet rationem auxilij, quod proinde soli Deo merito tribuitur; actus verò ipse ita fit à solo Deo, vt ab illo solo habeat initium, & ipse solus sit principalis causa physica eius, moralis autem vnica; & ita ex parte hominis excluditur omne meritum, vel libera cooperatio, non verò physicus concursus potentie ad actum vitalem necessarius.

Ad locum  
Psalm.

Ad locum autem Apocalypf. 3. *Ecce sto ad ostium, & pulso*, responderetur in primis tactum Dei in corde altioris rationis esse, quam sit pulsus materialis ianue, nam pulsus Dei internus fit per voces internarum inspirationum, ac proinde per actus vitales: pulsus non debet esse accommodatus rei, quæ pulsatur, & ideo longè aliter pulsatur cor viuens, quam inanimata ianua. Deinde cum ibi adiungitur, *Si quis audierit vocem meam*, clarum est illam vocem Dei in corde non esse, nisi conceptionem aliquam mentis, vt supra explicauī. Dicit autem solet quis audire vocem Dei internam, vel quando ita illam audit, vt ei etiam obediat, quomodo potest intelligi illud Psalm. 84. *Audiam quid loquatur in me Dominus*; vel quando percipit ipsam inspirationem Dei, etiamsi illi resistat, quomodo potest intelligi illud Psalm. 94. *Hodie si vocem eius audieris, nolite obdurare corda vestra*. utroque ergo modo potest hoc verbum in prædicto loco sumi, & in priori Deus tangit cor per inspirationem, homo autem audit per consensum, & ita non procedit obiectio. In posteriori autem sensu, qui videtur satis consentaneus contextui, nam dicitur, *Si quis audierit vocem meam, & aperuit mihi ianuam*, id est, cor, quod per consensum aperitur, & ita audire videtur poni tanquam quid præuium ad consensum. Et in hac significatione audire, nihil aliud est, quam percipere inspirationem diuinam, seu sentire tactum eius. Atque hoc modo si loquamur de inspiratione, vel illuminatione prout est in intellectu, optimè fieri potest, vt eademmet operatio prout à Deo fit, sit pulsus Dei in corde; prout verò fit, & recipitur in intellectu, sit auditus eiusdem inspirationis, ita enim fieri facile potest in locutione purè mentali. Neque in hoc comparandus est materialis pulsus cum spiritali, quia materialis pulsus solum obiectiue immutat sensum, & media specie efficit auditum: pulsus autem diuinus merè internus si intellectualis sit, immediatè, ac formaliter afficit intellectum, & reddit illum accendentem, & aliquid apprehendentem, vel intelligentem, & ideo eodem actu percipit intellectus eandem Dei locutionem, quatenus perceptio mentis in se virtualiter reflectitur. nam qui ali-

Ad locum  
Apocal.

Psalm. 84.

Psalm. 94.

Eadem operatio prout à Deo fit est pulsus, prout fit & recipitur in intellectu est auditus.

quid

quid deniq̃ apprehendit, simul virtute concipit, quod aliquid apprehendat, & consequenter quod ab aliquo exciteretur, & moueatur. Si autem inspiratio sit in voluntate, talis motus non percipitur nisi per intellectum, atque ideo per alium actum ex priori naturaliter resultantem, & ita ibi clariùs distinguitur pulsus ab auditu.

#### C A P V T IV.

*Aliis fundamentis primæ sententiæ satisfit, & quod sit principium proximum efficiens gratiæ excitantis inquiritur.*

1. **A**lia fundamenta primæ sententiæ petunt dubium, si actus gratiæ excitantis effectiue sunt à nostris potentiis, quæ virtute proximè, vel quo adiutore proximo illos efficiant; supponimus enim nunc illos actus esse supernaturales, & ideo non posse à sola naturali potentia virtute sua elici; propter hanc enim rationem præcipuè mori sunt dicti auctores ad dicendum infundi nobis aliam gratiam priorem his actibus, quæ sit principium illorum, quam volunt esse rem creatam, & inhaerentem potentia re ipsa distinctam ab actu gratiæ existentis, & principium eius, quam alij vocant motionem, virtuosam puram, ita ut qualitas non sit. Alij dicunt esse qualitatem actualem, seu transeuntem in nobis receptam, & nullo modo à nobis factam.

2. **E**go verò censco nullam entitatem infundi, quæ sit prior tempore, vel natura ipsò actu gratiæ excitantis, vel principium proximum eius, sed solum Spiritum sanctum immediatè ac per seipsum infundere hos actus eleuando potentiam ad conficiendum illos. Probatum primò ex his quæ diximus, nimirum gratiam excitantem esse primam, quæ nobis infunditur, ut Patres & Concilia docent. Dicent fortasse sub hac excitante gratia includere Concilia illam priorem gratiam, quæ ad eliciendam inspirationem infunditur. Sed qui sic responder, ostendere hoc debet ex ipsis Conciliis, aut Patribus, in illis enim nullum vestigium talis gratiæ inuenimus, quin potius ipsam inspirationem ponunt ut gratiam primam, & præterea indicant immediatè infundi ab ipso Spiritu sancto, & non mediante alia qualitate. Vnde Concilium Arausic. can. 4 de huiusmodi inspiratione ait fieri in nobis per sancti Spiritus infusionem, & operationem, & per hanc dicit præparari voluntatem à Domino, & cap. 6. similiter vocat inspirationem, & infusionem sancti Spiritus, & eodem modo loquitur Concilium Tridentinum. Vnde etiam communiter Theologi antiqui non docuerunt infundi nobis aliquod donum gratiæ per modum actus primi præter habitus infusos. Certum est enim ad alligandum actum gratiæ excitantis non infundi habitum, nullus enim supernaturalis habitus infunditur adulto, nisi præuio consensu libero, tanquam necessaria dispositione, ut infra dicitur; ergo talis gratia, quæ sit prior actu secundo, & est principium eius, & non habitus, non habet fundamentum in aliqua doctrina Patrum, aut Theologorum.

Conc. Arau-  
sic.

Concil. Tri-  
dent.

3. **D**einde ratione impugnatur tale genus gratiæ secundo rati- expendendo dictos duos modos explicandi hanc

**A** gratiam: prior dicit, esse spirituales quamdam, & supernaturales motionem virtuosam, quæ est res distincta ab actu vitali, & à solo Deo immissa, & non est qualitas vel formaliter, vel realiter, sed pura tantum motio virtuosæ, per quam Deus dat virtutem potentia, vel eleuat illam ad hos actus efficiendos. Hic verò dicendi modus supponit hanc motionem constituere potentiam in actu primo ad hos actus eliciendos, & nihilominus ait non esse qualitatem, sed puram motionem, quod gratis dictum videtur, nam in potentiis animæ firmæ constituentes illas in actu primo sunt qualitates, ut in sensibus externis, & internis videre licet, præterquam quod generaliter loquendo secundum Philosophum principia non intelligimus, qualis sit motio, quæ tantum sit motio, & non sit qualitas, nec res alterius prædicamenti, cum non possit intelligi motio, quin ad aliquem terminum intrinsecum tendat: in motione autem spirituali non potest intelligi terminus actionis, vel motionis, nisi qualitas; omitto enim locum, aut ubi quaecumq; illud sit, quod in rebus spiritualibus esse potest, quia in præsentem considerationem venire non potest: si ergo motio illa nullam qualitatem infundit intellectui, aut voluntati, non habet intrinsecum terminum qui per illam fiat; quomodo ergo est pura motio, vel ad quid mouet, eo vel maxime quod talis motio si ponitur per modum actionis, est actio transiens, nam est ab agente Deo, & recipitur in passio. Non solent autem dicti auctores actionem transeuntem in Deo concedere, neque scio auctorem aliquem actionem transeuntem sine termino hæcenus posuisse. Vel illa motio est tantum per modum passionis, & sic concipi non potest, nisi per modum viæ, ac proinde per modum tendentiæ ad aliquem terminum: nam si nec est via, nec tendentia, erit profectò entitas aliqua facta à Deo in tali potentia solum per modum effectus. Oportebit ergo ut sit qualitas, alioqui extra omnia prædicamenta vagabitur, ut facile patebit discurranti per singula: id autem concedere philosophicum non est, neque etiam scit, quod Theologi attribuiamus, quod nos cogat contra principia Philosophiæ huiusmodi entitates introducere.

**B** **C** **D** **E**

Alia enim difficultas in illa sententia occurrit, quia defensores eius ad omnem actionem causæ secundæ, aliàs in actu primo plenissimo constitutæ requirunt similem rationem virtuosam præuiam, ut infra videbimus. Vnde etiam asserunt quod licet potentia sit instructa, & eleuata per habitum infusum, indiget illa motione virtuosæ primæ causæ, ut possit actum infusum elicere; ergo signum est illam motionem non postulari tunc ut principium proximum efficiendi actum infusum, nam habitum est huiusmodi principium sufficiens; ergo etiam respectu actuum gratiæ excitantis, illa motio (si deret) non est principium proximum, ex parte causæ secundæ; sed pertinebit tantum ad concursum vniuersalem primæ causæ. Vnde vtriusque sequitur, etiam iuxta illam sententiam illos actus elici à potentia nuda sine alio actu primo supernaturali ipsi inhaerente, qui cum illa sit principium proximum actu gratiæ excitantis; quia illa motio virtuosæ per se sola non supplet vicem habitus quando ille deest, aliàs superflue daretur simul cū habitu.

Duobus modis respondere possunt, vnus est ad hos actus supernaturales, qui sine habitibus sunt, dari duas motiones virtuosas, vnā, quæ sit

tionem impugnando duos modos quibus hæc gratia potest explicari.

4. Aliud incommo-  
dum con-  
trariæ sen-  
tentia.

Si daretur motio virtuosæ non esset principium proximum ex parte causæ secundæ, sed pertineret ad concursum causæ primæ.

Præcludit causam duplicem.



Prima.

fit proprius actus primus, & suppleat vicem habitus. Alius est dari vnam, quæ vtramque vim eminenter habeat. Priorem modum in dictis auctoribus non inuenio, nec videtur certe verisimilis, tot gratiarum, seu occultarum motionum multiplicatio, quæ neque probari, nec satis intelligi possunt, præterquam quod frustrâ sit per plura, quod per vnum fieri potest; cur enim non poterit? vel si duæ motiones postulatur, cur non plures, etiam sine certo termino postulari poterunt. Alium ergo modum dicti auctores eligunt, à quibus non ulterius interrogamus, an illa motio sit eiusdem rationis, quando datur ad operandum, tam ex habitu, quam sine illo; an verò sit diuersæ rationis. Hoc posterius non videtur verisimile, quia motiones illæ supponuntur tendere ad actus, & quasi terminos eiusdem rationis: motiones autem sumunt speciem à terminis; cur ergo erunt illæ diuersæ rationis. Nam quod is, cui datur, qualibet illarum, habeat, vel non habeat habitum, valde accidentarium est, & in hoc etiam distinctiones multiplicare sine alia ratione, vel explicatione philosophicum non est.

Illæ motiones nequeunt esse eiusdem rationis.

Vnde illimet auctores priorem partem eligunt, dicentes, motiones illas esse eiusdem rationis. Ex quo necesse est sequi, vt vel illa motio data potentia non habenti habitum, non suppleat vocem habitus, nec constituat potentiam in actu primo, nec compleat illam in ratione causæ proximæ, sed solum sit concursus causæ primæ, quod destruit sententiam illorum, & nostram confirmat, vel certe oportebit dicere, eum qui operatur ex habitu infuso, recipere duos actus primos, habitum scilicet, & motionem. Sequela pater, quia illa motio data potentia non habenti habitum, formaliter constituit illam in actu primo; ergo etiam data potentia habenti habitum dabit eundem effectum, quia neque habitus præexistens formalem effectum motionis impedire potest, neque forma potest esse impotentia, quin illi suum effectum formalem conferat. Habet ergo illa potentia duos actus primos, duasque virtutes actiuas proximas ad eundem actum, quod superfluum est.

Secundo maior ex triplici actu primo prodiret actio.

Præterea ex illo duplici actu primo maior prodiret actio, quam ab altero tantum, sicut à duplici luminoso, maior sit illuminatio; quia si motio est per se sufficiens actus primus, sine miraculo impediri non potest, quin operante potentia cum habitu, ipsa etiam motio cooperetur non solum vt concursus Dei, sed etiam vt actus primus potentia. Ex quo ulterius posset quis facile inferre, superfluos esse habitus operatiuos infusos, cum nunquam operentur sine aliquo actu primo magis actuali, de se dante sufficientem virtutem in actu primo ad efficiendos eodem actus. Neque tandem dici potest, illas duas motiones esse eiusdem rationis in operante sine habitu, & cum illo, & nihilominus vnam illarum ratione suæ entitatis dare vim agendi habitus, & alteram de se non habere tantam perfectionem, quia si forma est eiusdem rationis, etiam vis agendi, & formalis effectus eiusdem rationis esse debet. Et hæc obiter de ista motionis sint dicta, nam plura in sequentibus sunt dicenda.

Proponitur aliter explicandi gratiam præuiam ad hos actus excitantis gratia, qui solum differt à præcedenti, quia non dicit hanc gratiam esse motionem, sed qualitatem quandam actualem, seu transeuntem, quæ sit principium super-

**A** naturale, & proximum talis actus. Cuius opinionis fundamentum ex parte est idem, scilicet, quod non potest potentia elicere actum secundum supernaturalem, nisi habeat actum primum eiusdem ordinis sibi inherenterem. Quod autem hic actus primus sit qualitas, probari potest argumentis factis contra priorem sententiam: vocatur autem à sic opinantibus actualis, seu transiens, quia solum datur vt actualiter efficiat, & quia tantum durat, quandiu efficit, seu quandiu durat operatio, propter quam datur, sicut idus impressus lapidi, vt sursum moueatur, dici potest qualitas actualis, & transiens propter similem rationem; in reliquis verò conuenit hæc opinio cum præcedenti, nam etiam qui de illa gratia sic sentiunt, ponunt præuiam gratiam per modum concursus: & ita eodem modo procedit discursus factus in præcedenti opinione. Nā si per qualitatem intelligunt solum concursum præuium, illæ non satis est, vt suppleat vicem habitus, neque vt constituat potentiam in actu primo: si verò in his actibus gratia excitantis præter concursum præuium ponunt qualitatem realiter ab ipso distinctam; sic multiplicatur etiam & auxilii gratia sine fundamento auctoritatis, aut rationis, vel sentiunt ipsum concursum præuium includere illam qualitatem, & sic aut eadem qualitas dabitur homini operanti per habitum, quod etiam superfluum est, vt declarauimus, vel concursus præuius erit distinctæ rationis in eo, qui cum habitu, vel sine habitu operatur, quod ipsi non admittunt.

Reiicitur.

**C** Quidquid verò sit de concursu præuius, potest quis dicere hanc præuiam qualitatem per modum actus primi esse necessariam ad hos actus gratia excitantis eliciendos per se, & propter insufficienciam potentia, etiam si fortasse alius concursus præuius necessarius non sit. Quod si hæc necessitas vera est, satisque fundata non tantum in actibus gratia excitantis, sed etiam in multis actibus plenè deliberatis, & propriæ gratia cooperantis, qui tempore, vel natura infusionem gratia habitualis antecedunt, inuenitur, & ideo tractando de illis actibus in ordine iustificationis examinandum est à quo principio proximo supernaturali procedunt, & ibi commodius & vniuersalius opinionem hanc expendimus. Nunc ergo solum dicimus ad questionem præsentem parum referre, siue illa qualitas infundatur cum actu gratia excitantis, siue non: nam si fortasse infunditur, computatur tanquam vnum donum cum ipsa excitatione, & ipsa per se non meretur nomen gratia excitantis, neque Augustinus, neque Concilium Tridentinum aliter ea voce vtuntur, nisi ad significandam gratiam, quæ potentiam formaliter excitat, ac moraliter moueat, & dirigat, vel trahat, efficiat, vel regat. His enim, & similibus verbis perpetuo Augustinus vtitur, cum excitantem gratiam, & efficiens excitationem, vt dicatur propriè auxilium excitans, nisi vtendo terminis aequiuocè, & præter vstratum morem Conciliorum, alioquin etiam Deus ipse poterit dici gratia, vel auxilium excitans, nam est principale principium efficiens in nobis excitationem. Fateor tamen contentionem hanc fore tantum de vsu vocis, si semel qualitas illa admittatur.

Dubium secundum. Nota etiam, quod si admittitur ratio,

**E** Ego verò qualitatem illam neque necessariam esse censeo, neque esse cur credamus illam infundi; priorem partem ostendo, quia probabilius est, posse Deum eluare potentiam animæ, ad eliciendum

Affectio 2. Nota huiusmodi qualitatis necessitas, est, non

que vltus.  
Prior pars  
ostenditur.

ciendum actum supernaturalem, sine habitu, & sine qualitate inherente, supplemte vicem eius, scilicet adiuvante ipso Deo, & per seipsum supplemte efficacitatem habitus; quod de visione beatifica suo loco probavi, & infra can. 6. & 8. latius dicam, quia cum actus non sit vitalis ex influxu habitus, sed ex influxu potentie vitalis, qui est distinctus, & in suo genere proximus, potest Deus per seipsum facile supplere efficientiam habitus, quia secluso vitali influxu, quidquid Deus potest facere per causam secundam, potest facere se solo; ita ergo in presenti potest infundere immediate ipsi potentie actum vitalem gratie excitantis, cooperante simul potentia, & in actum illum vitaliter influente: hac ergo ratione non est necessaria simpliciter talis qualitas.

Posterior  
pars.

Alteram vero partem de facto, quam verisimiliorem credimus, per rationes supra factas, nunc tantum probamus, alias enim in citatum locum remittimus, quae de actibus liberis specialiter procedunt, in quibus illa sententia maiorem habet difficultatem, quam in his actibus gratie excitantis, eo quod necessarij sint; nihilominus tamen ad illos efficiendos non credimus dari talem qualitatem, quia forte non est possibilis spiritalis qualitas, quae non sit actus vitalis, sed per modum actus primi, & sit natura sua transiens, & quasi dependens à suo effectu; nam si ab illo non pender, cur cessante illo statim corrumpitur, cum sit in subiecto incorruptibilis, & à nullo contrario expellatur, neque habeat aliam causam corruptionis, praeter suspensionem influxus diuini, per quam etiam habitus infusus, imò & anima ipsa potest esse animata.

Fortasse non  
est possibilis  
spiritalis  
qualitas transiens  
quae non sit actus  
vitalis, sed se  
habeat per  
modum actus  
primi.

Careret principio  
suae destructionis.

Dum potentia non elicit  
actum supernaturalem  
connaturali modo, non  
debet eleuari per qualitatem  
inherentem.  
Instantia repellitur.

Neque potest assignari ratio, cur suspensio illa diuini influxus sit magis connaturalis, aut debita illi qualitati, quam habitibus, vel aliis similibus. Praeterea, quia quoties potentia operatur supernaturalem actum sine habitu infuso, non elicit illum connaturali modo, nam ad hoc datur habitus, & ideo non est necesse, ut ad operandum eleuetur per qualitatem inherentem prauiam, nam cum illa non sit permanens impotentia post operationem, & tunc potentia eleuetur ad agendum praeternaturali modo, tanquam Dei instrumentum, superuacanea est illa qualitas, cum Spiritus sanctus ipse immediate possit uti potentiis animae illo modo infundendo illis illuminationem, ac inspirationem, ut Concilia magis indicant.

Neque hinc sequitur, quod primum auxilium gratiae sit à nobis, vel à natura, integrè, vel ex parte. Quia in primis illa gratia excitans principaliter est à Spiritu sancto. Deinde datur omnino gratis, & sine villo merito, vel dispositione nostra, imò & sine cooperatione libera nostra, ut statim dicemus; & ob has omnes, & solas causas dicitur non esse à nobis, ut constat ex Augustino lib. 1. contra duas epistolas Pelagianorum cap. 9. Deinde intellectus, vel voluntas non solum non habet vires naturales, ad efficiendum talem actum sufficientes, verum etiam neque ad illum concurrunt per potentiam naturalem, sed per obedientiam tanquam Spiritus sancti organum, & ideo nullo modo dici potest ille actus esse à natura, licet verissime dicatur ab intellectu, vel voluntate à Spiritu sancto specialiter motis, seu eleuatis produci.

Et ita facile patet responsio ad fundamenta contrariae sententiae, in primo, & secundo capite proposita. Ad principale enim vltimo loco positum concedimus nunc (quod infra superest videndum,) actum gratiae excitantis esse supernaturalem, ideoque non posse fieri viribus naturae, & consequen-

ter esse necessarium principium superioris ordinis adiuvans, & eleuans potentiam. Dicimus autem hoc principium esse ipsummet Spiritum sanctum. Ad primam vero replicam, quia illud principium debet esse inherens, ut constituat potentiam in actu primo; respondemus duplicem, secundum rationem, esse influxum in illum actum, vnum intrinsecum, & vitalem, qui necessariò esse debet immediate ab entitate ipsius potentiae, & ideo respectu illius non constituitur potentia in actu primo per aliquid à se distinctum, sed per potentiam obedientialem, quae ab entitate eius non distinguitur. Alius est influxus ex parte principij coadiuvantis potentiam ad substantiam actus, & ad hunc influxum ut connaturali modo fiat necessarius, est actus primus inherens potentiae: ut autem fiat praeternaturali modo non debito potentiae, satis est quod sit à principijs superiori assilente ipsi potentiae, ut est ipsemet Spiritus sanctus. Neque oportet ad alia proposita in capite primo sigillatim respondere, quia infra explicandum est vitalitatem actus supernaturalis esse posse ab ipsa facultate per potentiam obedientialem influente. Item dictum est quomodo haec gratia pendeat à solo Deo, ut excludit, vel meritum, vel naturalem influxum potentiae, non verò ut excludit omnem efficientiam per potentiam obedientialem. Ac tandem manifestum ex dictis est, etiam de his actibus verissime dici, non esse nos sufficientes ad illos habendos à nobis, quasi ex nobis, quia tota efficientia, imò & efficacia illorum est ab Spiritu sancto, ut declaratum est.

Actus supernaturalis elicitur à potentia sine habitu, sic praeternaturali modo per influxum unum immediatum Spiritus sancti.

## C A P V T V.

*Utrum motus gratia excitantis sint indeliberati, ita ut ex necessitate, non libertate fiant.*

**R**atio dubitandi esse potest, quia gratia excitans est necessaria ad salutem, & ad bene operandum: motus autem indeliberati, praesertim voluntatis, nihil conferunt ad salutem, quia nec moraliter boni, neque meritorij esse possunt; ergo non potest gratia excitans in his motibus consistere. Deinde quoties Sancti postulant à Deo dona gratiae, non postulant ab ipso motus indeliberatos, sed morales, ac perfecte humanos; ergo signum est indeliberatos motus non pertinere ad dona gratiae, praesertim, quae sunt ad salutem necessaria: nam omnia huiusmodi dona frequenter postulantur à Sanctis, ut patet in Scriptura constat, & refert lae Augustinus in lib. de Grat. Christi, & de nat. & grat. & de Grat. & lib. arbitrii, & aliis, inde ostendens gratiae necessitatem. Vnde è contrario, ex eo quod tales motus non postulantur à Deo, rectè inferamus non pertinere ad bona gratiae. Denique inductione id ostenditur, nam actus fidei liber est, & tamen est gratia excitans ad spem: spes etiam est actus liber, & tamen excitat ad charitatem; similiter timor voluntatis, est actus liber, & excitat ad poenitentiam, & sic de aliis; ergo non oportet, ut gratia excitans sit actus indeliberatus.

1. Sensus quæstionis.

August.

Nihilominus dicendum est proprios actus purè excitantis gratiae liberos non posse esse, sed necessitate quadam sine operantis deliberatione fieri, & in hoc sensu rectè indeliberatos dici. Assertio est communiter recepta à Theologis in c. 2. allegatis: nam Vega tam necessarios putat hos motus gratiae excitantis, ut homo passivè in eis recipiendis tantum se habeat. Alij vero

2. Assertio. Actus gratiae purè excitantis sunt necessarii & indeliberati. Est communis. Vega.

satis fundamentis contrariae sententiae.

Probat<sup>ur</sup> 1.  
a<sup>u</sup>thori.

Conc. Araus.  
August.

Obiectio.

Diluitur.

3.  
Probat<sup>ur</sup> se-  
cundò,

August.

Rom 8 29.

Rom 9 11.

verò licet dicant efficiētē à nobis elici, dicunt ta-  
men fieri sine cooperatione libera; & in fine eius-  
dem capitis explicauimus de his actibus senten-  
tiam Concilij Arausic. & August. multa esse in ho-  
mine bona quæ non facit homo; vtrique liberè  
cooperando, propter quod dicuntur hi actus à  
solo Deo fieri, vt loquitur Augustinus lib. 2. con-  
tra duas epistolas Pelagian. cap. 9. dicens, *in vno*  
*istorum* (id est, in actu deliberato) *cooperatur Deus*  
*homini fa. ienti, alterum verò* (id est, actum gratiæ  
excitantis) *solus facit*; ergo talis actus non est li-  
ber, quia sine cooperatione hominis libera, non  
fit actus liber. Dices, esto non sit talis actus in se,  
& proximè formaliter liber, nihilominus potest  
esse aliquomodo liber, quatenus pendet ex aliqua  
dispositione libera, sine qua non daretur. Respon-  
deret nos nunc loqui priori modo, & cum pro-  
prietate de actu libero: deinde addimus licet for-  
tasse aliqua gratia excitans sit ex priori disposi-  
tione libera hominis, nihilominus totam gratiam  
excitantem hoc modo liberam esse non posse,  
quia prima dispositio libera priorem excitantem  
gratiam necessariò supponit, vt inferiùs osten-  
demus.

Vnde argumentor secundò: nam vocatio est  
gratia excitans, vt suprà visum est, sed vocatio non  
est homini libera, quia non est in potestate eius,  
& ideo non potest ipsi attribui; ergo etiam gratia  
excitans non est libera. Minor est Augustini lib.  
83. questionum in 68. dicentis. *Si quis sibi tribuat,*  
*quod veniat vocatus, non tamen potest sibi tribuere,*  
*quod vocatus sit*; quia nimirum venire est liberum  
homini, non autem vocari: & ideo Paulus pri-  
mum prædestinationis effectum posuit in voca-  
tione, dicens ad Roman. 8. *Quos prædestinauit, hos*  
*& vocauit*; & in cap. 9. vt declararet opus gratiæ  
dixit, *non ex operibus, sed ex vo. ante*, quia ex voca-  
tione, quæ à solo Deo est, gratiæ opus incipit, vt  
latè ponderat Augustinus dicta q. 2. ad Simpli-  
cion. dicens, *nisi vocando præcedat misericordia Dei,*  
*neque credere quisquam potest, vt ex hoc incipiat ius-*  
*tificari*. Et infra dicit. *quia non præcedit voluntas*  
*bonam vocationem, sed vocatio bonam voluntatem,*  
*propterea vocanti Deo velle tribuitur, quod bene vo-*  
*luntus, nobis verò tribui non potest quod vocamur*. Non  
est ergo nobis libera vocatio: vnde multo minus  
est in potestate hominis, quòd hoc, vel illo modo  
vocetur, sed in hoc maxime gratia Dei commen-  
datur, vt dixit idem Augustinus lib. de Spirit. &  
liter. cap. 34. vbi docet piam voluntatem diuino  
muneri tribui, quia *in forum suasionibus agit Deus,*  
*vt volumus, & vt credamus, siue extrinsecus per euangeli-*  
*cas exhortationes, siue intrinsecus vbi nemo habet*  
*in potestate, quid ei veniat in mentem*. Antecedit er-  
go hæc gratia potestatem hominis, & à fortiori  
etiam vsum libertatis præcedit; non ergo consi-  
sit in actu libero, sed necessario.

4.  
Probat<sup>ur</sup>  
tertiò ratio-  
ne ex Aug.  
stino de  
sumptis.

Gratia homi-  
nē quasi dor-  
mientem ve  
non attendē-  
tem ad atē-  
dendum ex-  
ciat.

Apoc. 3.  
20.

Ratio denique ex eisdem locis Augustini su-  
mitur, quia hæc gratia hominem quasi dormien-  
tem, vel non attendentem ad vigilandum, vel at-  
tendendum excitat; ergo ex modo suo habet, vt à  
foris veniat, & non ab ipso homine; ergo ex pro-  
pria ratione habet, vt non sit libera, & ideo satis  
indicatur hæc proprietas huius gratiæ illis ver-  
bis, *Ego sto ad ostium, & pulso*, Apocal. 3; & in ipso  
nomine vocationis includetur. nam vocatio non  
est à vocato, sed à vocante. Vnde est illud Pro-  
uerb. 1. *Vocani, & renuisti*. Deinde excitatio hæc  
ab intellectu incipit, quia non potest voluntas  
nisi per intellectum excitari: intellectus autem  
excitari potest medio obiecto ab extrinseco agen-

te proposito. Primus ergo actus excitantis gra-  
tiæ in intellectu est; ille ergo actus non potest esse  
liber, cum antecedit motionem voluntatis, quæ  
sola est formaliter libera. Et hoc modo reducit læ-  
pe Augustinus hanc primam excitantem gratiam  
ad sanctam, & piam cogitationem, vt lib. 2. contra  
duas epistolas Pelagian. cap. 8. & de prædestinat.  
Sanctor. cap. 2. sic interpretans illud Pauli, *Non su-*  
*mus sufficientes cogitare aliquid à nobis, quasi ex no-*  
*bis*. Et eodem modo dixit Bernardus lib. de Grat.  
& liber. attribuit Deum inchoare gratiam in nobis dum  
*seminat cogitatum*. Est autem quasi naturalis modus  
operandi voluntatis nostræ, vt præuenta cogita-  
tione aliqua, per quam sibi obiectum fugiendum,  
vel prosequendum proponitur, statim in actum  
indeliberatum prodeat, priusquam intellectus  
plenè aduertat vt deliberare possit; vt ergo Deus  
in his motibus gratiæ sese accomodet naturæ,  
& vt vtramque potentiam iuuet, per illam cogi-  
tationem intellectus statim mouet, & excitat vo-  
luntatem ad aliquem effectum amoris, vel timo-  
ris, prosecutionis, aut fugæ, qui proinde indelibe-  
ratus est, & per modum motus, quem primo pri-  
mum appellant.

Dices hinc solùm includi vnum actum intelle-  
ctus, & alterum voluntatis, esse non liberum in  
ordine gratiæ excitantis. Responderet in primis  
hos primos actus non semel tantum in vita esse  
necessarios, sed singulis temporibus, diebus, seu  
horis, in quibus mens incipit ad nouum superna-

turalem actum moueri, postquam prior excitatio, &  
cogitatio omnino cessauit, ita vt neque ipsa, neque  
virtus eius manserit, & hac ratione sapissimè hæc  
prima gratia excitante indigemus. Deinde addi-  
mus etiam si mens iam inceptit operari, vel etiam  
deliberare, aut consentire, Deum sæpe immittere  
nouas illustrationes, & inspirationes, vel vt intel-  
lectus meliùs, & clariùs rem apprehendar, vel vt  
maiori firmitate iudicet, vel plura intelligat, &  
penetret, vel vt voluntas magis afficiatur maiori  
cum suauitate, & delectatione operando, & isti  
omnes motus præueniunt vsum libertatis, vt per  
se patet. Addendum verò est post primam cogita-  
tionem, & motionem posse etiam subsequi ali-

quam liberam applicationem mentis ad maiorem  
considerationem rei per illam primam cogitatio-  
nem propositæ. Quia ordinatio, & humano modo  
procedendo inter illam primam cogitationem, &  
consensum, vel dissensum plenè deliberatum in-  
tercedit aliquod tempus in quo voluntas iam ex-  
citata per primam cogitationem, & diuina gratia  
adiuta potest vel applicare intellectum, vt ex illa  
prima cogitatione magis inquirat, & discurrat, vel  
auertere alias cogitationes, quæ illam primam  
possunt impedire. Hoc enim & est consentaneum  
connaturali modo procedendi hominis in suo  
discursu, & progressu mentis, & non repugnat

gratiæ, ideo est valde consentaneum suauitati eius  
motioni, ideoque nullam cooperationem liberam  
impedit, quam voluntas per gratiam reparata pos-  
sit adhibere. Quod ex antiquis notauit Alensis 3.  
p. q. 3. aliàs 6. memb. 3. art. 4. 6. *Ad aliud*, & ex mo-  
dernis Molina in Concord. disput. 43. & ideo in  
assertione limitatè loquutus sum de actibus pure  
gratiæ excitantis, quia illi soli sunt simplicitè ne-  
cessarij: cum illis autem misceri possunt conside-  
rationes, vel volitiones, aut affectiones liberae, quæ  
iam non sunt ex sola gratia excitante, sed etiam  
ex adiuuante, vt infra dicemus.

Ad primam ergo rationem dubitandi in princi-  
pio positam, responderet, hos actus gratiæ exci-  
tantis,

August.

5.  
Effugium.  
Occluditur.

Attendendum  
primò.

Attendendum  
secundò.

Alens.

6.  
Ad rationē  
santis.



Subirandi,  
sup. n. 7.

tantis præcisè spectatos res conferre quidem ad salutem tanquā per se meritorios vitæ æternæ, neque tanquā dispositiones proprias, quibus homo iste moraliter se ad iustitiā disponit; nihilominus tamen cōferre multum, ut per eos Deus inchoet in nobis opus gratiæ præparando voluntatem, & initium bonæ voluntatis illi conferendo, quod sine usu libertatis oprime fit.

Ad secundam.

Ad secundam negamus Sanctos postulare à Deo hanc gratiam excitantem, contrarium enim constat experimento omnium, qui sapienter, & secundum fidem orare didicerunt. Et in Scriptura eiusmodi petitiones sæpe leguntur; huiusmodi enim sunt illæ orationes, *Converte nōs Domine saluamur noster*, Psal. 84. *Converte nos Domine, & conuertemur*, Thren. 3. & sæpius in Psal. 79. *Deus conuerte nos*. Et in Psal. 118. omnes illæ petitiones, *Reuēla oculos meos*, da mihi intellectum, inclina cor meum in testimonia tua, sunt de hac gratia excitante, & ad eandem pertinet illud, *Viam mandatorum tuorum cōuertere cum dilatasti cor meum*. Et eandem postulat sæpe Ecclesia in orationibus publicis, ut suprà veluti ex collectis Dominicæ 24. post Pentecostem, & Dominicæ 1. Aduentus.

Psal. 84. 5.  
Thren. 3. 2.  
Psal. 79. 4. 2.  
15. 10.  
Psal. 118.  
59. 79.

7.  
Ad tertiam.

Ad tertiam responderetur gratiam excitantem simpliciter, & per antonomasiam dictam esse illam, quæ fit in nobis sine nobis, ut diximus, & ideo non omnis excitans alium, etiam si supernaturalis sit, ex gratia factus dicitur gratia excitans, si sit actus deliberatus, & humano ac morali modo factus. Tum, quia talis actus est effectus gratiæ adiuvantis, & cooperantis; tum etiam, quia huiusmodi actus non computantur propriè inter auxilia gratiæ, sed potius sunt fructus auxiliorum gratiæ; tum denique, quia hi actus non dantur per se primò, ut excitent ad alios, sed per se, ac propter se donantur; consequenter verò habent viam excitandi: gratia autem excitans propriè datur ad illa, quæ per se primò datur ad hoc munus, & per modum auxilij ad alium similem deliberatum, esse gratiam excitantem respectu alterius actus subsequenter, & ideo, ut sic, non tribui homini, sed soli Deo, quia homo non excitat seipsum, sed quod spectat ad appellationem gratiæ excitantis, non est contendendum de nomine, nam in bono sensu potest admitti, cum reuera prior actus gratiæ deliberatè factus possit ad subsequentem excitare, dummodo non negetur differentia talis actus à propria, & pura gratia excitante, quam explicuimus. Et tamen modò quoddam vnus ex his actibus excitat ad alium, non video, cur non possit hoc tribui tali actui, ut ab homine fit cum auxilio Dei, quia illa excitatio non est necessaria, & quasi ab extrinseco, sicut est altera, quæ fit per proprios motus gratiæ excitantis, sed est libera; ergo est non tantum à Deo, sed etiam ab homine, unde propriè etiam dicitur homo excitare seipsum, vel per se in naturalibus actionibus, vel per auxilium Dei in supernaturalibus; sicut enim vnum corpus ab alio motum potest mouere aliud, ita homo excitatus à Deo potest vterius excitare seipsum, & ad hoc vtimur consideratione, & meditatione rerum æternarum, ut nos ipsos cum diuina gratia ad bene operandum excitemus. Non tamen erit idem si verbo *vocandi* utamur, quia licet vocatio etiam sit excitatio, non tamen omnis excitatio est vocatio. Unde etiam verbum *vocandi* specialius est, quàm excitandi, nam illud propriè refertur ad alium; & ita in præsentī significat primam Dei excitationem: verbum autem excitandi non includit illum respectum, & dici potest de quacunque motione ad subsequentem actum, quæ ex vi procedentis sit.

Fr. Suarez de Gratia Pars I l.

A Et est simile de verbo *operandi*; nam homo propriè dicitur imperare sibi ipsi: imperium autem quoddam excitatio est, & in supernaturalibus actibus media prudentia infusa locum habet.

## C A P V T VI.

*Utrum gratia excitans in intellectu sit, & quæ sit necessitas, vel munus eius.*

Cum in superioribus dictum sit initium interioris gratiæ ab excitante auxilio desumi, tanquam certum supponimus hanc gratiā esse in intellectu, imò & in illo primitus inchoari, ut satis significauit Conc. Trid. sess. 6. c. 5. docens vocationem fieri tangente Deo cor hominis per Spiritus sancti illuminationem; illuminatio enim interna & spiritualis ad intellectum pertinet, & in illo fieri necesse est, idemque multis aliis testimoniis statim confirmabimus. Præterea est hoc manifestum in primis ex naturali subordinatione potentiarum animæ, nam inter eas præcedit intellectus, sine cuius motione non potest voluntas moueri, nisi ab aliquo extrinseco agente, vel obiecto excitetur; ergo prima excitatio necessariò debet in intellectu præcedere. Atque hoc modo explicuit necessitatem hanc gratiæ excitantis D. Th. 1. 2. q. 109. art. 2. ad 1. & q. 24. de verit. art. 14. & 15. Si tamen generaliter hæc ratio sumatur, non solum probat necessariam esse præuiā excitationem in ordine actuum gratiæ, sed etiam in ordine naturalium actuum, & ita illum discursum confirmat D. Thom. auctoritate Aristot. lib. 7. Ethic. ad Eudem. cap. 18. de bona fortuna, ubi sentit voluntatem humanam non ita esse dominam suorum actuum, quin saltem in prima cogitatione indigeat moueri ab alio, quia non potest mouere seipsam ante cogitationem, & consequenter neque potest intellectum ad primam cogitationem mouere: oportet ergo ut ab alio moueatur; & quia omnes causæ inferiores subordinantur prouidentie diuinæ, talis excitatio etiam in naturali ordine principaliter in Deum reducitur, ut in lib. 2. explicauimus. Quamuis autem hæc ratio, ut dixi, ad utrumque ordinem gratiæ, & naturæ communis sit, unicuique est cum proportionem applicanda, quia motio primi mouentis est accommodata vltimo fini: per gratiam autem mouetur homo ad finem naturam superantem; ergo prima motio quæ per excitationem fit, esse debet per motionem eiusdem ordinis, & quæ à Deo auctore gratiæ procedat, quo discursu vtitur etiam D. Thomas. 1. 2. q. 69. art. 6. dicens, cum Deus conuertat omnia ad seipsum, homines tamen conuertere ad se, ut ad specialem finem cui intendunt, & cui cupiunt adherere sicut bono proprio, secundum illud Psal. 72. *Mihi adherere Deus bonum est*. Et dicta q. 24. de verit. art. 15. id declarat, quia modus præparationis, & conuersionis ad Deum ut supernaturalem finem est homini naturaliter ignotus, & ideo necesse est, ut ad illum assequendum speciali modo diuinitus dirigatur, & gubernetur, quæ directio per sanctam cogitationem inchoatur.

1.  
Assertio 1.  
Gratia excitans est in intellectu.  
Trident.

D. Thom.

Idem.

Idem.

E Est etiam hæc doctrina D. Augustini, qui necessitatem huius gratiæ excitantis ad sanctam cogitationem ubique reducit, præsertim in dicta quæstio. 2. ad Simplician. ubi circa finem ait. *Quis potest credere nisi aliqua vocatione, hoc est, aliqua verum reificatione tangatur? Quis habet in potestate tali viso attingi mentem suam, quæ eius voluntas moneatur ad fidem? aut quis habet in potestate, ut vel occurrat, quod tunc delectatur*

2.  
Confirmatur vltius ex doctrina August.

Sicut vnum corpus ab alio motum potest mouere aliud, ita homo excitatus à Deo potest vterius excitare seipsum.

G

2. Cor. 3.

August.

Idem.

Prosper.

Affectio 1.  
Exterior excitatio ab interiori non separatur regulatiter.

Notatio 1.  
Excitatio merè interna communiter fit per species hautas à sensibus.

In operibus gratia Dei

delectare possit, vel deleat cum occurrerit. Eandem doctrinam habet lib. 2. de peccator. meritis. cap. 17. & 18. & lib. 2. contra duas epistolas. Pelagianorum cap. 8. semperque ad hoc inducit illud 2. ad Corinth. 3. *Non sumus sufficientes cogitare aliquid ex nobis, quasi ex nobis, sed sufficientia nostra ex Deo est.* Est autem naturale intellectui, ut ad primam suam cogitationem ab extrinseco obiecto, vel quod suppleat vicem obiecti, moueri incipiat, & ideo in hac excitatione gratia id seruari necesse est, imò in eo est maior necessitas, quia intellectus magis distat, magisque est in pura potentia respectu obiectorum, quæ ordinem naturæ superant, & ideo necesse est, ut per influxum incipiat in actum reduci. Quamuis autem naturale sit intellectui per sensum excitari, tamen diuina virtute, & per auxiliū gratia potest aliquando interna tantum motione excitari, quamuis frequentius, & regulariter medijs externis obiectis illuminetur. Et ideo D. Augustinus duos modos huius excitationis, internum nimirum, & externum sæpe distinguit, ut lib. 83. quæstion. quæst. 68. ait. *Quoniam neque velle quisquam potest, nisi admonitus, & vocatus sine intrinseco, ubi nullus hominum videt, sine extrinseco per sermonem sonantem, aut per aliqua signa visibilia efficitur, ut etiam ipsum velle Deus operatur in nobis.* Et ibidem subdit de Pharaone ipsum non latuisse quantum boni consequutæ fuerint terræ illæ per aduentum Ioseph, & illius (ait) rei gesta cognitio vocatio eius fuit, ut populus Israel misericorditer trattans, non esset ingratus. Simili modo lib. de spirit. & liter. cap. 34. dicens, *Visionum suasionibus agit Deus, ut velimus, & ut credamus, sine extrinseco per Euangelicas exhortationes, ubi & mandata legu aliquid agunt, si ad hoc admonet hominem infirmitatis sua, ut ad gratiam iustificantiem credendo, confugiat; sine intrinseco ubi nemo habet in potestate, quid ei veniat in mentem, sed consentire, vel dissentire propria voluntatis est.* Atque eodem modo D. Prosper lib. 2. de vocat. gent. cap. 25. & 26. & lib. contra Collatorem explicat hanc gratiam excitantem nostra cognitione incipientem partim per extrinseca obiecta, vel signa, partim per internam reuelationem, vel monitionem.

Quamuis autem, ut dixi, excitatio hæc interior possit ab externa separari per virtutē gratia, quia Deus in actione sua non pendet à sensibus, sed potest virtute sua immediate immutare mentem, & loqui ad cor hominis, nihilominus exterior excitatio ab interiori non separatur: nam si vox, vel alia species sensibilis perueniret ad sensum, & non attingeret intellectum, eumque admoneret, non posset talis motio externa inter auxilia gratia computari, quia nullum adiutorium ad bene operandum præberet. Deinde circa priorem excitationem merè internam aduertendum est, licet posset à Deo fieri per species supernaturales, & infusas, vel per accidens, vel etiam per se, nihilominus regulariter & secundum ordinariam legem non ita fieri, sed mouendo, & excitando species à sensibus acceptas ad aliquid salutare cogitandum, quod intellectus facere sua voluntate non posset. Quod si interdum Deus præbet nouas species, in eo supplet vicem sensibilibus obiectorum, & cum per eas non eleuetur homo ad cogitandum sine dependentia à phantasmatis, necesse est, ut cum eis dentur phantasmata proportionata; imò verisimile est talem impressionem specierum à phantasia incipere, & illa mediante ad intellectum transire media affectione intellectus agen-

tis, quia in his operibus gratia non multiplicat Deus miracula non necessaria, sed ubi commodè fieri potest, naturalem ordinem seruat. Vbi autem hæc impressio specierum per diuinam actionem antecedit, licet ad beneficia gratia pertineat, quia supernaturalis est saltem in modo, non est tamen interna gratia excitans, sed potius ad exteriorem gratiam spectat, quia per se, & ex natura sua per sensibilia obiecta fieri posset. Vnde à contrario circa alium modū externæ excitationis aduertendum est, quod licet per externas voces, aut signa imprimantur species, quæ possunt etiam in intellectu aliquam naturalem cogitationem excitare, nihilominus illa non pertinet ad propriū internū auxiliū gratia excitantis, quia illa cogitatio reuera fit solis viribus naturæ, & solum ea quadam exteriori gratia, quæ est quasi plantatio, & rigatio, de qua dixit Paulus, *Neque qui plantat, est aliquid, neque qui rigat, sed qui incrementum dat Deus.* Item illa cogitatio est à nobis quasi ex nobis, sicut alia cogitationes naturales, quia propria virtute intellectus fit, solumque requirit impressionem specierum, quæ à talibus obiectis sensibilibus naturaliter etiā fit: at verò pia cogitatio, quæ est gratia existens, talis est, ut ad illam non sinus sufficientes ex nobis, sed sufficientia nostra ex Deo esse debeat. Denique gratia, quæ datur ad illā cogitationē, non transcendit legē, vel doctrinā; vnde Pelagius (ut in lib. 1. & 3. sæpe aduertimus) in hoc sensu etiā admittebat excitantem gratiam, & inspirationem; Augustinus verò contra illam virget, exigendo iuxta Scripturas, altiore gratiam excitantem, quam internam doctrinam, & occultam gratiam vocat, ut videre licet in toto lib. de Gr. Christi, & alijs frequenter, (ut ita rem explicem) etiā est interna, & spiritualis cogitatio, quæ diuina virtute fit in intellectu, & ab intellectu medijs speciebus ab interioribus signis intellectus impressis.

Ex his ergo satis declaratum relinquitur munus, & necessitas huius gratia, quatenus ad intellectum pertinet. Nam munus illius, quæ vox ipsa præ se fert, est actu mouere, & monere hominem, ut rebus diuinis, & supernaturalibus afficiatur: necessitas autem partim provenit ex ea generali ratione, quod homo non potest seipsum ad primam cogitationem mouere, partim ex potentia naturali hominis ad res supernaturales cognoscendas, propter quam necesse est, ut illa prima motio ex gratia procedat, & verūque significatum est ab auctore libri de Ecclesiast. dogmat. cap. 20. dicente, *Manet ad salutem querendam libertas arbitrij, sed mouente prius Deo, & mouente ad salutem, & ita initium salutis Deo operante habemus; & eandem sententiam continent, quæ supra ex Augustino retulimus, præsertim in q. 2. ad Simplician. ubi in fine addit. Voluntas nisi aliquid occurrat, quod inuiget animum, moueri nullo modo potest.* Hac ergo de causa præcedere excitationem in intellectu necesse est.

Quoniam verò in intellectu apprehensio & iudicium inuenitur, inter quæ apprehensio ordine naturæ præcedit, dubitare quis potest, an præuia hæc excitatio simpliciter necessaria in præuia apprehensione tantum consistat, vel etiam iudicium requiratur. Respondetur nec sufficere apprehensionem solam, quæ non includat aliquam cogitationem rei apprehensæ, & consequenter iudicium aliquod, licet imperfectum, neque etiam requiri iudicium perfectum, & consummatum, quod cū perfecta cognitione, & deliberatione fit. Ratio prioris partis est, quia hæc excitatio talis est:

nona multiplicat miracula non necessaria, sed ubi commodè potest naturalem ordinem seruare.

Notatio 2.  
Cognitio naturalis causata per signa quæ mouere possunt intellectum, non pertinet ad internum auxiliū gratia.

1. Cor. 3. 7.

D. August.

Affectio 3.  
Munus & necessitas gratia excitantis colligitur ex dictis.

Dubium.  
Affectio 4.  
Non sufficit apprehensio, sed requiritur iudicium imperfectum.

Ratio prima partis.

esse debet, ut possit in voluntate aliquem effectum commovere, nam ad hunc finem datur, ut ex dictis allegatis Conciliis, & Patribus constet. Ad movendum autem effectum, non sufficit qualibet apprehensio, sed necessarium est aliquale iudicium, ut nunc suppono. Ratio verò alterius partis est, quia ad primum motum voluntatis non requiritur perfectum iudicium: hæc autem excitatio intellectus satis est, ut proximè moueat voluntatem ad aliquem motum indeliberatum, qui solet primus appellari. Item perfectum iudicium de se supponit voluntatem applicantem intellectum vel ad perfectè considerandum, vel etiam ad ipsum iudicium ferendum; ergo non oportet ut tale iudicium præcedat in intellectu per modum puræ gratiæ excitantis, sed satis est, quod præcedat illa cogitatio, quæ ad inuitandam voluntatem sufficiat, & ut illa posita possit etiam voluntas applicare intellectum ad melius considerandum, quod facere poterit adiuvante gratia, quæ tamen non erit purè excitans, ut ex dictis in superioribus declaratum relinquatur.

## C A P V T VII.

Vtrum gratia excitans in voluntate sit, & quæ sit necessitas, vel munus eius.

1. Status questionis & ratio dubitandi.

Confirmatur.

EX dictis in præcedenti capite colligere aliquis potest excitantem gratiam in intellectu tantum, & non in voluntate esse necessariam; consequens autem non videtur admittendum; ergo. Sequela probatur, quia tota illa necessitas fundata est à nobis in subordinatione voluntatis ad intellectum; ex illa verò solum colligitur necessariam esse excitationem intellectus, quia illa posita potest voluntas se mouere, etiam si ab alio in seipsa non exciteretur. Confirmatur, ac declaratur, quia motus voluntatis, quicunque ille sit, supponit in intellectu sufficientem cogitationem ex necessariis, & quasi essentiali subordinatione: motus autem perfectè deliberatus voluntatis non habet hanc necessariam subordinationem, vel dependentiam à motu indeliberato, ut illum necessariò supponere debeat; ergo potest esse in voluntate motus gratiæ adiuvantis, seu cooperantis, qui sit plene liber, & supernaturalis, etiam si in ipsamet voluntate non præcedat motus indeliberatus gratiæ excitantis. Quod autem sequela admittenda non sit, probatur, tum quia Concilia explicant hanc gratiam excitantem nomine inspirationis, & hanc dicunt esse necessariam: inspiratio autem motum voluntatis significare videtur, quem eadem Concilia tactum cordis vocant, tum etiam, quia videtur inde sequi error Pelagij, qui dicebat præuenientem gratiam necessariam ad bene operandum, tantum esse legem, & doctrinam. At verò si gratia excitans solum est cogitatio intellectus, solum deseruit per modum doctrinæ reuelantis, & proponentis voluntati bonum, quod amandum est.

2. In hoc puncto videri potest alienum non esse inconueniens concedere, excitantem gratiam non esse necessariam in voluntate, id enim indicare videtur Alexander Alenf. 3. p. q. 61. mem. 6 art. 3. aliàs 7. memb. 3. dicit enim excitare liberum arbitrium esse effectum gratiæ, tamen quia liberum arbitrium est facultas voluntatis & rationis, excitare pertinere ad rationem, iustificare autem ad voluntatem. Vbi excitationem tribuit soli intellectui, & inter illam

Fr. Suarez de Gratia Pars I I.

A excitationem, & illum motum voluntatis, quo iustificamur, non videtur postulare aliquem motum indeliberatum voluntatis. Neque alij antiqui Scholastici neque ipse D. Thom. aliquid de necessitate horum motuum indeliberatorum gratiæ, quæ in voluntate præcedere debet, nobis, expressè crediderunt. Præterea non videtur hæc sententia aliena à mente Conc. Trid. nam licet illuminationem, & inspirationem nominet, indicat tamen esse eandem motionem, sic enim ait in dicto c. 5. *Tangens Deo cor hominis per Spiritum sanctum illuminationem, neque homo ipse nihil omnino agat in inspirationem illam recipiens.* ubi quam vocauerat illuminationem, postea inspirationem vocat, & de illa ut de singulari motionem loquitur. Et ideo in Can. 3. ex parte gratiæ excitantis ac præuenientis solum inspirationem requirit, ad actus iustificationis; non omisit autem illuminationem, si illa esset distincta motio, cum sit maximè necessaria. Idemque argumentum sumi potest ex Concil. Arausico. c. 5. & 6. ubi solum inspirationem requirit, cum tamen in 7. illuminationem, & inspirationem appeller. Videtur ergo eadem sancta cogitatio vocari illuminatio quatenus afficit intellectum; inspiratio verò quatenus inuitat, & metaphoricè attrahit voluntatem. Vnde etiam sumitur coniectura, quia per actum intellectus sufficienter excitatur ipsa voluntas motionem, seu tractionem metaphoricam. Non ergo est necesse, ut excitetur quasi formaliter per inhaerentem motum.

Neque etiam videtur ab hac sententia alienus Aug. nam in multis locis, quæ iam allegauimus, necessitatem gratiæ excitantis ad sanctam cogitationem reuocat, ut lib. de prædest. Sancto. c. 2. & de bono perseuer. c. 8. Illam ergo censet esse sufficientem in ratione excitationis, ut in lib. de Grat. Christi, c. 13. vocat illam internam doctrinam, dicens, *Si doctrina dicenda est, certe sic dicatur, ut altius, & interius eam Deus cum ineffabili summitate creda ut infundere non solum per eos qui plantant, & rigant extrinsecus, & tract. 16. in Ioan. explicat verba illa Christi Domini. Nemo potest venire ad me, nisi Pater* Ioan. 6. 44. *qui misit me, traxerit eum, per alia dicta Petro ab eodem Christo Domino Matth. 16. Caro, & sanguis non reuelauit tibi, sed Pater meus qui in celis est, addit* Mat. 16. 17.

D enim Aug. ista reuelatio, ipsa est attractio: reuelatio in intellectu tantum fit, & subiungit. Ramum viridem ostendis omni, & trahis illum; cæces pueri demonstrantur, & trahuntur. quibus modis per solam cognitionem hanc gratiam declarat, & simili modo, circa eundem locum loquitur Cyrill. lib. 4. in Ioan. c. 6. dicens, non vi quadam cogi, trahique fidelis putandum est, sed monitione, doctrina, reuelatione ineffabiliter facta, ut ille solus nouit, qui dignos cognouit, & in c. 7. id confirmat ex aliis verbis Christi. *Omni qui audit a Patre, & didicit, venit ad me. Vbi enim (inquit) auditus, disciplina, doctrinaque adest, ibi fides non visus, sed persuasione oritur;* persuasio autem ad intellectum fit, quæ persuasione facta, immediate sequi potest, cum adiuvante gratia voluntas credendi absque interuentu præuij motus indeliberati eiusdem voluntatis, tandemque doctrinæ circa eundem locum indicat Chrysost. Hom. 45. in Ioan. dicens. Quomodo trahit hoc, Propheta prædixerat, quod erunt omnes discipuli Dei.

Denique sententia hæc nullo modo incidit in errorem Pelagij, nam Pelagius, ut ibi vidimus, gratiam solū ponebat in doctrina externa, quatenus naturali modo potest intellectum excitare, & instruere; hæc verò sententia requirit speciale illuminationem internam, quæ Pelagius non agnoscebat.

Ex Concil. Trid.

Arausico.

3. Aug.

Mat. 16. 17.

Cyrill.

Ioan. 6. 45.

Chrysost.

4.

Hæc sententia non videtur incidere in errorem Pelagij.



Et ideo signarim addit Augustinus in citato loco, *non solum per eos qui plantant, & rigant extrinsecus, ( utique, ut dicebat Pelagius, ) sed per seipsum quod est proprium Catholicę doctrinę.* Et hoc ipsum significauit Cyrillus in verbo illo, *reuelatione ineffabiliter facta.* non enim dicitur ineffabilis, nisi propter internum, & occultum modum diuinę illuminationis. Et in eodem sensu dixit Chrysostomus, per illud verbum *trahendi*, non liberum arbitrium tolli, sed necessitatem diuini auxiliij demonstrari. Vnde est aliud manifestum etiam discrimen, nam Pelagius præter illam suam gratiam externam, non admittebat gratiam adiuuantem, quam hæc sententia in voluntate requirit. Quod satis esse ad distinguendam Catholicam doctrinam à Pelagiana, docuit August. in dicto lib. de Grat. Christi cap. 47. dicens ad Pelagium, si consenserit nobis etiam ipsam voluntatem & actionem diuinitus adiuuari, & sic adiuuari, ut sine illo adiutorio nihil bene velimus & agamus, &c. nihil de adiutorio gratiæ Dei, quantum arbitror, inter nos controuersię relinquatur.

5.

Assertio 1.  
Excitatio gratia non solum in intellectu, sed etiam in voluntate infunditur ante deliberatum consensum supernaturalem.

Certa est, quia est manifesta doctrina Augustini. Primus locus.

Secundus.

Tertius.

6.

Quartus.

Prosper.

Præterea in lib. 2. contra duas epistolas Pelagian. cap. 8. dicit cupiditatem boni non incipere in nobis à nobis, sed à Deo, utique per excitantem gratiam, & in cap. 9. dixit hominem præparare cor, non tamen sine adiutorio Dei, qui tangit cor. Et in fine eiusdem capituli ait, *Benedictio dulcedinis est gratia Dei, qua fit in nobis, ut nos delectet, & cupiamus, hoc est, amemus quod præcipit nobis, in qua si nos non præuenit Deus, non solum non perficitur, sed neque incipitur in nobis.* & similia multa habet in epist. 106. & 107. & alijs locis contra Pelagian. Latius vero, & apertius Prosper lib. contra Collector. cap. 14. explicando verbum Christi, *Nisi Pater meus traxerit eum*, multa enumerat, quæ partim ad intellectum, partim ad voluntatem pertinent, trahit (inquit) ad Deum contemplatio, & trahit cognitio diuinorum operum, & statim addit, *animum audientis inflammat.* Item trahit timor, trahit lætitia, trahit desiderium, trahit delectatio, quæ omnia

testimonijs Scripturę confirmat, & concludit. *Quis perspicere, aut enarrare possit per quos effectus visitatio Dei animum ducat humanum?* & similia multa habet lib. 2. de vocat. gent. cap. 26. ubi post multa quæ ad intellectum pertinent, concludit, & fidei affectionibus imbuendo. Et Fulgentius lib. 1. ad Monimum cap. 8. dicit Deum primum inchoare in homine voluntatem bonam, deinde eandem voluntatem adiuuare inchoatam, & idem prosequitur cap. 14.

Ex quibus vterius addimus hanc gratiam excitantem, & voluntati inhærentem, non solum vtilem, sed etiam necessariam esse in ordine humanę iustificationis. Hæc assertio ex dictis Patribus, & testimonijs colligitur: nam in dictis locis sæpe de gratia necessaria ad fidem, vel conuersionem loquuntur: & inde Concil. Trident. illuminationem, & inspirationem tanquam necessarias requirit, & certè nomine inspirationis impulsus aliquem voluntatis intelligere videtur. hæc enim significant illa verba, *Tangente Deo cor hominis*, nomine enim cordis voluntas significatur: dicitur autem Deus tangere cor per Spiritus Sancti illuminationem, quia ex illuminatione intellectus statim resultat in voluntate motus aliquis, quo Deus tangit cor, & hic motus est etiam inspiratio, quam voluntas amplecti, vel respicere potest, ut Concilium ait; estque hoc consentaneum verbis illis Apocal. 3. *Ego sto ad ostium, & pulso.* Nomine etiam ostij voluntas significari videtur. nam per illam Deus ingreditur in animam, vel ab illa expellitur. Cum ergo dicitur Deus pulsare ostium, rectè intelligitur id facere mouendo, & excitando non tantum intellectum, sed etiam voluntatem. Nam ex duobus quæ ibi statim subiunguntur, *Si quis audierit vocem meam, & aperuerit mihi ianuam, intra bo ad illum;* & licet primum ad intellectum pertineat, secundum proprium est voluntatis, illa enim est, quæ per liberum consensum Deo ianuam aperit; ergo ipsa est etiam ostium, quod per gratiam excitantem pulsatur. Et hic sumi potest prima ratio huius necessitatis, quæ sumitur ex naturalis sympathia istarum potentiarum. nam sicut voluntas non potest excitari nisi medio intellectu, ita è contrario posito in intellectu sufficienter excitatio, & non existente in intellectu sufficienti consideratione ad deliberandum, statim consurgit in voluntate necessitate quadam naturali motus aliquis cogitationi intellectus proportionatus. Nam si cogitatio est, v. g. de pœnis inferni, oritur timor; si verò est de diuinis beneficijs, resultat aliquis effectus amoris saltem imperfectus, & sic de cæteris. Quamuis enim isti motus non fiant sine intrinseco influxu gratuito, quia verò iam supponunt in intellectu priorem aliquam gratiam, cum qua habent connaturale quasi vinculū, ideo Deus consequenter concedit illum influxum in voluntate, illamque mouet modo accommodato ipsi naturæ.

Accedat alia ratio quæ præcipua est, quia voluntas per hos imperfectos motus aliquo modo disponitur, & paulatim trahitur ad perfectum consensum, vel immediate, vel mediante intellectu, quod in prima vocatione ad fidem ita potest applicari. nam prima gratia excitans intellectum per cogitationem alicuius virtutis credendę imperfecta est, quia non statim repræsentat sufficienter omnes rationes credendi, & ideo necesse est ut voluntas afficiatur aliquo modo ad cogitationem illam, vel obiectum eius, ut inde applicetur intellectus vel ad recogitandum, & expendendum

Falsitas.

7.

Assertio 2.  
Gratia excitans non modo vtilis, sed etiam necessaria voluntati.

Apost. 3.

Prima ratio sumitur in scriptura. Posito in intellectu sufficienter excitatio, & absente sufficienti consideratione ad deliberandum, statim consurgit necessitate in voluntate motus aliquis cogitationi intellectus proportionatus.

8.

Secunda ratio.  
Voluntas per motus gratię excitans aliquo modo disponitur & trahitur ad perfectum consensum.

ea, quæ audire, vel ad iterum audiendum, vel ad diligentius attendendum. Et huiusmodi videtur fuisse gratia data Lidæ Purpuratæ, cuius Dominus aperuit cor intendere his quæ dicebantur à Paulo Actor. 16. vt sumitur ex Prosper lib. 1. de vocat. gentium cap. 23. aliàs 9. & contra Collator. cap. 3. & in epistol. ad Ruffinum; deinde verò crescentre hoc modo cogitatione intellectus, crescit etiam ille indeliberatus voluntatis affectus, atque ita tandem eò peruenit, vt voluntas liberè, & efficaciter velit credere. Et hoc si quod Augustinus dixit, *Deum trahere hominem ad fidem inestimabili suauitate, ostendendo quod non apparebat, & faciendo vt suauis fiat quod non delectabat.* Et sic etiam dixit Prosper lib. 2. de vocat. gent. c. 16. *Deum trahere hominem cor illuminando, & fidel affectionibus imbuendo, & cap. 14. contra Collator. Trahit (inquit) gestatum rerum cognitio, & diuinorum operum relaturæ cor audientis inflammant, trahit contemplatio, trahit delectatio lectionis.* Et quod de fide dictum est, ad dilectionem, & penitentiam, aliosq; actus pietatis applicari potest.

*Declaratur & probatur vterius, quia hic modus excitandi valde conformis est prouidentie, & necessarius in natura lapsa.*

9. Estque hic modus excitandi, & trahendi animam valde conformis sapienti prouidentie Dei, & valde necessarius homini, præsertim in natura lapsa. Primum patet, quia vtrique potentia intellectus, & voluntatis, est de se valde improporcionata ad supernaturales actus, & ideo ad suauem prouidentiam pertinet paulatim illà subleuare, procedendo ab imperfecto ad perfectum; ergo sicut intellectus hoc modo ducitur à Deo præuia gratia excitante, ita etiam voluntas. Vnde in ipsa hominis iustificatione hoc ipsum ordinariè Deus obseruat, vt descripsit Concil. Trident. sess. 6. cap. 6. vbi varios ponit actus ad vtramque potentiam, ex quibus aliqui sæpe possunt ad gratiam excitantem pertinere, vt diuino timore concuti, desiderium aliquod salutis concipere: & secundum patet, quia per originale peccatum non solum ignorantiam contraximus, sed multo magis infirmitatem, & imbecillitatem bene operandi, vt rectè docet D. Thomas 2. 2. q. 109. art. 2. ad 3. & sumitur ex Augustino de nat. & grat. cap. 63. & 1. Retract. cap. 9. vt exponitur ab eodem D. Thoma 1. 2. q. 85. art. 3. ad 5. Ergo sicut intellectus indiget excitatione propter ignorantiam, ita debet excitari voluntas propter difficultatem bene operandi: quæ ratio in sequenti magis explicabitur.

10. Tertia quorundam ratio.

Tertiam rationem addunt aliqui, quia voluntas priusquam aliquem motum gratiæ excitantis in se recipiat, nullum habet supernaturalem principium ad eliciendum actum supernaturalem perfectum, seu deliberatum: ergo indiget excitante gratia, per quam tanquam per proximum principium possit dicere deliberatum consensum, si velit. Antecedens supponitur, quia ante excitantem gratiam non præcedunt habitus infusi, neque alia trāsens qualitas, quæ illorum vicem suppleat, vt in præcedentibus capitulis ostensum est. Consequentia verò probatur, quia voluntas non potest operari sine aliquo principio proximo, neque excitatio solius intellectus illi potest ad hoc munus deferuire, quia est illi extrinseca, principium autem

*Fr. Suarez de Gratia Pars 1. l.*

Attem operationum intrinsecum esse oportet potentiam operationum elicienti.

Hæc verò ratio vel nihil addit præcedentibus, vel efficax non est, neque subsistit, nam de duplici principio intelligi potest, scilicet morali, aut physico: si ergo solum intelligatur de principio moraliter attrahente, inclinante, aut etiam adiuuante voluntatem; sic hæc ratio nihil addit præcedentibus, quin potius etiam pia cogitatio intellectus dicitur passim ab Augustino initium bonæ voluntatis, quia metaphoricè mouet illà, quæ est morio moralis, siue reducat ad causalitatem finalem, siue ad efficientem moralem, vt est consilium, monitio, reprehensio, & similia. In hoc verò genere magis propriū, & propinquum principium voluntatis est motus aliquis delectationis, aut timoris, vel desiderij eiusdem voluntatis, his enim motibus magis disponitur ipsa potentia ad vltiorem consensum, & ad applicandum intellectum ad melius considerandum, & practicè iudicandum, vt declarauimus, & ob hanc rationem diximus esse necessarios hos motus voluntatis, quod perinde est, ac dicere esse necessarios, vt principia moraliter inducentia voluntatem. Et hoc sanè modo explicat vbiq; Augustinus necessitatem, & causalitatem istorum motuum, vt in locis allegatis videre licet, & maxime in 2. lib. de peccator. merit. cap. 17.

11. Nihil addit præcedentibus si intelligatur de principio moraliter attrahente.

August.

C Si autem ratio illa intelligatur de principio physico, vt aliqui moderni illam intelligere videntur, mihi non videtur subsistere. Primum, quia gratia excitans per se, non ad hoc ponitur vt sit principium physicum efficiendi aliud, sed vt formaliter excitet, & vigilare faciat potentiam, & ideo per se habet vt sit actus secundus & elicitus, non quod sit eliciens, seu producens, quod magis pertinet ad actum primum. Secundò, quia esse principium physicum consensus magis pertinet ad gratiam adiuuantem, vt infra videbimus. Quod si quis dicat eandem gratiam excitantem fieri adiuuantem, quando concurret cum potentia ad consensum, isto hoc verum sit in proprio genere moralis adiutorij, vt infra videbimus, nihilominus de adiutorio physico (vt sic dicam) gratis hoc dicitur, quia hoc valde accidentarium est ad proprium munus, & necessitatem gratiæ excitantis. Tertiò huius rei signum est, quia etiam si supponatur impotentia supernaturale principium physicè sufficiens ad supernaturalem actum, adhuc est necessaria gratia excitans, vt capite sequenti dicemus. Et patet in puero baptizato ad vsum rationis perueniente, nam licet habeat habitus infusos, excitandus est, vt possit actu credere, vel amare. Vnde sit etiam proportionem illam in dicta ratione allumptam, quod excitatio non supponit habitus infusos, non est in vniuersum verum, nam interdum potest ita esse, interdum non esse. Ex quo potius colligitur gratiam excitantem siue in voluntate, siue in intellectu, non requiri vt sit principium physicum alterius actus. An verò quasi concomitanter id habeat, saltem quando deest aliud physicum principium, controuerti potest. Id tamen commodius infra tractabo, & ostendam excitantem gratiam hanc, physicam efficientiam per se non habere. Nunc solum addo necessitatem illius principij, non rectè probari, ex eo quod voluntas non potest dicere actum supernaturalem sine præuio principio physico supernaturali sibi inhærente, nam ipsuminet actū gratiæ excitantis elicit sine tali principio; vt illimet Theologi non negant,

12. Si autem de principio physico vt quidam moderni volūt, non subsistit.

Primò. Secundò.

Tertio.

G 3 &

& capite præcedenti à nobis ostensum est, vbi consequenter diximus, quoddam eorū contingere possit in primo actu supernaturali, & libero, quod iterum in dicto loco magis ex professo examinabitur.

**13.** Non omitam autem aduertere quosdam alios ex recentioribus Theologis sentire imprimis gratiam excitantem esse necessariam, vt voluntas habeat principium intrinsecum, quo possit efficere liberum actum supernaturalem; nihilominus negare principaliter hoc esse ipsos actus indeliberatos, quia vnus actus immanens non est principium formale effectuum alterius. Et ideo dicunt tertio, excitantem gratiam non consistere formaliter, & essentialiter in his actibus indeliberatis, sed in motione virtuali, & efficaci, per quam tanquam per principium formale Deus operatur, in nobis tam indeliberatos actus, quam deliberatos supernaturales. Vnde quartò addunt huiusmodi actus indeliberatos non ex necessitate antecedere perfectam conuersionem, etiam si gratia excitans ordine naturæ necessariò illam antecedit.

**14.** Verumtamen tertiam istarum propositionum iam supra impugnauimus, & ostendimus esse falsam præter communem Scholasticorum modum loquendi, & explicandi, gratiam excitantem solum videri inuentam ad introducendam illam motionem virtuosam, & efficacem, contra quam aliquam iam supra diximus, & plura in hoc lib. 3. & infra dicturi sumus. Hac igitur tertia propositione reiecta, & reiecta secunda, quam veram censemus, prima non potest subsistere, quia nulla relinquitur gratia, quæ possit esse principium formale efficiendi actum deliberatum, iamque est à nobis ostensum, & iterum infra probandum est, tale principium inherens potentia non esse simpliciter necessarium ad eliciendum actum, sed tunc solum quando potentia connaturali modo, seu ex habitu operatur.

**15.** Quartum verò dictum horum Theologorum ego absolute, & sine ulla limitatione affirmare non audem, nec censeo esse admittendum. Nam Concilia satis expresse docent, gratiam illam præuenientem, quæ tangit cor per illuminationem, & inspirationem, esse absolute necessariam ante perfectam conuersionem peccatoris, vel ante voluntatem credendi; ita enim loquitur Concilium Arausicanum Can. 4. 5. 6. & 7. Et Concilium Trident. cap. 5. & Can. 3. Et eodem modo Augustinus eundem iustificationis, & initij eius ordinem ponit. Vnde meritò Cardinalis Bellarminus lib. 6. de Grat. & liber. arbitr. cap. 15. ex professo probat, ex Concilijs, & Patribus sine gratia excitante, quam ipse in dictis actibus indeliberatis poni, nullum motum pieratis fieri posse, & tacite reprehendit Vegam, qui lib. 6. in Trident. cap. 7. ausus est dicere, cum sola gratia adiuuante siue excitante posse interdum iustificationem perfici, cum tamen Vega per gratiam excitantem non intelligat, nisi prædictos motus, & eandem sententiam nominato Vega reprobat Vasquez 1. 2. disp. 85. c. 3. in fine & Valér. 1. tom. disp. 8. punct. 3. §. 1. in fine. Sed de hac opinione Vegæ iterum capite sequenti dicam, nunc tantum assero gratiam illam excitantem, qua Deus incipit cor mouere per actus non liberos, comuni & ordinaria lege esse simpliciter necessariam ad perfectos, & deliberatos actus supernaturales, quibus ad iustitiā disponimur efficiendos.

**16.** Neque contra hanc resolutionem obstant coniecturæ, quæ in contrarium fiebant, quia de Concilio Trident. iam dictum est, quomodo sit intelligendum, nam inspiratio per tactum cordis explicatur; & eodem modo intelligendum est Concilium Arausicanum. Augustinus verò sub pia cogitatione intelle-

**A** xit, seu comprehendit bonum affectum voluntatis, qui vel cogitatione intellectus excitatur, vel vicissim illam promouet, vt explicatum est, & ad eundem modum explicanda sunt alia loca Augustini, quamuis non semper vtrumque modum declararet, non enim id semper necessarium est. Et eodem modo intelligendi sunt alij Patres explicantes verbum *trahendi*. Nam licet interdum illam tractionem explicent per verba pertinentia ad intellectum, quia inde incipit tractio, non excludunt motus voluntatis sequentes cogitationem intellectus, & vim tractionis consummantis. Et hoc modo à Prædicatorio, qui in vtroque errauit, recedendum est.

**B** Nihilominus tamen propter rationem dubitandi prius propositam existimo necessitatem huius motionis per actum vitalem non liberum, non esse tam absolutam, & per se in voluntate, sicut in intellectu, ita docuit sine alia declaratione P. Vasquez tom. 2. disput. 38. cap. 1. in fine. Ratio autem est, quia non est tanta subordinatio, & causalitas per se inter actum indeliberatum, & deliberatum eiusdem voluntatis, quanta est inter actum non liberum intellectus, & liberum voluntatis. Nam hæc posterior prouenit ex intrinseca natura talium potentiarum, & in genere causæ finalis, & quasi formalis ex parte obiecti, est quædam dependentia essentialis inter ipsos actus. Hæc autem non inuenitur in prioribus actibus eiusdem voluntatis, sed ibi necessitas oritur ex imperfecto modo, quo homo procedit in suis actibus ab imperfecto ad perfectum. Et fortasse hæc necessitas vel tota, vel maiori ex parte prouenit ex imperfectione præsentis status naturæ lapsæ, vt in capite sequenti magis explicabo. Declaratur denique, quia de potentia absoluta, seu per miraculum, vel extraordinarium auxilium non apparet repugnantia, vt ita proponatur immediate à Deo fides, & iudiciū credulitatis eius in intellectu, vt possit voluntas statim moueri actu deliberato, ac perfecto ad volendum credere; quia neque motus indeliberatus tunc apparet necessarius aliqua sufficienti ratione, neque videtur habere locum, cum tam perfecta aduertentia intellectus, nec denique scit tarda molimina Spiritus sancti gratia, vt vel non possit ita subito illuminare perfectè intellectum, vel statim etiam voluntatem ad deliberatè volendum adiuuare. Quia verò hic modus deliberandi, & iudicandi, multum superat connaturale modum operandi hominis, præsertim in natura lapsa, ideo in hoc statu communi lege accedit voluntas, & mouetur per actus indeliberatos, priusquam perfectè cōsentiat.

**C** At verò vt aliqua gratia excitans in intellectu non procedat ante primum motum deliberatum voluntatis, nec per miraculū fieri posse videtur, quia, vt suppono, fieri nō potest, vt voluntas in cognitu feratur. Sciō P. Molinam in concordia absolute dixisse, de potentia absoluta posse in nobis fieri per gratiam actus supernaturales, & perfectos sine his præuijs motibus excitantis gratiæ. Sed ille procedit in eo fundamento, quoddam gratia excitans nunc solum requiritur vt principium per se efficiens illorum actuum, & ideo consequenter ait, Deum posse per se supplere illam efficientiam sine principio creato. Nos autem non credimus esse illud munus gratiæ excitantis, ideoque nō solum credimus posse Deum illam efficientiam supplere, sed etiam de facto ita facere, quoties voluntas, non ex habitu, sed disponendo se ad recipiendum habitum operatur. Et ideo necessitatem gratiæ excitantis ex proprio eius munere aliter sumimus, vt declaratum est, & hanc necessitatem ex parte intellectus tantum esse inuenimus, vt per solam efficientiam Dei in voluntate

**D** **E** **17.** **18.** **P. Molinæ** mens elucidatur.



suppleri non possit, quia illa necessitas non fundatur tantum in efficientia, sed in causalitate aliquo modo formali, seu obiectiua. Ideoque recte dixit August. de prædest. Sanct. cap. 2. neminem posse credere nisi prius cogitet esse credendum, illa autem cogitatio est excitatio: de motibus autem voluntatis facile illam sententiam admittimus, ut iam dixi.

August.

19.  
Assertio 4.  
Excitans gratia esse potest etiam in parte sentiente.

Ultimò addendum est gratiam hanc excitantem non solum esse posse in intellectu, & voluntate, sed etiam in parte sentiente, vel quantum ad phantasiam, seu cogitativam, vel quantum ad appetitum: nam utriusque potentie dispositio multum confert ad motionem superiorum potentiarum, quia intellectus pender ex phantasia, & ideo phantasmata convenientium obiectorum, & bona coordinatio illorum, maxime conducit ad intellectus illuminationem. Similiter voluntas per quandam concomitantiam afficitur iuxta affectus appetitus, ut sunt timor, complacentia, spes, & similes, qui omnes maxime sub sunt Spiritus sancti motioni: nam altero modo potest illos excitare, quam sensibilia obiecta sufficiant, & ita pertinent hæc ad gratiam excitantem. quæ doctrina est conformis Augustino in citatis locis, præsertim de Spirit. & liter. & ad Simplicianum; solum aduerto hos motus appetitus, vel phantasie interdum redundare ex actibus deliberatis voluntatis, & intellectus, & tunc magis pertinere ad gratiam adiuuantem & subsequenter, quam ad excitantem, quia iam sunt à nobis aliquo modo liberè operantibus saltem per quandam dimanationem, seu concomitantiam; aliquando verò se habent hi motus antecedenter ad omnem consensum liberum, & tunc propriè pertinent ad gratiam excitantem, quamvis remote, & imperfectè. Suntque valde utiles, & moraliter necessarij spectata humanæ naturæ conditione; simpliciter verò non sunt ita necessarij, sicut intellectus, aut voluntatis excitationes, quia non afficiunt, ipsasmet potentias, à quibus supernaturales actus perfecti eliciuntur, neque proximè illas disponunt, ac præparant, & alioqui potest Spiritus sanctus immediatè operari intellectu, & voluntate per illas potentias inferiores excitando potius, quam è conuerso. Denique ad hoc genus reducuntur externæ occasionibus bonæ, & motiones externorum obiectorum, ut sunt prædicatio Evangelij, iuxta illud: 2. Petri 3. *vestram excitatio in commotionibus sinceram mentem*, exempla Sanctorum, & similia, quæ licet ab Augustino disputante contra Pelagium sub lege, & doctrina, magis quam sub gratia soleant comprehendere, nihilominus, generatim loquendo, beneficia gratiæ sunt, & sub gratia generatim dicta continentur, ut in principio huius materiæ dixi. Et aliquo modo iuvant, quamvis per se non sufficiant, iuvant autem ut instrumenta, quibus Deus utitur ad homines interiorè excitandos, & ideo ad gratiam excitantem reuocantur, ut ex Augustini sententia sæpe in superioribus dixi, præsertim in lib. de Spirit. & liter. c. 33. lib. 1. de peccator. merit. & remiss. c. 22. & q. 2. ad Simplicianum.

1. Petri 3. 1.

August.

A excitantis, tum etiam, quia est vnum ex punctis hoc tempore controuersis occasione eorum, quæ Molina in sua concordia docuit. Supponimus autem ex dictis in capite præcedenti, absolute loquendo, neminem posse ad Deum conuerti, nisi præuia excitante gratia. Id enim apertis verbis definit Concilium Tridentinum sess. 6. can. 3. *Si quis dixerit sine excitante, & adiuuante gratia, &c.* & Augustinus lib. octoginta trium questionum, q. 68. dixit, neminem posse venire ad Deum, nisi admonitum, & vocatum, & lib. 2. de peccat. merit. cap. 18. ait, ideo scriptum esse Deum operari velle in nobis, quia sine ipso excitante, & vocante nihil possumus. Quæ sententiæ, & definitiones non possunt explicari regulariter, velut in plurimum, tum quia est contra vim Conciliorum, & Patrum, qui contra Pelagium absolutam gratiæ necessitatem docere voluerunt, tum etiam, quia æqualem necessitatem ponunt in gratia excitante, & in adiuuante: non obstante autem hac necessitate in explicatione, & applicatione illius ad diuersos casus opinionum diuersitatem inuenio ad quos explicandos varios status hominis in ordine ad Dei excitationem, & vocationem distinguo.

Absolute loquendo nemo potest conuerti ad Deum nisi præuia gratia excitante. Trident. Anst.

Primus est eorum, qui nunquam exteriorè, vel interiorè vocati sunt, & de his nulla est in præsentibus quæstio: nam illi indigent maxime diuina excitatione, & hoc ad minimum docent Concilia: quomodo autem possint hi homines hanc vocationem obtinere libro sequenti videbimus. Secundus status est hominis semel ad fidem sufficienter vocati, qui vocationi resistit, & credere noluit, retinet tamen vocationis memoriam: nam si penitus fuisset illius oblitus, perinde repulsetur, ac si nunquam illam habuisset. In tertio statu ponimus hominem non solum vocatum ad fidem, sed etiam iam credentem, ac proinde habentem habitum fidei infusum, vel etiam habitum spei, non quoad hoc utriusque est eadem ratio. Et in hoc statu potest moueri quæstio de necessitate excitationis, vel ad eliciendos actus fidei, & spei, vel ad eliciendum actum contritionis, & se disponendum ad iustificationem. Quartus denique status esse potest hominis iam iustificati.

2. Status quæstionis.

Prima ergo opinio esse potest, gratiam excitantem in solo primo actu esse simpliciter necessariam, in reliquis verò esse posse utilem, non tamen necessariam, saltem ad conuersionem. Ita sentit Vega lib. 6. in Trident. c. 7. ut in ultimis verbis apertè declarat, dicens. *Neque nos solum adiuuantem gratiam posse sufficere concedimus in aliis, quam in fidelibus, vel in eis, qui iam aliquando beneficio gratiæ excitantis ad fidem, aut conuersionem suam exstimulati sunt, non stimulo non indigent.* Et ideo cum Concilium dicit, peccatores excitante, vel adiuuante Dei gratia conuertere c. 3. & utramque esse necessariam can. 3. Vega exponit, ideo dictum esse, quia est communis, & trita via conuersionis, & penitentiae peccatorum, & in illis qui non essent vel fide iam illuminati, vel certe iam aliqua excitante gratia præuenire, utraque gratia est necessaria. Omissis autem, quæ pertinent ad duos ultimos status, quæ aliis sententiis communia sunt, quoad secundum statum potest fundari hæc sententia, quia si præcessit aliqua excitatio, per illam satisfactum est necessitati gratiæ, ex hac parte, nam Concil. Trident. solum requirit præuiam vocationem, vel excitationem, quæ in dicto homine, de quo loquimur, iam præcessit: monet autem illa excitatio iam præcedens virtute, & veluti semen cordi immisum; ergo illud sufficit, ut per adiuuantem gratiam postea fructificari possit.

2. Opinio Vega.

## CAPVT VIII.

*Utrum gratia excitans sit necessaria solum ante fidem, & alios habitus infusos, vel etiam post illos.*

1. Hæc quæstio necessaria visa est, tum ad magis explicandum munus, & necessitatem gratiæ

4.  
Opinio 1.  
bipartita.

Secunda sententia est, peccatorem fidelem habentem habitum fidei infusum mortuæ, non indigere nova gratia excitante ad subsequenter pietatis opera, singillatim sumpta, per se loquendo, & exclusis infirmitatibus difficultatibus ex tentationibus, vel aliunde oris. Quæ sententia duas habet partes, una est de actibus elicitis ab habitu fidei, & aliunde erit de actu spei, si peccator infusum habitum spei habeat, & hæc pars coincidit cum tertia sententia statim referenda, quæ loquitur de hominibus iustis. Altera pars est de actibus charitatis, aut penitentis, vel aliarum virtutum infusarum, quæ habent peccator non habet. Et quoad hanc partem infirmat hanc sententiam Rosenf. art. 36. contra Luther. quatenus dicit peccatorem non profus derelictum à Deo seipsum per fidem excitare ad contritionem, seu dispositionem ad iustitiam sine nova gratia. Et idem sentit Ruardus, & Cumel infra citandi citari, tenet hanc opinionem Vegaloco suprà citatus. Videtur tamen requirere, ut aliqua excitatio ad penitentiam in peccatore præcelleret, in virtute cuius possit postea moveri. Hæc autem limitatio habet eandem rationem & difficultatem, quam præcedens opinio, & ideo pro nunc omittenda est. Fundamentum itaque huius sententia est, quia qui habet fidem, potest per illam operari sine nova excitatione: per actum tamen fidei potest sufficienter excitari ad penitentiam, vel aliam virtutem, & ergo etiam ad opera aliarum virtutum non indiget nova gratia excitante, quam Deus in ipso peccatore, sine ipso operetur, & confirmatur, quia iustus per fidem potest seipsum excitare ad amorem: ergo & peccator. Probatur consequenter, quia licet peccator non habeat actum charitatis, habet nihilominus paratum auxilium adiuans sufficiens ad amorem habendum, ergo quod illa gratia adiuans sit per habitum, vel per aliud auxilium adiuans Dei, nihil refert ad excitationem fidei, quia solus habitus licet det facultatem intrinsecam operandi, parum immutat dispositionem hominis, ut facilius, vel difficilius possit per fidem excitari. Et vel maxime, quod potest interdum peccator sua fide efficacius uti ad se excitandum, quam iustus. Denique hoc videtur significare Concilium Tridentinum sess. 6. c. 6. ubi post primam excitationem ad fidem, per hanc dicit moveri liberum arbitrium in Deum, & deinceps per unum actum liberum alium excitari.

Didac.

5.  
Opinio 2.

Cautas.

Tertia sententia est, iustum posse sine excitante gratia speciali elicere opera pietatis, seu actus eandem virtutum infusarum. Ita tenet aperte Caietanus 1. 2. q. 109. art. 9. ubi ita citat exponit D. Thomam dicentem hominem habentem habitum gratia, indigere auxilio actuali, ad opera gratia, per se quidem, & in ordine ad singula opera ratione generali, videlicet, quia nulla res creata potest in quem unquam alium providere, nisi virtute motuque divina, virgine generalis concursus: quem non excludit ibi Caietanus cum dicit, quod homo ex sola gratia potest ipsi gratia ubi bona faciendo, & mala vitando nunc, & ad hoc, ergo particula illa sola excludit excitantem gratiam, nam actualis concursus ad adiuvantem pertinet, ut infra dicam. Eandem sententiam tenet Soto lib. 3. de natur. & g. ar. c. 4. art. 2. ubi tantum sub probabiliter dicit, iustum propter gratiam gratia faciliorem non indigere alio speciali auxilio Dei momenti ad singula opera præceptorum, vel meritoria. In eadem sententia est Ruardus art. 7. §

Ser.

Rend.

A ex propositionibus, ubi generaliter de fidelibus loquitur, & affirmat posse actu credere, & quæ sunt fidei cum sola cooperatione Dei vni actui in ordine gratia, & addit similiter posse operari opera salutis, in quo videtur ad secundam sententiam accedere, nisi intelligatur de propositione cum fidei iustificatio, & ita etiam docuit hanc sententiam Bellarm. lib. 6. de grat. & liber. arbit. c. 15. propositio. vltima. Tenet etiam Cumel. 1. 2. q. 11. art. 3. disp. 1. dub. 3. Appendice suprà citata, ubi etiam loquitur de peccatore habente fidem in ipso actu fidei, tamen statim consequenter dicit idem de iusto, & allegat Luterum in tract. de grat. Christi, cap. 1. & 2. citari etiam potest Pansa lib. 3. orthodoxos explicat, quatenus ait iustus à fide excitari, ad bene operandum. Item Cameracius lib. 1. de liber. arbit. cap. 10. quatenus dicit per habitum infusum fidei mortuæ posse peccatorem ad iustitiam veniunt reducere sine ulla nova gratia excitante. Eandem sententiam tenet Molina in concord. disp. 8.

Distin.  
Cumel.

Pansa.

Molina.

6.  
Fundati potest in Atau-  
nismo.

Fundati potest hæc sententia primò in verbis Concilii Araucani, cap. 25. ubi sic habet, hoc etiam servatum fidem Catholicam credendum, quæ accepta per Baptismum gratia, omni baptizati (baptismo) auxiliante & cooperante, quælibet salutem persequi possunt, & debent, si scilicet libere voluerint, & impellerent, ubi videtur non requirere in iustis, nisi auxilium cooperantis gratia, & paulo infra, ubi hoc magis declarans ait, Hic etiam salubriter præstatum, & amicum, quod in omni opere bono non non incipimus, & posita per misericordiam Dei adiuvantur, sed ipsi nobis præcedunt in merito fidei, & amoris sui prius informat, ut & Baptismus sacramentum quod requirunt, & post Baptismum non ipsi adiuvantur, quæ sibi sunt placita implere possunt. Vbi ante Baptismum, id est, ante iustificationem fidei, & boni operis initium per diuinum iustificationem, post iustificationem vero, solum Dei auxilium requirit. Unde etiam indicat opera pietatis, quæ post iustificationem sunt, exterius non incipere à nobis, quatenus sine gratia fieri à nobis non possunt, quæ gratia per iustificationem à nobis incipit. Ratione præmissæ sententia, quia duo nomina, propter quæ potest gratia excitans requiri, per habitum infusum sufficenter implentur. Nam si gratia excitans ponatur, vel sit principium physicum actus, ut Molina vult, multo magis hoc pariter habitus in vero gratia excitans est necessaria ad inclinandum hominem, id etiam sufficienter supplet habitus infusus, qui est veluti fons aque viæ salutis in vitam eternam, ut dixit idem Molina in oppositioe ad concordiam, in responsione ad objectionem tertiam §, illud videtur, ubi consequenter ait habitus quatenus actus adiuans adiuvant, & hoc inuenit ad supernaturalis actus elicendos per concurrens gratia rationem habere. Itaque tenet Bellarm.

Ratione sua,  
ut per primò

ad hanc.

Ratione sua,  
ut per primò

ad hanc.

Bellarm.

Secundò.

fit per media externa, & naturali modo, quoad apprehensionem obiecti: fides autem potest reliquis virtutibus obiecta proponere.

7. **Opinio 4.** Quarta opinio esse potest ad omnem actum supernaturalem etiam in iustis necessariam esse excitationem præuiam, quam aliqui moderni videntur defendere, præsertim Vazquez disp. 185. cap.6. vsque ad 9. & disp. 193. cap.1. & 2. nititur in illo principio, quod non sit opus bonum sine cogitatione congrua proportionata, quæ cognitio semper habet rationem gratiæ excitantis, ideoque non solum de actibus supernaturalibus, sed etiam de naturalibus idem sentit: nos autem de solis operibus pietatis loquimur, nam de cæteris in lib. 2. satis dictum est. Quid ego de his sententiis sentiam, discurrendo per dictos tres status hominis breuiter explicabo.

*Affertio prima circa primum punctum difficultatis.*

8. **In eo qui nunquam credidit præter primam excitationem necessaria est inspiratio.** Dico ergo primò, in eo, qui nunquam credidit, præcedens excitatio, vel vocatio, non sufficit ut credere incipiat, sed noua inspiratio necessaria est. Probat, quia Concilia ad conuersionem ad fidem, quando primò fit, seu (quod idem est) ad primam voluntatem credendi requirunt inspirationem, quæ det homini potestatem ad talem conuersionem, seu voluntatem habendam, & sit aliquo modo principium eius. Inspiratio autem præterita, cum iam non sit, non potest dare in præsentem potestatem, nec adiuuare ad conuersionem, quæ nunc fit, ut per se est euident, siue talis excitatio sit principium morale, siue physicum illius actus, qui in præsentem fit. Quod si dicatur excitatio præterita in præsentem esse aliquo modo, interrogo, an sit actu, vel virtute: si primum dicatur, necessarium est, ut sit eadem quæ prius incepit, & vsque nunc durat, & tunc erimus extra casum disputationis, quia tunc conuersio non sit sine præuia inspiratione actuali, quia licet prius tempore incepit, quod ferè semper contingit, adhuc durat: vel si prior abiit, & nunc altera existit, illud ipsum est, quod in assertione intendimus, nam hæc secunda excitatio non potest esse à nobis, sed esse debet ab eodem auctore à quo fuit prima, alioqui non esset per infusionem, vel inspirationem Spiritus sancti, ut Concilia loquuntur.

9. **Prior excitatio non manet in virtute.** Si verò altera pars eligatur, nimirum, priorem excitatorem manere in virtute, vel quasi in semine, quod videtur Vega intendere, contra hoc argumentor in hunc modum. Quia virtus illa non est nisi aliquid per modum actus primi, imò non potest esse aliud nisi species aliqua præcedentis excitationis, quæ in memoria maneat; quid enim aliud cogitari, aut significari potest? Vnde si homo esset omnino oblitus præcedentis excitationis, ita ut nullo modo posset illius recordari, non magis potest præterita excitatio ad præsentem conuersionem deservire, quam si nunquam fuisset; ergo potest dici manere in virtute, quia in memoria manet. Illa autem memoria ut est tantum in habitu, non excitat mentem formaliter, nam in homine dormiente esse potest; ergo per se, seu formaliter, & immediatè non iuuat ad conuersionem per modum gratiæ excitantis; ergo, ut iuuat, oportet, ut illa species, quæ ex præterita excitatione in memoria mansit, ad operandum excitetur: hoc autem non fit sufficienter sine noua inspiratione ab Spiritu sancto immissa,

**A** ergo semper hæc est necessaria, non obstante præcedenti excitatione. Totus discursus est euident, quoad omnes partes, solumque antecedens ultimæ consequentiæ declaratione, & ostensione indiget.

Probatur autem in hunc modum, quia in primis sicut intellectus nudus non excitatur primò ad operandum ab ipso intellectus, vel à voluntate, ita etiam licet includat intellectum iam constitutum in actu primo per speciem, non potest à se, vel à voluntate primò, vel directè applicari ad actuale considerationem, sed oportet, ut ab aliqua causa extrinseca, vel obiecto excitetur, ut est in Philosophia notum, quia neque memoria est potentia libera, quæ se applicet ad opus, neque voluntas potest fieri in aliquid in memoria retentum, nisi eius consideratio præexistat; ergo etiam in præsentem memoria præteritæ excitationis, non potest per seipsam, vel per voluntatem primum excitari; oportet ergo ut ab aliqua causa extrinseca, vel obiecto excitetur; ergo ab Spiritu sancto excitari debet. Probat hæc vltima consequentia, quia in hac excitatione duo possunt considerari. Primum est externum obiectum, quod occurrit sensibus. Aliud est id quod interiorius fit per considerationem actuale præteritæ excitationis, vel obiecti eius. Vtrumque autem horum, si ad salutem conferat, est à gratia Spiritus sancti exterioris, vel interioris excitante. De priori patet, quia licet illa exterior excitatio fieri posset per naturalem efficientiam obiectorum sensibilium, tamen quod occasio talis excitationis occurrat, & quod causæ ad illam sufficientes conueniant, non fit absque nutu, & singulari providentia Dei ordinata ad spirituale salutem eius, qui sic excitetur, & ideo illam externam excitationem inter beneficia gratiæ interiora computatur, iuxta doctrinam Augustini in multis locis supra allegatis, præsertim lib. de prædestinat. Sanctior. cap. 8. & de bono perseveran. cap. 14. & dicto cap. 3. de spirit. & liter. & d. q. 2. ad Simplician. & homil. 23. & 50. de quo etiam in lib. 2. & 3. multa dicta sunt, & in sequentibus sæpe inculcabitur.

**D** Quod verò attinet ad alteram partem de interiori excitatione, probatur, quia si memoria interioris excitata ab illo obiecto solum prodeat in quamdam recordationem, vel considerationem merè naturalem excitationis præteritæ, vel obiectorum eius, illa non sufficit ad excitandum hominem ad supernaturalem conuersionem ad fidem, vel penitentiam; ergo necesse est, ut peculiaris actio Spiritus sancti ibi intercedat, & utatur illo medio exteriori, & specie interiori tanquam instrumento, ad illuminandum intellectum hominis, & commouendam voluntatem eius altiori modo, quam ex vi naturæ fieri possit per illa media. Vtrumque declaratur, quia in prima excitatione ad fidem, ut sit verum auxilium gratiæ sufficiens, non satis est prædicatio exterior sufficientissimè proposita, cum tota naturali suasionem, quæ ex vi exterioris prædicationis interioris fieri potest naturaliter, sed necessarium est, ut Spiritus sancti actio ad utendum altiori modo illis instrumentis, internè, & occultè interueniat, alioquin illa non esset sufficiens excitatio, & vocatio, ut in lib. sequenti ostendendum est, & tradit Augustinus toto libro de gratia Christi, & prædest. Sanctior. cap. 8. & Prosper contra collator. c. 28. & Gregor. lib. 11. Moral. c. 5. ergo à fortiori sola naturalis memoria,

10. Species reliqua in memoria non excitatur sufficienter sine noua inspiratione.

In hac vltima excitatione duo consideranda. 1. Externum obiectum.

August.

11. Alterum est excitatio interior per speciem internam.

Declaratur amplius.

Aug.

Prosper.

vel



vel consideratio prioris excitationis causata ab obiecto exteriori, multo minus potest habere vim sufficientem excitationis, sine altera doctrina, & motione interna Spiritus sancti; patet consequentia, quia species relicta in memoria ex praeterita excitatione fuit merè naturalis, & acquisita, & non potest maiorem habere efficaciam, quam species impressa in ipsa actuali excitatione, seu externa fidei propositione; ergo quomodo prior excitatio praecesserit in homine infideli, nova excitatio necessaria est, ut convertatur. Solumque potest assignari differentia inter hominem prius excitatum, & alium nunquam vocatum, quod ille prior si facile recordari possit illorum, quae antea videbat, vel audierat, facilius poterit nunc instrui, vel excitari, quia praeterita in memoria revocata aliquid iuvare possunt, ad eum modum, quo melius ingenium potest aliquo modo deservire ad facilius apprehendendum fidem si proponatur: semper tamen interior excitatio nova necessaria est, & confirmatur, quia in isto homine, de quo loquimur, voluntas nunquam fuit inducta ad consentiendum per voluntatem credendi; ergo nunc indiget excitatione in ipsam recepta, quae eleveur ad illam voluntatem eliciendum, nam si quae foras excitatio praecessit, illa iam non est, nec aliquid in voluntate reliquit, sed ad summum aliquam sui memoriam in intellectu, sicut mansit in discipulis, qui dicebant: *Namque cor nostrum ardens erat in nobis, cum loqueretur in via*; Hæc autem memoria non sufficit pro voluntate, nam oportet, ut in se afficiatur, & paulatim sublevetur, ut supra explicavi. Ergo nova excitatio in voluntate necessaria est. Vnde quia voluntas non excitatur nisi praeiudicio intellectus, ut illa excitatio voluntatis sit sufficiens, oportet, ut ex proportionata cogitatione intellectus praecedat; ergo in ipso intellectu etiam praecedere debet nova excitatio, etiam si ad illam possit praecedens aliquid iuvare, modo iam dicto.

*Affertio secunda circa secundum punctum difficultatis.*

Secundò dicendum est peccatorem, etiam si habeat fidei habitum, indigere aliqua gratia excitante ut ad iustificationem disponi, & in Deum converti possit, hæc assertio communior est, reter illam Bellarminus dicto c. 13. ad 1. contra 4. conclus. & Valent. disp. 8. q. 1. punct. 3. §. 1. proposition. 8. Driedo de capt. & redempt. gener. humani tractatu. §. c. 1. in solutione tertie questionis; & Vega in hoc consensit, quodque loquitur de conversione ad fidem, vel penitentiam, & idem sentiunt communiter alij moderni, & habet magnum fundamentum in Concil. Trident. sess. 6. c. 14. ubi loquitur de fidelibus lapsis, dicit rursus iustificari posse *cum excitante* Deo, &c. ubi aperte iudicat etiam illius iustificationis initium a nova excitante gratia sumendum esse. Idem sumi potest ex ead. sess. can. 3. ubi definit neminem posse credere, sperare, amare, vel penitere sicut oportet, sine præsentie Spiritus sancti inspiratione; quæ definitio non solum in totam collisionem illorum actuum, sed etiam in singulos actus cadit, ergo licet quis iam credat etiam ad penitentiam agenda, sicut oportet, indiget Spiritus sancti inspiratione, quæ est gratia excitans. Idem sumi potest ex eo-

dem Concilio sess. 14. c. 4. ubi non solum de conversione perfecta, sed etiam de imperfecta, quæ attentio dicitur, docet donum Dei esse, & Spiritus sancti impulsus, non quidem adhuc inhabitantis, sed tantum moventis; ergo multo magis ad perfectam conversionem necessarius est Spiritus sancti impulsus, qui est gratia excitans. Denique plura testimonia, quæ ad sequentem assertionem confirmandam afferemus, hæc à fortiori continent.

Ratione probatur assertio, quia vel gratia excitans requiritur tanquam principium physicum illius actus deliberati ad quem excitat, vel propter peculiarem munus excitandi potentiam: utroque autem titulo est necessarius peculiaris excitatio ad contritionem in peccatore credente, etiam si fidei habitum habeat; e.g.o. Probatur minor quoad priorem partem, quia etiam illa peccator caret habitibus infusis charitatis, & penitentiae, ac proinde caret connaturali principio intrinseco talium actuum; ergo ex hoc capite etiam indiget gratia excitante, si munus illius est huius principij rationem habere, & vicem habitus supplere: neque enim habitus fidei, vel actus eius potest esse principium formale, quia voluntas elicit contritionem, ut per se notum est. Quoad alteram vero partem probatur minor, quia licet peccator habeat habitum fidei, illi solus non potest supplere munus vitalis excitationis voluntatis. Primo, quia non sufficientiam neque formaliter inclinat; ergo ut illam excite, oportet, ut nova formalis motio fiat in voluntate; ergo hæc erit nova inspiratio, quantum ex actu fidei resultare possit, quod non negamus: dicimus autem necessarium esse ut praecedat, & præparet voluntatem ante perfectam conversionem, deinde ut intellectus per fidem voluntatem excite, necesse est prius ipse excitari, nam solus fidei habitus ad hoc non sufficit, quia si homo sit tantum in actu primo. & quasi dormiens in visu talis habitus, non potest incipere illo vii, nisi divinitus excitetur, propter rationem in praecedenti assertionem factam, qui eodem modo hoc locum habet, quia habitus non magis excitat potentiam, quam species praecedentis excitationis in memoria relicta, quia habitus solum deservit ad constituendam potentiam in primo actu, & ad cooperandum illi per modum gratiae adiuvantis, quando elicit actum, non vero ad excitandum formaliter, & virtualiter potentiam, tunc enim inchoat habitus esse dormiens, ut sic dicam, non vigilantis, qualis in motibus gratiae requiritur, & ideo nunquam potest excitari ab ipso habitu initium sumere, sicut potentia ipsa naturalis intellectu, vel memoria est naturaliter propensa ad suum actum, tamen non potest illum inchoare, nisi aliunde excitetur, vel applicetur. Idem ergo est cum propositione de ipso actu fidei, seu de habente illum habente.

Obiecti vero potest, quia in eo, qui iam credit, excitatio ipsius fidei sine nova excitatione voluntatis ad credendum fieri potest per solam novam apprehensionem, & memoriam obiecti fidei, quia potest naturaliter fieri occurrente obiecto externo sufficiente ad excitandas species, & memoriam mysteriorum fidei, ergo hæc sola excitatio quasi externa sufficit, ut homo postea per actum fidei possit fortiter excitare cum sola gratia adiuuvante ad contritionem habendam. Et confirmatur, nam licet homo indigeat tunc aliqua inspiratione, si illam facit, v. l. impetret ut vi fidei,

13. Ratione stabilitur.

1. Pars minoris.

1. Pars maioris.

Tota inclinatio habitus dormientis potius est quam vigilantis; idcirco non sufficit in motibus gratiae.

14. Obiecto.

Confirmatio.

iam illa non erit gratia excitans, quam Deus in A nobis sine nobis operatur.

15.  
Respons.  
Assensus fi-  
dei conside-  
rari potest  
speculatiue.

Respondeo ad priorem partem, assensum fidei dupliciter posse considerari. Primò quasi speculatiue tantum, vt est assensus cuiusdam veritatis. Secundò practicè, vt suadet voluntati conuersionem, est enim fides eminenter practica, & speculatiua, vt suppono. Priori modo probabile est peccatorem assuetum ad credendum, posse cum externa propositione obiectorum fidei excitari sufficienter ad exercendum actum fidei, quia obiectum illud statim offertur, vt credibile, & intellectus iam est sufficienter constitutus in actu primo ad eliciendum secundum cum communi concursu, seu auxilio gratiæ cooperantis, præsertim, quia, vt supra lib. 2. dixi, probabile est ad illud exercitium fidei non semper esse necessariam voluntatem supernaturalem, siue qua ille actus fidei non est practicè, & moraliter (vt sic dicam) supernaturalis, sed speculatiue tantum, & intellectualiter, ad quod sufficit intellectualle lumen infusum habens communem concursum gratiæ paratum, & obiectum sufficienter propositum, & applicatum ad operandum per quancumque voluntatem, de quo in tertio puncto plura dicam. At verò practicè non potest actus fidei, præsertim mortuæ, sufficienter applicari ad excitandam voluntatem ad veram conuersionem, ad poenitentiam agendam, nisi diuina gratia excitans circa vsum eiusdem fidei intercedat. Tum applicando fidem ad iudicium practicum, & illuminando intellectum, ad consideranda motiua supernaturalia apta ad commouendam voluntatem, tum ex parte voluntatis, quæ per se impotens est ad talem conuersionem, & per peccatum priuata est spiritualibus donis, & per conuersionem ad creaturas est debiliior facta. Et ideo licet verum sit actum fidei mortuæ aliquid posse iuuare, eo quòd etiam actus ille sit ex gratia, nihilominus etiam diuina inspiratio necessaria est.

16.  
Ad conside-  
mat. supra  
n. 14.  
Non est cõ-  
tra rationem  
gratiæ exci-  
tantis vt sit  
quod sub  
aliquod me-  
ritum cadat.

Ad alteram partem respondeo in primis non esse contra rationem gratiæ excitantis, quod possit cadere sub aliquod meritum, quando non est prima gratia excitans, sed aliam supponit. Cum enim gratia excitans dicitur fieri in nobis sine nobis, solum excluditur nostra cooperatio libera in ipsomet actu gratiæ excitantis, iuxta superius dicta, non tamen excluditur omnis prior causa moralis ex parte hominis cum priori gratia operantis, & alteram excitationem impetrantis, tanquam gratiam pro gratia. Hoc enim non est contra communem rationem gratiæ, imò pertinet ad eius virtutem, & perfectionem, vt in libro sequenti cap. 12. latius dicam. Neque etiam est contra peculiarem rationem gratiæ excitantis, quia licet præcedat aliqua hominis consideratio, vel meritum, vel impetratio: nihilominus id quod datur, potest esse sola gratia præueniens, & Spiritus sancti impulsus, qui nec ad libertatem hominis proximè pendeat, neque per se primo in eius potestate existat. Sic ergo in præsentia fieri potest, vt inspiratio proximè voluntatem excitans, & adiuuans ad poenitentiam, licet in se vera gratia sit, non detur nisi consideranti, vel appetenti ex fide. Tunc autem necessarium erit, vt præcedat inspiratio, quæ fidem ipsam excitet, & applicet practicè ad sic petendum, quæ tunc erit prima in illo ordine, ac proinde omnino gratuita, & cum illa saltem mediata detur propter poenitentiam, etiam ratione illius verum erit peccatorem fidelem non conuerti ad poenitentiam sine excitatione gratia gratuita, omnino, ac præueniente.

Assertio tertia circa tertium punctum  
differentiis.

Tertio dicendum est hominem iustificatum indigere, etiam in suis operibus pietatis gratia excitante; hæc assertio quoad aliquid videtur ectras, quoad aliquid verò solum probabilior; iuxta varios effectus, ad quos talis gratia in homine iusto desiderari potest. Vnus est perseverantia in gratia usque ad mortem, vel longo tempore; ad hanc enim non sufficient habitus, nisi diuina protectio intercedat, vt sumitur ex Concil. Trident. sess. 6. cap. 11. & 13. & supra in libro 2. probatum est, & infra tractando de bono perseverantiæ latius dicetur. Alius effectus est particularis victoria alicuius gratiæ tentationis, vel (quod idem est) certa, ac definita observatio præcepti, ubi magna difficultas occurrit, tunc enim est peculiare Dei auxilium, iuxta supra dicta in lib. 1. & 2. doctrina enim ibi data communis est hominibus lapsis, tam iustis, quam peccatoribus: nam testimonia ibi adducta indifferenter de his hominibus loquuntur.

Rationes verò æquæ de virisque procedunt, quia soli habitus infusi parum ad difficultates superandas conferunt, nisi homo, qui illos habet, diuinitus adiuuetur, quod adiutorium ab excitante gratia præcipue incipere debet, quia, vt dixit Bernardus lib. de Grat. & libr. arbitr. *conatus liberi arbitrij, & cassi sunt, si non adiuvantur, & nulli, si non excitantur.*

Circa hos verò effectus observare oportet, non solum internam gratiam excitantem, sed etiam externam excitationem, vel protectionem posse ad illos multum iuuare, ideòque magna ex parte possit hanc excitationem per providentiam gratiæ supplere, vel minui necessitas gratiæ excitantis ad huiusmodi effectus. Nam si Deus sua speciali providentia efficiat, vt iusto pauciores occasiones peccandi occurrant, paucioribus etiam internis excitationibus indigebit ad perseverandum: & simili modo, si Deus efficiat, vt tentatio, vel suasio ad malum non sit vehemens, nec diuturna, fieri potest, vt possit vinci tentatio cum communi adiuuante gratia, sine alia speciali excitatione; & ideo Augustinus sæpe multum commendat hanc diuinam protectionem perseverandi, & inter auxilia gratiæ illam ponit, eique effectum hominē ab aliquibus peccatis tribuit, vt videte licet in Soliloquiis cap. 15. & 16. quæ vel sunt Augustini, vel ex sententiis eius desumpta, & ita ferè eadem verba habentur in lib. 50. Homiliar. in 23. cap. 6. ubi sic ait. *Hoc dicit tibi Deus tuus, Rogabam te mihi, ut adulterium non committeres, suaser desui, et suaser deesset, ego feci, locum, & tempus desui ut hæc deesset, ego feci, adfuit suaser, non desui locum, non desui tempus, ut consentiret, ego terrui. vel vt in Soliloquiis habetur, Sed vt non consentirem, tu me tenuisti; sed in idem redit, nam terrendo hominem, Deus tenet illum, ne consentiat, & utroque modo gratia excitans indicatur.*

Simili modo observari potest circa duos dictos effectus interdum posse fieri per gratiam excitantem appetitum sentientem, vel moderantem affectum eius, aut phantasiam illum commouentem: nam, vt dixi in fine capitis præcedentis, gratia excitans interior, etiam in internis potentiis sensitiuis sæpe operatur. Vnde cum ab his sæpissime pendeat, vel tentationis grauitas, vel propensio ad peccandum, fieri optime potest, vt per internam excitationem in portione inferiori factam, eo ipso confortetur voluntas ad non consentiendum, non tam per positivam

17.  
Iustus ad  
opera pietatis  
egregia  
excitant  
ad  
duos præ-  
sertim effe-  
ctus.  
1. Est ad diu  
perseueran-  
dum.  
Trident.  
2. Ad vincen-  
dam grauem  
tentationem.

18.

Bernardus:

19.  
Notandum  
primò.  
Ad opera  
pietatis pro-  
tectio Dei  
multum iu-  
uat.

Augustinus.

20.  
Notandum  
secundò.  
Gratia exci-  
tans in facul-  
tatibus sen-  
sitiuis quid  
possit circa  
effectus  
duos recen-  
sitos n. 17.

Motio gratiæ facta in appetitu sensitivo redundat necessario in voluntatem.

tiuam virtutem, quam in se recipiat, quam per ablationem difficultatis, lex motu appetitus prouenientis. Quamquam verum sit motionem gratiæ factam in appetitu sensitivo non posse non redundare in voluntatem, saltem per sympathiam naturalem. Dicimus fieri posse, ut non sit necessaria specialis excitatio in voluntate, quam sit illa, quæ per appetitum insurgere potest. Et interdum fieri potest, ut sufficiat sola moderatio concupiscentiæ sensitivæ, vel apprehensionis phantasie, licet nulla positiua motio in voluntate redundet, sed sola ablatio difficultatis in obiecto, ut dictum est. Hæc autem locum habent ubi ablata difficultate, potest præceptum impleri, vel peccatum vitari per actum naturalem: nam si supernaturalis necessarius sit, ad punctum sequens pertinebit.

21. Effectus gratiæ excitantis in ordine ad actus meritorios.

Tertius effectus gratiæ in iustis considerari potest in ordinario modo operandi actus fructuosos, seu meritorios iustitiæ. In quo in primis certum est frequentem Dei inspirationem, & excitationem utilissimam esse iustis ad hæc opera præstanda, & ad proficiendum per illa in via virtutis, & sanitatis, ipso ferè experimento constat, & ideo fideles frequenter à Deo petunt huiusmodi inspirationes, & quo sanctiores, eo anxius illas desiderant: ideo in Scriptura sacra, præsertim in Psalmis huiusmodi petitiones frequentes sunt. Ex quo etiam intelligimus hoc genus gratiæ esse moraliter necessarium ad frequenter, & cum spiritali fructu hæc opera præstanda.

*Ampliatur & probatur ulterius assertio tertia.*

22.

Difficultas verò est, an ad singula opera pietatis sit excitans gratia necessaria in nobis iustificatis? Et in hoc sensu negant huius gratiæ necessitatem auctores terræ opinionis, & paucos inuenio contradicentes. Valentia tamen supra proposuit, 3. videtur oppositum sentire, quamvis non dicat expressè hanc gratiam esse necessariam, sed habere locum in his actibus iustorum. Clarius hoc sentit Vasquez, & consequenter loquendo cogitur id affirmare, nam ipse docet hominem per vires liberi arbitrij non posse efficere bonum actum morale ordinis naturæ sine excitante gratia, quam vocat cogitationem congruam, & gratiam ordinis naturalis; ergo consequenti ratione in homine iusto erit necessaria cogitatio congrua ad singula opera supernaturalia, seu pietatis, quæ erit gratia ordinis supernaturalis. Ex hoc tamen discursu solum concluditur illam cogitationem congruam esse necessariam, ut actus fiat, non tamen ut fieri possit, quia cogitatio congrua eo modo, quo est gratia, pertinet semper ad gratiam efficacem, sine qua datur potestas operandi. Hic autem generatim loquimur de necessitate huius gratiæ, ut possit iustus operari, siue sit efficax, siue sufficiens tantum. Item tota ratio gratiæ iuxta illam sententiam ponitur in congruitate cogitationis, non in cogitatione ipsa, seu substantia eius, (ut sic dicam) nos autem à congruitate abstrahimus, & de excitatione inquirimus, siue sit congrua, siue non.

Ad singula opera pietatis in iustificatis excitans gratia prout abstrahat ab efficaci & inefficaci, est necessaria.

23. Probatur ratione desumpta ex August.

Aliter igitur argumentor Augustini ferè discursu, in lib. de prædestinat. Sanct. cap. ... & sequentibus, & lib. de grat. & liber. arbit. cap. 7. quia ad piè operandum necessario procedere debet pia cogitatio etiam in homine iustificato: sed pia cogitatio non potest incipere in nobis à nobis, etiam post iustificationem; ergo debet incipere ab Spiritu sancto, & consequenter ad gratiam excitantem pertinet; ergo saltem hoc titulo indiget iustus gratia excitante ad singula opera pietatis. Maior euidens est, quia ope-

ratio pia includit pium actum voluntaris: voluntas autem moveri non potest sine proportionata cogitatione intellectus, & ideo pia voluntas necessario supponit piam cogitationem. Minor autem probatur ex Paulo ad Philippen. 2. dicente, *Deus est, qui operatur in nobis & velle, & perficere.* quod ideo dictum est, quia sine illo excitante non possumus habere voluntatem bonam, ut dixit Augustinus lib. 2. de peccator merit. cap. 18. Item ex eodem Paulo 2. Corinth. 3. dicente, *Non sumus sufficientes cogitare aliquid ex nobis, quasi ex nobis, sed sufficientia nostra ex Deo est.* ubi in primis Paulus non de solis peccatoribus, sed maxime de iustis loquitur; imò etiam de seipso, cum dicat. *Non sumus sufficientes,* & infra subiungat. *Qui & idoneos nos fecit ministros novi Testamenti.* Nec etiam loquitur de cogitatione congrua, sed absolute de cogitatione pia, & sufficienti: nam simpliciter dicit, *non sumus sufficientes aliquid cogitare,* & postea subdit, *sed sufficientia nostra ex Deo est.* Loqui autem ibi Paulum de cogitatione pia, id est, quæ ad bonam etiam voluntatem sufficiat, supra lib. 2. latè à nobis ostensum est; ergo etiam iusti ut bene operari possint, necesse habent, ut initium sanctæ cogitationis à Deo recipiant. Sancta cogitatio est gratia excitans, quando est prima, nam à Deo mittitur, & non à nobis procedit; ergo hæc excitatio etiam iustis necessaria est ad singula opera pietatis.

Philip. 2. 13.

August.

2. Cor. 3. 3.

Secundò probari potest hæc sententia ex Concil. Trident. sess. 6. cap. 16. ubi de iustificatis hominibus loquens inquit: *Cum Christus Iesus tanquam caput in membra, & tanquam vitis in palmes in ipsos iustificatos iugiter virtutem infuset, quæ virtus bona ipsorum opera semper antecedit, & comitatur, & subsequitur, &c.* gratia autem quæ antecedit opera, non videtur esse nisi gratia excitans, ideo dici posse per gratiam antecedentem intellexisse sibi Concilium ipsos habitus virtutum infusorum. Verisimiliter tamen loqui videtur de actuali motione gratiæ, nam loquitur de iustificatis, in quibus iam supponit iustitiam eis donatam, per quam Christo tanquam vitæ sicut vini palmes uniti sunt, & in eos sic iustificatos dicit influere virtutem. loquitur ergo de influxu actuali. quod etiam optime intelligitur persistendo in metaphora, nam vitis non dicitur influere virtutem in palmes, quia substantiam (ut sic dicam,) potentias illis tribuit, sed quia succum, vel alimentum, vel aliquod simile quo nutriantur, & augeantur, & fructum ferant, in illos infundit; ergo in eodem sensu dicit Concil. influere Christum in iustificatos virtutem antecedentem, comitantem, & subsequentem ad bene, ac meritorie operandum.

24. Probat. 2. ex Trident.

Præterea est optimum testimonium Cælestini Papæ in Epistola ad Episcopos Galliarum cap. 8. dicentis, *Omnia studia, & omnia opera, ac merita Sanctorum ad Dei gloriam, laudemque referenda sunt, quia nemo aliunde ei placet, nisi ex eo, quod ipse donaverit.* Ne verò quis sufficienter dicat donare per habituales, & adiuvantem gratiam, ulterius pergat, & consideret testimoniū Zosimi Papæ, quo Cælestinus suam sententiam confirmat. *Nos autem instanti Dei (omnia enim bona ad auctorem suum referenda sunt, unde nascuntur,) ad fratrum, & Episcoporum nostrorum conscientiam universa retulimus.* quæ verba Africanus Patres, ut ibidem refertur, ita expendunt. *Quid iam libero fecisti arbitrio, quam quod uni-versa in nostra humilitatis conscientiam retulisti, & tamen instanti Dei factum esse fideliter, sapienterque vidisti, veraciter, fidenterque dixisti? ideo utique quia præparatur voluntas à Domino, & ut boni aliqui agant paternis inspirationibus suorum ipse tangit corda fidelium.*

25. Probat. 3. auctoritate Patrum. Cælestinus Papa.

Zosimus Papa.

Africanus Patres.



*Aug.* Quo unico testimonio videtur hæc sententia confirmari auctoritate duorum Pontificum, & vnius Concilij Africani, quibus accedit etiam Prosper, qui lib. contra Collator. cap. 10. hoc etiã testimonio vtitur contra Cassianum, & alios. Est autem in illis verbis ponderandum, sermonem esse de fidelibus, & per hoc in primis improbari primam, & secundam sententiam, & duas primas assertiones nostras confirmari. Deinde etiam, quia indefinitè dicit, *suorum corda fidelium*, iustos etiam comprehendit, imò illos maxime, qui illi maxime sunt fideles, & quos Deus ut suos præcipuè gubernat. Quod etiam aperte colligitur ex testimonio Pauli, quod idem Concilium statim adduxit; quotquot enim spiritu Dei aguntur, hi sunt filij Dei. Deinde ponderandum est illud, *ut aliquid boni agant, paternis inspirationibus suorum tangit corda fidelium*. Nam in hoc casu supponunt Africani Patres, sine huiusmodi inspiratione nihil boni posse agere etiam fideles, & filios Dei, ac proinde ad singula opera pietatis indigere iustos divina gratia excitante. Vnde de hoc eodem auxilio loquuntur cum subiiciunt, *Ut nostrum sentiamus deesse arbitrium, & in bonis quibusque, ac voluntatis humana singulis motibus magis illius valere non dubitemus auxilium*.

**26.** Atque in hunc modum possunt ad comprobendam hanc sententiam referri omnia testimonia, quibus lib. 1. vsi sumus ad probandum nullum opus bonum posse ab homine fieri sine auxilio gratiæ Dei, quæ ita exposuimus, ut de pietatis operibus omnibus, & singulis intelligantur. Nam doctrina illa generalis est ad iustos, & iniustos, perfectos, & imperfectos, quia de omnibus, & singulis operibus pietatis traditur, sine vlla personarum, vel statuum distinctione. Et ex vi illius doctrine nullus Catholicus audebit dicere, posse iustum exercere actum fidei, vel charitatis sine gratia Dei, non tantum habituali, sed etiam actuali, saltem adiuuante; ergo signum est sub illa vniuersali doctrina, etiam opera pietatis iustorum comprehendendi, in quibus propterea etiam locum habet sententia Augusti. lib. 2. de peccator. merit. cap. 8. *Sine Deo excitante, & adiuuante, nihil possumus*. Imò idem Augustinus expressè de iustificatis eodem modo loquitur lib. de natur. & Grat. cap. 26. vbi habet illam celebrem sententiam. *Sicut oculus corporis etiam planissimè sanus, nisi candore lucis adiutus, potest cernere, sic homo etiam perfectissimè iustificatus, nisi æterna luce iustitiæ diuinitus adiuuetur, rectè non potest viuere*. Et priùs dixerat, *ut pie semper, iustèque viuatur, vbi ponderanda est comparatio, & verbum illud, non potest cernere*, quod denotat tum necessitatem ad singula opera, sicut ad singulos actus videndi, tum etiam necessitatem adiutorij antecedentis, quod in suo genere dat potestatem operandi, sicut in oculo, & luce contingit. Simili modo lib. de Grat. & lib. arbitr. cap. 6. de homine iustificato ait, necessarium esse illi ut ambulet cum illo gratia, & incumbat super istam, ut rectè viuatur, vbi verumque auxilium indicat & denique. Alij autem Patres & Concilia gratiam illam, quam vniuersè ad opera pietatis requirunt, declarant per inspirationes, & illuminationes diuinas, & per motiones præuias, quibus præparatur voluntas à Domino, & per initium bonæ voluntatis, & operationis, quæ omnia excitantem gratiam significant. Et hoc etiam confirmant illæ sententiæ Concilij Arausici. *Hoc salubriter profitemur, quod in omni opere bono, nos non incipimus, quod statim declarat, quia fidem, & amo-*  
*Fr. Suarez, de Gratia Pars I.*

**A** rem prius Deus inspirat. Vnde cum postea subdit, post Baptismum ea, quæ Deo sunt placita, posse à baptizatis per Dei adiutorium impleri, de eodem adiutorio diuinæ inspirationis loquitur sine dubio. Item illam sententiam, *Multa in homine bona sunt, quæ non facit homo; nulla verò facit bona homo, quæ non præstet Deus, ut faciat homo* Nemo negabit de omni homine etiam iusto intelligendam esse. Et tamen ratione excitantis gratiæ, dictam esse manifestum est, cum ex vtitata phrasi Augustini, quod Deus per vocationem facit ut faciamus: tum ex eodem Augustino lib. 2. contra duas epistol. Pelagian. c. 9. vbi eandem sententiam prius tradidit, & ratione excitantis gratiæ declarat, Deum facere in nobis, *ut quidquid est boni, cum illo faciamus*. Denique idem confirmat illa sententia eiusdem Concilij, *Quoties bona agimus, Deus in nobis, atque nobiscum ut operemur, operatur*, quia iuxta frequentem modum loquendi Augustini, Deus operatur in nobis per gratiam excitantem, nobiscum autè per adiuuantem. Et ita ponitur eadem sententia à Prospero inter alias Augustini sententia 12. Denique hoc confirmant testimonia Scripturæ, quibus similes sententiæ solent ab eisdem Patribus confirmari, quales sunt illud Prouerb. *Præparatur voluntas à Domino*, & illud ad Romanos 8. *Qui spiritu Dei aguntur, hi sunt filij Dei*, & similia.

Nunc autem libet peculiariter expendere rationem Pauli ad Hebr. 13. *Deus autem pacis, &c. apert vos in omni bono, ut faciatis eius voluntatem, faciens in vobis, quod placeat coram se per Iesum Christum*. quo loco non tantum pro peccatoribus, sed etiam pro iustis Paulus orat, petens ut Deus illos apert in omni bono: aptare autem idem est quod præparare, inclinando voluntatem ad bonum. Nam cum voluntas sit principium omnis boni actus, tum homo aptatur ad bonum, quando voluntas eius inclinatur ad bonum, seu quando Deus illi immittit voluntatem bonam, ut ibi notat D. Thomas. Modum autem huius præparationis explicauit Paulus, dicens, *faciens in vobis, quod placeat coram se*. quia, ut alibi dixit, *Deus est, qui operatur in nobis velle, & perficere*. Hoc autem facit Deus in nobis per gratiam excitantem, ut in lib. 5. latius videbimus ex Augustino & indicat illud verbum, *faciens in vobis*, qui, ut nuper dicebam, per gratiam excitantem operatur solus Deus in nobis. Vnde Anselmus ibi rationem illius petitionis Pauli reddit, quia nisi ipso in vobis operante, nihil potestis agere, quod oculis eius placeat. hæc est gratia, quæ mentem præuenit. Hæc enim gratia omnibus tam iustis, quam iniustis necessaria est ubique, & semper, ut opera, quæ Deo placeant, facere possint.

Ratione probari potest eadem sententia, quia in homine non habente habitum infusum, necessaria est gratia excitans, quæ voluntatem inducat, & inuet ad opus pietatis; ergo etiam in habente virtutes infusas, est eadem gratia necessaria, si nulla alia differentia inter duos operantes intercedat, nisi quod vnus habeat habitum, & non alius. Antecedens suprà probatum est cum simili ferè illatione, quæ iterum probatur, quia probabilius est gratiam excitantem non requiri tanquam principium physicum, quod suppleat vicem habitus, quod nunc supponimus, & infra probandum est, & ideo ex hac parte habitus non tollit necessitatem excitantis gratiæ. Aliunde verò id quod est proprium gratiæ excitantis, quod est formaliter præstare ut homo vitaliter attendat, & vigilet, vel afficiatur,

*Aug.*

**27.** Prob. 4. ex Scriptura ponderando locum D. Pauli ad Hebr. 13. 20. 21.

**28.** Prob. quinto ratione.

tur, hoc non præstat formaliter habitus, nec suppleretur per naturalem illam propensionem, quam habet ad suum actum, quia est distinctæ rationis, & non transcendit statum dormientis (ut sic dicam,) seu statum potentie in actu primo, qui semper est imperfectus, & potentialis respectu actus secundæ; ergo non distante habitu manet eadem necessitas excitantis gratiæ, & declaratur in hunc modum. Nam si vera esset sententia, quam Vega tenet, catechumeno, etiam si incipiat credere per verum actum fidei infusæ ante Baptisimum, seu contritionem, non infundi habitum, tunc si ille post primum actum fidei interruptum secundum effectum sit, ex pia voluntate supernaturali indigebat nova gratia excitante, quia nec habet habitum infusum, nec prior, quæ præcessit ad primum actum, sufficit ad secundum, ut probant rationes in primo puncto factæ. At profecto eadem ratio necessitatis invenitur in catechumeno, etiam super primum actum, & infundatur habitus, ut probabilior fert opinio, quia per habitum non fit habilior, vel potentior ad se excitandum, sed ad credendum, si excitetur. Eademque ratio fieri potest de cæteris virtutibus infusis, si fingamus hominem sanctificari sine illis per solam gratiam sanctificantem, vel alio modo.

Deinde potest necessitas gratiæ excitantis in homine iusto ita declarari, & temperari, ut creditu facilius fiat, nam loquimur in primis de homine, qui de novo incipit operari, & transire ab actu primo ad secundum, quia si iam sit in actu secundo, & ab illo ad alium transeat per aliquam colligationem, tunc non indigebit nova gratia excitante, quia per primum actum excitari potest ad secundum in virtute primæ excitationis, ratione cuius uterque actus, vel quotquot multiplicati fuerint sic connexi in Deum referuntur. Sic enim Prosper contra Collat. cap. 3. in fine exculat quædam verba Cassiani dicentis. *Cum Deus in nobis oritur quendam bonæ voluntatis insperet, illuminat eum confestim, atque confirmat, & incitat ad salutem;* addit autem Prosper. *Et hic potest adhuc dicere illum se ortum bonæ voluntatis significasse, cuius à Deo sunt plantata, vel inspirata principia, quia illuminatis iam cordibus possunt salubres prodire conatus, qui ideo ipsius hominis proprii esse dicuntur, quia iam bonorum conatum acceperis facultatem, & eorum semina ad sumum referuntur auctorem.* quam doctrinam (quidquid Cassianus sentierit) tanquam verissimam nobis tradit Prosper, & æque procedit siue illi conatus sint tantum circa unum actum, siue circa plures connexos inter se, & ab eodem diuino semine procedentes. At vero quando iustus omnino de novo incipit pie operari, vel quia antea dormiebat, & vigilare incipit per actum bonum, & sanctum, vel etiam, quia licet de re sancta cogitaret, subito transferretur ad aliam omnino distinctam, & cum precedenti nullo modo connexam, in his casibus necessaria est motio saltem ex parte intellectus, quæ omnem libertatem antecedit; ergo si talis motio ex parte sua sit sufficiens ad actum pietatis, non potest esse nisi ex gratia excitante diuina. Quod quidem est evidentiùs, quâdo illa motio est merè interna, quia si nihil externum occurrit, quod illam inchoaret, tunc enim, ut diximus, Zosimus Papa esse non potest nisi ex instinctu Dei, siue immediate operantis, siue medio aliquo ministerio sanctorum Angelorum, saltem quoad motionem phantasmatum, quando ab illis incipit intellectualis cognitio.

Quando verò cogitatio interna per motionem

Alicuius sensibilis obiecti incipit, tunc aliquid potest operari habitus, & talis excitatio fiat, potestque etiam iuvare aliquam bonam dispositionem per priores actus bonos acquisite, præsertim species præteriorum actuum in memoria relictæ, illæ enim immediate excitantur per obiecta externa, & du repræsentant vel primum propositum prius habitum, vel obiectum, ut iam prius amatum, ut creditum, facilius inducunt cogitationem ad primum actum inclinantem, quæ vera gratia dicenda est, tum quia occasio talis excitationis, ex gratuita Dei providentia parata est, tum etiam, quia quodammodo præsecur in virtute prioris gratiæ ad præcedentes actus efficiendos data. Et nihilominus existimo, ut cogitatio illa, quæ per huiusmodi obiecta externa interiorius excitatur, sufficiens sit, ut voluntas possit piam, & supernaturalem actum elicere, necessarium esse ut Deus aliquid interiorius speciali modo iniusto operetur, vel cogitationem dirigendo ut supernaturalem rationem operandi voluntati proponat, sicut oportet, vel suavitatem aliquam infundendo, quæ & inclinet, & satis attendere faciat ad talem operandi modum. Moverique præcipue, quia hoc videtur mihi magis consentaneum doctrinæ Conciliorum, & Augustini, & quia ipse modus supernaturalis operandi reuera semper videtur hoc exigere, præsertim, ut eliciatur actus in sua substantia supernaturalis.

B Fateor tamen necessitatem hanc gratiæ excitantis in homine iusto per se ac simpliciter inveniri ex parte intellectus, & in cogitatione eius, non tantum ut sit congrua, sed etiam ut sit sufficiens. Ex parte autem voluntatis, quia necessitas magis oritur ex infirmitate naturæ lapsæ, quæ infirmitas per iustitiam sanatur aliquo modo, vel reparatur, ideo si magna iustitiæ perfectio, & habilitas, ac promptitudo ad pie operandum ex frequenti usu sanctæ viuendi comparata sit, fieri poterit ut excitans gratia intellectus sufficiat ad eliciendum statim ex habitu gratiæ piam, ac deliberatam voluntatem, nullo interveniente motu indeliberato eiusdem voluntatis. Verumtamen quamvis hoc magis accidere possit iustis, quàm peccatoribus, & perfectis, quàm imperfectis, nihilominus in omnibus rarum esse opinor, tunc propter tarditatem hominis in deliberando, præsertim in materia tam gravi, & supernaturali, tunc propter infirmitatem, & difficultatem, quæ in hac vita nunquam omnino tollitur.

C Obieci saltem nobis aliquis, quia supra in secunda conclusione diximus, peccatorem fidelem cum sola externa propositione obiecti fidei posse sine aliqua gratia excitante elicere actum fidei, saltem modo speculativo, cum tamen actus ille etiam supernaturalis sit; ergo similis propositio obiecti poterit esse sufficiens ex parte voluntatis. Respondetur in primis, illam particulam *solum* non excludere concomitantia, id est, non excludere internam doctrinam qua spiritus sanctus facit interiorius incipere obiectum fidei, prout necessarium est ad actum fidei eliciendum: probabile enim est etiam ad illum modum concipiendi uti Deum exteriori verbo ut instrumento, & adiuvari, seu manuducere intellectum, ut melius illi faciat, quàm suis viribus possit, & hoc genus auxilij ad omnes, & singulos actus fidei etiam si ex habitu fiant, esse necessarium. Iuxta hoc ergo, particula *solum* excludit tantum alia auxilia, quæ ex parte piæ voluntatis ad credendum sunt necessaria, quia supponimus illum actum fieri posse ex habitu sine speciali motione voluntatis ad talem assensum in specie, sed tantum ad considerandum,

Quâdo cogitatio interna haurita est à sensibus, potest aliquid operari habitus.

Quid requiratur ut cogitatio quæ per obiecta externa excitatur sufficiens sit ut voluntas possit supernaturalem actum elicere.

32. Obiectio.

Respons.

Absurdum consequens ex quodam placito Vega.

30. Aperitur evidentiùs huius sententiæ probabilitas.

Prosper.

31.

In actibus voluntatis ut sanctè fiant maior est difficultas quàm in actu intellectus speculatiui.

33. Ad 1. fund. 1. sentent.

Ad fund. 1.

Trident.

34. Ad fund. 3. sentent. sup. num. 6.

Mens D. Thomæ.

tandum, vel iudicandum de huiusmodi rebus. Deinde verò addimus in actibus voluntatis, ut sanctè fiant esse longè maiorem difficultatem, quàm in actu intellectus speculatiui, etiam si sit fidei, quando iam intellectus supponitur captiuatus in obsequium eius; tunc enim simpliciter fertur in veritatem obiecti propositi, & difficultates fidei, vel non considerantur, vel ex habitu tanquam nullæ reputantur. At verò rectitudo, & sanctitas in actu voluntatis, ex multis circumstantiis pendet, & præsertim ex puro motiuo consentaneo tali actui, quod difficile ab aliis motiuis secernitur, & plura etiam sunt, quæ illum impedire, vel obscurare possunt, & ideo maior necessitas excitantis gratiæ ad actus pietatis prout à voluntate pendet, etiam in iustis inuenitur.

Supereff ut ad argumenta aliarum opinionum respondeamus. Et ad primum fundamentum primæ sententiæ nihil noui est, quod dicamus, iam enim ostensum est, quomodo excitatio præcedens eodem modo, quo dicitur in virtute, vel in semine manere, non potest per se sufficere, nisi iterum excitetur, & iuuetur. Ideoque & cum proportionem dicimus ad fundamentum secundæ sententiæ, nam etiam fides mortua indiget excitatione ut actum operari valeat, & per se est etiam inefficax ad excitandam sufficienter voluntatem ad perfectam conuersionem, non tam ratione sui, quàm ratione subiecti infirmi, & præuæ affecti. Neque Concil. Trid. c. 6. dicit unicam excitationem sufficere ad omnes dispositiones, quas ibi numerat: posset tamen id habere locum quoad excitationem omnino non liberam, & ab extrinseco prouenientem quando actus voluntatis ita essent inter se connexti, ut unus ad alium moueret, tunc enim procedit saltem prima excitatio ab Spiritu sancto, quæ sufficiat mouere voluntatem ad aliquem liberum actum; ille verò statim excitat mentem ad alium sibi consentaneum, excitando etiam aliam cogitationem in intellectu, si necessaria fuerit, in qua etiam Spiritus sanctus habet suum proprium influxum. Vnde licet hoc modo procedatur, & usque ad perfectam conuersionem, & iustificationem perueniatur, id non fit sine propria gratia excitante, ut iam declarauimus. Confirmatio autem quæ ibi additur in æquiparatione inter iustum, & peccatorem ex dictis in tertia assertione soluta relinquitur, & in capite sequenti amplius declarabitur.

Ad fundamentum tertiæ sententiæ in primis respondendum est ad verba D. Thomæ in dicto art. 9. in quibus aliqui per auxilium gratiæ, & per motionem diuinam aliquam gratiam excitantem intelligunt. Vnde potius colligunt secundum D. Thomam iustum indigere gratia excitante ad singula bona opera etiam ordinis naturalis; sed hoc verisimile non est, & latius in primo libro dixi. Dico ergo D. Thomam ibi indefinitè loqui de bono efficiendo, & malo euitando, & ita eodem modo loqui de motione Dei indefinitè, & cum partitione accommodata postulare illam ad omne opus bonum, generalem scilicet, seu naturalem, ad opera naturæ; specialem verò, seu gratuitam ad opera pietatis. Ad Concilium Arausicum respondemus, cum in prioribus verbis dicit, *Christo auxiliante, & cooperante*, & cum in posterioribus dicit, *cum ipsius adiutorio*, semper intelligere auxilium diuinæ inspirationis, de quo in præcedentibus capitulis sæpe fuerat loquutum, & in sequentibus ostendemus Augustinum, & alios Patres in communi modo lo-

Fr. Suarez de Gratia Pars I. l.

A quendi de diuina gratia nomine diuini auxilij excitantem gratiam in primis comprehendere.

Ad primam rationem omiſſa efficientia physica, propter quam nos excitantem gratiam non requirimus, negamus, proprium munus eius, quod utique formaliter præstat, posse per solum habitum suppleri, quia, ut declarauimus, neque formaliter dat habitus illum modum actualis, & vitalis inclinationis, quem dat excitatio, neque efficere aliquid potest nisi ipse excitetur. Vnde ad illam comparisonem inter semen inspirationis, & semen gratiæ habitualis respondemus, in hoc potius seruandam esse proportionem, quod sicut excitatio non potest facere bonum conuersionis sine adiuvante & cooperante gratia, ita neque habitus gratiæ potest efficere fructum iustitiæ sine diuina inspiratione, seu excitatione; in vniuersum enim vera est Augustini sententia, quod Deus præparat voluntatem adiuvandam, & adiuvat præparatam. Ad secundam rationem rectè responsum est, habitus gratiæ, quia sunt in potentiis animæ, & operantur ad modum illarum præter comitantem gratiæ concursam indigere præuia excitatione ad operandum. Hanc autem dicimus non fieri sufficienter per obiecta exteriora sine interuentu specialis auxilij Dei interioris, ut auctoritate, & ratione explicatum est.

35. Soluitur 1. ratio suprà n. 6.

Soluitur 1.

## CAPVT IX.

*Duo incidenter dubia de necessitate excitantis gratiæ, tam in natura lapsa, quàm integra expediuntur.*

EX dictis in præcedenti capite duo incidentia dubia expediri possunt. Primum est, an quoties peccator indiget auxilio speciali ad aliquod bonum operandum, illo etiam indigeat homo iustificatus; vel è conuerso, an homo iustus ratione solius gratiæ habitualis possit aliquid boni facere sine auxilio speciali, quod homo peccator sine tali auxilio facere non potest. Quod dubium attingit Vega q. 14. de iustificat. Et in conclusione secunda respondet posse iustum aliquid facere sine speciali auxilio, quod non potest peccator; non declarat tamen quid illud sit, allegat verò Canonem; Concilij Mileuitani, in quo dicitur, gratiam Dei in qua iustificamur, non solum valere in remissionem peccatorum, quæ commissa sunt, sed etiam in adiutorium, ne noua committantur, quem canonem de gratia habituali intelligit, sentitque per illam sine aliquo alio speciali auxilio posse vinci tentationem, quæ ab homine existente in peccato, sine illo auxilio vinci non posset. Idque confirmat, quia per gratiam habitualement cum suis virtutibus sanatur anima, & confortatur ad bene operandum; ergo potest sua virtute hoc præstare sine alio speciali auxilio, aliis frustra daretur.

Contrariam sententiam docet Vasquez 1. 2. disp. 193. cap. 2. fundaturque in illo suo principio, quod cogitatio congrua ad omnem operationem necessaria est, siue homo sit in peccato, siue in gratia, quia non magis potest voluntas, vel intellectus habens infusum habitum operari, sine cogitatione præuia, quàm cum caret habitu: cum autem operatio honesta ex tali cogitatione sequitur, non potest non esse sancta, &

H 2 congrua

1. Dubium primum incident. Verum iustus sine auxilio speciali possit aliquid boni facere, quod peccator sine tali auxilio efficere nequeat. Vega affirmat.

2. Vasq. negat.



congrua: talis autem cogitatio congrua semper est gratia, quæ non debita homini etiam habenti gratiam, nam in quouis occasione, & momento potest Deus illam non dare sine infidelitate, quia illam non promisit, & sine iniustitia, quia homo propter solum habitum iustitiæ illam non meretur. Hæc verò parui momenti sunt contra Vegam, tum quia ille facile negaret omnem cogitationem congruam esse specialem gratiam, tum etiam quia fortasse diceret, gratiam habitualemente efficere, vt aliqua cogitatio sit congrua respectu hominis iusti, quæ non esset respectu peccatoris. Et ex hac parte specialius auxilium, id est, meliorem, seu intensiorem cogitationem esse necessariam peccatori, vt possit esse congrua, quàm iusto.

3.

Assertio 1.  
Videndum hac  
in re distin-  
ctione.

In operibus  
naturalis or-  
dinis nullum  
est discrimē  
inter iustum  
& peccatorem  
quoad auxi-  
lia.

Ad funda-  
mentum Ve-  
gæ.

Ad Canonē  
Mileuitani.

Limitatio  
exclusionis.

4.

In operibus  
supernaturalis  
ordinis

Mihi verò distinguendum videtur de auxilio excitante, vel cooperante, & de bonis operibus ordinis naturalis, vel supernaturalis. In operibus ergo naturalis ordinis nullum inuenio discrimen inter hominem habentem, vel non habentem habitum gratiæ, siue quoad auxilium excitans, siue quoad cooperans, vtique per se loquendo, & ex vi solius habitus. Ratio est, quia isti habitus infusi non dantur tanquam principia istorum operum naturalium, neque ad illa per se inclinant, ideoque si quæ est in illis difficultas, illam non minuunt, ac proinde relinquunt eandem auxilij specialis necessitatem, vbi propter difficultatem operis intercedit, & ideo non potest cum probabilitate dici solum habitum sufficere, vt eadem gratia sit efficax, vel congrua, quæ aliàs non esset, cum habitus gratiæ per se nihil ad eam efficaciam conferat. Et ita etiam quoad hanc partem cessat fundamentum Vegæ, quia licet gratia sanet animam quoad mortem culpæ apud Deum, non sanat illam quoad repugnantiam fomitis, nec vim tentationum demonis aufert. Quapropter cæteris paribus non magis potest vinci aliqua tentatio sine auxilio speciali ab homine iusto, quàm à peccatore. Nec rectè in contrarium inducitur Canon tertius Concilij Mileuitani, tum quia ibi gratia iustificationis non significat solum habitum, sed omnia auxilia gratiæ, quibus homo ad iusticiam assequendam iuuatur, vt infra tractando de iustificatione videbimus, tum etiam, quia licet de habitu loqueretur, non esset intelligendus habitus per se, & (vt ita dicam) formaliter non iuuat ad tentationem vincendam, sed est ratio ob quam, vel Deus magis protegit iustum ne grauius tentetur, vel magis illum adiuuat, si tentetur, vel etiam quia facilius illum exaudiat auxilium petentem ne cadat. Dixi autem per se, & ex vi habitus infusi, quia si aliunde iustus propter exercitium virtutis moderatas habeat passiones, & oblatam difficultatem, quæ ex consuetudine peccandi, vel ex aliquo effectu ad creaturam nascitur, contingere facile poterit, vt aliquid boni naturalis facere, vel aliquid mali vitare possit iustus sine speciali gratia, quod non possit peccator. Nam licet in vtroque requiratur congrua cogitatio ad talem effectum, tamen si cogitatio congrua sit ordinis naturalis, non semper est speciale auxilium gratiæ, quæ ex principiis positis in libro primo facile constant.

In operibus autem supernaturalibus ordinis discrimen necessariò constituendum est, inter auxilium gratiæ excitantis, vel adiuuantis. Nam in necessitate excitationis ad actus supernatu-

rales nulla differentia inuenitur inter iustum, & peccatorem, seu inter habentem, vel non habentem habitum infusum, hoc enim probant omnia, quæ in tertia assertionione capitis præcedentis diximus. Hoc autem, sicut in priori puncto dixi, per se, ac præcisè ex vi habituum gratiæ intelligendum est, quia illi non suppleant, neque aufeant necessitatem excitationis, sed potius illa indigent. Si verò contingat hominem iustum ex vsu præcedentium actuum, & ex speciebus illorum in memoria relictis, & moderatione affectuum à similibus dispositionibus inducta, esse aptiorem, & faciliorem ad excitationem capeffendam, in hac facilitate poterit distingui à peccatore, nunquam tamen distingui poterit in absoluta necessitate excitationum, quia semper iustus illa indiget in hac vita, quantumvis perfectus sit. Imò etiam differentia in dicta felicitate non est vniuersalis, nec ratione habitus: nam si contingat iustum, & suo modo perfectum peccare mortaliter, licet amittat habitum infusum, retinet illam bonam acquisitam dispositionem, qua physice (vt ita rem explicem) redditur habilior, seu minus ineptus ad excitationem diuinam, & talem cordis sentiendum. At verò quoad gratiam adiuuantem est clara differentia inter iustum, & peccatorem, quia iustus habet intrinseca principia proxima ac per se supernaturalium actuum, & illa non suppleantur per supernaturalem gratiam, ideoque indiget peccator magis quàm iustus alia speciali gratia adiuuante ad actus charitatis, pietatis, & aliarum virtutum infusarum, quas non habet. Et hoc tantum probat ratio Andreæ Vegæ: nam habitus infusi operatiui ad hoc solum dantur, vt sint principia proxima intrinseca suorum actuum, vt hoc modo adiuuent potentiam ad illos physice, & connaturali modo eliciendos.

Vltimò ex dictis definitur facile aliud dubium cum doctrina data connexum, videlicet vtrum Adam in statu innocentie indigeret gratia excitante ad actus iustitiæ, & ad perseuerantiam in illa. Aliqui enim negant, docentque solum indiguisse cooperante gratia, seu generali concursu iustitiæ, ita docet absolute Bellarm. lib. de gratia primi hominis, cap. 4. fundaturque in quibusdam locis Augustini, in quibus docet maiori quodam auxilio indigere hominem in statu naturæ lapsæ, quàm integræ, vt lib. de corrept. & grat. cap. 11. & 12. & lib. de bono perseuer. cap. 7. & lib. 3. Hypognost. in principio, hoc enim propter auxilium gratiæ excitantis videtur ab Augustino dictum, nam in hoc statu, illo maxime indigemus propter naturæ corruptionem, & ideo in natura integra non videtur fuisse ita necessarium. Contrariam sententiam latè docet Vazq. 1. 2. disp. 193. c. 3. & 4. docetque ad omnes, & singulos actus bonos tam naturales, quàm supernaturales ordinis indiguisse hominem in statu gratiæ naturæ auxilio gratiæ excitantis. Idemque dicit de Angelis viatoribus, semperque fundatur in illo suo principio de necessitate cogitationis congruæ, quam semper censet esse speciale auxilium gratiæ.

Nobis autem distinctione proximè dicta de bonis actibus ordinis naturalis, vel supernaturalis vtendum est, & in primis dicendum est ad actus ordinis naturalis non fuisse simpliciter necessarium in statu integræ naturæ auxilium gratiæ excitantis. Ratio est, quia ad talia opera per se non est necessarium tale auxilium gratiæ, sed ob infinitatem,

quoad necessi-  
tatem gra-  
tiæ excitantis  
par est ius-  
ti & pecca-  
toris condi-  
tio.

Disparitas  
vtriusque  
conditio est  
quoad gra-  
tiam adiuuan-  
tem.

5.  
Dubium al-  
terum.  
Vtrum ho-  
mo in statu  
innocentie  
indigeret  
gratia exci-  
tante ad actus  
iustitiæ, &c.  
Negant Bel-  
larminus,  
August.

Vasquez af-  
firmat.

6.  
Assertio 2. di-  
stinguendu-  
m est.  
Ad actus na-  
turalis ordi-  
nis non fuit  
tunc neces-  
saria gratia  
excitans.

& ignorantia naturæ lapsæ. Et hoc generatim de auxilio gratiæ probatū est latè in lib. 1. ubi etiam ostendimus hanc esse communem sententiam D. Thomæ, & Theologorum, & fortasse hoc tantum voluit dicere Bellarminus : nam hoc tantum suis rationibus affirmat. Neque fundamentum illud de cogitatione congrua oppositum probat, quia talis cogitatio naturalis est, & ideo licet congrua sit, non pertinet ad auxilia gratiæ, ut latè in superioribus probatum est, quæ in sequenti libro quasi per recapitulationem iterum proponemus.

Neque obstat fund. Vasquez. supra n. 2.

7. Necessaria tamen fuit ad actus ordinis supernaturalis.

Deinde addendum est indignis hominem in statu innocentie gratia excitante ad actus ordinis supernaturalis, non solum propter cogitationem congruam, quæ in ordine gratiæ pertinet ad auxilium efficax, sed etiam propter cogitationem auxiliij sufficientis, licet non esset futurum efficax. Ratio est, quia necessitas gratiæ excitantis ad hos actus non est quasi per accidens, propter corruptionem naturæ, sed per se, propter excellentiam talium actuum. Et hoc probant omnia quæ capite præcedenti adduximus in confirmationem tertiæ assertionis. Nam in primis si sit sermo de actibus disponentibus ad primam iustificationem, tam certum est hominem non potuisse in statu naturæ integræ, imò neque Angelos in sua conditione se disponere ad primam gratiam habitualement, sine præveniente Spiritus sancti inspiratione, & illuminatione, sicut est certum de homine, ut nunc supponimus ex materia de iustificatione; ergo ad hanc saltem indiguerunt gratia excitante. Si verò sit sermo de aliis bonis actibus, qui sunt fructus iustitiæ, sic procedunt rationes factæ de hominibus iustis, quia, ut dixi, non fundantur in peculiari conditione naturæ lapsæ, sed in propria natura talium actuum. Et ideo illæ sententiæ, *Deus est qui operatur in nobis velle, & perficere, & qui capis in nobis opus bonum perficiet.* Non minus habent locum in Angelo, & in homine integro, quam in lapsis. Denique in hoc sensu ait sæpe Augustinus indignis hominem in hoc statu divino adiutorio ad perseverandum, & fructificandum in operibus iustitiæ, ut videre licet lib. 14. de Civit. cap. 17. & de Nat. & Grat. cap. 26. & in Enchirid. cap. 106. ubi de quocunque homine perfecte iustificato loquitur, neque in lib. de Corrupt. & Grat. est sibi contrarius, quia non loquitur de quacunque gratia excitante, sed de efficaci, & specialiter de peculiari dono perseverantiae hominibus lapsis necessario, & tractando de hoc dono, & de gratia efficaci locum illum Augustini vberius declarabimus.

August.

## C A P V T X.

### Utrum motus gratia excitantis sint in sua entitate supernaturales.

1. Certum est motus gratiæ excitantis esse aliqua ratione supernaturales.

Quamvis ista quæstio ad existentiam istorum actuum pertinere videretur, tam in hunc locum distulimus, quia suppositis, quæ hæcenus diximus, facilius poterit explicari. Primum ergo supponimus negari non posse, quin isti actus sint aliquo modo supernaturales, quia omnia vera dona gratiæ, quæ ad salutem conferunt, sunt aliquo modo supernaturalia : sed gratia excitans est verum donum gratiæ, & ad salutem multum confert; ergo est aliquo modo

Fr. Suarez de Gratia Pars I I.

supernaturalis; ergo motus illos, in quibus talis gratia consistit, aliquo modo supernaturales esse necesse est, quia intrinsecè sunt ipsa gratia excitans, neque illa duo in re distinguuntur, ut supra ostensum est. Item, quia aliàs possit homo per naturales vires mereri hos motus gratiæ excitantis, si essent naturalia bona, quia huiusmodi bona ea de re possunt sub bonum meritum naturalis virtutis saltem de congruo, iuxta doctrinam D. Thomæ 1. 2. quæst. 22. Denique si hi motus essent merè naturales, quidquid per illos seu virtute illorum fieret, profectò per naturales vires fieret: hi autem motus dantur, ut supernaturaliter faciamus, quod per vires naturæ facere non possumus; ergo necesse est ut isti motus supernaturales sint. Hoc ergo supposito, inquirimus, quam rationem supernaturalitatis isti motus habeant in eodem ferè sensu, in quo facilem quæstionem de actibus deliberatis tractauimus in lib. 2. scilicet an sint supernaturales in substantia sua, vel in modo.

D. Thom.

Status quæstionis.

Ratio autem dubitandi in veramque partem ex ibi dictis sumi potest, hic enim apparet necessarium esse, ut sint supernaturales in substantia, quia si entitas illorum naturalis est, explicari non potest quem modum supernaturalem necessariò habere debeat, ut ostendi potest discursu ibi facto. Nam vel ille modus est extrinsecus actui, vel intrinsecus. Primum dici non potest, tum quia in his actibus, cum liberi non sint, non habet locum ratio meriti, vel acceptionis, vel relationis moralis in aliquem finem: tum etiam, quia nullus modus extrinsecus potest conferre actui perfectionem, vel virtutem, quæ dat vires ad supernaturaliter operandum, sed isti actus dantur ut auxilia ad supernaturaliter operandum, quod non habent per id, quod est naturale in ipsis, quidquid illud sit, sed ut sint supernaturales; ergo non possunt sufficienter constitui in esse supernaturali per modum extrinsecum. Neque etiam modus intrinsecus satis esse, aut explicari potest; quid enim esse potest, nisi vel intensio, vel duratio, vel aliquid simile: hi autem modi vel necessarii non sunt, vel certè etiam ipsi naturales sunt, quia eiusdem ordinis cum ipsis actibus sunt.

2. Ratio dubitandi. Non videtur esse tantum supernaturales secundum modum.

Aliunde verò multo difficilius est in his actibus entitatem, & speciem supernaturalitatis intelligere, quam in propriis actibus virtutum infusarum. Primum, quia isti actus gratiæ excitantis non habent virtutes per se infusas, ad quas pertineant. Item non videntur habere obiecta formalia supernaturalia, quia nec sunt actus fidei, aut prudentiæ in intellectu, nec charitatis, aut spei, vel aliarum virtutum infusarum in voluntate: omnia autem supernaturalia obiecta hæc potentiarum pro statu viæ sub his virtutibus comprehendi videntur. Ex his autem principiis præcipue colligebamus superius supernaturalitatem in substantia actuum perfectorum gratiæ; ergo in his motibus indeliberatis non habemus unde tantam supernaturalitatem colligamus. Neque etiam videtur in illis tam necessaria, tum quia valde imperfecti sunt in suo genere, & non sunt principia physica perfectorum actuum, ut supponimus: ut autem moraliter ad eos inducant, & iuvent, satis est ut peculiari modo dirigantur, vel tribuantur à Deo, etiamsi absolutè, & in se, supernaturales non sint: tum etiam, quia in his actibus supernaturalitas hæc quoad modum potest facilius intelligi, nimirum, propter modum quo à Deo fiunt, necessitando potentias, & illas aliter immutando, quam

3. Neque ita apparet necessaria supernaturalitas secundum substantiam. Primum. Secundò.

Tertiò.

H 3 per



Quarto.

per sola obiecta externa fieri possit. Est præterea in his actibus peculiaris difficultas, quia in suo fieri, & esse ordinariè ac singulariter pendente à ministerio hominum, scilicet à verbo Dei, per ministros Ecclesiæ prædicato, & ab aliis admonitionibus, exemplis, & obiectis externis, quæ excitant vel ad timorem mortis, aut inferni, vel ad alium similem affectum: non videntur autem ex his omnibus occasionibus statim insurgere supernaturales motus, tandem, quia etiam pendente hi motus ex naturali conatu potentiarum nostrarum, non solum, quia ab iis effectiue procedunt, vt diximus, sed etiam, quia quando omnino sunt necessarij, videntur ex naturali conatu, & impetu prudentiæ prodire: quando verò sunt aliquo modo liberi, saltem remotè industria humana quærentur, & obtinentur, nimirum, quia homo se mouet ad concionem audiendam, vel legit librum, vt ita exciteretur ad virtutem; signum est ergo hos actus esse in se naturales.

4.  
Iudicium  
authoria.

In puncto principali huius quæstionis pauca inuenio à Theologis dicta; iuxta principia verò posita in hac materia distinguendum videtur, inter excitantem gratiam, quæ ad naturalem legem seruandam, vel tentationibus contra illam resistendo, & bonos actus morales ordinis naturalis efficiendos, & excitantem gratiam, quæ ad supernaturalem consensum, & alios actus infusos subleuatur, & adiunatur; vt utrumque enim auxilium gratiæ nobis necessarium esse in lib. 1. & 2. satis ostensum est, & in vtroque seruata propositione initium sumi ab excitante gratia, omnes etià Doctores pro comperto habent, & de gratia requisita ad supernaturales actus satis clarè id docet Cõcil. Trid. & in toto discursu huius libri id præcipue à nobis declaratum est. De actibus tamen moralibus idem sumi potest ex Concilio Arausicano Can. 7. & per plures alios. Et quamuis illa non sit tam expiella definitio, quia loquitur de actibus factis, sicut oportet ad salutem æternam; tamen attenta identitate rationis, & seruata proportionem, idem motus adiutorij diuini præstat ad actus naturales, quando necessarium est per inspirationem alicuius bonæ cogitationis, aut motionis, quæ non sit in hominis potestate, & ad bene operandum iuuat; & in hoc sensu attigerunt diuisionem hanc Bellarminus lib. 5. de Grat. & lib. arbitr. cap. 7. Molin. in concord. disp. 19. & 35. & latius Vasquez 1. 2. disp. 189. cap. 14. & 19. disp. 190. cap. 12. vbi alios auctores refert, quos in lib. 1. & 2. tractando de necessitate gratiæ ad vtroque actus sufficienter tetulimus, non ferè semper loquuntur sub generalibus nominibus gratiæ, vel auxiliij, vel motionis, nihil verò speciale dicunt de gratia excitante, de qua nunc tractamus.

Trident.

Arausica.

Bellarm.  
Molina.  
Vasquez.3.  
Affectio prima.  
Gratia excitans ad actus moraliter bonos ordinis naturalis, non est necessariò supernaturalis secundum substantiam.  
Explicatur.

Dico ergo primò. Gratia excitans quæ ad actus moraliter bonos, vt præcisè ad ordinem naturæ pertinent, necessaria, vel sufficiens non est supernaturalis in entitate, sed solum in modo quo datur. In hac assertionem addidi in primis illam particulam, vt præcisè pertinent ad ordinem naturæ, quia si tales actus fiant sub aliquo respectu supernaturali, tunc altior excitatio erit ad illos necessaria, non propter ipsos, sed propter actum, à quo supernaturaliter imperantur, aut referuntur. Dixi etiam sermonem esse de excitatione necessaria, quia etiam excitatio in sua entitate supernaturalis potest multum iuuare ad hos actus studiosè, & facilius efficiendos, non tamen est

A simpliciter necessaria. Sic ergo declarata assertio. Probarur prima pars negatiua eius, primò ex discursu facto in posteriori ratione dubitandi, quia nullum est principium vbi talis supernaturalitas necessaria videatur. Item, quia adiutorium debet esse proportionatum effectui, propter quem datur talis excitatio, est merè naturalis; ergo excitatio necessaria, quæ sit sufficiens adiutorium, erit etiam ordinis naturalis. Præterea, quia hæc excitatio sufficiens ad seruandam legem naturæ dari posset, & necessaria esset etiam homini creato in puris naturalibus, & nunc etiam credibilis est, dari ad plures actus hominibus infidelibus, qui cogitationem in entitate supernaturali numquam habuerunt, quia numquam supernaturaliter crediderunt, nec de supernaturali cogitarunt; ergo signum est excitationem per se requisitam, & sufficientem ad huiusmodi actus, non esse supernaturalem; & in hac parte videntur consentire Bellarminus, & Vasquez supra, & fortasse Theologi antiqui, cum dicunt, ad hos actus requiri auxilium gratiæ gratis datum, non gratum facientis, hoc etiam significare voluerunt, quamuis etiam concursum generalem comprehendant, vt in superioribus dixi.

Stabilitur  
primò in ratione dubitandi supra num. 2.

Secundò à signo.

Bellarm.  
Vasquez.

Posterior pars quæ affirmat gratiam hanc excitantem esse supernaturalem quoad modum, aliqui ita declarant, vt modum illum solum in quadam congruitate honestæ cogitationis constituent, & in reliquis supponunt talem excitationem intrinsecè esse posse cogitationem merè naturalem, quæ per actionem obiectorum externorum per naturales vires intellectus humani, Deo tantum per generalem concursum influente, eliciatur, & non habeat aliam rationem gratiæ, nisi quia ex generali providentia ita fuerunt à Deo causæ secundæ dispositæ, vt in tali tempore, & occasione cogitationem illam excitarent, quando præsciebat hominem fuisse illi consensurum, quod est cogitationem esse congruam. Sed contra hanc explicationem variis modis argumentati sumus in lib. 2. ostendentes illam non esse vetam auxiliantem gratiam, tum quia illa cogitatio non excedit rationem legis, & doctrinæ, tum etiam, quia illa congruitas non dat vires ad operandum præter vires naturales, sed ad summum dicit easdem vires opportuno tempore datas, & ita quidquid per illam cogitationem fit, solis viribus naturæ fit. Accedit, quòd illud genus gratiæ dandi naturale beneficium congruo tempore, est quid extrinsecum ipsi cogitationi, & bono operi, quod ab illo procedit; ergo neque ipsi cogitationi addit virtutem aliquam, nec bono operi addit moralem benignitatem, aut valorem confert ad meritum. Aliunde verò illud genus beneficij totum continetur intra ordinem naturæ; ergo nullo modo dici potest illa cogitatio supernaturalis, nec opus eius fieri ex gratia, nec satis est dicere Deum ordinasse illam cogitationem ad finem supernaturalem, quia hæc etiam ordinatio extrinseca est, & non dat vires, nec adiutorium bene operandi: unde neque Massilienses illam negarunt, quod tamen eos non excusat, quia illa ordinatio non reddit opera meliora, nec maioris valoris, & quia illa non obstante supernaturalis gratia subicitur obedientiæ humanæ.

6.  
Sufficit vt sit supernaturalis secundum modum.Impugnatur  
quorundam ratio explicandi illum modum.

Primò.

Secundò.

Tertiò.

Aliter igitur intelligi potest illa excitatio in sua entitate naturalis esse, & in modo quo efficitur supernaturalis, quia vel sit immediatè à Deo

7.

Deo

Vera explicatio in quo



posita sit supernaturalitas secundum modum gratiæ excitantis.

Deo inspirante interiori honestam cogitationem naturalem, quia videlicet licet possent naturalia obiecta illam excitare si occurrerent, cum tamen non occurrunt, Deus misericorditer illam præbet, ideòque & gratia merito appellatur, quia ultra debitum naturæ datur, & auxilium gratiæ, quia verè iunat ad bene operandum in ipso ordine. Et supernaturalis dici potest, quia præter ordinem naturæ, & ultra debitum causarum naturalium datur. Vnde etiam dici posset per accidens infusa, quia ab Spiritu sancto inspiratur, & ita est ab ipso indita, per accidens tamen, quia ille modus productionis non est connaturalis, nec per se debitus illi cogitationi. Vnde hic modus gratiæ non solum in cogitatione congrua, sed etiam in incongrua, id est, non efficaci, sed tantum sufficiente inueniri potest. Quia etiam si Deus inspiraret naturalem cogitationem honestam ex peculiari gratia præter ordinem causarum, non necessitat voluntatem, & ideo potest illi dissentire, si velit; ergo in ipso etiam genere gratiæ potest esse excitatio incongrua.

Hic modus reperitur in cogitatione congrua, & incongrua.

8. Effugium.

Præcluditur.

Dicet aliquis, quamuis absolutè hoc sit possibile, nihilominus secundum ordinariam prouidentiam non dari à Deo talem cogitationem illo peculiari modo, nisi quando futura est congrua. Sed hoc gratis dicitur, & sine vlla probabilitate; nam si Deus frequentissimè inspirat cogitationes supernaturales, quas præscit futuras esse incongruas, cur non etiam naturales? ac deinde aliàs sequeretur quoties homo non consentit simili cogitationi internæ, colligi posse illam non fuisse inspirationem diuinam, quod omnino falsum est, ut suprà in Cassiani doctrina notauimus. Certum enim est hoc genus auxilij indifferens esse ad sufficiens, & ad efficacem in ratione excitantis. Ex quo sumi potest noua impugnatio præcedentis opinionis, quia iuxta illam nulla esset gratuita excitatio ordinis naturalis, nisi efficax. nam cogitatio congrua iuxta illam opinionem, semper est efficax, de quo argumento dicam plura in libro sequenti cap. 15.

9. Simile auxilium gratuitum in voluntate admittendum est.

Atque ad eundem modum potest explicari in voluntate simile auxilium gratuitum per bonos motus indeliberatos in ea insurgentes. nam, quia hi motus non excitantur nisi media cogitatione, quando cogitatio ipsa est supernaturalis modo explicato, etiam motus voluntatis ex ea naturaliter resultantes ad idem genus gratiæ spectant. Potest autem contingere ut honesta cogitatio intellectus, siue naturali modo excitata, siue gratuito, sufficiens non sit ad excitandam voluntatem ad bonum motum indeliberatum propter aliquam indispositionem eius, & nihilominus Deus ex peculiari misericordia illum motum excitet in voluntate necessitando illam, ut paulatim illam trahat ad liberum consensum, & tunc ille motus in se, & absolutè naturalis, in modo tamen quo immediatè fit, supernaturalis existit. Dico autem *immediatè*, quia etiam poterat Deus ex parte intellectus augere cogitationem mouendo intellectum, ut efficacius attendat, vel ad plura motiua, vsque ad eum gradum, seu quantitatem in quo valeat cogitatio naturalem motum in voluntate causare, & tunc ex tali suppositione motus voluntatis naturali modo fit, tamen in radice cogitationis semper est gratia. Et simili modo potest in ipsamet cogitatione accidere, ut licet supposita tali applicatione obiectorum externorum naturali modo ab illis excitetur, nihilominus sit gratia quando nimirum

A talis obiectorum concursus, & occurfus non prouenit ex sola generali prouidentia, vel communi cursu causarum secundarum, sed ex peculiari prouidentia Dei volentis per illa media illo speciali modo hominem iuuare.

Et iuxta hos ferè modos potest penè infinita varietas in hoc genere gratiæ inueniri, siue quia Deus peculiariter disponit causas externas in ordine ad internam excitationem naturalem, siue quia ulterius illam confert sine adminiculo causarum externarum, siue quia interiori plus mouet, quàm externæ causæ possent immutare. Quod interdum potest facere directè, per se efficiendo, interdum indirectè per specialem prouidentiam remouendo, quæ aliàs naturaliter impedirent similem excitationem, vel motionem causarum naturalium. Quæ tota doctrina sumpta est ex Augustino partim 2. lib. de peccat. merit. cap. 17. partim libro quinquaginta homiliar. homil. 17. & lib. 2. Confession. cap. 17. & lib. 9. cap. 8. & q. 2. ad Simplicianum, & aliis communibus locis, & ex Prospero lib. 2. de vocat. gent. per multa capita, præsertim 25. & 26. & contra Collator. cap. 14. In quibus tamen Patribus aduerto interdum videri loqui indifferenter de his beneficiis Dei, & illa gratiæ Dei deputare, etiam si possent ex generali prouidentia prouenire: tamen vel loquuntur de illis, vel iuxta subiectam materiam, quia intelligunt in ordine ad salutem semper in his interuenire aliquam specialem efficaciam Dei, vel interdum generalius vruntur nomine gratiæ, nam profectò quando talis excitatio ex solo cursu causarum cum generali influentia Dei, non aliter est gratia, quàm beneficium creationis, ad quod pertinet: propriè autem dicitur auxilium gratiæ, quando fit aliquo modo supernaturali, ut explicatum est; ita ergo sufficienter explicatur, & intelligitur auxilium naturale in entitate, & in modo supernaturali.

Vnde quoad hanc partem soluta manet prima ratio dubitandi in principio posita, quæ contra hanc primam assertionem directè procedit. Negamus enim non posse esse excitationem naturalem in substantia, & gratuitam, seu supernaturalem in modo. Hunc autem modum non ponimus in aliquo medio acceptione, vel ratione ad finem supernaturalem, sed in modo faciendi, & causandi in nobis talem excitationem. qui modus quodammodo dici potest intrinsecus actui, quia & tanquam via ad ipsum, seu fieri ipsius prout est à Deo, & quodammodo dici potest extrinsecus, quatenus non est debitus actui, nec secundum ordinarium cursum causarum fit. Addo etiam per hunc modum effectiois nihil poni in his motibus gratiæ, quod naturale non sit, imò ipsamet effectio absolutè spectata naturalis est, solumque respectiue, ad ordinarias causas naturales dicitur supernaturalis, sicut illuminatio huius domus si clausis ianuis, vel noctu, & seclusis omnibus causis secundis à Deo solo immediatè fiat, dicitur quidem supernaturalis quoad modum per respectum ad causam, in se tamen, & absolutè naturalis actio est. Denique hic modus supernaturalitatis sufficit in his motibus, quia non dantur per se ac proximè propter actus supernaturales in substantia, sed propter actum virtutum acquiratarum, & ad vitandum peccatum contra legem naturæ, & ad hoc optimè iuuare possunt, quia virtutem aliquam physicam, vel moralem eiusdem ordinis conferunt, quam homo neque ex se, nec per ordinarium cursum

10. Infinitaqueque varietas est horum auxiliorum.

August.

Idem.

11. Enodatur ratio dubitandi posita in num. 1.

Confirm. responsio prima.

Confirm. secundò.

cursum causarum naturalium habere possit.

Secundò dicendum est actus gratiæ excitantis, quæ sunt proxima auxilia ad actus supernaturalium virtutum infusarum, eiusdem ordinis sunt, & in sua substantia supernaturales. Hæc assertio communis est, significat illam ex antiquis D. Thomas 1. 2. q. 111. art. 1. & 3. Bonaventura 2. dist. 18. art. 2. quæst. 1. & Alenſi, part. quæst. 61. ex modernis Bellarminus & Vazquez suprà, & accuratè Molina in concord. dispnt. 35. & 36. & sine dubio est sententia Augustini, nam lib. de Grat. Christi cap. 13. de hac interna gratia excitante præcipue loquitur, cum dicit, *Si dulcissima dicenda offerre sic dicatur, ut alius & interior eam Deum cum ineffabili suauitate dicatur infundere, non solum per eos, qui plantant, & rigant extrinsecus, sed etiam per seipsum, qui incrementum suum intrinsecus oculis. In quibus verbis indicat hanc gratiam esse altioris ordinis ab omni motu naturali, ideo enim tribuit eam soli Deo operanti, veluti omnem effectum Verbi humani, hoc enim significat per illa verba, non solum per eos, qui plantant, & rigant extrinsecus, sed etiam per seipsum. Nam sub verbis plantandi, & rigandi, absque dubio non solum includunt verba prædicantium, quatenus ad aures corporis perueniunt, sed etiam quantum ad eorum vim, quam habent ad influendum intellectum, vel mouendum effectum operante eo, qui auid sola virtute naturali cum generali concussa Dei; vltro hoc ergo requiritur aliquid, quod solus Deus intrinsecus potest facere, quod etiam indicant per illa verba ineffabili suauitate.*

Vnde in hoc magna est differentia inter hoc genus gratiæ excitantis, & aliud in superiori conclusionem explicatum. Nam illud licet intendam fieri posuit a Deo immediatè ex defectu causarum secundarum, non excedit virtutem illarum, sed solum quòd interdum non occurrunt, vel non applicantur, Deus per se producit effectum, sæpe vero similes motus operatur per alios causas, & frequenter ministerio Angelorum illas applicat, vel exteriùs, vel meritis media phantasia. Et quomodo interdum immediatè, & per se moueat intellectum, vel voluntatem (quod solus Deus facere potest etiam intra ordinem naturalem) nihilominus similes effectus fieri possunt mediis causis creatis, & ideo ex modo solum quasi accidentaliter effectus, tunc solus Deus libera sua voluntate operatur. Et verò in hoc posteriori genere gratiæ illa interim motio tam propria est Dei, vt nunquam qui plantant, vel rigant ad similem efficiendum sua virtute sufficiant. Ex quo rectè colligitur talem excitationem esse per se infusam, & ordinis diuini, ac supernaturalis.

Quod præterea confirmatur verbis eiusdem Augustini. lib. 15. de Ciuitate, cap. 6. vbi postquam retulit varios modos, quibus per verbum Dei externum mouentur fideles ad proficiendum in bono, addit: *Spiritus autem sanctus operatur intrinsecus, vt valeat medicare, quæ adhibetur extrinsecus. Alioqui etiam si ipse Deus vult creatura sibi subdita in aliqua specie humana sensus alloquatur humani, siue istis corporis, siue illis quasi istis similibus habentibus in sensu, nec interior gratia mentem regat, atque agat, nihil predest homini omnis prædicatio veritatis. Et quæ verba apertè declarat, quòd dicebamus, tunc internam gratiam esse altioris ordinis ab omni illa, quæ per causas secundas fit, aut fieri potest. Et hoc ipsum significauit Augustinus in verbis illis, *valde remota est a sensibus hæc schola, in qua poter audire. Et dicit lib. de predest. Sanctorum, cap. 8. significat enim gratiam illam talem esse, vt suo genere non**

A possit per sensus acquiri, ac subinde esse per se infusum. Et hanc memem Augustini cum eodem modo loquendi imitatus fuit Prosper contra Collator. cap. 6. & 1. de vocat. gent. cap. 3. & 9. & Fulgentius lib. 1. ad Monimum cap. 23. & lib. de Incarnat. & Grat. cap. 17. & sequentibus, & Petrus Diaconus cap. 6. & Gregor. lib. 3. Reg. cap. 5. & Bernard. lib. de Grat. & lib. arbit. præfatum circa finem. Et in eodem sensu loquitur Concilia de prima vocatione, inspiratione, aut illuminatione fidei, præfatum Aristotelem & Tendentium locus de pietate.

Ratio verò huius assertionis addi potest. Primo à posteriori, quia si isti actus essent naturales, potest à substantiam, non essent per se infusi, ergo quantum est ex se, possunt interdum fieri in nobis per acquisitionem ex sensibus, & sensibilibus objectis. Consequens autem aduersionem potest, alius posset in aliquo casu homo habere sufficientem excitationem ad credendum ex vi exterioris prædicationis sine peculiari interna inspiratione a Deo immunda, quod repugnat definitionibus fidei. Vnde à contrarij argumentum secundò, quia per hanc excitationem sufficientem datur homini posse supernaturaliter credere, sed sola naturalis entitas non est sufficiens ad dandam hanc potestatem, quia est altioris ordinis, & per illam eleuatur potentia ad agendum ultra vires naturales, ergo necesse est vt talis gratia excitans sit in sua entitate eiusdem ordinis naturalis. Tertiò potest hoc declarari, quia non est impossibile infundere hominibus humani modis hoc modo supernaturalibus, & illi sunt magis accommodati ad eleuandas potentias animæ ad ordinem supernaturalem suam modo, & cum maiori proportionem respectu perfectiorum actuum supernaturalium, ergo in hoc credendum est. Consequenter cum minori patet. Maior autem consistit respondendo ad posteriorem rationem dubitandi, quæ contra hanc partem directe procedebat.

Et in primis in ea fuisse hanc actus virtus non habere virtutes infusam, ad quas pertinet. Respondemus autem posse oporere ad dona, vel virtutes reuocari, nam hæc assertio supernaturalis prout in intellectu tribuitur, ad intellectus dona Spiritus sancti pertinere videtur; nam & in modo quo infunditur per speciale impulsu præuenientem, atque in munere, seu officio cum illa donis conuenit, quia talis gratia est interna doctrina Spiritus sancti, ad quam duo spectant, scilicet, specialiter dirigere intellectum, vt supernaturalia mysteria credenda, vel amanda communiter apprehendant, & de illis sectum iudicium prædicum ferat. Virtutem autem ex his muneribus pertinet ad dona Spiritus sancti, prius ad intellectum, posterius verò ad consilium, & suo modo ad scientiam, & sapientiam quatenus res propoliz dignè creditur, vel amore, vel executione, vel fuga æstimari possunt. Et quoniam in principio vocationis mundum homo receperit habitus harum donorum, nihilominus ex more Spiritus sancti potest eliciere aliquos actus, qui sunt veluti inclinationes eorum, quæ actus licet sint imperfecti, nihilominus in modo, quo circa sua objecta versantur, eandem rationem formalem suæ specificationis supernaturalis participum, quam habent actus perfecti ab habitibus illarum donorum elicit.

Simili modo motus huius gratiæ pertinetur ad voluntatem, ad virtutes infusæ reuocari facile possunt. Nam si talis actus sit desiderium imperfectum salutis, ad seipsum reducit, idem quæ dicimus de perfecto timore gehennæ; si vero sit complacentia aliqua in bono diuino, vel in

Propter  
Fulgent.

Greg. Magn.  
Bernard.

15.  
Ratione  
motus af-  
fectus,  
à posteriori.

à contrarij.

à non repu-  
tandi.

16.

Dicitur 2.  
zaro dubi-  
tandi supra  
nom 3.  
Rebucem  
monus ad  
dona Spiritus  
sancti  
intellectus  
Ad intellectu-  
dum.  
Ad consiliu.  
Ad scientiam.  
Ad sapientiam.

17.

Motus huius  
gratiæ  
pertinetur  
ad voluntatem  
reducitur  
ad virtutes  
infusam.

Ad spem.  
Ad charita-  
tem.

affectio imperfecta ad Deum ipsum, inchoatio est quædam charitatis, & cum eadem proportionem discurri potest per alias virtutes infusas. Quibus addi potest, quod supra lib. 2. diximus, inter actus deliberatos harum virtutum dari aliquos, qui licet imperfecti sint, supernaturalem substantiam, & entitatem habent. Atque hanc explicationem horum actuum sumpsit ex Prospero lib. 2. de vocat. gent. cap. 26. aliàs 9. ubi de hac gratia excitante prius dicit, *in omnibus iustificationibus principaliter præminere*. Et deinde declarat externum modum excitandi, tandem verò internum ita explicat, *dando intellectum, inspirando consilium, corque ipsum illuminando, & fidei affectionibus inbuenndo*. Quod si quis obijciat, quia ante actum fidei nullus est supernaturalis motus in voluntate: Respondemus id ad summum esse verum de actibus supernaturalibus planè deliberatis, & non in omnibus illis eodem modo, quia voluntas credendi supernaturalis est, & non supponit actum fides, sed illum secum affert. Ad hos autem motus imperfectos, & indeliberatos sufficit practica motio intellectus per illuminationem, & inspirationem Spiritus sancti, quæ est quædam inchoatio, & initium fidei, quod habet locum in homine nondum credente: nam in eo, qui iam credit, potest etiam ipsa fides excitari, & ad ceteras voluntatis motiones cooperari: & per hæc satis responsum est ad difficultatem positam in dicta ratione dubitandi in priori parte eius; de altera verò parte dicam in capite sequenti.

Propter.

Instantia  
expungitur.

A obiecta est viatori homini magis accommodatus, & ideo secundum legem ordinariam, & communem hunc modum Deus observat, & ut vñ ipso, ac expectantia constat, & ex Scriptura sumitur ad Rom. 10. *Fides ex auditu*, & Luc. 7. *Messis quidē multa, operarii autē pauci: rogare ergo dominum messis, ut mittat operarios in messem suam*; & ideo Actor. 10. missus est Petrus ad Corneliū per peculiarem Dei revelationē, & c. 16. Missus est Paulus in Macedoniam rogatus, à viro Macedo, qui per visionem ei apparuit.

Rom. 10. 17.  
Luc. 7.

Actor. 10. 19.  
Idem 16. 9.

B Difficultas ergo posita quoad hanc partem procedit de hac posteriori, & ordinaria excitatione divina, nam alia extraordinaria, & merè interna à Deo solo in mente fit sine dependentia ab exteriori ministerio. De hac verò ordinaria negari non potest, quin aliquo modo pendeat ab actibus sensibilibus, quæ sunt naturales quoad substantiam. Dicunt verò aliqui hanc dependentiam non repugnare supernaturali excitationi, quia solum est tanquam à conditione, sine qua non ex divina providentia, & ordinatione: nā tota illa actio sensibilis, quæ ex parte ministrorum Ecclesiæ procedit, solum est quasi applicatio materiæ, circa quam homo possit supernaturaliter operari, cui modo dicendi fauet Paulus 1. ad Corinth. 3. dicens, *Ego plantavi, Apollo rigavit, Deus autem incrementum dedit*. Et subiungit, *Itaque neque qui plantat est aliquid, neque qui rigat, sed qui incrementum dat Deus*. In negotio etiam salutis omnes ministri Ecclesiæ tantum plantant, & rigant, & ideo dicuntur non esse aliquid, quia nō per se faciunt effectum, quamvis eorum ministerium necessarium sit, & ad eum scilicet modum, quo in fructibus sensibilibus plantatio, & rigatio, necessaria est, non ut per se causet, sed ut conditio applicans activa passivus.

3.  
Nodus difficultatis.

Placitum  
quorundam.

C Alij verò quibus hoc non satisfacit, dicunt ministerium Ecclesiæ nō solum esse conditionem necessariam, sed etiā esse actionem causæ moralis suadentis, & inuitantis exterioris voluntatem. Nam talis causa aliquo modo operatur ad vocationem internam disponendo subiectum, & ideo Paulus eodem citato loco Evangelij Prædicatores vocat, *adintores Dei*, & 2. Corinth. 6. ait, *adiuvantes exhortamur ne in vacuum gratiam Dei recipiatis*, &c. Sed hoc in re non differt à præcedenti, quia tota causalitas moralis physicè non transcendit causalitatem per accidens, & iuxta subiectam materiam daturum est, illam conditionem esse per modum exhortationis, & inductionis moralis, præterquam quod etiam in hoc genere causalitatis moralis aliquid deest huic exteriori excitationi ministrorum Ecclesiæ, propter quod etiam in genere moralis causæ dici debet potius conditio necessaria, seu causa per accidens, quàm propria causa per se, etiam moralis, ut videbimus.

Placitum  
aliorum.

Coincidit cū  
prior.

E Dico ergo duo posse in hac excitatione divina considerari, vnum est esse entitatem supernaturalem, aliud, esse gratiam puram, seu gratis datam: neutri ergo rationi repugnat, quod ab aliquo ministerio externo, seu actione sensibili pendeat. Prior pars declaratur, quia, ut dictum est, verbum externum non est propria causa excitationis supernaturalis, sed per modum signi excitantis mentem, & quasi præbentis occasionem, ut supernaturaliter à Deo excitari possit; ergo quod illa prævia occasio, & quasi physica preparatio, aut animi commotio naturalis sit, non obstat quominus motio, quæ à Deo solo per se, ac principaliter fit, in sua entitate supernaturalis sit. Addo etiam quod licet Deus uteretur verbo prædicationis, aut specie illius menti impressa, tanquam instrumento proprio, & physico ad excitandum intellectum, hoc non obstarer, quo minus illa excitatio esset in sua entitate supernaturalis, quia

4.  
Affectio.  
Dux res in hac excitatione consideranda, supernaturalitas, & gratia pura Supernaturalitatis entitativæ non repugnat ministerio sensibile.

## C A P V T X I.

### Quomodo supernaturalis excitatio ex naturalibus actibus Ecclesiæ, seu eorum, per quos vocatur, pendere possit.

1.  
Status questionis duplex.

D Vo in titulo proponimus, quæ in ulteriori ratione dubitandi præcedentis questionis petebantur. Vnum est, quomodo hæc gratia excitans licet supernaturalis sit, pendere possit ex ministerio hominum, & prædicatione Ecclesiæ, & aliis obiectis externis. Secundum est, quomodo pendeat à naturali conatu, vel aliquo libero usu recipientis illam, de qua re disputant inter se moderni Theologi; sed nullam rationem difficultatis, aut controversiæ in hoc inuenio.

2.  
Certa suppositio ex dictis. Excitatio gratiæ fieri potest merè interioris, vel exterioris.  
August.  
Prosper.  
D. Gregor.  
Magna.  
D. Thom.

Circa primum ergo punctum suppono doctrinam supra traditam, scilicet, excitationem gratiæ, dupliciter fieri posse, scilicet, merè interioris, aut per aliquam exteriorem, vel sensibilem motionem, quæ ex doctrina Augusti, dicta q. 2. ad Simplicianum, & de spirit. & luer. cap. 33. & 34. & lib. octoginta trium questionum, q. 68 & lib. 1. de peccat. merit. cap. 25. & de catechizand. rudib. cap. 4. & 5. & Prosperi in lib. 2. de vocat. gent. cap. 8. & 9. aliàs 25. & 26. & D. Gregor. lib. 2. Reg. suo cap. 4. & circa illa verba capituli 3. *Vocavit Dominus Samuel*, & D. Thomas lect. 6. in ad Roman. 8. circa illa verba, *Quos prædestinavit, hos & vocavit*. Et ratio est, quia excitatio voluntatis non fit, nisi prævia excitatione intellectus: at verò intellectus excitari potest vel immediate ab ipso Deo, ut ex Dei omnipotentia manifestum est, & per obiecta sensibilia, & est illi connaturale. Quamvis autem spectata conditione supernaturali obiectorum, & actuum excitatio interna, & specialis immediate facta à solo Deo magis proportionata videatur, nihilominus attenda hominis conditione alter modus excitationis per sensibilia



Extenditur t. ad sacramentum Eucharistie in quo corpus Christi vim habet excitandi in nobis motus supernaturales emittit. Extenditur etiam ad ministerium Angelorum.

Deus potest vi re naturali, imò corporea ad efficiendam rem supernaturalem. Vnde aliqui probabiliter existimant per diuina Sacramenta, præsertim per Eucharistiam, Deum excitare in accedentibus dignè huiusmodi affectus gratiæ, quamuis supernaturales sint. Quod autem in hac parte dictum est de ministerio Ecclesiæ, & externa vocatione, extendi potest ad ministerium Angelorum, & ad vocationem non solum externam, sed etiam internam, quatenus per Angelos fieri potest. Nam etiam illi non possunt per se efficere supernaturalem excitationem, hoc enim est proprium Dei, cuius solius est propriam gratiam infundere: possunt tamen ministerium aliquod adhibere, vel applicando obiecta sensibus externis, vel interiora phantasmata excitando, vt mentem hominis attendere faciant, & (vt sit dicam) Deo præbeant occasionem supernaturaliter illum excitandi.

5. Neque repugnat pure gratiæ, 1

Altera pars de ratione gratiæ probatur. Primum, quia hoc ministerium Ecclesiæ, per se loquendo, non inducit apud Deum aliquam rationem debiti, propter quod Deus talem excitationem supernaturaliter dare teneatur, quia solum tenetur dare concursum generalem ex natura rei debitum illis actionibus, qui sufficiunt quidem ad excitandum in mente attentionem aliquam, vel conceptum; nunquam tamen satis erit ad excitationem necessariam, ad supernaturalem concursum faciendum, nisi Deus altiori modo mentem ipsam moueat, vt supra declaratum est. Altior autem illa motio non fit debita propter prædicationem externam verbi Dei, vel aliud simile ministerium humanum, imò neque constat Deum ita promississe dare similes excitationes audientibus verbum Dei, vel oblata alia simili occasione, quin interdum eas negare possit, & neget propter hominis demerita, vel alia occulta iudicia sua.

6. Assertio amplius & illustratur.

Dico verò vltius, quòd licet de hoc esset certa lex à Deo statuta dandi (vt ita dicam) hanc efficaciam verbo Euangelij sui, vt ita sit virtus in salutem omni credenti, & quasi instrumentum ad conuertendas, & curandas animas, ideòque ad præsentiam eius infallibiliter Deus excitet mentem non ponentem obicem; nihilominus hoc non minueret rationem gratiæ in tali excitatione, tum, quia totum illud ministerium verbi Dei est ex prouidentia supernaturali, & pertinet ad gratiam Dei externam, & ita in suo genere gratiæ etiam datur: tum etiam, quia ipsamet prædicatio Euangelij non fit sine speciali auxilio Dei, quod auxilium licet respectu ministrorum sit gratia proximè illis concessa ad operandum, etiam est gratia respectu audientium, propter quorum fructum, vel conuersionem datur, & ideo etiam ex hac parte initium vocationis est omnino gratuitum: tum denique, quia, moraliter loquendo, illa exterior vocatio, & interior, quam Deus adiungit, non sunt veluti duæ gratiæ, sed est vna integra diuina vocatio, ad eum modum, quo ex actu interiori, & exteriori fit vnus actus moralis, & ita tota illa est vna vocatio, quæ omnino gratiæ datur.

7. Quo pacto ministri Ecclesiæ possunt concurrere ad primam vocationem eo-

Vltimò verò addo posse ministros Ecclesiæ iuuant homines, quos instruunt, non solum prædicando, mouendo, & alia externa ministeria exercendo, sed etiam apud Deum pro illis, quos docent, vel gubernant intercedendo. Et hoc modo possunt conatus Ecclesiæ concurrere ad excitationem, seu primam vocationem alterius: etiam

A ad fidem, non solum per modum conditionis ordinariè requisitæ, seu causæ moralis inducentis, sed etiam per modum meriti de congruo, & impetrationis. Quia licet nemo possit sibi primam vocationem mereri, vt dicemus libro sequenti, vnus tamen iustus potest alteri illam mereri, sicut Stephanus meruit vocationem Pauli, & ita potest etiam Ecclesia, vel minister eius impetrare à Deo, vt præbeat auxilium vocationis internæ eis, quibus Euangelium prædicant, neque hoc minuit rationem gratiæ in tali vocatione, quia respectu impetrantis, seu merentis præcedit ex priori gratia fidei, vel etiam charitatis: respectu autem eius, qui vocatur, semper vocatio illi omnino gratiæ datur, imò etiam gratia illa quæ Prædicatori data est orandum pro audiente fuit gratuitum beneficium gratiæ ipsi vocato donatum, quia licet alteri immediatè collatum fuerit, propter ipsum fuit ei datum. Et ita quocumque modo consideretur ministerium Ecclesiæ regulariter necessarium ad vocandos homines ad fidem, poenitentiam, vel fructum bonorum operum, rationem gratiæ in interna, & supernaturali vocatione non minuit.

rum qui conuertuntur.

## CAPVT XII

C Quomodo supernaturalis vocatio ab actibus eorum, qui vocantur, pendere possit.

SUPEREST dicendum de conatu, seu cooperatione eius qui vocatur; an sit aliquo modo necessarius ad primam vocationem, quam quæstionem aliqui confundunt cum illa, An facienti quod in se est, Deus conferat gratiam, etiam quo ad primam vocationem, seu excitationem. Sed immeritò, nam sunt quæstiones diuersæ, & ideo hanc posteriorem in librum sequentem remittimus, quia cum declaratione sufficientis auxilij coniuncta est. In priori ergo puncto aduertendum est sermonem esse posse, aut de conatu ipsius hominis vocati, quo simul cum Deo influit in ipsummet actum supernaturalem quo interiorè excitatur, vel de aliquo conatu præuio, quo ad illam vocationem tandem perueniatur: de priori nulla superest difficultas, iam enim supra definiuimus nostras potentias effectiue concurrere ad hos actus excitantis gratiæ, quantumuis supernaturales sint: non possunt autem effectiue concurrere nisi conatum adhibendo; ergo aliquis conatus ex parte recipientis necessarius est, ad primam etiam excitationem diuinam. Hic autem conatus non potest dici naturalis, nisi fortasse improprie, & per denominationem extrinsecam, quatenus est ab ipsa potentia, quæ est entitas naturalis, in se tamen spectatus supernaturalis est, quia est realiter idem cum actu supernaturali, & ipsamet actio, quia talis actus fit à Deo, principaliter, & à potentia instrumentaliter, vt loquitur D. Thomas 3. contra gent. cap. 149. ideòque non est à potentia, vt naturalis est, sed vt obedientialiter subest motioni diuinæ. Ac proinde ex tali conatu potentia non minuitur ratio gratiæ in tali motione, tum quia non est liber, sed necessarius, tum etiam, quia non est præuifus, sed simultaneus cum influxu Dei. Neque etiam obest supernaturalitati actus, quia

1. Status difficultatis.

D. Thom.

quia tribuitur per potentiam obedientialem, ut dixi: potentia autem obedientialis optimè potest influere in actum supernaturalem, ut in lib. 2. explicavi, & in his actibus necessariis multo facilius, quàm in liberis intelligitur.

2.  
Sententia  
Molinae de  
conatu prae-  
vio ex parte  
hominis ad-  
hibendo pro-  
ponitur.

Difficultas ergo est de conatu praevio, qui interdum ex parte hominis adhibendus est, vel adhibetur, ut tandem naturalem vocationem internam obtineat, de quo conatu disputant praedicti auctores. Nam Molina dicit posse, & debere hominem naturalem conatum ad aliquas actiones naturalis ordinis adhibere, ut per eum non steret, quominus proximè ad fidem vocetur interiorius. Huiusmodi sunt conatus, ut diligentia ad audiendam fidem, & considerandum. Item intentio, vel desiderium aliquod inveniendi veritatem, seu veram religionem, & salutis viam, & similes; nam haec, & similia regulariter necessaria sunt ante fidem, quia Deus se accommodat naturali modo procedendi hominis in acquirenda cogitatione, & meritò ab illo postulat diligentiam in his, quae ex parte sua cum generali concursu suo efficere potest. Illa autem omnia, quae diximus, talia sunt, ut per conatum naturalem fieri possint, imperfecto quidem modo, sufficiente tamen ad illud remotum, & quasi externum initium fidei: nam audire concionem, & audire illam naturale quid est, & necessarium ad acquirendas species, quibus de rebus fidei cogitari possit. Item illa actio in initio non fit ex motivo supernaturali, non enim potest tale motivum haberi ante perfectum auditum fidei; ergo debet fieri ex motivo naturali; ergo actu, & conatu naturali. Idemque consequenter dicendum erit de aliis actionibus voluntariè attendendi, cogitandi, desiderandi, imò & petendo agnitionem veritatis, seu veram fidem in illa materia: nam omnes isti actus esse possunt ordinis naturalis, quatenus imperfecto, & humano modo possunt in illa materia versari; ergo ut homo non sit negligens in sua salute, oportet, ut in his omnibus per naturalem conatum faciat, quod potuerit.

3.  
Displicet  
modernis  
Theologis  
qui in con-  
trarium ad-  
ducunt loca  
Scripturae &  
Patrum.  
Regulaque-  
dam doctri-  
nalis in hac  
materia.

Hac verò sententia aliis modernis Theologis displicet, quia videtur nimium tribuere naturae, & libero arbitrio operanti ex solo conatu naturali in ordine ad suam salutem. Nam regula doctrinalis in hac materia est, nihil omnino posse facere hominem, quod aliquo modo conferat ad salutem aeternam, sine gratia Dei per Christum, iuxta verbum Christi, *sine me nihil potestis facere*, id est, ut ponderat Augustinus, *neque multum, neque parum, neque magnum, neque parvum*, ut multis aliis testimoniis in lib. 2. confirmatum est. In illis autem actionibus, quas enumeravimus, quibus auditor doctrinae fidei paulatim tendit ad internam vocationem proximè sufficientem ad voluntatem credendi multae sunt actiones valde utiles, & regulariter necessariae ad salutem, iuxta ordinarium modum providentiae divinae; ergo non possumus dicere omnes illas fieri solo conatu naturali, neque videtur modo loquendi Scripturae, & Conciliorum consentaneum. Minor cum consequentia declaratur. Nam in primis opportunitas habendi Praedicatorum Evangelij, gratiae Dei tribuenda est, ut probat exemplum vocationis Pauli ad praedicandum in Macedonia, & non in Asia, seu Bithynia, Act. 16. Et saepe docet Augustinus, ut videri potest supra Psalm. 87. & super Psalm. 134. & lib. quinquaginta Homiliarum in 23. lib. 1. de peccator. merit. & remiss. cap. 22. & q. 2. ad Simplic. & Gregorius 10. Moralium cap. 18. quia neque potest homo illam occasionem sibi praeparare, neque sine Dei providentia peculiari evenire potest. Deinde attendere ut oportet ad ea quae

August.

Greg. Magn.

prædicantur, gratiae Dei est, iuxta illud quod de Lydia purpuraria dicitur; Act. 16. *cuius Dominus aperuit cor, ut audiret his, quae dicebantur à Paulo*. Item cogitare de eisdem rebus in ordine ad salutem comprehenditur sub illa regula Pauli 2. ad Corinth. 3. *Non sumus sufficientes cogitare aliquid ex nobis, quasi ex nobis*, ut supra cum Augustino, & aliis Patribus explicavimus. Denique desiderium, petitio, & similes actus si ad fidem aliquo modo conducunt, videntur comprehendere sub regula Concilij Arausiacani cap. 6. & 7. *Si quis sine gratia Dei credentibus, volentibus, &c. non autem ut hac omnia, sicut oportet, agere valeamus, per infusionem, & inspirationem sancti Spiritus in nobis fieri confiscentur, resistit Apostolo dicenti, Quid habes quod non accepisti? Item si quis per naturae vigorem bonum aliquod, quod ad salutem pertinet, vitae aeternae cogitare posse affirmat sine inspiratione Spiritus sancti, haeretico fallitur spiritu*.

B

Ut item hanc aliquo modo componamus, & rem ipsam sine verborum ambiguitate, vel contentione declaremus, distinguamus duplicem vocationem ad fidem, videlicet remotam, & proximam, seu externam, & internam. Remotam voco illam, quam potest facere homo plantando, & rigando; proximam verò, quam interiorius facit homo, ut homo sit maxime potens ad suam conversionem, aliqua dixit Gregorius Homil. 33. in Evangelium, loquens de Christo, & Magdalena, *ipse eam per misericordiam traxit intus, qui per mansuetudinem suscepit foris*. Et Leo Papa loquens de Stella; & Magister serm. 1. de Epiphania, *Dedit (inquit) aspicientibus intellectum, qui praeiis signum, & quod fecit intelligi, fecit requiri, & se inveniendum obulit requisitus*. Et Augustus de Corrupt. & grat. cap. 6: *Corripitur peccator, ut strepitum corruptionis foris secus infonare Deus in illo intrinsecus oculis inspiratione operetur & velle*. Priorem verò vocationem appello remotam, quia per se non sufficit, nec dat auxilium sufficiens, sed quamdam inchoationem, & quasi materialem praeparationem ad illam; alteram verò proximam, quia ut dat sufficientem facultatem operandi, & ex illa potest immediatè sequi voluntas credendi.

D

Secundò aduerto has duas vocationes partim convenire, partim differre. Conveniunt in primis, quod utraque sit, vel incipit in nobis ad aliquam illarum proximè cooperantibus liberè: nam utraque pertinet ad motionem, seu gratiam excitantem, de qua supra ostensum est fieri in nobis sine nostra libera cooperatione. Et de priori quidem patet, quia per illam fit quasi prima apprehensio, vel conceptio rerum fidei, ante quam non potest praecedere voluntas, quae circa easdem res versetur. Et licet contingere possit, ut aliquis voluntariè accedat ad audiendam fidem, & hac ratione notitia, vel apprehensio inde comparata possit dici liberè acquisita, nihilominus necesse est, ut ante illam voluntatem antecedat prior aliqua apprehensio fidei, seu praedicationis eius saltem in confuso, quae hominem ad illam voluntatem incitet, & tunc ab illa apprehensione incipit talis vocatio, & ita semper reducit ad aliquam primam motionem, quae in nobis sit sine libertate nostra. De altera verò interna vocatione, id est in superioribus probatam, & patebit magis ex dicendis. Secundò conveniunt quod utraque vocatio pertinet ad ordinem gratiae, & providentiae supernaturalis. De interna id satis patet ex dictis: de externa verò probatur, quia ordinatur ad internam, quae supernaturalis est, & originem ducit ex donis gratiae, quae ad trahendos, & vocandos homines ad fidem & poenitentiam Deus in Ecclesia sua praeparavit, & ita est beneficium gratiae, & providentiae

Ad. 16. 14.

1. Cor. 3. 5.

Regula  
Arausiacani.

4.  
Ad enoda-  
tionem qua-  
stionis prae-  
mittitur di-  
stinctio du-  
plicis voca-  
tionis ad fi-  
dem, 1. est  
remota &  
externa, 2.  
proxima &  
interna.  
Greg. Magn.  
Leo.  
August.

5.  
1. Conveni-  
entia inter  
utramque  
vocationem,  
utramque per-  
tinet ad gra-  
tiam excitan-  
tem.

2. Conve-  
nientia.  
Utrunque per-  
tinet ad or-  
dinem gra-  
tiae & provi-  
dentiae su-  
pernaturalis.

D. Thom.

uidentia supernaturalis. Vnde D. Thomas in 2. d. 28. q. 1. art. 4. ait quodlibet exercitium etiam naturale, quatenus ordinatur à Deo ad conuersionem supernaturalem, dici posse gratiam. Denique ex distinctione posita in principio capitis præcedentis id manifestum est. Tertiò conueniunt, quia in utraque saluatur vera ratio gratiæ, ut significat donum gratuitum, quod non ex operibus datur, quod quidem de prima vocatione externa manifestum est, quia ante illam nihil potest ex parte hominis præcedere, quod ad illam ordinetur, ut ex declaratione proximè data, & ex doctrina Augustini ad Simplician. q. 2. & de bono perseuer. cap. 14. & de spirit. & liter. cap. 33. & 34. manifestum est. De posteriori autem probatum est lare superiori lib. cap. 13. & 15. & magis ex sequentibus declarabitur.

Tertia conuenientia, in utraque saluatur vera ratio gratiæ ut donum gratuitum est.

Augustin.

6.

Discrimen præcipuum inter utramque vocationem exterior est in substantia sua naturalis, interior verò supernaturalis.

Differunt autem hæ duæ vocationes in hoc maximè, quod exterior est in substantia sua naturalis, interior verò supernaturalis. Hoc secundum probatum est in cap. præcedenti. Primum autem indubitatum videtur, quia sicut ex parte ministrorum Ecclesiæ externa prædicatio est insubstantialis, ut per se patet, ita ex parte audientis prima illa conceptio & apprehensio naturaliter fit. Vnde sicut de excitatione supernaturali diximus non fieri propriè conatu naturali, sed obedientiali à nostris potentiis, ita prorsus de interna vocatione dicendum est, quia sunt omnino idem. At verò excitatio illa, quæ proximè fit per vocationem externam, per naturalem conatum potentia fit, quia tam actus ipse, quam productio eius naturalis est, ut diximus, & eadem ratione voluntas audiendi Prædicatorem, quæ interdum antecedit, ut dixi, in substantia sua naturalis est, quia non est voluntas credendi, sed audiendi tantum, quæ in eo statu non potest ex motiui supernaturali procedere; imò continget aliquando ut sit peccaminosa, ut si quis velit audire prædicantem animo irridendi illum, & nihilominus potest Deus illam et voluntate postea bene uti ad conuertendum in illam et concione talem peccatorem. Et sic licet illa voluntas non fuerit ex gratia, permissio illius potuit esse ex prouidentia gratiæ. Aliquando verò esse potest illa voluntas ex intentione bonæ discendi veritatem, & tunc erit quidem ex aliqua bona inspiratione Dei, nondum tamen supernaturali in substantia, quia motiui illud generale nondum est supernaturalis, neque includit absolutam credendi voluntatem.

Vocatio illa externa potest esse interdum peccaminosa.

7.

Secundò discrimin, Externa vocatio est simpliciter prima, interna respectu illius est secunda, sed in ordine supernaturali est prima.

Secundò differunt, quia externa vocatio est simpliciter prima, interna verò comparatione illius est secunda, quamuis in ordine superioris gratiæ supernaturalis simpliciter, & in entitate sua interna vocatio sit prima simpliciter; quia verò vocatio exterior ad interiorem ordinatur, & per se sola, quasi nihil est, nisi per interiorem quasi formetur, ideo ex utraque fieri censetur, vna vocatio perfecta, quæ prima gratia auxilians simpliciter vocari solet.

8.

Tertium discrimin, Ante vocationem primam externam nullus actus liber ex parte hominis antecedit ex intentione præstantis.

Tertia differentia, & notanda est, quod ante vocationem primam externam nullus actus liber ex parte hominis antecedit, qui ad illam per se, vel ex intentione operantis referatur, ut paulo antea satis explicauimus, quia ante illam vocationem nulla cogitatio salutis, vel rerum fidei in mentem subit: sine hac autem cogitatione, non potest subsequi actus liber. At verò possunt aliqui actus liberi ab homine fieri circa materiam

talis vocationis, antequam supernaturalem vocationem internam recipiat, quia non semper dat Deus internam inspirationem supernaturalem in eodem momento, vel tempore in quo homo incipit audire res fidei, sed magna temporis mora inter illam, & alteram vocationem potest sæpius intercedere: tum quia de hoc nullam habemus certam legem, aut promissionem Dei, sed pendet ex eius libera voluntate, & ita quosdam velocius, quosdam tardiùs vocaturum etiam, quia non potest homo subito percipere fidem sibi propositam, & credibilitatem eius, & sæpè necessarium est, errores prius conceptos repellere, & de falsitate illorum aliquo modo conuinci, quod sine mora temporis non fit. Et quamuis possit Deus efficacitate sua, & abundantia luminis subito mentem illuminare; regulariter tamen loquendo non ita facit, sed hominem humano modo paulatim ducit, prius per homines instruendo, & postea tempore opportuno internam vocationem immittendo. Hac ergo ratione sæpè intendere potest homo iam exteriori vocatus liberè facere aliquos factus, antequam supernaturalem inspirationem internam recipiat, ut sunt supra numerati, scilicet applicare mentem ad cogitandum, vel meditandum de rebus auditis, aut velle iterum eas audire, sicut Athenienses qui Paulum audierant, licet nondum credidissent, dixerunt Paulo, *Audiamus te de hoc iterum*, Act. 17. & similes.

Seas res habet in vocatione interna.

Sæpè intendere potest homo exteriori vocatus liberè facere al quos actus naturales antequam vocationem internam recipiat.

#### Explicantur actus intermedij liberi inter utramque vocationem.

De his ergo actibus medijs inter utramque vocationem videtur esse controuersia inter dictos auctores, nam de vocationibus ipsis, quatenus sunt actus quidam non liberi, nulla controuersia relinqui potest, si ea, quæ diximus, attentè consideremus. De illis autem intermedijs actibus liberis multa queri possunt. Primum, quo conatu quibusve fiant viribus. Secundum, quantum ad obtinendam internam vocationem conferant. Tertium, quæ sint ad illam necessaria. Ex quibus primum est, quod præcipuè hic agimus, in illòque dicendum in primis est, illos actus esse quoad substantiam naturales. Probatur primò, quia ante supernaturalem excitationem non potest esse in homine actus liber supernaturalis quoad substantiam, ut ex dictis hic, & in libro præcedenti constat: sed isti actus antecedunt primam excitationem supernaturalem, ut declaratum est; ergo non sunt in substantia sua supernaturales; ergo naturales. Secundò est simile argumentum, quod ante voluntatem credendi supernaturalem, & primum actum fidei illi correspondentem, nullus est in homine actus humanus, ac liber supernaturalis ordinis: illi autem actus liberi, de quibus tractamus, antecedunt fidem infusam, & voluntatem credendi; ergo sunt ordinis naturalis. Tertid est ratio à priori, quia isti actus non habent obiecta formalia supernaturalia, quia neque obiectum fidei supponitur pro illo tempore sufficièter propositum, ut in discursu declaratum est, neque ante fidem excitatur voluntas ab obiectis propriis & formalibus aliarum virtutum infusarum. Igitur toto illo tempore versatur voluntas circa illam materiã, ut subest alicui motui naturali, siue illud speciale sit, quale est cupere, inuenire veram fidem, aut religionem, quod etiam Iudæi, & Ethnici facere possunt.

Cardo controuersie.

Dubium primum quales hi actus secundum substantiam, & quo conatu fiant. Resolutio. nis prima pars naturales sunt entitatiuè. Probat. 1.

Probat. 2.

Probat. 3.

Hinc



10.  
Resolutio-  
nis secunda  
pars, naturali  
virtute sunt  
ex propria  
efficacia  
physica.

Repugnat  
modus phy-  
sicus super-  
naturalis il-  
lis additus.

Scito.

Gabriel.

Vega.

II.

Resolutio-  
nis tertia  
pars, necessa-  
ria est exci-  
tatio prævia  
naturalis,  
quæ prout  
datur ex pro-  
videntia gra-  
tiæ, donum  
gratiæ est.

12.  
Ad motum  
secundæ sen-  
tentia.

Molina.

Hinc ergo ulterius sequitur, actus illos fieri conatu naturali, & viribus liberi arbitrij moraliter excitari, & adiuti per antecedentem vocationem, licet externam. Primum patet, quia illi actus sunt naturales in substantia; ergo sunt per actionem naturalem: actio autem, & conatio naturalis idem sunt; ergo sunt conatu naturali. Ad exhibendum autem naturalem conatum, naturales vires sufficiunt; ergo actus illi quoad substantiam suam sunt per naturales vires liberi arbitrij. Ulterius vero addimus illos actus non fieri cum modo aliquo reali, ac physico in illis existente, qui supernaturalis sit, nam talis motus neque nobis videtur possibilis, quantum sub philosophicam notitiam cadit, ut in loco præcedenti latè discursimus, & quamvis cogitaretur possibilis, frustra, & sine fundamento fingeretur inesse his actibus, ergo neque ratione talis modi necessaria sunt vires, vel conatus ultranaturales ad efficiendos hos actus. Et ita de similibus actibus loquuntur communiter Theologi, ut patet ex Scoto, Gabriele, & aliis in 3. distinct. 23. dicentibus audita prædicatione Evangelij posse hominem prius credere per vires naturæ fide acquisita, quam infusa. Imò Gabriel quæst. 3. conclus. 1. putat illum ordinem esse necessarium, scilicet, prius assentiri propriis viribus imperfectè, ut paulatim eleuetur ad actum infusum, & perfectum. Et Vega lib. 6. in Trident. cap. 13. dicit veplurimum ita esse. Nobis verò satis est, quod id possit fieri, & sæpè fiat. nam si audita fide potest homo progredi usque ad assensum naturalem, sua libertate, & discursu naturali fundato tantum in humana autoritate, vel sensibilibus signis, & argumentis, multo magis poterit eadem libertate vel imperfectè desiderare maiorem cogitationem illarum, vel se mouendo ad audiendum verbum prædicationis, vel ad attendendum, cogitandum, &c.

Sunt ergo hæc naturalia in substantiâ sua, & naturali virtute sunt ex propria efficacia physica: nam moraliter necessaria est excitatio prævia, quæ licet in se naturalis sit, & naturali conatu fiat, nihilominus gratia est, quatenus ex providentia gratiæ procedit. Vnde simili modo possunt prædicti actus, licet naturales sint, inter dona gratiæ computari, quia neque sunt sine aliquo auxilio gratiæ, neque ipsi erant debiti naturæ, nec concursus, qui ad illos datur est debitus ex vi naturalis providentiæ, sed supposito ordine gratiæ.

Et hoc ad summum probant, quæ in fauorem secundæ sententiæ adduximus: nam licet principaliter procedant de inspiratione diuina, & excitatione supernaturali, quæ datur tanquam proximum auxilium ad actum supernaturalem, & infusum, nihilominus cum proportionem procedunt in his actibus imperfectis, quatenus aliquo modo ad finem vocationis conducunt, nam ut sic ad ordinem gratiæ pertinent secundum quendam modum, & non sunt sine aliquo auxilio gratiæ excitantis, nam, ut diximus, illa vocatio prævia, licet ex sensibilibus orta, gratia quædam est, & propter Christum datur. Neque Molina, neque alius ex defensoribus primæ sententiæ excludunt à prædictis actibus hoc genus gratiæ, sed solam illam, quæ ordinis est supernaturalis, ut aperte declaravit Molina disput. 35. in fine, & 36.

Fr. Suarez de Gratia Pars I I.

A in principio in Concord. ad artic. 13. & ita in illo primo puncto nulla videtur superesse difficultas.

Notanda circa secundum & tertium dubium propositum supra num. 9.

Circa secundum autem, & tertium punctum, quæ proposui, quia magis pertinent ad librum sequentem, hic pauca breuiter aduertam. Vnum est, hos actus liberos qui possunt, & solent intercedere inter primam excitationem externam, quibus modis posse comparari ad primam excitationem supernaturalem, seu primum salutis auxilium, scilicet, vel per modum meriti, seu moralis dispositionis, vel remouendo impedimentum, & quasi materialiter habilitando subiectum. Aliqui ergo Auctores Catholici primum genus causalitatis in his actibus respectu primæ excitationis supernaturalis admittunt, qui in hoc à Semipelagianis discrepant, quod illos actus, & qualemcumque rationem meriti, vel dispositionis moralis in eis inuentam non tribuunt soli libero arbitrio, sed ut excitato, & adiuto per excitationem illam externam, & cogitationem honestam inde conceptam, quæ gratia est cum sit ultra naturæ debitum, & ex supernaturali providentia proveniat, etiam si nondum sit in sua entitate supernaturalis. Mihi autem hæc sententia non placet, tum, quia illa gratia non videtur excedere rationem legis, & doctrinæ, & ita neque Semipelagiani illam negarent, tum, quia ante internum, & proximum fidei initium non potest esse in homine aliquod meritum doni alicuius supernaturalis, aliàs fides ipsa, & initium fidei posset sub aliquod meritum cadere, quod admittendum non est, ut libro sequenti ostendam. Dico ergo omnes illos actus, eo ipso quod neque ex fide, neque ex interno auxilio supernaturali procedunt, non esse proportionatos ad meritum quodcumque in causalitatem moralem internæ vocationis supernaturalis.

D Alio ergo modo possunt illi actus aliquo modo conferre materialiter tantum, & ex parte subiecti remouendo impedimenta vocationis, & acquirendo dispositionem corporalem, vel habitudinem, quæ minus ineptum reddat hominem ad vocationem. Et primò quidem dum homo se exercet in his actibus, noua cauet peccata, quæ possint vocationem impedire, & ex parte sua excutit torporem, & negligentiam, quæ possit illi ad culpam imputari: deinde si homo sit diligens in recogitatione eorum, quæ audiuit à Prædicatore fidei, fieri potest, ut perueniat ad cognoscendum errorem naturali rationi contrarium, in quo versabatur. Hac enim ratione Prædicatores Evangelij prius solent infideles suorum errorum convincere, quam eis supernaturalia mysteria persueant, quia deponere errorem, vel nimium affectum ad aliquam sectam, faciliorem reddit fidei introductionem, saltem remouendo prohibens. Item ad recipiendam vocationem internam necessariæ sunt species intelligibiles, quæ per auditum Evangelij naturaliter acquiruntur, & per eas in principio naturaliter sit aliqua conceptio, & apprehensio imperfecta, & per recogitationem similem melius conseruantur in memoria, quod multum confert, ut postea Spiritus

13.

Duplex ratio causalitatis in actibus illis intermedus considerari potest, per modum meriti, vel remouendo impedimentum. Placet nonnullis orthodoxis Doctoribus primum genus causalitatis.

Improbatur a nobis.

Axioma. Ante internum & proximum fidei initium non potest esse in homine aliquod meritum doni supernaturalis.

14.

Expenditur causalitas materialis remouendo impedimenta vocationis variis modis. Primus modus. Secundus.

Tertius.

Illustratur  
hæc doctri-  
na.

Gregorius  
Magn.

15.

Explicatur  
illorum  
actuum in-  
termediarum  
causalitas  
subiectiua  
remouendo  
alia impedi-  
menta ex  
parte affe-  
ctus.

Necnon ex  
parte com-  
plexionis  
naturalis  
vel genij.

Augustin.

P. Vasquez.

sanctus illis speciebus, & intellectu illis confir-  
mato tanquam instrumento vtatur ad efficiendam  
internam vocationem supernaturalem. Ex decla-  
ratur, nam, vt supra dixi, hoc modo ministri  
Ecclesiae per verbum Dei externum mentes au-  
dientium præparant, & aliquo modo disponunt,  
vt eas postea Spiritus sanctus sua præsentia illu-  
stret, vt dixit Gregorius Hom. 17. in Euange-  
lio, quam præparationem significauit Paulus per  
verbum plantandi, & rigandi; plantare enim dici  
possunt, quatenus species rerum diuinarum men-  
tibus imprimunt, & ad eas concipiendas ma-  
nuducent; rigare verò quatenus ad aliquem af-  
fectum excitant: ergo etiam ipse homo potest  
suo ingenio, & arbitrio ad hanc quasi mortalem  
præparationem cooperari, recogitando, & mente  
eueuando, & semine verbi concepto, prout po-  
tuerit vtendo.

Idem potest ex parte affectus declarari. Pri-  
mum quoad remotionem impedimenti: nam af-  
fectio naturalis, & humana ad propriam opinio-  
nem, vel sectam, vel etiam ad honores, & res cor-  
porales nimium impediunt; ita vt neque animus  
conuenienter applicari possit ad res fidei audien-  
das, & concipiendas. Igitur si quis vel rationibus  
humanis inducatur ad tollendum, vel minuend-  
um illum affectum, & ad hoc adhibeat suum  
conatum naturalem excitatum verbo Dei, ali-  
quid poterit illa diligentia conferre ad vocatio-  
nem saltem per modum remouentis prohibens.  
Et licet verum sit similem affectionem, si magna  
sit, non posse sine auxilio gratiæ superari, potest  
ad hoc interdum sufficere auxilium ordinis na-  
turalis, quod peculiari etiam modo datur per  
ipsam vocationem ad fidem, licet externam, nam  
per illam excitantur in homine cogitationes, &  
affectiones honestæ, quæ licet in illo initio sunt  
imperfectæ, & ordinis naturalis, iuuare possunt  
ad aliquam contrariam affectionem eiusdem or-  
dinis moderandam, & sic ad tollendum aliqua  
ex parte impedimentum fidei. Præterea naturalis  
complexio, vel proprietas ingenij potest ex par-  
te subiecti esse magis accommodata huic voca-  
tioni, quam illi, nam qui habet, v.g. complexio-  
nem sanguineam, facilius amore ducitur, alius  
verò magis timore mouetur: & Deus frequen-  
ter suam motionem hominis conditioni accom-  
modat, licet non semper eam proportionem ser-  
uet. Et Augustinus de bono perseuer. cap. 14. di-  
xit, *habere quosdam in ipso ingenio diuinum natu-  
raliter lumen intelligentia, quo moueantur ad fidem,  
si congrua suis mentibus vel audiant verba, vel signa  
conspiciant.* Sicut ergo naturalis complexio, vel  
proprietas potest quasi naturaliter ad vocatio-  
nem conducere, non vt causa, & ratio eius, sed  
vt à nobis facilius percipiatur, si detur ita aliqua  
affectio acquisita per actus bonos, potest per il-  
lam proportionem, seu temperamentum induce-  
re, vel augere, nam consuetudo imitatur natu-  
ram; vnde sicut per prauos actus contrarios præ-  
dicationi fidei induratur cor, ita per bonos licet  
naturales, potest paulatim affici, & materialiter  
huic, vel illi vocationi magis coaptari, atque hoc  
modo dixit P. Vasquez 1. p. disp. 93. cap. 4. circa  
finem non pertinere ad Semipelagianam senten-  
tiam concedere dispositionem naturalem ex no-  
bis, aut ex bona indole naturali, non quidem  
ad gratiam obtinendam, sed vt gratia, & mise-  
ricordia collata facilius in nobis operetur.

A. Iudicium authoris, circa totum statum  
huius controuersiae.

Igitur aliquo ex his modis non repugnat ho-  
minem vocatum exterius ad fidem illamque vo-  
catione, & generali concursu Dei adiutum ali-  
qua opera facere, quibus vel non stet per il-  
lum vocatione interior, neque illi impedi-  
mentum ponat, vel etiam fiat materialiter aptior  
ad vocationem illam recipiendam, vel illi  
instrumentaliter cooperandum, cum sine ali-  
qua eius efficientia non fiat, vt supra dixi-  
mus. Estque hoc valde consentaneum condi-  
tioni hominis, & ordinatio modo providen-  
tiae Dei, qui ab homine cooperationem accom-  
modatam requirit. Et aliunde non repugnat  
gratiæ quatenus gratis danda est, quia talis  
dispositio, (vt dixi) nullum meritum funda-  
re potest. Vnde neque est mortuum propter  
quod Spiritus sanctus conferre debeat superna-  
turalem excitationem, & ideo pro sua libera  
voluntate interdum excitat obduratum, vel illu-  
minat negligentem, & alium non adeò prauum,  
vel aliquem bonum affectum habentem non ira  
præuenit interitum, vt sequenti libro latius vi-  
debimus. Neque etiam hoc genus dispositio-  
nis repugnat gratiæ, vt supernaturalis forma,  
vel motio est, quia non est dispositio per se  
conferens ad illam, sed est quasi tollens im-  
pedimentum, vel minuens ineptitudinem &  
improportionem subiecti, sicut dicunt Theo-  
logi Deum distribuisse Angelis gratiam iuxta  
proportionem naturalem, non quia naturalis  
perfectio fuerit motuum dandi gratiam, vel  
dispositio per se ad illam; sed quia ex parte  
subiecti erat quasi materialis dispositio, con-  
gruitatem, & maiorem quamdam habilita-  
tem inducens, nec denique difficultas alia in  
hoc occurrit, quæ alicuius momenti esse vi-  
deatur.

Ex quo tandem facile declaratur, quam sint  
necessarii isti actus, quibus homo prout po-  
test, primæ externæ vocationi cooperatur, seu  
illa bene vtitur, vt primam excitationem in-  
ternam, & supernaturalem consequatur; si  
enim absolute loquamur, & necessitatem hanc  
per respectum ad potentiam Dei spectemus, cla-  
rum est non esse præuiam illam operationem ne-  
cessariam, seu cooperationem liberam hominis,  
nam si Deus velit, nescit tarda molimina eius  
gratia, vt Gregorius dixit; potest ergo ad vo-  
cem primam Prædicatoris illuminare mentem,  
non solum sufficienter, sed etiam efficaciter,  
sicut fecit vocando Mattheum, aut Paulum,  
vel Magdalenam, imò non solum voce, sed  
etiam aspectu solo potest id facere, vt respi-  
ciendo Petrum illum interiùs ad poenitentiam  
conuertit, & de Magis credibile est visa sen-  
sibili stella statim fuisse interiùs illuminatos. Et  
cum multis aliis Deum illa liberalitate vt cer-  
tissimum est, non pro illorum meritis, aut  
cooperatione, sed iuxta consilium voluntatis,  
& gratiæ suæ; ordinariè verò relinquit Deus ho-  
mines operari per ordinaria media gratiæ, quæ  
in Ecclesia sua pro omnibus instituit, & iuxta  
hanc mensuram, & modum vocationis, &  
adiutorij quæri potest, quanta sit necessitas il-  
larum ad id quod liberi arbitrij, quas expli-  
cimus.

16. Assertio. Nō  
solum possi-  
biles sunt illi  
actus inter-  
medij, sed  
etiam con-  
sentanei &  
necessarii,  
prout remou-  
unt impedi-  
mentum, &  
materialiter  
hominem  
disponunt ad  
vocatio-  
nem.  
Quam con-  
sentanei.

17. Quam ne-  
cessarii.

In

18. Duplex est illorum actuum ordo. Primus ordinatur per se ad complendam capacitatem hominis respectu supernaturalis excitationis, ut sunt v.g. audire verbum prædicationis, vel illo audito, & non satis intellecto, de illo amplius interrogare, vel cogitare, & consequenter velle ad hoc applicare intellectum, & auertere cogitationes impediētes, & similia. Idemque cum proportionem intelligendum est de vocatione ad poenitentiam, vel ad perfectionem, aut ad quemlibet alium progressum virtutis. Nam omnes hæc vocationes ordinariæ sunt per verbum Dei externum, aut voce prolaturum, aut scripta, aut per alia exteriora signa, vel exempla, quæ mentem excitant, non statim supernaturali excitatione, sed memoriam, & effectum naturali modo mouendo, & ideo non oportet ut homo contemnat illam inchoationem gratiæ, sed illi pro viribus cooperetur, ut altiori gratiæ Dei impedimentum non ponat. Ad hunc ergo modum possunt isti actus esse moraliter necessarii, & suo modo pertinent ad communem gratiæ cursum, ut explicatum est. Alij verò esse possunt actus, non ita per se ordinati ad vltiores, sed qui ex libertate hominis exerceri possunt, & sunt valde affines prioribus actibus, ut sunt desiderium salutis, licet imperfectum per modum velleitatis, petitio eiusdem salutis, vel mediorum ad illam obtinendam. Et hi quidem actus, si sunt in homine iam fideli, & ex fide aliquo modo procedant, possunt esse dispositiones morales remotæ, seu impetratoriæ. Et sine dubio sunt valde utiles, etiam si contingat non esse in substantia supernaturales, quia per influxum fidei aliquo modo eleuantur, & ita non sunt sine auxilio aliquo gratiæ. At verò si tales actus præcedant fidem, & externam vocationem supernaturalem ad illam, tunc non solum necessarii non sunt, sed etiam per se nihil conferunt ad obtinendam gratiam internam Dei, quia sunt improporionati, & nullo modo fundantur in fide; non sunt tamen contemnendi, quia & remouent impedimenta, & aliquo modo afficiunt hominem ad id quod bonum est, & ita relinquunt animum de se magis aptum, saltem phyticè, ut supra explicavi, ut facilius, & cum minori repugnantia possit ad perfectum fidei affectum supernaturaliter excitari, quod quidem nihil obest rationi gratiæ, cum hoc ipsum ex aliqua gratia procedat, ut declaratum est.

Limitatur superior doctrina. Quatuor modis mens nostra excitari potest ad bene operandum vel cauendum malum. Primò per excitationem merè naturalem secundum cursum providentiæ naturalis. Secundò per excitationem daram ex peculiari providentiâ,

19. Vltimò ex dictis colligere possumus tres, vel quatuor modos, quibus potest mens nostra excitari ad bene operandum, vel ad cauendum malum, qui omnes à Deo sunt, non tamen pariter, sed secundum eandem rationem. Prima excitatio est merè naturalis, id est, per communem cursum naturalis providentiæ diuinæ, & causarum secundarum, quam esse posse & congruam, & incongruam, & neutro modo pertinere ad beneficia gratiæ, sed naturæ, maiora, vel minora, in libro primo ostensum est. Secundus ordo excitationis est, quæ dantur à Deo ex peculiari providentiâ, & liberalitate in maiori perfectione, vel abundantia, quam per communem cursum causarum secundarum fieri possint, in se tamen naturales sunt, & circa obiecta solum naturalia versantur. Et huius-

Fr. Suarez, de Gratia Pars I I.

A modi excitationes reuera sunt gratia, non tamen attingunt intrinsecè (ut ita dicam) ordinem supernaturalem, & dari possent solum ad iuuandam naturam in ordine ad honestatem, & finem naturalem, licet de facto semper à Deo ad supernaturalem finem ordinentur. In tertio ordine sunt excitationes quæ immediatè pertinent ad ordinem gratiæ, & providentiæ supernaturalis; & hæc in duplici differentia esse possunt. Nam quædam sunt motus in sua substantia naturales, quia mediis sensibus in mente naturali virtute excitantur, & nihilominus immediatè, & quasi intrinsecè pertinent ad ordinem gratiæ ratione materiæ in qua versantur, & quia ex peculiari & supernaturali providentiâ tribuntur, & præparantur causæ à quibus proveniunt. Aliæ sunt in substantia sua supernaturales, & à Spiritu sancto immediatè mentibus infunduntur tanquam auxilia proxima, & proportionata actibus humanis per se infusis, & in se supernaturalibus, quæ omnia membra ex doctrina huius, & præcedentis capituli declarata manent: visum est autem sub compendio illa hîc proponere, quia & ad omnia superius dicta de necessitate gratiæ, & ad distinguendum Semipelagianum errorem à Catholica doctrina magnam lucem afferre possunt; & quia in libro sequenti ad explicandam sufficientiam gratiæ illorum cognitio erit nobis necessaria.

& liberalitate in ordine ad finem naturalem.

Tertiò per motus entitativè naturales in ordine ad finem supernaturalem.

Quartò per motus in substantia sua supernaturales.

## C A P V T XIII.

### *Verum præter excitantem gratiam sit necessaria gratia adiuuans ab illa distincta.*

HActenus de excitante gratia dictum est, nunc ad complendam divisionem gratiæ in excitantem, & adiuuantem oportet ipsam adiuuantem explicare. Et in primis supponimus ad bene operandum sicut oportet ad salutem necessariam esse gratiam adiuuantem. Primò, quia ex Scriptura sacra id apertè colligitur, nam in illa sæpè Deus vocatur adiutor noster Psal. 62. *In matutinis meditabor in te, quia fuisti adiutor meus.* Vnde Augustin. *Nisi Deus adiuuet opera nostra, impleri à nobis non possunt, & digna debemus operari.* quasi dicat ut opera nostra digna sint, necessarium esse Dei adiutorium. Vnde etiam est illud Psal. 53. *Ecce enim Deum adiuvat me.* vbi August. *Omnes Sancti adiuvantur à Deo, sed intus, vbi nemo videt.* Item Psal. 18. *Domine adiutor meus, & Redemptor meus.* Vbi autem Augustinus, adiutor in bonis, & Redemptor in malis, *Adiutor ut habitem in charitate sua, redemptor ab iniquitatibus meis.* Et pleraque sunt Scripturæ loca, in quibus vel Deus vocatur adiutor noster, vel nos ab illo petimus ut nos adiuuet, vel confitemur sine ipsius adiutorio non posse saluari: adiuuat nos autem Deus per gratiam adiuuantem. Secundò nihil frequentius est in ore omnium fidelium; nihilque sæpius repetit Ecclesia in suis publicis orationibus, quam illud, *Deus in adiutorium meum intende, Domine ad adiuuandum me*

1. Affectio præma, Necessaria est gratia adiuuans ad operandum sicut oportet ad salutem.

Probatur ex Scriptura, August. & Conciliis. Psal. 62. 7.

Psal. 53. 4.

Psal. 18. 16. August.



**Psal. 69.** *me festina.* quod ex Psalm. 69. sumptum est. Item reperit illud, *Adiutorium nostrum in nomine Domini, qui fecit celum & terram*, ex Psalm. 123. Item Concilium Mileuitanum, & Araulicanum definiunt gratiam esse necessariam in adiutorium nostrum. Distinctius verò Concilium Trident. sess. 6. cap. 5. & can. 3. necessitatem gratiæ excitantis, & adiuuantis definiuit. Tertio hæc est doctrina Augustini, qui pro hac gratia adiuuante maxime contra Pelagium pugnavit, præsertim lib. de Grat. Christi cap. 23. & sequentibus, & lib. 2. contra duas epistol. Pelagiani. cap. 9. & epistol. 105. 106. & 107. & alijs locis, quæ in sequentibus allegauimus. Rationem autem seu necessitatem huius gratiæ, nisi prius, quid illa sit, & ad quid detur, intelligatur, explicare non possumus.

**1.** Prius verò oportet vocis ambiguitatem tollere: ideoque inquiri potest, an gratia adiuuans sit aliquid diuersum ab excitante. Ratio dubitandi est, quia gratia excitans nos adiuuat; ergo est gratia adiuuans; ergo illæ gratiæ nullo modo distinguuntur. Antecedens patet, quia excitans gratia est quasi doctrina interna, vel admonitio diuina, vel inclinatio, aut propensio ad aliquid. Magister autem docens adiuuat discipulum; ergo multo magis Deus interior docet, & adiuuat hominem. Vnde & Prædicatores Euangelij adiutores Dei dicuntur 1. Corinth. 3. quia Deum in docendis, & instruendis hominibus iuuant. Item qui alium monet, iuuat illum, iuxta illud Psalm. 2. *Adiuuantes exhortamur, &c.* Denique propensio, & inclinatio sine dubio multum iuuat in quocunque opere; ergo gratia excitans omnibus his modis nos adiuuat: est ergo gratia adiuuans. Atque hoc confirmat modus loquendi Conciliorum, nam Mileuitan. cum cap. 3. definit gratiam Dei qua iustificamur, non solum ad remissionem peccatorum dari, sed etiam in adiutorium, ut non committantur, nomine adiutorij excitantem gratiam præsertim intelligit. Vnde cap. 4. declarat, hanc gratiam non tantum nos adiuuare, reuelando, quæ facienda sunt, sed præstando, ut quod faciendum nouerimus, etiam facere diligamus, atque valeamus. Ergo illa gratia quæ dat nobis posse facere, & quæ facit nos facere, ipsa est, quæ nos adiuuat. Illa autem est vocatio diuina, quæ est gratia excitans; ergo hæc eadem est gratia adiuuans. Item Concilium Tridentinum sessione 6. cap. 5. de excitante & adiuuante gratia, tanquam de vna sic loquitur. *Vocantur ut qui per peccata à Deo auersi erant, per eius excitantem, atque adiuuantem gratiam, ad conuertendum se ad suam ipsorum iustificationem, eandem gratia liberè assentiendo, & cooperando dissonantur.* Vnde ponderandum est illud verbum, *eandem gratia*, refert enim gratiam excitantem, & adiuuantem, de qua sermo præcesserat, refert illam tanquam vnā, nam si essent plures, dicendum fuisset eisdem gratiis.

**Secundò ex Concil.**

**Mileuitano.**

**Tridentino.**

**Auctoritate Augustini.**

Præterea D. Augustinus lib. de Gratia Christi cap. 4. post multa contra Pelagium disputata ad vitandas tergiversationes eius, ita concludit. *Si consenserit, ita ipsam voluntatem & actionem diuinus adiuuari, & sic adiuuari, ut sine illo adiutorio, nihil liberè velimus, & agamus, eamque esse gratiam Dei per Iesum Christum Dominum nostrum, nihil de adiutorio Dei, quantum arbitror, inter nos contemneris relinquetur.* In quibus verbis consi-

**A**dero Augustinum à Pelagio confessionem vntus gratiæ excitantis postulare, cum tamen Pelagius non minus errauerit, negando gratiam excitantem, quam adiuuantem, ut patet ex eodem Augustino in eodem lib. cap. 10. & sequentibus. Item lib. 2. de peccator. merit. & remiss. cap. 17. cum Augustinus in principio dixisset posse hominem in hac vita esse sine peccato, gratia adiuuante diuina, postea explicando hanc gratiam dixit. *Ut autem innotescat quod latebat, & suaue fiat, quod non delectabat, gratiæ Dei est quæ hominum adiuuat voluntates.* Illa autem gratia quæ innotescit, quæ latebat, & suaue fit, quod non delectabat, non est nisi **B** illuminatio, & inspiratio diuina, seu sancta cogitatio, & pia affectio, ut ipse in discursu explicat. Vtrique est gratia excitans; ergo hæc eadem est apud Augustinum gratia adiuuans. Et simili modo in cap. 19. illam gratiam vocat certam scientiam, vel victricem delectationem, *quam (inquit) interdum non dari Sanctis, ut cognoscant non à seipsis, sed ab illo sibi esse lucem, qua illuminentur tenebra eorum, & suauitatem, qua dei fructum suum terra eorum, quæ duo Deus in nobis sine nobis operatur; ideo ad gratiam excitantem pertinent, & nihilominus subiungit: Cum autem ab illo illius adiutorium deprecamur, quid aliud deprecamur, quam ut aperiat quod latebat, ut suaue fiat, quod non delectabat.* Denique libro de Gratia, & libero arbitrio, cap. 15. tractans verba Ezechiel. 11. *Dabo vobis cor carnesum*, & illa cap. 18. *Facite nobis cor nouum*, interrogat. *Quare dat, si homo facturus est, nisi quia dat, quod iubet, cum adiuuat ut faciat, cui iubet?* Ex tamen alijs locis similes Dei locutiones, *Dabo vobis, faciam, ut faciatis, &c.* explicat de vocatione; seu, quod idem est, de gratia excitante, per quam Deus illa facit in nobis; ergo illa eadem gratia est, qua Deus nos adiuuat ut faciamus.

Nihilominus negari non potest quin gratia adiuuans propriè sumpta sit speciale auxilium gratiæ, ab excitante aliquo modo distinctum. **D**Itaque sicut Dialectici dicunt, omne genericum, seu commune interdum vni speciei appropriari, ita in præsentī de nomine adiutorij, vel adiuuantis gratiæ dicere necesse est, tum ad intelligenda varia loca Augustini, tum ad singula gratiæ auxilia in specie declaranda. Nam quæ adduximus, ostendunt nomen adiutorij diuini, vel quod perinde est, adiuuantis gratiæ interdum generaliter sumi pro quocunque gratiæ auxilio. Et certum ipsum nomen auxilij, hanc eandem significationem postulat. Quid est enim adiuuare, nisi auxilium præstare? auxilium autem nomen generale est, ad omnia gratiæ auxilia; ergo & verbum adiuuandi potest in eadem generalitate sumi, **E** ergo & verbum adiutorij, seu gratiæ adiuuantis. Imò & Deus ipse dici potest adiutor noster etiam ratione auxilij excitantis, quod nobis infundit, & in testimonijs allegatis, & in multis alijs Scripturæ locis, præsertim Psalmorum, oratur Deus, ut nos adiuuet illuminando, cor inclinando, & alia similia, quæ ad excitantem gratiam pertinent faciendo. Non obstante verò hac significatione dicimus nomen gratiæ adiuuantis peculiariter tributum esse cuidam speciali beneficio, & auxilio gratiæ ab excitante

**Ezechiel. 11.**  
**19.**  
**Idem 18-31.**

**4.**  
**Afferio secundæ.** Gratia adiuuans: proptèr sumpta, distincta aliquo modo est ab excitante. De hac ex notione nominis.

tante aliquo modo distincto, & in hoc sensu diu-  
di gratiam in excitantem, & adiuuantem.

5.  
Probatur 1.  
ex doctrina  
Augustini.

Hoc probamus. Primò ex doctrina Augustini,  
à quo ferè omnes istæ voces sumptæ sunt. Ille  
enim gratiam adiuuantem planè distinguit ab  
excitante in Enchirid. cap. 32. cum inquit,  
*Totum Deo datur, qui hominis voluntatem bonam,  
& preparas adiuuandam, & adiuvat preparatam.*  
Nam sine dubio aliud est præparare, aliud adiu-  
uare voluntatem, & primum tribuit Augustinus  
gratiæ excitanti, & ideo dicit scriptum esse,  
*Non est volentis, neque currentis, sed Dei miseren-*  
*tis, quia preparatur voluntas à Domino,* utique  
solo, & sine homine, quod spectat ad excitan-  
tem gratiam, quam Deus facit in nobis sine  
nobis, ut suprà dictum est. Ergo adiuuare præ-  
paratam voluntatem, est nouum Dei beneficium,  
& distinctum auxilium, quod gratia adiuuans  
vocatur. Vnde idem August. quæst. 2. ad Sim-  
plician. sic inquit. *Non ideo dictum esse putan-*  
*dum: Non est volentis, neque currentis, sed mi-*  
*serentis est Dei, quia sine eius adiutorio non possu-*  
*mus adipisci quod volumus, sed ideo potius, quam*  
*sine eius uocatione non volumus.* lib. 2. de peccator.  
merit. cap. 18. *Quòd ad Deum nos conuertimus, nisi*  
*ipso excitante, atque adiuuante, non possumus.* In  
quo modo loquendi apertè indicat adiuuantem  
gratiam aliquid addere supra excitantem. Præter-  
ea hoc constat ex diuersis muneribus, quæ Au-  
gustinus tribuit gratiæ excitanti, & adiuuanti,  
nam primæ tribuit tangere cor, sanctam cogi-  
tationem immittere, & similia, quæ Deus in  
nobis, sine nobis operatur, ut in superioribus  
satis explicatum, & allegatum est. At verò gra-  
tiæ adiuuanti tribuit simul cum homine operari,  
sicut dicit lib. 2. contra duas epistol. Pelagian.  
cap. 9. *Quamuis nisi adiuuante illo, sine quo nihil*  
*possumus facere, et non possumus aperire, tamen*  
*nos aperimus illius adiumento, & opere nostro.* Vnde  
in 2. lib. de peccator. merit. & remis. cap. 5. dicit,  
*Neque adiuuari potest, nisi qui aliquid sponte co-*  
*uincitur.* Et rationem reddit, quia Deus non ita  
mouet hominem, sicut mouet lapidem, vel  
brutum, in quibus voluntatem, & rationem  
non condidit, significans gratiam adiuuantem  
non dari nisi in ipsa, & cum ipsa operatione,  
quod euidentius expressit in id Psal. *Adiuua nos*  
*Deus salutaris noster,* dicens, *cum adiuuare nos*  
*vult, neque ingratus est gratia, aut tollit liberum*  
*arbitrium; qui enim adiuuatur, etiam per seipsum*  
*aliquid agit.* Et tract. 4. in 1. Epist. Ioan. *Quando*  
*(inquit) inuatis, si nihil agis. & sem. 13. de*  
*verbis Apokoli cap. 11. Agis (inquit) & ageris,*  
*& tu bono agis, si bono ageris; Spiritus enim Dei*  
*qui te agit, agentibus adiutor est, ipsum nomen adiu-*  
*toris præscribit tibi, qui tu ipse aliquid agis. Agno-*  
*sce quid possas, agnosce quid confiteris, quando dicis,*  
*Adiutor meus esto, adiutorem utique inuocas Deum,*  
*nemo adiuuatur si ab illo nihil agatur, &c.*

Diuerfa mu-  
nera tribuit  
Augustinus  
gratiæ exci-  
tanti & ad-  
iuuanti.

6.  
Consecrati-  
onem dicitur  
Ad-  
iuuans gra-  
tia non da-  
re nisi qui  
liberè agit,  
vnde super-  
additur ex  
excitantem.  
Tridentin.

Ex his ergo omnibus colligitur adiuuantem  
gratiam non dari, nisi ei, qui liberè agit, cre-  
dendo, vel pœnitentiam agendo, vel alio modo  
piè operando: gratia autem excitans datur ante  
liberam operationem, ut in superioribus satis  
ostensum est; ergo aliquam gratiam addit adiu-  
uans supra excitantem ab illa distinctam. Deinde  
hæc satis indicat Concilium Tridentinum scilicet.  
6. cap. 5. Primum quatenus distinctè requirit  
excitantem atque adiuuantem gratiam, non  
enim toties illa duo repeteret cap. 5. & can. 3.

Fr. Suarez de Gratia Pars I I.

A si illa duo essent synonyma, & non aliquo modo  
distincta. Secundò, quia dicit hominem disponi  
assentiendo, & cooperando illi gratiæ, quæ duo  
verba cum portione accommodata accipienda sunt;  
nam assentiri correspondet gratiæ excitanti, coo-  
perari verò adiuuanti. Vnde paulo inferius dicit  
Concilium, tangente Deo cor hominis, ipsum  
hominem non omnino nihil agere inspirationem  
illam recipiens, utique per liberum consensum,  
sicut illam abiicere sit per dissensum. Quomo-  
do etiam dixit Augustinus vocare posse solius  
gratiæ: assentire autem, vel dissentire propriè  
voluntatis esse. Est tamen discrimen, quia dis-  
sentire potest homo sua sola libertate, assentire  
autem non potest, sine adiutorio Dei. Et ideo ut  
assentiatur gratiæ excitanti, necesse est ut coo-  
peretur adiuuanti: sunt ergo illæ duæ gratiæ dis-  
tinctæ. Et præterea Concilium quorics de acti-  
bus, quibus homo disponitur ad iustitiam, lo-  
quitur, utramque gratiam coniungit, ut patet  
in cap. 5. & in principio 6. *disponuntur tamen ad*  
*ipsam iustitiam, dum excitati, & adiuti diuina*  
*gratia, &c.* & Can. 5. *Si quis dixerit sine preue-*  
*niente Spiritus sancti inspiratione, & eius adiutorio,*  
*&c.*

Vt assenti-  
tur homo  
gratiæ exci-  
tanti, necesse  
est ut coope-  
retur adiu-  
uanti.

B Ratione sumpta ex prædicta doctrina Augu-  
stini potest hoc declarari, quia gratia excitans  
datur homini antequam liberè operetur, vel  
consentit; ergo necesse est gratiam adiuuan-  
tem aliquid addere excitanti, in quo ab illa  
distingatur. Maior in superioribus satis decla-  
rata, & probata est, & conuincitur ex Concil.  
Tridentino can. 4. dicente hominem iam ex-  
citatum posse dissentire. Minor autem patet  
ex dictis sententiis Augustini, & ex verbis  
Concilij quæ ponderauimus. nam semper con-  
iungit adiuuantem gratiam consensui, & è con-  
trario negat consensum esse posse sine adiuuante  
gratia. Ex proprietate autem ipsius verbi adiu-  
uandi, optimè potest declarari: nam adiuuare est  
aliquid cum aliquo agere, & ideo nemo actu  
adiuat, nisi & ipse, & is, qui adiuuatur, ali-  
quid agant; ergo in operibus gratiæ non datur  
homini adiuuans gratia, nisi quando libero, &  
humano modo aliquid operatur, nam ad huius-  
modi operationem hæc gratia datur: at verò  
gratia excitans datur per operationem liberam,  
sed necessariam, ut suprà visum est, & ideo  
operationem liberam præcedere potest. Decla-  
ratur tamen à simili, nam gratia creans non  
datur nisi quando Deus actu creat; ergo ne-  
que gratia adiuuans, nisi quando Deus actu ad-  
iuuat. Vnde eo etiam modo quo intra ordinem  
gratiæ creatricis potest dari gratia adiuuans, illa  
non datur nisi quando Deus actu concurret cum  
creatura, quia tunc illam ad agendum adiuuat; er-  
go idem est cum propositione in gratia pertinente  
ad ordinem gratiæ sanctificantis, quatenus in illo  
gratia adiuuans inuenitur, ex quo etiam fit, ut sicut  
Deus ab æterno non est Creator, vel conseruator,  
sed in tempore, ita neque sit adiutor nisi in tem-  
pore, & non semper, sed quando actu adiuuat. Deno-  
minatur autem adiutor ab adiuuante gratia. non ab  
excitante, propriè loquendo. Ex his ergo satis con-  
stat, has gratias esse distinctas aliquo modo: hæc  
autem distinctio, & plures etiam differentiæ inter  
ipsas in duobus capitulis sequentibus commodius  
explicabuntur, simul declarando, quid hæc adiu-  
uans gratia sit.

7.  
Ratio asser-  
tionis 2. de-  
prompta ex  
August.

Deus nō est  
Adiutor ab  
æterno, sed  
in tempore.

## CAPVT XIV.

*An gratia adiuuans sit actio, vel principium actionis, & quæ sit eius necessitas.*

1. Necessitas gratiæ adiuuantis ex duplici radice eruitur.

1. Radix, dependentia essentialis creatæ voluntatis à causa i. in ordine naturæ & gratiæ.

2. Radix infirmitatis liberi arbitrij ad vitandum errorem, & malitiam, & ad operandum sicut oportet.

**C**um ostensum sit dari nobis adiuuantem gratiam, præter excitantem, ut Concilia tradunt, hanc etiam gratiam esse nobis necessariam ad sanctè operandum, sicut oportet ad salutem, explicare necesse est, quid & quod duplex sit hæc gratia: ad hoc autem declarandum causam, & radicem huius necessitatis aperire necessarium est, nam inde constabit ad quem finem ipsa ordinetur, & ex fine ratio, & varietas eius facillè intelligitur. Necessitas igitur huius gratiæ ex duplici capite oriri potest. Primum ex dependentia essentiali, quam voluntas creata, ut est quedam causa secunda, habet in operando à Deo, ut est prima, & vniuersalis causa in omni ordine, tam naturæ, quam gratiæ. Quod enim omnis creatura non solum pendeat à Deo in fieri, & in conservari, sed etiam in operari, tanquam in nostra fide certum supponimus, ex prima parte, & ex Metaphysicis disputationibus: consistit autem hæc dependentia operationis in hoc, quod nihil potest creatura facere sine actuali ope, & influxu Dei. Hæc igitur dependentia etiam in operibus gratiæ inuenitur, cum etiam sint extra creatam. Et quamuis talis influxus, seu concursus Dei in actionibus naturalibus non habeat propriam rationem gratiæ de qua tractamus, quia est debitus naturæ, ut lib. 1. diximus, nihilominus concursus vniuersalis Dei ad opera vniuersalia inter propria dona gratiæ sanctificantis numerandus est, quia absolute non est debitus naturæ, & quamuis possit esse debitus ratione prioris gratiæ, eo ipso est gratia pro gratia. Et de hoc genere gratiæ dicam in vltima parte huius libri, explicatis prius cæteris nominibus, seu divisionibus gratiæ, quia & supponit illas, & longiorē magis, quam controuersam disputationem postulant.

Secunda radix huius necessitatis est defectus vitium, & infirmitas liberi arbitrij, ad vitandum errorem, & malitiam, & ad operandum bonum virtutis, sicut oportet. Vnde sicut homo debilis, & infirmus non potest rectè ambulare, nisi ab aliquo iuuetur, ita neque liberum arbitrium, nisi adiuuetur à Deo. Et sicut non satis iuuatur infirmus, exhortando, & monendo illum ut surgat, sed oportet manum adiuuare, & simul cum illo operari, & illum sustinere, vel subleuare: ita non satis est liberum arbitrium ad hæc opera gratiæ excitare, sed illud actu iuuare, cum illo operando, aut virtutem operandi addendo, necesse est. Et hoc pertinet ad solū Deum, qui hoc nobis præstat, per adiuuantem gratiam. Est autem considerandum hanc indigentiam liberi arbitrij esse diuersam ab illa, quæ respectu primæ causæ communis est omni virtuti creatæ; etiam si in suo genere causæ secundæ completa sit: nam ultra indigentiam hanc habet nostrum liberum arbitrium defectum virtutis ad bene agendum, etiam in proprio ordine causæ proximæ ad huiusmodi actus virtutis efficiendos, & ideo indiget speciali gratia adiuuante distincta à præcedente, quæ illum defectum vitium adiuuando suppleat. Quod autem in libero arbitrio sit hic defectus vitium partim ob

**A** lapsum peccati originalis, partim ob excellentiam supernaturalium actuum, in lib. primo & secundo latè ostensum est, ubi quæ generatim ibi diximus de necessitate gratiæ, etiam de hac adiuuante procedunt. Et de eadem rectè intelliguntur verba Pauli ad Roman. 8. *Spiritus adiuuat infirmitatem nostram*, in quibus hanc radicem huius necessitatis attingit, & propterea etiam dixit ad Philip. 2. *Deus est qui operatur in nobis & velle, & perficere*, & cap. 1. *qui cooperatur in nobis opus bonum* (vtrique per excitantem gratiam) *perficiet*, scilicet per adiuuantem.

**B** Ex hac ergo duplici necessitate prima distinctio adiuuantis gratiæ colligitur. Vna est per modum concursus, alia per modum specialis cooperationis in ratione proximæ causæ principalis talis effectus. Et ut sine æquiuocatione loquamur, priorem non auxilij, vel adiuuantis gratiæ nomine, sed simpliciter nomine concursus gratiæ significabimus. Aliud verò speciale adiutorium, quod Deus etiam ut causa proxima ad actus supernaturales præbet simpliciter nomine adiuuantis gratiæ, significabimus, quia reuera de hoc adiutorio præcipue loquuntur Augustinus, & alij Patres, quando gratiam adiuuantem requirunt, tum quia hoc præcipue Pelagius negabat, ut in vltimo Prolegomeno diximus: tum etiam, quia specialius adiutorium postulant Patres in operibus gratiæ, quam in operibus naturæ, & alium defectum vitium ad opera gratiæ, quam ad opera naturæ, in libero arbitrio recognoscunt, & docent. Igitur propria gratia adiuuans vocatur illa, quæ in ratione causæ primæ creata voluntas ad opera pietatis indiget.

**C** Secundò colligitur ex dictis hoc gratiæ adiutorium proximè consistere in aliquo Dei influxu in ipsos actus liberos, & supernaturales voluntatis, quod quidem commune est tam concursui gratiæ, quam propriæ gratiæ adiuuenti. Nam concursus actu non datur à Deo, nisi quando causa secunda actu operatur; quando verò ipsa non agit, conseruatur quidem à Deo, non tamen potest tum Deus cum illa agere, & consequenter neque concurrere; ergo concursus non est, nisi dum causa secunda agit; consistit ergo proximè, & vltimatè (ut ita dicam) in actuali motione, vel actione sine præuio, sine simultanea ordine naturæ cum actione causæ secundæ, quod postea videbitur. Nam in fine capitis præcedentis probatum est ex Augustino, & ratione, neminem iuuari, nisi qui agit. Ex quo rectè inferitur, hoc auxilium gratiæ adiuuantis proximè consistere, & consummari in actuali influxu, & actione Dei cum homine supernaturaliter operante. Nam eo ipso quod homo desinit operari, etiam Deus desinit adiuuare; ergo sicut operatio hominis in actuali influxu ex parte sua consistit, ita adiuuans gratia in actuali influxu ex parte Dei posita est. Deinde sicut in his actibus dum homo operatur dicitur cooperari Deo, ita cum Deus illum adiuuat dicitur cooperari homini, ut infra videbitur, & ex Concilio Tridentino, dicta scilicet cap. 5. aperte colligitur cooperatio autem manifestè influxum, seu actionem significat, ut infra de gratia cooperante tractando necesse explicabimus.

**D** Dixi autem gratiam adiuuantem proximè consistere in actuali influxu, quia præter influxum necessarium est aliquod supernaturale principium à quo actualis ille influxus promanet. Nam ille influxus non est nisi actio quedam: omnis autem actio suum immediatum, & proportionatum principium requirit; ergo cum influxus adiuuantis gratiæ supernaturalis sit, requirit principium

Rom 8. 16.

Philip 2. 13.

3. Confectarium 1. ex hac duplici necessitate.

Dividitur Gratia adiuuans in eam quæ datur per modum concursus, & quæ per modum specialis cooperationis: illa deinceps vocabitur concursus gratiæ, hæc verò absolute gratia adiuuans.

4. Confectarium secundum. Vtrumque gratiæ adiutorium consistit in aliquo influxu Dei in actus liberos & supernaturales voluntatis.

Trident.

5. Gratia adiuuans consistit proximè in actuali influxu, seu actione.



CAPVT XV.

*Diuisio auxilij moraliter, vel physicè adiuuantis, exponitur.*

**C**onsiderandum vltcrius est duobus modis posse hominem iuari in operibus gratiæ, moraliter scilicet, & physicè, nam hi duo modi causandi locum habent in operibus gratiæ, nam sunt opera moralia, & physicè sunt à nostris potentiis, ideòque vtroque modo vocari possunt per gratiam, imò vtrumque adiutorium ad illud necessarium secundum catholicam doctrinam. Et in primis de adiutorio morali probatur primò, quia causalitas finis moralis est, quæ eius motio est metaphonica, & solum attrahit alliciendo, & inuitando, & ideo finis dicitur quasi primum principium in moralibus, imò sic causatur, quæ morales reputantur, licet ad efficientes reuocentur, vt sunt causa consilens, imperans, & similes, ideo dicuntur moraliter causare, quia finalem causam imitantur, & illam aliquo modo ad causandum iuuare, illiusque pulchritudinem, vel bonitatem magis ostendendo, vel aliis motibus ad illam alliciendo. At verò gratia omnibus his modis adiuuat voluntatem nostram, vt ex locutionibus Augustini & Prosperi, cum testimonijs Scripturæ, quæ illi allegant, probari facile potest. Nam ex parte obiecti, seu finis explicat hoc adiutorium Augustinus tract. 26. in Ioan. dicens, *Ramus vniuersum estendit ovi, & trahit illam*, vt explicet hoc modo trahi voluntatem per gratiam. Vnde concludit, *Veritas reuelatio ipsa est attractio; qui tamen fortius desiderat animam, quam veritatem.*

Idem colligitur ex eodem Augustino lib. de spir. & liter. cap. 34. vbi dicit, non ita esse Deum causam malæ voluntatis, sicut bonæ, quia *visum suasionibus agit Deus et vult nos, & et credamus*, &c. nam ille modus inductionis moralis est, & ex parte obiecti. Et ibi idem addit modum agendi *per suasionem*, & vocationem, quæ pertinent ad causalitatem moralem & effectiuam, & ideo dicta q. 2. ad Simplicianum, vocationem appellat effectricem bonæ voluntatis. Et eodem modo loquitur lib. 83. quæstionum in 68. vbi inter alia habet, *quia nec velle quisque potest, nisi admonitus, & vocatus, ideo & ipsum velle Deus operatur in nobis.* Et eodem modo dixit serm. 13. de verb. Apostol. exponens illud ad Roman. 8. *Quosque spiritu Dei aguntur, hi filij sunt Dei*, addendo, *non litera, sed spiritu, non lege præcipiente, minante, promittente, sed spiritu exhortante, & illuminante, adiuuante.* Et cap. 12. sic vos scitote agere, vt sit rector spiritus, & adiutor: regere autem, & exhortari morales modi causandi sunt, & de illis etiam explicat verba Christi, *sine me nihil potestis facere.* Et eandem causalitatem præbet vocationi lib. de prædestinat. Sanctor. cap. 15. & 16 & cap. 19. ait, *illa vocatione, quæ sine penitentia est, id propterea agitur, & peragitur, vt credamus.* Alii vero locis explicat hanc causalitatem per modum suavis inclinationis, vel tractionis, quia per vnum affectum ad alium inclinamur, quæ moralis etiam inductio est. Atque ita serm. 2. de verb. Apostol. cap. 2. dicit suauitatem quam gratia infundit, esse spirituales tractionem, & lib. 2. de peccator meritis. c. 16. dixit hanc gratiam esse victricem delectationem.

1.  
Assensio.  
Duo sunt modi iuari in operibus gratiæ, moraliter & physicè.  
Causalitas finis moralis est ideo dicitur primum principium in moralibus.  
Causa consilens, imperans, &c. idcirco moraliter causant quia causam finalem imitantur & iuuant.  
Augustinus hoc adiutorium explicat ex parte obiecti, seu finis.

2.  
Idem moraliter illi tribuit causalitatem, dum eam vocat suasionem.  
Vnde etiam affectum bonæ voluntatis.

Idem.  
Rom. 8. 14.

Dicitur spiritum exhortari regere.

Hanc causalitatem explicat per modum suavis inclinationis, vel tractionis spirituales tractionis.

Alii

pium supernaturale à quo immediate fluxit. Hinc ergo patet non solum actuale influxum, sed etiam principium à quo procedit, posse gratiam adiuuantem appellari, quia verè adiuuat intellectum, aut voluntatem, nam supplet defectum virtutis eius ad supernaturalem actum efficiendum: supplet autem simul cum potentia efficiendum actum, quæ ipsa sola efficere non potest: hoc autem est iuuare, sicque lumen gloriæ iuuat intellectum ad videndum Deum, & charitas ad amandum, & Deus ipse dici potest iuuare causas secundas ad operandum, & in ordine gratiæ speciali titulo *adiutor noster* appellatur. Aliunde verò ex supradictis videtur colligi propriam gratiam adiuuantem in solo influxu actuali positam esse, cum quia gratia adiuuans non est, nisi quando homo actu operatur: principium autem operandi in nobis permanet etiam dum non operamur, cum etiam, quia gratia adiuuans in genere actualis gratiæ collocatur, & sub illo ab excitante condistinguitur. Sicut ergo excitans tantum consistit in actuali motione, ita etiam adiuuans.

Verumtamen non oportet de nominum significatione contendere, clariùsque & magis sine ambiguitate procedemus secundum diuisionem adiuuantis gratiæ subiungendo, quædam dici potest adiuuans per modum principij, alia per modum influxus, seu actionis. Et hæc quidem posterior iam satis explicata est, & in omni proprietate, & rigore nomen adiuuantis gratiæ meretur, quia est magna gratia, & actu nos iuuat; imò est ipsum actuale auxilium quo supernaturaliter iuamur. Vnde si sermo sit de gratia actuali adiuuante, hæc sola est gratia adiuuans, & ab illa quælibet alia gratia adiuuans denominatur, seu adiuuare dicitur, vt probant omnia hæc dicta in hoc, & in capite præcedenti. Nihilominus tamen etiam principium proximum adiuuantis auxilij potest in suo ordine vocari gratia adiuuans, vt probat ratio facta. Potest autem tale principium in duplici statu considerari, scilicet in actu primo, vel secundo. Quando verò est in hoc posteriori statu, propriè dicitur adiuuans, sumit autem hanc denominationem ab ipso actuali adiutorio, vt dicebam: nam sicut agens hanc denominationem sumit à sua actione, & ideo non est propriè agens, nisi quando est in actu secundo, ac proinde per denominationem ab ipso actuali adiutorio vocatur adiuuans. Nihilominus tamen, quia illud principium de se est gratia data ad iuuandam potentiam etiam in primo statu quando est in actu primo, potest dici gratia adiuuans, cum illa declaratione, seu limitatione *per modum principij*. Vel certè dicitur gratia adiutrix, nam hæc vox magis actum primum, quàm secundum significare videtur, id est, principium de se aptum ad iuuandam potentiam, cum voluerit operari. Et ita breuitatis gratia loquemur. nam licet in præsentis libro de actuali gratia, & auxilio præcipuè tractemus, non potest satis influxus gratiæ adiuuantis sine suo principio explicari, & ideo de vtroque dicendum erit.

Dubium  
vtrum principium supernaturale à quo procedit hæc actio dici possit gratia adiuuans.

6.  
Resolutio.  
Quædam dici potest gratia adiuuans per modum principij, alia per modum influxus seu actionis.

Principium huius influxus, vt spectatur in actu secundo dicitur adiuuans.

De se tamen cum sit gratia data ad iuuandam potentiam vocabitur breuitatis causa, gratia adiutrix.

\*\*\*

3. Aliis verò locis generaliter dicit gratiam nos  
 Alibi tradit inuare miris, & occultis modis, sic lib. 1. contra  
 trahi volun- duas epistolas Pelagian. cap. 19. *Trahitur*, inquit,  
 tatem miferi- *voluntas miris modis, ut velis ab illo, qui nouit, in-*  
 & occultis tus in ipsius hominum cordibus operari. & lib. 5.  
 modis, Confes. c. 7. & 8. de se ipso suæque vocatione  
 loquens dicit. *Egisti mecum mirum, & occultum*  
*modum, in illud egisti Deus meus: nam à Domino*  
*gressus hominis diriguntur, & viam eius volest.* Hos  
 autem modos in particulati declarat lib. de don.  
 perseuer. cap. 14. Quia ostenduntur mentibus con-  
 grua signa, aut verba. & lib. de corrept. & grat.  
 cap. 15. vtilem ait esse correptionem, quam intus  
 adiuuat Deus; & ibidem addit hoc facere Deum  
 diuersis, & innumerabilibus modis, & lib. 2. de  
 peccator. merit. cap. 17. omnes hos modos reducit  
 ad illa duo capita, *quia per gratiam fit ut non la-*  
*teat quod iustum est, vel ut suauis fiat quod non de-*  
*lectabit.* Vtrumque autem pertinet ad causalita-  
 tem moralem, quia per cogitationem allicitur  
 voluntas, & per suauitatem fit amabilius ope-  
 ratio. Et inde etiam fit, ut talis iudicetur, quia  
 sicut vnusquisque affectus est, ita de rebus iu-  
 dicat, iuxta axioma Aristotelis. Qualis vnus-  
 quisque est, talis finis sibi videtur. Et simili mo-  
 do explicat hoc adiutorium gratiæ Prosper lib. 2.  
 de vocat. gent. cap. 9. aliàs 26. vbi dicit hanc  
 gratiam non esse violentam, quia mouet suaden-  
 do, exhortando, terrendo, incitando, dando  
 intellectum, inspirando consilium, cor illumi-  
 nando, & fidei affectionibus imbuendo, quæ  
 omnia verba moralem inductionem, & causalita-  
 tem manifestè significant. Et similibus vocibus  
 vtitur, licet breuius, Cyrillus lib. 4. in Ioan.  
 cap. 6. & 7.

4. Ratio autem huius causalitatis ab eisdem Pa-  
 tribus indicatur, quia homo in actionibus suis  
 non ducitur, neque mouetur, ut quid inanime,  
 vel ut brutum, sed ut liberè se moueat, & agat, &  
 ideo adiutorio morali indiget proportionato li-  
 bero consensui, ad quem inducitur. Quam ratio-  
 nem indicauit Concil. Trid. sess. 6. cap. 5. ad-  
 iuncto can. 4. Et declarari amplius potest, quia  
 homo indiget gratia adiuuante propter infirmita-  
 tem, & ignorantiam ex peccato originali con-  
 tractam, ex qua difficultas bene operandi oritur,  
 quæ difficultas non solum in bonis operibus na-  
 turalibus inuenitur, sed etiam in opera superna-  
 turalis ordinis redundat, quibus accrescit alia  
 in proportionem, quam habet natura in suo præ-  
 cise ordine spectata talium operum supernatura-  
 lis ordinis. Hæc tamen difficultas magna ex par-  
 te moralis est, & per moralia media vel minui,  
 vel vinci, & superari debet, ut libero, & naturali  
 modo vinci possit, sicut lib. 1. & 2. satis explica-  
 tum est. Ergo auxilium moraliter adiuuans ma-  
 ximè necessarium est.

5. At verò gratia physicè adiuuans ex alio capite  
 necessaria est, & ideo aliter ad opera supernatu-  
 ralis ordinis, aliter verò ad naturalia requiritur.  
 Est verò causa physicè adiuuans, illa, quæ reali-  
 ter & per se efficiat aliquid per propriam, & rea-  
 lem actionem influendo in terminū productum:  
 cum autem operatio humana sit effectus realis,  
 & in suo esse sit quædam qualitas physica, id est,  
 habens suam propriam entitatem, & naturam  
 per rationem physicam, necessariò fieri debet:  
 hæc autem actio requirit principium habens  
 totam virtutem necessariam ad agendum, ut per  
 se notum est. Constat autem ex dictis in libro  
 secundo, in nostris potentis naturalibus intelle-

A ctus & voluntatis non esse virtutem naturalem  
 integram, & sufficientem ad efficiendos actus  
 studiosos supernaturalis ordinis, qui sunt in sua  
 entitate supernaturales; ergo saltem ad hos actus  
 omnino necessaria est gratia physicè adiuuans.  
 Vnde licet de hac gratia non tam clarè Augusti-  
 nus, & alij Patres loquantur: nihilominus quo-  
 ad hanc partem tam certa est, quàm est certum  
 Deum dare nobis virtutes per se infusas, quibus  
 hos actus etiam per se, & physicè efficere, valea-  
 mus. Nam ex dicto principio sequitur necessa-  
 riam esse gratiam specialem physicè adiuuantem  
 potentiam, quæ est principium proximum ta-  
 lium actuum, quia ex natura sua caret virtute  
 saltem completa ad illos efficiendo, ideoque il-  
 li adduntur virtutes per se infusæ, quæ defectum  
 illum suppleant, & vbi illæ defuerint, necessa-  
 rium erit ut eatum actiuitas supernaturalis aliunde  
 suppleatur. Et declaratur hoc amplius, nam  
 sicut isti actus in entitate sua supernaturales  
 sunt, ita dicunt essentialem dependentiam ab  
 aliquo principio proximo supernaturali, à quo  
 per influxum etiam supernaturalem immediatè,  
 ac per se præcedant; ergo ad illos est necessaria  
 gratia physicè adiuuans, quæ sit etiam ordinis  
 supernaturalis.

Præter hæc potest hoc genus gratiæ colligi  
 ex aliis modis loquendi Scripturæ & Concilio-  
 rum, ac Patrum. Quomodo enim Concilium  
 Tridentinum dicit liberum arbitrium à Deo ex-  
 citatum, & motum quando supernaturalem  
 præbet concursus verè aliquid agere, non tan-  
 tum docet agere moraliter, sed etiam physicè &  
 per se, quia in ipso actu elicitò à libero arbitrio  
 non potest efficientia moralis à physica separari;  
 inò illam necessariò supponit, & addit indiffe-  
 rentiam: sed in hac ipsa actione docet liberum  
 arbitrium cooperari cum Deo, & consequenter  
 Deum cooperari, seu coagere cum libero arbi-  
 trio, ergo intelligit, Deum etiam ibi physicè  
 agere cum voluntate, vel per se, vel per aliquam  
 gratiam, quam infundit. Vnde optimè, & cum  
 omni proprietate de hoc etiam genere gratiæ in-  
 telligimus locutiones Scripturæ, quæ necessita-  
 tem cooperationis Dei ad nostra opera inducant,  
 ut illud Ioan. 15. lib. contra duas epistolas Pelag.  
 cap. 9. *Quamuis nisi adiuuante illo, sine quo nihil*  
*possumus facere, os non possumus aperire, tamen*  
*nos aperimus illius adiumento, & opere nostro.* Vn-  
 de paulo inferius ponderans illud Exod. 4. *Ego*  
*aperiam os tuum, & instruam te* (inquit,) *Vtrum-*  
*que ad Dominum;* quare hoc? nisi quia in vno  
 istorum cooperatur homini facienti, alterum  
 solum facit. Vnde infert illam generalem sen-  
 tentiam in Concilio Atraniensi can. 20. con-  
 firmatam, *Multa facit Deus in homine bona, qua*  
*non facit homo; nulla verò facit homo, qua non*  
*facit Deus homo.* Similiter hoc confirmat illud  
 ad 1. Corinth. 3. *Neque qui plantat est aliquid, ne-*  
*que qui rigat, sed qui incrementum dat Deus.* Et  
 illud ad Philip. 1. *Qui cepit in vobis bonum opus,*  
 perficiet. nam hæc & similia verba propriè  
 sumpta significat propriam efficaciam Dei in-  
 choantis, facientis, & augentis bona opera no-  
 stra. Item significant impotentiam nostram ad  
 faciendū hæc opera sine Deo; ergo sicut ex parte  
 nostra efficientia propria est, & physica, ita etiam  
 multo magis ac principalis ex parte Dei. Et hoc  
 etiam in proprietate significat verbum *cooperandi*,  
 & *cooperatoris*, quod & nobis tribuitur respectu Dei,  
 & Deo respectu nostri, ut infra videbimus tractan-  
 do

non sunt  
 completa in  
 ordine ad  
 actus super-  
 naturales

Inde sequi-  
 tur necessi-  
 tas gratiæ  
 physicè ad-  
 iuuantis.

6. Probatur  
 eadem ne-  
 cessitas ex  
 Scriptura &  
 Conciliis.  
 Trident.

August.

1. Cor. 3. 7.

Philipp. 1.

Fides tot  
per antono-  
masiam di-  
citur opus  
Dei.

August.  
Rom. 3. 5.

Idem

do de gratia operante, & cooperante; ergo ex utra-  
que parte est vera cooperatio, & effectio per se, ac  
phylica. Imò per antonomasiam fides dicitur spe-  
cialiter opus Dei, quia ipsa principaliter in omni  
genere illud operatur, ut ibi Augustinus notat, &  
ob eandem rationem dicuntur hi actus infusi à  
Deo, nam quod Paulus ait ad Roman. 5. *Charitas  
Dei diffusa est in cordibus nostris*, non minus de actu,  
quàm de habitu verum est, ut saepe in superioribus  
est dictum, & sentit August. de spir. & liter. cap. 3. 2.  
infusio autem propriam, & physicam effectiorem  
aperitissimè significat. Denique confirmat hoc Au-  
gustinus dicto cap. 9. contra duas epistolas Pelag. ex  
illo, 1. Ioan. 4. *Charitas ex Deo est*, utique ut à præ-  
cipuo auctore, & causa per se, ac principali eius; &  
subiungit Augustinus, *Neque initium eius ex nobis,  
& perfectio eius ex Deo, sed si charitas ex Deo, tota  
nobis ex Deo est*. Ita enim nos concludere possumus,  
si habitus charitatis ex Deo, etiam actus charitatis  
ex Deo est verè & physicè, eademque ratio est de  
cæteris actibus supernaturalibus: sunt autem ex  
Deo media gratia adiuuante; est ergo necessaria ad  
hos actus gratia physicè adiuuans.

Hoc autem quæ de gratia physicè adiuuante ad  
actus supernaturales diximus, non eodem modo  
locum habent in actibus virtutum acquisitarum.  
Nam cum illi sint in substantia naturales, & per  
actionem ordinis naturalis fiant, nihil in physico  
principio, seu in speciali influxu proximo superans  
ordinem naturæ ex parte Dei requirunt. Et ratio  
est, quia isti actus sunt proportionati viribus natu-  
ralibus voluntatis, & intellectus. Vnde in his po-  
tentis sunt integræ vires per se requisitæ ex parte  
principij proximi principalis talium actuum; ergo  
ad illos non est necessaria, per se loquendo, gratia  
physicè adiuuans potentiam per modum principij  
proximi. Vnde in hoc est notanda differentia inter  
gratiam moraliter, vel physicè adiuuantem: nam  
prior ad hos actus necessaria est, non verò poste-  
rior. Est autem ratio differentiæ, quia gratia adiu-  
uans non est necessaria ad hos actus per se, & ex na-  
tura potentiae, sed per accidens, & lapsu humanæ  
naturæ, & ex impedimentis ad bene operandum in-  
de subortis, contra quæ gratia moraliter adiuuans  
necessaria est, ut paulo antè explicauimus. Augmen-  
tum autem virtutis per se actiue ipsius potentie, non  
sunt per peccatum diminuta, ut supra lib. 1. latè pro-  
batum est. Et hoc optime declarat innocentiz sta-  
tus, in quo nec physicè gratia adiuuans erat neces-  
saria ad hos actus, quia potentia in se erat eadem,  
quæ nunc est, nec moraliter iuuans, quia tunc non  
erant impedimenta lapsæ naturæ.

Dixi autem ad hos actus non requiri gratiam  
physicè adiuuantem supernaturalis ordinis, quia eo  
modo, quo isti actus possunt fieri, & saepe fiunt ex  
aliquo auxilio gratiæ naturalis ordinis, ita etiam au-  
xilium adiuuans, quod ad illos datur, vel dari potest  
gratuitum, & absque naturali debito collatum re-  
putari potest, & ita appellari gratia eiusdem ordinis.  
Hoc patet à simili de concursu ipso generali: nam  
licet hic debeat potentia ad actus sibi connatura-  
les suppositis aliis prærequisitis ad agendum: ta-  
men quando Deus speciali modo, & auxilio non  
debito voluntati, verbi gratia, præparat illam cum  
omnibus prærequisitis, ut conuenienter operetur,  
tunc ille concursus non est debitus naturæ. Et ta-  
men, ut probabilior fert opinio, habitus acquisitus  
physicè adiuuat potentiam, & augeat virtutem agen-  
di, non per intentionem, sed per multiplicationem  
virtutis: erit ergo illa gratia physica adiuuans. Idem-  
que potest facere Deus per motionem aliquam, vel

A Influxum physicum maiorem, quàm tali actui, vel  
potentiæ ex natura rei debeat. Hoc autem genus  
auxilij, licet possibile sit, non est necessarium, ut  
dixi, imò rarum, & extraordinarium esse censet.  
Occurrebat autem hic opinio, quæ ad hos etiam  
actus requirit gratiam efficacem physicè prædeter-  
minantem, quæ si datur, sine dubio physicè adiu-  
uat. Illa verò opinio coincidit cum illa Gregorij,  
quam supra lib. 1. impugnauius, & generatim de  
omnibus actibus tractanda est in lib. 5. & in discursu  
huius aliquid attingemus, dicendo de diuino con-  
cursu, & ideo necesse non est in presenti circa illam  
amplius immorari.

B Ex dictis igitur satis declarata manet diuisio po-  
sita de gratia physicè, vel moraliter adiuuante, quæ  
& ad principium adiuuans, & ad ipsum actuale au-  
xilium applicari potest. Proprius tamen videtur  
vtrumque membrum in principio adiuuante inue-  
niri. nam habitus per se infusus, ut diximus, physicè  
adiuuat potentiam ad actum supernaturalem eli-  
ciendum, & quando deest habitus, aliquid aliud  
principium necessarium est, quod physicam eius  
actiuitatem suppleat. Actualis verò influxus in su-  
pernaturalem actum, prout à tali principio procedit  
per se, ac physicè, & realis est, ac proinde est etiam  
actualis gratia physicè adiuuans: hoc ergo genus  
adiutorij tam habituali gratiæ, quàm actuali auxi-  
lio cooperanti propriè conuenit: at verò adiutorium  
morale neque habitui, neque actuali influxui vide-  
tur conuenire: imò si quis rectè consideret quod ad  
probandum hoc adiutorium morale adduximus,  
magis videtur ad excitantem gratiam, quàm ad ad-  
iuuantem pertinere: nam ipsemet motus gratiæ ex-  
citantis quatenus formaliter afficit potentiam, mor-  
aliter confortat illam, & nullum alium influxum  
quasi effectiuum habere videtur, quæ obiectio pe-  
tit, ut amplius explicemus discrimen inter gratiam  
excitantem, & actum adiuuantem, quod in sequenti-  
bus capitulis commodius faciemus.

9.  
Applicari  
potest eadē  
diuisio gra-  
tiæ physicè  
& moraliter  
adiuantis  
ad gratiam  
adiutricem,  
& concursū  
gratiæ.

D

## CAPVT XVI.

Quibus modis differat actualis influxus  
gratiæ adiuuantis, ab exci-  
tante gratia.

N Onnulli auctores absolutè docent, gratiam  
excitantem non re, sed ratione distingui ab  
adiuante: nam eadem prout formaliter afficit po-  
tentiam illuminando, vel actu inclinando illam, di-  
citur excitans; prout verò obtrinet à voluntate con-  
sensum, dicitur adiuuans. Vnde quatenus excitans  
est, separari potest à consensu, & esse prior tempo-  
re illo; quatenus verò habet subsequenter consen-  
sum, & est aliquo modo actualis causa illius, si-  
mul denominatur adiuuans, quæ videtur tantum  
distinctio rationis, vel cuiusdam habitudinis. Et  
hoc suadet testimonio Concil. Trid. supra tractato,  
quia videtur de his gratiis tamquam de vna loqui.  
Et similiter Augustinus, ut infra videbimus de gra-  
tia operante, & cooperante, tanquam de vna loqui  
solet: illæ autem cum excitante, & adiuuante coin-  
cidunt, ut ibidem dicemus.

Nihilominus iam in cap. 13. ostensum est nega-  
ri non posse quin adiuuans gratia distinguatur ab  
excitante, addens ultra illam nouum auxilium, &  
beneficium gratiæ. Nunc verò vterius dicimus id  
quod

1.  
Opinio de-  
gant. Gratiæ  
adiuantem  
realiter ab  
excitante  
distingui.

2.  
Assertio.  
Gratia adiu-  
uans addit  
aliquid rea-  
liter distin-  
ctum ultra  
excitantem.

8.  
Possibile est  
auxilij gra-  
tiæ physicè  
adiuantis  
naturalis or-  
dinis, licet  
non sit ne-  
cessarium.

Ad illos ta-  
men neces-  
saria est gra-  
tia moraliter  
adiuans.



Proba

quod addit actualis gratia adiuuans ultra excitantem esse aliquid realiter distinctum ab illa. Probat-  
 tur, quia gratia adiuuans addit realem influxum  
 in consensum deliberatum voluntatis, vel assensum  
 supernaturalem intellectus: hic autem influxus  
 realiter distinguitur ab actu gratiæ excitantis; ergo  
 actualis gratia adiuuans addit rem distinctam ab  
 excitante. Maior satis declarata est in capite præ-  
 cedenti. Minor autem per se clara est, quia motus  
 gratiæ excitantis, & actus deliberatus voluntatis,  
 vel intellectus, realiter inter se distinguuntur, ut per  
 se notum est: sed hic influxus gratiæ adiuuantis est  
 idem realiter cum actu deliberato, quia nihil est  
 aliud quam actio eius, prout ab aliquo supernatu-  
 rali principio procedit; ergo distinguitur realiter à  
 motu gratiæ excitantis. Quæ ratio aded clara est,  
 ut in hoc puncto nulla videatur esse dissensio inter  
 Theologos quæ ad rem pertineat. Vt autem  
 etiam in modo loquendi auferatur, aduertenda est  
 distinctio quam supra posui de gratia adiutrice in  
 actu secundo, nam hæc duo membra licet propriis-  
 sime reperiantur in adiutorio physico, etiam in mor-  
 tali possunt conuenienter distingui. Gratia ergo  
 excitans per se spectata est moraliter adiutrix, &  
 hoc probant omnia adducta capite præcedenti in  
 priori membro tertii diuisionis. Et hoc modo ve-  
 rum est, denominationem hanc adiutricis gra-  
 tiæ nihil addere gratiæ excitanti, sed esse eam-  
 dem sub alio respectu conceptam. Nam sicut in  
 physicis eadem forma, verbi gratia, calor, est  
 dispositio quatenus formaliter afficit subiectum, &  
 est quasi potentia actiua, quatenus est princi-  
 pium proximum calefaciendi; ita seruata propor-  
 tione motus gratiæ est excitans, prout est actus qui-  
 dam formaliter efficiens mentem; quatenus verò  
 de se potest iuuare ad consensum, habet rationem  
 principij efficientis, saltem moraliter, & ut sic vo-  
 catur adiutrix gratia.

Notandum  
 circa modum  
 loquendi.

Gratia exci-  
 tans per se  
 spectata est  
 moraliter  
 adiutrix.

3.

Neque obstat quod gratia excitans in sua enti-  
 tate sit actus secundus, nam hoc habet quatenus est  
 forma intellectum, vel voluntatem formaliter affi-  
 ciens, nihilominus tamen respectu alterius actus  
 potest cooperari, ut principium efficiens in actu  
 primo, quando illum actu non efficit. Sic ergo gra-  
 tia excitans quando non obtinet consensum, dici-  
 tur gratia adiutrix, & ita in re sunt idem, ut dixi.  
 Adiuuans autem non denominatur in suo genere,  
 seu in suo modo adiuuandi, nisi quando voluntas  
 actu consentit: quia, ut cap. 13. ostensum est, gra-  
 tia non est adiuuans nisi aliquid efficiat is, qui iu-  
 uatur: cum autem adiutorium hoc sit morale, ut  
 diximus, necesse est, ut homo moraliter consentiat,  
 quando per gratiam excitantem actu iuuatur. Tum  
 autem verè, & propriè denominari potest gratia  
 adiuuans moraliter, quia sicut prius tempore, vel  
 natura, quam voluntas consentiat, hæc gratia exci-  
 tat hominem ad talem actum, ita etiam in ipso  
 actuali consensu moraliter iuuat ad præstandum il-  
 lum, vel ad perseverandum in illo, ad eum modum,  
 quo vnus homo exhortando iuuat alium, prout lo-  
 quitur Paulus 1. ad Corinth. 6. *Adiuuantes exhor-*  
*tamur*, &c. Talis autem denominatio adiuuantis  
 respectu gratiæ excitantis, est quasi extrinseca pro-  
 ueniens ab illamet actione, qua fit consensus, seu de-  
 liberatus actus voluntatis, vel intellectus; nam sicut  
 agens sic denominatur ab actione, ita etiam hæc  
 gratia denominatur actu adiuuans ab actione ab  
 illa suo modo procedente. Neque obstat quod illa  
 actio vel influxus, quo fit actus deliberatus in se sit  
 physicus, & realis influxus, nam præcisè spectatus,  
 ut est à gratia excitante, sic tantum est ab illa mo-

Quando non  
 obtinet con-  
 sensum dici-  
 tur gratia  
 adiutrix.

Quando ob-  
 tinet consen-  
 sum propriè  
 denominari  
 potest gratia  
 adiuuans.

1. Cor. 6. 1.

Gratia exci-  
 tans deno-  
 minatur ab  
 actione, &  
 consensus  
 dicitur ad-  
 iuuans.

raliter, & ita induit rationem moralis causalitatis,  
 sicque denominat suum principium moraliter ad-  
 iuuans. Ad eum modum quo dixi in Metaphysica,  
 eundem influxum prout est à causa finali esse cau-  
 salitatem finis, & prout est à principio actiue esse  
 causalitatem efficientis, ita enim in presenti idem  
 influxus gratiæ adiuuantis, qui est physicus respec-  
 tu alterius principij, moraliter est ab excitante  
 gratia, & ratione illius, sine vlla confusione, vel  
 verborum æquiuocatione adiuuans denominari  
 potest.

Illustratur  
 ex nupio.

Atque ex his possunt colligi alie differentie inter  
 actualem gratiam, & adiuuantem, & excitantem,  
 quas alij iam annuntiarunt; eas verò iudicare oportet,  
 & in vero sensu explicare. Prima est, quod gratia  
 excitans est effectiue à solo Deo, adiuuans à Deo,  
 & ab homine, tradit Vega lib. 6. in Trident. cap. 8.  
 fundatur tamen in illa sententia quod motus gratiæ  
 excitantis nullo modo est effectiue à nobis, quam  
 supra reprobauimus. Vt ergo differentia rectè sub-  
 sistat, dicendum est excitantem gratiam non esse ef-  
 fectiue à libero arbitrio: adiuuantem autem non  
 dari sine cooperatione liberi arbitrij. Et hoc mo-  
 do prior pars satis probata est in superioribus, ubi  
 etiam in hoc sensu explicauimus sententiam Pa-  
 trum; dicentium hanc gratiam fieri in nobis sine  
 nobis, vique morali, & humano modo operanti-  
 bus. Altera verò pars intellecta de actuali gratia, ut  
 loquimur, vera est, nam, ut dicebam, hæc gratia ad-  
 iuuans non est, nisi actio ipsa qua fit actus fidei, vel  
 charitatis, vel alij similes; isti autem actus non  
 fiunt in nobis sine morali, & libera cooperatione  
 nostra. Cum autem aliquis actus huiusmodi sit à  
 Deo, & nobis, non interueniunt ibi duæ actiones,  
 altera Dei, altera nostra, sed vna indiuisibilis, quæ  
 ab utroque principio proximo, & principali, seu  
 vniuersali essentialiter pender, ut infra latius osten-  
 demus; ergo talis actio fieri non potest in nobis  
 sine nobis moraliter, & liberè cooperantibus.

Possunt autem in illamet actione duæ habitudi-  
 nes distingui, vna ad Deum, & alia ad liberum ar-  
 bitrium, & secundum priorem tribui à solo Deo, &  
 consequenter dici etiam potest, ut habet rationem  
 gratiæ adiuuantis esse à solo Deo, nam ut est à no-  
 bis, potius sumus adiutores Dei; sed hoc non re-  
 fert, tum quia non de respectibus, sed de re ipsa agi-  
 mus, & in re omnino vna, & indiuisibilis est illa  
 gratia, solumque per inadequatos conceptus, seu  
 ratione ratiocinata cum virtuali fundamento in re  
 illo modo distinguitur; tum etiam, quia eadem  
 prout est à libero arbitrio, non est ab illo ut natu-  
 raliter operante, sed ut eleuato, & ut instrumento  
 diuinæ virtutis, ideoque etiam sub illo respectu per-  
 tinet ad beneficia gratiæ. Dixi autem hanc partem  
 intelligendam esse de actuali motione adiuuantis  
 gratiæ, quia in gratia adiuuante per modum princi-  
 pij locus non habet. Nam illud principium vel est  
 habitus infusus, qui à Deo fit in nobis sine nobis  
 coagentibus, licet in adultis non fiat sine aliqua  
 præuia dispositione libera, in vno etiam differt ab  
 excitante gratia, vel si deest habitus, id, quod sup-  
 plet vicem eius, multominus potest fieri à nobis,  
 quia vel est motio à solo Deo impressa, vel ipse  
 Deus, ut videbimus. Et ratio clara est, quia talis  
 gratia prærequiritur ad cooperationem nostram tan-  
 quam principium efficiens eiusdem actionis; ergo  
 non potest idem principium esse ex libera coopera-  
 tione nostra. Non desunt tamen qui prædictam  
 actualem gratiam adiuuantem, quam explicuimus,  
 ponant etiam etiam actualem, & adiuuantem, quam  
 Deus efficit in nobis, non solum sine nobis liberè  
 coope-

4.  
 Aliæ differe-  
 rentiæ inter  
 vtramque  
 gratiam.  
 Prima non  
 rectè assi-  
 gnatur à  
 Vega.

Assertio 2.  
 Rectius di-  
 cimus actua-  
 lem gratiam  
 excitantem  
 non esse ef-  
 fectiue à  
 nobis, adiu-  
 uantem non  
 dari sine  
 nostra co-  
 operatione.

5.  
 In actione  
 gratiæ adiu-  
 uantis duplex  
 est habitudo  
 vna ad Deum,  
 alia ad libe-  
 rum arbitrium.

Declaratur  
 limitatio  
 assertiois.

cooperantibus, sed etiam nec physicè illam efficientibus, quam præterea & præoperantem, & prædeterminantem appellant. Nos verò tale genus auxilij neque agnoscimus, neque admittimus, sed quia prolixam petie disputationem, ex parte in hoc libro inchoauimus, & in quinto consummabimus, ideo nunc nostram sententiam supponendo simpliciter loquimur, & procedimus.

6. **A**ffertio 1. Differentia 1. est quod gratia excitans læpe tantum sufficiens est, adiuuans verò semper efficax. Concil. Trid. & Concil. Senon.

Secunda differentia est, quia gratia excitanti de se resisti potest, & ideo sæpe tantum est sufficiens, quia ei resistitur; adiuuanti autem nunquam resistitur, sed semper est efficax, id est, habet effectum. Hanc differentiam notauit idem Vega, & prior eius pars sumitur ex Concil. Trid. dicto cap. 5. ibi, *Quippe qui & illam abicere potest, & can. 4. ibi posse dissentire, si velit.* Et ex Concil. Senon. in decreto 15. fidei, quæ duo Concilia planè docent hanc potestatem resistendi huic gratia necessariam esse, vt non tollat libertatem, de qua re in lib. 15. ex professo dicendum est. Altera verò pars ex suprà dictis est manifesta, quia gratia adiuuans actualis non datur nisi homini actu operanti, & consentienti: qui autem consentit, non resistit. Item hæc gratia adiuuans est ipse influxus Dei, vel habitus in actum deliberatum voluntatis, qui influxus in re non distinguitur ab actione ipsius hominis; ergo cum hæc gratia actu datur, iam homo non resistit. Quæ rationes probant esse impossibile hominem resistere huic gratia: est autem illa impossibilitas composita (vt sic dicam,) & ideo non repugnat libertati. Nam hæc gratia inuoluit, seu habet concomitantem liberum influxum voluntatis, & ideo eo ipso quod talis gratia dari supponitur, simul etiam supponitur vsus liber voluntatis consentientis, cum quo non stat simul resistentia, quæ sit per actualem dissensum, vel negationem consensu, quæ est repugnantia sensus compositi, quia non potest res simul esse, de qua dixit Aristoteles, *Res quando est, necesse est esse.*

7. **V**bius de clareur eadem differentia.

Et in hoc est aperta differentia inter hanc adiuuantem gratiam, & excitantem, nam excitans est simpliciter prior libero vsu voluntatis, nec inuoluit liberam cooperationem eius, aut ab illa pender, idèque non habet necessariam connexionem cum illa, aliàs illa non esset necessitas composita (vt aiunt,) vel secundum quid, sed absoluta, & simpliciter, & ita tolleret libertatem, & cum eam non tollat, vt supponimus, semper potest voluntas ei resistere, si omnis alia suppositio tollatur, quod secus est in gratia actu adiuuante, vt iam explicauimus. Dico autem *actu adiuuante*, quia si talis gratia consideretur solum vt oblata ex parte Dei, & quasi in actu primo existente in potestate hominis, sic aufertur dicta compositio, & ideo non minus potest ei resisti, quam gratia excitanti, propter eandem rationem. Iterum autem occurrebat hic quæstio, an detur aliqua gratia adiuuans non inuoluens dictam compositionem, sed prior natura, seu causalitate, quam cooperatio hominis, cui resisti non possit, vel cui infallibiliter non resistatur. Item supererat quæstio, vtum detur aliqua gratia excitans cui resisti non possit, vel saltem cui infallibiliter non resistatur, sed de his punctis ferè toto libro quinto tractandum est.

8. **A**ffertio 4. Differentia 3. est quod

Tertia differentia quam Vega etiam attingit, est maiorem excitantem gratiam non esse (vt ita dicam,) regulam sanctitatis maioris, sed hanc summendam esse ex maiori adiuuante gratia, quam

**A** etiam indicat Soto lib. 1. de nat. & gent. cap. 16. verb. per hanc. Probat, quia gratia excitans non facit hominem sanctum sine cooperatione libera: potest autem aliquis recipere magna excitantia auxilia, & illis non cooperari, vt fecerunt Iudæi Christo prædicante, & miracula faciente; alij verò cum minoribus excitationibus possunt cum adiuuante gratia liberè consistere, vt prædicante Iona Niniuitæ fecerunt; ergo mensura sanctitatis iuxta modum, & gradum adiuuantis gratia, non solius excitantis accipienda est. Et ita hæc differentia optimè confirmatur ex verbis Christi Matth. 11. *Si in Tyro, & Sidone facta essent virtutes, quæ factæ sunt in vobis, olim in cilicio, & cinere penitentiam egissent.* & verbis cap. 12. *Viri Niniuitæ surgent in iudicio cum generatione ista, & condemnabunt eam, quia penitentiam egerunt in predicatione Iona, & ecce plus quam Iona hic.* Confirmatur etiam ex Concil. Trid. sess. 6. cap. 7. dicente, *Iustitiam in nobis recipientes unusquisque secundum suam mensuram, quam Spiritus sanctus partitur singulis prout vult, & secundum propriam cuiusque dispositionem & cooperationem.* Nam ex his verbis colligimus mensuram sanctitatis in suo genere esse hominis dispositionem: dispositio autem cum sit actus supernaturalis deliberatus, est proprius effectus gratia adiuuantis, cui & nos cooperamur, & illa nobiscum; ergo gratia adiuuans est, etiam in ratione auxilij mensura, & regula sanctitatis, quia talis gratia adiuuans seruat proportionem cum dispositione, & cooperatione nostra, quia nec nos possumus plus cooperari, quam Deus nos adiuuet, nec Deus minus adiuuat, quam nos cooperemur.

**B** *Matth. 11.* *Matth. 12.* *Confirm. ex Trident.*

Sed obici potest contra vtumque membrum. Contra primum quidem, quia idem Concilium ait, iustitiam dari secundum mensuram, *quam Spiritus sanctus partitur singulis, prout vult*; ergo prima, & vnica mensura sanctitatis est voluntas Dei, quæ magis, vel minus efficaciter hominem vocat, prout vult; ergo potius vocatio, quam gratia adiuuans est prima mensura sanctitatis, vocatio autem pertinet ad gratiam excitantem. Et confirmatur ex Augustino, qui multis in locis ad vocationem reducit totam varietatem in hominis conuersione, vel sanctificatione, vt videte licet in dicta quæst. 1. ad Simplician. & lib. de bono perseuer. cap. 14. Contra alteram verò partem fit obiectio, quia sequitur conatum liberi arbitrij esse radicem, & mensuram sanctitatis, quod videtur esse Semipelagianum. Sequela patet, quia gratia adiuuans quoad actualem influxum datur iuxta conatum liberi arbitrij, nam si liberum arbitrium non conetur, non datur: si autem conetur, datur, & ita semper iuxta proportionem nostri conatus tribuitur; ergo tandem in nostrum conatum fit vltima resolutio.

**C** *Obiectio contra 1. partem affectionis 4.* *Obiect. contra 2. illius partem.* *10.* *Ad primam.*

Ad priorem partem respondetur, voluntatem Dei esse primam, & principalem causam auxilij adiuuantis, & ideo quamuis auxilium sit veluti proxima mensura sui effectus, non excludere, imò includere voluntatem Dei, tanquam primam & principalem causam. Ad Augustinum verò respondemus, nos hic loqui de auxilio excitante generaliter abstrahendo ab efficaci, vel sufficiente: Augustinum autem illis locis loqui de vocatione congrua, quæ est auxilium excitans efficax, & de illo etiam est verum esse certam regulam sanctitatis, tamen id habet, quatenus aliquo modo includit auxilium adiuuans, vt libro quinto dicitur.

gratia excitans non est regula sanctitatis maioris, sed hæc summenda est ex maiori gratia adiuuante. Probat.

Matth. 11.

Matth. 12.

Confirm. ex Trident.

9. Obiectio contra 1. partem affectionis 4.

Obiect. contra 2. illius partem.

10. Ad primam.

Ad

11.  
Ad fecun-  
dam.

Ad alteram partem respondentur, conatum liberi arbitrij, si per se solum consideretur, non solum non esse regulam sanctitatis, verum etiam nihil per se conferre, vt Pelagiani errabant. Conatus autem liberi arbitrij vt cooperantis adiuuanti gratiæ multum valet ad salutem, & in suo genere potest dici mensura sanctitatis, cum Concilium dixerit illam infundi iuxta hominis dispositionem & cooperationem. Inde tamen non sequitur conatum liberi arbitrij esse rationem in qua fit vltima resolutio, cui homini talis, vel rantes gratia tribuitur, tum quia (vt dixi) conatus liberi arbitrij non est separandus ab influxu gratiæ adiuuantis: tum etiam, quia licet auxilium gratiæ adiuuantis non conferatur, nisi cooperanti arbitrio, nihilominus talis cooperatio, non est ratio ob quam datur tale auxilium, sed est concausa sine qua non datur. tum denique, quia etiam ille conatus est ex vocatione, & in illam vt in priorem causam reducitur, vt in libro quinto latius dicemus.

12.  
Quæstio-  
nula vna sit  
maior gratia  
excitans, vel  
adiuuans.  
Motus pro  
gratia exci-  
tante.

Ex his verbis incidens oritur quæstioncula, quæ videlicet, sit maior gratia, cæteris paribus, seu ex suo genere, an excitans, vel adiuuans, videri enim potest excitans. Primò, quia magis gratia datur, vel saltem minus dependet a nostra libertate: nam fit in nobis sine nobis, cum tamen adiuuans non datur sine libera cooperatione nostra, in quo videmus nos aliquid ad illam conferre, ex quo capite videtur ratio gratiæ in illa minui. Secundò, quia gratia excitans ex suo genere non supponit aliam gratiam, & ideo si resoluatur vsque ad primam, non potest cadere sub meritum, nec esse villo modo debita. Adiuuans autem gratia ex suo genere, vel cadit sub aliquod meritum quatenus liberum vsum postulat, vel saltem semper est debita ratione alicuius gratiæ prioris, quam semper supponit, & ita semper est gratia pro gratia. In contrarium verò est, primò quia gratia adiuuans magis sanctificat hominem, quàm gratia excitans, vt in puncto proximè præcedente dicebamus. Secundò, quia actus fidei, charitatis, & similes, qui liberè sunt per virtutes infusus, perfectiores sunt in speciebus suis, quàm motus gratiæ excitantis, qui illis cum proportionem respondent, seu qui propter illos dantur, vt videtur per se notum ex hæcenus dictis, tum quia actus victuorum ex ologica sunt perfectissimi in toto ordine gratiæ, & idem est de cæteris cum proportionem, tum etiam, quia motus indeliberati gratiæ excitantis ordinantur ad hos actus tanquam imperfectum ad perfectum: sed influxus gratiæ adiuuantis proximè datur ad hos actus perfectos, & realiter est idem cum illis; ergo est perfectior, quàm excitans gratia.

13.  
Resolutio.  
Gratia ad-  
iuuans ma-  
ior est in  
perfectiõne  
absoluta ca-  
tis.

Respondetur hæc duas gratias posse comparari, vel in absoluta perfectione entis, vel in ratione, seu habitudine liberalis, seu grauiori doni. Priori ratione præferenda videtur gratia adiuuans propter rationes factas, nec quod hoc obstat quòd actio gratiæ adiuuantis pendet à libero arbitrio, tum quia pendet ab illo vt ab instrumento Dei per obedientialem potentiam operante, quod actionis perfectionem non minuit: tum quia etiam motus gratiæ excitantis pendet effectiue à nostris potentis, quoniam prior dependetia sit libera, & non hæc posterior, quod non minuit prioris perfectionem, sed potius commendat. In ratione autem doni liberalis ferè seruat quandam æqualitatem, quia etiam gratia adiuuans si reducatur ad primam in suo genere, non potest cadere sub meritum, vel dispositionem ho-

minis, quia non magis supponit opus liberum meritum, quàm gratia excitans; & quoniam requirit cooperationem liberam, non tamen priorem, nec vt rationem ob quam datur, sicut dixi, & ideo nihil minuit ratio gratiæ. Dixi autem ferè, quia licet neutra istarum gratiarum sit debita homini alicuius conditionis natura, non tamen inter se feruant ordinem, idèque supposita gratia excitante, ratione illius potest dici aliquo modo debita, quod absolute non minuit rationem gratiæ, quia illud debitum non tam est respectu hominis, quàm ex parte Dei, & prouidentia eius, & ex quadam proportionem inter gratias ipsas.

## CAPVT XVII.

*Verum gratia excitans sit principium physice adiuuans, præsertim ubi habitus infusus deest.*

Diximus de actuali influxu gratiæ adiuuantis, superest, vt explicemus quod sit principium supernaturale, à quo proximè, & principaliter tale auxilium effluat; hanc enim sapientia appellauimus gratiam adiuuantem per modum principij: non tractamus autem de influxu Dei per modum generalis concursus, de quo postea videbimus. Nunc igitur solum agimus de proprio principio particulari, quod inuit potentiam, quæ de se est insufficientis principium proximè ad eliciendos actus illos. Primò quando iam est informata habito, & de hac etiam nunc non tractamus, quia supponimus iam habere intrinsecum principium coadiuuans: an verò indigeat aliquo alio auxilio, postea videbimus. Ergo modo contingit huiusmodi actum elici à potentia nondum informata habito, vt in conuersione ad fidem contingit, in prima voluntate credendi, & in conuersione peccatoris fidelis, in vltima dispositione ad gratiam, vt infra videbimus; & ceteris in remotis dispositionibus supernaturalibus, quæ etiam tempore antecedunt habitalem iustitiam, & à solo habito spiritus sæpe elici non possunt. De his ergo actibus est difficultas à qua gratia adiuuans per modum principij physice procedat.

Nonnulli moderni Theologi docuerunt, huiusmodi actus procedere effectiue ab ipsa gratia excitante, & illammet inuare potentiam tanquam principium physicum ad eliciendum actum. Et primò ad id suadendum inducunt Concil. Trident. sess. 6. cap. 5. quatenus dicit, *peccatores vocari à Deo, vt per eum excitentur, atque adiuuantem gratiam ad conuertendum se ad suam ipsorum iustificandam, vnde gratia liberi assentiendo, & cooperando dispensantur.* Significat enim Concilium hominem cooperari gratiæ excitanti; ergo etiam sentit excitantem gratiam cooperari ipsi homini: nam hæc duo correlatiua sunt, & consequendo etiam significat eandem gratiam excitantem cooperando homini fieri adiuuantem; ergo sicut cooperatio hominis physica est, ita etiam cooperatio gratiæ excitantis; ergo est gratia adiuuans per modum principij physici. Secundò ad idem inducitur Augustinus, quatenus sæpe docet vocationem esse gratiam efficacem, vnde aliquando vocat illam effectricem bonæ voluntatis, interdu de illa dicit dare vires efficacissimas voluntati, sæpe etiam per vocationem dicit facere Deum, vt velimus, vel vt faciamus, & auferre ab homine cor lapideum, & dare cor carneum, & similes

1.  
Satus quæ-  
stionis ex-  
plicanda.

2.  
Prima opi-  
nio. Actus  
supernatu-  
rales proce-  
dere à gratia  
excitante  
tanquam à  
principio  
physico.  
Probat 1.  
ex Concil.  
Trident.

3.  
Probat 2.  
ex Augusti-  
no.

In ratione  
doni gratiæ  
seruat  
quandam  
æqualitatem.



similes effectus quos Scriptura diuinæ gratiæ tribuit. Hos autem effectus facit Deus in nobis verè & physicè; ergo principium proximum, per quod illos facit, est vocatio; ergo etiam vocatio facit illos propriè, & physicè, nam illa verba hoc in proprietate significant, & nulla est ratio ob quam ad metaphoricos sensus trahantur. Vocatio autem (vt sæpe diximus) est gratia excitans; ergo. Tertio additur ratio, quia voluntas indiget aliquo principio supernaturali coëfficiente huiusmodi actum, & non habet habitum, vt supponimus, nec aliud potest facile fingi; ergo non potest esse nisi excitatio ipsa. Et confirmatur, nam per illam datur homini auxilium sufficiens, vt possit operari, si velit; ergo per illam datur principium physicè adiuuans: nam sine hoc non potest voluntas velle, sicut oportet; ergo hoc etiam principium datur per gratiam excitantem; ergo ipsamet gratia excitans est tale principium, quia præter illam nihil cum illa, aut ex vi illius necessariò datur.

4. Probatur 3. ratione, quia aliud principium supernaturale fingi nequit.

5. Reicitur hæc opinio

Quia gratia excitans neque est forma connaturalis ad hunc effectum, neque instrumentum physicum Dei adiuuandam voluntatem.

6. Primum ostenditur, quia gratia excitans est sapiens in potentia diuersa ab illa quæ actum elicit, & actus immanens vni potentie non est principium physicum actus alterius potentie.

Nihilominus assero motus gratiæ excitantis non esse principia physica adiuuantia potentiam ad eliciendos actus deliberatos gratiæ adiuuantis. Hæc assertio ratione præcipuè probanda est, quia in hoc puncto non habemus positivam auctoritatem Scripturæ, Conciliorum, aut Patrum: supposita autem ratione auctoritate negatiua satis probabiliter eam confirmare poterimus. Rationem autem in hunc modum declaro. nam duobus modis cogitari potest, quòd motus excitantis gratiæ sit principium formale, quo voluntas, v. g. elicit supernaturalem consensum. Primò, quia natura sua est forma connaturalis potens producere talem effectum, & habens ad hoc sufficientem virtutem in suo genere principalem, ad eum modum, quo habitus infusus censetur esse principium sui actus. Secundò potest motus gratiæ excitantis cogitari tanquam instrumentum physicum, quo Deus vritur ad iuuandam potentiam carentem habitu, eleuando nimirum motum ipsum excitantis gratiæ ad hanc efficientiam; quamuis ad illam ex se non habeat connaturalem, vel sufficientem virtutem: neutro autem horum modorum videtur posse satis probabiliter defendi illa gratia; ergo asserenda non est.

Probo igitur in primis in motibus gratiæ excitantis non esse talem vim actiuam, & in suo ordine connaturalem. Primò, quia contingere potest, motum excitantis gratiæ esse in intellectu, & consensum esse in voluntate, vel e conuerso actum excitantem esse in voluntate, & mouere ad actum intellectus, vel vtrumque actum excitatum esse eiusdem potentie: nullo autem ex his modis potest actus gratiæ excitantis esse principium physicè efficiens deliberatum consensum; ergo. Maior supponitur ex suprà tractatis. Minor autem quoad duas priores partes probatur ratione vtrique communi, quia inter actus immanentes actus vnius potentie non est principium physicè efficiens alterius potentie actum, et est in Philosophia magis receptum: tum, quia actus vnius potentie non perficit formaliter aliam; nulla autem forma dat virtutem agendi, nisi subiecto, & potentie cui inest, tum etiam, quia isti actus immanentes etiam in

Fr. Suarez de Gratia Pars I I.

A propriis potentiis ordinariè, non efficiunt nisi habitus, vt statim dicam; ergo multo minus possunt efficere actus alterius potentie.

Declarantur præterea singula membra: nam actus intellectus non excitat voluntatem in ordine supernaturali, nisi illo modo quo voluntas, secundum connaturalem ordinem nata est moueri ab intellectu: at verò secundum naturalem ordinem intellectus non mouet voluntatem per suum actum physicè efficiendo actum voluntatis, sed vel mediante obiecto, quod illi præsentat, vel persuadendo, vel alio simili modo moraliter mouendo; ergo idem est in excitatione supernaturali. Minor ab omnibus Philosophis recepta est, nemo enim dixit cogitationem malam esse principium physicum, quo voluntas præbet consensum peccati, vel cogitationem bonam esse simile principium honestæ voluntatis: nam cogitatio est valde extrinseca voluntati, & non constituit illam in actu primo ad agendum, & ideo non potest illi dare vim propriam, & physicè actiuam. Vnde licet inter Philosophos sint variæ opiniones, an bonum cognitum concentrat effectiuè ad specificationem actus voluntatis, omnes in hoc videntur conuenire, quòd ipse actus cognoscendi, non est principium formale eliciendi, seu efficiendi actum voluntatis, & inter opiniones de obiecto cognito, ea longè probabilior est, quæ negat habere tale obiectum propriam efficientiam physicam in voluntatem, sed tantum finalem metaphoricè eliciendo, & quasi formam extrinsecam speciem tribuendo. Ac denique licet daremus, obiectum illud, aut conceptum eius habere aliquam efficientiam in voluntatem, numquam dat illi virtutem agendi necessariam ex parte voluntatis ad eliciendum suum actum, & ideo ex illo capite numquam potest intellectus actus esse principium eliciens cum voluntate actum ipsius.

Quòd autem eodem modo inter supernaturales actus philosophari debeamus, probatur ex altera proportionè assumpta, quia eadem est propositio, vel subordinatio virtutum, & actuum supernaturalium intellectus, & voluntatis, quæ est ipsarum potentiarum inter se, quia licet sint excellentioris ordinis, semper continentur sub eisdem generibus intelligendi, & videndi; & ideo cum eadem proportionè ad illum ordinem ascendunt, nec nos possumus aliter de illis iudicare, præsertim cum nihil aliud de illis reuelatum nobis sit. Imò potest hoc ipsum inductione quadam, etiam in ipso ordine supernaturali, confirmari: nam actus fidei fortius excitat voluntatem ad actum charitatis, quàm cogitatio aliqua minus perfecta gratiæ excitantis. Nemo autem dicit actum fidei esse principium physicè efficiens actum charitatis, vel contritionis. Imò etiam beata visio dici potest supernaturaliter excitare voluntatem ad amandum, & tamen actus videnti non est principium efficiens ad actum amandi. Et licet daremus obiectum propositum per fidem, vel visionem, concurrere effectiuè ad specificationem amoris, nihilominus per actum intellectus, vel obiectum illius, vt

7. Deinde actus intellectus non efficit physicè actum voluntatis.

8. Idem contingit in actibus supernaturalibus intellectus & voluntatis.

Confirmatur ex actu fidei & charitatis, visionis, & amoris beati.

K tale



tale est, non datur voluntati virtus amandi supernaturalis, & ideo etiam in patria est necessarius actus charitatis, & si ille deesset, esset necessarium aliud principium, quod efficacitatem eius suppleret. Ergo multo minus potest in via sola excitatio intellectus dare voluntati virtutem ad eliciendum actus supernaturales, quam natura sua non habet, ut suppleret illam, quam daret habitus si deesset, & quæ ex parte potentie, & non ex parte obiecti necessaria est.

9. Alterum membrum erat, quando motus voluntatis excitat intellectum, vel inducit illum, quod duobus tantum modis in ordine naturalium actuum contingit, scilicet vel directe applicando, seu mouendo intellectum ad exercitium actus, vel indirecte tantum per quamdam veluti resultantiam. Priori modo excitat voluntas intellectum ad credendum directe volendo, ut assentiat, posteriori modo per timorem, v. g. excitat ad bene iudicandum de turpitudine peccati, & per piam effectiorem ad rem præceptam, vel ad præcipientem inclinatur intellectus ad bene iudicandum de re præcepta, aut de præcepto obseruando: neutro autem modo actus voluntatis est principium formale physice efficiens actum intellectus, sed applicat tantum potentiam ad agendum per quamdam naturalem sympathiam, & subordinationem potentiæ, quæ in eadem anima radicatur, ut ex Philosophia suppono quoad rationes naturales, & eadem proportio seruanda est in supernaturalibus, propter rationem supra factam.

10. Et declaratur in voluntate credendi: non enim est principium proprium, & physicum assensus fidei, qui est in intellectu, aliàs non indigeret intellectus habitu proprio ad credendum, quia per illum actum voluntatis sufficienter iunaretur, quod est manifestè falsum. Et ratio est, quia voluntas se habet quasi imperans: potentia autem imperans non dat virtutem exequendi potentie imperatæ, sed supponit illam. Vnde (quod ad rem maxime spectat) licet illa motio voluntatis esset per aliquem influxum physicum imperatiuum (ut sic dicam,) nihilominus ad eliciendum assensum supernaturalem fidei indiget intellectus proprio supernaturali principio, quod voluntas illa supplere non potest. Ergo multo minus quilibet alius actus indirecte excitans, vel inducens intellectum, potest esse proximum principium physice efficiens ipsam assensum, vel supplens vicem habitus intellectualis, quia & minorem proportionem habet, & minorem, magisque accidentarium influxum in ipsum intellectum, ut per se notum est.

11. Tertium membrum erat, quando actus sunt eiusdem potentie: nam illuminatio, v. g. vel interior doctrina, quæ in intellectu antecedit per modum gratiæ excitantis ad actum fidei, comparatur ad illum sicut apprehensio ad iudicium, vel ad summum; sicut iudicium de credulitate ad iudicium de veritate rei propositæ. Apprehensio autem non est principium efficiens iudicium, quando ab illo distinguitur, sed materialiter tantum se habet applicando obiectum, & licet in suo genere, seu ex parte obiecti haberet aliquam efficientiam,

A nihilominus ex parte potentie supponere debet virtutem in suo genere integram, ut est in naturalibus, vel lumen intellectus per se solum respectu conclusionis per se notæ, vel adiutum iudiciis præmissarum respectu conclusionis, &c. Sic ergo in supernaturalibus tota illa apprehensio, vel illuminatio, quæ antecedit assensum fidei, non dat vim per se actiuam intellectui ad credendum supernaturaliter, sed illam dat habitus quando adest: quando verò deest, aliunde suppleri debet, nam est longè diuersæ rationis, ut declaratum est. Idemque euidentissimum est in iudicio credibilitatis, nam ex illo non inferitur iudicium veritatis, ut propter connexionem posset vnum iudicium aliud efficere. Vnde credulitatis iudicium immediatè inducit voluntatem, non tamen dat facultatem intellectui, ut credat esse verum, quod iudicatur credibile. Accedit, quod omnes isti actus antecedentes in intellectu actum credendi sunt minus perfecti, quam ipsi actus credendi; ergo non possunt dare proximam, & principalem potentiam ad eliciendum ipsum actum credendi, quam dat habitus, ac proinde non possunt vices eius supplere.

B Atque hæ rationes locum habent in motibus voluntatis, nam etiam in illa motus gratiæ excitantis sunt minus perfecti, quam actus deliberati charitatis, vel aliarum virtutum infusarum, & ideo non possunt illos efficere tanquam principia proxima principalia. Item, quia isti actus non habent connexionem necessariam inter se, nec vnus per se, & ex natura sua ordinatur ad alterum, sed iuxta ordinem diuinæ sapientiæ, & obseruata hominis capacitate, interdum per amorem, interdum verò per timorem excitatur homo ad eundem consensum. Actus autem voluntatis non est principium alterius, nisi fortè quando per se vnus ad alium ordinatur, sicut electio ad intentionem, quæ connexio non inuenitur inter motus gratiæ excitantis, & actus deliberatos voluntatis; ergo non possunt esse conaturalia principia effectiua illorum. Accedit quod præter motus gratiæ excitantis requiritur, per se loquendo, habitus adiuuans potentiam; ergo sola gratia excitans non dat virtutem agendi, quam dat habitus, neque supplet illam quando habitus deest, aliàs non esset necessarius habitus. Probatum hæc consequentia, quia etiam iusti habentes habitum indigent gratia excitante ad vsum illorum, ut supra probatum est; ergo si illa esset conaturale principium sicut habitus, cum aliunde semper præcedat, non esset necessarius habitus.

E Vnde quando homo operatur ex habitu infuso, tunc gratia excitans non concurret ut principium physicum, quia habitus sufficit; ergo signum est excitationem non habere naturam suam illam actiuitatem. Responderi potest, habere quidem illam, præueniri autem per habitum, & impediri ne actu efficiat: sed hoc gratis dicitur; cur enim non potius ipsa præuenit, & impedit habitum, cum sit actualis motio. Item ad quid multiplicantur virtutes actiue eiusdem ordinis, quæ se in agendo impediunt. Magis ergo consequenter diceretur, verumque principium simul tunc concurrere, & se iuuare ad faci-

I 2.  
Idem ostenditur in voluntate.

I 3.  
Gratia excitans non est principium physicum cum habitu infuso, qui per se sufficit.

lius producendum effectum. Contra hoc verò obstat, quia inde sequitur habitum infusum non dari posse, nec esse necessarium ad connaturaliter operandum, quia gratia excitans dat sufficientem potestatem physicam, & consequenter sufficit ut actus connaturaliter fiat, quia illa virtus esse dicitur intrinseca, & sufficit per modum principij proximi principalis: contrarium autem docent de habitibus infusis communiter Theologi; ergo signum est in motibus gratiæ excitantis illam virtutem actiuam non agnouisse.

14. Superest ut probemus, hos actus excitantis gratiæ non esse instrumenta physica efficientia actus gratiæ adiuuantis. Aut enim essent instrumenta connaturalia, & natura sua ordinata ad talem effectum instrumentaliter efficiendum, aut essent instrumenta tantum eleuata ex sola libera voluntate Dei, & positua institutione. Primum non potest dici cum probabilitate, tum quia ferè omnibus rationibus factis impugnari poterit, & præsertim, quia inter actus similes ordinis naturalis non inuenitur talis efficientia instrumentalis; ergo sine causa fingitur inter actus ordinis supernaturalis seruata proportione, tum etiam, quia cum motus gratiæ excitantis sint minùs perfecti, ut dictum est, licet haberent instrumentalem efficientiam, indigerent aliquo principio principali, quia instrumentum imperfectum per se non sufficit, & tunc insurgit eadem difficultas, nimirum quòd sit illud principium, quando deest habitus, præterquam quòd posito alio principali principio sine causa fingitur illa instrumentalis efficientia, cum in huiusmodi actibus non soleat esse necessaria.

15. Vnde altera pars de instrumento eleuato, & quasi miraculoso, licet impossibile non sit, non potest cum fundamento firmari, quia de his quæ sunt supra naturas rerum, & ex diuina pendent voluntate, nihil affirmandum est, nisi quòd vel est reuelatum, vel ex reuelatis sufficienter colligitur, vel saltem sufficienti auctoritate probari potest: nihil autem horum in præfati inuenitur; ubi enim est hoc reuelatum, aut ex quibus principiis reuelatis colligitur? de auctoritate verò statim dicam. Et confirmatur, nam si motus ipsi gratiæ excitantis ex se non habent connaturalem vim actiuam perfectorum actuum; ergo ut releuentur ad agendum indigent vel additione alicuius virtutis, vel saltem speciali motione, & cooperatione Dei. At verò eadem facilitate potest Deus immediatè eleuare ipsas potentias ad eliciendos ipsos actus sine habitibus, ut infra ostendemus; ergo non est ponenda in his motibus gratiæ excitantis talis eleuatio, vel instrumentalis affectio sine aliquo fundamento, vel necessitate. Declaratur tandem à simili, quia etiam potest Deus efficere in vobis habitum, v. g. charitatis per primum actum charitatis, tamquam per instrumentum physicum, & simili modo illum augere per actus subsequentes, & tamen, ut infra videbimus, communiter id negatur, quia illa effectio non est connaturalis, & miraculosa non est asserenda sine fundamento reuelationis, seu auctoritatis. Denique tamen de contritione, ut est pars Sacramenti Pœnitentiæ, id verisimiliter credi potest, quia in institutione illius Sacramenti potest probabiliter fundari; ergo sine villo fun-

Fr. Suarez de Gratia Pars I I.

A damento simili non est probabilis similis affectio.

Atque hinc tandem probare possumus nostram sententiam auctoritate negatiua, quæ in his rebus supernaturalibus magnam vim habet. Et in primis nec D. Thomas, nec alij Theologi antiqui, vel qui ante paucos annos scripserunt, huiusmodi efficientiam motibus gratiæ excitantis tribuerunt, quod ego viderim, vel allegatum inuenirim, quamuis diligenter quæserim, inòd, ut supra argumentabar, cum omnes requirant habitus infusos operatiuos, qui dent intellectui, & voluntati potestatem efficiendi hos actus, eo ipso supponere videntur, nullum actum priorem intellectus, vel voluntatis dare illis virtutem actiuam ad efficiendos alios actus subsequentes. Vnde cum in particulari tractent quæstionem de primo actu, qui est dispositio ad habitum, à quo principio supernaturali proximo eleuatur, multi contendunt dici ab eodem habitu, ad quem disponit, quia profectò supponunt non esse in nobis aliud prius principium supernaturale creatum, & nobis inherens ad efficiendum physice talem actum: qui autem negant illum elici ab habitu, quærant alios modos, quibus potentia inuenitur physice ad eliciendum actum: excitanti autem gratiæ illud adiutorium non attribuunt, neque etiam in Patribus, aut Conciliis habet illa sententia fundamentum; nullum enim asseritur præter ea, quæ in principio allegata sunt, quæ nihil probant, ut respondendo facili patet.

Ad Concilium ergo Tridentinum iam supra dixi, potius ex eo colligi adiuuantem, & excitantem gratiam aliquo modo distingui, quia semper de illis, ut de pluribus loqui ur. Neque obstat quòd in singulari dicat *eidem gratia*, tum quia loqui potuit de tota illa gratia tanquam de vno adiutorio completo ex excitante, & adiuuante gratia, cui homo cooperatur. Verum tamen est Concilium non explicasse modum illius distinctionis, nec an intecedat inter principia excitantia, vel adiuuantia, vel inter ipsas naturales motiones vtriusque gratiæ. Vnde licet concedamus quando Concilium dicit hominem eidem gratiæ cooperando se disponere ad iustitiam, refertur gratiam excitantem, inde colligi non potest efficientia physica gratiæ excitantis in actu gratiæ cooperantis, quia etiam causa moralis dicitur operari, & homo dici potest cooperari gratiæ excitanti, ut moraliter adiuuat, sicut Iacobi 2. dicitur fides cooperari operibus hominis iusti, & Paulus ad Galat. 5. dicit fidem per charitatem operari.

Eademque responsio habet locum in locutionibus Augustini, omnes enim propriissimum sensum habent in causalitate morali, & si quis illum attentè legerit, non aliam causalitatem tribuit vocationi, ut nostram salutem operanti: ipsa autem vocatio propria, & physica actione fit à Deo in nobis, & ita per illam propriè operatur salutem nostram, sicut homo propriè & physice efficit contritionem: per illam autem non nisi moraliter, & dispositiue causat suam sanctificationem & nihilominus in Scriptura dicitur homo pœnitens viuificare animam suam, & sanctificare se. quæ omnia in libro quinto latius explicabuntur. Ratio autem ibi adducta cum confirmatione non probant ipsam excitationem esse principium physice adiuuans, sed probant

16.

Eadem opinio probatur auctoritate negatiua, quæ in his magni ponderis est.

17.

Respondetur Concilio Tridentino adducto n. a.

18.

Satisfit Augustini locum in iustis.



cum excitatione dari, vel præsto esse homini principium sufficiens ad adiuuandam potentiam, etiam in genere physico. Quod autem sit hoc principium, in sequentibus capitulis inquiremus.

## CAPVT XVIII.

*Verum in homine liberè ac supernaturaliter operante sine habitu principium adiuuans, ad talem actum supernaturalem eliciendum, sit aliquid creatum anime infusum.*

7.  
Status quo  
stipulis.

23.  
Opinio exi-  
tantis prin-  
cipium actus  
supernatura-  
lis esse ali-  
quid à Deo  
infusum po-  
tentia.

3.  
Primo, quia  
debet poten-  
tia per ali-  
quid sibi in-  
trinssecum  
constitui in  
actu primo.

Aristoteles.

D. Thomas.

4.  
Secundò.  
Prob. quia  
Deus solus  
posset effi-  
cere actus  
vitales &

Cum ostensum sit motum gratia excitantis non esse immediatum principium physice concurrans cum potentia ad eliciendum liberum, & perfectum actum, necessarium est, inter motum gratia excitantis, & actum supernaturalem, liberè intercedere aliquid aliud proprium, quod physice iunget potentiam ad eliciendum talem actum, ideoque inquirendum superest, quodnam sit illud principium. In qua re aliqui moderni existimant, necessarium esse ut præcedat in potentia saltem ordine nature aliquod principium creatum illi infusum à solo Deo, quod adiuuet potentiam ad eliciendum talem actum. Probatur primò, quia voluntas, v.g. per se solum non habet potestatem sufficientem in actu primo ad eliciendos actus supernaturales in substantia; ergo impossibile est quod tales actus eliciat, nisi detur illi potestas aliqua supernaturalis: hæc autem esse non potest, nisi aliquid creatum in ipsa voluntate receptum.

Et confirmatur primò, quia fieri non potest ut potentia eliciat actum secundum, quin prius constituatur in actu primo sufficienti ad talem actum eliciendum; sed quia actus primus, & secundus sunt essentialiter subordinati: non potest autem voluntas constitui in actu primo, nisi per aliquam formam creatam sibi inhaerentem, quod maxime locum habet in forma, quæ sit principium principale actus vitalis, quia de ratione huius principij est, ut informet ipsum viuentem. Vnde Aristot. lib. 2. de anima tex. 24. inde infert animam esse intrinsecam formam, quia est principium principale operationum vitæ, & D. Thomas 2. contra gent. cap. 19. inde probat intellectum non posse esse substantiam separatam, quia est principium principale proximum, operationum vitæ. Inde etiam probamus animam Christi non potuisse intelligere, aut velle per intellectum, aut voluntatem increatam, quia non inhaerent formaliter ipsi animæ; ergo similiter non possunt noster intellectus, aut voluntas elicere actus supernaturales in substantia sine principio formaliter inhaerente, quia de se non habent virtutem principalem ad eliciendos tales actus, sed per formam aliquam addi debeat; ergo necesse, ut talis forma creata, & inhaerens in ipsa potentia saltem ordine nature antecedit.

Confirmatur secundò, quia alijs posset Deus solus efficere in homine huiusmodi actus vitales & liberos, quia si possunt fieri in voluntate, verbi gratia, sine interuentu virtutis creatae mediz inter potentiam, & actum, necesse est, ut fiant à Deo tanquam à principio proximo principali;

A ergo eadem ratione potuerunt fieri absolute, & simpliciter à solo Deo, quia non minus repugnat actui vitali fieri ab extrinseco principio proximo principali, quam ab integra, & totali causa. Tertiò hoc confirmant, quia Deus concurret cum voluntate, verbi gratia, ad actus supernaturales concursu supernaturalis ordinis: sed hic concursus est influxus Dei immediatus in ipsam voluntatem, & non tantum in actum eius; ergo impossibile est ut talis actus fiat à voluntate, nisi Deus in ipsam aliquid supernaturale præuium immittat; ergo illud erit principium proximum principale talium actuum. Atque his argumentis contendunt huius sententia auctores efficere, oppositum repugnare etiam de potentia Dei absoluta.

B Secundo verò principaliter probatur saltem de lege, & de potentia ordinaria non aliter fieri (quidquid sit de absoluta potentia,) ex Concil. Trident. sess. 6. cap. 5. dicente peccatores vocari, ut per Dei excitantem, atque adiuuantem gratiam ad conuersendum se ad suam ipsorum iustificationem, ut eidem gratia liberè assentiendo, & cooperando disponantur. ubi Concilium non minus adiuuantem gratiam, quam excitantem sentit esse aliquid creatum infusum voluntati, ut illam adiuuet ad motum conuersionis. Neque potest intelligi de influxu gratia adiuuantis, sed de principio eius, quia loquitur de gratia antecedente ad consensum, & cooperationem, quæ præparatur voluntas, ut Deo vocanti consentiat, quod confirmant verba sequentia; ita ut tangens Deo cor hominis per Spiritus sancti illuminationem, nec homo nihil omnino agat inspirationem illam recipiens, quippe qui illam abiciere potest. quæ verba tangendi, recipiendi, & abiiciendi, significant gratiam illam esse aliquid creatum in anima receptum. Idem indicant verba canonis 3. ibi, Sine præueniente Spiritus sancti inspiratione, atque eius adiutorio, & canonis 4. ibi, à Deo motum & excitatum.

C Simili modo potest hæc sententia confirmari ex Patribus asserentibus amorem Dei, & si-  
D milis actus fieri in nobis per infusionem gratia, & Spiritus sancti; sic ait August. tract. 75. in Ioan. Non valeamus amare nisi accipiamus Spiritum sanctum: non accipimus autem Spiritum sanctum, nisi quatenus aliquod donum suum nobis infundit; ergo necesse est ut prius nobis donetur tale donum, quod sit principium amoris. Idem sumitur ex Augustino in Manuali cap. 20. & 27. & lib. de spirit. & liter. cap. 3. 8. & 9. quatenus ait, non posse nos diligere Deum nisi prius sanemur. fauet etiam Gregorius Ho-  
E mil. 30. in Euangel. quatenus ait. Qui Deum desiderat, iam habet quod amat. Denique ad idem induci possunt canones Concilij Arausiaci, quatenus in eis dicitur, inuocationem Dei, desiderium salutis, voluntatem credendi, & similia opera pietatis fieri in nobis per Spiritus sancti infusionem, & operationem. At verò Spiritus sanctus non infunditur, nisi per aliquod donum, ut idem Concil. can. 5. interpretatur, & tale donum dat vires, & potestatem operandi, ex mente eiusdem Concilij, & est præuium ad actum amoris, & similes, ut ex canonis 6. 7. 20. & 25. eiusdem Concilij colligitur; ergo est aliqua gratia creata quæ sit principium talium actuum. Tandem po-  
F test addi ratio, quia consentaneum est ordinariæ legi prouidentia Dei, ut per causas secundas

liberos in homine.

5.  
Tertiò, Prob. ex modo quo Deus concurret cum voluntate.

6.  
Idem probatur saltem de lege ordinaria, r. ex Conc. Trid.

7.  
Ex PP. Augustin.

Concil. Arausiaci.

3. Ratione.

det

det internam virtutem sufficientem ad suas actiones; sed in his actibus non repugnat seruari hanc legem, & hanc suauem prouidentie modum; ergo etiam ad hos actus dat Deus internam virtutem, quæ esse non potest nisi aliqua gratia creata supernaturalis.

8. Quodnam sit illud principium in infusum. Quod si inquiratur, quæ sit ista gratia? auctores huius sententiae pro comperto habent, non esse aliquem actum vitalem, quia supponunt non esse ipsos modos indeliberatos gratiae excitantis, neque etiam possunt esse actus deliberati, quia horum principium inquirimus, præterquam quod regulariter isti actus immanentes non sunt principia agendi: oportet ergo ut talis gratia sit aliquid in nobis receptum, & à solo Deo factum. Tribus autem modis inuenio explicatam hanc gratiam. Primus est dicentium esse habitum infusum, ad quem talis actus disponit, ut est prior natura, quam actus in genere causæ efficientis. quomodo opinantur multi de vltima dispositione ad gratiam. Sed de hoc puncto disputandum infra in libro septimo de iustificatione; nam ad illum locum pertinet, & ibi ostendam sententiam hanc falsam esse; quidquid veat de illa sit, in præsentia non potest satisfacere; ad summum enim potest habere locum in vltima dispositione ad gratiam, qui est simul tempore cum impressione habitus; hic autem vniuersalius loquimur de quocumque actu supernaturali, qui potest sæpe tempore antecedere infusionem habitus, ut supponimus, & auctores contrarie sententiae non negant. Et supra ostendimus lib. 1. actus virtutum moralium infusarum esse posse in peccatore non habente tales virtutes, & attritio, seu contritio imperfecta potest esse in peccatore prius tempore, quam iustificetur, ut ex Concil. Trident. sess. 14. cap. 4. constat; ibi nihilominus dicit talem actum esse à Spiritu sancto mouente, licet nondum inhabitante. Isti enim actus non possunt esse ab habitu, qui nondum est; ergo in illis non habet locum dicta sententia. Coniectare autem possumus auctores illius sententiae non agnouisse aliud principium creatum supernaturalium actuum, præter habitum: nam si illud agnouissent, non redigerentur in eas angustias, ut actum qui disponit ad habitum ab ipso met habitu fieri dicerent. Secundus modus explicandi hanc gratiam est, ut sit qualitas quædam similis habitui in hoc, quod infunditur per modum actus primi, & virtutis actiue: dissimilis autem ab habitu, quia non est permanens, sed solum per modum transeuntis infunditur. Tertius modus est gratiam illam non esse qualitatem, sed motionem tantum, & hos duos modos inter alia refert in dicto quodlib. 1. Mendosa non tamen designat auctores.

An qualitas habitus similis.

An motio tantum.

9. Modernorum sensus.

10. Vera sententia. Hoc principium in potentia destitutum habitu non est aliqua gratia creata.

Moderni verò qui postea de auxiliis scripserunt, nunc vnum, nunc alium insinuant, ut latius infra tractando de concursu præuio dicemus, nam eodem modo in utroque puncto philosophantur.

Nihilominus dicendum censeo liberum arbitrium, quando supernaturales actus elicit sine habitu non iuari per aliquam gratiam creatam, quæ sit principium proximè physice coëfficiens talem actum. Hanc sententiam tenet ex modernis Mendosa supra; ex antiquis verò sumi potest ex illis auctoribus, qui negant vltimam dispositionem ad gratiam procedere ab habitu, quia nullum aliud principium physice actiuum

Fr. Suarez de Gratia Pars I J.

A Supernaturale & creatum illius dispositionis assignant, vel putant esse necessarium. Ex Conciliis autem, & Patribus non sunt hic testimonia requirenda, quia, ut supra dixi, de hoc physico adiutorio nihil specialiter tractarunt, sed solum gratiam ad hos actus ab Spiritu sancto infundi, vel Deum nos inuare ad illos efficiendos docuerunt, ut capite sequenti referemus. Ratione ergo probanda est assertio.

Prob. 1. auctoritate.

Ut autem discursum formemus, secluso habitu non posse talem gratiam cogitari, nisi altero ex duobus modis supra relatis, scilicet, vel ut sit qualitas, vel spiritualis motio, quia cogitari non potest accidens spirituale inherens intellectui, aut voluntati, & realiter distinctum ab illis, quodque non sit actus vitalis, sed potius principium proximè actiuum vitalium actuum, quod in alio prædicamento sit præter qualitatis, actionis, vel passionis, nam mera relatio prædicamentalis non est principium agendi, & supponere debet fundamentum absolutum, quod non potest esse nisi qualitas, aut actio, aut passio, & ideo si quæ est talis relatio resultans, in considerationem non venit. Cætera verò prædicamenta in accidente spirituali locum non habent, ut per se patet, & in superioribus iterum tactum est. Hæc autem gratia, si datur, accidens spirituale est, cum potentis spiritualibus inhereat, & realiter ab ipsis distincta, cum illis per se infundi debeat.

11. 1. Ratione, quia neque qualitas, neque motio actualis esse potest.

Improbabilis enim est opinio alia, quam supra Mendosa refert, scilicet per hanc gratiam non addi voluntati, verbi gratia, realiter entitatem ab illa distinctam, sed modum quemdam ab illa solum moraliter (ut aiunt,) seu formaliter distinctum; hæc, inquam, opinio probabilis non est, quia hæc gratia ut sit principium physicum, & principale in ratione proximæ virtutis supernaturalium actuum, oportet, ut sit entitas perfecta, & in re ipsa distincta à potentia, sicut ipsi sunt actus, præterquam quod neque intelligi potest, quid sit ille modus, vel qualis motio in voluntate fiat, ut illum modum acquirat. Præterea licet detur licentia fingendi talem modum, esset constituendus, vel reducendus ad aliquod prædicamentum, quod esse non potest, nisi vel qualitatis, vel actionis, aut passionis, & in eis esset quid valde imperfectum respectu actuum proprias supernaturales entitates habentium. Unde non posse esse principium proximum, & principale illarum, imò si peritus Philosophus rectè consideret, fortasse non inueniet accidens, quod sit modus tantum, & non propria entitas quod sit propria virtus, & principium per se agendi, sed ad summum conditio requisita, vel conferens ad actionem, ut figura, motus, & similes. Concludimus, ergo non potest intelligi talem gratiam, nisi quæ motio, aut qualitas sit.

12. Impossibile autem est esse solum modum additum potentie contra Mendosam.

Addimus verò vltius, motionem necessariò reducendam esse ad qualitatem. Primò, quia motio in suo esse, oportet, ut passio, vel actio sit, & consequenter ut sit via ad aliquem terminum, non enim potest intelligi via sine termino, ut supra tractando de principio gratiæ excitantis ostendi, & omnia ibi dicta possunt hic applicari: nam est eadem proportionalis ratio, & inferius tractando de concursu, & de gratia efficaci, hoc iterum

13. Principium istud non est motio quæ reducenda esset ad qualitatem: est enim via ad terminum qui qualitas est.

K 3 inculcare

inculcare necessarium erit, terminus autem illius motionis non potest esse, nisi qualitas vt discursus in precedenti paragrapho factus conuincit; ergo necessarium est, quantum ad presentem questionem attinet, motionem illam ad qualitatem reducere; quia cum motio illa sit via ad suum terminum, siue per modum actionis, siue per modum passionis, vt sic non est principium per se agendi alium actum perfectum, tum vt sic habeat rationem imperfectam, tum etiam, quia nulla entitas est principium agendi aliud, donec in suo esse iam sit integrè constituta: quamdiu autem entitas concipitur, quasi in via, non est in suo esse plenè constituta, & idè vt sic non est principium agendi aliud, sed solum suum terminum per modum tendentiæ ad illum.

14. Deinde quæ-  
nis à suo ter-  
mino non  
distingue-  
tur, non pos-  
set esse causa  
principalis.

Accederet, quod licet admitteremus illam gratiam per modum puræ motionis non habentis aliquem intrinsecum terminum, non posset esse principalis virtus proxima effectrix supernaturalium actuum, sed solum instrumentalis: hæc autem gratia ponitur à dictis auctoribus vt virtus principalis, æquè ac habitus infusus, imò non admittunt actus vitales posse fieri per instrumentalem virtutem, & nos etiam de principali virtute adiuuante tractamus, quæ suppleat vicem habitus: nam instrumentalem distinctam à voluntate, vel impossibilem in eo sensu, vel nulla ratione fundatam esse credimus. Quod autem pura motio etiam si admittatur, non possit esse virtus principalis, probatur; tum quia non potest esse nisi entitas valdè imperfecta, cum dicatur consistere tantum in fieri, & non in aliquo facto esse; tum etiam, quia res omnes, quæ non agunt nisi per motionem receptam ab alio, solum intelliguntur agere vt instrumenta; imò si argumentum sumendum est ab his, quæ experimur in instrumentis artis, quæ non agunt nisi mota, illa motio non solum non dat virtutem agendi, verum potius supponit illam, & tantum est quasi conditio requisita ad modum agendi. Concludimus ergo, si talis gratia datur, esse debere per modum qualitatis à solo Deo infusæ, vt voluntatem in actu primo ad agendum constituat.

15. Non est cuius  
hoc princi-  
pium quali-  
tas.  
Atende-  
re. Quia ne-  
quit assigna-  
ri quid illa  
sit, an habi-  
tus, an ali-  
quid trans-  
iens.

Contra hanc ergo qualitatem obicit primò Mendocça suprà, quia fieri non potest, vt specie distinguatur ab habitu ad quem talis actus natura sua pertinet, vt v. g. à charitate, si actus ille sit amoris Dei super omnia. Assumptum probat, quia illa qualitas est actus primus tendens in idem obiectum materiale, & formale tamquam principium actus eiusdem speciei; ergo non habet vnde possit ab habitu charitatis specie distingui, quod ille amplius non vrger. Alij verò respondent illam qualitatem distinguere ab habitu, non tantum specie, sed etiam genere subalterno, quia non est qualitas permanens sicut habitus, sed quasi transiens, seu habens esse quasi fluens, quod non durat, nisi quamdiu durat operatio. Hanc verò responsionem ego impugnauit in 1. p. tractat. 1. lib. 2. cap. 16. disputando similem questionem de lumine gloriæ, & visione beata, quia illa qualitas licet ex voluntate Dei possit non diutius conservari, quam dum actus durat, non potest hoc fundari in natura intrinseca talis qualitatis, vel saltem nullum nos habemus fundamentum, aut iudicium, vel exemplum aliquis spiritualis qualitatis habentis talem proprietatem connaturalem: ex maiori autem, vel

A minori duratione rei ex sola voluntate Dei extrinseca non potest sumi argumentum distinctionis specificæ, vt per se notum est; quia eandem rem potest Deus maiori, vel minori tempore conservare, prout voluerit.

Antecedens patet, quod illa qualitas, si datur, non pendet ab actu, quia per eam sit, sed potius actus ab ipsa; non ergo ex hac parte non repugnat permanere, etiam si actio cesset. Deinde non pendet ab actu influxu potentiæ, quia non est actus vitalis, seu secundus, sed primus ab alio receptus; aliunde verò est illa qualitas spiritualis, & in spirituali subiecto, pendensque in fieri & esse tantum à Deo; ergo ex suo genere est incorruptibilis, præsertim si non habet contrarium, vel si illud habet, saltem quamdiu ab illo non expellitur, non habet ex se vnde desinat esse, nisi ex voluntate Dei nolentis illam conservare, quod etiam facere potest in habitu, ergo de se non est minus permanens quam habitus. quod rectè explicatur exemplo adducto de visione Dei, & lumine gloriæ, nam si Paulus, v. g. in via ad visionem Dei breui tempore raptus est medio aliquo lumine tamquam principio visionis, non possumus cum fundamento dicere, lumen illud fuisse distinctum specie à lumine gloriæ Beatorum, solum quia in Paulo breui tempore durauit, & in Beatis est æternum: nam eadem differentia inter visiones reperitur, & non propterea specie distinguuntur, quia visio quam habuit Paulus, de se æterna erat, licet in Paulo viatore breui tantum tempore Deus illam conservare voluerit, quod similiter de lumine dici potest, cum nulla maior ratio corruptibilitatis, seu transitorij fluxus in lumine, quam in visione cogitari possit.

Secundò principaliter argumentor, interrogando, an illa qualitas, quæ infunditur vt principium physicum, talis actus habeat infallibiliter coniunctum actum secundum, propter quem datur, vel possit de facto non sequi opus, etiam si illa infundatur, neurum enim dici potest consequenter iuxta illam sententiam; ergo non infunditur talis qualitas. Probatur minor quoad priorem partem, quia si illud auxilium adiuuans per modum principij quoties infunditur habet coniunctum proprium actum, non est auxilium sufficiens, sed efficax; ergo tale principium, seu qualitas non includitur in auxilio tam sufficiente, quam adiuuante, in actu primo, vnde consequenter sequitur per auxilium sufficiens non constitui physicè potentiam in actu primo ad operandum, cuius contrarium illi auctores in argumentis suis supponunt, & ad veram sufficientiam auxilij necessarium videtur, iuxta superius dicta.

Deinde contra illud primum membrum occurrat grauis difficultas, infra tractanda, de concordia auxilij efficacis cum vsu libero, nam si illa qualitas infallibiliter secum inducit actum secundum, vel illud est ex intrinseca natura talis qualitatis determinantis voluntatem ad exercitium actus, vel illa infallibilitas aliunde prouenit, scilicet ex præscientia Dei, non enim potest alia ratio cogitari. Si primum dicatur, rectè quidem ex illo effectu distinguetur qualitas illa ab habitu, nam habitus non ita determinat potentiam, sed illo vtimur cum volumus. tunc autem difficillimum est libertatem actus cum illa qualitate componere; quia infusio illius qualitatis non est formaliter, & in se homini li-  
bera

16.

Non est ali-  
quid trans-  
iens.

17.

Secundò, quia  
vel habet  
secum con-  
iunctum in-  
fallibiliter  
effectum, vel  
nò. Primum  
dici nequit,  
quia esset se-  
per gratia  
efficax.

18.

Non bene  
cogitarebit cū  
libertate si  
illa coniun-  
ctio infalli-  
bilis cum ef-  
fectu sit ex  
natura huius  
qualitatis.



bera, quia ad illam efficiendam non concurrat etiam physice, ut supponitur, sed merè passive se habet recipiendo illam: in pura autem receptione passiva non est usus libertatis, ut sumitur ex Concil. Trident. sess. 6. cap. 5. & can. 4. Neque etiam est illa infusio libera antecedenter, seu per denominationem ab aliqua prævia dispositione libera, propter quam illa qualitas infundatur, quia oportebit illam dispositionem esse supernaturalem, & consequenter à gratia excitante, & adiuuante fieri, & tum redibit quæstio, quodnam sit principium adiuuans ad illam dispositionem. Igitur necessariò sistendum est in gratia prima adiuuante per modum principij physice, quæ non magis detur homini propter præuiam dispositionem eius, quàm detur prima gratia excitans propter similem dispositionem; sicut enim prima excitatio non est libera homini vllò modo, ita neque prima infusio illius qualitatis, quæ dicitur esse gratia adiuuans per modum principij physici. Ex quo sequuntur duo incommoda, vnum est, illum cui non infunditur illa qualitas simpliciter, non habere auxilium sufficiens, quia sine illa non potest elicere actum, nec est in potestate libera eius habere talem qualitatem, cum nihil possit libere agere, quo illam obtineat. Aliud inconueniens est, quia ille cui datur talis qualitas, non libere operabitur, nam si illa qualitas determinat quoad exercitium actus voluntatem cui infunditur, ita infallibiliter ex intrinseca sua natura, ut non possit voluntas ei resistere, & actum cohibere, non apparet, quomodo actus ille liber quoad exercitium prodeat. qua ratione hic amplius non prosequor, quia necessariò sunt in sequentibus sæpiùs repetendæ, præcipuè tractando de auxilio, & concursu efficaci.

19. Si autem aliud membrum eligatur, nimirum illam infallibilem connexionem, inter qualitatem illam, & consensum voluntatis, non esse ex natura intrinsecæ talis qualitatis, sed ex præscientia, quia scilicet præuidens Deus voluntatem sic excitatam consensuram, si adiuuetur, infundit illi talem qualitatem, ut per eam sicut oportet operetur: quando autem præuidet non consensuram, etiam si ei infundatur talis qualitas, tunc illam non infundere, non quia de se sine actu esse non posset, nec quia semel infusa non subiacet quoad usum libertatis potestatis voluntatis, sed quia in tali homine esset otiosa, & inutilis, si hoc, inquam, dicatur, iam eligitur alterum membrum partitionis in primo dilemmate positæ, simulque illo modo facile saluatur libertas; tamen explicatio non est iuxta sensum, & principia auctorum contrariæ sententiæ, qui illam præscientiam non admittunt, ut videbimus. Et præterea non euacuat primam difficultatem tactam, quia si qualitas illa ex natura sua infundi potest potentia non operanti, nec ex vi illius statim operaturæ, de se non est qualitas pendens ab actuali operatione, neque requirens illam, ut in potentia sit, & permaneat; ergo de se est qualitas habitualis, & verus habitus, & consequenter eiusdem speciei, cum virtute infusa, ad quam pertinet talis actus, immeritoque appellatur quasi transiens, cum non sit hæc eius natura, quidquid sit de voluntaria infusione, vel conseruatione Dei cum tali præscientia, & non sine illa. Nam etiam habitum ipsum potest Deus, non infundere adulto, nisi præsciat illum statim in eodem momento operaturum cum illo, sicut verisimile est fuisse infusum Angelo, vel primo homini in sua crea-

tionem. Et declaratur ampliùs, nam si illa qualitas ex natura sua infundi potest voluntati non statim operanti, etiam si de facto solùm infundatur ei, quæ præscit operatura, nihilominus postquam fuerit semel infusa, permanebit in potentia, quantum est ex natura sua, etiam si potentia ab operatione cesset, quia non potest magis pendere ab operatione in conseruari, quàm in fieri; ergo consideratà illius naturæ, nihil habet in quo ab habitu differat.

Sed aliquis fortasse argumento coactus, fatebitur qualitatem illam nihil aliud esse, quàm ipsum habitum, vocari autem transeuntem solùm extrinsecè, quia tunc non infunditur à Deo ut permaneat, sed solùm ad illum actum, & quando ille durauerit. Sic enim D. Thom. 2. 2. q. 175. art. 3. ad 2. sentit lumen gloriæ infusum Paulo in raptu, in specie & entitate fuisse idem, quod est in Beatis, datum tamen esse per modum transeuntis, quia solùm ad breue tempus datum est.

Veruntamen hoc in primis est contra hypotheseum, quam in dispositione supponimus, nimirum, sermonem esse de actibus, qui ab habitibus non eliciuntur; deinde friuolum, & incredibile videtur dicere peccatori, quoties prius tempore, quàm iustificetur, elicit actum supernaturalem temperantiæ, aut fortitudinis, vel penitentia imperfectæ, quæ se remotè disponit ad remissionem peccati, infandi habitus talium virtutum, & auferri statim ac cessat operari. Et præterea in contritione, seu vltima ad gratiam dispositione, non habet locum illa responsio, quia tunc actus permanentèr infunditur; ergo necessariò erit illam dispositionem elici ab ipso habitu, ad quem ipsa disponit, & ratione cuius ipse habitus infunditur, quod repugnare, tractando de iustificatione, probabimus. Nunc autem tanquàm tertium supponimus, actum propter quem eliciendum datur auxilium gratiæ proximè adiuuantis, non posse esse rationem, & causam, propter quam tale auxilium datur, alioqui esset talis ratio, vel causa, non ut factus per vires gratiæ, sed ut factus per solùm liberum arbitrium, quod nemo dicet, qui Semipelagianum errorem omnino voluerit evitare.

Denique possunt ad hanc rationem confirmandam adduci omnia, quibus supra probauimus, ad eliciendos actus supernaturales gratiæ excitantis, non esse necessariam, nec præcedere infusionem alicuius qualitatis, vel motionem, quæ non sit actus vitalis. Nam est eadem, vel maior ratio, quia tam motus gratiæ excitantis, quàm actus proprii gratiæ adiuuantis supernaturales sunt, & effectiue à nobis fiunt, solùmque differunt vel in maiori, vel minori perfectione, quod parum refert ad necessitatem supernaturalis principij, vel in hoc quodd illi sunt necessarij, isti autem liberi. Et ex hoc capite magis videtur repugnare impressio illius qualitatis actibus liberis, quàm necessariis, ut explicatum est. Quod verò ad auctoritatem pertinet, talis qualitas prævia ad hos actus non maius habet fundamentum in Scriptura, Conciliis, vel Augustino, respectu illorum, quàm respectu motuum gratiæ excitantis; nullam enim præuiam gratiam in illis inuenimus, præter inspirationes, illuminationes, & alias similes, quæ in actibus vitalibus consistunt, quod amplius ex solutione argumentorum constabit, quam commodius capite sequenti trademus.

20. Est habitus, ad illum rationem actum infusus, & quæ eo elicitur de sumitur. D. Thom.

21. Reijciuntur hæc solutio.

22. Aliæ confirmationes.

## CAPVT XIX.

*Solum Spiritum sanctum immediatè adiuuare voluntatem vt principale principium proximè, & physicè faciens supernaturalem actum, quando sine habitu elicitur.*

1. Probatum afectione 1. ex superioribus capi-  
bus.

2. Auctoritate Mendocæ.  
Vga.

3. Hic modus agendi  
possibilis  
est.

Joan. Vincen.  
Vasquez.  
Molina.

3. Neque ob-  
est vitalitas  
actus.

**H**æc assertio à sufficienti partium enumeratio-  
ne ex discursu præcedentium capitum neces-  
sariò concluditur. Nam ostensum est aliquod prin-  
cipium coëfficiens cum voluntate talem actum, &  
supplens defectum virium eius necessarium esse.  
Deinde probatum est hoc principium, non esse mo-  
tionem, vel qualitatem creatam, quæ præcedat per  
modum actus vitalis, & excitantis gratiæ, vel per  
modum actus primi à solo Deo infusi, & passivè  
tantum in voluntate recepti; ergo necessarium est  
vt tale principium sit increatum; est ergo Deus ipse,  
seu Spiritus sanctus. Atque ita videntur sentire de  
ultima dispositione ad gratiam multi ex auctori-  
bus, qui negant illam effectivè procedere ab habi-  
tibus, præsertim Mendocæ in dicto quodlib.  
1. ad finem, & Vega lib. 6. in Trident. cap. 28. vbi  
non requirit aliam gratiam præuenientem creatam  
ad talem dispositionem præter excitantem, & ita  
exponit Scotum. Eadem autem ratio, vel certè ma-  
ior in cæteris actibus supernaturalibus, qui tempore  
antecedunt habitus, locum habet.

Possimus autem vterius assertionem nostram  
confirmare, duo demonstrando. Vnum est, hunc  
modum diuini adiutorij esse possibilem, id est, non  
repugnare de potentia absoluta. Aliud est etiam se-  
cundum legem ordinariam esse sufficientem, & mo-  
do loquendi Scripturarum, & Patrum, & conuenien-  
ti ordini diuinæ providentiæ consensaneum. Prio-  
rem partem probavi de visione beatifica in particu-  
lari in 1. part. tract. 1. lib. 1. cap. 1. vbi dixi posse fieri  
ab intellectu creato solo Deo cooperante, & specia-  
liter influente cum illo. quam sententiam tener  
etiam Fr. Ioan. Vincent. de gratia Christi, quæst. 6.  
post quartam conclusionem. Vasquez 1. part. disp.  
46. cap. 2. Molina 1. part. quæst. 12. art. 5. disp. 2. qui  
plures auctores pro illa sententia referunt in 4. dist.  
49. Nemo autem negauit eandem esse, vel maiorem  
rationem de artibus viz. Ratio autem communis  
omnibus, quia nulla ratio repugantiæ, vel impli-  
cationis contradictionis in hoc modo efficientiæ  
ostendi potest. Nam si qua cogitari valet, maxime  
erit, quia vitalis actus, vt talis est, non potest fieri  
sine principio intrinseco, & inhaerente ipsi operan-  
ti, cuius contrarium ex illo efficientiæ modo sequi  
videtur. At hæc ratio nullius momenti est, & po-  
test efficaciter in contrarium retorqueri, quia etiam  
si solus Deus ad illam actum cum voluntate opere-  
tur, semper actus ille est ab intrinseco principio vi-  
tæ nempe à voluntate cooperante cum Deo, & ex  
habitudine ad illam denominatur vitalis, non ex ha-  
bitudine ad Deum; ergo non habet locum illa re-  
pugnantia.

Vnde argumentor aliter, vt res magis explicetur  
(nam vis rationis eadem ferè est,) quia quando vo-  
luntas amat Deum ex habitu charitatis, non influit  
in actum per solam charitatem, sed etiam per se-  
ipsam, & licet idem indiuisibilis influxus sit ab ha-  
bitu, & à potentia, tamen formaliter, & per se non  
habet, quod sit vitalis ex habitudine ad habitum,

**A** sed ad potentiam, quia illa sola est proximum in-  
trinsecum principium vitæ. At verò quando dici-  
mus Deum cum potentia sola eundem amorem  
operari, Deus non supplet, neque tollit, aut impedit  
influxum potentiæ, sine quo actus non potest esse  
vitalis, sed tantum supplet efficientiam habitus, quæ  
per se vitalis non est; ergo facillimè, & sine vlla  
repugnantia potest Deus id facere, habet enim in  
eo locum vulgare axioma, quodd quidquid potest  
Deus facere per causas secundas, potest facere se-  
solo.

Nec potuerunt auctores contrariæ sententiæ vim  
huius rationis effugere, nisi vel dicendo habitum  
infusum, vel aliam qualitatem supernaturalem lo-  
co eius inditam, esse totum principium proximum,  
**B** quo potentia facit actum, ipsa tantum quasi mate-  
rialiter se habente substantando illud principium,  
vel saltem asserendo illud supernaturale principium  
actus, esse principium proximum, vnde actus ha-  
bet quodd sit vitalis. Vtrumque autem horum est  
falsum, quia primum est contra rationem actus vi-  
talis, de cuius ratione formali est, vt effectivè pro-  
cedat ab anima, nisi etiam effectivè procedat à po-  
tentia eius, quatenus in ipsa anima radicatur, & ab  
ipsa fluit. Nam effectio quæ provenit solum à for-  
ma extrinsecus adiuvante, nullo modo potest esse  
ab anima, sicut calefactio, quæ est ab aqua calida,  
nullo modo elici potest à forma aquæ, quia solum  
est à calore tamquam à principio agendi, quod ex-  
trinsecus aduenit aquæ, & ex hac ratione impugna-  
tur etiam altera pars, seu modus dicendi, quia cum  
habitus, seu qualitas infusa non sit potentia intrin-  
secè manans ab anima, non potest esse principium  
vitalitatis actus (vt sic dicam,) vt lib. 6. cap. longo  
discursu monstrandum est.

Relinquitur ergo ex vitalitate actus supernatu-  
ralis, non repugnare quin fiat à potentia sine habi-  
tu, vel alia qualitate inhaerente, quæ illam per mo-  
dum principij physici adiuvet, quia hanc efficien-  
tiam optime potest Deus supplere per seipsum, nec  
enim necesse est, vt potentiæ inhaereat, satis est  
enim quodd illi intimè adsit, & cum illa influat. Res-  
pondent aliqui hanc intimam præsentiam sufficere  
quidem vt Deus concurret cum potentia per mo-  
dum causæ vniuersalis, non tamen, vt concurret per  
modum causæ particularis, & principalis. Respon-  
detur falsam posteriotem partem, tum quia nulla  
sufficiens ratio differentię reddi potest, cum etiam  
sic operatur solus in potentia illos effectus, qui non  
sunt actus vitales; ergo etiam poterit ad vitales  
actus, vt causa proxima, & principalis influere si-  
mul cum potentia vitali, & non excludendo coope-  
rationem eius; hoc enim necessarium non est, quia  
potentia non minus potest suum influxum præbere  
cum principio principali sibi assistente, vt sic dicam,  
quàm cum inhaerente, nulla eni in repugnantia assi-  
gnari potest, siue potentia existimetur principium  
partiale, & principale etiam in suo genere respectu  
actuuum supernaturalium, siue reputetur principium  
eleuatum per potentiam obedientialem, ac proinde  
instrumentale: nam quidquid horum censetur,  
potest Deus cooperari potentiæ, vel eleuate illam  
supplendo simul per seipsum omnem efficientiam,  
quam habitus præstare potuisset.

Venio ad aliud membrum de potestate ordina-  
ria, & de facto. Et in primis expendo distinctionem  
indicatam à Concil. Trident. sess. 14. cap. 4. duobus  
modis fieri aliquod opus in nobis ab Spiritu san-  
cto, scilicet, vel inhabitante, vel tantum mouente,  
proprie enim inhabitat Spiritus sanctus in nobis  
per habitualement gratiam, & sanctitatem, & ideo tunc  
dicitur

4. Quod ex  
ipsis aduer-  
sariis pro-  
batur.

5. Soluitur ob-  
iectio.

6. Ille modus  
agendi Dei  
ordinariè à  
Deo usurpa-  
tur.

dicatur operari proprie, ut inhabitans in nobis, quando per habitus operatur. Opera ergo que antecedunt habitus, sunt dona Dei, & Spiritus sancti impulsus non inhabitantis, sed tantum mouentis, sicut de attritione que antecedit charitatem, docet Concilium in citato loco; ergo satis consentaneè ad illum modum loquendi Concilij intelligimus ad huiusmodi actus ipsummet Spiritum sanctum immediate nos mouere, prius cor pulsando per excitantem gratiam, quam ibi Concilium impulsum vocat, & deinde nobiscum influendo in actum antecedentem ad habitum, quo homo sibi viam ad iustitiam parat, ut idem dicit Concilium. Deinde ad hos actus solum requirunt Concilia excitantem, & adiuuantem gratiam, & solam excitantem dicunt esse praeuenientem per Spiritus sancti inspirationem, & illuminationem: adiutorium autem tribuunt gratiae cooperanti, & Deo, seu Spiritui sancto adiuuanti, ut constat ex eodem Concilio Trident. sess. 6. cap. 5. & can. 3. & 4. & Concilio Arausicano Can. 4. & 6. & sequentibus. Vtrumque autem propriè, & sufficienter saluatur, dicendo ipsum Spiritum sanctum effectiue per seipsum, & excitare potentiam, & adiuuare illam, praesertim quando nondum illam inhabitat, sic enim Deus in nobis, atque nobiscum operatur, ut loquitur idem Concilium Arausicanum cap. 9. Denique Scriptura sepius vocat Deum adiutorem nostrum, & specialiter cooperantem, quod certè non dicit propter solum generalem concursum, sed praecipue propter singulare auxilium gratiae, & ita etiam loquitur Augustinus, & Scripturas interpretatur. Haec autem loquutiones indifferentes sunt, & propriissime intelligi possunt de Deo immediate nostras potentias adiuuante; ergo ubi non concutit per habitum, non oportet fingere aliquam qualitatem, vel inchoatam motionem, sed ipsimet Spiritui sancto hanc efficientiam immediate tribuere. Et confirmatur optime ex doctrina D. Thomae quest. 12. de verit. art. 8. ubi cum docuisset posse Deum mutare voluntatem ab vno actu in alium, addit. *Immutat autem* (scilicet Deus) *voluntatem dupliciter, vno modo mouendo tantum, quando scilicet voluntatem mouet ad aliquid nouendum, sine hoc quo aliquam formam imprimat voluntati, sicut quando sine appositione alicuius habitus, quandoque facit, ut homo velit hoc, quod prius non volebat; alio vero modo imprimendo aliquam formam in ipsam voluntatem, ubi non solum loquitur D. Thomas de potentia absoluta, sed etiam de ordinaria, & vsitata à Deo, & per formam sine dubio intelligit quaecumque qualitatem praeuiam, quae sit principium agendi ipsi voluntati. Docet igitur, quoties Deus mouet voluntatem ad volendum immediate, & per seipsum efficere actum volendi sine media forma creata, quamuis non excludat cooperationem eiusdem voluntatis, ut per se notum est.*

Vltimò possumus hoc congruenti ratione declarare, quia hic modus operandi non est praeter ordinem prouidentiae Dei, sed potius est illi maxime consentaneus: nam ad Deum spectat supplere impotentiam causarum secundarum in vnoquoque genere, quando illis deest intrinseca virtus ad conaturaliter operandum, & nondum sunt illius capaces, sed potius ad illam obtinendam tendunt alio modo minus perfecto operando. Ita enim in praesenti contingit, nam quando homo operatur hos actus ante habitum, praecedit ab imperfecto ad perfectum, nimirum ab statu iniustitiae, vel carentiae iustitiae, ad statum iustitiae paulatim transeundo, & ideo pro eo tempore non potest conaturali modo,

& per virtutem intrinsecè inherenter operari: pertinet ergo ad Deum ut primam auctorem gratiae tunc per seipsum supplere defectum hominis, & illum ad se conuertere per seipsum peculiariter mouendo, & adiuuando, quo modo solet loqui D. Thomas 1. 2. quest. 109. art. 6. & 7. etiam de conuersione ad Deum per vltimam & perfectam dispositionem ad gratiam. Tandem confirmabitur amplius hac sententia respondendo ad argumenta in capite praecedenti relictæ.

Primum erat voluntatem natura sua non habere potestatem ad actus supernaturales eliciendos sufficienter, quod simpliciter, & absolute concedimus de potestate integra, & in genere principij proximi sufficiente, seu principali, quod supra lib. 2. late docuimus. Inde tamen non sequitur esse necessarium principium adiuuans ipsi potentiae inherens; nam sufficit principium coëfficiens, potens ad supplendum defectum habitus, vel alterius principij, ut declaratum est. Si verò sit sensus illius antecedentis potentiam naturalem animae, nullam omnino virtutem etiam inchoatam de se habere ad eliciendum huiusmodi actus, si ab alio sufficienter iuuetur, falsum est, & contra communem sententiam, quam cum Driedone & Ruaro tradit Bellarminus lib. 6. de Grat. & liber. arbit. cap. 15. & plures alij tam antiqui, quam moderni, quae infra tractando de gratia habituali lib. 6. de referemus. Idemque parum insinuat Augustinus de spirit. & liter. cap. 13. ubi tractans questionem, an voluntas credendi sit à libero arbitrio, vel à Deo, respondet, *quod liberum arbitrium naturaliter attributum à creatore animæ rationali, illa media via est, qua vel incedit ad fidem, vel inclinatur ad fidelitatem possit; sentiens voluntatem credendi esse ab hac ut liberi arbitrij naturalis, non tamen sola, sed à Deo supernaturaliter adiuta. Et ideo, (inquit) nec istam voluntatem, qua credit homo Deo, dici potest homo habere, quam non acceperit, quandoquidem vocante Deo surgit de libero arbitrio, quod naturaliter cum crearetur acceperit. Ergo, teste Augustino, voluntas credendi procedit ab aliqua ut naturaliter indita voluntati liberæ, siue illa dicatur naturalis, & principalis in suo ordine, licet partialis, siue dicatur obediens, & instrumentalis, de quo dicto lib. 6. dicendum est. Aliqua verò prorsus necessaria est, ut actus possit esse vitalis, quia non posset factus effectiue fieri ab ipsa potentia, sed tantum à virtute addita, quod repugnat actui vitali, & praesertim libero. Eadem autem inchoata vis liberi arbitrij sufficit ut actus possit esse vitalis, ac proinde satis etiam est, ut possit elici ab eodem libero arbitrio, ab ipso Deo immediate adiuto sine aliqua qualitate inherente, ut probatum est.*

Vnde ad primam confirmationem quoddam potentia debet constitui in actu primo per formam inherenter, responderetur id esse verum de actu primo integro, & totali: nam si aliqua entitas sit totum principium agendi, non potest actio tribui alicui supposito, nisi illa entitas inherere, vel infuset illud suppositum, si non sit idem cum illo, ut est in Deo. Ratio autem est, quia quando forma distincta est totale principium agendi, non potest denominare subiectum, vel suppositum agens, nisi illi inherere, tum quia forma non dat agere, nisi quatenus dat esse; tum etiam, quia vna res non denominatur agere actione alterius rei supposito distinctæ, ut est per se notum, quia actio, ut actio, solum denominatur illud à quo est: secus verò est, quando actus primus non est totalis, & in praesenti habitus, vel qualitas creata non est totale principium proximum

1. Ex aliis Conciliis.

Arausic.

D. Thom.

7.  
3. Ratione ex modo operandi diuinae prouidentiae.

D. Thom.

8.  
Soluuntur argumenta. 1. Ex improportionem voluntatis ad actus supernaturales.

Driedo, Ruaro, Bellarmin.

August.

9.  
Ad id quod potentia sit constituenda in actu primo per formam inherenter.



Declaratur  
in actu cha-  
ritatis.

num eliciendi actum supernaturalem, sed est quasi partiale, seu complens principium proximum, & hoc modo dicitur constituere potentiam in actu primo, non dando actum primum, nam ipsa potentia per seipsum habet aliquam vim in actu primo, ut probatum est, sed dicitur constituere in actu primo complendo illum. Dicimus ergo huiusmodi actum primum, non integrum, sed completiuium (ut sic dicam,) posse suppleri per actum non inhzrentem, sed assistentem ad coëfficiendum eum potentia, quia actiuitas potentia est distincta ab actiuitate alterius comprincipij, & ideo etiam si illud non sit inhzrens, potentia verè elicit actum, quia neque est, nec denominatur per se eliciens actum à sola efficientia habitus, vel Dei, sed ab efficientia propria per vim innatam & distinctam ab ipsa entitate voluntatis, quam explicauimus. Quocirca ut rem magis declarem, quando voluntas cum habitu charitatis, elicit actum charitatis, dupliciter denominatur efficiens talem actum; primò per se, quatenus per suam entitatem influit in illum actum. Secundò per aliud, quatenus efficientia habitus tribuitur potentia, cui inhzret. At verò quando voluntas elicit actum amoris sine habitu charitatis, & iuuatur à Deo, fateatur non denominari efficientem ab influxu Dei, quia non est ab actu primo inhzrente; retinet verò alium influxum per seipsam, & ab illo verè, & sufficienter denominatur efficiens, quin ille est verus influxus effectiuus, & solus est per se necessarius, & quasi essentialis ad actum vitalem, & liberum. Atque hinc facile patet responsio ad cætera, quæ in illa confirmatione attinguntur. In quibus æquiuocatio committitur, tum confundendo principium principale comparatione potentia, vel comparatione cuiuscunque alterius comprincipij, & principium integrum cum partiali, tum etiam non distinguendo in intellectu, & voluntate duplicem rationem, vnam elicientis, & alteram recipientis actum. Anima ergo respectu voluntatis est principium principale cuiuscunque actus voluntatis, etiam supernaturalis, quia ab illa habet tamquam à prima radice, quòd sit vitalis. Et de hoc principio loquitur Aristoteles quando inde infert animam esse intrinsecam formam, dans nimirum substantiale esse vitæ, quia inde habet operatio principaliter ut sit vitalis. Nihilominus tamen respectu substantia actus potest esse aliud principium principalius in ratione virtutis actiue, & hoc modo dicimus habitum charitatis esse principalius principium talis actus, quamuis nò sit necessarium ad vitalitatem eius. Et præterea etiam Deus ipse potest esse principalius principium eiusdem actus loco habitus, quamuis non inhzreat potentia à quo proximè, & principaliter ab anima habet ille actus quòd vitalis sit. Quod totum procedit siue voluntas simul cum habitu, vel Deo dicatur in suo genere principale principium, siue instrumentale, dummodo influxus eius ad vitalitatem actus sufficiat.

I 0.

Explicatur  
ex ipsa ra-  
tione intel-  
lectus & vo-  
luntas quo  
modo iuuari  
possunt per  
principium  
extrinsecum  
& assistens.

In quo etiam necesse est duas alias rationes potentia actiue, & passiue in voluntate, vel intellectu distinguere, quia in ratione potentia actiue, neutra est integrum principium proximum talis actus, non solum propter concursum requisitum ex parte obiecti, sed etiam propter influxum necessariū ex parte facultatis operatricis, & ideo in genere efficientis iuuari potest à principio extrinsecus adiuuante, siue inhzrente, quando actus sit conaturali modo, siue assistente, & simul mouente, quando actus sit modo quasi præternaturali. At verò in ratione potentia passiue, est intellectus, vel

A voluntas totale principium, & est simpliciter necessarium ad recipiendum effectum actus vitalis, ut est intelligere, vel amare, ita ut non solum possit ille effectus recipi in alia potentia, quæ non sit intrinseca ipsi animæ, ut viuenti, verum etiam nec possit in hoc iuuari à principio extrinsecus adiuuante, siue inhzrente, siue non inhzrente. Et ita actus charitatis licet eliciatur à potentia cum habitu coëfficiente, non recipitur in potentia habitu ipso simul correcepiente, ut est communiter receptum. Et in hoc genere causalitatis receptiue actus vitalis maximè fundantur discursus D. Thomæ, & Theologorum ad probandum, nec hominem posse intelligere per intellectum, qui sit substantia separata, nec Christi animam potuisse amare per voluntatem increatam; loquuntur enim de intellectu possibili, ut possibilis est, & de voluntate ut informati potest amore, ita enim per illam anima, vel homo in ratione amantis constituitur. Nam reuera multo maior repugnantia est quòd actus vitalis in extrinseca substantia, vel potentia recipiatur, & nihilominus constituat hominem intelligentem, vel amantem, quàm in hoc, quòd idem actus ab extrinseco principio infusus, & in potentia animæ receptus, hominem tali anima informatum intelligentem, vel amantem constituat: vnde non desunt Theologi, & antiqui, & moderni, qui hoc posterius dixerint esse possibile, cum tamen in primo, tam Auerrois phantasia, quàm hæreticorum amentia omnibus incredibilis visa fuerit. Et licet probabilius sit, etiam illud prius repugnare de totali principio productiuo talis actus, non tamen de partiali principio, seu adiuuante potentiam per seipsam intrinsecè influentem, ut sæpe dixi: nam in hoc etiam non æquiparantur duæ illæ motiones potentia vitalis, scilicet actiua, & passiua, ut etiam declarauimus.

Et per hæc responsum est ad secundam confirmationem, negamus enim posse sequi Deum solum sine influxu voluntatis, efficere in illa actum, quo ipsa amet, quia per hoc excluderetur intrinsecus influxus ipsius potentia, quod repugnat actui vitali, præsertim habenti suum effectum formalem in tali potentia. Hoc autem non sequitur ex eo, quòd Deus per seipsum adiunget potentiam simul influentem, & suo auxilio eleuantem illam, ut ille influxus tali actui proportionatus sit, ut ex dictis satis patet. Tertia confirmatio in primis assumit falsum, quia generalis concursus Dei, per se ac præcisè spectatus, non est influxus in causam, sed in effectum, & productionem eius, ut inferius dicam. Deinde nihil ad propositum refert, quia non tractamus de Deo, ut concurrente per modum primæ causæ, sed ut adiuuante per modum causæ proximæ, supplendo penuriam habitus, & quoad hoc dicimus non oportere, ut id faciat media qualitate, vel motione prius indita ipsi potentia, sed per influxum immediatum in ipsum actum, quidquid sit de modo quo generalem concursum præstet.

Ad argumenta secundo loco proposita respondemus Concilium Tridentinum quoties loquitur de gratia, qua Deus tangit cor, & præmouet illud, ac præparat, ut consentiendo se disponat ad iustitiam, explicare id per verba vocationis, illuminationis, & inspirationis, quæ omnia gratiam excitantem significant. Præter hanc ergo nullam aliam inhzrentem potentia, & præuiam ad conuersionem, seu liberam dispositionem ad iustitiam, à Concilio Tridentino traditam, vel insinuatam inuenimus. Cum autem gratia excitante adiungit adiuuan-

I 1.  
Solutur ob-  
iectio faci-  
di produ-  
ctione, actus  
vitalis à so-  
lo Deo.

Ad tertiam  
confirmatio-  
nem.

I 2.  
Responso  
ad Concil.  
Trident.

adiuuantem, nunquam dicit illam esse præuiam, nec per illam tangere Deum cor, sed potius sentit esse cooperantem nobiscum, dum dicit nos cooperari cum illa. Quid autem sit ista gratia adiuuans, non declarat, tum quia multiplex esse potest, tum etiam, quia de hoc est varietas opinionum inter Theologos, quam dirimere non erat ad doctrinam fidei necessarium. Et ideo solum est, certum influxum gratiæ adiuuantis, esse quid creatum, & in nobis receptum, & gratiam ipsam excitantem suo morali modo adiuuare, quando homo actu consentit. De principio autem physice adiuuante solum habemus esse creatum, & inherens, quando per habitum datur: ante infusionem autem habitus solum legimus ipsummet Spiritum sanctum mouere, & adiuuare voluntatem. Vnde ad alia omnia testimonia, quæ ibi adducuntur, respondemus Spiritum sanctum eo ipso, quod incipit supernaturaliter excitare hominem, incipere esse in homine nouo modo, non ut habitatorem, sed ut motorem, qui excitat hominem, & ad illum iuuandum præstò adest, & hac ratione dicitur aliquo modo tunc dari, & infundi, & incipere hominem sanare, & similia, quæ iuxta nostram sententiam facillimum, & propriissimum sensum habent.

Ex dictis autem inferri videtur, ipsum Deum, seu Spiritum sanctum posse esse, & appellari gratiam adiuuantem, quod aliquibus videtur magnum inconueniens, quia Augustinus de prædestinatione. Sanctior. cap. 10. dicit gratiam adiuuantem esse effectum prædestinationis: sed hoc parui momenti est, quia, ut diximus in secundo Prolegomeno, dari potest aliqua gratia increata, & Spiritus sanctus appellatur donum quod iustis gratis datur, & nomen illud ex tempore illi conuenit, licet ipse æternus sit, quatenus non ab æterno, sed in tempore nobis datur; ergo simili modo poterit appellari gratia, & quatenus adiutor noster est, poterit appellari gratia adiuuans, quæ dominatio ex tempore illi conuenire potest, quia sumitur ab actuali influxu gratiæ adiuuantis, qui creatus est, & in tempore in nobis fit. Iuxta autem communem usum vocis, gratia adiuuans proprie dicitur ipse influxus in nobis receptus: Deus autem melius adiutor, seu principium adiuuans nominatur. Denique ad ultimam rationem, iam responsum est ad efficiendos hos actus connaturali modo, infundere Deum nobis intrinseca, & inherencia principia illorum, quæ tantum sunt habitus, præter quos alia principia intrinseca, & connaturalia, vel esse non possunt, vel certè non sunt nobis reuelata, nec secundum rectam rationem necessaria, & ideo ipsius Dei influxum in hoc modo operandi & sufficientem, & magis accommodatum esse censemus.

## C A P V T XX.

*Quid sint gratia operans, & cooperans, & quomodo ad excitantem, & adiuuantem comparentur.*

1. **P**riusquam de concursu generali gratiæ dicamus, oportet alias diuisiones auxiliorum gratiæ, quæ cum præcedenti in teipsa coincidunt, explicare, ut sic distinctius procedamus, & circa

**A** concursum possimus latius immorari. Diuiditur ergo ulterius gratiæ auxilium in operans, & cooperans, circa quam diuisionem omisiss pro nunc Scholasticorum opinionibus, ad rem, & in se, & iuxta Augustini mentem explicandam, tria breuiter dicenda videntur. Primum est, gratiam conuenienter diuidi in operantem, & cooperantem, hæc assertio certa esse debet. Primum, quia licet sub his formalibus terminis, neque in Conciliis, neque in Scriptura reperiatur, tamen ex his fontibus illam hauserunt communiter Theologi, D. Thomas 1. 2. quæst. 11. art. 2 & ibi Corrad. Caietanus, & alij expositores, Alenf. 3. p. quæst. 69. num. 3. art. 1. Scholastici communiter in 2. d. 26. vbi Bonauent. q. 6. Albert. art. 6. Durandus q. 3. Gabr. q. vnic. art. 1. notabili, & Marsil. in 2. q. 17. Antonin. 4. p. tit. 19. cap. 3. Sot. 1. de natur. & grat. cap. 16. Ruardus art. 7. contra Luther. & Dried. lib. 2. de Grat. & lib. arbit. tract. 1. cap. 2. & Bellarm. lib. 1. de grat. & lib. arbit. cap. 14. Staplet. lib. 4. de grat. & lib. arbit. cap. 17. Vega lib. 6. in Trid. cap. 5. ad 6. & inuenitur etiam in Prospero epistola ad Augustinum, vbi operantem gratiam vocat præoperantem, ut antecessorem eius ad consensum liberi arbitrii indicet, ut mox videbimus.

Secundò sumpta est hæc diuisio ex Augustino lib. de grat. & lib. arb. cap. 17. vbi inter alia multa dicit, *Deus cooperando perficit, quod operando incipit*, & in verbis operandi, & cooperandi, facis indicat gratiam operantem, & cooperantem, quas magis explicans addit, *ut velimus sine nobis operatur; cum autem volumus, & sic volumus, ut faciamus, nobiscum cooperatur*. Ipse autem Augustinus doctrinam illam sumpsit ex Paulo ad Philip. 2. dicente, *Deus est qui operatur in nobis, velle, & perficere*. nam operari velle, dicit pertinere ad gratiam operantem: perficere autem ad cooperationem. Et aliis locis significat Paulus utramque gratiam: nam cum ad Rom. 9. dicit, *non est volentis, nec currentis, sed Dei miserationis*, operantem gratiam significat, ut sentit Aug. in Enchirid. c. 12. & ad eandem pertinet quod 1. Corinth. 3. dicit, *Non sumus sufficientes cogitare aliquid ex nobis, quasi ex nobis*: nam cogitatio sancta, & iuxta doctrinam Augustini, ad operantem gratiam pertinet. Illud verò, 1. ad Corinth. 15. *non ego, sed gratia Dei mecum*, spectat apertè ad cooperantem. Vnde dixit August. serm. 13. de verb. Apost. cap. 11. *si non esses operator, non esses ille cooperator*. vnde Prosper in epist. ad Augustinum inter alia postulat ab eo explicari, *quomodo per istam præoperantem & cooperantem gratiam, liberum non impediatur arbitrium*: vbi operantem gratiam vocat præoperantem, non quia diuersa sit, sed, ut dicit, præcedere ad nostram cooperationem; cooperantem verò esse simultaneam. Atque etiam dixit Bern. lib. de grat. & lib. arbit. in principio. *Gratia operanti salutem cooperari dicitur liberum arbitrium dum consentit*. Et Anselmus in eundem locum 1. ad Corinth. 15. cum Gregorio lib. 16. Moralium cap. 11. *Superna (inquit) pietas prius agit aliquid in nobis sine nobis, ut subsequente quoque nostro libero arbitrio bonum quod iam appetimus, agat nobiscum*.

Tertiò idem sumitur ex Concilio Arausicano cap. 4. & 9. dicit enim multa bona operari Deum in nobis, & alia operari nobiscum: nam primum officium est gratiæ operantis, secundum cooperantis. Concilium etiam Tridentin. hoc indicat cap. 7. & can. 4. nam cum ait nos cooperari gratiæ Dei, clarè dicit gratiam operari nobiscum. Et in eodem

Diuisio gratiæ in operantem, & cooperantem.

D. Thom.  
Corrad.  
Caietan.  
Alenf.  
Albert.  
Bonau.  
Marsil.  
Antonin.  
Sot.  
Ruard.  
Dried.  
Bellarm.  
Staplet.  
Vega.

2. Ex Augustino.

Prosper.

Bernard.

Anselmus.  
Gregor.

3. Ex Concilio Arausico.

Trident.

Ambros.

eodem sensu dixit Ambrosius lib. 2. in Lucam gratiam Dei studiis cooperari humanis, operante autem gratiam declarauit Concilium quando dixit Deum incipere vocando, & tangendo cor. At denique veramque attigit Caelestinus Papa Epist. ad Gall. cap. 2. dicens, *agi Deum in nobis, ut quod vult, & velimus, & agamus, nec esse otiosa in nobis patitur, quæ exercenda, non negligenda donauit, ut & nos cooperatores finis gratia Dei.* Ex quibus duobus, primum ad operantem, secundum ad cooperantem gratiam pertinet. Vltimò declarari hoc potest ratione, quia, ut suprà diximus, Deus incipit in nobis operari illuminando, & inclinando voluntatem, ut velit, quam gratiam operatur in nobis sine nobis: ad actus autem liberos aliter nobiscum operatur. Sed hæc duo genera gratiarum per illa verba declarantur, ergo meritò data est illa diuisio, & hæc ratio magis ex sequentibus declarabitur.

Caelestinus.

4.

Hæc diuisio  
coincidit cū  
alia in exci-  
tantem &  
adiuuantem.  
Probat ex  
August.

Secundò dicendum est diuisionem hanc quoad rem ipsam coincidere cum præcedente, ita ut gratia operans, eadem sit, quæ excitans, & cooperans eadem quæ adiuuans, solumque differant ratione, sed potius in vocum etymologia. In hac assertionem loquor secundum mentem Augustini, nam de sententiis Scholasticorum paulo inferius dicam. Hanc ergo fuisse Augustini mentem ostendo, primò ex lib. 2. de grat. & lib. arb. cap. 17. vbi inter alia dicit, *Ipse ut velimus operatur incipiens qui volentibus cooperatur perficiens.* Hæc autem duo munia in locis suprà allegatis tribuit Augustinus excitanti, & adiuuanti gratia. ergo sunt eadem auxilia diuersis vocibus declarata. Idque magis declarauit in lib. 2. de peccator. merit. cap. 18. vbi docet, ideo dictum esse à Paulo, *Deum operari in nobis velle, & perficere*, quia sine illa excitante & adiuuante nihil possumus. In aliis autem locis, ut vidimus, ex illa sententia Pauli colligit operantem, & cooperantem gratiam; ergo has non distinguit ab excitante, & adiuuante. Et idem argumentum sumitur ex Enchirid. cap. 32. dum ait Deum operari voluntatem bonam in nobis, quia *voluntatem preparat adiuuandam, & adiuuat preparatam.* Præterea frequentissimè Augustinus tribuit vocationi quod per illam operatur Deus in nobis, ut velimus, & quod facit, ut faciamus. Et hoc ipsum tribuit gratia operanti: at verò vocatio gratia excitans est, ut constat ex Concil. Tridentin. Ergo gratia excitans est operans, ac subinde adiuuans, est cooperans. De antecedenti videri potest latè Augustinus q. 2. ad Simplician. & de spirit. & liter. cap. 34. & lib. 2. de peccat. merit. cap. 17. & de prædest. Sanctor. cap. 19. & 2. Retract. cap. 1. & epist. 107. Hic accedit elegans Bernardi sententia mirum in modum rem hanc declarans, lib. de Grat. & liber. arbit. sub finem. Cum enim dixisset, omnia interiora bona, quæ in nobis fiunt, soli gratia esse tribuenda, subiungit. *Ipsa liberum excitat arbitrium cum seminat cogitationem, sanat cum immutat affectum, roborat, ut perducatur ad actum, seruat ne sentiat defectum: sic autem ista cum libero arbitrio operatur, ut tantum illud in primo præueniat, in cæteris comitetur. Ad hoc utique præueniens, ut iam sibi deinceps cooperetur. Ita tamen, quod à sola gratia capsum est, pariter ab utroque perficitur, ut mixtum non sigillatim, simul non vicissim per singulos perfectius operentur.* de quo testimonio plura in cap. 22. dicemus.

Bernard.

5.

Confirmari præterea potest assertio, & deduc-

ci ex Concilio Tridentino isto modo: nam Concilium sufficienter nos docuit auxilia gratia ad salutem necessaria: at verò ad actus, ad salutem, & iustitiam necessarias non requirit alias gratias præter excitantem, & adiuuantem; ergo sub illis comprehendit operantem, & cooperantem. Deinde idem Concilium expressè dixit, nos cooperari adiuuanti gratia, unde tacite significat ipsam adiuuantem gratiam cooperari nobiscum, ac subinde esse cooperantem. De gratia verò excitante dicit fieri ab Spiritu sancto in nobis per illam inchoante nostram salutem, quod pertinet ad gratiam operantem; ergo planè sentit has gratias esse eadem.

Ex Concil. Trident.

B

Declaratur tandem ratione, quia voluntas nostra, ut supernaturaliter operetur, non indiget nisi ut prius à Deo præparetur, & postea iunetur: ergo tantum indiget duabus gratiis actualibus, quæ illa duo munera præstant, etsi variis nominibus appellentur. Deinde gratia operans vocatur, quam Deus solus in nobis facit, id est, sine efficientia nostra libera; cooperans verò dicitur gratia, quam Deus facit nobiscum, ut patet ex Augustino citatis locis, & inter sententias eius ponitur 12. quæ habetur etiam in Arausicano can. 9. Sed illæmet proprietates conueniunt gratia excitanti, & adiuuanti, ut ex suprà dictis constat; ergo. Denique Deus non dicitur operari in nobis, nisi inspirando, illuminando, & mentem bonis affectibus imbuendo, ut dixit Prosper lib. 2. de vocat. gent. cap. 9. aliàs 26. sed per eisdem motus gratia excitat mentem nostram. Ergo non distinguuntur in re prædictæ gratia.

6. Idem probatur ratione.

Arausican. Conc.

Prosser.

Ratio verò omnium reddi potest ex D. Thom. 12. q. 111. art. 2. dicente, motum qui est in mobili, tribui mouenti: nostram autem mentem ad Deum, ut ad mouentem cooperari, & ideo quando mens nostra est mota, & non mouens, utique liberè, solum autem Deus est mouens, operatio Deo tribuitur, & secundum hoc dicitur gratia operans; in illo autem effectu, in quo mens nostra & mouet, & mouetur, operatio non solum tribuitur Deo, sed etiam animæ, & secundum hoc dicitur gratia cooperans. Arque ita gratia dici potest cooperans, vel respectu causæ suæ, quia à solo operante fit, quod est satis consentaneum modo loquendi Augustini; vel dici potest operans respectu effectus per illam intenti, qui est liberum velle hominis: nam Deus per illam operatur, ut velimus. Excitans autem nominatur, vel ab effectu quasi formali, quem in nobis habet, vel per illam vocem explicatur modus, quo per talem gratiam Deus operatur, ut velimus, scilicet excitando mentem, & moraliter illam inducendo. Voces autem adiuuantis, & cooperantis gratia, satis inter se similes sunt, tamen per vnā declaratur necessitas, & indigentia talis gratia ex parte hominis, nimirum infirmitas, quæ iuuanda est; per alteram verò declaratur necessitas humanæ cooperationis, sine qua illa gratia non operatur.

7. Altera ratio ex persona.

Tertiò dicendum est operantem, & cooperantem gratiam, quoad necessitatem, distinctionem, & vnitatem ita inter se, & ad actus humanos supernaturales conferri, sicut excitans, & adiuuans ad eisdem actus, & inter se comparantur. Hæc assertio sequitur euidenter ex dictis, quia si gratia operans est eadem quæ excitans, non potest plus, vel minus distingui, quia etiam adiuuans,

8. Quomodo gratia operans &amp; cooperans inter se, &amp; in ordine ad actus comparantur.



adiuuans, & cooperans, non distinguuntur inter se. Et eadem ratione non possunt esse minus necessaria gratia operans, & cooperans ad pietatis opera, quam gratia excitans, & adiuuans, eo quod inter se non distinguuntur. Vnde, sicut supra diximus, excitantem gratiam ad opera pietatis requiri, ut dicendum est de gratia operante, quod etiam de cooperante per se euidens est. Et manifestè utrumque probatur ex testimoniis Augustini proximè allegatis, præsertim lib. de Grat. & lib. arb. cap. 16. & 17. & ex lib. de dono persever. cap. 13. ubi ait, *Nos volumus, sed Deus in nobis operatur & velle: nos operamur, sed Deus in nobis operatur etiam operari pro bona voluntate.* Hæc namque locutiones indefinitæ limitari à nobis non possunt, & ideo vniuersalibus æquivalent, quod clariùs expressit Concilium Arausicanum, cap. 9. dicens: Quoties bona agimus, Deus in nobis, atque nobiscum ut operemur, operatur.

Augustin.

Conc. Arausicanum.

## C A P V T X X I.

### Obiectionibus occurritur, & varia sententia de operante, & cooperante gratia attinguntur.

1. Prima obiectio. Gratia habitualis dicitur operans & cooperans.

D. Thom.

**C**irca doctrinam superioris capitis nonnullæ difficultates occurrunt, ex quibus variae opiniones Theologorum ortæ sunt, quas in hoc capite expedire necessarium est. Prima est, quia non solum actualis gratia dicitur operans, & cooperans, sed etiam gratia habitualis: at verò habitualis gratia non potest dici excitans, vel adiuuans; ergo signum est hanc secundam diuisionem esse distinctam à prima, & plura comprehendere. Maior propositio est D. Thomæ dicta quæst. 111. artic. 2. ubi dicit gratiam habitualem, quatenus formaliter sanctificat, esse gratiam operantem, quod sequuntur aliqui auctores ex allegatis in principio capitis præcedentis: potestque in eius fauorem induci Augustinus lib. 1. de peccator. merit. cap. 19. quatenus ait, *nisi adiuvante gratia superetur ad iustitiam, nemo convertitur: nisi operante gratia sanetur, iustitia pace nemo fruitur.* Sanitas enim animæ confertur per habitualement gratiam, & tamen ait Augustinus per operantem gratiam fieri. Hæc autem obiectio locum non haberet, si cum aliquibus modernis diceremus, habitus gratiæ operatiuos esse gratiam excitantem, quatenus ad gratiam inclinant. Ille autem modus loquendi nobis in superioribus probatus non est, quia neque est consentaneus doctrinæ Augustini, & Conciliorum de gratia excitante, nec inclinatio habitus est vera excitatio vitalis, quæ est proprius formalis effectus gratiæ excitantis.

2. Explicatur ille loquendi modus.

Bellarmin. Pass. Valent.

Respondeo igitur (licet fortè sit quæstio de modo loquendi) iuxta sensum Augustini habitualement gratiam non esse operantem, nunquam enim Augustinus loquutus est de gratia habituali, quando dixit Deum in nobis sine nobis operari, ut velimus, sed de actuali gratia excitante, & vocante, ut alij graues Theologi moderni adnotarunt, Bellarmin. lib. 1. de grat. & lib. arbitr. cap. 14. §. hac doctrina. Vasquez, Valentia, & alij: loquitur enim Augustinus in illis locis de initio salutis contra Semipelagianos, quod non

Fr. Suarez de Gratia Pars I I.

**A**sumitur à gratia habituali, quam illi fortè non negabant, sed à vocatione, inspiratione, & illuminatione, ut Concil. Trident. dixit. Item prima gratia operans nullo modo est à nobis libetè, nec dispositiue, nec imperatiue secundum Augustinum, qui ita loquitur de initio salutis: at prima gratia sanctificans pendet aliquo modo à nobis, saltem dispositiue, imò & aliquo modo meritoriè per fidem, & pœnitentiam, maxime iuxta modum loquendi Augustini in epist. 105. & 107. In verbis autem allegatis Augustinus per sanantem gratiam non intelligit solam habitualement, sed auxilium cuiuscumque gratiæ sanctificantis, quia licet non conferat animæ formalem sanitatem, à culpa inchoat sanitatem dando vires, quibus anima in Deum conuertatur.

**B**Ad obiectionem ergo respondeo etiam D. Thomam reliquosque Theologos citatos præcipuè declarare illam diuisionem de gratia actuali, voluisse tamen, & commodè potuisse illas voces accommodare ad gratiam habitualement secundum diuersas rationes spectatam, de quo vsu (ut dixi) concedendum non est, tum quia pertinet ad significationem, & impositionem vocum, tum etiam, quia omnis causalitas in quocumque genere vocari solet operatio, & ita habitus gratiæ, quatenus cum potentia operatur, optimè dicitur cooperans, sicut etiam dicitur adiuuans: ut verò informat animam, & illam formaliter sanctificat, vel benè disponit, potest dici operans, quamuis minùs propriè, & non sine metaphora, qua etiam alij vtuntur ad vocandum habitum gratiæ excitantem gratiam, quatenus inclinatur, quod, ut dixi, minùs vsitatum, magisque improprium, ac metaphoricum est.

**C**Secunda difficultas est, quia ex declaratione à nobis data sequitur, primum actum, quo voluntas incipit velle bonum, & odisse malum, vel quo voluntas peccatoris incipit libetè conuertere in Deum, esse à gratia cooperante, consequens est falsum, ergo. Sequela nota est. Minor autem constat ex D. Thomæ dicto art. 2. ubi dicit primum actum internum voluntatis, quo diligimus Deum super omnia, vel intendimus supernaturalem finem, esse tantum à gratia operante; actum verò externum esse à gratia cooperante. Intelligere autem videtur per actum externum non solum externam motionem membrorum (quia illa secundum se non est supernaturalis, ut constat,) sed internam voluntatem supernaturalem imperantem actionem externam, atque ideo omnem voluntatem, quæ versatur circa media, ut est electio, & vsus. Ille enim modus loquendi consentaneus est D. Thomæ 1. 2. quæst. 18. artic. 6. & alius non potest hic accommodari, ut constat. Ratio autem D. Thomæ fundatur in alia doctrina eius, quod voluntas, ut est finis, non se mouet, sed mouetur ab auctore naturæ: in volitione autem mediorum iam se mouet ex præconcepta intentione finis. Ita docet 1. 2. q. 9. art. 4. Ita etiam hic inquit in intentione finis supernaturalis voluntatem se habere, ut motam ab auctore gratiæ, & ideo motionem illam esse solum à gratia operante: in electione autem mediorum iam ipsam se mouere, & ided motum illum esse à gratia cooperante, & ita intelligit Augustinum dicto lib. de grat. & lib. arb. c. 17. dicentem, Deum operari in nobis sine nobis, ut velimus,

3. Satisfactio obiectioni.

4. 2. Obiectio, sequeretur primum actum esse à gratia cooperante, quod falsum est. D. Thom.

Idem.

Augustin.

L scilicet

scilicet primum velle. Cùm autem volumus, & ita volumus ut faciamus, cooperari nobiscum, id est, quando volumus eligendo media efficaciter, & constanter exequendo illa.

5. Eandem doctrinam habet D. Thom. in 2. d. 26. q. 2. art. 5. eamque sequitur Caiet. dicto art. 2. in prima responsione, & expositione sua; addit verò in secunda, gratiam operantem versari circa actus, qui non sunt meritorij de condigno, quia non procedunt ab habitibus; gratiam verò cooperantem dari ad actus meritorios. Hoc tamen posterius nec in D. Thoma habet fundamentum, quod ego videam, neque est vsitatus ille modus loquendi, ideoque admittendus non est. Eandem verò doctrinam simpliciter sequitur Soto lib. 1. de nat. & grat. c. 16. ubi etiam August. ad eundem sensum trahit. Imò etiam Bellarm. lib. 1. de grat. & lib. arb. cap. 14. eandem sequitur sententiam, licet in verbis discrepet à D. Thoma, quia putavit illum de proprijs externis actibus fuisse loquutum. Et hæc sententia abutuntur aliqui ex hæreticis huius temporis, qui licet generaliter non consentiant cum Caluino, & Luthero in neganda libertate, tamen primum actum conversionis dicunt non esse liberum, quia est à sola gratia operante, & ita non fit à nobis. Quapropter licet inter Catholicos in hoc non sit in re dissensio, & ideo in illa explicatione gratiæ operantis, fortè sit solum contentio de verborum usu; nihilominus, hoc tempore cautè loqui oportet, temque ipsam latius explicare.

6. Persistendo igitur in sententia posita in capite precedenti, dico primum actum dilectionis Dei super omnia, vel conversionis liberæ animæ in Deum, vel in quemcunque pium finem, non solum à gratia operante, sed etiam à cooperante. Prior pars sine controuersia admittitur, & ideo ut alteram probem, suppono, huiusmodi actum esse perfectè voluntarium, ac liberum, ideoque & à nostra voluntate & effectiue, & cum dominio fieri. hoc est de fide definitum in Tridentino, & infra est late tractandum. Vnde certum etiam est voluntatem non ita moueri ab alio, in illo actu, quin etiam ipsa se moueat. & physicè, & aliquo morali modo: physicè quidem, quia in se efficit motum illum, nihil enim aliud est mouere se, vel alium, quàm in se, vel in alio efficere motum. Moraliter verò, quia liberè se mouet, & motio libera moralis est, & ideo talis actus potest esse meritorius de condigno, & in puero baptizato perueniente ad usum rationis; vel saltem potest esse moralis dispositio, ut constat. Hinc ergo concludo talem actum esse propriissimè à gratia cooperante, quia sine illa nihil supernaturale potest voluntas nostra liberè operari, quod etiam patet ex verbis illis Concilij Tridentini cap. 5. ad conuertendum se ad suam ipsorum iustificationem, eidem gratiæ liberè assentiendo, & cooperando disponuntur. Ecce ad vicinam dispositionem gratiæ cooperatur peccator; cui autem cooperatur, nisi gratiæ? Ergo illa dispositio est à gratia cooperante: est autem illa dispositio actus in finem tendens, ut constat; ergo. Idem confirmant verba can. 3. in quo actus amoris Dei, & conversionis dicuntur esse à gratia adiuvante, quæ eadem est cum cooperante, ut ostendimus.

7. Ex Tind.

7. Præterea hanc fuisse mentem, & sententiam Augustini probamus ex illa sententia eius 22. quam vsurpauit Arausicanum cap. 9. *Quoties bona agimus, Deus in nobis, & nobiscum, ut opere-*

A mur, operatur. per quæ verba concursus gratiæ operantis, & cooperantis, declaratur, & ad omnia opera bona, id est, pietatis postulatur. Inter illa autem bona maximè computatur ipsa conuersio, & liber concursus ad vocationem, de quo consensu apertè loquitur August. lib. 2. contra 2. epist. Pelagian. cap. 2. cùm dicit: *Quamuis nisi adiuvante illo, sine quo nihil possumus facere, os non possumus aperire, tamen aperimus illius adiumento, & opere nostro.* Aperire autem os vocat, consentire primæ gratiæ vocanti: vnde subdit, nam quid est præparare cor, & os aperire, nisi voluntatem præparare; ergo illamque prima conuersio & dispositio fit à Deo adiuvante; ergo Deo cooperante. Est ergo ille actus etiam à cooperante gratia. Præterea in lib. de grat. & lib. arb. cap. 17. loquens de primo amore, vel imperfecto, vel perfecto Dei, dicit. *Quis parum dare cooperat charitatem, nisi ille qui preparat voluntatem, & cooperando perficit, quod operando incipit. Quoniam ipse ut velimus, operatur incipienti, qui velentibus cooperatur, perficiens.* Dicitur autem homo simpliciter velle, quod libera, & efficaci voluntate vult; ergo talis voluntas etiam si sit prima, est à gratia cooperante. Vnde è conuerso quoties actus est à sola gratia, dicitur fieri à solo Deo, quia non fit à nobis liberè, nam statim subdit, *ut velimus*, sine nobis operatur; ergo è contrario quando actus est liber, etiam si sit primus, est à gratia cooperante. Et ideo adiungit, *cum autem volumus, & sic volumus, ut faciamus*, id est, cùm efficaciter volumus, nobiscum cooperatur. Et tandem concludit, *tamen sine illo vel operante, ut velimus, vel cooperante cum volumus, ad bona pietatis opera nihil valemus.*

Et in eadem sunt sententia Prosper 2. de vocat. gent. c. 9. aliàs 26. & Anselm. in id 1. Corinth. 13. *Non ego, sed gratia Dei mecum*, & optimè Bernard. in lib. de grat. & lib. arb. in principio, ubi sic inquit. *Gratia operantis salutem cooperari dicitur liberum arbitrium, dum consentit, hoc est, dum saluatur.* Consentire enim saluari est, utique secundum præsentem iustitiam, vel si perseveratur. Igitur omnis consensus liber, & supernaturalis præstitus gratiæ vocanti, seu operanti, siue sit penitencia, siue amor Dei, siue ipsa voluntas credendi, est à gratia cooperante, quia non cooperatur lib. arbit. nisi gratiæ, ut sæpe dictum est. Vnde tacitè Bernardus exponit Aug. ut quoties dicit, Deus operando incipere salutem in nobis, intelligatur de initio illo gratiæ vocantis, quod antecedit consensum, quia cùm adest consensus, iam non est tantum initium salutis, sed salus ipsa, & ideo iam non solum Deus operatur, sed etiam nobiscum cooperatur; & ideo quoties Aug. soli Deo tribuit operari, ut velimus, loquitur de operatione per illuminationem, & inspirationem, per quam moraliter Deus operatur, ut velimus, etiam si nos nondum velimus, donec liberè consentiamus.

9. Vnde etiam fit, gratiam operantem, non solum dari ad primum velle, seu ad intentionem finis, sed etiam ad electionem mediorum, & ad externos actus, seu volitiones efficaces eorum. quod probatur ex Aug. de dono persever. c. 13. dicente: *Nos ergo volumus, sed Deus in nobis operatur & velle; nos ergo operamur, sed Deus in nobis operatur, & operari pro bona voluntate.* Et ita loquitur Scriptura, *faciam ut faciatis, & in preceptis meis ambulati.* quæ verba & opera externa, & voluntates eorum, seu mediorum comprehendunt. Denique ex tota doctrina Augustini, q. 2. ad Simplician. & de spirit. & liter. cap. 34. & alijs locis, quæ infra tractando

8. Confirmatur ex Prosper. Anselm. Bern.

9. Gratia operans datur ad finem & media. Augustin.

tractando de gratia efficaci ex professo ponderabimus, constat gratiam illam, qua Deus facit, ut velimus, vel ut operemur, operantem esse; ergo gratia operans non solum ad internum velle per modum intentionis, sed etiam ad voluntatem exequentem, & operantem est necessaria.

10. Omnes actus supernaturales sunt ab utraque gratia operante, & cooperante, sed diuerso respectu.

Quapropter non sunt ita distinguendae istae duae gratiae, ut quidam actus supernaturales sint ab vna, & quidam ab alia, sed ita ut singuli sint ab utraque, diuerso tamen modo, nam ab operante sunt praenueniendo, & inspirando, ut velimus, & faciamus: à cooperante autem simul influendo cum voluntate, quando liberè velle incipit. Et ideo quoad hoc non oportet distinguere inter actus supernaturales, & antecedentes iustificationem, quia non solum dispositiones proximae, sed etiam remotae ad iustitiam, quatenus sunt actus liberi supernaturales à gratia cooperante, sint simul cum operante, ut constat ex dictis. Et similiter non est necesse distinguere inter actus meritorios, vel non meritorios, quia si sit sermo de merito de congruo in omnibus actibus liberis, & supernaturalibus, seu ex fide procedentibus, inueniri potest, iuxta doctrinam Aug. epist. 105. Si verò sit sermo de condigno, dispositiones saltem remotae ad iustitiam non sunt meritoriae de condigno, neque vltima ut ordine naturae antecedat gratiam, & tamen sunt ab utraque gratia, ut ostensum est. Fructus etiam iustitiae, qui sunt meritorij de condigno, non solum sunt à gratia cooperante, sed etiam ab operante, seu antecedente, ut loquitur Tridentinum sess. 6. cap. 16. Quae omnia sunt consentanea his quae supra de gratia excitante, & adiuvante diximus. & ex illis necessariò consequuntur, cum haec gratiae respectu eadem sint, ut etiam docuimus.

Augustin.

Tridentin.

11. Ad objectionem ex S. Thoma.

Ad objectionem ergo concedimus sequelam, & ad D. Thom. respondemus, nunquam negasse doctrinam traditam, quatenus ad rem ipsam spectat. Nam q. 109. art. 6. expressè docet hominem disponere se vltimatè ad gratiam per liberum arbitrium cum gratia Dei: idem autem est se disponere, quod se mouere, & q. 113. art. 6. & 8. inter requisita ad iustificationem ponit motum lib. arbitr. qui rectè non potest esse ab ipso, nisi cooperante gratia Dei. Igitur in alio loco solum explicuit voces operantis, & cooperantis gratiae secundum aliam considerationem, & alium loquendi modum moraliter, & physice accommodatum. Nam licet voluntas in omni actione libera se physice, & moraliter moueat, quasi per antonomasiam dicitur se mouere moraliter, quando non solum actionem, sed etiam principium actionis à se habet. Arque hoc modo dicitur se mouere in deliberationibus circa media, cum ex praconcepto fine ad consultandam de medijs se applicat: & in sensu huic opposito dicitur non se mouere in prima intentione finis, non quia non efficiat liberè illum intentionis motum, sed quia illum elicit ex inclinatione, & motione accepta ab auctore naturae, vel gratiae. Et cum ea proportionem dicitur ille primus actus, etiam si liber sit esse peculiari modo à gratia operante, comparatione aliorum, qui sunt circa media eligenda, vel exequenda, non quia non sit etiam à gratia cooperante, sed quia in eo maiorem vim, & efficaciam habet instinctus, & distinctio gratiae operantis; & cum eadem proportionem alij actus dicuntur esse à gratia cooperante, non quia non etiam fiant in virtute operantis gratiae, sed quia non ita proximè, & immediatè sunt ab illa, sed mediante intentione, deliberatione, ac consulta-

Fr. Suarez de Gratia Pars I.

tionem, quae cum operante gratia fiunt. In hoc ergo sensu sustineri potest ille modus loquendi D. Thomae, de quo iterum in sequentibus redibit sermo. Accipiendus verò est, ut dixi, per quandam vocum extensionem, seu accommodatorem, nam proprius sensus sine dubio est, quem antea exposuimus.

Tertia difficultas est, quia gratia operans apud Aug. est illa, quae efficaciter applicat voluntatem ad velle, ut ex locis citatis constat: sed gratia excitans non ita applicat voluntatem; ergo non sunt idem. Propter hoc Greg. in 2. d. 28. q. 1. concl. 1. & 3. & d. 12. dicit gratiam operantem non esse excitantem, neque etiam adiuvantem, sed quandam gratiam mediam, quam possumus vocare applicantem, quia secundum illam datur ad applicandam voluntatem excitatam, ut cum effectu velit, & quia solus Deus est, qui applicat illam cum efficacia, ideo talis gratia dicitur operans. Cum qua opinione Greg. in re videtur coincidere recentiorum sententia, de auxilio ita efficaci, ut physice praedeterminet voluntatem, quod necessarium esse dicunt ad omnes supernaturales actus, & à solo Deo in nobis fieri. Et ideo dicunt gratiam operantem esse, vel solum illud auxilium physice praedeterminans voluntatem, vel certè illud esse operans, quasi per antonomasiam, & ad hoc significandum vocant illam gratiam praepotentem, quae vox apud Aug. (ut ego sciam,) non inuenitur, sed semel apud Prosperum in epistola ad August. ut supra notavi. Vnde inferunt gratiam operantem realiter distinguere ab excitante, tum quia excitans non ita determinat voluntatem, sed operans illi additur, ut consentire faciat voluntatem; tum etiam, quia excitans gratia non efficit physice consensum liberum: gratia verò operans illum physice facit, & facere facit. Vnde consequenter hanc eandem gratiam dicunt esse operantem, quatenus à solo Deo fit; cooperantem verò quatenus consensum simul cum voluntate facit. Arque ita concludunt operantem & cooperantem gratiam nec in re distinguere, & indicant nunquam separari.

12. Obiectio. Gratia operans applicat efficaciter voluntatem ad velle, ex Augustino, quod non facit gratia excitans, ergo non sunt idem.

Greg.

Sed haec parum obstant doctrinae datae in praecedenti capite. Nam opinio Gregorij in primo libro à nobis reiecta est; altera verò sententia de gratia praepotentem efficaciter ac physice praedeterminante in lib. 5. ex professo tractanda, & impugnanda est. Nunc breuiter ad ea quae P. Aluar. in disp. 81. tangit, respondebo. Et in primis dico ipsum non posse consequenter negare gratiam operantem esse gratiam excitantem. Nam in disp. 74. n. 4. dixerat primam gratiam praenicientem, & excitantem non esse actum vitalem: illa autem gratia, si datur, est gratia operans sine dubio, quia est gratia actualis, quae solus Deus operatur in nobis, quod ipse fateretur sufficere ad gratiam operantem; ergo illa gratia operans, & omnis similis motio praevia virtuosa, & efficax, ut ille loquitur, est gratia excitans.

13. Reiecitur haec sententia.

Aluar.

Vnde fit vltimò nunquam distinguere realiter gratiam operantem ab excitante, quia operans semper est excitans, iuxta illius sententiam; & è contrario gratia excitans semper est operans. Nam esto detur aliqua gratia operans, quae sit etiam physice cooperans, vel praedeterminans voluntatem, non tamen propterea dicendum est hoc esse de ratione gratiae operantis, ut sic, quia sine vlla dubitatione actus vitalis gratiae excitantis, sunt auxilia gratiae operantis. Nam Augustinus, Prosper, Bernardus, & alij Patres, imò Con-

14. Nunquam gratia operans distinguitur ab excitante.

L 2 cilia



cilia Tridentinum, & Arausicanum per illos actus dicunt Deum operari in nobis, sine nobis, & omnes moderni Scriptores hos actus in primis ponunt inter gratias operantes, vt videre præcipue licet in Soto, Bellarmino, Stapletonio, Valentia, & Vega. Licet enim interdum alias significationes, vel etiam alios modos gratiæ operantis admittere videantur, nihilominus primo loco sub eo genere ponunt motus gratiæ excitantis; ergo semper gratia excitans est operans, & conuerso. Vnde vltcrius fit non rectè dici, eas realiter distinguì, nisi fortè eo modo, quo vna gratia excitans potest ab alia realiter distinguì, nisi fortè eo modo, quo vna gratia excitans potest ab alia realiter distinguì, quia etiam potest differre in modo excitandi, & operandi iustificationem.

15.  
Confirmatur.

Addimus verò vltcrius nullam talem dari gratiam operantem, quæ propriè, & vitaliter excitans non sit; negamus enim dari motionem illam, vel auxilium efficax prædeterminans, quod ex parte in fine huius libri probabimus, quatenus id tribui solet concursui generali Dei, partim in lib. 5. quatenus id spectat ad proprium gratiæ auxilium, quod efficax dicitur; de quo vt præueniens est, ibi ostendimus non esse necessarium, vt physicè nos faciat consentire, vel vt ipsum consensum physicè efficiat, sed sufficere vt moraliter id faciat; nam physicum principium aliud est, vt suprà cap. 18. ostensum est: præter principium autem, seu actum primum physicè cooperantem ad actum, non est necessarium aliquid aliud physicè concurrens præter Deum ipsum, per simultaneum concursum influentem, vt in discursu huius libri ostendam. Nec huic doctrinæ obstat, quod eadem gratia operans, possit fieri cooperans, quia in gratiis actualibus satis est quod moraliter cooperetur, sicut de fide dixit Iacobus cap. 2. & Trid. sess. 6. cap. 10. cooperari operibus iustorum, & sicut suprà diximus, excitantem gratiam moraliter iuuare, nam eodem modo loquendi est gratia cooperans, quæ nullo modo dici potest operans, scilicet ipsum actuale auxilium imbibitum in actione nostra, qua Deus operatur nobiscum: nam illud esse non potest sine nobis cooperantibus, & ita nullo modo potest esse gratia operans, sicut etiam ita est adiuuans, vt non sit excitans; & sic in omnibus seruant illæ gratiæ proportionem, vt diximus.

Jacob.  
Trident.

16.  
Gratia operans non est perpetuò efficax.  
Aluarez.

Addo denique, gratiam operantem non semper esse efficacem: nam inde fieret esse inseparabilem à consensu, quod dici non potest. Probat sequela. Primò ad hominem contra P. Aluarez, quia ille affirmat gratiam operantem physicè infundi ante gratiam excitantem: at gratia excitans potest esse inefficax; ergo quoties gratia excitans est inefficax, etiam prior gratia operans est inefficax. Dicit fortè illam gratiam operantem esse tunc inefficacem ad consensum, non verò ad ipsam excitationem; sed hoc in primis nihil est, nam etiam ipsa gratia excitans est efficax ad excitandum. Deinde ipse in secunda conclusione expressè loquitur de efficacia ad consensum efficiendum, & determinandam voluntatem, vt illum præbear, & absolutè docet gratiam operantem habere illam efficaciam. Non est ergo illa efficacia de ratione gratiæ operantis, quidquid nunc sit, an aliqua gratia operans possit illam habere. Obiter tamen aduerto cauendum esse aliud extremum dicentium gratiam operantem esse inefficacem, & solam cooperantem esse efficacem, quod sentit Palaci, in 1. dist. 26. dum ait Deum mouere

Palaci.

A voluntatem efficaciter, & inefficaciter, & quando mouet efficaciter, gratiam esse operantem, quando inefficaciter, gratiam esse cooperantem. Sed licet hoc posterius verum sit, quia gratia cooperans inuoluit hominis cooperationem, & ideo quantum ad illum actum, propter quem datur, semper est efficax. Nihilominus illud prius non est verum, quia gratia operans abstrahit ab efficaci, & inefficaci, sicut gratia excitans, vel vocatio, vt in lib. 5. ex professo probabimus.

## C A P V T XXII.

### Augustini sententia de gratia operante, & cooperante, ampliùs examinatur.

Q Varta difficultas sumi potest ex celebri testimonio Augustini lib. de Grat. & lib. arb. cap. 17. quod censetur esse præcipuum huius diuisionis fundamentum. Vbi autem prius dicit, eum, qui vult seruare præceptum, & non potest, habere voluntatem paruum, seu inuolidam, quam vocat imperfectam charitatem; eum verò, qui & vult, & potest seruare præceptum, habere voluntatem robustam, quam e conuerso perfectam charitatem appellat. Et statim subiungit: *Quis istam, etsi paruum, dare caperat charitatem, nisi ille, qui preparat voluntatem, & cooperando perficit quod operando incipit? Quoniam ipse ut velimus operatur incipiens, qui volentibus cooperatur perficiens: propter quod ait Apostolus, Certus sum, quoniam qui operatur in vobis opus bonum, perficit usque in diem Christi Iesu. Vt ergo velimus, sine nobis operatur: cum autem volumus, & sic volumus, ut faciamus, nobiscum cooperatur: tamen sine illo, vel operante, ut velimus, vel cooperante cum volumus, ad bona pietatis opera nihil valeamus. De operante illo, ut velimus, dictum est. Deus est enim qui operatur in nobis, & velle, de cooperante illo, cum iam volumus, & volendo faciamus: scimus (inquit) quoniam diligentibus Deum omnia cooperantur in bonum.* Videtur ergo ex sententia Augustini gratia operans, & cooperans non distinguì, nisi quia operans præbet charitatem, vel voluntatem imperfectam, cooperans autem perfectam. Quo testimonio aliqui moderni ad id asserendum conuincuntur, & consequenter addunt priorem charitatem dici esse à gratia operante, quia prima gratia sine meritis datur; posteriorem verò esse à gratia cooperante, quia perfectio charitatis sub meritum cadit. Et videtur esse expositio consentanea verbis Augustini, quia charitas imperfecta non est motus indeliberatus, sed liber, qualis fuit in Petro, quando dixit Christo, *Si oportueris me mori secum, non te negabo.* quo exemplo vtitur Augustinus: & tamen illam charitatem imperfectam tribuit gratiæ operanti; ergo per gratiam operantem non intelligit motus indeliberatos gratiæ excitantis, sed motus liberos imperfectos, qui sub meritum non cadunt.

Hæc tamen expositio, neque veram doctrinam continet, neque consentaneam alijs locis Augustini. Vnde necesse locum illum aliter interpretari. Primum probo quod iuxta illam expositionem Augustinus loquitur de charitate habituali perfecta, vel imperfecta, vel de actibus charitatis perfecto, vel imperfecto. Primum membrum insinuat

1.  
Verba Augustini quæ faciunt difficultatem.

Prima expositio, Gratia operantem esse motus liberos imperfectos, cooperantem esse motus liberos perfectos & meritarios.

2.  
Reiicitur illa expositio. Primo si agatur de habituali charitate perfecta, & imperfecta.

nuat ille auctor cum probat charitatem imperfectam fieri in nobis à Deo sine nobis, quia prima gratia absque meritis datur, non enim loqui potest de gratia actuali, quia hæc est gratia excitans, quam ipse excludit; ergo necesse est ut de habituali loquatur. Vnde consequenter subdit charitatem perfectam cadere sub meritum, quia augmentum gratiæ ex meritis datur, quod planè intelligitur de gratia habituali. At idem paulo inferius dicit, alienum fuisse à mente Augustini diuisionem illam accommodare ad gratiam habitualement, quod & nos supra diximus, & est euident, saltem in dicto loco Augustini, quia manifestè de actibus loquitur. Item, quia si de habitu loqueretur, non potuisset cum fundamento dicere, Petrum, cum dixit Christo, *Si oportueris me mori tecum, non te negabo* habuisse habitum charitatis adeo imperfectam, ut nullum eius, vel gratiæ augmentum per sua merita esset consequutus: nam poterat habere gratiam habitualement valde perfectam, & nihilominus in illa non perseuerare, sed Christum negare. At denique, quia licet de habituali charitate loqueretur, non verè diceret Augustinus; neque consequenter in doctrina sua, imperfectam, vel primam gratiam fieri in nobis sine nobis, id est, sine vilo merito nostro. Quia illa particula *sine nobis*, relata ad meritum, non solum excludit meritum de condigno, sed etiam de congruo. Additur enim ab Augustino, & Concilio Arausicano illa particula ad reprobandum Semipelagianorum errorem, qui meritum aliquod primæ gratiæ, & initij nostræ salutis ponebant, & ideo non satis reprobatur, nisi excludendo omne meritum, etiam de congruo ab initio salutis, ut in quinto Prolegomeno visum est, & in libro sequenti latius dicitur. At verò juxta doctrinam Augustini epist. 105. prima gratia habitualis, & remissio peccatorum non comparatur sine aliquo merito impetratorio per fidem; ergo non poterat de illa intelligere Augustinus, quod fiat in nobis, sine nobis, respectu meriti.

3. Si agat de actu charitatis perfecto, & imperfecto.

Superest ergo, ut Augustinus in illo loco de actu charitatis perfecto, vel imperfecto loquutus fuerit. Hoc autem posito non rectè probatur charitatem imperfectam fieri in nobis sine nobis, quia prima gratia non cadit sub meritum. Quæ est enim hæc illatio, aut connexio? Nam licet prima gratia habitualis infundatur nobis sine merito de condigno, nihilominus potest in nobis præcedere imperfectus motus charitatis meritorius de congruo, & ante illum motum charitatis præcedere motus spei, vel fidei, qui potest esse meritum de congruo auxiliij ad illum motum charitatis imperfectum; ergo illa ratione non potest dici fieri in nobis sine nobis, & consequenter neque potest dici gratia operans in illo sensu. Rursus etiam motus perfectus charitatis, & super omnia non cadit sub meritum de condigno, quia potest natura antecedere habitualement gratiam, sine qua non est meritum de condigno; potest enim ille amor perfectus per præcedentia opera ex fide, & auxilio gratiæ facta non sine aliquo merito impetratorio obtineri; ergo non magis fit in nobis sine nobis, quàm motus imperfectus; ergo non magis vnus, quàm alter est ex gratia operante, vel cooperante. Dicitur fortè omnem motum charitatis, qui non fit ex habitu, vocari imperfectum, & è contrario omnem qui ex habitu charitatis, dici perfectam charitatem. Sed hoc neque euitat difficultatem, neque explicat

Fr. Suarez de Gratia Pars I.

A Augustinum; tum propter rationem factam, quòd motus liberi charitatis præcedentes habitum, cuiuscumque perfectionis sint, non sunt sine nobis, etiam relati ad meritum aliquod, tum etiam, quia Augustinus, ut dixi, nihil de habitu loquutus est. Vnde non considerauit, an actus procedat ex habitu, nec ne, ut illum perfectam, vel imperfectam charitatem vocaret. Denique etiam si actus procedentes ex actu charitatis sint ipsi meritum de condigno; nihilominus non cadunt sub meritum de condigno, & possunt cadere sub meritum de congruo, & ita non magis sunt sine nobis, quàm actus præcedentes habitum; nullo enim modo potest expositio, & sententia illa vera esse, aut Augustino accommodari.

B Accedit quòd iuxta illam gratia operans non esset necessaria ad omnes actus pietatis, quod supra ostensum est falsum esse, & contra eundem Augustinum, & Concilium Arausicanum can. 9. dicens, *Quoties bona agimus, Deus in nobis, atque nobiscum, ut operemur, operatur*. Sequela pater, charitas imperfecta iuxta illam expositionem, est ex gratia operante, & non cooperante; quia fit in nobis sine nobis, & nihilominus dicitur esse actus liber, bonus, ac pius; & licet dicatur esse imperfectus, non potest illo titulo excipi à generali doctrina Concilij, quæ cum sit contra Semipelagianos, tam imperfectos, quàm perfectos actus, comprehendere necesse est, aliàs non satis damnasset Semipelagianos, qui solum actus imperfectos sibi tribuebant. Vnde etiam constat illam particulam *sine nobis*, non rectè explicari solum respectu meriti, quia excludit etiam cooperationem liberam: nam quoties nos liberè cooperamur, non dicitur Deus agere in nobis, & nobiscum, ut ibi loquitur Concilium. Vnde August. q. 1. ad Simplicianum, dicit ideo Deum incipere operari in nobis, quia non est in potestate hominis ut cogitatio, & vocatio ad ipsum perueniat. Et sic etiam de dono perseuer. cap. 3. *non esse in potestate nostra car nostrum*; ideoque indigere diuino auxilio, utique operante, & lib. de spirit. & liter cap. 94. in vniuersum dicit Deum operari ipsum velle, præueniendo voluntatem per vocationem: consentire autem vocationi semper esse propriæ voluntatis, utique cum operante gratia. In omni autem actu libero voluntatis siue perfecto, siue imperfecto, est aliquis consensus, quia est aliqua determinatio libera; ergo si actus est pietatis, semper fit per gratiam cooperantem, & supponit operantem. Ergo è contrario gratia purè operans non est nisi in actibus, non liberis, quales sunt gratiæ excitatis, ut iam declarauimus.

4. Gratia operans non esset necessaria ad omnes actus pietatis. Conc. Araus. sic.

August.

D Dico ergo in primis, licet ibi Augustinus de charitate imperfecta loqui videatur, tamen id solum esse veluti causa exempli, & doctrinam generaliter accipiendam esse de omni bona voluntate, quam in principio capitis, *voluntatem faciendi Dei mandatum*, appellauit. Et ratio est clara, quia gratia operans, & cooperans, non sunt necessariæ propter solos actus charitatis, sed propter omnes actus pietatis, ut sæpe dictum est, & probatum. Deinde probabile est per voluntatem imperfectam intelligere Augustinum simplicè affectum, non liberum ad bonum à solo Deo immisum, iuxta quem sensum facilè expeditur difficultas, quia ille est gratia operans, & dicitur imperfectus, quia non est liberè conuerso autem liber omnis actus qualiscumque sit, ex ea parte qua liber fit, est actus humanus, & ideo voluntas perfecta nominatur. Potestque hoc suaderi, quia nisi hoc modo

5. Vera mens Augustini de omni bona voluntate.

L 3 locum

locum illum explicemus, vix potest distinctio illa voluntatis, vel charitatis parue, & magnæ de actu voluntatis cum certitudine, vel cum sufficienti coniectura declarari. Nam voluntas non dicitur ab Augustino magna, vel parua ex parte obiecti, quia circa idem obiectum, scilicet facere mandatum, vel ponere animam pro Christo, illam duplicem voluntatem distinguit, eamque dicit fuisse magnam in Martyribus, qui magnum illud mandatum fecerunt, parua autem in Petro, qui id volebat, quando dicebat, *animam meam pro te ponam*, & postea non fecit.

6.

Quomodo  
distinguitur  
ab August.  
parua & ma-  
gna chari-  
tas.

Distinguntur ergo illæ duæ voluntates ex modo sciendi in illud obiectum. Quis est igitur iste modus, si uterque actus liberasse supponitur? nam quod una voluntas sit constans, & non alia, non satis indicat imperfectionem in ipso actu, pro tempore quo fit, sed in optante illam ostendit. Hoc tamen non satis est, ut diuersa gratia operans ad talem actum necessaria sit. Si verò dicamus voluntatem perfectam dici, quæ est per actum absolutum; imperfectam, quæ per conditionatum, velleitatem vocant. In primis non constat exemplo Petri, quod Augustinus adducit, nam Petrus tunc propositum ex se absolutum habuisse videtur, licet postea illud mutauerit. Et deinde etiam desiderium sanctum, licet non sit omnino absolutum, non sit liberè sine cooperante gratia. Denique si (ut alij volunt) per voluntatem imperfectam intelligatur voluntas intendens, per perfectam, voluntas vtens, & exequens; in primis incredibile est propositum seruandi mandata absolutum, & vniuersale vocari ab Augustino voluntatem imperfectam. Deinde etiam est incredibile, sensisse Augustinum talem actum fieri sine gratia cooperante, cum in cap. 16. dicat, petendum esse à Deo, ut tantum velimus, quantum necesse est, ut volendo faciamus.

Videtur ergo illa facilior, & expeditior intelligentia, ut voluntas parua dicatur illa simplex affectio, quam Deus per gratiam excitantem, quæ est etiam purè operans, solet immittere: voluntas autem perfecta sit volitio libera, quæ non dicitur perfecta, quia in se, & absolute semper talis sit, sed solum comparatione prioris, in qua gratia solum operatur, & nondum voluntati liberæ cooperatur. Obiici verò contra hoc solet, quia Augustinus dicit, gratiam operantem facere, ut velimus, quod intelligit non solum de affectu illo indeliberato, sed etiam de libera voluntate. Nam de hoc velle loquitur Paulus cum dicit, *Deum operatur in nobis velle*, & tamen de illo velle ait Augustinus fieri per gratiam operantem, cum ait, *De operante, ut velimus, dictum est, qui operatur velle*. Respondetur duobus modis fieri posse per gratiam operantem, ut velimus; vno modo formaliter imperfectè, & hoc confert gratia operans per se sola, & Deus infundendo illam dicitur facere, ut velimus. Et in hoc sensu videtur sumi ab Augustino cum dicit, *ut velimus sine nobis operatur*, quia de nullo libero velle id potest dici vere, ut iam ostendi. Alio modo potest gratia operans facere, ut velimus liberè, quod non facit formaliter, sed effectiue, siue physice, siue moraliter. Et hoc vltius subdistinguentium est. Nam gratia operans, ut supra tetigi, potest esse efficax, & inefficax, seu consequi effectum, & non consequi. Quando ergo non consequitur effectum bonæ voluntatis deliberatæ, dicitur facere, ut velimus utique quantum est ex se, & tunc particula, *ut velimus*, significat quidem effectum, non tamen iam factum, sed ut finem intentum per talem operantem grauiam. Et in hoc sensu, etiam est verum

7.

Parua &  
simplex af-  
fectio r-  
fecta autem  
volitio libe-  
ra.

A Deum operari in nobis sine nobis, ut velimus, licet non consequatur effectum intentum, quia nos non cooperamur. Quando verò talis gratia coniungitur effectui liberæ volitionis, & illam causat, tunc verè dicitur efficaciter facere, ut velimus, & Deus per illam dicitur operari nostrum velle liberum, cuiuscumque gradus, vel perfectionis sit: tunc autem talis gratia non manet in ratione solius operantis, sed transit in cooperantem, quia simul cum voluntate efficit illud velle. Et ita in hoc sensu dici non potest Deum in nobis sine nobis operari, ut velimus, quia nunquam inducit effectum liberæ voluntatis per solam gratiam operantem, sine cooperante, ut declaravi.

B

Atque hæc doctrina mihi quidem verissima videtur, & necessaria ad explicandas varias locutiones, & loca Augustini, ad quæ est cum magna discretionem, semperque attentè considerato contextu applicanda; unde quod ad præsentem locum attinet, in vno puncto mihi non satisfacit, nimirum, quod Augustinus per partiam charitatem, vel voluntatem intellexerit solum simplicem affectum non liberum à Deo immisum. Nam certè quando Petrus Christo dixit, *Animam meam pro te ponam*, actum liberum charitatis habebat, & tamen de illo ait Augustinus habuisse parua, & imperfectam charitatem. Concedo ergo etiam inter actus liberos charitatis, seu bona voluntatis, esse aliquos imperfectos variis modis supra tactis. Videtur autem Augustinus specialiter vocare dilectionem, vel voluntatem imperfectam illorum, qui rectè proponunt, & postea non implent, quod proponunt, de quibus dixit Christus, *Qui ad Luc. 8. 13. tempus credunt, & in tempore temptationis recedunt*.

C

Numquam verò dixit Augustinus, ut in obiectione supponitur, hanc voluntatem esse à sola gratia operante, sine cooperante, sed dixit, *Et quis istam esse parua dare cooperat charitatem, nisi ille, qui præparat voluntatem, & cooperando perficit, quod operando incipit*. per quæ verba voluit pungere Semipelagianos, qui dicebant quædam initia imperfecta voluntatis bonæ esse à nobis. Contra illos ergo ait, etiam initium illius parue charitatis fuisse ex Deo, qui incipit operando, & sic præparat voluntatem. Per hoc autem non excludit, quin etiam illi cooperetur in eodem actu libero, licet imperfecto, quia ex ea parte, qua liberè fit, aliquam perfectionem habet, & illam sine cooperatione Dei habere non potest. Illud autem initium operantis gratiæ, dicit esse ad velle, potius quàm ad operari, vel perficere, quia gratia purè operans, vel excitans primum omnium necessaria ad velle, & mediante illo potest sufficere ad faciendum, seu operandum, nisi in executione ipsa difficultas operandi crescat; tum enim noua gratia operans necessaria erit, ut homo non tantum velit, sed etiam operetur: quoties autem homo vult, vel operatur, sola operans gratia inchoat voluntatem, siue volentem, siue exequentem; neutram verò cum effectum inducit, nisi transeat in cooperantem, iuxta illud Augustini lib. de nat. & grat. cap. 31. *Operamur August. & nos, sed illo operante cooperamur, quia misericordia eius præuenit nos*.

E

Ita igitur intelligenda sunt verba, quæ in dicto capite 17. Augustinus subiungit. Ut ergo *velimus, sine nobis operatur*, utique quoad initium bonæ voluntatis, quod solus Deus facit, siue voluntas consentiat, siue non, & siue vel tantum imperfectè consentiat, siue etiam perfectè. Et ita est intelligendum quod

8.

Ex illa doctrina plura  
Augustini  
loca expli-  
cantur.

9.

Verba a. r.  
adducta ex-  
ponuntur

10.

Alia verba  
explicata



quod subdit. Cum autem volumus, & sic volumus ut faciamus, nobiscum cooperatur, id est, ipsemet Deus, & eius gratia operans, per quam solus in nobis operatur, ut velimus, nobiscum cooperatur cum volumus, atque etiam, cum ita volumus, ut faciamus. quia vel virtus primæ gratiæ operantis, ad omnia extenditur, vel noua additur, si ad constantiam, vel perfectionem in operando necessaria sit. Et ideo dixit in cap. 16. eiusdem lib. *Certum est nos mandata seruare, si volumus, sed quia prapatur voluntas à Domino, ab illo petendum est, ut certum velimus, quantum sufficit, ut volendo faciamus. Certum est velle, cum volumus, sed illo facit, ut velimus bonum, &c. Certum est nos facere, cum faciamus, sed ille facit, ut faciamus prebendo vires efficacissimas voluntati.* Ergo & velle simpliciter (ut sic dicam) & ita velle, ut faciamus, & seruamus mandata, est à gratia cooperante, per quam facit Deus, ut velimus, & ut faciamus, quamuis ipsi velle, & facere, id est, voluntatem proponentem, & exequentem, ipse etiam nobiscum cooperetur. Denique hanc esse Augustini mentem facile intelligit, qui alia loca eius suprà citata considerauerit, præsertim lib. 2. de peccator. meritis. & remissis. cap. 17. 18. & 19. de spirit. & liter. cap. 34. & q. 2. ad Simplicianum, & quæ in capite sequenti ex Gregorio, Bernardo, & aliis afferemus, hanc doctrinam confirmant, quam ipsos ex Augustino sumpsisse nemo in dubium reuocabit.

Augustin.

## CAPVT XXIII.

*Quid sit gratia praueniens, comitans, & subsequens, & quomodo ad excitantem, & adiuuantem comparentur.*

**H**Æc questio eodem ferè modo, quo præcedens, breuiter expediri potest. Dico ergo primò actuales gratias conuenienter illis tribus nominibus significari. Ita docent omnes Theologi, & patet primò, quia in Scriptura sit mentio harum gratiarum. Psalm. 58. *Misericordia eius praueniat me,* & Psalm. 10. *Præuenisti eum in benedictionibus dulcedinis,* & tamen Psalm. 22. dicitur, *Misericordia eius subsequetur me.* vox autem comitandi non inuenitur formaliter, in Scriptura tamen innuitur æquiuallenter, quoties Deus adiutor noster dicitur. Et maxime significata est à Paulo 1. Corinth. 15. in illa verba. *Non ego, sed gratia Dei mecum,* nam illa particula *meum*, concomitantiam indicat. Secundò Trident. sess. 6. cap. 5. dicens verbis illis, *Conuertere nos Domine, & conuertermur,* ait nos confiteri gratia Dei præueniri. Et ita ex illo loco gratiam præuenientem colligit, de qua dicit can. 3. *Si quis sine praueniens Spiritus sancti inspiratione.* Dum autem addit, *eiusque adiutorio,* comitantem indicat, de qua & de cæteris in cap. 16. expressè dixit, quæ virtus (scilicet gratiæ Christi) bona eorum opera semper antecedit, & comitatur, & subsequitur. *Et Ecclesia in quadam Collecta orat: Tua nos Domine gratia semper praueniat, & sequatur.* De concomitante autem videtur intelligi quod subditur. Ac bonis operibus iugiter præster esse intentos. Expressius verò de hoc tertio membro in alia collecta dicitur. *Quos celesti muneris munere, perpe-*

1. Gratia actualis in præuenientem, comitantem & subsequenter diuiditur, quod probat 1. ex Scriptura. David.

Paulus.

2. Ex Trid.

**A** Domine comitare præsidia, & alia statim afferemus, ex eadem Ecclesia, & Patribus.

Declaratur tandem ratione, quia ad salutem tria sunt nobis necessaria, initium salutis, consensus inuocationem, & conseruatio propositi, vel executio, vel etiam augmentum; propter initium ergo necessaria fuit gratia præueniens: ad consensum autem addenda fuit gratia comitans, quia sine Deo adiuuante, nihil possumus; ad reliqua verò necessaria fuit gratia subsequens, quia sine actuali influxu gratiæ, nec progredi, nec perseverare in salute inchoata possumus, & multo minus in illa crescere. Quam ferè ratione tradidisse videtur Bernard. lib. de grat. & lib. arbitr. versùs finem, dicens. *Si ergo Deus tria hæc (hoc est bonum cogitare, velle, perficere) operatur in nobis, primum profecto sine nobis, secundum nobiscum, tertium per nos facit. Siquidem immittendo bonam cogitationem nos præuenit immittendo etiam voluntatem, sibi per consensum iungit, ministrando & consensui facultatem forte per apertum opus nostrum interuenit episcopus innotescit. Sane ipsi nos præuenire nunquam possumus. Qui autem bonum neminem inuenit, neminem saluat, quem non præuenit? A Deo ergo sine dubio nostra sit salutis exordium, neque per nos excipit, nec nobiscum. Verum consensus, & opus, nisi non ex nobis, non iam tamen sine nobis.*

2. Ratione ex iis quæ nobis ad salutem necessaria sunt.

Bernard.

**C**Dico secundò gratiæ, quæ his vocibus significantur, quatenus internæ, & actuales sunt, in re non distinguuntur à gratia excitante, & adiuuante, sed connotant solum quasdam habitudines prioris, & posterioris. Sententia est communior Theologorum, cum Magistro in 2. d. 27. Probatur autem discutendo per singulas gratias prædictas. Nam in primis Concil. Trident. sess. 6. cap. 5. excitantem gratiam præuenientem appellat, dum ait, *exordium salutis sumi à praueniens gratia Dei,* hoc est, inquit, ab eius vocatione. Constat autem vocationem esse excitantem gratiam. Idem colligitur ex illa oratione Ecclesiæ. *Actiões nostras quasumus Domine aspirando præueni.* Ergo inspiratio est gratia præueniens: inspiratio autem gratia excitans est. Et eodem modo dixit Concilium Tridentinum dicto can. si quis. 4. sine præueniente Spiritus sancti inspiratione. Similiterque dixit Augustinus lib. 2. de peccator. meritis. cap. 17. & 19. Deum præuenire nos operando in nobis sine nobis, quod facit per gratiam excitantem, ut suprà vidimus. Idem habet q. 2. ad Simplicianum, & passim. Sic etiam Gregor. lib. 16. moral. cap. 11. dicit. *Si superna gratia mentem non præuenit, nunquam profectò inueniet innocentem.* Quomodo autem præueniat, declarat, dicens. *Superna pietas prius agit, aliquid in nobis sine nobis.* De comitante verò subdit. *Ut subsequente quoque nostro libero arbitrio, bonum quod appetimus, agat nobiscum.* Vnde lib. 17. cap. 9. aliàs 8. gratiam præuenientem dicit esse lumen diuinum, id est, illuminationem. Et lib. 18. cap. 23. aliàs 25. dicit, esse inspirationem diuinam. Similia reperientur in Bernardo suprà, & in Prospero, & Anselmo locis citatis capite præcedenti.

3. Hæc gratiæ non differunt ab excitante & adiuuante.

Magister. Concil. Trid.

August.

Gregor.

**E** Ratio item clara est, quia, ut statim dicam, illa habitudo prioritatis, quam declarat vox præueniens, sumi potest, vel in ordine ad consensum liberum, vel in ordine ad merita, seu bona opera, vel in ordine ad alias gratias. Omnibus autem his modis potest gratia excitans esse præueniens, quia præcedit consensum ad quem excitat, ut per se notum est, præcedit etiam omnia merita, ut suprà contra Semipelagianos probatum est. Denique

4. Ratione probatur de gratia præueniente.

que præcedit alias gratias ex genere suo, quia in toto ordine gratiarum excitans est prima. Est ergo omnibus modis præueniens. Simili modo gratia comitans, eadem est quæ adiuuans, de qua sub illa voce, ut supra dixi, rari loquuntur Patres, & ideo non afferimus eorum testimonia, neque sunt necessaria, quia ex terminis ipsis res est manifesta, quia non potest gratia liberum arbitrium adiuuare, nisi simul concurrat cum illo, & hoc est comitari illud: unde hæc habetudo concomitantiz ex parte gratiz habet pro termino, seu correlatio liberum arbitrium, seu influxum eius in eundem consensum. Quam concomitantiam optimè explicauit Bernardus in dicto libro, dicens: *Qui enim bono quod opere complens, voluntate consentiunt, opus omnino quod per eos Deus explicat, ipsis communicat. Unde Paulus cum bona plurima quæ Deus per ipsum fecerat, enarrasset, Non attendo, ait, sed gratia Dei mecum, potuit dicere, per me; sed quia minus erat, maluit dicere, mecum, præsumens se non solum operis esse ministrum per effectum, sed & operantis quodam modo socium, per consensum.*

De gratia subsequente est nonnulla maior dubitatio, quia aliqui significant constituere membrum tertium distinctum; sed reuera nihil tale necessarium est, imò nec faciliè cogitari potest. Suppono autem sermonem esse de interna, & actuali gratia, nam de influentia interna maximè loquitur Tridentinum in cap. 16. ubi illa tria membra posuit. Sic ergo gratia subsequens, non est nisi adiuuans, ut subsequitur excitantem, vel quodlibet auxilium quod post aliud & veluti ratione illius datur. Probat ex Augustino lib. de nat. & grat. cap. 31. ubi contra Pelagianos dicentes, *Nos ipsi nos ipsos iustificamus, ait, ubi quidem operamur & nos; sed illo operante cooperamur, quia misericordia eius præuenit nos: præuenit autem ut sanemur, quia, ut subsequitur, ut glorificemur præuenit, ut pie viuamus, quia sine illo nihil possumus facere.* Vbi videtur sub gratia subsequente comprehendere omnes gratias necessarias post primam vocationem, non solum ad benè operandum, sed maximè ad perseverandum vsque ad mortem. Et in idem reddit, quod ait in Enchirid. cap. 32. nolentem præuenit, ut velit; volentem subsequitur, ne frustra velit, id est, ut possit exequi, quod voluit, aut in incepto perseverare. Ad hoc autem solum indiget homo nouis auxilijs excitantibus, & adiuuantibus; ergo illa dicuntur subsequencia respectu primæ vocationis, vel primæ cooperationis gratiz, quæ etiam dici potest subsequens, respectu præuiz excitantis. Et ita ferè exposuit Gregor. homil. 9. in Ezechiel. in principio, dicens. *Ipse aspirando nos præuenit, ut velimus, qui adiuuando subsequitur, ne inaniter velimus, sed possumus implere, quod volumus.* Idem latè Fulgentius lib. 1. ad Monimum cap. 11. *Ipsa præueniendo misericorditer incipit, subsequendo custodit.* Et paulo post. *Præuenit donans homini bonam voluntatem, subsequitur benè volentem, operando in illo boni operis facultatem.* Et concludit, *Hoc igitur ipsa misericordia Dei, in homine subsequitur, quod præueniens ipsa largitur.* quibus verbis, & alijs, quæ subiungit, aperte sentit, subsequencia auxilia non esse, nisi quæ post præuenientem gratiam nos custodiunt, & adiuuant ad augmentum, & perseverantiam in iustitia, quæ non sunt nisi noua auxilia excitantia, & comitanti: nullum ergo nouum auxilium gratiz

per hoc tertium membrum superioribus additur.

Ut ratione hoc declaremus, aduerto, vocem illam *subsequens*, relationem posterioritatis dicere, ut per se manifestum est: potest ergo hæc relatio accipi respectu trium terminorum, quos paulo ante declaravi. Primò enim comparari potest ad præcedentem gratiam, & sic tam gratia comitans, quàm secunda præueniens potest rectè dici subsequens. Et de comitante videtur ita loqui Ecclesia in quadam oratione pro iter agentibus, dicens, *ut præueniente tua gratia dirigas, & subsequente comitari digneris.* nam gratia comitans, seu adiuuans semper supponit præuenientem, & ideo est subsequens respectu illius. Et ita in hac parte consentiunt etiam D. Thomas, & Theologi supra. Unde etiam patet secundam gratiam præuenientem dici posse subsequentem respectu alterius gratiz præcedentis, tam præuenientis, quàm comitantis. Loquor autem de secunda, quia prima non potest in hoc ordine dici subsequens, quia non datur ratione alterius, in quo differt à prima comitante, quia hæc datur ratione præuenientis, & quasi consequens ad illam, ut supra tetigi.

Secundò potest alia relatio sumi in ordine ad liberum consensum, & sic respectu vnius, & eiusdem consensus non potest gratia comitans, vel præueniens, quæ ad illum datur, esse subsequens, quia in nullo genere, aut modo est posterior, quàm vsus liberi arbitrij, ut sæpè dictum est. Et in hoc sensu dixit Augustinus, non posse gratiam esse pedissequam liberi arbitrij: tamen respectu talis consensus, etiam si primus sit, reliquæ gratiz quæ postea dantur, dici possunt subsequentes, quia sunt posteriores, & possunt dari ratione illius, quod non est inconueniens, quia ille consensus non est naturalis, sed gratuitus, quod statim magis patebit. Et eadem ratione si gratia præueniens & comitans, seu excitans, & adiuuans non comparantur ad consensum, propter quem dantur tantquam propter finem, siue effectum, sed ad alium præcedentem, sic dici possunt subsequentes respectu illius. Tertiò potest dici gratia subsequens respectu præcedentis meriti, vel dispositionis, quomodo frequenter loquuntur Patres, & sic constat multas gratias excitantes, & adiuuantes post primas posse esse subsequentes: nam possunt cadere sub meritum supposita priori gratia, ut sæpè etiam dictum est.

Ex his ergo rectè concluditur, gratiam subsequentem non esse auxilium distinctum ab excitante, & adiuuante; sed illa eadem ut habentia tales respectus illis vocibus nominari. Quod ratione dialectica declarari potest, nam respectu diuersorum, potest eadem res accipere denominationes relatiuas, quasi oppositas, ut patris, & filij, prioris, & posterioris; sic ergo eadem gratia potest dici præueniens, & subsequens, & comitans, quamuis adiuuet, & excitet. Denique si considerentur effectus, propter quos dari potest gratia subsequens, non inuenitur alius modus, quo possit illos efficere, nisi vel excitando, vel adiuuando: sed istæ gratiz actuales non dantur nisi propter suos effectus; ergo gratia subsequens actualis, & interna non datur, nisi ut excitet, vel adiuuet, vel ad bonum operandum, vel ad malum vitandum, siue hoc consideretur in singulis actibus, & occasionibus, præsertim post primum consensum liberum, siue in ipsa perseverantia; ergo non potest esse gratia

6. Gratia dicitur subsequens ratione præcedentis.

7. In ordine ad consensum.

8. Respectu meriti.

8. Ex his fit subsequens gratiam non distinguere ab excitante.

gratia distincta ab excitante, & adiuuante, ut etiam satis constat, licet hæc diuisio trimenbris videatur, nihil addere priori diuisioni auxiliij in excitans, & adiuuans, ideoque nihil ob stare quominus illa diuisio adæquata sit. Obiter tamen notari potest differentia inter illa membra: nam in ordine gratiarum praeuenientium dari potest aliqua, quæ sit purè praeueniens, quia in omni ordine prioris, & posterioris peruenitur ad primum, & proportionali modo potest dari gratia purè subsequens, quia potest dari vltima: comitans autem semper potest alios respectus participare, quia vel est subsequens respectu praeuenientis, vel potest esse subsequens respectu posterioris gratiæ, quamuis respectu cooperationis liberi arbitrij sit purè comitans, ut iam explicatum est, & in sequenti capite latius dicitur. Aduerto etiam non omnem gratiam, quæ post aliam datur, dici propriè subsequentem, sed illam quæ aliquo modo ratione prioris datur: nam si nullo modo sit ab illa, vel ratione illius, non dicitur propriè subsequens, nisi fortè in ratione temporis, quod est accidentarium, & non consideratur.

Præterea ex dictis inferri potest, gratiam subsequentem non dari tantum in hominibus iustis, sed etiam in peccatoribus, imò etiam in infidelibus, si ad fidem iam vocati sunt, vel aliquo modo praeueniunt, & cooperari incipiunt: patet facillè ex dictis, quia peccator per fidem potest impetrare auxilium ad poenitentiam petendo, & eleemosynas faciendo, ut Scriptura docet; ergo si tale auxilium impetrat, habet respectu fidei veram rationem gratiæ subsequentis. Et eadem ratio locum habet in homine vocato ad fidem, nondum planè conuerso: nam ex praeueniente gratia quam recipit, potest concipere aliquod bonum desiderium, quo paulatim disponatur; posterius ergo auxilium, quod illi homini datur intuitu dispositionis eius, & reuera gratia subsequens. Quin potius, ut dixi, ipsa gratia cooperans, quæ his hominibus datur, ut se remotè disponant ad gratiam, potest dici subsequens respectu excitantis, quæ præcessit; non est ergo gratia subsequens propria iustorum. Quòd si interdum Augustinus, vel Fulgentius locis citatis, tam specialiter iustis attribuire videntur, non ideo est, quia aliis nullo modo communicetur, sed id faciunt ad explicandam iustitiam semel comparatam, & auxilia, quæ dantur ad illam obtinendam, non sufficere ad salutem, sed etiam ipsos iustos indigere gratiis subsequentibus. Vnde non negant, imò à fortiori docent, eisdem auxiliis indigere peccatores, quamuis non sint illis ita debita, sicut iustis. Et ideo fortè etiam innuere voluerunt esse in iustis maiorem quamdam rationem, ob quam auxilia, quæ illis dantur, sint subsequentia, quia vel sunt debita, tanquam connaturalia gratiæ habituali, vel etiam, quia iniusti possunt multa auxilia de condigno mereri.

9. Sequitur 2. dari illam in iustis, & peccatoribus.

10. Non datur ad solam perseverantiam, sed ad quemcumque actum bonum.

Secundò sequitur ex dictis, subsequentem gratiam non tantum dari ad perseverandum, sed etiam ad quemcumque progressum faciendum in gratia quocumque modo inchoata. Hæc sequitur apertè ex præcedenti, quia ut fidelis peccator ad iustitiam ulterius progrediatur, & se disponat, nouo gratiæ auxilio indiget, quod respectu fidei subsequens est. & idem est de similibus. Et eadem vel maiori ratione non datur gratia subsequens tantum ad actus internos, seu ad executionem boni propositi, sed etiam ad interiores actus, & ad ipsum bonum propositum concipiendum. Probatum inductione facta, nam peccator, ut concipiat propositum poeniten-

tiæ, & se disponat, recipit gratiam subsequentem ad fidem, vel timorem. Et ita Trident. sess. 6. cap. 7. describens seriem, & ordinem iustificationis varios numerat actus, quorum vnus prior est alio, & ad singulos requiritur auxilium gratiæ, ut constat, & ideo auxilium datum ad posteriorem actum subsequens esse potest respectu actus præcedentis. Ratio verò est, quia hæc auxilia sunt, vel excitantia, vel adiuuantia, quæ recipiunt illas denominationes, quoties datur ratione prioris gratiæ, vel intuitu aliquis boni operis præcedentis.

Sed dicunt aliqui, præter auxilia, quæ dantur ad bonum incipiendum, necessarium esse, ut Deus etiam exterius ad executionem propositi, & consequenter ad opus externum præbeat occasionem opportunam ad bene operandum, & præterea ut auferat omnia impedimenta: nam hæc merito inter gratias computantur. Ergo rectè dicitur gratiam subsequentem addere huiusmodi bona vlti gratiam excitantem, & adiuuantem. Respondetur in primis hoc nihil ob stare, quia loquimur de gratia interna, ut in conclusione dixi: illæ autem gratiæ externæ sunt. Deinde dico etiam ad illas gratias externas posse, & debere doctrinam datam applicari, quia præparatio opportuna occasionis ad bene operandum, licet sit gratia subsequens respectu præcedentis propositi; tamen respectu operis, ad quod datur, reuera est gratia praeueniens, quia à Deo fit sine nobis. Quo modo rectè intelligitur illud Prouerbiol. 16. *Hominis est præparare animam, Dei autem gubernare linguam.* nam illam directio & gubernatio linguæ respectu præparationis est subsequens, & respectu locutionis est præuia, quia est solius Dei, ut in eisdem verbis planè indicatur. Vnde talis gratia poterit esse excitans eo modo, quo per externa verba homo excitatur. Ac denique si homo tunc operetur, etiam potest dici gratia adiuuans, quia non parum iuuat, vel carere impedimentis ex prauis occasionibus, vel bonas habere. Igitur quoad gratias externas, nulla est hæc differentia. Adde denique has gratias externas etiam ad concipiendum primum bonum propositum dari posse, & requiri, quia etiam congrua occasio exterior, & ablatio impedimenti multum conferre possunt ad bonum propositum concipiendum. Ideoque opportuna occasio audiendi verbum Dei, praeueniens gratia est, & ad excitantem pertinet, & ablatio impedimenti, quod posset idem propositum impedire, gratia est, quæ tale propositum comitatur, ut fiat; ergo non est cur inter conceptionem, vel executionem boni propositi discrimen vllum constituamus.

Tandem dixi in assertionem, *si loquamur de gratiis actualibus*, quia D. Thomas in dicto art. 4. etiam accommodat has tres voces ad gratiam habitualem, quod facile etiam fieri potest. Nam habitualis gratia, quatenus à solo Deo infunditur, & præcedit actus quos elicit, dici potest praeueniens; quatenus verò simul est cum actibus quos elicit, & ad illos cum voluntate cooperatur, potest dici gratia comitans, quia liberum arbitrium in operando comitatur. Eadem verò gratia, vel quoad infusionem ratione dispositionis præcedentis, vel quoad suum augmentum, quia datur ex merito de condigno, gratia subsequens dici potest. Hæc verò solum est accommodatio quædam per se probabilis, quamuis Augustinus nihil de illa tractauerit.

11. An gratia subsequens aliquid addat supra excitantem.

12. An hæc nomina gratiæ habituali accommodentur.



## CAPVT XXIV.

*Quomodo gratia praueniens, comitans, & subsequens ad operantem, & cooperantem gratiam comparentur.*

1. **Q**uestio hæc in sententia quam sequimur, nullam nouam difficultatem habet. Diximus enim gratiam excitantem & adiuuantem, cum operante, & cooperante respectiue conuerti. Vnde necesse est, vt eandem proportionem, seu habitudinem seruent ad praueniens, comitantem, & subsequentem. Quia verò moderni quidam aliter sentiunt, saltem de cooperante gratia, pauca de illa dicere necessarium existimauimus. Est ergo hoc tempore quorundam Theologorum sententia affirmans, non solum operantem gratiam, sed etiam cooperantem esse praueniens, & non simultaneam, seu comitantem, vel fortè etiam subsequentem. Vt autem intelligatur huius sententiæ sensus, aduertendum est non distinguere praueniens, & subsequentem gratiam per comparisonem ad alias gratias, sed per comparisonem ad efficientiam, & influxum liberi arbitrij. Nam priori modo fortè non negarent hi Doctores, posse cooperantem gratiam esse subsequentem, cum etiam gratia operans, imò & excitans (quæ secundum illos est distincta ab operante, & prior illa) possit esse subsequens ad priorem gratiam, imò & ad aliquod meritum quando non est prima in suo ordine, sed aliam supponit, vt ostensum est. Loquuntur ergo per comparisonem ad influxum liberi arbitrij, cum ipsamet gratia, & sic supponunt, gratiam operantem semper esse praueniens, de quo nulla est controuersia. Nam licet non eandem gratiam nomine operantis intelligamus omnes, (nos enim excitantem intelligimus, illi verò prædeterminantem physicè,) nihilominus qualiscumque sit, si est gratia operans, sine dubio præcedit ordine naturæ, seu causalitatis consensum liberi arbitrij, quia est causa eius; ergo de gratia cooperante difficultas superest.

2. **Q**uod etiam de gratia physicè cooperante intelligunt. *Aluarez Medina.* Probat 1. ex Scripturis. 2. Ex PP. *Gelasio.*

Ita tenet P. Aluarez, & solum citat pro sua sententia Medinam 1. 2. quæst. 111. art. 2. de cuius sententia infra dicam. Probat autem hæc sententia primò ex illo Pauli ad Philip. 2. *Deum est qui operatur in nobis velle, & perficere.* & Isaia 26. *Omnia opera nostra operatus es in nobis Domine.* quæ testimonia sine alia inductione proponuntur. Secundò ex Gelasio Pap. epist. 5. ad vniuersos Episcopos per Picenum circa finem, dicente. *Quis autem audeas dicere Christianus aliquid habere boni sine gratia? quando magister gentium clamat, cuncta breuiter in se bona concludens: Gratia Dei sum id quod sum, & gratia eius in me vacua non fuit. vt ostenderet, quia donum gratia non ipse præcesserit, sed fueris subsequens, atque monstraret cooperationem se esse gratia subsequendo; sed plus omnibus, inquit, laboranti. Ac rursus veritus ne de se presumptus videretur, adiungit Non ego, sed gratia Dei mecum. Non dixit, ego, & gratia Dei mecum, sed præposuit gratiam præcedentem se, atque subiungit. Si ergo liberum arbitrium subsequitur, gratia profectò antecedit cooperando eidem libero arbitrio, quia non potest arbitrium cooperando subsequi, nisi gratia cooperando antecedit.*

Tertiò probatur ex Trident. sess. 6. can. 4. defini-

A te. Si quis dixerit liberum arbitrium à Deo motum, excitatum nihil operari assentiendo Deo excitanti, atque vocanti, anathema sit. Nam si arbitrium cooperatur motum, præcedit motio; ergo præcedit gratia cooperans. Probat hæc vltima consequentia, quia illa motio non fit per solam gratiam excitantem, sed etiam per cooperantem & adiuuantem. Vnde idem Concilium cap. 5. non obscure significat etiam adiuuantem esse praueniens, cum tamen adiuuans gratia sit etiam cooperans.

3. Ex Tridentino.

Quartò additur Prosper in epist. ad Augustinum, ubi gratiam cooperantem præoperantem appellat, quia est praueniens. Et adiunguntur Patres, qui impugnant Faustum Rhegiensem, quia non admittebat gratiam cooperantem prauiam, sed comitem, & illi primas partes tribuebat. Ergo ex sententia Patrum necesse est gratiam concomitantem prauiam admittere.

4. Ex Prospero.

Quintò allegatur D. Thomas 1. 2. quæst. 111. art. 2. quia dicit, *in illo effectu, in quo mens nostra & mouet, & mouetur operatio, non solum attribuitur Deo, sed etiam anima, & secundum hoc dicitur gratia cooperans.* Ex quibus verbis colligit liberum arbitrium in eo effectu, qui gratia cooperanti attribuitur, moueri à Deo, & mouere seipsum; ergo gratia cooperans, in quantum cooperans mouet liberum arbitrium, & simul cum illo liberam operationem producit; ergo gratia cooperans, vt sic, præcedit ordine naturæ, & sic est praueniens, quia omne mouens, præcedit ordine naturæ motum suum.

4. Ex S. Thoma.

Sextò adduntur rationes. Prima, quia opus meritorium est effectus gratia cooperantis, sed in omni opere meritorio mens nostra mouetur physicè à Deo, iuxta id ad Roman. 8. *Qui spiritum Dei aguntur, hi sunt filij Dei;* mouentur enim vt agant, vt sæpe exponit Augustinus; ergo præcedit motio Dei qua aguntur; ergo præcedit gratia cooperans physicè, quia non solum moraliter, sed etiam physicè aguntur. Secunda ratio, quia gratia cooperans, seu Deus per illam non cooperantur vt duæ causæ partiales, sed vt totales, vnaquæque in suo genere; ergo gratia cooperans præcedit ordine causalitatis cooperationem liberi arbitrij. Probat consequentia, quia si non sunt causæ partiales, sed totales, vna pendet essentialiter ab alia, tanquam à superiori: at ubi est dependentia, est ordo naturæ; ergo causa superior, scilicet Deus, vel gratia ordine naturæ præcedit in cooperando.

5. Ratione multiplici.

Hanc sententiam censeo esse falsam: vt autem sensus eius rectè intelligatur, & sine confusione, vel æquivocatione impugnetur, supponere in primis oportet dictos auctores præter omnes gratias excitantes, & adiuuantes à nobis explicatas, addere quamdam actualem gratiam realiter distinctam ab omnibus actibus elicitis à nostris potentiis, siue sint motus ineliberati excitantis gratia, siue actus liberi arbitrij meritorij, seu pietatis, quam gratiam vocant motionem virtuosam, & hanc ipsam gratiam subdistingunt vel re, vel munere. Vnam dicunt præcedere ante motus gratia excitantis tanquam principium illorum, de quo puncto iam supra dictum est: aliam dicunt subsequi post motus gratia excitantis, vt determinet efficaciter voluntatem ad actus liberos, & sit eo modo causa per se efficiens, & faciens facere consensum, quo liberum arbitrium gratia excitanti responderet. Huic ergo gratia duo munera tribuunt, vñ est mouere voluntatem per seipsam, quasi formaliter, ita vt in ea motione voluntas merè passiuè se habeat talem motionem recipiendo; & vt sic dicunt esse gratiam operantem, ac praueniens,

6. Reiecitur hæc sententia, & eius sensus magis explicatur.

uenientem, de quo nunc quæstionem directè non mouemus. Aliud est efficere cum voluntate actum liberum, & sic dicunt illam esse gratiam cooperantem, & nihilominus sub hac ratione dicunt etiam esse gratiam præuenientem, & prius natura operantem, quàm voluntatem. & de hoc vltimo puncto est nunc principalis controuersia. Vt autem melius nostram sententiam explicemus, tam de hac gratia, quàm de omni verè cooperante breuiter dicemus.

7. **Concl.** Nulla datur gratia actualis physice præueniens. Dico ergo primò nullam dari actualem gratiam physice præuenientem, determinantem, vel cooperantem cum voluntate ad actus pietatis. Hac assertio tangit totam materiam de concursu præuio in sequentibus capitulis disputandam, & de auxilio efficaci lib. 5. tractandam, & ideo ne peruertamus ordinem, & confundamus disputationem à proluxa eius probatione abstinemus, sed eam tantùm supponimus, vt iam præuenientem gratiam in nostra sententia explicemus. Probatum autem breuiter, quia illa gratia, neque necessaria est per modum præuij concursus necessarij ex parte causæ primæ, neque per modum specialis auxilij necessarij ex parte causæ secundæ; ergo nullo modo. Consequentia est euident ex sufficienti partitione. Prima verò pars antecedentis probabitur in discursu huius libri, ac tandem concludetur in capite vltimo. Nunc verò addo, licet ille præuius concursus esset necessarius, non esse illam gratiam operantem, vel cooperantem, de qua Patres loquuntur; quia Patres tractant de gratia quæ se tenent ex parte causæ secundæ, & iuuat illam, & det illi vires efficacissimas, vt loquitur Augustinus. Nec requirunt illam gratiam propter dependentiam causæ secundæ à prima, sed propter infirmitatem naturæ lapsæ ad operandum quodcumque bonum, vel propter imbecillitatem naturæ secundum se ad opera gratiæ cooperantis. Et ideo etiam talem modum operationis Dei requirunt, qui actibus malis, vel non bonis communis non sit. Gratia ergo præueniens, siue operans, siue cooperans non requiritur ex generali ratione concursus primæ causæ, ideoque ad illum non pertinet, siue ille detur præuius, siue non detur. Altera verò pars antecedentis patet, quia si talis gratia esset necessaria ex parte voluntatis, vt causa secunda est, daret illi posse operari, quod neque verum est, nec ab alijs auctoribus conceditur. Sequela autem patet, quia daret illi virtutem, & vires necessarias ad agendum, hoc autem est necessitas principij dantis potestatem agendi; sed de hoc puncto hæc nunc satis.

8. Dico secundò, etiamsi talis gratia admittatur, nihilominus non potest dici præueniens sub illa replicatione, quatenus cooperans est. Probatum primò, quia illa gratia est simul operans, & cooperans, vt ipse Alvarez supponit disputatione antecedenti 8. vbi in 2. conclus. ait gratiam operantem physice esse realiter distinctam à gratia excitante; imò etiam præoperantem illam vocat, quia prædeterminat voluntatem. Et deinde addit num. 9. hanc gratiam physice operantem non esse distinctam realiter à gratia cooperante physice, ex sententia D. Thomæ 1. 2. q. 111, art. 2. ad 4. Hinc ergo argumentamur, quia illa gratia physice determinans voluntatem (si datur,) vt est operans, est præueniens; ergo vt est cooperans, non est præueniens, sed comitans voluntatem cooperantem. Antecedens certissimum est

A in illa sententia, quia illa gratia à solo Deo fit in nobis sine nobis, & per eam Deus solus operatur determinando voluntatem, & faciendo efficaciter vt consentiat; ac verò totum hoc antecedit ordine naturæ, & causalitatis influxum liberum voluntatis; ergo talis gratia secundum illam rationem operans est. Hinc ergo probatur prior consequentia. Primò, quia inter infusionem illius gratiæ prædeterminantis, & influxum liberum nostræ voluntatis, non antecedunt duo instantia naturæ, seu causalitatis, in quibus illa gratia nostrum liberum consensum antecedar, sed vnicum tantum, in quo gratia illa infunditur voluntati, & prædeterminat illam quasi in actu primo, prius natura, quàm operetur, & in secundo instanti naturæ statim sequitur operatio, neque medium instans cogitari potest, aut probabilis ratio illius reddi. At gratia illa prius natura est gratia præueniens, & non vt cooperans. Probatum consequentia, quia gratia præueniens est, quæ ordine naturæ antecedit influxum liberi arbitrij: sed gratia illa, vt cooperans non antecedit sic; ergo non est præueniens. Probatum minor, quia illa gratia vt cooperans est posterior natura, quàm vt operans; sed in illo posteriori naturæ iam est influxus liberi arbitrij, quia gratia illa non præcedit liberum vsum per duo instantia naturæ, sed per vnum tantum; ergo gratia illa vt cooperans, est simul natura cum vsa liberi arbitrij, ac proinde non potest esse præueniens.

Secundò idem conuincitur, quia gratia illa duplicem habere potest causalitatem, vna est formalis, altera effectiua: sub priori est tantum gratia operans, & antecedit vsum libertatis; sub posteriori autem est cooperans, & non sic antecedit; ergo vt operans est præueniens, & non vt cooperans. Consequentia est clara. Minor declaratur, quia illa gratia infunditur à solo Deo voluntati prius natura, quàm operetur, vnde necesse est vt illam afficiat, & suo modo illam informet, quia non potest in ea fieri, quin illi inheret, nec potest illi inherere, quin eam informet; hæc autem informatio, iuxta illam sententiam in hoc consistit quod voluntatem ita compleat in virtute & efficacia, vt eam omnino determinet ad eliciendum consensum prius natura, quàm agat, quamuis se continere non possit, quin in eodem instanti temporis, & posterius natura illum actum eliciat; ergo in illo priori naturæ, & in toto illo munere habet illud auxilium, vim, & causalitatem solius gratiæ operantis, quia & à solo Deo fit, & se sola sine vlla cooperatione liberi arbitrij totum illum effectum confert. Deinde verò gratia illa efficit ipsum consensum voluntatis tanquam principium eius, vel principij complementum, iuxta varios modos loquendi eorum actuum, quos infra tractabimus. Sub hac ergo ratione participat causalitatem effectiuam, & donec intelligatur illam actualiter exercere, nondum habet rationem gratiæ cooperantis, quia in toto priori naturæ, quod antecedit effectiuam causalitatem, nondum est cooperans, vt declarauimus. Et ita est sufficienter declarata tota maior propositio, quam in principiis illius sententiæ sectatores eius negare non possunt, si constanter loquuntur. Probatum ergo minor, quia gratia non potest intelligi in actu secundo efficiens consensum voluntatis prius natura, quàm voluntas etiam illum efficiat; ergo vt actu efficiens non est gratia præueniens, sed comitans.

9. Probatum ex causalitate quam habet hæc gratia.

8. Thomas.

comitans. At non est gratia cooperans nisi ut actu efficiens, seu tunc incipit esse cooperans cum incipit efficere actu; ergo ut cooperans non est præueniens, sed comitans, & iuuans ipsam voluntatem operantem.

10.  
Probat ex  
doctrina  
D. Thomæ.

Tertiò declaratur idem in doctrina D. Thomæ in dicta quæst. 111. artic. 3. ubi ait gratiam habitalem esse operantem, ut informat animam, cooperantem verò ut est principium operis, sicque habitus charitatis cum actu non operatur, siue in tempore, siue in naturæ ordine, non potest dici cooperans, sed tantum operans, quia nondum effectiue operatur, sed tantum formaliter, incipit esse cooperans, cum incipit effectiue operari; ergo idem est dicendum cum proportionem de auxilio illo prædeterminante, si detur; solum enim interuenit differentia, quia habitus prius tempore potest esse gratia operans, quam cooperans, quia in re ipsa potest ab operatione effectiua separari; illud verò auxilium simul tempore semper est gratia operans, & cooperans, in prioritate autem, & ordine naturæ seruat proportionem. At verò charitas habitualis non potest dici præueniens in quantum cooperans, quia non prius natura operatur, quam ipsa voluntas, sed solum habet rationem gratiæ præuenientis, quatenus est operans; ergo idem est de auxilio præmouente. Respondent constituendo, discrimen, quia habitus non facit facere voluntatem, sed potius voluntas utitur habitu: illud autem auxilium facit facere voluntatem, sed potius voluntas utitur habitu: illud autem auxilium facit facere voluntatem, imò & ipsum habitum, & ideo ut sic natura antecedit, & est præueniens: sed hoc nihil obstat, quia etiam posita illa doctrina illudmet facit facere, ut est prius natura, quam ipsum *facere*, non potest esse ab illo auxilio effectiue, sed tantum formaliter adhærendo, & quasi inclinando, & impellendo potentiam nondum vitaliter operantem. Nam licet Deus quatenus effectiue infundit illud auxilium, dicatur (iuxta illam opinionem) facere ut faciamus, tamen ipsum auxilium ut prius natura inest voluntati, quam effectiue operetur, non potest effectus facere, ut faciat, sed tantum formaliter, quia implicatio est dicere, quod causet effectiue prius natura, quam efficiat; ergo formaliter tantum potest dicere facere, ut faciat. Vnde cum Alvarez supra ad confirmationem secundi argumenti dicit cooperationem huius gratiæ, secundum instans naturæ præcedere, non eliciendo operationem sine nobis, sed faciendo quod nos liberè & infallibiliter consentiamus, vel repugnantia dicit, vel verbis æquiuocè utitur; quia si illa gratia non prius natura elicit operationem, non causet effectiue; ergo ut sic, non est cooperans, nec facit facere nisi formaliter adhærendo. Deinde in secunda solutione ad 15. dicit primum initium nostri consensus esse à sola illa gratia, mouendo ait, & applicando liberum arbitrium ad operandum. At hoc non facit effectiue, sed formaliter, & consequenter, ut gratia operans. Neque in ipso consensu est aliud initium præter actionem ipsam vitalem; igitur illud auxilium prout inchoat consensum, illo modo, seu prout eodem modo facit facere, non est gratia cooperans, sed operans, nam cooperans dicitur ut cum voluntate faciat, sicut etiam ipsum nomen præ se fert. Quamuis ergo illud auxilium ut facit facere sit gratia præueniens, non ideo ut cooperans est præuius, sed tantum comitans.

Obiectio re-  
sicitur.

Alvarez.

**A** Vltimò declaratur, quia duobus modis potest gratia denominari cooperans, sicut supra de adiuuante diximus. Vno modo tanquam actio, seu actualis influxus gratiæ, quæ dicitur cooperans quatenus imbibitur essentialiter in actione ipsius liberi arbitrij. Alio modo tanquam principium, à quo influat actio, seu influxus cooperans. Priori modo repugnat gratiam operantem esse præuenientem, quia essentialiter imbibitur in actione, & influxu liberi arbitrij, & ideo non potest esse prior natura, quia nec est causa eius, sed in re sunt omnino idem, nec potest aliquid esse prius natura, quam id cum quo essentialiter identificatur, & ideo iidem auctores hoc genus auxilij vocant simultaneum, non præuium, ut in sequentibus capitibus latè videbimus. Posteriori autem modo non dicitur gratia cooperans prius natura, quam operetur, quia per ipsam cooperationis actionem denominatur cooperans, sicut agens denominatur ab actione. Non enim dicitur gratia cooperans aptitudine tantum, seu in actu primo, id est, quia potens est ad cooperandum cum voluntate, sic enim & habitus dormientis diceretur cooperans, & Deus ipse quando nihil actu facit, & voluntas ipsa existens in orio diceretur cooperans, quia apta est ad operandum: hæc autem omnino falsa esse constat; ergo illa denominatio sumitur ab actuali influxu cooperatiuo; ergo si influxus ipse non potest esse gratia præueniens, multo minus principium eius, quatenus cooperans est, potest esse præueniens, quia talis denominatio supponit influxum simultaneum, ac proinde supponit etiam liberi arbitrij influxum; ergo gratia cooperans etiam physice, ut talis est, non potest esse præueniens. Vnde repugnantiam profecto in dictis inuoluunt, qui fatentur motionem præuiam, non esse cooperantem, nisi simul tempore cum producit effectum. Et nihilominus dicant, etiam ut sic esse præuenientem, nam in actuali influxu non præuenit voluntatem, nec efficit actum eius prius natura, quam ipsa voluntas, ut satis demonstratum est, & iterum ita-  
**B** tem dicam, & sapius in sequentibus.

**C** Atque hinc concludo, & dico tertiò, gratiam cooperantem qualiscunque illa sit, nunquam esse præuenientem respectu cooperationis liberi arbitrij, hanc assertionem generaliter probant rationes factæ proximè, solum illam addo ne quis existimet, doctrinam datam procedere tantum ex suppositione auxilij prædeterminantis, & physice cooperantis, nam doctrina vniuersalis est de omni gratia præuia, quæ transit in cooperantem, siue moraliter iuuando, ut est gratia excitans, siue physice, ut est habitus infusus, vel interdum ipse Spiritus sanctus, iuxta superius dicta. Probarique vltèrius potest ex dictis supra de gratia adiuuante, ibi enim multa ex doctrina Augustini allegauimus, quibus ostendit gratiam non esse adiuuantem, nisi nobis etiam coadiuantibus, quia verbum *adiuuandi*, mutuam relationem inuoluit. Eandem autem, & expressius indicat verbum *cooperandi*, ut per se patet.

**D** Dicunt verò aliqui cooperari dicere respectu ad alium simul tempore operantem, non tamen ad eum, qui simul natura operatur. Sed contrà. Primò, quia quidquid sit an possit id contingere, vel sufficere in his, qui diuersis actionibus simul agunt, & in his qui vnam & indiuisibilem simul actionem eliciunt, impossibile est, ut vna indiuisibilis actio essentialiter pendens à duobus principijs, prius natura, & causalitate sit

11.  
4. & vltimò  
probat ex  
modo quo  
dici potest  
cooperans.

12.  
3. Conclus.  
Gratia coo-  
perans nun-  
quam est  
præueniens  
ratione con-  
sensu libe-  
ri.

13.  
Obicitur  
cooperari  
non dicere  
respectu ad  
eum qui si-  
mul natura  
operatur.  
Reuocatur  
hæc obie-  
ctio.



fit ab vno, quàm ab alio, quia indiuisibilis entitas, & formalis ratio actionis huiusmodi simul natura est tota; ergo simul etiam natura dicit habitudinem ad vtrumque principium. Talis autem est simultas, quam verbum cooperandi in his actionibus gratiæ denotat; ergo dicit relationem ad aliū cooperantem simul non tantum tempore, sed etiā natura. Secundò id maximè confirmatur, quia illa actio intrinsecè est vitalis; ergo impossibile est prius natura fieri ab aliquo principio adiuuante potentiam, quàm ab ipsamet potentia vitali; ergo non habet talis actio esse prius natura à quacunque gratia adiuuante, quàm ab ipsa voluntate; ergo talis gratia vt actu efficiens, non potest esse præueniens respectu voluntatis, vt cooperantis. Tertiò, quia auxilium præuium iam inditum voluntati in eo instanti, in quo actu cum illa operatur, non habet causalitatem in illam, vt operantē præter influxum simultaneum in ipsam operationem, quia si quam aliam causalitatem in ipsa voluntate prius natura habet, illa non est gratiæ cooperantis, sed operantis, vt iam explicauimus, quia non est ab ipsa motione vt efficiente, sed vt inhzrente: ergo talis cooperatio effectiua non dicit tantum relationem simultatis in duratione, sed etiam in ordine naturæ, & causalitatis.

14. Confirmatur hæc sententia ex Bernardi.

Denique sententiam hanc expressè docuit Bernardus, lib. de Grat. & liber. arbit. circa finem, vbi de gratia sic inquit. *Ipsa liberum excitat arbitrium, cum seminat cogitatum, sonat, cum immutat affectum, roborat vt perducatur ad actum, seruat ne sentias defectum. Sic autem ista cum libero arbitrio operatur, vt tantum illud in primo præueniat, in ceteris comitetur. Ad hoc utique præueniens, vt iam sibi deinceps cooperetur, ita tamen quod à sola gratia captum est, pariter ab utraque perficitur, vt mixtim, non singulatim, simul non vicissim, singulos profectus operentur. Quid clarius, quæso, aut euidentius dici poterat? nihil verò est tam manifestum quod tergiversationibus non sit expositum. Respondent ergo Bernardum, cum dixit gratiam præuenire arbitrium, quoad solam gratiam excitantem, loqui de præuentione secundum ordinem temporis: sic enim sola gratia excitans est prior, quàm consensus, & cum dixit in reliquis simul concurrere cum arbitrio, intelligere de simultate temporis, non naturæ, idque suadere nituntur, quia statim Bernardus subdit. *Non partim gratia, partim liberum arbitrium, sed totum, singula opere indiuiduo peragunt, totum quidem hoc, & totum ex illa, sed vt totum in illo, sic totum ex illa.* Nam quia dicit, *totum ex illa*, exponunt gratiam prius natura concurrere, & cooperationem arbitrij ex cooperatione gratiæ pendere, ac subinde cooperationem gratiæ esse natura priorem.*

15. Mens Bernardi amplius explicatur.

Ad hæc certè nimis voluntaria, & violenta sunt. Nam prius dicit Bernardus, totum quidem hoc, idest, liberum arbitrium prius natura efficere actum & cooperationem gratiæ à cooperatione arbitrij pendere; sicut ergo ista illatio friuola esset, ita est etiam illa, eamque excludunt illa verba, *sed totum, singula opere indiuiduo peragunt.* Et hæc ipsa manifestè conuincunt loqui Bernardum etiam de simultate naturæ, & causalitatis, & fundamentalem rationem attingit, quia vnica indiuisibilis actio est ab vtroque principio. Idemque optimè significauit, cum dixit, quod à sola gratia coëptum est, pariter ab vtroque perficitur, vt mixtim, non singulatim, simul, non vicissim. Consultò enim videtur tot modis explicasse illam simultaneam, ne putaretur esse per solam

Fr. Suarez de Gratia Pars I I.

A concomitantiam temporis, sed causalitatis & actionis indiuisibilis, & quasi mixtæ ex influxu simultaneo gratiæ, & liberi arbitrij. Vnde, cum solam gratiam excitantem dicit esse præuenientem, in opposita significatione vocem præuenientis assumit, considerando id, quod est per se, non quod est accidentarium. Nam quod excitans gratia tempore præcedat, accidentarium est; per se autem est, quod præcedat ordine causalitatis, & quod à Deo solo fiat. Et in hoc genere dicit Bernardus illam gratiam vnicam, & solam esse præuenientem, & à sola illa opus salutis inchoari.

Ad primum ergo testimonium responderetur, Deum operari in nobis velle, & perficere, excitando, & adiuuando nos, seu operando in nobis, & cooperando nobiscum. Et similiter operatur Deus omnia nostra nobiscum concurrente, quæ omnia optimè consistunt sine ordine naturæ in ipsamet cooperatione Dei cum homine. In testimonio Gelasij asserenda simul essent verba præcedentia, quæ sic habent. *Illud autem Pelagianorum virum est, olimque damnatum, quo putant gratiam secundum merita hominum posse conferri, & sequentia, quibus concludit, principium salutis & fidei à gratia capisse.* hoc autem initium, iam sæpe ostensum est, esse vocationem, & illud donum gratiæ est, de quo in allegatis verbis dicit, *Non præcessisse Paulum operando; sed fuisse subsequendum.* Et respectu eiusdem ait, fuisse Paulum cooperatorem gratiæ, subsequendo, & ob eam gratiam ait, dixisse Paulum, *non ego, sed gratia Dei mecum*, præponendo gratiam præcedentem se. Neque Sancti aliam præuenientem gratiam, quæ Paulum præuenierit, nos docuerunt; neque est vnde suspicemur Gelasium in alio sensu esse loquutum.

Ad tertium ex Tridentino responderetur contrarium conuinci ex eisdem verbis, nam cum dicit liberum arbitrium esse à Deo motum, & excitatum, non duas gratias præuenientes ponit, sed quia generali verbo dixerat *motum*, declarat modum motionis, addendo, & excitatum. Alioqui fingi etiam posset ante excitationem præcedere, aliam motionem, quod friuolum est. Deinde excitationem per vocationem declarat, & illi immediate adiungit cooperationem, nullamque aliam gratiam præuenientem, & mediam inter gratiam excitantem, & nostram cooperationem nobis tradit. De gratia verò cooperante nihil ibi expressè tradit, sed in correlatiuo ex parte nostra illam comprehendit, & simul cum nostra cooperatione coniungi significat. Neque aliud alio modo insinuauit de gratia adiuuante in cap. 5. vt ex verbis eius apertè constat, & supra satis ostensum est. Prosper autem operantem gratiam, quæ non est alia ab excitante, præuenientem merito censuit, & ideo præoperantem illam vocauit, numquam tamen de cooperante significauit esse præuenientem, aliàs illam etiam præparantē posset appellare.

Ad D. Thomam concedimus Deum mouere voluntatem hominis per gratiam cooperantem, non tamen motione distincta ab illa, qua se mouet ipsa voluntas, & ideo illa motio vt talis, nullo modo esse potest gratia præueniens, sed comitans. Vnde in vtraque consequentia, quæ ibi fit, est clara deceptio, gratia enim cooperans, vt talis est, non est principium mouens, vt est prius natura, quàm sua motio, sed vel est motio ipsa, vel est principium agendi, vt denominatum, vel constitutum in actu secundo per illam, & sic mouens,

16. Soluuntur testimonia n. 2. allata.

17. Ad Tridentinum n. 3. adductum.

Ad Prosperum

18. Ad D. Thomam n. 4.

M uens,

nens, seu agens in actu secundo, non est prius natura, quam eius motio, seu actio, cum per illam formaliter constituatur.

19.  
Ad rationes  
h. 5. alias.

Ad primam rationem distinguenda est minor. *In omni opere meritorio mens nostra mouetur physicè à Deo*, motione cooperatiua verum est, prauia, seu præneciente, non est verum nisi ratione gratiæ excitantis, de qua loquitur Paulus ad Rom. 8. vt passim exponit Augustinus, & lib. 5. videbimus. Gratia autem excitans licet physicè à Deo fiat, & vt sic possit dici physica præmotio, non tamen influit physicè in concursu, sed moraliter. Et nihilominus licet in se, & vt excitans sit præuium, & adiuuans, & cooperans, & comitans. Ad secundam quidquid sit de antecedente, quoad particularitatem causarum negatur consequentia, quia dux causæ totales in suis generibus, quatum vna pendet ab alia essentialiter in agendo, possunt simul natura concurrere ad eandem rationem, & effectum, vt de causa prima, & secunda paulo post ostendemus, & de potentia, & habitu ipsi etiam arguentes concedunt. Idem ergo esse poterit de gratia operante, vt sit cooperans concurrente cum voluntate. Aliàs nullus posset esse influxus simultaneus secundum naturam à gratia simul, & voluntate, quod neque illi auctores dicere audent, vt in sequentibus videbimus.

## C A P V T XXV.

*Vtrum concursus Dei, vt primæ causæ,  
ad supernaturales actus auxilium  
supernaturale sit.*

1.  
Status quæ-  
stionis de  
concurſu  
primæ causæ  
vt sic ad  
actus pietatis.

**H**Actenus illa gratiæ auxilia explicimus, quæ ad supplendam, & iuuandam imbecillitatem & infirmitatem virium liberi arbitrij ad operandum bonum diuina liberalitate conferuntur, quæ omnia ad causalitatem particularem causæ secundæ, seu proximæ spectant, vt explicatum est, nunc dicendum nobis est de concursu generali Dei vt primæ causæ; nam etiam propriissimè potest auxilium vocari, & inter auxilia adiuuantia recenseri, vt suprâ tetigimus. Disputationem autem de illo in hunc locum distulimus, quia & propriam quamdam rationem auxilij habet, & hoc tempore singularem habet controuersiam, quam hoc loco exactè disputare necessarium duximus, vt ad similem disputationem de auxilio efficaci viam paremus. Soler autem distinguere concursus in simultaneum, & præuium, seu in concursum in causam ipsam secundam, vt agens est, & in effectum, seu actionem eiusdem causæ. Nos verò concursum præuium necessarium esse non credimus, & ideo in his prioribus capitulis de concursu simpliciter loquentes, simultaneum intelligimus, illo verò explicato, de præuiio inquiremus.

2.  
1. Conclus.  
Potentiæ  
creatæ siue  
nudz, siue  
habitu in-  
structæ, in-  
digent con-  
curſu causæ  
primæ ad  
actus super-  
naturales.

Primum ergo statuimus potentias nostras siue nudas, siue etiam habitibus infusis instructas indigere concursu Dei vt vniuersalis causæ ad supernaturales actiones eliciendas. Hæc assertio certissima est, neque in illa est controuersia inter modernos. omnes enim damnant sententiam Durandi in 2. d. 1. q. 5. & d. 3. q. 1. qui negauit essentialiam dependentiam voluntatis in suis actionibus liberis ab actuali concursu, & influxu Dei. quam etiam in Origene damnat D. Thomas 3.

**A** contr. gent. cap. 89. dicitque esse euidenter contra Scripturam. Suprà etiam libro 1. retulimus graues auctores sentientes errorem hunc damnatum fuisse in Pelagio, qui vt saluaret libertatem, videtur constituisse voluntatem nostram omnino independentem à Deo in operando; sic ergo veritas contraria probari potest. Primò locutionibus Scripturæ generalibus, de operibus humanis, siue naturalia sunt, siue supernaturalia, vt est illud Actor. 17. *In ipso viuimus, mouemur, & sumus*, vbi in verbo *uiuimus*, non tantum substantialis vita, quæ satis fuerat in verbo *sumus* comprehensa, sed etiam actualis vita, seu opera vitæ rectè intelliguntur, quamuis etiam possunt sub verbo *mouemur* contineri. Item illud 1. ad Corinth. 12. *Deum operatur omnia in omnibus*, vbi Paulus de supernaturalibus operationibus apertè loquitur, & Isaias cap. 16. dixit, *Domine, omnia opera nostra operatus es in nobis*, quod maxime de supernaturalibus intelligi debet. Secundo possunt afferri testimonia, quæ specialiter de supernaturalibus operibus loquuntur, vt est illud Ioan. 15. *Sine me nihil potestis facere*, & ad Philip. 2. *Deus est qui operatur in nobis velle, & perficere*, & illud 1. ad Corinth. 13. *Plus omnibus laboranti, non ego, sed gratia Dei mecum*. Ratio verò est, quia non minus pendent habitus infusi à Deo vt prima causa in suo esse, & operari, quam alia principia creata, vt latiùs dixi lib. 3. de auxilijs cap. 3. & 4. & in Metaphys. disput. 12. sect. 4.

**C** Secundo videtur certum, & recipiendum ab omnibus ad eliciendos actus supernaturales per habitus infusos necessarium esse auxilium Dei vt causæ primæ concurrentis per actuale influxum in ipso supernaturali actu, qui sit essentialis dependentia eiusdem actus à causa prima. Probat, quia omnis entitas creata essentialiter pendet immediatè à Deo tanquam à causa per se & principali in suo genere: nam hoc de essentia entis participari, sed actus isti supernaturales sunt entia participata, & actiones per quas fiunt, eo modo quo aliquid sunt, etiam sunt entia per participationem; ergo per se ipsas fluunt immediatè à Deo, vt ab illo essentialiter pendent. Et hac ratione probamus in locis allegatis contra Durandum, non solum omnes effectus causarum secundarum, sed etiam omnes actiones earum immediatè fluere, & pendere à Deo. Et quia actio non pendet ab agente per aliam actionem, sed per seipsam, inde concludimus ipsammet actionem causâ secundæ per seipsam pendere à Deo; ex quo vltèrius inferimus contra nonnullos modernos in emanatione effectus à causa secundâ, & primâ, non interuenire duas actiones, vnam causæ secundæ, & alteram primæ quæ est expressa sententia D. Thomæ 1. p. q. 105. art. 5. ad 2. la 3. contr. gent. cap. 70. ratio sit, quia necesse est vt ipsamet actio causæ secundæ per seipsam fluat, & pendeat à primâ; est ergo vna indiuisibilis actio, quæ duplicem habet habitudinem, & vt est à creatura dicitur actio eius, vt verò est à Deo, dicitur concursus, seu auxilium eius simultaneum. Hæc ergo omnia cum proportionem applicanda sunt ad actiones supernaturales, etiam si eliciantur ab habitibus, nam eadem omnino ratio in eis versatur. Et in hoc puncto nobiscum conueniunt moderni Thomistæ, nam licet requirant auxilium adiuuans præuium, & quasi medium inter habitum, & actionem eius, non tamen negant auxilium hoc per modum actualis concursus, & influxus immediati in effectum, quod etiam vocant auxilium simultaneum, vt videre

Durandus.  
D. Thomas.

Probat. 1.  
ex Scripta-  
ra.

3.  
2. Conclusio  
Ille certum est  
in potentia  
instructa  
habitu infu-  
so.  
Et probatur  
ex dependē-  
tia essentiali  
entis creati  
à causa pri-  
ma.

Ledesma.

4.

1. Concl. Illi concursus sine auxilio ad actus supernaturales, est etiam supernaturalis & ordinis gratiæ.

Aluar.

Ledesma.

dere licet in Aluar. disp. 20. & Ledesma in art. 3. ad 8. & ferè toto art. 4.

Tertio videtur etiam certum, & ab omnibus concedendum, hoc auxilium simultaneum, seu concursum necessarium ad actus supernaturales eliciendos etiam per habitus esse supernaturale & ordinis gratiæ. hoc etiam docui in dicto lib. 3. de Auxiliis, & in dicta disp. 22. Metaphys. Et postea id latissime probantur Aluar. dicta disp. 20. & Ledesma in dicto art. 4. ubi variis testimoniis, & rationibus hoc confirmant. Testimonia verò sunt illa, quæ generaliter tradunt ad singula opera pietatis necessarium esse actuale auxilium Dei, quæ nos suprà lib. 1. latè adduximus, & reuera intelliguntur etiam de iustis per habitus infusos operantibus, ut nos etiam in c. 6. huius libri latè probauimus, & docet apertè Concilium Arausicum can. 10. & 25. & Celestinus Papa in sua epist. cap. 8 & 10. & Augustinus lib. de Corrept. & grat. cap. 1. & ex Scriptura apertè colligitur, nam cum Paulus dixit, *Deus est, qui operatur in nobis velle, & perficere*, etiam de seipso, & generatim de hominibus iustis loquebatur, & Christus ad Apostolos iam iustificatos loquebatur cum dixit, *Sine me nihil potestis facere*, Ioan. 15. Ac denique non minus iusti, quam peccatores inuocant Deum. *Adiutor meus es tu, ne derelinquas me*, Psal. 126.

5.

Neque de auxilio tantum excitante, sed etiam adiuuante. Conclusio probatur. August.

Dicere verò potest aliquis hæc sufficienter colligi de actuale auxilio gratiæ excitantis, quod etiam esse necessarium iustis suprà cap. 6. extendimus. Verumtamen per hoc non potest excludi necessitas gratiæ adiuuantis, quia ad quemcumque actum est necessaria gratia excitans, est etiam necessaria noua gratia adiuuans ex parte Dei, iuxta doctrinam Augustini in Enchirid. cap. 32. dicentis, *Relle dictum intelligitur non volentis, nec currentis, sed miserentis est Dei, ut detur totum Deo, qui hominis voluntatem bonam, & præparat adiuuandam, & adiuvat præparatam.* & lib. 2. de peccator. merit. & remiss. cap. 18. Quod nos ad Deum conuertimur, nisi Deo excitante, & adiuuante, non possumus, & alia quæ ex Conciliis, & Patribus de necessitate gratiæ adiuuantis in superioribus adduximus. Nec possunt illa omnia ad solos peccatores, seu operantes sine habitu limitari, tum quia indefinitè, & generaliter loquuntur, & tal. s. locutiones doctrinales æquivalent vniuersalibus, tum etiam, quia sæpè loquuntur specialiter de iustis, ut patet ex Augustino lib. de natur. & grat. c. 26. ubi prius dicit, cum Deus iustificat hominem, & ad perfectam sanctitatem deducit, non deferre illum, nisi ab ipso deferatur: intelligit autem non deferre quod adiutorium, quo homo etiam iustificatus indiget. Vnde subiungit, *Sicut oculus planissime sanus nisi candore lucis adiutus non potest cernere, sic homo etiam perfectissime iustificatus, nisi æterna luce iustitiæ diuinitus adiunetur, recte non potest vivere.* & in eodem sensu dicit lib. de grat. & lib. arbit. c. 6. *Necessarium est homini etiam cum fuerit iustificatus ex fide ut ambulet cum illo gratia, & incumbat super ipsam ne cadet.* quod variis testimoniis Scripturæ confirmat, & apertè loquitur de gratia actuale distincta ab ipsis habitibus, & consequenter de propria actione Dei ultra influxum ipsorum habitum: nam ad hoc requiritur tale adiutorium Dei, ut homo per ipsos habitus possit operari, ergo saltem necessarium & auxilium adiuuans per modum concursus supernaturalis, quia inter actualia auxilia hoc est (ut ita

Fr. Suarez, de Gratia Pars I I.

A dicam) minimum auxilium physicè adiuuans in ordine gratiæ.

Rationes autem quamplures accumulantes dicti auctores ad hanc veritatem confirmandam, eo quodd existimens in ipso puncto se Molinam impugnare, referunt enim illum dixisse qui habet infusum habitum, non indigere supernaturali auxilio ad singulos actus supernaturales. Vtique in Concord. disp. 26. & 27. & 36. 37. 38. 39. & in disp. 4. dixisse fertur hominem in statu innocentie potuisse habere actus supernaturales cum habitibus supernaturalibus, & auxilio generali naturali. Mihi autem non videntur tot rationes necessariæ, quia suppositis principiis fidei, res est euidentissima; agimus enim de concursu illo simultaneo, qui est in ipso actu deliberato voluntatis, seu quo immediatè talis actus pèter à Deo. Cum ergo fides doceat illum actum esse supernaturalem, siue in substantia, siue in modo, planè euident est, dependetiam illam intrinsecā, quam habet talis actus ut supernaturalis est à Deo, eiusdem ordinis esse, ac subinde supernaturalem quoad substantiam iuxta veram sententiam de actu supernaturalitate. Quomodo enim potest essentialis dependentia effectus esse inferioris ordinis, quàm ipse effectus. Itè terminus intrinsecus illius concursus, qui est ipsemet actus immanens, ut est quædam qualitas in facto esse, hic, inquam, terminus est supernaturalis, principium etiam immediatum illius influxus est supernaturale: nam est Deus ut auctor gratiæ, non ut auctor naturæ: ergo etiam influxus ipse sui concursus est supernaturalis, quia via esse debet proportionata termino, & principio, à quibus sub quacumque ratione spectetur, speciem sumit. Imò licet concursus hic esset aliquid præuium in potentia, & distinctum ab actu supernaturali, oporteret esse motionem, vel qualitatem supernaturalem, & per se infusam: tum quia aliàs non esset apta ad influendam in actum supernaturalem, & ita esset superflua; tum etiam, quia talis motio non est naturæ debita, neque potest fieri per causas naturales, etiam si sub illis Deus, ut auctor naturæ comprehendatur.

Hæ igitur rationes nobis sufficiunt, præsertim, quia nulla difficultas alicuius momenti in contrarium occurrit, supposita vera, & catholica doctrina de horum actuum supernaturalitate, nec etiam in hoc puncto est controuersia inter Catholicos Doctores. Neque Molina, si attentè legatur, & sincerè exponatur, contrarium docuit in locis, in quibus allegatur. nam in dicta disput. 4. numquam dicit Adam in statu iustitiæ potuisse per habitum charitatis cum solo auxilio generali naturali diligere Deum, sed præcisè dicit cum communi auxilio, vel influxu. Itaque particula illa *naturali* addita est, neque includitur in auxilio communi, nam auxilium commune latius potest, quàm naturale, ut statim dicam. In alijs verò disputationibus non habet illam negatiuam, scilicet Deum non concurrere ad hos actus auxilio supernaturali, sed eodem modo loquitur, dicens, Deum cōcurrere immediatè ad hos actus per suū cōcursum generalem, vel vniuersalem, quia nulla causa secunda etiam si supernaturalis sit, nisi à Deo immediatè influente adiunetur quidquid efficere potest, ut expressè habet disp. 36. aliàs 37. 5. *Cum autem*, ubi etiam dicit vnicui esse actionem in tali actu, quæ est à Deo, potentia, & habitu, & illam dicit esse in se supernaturalem, & licet consideret quasi specificatiuè, aut de-

6.

Variæ rationes.

Falsò accusatur Molina.

7. Molina d. 4. fenditur.



terminatiuè habere à principio proximo supernaturalitatem, non dubitat tamen quin effectiue tota sit ab istis principiis, & à singulis eorum in suo genere, & ideo vocat illas causas parciales partialitate causæ, non effectus, de qua locutione paulo post dicam. Et disp. 36. §. *Quoad primam*, expresse dicit Deum per suum supernaturalem influxum non solum concurrere ad hos actus, sed etiam euehere alias causas, vt illos producant. & in §. *Hinc liquet*, reperit Deum supernaturaliter influere in hos actus, & idem habet q. 23. art. 4. membro 6. ad primam objectionem.

8. *Modus loquendi Molinæ.* Solet autem Molina interdum loqui de hoc auxilio generali, ac si esset vnum quid indifferens ad influendum in actus naturales, & supernaturales, & ideo putatur vocare illud commune, non communitate rationis, seu causalitatis, ac si esset vnus numero indifferens ad actus naturales & supernaturales, vel saltem ita vnus, vt semper sit eiusdem ordinis naturalis. Sed hæc & in se improbabilia sunt, & in mentem eius nunquam venerunt, quia ille non ponit alium concursum præter eum, qui imbibitur in ipsa actione causæ secundæ, & ideo dicit esse influxum in effectum, & non in causam: ergo non potuit cogitare vnum numero concursum Dei, qui sit aliquid creatum dari ad omnes actiones voluntaris, cum singulæ intimæ inducant suum influxum, vel esse vnum specie, vel eiusdem ordinis, cum expresse dicat Dei concursum modificari in vnaquaque causa secundum naturam, & speciem eius.

9. *Quid sit ille Dei concursus, & quomodo dicatur communis.* Igitur hic concursus Dei duobus modis considerari potest. Primo ex parte Dei, & quasi in actu primo, & sic non est aliquid distinctum ab ipso Deo, sed est ipsa voluntas Dei parata ad concurrendum, & sic dicitur de se indifferens, quia parata est voluntas Dei ad concurrendum cum voluntate creata iuxta modum cooperationis eius, tam ad actus naturales, quam ad supernaturales, & ad bonos, & ad malos. Secundo potest concursus Dei considerari, vt fluens à Deo, & in actu secundo, & sic nunquam est in re indifferens, aut communis communitate (vt ita dicam) reali, sed rationis: nam in re semper est modificatus iuxta exigentiam termini, seu effectus, & consequenter semper est aut naturalis in actibus ordinis naturæ, aut supernaturalis in actibus ordinis gratiæ, vt in vtroque ordine est diuersarum specierum pro diuersitate actuum. Quia verò in quocunque effectum hic concursus est à Deo, vt à causa vniuersali, & non propria, & particulari: itemque, quia hæc dependentia à Deo generalis est omnibus actionibus creatis, idè secundum hanc considerationem dicitur hic concursus communis, vel vniuersalis communitate, & vniuersalitate rationis, non rei: & simili modo dicitur generalis, quia est à Deo, vt generaliter influente, & secundum eundem respectum dicitur esse eiusdem rationis, non specificæ, vel naturalis, sed abstractæ, & quasi transcendentalis.

10. *& generalis.* Ad hunc ergo modum verè dicitur auxilium adiuuans ad actus supernaturales, quando est per modum concursus primæ causæ esse auxilium generale, quia necessitas eius non prouenit ex particulari excellentia actuum supernaturalium, sed ex generali conditione omnium actuum creatorum, quæ est essentialiter pendere à primo actu increato, quamuis vnusquisque actus po-

A stulet hanc dependentiam iuxta modum, & perfectionem suam, peculiari etiam modo dicitur hoc auxilium generale in ordine gratiæ, quia licet consideratum absolute secundum suam entitatem & perfectionem sit speciale, quia & est altioris ordinis, quam omnia auxilia naturalia, & quia non erat debitum homini secundum naturam suam spectato; nihilominus comparatum ad alia auxilia gratiæ, & præsertim ad habitus infusos rectè dicitur generale, quia seruat eandem proportionem ad principia supernaturalia, quam concursus ordinis naturæ ad virtutes naturales.

Quartò dicendū est, sicut concursus ordinis naturæ est debitus virtutibus naturalibus, ita hic concursus supernaturalis est debitus virtutibus supernaturalibus, in quo aliquo modo deficit à ratione gratiæ omnino indebitæ, sicut de concursu naturali diximus lib. 1. cap. 1. & tradit Soto lib. 1. de nat. & grat. cap. 2. quam assertionem tradidi etiam in lib. 3. de Auxil. c. 3. n. 4. eam verò referens Ledesma dicta q. art. 4. corollar. 2. post 5. conclus. eam impugnatur, dicens, contrarium commune esse inter Theologos, præcipue discipulos D. Thomæ, nimirum concursum generalem, etiam si sit proportionatus virtuti causarum secundarum, non esse illis debitum. Ratio autem eius est, quia concursus generalis, seu auxilium generale in ordine gratiæ est auxilium efficax: sed auxilium efficax non est debitum; ergo auxilium generale non est debitum. Minor probatur, quia quoties voluntas actu non diligit Deum, non recipit auxilium efficax, & tamen nullum auxilium illi debitum denegat illi Deus; ergo auxilium efficax non est debitum.

Hæc verò ratio melius probat auxilium efficax physicè præueniens, & determinans voluntatem non esse necessarium ad generalem concursum Dei, cum voluntate, & habitibus eius, siue acquisitis, siue infusis, quam quod generalis concursus non sit debitus causis secundis. Nam hoc profectò negari non potest, loquendo de illo debito, quo proprietates connaturales vniuersique rei debentur, quod debitum sufficit ad fundandam aliquam rationem iustitiæ in Deo, sicut dixit D. Thomas 1. p. q. 21. art. 4. Quis autem neget concursum connaturalem & proportionatum esse veluti proprietatem quandam connaturalem vniuersique virtutis; ergo talis concursus est debitus, hoc nimirum debito connaturalitatis. Et hac ratione id asseruit Soto dicto lib. 1. de natur. & grat. cap. 2. Nec ego inueni Theologos contradicentes, quos oporteret in præsentem allegare, imò multi dicunt voluntatem aliquam violentiam pati, si sufficienter proposito obiecto, & positis aliis requisitis ex parte eius ei denegetur concursus ad amandum, & ideo amorè non eliciat, quod tenuit Alman. in tract. 1. Moral. cap. 2. & sequitur Medina 1. 2. q. 6. art. 4. quæ doctrina maximè fundatur in hoc, quòd talis concursus est debitus, vt notauit Vasquez 1. 2. disp. 26. cap. ultimo. Confirmatur primò. Nam potentia debetur actus proprius hoc debito connaturalitatis, & ideo dicunt Theologi intellectus lumine gloriæ eleuato debere visionem beatam, & similiter materiz proximæ dispositæ & organizatæ ad esse hominis, debetur anima rationalis, & hac ratione est naturaliter debita creatio animæ rationalis. Ergo simili modo debetur lumini gloriæ concursus ad visionem beatam, & idem est cum proportionem de cæteris virtutibus tam infu-

I 1.  
4. Conclusio.

Soto.

Ledesma.

I 2.

S. Thom.

Soto.

Alm.  
Medina.

Vasquez.  
Probatur ratione.

sis, quàm acquisitis. Confirmatur secundò, quia si non debetur igni concursus generalis, non erit contra ordinem naturaliter debitum negare illum talem concursum; sicut ille auctor dicit, non esse contra debitum naturale negare homini auxilium efficax ad amandum; ergo non erit miraculum ignem non calefacere, vel non comburere pueros in camino Babylonis, quia solùm non non combussit, quia defuit Dei concursus: negare autem talem concursum non fuit miraculum, iuxta illam sententiam, quia negare quod non est naturaliter debitum, non est miraculum, sicut negare auxilium efficax non est miraculum; ergo neque carentia actionis, quæ inde sequitur, miraculosa est, sicut non est hominem carentem auxilio efficaci, non diligere Deum.

13. Soluitur obiectio ex discrimine agentium necessarium & liberorum petita.

Fortasse verò aliquis argumento conuictus dicet, agentibus ex necessitate naturæ deberi auxilium efficax, quia generalis concursus semper est determinatus iuxta capacitatem talium agentium: agentibus autem non deberi auxilium efficax, quia nullum est determinatum ex natura talis agentis. Sed hoc in primis gratis dicitur, quia non patitur ratio cur ignobilioribus causis secundis debeat auxilium primæ causæ proportionatum suis virtutibus, & non debeat nobilioribus agentibus liberis proportionatum ipsis, & peculiari modo agendi illorum. Et deinde non minus miraculum esset, voluntatem de se expeditam cum omnibus requisitis ad agendum nihil liberè velle ex solo defectu concursus, quàm ignem non cremare ex defectu sui concursus; ergo tam est debitum voluntati concursus ad liberè volendum, sicut igni ad calefaciendum. Est tamen notanda diuersitas, quia igni debetur vnus determinatus concursus, voluntati autem minimè, sed indifferens iuxta illius naturam, seu multiplex sub disunctione, vt ita non explicem, id est, concursus ad volendum, vel nolendum, aut ad volendum hoc, vel oppositum.

14. Quale sit illud discrimen respectu concursus debiti.

Vnde sequitur aliud discrimen, nam respectu agentis necessarii debitum est (vt ita dicam) absolutum, id est, nullam includens conditionem, quæ non ex naturali necessitate compleatur: respectu verò voluntatis liberæ, licet absolute debeat concursus sub disunctione, modo explicato: determinatus autem concursus ad talem actum non debetur, nisi sub conditione pendente ex libertate voluntatis, nimirum si per ipsam non steterit, seu dummodo ipsa cooperetur. Hæc autem conditio habet locum in auxilio efficaci comitante, vt per se patet, & in lib. 5. dicitur. Et ideo tale auxilium potest esse debitum modo prædicto, & actu non dari, quia ex parte Dei non denegatur, imò semper est paratus sub prædicto modo, & conditione, & quoties de facto non datur positus aliis prærequisitis ad agendum, solùm est ex defectu conditionis ex parte hominis deficientis. Dicta verò conditio non ita locum habet in auxilio efficaci physicè præueniente voluntatem, quia tale auxilium, vt actu conferatur, non potest pendere ex libero vsu voluntatis, vt in lib. 5. ostendam. Ex quo (vt dicebam in principio) potius infertur nullum esse tale auxilium efficax, quod possit esse generale, aut necessarium ad liberam actionem voluntatis; tum, quia necessitas illa non esset composita, sed absoluta, cum non pendeat ex vsu libero voluntatis, tum

Fr. Suarez de Gratia Pars I.

A etiam, quia eo ipso quòd tale auxilium determinatum pro solo Dei arbitrio dari dicitur, vel negari, est euident argumentum, illud non pertinere ad concursum generalem, & essentialem dependentiam secundæ causæ à prima in agendo, vt ex dicendis in sequenti capite patebit.

Quæret fortasse aliquis, an hoc debitum intelligatur solùm respectu eius, qui ex habitu operatur, videri enim potest ita esse asserendum, quia hoc auxilium non debetur voluntati secundum se spectatæ, sed ratione virtutis supernaturalis; ergo non habenti habitum non debetur hoc auxilium. Respondetur argumentum concludere non deberi debito connaturalitatis, nihilominus tamen alia ratione dicendum est ex conuenienti ordine diuinæ prouidentie, peccatori iam sufficienter excitato ad fidem, vel pœnitentiam, vel similes actus moraliter esse debitum hunc concursum. Ratio est, quia licet excitatio non sit principium physicum, est principium morale sufficiens in suo ordine, & datur, vt homo possit moraliter conuerteri; & ideo secundum rectum ordinem prouidentie secum affert paratum auxilium physicè adiuuans, si per hominem non steterit, & hoc est morale debitum, de quo loquimur. Accedit, quòd homo sic excitatus potest liberè consentire, & ad hunc finem datur illi excitatio, & ab eo sæpe consensus sub obligatione exigitur; ergo tali prouidentie supposita, debetur illi concursus necessarius ad consensum, saltem sub ea conditione, si per hominem non steterit.

Sed quæri rursus potest, an in illo, qui non operatur supernaturaliter ex habitu, sit necessarius duplex Dei influxus in ipsum actum, vnus, quo supplet vicem habitus, & agit vt causa proxima, alius generalis causæ primæ. Videtur enim ita necessariò dicendum, quia quando habitus adest, habet suum concursum distinctum à concursu generali; ergo quando Deus supplet concursum habitus, adhibet etiam distinctum influxum. Respondetur in re ipsa non esse duos influxus, sed vnum eminentiorem virtute continentem plures, quia ratione possunt tantum distingui. Nam, vt suprà dixi, illa actio vnica est, & simplex, ideoque etiam respectu principiorum realiter distinctorum, vt sunt causa prima, & secunda, vel habitus, & potentia non distinguuntur in re, tanquam dux partiales actiones, sed solùm habitudine rationis; ergo multo minus poterunt distingui respectu Dei, in quo ratio causæ primæ, & proximæ in re non distinguuntur; imò si ibi consideretur Deus præcisè vt causa particularis supplens vicem habitus, ille influxus vt est à Deo est longè altioris rationis, quàm influxus habitus, quia iste est influxus principij creati, & ideo postulat concursum causæ primæ: influxus autem Dei est à principio increato, & ideo per se est independens ab omni superiori causa. Vnde in tali influxu sic spectato, nec ratione distinguuntur concursus causæ primæ, & influxus Dei vt causæ proximæ, tum neque in ipso Deo distinguuntur ratio causæ primæ, & proximæ, neque in ipsa actione distingui possint actio causæ proximæ, & concursus causæ primæ, quia illa actio per se talis est, vt concursu alterius causæ non indigeat; ita ergo est in dicto influxu Dei in talem actum supernaturalem præcisè spectatum vt est à Deo, vt causa prima, & supplente vicem habitus.

15. Quomodo intelligatur hoc debitum auxiliij generalis, & respectu cuius.

16. An concursus Dei generalis, & vt causæ primæ sit necessarius non operanti ex habitu.

Quia verò actio illa etiam est à voluntate creata, ideo respectu illius, ille influxus Dei, & habet rationem specialis adiutorij suppletis vicem habitus, & rationem concursus generalis ordinis gratiæ adiuuantis potentiam creatam, & ita potest ibi ratione distingui duplex Dei concursus.

17.

Concursus ille generalis ad actus supernaturales est donum ordinis gratiæ.

Vltimò ad quæstionem directè respondendo dicimus vltimò concursum hunc generalem ad supernaturales actus esse verum donum ordinis gratiæ gratuitum, & speciale respectu concursus generalis ordinis naturæ, quæ resolutio communis etiam est, & singulæ partes facillè probantur ex dictis: nam esse donum ordinis gratiæ ex tertia assertione manifestum est, quia est donum in se supernaturale, sicut est actus ipse ad quem datur. Esse autem gratuitum probatur, quia per se non datur ex operibus, quia non requirit antecedentia opera. Et licet non detur nisi cooperanti, non tamen datur propter cooperationem, quia nullo modo cooperatio antecedit tale auxilium, sed ad summum est simul cum illo: datur ergo ad operationem cum comitante cooperatione causæ secundæ, gratis tamen datur. Quod si contingat præcedere aliquod meritum, vel impetratio talis auxilij, illud non potest esse fundatum in operibus solius naturæ, sed in fide, & priori gratiæ; & ideo etiam tunc est donum gratuitum, quamuis non primum, sed tamquam gratia pro gratia, quod satis est, ut non sit simpliciter ex operibus, & ideo etiam in gratia excitante idem contingere potest, ut in superioribus sæpe dictum est, & in lib. vlt. latius dicemus. Atque ob eandem causam non obstat hanc parti assertio præcedens, quia licet hoc auxilium detur ut debitum habitui, vel priori gratiæ, numquam datur ut debitum naturæ secundum se spectatæ, & ideo semper illud debitum est fundatum in gratia, & consequenter ipsum auxilium est semper gratuitum tamquam gratia pro gratia. Ex quo etiam facillè patet vltima pars de auxilio speciali: nam omne auxilium gratiæ comparatione naturæ est speciale, quamuis respectu prioris gratiæ præsertim habitualis vocetur generale in ordine donorum gratiæ, & per quamdam conuenientiam, seu proportionalem ad cursum naturæ. Nam sicut iste est communis ad virtutes naturales, ita ille est communis ad supernaturales. Si autem illi duo inter se comparantur absolute respectu naturæ, sic concursus gratiæ est specialis, quia est ultra debitum naturæ: concursus autem naturalis est tantummodo, & quasi per antonomasiam generalis, quia non excedit commune debitum naturæ.

18.

Diluitur obiectio.

Vna superest obiectio facilis, quam non omitto, quia ad magis declarandam distinctionem auxiliorum deferuire potest. Videtur ergo sequi ex dictis ad excitantem gratiam esse necessariam adiuuantem, quod videtur inconueniens: tum quia aliàs confunderentur istæ gratiæ inter se, tum etiam, quia tunc gratia excitans non esset prior, quàm adiuuans, sed vel ordine naturæ posterior, vel ad summum essent simul, quod est contra suprà dicta. Sequela patet, quia gratia excitans est opus supernaturale factum ab homine; ergo non potest fieri sine concursu Dei eiusdem ordinis: sed talis concursus est gratia adiuuans; ergo non potest fieri sine gratia adiuuante. Respondeo committi æquiuocationem in verbo *gratia adiuuans*; propriè enim dicitur respectu arbitrij liberè operantis, & sic omnino distinguitur à gratia excitante, ut excitans est, præsertim loquendo de adiuuante per modum influxus, ut suprà probatum est. In hoc ergo sensu negatur sequela, cuius probatio non procedit, quia

A motus gratiæ excitantis non fiunt à nobis liberè. Si autem aliquis omnem concursum Dei ad omnem etiam actionem necessariam vocet auxilium adiuuans, sic verum est Deum efficere in nobis actus gratiæ excitantis adiuuando, & eleuando nostras potentias ad illos efficiendos: nam eo modo, quo in illis motibus potest distingui via, & terminus, seu actio, & qualitas, potest etiam distingui auxilium quasi adiuuans potentiam ad agendum à gratiæ formaliter excitante potentiam. Ille tamen motus loquendi, ut dixi, non est vñtatus, sed verumque sub gratia excitante, siue in fieri, siue in facto esse comprehenditur.

B

## CAPVT XXVI.

Corollaria nonnulla, quæ ex doctrina superioris capitis inferuntur.

Priusquam de concursu præuio in causam dicam, operæ pretium visum est ex doctrina capituli superioris, nonnullas proprietates, seu vera attributa huius concursus comitantis inferre, ut supponamus ea, in quibus nulla ferè est dissensio inter eos, qui de concursu per influxum in causam dissentiunt, quæ maximam lucem afferent ad intelligendam sententiarum diuersitatem in alio puncto de concursu præuio, simulque ad percipiendam efficaciam rationum vtriusque opinionis multum conferunt.

Primò ergo colligitur ex dictis hoc auxilium actuale quod est per modum concursus comitantis, esse aliquid creatum animæ potentiis inhaerens. Hoc pro comperto habent omnes Theologi, & Philosophi, etiam in sua sphaera, quia hic concursus est dependentia operationis creatæ à creatore; ergo est aliquid creatum, seu factum existens in subiecto, in quo ipsa operatio existit. Inuenio tamen generatim relatum sine nomine auctoris quoddam dixisse hunc concursum non esse aliquid in creatura, sed voluntatem Dei efficacem, quia vult talem effectum fieri. Et fortasse mouebantur, quia hic concursus Dei non potest esse increatum, nisi per modum actionis Dei transeuntis: at verò Deus non operatur ad extra per actionem transeuntem, ut nonnulli opinabatur, sed per suam increatam volitionem immanentem, quæ est virtute transiens, non actu; ergo illamet volitio erit concursus cum creatura ad operationem eius. Pro qua sententia allegari potest Capreol. *disp. 1. q. 2.* præsertim ad argumenta Durandi contra conclusionem. Sed hoc nobis nihil obstat. Primò, quia sententia illa falsa est, nam effectus Dei etiam manât ab ipso per actiones transeuntes respectu ipsius: voluntas autem Dei est principium talium actuum, vel per seipsam, vel per omnipotentiam, quæ sit attributum ratione distinctum à voluntate, quæ omnia ex Metaphysica, & ex 1. part. quæst. 19. 25. & 45. suppono. Secundò, quia etiam data illa sententia non potest negari, quin in ipsamet actione creaturæ intrinsecè imbibatur essentialis dependentia, & emanatio à Deo tamquam à primo efficiente principio, siue dicatur emanare ab illo tamquam actio, siue tamquam effectus, siue tamquam passio, vel mutatio quædam creaturæ; quocumque enim modo spectetur, seu appelletur illa dependentia, est concursus Dei simultaneus coëfficientis cum causa secunda actionum eius. Nos verò, quia re-

I.

Auxilium actuale est aliquid creatum potentiis inhaerens.

Capreol.



sponsionem priorem veriorum existimamus, eandem actionem, quæ est à creatura, ut est à Deo, dicimus esse hunc concursus Dei. Et Capreol. licet supra dicat actionem Dei vno modo esse immanentem, nihilominus etiam docet, ipsam actionem externam causæ secundæ esse actionem Dei.

2. Secundò sequitur ex dictis, concursus Dei cum causa secunda non distingui realiter, vel actualiter ex natura rei ab actione creaturæ, sed tantum ratione ratiocinata, per inæquatos conceptus eiusdem actionis cum fundamento in ipsa. Hoc corollarium quoad priorem partem de distinctione reali perfecta, quæ dicitur esse tanquam res à re, per se nota est, & extra controuersiam, & à fortiori patet, ex altera, quæ probatur, quia si ibi esset distinctio modalis ex natura rei, vel esset tanquam inter duas actiones, vel tanquam inter actionem, & terminum: neutrum autem dici potest, quod ita ostenditur. Nam in cap. precedenti assertione 2. ostensum est in effectu causæ secundæ non interuenire actionem aliquam, quæ sit solius causæ secundæ, quia impossibile est causam secundam habere actionem, quæ immediatè non manet ab ipso Deo, cum sit aliqualis entis participatio, quæ non potest non fluere immediatè ab ente per essentiam; ergo illam et actio, quam elicit causa secunda, manet à Deo, seu Deus immediatè influit in illam, ergo ipsamet est concursus Dei cum voluntate creatæ, non minus in actionibus supernaturalibus, quam in naturalibus, nam est eadem ratio. Igitur præter hanc actionem non est necessarium fingere aliam, quæ sit à solo Deo, quia vel talis actio tendit immediatè ad alteram actionem causæ secundæ, & sic est impertinens, vel etiam impossibilis, quia ad actionem non est alia actio tanquam ad proximum terminum, aliàs procederetur in infinitum: actio ergo eadem per seipsam fluit à suo principio adæquato, seu ab omni causa, à qua essentialiter pendet; vel talis actio esset immediatè ad eundem terminum, ad quem terminatur altera actio, & sic est superflua, quia per alteram actionem, quæ simul est à causa prima & secunda, procedit ille terminus, pendetque ab utraque causa sufficienter; ergo superflua est alia actio solius Dei tendens ad eundem terminum. Vnde tandem concluditur, non esse distinctionem modalem, vel actionis ab actione, vel tanquam actionis à termino. Alia autem ex natura rei cogitari non potest; ergo superest ut sit tantum distinctio rationis cum fundamento in re, nam quia eadem actio dicitur habitudinem ad duas causas, ut est causa secunda dicitur calefactio, verbi gratia, vel volitio, ut verò præcisè concipitur, ut est à Deo, dicitur concursus actualis Dei.

3. Tertiò sequitur ex præcedentibus, concursus hunc causæ primæ distingui ab effectu, seu termino actionis causæ secundæ ex natura rei, non propria reali, sed modali tantum distinctione. Probatur, quia actio ipsius causæ secundæ distinguitur modaliter à suo termino: sed hic concursus Dei non distinguitur in re ab actione causæ secundæ; ergo eodem modo, quo ipsa actio causæ secundæ à suo termino distinguitur. Consequentia euident est, quia sicut ea quæ sunt eadem vni tertio, sunt eadem inter se: ita etiam è contrariò, quæ inter se non distinguuntur in re, necesse est, ut à quocunque vnum distinguitur, alterum etiam distinguatur. Minor autem probata est in præcedenti corolla-

rio. Maior verò ex Metaphysica supponitur, quia quæ in re ipsa sunt ita separabilia, ut alterum sine altero manere possit, quamuis non sit reciproca separatio; necesse est, in re ipsa distingui, saltem modaliter. Ita verò se habent actio & terminus, ut patet in calefactione ignis, nam illa cessante manet calor. Vnde etiam potest firmari corollarium, quia etiam concursus causæ primæ cum secunda ad aliquem terminum est separabilis ab eodem termino, quia quando Deus producit calorem cum igne, cessante calore ignis, cessat concursus Dei, quia sunt vna indiuisibilis actio, perseverat autem calor. Ergo distinguitur concursus ille in re ipsa ab ipso calore.

Dices, postea calor conservatur à Deo solo. Respondeo conservari per nonam actionem, quia quoties mutatur dependentia à priori causa, necesse est mutari actionem, quia non potest fieri mutatio, vel cessatio in dependentia ab aliqua prioris causa sine aliqua mutatione in re facta: non potest autem interuenire nisi in actione, cum in termino non fiat. Hæc tamen doctrina non videtur tam faciliè accommodari ad actus immanentes animæ, de quibus hic tractamus, quia illi ita pendent in conservari à potentiis, ut sine illarum influxu manere non possint. Nihilominus tamen etiam in his procedit illatio, & assertio, quia in illis distinguitur etiam ex natura rei actio à termino. quod potest ostendi, tum per æquiparationem rationis, quia etiam in lumine, & aliis qualitatibus quæ pendent in fieri, & conservari à suis causis distinguitur actio à qualitate; tum etiam, quia in actibus immanentibus potest mutari actio, manente eadem qualitate actus, ut si idem amor elicitus sine habitu charitatis incipiat per habitum conservari, vel alio simili modo, ut latius in Metaphysica & in materia de Anima differetur: hic verò hæc persundoriè præmittimus, quia postea erunt necessaria.

Quartò sequitur ex dictis hunc Dei concursus, vel auxilium etiam in operibus gratiæ esse omnino simultaneum respectu concursus, seu actionis voluntatis humanæ. ita dixi in lib. 1. de Auxiliis cap. 4. & nunc inuenio communiter recipi à modernis Thomistis. Et Ledesma dicit in hoc debere convenire omnes Doctores, & omnes discipulos D. Thomæ, citatque Caietanum 1. p. q. 14. art. 13. quem ego etiam retuli lib. 1. de Auxil. cap. 6. & 14. Ratio est manifesta ex dictis, quia vel comparantur actio creaturæ, & concursus Dei inter se, vel comparantur ut attingunt terminum, & in neutro respectu potest intelligi prioritas propria naturæ, quæ in causalitate fundatur; sunt ergo omnino simul. Prior pars probatur, quia ibi non sunt duæ actiones reales, sed vna tantum re, & duplex ratione. Et confirmatur: nam sicut illa actio præcisè, & inæquarè concepta, ut est concursus Dei, est ab illo solo ita concepta præcisè, ut est influxus causæ secundæ, est à sola illa. Ergo ut sic neutra ab altera; ergo neutra est prior in re ipsa (utique prioritate causali,) altera; sed neutra est sine altera, & consequenter utraque est simul omnino, vel potius illa actio, cum sit vna indiuisibilis, simul omnino est; utramque verò rationem in se vniens, & simplicissimè complectens. Altera pars probatur tum discursu facto, quia cum illa sit vna simplex actio, tota simul tendit in terminum, & attingit illum; tum etiam, quia sicut ille duplex influxus causæ primæ & secundæ

Concursus Dei non distinguitur realiter ab actione creaturæ.

4. Diluitur obiectio.

5. Hic concursus est simultaneus cum actione humana. Ledesma.

Caietan.

eundæ propter indistinctionem non habent in se causalitatem in suo esse, ita neque habent causalitatem inter se in attingendo termino; ergo neque habent ordinem prioris, vel posterioris naturæ in illa attingentia; tum denique, quia terminus non est à causa secunda prius natura, quàm à Deo, quia hoc est contra dependentiam essentiali creaturæ à prima causa, neque est à Deo prius natura, quàm à causa secunda, aliàs & causa secunda ageret in factum, & totus effectus prius esset à solo Deo, & postea vel esset iterum à sola creatura, quod est impossibile, vel iterum à causa prima, & secunda simul, quod esset superfluum. Est ergo hic concursus Dei omnino simultaneus cum influxu causæ secundæ.

6. Dices, ergo causa secunda ut est actu agēs, non pender à Deo tamquam à causa, ex vi huius concursus, quod videtur dici non posse. Probat sequela, quia si penderet causa secunda à prima, necessarium esset causam primam in hoc eodem concursu esse priorem natura in causando. Propter hanc rationem multi putant necessariam esse præmotionem Dei in causam secundam, ut ratione illius verè dicatur causa secunda pendere à prima in causando. Sed non oportet vnā quæstionem cum alia confundere; nam illa præmotio nec per se necessaria est, ut infra dicam, nec in præsentī ad difficultatem tactam expediendam deseruit. Nam etiam admissa tali præmotione, ipsamet pender à Deo in agendo quoad concursum simultaneum; qualiscumque enim illa motio sit, est quædam virtus creata, imò dicitur esse instrumentum Dei; ergo intrinsecè indiget immediato influxu intimo imbibito in actione illius, qui non attingat prius natura effectum quàm præuia ipsa motio per actionem suam. Relinquitur ergo eadem difficultas de illa præmotione, quæ est de virtute permanente causæ secundæ, quomodo scilicet pendeat à Deo in agendo, & nihilominus Deus prius non attingat effectum, quàm ipsa virtus creata, vel motio.

7. Alij distinctione vtuntur, nam concursus primæ causæ, & secundæ dupliciter possunt comparari, primò ut exeunt à causis suis, secundò ut attingunt effectum. Et hoc posteriori modo dicunt procedere quæ diximus, quod concursus primæ causæ non prius attingit effectum, quàm concursus causæ secundæ. Sub priori autem respectu dicunt, concursum causæ primæ esse priorem natura, quàm concursum causæ secundæ, quia causa secunda pendet à prima in agendo; ergo concursus causæ secundæ pendet à concursu causæ primæ; & ab ipsa participat omnem suam virtutem. Sed hæc distinctio non rectè accommodatur ad concursum Dei simultaneum, de quo tractamus, licet posset habere locum respectu motionis præuiæ: nam illa posita verissimè dicitur prius natura exire à Deo, & efficere causam secundam, quàm actio causæ secundæ ab illa profluat, quamuis illamet præmotio Dei non prius natura attingat effectum causæ secundæ, quàm ipsamet causa secunda, ut iidem auctores fatentur. Et quantum ad eandem præmotionem rectè etiam dicitur concursum causæ secundæ pendere à concursu causæ primæ, nomine concursus illum præuium significando.

8. Hoc tamen non rectè dicitur respectu concursus simultanei, & concomitantis, quia in re non distinguitur à concursu causæ secundæ, & ideo non potest esse inter eos realis emanatio, vel

A causalitas; ergo nec prioritas naturæ, siue ut exeunt à causis, siue ut attingunt terminum, quia etiam sub priori respectu non habent inter se realem causalitatem, eo vel maxime quod in ipso concursu non est prior vnus respectus, quàm alius, id est, in actione non est prior natura exitus ab agente, quàm attingentia ad terminum spectatum, ut est in fieri. nam, v. g. illuminatio æquè primò exit à luce, & tendit in lumen; ergo similiter concursus Dei in illuminatione imbibitus æquè primò exit à Deo, & attingit lumē; ergo etiam vterque concursus causæ primæ, & secundæ, sicut attingunt terminum sine ordine naturæ inter se, ita etiam exeunt ab vtraque causa sine eodem ordine: sunt ergo simul natura.

B Aliter verò Capreolus in 2. d. 1. q. 2. ad argumenta Durandi contra 6. conclusionem docet, actionem primæ causæ prius natura attingere effectum, quàm actionem causæ secundæ. Sed, ut notauī in lib. 1. de Auxilijs, cap. 4. non videtur id intelligere Capreolus de actione Dei ad extra, sed de ipsa Dei voluntate, quam ibi vocat actionem Dei internam, quæ est principium actionis externæ, & sic est natura prior: non tamen negat Capreolus quin actio causæ secundæ, sit etiam actio externa, seu transiens ipsiusmet Dei, & sic etiam ibidem fatetur vnā, & eandem actionem transiētem esse immediatè à causa secunda, & prima, & ut est à prima, esse concursum simultaneum respectu concursus causæ secundæ. De hac ergo actione transeunte Dei dici non potest quod attingit effectum prius natura, quàm actio creaturæ, cum in re sint vna, & indiuisibilis actio, & ob eandem rationem, ut dixi, illa actio non prius natura emanat à Deo, quàm à causa secunda, prioritate scilicet causalitatis, licet sub alijs rationibus dicatur prima causa prius natura influere, quia eius influxus, & est intimior, seu essentialior, & magis necessarius, & de se magis etiam independens, ut rectè notauit Caietanus 1. p. qu. 14. art. 13. §. *Neque sustinendus* & qu. 19. art. 8. in fine.

9. Solutio Capreoli reijcitur.

D Ad obiectionem ergo factam responderetur negando sequelam, quia ut causa secunda pendeat à prima in agendo, sufficit quod ab illa pendeat in omni re, & forma, vel modo, aut conditione reali necessaria, ut in esse actu agentis constitutur: pendet autem causa secunda à prima, non solum inesse, & conseruari, & in virtute agendi, sed etiam in sua actione: nam illamet actio essentialiter pendet immediatè à Deo, ut dictum est; per illam autem actionem constituitur causa secunda in esse actu agentis, ergo hoc satis est ut causa secunda pendeat in esse agentis à prima. Quod si causa secunda consideretur prius natura, quàm agat, ut sic etiam dicitur pendere à Deo essentialiter in agendo, non solum quia per continuum influxum eius habet virtutem agendi, sine quo illam non haberet, sed etiam, quia prædicta tali virtute nihil potest agere sine actuali iuamine, & auxilio causæ primæ, quod præbet simul cum illa efficiendo eandem actionem, & effectum. E contrario verò dici non potest causa prima dependere à secunda in agendo, quia non postulat consortium causæ secundæ ex indigentia, nam per se est sufficiens ad operandum, si velit, licet ex benigna providentia, ut relinquat suas creaturas operari, talem concursum illis accommodare, quo sine illis non operetur.

10. Vera solutio.

E Quintò inferitur hunc concursum Dei sub hac præcisa ratione conceptum non concipi ex parte

11. Concursus.

ille ex parte  
sua non est  
adequata  
ratio produ-  
ctiva effe-  
ctus quem  
tamen totum  
attingit.

parte eiusdem causae, ut adequatam actionem productivam sui effectus, seu termini, licet ex parte effectus totum illum attingat. Probatur prior pars, quia actio adequata illius effectus, est quaedam actio, quae intrinsicè respicit duplicem causam, primam scilicet, & secundam; ergo illa inadèquate concepta ut manat à solo Deo non est completa, & adequata actio illius effectus; est ergo inadèquata, & sub illa ratione dicitur non esse unica. Declaratur à simili, nam sapientia Dei sub illa præcisa ratione concepta rectè dicitur non esse unica perfectio Dei, nam iustitia intelligitur esse alia perfectio, & sic de cæteris attributis. Vnde adequata Dei perfectio concepta, ut tota perfectio Dei, omnia attributa Dei includit; ita ergo se habet actio illa prout in re est adequata comparata ad concursum causae primae, & influxum causae secundae præcisè conceptos. Ergo quilibet eorum solum concipitur ut actio incompleta ex parte sui principij; secus verò est ex parte termini, ut in altera parte dicebamus, quia quilibet illorum concursuum etiam inadèquate conceptus intelligitur terminari ad totum effectum, seu terminum, quia nihil est in termino quod non à Deo essentialiter pendeat, vel quod non à causa secunda tunc fiat. Nec fingi potest pars in effectu quae magis attingatur per concursum causae secundae, quam alia, ut in sequentibus magis explicabimus.

12.  
Obiectio  
soluitur.  
Caietan.

Obiicies, quia si Deus per illum concursum prius natura attingeret effectum, quàm causa secunda, totum effectum produceret, & paulo antea dicebamus, & sentit Caietanus 1. part. quæst. 19. art. 8. in fine. Ergo ille concursus ut præcisè concipitur à solo Deo, est totalis actio illius effectus. Respondetur hypothese illam destruere propriam rationem, & conditionem talis concursus, & ideo licet data hypothese bona sit illatio, nihil infertur contra positam illationem, quia non fit illatio de concursu prout modò à Deo præstatur, sed de concursu qui fingitur ex illa hypothese. Declaratur, quia licet Deus per se sit potens ad faciendum se solo effectum causae secundae, nunc verò quando cum causis secundis concipitur, ita illis suum influxum, & activitatem accommodat, ut concursus eius prout nunc præstatur, non sufficiat efficere effectus si causa secunda non coagat, quia Deus (ut sic dicam,) in tali modo agendi non vult esse operator, sed co-operator, ut in Metaphysica dixi.

13.  
Falsò accusatus auctor.

Ex quo intulit quidam modernus Scriptor, insinuas me in illo loco, quod si in aliquo priori natura causa prima concurreret, & non produceret totum effectum. Hoc autem neque in mentem meam venit, neque ex verbis meis potest cum probabilitate colligi. Sed potiùs immediatè infertur, fieri nullo modo posse, ut hic concursus Dei prout de facto datur, prius natura attingat effectum, quàm influxus causae secundae, quod est verissimum, & satis probatum in corollario. Quod etiam idem auctor admittit, ideo paulo inferius fateatur ita esse de facto quod Deus, ut nunc concurrat cum causa secunda, non prius attingit effectum quàm illa, ideoque nec sine illa producat effectum. At verò posita hypothese quod Deus vellet suo influxu prius natura attingere effectum, tunc quidem produceret totum effectum actione totali, tam ex parte principij, quàm ex parte termini, quia Deo non deest virtus, & per illam voluntatem applicaret totam virtutem necessariam. Tunc autem concursus Dei esset alterius rationis, imò non esset concursus, quia particula con, dicit comitantiam alterius, sed esset absoluta effectio, & tunc creatura vel nihil ageret, vel actum

ageret, quod præsentì quæstioni est impertinens. Si autem talis fingatur hypothesis, ut manente eodem concursu prout nunc datur, prius natura attingat effectum, dico hypothese inuoluerè repugnantiam, quia implicat concursum esse simultaneum per entitatem in eadem indivisibili actione, & prius natura attingere, ut probatum est. Et ideo data illa positione, sequitur per talem concursum totum effectum fieri, quia aliquid fit cum sit actio, quae supponitur terminum suum attingere, utique producendo illum, & non partem, tum quia non est maior ratio de vna, quàm de alia, tum quia terminus illius concursus, est totus effectus, ut dixi. E contrario verò etiam sequitur posita illa hypothese nihil omnino fieri, quia deest concomitantia alterius agentis omnino necessarij ad talem effectum, & ad omne illud quod in ipso fieri potest per talem concursum, & Deus non applicat suam virtutem ad supplendum illum defectum, ut supponitur, quia ponitur nolle amplius efficere, quàm cum causa secunda simul efficiat.

## CAPUT XXVII.

*Utrum causa prima, & secunda, ut partiales causa, ad eundem effectum concurrant.*

Hæc quæstio necessaria est ad auxilia supernaturalia explicanda, & ad tollendas verborum contentiones, & ad soluendam objectionem quæ ex illa contra dicta oritur; sequi enim videtur Deum concurrere cum causa secunda, ut partialem causam effectus causae secundae, & non ut totalem. Consequens est absurdum. Ergo. Sequela patet, quia causa quæ non influit actione totali, & integra, non potest dici totalis in actu, cum ab actione denominetur agens actu: diximus autem concursum Dei cum causa secunda non esse actionem totalem; rectè ergo sequitur, Deum ut influentem per illum concursum non esse causam totalem; erit ergo partialis. Falsitas autem consequentis ostenditur, tum quia hoc est contra mentem omnium Theologorum, & Philosophorum, tum etiam, quia hæc esset maxima imperfectio in Deo, nam esse causam partialem dicit dependentiam ab alia causa partiali, quæ est magna imperfectio. Item, quia causa partialis est inferior in sua operatione, quàm causa totalis, quæ ex duplici partiali conflatur, sicut ex duobus trahentibus navim, & unam causam totalem componentibus, unusquisque per se est virtus inferior utroque simul. Hoc autem Deo attribuerè magna est imperfectio.

1.  
Necessitas  
huius quæ-  
stionis ex-  
plicanda.

In hoc puncto Molina in Concordia disp. 26. in Antuerpiana editione circa finem, concedit Deum, & causam secundam simul concurrentes ad eundem effectum esse causas partiales eius, & ex utraque conflari unam causam integram, virtutemque illo exemplo ad duobus trahentibus navim. Contra quam sententiam vehementer insurrexerunt plures moderni Scriptores de Auxiliis gratiarum; sed sine dubio disputant de vocibus, priusquam de re, ut alibi dixi, & mox explicabo. Et præterea excedunt in modo impugnationis. Primò, quia quidam eorum refert Molinam consequenter dicere quod pars effectus respondet primæ causæ, & pars illius respondet secundæ, & ita Deus non attingit totum effectum prius, sed tantum attingit partem effectus simul. Quod certe

2.  
Opinio Mo-  
linæ esse cau-  
sas partiales.

Malè expli-  
cata.



certe si Molina diceret, non solum in modo loquendi, sed in re magni momenti errasset, non tantum contra communem Theologorum, & Philosophorum sententiam, ut ille dicit, sed etiam contra fidem. Nam inde fieret aliquam partem entis realis fieri in mundo, quam Deus non facit, siquidem dicitur solum attingere partem effectus simul. At verò Molina longissime ab illo errore absuit, suamque sententiam explicuit, dicens: *At cum dicimus neque Deum per concursum vniuersalem, nec causam secundam esse integram, sed parciales causas effectuum, intelligendum id est de partialitate cause, ut vocant, non de partialitate effectus, totum quippe effectus, & à Deo est, & à causis secundis.* Et statim adhibet exemplum de duobus tradentibus nauim, & declarans in quo ponat similitudinem addit. *Siquidem quinis eorum simul efficit cum altero omnes, & singulas partes eiusdem motus.* Illo ergo modo non fideliter refertur sententia Molinae.

Hoc autem sano sensu supposito immerito etiam dicitur ille modus loquendi esse contra omnes Theologos. Graues enim, & non pauci Theologi illo modo loquuti sunt. Gregorius enim in 2. dist. 28. quæst. 1. art. 3. ad 12. expresse dicit modum communem quo Deus concurret ad quemlibet effectum agentis creati, esse iuuando causam secundam, *partialiter cum illa efficiendo.* quæ verba habet idem Capreolus quæst. 1. art. 3. ad 12. contra tertiam conclusionem. Gabriel etiam 2. dist. 1. quæst. 2. art. 1. notab. 2. latè, & inter alia dicit, *Deum producentem effectum cum causa secunda, est causa partialis, sicut est causa secunda.* & dist. 37. quæst. 1. ad argument. de 4. via, Deus volendo causat omnia, non tamen ideo est causa totalis, quia vult secum concurrere alias causas. Eodem modo loquitur Olchor in 2. quæst. 1. art. 3. in principio, & Lychetus in 2. dist. 37. q. 2. §. Ad solutionem, ubi ait Deum concurrere ad omnem actionem nostram ut causam partialem, quia vult causam secundam sibi cooperari, & alios statim referat. Neque contra prædictum sensum quod ad rem spectat, alicuius momenti est ratio illius auctoris; tunc enim solum est imperfectio in aliquo, quod sit causa partialis, quando indiget auxilio alterius concausæ ex defectu virium propriarum, ut frequentius contingit in causis creatis, ut in visu, specie, & lumine, & ip multis trahentibus nauim, quam neuter per se trahere potuisset. Nam, ut dixit optime D. Thomas 4. contr. gent. cap. 7. ratio. 16. id provenit, quia virtus cuiuslibet imperfecta est, & insufficiens ad istum effectum, ideoque; ex diuersis virtutibus congregatur vna virtus omnium, quæ sufficit ad trahendum nauim. Secus verò est quando causa libera non ex indigentia, sed ex sua libertate, vel ex imperfectione virtutis, non vult totaliter applicare suam virtutem, nec modo sufficienti, ut sola producat effectum, sed tantum cooperando cum alia, quæ simul totum effectum coëfficiat. Tunc enim esse causam partialem in dicto sensu non supponit imperfectionem in tali causa, cum supponatur per se sola sufficiens; neque etiam ille modus agendi ponit in ea imperfectionem, quia agere, vel non agere extra se non ponit perfectionem in ea, nec tollit perfectionem ab ipsa. Quapropter de huiusmodi causa falsò dicitur, pendere ab alia in agendo: nam potius alia concausa pendet ab ipsa, quia dependentia dicit necessitatem iuuantis alterius ex propria impotentia. Vnde dicitur propriè effectus tunc pendere, non ab altera tantum causa, quantumvis potente, sed indigere alterius influxu. quod verissimum est supposito illo agendi modo, neque enim sequitur aggregatum

A illarum causarum esse potentius altera causa secundum se, sed solum prout voluntarie limitante suam influentiam: quod nullum est inconueniens. Nam in re hoc est ab omnibus dicendum, siue his verbis, siue alijs vtantur.

Illo ergo modo causa prima coniungitur causæ secundæ, ut concausa, non ex defectu virium, sed quia benignè vult sese accommodare causæ secundæ, ut eius efficientiam non tollat, neque præueniat. Sicut homo fortis vult interdum non solus portare lapidem, sed cum alio, qui vult iuuare illum, & non totum opus in se suscipere, licet posset, in quo etiam multum distat homo à Deo, quia homo licet facere possit opus sine ope alterius, non tamen tanta facilitate, aut velocitate, aut sine tanto labore, & ita semper iuuatur aliquo modo in eo, quod per se non potest. Deus autem propter infinitatem virtutis, semper tam bene, & tam facili, & sine vilo labore solus posset facere, quod per causam secundam operamur: solum ergo ex benigna providentia se constituit cooperatorem, & causam partialem, iuxta illum loquendi modum, quem ita explicuit Gabriel 2. dist. 1. quæst. 2. art. 3. dub. 5. ad 3, in actibus vitalibus est multorum opinio Deum non posse se solo efficere illos sine cooperatione causæ secundæ, quod inter Thomistas satis receptum est, & ita videtur Deus ibi partialiter illo modo concurrere, non ex sola voluntate, sed quia tales actus non potest solus efficere. Et nihilominus dicendum est posita illa sententia id non esse imperfectionem in Deo, quia id non provenit ex impotentia Dei, vel ex defectu virium, sed partim ex incapacitate talis effectus, quia non est aliter producibilis, quam à principio intrinseco proximo, partim ex eminentia Dei, cuius potitati, & actualitati repugnat esse principium intrinsecum talium actuum. Quamuis iudicio meo, probabilius sit quidquid est efficientiæ in productione talium actuum non pendere essentialiter à proxima potentia, sed posse à Deo solo fieri, licet non connaturali modo, neque informando potentiam, & ideo ut ita fiat decreuerit Deus iuuare potentias, ut illos virali modo eliciant, fiantque aptæ ad recipiendos in se formales effectus eorum.

Alius verò eiusdem doctrinæ defensor, & Molinae impugnator maximè inuehitur contra illum modum loquendi applicatum ad opera gratiæ, de quibus ita etiam loquitur Molina, & in primis obicit multa testimonia Patrum dicentium totum quod est in operibus gratiæ, esse tribuendum Deo, & non partem homini, partem Deo. Deinde dicentium ipsamque cooperationem hominis esse effectum gratiæ Dei, ut sic verum sit illud Roman. 9. *Non est volentis, neque currentis, sed Dei miserationis;* dicentium denique nihil habere hominem vnde gloriatur, sed totum quod habet esse diuinæ gratiæ beneficium. Obicit præterea rationes. Prima est, quod potentiæ animæ nullum habent virtutem innatam ad coëfficiendum actus supernaturales, etiam ut causæ partiales; ergo Deus non potest dici causa partialis propter cooperationem voluntatis. Secunda ratio est, quia aliàs dicendum esset etiam, Patrem partialiter producere Spiritum sanctum, & similiter Filium, & comparati possent cum duobus trahentibus nauim, neque neuter producit Spiritum sanctum, sed ambo simul. Tertia ratio sit, quia principale agens, & instrumentum non sunt duæ causæ partiales, sed causa secunda est veluti instrumentum causæ primæ, præsertim in operibus gratiæ; ergo. Sed citata testimonia non rectè accommodantur presenti instituto, & punctum præsentis controversiæ

4.  
Quomodo  
causa prima  
coniungatur  
causæ secundæ.

Gabriel.

5.  
Obiecta contra modum loquendi Molinae  
Ex PP.

Deinde ex ratione.

Diluunt hæc omnia  
verba

3.  
Male quoque damnetur.  
Gregor.

Capreol.  
Gabriel.

Olchor.  
Lychetus.

D. Thom.

uersæ variatur, quod in tota hac materia sapissimè sit, estque attentissimè cauendum. Hic enim, vt dixi, non agimus de diuisione effectus inter causas quasi per partes, sed de toto effectû, vt sit à pluribus causis. Neque etiam tractamus an illæ duæ causæ, quæ partiales vocantur, sint inter se subordinatæ, necne, sed tantum vtriusque concursus, & necessitatem consideramus, & ad hoc tantum adducitur exemplum de duobus transiensibus nauim, non vt in omnibus simile reputetur. Denique non agimus de toto influxu gratiæ, nec de Deo, vt variis modis in nobis per gratiam operatur; sed præcisè vt cooperatur nobis per concursus simultaneum ordinis gratiæ.

6.

Explicantur  
allata testi-  
monia PP.

August.

Quibus præ oculis habitis facillè intelligitur priora testimonia in contrarium allegata nihil obesse; illa enim contra Semipelagianos scripta sunt, vel procedunt. Illi enim ita diuidebant bona pietatis opera inter hominem, & Deum, vt quædam dicerent fieri ab homine, solum per liberum arbitrium, alia per Dei auxilium, illudque non omnino gratuitum, sed de priora opera sua promeritum, vt Prolegom. §. latè dictum est. Contra hos itaque dicit Augustinus lib. de prædestinat. Sanctior. cap. 2. *Homo non ita comportat cum Deo, vt partem fidei sibi vendicer, atque illi partem relinquat, & quod est elatius, primam tollit, ipse sequentem dat illi.* Et contra eundem errorem sic intellectum inducit verba Apostoli, *Quid habes quod non accepisti.* & verba Cypriani, *In nullo gloriandum, quoniam nostrum nihil est.* Et in eodem sensu dicit cap. 7. *Quidquid antequam in Christum crederet, & cum crederet, & cum credidisset, Cornelius operatus est, totum Deo dandum est.* vbi particula *totum* non concludit cooperationem hominis, aliàs pugnaret cum verbo *operatus est*, sed distribuit omnia opera conducentia ad salutem, etiam si fidem antecedant. In eodemque sensu ait idem Augustinus lib. de dono perseuer. cap. 6. in fine. *Tutores viuimus, si totum Deo damus, non autem nos illi ex parte, nobis autem ex parte committamus.* nimirum aliquid nostris viribus, & sufficientiæ tribuendo, & propter illud aliquid à Deo sperando. Et in hoc sensu allegat alium locum Cypriani exponentis verba orationis Dominiæ, & ne nos inducas in tentationem, & dicentis illam orationem admonere vnumquemque infirmitatis suæ, ne quis sibi superbè, arrogantèrque aliquid assumat. Nam, vt infra subdit, vbi præcedit humilis, & deuota confessio, datur totum Deo, vbi etiam particula *totum* non excludit, quin totum opus liberum fiat etiam ab homine, sed distribuit omnia opera, & quidquid boni est in quocunque opere ab initio eius vsque ad finem. Et in eodem sensu subiungit Aug. c. 7. illam Domini orationem nihil nobis reliquisse, in quo tanquam in nostro gloriemur. Vnde optimè Bernard. de Grat. & lib. arbit. *non partim gratia, partim liberum arbitrium, sed totum singula opera indiuidua peragunt; totum quidem hoc, & totum illa, sed vt totum in illo, ita totum ex illa.* In quo ultimo verbo indicat alium modum, quo totum opus pium dicitur esse ex Deo, vt iam declaro.

Bernard.

7.

Alia testi-  
monia ex-  
plicata.

Vnde testimonia etiam, quæ secundo loco obiciuntur, ad punctum quod nunc tractamus, nihil conferunt, quia in præsentī non consideramus Deum secundum omnem rationem, & modum quo per gratiam suam in nobis operatur, nostrumque eleuat, vel regit arbitrium, sed præcisè vt concurrat nobiscum per concursus simultaneum, & suo modo generalem, quod expressè Molina in

A eodem loco aduertit, nullus tamen Catholicus ignorat liberum arbitrium non nisi præuentum à Deo, & viribus gratiæ instructum posse in suo ordine esse causam supernaturalis actus fidei, & similium, ideòque necessarium esse, vt à Deo præueniatur, vocetur, & excitetur ad supernaturalem consensum præstadium. Considerando ergo Deum non vt cooperatorem, sed vt inducentem, & trahentem lib. arb. ad cōsensum, verissimum est in Deum solum tanquam in primam radicem & causam, pium opus liberi arbitrii esse reducendum. Et in hoc sensu loquuntur Patres secundo loco allegati, vt constat apertè ex Aug. de prædest. Sanctior. c. 16. vbi ponderans verba Pauli, *Non ex operibus, sed ex vocante,* ait, *Nunquid dixit non ex operibus, sed ex erudente.* Rursus, *Hoc abstulit homini vt totū daret Deo etiam voluntas credendi, & cooperatio liberi arbitrii, quia illa etiam promerit à vocatione, non quacunque, sed congrua, qua fit, vt homo velit.* Per hoc autem non excluditur, quia liberum arbitrium sit simul causa sua fidei cum Deo illi cooperante, neque illi doctrinæ contrarium est, quod propter illam cooperationem causæ partialis vocetur.

Vnde idem Aug. lib. 83. qq. q. 68. dixit, *Si quis sibi tribuas quod venerit vocatus, non potest sibi tribuere quod vocatus sit.* & in Enchirid. c. 32. tractans verba Pauli ad Rom 9. *Non est volentis, nec currentis, sed Dei misericordis,* exponit dicta esse, vt totum Deo detur. Declarans autem quomodo totum datum sit Deo, addit, *Qui hominis voluntatem bonam & preparat adiuuandam, & adiuuat preparatam.* Preparat autem excitando, adiuuat cooperando; ergo vt tribuat totum Deo, non considerat illum præcisè vt concurrentem, sicut nec modò loquimur, sed præcipuè vt voluntatem præparantem. Et sic etiam Ambros. lib. 2. de Abraham c. 7. exponit eadem verba Rom. 9. *Non est volentis,* dicens, *vt omnia tribuas Deo qui te vocauit.* Et in idem redit quod dixit Paulus Oros in fine suæ Apolog. totum fructum palmitis tribuendum esse viti, quia dat non solum vt possit, verum etiam vt sit, & Anselm circa id ad Ephes. 2. *Gratia esset saluati per fidem, & hoc non ex vobis.* Dei, ait, *donum est fides, & vocatio, & non partim, sed purè donum Dei, quia non ex operibus;* ergo ratione vocationis totum est Dei solius, quia *vocatio nullo modo est à nobis, & per illam nobis datur, vt possimus, & si sit congrua, datur etiam vt vilius.* Eandemque doctrinam summam tradit D. Thomas 1. 2. q. 111. art. 2. ad 2. vbi dicit totam iustificationem esse ex gratia, quia ipsa cooperatio nostra procedit ex gratia vtiq; excitante, & fit cum adiuuante.

D

E

Denique eos sensus habent testimonia in tertio loco allegata; vbi cumque enim Patres dicunt, totum opus salutis esse tribuendum Deo, non intendunt excludere propriam causalitatem liberi arbitrii in operibus pietatis, sed interdum illam solam nihil per se valere, nisi à Deo, & adiuuetur. Sic Hieronym. Ierem. 18. exponens, illa verba, *Sicut lutum in manu figuli,* ostendit per illa non excludi causalitatem liberi arbitrii, sed doceri non esse totum tribuendum homini, sed gratiæ, quod exponens subiungit, *ita enim libertas arbitrii seruanda est, vt in omnibus excellat gratia largitoris.* Et similia multa habet Chrysostomus in Ioan. 15. & tom 4. super 1. epistol. ad Thessalon. & 6. in id 2. ad Corinth. 3. *non quòd simus sufficientes, &c.* nam quia Paulus dixerat, fiduciam habemus ad Deum, vt hoc, inquit, emolliat, subdit, *non quòd simus sufficientes, &c.* hoc est, non ita dixi, fiduciam habemus tamquam aliud nostrum sit, aliud Dei, sed totum istud Deo adscribo.

8.

Confirmatio  
allatæ expo-  
sitionis.  
August.

Ambros.

Oros.

Anselm.

D. Thom.

9.

Alia testi-  
monia abla-  
ta explicata.

Hieronym.

Chrysostom.

bo. Ac denique eodem sensu dicunt Patres, nihil esse in homine de quo possit gloriari, quia omnia debent in Deum referri, & quo quisque sanctior est, eo magis totum Deo tribuere, vt videre licet in Cypriano lib. 3. ad Quirin. cap. 11. Basilio Homil. 22. de humil. & Nazianzen. orat. 31. ita exponit illud Roman. 9. *Non est volentis*, &c. Idcirco ait, *non volentis*, id est, non solum volentis, nec currentis solum, sed etiam *miserentis Dei*. Ita quoniam velle quoque ipsum à Deo est, optimo iure totum Deo assignauit, hæc enim ideo dicuntur, quia omne datum optimum, & omne donum perfectum de sursum est, descendens à Patre luminum, Iacob. 1. & eo ipso, quod vt tale recognoscitur, homo non habet vnde gloriatur, iuxta illud ad Ephes. 2. *Dei enim donum est, vt ne quis gloriatur*, vtique in seipso, vt exponit Augustinus nuper allegatus in cap. 7. de prædestinat. Sanctior. qui autem recognoscit perfectè gratiam Dei, licet suam cooperationem liberam necessariam esse cognoscat, non in se, sed in Domino gloriatur, quod Paulus non reprehendit 2. Corinth. 11. de qua re dixi plura in lib. de Auxiliis cap. 20. ad 3. n. 13.

Cyprian.  
Basil.  
Nazianz.

10.  
Prima ratio  
diluitur.

Ad primam rationem respondetur negando asumptum, quamuis enim ex se voluntas non habeat innatam virtutem per se sufficientem, etiam in ratione principij proximi ad actus supernaturales faciendos, negari non potest quin habeat aliquam inchoatam, siue illa dicenda sit naturalis, vt multis placet, siue obediens, vt mihi magis probatur, & illa sufficit vt in suo genere dicatur causa, & concausa cum Deo. In hac verò ratione indicant isti auctores liberum arbitrium per seipsum non habere proximum, & immediatum influxum in opera gratiæ, sed solum mediante habitu infuso, vel alia motione gratiæ præiua, quæ suppleat vim effectricem habitus; & in hoc sensu significant etiam totum opus pium esse tribuendum gratiæ, quia totum principium tam proximum, quam primum, quo fit, est gratia. Verumtamen, quia hoc numquam satis declarant, illud eis simpliciter non tribuo: si tamen ita sentiunt, falsam existimo talem doctrinam, & interpretationem, quia est contra rationem actus vitalis, & liberi, & in lib. 6. fusè tractabo.

11.  
Diluitur al-  
tera ratio  
contra Mo-  
linam allata,  
& tertia  
quoque.

Ad secundam rationem negatur sequela, quia Pater & Filius non sunt duo principia Spiritus sancti, sed vnum, producent enim vna & eadem voluntate, ac virtute, quæ tota est in vtraque persona, & tota in singulis, & ideo nulla est æquiparatio. Ad tertiam rationem respondetur (in primis) non procedere in sententia eiusdem auctoris, qui alibi totis viribus contendit voluntatem esse causam principalem actus supernaturalis, & saltem ratione habitus, quando per illum operatur, negari non potest. Deinde dicimus etiam causam instrumentalem habere suam causalitatem propriam, ratione cuius causa principalis non est simpliciter adæquata, & vnica causa effectus, ab vtraque producti, & de effectibus gratiæ id insinuat Paulus, dicens, *Non ego, sed gratia Dei mecum*. & ex Theologis Bonauent. in 1. dist. 40. art. 2. quæst. 1. dicit prædestinationem non esse totam causam, sed cum alia, scilicet, cum libero arbitrio. Et Thomas Elisus Ordinis Prædicatorum tract. de donis Spiritus sancti p. 473. alias 478. de dispositionibus ad gratiam dicit, *Sufficientia dispositionum est à Deo, & à nobis, vt à duobus causis partialibus facientibus vnā totalem*.

Bonauent.

Thom. Elisus

12.  
Nihil quo-  
ad doctrinā  
in opinione  
Molinæ di-

Concludo igitur si rem ipsam spectemus, nihil esse in illa doctrina, quod iure improbari possit. Ad-  
do etiam si vis fiat in verbis, vel in modo loquendi, vel in exemplo de duobus trahentibus nauim, nul-

lam reperiri ibi sufficientem causam, vel occasio-  
nem offensionis: tum, quia cum de re, & vero sen-  
su constet, & in verbis nulla occasio errandi datur,  
quia sufficienter explicantur, non est, cur de illis  
multum contendatur, tum etiam, quia graues Theo-  
logi eodem modo loquuti sunt, vt vidimus, & alij  
exemplo illo de duobus trahentibus nauim vsi  
sunt ad concursum Dei cum creatura explicandum;  
vt videri potest in Bellarmino lib. 4. de Grat. & lib.  
arb. cap. 15. in principio. Stapletonio in Antido.  
contra Colum. in epist. ad Corinth. vers. 6. Raphaë-  
le Venust. lib. de prædest. & lib. arb. contra Luther.  
lib. 1. fol. 41. & ex veteribus Gabriele 2. dist. 1. q. 2.  
dub. 5. ad 3. Olcoth in 2. quæst. 1. art. 4. ad 10. for-  
mam quarti argumenti principalis. & Caietan. 3.  
part. quæst. 62. art. 4. ad finem, & Conrad. 1. 2. q.  
79. art. 1. in fine corporis. §. nota secundo. Qui tamen  
auctores non vtuntur hoc exemplo vt in omnibus  
putent tenendam esse similitudinem, sed in hoc so-  
lum, quod Deus, & liberum arbitrium, seu causa  
prima, & secunda habent propriam efficientiam in  
eundem effectum, & neutra illum operatur sine  
confortio alterius, sicut vnus trahentium non mo-  
uet nauim sine alterius confortio.

nandam esse  
neque in  
modo lo-  
quendi

Bellarmin.  
Stapleton.

Raph. Venust.

Gabriel.

Holcot.

Caietan.

Conrad.

Vnde etiam P. Alvarez fatetur si per causam  
partialem alicuius effectus nihil aliud significetur  
nisi causa quæ sine confortio alterius causæ non  
operatur talem effectum, sic Deum concurrentem  
cum causa secunda esse causam partialem, imò ait,  
auctores vtriusque sententiæ hoc vnanimi consen-  
su conscribi, etiam in Deo, & libero arbitrio re-  
spectu supernaturalis concursus. Addit tamen alio  
modo dici causam partialem, quæ ita cum alia ope-  
ratur, vt licet forte illi dederit virtutem agendi,  
non tamen dat illi in proprio genere causæ effi-  
cientis proprium influxum, & conatum, & in hoc  
posteriori sensu ait loqui Molinam, imò & nos  
omnes. Quia docent, ait, liberum arbitrium ha-  
bitu supernaturali, vel excitante Dei gratia adiu-  
tum ita efficere actum suum, & in illum influere  
pro innata libertate, vt à Deo, vel ab auxilio effi-  
caci tamquam à causa priori, & per se efficiente non  
dependeat.

13.  
Aluaris  
sensus &  
opinio,

Sed in hoc confundit vnā quæstionem cum  
alia de physica prædeterminatione, & nobis attri-  
buit quæ in nostris certè libris non legit, vel desi-  
gnet loca in quibus ea inueniunt. Probatur primum,  
quia hic præcisè tractamus de concursu si multa-  
neo, & de Deo vt præbente illum, vt iam admonui.  
quæ consideratio locum habet quidquid sit de al-  
tera quæstione de concursu præiua: nam admissa  
illa motione præiua, vt causa secunda sic præmota  
influat in effectum, indiget actuali cooperatione  
Dei, & Deus sic influens postulat confortium alteri-  
us causæ; ergo si causa partialis solum significat  
causam ita agentem, vt postulet confortium alteri-  
us coagentis, etiam Deus sic agens, erit causa par-  
tialis, neque hæc vox excludit præmotionem vel  
physicam, vel moralem vnus causæ in aliam, ne-  
que illam includit, sed ab hoc abstrahit, supponit-  
que voluntatem sufficienter constitutam in actu  
primo per præcedentia auxilia immixta à solo Deo  
esse causam partialem sui actus secundi; & simili-  
ter Deum tunc non facere talem actum sine con-  
fortio voluntatis humanæ. Sicut Prosper lib. 2. de  
vocat. gent. cap. 26. ait Dei præuenientem opitula-  
tionem per innumeros modos omnibus adhiberi.  
Et quod à multis refutetur, ipsorum est nequitia:  
quod autem à multis suscipitur, & gratiæ est diuinæ,  
& voluntatis humanæ. Vnde addo etiam si verum  
esset, præcedere motionem physicam Dei in liberum  
arbitrium,

14.  
Reiicitur  
quod falsò  
attribuat  
quædam au-  
ctori.

Prosper.



arbitrium, adhuc verum esset in illo sensu Deum ut concurrentem per influxum simultaneum esse causam partialem, non solum respectu liberi arbitrij, sed etiam respectu illius praeuiae motionis, quia illa etiam concurrat ad actum, non sine consortio alterius concursus simultanei Dei, ut in puncto sequenti dicam.

15.  
Alia calumnia Aluaris.

Deinde ostendo alteram partem. Quis enim nostrum vnquam dixit voluntatem nostram infirmatam habitu infuso, & excitatam à Spiritu sancto pro innata libertate ita influere in suum actum, ut à Deo, vel ab auxilio efficaci tamquam à causa priori, & per se efficiente non pendeat? Contrarium enim ex praecedenti capite statuimus, ut non nouum, sed ut antiquum, & indubitatum. nam voluntas donis creatis affecta causa secunda est: hanc autem causam essentialiter diximus pendere in suo influxu à causa prima, quae causa prior est, & per se efficiens, & concursus eius auxilium efficax est. ergo quod per illa verba in rigore significatur, falsò nobis tribuitur. Quòd si sub illis tantum significetur voluntatem excitatam, vel affectam habitu, vel alia virtute sufficiente in actu primo, non pendere ab alio auxilio efficaci priori, & praeuio; hoc totis viribus contendimus, non tamen per illa verba in proprietate sumpta significatur. Neque etiam propter illam controuersiam de auxilio illo praeuio dicitur Deus causa partialis, sed praecise propter concursum simultaneum.

16.  
Quomodo Deus sit causa partialis & totalis simul.  
Raph. Venn-  
sur.

Vltimò addo in hoc puncto, etiamsi modus ille loquendi, quo dicitur Deus causa partialis, admittatur, non propterea negari, quin sit causa totalis sub alia consideratione, nimirum in suo genere causae supremae: vnde Raphaël Venustus lib. 2. de praedest. dixit Deum esse causam operis nostri partialem, & totalem, sed non totaliter influentem. Quod cerè Molina non ignorauit: nam in loco allegato statim subdit: Si sit de integra, siue tota causa, non omnino, sed in aliquo gradu causae, tunc Deum per concursum generalem esse causam integram in genere vniuersalissimae, seu primae causae, quia in eo gradu neque habet, neque habere potest consortem. Et ob hanc rationem mihi semper magis placuit hic loquendi modus, ut Deus etiam ut concurrens auxilio simultaneo vocetur potius causa totalis, quam partialis, quia ut dicatur totalis, sufficit quòd in suo ordine, & gradu, qui est perfectissimus, tota causa sit. Et hæc vox maioris est excellentiae, & perfectionis, quam altera, ut per se patet. Aliunde verò nomen partialis causae videtur dicere habitudinem ad alteram causam partialem eiusdem ordinis, ut rectè adnotauit Caietanus 1. p. quaest. 52. artic. 2. §. *Ad euidentiam*, in fine. Vnde necesse est ut ex utraque causa quae partialis dicitur, vna causa integra constetur, quod in praesenti admittit Thomas Elisius in verbis allegatis. Re tamen vera non rectè: nam ex causa prima, & secunda non conflatur vna totalis causa, sed cumulus plurium causarum ad talem modum efficiendi necessarium, quod longè diuersum est, ut bene notauit Fonseca lib. 5. Metaph. cap. 2. quaest. 9. sect. 2. §. *Quo loco*, in fine; sicut materia, & forma licet simul concurrant, ut plures causae ad eundem effectum, non possunt dici componere vnam causam.

Caietan.

Thomas Elisius.

Fonseca.

Fr. Suarez de Gratia Pars I I.

A sam totalem, ergo neque causa prima, & secunda simul concurrentes dici possunt vnam causam efficere, seu componere. Ergo sicut materia, & forma non dicuntur plures partiales causae, sed vnaquaeque est totalis in suo genere, ita de causa prima & secunda, censendum, & loquendum est. Nam seruata proportionem, eadem est ratio, quia sicut materia, & forma habent diuersos causandi modos, & vnaquaeque in suo genere est perfecta, & integra; ita modus influendi causae primae, & secundae est longè diuersus, & vnaquaeque in suo genere plenè exhibet suam causalitatem. Dicamus ergo causam primam, non esse causam solam, vel vnicam efficientem illius effectus, ad quem concurrat: sed esse vnam praecipuam ex multis concurrentibus non tantum cumulum causarum ibi operantium. quibus res quidem eadem significatur, & inuidia verbi enitatur.

Nec huic dicendi modo obstat obiectio supra facta, sed potius illum confirmat. Nam actio illa, qua effectus fit simul à Deo, & à creatura in re tota est à Deo, & tota à libero arbitrio, cum in re non habeat partes distinctas, & ideo concursus Dei non potest dici simpliciter actio partialis Dei, sicut sapientia Dei non potest partialis perfectio Dei appellari, sed est tota perfectio in sua formali ratione, & ad summum dici poterit, vel vna ex perfectionibus Dei secundum rationem, vel ipsa tota perfectio Dei incompletè concepta. Ita ergo concursus Dei licet in bono sensu, & secundum rationem dici possit vna ex rationibus distinctis ibi concurrentibus, vel illa actio tot incompletè concepta, non dicetur tamen propriè actio partialis, quia non est pars alicuius actionis totalis. Quòd si aliquis illam vocauerit causalitatem partialem eo modo, quo priores Doctores vocant Deum causam partialem, oportet, ut cum aliquo addito, vel cum sufficienti explicatione loquatur, ut addendo *secundum rationem*, vel secundum nostrum concipiendi modum, vel quid simile.

17.  
Quomodo Dei actio sit totalis, & non partialis.

## C A P V T XXVIII.

An Deus etiam in ordine gratia per concursum simultaneum influat in effectum, & actionem causa secunda immediate immediatione virtutis, & suppositi.

R Esolutio huius puncti necessaria est ad sequentia, & ideo praemittenda est, quam breuiter expedire possumus, quia in eo, vel nulla est dissensio opinionum, vel si quæ est, parui est momenti, & inter ipsos etiam Thomistas versatur. Dico ergo Deum ad actiones gratia per se, & immediate concurrere per influxum simultaneum utroque ex illis modis. Probatur in primis generaliter, quia illa causa dicitur immediata respectu alicuius effectus, à quo immediate procedit actio, quæ immediate etiam terminatur ad talem effectum: sed actio quæ immediate terminatur ad effectum creaturae, immediate procedit à Deo ut causa prima, & generaliter concurrens; ergo Deus est causa immediate influens in talem effectum. Maior videtur clara, quia causa efficiens,

1.  
Necessitas huius quaestionis. Concl. Deus utroque illo modo concurrens immediate. Probatur 1. in vniuersum.

N ciens,

ciens, & effectus eius quasi se contingunt, & connectuntur media actione: actio autem duplicem dicit habitudinem, vt actio est, nimirum quod sit ab agente, & quod tendat in terminum, & ideo quando immediatè dicit habitudinem ad causam, & ad terminum immediatè inter se illa connectit; illa ergo est causa ad quam immediatè dicit actio immediatam habitudinem. Et hæc immediatio hîc magis consideratur, quàm propinquitas localis, vel intima præsentia. Nam si per impossibile Deus distaret loco à creatura, & in habitudine actionis, vel dependentiæ illam eodem modo produceret, esset causa immediata, & è conuerso licet secundùm præsentiam substantialem esset intimè indistans, si actio causæ secundæ non esset immediatè à Deo, sed à causa secunda, vt voluit Durandus, Deus non esset causa immediata talis effectus ex immediatione suppositi, quamuis suppositum Dei à tali effectui loco non distaret. Nunc autem actio causæ secundæ, vt ostensum est, dicit immediatam habitudinem ad Deum propter dependentiam per se, & essentialem ab ipso.

2. Probatum præterea in particulari pars prior de immediatione virtutis, propter quam declarandam hanc quæstionem proponimus. Est enim clarissima secundùm opinionem, quæ negat generalem concursum Dei præuium, seu in causam. Nam tunc in causa secunda solum præcedit virtus actiua, quam Deus illi concludit in actu primo, siue per naturam, siue per gratiam. Si ergo Deus non concurreret ad effectum causæ secundæ nisi mediatè mediatione virtutis, profectò non aliter influeret, nisi dando virtutem agendi causæ secundæ, & illam conservando: at hoc est incidere in errorem Pelagij, & Durandi; ergo necesse est fateri Deum influere immediatè per virtutem suam, quæ iuxta illam sententiam, nulla est alia nisi virtus increata in ipso Deo existens. At verò iuxta sententiamponentem concursum præuium causæ primæ in secundam, res indiget maiori explicatione. Nam iuxta illam sententiam præter omnem virtutem causæ secundæ constitutæ in actu primo, datur illi à solo Deo noua motio, quæ, vt infra videbimus, dicitur esse virtus quasi instrumentalis ipsius Dei, à qua immediatè fit actio causæ secundæ, quatenus in virtute causæ primæ operatur, & præsertim quatenus dat suo effectui esse existentia.

3. Cum ergo dicitur Deus concurrere ad effectus causæ secundæ immediatè immediatione virtutis, intelligi posset iuxta illam sententiam ratione illius virtutis Dei, quæ est quid creatum prius natura factum à Deo in ipsa causa secunda sine alio influxu, qui sit immediatè à virtute increata Dei. Et hunc sensum sufficere assero, imò esse omnino falsum, & ex parte incidere in sententiam Durandi, quia illo modo Deus non esset causa per se, & directè influens in effectum, & actionem creaturæ, sed tantum per accidens, vel per denominationem remotam sumptam ab actione virtutis impressæ causæ secundæ, sicut qui impressit imperium lapidi, dicitur mouere lapidem non per se, & per proprium influxum in motum ipsum, sed remote, & per quandam denominationem ab actione impetus; tanquam ab actione instrumenti separati. Hoc autem est contra rationem primæ causæ, à qua per se, & essentialiter pendet omne ens per participatio-

A nem qualis est omnis effectus, & actio creaturæ. Vnde sine dubio dicendum est actionem creaturæ esse immediatè à Deo immediatione virtutis increatæ in ipso Deo existentis, ita vt licet admittatur illa præuia motio in causa secunda, & quod ab illa etiam procedat immediatè in suo genere actio causæ secundæ, negari non possit hæc immediata manatio actionis causæ secundæ ab increata virtute Dei. Atque ita videntur sentire moderni Thomistæ ponentes illam motionem præuiam, nunquam tamen rem ipsam satis explicant, melius eam exposuit Caietan. 1. p. q. 19. art. 8. quia præuiam illam motionem non agnouit.

B Superest in particulari probanda & explicanda pars altera de immediatione suppositi. Nam quidam Thomistæ dixerunt, Deum concurrente cum causis secundis non efficere effectus earum immediatione suppositi, licet creando, vel conservando aliquid, per seipsum immediatè operetur immediatione suppositi. Ita sentit Ferrar. 3. contra gent. cap. 70. & tribuit D. Thomæ ibi ratione 1. At verò Caietan. 1. parte quæstio. 8. art. 1. distinctione vritur de Deo etiam vt concurrente ad effectum creaturæ, nam quatenus dat illi existentiam, dicit sub hac ratione agere Deum immediatè immediatione suppositi, vt verò concurrat cum causa secunda ad formam, vel motum, quem ipsa causa secunda efficit principaliter, dicit non agere immediatione suppositi, sed tantum virtutis. Itaque in hoc videntur conuenire, quod Deus tunc solum operatur immediatè immediatione suppositi, quando solus sine concursu alterius suppositi operatur saltem vt causa principalis. Caietan. autem addit Deum solum efficere esse existentia, etiam quando concurrat cum creatura ad operandum, & illum sequitur Aluar. d. 18. n. 19. & tribuit D. Thomæ q. 3. art. 7. neutrum autem nobis verum videtur.

C Et in primis distinctio illa Caietani reicienda est, quia etiam causæ secundæ dant suis effectibus esse existentia, aliàs nihil efficerent, quia efficere rem aliquam, non est aliud quàm dare illi existentiam, quam antea non habebat. Nam res prius quàm fiat, non est res actu, sed tantum in potentia. Vnde vt sit res in potentia, non oportet vt fiat, sed vt possit fieri per effectiorem; ergo fit res vera, & actualis, per existentiam constituitur in esse actualis entis; ergo nihil aliud est, rem fieri, nisi accipere existentiam. Ergo vel causæ secundæ nihil agunt, vel dant effectiue existentiam suis effectibus; ergo ex hac parte non magis concurrat Deus immediatè immediatione suppositi cum causis secundis ad esse existentia suorum effectuum, quam ad ipsos effectus. Neque probabilior est subdistinctio dicentium causas secundas esse causas principales in suo genere suorum effectuum, quantum ad formas, vel naturas eorum, quantum verò ad communicandum esse existentia, esse tantum instrumenta Dei. Hoc enim etiam est falsum, quia omnis efficientia, siue principalis, siue instrumentalis, est communicatio alicuius esse existentia, quia per illam immediatè producit aliqua entitas actualis, quæ incipit esse in rerum natura, & hoc est recipere existentiam. Vnde si causæ secundæ aliquam rem producant vt causæ principales in suo genere, eodem modo producant aliquam existentiam, vel è contrario, si

Caietan.

4. 3. Probatum de immediatione suppositi.

Ferrar.

Caietan.

Aluar.

5. Distinctio Caietani reicitur.

in productione existētiæ sunt tantum propria instrumenta Dei nihil efficiunt ut causæ principales. Sed de hoc puncto in sequentibus capitulis occurrit occasio dicendi plura, ubi de illo etiam loco D. Thomæ qu. 3. de potent. dicemus. Nunc verò ad immediatam actionem Dei parum refert illa distinctio, quia etiam actio instrumenti potest impedire immediationem suppositi in agendo: nam animal per semen generat tanquam per instrumentum, & id satis est, ut non efficiat tunc immediatè immediatione suppositi, sed tantum immediatione virtutis semini impressæ.

D. Thom.

6.  
Probat  
conclusio.

Quapropter generaliter assero concursum Dei cum causa secunda esse immediatè à Deo immediatione suppositi. Ratio est, quia immediatio suppositi non consistit in hoc, quòd sit unicum suppositum agens, aliàs etiam creatura non ageret immediatè immediatione suppositi, quia non est unicum suppositum agens, nam etiam Deus est ibi suppositum sua virtute immediatè influens, & etia supposita diuina in omni sua actione simul operantur, & plures portantes lapidem immediatione suppositi ibi concurrunt. Tunc ergo solum dicitur aliquid operari mediare mediatione suppositi, quando per solam virtutem alteri supposito communicatam influit in effectum talis virtutis, sicut de generante per semen dictum dicebamus, & idem est de mouente per impetum impressum, & de generante mouente lapidem, iuxta modum loquendi Philosophorum. At verò quoties suppositum per virtutem sibi inhærentem, siue intrinsicam, immediatè operatur, tum verè agit immediatione suppositi, siue habeat aliud suppositum cooperans, seu simul efficiens, siue in eodem genere causæ, siue diuerso: quia concomitantia alterius causæ non constituit mediacionem propriam inter ipsa supposita causantia. quia nec illa immediatio inuenitur secundum localem propinquitatem, vel distantiam, nam possunt esse simul coniecta, vel sufficienter applicata ad immediatè efficiendum, ut maximè est euident in Deo respectu cuiuscumque suppositi creati, neque etiam inuenitur illa mediatio in habitudine causæ & effectus, quia productio talis effectus immediatè potest finire ab utroque supposito, sicut fuit immediatè ab utriusque virtute. Ostensum autem est concursum causæ primæ esse immediatè à virtute increata Dei, quæ virtus est intimè in ipso Deo, imò est ipsum suppositum Dei, & intimè adest omni operi causæ secundæ illud faciendo. Quid ergo amplius desiderari potest ad immediationem suppositi? Ratio enim alterius sententiæ solum probat, in hoc concursu Deum non esse unicum suppositum agens, non verò non esse immediatum, quod longè diuersum est.

7.  
Obiectio  
dilatur.

Sed obicies, quia communiter dicitur quòd Deus operatur effectus causarum secundarum illis mediantibus. Et ita causa secunda vocatur proxima, & vniuersalis remota, ut patet in cælo, & in aliis intermediis causis. Respondeo etiam communiter dici causam primam intimiùs, & immediatiùs attingere, & quasi penetrare effectum omnis causæ creatæ, quàm ipsa causa secunda. quod quia ad Dei perfectionem pertinet, maiori proprietate est intelligendum, non solum de virtute, sed etiam de supposito. cum & in Deo hæc non distinguantur, & eadem sit utriusque ratio, ut declaravi. Dicitur ergo Deus agere mediis causis secundis, quia etiam illis dat virtutem operandi, & illas conseruat ad suos motus age-

Suarez, de Gratia Pars I I,

re finit, & ita etiam per illas operatur, quamuis non per illas solas, sed etiam immediatè per seipsum illas adiuuando, & immediatè cum illis efficiendo, ut explicatum est.

Et in hoc superat Deus alias causas vniuersales creatas & cælos, nam istæ ordinariè non agunt cum causis secundis inferioribus immediatione suppositi, sed virtutis, imò ordinariè non influunt in ipsam actionem causæ inferioris, sed in ipsam causam, ut inferiùs explicabo, & ita respectu aliarum causarum creatarum vniuersalium facillè intelligitur, quo modo Deus intimiùs, & immediatiùs agat cum causa inferiori. At verò respectu causæ secundæ proximæ, & particularis non dicitur Deus immediatiùs agere propter solam negationem causæ mediæ: nam hoc modo etiam causa secunda proxima agit omninò immediatè immediatione suppositi, sed est sine medio; sed id dicitur vel propter altiore rationem immediationis ad eum modum, quo vnus assensus dici solet certior alio, non propter solam carentiam formidinis, quæ in vtroque potest esse integra, sed propter altiore rationem assentiendi. Sic ergo dici potest Deus immediatiùs influere, quia à se, & essentialiter habet illam immediatam causalitatem, nec potest quidquam fieri sine illa, quod non ita est in causa creata. Vel etiam dici hoc potest, quia causa creata non intimè adest suo effectui sicut Deus, quod maximè patet in causis secundis naturalibus, seu corporalibus, per se enim, & immediatione suppositi solum agunt in passum, in quantum illud attingunt, & per solam virtutem quasi diffusam penetrant ipsum. Deus autem non sic, sed intimè adest ut per seipsum immediatè agit in toto, & in singulas partes eius. In causa verò spiritali, ut in voluntate respectu sui actus, non ita procedit hæc ratio, prior verò ad illum modum loquendi sufficit.

8.  
Eminētia  
primæ causæ  
hæc in parte.

## CAPVT XXIX.

D Vtrum prater simultaneum concursum gratiæ, qui est in actum voluntatis, vel intellectus, sit necessarius alius præuius in potentia receptus, & à motibus excitantis distinctus; referturque prima sententia cum suis fundamentis.

Q Væstio hæc valdè coniuncta est cum quaestione de auxilio efficaci gratiæ, est tamen in rigore distincta, & magna ex parte ex diuersis principiis pendens, pertinetque ad auxilium per modum concursus, de quo disputamus, & ideo non potest hoc loco prætermitti. Duplici ergo ratione, vel titulo potest hæc prætorio diuina requiri ad actus voluntatis humanæ. Primò ex generali ratione concursus primæ causæ cum secunda, siue naturali, siue libera. Secundò ex peculiari necessitate, vel indigentia orta ex propria excellentia ordinis gratiæ, & actuum eius, quatenus vires naturales voluntatis humanæ excedunt. Hæc verò posterior consideratio pertinet ad librum quintum; ideo quoad fieri possit, illam à priori separabimus, & in illum locum eam remittimus. In priori au-

I.  
Ratio dubitandi, & status quaestionis.

N 2 rem



tem sensu quæstio in præsentī tractanda est, A nam quia diximus in actibus supernaturalibus dari influxum immediatum Dei, per modum simultanei concursus, ex generali ratione, & subordinatione causæ secundæ ad primam, videndum superest an ex vi eiusdem subordinationis, & dependentiæ sit necessarium aliud auxilium à solo Deo ut à prima causa ipsi voluntari inditum prius natura, quam velit, aut amet, vel similem actum efficiat, ut per illud physicè inueter, vel determinetur ad talem actum. Vnde hæc quæstio duplicem generaliore inuoluit, vna est de concursu Dei cum omnibus causis secundis, an sit influxus non tantum in effectum causæ secundæ, & simultaneus cum actione eius, vel etiam sit influxus præuius in ipsam causam. Alia est an hic concursus præuius, solum in causa libera & indifferente ad agendum hoc, vel illud, aut agendum, & non agendum sit per se, ac semper necessarius ad effectum seu proprium actum talis causæ. Prius ergo priorem quæstionem, deinde posteriorem prosequemur, cuius resolutionem ad supernaturales actus gratiæ in fine applicabimus.

2. Prima sententia admissæ necessitatis influxus præuius ad omnem actionem creaturæ.

Capitol.

Prima ergo sententia docet necessarium esse hunc influxum præuium ad omnem actionem causæ secundæ ex subordinatione, & dependentia essentiali quam causa secunda habet à prima. hanc sententiam tanquam communiter receptam in schola D. Thomæ defendunt constantet moderni Scriptores physicæ prædeterminationis defensores; nam hanc præmittunt ut basim & fundamentum suæ doctrinæ de efficacia gratiæ. Et in primis tribuunt illam Capreolo 2. d. 1. q. 2. præsertim in conclus. 6. & ad argumenta contra illam. Sed ibi Capreolus necessitatem concursus simultanei expresse declarat, illamque quatenus extra Deum est, dicit esse eandem actionem causæ secundæ, prout à Deo est. Alium verò influxum causæ primæ, in secundam non distinguit, nec declarat, sed loquitur eisdem modis, quibus D. Thomas, quem allegat præsertim in q. 3. de præsent. art. 7. de quo infra dicturi sumus. Citatur etiam idem Capreolus in 2. d. 18. q. 1. ad 12. contra secundam conclusionem. Sed ibi potius docet influentiam generalis concursus positam esse in sola partiali coefficientia Dei, ut cap. 29. latius referam.

Præterea tribuitur hæc sententia Caietano 1. p. quæst. 14. art. 13. circa principium. & quæst. 19. ad 8. in fine, sed in his locis potius docet contrarium, ut cap. 19. ostendam. Refertur præterea in eadem 1. parte quæst. 45. art. 5. ubi Durando respondens ait, causam secundam non agere nisi ut instrumentum Dei, quia oportet ut agatur à Deo multipliciter, quod remittit ad modos numeratos à D. Thoma dicta quæst. 3. de potent. art. 7. in quibus videtur hic includi, de quo infra videbimus. Allegatur denique 1. par. quæst. 115. art. 6. §. *Ad euidentiam*, ubi non de concursu Dei, sed de influentia colorum tractat, de qua est ratio longè diuersa, ut postea videbimus.

4. Ratio sententiæ defensoris Cabreæ.

Hanc verò sententiam aperte tradit Ferrar. 3. contra gent. cap. 70. §. *circā illam propositionem*, eandem tenet Cabrera 3. p. quæst. 17. art. 4. d. 2. §. 3. num. 113. ubi variis exaggerationibus vitatur, quibus respondere non est necesse, multaque allegat, & congerit, quæ ad rem non faciunt, quia confundit quæstionem vniuersalem de generali concursu, cum quæstione de auxilio

gratiæ efficacia, de qua nunc non tractamus. Eandem ferè eodem modo defendit Alvarez disp. 18. & Ledesma de Auxilijs in principio quæstionis conclus. 3. & latius art. 2. conclus. 2. & toto art. 3. & 18. Alios omitto, quia nihil superioribus addunt. Solet etiam hæc sententia tribui Aristoteli, Augustino, & maxime D. Thomæ, quorum testimonia nunc omitto, quia de illorum sententia speciale caput instituam. Aliqui etiam in confirmationem huius sententiæ congerunt illa Scripturæ testimonia, in quibus dicitur Deus facere ut faciamus, & ut præcepta impleamus, vel incipere in nobis velle, & illud perficere & similia, quæ de auxilijs gratiæ præuenientis specialiter dicta sunt, & ideo nihil ad præsentem causam faciunt, ut in sequentibus, & latius, ac proprius in libro quinto ostendam. Auctoritas ergo huius sententiæ, non est maior quam à nobis proposita est; rationum ergo fundamenta perpendamus.

Prima ratio sit, quia causa secunda nihil agere potest nisi in virtute primæ; ergo necesse est, ut Deus prius illi imprimat suam virtutem, per quam ad agendum vltimatè compleatur. Consequentia probatur, quia si nihil præuium à Deo reciperet præter concomitantem actionem non ageret in virtute Dei, sed sola propria virtute. Antecedens autem probatur, quia causa secunda tribuit suo effectui aliquod esse existentie; sed hoc esse non tribuere, nisi in virtute primæ causæ, & per motionem actualem eius, qua & in sua virtute actiua compleatur, & à primo agente ad efficiendum moueatur, ergo necessarium indiget causa secunda illa præmotione. Minor probatur, quia esse existentie est vltima actualitas rei, virtus autem operariua cipiatur est actus admittus potentiæ; ergo non potest per se sua virtute efficere vltimam existentie actualitatem, quia principium agendi debet habere non minorem actualitatem, quam eius operatio. Et confirmatur, quia forma creata, seu potentia est tantum actus primus, & consequenter est actus admittus potentiæ; ergo non debet habere tam perfectam actualitatem, quantam habet operatio, quæ est actus secundus; ergo oportet ut per motionem præuiam illam recipiat.

Secunda ratio principalis est, quia esse existentie est proprius effectus Dei; ergo à nulla creatura fieri potest, nisi tanquam ab instrumento Dei; ergo prius debet recipere virtutem, seu motionem, qua ut instrumentum Dei ad dandum esse suo effectui moueatur, seu compleatur. Consequentia prima clara est, quia proprius effectus Dei ab illo tantum principaliter fit; ergo inferiores causæ non attingunt illum, nisi in virtute Dei; ergo oportet ut ab illo præuia motione tanquam à primo actiue moueantur. Antecedens autem probatur, quia esse est vniuersalissimus effectus, ac proinde est proprius vniuersalissimæ causæ, quod sentit auctor libri de causis, dicens, intelligentiam non dare esse, nisi in quantum est diuina. Et apertius illud principium tradit D. Thom. 1. p. q. 45. art. 5. & 3. contra gent. cap. 63. & q. 3. potent. art. 7. maxime verò dicitur hæc ratio sumpta ex solutione illius articuli, quam in capite 31. pertractabimus.

Tertia ratio sit, quia concursus causæ secundæ pender essentialiter à concursu causæ primæ; ergo concursus causæ primæ est prior ordine causalitatis; ergo recipitur in ipsa causa secunda prius natura, quam ipsa agat. Consequentia sunt clara. Antecedens autem probatur, quia aliàs causa

Alvarez.

5.

Probatur ratione 1. quia secunda causa nihil agere potest nisi in virtute primæ.

6.

1. Ratio, esse existentie est proprius effectus Dei, quia nulla creatura, nisi tanquam ab instrumento Dei fieri potest.

7.

3. Ratio concursus causæ secundæ pender essentialiter à concursu causæ primæ.

D. Thom.

causa secunda potest agere sine auxilio causæ primæ, & sic essent plures causæ primæ, seu plura prima principia, quæ est hæresis Manichæorum. Sequela probatur, quia de ratione principij primi est ut possit agere sine auxilio prioris agentis, & sine influentia illius: si autem causa secunda, vel voluntas creata ageret aliquid sine prævia motione prioris agentis, ageret sine auxilio, & influentia eius; ergo esset primum principium suæ actionis, & sic essent plura principia. Et hæc ratio dicitur desumpta ex D. Thoma in 1. d. 37. q. 2. art. 1. ubi specialiter agit de actu peccati, ut actus est, & probat esse à Deo ratione sumpta ab illo absurdo, quod voluntas creata esset primum principium suæ actionis, si aliquam actionem posset producere, cuius auctor Deus non esset. Induciturque statim responsionem quorundam negantium illam sequelam, quoniam de ratione primi principij non est tantum agere à se, sed etiam esse à se, quod neque voluntas, neque villa causa creata habet.

D. Thom.

8. Refutat autem D. Thomas responsionem primò, quia virtus ab essentia producit, & operatio à virtute. Vnde cuius essentia ab alio est, (inquit) oportet, quod virtus, & operatio ab alio sit. Secundò, quia per illud responsum licet euitetur, ne causa creata sit primum ens, non euitatur quin sit primum agens, si eius actio in aliud primum agens non reduceretur, sicut in causam. Tertiò, quia quod non habet esse à se, non potest habere à seipso agere: sed potentia creata non habet esse à se, hoc, quod est actualiter influere in suam operationem, sed hoc ipsum accipit à Deo; ergo necesse est, ut Deus influat in ipsam potentiam creatam aliquid præuium, quo moueatur, & applicetur, ut actualiter agat. Consequentia videntur claræ, & minor est certissima: Maior autem à D. Thoma supra probatur, quia res, quæ non habet esse à se, non potest à se durare; ergo neque potest à se agere. Ab aliis autem probatur, quia etiam in ipsa Trinitate Filius non habet à se producere ad intra, sed à Patre, quia non habet à se esse, sed à Patre, ut docet Concil. Florentinum, & Filius ipse testatur Ioan. 5. Non potest Filius à se facere quicquam. ergo multo minus potest creatura agere à se.

9. Confirmatur hæc ratio, quia aliàs aliquid esset in creatura, quod non esset à Deo, nam prater virtutem permanentem ad agendum, & actionem est in causa secunda agere, vel determinari ad agendum, & hoc est aliquid in illa, quod non fit per concursum simultaneum in effectum: ergo oportet ut fiat à Deo, per proprium influxum in causam, & habeat illud causa secunda à se, & sine Deo. Tandem explicatur aliter hæc ratio, quia operatio causæ secundæ, & effectus diuinæ præmotionis, quia causa prima facit, ut secunda operetur; ergo præcedit diuina præmotio, quia causa præcedit effectum suum.

10. Quarta ratio similis præcedenti est, quia omnis causa secunda subordinatur primæ essentialiter; ergo priusquam causa secunda operetur, mouetur à prima per influxum aliquem in ipsa causa secunda receptum priusquam fluat in effectum. Antecedens certissimum est; consequentia verò probatur multis modis. Primò, quia Deus non dicitur causa prima solum propter maiorem perfectionem, aliàs Angelus supremus diceretur causa prima respectu rerum omnium naturalium, quia est per se perfectior illis; ergo dicitur prima, quia prius mouet ipsam causam secundam. Secundò, quia aliàs non esset ordo per se inter causam pri-

Fr. Suarez de Gratia Pars I.

A mam & secundam, quia nec ordo perfectionis constituit ordinem per se quoad causalitatem, ut est per se notum, nec sola concomitantia in operando constituit ordinem per se inter plures causas, ut patet in multis trahentibus lapidem; ergo ut sit ordo per se inter causam primam, & secundam, necesse est prima præcedat præmouendo secundam, & influendo in ipsam. Tertiò, quia omnis causa secunda est mouens mora, quia se habet ut instrumentum respectu primæ; ergo è contrario si agit absque præmotione prioris causæ, est simpliciter causa prima; ut priori non subordinatur. Quartò, quia omnes causæ vniuersales creatæ, ut Sol, & stellæ, cum cooperantur causis inferioribus, aliquid in illas influunt præuium ad operationem; ergo multo magis Deus.

B

Quinta ratio principalis, & generalis etiam est, quia causa secunda non facit, nisi quod Deus vult eam facere; præcedit ergo voluntas efficax Dei, non solum antecessione æternitatis, sed etiam ordine causalitatis, & naturæ, ante omnem actionem causæ secundæ; ergo Deus per illam voluntatem efficacem physice præmouet, & applicat causam secundam ad suam operationem. Probat hanc consequentia vltima, quia voluntas Dei absoluta est efficacissima, & ipsius velle, & facere, & ita per illam voluntatem physice concurrit ad actionem causæ secundæ; ergo concurrit præmouendo illam, & faciendo, ut infallibiliter faciat. Atque hæc ratio de omni causa creata, siue naturali, siue libera, & de omni effectu reali cuiuscumque ordinis sit, procedit, quia nihil potest in rerum natura fieri, nisi quod Deus absolute & efficaciter fieri vult.

C

Sexta ratio specialis sit de agentibus naturalibus inanimatis, quia omne agens creatum cum operari incipit reducitur de potentia in actum, & ita agendo perficitur: sed ita agentia naturalia, & inanimata non perficiuntur nec actuantur sua actione formali; ergo necesse est, ut perficiantur motione aliqua prævia, quam à prima causa recipiunt. Maior videtur Philosophorum consensus cum Aristotele 8. physic. cap. 5. Minor etiam probatur facile, quia ista agentia solum agunt per actionem transeuntem, quæ est in passo, & non in agente, iuxta receptam doctrinam, & ideo non perficit formaliter ipsum agens; ergo oportet ut antecedenter ab ipso Deo perficiatur.

D

Septima ratio specialis additur de actionibus vitalibus, quia essentialiter pendent à potentia vitali. Vnde fieri etiam non potest de potentia absoluta, ut Deus producat actionem vitalem creatam, nisi mediante principio vitali, cum dicat intrinsecum ordinem ad potentiam vitalem; ergo impossibile est, quod Deus suo concursu influat in actionem vitalem, nisi prius natura influat in ipsam causam vitalem, per quam debet produci vitalis actio.

E

Octaua ratio specialis additur de actu libero voluntatis, quia voluntas natura sua est indeterminata ad producendum, vel non producendum talem actum, seu ad producendum hunc, vel alium contrarium; ergo non potest rationem inchoare, nisi prius natura Deus influat in ipsam voluntatem prædeterminando illam ad talem actionem potius quam ad aliam. Probat consequentia, quia voluntas nunquā potest prodire, vel inchoare actionem nisi determinatam, & in particulari: à causa autem indeterminata in eo statu manente non potest determinatus effectus prodire; ergo oportet ut prius prædeterminetur à Deo, quia nullū est agens

17.

5. Ratio ex eo quod causa a. non facit nisi quod Deus vult illam facere.

12.

6. Ratio 36. tia naturalia & inanimata non possunt se sua virtute de potentia ad actum reducere, & se ita perficere.

13.

7. Ratio circa actus vitales.

14.

8. Ratio ex actione libera voluntatis quæ indiget prædeterminatione cum ipsa sit indeterminata.

Commenta-  
rio.  
D. Thom.

superius, à quo possit prædeterminari. Consequentia cum maiori euidentia sunt. Minor autem probatur in primis auctoritate Commentatoris 1. Physic. text. 48. & D. Thomæ 1. p. q. 19. art. 3. ad 5. deinde ratione, tum quia quamdiu causa est indeterminata, non est cur magis hunc effectum determinatum quam alium efficiat, tum etiam, quia talis causa non est plenè in actu, sed est in potentia, & ideo ab illa, ut sic non est, determinatus effectus. Tum præterea, quia omne quod quandoque est agens actu, quandoque in potentia indiget moueri ab alio, & ideo promouendum est ad mouentem qui sit purus actus: talis autem est voluntas libera creata, ut interdum sit in potentia, quandoque in actu; ergo reuocanda est in Deum, ut in primum mouentem.

15.

1. Confirma-  
tio.

Confirmatur primò hæc ratio, quia nisi Deus suo influxu ita præueniat causam liberam, sequitur omnes actus liberos fortuito & contingenter euenire respectu Dei. Consequens est falsum, & contra debitum ordinem diuinæ prouidentie, & contra eius perfectionem, quæ non permittit ut casus, & fortuna in Deum cadant. Sequela probatur, quia si Deus non ita præuenit voluntatem creatam, eius libera determinatio non penderet ex diuina voluntate, & prouidentia, sed ab ipsa voluntate se liberè determinante; ergo talis determinatio semper erit contingens, & casu, ac fortuito eueniet respectu Dei. Confirmatur secundò eadem ratio, quia aliàs Deus non esset prima causa determinationis libere voluntatis, quod est absurdissimum; quia illa determinatio est aliquid in rerum natura; quidquid autem est aliquid, est à Deo ut prima causa; ergo sequela probatur, quia si Deus non prædeterminat voluntatem; ergo determinatio eius non est à Deo, sed à voluntate primò & per se applicante se ad operandum prius natura, quam Deus in illam influat.

2. Confirma-  
tio.

3. Confirma-  
tio.

D. Thom.

Confirmatur tertio, quia libertas creata ita subordinatur diuinæ, & formaliter loquendo, in diuinam libertatem, & voluntatem tamquam in causam primam physicam reducatur, etiam in genere physico, iuxta doctrinam D. Thomæ 1. p. q. 19. art. 8. ibi à Thomistis communiter receptam, & Ledesinam allegat; ergo necesse est ut operatio etiam libertatis libere sit à Deo ut præmonente liberè ut inde habeat voluntas creata voluntatem suæ determinationis. Confirmatur ultimo, quia vel voluntas humana determinat diuinam ad hunc particularem effectum, vel è conuerso. Primum dici non potest; ergo secundum, quia non est medium, aliàs veraque æquè primò se determinaret, quod est contra diuinam perfectionem, & esset quali casuale & fortuitum. Probatur minor, quia illa etiam est imperfectio diuinæ voluntatis, penderet enim à creata, & ab illa modificaretur concursus eius.

Confirmatio  
ultima.

16.

Ultima ratio  
in actibus  
supernatura-  
libus.

Ultima ratio affertur, quæ maximè videtur actibus supernaturalibus congruere, quamuis ab aliis quibus etiam ad bonos actus morales ordinis naturalis accommodetur, sumiturque ab inconuenienti, quia initium talium actuum, siue fiant ante habitum, siue ex illo, sumendum est à præmotione Dei, quæ in voluntate præcedat, & physicè actum efficiat, quia aliàs primum initium præoperationis esset ex nobis. nam homo esset qui primò illam inciperet. Consequens autem est contra definitionem fidei; ergo. Sequela probatur, quoniam si voluntas affecta habitu infuso siue præmotione Dei posset uti illo habitu & innata sua libertate, iam ipsa voluntas primò incipe-

ret actum illum, ac proinde ab illa esset initium salutis quoad talem actum. Minor autem & falsitas consequentis probatur. Primò ex Concilio Arausicano Can. 25. dicente, *Hoc salubriter cõfitemur, quod in omni opere bono nos non incipimus, & postea per Dei misericordiam adiuvamur, sed ipse nobis, nullis præcedentibus bonis meritis, & fidem, & amorem sui inspirat.* Secundò ex Concilio Senon. in principio, dicente. *Accedentem ad Deum operetur primum diuina gratia munere adiutum credere, deinde bonis operibus intendere, in quibus efficiendis, & liberum arbitrium operatur, & gratia, primò tamen, & principaliter gratia. Quare qui hominem bene operari, & salutem consequi arbitrat sine gratia, aut primatum boni operis libero arbitrio adscribit, non gratia, Pelagianus censendus est.* Tertio, quia aliàs aliquid proprium haberet homo in negotio salutis quod non accepisset ex gratia, contra illud Pauli 1. ad Corinth. 4. *Quid habes quod non accepisti?* Sequela probatur, quia voluntas quod actu operetur, non habet ab habitu supernaturali, quia solus habitus non dat voluntati, quod infallibiliter operetur, sed solum ut possit operari, si velit. Concursus etiam Dei licet sit ordinis supernaturalis, non tribuit efficienter voluntati quod operetur, nec facit illam influere, sed concurrit cum illa simul ad actualem operationem, si ipsa voluerit operari; ergo quod voluntas operetur, habebit ex seipsa, & non ex gratia, quod dici non potest.

Conc. Arausican.

Conc. Senon.

B

C

## CAPVT XXX.

*Quid sit concursus præuius, & quod munus eius, ob quod necessarium esse creditur.*

Non possumus de prædicta sententia ferre iudicium, nisi prius sensus illius exactè intelligatur. Vnde, quia in illo explicando defensores eius non conveniunt, nonnullis interrogationibus, seu dubitationibus propositis, illum inquirere necessarium duximus.

D

Prima interrogatio est, an hic concursus sit aliquid creatum, necne? Sed in hoc puncto non inuenio cõtrouersiam inter dictos auctores. Nam licet aliqui dicant Deum mouere causam secundam per voluntatem suam immediatè, & ipsammet volitionem Dei vocent motionem, vel applicationem causæ secundæ ad agendum, illud non potest intelligi de motione, quia causa secunda mouetur formaliter, sed de motione effectiua, per quam influit Deus in creaturam, quæ propriè non est concursus ipse formalis, sed concursus principium, quem Deus effectiue influit in creaturam: nam illud principium increatum est, siue dicatur esse in Deo per modum virtutis actiue, siue per modum actionis immanentis, & virtualiter transeuntis. Hic autè loquimur de influxu qui iuxta hanc sententiam ab hoc principio increato manat in causam secundam prius natura, quam agat. Et hoc necesse est esse aliquid creatum. Primò, quia sit à Deo in ipsa causa secunda. Secundò, quia per illud mouetur physicè, & realiter ipsa causa secunda; supponit enim illa sententia, causam secundam non posse agere nisi motam: non mouetur autem formaliter per volitionem Dei increatam, ut per se notum est, nam per illam non se habet

I.

An concursus ille præuius sit aliquid creatum.

Ostenditur esse.



habet formaliter causa secunda aliter quam prius; ergo per aliquam mutationem intrinsecam, quae in illo de nouo fit, mouetur; ergo motio praeuia necessarium est aliquid creatum.

I.  
An concursus praeuius generalis sit idem in omnibus causis & quoad omnes effectus.

Ratio dubitanti.

Secunda interrogatio est, an hic praeuius concursus generalis primae causae sit eiusdem rationis in omnibus causis secundis quoad omnes effectus, & actiones earum, vel in eis varietur, & quo modo. De concursu enim comitante, & simultaneo diximus supra, & est per se euidens multiplicari, & distingui pro varietate actionum causarum secundarum, quia & est idem cum ipsa actione causae secundae, & ad eundem terminum tendit. Non procedit autem haec ratio eodem modo in concursu praeuius si detur, nam ille distinguitur, ut statim dicam, ab actione causae secundae, & est aliquo modo principium eius. Vnde non respicit actionem causae secundae tanquam terminum, propriè loquendo, sed tanquam actionem à se emanantem, & terminum illius actionis respicit tanquam effectum. Vnde non oportet, quod ab actionibus causarum secundarum, vel terminis sumat distinctionem, nam poterit esse eminentius quoddam, & quasi vniuersale principium plurium, & variarum actionum. Explicatur, supponendo praemotionem illam esse qualitatem, nam consequenter dicendum esse qualitatem actiuam, quae ex sua natura, & particulari modo est propria virtus instrumentalis causae primae, ut prima causa, & vniuersalis est: ergo licet sit in se vnus simplicis entitatis, & speciei, potest esse vniuersale principium per quod causa prima cum omnibus causis secundis ad omnes earum actiones quantumuis distinctas operatur, & pro voluntate eiusdem primae causae illas determinat, vel applicat ad varias actiones pro causarum secundarum varietate. Idemque dici poterit de illo concursu etiam si fingatur ut pura motio, quae dicitur esse motio virtuosa. Vnde in suo genere poterit habere virtutem illam cum dicta eminentia, & vniuersitate.

3.  
Varium & diuersum esse volunt illius auctoris.

Nihilominus defensores illius sententiae licet interdum magnam, & eminentem virtutem tribuant illi morioni, ita ut sola possit aliquando supplere principium actuum proximum causae secundae, si illi deest; nihilominus in praesenti non ita sentiunt, sed hunc concursum variari significant iuxta causarum secundarum in suis virtutibus & actionibus, varietatem. Et in primis negari non potest, quin talis influxus in causam spiritualem, vel materiale genere distinctus sit: nam est quoddam accidens quod in re corporea materiale est, in re verò spirituali, spirituale, neque hoc maiori probatione indiget. Deinde non minus certum est influxum in causam secundam, verbi gratia, voluntatem ad actum naturalem, vel supernaturalem distingui, etiam in esse entitatis, seu qualitatis naturalis, aut supernaturalis, quia ad naturales actus non est per se necessarius influxus praeuius supernaturalis, nec ad actus supernaturales sufficere potest concursus ordinis naturalis etiam praeuius, supposita generali necessitate talis praeuij concursus, quia talis motio praeuia ponitur, vel ad eleuandam potentiam, vel ad determinandam, vel ad applicandam illam: motio autem merè naturalis non potest vel eleuare, vel determinare, vel applicare naturalem potentiam ad actum supernaturalem, ut videtur per se notum.

4.  
Diuificatio.

Denique hinc verisimilius dici videtur in illa sententia hanc motionem multiplicari secundum

A dum speciem pro diuersitate causarum secundarum quibus tribuitur, quia unicuique datur ab illam determinandam, seu applicandam ad suum determinatum effectum, & ideo magis consequenter dicitur dari motionem, quae ex sua specie, & natura illam determinationem habeat, quam quod ex sola voluntate Dei determinetur, vel applicetur ad hunc, vel illum effectum. Illud autem quod dicti auctores de hoc praeuius concursu dicunt de se aptum esse ad supplendam totam actiuitatem principij proximi causae secundae, esseque eiusdem rationis quando supplet defectum principij proximi, & quando supponit illud, solumque illud ad operandum applicat, difficile creditur est, ut supra tractando de actibus supernaturalibus qui sine habitu fiunt, tactum est, & in sequentibus magis ostenditur. Habet etiam peculiarem difficultatem, an hic concursus datus causae naturaliter agenti, & datus causae libere, eiusdem, vel diuersae rationis, intelligendus sit, de quo puncto in cap. 31. dicam.

B Terriò consequenter interrogari potest, an hoc auxilium praeuius determinatum sit ex se non solum ad speciem actionis, & effectus causae secundae, sed etiam ad indiuiduum actum, & effectum. In quo puncto praedicti auctores sentiunt necessarium esse, ut talis praeuius concursus detur determinatus ex se ad indiuiduum effectum & actionem. Ita docet Aluarez disp. 19. concl. 3. ratio. 2. ubi inde probat hoc auxilium non esse habitum, quia habitus est de se indifferens ad plures actus indiuiduos: hoc autem auxilium est determinatum ad vnā numero operationem. Et idem repetit ad solut. 6. cōsentit Ledesma dicta q. vnica art. 2. ad 6. ubi ait voluntatem determinari per auxilium hoc praeuius ad singularem operationem. Et videntur hi auctores in sua sententia satis consequenter loqui, quia ponunt hanc praeuiam motionem ut praedeterminet causam secundam ad operandum. At in causis naturali necessitate agentibus non est necessariò praedeterminatio ad speciem actionis, quia illae sunt de se satis determinatae ad speciem actionis. Indigent autem determinatione ad indiuiduum effectum, quia quoad hoc sunt indifferētes; ergo recipiunt hanc determinationem per hunc praeuius influxum; ergo necesse est ut ipse influxus non sit de se indifferens, sed determinatus ad indiuiduum, aliàs ipse indigeret praedeterminatione, & in infinitum procederetur. In causis verò liberis, haec motio praedeterminat potentiam non tantum quoad speciem, sed etiam quoad exercitium actus: exercitium autem actus non potest esse nisi in indiuiduo; ergo talis motio praedeterminans potentiam ad exercitium actus, necessario illam debet determinare ad actum indiuiduum. Ergo multo magis ipsa motio debet esse ex se determinata ad indiuiduum, neque ipsa alia determinatione indigeat.

C Vnde videtur in hac sententia consequenter dicendum, hanc motionem numero multiplicari, & distingui non tantum in causis numero distinctis, sed etiam in eadem causa plures actiones, vel effectus eorum diuersos producente, quod est manifestum quando illae actiones successiue fiunt, quia praeuius concursus ad vnāquāque illarum solum determinat, quando vnāquāque actio durat: ergo variatur numero concursus praeuius, prout actio variatur. Ergo semper concursus praeuius datur ex se determinatus ad illam numero actionem, quam facit, & cum qua sola durat. Idem autem erit consequenter dicendum etiam si causa secunda plures

N 4

actiones

tur specie pro diuersitate causarum ad quas datur.

5.  
An hic concursus praeuius determinatus ex se sit, tum ad speciem tum ad indiuiduum actionis.

Aluarez.

Ledesma.

6.  
Hinc sic numero multiplicari pro numero effectuum.

actiones numero distinctas simul faciat, vt facilius contingit in actionibus transeuntibus, v.g. in igne, simul calefaciente plura ligna: nam actiones numero multiplicentur in subiectis recipientibus illas; ergo & concursus præuij ad illas erunt distincti, quia vnusquisque est determinatus de se ad vnā tantū actionem singularem; & ideo cessante vna illarum, & non alia, cessabit concursus præuius, qui ad vnā, non verò ad alteram datus fuerat.

7.  
Difficultas  
ex causis li-  
beris.

Ledesma.

Hæc ergo omnia consequenter dicuntur in illa sententia, neque in illis peculiarem difficultatem, aut repugnantiam inuenio, præter eam, quæ est in libertate voluntatis prædeterminatione ad vnum, de qua in cap. 3. aliqua, & plura in lib. 5. dicturi sumus. Hic solum aduerto propter solam determinationem causæ secundæ ad singularem actionem, & effectum non esse necessarium cōcursum præuium, nam per concursum concomitantem sufficienter id fieri potest, vt in lib. 1. de Auxilijs cap. 7. notauimus, & ostendi. Et aperte cōcedit Ledesma art. 2. ad 6. dicens quoddam auxilium sufficiens determinatur per auxilium concomitans ad singularem operationem. Et ratio est, quia causa secunda nullū singularem effectum potest agere sine concursu Dei concomitante, seu simultaneo: potest autem Deus huiusmodi concursum limitare ad vnum effectum indiuiduum; ergo id factis erit vt actio causæ secundæ ad eundem determinetur. Vnde fit propter hanc solam determinationem non esse necessarium concursum præuium illum esse determinatum ex natura sua ad vnā tantū indiuiduam actionem, quia licet esset indifferens de se ad plures, posset per simultaneum concursum determinari, & ita cessaret processus in infinitum: nihil ergo certum posset quoad hanc partem de tali concursu præuia affirmari, licet (vt dixi) illo semel posito tota illa multiplicatio, & determinatio talis concursus illi opinioni satis consentanea sit, & ostendi non possit inuoluere repugnantiam. Superfluum tamen erit tot multiplicare concursus, seu motiones, nisi earum necessitas clara ostendatur.

8.  
An iste con-  
cursus præ-  
uius fiat à  
solo Deo.

Quartò interrogari potest, an hic concursus præuius fiat à solo Deo, vel etiam ab ipsa causa secunda. Hæc verò interrogatio in causis agentibus actione transeunte nullam habere potest controuersiam, vt statim dicam. De potentijs autem agentibus actione immanente aliqui sensisse videntur, hanc præuiam motionem non fieri à solo Deo, sed ipsam etiam potentiam, quæ illam motionem recipit ad illam cooperari efficiendo, quod sentire videntur, qui hanc præmotionem ab ipso actu vitali potentie in re ipsa non distinguunt, vt statim videbimus. Sed hic modus dicendi inuoluit repugnantiam in eadem sententia, eiusque fundamenta destruit. Dicendum est ergo consequenter in illa sententia, hanc motionem à sola prima causa fieri in secunda. Probatur, quia causa secunda non affecta hac præuia motionem, non est satis applicata, vel determinata ad inchoandam aliquam actionem; ergo non potest influere in actionem, qua fit, vel in qua consistit hic concursus præuius, cum iuxta eandem sententiam non efficiat, nisi iam applicata, vel determinata.

9.  
Probatur à  
solo Deo  
fieri in cau-  
sa secunda.

Item causa secunda non mouet nisi mota, vt supponitur; ergo non se mouet in illa prima motionem per quam à causa prima mouetur ad agendum; ergo non efficit illam motionem, nam si illam efficeret, se moueret per illam saltem physice; ergo Deus solus illam motionem efficit. Item hæc motio supponitur esse præuia, & prior natura omni causalitate, vel actione causæ secundæ, & consequenter sup-

ponitur esse aliquo reali modo causa, & principium eius, vt statim explicabitur; ergo impossibile est vt fiat ab ipsa causa secunda, quia non potest esse causa actionis causæ secundæ, & terminus, vel effectus eius, neque potest esse simul prius & posterius natura, & in genere efficientis causæ. Item, quia in agentibus per transeuntem actionem hæc motio non potest esse effectiue ab ipsis, quia illa non agunt in se, præsertim ante transeuntem actionem, vt est per se notum. Quis enim dicat calorem prius natura, quàm calefaciat lignum, agere in seipsum actuando, & citando, vel alio modo mouendo seipsum? nemo certe id potest probabiliter cogitare, repugnatque principiis illius sententiæ; ergo si in his agentibus datur præuius concursus à solo Deo, in illis fieri debet. Ergo idem dicendum est de agentibus actione immanente, nam est eadem ratio. Tum quia necessitas huius præuij concursus fundari dicitur in generali ratione causæ creatæ, quod non potest incipere aliquid agere nisi præmota. Tum etiam, quia ipsa motio præuij concursus excludit efficientiam eius à causa secunda quæcumque sit, quia si illa cōefficit illum concursum, etiam Deus facit illum concursu cooperante non præuiuo. Tum denique, quia si in intellectu, verbi gratia, concursus præuius fieret ab intellectu, actio illius esset immanens, & sic non potest in re distingui ab actu intelligendi, quod dici non posse consequenter infra dub. 7. declarabo, & plura de hoc puncto erunt necessariò dicenda infra in cap. 33. & in lib. 5.

Quintò interrogari potest, in quo subiecto proximè & immediatè recipiatur ille concursus præuius. In quo dicti auctores sentiunt in primis recipi in ipsa causa secunda. Quia verò inter causas secundas quædam agunt actione transeunte, quæ non & in ipsis, sed in passio recipitur; alie verò actione manente in ipsis. In prioribus id non indiget explicatione, recipi enim debet illa motio in ipso agente, vt constituto in actu primo prius natura, quàm agat; in posterioribus autem, quia idem est agens, & recipiens actionem, & terminum eius cum proportionem, id intelligunt de ipso agente, vt agens est, id est vt præsupponitur in actu primo, prius natura, quàm ab illo actio egrediatur, & à fortiori prius natura, quàm in illo recipiatur. Vnde consequenter etiam dicunt, proximum subiectum in quo recipitur talis motio, esse ipsammet potentiam, seu facultatem actiuam permanentem in causa secunda, quæ est principium proximum actionis eius, vt, verbi gratia, lucem Solis esse subiectum proximum, in quo recipitur concursus præuius ad illuminandum, & calorem ignis ad calefaciendum, voluntatem ad volendum, & habitum charitatis ad amandum super omnia, & lumen gloriæ etiam recipere in se nouam motionem, vel entitatem per quam moueatur ad eliciendam visionem, & sic de cæteris; quia illud principium, *Causa secunda non mouet, nisi mota*, formaliter intelligitur de motionem, quia ipsummet agendi principium aliquo modo muretur, & amplius actuatur.

Contingit autem, proximum principium agendi causæ secundæ non esse vnā simplicem qualitatem, sed coalescere ex multis, vt principium visionis ex visu, & specte, & fortasse ex lumine. Vnde dubitari potest in illa sententia, an tunc causa secunda recipiat vnum simplicem concursum præuium, vel plures quasi parciales, quasi constituentes vnum; videtur enim inconueniens tot motiones multiplicare. Nihilominus tamen consequenter loquendo, illud etiam declarandum est, quia vna simplex entitas non potest immediatè recipi in visu,

10.  
In quo sub-  
iecto immo-  
diatè reci-  
piatur ille  
concurfus.

11.  
Difficultas  
in assignando  
illo subiecto  
quod princi-  
pium proxi-  
mū agendi  
causæ secun-  
dæ non est  
vñ aliquid  
simplex, sed  
ex pluribus  
cōpositum.

CAPVT XXXI.

Quomodo præuius concurſus à potentia, in qua recipitur, & ab eius actione diſtinguatur.

viſu, & in ſpecie viſibili, & lumine, vnumquodque autem illorum principiorum indigebat ſua motione, & vltima actualitate à prima cauſa, quia non eſt maior ratio de vno, quàm de alio; ſicut etiam ſi duo lumina concurrant ab eadem indiuiſibilem illuminationem, licet concurſus ſimultaneus ſit vnus in actione imbibitus concurſus præuius multiplicandus erit iuxta numerum principiorum, ſeu luminum agentium.

E contrario verò ſi ab eodem calore ignis prodeant ſimul calefactiones in plura combuſtibilis cum ſit clarum, concurſus ſimultaneos multiplicari iuxta numerum actionum tranſeuntium, dubitari poteſt an concurſus præuius ſit vnus, & ſimplex, an verò etiam ille multiplicetur. Nam in hoc dicti auctores variè loquuntur, vt facile poſſunt argumenta pro vtraque parte fieri, ſed ſuperuacaneum duco in hoc immorari, nam ſuppoſito illo principio, parum refert, ſic vel aliter in his illationibus, & aliis ſimilibus, quæ facile excogitari poſſunt, opinari. Solùm hæc propono, vt conſiderentur hæc, & alia huiusmodi, quæ ex illa poſitione ſequuntur. Nec omittam vltiùs adducere iuxta illam ſententiam conſequenter dicendum eſſe nullam eſſe potentiam actiuam creatam purè actiuam, id eſt, quæ ſimul, & quoad modum prius paſſiuæ potentia non ſit. Quia omnis potentia quæ intrinſecè poteſt mutari in ſe aliquid recipiendo, eſt paſſiuæ; nihil enim aliud eſt eſſe potentiam paſſiuam, niſi eſſe potentiam capacem recipiendi aliquid: hoc autem habet omnis virtus actiua creata, quia eſt capax illius præmotionis diuinæ quam in ſe recipit, vt agat. Ergo eſt potentia paſſiuæ, ſecundùm quam prius actuari debeat, quam vim ſuam actiuam poſſit exercere, quia non poteſt mouere niſi mota: ergo prius (vt ſic dicam,) eſt mobilis, quàm principium mouendi; & hoc modo dicimus prius eſſe potentiam receptiuam vtrique quoad reductionem in actum. Atque ita non ſolùm potentia animæ, ſed omnes potentia naturales calor, lux, & ſimiles ſunt potentia paſſiuæ, imò non ſolùm potentia, ſed etiam habitus vel inſuſi, vt charitas, fides, lumen gloriæ, vel acquiſitio quatenus efficere poſſunt, receptiuæ prius ſunt. Neque ſolùm habitus, ſed etiam actus ipſi ſecundi potentiarum animæ, non ſunt vltimi, ſed potentiam paſſiuam in ſe habent, quatenus vnus actus eſſe poteſt verum principium phyſicè efficiens alium, ſicut eſt aſſenſus principij aſſenſus inſuſionis, & inſenſio finis electionis medij: nam ſi efficiunt indigent concurſu Dei; ergo & præmotione ſicut aliæ cauſæ ſecundæ. Hæc ergo omnia quamuis à dictis auctorebus expreſſè non doceantur, neceſſariò ab eis admittenda ſunt, quia per neceſſariam illationem inferuntur. Quòd ſi hæc difficilia videntur, & contra communem ſenſum Philoſophorum loquentium de virtutibus purè actiuis, & de habitibus, & actibus ſecundis, reſpondebunt dicti auctores illam communem doctrinam intelligendam eſſe de potentiis actiuis, & paſſiuis in ordine ad actiones, & paſſiones cauſarum ſecundarum inter ſe, non verò in ordine

ad motionem generalem primi mouentis, nam reſpectu illius omnis actus creatus eſt mobilis, & conſequenter eſt aliqua potentia paſſiuæ.

Extra interrogatio de hoc concurſu eſt, an hæc præmotio ſit res diſtincta ab actione & potentia in qua recipitur, & quam determinare, ſeu applicare dicitur, vel quomodo ab ea diſtinguatur. Nam quòd ſit aliquid in reipſa diſtinctum à ſua potentia, nullus deſenſor illius ſententiæ negare poteſt, quia ſit impotentia illa per nonum influxum Dei realem & per realem mutationem eiſdem potentiæ; ergo eſt aliquid diſtinctum in re ab eadem potentia, & illi de nouo additum. De modo autem diſtinctionis videntur dicti auctores variè loqui. Nam quidam aſſerunt hunc præuium concurſum tantùm formaliter diſtingui à voluntate, vel alia potentia in qua recipitur. Ita ſentit Cabeçudo dicta quæſt. 62. art. 5. dub. 1. ad 3. ait enim, influxum, qui recipitur in cauſa diſtingui ab illa, & operatione illius realiter formaliter, ſicut modus rei diſtinguitur ab ipſa re; & ſimili modo diſtingui influxum receptum in effectu, ab ipſo effectu. Sed in his verbis videtur inuolui repugnantia: nam voluntas, & operatio eiſ diſtinguuntur inter ſe realiter; quo modo ergo poteſt ille influxus ab vtraque diſtingui tantùm formaliter? nam idem modus non poteſt identicè in eſſe duabus rebus realiter inter ſe diſtinctis. Item operatio cauſæ ſecundæ pertinet ad effectum eiſ, vel in via, vel in termino prout nomen operationis ſumptum fuerit; ergo influxus in cauſam non eſt modus ipſius operationis. Omiffa autem hac parte in altera videtur cū illo auctore conuenire Ledefma art. 1. concl. 2. ration. 1. §. aliqui auctores, vbi ſub diſiunctione dicit, prædeterminationem eſſe entitatem realem, vel ſaltem modum entitatis realis; & in art. 7. ad 1. definit dixit eſſe quemdam modum voluntatis. Fundamentum eſſe poteſt, vel quia illa diſtinctio ſufficit, & non oportet multiplicare entitates, vel quia ille concurſus eſt tantùm quædam motio, & motio ſolùm eſt quidam modus rei motæ, nec enim oportet motum à mobili realiter diſtingui, vt ex Philoſophia conſtat.

Hic tamen modus dicendi parum credibilis videtur ſuppoſita illa ſententia, & præſertim loquendo de auxiliis gratiæ. Nam iſti auctores in hac motione ponunt maximam gratiæ efficaciam, & illam putant eſſe poſſiſſimam virtutem, ſeu virtuoſam motionem ſupernaturalium aequum effectricem; ergo fateatur neceſſe eſt illam eſſe entitatem ſupernaturalem ſicut ſunt ipſi actus; ergo oportet vt ſit entitas, & non tantum modus additus voluntati. Atque hæc ratio poteſt cum proportionem extendi ad cæteras cauſas, & virtutes earum naturales: nam hæc motio dicitur eſſe rerum principium, per quod omnis cauſa ſecunda, & eiſ potentia efficit ſuum effectum, vt paulò poſt dicemus, at ſolus modus non dat per ſe virtutem agendi. Præterea oſtendimus ſtatim ipſum concurſum non poſſe intelligi ſine impreſſione alicuius qualitatis, quia nec poteſt eſſe ſine termino intrinſeco proximo, neque alius poteſt cogitari: qualitas autem extra figuram non eſt modus, ſed res habens propriam entitatem, aliàs etiam de ſpecie impreſſa dici poſſet tantum eſſe modum

12.  
Explicatur illa difficultas & vgetur.

Hinc ſequitur nullam eſſe potentiam purè actiuam, cum omne ſit receptum virtutis per quam in eſſe potentiæ compleatur.

1.  
An concurſus, præuius realiter diſtinguatur ab actione potentiæ ad quam datur.

Varie ſententia.  
Cabeçudo.

Ledefma.

2.  
Difficultas aduerſus illos qui ſolū diſtinctionem modalem ponunt.



modum & actum videndi, vel appetendi tantum esse modum potentie. Quapropter si concursus ille præiudicatur necessarius, multo facilius, & intelligibilius ponitur, & quædam entitas addita potentie ad magis actuandam illam. quia nec in calore, nec in luce, vel similibus qualitatibus concipi satis potest nouus modus sine mutatione in intrinseco, & in formali effectu quem subiectis suis præbent. Multoque minus intelligitur talis mutatio in voluntate, & similibus potentiis in se indiuisibilibus, & naturali quodam, & immutabili modo animam efficientibus. Quapropter supposita necessitate illius concursus, negandum est sufficere modum; quia ad mutationem talium potentiarum, quæ tantum fiunt recipiendo aliquid nouum, necessarium est aliquam entitatem, seu formam illis imprimi. Nec refert quod ille concursus sit motio, tum quia non est pura motio sine termino, ut dicemus, tum etiam, quia omnis motio non est idem cum mobili, sed tantum modus localis: alteratio enim distinguitur realiter à mobili, sicut & terminus eius: hæc autem motio si quæ est, non est localis motio, ut constet; est ergo alteratio, vel cum illa proportionem seruat.

3.  
An res distincta sit ab actione & effectu.

Huic autem dubitationi septima est annexa, scilicet an hæc præmotio sit res distincta ab actione, & effectu causæ secundæ. In quo non est dubium de distinctione aliqua ex natura rei, hanc enim ut manifestam supponunt dicti auctores. & loquuntur consequenter: nam si motio illa est realis causa actionis, & effectus causæ secundæ, & prior natura vera prioritate reali, seu causali, necesse est ut in re sit aliqua distinctio inter illa, quia ut supra de concursu comitante dicebamus, interea quæ in re non distinguuntur, non potest esse realis causalitas, vel naturalis ordo prioris, & posterioris. Item, quia alijs nihil reale adderet hæc præmotio concursui comitanti, quia non distingueretur ab illo in re ipsa, quod est euertere omnino eandem sententiam de concursu præiudic. Vnde non video quomodo in sua sententia subsistere possit, quod dicit Ledesma art. 6. concl. 3. ration. 3. *auxilium scilicet in ipsa operatione, & auxilium pramouens, & determinans esse omnino idem, & non differre nisi per hoc solum, quod auxilium pramouens, & prædeterminans tenet se ex parte principij operationis, taliter quod inde incipiat operatio.* Hæc enim subsistere non possunt: nam statim dicit, auxilium imbibitum in operatione non supponi ad operationem. Contrarium autem docet de auxilio præmouente, quæ sine distinctione aliqua in re neque intelligi possunt: & ita illam admittit in conclus. 5. & alibi sæpissimè. Fortasse autem cum dicit esse omnino idem, intellexit esse vnum ordine, ut ipse D. Thomas exponit art. 3. ad 6. & 7. Quidquid verò sit de sensu eius, in ea sententia non potest negari aliqua definitio in re. De propria ergo definitione reali, quæ solet vocari tamquam res à re, intelligitur interrogatio, quæ licet videatur quæstio multum speculatiua, & parui momenti ad doctrinam Theologicam tradendam, nihilominus ad clariùs producendum, & ut difficultates occurrentes in vtraque sententia melius percipiantur, vtile erit ostendere, quid magis consequenter, magisque probabiliter, vel fortè necessario in illa sententia dicendum sit.

4.  
Distinctio formalis, siue modalis à quibusdam asserta.  
Ledesma.  
Ioan. Vincent.

Quidam ergo putant satis esse, quod illa præmotio distingatur formaliter, ut ipsi aiunt, seu modaliter, & ex natura rei ab actione, & effectu causæ secundæ. hanc sententiam tenuisse doctissimos viros eius viæ sectatores, refert Ledesma art. 6. sen. 2. nominatque Ioannem Vincent. cuius scripturam

A non habemus, nec vidimus. Allegat item Cuneus. Cuneus. 1.2. quæst. 111. art. 2. disp. 1. vbi sæpe dixit concursum, vel auxilium Dei non esse nisi ipsum actum, seu actionem causæ secundæ, & à Deo fluit, & pendet. Sed id magis competit concursui simultaneo, quàm præiudic, & iuxta illam explicationem non solum tollitur distinctio realis, sed etiam formalis, seu ex natura rei. Postea verò in §. *Aliqui Theologi*, addit, hunc concursum esse aliquid in causa secunda, quia non mouet nisi mota, siue talis motio distinguatur (ait) ab actu supernaturali, siue non. Statim autem in §. sequenti videtur distinguere illam motionem à motibus gratiæ excitantis. Vnde nihil certum in hoc puncto de sententia illius auctoris in dicta disputatione colligere possum. Ipse etiam Ledesma non videtur in hac parte satis constans, aut resolutus: nam in art. 5. conclus. 3. ration. 4. dicit auxilium intrinsecè coadiuuans operationem, & prædeterminans voluntatem esse idem secundum rem: per auxilium autem intrinsecè coadiuuans intelligit auxilium imbibitum in ipsa operatione, ut patet ex tertia conclusione, & ex principio illius tertiæ rationis. Item auxilium imbibitum vocat sæpissimè concursum simultaneum; hunc ergo dicit esse idem secundum rem cum præiudic, seu prædeterminante. At verò art. 6. conclus. 5. in ratione prima dicit distingui saltem formaliter, & in ratione tertia addit distingui realiter. Et postea declarat hoc vltimum esse certum in agentibus transeunti actione, in alijs verò sufficere distinctionem formalem, idemque ferè habet art. 3. ad 6. & 7. & latius & clariùs id docet art. 7. concl. 1. vbi aliquas rationes adducit, quæ si aliquid probant, illam opinionem euerunt, ut cap. . . declarabo, & ideo nunc illas omitto. Solum ergo videtur posse fundari in illo principio, quod etiam allegat, quia frustra ponuntur plures res, si vna sufficit cum distinctione formali; hic autem distinctio formalis videtur satis ad omnia ea, propter quæ ponitur hæc præmotio.

5.  
Alij melius faciunt rem distinctam.

D Sed multo magis consequenter loquuntur, qui dicunt præiudic concursum esse rem omnino distinctam à concursu concomitante, & consequenter ab actione, & effectu causæ secundæ, nam profectò ablata distinctione reali facillimum erit, imò necessarium alteram distinctionem ex natura rei tollere. Et in primis loquendo de influxu primæ causæ in secundam agentem actione transeunte, si ille influxus est aliquid in causa, necesse est esse rem distinctam ab actione eiusdem causæ; quia est in subiecto realiter distincto, nam ille influxus præiudic est in igne calefaciente, v. g. ut iam diximus, alio verò ignis est in ligno in quo fit calor, & lib. 1. de Auxil. cap. 6. notauit. Ergo in his saltem agentibus non potest dubitari de distinctione reali, ut tandem Ledesma fatetur.

1. In agentibus transeuntibus.

E Hinc verò argumentum ferè cogens sumitur ad voluntatem, vel alias potentias operantes actione immanente, primò quia in alijs causis propria causa distinctionis illorum concursuum non est distinctio subiectorum. Sed hoc à posteriori est signum ostendens euidentius distinctionem. Ratio autem propria distinctionis ex intrinseca natura vtriusque concursus præiudic, & simultanei sumenda est: talis autem ratio quæcumque fingatur in causis agentibus actione transeunti, in his etiam quæ agunt actione immanente inuenitur, siue hæc sit, quia vnus concursus est principium alterius, siue quia vnus est per se, & natura sua à sola causa prima, alius est à secunda, simul cum prima, siue quia vnus ita est effectus Dei, ut sit etiam instrumentum eius, & applicatio

6.  
2. In agentibus immanentibus.

applicatio causae secundae ad operationem; alius verò est pura actio, vel putus effectus vtriusque causae. Haec namque rationes, & si quae aliae in illa sententia excogitari possunt, non minus in actibus immanentibus, quam in actionibus transcurrentibus procedunt; ergo si in his sufficiunt ad distinctionem realem, quam subiecta distincta manifestant, etiam in illis sufficient, quamvis in eodem subiecto sint. In eodem enim subiecto facile esse possunt accidentia realiter distincta, si aliunde habeant sufficientem causam distinctionis.

7.  
Idem ostenditur in actione immanente.

Præterea specialiter idem ostenditur, quia in actu immanente nulla est ratio formalis realis, ac physica, nisi vel qualitatis, vel actionis, & passionis, seu mutationis; alias enim præter has configere voluntarium est. Unde non satis est dicere dari in illo actu, seu in illa entitate aliam rationem formalem distinctam ab his in re ipsa, nisi explicetur in quo genere, vel predicamento sit talis formalitas, & ad quid ponatur, aliàs qua facultate asserta fuerit, eadem contemnetur. At verò in illa sententia non est nisi vna actio qualitatis, v. g. amoris, fidei, vel similis; ergo in ratione qualitatis non possunt in illa entitate duae rationes formales distinguere quasi specificè, ut gradus genericos, & específicos omittamus, quia nihil ad rem præsentem faciunt. Neque etiam in illa entitate, vel ad illam qualitatem possunt esse duae actiones ex natura rei formaliter distinctae, vna præuia ad actionem creaturæ, quæ sit à solo Deo, alia quæ sit à causa secunda. Primum, quia vel hæc posterior, ut in superioribus fusè probatum est, vel est simul à Deo, & sic superflua est prior actio. Secundum, quia si illa actio præuia solius Dei terminatur ad illam entitatem, seu qualitatem, quam effectura est causa secunda, iam causa secunda inuenit factum, quod effectura est, quia prius natura sit à solo Deo; actio enim, quæ est prior natura in suo esse, & influxu à suo agente prius etiam attingit naturæ terminum; ergo si actio talis termini prius natura sit à solo Deo, Deus etiam solus prius facit totum illum terminum, & totaliter, seu ut causa unica, distinguitur etiam propria efficientia causæ secundae, & in actibus immanentibus id habet specialem repugnantiam, quia vitales sunt; ergo non possunt in illa entitate distinguere in ordine ad eundem terminum duae actiones formaliter distinctae, neque etiam potest concursus præueniens solius Dei esse actio tendens ad effectum causæ secundae tanquam ad intrinsecum terminum, eo vel maxime quod tunc non esset influxus in causam secundam, sed in effectum eius, quia per se primum tendit ad ipsum effectum, & non manet in causa, ut causa efficiens est, sed solum quatenus est receptiva sui effectus.

2. Ratio.

8.  
Dicitur responso.

Respondent aliqui ibi esse duas actiones inter se ordinem habentes, quia prior quæ est concursus præuius, tendit ad alterum, ut ad terminum: & sic non distinguere ut duas actiones immediate tendentes ad eundem terminum, seu effectum, vna proxima, illa scilicet, quæ est à causa secunda cum concursu simultaneo Dei, & alia, quæ est à solo Deo mediante prædicta, ad quam proximè ut ad suum intrinsecum terminum tendit. Ita indicat Ledesma dict. art. 7. Sunt autem hæc in primis voluntariè dicta, quia probari non possunt, deinde superflua; tum, quia illa actio, quæ simul est à causa prima, & secunda, sufficit ad productionem sui termini, tum

A etiam, quia actio non indiget alia actione, quæ fiat: nam per seipsum immediate egreditur ab agente. Denique videtur etiam impossibile, ut vna actio tanquam terminus ad aliam comparatur, quia actio, ut actio est, semper est via tantum, alioqui si posset esse terminus alterius actionis, idem de priori diceretur, & sic posset in infinitum procedi: non possunt ergo duae actiones, ut actio, & terminus distinguere; igitur distinguere non possunt illi duo concursus tanquam duae actiones realiter identificatae cum eodem termino, seu effectui, seu cum eadem qualitate; hæc enim omnia in idem recidunt. Unde etiam concluditur, non distinguere tanquam duas passiones, vel mutationes cum eadem proportionem, quia vni actioni vna tantum passio responderet, quia sunt vna tendentia secundum diversos respectus; idemque est de mutatione, quæ sunt in Philosophia vulgaris, & ideo non oportet in eis immorari.

B Ex hoc autem principio, quod concursus præuius, & concomitans inter se distinguuntur realiter, aperte concluditur eundem concursum præuium distinguere realiter ab actione, & effectui causæ secundae, quia concursus simultaneus non distinguitur in re ab actione causæ secundae, ut supra ostensum est, & actio causæ secundae non distinguitur à termino, seu effectui eius, ut est vulgare in Philosophia: ergo è conuerso quidquid distinguitur realiter ab hoc concursu simultaneo, distinguitur etiam realiter ab actione, & effectui causæ secundae, ut per se notum est in rebus creatis, qui discursus, ut dixi, est euidentior in actionibus transcurrentibus, sed reuera habet eandem vim in immanentibus, etiam liberis, supponendum ad illas efficiendas dari præmotionem, per quam vel determinetur, vel compleatur, vel applicatur, vel ab alio modo iuuatur potentia, iuxta ea quæ mox subiicimus.

9.  
Concluditur destructio realis alata.

## C A P V T XXXII.

*An præuius concursus sit qualitas, vel in quo predicamento sit.*

Hæc est octaua dubitatio de hoc concursu, in qua explicanda non conueniunt dicti auctores. Nam, ut in superioribus tetigi, solum esse potest quaestio, an sit vera qualitas, vel sit pura motio, nam de aliis predicamentis nulla potest esse dubitatio. Multi ergo ex defensoribus illius sententiæ dicunt non esse qualitatem, sed puram motionem virtuosam, & quidam illorum dicunt esse sententiam expressam D. Thomae 1. 2. q. 110. art. 2. At D. Thomas ibi non tractat de concursu præui, vel comitante, sed generaliter de actuali gratia, quam distinguit ab habituali, & sic habitus gratiae vocat qualitates: actus autem gratiae dicuntur non esse qualitates utique à solo Deo factas tanquam formas, quæ sunt principia operandi. quod autem D. Thomas non loquatur de concursu, & quod hic sit sensus eius, ex verbis eius ostenditur. *Dupliciter (inquit,) ex gratuita Dei voluntate homo adiunatur, uno modo in quantum anima inuatur à Deo ad aliquid cognoscendum, vel volendum, vel agendum: & hoc modo ipse gratuitus Dei effectus non est qualitas, vel motus quidam animi.* Non loquitur ergo D. Thomas de concursu præui, sed de toto effectui gratuito prout distinguitur ab habitu, & illam dicit D. Thom. non esse qualitatem.

1.  
Varie sententiae.

1. Esse puram motionem  
D. Thom.

Ledesma.

qualitatem vtiue puram, & distinctam ab actuali motu animi: vel non esse qualitatem permanentem, & per modum qualitatis denominantis, sicut de passione dixit Aristoteles in prædicamentis. Alioqui certum est actum immanentem esse veram qualitatem, quod etiam supra diximus de actibus gratiæ, qui omnes vocantur animi motus, quia non sunt sine actuali influxu, & effectiōe vitali potenciarum animæ. Et in hoc sensu distinguuntur ab habitibus, quos Deus solus infundit tanquam *formas*, vel, *qualitates*, vt D. Thomas ait, quæ sint principia actuum.

2. Ratione ostenditur. 1. vt vitetur absurde alterius opinioniones.

Omissa ergo auctoritate, ratio illorum auctorum prima est, vt euitent incommoda, quæ ex illorum sententia solent inferri. Vnum est, quia si illa motio præuiua esset qualitas, vtiue esset qualitas actiua, nam ad hoc ponitur vt agat; ergo indigeret motione primi agentis, et si procederet in infinitum. Ideoque sistendum est in motione quæ non sit qualitas; ac subinde illa erit pura motio, quæ datur causæ secundæ in actu primo sufficienter constitutæ. Aliud inconueniens est, quia si ille præuius concursus esset per infusionem qualitatis actiue, illa esset per modum actus primi, & completeret in homine principium sufficiens actuum conuersionis, vel amoris, & consequenter, qui illam qualitatem non reciperet, non haberet auxilium sufficiens ad operandum, quod in naturalibus est euidenter falsum, & in supernaturalibus ab ipsis etiam non amittitur, quia repugnat sanæ doctrinæ. Tandem argumentantur inductione, quia illa motio non est potentia; nam supponit illam, nec est habitus, quia non separatur ab actuali actione, sicut potest separari habitus, non est dispositio, quia est quasi actus vltimus; non est ergo qualitas, sed pura motio. Confirmatur hæc ratio, quia concursus simultaneus non est qualitas; ergo nec præuius erit qualitas.

2. Id ostendit inductio.

3. Sententia esse qualitatem.

Ledesma. Ioan. Vin. Martini.

Alij nihilominus eiusdem doctrinæ defensores dicunt, hanc motionem licet vt est passio quædam in fieri, sit vera motio, in termino intrinseco esse qualitatem, pro qua sententia citat Ledesma M. Ioannem Vincentium, & alios doctissimos discipulos D. Thomæ; ipse verò variè loquitur, nam in prima conclusione asserit hanc sententiam non esse omnino improbabilem: in secunda dicit, probabilius, & ferè sibi certum esse, hoc auxilium præuiuum non esse qualitatem constituentem voluntatem in vltima consummatione actus primi; postea verò explicando distinctionem dicit, an sit qualitas, nec affirmamus, nec negamus in præfenti. Et in concl. 3. iterum ait, hoc auxilium nihil aliud esse, nisi diuinam motionem. At paulò inferius dicit secundum probabiliorem sententiam in voluntate, & simili potentia motionem ad actum immanentem esse qualitatem. Itaque licet neget hanc motionem esse qualitatem constituentem potentiam in actu primo (de quo puto statim dicam,) absolute videtur sentire esse qualitatem, quamuis paulò post dicat illam non esse nisi motionem passiuam, & factionem quamdam, quæ omnia ostendunt perplexitatem quamdam, & obscuritatem, in concipienda, & explicanda euitate huius motionis.

4. Suaderetur hæc opinio.

Potest nihilominus hæc sententia dupliciter suaderi. Primò à priori: nam hic concursus præuius est res quædam, quam Deus verè, & propriè efficit in causa secunda, v.g. in voluntate; ergo ibi interuenit effectio Dei in causa secunda per mutationem eius; ergo etiam interuenit aliquid fa-

Actum, quod non potest esse nisi qualitas. Antecedens supponitur expositione illius sententiæ, asserit enim hunc concursum esse influxum Dei in causam secundam, qui influxus realis est, & non nisi in genere causæ efficientis, vt per se patet. est ergo vera, & realis effectio Dei. Vnde sic euidentis prima consequentia, quia non loquimur de effectiōe vt ab aliquibus consideratur ad intra in ipso Deo: sic enim cum non sit ipsa volitio Dei, non est motio formalis, sed effectiua, seu principium mouens, de quo nunc non tractamus: loquimur ergo de effectiōe transeunte siue per modum actionis, siue per modum passionis consideretur, vt sic necesse est esse actualem motionem, quia per eam voluntas, seu causa secunda aliter se habet, quàm prius, quia actuatur illo influxu Dei, quo antea non actuabatur: interuenit ergo ibi motio quædam, quod nullus illius opinionis sectator negat, vel negare potest, cum fundamentum eius opinionis potissimum sit, quia causa secunda non mouet, nisi mota.

Altera verò consequentia probatur facillè, quia non potest intelligi aliqua effectio quin sit aliquid factum: nec motio sine intrinseco termino, sicut non potest esse via, quæ ad aliquem terminum non tendat, motio enim via quædam est quæ passum ab vno termino in alium transmutatur; ergo si concursus ille præuius est motio Dei, aliquem terminum intrinsecum habere necesse est: ille autem non est ibi neque quantitas, neque substantia; ergo erit aliqua qualitas, quia nihil aliud cogitari potest. Respondet Ledesma terminum proprium, seu proximum illius concursus præuij esse, causam secundam esse præmotam: nam vltimus terminus ad quem tendit, est ipsa operatio, vel effectio causæ secundæ. Sed hæc verba rem non declarant, nec vim rationis eludunt; quia illud esse præmotum vel intelligitur tantum in fieri, ita vt idem sit, quod esse in actuali præmotione, vel sumitur in facto esse, id est, quod sit aliquod esse ad quod terminatur illa motio tanquam per eam factum, non tanquam per formalem causam, sed tanquam per viam, vt si dicamus, quod terminus calefactionis est esse calidum. In priori sensu non terminus illius præmotionis, sed quasi formalis effectus eiusdè significatur. Omnis enim motus dat formaliter mobili actus moueri, seu esse motum, illud tamen est quasi esse formale, quod non est terminus motus, sed quasi formalis effectus eius, ultra quem necesse est terminum assignare, ad quem motus ille tendat; quia dum motus formaliter constituit mobile actu motum, necessarium est vt aliquod illud ducat, & moueat. Sic ergo præmotio hæc si dat causæ secundæ formaliter esse præmotum, seu actu præmoueri, ad aliquid illam præmouet, distinctum ab ipso præmoueri, tanquam in terminum à via, & de hoc inquirimus, quid esse possit, nisi qualitas aliqua.

Vnde si esse præmotum in altero sensu explicetur, vt significet aliquod esse factum in termino per illam præmotionem, inquirimus quæ sit forma, vel entitas dans illud esse, (seu vt verborum ambiguitas tollatur,) quærimus terminum illius præmotionis in abstracto, sicut terminus calefactionis est calor, & illuminationis est lumen. Et ideo in concreto dici potest, terminum esse calidum, vel esse illuminatum; ita ergo si terminus illius præmotionis est esse aliquod ad quod causa est præmotà, quærimus formam in abstracto, quæ dat illud esse, quæ sit formalis terminus proximus

5. Ex termino illius effectiōis, quæ est aliqua qualitas.

Ledesma.

6. Explicatur ille terminus.



mus illius præmotionis, & tunc dicimus nõ poſſe eſſe niſi qualitatem, quia in nullo alio prædicamento cogitari poteſt. Et confirmatur, ac declaratur in hunc modum, quia vel cauſa ſecunda eſt ſpiritualis, vel corporea: ſi ſpiritualis mutari, vel moueri non poteſt, niſi ad qualitatem, præſertim per mutationem extrinſecus illi aduenientem. Et ita Ledefma ipſe faretur involuntate, & intellectu hoc auxilium efficax eſſe qualitatem, vt ſuprà reſtuli art. 6. concl. 3. Si verò cauſa ſit corporalis, mutatio illa accidentalis eſt, & non eſt ad locum, nec ad quantitatem; ergo non poteſt eſſe niſi ad qualitatem, quia iuxta doctrinam Philoſophi ad alia prædicamenta accidentium non eſt per ſe motus, nec mutatio.

Ledeſma.

7. An motio ipſa ſit terminus per diuinã operationem productus. Almariz.

Alij contenti ſunt dicendo motionẽ ipſam eſſe terminum productum per ſolam diuinã operationem, vt dixit Aluarez diſp. 19. in ration. 3. pro 5. concl. Sed non ſatisfacit, nam quæro, an loquatur de operatione Dei ad extra, vel ad intra. Primum dici non poteſt, quia illa operatio ad extra, non eſt niſi ipſa motio, neque motio vt in orio poteſt eſſe intrinſecus terminus operationis tranſcuntis. Secundum autem non ſatisfacit, nam licet motio facta in cauſa ſecunda ſit terminus, vel effectus volitionis diuinæ, quæ dicitur volitio ad intra, nihilominus externa illa motio, vt eſt via quadam, habere debet aliquem terminum per illã factum, vt probatum eſt. Et ampliùs declarari, & confirmari poteſt exemplis, nam in omni alia quaſi instrumentali præmotione, quam phyſicè experiuntur, proprium terminum præmotionis diſtinctum ab effectu formali motionis inuenimus, & assignamus, vt in instrumentis artis motus, instrumenti eſt motus localis, qui ſemper habet ſuum proprium terminum, qui eſt vbi, & in viſu quatenus præmouetur à calore, vt videat, intelligimus aliquam qualitatem illi impreſſam, quæ eſt quaſi ſemen, & instrumentum obiecti. Et in lapide dum proicitur ante motum localem, intelligimus impreſſionem impetus tanquam præmotionem quandam, per quam imprimitur impetus, qui eſt quaſi virtus instrumentaria proiicientis; & inde docent omnes Philoſophi impetum eſſe qualitatem, quia illa motio præuia aliquem intrinſecum terminum habere debet, qui non eſt ibi, quia illa impreſſio eſt ante motum localem, vnde neceſſariò concludendum debere eſſe qualitatem, quia nihil aliud eſſe poteſt. Nec ſatisfacit Philoſophus reſpondendo terminum illius præmotionis eſſe hoc ipſum eſſe præmotum, vel eſſe fortiter pulſum, ſed neceſſe eſt vt ſignet formalem terminum, & formam proximè factam per fortem illum contactum, vt poſtea ſit instrumentum localis motus rei proiectæ. Sic ergo in præſenti vel illa præmotio nulla eſt, vel certè in proxima, ac intrinſeco termino qualitatem aliquam eſſe neceſſe eſt.

8. Dileuntur rationes quibus alij contendunt hanc præmotionem non eſſe qualitatem, vel abſolutè probant non eſſe creatam entitatem, vel nihil probant contra qualitatem. Prima ratio ab inconuenienti erat de proceſſu in infinitum, quia ſi eſſet qualitas, indigeret alia præmotione ad agendum. Ac idem ſequitur de quacumque entitate creata, quæ ſit principium actuum alterius actionis, nam illa indiget concurſu Dei, ac ſubinde indigebit præmotione, quia eſt entitas potentialis, & non eſt ſuum eſſe, quæ ſunt rationes, propter quas dicitur qualitas creata indigere præmotione.

Fr. Suarez de Gratia Pars I I.

A Reſponderi ſolet concurſum præuium requiri in omni principio proprio cauſæ ſecundæ, non in ipſa præmotione, quæ eſt instrumentum primæ cauſæ; quia ſicut actio non indiget alia actione, qua fiat, ita nec præmotio alia præmotione, qua fiat, vel ad faciendum applicetur, quia applicando cauſam ſecundam applicat ſeipſam, vel dum eſt applicatio alterius, eſt etiam ſuiipſius, ſicut quantitas ſeipſa eſt quanta. Sed contrà ſiue hoc ſit verum, ſiue falſum, habebit locum, etiamſi illa præmotio intrinſecè terminetur ad qualitatem, quia illa qualitas dicitur eſſe quaſi tranſiens, & omnino actualis, quæ per illammet actionem, ſeu præmotionem, qua ſit, applicatur etiam virtualiter ad operandum, cum virtute cauſæ ſecundæ, vel applicandam illam ad agendum, vel quippiam ſimile.

Et ita etiam ad ſecundum dicitur, quòd licet hæc præmotio ſit qualitas, non aliter compler, vel applicat cauſam ſecundam ad agendum, quàm ſi eſſet tantum morio, vel è contrario ſi ex neceſſitate talis qualitatis ſequitur cauſam ſecundam carentem aliqua qualitate non eſſe ſimpliciter ſufficientem ad agendum. Idem certè ſequitur ſi præmotio ſit neceſſaria, & non detur, cuiuſcumque rationis, vel entitatis fingatur eſſe talis præmotio, quia vt non ſit ſimpliciter ſufficiens, ſatis eſt, quòd aliquid neceſſarium ad agendum deſit, & non habeatur, neque haberi poſſit. quod argumentum ſæpiùs in ſequentibus vrgebimus, præſertim in cauſis liberis. Nunc autem ſolum concludimus argumentum illud, non magis probare præuium concurſum non eſſe qualitatem, quàm non eſſe aliquem veram entitatem. Inductio verò quæ ibi additur, non eſt integra, nam licet probeſt iſtum concurſum non eſſe habitum, neque poſſibilem qualitatem permanentem, non probat quaſi eſſe tranſeuntem qualitatem ad modum impulſus, vel certè ſi in aliqua cauſa ſecunda non creditur poſſibilis talis qualitas natura ſua tranſiens, quæ non ſit actus vitalis, vt in ſpiritualibus eſt probabile, multo erit impoſſibilior morio tranſiens ſine villo termino qui cum illa ſit, & tranſeat.

9. Ad ſecundam rationem ſuperius allatam.

D Ad confirmationem autem de concurſu ſimultaneo, facile negabitur conſequentia, quia concurſus ſimultaneus eſt in genere actionis, habetque eundem terminum cum actione cauſæ ſecundæ. Concurſus autem præuius eſt actio, vel paſſio diſtincta ab actione cauſæ ſecundæ, & ideo ſuum terminum habere debet, qui non poteſt eſſe niſi qualitas. Et ita ſuppoſito tali concurſu præui, multo probabilius eſt non conſiſtere in pura motione, vel præmotione, ſed eſſe talem præmotionem quæ qualitatem aliquam cauſæ ſecundæ imprimat, quod ex dicendis magis confirmabitur.

10. Ad confirmationem.

### C A P V T XXXIII.

*Verum concurſus præuius conſtituat cauſam ſecundam in actu primo, vel compleat virtutem eius ad agendum.*

I N hoc capite alia duo dicta de hoc concurſu tractanda ſunt, quæ ad totam hanc materiam intelligendam ſunt in primis neceſſaria. Primum, ſeu nonum in ordine eſt, an hic concurſus præuius detur cauſæ ſecundæ ad conſtituendam

1.

1. Quæſtio an hic concurſus præuius conſtituat cauſam ſecundam

O

1. *Questio quomodo concurrat ad actionem & effectum causae secundae.*

uius concurrat effectiue ad actionem, & effectum causae secundae, tanquam principium per se, an solum tanquam conditio necessaria, quae sit veluti causa per accidens. In quo puncto auctores primae sententiae tractatae in praecedenti dubio, aperte supponunt motionem praeuiam per se & proprie efficere cum causa secunda effectum, imò, & actionem eius, & ideo dicunt dari per modum principij, & actus primi, respectu actionis causae secundae. At verò iuxta alteram sententiam ibidem tractatam videtur potius dicendum illam praeuiam motionem esse quandam conditionem necessariam ad actionem causae, & non aliter concurrere proprie, & per se ad illam; ita enim facile intelligitur, non esse actum primum, nec secundum, sed medium quoddam, quia est conditio, quae inter illos actus necessariò intercedit.

9. *Videtur concurrere tantum per modum conditionis necessariae. Prima ratio, quia est tantum applicatio ad agendum.*

Deinde potest hoc suaderi. Primò, quia illa praemotio in agentibus ex necessitate naturae solum requiritur, ut per illam applicetur vltimatè, & quasi intimè causa secunda ad agendum, ut ita moueat mota, quia aliter mouere non potest: applicatio autem agentis ad agendum solum videtur esse conditio necessaria ad agendum, non principium per se, ut constat in applicatione ignis & in motibus coelorum, & instrumentis artis, vel aliis locis, de illis tractando, latè declarauimus. Ergo idem dicendum est de illa applicatione, quia non possumus nos iudicare de applicatione illa, quam sensibus non experimur, nisi iuxta illas, quas experimur, nec assertores illius applicationis aliis exemplis illam nobis declarant.

10. *Secunda ratio, quia est tantum motio.*

Secundò, quia ille praeuius concursus non creditur agere, & influere in effectum causae secundae tanquam actio in intrinsecum terminum, nec tanquam forma, quae det causae virtutem agendi, sed tantum per modum motionis; ergo non influit in effectum causae secundae tanquam principium per se. Antecedens quoad primam partem necessariò admitti debet à dictis auctoribus, quia ponunt distinctionem realem inter concursum, & actionem causae secundae, & saltem in agentibus naturalibus fatentur esse rem indubitatam: actio autem non distinguitur realiter ab intrinseco termino, & etiam ipsi fatentur, ut est principium quasi per se notum à Philosophia; ergo ille concursus non influit in actionem causae secundae, eodem modo, quo actio influit in terminum intrinsecum. Quoad secundam verò partem supponitur antecedens iuxta opinionem secundam tractatam in praecedenti dubio. Consequentia verò probatur, quia non videtur posse intelligi alius modus influendi per se in effectum aliquem, nisi aut per modum principij, aut per modum actionis intimae, & immediatae ipsi termino: ergo tertius ille modus per modum motionis solum esse potest per modum causae per accidens, seu conditionis necessariae.

11. *Hoc non pugnat cum perfectione concursus primae causae.*

Denique non est hoc contra perfectionem influxus, & concursus primae causae, quia iuxta istorum auctorum sententiam multis modis influit in actionem causae secundae, scilicet, dando virtutem agendi, conseruando illam, applicando illam, & vtendo illa tanquam instrumento ad dandum esse in virtute primae causae. ex quibus modis primus, & secundus respectu effectus causae secundae sunt per accidens. Ergo similiter in tertio modo licet Deus per se influat in causam secundam per se efficiendo in illa dictam motionem, per quam applicat illam ad agendum, nihilominus respectu actionis, & effectus causae secundae poterit illa ap-

*Fr. Suarez de Gratia Pars II.*

A plicatio esse necessaria tantum conditio. Nam in quarto includitur concursus per se causae primae in effectum causae secundae, & ille sufficit, quia ea in vno genere causae primae vna sufficit.

Nihilominus Ledesma in suo tractatu docet concursum praeuium concurrere ad operationem causae secundae effectiue tanquam veram causam ipsius. ita habet art. 6. ad 1. Et ad confirmationem sexti argumenti dicit potentiam per habitum eleuatam efficere actum per diuinam motionem, quae est virtus diuina. Et art. 3. concl. 3. expresse dicit concursum praeuium non tantum requiri, ut conditionem necessariam, sed etiam ut concurrat, & causet ipsam operationem causae secundae. Additque illam esse sententiam D. Thomae, & omnium discipulorum eius. Idem repetit art. 1. respondendo ad argumenta in principio. Et in vtroque loco me grauiter reprehendit, quod in Metaph. & lib. 3. de auxiliis dixerim aliquos Thomistas ponere illam praemotionem tantum ut conditionem necessariam.

Quòd autem concurrat illa motio tanquam vera causa efficiens per se necessaria ad operationem causae secundae, ipse non probat, nisi quia vel Deus facit ut causa secunda operetur, vel quia illa motio vocatur influxus Dei, & virtus diuina ad agendum effectum causae secundae, quia verba non significant tantum conditionem necessariam: sed haec probatio parum vrget; tum, quia modus ille loquendi, *facit ut faciamus*, longè alium sensum habet in Scriptura & Patribus, ut ostendimus in libro quinto, tractando de auxilio gratiae efficaci, ad quod maximè loquutio illa applicatur; tum etiam, quia iam dixi motionem esse posse per se à Deo mouentem causam secundam, & influere in illam, licet respectu effectus causae secundae, motio illa tantum esset necessaria conditio. Quòd autem illa motio sit virtus diuina ad agendum effectum causae secundae, affirmatur ab illo auctore, & aliis eiusdem sententiae, non tamen probatur, nisi fortè argumentis factis cap. 27. de quibus postea dicemus. Vnde idem auctor in dicto art. 1. ad argumenta fatetur, praemotionem quantum ad hoc, quod est, praedeterminare causam secundam, solum esse conditionem necessariam, quia non dat (inquit) virtutem & efficaciam ad operationem, vtrique secundum dictam considerationem, licet sub alia, scilicet, & concurrer effectiue ad ipsum actum sic causa per se. quod an rectè dictum sit, statim dicam.

Pergit enim idem auctor, & dicit praemotionem illam ut influit in actionem causae secundae, non distingui ab auxilio imbibito in actione causae secundae, in quo sibi contradicit, nisi intelligat influxum emanantem ab illa concursu praeuio non distingui ab actione creaturae, quod verum est: ab ipso autem concursu praeuio necesse est realiter distingui, ut supra probatum est, ideoque dici non potest concursum imbibitum, v.g. in actu charitatis, non distingui ab auxilio praeuio praedeterminante, sicut non potest dici non distingui ab habitu charitatis, vel à voluntate, vel à Deo, nam vnus, & idem est cum habitudine ad omnes illas causas, seu principia, quae omnia ideo aduerto, quia declarant satis quàm obscura, & implicata sit haec sententia, cum illius defensores, nec satis illam explicare, nec iuxta illam satis consequenter loqui valeant. Vnde dictus auctor supra concludit, *hoc esse obscurum mysterium fidei, quod est intellectui difficillimum*. In quo tacitè censuram adhibet, supponens sententiam suam à d. fidei dogmata, & mysteria pertinere. Nos autem inter fidei

12.

Altera opinio, concurrere effectiue tanquam causa operationis causae creatae. *Ledesma.*

D. Thom.

Quomodo id probet Ledesma, non satis efficitur.

Explicatio maior sententiae Ledesmae.

mysteria hoc non agnoscimus, maxime in generali puncto de concursu præuio omnibus causis secundis necessario, quod punctum merè Philosophorum est, & nullius mysterij fidei est fundamentum, & explicandum est, ut admitti debeat.

13. In hoc ergo posteriori puncto supposita necessitate præuij influxus in causam, mihi videtur probabilius, & magis consequenter loqui, qui affirmant præmotionem illam effectiue, & per se concurrere ad actionem causæ secundæ. Moueor præcipue, quia remota causalitate per se, nullam video probabilem necessitatem talis conditionis; nec quomodo intelligi, aut explicari possit, nedum suaderi. In quo aduerto hoc nomen conditionis, sine qua non, generale esse posse, & speciale. Nam generaliter loquendo

Non potest explicari necessitas illius conditionis, quam prima sententia asserbat.

omne principium necessarium ad actionem etiam, si per se influat in illam, potest dici conditio necessaria, ut lumen, vel species ad videndum, & calor in aqua, dicitur etiam conditio necessaria ad calefaciendum, quia nomen conditionis de se est quasi transcendentele, quod de omni qualitate, proprietate, vel circumstantia dici potest; ergo in illa generali significatione, quidquid est necessarium ad actionem, potest dici conditio necessaria, seu, quod idem est, conditio sine qua non. Aliter tamen communi vsu Philosophorum, ac subinde propria significatione philosophica conditio sine qua non, habet specialem significationem, diciturque quasi priuatiue de tali conditione, quæ cum necessaria sit, per se tamen non influat in effectum. Vnde quoties aliqua forma, vel entitas est necessaria ad effectum propter causalitatem per se, quam in illum habet, non dicitur propriè conditio sine qua non. Et in hac significatione calor non dicitur conditio sine qua non calefaciæ aquæ, sed dicitur esse principium per se calefactionis, sine qua aqua non potest calefacere. Nec in calore potest distingui duplex ratio, vna sub qua sit conditio sine qua non, in dicta proprietate, & alia in qua sit principium per se influens in calidum, quia tota necessitas eius est propter actiuitatem, quam per se habet: potest tamen in illo distingui duplex causalitas, vna formalis respectu aquæ, altera effectiua respectu alterius caloris, sub neutra tamen dicitur propriè conditio sine qua non, respectu calefactionis manentis, postea ab aqua calida, quia calor illam informans est illi necessarius, non ut quæcumque conditio, sed ut principium per se influens in talem calefactionem. Imò nec prior calefactio per quam aqua fuit calefacta, potest dici propriè conditio necessaria ad posteriorem ab aqua calida manantem, sed est via qua principium calefaciendi acquiritur, neque habet aliam rationem conditionis necessariæ.

14. Quod explicatur amplius in calore aquæ calefacientis.

Sic ergo in proposito cum proportionem philosophandum censeo, nam si calor aquæ indiget noua præmotione Dei ad calefaciendum lignum, ipsa præmotio considerari potest, vel respectu caloris aquæ, in quo subiectatur, vel respectu calefactionis ligni. Nam priori modo formaliter afficit calorem, seu aquam, ut calidam, & denominat illam motam, vel vltimè actuatam, vel aliquid eiusmodi. Imò in hac etiam prima habitudine potest influxus ille considerari, ut est in fieri, & ut sic est mutatio quædam, & dicitur propria præmotio aquæ; consequenter verò etiam habet aliquem terminum factum suo modo, iuxta dicta in dub. 6. & sic est qualitas efficiens,

A & dans calori certum formalem effectum nobis innominatum, quia ignotus est secundum propriam rationem, & ideo generaliter denominabit præmotam applicatam, vel alio simili modo, ut dixi. At verò respectu calefactionis manantis ab aqua calida, præmotio illa habet habitudinem causæ efficientis, seu principij necessarij, ut aqua calida actu calefaciatur, iuxta illam sententiam.

Dico ergo præmotionem illam secundum hanc posteriorem habitudinem non posse habere connexionem necessariam cum actione causæ secundæ, nisi sit necessaria ad per se influendam in illam. Quia si talis præmotio sub priori ratione consideretur, nimirum, ut formaliter afficit, vel immutat causam secundam, non potest esse illi necessaria ad agendum, nisi talis præmotio sit etiam effectrix propriè, & per se actionis causæ secundæ, & propter talem efficientiam ad effectum causæ secundæ sit necessaria. Nam seclusa hac habitudine, nulla ratio necessitatis in tali præmotione respectu actionis causæ secundæ cogitari potest; non est enim satis dicere esse conditionem necessariam, nisi necessitas illa declaretur, cuiusque ratio aliqua proferatur, quod hætenus à nullo defensore illius opinionis factum inuenio. Et, nisi fallor, hoc probat efficaciter discursus à me factus in lib. 1. de Auxil. cap. 6. ubi ostendi nec per nomen applicationis, nec præmotionis, aut excitationis talem conditionem, aut necessitatem eius explicari posse. Solum inuenio datam esse postea distinctionem de duplici applicatione, vna est extrinseca, quæ in corporibus fit per localem propinquitatem cum ablatione sensu illum impedimentorum in potentiis verò animæ fit per obiecti propositionem, aut cogitationem, & de hac dicuntur procedere omnia, quæ de applicatione ibi dixi, quia propter illam non ponitur esse necessaria hæc præmotio primæ causæ. Alia verò applicatio dicitur intrinseca, & quasi immediata inter facultatem actiuam, & actionem suam, & hæc dicitur necessaria omnibus causis secundis prius natura, quam eliciant actionem suam, & solum fieri posse à causa prima.

Verumtamen si propriè de applicatione physica, & reali loquamur, non intelligitur propriè nisi inter res existentes: ad rem autem futuram non fit, nisi per propositum, vel destinationem animi. Applicatio ergo causæ secundæ in actu primo constituta ad actionem suam, si intelligatur esse tamquam ad rem iam existentem, non fit nisi agendo, ac subinde eliciendo actionem ipsam, ideoque formaliter non fit, nisi per actionem ipsam, hæc per se ipsam fit, in quo eius esse consistit, & ideo sicut ipsa non applicatur agenti (ut sic dicam) nisi per se ipsam, vel per immediatam habitudinem ad illud. Ita è conuerso agens non applicatur hoc modo ad agendum, seu ad actionem, ut existentem, nisi per illammet, utique eliciendo illam. Si verò applicatio intelligatur ad actionem ut futuram in tempore, vel saltem ordine naturæ, tunc supposita omni applicatione passi, vel obiecti, quæ vocatur extrinseca, nulla alia applicatio media physica, & propria necessariò intercedens inter principium agendi, & actionem intelligi potest, sed tantum moralis per animi propositum, vel destinationem, quæ habet tantum locum in his potentiis animæ, quæ habent inter se naturalem subordinationem ratione cuius vna imperat alteri, seu mouet, & applicat illam ad proprium actum. qui modus applicationis non solent fieri per

15. Idem applicatur in hoc casu actionis, causæ secundæ.

16. Quomodo intelligenda sit applicatio ad agendum.



per impressionem alicuius entitatis, vel motionis factae in potentia inferiori mota, sed solum per naturalem subordinationem, vel sympathiam ad potentiam superiorem mouentem. Igitur talis applicationis modus non potest cum proprietate, & veritate attribui illi motui praeui, quam Deus imprimere dicitur omni causae secundae. Solum ergo per quandam analogiam, & imitationem poterit dici applicatio, quatenus sine tali praemotione non potest talis potentia agere; in illa vero posita statim quasi necessitate quadam actionem suam elicit. Haec autem tam necessaria connexio intelligi non potest in tali praemotione, nisi propter aliquam vim, & efficaciam propriam, ac per se, quam habeat in actionem causae secundae in quam necessario influat, & à qua ipsa actio causae secundae essentialiter pendeat; nam si haec secludatur, tanta necessitas talis conditionis sine fundamento affirmabitur. Merito ergo qui talem praemotionem requirunt, hanc causalitatem illi attribuunt.

17.  
Hinc sequitur hoc auxilium esse actum primum.

Ex hac vero resolutione intulerunt auctores allegati pro priori sententia dubij noni, auxilium hoc praeuium esse actum primum, vel complementum actus primi, saltem per modum cuiusdam formae complementis vim actiuam necessariam ex parte facultatis creatae ad eliciendam actionem suam, & producendum effectum, quae consequutio videtur mihi planè euident, ac necessaria. Probat per partes singulas. Nam in primis illud auxilium est actus quidam efficiens, & informans potentiam causae secundae, nam est ostensum esse debere aliquam qualitatem, & quamuis negetur esse qualitas, & vocetur motio, nihilominus negari non potest, quin sit actus entis in potentia, nam haec est de ratione omnis motus, vel mutationis. Item ille actus recipitur in facultate causae secundae tanquam in potentia purè passiva respectu talis auxilij; ergo è contratio auxilium illud imprimitur tali potentiae tanquam actus illius, non imprimitur autem causae secundae tanquam actus secundus eius, nec tanquam inchoatio actus secundi; ergo imprimitur ut actus primus, vel complementum actus primi. Antecedens probatur, quia actus secundus causae secundae efficientis est ab illa effectiue; iste autem actus praemotionis non est effectiue à causa secunda, ut iam inter nos conuenit. Et eadem ratione non potest esse inchoatio actus secundi, quia inchoatio actus secundi aliquid est ipsius actus secundij; ergo est aliquid actionis causae secundae; ergo est effectiue à causa secunda. Denique causa secunda sicut facit, ita etiam inchoat actionem suam, & donec intelligatur actu influere, non intelligitur inchoare actum secundum. Motio autem praeuia precedere dicitur ordine naturae actuale influxum causae secundae; ergo nullo modo est actus secundus, vel inchoatio eius. Prima vero consequentia probatur, quia actus actuans potentiam adaequatè diuiditur in actum primum, & secundum, quia nec datur actus tertius, nec prior primo, nec inter primum, & secundum potest cogitari medium, sub actu primo omnem complementum eius, & sub actu secundo omnem inchoationem eius comprehendendo. Cum ergo illa praemotio sit actus causam secundam actuans, & formaliter eam reducens de potentia in actum, & non reducat illam formaliter in actum secundum, vel inchoationem eius, necesse est ut ad actum primum pertineat. Et quia in causa secunda supponitur virtus aliqua actiua quae est quasi connaturalis, & intrinsecus primus actus

*Suarez, de Gratia Pars I I.*

A eius, necesse est ut ille praeuius concursus sit complementum actus primi. quod tandem his verbis concedit Aluarez disp. 18. n. 12. & 18. & D. Thomae & Thomistis id tribuit.

*Aluarez.*

Ex quo ulterius inferitur, facultatem actiuam connaturalem causae secundae ex se non habere totam virtutem agendi necessariam ad talem effectum producendum, vel talem actionem efficiendam, sed talem virtutem compleri per illud additum, quod per id praeuium concursum illo adiungitur. Probat ex principijs auctorum eorundem, qui secundum sententiam contrariam dubio praecedenti propositam defendunt. Primum est, quod potentia actiua causae secundae praecise spectata adhuc est in potentia passiva, & receptiua illius additi, seu motionis, ut dubio 4. visum est; ergo recipitur in illa per modum actus primi, & praeui ad secundum. Declaratur à simili in oculo, nam quia visus de se est in potentia ad speciem, ideo sine specie est incompleta virtus, & actus primus videndij ita ergo omnis virtus actiua propria causae secundae de se, & ante illum concursum praeuium non est in actu primo completo ad agendum, ac proinde non habet integram, & completam virtutem actiuam, sed per motionem illam completatur. Ergo sola facultas causae secundae sine tali principio non est completa virtus actiua. Secundum principium est potentiam actiuam causae secundae non esse in actualitate perfecta, & ideo necessarium esse hunc praeuium influxum in ipsam causam, ut per illum suppleatur defectus actualitatis eius; ergo talis potentia ex defectu actualitatis habet etiam defectum virtutis actiuae, & illum supplet praeuia motio actuando amplius ipsam potentiam; ergo actuatur illam complendo actualitatem, quia illa actuatio tota est ad agendum, nec defectus virtutis actiuae aliter suppletur, quam addendo, & complendo virtutem agendi. Tertium principium est, quia causa secunda non habet proportionatam virtutem actiuam ad dandum esse existentiae suo effectui, & ideo indiget hac praemotione; ergo haec motio simpliciter completat virtutem actiuam causae secundae. Probat consequentia, quia nulla efficientia esse potest, nisi per illam educatur aliquid de non esse ad esse; ergo virtus quae non est completa ad dandum esse, non est completa ad efficiendum, & consequenter motio illa vel qualitas, aut entitas per quam actiuitas existit tribuitur, magnum complementum virtutis confert causae secundae ad efficiendum.

18.

Sequitur 1. causam secundam non habere ex se totam virtutem necessariam ad agendum, illam, quae complementum est per illud auxilium.

Quarto ex alijs locutionibus eorundem auctorum idem conuincitur. Dicunt enim voluntatem, v. g. per hanc motionem efficere actum suum amoris, vel alium similem. Ita fatetur Ledesma att. 3. concl. 6. dicens, per hanc motionem causam secundam applicari ad operandum, & producere actum secundum, & idem repetit de voluntate att. 6. concl. 3. ubi duo coniunguntur, scilicet applicari, & producere, quae non possunt eodem modo fieri ab illa motione: nam applicati fit ab illa sola, & voluntas, vel causa secunda in hoc dicitur se habere passiuè. Vnde illud applicari intelligendum videtur formaliter respectu motionis, nam Deus solus dicitur applicare causam secundam ad operationem: applicat autem imprimendo illam motionem; ipsa ergo motio est per quam causa secunda formaliter applicatur. Aliud verò, scilicet, operari est actiue à voluntate, & à causa secunda; ergo cum dicitur operari per illam motionem, necesse est illud intelligi in genere causae efficientis

19.

Idem ostenditur ex dictis illorum auctorum. Ledesma.



efficientis; ergo operatur voluntas per illam motionem tamquam per quoddam principium formale operandi, siue illud sit principale, siue instrumentale, siue integrum, siue parziale. Ergo tale principium dat voluntati virtutem aliquam agendi, aut saltem complementum eius.

20. Et hoc confirmant alij modi loquendi eorumdem auctorum, vocant enim hunc præuium concursum, *motionem virtuosam*, utique ad agendum, & tota illa virtus tribuitur causæ secundæ, ut per illam agat, & tamquam necessaria illi ad agendum; ergo complet virtutem eius. Quid enim est complementum virtutis, nisi additio virtutis per se actiua, sine qua fieri nō potest, ut præexistēs virtus aliquid agat? Et similiter vocant hanc motionem, *virtutem instrumentalem primæ causæ*, & ad dandum esse effectui causæ secundæ; virtus autem instrumentalis actus primus est respectu authoris actionis, & præsertim ubi talis virtus est qualitas, ut videre licet in semine, & calore vitali, & multi eodem modo loquuntur de specie impressa. Ostensum autem est hanc motionem esse qualitatem, & debere esse actiuam, & dari causæ secundæ, ut necessariam ad suum effectum, & ad suam actionem, & inchoationem eius. Quomodo ergo potest consequenter negari quin talis motio, vel qualitas compleat virtutem agendi causæ secundæ, cum det illi virtutem saltem instrumentariam necessariam ad actionem suam. Vnde tandem ipsimet auctores ita loquuntur, ut dicant Deum præmouendo causas secundas, illas applicare ad operandum, eisque tribuere complementum virtutis actiua, ut expressè loquitur Alvarez disput. 19. conclus. 3. §. Confirmatur, & disput. 18. num. 12. & verbis æquivalentibus id tradit Ledesma art. 5. concl. 2. dicens, hanc motionem esse principium intrinsecum operationis formaliter inherens creaturæ, vel voluntati creatæ. Quid enim potest esse principium formale operationis, nisi sit virtus operandi: aut quomodo potest esse principium intrinsecum, & inherens, quin det subiecto virtutem operandi. Verum est illum auctorem statim ita explicare dictam assertionem, ut illam destruere videatur; sed hæc ipsa perplexitas difficultatem doctrinæ attestatur.

21. Idem probatur ex gratia efficaci argumento ad hominem.

Ledesma.

22. Maximè in voluntate agente, siue habitu infuso.

Quintò videtur quidem sumi efficacissimum argumentum ad hominem ex alio principio de gratia efficaci, quod pro constanti habent dicti auctores, putant enim gratiam efficacem consistere in hoc prænio influxu causæ primæ in secundam eleuato ad ordinem gratiæ, & ad actus supernaturales, & nihilominus tribuunt illi auxilio, quod dat vires efficacissimas voluntati illi accommodantes hæc verba, & alia similia Augustini, multo autem magis est dare vires efficacissimas, quàm complere virtutem agendi, nam illæ vires sunt ad agendum, & ita constituit voluntatem in actu primo; nam actus secundus non dat vires agendi, sed per vires agendi fit. Vnde Ledesma art. 5. conclus. 2. ration. 4. dicit auxilium efficax efficere in nobis multas operationes supernaturales dilectionis, contritionis, & Deum per illum, & per voluntatem illas efficere, & dicit hoc esse certum secundum fidem, quia voluntas cum illo auxilio concurret ad operationem; ergo necesse est ut fateatur auxilium habere etiam propriam vim efficiendi illas operationes, & illam communicare voluntati cui inhaeret; ergo ex voluntate & illo auxilio completur vnum integrum principium talis operationis.

Maximè verò urget hoc principium in voluntate, quando elicit hos actus supernaturales sine habitu infuso, vel alio principio intrinseco supernatu-

ali inherente; docent enim dicti authores tunc solum auxilium præuium, & efficax esse principium intrinsecum totale, per quod voluntas efficit tales actus, & illam motionem virtuosam supplere totam actiuitatem habitus infusi. Ergo tunc saltem negare non possunt, quin motio illa sit actus primus, & det voluntati virtutem agendi; nam supponunt voluntatem non posse eleuari ad eliciendos huiusmodi actus, quin prius natura constitutur in actu primo, per aliquam entitatem creatam sibi inherentem, quæ sit illi principium formale, imò & principale, & tota virtus agendi talem effectum, ut supra vilius est. Ergo ille concursus est talis actus primus in illo casu; ergo semper est talis, quia ab eisdem supponitur semper esse idem, eiusdemque rationis; ergo semper actuat eodem modo saltem quoad effectum formalem, quem per se tribuit potentia; ergo semper est actus primus, & dat potentia virtutem agendi.

Ex quo infero primò inueniri repugnantiam in aliquibus dictis illorum auctorum, quam notare oportet, quoniam ad confirmationem nostræ sententiæ multum conferet. Primum igitur Ledesma art. 6. concl. 2. in fine quartæ probationis, dicit, implicare auxilium præuium efficax concurrere in ratione principij effectiui, & ut applicat ipsum principium effectiuum, quia alias idem applicaret seipsum, & simul esset actus primus, & secundus, & simul esset in actu & potentia secundum idem; paulo verò post in quodam notabili post tertiam conclusionem dicit, quando voluntas operatur sine habitu infuso per solum auxilium efficax, tunc illud auxilium simul habere rationem principij actiui, & actus primi, & applicationis, seu motionis voluntatis. Quomodo ergo ista coherent? nam id quod implicat, numquam fieri potest. Nam idem applicare seipsum, & simul esset actus secundus, & in actu, & potentia secundum idem. Quod si hæc verè sequuntur, & repugnat, non magis coniungi poterunt in illa præmotione, quando datur non habenti habitum, quàm cum datur habenti, cum supponatur motio in vtroque casu esse eiusdem rationis; parumque refert quid voluntas non habeat alium actum primum, quando caret habitu, quia posset suppleri per aliam qualitatem, vel entitatem ab auxilio illo efficaci distinctam, si repugnaret illud auxilium esse actum primum, & virtutem operatiuam.

Veritas autem est, illam implicationem nullius momenti esse, quia sicut quando potentia non habet habitum, auxilium illud est principium effectiuum, & seipsum applicat ad agendum, & id non repugnat, quia illud se applicare, nihil aliud est, quàm agere: ita si illud auxilium datur potentia operanti per habitum, simul esse poterit principium agendi, vel coagendi cum habitu, & seipsum applicans ad talem actionem. Vnde, ut supra vidimus, in aliis locis fateatur idem author vniuersaliter tale auxilium, vel concursus præuium esse causam efficientem, & principium agendi, ut iam retuli. Deinde sicut in vno casu non est actus secundus, sed illum facit, & ab illo realiter distinguitur, ita quando cum habitu operatur, non est actus secundus, propter eandem rationem. Ac denique sicut tale auxilium operando sine habitu non sit in actu, & potentia secundum idem, ita nec cum illo operando, quia cum tali auxilio, siue cum habitu, siue absque illo, numquam separatur ab operatione, numquam est in re ipsa in potentia agendi, sed semper actu agens. Quod si præcisè spectetur ut est prius natura, quàm eius actio, sic etiam in neutro casu

23. Hinc inferitur 1. repugnantia in dictis auctoribus illorū, Ledesma.

24. Explicatur implicatio quam statuebat Ledesma.



casu est tale auxilium in potentia receptiuum, quia non est capax alterius praeuotionis, vel applicationis, ne procedatur in infinitum: in neutroque autem casu est per modum potentiae, vel virtutis actiuae, quatenus est principium agendi.

25.

1. Repugnancia, quum dicant hunc concursum esse causam effectiuam actionis, & tamen negent dare posse agere.

Altera repugnantia est, quia fatentur hi Doctores, hanc motionem praeuiam esse veram, & per se efficientem causam actionis, & effectus causae secundae, & negant dare posse agere, sed tantum agere, utrumque enim passim in eis legitur, ut patet ex locis in hoc capite allegatis. Quod autem illa inter se pugnant facile ostenditur: nam illud auxilium est vera causa efficiens, & non ut agens quod; ergo ut principium quo efficiendi, sed omne principium quod dat supposito operanti potestatem agendi, ergo etiam hanc motio dat posse operari. Et confirmatur, nam in illo casu quo voluntas supernaturaliter operatur sine habitu, ipsi fatentur hoc auxilium dare voluntari potestatem operandi quam daret habitus si adesset; ergo eandem dat voluntati habenti habitum, quia est eadem facultas, & motio, vel saltem complebit posse, dando vim specialem agendi, quam non dat habitus. Praeterea cum dicitur hoc auxilium dare agere, vel intelligitur dare effectiue, vel formaliter. In priori sensu verum est, tamen inde sequitur dare etiam aliquod posse, quia nulla qualitas, vel entitas dat supposito effectiue agere, nisi in quantum dat illi virtutem agendi, per quam virtutem recipit suppositum potestatem agendi aliquid, quod antea non poterat, vel saltem agendi illud nouo modo. Si verò illa propositio in alio sensu formali intelligatur, in rigore, & proprietate falsa est, quia nulla forma dat formaliter agere alicui supposito, nisi actio, quia ab actione agens formaliter denominatur agens, & nihil aliud est agere, nisi esse agens, seu actionem emittete. Illud autem auxilium non est actio eius in quo recipitur, quia ab illo non fit, ut supra visum est, & iidem auctores fatentur; ergo non constituit illum formaliter agentem; ergo nec dat formaliter agere. Quod si latiori modo dicatur, dare agere, quia numquam datur talis motio, quin sequatur ipsum agere, inde fit, ut solum det agere efficienter, quia non aliter sequitur agere ex tali motione, nisi efficiendo, & emittendo actionem simul cum causa secunda, & quasi trahendo illam, ut secum agat. Et ideo per hoc non tollitur quin ut det agere, & posse agere, quia illa consecutio non est sine ordine naturae, & prius quam ex tali auxilio sequatur agere, afficit formaliter potentiam, & dat illi suam vim actiuam, quam vocamus potentiam agendi, vel saltem complementum virtutis, aut potestatis, sicut est species visibilis in oculo, & aliae similes.

26.

3. Repugnancia in comparatione concursus praeuij & simultanei.

Tertiam repugnantiam in eo inuenio, quod interdum dicti auctores, praesertim Ledesina, ut supra allegavi, motionem praeuiam, & concursum simultaneum (quem imbibitum in actione causae secundae vocant) in duobus aequiparant, quae simul cum proprietatibus illorum auxiliorum subsistere non possunt. Primum in hoc quod concursus simultaneus sicut non est qualitas, ita nec praeuius, indicando etiam in re esse idem, de quo supra dixi. Sed illud praemitto, quia hinc inferunt, quod sicut concursus concomitans non complet, & consummat actum primum in causa secunda, ita neque motio praeuia. Hae autem aequiparatio destruit rationem auxilij praeuij: nam inde sequitur non habere veram rationem principij efficientis, sed esse meram actionem, ac proinde non habere unde distinguatur ab auxilio simultaneo, quia illud etiam tantum

A est actio, & superfluum est tot multiplicare actiones tendentes ad eundem terminum. Quod si sunt duae, & una sola est a causa prima, alia verò a causa secunda, simul cum prima, & illae habent ordinem causalitatis, & naturae; ita ut illa sit prior, haec posterior. Illa profecto quae est prior, habet etiam priorem terminum intrinsecum, & ille poterit esse qualitas, & illa erit principium secundae actionis, & consequenter poterit complere actum primum in causa secunda. Illa ergo aequiparatio destruit sententiam illam.

Quarto repugnare mihi videtur, quod saepe dicunt, hunc concursum praeuium esse veram causam efficientem effectus, & actionis causae secundae, & nihilominus, non solum negant esse actum primum, sed etiam interdum negant complere actum primum, praesertim Ledesina locis supra citatis. Et e converso affirmant, hoc praeuium auxilium vel esse medium inter actum primum, & secundum, vel magis ad actum secundum, quam ad primum pertinere. Autem intelligunt pertinere ad actum secundum formaliter, vel realiter, seu identice, vel causaliter. Primum impugnatum iam est, & plane repugnat cum causalitate effectiua, talis auxilij, quia causa eliciens, seu sufficiens actui secundum, non est actus secundus, sed finis eius. Nec etiam identice, seu realiter illud auxilium est actus secundus, quia ostensum est distingui realiter ab actu in quo consistit, vel per quam inchoatur actus secundus. Si autem dicatur esse actus secundus tantum causaliter, hoc nihil est, quia hoc modo etiam species visibilis, vel lumen gloriae dici poterit actus secundus, valde tamen abusive, & solum ad eludendas difficultates, non ad rem declarandam.

Dicent fortasse pertinere ad actum secundum, quia numquam ab illo separatur, & quia facit facere efficienter, sed non satisfacit, quia utrumque etiam habet lumen gloriae: nam in primis numquam separatur a visione. Dices ita esse de potentia ordinaria, de potentia tamen absoluta posse separari, quod non potest dici de auxilio efficaci. Sed forte hoc posterius falsum est, ut statim ostendam: & licet esset verum de separatione in duratione temporis, satis est quod ordine naturae praetelligatur tale auxilium sine toto actu secundo, & quoad totam actionem, & realitatem eius, nam simili modo lumen gloriae facit efficienter videre Deum. Dices id etiam facere per auxilium praeuium illi additum, sed hoc ipsum est, de quo controuertitur. Et praeterea illo dato illud auxilium non facit facere, quia ipse sit actus secundus, sed propter singularitatem efficaciam quam habere dicitur circa ipsum facere, id est, circa actionem, seu actum secundum causae creatae. Vnde si illud auxilium praecise consideretur, quatenus per se ipsum actuat, & informat potentiam actiuam causae secundae, non constituit illam in actu secundo, quia non constituit illam formaliter operantem, sed constituit ultimatè applicatam, seu motam vel actuatam ad agendum, quod totum reuera pertinet ad actum primum completum, quia tunc in illa causa sic constituta nondum est inchoatus actus secundus. In hoc ergo sensu illud auxilium non facit facere, si verbum illud facere, sumatur formaliter, seu in genere causae formalis; si verò sumatur effectiue, etiam in illo priori, non facit facere in actu secundo, quia ut sic nondum facit; ergo ad summam dici potest, quod facit facere, quia ita actuat potentiam, ut ex illo inuitabiliter sequatur ipsum facere, quod non est contra, vel extra rationem actus primi completi, ut ostensum est.

27.

4. Repugnantia quod dicant hunc concursum esse causam efficientem actionem, & effectum, & tamen non esse actum primum, aut illum complere, sed esse actum secundum, aut aliquid medium.

28.

Soluitur replicata.



29. Contra medium illud inter actum primum, & secundum.  
Ledesma.

Nec etiam oportet fingere modum inter actum primum, & secundum, tum quia, ut supra probaui, repugnat immediationi talium actuum inter se, & rationibus formalibus eorum, quia totum id quod supponitur ad actionem tamquam principium eius, pertinet ad actum primum. Vnde Ledesma in dicta quaestione vnica in principio, fundamento 3. sic describit hanc motionem Dei. *Est vis quadam actiua in ipsa voluntate recepta, qua mediante voluntate exit in actum secundum*, quae descriptio apertissime conuenit in actum primum, & condistinguit omnino tale auxilium ab actu secundo. Ideoque non recte consonat, quod idem author eadem quaestione art. 6.5. *Aduertendum*. Ante quintam conclusionem dicit, Auxilium hoc est velut medium, & tenet se aliquo modo ex parte potentiae, & simpliciter redocitur ad actum secundum, & est initium actus secundi. Quomodo enim potest esse actus secundus, vel initium actus secundi, si est vis actiua, per quam voluntas efficit actum secundum? Nam si per initium intelligat actiuum principium proximum actionis, & necessarii influens in illam, totum hoc pertinet ad actum primum, & omnino realiter, & formaliter distinguitur à toto actu secundo, ut probaui. Si autem loquatur de initio aliquo intrinseco ipsius actus secundi, ut iam est in fieri, sic impossibile est vim agendi ex parte potentiae esse totale initium actus secundi, cum sit causa effectiua eius; non ergo oportet verbis incertis aut nouis uti, sed ingenuè fateri hoc auxilium esse actum primum, vel quasi partem eius. Possemusque non sine causa hos patres redarguere, quod alibi grauiter reprehendant Molinam, quod scientiam quamdam Dei mediam appellauerit, quia nemo illam amica ita vocauit, quamuis res ipsa non esset antea ignorata; ipsi verò nunc introducere velint actum medium inter primum & secundum, quem antiqui, neque ita nominauerunt, nec agnouerunt.

30. Omnia quae probant hanc concursus non esse actum primum, probant nullam entitatem ad dictam causam secundam esse illi necessariam ad agendum.

Vltima, & maximi ponderis repugnantia est, quod omnes rationes quibus isti authores contendunt suadere, hanc concursus non esse qualitatem completam, actiuitatem, seu virtutem, vel actum primum causae secundae, probant non esse entitatem aliquam necessariam causae secundae ad agendum, siue sub nomine qualitatis, siue motionis virtuosae, siue instrumentariae virtutis significetur. Et ideo dixi in fine dubij 9. argumenta vtriusque opinionis ibi receptae simul sumpta probare hunc prauium influxum non esse necessarium, nimirum conficiendo argumentum hoc modo. Si prauius concursus esset necessarius maxime ad concurrendum effectiue, & per se cum causa secunda praemouendo illam; sed hoc modo, seu titulo non est necessarius; ergo absolute necessarius non est. In Maiori conueniunt omnes defensores talis concursus, ut Ledesma supra allegatus testatur. Minor autem probatur, quia si auxilium efficax est necessarium, est necessarium ad concurrendum per se cum causa secunda ad agendum; sed auxilium efficax non potest esse talis qualitas, vel entitas; ergo. Maiorem probant argumenta prioris sententiae relatae dubij 9. & conuincunt supposita tali causalitate ut in toto discursu huius dubij 10. demonstratum est. Minorem verò efficaciter probant argumenta potentioris sententiae, quod facile patebit per illa discurrendo. Prius verò noto dissensionem inter dictos authores: nam Ledesma concedit auxilium efficax, saltem in voluntate esse qualitatem, Aluarez autem id negat, sed contendit tantum esse motionem. Item prior negat esse complementum actus primi, seu virtutem causae secundae, posterior verò id facile admittit.

Prima ergo ratio est, quia causa secunda habet virtutem actiuam completam in suo genere; ergo non indiget complemento, quae ratio euidentiùs concludit contra eos, qui docent auxilium esse qualitatem actiuam, & principium necessarium ad eliciendum actionem: nam si est qualitas actiua passiuè tantum recepta in causa secunda, & illi necessaria ad agendum, non potest non esse complementum virtutis agendi, ut probatum est; ergo si tale complementum non est necessarium, nec talis qualitas necessaria est. Verumtamen non minus efficaciter, & absolute probat ratio potentiam habentem virtutem completam non indigere complemento addito per nouam entitatem realem, quocumque nomine vocetur: quia quod est completum in virtute agendi simpliciter, non indiget complemento virtutis, ut egeret possit: nam complementum virtutis est additio virtutis, quod autem est primum, non indiget additione virtutis, ut agat, licet possit illa indigere, ut facilius, aut velocius agat. Nec satisfacit respondendo potentiam completam in virtute, posse in eadem per modum motionis, vel applicationis compleri. Haec enim responsio aliquem habet locum, si motio illa, vel applicatio solum esset conditio sine qua non, haec enim requiri potest interdum ultra completum principium agendi. At verò cum illa motio dicatur necessaria tamquam per influens in effectum, negari consequenter non potest quin addat virtutem agendi, & eo titulo sit necessaria, quod plane repugnat, si iam supponit completam virtutem actiuam; quocumque modo, vel per quaecumque entitatem virtutem illam addere intelligatur.

Et hoc etiam confirmat secunda ratio, quae sumebatur ex superfluitate plurium qualitatum, quando vna potest habere, imò supponitur habere completam virtutem agendi. Haec enim ratio non minus urget sub generali voce entitatis, seu rei, quam sub nomine qualitatis. Nam vulgare principium in quo nititur, illa ratio, *frustra fit per plura, quae potest fieri per pauciora*, non ardeantur id plures qualitates, sed transcendentaliter profertur, verumque censetur de pluribus rebus, habet enim eandem rationem in quocumque rerum genere, eo vel maxime quod ipse Ledesma, quia illo argumento vtitur alibi, fateretur in causis agentibus actione immanente illum concursus prauium esse qualitatem, neque potest negare quin sit actiua, cum ibidem dicat esse principium per se influens in actionem causae secundae; ergo vel illa qualitas non supponit completam virtutem agendi in potentia etiam habitu supernaturaliter informata, vel si illam supponit, superflua est alia qualitas addens actiuitatem ad eundem actum.

Simili modo negari potest tertia ratio deducens ad processum in infinitum, quia si causa secunda indiget complemento virtutis, solum quia virtus creata est, & pendens, ac subordinata causae primae in agendo; haec omnia conueniunt illi qualitati, vel motioni, per quam dicitur compleri virtus causae secundae ad agendum: nam etiam illa est qualitas creata, & pendet à concursu primae causae in agendo, & subordinatur illi; ergo indigebit alio complemento, & sic procedetur in infinitum, quod argumentum maxime urget contra eos, qui admittunt illi concursus prauium esse qualitatem; & ideo Aluarez constanter id negat, dicens esse puram motionem, & ita facile responderet negando primam consequentiam, quia qualitas indiget motionem: motio autem non indiget motione, sed seipsa mouetur. At nos satis (ut credo) conuincimus non posse esse sine qualitate. Deinde etiam motio ad mouendum quali

31. Examinatur illae rationes singillatim 1. ex complemento virtutis actiuae creatae.

32. Ex superfluitate plurium qualitatum.

33. Ex processu in infinitum.

Aluarez.

quasi formaliter non indigeat alia motione, quia ad illum effectum non indiget alio concursu, nisi illo, quo fit, & conseruatur: nihilominus ad agendum aliquid aliud à se realiter distinctum tanquam principium per se efficiens illud, indigebit nouo concursu primæ causæ, ac subinde noua motione, quia si indiget concursu primæ causæ, pendet ab illa essentialiter in agendo, & subordinatur illi, quæ est vnica ratio, propter quam dicitur virtutem causæ secundæ indigere noua motione. Vnde cum illa dependentia & subordinatio ad primam causam non proueniat ex ratione qualitatæ, sed ex transcendentali ratione entitatæ, vel virtutis causæ creatæ, profectò æquè procedit ratio in quacunque entitate sine qualitate, siue motio vocetur. Quod si in illa vltima entitate, qualitate, vel motione optime intelligitur dependentia, & subordinatio ad primam causam sine additione præuiæ motionis, cum etiam in quacunque virtute actiua causæ secundæ, & in suo ordine completa intelligi poterit? Atque vis huius rationis, ex his quæ in dubio 11. capite sequenti dicemus, magis innotescet.

34.  
4. De insuffi-  
cientia om-  
nis virtutis  
creatæ ad  
agendum, &  
auxilium ef-  
ficax nõ erit  
auxilium suffi-  
ciens.  
Ledesma.  
Ioan. Vincen-  
tim.

Quarta & potissima ratio erat, quia aliàs nulla virtus creata ad præuium Dei concursum esset sufficiens ad suum effectum, & sic in ordine gratiæ ante auxilium efficax, non erit auxilium sufficiens, quod dici non potest. quam rationem semper existimavi, in hac materia efficacissimam. Et quamuis P. Ledesma grauiter ferat, quod illam plus iusto exaggerauerim, nihilominus ipse refert P. Ioannem Vincentium eiusdem secum familiæ doctissimum virum illam insolubilem reputasse, fuisseque illa conuictum, vt necessitatem auxilij physice prædeterminantis negauerit. Sed de hac motione in lib. 5. ex professo dicturus sum, nunc solum dico ipsi etiam P. Ledesma visam esse illam rationem efficacem ad probandum, talem concursum non posse esse necessarium propter complementum virtutis causæ secundæ ad agendum. Nos autem, vt opinor, non minori efficacia ostendimus illum concursum eo modo, quo ab ipsomet Ledesma ponitur esse complementum virtutis, cum dicat illum esse qualitatem, & principium per se efficiens actionem causæ secundæ, sine quo talis actio fieri non potest. Ergo si illa ratio efficaciter probat, non requiri complementum actus primi, seu virtutis causæ secundæ, efficaciter etiam refellit necessitatem talis concursus præuij: nec minus conuincit hæc ratio contra P. Aluarez, & alios qui negant illum concursum esse qualitatem, & concedunt esse complementum virtutis, & actus primi. Nam si est complementum necessarium ad actum primum completum, parum refert quod sit qualitas, vel entitas alterius generis: cuiuscunque enim sit, si deest iam actus primus, non est completus; ergo nec integer; ergo nec sufficiens, quia ad eliciendum actum secundum solus actus primus integer, & completus est sufficiens, vt ipsum nomen sufficientis euidenter indicat, & in lib. 4. latius dicturi sumus, & in 5. amplius vgebimus.

Aluar.

35.  
Diluitur re-  
plica P. Le-  
desma.

At verò P. Ledesma pro illa sententia respondet mirabiliter art. 11. conclus. 2. auctores qui dicunt concursum præuium esse completiuium, & consummariuium auxilij sufficientis, non negare auxilium sufficiens, sed potius eo ipso supponere illud: nam id quod completur, & perficitur, supponitur ad tale complementum, quia

A in omni re complementum, & consummatio rei distinguitur ab illa, sicut existentia est complementum essentia, & ideo ab illa distinguitur. Sed in primis responsio est contra mentem illorum authorum, quos ipse ibi explicare conatur: nam de illis refert negasse necessitatem talis complementi, quia aliàs non supponeretur auxilium sufficiens; ergo non poterant in sua sententia illud supponere, vt compleretur, sed potius vt verè posset supponi, necessitatem talis complementi auferendam indicabant. Deinde illa responsio abutitur verbis: nam si complementum illud est necessarium, vt virtus agendi sit integra, & completa, non potest dici complere auxilium sufficiens tanquam supponens illud, sed tanquam complens, & integrans illud; sicut vltima vnitas est necessaria ad complementum numeri in tali specie, vel sicut vltimus terminus naturæ ad complementum suppositi est necessarius. Quæ exempla ostendunt, falsum esse illud principium, complementum rei distinguitur à re. Neque exemplum de essentia, & existentia est ad rem, quia existentia non complet essentiam in ratione essentia, sed in ratione entitatæ actualis, & in hac ratione non supponit illam, neque potest non includere illam.

In præsentī ergo quarta illa ratio, qua idem etiam author vtitur, in hoc sensu procedere debet, vt sit efficax, quod si auxilium præuium dat complementum actus primi, & est necessarium ad illum, complet formaliter, & intrinsecè auxilium sufficiens, & in hoc sensu euidenter probatur illo argumento, quod actus primus non est sufficiens, nisi in tota virtute necessaria ad actionem completus sit. Et ita ratio illa, qua isti authores conuincuntur ad negandum, quod talis concursus præuius sit necessarius vt complementum actus primi, absolute, conuincit illum concursum præuiam non posse esse necessarium, cum ponatur esse principium per se, ac necessarium actionis, & effectus causæ secundæ: loquor autem semper de necessitate talis complementi, quia si non ponatur vt necessarium, sed vt utile, vel augens virtutem, sic non procedit ratio, quia potest supponi auxilium sufficiens, & nihilominus perfici per aliud auxilium: tunc autem non complebitur prius auxilium in virtute necessaria, vt fiat actio, sed augebitur virtus vt melius, vel facilius operetur. Ratio ergo procedit de complemento actus primi necessario, & sic redargutio, & repugnantia dictorum videtur manifesta.

Vltimò tamen respondere possunt, quod interdum etiam insinuant virtutem causæ secundæ esse completam in suo ordine, & in eo complet non posse, ac proinde sufficientem esse: auxilium autem præuium esse necessarium in alio genere, & non vt actum primum causæ secundæ, sed vt virtutem primæ causæ, per quam applicat causam secundam ad operandum influendo etiam per eundem concursum in operationem causæ secundæ, & ideo neque esse superfluum illum influxum, quia est in alio genere, neque illum concursum indigere alio præuiio, quia ipse est iam in illo ordine. Sed hæc responsio habet peculiarem difficultatem in præsentī materia de auxiliis gratiæ, quia in ordine gratiæ non dantur auxilia præuia vt simpliciter necessaria, nisi ad supplendum defectum proximarum virtutum in potentiis naturalibus, & in homine lapsò, quæ difficultas specialiter est in homine supernaturaliter operante sine habitu infuso: nam in alio auxilium efficax dicitur dare totam illam

36.  
Completur  
4. ratio.

37.  
Altera repli-  
ca reuocatur.

illam proximam virtutem operandi; quomodo ergo sine illo habet auxilium sufficiens: aut quomodo in illo auxilium efficax non est propriissimus actus primus causæ secundæ. Sed hæc & similia in lib. 5. remitto. Nunc præstendo in generali disputatione de concursu necessario primæ causæ duobus modis evasionem illam impugno.

37. Primò, quia licet virtus activa causæ secundæ sit completa in suo genere, nihilominus præcisè spectata non habet actu totam actiuitatem intrinsecam sibi necessariam ad agendum, sed partim habet illam in actu primo, partim tantum in potentia verè passiva, quatenus potest recipere in se qualitatem illam concursus præuij; ergo non simpliciter, sed tantum secundum quid est sufficiens ad effectum suum efficiendum, nec poterit dici actu simpliciter sufficiens, donec præuium cōcursum actu receperit. Et quamuis demus hunc concursum se tenere ex parte Dei, quasi vices eius supplendo, hoc non obstat quominus sit verus actus primus potentie causæ secundæ informans illam, & consequenter reducens illam de potentia receptiva in actum primum utique actiuum; ergo hoc non obstat quominus verè constituat illam in esse completæ potentie actiue simpliciter sufficientis ad talem effectum. Declaratur à simili in potentia visiva: nam præcisè spectata, ut est potentia animæ habet totam actiuitatem, quæ ex parte potentie proximæ ad videndum est necessaria. Nihilominus tamen quandiu illa potentia non habet actu speciem visibilem, sed est in potentia receptiva illius, illa actiuitas est simpliciter incompleta, & insufficientis: & species postea illi impressa, licet sit quasi semen obiecti, & instrumentum vicem eius subiens ad concurrendum cum potentia; nihilominus est verus actus primus potentie visivæ, eam reducens de potentia receptiva in actum primum actiuum, & completum integre virtutis visivæ in suo genere; ergo idem est in præsentī, servatur enim eadem proportio, solumque est differentia, quia in visu necessitas speciei est, ex peculiari ratione potentie cognoscitivæ; in potentia verò creata, ut sic, dicitur oriri illa necessitas ex generali ratione virtutis creatæ: hoc autem nihil impedit quominus servata proportione, tam incompleta sit omnis potentia creata ad suam actionem, quatenus est potentia visiva sine specie ad visionem eliciendam. Et hoc satis est ad vim quartæ rationis, quam supra ponderavimus, quia sicut visus carens specie non potest dici sufficiens ad videndum, nisi remotè, & in potentia passiva, donec speciem actu habeat; ita omnis virtus creata, omneque auxilium antecedens tempore ad auxilium efficax non potest dici sufficiens simpliciter nisi remotè, & in potentia passiva. Quam verò falsum, & absurdum hoc sit in negotio gratiæ, in lib. 4. & 5. videbimus.

38. Secundò impugno illam evasionem, quia si ille concursus præuius non est necessarius, ut ipsam potentiam creatam compleat in virtute agendi, sed tantum ut sit virtus instrumentaria Dei, superuacaneus est: nam cum Deus per seipsum intinè sit in causa creata, & in illius virtute per suam etiam virtutem increatam potest iuvare causam secundam ad agendum, & non indiget virtute creata media, per quam ipse operatur id quod est sibi proprium in actione causæ secundæ. Declaratur exemplo adducto de potentia visiva, tam corporali, quam spiritali: nam quia indigeo iuvamine, & determinatione obiecti ad visionem, ideo quando obiectum per seipsum non potest adesse potentie

A ad suum auxilium, vel determinationem præstendam, id facit per motionem, vel qualitatem mediam, quæ sit instrumentum eius, ut est species impressa; quando verò obiectum per se adesse potentie, & totum illud munus per se præstare potest, non interuenit illa motio prævia per impressionem speciei, quæ sit veluti instrumentum, ut in visione beata, & alijs multis philosophamur. Eadem autem ratio, & proportio in præsentī causa inuenitur.

Vnde D. Thom. q. 3. de potent. art. 7. in corpor. in ultimo modo, quem ponit, quo causa prima operatur in operatione causæ secundæ, tanquam principalis causa, in cuius virtute causa operatur ad esse, manifestè declarat illam virtutem Dei, per quam virtus causæ secundæ suo effectui coniungitur, & in qua nititur in operando, non esse aliam à virtute increata ipsius Dei, dicit enim illam virtutem non distingui ab essentia, & substantia ipsius Dei. Et inde colligit differentiam inter cælum, & Deum, nam cælum operatur cum causa secunda per virtutem emissam, & à se distinctam ubi non est. Deus autem ubique est, & virtus eius idem est quod ipse. Et ideo (inquit) potest dici quod Deus in qualibet re operatur, in quantum eius virtute (utique idem est, quod ipse) indiget ad agendum. Ergo ad influxum per se, & propriè effectiuum, quem Deus exhibet causæ secundæ, ad opus eius non indiget Deus illa virtute emissā creata, & instrumentaria; ergo si illa est necessaria, oportet, ut sit ex indigentia ipsius causæ secundæ, quæ per se est in potentia tantum passiva, quæ ad complementum virtutis agendi. Quod si hanc indigentiam non habet, propterea concursus ille præuius non est necessarius propter efficientiam per se, cum etiam ex parte Dei necessarius non sit. Seclusa autem efficientia per se nullam utilitatem, nedum necessitatem habere potest, ut supra probavi. Ergo vel fatendum est potentiam causæ secundæ esse per se insufficientem in actu primo, vel superfluum illud concursum præuium.

Accedit quoddam etiam posito illo concursu præuij & efficientia eius necessarium est, ut Deus immediate per seipsum, & per suam virtutem increatam, immediate influat in actionem creaturæ; ergo si quæ est efficientia in illo concursu, illa non se tenet ex parte Dei; ergo oportet, ut vel sit ex parte causæ secundæ, & ad complendam insufficientiam virtutis eius, vel impertinens sit. Antecedens supra probatum est, & authores alij illud negare non audent. Posterior etiam consequentia nota est, cum sufficienti partium enumeratione, tum ex omnibus dictis. Prior autem consequentia probatur, quia nulla alia ratio suadet, imò nec permittit, ut Deus duplici via (ut sic dicam) præbeat efficientiam ex parte suā necessariam ad actionem causæ secundæ. Cur enim per eandem suam virtutem increatam non præbeat totum suum influxum ad effectum causæ secundæ necessarium? Denique tota necessitatis huius concursus præuij ponitur ex parte causæ secundæ, quia quantumvis sit in sua natura perfectā, est in potentia, & debet prius reduci in actum, & quia non potest esse mouens, nisi mota; ergo, consequenter loquendo, omnino fatari necesse est hunc concursum præuium requiri, ut complementum necessarium ex parte ipsius causæ secundæ, unde cum non possit esse tantum ut conditio sine qua non, necessariū erit ut sit cōplementū virtutis per se actiue necessariæ ex parte ipsius causæ secundæ. Qui ergo hoc concedere recusant, à propria sententia recedunt, & sibi contradicunt: qui

39. Confirmatur ex S. Thoma.

40. Confirmatur ratione.

38. Impugnatur illa replicatio.



qui autem illud admittunt, non possunt sufficientiam causarum secundarum tueri, & ita etiam suo se gladio iugulāt. Nec rationem reddere possunt, qui Deus non potuerit causis dare integras virtutes actiuas ex parte ipsarū necessarias permanentes, & per suas entitates, vel si potuit, & dedit, ad quid sit noua virtus per se agendi necessaria. At si illa necessaria non est, nec sola noua conditio sine qua non esse poterit necessaria, vt ostendi.

41. Inde concluditur vix 9. & 10. dubiū explicari consequenter posse.

Difficillimum ergo mihi videtur in ea sententia ita expedire hæc duo dubia nonum, & decimum, vt consequutio doctrinæ, in tota illa sententia teneatur, faciliusque (vt ego opinor) id fieri ponendo illum concursus tanquam conditionem puram, sine qua non, vt in principio huius controuersie à multis illius partis defensoribus doceri audiui, & interdum expertus sum. Quia verò postea efficaciter ostensum est, talem conditionem sine efficacia per se, esse voluntariè assertam, neque explicari posse quid sit, aut cur sit necessaria, vt paulo antea declarauimus, ideo posteriores illius prauij concursus defensores in aliam sententiam de causalitate per se inclinaverunt. Verumtamen ne sufficientiam virtutum causarum secundarum, vel aliorum auxiliorum gratiæ negare videantur, coacti sunt simul dicere tale auxilium prauum esse principium per se actionis causæ secundæ, & ipsi causæ secundæ, in hærens prius natura, quam operetur, esseque necessarium ad actionem, & nihilominus non esse actum primum, nec complementum eius, neque ad actum primum pertinere, sed potius ad actum secundum, ac denique illi concursui prauo attribui ea, quæ concursus simultanei propria sunt, quæ omnia, iudicio meo, difficultatem, & obscuritatem doctrinæ, ne dicam etiam repugnantiam ostendunt, vt ex sequenti capite amplius difficultas patebit.

## C A P V T XXXIV.

*Vtrum concursus prauus sit separabilis à simultaneo, seu ab actione causæ secundæ, & è conuerso.*

1. **Q**uestio hæc ex hypothese procedit, sicut alia quas de hoc concursu tractauimus, & duo alia continet dubia. Primum, & in ordine vndecimum sit, an concursus iste prauus sit in re ipsa & duratione separabilis ab actione, & effectu causæ secundæ, vel, quod perinde est, à concursu simultaneo. quæ interrogatio non habet locum in illa sententia, si intelligatur ex natura rei tantum, seu de potentia ordinaria Dei. Omnes enim eius assertores pro comperto habent non posse separari, quia talis concursus est auxilium natura sua efficax, id est, efficacior faciens causam secundam operari, & propter alias rationes, quas nunc subiiciam. Intelligitur ergo questio de potentia Dei absoluta. Et in hoc etiam sensu dicti authores docent non posse tale auxilium dari in re sine effectu, & actione causæ secundæ. Ita docet maxime de auxilio efficaci diuinæ gratiæ Aluarez disp. 83. cum aliis quæ ibi allegat: vnde cum ibidem doceat eadem proportionem loquendum esse de illo auxilio efficaci, qua de ge-

Opinio negans.

Aluarez.

A nerali concursu prauo, idem sine dubio de isto sentit, vt satis etiam expressit disp. 19. conclus. 1. ration. 1. latius & expressius idem tradit Ledesma dicta q. vnica art. 3. ad 7. & art. 13 ad 6. & sæpe aliàs.

Ledesma.

Qui authores consequenter loquuntur: nam si aliquando vel semel posset concursus prauus separari à concomitante, posset manere in potentia ad agendum, & consequenter iuxta illorum principia indigeret alia praua motione, & posset postea de potentia in actum reduci, & sic haberet locum processus in infinitum, & alia argumenta suprà facta. Ipsam autem separationem, seu repugnantiam his rationibus suadent. Prima, quia impossibile est causam secundam actu moueri à Deo, & ipsam non actu operari, ex D. Thoma 1. 2. q. 12. art. 3. & 2. 2. q. 14. art. 11. Deus autem per concursum prauum mouet causam secundam efficaciter ad operandum; ergo impossibile est non operari; ergo impossibile est non recipere simul tempore auxilium simultaneum. Secundò, quia ille concursus prauus semper datur ex voluntate efficaci Dei, quod causa secunda operetur; sed stante illa voluntate Dei impossibile est non sequi effectum, nemo est enim qui voluntati eius possit resistere, vt dicitur Esther c. 3. Ergo. Tertiò, quia Deus est mouens infinitæ virtutis; ergo si efficaciter mouet causam secundam vt operetur, etiam infallibiliter illa mouetur, & operatur: sed Deus efficaciter mouet per illum concursum prauum; ergo. Quartò non potest Deus velle dare concursum simultaneum sine operatione causæ secundæ; ergo neque prauum. Probatur consequentia, quia vterque est verus concursus, vt ipsum nomen præ se fert, & concursus intelligi non potest sine alterius cursu.

2. Probatum ea opinio multiplici ratione.

D. Thomas.

Nihilominus aliqui etiam ex discipulis D. Thomæ, vt Ledesma suprà refert, dixerunt de potentia absoluta posse prauam motionem imprimi à Deo causæ secundæ, & simul impediri ne sequatur actio eiusdem causæ secundæ, quæ quidem sententia si ipsa per se consideretur rationaliter, videtur habere minorem doctrinæ consequentiam, ac subinde ex vtraque simul sumpta ostenditur concursum illum prauum, vel superfluum esse, vel multa repugnantia inuoluere. Probatum ergo prius hæc sententia absolute sumpta; quia concursus prauus realiter distinguitur ab actione causæ secundæ, & à concursu simultaneo, vt suprà ostensum est, & concursus prauus est prior natura, & independens ab actione causæ secundæ, in his enim quæ realiter distinguuntur non implicat prius separari à posteriori à quo non pender; ergo in presenti non repugnat prauam motionem separari ab actione causæ secundæ, seu concursu simultaneo.

3. Alia opinio affirmans de potentia absoluta esse separabilem. Ledesma. 1. Ratio.

Respondet Ledesma negando minorem, quia sæpe res realiter distinctæ inseparabiles sunt, vt materia à forma, relatio à fundamento, totum à partibus simul sumptis, & actio vitalis à potentia vitali, & dicere à verbo. Hæc autem exempla, & parum probabilia sunt, & in multis non sunt similia. Materia autem naturaliter separari potest à qualibet determinata forma, & præterea materia pendet in suo esse à forma, & sub ea ratione est natura posterior: hic autem concursus prauus est simpliciter prior, & nullo modo pendens ab actione creaturæ, præterquam quod longè probabilius est de absoluta potentia posse materiam sine vlla forma cōseruari. Relationem autem probabile non est, realiter à fundamento distingu-

4. Replicat reuocatur.

enim neceſſarium eſt vt volitio talis concurſus ſit quaſi electio medijs propter operationem creaturæ tanquam propter finem efficaciter intentum; po- teſt enim Deus propter alias rationes prouidentie ſue velle efficaciter illum curſum ſine operatione, ad oſtentionem potentie, & liberæ volutatis ſue, ſicut poſſe velle lucem Solis, & efficaciter eius in actu primo, etiamſi illuminationem eius noller.

9. **Soluitur 3. argumen- tum.**  
Ad tertium argumentum eadem ſerè eſt re- ſponſio: nam Deus quod abſolutè vult, ſua infi- nita potentia efficaciter facit; poteſt autem velle efficaciter dare præmiam motionem de ſe effica- cem operationis cauſæ ſecundæ, & nihilominus non velle efficaciter: imò efficaciter nolle opera- tionem cauſæ ſecundæ, quæ res diſtincta, & di- ſtinctus effectus eſt. Vnde poteſt retorqueri ar- gumentum: nam infinita Dei potentia facit quod vult, ſed poteſt velle illum concurſum ſine ope- ratione eius, ſive cauſæ ſecundæ; ergo ita facit, & vnum ab alio ſeparabit. Et ex his etiam reſpon- ſum eſt ad loca D. Thomæ ibi allegata, nam in illis locis ſolum dicit, ſi ex intentione Dei mo- uentis eſt vt homo, cuius cor mouet, gratiam conſequatur, infallibiliter illam conſequitur. Lo- quitur autem de intentione efficaci, & abſoluta, & prædeſtinatiua, vt paulo ante authoritatem Auguſtini explicauerat, & ita conditionalis & euidens; ſed ad rem nihil facit, quia dicimus fieri poſſe vt Deus moueat per concurſum præuium, & non ex intentione efficaci operationis eius, ſeu cauſæ ſecundæ. Addo etiam D. Thomam ibi non loqui de concurſu præui, ſed de motione cordis per gratiam excitantem, vt conſtat ex teſtimonio Ioannis 6. quod adducit, *omnis qui audiuit à Patre, & didicit, &c.* audire enim, & diſcere à Patre fit per internam inspirationem, & doctrinam, & per gratiam congruæ vocationis, vt Auguſtinus ſæpe exponit: illa autem ſunt per motiones gratiæ ex- citantis, & nihilominus etiam de illa motione verum eſt, ſi à Deo detur ex intentione conuer- tendi hominem, infallibiliter conuerti, quamuis poſſit talis motio dari, & non ex tali intentione, & tunc carere operatione. Sic ergo in præſenti dicimus hac tantum obſeruata differentia, quod motio gratiæ excitantis ſæpe datur, & non ex intentione efficaci: concurſus autem præuius nunquam ſic datur, poteſt tamen de abſoluta potentia ita dari, vt explicui.

10. **Soluitur 4. argumen- tum n. 1. allatum.**  
Ad quartum de æquiparatione cum concurſu ſimultaneo negatur conſequentia, quia concur- ſus ſimultaneus non eſt res diſtincta ab actione creaturæ, nec eſt prior illa proprio ordine cauſa- litatis, vt ſuprà oſtenſum eſt, & ideo non eſt ſi- milis ratio: ponderatio autem nominis concur- ſus parui momenti eſt. nam facile dici poſſet, illud auxilium præuium, ſi datur, non appellari propriè concurſum, ſed motionem, aut qualita- tem quaſi tranſeuntem: nam particula *con*, ſimul- tatem quandam plurium concurrentium indicat, quæ ſimultas non eſt neceſſaria vt illa motio præ- uia in rerum natura fiat, & exiſtat: denominatur autem concurſus ex ſubſequenti operatione, in quam ſimul cum cauſa ſecunda influat; & ideo poteſt de potentia abſoluta manere ſine tali de- terminatione quaſi actuali, nam illa motio po- ſita in cauſa ſecunda non operante, non concur- reret cum illa, atque ita non denominabitur concurſus ab actu, poſſet tamen denominari concurſus aptitudine, & connexione naturali, ſi Dei influentia non deſit.

11. Hæc ergo ſententia ſuppoſita talis concurſus  
*Fr. Suarez de Gratia Pars II.*

A longè probabilior mihi videtur, per ſe, ac ſim- pliciter ſpectata, parum verò apta eſt ad defen- dendam ſententiam de neceſſitate huius præuij concurſus, quam nunc explicamus. Nam ex illa ſequitur entitatem huius concurſus in ordine ad actionem cauſæ ſecundæ, & ad ſuum influxum in illam potentialem eſſe, id eſt, non eſſe eſſentiali- ter in actu ſecundo, ſed poſſe eſſe in potentia ad agendum. Ex quo, vt dicebam, ſequitur, vel indigere præuia motione, vt exeat de potentia in actum, & ſic procedit in infinitum, vel aliàs, facultates cauſarum naturalium poſſe reduci de potentia in actum ſine præuia motione cum ſolo ſimultaneo concurſu. Reſponderi autem poteſt assignando diſcrimen, quia facultates intrinſecæ cauſarum ſecundarum naturaliter poſſunt ſepa- rari ab actu, & manere in potentia; hæc verò præmotio non niſi ſupernaturaliter, & per mi- raculum, & hoc ſatis eſt, vt illæ indigeant præmotione, qua reducantur de potentia in actum ſecundum; hæc verò illa non indigeat, ſed per ſeipſam in actum reducat co ipſo, quod Deus ſuum concurſum ſimultaneum præbet: ſed hoc tenera non ſatisfacit, tum quia etiam cauſæ ſecundæ naturales, id eſt, non liberæ non poſ- ſunt naturaliter eſſe tantum in potentia, ſi ſup- ponantur omnia habere requiſita ad agendum; tum etiam, quia ſi ſemel intelligimus aliquid quod eſt in potentia ad agendum, poſſe reduci in actum per hoc ſolum, quod Deus præbeat concurſum concomitantem, enervatur omnino fundamentum quo illa præuia motio neceſſaria reputatur. quæ ratio in ſequentibus magis vide- bitur.

B Aliud, ſeu duodecimum dubium eſt, an de potentia abſoluta poſſit Deus dare ſimultaneum concurſum cauſæ ſecundæ, ſine præuij influxu in cauſam, quod eſt quæſtere, an ſit tanta ne- ceſſitas huius concurſus præuij, vt non poſſit Deus de ſua abſoluta potentia, vel facere crea- turam, quæ ſine illo operetur cum ſolo con- curſu ſimultaneo, vel nunc in cauſis iam crea- tis illum ſupplere, vel virtute increata, vel au- gendo concurſum ſimultaneum, quod non inue- nio in dubium reuocatum ab illius ſententiæ defenſoribus, non certè ob aliam cauſam, niſi quia pro comperto habent non poſſe fieri, nam ſi poſſet, fundamenta omnia illius ſententiæ funditus euerterentur; ſi enim demus id poſſe fieri, ſupponamus factum: vnde ergo probari poterit illum modum operandi eſſe miraculo- ſum, vel non ita operari nunc omnes cauſas ſecundas? Nam ſi Deus poſſet virtute ſua in- creata ita concurrere ſimul cum ſole vt illumi- net ſine præuia motione, cur non dicatur ita nunc fieri, & illum modum concurrendi cum ſole eſſe connaturaliter illi debitum? Ita ſi po- teſt cauſa creata in aliquo caſu ita agere ſine præuij concurſu; ergo ſine illo poteſt ſaluari eſſentialis dependentia in agendo cauſæ ſecun- dæ à prima. Atque ita ruit fundamentum illius ſententiæ. Conſequenter ergo in illa loquendo, neceſſariò fatendum eſt alium modum concur- rendi Dei cum cauſa ſecunda ſine præuij con- curſu per ſolum ſimultaneum implicare contra- dictionem.

C Hæc autem ipſa aſſertio non caret magna difficultate, ſuppoſitis alijs conditionibus illius concurſus, quas per neceſſarias illationes ſe- qui oſtendimus. Oſtendimus enim eſſe entita- tem creatam, & non eſſe tantum conditionem,  
P ſine

ſententia aſſertans n. 3. relata, eſt probabilior, non tamen bene tuetur neceſſitatem huius con- curſus.

12. Quæſtio, an de poten- tia abſoluta facere ſine illo præuij concurſu cauſa creata agat. Communis ſententia eſt non poſſe.

13. Conſutatur ea ſententia.

sine qua non ageret causa secunda, sed esse principium per se influens in actionem causae secundae, nec posse alio titulo esse necessariam, nisi propter huiusmodi influxum. Hinc ergo argumentamur. Non implicat contradictionem Deum per seipsum facere quicquid facit per entitatem creatam, si sola ratio efficientiae spectetur. Ergo potest Deus supplere sua virtute totam efficientiam illius entitatis, seu motionis: supplendo autem efficientiam, supplet totam necessitatem eius; ergo simpliciter potest sua virtute facere quicquid necessarium est, ut causa secunda operetur, supponendo tantum in causa secunda solam intrinsecam virtutem agendi in suo ordine. Atque haec ratio urget maxime aduersus eos, qui dicunt istum prauium concursum per se non requiri, ut actus quasi formaliter ipsam causam secundam, quia non est actus primus, nec complementum actus primi ex parte causae secundae, sed tantum virtus instrumentaria Dei. Nam hoc posito nulla probabilis ratio reddi potest, cur non possit per suam principalem, & infinitam virtutem facere quicquid per illud instrumentum facit.

14.  
Replicatur  
iur.

Dicant fortasse, causam secundam applicari ad agendum per illum concursum, & non posse agere nisi applicatam, nec posse applicari, nisi per aliquid inherens: ideoque non posse Deum supplere hunc concursum, quia est necessarius non solum propter efficientiam, sed etiam propter id quod formaliter causae secundae praebet. At hoc non constat cum aliis dictis illius sententiae, nam iuxta hoc responsum necessarius est hic concursus ut quidam formalis actus causae secundae; ergo ut actus primus, quia ponitur ab eis ut prior actu secundo, & nominatione causae secundae. Cum ergo alii negent concursum hunc requiri in ratione actus primi, non possunt consequenter dicere requiri propter suam causalitatem formalem. Deinde illa applicatio causae secundae ante actionem ipsam nulla est, quae possit fieri formaliter per talem concursum, ut supra probaui; solum ergo applicat causam secundam ad actionem suam efficaciter ad eum modum, quo dici potest grauitas applicare lapidem ad motum; ergo ex parte applicationis nihil est, quod per formam inherentem necessario agendum sit. Alioqui etiam seclusa efficientia per se posset ille concursus intelligi necessarius ut mera conditio sine qua non, quod supra improbatum est, & ab alijs etiam autoribus non admittitur.

15.  
Committitur  
petitio  
principij.

Deinde quod de motione dicitur, quaedam petitio principij est, nam causa secunda non praemouetur à prima, ut generaliter concurrente nisi per hunc concursum prauium, ut ipsi dicunt; ergo causam secundam praemoueri à prima, nihil aliud est, quam recipere ab illa hunc influxum, seu concursum; ergo dum dicitur ideo esse necessarium hunc concursum in illa recipi, quia necessarium est illam praemoueri, idem per idem declaratur, & assertio ipsa pro ratione alijs verbis redditur. Hoc est enim quod inquirimus, cur tam necessarium sit causam secundam praemoueri à prima, ut auxilium illud ad operandum, quod media illa praemotione recipit, non possit ab ipso Deo immediate recipere, maxime quando in causa secunda supponitur propria virtus actiua talis effectus in suo genere sufficiens, ut praedicti auctores, & omnes recte sentientes admittunt. Haec ergo sunt quae huius sententiae difficultatem generatim ostem-

adunt, & ad illius sensum explicandum nobis visa sunt necessaria.

## C A P V T XXXV.

*Proponitur altera sententia, quae docet generalem concursum Dei esse influxum in effectum, & imbibitum in actione causae secundae: influxum autem in causam per se, & ex vi generalis concursus necessarium non esse.*

Quae hactenus tractauimus ostendunt quidem quam sit obscura, & intellectu difficilis sententia postulans huiusmodi concursum prauium, seu influxum in causam; & quia necessitas eius nullo sufficienti medio suaderi videtur, ideo communiter Theologorum opinio iudicauit talem influxum in causam ex vi generalis dependentiae causae secundae à prima in agendo non esse necessarium. Attentè autem consideranda sunt illa verba, & pra oculis habenda ex vi generalis dependentiae, quia non negant Theologi, imò pro certo supponunt, Deum influere varijs modis in ipsas causas secundas ut agere possint, praesertim quando ex se non habent virtutem propriam sufficientem ad aliquem effectum: at verò quando causa supponitur habens vires intrinsecas sufficientes in genere causae primae, tunc aiunt solum indigere concursu simultaneo, & imbibito in actione causae secundae; nouum autem influxum prauium in causam necessarium non esse: unde cum eadem proportionem in concursu gratiae philosophantur.

Haec ergo opinio sic exposita sumitur ex Bonauent. 2. d. 37. artic. 1. quaest. 11. ubi quaeritur, an omnis actio creaturae secundum quod actio est, sit à Deo? & responder affirmando, & rationem reddit, quia nihil quantumcumque parum, dummodo aliquid sit ens, procedit à causa creata, nisi cooperante Deo, quia Deus est primordialis causa omnis entis, & ideo eius influenza est maxima, & ad omnia se extendit, & potentia creaturae est imperfecta, & nihil potest agere nisi adiuuante illa potentia, quae est actus purus. in quo toto discursu solum concursum concomitantem requirit. In solutione verò ad penult. addit, hunc concursum Dei talem esse, ut tota operatio voluntatis sit ab ipsa voluntate, & tota sit à Deo, quia Deus (ait) intus agens in omni actione, & intus est ipsa potentia operanti, ita quod à potentia ipsa in nihil exit, quod non sit ab ipso. per quae verba solum requirit ad generalem Dei concursum intrinsecè imbibitum in actione creaturae, quatenus simul, & immediatè est ab ipso Deo. quod euidentius declarat in solutione ad vltimum, in quo obiecerat, quod si actio voluntatis est à Deo, erit ab illo ut principali motore, & consequenter Deus concurret excitando, & mouendo voluntatem hominis. Respondet autem concedendo assumptum; nimirum Deum concurrere, ut principale mouens in tali actione, & negando illationem, nimirum Deum concurrere excitando, aut praemouendo, utique ex vi generalis concursus causae primae, quia excitatio (ait) pertinet ad aliquem effectum gratiae praenientem ipsam voluntatem, quae requiritur in bonis meritorijs,

1.  
Proponitur  
hæc senten-  
tia, & expli-  
catur.

2.  
Probat  
auctoritate  
Bonauent.



meritoriū, & non aliis, in quibus (ait) non est nisi sola cooperatio diuinæ virtutis, quæ existens in creatura, essentialiter, & presentialiter, sicut conseruat eam in essendo, sic adiuuat in operando, propter quod conceditur ibi esse cooperatio, non preuentio, vel subsecutio. profectò nihil clariùs dici poterat.

3. Secundò tenet eandem sententiam Scotus in 4. dist. 1. q. 1. ad vltim. vbi in argumento hoc sumptulat principium: *Causa secunda plus potest in virtute causa prima, quàm in virtute propria, alioqui non dependeret essentialiter in causando.* Respondens autem sic ait, *Agens dependens ab alio dicitur agere in virtute alterius, quia virtus agentis dependentis non sufficit sine illa virtute a qua dependet.* Et infra iterum, *Causam (inquit) secundam, quæ habet virtutem in esse quiescente, agere virtute alterius, non est recipere tum aliquid ab illo altero, sed tantum habere ordinem inferiorem ad illud alterum agens in suo ordine simul.* Et in hoc distinguit causam secundam à proprio instrumento, dicens: *Sed instrumentum, id est, recipiens formam actiuam in motione agere in virtute alterius est, tunc actualiter accipere formam ab eo per quam agit.* Vnde sic concludit, *Et ex hoc patet quòd causa prima in causam secundam propriè dictam, quando simul agunt, non est influentia noua, quæ sit creatio alicuius inherens causa secunda, sed ibi est determinatus ordo istarum causarum in agendo effectum communem.* Ac tandem respondendo ad principium in argumento sumptum, sic illud exponit. *Verum est quòd causa secunda plus potest in virtute alterius, quàm propria, supple (ait) sola præscindendo virtutem alterius, quia virtus eius est diminuta, & subordinata alterius virtuti, itaque sine illa altera virtute agente virtus eius non potest in effectu.* Hæc Scotus, quibus non solum dictam sententiam expressè affirmat, sed etiam accuratissime illam explicat, & omnia fundamenta contrariæ sententiæ vnico ferè verbo euerit. Eandemque doctrinam optimè confirmat & exponit in 2. dist. 37. q. vnic. §. *Ad solutionem*, quem locum infra cap. latius expendam.

4. Consentit Gabr.

Tertiò tenet eandem sententiam Gabriel in 2. dist. 37. quæst. vnic. art. 1. ad argumenta de prima via, vbi eodem modo explicat subordinationem, & dependentiam essentialem voluntatis humanæ à diuina in causando actum suum, quo Scotus illam exposuit, dicens, *In hoc est ordo essentialis, quòd voluntas creata non potest elicere actum non concurrere prima coëfficiendo, licet non è conuerso, & in hoc essentialiter subordinatur prima causa: nec sic mouetur à prima causa, quasi aliquid de nouo causet, vel influat in voluntate, quo voluntas velit.* Vnde idem Gabriel in 2. dist. 1. quæst. 2. art. 2. concl. 4. sic inquit, *Deus non preuenit causando in causam secundam secum concouersantem, ita quòd in aliquo instanti, vel signo causet nulla causa secunda concurrente, & postea cum ea concouerset.* Et artic. 3. dub. 5. multis modis eandem sententiam confirmat. Nam ad 1. ait, *causam primam non agere propriè mediante secunda, quia simul, & aq̃ue immediatè concurrunt ad effectum producendum.* Et ad secundum ait, ordinem essentialem inter causas non consistere in mediante, sed in prioritare perfectionis illuminationis, & necessitatis, quia causa prima necessariò requiritur ad actionem, non secunda. eandemque doctrinam breuiùs tradiderat in 1. dist. 45.

5. Idem docet Richard.

Quartò sumitur eadem doctrina ex Richardo in 1. dist. 45. art. 2. quæst. 2. vbi docet Deum *Fr. Suarez de Gratia Pars I I.*

A concurrere cum causis secundis immediatè efficiendo effectus earum altiori modo, quàm ipsæ causæ, licet simul cum eis. Et quamuis expressè non excludat antecedentem influxum causæ primæ in secundam, dum tamen nullam mentionem eius facit, apertè sentit in sola illa simultanea concouersatione consistere concursum primæ causæ, refertque Commentatorem super librum de causis circa illam propositionem primam. *Causa prima est vehementior adherentia cum effectu, quàm causa propinqua, dicentem: Causa prima adiuuat causam secundam super operationem suam, quia omnem operationem quam causa secunda efficit, & causa prima efficit, verumtamen efficit eam per modum altioris, & sublimioris.* vbi tam verbum adiuuandi, quàm cætera omnia significant simultaneum concursum in effectum sine vllò præuio influxu in causam.

Quintò consentit huic sententiæ Gregor. 2. dist. 28. quæst. 1. art. 3. ad 12. vbi de bonis actibus dicit, iuuat nos Deus immediatè ipsum actum efficiendo, quamuis non ipse solus facit actum, sed etiam voluntas coëfficit; sed non solum, ait, iuuat Deus ad bonum velle partialiter coëfficiendo, qui est modus communis quo concurrat ad cuiuslibet creati agentis quemlibet effectum, sed etiam quodam alio modo speciali, &c. vbi licet ad actus bonos, quos putat non posse fieri sine gratia, requirat specialem motionem, nihilominus negat illam esse necessariam ad generalem concursum causæ primæ, & ideo negat illam motionem dari ad actiones peccaminosas, etiam vt actiones sunt, & ad cæteras actiones causarum secundarum. Vnde Ledesma citans hunc locum fatetur Gregorium expressè docere, quòd ex essentiali subordinatione causæ secundæ ad primam non requiritur alius concursus Dei præter simultaneum. Poruisset tamen addere, eodem modo idem expressè docuisse Capreolum, non solum à nobis allegari in nostrum fauorem, vt ait. Sextò igitur addimus Capreolum in eadem dist. quæst. 1. artic. 3. ad 12. contra secundam conclusionem, vbi ad litteram refert doctrinam Gregorij, & non solum illam approbat, verum etiam in fine concludit. Hæc Gregorius, & concordat S. Thomas in 1. 2. quæst. 109. quasi in singulis articulis potissimè 9. & 10. Immeritò ergo idem Ledesma dixit in eodem art. ad 2. Capreolum in eo loco admittere concursum præuium: cum enim Capreolus nihil aliud, quàm Gregorius dicat, quòd fieri potest vt Gregorius expressè neget, & Capreolus expressè affirmet? Præterea hic author confundit auxilium præuium gratiæ cum concursu generali, quæ ibi Capreolus cum Gregorio distinguit, & vterque postulat præuium motionem gratiæ ad omne bonum opus naturale: vterque autem apertè docet illam necessitatem non esse ex vi concursus generalis, sed aliunde. Quamuis ergo Capreolus expressè requirat illud præuium gratiæ auxilium, non minus expressè negat illud esse necessarium ad concursum generalem, neque in hoc aliquid diuersum Gregorio sentit.

6. & Gregor.

Ledesma.

7. Accedit Capreol.

E

Septimò eodem modo tenet hanc sententiam Dionys. Cisterc. in 2. dist. 27. quæst. vnic. art. 3. concl. 5. quam his verbis explicat: *Deus non est stans in causale inuamentum, nec esse potest, nisi respectu creati arbitrij in nobis.* Vocat autem causale inuamentum, quando verè vna causa iuuat alterius actiuitatem, & hoc dicit non esse necessarium

8.

Dionys. Cisterc.

in causa prima respectu secundæ, sed solum quod causa secunda non facit sine Deo coefficiente, ponitque exemplum in actu furandi.

9.  
Okamur.

Octauo tenet hanc sententiam Okam 1. d. 43. q. 1. vbi tractans questionem, an ex contingentia effectuum vniuersi demonstratur causam primam liberè agere, inducit rationem Scoti, quod si Deus ageret ex necessitate naturæ, tolleretur ab vniuerso contingentia, quia omnes alie causæ secundæ eadem necessitate agerent, quia causa secunda non agit nisi mota prima. Vnde si necessariò moueretur, necessariò etiam moueretur. Et deinde rationem improbat, distinguendo propositionem illam: Causa secunda non causet, nisi in quantum mouetur à prima, nam vel dicit causam secundam moueri à prima, vt agat, & conseruari ab illa in esse, & in hoc sensu nullius momenti est illatio, vt per se patet: vel est sensus, causam secundam non agere nisi recipiat aliquam influentiam à prima, sed ipsamet est principium agendi, vel est sensus, *causam secundam non agere nisi prima coagat*. Et hunc sensum approbat quoad rem nostram pertinet: improbat autem illationem, de qua nunc non tractamus. Ex quibus constat de sententia huius authoris causam primam concurrere concursu concomitante, hoc enim est coagere, non tamen præmovere, quia non admittit præmouentem influentiam in causam.

10.  
Almainus.

Nondò tenet hanc sententiam Almainus tractat. 1. Moral. cap. 1. vbi proposito argumento contra libertatem, quia concursus Dei est vnum ex necessarijs ad agendum, & illo posito, non potest voluntas non agere, respondet ex sententia Dionysii in 2. sentent. concursum non esse ex præuijs, seu prærequisitis ad agendum, sed ex concomitantibus, seu simul se habentibus, quam responsionem ipse approbat, addens etiam ipsum velle, quo vult Deus concurrere cum voluntate in causando non esse præuium, sed simul se habens, quod infra nos explicabimus. Alia verò responsio, quam ibi addit, parum quidem probabilis est, vt in lib. 5. videbimus. Decimò est ip eadem sententia Andreas de Castro nouo in 1. d. 22. q. 5. art. 1. ad argumenta contra tertiam conclusionem, in qua dixerat Deum in aliquo vero sensu, prius naturæ agere, quàm secundam causam. Ad soluendam autem objectionem subiungit dici posse, causam primam prius naturæ agere, etiam si causa secunda causare efficiens non recipiat aliquid nouiter à causa prima, ex eo quod incipiat causare: atque adeò si causam secundam causare non sit nouus effectus productus à prima causa distinctus ab effectu communi vtriusque causæ, quia nimirum ad illam prioritatem naturæ sufficit, quod causa secunda pendeat à prima in essendo, & in causando, ita vt agere non possit nisi prima coagente per se ad idem. Et id latius explicat in 2. art. ad argumenta contra secundam conclusionem in principio, & ad 7. expressè dicit, quod causa secunda non ita pendet in agendo à prima, vt prius natura recipiat aliquem motum ab illa, sed solum quia per se non sufficit ad agendum sine cooperatione primæ causæ. Et ad 8. ait, influentia primæ causæ non intelligitur esse aliqua forma procedens nouiter à causa prima in secundam, &c.

12.  
Marfilium.

Vndecimò Marfilium in 1. quest. 45. art. 2. post quartam conclusionem incidens dubium proponit, an Deus voluntate beneplaciti voluerit Euam eligere comedere de ligno scientiæ, &

A respondet voluisse Deum voluntate beneplaciti actum illum voluntatis Eux quoad substantiam actus, dum tamen (ait) mulier eum veller, quod exponit, quia in potentijs liberis Deus vt causa vniuersalis agit cum eis, ita vt quoscunque potentia duxerint eligendos Dominus coagat tanquam causa vniuersalis. Vbi ex vi concursus nullam præuentionem ponit ex parte Dei, solumque requirit simultaneam cooperationem Dei, & hanc dicit procedere à voluntate beneplaciti Dei non omnino absoluta, sed sub conditione, *si causa libera cooperari voluerit*: imò quoad actus malos in aliud extremum inclinat, dicens voluntatem hominis quoad modum peruenire voluntatem Dei, qui cum tales actus sint contra voluntatem Dei, illos voluntas diuina non produceret, nisi præuenta aliquo modo per voluntatem creatam liberè se determinantem. Et ita concludit voluisse Deum volitionem illam Eux, si Eva ad illum se liberè determinaret, & quasi liberè (ait) *Deum ad secum producendum præueniret*. Sed fideliter huius authoris sententiam referimus: nam per illud verbum satis declarauit, quàm longè esset à præuia motione ex parte Dei, vel voluntatis eius approbanda.

Duodecimò pro eadem sententia referimus Conradum 1. 2. q. 79. art. 1. in expositione corporis articuli 5. *Nota ipsam*, ibi enim occasione explicandi concursum Dei ad actionem peccati, quoad substantiam eius, generaliter aduertit concursum generalem non esse ita concipiendum, *ac si prima causa in aliquo instanti attingat effectum, & operationem causa secunda in seipsa, quasi habeat vnam actionem præuiam actioni creaturæ, seu voluntati peccantis*. Ille enim (inquit) sensus falsus est, non enim cum aliquis vult, oportet, antequam velit præcedere motionem Dei, loquendo de naturali voluntate. Et infra: *Sensus autem verus est*, quod secunda causa non producit, nisi in virtute prima, qua secundam coniungit suo effectui, intimius attingit effectum, quàm secunda. *Modum autem decimas addens: sed cooperando intrinsecè secundum modum naturæ causæ secundæ*. Vnde attingit operationem voluntatis modificatam, iuxta conditionem voluntatis. Negat ergo præmotionem in ipsam voluntatem, solumque admittit cooperationem eiusdemmet operationis voluntatis; quod iterum atque iterum repetit, & infra circa actum peccati addit dictiorem exclusiuam, dicens, solum habet motionem cooperatiuam, & prius attingit cooperando, quia intimius attingit quod prius infra dicit esse tantum prius perfectione.

13.  
Conradum.

Decimotertio allegamus Caiet. 1. p. q. 14. art. 13. circa ad 1. 5. *Nec sustinendum*, vbi negat præuiam motionem Dei in voluntatem liberam, & hac ratione defendit contra Scotum, quod licet Deus ageret necessitate naturæ, & ita concurreret cum voluntate libera, actus voluntatis creatæ posset esse contingens. Vnde cum Scotus argumentetur, quia causa, quæ mouet, in quantum mota, si necessariò mouetur, necessariò mouet. Respondet Caiet. illam propositionem posse intelligi, vel de motione præuia, vel de motione cooperante intrinsecè ad propriam actionem, & in priori sensu admitti posse propositionem, non autè in posteriori, quia *causa cooperans intrinsecè cooperatur vnicuique secundum modum eius cui cooperatur*. Et adiungit, *talis autem est cooperatio prima causa, de qua scriptum est, Attingit à fine usque ad finem, & disponens omnia suauiter*. vbi apertè in diuino concursu admittit cooperationem, & negat præuiam motionem, alias

14.  
Cabrera.

alijs argumento non responderet, nec applicaret distinctionem, quam præmittit. Et eandem doctrinam habet eadem 1. p. quæst. 19. art. 8. in fine, ubi respondet eidem Scoto expressius negando præuiam motionem, sic enim ait: Non enim oportet cum aliquis vult aliquid, seu cum Sol illuminat primam causam, præuia motione cooperari, sed sufficit, & exigitur eam intrinsecè cooperari tali electioni, vel illuminationi.

15.  
Eiusdem Caietani mens explicatur amplius.

Hæc ergo sententia, & doctrina adeò est constans apud Caietanum, ut verisimile non sit in locis citatis cap. 27. sensisse contrarium, cum nec id exprimat, nec ideo sint distincta, ut credendum sit per obliuionem contraria docuisse. Potius ergo ex illis locis inter se collatis colligendum est (quod de Capreolo etiam intelligatur) intellexisse Caietanum ad veritatem omnium locutionum D. Thomæ in hac materia, & ad explicandos varios modos, quibus dicere solet causam primam iuuare secundam, sufficere influentiam Dei in ipsam causam secundam, qua illi det esse, virtutemque nativam, seu permanentem ad operandum, & concursum simultaneum, quo in eius effectum influit, quod an ita sit, postea examinabimus.

16.  
Quid ex re-  
laris aucto-  
ribus colligatur:

Hos autores adeò fusè retuli in primis, ut de sensu eorum dubitari non possit. Deinde, quia ex verbis eorum plures rationes ad eandem sententiam confirmandam desumi possunt. Item, quia obiter indicant quomodo intelligendæ sint variz locutiones in hac materia quæ prioritatem in causando causæ primæ etiam ut concurrenti cum secunda attribuunt. Præterea necessarium iudicavi dictos autores distinctè recensere, quoniam ad eleuandam huius sententiæ authoritatem, quidam vir doctus illam referens, dixit, eam antiquo tempore tenuisse quosdam Theologos, & cum iam esset antiquata, & veluti extincta, modò iuniores Theologos illam fuscitasse, nominat autem Molinam, Vasquez, & Suarez. Ex his autem quæ adduximus, euidenter lectori constabit testes huius assertionis non integrè nec sincerè fuisse productos. Qui enim audit quosdam Theologos, & antiquo tempore, facillè cogitabit ante plura sæcula paucos, & ignobiles Theologos illam sententiam docuisse: postea verò longè plures, & doctiores illam sua authoritate obruisse, & sepelisse. Vtrumque autem horum falsum esse ostenditur apertè, quia non aliqui, sed omnes, vel ferè omnes antiqui Theologi illam sententiam docuerunt. Nam plures eorum allegauimus, & alij vel inciderunt in errorem extremè contrarium, negando etiam simultaneum concursum primæ causæ, ut Aureolus, Durandus, & similes, quos propterea merito omittimus, vel tantum simultaneum concursum concesserunt, & tacitè alium excluderunt, quos etiam omittimus, quia non ita expressè loquuti sunt. Et omnes etiam qui specialiter in actione peccati negant Deum dare præuium concursum, hanc sententiam apertè supponunt, illos verò cap. ... addemus. Solum nobis superest D. Thomas, sed illius mentem in sequentia capita expendendam reseruauimus. Nunc satis esse censuimus, tres præcipuos illius defensores, & expositores ita illam intellexisse, non ergo quidam Theologi, sed ferè omnes ita senserunt.

17.  
Ea senten-  
Deinde non antiquo tempore, sed vsque ad nostra tempora illam sententiam docuerunt; ergo  
Fr. Suarez, de Gratia Pars I I.

A numquam antiquata fuit, alioqui designent vel personas, vel tempora, vel loca, seu Academias quæ doctrinam illam aboleuerint, aut repudiauierint. Assumptum patet ex dictis, tum, quia Caietanus certè non multum nostra tempora antecessit, tum etiam, quia post Caietanum, ante, & post illos tres modernos, multi alij Theologi in variis regionibus illam doctrinam approbarunt: ut Ruardus artic. 7. proposito 10. de concordia gratiæ, & lib. arbitrii, ubi allegat Gregorium, Gabrielem, Nouocastr. & Caietanum, eorumque sententiam non ut antiquatam excitat, sed ut veram, & suam authoritatem retinètiā amplectitur. Corduba etiam lib. 1. quæstionar. q. 55. dub. 4. §. Ad supradictas, cum B Lychero in 1. dist. 8. q. 4. circa finem, & disp. 39. q. 1. §. Has tamen, apertè supponunt hanc sententiam, nam ad defendendam sententiam Scoti de radice contingentiz contra Caietanum dicunt nunc de facto causam primam non præuenire causas secundas in agendo, vel mouendo illas, quia voluntate libera suum concursum accomodat, quod facere non potest si ex necessitate naturæ ageret. Ex qua doctrina solum nunc sumimus, quod ad controuersiam præsentem pertinet, quidquid sit de alia hypothetica quæstione, si Deus ex necessitate naturæ ageret, quid sequeretur in actionibus causarum secundarum. Occasione verò illius nonnullas rationes adducit Lycherus, quæ validè profectò sunt ad impugnandum illum præuium influxum causæ primæ in secundam, sed virtute à nobis tactæ sunt in superioribus. Item Bellarminus lib. 4. de grat. & lib. arbitrii. cap. 15. hanc sententiam sub probabilitate defendit, imò etiam Cumel vnus ex præcipuis defensoribus auxilij prædeterminantis gratiæ, cum de concursu ad actiones malas agit, negat concursum præuium, seu præmouentem voluntatem ad actum peccati etiam pro materiali, & consequenter negat illam præmotionem pertinere ad concursum primæ causæ, generatim, & quasi essentialiter necessarium 1. p. q. 22. art. 4. in Appendice concl. 5: Idemque postea constanter sequutus est P. Lorca 1. 2. q. 79. disp. 38. & q. 111. art. 3. disp. 20. membr. 1. ubi de priori sententia affirmat à temporibus Magistri Soto incepisse, & ab eius successoribus in eadem schola clariùs explicatam, & acriter propugnatam esse, non tamen credit satis id fuisse ad contrariam communem sententiam antiquandam, vel Theologorum scholis relegandam.

Ruard.

Corduba.

Lycherus.

Bellarmin.

Cumel.

Lorca.

E Vnde tandem concluditur excessisse valde authorem illum, qui hanc sententiam improbabilem appellauit, & priorem dixit esse certissimam. Nam in primis opinionem quam tot graues Theologi docent, nullus, qui eos legerit, & intellexerit, iure potest vocare improbabilem, cum probabile sit quod pluribus sapientibus verum videretur. Deinde opinio tam communi consensu omnium Theologorum probata non potest optimis, & efficacibus rationibus destitui; quomodo ergo contraria sententia potest esse certissima? Denique non potest dici certum, & contrarium improbabile, quod nec fides docet, nec efficaci ratione probatur, aut tanto pondere humanæ authoritatis astringitur, ut illi se opponere temerarium, vel saltem improbabile iudicetur. In hoc autem puncto nihil hactenus fides docuit, ut est certum, nec tantæ authoritatis pondere contraria sententia confirmata est, ut ex his quæ cap. 27. fideliter allegauimus, constat. Et res ipsa adeò abstrusa, & intricata, ut vix explicetur

18.  
Hinc colligitur malè notari hanc sententiam.



explicetur à suis defensoribus, vt in capitibus precedentibus vidimus. Quomodo ergo rationes eius possunt tantam certitudinem efficere? Abstrahendo ergo à censuris, & exaggerationibus, quid de hac re tota iudicemus, per partes in capitibus sequentibus explicabimus.

## CAPVT XXXVI.

*Influxum prauum primæ causæ in secundam, non esse per se necessarium ad actiones proprias naturalium agentium.*

1. **D**istinguiamus causas secundas in eas, quæ ex necessitate nature, & eas, quæ liberè agunt, quoniam in prioribus facilius potest res expediri, & ab illis causis commodius, & distinctius ad cæteras transire facimus. Dicimus ergo his causis naturalibus, quæ in suo genere habent intrinsecam vim sufficientem agendi, non dari prauum influxum primæ causæ, sed simultaneum tantum, eumque sufficere, vt actu operentur. Ad cuius assertionis probationem, ex sententia omnium rectè sentientium etiam aduersariorum non oportet probare, talem influxum esse impossibilem, quia hoc nunc non asserimus, nec diuinam potentiam absolutam nunc contemplamur, sed prout iuxta exigentiam, & indigentiam causarum secundarum eas ad operandum adiuvat; ideoque si ostenderimus huiusmodi influxum non esse necessarium, inde sufficienter concludemus non esse, neque dari, quia nihil est frustrâ, est sine ratione asserendum in his, quæ à Deo fiunt, neque enim à Deo quidquam temere, atque in casum factum est, vt rectè dixit Nazianz. *orat. 3.* quæ est secunda de Theologia.

Probatur ergo assertio, quia hæ causæ naturaliter agentes non indigent noua virtute agendi illis addita, vt suas efficiant actiones; ergo neque indigent nouo influxu primæ causæ in ipsis recepto. Antecedens admittunt aduersarij, imò pro illo pugnant, vt cap... videbimus, & merito, quia ipsæ causæ secundæ sunt causæ principales in suo genere, & non producant aliquid excedens perfectionem ipsarum, de his enim tractamus. Consequentia verò probatur, quia ille influxus solùm potest esse necessarius propter virtutem aliquam agendi, quæ per illum ipsi causæ secundæ confertur; ergo si ad hunc finem necessarius non est, omnino est superfluous, nam ex parte Dei non est necessarius vt illi per modum instrumenti inferuat: nam cum Deus ipse, eiusque increata virtus, & causæ secundæ, & illius effectui intinse adfuit, & per se efficacissima sit ad suum concursum simultaneum præstandum, non indiget præuia virtute creata per quam agat, vt supra etiam cap... ostensum est. Et ex ibi dictis potest hæ ratio ampliari, & corroborari, quæ repetere necessarium non est, sed insinuari; quia vel illa motio præuia est necessaria ex parte actus secundæ, seu actionis causæ secundæ, vel ex parte principij: primum dici non potest iuxta contrariam sententiam, nam quod est præuium ad actum secundum, quodque non sit à causa secunda, sed in ea tantum recipitur, non est pertinens ad actum secundum, nec ex parte illius se tenet. Et ideo Scorus, Gabriel & alij, qui concursum simultaneum agnoscunt, rectè & con-

A sequenter dicunt concursum Dei se tenere ex parte effectus, non ex parte causæ, vt Bellarminus saprà notauit; at qui ponunt concursum præuium, non possunt illi consequenter attribuire quod se tenet ex parte effectus, seu actus secundæ, cum prius natura, ac subinde principium, & causam actus secundæ illum esse definiant, vt latè dicta cap... deductum est. Neque etiam potest esse necessarius ille concursus ex parte principij, quia vel est necessarius vt principium per se, vel vt sola conditio sine qua non. Prior pars impugnari potest, quia neque ex parte causæ secundæ, neque ex parte primæ causæ est necessaria noua virtus creata, nec additio, vel complementum eius, nec etiam instrumentalitatis virtus ad agendum. Posterior iectio pars in cap... probata est, & in lib. 1. de Auxilijs, ubi discurrendo per omnes modos quibus illa conditio cogitari, aut explicari potest, ostendimus fuisse postulare.

Et declaratur breuiter, quia in his causis non est necessaria noua motio, quasi propter seipsam, vt ita dicam, quia si non confert aliquam virtutem ad agendum, impertinens est, nec inuenitur in rebus naturalibus, aut causis moris aliquis à natura datus propter seipsam, sed propter aliquam terminum, neque etiam inuenitur modus aliquis à natura datus tanquam præuius ad agendum, nisi quia terminus eius aliquando confert ad aliam, vel per modum virtutis agendi, vel ut passum sit principij, & intra sibi ipsam agendi, vel per modum remotionis impediendi. Vnde vltcrius non potest hæ præmotio his agentibus esse necessaria, quia in termino eius habeat aliquam conditionem vitalem ad agendum, quam antea non habere, quia per illam motionem non tolluntur aliqua impedimenta, frequenter enim nulla præcedunt, & id in disputatione supponitur, quia per se loquimur, impedimenta autem sunt per accedens. Nec causæ secundæ per illam motionem, vel terminum eius magis applicantur, quam antea essent, quia non sunt propinquiora passis, vel obiectis, aut materiis circa quas operatur sunt, & præter hanc applicationem nulla alia cogitari potest præuia ad actionem, vt supra etiam probauimus, quia intinse ad actionem, non est aliquid distinctum ab ipsa actione. Denique in his etiam agentibus non requiritur determinatio præuia, & quasi in actu primo, quia illa sunt natura sua determinata ad vnum, nec maiori determinatione indigent, imò vix cogitari potest alia, quæ natura præcedat actionem; illa enim determinatio actualis, quæ sub actione considerari potest, non est aliquid præuium, sed per ipsammet actionem fit; ergo propter nullam conditionem, sine qua non potest illa motio in agentibus verisimiliter postulari.

Solum dicere posset aliquis, hæc agentia natura sua determinata ad indiuiduas actiones, vel effectus, ideoque in omni opportunitate agendi, & positis omnibus prærequisitis causam de se indifferentem esse ad producendam, v.g. hanc calefactionem, illuminationem, aut visionem porci quam illam, & ideo indigere præuia motione Dei, vt saltem ad indiuiduum determinetur. Vel à contrariis dicere quis potest concursum causæ primæ esse de se indifferentem, non solum ad indiuidua, sed etiam ad species, & genera actionum, ac proinde determinari debere à causa secunda, & ad hoc necessarium esse vt prius recipiatur in illa, quia vnumquodque recipitur, & determinatur iuxta modum recipientis. Veruntamen propter neutram ex his determinationibus necessariis

Assertio hic influxus non est necessarius in causis naturalibus.

2. Probatur ex natura naturæ agentium.

3. Nulla causa haec ut necessarius assertur.

Idem prius dicitur.

3. Replietur etiam.



est influxus Dei prauio in causam naturaliter agentem, nam de determinatione indiuiduum, & cap. . . & aliis locis dixi sufficienter fieri à Deo per concursum concomitantem, seu per voluntatem prædefiniensem suum influxum ad hanc indiuiduam actionem, & effectum. Nam cum causa secunda nullum indiuiduum producere possit, nisi cooperante Deo, & cum Dei adiutorio possit varia indiuidua producere de se, non magis postulat ut ad hoc indiuiduum producendum iuuetur, quam ad aliud, nec hoc potest ab ipso naturali agente, verbi gratia, igne determinari; ergo oportet ut Deus ipse determinet suam cooperationem ad talem effectum in indiuiduo; & tunc consequenter determinatur etiam influxus ignis ad eundem effectum, non propter aliquid prauium quod in se recipiat, sed solum propter coniunctionem virtutisque causæ, primæ scilicet cum secunda, eo enim ipso quod Deus præfinit iuuare hanc, & nunc ad hunc indiuiduum effectum, & non alium causa secunda, alias determinata sit ad agendum quod potuerit, & ad quod adiuta fuerit, necessario efficit tale indiuiduum, & non aliud. Hæc ergo determinatio si consideretur quasi prauia, & in actu primo, non est formaliter in causa secunda, sed est per coniunctionem ad causam secundam sic determinatam per suam voluntatem; in actu verò secundo nihil est præter actionem talem ab utraque causa simul profluentem.

6. An causa prima determinetur in suo concursu à secunda.

Caietan.

7. Quomodo ad sit intelligendum.

Ad alteram partem de determinatione diuini concursus, aliqui religiosè formidant ita loqui, quod causa prima determinetur à secunda in suo concursu, tum quia inde sequeretur actionem causæ secundæ esse in aliquo genere priorem natura, tum quia ille modus determinationis ab alio quemdam imperfectionis modum includere videtur, nam quod ab alio determinatur, ab alio pendet; concursus autem causæ primæ non pendet à causa secunda, sed ipsa voluntate sua suum concursum accommodat, & determinat sicut ad indiuiduum, ita & ad speciem, & ad modum concursus. Alij verò simpliciter concedunt concursum causæ primæ determinari à secunda, ut videre licet in Caietano 1 part. quæst. 14. art. 13. §. neque sustinendum, in fine, & quæst. 19. art. 8. in fine, & ex hoc principio defendit contra Scotum posse actionem aliquam esse contingentem, etiamsi Deus ageret ex necessitate naturæ.

Verumtamen vtrumque verum est si rectè explicetur, & imperfectiones, vel superflue actiones remoneantur. Itaque dubitari non potest, quin Deus sua libera voluntate definiat concursum suum non solum quoad indiuiduum, sed etiam quoad speciem, vel modum concursus. Nam diuina potentia de se indifferens est ad varios concursus præstandos, non indifferentia imperfecta, sed perfectissima, quæ est ex omni potentia, & vniuersali virtute, quæ ab extrinseco determinari facile non potest absolute, sed tantum à propria voluntate; ergo Deus ipse est qui determinat speciem concursus, sicut & indiuiduum. Est tamen in hoc notanda differentia, quod determinatio ad indiuiduum nullum habet fundamentum in causa secunda, sed est ex sola voluntate Dei, ut dixi. Determinatus autem quoad speciem licet, ut dixi, per Dei voluntatem directè, & efficienter fiat, nihilominus fundamentum, & aliquam rationem habet ex parte causæ secundæ, nam ideo Deus determinat huic causæ dare talem modum, & speciem concursus, quia illum postulat virtus talis causæ tamquam accommodatum suæ naturæ. Vnde licet non propriè dicatur actio cau-

A se primæ determinari quoad speciem ab actione causæ secundæ, quia in hoc loquendi modo significatur ordo naturæ, cum distinctione aliqua, & pluralitate actionum in re ipsa, propriè tamen dici potest causa secunda in suo genere determinare primam ad talem concursum, postulando ab illa talent concursum, & non alium, neque inde sequitur prioritas naturæ in concursu, vel actione causæ secundæ, quia non postulat talem concursum Dei per suum concursum ut exhibitum, sed per virtutem aptam ad exhibendam talem cooperationem, & non aliam, & in hunc modum determinat concursum Dei quoad speciem, licet non quoad exercitium. Et sic dicitur causa prima determinari à secunda quoad contingentiam effectus, vel quoad alias proprietates, quas habet actio causæ secundæ per habitudinem ad causam proximam, cui Deus se accommodat, natura talis causæ id postulante. Et hæc doctrina est aperte D. Thomæ 3. contra gent. cap. 66. vbi sic inquit, *Secunda agentia sunt quasi particulares, & determinantes actionem primi agentis*, & quæst. 1. de pot. nat. 2. 4. ad 3. vbi sic inquit, *Licet causa prima maxime influat in effectum, tamen eius influentia per causam proximam determinatur, & specificatur*. quod etiam Caietanus docuit 1. part. quæst. 14. art. 13. & quæst. 19. art. 8. & Ferrar. 1. contra gent. cap. 67. circa rat. 5. ad finem.

D. Thom.

Caietan. Ferrar.

C Vnde facile intelligitur ad hunc modum determinationis causæ primæ à secunda non esse necessarium concursum prauium receptum in causa secunda, quia non est determinatio ipsius concursus in actu secundo, (ut sic dicam,) vel prout iam emanantis à Deo, sed est determinatio quasi in actu primo, & ad rem explicandam dici potest determinatio, quoad sufficientiam, non quoad efficaciam, quæ solum provenit ex coniunctione talium duorum agentium ad efficiendam vnam, & tandem actionem, ad quam est determinata, & quasi contracta virtus causæ secundæ: virtus autem causæ primæ per se spectata non est limitata ad talem modum actionis, vel concursus; coniuncta verò cum tali causa ad iuuandam illam, consequenter determinatur ad agendum iuxta exigentiam talis causæ, & non aliter. Et in hoc sensu, & non in alio loquutus est Caietanus, ut declararet, quod licet Deus concurreret cum causa secunda ex necessitate naturæ, si supponeretur in homine libertas arbitrij, non necessitaret illum ex vi concursus, quia non per se solum ageret, sed simul cum causa secunda, & ideo ab illa determinatur ad talem modum agendi, etiamsi nihil in illam prius influeret. Et hoc bene declarat exemplum quod adducit de principio certo de fide, vel euidenter ac per se noto concurrente cum præmissa probabili ad assensum, ab illa enim determinatur ut tantum influat in assensum probabilem, quæ determinatio non est per influxum vnius præmissæ in aliam, sed per solam coniunctionem ad eliciendum eundem assensum, in quem non prius influat vna præmissa, quam alia, sed utraque simul mutuo se iuuantes, quia verò sunt inæquales, inferior determinat, & quasi imitat superiorem. Ita ergo seruata proportione intelligendum est in causa prima, & secunda, temeris imperfectionibus, quia causa prima non necessitatur; sicut enim non necessario agit ad extra, ita etiam absolute, non necessario determinatur à causa secunda, sed ipsa voluntariè se determinat illi, quamquam ex hypothesi quod non vult sola agere, sed cum tali causa, & iuxta exigentiam naturæ eius ad dandum concursum in tali specie, & modo necessario determinatur. Concludimus ergo nullo

8. An inde eliciatur necessitas huius prauij concursus.



vero titulo, vel ratione innēnti hanc necessariam præuiam motionem primæ causæ receptam in secunda ante actionem eius, ac p̄uideo admiſſendam non esse.

## CAPVT XXXVII.

*Quid Patres, & Philosophi de necessitate præuij concurſus quoad causas naturales ſenſerint.*

1. Quomodo sit hoc loco vsuſpanda auctoritas.

PRÆTER auctoritatem Scholaſticorum Theologorum, quam ſuprà pro hac ſententia reſultum, ſecuritatē eius iuxta Eccleſiaſticam auctoritatem, & conſenſionem eius, cum Philoſophia doctrinā, præſertim Ariſtotelis declarare. Duo autem in noſtra aſſertione continentur, vnum eſt affirmatiuum, ſcilicet neceſſarium eſſe concurſum concomitantem in ipſa actione cauſæ ſecundæ, & hoc probare non oportet, quia in eo continetur, quomodo ex his quæ dicimus, factū confirmabitur. Aliud eſt negatiuum, ſcilicet, præter concurſum ſimultaneum in effectum, non eſſe per ſe neceſſarium agentibus naturalibus concurſum in ipſis receptum, & ab eorum actionibus diſtinctum, æque ad illas præuiam. Hanc igitur ſolam partem intendimus auctoritate confirmare: non oportet autem, vt negatio illa expreſſe, ac formaliter, vt ita dixerim, in Patribus, vel antiquis Philoſophis inueniatur, numquam enim in hanc quæſtionem inciderunt, aut illam ſubtiliter diſputarunt. Satis ergo eſſe exiſtimamus, quod cum multa de diuina operatione docuerint, quibus concurſus ſimultaneus adſtruitur, nunquam alterius concurſus præuij meminerunt, neque illius neceſſitatem nobis indicarunt. Hinc enim alio ſuprà tradito principio poſito quod illa præmotio ſi neceſſaria non eſt, non datur, credimus aſſertionem poſitam Philoſophorum, & Patrum, imò & Sacra Scripturæ auctoritate poſſe non leuiter confirmari, quia in his omnibus ſolam legimus nihil fieri, aut poſſe fieri in mundo, quod Deus ipſe non faciat, & nihil aliud fieri debeat, neceſſariū, vel ad eminentiam, & vniuerſalitatem diuinæ cauſalitatis, vel ad præſtandum naturalibus cauſis auxiliū ſufficiens, quo ſuos connaturalis effectus producant. Ergo eo ipſo tacite indicant aliam præuiam motionem que à ſolo Deo fieri debeat, neceſſariam non eſſe. Conſequenti fit valde veriſimilis ex dicto principio. Antecedens autem quoad vtramque partem probamus per diſta tria membra diſcurrendo.

2. Scripturæ auctoritas, quæ omnia Deo operanti, & non tantum huſus præuiam cogit.

Et primo ex Scripturæ ad probandum concurſum Dei cum cauſis ſecundis, ſolum habemus illa teſtimonia, in quibus omnes effectus, & opera cauſarum ſecundarum Deo vt nunc operanti, & per ſe, ac proprie facienti tribuuntur, vt eſt illud Iſaie 16. *Omnia opera noſtra operatus eſt in nobis Domine.* & illud Ioan. 5. *Pater meus ipſe modum operatur.* & ego operor, & illud Iob 10. *Etenim manus tue fecerunt me, & planificauerunt me totum in circuitu.* & Pſalm. 138. *Si ſumpeſſero penitus meum diſtictum, & habitauero in extremo mari, etenim manus tuae ducunt me, vtique mecum cooperando, & clariſſe Pſalm. 146. Qui operi calum nobis, & parat terra planities, qui producit in montibus ſerenum.* & verbum ſeruitus hominū, &c. Et ſimilia ſunt infinita in Scriptura, in quibus ipſam effectū, & opera cauſarum ſecundarum Deo tribuuntur, & per hunc modum explicant cooperationem eius, cum cauſis ſecundis in his, quæ naturalia ſunt, quæ ſimpliciter, & veriſimiliter auelli-

guntur ratione diuini concurſus eſſentialiter habebit in actione creaturæ. Ratione eius poſſunt ad omnes naturales cauſas applicari verba Chriſti, Ioan. 15. *ſine me nihil poteſtis facere,* & verba Pauli ad Philipp. 2. *Deus eſt qui operatur in vobis velle, & perficere.* Ita enim illa D. Thomas applicat lib. 3. cōtra gent. c. 67. & alia ſimilia. Ergo illa illi motio præuiā quoad hos effectus naturalium cauſarum non habet in Scriptura fundamentum: non eſt ergo ex vi Scripturæ neceſſaria, & conſequenter nec aſſertenda.

Dices, interdum talem effectum tribui Deo excludendo cauſam ſecundam, quod non aliter poſſet eſſe verum, niſi quia aliquid propriū operatur ſibi cauſa prima, ratione cuius totum illi ſoli tribuitur. Aſſumptum patet ex illo Ieremie 18. *Sicut lutum in manu ſigili, ita & vos in manu mea domus Iſrael.* Apertius 2. Machab. 7. *Singularum membra non ego ipſa compegi.* &c. Ac denique Aſtorum 17. dicitur, *In ipſo viuimus, mouemur, & ſumus.* vbi particula in ipſo indicat præuiam virtutem Dei, per quam viuimus, & operamur. Sed hæc nihil ad præſentem cauſam faciunt, nam in primo teſtimonio non agitur de concurſu Dei cum cauſis ſecundis, ſed de poteſtate, quam Deus habet ad aſſigendos, & ſubleuandos homines maiori facilitate, quam poſſet ſigulus vas à ſe conſectum frangere, & in meliorem formam reſtituere. Vnde poſt verba allegata ſubiungit Deus, *Repenit loquar aduerſus gentem, & aduerſus regnum, vt tradiderim, & diſtruxim, & diſperdam illud.* & inſiſt, *Eccce ego ſingo contra vos malum,* &c. vbi Hieronymus, & D. Thomas ponderant verbum ſingo alludere ad parabolum, ſeu exemplum ſiguli. Vnde recte Maldonatus ibi contra hereticos aduertit, non agi ibi de animo, ſed de corpore, de morte, & vita, & rebus aduerſis, & proſperis, de captiuitate, & liberatione ab illa. quali dicat, *Ego poſſum moriſicare, & viuificare, deducere ad inferi, & reducere.* 1. Reg. 2.

In altero vero teſtimonio non excluditur aſſio cauſæ ſecundæ, ſed tribuitur principaliter Deo, tanquam primo agenti, in cuius virtute, vel matre, vel ſemen patris in formatione hominis operatur, vt ibi Lyranus notat: vt enim mater illa Machabeorum mentem filiorum ad Deum erigeret, omnia in eum reſere, & illi ſoli beneficium generationis, & formationis corporis, humani tribuit, ad emulſicē modum, quo paulus dixit, *Non ego, ſed gratia Dei mecum,* ex quo dixit Gregorius 16. Moral. cap. 16. *Deum ſolum dici eſſe, quia licet alia res etiam ſint, non tamen principaliter ſunt, quia in ſemetipſis minimè ſubſiſtunt, & niſi gubernantis manu teneantur eſſe nequaquam poſſunt.* Vnde inſiſt concludit, *In omni igitur cauſa ſolum ille metuendus eſt, qui principaliter eſt.* Tertium denique teſtimonium potiùs confirmat diſcurſum factū, nam, vt Auguſtinus dicit lib. 4. de Gen. & liter. c. 12. verbum illud, *In quo viuimus,* &c. liquidò cogitatur, quantum humana mens valet, aduau hanc ſententiam, quæ credimus, & dicimus Deum in his quæ creantur indefinenter operari. Et inſiſt non ob aliud in illo ſumus, niſi quia illi operatur. Ita ergo in illo agunt cauſæ ſecundæ, quia idem Deus agit, & operatur quod ipſe.

Secundò poſſumus ſimili modo ex Patribus argumētari, ſicut enim concurſum Dei ad operationes creaturarum vbiq̄ requirunt, ita illum non niſi per diuinam cooperationem cum creatura declarant. Id conſtare poſſet ex Gregorio Nazianzeno Orat. 34. quæ eſt ſecunda de Theologia, Baſil. Hom. 9. Exaëter Dionyſ de diuinis nomin. cap. 4. p. 4. Bernard. de Grat. & lib. arbit. poſt modum, traſans verba Sapient. 8. *Attinere à ſine uſque ad finem ſuſtiner*

3. Replica ad ſiſtendum

4. Idem oſtenditur.

5. PP. auctoritas, qui de clariſſis diuinis concuſum per cooperationem ad creaturam non per aliquod præuium, Nactum Baſil. Dionyſ. Bernard.



Gregorius.  
Augustinus.

fortiter disponens omnia suauiter. Prospero in libro Sentent. in 277. & Gregor lib. 6. Moral. cap. 6. aliàs 8. & lib. 16. cap. 16. aliàs 18. præcipue verò Augustini sententia expendenda est, quia P. Alvarez disp. 18. dicit suam sententiam esse expressam D. Augustini, nullum tamen eius testimonium adducit præter ea, quæ pertinent ad auxilia gratiæ, quæ ad rem præsentem non faciunt, vt postea videbimus. Augustinus ergo in epistol. 146. q. 2. vbi docet nunc Deum operari cuncta, quæ creantur, & corporum lineamenta formare, & ita exponit verba Christi Matth. 6. *Si fenum quod hodie est, & cras in libanum mittitur, Deus sic vestit;* cum enim dixit, *vestit*, non de præterita ordinatione, sed de præsentis operatione satis indicat. Et simili modo ponderans verbum, *Deus dat corpus*, 1. Corinth. 15. ait, non dixit *dedit*, sed *dat*, vt creatorem intelligas efficaciam sapientiæ suæ rebus, quæ quotidie suis temporibus oriuntur, condendis adhibere. In quibus vltimis verbis pondo non aliter explicare Augustinum hanc Dei operationem nisi per efficaciam, quam quotidie tribuit rebus, quæ à causis secundis fiunt, illas vtique efficiendo. Et lib. 5. Genes. ad liter. cap. 10. eadem testimonia eodem modo expendens ait, *Sic ergo credamus, vel si possumus intelligamus usque nunc operari Deum, vt si conditis ab eo rebus operatio eius subtrahatur, intereant.* In hoc ergo ponit necessitatem diuini influxus, & operationis continuæ, quod sine illius operatione nihil potest subsistere, aut in esse conseruari, ac subinde nec incipere, ex quo solum colligitur necessitas influxus in effectum, & actionem omnis causæ, non verò alterius in causam præter eum, qui ad conseruationem eius, & virtutis eius necessarius est.

6.  
Quæ ex Augustino obiciuntur.

Sed instari potest, quia statim in eodem capite subiungit Augustinus, *monet itaque occulta potentia vniuersam creaturam, eoque motu illa versata dum Angeli iussa perficiunt, dum circumuehi sidera, dum alternant venti, dum abyssus aquarum lapsibus, & diuersis etiam per aerem conglabrationibus agitur, dum vireta pullulant, suaque semina enolunt, dum animalia gignuntur, varioque appetitu proprias vias agunt, dum iniqui iustos exercere permittuntur, explicat sacula, quæ illuc cum primùm condita sunt tamquam implicita indiderat. Quæ tamen in suos cursus non explicarentur, si ea ille qui condidit, prouido motu administrare cessaret.* In his quippe verbis videtur Augustinus præter singulorum effectuum operationes requirere prouidum modum, quo Deus causas singulas ad suas operationes applicet. Et hoc ipsum significauerat lib. 4. cap. 12. dicens, non ita Deum die septimo ab opere condendi creaturam requieuisse, vt à celi, & terra, omniumque rerum quas condiderat gubernatione cessaret, alioqui continuo dilaberentur. Creatoris enim potentia, eo omnipotentis, atque omnipotentis virtus causa subsistendi est omni creatura, quæ virtus ab eo, quæ creata sunt regendis, si aliquando cessaret, simul illorum cessaret species, omnisque natura concideret. In quibus verbis non solum influxum in ipsis effectibus, sed etiam speciale regimen causarum, quod non fit sine illarum motione, requirit. Vnde paulo inferius tractans verba Sapient. 7. *Omnibus mobilibus, mobilior est sapientia*, sic ea interpretatur: *Eius motus agilior, celeriorque est omnibus motibus;* & subiungit, *Satis apparet rectè intuentibus hunc ipsam incomparabilem, & ineffabilem, & si possit intelligi stabilem motum suum rebus eum præbere suauiter disponendis, quo vtique substracto si ab hac operatione cessaueris, eas continuo perituras.* Et lib. 9.

A cap 15. multa similia habet, in quibus indicare videtur ad exactam Dei prouidentiam præter operationem ipsorum effectuum necessariam esse occultam quandam & intimam motionem, quæ causas ipsas regat, excitet, & ad operandum applicet.

Verumtamen hi modi loquendi, & similes, qui in Patribus de prouidentia Dei agentibus reperiuntur, nostram probationem non infirmant, sed potius confirmant, solum enim per illa verba docemur, nihil fieri in vniuerso quod ad eius conseruationem, vel rerum procreationem conducatur, quod non à Deo agente, & mouente, sapienterque omnia prouidente fiat. Et hoc egregie confirmauit, & indicauit Augustinus illis verbis: *Prouido motu Deus administrat ea, quæ condidit.* Vnde considerari debet, aliud esse loqui de singulis causis secundis simplicibus (vt sic dicam,) prout vnæquæque habet per se sufficientem virtutem ad agendum suum peculiarem effectum; aliud verò esse, loqui de toto ordine causarum vniuersi, & de effectibus, qui ex variis coniunctionibus, aut separationibus earum proueniunt. Quando enim causa est prioris generis, si supponatur habere alia requisita ad agendum ex parte materiæ, seu passi, & nullum habere extrinsecum impedimentum agendi, tunc ad effectum sola actio proxima causæ per se necessaria est, quam à Deo fieri etiam necesse est, quia nihil in rerum natura esse potest nisi Deus illud operetur: alia autem motio ex parte Dei tunc necessaria non est, nec Augustinus villo modo illam indicauit. Quando autem effectus ob peculiarem conditionem, perfectionem, aut varietatem plurium causarum creaturarum concursum requirit, vel quod causæ proximæ aliquid virtutis actiue addatur, vel suppleatur, tunc necessarius est aliquis præuius motus, quo vel talis concursus causarum, vel additio virtutis in aliqua causa fiat, & tunc etiam necesse est talem motum à Deo fieri, vel cum aliis causis secundis simul mouentibus, vel interdum à solo Deo si aliæ causæ desint. Tum autem cum agit Deus solus, non operatur propriè concurrente, sed vt propria & tota causa supplendo defectum causæ secundæ, vt in creatione animæ rationalis, tum autem quædam causas per alias mouet, & aliæ motæ tandem efficiant, tunc illa motio Dei respectu causarum, quæ ad alium effectum præstandum, vel inter se, vel ad passum applicantur, vel in sua virtute confortantur, talis motio fit per influxum præuium, & in causam ipsam: tamen ille non est præuius concursus, sed præuium complementum causæ proximæ, vel quoad virtutem, & actum primam, vel quoad conditionem requisitam. Vnde semper ille motus in his agentibus naturalibus, de quibus nunc tractamus, est vel localis, si tendat ad solam coniunctionem, vel applicationem causarum, vel alterationis si propter aliquod virtutis augmentum fiat.

De utroque igitur modo operandi cum causis, & in causis secundis loquitur Augustinus, & ideo dicit mouere Deum *occulta potentia vniuersam creaturam suam.* Et ab Angelis incipit, quibus Deus imperat vt celos moueant, & inde oriuntur varij aspectus stellarum, & multiplices influxus, quibus & venti excitantur, & aquæ agitantur, & terra fructificatur, &c. & ita varij producuntur effectus, qui in prioribus causis virtute continentur, adiuvante tamen, & administrante illas Deo, prouido motu, id est, necessario, & accommodato effectibus, & causis secundis non superuacaneo.

7.  
Solueretur & explicaretur.

8.  
Continuatur  
ex explicatio  
modi quo  
Deus ex August. operatur cum creatura.

aut

aut naturæ cursum impediēte. Nam, ut idem Augustinus dixit lib. 7. de Ciuitate. cap. 30. *Sic Deus omnia quæ creauit administrat, ut etiam proprios exercere, & agere mota sinat.* Et lib. 9. Genes. ad liter. cap. 19. eandem Dei cooperationem cum creaturis eisdem ferè modis declarans inter alia dicit. *Natura agit interiori motu, nobisque occultissimo, cui tamen si Deus subtrahat operationem intimam, qua eam substituit, & facit, continuè tanquam extincta nulla remanebit.* ubi per operationem intimam, nihil aliud intelligit, nisi intimum influxum Dei in omnem rem, ut sit, vel fiat. Ideoque supposita operatione Dei in causam secundam, qua illam conferuat, solam operationem in actionem eius ad eiusdem effectus requirit. Et hæc diuina operatio ut ab infinita sapientia, & potenti voluntate procedit, sufficit ad omnes effectus & operationes causarum vniuersi, ut diuinæ prouidentia subsunt, ut optimè describit idem Augustinus lib. 3. de Trinit. cap. 3. & 4. Solet denique allegari Augustinus 5. de Ciuit. cap. 9. & lib. 8. Genes. ad liter. cap. 20. quod dicat solum Deum agere in motum, creaturas autem aliquid agentes omnes esse mobiles. Augustinus verò non dicit agentia creata indigere præuio motu ad agendum, sed solum dicit omnia illa, licet possint alia mouere, ipsa etiam esse mobilia, quod verum est, non quia semper indigeat motu propter actionem, sed quia omnes res creatæ, siue agant, siue non agant, mutabiles sunt, ut eisdem locis de omnibus infra Deum Augustinus affirmat.

9. **Gregorius explicatur.** Et iuxta eandem doctrinam accipienda sunt verba Gregorij dicto c. 16. lib. 16. Moral. ubi inter alia dicit. *Nec ea, quæ mouentur, & non viuunt, suis nutribus ad motum ducuntur, sed ille cuncta mouet, qui quadam viuificat, quadam verò non viuificata in extremam essentiam mirè ordinans seruat.* Et infra. *Omnia quæ creata sunt per se, neque subsistere prævalent, neque moueri, sed in tantum subsistunt, in quantum ut esse debeant, acceperunt: in tantum mouentur, in quantum occulto instinctu disponuntur.* In quibus verbis licet priora clara sint (solum enim in eis docet Gregor. sicut omnia pendent à Deo in esse, ita etiam pendere in motibus eius,) nihilominus vox illa, *occulto instinctu* obscura est, & fautores præuij influxus in causam ad illum libenter eam accommodabant, præsertim, quia non de animantibus tantum, sed etiam de inanimatis eam Gregorius intellexit. Paulo enim inferius subdit. *Namque hæc, quæ inanimata, vel quæ viuentia diximus, suis instinctibus, & non magis diuinis impulsibus agitantur?*

10. **Idem continetur.** Veruntamen longè diuersa est Gregorij intentio, explicat enim ibi peculiarem prouidentiam, quam Deus circa res insensibiles, & elementares vniuersi in ordine ad hominum vel utilitatem, vel punitionem, propter quos fines interdum Deus occultis impulsibus, & motibus, vel per se, vel per Angelicam creaturam sibi ministrantem ita causas secundas mouet, & applicat, sicut ad eisdem fines expedit. Vnde per illa verba, *occulto instinctu disponuntur*, subiungit: *Ecce enim peccator flagellandus est de rebus humanis. Arescit in eius laboribus terra, concussus in eius naufragiis mare, ignescit in eius sudoribus aer, obtenebrescit contra eum inundationibus celum, inardescunt in eius oppressionibus homines, mouentur in eius aduersitate Angelica virtutes.* Et ex his subinfert verba superius posita. Nunquid non hæc diuinis impulsibus agitantur? Isti ergo impulsus non pertinent ad

A essentialē (ut ita dicam) cōcursum necessariū unicuique causæ ad agendum, siue præuium, siue comitantem, sed pertinet ad præuenientes motiones per quas Deus ordinat causas secundas, & concursus earum ad eius effectus producendos, quos per misericordiam, vel iustitiam ad homines alendos, vel flagellandos efficere disposuit. Vnde concludit, *Quidquid est itaque quod exterius sentit, per hoc ille metuendus est, qui hoc interiorius disponit.* Illi autem motus, seu impulsus in hominibus, vel Angelis non sunt nisi præuæ cogitationes, vel excitationes quæ seruata proportionē etiam in animantibus brutis motis ab externis obiectis fieri possunt, ut hoc vel illo modo moueantur, vel operentur, ut in Scriptura habemus exemplum in ouibus quas pascēbat Iacob, quæ ex apprehensione virgarum varij colores effectum aliquo modo similem in colorum varietate producebant, & in asina Balaam, quæ per visionem Angeli sub sensibili aspectu conturbata, & in diuersos motus agitata est. In elementis verò, & rebus sensibilibus illi impulsus ordinariè consistunt. In motibus localibus, aut ab eis incipiunt applicando varias causas efficientes, vel inter se ad simul efficiendum, vel ad materiam hoc, vel illo modo immutandam, ex qua applicatione postea per alterationem varij effectus generationum, aut corruptionum sequuntur. Et ita omnes illi impulsus pertinent vel ad externam applicationem causarum, vel ad complementum virtutis earum: postquam autem sic completæ, & applicatæ sunt, per solum concursum concomitantem sufficienter, & efficaciter operantur.

Deinde ad eundem modum intelligenda sunt verba quædam quæ habentur in Catechismo Pij V. p. 1. de expolit. symbol. c. 2. de primo eius art. n. 10. quæ sic habent. *Non solum Deus vniuersa quæ sunt, prouidentia sua tuetur, atque administrat, verum, etiam quæ mouentur, & agunt aliquid, intimæ virtute ad motum atque actionem ita impellit, ut quauis causarum secundarum efficientiam non impediatur, præueniat tamen, cum eius occultissima vis ad intima pertineat, & quemadmodum sapiens testatur, attingat à fine usque ad finem fortiter, & suauiter omnia disponat.* Quare ab Apostolo dictum est, cum apud Athenienses annuntiaret Deum, quem ignorantes colebant, non longè est ab unoquoque nostrum, in ipso enim viuimus, mouemur, & sumus. quæ verba alij auctores de illo suo præuio influxu omni causæ etiam naturali necessariò ad agendum intelligere volunt. Sed incredibile profectò est auctores illius libri eum sensum intendisse, quia valde alienum erat à fine, & utilitate Catechismi quæstionem valde metaphysicam, & incertam definire, & Parochis proponere, ut iuxta eam populum instruerent, ac docerent, cum neque communis populus eam intelligere, neque ipsi Parochi eam percipere ordinariè valeant, aut explicare.

E Dico ergo in illo loco solum tradi certam & Catholicam doctrinam, nimirum diuinam prouidentiam, nec efficientiam causarum secundarum tollere, aut impedire, neque causas secundas subterfugere diuinam operationem, aut motionem, quæ illas præuenit, & ad agendum impellit. quæ duo vel iuxta doctrinam datam circa Aug. & Greg. intelligenda sunt, quòd eas præueniat, & impellat, non per generalem concursum à quo earum actio essentialiter pendet, sed per alias motiones, & applicationes quando ad fines intentos per diuinam prouidentiam necessarium est, vel intelligenda sunt generatim, & abstrahendo ab opinionibus, nimirum

I I. Catechismi Pij V. verba explicantur.

I 2. Pergitur in ea explanatione.

nimirum quod omnes prauenit, vel dando eis virtutes agendi, & conseruando illas, vel etiam offerendo concursum. & auxilium necessarium ex parte sua, & destinata voluntate sua illud quasi pręparando, qualecumque illud sit quando actu datur. Et similiter impellit eas, vel per naturales inclinationes illis inditas; vel per speciales motus superadditos, non semper, sed quando ad virtutem agendi, vel applicationem localem, vel animalem (vt sic dicam,) necessarium est. Et hunc esse debere legitimum illorum verborum sensum pręter rationem suprà factam constare potest, tum ex ratione ibi subiuncta, cum eius occultissima vis ad singula pertineat, quę solū improbat omnes motus impulsus, & actiones creaturarum virtute operante diuina fieri, non tamen probant fieri per concursum pręuium, aut concomitantem, tum ex testimoniis Scripturę, quę statim allegat, quę nihil aliud probant, nisi quod explicauimus, vt est ex his quę de Scriptura diximus, constat.

### CAPVT XXXVIII.

Quid de concursu prauio in causis secundis naturalibus D. Thomas senserit.

1. Quęstio de mente S. Thomę quę ex illo colligunt aduersarij.

Aluariz.

VEnio ad D. Thomam, sub cuius sola vmbra, & auctoritate prioris sententię authores eam defendunt, & inter eos Aluariz dixit sine dubio esse expressam sententiam D. Thomę. Sed sine dubio ita est D. Thomę, sicut Augustini, de quo idem affirmat, non tamen probat, vt notauim. Primum ergo D. Thomas in summa illam sententiam non docuit, sed potius hanc nostram satis apertę indicat, nisi in sensu improprio per vim exponatur. Solet autem in primis allegari D. Thom. 1. part. q. 105. art. 4. & 5. (omitto autem nunc quartum, quia in eo specialiter tractat de voluntate, de qua postea dicturi sumus.) In art. ergo 5. agit de omni causa secunda operante. Et in corpore ita concludit. *Deus in omnibus intime operatur.* Et hanc assertionem probat ex Scriptura Isai. 26. *Omnia opera nostra operatus es in nobis Domine.* & Iob 10. *Pelle & carnibus vestisti me.* quę, vt vidimus, in omni proprietate solū probant concursum cooperantem. Hunc ergo in sua conclusione intendit D. Thomas. Quia verò in discursu rationis vtitur illis modis loquendi, secundum agens agit in virtute primi, & primum agens mouet secundum ad agendum, & Deus mouet res ad operandum, quasi applicando formam, & virtutes rerum ad operationem. Ideo alij authores Interpretantur omnia hęc dici propter pręuium influxum in causam: nos autem dicimus ad omnia illa sufficere influxum in causam, dando illi formam, & virtutem operandi, & conseruando illam cum concursu concomitante in effectum, quod quomodo intelligendum sit soluendo argumenta, & alia testimonia eiusdem Doctoris sancti declarando loculentiùs explicabimus.

2. Nunc verò quod ad istum locum attinet, ex illo colligimus, D. Thomam pręter effectiorem, & conseruationem causę ac permanentis virtutis eiusdem vniam tantum Dei operationem, seu actionem ponere ad generalem eius concursum, & illam esse concomitantem influxum, & per hoc tacitę docere alium pręuium non esse necessarium, sicut ex aliis testimoniis argumentati sumus. Assumptum declaramus. Primum, quia cum D. Thomas querit, an Deus operetur in omni operante maximę inter-

rogat de operatione per se, & immediatę tendente ad eundem effectum causę secundę, hoc enim est, quod ad fidei doctrinam pertinet, & contra hoc tendunt omnia argumenta quę D. Thomas proponit, & occasione quęstionis in hoc sensu intellectę ortus fuit error, quem in corpore articuli refert. Cum ergo in principio articuli, ex eo, quod omnia agunt in virtute Dei, & quod primum agens mouet secundum, ad agendum infert. *Et ita ipsa (vtique virtus Dei) est causa omnium virtutum agentium.* Intelligit planę de causa per se, & immediatę eliciente, seu efficiente ipsam actionem secundarum agentium; ergo in illis principiis, quę assumit, non loquitur de virtute, vel motione pręuia in causam, sed loquitur de virtute intrinseca, & increata ipsius primi agentis, in cuius virtute cętera agunt, & de motione intima, qua secundum agens per concursum in eius actione imbibitur ad agendum iuuat. Nam si illa propositio intelligatur de motione pręuia primę causę recepta in secunda, non inferretur ex ea per locum intussecum immediatus influxus Dei in actionem creaturę, sed ad summum mediante illa motione indita ipsi causę secundę. Melius ergo intelligitur illud principium de motione adiuvante concomitante, & simultanea, & imbibita in actione causę secundę.

Idem sumi potest ex altera ratione quam subdit, quia Deus est causa vniuersalissima totius esse, & ideo intime operatur in omnibus, hęc enim ratio de consensu concomitante concludit, non de alio. Estque considerandum D. Thomam vnā tantum ponere assertionem, & ad eam probandam, & explicandam omnes rationes dirigere, & variis modis loquendi vti, non quia existimauerit quociescumque Deus operatur cum causis secundis, duas semper actiones, seu motiones, aut concursus eis tribuere, (numquam enim hoc ita declarauit,) sed vt doceret concursum Dei etiam si in ipsa actione causę secundę imbibatur, esse altioris ordinis & perfectionis, & oriri ex vniuersalissima virtute causę primę cui subordinatur, non verò ē contrario. Cum ergo D. Thomas duplicem illam actionem Dei numquam declarauerit, verisimile non est tam confusę, & obscurę, & sine speciali probatione illas tradidisse, vbi rem ex professo, & quasi in vltimo testamento disponebat, ac disputabat. Cuius etiam argumentum mihi est, quia nihil contra duplicem concursum in argumentis obiecit, sed contra vnum tantum, & in solutionibus defendendo vnum concursum comitantem putat se omnibus difficultatibus sufficienter satisfecisse. De nullo enim alio in solutionibus loquitur, & quę in eis tradit hunc sensum confirmant, vt breuiter per illas discurrendo declarabo, ac secunda incipiendo, quia in illa res est clarior.

In solutione ergo ad secundum expressę dicit concursum causę primę & secundę esse vnā & eandem actionem prout procedit à primo, & secundo agente, quę cum sint diuersi ordinis, possunt esse principia eiusdem actionis. Idem colligitur ex solutionibus ad 1. si consideretur argumentum quod de immediata actione ipsius effectus procedebat. quia si talis actio est à Deo, superflua esset actio causę secundę, cum actio Dei sufficiens semper existat: quod necesse est intelligi de actione per se, & immediata, aliās conditionalis propositio impertinens esset, & falsa. Respondet autem D. Thomas Deum quidem per illam actionem sufficienter agere, non in omni genere agentis, sed per modum agentis primi, & propterea non esse superfluum cooperationem secundi agentis; ergo ex vi influxus



influxus primi agentis nullum alium concursum D. Thomas requirit. Considerandum etiam est argumentum tertium cum solutione, erat enim argumentum Deum operari sufficienter in omni operante, quia omnibus dedit virtutes operandi, easque conseruat. Respondet autem non solum hoc modo operari in omnibus causis secundis, sed etiam eas *applicando* ad agendum, quod verbum *applicandi* statim alij ad concursum prauium applicant. Ego verò, vt responsio D. Thomæ sit sufficiens, inde colligo in phrasi, & modo loquendi D. Thomæ etiam applicationem ad agendum secundi agentis à primo, quæ sit per se ac intimè, & quasi essentialiter requisita, non esse aliam ab ipsa. Actione, qua secundum agens intimat, & quasi in actu secundo ita applicatur ad agendum, vt passum virtute sua coniungat, ac proinde non fieri à Deo, nisi per concursum in seismet actione imbibitum. Nam si hoc ita non esset, non satis respondisset D. Thomas Deum non tantum operari dando, & conseruando virtutem agendi, sed etiam applicando ad agendum, quia si illa applicatio esset prauia, adhuc ex vi illius Deus non concurreret immediate, & per se ad actionem causæ secundæ, ita vel per accidens dando aliquam conditionem sine qua non, vel ad summam dando complementum aliquod virtutis agendi, quam doctrinam paulo post tractando locum alium quæstionis 3. de potent. magis explicabo.

Denique ad hoc confirmandum expendo, & declaro verba tituli illius articuli, vtrum Deus operetur in omni operante, illa enim particula *in*, duobus modis potest intelligi, primò vt dicat habitudinem subiecti, ita vt quærat an omne operans sit subiectum in quo Deus operetur. Secundò dicere potest particula *in* habitudinem intimæ præsentie ad operandum, ita vt sensus sit, an Deus in omni operante operetur, tanquam in illo intimè existens, & cum illo intimè operans. Quod ergo D. Thomas in priori sensu quæstionem non mouerit, facile persuaderi potest ex dictis, quia neque ex argumentis aliquid obicit contra illum sensum, nec argumentum, sed contrà ex verbis Isaie sumptum in illo procedit, nec in corpore articuli ad illam respondet, neque aliquam rationem affert, qua responsionem in illo sensu affirmantem comprobet. Intendit ergo alium sensum, quem non solum dicta omnia contrario modo inducta indicant, sed etiam verba participialis assertionis responsiue apertè declarans, sic enim concludit, *sequitur quod Deus in omnibus intimè operatur*. quod sufficientissimè & verissimè ratione conseruationis formæ, & virtutis agentis simul cum concursu simultaneo eiusdem actionis intelligitur. Ex explicatur optimè ex verbis eiusdem D. Thomæ 1. part. quæst. 8. art. 1. ad 3. vbi ait, hoc ad maximam virtutem Dei pertinere, quod immediate, in omnibus agit: vnde nihil est distans ab eo, quasi in se illum non habeat.

Discursum, & ponderationem huius loci qui in hac materia esse debet capitalis, multum confirmat modus loquendi D. Thomæ de hoc concursu in hac materia de gratia 1. 2. quæst. 109. ferè per totam: nam in 1. art. sic ait. *Actio cuiuscumque agentis creati pendet à Deo quantum ad duo, vno modo in quantum à Deo habet formam, seu perfectionem per quam agit: alio modo in quantum mouetur ab ipso ad agendum*. Deinde addit agens creatum per propriam formam habere efficaciam ad effectum sibi proportionatum: vt autem ultra illum agat indigere forma superaddita; satis apertè insinuans ad effectus proportionatos non indigere forma, vel perfe-

ctione superaddita, sed tantum motione, id est, adiutorio, & cooperatione primi agentis. In quo testimonio duo pondero, vnum est duo tantum postulare D. Thomam ad actionem causæ, vnum ex parte ipsius causæ, scilicet virtutem agendi; alterum ex parte Dei motionem, seu concursum, ac proinde alienum esse à mente D. Thomæ duas actiones, vel motiones ex parte Dei postulare. Alterum est quando causa secunda habet virtutem proportionatam suo effectui non indigere ad agendum noua virtute, aut perfectione in se recepta, ac subinde tunc non esse necessarium influxum in causam, quia si talis influxus esset necessarius, non posset per illum non dari causæ noua perfectio, & virtus actiua ultra illam, quam naturalem habet, vt suprà cap. 28. ostensum est, hoc tamen apertè D. Thomas negat. Eodem modo in art. 2. 3. & 9. vnicum tantum concursum generalem ad opera naturalia requirit, quod vocat *auxilium Dei mouentis*, vt suprà vidimus: cur autem ita illum appeller, suprà etiam tractum est, & paulo post iterum dicetur.

Ad hæc loca respondent aliqui ex Thomistis, sub motione Dei comprehendere D. Thomam concursum prauium, & simultaneum, eoque licet realiter inter se distinguantur, tanquam vnum numerate, quia ordinantur ad vnum effectum, & ideo quasi vnum censentur. Sed hæc expositio à nullo antiquo Thomista data est, nam Capreol. in 2. d. 28. quæst. 1. ad 12. vt suprà allegaui, negans cum Gregorio necessitatem motionis præuie ad auxilium generale, dicit, concordare D. Thomam, & citat hunc locum. Contradus etiam ibi de vnica influentia generalis concursus hæc loca intelligit referens ad ea, quæ dixerat quæst. 9. art. 4. vbi in fine corporis ait illam generalem influentiam esse solam efficientiam actionis voluntatis prout est à Deo præter alia, quæ ex quæst. 79. suprà allegauimus. Deinde est alia expositio contra proprietatem verborum, & voluntaria, quia illo modo etiam virtus actiua causæ secundæ, & concursus Dei sunt vnum, quia ad vnum effectum ordinantur, & in beatitudine dici posset, duo tantum requiri ad videndum Deum, scilicet, lumen, & intellectum, quia licet requiratur obiectum, seu diuina essentia per modum speciei, vnum censetur cum lumine, quia ad eundem effectum tendit. Denique mirum profectò est, vt suprà dicebam, quod D. Thomas crediderit duas motiones Dei esse necessarias, & quod toties, & in tot articulis semper de illis vt de vna tantum loquatur, propter solum ordinem ad eundem effectum, cum id sit valde metaphoricum, & inusitatum.

Alij ergo interpretantur D. Thomam loqui in illis articulis de concursu prauio, & in causam. Ita exponit Aluarez & probat, quia S. Thomas dicit, *quod per illam motionem Dei accipiat virtutem ipsa causa secunda ad operandum*. Longè verò aliter exposuit ibi Caietanus, nam dicta quæst. 109 art. 1. in principio dicit asserre D. Thomam illud principium, quod agens secundum indiget motione primi agentis ad mouendum, vt ostendat, *quod non solum dependemus in esse, & conseruari, sed etiam in operari, itaque ipso non cooperante non possemus operari*. vbi per illam motionem intelligit diuinam cooperationem, & nihil aliud existimat necessarium. Deinde si D. Thomas loquitur de concursu prauio, cum vnicum tantum requirit, sequitur ex illius sententia non esse necessarium concursum immediatum Dei in actionem creaturæ, sed in illam solum influere medio concursu prauio, quod nec dictus author admittit, neque dici potest, vt in cap. 28. & sequenti latè declaratum est. Deniq; falsò D. Thomæ imponitur quod in aliis articulis

7.  
Responsio  
ad illa loca  
reducitur.

Capreol.

Contrad.

3.  
Aliarum  
articulorum  
explicatio  
tenetur  
Aluarez.  
Caietan.

6.  
Alia loca S.  
Thomæ quæ  
prauum illum  
conferunt.  
1. 2. 109.  
6. 1.

articulis dicat causam secundam accipere virtutem ad operandum à prima per motionem prauiam; nihil enim tale in illis articulis inuenitur, sed solum quod causa secunda pendet à prima quoad duo, scilicet, quoad virtutem agendi, & quoad actualem motionem, non tamen dicit accipere virtutem, sed potius ait virtutem supponi ad motionem quando effectus est proportionatus naturali virtuti causae secundae, & tunc negat esse necessarium aliquid perfectionis illi addi. Vnde alij Thomistae etiam si dicant prauiam motionem esse necessariam, negant per illam addi, vel consummari virtutem agendi, quia alias tolleretur omnis sufficientia causarum secundarum ante actualem concursum Dei. Et idem P. Alvarez negat illam motionem tenere se ex parte actus primi, quod planè repugnat, si dat causae virtutem ad operandum, ut in dicto cap. 28. & sequenti latè dictum est. Necessarium ergo est, ut D. Thomas loquens de vna generali motione primi agentis per illum concursum simultaneum intellexerit, quia ille est intimior, & ex vi essentialis dependentiae euidenter necessarius.

Atque ad hunc modum possunt induci omnia, quae de ista dependentia, & motione causae secundae à prima tradit latè D. Thomas 3. contra gent. cap. 66. & 67. quae solent in contrarium allegari, quia in eis dicit Doctor sanctus omnes causas secundas agere in virtute primae, & Deum esse causam operandi omnibus operantibus; nam utrumque volunt aduersarij intelligi propter influxum prauium in causam. Sed non ita est; nam si omnes actiones quas illis capitulis ad illam conclusionem probandam D. Thomas assertit, attentè considerentur, nihil de tali concursu prauio in eis inuenitur. Quia solum duobus praecipuis modis declarat Deum esse aliis operantibus causam operandi, scilicet, quia eis dedit virtutes operandi quas semper conseruat, & quia agere non possunt, nisi Deus illarum effectibus, & actionibus esse influat, quod facit per concomitantem concursum; & ratione illius dicuntur omnia agere in virtute Dei, ut paulo post in cap. seq. ampliùs explicabo.

In cap. verò 70. ut declarat, quomodo idem effectus sit à Deo, & naturali agente, priùs obicit tria argumenta, quae omnia supponunt illam efficientiam in hoc consistere, quod virtus diuina, & virtus causae vna, & eadem actione totum effectum naturalem producant. Deinde modus illius causalitatis per hoc solum declarat, quod primum agens dat secundo virtutem agendi, & conseruat eam, & applicat illam ad agendum, ubi necesse est loqui de applicatione, quae per se & immediatè sit effectus. Nam inde infert, sicut secundum agens immediatè est actiuum, ita virtutem primi agentis esse immediatam ad producendum effectum, quod certè non esset consequens, nisi illa applicatio ad agendum esset intima ipsi effectus, & per actionem ipsam per se, & immediatè terminatam ad ipsum fieret, ut circa solutionem ad tertium primi testimonij ponderaui. Et iuxta hunc sensum procedunt reliqua, quae respondendo ad argumenta docet. Nam in primis concedit unicam esse actionem causae primae concurrentis cum secunda, & ipsius causae secundae, neque in generali concursu ponit vnquam aliquam actionem quae sit solius Dei. Deinde ostendit neutram causam esse superfluum, quia secunda agit in virtute primae, quatenus ab ea essentialiter in agendo pendet, & quia prima vult locum agendi concedere causae secundae, illi efficientiam suam ex immensa sua bonitate attemperat. Ac tandem ex eo-

Fr. Suarez de Gratia Pars I I.

A dem principio facile declarat, quomodo totus effectus sit à duabus causis subordinatis inter se. Non dicit autem aliquà ex his causis, scilicet, primam habere duplicem influxum in effectum distinctum ab influxu causae proximae, nimirum vnū per virtutem instrumentariam denuò, & actualiter factam in causa secunda & aliū immediatū in ipsum effectum, & proximè procedentē à virtute increata in ipso Deo existēte, alioqui debuisset D. Thom. etiam respondere cur hoc superfluum non sit, vel quae imperfectio causae secundae tot Dei actiones, & influxus requirat, quod sēper in agēdo niti debeat satis illi sit ad dandū esse suo effectui, & ad depēdentiā, quā in hoc debet ab ipso esse per effectum.

B Alia sunt plura D. Thomae loca, quae in vtramque partem ab auctoribus vtriusque sententiæ agitantur, quae nunc omitto, quia vel superioribus limilia sunt, vel in argumentis primae sententiae tanguntur, & in e. sequenti tractabuntur, vel pertinent ad concursum cū voluntate libera, de quo dicere incipimus c. vel denique pertinet ad auxilium efficax gratiae, de quo in lib. 5. dicturi sumus. Aliis ergo omissis praetermittere hic non possumus locum celebrem in q. 3. de potent. art. 7. quo nos maxime premunt defensores prioris sententiae, quia in eo, praesertim in solut. ad 7. aperte videtur D. Thom. ponere in causis secundis duplicem virtutem necessariam ad agendum, vnam firmam, & permanentem, quae est virtus connaturalis unicuique causae, aliam fluentem, quae à Deo fit in re naturali, & per eam actualiter agit, & de hac dicit esse per modum intentionis, & habere esse incompletum ad instar motus instrumenti, vel ut species coloris in aere, propter quae verba dixi in lib. 1. de Auxiliis D. Thomam in eo loco sensisse dari in causa secunda aliquid prauium actu inditum à causa prima ad agendum; illam verò sententiam postea tacitè retractasse quae responsio reuocatur à nouioribus Thomistis, & video antiquiores etiam non ita de eo loco sensisse; nam Capreolus, & Caietanus, ut supra dixi, doctrinā illius articuli allegant, & sequuntur tanquā consentaneā, & conformem doctrinae eiusdē S. Doctoris, & ideo paulo diligētius articulum illū considerare libuit, & simul occasione illius omnia, quae de reliquis locis diximus, ampliùs declarem, & cōfirmemus.

Primò ergo considerandus est discursus corporis articuli, in quo impugnato errore, qui secundis causis proprias suas efficientias negabat, ita concludit. *Non ergo sic est intelligendū, quod Deus in omni re naturali operetur, quasi rei naturalis nihil operetur, sed quia in ipsa natura, vel voluntate operante Deus operatur.* vbi particula *in*, (ut supra notauimus) non dicit habitudinem ad naturam, vel voluntatem ut subiectum, sed ut principium operationis suae, ratione cuius dicitur Deus in ea operari; aliàs nec assertio responderet quaestioni, neque per illa verba explicaretur Deum efficere ipsammet operationem naturae. Nam in titulo nō quaesuit, an Deus operetur in natura operante, sed an operetur in operatione naturae, id est, an operetur ipsammet operationem naturae in eodem ergo sensu loquitur in illa assertionē affirmando Deū efficere operationem naturae, & volūtatis, & ideo statim aggreditur explicare modos quibus vna causa esse potest principium actionis alterius: ponit autem quatuor modos. Primus est dando virtutem agendi, secundus est conseruando illam, tertius ut applicans, & mouens virtutem agendi inferioris causae, quartus ut principale agens respectu instrumenti. Ex omnibus his modis dicit,

21.  
Omittuntur  
alia loca D.  
Thomae.

Locus q. 3.  
de potent.  
art. 7.

12.  
Explicatur  
accuratius.

Q

cir,

Alvarez.

9.  
Explicatio  
aliorum lo-  
corum quae  
ab aduersa-  
riis asserun-  
tur ex S.  
Thoma lib.  
3. contra  
gent. c. 66.  
& 67.

10.  
Explicatur  
c. 70. lib. 3.  
contra gent.

cit, Deum esse causam efficientem actionis causæ secundæ: ex illis tamen quatuor modis duo primi ad præsentem quæstionem non spectant: nam etiam Durandus & alij qui negant necessitatem generalis concursus, illos modos non negant, quia illi modi efficiendi non sunt per se, & immediati respectu actionis creaturæ, sed remoti, & quasi per accidens, sicut causa causæ, est causa causati, sed præmittuntur à D. Thomæ, tam in illo loco, quàm in alijs, quia explicant essentialem dependentiam causæ secundæ, & virtutis eius in suo esse à causa prima, ex qua oritur dependentia etiam in agendo. Oportet autem notare illos duos modos necessariò esse per actiones, seu influxus in re ipsa distinctos, quia productio, & conseruatio esse potest eadem actio continuata. Vnde per se tantum distinguuntur habitudine ad esse, vel non esse, quod præcessit, vt ex Metaphysica constat.

13.  
Quomodo  
D. Thom.  
Deum mouere causam  
secundam ad  
agendum.

Tertius modus quo Deus dicitur causa actionis causæ secundæ, erat quatenus mouet illam ad agendum, & addit D. Thom. hæc verba. *In quo non intelligitur collatio, vel conseruatio virtutis actiue, sed applicatio virtutis ad actionem*, per quæ explicat satis hunc motum non esse talem cogitandum, vt per eum conferatur causæ secundæ noua aliqua virtus agendi, & consequenter non esse concursum præuium, qualis à nouioribus Thomistis cogitatur. Nam quidam illorum fatentur addere cõplémentum virtutis; alij verò licet nomen refugiant, rem planè fatentur, dum aiunt per illam motionem conferri causæ secundæ aliquid quod est formale principium efficiendi actionem causæ secundæ: ex quo necessariò sequitur tale principium conferri causæ secundæ per illam motionem, ac subinde conferri aliquam virtutem agendi, principium enim agendi per se non agit sine virtute, vt est per se notum. Explicat ergo D. Thomas motum illum esse tantum applicationem virtutis ad agendum, quod duobus modis potest intelligi.

14.  
Primus modus explicandi dictum illud.

Primò proprio, & vulgari modo de applicatione antecedente, quæ solet esse conditio necessaria ad agendum, & antecedere solet in agentibus creatis quoties agere incipiunt, maxime quando agunt ex necessitate naturæ, nam de liberis postea dicemus. Illa enim cum positis omnibus requisitis ad agendum necessariò agunt, si habeant totam virtutem per se necessariam ad agendum, & non agant, non potest esse nisi ex defectu alicuius conditionis necessariae, quam applicationem præuiam ad agendum nunc vocamus: ac proinde si virtus est eadem, & antea non agebat, & nunc agere incipit, necesse est, vt aliqua applicatio præcesserit. Sed in hoc est notanda differentia inter potencias vitales, quæ immanenter agunt, & virtutes agentes actione transeunte, nam in prioribus semper applicatio materiæ circa quam, fit per aliquam mutationem in ipso agente, quamuis fit semper necessaria in eadem potentia; etenim si potentia sit appetitiua, requirit præuiam applicationem materiæ, quæ fit per cognitionem, & sic applicatio illa fit per mutationem in apprehensua potentia. Si verò sit apprehensua, & antea nihil operetur, oportet, vt ab aliquo obiecto exciteretur, quod non fit sine aliqua mutatione, & impressione speciei; si verò iam operatur, potest per potetiam appetentem ad alium actum applicari, & tunc applicatio fit per mutationem in appetitu factam. At verò in his, quæ agunt actione transeunte, applicatio sæpè fit per motum ipsius agentis; aliquando verò fieri potest per solam passi mutationem. In toto autem hoc genere applicationum, motio quæ interuenit fit or-

A dinariè, seu intra ordinem naturæ sistendo per causas secundas, & per motus physicos, & nobis notos, vt sunt motus locales in rebus inanimatis, & actus vitales per productiones phantasmatum, aut aliarum specierum intentionalium in viuētib. Et simul etiam tota hæc applicatio fit à prima causa vt concurrente cum secunda mouente, & applicante aliam, & tunc respectu applicantis actiue Deus agit per concursum simultaneum; respectu verò causæ applicatæ est motio præuiæ, nō tamen per se requisita ex vi essentialis dependentiæ à prima causa, sed ex defectu conditionis requisitæ, quæ supponitur præcedere, quod accidentariū est. Nec etiam illa semper recipitur in causa, quæ applicatur ad agendum, sed tunc solum quando applicatio fit per directam actionem in ipsam, quod non est in omnibus necessarium, vt declarauit.

Præter hos autem modos applicationum, non potest cogitari alius qui fit per motionem conditionis tantum præuiæ ac necessariæ ex parte causæ secundæ, vt præcisè in actu primo intellectæ. Et ideo sicut in locis antea tractatis dixi, ita & in hoc verisimile mihi non est D. Thomam loqui in hoc modo applicationis. Nam licet verissimū sit, quoties illa applicatio necessaria est, & fit, illam facere Deum, tamen neque est per se necessaria in omni actione creaturæ, neque fit immediatè à solo Deo secundum commune cursum naturæ: hic autem tractamus de concursu, quem Deus per seipsum, & immediatè confert in omni operatione causæ secundæ. Et ideo illo peculiari modo ipsamet exhibitio actionis potest dici applicatio agentis ad agendum, non præuiæ, seu in actu primo, sed quasi formalis, & in actu secundo, & hæc per se necessaria est in omni agente, quoties de nouo agere incipit; & de hac intelligo loqui D. Thomam, & in illo articulo, & quoties dicit, Deū per generalem concursum applicare causam secundā ad agendum. Ad hoc autem nō est necesse vt aliquid præuium ponat in causa secundā, imò neque illud intelligi potest, quia cum sit formalis applicatio, quæ per ipsam fit, inter illam, & principium agendi nō potest altera applicatio intercedere, nam omnis alia quæ cogitari potest, præcedit, & tenet se ex parte actus primi; hæc ergo applicatio eo modo à Deo fit, quo ipsa actio causæ secundæ, cum sint idem: actio autem fit per se, & immediatè à Deo per seipsum, seu per concursum simultaneum in ipsa; ergo eodem modo fit dicta applicatio; ergo propter illam non oportet D. Thomam in illo tertio modo ponere influxum præuium in causa.

Instabis expresse D. Thomam docere per hanc applicationem moueri virtutem causæ secundæ ad agendum: quomodo autem moueri potest nisi aliquid in se recipiendo? Vnde D. Thomas semper vtitur exemplis, quæ supponunt motum receptum in re quæ applicatur ad agendum, vt est applicatio cultelli ad sciendum, vel calami ad scribendum. Respondeo D. Thomam vti verbo mouendi ad explicandā dependentiam secundi agentis à primo, & superioritatem ac potestatem primi agentis in secundum: non oportet autē illud verbum in physico rigore, & proprietate sumere, sed iuxta materiæ exigentiam ac capacitatē. Sicut ergo applicare causam secundā ad agendum, nihil aliud est, quàm illā actioni suæ subiungere, ita mouere illā ad agendum, per se, ac formaliter loquendo, non est nisi illā actu agentē cõstituere, quod nō aliter fit effectiue à Deo, nisi efficiendo ipsam actionem eius, quod facit per influxum in ipsa actione imbibitū. Et sic etiam dixit D. Thom. in eodē art. & in 1. p. q. 3. art. 3. ad 3. *virtutem causæ primæ coniungere causam secundam*

15.  
Reiciunt  
motio præuiā.

16.  
Obicitur S. Thomam  
vti verbo  
mouendi.

Respondetur.



suo effectui. Non enim coniungit illam, nisi vel potestate, dando illi virtutem agendi, vel actu efficiendo actionem eius, hoc enim modo applicat vltimatē illam, & mouet, seu iuuat potius ad agendum.

17.  
Explicatur  
responsio.

Addere verò possumus Deum concurrere cum causa secunda per voluntatem suam præbendo concursum; potest ergo actio causæ secundæ comparari, vel ad actionem Dei externam, vel ad voluntatem Dei: priori modo non tam dicitur causa secunda moueri à Deo, quàm iuuari, vel cum illa cooperari Deum; posteriori autem modo dici potest moueri à Deo ad agendum, non per impressionem externam, & præuiam in illa factam, sed per quandam subordinationem, ad eum modum quo intellectus dicitur moueri à voluntate, quando ad credendum applicatur, non quia voluntas aliquid imprimat intellectui ad actum fidei, & principium illius, vt quidam nouiter inducere tentant, sed propter sympathiam, & naturalem subordinationem potentiarum, vt est communis Philosophorum consensus. Sic ergo dicitur causa naturalis moueri ad agendum per voluntatem diuinam, quia eo ipso, quod illa est sufficienter constituta, & expedita in actu primo ad agendum, si vult illi præbere concursum, statim prodit in actionem, etiamsi voluntas Dei nihil nouum in illam exprimat. Est tamen discrimen in exemplo adducto, quia voluntas hominis applicando intellectum, neque aliquid præuium illi imprimit, neque per se, & immediate influit in actionē intellectus; voluntas autem Dei applicando causam secundā efficit per se, & immediate actionē eius, & efficiendo actionem, causam etiam secundā ad agendum applicat.

18.  
Quid sit  
apud S. Tho-  
mam Deum  
agere cum  
causa secun-  
da per mo-  
dum causæ  
principalis.

Superest quartus modus, quem in eodem articulo D. Thom. addit, dicens Deum efficere actionem causæ secundæ per modum principalis agentis, in cuius virtute causa secunda tanquam eius instrumentum agit, quod longo discursu declarat, tamen summa est, quod solus Deus dat esse virtutis propria: aliæ autem causæ in virtute Dei, de quo principio in capite sequenti plura dicturi sumus. Nunc quod ad hunc locum attinet, manifestum est, cum D. Thomas ait, *agentia secunda dare esse in virtute Dei*, non loqui de virtute creata, & instrumentali, quam Deus prius natura influat in causam ipsam secundam, sed de virtute increata, quæ est idem cum ipsa essentia Dei. Inde enim inferius probat Deum immediate agere in omni agente, quia virtus Dei immediatius dat esse cuiuslibet effectui quàm virtus creata: virtus autem Dei est ipsa essentia diuina, & ideo vbicunque operatur virtus Dei, operatur etiam immediate ipse Deus; loquitur ergo de virtute increata. In eodem ergo sensu dicit, *quod Deus in qualibet re operatur in quantum eius virtute* (vtique increata) *qualibet res indiget ad agendum*. Ergo respectu illius virtutis increatæ dicuntur causæ secundæ instrumenta, non quia virtutem instrumentariam in se recipiant, sed quia in actionibus suis nituntur in virtute ipsa increata Dei, & quia ad nutum voluntatis Dei operatur, & quia ab ea, vt à principali causa pendunt, & illius cooperatione tanquam præcipua motione indigent. An verò causæ secundæ dicendæ sint principales causæ, vel instrumentales, quantum præsens materia postulauerit, in capite sequenti attingemus; siue verò vno, siue alio nomine, siue vtroque diuersis rationibus appellentur (quod fortasse de modo loquendi est,) nunc satis nobis est, quod vt dicuntur dare esse in

Fr. Suarez de Gratia Pars II.

A virtute Dei, non oportet vt ad agendum nouā virtutē, præter cōnaturale à Deo recipient, quia quælibet naturalis virtus, quatenus finis est, & permanens ac congenita cum creatura, est virtus instrumentaria illo modo respectu Dei, & ratione sui esse non potest nisi in virtute Dei dare. Vnde in eodem articulo ad 4. ait D. Thomas, quod tam Deus, quàm natura immediate operantur; & ad 5. ait, virtutem inferiorem intrinsece esse instrumentum superioris virtutis, vtique Dei. Vnde subdit exclusa superiori virtute, inferior virtutis operationem non habet. Solū ergo petit ipsam virtutem diuinam, quæ inferiorem iuuat, atque ita concludimus etiam hunc quartum modum efficiendi Dei in operibus causarum secundarum, non postulare præuium influxum causæ primæ in secundam, sed per efficientiam principaliorē Dei in eandem actionem, & effectum sufficientissimē perfici.

Dices ergo, quartus modus efficiendi non differt à tertio, & superflue D. Thomas tot modos efficiendi Dei cum causis secundis numerauit, cum reuera vnus tantum sit, scilicet per simultaneam cooperationem, vel ad summum duo, vnus mediatu dādo virtutem agendi, alius immediatus simul concurrente. Respondeo quamuis duo primi modi formaliter non pertineant ad actuale concursum, nihilominus, vt iam dixi, à D. Thoma esse præmissos non tantum hoc loco, sed etiam in aliis suprà traditis, quia valde conducunt ad intelligendam radicem, & causam necessitatis auxilij, seu concursus actualis, quia ex dependentia in esse nascitur dependentia in agere. Deinde sicut priorem modum agendi per actionem remotam in duo distinxit D. Thomas, licet in te non dicant actiones distinctas, sed vnā permanentem cum duplici habitudine, vt adnotauimus, ita in duobus modis vltimis non oportet cogitare duas actiones Dei in re distinctas, quia reuera non sunt, neque in illo art. à D. Thoma asseruntur. Imò contrariæ sententiæ assertores tam ex tertio, quàm ex quarto modo positis à D. Thoma colligunt, & probant concursum præuium, nam per illum dicunt applicari causam secundam ad agendum, & per eundem moueri vt instrumentum diuinæ virtutis; ergo ex

D sententia illorum illi duo modi non requirunt duas actiones ex parte Dei, nos verò addimus illam actionem non esse nisi concursum simultaneum, quia per illum sufficientissimē vterque modus fit. Et ex mente D. Thomæ id confirmamus, quia alias in omnibus illis quatuor modis cooperationem simultaneam Dei, quæ maxime necessaria est, in prima causa omisit, quod est incredibile. Scio dicturos vnā sub alia comprehendisse, quia vna ad aliam ordinatur, sed non est hoc verisimile, quia intentio principalis erat ostendere immediatum influxum in actionem, quia hic est per se requisitus in prima causa, & hic significatur, cum dicitur Deus esse causa per se actionis creaturæ, & ad hoc declarandum tendunt tertius, & quartus modus agendi à D. Thoma positi. Illis ergo modis Deus operatur per vnum concursum simultaneum. D. Thomas autem illos distinxit, vt duas perfectiones in Deo, vt duas veluti dependentias in causa secunda nobis explicaret. Vna est, quia omnis causa secunda, quamuis naturaliter agar, non potest applicari ad agendum sine voluntate Dei, & ideo eius actio semper est in Dei dominio, & hac ratione dicitur Deus applicare causam secundam ad agendum, quia si suspendat concursum, non potest applicari: si au-

19.  
Altera ig-  
nancia.

Rescindit

E

Q 1 rem

rem illum præbeat, illam applicari finit, & illam etiam applicat, actionem eius cum illa efficiendo. Alia est, quod Deus solus per se sufficit ad dandum esse, quia solus est ipsum esse per essentiam; creatura verò sicut non potest habere esse, nisi à Deo, ita non potest dare esse, nisi adiuta virtute Dei, quam ob causam dicitur dare esse ut instrumentum Dei pariter illud efficientis. Et ita illi duo modi magis explicant duas rationes necessitatis concursus diuini, quàm duas actiones in eodem concursu distinctas. Quapropter ex toto illo corpore articuli sincere intellecto, nihil est, quod concursum non confirmet.

20. **Tertia in-**  
**stantia.**  
**Ferrariens.**  
Solum nobis facessit negotium solutio ad primam, quia in ea videtur distinguere D. Thomas duplicem virtutem, quam Deus dat secundæ causæ, vnam per modum formæ habentis esse ratum, & firmum, aliam per modum intentionis, & motionis transcurrentis, prout intellexit Ferrar. 3. cōtra gent. cap. 70. & sequuti sunt alij Thomistæ recentiores, quorum expositio olim visa est verbis consentanea: tamen quia ille locus cum aliis collatus non est tantæ autoritatis, in illo examinando nō multum laboraui, & tacite à D. Thoma reuocatum dixi, quia reuera in nullo alio loco similibus verbis vsus est, neque aliquid fluens per modum intentionis in Dei concursu inteuenire dixit. Nunc autem motus auctoritate Capreoli, & Caietani attentius consideravi discursum illius articuli, & planè intellexi, in quarto illo modo agendi, quo D. Thomas dicit, creaturam agere per virtutem Dei, non agere de virtute instrumentaria à Deo Deo facta in creatura, sed de ipsa virtute increata Dei, ut iam ponderaui, & ex ipso contextu manifestè ostendi. Estque modus ille loquendi satis proprius, ut D. Thomas ipse ex professo declarat 1. p. quæst. 36. art. 3. ad 4.

21. **Capreolus.**  
**Caietanus.**  
**Reiicitur.**  
Hinc ulterius animaduerti cum proportionem intelligendum esse, quod idem D. Thomas in dicta solutione ad 7. maxime docet, non potuisse communicari creaturæ ut ageret sine operatione Dei, quia licet illi dari potuerit virtus propria, non tamen vis illa qua agit ut instrumentum primæ causæ; quæ quidem vis, ut declarauimus, non est nisi ipsa virtus diuina adiuvans virtutem creatam ad agendum; igitur ideo non potest virtus creaturæ talis esse, ut non indigeat operatione Dei, quia non potest esse ipsamet virtus Dei, neque potest illi dari, ut sit vniuersale essendi principium, ut idem D. Thomas subiungit. Ex quibus tandem probabilissimè dici posse existimo, etiam in principio illius solutionis, non loqui D. Thomam de virtute creatæ fluentis indita causæ secundæ, prius quàm agat, sed solum de ipsamet cooperatione Dei, quam comparat D. Thomas motioni instrumentariæ, non quia in omnibus seruet similitudinem, sed solum in actuali dependentia à superiori agente: in alijs verò non oportet seruari similitudinem, quia nec causæ secundæ, sunt propriè instrumenta, ut infra dicam, nec exempla oportet esse in omnibus similia.

22. **Confirmatur.**  
Cum ergo D. Thomas ait, præter virtutes naturales, & permanentes rerum naturalium, id quod à Deo fit in re naturali, quæ actualiter agat esse ut intentionem solum, &c. de actuali quidem motione Dei intelligendum puto, non tamen ita fieri in re naturali, ut fiat in ipsa causa secundæ, vel virtute eius tanquam in subiecto recepta (nisi quando in illa recipitur propria actio, sed ita ut generaliter, & per se loquendo fuit in re naturali quoad actionem eius, quia id, per quod immediatè

A Deus iutat causam secundam ad dandum esse suo effectui, & ipsamet actio prout fuit à Deo, & ideo dicitur esse quasi motio artis, vel ad modum intentionis. Et hoc modo facile creditur, & rectè intelligitur, non potuisse communicari creaturæ agere sine virtute principali Dei mouente, sed adiuvante ipsam. Procedetque exemplum D. Thomæ cum proportionem quadam: nam sicut instrumento artis, ut securi, tribui nequit, ut absque fabri motione per se scindat, ita nec causis secundis, quæ veluti instrumenta diuinæ artis sunt, tribui potest ut sine supremi artificis influxu efficiant. Ad hunc ergo modum potest ille locus exponi, ut nec assertioni nostræ, nec doctrinæ eiusdem authoris in alijs locis, imò in eodem articulo in corpore contrarius sit. Si autem alicui visum fuerit vim aliquam inferri illi literæ, potest persistere in priori responsione à nobis data, nam sine dubio sententia D. Thomæ in alijs locis satis perspicua est, & in eis si modum loquendi non corripuit, quoad sensum doctrinæ saltem emendauit clariùs loquendo, quod maxime ex his, quæ de causis liberis dicemus, confirmabitur.

## CAPVT XXXIX.

*Quid Aristoteles, vel antiqui Philosophi de necessitate concursus præuij in causis secundis naturaliter agentibus senserint.*

SUPEREST ut de Philosophis, præsertim de Aristotele, pauca dicamus. Nam P. Alvarez ita dicit, suam sententiam esse expressam Aristotelis, sicut Augustini, & Thomæ. Ad id autem probandum adducit hæc verba Aristotelis 8. Physic. cap. text. 53. *Vtraque igitur mouere dicimus, & primum, & vltimum mouentium, sed magis primum, illud enim mouet vltimum, sed non hoc primum, & sine primo quidem vltimum non mouebit, illud autem sine hoc, ut baculus, non mouebitur, nisi moueatur ab homine.* In quibus verbis sentit Aristoteles quod sicut baculus non mouebit aquam, nisi moueatur à manu, ita neque causa secunda agat aliquid, nisi moueatur à prima. Habetque vim hoc testimonium, supposito alio principio eiusdem Aristotelis, quod agentia creata non mouent nisi motu 7. Physic. c. 1. & lib. 8. c. 5. & intelligit de proprio motu recepto in ipso agente, quia inde concludit deueniendum ad vnum primum mouens immobile. Tandem allegat Aristotelem in lib. de caus. propos. 1. & 16. dicentem virtutem diuinam esse virtutem omnium causarum, & coniungere illas suis effectibus.

Sed in primis in his locis nihil intusio ab Aristotele dictum de modo concursus primæ causæ cum secunda: nam in prioribus locis non tractat de omnibus causis efficientibus, sed de mouentibus motu physico. Vltimus autem locus non est Aristotelis, sed vel Procli, ut quidam volunt, vel alicuius incerti authoris Arabis, & D. Thomas in principio Comment. eiusdem libri sentit. Deinde neque priores propositiones in vero sensu applicatæ cum proportionem ad quamcumque causam efficientem, neque posteriores aliquid obstant assertioni positæ, sed illam potius confirmant, ut statim declarabo. Prius tamen aduerto non satis constare ex doctrina Aristotelis quid ipse senserit de immediato concursu primæ causæ ad

1.  
P. Alvarez.  
Verba Aristotelis adducta ab aduersariis.

2.  
Explicantur illa verba.

Dubia mens  
Aristotelis  
de immedia-  
to causæ pri-  
mæ concur-  
su cum se-  
cundis.

ad omnes actiones causarum secundarum. Nam in lib. de Mundo ad Alexandrum versus finem, id planè negare videtur ab illis verbis. *Reliquum est ut summum differamus de causa qua omnia continent, & de qua inquit: Vetus fama est, & quidem hereditaria mortalium omnium vniuersa à Deo, & per Deum nobis esse constituta; nec verò ulla natura per se sufficit orbatæ salute, quam ipse ferat.* Nihilominus statim latissimè docet Deū non immediatè ac per seipsum omnia facere, neque omnibus præsentem esse, sed in sublimi loco existentem inde virtutem suam diffundere, primò quidem, ac præcipuè in cælestia corpora, & interea efficacius in ea, quæ sibi propinquiora sunt, ac proinde hæc terrestria diuinam vilitatem (ut ait) infirmius participare. Vnde sic concludit. *Itaque rectius est indicare, quod etiam conueniens & Deo maxime decorum intelligitur in cælo virtutem esse constitutam & plurimum remotis, ut vno verbo rem absoluiam, & omnibus in vniuersam salutem asferre, quam penetrare, & eo frequenter accedere, ubi neque honestè, neque liberaliter ipse per se conficeret, quæ apud nos essent.* Quod postea exemplo Imperatoris humani latè declarat & suadet, ac iterum concludit. *Gravius, & decensius existimabimus Deum constitutum esse summo in loco, & virtutem eius per vniuersum mundum diffundi. Solem, & Lunam versare, & cælum totum conuerrere, auctorèque esse salutis eorum quæ in terra continentur.* Et postea declarat illo simplici motu Deum hæc omnia inferiora operari, & hoc putat ad efficaciam virtutis eius pertinere. Et infra iterum sic ait, *Natura diuina de simplici quadam rei prima motu proximis largitur, atque de his iterum ad remotiora quoad per vniuersum transeat. Aliud enim ab alio motum, & hoc rursus aliud videtur agitare cum mundo.*

3.  
Negat Ari-  
stoteles hūc  
concursum  
immedia-  
tum.

Albertus

Ex quibus euidenter apparet Aristotelem non credidisse, Deum per seipsum, & immediatè operari omnia causarum secundarum opera immediatione, ut alunt, suppositi, sed ad summum immediatione virtutis. Imò nec de hac immediata virtute sensisse videtur esse aliam ab influentia cælorum, quæ ab ipso Deo mouente cælum originem ducit; & ideo virtus etiam dicitur, quia per virtutem eius efficitur. In hoc autem Aristoteles grauiter errauit, & de Deo, & de efficientia eius humiliter ac indignè sentit: ideo tam de illo, quàm de aliis Philosophis ita dicentibus, meritiò dixit Albertus in 1. d. 45. art. 3. *Quidam Philosophi excluderunt voluntatem Dei ab operibus naturæ, dicentes eum tantum posse mouere primum mobile, alia verò moueri diue sinodè secundum distantiam ab ipso, & illi, qui vanitatem sequuti sunt, in vanitate obierunt, & obscuratum est cor insipiens eorum. Sicut Tullius qui negat præscientiam, ut stabilias casum, & fortunam. Et Commentator super Physicam, & Metaphysicam, qui negat Deum immediatè operari in quolibet, ut stabilias unicuique propriam actionem secundum propriam naturam quam habet, & in 1. d. 3. art. 1. Aristotelis coniecturas dissoluit.*

4.  
Nullum effi-  
cax argumē-  
tum ex Ari-  
stotele duci  
potest hoc  
oco.

Cum ergo Aristoteles & eius Commentator in errore versatus fuerit, nullum argumentum efficax ex eius doctrina sumi potest: nam si omnino negauit influxum causæ primæ in effectus causarum secundarum, tam immediatione virtutis, quàm suppositi, ut Albertus indicat, profectò neque concursum præiij, neque simultaneum admisit: si autem posuit causam primam influere in effectus causarum secundarum, saltem immediatione virtutis, licet non suppositi, ut Fonseca sentit, & verba Aristotelis indicant, tunc mirum non est, quod posuerit præiij influxum in cau-

Fr. Suarez de Gratia Pars II.

A sam, sicut nos capite sequenti dicemus de influxu cælorum, seu causarum creatarum vniuersalium, quia præter illum non posuit concursum simultaneum: vnde si virtus increata Dei non operetur per seipsam immediatam actionem causa secundæ, nec causa secunda sola sua virtute illam efficit, necesse est, ut aliqua virtus creata addatur causæ secundæ, quæ habeat vicem Dei, & cum causa secunda operetur.

Iuxta hunc tamen modum ponendi præiij influxum in causam, tollitur concursus simultaneus immediatè procedens ab ipso Deo, sicut Aristoteles illum negauit. Vnde à contrario suminus efficax argumentum. Nam idè Aristoteles posuit virtutem illam descendente à Deo ad causas secundas, prius ad proximas, & per illas ad remotas, quia non putauit Deum per se facere omnia, & esse in omnibus causis, & immediatè immediatione virtutis propriæ, & suppositi operari in omnibus; ergo è contrario, si immensitatem virtutis increatæ Dei intimè existentis in omnibus causis, & effectibus creatis cognouisset, & perfectum modum operandi Dei in omnibus immediatè per suam virtutem, & suppositum assequutus esset, profectò numquam de illa virtute præiia, & diffusa cogitasset. Quapropter virtus illa de qua Aristoteles loquutus est, non est talis, qualis ab his Theologis cogitur. Nam ab Aristotele ponebatur ut virtus quædam per modum actus primi, quæ posset supplere totam immediatam efficientiam causæ primæ necessariam ad actionem causæ secundæ, ita ut illa virtus iam non indigeret alio concursu simultaneo ipsiusmet Dei, in quo sensu continet illa sententia grauissimum errorem in fide, & repugnantiam in ratione naturali, quia si virtus illa creata est, essentialiter pendet ab actu li influxu Dei, ut nunc supponimus esse demonstratum. At verò Doctores Catholici longè sunt ab hoc errore, non possunt igitur Aristotelis auctoritate iuari, nec rationem reddere cur nouam præiij virtutem creatam requirant, si virtutem increatam intimè assistentem, & per seipsam operantem, ut par est agnoscunt.

His ergo consideratis facilis est responsio ad testimonia Aristotelis allegata. Ad primū enim respondemus Aristotelē ibi de mouentibus, & motibus physico motu, siue locali, siue alternationis, siue alio simili loqui. In quibus manifestum est, si plura sint mouentia, & mota inter se subordinata, & sistendum esse in aliquo primo, quod ab alio nō moueatur, ne detur processus in infinitū, & à primo mouente pendere reliqua, quia si primum cesset, cætera vsque ad vltimum necessa id cessabunt, quia primum non mouet vltimum nisi mediante proximo: ergo si prima morio cesset, cætera deficient; è contrario verò non sequitur, si posteriora cessent, primū etiam cessare à motu, quia non pendet ab aliis in mouēdo. Et ideo dixit idè Aristoteles in eodem c. 5. text. 4. In mouentibus, & moris per se ordinatis magis mouere primum, quàm reliqua, quia potest moueri sine reliquis, nō verò alia sine ipso. Verumtamen in his locis, ut notauimus, semper Aristoteles loquitur de causis ita subordinatis, ut vltima tantum immediatè moueat in illo vltimo motu, ita ut prima solum immediatè moueat secundā, & per illā tertiam, & secundā immediatè moueat tertiam, & illa quartā, & sic deinceps. Et sic clarū est, tã vltimā causam, quas omnes intermedias debere moueri à prima motu proprio in vnoquoque recepto. At verò subordinatio essentialis inter omnes causas secundas respectu primæ in agēdo logè altioris

5.  
Quid sit vir-  
tus quam  
Aristoteles  
dixit à pri-  
ma causa de-  
riviari.

6.  
Responsio  
ad Aristote-  
lis loca al-  
legata.

Q 3

ordinis



ordinis est, est enim dependentia immediata ab ipso Deo, tam immediatione virtutis, quam supposito; & ideo secundum hanc rationem non pendet à Deo, vt mouente ipsas causas, sed vt coagente, & vt amouente subiectum illud in quo agit causa secunda, quem modum coagendi, & mouendi primæ causæ Aristoteles non agnouit, vt ostendi.

7. **Responsio**  
ad secundum  
locum.

Vnde ad alium locum responderetur, principium illud, causa secunda non mouet nisi mora in physicis motibus, propter peculiarem rationem, & imperfectionem inueniri semper veram cum proprietate, supposito communi ordine causarum naturalium vniuersi, siue talis motus requiratur in causa propter applicationem localem, vt fortasse est in motu cœli, siue propter influentiam causæ rerum vniuersalium, cuius indigentia in his rebus inferioribus, & elementaribus inuenitur. At verò abstrahendo à mouentibus, & motis physicis, & loquendo generaliter de causa secunda effetrice sufficienter constituta in actu primo cum omnibus conditionibus prærequisitis ad agendum ante influxum primæ causæ, non est vera illa propositio in proprietate intellecta de motu recepto in ipsa causa agente, quia nulla ratio, vel necessitas talis motus assignari potest, nec terminus propter quem requiratur, vt ex dictis est manifestum. Aristoteles autem si in eo sensu, & vniuersaliter illam propositionem intellexit, ideo est, quia putauit influentiam primi motoris non attingere immediatè effectus causarum secundarum, imò nec ipsas causas secundas proximas, sed solum aliquam supremam, quam solum Deo esse immediatam cogitauit, & ideo posuit illam influentiam peruenire ad vltimum effectum per aliquem motum omnium causarum intermediarum, vt iam declarauimus. Illa autem falsa, & erronea, cogitatione de medio sublata, impertinens est ille motus ad propriam influentiam primæ causæ per se requisitam ad actiones causarum secundarum, & iam satis explicauimus.

8. **Quomodo**  
causa secun-  
da dicatur ab  
Arist. moue-  
ri à prima.

Dixi autem non esse veram propositionem cum proprietate intellectam, quia per quamdam metaphoram, vt Fonseca dicit, vel secundum quamdam proportionem, vt ego in Metaphysica dixi, verissima est. Nam sicut in Physicis proximum mouens, v.g. baculus pendet à manu mouendo, & non mouet nisi motus, altiori modo pendet causa secunda in agendo à prima, nec illa agere potest nisi adiuta ab ista, & secundum hanc metaphoram, vel proportionem solet concursus Dei vocari motio causæ primæ, non quia sit motio propria ipsius causæ secundæ, vt sic, sed quia est motio illius rei, in quam agit causa secunda, & simul est auxilium ipsius causæ secundæ. Nec hæc interpretatio noua est, aut nostra: nam Caietanus 1. p. q. 14. art. 13. illam tradit, licet alijs verbis, ait enim cum dicitur causam secundam non agere nisi moram à prima, id posse intelligi vel de motione præuia, vel de cooperatiua, & in priori sensu esse falsam, in secundo autem veram, & ita esse intelligendam; constat autem motionem cooperatiuam non afficere causam secundam, nec illam propriè immutare. Scotus etiam licet in multis locis repetat illam propositionem, *Causa secunda non agit nisi mora à Deo*, vt in 1. d. 2. q. 2. & dist. 8. q. 2. & d. 39. q. 5. §. *Contra ista*; nihilominus in 4. d. 1. q. 1. expressè negat causam secundam recipere aliquid à prima, ex vi generalis concursus, & ideo necesse est, vt illud axioma de cooperatiua motione intellexerit. Ly-

A chetuseriam, & Cordub. supra allegati, licet à Cordub. Caietano dissentiant in vsu distinctionis motionis præuiæ, vel cooperatiuæ ad respondendum Scoto; nihilominus distinctionem ipsam admittunt, dicuntque nunc causam secundam non moueri à Deo nisi motione cooperatiua, & accommodata vnicuique rei, quia Deus liberè agit: dicunt autem aliud fuisse futurum, si Deus ex necessitate ageret, quod nunc nihil refert.

B Ad propositiones allegatas ex lib. de causis (quidquid sit de autoritate illius libri, & de sensu in quo loquitur de causa prima, quod longiorem postulabat disputationem nunc non necessariam) respondeo, virtutem primæ causæ esse virtutem omnium non formaliter, sed effectiue, tum quia confert virtutem omnibus causis, tum quia omnes adiuuat, & cum omnibus operatur, ita vt sine illa nihil per se valeant reliquæ virtutes efficere, quæ omnia vera sunt sine præuia motione, vt iam satis explicatum est. Et similiter dicitur virtus causæ primæ coniungere causam secundam suis effectibus effectiue, quia immediatè ac per se efficit cum illis actiones earum, per quas actiones formaliter coniunguntur suis effectibus. Etenim licet daretur influxus præuius, non coniungeret formaliter causam secundam suo effectui, quia ex vi illius adhuc maneret causa in actu primo, vt supra ostensum est, & ita semper coniunctio formalis fit per actionem: vt autem causa prima efficiat illam coniunctionem, non est necessaria virtus diffusa, sed per suam increatam virtutem id facit, atque adeò per concursum simultaneum, vt iam supra declaratum est.

C Ex his ergo propositionibus, & ex alijs, quæ de illo libro referri solent, nihil aliud quam cooperatio causæ primæ cum secunda comprobatur. Et si qui Philosophi rectè de Deo senserunt, hoc modo efficientiam eius in omnibus, & cum omnibus causis explicarunt. Solentque referri Plato in Timæo, in quo nihil clarum inuenio, & Trismegistus in Dialogo *Crater*, quem videre non potui. Verba autem Philonis in libro, *Quod sit incorruptibilis mundus*, parum à medio, quæ ex Boëtio refert, & commendat, hic referam, quia optima sunt. *Deus* (inquit) *inspicit singula, paternam curam gerens rerum omnium, & vt vera fateamur auriga more gubernatorisque regit, & gubernat vniuersa Soli, Lune, ceterisque syderibus, aeri quoque ceterisque mundi partibus assistens cooperando quidquid ad vniuersitatem, rectamque & inculpabilem dispensationem pertinet.* Cum ergo ex sententia Philosophorum rectè sententiarum diuina cooperatio ad eius vniuersalem efficientiam cum causis secundis satis est, solique illi posuerint influentiam præuiam in causam vel remotam, qui de immediata Dei efficientia in omnibus

E actionibus creaturarum non rectè senserunt, negari non potest, quin sententia nostra in vera Philosophorum autoritate solidius habeat fundamentum, quam contraria.

\*.\*

9.  
**Respondetur**  
ad lib. de  
causis.

10.  
**Conclusio.**

Plato.  
*Trismegistus*  
Philos.

CAPVT XL.

*Soluendo rationes assertioni nostræ contrarias, eadem veritas amplius confirmatur.*

**C**um dictum, & probatum sit ad demonstrationem assertionis positæ, satis esse ostendere prauum influxum in causam non esse necessarium, si rationes omnes hactenus excogitæ ad persuadendam hanc necessitatem inualidæ ostensæ fuerint, profectò sola talium rationum solutio ad assertionem confirmandam sufficere possit, ac deberet. Hoc ergo superest in hoc capite præstandum, in quo septem rationes primas, quæ in agentibus naturalibus locum habent, dissoluemus.

**I.** Prima ratio nitetur in illo principio, quòd causa secunda nihil agere potest nisi in virtute primæ, quod verissimum est: eius autem legitimus sensus est, quem capite præcedenti insinuauimus, scilicet, causam secundam non habere virtutem per se, & (vt ita dicam,) solitariè agendi, sed in omni actione sua debere niti in virtute primæ causæ, sine cuius influxu cooperatiuo nihil agere potest, & ita dicitur in lib. de causis in principio, quòd causalitas causæ secundæ formatur per causalitatem causæ primæ, quia scilicet in omnibus Deus immediatius, & intimius, ac principalius operatur, vt ferè exposuit D. Thomas in 2. d. 1. quæst. 1. ad 4. Ad hoc autem necessarium non est, vt præter virtutem agendi permanentem, & in suo genere efficientem, quam etiam habet à primâ causa, recipiat in se aliam virtutem fluentem, quia non in virtute illius agit, sed in virtute increatæ potentie in ipso Deo existentis. Cuius signum est, quia etiam si virtus permanens causæ secundæ intelligatur affecta alia virtute fluente, vtrique nihil agere potest nisi in virtute causæ primæ, non solum quia vtramque debet, & conseruat, sed etiam quia vtrique pendet essentialitèr à proprio influxu immediatè procedente à virtute increata primæ causæ. Vnde dato antecedenti in dicto sensu, negatur consequentia, quia supposita sufficientia virtutis causæ secundæ, est superflua alia virtus creata fluens, neque in illa fundatur illud principium, quia licet causa prima & secunda simul concurrant, & secunda non indigeat alio prauo concursu, nihilominus non concurrunt vt duæ causæ eiuſdem generis, neque se luantes quasi per accidens ex virtutisque insufficientia, sed vt causæ diversorum ordinum, quarum inferior est per se sola insufficientis, & essentialitèr dependens à superiori, & ideo agit in virtute illius, non verò è contrario, quia superior per se potens est, & sufficiens, vt suprà dictum est. Vnde omnia quæ ibi afferuntur ad probationem antecedentis superuacua sunt, & coincidunt eum secunda ratione, vbi expediuntur.

D. Thomas.

**2.** Ad confirmationem, cum in ea sumitur, virtutem causæ secundæ esse actum primum, ac proinde esse actum admistum potentie, æquiuoca est, & ambigua propositio, & ideo distinguere, & explicare illam oportet. Nam est sermo de virtute merè actiua, vt est illa quæ agit actione transeunte, vel est sermo de virtute quæ ita est actiua, vt sit etiam receptiua, vt sunt potentie animæ. Item cum aliqua ex his virtutibus dicitur esse actus admistus potentie, illud potest intelligi, vel potentia passiua, vel aliquo alio genere potentialitatis. Loquendo ergo de virtute

**A** merè actiua, etiam si sit purus actus primus & separabilis ab actu secundo, id est, ab actione, non inde sit talem virtutem esse actum admistum potentie receptiue; nam licet careat actione, non mouet in potentia receptiua alterius, quia etiam quando agit, illam in se non recipit. Quòd si dicatur actus admistus potentie, solum quia potest actu non agere, hoc non obstat quominus non habeat perfectiorem actualitatem, quàm sua actio, quia ipsa actio comparata ad formam, quæ est terminus eius, est actus imperfectus, quia est via quædam, sicut de omni motu, & mutatione Aristoteles dixit: forma autem quæ est terminus talis actionis, non habet perfectiorem actualitatem, quàm forma, quæ est principium actionis, sed vel minorem, vt in causis æquiuocis, vel ad summum æqualem, vt in causis vniuocis. Ergo quòd talis actus primus possit isto modo esse in potentia, non ideo indiget noua actualitate sibi inhærente, vt reducatur in actum secundum, nam per solam actionem ab eo exeuntem constituitur in actu secundo cuius est capax. Cuius etiam signum est, quia licet fingatur amplius actuata per aliquid additum, nondum est constituta in actu secundo, neque aliquo intrinseco initio eius, vt cap. 28 probatum est.

**C** De potentijs autem animæ fatemur habere potestatem actiuam admistam potentie passiue, sed hoc non obstat, quoniam in sua entitate, & in sua actiuitate habeant actualitatem, simpliciter perfectiorem quàm earum operationes, quia licet talis potentia in quantum passiua, secundum quid sit firmitus perfecta, quàm sua operatio, in quantum actiua, est simpliciter perfectior. Sicut anima passiua etiam comparatur ad potentiam, quam in se recipit, & nihilominus perfectiorem habet actualitatem, quæ omnia Philosophis notissima sunt, & sanè ad præsens punctum parum referunt: nam etiam si fingatur intellectus, verbi gratia, cum illo prauo influxu adhuc est in potentia receptiua sui actus secundi, & per suam entitatem, vel per habitum, aut speciem aliquam habet sufficientem virtutem in suo genere causæ ad producendum suum actum, ad quem est in potentia receptiua; ergo inde etiam habet perfectiorem actualitatem; ergo illa alia actualitas quasi media necessaria non est.

**E** In secunda ratione aliquæ propositiones assumuntur, quæ in legitimo sensu veræ sunt, malè autem applicantur. Prima est quòd esse existentie est proprius effectus Dei, quæ vt vera sit, non est ita intelligenda vt solus Deus dicatur facere esse existentie, hoc enim apertè falsum est, aliæ causæ secundæ nihil efficerent, vt statim dicam. Tribus ergo modis dicitur esse existentie proprius effectus Dei ex D. Thomas in 2. dist. 1. quæst. 1. art. 4. Primò, quia solus Deus potest illud facere ex vi sui esse, & sola virtute sua, quia solus ipse est ipsum esse per essentiam, & omne aliud est participatum. Secundò, quia solus Deus habet pro adæquato obiecto suæ potentie actiue ipsum esse participatum, seu participale, vt est manifestum. Tertiò quòd hinc sequitur quòd solus Deus facit per se primo ipsum esse, ac proinde nulla causa secunda confert suo effectui totum esse illius, nam omnis actio creaturæ supponit aliquod ens, ex quo suum effectum faciat, & ideo non facit per se primò ens, seu esse, sed tale ens, vel tale esse. Deus autem ad suam propriam actionem nullum esse necessariò supponit in re, quam facit, vt in creatione patet, & quando rem præexistentem perficit, vel cum causa secunda operatur, licet aliquod esse supponat, non tamen ab alio factum

**3.** Id explicatur in potentijs animæ.

**4.** Explicantur varæ propositiones ab aduersariis allatæ in 1. ratione. 1. Propositio esse existentie est proprius effectus Dei, quomodo vera sit. D. Thom.

factum, quàm à seipso. Sic ergo productio ipsius esse secundum omnem huiusmodi perfectionem est propria Dei : causa autem secunda quando producit effectum, licet illi det esse, non tamen cum illo modo, & perfectione qua Deus, & ideo ex hac parte non indiget illa præuia motione, vel eleuatione; nam ad suum agendi modum generalis concursus simultaneus illi sufficit.

Alia propositio ponitur in prima illatione il-

5.  
1. Propositio.  
Creatura nõ  
dat esse nisi  
vt instrumẽ-  
tum Dei.  
Explicatur.

Damasce-  
n. Simpli-  
cium.

D. Thom.

Aristot.

liusrationis, scilicet creaturam non dare esse, nisi vt instrumentum Dei; quæ tangit philosophi-  
cam quæstionem, an causæ secundæ sint instru-  
mentales, vel principales respectu suorum effe-  
ctuum, in quo Platonici posuerunt, esse tantum  
instrumenta, quam sententiam refert, & appro-  
bat Damascenus in sua physica cap. 9. & Simpli-  
cius 2. physicorum cap. 3. a. 29. & interdum ita  
loquitur D. Thomas in q. 3. de potent. art. 7. Et  
illum loquendi modum defendit Caietanus. 1. p.  
q. 45. art. 5. §. Ad Durandum. Aristoteles verò 2.  
lib. physicor. & 5. Metaph. causas secundas sim-  
plicitate principales vocat, quia in suo genere  
agunt propria, & sufficienti virtute. quem mo-  
dum loquendi Philosophi & Theologi commu-  
niter probant, quia reuera est proprius, nam  
alius solum per analogiam introductus est, & ad  
explicandam subordinationem & dependentiam  
causarum secundarum à prima, & ad notandum  
quoddam causæ secundæ nihil possunt per se facere  
sine influxu primæ. Et hæc sine dubio fuit mens  
D. Thomæ, vt etiam Thomistæ communiter sen-  
tiunt. Quocirca causæ secundæ non dicuntur in-  
strumenta, etiam illo Platónico modo propter  
præuiam instrumentariam virtutem fluentem illis  
additam quando actu operatur, sed quia virtutes  
earum permanentes sunt quasi instrumenta Dei,  
quia & ipse per illas tanquam principale agens  
operatur, & illæ sine actuali influxu illius operari  
non possunt, etiam si ille influxus non sit motus  
in eis receptus, nam etiam in naturalibus instru-  
mentis hoc necessarium non est, vt in Metaphys.  
ostendi disp. 17. sect. 2. n. 14. Vnde Damascenus  
supra Platonem dicentem principem mentem  
esse efficientem omnium rerum causam, naturam  
autem instrumentalem esse, ipse explicuit, hoc  
est, adiuuantem causam esse pronuntiat.

Damasce-  
n.

6.  
Distinctio  
modernor-  
um reici-  
tur.

Aliqui verò ex dictis modernis distinguunt in-  
ter causam secundam, vt communicantem effe-  
ctui suam formam, vel vt dantem effectui, & sub  
priori ratione dicunt esse causas principales, quia  
forma producta non excedit perfectionem, &  
actualitatem producentis. Sub posteriori autem  
ratione dicunt esse propria instrumenta Dei, quia  
vt sic attingunt proprium effectum eius, & ad  
hoc dicunt requiri præuiam motionem, quia in-  
strumentum non agit nisi vt motum. Sed distin-  
ctio hæc nec satis intelligi, nec satis probari po-  
test, quia producere, seu communicare formam,  
& dare illi esse, physicè, ac verè loquendo non  
sunt duo; ergo vel vtrumque sit à causa secunda  
vt ab instrumento, vel vt à principali causa. An-  
tecedens patet, quia efficere, nihil aliud est, quàm  
dare esse, nec aliter causa secunda communicat  
effectui formam suam, quàm dando illi esse, non  
quidem essentia, nam hoc de se potentiale est,  
nec sit actu, nisi cum coniungitur ei existentia.  
Item quia causa secunda non communicat suam  
formam, nisi educendo similem ex potentia ma-  
teriz; ergo per hanc educationem transfertur for-  
ma ab esse in potentia, ad esse in actu; ergo per  
illam constituitur sub esse existentia. Conse-

quentia verò prima per se clara est, quia sicut in  
termino idem est formam fieri, & recipere esse,  
ita etiam in causa eadem est virtus per quam effi-  
cit principaliter, vel instrumentaliter.

Quapropter non magis completur causa se-  
cunda per actionem præuiam in virtute agendi  
ad dandum esse, quàm ad producendum formam  
talis speciei, vel perfectionis. Imò licet ibi sin-  
gerentur duæ actiones re, vel ratione distinctæ,  
vna efficiens formam, & alia dans illi esse, etiam  
esset distinguendus duplex concursus simulta-  
neus Dei, quia creatura nihil omnino facere po-  
test sine tali concursu; ergo vel ad inducendam  
formam sufficit concursus simultaneus, & ita ille  
erit primus concursus Dei, & consequenter alius  
similis sufficit ad dandum esse, & potius ille  
prior erit quasi præuius ad secundum; quia si  
illa duo sunt in effectu distinguenda, prius est  
educere formam quoad essentiam, quàm dare  
illi esse, quia essentia supponitur existentia tan-  
quam potentia actui. Non ergo erit necessarius  
alius concursus præuius in illa causa ad dandum  
esse, quia ex illa priori productione formæ necel-  
sario resultat ipsum esse cum concursu imbibito  
in illa resultantia, seu productione ipsius esse.  
Nec videtur posse probabiliter cogitari, quoddam  
inter illas duas actiones, vel concursus, vtrun-  
que distinctos interueniat tertius præuius ad ef-  
ficiendum esse, & subsequens ad communicatio-  
nem propriæ formæ. Vel certe si præuia motio  
ponatur ante totam efficientiam causæ secundæ,  
tam vt communicantis suam formam, quàm vt  
dantis esse, sic æquè complebitur per illam præ-  
uiam motionem in virtute agendi sub vtraque  
ratione, & ita non magis sub vna erit causa prin-  
cipalis, vel instrumentalis quàm sub alia.

Dico ergo vnamquamque causam secundam  
in suo genere esse causam principalem, tam sui  
effectus, quàm esse, quod illi tribuit, ac proinde  
supernacaneam, & sine fundamento rationis po-  
stulari motionem propter effectiorem ipsius esse.

8.  
Assertio. Causa  
secundæ est  
causa prin-  
cipalis in  
suo genere.

Quia sicut forma communicata effectui non ex-  
cedit formalem perfectionem causæ, ita neque  
esse, quod sit in effectu perfectius est, quàm esse  
causæ, & sicut forma sit vt actu existat, ita forma  
causæ est principium agendi vt est in actu, atque  
adeo per suum esse actuale non minorem actua-  
litate habet, quàm sit esse datum effectui; ergo  
quoad vtrumque est principium principale pro-  
ximum; ergo ex hac parte non indiget præuia  
motione. Aliunde verò ad hanc principalem ef-  
ficientiam causæ secundæ, etiam respectu illius  
esse, quod facit necessarium non est, vt det esse  
independenter ab ipso esse per essentiam, neque  
vt primò per se attingat ipsum esse, vel sub com-  
muni ratione essendi, vel non præsupponendo  
aliquid esse in effectu, sed satis est, quod in suo  
genere per se, & propria virtute attingat illud  
esse, quod antea non erat, nisi in potentia, & per  
talem actionem in actum reducitur concurrente  
prima causa, à qua omne esse creatum essentiali-  
ter dependet; neque enim causa secunda est prin-  
cipalis in omni genere, vel independentia ab  
omni superiori causa, sicut est Deus, quod verum  
est, siue consideretur vt dans formam, siue dans  
esse ad vtrumque; ergo sub vtraque ratione suf-  
ficit dependentia à Deo per intrinsecum, & si-  
multaneum concursum.

Ad tertium cum in eo sumitur, concursum  
causæ secundæ essentialiter dependere à concur-  
su causæ primæ, si intelligatur, vt verbum in rigore  
sonant,

9.  
Ratio ad-  
uersari-  
um.



Quid sit ob-  
cursum cau-  
sa secundae  
pendere ef-  
fentialiter  
à concursu  
causae pri-  
mae.  
D. Thom.

sonant, de utroque concursu, ut est aliquid egre-  
diens à sua causa, & realiter ab illa distinguitur.  
& dependentia effectiua, sic solum est antecedens;  
quia concursus causae primae, & secundae in re  
non distinguuntur, sed sunt una simplex actio  
cum duplici habitudine transcendentali, ut cum  
D. Thoma, & communi sententia diximus; &  
ita concursus in re non fit à concursu, neque  
vnus pendet efficaciter ab alio, quia idem non  
facit seipsum, neque à seipso pendet; sic er-  
go intellectum antecedens negandum est, ad  
probationem autem negatur, inde sequi ea in-  
commoda, quae ibi inferuntur, ut iam declaro.  
Quamvis enim concursus causae secundae non  
pendeat à concursu intrinseco causae primae in  
genere causae efficientis, ut dictum est, nihilo-  
minus pendet essentialiter ab ipsa causa prima, &  
ab eius voluntate, quam aliqui vocant concur-  
sum Dei internum respectu cuius verissime dicitur  
concursum causae secundae pendere essentialiter  
à concursu interno causae primae, est enim de  
essentia actionis causae secundae, ut simul, ac  
principaliter à Deo fluat, & ideo essentialiter  
pendet à causa prima, & ideo quasi formaliter  
dici etiam potest concursus causae primae essen-  
tialiter pendere à concursu causae primae, vel po-  
tius illum concludere, ad eum modum quo ratio  
specifica potest dici pendere à generica, quia  
illam essentialiter includit.

10.  
Ha propositio  
sic expli-  
cata non in-  
uat aduersa-  
rios.

Et hinc fit necessarium non esse (quod in pri-  
ma consequentia illius rationis inferitur,) con-  
cursum causae primae utique proprium, & ad ex-  
tra esse priorem ordine causalitatis concursu cau-  
sae secundae, quia ubi non est causalitas, non po-  
test esse prioritas, quae in illa fundatur, sed osten-  
sum est vnum concursum non esse causam alterius,  
quia sunt idem; ergo nec prioritas esse potest.  
Et hoc ipsum fatentur dicti Thomistae de concursu  
simultaneo, nunquam tamen probant esse ne-  
cessarium alium concursum externum causae pri-  
mae, qui sit vera causa efficiens, actionis causae se-  
cundae, & consequenter prior natura concursu  
causae secundae. Et possunt argumentum retor-  
quere, quia aliàs etiam esset concedendum vnum  
concursum causae primae esse priorem natura alio  
concorso eiusdem primae, quod non videtur ad-  
mittendum loquendo de proprio concursu ad ex-  
tra, quia reuera superfluum est. Atque haec omnia  
coguntur dicti authores concedere de concursu  
simultaneo Dei ad extra comparato cum influxu  
causae secundae. Satis est igitur quod concursus  
ad intra, seu voluntas concurrenti sit prior causa-  
litate, & natura, quam concursus causae secundae.  
Comparando autem inter se causas primam & se-  
cundam, causa prima dicitur prius influere non  
prioritate naturae in ordine causalitatis fundata,  
sed prioritate perfectionis, & independentiae, aut  
etiam illam quae dicitur in subsistendi consequen-  
tia, quia Deus, quantum est ex se, potest agere sine  
causa secunda, non verò è conuerso. Et eodem  
modo si concursus ipsos secundum rationem dis-  
tinctos inter se conferamus, potest concursus  
Dei eisdem modis dici prior, licet non causalitate,  
vel ordine naturae, vel inter, vel in attingendo ter-  
minum, ut explicuit etiam Caietanus 1. p. q. 14.  
art. 13. & q. 19. art. 8.

11.  
Inde non se-  
quitur cau-  
sam secun-  
dam esse pri-  
mum princi-

Nec hinc sequitur (quod in eadē ratione refe-  
rebat) causam secundam esse primam in agendo,  
seu primum principium suae actionis, quia non  
dicitur Deus causa prima, vel primum principium,  
ex eo, quod prius natura efficiat suum effectum,

A. quam causa secunda, quando cum illa operatur, prius suae  
nec prius sola efficiat aliquem concursum prio-  
rem actione causae secundae, sed dicitur prima, quia  
non pendet ab alia in agendo, quod nulla alia  
causa habet, nam omnis alia requirit auxilium  
superioris causae, quae à nullo pendeat. Neque  
oportet, ut hoc auxilium sit primum, & recep-  
tum in causa, sed sufficit simultaneum, & inclu-  
sum in actione causae secundae. Vnde nulla est il-  
latio, quae in argumento sit quod si causa secunda  
non indiget praeiusto influxu prioris causae, etiam  
non indiget auxilio causae prioris, quia est illatio  
ab inferiori ad superius negatiue, ac si quis infer-  
ret, si homo non indiget carne ad viuendum, non  
indigere cibo. Concursus enim concomitans ve-  
rum auxilium est, & causa, quae sine illo agere non  
potest, eo ipso non potest agere sine auxilio, &  
influencia prioris causae. Hoc ergo satis est ut  
non sit primum principium in agendo.

Et hoc ipsum reuera tradit D. Thom. in 2. d. 37.  
q. 2. art. 2. cuius ratio, & intentio ibi non fideliter  
allegatur. Tractat enim ibi D. Thom. an actus pec-  
cati, ut actus est, sit effectiue à Deo, refertque opi-  
nionem negantem Deum concurrere ad illum  
actum, eamque refutat deducendo ad illud incon-  
ueniens, quod voluntas in eo actu ageret ut prima  
causa, & primum principium: illationem autem  
facit his verbis. *Ex ea videtur sequi, quod sint plura  
prima principia, hoc enim est de ratione primi prin-  
cipij, ut agere possit sine auxilio prioris agentis, & in-  
fluencia eius. Vnde si voluntas humana actionem ali-  
quam posset producere, cuius actor non esset Deus, vo-  
luntas humana rationem primi principij haberet.* In  
quibus verbis aduerto mutata esse à P. Alvarez di-  
cta disp. 18. n. 14. nam ubi D. Thom. ait. *Si voluntas  
humana actionem aliquam posset producere, cuius  
actor non esset Deus, ipse dicit, Si voluntas humana  
aliquam actionem produceret absque motione prioris  
agentis,* quae verba ad minimum aequiuoca sunt,  
& ab ipso in alio sensu referuntur, qui verbis D.  
Thom. non cōtinetur. Nam iuxta verba D. Thom.  
ratio eius non procedit contra eos, qui fatentur  
actum peccati non posse fieri sine concursu si-  
multaneo Dei, etiam si negent fieri sine praeiusta  
motione, nam actio quae fieri non potest sine con-  
corso simultaneo Dei, talis certe est, ut eius actor  
sit Deus; ergo si voluntas ad illam requirit con-  
cursum simultaneum Dei, non potest agere actio-  
nem, cuius actor non sit Deus; ergo stante neces-  
sitate concursus simultanei, discursus D. Thomae  
immerito, & sine vlla probabilitate applicatur  
contra negantes motionem illam praeiustam quod  
maximè necessarium iudico in concursu ad actum  
peccati, ut infra dicam. Hic tamen aduerte non  
omittam, licet D. Thom. soleat concursum simul-  
taneum nomine motionis appellare, ut suprà de-  
claravi, nihilominus, quia ibi tractabat de con-  
corso ad actum peccati, ne ipsas aures offende-  
ret, noluisse Deum appellare motorem ad illum  
actum, sed illius actorem, & ibi tacite alia loca  
explicuisse, ut concursus intelligatur tantum esse  
motio cooperatiua, ratione cuius dicitur Deus  
agere actionem causae secundae.

Atque ita reliqua, quae in illo argumento ad-  
duntur, non procedunt contra nostram senten-  
tiam: nam responsio quam ibi D. Thomas refert,  
& refutat, non est nostra; imò nos etiam illam  
reprobamus, quia ut voluntas in nulla actio-  
ne sua operetur, ut primum principium, non  
satis est, ut nec esse, nec virtutem agendi ha-  
beat à se, sed necessarium esse dicimus, ut  
sine

12.  
Confirmatur  
ex S. Thom.

Alvarez

13.  
Continua-  
tur explica-  
tio verbo-  
rum D. Tho-  
mae.

sine influxu primæ causæ, nihil possit operari. Nam hoc sequitur ex primo, vt optimè replicat D. Thomas in prima ratione sua: nam agere est proportionatum ad esse; ergo quod esse non potest sine influxu prioris agentis, neque agere potest sine simili influxu. Dicimus autem ad hoc sufficere influxum simultaneum, nam cum solo illo verissima est illa propositio: cuius essentia ab alio est, oportet, vt est virtus, & operatio ab alio sit: nam per virtutem ibi non intelligit D. Thomas præutrum concursum (cum dicat, virtutem ab essentia rei procedere), operatio autem non est à Deo, nisi per simultaneum concursum. Item ille concursus sufficit, vt causa secunda non sit primum agens, quia eius actio verè reducitur in primum agens, scilicet Deum, tamquam in causam, quia per illum concursum Deus verè est agens illius actionis, & est prius prioritate vniuersalitatis, & independentiæ, vt supra declarauimus. Et ita etiam male explicatur contra nos secunda replica ex D. Thoma sumpta.

14. Item ostenditur.

Denique idem concursus simultaneus sufficit, vt voluntas, seu causa secunda non habeat agere à se, quod in tertia replica D. Thomas assumit, quia illa particula à se, excludit omnem influxum superioris causæ. Et in hoc sensu procedit ratio D. Thomæ, quia res, quæ non habet esse à se, non potest à se durare; ergo neque potest à se agere. Dicitur enim res non durare à se, quia indiget actuali influxu Dei, vt agat. Est tamen differentia, quia res durat per influxum solius Dei, quia ipsa non potest concurrere actiue ad suam conseruationem; agit autem non per influxum solius Dei, quia necesse est vt ipsa etiam concurrat; hoc enim essentialiter includitur in conceptu actionis, seu agendi, & hoc modo accipit causa secunda à prima ipsum actualiter agere, quia in illud ipsum immediatè influit Deus, non quia in ipsam potentiam agentem quippiam aliud ante actionem influat, quia etiam si illud influeret, per talem influxum non immediatè daret hoc, quod est agere; sed daret quoddam principium agendi, vel complementum eius, quod satis non est ad vim rationis, & intentionem eius, quæ est ostendere necessitatem immediatè influxus diuini in ipsam actionem. Nam vt dicatur Deus mediare dare ipsum agere præter totam virtutem proximam agendi, vel etiam vt dicatur creatura non agere à se, non habens à se eandem virtutem agendi, propter hæc, inquam, non est necessarius concursus præiudis, quia ratione permanentis, & innatæ virtutis, & concursus simultanei, hæc omnia verè dicuntur de causis naturalibus; non ergo procedit ratio in illo sensu, & ita ad vim illius præuius concursus, non solum non est necessarius, sed etiam illi posset obviare, nam inde posset inferri concursum simultaneum, non esse necessarium, vel saltem illa ratione non probari.

15. Prima confirmatio aduersariorum ex productionibus diuinis scilicet.

Ad confirmationes autem aliorum, in primis ad exemplum ex diuinis personis sumptum respondemus, vel non esse ad rem, vt potius probare oppositum, nam Filius non dicitur producere Spiritum sanctum à Patre, & non à se, quia habeat à Patre alium influxum præter communicationem essentiae & virtutis spirandi; sic ergo si seruanda, vel imitanda est proportio, creatura sufficienter diceretur non agere à se, quia non habet à se virtutem agendi, sed à Deo; & ita inde non colligeretur necessitas actualis influxus Dei: vt ergo seruetur proportio, dicendum erit, quod sicut Filius, quia non spirat nisi per virtutem acceptam à Patre, habet etiam, quod non possit solus spirare sine Patre immediatè spirante, ita creatura, quia habet virtutem datam, &

conseruatam à Deo, non potest agere sine Deo simul agente, & ita concluditur concursus simultaneus, non præuius distinctus ab effectiue, & conseruatione virtutis agendi.

Ad aliam verò confirmationem negamus ex ablatione præuius concursus sequi, aliquid esse in creatura, quod non sit à Deo solo: nam proxima virtus agendi, vt calor, non est à solo Deo, sed vel est etiam ab extrinseca causa prima, vel ab intrinseca forma nascitur, Deo simul influente, vt in igne; & actio causæ secundæ, etiam non est à solo Deo, vt constat, quamuis sit immediatè ab illo. Determinari autem ad agendum (à quo argumentum sumitur) non est aliquid distinctum ab his, nam determinari sumi potest, vel in actu primo, vel in actu secundo, & priori modo in causis naturalibus de quibus agimus, determinari nihil est distinctum ab ipsa virtute naturali, quæ per seipsam est distincta ad vnum, & ad modum agendi ex necessitate naturæ. Posteriori autem modo determinari ad agendum non est nisi agere, & ita non est distinctum ab ipsa actione, neque in his agentibus aliquid medium inter hæc cogitari potest.

Denique ad vltimam confirmationem iam dictum est actionem causæ secundæ non esse effectum præmotionis Dei, sed increatæ virtutis, & voluntatis. Nec in his causis naturalibus Deus aliter facit causam secundam operari, nisi dando illi proximam virtutem agendi cum omnibus ex parte illius requisitis, & cum illa simul concurrente, quia sicut facere non includit nisi virtutem agendi, & actionem, ita Deum facere, vt sol illuminet, verbi gratia, nec est, nec esse potest aliud, quam facere solem cum virtute illuminandi, & constituere illum in tali loco, &c. & cum illo ad illuminandum concurrere, & idem est in qualibet alia causa secunda naturali, vt à quolibet faciliè considerari potest.

Ad quartum negatur consequentia; nam essentialis subordinatio causæ secundæ ad primam non consistit in necessitate motionis præuiæ, sed in necessitate motionis cooperatiuæ, seu concursus simultanei, vt satis declaratum est. Ad primam autem probationem responsum est etiam, Deum non esse causam primam, quin prius moueat causam secundam iam sufficienter constitutam in actu primo ad operandum, sed quia ab illa pendet in agendo omnis alia causa. Vnde instantia, seu exemplum de Angelo, vel quacumque alia causa perfectiori comparata ad minus perfectam, nihil ad rem facit, quia non quilibet excessus perfectionis constituit rationem causæ primæ, sed ille, qui est in virtute agendi à se, & in ratione vniuersalissimæ causæ, à qua omnis alia pendet in agendo.

Ad secundam probationem negatur sequela, nimirum, non dari ordinem per se inter causam primam, & secundam: nam hic ordo per se non consistit in indigentia motionis præuiæ, sed in hoc quod omnis causa secunda per se, & ex natura sua postulat auxilium causæ primæ influentis secum ad dandum esse suo effectui, quia sicut ipsa habet esse per se, qui optimè fundatur in natura causæ habentis esse participatum ab alia quæ est suum esse per essentiam, alius verò ordo prioris, & posterioris concursus nullum habet in rebus fundamentum. Vnde exemplum de duobus trahentibus lapidem, hic non bene accommodatur: nam licet in similitudine concurrenti sit simile, non ordine, neque in dependentia, nam vnus trahens lapidem per se non pendet ab alio, licet fortasse ob imperfectionem virtutis in suo genere indigeat inuanius alterius eiusdem

16. Confirmatio 2. sequi aliquid esse in creatura, quod non sit à solo Deo, relictum.

17. Confirmatio actionem causæ secundæ non esse effectum præmotionis Dei explicatur.

18. Ratio aduersariorum ex essentiali subordinatio causæ secundæ ad primam refutatur, & prima instantia de Angelo ad inferiores causas comparatur.

19. Relictum 1. probatio non dari ordinem per se inter causam primam & secundam.

eiusdem ordinis: omnis autem causa secunda quantumvis in suo ordine perfecta, & sufficiens sit, essentialiter subordinatur primæ, à qua pender, vt declaratum est.

20.  
3. Probatio  
omnem causam secundam  
agere motum  
reiciitur.

Ad tertiam probationem in qua sumitur, quod omnis causa secunda mouet motum, si intelligatur de motu proprio recepto in ipsa, respondemus peti principium, nam hæc est conclusio probanda. Negatur ergo illa propositio intellectu de motu proprio, & in causa secunda verè ac realiter recepto; nulla enim ratio sufficiens redditur ob quam talis motus sit per se, & quasi essentialiter necessarius ad actionem causæ secundæ, cum sine illo possit causa secunda habere totam virtutem ex parte sua necessariam ad effectum, & Deus non indigeat illo motu ad præstandam totam efficientiam ex parte ipsius necessariam. Multoque minus reddi potest ratio, ob quam ille motus requiratur, vtputa conditio sine qua non, & præsertim de potentia etiam absoluta necessaria, vt in c. 28. latè discursum est. In quo autem sensu, & de quibus mouentibus, & ex quo fundamento Aristoteles illam propositionem protulerit, in præcedenti capite declarauimus, vbi etiam dixi per se, & in omnibus causis secundis solum de motu cooperatio esse in vniuersum veram: de præuio autem solum quando causa secunda habet imperfectam virtutem, vel indiget aut applicatione ad passum, aut coniunctione ad obiectum, quam antea non habebat.

21.  
4. Probatio  
ex causis  
vniuersalibus  
reiciitur.

Vnde facillè respondetur ad quartam probationem quæ à causis vniuersalibus sumebatur, est enim in illis longè diuersa ratio: nam sol, verbi gratia, quatenus influit vt causa vniuersalis (idemque est de cæteris,) non concurrat cum causis secundis immediate inmediate suppositi, & ideo necesse est vt per media interiacentia diffundat virtutem suam vsque ad causam secundam maximè distinctam à se, & quæ sit proxima respectu effectus; influxus ergo illius virtutis, & præuius est ad vltimum effectum, & necessariò debet esse in causa proxima illius. Deinde si tales causæ vniuersales sint corporeæ, vt cæli, non consistit influxus earum, nisi in alteratione aliqua, seu productione qualitatis, quæ sit virtus actiua coadiuuans causam secundam proximam, vt est, verbi gratia, calor respectu Solis humiditas respectu Lunæ, vel fortasse aliæ qualitates nobis occultæ respectu singulorum astrorum; si verò vniuersales causæ immateriales sint, vt Angeli immediate tantum influunt motum localem, vt suppono. Vnde necessitas harum causarum solum est, vel vt addant aliquam virtutem causæ secundæ, quia sola virtus illius est imperfecta, vel vt illam applicent ad passum, à quo antea distabat. Ac denique præter hanc influentiam non habent hæc causæ increatæ immediatum influxum in actionem causæ secundæ, neque in hoc dependent essentialiter particulares causæ ab vniuersalibus creatis. At verò causa prima agit in omnibus inmediate suppositi, & per seipsam, & suam intrinsecam virtutem immediate influit in omnem actionem causæ secundæ, & hæc quantumvis sit completa in virtute agendi, & applicatam habeat materiam essentialiter postulat ad agendum immediatam cooperationem Dei, & si quid præuium ad complementum virtutis & applicationis datur causæ particulari ab vniuersalibus creatis, totum id datur à causa prima cooperante cum secundis, etiam vniuersalibus. Et ideo per se non est necessaria alia præuia motui primæ causæ recepta in secunda, sed solum ex accidente quando virtus causæ secundæ fuerit in suo genere insufficiens, & per vniuersales causas creatas,

A defectus ille suppleri non possit, de quo modo influendi Dei tractando de auxilio sufficienti, & efficaci gratiæ latius dicemus.

In quinta ratione ex voluntate diuina sumpta attingitur materia de prædestinationibus diuinis, & de modo, quo Deus vult, vel prouidet effectus causarum secundarum, & actiones earum. Sed hæc habet peculiarem difficultatem in actionibus liberis tam bonis, præsertim supernaturalibus, quam in malis, seu peccaminosis, in naturalibus autem causis ferè nullam. Et ideo his omisiss, quæ ad actus liberos pertinent, de quibus sigillatim dicturi sumus, de naturalibus causis admittimus Deum concurrere cum illis per voluntatem efficacem, quæ vult, & cum eis concurrere, & eas efficere suos effectus; nam licet hæc duo ex propriis rationibus formalibus habeant distinctionem aliquam, vt in actibus liberis dicemus, in præsentem non multum refert illius distinctionibus consideratis.

Hinc verò non sequitur quod Deus per illam voluntatem aliquid præuium faciat in causa secunda, quia licet Dei voluntas efficacissima sit, non tamen facit, nisi quod vult, & prout vult illud facere; per illam autem voluntatem non vult facere aliquid præuium, neque contrarium, rectè probatur ex eo, quod Deus velit causam secundam agere: nam causam secundam agere, non est recipere aliquid præuium, sed est dicere ipsam actionem. Vnde potius contrarium inferendum esset ex illo antecedente: nam si Deus hoc solum vult, scilicet causam secundam agere, hoc facit, & non aliud quod ad executionem illius voluntatis non est necessarium, quæ in obiecto illius voluntatis solum includitur, quod causa secunda faciat, & vt Deus ipse simul efficiat ipsum effectum, & actionem causæ secundæ, vt vtrumque efficaciter, & infallibiliter facit. Quia enim non vult solus facere, sed cum causa secunda, ideo necessarium non est, vt ipse Deus solus aliquid faciat. Neque etiam est necessarium vt prius operetur prioritate causalitatis, quia nec hoc etiam vult, sed operari tantum cooperando. Vnde licet illa voluntas Dei sit prior duratione, & æternitate, nihilominus ordine causalitatis est concomitans, quia solum vult eum causa secunda concurrere, & non aliter vult effectum eius, vt satis declaratum est.

Solum potest instari, quia licet causa naturalis sit determinata ex se ad agendum, nihilominus potest ex concursu alterius causæ, vel materialis, vel efficietis impediri, vt ideo sæpe effectus eius est contingens; posita autem efficaci voluntate, quia Deus vult talem causam agere, maior est in illa determinatio, maiorque necessitas agendi; ergo aliquid præuium factum est in causa secunda per talem Dei voluntatem. Respondetur negando consequentiam, quia quando Deus efficaci voluntate statuit causam secundam aliquid naturaliter facere, eo ipso sua providentia cæteras causas disponit, vt aliam non impediant, & ideo necesse non est, vt aliquid imprimat tali causæ naturaliter agenti, quo infallibilis (vt ita dicam,) suum effectum efficiat: nam remotis impedimentis, & applicata materia, & oblatio Dei concursu omnino infallibiliter sequitur effectus. Quod si Deus præuidens futura esse impedimenta, non vult prouidere modum, quo aufertantur, tunc vel nullam habebit voluntatem concurrenti cum causa impedimenta, vel certè non absolutam, & efficacem, sed quasi conditionatam, seu secundum quid, offerendi nimirum tali causæ concursum quantum in se est, sinendo nihilominus, vt ab aliis impediri possit, vt latius in causis liberis explicabimus.

22.  
Quinta ratio quod Deus aliquid vult, abbi examinanda omittitur.

23.  
Ex illa tamè nihil efficeretur contra assertionem nostram.

24.  
Solutur instantia.

Ad



25.

6. Ratio, naturalia agentia perfectia intrinsecè dum agant, confutatur.

Ad sextam rationem negamus, quòd naturalia agentia agendo perficiantur intrinsecè, id est, noua perfectione sibi inherente, quia neque actio ipsa est perfectio agentis, vt in eadem ratione rectè dicitur, neque reductio illa de potentia in actum, quæ in tali agente, quando operari incipit, consideratur, est reductio potentiz obiectiue, vel receptiue in actum, sed est reductio potentiz actiue, quæ per se loquendo non perficitur agendo, sed perficit aliud. Dico autè, *per se loquendo*, quia si sit virtus incòpleta, perficienda erit prius per complementum virtutis: tunc autem non perficitur agendo, sed recipiendo, & sic completur, vt agat. Nec Aristoteles 8. Physicor. contrarium docuit, sed solum dixit corpora mouentia mouere motu ab alio, quia vel applicatione, vel complemento virtutis indigent, sicut sol ad illuminandum totum orbem mouetur, quia per motum ad omnia loca applicatur, postea verò illuminando non perficitur, neque per motum illum aliam perfectionem antecedentem recipit, neque etiam alij Philosophi illud dogma tradiderunt, imò D. Thomas 3. contra gent. cap. 21. docet res naturales agendo comparare tantum quamdam extrinsecam perfectionem, quatenus suum esse communicando, & quasi alius benefaciendo Deo, eiusque bonitati quodammodo similiores efficiuntur. Quod etiam confirmat D. Thomas autoritate Dionys. cap. 3. de cœlesti Hierarchia, dicentis diuinissimum esse Dei cooperationem fieri, quod propriè intelligitur de morali cooperatione in spiritali salute, vel propria, vel proximorum procuranda, de qua etiam loquutus est Paulus 1. ad Corinth. 3. dicens, *Dei adiutores sumus*. Per quamdam verò proportionem, seu analogiam omnibus causis agentibus, quatenus aliis bonitatem communicat, accommodatur, vt etiam ex parte assequutus est Comment. 12. Metaphys. text. 36. Sicut autem in Deo ipsa actualis operatio ad extra, non addit illi perfectionem intrinsecam, sed ostendit illam, ita similitudo ad Deum in huiusmodi operatione, quæ nihil in agente ponit, non est intrinseca eius perfectio, sed vocatur extrinseca, quia similitudinem quamdam in bonitate à Deo participata manifestat.

26.

7. Ratio ex actionibus vitalibus per se confutatur.

Septima ratio specialiter fiebat de actionibus vitalibus, & ex eo quòd essentialiter, vel intrinsecè, vel saltem ex natura rei pendet à principio vitali, inferebatur, non posse Deum in illam influere, nisi prius natura influat in ipsam potentiam vitalem, quæ illatio neque ab arguente probatur, neque ego video quo fundamento nitatur, aut quomodo possit ad syllogisticam formam reduci; & ideo quidquid sit de antecedenti, in quo Auctor ille sumit, etiam de potentia absoluta non posse actum vitalem fieri sine influxu potentiz vitalis, quod quidem intellectum de actu vitali, sub illa duplicatione, seu quantum ad actionem vitalem, vt sic admitti non potest: de ipso autem actu vitali secundum se spectato, vel non est verum, vel saltem est incertum, illo tamen permisso in quocumque sensu negatur consequentia, cuius defectus multis modis ostendi potest, nam species impressa influit effectiue in actum vitalem videndi, licet in potentiam nihil præuium influat. Diceretur etiam esse aliquid præuium in potentia, sed contrà: nam essentia diuina per se ipsum influit effectiue in visionem beatificam, & tamen nihil influit præuium ad illam efficientiam, nam lumen gloriæ, neque est ab essentia, vt est obiectum, sed vt aliàs efficit per voluntatem, & potentiam suam, neque est præuium ad actionem essentialitè, vt obiectum est, sed potius cum intellectu est veluti potentia cui essentia per modum obiecti co-

operatur. Denique posito etiam illo præuiò concursu in potentia vitali Deus immediatè influit alio concursu simultaneo in actum vitalem; ergo idem poterit facere concurrente cum sola potentia sufficienter constituta in suo ordine in actu primo ad operandum; est enim eadem ratio, quia licet daretur concursus præuius, actus non haberet ab illo formalem rationem, seu denominationem actus vitalis, sed à sua potentia. Nec est ergo de ratione actus vitalis, quod nulla causa efficiens extrinseca influit in illum, sed solum, quod proximè fiat à principio intrinseco vitæ, quod indigere potest virtute superioris cause, & ideo consequentia nullius est mouenti, quæ responsio in simili inuenitur apud D. Thomam 1. 2. quæst. 80. art. 2. ad 1.

D. Thom.

## CAPVT XLI.

*Ex vi generalis concursus non esse necessariam præuiam motionem in voluntate moraliter determinantem illam vt liberos actus eliciat.*

IN causis liberis assignatur ab aliis authoribus peculiaris necessitas præuiæ motionis Dei, quæ in causis naturalibus agentibus non inuenitur, quæ nascitur ex indeterminatione, & indifferentia quoad speciem, & quoad exercitium eius, quam agentia naturalia non habent positis omnibus prærequisitis ad agendum: voluntas autem libera habet illam, & ideo indiget determinari à superiori causa, vt actum in specie definitum, & in tempore determinato efficere, & inchoare valeat. Quia verò aliqui ex dictis authoribus loquuntur tam de prædeterminatione morali, quàm de physica, in hoc capite dicemus de morali, postea de physica. Ledesma ergo in prædicta q. art. 1. concl. 1. docet voluntatem hominis non posse ad actum liberum determinari, nisi moraliter à prima causa per concursum præuium determinetur, quod ibi tantum probat de actibus bonis, sed multa adducit pertinentia ad gratiæ auxilia, quæ in lib. 5. remitto.

1. Questio de causis liberis, & de eorum præuiæ prædeterminatione motu.

Ledesma.

In hoc autem puncto duo dubia sunt distinguenda, vnum est, an hæc determinatio moralis sit possibilis salua libertate, & ab hoc puncto nunc abstinemus vsque ad lib. 5. quia huc solum agimus se motione quæ ex vi generalis concursu sdatur. hoc autem illa tantum est, quæ est necessaria, quia concursus generalis semper est necessarius. Aliud ergo punctum proprium huius loci est, an ille modus promotionis determinantis moraliter sit necessarius causæ liberæ ad se determinandum. Quia verò generalis concursus propriè videtur significare influxum physicum primæ causæ, ideo videri potest omnino aliena à tali concursu motio, vel prædeterminatio moralis; re tamen vera non ita est, quia ipsa etiam moralis motio sine generali, & physico concursu non fit.

2. Status quæstionis.

Quod vt declarem, aduerto voluntatem duplici indigere motore, altero ex parte obiecti, seu, quod idem est ferè, ex parte intellectus: altero ex parte ipsiusmet voluntatis, vt in illa, vel cum illa efficiat ipsum voluntatis motum, seu actum. Primus motor distinctus à voluntate, vt per se patet, & motio illius, antecedit necessariò actualem determinationem voluntatis vel ordine temporis, vel saltem causalitatis, seu naturæ, quia voluntas non potest ferri nisi in obiectum cognitum, & ideo necessarium est, vt ab illo, & consequenter ab intellectu, & pro-

3. Duplex motio moralis in voluntate prima ex parte obiecti.

ponente illud prius alliciatur, & moueatur. Hæc autem motio solet dici metaphorica, vel moralis, non propriè physica, quia non est per propriam, & per se efficientiam in ipsam voluntatem. Motio enim obiecti appetibilis respectu appetitus solum est in genere causæ finalis, & ideo *metaphorice* dicitur. Vnde ex vi talis motionis, vt antecedit consensum liberum, & realem, nihil reale imprimitur voluntati, quod sit præuium ad actum suum, sed solum per naturalem colligationem potentiarum animæ, proposito obiecto per intellectum inuitatur voluntas, & allicitur, atque ita metaphoricè mouetur ad tale obiectum amandum, vel si aliquando resultat aliquis naturalis, & indeliberatus motus inclinans ad consensum in tale obiectum, talis motus nō fit ab obiecto, vel ab intellectu, sed fit ab ipsa voluntate cū sit vitalis, proceditque ex naturali propensione, quam habet ad bonum, quæ naturaliter prorumpit in similes imperfectos motus; quam ob rationem imperfectè deliberat. Denique quando ratio proponens obiectū etiam consilium, & suadet, vt ametur, de se excitat moraliter voluntatem, quæ etiam iuuatur illis moribus imperfectis ad se inclinandum indeliberatum consensum, & ideo etiam hæc motio dicitur effectiua nō physicè, quia non per se, nec propriè facit volitionem ipsam liberam, sed moraliter, quia modo quodam liberè actibus accommodato trahit voluntatē ad consensum. Et hoc modo quicumque proponēs obiectum voluntati, & persuadens, vel exhortans hominem ad illud appetendum, dici potest motor voluntatis in hoc genere, seu causa moralis efficiens, vt constat ex Aristot. 2. Phys. & 5. Metaph.

Aristot.

4. Altera motio ex ipsamet voluntate.

Conc. Trid.

Alter ergo voluntatis motor respectu actuum liberorum, est ipsamet voluntas, seu homo ipse per illam: nunc enim de formali principio mouendi, seu agendi tractamus, & ita potentiam ipsam lato modo, motori appellamus: sic ergo assertum hoc certissimum est, non solum quia motus ille est vitalis actus, de cuius ratione, & natura est, vt fiat propriè, ac physicè à potentia vitali, quam afficit, sed etiam quia non posset esse actus liber, nisi ab ipsa voluntate effectiue procederet, vt in primo Prolegomeno probatū est, & apertè colligitur ex Conc. Trid. sess. 6. c. 5. & can. 4. hoc autem intelligendum est de motore, seu efficiente proximo, & per se maximè necessario, siue sit solum, & integrū in suo genere, siue habere possit aliud coëfficiens cum voluntate, vt esse potest vel habitus, vel vnus actus voluntatis respectu alterius, quando inter se sunt ordinati, vt intentio, & electio, amor, desiderium, & similes, vt est probabile: vel (vt alij etiam volunt) obiectum cognitum, vel cognitio eius, seu iudicium intellectus etiam efficit volitionē, quod licet fortasse minus probabile sit, nihil ad præsens refert, quia obiectum, vel cognitio secundum talē efficientiam, si illā habet, saltem nō est præmotor, id est, non efficit in volūtate aliquid præuium ad actum liberū, quo illam determinet ad illum efficiendum, sed ad summū coëfficit cum illa actum eius, neque ampliùs dicunt cui obiecto, vel cognitioni aliquam physicā efficientiam in actū voluntatis tribuunt. Nec aliud potest cum fundamento, vel probabilitate cogitari, aut explicari, vt nūc ex cōsensu Theologorū, & Philosophorū suppono.

5. Ad vtrāque illam motionem necessarius ge-

Fr. Suarez de Gratia Pars II.

A principium creatum agendi; ergo indiget auxilio generali Dei, physicè etiam, & propriè coëfficiētiis. De priori autē diuersa ratio videri potest, quia motio obiecti, & intellectus respectu voluntatis, & prout antecedit actum eius, est solum motio finalis metaphorica, seu moralis, per quā nondū fit propriè, & physicè aliquid in voluntate; ergo ad illam nō videtur necessaria propria efficientia physica Dei per generalem concursum. Sed considerandum est licet motio illa respectu voluntatis sit moralis, seu finalis, nihilominus in re ipsa non fieri sine efficiētia aliqua propria & physica intellectus cognoscentis, & præsentantis obiectum, ac de illo iudicantis, quod non potest intellectus efficere sine physico, & proprio consensu generali Dei. Et ratione huius concursus verissimè dicitur illam motionem moralem non fieri sine concursu generali Dei. Hic autem concursus licet respectu intellectus sit physica motio respectu voluntatis, est tantū moralis, & hoc solum probat ratio dubitandi proximè proposita. Et quod valdè notandum est, ille concursus respectu intellectus, tātū est motio cooperatiua, non prædeterminatiua, nec prauia, iuxta dicta in præcedētibz capitulis, quia intellectus de se naturali modo operatur, & non liberè, & maximè prout antecedit liberam motionem volūtatis, sicut nunc cōsideratur. At verò respectu volūtatis illa est præmotio moralis, & ideo Deus ratione illius concursus, quem physicè præbet intellectui, potest aliquādo dici moraliter præmouere voluntatem. Hæc item præmotio sæpè inducit proximè aliquem naturālē ac necessariū motum, qui etiā respectu cōsensu liberi est præuius, & morali modo ad illam excitat per quādam sympathiam, & consensionem: quatenus autem motus illē naturali modo fit à voluntate, indiget motione Dei physicè cooperatē, nō prauia, iuxta hæc tenus dicta; quatenus verò ille motus moraliter mouet voluntatem ad alium, Deus etiam physicè concurrens ad illum moraliter præmouet volūtātē ad aliū actum si honestus sit, vt infra dicemus.

Et hac ergo declaratione cōstat in præsentī pūcto Deum prout concursum necessariū præbet ad actus vitales intellectus, vel voluntatis præuios ad consensum liberū eiusdem voluntatis, per talē cōcursum facere in nobis aliquid præuiū ratione cuius potest etiam dici Deus præmouere voluntatē nostrā ad liberū cōsensum, & hanc præmotionē saltē ex parte intellectus esse ex natura rei necessariā ad vsum liberū volūtatis. Ex necessitate igitur huius præmotionis, intulit dictus author necessitatē moralis prædeterminationis. Vereor tamē ne in verbo *prædeterminationis*, tā in se, quā cōparatū ad verbū præmouendi, seu præmotionis æquiuocatio committatur, & ideo aduerto duobus modis dici posse volūtātē determinari, scilicet, vel quoad specificationē tantū, vel etiā quoad exercitiū. Prior prædeterminatio potest dici de se sufficiens, nō tamē efficax, vel etiā dici potest cōditionata, nō absoluta, atque hoc modo obiectū, vel consiliū præmouēs voluntatē, dici potest prædeterminare illā, quārū est de se ad talē speciem actus, si motionē illā sequi velit. Atque hoc modo omnis præmotio volūtatis potest dici prædeterminatio. Alia verò est prædeterminatio absoluta & efficax, quia illa posita etiā si moralis sit, volūtas ex vi illius ad exercitiū actus determinatur, & de hoc genere prædeterminationis in præsentī sermo est. Hæc autē significatio secundum proprietatē, & receptū vsum verborum non conuenit verbo præmouēdi, quod generalius est, & ideo cauedum est ne ex necessitate præmotionis

neralis concursus Dei.

6. Ex his intelligitur quod sensui Deus dicatur præmouere voluntatem.

R

præmotionis moralis volûtatîs inferatur necessitas dicte prædeterminationis, erit enim inutilis illatio.

7.  
Quid sit  
præmotio  
moralis &  
quomodo  
differat à  
prædetermi-  
natione.

Ut autem hoc declarem, aduerto in voluntate secundum se spectata, id est, priusquam moueri incipiat, vel obiectum ei proponatur, duo considerari posse. Vnum est, quod est in potentia, vt moraliter moueatur; aliud quod est indifferens, & indeterminata ad volendum, vel nolendum. Præmoueri ergo moraliter nihil aliud est, quàm præmoueri aliquo morali modo ab alio priusquam ipsa operetur, hanc enim prioritatem particula *præ* indicat: prædeterminari autem est eius indifferentiam coarctari, & ad id efficiendum, ad quod præmouetur, illam determinari ab alio, priusquam ipsa operetur: eandemque etiam prioritatem particula *præ* denotat, addita verbo *determinandi*, quam indicat, addita verbo *mouendi*. Plus ergo est prædeterminare, quàm præmouere: vnde omnis qui determinat, præmouet, quia illa præuia determinatio non fit sine motione: non tamen è contrario, omnis qui præmouet, prædeterminat, quia potest talis esse motio, quæ antecedit, vt voluntatis indifferentiam coarctet. Vnde qui consulit, & qui petit, moraliter præmouet, non tamen prædeterminat modo prædicto; & Dæmon tentando præmouet nostras voluntates, non tamen prædeterminat, & pulchritudo obiecti nos inuitat, & præmouet, non tamen prædeterminat. Itaque si rigor, & vsus verbi *prædeterminandi* obseruetur, prædeterminatio supra præmotionem addit, quòd motio præuia talis sit, vt ex vi illius, & veluti quadam necessaria moralique consecutione voluntas eliciat illum actum liberum, ad quem præmouetur; hoc enim est determinare, seu limitare, & coarctare indeterminationem, quam voluntas ex se ante talem motionem habebat.

8.  
Diuisio præ-  
determina-  
tionis in  
physicam, &  
moraliam.

Vtèrius verò distingui solet prædeterminatio, in physicam, & moralem, quæ voces possunt distinguere vel modum causalitatis talis præmotionis respectu actus liberi, vel modum necessariæ connexionis cum illo, quæ duo sunt valde considerata, & distinguenda in tota hac disputatione, quia difficultas eius consistit in connectione alicuius præmotionis à causa intrinseca præmouentis cum subsequenti actu libero, magis quàm in modo causalitatis physicæ, aut moralis. Quamuis enim motio aliqua præcedat actum voluntatis, & ad illum moueat, & quando ille fit, sit causa illius vel moralis, vel physica, si non habeat aliquam necessariam connexionem cum illo, ita vt illa posita infallibiliter sequatur talis actus liber, erit præmotio, non prædeterminatio voluntatis, neque physica, neque moralis, quia nullo modo præoccupet (vt sic dicam) neque prius coarctat indifferentiam eius, quàm ipsa liberè operetur. At verò si motio præcedat & infallibiliter inducat consensum, erit prædeterminatio: tunc autem ex modo causalitatis dicetur physica, si physicè influat in consensum: moralis autem, si tantum moraliter moueat; hæc autem diuersitas non multum variat, aut minuit difficultatem, si necessitas consequentis consensus, & motionis esset æqualis, vt postea videbimus. Aliiter enim possunt voces illæ determinare connectionem prædictam, vt illa præmotio dicatur physicè prædeterminare, quæ omnino infallibiliter ex vi sue causalitatis inducat consensum, siue causalitas ipsa sit moralis, siue physica, sic enim non dicetur physica prædeterminatio, quia physicè causet, sed quia in se est quid reale, & physicum,

A quo posito, impossibile est, non sequi consensum. E conuerso moralis prædeterminatio dicetur si non sit tam infallibilis consecutio, quin interdum possit deficere, & solum dicatur moralis, quia vltimum ita contingit, vt saltem quia non sequitur per se extrinseca causalitate physica, vel moralis, licet aliunde sæpè ita eueniat, moraliter loquendo.

Primò ergo certum est voluntatem non posse ad actum liberum, & honestum determinari, nisi à Deo moraliter præmoueat. de hoc puncto nunquam fuit inter nos controuersia. Quod si dictus author in hoc tantum sensu vtitur verbis prædeterminandi moraliter, iniuste me reprehendit, quasi id negauerim, quia ego hæc partem latè probaui in eodem loco de Auxiliis, quem citat, & de illa procedunt omnia quæ de sancta cogitatione ad honestam operationem necessaria dixi in lib. 1. huius operis, & nunc probata breuiter ex dictis est, quia voluntas non potest actum liberum honestum facere, nisi prius per honestam cogitationem, vel iudicium moraliter præmoueat, sed talis præmotio non potest fieri, nisi vel à Deo solo, si velit illam efficere, vel saltem à Deo concurrente cum aliqua causa secunda hominem excitante, vt iam declarauimus. In utroque autem modo Deus verè, & propriè dicitur præmouere moraliter voluntatem hominis ad actum liberum honestum; ergo. Minor quoad priorem partem per se nota est, & illam omitimus, quia non pertinet ad communem providentiæ modum, & generalem concursum, de quo nunc tractamus. Quoad alteram partem probatur, quia quando causa secunda præmouet moraliter voluntatem, Deus concurret cum illa, vt constat; ergo tunc etiam Deus præmouet per illam, saltem physicè concurrendo ad præmotionem moralem. Vtèrius verò quando præmotio est ad actum honestum, Deus non solum physicè concurret ad illam, sed etiam moraliter, quia illam intendit, & quantum in se est, ad hoc ordinat creatura obiecta, vt homines ad actus honestos inducât, & præterea adiungit suum præceptum, vel consiliū, vel saltem moralem approbationem, & ideo non tantum physicè, sed etiam moraliter concurret. Et in hoc sensu procedunt multe ex rationibus dicti authoris, præsertim prima, quæ de initio boni operis per motionem præuiam ordinis naturalis procedit, de qua nos supra in lib. 1. latè diximus. Aliæ verò rationes, præsertim 4. 5. & 6. quæ sumuntur ex prædefinitione, & præscientia Dei apertè ostendunt dictum authorem loqui de prædeterminatione in toto rigore supra declarato.

Vnde dico secundò causam liberam ad suos actus connaturales efficiendos, non indigere prædeterminatione morali, præsertim ex vi concursus, & providentiæ generalis. Probatur, quia vt voluntas moueri possit liberè per actus ordinis naturalis, non indiget alia morali præmotione Dei, præter illam, quam facit per iudicium rationis sufficienter præponentis honestatem obiecti: sed hoc iudiciū licet præmoueat, non prædeterminat moraliter voluntatem; ergo non est alia prædeterminatio ex parte Dei necessaria. Maior supra in lib. 1. satis probata est, ibi enim ostendimus ad actus honestos ordinis naturalis sigillatim sumptos, per se loquendo, non esse necessariū speciale auxiliū gratiæ, sed sufficere lumen rationis præponentis obiectum sufficienter cum naturali facultate liberæ voluntatis. Vnde etiam ibi ostensum est cogitationem honestam naturalem haberi posse per generalem concursum Dei, & per illam posse etiam voluntatem honestam actum elicere; ergo ex parte Dei non potest

9.  
Assertio, vo-  
luntas indi-  
get aliqua  
moralis Dei  
præmotione.

10.  
2. Assertio;  
causa libera  
ad actus cõ-  
naturales ef-  
ficiendos nõ  
eget præ-  
determina-  
tione mora-  
li.



exigi alia specialis pramotio moralis. Minor autem, nimirum, hanc cogitationem honestam non prædeterminare moraliter voluntatem, per se videtur euidens. Primò experientia, quia cum tali cogitatione sæpius, & fortè frequentius homo non bene operatur moraliter; ergo signum est, talem cogitationem non prædeterminare voluntatem moraliter ad actum liberum, quia (vt dixi) ad hanc prædeterminationem necessarium est, vt pramotio moralis sit ad eò efficax, vt vel semper, vel vtplurimum à voluntate obineat liberum consensum. Secundò à priori, quia libertas voluntatis oritur ex indifferentia iudicij, vt cum D. Thomà 1. p. q. 83. art. 1. supponimus; ergo stante iudicio omnino indifferente, quantum in ipso est, eo modo, quo esse potest, scilicet ex parte obiecti proponendo rationem boni, & mali, & honesti, aut ardui, quæ in ipso est, manet integra libertas voluntatis ad honestum actum eliciendum; ergo talis pramotio moralis per illud iudicium facta est sufficiens vt voluntas eliciat actum honestum si velit; ergo non est necessaria prædeterminatio. Probat hanc vltima consequentia, quia illud iudicium non prædeterminat moraliter voluntatem, nam æquè indifferente illam relinquit ad refutandum obiectum propositum propter arduitatem, vel alium incommoditatem in illo simulcognitâ.

D. Thom.

II.  
Confirmatur  
& amplius  
declaratur.

D. Thom.

Tertiò idem confirmatur, & declaratur, quia si prædeterminatio illa moralis intelligatur esse prædeterminatio simpliciter, id est, quæ de se infallibiliter effectum liberi consensus obineat, potius repugnat libertati, quàm illam iuuat: non potest enim aliunde prouenire nisi ex eo, quòd ratio non repræsentat planè obiectum, sed sub vna tantum ratione; nam hæc moralis ratio, per se non fit, nisi medio iudicio rationis; quomodo ergo potest ratio illo modo determinare voluntatem ad vnum, nisi de vna tantum ratione obiecti iudicando? hoc autem est contra vsum libertatis, nam vt actus voluntatis liberè fiat, necesse est, vt habeat obiectum sufficienter propositum, ad videndum, vel nolum. Nam, vt rectè dicit D. Thom. 1. 2. q. 6. art. 2. ad 2. ex eo, quòd ratio deliberans se habet ad opposita, voluntas, in vtrumque potest; ergo libertas actus voluntatis requirit ex parte iudicij actualem indifferentiam obiectiuam; ergo non potest ad actum liberum prærequiri talis prædeterminatio moralis, quæ ex vi pramotionis moralis infallibiliter voluntatem in consensum iudicat; quin potius talis pramotio licet in modo cauendi dici possit moralis, seu finalis, in modo prædeterminandi esset physica, & induceret necessitatem intrinsecam, qualis est in actibus indeliberatis, quorum necessitas oritur ex interno appetitu naturali, supposito impedimento in rationis deliberatione, sine qua non potest esse vsum libertatis. At verò si prædeterminatio moralis minus rigorosè dicatur ob frequentem determinationem, & quia difficulter oppositum euenit, in rigore non repugnat libertati: non potest autem esse necessaria ad liberè, & honestè operandum, quia hæc moralis prædeterminatio non potest prouenire, nisi ex vehementi consideratione boni, & remissa consideratione mali, vel ex aliqua prauia propensione naturali ad bonum potius quàm ad malum: quid enim aliud potest cogitari? At nihil horum necessarium ad operandum bonum, quia neque est necessaria aliqua consideratio mali, nec inclinatio habitus, vel consuetudinis, vel alicuius affectionis indeliberatæ, quæ præcedat, hæc enim omnia accidens sunt, vt per se constat, & sine illis voluntas

tas habet vim eligendi bonum sibi propositum, cum tamen sine aliquo huiusmodi intelligi non possit, vnde talis moralis prædeterminatio prouenire possit; non est ergo talis prædeterminatio ad bene operandum ex parte Dei necessaria.

Sed obijciunt, quia posita pramotione morali sufficiente voluntas libera manet, & indeterminata; ergo vt honestè determinetur, necessaria est diuina pramotio, quæ moraliter illam prædeterminet, aliàs efficacia diuinorum auxiliorum naturalium, non in Deum, sed in voluntatem esset referenda, quod est absurdum, quia cum efficacia sit id, quod præcipuum est in diuinis auxiliis, illa maximè in Deum referenda est. Et confirmatur, primò quia si Dei voluntas moraliter non prædeterminaret, bona, vel mala temporalia, quæ hominibus eueniunt, non essent in Deum referenda, quia communiter veniunt ex negotiatione, vel operationibus humanis, quæ per liberam determinationem fiunt; ergo si voluntates hominum non prædeterminarentur à Deo, effectus ex illis prouenientes non refererentur in Deum, & consequenter non essent gratiæ Deo agende pro his bonis, vt, verbi gratia, quando pauper accipit elemosynam à diuite, potest quidem, & debet gratias agere homini danti, quia sua voluntate se ad id determinauit, non tamen Deo, qui voluntatem dantis non prædeterminauit. Confirmatur secundò, quia Scriptura tribuit Deo hanc prædeterminationem moralem respectu voluntatis, vt latè probat Augustinus lib. de Grat. & lib. arbitr. cap. 10. eo quod 1. Regum 17. dicitur Domini nutu dissipatum fuisse consilium Architophel, agendo scilicet in corde Absalon, vt tale consilium repudiaret, & quod Esther 5. dicitur Deum conuertisse cor Assueri, &c. Simile est illud Genes. 43. *Deus autem meus omnipotens faciat illum vobis placabilem.* vbi Caietan. notat, petiisse Iacob à Deo, vt animum præsidis Aegypti flecteret. Et similia leguntur sæpe in Scriptura 1. Regum 10. & 11. & Iudith 6. & 14. Ac denique illud est vulgatissimum, *Cor Regis in manu Dei est, & quocunque voluerit, vertet illud*, Prouerb. 21.

12.  
Obiectio, ex eo quod mandatur voluntati libertas, & efficacia diuinorum auxiliorum naturalium, in solam voluntatem referenda est.

Augst.

Caietan.

Ad primam rationem negatur prima consequentia; imò addimus oppositum sequi ex antecedenti: nam si posita pramotione morali, voluntas est verè libera, & indifferens cum illa sola pramotione morali, si Deus præbeat generalem concursum, poterit honestum actum elicere, nam si vltra illam pramotionem moralem sufficientem ad eliciendum actum liberum, est necessaria alia motio moraliter prædeterminatiua, profectò illa prior non erit sufficiens in suo genere causæ moralis, quia in eodem genere alia maior, & efficacior necessaria erat; ergo falsò appellatur illa prior pramotio sufficiens. Falsum item est voluntatem cum illa sola esse moraliter liberam ad operandum, cum per illam solam moueri liberè non possit ad talem actum, nisi maior adhibeatur. quæ ratio per se sufficientissima in hac materia est, eam in lib. 5. pressius urgebimus. Veruntamen etiam ad hominem potest confirmari, quia prædeterminatio illa moralis, si necessaria est, profectò ex parte actus primi, & virtutis actiue voluntatis necessaria est, quia omnino antecedit actum secundum, & non potest esse nisi aliqua cognitio, vel motio interna per modum consilij, vel attentioris considerationis, vel alio simili modo; hoc enim modo idem author explicat

13.  
Diffinitur obiectio sub perior.

hanc causalitatem moralem in art. 1. immediatè post argumenta. Est ergo necessaria illa prædeterminatio, vt voluntas habeat integras vires, non solum phycas, sed etiam morales simpliciter necessarias ad illum actum; ergo sine illa motione non habet has vires; ergo cum alia præmotione morali non habet sufficientes vires, & consequenter nec libertatem proximam ad talem actum. Sic enim idem Author alibi colligit præuium concursum non posse requiri ex parte actus primi, quia aliàs in causa secunda non supponeretur virtus sufficiens ad agendum. Nec minorem habet efficaciam hæc ratio in viribus moralibus (vt sic dicam,) quàm in phycis, si vtræque tales sint, vt sint simpliciter necessariae ad vsum libertatis, quia talis libertas prærequirit potestatem, simpliciter in omni genere; imò non solum ex parte virtutis per se actiue, sed ex parte etiam omnium conditionum, quæ ad agendum necessariò præsupponi debent, vt in Prolegomeno 1. latè diximus.

14.  
Ad confirma-  
tiones.

Concludimus ergo cum motione morali de se non prædeterminatiua voluntatis, posse voluntatem liberè operari, etiam honestè. Ad inconueniens autem quod inferitur in prima confirmatione, sequi nimirum non esse Deo gratias agendas, propter bonos actus liberos, vel propter utilitates, ac beneficia temporalia, quæ interdum ex illis nascuntur. Respondetur, negando sequelam, quia vt hæc sint beneficia diuina, vel temporalia, vel etiam moralia, non est necesse vt ex diuina prædeterminatione morali proueniant, satis est enim quòd fiant ex honesta aliqua cogitatione, & morali motione à Deo præuisa, & prouisa: vt inter homines gratias merito agimus homini danti bonum consilium ad aliquid virtutis operandum, etiam si vnus homo alterius voluntatem suo consilio non prædeterminet, licet illam inclinet, & præmoueat, hæc enim diuersa sunt vt iam admonui. Item in lib. 1. declarauimus, quomodo cogitatio congrua naturalis, sit speciale beneficium ordinis nature, etiam si de se non magis prædeterminet voluntatem, quàm honesta cogitatio sufficiens. Sic ergo omnia similia bona, quæ hominibus eueniunt, in Deum referenda sunt, non propter prædeterminationem, sed propter prouidentiam, & efficientiam, vel phycam, vel moralem iuxta effectuum exigentiam. Vnde in exemplo illo de paupere accipiente elemosynam à diuine, dicimus, debere gratias agere, & danti, quia libera voluntate se ad illam dandam determinauit, & Deo, quia & illi cooperatus est, & illi sua prouidentia in illam cogitationem congruè induxit, quod, vt dixi, sine prædeterminatione facere potuit. Huiusmodi ergo illationes, & argumenta (quod præ oculis, vt dixi, habendum est,) ex verborum æquiuocatione, & confusione prædeterminationis, cum omni præmotione morali procedunt, & ita intellecta illorum verborum distinctione facile soluantur.

15.  
Ad secundam  
confirmatio-  
nem.

Altera confirmatio simili defectu laborat. Primum quidem, quia omnia illa, quæ in illo argumento referuntur, possunt à Deo fieri per cogitationes accommodatas, & in diuina præscientia ita congruas, vt effectum à Deo intentum infallibiliter consequantur. Deinde, quia longè diuersum est, hanc prædeterminationem moralem esse necessariam ad omne opus: aliud verò esse possibile, si Deus velit illam adhibere: constat enim posse Deum dare abundantius auxilium ad ali-

A quod opus, quàm simpliciter necessarium sit. Hæc autem duo in illo argumento, vel confunduntur, vel vnum malè ex alio inferitur, nam testimonia, & exempla adducta in illa confirmatione ad summum probant, posse Deum prædeterminare moraliter ad bonum, & interdum id facere, quod nunc gratis damus: qualis autem sit illa prædeterminatio moralis, in lib. 5. inter auxilia gratiæ efficacia explicabimus; quia talis prædeterminatio aliquam rationem gratiæ semper habet. Hinc autem non sequitur talem prædeterminationem esse necessariam, non enim omne possibile necessarium est, vt per se constat, & hoc est, quod ad præsens pertinet, & iam monui, quia solum de generali concursu siue phycico, siue morali tractamus.

## C A P V T XLII.

*Præuium concursum phycicè prædeterminantem non esse voluntati liberæ necessarium, vt aliquid determinatè velit.*

C IN præseni etiam est sermo de prædeterminatione efficaci, & quoad exercitium, & vt iam notauimus, non tractamus nunc, an talis prædeterminatio sit possibilis, seu compossibilis cum vso libertatis, (hanc enim quæstionem in lib. 5. referuamus; sed tractamus solum ex vi generalis concursus voluntati liberæ debito necessaria sit.

Dicimus ergo præuium concursum non magis esse necessarium voluntati liberæ ad actus liberi proportionatos, seu ordinis naturalis, quàm alijs causis secundis naturaliter agentibus, ac proinde ex ordinaria lege, seu ex vi generalis prouidentie solum simultaneum concursum illi tribui. Hanc assertionem maximè docent authores allegati in cap. 1. & esse S. Thomæ ostendam in capite sequenti, nunc rationem illam ostendo, quia si propter aliquid esset necessarius ille præuius concursus, maximè quia voluntas est potentia indifferens, seu indeterminata, & ideo indiget præuio auxilio in se recepto, quo prædeterminetur; sed ob hanc causam non solum non est necessaria talis præmotio, sed potius propter illam conditionem maximè consentaneam tali potentie est, vt non detur illi talis præmotio; ergo. Consequentia est nota, & in Maiori conuenimus. Minor ergo probatur, quia indeterminatio voluntatis, quæ illi conuenit, vt est potentia formaliter libera, non est sola indeterminatio potentie passiuæ, sed est indeterminatio potentie actiuæ, habentis sufficientem, & integram vim producendi varios actus ad quos dicitur libera, & aliunde habet talem modum operandi, vt suum actum intrinsecè per se ipsum voluntariè eliciat, aut non eliciat; ergo ad faciendum determinatum actum non indiget extrinseca præuia motione determinante illam. Maior probata, & declarata sufficienter est in Prolegomeno 1. cap. 1.

Addimus ergo in Minori proprium esse voluntatis ferri in obiectum suum per actum intrinsecè, ac per se ipsum voluntarium, quam proprietatem aliquo modo participat appetitus sensitivus; minus verò, & sine indifferentia, & ideo non est potentia

1.  
Assert. Non  
est necessa-  
ria prædeter-  
minatio phy-  
sica volunta-  
tis ad actus  
ordinis na-  
turalis.

2.  
Ex indiffe-  
rentia de li-  
berrate vo-  
luntatis id  
probatur.

potentia libera. Ratio verò eſt, quia voluntas fertur in obiectum voluntariè, vt ex terminis conſtat, quod adeò eſt intrinſecum illi, vt propterea cogi non poſſit; ergo motus ipſe, quo hæc facultas fertur in obiectum, illi voluntarius eſt: non eſt autem voluntarius per alium actum, aliàs procederetur in infinitum; ergo talis actus eſt intrinſecè ac per ſeipſum voluntarius. Et hoc docuit Caietanus 1. 2. q. 9. art. 4. & ſumpſit ex D. Thoma 1. 2. q. 16. art. 4. ad 3. vbi ait, voluntas conſentiendo obiecto conſentit ſe conſentire, & conſequenter volendo obiectum, vult ſe velle, quia actus voluntatis refleſtuntur ſupra ſeipſos. Et ex eodem principio dixit in 1. 2. q. 25. art. 2. amorem ex ratione propriæ ſpeciei habere, quod ſupra ſe refleſtatur, quia eſt ſpontaneus motus amanti ad amatum, vtiq; extrinſecè, & per ſeipſum, ideòque adiungit, *Vnde ex hoc ipſo quod amat aliquis, amat ſe amare.* Et ſic etiam dixit Auguſtinus 8. de Trinit. cap. 7. *Qui amat proximum, conſequens eſt, vt etiam ipſam dilectionem diligat.* Eademque ratio in vniuerſum eſt de ipſo velle, ſeu de quolibet actu voluntatis, vt copioſius docuit idem Auguſtinus lib. 2. de libero arbitrio, cap. 19. dicens, *Noli mirari, qui ceteris per liberam voluntatem utimur, etiam ipſa libera voluntate per eam ipſam viſi nos poſſe, vt quodammodo ſeipſa utatur voluntas, quæ utitur ceteris, ſicut ſeipſam cognoscit ratio, quæ cognoscit cetera.* Et hæc eſt ratio à priori, ob quam in ſola potentia appetente poteſt eſſe formalis libertas, qua ſolus actus à tali potentia elicitus eſt intrinſecè voluntarius, ſeu ſpontaneus, & ita ſola potentia appetens vitaliter poteſt ſeipſum ad appetendum actualiter, & vitaliter inclinare, quod maximè eſt neceſſarium in potentia formaliter libera, vt poſſit velle vnum actum elicere, potius quàm alium, vel potius exercere actum, quàm ab illo ceſſare, cùm ad neutrum ex natura ſua ſit determinata. Et hinc etiam eſt, quod cùm voluntas poſſit aliàs hominis potentias ſibi ſubiectas ad liberum exercitium actus mouere, ipſa ſola poſſit ſeipſam ad volendum mouere & applicare, vt idem D. Thomas tradit 1. 2. q. 3. art. 3. & 4. quia actus aliarum potenciarum non ſunt voluntarij, niſi propter actum voluntatis eſt: & ita quia voluntas volendo aliquid, vult velle illud, ideò eodem actu, quo vult aliquid, ſe mouet ad volendum.

Ex his ergo principiis facilè probamus illationem factam, & aſſertionem, ſcilicet, voluntati propter indeterminationem ſuam non eſſe neceſſariam phyſicam prædeterminationem extrinſecus ab ipſo Deo illi aduenientem, quia tribus tantùm modis cogitari poteſt hæc neceſſitas. Primò, quia voluntas indiget tali præmotione propter imperfectionem virtutis agendi, vt per illum actum compleatur quoad vnum actum determinatum ſolum. Secundò poteſt requiri vt voluntas determinetur ad exercitium actus. Terriò vt concurſus Dei voluntatem, vel quoad ſpeciem actus, vel quod indiuiduum determinet; nam cùm voluntas ex ſe ſit indifferens ad plures concurſus, non poteſt ab illa ſumi determinatio ipſiusmet concurſus, ſicut ſit in aliis cauſis naturalibus. Sed nullo ex his modis poteſt talis neceſſitas admitti, nedum probari; ergo nulla eſt. Conſequentia ſatis probatur à ſufficienti partium enumeratione: nullus enim alius titulus huius neceſſitatis hætenus legi, vel cogitari potuit, nec facilè fingi poſſe exiſtimo. Antecedens autem

*Fr. Suarez de Gratia Pars I I.*

probat per ſingula membra diſcurrendo.

Primum facilè refellitur ex dictis, oſtenſum eſt enim voluntatis indifferenciam, quæ liberam illam conſtituit, non eſſe ex imperfectione, ſed ex eminentia actiuitatis, & dominij in ſuos actus, nam & virtute eminenti ita plures continet, vt quemlibet poſſit efficere, vel ſuſtinere; ergo propter defectum virtutis non indiget forma, vel actu determinante. Sicut diuina voluntas indifferens eſt ad varios effectus, quia ramen illa indifferencia ex eminentia naſcitur, ideò non indiget extrinſeco prædeterminante, ſed ſeipſa determinatur prout vult, vt ait D. Thomas 1. p. q. 19. art. 3. ad 5. Libertas autem voluntatis noſtræ, eſt quædam ſingularis participatio diuinæ libertatis quoad extrinſecam facultatem ſufficientem ad varios actus efficiendos, vel non efficiendos, ex intrinſeca vi, & perfectione, etiamſi nullum impedimentum occurrat: nam hoc ſaltem eſt neceſſarium ad veram libertatem, quamuis in modo infinite diſtet libertas creata à diuina: nam diuina non eſt per immediatum ordinem ad plures actus internos eiufdem voluntatis, ſed per ſolum habitudinem ad plura obiecta creata, quia illa libertas eſt puriſſimi actus, ſine vlla potentialitate: libertas autem potentie creatæ eſt immediate in ordine ad proprios actus internos, quia non eſt purus actus, ſed ſemper habet aliquam potentiam paſſiuam, vt latius D. Thomas 1. contra gent. cap. 82. Atque hanc doctrinam expreſſè tradidit Scotus in 2. d. 25. q. 5. ad vltimum argumentum, in quo eandem difficultatem propoſuerat. Reſpondet autem voluntatem eſſe indeterminatam, tanquam formam perfectam, & non diminutam, ideòque præſentato obiecto poſſe ſe determinare, & etiam alia, & tandem ita concludit. *Potentia igitur rationalis perfectæ, qualis eſt voluntas, quamuis ſit contrarium, poterit determinare ſe obiecto præſente ad vnum illorum.*

Neque poſſunt hanc partem negare, vel huic rationi contradicere alterius ſententia anthores, qui, vt ſuprà vidimus, fatentur concurſum præuium non requiri in cauſa ſecunda, vt ex parte illius virtutem agendi, ſeu actum primum compleat, conuicti illa ratione, quia aliàs cauſæ ſecundæ non haberent in ſuo genere virtutem completam ad agendum: at hæc ratio multo magis vrget in voluntate libera; ergo multò etiam magis in illa fateri debent præuiam determinationem non requiri, vt illam in actu primo conſtituat, vel virtutem agendi ſuos actus compleat. Minor declaratur argumento ſæpe à nobis repetito, & in hac parte ab ipſis probato, vt ibi etiam notauimus; quia ſi voluntas per hunc præuium concurſum conſtitueretur in actu primo, & completa virtute proxima ad agendum, ante talem concurſum non eſſet proximè ac perfectè libera, ſaltem quoad ſpecificationem, ſeu quoad plures, vel contrarios actus, vt iam latè deduximus: hinc autem vltiùs ſequitur, vt nunquam in reipſa tali libertate utatur. Probat hanc vltima illatio, quia per concurſum præuium tantùm completur virtus voluntatis ad vnum actum efficiendum; ergo ad illum ſolum efficiendum habet tunc poteſtatem actiuam ſufficientem, vt non ad vllum alium; ergo etiam tunc non habet libertatem ſimpliciter ad plures actus; ergo nunquam illam habet.

Vnde etiam ſit, vt licet alios actus præter illum, ad quem recipit concurſum præuium, facere omittat, non poſſit hoc tribui libertati eius, quia

4. Non requiritur prædeterminatio ex voluntatis imperfectione.

D. Thom.

D. Thom.

Scotus.

5. Argumentatur ad hominem.

6.

Absurdu ex aduerſariis



circa omif-  
fione actus  
quæ fit ex  
impotentia  
sive incom-  
pletione vo-  
luntatis ad  
ipfos ponen-  
dos.

non ex sola voluntate illos omittit, sed quia im-  
potens semper fuit ad illos efficiendos, quia nun-  
quam fuit in actu primo constituta, nec virtutem  
completam habuit ad tales actus eliciendos. Et  
hinc facile inferri etiam potest, si hoc titulo est  
necessaria prædeterminatio, tolli libertatem quoad  
exercitium actus; nam prius tempore, vel natura,  
quàm voluntas recipit talem præuium concur-  
sum, non est principaliter potens ad exercendum  
talem actum, ac subinde neque est libera, quoad  
exercitium illius; statim verò ac recipit illud vir-  
tutis complementum, non potest continere actum,  
seu non exercere actum, ad quem eliciendum  
completur: nam hæc est vis physice prædetermi-  
nationis; ergo nunquam est voluntas libera ad  
exercitium talis actus. Sed hæc ratio ex professo  
tractanda est in lib. 5, & paulo pòst hoc loco ne-  
cessarium erit aliquid illi adiungere.

7.  
Non est ne-  
cessaria præ-  
determinatio  
ad determi-  
nandam vo-  
luntatem ad  
speciem, aut  
exercitium  
actionis.

Secundum membrum suprà positum fuit de  
necessitate præuij concursus in voluntate propter  
solam determinationem ad vnum actum in spe-  
cie, vel ad exercitium actus, quia causa indeter-  
minata, non potest in effectum determinatum  
prodire, propter rationem octauam prioris sen-  
tentia in cap. 27. proposiram. Sed hanc etiam ne-  
cessitatem nullam esse ostendimus ex principiis  
positis; quia potentia, quæ habet sufficientem  
vim actiuam ad plures actus, & subest motioni  
liberæ voluntatis, per solum velle eiusdem volun-  
tatis determinatur ad definitum, seu particula-  
rem actum exercendum, vt patet in intellectu,  
& potentia motiua: sed voluntas habet virtu-  
tem sufficientem ad eliciendos varios actus, &  
sibi ipsi subest (vt sic dicam,) quoad liberam mo-  
tionem; ergo seipsam determinare volendo cum  
simultaneo concursu primæ causæ; ergo propter  
determinationem non indiget prædeterminatio-  
ne. Minor probatur, quia voluntas non deter-  
minat alias potentias, nisi volendo, vt operetur;  
sed ipsa volendo obiectum, vult etiam operari, vt  
declarauit: ergo proposito obiecto sufficienter  
cum omnibus ex parte illius requisitis, volendo  
tale obiectum, vult se applicare, seu mouere ad  
talem actum, & ita se determinat, licet non so-  
la, sed cum concursu Dei simultaneo. Explica-  
tur in actu credendi, nam voluntas determinat  
intellectum ad actum fidei volendo credere, &  
ideo non est necessaria alia prædeterminatio in  
intellectu ad talem actum, sed volendo credere,  
vult velle credere, quia ipsum velle voluntarium  
est; ergo per ipsummet velle se sufficienter de-  
terminat; ergo est impertinens omnis alia præ-  
determinatio.

8.  
Confirmatur  
à posteriori.

Atque hæc quidem est ratio à priori huius par-  
tis: à posteriori verò possumus illam confirmare,  
quia alijs superflue author naturæ, voluntati hu-  
manæ dedisset virtutem illam eminentem, & in-  
differentem quoad specificationem, & exercitium  
suorum actuum; si postea nunquam illa vri pos-  
sit, nisi prius ab extrinseco agente determi-  
netur. Imò hinc ulterius sequitur, nunquam volun-  
tatem operari vt indifferentem ad plura: nam idem  
est indifferentem esse, quod esse indeterminatum,  
sed nunquam operatur præexistens indetermina-  
ta, quia semper indiget præuia prædetermina-  
tione, vt altera opinio dicit; ergo nunquam ope-  
ratur indifferens. Ex quo tandem inferuntur illa  
duo incommoda, scilicet vt nunquam operetur  
vt libera, vel quoad specificationem, vel quoad  
exercitium. Vtrumque in primis simul probatur,  
quia nihil aliud est potentiam esse liberam, quàm

A esse indifferentem; si ergo nunquam operatur vt  
indifferens, nunquam operatur vt libera. Deinde  
probantur singula membra. Primum, quia vo-  
luntas solum potest aliquid operari, quatenus  
prædeterminata ad illud, vt contraria opinio do-  
cet; sed non prædeterminatur nisi ad vnum, vt  
etiam supponitur; ergo illud potest solum sim-  
pliciter operari, & non alia; ergo non opera-  
tur vt potens ad plura; ergo nec vt libera ad plu-  
ra; ergo nec vt libera quoad specificationem actus.  
Tres vltimæ consequentiæ per se euidenter sunt,  
supposita prima, quæ ex contraria positione vi-  
detur etiam euidenter, nam aiunt, voluntatem in-  
determinatam nihil determinatum posse operari.  
B Nec refert siue illam prædeterminationem requi-  
rant vt principium agendi, aut ex parte hominis,  
aut ex parte Dei, siue tantum vt necessariam con-  
ditionem; quocumque enim modo sit necessaria  
ad eliciendum actum, si illa non detur, nec sit in  
potestate voluntatis, nisi tantum passiuè intelligi  
non potest, quomodo sit in libera facultate vo-  
luntatis actum elicere ad quem non prædetermi-  
natur. Secundum item membrum probatur ar-  
gumento suprà facto, quia posita illa prædeter-  
minatione non est in potestate voluntatis non  
exercere actum, & illa prædeterminatio datur ei  
ab extrinseco, & sine usu libertatis; ergo actus  
proueniens à voluntate sic prædeterminata est illi  
necessarius quoad exercitium.

C Et quamuis hæc ratio de auxilio efficaci latius  
tractanda sit, non possum hic committere, quin  
aduertam. P. Ledesma artic. 8. conclus. 3. illa  
fuisse conuictum, vt diceret prædeterminatio-  
nem hanc fieri non à solo Deo, sed simul etiam  
à voluntate, nam id existimat & necessarium, vt  
saluetur libertas, & sufficiens, quia si prædeter-  
minatio sit à voluntate, ipsamet erit libera, &  
consequenter actus erit liber. quæ quidem respo-  
sio quatenus efficaciam rationis à nobis factæ  
confiteretur, si supponatur prædeterminatio in  
voluntate à solo Deo, nostram sententiam plu-  
rimum iuuat: quatenus verò dicit prædetermi-  
nationem fieri à voluntate, non video quomodo  
D cum principiis illius sententiæ, vel cum funda-  
mento eius, imò nec ipso nomine, & ratione præ-  
determinationis possit consistere.

Primò, quia concursus præuius ponitur fieri  
à solo Deo, vt suprà cap. 25. dub. 5. ostendi:  
prædeterminatio autem fit per concursum præ-  
uium iuxta eandem sententiam; ergo est à solo  
Deo. Vel è contrario si prædeterminatio non fit  
à solo Deo, sed simul à voluntate; ergo non fit  
per concursum præuium, sed per concomitan-  
tem, nam simultaneus concursus ille est, per  
quem Deus simul cum causa secunda opera-  
tur; ergo non datur in voluntate concursus  
præuius ad illam prædeterminationem efficien-  
dam, & sic falsum est illud principium, quod  
præuius concursus est necessarius per se & essen-  
tialiter ad omnem efficientiam causæ secun-  
dæ. Vel si fingatur alius concursus præuius di-  
stinctus ab prædeterminatione, de illo inqui-  
ram, an fiat à voluntate necne: nam si fit, pro-  
cedemus in infinitum; si verò sistendum est in  
aliquo, qui non fiat à voluntate, in illo proce-  
det argumentum, quod ille tollit libertatem, eo-  
dem modo, quo ille author de prædeterminatio-  
ne argumentatur.

Secundò, quia concursus præuius est princi-  
pium effectiuum actionis causæ secundæ, vt cap. 30.  
dub. 10. ex sententia illorū authorum dictum est;

9.  
Ledesma re-  
sponso con-  
futat.

10.  
Prima con-  
futat.

11.  
Secunda co-  
firmatio Le-  
desmae.

ergo

ergo etiam prædeterminatio est principium actus voluntatis; ergo non potest ab illa fieri. Posterior consequentia videtur evidens, quia voluntas non potest efficere principium sui actus. Prior verò probatur; quia præius concursus, & prædeterminatio idem sunt, nam posito concursu præio in voluntate, fieri non potest, quin actio sequatur, ut in vniuersum de omni causa secunda dicti auctores docent: prædeterminatio autem nihil aliud est quàm præmotio inseparabilis ab actione; sunt ergo idem in voluntate præius concursus, & prædeterminatio physica, quatenus à Deo, ut generali causa concurrente, fieri dicitur, nam de illa, quæ gratiæ efficaci attribuitur, alia est ratio, ut postea videbimus. Tertio in verbis inuoluitur repugnantia, quando prædeterminatio esse dicitur, quæ ab ipsa voluntate fit: nam vel est prædeterminatio in actu primo, vel in actu secundo. Si in actu primo, non est à voluntate, quia voluntas non se constituit in actu primo, simpliciter loquendo, ut per se constat; ergo fit à solo Deo in voluntate ipsa, & sic tollitur libertas, ut benedictus auctor argumentatur. Vel est determinatio in actu secundo, & tunc repugnat esse prædeterminationem, quia particula *præ* dicit antecessorem, non respectu Dei; ergo respectu voluntatis; repugnat ergo esse prædeterminationem, & esse & voluntate. Et confirmatur, nam prædeterminatio ideo ponitur, ne voluntas indeterminata præexistens, aliquid determinatum operetur, quod fieri non posse creditur: at si voluntas ipsa efficit prædeterminationem, ante illum non supponitur determinata; ergo existens prius natura indeterminata efficit prædeterminationem, quæ est effectus determinatus, quod est contra propria principia. Simile argumentum est, quia hæc prædeterminatio ponitur, quia causa secunda non potest mouere, nisi præmota; ergo non potest ipsa efficere suam prædeterminationem, aliàs efficeret illum nondum mota, contra hypothese.

Tertium membrum in principali ratione positum fuit, quod hæc prædeterminatio putari potest necessaria propter determinationem concursus diuini, quia ille concursus non potest determinari ex coniunctione causæ primæ cum causa secunda, sicut de naturalibus causis causa naturalis; ergo quod Deus velit eum illa coniungi ad operandum, non satis est ad determinationem diuini concursus; ergo oportet ut per diuinam voluntatem solam prædeterminetur; ergo oportet, ut illa determinatio præcedat, & sic ab illa prædeterminabitur voluntas, quæ ratio procedit de determinatione quoad speciem concursus; de determinatione verò quoad indiuiduum, supra est vniuersaliter ostensum fieri à solo Deo. Vnde etiam fit consequens, ut ab eodem proueniat prædeterminatio quoad exercitium, quia voluntas Dei prædeterminans talem concursum, quoad speciem, & indiuiduum est efficax; ergo ponit efficaciter in re ipsa talem concursum, & consequenter secum trahit, & determinat voluntatem hominis ad actum propter quem talis concursus datur.

Hic verò discursus pendet ex difficultate tacta capite 40. ad rationem 5. ex quo decidero voluntatis diuinæ procedat concursus quem Deus præbet voluntati creatæ ad liberè operandum, de quo puncto dicam commodius paulo post cap. 45. tractando de concursu ad actum, qui est peccatum. Nunc enim breuiter aduerto, concur-

sum Dei dupliciter considerari posse, scilicet, vel quasi in actu primo, & antecedenter à Deo oblatum, vel ut in actu secundo ad extra exhibitum. Sicut enim prius natura, quàm voluntas liberè operetur, intelligimus illam potentem in actu completo ad operandum, ita prius natura, quàm Deus cum illa concurrat, intelligendus est Deus paratus ad concurrendum cum illa, & quantum in se est antecedenter offerens suam cooperationem, cum sine illa voluntas nihil possit efficere. Dico ergo voluntati habenti libertatem quoad plures species actuum non offerre Deum antecedenter vnicum tantum concursum, sed tot species concursuum, quot sunt species actuum, quos voluntas illa circa obiectum sibi sufficienter propositum potest elicere. Ratio manifesta est, quia Deus prouidet vnicuique causæ secundæ iuxta capacitatem, & indigentiam eius, sed potentia libera cum sit virtute multiplex in ordine ad varios actus est capax plurium concursuum diuisim, seu disiunctim pro eodem instanti; ergo si vnus tantum illi prouideretur, seu offerretur, non sufficienter esset illi prouisum iuxta capacitatem eius, quia cum in effectu ac proximè nihil possit facere sine adiutorio, & cooperatione Dei, si vnus tantum illi concursus antecedenter prouideretur, & offerretur absolute, & numquam secundum totam suam indifferentem potestatem, sed tantum secundum alteram eius partem sineretur operari. Vnde etiam fieret, ut in re ipsa, & in effectu nunquam vteretur sua libertate quoad speciem actus, quia simpliciter solum illum posset efficere, ad quem haberet paratum concursum, alios verò simpliciter non posset. Nam quod fieri non potest sine adiutorio alterius, si tale auxilium denegaretur antecedenter, id est, si is, qui daturus illud est, statuit illud non dare, simpliciter fieri non potest, sed voluntas sola sine adiutorio cooperatio Dei nihil facere potest; ergo si vnum tantum adiutorium haberet à Deo oblatum, actum illius facere posset, alios non posset, & consequenter alios non liberè omitteret, nec illi posset moraliter imputari. Sicut ignis Babylonicus carens diuino concursu, simpliciter non potuit calefacere, neque id potest ei tribui, sed Deo deneganti concursum; necessariò ergo dicendum est voluntati liberæ ad plures actus offerre concursum Deum cum indifferentia, quæ non potest esse in vno. & eodem concursu secundum speciem; consistit ergo in varietate concursuum secundum speciem, quam Deus ex se offert liberè voluntati, ut explicatum est.

Hinc ergo vlteriùs dicimus, si sermo sit de concursu in actu primo, seu ut oblato ex parte Dei non esse determinatum ad vnam speciem respectu causæ liberæ, sed habere indifferentiam proportionatam potentia cui offertur, ut est complete, & proxime libera cum omnibus aliis ex parte sua, vel ex parte obiecti prærequisitis ad operandum. Ideoque quoad hanc partem non præcedere membrum illud tertium, seu rationem in illo fundatam, supponit enim concursum Dei, sic oblatum esse determinatum ad vnam tantum speciem, quod non ita est, ut ostendi. Si verò sit sermo de determinatione quoad tales species concursuum, & quoad numerum, licet plures sint, respondemus determinationem fieri quidem per diuinam voluntatem, fundari verò aliquo modo in capacitate voluntatis proximè in suo ordine dispositæ ad operandum. nam quia circa tale obiectum sic propositum libera est ad talem, vel talem actum faciendum

Deus offert voluntati multiplicem concursum, & non vnum tantum.

14. Diuinus concursus in actu primo non est determinatus ad vnam speciem & speciem causæ liberæ.

3. Confutatio.

12. Non est necessaria prædeterminatio nisi diuinus concursus coniungatur cum causa libera.

13. Varia diuini concursus consideratio.

faciendum in talibus speciebus, & non in pluribus, A  
ideo illius intuitu Deus offert illi tot concursus, & talium specierum. In vnaquaque verò specie illorum concursuum, & actuum offert Deus vnum numero concursum ad vnum tantum individuum actum, quem ipse determinat sua tantum voluntate, quia determinatio individui non potest fundari dicto modo in causa secunda, vt supra declaravi, quod æquè procedit in voluntate, quia licet libertatem habeat ad eliciendum inter species actuum, quæ sumuntur ex obiectis formalibus, à quibus potest voluntas moveri ad operandum: nam potest ita eligere inter actus numero distinctos intra eandem speciem, quia illa distinctio sumitur ex obiectis, & ita ex parte eorum non potest cadere sub electionem voluntatis, nec etiam præcognoscuntur B  
in particulari plures actus possibiles numero distincti, vt voluntas possit directè velle, vnum potius, quàm alium facere. Determinatio ergo illa fit per voluntatem Dei sine præiudicio libertatis, quoad specificationem, quia non fit cum determinatione ad vnum solum actum vnius speciei, sed ad plures diversarum specierum, in quibus dicta libertas voluntatis sufficienter exercere potest: quoad exercitium verò nulla fit antecedens determinatio ex vi concursus, vt iam dicam.

15.  
Divinus  
concursus  
in actu se-  
cundo de-  
terminatur  
ad speciem,  
& exercitiū  
actus à di-  
vina, &  
creata vo-  
luntate simul,  
ex coniun-  
ctione vtri-  
usque vo-  
luntatis.

Loquendo igitur de concursu in actu secundo, dicendum est illum determinari posse quoad speciem actus, & quoad exercitium, non à sola voluntate divina, sed ex coniunctione illius cum humana voluntate, & ideo propter hanc determinationem, non esse necessarium prævium concursum Dei ad extra, & prius natura factum in creata voluntate. Assumptum declaratur, quia voluntas creata est sufficienter in actu primo constituta ad hunc, vel illum actum eliciendum, vt ad eligendum in obiecto hanc, vel illam rationem boni, sub qua in illud tendat appetendo, vel rationem mali, sub qua illud fugiat. Ergo ita Deus illi offert concursum, vt illi integram electionem relinquat, idemque vult suum concursum ad extra prodire, & accommodari determinatè ad iuvandam voluntatem, prout ipsa se actualiter inclinaverit; ergo non est necesse vt antecedenter determinetur absolute quoad illam solam speciem in qua dari contingit, sed tantum quasi sub conditione si voluntas creata in hanc partem potius, quàm in aliam inclinari voluerit; determinatio ergo illa consummatur (vt sic dicam), in coniunctione vtriusque voluntatis, inter quas voluntas creata proximè facit determinationem sui concursus eliciendo actum; increata verò facit eandem cooperando, vt causa prima ex vi antecedentis voluntatis, qua decrevit iuvare voluntatem ea specie concursus quæ illi voluntariè cooperanti esset accommodata. Et eadem ratione non est necessarius ille prævius concursus propter determinationem quoad exercitium actus, quia hæc est in manu voluntatis creatæ, si paratum concursum proportionatum habeat, vt habere iam diximus. Et ita cessat omnis necessitas talis prædeterminationis, seu prævii concursus in voluntate libera, hæc enim duo idem sunt in illa sententia, vt notavi: cessante autem necessitate, consequenter concluditur talem præmotionem non dari, vt satis declaratum est. Contra hanc verò declarationem potissimè procedit ratio octava contrariæ sententiæ cum omnibus confirmationibus suis, quibus in cap. 46. commodius satisfacimus.

## CAPUT XLIII.

Doctrina superioris capitis autoritate  
Scripturæ, & Patrum confirmatur.

D Vobis modis, vt supra de naturalibus causis dixi, probari potest, non dare Deum voluntati nostræ prævium concursum, quo illam prædeterminet physicè. Primò per testimonia negatiua, quæ directè, & formaliter illam negationem continent, & hæc probatio ex Scholasticis Doctoribus in cap. 19. data est: ex canonicis autem libris, vel antiquioribus Patribus expectanda non est, neque expectanda, quia hæc speculatio, vel controuersia à Patribus antiquis non est tractata. Secundò potest ostendi negatio illa per affirmationes, & doctrinas in quibus virtute contineatur, vel per æquipollentia verba, & hoc modo dicimus, assertionem superiori capite ratione probatam grauissima niti autoritate, quatenus ex Scriptura, & Patribus colligi potest.

Primò itaque ostendi potest ex illis Scripturæ locis, in quibus dicitur Deus ita creasse hominem sui iuris, ac liberi arbitrij, vt propositis, & cognitis obiectis, optionem, & electionem illi commiserit, vt est illud Ecclesiast. 15. *Deus ab initio constituit hominem, & reliquit illum in manu consilij sui, & infra, appesuit tibi ignem, & aquam, ad quod volueris, porrige manum tuam.* De quo testimonio inter Catholicos, cum quibus nos agimus, controuersia non est, quin etiam de homine lapsò intelligatur, vt verba ipsa, & totus illius capitis contextus satis apertè docent, & sentit Concilium Senonen. in decreto 15. fidei. Sunt item alia innumera Scripturæ loca, in quibus hominibus lapsis optio, & electio committitur. Numer. 30. *In arbitrio viri eris, siue faciat, siue non faciat,* Ios. 24. *Optio vobis datur, eligite,* & Matth. 16. *Qui vult venire post me, &c.* & 1. Corinth. 7. *Quod vult faciat,* & multa sunt similia quæ congerit Augustinus lib. de Grat. & liber. arbit. c. 2. & 3. & alij scribentes pro libertate.

D Dicer aliquis his testimoniis solum probari libertatem arbitrij cum indifferentia necessitati opposita, quam alij Catholici Doctores non negant. Respondemus propter hoc dogma fidei, quod inde proximè (vt ita dicam,) probatur in illis verbis à nobis ponderari hanc libertatem in hoc constitui, quòd determinatio voluntatis, ad vnā partem potius, quàm aliam ipsi voluntati commissa est, tamquam propriæ causæ talis determinationis: hoc enim directè repugnat cum necessitate prædeterminationis ab extrinseco præstandæ. Deinde expendimus immediatè fieri transitum à voluntate indifferente ad electionem vnius, vel alterius partis, quæ electio intrinsecè includit determinationē: imò est formalis determinatio libera; ergo non interponitur aliqua prædeterminatio inter voluntatem indifferentem, & determinationem eius; ergo à voluntate sic indifferente in actu primo, immediatè fit determinatio in actu secundo: non est ergo necessaria, nec interuenit, aut provenit determinatio Dei. Denique aduertimus quòd ipsi homini data dicitur potestas se determinandi, & ideo illi determinatio tribuitur. Quid enim aliud significant illa verba: Reliquit eum in manu consilij sui? Profectò si præter consilium, & iudicium non posset voluntas se determinare, nisi ab alio prædeterminetur, non esset relictum

1.  
Duplex ge-  
nus testimo-  
niorum.

2.  
Scripturæ  
quæ homini  
liberam ele-  
ctionem tri-  
buunt, negat  
quoque ne-  
cessitatem  
prædetermi-  
nationis.

3.  
Instātia ad-  
uersariorum  
reijcitur.



in manu consilij sui, sed in manu eius, qui eum prædeterminare potest. Ut ergo verum sit hominem esse relictum in manu consilij sui, oportet, ut immediatè hoc sit positum in voluntate eius, & ideo illi immediatè tribuitur determinatio, cum additur, *ad quod volueris porrigere manum.*

4. Ad hæc verò, & similia testimonia respondent alij, convincere illa quidem voluntatem se determinare, cum liberè operatur, inde tamen non sequi non priùs natura prædeterminari, quia hæc duo non repugnant. Nam cum prædeterminatio non tollat libertatem, adhuc reliquit locum determinationi faciendæ ab ipsa voluntate, media prædeterminatione à Deo recepta, & ita & prædeterminatur à Deo, & ipsa se determinat: imò addit P. Alvarez disp. 23. n. 26. ex hoc, quod potentia, quæ est domina sui actus, posset sua intrinseca virtute cum generali concursu causæ primæ seipsam determinare, sequi quòd indigeat prædeterminatione primæ causæ. Sed hæc responsio non satisfacit prædictis testimoniis, nec secundum rectam rationem potest subsistere. Primum patet ex dictis. nam cum Sapiens dicit, *Apposuit tibi ignem, & aquam*, non loquitur de homine iam prædeterminato à Deo, nam illi ut sic præuenio, seu ex vi prædeterminationis, non apponitur nisi vel ignis, vel aqua: ergo loquitur Sapiens de voluntate sufficienter constituta in actu primo, cui obiecta sufficienter ad operandum, & eligendum sunt proposita: illi autem immediatè dicitur, *ad quod volueris porrigere manum*; ergo supponit habere potestatem immediatè se determinandi actuè, non expectata alia prædeterminatione aliunde recipienda. Nam si illa expectanda est ut unica tantum, & non est in hominis potestate habere, quam velit, sed quam Deus suo arbitrio dare vult: si hæc, inquam, vera sint, quomodo potest verè, & sine fictione homini dici, ut ad quod voluerit, manum porrigat, si ad alterum tantum volendum prædeterminationem habere potest, & illam non arbitrio suo eligendam; sed ab altero pro arbitrio suo præstandam. Et hinc facile probatur, quod secundo loco proposui: nam si voluntas non exit in actu secundo nisi prædeterminata in actu primo, iam actio illa non est determinatio ipsiusmet voluntatis si verè loquamur: nam quando intellectus credit determinatus à voluntate, licet ciiciat actum fidei, non dicitur se determinare ad illum, sed à voluntate determinari, quia actio agentis non habet rationem determinationis, nisi quando est à principio nondum determinato, sicut enim voluntas in patria non dicitur propriè determinare se ad amandum Deum, quia ex vi obiecti præsentis, & pondere connaturali charitatis determinatur.

5. Accedit quòd nullus Patrum ita intellexit illa testimonia, ut non sit in hominis potestate proxima determinatio, vel, (quod idem est) electio, sed solum media prædeterminatione diuina; imò multi illorum docuerunt talem prædeterminationem propriam determinationem, & electionem hominis auferre. Et hac ratione dicit Damascenus lib. 2. de fide c. 30. Deum præscire ea, quæ in nostra potestate sita sunt, non autem præfinire, & rationem indicans, subiungit: *nec enim virtuti vim affert.* & similia habet Dialog. contra Manich. non longè à fine. Et licet D. Thom. 1. p. q. 23. art. 5. ad 5. & lib. 3. contra gent. c. 90. exponat Damascenum loqui de prædestinatione necessitante voluntatem, hoc non euertit vim testimonij, sed confirmat. Supponit ergo D. Thom. aliquā præfinitionem diuinam

A posse necessitatem inferre voluntati; hoc autem nulla magis facere potest, quam prædeterminatio physica, ut in Prolegom. primo tactum est, & lib. 5. latius ostendemus. Ideoque ad excludendā hanc præuiam determinationem ab extrinseco præuenientem, dixit Anselm. lib. de Concord. in 1. eius parte circa finem. *Sola voluntas determinat ibi*, id est, *cum eligis, quid teneat*, nam illa particula *sola*, non excludit cooperationem Dei, sed excludit, ut ipse ait, necessitatem determinationis ab alio; sic enim dixerat, *Licet necesse sit, aut rectitudinem relinquere, nulla tamen necessitas determinat, quā seruet, aut deserat.* Et infra, *Nec aliquid facis vis necessitatis, ubi operatur sola electio voluntatis*, ubi expendo illa verba, *nulla necessitas determinat*. Nam si determinatio sit à solo Deo in voluntate, profectò necessariò sit respectu voluntatis recipientis; ergo necessitas aliqua determinat voluntatē, quod est contra Anselm. Cum ergo ait solā voluntatem se determinare, vel solam eligere, excludit omnem vim, & efficaciam, quæ ex necessitate faciat determinationem in voluntate: sentit enim determinationem non posse esse necessariam, & electionem liberam, neque posse electionē esse ab intrinseca potestate, si determinatio sit ab extrinseca efficacia. His concordat Hieronymus in epist. 146. ad Damascenum de filio prodigo, ubi dicit, *Deum dedisse homini libertatem, ut viveret unusquisque, nō ex imperio Dei, sed obsequio suo.* Imperium enim Dei nihil aliud est, quàm efficax eius motio, vel effectio; sentit autem Hieronymus tale imperium Dei inferre necessitatem, & ideo subdit, id est, *non ex necessitate, sed ex voluntate.*

Atque in eandem sententiam Iustinus q. 9. ad Christianos, sic ait. Ad quæ voluntas nos impellit eorum causa, vel corona donamur, vel afficimur supplicio. ubi verbum *impellit*, determinationem ab ipsamet voluntate suo nutu progredientem significat, & adiungit, *Deus enim nobis facultates dedit ad agendum, sed eas libertati voluntatis iudicijque subiecit.* Nec ergo dat prædeterminationem, quæ sit principium agendi, & libertati subiecta non sit. Et quòd talis modus gubernandi voluntatem, eius naturali libertati accommodatus non sit, colligi potest ex his quæ subiungit, dicens, *ad propositum, & voluntatem ius habet Deus gubernandi eas facultates, quæ in nobis suos habent appetitus, non ad naturam.* quasi dicat ad prouidentiam Dei spectare, ita illas gubernare, ut semper in potestate volūtatis motio, vel determinatio relinquatur. Cui consonat illud Augusti lib. 7. de ciuit. c. 30. *Sic administrat Deus omnia, quæ creauit, ut etiam ipsa proprios agere motum finat.* Et ideo aliis locis etiam de voluntate, quomodocumque præuenta, ait, cōsentire, & dissentire, propriæ voluntatis esse, de spirit. & liter. c. 34. lib. 33. quæstion q. 68. ad Simplicianum q. 2. & epist. 54. Sed de Augustini sententia latius in sequentibus.

E Præterea ob hanc causam Græci interdum distinguunt opera prouidentie ab operibus liberi arbitrij: nam quòd hæc opera humana non cadāt sub prouidentiam Dei, contrarium enim est certissimum, & ab eisdem Patribus sæpe traditur, sed quòd per quandam adæquationem (ut sic dicam) vel per antonomasiam illa dicant euenire ex prouidentia diuina, quæ ex sola illa eueniunt, & ad vnū determinantur: opera autem libera aliud genus altius habeant prouidentie, quia nō absoluto ex sola prouidentia ad extra determinantur, sed cum tali respectu ad liberū arbitriū, ut illorū determinatio in arbitrij potestate simpliciter constituitur. Ita

Anselm.

Hieronymus.

6. Alia PP. testimonia. Iustinus.

Augustini.

7. PP. Græcorum meus.

Theodoret.  
Nemesius.  
Dionysius.

sensit Theodoretus in Epitome diuinor. decretor. c. de prouident. Nemesius lib. de Natur. homin. in ultimis capitibus, citatur etiam Nicenus in Philosoph. lib. 7. c. 1. lib. 8. c. ult. licet inter opera Niceni nondum hoc inuenerim. Meliusque hoc explicuit Dionysius in cap. 4. de diuinis nominibus sub finem, ut prouidentia cuiusque naturæ est seruatrix, eis, quæ per se mouentur, (& libero aguntur arbitrio,) prouider, omnibusque & singulis propriè, ut omnium singulorumque natura capit. Ex quibus verbis colligimus, quia liberum arbitrium natura sua postulat per se moueri se determinando liberè ad alterutram partem, ex vi concursus diuini, non priuari hoc modo agendi, neque ad diuinam prouidentiam id pertinere, quod tamen fieret si voluntas per concursum præuium prædeterminaretur. Et eodem dixit lib. de Cœlesti Hierarch. cap. 9. *Neque constam habemus vitam, neque liberi arbitrij gratia diuinitus indulta mortalibus, prouidentia diuina luce & splendore obtunditur.* Nam certè non video quomodo magis possit libertas arbitrij obtundi per diuinam prouidentiam, quàm si in omnibus, & singulis actibus suis extrinseca prædeterminatione, ex vi eiusdem generalis prouidentie diceretur.

8.  
Tertullianus  
dictum.

His addi potest Tertullianus lib. 2. contra Marcionist. cap. 5. ubi ita exponit locum Ecclesiastici, quod prosequitur in cap. 6. & in cap. 7. declarat Deum non impedire usum libertatis præueniendo, vel impediendo usum eius. Et in hoc sensu ait; eo ipso, quod Deus homini concessit libertatem arbitrij, & potestatem non se interponere, utique præmouendo, & tollendo indifferentiam, in hoc sensu dicit. *Igitur consequens erat ut Deus secederet à libertate semel concessa homini, id est, contineret in semetipso & præscientiam, & potentiam suam, per quas intercessisse potuisset, si enim intercessisset, rescidisset arbitrij libertatem.* Quod sanè de nulla intercessione (ut ille loquitur) veriùs, & propriùs intelligi potest, quàm de efficaci motione, qua Deus contineret voluntatem Adæ, ne tentationi consentiret, de hac enim re ibi loquitur: in lib. autem de exhortatione ad castitat. cap. 2. similem doctrinam habet de motione ad voluntatem malam, quem locum latè tractabo in cap. 46. nunc solum aduerto eodem modo exponere ibi verba Ecclesiastici, & inde inferre, *Et ideo non debemus, quod nostro expositum est arbitrio, in Dei referre voluntatem*, utique efficaciter præmouentem, & voluntatem nostram determinantem, agit enim contra omnes qui de omni nostra volitione hoc asserbant.

9.  
Chrysostomi  
sensu.

Est denique valdè notanda sententia Chrysostomi Homil. 11. in Ioannem, ubi etiam respectu diuinæ voluntatis discrimen constituit inter naturalia agentia, & libera. Nam corporis natura (inquit) quocumque ipsam opifex ducere velit, eò sequitur, neque resistit: anima autem sui iuris, vim in se habet operandi, neque vlla in re Deo, nisi velit, obtemperat. Aliàs, ut postea subdit, *opera non essent virtute anima adscribenda. Vnde concludit. Sed sponte sua bona fit, & sibi virtutem complectendum persuadeat oportet.* His testimoniis coniungi debent, quæ de concursu ad actum peccati loquuntur, quæ cap. 46. afferemus, præter alia, quæ de operibus gratiæ postea suis locis dicturi sumus. Ad quæ omnia nihil video hætenus responsum, præter illud vnicum, quod Patres solum intendebunt liberum arbitrium defendere aduersus eos, qui dicebant Deum prouidentia illi necessitatem inferre. Sed hoc certè non

A satisfacit, ut iam insinuaui, tum quia vix potest distingui illa prædeterminatio physica à necessitate, ut probatum est, & latius in lib. 5. ostendetur, tum etiam, quia ad excludendam illa necessitatem declarant Patres ius, vim, & potestatem, quam voluntas habet, ut immediatè se determinet, nullo intercedente impulsu ipsi voluntari aliunde immisso, qui talem in eo efficaciam habeat, ut eius indifferentiam, & indeterminatorem ab eius potestate auferat prius natura, quàm velit aliquid, aut eligat. Intellexerunt enim determinationem hanc cum indeterminatione indita voluntari, repugnare, & Deum si ad vnum voluntatem prædeterminaret, vna via auferre quod alia dederat, ut Tertullianus eleganter ponderauit.

B Addo denique, neque in Scriptura, neque in Patribus aliquid inueniri, quod necessitatem illius præuiæ motionis ad omnes actus voluntatis indicet. De Scriptura id probamus, quia vel id tradit per generales locutiones, quibus docet Deum operari omnia opera nostra, & causam secundarum, vel per speciales, quibus tradit, Deum mouere corda hominum, & ducere, quod vult. At priora solum probant concursum simultaneum, & cooperationem Dei, ut suprà probaui: posteriora autem ad summum probant Deum præmouere corda hominum, non tamen probant illam præmotionem esse ad omnes & singulos actus voluntatis necessariam, multoque minus probant illam præmotionem esse physicam prædeterminationem, ut etiam suprà probatum est. Neque aliquis locus ex Scriptura, ubi hoc significetur, hætenus productus est, nec puto posse proferri, ut iterum ostendam tractando de auxilio gratiæ efficacis. Nam si ad aliquos actus Scriptura postulat illam physicam præmotionem determinantem, maxime ad actus supernaturales, sed de illis nihil huiusmodi docet, ut infra videbimus, ergo multo minus de reliquis. Idemque possumus de sanctis Patribus dicere; quia verò ex illis aliqua obiciuntur, quæ non sunt peculiariter gratiæ, sed in vniuersum de diuina prouidentia, & operibus eius, quatenus ab efficacia diuinæ voluntatis procedunt, ideo de illis aliquid dicere cogimur, id tamen commodius in cap. 47. præstabit.

10.  
Nihil in Scriptura aut  
in Patribus necessitatem diuinæ præmotionis ad omnes actus liberos significat.

D

## CAPUT XLIV.

Authoritate D. Thoma, & aliquorum  
posteriorum Theologorum eadem  
doctrina confirmatur.

I N superioribus ostendimus concursum generalem Dei, prout datur causis secundis naturaliter agentibus, & consequenter, ut essentialiter postulatur à causa iuxta D. Thomæ doctrinam, vnicum tantum esse, ac proinde esse cooperantem in actione causæ secundæ inclusum, & non præuium receptum incausæ, ex quo principio apertè sequitur (iuxta eandem D. Thomæ doctrinam, voluntatem ex ratione causæ secunde, quam habet, communi aliis causis creatis alium concursum non postulare, & ita potest hæc pars probari locis suprà allegatis, & 1. 2. qu. 109. in quibus non aliam motionem causæ primæ per se requirit ad opera voluntatis libera ordinis naturalis, nisi eam quæ aliis causis secundis necessaria

1.  
Status quæ  
signis.

ria est, quæ est motio cooperatiua, vt cum antiquis Thomistis, & multis modernis declarauimus. Superest, vt aliis eiusdem Doctoris sancti testimoniis voluntatem creatam etiam propter indifferentiam, quam naturaliter habet, non indigere concursu efficaciter, ac physicè illam prædeterminante; imò potius propter indifferentiam suam naturaliter postulare, ne tali modo præmoueatur.

2. Probamus autem hoc primò ex 1.2. quæst. 9. art. 4. & 6. nam in priori interrogat, an voluntas moueatur ab aliquo exteriori principio, in posteriori verò an ille motor sit solus Deus, qui locus videbatur aptissimus ad tradendam doctrinam illam de necessitate huius præuix motionis ob indifferentiam voluntatis, si illam testatam, & declararam nobis relinquere voluisset: nihil autem minus in utroque articulo fecit. nam in 4. non ad omnem actum voluntatis, sed solum ad primum motum, eius scilicet, quo tendit in finem, requirit præmotionem extrinseci motoris: pro cæteris autem negat illam, affirmatque in aliis artibus voluntatem mouere seipsum in quantum per hoc, quod vult finem, reducit seipsam ad volendum ea, quæ sunt ad finem. Ex qua doctrina colligimus in primis D. Thomam non postulare præuiam motionem, vt necessariam ex vi concursus generalis, aliàs deberent illum ad omnem actionem postulare. Deinde colligimus non postulare illam propter indeterminationem voluntatis, nam etiam post intentionem finis est indeterminata voluntas ad eligendum hoc, vel illud medium, nam liberè, vt cum indifferentia eligit, & nihilominus in hac electione ait D. Thomas non indigere voluntatem exteriori præmouente, nedum prædeterminante, sed ipsam reducere se ad volendum tale medium. Quid est autem reducere se, nisi determinare se? Idemque confirmat in solut. ad 3. solum est obscurum in illo articulo, quo sensu D. Thomas dicat voluntatem moueri ab alio in primo motu suo, quod ad præsentem causam non multum refert; nobis enim satis est quòd illa motio, qualiscumque sit, neque postulatur propter indeterminationem voluntatis liberæ, neque etiam quia ad generalem concursum pertineat: sic enim ad omnes actus voluntatis esset necessaria, satisque verba D. Thomæ declarant, illam motionem non esse concursum præuium, aut simultaneum, nam vocat illam *infinidum alicuius exterioris mouentis*. Vt tamen integrè Lectori satisfaciamus, paulo inferiùs nodum illum dissoluemus.

3. Explicatur 6. art. q. citat. 2. 2. Secundo probatur hoc amplius ex sexto articulo, in quo non tam probat D. Thomas voluntatem posse moueri à Deo, quàm non posse moueri ab alio intrinseco principio; vnde ibi non ponit nouam motionem ex parte Dei necessariam, sed illam quam dixerat esse necessariam ad primum voluntatis actum, probat non posse esse nisi à Deo, quia solus ipse est causa efficiens voluntatis, & solum est vniuersale bonum, quod respicit voluntas. Ex qua doctrina solum habetur, motionem illam quam ab extrinseco agente postulat voluntas, ex parte sua esse à solo Deo: qualis autem illa motio sit, inde non habetur, potestque optimè articulus ille intelligi de motione cooperatiua, quam probat prima ratio, quia potentia solum ab illa causa pender essentialiter in sua operatione, à qua pendet in suo fieri, & esse. Vel etiam posset intelligi de motione remota per inclinationem naturalem datam ab auctore naturæ, quam secunda ratio probat. Sed quia doctrina illius articuli videtur referri ad doctrinam articuli quarti, magis inferiùs explicabitur. Nunc satis nobis sit in toto illo discursu nihil

A D. Thomam dicere, nec insinuare de præuio concursu præmouente voluntatem, determinando illam; cum tamen, vt dixi, ad illum maximè locum pertinuisse videatur. Verumtamen in solut. ad 3. aperte excludit necessitatem illius præmotionis, dicens, Deus mouet voluntatem sicut vniuersalis motor ad vniuersale obiectum voluntatis, quod est bonum, & sine hac vniuersali motione homo non potest aliquid velle; sed homo per rationem se determinat ad ad volendum hoc, vel illud, quod est verè bonum, vel apparens bonum: & inde addit exceptionem de motibus gratiæ, quam infra de illa tractando expendemus. Nunc ex his verbis solum haberi volumus ex D. Thomæ sententia voluntatem ex se indifferentem non semper indigere extrinseco determinante, sed illam se determinare in multis actibus, ac subinde illam prædeterminationem non esse necessariam potentie liberæ ex vi generalis concursus, quidquid sit si in alio titulo interdum detur, & quomodo tunc intelligenda sit, quod postea videbimus.

Et confirmatur hoc argumentum ad hominem, contra eos, qui ex hoc loco colligunt in operibus gratiæ Deum prædeterminare physicè hominis voluntatem: nam cum D. Thomas neget in aliis actibus humanis dari voluntati talem determinationem, siue ad bonum, siue ad malum determinetur, rectè concluditur illam prædeterminationem non esse per se necessariam, nec ex vi generalis concursus. Et quamuis verius sit, cum dicit, *Deum mouere interdum aliquos ad aliquid determinare volendum, quod est bonum, sicut in his mouet per gratiam*, non loqui de motione determinante, sed excitante voluntatem, vt lib. 5. dicemus, nihilominus in prioribus quæ allegauimus, simul ait, & hanc Dei motionem non esse per se necessariam in aliis electionibus, & voluntatem, se mouendo per rationem, se etiam determinare, vtrique sine motione prædeterminante, aliàs nec satisfaceret argumento, nec declararet quomodo voluntas se possit determinare, cum de se indeterminata sit. Denique in quæst. 3. de Malo art. 3. ad 5. hoc expressis verbis declarat, & soluit fundamentum contrariæ sententiæ, quoad hanc partem; sic enim in argumento obiecerat. *Omne quod se habet ad vnumlibet, indiget aliquo determinante, ad hoc quod exeat in actum, sed liberum arbitrium hominis ad vnumlibet se habet; ergo. Respondet autem dicendum, quòd voluntas eum sit ad vnumlibet, per aliquid determinatur ad vnum, nec oportet hoc esse per aliquid agens extrinsecum.*

Terriò hæc sententia D. Thomæ valde confirmatur ex aliis verbis eius in 1.2. quæst. 80. art. 1. vbi in corpore dicit Deum non inclinare voluntatem ad actum peccati, quod in capite sequenti latius ponderabimus. Et in solut. ad 3. sic ait. *Deus est vniuersale principium omnis interioris motus humani, sed quòd determinetur ad malum consilium voluntas, hoc directe quidem est ex voluntate humana, & à Diabolo per modum persuadentis, vel appetibilia proponentis.* Ex quibus verbis considerata simul doctrina articuli, aperte constat D. Thomam non tribuere Deo determinationem voluntatis ad talem particularem actum directe, vel indirectè, sed voluntatis directe, & à demoni indirectè, & sufficienter, quamuis Deo tribuat illum motum voluntatis tamquam vniuersali principio omnis motus voluntatis concurrenti vtrique cum illa. Vnde constat secundum D. Thomam posse Deum concurrere ad aliquem motum, vt vniuersale principium, & nihilominus non inclinare directe ad illum; & à fortiori nec determinare: nam plus est determinare, quàm

4. Confirmatur tradita explicatio.

5. Locus ex 1. 1. q. 80. art. 1.



quàm inclinare. Item constat voluntatem de se indifferentem non indigere prædeterminatore, vt ad alteram partem determinet, nam ad malos actus ipsa sola se determinat, quamuis non sine generali concursu primæ causæ: & eadem ratione idem potest facere in nobis, per se loquendo, vt in priori loco D. Thomas testatus est.

6, **Locus ex 1.** **6. q. 10. art. 4.** Quartò est aliud notandum eiusdem Doctoris sancti testimonium in 1. 2. quæst. 10. art. 4. vbi etiam ex professo tractat quæstionem de modo, quo Deus mouet voluntatem, & ad explicandum non mouere ei necessitatem imponendo sumit illud principium Dionysij cap. præcedenti à nobis tractatum. Ad prouidentiam Dei non pertinet naturas rerum corrumpere, sed seruare. Vnde subinfert in fine corporis articuli. *Quia igitur voluntas est actuum principium non determinatum ad vnum, sed indifferenter se habens ad multa: sic Deus ipsam mouet, quod non ex necessitate ad vnum determinat, sed manet motus eius contingens, & non necessarius, nisi in his ad qua naturaliter mouetur.* At verò quod mirabile est, etiam hunc locum contra nos obiciunt alij auctores: nam quia D. Thomas non dixit absolute non ad vnum determinat, sed non ex necessitate ad vnum determinat, aiunt insinuassee Deum quidem determinare ad vnum voluntatem, sed non ex necessitate. Vnde distinguunt duplicem determinationem voluntatis, vnam ex necessitate, & aliam sine illa: & priorem negare D. Thomam, hanc verò posteriorem supponere docent. Verùm distinctionem hanc de duplici prædeterminatione voluntatis ad vnum ab extrinseco agente, quæ in hoc quidem conueniant, vt vtraque ita determinet voluntatem ad vnum actum & exercitium eius, & voluntas non possit ei resistere, & nihilominus differant, quia vna infert necessitatem, & non alia. Hanc(inquam) distinctionem numquam D. Thomas insinuauit, sed potius multa docuit, quæ illam euertunt, vt ex alijs locis statim allegandis constabit, & nos nec explicari posse arbitramur, nec consistere, vt in lib. 5. latius ostendam. Et ideo longè probabilius credimus illa duo verba posita esse à D. Thoma, vt vnum per aliud explicaret. Nam quia quæsierat an Deus ex necessitate moueat voluntatem, & in proprijs terminis responderet quæsito, dixit, Deum mouere voluntatem, non tamen ex necessitate: vt verò explicaret quid sit non mouere ex necessitate, addit non ad vnum determinatum, & vt id magis explicaret, addit, sic Deum mouere voluntatem vt motus eius maneat constringens, non obstante motione Dei, quod sanè in præiò concursu intelligi non potest, si ille talis est vt impossibile omnino sit illo posito actum voluntatis non sequi, vt ipsi dicunt.

7, **Locus ex q.** **7. de potentia art. 7. ad 13.** Quintò præcedens testimonium, eius expositio ex alio simili eiusdem sancti Doctoris confirmatur: nam in quæst. 7. de potent. art. 7. ad 13. obiecerat non posse esse actum in dominio voluntatis humanæ, si absque Dei operatione fieri non possit, cum voluntas humana non sit domina diuinæ operationis, & respondit. *Voluntas dicitur habere dominium sui actus, non per exclusionem causa primæ, sed quia non ita agit in voluntatem, vt illam ex necessitate ad vnum determinet, sicut determinat naturam; vt autem declararet tunc voluntatem non ex necessitate determinari ad vnum quando physicè prædeterminatur, subiungit. Et ideo determinatio actum relinquitur in potestate rationis, & voluntatis.* quod profecto non esset verum, si per actionem Dei, voluntas hominum prædeterminaretur physicè ad vnum, licet non ex necessitate, vt illi Doctores distinguunt:

**A** nam quocumque modo illi imprimatur determinatio ab alio, non relinquitur in eius potestate. Nam determinationem relinqui in potestate hominis, non est tantum posse actum determinatum producere, hoc enim modo etiam determinari ad calefactionem est in potestate ignis, quia potest illam actionem in particulari efficere. Cum ergo dicitur determinatio relinqui in potestate non tantum physica, sed etiam morali, & denominatiua, quæ potest ad hoc vel illud determinari, quomodo dixit Augustinus illud esse in potestate nostra, quod si volumus facimus, si non volumus, non facimus. Hoc autem modo non relinquitur determinatio in potestate voluntatis physicæ prædeterminatæ, cum nullo modo possit vel aliam actionem facere præter illam, aliquam prædeterminata est, vel illammet non efficere, cum non possit prædeterminationi resistere.

**B** Eademque expositionem confirmant egregiè verba D. Thomæ in quæst. 6. de Malo art. vnic. in corp. vbi cum dixisset Deum mouere voluntatem ad primum eius actum, ita ad declarat. Deum mouet voluntatem secundum eius conditionem, non ex necessitate, sed vt indeterminatè sese habentem ad multa. Vbi nunc solum considero illa duo tamquam immediatè se habentia, ponere, mouere non vt ex necessitate, sed vt indeterminatè se habentem, id est, relinquendo indeterminatam potentiam motam, saltem quoad exercitium. Et ideo statim infert. Potest ergo quod si consideretur motus voluntatis ex parte exercitij actus, non mouetur ex necessitate, vtique quia semper mouetur, vt indeterminatè se habens; ergo è contrario si moueatur ita vt determinetur ad exercitium, ex necessitate mouebitur. Atque ita semper D. Thomas illa ponit vt conuertibilia moueri determinatè, vtique efficienter ad exercitium, & moueri ex necessitate. Et è conuerso indifferentiam libertatis opponit determinationi ad vnum, vt quæst. 22. de verit. art. ad 3. posterioris ordinis, vbi ait voluntatem vt rationalem si habere ad opposita, naturam verò determinari ad vnum.

**C** **D** Sextò quod voluntas ratione suæ indifferentiæ non solum non postulet prædeterminationem, sed potius postulet non habere determinationem ab alio, apertè docuit D. Thomas in 2. dist. 25. art. 1. in corpor. vbi sic inquit. *Iudicium de actione propria est solum in habentibus intellectum, quasi in potestate eorum constitutum sic eligere hanc actionem, vel illam, unde dominium, sui actum habere dicuntur, & propter hoc in solis intellectum habentibus liberum arbitrium inuenitur, non autem in illis, quorum actiones non determinantur ab ipsis agentibus, sed quibusdam alijs causis prioribus.* Vbi duo expendo. Vnum est D. Thomam agentia illa reputare libera habere in potestate sua electionem actionum suarum: postea explicat per indeterminatam suarum actionum. Vnde sicut electio non potest esse ab extrinseco agente, ita neque determinatio. Aliud est D. Thomam ibi apertè sentire, determinari à prioribus causis pertinere ad agentia non libera, quæ vel ab authore naturæ determinata sunt ad vnum, vel si aliquam imperfectam indeterminatam habeant determinatur ab alijs causis, vel materialibus, vel efficientibus: proprium autem esse agentium liberorum non prædeterminari ab alio, sed à seipso. Et inde in solut. ad 1. concludit, Deum esse liberum, quod se ad opera sua determinat: vnde ad dominium actus manifestè requirit quod determinatio actus non sit ab alio, sed à seipso. Quod in solutione ad 3. his verbis apertissime

8.  
q. 6. de malo  
art. 10. con-  
firmat locū  
superiorem.

9  
Locus in 2.  
dist. 25. art. 1.

apertissime declarat. *Deus operatur in omnibus, ita tamen quod in unoquoque secundum eius conditionem*; unde in rebus naturalibus operatur, sicut ministrans virtutem agendi, & sicut determinans naturam ad talem actionem. *In libero autem arbitrio hoc modo agit, ut virtutem agendi sibi ministret, & ipso operante liberum arbitrium agat, sed tamen determinatio actionis, & finis in potestate liberi arbitrij constituitur: unde remanet sibi dominium sui actus, licet non ita sicut primo agentis.* Vbi maxime notanda sunt illa verba, *In libero arbitrio hoc modo agit, ut virtutem agendi sibi ministret, & ipso operante liberum arbitrium agat.* Nam hæc verba generalia valde sunt, & omnia auxilia gratiæ, non tantum cooperantis, sed etiam operantis comprehendere possunt, & nihilominus generaliter etiam, & sine limitatione ait D. Thom. non obstante hac Dei operatione determinationem actionis in potestate liberi arbitrij constitui.

**10.** Septimo in eodem libro d. 28. art. 1. generatim pronuntiat. *Non esset homo liberi arbitrij, nisi ad eum determinatio sui operis pertineret.* & q. 2. de verit. art. 6. ad 1. dicit animam habere esse determinatum ab alio, sed ipsa (inquit) determinat sibi suum velle, & ideo quamvis esse sit immutabile, tamen velle indeterminate est, ac per hoc in diversa flexibile. Tantum ergo abest, ut senserit D. Thom. voluntatem, quia ex natura sua non est determinata ad vnum, sed indifferens non posse se ipsam ad vnam actionem determinare, ut potius affirmet, ideo per illam indifferentiam potestatis constitui voluntatem liberam, quia ad eam determinatio sui actus pertinet; ergo ut eandem libertatem in usu conservet, non debet prius illo iure se determinandi priuari; hoc enim, & libero vsui & proprietati talis potestatis repugnat. Vnde inferius addit liberum arbitrium supposita facultate naturali, vel gratuita, iuxta varietatem actuum per se posse ad quoslibet determinari, statim vero declarans particulam *per se*, addit. *Ita quod non excludit divinam causalitatem, secundum quod Deus in omnibus operatur ut universalis causa homini, iuxta illud Isa. 26. Omnia opera nostra operatus es in nobis Domine;* sed excludit habitum aliquem creatum naturalibus superadditum, vbi solum simultaneum concursum requirit ad talem determinationem, quia (ut supra visum est) ex vi illorum verborum tantum concomitans significatur; neque alio titulo postulat a D. Thoma ad determinationem liberæ voluntatis, quam ad omnes alias actiones causarum secundarum. Quod autem D. Thom. solum dixerit per illam particulam excludi habitum creatum, existimo inde ortum esse, quod ex necessitate habitus gratiæ specialiter tractabatur, & illius necessitatem non ponebat in prædeterminatione, sed in elevatione potentie ad altioremodum operandi. Vnde in omni genere liberarum operationum supponit determinationem esse à voluntate cum concursu simultaneo proportionato, & ut opinor, de virtute operatiua media inter habitum, & operationem, & distincta à concursu simultaneo ne cogitavit quidem.

**11.** Octavo addere possumus alium D. Thomæ locum in q. 2. de verit. art. 14. ad 5. ex quo colligunt Thomistæ, quod licet causa prima ageret ex necessitate nature, nihilominus homo ageret liberè, ut videre licet in Caietano l. p. q. 14. art. 13. & q. 19. art. 8. Ferrar. lib. 3. contra gent. c. 67. circa rationem 5. quos etiam moderni nonnulli sequenti sunt, quamvis alij contradicant. Sed quidquid sit de illa absoluta controuersia, quæ in multiplici sensu tractari potest, & vanè de illa iudicari, ut in Me-

Fr. Suarez de Gratia Pars II.

A taphysica dixi, loquendo tamen solum ex duplici suppositione, scilicet, quod non obstante modo agendi primæ causæ, voluntas hominis haberet eandem potestatem intrinsecam agendi, quam non habet, & quod Deus non maiorem concursum, vel influxum illi præberet, quam nunc conferat. His (inquam) positis verissime dicitur actum voluntatis futurum fuisse liberum, etiam si voluntas diuina ex necessitate produxisset omnia, & præberet concursum, quem modò præbet, quia tunc non magis necessitaret voluntatem, quam nunc necessitet, quia non plus ageret in illam, quam modò agit, ut supponitur, neque ex voluntate magis efficaci, licet magis determinata ex parte Dei, quod nihil refert ad mutandum connaturalem modum agendi causæ secundæ, si in effectum, vel actionem, vel potentiam eius, nihil magis influat. Et in hoc sensu rectè sumitur hæc sententia ex citato loco D. Thomæ de verit. quatenus dicit, *quia ad esse effectus requiritur causa prima, & secunda, ideo quacunque illarum ponatur contingens, potest esse contingens, non si altera tantum sit necessaria, effectus erit necessarius, propter hoc quod ad esse effectus utriusque causa requiritur.* Et quia obiciebatur causam primam vehementius influere, quam secundam, respondet, hoc nihil obstat quominus ex modo agendi causæ secundæ sit defectibilitas, aut contingentia in effectum. Et similiter in dicto cap. 67. lib. 1. contra gent. ration. 5. dicit, si causa proxima sit contingens, effectum esse contingentem, etiam si remota necessaria sit. Idemque repetit lib. 3. cap. 83. ration. 2. dicens, à causa remota necessario agente non sequi effectum necessarium, si causa proxima sit contingens.

Ex hoc ergo principio adeo recepto in schola D. Thomæ colligimus illum non posuisse in voluntate liberè operante concursu præuium, & prædeterminationem à prima causa in ea productâ, quia cum tali concursu præuiò omnibus modis esset impossibile intelligere contingentiam in actu voluntatis creatæ, si causa prima ex necessitate nature ageret. Probat, quia tunc talis actus non haberet contingentiam, vel indifferentiam à causa prima, quia ipsa ex necessitate nature daret illi impulsu causæ secundæ, neque etiâ haberet contingentiam ab ipso met impulsu, quia illa etiâ mouere dicitur tanta necessitate sibi intrinseca, ut nec Deus ipse possit impedire, quominus illo posito non sequatur effectus eius; & consequenter nec à voluntate creatâ posset actus habere contingentiam, cum illa non moueatur, nisi effecta illo impulsu, nec possit illi resistere quominus illi cooperetur: impossibile ergo esset intelligere libertatem in tali actu, quia nullum haberet principium, unde illa participare potuisset: actus autem non determinatur liberè nisi per habitudinem ad principium, seu causam aliquâ à qua procedit. Ergo ut possit saluari libertas actus humani in eo casu, quod Deus ex necessitate nature ageret, necessarium est dicere, tunc Deum non fuisse daturum voluntati concursum præuium, quo illa ad vnum determinaret; ergo idè maiori ratione dicendum nunc est. Vel certè si tunc Deus per eundem illi concursum, quæ nunc dat, necessitaret humanam voluntatem, etiam nunc necessitaret illam. Nā quod ille concursus præuius prædeterminas procedat à Deo naturaliter, vel liberè conferet quiddam, ut respectu Dei effectus quæ ad extra facit, sit illi liber, vel necessarius, tamè respectu hominis non erit actus ipsi liber si motio Dei est de se efficax ad determinandam voluntatem hominis ad vnum, & efficiens ad necessitandam illam, si à Deo ex necessitate nature fieret.

**12.** Ex loco citato colligitur veritas assertionis.

13.  
Testimonia  
quæ pro  
prædetermi-  
natione obii-  
ciuntur.

His tamen accedit, quod cum hæc testimonia sint satis vrgētia, & ferè expressa, & in eis D. Thomas in particulari, & specificè de determinatione, & indeterminatione voluntatis loquatur, nullum in contrarium affertur, in quo vel punctum in contrarium attingat, vel in particulari aliquid pro præuia determinatione, seu prædeterminatione voluntatis dicat, sed afferuntur solum variz generales locutiones, quæ ad præuiam illam motionē accommodantur, cum verba D. Thomæ generalia sint, & facile possint de aliis motionibus intelligi, & sæpe ab eodem D. Thoma in aliis locis ita exponantur, quod breui discursu ostendam attingendo solum ea loca, quæ cōmunia sunt omnibus actibus liberis voluntatis, nam quæ pertinent ad actus supernaturales, & auxilium efficax ad illos necessarium, in librum 5. reseruo. Deinde ex prioribus locis omitto etiam illa, quæ omnibus causis secundis etiam naturalibus cōmunia sunt: nam de his satis dictū iam est. Et huc spectant omnia, quæ de necessitate auxilij, seu motionis primi mouētis tradit D. Thomas 1. 2. q. 109. per totā, & 1. p. q. 105. art. 5. Nam in superioribus nō solum hæc loca exposuimus, sed etiam oppositam doctrinam ex illis deduximus, & hic applicari potest, quia etiam in voluntate solum vnicum simplicē concursus Dei ad actus liberos D. Thomas requirit, neque propter determinationem voluntatis aliam præuiam motionem in illo postulauit.

14.  
Explicatur  
a. 1. ad 3.  
q. 105.

Potest tamen quis hærete in quibusdam verbis D. Thomæ in eadem q. 105. art. 1. ad 3. sic enim ait. *Hoc ipsum quod causa secunda determinetur ad determinatos effectus, est illis à Deo.* Verumtamen hæc verba generalia sunt de omnibus causis secundis etiam naturaliter agētibus, in quibus etiā authores fatentur non esse necessarium præuiū concursus propter determinationē earū: possunt ergo illa verba per se spectata optimè intelligi ratione concursus concomitantis; nā sicut causis secundis ipsum agere est à Deo, quia non solum virtutē agendi ab illo habent, sed etiā ipsam actionem sine actuali & immediato eius influxu habere nō possunt, ita determinatio ad definitos effectus, est illis à Deo, quia ab illo habent non solum virtutem, aut ex se determinatam, aut voluntatem se determinare: sed etiam determinationē ipsam in actu secundo sine actuali eius influxu habere non possunt, quia quatenus illa determinatio aliquid est, à causa secunda fieri non potest sine actuali, & cooperante influxu Dei quæ doctrina est quidem in se verissima, illi tamen loco non necessaria, quia si attentè consideretur, nō loquitur ibi D. Thomas de causis secundis, sed de naturalibus, quæ possunt materiā ad determinatam formam immutare. Quærit enim ibi an Deus possit se solo id facere, & obiecerat nō posse, quia determinatio effectus pendet ex causa determinata. Et respondet Deum non pendere in hac determinatione à causa secunda, quia ipse præbuit determinatas formas, causis secundis, & determinationem earum, vnde optimè poterit sine illis immutare materiam ad determinatam formam prout voluerit, quia nimirum in illo eminenter existit tota virtus causarum secundarum. Vnde constat etiam quoad causas secundas naturaliter agentes non tractare D. Thomam, de determinatione addita, vel addenda per concursus Dei, sed de illa, quā habent ex naturali virtute, & conditione suarum formarum, nam illa etiam à Deo habet, vt constat.

15.  
Explicatur  
a. 1. ad 2.  
q. 83.

Omissis ergo his, quæ generalia sunt omnibus causis secundis, attingemus aliqua, quæ de modo operadi Dei in causis liberis D. Thomas interdum

A docet. Et quoniā in fundamēto contrariæ sententiæ duo testimonia D. Thom. quibus iuniores maxime nituntur, adduximus, illis respondendo in c. 46. satisfaciemus. Vltra illa verò allegatur in 1. p. q. 83. art. 1. ad 2. vbi exponēs verba Pauli ad Rom. 9. *Non est volentis, &c.* ait non esse dicta, quia homo non velit libero arbitrio, sed quia ad id non sufficit, nisi *inueniatur, & moueatur à Deo.* Sed non potuit D. Thomas breuius explicare gratiam excitantē, & adiunatē, semperque in his allegationibus continetur illa defectuosa illatio, *Deus mouet voluntatē, ergo determinat.* Simileque est argumentū, quod ex solut. ad 3. eiusdē articuli sumitur, vbi Sanctus Doctor sic inquit, *Deus est prima causa mouens, & naturales causas, & liberas, & sicut causis naturalibus mouendo eas non aufert, quin actus earum sint naturales, ita mouendo voluntarias causas, non aufert quin actiones earum sint voluntariae, sed potius hoc in eis facit, operatur enim in vnoquoque secundum eius proprietatē.* In quibus verbis volunt D. Thomā loqui de motione præuia prædeterminante, quia de illa (inquit quidem) procedebat argumentū Sed vnde id probet, non video, nam in argum. 3. D. Thomas solum subsumpsit Deū mouere voluntatem, quod probat duobus testimoniis, Prouerb. 21. *Cor regis in manu Dei est, &c.* & Philipp. 2. *Deus est qui operatur in nobis velle, &c.* In quibus non est sermo de prædeterminatione physica voluntatis, sed de excitatione, & inductione morali cum physica cooperatione, vt in lib. 5. latius exponemus. Et in ipsa solutione apertè loquitur D. Thom. de motione quā Deus exhibet omnibus causis secundis, quam esse cooperationē suprā probauimus, & hanc dicit esse in vnaquaque causa secunda modo illi accommodato, quod verissimum est, & inde nos inferimus in causa libera non esse cum antecedente determinatione ad vnum, quia hoc non est consentaneum naturæ talis causæ.

C Et si quis attentè consideret prima verba illius solutionis, intelliget Doctorem sanctum responsionem suam inchoare, nostram asserendo sententiam, argumentatus enim fuerat voluntatem moueri ab alio, & ideo non posse esse sui iuris, id est, domina sui actus, ac proinde nec liberam, & ideo respondendo incipit, dicens, quod *liberum arbitrium seipsum mouet ad agendum.* Vbi expendo nō tantum dicere liberum arbitrium agere, sed etiam se mouere ad agendum, quod certè non est aliud quàm se applicare, & se determinare ad actionem suam; nam si ab alio solo prædeterminaretur, moueretur quidem ad agendum, sed non se moueret ad agendum Deinde verò respondet ad argumentum, licet hoc modo liberum arbitrium sit dominus sui actus, non excludere superiorem Dominum à quo in motione sua pendeat, & hoc est quod ait, *Non est de necessitate libertatis, vt sit prima causa sui id, quod liberum est, nam Deus est prima causa mouens, &c.* Vt autem liberum arbitrium creatum non sit prima causa sui motus, non est necesse vt prædeterminetur ab alia, sed satis est, quod in sua prædeterminatione essentialiter pendeat à prima causa modo iam sæpe explicato. Atque eodem modo nos dicimus, vt liberum arbitrium se determinet, non oportere, vt sit prima causa suæ determinationis: nam in illa etiā à Deo pendet, tanquam à primo agente determinationē ipsam. Illa ergo solutio D. Thomæ, & nostram sententiā in prioribus verbis confirmat, & in aliis nihil repugnat, imò tacitè soluit quod friuolè obii-ci solet, quia si voluntas se determinat, non prius determinata erit primū principiū liberum, respon-

16:  
Confirmatur explicatio.



det enim D. Thomas, volūtas se mouens, seu determinans ad agendum non sit prima causa, & consequenter nec primum liberum satis esse, quod à priori libero in sua determinatione pendeat.

17. **Explicatur**  
ex 1.2.q.6.  
art. 1. ad 1.  
Secundò affertur D. Thom in 1.2.q.6.art. 1. ad 3: estque hic locus similis præcedenti, & ideo nihil illi addere oportet, sed solū verba notare. Argumentum enim fuerat non posse hominem agere voluntariè, quia qui voluntariè agit, per se agere potest, quod homini non conuenit, dicitur enim Ioan. 15. *sine me nihil potestis agere. Responsio autem est, quod Deus mouet hominem ad agendum, non solum sicut proponens sensui appetibile, vel sicut immutans corpus, vel etiam sicut mouens ipsam voluntatem, utique propriè, & effectiue, ac physicè agēdo in ipsam, quod nos etiam fitemur. Hinc verò colligunt etiam mouere concursu præuio, & prædeterminatione, quam illationem nos iterum atque iterum negamus, quia est à genere ad speciem affirmatiue, & ex puris particularibus: mouet enim Deus, & præmouet voluntatem efficiendo physicè, & immediatè in ipsam, non per concursū præuīū, sed per aliquē bonum effectū indeliberatum, non prædeterminantē illā ad consensum, sed inclinātem, & alliciētem. Deinde mouet Deus voluntatem ad agendū physicè, propriè, & immediatè cooperando cum illa se mouente ad agendū sine præuia determinatione. Et de hoc modo motionis loquitur ibi apertè D. Thom. sicut illum intellexit ibi Conrad. explicans hunc locum, per alia q. 109. Et probat ex ratione, quam D. Thom. subiungit, *Quia omnis motus tam voluntariū, quam natura ab ipso procedit tanquam à primo mouente, utique immediatè, & principaliter. quod per se, & intrinsecè verum est ratione concursus simultanei, in quo essentialiter pendet omnis motus voluntatis, vel nature à primo mouente, non ratione concursus præuij, quia neque per se necessarius est, neque ratione illius potest dici motus cause secundæ pendere immediatè, & essentialiter à Deo. Vnde statim declarat eundem actum voluntarium, qui est à Deo, esse etiam necessariū à principio intrinsecò; ab utroque ergo est simul, & non prius à solo Deo, quod æquè de ipsa determinatione voluntatis procedit: aut enim dicendum est non esse voluntariam homini, quod est valdè absurdum, aut asserendum est esse ab ipsa voluntate cooperante Deo: hæc ergo est D. Thomæ doctrina.**

18. **Explicatur**  
ex 1.2.q.9.  
art. 4. ad 1.  
Tertius locus similis allegatur ex 1.2.q.9.art. 4. ad 1. vbi D. Thom. ait, *licet de ratione voluntarij sit, quod principium eius sit intra, sed non oportet quod hoc principium sit primum principium non motum ab alio. quod verissimum est ratione dependentiæ essentialis voluntatis creatæ à Deo, ratione cuius idem motus voluntarius qui est immediatè à voluntate, ut à principio proximo intrinsecò, est etiam à Deo, ut à primo principio extrinsecò. Et ita simul voluntas mouet seipsam proximè, & mouetur à Deo primò, & principaliter, eodem utique motu, quo seipsam mouet, etiam si nullus alius à solo Deo antecedat: hoc enim est per se ex vi essentialis dependentiæ necessarij, licet aliis rationibus possit interdū Deus præmouere voluntatē absque physica prædeterminatione, ut sæpe est dictum, & D. Thomæ doctrina statim explicabitur.*

19. **Explicatur**  
ex 1.2.q.10.  
art. 4. ad 5.  
Quartò additur ex eadem 1.2.q.10. art. 4. ad 3. quod D. Thomas ait. *Si Deus mouet voluntatem ad aliquid, impossibile est poni, quod voluntas ad illud non moueatur, non tamen est impossibile simpliciter, & ideo non consequitur, quod voluntas à Deo ex necessitate moueatur. quem locum voluit etiam iu-*  
*Fr. Suarez de Gratia Pars II.*

A niores intelligi de motu præuio factō in voluntate à solo Deo, & ita ex hoc loco colligunt necessitatem in sensu composito, etiam si suppositio sit antecedens, & ex sola voluntate Dei producta non esse contrariam libertati. Sed nos in Prolegom. 1. ex sententiā Anselmi, & eiusdem D. Thomæ ostendimus talem sensum cōpositum repugnare libertati, ideoque hunc locum intelligimus de suppositione concomitante; nam, ut in prioribus testimoniis diximus, Deus dicitur mouere voluntatem eodem motu, quo ipsa se mōuet, & ideo si supponatur Deus mouere voluntatem, simul supponitur voluntatem ipsam se mouere, & ideo est suppositio consequens, seu comitans, & ideo necessitas, quæ ex illa sequitur, non repugnat libertati, quia iam supponit vsum libertatis. quam expositionē probamus primò, quia est propriissima, & consentanea verbis, & ad soliditatē, & facultatē doctrinæ necessaria. Secundò, quia habet consecutionē cum corpore articuli, in quo clarè D. Thom. docuerat, Deum ita mouere voluntatem, ut non determinet illam ad vnum ex necessitate, id est, ex sola extrinseca vi, sed illam contingenter, & indifferenter operari sinat, ut suprà latè declarauimus. Tertio, quia in locis proximè allegatis, & vbique, docet D. Thom. de ratione illius motus, quo Deus mouet voluntatem, esse, ut sit à principio intrinsecò, ut patet ex locis suprà citatis q. 6. & 9. Ergo dum supponit hīc Deum mouere voluntatē, supponit etiam voluntatem mouere se, & ita est suppositio comitans, seu necessitas consequens, quæ res dum est, dicitur necessariū esse: & eodē modo dici potest, si voluntas se mouet, necessariū illā mouet Deus, quia in suppositione illa, motio Dei includitur: idem ergo est è conuerso. Denique obiter aduerto nunquam apud D. Thom. inueniri Deum agere propriè physicè ac directè in voluntatē, nisi infundendo habitus, vel efficiendo in voluntate ipsa aliquem motum vitalem eius, omnisque alia motio vitalis est, medio intellectu, ut ex sequenti puncto patebit. Et ita nunquam inuenio apud D. Thom. quodd Deus moueat voluntatem se solo efficiendo in illa aliquid medium inter habitum, & vitalem actum eius, qualis prædeterminatio, seu concursus præuius esse fingitur.

D Vltimò retorquetur contra nos doctrina D. Thomæ in dicta q. 9. 1.2. art. 3. & 4. quatenus in illa dicit, licet voluntas se moueat per consiliū ad electionem mediōrū ad primam intentionē finis non se mouere, sed à Deo moueri. Et ita in voluntate etiam defēdit illud principiū, *Omne, quod mouetur, ab alio mouetur*, quia voluntas se mouet ad media ex intentione finis, ad ipsam verò intentionē mouetur ab alio, scilicet ab authore suo. sic enim ait in eadem q. 9. art. 6. esse proprium Dei mouere voluntatē, efficiendo in illa inclinationē ad vniuersale bonū. Vbi videtur loqui de inclinatione non tantum innata, sed etiā vitali, & actuali; & magis explicat. 1. p. q. 105. art. 4. vbi eandē habet doctrinā, & addit, *Velle nihil aliud est, quam inclinatio quadā in obiectum voluntatis, quod est vniuersale bonum. & similia habet 3. contra gent. cap. 89. ration. 6. & sæpe alias. Ex qua doctrina colligi videtur saltem ad primum actum suum indigere voluntatem diuina motione prædeterminante.*

E Veruntamen licet hoc totum concederemus, inde nihil probaretur de concursu præuio prædeterminante, & essentialiter necessario ad actus voluntatis, vel propter essentialē dependentiam à prima causa, vel propter indeterminationem suam. Nam (ut suprà dicebam) etiam post intentionem

20.  
Obiicitur ex  
1.2.q.9.art.  
1. & 4.

21.  
Explicatur  
illa doctrina.

tionem finis est voluntas de se indeterminata ad media, & in omnibus actibus suis pender à prima causa, vt à primo mouente. Quocirca etiam, si demus primam finis volitionem esse peculiari modo à Deo, nam id esse propter præuiam motionem distinctam ab illa volitione prima, & prædeterminantem voluntatem ad illam. Sed quia Deus immediatè, & per se aliquo peculiari modo facit talem actum in voluntate. Vnde Capreolus dixit Deum solum efficere in voluntate primam illam volitionem finis sine concursu actiuo ipsius potentiz, quod improbabile est, vt in Metaphys. disp. 19. sect. 7. dixi, & ideo ab omnibus reicitur: tamen ex illo etiam falsò opinandi modo colligimus non intellexisse Capreolum primam volitionem finis esse à Deo, propter præuium concursum, sed quia est effectus solius Dei.

12. Caietanus verò licet concedat illam volitionem esse effectiue à voluntate, ait tamen necessariam esse quoad exercitium, & ideo tribui Deo. In quo quidem falsum dicit, nam ille actus semper est liber quoad exercitium in hac vita, vt probaui contra Caietanum, etiam ex mente D. Thomæ in dicto loco Metaphysicæ. Quod verò Caietanus addit in dicta q. 9. art. 4. illum primum actum non esse voluntarium, est expressè contra D. Thomam in eodem articulo ad 1. vbi declarat, quomodo ille actus voluntarius esse possit, licet sit à Deo. Et alijs in locis vniuersaliter dicit de ratione actus voluntatis esse, vt sit voluntarius, & inde colligit voluntatem non posse cogi. 1. parte quæst. 82. art. 1. & 1. 2. q. 6. art. 3. Ratio etiam est euident, quia ille actus est à principio intrinseco vitali, quia est effectiue à voluntate, vt ipse Caietanus admittit, & est cum cognitione præuiæ; est ergo voluntarius. Denique amor Dei in patria est voluntarius, & motus primò primi nostræ voluntatis sunt voluntarij; ergo quòd ille actus necessarius esset impertinens, est ad rationem voluntarij, & ad explicandum cur dixerit D. Thomas voluntatem non se mouere in primo actu, sed moueri à Deo. Ex illa verò explicatione etiam colligimus, non sensisse Caietanum D. Thomam fuisse ita loquutum propter præuium concursum, vel prædeterminationem voluntatis, quæ possit esse simul cum libertate actus.

13. Aliter Ferrarien. 3. contra gent. cap. 89. sentit, illam primam volitionem esse necessariam quoad specificationem, & ideo non tribui voluntari, sed authori nature, quantum ad id quod habet naturalitatis, & necessitatis. Ita enim limitat assertionem, & rationem reddit, quia licet fiat à voluntate, non fit, vt à principali causa, sed principaliter dicit esse à Deo vt ab agente; quod ab anima verò, & voluntate, vt à forma per quam agit Deus. Et ita etiam Ferrarien. non intelligit hunc locum D. Thomæ de concursu præui, nec de determinatione voluntatis, quæ per illum fiat, sed de illa, quæ prouenit ex naturali inclinatione voluntatis: nihilominus tamen illa expositio nec rem generaliter declarat, nec in rigore veritatem continet.

14. Primum patet, quia illa necessitas quoad specificationem ad summum reperitur in volitione beatitudinis formalis, seu boni in communi, vt in dicto loco Metaphysicæ declarauimus. At ille actus non est ex necessitate primus in omni deliberatione & negotio; frequenter enim incipimus ab intentione finis particularis, vt sanitatis, scientiæ, vel similis, imò nec oportet actum illum esse pri-

imum, quem homo veniens ad vsum rationis habere potest, vt eodem loco probaui. D. Thomas autem non loquitur solum de prima volitione totius vitæ, sed de prima intentione particularis finis, in quacunque serie electionum, vt patet exemplo, quod de intentione sanitatis, & electione medicinæ, seu curationis adhibet. At in intentionibus particularibus non innuitur necessitas quoad specificationem, vt per se patet, quia ad bona particularia etiam si propter se intendi possint, non necessitatur voluntas etiam quoad specificationem. Vnde talis intentio potest esse peccaminosa, non solum in vno, vel alio negotio, sed etiam in prima intentione, quæ homo habet cum primò peruenit ad vsum rationis, vt fatetur D. Thom. 1. 2. q. 89. art. 6. Ergo prima volitio non tribuitur Deo propter necessitatē, quoad specificationem.

Deinde probatur altera pars, quia etiam volitio beatitudinis, vel boni in communi, licet sit necessaria quoad specificationem, est ab homine vt ab agente quod, & vt principaliter operante, ac se mouente per virtutem propriam, nam viuētia etiam si operentur, ex inclinatione naturali, & non moueantur ab vno actu ad alium, sed simpliciter operari incipiant, verè, & propriè dicuntur operari, vt quod tanquam causæ principales proximæ, non minus quàm ignis dicitur calefacere, sic enim planta efficit munitionem suam, & visus visionem, & sic de alijs, & ita propriè se mouent, quia hoc est de intrinseca ratione actus vitalis. Ergo idem erit in voluntate circa primam intentionem finis, vel etiam boni in communi, quia ex virtute intrinseca, & tanquam sibi propria, illum actum elicit. Nec oberit quòd eadem voluntas sit principium actiuum integrum, & receptiuum illius actus, quia simul est potentia actiua & passiua sine repugnantia, quia est in potentia receptiua ad actum secundum, & est in actu primo, non per ipsum actum secundum, sed per eminentē virtutem suam, vt argumentatur Scotus in 2. d. 37. q. 1. §. *scilicet* Ideo merito, & patet in appetitu sensitiuo, qui non elicit vnum actum per alium, neque habet aliud principium proximum agendi præter seipsum; suppono enim cognitionem phantasiæ non currere ad actus appetitus, & nihilominus elicit actus suos in seipso, vt principalis virtus actiua proxima, & in virtute animæ, & ideo illi sunt propriè actus vitales, per quos animal seipsum mouet, & actu viuunt; ergo idē est in primo actu voluntatis.

Propter quod qui benignis interpretantur D. Thom. dicunt illum loquutum fuisse moraliter, non physicè, nam loquendo physicè, sine dubio volūtas propriè se mouet quoad exercitium actus in prima intentione finis, etiam si sit de bono in communi, quia verè efficit illum actum propria virtute vitali, imò & determinat se ad talē actum, quia cum possit illum continere, voluntariè illum exercet. Nihilominus tamen moraliter dicitur voluntas non se mouere in illo actu, quia non per propriū consilium, nec per priorem voluntatem se applicat, & disponit ad talē actum eliciendū, sed ab alio præuenta quoad obiecti propositionē per cogitationē non voluntariā, sed aliunde immisā statim ex aliqua propensione naturali prodit in talem actum. Vnde idem D. Thomas 1. 2. q. 17. art. 5. ad 3. dixit, primū actum voluntatis non esse imperatū à ratione, quia non est ex ordinatione rationis, sed ex instinctu nature, aut superioris causæ.

Alijs verò hoc non satisfacit, volunt enim etiam moraliter se mouere voluntatem in illo actu, quia potest esse liber quoad exercitiū, & specificationē,

D. Thom.

25. Altera pars expositiois Ferrariensis reicitur.

26.

Benignior aliorum interpretatio D. Thom.

27.

Quamali qui reuertunt.

vt

verdictum: esse autem morale incipit per esse liberum; imò in eo consistit; ergo in illo actu voluntatis moraliter operatur; ergo moraliter se mouet. Imò etiam sola libertas quoad exercitium ad hoc sufficit, quia illa satis est, ut actus sit humanus, moralis, ac meritortus. Confirmatur primò, quia idem D. Thomas 1.2.q.1.art.2. generaliter pronuntiat voluntatem se mouere in finem, quia est domina illius actus, quo tendit in finem. Confirmatur secundò, quia talis intentio finis semper non potest tribui Deo, sed solum homini tanquam moraliter operanti, nam semper illa prima voluntas est peccaminosa, vel in principio usus rationis, ut ex D. Thoma dixi; vel frequentius in quotidianis intentionibus, nam omnia peccata incipiunt ex praua aliqua intentione finis.

D. Thom.

18.  
Disputatio  
reducitur ad  
modum lo-  
quendi.

D. Thom.

Verumtamen quoad hanc partem disputatio est de modo loquendi, & diuersis sensibus uterque potest esse verus. Nam si motio moralis generaliter dicatur omnis actio libera, sine dubio dici potest homo se mouere moraliter in prima volitione finis, ut probant, quæ adduximus. Loquendo tamen rigorosius, & quasi per antonomasiam de motione morali, quasi significat discursum moralem habentem principium in aliquo affectu, & impulsu ab ipso homine sibi comparato; sic dicitur homo moraliter moueri ad media potius quam ad finem. Vnde dixit D. Thom. q. 3. de malo, art. 3. ad 5. voluntatem cum sit ad vtrumlibet determinari ad vnum per consilium rationis. Nec oportet (ait) hoc esse per aliquod agens extrinsecum. Et ad hoc magis declarandum addidi in Metaphys. disp. 19. sect. 8. in omni intentione finis quatenus libera est, includi virtualiter aliquam electionem in quantum vel hic finis particularis alteri præfertur, vel quatenus hic vel nunc exercitium talis actus volendi præfertur carentiæ eius. Et hinc fit ut quando in tali intentione interuenit culpa, non possit tribui auctori naturæ, quia defectus ille non inuenitur in illo actu, ut est pura intentio ex inclinatione naturæ, sed ut participat aliquid de electione ex applicatione liberæ voluntatis. Quod secus est, quando intentio est bona, potest enim suo modo tribui absolute auctori naturæ, non quidem ut principali agenti proximo, ut Festariensis insinuas, sed ut primæ causæ danti inclinationem ad illum finem, non tantum ut absolute spectatum, sed etiam ut comparatum ad fines, &c.

19.  
Confutatur  
tandem ob-  
iectio allata  
a. 10.

Atque hinc tandem facile refellitur obiectio quæ contra nos sumatur ex illa doctrina D. Thomæ, ob quam clariùs expediendam hæc obiter attingere oportuit. Illa enim doctrina, quod voluntas non se mouet ad primum actum circa finem, licet aliàs suam difficultatem habeat, non fundatur in concursu præuio, nec in speciali prædeterminatione physica, quam Deus tribuat voluntati in prima volitione, seu intentione, & instinctu alicuius causæ superioris. quæ ratio locum habet, siue intentio finis sit ex motione prædeterminante, siue non sit, ut est verius, quia nec inclinatio naturalis, nec cogitatio præuia, seu instinctus est præuius concursus prædeterminans voluntatem, ut per se notum est: vnde si talis intentio, vel volitio finis sit omnino necessaria, etiam quoad exercitium, ut est in patria ad illam est satis determinata voluntas per innatam inclinationem suam, & charitatis; si verò sit aliquo modo libera, eo ipso includit aliquam determinationem voluntatis se applicantis ad hanc partem potius quam ad illam per aliquale consilium formale,

Fr. Suarez de Gratia Pars I. A.

A vel virtuale, & ideo (ut D. Thomas dixit) necesse non est illam determinationem esse ab aliquo extrinseco agente.

## CAPVT XLV.

Ex concursu Dei ad actus, qui sunt peccata, peculiari ratione superior doctrina comprobatur.

Supponimus actus peccatorum, prout actus sunt non minus dependere à generali concursu physico primæ causæ, quam actus bonos, in quo defensores vtriusque sententiæ conueniunt. Ex quo vltèrius infertur, si ad actus malos prout actus sunt (ita enim de illis tractamus ne sit necessarium declarationem semper repetere) non est necessaria præuia motio determinans Dei, nec ad alios actus liberos ordinis saltem naturalis esse necessariam. Quam etiam illationem necesse est omnes admittere, quia si causa secunda essentialiter postulat illam præuiam motionem ex generali ratione concursus ad omnem actionem realem causæ secundæ erit necessaria, siue defectum aliunde habeat adiunctum, siue non habeat, quia defectus concomitans entitatem actionis ut procedentis à voluntate, posterius quid est, & supponit in actione entitatem participatam, & consequenter essentialiter dependentem à prima causa. Quidquid ergo fuerit de intrinseca ratione huius essentialis dependentiæ inuenietur etiam in actione peccati, & è contrario illa motio Dei, sine qua talis actus fieri non potest, non est de essetia generalis concursus in cæteris actibus. Propter quam rationem ferè omnes moderni, qui præuium influxum in causam dicunt esse de ratione essentialis dependentiæ in agendo, quam causa secunda habet à prima, consequenter fatentur Deum præmouere, & prædeterminare voluntates humanas ad actiones peccatorum. Si qui autem eorum in aliis actionibus putant illam prædeterminationem esse necessariam ex vi generalis concursus, & negant illam in actibus malis, quoad eorum realitates, profectò consequenter non loquuntur. Vnde etiam Gregorius, & Capreolus, quia motionem illam requirunt ad actus bonos, & negent in malis, negant illam pertinere ad concursum generalem, sed ad speciale auxilium gratiæ in natura lapsa necessarium ad bene operandum, de quo in lib. 1. visum est.

1.  
Status quæ-  
stionis.

Gregorius.  
Capreolus.

Nos autem ex contrario principio sic argumentamur. Causa prima sufficienter concitat cum causa secunda ad actus reales peccatorum; & tamen non præmouet determinando illam ad actum peccati; ergo talis motio non est de necessitate diuini concursus generalis, etiam respectu causæ liberæ, & consequenter quantum est ex parte Dei, etiam ad actus bonos poterit libera voluntas se determinare cum solo concursu simultaneo siue præuio. Minorem in qua est difficultas latè probaui in lib. 3. de Auxiliis. Postea verò moderni scriptores de eodem argumento omni conatu, & argumentorum genere conati sunt persuadere Deum præmouere homines ad actus peccatorum, eorum voluntates efficienter ad illos prædeterminando. Et ad nostra argumenta in summa respondent concedendo omnia quæ ex illo dogmate nos inferimus, vno excepto, nimirum Deum esse causam peccati: hoc enim negant sequi ex illa

2.  
Prima ratio  
ad primam  
motionem  
& prædeter-  
minationem  
tollendam.



prædeterminatione, magis quàm ex simultaneo concursu, putant eandem esse vtriusque rationem; quia actus materialis, seu realis voluntatis humanæ non habet quòd sit peccatum ex habitudine ad voluntatem Dei siue præmouentem, seu prædeterminantem, siue simultaneè còcurrentem, sed ex habitudine ad voluntatem humanam deficientem, cuius defectus Deus non est causa, & ideo quomodocunque concurrat, vel præmoueat, nunquam est causa peccati. Et ita eludunt omnia testimonia Scripturæ & Patrum. Alia verò inconuenientia, quæ nos inferimus, faciliè deuorant, vt quòd Deus faciat nos facere hæc opera, quòd absoluta voluntate voluerit ex æternitate nos velle illa, priusquam præuiderit determinationem nostram, & quòd talia opera sint per se intenta, ac proinde prædestinata à Deo. Quapropter nihil ferè nobis superest addendum, eadem autem repetere superuacaneum videri potest. Nihilominus tamen, quia res est grauissima, & iudicio, ac definitione Ecclesiæ dignissima, non grauabor vim aliquarum rationum pressius urgere, & nonnullas responsiones accuratius ponderare, vt vnusquisque vit prudens, & doctus nullo affectu priuata opinionis præoccupatus, quid sit magis consentaneum diuinæ bonitati, & Scripturis sanctis, & communi Ecclesiæ sensui iudicare possit, dum infallibile Ecclesiæ iudicium non interponitur.

3. Vt autem sensum meum, & rationem, qua conuincor, explicem, coram oculis mentis constituo hominem deliberantem an consentire debeat peccato, necne, & de se liberum ad consentiendum, vel ad hanc dispositionem sufficienti auxilio Dei actu præuentum. Et interrogo, an in illo puncto, & momento, in quo voluntas hominis prius natura, quàm à Deo prædeterminetur, est ad vtrumque indifferens, debeat illi determinatio ad consensum, magis quàm ad dissensum, eo vtrique modo, quo generalis concursus est illi ad operandum debitus, id est, an ex se talis voluntas postulet magis determinari ad consensum, quàm ad dissensum, vel ad vtrumque prorsus sit indifferens. Primum enim non videtur verisimile, quia nulla ratio dari posse videtur, cur magis postulet, aut mereatur debitam sibi fieri determinationem ad consensum, quàm ad dissensum. Quia ex sola natura voluntatis liberæ hoc non postulatur; imò quia talis voluntas licet sit indifferens, magis ac perfectius inclinatur ad honestum, quàm ad quodcunque aliud bonum repugnans honestati, quantum est ex se, magis quodammodo postulat determinationem ad dissentiendum illi; ergo ex vi solius innatæ inclinationis cum indifferentia nec debetur illi determinatio ad talem consensum prauum, nec de se illam postulat.

4. Deinde neque per aliquid additum huic naturali libertati, & inclinationi postulat homo, aut fecit sibi debitam talem determinationem, quia vel illud additum est aliqua culpa, vel est aliqua infirmitas, seu defectus aliquis quem homo patitur sine culpa: neutrum dici potest; ergo nullo modo potest reddi talis ratio ex parte hominis. Consequentia euident est ex sufficienti partitione posita in Maiori per membra immediatè, & contradictoriè opposita. Minor autem quoad priorem partem etiam est certa, quia licet homo peccando mereri possit priuationem diuini auxiliij, aut aliam similem desertionem, nunquam tamen mereri potest, vt directè ad actum peccati à Deo ipso inducatur iuxta communem doctrinam San-

Actorum, & Theologorum, quam nunc suppono. Et vt esset verum, aut tolerabile dicere, posse peccatorem id aliquando mereri, nihilominus certum est, etiam tunc illam motionem non pertinere ad generalem concursum debitum causæ liberæ, sed ad specialem pœnam quam Deus veller in eo casu inferre. Vnde si qui Doctores videntur in aliquo casu id admittere, non dicunt illum esse ordinarium modum operandi Dei cum peccatoribus, sed esse rarum, & extraordinarium, quando multa, & ingentia peccata præcesserunt. Vt autem sit res euidentior, & extra omnem controuersiam, loquamur de primo peccato, & de illo puncto in quo homo deliberat de illo vitando, vel committendo: nam tunc non potest ratio determinationis sumi ex priori culpa, cum nulla præcesserit, nisi fortè quis dicat sumi ex peccato originali, quod per se improbable est, præsertim vbi peccatum illud iam fuerit remissum. Veruntamen vt omne subterfugium tollatur, loquamur de primo peccato Adæ, vel Angelii, in illo enim fingi non potest quòd prædeterminatio ad talem consensum orta fuerit ex merito ratione prioris culpæ cum nulla præcesserit.

Superest videndum de altero membro fortè si dicatur, defectum aliquem præcedentem in homine prius natura, vel tempore immediato ante instantem in quo peccat esse rationem, ob quam homini deberetur talis prædeterminatio ad consensum, potius quàm ad dissensum, vel saltem esse rationem ob quam homo quantum est ex se magis illam determinatio postulet, quàm aliam. Nam in primis longè probabilius est voluntatem liberam quomodocunque toto tempore antecedente ad instantem consensum affecta est nullam determinationem ab extrinseco agente postulare, quæ ordine causalitatis, & naturæ suam determinationem, efficientiam præcedat. Nam etiam si demus, vel permittamus voluntatem esse capacem illius prædeterminationis, saluo vsu libertatis, & expectare illam à causa prima propter subordinationem, adhuc negari non potest, quin in illo instanti in quo voluntas consentit, prius natura, quàm operetur, non obstante quocunque defectu inuoluntario antecedente sit capax duplicis determinationis disiunctiue, scilicet, vel ad consensum, vel ad dissensum, quia aliàs nullo modo esset tunc voluntas potens ad vtrumlibet actum sub disiunctione, quia neque proximè, & per se sola esset potens ad aliquem illorum, neque remotè, & media prædeterminatione esset potens ad vtrumque, si vnus tantum prædeterminationis esset capax; necesse est ergo fateri esse in eo momento voluntatem capacem duplicis determinationis.

Vnde vltimè fit in casu posito voluntatem non postulare determinationem ad consensum ab extrinseco accipiendam, vel ex debito, vel ex congruitate aliqua, quæ ob præcedentem defectum inculpabilem ex parte hominis considerari possit. Quia in primis debitum illud non potest esse morale, quia nullus vsus liber præcessit in quo fundetur moralitas, nec physicum, seu connaturalitatis prout debetur naturalis proprietas vnicuique rei, quia illa capacitas respectu prædeterminationis dandi per præsum concursum solum est potentia quædam receptiua vtriusque determinationis, & alterutram natura sua postulans; ergo neutra determinare est illi debita debito physico, seu connaturalitatis, nec defectus antecedens facit illam debitam, cum etiam posito illo defectu, & in sensu composito (vt sic dicam) adhuc maneat capacitas

3. Explicatur questio subiecto exemplo hominis deliberantis an peccato consentire debeat. In illo momento non debetur illi determinatio potius ad consensum quàm ad dissensum, ex natura voluntatis.

4. Neque ex aliquo voluntarij supplemento.

5. Quod amplius probatur.

6. Explicatur magis non deberi hanc prædeterminationem illi voluntati.

capacitas illa indifferens de se, ut probatum est. Item, quia aliàs imperfectio illa antecedens esset quasi dispositio vltima ipsius voluntatis limitans capacitatem eius ad talem prædestinationem, & secundum naturalem ordinem, ac secluso miraculo necessitans ad talem prædeterminationem recipiendam, potius, quàm aliam, sicut vltima dispositio corporis humani necessitat suo modo ad creationem animæ. Aliàs posita illa prædeterminatione cum illa etiam necessitat ad consensum, in sensu vtrique imposito respectu illius consensus in peccato necessaria, & physica connexionione causarum antecedentium omnem usum libertatis præueniret, quod quantum denegat humanæ libertati, quantumque excusare valeat lapsus humanæ voluntatis, facile intelliget, quicumque attenta mente, & puro affectu rem considerauerit. Igitur ex parte hominis nulla ratio debiti considerari potest, ob quam talis prædeterminatio priusquam alia debeatur. Nec etiam fingi potest cum fundamento ratio congruitatis, quia (ut dixi) potentia de se magis postulat, & naturaliter appetit, quod illi melius est. Aliunde verò imperfectio antecedens est inuoluntaria, & inculpabilis ut supponitur; ergo non inducit congruitatem moralem, nec etiam physicam, cum illa perfectio non excludat perfectionem sufficientem ad vitandum illum consensum per dissensum, vel per suspensionem actus, cuius est etiam intrinsicè capax ipsa voluntas.

7.  
Reiicitur in-  
stanti.

Dicitur fortasse hominem in eo instanti in quo consentit in obiectum prauum, licet prius natura sit capax vtriusque determinationis, semper tamen supponi iam inclinatum, & magis propensum ad consensum, & ideo si non ex debito, saltem ex quadam congruitate ad consensum potius determinari, quàm ad dissensum. At hoc etiam facile refutatur. Primum, quia gratis id dicitur, ac supponitur, quia licet id contingat quando peccator ex passione, vel consuetudine, tamen in peccatis merè spontaneis fieri potest, ut ante determinationem ad vnam partem non sit homo magis propensus ad alterutram, sed quasi pendens in vtramque, ut statim magis explicabitur. Secundò esto ita esset, quæ congruentia inde nascitur ob quam homo magis debeat determinari ad consensum, quàm ad dissensum? Imò verò cum illa maior propensio, si qua est, oriatur vel ex infirmitate, vel ex inconsideratione nondum voluntaria, profectò congruentius est, ut inuictur infirmitas, vel excitetur consideratio, quàm ut recipit voluntas per diuinam præmotionem.

8.  
Idem tertio  
confirmatur.

Vnde argumentor tertio in hunc modum, quo ille defectus, qui antecedit consensum malum, vel est ex parte appetitus, aut prauis habitus, & hæc accidentia sunt, & ut hæc de medio tollantur, loquamur de primo homine in statu innocentie, in quo ante peccatum nullus talis defectus præcessit: vel est ex parte intellectus, ut si dicatur consistere in præiudicia cogitatione, vel consideratione prauis obiecti, cum remissa consideratione honestatis, vel in alio simili actu, vel eius omissione, & in hoc etiam nulla potest fundari congruitas, quia homo, vel Angelus sic dispositus adhuc erat de se æquè potens ad non consentiendum, vel directè dissentiendo, vel saltem applicando intellectum ad meliorem considerationem. Ergo ex illa dispositione nulla nascitur ratio, aut congruitas, ob quam Adam fuerit potius determinatus à Deo ad consensum, quàm ad dissensum, vel ad volendum melius de re sibi proposita considerare, & postea media consideratione determinari ad dissentiendo. Denique homo quando per suggestionem demonis habet viam

A considerationem prauis obiecti, nulla congruitas inde nascitur, ut Deus impediat voluntatem hominis ne intellectum ad contrariam, vel meliorem considerationem applicet, id enim esset partes demonis tenere, seu iuuare; ergo multo minus potest inde nasci congruitas, ut Deus prædeterminet statim voluntatem hominis, v. g. Adami sic à Demone tentati ad consensum, quia nullo efficaciori modo poterat meliorem considerationem impedire, quàm delinendo statim voluntatem in consensum.

Relinquitur ergo in huiusmodi euentu nullam rationem posse reddi ex parte hominis, ob quæ magis prædeterminetur ad consensum, vel dissensum, ac proinde Deum pro sua sola voluntate id facere, non quia id exigat (ut sic dicam,) munus causæ primæ, nam æquè bene, vel melius illud expleret determinando voluntatem hominis ad dissensum, sed solum pro suo beneplacito, quia vult tali modo illi homini providere, & non alio. Quod totum, ut opinor, facile concedent contrariæ sententiæ defensores; nam ita loqui solent de prædeterminatione ad bonum, non tantum supernaturale, sed etiam morale ordinis naturalis; consequenter autem idem est de prædeterminatione ad consensum in obiectum prauum: nam est eadem ratio, ut declarauimus. Illud autem dogma per se spectatum sine aliis argumentis videtur nobis indignum diuina bonitate, & sapientia. Nullus enim homo prudens, sapiens, ac bonus, qui possit alium hominem in eo discrimine constitutum ad honestum potius, quàm ad delectabile inclinare, eum in priorem partem moueret. Quis ergo credat Deum, qui ex vi vniuersalis muneris primæ causæ æquè potest prædeterminare illum hominem ad dissensum, & consensum ex se, & nulla accepta occasione ex parte ipsius hominis potius ad delectabile obiectum, quàm honestum, non solum inclinaret, aut moneat, sed etiam prædeterminet, quibus verbis semper vtor, & nomen peccati fugio, ne occasionem præbeam eludendi rationem per vulgarem distinctionem de formali & materiali peccati, nunc enim nihil de formali malitia loquor, sed de substrato illius; necessariò autem est distinctè concipere, & explicare, quod sit illud substratum, seu materiale peccati, ut ponderari possit, quàm sit dissimilaneum diuinæ sapientiæ & bonitati, ex se, & solo beneplacito suo eligere ac velle determinare voluntatem hominis ad volenda delectabilia, potius quàm honesta, sine occasione ex parte hominis, solum suo arbitrio, & præter alia consilia voluntatis suæ, ac si essent Deo necessarij homines impij.

9.  
Ex his sequitur Deū pro sua sola voluntate determinare creaturā ad consensum peccati.

## CAPVT XLVI.

Deducendo ad varia incommoda eadem doctrina comprobatur.

E Possumus præterea falsitatem huius sententiæ multis modis, & absurdis, quæ ex illa sequuntur, declarare. Primum sit, quia aliàs nullam rationem moralem possumus reddere, ob quam Deus peccatum potius permittat, quàm impediat. Sequelam declaro, quia licet multæ rationes dari soleant sumptis finibus extrinsecis (quia Deus ex peccatis sumit occasionem maiora bona faciendi,) omnes tamen supponunt ut fundamentalem rationem illam, quæ ex libertate sumitur; permittit enim Deus peccata ne libertatem tollat, aut usum eius impediat, aut liget. Et hac ratione defendit innocentiam Dei in permittendis peccatis D. Thomas in 1. d. 47. q. 1.

I.  
1. Absurdū, nulla reddi poterit ratio propter quā Deus peccatum potius permittat, quàm impediat.

D. Thomas

Caietan.

art. 2. ad 4. Et ibi Doctores communiter, & Caietan. 1. p. q. 22. art. 2. ad 1. estque necessarium supponenda, ut alia locum habeant, quia alias non videretur Deus peccatis tamquam occasionibus beneficiendi, sed tamquam medijs per se volitis propter tales fines, quod est à diuina bonitate alienum: non enim sunt faciēda mala, ut inde eueniant bona, teste Paulo. Ista enim ratio destruitur iuxta illam sententiam, quod ita ostendo, nam vel prædeterminatio tollit libertatem, vel non tollit. Primum non dicitur, & licet diceretur eo ipso permissio in prædeterminatione fundata non esset libertatis conseruatio, sed destructio. Si autem prædeterminatio non tollit libertatem, Deus prædeterminando semper voluntatem ad bonum prosequendum, & malum fugiendum, non magis tolleretur eius libertatem, quam prædeterminando illam ad malum volendum; ergo talis prædeterminatio, vel permissio in ea fundata non potest verè excusari, aut honestati ex ratione libertatis conseruandæ. Simileque argumentum sumitur ex ratione, quæ à munere causæ primæ cum omnibus concurrentis dari solet. Nam si concursus generalis incipit à prædeterminatione, æque satisfaceret Deus suo muneri determinando voluntatem ad bonum; cur ergo determinat ad malum.

2.

1. Absurdū, non min ri voluntate, & efficacitate fieri Deum hominem velle turpia, quam honesta.

Secundum inconueniens sit, quod non minori voluntate, & efficacitate faceret Deus hominem liberè velle turpia, quam honesta, sacrilega, quam religiosa iniusta, quam iusta, loquor semper de his solum ut sunt conuerſiones quædam, seu amoris voluntatis ad talia obiecta, sub aliqua ratione boni honesti, aut delectabilis, vel utilis, in quibus, ut sic præcisè spectatis, nondum aliqua malitia moralis consideratur. Sic ergo declaratae illationes facile probantur iuxta contrariam sententiam; quia Deus dicitur facere ut velimus, & faciamus honesta, quia per illum præuium concursum, sua sola libertate in nobis factum determinat nostras voluntates ad volendas, & faciendas actiones honestas, sed simili voluntate, ac præuii influxu determinat nostras voluntates ad prosequenda bona temporalia, vel sensibilia propter quancumque rationem inferioris boni: ergo in re ipsa æque facit Deus, ut homines velint, & faciant turpia, ac honesta, & similia. Quod si ita est, non video qua efficaci ratione possumus persuadere peccatoribus ne his inferioribus bonis efficiantur, nec illa honestis, & alioribus præferant, cum possint respondere, qui illa eligunt, non minus Deum velle, & facere, ut ea ipsi ament, & eligant, quam in alijs faciat effectum ad res spirituales, & honestas. Et ideo merito dixit Augustinus lib. 1. de liber. arbit. cap. 11. *Regnanti menti, compositæque virtutis, quidquid par, aut præuium est, non eam facit seruam libidinis, propter iustitiam.* Sentiens hoc repugnare iustitiæ, ac propterea Deum id non facere. At profectò si Deus faceret voluntatem nostram amare bonum delectabile sensui, maximè faceret eam seruam libidinis, unde concludit, *Nulla res alia mentem cupiditatis comitem facit, nisi propria voluntas, & liberum arbitrium.* Et ex hoc principio lib. 3. cap. 1. rationem reddit, ob quam Deus non est causa peccati, ut infra dicam.

August.

3. Absurdū, Deus effici voluntate prædeterminauit Iudam ne vellet tradere Christum.

Coesl. Tid.

Tertiò hoc serè argumentum explici in lib. 1. de Auxilijs, exemplo de sumpto ex Concilio Trident. nam sequitur efficaci voluntate Deum præordinasse, ac decreuisse ut Iudas vellet vendere Christum, & efficaciter, & antecedenter fecisse, ut id faceret, quod piz aures audire recusant, & verbis Concilij repugnare videtur, ut paulo post referam. Respondet vir quidam pius, & doctus, & absolute loquen-

do, Deum non voluisse ut Iudas venderet Christum, & id vellet, sed solum cum addito, considerando illam actionem in quantum erat actio, & sub ratione entitatis: sub hac autem ratione id voluisse Deum, & sic etiam veram esse illam causalem, ideo Iudas voluit illam actionem, in quantum actio est, quia Deus voluit, ut illam vellet, in quantum ens est. Sed nos non de verbis contendimus, sed de re ipsa: nam si res vera est, ac Deum decens, non oportet verbis eam palliare, sed nudè, & apertè, prout ipsa est, eant confiteri: si autem erubescimus rem ipsam nudè faceri, non expedit de Deo sentire, quod pudet verbis apertè confiteri.

B

Si ergo rem euoluamus, & penitiùs inspicimus, si Deus præuoluit, & efficaciter præordinauit illam actionem Iudæ, non tantum voluit illam, ut ens, vel ut actio est, sed voluit illam, ut talis actio est, & ut ad talem personam terminatur, & prout hic & nunc liberè à Iuda efficiendum, tum quia nihil possitium, & reale in actione illa inuenitur, quod Deus eodem modo non voluerit, & effecerit, ut iidem authores maximè defendunt, tum etiam, quia (consequenter loquendo in eorum sententia) Deus non prædeterminauit voluntatem Iudæ ad actionem tantum, ut actio est, sed ut talis actio, & tale ens cum omnibus conditionibus realibus, & respectibus, quos in re ipsa habuit, seu erat habitura, quia quidquid Deus facit in actione illa Iudæ, sine externæ venditionis, siue internæ voluntatis, fecit præordinando illud per absolutam voluntatem, & prædeterminando voluntatem Iudæ ad id volendum, & potentias reliquas ad id exequendum. Omne enim id, ad quod Deus concurrat per simultaneum concursum, prædeterminat efficaciter per præuium: concurrat autem cum Iuda ad actionem, qua vendidit Christum, non solum ut ens, vel actio est, sed etiam ut talis actio, atque ideo ut venditio Christi fuit; ergo eodem modo illam præordinauit, præuoluit efficaciter, prædeterminauit, & fecit, ut Iudas illam faceret. Ergo sicut simpliciter verè dicimus, Deum concurrisse cum Iuda ad volendum vendere Christum, & ad volendum illum, ita simpliciter in illa sententia fatendum est, fecisse Deum ut Iudas vellet vendere Christum, & ut illum venderet; quod tam est absurdum, ut ipsimet illud admittere non audeant. Oportet igitur, ut non tantum verba recusent, sed multo magis rem ipsam abnegent.

C

D

E

Quartò hinc vteridus infero, ex illa sententia Deum simpliciter loquendo absoluta voluntate, & ex se velle hominum peccata, quod sine dubio viri Catholici non concedent. Probamus autem sequelam, quia qui vult aliquid, distinctè cognoscens quid illud sit, & quid necessariò cum illo coniunctum sit, totum illud simpliciter, & absolute vult: sed Deus absolute vult, ut Iudas, v. g. hic & nunc habens de Christo talem cognitionem, & estimationem, illum liberè vendat, ut ex contraria sententia supponimus; ergo absolute vult Deus totum illud obiectum cum omnibus suis circumstantiis realibus, & quidquid cum illa actione sic sumpta necessariò coniunctum est, sed cum illa actione sic facta necessariò est coniuncta malitia peccati, & quod is, qui illam facit, peccet, ut est per se notum; ergo Deus absolute vult peccatum, & ut Iudas peccet. Vis huius argumenti pendet ex propositione assumpta ad probandam sequelam, cetera enim euidenter consequuntur. Illa verò propositio non solum in morali Philosophia, & Theologia, sed etiam in naturali Philosophia videtur per se nota: nam voluntas fertur in sibi rem propositam, prout in se est, si distinctè & prout in se est cognosci

4. Id ampliùs explicatur.

5. Absurdū, Deus absolute voluntate ex se vult hominum peccata.



cognoscitur; ergo si proponitur ut habens tales proprietates inseparabiles, & absolute ut in se est, placet, & amatur, non solum res, sed etiam eius proprietates omnes amantur, vel libere per voluntatem acceptantur. Nam licet non æque primò, & per se aliquis velit rei proprietates, & rem ipsam, nihilominus volendo non ipsam absolute, & simpliciter, consequenter vult proprietates, & conditiones ab ipsa inseparabiles. Et ideo sicut in naturalibus dicitur, qui dat formam, dare consequentia ad formam, seu actionem, ita etiam dicendum est, velle quæ illam consequuntur, vel cum illa necessario coniuncta sunt, si illam non ignoret. Et in moralibus, qui vult alium facere aliquid, quod ille sine peccato facere non potest, consequenter vult peccatum eius.

6.  
Responsio  
communis  
confutatur.

Responderi solet, licet cum tali actu reali sic facto necessario coniuncta sit malitia, nihilominus non sequi, seu comitari actum, ut est à Deo volitum, seu prædeterminatum, sed prout à proxima voluntate deficiente egreditur: nam sub eo respectu deficit à regula rationis, & ideo malitiam contrahit, & propterea non posse Deo tribui. Hæc verò responsio difficultatem rationis non euacuat, quia in illa nos non intulimus Deum peccare volendo peccatum hominis (cui illationi possit obuiare illa responsio, negando illam, quia actus ille non habet defectum in ordine ad diuinam voluntatem, sed ad humanam; sed intulimus Deum velle efficaciter, ut in voluntate humana sit peccatum, & hæc illatio non euacuetur ex eo, quod malitia confurgat ex actu ut est à voluntate humana, quia totum hoc potest esse obiectum alterius voluntatis, & hoc dicimus sequi ex eo, quod Deus ex se, & absolute, ac præuenienti decreto velit hominem efficere actum aliquem voluntarie, ac libere, qui necessario habet adiunctam malitiam, quatenus ab eadem definiente voluntate manat. Sicut si vnus homo velit, vel gaudeat alterum efficere actum, cum illis circumstantiis, quæ ad peccandum sufficiunt, reuera vult peccatum eius, licet talis actus habeat defectum, & malitiam per habitudinem ad voluntatem illius hominis, à quo proximè fit, & non alterius, qui de illo gaudet. Vnde fieri potest, ut peccatum illud prout à tali homine fit, sit, v. g. peccatum iniustitiæ, & in voluntate alterius qui de illo gaudet, sit contra charitatem, vel aliquid simile. Optimè ergo intelligitur peccatum vnus voluntatis, quod ut ab illa nascitur, habet rationem peccati, esse obiectum volitum per aliam voluntatem, etiam si peccati rationem non habeat per habitudinem ad illam. Sic ergo probat ratio facta, peccatum hominis esse obiectum diuinæ voluntatis, ab illa propriè, & efficaciter volitum: etiam si malitiam peccati non habeat ex habitudine ad diuinam voluntatem, sed ad humanam. Sic potest Deus velle visionem, ut visio, & actus vitalis est, licet visio non habeat, quod sit actus vitalis ex habitudine ad Deum, sed ad intrinsecum principium proximum à quo manat. Vel sicut Deus sit peccatum hominis, quamuis non habeat rationem peccati, ex habitudine ad scientiam Dei; sed ad voluntatem humanam, nam hoc totum scit Deus. Ita ergo inferimus Deum velle peccatum hominis, licet actus ille non sit peccatum, quia volitus à Deo, sed ab homine, quia hoc ipsum est, quod Deus vult, scilicet ut voluntas defectibilis hominis talem actum faciat, quem sine tali malitia facere non potest.

7. Quintò ratio hæc ex alio incommodo declara-

tur, nam sequitur Deum verè, & propriè non permittere peccatum; ergo sequitur, ut velit illud, quia nihil in mundo fit nisi volente Deo, & permittente, ut est certissimum. Si ergo peccatum non sit permittente Deo, optimè concluditur, fieri ipso volente. Probat ergo sequela, quia Deus non permisit ut Iudas vellet vendere Christum libere, & cum talibus circumstantiis, quia iuxta illam sententiam, id efficaciter voluit, & præordinauit, ut probatum est; ergo nec permittit malitiam annexam illi actui; ergo voluit illam saltem consequenter, & secundariò. Probat prima consequentia, quia illud verè dicitur permitti, quod & à Deo permittente, & ab homine, cui sit permissio, vitari potest, & libere non vitatur: supposita autem illa præordinatione diuina, quia voluit efficaciter Iudam sic operari, non erat in potestate Dei, vel hominis impedire ut ad talem voluntatem Iudæ non sequeretur malitia, & deformitas peccati; ergo reuera non potest dici permissa. Maior ex vi ipsius verbi per se euidens videtur, & ex communi consensu Theologorum fit clarius; omnes enim ad permissionem potestatem vitandi, aut impediendi id, quod permittitur, requirunt: ideoque diuinam permissionem per negationem declarant, scilicet, quia non vult impedire, licet possit. quam negationem aliqui ponunt in actu voluntatis Dei, qui nec vult actum fieri, nec impedire illum vult, per solam negationem actus, ut exponit Scotus in 2. d. 41. q. vnic. in fine & ibidem Gregor. 8. *Quam- uis autem.* Alij verò negationem tantum ponunt in obiecto, dicuntque tantum esse voluntatem non impediendi, ut significat D. Thomas 1. p. qu. 19. art. 9. ad 1. & art. 12. Caietanus qu. 12. art. 2. in fine, dicens permissionem (quam per negationem explicat) esse à Deo intentam, non autem actum permissum. Omnes autem supponunt in permittente potestatem impediendi effectum permissum, ut expresse dicunt Scotus, Gregorius, & Caietanus 1. p. q. 13. art. 5. in fine, & Durandus in 1. d. 47. q. 1. & alij in 1. d. 45. 46. & 47. Vnde frustra alij Doctores respondent non obstante prædeterminatione, & præordinatione diuina de tali actu libero huius obiecti cum suis circumstantiis necessario requiri, ut Deus permittat eius malitiam; contrarium enim probat ratio facta, quia ex actu sic prædeterminato, necessario sequitur malitia, ita ut nec Deus possit illam impedire, & consequenter nec velle, ut non sequatur: ad quid ergo est necessaria noua permissio, quæ sit vera voluntas tantum permissiva & ratione distincta à voluntate prædeterminante? Nam posita volitione Dei prædeterminante & præcisa omni alia voluntate circa malitiam, sequeretur malitia, consummabiturque peccatum: non est ergo necessaria, imò nec possibilis vera, & propria permissio; ergo nec peccatum potest dici verè permissum.

8. Confirmatur, & declaratur ex humanis rebus, nam si ego petam ab alio id, quod ille sine peccato præstare non potest, non dicar permittere solum peccatum alterius, vel malitiam eius, sed consequenter etiam velle illam formaliter, vel virtualiter. Vnde tunc verè dicar permittere peccatum, quando ego peto ab alio actum, quem sine peccato præstare potest, quamuis sciam, illud id non facturum, nisi deficiendo à regula rationis. Ego enim tunc hunc defectum nec directè, nec indirectè peto, sed alter illum sua voluntate ultra petitionem adiungit. Ergo similiter si Deus mouet, & determinat me ad id, quod sine pecca-

5. Absurd-  
Deus verè &  
propriè non  
permittet  
peccatum.

Scotus.  
Gregorius.

D. Thom.  
Caietan.

Durand.

8.  
Confirmatur  
in humanis.

to præstare non possum, certè nonne determinat tantum ad actum, sed etiam ad lapsum, ac proinde non permittit tantum peccatum, in quo lapsus consistit; sed etiam illud vult. Vt ergo verè dicatur Deus solum permittere peccatum, necesse est, vt ita hominem moueat, vel præmoueat ad actum, vt sit in potestate Dei facere vt actus fiat sine macula peccati, & consequenter sit in potestate hominis actum, ad quem mouetur sine peccato operari.

9. Præterea saltem sequitur Deum non permittere actum ipsum, quo homo peccat, quod est satis magnum inconueniens; sequela patet, quia quod Deus directè vult dicere, & vt ab homine fiat, non potest dici permissum, vt ex dictis patet, sed iuxta illam sententiam Deus directè, & per se vult actum materiale peccati prout hic, nunc fit cum sufficienti circumstantiarum omnium permissione; ergo non permittit talem actum: hoc autem esse absurdum probatur, quia id Deus permittit quod prohibet; prohibet autem talem actum hic, & nunc circa obiectum bonum sensus, cum his circumstantiis, & cognitione fieri: non enim prohibet Deus per negatiuum præceptum solum malitiam, sed etiam actum, licet prohibeat actum propter malitiam; nec etiam prohibet cum malitia fieri talem actum, si fiat, id enim impossibile est; prohibet ergo actum, quia inseparabilem habet malitiam, vel ex se saltem, quia prohibitus est; ergo eodem modo non vult, sed permittit tantum ipsum actum. Nam planè repugnat Deum de se, & pro sua tantum libertate velle efficaciter, quod verè & ex animo prohibet fieri, etiam propter duas diuersas rationes, quia in ipsis actibus rationè obiectum, quasi materialium est repugnantia, & respectu diuinæ voluntatis magna indecentia.

10. Aliter etiam idem declaro, quia si Deus prædeterminat voluntatem hominis, ad eliciendum actum peccati, multo magis determinat intellectum ad illud iudicium, quo in eodem instanti cum tali aduertentia, & consideratione iudicat, hoc esse volendum, tum quia etiam intellectus est causa secunda, quæ non operatur, nisi præmota à Deo, tum etiam, quia in eo instanti in quo Deus prædeterminat voluntatem ad talem actum, supponit in intellectu totam cogitationem, & dispositionem cum qua voluntas operatur est; ergo prædeterminat voluntatem ad volendum sequi ductum illius iudicij rationis; sed in hoc magis intrinsecè includitur, vt voluntas velit, deficiendo à recta regula rationis, cum illud iudicium non sit recta regula rationis; ergo necesse est, vt Deus sic prædeterminando voluntatem, velt illam velle deficiendo à recta ratione quod est peccare. Nam certè, qui vult aliquid fieri simile nigredini, eo ipso vult fieri dissimile albedini, nisi sit ignorans, & nesciat, quid velit. Ita ergo si Deus vult humanam voluntatem confirmari tali iudicio rationis, quod est dissimile dictamini rectæ rationis, eo ipso vult discordare (vt sic dicam) à regula rectæ rationis, quod est peccare. Vnde sicut non permittit tantum voluntatem sequi tale iudicium rationis, sed vult illud, ita non permittit tantum peccatum, sed illud vult.

11. Sextò inde vltèrius inferimus vulgare inconueniens, nimirum sequi Deum esse causam peccati, verè, & simpliciter loquendo, quod viri catholici non concedunt. Ideoque respondent non magis hoc sequi ex præuia illa prædeterminatione, quàm ex simultaneo consensu. Vnde sicut nos

A fatemur, Deum sufficienter concurrere ad actum peccati, & ad omne illud, quod malè est in illo, & nihilominus negamus, Deum esse causam peccati: ita illi respondent de prædeterminatione, quod causet actum peccati, non peccatum. Est tamen longè diuersa ratio; quia nos non concedimus, Deum facere, vt homo faciat, & velit id, quod sine peccato facere non potest, sed solum fatemur homine id faciente, Deum etiam cooperari pro suo munere causæ vniuersalis. At posita illa prædeterminatione, necessariò sequitur, Deum, qui illam immittit, etiam facere, vt homo faciat, & velit aliquid, quod sine peccato facere non potest, quia facit eum velle tale obiectum, & cum tali iudicio rationis, vt impossibile sit, id facere, aut velle sine peccato, vel ex natura rei, vel hic, vel nunc supposita obiecti prohibitione. Ex hoc ergo speciali modo operandi efficaciter videtur inferri, Deum esse causam peccati. Primò, quia voluntas efficax, & (vt sic dicam) executiua Dei est causa eorum, quæ simpliciter vult, sed Deus absolutè vult peccatum hominis, seu hominem peccare, quatenus absolutè vult eum facere, quod sine peccato facere non potest, vt explicatum est; ergo est causa peccati hominis. Item Deus est causa omnium, quæ facit facere, sed facit facere peccatum; ergo. Minor probatur, quia qui fecit efficaciter alium facere, opus, quod sine peccato facere non potest, profectò fecit eum peccare, nam qui fecit facere aliquod opus, consequenter facit facere omnia sine quibus tale opus fieri non potest, seu quæ necessariò sunt coniuncta tali operi: nam sicut, qui dat formam, dat consequentia ad formam, ita qui facit facere, dat consequentia ad tale facere; sed cum tali facere hominis necessariò est coniuncta malitia; ergo. Imò ipsemet homo, qui facit peccatum, non alia ratione est causa sui peccati, nisi quia voluntate sua se efficaciter determinat ad volendum id, quod sine malitia velle, aut facere non potest. Neque enim directè vult ipsam malitiam; imò sæpè nollit illam, tamen quia suo arbitrio, & voluntate elegit id, à quo non separatur malitia, virtualiter, ac moraliter vult illam, & hoc modo est propria causa peccati; ergo similiter Deus volendo, & faciendo, vt alter faciat, quod sine peccato facere non potest, causat peccatū eius.

Nec vis huius rationis eluditur dicendo, Deum non peccare, volendo & faciendo, vt homo faciat, quod sine peccato facere non potest, quia hoc datur, licet non cōcesso, nihilominus esset causa peccati, faciendo hominem peccare. Vnde Calvinus, & similes, qui affirmant Deum esse causam peccati, negant, Deum in eo peccare, quia reuera quæstiones sunt formaliter diuersæ, vnde aiunt, Deum non peccare in eo, quod facit, quia non deficit à regula suæ voluntatis, quæ est, vel suamet scientia, & ratio, vel ipsamet voluntas eius, quæ est per se regula sui, & ita non potest à seipsa discordare; nihilominus tamen facièdo vt homo faciat, quod sine peccato facere non potest, esse causam peccati non sui, sed hominis. Nec etiam eiusdem rationis efficacia tollitur dicendo, actum hominis non habere rationem peccati, vt absolutè sit, sed vt deficienter sit, & Deum non velle, nec facere, vt actus ille deficienter fiat, sed tantum vt fiat. Contra hoc enim instatur ratio iam facta, quia actum illum deficienter fieri ab homine nihil est aliud, quàm fieri liberè cum tali aduertentia, & iudicio rationis, quod in re non est recta regula; sed hoc modo Deus est prima radix, & causa (vt ipsi expressè docent) quòd homo

12.  
Responso  
confutatur.

homo hic, & nunc cum tali aduertentia rationis habeat volitionem circa hoc obiectum contrarium rationi; ergo impossibile est, Deum facere ut talis actus sic ab homine fiat, quin faciat, ut deficienter fiat, quia hæc vel sunt prorsus idem, & licet ratione distingui velint, sunt prorsus inseparabilia.

13.  
Alia respon-  
sio ex Au-  
gustino.  
August.

Sed instant, quia simile argumentum obiiciebat Iulianus ad probandum non dari peccatum originale, vel si datur, Deum esse causam eius, & illud soluit Augustinus lib. 3. contra illum cap. 9. Idemque argumentum circa peccatum actuale ponit, & soluit lib. 2. de liber. arbit. cap. 19. & 20. dicens, quidquid est bonitatis in actu peccati, esse ex Deo, defectum autem non esse ex Deo. Eodemque modo soluit argumentum D. Thomas 1. 2. quæst. 79. art. 2. & q. 3. de Malo art. 2. & in 1. d. 37. q. 1. art. 2.

D. Thom.

14.  
Rejicitur.

Respondemus vel obiectionem hæreticorum non processisse ex eisdem principiis, vel non fuisse rectè applicatam. Nam optimè fieri potest, ut idem argumentum malè obiciatur contra doctrinam fidei, & ideo facile solvatur, optimè tamen inducatur contra falsam doctrinam, & ideo non possit illi eadem solutio argumenti accommodari. Quod in hac eadem materia sæpe accidisse in lib. 3. tractando de auxilio efficaci, videbimus. Ita ergo in præsentī dicimus, nō rectè dictos Patres allegari, quod breuiter ostendo. Nam Iulianus ex eo, quod Deus facit humana corpora sexibus distincta cum aliis ad generationem necessariis, inferebat, si homo in peccato concipitur, authorem illius peccati esse Deum, quæ illatio facile negatur ab Augustino, quia malum illud, quod inuenitur in prole concepta. *Non fructus (inquit) corporum sexuum, coniunctionum, sed originalis, veterisque peccati. & iterum infra, Malum cum quo nascitur homo, non est fructus corporum, &c. quorum bonorum author est Deus, sed prima præuicacitatis, cuius author est diabolus.*

15.  
Continuatur  
confutatio,  
& quomodo  
patres non  
sint causa  
peccati ori-  
ginalis in  
prole, &  
Deus præde-  
terminans ad  
actum malum  
sit causa  
peccati.

Non est ergo similis illatio, quia peccatum originale non sequitur intrinsecè, (ut sic dicam,) causaliter ex generatione naturali, sed coniungitur illi ex alio influxu morali prioris peccati Adæ in prolem seminali ratione ab ipso conceptam: neque enim fieri posset vllō modo, ut homo in originali peccato conciperetur, nisi actuale in parente processisset. At verò malitia actualis peccati sequitur intrinsecè, & causaliter ex actu ipso positiuo cum tali aduertentia, & circa talem materiam liberè ellicito, & ideo verè est homo causa talis malitiæ, ex vi necessariæ consecutionis, licet physicè non efficiat nisi actum ipsum materiale. Parens autem proximus non est causa peccati originalis proles, etiam si solum effectum positiuum naturæ physicè efficiat. Et ob eandem causam licet dāremus, Deum determinare voluntatem parentum ad generationem proles, & facere, ut illam faciant, nihilominus, non esset causa originalis peccati, quia hoc malum omnino accidentarium est naturali generationi, & ab extrinseco malo morali venit, nō ab ipsa generatione. Secus verò esset si Deus prædeterminaret voluntatem liberam ad actum, quem sine peccato ab ipsa voluntate hominis proueniente facere non posset, nā in hoc opere ipse actus hominis est vera causa malitiæ, & ideo qui ipsi homini esset author, & radix, imò & efficax motor determinans ad talem actum, excusari etiam non posset, quin esset author malitiæ, quæ ex illo intrinsecè sequitur. Quod discrimen ex alio genere causalitatis euidentius explicatur: nam si quis consulat, & procuret, ut homo generet hominem ex legitimo matrimonio, non censetur causa peccati originalis proles, & ideo Deus ipse potest id consulere, vel præcipere. At

verò si quis consulat hominī ut talem actum liberum hic, & nunc in hac materia faciat, qui sine malitia ab eo, cui datur consilium, fieri non potest, censetur causa ipsius malitiæ, & peccati: & ideo non potest Deus illo modo præmonere hominem ad actum positiuum peccati. Est ergo euidentis differentia inter peccatum originale, & actuale. Vnde obiter nouum argumentum nobis resultat, quod post completam responſionem huius instantiæ præponemus.

In altero itaque loco Augustinus de actu peccati tractat, & non soluit obiectionem hæreticorum, sed quoniam dixerat hominem peccare cum voluntariè se auertit ab incommutabili bono, & ad commutabile se conuertit, *quærit enim voluntas faciat hoc motu suo, unde iste motus existat: si enim motus iste, id est, aduersio voluntatis à Deo, sine dubio peccatum est, num possimus authorem peccati Deum dicere? Non erit ergo iste motus ex Deo; unde igitur erit.* Et in summa respondet motum illum auersionis, quod fateamur esse peccatum, ad Deum non pertinere, licet actus ipse, quatenus aliquid entis est, seu formæ inchoatio aliquid boni sit, ac proinde sit ex Deo. Ex qua responſione solum habetur, posse Deum efficere actum materiale peccati, non causando peccatum, quod verissimum est, non tamen habetur posse Deum prædeterminare voluntatem humanam ad actum, qui sine malitia fieri non potest, & non esse authorem, & causam peccati. Nam illa duo valde diuersa sunt, & multo maior est influentia prædeterminans, & cooperans simul, quam solum cooperans.

16.  
Explicatur  
Augustinus.

Vnde idem Augustinus, quia eo loco breuibus, & generalibus verbis quæſtionem expedierat statim in lib. 3. eam exactius declarare aggreditur, & totam rationem ab quam voluntas hominis est causa peccati, & non voluntas Dei, non eo ponit, quod antea in lib. 1. cap. 1. dixerat, & suprā à me allegatum est; quia nulla re sit mens serua libidinis, nisi propria voluntate, quia nec superiori, nec æquali voluntas potest ad hoc dedecus cogi, in rigore nostro Scholastico positum non est, ut significat propriam violentiam contra internum appetitum, sed ut significat necessitatem, vel motionem ab extrinseco prouenientem, cui resisti non possit. Vnde paulo antea dixerat Augustinus, si natura, vel necessitate existeret talis motus, non fore culpabilem, ubi naturæ nomine indicat necessitatem ab intrinseco, nomine autem necessitatis illam, quæ est ab extrinseco. Vtramque ergo ab hoc motu excludit, unde concludit. *Præstat igitur, ut eius sit proprius iste motus, quo fruendi voluntatem ad creaturam à creatore conuertit. & infra. Præterea quid opus est querere unde iste motus existat, quæ voluntas auerſitur ab incommutabili bono, ad commutabile bonum, cum enim non nisi animi, & voluntarium, (id est, liberum,) & propter hoc culpabilem esse fateamur?* In quo discursu adiunctis verbis suprā allegatis ex libro 1. cap. 1. satis profectò indicatur sensisse Augustinum, ideo non esse Deum causam peccati hominis, quia licet faciat motum illum, quo homo peccat concurrente cum homine, non tamen faciundo, ut homo illum faciat, aut velit, nec illum mouendo, sed sinendo, ut se moueat, offerendo illi concursum, quatenus ratio, & munus causæ primæ id postulat.

Tantum ergo abest, ut ex illa responſione Augustini ratio à nobis facta enemetur, ut roboretur potius, & confirmetur. Nam reuera potissima ratio, & fortasse vnica, cur Deus concurrente ad totum materiale peccati, nullo modo causat formale,

17.  
Contrama-  
tur ex aliis  
Augustini  
verbis.

18.  
Cur Deus  
non sit pec-  
cati causa.

est



est quia ad illum actum, cui coniuncta est malitia, non impellit vlllo modo humanam voluntatem, sed sinit illam se determinare, & ex parte sua solum offert concursum modo quodam de se indifferente ex generali lege non subtrahendi causis secundis cooperationem necessariam, & suis naturalibus facultatibus consentaneam. Nam quia liberum arbitrium duplicis determinationis est capax in bonum, scilicet, & in malum, licet Deus ex se bonam eius determinationem cupiat, nihilominus neutrum dare voluit, generaliter loquendo, ne vltimum naturalis libertatis impediret, ac propterea voluntati commisit, vt in quam vellet partem se determinaret, & ad vtramque determinationem concursus sufficientem obtulit, ideoque licet determinatio ad obiectum prohibitum non fiat sine concursu Dei, radix tamen eius & propria origo est voluntas creata, & ideo ipsa est causa illius mali quod ex tali actu sequitur, non Deus. Et ideo etiam Deus propriissime dicitur illam malitiam permittere, quia illam non intendit, neque aliquid ex quo illa necessariò sequatur, sed solum sinit voluntatem, vt ipsa se quo voluerit determinet, neutram partem impediendo efficaciter, & hoc est propriissime permittere. At verò si Deus esset prima radix, & causa faciens voluntatem determinari ad obiectum, cui est vel intrinsecè, vel hinc, & nunc inseparabiliter coniuncta malitia, illi esset attribuendus lapsus tamquam impellenti in illum, & non posset dici solum permittere illum, sed potius facere; neque haberet excusationem vllam, quia non ex vi generalis necessitatis causæ primæ, sed ex sua tantum voluntate determinaret suum concursum ad hanc partem potius quam ad illam: quod non ita est in concursu concomitante, quem negare non debet, neque impedire, quominus in particulari talis sit, qualis per liberi arbitrij concomitantiam fuerit determinatus. Nec aliter hanc rem explicare potuerunt antiqui Theologi Bonauentura, Scotus, Gabriel & alij c. 19. allegati, nec D. Thomas aliter eandem difficultatem resoluit, vt mox videbimus.

Septima ratio, quæ (vt supra dixi) ex præcedenti resultat, & eam confirmat, est, quia Deus ex parte rationis moueret voluntatem ad obiectum peccati, consulendo illud, vel considerationem eius excitando, aut augendo, quamuis non consuleret malitiam directè, esset nihilominus simpliciter causa peccati, & ideo repugnat bonitati Dei ita mouere ad actum peccati, etiam pro materiali; ergo multo magis erit Deus causæ peccati, si efficaciter voluntatem impellat in talem actum, quem sine peccato facere non potest, magisque hoc bonitati Dei repugnat. Respondebunt fortasse diuersitatem aliquam rationis excogitando. Nam si Deus suadendo induceret ad actum peccati, esset causa moralis eius, & ideo esset causa malitiæ moralis, quia effectus vnius generis in causam eiusdem generis reducitur: at verò cum mouet prædeterminando potentiam, operatur vt causa physica, & ideo est causa entitatis physicae, non malitiæ moralis. Sed hæc suasio facile refellitur, quia causa denominatur moralis, vel ex modo operandi ex parte sua, scilicet, liberè, vel ex modo influendi in effectum, quia non est directè, & per se illi dando esse, sed inducendo, vel inclinando causam priori modo moralem ad effectum. Prior causa licet sit moralis, simul potest esse physica, sicut voluntas ipsa est causa moralis, & physica sui actus liberi; hoc autem modo Deus est etiam causa moralis, quia liberè agit, imò iam probaui, quòd si prædeterminat ad actum peccati hominis voluntatem

A summa efficacia pro sola sua libertate id facit; ergo licet physicè etiam determinet, erit causa moralis, & physica: ergo erit multo magis causa peccati, quam si solum consuleret peccatum: sicut voluntas consentiens tentationi dæmonis, magis est causa sui peccati, quam dæmon, licet ipsa sit causa physica sui actus realis, & dæmon tantum sit causa moralis. Vnde posterior modus causæ moralis, licet sufficiat ad aliquem modum causandi peccatum, non est simpliciter necessarius, quia si cælum, v.g. per impossibile determinaret voluntatem ad actum peccati per suum influxum, esset causa peccati, licet non moralis, sed physica, & habitus vitij potest dici causa peccati, licet non influat in actum modo morali, sed physico, & quia suo pondere inclinat voluntatem ad actum potissimum peccati; Deus autem si inclinaret voluntatem ad actum peccati speciali modo excitando passionem in appetitu, diceretur causa peccati, quia illo modo induceret hominem ad peccatum, etiam si passionem illam physicè causaret. Denique minus influit in actum causæ moralis, quam physica; ergo si moralis causalitas sufficit, vt aliquis dicatur causa peccati, quamuis vt dicatur causa moralis, necessarium sit vt illam motionem physicam moraliter, id est, liberè tribuat, quod etiam in Deo inuenitur, vt dixi.

C Vnde sumi potest octaua ratio, quia si Deus præmouet, applicat, & efficaciter determinat voluntatem hominis ad actum, qui peccaminosè sit, nec aliter hinc, & nunc fieri potest, sequitur non solum esse causam physicam, sed etiam moralem: consequens multo magis falsum est; ergo. Probatum sequela, quia Deus est non tantum causa physica illius actus ad quem prædeterminat, & ipsiusmet prædeterminationis, sed etiam est causa moralis vtriusque; ergo est etiam causa moralis peccati. Probatum consequentia, quia dæmon tentans, & homo malè consulens, non alia ratione est causa peccati, nisi quia est moralis causa inducens hominem ad illum actum: nam ad malitiam ipsam in se, & directè non inducit, sed solum quatenus ad actum consequitur; ergo, si Deus est causa moralis non solum inducens, sed etiam impellens efficacissime, est perfectè causa moralis peccati. Quòd autem Deus in illa actione sit causa moralis ex parte suæ libertatis, manifestum est, nam Deus liberè mouet, & determinat voluntatem. Deinde quoad modum causalitatis, seu influxus in voluntatem, probatur, quia propter influxum physicum habet etiam moralem, quia si Deus non tantum prædeterminat voluntatem immediatè ad concursum, iuxta illam sententiam, sed etiam prædeterminat intellectum ad cogitandum de tali obiecto, & ad tale iudicium de illo ferendum. Et quando obiectum illud per alias causas secundas applicandum est, illas etiam ad illam applicationem prædeterminat, ac tandem etiam prædeterminat intellectum ad tale iudicium de tali obiecto ferendum; ergo mediante tali cogitatione & iudicio est causa moralis inducens voluntatem ad talem consensum: non enim dæmon, vel malus homo alia ratione est causa moralis similis consensus, nisi quia medio aliquo obiecto, vel consilio moraliter mouet voluntatem.

E Accedit quòd si Deus per deliberationem sufficientem ad consensum determinat voluntatem ad illum etiam ante perfectam deliberationem, existente in intellectu imperfecta cogitatione, determinabit voluntatem, & appetitum ad indeliberatos motus concupiscentiæ, & affectiones inclinantes ad consensum; ergo hac etiam ratione erit causa moralis talis consensus: nam hic etiam modus causandi, quo appetitus inferior excitat

20.  
8. Absurdè  
Deus esset  
causa non  
modo physica,  
sed etiam  
moralis peccati.

21.  
Confirmatur  
hæc ratio.

19.  
7. Absurdè,  
Deus consulendo peccatum esset eius causa.  
Ergo multo magis voluntatem ad illud efficaciter mouendo.

superiorem, & affectio indeliberata ad indeliberatum consensum inducit, moralis est, ut in superioribus in excitante gratia est declaratum: eadem enim est proportio in ceteris actibus. Sicut ergo Deus est causa moralis actuum perfectorum gratiae, excitando voluntatem, non solum medio intellectu, sed etiam per antecedentes affectiones eius bonas, ita erit causa moralis illius consensus realis, quo peccatur, inclinando voluntatem, tam per intellectum, quam per praeuios motus eiusdem voluntatis; nihil ergo deest ut absolute & simpliciter sit causa peccati. Potest autem quis obijcere, hoc argumentum eodem modo procedere contra concursum simultaneum Dei, quia per illum etiam efficit cogitationem, & iudicium intellectus, & omnes praeuios motus concupiscentiae. Respondemus autem esse longe diuersam rationem, supponendo, quod Deus nullam causam praeuocet ad actionem suam, quia tunc solum ad modum causae naturalis cum singulis concurrat, non verò moraliter inducit, ut in sequenti ratione amplius explicabo.

22. Nonò confirmantur rationes factae: nam sequitur Deum ex intentione directâ, qua ex se decreuit ut voluntas hominis habeat talem actum, quem scit sine peccato eiusdem hominis fieri non posse, praedeterminare hominem ad illum actum: hoc autem repugnare videtur diuinæ voluntati, & sapientiae; ergo & praedeterminatio illa. Sequela probatur, quia qui ponunt Deum efficere in voluntatem hominis illam praedeterminationem, consequenter dicunt, illam supponere in Deo voluntatem absolutam, & efficacem, qua vult ut homo hîc, & nunc, & circa tale obiectum habeat talem consensum, & ab illa voluntate dicunt procedere praedeterminationem ad extra: illa autem voluntas Dei est efficax intentio talis effectus; ergo ex intentione absoluta eiusdem effectus, & propter illum dat Deus illam praedeterminationem. Atque ita videntur planè confiteri auctores contrariae sententiae, dicent tamen non repugnare diuinæ bonitati, quia Deus non intendit malitiam illius actus, sed actum ipsum, quia naturaliter bonus est.

23. Nihilominus tamen hoc non euacuat difficultatem. Primò, quia non solum est contra prudentiam, & integram bonitatem intendere malitiam actus, quod vix Dæmones faciunt; sed etiam intendere ex se, ex propria tantum voluntate actum alterius, à quo in illo malitia est inseparabilis, nam ex obiecto ipso, & ex terminis apparet in tali intentione quædam indecentia, & improprio, cum summa prudentia, & purissima bonitate. Deinde, quia homo prouocans alium ad cooperandum peccato suo, non intendit, ut ille cooperetur ad malitiam, sed solum ad entitatem operis, sibi utilis, vel delectabilis; tamen quia illi cooperationi positivè necessariò est coniuncta malitia, ideo illam intendere contra prudentiam, & bonitatem est; ergo multo magis repugnat bonitati diuinæ similis intentio. Nec refert, si dicas homini esse prohibitum inducere alterum ad sibi cooperandum in actu peccati, & ideo in eo peccare, Deum autem non peccare. Iam enim dixi nunc non tractari, an Deus peccet, nec ne, sed an illa sit intentio virtualis malitiae, propter quam repugnet Deo, & quoad hoc videtur concludere exemplum à paritate rationis. Accedit, quod in homine id non est malum, quia prohibitum: quod autem tale est, etiam repugnat Deo, non propter prohibitionem, sed propter intrinsecam bonitatem.

Fr. Suarez de Gratia Pars I I.

tem eius, sicut est mentiri, & similia. Nam certè non videtur minus aliena à diuina bonitate talis intentio, quàm mendacium, quam proportionem in sequenti ratione amplius explicabo.

Denique si Deus efficaciter intendit, ut homo habeat talem actum, certè ex vi illius intentionis efficit in illo talem cogitationem; imò & procurat, ut illa sit apta, & congrua ad illum concursum obtinendum; ergo inducit ad illum actum, ut propriissima causa moralis, quia & moraliter operatur ex intentione talis finis, & ex eadè intentione applicat media, quæ moraliter possint hominem mouere, & inducere ad talem actum; est ergo causa moralis talis actus cum omni proprietate.

Verumtamen non deest auctor, qui non solum hoc concedat, sed etiam doceat, Deum praedeterminare moraliter voluntatem hominis ad consensum, cui necessariò est coniuncta malitia. Ledesma enim art. 18. concl. 4. & 5. licet certissimum esse dicat, Deum non praedeterminare moraliter voluntatem hominis ad actum, qui est peccatum, consulendo, vel præcipiendo illum; nihilominus addit esse certum Deum praedeterminare moraliter, & moraliter modo voluntatem hominis ad actum peccati, quoad substantiam eius, æquè & ad actum virtutis, tum praedeterminando immediatè voluntatem modo accomodato suæ naturæ, tum per cogitationem proponendo voluntati obiectum secundum quandam rationem boni, & conuenientis; fateturque hoc sequi ex alia sententia physicae praedeterminationis.

At hoc ipsum nobis sufficere videtur ad enitandam, & fugiendam illam sententiam. Unde non inuenio alium sectatorem illius assertio- nis de physica praedeterminatione, qui ausus fuerit, etiam praedeterminationem moralem ad actum peccati Deo tribuere. Et licet fortè Ledesma magis consequenter vim illationis videat, nimirum tamen videtur excedere admittendo tale consequens, quia non apparet qua ratione negari consequenter possit, Deum esse causam moralem peccati, quia quod non intendat directè malitiam, non est sufficiens ratio, ut sæpe probatum est: in reliquis autem habet omnia, quæ in quacumque causa peccati, extra ipsummet hominem peccantem inueniri, aut desiderari possint; sed ait, Deum ex parte intellectus solum tribuere id, quod necessarium est ad determinandam moraliter voluntatem, ut liberè eliciat talem actum; ultra hoc verò non addere quidpiam aliud quo voluntatem alliciat ad talem actum, vel illum consulat. Et hoc satis esse putat ut Deo non causet peccatum, sed hoc improbatur efficaciter. Primò, quia ad absolutam rationem causæ non est necesse ut faciat superabundanti, aut excedenti motione (ut sic dicam), sed est quod faciat sufficienti, & efficaci, & hoc conceditur Deo respectu peccati, tam in genere causæ physicae, quam moralis; ergo in utroque genere est causa peccati. Secundò, quia inde oprimè demonstratur, ut Deus sit causa peccati, non esse necessarium, ut intendat malitiam: nam si consuleret, vel speciali modo alliceret ad illum actum, esset causa peccati, etiam si malitia non directè intenderet; ergo ut sit causa peccati, non est necessaria illa directæ intentio; ergo sic inducit sufficienter, & efficaciter ad actum habentem intrinsecè annexam malitiam, licet illam non intendat, neque extraordinariam motionem præbeat, illa sufficit, ut sit vera causa moralis, & physica peccati.

Præterea ad idem arguuntur, quia illud iudicium

24. Confirmatur.

Ledesmae doctrina insolita. D. o. praedeterminationis moralem ad peccatum consulendi.

25. Confirmatur.

26.

dicium, quod sufficit, & necessitas precedere debet, ut voluntas peccet, est quoddam consilium, vel potius suppositum illud, & est quasi consummatio consilij, iuxta doctrinam generalem de actibus humanis; ergo si Deus ita premouet, & prædeterminat intellectum ad illam cogitationem, & consultationem, ut tandem perueniat ad tale iudicium, ideo dicitur determinare voluntatem moraliter; eadem ratione dicendus est mouere consulendo, quia illud consilium totum ex prædeterminatione Dei est, & ideo illi tribuendum est; est ergo Deus causa moralis illius actus, consulendo illum; ergo est in eodem genere morali causa peccati: nam si consuleret vehementiori, aut specialiori modo, licet id faceret intentando solum actum sine intentione malitiæ, esset nihilominus causa malitiæ peccati; ergo etiam consulendo quantum sufficit, & efficaciter ad prædeterminandum moraliter, erit causa malitiæ.

27.  
Indefinita  
sponsio.

Videtur autem dictus authoritatis ad hoc respondere quædam mirabili doctrina, videlicet iudicium, quod præcedit actum peccati, licet in se sit vnam habere duplicem rationem, vnam, secundum quam indicat, verbi gratia actum dicendi falsum, hic, & nunc esse consentientem, & verum, ac proinde sub aliqua ratione bonum, aliam secundum quam iudicat esse malum contra rectam rationem, & sub priori ratione dicit, iudicium illud esse à Deo, non autem sub posteriori ratione, quia Deus (ait) non producit illud iudicium, quæcumque dicitur de ipso peccato ut sit, quia tale iudicium est peccatum, & hoc ratione videtur concludere Deum non esse causam moralem peccati, licet sit causa moralis ipsius actus, qui est peccatum.

28.  
Consultatio.

Sed doctrina illa neque euasat difficultatem, nam vel est sermo de iudicio intellectus, ut ordine nature antecedit consensum liberum voluntatis, vel est subsequens. Priori modo nulla ratione considerari potest sub qua non producat à Deo, cum qua sub nulla ratione potest esse peccatum, cum sit ante liberum consensum voluntatis, tum quia iudicium de actu peccati, ut malum est, & contra rationem, id est, quo iudicatus tale esse, verum est, ergo simpliciter bonum, & à Deo; imò etiam per se potest esse intentum, ut datum à Deo sub illa ratione, potius quam sub alia, quia sub illa magis avertit voluntatem ad affectum, quam inuincit illam. Iudicium autem de actu peccati, quod sit delectabilis, vel alia inferiori ratione conueniens, licet sit verum, & fiat concurrente Deo, cum de se magis inclinet ad peccatum, seu actum peccati, non est sub ea ratione ab ea intentum, sed permissum. Iudicium verò practicum quod potest esse de actu peccati exercendo, vel per consensum amplectendum, licet in quantum præfert bonum incommutabile in commutabili, sit falsum, nihilominus à Deo produciatur per consensum generalem, quia habitudo talis iudicij ad tale obiectum quid reale est, & ideo non potest esse sine efficacia Dei, ergo nullum est iudicium de actu peccati, quod non producat à Deo; ergo emanat illa determinatio; ergo si Deus prædeterminat homini, vel procurat hæc duo posteriora iudicia, ut hominem ad materiale consensum circa materiam peccati inducat, non videtur posse negari, quia ad peccatum moraliter inducat, sique vera causa eius, quod nec conceditur, nec concedi potest.

29.  
Alterum re.

Hic autem iterum occurrit casus, quia simile argumentum ibi potest, licet dicitur, Deum con-

A currere ad substantiam actus peccati per solum consensum & cursum simultaneum, quia hoc non obstantem semper præcedit iudicium intellectus, quo voluntas moraliter mouetur, & inducitur, & Deus efficit illud iudicium; ergo per illud dicitur inducere moraliter voluntatem ad actum peccati, ac proinde esse causam moralem peccati. K respondemus esse longe dissimile rationem: nam è medio sublata prædeterminatione physica, etiam ipsum iudicium sit à Deo, physice si hunc per consensum concomitante, qui consensum non datur ex peculiari, & efficaci intentione inducendi voluntatem in talem consensum (in quo nos ponimus d. formatam casualitatis moralem, quæ ex contraria sententia sequitur, sed datur ex generali intentione cōcurrenti cum causis secundis iuxta exigentiam earum. Unde determinatio ad tale iudicium, non est primario ex Deo, sed ex concursu causarum secundarum, & ideo non potest dici Deus moraliter influere in tale iudicium, sed physice, licet illuminet in fluxum libere ac subinde moraliter quoad modum agendi ex parte Dei tribuat. Aliunde verò licet iudicium illud simul factum, & existens in intellectu moraliter inducat hominē, nihilominus illa inductio ut moralis non tribuatur Deo, quia neque est à Deo interea, neque sit per nouam actionem, sed per solam metaphysicam motionem, & quasi per formalem cognitionem, quam præbet ipsius iudicium, ideoque nullo modo potest tribui Deo, ut moraliter mouenti, seu inducenti voluntatem.

C Nec enim necesse est ut omnis effectus format efficienter à Deo producat se secundum in Deum in eodem genere consensum licet forma sit tota moraliter formata, sed Deus non dat formalem, sed efficientem, sic ergo licet illud indagationem, actus, seu metaphoricè moueat voluntatem, Deus non mouet illam, moraliter nisi secundo illam, quia nec Deus illam inductionem intendit, neque ad illam aliquid ex parte sua addit præter physicum consensum ad entitatem ipsius iudicij. Longe autem diuersa ratio est, si omnes illi actus ex prædeterminatione, & primario Dei intentione hant, sic enim Deus præordinat, & quasi vultu intellectu, & eius iudicio ad inducendum moraliter voluntatem in talem actum, per quam intentionem, & ordinationem, motionem illam moralem suam facit, atque ita ipse est prima causa moralis, & efficacissima illius actus. Item, qui consequenter dicendum erit, Deum obseruare occasiones, & disponere causas excitantes talem cognitionem tali modo, & oportunitate, ut effectum illum consequatur. Et licet de solo actu materiali admittatur, est satis magnum absurdum, & indignum diuina bonitate, quod suo solo arbitrio, & providentia physica, & morali procurauerit Deum, ut essent in humano genere infiniti penes actus, à quibus est insuperabilis malitia, præterquam quod illo posito vitari non potest, quin Deus sit causa moralis peccati, & ipsius malitiæ, ut satis probatum est.

30.  
Confirmatur  
diuina al.  
12a.

## CAPVT XLVII.

Sententia superioris capituli ex Scriptura,  
& Concilijs colligitur.

E N his rationibus, quibus vixisse nullas sententias, eiusque pietatem ostendimus, colligitur electus, quoniam sic congrua sententia aliena, à modo, 1.  
Dei non de-  
terminare ad



actum pec-  
cati ostendi-  
tur ex Scri-  
ptura.

modo, quo Scriptura loquitur de affectu Dei erga peccatum, & eos, qui illud committunt. Nam de peccato dicit Sapiens 14. *Odio Deo sunt impius, & impietas eius.* Respondebunt hoc dictum esse de peccato, ut peccatum est, & de malitia eius. Et est quidem hoc verum, sed non infringit vim testimonij. Nam quomodo credibile est, ut qui malitiam non ficto, sed verò, & ingenti odio prosequitur, actus ipsos, à quibus est inseparabilis malitia, tanto amore prosequatur, ut absoluta voluntate primaria, & solius sui beneplaciti ex æternitate, tot actus similes fieri, disposueritque eos in tempore efficaci prædeterminatione faciat, ut à voluntatibus humanis fiant? Certè hoc non esset odij iudicium, sed magnum argumentum amoris erga malitiam, quæ tales actus comitatur: quod absit de Deo sentire, eodemque modo induci possunt verba Abac. 1. *Mundi sunt oculi tui ne videant malum, & ad iniquitatem respicere non poter.* Si enim Deus voluntate beneplaciti vult, & facit facere actus peccatorum, approbat illos, & libenter videt, ac respicit approbationis scientia, continenturque sub illis verbis: *Vidit Deus cuncta que fecerat, & erant valde bona.* Qui ergo fieri potest, ut qui ita odit malitiam, ut in illam respicere non possit, ita approbet, sciat, & velit actus, sine quibus illa malitia non esset, neque ipsi possint esse, quin illa sequatur? Certè hæc duo non coherent cum prudenti dispositione, & mundissima voluntate.

Gen. 1.

2.  
Alia loca  
Scripturæ.

Præterea ad peccatorem dicitur Ecclesiast. 15. *Ne dicas per Deum abest, ille me implanavit,* cuius testimonij priora verba in libro sequenti sæpe repetemus ad colligendum ex illis auxilium sufficiens ex parte Dei ad non peccandum. Vnde à fortiore sumitur argumentum: nam illa excusatio carentiæ auxilij sufficientis, si vera esset, sufficiens esset, ut ibi ostendimus; ergo multo magis erit iustissima excusatio peccatoris, si possit dicere, Deum prædeterminasse voluntatem suam ad actum peccati; quid enim poterat ipse facere, ne talem determinationem reciperet, vel ne illa recepta consentiret? Item in hac excusatione tenera includitur altera de negatione auxilij sufficientis, quia illa prædeterminatio est efficacissima motio ad consentiendum, seu volendum bonum delectabile, vel utile propositum; ergo qui non habet auxilium ad cauendam illam necessitatem, vel resistendum illi non potest dici habere auxilium sufficiens ad non habendum illum consensum, vel actum volendi, & multo minus habet potestatem ad habendum illum sine peccato; ergo non habet auxilium sufficiens ad non peccandum, præterquam quod nec ad dissentiendum habet necessarium auxilium, quia non habet prædeterminationem, sine qua impossibile est habere actum dissentiendi: quod argumentum in lib. 5. latius tractandum est.

3.  
Viget  
idem locus.

Posteriora autem verba illius testimonij videntur pro causa præsentis satis expressa, quid enim est *peccatorem implanare*, nisi vel decipere, vel inducere, ut legit Augustinus de Grat. & lib. arbit. cap. 2. Vtrumque actum facit Deus si ad actus, quibus homines peccant, eos prædeterminat, quia, ut ostendimus, si Deus præuenit voluntatem, ut velit obiectum prauum, multo magis præuenit intellectum, ut iudicet illud esse volendum; cum autem Sapiens dicat, errant, qui operantur malum, illud iudicium semper includit practicam deceptionem; ergo si Deus illam per consensum prauum immitit, non sine causa dicere potest peccator, il-

Dr. Suarez de Gratia Pars I.

le me implanavit. Secundò probatur, quia ille, qui impellit ad actum cum quo peccatur, & sine quo non peccaretur, in eundem maxime inducit, ita verò se habet Deus erga hominem peccatorem, si illum prædeterminat, quia prædeterminatio illa est quidam vehemens impulsus, non solum inducens, sed quasi etiam præcipitans peccatorem in talem actum. Cur ergo miser homo iure non dicat, ille me implanavit?

Cum ergo Sapiens talem excusationem, ut friuolam reiiciat, satis certè includit talem de Deo opinionem, quod prædeterminet homines ad actus, quibus peccata committuntur. Nam quod Sapiens loquatur non solum de malitia actuum, sed etiam de ipsis actibus, ratio, quam subiungit, manifestat, dicens, *Ne dicas, ille me implanavit, non enim necessary sunt illi homines impij.* Qui enim alium in peccatum inducit, non solet id facere, quia indiget eius malitia, sed quia necessariam sibi reputat eius actionem, vel ad suam delectationem, vel ad utilitatem, vel ad explendum aliud desiderium suum. Sic ergo ait Sapiens, non esse Deo necessarios homines impios, quia non indiget ad fines providentiæ suæ actionibus quibus ipsi fiunt impij. Vnde etiam colligitur, Deum ex se non præordinare, aut velle, ut tales actiones fiant, sed permittere tantum illas, non negando necessarium concussum, & postquam prævidet futuras, illas ad penam ordinare, vel occasionem maius aliquod bonum faciendi ex eis sumere.

4.  
Confirmat.

Atque ad eundem modum confirmari potest eadem veritas ex aliis locis Scripturæ, in quibus dicitur, *Deum neminem tentare*, Iacob. 1. vtrique ad malum, siue ut malum est, siue ut est actus, à quo non separatur à malitia. Hunc enim sensum præcedentia, & subsequencia verba manifestè postulant: ait enim Iacob, *Nemo enim tentatur dicat, quoniam à Deo tentatur.* At non dicuntur homines tentari, quomodo inducuntur, vel sollicitantur ad malitiam, vel ad peccatum formaliter, vix enim, aut nunquam talis tentatio accidit, sed tentantur, quando sollicitantur, vel inducuntur, ut faciant talem, vel talem actum cui coniuncta est malitia; hoc ergo modo prohibetur vnusquisque dicere, quoniam à Deo tentatur, eodem ergo modo dicitur Deus neminem tentare. Item additur ibi, *sed vnusquisque tentatur à concupiscentia sua.* At concupiscentia non tentat inducendo ad malitiam formaliter ut est per se notum: quia malitia non cadit sub sensum, sed inclinando voluntatem ad bonum sensibile, quæ inclinatio de se non est ad malum cum naturalis sit; ergo eodem modo non tentat Deus: ergo multo minus voluntatem ad tale bonum amandum determinat. Probat hęc vltima consequentia, quia multo maior, & efficacior esset talis motio, quàm quælibet alia tentatio, quæ ab homine, vel demone fieri solet: imò etiam, quàm tentatio ipsiusmet Dei, si per impossibile per quancumque aliam motionem prauam, vel excitationem ex parte obiecti, vel voluntatis à Deo fieret, nulla enim tam efficax esset sicut prædeterminatio.

5.  
Alia loca  
Scripturæ.  
Iacob. 1.

Sed fortè quis eludet testimonium, dicendo, illam prædeterminationem non esse tentationem, quia tentationi resisti potest: illi autem prædeterminationi resisti non potest. At hoc est tantum voce ludere, & maius absurdum in re concedere. Nam si turpe est, & Deo indignum ira nos præmovere ad tales actus materiales, ut & resistere possimus, profectò turpius, & deformius est, ita præmovere nos ad eosdem

6.  
Enatio rei-  
citur.

T 2 actus

actus, ut illi non possimus resistere præter alia multa absurda, quæ inde sequuntur, nimirum, quod vim quandam inferat Deus voluntati humanæ, ut eam facere faciat huiusmodi actus, & nihilominus eam puniat, vel quia non resistit, vel propter malitiam, quæ inde necessarîo resistat. Item reuera quod Deus sit prima radix perditionis hominum, contra illud Osee 13. *Perditio tua Israel ex te.* Et sequela patet, nam perditio hominis consistit in auersione à Deo, proxima autem radix auersionis à Deo est conuersio ad commutabile bonum; huius autem conuersionis prima radix est efficax Dei voluntas, & prædeterminatio humanæ voluntatis ad tale obiectum, quam Deus sola sua voluntate facit; ergo ad illam ut ad primam radicem hominis perditio reuocatur, quod abest. Quartum, ergo illa sententia est à Scripturæ locutionibus aliena, tantum nostra est illis conformis.

7.

Auctoritas  
Cœciliorum  
idem ostendit.  
Trident.

Secundò ex dictis colligitur idem dicendum esse de auctoritate Conciliorum, & in primis Concilij Trident. sess. 6. Can. 6. damnantis, dicentes, *Non esse in potestate hominis vias suas malas facere, sed mala opera, ita ut bona Deum operari, non permissiue solum, sed etiam propriè, & per se, addò ut sit proprium eius opus non minus proditio Iuda, quam vocatio Pauli.* quæ verba doctissimè expendit Diotaleuius in cap. 7. 1. partis libri sui; noratque tres propositiones à Concilio damnatas, quibus respondent tres definitæ. Prima definita est esse in potestate hominis vias suas malas facere, in qua in primis aduerto, per vias non posse intelligi nisi actus morales hominis, quia illi sunt viæ salutis, aut perditionis, vnde statim explicantur per bona, vel mala opera. Dicuntur autem esse in hominis potestate, vtiq; libera, non præcisè quoad malitiam, sed quoad ipsos materiales actus (ut sic dicam,) imò malitia ipsa propriè, & per se non est in hominis potestate, nisi mediante actu, quia si homo faciat talem actum moralem hic, & nunc, non est in noua eius potestate facere, ut sit malus, aut bonus; ergo malitia ipsa, vel actus ut malus, non est in potestate voluntatis, nisi in quantum actus ipse realis ad quem malitia sequitur, est in eius potestate. Definit ergo Concilium actus ipsos reales, quibus homo efficitur malus, esse in hominis potestate; hoc autem non videtur posse cum prædeterminatione subsistere, quia non habet in sua potestate prædeterminationem ad bonum actum, nec etiam potest impedire quin recipiat prædeterminationem ad actum, qui sit malus, si Deus velit illam dare, neque illa posita est in potestate eius facere, quin malitia sequatur actum; quando ergo, vel quomodo est in potestate libera hominis vias suas malas facere?

8.

Secunda pro-  
positio defi-  
nita à Conc.

Secunda propositio à Concilio definita est, *Deum non operari mala propriè, & per se, sed permissiue solum.* Contrarium autem videtur sequi ex prædeterminatione ad actus, qui sunt peccata. Iam enim suprâ ostensum est expositione illius determinationis sequi, peccatum non esse permissum, sed factum aut volitum; ergo multo minus subsistere poterit, quod Concilium cum exclusionem ait, *fieri permissiue solum.* Dices loqui Concilium de actu ut malo, seu de malitia ipsa, non de actu ipso materiali, aliàs falsa esset exclusiua, quia materialis actus, non tantum permissiue, sed etiam propriè, & efficienter necesse est à Deo fieri per

A generalem concursum. Sed contrâ, quia de eodem actu malo dicit Concilium fieri à Deo tantum permissiue, de quo dixerat esse in potestate hominis, sed illud prius dixerat de ipso actu, qui per se ac realiter fit in voluntate hominis; ergo de illo etiam dixit Concilium fieri à Deo permissiue solum. Ac proinde sicut malitia non est in potestate hominis, nisi in quantum actus ad quem illa sequitur, est in hominis potestate, ita etiam malitia est tantum permissiue à Deo, quia actus ad quem illa sequitur, non est Deo propriè, ac per se, sed permissiue solum; ergo è conuerso si actus ipse non est à Deo permissiue solum, sed propriè ac per se, etiam peccatum, seu malitia non est tantum permissiue à Deo, sed per se, & ex intentione Dei, saltem virtualiter, seu fundamentaliter. Et confirmatur, nam Concilium in illo canone, præcipuè intendit sententiam Caluini damnare. Caluini autem sententia fuit, Deum esse causam per se peccatorum, quia est causa per se, & efficaciter inducens homines in illos actus reales, quibus peccant, quibusque est intrinsicè annexa malitia peccati; ergo etiam Concilium loquitur de ipsis actibus, aliàs non sufficienter damnaisset Caluini sententiam. Vnde idem Caluinus in Antridoro circa illum canonem, licet expressè fateatur, malitiam non esse opus Dei, nihilominus sentit hanc definitionem Concilij Tridentini sibi contrariam, & ideo contra illam obijcit varia Scripturæ, & Augustini testimonia malè intellecta, quæ in lib. 2. de Auxiliis latè tractant, & infra attingam.

Nec huic definitioni sic intellectæ obstat, quod Deus concurret effectiue per concursum simultaneum ad actum peccati, quia illa particula exclusiua *solum*, non excludit concomitantia: in ipso autem concepta, & significatione verbi permittendi in tali materia includitur, quod Deus quantum est ex se, offerat libero arbitrio concursum simultaneum, & in manu eius vsum illius constituat, & consequenter quod ex certa lege cum ipso libero arbitrio se determinante concurret. Cum ergo Concilium dicit solum permissiue, non excludit hunc concursum, sed excludit omnia, quæ ultra puram permissionem Caluinus diuinæ voluntati tribuebat, quale est præordinare, & prædeterminare voluntatem hominis ad actum peccati, & per se intendere actus reales peccatorum, etiam si inseparabiles habeant malitias, & in hoc sensu damnat Concilium dicentes, Deum operari propriè, & per se mala opera, vtiq; illa procurando, & liberum arbitrium ad ea determinando, & per se illa intendendo, non propter malitiam, sed propter aliam naturalem bonitatem, quam habent; sic enim homo peccans per se, & propriè facit actum malum, etiam si malitiam non per se intendat, sed delectationem, vel aliquid huiusmodi; ergo si Deus per se ac directe intendit actum malum, & ad illum voluntates nostras determinat, per se, & propriè opetur illum, quod est contra Concilium.

Quod magis explicuit Concilium addendo tertiam propositionem, nimirum, *non ita esse proprium opus Dei proditorem Iuda, sicut vocatorem Pauli*, & contrarium asserentes anathematice ferit. Videtur autem illud dogma contrarium

August.

9.  
Eualio oc-  
cluditur.

10.  
3. Propositio  
definita à  
Concil.

ex physica prædeterminatione, sequi, loquendo de ipsis actibus realibus, ut iam ostendimus, loqui Concilium, & in prædictis verbis expressius declarat, agens de ipsis actionibus externis. Bonum ergo opus dicitur proprium Dei, quia & illud intendit, & facit, & ut nos faciamus efficaciter, operatur: at iuxta illam sententiam eodem modo intendit Deus per se, & facit proditorem Iudæ, nam ut Iudas vellet vendere, & actum venderet Christum, Deus ipse fecit, ut supra probatum est contra illam sententiam; ergo fuit tam opus Dei, sicut quodlibet opus bonum. Item sicut homo accipit à Deo opus bonum, tam propriè recipit ab illo opus malum, & sicut Paulus quoad bona opera unicuique dicit, *Qui enim se discernit?* ita cum eadem veritate, & proprietate id dicere possumus, iuxta illam sententiam de operante malum, quia illud prius intelligunt dictum esse à Paulo propter prædeterminationem præuiam efficacem; ergo si eandem dat Deus ad malum opus, ipse est, qui discernit malè operantem à cæteris; ergo æquè propriè operatur Deus in homine malum opus, ac bonum. Vnde sicut benè operanti dicitur, *Quid gloriaris, quasi non acceperis?* ita malè operanti dici potest, quid accusaris quasi non acceperis.

11.  
Occurrit  
eualioni.

Dicent fortè esse differentiam, quòd ad opus bonum Deus concurret moraliter consulendo, non verò ad malum. Sed hæc differentia nec iuvat, nec est vera in aliorum sententia, si consequenter loquuntur; tum quia dicunt moralem causalitatem esse impropriad, & metaphoticam, & ideo cum Deo tribuuntur nostra opera ut propriæ causæ efficienti propter physicam efficientiam, & prædeterminationem esse intelligendum, non propter moralem; ergo si in illa effectione, & prædeterminatione physica est æqualitas, illa satis est, ut malum opus dicatur, tam proprium opus Dei, sicut bonum, tum etiam, quia supra ostensum est, Deum iuxta illam sententiam non tantum physicè, sed etiam moraliter efficere opera mala, & ut illa fiant, operari, quia non solum voluntatem, sed etiam intellectum prædeterminat ad tale iudicium, & præcipitando voluntatem impedit meliorem boni considerationem, etsi qui sunt suasores ad malum, ipse illos incitat, & prædeterminat, ut ita suadeant; ergo in utroque genere est malum opus proprium Dei, non minus ac bonum.

12.  
Altera euasio  
obstruitur.

Quòd si dicant differentiam esse, quia Deus per se influit bonitatem actus, non autem malitiam. Respondemus in primis Concilium non solum loqui de effectione operis mali, ut malum est, sed etiam ut tale opus est, & realiter, ac verè fieri potest. Et in hoc sensu damnat dicentes, non minus esse opus Dei propriè proditorem Iudæ, quàm vocationem Pauli, ut ostendi. Deinde esto ut malitia non per se fiat à Deo, quia à nemine potest per se fieri, ut docet D. Thomas 1. p. quæst. 15. artic. 1. satis est, quòd eo modo quo fieri potest, æquè fiat à Deo ac bonitas seruata proportionem, quia sicut Deus facit nos velle obiecta honesta, vnde nostri actus habent directè bonitatem (ut sic dicam;) ita nos facit velle obiecta delectabilia habentia annexam turpitudinem, à quibus nostri actus habent inseparabilem malitiam. Sicut homo qui inducit alium

D. Thom.

Fr. Suarez de Gratia Pars I I.

A hominem ad actum peccati, non minus propriè dicitur operari peccatum alterius, quamuis, qui consulit opus honestum, opus virtutis operatur. At denique licet in physico influxu in ipsam bonitatem, & malitiam intercedat aliqua diuersitas, illa nullius considerationis esse potest, aut debet in re morali. Nam, moraliter loquendo, si Deus æquè nostras voluntates determinat ad opera quæ sunt mala, sicut ad bona, tum propriè operatur peccatum in nobis, sicut opus bonum: nam si quid minus influit in malitiam, ideo est, quia illa non est capax maioris influxus, non quia propriè non faciat, quidquid necessarium est, ut illa sicut potest fieri, ita fiat.

B Huc accedunt verba eiusdem Concilij canone 17. *Nullos esse homines diuina potestate prædestinatos ad malum.* Et similia ferè verba habentur in Concilio Arausicano II. cap. 25. possuntque intelligi, vel de malo pœnæ, vel de malo culpæ, in utroque habent verum sensum præsentis causæ deseruientem, nam relata ad malum pœnæ, intelligi debent illa verba de prædeterminatione, quæ secundum rationem antecedit præscientiam absolutam culpæ futuræ, nam post præscientiam culpæ sine dubio prædestinat Deus ad malum pœnæ, & est nota ex Prospero ad 15. obiectionem Gallorum, & aliis. Hæc autem prædestinatio ad malum pœnæ, cum sit ex præscientia culpæ, est ex iustitia, & ideo dici non potest esse ex absoluta Dei potestate, quod Concilia damnant. Si autem definitio illa de malo culpæ intelligatur, non est intelligenda solum de prædeterminatione ad malum, ut malum est, de hoc enim nulla fuit vnquam controuersia, neque aliqui hæretici hoc asseruerunt. In hoc enim sensu tempore Concilij Arausicani, dixerunt aliqui Deum prædestinare aliquos ad malè operandum, vel ad non credendum, & similia, ut supra in vltimo Prolegomeno notauimus, & sumitur ex Prospero ad obiectum Gallorum, & Vincentij, &c. Et eodem modo hæretici huius temporis ponunt prædeterminationem ad malè operandum; ergo in eodem sensu reprobant Concilia illam propositionem. Si autem Deus in tempore prædeterminat voluntates ad mala opera dicto modo, profectò, ex æternitate prædestinavit illas ad malum, id est, ad opera, quæ sine malitia facere non possunt, nam illa duo, scilicet prædeterminare, & prædestinare ad actum malum, sese consequuntur, vel sicut idem, ut aduersarij volunt: & ex eorum sententiis aperè sequitur.

E Denique si opera hæc, quæ semper malè sunt, per se spectata adèò placent Deo, ut absoluta voluntate ex se, & ante omnem præscientiam illa præfiniat, & si facit ut ab homine fiant, non video, quomodo verum esse possit, quod idem Concilium Arausicanum cap. 23. dicit, homines cum hæc agunt, suam voluntatem facere, non Dei, quia id agunt, quod Deo displicet, nam reuera faciunt quod Deo placet, quando faciunt, quod Deus eos facit facere, & volunt quod Deus vult eos velle. Nec aliter volunt, aut faciunt malitiam, quàm ipse Deus, non enim per se illam volunt, aut intendunt, sed solum quatenus volunt actus, seu obiecta, ex quibus illa resultat: at hoc modo etiam Deus vult, & operatur malitiam.

13.  
Alia verba  
Trident. ex-  
penduntur  
& Arausica-  
ni 2.

14.  
Conc. Arau-  
sic. testimo-  
nium.

T 3



malitiam, ut sæpè ostensum est; ergo illo etiam modo, quo homini placet malitia (si tamen placet saltem interpretatiuè,) placet etiam Deo; ergo cum homo aliquid tale agit, nihil agit, quod Deo displiceat, vel certè si per aliam voluntatem Deo displicet, ipse etiam Deus agit, quod sibi displicet, præterquam quòd si homines ad has voluntates, seu volitiones per diuinam voluntatem, & motionem efficacem prædeterminantur, profectò magis Dei voluntatem, quàm suam facere dicendi sunt. Igitur omnibus his modis factis, ut existimo, declaratur, quantum illa doctrina à Conciliorum sententiis ac definitionibus aliena sit.

## CAPUT XLVIII

## Ex Patribus eadem doctrina confirmatur.

I-  
PP. testimo-  
nia non cludi  
cõmuni de-  
stinatione  
peccati for-  
malis, &  
materialis.

**Q**UOD sententia docens, Deum ex se prædestinare, & prædeterminare actus malos, iuxta Patrum doctrinam, non subsistere variis testimoniis confirmari lib. 2. de Auxilijs cap. 2. quæ nouiores Scriptores parui pendunt, dicentes, Patres esse loquutos de peccatis formaliter, non de actibus materialibus, seu realibus peccatorum. Si autem considerentur rationes factæ, quibus probatum est respectu physicæ prædeterminationis, vel antecedentis prædestinationis non posse illa duo separari, profectò testimonia Patrum vrgentissima sunt, & notanda in primis sunt quæ dicunt, Deum non impellere ad furta, adulteria, & similia vitia. Nam licet demus illas voces significare peccata formalia, nihilominus homo non impellitur ad illa, nisi quatenus ad materiales actus impellitur, multo autem magis est prædeterminati, quàm impelli. Et simili modo efficacia sunt testimonia Patrum, quia negant Deum inducere, aut trahere hominem ad peccandum, nam, ut hæc sint vera de peccato formali, oportet etiam, ut de actibus ipsis, quibus peccamus, vera sint, quia inductio, & tractio ad peccandum, non fit inducendo, & trahendo ad formalem malitiam, sed ad ipsum peccatum. Vnde Damascenus dixit, *hominem fieri malum propria animi, & voluntatis sua inductione*, vtique non Dei, sic enim docet originem malorum actuum, non in Deum, sed in ipsum hominem vltimatè reduci, quod verum non esset, si origo prima, & causa faciens non facere tales actus esset Deus, quia nos non facimus peccata, nisi faciendo tales actus, & ita sunt optima verba Gregorij Niceni in orat. catech. cap. 30. vbi postquam ostenderat vocationem Dei ad bonum de se generalem esse, concludit. *Nec enim par erat ut gratia in communi proposita, is qui voluntariè ab ea abscefferit, non sibi, sed alij malam suam sortem ascriberet*. Sic etiam dixit Cyrillus, *non cadere hominem inexpugnabili Dei iudicio*, & Theodoret, *neque enim Deus Cain fecit homicidam*. Et ad hunc modum cætera ibi allegata satis, & opinor, efficaciter induci possunt.

Damasc.

Niceni.

Cyrillus.

2.  
Tertulliani  
testimonijs  
viget.

Addam verbò nunc duo, vel tria testimonia. Vnum est Tertulliani lib. de exhortat. castitat. c. 2. dicentis, *Non est bona, ac solida fidei sic omnia ad Dei voluntatem referre, & ita adulari ad vnumquemque dicendo, nihil fieri sine iussione eius, ut non*

**A** intelligamus aliquid esse nobis ipsis. Ceterum excusabitur omne delictum, si continnerimus, nihil fieri à nobis sine Dei voluntate. Quæ posteriora verba valde notanda sunt: nam loquendo propriè nihil fit à peccatore, cum peccat, nisi actus realis, malitia enim non propriè fit, sed consequitur: si autem homo non facit talem actum, nisi prædeterminatus à Deo, profectò nihil ab homine fit sine efficaci Dei voluntate beneplaciti, & prædeterminante; ergo excusabitur omne delictum. Vnde concludit nobis relictam esse voluntatem eligendi alterum, & inducit locum Ecclesiast. 15. & adiungit, *Et ideo non debemus quod nostro expositum est arbitrio, in Dei referre voluntatem, quos vult ipse, & velle, qui malum non vult*. Ita nostra est voluntas cum malum volumus contra Dei voluntatem, qui bonum vult. Porro si quis vnde veniat ista voluntas, qua quid volumus aduersus Dei voluntatem, ut breuiter dicam ex nobis ipsis. Et infra, per voluntatis libertatem volens deuenire in id, quod Deus noluit. Per quæ omnia ostendit ipsum etiam determinationem talis actus non esse Deo adscribendam, sed libertati creatæ voluntatis, cui consonant optime verba Bernardi lib. de Grat. & lib. arbit. *Ut esset liberum arbitrium, creati gratia fecit, ut proficiat, seruans gratia fecit, ut deficiat, ipsum se delicti*.

**B** Alter locus est Ambrosij lib. 1. Exacmet. cap. 8. *Non igitur ab extraneis est nobis, quàm à nobis ipsis* **C** *maius periculum. Intus est aduersarius, intus auctor erroris, intus, inquam, clausus in nobismet ipsis. Propositum tuum speculari, habitum tue mentis explorare, excubias attende aduersum mentis tue cogitationes, & animi cupiditates. Tu ipse es causa improbitatis, tu ipse dux flagitiorum tuorum, atque infertor criminum. Quid alienam naturam accersis ad excusationem tuorum lapsuum? Vt inam te ipsum non impelleres, vinam non precipitares, vinam non corrueres, aut studiis immoderationibus, aut indignatione, aut cupiditatibus, quæ nos innoxios velut quibusdam retibus tenent. In quibus multa expendi possunt. Primum quod ait, non ab extraneis, &c. nam certè si à Dei prædeterminatione incipit, lapsus profectò ab extra venit, saltem quoad primum initium est necessarium, & efficax. Vnde non haberet locum, quod subdit, *Quid alienam naturam accersis ad tuam excusationem?* Quæ enim rationabilior excusatio, quàm quæ ex Dei prædeterminatione sumeretur, si vera esset? Vnde quod subdit, *Vt inam te ipsum non impelleres*, profectò supponit à Deo non impelli, nam si homo à Deo impulsus se impelleret, quid mirum? aut cur excusabilis non est? ut aiebam præimpelli, quàm prædeterminari, nam impulsui resisti posset, non autem prædeterminationi. Et ideo etiam ait, hominem se precipitare, vtique solum, & non ab alio. Item dicit, *Tu sibi es dux flagitiorum tuorum*, vtique quoad ipsos actus reales concupiscentiæ, & similes, quod inferius magis declarat, dicens, *Illam canendam, quæ ex nostra voluntate procedunt delicta inuenimus, & irrationabiles passiones corporis*. Quorum igitur nos sumus digni, horum principia extrinsecus non requiramus, nec deriuemus in alios, sed agnoscamus ea, quæ propriè nostra sunt, quod enim possumus facere, si nolumus, huius electionem mali nobis potius debemus, quàm alijs adscribere.*

**E** Iam verbò quoniam aduersarij de Augustini auctoritate ita confidunt, ut suam sententiam expressam Augustini esse dicant, breuiter ostendamus, illam

4.  
Augustinus  
cripitur ad-  
uersariis.

lum

sum aperte cum ceteris Patribus, in hac veritate asserenda consentire, & immerito aliqua eius verba in contrarium sensum detorqueri. Primum satis aperte colligitur ex lib. 1. de liber. arbit. cap. 11. ubi docet, mentem nostram non fieri servam libidinis à superiori mente præter iustitiam, neque ab inferiori, propter infirmitatem, seu impotentiam eius. Vnde concludit, *Nulla res alia mentem cupiditatis comitem facit, quam propria, & voluntas, & liberum arbitrium.* Certè non fit mens serva libidinis, aut cupiditatis comes, nisi per actum ipsum realem, & inde in eo resultat malitia moralis; ergo de illorum actu docet Augustinus, Deum qui per antonomasiam superior mens dici potest, non reducere nos in illam servitutem, quod cerè faceret si hominum voluntatem ad amorem delectabilium, prædeterminaret. Vnde in lib. 3. cap. 2. ex eodem principio infert. Restat igitur ut eius (id est, humane voluntatis) sit proprius iste motus, quo fruendi voluntatem à creatore ad creaturam convertit: qui motus si culpæ deputatur, non est utique naturalis, sed voluntarius, ubi vltimum motum, de quo dixerat non esse ex motione superioris mentis à culpæ formalitate, manifestè distinguit, cum illum ad culpam imputari dicit. Vnde infra concludit. *Quid opus est querere unde iste motus existat, cum illum non nisi animi est voluntarium, & ob id culpabilem esse fateamur?* per quæ non concludit concursum Dei simultaneum ad talem actum, sed excludit talem influxum causæ superioris, ratione cuius, potius illi, quam soli libertati voluntatis adscribi possit talis motus. Et in eodem sensu dixit lib. 12. Confession. cap. 11. motum voluntatis, qui est delictum, & peccatum, à Deo non esse.

§. Eiusdem alia loca,

Hinc aliis locis docet Augustinus, nefas esse dicere malas voluntates ad Deum tamquam ad auctorem esse referendas; ita habet lib. 2. de peccator. merit. cap. 18. ubi tractat locum Pauli 1. Corinth. 4. *Quid habes quod non recepisti?* & refert expositionem Pelagianorum dicentium, ideo dictum esse à Paulo, quia ipsum esse hominis, & liberum arbitrium à quo sunt bona opera, & donum, & beneficium Dei, quam expositionem ipse reprobat, quia aliàs etiam mala opera in Deum, ut auctorem essent referenda, & propterea etiam dici potest homini, *Quid habes quod non accepisti?* quod profecto intelligit Augustinus non solum de actibus malis, ut mali sunt, sed etiam ut tales actus reales sunt; aliàs non satis gratiam Dei defenderet, nec Pelagio contradiceret. Igitur etiam de illis actibus prout effectus reales sunt, absurdum putat Augustinus primam radicem, & causam in Deum referre, siue tribuere, quod nos faciat illos facere, aut velle. Vnde cap. 19. subiungit: *Extolli in superbiam propria voluntatis est hominum, non operis Dei, nec enim ad hoc eos compellit, aut adiuvat Deus.* Similem doctrinam habet lib. de Grat. Christi cap. 17. & sequentibus, ubi contra Pelagium dicentem bona opera tribui Deo solum, quia dedit potestatem bene operandi, infert similiter mala opera tribuenda Deo, potestatem autem deficiendi à se habet, quia est ex nihilo, ut in aliis locis passim docet idem Augustinus. Vnde non satis contradiceret Pelagio, nisi de ipsis actibus realibus, qui sunt mali, doceret, non posse ita tribui Deo sicut bonos. Et similem doctrinam habet lib. de spirit. & liter. cap. 34. ubi ad reddendam rationem, ob quam de bonis actibus rectè dicitur, *Quid habes quod non accepisti?* & non de malis constituit discrimen, quod in bonis Deus agit ut velimus, non verò in malis. Quod ipse quidem de-

clarat per gratiam excitantem, ut infra videbimus. Nunc autem contra eos, qui putant illa verba, ac similia dici propter physicam prædeterminationem, aperte convincimus iuxta mentem Augustini talem prædeterminationem non posse in actibus malis constitui, aliàs etiam in illis ageret Deus, ut velimus, quod Augustinus negat. ubi etiam obiter noto, Augustinum reputasse necessarium, Deum non negare, ut velimus, & ei non possit attribui peccatum.

Quapropter in eodem sensu accipiendum est, quod aliis locis Augustinus docet, Deum non esse auctorem omnium voluntatem, quamvis omnium potestatum auctor sit, sic ait lib. de spirit. & liter. cap. 31. *Nunquam legimus in Scripturis: Non est voluntas nisi à Deo, & rectè non scriptum est, quia verum non est, aliqui peccatorum etiam, quod absit, auctor est Deus, si non est voluntas nisi ab illo,* quo in loco dici non potest Augustinum loqui tantum de voluntate mala formaliter, ut mala est, sed etiam de ipso reali actu voluntatis, quem malitia comitatur; distinguit enim voluntatem à peccato, & ex eo, quod Deus non est auctor peccatorum, confert, non omnem voluntatem esse à Deo; ergo neque idem per idem probet necesse est, ut ab actibus voluntatis, ut reales actus sunt, ad peccata arguenteretur. Ait ergo non omnes voluntates esse à Deo, quia Deus non immittit omnes voluntatis actus, nec facit eos facere physicè prædeterminando voluntatem, aliàs esset auctor peccatorum, quæ per tales actus permittuntur. Hæc ergo est mens, & argumentatio Augustini, ut solida sit. Item cum de potestate, & voluntate loquatur, oportet cum proportionem de illis loqui, loquitur autem de potestate ferendi, sic enim omnis potestas est à Deo, nam quatenus est ex nihilo, ut idem Augustinus libris de lib. arbit. & sæpe aliàs docet, & exponit optimè D. Thomas in 2. dist. 37. quæst. 1. art. 1. ad 2. Ergo simili modo loquitur Augustinus de voluntate, quatenus est volitio aliquid faciendi, vel aliquid faciens, & sic dicit, non omnem voluntatem esse à Deo, utique ut primo auctore mouente ad illam, quia aliàs, inquit, esset Deus auctor peccatorum.

Est enim notanda differentia, inter potestatem, & voluntatem, id est, volitionem, quod ad potestatem non necessariò sequitur malitia, sed potest sequi, non ex Deo, sed ex defectu hominis, ideo licet Deus sit primus auctor potestatis, non sequitur esse auctorem malitiæ. Ex volitione autem aliqua inevitabiliter sequitur malitia, & ideo si Deus esset auctor talis voluntatis, consequenter etiam esset auctor peccati. Et hæc differentia aliter etiam notari potest, inter concursum generalem concomitantem, & præuiam determinationem: nam prior, quatenus ex parte Dei offerretur, est tamquam potestas, & de se sufficiens ad bonum; unde licet ex defectu hominis, illo etiam posset uti ad malum, tamen ex vi modi, quo à Deo offertur, non habet necessariò adiunctam malitiam, ideoque licet per talem concursum Deus ad actum realem concurrat, non est auctor peccati, quia ex se non determinat arbitrium ad talem voluntatem: si autem ultra illum concursum prius determinat voluntatem ad actum, qui sine peccato fieri non potest, & hoc modo omnis voluntas esset à Deo, planè etiam peccata à Deo essent, ut optimè colligit Augustinus, qui eandem habet doctrinam lib. 15. de Ciuit. cap. 9. ubi ait, *Deum esse datorem omnium potestatum, non voluntatem, & reddit rationem, quia aliquæ voluntates con-*

6. Augusti-  
vera doctri-  
na in hac co-  
troversia.

D. Thomas

7. Differentia  
inter pote-  
statem, &  
voluntatem  
quoad mali-  
tiæ originem.

tra naturam sunt, quod verum est non solum de actibus voluntatis vt mali sunt, sed etiam vt actus tales sunt, non dantur à Deo vt à primo determinante voluntatem ad illos, licet sine concursu illius non fiat. Et optimè hoc confirmat quod ait lib. 3. de lib. arbit. cap. 4. *Deus omnia, quorum ipse auctor est, præscit, nec tamen omnium, quæ præscit, auctor est.* quod dicit propter præscientiam peccatorum, & verum non esset, si Deus prædeterminaret voluntatem ad actus peccatorum, quia tunc sicut præsciret illos actus esse futuros, ita esset auctor illorum, & in illis necessariò præsciret malitiam, quæ ab illis inseparabilis est, & sicut illa in ipso actu futuro præsciret esse futuram, ita illius auctor existeret, quia per consecutionem ad actum, cuius ipse auctor est, etiam illius auctor existeret.

8.  
Alia loca  
Augustini.

Præterea eiusdem est argumentum, quod ex eodem Augustino sumitur lib. 8. quæst. q. 3. vbi ait. *Deo auctore neminem deteriore fieri, quod probat, quia nullo sapiente auctore sit homo deterior, sed Deus est summè sapiens; ergo ipso auctore nullus sit deterior.* At certè si Deus est qui in momento humanæ deliberationis voluntatem hominis ad actum, quo infallibiliter peccat, prædeterminat, nullus negare potest, quin Deo auctore fiat homo deterior, quia Deo auctore, & primo motore determinatur ad actum, quo necesse est deteriore fieri. Vnde statim in qu. 4. querens Augustinus, quæ sit causa vnde homo fit deterior, solam voluntati propriæ obediendo id esse dicit, quia Deus illi nullam vim infert, vt tamen bonorum causa est, vtique præmouendo, & instigando. Quælibet autem alia causa exterior ad summum potest hominem suadere, suasio autem non agit initium.

Vnde concludit, *Ad eandem hominis voluntatem causa deprauationis eius redit.* Sentit ergo determinationem voluntatis ad volendum illud obiectum in quo deprauatur, non Deo, sed soli voluntati esse tribuendam.

9.  
reueiuntur  
loca Augu-  
stini ab ad-  
uersariis al-  
lata.

Denique nullibi Augustinus aliud de diuina operatione in cordibus peccatorum significauit; solent enim in contrarium allegari aliqua Augustini loca, in quibus interdum dicit, Deum operari in cordibus hominum non solum bonas, sed etiam malas voluntates. Et lib. de grat. & liber. arbit. cap. 20. & sequentibus, & lib. 5. contra Iulian. cap. 3. vbi etiam ait, Deum non solum per patientiam, sed etiam per potentiam interdum malos indurare; sed his & similibus locis, quæ satis vulgaria sunt, abutitur etiam Caluinus ad suam hæresim suadendam, immeritòque à Catholicis in præsentī causa afferuntur. Primò, quia Augustinus, nec de omnibus peccatis, nec de generali modo, quo Deus influit in actus omnium peccatorum, loquitur, sed de quibusdam peccatis, & effectibus eorum, quæ dicuntur esse peccata aliorum peccatorum, vt sunt illa, quæ recenset Paulus ad Roman. 1. *Propter quod tradidit illos Deus in reprobum sensum, &c.* & alia vulgaria de induratione, obcecatione, & deceptione peccatorum, quæ Augustinus ibi copiosè allegat. Secundò, quia modus ille causandi tales effectus malos, quatenus positius esse potest, non est determinando voluntatem ex parte illius, sed ex parte obiecti, & mediante intellectu, vt est euident, tam in Scriptura, quàm in Augustino. Vnde fit tertiò, vt non possint illa loca intelligi de propria, & directā inductione ex parte Dei, alias Deus esset suator, & prouocator ad ma-

lum ex parte obiecti, quod viri catholici non admittunt.

Est ergo communis, & trita expositio, hæc omnia intelligi posse vel permissiue, seu negatiue, vel aliquid positiue operando, vel mixtum. Primo modo, dicitur Deus tradere hominem in reprobum sensum, vel indurare, &c. quia præuidens lapsurum, nisi subueniat, negat auxilium hinc, & nunc tali homini necessarium secundum Dei præscientiam; & quia hoc facit Deus certo iudicio, & in pœnam, illam et permissio solet in Scriptura vocari præceptum, vel operatio Dei. Secundo modo dicitur Deus aliqua positiue operari bona, etiam conferendo, quibus præuidet hominem deteriore reddendum, non impulsu, aut occasione data ex parte Dei; sed sumpta ex malitia peccatoris; & quia non obstante hac præscientia, Deus operari, ac benefacere non desistit, dicitur quodammodo positiue obdurare hominem, sicut exponit Augustinus ibi illud Psalm. 104. *Conueritis (scilicet Deus) cor eorum, vt odirent populum eius, vtique benefaciendo populo suo: nam inde prouocati Chanaan ad inuidiam, conuersi sunt in odium in populum Dei.* Tertiò interdum permittit Deus, dæmones grauissimè tentare, & decipere homines, & tunc inductio ad peccatum ex parte dæmonis est positiua, & moralis, ex parte verò Dei tantum est permissiua, & ideo voco illam mixtam. Solet tamen Deo per exaggerationem tribui, quia posset impedire dæmonem, & non facit, in vindictam peccatorum, iuxta illud Psalm. 77. *Misi in eos iram indignationis sue, immisiones per Angelos malos.* quæ omnia sumpta sunt ex eisdem locis Augustini, & lib. 20. de ciuit. cap. 19. & lib. 8. quæstion. quæst. 68. & lib. 1. ad Simplicianum quæst. 1. & epist. 105.

Et confirmari potest ex multis Patribus eodem modo similes Scripturæ locutiones exponentibus, præsertim Damasceno lib. 4. Fid. cap. 20. vbi regulam ponit, morem esse Scripturæ, vt Dei permissionem ipsius actionem interdum appellet, quod multis exemplis demonstrat, & de eadem regula videri potest Gregor. lib. 25. Moral. cap. 9. aliàs 12. & homil. 11. in Ezechiel, & Chrysostomus homil. 67. in Ioan. & Origen. lib. 3. Periarth. cap. 1. & homil. 2. in lib. Iudicum. Multa etiam in eadem sententiam tradit Prosper in lib. ad obiectiones Vincentianas, vbi specialiter in 16. notanda sunt illa verba, *Qui à pietate deficiunt, non ex Dei opere, sed ex sua voluntate deficiunt, nec impelluntur, vt cadant, nec eliciuntur, vt deserant, casuri tamen & recessuri ab eo, qui falli non potest, præsciuntur.* Quamdiu ita in oratione Dominica dicunt, fiat voluntas tua, non hoc contra se petunt, quod Deus nullo modo vlla ratione facturum est, id est, vt cadant, & ruant, hoc enim ipsorum nequitia, ipsorum est, consummatura libertas.

Et ad 13. *Nefas est (inquit) Deo adscribere causas talium ruinarum, qui etsi ex æterna scientia præcognitum habet, quid vniuersusque meritis retribuitur sit, nemini tamen per hoc, quod falli non potest, aut necessitatem, aut voluntatem intulit delinquendi.* Et infra concludit. *Nec in tali negotio quidquam diuina voluntatis interuenit, cuius ope scimus multos, non laborent, reuolunt, nullos autem vt laborent, impulsos.* quæ omnia, & alia multa, quæ tam in illo libro, quàm respondendo ad Gallos, & Gennenses dicit, nec in rigore vera esse possent, nec obiectionibus satisfaceret si Deus ad actum peccati, à quo malitia inseparabilis est voluntatem prædetermi-

10.  
Communis  
expositio il-  
lorum loco-  
rum deseq-  
uitur.

Augustin.

11.  
Confirmatur  
ex alijs PP.  
Damascen.

Gregor.  
Chrysost.

Origen.

Prosper.



nat, aut si voluntate absoluta ante omnem præscientiam futurorum huiusmodi actus prædefinisset. Sic enim peccata futura Deus in sua prædefinitione, seu prædestinatione cognouisset, quod reprobatur idem Prosper ad obiectiones Galorum cap. 3. & sentit 15. ubi ait posse esse præscientiam sine prædestinatione, quamvis prædestinatio sine præscientia esse non possit, nam prædestinat Deus, *qua ipso auctore erant facienda, vel qua malis meritis iusto erant iudicio retribuenda, non verò, qua non ex ipso erant causam operationis habitura.*

Quartò ex dictis colligi facile potest, quid in hoc puncto D. Thomas senserit, nam de illo, sic ut & de Augustino P. Alvarez dixit suam sententiam esse expressam S. Thomæ.

## CAPUT XLIX.

### Quid de concursu prauio ac prædeterminante ad actum peccati D.

Thomas senserit.

I.  
Testimonia  
S. Thomæ ab  
aduersariis  
adducta.

Alvarez.

**A**sserunt huius prædeterminationis defensores sententiam illam esse expressam S. Thomæ, & manifestissimis eius testimoniis probati. Et in primis inducunt illa, quæ generaliter de concursu Dei cum causis secundis loquuntur, de quibus iam suprà dictum est. Deinde addunt illa, de quibus in causa peccati in particulari tractant. & inter ea potissimum refert P. Alvarez integrum articulum 2. in 2. d. 37. q. 2. ubi dicit clarissimè D. Thomam docere suam sententiam, & tamen nullum verbum de prædeterminatione physica, imò nec de prauio influxu Dei in voluntatem prius natura, quàm actum peccati eliciat, in toto illo articulo inuenitur: sed solum quòd *quidquid est entitatis, & boni, in actu præcedit mediante voluntate.* Quod nemo est, qui neget, cum ad id concursus generalis, & simultaneus sufficiat. Sed instat, quia per illum concursum non influit Deus mediante voluntate, vult enim illud verbum mediante voluntate perinde valere, ac influendo prius in ipsam voluntatem, & præmouendo illam, sed hoc voluntarium est, & sine fundamento, nihil enim aliud illo verbo significare voluit D. Thomas, quàm quod communiter dicunt omnes, Deum operari mediis causis secundis effectus earum, quod verum est, ut suprà dixi, non quia in illas agat, aut quia non immediatius, quàm illæ, sed quia cum illis, easque iuvando operatur. Quia verò D. Thomas in solut. ad 2. & 3. ait, Deum in concursu ad actum peccati influere agenti posse, & agere, & quidquid perfectionis in eo est. Infert influere prædeterminando, quia aliàs non influeret, *agere.* Sed hæc etiam illatio nullius momenti est, quia, ut suprà etiam probavi, Deus per ipsam concursum simultaneum influit agere, & licet daret concursum prauum per illum, non per se influeret agere, sed principium aliquod, vel conditionem prauam ad agendum. Nec sunt dissimilia alia loca, quæ dictus author allegat, ex quibus contrarium argumentum sumendum est, vel negatiuum, quia si rem tam grauem, tamque creditu difficilem docere voluisset, illam aliquando expressisset, vel saltem iudicasset, ubi de causalitate Dei circa actum peccati tractat, nunquam autem quidpiam

**A** insinuauit, ut ex dicto loco, qui dicitur esse potissimus, manifestum est. Vel etiam sumimus argumentum positium, non vnum, sed plura, ut iam ostendimus.

**P**rimò ergo exponendo doctrinam D. Thomæ 1.2. q. 79. art. 1. ubi querens, an Deus sit causa peccati, distinguit duos modos, quibus homo potest esse causa peccati sui, vel alterius, scilicet, *vel directè inclinando voluntatem suam, vel alterius ad peccandum, vel indirectè, &c.* & utroque modo Deum non esse posse causam peccati. Omissio autem posteriori modo, de quo non est controuersia, in priori considero, vocare D. Thomam directam causam peccati eam, quæ inclinat voluntatem suam, vel alterius ad peccandum. Certum est autem hominem non inclinare voluntatem suam, vel alterius directè ad peccatum, ut peccatum est, sed ad illum actum humanum, & realem, & sub aliqua ratione bonum, quia non intendit per se, ac principaliter ipsam malitiam, seu auersionem, ut in 2. d. 37. in eadem q. 2. art. 2. ad 2. idem D. Thomas docuit. Idemque latè docuerat q. 75. art. 1. & q. 3. de Malo art. 2. ad 1. Ergo dicitur homo à D. Thoma directè causa peccati, quia directè inclinatur voluntatem suam ad actum, qui talis est, ut in re non possit sine peccato fieri. Cum ergo subdit Deum non esse causam directam peccati, quia non inclinat hominem ad peccandum, euidenter docet, Deum non inclinare hominem ad actum illum realem, quo peccat, & consequenter etiam docet, si ita inclinaret Deus voluntatem hominis ad peccandum, rectè sequi, illum esse causam directam peccati. At prædeterminare voluntatem ad talem actum, est directè inclinare illam, vel aliquid amplius; ergo si non inclinat multo, minus prædeterminat.

**N**eque dici potest loqui D. Thomam de inclinatione morali, vel ex parte obiecti, quia quando homo inclinat voluntatem suam ad peccandum directè, non solum ex parte obiecti, sed maxime ex parte voluntatis ad actum peccati illam determinat, præsertim, ut suprà dicebam, maior, & efficacior inclinatio est, determinatio ex parte potentie, quàm inotio ex parte obiecti. Vnde concludit argumentum, quia qui se determinat ad actum peccati directè est causa sui peccati, & inclinando voluntatem alterius hominis esset directè causa peccati eius, iuxta discursum D. Thomæ; ergo si Deus prædeterminaret voluntatem hominis ad actum peccati, esset directè causa peccati; ergo à contrario cum D. Thomas colligit, non esse Deum causam peccati directè, quia non inclinat voluntatem hominis ad peccatum, planè sentit non inclinare, nec præmouere ad actum peccati, ac subinde multo minus prædeterminare. Et hoc etiam conuincit ratio D. Thomæ, quia Deus omnia conuertit ad se tanquam in vltimum finem, & ideo impossibile est, quòd sit homini causa discedendi ab ordine, qui est in ipsum; homo enim non discedit à Deo, nisi conuertendo se ad commutabile bonum; ergo impossibile est, quòd Deus sit causa talis conuersionis, inducendo, inclinando, vel prædeterminando voluntatem hominis ad illam. Accedit quòd ibidem in solut. ad 1. locutiones Augustini, & Scripturæ, quæ significant, Deum aliquando inclinare corda hominum ad malum; exponit intelligendas esse negatiuè, quatenus non impedit similes actiones, & eodem modo exponit excitationem, vel obdurationem, & in articulo 3.

2.  
D. Thom 1.  
2. q. 79. art. 1.

3.  
Eusio oc-  
cluditur.

vbi directè querit, an sit Deus causa peccati, dicit quidem esse causam, quoad generalem concursum, de prædeterminatione autem nec verbum, aut iudicium apud illum inuenitur.

4. **Locus ex 11. q. 80. art. 1.** Atque hanc fuisse mentem suam, declarauit idem D. Thomas q. 80. art. 1. vbi vt probet, Dæmonem non posse esse causam directam peccati hominis, sed tantum ex parte obiecti per modum persuadentis, vel proponentis appetibile, sic inquit.

*Peccatum actus quidem est, unde hoc modo potest esse aliquis directus causa peccati, per quem modum aliquis potest esse directus causa alicuius actus: quod quidem non contingit, nisi per hoc, quod proprium principium illius actus mouet ad agendum. Proprium autem principium actus peccati est voluntas, unde nihil potest esse directè causa peccati, nisi quod potest mouere voluntatem ad agendum.* Sub quo principio sumit Dæmonem non posse interius mouere voluntatem ad peccandum, & inde concludit non posse esse directam causam peccati, sed solum hominis voluntatem; nam de Deo supponit non esse, neque esse posse, quia licet interius possit inclinare voluntatem ad volendum, non tamen ad talem actum. In quo toto discursu distinguit D. Thomas inter peccatum, & actum eius, & illum dicit esse causam peccati directè, qui interius inclinat voluntatem hominis ad talem actum, quam inclinationem soli voluntati tribuit, & negat Dæmoni propter impotentiam eius, & Deo propter bonitatem eius; inclinatio autem qua voluntas seipsam interius inclinat ad actum peccati, non est, nisi determinatio eius. Hanc ergo D. Thomas concedit voluntati, & negat Deo; ergo à fortiori negat Deo prædeterminationem, nam illa esset maxima inclinatio; imò, vt infra videbimus, auctores contrariæ sententiæ nomine inclinationis prædeterminationem quasi per antonomasiam interpretari solent. Accedit quòd in solut. ad 3. eiusdem articuli sic D. Thomas ait. *Deus est vniuersale principium interioris motus homini, sed quòd determinetur ad malum consilium voluntas humana, hoc directè quidem est ex voluntate humana, & à Diabolo per modum persuadentis, vel appetibilia proponens.* Nullo ergo modo tribuit D. Thomas Deo determinationem voluntatis humanæ, sed soli voluntati, & Dæmoni diuersis modis, & generibus causatum. Deo autem tribuit esse vniuersale principium, non verò esse præmotorem, aut determinatorem, quia sine tali præmotione consistere potest generalis concursus primæ causæ.

5. **Locus ex q. 3. de Malo art. 1.** Possumus tercio hoc amplius persuadere ex q. 3. de Malo. art. 1. in corpore, vbi docet Deum non esse causam peccati, quia non potest facere alterum peccare; ergo consequenter docet non posse facere efficaciter, vt homo faciat actum, quo peccat, quia non aliter potest vnus facere alterum peccare, nisi faciendo vt faciat talem actum; nam licet possit etiam facere, vt omittat bonum actum debitum, id tamen, & perinde est, & moraliter non fit, nisi faciendo vt eliciat voluntatem omittendi. Si ergo non faciat Deus hominem peccare, profectò nec facit facere tales actus. Id autem probat D. Thomas, quia Deus non auertit voluntatem hominis, quod ideo verum est, quia Deus non conuertit voluntatem hominis ad aliquid Deo repugnans, sed ad se tantum. At si faceret hominem facere actum quo peccat, iam conuerteret hominem ad obiectum Deo repugnans, & ita faceret vt homo à Deo auerteretur.

A Vnde in solut. ad 1. exponendo Scripturam dicit, Deum non tradere hominem in reprobum sensum, vel inclinare voluntatem in malum, agendo, mouendo, sed potius deferendo, vel non impediendo. Et idem repetit in solut. ad 6. vbi certum est cum D. Thom. loquitur de inclinatione ad malum, non intelligere de inclinatione ad malum, vt malum est, sic enim nemo inclinat, vel inclinatur ad malum; loquitur ergo de inclinatione ad malum materialiter, id est, ad infirmum bonum, cui est inordinatio adiuncta, sicut ponit exemplum ibi D. Thomas de intentione inanis gloriæ. Sic ergo ait Deum non inclinare hominem ad malum agendo, vel mouendo; ergo multo minus inclinat prædeterminando voluntatem hominis ad amanda infima bona rationi contraria, hoc enim esset inclinare ad malum agendo, & mouendo.

In art. verò 2. eiusdem questionis, qui in contrarium allegatur, tam in corpore, quàm in solut. ad 4. solum dicit Deum esse principium illius motus, quo peccator se mouet, cum peccat, non tamen dicit, Deum esse principium præmouens, vel prædeterminans ad illum motum, per concursum autem simultaneum est principium vniuersale illius motus, sicut in 1. 2. dixerat; imò ibidem ait quòd à voluntate prodeant actiones prauæ, potius quàm bonæ, non prouenire ex motione primi mouentis, sed ex defectu, & dispositione proximæ causæ: contrarium autem verum est si Deus voluntatem ad vnamquamque actionem in particulari prædeterminat, tunc enim ex tali præmotione Dei proueniet, quòd voluntas faceret talem actionem, quam sine defectu facere non potest.

Præterea sumitur eadem ex D. Thoma in 2. dist. 37. quest. 2. art. 1. ad 1. vbi sic ait, *Deus non eodem modo inclinat voluntatem in bonum & in malum, nam ad bonum inclinat directè mouendo, sed ad malum dicitur inclinare, in quantum gratiam, per quam quis à malo retraheretur, non prabet, & non quòd directè voluntatem in malum ordinet.* vbi, vt iam ostendi, non intelligit de malo sub ratione mali, sed de actu, vel obiecto illo, quod malum est. Huc accedunt alia testimonia suprà allegata, in quibus determinationem liberam generaliter D. Thomas tribuit ipsi voluntati, sentiens prædeterminationem ab alio repugnare voluntati. Quibus omnibus addi possunt antiqui Thomistæ, qui ita D. Thomam intellexerunt, Capreol. Comad & Caietanus, quos suprà allegaui. Et in particulari in causa peccati id explicuit Conradus 1. 2. q. 79. art. 1. in fine articuli proximè ante solut. ad 1. vbi dicit ideo non tribui Deo defectum rectitudinis existentis in actu peccati, quia Deus non determinat de se suum concursum ad talem actum, sed paratus est dare actum rectum, si voluntas concurrere velit, & ita de se, & in actu primo, seu antecedenter offert concursum indifferentem, seu multiplicem tam ad bonum, quàm ad malum actum; voluntas autem pro sua libertate ad deteriorelem flectitur, & eam comitatur Dei concursus quasi ab illa determinatus. Et ideo in art. 2. dicit quòd Deus nec per se, nec per accidens, seu consequenter vult malitiam, sicut ipse homo peccans vult illam, quia scilicet, Deus non vult absolutè hominem velle, neque ad talem actum hominem efficaciter præmouet. In eadem sententia fuit Caietanus auferendo præuiam motionem, vt suprà vidimus. Vnde in 1. p. q. 22. art. 2. agens

6. **Art. 2. eiusd. q. expenditur.**

7. **Locus 2. d. 37. q. 1. art. 1. ad 1.**

Antiqui Thomistæ idem sentiunt, Capreol. Comad. Caietan.

agens de peccato solum ait, potuisse quidem Deus illos actus non permittere, tamen ad suauem, & sapientissimam Dei prouidentiam pertinuisse illos non impedire, quia (ait) sua dispositio liberi arbitrij creati hoc non exigit, sed magis ex sua vi seipsum agat.

8.  
Mens Capreoli.

Idem docuit expressè Capreolus in 2. dist. 18. quæst. 1. art. 3. ad 12. nam licet ad bonos actus putet esse necessariam præuiam motionem in natura lapsa, negat illam pertinere ad generalem concursum primæ causæ, & in particulari de actu malo dicit ad illum dare Deum concursum simultaneum, non præuium, nec facere ut voluntas illum faciat: quia propter alia verba, quæ ex illo citantur in eodem 2. dist. 37. quæst. 1. art. 3. ad 1. ubi de actione peccati dicit, actionem voluntatis creatæ esse posteriorem actione Dei, quia creatura non agit, nisi mota à Deo, & addit motionem Dei determinare voluntatem creatam. Hæc (inquam) verba, cum sint posteriora, ita explicanda sunt, ut non sint prioribus contraria, ne dicamus in eodem libro, & post pauca distinctiones Capreolum contrarium docuisse: priora autem verba sunt negativa, & tam expressa, ut nullam interpretationem admittant: hæc autem posteriora possunt facile exponi de motione Dei cooperatiua, quæ dicitur esse prior dignitate, & independentia, & per eam determinatur voluntas, non sine sua simultanea determinatione, nec enim necessarium est, nec verissimè ibi loquutum fuisse Capreolum de præuia determinatione, quæ à solo Deo fiat, imò apertè sentit, totum id quod ibi à Deo fit, fieri à voluntate, & è conuerso licet diuerso modo.

9.  
Soti testi-  
monij male  
adductum  
ab aduersa-  
riis.

Nec aliud docuit Soto, qui etiam in contrarium allegari solet, lib. 1. de natur. & Grat. cap. 18. nam in fine solum dicit actionem peccati esse à Deo, *Et* (inquit) *efficientia genere, quo cuncta ad suas actiones promouet.* Quia ergo dicit *promouet*, trahitur eius sententia ad præuiam motionem, de qua certè nihil cogitauit, sed vulgari modo loquendi vsus est. Alioqui verò in toto discursu capitis docet, Deum tantum permissiue, & per se directè neminem inducere ad malum, sed potius ita sine liberè agere voluntatem, ut sit paratissimus manum porrigere, nisi per hominem steterit. Et infra ait. Longè distare inter permittere, & inuenta actione facere, quæ omnia non sunt cum physica prædeterminatione, & ex supradictis patet, neque aliud sentit Cano, qui etiam allegatur lib. 2. de locis, cap. 4. ad 7. nullum enim ibi verbum habet de præmotione Dei ad actum peccati, imò generaliter ait falsum esse dicere, *Deo volente, vel instigante peccata prouenire.* Ex modernioribus autem Thomistis nostram sententiam docuit Ioannes Vincent. nam, ut refert Ledesma art. 2. & 3. etiam ad actus bonos illam prædeterminationem necessariam esse negauit. At verò P. Cum licet in bonis actibus illam admittat, in actibus peccatorum illam negat, dicens, *non esse sanè doctrinam consentaneam salem prædeterminationem ponere.* Ita habet 1. part. quæst. 12. art. 4. in noua appendice ad primum dubium, & 1. quæst. 79. art. 1. disp. 2. & 3. & nouissimè latè defendit hanc sententiam P. Lorca 1. 2. quæst. 79. art. 2. disp. 38. de peccatis, & disp. 20. de Gratia.

Cano.

Moderni  
Thomistæ.

Lorca.

10.  
Scoti mens.

Eandem doctrinam in propriis & expressis terminis tradidit Scotus in 2. d. 37. §. Ad solutionem, ut latè suprà cap. . retuli. Aliqui verò in contrariam sententiam illum trahere conantur, quia dicit, etiam peccata præsciri à Deo in sua voluntate, vel necessariò fuisse euentura ex vi motionis Dei, si Deus ex necessitate naturæ ageret; sed quidquid

fit, quomodo in his Scotus loquutus fuerit consequenter, cum egit in particulari de concursu Dei ad peccatum, euidenter docuit voluntatem habere in potestate sua determinare concursum Dei ad rectam vel deficientem actionem: quapropter in hoc puncto huic testimonio standum est; in aliis autem, vel consecutionem doctrinæ non animaduertit, vel, quod verisimilius est, in alio sensu est loquutus, quàm communiter intelligatur. Nam posita voluntate concurrenti ex parte Dei, licet illa ex se indifferens sit, dixit determinationem voluntatis creatæ futuram præsciri à Deo, non quia illa voluntas Dei sit prædefinitiuæ, au prædeterminatiuæ, sed fortè quia supposuit à Deo præscientiam futurorum sub conditione, ut in Prolegomeno 3. dicimus. Sic enim etiam aliqui moderni sententiam illam sequuntur, qui prædeterminationem non admittunt. Quod verò Scotus dixit futurum ex hypothesi, si Deus ageret ex necessitate naturæ, non est propter determinationem, sed quia tunc Deus vehementius moueret, quàm nunc, ut suprà tetigimus. Denique plures alios antiquos Doctores Scholasticos pro hac sententia retuli lib. 2. de Auxil. cap. 7. quos hic iterum referre necessarium non est. Nouissimè autem sententiam hanc defendit, & ingeniosè ac efficaciter persuadet Franciscus Dotalleui. in lib. de concursu Dei ad actus liberos cap. 7. per totum. Quæ autem contra hanc sententiam obici solent, non habent peculiarem difficultatem, præter illam quæ communis est omnibus actibus liberis ordinis naturæ, & ideo in capite sequenti dissoluentur.

B

C

## CAPVT L.

### Fundamentis contrarie sententie satisfacit.

PRiუსquam de concursu præuiæ ad supernaturales actus dicamus, necessarium est ad fundamenta contrarie sententie respondere, quæ omnibus actibus liberis generalia sunt & suprà cap. . in septima ratione contrarie opinionis cum suis confirmationibus illam breuiter comprehendimus. Principalis autem ratio sumebatur ex ipsa indifferentia voluntatis addito illo principio quoddam causa indeterminata nihil determinatū potest prodire. Iam verò à nobis ostensum est, vel ob hoc ipsum necessariam non esse illam præuiam motionem, quia oportet, ut ipsamet voluntas in actu primo indeterminata ad actum secundum se determinet, ut proprio, & connaturali modo operetur, alioqui non esset illa differentia actiua, sed passiuæ respectu determinationis, qualis est in potentia moriua manus admoendum, vel non mouendum, vel ad sursum, vel ad deorsum mouendum. Et sic dixit D. Thomas in 4. distinct. 49. quæst. 1. art. 3. quæst. 2. art. 5. quoddam voluntas potest in oppositum eorum, quæ ipsa sibi determinat, & multa alia in superioribus adduximus. Ad illud verò principium quod à causa indeterminata non prodidit determinatus effectus, respondet optimè Scotus in 2. dist. 15. quæst. vnic. ad ult. illud esse verum in principiis, seu potentiis, quæ licet aliquo modo vniuersalia sint; sunt tamen imperfecta quantum ad hoc, quoddam non habent dominium suæ actionis, & ideo indigent aliquo determinante ad alterutram partem. Alioqui, ut Aristot. art. 9. Metaphys. cap. 5. text. 10. si ex se, & sine alio determinante

1.  
Fundamentis  
ratio ad-  
uersariorum  
ex indifferen-  
tia voluntatis  
sumpta  
confutatur.

D. Thom.

Scotus.



terminante procederet in actum simul efficienter conuerteretur, quia utrumque possunt, & non esset maior ratio de vno, quam de alio. Et hoc aperte patet in exemplo potentie motiue, & idem est de intellectu, & arte, & similibus. Secus vero est de voluntate, quia est perfecta potentia cum dominio sui actus, & ideo licet sit potentia contrarior, vel contradictoriorum, potest obiecto presente ad vnam partem se determinare.

2. Neque obstant quæ ad probandum illud principium afferuntur. Primum est ex D. Thoma 1. p. q. 19, art. 3. ad 5. ubi admittit illud principium in omnibus causis creatis, solamque excipit diuinam voluntatem, & rationem reddit, quia causa, quæ est ex se contingens, oportet quod determinetur ab aliquo exteriori ad effectum, sed voluntas diuina, quæ ex se necessitatem habet, determinat se ipsam ad voluntatem ad quod habet habitudinem non necessariam. Hoc autem discrimine applicatum ad voluntates creatas fundatur in hoc, quod voluntas creata est ex se indeterminata, non solum actiue, sed etiam passiuè, ita ut non possit se determinare nisi aliquid in se agendo: voluntas autem diuina alio modo se determinat nihil in se recipiendo propter summam actualitatem, & necessitatem essendi, quam habet; & hinc fit ut voluntas creata per se sola non possit se determinare sine dependentia ab alio, quia sicut in eo esse dependet à Deo, ita etiam in sua determinatione, & in hoc sensu oportet, quod ab aliquo exteriori determinetur, ubi expendo D. Thomam non dixisse prædeterminari, quia non oportet, ut solus Deus faciat determinationem, sed satis est, ut cooperetur voluntati se determinanti.

3. Ratio autem illa, quia non est cur causa indeterminata hunc magis, quam illum effectum faciat, habet locum (ut cum Scoto dixi) in causis, & potentis, quarum actiones non sunt intrinsecè voluntariæ, neque sub dominio illarum. In voluntate autem facile redditur ratio, cur existens in actu primo indeterminata aliquid determinare velit, scilicet, quia vult, & eo ipso, quod in obiecto proponitur sufficiens ratio volendi illud, est etiam ratio sufficiens volendi ipsi summe velle. Neque est verum voluntatem supposita propositione talis obiecti non esse sufficienter constitutam in actu primo, tam ad eliciendum actum volitionis, quam nolitionis, habet enim ad verumque sufficientem, & quasi eminentem virtutem, ut declaratum est. Intellegitur autem hoc absolute loquendo de actibus proportionatis viribus voluntatis: nam si sint actus superioris ordinis, oportet principium completi per quod voluntas principium, non propter rationem generalis concursus, sed ut defectum virium ex parte cause secundæ suppleat: postquam autem completa fuerit voluntas in ratione principij proximi, iam non indiget concursu præiudicij, sed concomitante.

4. Cum autem instatur, quia agens, quod quandoque est actus, quandoque in potentia debet prius moueri, quam de potentia reducat in actum, aperta fit æquiuocatio: nam illud principium est verum ab agente, quod interdum est in potentia passiuæ ad ipsum principium agendi, vel complementum eius, & quia aqua potest esse, & actu calida, & in potentia, ideo quando tantum est in potentia calida, non potest calefacere, quin prius ipsa calebeat, & quia visus potest esse intermedium in actu, interdum tantum in potentia ad speciem visibilem, ideo quando est in potentia, oportet prius reduci in actum speciei, quam elicit vi-

sionem. Hoc autem non habet locum in potentia passiuè actiua, ut actiua sit, id est, quatenus potest esse agens in actu secundo, vel tantum in actu primo, in quo statim dicitur etiam esse in potentia ad agendum: tunc enim si actus primus sit completus in suo ordine, ut reducat de tali potentia ad actum, præiua motione, vel actualitate, sed vel nulla, vel subsequente. Vnde si agens solum per transcurrentem actionem reducat in actum, in se non magis actiua, si antea erat completum in virtute agendi, sed per solam denominationem extrinsecam dicitur constitui in actu secundo, Quia verò tale agens ex necessitate nature operatur, si supponatur esse completum in actu primo; quoad virtutem intrinsecam, non potest esse in potentia ad actionem, nisi ex defectu alicuius conditionis requiritur ad agendum, & ideo necessarium erit precedere aliquam mutationem per quam talis conditio compleatur: id autem sæpe fieri poterit sine mutatione agentis applicando passum, vel tollendo impedimentum, &c. Si verò agens reducat in actum per actionem immanentem, illud quidem mouetur, quando se in actum reducit, non tamen mouetur, ut agens est, sed ut recipiens, neque mouetur, ut agat, sed mouetur, quia agit, & ideo secundum talem motionem non præmouetur ab alio prius natura, quam ipsum se moueat, sed simul cum ipso se mouet, mouetur à Deo per concursum simultaneum, ergo ex vi illius reductionis de potentia in actum non est necessarius concursus præiudicij. Quod si illa reductio de potentia in actum præcisè consideretur, ut est à potentia apta ad agendum in actionem, quam antea non eliciebat, tunc si actus primus supponatur completus, non est necessaria præiua mutatio ab extrinseco præueniens, sed intrinseca applicatio per voluntatem sufficit, nam ad illam pertinet huiusmodi potentia, & seipsam ad exercitium applicare.

5. Prima confirmatio erat, quia aliis determinationes libere essent fortuito, & contingenter respectu Dei, quod illatio videtur fundari in hoc principio, quia omnia, quæ non prædeterminantur à Deo, fortuito veniunt respectu illius, quod manifestè falsum est: nam peccata, ut peccata, non prædeterminantur à Deo, & tamen non fortuito eueniunt respectu illius. Respondebunt Deum prædeterminare actum, qui est peccatum, & in illa prædeterminatione præcisè malitiam consequentem actum, & illam permittere, & ideo peccatum non fortuito euenire. Quæ responsio falsum quidem supponit, quod facit iam impugnatum, & nihilominus tamen nobis occasionem præbet soluendi argumentum, seruata proportionè, & seclusa illa prædeterminatione, quæ in actibus peccatorum habet absurditatem; in aliis verò saltem non est necessaria ad excludendum causam, seu fortunam ab actibus liberi arbitrij respectu Dei. Nam Deus voluntati facit, & prouidet omnia præterita, ut voluntas hæc, & nunc libere possit hoc, vel illud operari: præiudet etiam, quid sit operatur voluntas, si ipse sum concursus efficiat, eamque operari sinat, & decernit eam finire, vel permittendo actum, si malus fuerit sit, vel illum acceptando, & volendo, si sit bonus, quod totum optime intelligitur sine præiudicij concursu, aut prædeterminatione, & sufficit ut casus actus non eueniat, vel fortuito respectu Dei. Quis enim dicat casu alicui accidere, quod eo præiudicente, & non impediente, cum posset, vel quod magis est, ipso admittente, & cooperante euenit?

Dices

6. Dices illud saltem euenire præter intentionem, quod etiam est inconueniens in effectibus creatis respectu Dei. Respondeo in peccatis simpliciter dicendum esse euenire præter intentionem Dei, quod est maximè certū de peccatis, ut peccata sūt, cum etiam sint cōtra voluntatē Dei; de ipsis verò actibus, quibus coniuncta est malitia, etiā est simpliciter verū. Deū neque intendere, neque velle, ut tales actus sint, quia hoc per se non est bonū, nec decēs Deum: sed dicēdū est, intēdere, ac velle, Deū sinere, ut tales actus fiāt volēdo etiā concurrere ad illos, si volūtas creata illos operari velit. Et ad hoc insinuandū Augustin. in Enchiridion c. 95. sub distinctione dixit, *non fit aliquid, nisi omnipotēs fieri velit, vel sinendo ut faciat, vel ipse faciēdo*. Actus autē simpliciter boni dici nō possunt, præter intentionē Dei, quia licet ad illos nō det concursum præuiū, cupit illos fieri, & ex hoc effectu præbet omnia prærequisita ad tales actus, & offert concursū concomitatē, qui illos physicē efficit; ergo sunt ab illo per se intenti, siue illa intētio sit prædefinitiuā & absoluta, siue tantūm antecedēs, seu cōditionata, neuter enim ex his duobus modis est determinatē necessarius ad debitum ordinem diuinæ providētiæ, & neuter etiam est impossibilis, imō uterque subsistere potest cū vfu libertatis, & sine cōcursu præuiū, & cū sufficienti dependētia nostræ libere determinationis à volūtatē, & providētia diuina, nā hæc dependētia nō est in singulis actibus eiusdē modi, quoad diuinā intētionē, sed in solo concursu cōcomitatē necessariū habētē eandē dependētiæ modū, de qua re latius in lib. 5. dicturi sumus.

7. Secunda confirmatio erat, quia sequitur determinationem voluntatis non esse à Deo, ut à causa primā, quia erit à sola voluntate prius natura se applicantē, & determinante, quam causa prima in illam determinationem influat. Responderetur tamen negando sequelam, quia determinatio voluntatis nihil est aliud, quā actio eius; neque enim voluntas prius natura se determinat ad eliciedū amorem, v. g. & deinde illum, neque illa duo in re sunt distincta, aliās cum determinatio sit libera, ex alia determinatione voluntatis præcedet, & sic procedetur in infinitum. Sistendum est ergo in prima actione libera voluntatis, qualis est, v. gr. actio amoris, & quælibet alia similis: nam sicut illa per seipsam intrinsecē voluntaria est, ita per illammet determinatur voluntas ad amandū; sicut ergo actio voluntatis, & cuiuscumque causæ secundæ, est à Deo, ut à prima causa influente per concursum simultaneum, etiam si præuius non antecedar, ita determinatio ipsa voluntatis est à Deo ut à causa prima ratione eiusdē concursus, & ideo illatio obiecta nullius est momenti. Quod etiam ad hominem potest fieri euidens, quia dato concursu præuiū, dicti auctores non negant, voluntatem se determinare, ne libertatem omnino negēt, & nihilominus negare non possunt, quin in illo signo, in quo voluntas se determinat, illa determinatio in actu secundo simul natura sit, non solum à voluntate, & cōcursu præuiū, sed etiam ab ipso met Deo, quia cū illa determinatio sit aliquid creatū, non potest non pēdere per se, & immediatē ab ipso Deo, imō per se, & propriē hac ratione pender à Deo, ut à prima causa: nam alia dependentia mediante concursu præuiū respectu Dei, reuera est mediata, & ideo quasi per accidens, ac propterea illa de medio sublata, subsistere potest essentialis dependētia determinationis voluntatis creata ab increata Merito ergo illatio illa reiecitur.

8. Cū verò obijciatur, quia voluntas est, quæ pri-

Fr. Suarez de Gratia Pars II.

A mō se determinat, distinguenda est illa particula *primò*, nam dicere potest, vel modum causandū primarium (ut sic dicam,) ita ut idem sit primò causare quod principaliter, & independentēter causare. Secūdo dicere potest ordinem causandū secūdum durationem temporis. Tertiò potest dicere ordinem etiam causandū non temporis, sed naturæ. In primo sensu falsa est assumptio, nemo enim dixit, primariam causam determinationis voluntatis esse ipsam voluntatem, quia in illamet determinatione se gerit ut causa secunda essentialiter pendens à prima, quæ sola est primaria causa, & independentens, & primarias partes habens in efficacia illius determinationis. In secundo sensu etiam est propositio manifestē falsa, quia voluntas nō prius tempore se determinat, quā volūtas cū illa concurrat. De his ergo nulla est controuersia, nec potuit arguens cum aliqua probabilitate illam propositionem assumere in aliquo ex dictis sensibus tamquam à nobis concessā.

B Tertiū autem sensus subdistinguentus est, nā illa particula *primò* potest sumi negatiuē, & positiuē; in priori sensu solum dicit negationē alterius causæ prius natura influentis, & sic verissima est propositio, nā suppositis omnibus prærequisitis ad agendū (in quibus multiplex Dei causalitas ordine naturæ præcedit,) in illo signo, in quo voluntas incipit elicere actū & actionem suā, nulla causa prius natura facit illā actionem quā ipsa voluntas: nam licet faciat illā etiam Deus, non tamē prius ordine causalitatis, nā illa actio dicit essentialē habitudinē ad voluntatē creatam, & ideo nō potest prius emanare ab alia causa, quā ab ipsa. Neque est bona illatio, emanat à prima causa, ergo prius emanat: nam committitur equiuocatio in vocibus *prima*, & *prius*, ut iam explicatum est, neque oportet, ut causa quæ est prima in independentia, & modo causandi in omni actione antecedar etiam in ordine causandi.

C In alio sensu particula *primò* positiuē sumpta dicit relationem prioritatis respectu alterius, & hoc modo admittunt aliqui voluntatem primò causare suam determinationem, Deum autem concurrere, quasi sequendo determinationem voluntatis; dicunt enim non posse intelligi concursum omnino simultaneū duarum volūtatū ad vnā actionē, quia oportet alterutram ab altera determinari, aliās non coniungerentur per se, sed quasi per accidens, & casu. Sed illa sententia sine dubio falsa est, quia illa determinatio magis essentialiter pender à voluntate diuina, quā à creatā; ergo in nullo signo potest intelligi ut procedens à sola voluntate creata, nam licet abstractione præcisiua possit concipi vnus respectus, non conceptio alio, abstractione tamen negatiua non potest intelligi quod ordine causalitatis procedat prius à sola voluntate creata, & postea à Deo. Præterquam quod si concursus Dei esset quasi subsequens ordine causalitatis, esset quasi superuacaneus; nā prior esse posset sine posteriori, & posteriori iterum faceret, quod iā esset sufficienter factū, de qua re multa in superioribus dicta sunt, & lib. 5. plura dicemus.

Dico ergo propositionē in illo sensu esse falsā, & nō sequi ex eo, quod Deus cōcurrat per cōcursū simultaneū, quia ad hoc satis est, ut neutra causa prius influat, quā alia in alio genere concursus, quod fateri debet etiam, qui ponūt cōcursum præuiū, utique quantum ad actionem, quæ ab ipso, & à voluntate manat, ut suprà etiam probauimus. Nec oportet ut voluntas diuina, & humana quasi casu contungantur ad influendum simul in eandem

Sensus illius propositionis, Voluntas se primo determinat.

9. Tercius sensus, subdistinguitur primum membrum.

10. 1. Membrum illius subdistinguitur.

11. In quo sensu sit vera propositio.

dem determinationem voluntatis creatæ, quia, vt dixi, Deus ex certa scientia præuidens, quid voluntas creata sit operatura si concursus suum illi offerat, destinata voluntate decreuit cum illa concurrere ad talem actum, ipsa etiam se determinare, & ita non casu, sed ex vi huius decreti, in ipso momento, in quo determinatio fit, & in quocumque signo illius, influxus Dei coniungitur influxui voluntatis sine illo ordine causalitatis, seu prioritatis, quæ in illa fundetur.

12.  
Differentia  
inter volun-  
tatem diui-  
nam & crea-  
tam.

Est tamen hic notanda differentia inter vtramque voluntatem, nam voluntas creata, vt ordine naturæ supponitur, ad illam actionem est indifferens in actu primo ad agendum, vel nõ agendum, vel hoc, aut illud agendum: voluntas autem diuina prius non tantum natura, sed etiam æternitate, quæ exterius efficit illam actionem voluntatis creatæ, est in se, & interior determinata (nostro modo loquendi) in actu secundo respectu ipsius Dei per decretum, seu voluntatem cõcurrenti cū voluntate creata ad talē actum, tali tempore, & ita voluntas creata propriissimè dicitur se determinare, quia efficit illum actum, qui est immanens in illo, & ideo per illum voluntariè reducitur ex actu primo indifferente in actum secundum determinatum, nec per hoc excluditur concursus Dei ad eandem determinationem, sed potius includitur, quia essentialiter imbibitur in omni actione creaturæ. Deus autem concurrente cum voluntate ad illam determinationem, non dicitur determinare se, quia illa actio, quæ à voluntate creata fit, est solum transiens respectu voluntatis Dei, & ad illam erat iam Deus ex se determinatus per decretum æternum. Neque etiam simpliciter dicendus est Deus determinare physicè voluntatem ad talem actum, quia verbum illud *determinandi* respectu causæ liberæ connotare videtur respectu ad ipsam causam proximam, vel etiam, ne videatur excludi cooperatio voluntatis, & soli Deo attribui illius determinatio. Ad tollendam ergo ambiguitatem propriissimè dicitur Deus condeterminare voluntatem creatam, vel coefficere determinationē eius, seu ad illam concurrere. Hæc autem intelligimus ex vi generalis concursus, nam de modo quo per auxilia præuenientia Deus est causa ipsiusmet cooperationis liberi arbitrij, & in superioribus dictū est, & in lib. 5. latius est dicendum,

13.  
3. Confirmatio, libertas creata formaliter reducitur in diuinam libertatem vt in primam causam physicam; confirmatur.  
D. Thom.

Tertia confirmatio fundebatur in hoc principio, quod libertas creata ita subordinatur diuinæ, vt formaliter reducatur in diuinam voluntatem, & libertatem, tãquam in primam causam physicam, & in genere physico. Ex quo principio inferebatur, præuium concursus esse necessarium, vt ex libera præmotione Dei habeat voluntas creata voluntatem suæ determinationis. quæ ratio sumpta dicitur ex doctrina D. Thomæ, & communi Thomistarum 1. p. q. 29. art. 8. Ego verò apud D. Thomam ibi solam lego primam causam, & radicem effectuum contingentium, & liberorum esse diuinam voluntatem, & eius efficaciam. Nam volens Deus vt esset in vniuerso varietas effectuum naturalium contingentium, & liberorum, efficaciter etiam prouidet, vt essent in vniuerso causæ illis effectibus & modis agendi accommodatæ, simulque voluit, ita cum omnibus, & singulis concurrere, vt eas suos motus, modo vnicuique accommodato agere sineret. Ex qua doctrina, quæ verissima est, solum sequitur voluntatem Dei ipso primam causam efficiente voluntatis humanæ, ac libertatis eius, & ita etiam cum illa cooperari, vt vsum libertatis eius non impediatur.

A Non legi autem in D. Thoma, nec apud aliquem ex antiquis Thomistis me legisse memini, quod libertas humanæ voluntatis vel effectuum eius formaliter reducatur in diuinam voluntatem, & libertatem. Neque video quomodo id possit intelligi, si particula illa *formaliter* aliquid addat vltra dictā efficaciam diuinam iam explicatam, vt videtur esse de mente arguentis; nam si illud formaliter nihil addat, sed significet tantum libertatem diuinæ voluntatis, quæ in Deo est formaliter, esse primam originem, & causam, à qua efficienter manat libertas humanæ voluntatis, & actus eius, sic antecedens verum est, sed consequentia de concursu præui nullā habet connexionem cum illo antecedente.

B Nam quod attinet ad libertatem ipsius potentie voluntatis nostræ, illa non datur per aliquem concursus, sed concreat cum anima, & voluntate. Si verò sit sermo de libertate actus, tantum abest, vt illa sumenda sit ex concursu præui, vt vix, aut ne vix quidem stante illo possit intelligi, vt ex dictis in Prolegomeno 1. & in discursu huius libri facile potest legenti cõstare, & in lib. 5. pressius urgebimus. Cum concursu autem comitante facile intelligitur, & sufficientissimè declaratur, quomodo actualis libertas voluntatis humanæ radicaliter proueniat à libertate diuina, quatenus per illam suam concomitantem concursus ita accommodat, vt est actus voluntatis humanæ efficiat, & eius libertatem non impediatur.

14.  
Mēs S. Thomæ & antiquorum Theologorum circa falsitates illius principij duplex sensus illius propositionis, & partialiter in illa.

C At verò si illa particula *formaliter* aliquid præter dictam Dei efficientiam addat, nihil aliud significare potest, nisi quod actus nostræ voluntatis formaliter constituatur liber per denominationem à libertate diuina, vel à concursu præui ab illa sola pendente: vtrumque autem, & falsum est, & alienū ab omni vero sensu, nam meus actus nõ est in se, & formaliter liber, quia Deus liberè operatur, sed quia ego per facultatem formaliter liberam illum efficio, alioqui nõ ego essem dominus meis actus, sed solus Deus, nec propter illum essem dignus laude, nec actus voluntatis meæ esset magis liber, quàm intellectus, imò neque magis quàm actus brutorum: nam etiam cum his Deus liberè operatur, & cõcurrit. Item sicut Deus est prima causa libertatis, ita etiam est prima causa vitæ, & sicut cõcurrit cū potentia libera, ita etiam cum potentia vitali, modo vtrique accommodato, & nihilominus actus vitalis creatus non habet formaliter, quod vitalis sit ex emanatione à Deo, sed ex emanatione à proximo, & intrinseco principio vitæ, quauis effectiue totum suū esse recipiat à Deo vt à prima causa efficiente; ergo similiter actus liber, licet effectiue habeat primā, & principalē originē à Deo, nihilominus vt est actus hominis, nõ est formaliter liber ex libertate Dei, sed ex intrinseca hominis libertate, nā esse liberū, includit esse vitale, & addit volūtarium cū indifferētia, & dominio proximæ facultatis. In illo ergo sensu falsum est, quod in ea confirmatione sumitur, ideo vel antecedens est falsum, vel consequentia nulla, vt explicatum est.

15.  
Alter sensus illius partialis.

Ultima cõfirmatio coincidit ferè cū prima, & secunda, in quibus iam dictū est volūtatē humanā, neque solā se determinare, neque à sola volūtatē diuinā determinari, sed ipsā se determinare cooperatē diuinā volūtatē, ideoque in tali determinatione neutra voluntas prius quàm alia agit. Neque hoc est contra perfectionem diuinæ voluntatis, quia licet non sit prior in causando, semper est prior in modo, & perfectione cansandi, & quod in causando non præcedat, non est quia pendeat à voluntate

16.  
Ultima confirmatio quæ ex prima & secunda coincidit reici-  
tur.



voluntate creata, neque quia ab illius influxu in aliquo genere causæ determinetur, sed quia ipsa vult suam actionem, & concursum iuxta indigentiam talis causæ secundæ determinare. Vnde licet respectu propriæ determinationis ad extra voluntas creata sit propria causa efficiens determinationem ipsam, & quasi determinatus actionem ad talem speciem, tamen respectu diuinæ voluntatis solum se habet per modum occasionis, & quasi materiz postulantis à suo primo auctore talem modum concursus, vel auxilij, & quasi trahentis, vel inuitantis diuinam voluntatem ad illud præstandum.

17. Cur diuina voluntas non sit concursus præuius.

Statim verò insurgit antiqua quæstio de ipsa diuina voluntate, quomodo per habitudinem ad illam non habeat efficientia Dei rationem concursus præuij, & prædeterminantis, nam licet ille concursus prout sit ad extra, sit simul cum influxu voluntatis creatæ, nihilominus voluntas ipsa diuina quatenus ab æterno voluit, & decreuit talē actum facere in tempore, est causa prior, & antecedens in ratione causandi, & alioqui est efficacissima; ergo præcedit etiam efficiendo, & consequenter etiam determinando voluntatē creatam. Qua difficultate superati antiqui hæretici arbitrij libertatē negabant, sicque argumētabantur, vt de Simone Mago disputante cum Petro refertur in lib. 3. Recognitionū sub nomine Clemētis. *Si quod Deus vult esse, est, & si quod non vult esse, non est, quomodo in homine est potestas volendi & non volēdi.* Cui post pauca ita ferē Petrus responderet. *Ignoras o Simon quomodo in singulis quibusque volūtas sit Dei: quādā enim voluit, vt diximus, ita esse, vt aliud esse non posset, quā id, quod ab ipso instituta sunt, & his, neque præuia, neque supplicia statuit; quādā vero ita esse voluit, vt in sua potestate habeat agere, quod velint, & his pro actibus ac voluntatibus suis statuit, vt aut remunerationes mereantur, aut penas. Cum ergo in duas, vt docui, diuidantur cūcta, quæ mouentur secundum eam distinctionem, quā supra diximus, omne, quod Deus vult esse, & quod nō vult, non est.* Hæc sūt verba Petri apud Clementē quæ si rectē inspiciantur, & doctrinā datam confirmant, & vulgarem difficultatem expediunt.

Clement.

18. Soluitur ex doctrina Clement.

Antecedit enim voluntas Dei respectu causarum secundarum, sed non eodem modo: nam causis naturalibus vult dare determinatū concursum, liberis etiam indifferentē, vt supra etiā declarauimus; & ideo in prioribus facillē potest antecedere absoluta voluntas Dei de ipso effectu, in posterioribus verò non est necesse, vt talis voluntas antecedit, sed sufficit voluntas cōcurrēdi, quæ includit conditionē, si voluntas creata consentiat. Et ideo licet talis voluntas Dei antecedit in suo esse, & quasi in applicatione proxima ad influēdum, quantū est de se, nihilominus nihil sola agit, ideoque quantum ad actualem influentiam, non est antecedens, sed concomitans, ac propterea neque efficit præuium concursum, neque ex necessitate infert effectum, quia concursus quem offert, à libera concomitantia voluntatis creatæ pendere potest.

19. An Deus prædefiniat actum futurum.

Dixi autem ad præstandum concursum causæ liberæ non esse necessariū, vt Deus actu absoluto prædefiniat futurū actum voluntatis creatæ, quia ex vi dependentiæ causæ secundæ, à prima sufficit voluntas concurrēdi Dei, quā explicauimus. Et quoad actus peccatorum etiam pro materiali, cenſeo non præcedere aliam Dei voluntatem, vt in lib. 2. de Auxiliis latē tractaui. An verò ad actus bonos præcedat talis voluntas Dei, quæ solet prædefinitio vocari, disputaui eodem loco, & in lib. 5. aliquid iterum de illo puncto dicam. In præſenti verò necessarium non est, quia licet præcedat illa præ-

Fr. Suarez de Gratia Pars I I.

A definitio Dei volentis illo modo providere aliquos effectus suos, nunquam tamen est illa voluntas necessaria ad concursum, neque est quasi proximum principium eius, nam est tantum voluntas prædestinatiua, non executiua. Et ideo nulum concursum præuium efficit in voluntate creata, quo illam prædeterminet ad actum prædestinatum à Deo, sed præuidet alium modum, quo præuia excitatione morali, vel adiuncto concursu physico concomitante, voluntas humana liberè & ineffabiliter, efficiat actum, quem diuina voluntas prædefiniat, seu prædestinauerat, quis autem hic modus sit, in lib. 5. explicabimus.

## CAPVT LI.

Ad actus supernaturales necessarium non esse auxilium præuium per modum concursus, sed simultaneum sufficere.

Hæc est conclusio principalis, propter quam eliciendam, ad omnia, quæ de concursu Dei in præcedentibus capitibus dicta sunt, necessitate compulsi digressi sumus, quia neque sine illo principio hæc assertio fundari poterat, nec illo principio stabilito alia probatio necessaria, quia est euidentis consecutio, vt auctores contrariæ sententiæ etiam fatentur, nec enim ob aliud requirunt ad actus gratiæ, concursum præuiū eiusdem ordinis, nisi quia putant esse per se necessariū ex generali ratione actionis creatæ, seu causæ secundæ. Sic igitur nos ex contrario principio ita cōcludimus. Actiones naturales siue necessariae, siue liberae, ex vi dependentiæ essentialis à prima causa, non requirunt concursum præuium in causa; ergo nec actiones supernaturales, & gratiæ illum necessariò postulant. Probatur consequentia. Tum quia eadē est ratio dependentiæ proportionē seruata respectu Dei, vt est prima causa naturalis, vel supernaturalis; tum etiam, quia non minus potēs est habitus, v.g. charitatis, aut lumen gloriæ respectu suarum actionum supernaturalium, quā sit voluntas, vel intellectus in ordine ad actiones sibi connaturales; ergo sicut hæc potentia solum indigent concursu concomitante, ita etiam illæ virtutes. Tum denique, quia omnes actiones factæ de aliis causis tam naturalibus, quā liberis seruata proportionē hic locum habent.

1. Connexio huius doctrinæ.

Assertio. Actiones supernaturales non magis postulant cōcursum præuium, quā naturales.

Vnde possumus assertionē hanc auctoritate D. Thomæ cōfirmare, nam in 1. 2. q. 109. non aliū concursū Dei postulat ad supernaturaliter operādum supposito sufficēti principio interno gratiæ, nisi generalē illum, quem Deus præbet causis secundis vnicuique accommodatū, seu magis, vel minus perfectū, & inferioris, vel superioris ordinis, iuxta gradum, & perfectionē causæ. Sic in art. 4. dicit, hominem tam in statu naturæ integræ, quā lapsæ indigere gratia, id est, interno supernaturali principio operatiuo diligendū Deū ex charitate, & insuper in vtroque statu indigere auxilio Dei mouētis, per quod concursum simultaneum intelligit, vt supra declaratum est. Et in art. 9. ad opera supernaturalia, duo dicit esse per se, & in vniuersum necessaria, scilicet, habitum gratiæ, & motionem illam Dei, quæ ex generali ratione dependentiæ omnis rei creatæ à Deo necessaria est, quæ est tantū motio cooperatiua, licet in statu naturæ corruptæ ob alias rationes indigeat homo aliis auxiliis.

2. Probatur auctoritate S. Thomæ.

V 2 Possumus

3.  
Item Augu-  
stini.

Possumus etiam ad conclusionem confirman-  
dam Augustini auctoritatem inducere, quatenus  
in multis locis dicit, esse in potestate hominis  
vocari, & sufficienter præparati habere operatio-  
nem liberam, & supernaturalem si velit, & con-  
sequenter habiturum etiam concursum necessa-  
rium ex parte Dei, si per eum non ster: hæc enim  
subsistere non possunt si præuius concursus ultra  
simultaneum esset in operibus gratiæ necessarius,  
quia talis præuius concursus cum à solo Deo fiat,  
ab eius sola voluntate pendet, vt paulo antea de  
prædeterminatione ad actum peccati ostendimus.  
Est enim eadem proportionalis ratio in præsentis,  
quia homo non potest se disponere ad illum con-  
cursum præuium: naturalis dispositio deberet ef-  
fe supernaturalis, & ad illam esse necessarius con-  
cursum præuius, & sic procederetur in infinitum, &  
sic sistendum est in primo, qui à solo Dei arbitrio  
pendeat. Vnde è conuerso ex omnibus locis, in  
quibus Augustinus docet posita vocatione, &  
principio sufficienti gratiæ, esse in nostra potesta-  
te velle aut nolle, & ad hanc aut illam partem de-  
terminari, aperte docet concursum Dei ad vtrum-  
que necessarium esse nobis oblatum, & in nostra  
esse potestate, ac subinde non esse præuium, ne-  
que ad vnum determinatum, tale est illud Augu-  
stini, *Consentire, & dissentire, nostra voluntatis est*,  
de Spirit. & liter. c. 34. Quod velimus nostrum ef-  
fe, licet Dei sit vocatio dicta q. 2. ad Simplicianum  
Deum esse offerre, & inchoare gratiam, acipere esse  
in nobis, epist. 54. Denique posse hominem sibi  
tribuere, *quod veneris vocatus*, lib. 83. quæst. qu. 68.  
Vnde eisdem locis carentiam consensus homini  
dicit esse tribuendam; quod certe intelligi non  
possit, nisi concursus esset in hominis potestate,  
quod proprium est concursus simultanei; sed hæc  
pluribus discutienda sunt, tractando inferius de  
auxilio efficaci, de quo ferè eadem est ratio.

4.  
Rationes ab  
incommodis  
indicant tan-  
tum & re-  
misse in lib.  
seq.

Et ob eandem causam omitto hic duas funda-  
mentales rationes ab inconuenienti sumptas, ob  
quas etiam in operibus gratiæ non potest talis  
concursum præuius esse necessarius. Vna est, quod  
si talis concursus præuius est necessarius, & Dei  
arbitrio datur, quibus non datur ita fit impossi-  
bilis via salutis, vt non sit in potestate eorum habe-  
re id, sine quo non possunt viam illam ingredi, ne-  
dum in ea progredi, & eam consumere, id est, vt  
non sit in eorum potestate, velle credere, sperare,  
amare, quia hæc sine auxilio præuii fieri non pos-  
sunt, & illud non habent, neque ad illud habendu-  
m quidquam facere possunt. Alia ratio est, quia  
opera facta ex impulsu talis concursus præuii non  
essent libera, quia talis concursus à solo Deo sit  
antecederet in voluntate, cui illa resistere, aut dis-  
sentire non potest. Sed hæc rationes communes  
sunt ad omne auxilium de se efficax, ac prædeter-  
minans sua vi voluntatem, & ideo illas pressius lib.  
5. expendemus. Nunc duo aduerto. Vnum est dicta  
omnia facile procedere respectu habituum infuso-  
rum, habere autem nonnullam difficultatem in  
actibus supernaturalibus, qui sine habitibus sunt;  
nihilominus tamen in illis vera sunt, quia licet ne-  
cessarium sit efficaciam habitus, per aliud princi-  
pium supernaturale, siue inhærens, siue assistens  
suppleri, nihilominus illud principium non datur  
per modum cōcursum præuii, sed per modum pro-  
ximæ virtutis, seu adiutorij, quo posito solum  
spectatur concursus simultaneus.

5.  
Quomodo  
sit intellige

Vnde aliud aduertendum est assertionem in  
vniuersum procedere, quando potètia hominis ex  
omni parte est sufficienter constituta in actu pri-

A mo ad operandum supernaturaliter, ita vt virtu-  
tem per se effectiuam supernaturalis ordinis, &  
omnia ad operandum prærequisita ex parte prin-  
cipij habeat. Vnde maximè habet locum in poten-  
tia habitu supernaturali instructa, & in suo ordi-  
ne sufficienter excitata. Ideoque cauendum est ne  
per æquiocationem à necessitate auxilij præue-  
nientis fiat transitus ad concursum præuium, plus  
enim, quàm cælum à terra distant, nam concursus  
nec locum habet, nisi postquam potentia necessa-  
riis auxilijs sufficienter præuenta est. Item quia  
præuenientia auxilia ad gratiam excitantem per-  
tinent, vt supra visum est: concursus autem simul-  
taneus imbibitur in actu gratiæ cooperantis, & si  
daretur præuius, non esset per modum excitatio-  
nis, quæ est actus vitalis, sed per modum motio-  
nis non vitalis, & ab extrinseco agente tantum  
receptæ, & hanc dicimus etiam ad opera gratiæ  
per modum concursus præuii non requiri.

Atque hæc vnica animaduersione facile soluitur  
fundamentum contrariæ sententiæ, quatenus de  
his actibus supernaturalibus præcipue loquitur,  
erat autem fundamentum cap. ultimo loco pro-  
positum, quia aliàs initium salutis, seu actus, v.g.  
fidei, vel amoris Dei super omnia, in quibus nos-  
tra salus consistit, esset ex nobis. Quod Scripturis  
sanctis, & Concilijs repugnat. Hoc ergo funda-  
mentum dicimus solum nisi in æquiocatione  
verborum. Nam initium salutis, vel iustitiæ, aut  
boni operis in vsu Conciliorum, & Patrum, non  
significat actum ipsum liberum, prout à Deo, vel  
ab homine prius fit, sed significat actum aliquem  
priorem actu ipso libero, qui sit principium eius,  
& à quo salus hominis inchoetur. Hoc probamus  
aperte, primò ex Concilio Trident. sess. 6. dicente,

*Declarat sancta Synodus infans iustificacionis exordiu  
in adultis à Dei per Christum Iesum præueniente gra-  
tia sumendum esse. hoc est, ab eius vocatione.* Nunquid  
vocatio est præuius concursus ad consensum, quæ  
potest tempore antecedere? Secundò idem initium  
vocauit Concilium præuenientem Spiritus sancti  
in inspirationem in Can. 3. dum definit. Si quis sine  
præueniente Spiritus sancti inspiratione, atque  
eius adiutorio, &c. illa enim duo auxilia ad omnes  
actus supernaturales requirit, & inspiratione præ-  
uenientem ponit, vt primam gratiam, quæ est exor-  
dium salutis. Quam enim in cap. vocationem ap-  
pellauerat, statim vocat *excitantem gratiam*, & hanc  
deinde vocat Spiritus sancti illuminationem, &  
inpiratione. Hoc ergo est initium salutis, & sin-  
gulorum actuum fidei & spei, &c. Terriò hoc ipsum  
satis probat illud ipsum Concilium, quod in con-  
trarium allegatur Arausicanum II. nam in cap. 5.

dum initium fidei in nobis fieri per gratiæ do-  
num definit, ita exponit illud gratiæ donum, id est,  
*per inspirationem Spiritus sancti, corrigentem volun-  
tatem nostram.* Et eodem modo loquitur in cap. 6.  
7. & sequentibus, ac tandem in 15. vbi dicit, *hoc  
salubriter consistimus, quod in omni opere bono nos non  
incipimus, & statim declarat quomodo Deus inci-  
piat, dicens, sed ipse nobis nullis præcedentibus me-  
ritis, & fidem, & amorem sui prius inspirat.*

Eademque fuit sententia Augustini, semper enim  
salutis initium ad vocationem, vel sanctam cogi-  
tationem reducit, & ideo dicit omnè pium volun-  
tatis motum Deo tribui, vt videre licet dicta q. 2.  
ad Simplicianum c. 8. vbi ait, ideo initium boni  
operis esse ex Deo, quia non sumus idonei cogi-  
tare aliquid ex nobis, quasi ex nobis, sentiens ex  
sancta cogitatione initium illud sumi. Et de ea-  
dem re est egregium testimonium Zosimi Papæ,  
Celestini,

da assertio.

6.

Fundamentu  
vnicum ad-  
uersionum  
initium salu-  
tis fuit à no-  
bis destrui-  
tur.

Conc. Trid.

Conc. Arau-  
sican.

7.

Quid sit du-  
bium salutis  
apud Aug.

Z. simus.

Celestini,

Celestini, & Concilij Africani, & Prosperi auctoritate firmatum in epist. Celestini cap. 8. ubi hoc initium instinctus Dei appellatur, & illo mediante omnia bona ad Deum authorem suum referenda dicuntur. Idem confirmat aliis locis Proseper, præcipue ad excepta Genuensium, & contra Collator, & Fulgentius lib. 1. ad Monim. cap. 8. & lib. de Incarnat. & gratia cap. 17. & 18.

Inspir.

Augent.

8.  
Confirmatus.

Hoc etiam probat quod cap. 1. & 2. huius libri diximus, excitationem esse primam gratiam, quia à sancta cogitatione incipere debet omnis sancta voluntas & operatio: in vnoquoque autem ordine id quod est primum, est initium totius rei, unde quia gratia est causa salutis, primum auxilium gratiæ est initium salutis. Et præterea vbi sunt Patres illo modo loquendi contra Semipelagianos, cum quibus non erat disceptatio de modo concursus diuini, sed de primo auxilio. Nam Semipelagiani dicebant nullum esse, quia etiam vocatio datur ex humano merito, vt in Prolegomenis visum est. Patres autem vt gratiam defenderent, dixerunt, primum auxilium esse gratiæ, ac salutis initium, ac proinde esse prius omni humano merito, & libera cooperatione. In hoc ergo sensu loqui oportet de initio salutis, vt sententias Conciliorum & Patrum à quibus istæ voces sumptæ sunt, intelligere possimus, alioqui si per nouas implicationes significatio reddatur incerta, etiam definitiones Patrum eludentur, & ad falsa dogmata probanda retorqueri poterunt.

9.  
Respondetur argumentum non 6. proposito.

Multis modis potest voluntas primò incipere actum.

Hinc ergo facile intelligitur probationem illam parum rei præsentis deseruire: vt autem res euidentior fiat, formalitè illi respondendum. Nam cum in illo fundamento inferretur, si voluntas affecta charitatis habitu, sine concursu præuio posset vti illo habitu ex innata libertate, primò incipere actum illum, distinguenda in primis est particula *primò*, nam ferè eodem modo, quo supra illam distinximus, seruata propositione, nam potest dicere relationem ad priorem gratiam, & illam excludere, & sic negatur sequela, quia secundum sententiam nostram etiam potentia habitu infuso perfecta non potest operari sine præuio excitante gratia, & ita non ipsa potentia primò incipit actum, sed gratia, quæ illam excitat. Qui autem putant potentiam affectam habitu non indigere semper excitatione, etiam negabunt sequelam, vel quia ante habitum præcessit excitatio, quæ virtute manet, vel quia ipsemet habitus habet vim excitationis; hoc enim etiam ipse arguens alibi fitetur, quod tamen nullo modo nobis placet, vt supra cap. 1. & 2. diximus, & ideo verius est requiri proprias excitationes etià ad actus procedentes ex habitu, imò licet dandus esset præuius concursus, adhuc præcederet excitans gratia. Ergo respectu illius nullum fundamentum habet illatio.

10.  
Alia prioritas quo sub distinguatur.

Potest autem aliter particula *primò* dicere relationem ad ipsummet charitatis habitum, & tunc potest illa particula vterius positiuè sumi, aut negatiuè. Priori modo significat voluntatem prius efficere amoris opus, quàm charitatis habitum, & sic falsum est consequens & mala illatio. Nam licet voluntas sine præuio concursu vtatur habitu, non tamen vritur illo sine influxu illius, neque prius elicit actum, quàm ipse habitus, nec se determinat, quin simul habitus determinationem efficiat. Nam licet habitus charitatis dicatur determinari ad vsum, & exercitium à voluntate, in qua inest, quia liberris, & indifferentia, quæ est proximè radix illius determinationis, est à voluntate.

Fr. Suarez de Gratia l. 1. c. 11.

A tate, nihilominus ibi non intercedit ordo prioritatis in causalitate, sed solum specialis habitudo ad talem actionem propriam voluntatis, ratione cuius respectu illius peculiari modo denominatur determinatio. Posteriori autem modo, scilicet, negatiuè verum est consequens, & optima illatio, quia habitus charitatis ordine causalitatis non prius influit in actum, quàm voluntas, vt per se uotum est, & infra in lib. 6. ex professo dicitur.

Tertio potest illa particula *primò* dicere relationem, seu comparisonem ad Deum concurrentem cum voluntate, & eadem subdistinctione vtendum est, nam potest, & negatiuè, & positiuè intelligi. Positiuè significat liberum arbitrium prius operari, quàm Deus concurrat, & quia hoc falsum est, tam malè infertur: nam cum dicamus concursum illum esse simultaneum, unde inferri potest influxum liberi arbitrij esse priorem? imò ex illo antecedente contrarium apertè sequitur, tum quia simul, & prius opponuntur, tum etiam, quia illa simultas est per essentialem dependentiam actionis causæ secundæ à primæ, & ideo contradictionem implicat talem actionem esse prius ordine causalitatis à causa secunda, quàm à prima, quia repugnat rem esse prius, quàm suam essentiam habeat.

At verò negatiuè significat illam particulam Deum non prius efficere per se, & immediatè illum actum per suum concursum generalem, quàm liberum arbitrium per suum, & sic admittimus sequelam, nam & illatio optima est, & consequens verissimum, loquendo de prioritate causalitatis; secus verò de prioritate independentiæ, & dignitatis, ac efficacitatis, sicut in aliis actionibus causarum secundarum declarauimus: nam quoad hoc nihil habent peculiare opera gratiæ, sed solum in excellentia, & perfectione ipsiusmet concursus simultanei, vt iam satis explicauimus. Neque hoc possunt negare authores primæ sententiæ, quoad simultaneum concursum, nam licet ponant præuium, negare non possunt simultaneum etiam in operibus gratiæ, sicut reuera non negant; ergo in eo signo naturæ in quo iam elicitur, & immediatè fit ipsa actio voluntatis supernaturalis, necesse est, vt homo sit primò operans in dicto sensu, quia in eam actionem non prius operatur Deus. Dicent iam præcessisse operationem Dei per præuium concursum, ratione cuius initium illius actionis tribuatur Deo. Respondemus imò præcessisse excitationem, & vocationem Dei, quæ est verum initium gratiæ, & salutis, nobis traditum à Conciliis, & Augustino: aliud autem initium in eis non legimus, neque necessarium reputamus, saltem ratione generalis concursus; an verò ob aliam peculiarem causam ponendum sit, in lib. 5. expendemus.

Similis æquiuocatio committitur in altera propositione sumpta ex Concilio Senonensi, quia in præfatione dicit, *In bonis operibus efficiendis, & libero arbitrio operatur, & gratia, primò tamen & principalitè gratia, & qui primatum boni operis libero arbitrio adscribit, non gratia, Pelagianus censendus est.* Quasi ex his bene inferatur, qui dicit liberum arbitrium simul cum Deo operari bonum actum, & Deum per generalem concursum, non prius natura illum actum efficere, primatum tribuere libero arbitrio, quæ illatio prorsus sophistica, & absurda est. Nam in primis ibi Concilium non loquitur in specie de concursu, sed in genere de gratia, & ita nullum argumentum sumi potest ab inferiori ad superius negatiuè, vt nō sequitur,

11.  
Tertia prioritas ex subdistinctione politur.

12.  
& negatiua.

13.  
Soluatur obiectio ex Conc. Senonensi.



non est homo; ergo non est animal, ita etiam non sequitur, concursus Dei non prius operatur, quàm influxus liberi arbitrij; ergo gratia in bonis operibus efficiendis non est prior. Quocirca licet priori sententiæ demus, particulam *primò* significare ordinem causalitatis, & naturæ, nihil inde probatur, quia illud est verissimum ratione gratiæ præuenientis, quæ præcedit semper omnia opera nostra, & in suo genere est principalis causa eorum, licet, physicè loquendo, principalior sit causa adiuuans, quàm liberum arbitrium, & ita ratione vtriusque gratiæ propriissimè positi sunt illæ duæ particulæ *primò*, & principaliter. Neque posterior consequentia maiori probabilitate inducitur, quia primatus non significat ordinem causalitatis, sed dignitatis, & virtutis, & in hoc præstat gratia, non solum ut est specialis virtus causæ secundæ in suo ordine, qualis est charitas, & aliæ virtutes infusæ, sed etiam ut extenditur ad concursum generalem in illo ordine. Imò non solum in operibus gratiæ, sed etiam in omnibus actionibus causarum secundarum primatum habet efficientia Dei per suum generalem concursum, etiamsi simultaneus sit. Ac denique licet gratis demus vocem primatus positam esse propter ordinem causalitatis, non adstruitur respectu concursus, sed respectu gratiæ, de qua certissimum est, esse primam in causando, & mouendo liberum arbitrium, quod solum potest ad primatum sic impropriissimè explicatum pertinere.

14.  
Ratio aduersariorum,  
Homo in negotio salutis haberet aliquid proprium.

Vltima probatio erat, quia alijs haberet homo in negotio salutis aliquid proprium, quod non haberet ex gratia, contra illud Pauli, *Quid habes, quod non accepisti?* quod argumentum magni facere solent dicti authores ad probandum auxilium efficax physicè prædeterminans. Nunc quid sit de auxilio efficaci, an ex peculiari ratione ordinis gratiæ requiratur, solum dicimus, non rectè applicari argumentum ad concursum generalem: alijs peccator in peccatis suis dicere

A posset, *Quid habeo, quod non accepi à Deo, quia quidquid feci, ipse fecit*, ut facerem concursu præuio non minus efficaci in suo genere, quàm concursus gratiæ sit in suo ordine.

Respondemus ergo negando sequelam, quia etiam si non detur concursus præuius in ordine gratiæ, nihilominus quidquid est in homine bene operante conferens ad salutem, totum id habet à Deo, quia in homine nihil huiusmodi inuenitur, nisi vel antecedentia auxilia, vel habitus infusi, & actiones eorum, vel prout sunt actus perfecti, & qualitates quædam. Omnia autem hæc habet homo à Deo, ut ab authore gratiæ; de antecedentibus enim auxilijs, iam satis id ostensum est, de habitibus id nunc suppono, ut certum apud omnes. De actionibus in fieri patet ex proximè dictis, quia illæ actiones immediatè fluunt à Deo, à quo essentialiter pendent, & mediantibus illis actionibus etiam actus, seu qualitates actuales sunt dona gratiæ Dei, ut suprà etiam declaratum. Quid ergo subtrahitur gratiæ Dei? nunquid quod actiones, & actus non sunt à solo Deo? At hoc etiam posito concursu præuio, necessariò dicendum est. Dicent fortè, hoc, quod est agere, seu determinari ad actionem, non tribui gratiæ Dei. Verumtamen hoc etiam est falsum, quia agere non est aliquid ultra actionem; ergo si actio est à Deo per concursum simultaneum, etiam agere est à Deo, ex vi eiusdem concursus, & remoto præuio. Determinatio autem si sumatur ante ipsam actionem, nulla est, & ita nihil ex hæc parte tribuitur homini; si verò sumatur, ut per actionem ipsam formaliter sit, sic nihil addit ipsi actioni, neque in se habet aliquid quod non sit à Deo per generalem concursum simultaneum. Quid ergo reale est in donis gratiæ, quod dicatur homo habere sine Deo, seu absque influxu gratuito Dei? Nulla est ergo necessitas præuij concursus. Et hæc de speciebus auxiliorum gratiæ dixisse sufficiat.

15.  
Solutur.



LIBER QVARTVS  
DE AVXILIO  
SVFFICIENTE,  
QVID SIT, QVIBVSQVE DETVR,  
ET QVOMODO AD LIBERTATEM  
voluntatis circa supernaturales actus neces-  
sarium sit.

PRÆLVDIVM.



**E**XPLICAVIMVS hactenus omnes tam habituales, quam actuales gratias, quibus Deus liberum arbitrium ad bene operandum confortare, excitare, & adiungere solet, diuisionesque omnes quas D. Thomas & alij Theologi antiqui de vtraque gratia nobis tradiderunt, pro viribus declarauimus. Nunc tractanda succedit illa non minùs antiqua, quàm obscura difficultas, quomodo hæc necessitas & efficacia gratiæ, præsertim actualis, cum libertate arbitrij, eiusque usu componi, & in concordantiam redigi possit. Quod ex duobus punctis pender, vnum est, quomodo hæc auxilia dent voluntati liberæ potestatem volendi: aliud est, quomodo dent illi ipsum velle, duo enim ad libertatem necessaria sunt, scilicet posse velle, & posse nolle, seu non velle, ideòque vt voluntas sit libera circa supernaturales actus, necessaria sunt auxilia quæ volendi facultatem conferant, & quæ dent ita ipsum velle, vt potestatem nolendi non auferant. Ad vtramque autem explicandum data est à Theologis alia diuisio auxiliantis gratiæ in sufficientem & efficacem, quam licet antiquiores Theologi sub his terminis ex-

pressè, & formaliter non tradiderint, rem ipsam in diuersis locis frequenter, & prope occasiones occurrebant, docuerunt.

Hoc verò tempore, propter nouorum hæreticorum instantiam, & propter aliquas controuersias etiam inter Catholicos ea occasione subortas, illa diuisio expressiùs tradita & accuratiùs declarata est: ideòque in hoc & sequenti libro circa illius disputationem & explicationem immorabimur, in huius initio illam præmittendo, & deinde prius membra sufficientis gratiæ in eius discursu declarando; de altero verò membro efficacis gratiæ in sequenti libro dicemus. Quoniam verò lib. 2. & 3. diximus auxilia gratiæ, tam ad naturales actus bonos, quàm ad supernaturales esse necessaria, ideo diuisio hæc respectu vtrorumque dari & intelligi potest: potissimè autem locum habet in actibus supernaturalibus, & ideo in ordine ad illos eam explicabimus. Doctrina verò cum proportionem de auxiliis etiam necessariis ad naturales actus intelligenda est, facileque erit legentibus illam explicare & accommodare, suppositis principiis in superioribus positis. Nos itaque ne prolixiores simus, in generali loquemur, vbi autem aliqua differentia notatu digna occurrerit, illam indicare non omitteremus.

2.  
Proponitur  
distributio  
tractando-  
rum.

1.  
Cardo diffi-  
cultatis.

## CAPVT I.

## An rectè Auxilium gratia in sufficiens, &amp; efficax diuidatur.

**R**ationes debitorum esse possunt. Prima, quia vel hic diuiditur gratia actualis sola, vel habitualis sola, vel gratia dans vires voluntati vt abstrahit ab utraque. Primum dici non potest, quia gratia actualis sine habituali non sufficit, neque efficax est, aliis superflua esset habitualis. Eademque ratione non potest dici secundum, quia multo minus sufficit habitualis gratia sine actuali, vt per se notum est. Nec etiam dici potest tertium, quia parulis datur sufficiens gratia, & tamen non datur actualis, sed habitualis sola. Adulæ vero habent sufficiens gratiam cum sola actuali sine habituali, vt de inidolibus constat, imò etiam efficacem possunt habere ad aliquas operationes sine habituali gratia: ergo nullo ex dictis modis potest diuisum illius partitionis subsistere, ac proinde neque ipsa diuisio.

## Secundum.

Secundò est similis difficultas, quia vel ibi diuiditur gratia excitans tantum, aut adiuvans tantum, aut utraque simul: nihil autem horum videretur dici posse; ergo. Probat utrinque quoad singulas partes: nam gratia excitans præcisè sumpta, nunquam potest esse efficax, quia sine adiuvante non potest in opus prodire, & ita non operatur, efficax non est. E contrario verò adiuvans gratia nunquam est tantum sufficiens, quia semper operatur, vt supra visum est, & ita semper est efficax, & eadem ratione non potest hæc diuidi aggregatum ex utraque gratia, quia ubi gratia excitans & adiuvans simul concurrant, semper habent effectum, & ita semper ex illis confurgit gratia efficax; ergo non datur locus diuisio.

## Tertia.

Vnde est tertia ratio, quia illa duo membra non possunt conuenienter distinguere, nam in primis omnis gratia efficax est sufficiens; quomodo enim faciet nisi sic ad efficiendum sufficiens. Respondet aliquis sufficientem dici quæ est tantum sufficiens, ad eam quæ ita sufficit, vt nunquam faciat, sed contra, quia vel gratia sufficiens nunquam faciet, quia de se est inefficax, vel solum, quia voluntas non vult. Si primum dicatur, re vera illa gratia non est sufficiens, quia si de se est inefficax, de se est impotens non ergo sufficiens: si verò dicatur secundum, sequitur gratiam reddi inefficacem per liberum arbitrium, ac subinde gratiam non rectè diuidi in sufficientem, sed deberet diuidi in eam, cui adiungitur liberi arbitrii cooperatio. Quarto argumentum in hunc modum, quia gratia sufficiens, vel includit omnem gratiam necessariam ad actum, seu ad vincendum peccatum, vel ad salutem, aut illam non includit: si dicatur primum, illa gratia non est tantum sufficiens, sed etiam efficax, quia efficax gratia est vna ex necessariis ad salutem. Si verò dicatur secundum, talis gratia non potest dici sufficiens, nam illa causa est sufficiens ad aliquem effectum, quæ ad minimum includit necessaria ad producendum talem effectum; non ergo apparet quomodo possint illa membra distinguere.

Hanc partitionem videtur aliam Semipelagianis abhorruisse ex parte illius membri gratiæ efficacis. Cum enim Augustinus lib. de corpore. & grat. cap. 11. 12. & 13. aliis verbis illam tradere visus esset, dicens vitam esse gratiam quæ dat homini bene

**A** operari, aut perseverare si velit; aliam verò esse quæ dat vt perseveremus, vel non peccemus, aut bonum velimus, illi maxime displicuit, vt Hilarius in Epist. ad Augustinum refert, dicens, *Alisistè serum ita diuidi gratiam quæ vel tunc primo homini data est, vel mox omnibus datur, vt ille acciperet perseverantiam, non quæ fieri vt perseveraret, sed sine qua per liberum arbitrium perseverare non possit: nunc verò Sanctis ad regnum prædestinatis non tale adiuvarium perseverantia datur, sed tale ut ei perseverantia ipsa donetur, non solum vt sine isto dono perseverantes esse non possint, verum etiam ut per hoc donum non nisi perseverantes sint.* Hæc enim vulgo hæc Augustini, in quibus illa diuisio contineri visa est, & ideo illam molestè tulerunt. Semipelagiani, quia portabant luxa illa duo gratiæ membra quælibet fieri impossibilem viam salutis, quia non datur eis gratia quæ præveniat; alii verò imposui necessitatem salutis, quia datur eis gratia quæ non nisi perseverantes sit.

**C** His etiam temporibus diuisio hæc ex eodem capite aliquibus impugnata est, præsertimque contra illam ex profecto scriptis Paulus Bernius, Theologus Patavinus, in libello quædam ad diuidendas controuersias de auxilio sufficiente & efficaci scriptis. Credit enim non melius diuisi posse, quàm diuisionem hanc de medio tollendo: nam illam putat esse nouam, & à Scriptura diuinâ, & à Patribus alienam, occasione quæ dissentiendi, inter se Catholicis tribuunt. Et in hac sententiam allegat Oforium lib. 9. de iustitia, vbi propè initium in hanc diuisionem inuehitur, quomodo si atente legatur, non tam diuisionem, quàm indebitum modum illam intelligendi, & interpretandi improbare videatur. Allegat etiam Ioannem Anton. Delphium in lib. de iustificatione inter explicandas gratiæ partitiones, & Cælium lib. 1. Instit. cap. 3. & lib. 4. cap. 24. qui negat hanc diuisionem ex altera parte gratiæ sufficientis; dicit enim facultatem consequendi salutem nulli promitti, vel dari, nisi illis, qui efficiat illuminantur & saluantur, & loquitur consequenter cum efficacem gratiam ponat in notionem necessitante voluntatem, vt infra videbimus.

**D** Nihilominus tamen negari non debet, nec potest, quia illa diuisio in aliquo vero sensu bona & necessaria sit: oportet tamen verborum ambiguitatem cauere ne diuisio male intellecta errandi occasio sit, & imprimis vox illa *efficax* est æquiuoca: interdum enim dicitur causa, vel principium efficax in actu primo tantum, quia vim adiuuam habet potentissimam ad effectum præstandum, quantum est ex se: interdum verò ille terminus efficax inuoluit non tantum actum primum, sed etiam secundum, sic dicitur causa efficax, quia non tantum vim habet, sed etiam in se ipsa consequitur effectum. Priori modo dici potest auxilium gratiæ efficax, licet actu non faciat internum effectum, quia de se efficaciam habet, & sic minima charitas dicitur efficax ad vincenda omnia peccata, licet illa effectus non vincat, & hoc modo sæpe Patres vocat gratiam Dei efficacem, vt in frequentibus videbimus, & sumitur ex verbis D. Pauli ad Hebr. 4. *visum enim est sermo Dei, & efficax, & penetrabilior omni gladio accipitur*, &c. non potest autem in hoc sensu sumi in hac diuisione, quia hoc modo auxilium sufficientis est efficax de se, quia quantum est ex se, potentiam habet & efficaciam in actu primo, respectu effectus per illud intenti.

Sumitur ergo in præsentī illa vox *efficax* posteriori modo: sic enim dicitur vocatio efficax, quæ consequitur effectum: sicut dicitur oratio efficax, quæ

& aliquæ recentioribus Theologis.

3. Tenenda ratio est, sed explicatio à verborum ambiguitate paganda.

1. Diuisio gratiæ in sufficientem, & efficacem diffinitur Semipelagianis.

Vox gratia efficax quomodo fit, mens.



quæ impetrat postulatam. Constat autem causam sic efficacem esse etiam sufficientem, quia non consequeretur effectum nisi ad illud esset sufficiens, sicque dixit Dominus Paulo, *sufficit tibi gratia mea, virtus in infirmitate perficitur*, 2. Corinth. 11. gratia enim illa, quæ dabatur Paulo ad stimulum carnis superandum, & ad proficiendum in infirmitate, efficacis profectus erat, & effectum conseqnebatur, & nihilominus merito dicitur sufficiens contra aduersarium, quod etiam idem Paulus ait 2. Corinth. 3. *Non sumus sufficientes cogitare aliquid ex nobis quasi ex nobis, sed sufficientia nostra ex Deo est*. Verissimum est de sufficientia quæ coniunctam habet efficaciam, & ita allegatur in Concilio Araulicano cap. 7. licet possit etiam de quacumque intelligi. Ut ergo gratia sufficiens ab efficaci distinguatur, necesse est, ut illud sufficiens cum præcisione sumatur, significetque gratiam illam, quæ licet sufficiens sit, ac proinde efficax in actu primo, nihilominus tamen sufficiens permanet, & effectum non consequitur. Efficax autem dicitur quæ non solum est sufficiens, sed etiam effectum operatur. Vnde autem habeat sufficiens ut ultra ingrediatur, nec consequatur effectum: efficax verò habeat actu operari, in discursu huius & sequentis libri exponendum est, in hoc enim tota difficultas huius materiæ posita est.

Oportet autem ulterius hoc loco auertere auxilium gratiæ, de quo tractamus, dari voluntati ad operandum, unde comparari potest, vel ad effectum, seu ad actum voluntatis, vel ad voluntatem ipsam; & priori quidem modo, scilicet respectu actus procedunt recte omnia quæ in præcedenti puncto animaduertimus. Diciturque more loquendi Augustini, Auxilium sufficiens quod dat potestatem efficiendi actum; efficax verò dicitur quod non dat tantum posse, sed etiam facere. Et hoc modo distinguit sæpe D. Thomas Christi meritum, vel quoad sufficientiam, vel quoad efficaciam, & in 3. dist. 13. quæst. 2. art. 2. quæstionum. 1. ad 5. & d. 19. quæst. 1. art. 1. quæst. 2. ad 3. quoad efficientiam enim vocat, id est, quoad effectum, ut explicat 3. part. quæst. 79. art. 2. ad 2. quia verò, ut dictum est libro præcedenti, per auxilia gratiæ non solum facit Deus actus voluntatis nostræ, sed etiam inducit voluntatem ad volendum, & facit ut velit & faciat, ideo etiam respectu voluntatis nostræ potest auxilium sufficiens, & efficax denominari. Diciturque sufficiens quando de se inducit & mouet voluntatem ut efficiat si velit, ipsa autem voluntas non vult. Efficax autem dicitur quando ita inducit voluntatem, ut cum effectu consensum ab illa obtineat. Et quamuis isti duo respectus sæpe coniungantur, nihilominus non sunt confundendi, quia distincti sunt & separabiles: nam in actibus malis auxilium generale per modum concursus distingui potest, priori modo in sufficiens & efficax, ut per se patet, quia ei qui non peccat, præbet Deus de se efficientem concursum, ut actum, qui est prauus, facere possit si velit: ei autem qui peccat etiam efficacem concursum præbet, dando non tantum potestatem, sed actum, & tamen posteriori loco non habet locum diuisio in actibus malis, quin Deus nec sufficienter, nec efficaciter ad illos inducit, neutroque modo facit ut illos faciamus; sed hoc est maximè proprium auxilium gratiæ. Et ideo in hoc posteriori sensu præcipue intelligitur diuisio, licet etiam in priori procedat.

4. Probatur diuisio gratiæ sufficientis, & efficacis.

Sic ergo terminis explicatis probatur. Primò ex Scriptura diuisio, quare res per illa membra intentæ præcipue in Scriptura dicitur: nam in primis

Auxilium sufficiens traditur in omnibus locis, in quibus hominibus imputatur quoddam non operantur ea, quæ ad salutem pertinent, cum per auxilium Dei possint, quoddam auxilia gratiæ dent voluntati humanæ potestatem ad supernaturaliter operandum, probant illa verba Ioannis 1. *Dedit eis potestatem filios Dei fieri*, & illa Christi, *sine me nihil potestis facere*, Ioan. 6. & illa Pauli, *sufficientia nostra ex Deo est*, 2. Corinth. 3. quare à Deo habemus posse cogitare sicut oportet, ut ibi notat D. Thomas, & sæpe in superioribus dictum est. Item 1. Corinth. 10. *Fidelis Deus qui non patietur vos tentari ultra id quod potestis*; quare nimirum sine illius auxilio non possumus, ipse autem non negabit auxilium quo possumus tentationi resistere. Vnde est etiam illud ad Philippenf. 4. *Omnia possumus in eo, qui me confortat*. Deinde hæc auxilia sæpe dare potestatem sine operatione, quare homo consentire non vult in Scriptura frequenter asseritur, Math. 23. *Quoties volui congregare filios tuos, quemadmodum gallina congregat pullos suos sub alas, & noluitis*, & Ioan. 15. *Si non venissem, & loquutus es fuisset, peccatum non haberent: nunc autem excusationem non habent de peccato suo*, & infra, *si opera non fecissem in eis, quæ nemo alius fecit, peccatum non haberent*, usque ad illud, *ut impleatur sermo qui in lege eorum scriptus est, & odio me habuerunt gratia*, ubi ponderanda est illa particula, *gratia*, quæ apertè significat ex suo arbitrio voluntate praua resistisse diuino auxilio de se sufficientissimo. Quod etiam satis conuincunt illa verba, *nunc autem excusationem non habent*, nam si ex parte Dei aliquid necessarium defuisset quod in hominum illorum potestate non esset, haberent planè excusationem de peccato suo. Quapropter licet Christus Dominus exteriora tantum auxilia commemoret, sub illis comprehendit interna, quæ medio verbo Dei tamquam organo diuinæ virtutis tribuitur. Ita ergo Christus ad aures corporis loquebatur, ut etiam cor excitaret, quia viuus est sermo Dei & efficax, ut dixit Paulus, & ita Christus faciebat signa & virtutes coram Iudæis, ut etiam illorum mente illuminaret ad vim illorum intelligendam, si per eos non staret, alioqui excusationem haberent de peccato suo, quia externa obiecta ostendunt tantum veritatem, non tamen dant homini potestatem intelligendi & credendi sicut oportet, nisi adsit internum Dei auxilium: si ergo hoc internum omnino defuisset illis hominibus, excusationem profectò haberent: cum ergo Christus dicat non habuisse excusationem, profectò declarat illa opera & verba externa habuisse coniunctum, vel paratum auxilium internum, quia non fide ab ipso dicebantur, vel fiebant, sed ita ut posset cor illuminare & immutare.

Et ideo dicebat Stephanus ad Iudæos Act. 7. *Vos semper Spiritui sancto resististis*, quia non solum externè Christi & Apostolorum, & Prophetarum prædicationi, sed internæ etiam Spiritus sancti inspirationi resistit, ut in eodem sensu dixit Math. 11. *Vas tibi Corozain, va tibi Bethsaida, quia si in Tyro & Sidone factæ essent virtutes, quæ factæ sunt in vobis*; & infra, *Verumtamen dico vobis, Tyro & Sidoni remissius erit in die iudicii, quam vobis*. Hinc enim constat auxilium illud datum Iudæorum populo fuisse de se sufficiens, licet effectum non habuerit, ut ponderat Augustinus in Enchirid. cap. 95. vnde hanc gratiam supponit Petrus 2. Can. cap. 1. cum dicit, *Salagite, ut per bona opera certam vestram vocationem & electionem faciatis*.

Denique quoddam ex parte nihil desit cum confert huiusmodi auxilium, etiam si in homine non habeat

1. Gratia sufficiens ex S. Scriptura.

habeat effectum, testatur ipse Deus, dicens per **A** Isaïam cap. 5. *Quid amplius debui facere vinea mea, & non feci. Osee 13. Perditio tua Israel ex te. quasi dicar, tibi soli ateribue perditionem tuam, quia ex parte mea nihil defuit, & hoc est quod subiungit, tantummodo in me auxilium tuum, vti que sufficiens: nam si esset deficiens, ex ea parte non Israeli, sed Deo esset tribuenda Israelis perditio. Et ideo Sapiens Eccles. 15. cum de iustis dixisset, Qui timet Deum, faciet bona, & qui continens est iniuria, apprehendet illam, &c. de peccatoribus verò addidisset, homines stulti non apprehendent illam, &c. adiungit, non dixeris per Deum abesse, ac si diceret, si cares iustitia, non dicas per Deum mihi abesse, non enim per Deum stat quòd illa absit, sed per te, & ideo non potest Deo imputari iniustitia tua, vt notauit Augustinus de grat. & lib. arbit. cap. 2.*

2.  
Gratia effi-  
cax ex ca-  
dem Script.

Alterum membrum de gratia efficaci si genera-  
tim sumatur pro gratia, non tantum dante potesta-  
tem, sed etiam faciente in nobis ipsum velle, seu  
actum, & operationem, iuxta mentem Augustini  
lib. de grat. & liber. arbit. cap. 14. & 17. probatur  
omnibus illis locis, quibus hic effectus tribuitur  
gratiae Dei, vt cum Paulus ait ad Ephes. 2. *Gratia  
estis saluati per fidem, & hoc non ex vobis, donum  
enim, Dei est.* vbi non solum posse iustificari, aut  
credere, sed ipsum iustificari & credere, dicitur enim  
donum gratiae; ergo illa gratia quae illos effectus  
in nobis facit, est efficax: vnde subdit, *Ipsius sumus  
factura creati in operibus bonis, quae preparabit Deus  
vt in ipsis ambulemus;* ipsum ergo bene operari est  
in nobis ex efficaci gratia Dei, nec solum operari,  
sed etiam velle, dicit enim Paulus ad Philipp. 2.  
*Deus enim est qui operatur in vobis & velle & perficere,  
pro bona voluntate;* vti que ipsius Dei gratis &  
pro sua beneuolentia nobis tribuentis auxilium ef-  
ficax bonae voluntatis, & non tantum possibilitatis:  
vnde cap. 1. non solum opus, sed etiam initi-  
um & consummationem operis gratiae tribuit, di-  
cens, *qui cepit in vobis opus bonum, ipse perficiet us-  
que in diem Christi Iesu.*

Deus facit,  
vt faciamus,  
quomodo  
intelligatur.

Si autem strictius & proprius sumatur auxilium  
efficax, non solum respectu effectus, sed etiam re-  
spectu voluntatis, seu hominis operantis, probatur  
in primis ex illis locis, in quibus non solum dicitur  
Deus facere nostra bona, sed etiam facere, vt illa  
faciamus: vt autem in hac loquutione caueatur  
æquiuocatio, considerate oportet hunc loquendi  
modum, *Deus facit, vt faciamus*, duplicem posse  
habere sensum, vnus est, quia quantum est ex se  
facit vt nos faciamus, inducendo, suadendo & vo-  
luntates nostras inclinando, & hoc modo verè di-  
citur Deus facere vt faciamus, licet re ipsa & cum  
effectu nos non respondeamus, nec faciamus: si  
quis tamen attentè consideret, tota illa Dei actio  
tantum dat nobis posse, vel ad summum posse eum  
facilitate, inclinatione & suauitate, & ideo tota illa  
motio & attractio intra limites gratiae sufficientis  
sistere potest; aliis ergo sensus illius locutionis est  
Deum non solum quantum est ex se, sed simplici-  
ter & absolute facere vt faciamus, & tunc significa-  
tur gratia quae non tantum dat posse, sed etiam fa-  
cere, nec solum dat ipsum facere concomitanter,  
sed etiam quasi praemouendo & praeplicando  
potentiam, vt omnino & infallibiliter faciat.

5.  
Gratia effi-  
cax, & suf-  
ficientis di-  
uinitio proba-  
tur.

In hoc igitur sensu aliqui Scholastici nolunt aux-  
ilium efficax gratiae admittere, propter difficilem  
concordantiam quam cum libertate arbitrij habere  
posse videtur: nos autem talem efficacem gratiam  
supponimus, & etiam diuisionem admittimus ex

mente D. Augustini, qui ex sequentibus locis Scri-  
pturae illam colligit. Primò ex illo Ezechiel 11.  
*Cor nouum & spiritum nouum tribuam in visceribus  
eorum, & auferam cor lapideum de carne eorum, &  
dabo eis cor carneum, vt in praeceptis meis ambulent,  
& iudicia mea custodiant, faciantque ea.* vbi, apertè  
promittit Deus internum auxilium gratiae, quòd  
vocat spiritum nouum in visceribus cordis immis-  
sum, & ita efficax, vt cor immutet, & in praeceptis  
Dei ambulare faciat, vt expressius in cap. 36. pro-  
mittit, *Spiritum meum ponam in medio vestri, & fa-  
ciam vt in praeceptis meis ambuletis, & iudicia mea  
custodiat & operemini,* quae promissio absoluta est,  
vnde per eam non solum potestatem operandi, sed  
etiam operationem ipsam Deus promittit, vt fa-  
ciendam ab homine ex efficacia spiritus, quam  
Deus promittit. Præterea de hac efficaci gratia in-  
telliguntur ab Augustino lib. de grat. & liber. arbit.  
cap. 5. illa verba, *Conuertere nos Domine, & conuer-  
temur,* & Ierem. 31. & illa Psal. 84. *Conuertere nos Deus  
saluatoris noster,* & similia, & verba Christi Ioan.  
6. *Omnis qui audiuit à patre, & didicit, venit ad  
me,* id est, omnis qui ita audit vt discat. Item illa,  
*nemo potest venire ad me, nisi Pater qui misit me, tra-  
xerit eum.* Item ea, *omne quod dat mihi Pater, ad  
me venit.* Hæc enim verba significant infallibilem  
effectum illius gratiae, per quam Deus dat Christo  
illos quos vult esse participes gloriæ eius, nam  
quos sic dat, venient, quia non efficaciter facit il-  
los venire, & ad hoc ponderat Augustinus, Chri-  
stum Ioan. 15. non solum dixisse, *sine me nihil po-  
tessis facere,* sed etiam dixisse, *non vos elegistis, sed  
ego elegi vos, vt fructum afferatis, & fructus vester  
maneat.* quibus verbis significare vult Christum  
non solum potestatem dedisse, sed etiam effectum.

Et hoc ipsum indicant omnia Scripturae loca, in  
quibus dicitur Deus peculiari quodam modo voca-  
re, vel custodire aliquos, vt rectè agant, vel ne pec-  
cent, ac tandem vt saluentur. Huiusmodi est illud  
Christi Ioan. 10. vbi de ouibus suis ait, *nemo rapiet  
eos de manu mea, & illud Math. 24. vt in errorem in-  
ducantur, si fieri potest, etiam electi,* illa enim inter-  
posita conditio significat non posse fieri, quia Deus  
suo efficaci auxilio protegit illos. Ad quod etiam  
pertinet illud, *sed propter electos breuiabuntur dies illi;*  
& sic etiam optimè intelligi potest illud Lucæ 14.  
*compelle eos intrare.* vbi gratia efficax faciens homi-  
nem intrare Ecclesiam, per metaphoram compulso  
vocatur, non quia re vera hominem cogat, neque  
ad fidem trahitur, nisi volens, sed quia efficaciter  
facit hominem velle credere. Denique hac ratione  
dixit Paulus ad Roman. 9. vt Augustinus exponit,  
*Non est volentis, neque currentis, sed Dei misericordis,*  
quia licet homo verè ac liberè velit, & currat per  
viam mandatorum, tamen specialiter tribuitur hoc  
soli Deo, quia ipse solus potest, ita mouere & tra-  
here hominem auxilio suo, vt faciat illum velle &  
currere.

Præterea eodem modo potest hæc decisio colligi  
ex Conciliis, nam vbi cumque docent dari nobis  
gratiam, qua possumus credere, sperare, &c. & in  
vniuersum salutem operari, vel consequi, si veli-  
mus, docent gratiam sufficientem; quotiescumque  
verò Deum nos conuertere & facere diligentes,  
pœnitentes, &c. docent gratiam efficacem; de suf-  
ficiente ergo auxilio loquitur Concil. Auranf. Can.  
7. quatenus dicit per inspirationem Spiritus sancti  
dari nobis, vt possumus credere, &c. similia habet  
Can. 8. & Can. 13. quatenus dicit arbitrium infir-  
matum per lapsum primi hominis per gratiam repa-  
rari, & cap. 19 quatenus dicit, sine gratia non posse  
hominem

8.  
ex 8. Scri-  
ptura.

2.  
ex Conciliis.

hominem vel reparare salutem quam perdidit, A vel custodire quam acceperit, & cap. 25. quatenus ait, omnes baptizatos Christo auxiliante posse, si velint, quæ ad salutem pertinent adimplere. & eodem modo sumitur hæc gratia ex Conc. Mileuitano cap. 1. dicente per gratiam iustificationis dari nobis adiutorium, ut non peccemus, seu ut possimus non peccare, ut dicitur cap. 3. præterea Concil. Trident. cap. 5. gratiam sufficientem describit, dum dicit hominem sine gratia Dei mouere se ad iustitiam coram Deo non posse, præuentum autem inspiratione Spiritus sancti posse, si velit cap. 11. dum docet præcepta Dei non esse ad obseruandum impossibilia, quia cum diuino auxilio, quo Deus nos adiuuat, id præstare possumus, & Can. 18. eodem modo definit homini sub gratia constituto possibile esse seruare mandata, & Can. 22. iustos cum speciali auxilio Dei posse perseuerare si velint.

De efficaci autem gratia loquitur Concilium Arausic. cap. 3. cum dicit gratiam facere ut inuocetur à nobis, & Can. 4. dum ait per Spiritus sancti inspirationem fieri ut à peccato purgari velimus, ubi adducit illud Philipp. 2. *Deum est qui operatur in nobis & velle & perficere pro bona voluntate*; & Can. 5. dum ait, voluntatem credendi fieri per inspirationem Spiritus sancti, corrigens voluntatem nostram ab infidelitate ad fidem; & Can. 9. dum ait, diuini esse muneris quoties bona agimus, quia Deus in nobis atque nobiscum ut operemur, operatur. & Can. 20. dum ait, nullum ab homine fieri bonum quod non præstet Deus ut faciat homo; sic etiam Concil. Mileuitanum dicit, per gratiam nobis præstare ut quod faciendum nouerimus, etiam facere diligamus. Concil. autem Trid. maxime cap. 13. & Can. 16. & Can. 22. nam in hoc ultimo dicit dari omnibus iustis auxilium quo perseuerare possint, quia Deus non deserit illos, nisi prius deseratur ab ipsis. At non omnes iusti perseuerant; ergo est illud auxilium in multis tantum sufficiens; in prioribus verò locis docet, illis qui perseuerant, dari magnum perseuerantiæ donum, quo cum effectu perseuerent, in quo clarè gratiam efficacem agnoscit c. 16. dicens omnia bona merita esse Dei dona, & in Deo fieri per virtutem gratiæ quæ talia opera antecedit & concomitatur. Satis etiam aperte docet gratiam efficacem ad bona opera quæ cum effectu fiunt; gratiam autem efficacem qua Deus facit nos facere, indicat in cap. 5. adducens verba illa Ierem. *Conuertere nos Domine, & conuertemur*, quibus præueniri nos Dei gratia confitemur.

III.  
Ex Patribus  
& imprimis  
ex Diuo Au-  
gustino.

Uterius potest hæc distinctio ex Patrum sententiis desumi, & quidem ad probandum prius membrum gratiæ sufficientis non oportet multa ex Patribus congerere, nam ubicumque dicunt posse hominem per gratiam Dei saluari, si velit, etiam si non saluetur, sufficientem gratiam in re ipsa docent, licet pauci his terminis vtantur. In sequentibus autem capitulis probabimus ex doctrina Patrum hanc gratiam qua saluari possumus, nullis hominibus negari. De illa verò specialiter loquitur Augustinus lib. de grat. & libero arbitrio cap. 15. ubi tractans verba Eccles. 15. quæ sic legit iuxta LXX. *Si volueris, serua bis mandata*, ad hoc valere dicit, ut homo qui voluerit, & non potuerit, nondum se plenè velle cognoscat, & ore, ut habeat tantam voluntatem, quanta sufficit ad implenda mandata, sic quippe adiuuatur, ut faciat quod iubetur, tunc enim vile est velle cum possumus, & tunc vile est posse

cum volumus, nam quid prodest si quod non possumus, volumus: aut si quod possumus, nolimus. Agnoscit ergo Augustinus quæ dat posse, cum qua nihilominus homo non vult; illa ergo est sufficiens, & de eadem loquitur lib. 2. de peccat. merit. cap. 15. cum quærit, cum voluntate humana gratia adiuvante diuina sine peccato (usque mortali) in hac vita possit homo esse cur non sit, & respondet, possem facile me & veracissimè respondere, quia homines nolunt: habent ergo gratiam sufficientem qua possunt & nolunt; gratiam autem non solum efficacem, sed etiam efficacissimam nominat August. lib. de grat. & lib. arb. cap. 5. cum Paulo dicit datam fuisse efficacissimam vocationem, & lib. de grat. & lib. arbitr. cap. 16. *Certum est (inquit) nos facere cum facimus; sed ille facit ut faciamus, drs vires efficacissimas voluntati*, & lib. 1. contra duas epist. Pelagian. cap. 10. etiam generalius dicit Deum efficacissimè hominum conuertere voluntates, & lib. de corrept. & grat. cap. 5. hanc gratiam vocat occultissimam & potentissimam medicinæ, seu potestatem quæ homines ad salutem penitentiam perducit, & aliis locis generaliter ait ad omnipotentiam Dei pertinere quo voluerit, quando, & uti voluerit humanam vertere voluntatem, ut dicit in Enchir. cap. 98. & lib. de grat. Christi cap. 24. & 25. & de grat. & liber. arbitrio cap. 20. & 21. quod censet facere Deum per gratiam præuenientem efficacem.

Denique distinctionem ipsam integrè tradit in dict. lib. de corrept. & grat. cap. 11. & seqq. ubi duplex distinguit auxilium, vnum sine quo peccatum caueri, vel bonum opus fieri non potest, & cum illo fieri potest si homo velit. Aliud quo datur ut bonum opus fiat, vel peccatum caueatur, & primum dicit esse datum Adamo ante peccatum, non secundum. *Istam gratiam (inquit) non habuit primus homo, qua nunquam vellet esse malus, ecce efficacem; sed sanè habuit in qua si permansere vellet, nunquam malus esset, & sine qua etiam cum libero arbitrio saluus esse non posset*, ecce sufficientem. quod iterum sic describit. *Tale erat adiutorium quod desereret cum vellet, & in quo permaneret si vellet, non quo fieret ut vellet*, in qua vltima pericula insinuat etiam auxilium efficax esse illud quo fit ut homo velit. & infra dicit hoc esse potius auxilium, quia per illud non solum datur homini ut possit in bono permanere, si velit, sed etiam efficitur ut velit; & infra inde probat non recepisse Adam tale auxilium. *Nam si habuisset (inquit) perseuerasset*, eandemque doctrinam latè prosequitur cap. 12. ubi in fine loquens de gratia efficaci data hominibus lapsis ad perseuerandum, inquit, *Subiectum est infirmitati voluntatis humana, ut diuina gratia indeclinabiliter & inseparabiliter ageretur, & ideo, quamuis infirma, non tamen desiceret, nec aduersitate aliqua vinceretur*.

Atque de hoc genere subsidij videtur certè loqui Cyrill. de Adorat. in spiritu, circa medium, ubi expendens quod Genes. 19. de Loth dicitur, & apprehenderunt Angeli manum eius, &c. inquit, *iudicium tibi sit valde manifestum dum non solis verbis nos exstimulas, & adhortationibus menti immisissis, ut discedamus peccato, sed tantam benignitatem nobis etiam exhibet vniuersorum Saluator Deus, ut efficaci subsidio adiuuet, secundum quod scriptum est: Apprehendisti manum dexteram meam, & in consilio tuo deduxisti me*. quod magis declarat sententiam Augustini explicantis



explicatis efficacem gratiam per propositum voluntatis Dei, in re tamen in idem redit, quia *Deus omnia operatur secundum consilium voluntatis suae*, ut Ephes. 1. Apostolus ait. Pergit Cyrillus, & utrumque auxiliandi modum declarat, dicens, *nam quoniam hominis natura non valde generosa est, nec satis idonea, ut malum effugere queat, simul quodammodo nobiscum certat Deus, & duplex beneficium concedere videtur, persuadens demonstrationibus, ut subsidium inueniamus, & fortius illud prestans, quam ut malum praesens, & violentum pranalere possit*. Vnde inferre difficile inueniri hominem fidelem, id est, fideliter & constanter Deo seruientem. De illo tamen subiungit, *Verumtamen qui talis est electus, & diuinam gratiam non perfuntoriè est assequens*. Vbi illos indicat gratiam perfuntoriè atlequi, qui tantum suscipientem accipiunt; illos verò efficaciter, qui cum illa strenuè dimicant: quos etiam electos vocat, de quibus testimoniis plura in lib. sequenti.

6.  
Rationibus.

Ultimò possumus decisionem hanc ratione declarare: quia cum gratia sit hominibus necessaria ad salutem consequendam, ad opera salutis praestanda, necesse est ita illis tribui, ut possint saluari, & opera salutis operari, aliàs illis non posset imputari, etiamsi ea non facerent, ut optime dicit August. dict. lib. de corr. pr. & grat. cap. 11. & 12. At verò hæc gratia in omnibus non habet effectum, ut experientia notum est; ergo datur aliqua gratia purè sufficiens, *sufficiens* quidem, quia dat absolutam potestatem, *purè* autem, quia non consequitur effectum, & hanc significamus nomine auxilij sufficientis simpliciter dicti, ut iam explicauimus; in aliis verò hæc gratia habet effectum bonæ voluntatis, & perseverantiae in illa, ut supponimus tamquam notum: ergo talis gratia in effectu consequitur, & efficit quod intendit; ergo & est, & rectè dicitur auxilium efficax, tum quia efficit, tum etiam, quia obtinet ab homine & libero arbitrio, ut faciat. Nam gratia ad utrumque necessaria est, & propter utrumque datur, ut ex dictis in libro præcedenti constat, & ideo quando homo per illam operatur, ipsa utroque modo est efficax, ut latius in sequenti libro declarabitur.

Et confirmatur primò, quia hominibus iustis debetur auxilium sufficiens ad perseverandum, vel tanquam connaturale gratiae, vel tanquam debitum ex merito de condigno, si iustus faciat quod potest ad illud obtinendum, ideoque omnibus iustis datur tale auxilium: at verò auxilium efficax perseverandi neque omnibus debetur, neque omnibus datur, neque sub merito de condigno cadere potest; ergo quoad effectum perseverandi necesse est distinguere auxilium sufficiens & efficax, idemque est eum proportionem de auxilio ad vincendas tentationes, & similia. Confirmatur secundò, quia quotidie in oratione petimus à Deo auxilium gratiae, non solum ut possimus, sed maxime ut etiam velimus & faciamus: quæ orationes & in Scriptura locis allegatis, & in usu Ecclesiae sunt frequentes; ergo postulamus non solum sufficiens auxilium, sed etiam efficax. nam sensus illarum orationum est postulare à Deo, ut det nobis victoriam, verbi gratia, tentationis, & tantum auxilium, ut constantes simus, vel ut ad eum conuertamur, quod satis significat Ecclesia in verbis cuiusdam orationis, *Et ad te nostras & rebelles compelle propitius voluntates*, & in alia sic habet, *Deus refugium nostrum, & virtus adesto pijs Ecclesiae tuae precibus auctor ipse pietatis, & presta ut quod fideliter petimus, efficaciter consequamur*; quid est enim, efficaciter consequamur, nisi ut Deus in nobis efficaciter operetur.

Ecclesiae preces pro utraque gratia obtinenda.

A Et in primo tomo Conciliorum in ordine celebrandi Concilium ab Isidoro collectum, statim prope initium habetur oratio, in qua sanctus Spiritus inuocatur, ut adsit, & prius postuletur ab illo gratia sufficiens, his verbis. *Dignare illabi cordibus nostris, doce nos quid agamus, quò gradiamur, & ostende quid efficere debeamus, ut te auxiliante tibi in omnibus placere valeamus*. Deinde petitur gratia hoc modo, *Esto salus & suggestor, & effector iudiciorum nostrorum, & infra clarius, Inge nos tibi efficaciter solius tuae gratiae dono, &c.* quæ oratio ferè eisdem verbis repetitur in 4. tomo Conciliorum, in quodam tractatu, Quomodo initianda sit Synodus, qui habetur post Concilium Saleguntadiense, quod Concilium tempore Benedicti VII. celebratum est, & ideo fortasse quidam vir doctus illam tribuit eidem Pontifici Benedicto; cum tamen nulla eius acta in Conciliis, vel Pontificiis epistolis habeamus, nec ipso adfuerit Concilio Saleguntadiensi, nec in illo de modo celebrandi Concilium actum sit, nec constat quis fuerit auctor illius tractatus, qui in 4. tomo Conciliorum habetur, nisi quod à Burchardo refertur, & illi Concilio adiungitur. Verius tamen est & ordinem illum & orationem esse antiquiorem cùm ab Isidoro referatur.

Eadem in Concilio in eundem finem vsu: patet solite.

Ex hac ergo & similibus rationibus conuincitur illa diuisio, quia non postulat Ecclesia à Deo nisi vera auxilia quæ à Spiritu sancto dari possunt & solent, & simili argumento viuit saepe Augustinus ex orationibus Ecclesiae, quæ non solum orat ut Deus illuminet infideles, ut possint credere, sed etiam, ut ex non credentibus credentes fiant, & similiter sumere solet argumentum ex promissionibus Dei, quibus non solum auxilia, quibus homines possint credere, sed etiam fidem ipsam promittit; sic enim ait dicto lib. de prædest. Sanct. cap. 10. cum Deus promissit Abraham in semine eius fidem gentium, id promississe, *quod fuerat ipse facturus, non quod homines: nam etsi faciam homines bona quæ perueniant ad colendum Deum, ipse facit ut illi faciant quod præcepit, non ipsi faciunt ut ille faciat quod promissit*. Satis ergo ex his omnibus diuisio hæc fundata & comprobata est. In rationibus autem dubitandi in principio positis multa peruntur, nimirum, quod sit illius partitionis diuisum, quid sit Auxilium sufficiens, & unde habeat, quod tale sit, & in quo ab efficaci distinguatur. Sed hoc ultimum vix potest usque ad sequentem librum exactè declarari. Cætera verò in sequentibus capitulis prosequemur.

Ex iisdem Ecclesiae orationibus, & Dei promissionibus S. Augustinus allatam diuisionem euincit.

## CAPVT II.

*Utrum auxilium sufficiens non solum homini sit necessarium ut possit operari, sed etiam ut operetur, aliquo modo tribuat.*

Ratio dubitandi esse potest, quia si auxilium sufficiens illa omnia conferret, non solum dare posse, sed etiam operari, & ita non distinguetur ab efficaci, quia nihil amplius auxilium efficax dare potest. Consequens est falsum, ut vidimus; ergo necessariò dicendum est auxilium sufficiens non dare necessaria ad operandum, sed tantum ad potestatem operandi; & confirmatur, quia ad operandum non est solum necessarium auxilium proueniens,

Ratio dubitandi proponitur.

ficiens, sed etiam cooperans; ergo si auxilium sufficiens daret necessaria ad operandum, daret etiam auxilium cooperans: hoc autem repugnat distinctioni datæ, & eius explicationi: nam auxilium cooperans non est nisi quando est ipsa operatio, iuxta dicta in precedenti libro; ergo si auxilium sufficiens includit cooperans, nunquam ab operatione separatur, quod est contra rationem auxilij tantum sufficientis.

2. **Duo in gratia sufficienti te notanda.** Ut sensus huius questionis & punctum difficultatis melius percipiatur, duo sunt in auxilio sufficienti distinguenda. Vnum est quid per se & formaliter conferat potentiam, v.g. voluntari. Aliud est quasi proximus finis, propter quem datur. nam illud prius pertinet quasi ad effectum formalem auxilij; hoc autem antequam spectat ad effectum in genere causæ efficientis, est enim auxilium veluti forma quædam indita potentia, & ideo necesse est, ut aliquem effectum formalem in illa habeat, & quia datur tanquam forma operativa, propter aliquam operationem datur, quam non formaliter, sed efficienter conferre potest: sicut gravitas formaliter confert pondus, seu inclinationem ad inferiorem locum, motum autem affectivum: unde effectum formalem huius auxilij omnes conveniunt esse priorem operatione, & separabilem ab illa, quia tunc auxilium dicitur tantum sufficiens, quando ex illo sequitur operatio, etiam si cætera habeat quæ ad sufficientiam requiruntur. Hinc conveniunt omnes hoc auxilium dare posse illud opus, propter quod datur, quia sine auxilio Spiritus sancti pie operari non possumus, ut lib. 3. ostensum est; cum auxilio autem Spiritus sancti possumus operari, ut per se notum est, & docet Concil. Trid. sess. 6. cap. 11. & 13. & can. 8. & 22. ergo quando homini datur auxilium cui ipse non cooperatur, saltem recipit per auxilium posse operari, & quia potestas operandi necessaria est ad operandum, ideo auxilium sufficiens aliquid ad operationem necessarium confert: in quo considerandum est aliquod auxilium dici posse sufficiens in suo genere, seu ex parte, ut illuminatio ex parte intellectus, inspiratio ex parte voluntatis, & sic de aliis, aliter vero dicitur auxilium sufficiens, & quasi collectivum, & omni ex parte, & de hoc posteriori procedit proprie questio, an auxilium simpliciter sufficiens quoad omnia in actu primo includat etiam necessaria ad actum secundum, quæ interrogatio in priori sensu docum non habet, ut per se clarum est.

Aliqui ergo de hoc ipso auxilio simpliciter sufficienti distinguunt auxilia necessaria ad posse, vel ad operari, & dicunt auxilium sufficiens includere auxilia necessaria ad posse, non ad operari, & consequenter docent dare posse in suo genere, non tamen completè cum omnibus requisitis ad agendum. Hæc autem denominatio formalis, qua dicitur aliquis constitui potens, interdum sumitur ex nuda potentia sufficiente in suo genere ad agendum, etiam si aliqua requisita defint, ut homo habens visum potentiam dicitur potens ad videndum, etiam si nondum speciem habeat: completè autem dicitur potens, si potentiam habeat & requisita omnia, ut visum, speciem, lumen, &c. Ajunt ergo dicti Authores auxilium sufficiens dare posse tantum priori modo, non tamen posteriori, quia licet det potestatem sufficientem in ratione principij proximi, non tamen dat cõcursum necessarium ex parte Dei, nec complementum virtutis quod debet etiam incipere ab ipso Deo, & non datur nec incipit, nisi quando homo operatur: & aliqui hoc confirmant, quia ad operandum necessaria est Dei prædestinatio, vel prædestinitio; sed hanc non includit auxilium suffi-

Fr. Suarez de Gratia Pars I I.

A ciens: ergo non includit omnia necessaria.

Nihilominus contrarium verum cenleo. Prius verò quam id declarem & probem, aliam distinctionem præmitto auxilij dupliciter sufficientis. scilicet proxime & remote: proxime appello quando homo per auxilium in se receptum potest immediate aliquam operationem efficere sine interuentu alterius prioris operationis, qua impetret maius auxilium. Remote appello, quando homo non dum receptum in se totum auxilium necessarium ad certum opus, habet tamen illud à Deo paratum, si ad illud se disponat, vel illud impetret. quam distinctionem sumo ex Concil. Trident. sess. 6. cap. 11. dicente, *Deum impossibilia non iubet, sed iubendo monet & facere quod possis, & petere quod non possis, & adiuvat ut possis.* nam illud verbum, *facere quod possis*, indicat eum, cui hoc iubetur, habere auxilium proxime sufficiens, tum quia ab illo immediate postulatur ut faciat, tum quia in hoc solū distinguitur illa potestas ab ea quam Concilium indicat in subiunctis verbis, *& petere quod non possis*, nam in his insinuat auxilium remote sufficiens: nam qui nondum potest, nondum habet auxilium proxime sufficiens, v.g. ad contritionem habendam, si tamen oret, recipiet illud & iuvabitur ut possit conteri, & ideo dicitur habere auxilium remote sufficiens ad contritionem priusquam oret, quia habet illud paratum, si oret. Vnde ad habendum remote auxilium sufficiens ad unum actum, v.g. contritionis, necesse est ut habeat auxilium proxime sufficiens ad alium actum, v.g. orationis, vel alterius dispositionis ad maius auxilium. Atque ita auxilium remotum unius actus respectu, reuocatur ad proximum respectu alterius, idè quæ de proximo loquimur, & in eo tota difficultas versatur. Aduerto autem hunc modum auxilij sufficientis remoti solum inueniri in his, qui aliqua vocatione vel excitatione supernaturali præueniunt, de quibus solum nunc agere intendimus. Alio verò modo dici potest auxilium sufficiens quasi remotissimum quod ex parte Dei homini offertur sub aliquo modo, vel conditione, quamuis nondum per aliquod supernaturale auxilium inchoatum in homine sit, de quo in ultima parte huius libri dicam.

His ergo positis dicendum est auxilium proximum & completè sufficiens ad aliquem actum ita dare potestatem operandi, ut vel actu in homine quidquid ad actualè operationem necessarium est tanquam præuium & ab operatione distinctum ac separabile, vel in proxima eius potestate constitutum, quidquid ex parte Dei concomitantet necessarium est, etiam si ab operatione hominis non sit distinctum, nec separabile. Probatum primò ex citatis verbis Conc. Trid. *Deum impossibilia non iubet, sed iubendo monet, & facere quod possis, & petere quod non possis, & adiuvat ut possis*, ubi loquitur de homine præuenito per gratiam, imò & iustificato: nam de huiusmodi homine docet quomodo præceptis obligetur, & illa valeat implere.

3. **Affertio nostra affirmatiua vtriusque. Gratia sufficientis triplex.** Duos autem modos auxilij sufficientis, ut supra dixi, insinuat, unus est potestatis proxima, per quam potest homo aliquid immediate facere, nulla alia dispositione, vel oratione præmissa. Alius est potestatis remotæ, quæ non est per se & proxima potestas actum efficiendi, ad quæ est tantum remote sufficiens, sed ad aliud, quo mediante potest nonnihil auxilium obtinere quo possit proxime actum ulteriorem efficere. Vnde cõsequenter colligitur ex mente Concilij præter illos duos modos non reperiri aliud auxilium sufficiens in homine receptum, ac proinde in tali auxilio sufficiens debere includi totum id, quod ad actualè operationem liberam necessarium est, & quod id totum aut sit homini datum, aut ex parte Dei ita præparatum, ut in libera eius potestate sit constitutum.

X

Deinde

Gratiam sufficientem non includere auxilia necessaria ad posse, & ad operari, sententia quorundam.

4. Probatum a Concilio Trid.

Iustificatos  
Deus nō de-  
serit, nisi ab  
ipsis prius  
deseratur.

Deinde idē Conciliū paulo inferius in eodē capi-  
te inquit, *iustificatos in eadē gratiā, quā acceperunt,  
proficere.* quæ quidē potestas sufficientiæ profectō  
est cū cōmune sit omnibus iustis, & multi ea nō  
utantur. Illam autem declarat & probat Conci-  
lium, dicens, *Deus namque sua gratiā semel iustifica-  
tos non deserit nisi prius deseratur ab ipsis.* cuius ra-  
tionis vis in eo consistit, quod Deus paratus est  
dare iustis quicquid necessarium est ad proficien-  
dum in gratiā, nam si hoc beneficium ex se & sine  
ipsorum culpa denegaret, eos planē desereret;  
quia verō non deserit, paratus est illos auxiliari.  
Ergo supponit Concilium ad illam potestatem  
& sufficientiam adiutorij necessarium esse, ut ex  
parte Dei sit ita homini paratum, ut sit in sua po-  
testate. Simile argumentum sumitur ex c. 13. vbi  
docet, iustum posse cum diuino auxilio perseuera-  
re, si velit, hoc est enim quod ait, *Nemo sibi certi  
aliquid absoluta certitudine polliceatur, tamen si in di-  
uino auxilio firmissimam spem collocare & reponere  
omnes debent.* quæ est enim hæc spes, nisi quia  
certi esse debemus, ita esse paratum nobis auxi-  
lium ex parte Dei, ut quod per illud possumus,  
simpliciter possimus? & reddit Concilium  
rationem ex eodē dogmate, dicens: Deus  
enim nisi ipsi illius gratiæ defuerint, sicut cœpit  
opus bonum, ita perficiet, operans velle & perfec-  
re; ergo ex intentione Concilij, ut homo simplici-  
ter possit aliquid quod sine Dei auxilio facere non  
potest, necessarium est ut vel iam receperit quid-  
quid necessarium est ad tale opus faciendum, vel  
si quid deest, illud habeat in potestate sua prom-  
ptum & paratum ex parte Dei.

S.  
Quomodo  
proximè al-  
latum axio-  
ma Concilij  
ab alijs  
explicetur.

Quidam verō modernus scriptor docuit aliquod  
auxilium gratiæ esse necessarium ad opus efficien-  
dum, quod neque Deus dat, neque ex se paratus  
est dare etiam iustis, neque etiam homo potest ali-  
quid facere quo illud obtineat, & nihilominus sine  
illo vel dato, vel oblato posse subsistere, auxilium  
sufficiens per sola auxilia excitantia: hanc autem  
doctrinam defendendam explicuit Concilium &  
dogma illud, *Deus neminē deserit, nisi prius deseratur  
ab ipso.* De sola gratiā habituali & sanctificante, nō  
de gratiā auxiliante, ita ut sensus sit Deum nemi-  
nem priuare sua amicitia, iustitia, vel gratiā, nisi  
ratione alicuius peccati, quo prius ipse homo de-  
serat Deum.

Sed rebato-  
tur ea expli-  
catio.

Sed profectō superuacanea fuisset doctrina  
Concilij in illo sensu; quis enim dixit vnquam  
Deum solere priuare aliquem gratiā & iustitia,  
priusquam ipse peccando deserat Deum, ut opor-  
tuerit Concilium dogmā illud in illo sensu tra-  
dere, præterquam quod in illo sensu esset inutile  
principium illud ad doctrinam, quam Concilium  
tradit, confirmandam. Nam Concilium in cap. 11.  
principium illud adducit, ut probet esse in iusto-  
rū potestate in accepta iustitia proficere. Hoc autē  
non potest ex illo principio inferri, si in illo sensu  
intelligatur. Nam licet Deus non auferat gratiā  
habitualemente à iusto, si in ipsum iustificatum non  
iugiter virtutem influat, nihil gratum ac merito-  
rium apud Deum efficiet, ut idem Concilium do-  
cet c. 16. & consequenter nec posset in gratiā pro-  
ficere. Loquitur ergo Concilium de desertione  
quoad auxilia necessaria ad crescendo in gratiā,  
docetque hoc Christi auxilium, seu influxum, vir-  
tutis, qui antecedere, comitari, & subsequi debet  
opera, ut Deo sint grata, non defuturum iustis nisi  
ipsi deserant Deum, & in hoc sensu Deum non  
deserere iustos quoad actualia auxilia necessaria,  
nisi prius ab ipsis deseratur. Nec minus certum est  
Concilium in c. 13. fuisse in eodē sensu loquu-

tum. Expressè enim dicit, licet homo de futura sua  
perseuerantia certus esse possit, nihilominus in di-  
uino auxilio firmissimam spem collocare debere,  
& subiungit rationem. *Quia Deus nisi ipsi illius  
gratiā defuerim, sicut cœpit opus bonum, ita perficiet,  
operans velle & perficere.* Ad concipiendam autem  
firmissimam spem in diuino auxilio de perseueran-  
tia, non satis est, certos nos esse Deum non priua-  
turum nos gratiā habituali, si non peccemus, sed  
oportet etiam esse certos non defuturum nobis  
auxilium necessarium ad non peccandum, si nos  
Deo non defuerimus. In hoc ipso sensu loquitur  
Concilium, & sunt valde notanda hæc vltima verba:  
nam in eis euidenter loquitur Concilium etiā de  
auxilio efficaci, tale enim est auxilium quo Deus  
velle & perficere operatur in nobis.

Præterea dogma illud sumptum est ex August.  
lib. de nat. & grat. c. 26. qui in dicto sensu aperte  
illo vitur. Intentio enim Augustini in illo capite  
est, cōtra Pelagianos ostendere gratiā, quā Deus  
iustificat impium, non solum dati ad tollēda pec-  
cata commissa, sed etiam ad peccandū, ne noua cō-  
mittantur, & rationem reddit, *quia non solum gratiā  
indigemus, ut a peccati agitudine sanemur, sed etiam,  
ut de cætero rectē ambulare possimus, quod quidē sani  
etiam non nisi illo adiuuante poterimus.* quod ait no-  
bis præstari per mediatorem Iesum Christū Domi-  
nū nostrum *qui sanat agrotum, & viuificat mortuū,  
id est, iustificat impiū cū ad perfectam sanitatē hoc  
est, ad perfectam vitam, iustitiāque perduxerit, non  
deserit si nō deseratur, ut piē se nper, iustitque viuatur.*

In quo contextu nō potest ratio illa subsistere, ni-  
si sensus sit, non deserere Deū iustos, non tantum  
quoad gratiā datā nō tollendā, sed etiam quoad  
dāda auxilia necessaria ad rectē viuendū, si ab ipsis  
non deseratur, quod declarat exēplo oculi, *qui licet  
sit plenissimè sanus, nisi candore lucis adiutus non po-  
test cernere.* sic (ait) iustus, nisi diuinitus iuuetur, nō  
potest viuere, sentiens quod sicut oculus simplici-  
ter sine luce videre nō potest, ita iustus sine nouo  
gratiæ adiutorio, ideoque Deum nō deserere illū,  
negando tale adiutorium. Vnde concludit: *Sanat  
ergo Deus nō solum ut debeat quod peccauimus, sed ut  
præstet etiā ne peccemus.* utique quātū in ipso est, sic  
enim dicitur Deus præstare illud omnibus iustis,  
nō quia in effectu omnes illud recipiāt, sed nō per  
Deū, sed per eos stat, si illud non recipiunt.

Denique Augustin. in lib. ad articulos sibi falsō  
impositos, art. 7. vel potius Prosper ad obiectiones  
Gallorum in 7. in eodē sensu vitur eodē princi-  
pio, ut probet eos, qui post gratiā acceptā peccant,  
non ideo peccare, quia deseratur, id est, quia auxi-  
liis necessariis deseratur, sed quia ipsi peccāt, ideo  
deseri; generalius verō etiam de peccatoribus lo-  
quitur August. serm. 88. de tempore, dicens, *Fideli-  
ter & firmiter credat dilectio vestra, quare nunquam  
prius Deus deserit hominē, nisi prius ab homine desera-  
tur.* Et ut doceat hoc etiā in peccatoribus verū esse,  
subiungit. *Cū enim & semel & secundo & tertio  
vnusquisque gratiā peccata commiserit, expectat tamē  
illū Deus.* idēque reperit Prosper ad obiectiones  
Vincēr. in 7. vbi etiam nō solum de iustis, sed  
etiam generaliter sententiam profert. *Deus prius-  
quam deseratur, neminem deserit, & multos desertores  
sepe conuertit.* Vnde nō loquitur specialiter de de-  
sertione quoad ablationem gratiæ habitualis, sed  
magis de desertione per absolutam denegationem  
alicuius auxilij simplicitatē necessarij ad salutem,  
vel ad non peccandum.

In eodē sensu dixit Fulgentius lib. 1. ad Mo-  
nimum cap. 13. *Iuste deseritur à Deo, qui deserit  
Deum.* & Anselm. lib. de Concord. præscient.  
sic

Maximè ex  
mente S. Au-  
gust. qui il-  
lus axioma-  
tis est au-  
thor.

Iustus non  
potest rectē  
viuere, &  
proficere si-  
ne Dei auxi-  
lio.

6.  
De omnibus  
hominibus  
idē axioma  
intelligitur à  
S. Augustino  
& alijs SS.  
Patribus.



sic gratia subsequitur donum suum, siue paruum, siue magnum sit, ut illud dare non deficiat, nisi liberum arbitrium nolendo relictudinem quam accepit, deserat; ubi addendo illam particulam, siue paruum, siue magnum, ostendit aperte non de gratia habituali sola, sed de vniuersis donis gratiæ id verum esse; maximè ergo de auxilio necessario ad salutem: & sanè quamuis certissimum sit, Deum non deserere iustum auferendo gratiam sanctificantem, si ipse illam non abiiciat peccando, non minus videtur necessarium, ut illum non deserat per abolutam negationem auxilij necessarii ad non peccandum, quia hoc quodam modo maius malum est: nam ex hac desertione sequitur & ipsum peccatū, & ipsa etiam gratiæ iustificantis amissio. Quod si Deus non deserit iustum, denegando illi ex se aliquod auxilium necessarium: ergo offert illa, eaque in hominis manu & potestate ponit, ut habeat illa, si velit; ergo hanc potestatem includit etiam auxilium sufficiens, ut simpliciter ac verè sufficiens sit. Supererant verò duo declaranda circa propositionem illam, *Deus non deserit nisi deseratur*, intellectam quoad auxilium. Vnū est quomodo intelligenda sit de auxilio sufficienti, aliud quomodo de efficaci, sed primū tractabitur cap. posteriore in lib. sequenti.

Denegatio auxilij necessarii quomodo sit maius malum, quam peccatum.

7. Addo denique generalem doctrinam Concilij Senonensis in decretis fidei cap. 15. ubi cum dixisset mansisse in nobis post peccatum liberum arbitriū ad opera salutis, subiungit. *Neque enim liberum arbitrium afferentes diuinam, excludimus propterea gratiam, &c. sed iuxta Scripturam eò extendimus, ut humana voluntas misericordia praueniens auxilio suffulta, & interiori quodam & occulto secretioris inspirationis afflatu conserta se conuertat in Deum, Deo appropinquet, & ad illam veram gratiam se se præparet, qua tandem accepta sit ad vitam æternam.* In quibus verbis aduerto & pondero, non solum dicere Concilium per hoc auxilium posse homines se conuerrere in Deum, sed dicit se conuerrere & præparare ad gratiam sanctificantem, non quia id semper fiat: nam statim dicit, illi gratiæ resisti posse, & sæpius resisti, quia illam habuerunt, quibus Christus Dominus dicebat, *Quoties volui congregare filios tuos, &c. & noluiisti*, Matth. 23: sed ita loquutum est Concilium, ut significet in manu eius, qui tale auxilium habet, esse aliquid operari, quo se præparet ad ulteriorem gratiam, ac subinde ad illam dispositionem nullo indigere auxilio, quod vel non habeat, vel in manu eius & potestate non sit, & hoc declarans subiungit, *Neque tamen tanta gratia necessitas libero præiudicat arbitrio, cum illa semper sit in promptu.* ergo quod auxilium necessarium ad operandum vel sit actu receptū, vel sit in promptu, omnino necessarium est ad habendam libertatē veram ad huiusmodi actus, (& quod idem est) ad habendam simpliciter potestatem, quam dare debet auxilium sufficiens.

Quæ sint necessaria ad liberum arbitrii libertatem, quoad vsu

Duo autem sunt ad libertatē arbitrii necessaria, vnū est posse facere actum, aliud posse non facere, etiam supposita integra facultate faciendi, ex qua duplici potestate prior dici potest fundamentalis, & quasi inchoans libertatem in actu primo; posterior verò voluntati dans modum potestatis indifferentis, & quasi complens libertatem. Veraque autem potestas debet subsistere cum auxiliis gratiæ, posterior quidem cum efficaci, de quo in libro sequenti dicemus; prior verò cum sufficienti, & ad hoc dixit dictum Concilium necessarium esse ut auxilium Dei in promptu sit, utique totum auxilium necessarium ad opus, ut aperte dicunt il-

Fr. Suarez de Gratia Pars I.

A la verba, *Neque tanta gratia necessitas, &c.* & ratio est clara, quia ad potestatem quæ ad vsum, vel non vsum liberum sufficiat, non satis est nuda, seu remota potestas voluntatis, sed necessaria est potentia proxima, id est, cum omnibus requisitis ad operandum, ut constet ex vulgari definitione libertatis, quam explicui in lib. 1. de Auxil. Omnia autem auxilia requisita sunt necessaria ad operandum: ergo omnia illa sunt necessaria ad auxilium sufficiens, vel actu data, vel ita ablata, ut in promptu sint, seu in potestate hominis; & declaratur ampliùs, quia nostra voluntas nuda & auxiliis gratiæ destituta, non habet proximam libertatem ad actus supernaturales, quia vel non habet naturalem potestatem actiuam illorum, vel ad summum habet quandam inchoationem cum capacitate recipiendi per gratiam eius actiuitatis complementum; & ideo Augustinus interdum dicit, naturam humanam per peccatum primi parentis amisisse libertatem ad efficiendum opera salutis, quia amisit gratiam & indignum se reddidit auxilij eius: & conuerso dicitur per Christum accipere illam libertatem, quia recipit gratiæ auxilia, quibus efficitur potens ad tales actus efficiendos; ergo ut talis libertas sit plena, & proximo in ordine ad vsum, debet habere omne auxilium necessarium ad opus in se, vel in manu & potestate sua; sed auxilium proximum sufficiens constituit voluntatem in tali actu libertatis: ergo omnia illa includit.

C Præterea ratione morali in diuina Scriptura fundata hoc videtur sufficienter probari: nam ei qui recipit auxilium verè sufficiens ad opus necessarium ad salutem, & illud non facit, sed vocationi resistit, imputatur carentia operationis, ita ut nullam habeat excusationem; ergo oportet ut per tale auxilium habeat vel accepta, vel parata, & in manu sua omnia auxilia ad tale opus faciendum necessaria. Antecedens patet ex verbis Christi, *si non venissem, & loquutus fuisset eis, peccatum non haberent: nunc autem excusationem non habent de peccato suo*, Ioan. 15. Et hoc ipsum probat omnia loca Scripturæ, in quibus peccati redarguntur homines, qui per gratiam sufficientem non operantur; nam si hoc illis ad culpam tribuitur, profectò excusationem non habent. huiusmodi autem sunt loca illa, *Quoties volui congregare, &c. & noluiisti*, Matth. 23. *Vos semper Spiritui sancto resististis*, Act. 7. *Expectaui ut faceres vnas, & fecisti labruscas*, Isai. 5. Qui enim fieri potest, ut Deus inde fructus expectet, unde scit nasci non posse sine quodam auxilio, quod ipse nec dat, nec paratus est dare, nec vllō modo est in potestate actiua terræ, seu vitis, id est, in hominis potestate. Consequentia autem prima probatur ex eodem loco Isaiæ, ubi subiungit Deus, *Iudicate inter me & vineam meam, quid est quod debui vltra facere vinea mea, & non feci ei?* Profectò si illi homines indiguissent aliquo auxilio Dei ad ferendum fructum à Deo expectatum, & auxilium illud non habuissent, nec in se ipsis receprū, nec à Deo ita oblatum, ut in eorum potestate esset habere illud, si velint, merito Deo interroganti, *Quid amplius facere debui?* respondere possent, magnum aliquid debuisse facere, & non fecisse, nimirum illis conferre modum, quo possent obtinere auxilium illud, sine quo fructum ferre non poterant. Illa ergo Dei interrogatio aperte supponit habuisse auxilium sufficiens, ita ut ex parte Dei nihil necessarium ad fructificandum illis defuisset.

Dicit fortasse aliquis, scrupulosus verborum

8. Probatum gratia sufficientis moralis ratione, fundata in Scriptura.

Carentia operationis ad salutem non esset imputanda homini, si Deus gratiæ sufficientem denegasset.

Quomodo  
intelligi de-  
beat illud  
Dei apud  
Huiusmodi  
quid dicitur  
quod de-  
bit videri fa-  
cere videri  
mora, & non  
fieri ei.

rum ponderator, Deum quidem nihil ex his, quae debet fieri, omittere, nec ex his quae dare debet, aliquid denegare; nihilominus tamen negare aliquod auxilium quod nemini debet, etiam si absque illo opus fieri nunquam possit. Sed hoc dictorum verborum vim non euacuat. Nam in primis licet Deus absolute non debeat alicui auxilia sua, si tamen vult hominem ita obligare ad fructum faciendum, ut excusationem non habeat, si non fecit, debet omnino aliquo modo ex dictis illi dare omnia auxilia necessaria, nulla depreto. Deinde Cyrillus lib. 1. in 161, sic legit haec verba, *Quid faciam vinea mea quod non fecerim ei.* ubi ablato nomine debiti declarat, nihil ex parte Dei debuisse quod ad ferendum fructum esset necessarium, quod ex ponit Cyrillus. *Quid boni illis defuit, ut imitantes fierent? Si enim verum ad usum, & utilitatem necessarium quippiam a me plantatarum foret praetermissum fuerit, causa nihil dicam, neque parum exigam, quod enim faciam (inquit) quod non feci? Cum vero rebus ei vilius plenam, nulliusque rei indignam fecerim, &c. si nullius rei indignam, profecto neque alicuius auxilium omnino necessarij.* Vnde Chrysostomus eadem verba expendens homil. 12. in Matth. Idipsum (inquit) hoc est considerandum in loco, quid scilicet oportuerit fieri quod a Deo factum posse negari, & Athanas. de Pass. & Cruc. Domini, non longe à principio, eundem sensum indicans ponderat illam particulam *adhuc*, quam dicit indicare diuinam longanimitatem, bonitatem & tolerantiam, & glossa ordinat, dicit nihil defuisse ex parte Dei, & D. Thomas ibidem ait consilios Dei sinez omnia beneficia necessaria ad ferendum vinum fructus, & ideo illos expectasse.

9.  
Eadem ratio  
moralis fun-  
data est in  
ratione na-  
turali.

Haec autem moralis ratio quam ex Scriptura deprompimus, in ratione etiam naturali supra facta fundata est, quia offendimus sine auxilio sufficienti modo à nobis explicato non constituit operationem in libera hominis potestate, seu in tali potestate, quia possit liberè uti cum non habeat in sua potestate aliquid necessarium ad talem usum: imputatio autem ad culpam supponit hanc libertatem. Quis enim homini imputet, quod non videat, licet oculos habeat, si non esset in potestate eius habere lucem, aut quomodo possit alicui habenti vires & pedes, ad ambulandum culpae attribui quod non ambulet, si habet pedes ita ligatos ut pedes aufere non possit: sic ergo iusta accusatio (et ita dicam) supponit libertatem quae non est circa supernaturalia opera sine auxilio sufficienti pleno, ita non deest legitima accusatio quando auxilium sufficiens non habetur. Et hac ratione ignorantia inuincibilis inducit legitimam excusationem, quia non est in potestate hominis, nec eius voluntate illam deperdere. Eadem autem ratio de quacumque alia carentia rei, vel conditionis necessariae ad operandum, si non est in manu hominis illa non caret, seu (quod idem est) item illam obtinere, & conservare, & declarari vltimus, quia homini non operanti vel imputatur carentia potestatis, vel carentia operationis, aut honestatis alicuius. Non primum, per se, & proxime loquendo, cum quia à nobis per se non precipitur posse, sed agere, cum quia habere potestatem ad adus supernaturales non est nostrae libertatis, sed diuini muneris. Dico autem *per se*, proxime, quia interdum carentia potestatis potest homini imputari, quia ponit impedimentum vocationi, per quam incipit potestas dari: tunc autem potestatem homini defectus aliquid honestatis operationis, seu

Confirmatio.

A peccatum aliquod, ratione cuius caret tali potestate, & ita per se primò carentia operationis debet esse, quae imputatur; ergo homini iam vocato non imputatur defectus potestatis, sed defectus debiti vius gratiae: ergo hic vius debet esse omnino in hominis potestate, ergo omnia necessaria ad usum debent constitui in hominis potestate, ut auxilium illi datum ante operationem sufficiens censetur.

Denique doctrina haec desumpta est ex Augustino q. 1. lib. 2. ad Simpl. ubi prius generationem dicit. *Opus est velle, & currere, per enim fructus dicitur, & in terra pax hominibus bonae voluntatis, & sic currite ut comprehendatis.* & postea de Esau subiungit, *Noluit ergo Esau, & non currit, sed esse voluisset, & curruisset, Dei adiutorium praestitisset, quod etiam ei velle & currere vocando praestaret, nisi, vocatione contempta, reprobatus fieret.* In his enim verbis supponit Augustinus habuisse Esau auxilium sufficientem, & per illud habuisse potestatem non remotam, sed proximam, nec tantum physicam, sed moralem, & liberam, per quam & velle & currere erat sibi concessum, nisi vocationem contemneret, ergo ex sententia Augustini auxilium sufficiens, quod satis sit ut homini imputetur ad culpam, non veniat, imò & non perueniat, tale esse debet, ut ipsum velle & currere ratione talis auxilij sit in hominis potestate & voluntate, ergo auxilium est, ut per tale auxilium omnia necessaria ad volendum sine in hominis potestate & voluntate. Hoc ipsum sentit Augustinus, ubi cumque *auxilium illud sufficiens* explicat per conditionalem illum locutionem, dicens, per sufficiens auxilium dari homini ut operari possit, si velit. Sic explicat gratiam datam Adu lib. de corrept. & grat. cap. 1. dicens, *tales fuisse adiutorium datum Adam, quod desereret, si vellet, & in quo permanceret, si vellet, & in cap. 2. ait in voluntate hominis fuisse possum, & cum adiutorio Dei, sine quo periret, nec non posset, manere si vellet, ergo illa conditionalis, operari si vellet, sit possibilis, & re vera per auxilium sufficiens, ergo per tale auxilium ponitur in voluntate hominis, quicquid est necessarium ad volendum. Nam si aliquid necessarium ad volendum non est in eius potestate, quia nec illi datur, nec offertur sub ea salte conditione si velit, profecto non potest dici, ipsum velle esse in eius libera potestate, essetque verbum ludere & illudere hominem, si dici datur posse, si velit, si aliis non est in potestate & libertate eius obtinere aliquid ita necessarium ut velit, ut repugnet, sine illo ipsum velle in re nata consistat.*

D Ad primam ergo difficultatem in principio positam, quae distinctionem auxilij sufficientis ab efficaci periebat, responderetur, non distinguere per hoc quod sufficiens sola auxilia excipiat, efficacis vero adiutoria, seu cooperantia includat, utrumque enim utraque comprehenditur auxilia. ut de efficaci notum est, & infra dicetur, & de sufficienti ostensum est capite praecedente. Dico autem ergo in modo postulandum, seu includendum cooperantem gratiam, seu concomitantia auxilia. Auxilium enim sufficiens, si sit proximum, includit omnia praecedentia auxilia ad se recepta, non minus quam auxilium efficax, & ita in illis auxiliis convenire possunt, id est esse aliquo modo aequales, ut postea dicemus. Difficilis autem, quia sufficiens auxilium habet auxilium concomitans tantum oblatum ex parte Dei, & possum in voluntate operantis, in re verò ipsa sine illo subsistit & invenitur, & hanc separationem in conceptu suo includit, quia

auxilium autem efficax etiam auxilium concomitans

10.  
Eadem ratio  
probat ex  
Augustino.

Locutio illa,  
operari si vo-  
let, sit, & sci-  
pli est possi-  
bilis per gra-  
tiam suffi-  
cientem.

11.  
Responde-  
tur propo-  
situm per gra-  
tiam suffi-  
cientem.

1.  
Per diffin-  
itionem gra-  
tiae sufficientis,  
est & effica-  
cia, in modo  
includendi  
concomitan-  
tia, & coop-  
erantia auxilia.

1

in re ipsa datum, & actu positum, vel talem habitudinem ad illud, ut ab illo nunquam separaretur. Vnde autem hoc proueniat, postea tractabimus.

2.  
Per distin-  
ctionem  
vtriusque  
eiusdem gra-  
tiae, ratione  
vltimi actus,  
seu opera-  
tionis actus.  
11.

Ad secundam difficultatem, in qua tangitur alia differentia vulgaris, quod auxilium sufficiens dat posse, efficax autem dat velle, seu operari, differentiam sano modo intellectam, esse veram. Dico autem sano modo intellectam, quia seruata proportionem etiam auxilium efficax dat posse coniunctum cum actu, & auxilium sufficiens suo modo dat velle operari, tum quia licet in effectu non conferat velle operari, constituit illud in potestate & voluntate operantis, si velit ut ex Augustino explicuimus. Tum etiam, quia tale auxilium ex se & intentione Dei, datur homini, non tantum, ut possit, sed etiam ut faciat, nulla enim potestas datur propter se, sed propter actum, etsi potestas sit sufficiens, data potestate, datur actus, quantum est ex parte dantis potestatem, & similiter si potestas sit libera, actus etiam constituitur in voluntate recipientis potestatem, ideoque omnia requisita ad actum in eiusdem constituuntur potestate & voluntate; differentia ergo, & verus sensus est, quod auxilium sufficiens ita dat potestatem cum omnibus requisitis ex parte Dei ad operandum, ut non secum afferat operationem, aut voluntatem actualem, & ideo dicitur dare posse, non quia de se non det etiam agere, sed quia profecto illud non praestat. Auxilium autem efficax dat potestatem actu influentem, & operantem, & ideo ratione vltimi actus dicitur dare ac velle, & operari, vel permanere, seu perseverare, & similia. Et simili modo si vocatio sit efficax, dicitur facere ut velimus, quia infallibiliter secum affert consensum; vocatio autem sufficiens tantum de se etiam facit ut velimus, nam ad hoc sufficienter inducit, in re tamen non assequitur, quod intendit, & ideo dicitur potius dare ut possimus, quam facere ut velimus, utique simpliciter, & absolute, nam cum illo addito *de se*, etiam id potest & debet admitti.

Gratia suffi-  
ciens quo pa-  
cto det pos-  
se & agere.

3.  
Per rationem,  
quod sit, ut  
gratia suffi-  
ciens non  
operetur  
actu.

In tertia verò difficultate petitur, vnde habeat auxilium sufficiens ut actu non operetur, & ita sit inefficax, & è conuerso vnde habeat auxilium efficax ut infallibiliter effectum consequatur. Sed de primo puncto dicemus in sequenti capite; de secundo verò in sequenti libro. Nunc solum dicimus posito auxilio sufficienti prout à nobis explicatum est, à sola quidem libertate arbitrij prouenire ut non operetur, quod autem operetur, non prouenire à sola libertate, sed ut per gratiam adiuta; quod tamen adiutorium alteri non defuisset, nisi restitisset: haec autem multa declaratione indigent, quae paulatim tradenda sunt.

12.  
Respondetur  
fundamento  
contrariae sen-  
tentiae, dari  
cum gratia  
sufficiente  
concursum  
concomitan-  
tem ad ope-  
rationem ne-  
cessarium.  
Quotuplex  
ille sit con-  
cursum.

Ad fundamentum denique contrariae sententiae dicimus in primis cum auxilio sufficienti dari aliquo modo concursum concomitantem gratiae ad operationem necessarium. Hic autem concursus duobus modis dari potest, vno modo in se, seu in actu secundo, & sic repugnat dari sine ipsa actuali operatione, quia in re non distinguitur ab actione causae secundae, ut superiori libro visum est, ideoque concursus gratiae sic praestitus nunquam separatur ab auxilio efficaci. Alio ergo modo potest dari hic concursus quasi in actu primo non inherente homini, sed assistente, quia nimirum Deus ipse, qui potest solus illum concursum in exercitio praestare, intus adest voluntati iam excitatae & vocatae, & de se paratus est ad concur-

Fr. Suarez, de Gratia Pars I l.

rendum cum illa, si per ipsam non steterit, & hoc satis est, ut voluntas simpliciter possit & habeat omnia requisita in sua potestate, quia quod per alium possumus, cuius adiutorium paratissimum est, si illud suscipere volumus, verissime & propriissime possumus. Cum autem incipit, quia hic concursus debet incipere ab ipso Deo. Respondemus ex parte Dei incipere debere ab ipso, nec posse ab alio, quam à sua voluntate trahi ad concurrendum; illam tamen Dei voluntatem iam esse paratam, & per illam esse quasi applicatam, & expositam potentiam Dei, ut simul cum homine influat, ipso etiam homine suum opus inchoante. Quapropter ad obtinendum à Deo hunc simultaneum concursum, non est necessaria aliqua praeuia hominis operatio, sed solum simultanea cooperatio.

Vnde est habendum praec oculis discrimen inter auxilium praeueniens, in quo Deus solus sine homine operari incipit, aliquid in homine faciendo, quod non facit homo: & auxilium simultaneum, & concursum merè concomitantem. Nam auxilium praeueniens si ad opus hominis sit necessarium, & non sit iam datum ad extra, (ut ita dicam,) nec in homine receptum, non potest offerri & esse ita paratum ex parte Dei, ut sit etiam immediatè positum in voluntate hominis per illud operari, sed tantum potest constitui mediatè in hominis potestate, id est, vel mediante aliquo alio actu, qui sit in eius potestate, quem si fecerit, infallibiliter ei dabitur tale auxilium, vel saltem media carentia alicuius impedimenti, quod liberè possit homo non ponere non peccando. Ratio est illa, quae in fundamento contrariae sententiae facta est, quia cum illud auxilium debeat incipere à solo Deo, si non absolute datur, sed sub conditione offeratur, si homo aliquid faciat, necesse est, ut id quod ab homine exigitur ad obtinendum actu illud auxilium, non sit faciendum ab homine cum illo eodem auxilio, quia illud debet à solo Deo inchoari, ut supponitur: ergo debet aliquis alius actus, ad quem non sit necessarium illud praeuium auxilium, vel carentia praeui actus, à quo etiam possit homo liberè abstinere, sine eodem auxilio, quia impossibile est postulare ab homine dispositionem ad obtinendum praeueniens auxilium, quae sit ipsemet actus, qui sine illo praeui auxilio fieri non potest, ut in lib. sequenti latius ostendemus.

13.  
Discrimen  
inter auxilium  
praeueniens,  
& simulta-  
neum, seu  
concomi-  
tans.

Hic autem non agimus de praeueniente auxilio, dicimus enim auxilium sufficiens si sit proximè sufficiens & completum includere omnia auxilia praeuenientia, non tantum oblata, sed actu data; nam si aliquod est tantum oblatum, aliud auxilium datum, non erit proximè sufficiens ad illum actum, ad quem aliud praeueniens auxilium offertur, sed poterit esse tantum sufficiens remotè, mediante scilicet alio actu orationis, v.g. vel alterius dispositionis necessariae ad obtinendum novum auxilium, ad quam dispositionem praestandam, prius auxilium erit proximè sufficiens, & includit omnia auxilia praeuenientia ad illum necessaria actu iam data, ut satis declaratum est & probatum. At verò concursus concomitans eo ipso quod est sufficienter oblatus ex parte Dei, est immediatè in hominis potestate, quia non indiget homo alio actu, ut illum à Deo obtineat, quia ad illud actum esset necessarius alius concursus, & sic procederetur in infinitum; sed solum necessarium est, ut homo liberè prebeat influxum ex parte sua necessarium ad actum; nam tunc eo ipso Deus

X 3 infuit



influit ex vi præcedentis voluntatis, qua suum influxum homini obrulit. Et ratio est, quia in hoc influxu & concursu nihil Deus solus operatur in homine, quod non etiam faciat homo, nec è conuerso, sed in causando simul omnino incipiat; ideoque optimè potest concursus Dei offerri homini, si velit Deo cooperari ad illuminet actum, ad quem concursus Dei paratus est.

Quod verò ultimo loco addebatur de prædestinatione, aut prædefinitione voluntatis Dei, ad rem præsentem non pertinet, quia quidquid sit de modo, quo hi actus sunt in Deo respectu actuum humanorum & liberorum, illi non pertinent ad auxilia gratiæ necessaria ad operandum, sed ad modum quo Deus tamquam primus author gratiæ efficit, vel prouidet talia auxilia, de quo modo licet alibi copiosè dixerimus, aliqua in libro sequenti attingemus. Nunc autem solum dicimus auxilium sufficiens, etiamsi non procedat ex voluntate Dei absolute præiniente actum hominis, debere esse tale, quale illud descripsimus, vt sit verè sufficiens, imò etiam addimus quoties actus, propter quem datur auxilium sufficiens, non est prædefinitus, aliqua ex parte ipsi homini posse attribui, vt in materia de prædestinatione latius tractatur, & ex dicendis in sequenti capite declarabitur.

14.

Denique hinc solum manet tertium argumentum in capite primo relictum, quod petebat quo modo illa duo membra inter se distinguantur, vel opponantur; dicendum est enim distingui tamquam includens & inclusum, & quasi priuatimè opponi. Declaratur, quia gratia sufficiens dat vires sufficientes voluntari, vt cum Augustino loquamur; gratia verò efficax dat vires efficacissimas; vires autem efficaces etiam sunt sufficientes; ergo includit efficax totum id quod est quasi positiuum in sufficiente, & addit infallibilem connexionem cum operatione, quam non includit sufficiens; ergo ob rationem priorem rectè dicuntur distingui vt includens & inclusum: posteriori autem ratione gratia sufficiens quandam priuationem includit, propter quam potest dici inefficax, ac subinde priuatimè opponi efficaci, & hinc obiter intelliguntur duo, vnum est diuisionem hanc esse sufficientem, quia per membra immediate posita traditur. Aliud est, propter hanc diuisionem non multiplicari gratias actuales, vel habituales suprà enumeratas, sed easdem explicari cum diuersis habitudinibus ad actualem operationem, vt declaratum est, & hæc sufficere videntur ad simplicem quamdam diuisionis explanationem, nam profundior illius comprehensio ex singulorum membrorum pleniori intelligentia penderet: superest ergo vt ea quæ specialiter ad gratiam sufficientem pertinent, in reliqua parte huius libri prosequamur.

## CAPVT III.

*Verum auxilium sufficiens sit verum auxilium gratiæ internæ distinctum à lege, reuelatione, & doctrina.*

IN hoc capite præcipuè notandus & refellendus est error Caluini, dicentis nullum esse ve-

rum gratiæ interioris auxilium, præter auxilium efficax, quale ab ipso ponitur inducens necessitatem, & tollens libertatem, ideoque omnia loca Scripturæ, in quibus reprehenduntur homines, qui gratiæ Dei resistunt, interpretabatur de gratia externæ doctrinæ per Scripturam, vel per prædicationem verbi Dei, ita refert... in id Act. 7. *Vos Spiritui sancto resististis*, dicens contaminasse Caluinum locum illum asserens eos resistere Spiritui sancto, qui eum in Prophetis loquentem contumaciter reiciunt, quia non de internis reuelationibus & inspirationibus, sed de externo ministerio eiusdem verba intelligenda esse accurate monebat. Vnde planè conuincitur solam anteriorem doctrinam satis esse putasse ad auxilium sufficiens, cum illi resistere censeatur esse culpabile & reprehensione dignum, in quo errore videtur Caluinus Pelagio consentire, quo ad sufficientem gratiam, licet inefficaci in alio extremo illi contrarius sit, vt postea videbimus. Pelagius enim per solam gratiam prædicationis, doctrinæ, promissionis & exempli dicebat sufficienter iuari possibilitatem naturæ, vt homo possit benè operari, & sanctificari, si velit. Vltra hanc verò gratiam non postulabat alias gratias ad volendum & operandum cum effectu; nam nîsus libertatis sufficere putabat, vnde fundamentum eius erat, quia proposito obiecto sufficienti voluntas potest circa illud operari si velit; ergo illa propositio obiecti sufficiens per reuelationem, vel alia externa media sufficientia est etiam sufficiens gratiæ auxilium vt homo conuertatur, si velit. Caluinus autem cum gratiam efficacem ad bonum efficiendum cum voluntate requirat, non video quo fundamento dicere potuerit externam doctrinam esse sufficiens auxilium cui resistere peccatum sit, vnde potius credidisse videtur non esse de ratione peccati actualis vt vitari possit, quia putauit non posse liberum arbitrium internæ motioni Spiritus sancti resistere, inde intulit eum qui resistit à Spiritu sancto interius non moueri, sed tantum exterius vocari, & nihilominus peccare.

Sunt quæ apud Augustinum in lib. 1. de grat. Christi nonnulla loca, in quibus nisi attentè legatur, videtur, impugnando Pelagium, in hanc sententiam inclinare, cum enim Pelagius diceret Deum per gratiam suam iuare nostrum posse, id est, per legem & doctrinam quam Pelagius nomine gratiæ intelligebat. Augustinus urget illum vt illam gratiam fateatur quæ dat velle & facere, quæ est gratia efficax, & ita inter has nullam aliam sufficientem agnoscere videtur, vnde cap. 10. sic inquit, *Nox eam gratiam volumus iste aliquando fateatur quæ futura gloria magnitudo non solum promittitur, verum etiam creditur & speratur, nec solum reuelatur sapientia, verum etiam amatur, nec suadetur solum omne quod bonum est, verum etiam & persuadetur.* In quibus verbis apertè loquitur de gratia efficaci, quæ vocati veniunt, & quia audiunt, credunt & suasi persuadentur, vnde id confirmat verbis Christi Ioan. 6. *Nemo venit ad me, nisi Pater, qui misit me, traherit eum; & Nemo potest venire ad me, nisi fuerit ei datum à Patre meo.* quæ testimonia frequentissimè idem Augustinus de gratia efficaci interpreta-

tur, & de illa concludit in eodem capite, *Hanc debet Pelagius gratiam confiteri si vult non solum vocari, verum etiam esse Christianus.* Sentit ergo Augustinus omnem gratiam suadentem, & non persuadentem; vocantem, & non trahentem non transcendere

For negantia gratiæ interioris auxilium,

Pelagii error solas externas gratias postulantis.

Idem nomine gratiæ intelligit legem & doctrinam.

Videtur facere S. Aug.

Gratia efficax distinguitur à sufficiente & illam includens ab incluso, additque infallibilem connexionem cum operatione.

Et ob id etiam priuatimè opponuntur.

transcendere legis & doctrinæ rationem, & nihilominus esse gratiam sufficientem, quia ultra illam non agnoscit nisi efficacem, & inde concluditur gratiam sufficientem tantum esse externam, qualem Pelagius ferebat.

Vnde cap. 13. ut distinguat propriam gratiam internam ab ea, quam ponebat Pelagius, sic inquit, *Hæc gratia, si doctrina dicenda est, certe sic dicatur, ut aliis & interiori eam Deus cum ineffabili suavitate credatur infundere: non solum per eos, qui plantati & rigant in seipsum, sed etiam per se ipsum, qui incrementum suum ministrat occultis, &c.* Hæc autem gratia profecto efficax est, ideoque de illa subiungit. *Sic docet Deus eos, qui secundum propositum vocati sunt simul donans, & quid agant scire, & quod sciunt agere.* Videtur autem Augustinus de interna gratia & efficaci tamquam de æquipollentibus, & quæ mutuo conuertantur, loqui. quod magis insinuat inferius, dicens: Qui autem novit quid est quod fieri debeat & non facit, nondum à Deo didicit secundum gratiam, sed secundum legem, non secundum spiritum, sed secundum litteram. Ergo, secundum Augustinum, omnis qui non operatur ex gratia, non recipit internam gratiæ spiritum, & tamen negari non potest, quin multi non cooperantes gratiæ, sufficiens gratiæ auxilium recipiant; ergo gratia sufficiens non includit internam gratiam.

Ac denique cap. 14. de hoc docendi modo quo per gratiam docet Deus, ait non rectè dici aliquem audiuisse, & didicisse sibi esse veniendum, & non facere quod didicit; sic enim ait, sicut Veritas loquitur, omnis, qui didicit, venit, quisquis non venit, profecto non didicit. Vnde possumus è contrario colligere, omnem illum, qui licet audierit, & aliquo modo didicerit, esse veniendum, non venit, non audiuisse eo modo quo gratia interna docet, sed eo tantum modo quo exterior doctrina suadet, & tamen multi sic non venientes habent auxilium sufficiens: ergo auxilium sufficiens non includit internam gratiam, seu doctrinam. Vnde ibidem concludit. *Ac per hoc quando Deus docet non per legis litteram, sed per Spiritus gratiam, ita docet, ut quod quisque didicerit, non tantum cognoscendo videat, sed etiam volendo appetat, agendūque perficiat.* Ergo, teste Augustino, gratia qua Deus interiori docet, semper est efficax; ergo è conuerso gratia sufficiens non docet interiori, sed tantum per legem & doctrinam: sunt pleraque alia loca in libris Augustini non parum difficilia quæ hanc partem confirmare videntur, illa tamen commodius in cap. 6. tractabo.

His vero non obstantibus, dicendum est gratiam sufficientem necessariò includere internam gratiam præter externam, & in ea principaliter consistere, ut hæc assertio probetur: explicatur prius supponendo duobus modis posse Deum mouere, seu auxilium sufficiens præbere homini in ordine ad aliquem actum pietatis, scilicet, vel aliquo medio externo signo, seu obiecto vel merè interiori innutendo potentias, iuxta Augustini doctrinam lib. 1. ad Simplic. q. 2. & lib. de bono per se. cap. 14. quando ergo Deus hoc posteriori modo præbet auxilium, clarè videtur tale auxilium internum esse. Verum tamen ille modus rarus est, & extra ordinariam legem significat à Paulo ad Romanos 10. dicente, *Fides ex auditu, auditus autem per verbum Christi*, ubi de verbo externo loquitur, ut alia verba declarant,

**A** *Quomodo audiam sine predicante: quomodo autem predicabunt, nisi mittamur, &c.* Auxilium ergo externe prædicationis & suasionis, necessarium quidem est ex lege ordinaria, & ad gratiam Dei spectat, ut lib. 3. cap. 1. dixi, & ita sub auxilio sufficiente integro & completo regulariter includitur, quia, ut dixi, illa est ordinaria via trahendi homines ad salutem, sed quia per se non est satis, ideo dicimus inde posse in illa consistere auxilium sufficiens simpliciter & collectiue, licet in suo utriusque doctrinæ, vel propositionis obiecti sufficientiam suam habere possit.

In quo ulterius attentè considerandum est, sub hoc auxilio externo non intelligi tantum motionem illam externam, quæ ad sensus pervenit, sed etiam illam, quæ in mente fit per conceptus, vel affectus quos illa externa obiecta & eorum phantasmata possunt in mente naturaliter causare; non est enim dubium quin sonante voce Prædicatoris in intellectu fiat naturaliter species earum rerum, quæ oriuntur, & per illas species naturali etiam virtute possint formari aliquot conceptus rerum & rationum, quæ proponuntur, atque etiam excitari aliqui motus desiderij, timoris, &c. isti enim motus pertinent ad gratiam, quia ex beneficio gratuito, & supernaturali providentia dicuntur originem, & ita secundum modum & habitudinem, gratiæ quædam sunt, etiam si aliàs in substantia sua motus naturales sunt.

**C** Dicimus verò tales actus sub gratia externa comprehendendi, quia cum illa sunt naturaliter connexi, & moraliter tanquam vnum censentur, & de hac tota gratia externa intelligimus non satis esse ad sufficiens auxilium, sed necessarium esse specialem illuminationem internam, & inspirationem, ut apertè docet Augustinus lib. de grat. Christi, cap. 13. & ideo gratiam propriam vocationis occultam vocat Augustinus in lib. 1. ad Simplic. q. 2. & Psalm. 87. ait, *Minus occulta Dei gratia est, qua hominum mentes quodammodo renouiscunt, ut possint à quibuslibet eius ministris præcepta veritatis audire.* & infra, *quantumlibet existant excellentes verbi Prædicatores, & veritatis, etiam per miracula sua fortes, tanquam magni*

**D** *medici agunt cum hominibus si mortui sint, & tunc gratia non renixerunt? nunquid mortuis facies mirabilia, aut medici exsuscitant, & hi quos excitabant, consueverunt tibi? & sæpe in hoc sensu expendit verba Pauli 1. Corinth. 3. Neque quis plantat est aliquid, &c.* ut videre licet in locis citatis, & infra etiam tractandis. In hoc ergo sensu internam gratiam ultra externam ad auxilium sufficiens necessariam esse dicimus. Quocirca etiam in priori & extraordinario modo vocandi hominem ad fidem merè interiori in mente oportet distinguere revelationem, quatenus solum pertinet ad sufficientem obiecti propositionem ab auxilio, quo adiuuatur potentia ad credendum, vel amandum, nam sola revelatio pertinet ad doctrinam, & de se non satis est ut potentia eleuetur, & iuuetur ad operandum sicut oportet, sed necessaria est peculiaris quedam motio Spiritus sancti, quæ potentias ipsas dirigat, vel alliciat, & hanc necessitatem per internam gratiam in conclusione intelligimus.

Sic igitur declarata conclusio probatur ex ipsa ratione, & nomine auxilij sufficientis & effectibus eius. Nam de ratione huius auxilij est, ut det homini potestatem operandi actus pietatis, ita ut ad illam potestatem nihil illi desit, ut ipsum

Quid per motionem externam intelligatur.

Præter motionem externam requiritur interna ad auxilium sufficiens ex August.

3. Probatur assertio.  
10. Ex ipsa ratione

2. Contraria sententia & vera assertio gratiam sufficientem includere internam gratiam præter externam. Duobus modis Deus potest dare gratiam sufficientem.

one, & no-  
m ne auxilij  
sufficiens.

Confirma-  
tur.

nomen sufficientis auxilij præ se fert, inde fit ut homini habenti tale auxilium sufficiens, imputetur non operari per illud; quare simpliciter est potens liberâ & integrâ potestate ad sic operandum. Sed homo habens auxilia externa non est potens per se ad operandam salutem, sine auxilio interno; ergo auxilium merè externum sine interno non potest esse, nec dici sufficiens. Consequentia cum maiori de se parent. Minor autem in toto lib. 3. ostensa est contra Pelagium, eamque præcipue intendit Augustinus in dicto lib. de grat. Christi, & aliis contra Pelagium. Vnde confirmatur, quia si alicui daretur auxilium externæ prædicationis verbi Dei, aut exempli sanctæ vitæ Christi, aut promissionum, aut comminationum, & interius nullum daretur gratiæ auxilium, non posset ei imputari si non converteretur ad fidem, vel penitentiam, quia re vera non posset, quia talis homo non habet auxilium simpliciter & proximè sufficiens ad suam conversionem, seu ad fidem, vel penitentiam agendam. Vnde si quis dicat fieri posse ut ei non detur actu auxilium internum, quia ipse ponit impedimentum, Deum autem paratum esse illi dare tale auxilium si ipse obicem non ponat, & ita habere sufficiens auxilium. Respondemus iuxta suprà dicta tale auxilium non esse proximè sufficiens, de quo nunc loquimur, quatenus autem potest dici auxilium remotè sufficiens, etiam remotè includere illud auxilium. Nam, ut illud auxilium sit remotè sufficiens, necessarium est ut homo per auxilium, quod actu recipit, aliquid proximè facere possit, utique se disponere, vel non ponere impedimentum interiori auxilio; neutrum autem horum potest homo facere sine aliquo interno auxilio, ut suprà ostensum est, & ideo etiam hoc modo tale auxilium internum aliquod adiutorium includit, & respectu alicuius effectus est proximè sufficiens, licet respectu alterius actus, ad quem novum internum auxilium necessarium est, sit remotè sufficiens, quatenus etiam remotè includit necessarium auxilium; atque ita ad omnem modum sufficientis auxilij requiritur auxilium internum servata proportionem.

2.  
Probatur as-  
sertio, quia  
aliqui Spi-  
ritu: sancto  
resistisse di-  
ci non pos-  
sentus.

Secundò principaliter probatur assertio, quia qui in Scriptura reprehenduntur eo quod vocationi Dei resistunt, non solum interius, sed etiam exteriorius vocantur & attrahuntur quantum est ex parte Dei, & hoc censetur necessarium ut resistentia possit eis vitio attribui; ergo auxilium sufficiens includit internum auxilium, & hoc est ad illius sufficientiam necessarium. Antecedens probatur ex testimoniis allegatis Isai 5. *Quid amplius facere debui, & non feci?* si enim internum Spiritum gratiæ cum externis instructionibus non dedisset, profectò facilis fuisset responsio: nam magnum aliquid facere debuisset, quod non fecerat, ut suprà ponderavimus. Item cum Christus reprehendit Israëlitas, *quia si in Tyro & Sidone facta essent virtutes, quæ in Iudæa factæ fuerant, penitentiam egissent Math. 11.* vel intelligit facturos fuisse penitentiam sine interno auxilio gratiæ per proprias vires cum solis externis signis, & hoc dici non posset, ut constat, vel intelligit illos fuisse cooperaturos gratiæ internæ, quæ simul cum externis signis daretur, & sic necesse est, ut supponat eandem internam gratiam datam fuisse Iudæis, & ideo sufficienter esse vocatos per illa externa signa, alias non iussit illos comparatione aliorum reprehenderet & damnet; ergo illud sufficiens

A auxilium includebat etiam gratiam internam. Præterea hoc satis significavit Stephanus in verbis citatis Act. 7. *Præmittit enim dura cervice, & in circumcisis cordibus*, quia nimirum resistebant divinis illustrationibus, & internis inspirationibus, quibus cor moveri & blandè attrahi solet, vnde subiungit, *Vos semper Spiritui sancto resististis*; qui enim solis verbis externis resistit, poterit dici resistere homini, vel rationibus humanis, non autem Spiritui sancto, nisi etiam spiritus interior operetur, sicut qui credit homini prædicanti, si supernaturali fide credit, & ideo magis credit Spiritui sancto, quam homini, qui à Spiritu sancto interius principaliter docetur; ita ergo è contrario, ut quis dicatur Spiritui sancto resistere, oportet ut ab Spiritu sancto interius moveatur.

B Præterea fundamentum Calvini omnino falsum est, & Catholicæ doctrinæ contrarium, quia non solum potest voluntas humana pro sua libertate exteriori vocationi & humanis rationibus & suasionibus, sed etiam internæ motioni & suasioni ac inspirationi Spiritus sancti resistere. Ita docuit Concil. Trident. sess. 6. cap. 6. dicens, *Tangente Deo cor hominis per Spiritum sancti illuminationem, nec homo ipse nihil omnino agit, inspirationem illam recipiens, quippe qui illam abicere potest, &c.* Idem supponit in cap. 13. dicens, *Dei nisi ipsi (utique iusti) illius gratia defuerint, sicut caput opus bonum, ita perficiet.* & Can. 4. clarius dicit, *hominis liberum arbitrium à Deo motum & excitatum posse dissentire si velit.* In quibus verbis aperte loquitur Concilium de libero arbitrio interius moto per Spiritum sancti illuminationem & inspirationem: hanc enim vocat ibidem excitantem gratiam, & vocationem, à qua salutis nostræ initium sumitur, ut in superiori libro expendimus. Item loquitur de potestate resistendi, quæ sæpe à peccatoribus & obduratis hominibus exercetur, ut apertissime etiam docuit Concil. Senon. in Decret. fid. cap. 15. ubi cum prius dixisset libertatem arbitrij eò extendi, ut voluntas humana misericordia prævenientis auxilio suffulcatur, & interiori quodam & occulto secretioris inspirationis afflatu contacta sese convertat in Deum. Subdit inferius, *nec tale sit huiusmodi trahentis auxilium cui resisti non possit.* quod virtute probat ab effectu, quia sæpe peccatores illi resistunt, & ita exponit locum Act. 7. & verba Pauli 1. Thessal. 5. *Spiritum nolite extinguere, id est, divinas inspirationes.* Confirmat hoc egregie Augustinus lib. de grat. & lib. arb. cap. 2. dum ait, neminem debere causare Deum in corde, ac si interius illum non vocaret: & cap. 5. expendens Pauli exhortationem, *Rogamus vos ne in vacuum gratiam Dei recipiatis*, illam de vera & integra gratia intelligit, & quia non tollit potestatem resistendi, necessariam dicit monitionem Pauli; idemque habet in aliis locis quæ paulo pòst indicabo. Apertissime etiam id docet Prosper lib. 3. de vocat. gent. cap. 26. ubi prius ait, *Gratia quidem Dei in omnibus iustificationibus principaliter præminet suadendo periculis, incitando miraculis, quæ pertinent ad gratiam externam, cui coniungit internam addendo, Dando intellectum, inspirando consilium, corque ipsum illuminando, & fidei affectionibus imbuendo;* & de hac gratia subiungit, *quæ opitulatio per innumeros modos, siue occultos, siue manifestos omnibus adhibetur, & quod à multis refutatur, ipsorum est nequitia, quod autem à multis suscipitur, & gratia est divina. & voluntas humana.* Ratio autem est, quam eadem Concilia & Pætres indicant, nimirum divinam gratiam non tollere libertatem arbitrij, & ideo illi resisti

3.  
Eucritus  
fundamen-  
tum Calvini.

1.  
Ex Concil.  
Trident.

2.  
& Concil.  
Senon.

3.  
Confirmatur  
ex S. August.  
doctrina  
Concilij.

Item ex  
Prospero.

posse



Gratia interna non tollit libertatem, & potest resisti, & tantum sufficiens esse potest.

4. Respondetur ad testimonium S. Aug.

Pelagius præter gratiam externam excitantem soli libertati, sine alia ope Dei consentium voluntatis, & operationem tribuebat.

Patet ex S. Augustino.

Ei repugnat idem S. Augustinus.

Nomine auxilij gratiæ S. Aug. intelligit gratiam internam præuenientem, excitantem, & præparantem.

posse, & sæpe resisti. Potest ergo gratia esse interna, & nihilominus esse tantum sufficiens si illi resistatur, & conuerso ut sit sufficiens & resistencia possit esse culpabilis, necesse est ut non solum externa sit, sed etiam interna, sine qua homo conuerteretur, aut pie operari non possit.

Superest ut ad testimonia Augustini respondeamus, non desunt autem qui ex illis locis colligant Pelagium non negasse veram gratiam excitantem interius mentem per diuinam inspirationem, & illustrationem, sed dixisse illam gratiam communem esse tam his qui resistunt, quam his qui consentiunt, & nullam maiorem gratiam in his, quam in illis agnouisse, & ideo Augustinum ab illo exigere, ut efficacem gratiam internam & operantem ipsum velle confiteretur, non quia sufficiens non etiam sit interna, sed quia præter illam alia maior necessaria est ad operandum, quam Pelagius non admittebat. Sed in primis etiam si hoc verum esset, intelligendum esset de gratia cooperante, non de alia præueniente, ut infra ostendemus. Pelagius enim præter illam qualemcumque gratiam mentem excitantem & illuminantem quam admittebat, consensum voluntatis, & operationem piam soli libertati sine alia Dei ope tribuebat, in quo grauiter errauit, & ideo licet de gratia excitante non malè sensisset, potuisset ab Augustino virgeri ut cooperantem agnosceret. Deinde veritas est errasse Pelagium etiam in excitante gratia, quia non ponebat illam per internam Spiritus sancti inspirationem & operationem, sed solum quatenus per eos, qui exterius plantant & rigant, excitari potest, quod aperte docet Augustinus dicto lib. de grat. Christi cap. 3. & cum in 4. 5. 6. & 7. errorem Pelagij latè explicasset in 8. concludit. *Hinc itaque apparet hanc eam gratiam confiteri, qua demonstrat & reuelat Deus, quid agere debeamus, non qua donat atque adiuuat ut agamus, cum ad hoc potius valeat legis agnitio, si gratia desit opitulatio ut fiat mandati præuaticatio, & per totum ferè librum idem ostendit, præsertim in cap. 47. concludit nullam gratiam verè adiuuantem ad voluntatem, vel ad actionem admisisse, idemque habet lib. de grat. & lib. arbitr. cap. 11. & lib. de hæres. in 80. & aliis in locis, quæ suprà lib. 1. notauimus.*

Aliter ergo respondeo, Augustinum absolute contendisse cum Pelagio, ut internam gratiam inspirantem admitteret, ut constat ex illis verbis cap. 13. eiusdem libri, *hæc gratia si doctrina dicenda est, certe sic dicat, ut alius & interius eam Deus, cum ineffabili suauitate credatur infundere, non solum per eos, qui plantant & rigant extrinsecus, sed etiam per seipsum.* Hanc ergo peculiarem gratiam internam & excitantem ac præuenientem negabat Pelagius, & pro hac pugnat Augustinus contra illum, & hanc dicit non tantum iuuare posse, ut de sua gratia dicebat Pelagius, sed dare ipsum posse, quia non tantum ad faciendū, sed simpliciter ut possimus salutaria opera facere, necessaria est, sicque dixit Augustinus lib. 1. Retract. cap. 21. in potestate hominis esse mutare in melius voluntatem, sed illam potestatem nullam esse, nisi à Deo detur; & adiungit statim, *præparatur voluntas à Domino, & eo modo dat potestatem*, unde hanc gratiam internam etiam præuenientem, excitantem, ac præparentem voluntatem solet Augustinus vocare generali nomine auxilij gratiæ, ut lib. præcedenti notatum est, & similiter ex lib. 2. de peccator. merit. cap. 17. ubi ait Deum iuuare homines per suam excitantem gratiam, licet sæpe ipsi per libertatem suam non iuuentur, idemque sumitur ex dicto cap. 47. de

A grat. Christi, & ex Fulgentio de Incarnat. & grat. cap. 17.

Denique de hac interna gratia dicit Augustinus in locis allegatis, efficere in nobis velle, sperare, amare, &c. non quia semper hæc in nobis efficaciter operetur, neque quia existimauerit numquam dari, nisi quando hos effectus in nobis consequitur; non enim ignorauit Augustinus sæpe hominem excitari interius diuino Spiritu, ipsum verò hominem proprio spiritu interdum deficere, ut ipse ait in Enchirid. cap. 64. Dicit ergo gratiam illam internam operari in nobis velle, vel quia ad hunc finem datur, & de se illum semper operatur, vel è conuerso, quia quoties nos talia bona facimus in virtute & efficacia talis gratiæ illa præstamus, noluit tamen Augustinus in locis suprà citatis specialiter constringere Pelagium, ut hanc gratiam confiteretur non solum de se effectricem bonæ voluntatis, sed etiam efficientem bonam voluntatem & actionem, quoties illa in homine inuenitur, ut hoc modo integram vim gratiæ, eiusque necessitatem & efficacitatem contra Pelagium explicaret, expressiusque illi contradiceret, quatenus putabat gratiam tantam & efficientem in nobis ipsum velle esse contrariam libertati, vel etiam ita loquutus est Augustinus, ut Pelagium non tantum cooperantem, seu præuenientem gratiam, sed etiam cooperantem fateri compelleret, si re ipsa, & non tantum nomine vellet esse Christianus.

Quocirca cum in ultimis verbis ait Augustinus, cum qui nouit, quid sit faciendum, & non facit, non didicisse à Deo secundum gratiam, sed secundum legem in verbo didicisse, cooperantem gratiam inuoluit. Nam fieri potest, ut aliquis interius à Spiritu sancto doceatur quid facere debeat, & quod per veram gratiam id facere suadeatur, & nihilominus non persuadeatur, neque discat utique practice & prudenter ita iudicando, ut consentiat: sic enim intelligendo dictum à Christo, *omnis qui à Patre audiuit, & didicit, venit ad me*, & ita verissimum est omnem illum, qui ita docetur à Spiritu sancto, ut veniat secundum gratiam à Spiritu sancto didicisse: è conuerso autem non potest generaliter dici eum, qui vocatus non venit, non secundum gratiam, sed secundum doctrinam externam vocatum esse, nam multi etiam secundum gratiam internam & sufficientem vocantur, qui non veniunt, & ita Augustinus dixit primum, quia opportunum erat contra Pelagium: alterum autem in illis locis non negauit, & in aliis aperte docuit, ut declaratum & allegatum est; est verò aliud testimonium Augustini lib. de prædest. Sanct. cap. 8. quod videri potest dictis contrarium, sed illud in cap. 5. commodius explicabimus.

Quomodo gratia interna efficere dicatur in nobis velle, sperare, amare, &c. secundum August.

Qui nouit quod est faciendum, & non facit, ex S. Aug. non didicisse à Deo, scilicet practice ita iudicando, ut consentiat.

E

#### CAPVT IV.

*Vtrum auxilium sufficiens internum in sola gratia excitante consistat, & cum illa conuertatur, seu idem omnino sit.*

**A**liqui ex modernis Theologis existimant diuisionem gratiæ in sufficientem & efficacem, eandem esse cum diuisione in gratiam excitantem & adiuuantem, ac subinde gratiam sufficientem eandem esse cum excitante, adiuuantem verò eandem cum efficaci, & è conuerso excitantem gratiam per

I. Opinio Neo-  
theticorum  
Theol. affirmans

per se spectatam tantum esse sufficientem; adiuuantem verò semper esse efficacem. Fundamentum huius sententiæ est, quia Concil. Trident. sufficienter dimisit gratiam excitantem & adiuuantem; ergo sub illis membris comprehendit etiam gratiam sufficientem & efficacem, aliàs diuisio eius non fuisset sufficiens, neque totam diuisi amplitudinem exhaustisset: at verò gratia adiuuans semper est efficax, quia, ut Augustinus dicit, *nemo inuatur, nisi qui aliquid sponte conatur*, ac proinde actu operatur quod non fit sine gratia efficaci; ergo sufficiens solum pertinere potest ad gratiam excitantem. Confirmari hoc potest, quia gratia sufficiens est cui resisti potest, sed gratia excitans est huiusmodi, ut docuit Trident. sess. 6. can. 4. imò illi soli resisti potest, nam adiuuans semper est efficax; ergo sola gratia excitans est sufficiens, & conuerso gratia sufficiens in sola gratia excitante continetur. Confirmatur secundò, quia is, qui resistit gratiæ sufficienter excitanti, peccat si sit in materia præcepti, vel ej saltem imputatur si sit in materia consilij: ergo ex vi illius auxilij est sufficienter potens; ergo illud auxilium est sufficiens. Denique confirmatur, quia ante primum actum liberum nec præcedit habitus, nec alia gratia quæ der posse, nisi gratia excitans; ergo illa sola sufficienter dari posse; ergo est auxilium sufficiens.

Imò nonnulli Moderni significant solam gratiam excitantem in intellectu receptam, ipsumque intellectum sufficienter illuminantem, esse gratiam simpliciter sufficientem. quod inde probant, quia illuminatio intellectus gratia excitans est, & illi facile resisti potest; ergo ad summum esse potest gratia sufficiens. Ut autem solum sufficiat non requirit motionem voluntatis, quia si motio gratiæ ad voluntatem perueniat, iam est efficax; ergo sufficiens gratia in solo intellectu consistit. Consequentia est clara, & antecedens probatur, quia si voluntas mouetur à Deo, non potest non moueri; ergo non potest illa resistere; ergo iam gratia est efficax. Aliiter (& fortasse apparentius,) id suaderi potest, quia excitatio intellectus est etiam excitatio voluntatis; intellectus quidem formaliter, voluntatis autem obiectiue: ergo in ratione gratiæ excitantis illa sufficit respectu utriusque potentiæ; nam si voluntas postea iuuatur per adiuuantem gratiam, poterit operari sine alia excitatione; ergo illa sola gratia excitans in intellectu existens est simpliciter gratia sufficiens: nam constituit hominem potentem in actu primo ad operandum, tam per intellectum quam per voluntatem.

Ut autem veram sententiam explicemus, supponimus quæstionem principaliter moueri de auxilio sufficienti proximè, nam remota sufficientia, (ut dixi,) per proportionem & habitudinem ad proximam declaranda est, ut hinc etiam in fine capitis adnotabo. Item sufficientia proxima duplex esse potest: una simpliciter, quæ collectiue includit omnia auxilia necessaria ad opus; alia est secundum quid sufficiens, id est, ex parte vnius, vel alterius potentiæ, sicut capite præcedenti dicebamus externam fidei, vel pœnitentiæ prædicationem posse esse sufficientem in suo genere externæ propositionis obiecti; licet simpliciter non sufficiat. Hic ergo de auxilio simpliciter & vndique sufficienti tractamus, consequenter verò etiam auxilium sufficiens, quod est veluti pars alterius, explicabimus.

Dico ergo primò. Auxilium proximè sufficiens in primis requirit excitationem intellectus actu à Deo immisam, & in ipso intellectu receptam.

A In hac assertionione omnes conueniunt, & est clarissima iuxta principia fidei; quia excitatio, sine qua homo non potest supernaturaliter operari, est simpliciter necessaria ad auxilium sufficiens: sed sine excitatione intellectus non potest homo supernaturaliter operari; ergo illa excitatio est in primis necessaria ad auxilium sufficiens; ergo ut tale auxilium sit proximè sufficiens, necessarium est, ut talis excitatio sit actu immisam à Deo, & in intellectu hominis recepta. Maior probata est latè in cap. 2. & 3. & est nota ex definitione auxilij sufficientis, & ex effectu quasi formali eius, cui est dare posse simpliciter. Minor etiam nota est, quia excitatio intellectus nihil aliud est, quam illuminatio Spiritus sancti, de qua Concil. Trid. & Araus. docent non posse homines sine illa, sicut oportet, ad salutem operari, vel est idem quod sancta cogitatio, de qua dixit Paulus, *Non sumus sufficientes cogitare aliquid ex nobis quasi ex nobis*. estque initium bonæ operationis, ut dicit Augustinus de Prædest. sanct. cap. 2. & aliis locis sæpè citatis. Hinc ergo nota est prima illatio, quod sine gratia excitante intellectum, non potest intelligi auxilium sufficiens. Altera verò consequentia ex declaratione terminorum superius facta probata relinquitur; quia tunc dicitur auxilium proximè sufficiens, quando constituit hominem in actu primo proximè potentem ad operandum: excitatio autem non potest constituit in intrinsecè & proximè potentem in actu primo, nisi sit immisam intellectui, eumque actu immuter; ergo hoc modo necessaria est ad auxilium proximè sufficiens; & hæc ratio idem probat de omni gratia excitante quæ ad actum necessaria fuerit, quia nisi iam sit in homine actu recepta, non constituit illum potentem in actu primo ad operandum, & consequenter talis homo non habebit auxilium proximè sufficiens, sed solum remotè & in potentia modo suprà explicato, de quo modo habendi auxilium sufficiens infrà latius dicemus.

Dico secundò. Secundum legem ordinariam auxilium proximè sufficiens includit etiam excitationem voluntatis ipsi immisam, eique inhaerentem, & illam actu & formaliter immutantem. Hæc assertio præcipue probanda ex dictis libro præcedenti, ubi ostendimus hanc gratiam esse ordinariè necessariam ante liberum consensum voluntatis. Nam hic probatum est auxilium sufficiens integrum, includere auxilium necessarium ad opus, & ut sit proximè sufficiens, supponere hæc præuenientia & excitantia auxilia ut homini collata: ergo in illis includitur excitatio voluntatis. Deinde hoc sentit Concil. Trid. dicto cap. 5. sess. 6. dicens, *Ita ut tangente Deo cor hominis per Spiritus sancti illuminationem, neque homo ipse nihil agat, inspirationem illam recipiens, quippe qui illam abicere potest*. ubi media illuminatione, quæ ad intellectum spectat, dicit Deum tangere cor, id est, voluntatem ipsam excitare per inspirationem, seu motionem aliquam in illa receptam. Vtrumque ergo requirit ad sufficientem gratiam; quod magis declarauit Concil. Senon. in decret. fidei cap. 15. dicens, *Iuxta sacram Scripturam extendimus liberum arbitrium, ut voluntas humana misericordie præuenientis auxilio suffulta, & interiori quodam & occulto secretioris inspirationis afflatu contacta sese conuertat in Deum, neque tamen tanta gratia necessitas libero præiudicat arbitrio, cum illa semper sit in promptu*.

Habet eandem doctrinam Augustinus lib. 2. de peccat.

ciens requirit excitatio- nem intelle- ctus in eo receptam. Probatur as- sertio.

Excitatio intellectus est illumina- tio Spiritus sancti seu sancta cogi- tatio.

Gratia proxi- mè suffi- cients quæ?

5. Gratia proxi- mè suffi- cients requi- rit etiam ex- citationem voluntatis eique inhae- rentem. Probatur as- sertio

Ex Concilio Tridentino.

& Senonensi.

Item ex S. Augustino. S. Prospero

Probatur ex Trid. & S. Aug.

Confirmatur duobus ar- gumentis.

2. Afforū opi- nio assen- tium gratiā sufficientem esse tantum intellectus illuminationem.

3. Status quæ- stionis.

Gratia suffi- cients proxi- mè duplex.

4. Gratia proxi- mè suffi-

peccat. merit. cap. 17. & sequentibus, & lib. 2. contra duas epistolas Pelagian. cap. 9. quibus locis docet, sine præueniente gratia, quæ & illuminet intellectum, & præparet voluntatem, detque illi suauitatem in bene operando, non posse hominem bonum inchoare; ergo tota illa gratia excitans in sufficienti auxilio includi debet, ut det posse; fusius verò id docet & explicat Prosp. lib. 2. de vocat. gent. cap. 13. aliàs 3. docet gratiam sufficientem omnibus hominibus dari, in cap. autem 26. aliàs 9. exponit varios actus, in quibus hæc gratia consistit, dicens, dando intellectum, inspirando consilium, corque ipsum illuminando, & fidei affectionibus imbuendo, paulo post subiungit, quæ opitulation per innumeros modos sine occultis, sine manifestis omnibus adhibetur, & quod à multis refutatur, ipsorum est nequitia. Vtramque ergo excitationem, & intellectus, & voluntatis, requirunt Patres secundum ordinarium modum iustificandi homines, & integrum sit auxilium quod ad credendum, vel bene operandum datur. Quod autem illud non transcendat per se rationem sufficientis auxilij, manifestum est, quia potes sæpe non habere effectum: nam Concil. Trident. ait posse res ita resisti vocationi includenti illuminationem, & inspirationem, ac tactum cordis, loquiturque de potestate resistendi morali & ordinaria, quæ in actum reducitur: & Concil. Senonen. hoc confirmat ex illo Actor. 7. Vos Spiritui sancto resististis. quod verbum non potestatem tantum, sed actum probat: supponit autem illos habuisse vtramque excitationem, & idem affirmat expressè Prosper.

Et ratio est, quia tale auxilium neque voluntati necessitatem imponit, neque per se & præcisè spectatum habet, unde semper & infallibiliter voluntatem ad opus inducat, aut determinet, quod in libro sequenti ex professo ostendendum est, nunc verò facile declaratur occurrendo primo & proprio fundamento secundæ sententiæ, quod in eo peccat, quod non distinguit in voluntate motum gratiæ excitantis à libero consensu; cum tamen motus gratiæ excitantis etiam in voluntate receptus realiter distinctus sit à consensu libero, ut constat ex lib. præcedenti. Quantum verò ad illum motum excitantis gratiæ, verum est fieri non posse, quin voluntas moueatur, quando Deus talem motum inspirat, & similiter quoad eundem, verum est non posse voluntatē resistere, quin à Deo regatur, & ideo motus ille est liber, sed necessarius, & quasi motus primo primus, ut supra dixi. Potest autem voluntas illi resistere non consentiendo illi per liberum motum, quia nec ab illo necessitatur, neque per se habet connexionem cum illo, quia cum ille motus sit imperfectus respectu liberi consensus, non est unde illud per se habeat coniunctum, neque unde talem vim, aut causalitatem, per se loquendo, recipiat.

Dico tertio, auxilium sufficiens integrum & proximum requirit ut somne auxilium præueniens, quod à solo Deo dandum est, ex se, & ex sola eius voluntate pender, non solum sit oblatum ex parte Dei, sed etiam actu datum, & in homine receptum, hanc assertionem pono propter authores prioris sententiæ, quia præter auxilia excitantia ponunt aliud præueniens, quod non putant esse necessarium ad auxilium sufficiens, vel quia inter adiuuantia auxilia illud enumeratur & auxilium sufficiens ab adiuuantibus auxilij omnino separent, vel quia censent tale esse illud auxilium præueniens, ut semper & per se sit efficax. Nos autem è conuerso probamus in primis assertionem, quia nullum datur auxilium præueniens præter excitantia, ut in lib. 3. probatum est. Sed auxilium sufficiens actu

A includit omnia auxilia excitantia, ut ex præcedentibus assertionibus patet; ergo auxilium sufficiens omnia præuenientia necessariò includit.

Deinde data hypothesi, quod detur tale auxilium præueniens ab excitantibus distinctum, probatur etiam assertio, quia auxilium sufficiens includit omnia auxilia necessaria ad operationem liberam, ut aliquo modo existentia in libera hominis potestate, ut in c. 2. latè probatum est: ergo etiam tale auxilium præueniens, si necessariū est ad opus, debet esse in potestate hominis, ut opus, vel operis ommissio homini libera sit: ergo tale auxilium præueniens datum est homini, ita ut in ipso sit actu receptum cum ipso excitante auxilio, ut per illud operetur si velit, & hoc est quod intendimus, vel est illi tantum oblatum, ut illud possit habere si velit, & sic auxilium illud quod est actu receptum, nondum est proximè sufficiens ad illum actum, ad quem illud auxilium præueniens dicitur esse necessarium, sed tantum remotè, quia si tale auxilium est præueniens, & à solo Deo fieri debet, dum actu non datur, non potest constitui in potestate hominis, nisi mediante alio actu, quo homo se disponit ad tale auxilium obtinendum, ut cap. 2. ex Concil. Trident. declarauit: ergo auxilium illud, quod supponitur actu, datum est proximè sufficiens ad illam priorem dispositionem, & ita ad illam includit omnia auxilia præuenientia necessaria actu data, & respectu vltioris actus est tantum remotè sufficiens; ergo in vniuersum auxilium proximè sufficiens includit omnia auxilia præuenientia in ipso homine iam recepta. Auxilium autem remotè sufficiens cum proportionem includit illa ut existentia in potestate libera hominis, ut satis explicatum est.

Secundò idem probatur, quia auxilium proximè sufficiens dat integrum posse; ergo dat actu omnia auxilia præuenientia. Antecedens notum est tum ex dictis cap. 2. tum etiam, quia dat potestatem liberam, ideoque imputatur homini si non operetur: consequentia verò probatur, quia auxilium præueniens à solo Deo fit in nobis sine nobis saltem liberè operantibus: ergo comparatum ad actum liberum, propter quem datur formaliter, dat posse, & non agere. Probatur consequentia, quia illud auxilium quando actu à Deo datur, prius saltem naturā in nobis recipitur, quam nos per illud operemur: ergo non dat per se, ac formaliter agere, sed posse agere. Probatur consequentia, quia non dat actum secundum, sed aliquid prius illo, per quod ipse actus secundus fit: ergo datur tamquam actus primus proximus actui secundo, vel tamquam principium eius: ergo dat posse efficere actum secundum. Respondebunt illud auxilium præueniens, quod & distinctum est à toto auxilio excitante, & post illud datur, non separari ab actu secundo, propter quem datur, sed infallibiliter illum inferre, & ideo non dare posse, sed agere. Sed contrā, quia etiam quando actus secundus est necessariò coniunctus cum potentia, distinguitur posse ab agere, quia necessaria connectio non confundit actionem cum potestate: semper ergo aliunde habet res ut possit, & aliunde, ut agat, patet in lumine gloriæ quod non separatur à visione, sed infallibiliter ac necessariò infert illam, & nihilominus dat formaliter posse, agere autem consequenter, seu efficienter, nam formaliter agere est ab actione: ergo in præsentī dato, & non concesso, quod illud præueniens auxilium infallibiliter inferat voluntatis consensum, nihilominus per se & formaliter dat posse, & non agere, nisi subsequenter & effectiue agendo simul cum voluntate; ergo auxilia quæ procedunt ante hoc

Gratia proximè sufficiens prius natura in nobis recipi debet, quam ut per eam operemur. Occurrit responsio.

Posse semper distinguitur ab agere.



ultimum praeueniens, non dant integrum posse, cum expectent aliud completiui ipsius posse: ergo sine tali auxilio praeueniente, non sunt sufficientia, nam de ratione auxilij proximè sufficientis est, ut includat omne auxilium praeueniens necessarium ad opus.

7. Dico quartò, auxilium proximè sufficiens non includit sola auxilia excitantia, sed etiam aliquo modo adiuuantia, non quidem ut actu data sicut excitantia, sed ut posita in posse aliquo modo in proxima hominis potestate. Hæc assertio ex dictis in cap. 2. probata ferè relinquitur; breuiter tamen potest in generali sumi ex Concil. Trident. sess. 6. can. 3. sic definiente, *Si quis dixerit sine Spiritus sancti inspiratione, atque eius adiutorio hominem posse, &c.* Ergo ex doctrina Concilij non solum auxilium excitans, quod nomine inspirationis intelligitur, sed etiam adiuuans, quod nomine adiutorij significatur, necessarium est ut homo possit operari: sed auxilium simpliciter & collectivè sufficiens includit omnia auxilia necessaria ad posse, ut satis probatum & explicatum est; ergo tale auxilium sufficiens includit non tantum excitantia auxilia, sed etiam adiuuantia.

Gratia adiuuans est duplex. Deinde confirmatur explicando alteram partem, per quam hæc declaratur, quia gratia adiuuans, ut suprà dixi, duplex est, una per modum principij, alia per modum actionis, & utraque esse potest ut actu homini data, vel tantum oblata, ut sit in potestate, vel arbitrio hominis habere illam si velit: auxilium ergo sufficiens non includit necessariò omnem gratiam adiuuantem in actu datam, ut conuenit argumentum alterius opinionis, quia iam non est tantum sufficiens, sed etiam efficax, quia inuolueret effectum, non enim potest auxilium adiuuans datum per modum actionis separari ab effectu, & ab actione hominis, sine qua non potest intelligi actio adiuuans Dei, quo sensu rectè dixit Augustinus, *Nemo iuuatur nisi qui aliquid spontè conatur.* Igitur auxilium sufficiens ut sic, non includit hoc auxilium iuuans per modum actionis ut actu datum; includit verò illud ut oblatum & possum in hominis potestate, ut conuenit ratio quæ ex dictis cap. 2. desumitur, quia auxilium proximè sufficiens includit aliquo modo omnia necessaria ad operationem; ergo etiam includit auxilium actuale adiuuans, sed non includit actu; ergo saltem in potestate proxima: cur autem hanc potestatem, proximam appellem, ex dictis in fine cap. 2. constat nam quod ibi dixi de concursu diuino, procedit in hac adiuuante gratia, quia vel sunt idem, vel eadem est vtriusque ratio.

Et ferè cum eadem proportionem loquendum est de gratia adiuuante per modum principij, nam hoc principium interdum potest esse habitus, de quo aliquando includi in gratia sufficienti, dicam cap. sequenti, quia verò non semper necessarium est ad operandum, sed eius actiuitas per aliud genus principij, vel actualis auxilij suppleri potest, ideo necesse ut auxilium sufficiens, quod non supponit habitum, includat aliquid aliud, supplens vicem habitus in ratione adiuuandi potentiam ad operandum: ergo & ex hac parte auxilium sufficiens includit adiuuantem gratiam, non tamen includit illam necessariò ut actu inhaerentem homini, quia sæpe talis gratia nihil ponit in homine prius tempore, quam operetur ut nunc, suppono & in sequentibus probabo. Auxilium autem sufficiens præcedit tempore operationem, imò sine illa existit, quoties est solum sufficiens; ergo ut sic non includit talem gratiam ut actu datam: necesse est autem ut saltem

A includat illam ut oblatam & paratam ex parte Dei, propter rationem sæpe factam, quod auxilium sufficiens debet includere aliquo modo omnia necessaria ad opus, quia aliàs non erit in absoluta potestate homini operari per tale auxilium, quia non potest operari sine habitu, vel aliquo principio supplete vicem habitus; ergo si nec habet habitum, nec aliquod principium loco illius actu datum, nec etiam paratam ac possum in hominis potestate, re vera non habet potestatem ad operandum; quia hæc potestas non est innata, loquimur enim de auxilio sufficiente ad actus supernaturales, sed debet extrinsecus prouenire & à Deo dari: non potest autem dari, nisi altero ex illis duobus modis, scilicet vel quia sit homini infusa per habitum, vel aliam rem præuiam inhaerentem potentia, vel quia Deus paratus sit ad supplendum aliter coëfficiendam habitus. Quis enim alius modus cogitari potest; ergo si nullo ex illis modis hæc gratia adiuuans conferetur, non est in homine potestas ad tales actus, ac proinde nec auxilium sufficiens: ergo gratia sufficiens etiam ex hac parte includit aliquo modo auxilium per modum principij adiuuans.

Ultimò dico auxilium excitans non conuenit cum auxilio sufficienti, quia potest auxilium excitans interdum esse efficax. hæc assertio pender ex dicendis in lib. sequenti, & probatio eius ad illum locum pertinet; hic solum eam proponimus tum ut distinctio inter auxilium sufficiens & efficax, & similiter inter auxilium excitans & sufficiens intelligatur: tum etiam ut argumentis in principio positis satisfaciamus, quod, suppositis quæ diximus, non erit difficile.

Ad primum ergo de diuisione auxilij in excitans & adiuuans, sumptum ex Concil. Trident. respondemus negando consequentiam, qua inferretur auxilium sufficiens contineri sub altero membrorum, quæ ponit Concilium, vel cum illo conueniri, quia singula membra præsentis diuisionis possunt vtrumque membrum à Concilio positum ex parte comprehendere, ut ostensum est; quo circa illo argumento solum probatur auxilium sufficiens non includere alia auxilia, nisi vel excitantia, vel adiuuantia, quia re vera non dantur alia, non tamen inde sequitur vel auxilium sufficiens includi in solis excitantibus, vel efficax in solis adiuuantibus, quia hæc diuisio, quam nunc tractamus, longè diuersa est ab illa, nam illa datur de auxiliis secundum intrinsecam rationem eorum, hæc datur de auxiliis secundum modum connexionis, quam habent cum effectu libero per illos intento. Vnde in priori partitione auxilium excitans & adiuuans sigillatim & diuisum (ut sic dicam,) spectantur secundum id, quod vnumquodque eorum per se & proximè confert libero arbitrio. In hac verò partitione considerantur collectivè, vel quatenus ad sufficientiam, vel quatenus ad efficaciam operandi liberum actum, necesse est tam auxilium excitans, quam adiuuans concurrere. Vnde cum in illo argumento additur non posse adiuuans auxilium esse tantum sufficiens in suo ordine. Respondemus esse verum de toto auxilio adiuuante actu dato, & per modum actionis, non verò de adiuuante, vel dato per modum principij tantum, vel oblato, & posito in manu hominis quo ad actuale adiutorium.

Vnde ad primam confirmationem respondetur, non solum gratia excitanti, sed etiam adiuuanti datæ per modum principij, vel oblatae per modum concursus, & actionis resisti posse, ut nunc suppono, & in lib. sequenti ostendam. Ad confirmationem secundam dicimus, auxilia excitantia externa

Auxilium sufficiens debet includere aliquo modo omnia necessaria ad opus, alioqui non dicitur in absoluta hominis potestate operari.

8. Auxilium excitans est sufficiens non conuenit.

9. Soluuntur argumenta initio proposita. Ad primum respondetur.

Gratiæ adiuuanti datæ per modum principij, vel oblatae per modum concursus potest resisti.

externa simul cum internis, si non secum afferant auxilia adiuuantia, vel actu data, vel sufficienter oblata, ita ut sit in potestate hominis illa habere, si voluerit, non sufficere ut homini possit ad peccatum imputari, quod talibus excitationibus non utatur, ut satis probatum est: quia vero secundum ordinariam legem, & debitam providentiam unum auxilium non datur sine alio altero ex dictis modis, ideo peccat qui sufficienter excitatus vocationi repugnat contra aliquod preceptum.

Quod ad-  
suat per  
modum  
principij  
physici, non  
semper est  
hominis in-  
hærens.  
Argumenta  
allata in quo  
pocent?

Et hinc sol-  
uitur secū-  
dum.

Ad tertiam confirmationem responderetur etiam gratiam adiuuantem per modum principij, dare suo modo posse, ut ex dictis in precedenti libro notum est. Nec oportet, id quod adiuuat per modum principij physici semper esse homini inhærens, ut in precedenti libro tetigi, & probavi, sed potest Deus ipse ut paratus ad cooperandum homini esse principium in actu primo adiuuans. Vnde in his argumentis, ut sæpe notavi suprâ, sæpe in eo peccatur quod non distinguitur inter auxilium adiuuans in actu secundo, vel in actu primo, nec ut actu datum, vel ut oblatum, & positum in hominis potestate. Et ex eodem defectu procedit argumentum secundum positum cap. 1. in principio, quod hic solum relinquitur. Denique argumenta illa non probant, omne auxilium excitans esse tantum sufficiens, quia licet auxilium excitans distingua-  
tur ab adiuuante, & sine illo non consequatur effectum, tamen tale esse potest, ut infallibiliter secum afferat auxilium adiuuans, & ita esse potest efficax, ut lib. sequenti ex professo tractabitur.

A sic enim gratia habitualis sine operatione potest interdum esse sufficiens: ut patet in paruulis. Agimus ergo de gratia sufficiente ad bene moraliter & supernaturaliter operandum, nam propria auxilia gratiæ ad operationem dantur. Sic ergo auxilium sufficiens duobus modis dicitur, ut sæpe animaduerti. Primum, ut in aliqua operatione determinata & speciali sufficit, secundò quasi collectivè, ut includunt omnia necessaria, quibus homo sit simpliciter ac moraliter potens ad eliciendum supernaturalem actum. Priori modo habitus charitatis dicitur principium sufficiens ad eliciendum actum amoris Dei, & lumen gloriæ est principium sufficiens ad videndum vtiq; in ratione proximæ virtutis ex parte potentie ad agendum. Neutrum autem est sufficiens absolute, & in omni genere; nam intellectus informatus lumine, licet sit potens ex parte sua, non est tamen absolute sufficiens ad videndum, nisi habeat speciem, vel essentiam Dei per modum speciei coniunctam. Sicut visus corporeus est sufficiens ad videndum in ratione principij remoti proximi, & potentie vitalis, non tamen absolute, nisi habeat speciem; & ideo sufficientia non simpliciter consistit in vno tantum auxilio, vel principio, sed collectionem plurium requirit. Imò si loquamur de sufficientia quæ physice & moraliter proxima sit, non solum requirit collectionem omnium principiorum per se requisitorum ad operandum: ut ignis non est simpliciter sufficiens ad calefaciendum rem distantem, ita manentem, nec sol ad illuminandum cubiculum undique clausum, & sic de aliis; ergo sufficientia simpliciter includit omnia, & quasi collectivæ est, & ita nunc de illa loquimur: quia illa est necessaria, ut homo & simpliciter & absolute sit potens ad agendum, ita ut actus sit in libertate eius, eique imputetur si non faciat, ut videbimus.

Sufficientia  
physica &  
moraliter  
proxima,  
quid requi-  
rat.

## C A P V T V.

*Utrum gratia sufficiens sit tantum actualis, vel etiam habitualement includat.*

1.  
Ratio du-  
bitandi.

Hoc dubium petitur in primo argumento, in primo capite relicto, quia sufficiens dare posse, ut proximè diximus: in superioribus autem dictum est, habitum infusum dare posse operari supernaturalem actum; ergo habitus est propriè gratia sufficiens. In contrarium verò est, quia multis datur auxilium sufficiens, quibus non datur habitus, vel priusquam illis detur habitus, ut patet in infidelibus, qui habitum fidei non habent, & consequenter nullum infusum habent, quia habitus fidei est primus inter infusos. Et tamen illi habent auxilium sufficiens, ut infrâ dicemus; ergo habitus nec est auxilium sufficiens, nec ad illum requiritur. Secundò gratia sufficiens continetur sub genere auxilij; ac verò habitus non est auxilium, nam auxilium dicitur actualem motionem; ergo. Tertiò etiam si supponatur, habitus ille indiget actuali motione ut operetur; ergo non ipse habitus, sed motio est auxilium sufficiens.

2.  
Explicatur  
termini.

In hoc puncto parva est in re difficultas, & ideo ut tollatur controuersia de verbis, suppono in primis, hinc non esse sermonem de quacumque gratia sufficiente ad salutem, vel ad remissionem peccati, sed ad vitam æternam consequendam, Fr. Suarez de Gratia Pars 19.

Deinde obseruo ex supradictis dupliciter fieri posse à nobis actus supernaturales, scilicet connaturali modo, & per principium intrinsecum in nobis permanens, vel præternaturali modo, ut sic dicam, præuia tantum motione primi agentis subleuantis potentiam ad operandum supernaturaliter sine habitu sibi inhærente. Nam de priori modo multa dicta sunt in lib. 4. ex quibus satis constat, quomodo ille modus supernaturaliter sit possibilis, & ordinarius in hominibus fidelibus, & iusti ratione habituum infusorum, qui in illis sunt, & quomodo dicatur connaturalis, non quidem respectu potentie secundum se spectat, sed respectu habitus infusi. Et inde intelligitur cur alterum modum vocemus præternaturalem, non solum quia supernaturalis est respectu potentie, sed etiam quia non habet dictum modum connaturalitatis, & quod hic etiam modus sit possibilis in lib. 4. & 5. & in materia de visione beata dictum à nobis est, & sumitur ex Concilio Trid. sess. 14. cap. 4. dicente contritionem imperfectam esse donum Dei, & Spiritus sancti impulsus, non adhuc quidem inhabitantis, sed tantum mouentis. Imò etiam de prima contritione perfecta infrâ ostendemus, non elici ab habitu, sed etiam esse à Spiritu sancto mouente.

3.  
Duobus  
modis actus  
supernatura-  
les à nobis  
possunt elici:  
scilicet con-  
naturaliter,  
& præterna-  
turaliter.

Patet ex  
Concilio  
Trident.

His ergo positis descendendum in primis est respectu actuum supernaturalium, ut connaturali modo fiant, habitum esse prin-  
cipium

4.  
Habitus  
infusus est  
principium

principium  
necessarium  
& sufficiens,  
sed non ab-  
solutè, ad  
actus super-  
naturales  
connaturali-  
ter edendos.  
Probat  
asseritio.

principium necessarium, & in suo ordine sufficiens, non tamen esse absolutè & simpliciter auxilium sufficiens, licet aliquo modo dici possit in illo includi. Assertio est facilis quoad omnes partes. Nā in primis licet habitus infusus non sit simpliciter necessarius ad agendum supernaturaliter, est tamen necessarius ad connaturaliter agendum, quia vox illa *connaturaliter* quasi relatiua est, & dicit respectum ad internum principium permanens. Deinde clarum est ex dictis suprà, habitum infusum in suo genere esse principium sufficiens, id est, in ratione principij dantis voluntati, vel intellectui internam virtutem agendi, ut in 4. lib. declaratum est, quia in eo genere vnus habitus sufficit ad proprium actum, est enim in suo genere perfectus, & plures fingere esset supernacaneum, & contra perfectionem talium virtutum, & eadem ratione posset in infinitum procedi, ut

D. Thom. rectè argumentatur D. Thomas d. q. 109. art. 6.

Habitus  
indigere  
actuali Dei  
auxilio.

Est tamen  
vnum ex re-  
quisitis ad  
auxilium  
sufficiens  
totale.

§.

Sine habitu  
actus super-  
naturales  
possunt fieri  
per auxilia  
Dei actualia  
præternatu-  
raliter.  
Probat  
asseritio.

Deinde dicendum est, ut actus supernaturales absolutè fieri possint, saltem præternaturaliter in sensu declarato, habitus non computari in auxilio sufficiens, sed absque illis per auxilia actualia dari posse, & frequentissimè dari. Hæc etiam assertio perspicua est: nam ad hunc modum efficiendi hos actus non est necessarius habitus, qui sit principium illorum, ut declaratum, & probatum est: ergo sine habitu potest dari potentia adiutorium sufficiens ad tales actus eliciendos, quia ad auxilium sufficiens solum requiruntur ea quæ ad efficiendum actum simpliciter necessaria sunt. Item sine habitu datur auxilium efficax ad efficiendos actus supernaturales dicto modo, quia nullus actus supernaturalis haberi potest sine auxilio efficaci, ut libro sequenti dicemus, & sæpe tales actus sunt, & non ex habitu: ergo datur tunc ad illos auxilium efficax; ergo & sufficiens, prout in efficaci includitur: ergo etiam poterit dari solum auxilium sufficiens quod non consequatur effectum, quia est contingens ex libertate arbitrij, ut auxilio sufficiens resistat. Hinc rectè concluditur auxilium sufficiens quod datur ad supernaturales actus hoc modo efficiendos in solis auxiliis actualibus consistere; nec contra hoc

Respons.  
ad rationem  
dubitandi.

procedit ratio dubitandi in principio posita, quia licet habitus det posse, non est tamen necessarius simpliciter ad illud posse, sed solum ad posse tali modo, scilicet connaturaliter, absolutè verò illud posse per alia auxilia à Deo suppletur; & ideo ad alium modum agendi potest esse auxilium sufficiens sine habitu.

Ex argumentis verò superiori loco positis, primum probat hæc posteriorem asseritionem: tertium verò probat secundam partem superioris asser-

tionis, ut facile consideranti patebit. Secundum autem facit vim tantum in voce auxilij, quæ videtur motionem actualem significare. Veruntamen, ut suprà dixi, etiam potest sumi pro quocumque Dei adiutorio, siue detur per motionem, siue per habitum, siue quocumque alio modo, & hoc modo dicimus habitum interdum includi in auxilio, vel, ut tollatur vocis ambiguitas, in adiutorio, vel gratia sufficiens ad certum modum operandi; quia verò in præfati præcipue agimus de actuali gratia, ideo in sequentibus rigoroſè loquimur de auxilio sufficiens ad operandum, secluso habitu, de cuius efficientia in lib. 4. satis dictum est. Quomodo autem efficientia eius suppleatur quando potentia sine illo operatur, in lib. 4. explicatum est; nunc ergo de auxiliis actualibus agemus.

Denique hinc facile satisfit primo argumento in præcedenti capite posito, in quo perrebat, quòdnam sit diuisionum superioris diuisionis, in quo in primis interrogari potest, an sit auxilium externum, vel internum, in quo dicendum est diuisionem maximè dari de auxiliis internis, quia tam ad sufficientiam, quàm efficaciam gratiæ in primis necessaria sunt, & ad vtrumque possunt interdum satis esse, quæ omnia ex dictis satis probata sunt; quia verò secundum ordinariam prouidentiam etiam externa auxilia desideratur, ideo diuisionem ita intelligendo dicendum est in diuiso vtraque auxilia externa & interna quasi collectiue comprehendendi.

Deinde potest inquiri, an in diuisione illa actuali, vel habituale auxilium diuidatur: dicendum est autem si intelligatur diuiso de auxiliis sufficientibus, vel necessariis ad quemcumque modum operandi, sic nec solum actuale adiutorium, nec tantum habituale ibi diuidi, sed ab vtroque abstrahere, & vtrumque includi posse. Nam si membra sumantur collectiue, ut re vera sumi debent, etiam diuisionem debet esse quid collectiuum, ut sit membris proportionatum: ideoque in illo quatenus colligit multa, includuntur actualis & habitualis gratia: abstrahit tamen à collectione includente vtramque; vel alteram tantum, quia interdum poterit auxilium sufficiens, imò etiam efficax vtramque gratiam actualem & habituale inuoluere, interdum in solis actualibus auxiliis consistere potest, quamuis nunquam possit per solos habitus compleri, ut in secundo argumento in secundo membro eius satis probatur. Quod verò in primo membro dicitur, auxilia actualia sola non posse sufficere, ad operandum simpliciter, falsum est, nec inde sit habitus esse superfluos, quia ad modum connaturaliter agendi necessarii sunt, & hoc est satis. Quod denique in tertio membro obicitur de paruulis baptizatis, non est ad rem, quia licet illi habeant gratiam sufficientem, imò & efficacem (si ita licet loqui,) ad salutem consequendam, si in ea ætare moriantur, non tamen habent auxilium sufficiens ad operandum, quia pro tunc non sunt capaces operationis, hæc autem de auxiliis ad operandum loquimur, ut dixi.

Tandem inquiri potest, an diuidatur ibi auxilium excitans, vel adiuuans, de quo in sequenti capite dicemus.

Vox, *auxilij*,  
sumitur pro  
quocumque  
Dei adiuto-  
rio, seu gra-  
tia sufficien-  
te.

Diuisio  
gratiæ in  
sufficientem  
& efficacem  
comprehen-  
dit auxilia  
tam interna,  
quàm exter-  
na.

Falsum est  
auxilia sola  
actualia non  
posse ad  
operandum  
sufficere.

Paruuli  
baptizati  
habent gra-  
tiam suffi-  
cientem, &  
efficacem,  
si ea ætate  
moriuntur,  
ad salutem  
consequen-  
dam, non ad  
operationem.



C A P V T V I.

*An auxilium aliquod verè sufficiens sit ex se inefficax, vel vnde id habeat, quando tale esse contingit.*

**Q**uoniam dictum est, auxilium sufficiens, ut distinguatur ab efficaci, quasi privatiuè illi opponi, ideoque in re ipsa inefficax inueniri, ideo explicandum est, vnde habeat hanc inefficaciam, & inde etiam constabit, quid illa sit? solum autem potest hæc inefficacia provenire vel ex natura auxilij, ac proinde ex parte Dei, vel parte hominis, & liberi arbitrij eius: inter hæc igitur tantum quæstio versatur. Oportet autem supponere sermonem esse de auxilio proximè sufficienti, id est, quod ad potestatem agendi proximè sufficit, modo superius explicato. Nam si tantum remotè auxilium dicatur sufficiens, tunc adhuc expectatur aliud maius auxilium præueniens, ut fiat proximè sufficiens, & quamdiu hoc non obtinetur, prius erit inefficax ex defectu vterioris auxilij, poteritque illa inefficacia homini imputari, quia per prius auxilium non fecit id quod proximè poterat ut maius auxilium obtineret. Et ita in auxilio quod sufficiens facile explicatur inefficacia consistens in defectu auxilij completi, ut sit proximè sufficiens. Et similiter facile intelligitur, quomodo non in Deum, sed in hominem refundatur. Hic autem agimus de auxilio, quod per se est proximè sufficiens in ratione excitantis & adiuuantis in actu primo, & nihilominus illum effectum non consequitur, propter quem proximè datur.

Dixerunt ergo aliqui, quantumvis auxilium sit proximè sufficiens, nihilominus præcisè spectatum esse de se inefficax, nisi illi addatur aliud, à quo efficaciam accipiat, ideoque ex intrinseca limitatione eius provenire, ut effectum, propter quem datur, non faciat, quia nimirum deest illi maius auxilium præueniens, sine quo nunquam ex solo auxilio sufficienti præcisè spectato sequitur opus. Vnde sit ut talis inefficacia in Deum ipsum refundatur, saltem negatiuè, seu indirectè quatenus Deus ex se non vult illud peculiare auxilium præstare, sine quo auxilium sufficiens effectum consequi repugnat. Atque ita hæc inefficacia partim est ex natura auxilij sufficientis, quatenus ex se illam habet, nec dat facere, sed tantum posse; partim ex Deo, quia suo arbitrio vult tantum dare auxilium sufficiens, & non efficax.

Fundamentum huius sententiæ sumitur à contrario, quia auxilium efficax de se & natura sua est efficax, & est necessarium ad operandum; ergo auxilium sufficiens de se est inefficax, ut illum assequatur effectum. Probatur consequentia, quia auxilium sufficiens hic sumitur ut præcisum & separatum in re ipsa ab efficaci; ergo sic solitarie sumptum de se est inefficax, quia deest illi auxilium necessarium ad efficaciam, & confirmatur prius, quia si affirmatio est causa adæquata affirmationis, negatio est causa negationis, sed auxilium de se efficax est vltima ratio adæquata actualis efficientiæ voluntatis, & auxilij sufficientis; et

Fr. Suarez de Gratia Pars II.

**A**go carentia eius est adæquata ratio, ob quam auxilium sufficiens manet inefficax; auxilium enim sufficiens integrè subsistit sine efficaci, & ex natura sua illud secum non affert, neque præbet viam, aut vias ad obtinendum illud, quia iam non esset auxilium proximè sufficiens, sed remotè ut explicauimus; ergo de se est inefficax, quia nisi aliunde accipiat efficaciam, nunquam illam habebit; & hoc est esse de se inefficax. Confirmatur secundò à signo, nam auxilium sufficiens tantum nunquam omnino habet effectum, & hoc est aded infallibile, ut nonquam deiciat; ergo signum est tale auxilium de se habere hanc inefficaciam, nam causa quæ nunquam infallibiliter consequitur effectum, merito censetur ad talem effectum ab intrinseco insufficiens.

Hæc sententia videtur posse tribui auctoribus opinantibus auxilium efficax esse etiam præuium, seu præueniens, esseque de se efficax ac physicè prædeterminans voluntate ac necessarium ad operandum. Nam ex hoc principio sequitur altera assertio de auxilio sufficienti, ut explicatum est. Nihilominus tamen multum his auctoribus, licet concedant auxilium sufficiens de se non esse efficax, nihilominus non audent dicere primam rationem, ob quam tale auxilium in re manet tantum sufficiens, & inefficax, esse solam Dei voluntatem, sed homini esse tribuendum quod difficulter cum priori fundamento conciliatur, ut hic, & latius in sequenti libro videbimus.

Alij verò non dubitant, in Dei voluntatem & providentiam tamquam in primam radicem reuocare, quod auxilium sufficiens ita detur, ut inefficax maneat in his, in quibus non operatur, quia auxilium de se efficax est necessarium ad opus, & Deus sua voluntate dat illud cui vult, & negat illud cui vult, iuxta illud, *Non est volentis, nec currentis, sed Dei miserentis*; cum enim Deus sit supremus Dominus suorum auxiliorum, potest illa distribuere sicut vult, & nemini facit iniuriam, & videntur hi Doctores quoad hanc partem consequenter loqui, quia auxilium de se efficax est præuium & necessarium: non potest autem homini illo carenti imputari, quod ei non fuerit datum, quia sine illo nihil facere potuit, quo illud obtineret, ut infra pressius urgebimus. Addo verò, licet auxilium efficax non sit de se tale, sed in vocatione congruè consistat, nihilominus posse videri soli Deo attribuendum esse, quod homo non recipiat vocationem congruam, ac subinde quod eius vocatio sit tantum sufficiens, & non efficax. Probatur, quia cui Deus præbet primam vocationem congruam, sua sola voluntate donat, quia non potest homo illam mereri, ut infra ostendemus; ergo cui non donat illam, etiam sua voluntate non donat, ergo hoc modo Deus est causa inefficacis auxilij.

**P**rima consequentia probatur, tum rationibus factis, quod si affirmatio est causa affirmationis, negatio est causa negationis, tum quia cum vocatio antecedit libertatem hominis, non potest homo esse in causa, quod talis, vel talis sit. Tum denique, quia illa distributio vocationum provenit ex sola dispositione diuinæ providentiæ, nam Deus quosdam sola sua libertate prælegit efficaciter ad gloriam, vel ad fidem, vel ad penitentiam; alios non elegit, & ideo prioribus dat vocationem quæ habeat effectum in eis: posterioribus autem dat vocationem

3. Auctores huius sententiæ non vno modo explicant radicem illius inefficacis.

Quomodo Deus dicatur ab illis esse causa inefficacis, si negat congruam vocationem.

1. Status quæstionis.

2. Prior sententia docet inefficaciam gratiæ sufficientis, pendere partim ex natura ipsius gratiæ, partim ex Deo eam dante.

Fundamentum eius sententiæ & probatio.

Confirmatur.

tionem quæ nunquam habeat effectum; ergo tam efficacia vocationis, quàm inefficacia in Deum tanquam in primam radicem & causam refundi debet.

4.  
Probatur  
ex S. Aug.  
vacius locis.

Potest in huius sententiæ confirmationem adduci Augustinus dicta q. 2. ad Simplician. circa medium, ubi expendens Christi verba, *Multi sunt vocati, pauci verò electi*, &c. ait, *Ut quamvis multi uno modo vocati sint, tamen quia omnes non uno modo affecti sunt, illi soli sequantur vocationem, quia ei capiende reperiuntur idonei. Et illud non minus verum sit, non est volentis, nec currentis, sed miserantis est Dei, qui hoc modo vocauit, quomodo erant aptum eis qui sequenti sunt vocationem. Et statim adiungit, (quod ad præsentem rem spectat,) idem ferè de non electis dicens, *Ad alios autem vocatio quidem peruenit, sed quia talis fuit, qua moueri non possent, ut eam capere apti essent, vocati quidem dicere potuerunt, sed non electi, & non iam similiter verum est, igitur non miserantis Dei, sed volentis atque currentis est hominis, quia non potest effectum misericordia Dei esse in potestate hominis, ut frustra ille miseretur si homo nolit. Quia si vellet etiam ipsorum misereri, posset ita vocare quomodo illis aptum esset, & ut mouerentur, & intelligerent, & sequerentur. In quo discursu verumque refert in diuinam voluntatem, nimirum, vel efficaciter, vel inefficaciter vocare, & hunc discursum ferè vsque ad finem questionis prosequitur.**

Est præterea de eadem re difficillimus locus apud Augustinum lib. de Prædest. Sanct. cap. 8. ubi de auxilio efficaci dicit esse gratiam secretam. *Que occultè humanis cordibus diuina largitate tribuitur, & à nullo duro corde respuitur, ideo enim tribuitur ut cordis duritia penitus auferatur.* & statim subiungit, *Deum ita docere filios promissionis, id est, electos, quos preparauit ad gloriam; alios verò non ita docere, Cur (inquit) non omnes docet, ut veniant ad Christum, nisi quia omnes, quos docet, misericordia docet, quos autem non docet, iudicio non docet, quoniam cuius vult miseretur, & quem vult indurat.* Ergo ex Dei ordinatione prouenit gratiæ inefficacia in his, qui per illam non mouentur, imò (quod difficillius est) indicat inferiùs aliquos tantùm exterius vocari, & ideo inefficaciter vocari, quia Deus internam gratiam non præbet. Cum igitur (ait) *Euangelium predicatur, quidam credunt, quidam non credunt, sed qui credunt, Predicatore forinsecus in sonante, intus à Patre audiunt, atque discunt: qui autem non credunt, foris audiunt, intus non audiunt, nec discunt.* Ergo hinc habet vocatio quòd sit inefficax; ergo id habet ex Deo negante internum auxilium.

Tertid est similis locus apud eundem Augustinum lib. de bonor. perseuer. cap. 14. ubi de Tyris & Sidoniis, *Relecti sunt* (utique in massa perditionis) *qui etiam credere potuissent, si mira illa Christi signa vidissent; sed quoniam ut crederent, non erat eis datum, etiam unde crederent, erat negatum.* Vbi apertè sentit, sicut Deus ex libera suæ prouidentiae dispositione, quosdam elegit, ita sua voluntate quibusdam dare gratiam efficacem, aliis eam negare, de quibus ait, *Si Dei altiori iudicio à perditionis massa non sunt gratia prædestinatione discreti, nec ipsa eis adhibentur, vel dicta diuina, vel facta, per que possent credere, si audirent utique talia, & viderent;* ergo ex eadem Dei voluntate prouenit, ut in aliis non electis vocatio sit tantùm sufficiens, & non efficax.

5. Nihilominus dicendum est primò inefficaciam

A sufficientis auxilij nullo modo posse in Deum refundi, nec illi ut causæ, nedum ut primæ radici attribui: sed prima & vnica ratio huius inefficaciæ est voluntas humana. Probatur ex Scriptura, in qua hæc inefficacia non Deo, sed homini tribuitur, Actor. 7. *Dura cernice, & imbecillis cordibus vos semper Spiritui sancto resististis;* atque interiùs vocanti, & sufficienter inspiranti, & adiuuanti, quantum est ex se, ut rectè Catholici Scriptores contra Calvinum ponderarunt, & suprà diximus; sicut enim Paulus alibi dixit, *neque qui plantat est aliquid, neque qui rigat, sed qui incrementum dat Deus*, ita enim resistere voci Prædicatoris exterius sonanti, nisi per illam vocem Spiritus sanctus vocaret, non esset Spiritui sancto resistere, etsi vocatio illa non esset interior de se sufficiens, illi cooperari non esset duritia cordis, sed in potentia, unde neque esset resistentia. Quando ergo vocationi internæ & sufficienti Spiritus sancti non consentitur, tunc Spiritui sancto resistitur; ergo talis resistentia tantum abest, ut possit Spiritui sancto attribui, quod potius sit illi iniuriola, & contraria: vocatio autem sufficiens non fit inefficax, nisi per hanc resistentiam; ergo inefficacia auxilij sufficientis nullo modo potest Spiritui sancto attribui, sed est potius illi contraria.

Et eodem modo probant veritatem hanc alia testimonia huic similia, ut est illud Matth. 23. *Quoties volui congregare filios tuos, & noluisse;* & illud Isai. 5. *Quid amplius facere debui vinea mea, & non feci.* Nam profectò si Deus ipse auctor esset inefficaciæ auxilij, non solum facere omittisset aliquid debitum, sed etiam faceret aliquid indebitum, nam fuisset causa, ob quam vinea fructum non dedisset, nulla enim maior causa sterilitatis eius esse potest, quàm inefficacia auxilij, idem probant verba illa Osee 13. *Perditio tua Israël ex te, tantummodo in me auxilium tuum.* Nam perditio hominis in eo maximè posita est, quòd gratiam Dei euacuat, & Spiritum extinguit, eius auxilio non vtendo, quod est illud inefficax reddere; ergo hæc inefficacia hominis ab ipso est, non à Deo, à quo solum auxilium prouenit, inefficacia autem non est auxilium, sed potius dici posset defectus auxilij, si à Deo proueniret. Denique hoc confirmant illa testimonia, in quibus dicitur Deus hominum salutem velle, 1. Timoth. 2. Et illa in quibus dicit Deus, se nolle mortem peccatoris, sed ut magis conuerteretur & viuat, Ezech. 18 & 33. Nam cum inefficacia auxilij neque digna potentia, neque virtute, aut salus animæ subsistere potest; si ergo Deus procuraret homini auxiliorum sufficientium inefficaciam, proculdubio hominis salutem velle, aut desiderare fingeret.

Secundò probatur eadem veritas ex Augustino, nam in dicta q. 2. ad Simplician. ita de Esau loquitur. *Noluit Esau, & non cucurrit, sed etsi voluisset, & cucurrisset, Dei adiutorio peruenisset, qui ei etiam velle & currere præstando vocaret, nisi vocatione contempta reprobus fieret.* ubi in solam Esau voluntatem causam reuocat, ob quam vocatio illa non operata est velle & currere, quod est vocationem esse efficacem, quia nimirum illam contempsit, & eodem modo in lib. 83. q. 68. dicit de Pharaone fuisse vocatum utique sufficienter, & quia vocationi obtemperare noluit, pœnam obdurationis meruisse. Et de vocatis ad Cœnam Luc. 4. *Non omnes qui vocati sunt venire voluerunt, nec illi qui venerunt,*

Inefficacia gratiæ sufficientis non pendet à Deo, sed à voluntate humana, ut à prima radice, Probatur essentia ex S. Scriptura.

Inefficacia gratiæ sufficientis oriatur ex resistentia voluntatis non consentientis Spiritui sancto.

In quo posita sit perditio hominis.

6. Probatur ex S. Aug. in Esau.

In Pharaone.

venire possunt, nisi vocarentur. In eis ergo qui non venerunt, ex sententia Augustini vocatio inefficax facta est, solum quia vocati venire noluerunt, vnde generaliter subiungit, *Neque illi sibi debent tribuere, qui venerunt, quia vocati venerunt, neque illi, qui noluerunt venire, debent alteri tribuere, sed tantum sibi, quoniam ut venirent vocati, erat in libera eorum voluntate.* Si ergo alteri non possunt tribuere, multo minus Deo. Tertiò expressum & egregium Augustini testimonium lib. 2. de peccat. merit. cap. 17. ubi priùs quærit, *Cum voluntate humana, gratia adiuvante divina, sine peccato in hac vita homo esse possit, cur non sit?* Et subiungit, *Possent facillime & veracissime respondere, quia nolunt.* Postea verò quærens causam cur nolint, duas reddit, ignorantiam nempe, & infirmitatem, & subiungit, *Ut autem innotescat quod lasebat, & suade fiat, quod non delectabat, gratia Dei est, quæ hominum adiuvat voluntatem, quæ ut non adiuvenitur, in ipsis isidem causa est, non in Deo.* Quartò in lib. de grat. & lib. arbit. cap. 1. reprehendit eos, qui etiam de ipso Deo se excusare conantur. Et contra eos abiicit illud Iacob. 1. *Deus neminem tentat, & illud Prouerb. 19. Insipientia viri violat vias eius, Deum autem causatur in corde suo.* Si autem carentia efficaciz auxilij in Deum, ut in primam causam refundi posset, profectò magna ratione possent homines excusari apud Deum de ipso Deo. Denique hoc optimè confirmat idem Augustinus epist. 15. dicens, *Deum indurare aliquos non importando misericordiam.* & adiungit, *Quibus eam non impertitur, neque digni sunt, neque merentur, ac potius ut non impertiantur, hoc digni sunt, hoc non merentur.* Consentit huic doctrinæ & tanquam Augustinianam defendit Prosper ad obiectiones Vincent. cap. 7. ad obiectiones Gallor. ad 7.

Homo in hac vita sine peccato esse non potest, quia non vult, & cur nolit, dicitur sunt ex eod. Aug. causæ, Ignorantia & infirmitas.

7. Probaturationibus primæ pars.

Inefficacia gratiæ sufficientis non potest esse sine peccato in materia præcepti.

Confirmatur authorit. SS. August. & Properi.

Tertiò potest eadem veritas rationibus confirmari, duas enim habet partes, vnam negativam, quòd talis inefficacia non sit Deo tribuenda, alteram affirmatiuam, quòd homini imputetur, & vna sequitur ex alia. Vnde prima ratio sit, quia redde te vacuum effectum Dei vocationem, in his quæ sunt ad salutem necessaria, seu quado nos vocat ad implenda præcepta, non sit sine peccato, aut sine auersione hominis à Deo, sed auersio hominis non potest Deo tanquam auctori tribui; ergo neque inefficacia sufficientis gratiæ potest illi tribui. Cōsequētia evidens est. Maior etiam nota est ex Scripturis allegatis. Cum enim Stephanus Iudæos reprehendebat, quòd Spiritui sancto resistissent, grauissimæ culpæ illos arguebat, & idem confirmat diuinæ sapientiæ comminatio Prouerb. 1. *Quia vocati & renuistis, extendi manum meam, & non fuit qui aspiceret, despexistis omne consilium meum, & interpretationes meas neglexistis, ego verò in interitum vestro ridebo.* Et ideo etiam Christus Dominus Iudæis dixit Ioan. 15. *Si non venissem, &c. nunc autem excusationem non habens de peccato suo.* vtrique infidelitatis, ut exponit Augustinus, & ratio est clara, quia auxilium sufficiens non sit inefficax, nisi non cooperando illi, sed qui non operatur: seu resistit, vel non respondet vocationi in materia necessaria & præcepta, eo ipso non implet præceptum; ergo illa resistentia non sit sine graui culpa: sicut ergo grauis culpa non potest Deo imputari, ita nec inefficacia auxilij. Vnde meritò dixit Augustinus lib. 2. de peccat. merit. cap. 5. *Si à Deo auertimur, nostrum est, & nunc secundum carnem sapimus, &c. Conuersos ergo Deus adiuvat, auersos deserit, & cap. 18. Quòd à Deo nos auertimus, nostrum est, &c. & Fr. Suarez de Gratia Pars. I I.*

A Prosper ad cap. Gallor. in 7. cum dixisset multos priùs à Deo apostatasse, & in sua auersione desinere, subiungit, *sed horum lapsum Deo tribuere immodice prauitatis est.*

Imò addo non solum in materia præcepti, sed etiam in materia consilij resistere diuinæ inspirationi, & auxilio diuino sufficienti, illudque inefficax reddere, nunquam esse ex Deo, sed ex homine. Ratio est, quia licet illa resistentia liberi arbitrij, per quam tale auxilium redditur inefficax, interdum non sit peccatum, semper est defectus quidam, & imperfectio virtutis, ideòque non potest in Deum refundi. Item, quia quoties Deus præbet auxilium proximè sufficiens ad aliquod bonum propositum, vel actum ipsius hominis, procedit ex voluntate Dei saltem antecedente, quæ verè & non fictè cupit ut homo habeat talem actum; ergo non potest ipse Deus esse radix & causa resistentiæ hominis, quia hoc repugnat cum illa Dei voluntate si vera sit, & non ficta. Nam velle quantum ex se est ut actus fiat, & alioqui impendere cooperationem hominis, vel ex propria voluntate esse causam eius, repugnantia sunt. Item quia si vocatio est verè sufficiens, confert homini, & in eius potestate & arbitrio constituit, quidquid necessarium est ad efficiendum actum, ad quem tale auxilium dicitur sufficiens; ergo fieri non potest ut per Deum ipsum stet, quominus talem actum efficiat, quia hoc apertè repugnat cum auxilij sufficientia ex parte Dei. Atque hæ rationes concludunt vniuersaliter, & in quacunque materia, non posse inefficaciam auxilij alioqui sufficientis ex parte Dei, ipsimet Deo tanquam primæ radici, aut veræ causæ attribui. Repugnat enim talis providentiæ modus, vel cum diuina voluntate, vel cum constantia, & immutabilitate voluntatis eius, ac subinde cum eius sapientia, & erga homines charitate.

Inefficacia eadem in materia consilij non est sine aliquo defectu.

Deus non potest esse radix, & causa huius inefficaciæ, seu resistentiæ.

Atque hinc concluditur altera pars, nimirum solum hominem & infirmam ac fragilem voluntatem eius esse propriam causam inefficaciæ sufficientis auxilij. Probatur primò, quia nulla causa creata, ut Dæmon, cælum, appetitus inferior, hominis suasio, vel alia similis, potest hominem cogere, seu necessitare ad non respondendum vocationi, quando illa sufficiens est, ut suppono; ergo ex sola extrinseca libertate hominis recipientis oritur ille defectus, quia Deus non vult illi inferre necessitatem, nec erat conueniens, quia destrueretur meritum, & humanus operandi modus, & alioqui voluntas ipsa creata deficiens est; illi ergo debet tribui defectus cooperandi gratiæ, non Deo. Item hoc euidentius probatur, quoties in hac resistentia, seu dissensu à vocatione peccatum interuenit, quia propria causa culpæ, hominis est arbitrium: ergo quoties inefficacia auxilij ex culpa hominis nascitur, illi tribuenda est, non alteri. Hoc item generaliter probat ratio de sufficientia auxilij, nam si homini datur auxilium sufficiens ex parte Dei, quæle à nobis explicatum est, per nullam causam extrinsecam potest efficaciter impediri, quia licet fortè instet tentatio, si auxilium Dei in eo tempore & in ea opportunitate, in qua datur, est simpliciter sufficiens, consequenter de se potens est ad vincendam omnem tentationem; ergo quòd homo succumbat, & inefficax reddat tale auxilium, illi soli tribuendum est.

8. Probaturationibus secundæ pars assertoria.

Et hoc satis confirmant adducta testimonia, quibus addi potest egregium Augustini testimonium lib. 3. de lib. arb. cap. 16. dicentis, *Ex eo quod non accepit, nullus est reus, ex eo verò quod non facit, quod debet, inste reus est: debet autem si accipit*

Confirmatur ex August.



Quomodo  
intelligi de-  
beat illud  
Dei apud  
Isaiam, *Quid*  
*est, quod de-*  
*bui ultra fa-*  
*cere vinea*  
*mea, & non*  
*feci ei?*

rum ponderator, Deum quidem nihil ex his, quæ debet facere, omittere, nec ex his quæ dare debet, aliquid denegare; nihilominus tamen negare aliquid auxilium quod nemini debet, etiam si absque illo opus fieri nunquam possit. Sed hoc dictorum verborum vim non euacuat. Nam in primis licet Deus absolute non debeat alicui auxilia sua, si tamen vult hominem ita obligare ad fructum faciendum, ut excusationem non habeat, si non fecit, debet omnino aliquo modo ex dictis illi dare omnia auxilia necessaria, nullo dempto. Deinde Cyrillus lib. 1. in Isai. sic legit hæc verba, *Quid faciam vinea mea quod non fecerim ei.* ubi ablato nomine debiti declaratur, nihil ex parte Dei debuisse quod ad ferendum fructum esset necessarium, quod sic exponit Cyrillus. *Quid boni illis defuit, ut inuiles fierent? Si enim rerum ad usum, & utilitatem necessarium quippiam à me plantaueram forte prætermisissim fuerit, causæ nihil dicam, neque penam exigam; quid enim faciam (inquit) quod non feci? Cum verò rebus ei utilibus plenam, nulliusque rei indignam fecerim, &c. si nullius rei indignam, profecto neque alicuius auxilij omnino necessarij.* Vnde Chrysostomus eadem verba expendens homil. 12. in Matth. Idipsum (inquit) hoc est considerandum in loco, quid scilicet oportuerit fieri quod à Deo factum posse negari, & Athanas. de Passione & Cruc. Domini, non longè à principio, eundem sensum indicans ponderat illam particulam *adhuc*, quam dicit indicare diuinam longanimitatem, bonitatem & tolerantiam, & glossa ordinat, dicit nihil defuisse ex parte Dei, & D. Thomas ibidem ait contulisse Deum vineæ omnia beneficia necessaria ad ferendos vuarum fructus, & ideo illos expectasse.

9.  
Eadem ratio  
moralis fun-  
data est in  
ratione natu-  
rali.

Hæc autem moralis ratio quam ex Scriptura deprompsimus, in ratione etiam naturali supra tacta fundata est, quia ostendimus sine auxilio sufficiente modò à nobis explicato non constitui operationem in libera hominis potestate, seu in tali potestate, qua possit liberè uti cum non habeat in sua potestate aliquid necessarium ad talem usum: imputatio autem ad culpam supponit hanc libertatem. Quis enim homini imputet, quod non videat, licet oculos habeat, si non esset in potestate eius habere lucem; aut quomodo potest alicui habenti vires & pedes, ad ambulandum culpæ attribui quod non ambulet, si habet pedes ita ligatos ut compedes auferre non possit: sicut ergo iusta accusatio (ut ita dicam) supponit libertatem quæ non est circa supernaturalia opera sine auxilio sufficienti pleno, ita non deest legitima accusatio quandiu auxilium sufficiens non habetur. Et hac ratione ignorantia inuincibilis inducit legitimam excusationem, quia non est in potestate hominis, nec eius voluntate illam depellere. Eadem autem ratio de quacumque alia carentia rei, vel conditionis necessariæ ad operandum, si non est in manu hominis illa non caret, seu (quod idem est) rem illam obrinere, & confirmatur, & declaratur vltetiùs, quia homini non operanti vel imputatur carentia potestatis, vel carentia operationis, aut honestatis alicuius. Non primum, per se, & proximè loquendo, tum quia à nobis per se non præcipitur posse, sed agere, tum quia habere potestatem ad actus supernaturales non est nostræ libertatis, sed diuini muneris. Dico autem *per se, & proximè*, quia interdum carentia potestatis potest homini imputari, quia ponit impedimentum vocationi, per quam incipit potestas dari: tunc autem potestas imputatur homini defectus alicuius honestæ operationis, seu

A peccatum aliquod, ratione cuius caret tali potestate, & ita per se primò carentia operationis debita est, quæ imputatur; ergo homini iam vocato non imputatur defectus potestatis, sed defectus debiti usus gratiæ: ergo hic usus debet esse omnino in hominis potestate; ergo omnia necessaria ad usum debent constitui in hominis potestate, ut auxiliū illi datum ante operationem sufficiens censeatur.

Denique doctrina hæc desumpta est ex Augustino q. 1. lib. 1. ad Simpl. ubi prius generatim dicit. *Opus est velle, & currere, non enim frustra dicitur, & in terra pax hominibus bonæ voluntatis, & sic currere ut comprehendatis.* & postea de Esau subiungit, *Noluit ergo Esau, & non eucurrit, sed eisi voluisset, & eucurrisset, Dei adiutorio præuenisset, qui eia ei velle & currere vocando præstaret, nisi, vocatione contempta, reprobus fieret.* In his enim verbis supponit Augustinus habuisse Esau auxilium sufficiens, & per illud habuisse potestatem non remotam, sed proximam, nec tantum physicam, sed moralem, & liberam, per quam & velle & currere erat sibi concessum, nisi vocationem cōtemneret; ergo ex sententia Augustini auxilium sufficiens, quod satis sit ut homini imputetur ad culpam, non venire, imò & non peruenire, tale esse debet, ut ipsum velle & currere ratione talis auxiliij sit in hominis potestate & voluntate; ergo necessarium est, ut per tale auxilium omnia necessaria ad volendum sint

10.  
Eadem ratio  
probat ex  
Augustino.

B in hominis potestate & voluntate. Hoc ipsum sentit Augustinus, ubicumque *auxilium* illud *sufficiens* explicat per conditionalem illam locutionem, dicens, per sufficiens auxilium dari homini ut operari possit, si velit. Sic explicat gratiam datam Adæ lib. de corrept. & grat. cap. 11. dicens, *tale fuisse adiutorium datum Adamo, quod desereret, si vellet, & in quo permaneret, si vellet,* & in cap. 12. ait in voluntate hominis fuisse positum, & cum adiutorio Dei, sine quo perseverare non posset, manere si vellet; ergo illa cōditionalis, *operari si velit*, sic possibilis, & re vera per auxilium sufficiens; ergo per tale auxilium ponitur in voluntate hominis, quidquid est necessarium ad volendum. Nam si aliquid necessarium ad volendum non est in eius potestate, quia nec illi datur, nec offertur sub ea saltē conditione si velit, profecto non potest dici, ipsum velle esse in eius libera potestate; essetque verbis ludere & illudere hominem, si ei dicatur posse, si velit, si aliàs non est in potestate & libertate eius obtinere aliquid ita necessarium ut velit, ut repugnet, sine illo ipsum velle in rerum natura cōstitutū.

Locutio illa,  
*operari si velit*, sit, & re ipsa est possibilis per gratiam sufficientem.

Ad primam ergo difficultatem in principio positam, quæ distinctionem auxiliij sufficientis ab efficaci petebat, responderetur, non distingui per hoc quod sufficiens sola auxilia excorantia, efficax verò adiuvantia, seu cooperantia includat, utrumque enim utraque complectitur auxilia. ut de efficaci notum est, & iuxta dicitur, & de sufficienti ostensum est capite præcedenti. Differunt ergo in modo postulandi, seu includendi cooperantem gratiam, seu concomitantia auxilia. Auxilium enim sufficiens, si sit proximum, includit omnia præuenientia auxilia actu recepta, non minus quam auxilium efficax, & ita in illis auxiliis conuenire possunt, imò & esse aliquo modo æqualia, ut postea dicemus. Differunt autē, quia sufficiens auxilium habet auxilium cōcomitans tantum oblatū ex parte Dei, & positum in voluntate operantis; in re verò ipsa sine illo subsistit & inuenitur, & hanc separationem in conceptu suo includit, quæ non habet cōcomitantia auxilium sufficiens. Auxilium autem efficax etiam auxilium concomitans in

11.  
Responde-  
tur propo-  
sitis per gratiam  
sufficientem.

12.  
Per distin-  
ctionem gra-  
tiæ sufficien-  
tis & effica-  
cis, in modo  
includendi  
cōcomitan-  
tia, & coope-  
rantia auxilia.

Confirma-  
tur.

in re ipsa datum, & actu positum, vel talem habitudinem ad illud, ut ab illo nunquam separaretur. Vnde autem hoc proueniat, postea tractabimus.

2.  
Per distinctionem  
veriusque  
eiusdem gratiae,  
ratione  
ultimi actus,  
seu operationis  
actualis.

Ad secundam difficultatem, in qua tangitur alia differentia vulgaris, quod auxilium sufficiens dat posse, efficax autem dat velle, seu operari, differentiam sano modo intellectam, esse veram. Dico autem sano modo intellectam, quia seruata proportionem etiam auxilium efficax dat posse coniunctum cum actu, & auxilium sufficiens suo modo dat velle operari, tum quia licet in effectu non conferat velle operari, constituit illud in potestate & voluntate operantis, si velit ut ex Augustino explicuimus. Tum etiam, quia tale auxilium ex se & intentione Dei, datur homini, non tantum, ut possit, sed etiam ut faciat, nulla enim potestas datur propter se, sed propter actum, etsi potestas sit sufficiens, data potestate, datur actus, quantum est ex parte dantis potestatem, & similiter si potestas sit libera, actus etiam constituitur in voluntate recipientis potestatem, ideoque omnia requisita ad actum in eiusdem constituantur potestate & voluntate; differentia ergo, & verus sensus est, quod auxilium sufficiens ita dat potestatem cum omnibus requisitis ex parte Dei ad operandum, ut non secum afferat operationem, aut voluntatem actualem, & ideo dicitur dare posse, non quia de se non det etiam agere, sed quia profecto illud non praestat. Auxilium autem efficax dat potestatem actu influentem, & operantem, & ideo ratione ultimi actus dicitur dare ac velle, & operari, vel permanere, seu perseverare, & similia. Et simili modo si vocatio sit efficax, dicitur facere ut velimus, quia infallibiliter secum affert consensum: vocatio autem sufficiens tantum de se etiam facit ut velimus, nam ad hoc sufficienter inducit, in se tamen non assequitur, quod intendit, & ideo dicitur potius dare ut possimus, quam facere ut velimus, utique simpliciter, & absolute, nam cum illo addito de se, etiam id potest & debet admitti.

Gratia sufficiens  
quo pacto  
det posse  
se & agere.

3.  
Per rationem,  
quod sit, ut  
gratia sufficiens  
non  
operetur  
actu.

In tertia vero difficultate peritur, vnde habeat auxilium sufficiens ut actu non operetur, & ita sit inefficax, & conuerso vnde habeat auxilium efficax ut infallibiliter effectum consequatur. Sed de primo puncto dicemus in sequenti capite; de secundo vero in sequenti libro. Nunc solum dicimus posito auxilio sufficienti prout a nobis explicatum est, a sola quidem libertate arbitrij prouenire ut non operetur, quod autem operetur, non prouenire a sola libertate, sed ut per gratiam adiuta; quod tamen adiutorium alteri non defuisset, nisi restitisset: haec autem multa declaratione indigent, quae paulatim tradenda sunt.

12.  
Respondetur  
fundamento  
contrariae  
sententiae, dari  
cum gratia  
sufficiente  
concursum  
concomitantem  
ad operationem  
necessarium.  
Quotuplex  
ille sit concursum.

Ad fundamentum denique contrariae sententiae dicimus in primis cum auxilio sufficienti dari aliquo modo concursum concomitantem gratiae ad operationem necessarium. Hic autem concursus duobus modis dari potest, vno modo in se, seu in actu secundo, & sic repugnat dari sine ipsa actuali operatione, quia in re non distinguitur ab actione causae secundae, ut superiori libro visum est, ideoque concursus gratiae sic praestitus nunquam separatur ab auxilio efficaci. Alio ergo modo potest dari hic concursus quasi in actu primo non inherente homini, sed assistente, quia nimirum Deus ipse, qui potest solus illum concursum in exercitio praestare, intimè adest voluntati iam excitatae & vocatae, & de se paratus est ad concurr-

Fr. Suarez de Gratia Pars 11.

rendum cum illa, si per ipsam non steterit, & hoc satis est, ut voluntas simpliciter possit & habeat omnia requisita in sua potestate, quia quod per alium possumus, cuius adiutorium paratissimum est, si illud suscipere volumus, venissime & propriissime possumus. Cum autem instatur, quia hic concursus debet incipere ab ipso Deo. Respondemus ex parte Dei incipere debere ab ipso, nec posse ab alio, quam a sua voluntate trahi ad concurrentem; illam tamen Dei voluntatem iam esse paratam, & per illam esse quasi applicatam, & expositam potentiam Dei, ut simul cum homine influat, ipso etiam homine suum opus inchoante. Quapropter ad obtinendum a Deo hunc simultaneum concursum, non est necessaria aliqua praeterea hominis operatio, sed solum simultanea cooperatio.

Vnde est habendum praeculis discrimen inter auxilium praeueniens, in quo Deus solus sine homine operari incipit, aliquid in homine faciendo, quod non facit homo: & auxilium simultaneum, & concursum merè concomitantem. Nam auxilium praeueniens si ad opus hominis sit necessarium, & non sit iam datum ad extra, (ut ita dicam,) nec in homine receptum, non potest offerri & esse ita paratum ex parte Dei, ut sit etiam immediatè positum in voluntate hominis per illud operari, sed tantum potest constitui mediatè in hominis potestate, id est, vel mediante aliquo alio actu, qui sit in eius potestate, quem si fecerit, infallibiliter ei dabitur tale auxilium, vel saltem media carentia alicuius impedimenti, quod liberè possit homo non ponere non peccando. Ratio est illa, quae in fundamento contrariae sententiae facta est, quia cum illud auxilium debeas incipere a solo Deo, si non absolute datur, sed sub conditione offeratur, si homo aliquid faciat, necesse est, ut id quod ab homine exigitur ad obtinendum actu illud auxilium, non sit faciendum ab homine cum illo eodem auxilio, quia illud debet a solo Deo inchoari, ut supponitur: ergo debet aliquis alius actus, ad quem non sit necessarium illud praenium auxilium, vel carentia praui actus, a quo etiam possit homo liberè abstinere, sine eodem auxilio, quia impossibile est postulare ab homine dispositionem ad obtinendum praenium auxilium, quae sit ipsemet actus, qui sine illo praenium auxilio fieri non potest, ut in lib. sequenti latius ostendemus.

13.  
Discrimen  
inter auxilium  
praeueniens,  
& simultaneum,  
seu concomitantem.

Hic autem non agimus de praeniente auxilio, dicimus enim auxilium sufficiens si sit proximè sufficiens & completum includere omnia auxilia praenientia, non tantum oblata, sed actu data; nam si aliquod est tantum oblatum, aliud auxilium datum, non erit proximè sufficiens ad illum actum, ad quem aliud praenientia auxilium offertur, sed poterit esse tantum sufficiens remotè, mediante scilicet alio actu orationis, v.g. vel alterius dispositionis necessariae ad obtinendum nouum auxilium, ad quam dispositionem praestandam, prius auxilium erit proximè sufficiens, & includit omnia auxilia praenientia ad illum necessaria actu iam data, ut satis declaratum est & probatum. At verò concursus concomitans eo ipso quod est sufficienter oblatus ex parte Dei, est immediatè in hominis potestate, quia non indiget homo alio actu, ut illum a Deo obtineat, quia ad illud actu esset necessarius alius concursus, & sic procederetur in infinitum; sed solum necessarium est, ut homo liberè praebat influxum ex parte sua necessarium ad actum; nam tunc eo ipso Deus influat.

X

influat

influit ex vi præcedentis voluntatis, qua suum influxum homini obtrahit. Et ratio est, quia in hoc influxu & concursu nihil Deus solus operatur in homine, quod non etiam faciat homo, nec e conuerso, sed in causando simul omnino incipit; ideoque optimè potest concursus Dei offerri homini, si velit Deo cooperari ad illum actum, ad quem concursus Dei paratus est.

Quod verò ultimo loco addebatur de prædestinatione, aut prædefinitione voluntatis Dei, ad rem præsentem non pertinet, quia quidquid sit de modo, quo hi actus sunt in Deo respectu actuum humanorum & liberorum, illi non pertinent ad auxilia gratiæ necessaria ad operandum, sed ad modum quo Deus tamquam primus auctor gratiæ efficit, vel prouidet talia auxilia, de quo modo licet alibi copiosè dixerimus, aliqua in libro sequenti attingemus. Nunc autem solum dicimus auxilium sufficiens, etiamsi non procedat ex voluntate Dei absolute præstipiente actum hominis, debere esse tale, quale illud descripsimus, vt sit verè sufficiens, imò etiam addimus quoties actus, propter quem datur auxilium sufficiens, non est prædestinitus, aliqua ex parte ipsi homini posse attribui, vt in materia de prædestinatione latius tractatur, & ex dicendis in sequenti capite declarabitur.

14. Denique hinc solum manet tertium argumentum in capite primo relictum, quod petebat quo modo illa duo membra inter se distinguantur, vel opponantur; dicendum est enim distinguantur tamquam includens & inclusum, & quasi priuatimè opponi. Declaratur, quia gratia sufficiens dat vires sufficientes voluntari, vt cum Augustino loquamur; gratia verò efficax dat vires efficacissimas: vires autem efficaces etiam sunt sufficientes; ergo includit efficax totum id quod est quasi positiuum in sufficiente, & addit infallibilem connexionem cum operatione, quam non includit sufficiens, ergo ob rationem priorem rectè dicuntur distinguere vt includens & inclusum: posteriori autem ratione gratia sufficiens quandam priuationem includit, propter quam potest dici inefficax, ac subinde priuatimè opponi efficaci, & hinc obiter intelliguntur duo, vnum est diuisionem hanc esse sufficientem, quia per membra immediatè posita traditur. Aliud est, propter hanc diuisionem non multiplicari gratias actuales, vel habituales suprà enumeratas, sed easdem explicari cum diuersis habitudinibus ad actualem operationem, vt declaratum est, & hæc sufficere videntur ad simplicem quamdam diuisionis explanationem, nam profundior illius comprehensio ex singulorum membrorum pleniori intelligentia pendet: superest ergo vt ea quæ specialiter ad gratiam sufficientem pertinent, in reliqua parte huius libri prosequamur.

### C A P V T I I I.

*Verum auxilium sufficiens sit verum auxilium gratiæ internæ distinctum à lege, reuelatione, & doctrina,*

1. IN hoc capite præcipuè notandus & refellendus est error Caluini, dicentis nullum esse ve-

rum gratiæ interioris auxilium, præter auxilium efficax, quale ab ipso ponitur inducens necessitatem, & tollens libertatem; ideoque omnia loca Scripturæ, in quibus reprehenduntur homines, qui gratiæ Dei resistunt, interpretabatur de gratia externæ doctrinæ per Scripturam, vel per predicationem verbi Dei, ita refert... in id Act. 7. *Vos Spiritui sancto resististis*, dicens contraminasse Caluinum locum illum asserens eos resistere Spiritui sancto, qui eum in Prophetis loquentem contumaciter reieciunt, quia non de internis reuelationibus & inspirationibus, sed de externo ministerio eiusdem verba intelligenda esse accutere monebat. Vnde planè conuincitur solam anteriorem doctrinam satis esse putasse ad auxilium sufficiens, cum illi resistere censeatur esse culpabile & reprehensione dignum, in quo errore videtur Caluinus Pelagio consentire, quo ad sufficientem gratiam, licet inefficaci in alio extremo illi contrarius sit, vt postea videbimus. Pelagius enim per solam gratiam predicationis, doctrinæ, promissionis & exempli dicebat sufficienter iuuari possibilitatem naturæ, vt homo possit benè operari, & sanctificari, si velit. Ultra hanc verò gratiam non postulabat alias gratias ad volendum & operandum cum effectu; nam nifus libertatis sufficere putabat, vnde fundamentum eius erat, quia proposito obiecto sufficienti voluntas potest circa illud operari si velit; ergo illa propositio obiecti sufficiens per reuelationem, vel alia externa media sufficientia est etiam sufficiens gratiæ auxilium vt homo conuertatur, si velit. Caluinus autem cum gratiam efficacem ad bonum efficiendum cum voluntate requirat, non video quo fundamento dicere potuerit externam doctrinam esse sufficientem auxilium cui resistere peccatum sit, vnde potius credidisse videtur non esse de ratione peccati actualis vt vitari possit, quia putauit non posse liberum arbitrium internæ motioni Spiritus sancti resistere, inde intulit eum qui resistit à Spiritu sancto interius non moueri, sed tantum exterius vocari, & nihilominus peccare.

For negantia gratiæ interioris auxilium,

Pelagii error solas externas gratias postulantis.

D Sunt quæ apud Augustinum in lib. 1. de grat. Christi nonnulla loca, in quibus nisi attentè legatur, videtur, impugnando Pelagium, in hanc sententiam inclinare, cum enim Pelagius diceret Deum per gratiam suam iuuare nostrum posse, id est, per legem & doctrinam quam Pelagius nomine gratiæ intelligebat. Augustinus urget illum vt illam gratiam fateatur quæ dat velle & facere, quæ est gratia efficax, & ita inter has nullam aliam sufficientem agnoscere videtur, vnde cap. 10. sic inquit, *Nos eam gratiam volumus istæ aliquando fateatur quæ futura gloria magnitudo non solum promittitur, verum etiam creditur & speratur, nec solum reuelatur sapientia, verum etiam amatur, nec suadet solum omne quod bonum est, verum etiam & persuadetur.* In quibus verbis apertè loquitur de gratia efficaci, quæ vocati veniunt, & quia audiunt, credunt & suasi persuantur, vnde id confirmat verbis Christi Ioan. 6. *Nemo venit ad me, nisi Pater, qui misit me, trahet eum; & Nemo potest venire ad me, nisi fuerit ei datum à Patre meo.* quæ testimonia frequentissimè idem Augustinus de gratia efficaci interpretatur, & de illa concludit in eodem capite, *Hanc debes Pelagius gratiam confiteri si vult non solum vocari, verum etiam esse Christianum.* Sentit ergo Augustinus omnem gratiam suadentem, & non persuadentem; vocantem, & non trahentem non transcendere

Idem nomine gratiæ intelligit legem & doctrinam.

Videtur facere S. Aug.



transcendere legis & doctrinae rationem, & nihilominus esse gratiam sufficientem, quia ultra illam non agnoscit nisi efficacem, & inde concluditur gratiam sufficientem tantum esse externam, qualem Pelagius fatebatur.

Vnde cap. 13. ut distinguat propriam gratiam internam ab ea, quam ponebat Pelagius, sic inquit, *Hae gratiae, si doctrina dicenda est, certe sic dicantur, ut aliis & interius eam Deus cum ineffabili suavitate credatur infundere: non solum per eos, qui plantant & rigant intrinsecum, sed etiam per se ipsum, qui incrementum suum ministrat occultis, &c.* Hae autem gratiae profecto efficaces sunt, ideoque de illa subiungit. *Sic docet Deus eos, qui secundum propositum vocati sunt simul donans, & quid agant scire, & quod sciunt agere.* Videtur autem Augustinus de interna gratia & efficaci tamquam de aequipollentibus, & quae mutuo conuertantur, loqui. quod magis insinuat inferius, dicens: Qui autem novit quid est quod fieri debeat & non facit, nondum à Deo didicit secundum gratiam, sed secundum legem, non secundum spiritum, sed secundum litteram. Ergo, secundum Augustinum, omnis qui non operatur ex gratia, non recipit internam gratiae spiritum, & tamen negari non potest, quin multi non cooperantes gratiae, sufficiens gratiae auxilium recipiant; ergo gratia sufficiens non includit internam gratiam.

Ac denique cap. 14. de hoc docendi modo quo per gratiam docet Deus, ait non rectè dici aliquem audiuisse, & didicisse sibi esse veniendum, & non facere quod didicit; sic enim ait, sicut Veritas loquitur, omnis, qui didicit, venit, quisquis non venit, profecto non didicit. Vnde nos possumus è contrario colligere, omnem illum, qui licet audierit, & aliquo modo didicerit, esse veniendum, non venit, non audiuisse eo modo quo gratia interna docet, sed eo tantum modo quo exterior doctrina suadet, & tamen multi sic non venientes habent auxilium sufficiens: ergo auxilium sufficiens non includit internam gratiam, seu doctrinam. Vnde ibidem concludit. *Ac per hoc quando Deus docet non per legis litteram, sed per Spiritus gratiam, ita docet, ut quod quisque didicerit, non tantum cognoscendo videat, sed etiam volendo appetat, agendoque perficiat.* Ergo, teste Augustino, gratia qua Deus interius docet, semper est efficax; ergo è conuerso gratia sufficiens non docet interius, sed tantum per legem & doctrinam: sunt pleraque alia loca in libris Augustini non parum difficilia quae hanc partem confirmare videntur, illa tamen commodius in cap. 6. tractabo.

His vero non obstantibus, dicendum est gratiam sufficientem necessariò includere internam gratiam praeter externam, & in ea principaliter consistere, ut haec assertio probetur: explicatur prius supponendo duobus modis posse Deum mouere, seu auxilium sufficiens praebere homini in ordine ad aliquem actum pietatis, scilicet, vel aliquo medio externo signo, seu obiecto vel merè interius immutando potentias, iuxta Augustini doctrinam lib. 1. ad Simplic. q. 2. & lib. de bono persequ. cap. 14. quando ergo Deus hoc posteriori modo praebet auxilium, clarè videtur tale auxilium internum esse. Verum tamen ille modus rarus est, & extra ordinariam legem significat à Paulo ad Romanos 10. dicente, *Fides ex auditu, auditus autem per verbum Christi*, ubi de verbo externo loquitur, ut alia verba declarant,

**A** *Quomodo audiam sine predicante: quomodo autem predicabunt, nisi mittamur, &c.* Auxilium ergo externae praedicationis & suasionis, necessarium quidem est ex lege ordinaria, & ad gratiam Dei spectat, ut lib. 3. cap. 1. dixi, & ita sub auxilio sufficiente integro & completo regulariter includitur, quia, ut dixi, illa est ordinaria via trahendi homines ad salutem, sed quia per se non est satis, ideo dicimus inde posse in illa consistere auxilium sufficiens simpliciter & collectiue, licet in suo utriusque doctrinae, vel propositionis obiecti sufficientiam suam habere possit.

In quo ulterius attentè considerandum est, sub hoc auxilio externo non intelligi tantum motionem illam externam, quae ad sensus peruenit, sed etiam illam, quae in mente fit per conceptus, vel affectus quos illa externa obiecta & eorum phantasmata possunt in mente naturaliter causare; non est enim dubium quin sonante voce Praedicatoris in intellectu fiat naturaliter species earum rerum, quae oriuntur, & per illas species naturali etiam virtute possint formari aliquot conceptus rerum & rationum, quae proponuntur, atque etiam excitari aliqui motus desiderij, timoris, &c. isti enim motus pertinent ad gratiam, quia ex beneficio gratuito, & supernaturali providentia dicunt originem, & ita secundum modum & habitudinem, gratiae quaedam sunt, etiam si aliàs in substantia sua motus naturales sunt.

**C** Dicimus verò tales actus sub gratia externa comprehendendi, quia cum illa sunt naturaliter connexi, & moraliter tanquam vnum censentur, & de hac tota gratia externa intelligimus non satis esse ad sufficiens auxilium, sed necessarium esse specialem illuminationem internam, & inspirationem, ut apertè docet Augustinus lib. de grat. Christi, cap. 13. & ideo gratiam propriam vocationis occultam vocat Augustinus in lib. 1. ad Simplic. q. 2. & Psalm. 87. ait, *Minus occulta Dei gratia est, qua hominum mentes quodammodo reuiviscunt, ut possint à quibuslibet eius ministris praecepta veritatis audire, & infra, quantumlibet existant excellentes verbi Praedicatores, & veritatis, etiam per miracula sua fortes, tanquam magni*

**D** *medici agunt cum hominibus si mortui sint, & tunc gratia non reuixerunt? nunquid mortuis facies mirabilia, aut medici exsuscitant, & hi quos excitabant, confitebuntur tibi? & saepe in hoc sensu expendit verba Pauli 1. Corinth. 3. Neque què plantat est aliquid, &c. ut videre licet in locis citatis, & infra etiam tractandis. In hoc ergo sensu internam gratiam ultra externam ad auxilium sufficiens necessariam esse dicimus. Quocirca etiam in priori & extraordinario modo vocandi hominem ad fidem merè interius in mente oportet distinguere revelationem, quatenus solum pertinet ad sufficientem obiecti propositionem ab auxilio, quo adiuuatur potentia ad credendum, vel amandum, nam sola reuelatio pertinet ad doctrinam, & de se non satis est ut potentia eleuetur, & iuuetur ad operandum sicut oportet, sed necessaria est peculiaris quaedam motio Spiritus sancti, quae potentias ipsas dirigat, vel alliciat, & hanc necessitatem per internam gratiam in conclusione intelligimus.*

**E** Sic igitur declarata conclusio probatur ex ipsa ratione, & nomine auxilij sufficientis & effectibus eius. Nam de ratione huius auxilij est, ut det homini potestatem operandi actus pietatis, ita ut ad illam potestatem nihil illi desit, ut ipsum

Quid per motionem externam intelligatur.

Præter motionem externam requiritur interna ad auxilium sufficiens ex 6. August.

1. Contraria sententia & vera assertio gratiam sufficientem includere internam gratiam praeter externam. Duobus modis Deus potest dare gratiam sufficientem.

3. Probatur a 3. 10. Ex ipsa ratione

one, & no-  
ne auxilij  
sufficiens.

Confirma-  
tur.

nomen sufficientis auxilij præ se fert, inde fit ut homini habenti tale auxilium sufficiens, imputetur non operari per illud; quare simpliciter est potens liberâ & integrâ potestate ad sic operandum. Sed homo habens auxilia externa non est potens per se ad operandam salutem, sine auxilio interno; ergo auxilium merè externum sine interno non potest esse, nec dici sufficiens. Consequentia cum maiori de se parent. Minor autem in toto lib. 3. ostensa est contra Pelagium, càmque præcipuè intendit Augustinus in dicto lib. de grat. Christi, & aliis contra Pelagium. Vnde confirmatur, quia si alicui daretur auxilium externæ prædicationis verbi Dei, aut exempli sanctæ vitæ Christi, aut promissionum, aut comminationum, & interius nullum daretur gratiæ auxilium, non posset ei imputari si non converteretur ad fidem, vel pœnitentiam, quia re vera non posset, quia talis homo non habet auxilium simpliciter & proximè sufficiens ad suam conversionem, seu ad fidem, vel pœnitentiam agendam. Vnde si quis dicat fieri posse ut ei non detur actu auxilium internum, quia ipse ponit impedimentum, Deum autem paratum esse illi dare tale auxilium si ipse obicem non ponat, & ita habere sufficiens auxilium. Respondemus iuxta suprà dicta tale auxilium non esse proximè sufficiens, de quo nunc loquimur, quatenus autem potest dici auxilium remotè sufficiens, etiam remotè includere illud auxilium. Nam, ut illud auxilium sit remotè sufficiens, necessarium est ut homo per auxilium, quod actu recipit, aliquid proximè facere possit, utique se disponere, vel non ponere impedimentum interiori auxilio; neutrum autem horum potest homo facere sine aliquo interno auxilio, ut suprà ostensum est, & ideo etiam hoc modo tale auxilium internum aliquod adiutorium includit, & respectu alicuius effectus est proximè sufficiens, licet respectu alterius actus ad quem novum internum auxilium necessarium est, sit remotè sufficiens, quatenus etiam remotè includit necessarium auxilium; atque ita ad omnem modum sufficientis auxilij requiritur auxilium internum setuata proportionem.

1.  
Probatu-  
r assertio, quia  
aliqui Spi-  
ritui sancto  
resistisse di-  
ci non pos-  
semus.

Secundò principaliter probatur assertio, quia qui in Scriptura reprehenduntur eo quòd vocationi Dei resistunt, non solum interius, sed etiam exterius vocantur & attrahuntur, quantum est ex parte Dei, & hoc censetur necessarium ut resistentia possit eis vitio attribui; ergo auxilium sufficiens includit internum auxilium, & hoc est ad illius sufficientiam necessarium. Antecedens probatur ex testimonio allegatis Isai 5. *Quid amplius facere debui, & non feci?* si enim internum Spiritum gratiæ cum externis instructionibus non dedisset, profectò facilis fuisset responsio: nam magnum aliquid facere debuisset, quod non fecerat, ut suprà ponderauimus. Item cum Christus reprehendit Israëlitas, *quia si in Tyro & Sidone facta essent virtutes, quæ in Iudæa factæ fuerant, pœnitentiam egissent Math. 11.* vel intelligit facturos fuisse pœnitentiam sine interno auxilio gratiæ per proprias vires cum solis externis signis, & hoc dici non posset, ut constat, vel intelligit illos fuisse cooperaturos gratiæ internæ, quæ simul cum externis signis daretur, & sic necesse est, ut supponat eandem internam gratiam datam fuisse Iudæis, & ideo sufficienter esse vocatos per illa externa signa, aliàs non iuste illos comparatione aliorum reprehenderet & damnaret; ergo illud sufficiens

A auxilium includebat etiam gratiam internam. Præterea hoc satis significauit Stephanus in verbis citatis Act. 7. *Præmittis enim dura ceruice, & in circumcisis cordibus*, quia nimirum resistebant diuinis illustrationibus, & internis inspirationibus, quibus cor moueri & blandè attrahi solet, vnde subiungit, *Vos semper Spiritui sancto resististis*; qui enim solis verbis externis resistit, poterit dici resistere homini, vel rationibus humanis, non autem Spiritui sancto, nisi etiam spiritus interius operetur, sicut qui credit homini prædicanti, si supernaturali fide credit, & ideo magis credit Spiritui sancto, quàm homini, qui à Spiritu sancto interius principaliter docetur; ita ergo è contrario, ut quis dicatur Spiritui sancto resistere, oportet ut ab Spiritu sancto interius moveatur.

B Præterea fundamentum Caluini omnino falsum est, & Catholicæ doctrinæ contrarium, quia non solum potest voluntas humana pro sua libertate exteriori vocationi & humanis rationibus & suasionibus, sed etiam internæ motioni & suasioni ac inspirationi Spiritus sancti resistere. Ita docuit Concil. Trident. sess. 6. cap. 6. dicens, *Tangente Deo cor hominis per Spiritus sancti illuminationem, nec homo ipse nihil omnino agit, inspirationem illam recipiens, quippe qui illam abicere potest, &c.* Idem supponit in cap. 13. dicens, *Deum nisi ipsi (utique iusti) illius gratia defuerint, sicut caput opus bonum, ita perficiet.* & Can. 4. clariùs dicit, *hominis liberum arbitrium à Deo motum & excitatum posse dissentire si velit.* In quibus verbis apertè loquitur Concilium de libero arbitrio interius moto per Spiritus sancti illuminationem & inspirationem; hanc enim vocat ibidem excitantem gratiam, & vocationem, à qua salutis nostræ initium sumitur, ut in superiori libro expendimus. Item loquitur de potestate resistendi, quæ sæpe à peccatoribus & obduratis hominibus exercetur, ut apertissimè etiam docuit Concil. Senon. in Decret. fid. cap. 15. vbi cum prius dixisset libertatem arbitrij ed extendi, ut voluntas humana misericordia præuenientis auxilio suffulta, & interiori quodam & occulto secretioris inspirationis afflatu contacta sese conuertat in Deum. subdit inferius, *nec tale sit huiusmodi trahentis auxilium cui resisti non possit.* quod virtute probat ab effectu, quia sæpe peccatores illi resistunt, & ita exponit locum Act. 7. & verba Pauli 1. Thessal. 5. *Spiritum nolite extinguere, id est, diuinas inspirationes.* Confirmat hoc egregiè Augustinus lib. de grat. & lib. arb. cap. 2. dum ait, *neminem debere causare Deum in corde, ac si interius illum non vocaret: & cap. 5. expendens Pauli exhortationem, Rogamus vos ne in vacuum gratiam Dei recipatis, illam de vera & integra gratia intelligit, & quia non tollit potestatem resistendi, necessariam dicit monitionem Pauli; idemque habet in aliis locis quæ paulo post indicabo.* Apertissimè etiam id docet Prosper lib. 3. de vocat. gent. cap. 26. vbi priùs ait, *Gratia quidem Dei in omnibus iustificationibus principaliter præminet suadendo periculis, incitando miraculis.* quæ pertinent ad gratiam externam, cui coniungit internam addendo, *Dando intellectum, inspirando consilium, corque ipsum illuminando, & fidei affectionibus imbuendo;* & de hac gratia subiungit, *quæ opitulatio per innumeros modos, siue occultos, siue manifestos omnibus adhibetur, & quod à multis refutatur, ipsorum est requiritur, quod autem à multis suscipitur, & gratia est diuina & voluntatis humana.* Ratio autem est, quam eadem Concilia & Pætres indicant, nimirum diuinam gratiam non tollere libertatem arbitrij, & ideo illi resisti posse

3.  
Euerit  
fundamen-  
tam Caluini.

1.  
Ex Concil.  
Trident.

2.  
& Concil.  
Senon.

3.  
Confirmatur  
ex August.  
doctrina  
Concilij.

Item ex  
Prospero.

Gratia interna non tollit libertatem, & potest resisti, & tantum sufficiens esse potest.

4. Respondetur ad testimonium S. Aug.

Pelagius præter gratiam exterioris excitantem soli libertati, sine alia ope Dei consensum voluntatis, & operationem tribuebat.

Pater ex S. Augustino.

Si repugnat idem S. Augustinus.

Nomine auxilij gratiæ S. Aug. intelligit gratiam internam præuenientem, excitantem, & præparantem.

posse, & sæpe resisti. Potest ergo gratia esse interna, & nihilominus esse tantum sufficiens si illi resistatur, & e conuerso ut sit sufficiens & resistentia possit esse culpabilis, necesse est ut non solum externa sit, sed etiam interna, sine qua homo conuerteretur, aut pie operari non possit.

Superest ut ad testimonia Augustini respondeamus, non desunt autem qui ex illis locis colligant Pelagium non negasse veram gratiam excitantem interius mentem per diuinam inspirationem, & illustrationem, sed dixisse illam gratiam communem esse tam his qui resistunt, quam his qui consentiunt, & nullam maiorem gratiam in his, quam in illis agnouisse, & ideo Augustinum ab illo exigere, ut efficacem gratiam internam & operantem ipsum velle conficeretur, non quia sufficiens non etiam sit interna, sed quia præter illam alia maior necessaria est ad operandum, quam Pelagius non admittebat. Sed in primis etiam si hoc verum esset, intelligendum esset de gratia cooperante, non de alia præueniente, ut infra ostendemus. Pelagius enim præter illam qualemcumque gratiam mentem excitantem & illuminantem quam admittebat, consensum voluntatis, & operationem piam soli libertati sine alia Dei ope tribuebat, in quo grauiter errauit, & ideo licet de gratia excitante non malè sensisset, potuisset ab Augustino vrgeri ut cooperantem agnosceret. Deinde veritas est errasse Pelagium etiam in excitante gratia, quia non ponebat illam per internam Spiritus sancti inspirationem & operationem, sed solum quatenus per eos, qui exterioribus plantant & rigant, excitari potest, quod aperte docet Augustinus dicto lib. de grat. Christi cap. 3. & cum in 4. 5. 6. & 7. errorem Pelagij late explicasset in 8. concludit. *Hinc itaque apparet hanc eam gratiam confiteri, qua demonstrat & reuelat Deum, quid agere debeamus, non qua donat atque adiuuat ut agamus, cum ad hoc potius valeat legis agnitio, si gratia desit opitulatio ut fiat mandati præuaticatio,* & per totum ferè librum idem ostendit, præsertim in cap. 47. concludit nullam gratiam verè adiuuantem ad voluntatem, vel ad actionem admisisse, idemque habet lib. de grat. & lib. arbitr. cap. 11. & lib. de hæres. in 80. & alii in locis, quæ suprà lib. 1. notauimus.

Aliter ergo respondeo, Augustinum absolute contendisse cum Pelagio, ut internam gratiam inspirantem admitteret, ut constat ex illis verbis cap. 13. eiusdem libri, *hec gratia si doctrina dicenda est, certe sic dicat, ut altius & interius eam Deus, cum ineffabili suauitate credatur infundere, non solum per eos, qui plantant & rigant extrinsecus, sed etiam per seipsos.* Hanc ergo peculiarem gratiam internam & excitantem ac præuenientem negabat Pelagius, & pro hac pugnat Augustinus contra illum, & hanc dicit non tantum iuuare posse, ut de sua gratia dicebat Pelagius, sed dare ipsum posse, quia non tantum ad faciendū, sed simpliciter ut possimus salutaria opera facere, necessaria est, sicque dixit Augustinus lib. 1. Retract. cap. 22. in potestate hominis esse mutare in melius voluntatem, sed illam potestatem nullam esse, nisi à Deo deret; & adiungit statim, *preparatur voluntas à Domino, & eo modo dat potestatem,* vnde hanc gratiam internam etiam præuenientem, excitantem, ac præparentem voluntatem solet Augustinus vocare generali nomine auxilij gratiæ, ut lib. præcedenti notatum est, & similiter ex lib. 2. de peccator. merit. cap. 17. ubi ait Deum iuuare homines per suam excitantem gratiam, licet sæpe ipsi per libertatem suam non iuuentur, idemque sumitur ex dicto cap. 47. de

A grat. Christi, & ex Fulgentio de Incarnat. & grat. cap. 17.

Denique de hac interna gratia dicit Augustinus in locis allegatis, efficere in nobis velle, sperare, amare, &c. non quia semper hæc in nobis efficaciter operetur, neque quia existimauerit numquam dari, nisi quando hos effectus in nobis consequitur; non enim ignorauit Augustinus sæpe hominem excitari interius diuino Spiritu, ipsum verò hominem proprio spiritu interdum deficere, ut ipse ait in Enchirid. cap. 64. Dicit ergo gratiam illam internam operari in nobis velle, vel quia ad hunc finem datur, & de se illum semper operatur, vel è conuerso, quia quoties nos talia bona facimus in virtute & efficacia talis gratiæ illa præstamus, noluit tamen Augustinus in locis suprà citatis specialiter constringere Pelagium, ut hanc gratiam confiteretur non solum de se effectricem bonæ voluntatis, sed etiam efficientem bonam voluntatem & actionem, quoties illa in homine innentur, ut hoc modo integram vim gratiæ, eiusque necessitatem & efficacitatem contra Pelagium explicaret, expressiusque illi contradiceret, quatenus putabat gratiam dantem & efficientem in nobis ipsum velle esse contrariam libertati, vel etiam ita loquutus est Augustinus, ut Pelagium non tantum excitantem, seu prouenientem gratiam, sed etiam cooperantem fateri compelleret, si re ipsa, & non tantum nomine vellet esse Christianus.

Quocirca cum in vltimis verbis ait Augustinus, eum qui nouit, quid sit faciendum, & non facit, non didicisse à Deo secundum gratiam, sed secundum legem in verbo didicisse, cooperantem gratiam inuoluit. Nam fieri potest, ut aliquis interius à Spiritu sancto doceatur quid facere debeat, & quod per veram gratiam id facere suadeatur, & nihilominus non persuadeatur, neque discat utique practice & prudenter ita iudicando, ut consentiat: sic enim intelligendo dictum à Christo, *omnis qui à Patre audiuit, & didicit, venit ad me,* & ita verissimum est omnem illum, qui ita docetur à Spiritu sancto, ut veniat secundum gratiam à Spiritu sancto didicisse: è conuerso autem non potest generaliter dici eum, qui vocatus non venit, non secundum gratiam, sed secundum doctrinam externam vocatum esse, nam multi etiam secundum gratiam internam & sufficientem vocantur, qui non veniunt, & ita Augustinus dixit primum, quia opportunum erat contra Pelagium: alterum autem in illis locis non negauit, & in aliis aperte docuit, ut declaratum & allegatum est; est verò aliud testimonium Augustini lib. de prædest. Sanct. cap. 8. quod videri potest dictis contrarium, sed illud in cap. 5. commodius explicabimus.

Quomodo gratia interna efficere dicatur in nobis velle, sperare, amare, &c. secundum August.

Qui nouit quod est faciendum, & non facit, ex S. Aug. non didicit à Deo, scilicet practice ita iudicando, ut consentiat.

E

## CAPVT IV.

*Vtrum auxilium sufficiens internum in sola gratia excitante consistat, & cum illa conuertatur, seu idem omnino sit.*

**A**liqui ex modernis Theologis existimant diuisionem gratiæ in sufficientem & efficacem, eandem esse cum diuisione in gratiam excitantem & adiuuantem, ac subinde gratiam sufficientem eandem esse cum excitante, adiuuantem verò eandem cum efficaci, & è conuerso excitantem gratiam per

1. Opinio Neo-tericorum Theol. affirmans



per se spectatam tantum esse sufficientem; adiuuantem verò semper esse efficacem. Fundamentum huius sententiæ est, quia Concil. Trident. sufficienter dimisit gratiam excitantem & adiuuantem; ergo sub illis membris comprehendit etiam gratiam sufficientem & efficacem, aliàs diuisio eius non fuisset sufficiens, neque totam diuisi amplitudinem exhaustisset: at verò gratia adiuuans semper est efficax, quia, ut Augustinus dicit, *nemo inuatur, nisi qui aliquid sponte conatur*, ac proinde actu operatur quod non sit sine gratia efficaci; ergo sufficiens solum pertinere potest ad gratiam excitantem. Confirmari hoc potest, quia gratia sufficiens est cui resisti potest, sed gratia excitans est huiusmodi, ut docuit Trident. sess. 6. *Can. 4.* imò illi soli resisti potest, nam adiuuans semper est efficax; ergo sola gratia excitans est sufficiens, è conuerso gratia sufficiens in sola gratia excitante continetur. Confirmatur secundo, quia is, qui resistit gratiæ sufficienter excitanti, peccat si sit in materia præcepti, vel ej saltem imputatur si sit in materia consilij: ergo ex vi illius auxilij est sufficienter potens; ergo illud auxilium est sufficiens. Denique confirmatur, quia ante primum actum liberum nec præcedit habitus, nec alia gratia quæ dei posse, nisi gratia excitans; ergo illa sola sufficienter dat posse; ergo est auxilium sufficiens.

Imò nonnulli Moderni significant solam gratiam excitantem in intellectu receptam, ipsamque intellectum sufficienter illuminantem, esse gratiam simpliciter sufficientem, quod inde probant, quia illuminatio intellectus gratia excitans est, & illi facile resisti potest; ergo ad summum esse potest gratia sufficiens. Ut autem solum sufficiat non requirit motionem voluntatis, quia si motio gratiæ ad voluntatem perueniat, iam est efficax; ergo sufficiens gratia in solo intellectu consistit. Consequentia est clara, & antecedens probatur, quia si voluntas mouetur à Deo, non potest non moueri; ergo non potest illa resistere; ergo iam gratia est efficax. Aliter (& fortasse apparentius,) id suaderi potest, quia excitatio intellectus est etiam excitatio voluntatis; intellectus quidem formaliter, voluntatis autem obiectiue: ergo in ratione gratiæ excitantis illa sufficit respectu utriusque potentiæ; nam si voluntas postea iuuatur per adiuuantem gratiam, poterit operari sine alia excitatione; ergo illa sola gratia excitans in intellectu existens est simpliciter gratia sufficiens: nam constituit hominem potentem in actu primo ad operandum, tam per intellectum quam per voluntatem.

Ut autem veram sententiam explicemus, supponimus questionem principaliter moueri de auxilio sufficienti proximè, nam remota sufficientia, (ut dixi,) per proportionem & habitudinem ad proximam declaranda est, ut hinc etiam in fine capituli adnotabo. Item sufficientia proxima duplex esse potest: una simpliciter, quæ collectiue includit omnia auxilia necessaria ad opus; alia est secundum quid sufficiens, id est, ex parte vnius, vel alterius potentiæ, sicut capite præcedenti dicebamus externam fidei, vel poenitentiae prædicationem posse esse sufficientem in suo genere externæ propositionis obiecti; licet simpliciter non sufficiat. Hic ergo de auxilio simpliciter & vndique sufficienti tractamus, consequenter verò etiam auxilium sufficiens, quod est veluti pars alterius, explicabimus.

Dico ergo primò. Auxilium proximè sufficiens in primis requirit excitationem intellectus actu à Deo immixtam, & in ipso intellectu receptam.

A In hac assertionione omnes conueniunt, & est clarissima iuxta principia fidei; quia excitatio, sine qua homo non potest supernaturaliter operari, est simpliciter necessaria ad auxilium sufficiens: sed sine excitatione intellectus non potest homo supernaturaliter operari; ergo illa excitatio est in primis necessaria ad auxilium sufficiens; ergo ut tale auxilium sit proximè sufficiens, necessarium est, ut talis excitatio sit actu immixta à Deo, & in intellectu hominis recepta. Maior probata est latè in cap. 2. & 3. & est nota ex definitione auxilij sufficientis, & ex effectu quasi formali eius, cui est dare posse simpliciter. Minor etiam nota est, quia excitatio intellectus nihil aliud est, quam illuminatio Spiritus sancti, de qua Concil. Trid. & Araus. docent non posse homines sine illa, sicut oportet, ad salutem operari, vel est idem quod sancta cogitatio, de qua dixit Paulus, *Non sumus sufficientes cogitare aliquid ex nobis quasi ex nobis.* estque initium bonæ operationis, ut dicit Augustinus de Prædest. sanct. cap. 2. & aliis locis sæpe citatis. Hinc ergo nota est prima illatio, quod sine gratia excitante intellectum, non potest intelligi auxilium sufficiens. Altera verò consequentia ex declaratione terminorum superius facta probata relinquatur; quia tunc dicitur auxilium proximè sufficiens, quando constituit hominem in actu primo proximè potentem ad operandum: excitatio autem non potest constituere intrinsecè & proximè potentem in actu primo, nisi sit immixta intellectui, eumque actu immutet; ergo hoc modo necessaria est ad auxilium proximè sufficiens; & hæc ratio idem probat de omni gratia excitante quæ ad actum necessaria fuerit, quia nisi iam sit in homine actu recepta, non constituit illum potentem in actu primo ad operandum, & consequenter talis homo non habebit auxilium proximè sufficiens, sed solum remotè & in potentia modo suprà explicato, de quo modo habendi auxilium sufficiens infrà latius dicemus.

Dico secundò. Secundum legem ordinariam auxilium proximè sufficiens includit etiam excitationem voluntatis ipsi immixtam, eique inhaerentem, & illam actu & formaliter immutantem. Hæc assertio præcipue probanda ex dictis libro præcedenti, ubi ostendimus hanc gratiam esse ordinariè necessariam ante liberum consensum voluntatis. Nam hic probatum est auxilium sufficiens integrum, includere auxilium necessarium ad opus, & ut sit proximè sufficiens, supponere hæc præuenientia & excitantia auxilia ut homini collata: ergo in illis includitur excitatio voluntatis. Deinde hoc sentit Concil. Trid. dicto cap. 5. sess. 6. dicens, *Ita ut tangente Deo cor hominis per Spiritus sancti illuminationem, neque homo ipse nihil agat, inspirationem illam recipiens, quippe qui illam abicere potest.* ubi media illuminatione, quæ ad intellectum spectat, dicit Deum tangere cor, id est, voluntatem ipsam excitare per inspirationem, seu motionem aliquam in illa receptam. Vtrumque ergo requirit ad sufficientem gratiam; quod magis declarauit Concil. Senon. in decret. fidei cap. 15. dicens, *Iuxta sacram Scripturam extendimus liberum arbitrium, ut voluntas humana misericordia præuenientis auxilio suffulta, & interiori quodam & occulto secretioris inspirationis afflatu contacta sese conuertat in Deum, neque tamen tanta gratia necessitas libero præiudicat arbitrio, cum illa semper sit in promptu.*

Habet eandem doctrinam Augustinus lib. 2. de peccat.

ciens requirit excitatio nem intellectus in eo receptam. Probatur assertio.

Excitatio intellectus est illuminatio Spiritus sancti seu sancta cogitatio.

Gratia proximè sufficiens quæ

5. Gratia proximè sufficiens requirit etiam excitationem voluntatis eique inhaerentem. Probatur assertio.

Ex Concilio Tridentino.

& Senonensi.

Item ex S. Augustino & Prospero

Probatur ex Trid. & S. Aug.

Confirmatur duobus argumentis.

2. Affert opinio affirmantium gratiam sufficientem esse tantum intellectus illuminationem.

3. Status questionis.

Gratia sufficiens proximè duplex.

4. Gratia proximè sufficiens.

peccat. merit. cap. 17. & sequentibus, & lib. 2. contra duas epistolas Pelagian. cap. 9. quibus locis docet, sine præueniente gratia, quæ & illuminet intellectum, & præparet voluntatem, deinde illi suauitatem in bene operando, non posse hominem bonum inchoare; ergo tota illa gratia excitans in sufficienti auxilio includi debet, ut det posse; fusiùs verò id docet & explicat Prosp. lib. 1. de vocat. gent. cap. 15. aliàs 3. docet gratiam sufficientem omnibus hominibus dari, in cap. autem 26. aliàs 9. exponit varios actus, in quibus hæc gratia consistit, dicens, dando intellectum, inspirando consilium, corque ipsum illuminando, & fidei affectionibus imbuendo, paulo post subiungit, quæ opitulatio per innumeros modos sine occultis, sine manifestis omnibus adhibetur, & quod à multis refutatur, ipsorum est nequitia. Vtramque ergo excitationem, & intellectus, & voluntatis, requirunt Patres secundum ordinarium modum iustificandi homines, & integrum sit auxilium quod ad credendum, vel bene operandum datur. Quod autem illud non transcendat per se rationem sufficientis auxilij, manifestum est, quia potes sæpe non habere effectum: nam Concil. Trident. ait posse res ita resisti vocationi includenti illuminationem, & inspirationem, ac tactum cordis, loquiturque de potestate resistendi morali & ordinaria, quæ in actum reducitur: & Concil. Senonen. hoc confirmat ex illo Actor. 7. *Vos Spiritui sancto resististis*, quod verbum non potestatem tantum, sed actum probat: supponit autem illos habuisse vtramque excitationem, & idem affirmat expressè Prosper.

Et ratio est, quia tale auxilium neque voluntari necessitatem imponit, neque per se & præcisè spectatum habet, unde semper & infallibiliter voluntatem ad opus inducat, aut determinet, quod in libro sequenti ex professo ostendendum est, nunc verò facile declaratur occurrendo primo & proprio fundamento secundæ sententiæ, quod in eo peccat, quod non distinguit in voluntate motum gratiæ excitantis à libero consensu; cum tamen motus gratiæ excitantis etiam in voluntate receptus realiter distinctus sit à consensu libero, ut constat ex lib. præcedenti. Quantum verò ad illum motum excitantis gratiæ, verum est fieri non posse, quin voluntas moueatur, quando Deus talem motum inspirat, & similiter quoad eundem, verum est non posse voluntatē resistere, quin à Deo rāgatur, & ideo motus ille est liber, sed necessarius, & quasi motus primo primus, ut suprà dixi. Potest autem voluntas illi resistere non consentiendo illi per liberum motū, quia nec ab illo necessitatur, neque per se habet connexionem cum illo, quia cum ille motus sit imperfectus respectu liberi consensus, non est unde illud per se habeat coniunctum, neque vnde talem vim, aut causalitatem, per se loquendo, recipiat.

Dico tertio, auxilium sufficiens integrum & proximum requirit ut omne auxilium præueniens, quod à solo Deo dandum est, ex se, & ex sola eius voluntate pender, non solum sit oblatum ex parte Dei, sed etiam actu datum, & in homine receptum, hanc assertionem pono propter auctores prioris sententiæ, quia præter auxilia excitantia ponunt aliud præueniens, quod non putant esse necessarium ad auxilium sufficiens, vel quia inter adiuuantia auxilia illud enumeratur & auxilium sufficiens ab adiuvantibus auxilij omnino separent, vel quia censent tale esse illud auxilium præueniens, ut semper & per se sit efficax. Nos autem è conuerso probamus in primis assertionem, quia nullum datur auxilium præueniens præter excitantia, ut in lib. 3. probatum est. Sed auxilium sufficiens actu

includit omnia auxilia excitantia, ut ex præcedentibus assertionibus patet; ergo auxilium sufficiens omnia præuenientia necessariò includit.

Deinde data hypothesi, quod detur tale auxilium præueniens ab excitantibus distinctum, probatur etiam assertio, quia auxilium sufficiens includit omnia auxilia necessaria ad operationem liberā, ut aliquo modo existentia in libera hominis potestate, ut in c. 2. latè probatum est: ergo etiam tale auxilium præueniens, si necessariū est ad opus, debet esse in potestate hominis, ut opus, vel operis ommissio homini libera sit: ergo tale auxilium præueniens datum est homini, ita ut in ipso sit actu receptum cum ipso excitante auxilio, ut per illud operetur si velit, & hoc est quod intendimus, vel est illi tantum oblatum, ut illud possit habere si velit, & sic auxilium illud quod est actu receptum, nondum est proximè sufficiens ad illum actum, ad quem illud auxilium præueniens dicitur esse necessarium, sed tantum remotè, quia si tale auxilium est præueniens, & à solo Deo fieri debet, dum actu non datur, non potest constitui in potestate hominis, nisi mediante alio actu, quo homo se disponit ad tale auxilium obtinendum, ut cap. 2. ex Concil. Trident. declarauit: ergo auxilium illud, quod supponitur actu, datum est proximè sufficiens ad illam priorem dispositionem, & ita ad illam includit omnia auxilia præuenientia necessaria actu data, & respectu vltioris actus est tantum remotè sufficiens; ergo in vniuersum auxilium proximè sufficiens includit omnia auxilia præuenientia in ipso homine iam recepta. Auxilium autem remotè sufficiens cum proportionem includit illa ut existentia in potestate libera hominis, ut satis explicatum est.

Secundò idem probatur, quia auxilium proximè sufficiens dat integrum posse; ergo dat actu omnia auxilia præuenientia. Antecedens notum est tum ex dictis cap. 2. tum etiam, quia dat potestatem liberam, ideoque imputatur homini si non operetur: consequentia verò probatur, quia auxilium præueniens à solo Deo fit in nobis sine nobis saltem liberè operantibus: ergo comparatum ad actum liberum, propter quem datur formaliter, dat posse, & non agere. Probatur consequentia, quia illud auxilium quando actu à Deo datur, prius saltem naturā in nobis recipitur, quam nos per illud operemur: ergo non dat per se, ac formaliter agere, sed posse agere. Probatur consequentia, quia non dat actum secundum, sed aliquid prius illo, per quod ipse actus secundus fit: ergo datur tamquam actus primus proximus actui secundo, vel tamquam principium eius: ergo dat posse efficere actum secundum. Respondebunt illud auxilium præueniens, quod & distinctum est à toto auxilio excitante, & post illud datur, non separari ab actu secundo, propter quem datur, sed infallibiliter illum inferre, & ideo non dare posse, sed agere. Sed contrā, quia etiam quando actus secundus est necessariò coniunctus cum potentia, distinguitur posse ab agere, quia necessaria connexio non confundit actionem cum potestate: semper ergo aliunde habet res ut possit, & aliunde, ut agat, patet in lumine gloriæ quod non separatur à visione, sed infallibiliter ac necessariò infert illam, & nihilominus dat formaliter posse, agere autem consequenter, seu efficienter, nam formaliter agere est ab actione: ergo in præsentī dato, & non concesso, quod illud præueniens auxilium infallibiliter inferat voluntatis consensum, nihilominus per se & formaliter dat posse, & non agere, nisi subsequenter & effectiue agendo simul cum voluntate; ergo auxilia quæ procedunt ante hoc

Gratia proximè sufficiens prius natura in nobis recipi debet, quam ut per eam operemur. Occurritus responsio.

Posse semper distinguitur ab agere.

Probatur ratione.

Secundæ opinionis: primum & proprium peccat, & in quo.

6. Gratia sufficiens proxima, & integra debet non solum esse oblatum ex parte Dei dantis, sed etiam esse actu datum & receptum ab homine.

Probatur assertio.

ultimum praeueniens, non dant integrum posse, cum expectent aliud completum ipsius posse: ergo sine tali auxilio praeueniente, non sunt sufficientia, nam de ratione auxilij proximè sufficientis est, ut includat omne auxilium praeueniens necessarium ad opus.

7. Dico quartò, auxilium proximè sufficiens non includit sola auxilia excitantia, sed etiam aliquo modo adiuuantia, non quidem ut actu data sicut excitantia, sed ut posita in posse aliquo modo in proxima hominis potestate. Hæc assertio ex dictis in cap. 2. probata ferè relinquatur; breuiter tamen potest in generali sumi ex Concil. Trident. scilicet 6. can. 3. sic definiente, *Si quis dixerit sine Spiritu sancti inspiratione, atque eius adiutorio hominem posse, &c.* Ergo ex doctrina Concilij non solum auxilium excitans, quod nomine inspirationis intelligitur, sed etiam adiuuans, quod nomine adiutorij significatur, necessarium est ut homo possit operari; sed auxilium simpliciter & collectivè sufficiens includit omnia auxilia necessaria ad posse, ut satis probatum & explicatum est; ergo tale auxilium sufficiens includit non tantum excitantia auxilia, sed etiam adiuvantia.

Gratia adiuuans est duplex. Deinde confirmatur explicando alteram partem, per quam hæc declaratur, quia gratia adiuuans, ut suprà dixi, duplex est, una per modum principij, alia per modum actionis, & utraque esse potest ut actu homini data, vel tantum oblata, ut sit in potestate, vel arbitrio hominis habere illam si velit: auxilium ergo sufficiens non includit necessariò omnem gratiam adiuuantem in actu datam, ut conuincit argumentum alterius opinionis, quia iam non est tantum sufficiens, sed etiam efficax, quia inuolueret effectum, non enim potest auxilium adiuuans datum per modum actionis separari ab effectu, & ab actione hominis, sine qua non potest intelligi actio adiuuans Dei, quo sensu rectè dixit Augustinus, *Nemo iuuatur nisi qui aliquid sponte conatur.* Igitur auxilium sufficiens ut sic, non includit hoc auxilium iuuans per modum actionis ut actu datum; includit verò illud ut oblatum & possum in hominis potestate, ut conuincit ratio quæ ex dictis cap. 2. desumitur, quia auxilium proximè sufficiens includit aliquo modo omnia necessaria ad operationem: ergo etiam includit auxilium actuale adiuuans, sed non includit actu; ergo saltem in potestate proxima; cur autem hanc potestatem, proximam appellem, ex dictis in fine cap. 2. constat nam quod ibi dixi de concursu diuino, procedit in hac adiuuante gratia, quia vel sunt idem, vel eadem est vtriusque ratio.

Et ferè eum eadem proportionem loquendum est de gratia adiuuante per modum principij, nam hoc principium interdum potest esse habitus, de quo aliquando includi in gratia sufficienti, dicam cap. sequenti, quia verò non semper necessarium est ad operandum, sed eius actiuitas per aliud genus principij, vel actualis auxilij suppleri potest, ideo necesse ut auxilium sufficiens, quod non supponit habitum, includat aliquid aliud, supplens vicem habitus in ratione adiuuandi potentiam ad operandum: ergo & ex hac parte auxilium sufficiens includit adiuuantem gratiam, non tamen includit illam necessariò ut actu inhaerentem homini, quia sæpe talis gratia nihil ponit in homine prius tempore, quam operetur ut nunc, suppono & in sequentibus probabo. Auxilium autem sufficiens præcedit tempore operationem, imò sine illa existit, quoties est solum sufficiens; ergo ut sic non includit talem gratiam ut actu datam: necesse est autem ut saltem

A includat illam ut oblatam & paratam ex parte Dei, propter rationem sæpe factam, quod auxilium sufficiens debet includere aliquo modo omnia necessaria ad opus, quia aliis non erit in absoluta potestate homini operari per tale auxilium, quia non potest operari sine habitu, vel aliquo principio supplente vicem habitus; ergo si nec habet habitum, nec aliquod principium loco illius actu datum, nec etiam paratam ac possum in hominis potestate, re vera non habet potestatem ad operandum; quia hæc potestas non est innata, loquimur enim de auxilio sufficiente ad actus supernaturales, sed debet extrinsecus prouenire & à Deo dari: non potest autem dari, nisi altero ex illis duobus modis, scilicet vel quia sit homini infusa per habitum, vel aliam rem præuiam inhaerentem potentia, vel quia Deus paratus sit ad supplendum aliter coëfficiendam habitus. Quis enim alius modus cogitari potest; ergo si nullo ex illis modis hæc gratia adiuuans conferetur, non est in homine potestas ad tales actus, ac proinde nec auxilium sufficiens: ergo gratia sufficiens etiam ex hac parte includit aliquo modo auxilium per modum principij adiuuans.

Ultimò dico auxilium excitans non conuerti cum auxilio sufficienti, quia potest auxilium excitans interdum esse efficax. hæc assertio pender ex dicendis in lib. sequenti, & probatio eius ad illum locum pertinet; hic solum eam proponimus tum ut distinctio inter auxilium sufficiens & efficax, & similiter inter auxilium excitans & sufficiens intelligatur: tum etiam ut argumentis in principio positis satisfaciamus, quod, suppositis quæ diximus, non erit difficile.

Ad primum ergo de diuisione auxilij in excitans & adiuuans, sumptum ex Concil. Trident. respondemus negando consequentiam, qua infertur auxilium sufficiens contineri sub altero membrorum, quæ ponit Concilium, vel cum illo conuerti, quia singula membra præsentis diuisionis possunt vtrumque membrum à Concilio positum ex parte comprehendere, ut ostensum est; quo circa illo argumento solum probatur auxilium sufficiens non includere alia auxilia, nisi vel excitantia, vel adiuuantia, quia re vera non dantur alia, non tamen inde sequitur vel auxilium sufficiens includi in solis excitantibus, vel efficax in solis adiuuantibus, quia hæc diuisio, quam nunc tractamus, longè diuersa est ab illa, nam illa datur de auxiliis secundum intrinsecam rationem eorum, hæc datur de auxiliis secundum modum connexionis, quam habent cum effectu libero per illos intento. Vnde in priori partitione auxilium excitans & adiuuans sigillatim & diuisum (ut sic dicam,) spectantur secundum id, quod vnumquodque eorum per se & proximè confert libero arbitrio. In hac verò partitione considerantur collectivè, vel quatenus ad sufficientiam, vel quatenus ad efficaciam operandi liberum actum, necesse est tam auxilium excitans, quam adiuuans concurrere. Vnde cum in illo argumento additur non posse adiuuans auxilium esse tantum sufficiens in suo ordine. Respondemus esse verum de toto auxilio adiuuante actu dato, & per modum actionis, non verò de adiuuante, vel dato per modum principij tantum, vel oblato, & posito in manu hominis quo ad actuale adiutorium.

Vnde ad primam confirmationem responderetur, non solum gratia excitanti, sed etiam adiuuanti datæ per modum principij, vel oblatæ per modum concursus, & actionis resisti posse, ut nunc suppono, & in lib. sequenti ostendam. Ad confirmationem secundam dicimus, auxilia excitantia externa

Auxilium sufficiens debet includere aliquo modo omnia necessaria ad opus, alioqui non dicit in absoluta hominis potestate operari.

8. Auxilium excitans est sufficiens non conuertitur.

9. Soluuntur argumenta initio proposita. Ad primum responderetur.

Gratiæ adiuuanti datæ per modum principij, vel oblatæ per modum concursus potest resisti.



externa simul cum internis, si non secum afferant auxilia adiuvantia, vel actu data, vel sufficienter oblata, ita ut sit in potestate hominis illa habere, si voluerit, non sufficere ut homini possit ad peccatum imputari, quod talibus excitationibus non utatur, ut satis probatum est: quia verò secundum ordinariam legem, & debitam providentiam unum auxilium non datur sine alio altero ex dictis modis, ideo peccat qui sufficienter excitatus vocationi repugnat contra aliquod præceptum.

Quod ad-  
juvat per  
modum  
principij  
physici, non  
semper est  
hominij in-  
hærens.  
Argumenta  
allata in quo  
peccant?

Et hinc sol-  
vitur secū-  
dum.

Ad tertiam confirmationem respondetur etiam gratiam adiuvantem per modum principij, dare suo modo posse, ut ex dictis in præcedenti libro notum est. Nec oportet, id quod adjuvat per modum principij physici semper esse homini inhærens, ut in præcedenti libro terigi, & probavi, sed potest Deus ipse ut paratus ad cooperandum homini esse principium in actu primo adiuvans. Unde in his argumentis, ut sæpe notavi supra, sæpe in eo peccatur quod non distinguitur inter auxilium adiuvans in actu secundo, vel in actu primo, nec ut actu datum, vel ut oblatum, & positum in hominis potestate. Et ex eodem defectu procedit argumentum secundum positum cap. 1. in principio, quod hic solum relinquitur. Denique argumenta illa non probant, omne auxilium excitans esse tantum sufficiens, quia licet auxilium excitans distingatur ab adiuvante, & sine illo non consequatur effectum, tamen tale esse potest, ut infallibiliter secum afferat auxilium adiuvans, & ita esse potest efficax, ut lib. sequenti ex professo tractabitur.

A sic enim gratia habitualis sine operatione potest interdum esse sufficiens: ut patet in parvulis. Agimus ergo de gratia sufficiente ad bene moraliter & supernaturaliter operandum, nam propria auxilia gratiæ ad operationem dantur. Sic ergo auxilium sufficiens duobus modis dicitur, ut sæpe animadverti. Primum, ut in aliqua operatione determinata & speciali sufficit, secundò quasi collectivè, ut includunt omnia necessaria, quibus homo sit simpliciter ac moraliter potens ad eliciendum supernaturalem actum. Priori modo habitus charitatis dicitur principium sufficiens ad eliciendum actum amoris Dei, & lumen gloriæ est principium sufficiens ad videndum utriusque in ratione proximæ virtutis ex parte potentie ad agendum. Neutrum autem est sufficiens absolute, & in omni genere; nam intellectus informatus lumine, licet sit potens ex parte sua, non est tamen absolute sufficiens ad videndum, nisi habeat speciem, vel essentiam Dei per modum speciei coniunctam. Sicut visus corporeus est sufficiens ad videndum in ratione principij remoti proximi, & potentie vitalis, non tamen absolute, nisi habeat speciem: & ideo sufficientia non simpliciter consistit in vno tantum auxilio, vel principio, sed collectionem plurium requirit. Imò si loquamur de sufficientia quæ physicè & moraliter proxima sit, non solum requirit collectionem omnium principiorum per se requisitorum ad operandum: ut ignis non est simpliciter sufficiens ad calefaciendum rem distantem, ita manentem, nec sol ad illuminandum cubiculum undique clausum, & sic de aliis; ergo sufficientia simpliciter includit omnia, & quasi collectivæ est, & ita nunc de illa loquimur: quia illa est necessaria, ut homo & simpliciter & absolute sit potens ad agendum, ita ut actus sit in libertate eius, eique imputetur si non faciat, ut videbimus.

Sufficientia  
physica &  
moraliter  
proxima,  
quid requi-  
rat.

## C A P U T V.

*Verum gratia sufficiens sit tantum actualis, vel etiam habitualement in-  
cludat.*

1.  
Ratio du-  
bitandi.

Hoc dubium petitur in primo argumento, in primo capite relicto, quia sufficiens dare posse, ut proximè diximus: in superioribus autem dictum est, habitum infusum dare posse operari supernaturalem actum; ergo habitus est propriè gratia sufficiens. In contrarium verò est, quia multis datur auxilium sufficiens, quibus non datur habitus, vel priusquam illis detur habitus, ut patet in infidelibus, qui habitum fidei non habent, & consequenter nullum infusum habent, quia habitus fidei est primus inter infusos. Et tamen illi habent auxilium sufficiens, ut infra dicemus; ergo habitus nec est auxilium sufficiens, nec ad illum requiritur. Secundò gratia sufficiens continetur sub genere auxilij; at verò habitus non est auxilium, nam auxilium dicitur actualem motionem; ergo. Tertiò etiam si supponatur, habitus ille indiget actuali motione ut operetur; ergo non ipse habitus, sed motio est auxilium sufficiens.

2.  
Explicatur  
termini.

In hoc puncto parva est in re difficultas, & ideo ut tollatur contronversia de verbis, suppono in primis, hinc non esse sermonem de quacumque gratia sufficiente ad salutem, vel ad remissionem peccati, sed ad vitam æternam consequendam, *Fr. Suarez de Gratia Pars 19.*

Deinde observo ex supradictis dupliciter fieri posse à nobis actus supernaturales, scilicet connaturali modo, & per principium intrinsecum in nobis permanens, vel præternaturali modo, ut sic dicam, prævia tantum motione primi agentis subleuantis potentiam ad operandum supernaturaliter sine habitu sibi inhærente. Nam de priori modo multa dicta sunt in lib. 4. ex quibus satis constar, quomodo ille modus supernaturaliter sit possibilis, & ordinarius in hominibus fidelibus, & iusti ratione habituum infusorum, qui in illis sunt, & quomodo dicatur connaturalis, non quidem respectu potentie secundum se spectat, sed respectu habitus infusi. Et inde intelligitur cur alterum modum vocemus præternaturalem, non solum quia supernaturalis est respectu potentie, sed etiam quia non habet dictum modum connaturalitatis, & quod hic etiam modus sit possibilis in lib. 4. & 5. & in materia de visione beata dictum à nobis est, & sumitur ex Concilio Trid. sess. 14. cap. 4. dicente contritionem imperfectam esse donum Dei, & Spiritus sancti impulsus, non adhuc quidem inhabitantis, sed tantum moventis. Imò etiam de prima contritione perfecta infra ostendemus, non elici ab habitu, sed etiam esse à Spiritu sancto mouente.

3.  
Duobus  
modis actus  
supernatura-  
les à nobis  
possunt elici:  
scilicet con-  
naturaliter,  
& præterna-  
turaliter.

Patet ex  
Concilio  
Trident.

His ergo positis dicendum in primis est respectu actuum supernaturalium, ut connaturali modo fiant, habitum esse prin-  
cipium

4.  
Habitus  
infusus est  
cipium

principium  
necessarium  
& sufficiens,  
sed non ab-  
solutè, ad  
actus super-  
naturales  
connaturali-  
ter edendos.  
Probat  
assertio.

principium necessarium, & in suo ordine sufficiens, non tamen esse absolutè & simpliciter auxilium sufficiens, licet aliquo modo dici possit in illo includi. Assertio est facilis quoad omnes partes. Nam in primis licet habitus infusus non sit simpliciter necessarius ad agendum supernaturaliter, est tamen necessarius ad connaturaliter agendum, quia vox illa *connaturaliter* quasi relatiua est, & dicit respectum ad internum principium permanens. Deinde clarum est ex dictis suprà, habitum infusum in suo genere esse principium sufficiens, id est, in ratione principij dantis voluntati, vel intellectui internam virtutem agendi, ut in 4. lib. declaratum est, quia in eo genere vnus habitus sufficit ad proprium actum, est enim in suo genere perfectus, & plures fingere esset superuacuum, & contra perfectionem talium virtutum, & eadem ratione posset in infinitum procedi, ut rectè argumentatur D. Thomas d. q. 109. art. 6. & docet in art. 9. & 10. Sic enim inuenitur sufficientia in habitu; nihilominus tamen verum est, non sufficere habitum in ratione auxilij, seu adiutorij diuini, quia habitus indiget actuali auxilio diuino ad operandum, tum ex parte intellectus, seu obiecti, ut excitetur mens ad bene vtendum infuso habitu: tum ex parte principij, seu ipsius habitus & potentie quæ operari non potest sine actuali concursu Dei eiusdem ordinis cum operatione, ut ex libro superiori constat. Igitur solus habitus præcisè sumptus non potest dici auxilium absolutè sufficiens, & quasi collectiuè, ut declarauimus. Poterit tamen dici vnum ex requisitis ad auxilium sufficiens integrum & totale (ut sic dicam,) respectu talis modi operandi vtrique connaturaliter, ut satis declaratum est.

Est tamen  
vnum ex re-  
quisitis ad  
auxilium  
sufficiens  
totale.

Sine habitu  
actus super-  
naturales  
possunt fieri  
per auxilia  
Dei actualia  
supernaturaliter.  
Probat  
assertio.

Deinde dicendum est, ut actus supernaturales absolutè fieri possint, saltem præternaturaliter in sensu declarato, habitus non computari in auxilio sufficiens, sed absque illis per auxilia actualia dari posse, & frequentissime dari. Hæc etiam assertio perspicua est: nam ad hunc modum efficiendi hos actus non est necessarius habitus, qui sit principium illorum, ut declaratum, & probatum est: ergo sine habitu potest dari potentie adiutorium sufficiens ad tales actus eliciendos, quia ad auxilium sufficiens solum requiruntur ea quæ ad efficiendum actum simpliciter necessaria sunt. Item sine habitu datur auxilium efficax ad efficiendos actus supernaturales dicto modo, quia nullus actus supernaturalis haberi potest sine auxilio efficaci, ut libro sequenti dicemus, & sæpe tales actus fiunt, & non ex habitu: ergo datur tunc ad illos auxilium efficax; ergo & sufficiens, prout in efficaci includitur: ergo etiam poterit dari solum auxilium sufficiens quod non consequatur effectum, quia est contingens ex libertate arbitrij, ut auxilio sufficiens resistat. Hinc rectè concluditur auxilium sufficiens quod datur ad supernaturales actus hoc modo efficiendos in solis auxiliis actualibus consistere; nec contra hoc procedit ratio dubitandi in principio posita, quia licet habitus det posse, non est tamen necessarius simpliciter ad illud posse, sed solum ad posse tali modo, scilicet connaturaliter, absolutè verò illud posse per alia auxilia à Deo suppletur; & ideo ad alium modum agendi potest esse auxilium sufficiens sine habitu.

Respon-  
ad rationem  
dubitandi.

Ex argumentis verò superiori loco positis, primum probat hæc posteriorem assertionem: tertium verò probat secundam partem superioris asser-

tionis, ut facile consideranti patebit. Secundum autem facit vim tantum in voce auxilij, quæ videtur motionem actualem significare. Veruntamen, ut suprà dixi, etiam potest sumi pro quocumque Dei adiutorio, siue detur per notionem, siue per habitum, siue quocumque alio modo, & hoc modo dicimus habitum interdum includi in auxilio, vel, ut tollatur vocis ambiguitas, in adiutorio, vel gratia sufficiens ad certum modum operandi; quia verò in præsentibus præcipue agimus de actuali gratia, ideo in sequentibus rigore loquimur de auxilio sufficiens ad operandum, secluso habitu, de cuius efficientia in lib. 4. satis dictum est. Quomodo autem efficientia eius suppleatur quando potentia sine illo operatur, in lib. 4. explicatum est; nunc ergo de auxiliis actualibus agemus.

Denique hinc facile satisfit primo argumento in præcedenti capite posito, in quo perebarur, quòdnam sit diuisum superioris diuisionis, in quo in primis interrogari potest, an sit auxilium externum, vel internum, in quo dicendum est diuisionem maximè dari de auxiliis internis, quia tam ad sufficientiam, quam efficaciam gratiæ in primis necessaria sunt, & ad vtrumque possunt interdum satis esse, quæ omnia ex dictis satis probata sunt; quia verò secundum ordinariam prouidentiam etiam externa auxilia desideratur, ideo diuisionem ita intelligendo dicendum est in diuiso vtrique auxilia externa & interna quasi collectiuè comprehendere.

Deinde potest inquiri, an in diuisione illa actuali, vel habituale auxilium diuidatur: dicendum est autem si intelligatur diuisio de auxiliis sufficientibus, vel necessariis ad quocumque modum operandi, sic nec solum actuale adiutorium, nec tantum habituale ibi diuidi, sed ab vtroque abstrahere, & vtrumque includi posse. Nam si membra sumantur collectiuè, ut re vera sumi debent, etiam diuisum debet esse quid collectiuum, ut sit membris proportionatum: ideoque in illo quatenus colligit multa, includuntur actualis & habitualis gratia: abstrahit tamen à collectione includente vtramque, vel alteram tantum, quia interdum poterit auxilium sufficiens, imò etiam efficax vtramque gratiam actualem & habituales inuoluere, interdum in solis actualibus auxiliis consistere potest, quamuis nunquam possit per solos habitus compleri, ut in secundo argumento in secundo membro eius satis probatur. Quod verò in primo membro dicitur, auxilia actualia sola non posse sufficere, ad operandum simpliciter, falsum est, nec inde fit habitus esse superfluos, quia ad modum connaturaliter agendi necessarii sunt, & hoc est satis. Quod denique in tertio membro obicitur de paruulis baptizatis, non est ad rem, quia licet illi habeant gratiam sufficientem, imò & efficacem (si ita licet loqui,) ad salutem consequendam, si in ea ætate moriantur, non tamen habent auxilium sufficiens ad operandum, quia pro tunc non sunt capaces operationis, hic autem de auxiliis ad operandum loquimur, ut dixi.

Tandem inquiri potest, an diuidatur ibi auxilium excitans, vel adiuuans, de quo in sequenti capite dicemus.

Vox, *auxilij*,  
sumitur pro  
quocumque  
Dei adiuto-  
rio, seu gra-  
tia sufficien-  
te.

Diuisio  
gratiæ in  
sufficientem  
& efficacem  
comprehen-  
dit auxilia  
tam interna,  
quam exter-  
na.

Falsum est  
auxilia sola  
actualia non  
posse ad  
operandum  
sufficere.

Paruuli  
baptizati  
habent gra-  
tiam suffi-  
cientem, &  
efficacem,  
si ea ætate  
moriuntur,  
ad salutem  
consequen-  
dam, non ad  
operationem.

C A P V T V I.

*An auxilium aliquod verè sufficiens sit ex se inefficax, vel vnde id habeat, quando tale esse contingit.*

**Q**Voniam dictum est, auxilium sufficiens, ut distinguatur ab efficaci, quasi privatiuè illi opponi, ideoque in re ipsa inefficax inueniri, ideo explicandum est, vnde habeat hanc inefficaciam, & inde etiam constabit, quid illa sit: solum autem potest hæc inefficacia provenire vel ex natura auxilij, ac proinde ex parte Dei, vel parte hominis, & liberi arbitrij eius: inter hæc igitur tantum quæstio versatur. Oportet autem supponere sermonem esse de auxilio proximè sufficienti, id est, quod ad potestatem agendi proximè sufficit, modo superius explicato. Nam si tantum remotè auxilium dicatur sufficiens, tunc adhuc expectatur aliud maius auxilium præueniens, ut fiat proximè sufficiens, & quamdiu hoc non obtinetur, prius erit inefficax ex defectu vterioris auxilij, poteritque illa inefficacia homini imputari, quia per prius auxilium non fecit id quod proximè poterat ut maius auxilium obtineret. Et ita in auxilio remotè sufficienti facile explicatur inefficacia consistens in defectu auxilij completi, ut sit proximè sufficiens. Et similiter facile intelligitur, quomodo non in Deum, sed in hominem refundatur. Hic autem agimus de auxilio, quod per se est proximè sufficiens in ratione excitantis & adiuvantis in actu primo, & nihilominus illum effectum non consequitur, propter quem proximè datur.

**I.**  
Status quæstionis.

**2.**  
Prior sententia docet inefficaciam gratiæ sufficientis, pendere partim ex natura ipsius gratiæ, partim ex Deo eam dante.

Fundamentum eius sententiæ, & probatio.

Confirmatio.

Dixerunt ergo aliqui, quantumvis auxilium sit proximè sufficiens, nihilominus præcisè spectatum esse de se inefficax, nisi illi addatur aliud, à quo efficaciam accipiat, ideoque ex intrinseca limitatione eius provenire, ut effectum, propter quem datur, non faciat, quia nimium deest illi maius auxilium præueniens, sine quo nunquam ex solo auxilio sufficienti præcisè spectato sequitur opus. Vnde fit ut talis inefficacia in Deum ipsum refundatur, saltem negatiuè, seu indirectè quatenus Deus ex se non vult illud peculiare auxilium præstare, sine quo auxilium sufficiens effectum consequi repugnat. Atque ita hæc inefficacia partim est ex natura auxilij sufficientis, quatenus ex se illam habet, nec dat facere, sed tantum posse; partim ex Deo, quia suo arbitrio vult tantum dare auxilium sufficiens, & non efficacem.

Fundamentum huius sententiæ sumitur à contrario, quia auxilium efficax de se & natura sua est efficax, & est necessarium ad operandum; ergo auxilium sufficiens de se est inefficax, ut illum assequatur effectum. Probatur consequentia, quia auxilium sufficiens hic sumitur ut præcilum & separatum in re ipsa ab efficaci; ergo sic solitariè sumptum de se est inefficax, quia deest illi auxilium necessarium ad efficaciam, & confirmatur primò, quia si affirmatio est causa adæquata affirmationis, negatio est causa negationis, sed auxilium de se efficax est vltima ratio adæquata actualis efficientiæ voluntatis, & auxilij sufficientis; er-

Fr. Suarez de Gratia Pars II.

**A**go carentia eius est adæquata ratio, ob quam auxilium sufficiens manet inefficax; auxilium enim sufficiens integrè subsistit sine efficaci, & ex natura sua illud secum non affert, neque præbet viam, aut vires ad obtinendum illud, quia iam non esset auxilium proximè sufficiens, sed remotè ut explicauimus; ergo de se est inefficax, quia nisi aliunde accipiat efficaciam, nunquam illam habebit; & hoc est esse de se inefficax. Confirmatur secundo à signo, nam auxilium sufficiens tantum nunquam omnino habet effectum, & hoc est aded infallibile, ut nonquam deiciat; ergo signum est tale auxilium de se habere hanc inefficaciam, nam causa quæ nunquam infallibiliter consequitur effectum, merito censetur ad talem effectum ab intrinseco insufficiens.

Hæc sententia videtur posse tribui auctoribus opinantibus auxilium efficax esse etiam præuium, seu præueniens, esseque de se efficax ac physicè prædeterminans voluntate ac necessarium ad operandum. Nam ex hoc principio sequitur altera assertio de auxilio sufficiente, ut explicatum est. Nihilominus tamen multum his auctoribus, licet concedant auxilium sufficiens de se non esse efficax, nihilominus non audent dicere primam rationem, ob quam tale auxilium in re manet tantum sufficiens, & inefficax, esse solam Dei voluntatem, sed homini esse tribuendum quod difficulter cum priori fundamento conciliatur, ut hic, & latius in sequenti libro videbimus.

Alij verò non dubitant, in Dei voluntatem & providentiam tanquam in primam radicem reuocare, quod auxilium sufficiens ita detur, ut inefficax maneat in his, in quibus non operatur, quia auxilium de se efficax est necessarium ad opus, & Deus sua voluntate dat illud cui vult, & negat illud cui vult, iuxta illud, *Non est volentis, nec currentis, sed Dei miserationis*; cum enim Deus sit supremus Dominus suorum auxiliorum, potest illa distribuere sicut vult, & nemini facit iniuriam, & videntur hi Doctores quoad hanc partem consequenter loqui, quia auxilium de se efficax est præuium & necessarium: non potest autem homini illo carenti imputari, quod ei non fuerit datum, quia sine illo nihil facere potuit, quo illud obtineret, ut infra pressius urgebimus. Addo verò, licet auxilium efficax non sit de se tale, sed in vocatione congruà consistat, nihilominus posse videri soli Deo attribuendum esse, quod homo non recipiat vocationem congruam, ac subinde quod eius vocatio sit tantum sufficiens, & non efficax. Probatur, quia cui Deus præbet primam vocationem congruam, sua sola voluntate donat, quia non potest homo illam mereri, ut infra ostendemus; ergo cui non donat illam, etiam sua voluntate non donat, ergo hoc modo Deus est causa inefficacis auxilij. Prima consequentia probatur, tum rationibus factis, quod si affirmatio est causa affirmationis, negatio est causa negationis, tum quia cum vocatio antecedit libertatem hominis, non potest homo esse in causa, quod talis, vel talis sit. Tum denique, quia illa distributio vocationum provenit ex sola dispositione diuinæ providentiæ, nam Deus quosdam sola sua libertate prælegit efficaciter ad gloriam, vel ad fidem, vel ad poenitentiam; alios non elegit, & ideo prioribus dat vocationem quæ habeat effectum in eis: posterioribus autem dat vocationem

**3.**  
Auctores huius sententiæ non vno modo explicant radicem illius inefficacis.

Quomodo Deus dicatur ab illis esse causa inefficacis, si negat congruam vocationem.



venire possunt, nisi vocarentur. In eis ergo qui non venerunt, ex sententia Augustini vocatio inefficax facta est, solum quia vocati venire noluerunt, unde generaliter subiungit, *Neque illi sibi debent tribuere, qui venerunt, quia vocati venerunt, neque illi, qui noluerunt venire, debent alteri tribuere, sed tantum sibi, quoniam ut venirent vocati, erat in libera eorum voluntate.* Si ergo alteri non possunt tribuere, multo minus Deo. Tertiò expressum & egregium Augustini testimonium lib. 2. de peccat. merit. cap. 17. ubi prius quaerit, *Cum voluntate humana, gratia adiuvante divina, sine peccato in hac vita homo esse posset, cur non sit?* Et subiungit, *Posses facillime & veracissime respondere, quia nolunt.* Postea verò quaerens causam cur nolint, duas reddit, ignorantiam nempe, & infirmitatem, & subiungit, *Ut autem innotescat quod lasebas, & suane fiat, quod non delectabatur, gratia Dei est, qua hominum adiuvat voluntatem, qua ut non adveniunt, in ipsis isidem causa est, non in Deo.* Quartò in lib. de grat. & lib. arbit. cap. 1. reprehendit eos, qui etiam de ipso Deo se excusare conantur. Et contra eos abiicit illud Iacob. 1. *Deus neminem tentat, & illud Prouerb. 19. Insipientia viri violat vias eius, Deum autem causatur in corde suo.* Si autem carentia efficaciz auxilij in Deum, ut in primam causam refundi posset, profectò magna ratione posset homines excusari apud Deum de ipso Deo. Denique hoc optimè confirmat idem Augustinus epist. 15. dicens, *Deum indurare aliquos non impertiendo misericordiam.* & adiungit, *Quibus eam non impertitur, neque digni sunt, neque merentur, ac potius ut non impertiatur, hoc digni sunt, hoc non merentur.* Consentit huic doctrinæ & tanquam Augustinianam defendit Prosper ad obiectiones Vincent. cap. 7. ad obiectiones Gallor. ad 7.

Homo in hac vita sine peccato esse non potest, quia non vult, & cur nolit, duas sunt ex eodè Aug. causæ, Ignorantia & infirmitas.

7. Probatur rationibus prima pars.

Inefficacia gratiæ sufficientis non potest esse sine peccato an materia præcepti.

Confirmatur authoritat. SS. August. & Prosperi.

Tertiò potest eadem veritas rationibus confirmari, duas enim habet partes, vnam negatiuam, quòd talis inefficacia non sit Deo tribuenda, alteram affirmatiuam, quòd homini imputetur, & vna sequitur ex alia. Vnde prima ratio sit, quia redde-  
te vacuum effectum Dei vocationem, in his quæ sunt ad salutem necessaria, seu quâdo nos vocat ad implenda præcepta, non sit sine peccato, aut sine auersione hominis à Deo, sed auersio hominis non potest Deo tanquam auctori tribui; ergo neque inefficacia sufficientis gratiæ potest illi tribui. Cõsequentiã evidens est. Maior etiam nota est ex Scripturis allegatis. Cum enim Stephanus Iudæos reprehendebat, quòd Spiritui sancto resistissent, grauissimæ culpæ illos arguebat, & idem confirmat diuinæ sapientiæ comminatio Prouerb. 1. *Quia vocati & renuistis, extendi manum meam, & non fuit qui aspiceret, despectistis omne consilium meum, & interpretationes meas neglexistis, ego verò in inscriptis vestro ridebo.* Et ideo etiam Christus Dominus Iudæis dixit Ioan. 15. *Si non venissem, &c. nunc autem excusationem non habent de peccato suo.* Vtique infidelitatis, ut exponit Augustinus, & ratio est clara, quia auxilium sufficiens non sit inefficax, nisi non cooperando illi, sed qui non operatur: seu resistit, vel non responder vocationi in materia necessaria & præcepta, eo ipso non implet præceptum; ergo illa resistentia non sit sine graui culpa: sicut ergo grauis culpa non potest Deo imputari, ita nec inefficacia auxilij. Vnde meritò dixit Augustinus lib. 2. de peccat. merit. cap. 5. *Si à Deo auertimur, nostrum est, & tunc secundum carnem sapimus, &c.* Conuersos ergo Deus adiuvat, auersos deserit, & cap. 18. *Quòd à Deo nos auertimus, nostrum est, &c.* & Fr. Suarez de Gratia Pars. 1 l.

A Prosper ad cap. Gallor. in 7. cum dixisset multos prius à Deo apostatare, & in sua auersione desinere, subiungit, *sed horum lapsum Deo tribuere immodice prauitatis est.*

Imò addo non solum in materia præcepti, sed etiam in materia consilij resistere diuinæ inspirationi, & auxilio diuino sufficienti, illudque inefficax reddere, nunquam esse ex Deo, sed ex homine. Ratio est, quia licet illa resistentia liberi arbitrij, per quam tale auxilium redditur inefficax, interdum non sit peccatum, semper est defectus quidam, & imperfectio virtutis, ideòque non potest in Deum refundi. Item, quia quoties Deus præbet auxilium proximè sufficiens ad aliquod bonum propositum, vel actum ipsius hominis, procedit ex voluntate Dei saltem antecedente, quâ verè & non fictè cupit ut homo habeat talem actum; ergo non potest ipse Deus esse radix & causa resistentiæ hominis, quia hoc repugnat cum illa Dei voluntate si vera sit, & non ficta. Nam velle quantum ex se est ut actus fiat, & alioqui impendere cooperationem hominis, vel ex propria voluntate esse causam eius, repugnantia sunt. Item quia si vocatio est verè sufficiens, confert homini, & in eius potestate & arbitrio constituit, quidquid necessarium est ad efficiendum actum, ad quem tale auxilium dicitur sufficiens; ergo fieri non potest ut per Deum ipsum stet, quominus talem actum efficiat, quia hoc apertè repugnat cum auxilij sufficientia ex parte Dei. Atque hæ rationes concludunt vniuersaliter, & in quacunque materia, non posse inefficaciam auxilij alioqui sufficientis ex parte Dei, ipsimet Deo tanquam primæ radici, aut veræ causæ attribui. Repugnat enim talis prouidentia modus, vel cum diuina voluntate, vel cum constantia, & immutabilitate voluntatis eius, ac subinde cum eius sapientia, & erga homines charitate.

Inefficacia eadem in materia cõsiliij non est sine aliquo defectu.

Deus non potest esse radix, & causa huius inefficaciæ, seu resistentiæ.

Atque hinc concluditur altera pars, nimirum solum hominem & infirmam ac fragilem voluntatem eius esse propriam causam inefficaciæ sufficientis auxilij. Probatur primò, quia nulla causa creata, ut Dæmon, cælum, appetitus inferior, hominis suasio, vel alia similis, potest hominem cogere, seu necessitare ad non respondendum vocationi, quando illa sufficiens est, ut suppono; ergo ex sola extrinseca libertate hominis recipientis oritur ille defectus, quia Deus non vult illi inferre necessitatem, nec erat conueniens, quia destrueretur meritum, & humanus operandi modus, & alioqui voluntas ipsa creata deficiens est; illi ergo debet tribui defectus cooperandi gratiæ, non Deo. Item hoc euidentius probatur, quoties in hac resistentia, seu dissensu à vocatione peccatum interuenit, quia propria causa culpæ, hominis est arbitrium; ergo quoties inefficacia auxilij ex culpa hominis nascitur, illi tribuenda est, non alteri. Hoc item generaliter probat ratio de sufficientia auxilij, nam si homini datur auxilium sufficiens ex parte Dei, quale à nobis explicatum est, per nullam causam extrinsecam potest efficaciter impediri, quia licet fortè instet tentatio, si auxilium Dei in eo tempore & in ea opportunitate, in qua datur, est simpliciter sufficiens, consequenter de se potens est ad vincendam omnem tentationem; ergo quòd homo succumbat, & inefficax reddat tale auxilium, illi soli tribuendum est.

8. Probatur secunda pars assertionis.

Et hoc satis confirmant adducta testimonia, quibus addi potest egregium Augustini testimonium lib. 3. de lib. arb. cap. 16. dicentis, *Ex eo quod non accepit, nullus est reus, ex eo verò quod non facit, quod debet, inistè reus est: debet autem si ac-*

Cõfirmatur ex S. August.

cepit & voluntatem liberam sufficientissimam facultatem. Vnde subinfert, *Dum non facit quisquis, quod debet, nulla culpa est conditoria*. duo enim requirit Augustinus, ut aliquid homini imputetur, scilicet voluntatem liberam, & auxilium sufficiens: hæc autem supponuntur in homine impediēte auxilij sufficientis effectum; ergo illi soli imputatur. Eandem doctrinam late tradit Aselm. lib. de Concord. cap. 3. aliquantulum ab initio, ubi in summa docet, illi soli posse lapsum attribui, cui & adiutorium non defuit, (utique sufficiens,) sed illud recipere noluit. Denique Hug. Viç. lib. de Sacram. part. 5. cap. 24. de Angelis qui steterunt & ceciderunt, ait: *Qui conueriebantur, idcirco bene mouebantur, quia gratiam cooperantem habuerunt; sed qui eueriebantur, non ideo precipitabantur, quia gratiam cooperantem non habuerunt, sed idcirco a Deo deserebantur, quia aueriebantur, & precipitabantur*. In quo testimonio multa sunt notata digna, quæ pro discursu disputationis de gratia efficaci multum deserviunt. Quod verò nunc ad rem ponderamus, solum est etiam in Angelis non referri inefficaciam in authorem gratiæ, sed in liberum arbitrium. Et similia habet, licet obscurioribus verbis, in summa sentent. p. 2. cap. 3. quæ postea commodiori loco explicabimus.

Etiam in Angelis gratiæ inefficacia pendet ab eorum libertate.

9. Tandem ex dictis concluditur auxilium sufficiens non esse de se inefficax, potestque in hunc modum declarari, & probari. Quia si gratia sufficiens est de se inefficax, vel intelligitur de inefficacia in actu primo, vel tantum in actu secundo (quæ distinctio in cap. 1. declarata est,) neutrum verò dici potest: ergo. Minor probatur quoad priorem partem de actu primo, quia inefficacia in actu primo idem est quod insuficientia; ergo si auxilium supponitur sufficiens, non potest esse de se inefficax in actu primo. Consequentia evidens est. Antecedens autem patet ex declaratione suprâ data de auxilio efficaci in actu primo: nam oppositorum proportionem seruata, eadem est ratio: dicitur autem auxilium efficax in actu primo, quod de se potens est ad efficiendum actum, etiam si de facto effectum non sit. Hoc autem ipsum significatur nomine auxilij sufficientis, & ideo Patres sæpe illud efficax vocant, utique in actu primo, ergo si auxilium est sufficiens, est etiam de se efficax in actu primo. Vnde argumentor secundo, quia cum tali auxilio inefficaci voluntas non solum non operabitur, sed etiam non potest operari; ergo si voluntati datur solum auxilium de se inefficax, non potest illi imputari, etiam si non operetur, cuius contrarium probatum est. Antecedens patet, quia sine actu primo de se efficaci, id est, habente vim actiuam necessariam, non potest potentia prodire in actum, maxime cum etiam supponatur potentia de inefficax ad actum, nisi aliunde eius defectus suppleatur. Vnde sumitur tertia ratio, nam ideo voluntas indiget auxilio superaddito, quia de se est inefficax in actu primo; ergo si auxilium quod additur, est etiam de se inefficax, indigebit alio auxilio complente efficaciam in actu primo: ergo sine illo, erit impotens prius auxilium, sicut est voluntas sine eodem auxilio. Tandem si auxilium sufficiens esset hoc modo inefficax, omnis defectus hominis in operando attribuendus esset defectui gratiæ, & consequenter Deo, & (ut sic dicam,) imperfectæ prouidentiae eius quod quàm sit falsum, & ostensum est, & prosequar.

Responde.

Dicit aliquis has rationes recte procedere de

A auxilio proximè & completè sufficienti, & de illo convincere esse efficax de se in actu primo, nihilominus tamen posse dari auxilium absolute sufficiens, quod non est completum principium in actu primo, sed indiget aliquo alio complemento. Respondemus tale auxilium non esse proximè sufficiens respectu illius effectus, ad quem requiritur nouum auxilium per modum principij, & actus primi, & ideo necessarium esse, ut detur aliquis prior actus ad quem tale auxilium sit completè sufficiens, vel certe nullo modo esse auxilium sufficiens, ex dictis superioribus constare potest, & in sequentibus iterum atque iterum occurret necessitas illud inculcandi. Vel denique aliud nouum auxilium non erit necessarium per modum principij, sed alio modo, nimirum per modum actionis, & ita non erit in se necessarium ad posse, sed ad agere. Oportebit igitur ut sit in potestate hominis habentis auxilium sufficiens, alioqui sufficientia destruetur, ut cap. sup. probatum est, & nunc etiam in secundo membro suprâ posito patebit.

Probatur ergo altera pars, nimirum auxilium sufficiens non posse esse de se inefficax in actu secundo, quia talis inefficacia in hoc solum consistit, quod auxilium non actu operetur: non potest autem hoc prouenire per se ex ipso auxilio, quod probatur, quia sufficiens causa proxima, & applicata ad operandum cum omnibus requisitis ad agendum, & ablatis omnibus impedimentis, non potest cessare ab operatione actuali, nisi vel propter libertatem, vel qua Deus negat concursum: in præsentem autem auxilium sufficiens supponitur principium in suo genere sufficiens, & applicatum voluntari cum omnibus requisitis, nam, (ut dixi,) hæc omnia includit vocatio proximè sufficiens; ergo non potest cessare ab operatione ex defectu concursus diuini, quia ille est vnum ex necessariis ad agendum, & ideo dato principio proximo agendi, sufficientique in suo genere, concursus ex parte Dei requisitus, sic ut est debitus connaturali debito, ita etiam ex parte Dei offertur, & in manu hominis constituitur. Nam si in aliquo casu Deus miraculose negat concursum, ut in igne Babylónico, tunc carentia actionis Deo ipsi tribuitur, & non inefficaciæ virtutis proximiæ. Ergo in præsentem, quod homo per auxilium sufficiens non operetur, non prouenit ex diuini concursus defectu, nec potest refundi in Deum. Superest ergo, ut defectus operationis in actu secundo, quando auxilium supponitur completum in actu primo, & sufficiens, prouenire non possit nisi libertate integræ & proximæ causæ actiuæ. Sed hæc libertas non conuenit auxilio de se, sed ratione subiecti, in quo est; ergo quoddam tale auxilium sit inefficax in actu secundo, non conuenit illi de se, sed ex subiecto, id est, ex libera voluntate libertatis humanæ, eiusque defectu. Sicut quoddam habitus charitatis actu non eliciat amorem, non prouenit ab illo secundum se, quia potius ipse, quantum est de se, inclinatur ad actualem amorem: prouenit ergo ex libertate voluntatis, quando aliàs supponitur cum aliis requisitis ad agendum, nam habitibus utimur cum volumus: ita ergo est in auxilio sufficienti, quod de se habet ut actus primus in ordine ad consensum.

Ad fundamentum contrariæ sententiæ primò negari potest, dari auxilium de se efficax distinctum ab actuali concursu concomitante, sed quia de hoc in libro sequenti dicturi sumus, ut ab illa quaestione

Probatur aliter de inefficacia in actu secundo.

10. Responderet ad fundamentum contrariæ sententiæ.

quæstione abstrahamus, respondemus quacunque ratione ponatur auxilium aliquod de se efficax necessarium ad operandum, ut saluetur auxilium verè sufficiens, licet actu non operetur, necessarium esse, ut auxilium efficax sit in potestate hominis habentis auxilium sufficiens, vel (quod perinde est,) necessarium est ut sit in potestate hominis operari actu cum suo auxilio sufficiente, ac proinde habere omnia necessaria ad efficaciam, seu efficientiam talis auxilij; quia si hoc totum non sit in potestate & libertate eius, impossibile est quod carentia operationis homini attribatur, ratione cuius usus, vel non usus liberi, ut omnia dicta in hoc & in præcedenti capite aperte convincunt. Vnde ad argumentum, posito illo antecedenti de auxilio de se efficaci, neganda est consequentia de sufficiente per se inefficaci. Et ad probationem, quia auxilium sufficiens hic sumitur ut separatum ab efficaci, responderetur hanc separationem non esse ex natura auxilij sufficientis, sed ex libertate voluntatis, cui datur auxilium sufficiens, & ideo non sequitur quod auxilium sit de se inefficax, sed tantum, quod actu sit inefficax. An verò hæc responsio coherereat cum auxilio per se efficaci ac prædeterminante, videant illius auxilij defensores, nam si non cohereret, profectò negandum potius est tale auxilium per se efficax, quam admittendum auxilium sufficiens de se inefficax.

Et ad primam confirmationem.

Ad gratiam sufficientis efficaciam non est necessarium aliud auxilium efficax ex parte Dei.

Vnde ad primam confirmationem respondemus, si tale fingatur auxilium efficax necessarium ad operandum, quale ibi depingitur, sic planè destrui verum auxilium sufficiens, & ideo negamus dari necessitatem talis auxilij efficacis, quod nullo modo à libertate hominis, sed à Dei tantummodo arbitrio pendeat, etiam supposito sufficienti auxilio: quomodo autem hoc debeat intelligi & probari, in lib. sequenti dicemus. Et ideo hic solum dicimus, dato quod auxilium sufficiens indigeat nouo auxilio efficaci ad actu operandum illud præstare esse, nec posse deesse ex parte Dei (aliàs fingeret potius dare auxilium sufficiens, quam verè illud conferret;) & nihilominus tale auxilium efficax posse separari à sufficienti, & actu non dari ex defectu hominis nolentis cooperari cum auxilio sufficiente sibi collato. Nec hinc sequitur auxilium illud non esse proximè sufficiens, quia etiam posito tali auxilio sufficiente, est in potestate voluntatis admittere, vel non admittere auxilium efficax, quia liberum est illi operari, vel non operari cum auxilio sufficiente. Hæc autem potestas non est libera ad efficiendum aliquid, quod sit voluntatis dispositio ad recipiendum auxilium inefficax, & ideo est proximè sufficiens, & non remotè, seu mediante alio actu. Hinc tamen rectè concluditur, auxilium illud, quod ultra auxilium sufficiens requiritur ad efficaciam eius, non posse esse aliud præter concomitantem concursus Dei, qui non fit in nobis actu sine nobis, & semper fit in nobis sufficienter excitatis si velimus. Nam omne aliud auxilium præueniens, quod à solo Deo fieri debeat, non potest esse immediatè in potestate nostra libera, sed ad summum mediante alio actu libero, & ideo si de tali auxilio efficaci procedit argumentum, negamus illud esse necessarium, imò nec possibile, ut latius libro sequenti dicemus.

11. Responderetur ad secundam confirmationem.

Ad secundam confirmationem respondeo, aliud esse loqui de auxilio sufficiente sub hac voce concepto, ut existente in hominibus, qui illi resistunt, quod potest dici in sensu compo-

A fito; aliud verò esse loqui de illo secundum se (ut ita dicam) in sensu diuiso. Loquendo ergo de illo posteriori modo, nego auxilium sufficiens semper carere effectu, aut infallibiliter manere inefficax; quia (ut lib. sequenti ostendam) idem auxilium sufficiens potest in vno habere effectum, & in alio priuari effectu, ex defectu liberi arbitrij. At verò loquendo priori modo in sensu composito, verum est auxilium sufficiens semper esse inefficax: sic autem negatur consequentia, scilicet de se esse inefficax, quia non habet ab intrinseco illum effectum, sed quatenus est in homine qui illi resistit, sub quo defectu sic consideratur. Vnde non est hoc infallibile in ipso auxilio secundum se spectato, sed est ex defectu subiecti, qui defectus iam supponitur quo ad nos quidem confusè in his, quæ frequenter contingunt; quo ad Deum verò distinctè, & clarè in præscientia eius, qua prævidet non tantum virtutem causarum & auxiliorum, sed etiam determinaciones liberas eorum, siue absolute futuras, siue sub quacunque conditione. Neque obstat, quod tale auxilium sæpissimè & in maiori hominum multitudine inueniatur inefficax, quia inde non sequitur id habere ex se, sed ex causa libera cui inest, & sufficit ad totum illum defectum, imò non potest aliunde provenire, cum in ipso auxilio non sit liberas nisi ratione subiecti, & hæc sufficit, ut in malis Angelis satis ostensum est, qui gratiam sufficientissimam habuerunt.

Gratia sufficientis non semper caret effectu.

Inefficacia gratiæ sufficientis, non est ab intrinseco ipsius, sed ab extrinseco, scilicet ab hominis libertate.

C Ad alteram partem, quæ ad Deum pertinet, concedimus quidem iuxta illam sententiam de auxilio præuio de se efficaci; vix posse evitari quin carentia gratiæ sufficientis auxilio ex sola Dei voluntate proveniat, quod nos inconueniens reputamus, & ideo sententiam illam non admittimus, hanc verò partem in sequentem librum disputandam reservamus. Negamus tamen similem esse rationem de vocatione congrua, quia libet vocatio congrua sit necessaria ad efficaciam auxilij: illa tamen congruitas in re ipsa non est omnino antecedens, seu præueniens usum libertatis, sed est consequens & ab arbitrio pender. Et ideo quod vocatio non sit congrua in his, qui tantum auxilium sufficiens recipiunt, causa est in ipsis; possent enim facere ut vocatio esset congrua, si vellent gratiæ cooperari, pro ut re vera possent; vnde attentè considerandum est, aliud esse, quod in potestate hominis sit facere, ut Deus ipsi tribuat vocationem, quam prævidet futuram congruam: aliud esse, quod in potestate hominis sit facere, ut vocatio sufficiens, quæ illi datur, sit congrua. Nam secundum dicimus esse in potestate hominis, idque sufficit, ac necessarium est, ut auxilium sit verè sufficiens. Primum autem re vera non est in hominis potestate, sed in sola diuina dispositione ac libertate. Ad argumentum ergo concedimus utramque partem antecedentis, nimirum, cui Deus donat primam vocationem congruam sua misericordia, & libera voluntate dare, & cui donat, quam prævidet futuram incongruam, etiam pro suo arbitrio illam dare, & non meliorem; inde verò non sequitur Deum esse causam inefficacis vocationis, quia de se potius vellent talem vocationem esse congruam, prævidet tamen, non esse talem futuram ex libertate hominis, & permittit: non est tamen Deus causa defectu, quos permittit; vnde tota illa argumentatio procedit ex æquivocatione illa, quod non distinguit inter liberam

Congruitas gratiæ seu vocationis ab arbitrio hominis pendet.

Distributio gratiæ congruæ, & præuivæ fore incongruam est à Deo; sed quod sit futura incongrua est ab homine.



distributionem vocationis, quam fatemur esse ex Deo, & causam vnde vocatio habet quoddam sit incongrua, quæ non est ex Deo.

Deus vocationes congruas directe voluit, incongruas permittit.

Cur Deus non debuit denegare gratiam male, cā vsuri.

Est autem animaduertendum Deum cū ex æternitate voluit quibusdam dare vocationes, quæ præuidet futuras esse congruas, aliis verò quas præuidet futuras esse inefficaces; aliter voluisse vnum, quàm aliud: nam vocationes congruas directe voluit & ordinauit; quatenus verò incongruas permittit, quia oculi eius mundi sunt, ne videant malum, seu defectum, utique volendo, vel applicando, sed tantum permittendo: nemini autem occasione præbendo, ut in vacuum gratiam recipiant, seu relinquendo illam, seu non auferendo, sed liberum, ac contingentem cursum causarum permittendo, quia nec tenetur causarum ordinem immutare, nec abundantiora auxilia præbere quàm necessaria sunt. Nec etiam debuit auxilia sufficientia denegare his, quos videbat male illius esse, vsuros, quia illa erant necessaria ad liberum vsum voluntatis, & ut defectus salutis talium hominum non posset Deo imputari. Itaque illa distributio auxiliorum in quibusdam ostendit singularem Dei gratiam, & benevolentiam, in aliis verò iustitiam, in vtrisque verò mirabilem providentiam, quæ non excusat eorum hominum negligentiam, qui sufficienti auxilio cooperari contempserunt. Et ideo licet verum sit, cui Deus non donat efficax, seu congruum auxilium, libera voluntate non dare, non inde sequitur Deum esse causam, cur auxilium sit inefficax, sed solum sequitur præuidisse Deum, ex voluntate hominis futurum fuisse, ut non habeat effectum, & nihilominus voluisse illud dare, permittendo illum defectum, & noluisse alium dare, quod præsciebat habiturum fuisse effectum, quæ sunt inscrutabilia iudicia Dei, quæ Augustinus utique scrutari non audet, sed admirari.

12. Responderetur ad testimonium PP. allaia.

Quo sensu dari dicatur gratia minime idoneis capiendæ, à S. August.

Atque hoc vno verbo responsum est ad testimonia in contrarium inducta, in primo enim loco ex quaest. 2. ad Simplicianum, de hac distributione vocationum congruarum, vel incongruarum aperte loquitur, & illam refert in diuinam voluntatem, & liberam electionem, quod verissimum est modo declarato. Et huic sensui congruunt cætera, quæ ibi Augustinus disputat. Cū autem dicit, ad quosdam peruenire vocationem, quæ talis est, quæ moueri non possent, qui ei capiendæ non reperiuntur idonei, secundum præscientiam dictum est, non secundum intrinsecam incongruitatem vocationis, nec secundum intrinsecam impotentiam voluntatis ad operandum cum tali vocatione: nam re vera, simpliciter, & (ut aiunt,) in sensu diuino, potuissent sic vocati venire, & vocationi sese accommodare cum gratia Dei cooperante, quæ illis præstò fuisset, si per eos non sterisset, ut satis in cap. 2. & 4. probatum est. Tamen quia Deus talem vocationem illis hominibus dare voluit, præsciens illos non fuisse consensuros vocationi, ideo dicitur data illis vocatio, quæ in sensu composito moueri non possent, seu clarius, quæ ita possent ut de facto non essent bene illa potestate vsuri. Eodémque modo tali vocationi capiendæ non erant idonei secundum præscientiam, aut secundum futurum vsum, non secundum absolutam capacitatem & potestatem, & hanc esse Augustini mentem, ex dicendis in sequenti testimonio apertius ostenditur.

Explicatur alij loci S. Aug.

Eandem interpretationem habet alter locus de prædest. Sanct. Augustinus enim ibi non dicit Deum, non omnes quos docet, ita docere ut possint venire ad Christum, sed dicit, non omnes ita

A docere ut veniant, quod verissimum est, etiamsi primum sit falsum absolute, & in sensu diuino loquendo, ut explicatum est, dicit præterea cū posset Deus omnes ita docere, ut venirent, id est, efficaciter, seu congruè vocare, nolle id facere, idque vnum esse ex occultis mysteriis Dei, in quo & misericordia in quibusdam & in aliis iudicium ostenditur. Vnde cū ait, *quos autem non docet iudicio, non docet*, intelligendus est, *quos sic non docet*, id est, ita ut veniant, nam alio quidem modo etiam eos docet sufficienter ut venire possint, & veniant si velint; iudicium verò, seu mysterium est, quod non aliter eos docet, cū possit, nec inde sequitur inefficaciam talis doctrinæ Dei ex Dei ordinatione prouenire, sed ex permissione tantum, ut explicatum est, & simili modo limitandum est quod dicit, cū Prædicatore insonante aliqui non credunt, eos foris audire, intus non audire, nec discere, id est, non ita interius audire ut discant: nam quod interius etiam aliquo modo audiant, necessarium dicendum est ut auxilium sufficiens recipiant, iuxta dicta in cap. 2.

Tertium denique testimonium eodem ferè modo facile declaratur. Sed in primis notandus est ille modus loquendi Augustini de Tyris & Sidoniis, *Relicti sunt qui etiam credere potuissent*. Nam sensus est, relictos esse qui credidissent, si talia signa vidissent, hoc enim affirmavit Christus in verbis proximè sequentibus; loquitur enim Augustinus per verbum *potuissent*, vel intelligendo potestatem in actum reducendum, vel intelligendo etiam secundum præscientiam, quæ futurum effectum includit, & ita constat hanc esse phrasim Augustini, ut in primo testimonio interpretari sumus, quam sumptim ex simili loquendi modo Christi Domini, cuius verba ibidem allegat qui de Iudeis dixit, *Propterea non poterant credere, quia de illis dixit Isaias: Excæca cor populi huius*, &c. Ioan. 12. *propterea enim non poterant quod volebant*, ut ibi ait Chrysostomus, & Prosper ad obiectiones Vincent. in 6. tamen quia Deus illam voluntatem eorum præsciebat, ideo in sensu composito non poterant, & sic etiam non erant obscura sequentia verba Augustini, *quoniam ut crederent non erat eis datum etiam vnde crederent & negatum*; ait enim non esse eis datum credere secundum prædestinationem diuinam, (nam hæc etiam est, vsitata locutio Augustini: ) supponit autem Augustinus efficacia auxilia ad exequenda media prædestinationis ab electione diuina descendere, seu à proposito, ut loqui etiam solet Augustinus; & ideo ait, quos Deus non eligit ad salutem, vel ad fidem, etiam non dedisse eis vnde crederent; non quia eis negauerit vnde possint credere, nec quia aliquid ex parte sua negauit, ratione cuius non sunt vsi illa potestate, nec crediderunt, sed quia negauit illis, vel dare noluit etiam vocationem, quæ de facto crederent, quam ipse non ignorabat, & dare potuisset, & eundem sensum habent vltima verba, ut facile consideranti patebit.

Quomodo erit deo potuissent, qui relictii sunt, ut ait S. Aug.

Quando idē dicitur aliquibus, non esse datum, ut crederent, intellige, secundum diuinā præscientiam.

## C A P V T VII.

*Utrum auxilium sufficiens detur interdum prædestinatis, vel solis reprobis.*

H Actenus explicuimus, quid sit auxilium sufficiens, & quas spirituales vires, quæve auxilia includat; nunc superest videndum, quibus & quomodo detur. Omnium autem hominum mul-

tudo

titudo ( idemque est de Angelis ) in duas classes A prædestinatorum & reprobatorum distinguitur, quæ partitio sumitur per diuersum ordinem ad consequentiam ultimæ beatitudinis, ad quam etiam hæc auxilia ordinantur, ideoque in primis per cōparationem ad illa duo membra explicandum à nobis est, quibus detur auxilium sufficiens, & in præfenti duo inquiruntur, vñ an reprobis detur, aliud an detur prædestinatis, vel sit proprium reprobatorum saltem quoad illum modum quo dici solet propriū, quod alicui soli conuenit, & in priori quidem puncto hæretici huius temporis negant dari auxilium sufficiens reprobis, sed tantum electis, & pro eadem sententia refertur Cosmas Philiar. quæst. singulari de prædest. cap. 12. & videtur fauere Isidorus lib. 2. sentent. cap. 5. §. spiritualis; aut enim spirituale auxilium solis electis dari; ratione idem suaderi potest, quia reprobis vel non datur sufficiens gratia, ut ad fidem veram conuertantur, vel saltem non datur ut credentes iustificentur, vel denique non datur ut semel iustificati vsque ad finem in iustitia perseuerent: ergo simpliciter non datur eis auxilium sufficiens ac salutem. Consequentia euidens est, quia sine fide, iustitia, & perseuerantia in illa saluari non possunt.

Antecedens quoad primam partem probatur, quia credere non possunt nisi trahantur à Deo, dicente Christo Domino, *Nemo potest venire ad me, nisi Pater meus traxerit eum. Venire autem est credere*, dicente eodem Domino, *Omnis qui audit à Patre, & didicit, venit ad me.* ut ibi, & sæpe aliàs Augustinus exponit, & multi reprobi non trahuntur à Patre, ad Christum per fidem, ut experientia docet; ergo illi non possunt credere; ergo non accipiunt auxilium sufficiens ad credendum, nam auxilium sufficiens dat posse, ut diximus, idemque argumentum de secundo membro fieri potest, quia sicut non potest quis venire ad Christum per solam fidem, nisi trahatur, ita nec potest venire per fidem viuam, seu per vitam fidei, quæ est charitas, seu per fidem, quæ per dilectionem operatur, nisi etiam trahatur, nam quod Christus ibidem dixit, *hoc est opus Dei, ut credatis in ipsum*, non minus de fide viuâ, quàm de sola substantia fidei verum est: at verò multi credentes non trahuntur ut diligant; ergo nec ipsi credentes, si reprobi sint, accipiunt auxilium sufficiens ad amandum, & consequenter nec ut iustitiam consequantur. Denique tertia pars probatur, quia nemo potest perseuerare sine speciali perseuerantiæ dono; sed hoc non datur reprobis: ergo non possunt perseuerare; ergo non recipiunt auxilium sufficiens ad perseuerandum.

In contrarium autem videtur hoc auxilium sufficiens ita esse proprium reprobatorum, ut in prædestinatis locum non habeat, nec illis detur, quia auxilium sufficiens, prout distinguitur ab efficaci, ( sic enim de illo agimus, ) tale est, ut non consequatur salutis effectum: sed prædestinatis non datur tale auxilium, sed illud quo comparatur certissime salutis effectus; ergo, minor patet ex definitione prædestinationis tradita ab Augustino lib. de bonor. seu. cap. 14. *Prædestinatio est præscientia, & præparatio beneficiorum Dei, quibus certissime liberantur quicumque liberantur.* Beneficia ergo & auxilia prædestinatorum semper sunt efficacia; ergo illis non dantur auxilia sufficientia; ergo necessariò dantur reprobis, aliàs nullis darentur, & solis illis, quia omnes non prædestinati, sunt reprobi. Et confirmatur ex Paulo ad Roman. 8. dicente, *scimus autem, quoniam diligentibus Deum omnia cooperantur in bonum ipsi, qui secundum propositum vocati sunt San-*

cti, qui sine dubio sunt prædestinati: nam illos elegit Deus, ut essent Sancti, & immaculati in conspectu eius in charitate, ad Ephes. 1. & Augustinus sæpissime exponit. Ergo, teste Paulo, prædestinatis omnia cooperantur in bonum: omnia ergo media salutis, ac subinde omnia auxilia sunt in illis efficacia quia sunt illis ad salutem vtilia, hoc est enim cooperari illis in bonum, & rationem insinuat Paulus, quia secundum propositum ( utique Dei ) vocati sunt, id est, ex absoluto decreto quod Deus habuit de illorum sanctificatione perpetua, ex quo proposito non oriuntur nisi media & auxilia efficacia. Vnde sumplit Augustinus modum illum loquendi in illo frequentissimum de vocatione ex proposito, quam dicit esse efficacem & propriam electorum, ut in sequenti lib. videbimus, ac denique significatur à Paulo in verbis sequentibus. *Nam quos præsciuit, hos & prædestinauit conformes fieri imaginis filij sui: quos autem prædestinauit, hos & vocauit, utique ex proposito: quos autem vocauit, hos & iustificauit*, ac subinde efficaciter vocauit, quos autem iustificauit, hos & glorificauit, dando scilicet illis efficacia media ad perseuerandum: ergo prædestinatorum auxilia tantum efficacia sunt.

Resolutio autem huius puncti facilis est si duo considerentur, vnum est, auxilium sufficiens dici posse ut in ordine ad salutem æternam consequendam, vel in ordine ad vnum, vel alium actum, aut effectum salutis, seu de se vtilem ad salutem: priori modo ut detur auxilium sufficiens, necessarium est ut detur ad illa tria supra posita, scilicet ad fidem, iustitiam, seu opera, & perseuerantiam, & ratio ibi facta probat, quia hæc tria necessaria sunt ad salutem: posteriori autem modo potest aliquod auxilium esse sufficiens tantum ad credendum, vel tantum ad sperandum, & sic de aliis, ut per se notum est. Aliud considerandum est, licet homines omnes vel sint prædestinati, vel reprobi, nihilominus posse utrosque considerari, vel præcisè quatenus prædestinati, vel reprobi sunt, vel secundum quamdam communem & abstractam rationem, quia subsunt generali propientia Dei, quæ non specialiter ad prædestinationem, vel reprobationem, sed ad communem totius vniuersi prouidentiam pertinet: nam licet quis sit reprobus, non semper operatur ut reprobus: & è conuerso, licet aliquis sit electus, non semper operatur ut talis. Vnde etiam fieri potest, ut multa auxilia gratiæ conferantur prædestinatis, non ut prædestinati sunt, id est, non ex peculiari proposito efficaci saluandi illos, sed ex generali prouidentia, qua Deus nemini negat generalia subsidia, & vnumquemque motus suos agere sinit. De reprobis autem aliter loquendum est, quia illis non dantur auxilia gratiæ, ex reprobatione illorū, quia donatio est ex primaria intentione Dei, sicut gloriificatio; nihilominus tamē dici possunt quædam auxilia dari reprobis, cum præscientia & permissione damnationis ipsorum, quia prouidentur illis abusu, & nihilominus eis dantur cū tali permissione. Alia verò auxilia eis dari possunt cum præscientia alicuius fructus, & utilitatis, quæ dici possunt dari illis non ut reprobi sunt, sed ut prædestinati secundum quid, utique ad fidem, vel temporalem salutem. quæ quidem auxilia possunt in reprobis esse suo modo efficacia, ut libro sequenti dicemus, nam ad materiam de auxilio efficaci id pertinet.

Dico ergo primò. Auxilium tantum sufficiens ad salutem æternam consequendam, proprium est reprobatorum quoad hoc quod solis illis datur, non assero nunc dari omnibus reprobis; hoc autem tractandum est specialiter in sequentibus;

1. Status quæstionis.

2. Hæretici negant dari auxilium sufficiens reprobis. Probatur ex PP. & ratione.

3. Contraria sententia est, dari propriè reprobis.

& probatur ex S. August.

Confirmatur ex D. Paulo.

4. Resolutio præcedit à duobus, quæ in gratia sufficienti spectari possunt.

Reprobi non semper agunt, ut reprobi neque prædestinati, ut prædestinati.

Reprobi dantur auxilia cum præscientia, & permissione damnationis ipsorum.

5. Gratia tantum sufficiens propria reprobis, quoad hoc solis datur, non verò prædestinatis.

10.  
Probatur af-  
fectio.

sed dico dari reprobis, non verò prædestinatis. A  
Vtraque pars est certa & facilis. Nam de præde-  
stinatis euidenter eam probat ratio, & testimonia  
secundo loco posita, quia non negamus auxilia  
data prædestinatis esse sufficientia, sed negamus  
esse tantum sufficientia, id est, incongrua & ca-  
rentia effectu, quia sicut prædestinatio non potest  
carere effectu, ita neque auxilia omnia, quæ ex vi  
prædestinationis præparantur electis, possunt ef-  
fectu æternæ salutis carere. Non possunt ergo  
tantum esse sufficientia, saltem in sensu compo-  
sito, nimirum quatenus ex prædestinatione, seu pro-  
posito Dei procedunt. Et inde concluditur altera  
pars. Nam auxilium non dicitur sufficiens tan-  
tum in ordine ad singulos actus huius vitæ, vel  
tantum in ordine ad temporalem iustitiam, sed B  
etiam in ordine ad gloriam consequendam, ut  
probant omnia in superioribus adducta; ergo tale  
auxilium aliquibus hominibus datur, sed non  
prædestinatis; ergo reprobis.

Inflatur, &  
instantiæ re-  
sponderetur.

Gratia suffi-  
ciens datur  
reprobis, ut  
reprobis, sed  
ut ordinans  
ad vitam æter-  
nam, si ve-  
liat.

Dices, si illi sint reprobi, supernacaneè datur  
illis auxilium sufficiens ad salutem. Item si Deus  
dat illis tale auxilium; ergo dat ut est tantum  
sufficiens; ergo ex instituto querit Deus occa-  
siones, in quibus det auxilium, ita ut sit incon-  
gruum. Respondeo Deum non dare hoc auxi-  
lium reprobis ut reprobi sunt, sed ut sunt ordi-  
nati ad vitam æternam consequendam, & ideo  
non est supernacaneum in illis tale auxilium, sed  
est maxime necessarium, ut per Deum non stet  
quominus homo saluetur, ut verè non stat, alio-  
qui quomodo indicabit Deum hunc mundum? Quia  
ergo vult Deus antecedenter saltem saluare hos  
reprobos, eis dat auxilia sufficientia; quia verò  
illos non efficaciter prælegit, dat illis auxilia,  
quæ tantum sunt futura sufficientia, non tamen  
intendendo exclusionem efficientiæ, sed permit-  
tendo. Nam cum auxilium hoc ita sit sufficiens,  
ut de se possit esse etiam efficax, si homo velit ut  
tale detur à Deo; quod verò non sit in re futu-  
rum efficax, non intenditur à Deo, sed præui-  
detur & permittitur. Et ita supposita præscientia  
verum est, Deum dare hoc auxilium reprobo, ut  
tantum sufficiens est, ita tamen ut ex duobus,  
quæ in illo termino exclusiuo iunguntur, scilicet  
efficientia & carentia effectus; primum sit in-  
tentum à Deo, & secundum permissum. Neque  
inde sequitur Deum capere occasiones incon-  
gruitatis, quia non præcessit intentio, vel pro-  
positum damnandi reprobos, priusquam illorum  
resistentiam, & consequenter inefficaciam auxilij  
præuideat, ideòque illa inefficacia non est inten-  
ta; præcessit autem pura non electio, & inde  
oritur ut licet Deus præuideat auxilia non futura  
esse congrua, nec danda temporibus opportunis,  
id non impediat, sed toleret ac permittat.

Inefficacia  
eius non est  
à Deo inten-  
ta, sed præ-  
uita, & per-  
missa.

6.  
Gratia suffi-  
ciens datur  
etiam præde-  
stinatis, ad  
particulares  
effectus  
Probatur af-  
fectio.  
Patet in Ada-  
mo.

Dico secundò. Auxilium tantum sufficiens ad  
aliquos particulares actus, vel effectus, etiam  
prædestinatis datur interdum: hoc est clarum &  
de fide certum. Primò, quia prædestinati sæpe  
peccant, & à tentatione vincuntur, cum tamen  
auxilium sufficiens habeant ad tentationem vin-  
cendam, alioqui non peccarent, ut de Adamo  
qui prædestinatus fuit, dixit Augustinus lib. de  
corrupt. & grat. cap. 11. & 12. Secundò, quia sæpe  
vocatur à Deo prædestinatus ad opera maioris  
perfectiōis, quæ non facit: recipit ergo tunc  
auxilia sufficientia ad talia opera, quæ inefficacia  
ab eo redduntur per liberum arbitrium. Terriò,  
quia ad certitudinem prædestinationis satis est  
quod tot & tanta auxilia in prædestinato efficacia

sint, quot ad consequendum gradum gloriæ, ad  
quem est præelectus, sufficiunt: fieri autem po-  
test, ut multo plura habeat auxilia, quæ si effica-  
cia essent omnia, meritum prædestinati cresceret  
ultra terminum gloriæ, ad quem fuerat destinatus.  
Ergo non solum fieri potest, sed etiam ex hypo-  
thesi necessarium est, ut multa auxilia sufficientia  
in prædestinato sint inefficacia.

Sed interrogari potest primò, cur Deus conse-  
rat prædestinata plura auxilia, quàm illa efficacia,  
quæ adæquatè respondent illi termino gloriæ,  
ad quem illum elegerat. Responderi potest primò  
cum D. Thoma q. 6. de verit. art. 3. nullum auxi-  
lium præueniens de se esse efficax, & ideo Deum  
plura auxilia providere prædestinato, quàm si ef-  
ficerent simpliciter necessaria: ut si vnum, vel aliud  
reddatur inefficax, alia tandem sint efficacia, &  
terminus destinatus infallibiliter obtineatur. Sed  
hic modus non est ita intelligendus, ac si Deus  
in modo suæ providentiæ vel confusè, vel igno-  
ranter procedat, quasi tentando plura media, ut si  
vnum non successerit, aliud tandem operetur.  
Hic enim gubernandi modus imperfectionem  
inuoluit, ideòque nulla ratione in Deo admit-  
tendus, vel cogitandus est, quia eius providentia  
certissima est in singulis, & prius quàm decernat  
dare, auxilium præcognitum habet, an futurum  
sit efficax, necne, ut postea videbimus. Intelli-  
gendum est ergo Deum ita prævidere suis præde-  
stinatis, ut regulariter per ordinarias causas &  
media pro omnibus destinata illis provideat, cõs-  
que suos motus agere sinat, non solum necessita-  
tem eis non inferendo, verum etiam nec copio-  
siora auxilia quàm generales causæ gratiæ postu-  
lant, illis tribuendo. Hinc ergo quasi morali con-  
sequutione, necessaria sit, ut multa auxilia sint in  
eis inefficacia, quæ quidem inefficacia cum non  
sit à Deo intenta, sed permissa, non oportet aliam  
rationem illius permissionis querere, nisi quia  
non oportet propter prædestinationem ordinariam  
cursum causarum & libertatis impedire, aut im-  
mutare; solum enim id facit Deus cum prædestina-  
to, quando prævidet sine specialissima providètia,  
vel abundantioribus auxiliis illum non esse con-  
sequitur terminum electionis suæ. Quoties autè  
ordinaria auxilia sufficiunt, & licet interdum ineffi-  
cacia sint futura tandè plura, vel quæ satis sint fu-  
tura, sunt efficacia, per illa omnia Deus prædestina-  
tum ordinat ad gloriam, & ita sit ut cum auxiliis  
efficacibus simul aliqua inefficacia recipiat.

Deinde queri potest, an talia auxilia ineffica-  
cia dentur prædestinato ut prædestinatus est, vel  
sub alia ratione, in qua etiam alia interrogatio  
continetur, videlicet, an hæc auxilia sufficientia  
sint effectus prædestinationis. Ad quæ breuiter  
respondeo, si consideretur auxilium sufficiens  
quoad carentiam efficientiæ, per se loquendo, sub  
illa ratione non dari prædestinato ut prædestinatus  
est, sed potius permitti in illo, quia ad maiorem glo-  
riam non est electus. Probat, quia illa inefficacia  
auxilij etiam in prædestinato non est à Deo, neque  
ex intentione eius, quia nunquàm est aliquid boni,  
ideòque tantum est permissa: ergo per se non con-  
ducit ad terminum prædestinationis consequendū;  
ergo auxiliū sufficiens sub ea ratione non cõfertur  
prædestinato, ut talis est. Si verò consideretur illud  
auxiliū quatenus de se promouet ad bonū, & po-  
test esse efficax, si homo velit, sic per se quidem in-  
tenditur & datur à Deo: per se autem non videtur  
dari ex peculiari intentione prædestinationis, sed  
ex generali providètia gratiæ, seu ex voluntate illa  
generali

7.  
Cur Deus  
plura det præ-  
destinato au-  
xilia, quàm  
efficacia,  
&c.

Propter præ-  
destinationem  
cursum cau-  
sarum, & li-  
bertatis or-  
dinatus im-  
pediri non  
debet.

8.  
An auxilia  
sufficientia  
sint effectus  
prædestina-  
tionis?

Talia auxi-  
lia non dan-  
tur prædesti-  
natis ut sunt  
inefficacia,  
sed ut pos-  
sunt esse ef-  
ficacia, si  
prædestina-  
tus velit.



generali & antecedenti, quia Deus vult homines saluare, & promouere, si per ipsos non steterit.

Nihilominus tamen fieri potest, vt hæc auxilia quæ in prædestinato sunt inefficacia ad effectum, propter quem proximè dantur, alia ratione sunt vtilia, & in re ipsa aliquid prosint ad finem prædestinationis consequendum, & sub ea ratione possunt esse effectus prædestinationis, & dari prædestinati, quatenus prædestinatus est, ex intentione diuina, quantum ad id boni, quod est in auxilio: vel ex permissione quantum ad malum, vel defectum, qui in resistentia liberi arbitrij inuenitur; fieri enim potest, vt auxilia quæ fuerunt tantum sufficientia, quatenus sunt Dei beneficia, postea in memoriam reuocata fuerunt, ad gratitudinem, vel ad gratiarum actionem, & ad congruitatem & efficaciam vltimi auxilij, vel quatenus illis repugnatum est, conferat ad dolorem, & poenitentiam. Vnde sicut permissio peccati potest esse effectus prædestinationis, ita etiam permissio inefficacie cuiuscumque auxilij, & sicut alia beneficia diuina, si eis bene veatur prædestinatus in ordine ad salutem æternam, possunt esse effectus prædestinationis, ita etiam auxilia sufficientia, quatenus magna Dei beneficia sunt, ex prædestinatione esse possunt, & homini vt prædestinato conferri.

Ad argumenta in principio posita respondendum superest, & quidem in verbis Ihsori, gratia spiritualis non significat quamcumque internam gratiam, vel sufficientem, sed illam quæ congrua est, & ad salutem perducit. Ad rationem autem, quia hic non distribuitur, sed indefinitè de reprobis loquimur, satis esset respondere Christianos omnes, qui damnantur, habuisse auxilium sufficiens ad salutem, quia potuissent agere poenitentiam peccatorum, & post illam possent in adepta iustitia perseuerare, si velint; vtrumque enim definit Concilium Trident. sess. 6. cap. 11. 13. & 14. & de poenitentia id recipit sess. 14. Item omnes qui sufficienter audiunt Euangelium, sufficiens auxilium ad credendum recipiunt, licet numquam credant; qui verò nec Euangelium audierunt, fortè non accipiunt auxilium proximè sufficiens ad salutem, vel ad fidem: accipiunt autem, saltem remotè, & in præparatione voluntatis diuinæ, seu quantum est ex parte Dei: quomodo autem hoc intelligendum sit, postea explicabimus.

Vnde ad locum Ioann. 6. responderetur, etsi multi reprobis de facto ad fidem non trahantur, per eos autem stare quominus trahantur, & ideo etiam si cum effectu non trahantur, auxilium sufficiens recipere saltem remotè, quia Deus paratus est ad trahendos illos. Addo etiam multos non trahi cum effectu, etiam si proximè auxilium sufficiens ad credendum accipiant, quia credere nolunt. Nam quod Christus dixit, *Nemo potest venire ad me, nisi Pater meus traherit eum*, vel intelligitur de potestate, quæ ad effectum reducat, seu, (quod perinde est,) habet sensum compositum, ac si diceret, fieri non potest vt aliquis veniat, nisi tractus à Patre, & nihilominus fieri potest vt aliquis possit venire & non trahatur, quia venire non vult, vel etiam intelligi potest abstractè de tractione siue sufficienti, siue efficaci, cum partitione accommodata. Nemo enim potest simpliciter venire, nisi sufficienter, & quantum est ex parte Dei, trahatur, & nullus etiam potest cum effectu venire, nisi efficaciter à Patre trahatur: qualis autem sit hæc efficax tractio, in libro sequenti videbimus. Et quod dictum est de tractione ad fidem, de tractione item

ad poenitentiam, vel dilectionem intelligendum est. De perseuerantia denique quomodo insi sufficiens auxilium ad perseuerandum accipiant, licet postea non perseuerent, infra tractando de bono perseuerantia: in lib. . . declarandum est.

Ad argumentum secundo loco factum respondeo, probare quidem respectu vitæ æternæ consequendæ, non dari prædestinatis auxilium sufficiens tantum, sed efficax; non verò probare, quin ad aptos actus particulares dentur prædestinatis auxilia sufficientia, quæ ab ipsis inefficacia reddantur. Quia sicut prædestinatio non excludit à prædestinato omne peccatum, pro toto tempore vitæ, sed pro aliquo, & præsertim pro vltimo vitæ articulo, ita multo minus excludit omnem resistentiam diuinorum auxiliorum sufficientium, ratione cuius sufficientia tantum maneat, & non efficacia. Ad confirmationem autem ex loco Pauli Roman. 8. responderetur solum probare, prædestinatis dari auxilia efficacia ad salutem, non tamen probare omnia auxilia, quæ illis dantur, esse efficacia, quia non omnes effectus illorum sunt necessarij ad salutem consequendam, ad quam prædestinati sunt: vel non omnia actualia auxilia dantur illis vt prædestinatis, seu ex vi prædestinationis, sed ex vi generalis prouidentia: gratia, aut ob alias diuinæ sapientia: rationes. Vel denique, si dantur eis propter aliquam eorum utilitatem, possunt simul esse tantum sufficientia in ratione auxiliorum, quia licet non consequantur actus illos, ad quos per se ordinantur, & quorum esse possunt principia & causæ, nihilominus esse vtilia, vt occasio & materia alterius bonæ operationis, vt satis explicatum est.

Secundò ad argumentum secundum.

Prædestinatio non excludit emulæ peccatum à prædestinatione pro omni tempore, sed pro extremo vite.

Locus D. Pauli Rom. 1. explicatur.

## C A P V T VIII.

*Vtrum auxilium sufficiens detur omnibus hominibus adultis, quantumuis reprobis sint.*

DE hoc puncto disputavi lib. 4. de Prædest. cap. 1. & 3. non possumus autem hoc loco illud omnino prætermittere, ne seriem doctrina: interrumpamus, eiusque fundamentum in alium locum remittamus: agemus tamen breuiter, addendo potius nonnulla, quam dicta reperendo. Tractamus solum de adultis, quia in illis solum locum habent actualia gratia: auxilia, vt diximus; obiter tamen & per quamdam æquiparationem aliquid de infantibus attingemus. Ratio ergo dubitandi est, quia Deus non vult saluare omnes homines reprobos; ergo non dat omnibus illis sufficientia media, vel auxilia quibus soluentur. Consequentia patet, quia Deus non dat sufficientia media, nisi quibus vult dare finem, semper enim hæc inter se proportionem seruant. Antecedens verò præcipue probatur ex Augustino, qui multis in locis tractans verba Pauli 1. Timoth. 2. *Deum qui vult omnes homines saluos fieri*, non vult intelligi secundum absolutam & vniuersalem distributionem, sed vel cum distributione accommodata, id est, vult saluare omnes, qui saluantur, hoc est, nullus saluatur, nisi quem Deus saluari voluerit, vel pro generibus singulorum, non pro singulis generum, id est, ex omnibus ordinibus, seu statibus hominis, vult saluare aliquos,

Ratio dubitandi, & assertio negans.

Ex D. Paulo 1. Timoth. 2. Deus vult omnes homines saluos fieri.

Eadem auxilia profunt ad finem prædestinationis.

9. Responderetur argumentis, ac primo ad primum.

Quomodo intelligitur, quod Christus dixit: *nemo venit ad me, nisi Pater meus traxerit eum*.

S. Aug. quo-  
modo illum  
locum vi-  
deatur intel-  
ligere.

2.

Instantiæ re-  
sponderetur.

Vniuersales  
causæ salutis  
quæ

Sicut infan-  
tibus sæpe  
non occurrat  
sufficiens me-  
dium ad sa-  
lutem, ita &  
in adultis.

Locus D  
Pauli ex Act  
Apostel. &  
ad Rom. 1.  
explicatur.

aliquos, non tamen omnes & singulos omnium A ordinum homines ita habet in Enchirid. cap. 103. & cap. 9. ac lib. 4. contr. Iul. cap. 8. maxime signi-  
ficat fieri non posse, vt in illa vniuersitate om-  
nium hominum paruuli omnes comprehendan-  
tur. lib. autem de Prædest. Sanct. cap. 8. de solis  
prædestinatis distributionem intelligit, & ita vi-  
detur reprobos omnes excludere, & idem habet  
lib. de corrept. & grat. cap. 14. vbi cap. 15. aliam  
expositionem magis metaphoricam addit, quam  
citato loco tractauimus. Et Augustinum imitatur Ful-  
gentius lib. de Incarn. & grat. cap. 31. vbi prio-  
rem expositionem Augustini late prosequitur.

Dices hæc dicta esse ab Augustino, intelligen-  
do illum locum de voluntate Dei absoluta, & effi-  
caci, quam consequentem vocant, melius autem  
intelligi de voluntate antecedente, & sic Deum  
velle omnes saluare, etiam si non saluentur, & ex  
vi illius voluntatis dare omnibus sufficientia au-  
xilia. Sed contra, nam hinc saltem sequitur do-  
ctrinam illam non esse certam, sicut neque illa ex-  
positio de voluntate antecedente certa est. Deni-  
que, quod magis urget, ex illa voluntate antee-  
dente solum sequitur dedisse Deum omnibus ho-  
minibus sufficientia media ad salutem in causis  
vniuersalibus, quas ad nostram salutem prouidit,  
non verò particulari vnicuique dare auxilium  
sufficiens, quod in præsentem inquitimus, & inue-  
nire desideramus. Explicatur assumptum, quia vni-  
uersales causæ secundas salutis vocamus Christi  
redemptionem, Sacramentorum institutionem,  
præsertim Baptismi in lege noua, vel alterius loco  
eius in superioribus temporibus. Item prædicatio  
fidei per Patriarchas, Prophetas, & Apostolos. Hæc  
igitur & similes causæ pro omnibus hominibus  
institutæ sunt, non verò satis sunt ad singulorum  
salutem, nisi quatenus singulis applicari possunt,  
quod fit per particularia auxilia, vnicuique à Deo  
prouisa. Hæc autem auxilia non sunt singulis pro-  
uisa, neque omnibus in particulari dantur suffi-  
cientia; ergo.

Hæc vltima propositio probatur primò argu-  
mento parvulorum quo sæpe vtitur Augustinus:  
nam videmus multos in eo statu relinqui, in quo  
nullum occurrit medium sufficiens, quo possit  
infanti applicari Baptismus; nec potest alicui hu-  
manæ voluntati attribui, quod non applicetur,  
quia sæpe propter solam impotentiam omittitur;  
cui ergo non poterit idem contingere in adultis:  
nam multi non audiunt prædicationem Euange-  
lij, non quia nolunt, sed quia non possunt, & ex  
hac impotentia loquitur, vt etiam subsequenti-  
bus auxiliis sufficientibus careant, & confirmatur,  
quia Paulus incidens in similes difficultates de  
gentibus in suis erroribus & ignorantibus relictis,  
solum per causas externas, & vniuersales respon-  
det Act. 14. vbi cum de Deo dixisset, *Qui in præ-  
teritis generationibus dimisit omnes gentes ingredi vias  
suas.* quasi tacite objectioni responderet, dicens,  
*Et quidem non sine testimonio, reliquit semetipsum,  
beneficiens de celo, datus pluuia, & tempora fructife-  
ra, implens cibo, & laetitia corda nostra.* Hoc autem  
testimonium, & hæc beneficia naturalia quomo-  
do auxilia sufficientia ad salutem esse poterunt?  
Vnde cap. 17. significat nationes illas sine suffi-  
cienti auxilio fuisse relictas, dicens, *Tempora hu-  
ius ignorantia despiciens Deus.* & ad Rom. 1. licet  
dicat Gentiles fuisse inexcusabiles, vtique quoad  
peccata contra legem naturæ, significat nihilominus  
ob eam causam relictos fuisse sine sufficientibus  
auxiliis, & traditos fuisse in reprobum sensum.

Nihilominus dicendum est Deum, quantum  
est ex se, omnibus adultis, etiam reprobis dare,  
vel offerre auxilia sufficientia ad salutem. Ita do-  
cent communiter Scholastici. D. Thomas 3. contr.  
gent. cap. 159. & q. 14. de verit. art. 1. ad 1. Bona-  
uent. 2. d. 28. art. 1. q. 3. ad 1. vbi idem sentit Al-  
bert. art. 1. ad 4. & Alensis 3. p. q. 49. membro 3.  
art. 1. & optimè Scot. in 1. d. 47. q. vnic. ad 1. &  
ibi Heruæus q. 2. art. 1. Richard. art. 1. q. 1. Gabr. q. 1.  
& alij communiter ibidem, Sot. lib. 2. de nat. &  
grat. cap. 18. Vega lib. 13. in Trid. cap. 13. Bellarm.  
lib. 2. de grat. & lib. arbit. latè Valent. tom. 2. disp. 8.  
q. 3. puncto 4. Prius autem quam assertionem pro-  
bemus, oportet illam exponere. Dixi enim, *dare,*  
*vel offerre*, quia auxilium sufficiens propriè non  
datur, nisi quando homo vocatur, excitatur, aut  
aliquo simili dono in ipso recepto præuenitur:  
non est autem necesse, vt omnes omnino homi-  
nes hoc modo recipiant in se auxilium proprium  
gratiæ, possunt enim multi illud impedire, vt in-  
frà videbimus. Et ideo non dixi absolute dare  
omnibus, sed dari, vel offerri, quia Deus paratus  
est dare omnibus, & de facto dat si per hominem  
fortasse non stet. & simili modo licet Deus para-  
tus sit ad dandum omnibus auxilium proximè  
sufficiens ad salutem, non tamen omnibus actu  
dat illud, sed tantum remotum, & quia illo non  
bene vtuntur, non dat proximum, licet de se il-  
lud offerat. Et ita de auxilio sufficiente, siue pro-  
ximè, siue remotè, intelligenda est assertio, cum  
illa tamen limitatione, *si per eos non stet*, vel, quod  
perinde est, sub illa disiunctione, quod omnibus  
datur, vel offertur.

Sic ergo explicata conclusio probatur ex illo  
celebri loco 1. Timoth. 2. *Deus vult omnes homines  
saluos fieri.* Nam legitima expositio est vt de om-  
nibus hominibus simpliciter, & sine limitatione  
intelligatur, & consequenter non de voluntate  
consequente, & omnino absoluta, sed de antee-  
dente, & aliquo modo conditionem includente,  
debet intelligi, quia prior voluntas non stat cum  
damnatione reproborum, & posterior sufficit, vt  
Deus quantum ex se est, vult omnes saluare, &  
vt ex vi talis voluntatis omnibus offerat sufficien-  
tia auxilia ad salutem consequendam. Atque ita  
exposuit Damascenus locum illum lib. 4. de fide  
cap. 29. in fine. Ambr. lib. 1. de Paradis. cap. 8. Iren.  
lib. 4. cap. 22. Augustinus & Prosper locis infrà  
citandis, idemque in dicto loco de prædest. late  
declarauimus, & ex contextu & Patribus late ostendi.  
Vt verò amplius confirmetur, aduerto duobus  
modis posse intelligi, voluisse Deum ex æternitate  
omnes homines saluare: vno modo primaria vo-  
luntate, quæ intelligatur in eo fuisse priusquam  
humana naturæ generalem lapsum præuidisset, &  
hoc modo facile intelligitur habuisse Deum illam  
voluntatem erga omnes homines, & ex vi illius  
omnibus prouidisse media ad salutem consequen-  
dam necessaria. nam omnibus quantum in se est,  
contulit originalem iustitiam in primo parente,  
qui tanquam totius generis caput pro omnibus  
posteris illam accepit, cum auxiliis sufficientibus  
ad illam conservandam, si vellet: ergo secundum il-  
lam voluntatem, & prouidentiam antecedentem,  
(vt sic dicam) lapsum humanæ naturæ omnes  
saluare Deus voluit, & sufficientia media omni-  
bus obtulit, & suo modo dedit: sicut etiam om-  
nes Angelos saluare voluit, & sine vlla dubita-  
tione omnibus sufficientissima media & auxilia  
præbuit, licet multi malè eis vti fuerunt, quod  
certè Deus non ignorauit, & secreto iudicio per-  
miserit.

3.  
Assertio af-  
firmans, &  
vera proba-  
tur.  
Ex Theolo-  
gis.

Explicatur,  
quomodo  
Deus det, vel  
offerat auxi-  
lia sufficien-  
tia repro-  
bis.

4.  
Probat ex  
S. Script. 1.  
Timoth. ca-  
pitul.

Deus intelli-  
gi potest vo-  
luisse omnes  
homines sal-  
uos fieri, vel  
ante genera-  
lem lapsum.

misit. Et ratio omnibus communis est, quia vtramque naturam, Angelicam, & humanam, Deus propter supernaturalem beatitudinem consequendam creauit, & ideo ad eiusdem prouidentiam pertinuit vtramque per sufficientia media ad eum finem dirigere, quæ prouidentia illam voluntatem saluandi omnes, quantum in se est, supponit: hic autem sensus nobis non sufficit, quia loquimur de hominibus, prout nunc existunt, & per diuinam prouidentiam ad æternam salutem, non obstante primi hominis lapsu, ordinantur.

5. Vel post eundem lapsum, & hic sensus à D. Paulo intentus fuisse probatur.

Alio ergo modo intelligenda sunt illa verba Pauli de omnibus lapsis, & prout nunc ex viata radice nascuntur, qui sensus sine dubio est intentus à Paulo. Primò, quia necessarius est, ut ratio eius sit efficax: obsecrauerat enim rogare pro omnibus hominibus, vtrique mortalibus & peccato infectis, prout nunc existunt, & rationem reddens, adiungit. *Hoc enim bonum est & acceptum coram Salvatore nostro Deo, qui omnes homines vult saluos fieri*: ergo necesse est, ut de eisdem hominibus hoc intelligat, pro quibus orandum esse dixerat, & ideo non sine mysterio nomine Saluatoris & verba saluandi vsus est, ut denotaret non obstantibus peccatis orandum esse pro omnibus, quia omnes Deus saluare vult, imò etiam addidit, & *ad acquisitionem veritatis venire*, quo indicauit, etiam infideles omnes sub ea distributione comprehendendi, quia illos etiam Deus vult illuminare, & saluare.

Secundò hoc maximè confirmat alia ratio ab eodem Paulo subiuncta. *Vnus enim Deus, vnus & mediator Dei & hominum, homo Christus Iesus, qui dedit redemptionem semetipsum pro omnibus*, ac si diceret, sicut vnus est Deus, qui omnes homines ad beatitudinem ordinauit, ita est vnus & idem Deus, qui eosdem homines à se per peccatum auersos, & ab illa felicitate extorres saluare voluit, & vnum mediatorem illis dedit, qui semetipsum in redemptionem pro omnibus daret, pro omnibus moriendo: non est autem Christus mortuus pro innocentibus, sed pro hominibus lapsis; nam, ut idem Paulus ait, 2. Corinth. 5. *Si vnus pro omnibus mortuus est, ergo omnes mortui sunt, & pro omnibus mortuus est Christus, ipse enim est*, (ait Ioann. 1. can. cap. 21. *propitiatio pro peccatis nostris, non pro nostris tantum, sed etiam pro totius mundi*, ergo sicut omnes homines lapsos redemit Christus, ita etiam omnes voluit saluare Deus, nam ex illa voluntate vniuersalem redemptionem omnibus dedit. Ergo ex eadem omnibus, quantum in se est, sufficientia media & auxilia salutis prouidet & confert. Nam Christi redemptio, sicut pro quibusdam est efficax, ita pro omnibus est sufficiens: ac subinde omnibus meruit sufficientia media, & pro omnibus Deum placuit, ut non obstantibus peccatis, eis necessaria salutis subsidia, quantum in se est, non denegat.

Confirmatur, & vox vult Deus, expenditur.

Et hunc sensum etiam confirmat verbum de presenti vult, quia si post lapsum nature non habuisset Deus voluntatem saluandi omnes homines, non obstante illo lapsu, licet antea habuisset voluntatem saluandi omnes homines, si in statu iustitiæ originalis permanissent, non posset dici nunc velle saluare omnes, quia iam, ut more nostro loquamur, illam priorem vo-

Fr. Suarez de Gratia Pars II.

luntatem motasset, id est, mutatis rebus ab illa destitisset: non autem ita, (ait Paulus, sed non obstante peccato nunc etiam vult omnes saluare, & ad *acquisitionem veritatis venire*. sub quibus verbis videtur media salutis sufficientia, tamquam in radice comprehendisse, nam qui vult salutem, consequenter vult sufficientia salutis auxilia præbere. Atque in hunc ferè modum explicant latè locum illum Prosper lib. de vocat. gent. cap. 12. alias 4. vbi verba Pauli tractate incipit, & hanc partem prosequitur lib. 2. cap. 1. §. 7. & 8. alias 2. 19. 23. & 25. & in hoc vltimo loco dicit ex beneficiis Dei monstrari voluntatem, quam haberi saluandi homines, vtrique à posteriori; dat enim omnibus sufficientia auxilia, quorum causa est ipsa voluntas, & ideo à priori ex voluntate illa Dei assertionem nostram demonstramus. Eandem expositionem habet ad 2. objectionem Vincent. & ad 8. Gallorum, vbi etiam ait, non esse dicendum Deum tantum voluisse saluare prædestinatos, sed voluisse saluare omnes: voluntatis autem suæ propositum in solis prædestinatis impleuisse.

Ita explicauit S. Prosper.

Cui consonat illud 1. Timoth. 4. *speramus in Deum viuum, qui est saluator hominum omnium, maxime fidelium*. omnium quidem sufficienter, maxime verò, id est, efficaciter fidelium, vtrique in fide viuam ambulantium, & persecutorum, vnde Theophyl. Lact. ibi, *Omnes quidem vult saluos fieri, maiorem tamen diligentiam, (id est, prouidentiam,) erga fideles ostendit*. nec alia centè videtur fuisse mens D. Augustini, simpliciter enim intellexit Deum velle omnes homines lapsos in Adamo saluare per Christum, ut cap. 18. ostendemus ex lib. de spirit. & lit. cap. 33. vbi hac ratione dicit infideles contra voluntatem Dei facere, cum nolunt credere, cum voluntas Dei sit saluandi illos omnes quantum est ex se: ad maiorem autem abundantiam & suæ doctrinæ defensionem voluit in aliis locis explicare, quomodo verba Pauli etiam de voluntate efficaci & consequenter intellecta veram interpretationem habere possent, quamuis re vera, absolute loquendo, necessaria non sit; & ad eundem modum exponendus est Fulgentius: Nam licet in illo cap. 31. nimium illi expositioni insistere videatur, tamen cap. 19. moderatius loquitur, vbi significat Pelagianos ita verba Pauli interpretatos esse, ut sentirent Deum non aliter velle saluare electos, quam reliquos, vnde ait hanc Dei voluntatem sicut in valis misericordiae, sic & in valis ira accipiendam existimant, & in fine concludit, *proinde hi, qui voluntatem*

6. Alii et loca S. Pauli 1. Tim. cap. 4 pro eadem re expendunt, tum ex Theophyl. tū ex SS. Aug. & Fulgent.

E Dei, qua omnes homines vult saluos fieri, equalem circa redimendos & damnandos existimant, cum interrogati fuerint, cur velit Deus omnes homines saluos fieri, nec tamen omnes salui faciant, quid respondebunt? Vbi non solum non negat, sed potius supponere videtur Deum velle omnes homines saluos facere; sed addit non æqualiter omnes, nam quosdam vult saluare absoluta & efficaci voluntate, qui etiam suo modo sunt omnes, quia in effectu nullus saluatur, nisi quos Deus isto modo vult saluare, & voluntatem Dei ait esse principium omnis gratiæ, quod etiam cum proportionem verum est, nam in electis est principium gratiæ efficaciæ, in aliis sufficientis.

Z Et



7. Eadem ex  
posuio ex  
aliis Script-  
locis confir-  
matur.

Et iuxta dictam expositionem etiam verita-  
tem hanc confirmant alia sacre Scripturæ lo-  
ca, quibus vniuersalis redemptio Christi com-  
probatur, vt ex illo Psalmo 129. *Apud Do-  
minum misericordia, & copiosa apud eum re-  
demptio.* quem exponens Paulus 1. Corinth. 15.  
ait, *Sicut in Adam omnes moriuntur, ita & in  
Christo viuificabuntur, & apertius 2. Corinth. 5.  
Si vnus pro omnibus mortuus; ergo omnes mor-  
tui sumus, & pro omnibus mortuus est Chri-  
stus. Rom. 5. Non sicut delictum, ita & do-  
num; si enim vnus delicto multè mortui sunt, mul-  
to magis gratia Dei, & donum in gratia vnus  
hominis Iesu Christi in plures abundauit.* vnde in-  
frà concludit, *Igitur sicut per vnus delictum in  
omnes homines in condemnationem, sic & per vnus  
iustitiam in omnes homines in iustificationem vi-  
ta.* At verò per Adæ peccatum omnes omnino  
homines lapsi sunt; ergo per Christum om-  
nes sunt iustificati, saltem quoad sufficientiam,  
quantum est ex parte Dei omnes reconciliati  
sunt; omnibus ergo parata sunt propter Chri-  
stum sufficientia auxilia, quibus saluari pos-  
sunt, nam, vt dicitur ad Colossen. 1. *In ipso com-  
placuit omnes plenitudinem inhabitare, & per  
reconciliare omnia in ipsum, pacificans per san-  
guinem crucis eius, siue qua in cælis, siue qua in  
terris sunt, in cap. 2. in Colossensibus ad om-  
nes loquens ait, & vos cum moreni offeris in de-  
lictis, & praputis carnis vestre conuisciscitis cum  
illo, donans vobis omnia delicta, delens quod ad-  
uersus nos erat, chirographum decreti, affigens il-  
lud cruci; et tandem ad Ephes. 1. Vt notum face-  
ret nobis Sacramentum voluntatis sue secundum  
beneplacitum eius, quod proposuit in eo in dispen-  
satione plenitudinis temporum instaurare omnia  
in Christo. & infinita similia in Scripturis inue-  
niuntur, quibus apertè docemur omnes homi-  
nes assecutos esse in Christo, remissionem pec-  
catorum, & diuinam reconciliationem. Vnde  
cùm non omnes in effectu illam non obtineant,  
necesse est vt saltem sufficienter, & quantum  
est ex parte Dei illam consequantur, quod ve-  
rum esse non potest, nisi omnes aliquo mo-  
do auxilia sufficientia ad salutem reciperent,  
quæ ratio locupletari potest ex Irenæo lib. 3.  
cap. 17. & Origen. Homil. 20. in Numer. &  
Greg. lib. 3. moral. cap. 14. vnde hoc etiam con-  
firmant testimonia suprâ adducta, ad probandum  
auxilium sufficiens, quia omnibus hominibus  
pereuntibus attribuitur quoddam salui non fiant:  
non posset autem hoc attribui eis, nisi habe-  
rent in manu sua omnia necessaria auxilia, vt  
cap. 1. ostendimus: ergo hæc dantur omnibus,  
& in capitibus sequentibus ad particulares ho-  
minum status descendendo, id amplius ex Scri-  
ptura confirmabimus.*

8. Probatur as-  
sertio ratio-  
ne.

Ratio autem huius veritatis cùm totum hoc  
negotium humanæ salutis ex supernaturali gra-  
tia pendeat, eisdem testimoniis, ac principiis  
reuelatis sumenda est; habemus enim ex Scri-  
ptura Deum creasse homines propter felicitate-  
tem æternam, ex quo principio apertè sequi-  
tur debuisse illis dare sufficientia auxilia ad il-  
lam consequendam, quæ ratio non minus pro-  
cedit post peccatum primi hominis, quàm an-  
tea, quia etiam post illum lapsum noluit Deus  
naturam humanam illa beatitudine priuare; sed  
in hoc etiam statu naturæ lapsæ voluit omnes  
homines ad eundem fidem multiplicare, & in

A via ad eandem beatitudinem constituere, & ab  
hac ordinatione & à statu viatoris neminem ex-  
cepit; ergo ratio sapientis prouidentie postu-  
labat, vt omnibus sufficientia media provide-  
ret. Præterea huius prouidentie euident argu-  
mentum sumitur ex Christi redemptione, vt  
diximus; docet enim fides Deum voluisse redi-  
mere omnes homines lapsos, & per Christi  
mortem illam redemptionem consummatam ef-  
fe; ergo hinc rectè colligimus Christum omni-  
bus meruisse omnia necessaria auxilia quibus sa-  
lutem consequi possent; ergo hinc inde opti-  
mè infertur omnibus dari aliquo modo. Pro-  
batur consequentia, quia illud meritum est effi-  
cax, & de rigore iustitiæ, & ideo illo supposito  
non posset Deus iustè debitum præmium illi  
non conferre.

B Dices, hoc argumento probaretur omnes etiam  
esse cum effectu saluandos, propter Christum.  
Respondetur negando sequelam, quia non hoc  
meruit Christus, nec ad hoc obtulit Christus sua  
merita respectu omnium, sed tantum respectu  
electorum, quibus iuxta Patris agnitam volunta-  
tem simpliciter efficacia dari voluit, & pro illis  
impetrandis merita sua in particulari obtulit. Ca-  
teris verò auxilia sufficientia promeruit, & vt  
essent efficacia, si ipsi vellent, vel non resisterent;  
tandem rationes congruentes huius prouidentie  
ex multis attributis diuinis desumi possent, nam  
in primis valde consentaneum est diuinæ boni-  
tati, vt nullum à participatione suæ gratiæ ex  
se repellat, & vt neminem deserat, nisi prius  
deseratur ab ipso. Deinde est etiam diuinæ mi-  
sericordiæ decentissimum, vt neminem à parti-  
cipatione redemptionis & remissione peccati ex  
parte sua excludat. Præterea si respectum ad  
Christum, & eius passionem consideremus, est  
illi hoc ex iustitia debitum. Denique est valde  
consentaneum prouidentie generali, & quasi  
legali, & distributiue iustitiæ, vt à participa-  
tione præmij generaliter omnibus propositi, &  
medicinæ omnibus sufficientis & superabundan-  
tis neminem ex se repellat, sed potius omnibus  
sufficienter prouideat.

C Ad primam igitur dubitandi rationem respon-  
sum iam est, assumptum esse falsum, nam Deus  
quantum est ex se, omnes saluare vult, & cu-  
pit: nec Augustinus hoc negat, licet verba Apo-  
stoli interdum aliter interpretetur, vt iam dixi-  
mus, nec ob illam interpretationem Augustini  
doctrina hæc in se incerta redditur, item quia non  
niritur solum illis verbis Pauli, sed etiam aliis  
firmissimis fidei fundamentis, tum etiam, quia  
licet Augustinus addat alios sensus, non inteh-  
dit hunc excludere, quem aliis locis tradit, sicut  
etiam Prosp. magnus, Augustini discipulus, &  
acertimus eius defensor, eum interpretatus est,  
E altera verò difficultas quæ per modum replicæ  
ibi proponitur, postulat modum huius  
sufficientis auxilij, præsertim in  
infidelibus, quem in sequen-  
tibus capitibus fuse  
tractabimus.

\* \* \*

9. Instantiæ  
respondetur.

Multis De  
attributis  
cogruit nul-  
lum exclu-  
dere à sua  
gratia suffi-  
cientie.

10. Respondetur  
ad rationem  
dubitandi,

C A P V T I X.

An, & quomodo fidelibus semel iustificatis, qui tandem non saluantur, detur auxilium sufficiens ad salutem eternam.

**V**T veritas, quam in capite præcedenti tradidimus, magis comprehendatur, & difficultates circa illam occurrentes proponantur, & explicentur, operæpretium erit ab illa generalitate hominum ad varios illorum ordines descendere, & quomodo singulis sufficientia auxilia conferantur, exponere. Non tractamus autem de hominibus electis, seu prædestinatis, quia illis non solum sufficiens, sed etiam efficax auxilium datur, ut cum effectu saluentur; & quamvis interdum auxilia tantum sufficientia illis conferantur, ut supra dixi, tunc non adiuvantur propriè ut prædestinati, sed secundum providentiæ rationem, ideòque quoad illam partem, eadem est ratio de illis, quæ de aliis, qui non saluantur, ac proinde quæ de his dixerimus poterant ad eos accommodari. Reliquos autem homines, qui non solum saluantur, in tres ordines distinguimus; quidam enim sunt iusti ad tempus, & interdum multo vitæ tempore, & tandem damnantur, alij sunt peccatores fidem habentes, qui vel raro, vel nunquam in ætate adulta iustificantur, alij denique sunt infideles, qui nunquam veram fidem consequuntur, inter quos etiam esse possunt varij gradus, ut postea videbimus.

In hoc hoc verò capite solum de iustis temporaliibus, (ut sic dicam) breviter dicendum est, isti autem si considerentur ut iusti sunt, non solum sufficiens, sed etiam efficax gratiæ auxilium recipiunt, ut constet, & ideo de illis sub hac consideratione non tractamus: ut autem in gratia non perseverant, clarum est auxilium efficax non recipere, & ideo meritò queritur, an & quomodo auxilium sufficiens ad salutem recipiunt, nam æterna salus, siue perseverantia obtineri non potest: his autem non datur perseverantia; ergo non datur aliquid ad salutem æternam consequendam necessarium; ergo non datur auxilium sufficiens. Dices, quando perseverantia illis non detur, offertur, quantum est ex parte Dei, & ita ad illam accipiunt auxilium sufficiens. Sed contrà, quia perseverantiæ donum ita est singulare prædestinato, ut neque Deus aliis illud dare voluerit, neque aliquis possit illud à Deo mereri, vel impetrare, & quo illud cōsequatur aliquid facere; ergo nec ex parte Dei datur, nec in potestate hominis est constitutum, ac proinde non datur istis ad perseverandum auxilium sufficiens, quas obiectiones fecerunt olim contra Aug. Semipelagiani, contententes ex illius doctrina sequi, magnam partem iustorum & Sanctorum ideo non saluari, quia nec perseverantiam habent, nec habere possunt, quoniam illis à Deo denegata est, quia non sunt per gratiam à massa perditionis discreti, ut sequi refert Prosper in obiectionibus Gallorū 3. 7. & 12. & in obiectionibus Vincent. 7. 8. 9. & 12.

**2:** Nihilominus dicendum est, omnes iustos, etiam si prædestinati non sint, habere auxilium sufficiens ad salutem æternam consequendam, perseverando utique in iustitia usque ad mortem,

Fr. Suarez de Gratia Pars I I.

**A** si velint, sicut velle possunt. Probatum primò ex Scriptura Proverb. 3. *In omnibus viis tuis cogita illum, & ipse diriget gressus tuos.* quæ directio maxime ad perseverandum necessaria est, & de se sufficiens: hæc autem promittitur cogitanti Deum assidue, & in suis actionibus auxilium eius postulanti: est ergo hoc in hominis iusti potestate, non enim Spiritus sanctus consulit, aut præcipit nisi quod possibile est: unde inferius subdit Sapiens, *Ne paucas repentino terrore, & irruentes tibi potentias impiorum: Dominus enim eris in laqueo tuo, & custodiet pedem tuum ne capiaris.* Quæ promissio non solum prædestinatis fit, sed omnibus, & præsertim iustis. & hoc egregiè confirmant verba Saræ Tobiz 3. *Hoc habet pro certo omnis, qui recolit, quod vita eius, si in probatione fuerit, coronabitur: si autem in tribulatione fuerit, liberabitur.* Quod non solum de liberatione à tribulatione & poena temporali, sed maxime de liberatione à culpa, ut victoria tentationum intelligitur, non enim coronabitur qui temporalia mala superat, sed qui tentationes peccatorum vincit; ergo est in potestate iustorum colentium Deum, hæc victoria: hæc autem est perseverantia; ergo ipsa etiam est in ipsorum potestate & libertate, quam sine auxilio sufficiente habere non possunt.

**C** Hanc denique potestatem, & auxilium sufficiens quamplures Spiritus sancti voces ostendunt, quibus iusti non solum ad perseverandum, sed etiam ad crescendo in gratia usque ad mortem excitantur Ecclesiastici 8. *Ne verearis usque ad mortem iustificari.* Apocalyp. 3. *Qui iustus est iustificetur adhuc.* & ad Rom. 6. *Exhibete membra vestra servire iustitia in sanctificatione,* &c. 1. Corinth. 10. *Qui se existimat stare, videat ne cadat,* & ut ostendat hoc esse in eius potestate, subiungit, *Fidelis Deus, qui non patietur vos tentari supra id, quod potestis, sed faciet cum tentatione præventum, ut possitis sustinere.* Dat ergo Deus iustificatis sufficiens auxilium, ut non cadant; ergo ut perseverarent, nam qui non cadit, perseverat. & ad Ephes. 6. *Induite vos armaturam fidei, ut possitis stare adversus insidias Diaboli.* fidei, inquam, vivæ, nam mortua non sufficit ad resistendum Diabolo perseveranter, sicut inferius subdit. Propterea accipite armaturam Dei, ut possitis resistere in die malo, & in omnibus perfecti stare. Datur ergo iustis auxilium sufficiens ad hoc perficiendum; quia autem hoc præstiterit, sine dubio saluabitur. & similia Scripturæ testimonia passim occurrunt.

**E** Secundo traditur apertè hæc veritas à Conciliis, Milev. cap. 3. definiente gratiam Dei, in qua iustificamur non ad solam remissionem peccatorum valere, quæ iam commissa sunt, sed etiam adiutorium, ut non committantur. Dat ergo gratia adiutorium sufficiens ad non peccandum in posterum, & hoc est sufficiens ad æternam salutem consequendam, & Arausic. c. 13. his verbis, *Hoc secundum fidem Catholicam credimus, quod accepta per Baptismum gratia, omnes baptizati, Christo auxiliante, & cooperante, omnia, quæ ad salutem pertinent, possunt, & debent, si fideliter laborare velint, adimplere.* quibus verbis apertè describitur auxilium sufficiens, & quod de baptizatis dicit, habet eandem rationem in omnibus iustis, quocumque tempore, aut modo iustificati fuerint, quod etiam restat Concil. Trid. sess. 6. cap. 1. ubi prius damnat dicentes, *homini iustificato impossibile esse servare præcepta, quibus obligatur: deinde declarat hanc potestatem, quia Deus iubendo mones facere quod possis,*

destinati, habet gratiam sufficientem ad salutem. Probatum affertur ex S. Script.

**1.** De quibus iustificatis hic sermo?

Ex Conciliis Araus. Trid. &c.

possis, & petere quod non possis, & adiunat, ut A  
possis. & paulo inferius. *Qui sunt filij Dei, Christi-  
stum diligunt, qui autem diligunt eum, ut ipsemet re-  
statur, seruant sermonem eius, quod utique cum diuino  
auxilio prestare possunt.* Qui autem possunt serua-  
re mandata, possunt etiam in gratia perseverare,  
imò etiam & proficere, ut paulò post idem Con-  
cilium adiungit, & eandem rationem suprà tra-  
ditam reddit, *Quia Deus neminem deseris, nisi  
prius deseratur ab ipso*, idemque repetit agens de  
perseuerantia cap. 17. quem locum etiam suprà  
explicauimus: eandemque doctrinam sub anathema-  
te definit Canon. 18. & 12.

Ex Patribus,  
S. Aug.  
Prosper.  
Leon. &c.

Tertio potest hæc veritas testimonio Patrum  
confirmari. Augustinus enim lib. de nat. & grat.  
cap. 16. docet, cum Deus iustificat impium, san-  
nare agrotum, & dare vires, ut possit perfecte ope-  
rari, nec deserere illum nisi ab ipso deseratur, &  
reddat rationem, quia licet homo sanetur, si non  
iuuetur, non poterit seruare mandata, seu pieta-  
tis opera exercere, in quo tacite supponit neces-  
sarium esse, ut possit, & consequenter, ut habeat  
auxilium sufficiens, quo possit, quia nimirum  
iuxta illam regulam eiusdem Augustini lib. de  
corrupt. & grat. cap. 11. & 12. si iusto non dare-  
tur auxilium quo possit tentationem vincere, &  
perseuerare, non ei imputaretur, etiamsi cadat,  
vel non perseueret, sed Deo potius esset tribuen-  
dum, quod est absurdissimum, ut idem Augusti-  
nus docet lib. 2. de peccat. merit. cap. 17. & iuxta  
hæc verba Augustini refellit obiectionem, vel  
potius calumniam Semipelagianorum, Prosper ad  
3. 7. & 12. obiectionem Gallorum, & 7. 8. 9. &  
12. Vincent. eandem veritatem confirmans, quod  
iustis non denegantur auxilia sufficientia ad per-  
seuerandum, Fulgent lib. 1. ad Monim. cap. 28.  
valde commendat dictum illud Augustini, *Ut ho-  
mines non adiuuentur in ipsis causa est, non in Deo.*  
Et quod nullius hominis lapsus causa sit in Deum  
refellenda. Vnde cum Augustino sentit, per Deum  
non stare quominus iustus perseueret, ac proinde  
iustis semper dari auxilium sufficiens ad salutem.  
Hinc etiam dixit Leo Papa sermone 16. de passio-  
ne: *Iugiter admonentur, ut dona gratia Dei negli-  
genter non habeant, iuste nobis instat præcepto, qui  
præcurrit auxilio, & benigne incitat ad obedientiam,  
que ducit ad gloriam.* quæ verba maxime in iustifi-  
catis locum habent, & sufficientem gratiam qua  
possit ad gloriam per obedientiam præceptorum  
peruenire, euidenter ostendunt. Idemque con-  
firmant verba Chrysostomi Homil. 16. ad Hebr.  
*Habemus cooperatorem & adiutorem Deum, tan-  
tum velimus, &c. Si verò dormierimus, & stertentes  
spiremus intrare in calum, quando poterimus here-  
ditatem celestem apprehendere.* Est igitur hoc in  
iustorum potestate, eisque Deus non deest.

3.  
Probat  
asseritio ra-  
tionibus.

Nec exci-  
tancia, nec  
adiuuantia  
auxilia de-  
sunt iustis  
ex parte  
Dei.

Ratione tandem declaratur hæc veritas. Nam  
in primis gratia sanctificans cum suis donis &  
virtutibus infusus, de se potens est ad bene ope-  
randum, & ad vincenda peccata: hanc autem  
gratiam habent omnes iusti; ergo ex hac parte  
sufficientiam habent. Aliunde verò huic gratiæ  
debentur auxilia actualia necessaria ad opera sa-  
lutis, & maxime ad illa quæ sunt ad salutem  
necessaria. Duplicia enim sunt hæc auxilia ex-  
citancia & adiuuantia, ad quæ reducuntur, ut  
suprà visum est: neutra autem desunt iustis ex  
parte Dei, quod in primis probatur de auxiliis  
adiuuantibus, quia iusti non indigent novis  
auxiliis, seu gratiis adiuuantibus in actu pri-  
mo, quia per habitum ipsum sufficientissimè

iuuantur, indigent autem auxilio Dei adiuuan-  
tis in actu secundo: hoc autem adiutorium in  
re ipsa non exhibetur, nisi quando quis ope-  
ratur, & ideo non est necessarium ad auxilium  
sufficiens, sed in efficaci includitur aliquo mo-  
do; requiritur autem ut præparatum & oblatum  
à Deo, & hoc modo non potest deesse iustis,  
quia Deus de se non denegat cooperationem ne-  
cessariam suis causis secundis, unicuique iuxta  
modum, & capacitatem suam; ergo maxime il-  
lam præbet gratiam & habitibus infusus, & ho-  
mini iusto ratione illarum, ut in sequenti libro  
latius ostendemus; ex hac ergo parte non deest  
iustis auxilium sufficiens.

De auxiliis autem excitantibus, aliqui putant  
non esse necessaria habentibus iam sanctifican-  
tem gratiam, & virtutes infusas, iuxta quorum  
sententiam sine his auxiliis habent iusti sufficiens  
auxilium. Alij volunt sufficere illa auxilia exci-  
tancia, quæ in mentibus fidelium insurgere pos-  
sunt ex obiectis externis, quæ Deus per gratiam  
suam prouidet, ad fidelium mentes excitandas,  
ut sunt verbum Dei prædicatum vel scriptum,  
exempla Sanctorum, diuina beneficia quotidiana,  
supplicia, itemque Sacramenta, vel ceremoniæ  
Ecclesiæ, & similia, quibus Deus cooperatur,  
& internam gratiam adiungit ad excitanda cor-  
da, præsertim iustorum. Nam hic modus vide-  
tur de se sufficiens, si homines iusti velint stre-  
nuè ac diligenter his mediis uti: sed licet hoc  
sit verum, addendum est in omni occasione &  
opportunitate grauis tentationis & periculi,  
ut, licet externa media fortasse desint, ut po-  
test accidere, Deum tamen nunquam deesse ius-  
to, quin interius eius mentem sufficienter exci-  
tet, quantum necesse est ad præsentem occasio-  
nem mali, seu lapsus superandam. Hanc enim  
Dei promissionem habemus ex verbis Pauli: *Fide-  
lis Deus qui non patietur vos tentari ultra id, quod  
potestis*; vel ergo moderabit tentationem, vel  
excitabit iustum, quantum sufficiat, ut nemo pos-  
sit dicere, *per Deum abest*, ut Ecclesiastici 15. quia,  
ut dicitur Prouerb. 3. *Dominus eris in latere tuo ne  
capiaris.* Denique hoc est valde consentaneum di-  
uinæ prouidentiae, quam præsertim amicis suis pro-  
misit. Adde hoc genus auxilij sufficientis ad ser-  
uanda singula præcepta, non tantum iustis tribui,  
sed etiam peccatoribus, ut infra videbimus, aliàs  
non peccarent transgrediendo præceptum.

Ut autem hoc generaliter intelligatur, aduer-  
tendum est, in huiusmodi opportunitate, in qua  
occurrit obligatio præcepti, necessarium in primis  
esse, ut homo sciat & aduertat, vel naturaliter ad-  
uertere possit, se habere tale præceptum & hinc, &  
nunc ipsum obligare. Nam si homo omnino hoc  
non cõsideret, sed naturaliter oblitus sit, quamuis  
omittat, non peccabit, ut constat, & ideo necessa-  
rium non est, ut tunc excitetur, nec pertinet ad  
providentiam gratiæ sufficientis ut Deus semper  
moneat ad huiusmodi considerationem, vel ad-  
uertentiam pro illo tempore, ut experimento con-  
stat: & ratio est, quia tunc cessat periculum cul-  
pæ, propter quam vitandam est necessarium illud  
auxilium, similiter necessarium non ut in tali oc-  
casione, in qua de vitando actu prohibito agitur,  
homo sit compos sui, & ratione vtens, nam si adeo  
perturbetur vsus rationis, ut libertatis etiam vsus  
impediatur, iam pro tunc non est homo in statu  
peccandi, vel bene moraliter operandi, ut con-  
stat, & ideo non est etiam necessarium, ut, no-  
ua gratia sufficiens pro tunc conferatur, quia  
cessat

5.  
Homo na-  
turaliter  
oblitus, vel  
vsu rationis  
impeditus,  
cùm occur-  
rit obligatio  
præcepti,  
nec peccat,  
nec Deus  
tenetur illi  
excitare ad  
aduertentiam.



cessat necessitas, ut declaratum est. At verò quando ratio est apta ad deliberandum cum necessaria aduertentia ad præsentem occasionem, & obligationem seruandi præceptum, tunc dicimus nunquam deesse actuale auxilium necessarium, quia sine illo excusaretur homo à peccato, etiamsi caderet, vel non seruaret præceptum: homo autem præsertim iustus, sic ratione vtens, nunquam excusatur ex eo capite, quòd desit illi Deus, ut probant testimonia adducta. Verum est tamen hoc auxilium ad seruandum præceptum, vel non cedendum tentationi, non semper dari immediate sufficiens ad totum effectum, sed mediante oratione, ad quam proximè excitatur homo, quia vult Deus hominem hoc modo & Deum honorare, & amplius cooperari, & ideo dixerunt Augustinus & Concil. Trid. *Iubendo monet facere quod possis, & petere quod non possis*, & hoc tandem modo sufficiens auxilium ad perseuerandum confert.

Et ita etiam expeditur difficultas, quæ hîc oriri potest in homine lapsò ex parte concupiscen-  
tiaz, & corporis mortalis impedimentis, quæ difficillimam reddunt boni operandi perseuerantiam. Nam etiam ex hac parte non deest iustis auxilium sufficiens, quia hæc perseuerantia, non tota simul occurrit, sed successiue, & per singulos actus, & occasiones seruandi præcepta, seu non peccandi; ergo ut ex parte Dei detur, vel offeratur iusto hoc auxilium sufficiens, satis est, quòd per singulas etiam occasiones, non desit tale auxilium: ostensum est autem quomodo detur in singulis; ergo simpliciter datur, vel offertur pro omnibus & pro tota perseuerantia & salute. Dico autem *datur, vel offertur*, quia in occasionibus iam existentibus & præsentibus, actu etiam & in præsentem datur: pro futuris autem offertur, quantum est ex parte Dei. Quod in vsu, seu praxi, ut ita dicam, sic potest explicari. Nam postquam homo iustificatus est, non perdit iustitiam nisi peccando mortaliter contra aliquod præceptum, vnde quandiu non occurrit præceptum affirmatiuum pro tunc obligans, nec moralis occasio peccandi, contra præceptum negatiuum, facile potest iustus necessaria ad perseuerandum tunc facere per gratiam, quam habet, cum primum autem occurrit occasio seruandi præceptum, vel peccandi mortaliter: tunc pro illo definito tempore, non deest illi auxilium internum sufficiens ad bene operandum, ut declaratum est, & ita nunc illo actu datur auxilium præueniens, seu excitans sufficiens. Aut ergo homo non vtitur bene illo auxilio sufficiente, vel abutitur illo, vel cooperatur illi. In priori casu amittit gratiam, & desinit esse iustus, eique imputatur casus & perseuerantiæ amissio, & non Deo, quia iam habuit auxilium sufficiens à Deo. Postquam verò iam est iniustus, priuatur quidem propriis iustorum auxiliis, quæ sine dubio maiora sunt: quomodo autem postea recipiat auxilium sufficiens, ad quæstionem capitis sequentis pertinet. Si autem talis iustus in illa prima occasione bene vsus fuerit illo auxilio diuino, offertur illi auxilium sufficiens: & fortè vberius pro altera occasione proximè succedente, & illa oblata datur ei auxilium sufficiens accommodatum illi, & ita consequenter de reliquis vsque ad finem vite: vnde fit, ut quandiu per hominem iustum non steterit, nunquam illi desit auxilium sufficiens ad conseruandam gratiam, & consequenter ad æternam salutem consequendam.

Fr. SANCTI de Gratia Pars II.

**A** Ad difficultatem in principio positam patet solutio ex dictis. Nam aliud est accipere actualem perseuerantiam, aliud accipere potestatem perseuerandi, seu, quod idem est, auxilium sufficiens ad perseuerandum. Nam illud prius pertinet ad gratiam efficacem propriam prædestinationem, hoc verò posterius pertinet ad gratiam sufficientem communem omnibus, & ideo licet isti reprobis non accipiant perseuerantiam, accipiunt nihilominus perseuerandi potestatem. Et quòd non recipiant actum perseuerandi, non est ex Deo, sed ex ipsis, neque ideo non perseuerant, quia reprobis sunt, sed non perseuerando fiunt reprobis, ut rectè Prosper docet supra, & Fulgentius ferè toto illo lib. 2. ad Monim. Quomodo autem non obstante perseuerantia sit speciale donum, & in quo consistat, inferius suo loco tractabitur.

5. Soluitur difficultas initio propo-  
sita.

Reprobi non accipiunt perseuerantiam, sed potestatem perseuerandi.

## C A P V T X.

*An & quomodo fidelibus peccatoribus semper dum viuunt, gratia sufficiens tribuatur, qua conuerti & iustificari possint.*

**R** Egula generalis est, fidelibus in peccato existentibus non negari auxilium sufficiens, quo penitentiam fructuosam agere possint, & per eam in gratiam redire. Hæc regula satis probata videtur ex generali principio in cap. 8. demonstrato, propriè verò & in specie sumitur ex omnibus illis Scripturæ locis, in quibus peccatores, præsertim Deum agnoscetes, & in eum credentes, ad penitentiam vocantur, ut est illud Ezechiel 33. *Fili hominis, dic ad domum Israël, & infideli, Vno ego dico Dominus Deus, nolo mortem impij, sed ut conuertatur à via sua, & viuat.* Aut ergo illa voluntas Dei est absoluta, & dat auxilium efficax, aut est conditionata, seu antecedens, & dat saltem auxilium sufficiens. Vnde illud 1. Petr. 33. *Patienter agit Deus propter vos nolens aliquem perire, sed omnes ad penitentiam reuerri;* & illud Pauli Rom. 2. *Ignoras, quia benignitas Dei ad penitentiam te adduxit, & consonat illud Ierem. 3. Tu fornicatus es cum amatoribus multis, tamen reuertere ad me, dicit Dominus, & ego suscipiam te.* Non enim illam ad reuersionem inuitaret, nisi paratus esset ad eandem reuersionem illam iuuare, similiaque sunt infinita vulgaria loca, ut Zachar. 4. *Conuertimini ad me.* Ecclesiast. 5. *Ne tardes conuerti ad Dominum,* & Psalm. 49. *Hodie si vocem eius audieritis,* quod allegans & locupletans Paulus ad Hebr. 3. ait, *Videte fratres, ne forte sit in aliquo vestrum cor malum incredulitatis discedendi à Deo viuo: sed adhortamini vosmetipsos per singulos dies, donec hodie cognominatur, ut non obduretur quis ex vobis fallacia peccati,* vbi dicens, *donec hodie*, videtur intelligere quandiu præsens tempus, & vita durat, ut Chrysostomus & alij exponunt.

7. Fidelibus in peccato existentibus datur gratia sufficiens ad penitentiam.

Probaturs al-  
terius ex  
Script.

Veritatem etiam hanc confirmat Concil. Trid. in sess. 6. & 14. nam licet expressè non vtatur signo distributiuo, dicens omnibus peccatoribus dari hoc auxilium, tamen cum indefinitè & sine limitatione generalem doctrinam tradat, eamque confirmat allegatis Scripturæ locis, sine vlla dubitatione illam generaliter intelligit. Dicit ergo in sess. 6. cap. 14. *Qui ab accepta iustificationis gratia, per peccatum exciderunt, rursus iustificari*

Item ex CONCilio Trid.

Datur actu gratia sufficiens in occasionibus præsentibus, pro futuris offertur à Deo.

potuerunt, & can. 29 anathemate damnat, qui dixerit, cum, qui post Baptismum lapsus est, non posse per Dei gratiam resurgere. Et fess. 14. cap. 7. Quoniam (inquit) Deus dives in misericordia, cognovit figmentum nostrum, illis etiam vita remedium contulit, qui sese postea (id est, post iustificationem) in peccati servitutem, & demonis potestatem tradidissent, utique remedium poenitentiae, de quo statim subdit, licet non semper fuerit Sacramentum, fuisse tamen uniuersis hominibus, qui se mortali aliquo peccato inquinassent, quouis tempore ad gratiam, & iustitiam assequendam necessarium. & infra id confirmat verbis Ezech. 18. *Conuertimini, & agite poenitentiam*, &c. quae verba ad omnes peccatores dicta intelliguntur. Patres etiam, qui vniuersaliter de omnibus hominibus lapsis loquuntur, ut cap. sequenti videbitur: à fortiori fideles peccatores comprehendunt, & specialiter hoc ex professo probat Cyprianus in lib. de lapsis. Rationes etiam cap. 9. allatae ex voluntate Dei saluandi homines, & ex Christi redemptione, & ex Dei misericordia & iustitia hanc regulam probant, ut ex dicendis in duobus punctis sequentibus euidentius constabit.

Duo enim circa hanc regulam supersunt explicanda, vnum est quomodo praebeat Deus hoc auxilium omnibus peccatoribus: aliud est, utrum ab hac regula exceptionem aliquam facere liceat. In priori puncto ratio dubitandi est, quia hoc auxilium sufficiens etiam in his, qui iam credunt, incipit ab excitante gratia, ut aperte docet Concil. Trid. fess. 6. cap. 5. ubi docet exordium iustificationi à vocatione Dei sumi, & cap. 14. declarat hoc non solum esse verum de tota prima iustificatione, quae incipit ab initio fidei, sed etiam de iustificatione à peccato, post priorem iustificationem, atque adeò post comparatam fidem commissio. *Iustificari* (inquit) *potuerunt cum excitante Deo*. Et can. 3. definit etiam poenitentiam haberi non posse, *sine praeueniente Spiritus sancti inspiratione*, quae est gratia excitans, ut supra diximus. Hae autem gratia excitans non datur semper omnibus peccatoribus etiam fidelibus: id est, non datur omnibus diebus, horis, & momentis, nec potest assignari certum tempus, in quo detur: quando ergo, vel quomodo datur haec gratia sufficiens? Et declaratur, augeturque difficultas, quia vel hoc auxilium sufficiens datur semper actu & in se, & hoc est per se incredibile: vel tantum offertur ex parte Dei, & hoc etiam dici non potest, quia aliquid expectaretur ex parte hominis, ut actu daretur ei tale auxilium, quod repugnat, quia illud ipsum fieri non potest, nisi per gratiam excitantem, iuxta doctrinam Concilij Araus. ergo neutro modo datur tale auxilium.

In hoc puncto in primis dicendum est, auxilium non ita dari, ut continuè ac semper insit homini per actualem gratiam excitantem, hoc communiter receptum est, ut refert, & sequitur Bellarminus lib. 2. de grat. & lib. arb. cap. 6. & Molina q. 14.2. 13. in concord. disp. 9. & 10. videturque manifestum; quia gratia excitans consistit in actibus vitalibus, qui non sunt sine sensu & cogitatione ipsorum: nam ad hoc ipsum dantur, ut excitent hominem, ut ex dormiente faciant vigilantem, & attendentem, quod non potest esse sine aliqua experientia talium actuum. Ex ipsamet autem experientia constat, non omni tempore, vel omnibus momentis fieri, vel percipi à peccatoribus in se ipsis tales actus; ergo non recipiunt isto modo semper & continuò hanc gratiam suf-

ficientem. Responderi potest ipsos quidem peccatores semper actu recipere has actiones, aliis verò rebus magis attendentes, illas non percipere, neque sentire. At hoc incredibile est, tum quia ipsamet attentio ad res alias impedit intentionem ad hos actus gratiae, qui sine attentione fieri non possunt. Vnde naturaliter & sine miraculo impossibile est continuè exercere hos actus, & aliis rebus & negotiis humanis attendere. Maxime, quia haec attentio semper est vehemens, & cum magna sollicitudine & ad res inferiores & sensibiles, quae maxime mouent. Tum etiam, quia si tales actus tunc dantur, quando percipi non possunt, non poterunt dici sufficientes ad conuertendum talem hominem; ergo illo modo dati, non possunt dici gratia sufficiens, imò sunt inutiles, quia hominem non ita mouent, ut attendere faciant, & vix ita possunt dari sine miraculo; ergo superflue fingitur tale miraculum, seu talis modus prouidentiae per continuam & nunquam intermissam excitationem, quae nec statui viatoris debita est, nec modo operandi humano accommodata: vnde nec etiam iustis tribuitur, sicut enim dormientes non excitantur actu ad bonum operandum, ita etiam dum sunt nimium intenti aliis rebus, ut studiis, vel negotiis actualiter, non excitantur. Denique haec continua excitatio non solum non cognoscitur experimento; verum etiam si illi repugnat, & alioqui diuina reuelatione non habetur; cur ergo fingenda est. Minor pater, quia nec Ecclesia id docet, nec ex Scriptura id colligitur; quin potius ipsa Scriptura hos motus non semper dari indicat; dicitur enim Psal. 49. *Flodie si vocem eius audieritis, nolite obdurnare corda vestra*. Nam ille modus loquendi sub conditione indicat vocem Domini non semper infonare, & Apocal. 3. dicit Deus, *Ego sto ad ostium, & pulso*, quae metaphora significatur Deum semper stare ad ianuam, non tamen semper pulsare, sicut homo prudens facere solet. Vnde, (ut supra dicebam,) Ecclesia saepe orat Deum ut nos exciter, & ut peccatores vocet; signum ergo est non semper Deum in actu facere.

Contra hanc verò assertionem obijci potest: nam sequitur peccatorem non posse in qualibet hora & momento vitae suae poenitentiam agere, si velit, imò nec velle posse. Consequens est falsum; ergo. Sequela pater, quia sine auxilio excitante peccator non potest agere poenitentiam: ergo si in quolibet momento non habet gratiam excitantem, nec etiam potest in quolibet tempore agere poenitentiam, cum desit illi principium dans posse, & sine quo non potest. Nec dici potest quòd habeat illud auxilium in potestate sua, quia tale auxilium debet incipere à Deo, non ab ipso homine: Deus autem, ut supponitur, non dat illud; neque etiam potest dici, quòd sit paratus dare, quia tunc expectaret ab homine ut aliquid faceret, quo obtineret illud auxilium: hoc autem dici non potest, quia homo non potest moueri, aut se disponere ad hoc auxilium excitans, quia tale meritum debet procedere ab ipso auxilio excitante; ergo quando illud actu non datur, homo est simpliciter impotens ad agendum poenitentiam, atque ita, si non omnibus momentis, & temporibus datur, non potest homo omnibus temporibus agere poenitentiam.

Falsitas autem consequentis probatur. Primum ex illis Scripturae locis, in quibus hortamur ad agendum celeriter poenitentiam, & promittitur remissio illam agenti in quacumque hora: nam huiusmodi

Inflantia respicietur.

Impossibile est continuè percipere & elicere actiones vitales gratiae excitantis.

Imò sunt inutiles, si non percipiuntur, ad conuersionem.

Obijciunt contra assertionem.

Confirmatur obiectio ex S. Sermonibus.

Atque ex SS. Patribus.

2. An Deus det gratiam sufficientem omnibus peccatoribus. Ratio dubitandi ex Concil. Trid.

Confirmatur ratione.

3. Hae gratia non ita datur, ut semper, & continuè insit homini per actualem gratiam excitantem. Probatur assertio.

huiusmodi exhortationes & promissiones supponunt potestatem. Sic Ezechiel. 3. *In quacunque die, & Ecclesiast. 5. ne tardes conuerti, &c.* Secundò, ex Concilio Lateranensi in cap. *firmiter, de summa Trinitate*, dicente homines baptizatos post lapsum semper posse per pœnitentiam reparari: si ergo semper possunt; ergo in qualibet hora, & momento possunt. Tertiò, quia aliàs esset homo in hac vita pro aliquo tempore extra statum salutis, nimirum pro illo in quo actu non excitaretur. Dices non esse extra salutis statum, quia licet tunc non exciteretur, postea excitabitur. Sed contrà: ponamus hominem in fine vitæ, qui vltimè accepit excitationem, & noluit conuerti, ille enim reliquo tempore extra statum salutis manet, quandoquidem amplius excitandus non est. Nec potest negari, quin durante vita hominis iacentis in peccato, aliqua excitatio sit futura vltima, quia omnes excitationes vitæ sunt finitæ, & terminum habent: terminus autem est vltima excitatio, quæ necessariò futura est in aliquo instanti ante primum non esse hominis, inter quæ duo instantia mediat tempus: ergo saltem illo tempore erit homo extra statum salutis, & fieri potest, vt sit per magnam moram, quia si Deus non semper excitat, potest per plures dies non excitare, idemque poterit facere cum homine in fine vitæ. Denique ob hanc forte difficultatem Concilium Senon. in decret. fidei cap. 15. videtur expressè dicere contrariam sententiam: cum enim docuisset auxilium excitans, seu præueniens esse ad operandum salutem necessarium, ex qua necessitate videbatur sequi hominem non habere libertatem ad talia opera, quia non semper habet tale auxilium, ad hanc tacitam obiectionem excludendam, adiungit. *Hac tanta gratia necessitas libertati non repugnat; quia Deus semper in promptu est, & nec momentum præterit in quo non stet ad ostium & pulset.* & ad idem alludit Hieronymus epist. ad Ctesiphontem, dicens, *non mihi sufficit quod semel donauit, nisi semper donauerit.*

Responso  
oppugna-  
tur.

5. Deus, quantum est ex se, pro nullo tempore denegat peccatori gratiam excitantem, sed eam dat tempore opportuno. Probatur prior pars assertionis. Quomodo Deus dicitur denegare gratiam?

Antequam his obiectionis respondeam, addo alteram assertionem, ex qua facilius erit responsum. Dico ergo Deum, quantum est ex se, pro nullo tempore denegare peccatori excitationem ad pœnitentiam: dare autem illam temporibus opportunis. Priorem partem probat obiectio prima posita, si sensus illius partis rectè intelligatur. Aliud est enim non dare, aliud denegare; aliqua enim non confert Deus, quæ paratus est dare, quando necessarium, vel opportunum fuerit, ideoque licet extra illam occasionem non det excitationem, non ideo simpliciter denegat. Dicitur enim denegare quando proposito absoluto decreuit non dare, quidquid ex parte hominis, vel aliarum causarum occurrat. Imò quando Deus ex se aliquid denegat, etiam occasiones dandi fugit, vel impedit. In hoc ergo sensu dicimus pro nullo tempore huius vitæ denegare Deum peccatori auxilium excitans ad pœnitentiam, esto non semper actu illud inspiret. Hoc probat illa ratio, quod homo quandiu viuunt est in via, & non est oblitatus, nec desperatus; ergo necesse est vt saltem ex parte Dei illi pateat aditus ad salutem, qui aditus in sancta excitatione consistit.

Et confirmari hoc potest verbis Sapientis Ecclesiastici 18. *Numerus dierum hominum ut multum centum anni, quasi gutta aqua maris deputati sunt, & sicut calculus arene, sic exigui anni in diebus eius. Propter hoc patiens est Deus in illis, & effu-*

**A**dit super eos misericordiam suam, videt presumptionem cordis eorum, quoniam male est, & cognovit subuersionem cordis eorum, quoniam nequam est. Ideo adimpleuit propitiationem suam in illis, & ostendit eis viam aquiratis. Per quæ verba ostendit sapiens totum huius vitæ tempus esse tempus propitiationis, & Deum paratum esse ad miserendum, ac proinde nunquam ex se negare auxilium pœnitentiæ, & D. Prosper ad obiectionem 6. Vincent. in hoc constituit discrimen inter statum damnationis & vitæ, & ad 15. ait, *Nemini autem Deus correctionis adimit viam, nec quemquam boni possibilitate destituit.* Eandemque doctrinam latè confirmat ad excerpta Genuen. cap. vltim. eam ex Augustino sumens lib. de bon. perseuer. cap. 15. & 22. & eandem habet Augustinus lib. de natur. & grat. cap. vbi etiam refert optima verba sua ex lib. 3. de liber. arbitr. cap. 18. quæ eandem sententiam continent: quam etiam Concilium Senon. & Hieronymus locis citatis intendunt.

Totum tempus vitæ est tempus propitiationis ex 55. Prospero & Augustino.

Altera pars assertionis sequitur ex præcedenti à sufficienti partium enumeratione. Nam Deus de se paratus est ad dandam excitantem gratiam, & non semper actu dat; ergo saltem daturus est temporibus opportunis, iuxta illud Psalm. *Adiutor in opportunitatibus, in tribulatione.* Vt autem explicemus hæc opportuna tempora, aduertendum est quod in superioribus diximus Deum dare hanc sufficientem excitationem, vel per externum verbum suæ prædicationis, aliæve similia obiecta, vt sunt exempla Sanctorum Dei beneficia, tribulationes, &c. vel merè interiùs, prioremque modum esse ordinarium & communem, posteriorem verò magis peculiarem & extraordinarium. Vnde ad priorem modum excitationis relicta sunt à Christo media, & veluti ordinaria organa, quibus Deus vtitur ad excitandos peccatores ad pœnitentiam. Dicimus enim Deum de se paratum esse ad excitanda corda peccatorum per huiusmodi causas, nam quod in ipso est, pro omnibus illas instituit, & non de se impedit, quominus talium causarum sonus & vox seu actio ad omnes perueniat. Et, quod caput est, quoties similis occasio occurrit, in qua homo per huiusmodi ordinarias causas exterius exciteretur, Deus actu etiam interiùs excitat cor: & quantum credibile est, vnum ex temporibus opportunis, in quo Deus tangit cor, & actu pulsat interiùs, est illud, in quo verbum externæ prædicationis, vel aliud obiectum æquiualens exterius incipit excitare homines. Nam, vt suprà etiam tetigi, ista excitatio exterior cum sola virtute naturali intellectus nihil valeret ad opera pietatis, nisi spiritus gratiæ interiùs sese infunderet, & illo instrumento altiore excitationem in mentem efficeret. Quod ergo tunc Deus non neget suæ gratiæ influxum, omnino credendum est. Tum, quia illud videtur esse tempus maxime opportunum; tum etiam, quia illa externa excitatio est quasi causa secunda, à Deo ordinata ad illum effectum, & interna excitatio Dei sufficiens, est quasi necessarius concursus vel adiutorium requisitum, vt illa causa possit effectum illum consequi; ergo ad ordinariam providentiam gratiæ spectat, vt Deus tunc conferat auxilium ex parte ipsius necessarium.

6. Probatur secunda pars assertionis ex Psalm.

**D** qua homo per huiusmodi ordinarias causas exterius exciteretur, Deus actu etiam interiùs excitat cor: & quantum credibile est, vnum ex temporibus opportunis, in quo Deus tangit cor, & actu pulsat interiùs, est illud, in quo verbum externæ prædicationis, vel aliud obiectum æquiualens exterius incipit excitare homines. Nam, vt suprà etiam tetigi, ista excitatio exterior cum sola virtute naturali intellectus nihil valeret ad opera pietatis, nisi spiritus gratiæ interiùs sese infunderet, & illo instrumento altiore excitationem in mentem efficeret. Quod ergo tunc Deus non neget suæ gratiæ influxum, omnino credendum est. Tum, quia illud videtur esse tempus maxime opportunum; tum etiam, quia illa externa excitatio est quasi causa secunda, à Deo ordinata ad illum effectum, & interna excitatio Dei sufficiens, est quasi necessarius concursus vel adiutorium requisitum, vt illa causa possit effectum illum consequi; ergo ad ordinariam providentiam gratiæ spectat, vt Deus tunc conferat auxilium ex parte ipsius necessarium.

Temps prædicationis est vnum & temporibus opportunis.

Præterea confirmatur & declaratur in hunc modum, quia dubium non est quin Deus sapissimè vtatur hoc medio ad conuertendos peccatores per verbum prædicationis, vel per lectionem aliquam

Probatur ratione assertionis.



sacram, vel per externum bonum exemplum, aut obiectum incutiens timorem, ut est mors alicuius amici & similia. Ergo oportuit certam aliquam legem providentia: divinae gratiae in hoc esse statutam, ut omnes qui exterius sufficienter excitantur, in excusabiles fiant si non cooperentur. Nam si exstante exteriori excitatione, nulla esset certitudo de interiori, sed hoc esset positum in solo Dei arbitrio, non posset cum certitudine imputari homini, cui proponitur exterius fides sufficienter, etiam si non crederet, quia fortasse non habuit interioris sufficientis auxilium. Denique dici posset de Pharaone, v. g. cuius vocatio exterior, ut Augustinus ait, fuit cognitio beneficiorum externorum Dei per Ioseph. Contrarium autem ex facto illo colligimus: nam eo ipso quod exterius sufficienter vocatus fuit, docet Scriptura graviter peccasse, resistendo vocationi; ergo dicendum est, non defuisse illi interioris vocationem sufficientem. Denique supponimus ex verbis Christi Domini Matth. 11. *Si in Tyro & Sidone facta essent virtutes, quae facta sunt in vobis olim, in cilicio & cinere poenitentiam egissent*, quae reprehensio fundamentum non haberet, nisi supponeret cum illis virtutibus externis datam esse sufficientem excitationem internam, cum qua alij forent convertendi.

Idem supponunt illa verba Christi Ioan. 15. *Si opera non fecissem in eis, quae nemo alius fecit, peccatum non haberent: nunc autem excusationem non habent de peccato suo*. Haberent autem, si externa excitatione non esset sufficiens, & exteriori accommodata, id etiam optinere persuadent verba Pauli Roman. 10. quae ipse refert ex Deut. 30. *Prope est verbum in ore tuo, & in corde tuo, hoc est, verbum fidei, (ait Paulus,) quod predicamus*. Sicut enim cum auditur, corde recipi & ore confiteri debet: ita cum praedicatur non tantum ad aures corporis, sed etiam ad aures cordis praedicari debet, ut sufficienter proponatur, quod non sit sine interna Dei excitatione sufficiente; quia verò hæc cum praedicatione externa coniuncta est, ideo Paulus ibidem hanc satis esse putat ad redarguendos incredulitatis eos, qui audientes Euangelium non obediunt illi, & hoc est quod ait, *sed nunquid non audierunt, & quidem in omnem terram exiit sonus eorum*. Et ad hoc ipsum alia Scriptura loca inducit. Idemque alia confirmant quae sequenti capite expendemus. Denique si proposito sufficienter obiecto externo fidei, vel poenitentiae Deus daret certa lege auxilium internum sufficiens, quando non daret, iam per seipsum, & non per hominem staret ipsius conversio: hoc autem dici non potest, ut ostensum est; ergo pro regula certa habendum est, Deum in huiusmodi opportunitate semper dare excitationem internam sufficientem exteriori vocationi accommodatam. Quod addo, quia hæc interdum potest esse immedie ad poenitentiam, & tunc excitatione interior est immedie sufficiens ad illam: aliquando verò est vocatio exterior ad aliquod opus virtutis, ut ad petendam poenitentiam, & tunc auxilium internum proximè erit sufficiens ad orationem, & remore ad poenitentiam per orationem impetrandam, & sic de aliis.

Ad excitationem autem merè internam non tam facile possumus certa tempora opportuna designare, pro quibus certa sit divina excitatione interior ad poenitentiam. Vnde maximè videtur pendere ex arbitrio Dei, qui singulis distribuit hæc extraordinaria dona prout vult. Duo tamen pro-

abiliter dicere possumus. Vnum est, tempus aliquod esse pro quo poenitentia est absolute necessaria ad salutem æternam, ut si homo fidelis in peccato existens in articulo mortis constituitur, & in tali tempore credibile valde est, etiam si desint motiva externa quae ad poenitentiam excitent, Deum statim pulsare cor, nec deesse unquam homini in tali opportunitate, quin ita illum excitet. Ratio est, quia tunc illud auxilium est valde necessarium ad salutem, Deus autem in rebus adeo necessariis non deest, ut ex testimoniis Scripturae cap. 2. allegatis, in quibus Deus sufficiens auxilium omnibus promittit, colligitur. Et hoc à fortiori confirmabitur ex his, quae cap. sequenti dicemus. At verò extra hunc necessitatis articulum, excitatione actualis non est ita necessaria ad salutem, & ideo si per causas externas & ordinarias gratia non inchoatur, non est, cur dicamus à Deo magis hoc tempore, quam illo dari: unde cum non semper, sed sæpè illam tribuat, dicendum videtur, hoc facere pro arbitrio suo. Credibile autem est in omni opportunitate bene, ac pie operandi, non deesse homini hoc auxilium. Nam, ut dixit Hieronymus Epist. 138. ad Cyprian. parum ab initio, *Deus ita condidit hominem liberi arbitrij, ut suam per singula opera gratiam ei non negaret*.

Possimus denique addere, licet Deus hanc gratiam conferat beneplacito suo, nihilominus sæpè respicere ad bona opera per priorem gratiam facta, ut ad dispositiones peccatoris, quia orantem vel facientem eleemosynam frequentius Deus excitat ad poenitentiam per internas inspirationes, quam eum, qui talia opera negligit. Nam in hoc sensu dicitur eleemosyna remittere peccata. Et idem est de remissione iniuriarum, & de aliis operibus similibus. Neque in hoc est periculum Semipelagiani erroris, quia agimus de homine fidei, qui per fidem bene operando potest impetrare ulteriora auxilia. Vnde necesse est, ut illud mer opus, quo se disponit ad tale auxilium, vel illud impetrat, sit aliquo modo ex fide iuxta dicta superioris lib. 2. ex quo etiam fit, ut ad tale opus, praecedat alia prior gratia excitans fidem ipsam, & per fidem, voluntatem ad eleemosynam, vel aliud simile opus faciendum, quod satis est, per tale opus possit peccator impetrare excitationem merè internam proximè sufficientem ad poenitentiam, dandam etiam eo tempore, in quo non est simpliciter necessaria ad salutem æternam. Hoc ergo modo potest talis actualis gratia obtineri, quamvis semper determinatio temporis & momenti in particulari ad talem gratiam praebendam, per liberam Dei voluntatem faciendam sit, quia non est necesse ut detur, statim ac homo bonum opus facit, nec aliud certum tempus potest ex vi meriti, seu impetrationis hominis designari.

Ex quibus facile ad obiectiones factas contra priorem assertionem potest responderi. Cum enim infertur hominem in eo momento, in quo actu non excitatur ad poenitentiam, non posse converti, distinguendum est de poenitentia proxima, & remota. Concedo ergo non posse, proximè, quia non habet in se auxilium dans posse, ut rectè ibi probatur. Neque hoc est inconueniens, sed necessarium considerata conditione humanae naturae. Nam homo, cum dormit, non potest proximè poenitere, neque etiam, cum actus est nimis intentus aliis rebus & negotiis; nihilominus tamen semper, & quolibet tempore huius vitae potest homo poenitentiam agere, & cum fructu con-

Deo tamen probabiliter designari possunt.

Respicit sæpè Deus ad bona opera peccatoris facta ab ipso per priorem gratiam.

7. Soluuntur obiectiones factae.

Poenitentia duplex, proxima, & remota.

Cum excitatione exteriori adest interior.

Patet ex S. Scriptura Matth. 11. Ioan. 15. D. Paul. ad Roman. 10.

Confirmatur ratione.

6. Ad excitationem merè internam certa tempora non possunt designari.

uerit,

Responsio ad  
locos S. Scri-  
pturæ.

neri, saltem potestate remota, quia semper est in statu viæ, & consequenter est capax obrinendi salutem. Hæc autem potestas licet aliquibus temporibus, vel momentis remota sit, temporibus opportunis fit proxima, & semper ex parte Dei est paratum proximum auxilium modo explicato: & hoc satis est, ut peccator quandiu est in via, possit saluari. Vnde ad loca Scripturæ respondetur, in eis præcipue promitti remissionem peccati agenti pœnitentiam: supponunt autem potestatem agendi pœnitentiam dicto modo. Et ad eandem causam mouentur peccatores, ne differant pœnitentiam respectu eorum temporum & opportunitatum, in quibus ad illam vocantur; ideo enim dicitur, *Hodie si vocem eius audieritis, &c.* & illi reprehenduntur, qui vocati resistunt, *vocati, & renuisti*, Prouerb. 1. ad cap. firmiter responsum est.

Ad vltimam, negatur sequela, quia homo non constituitur extra statum salutis, quoties actu non excitatur, quia semper est in statu, in quo possunt causæ occurrere, per quas Deus solet excitare, & semper est capax internarum excitationum Dei. Ad illam verò replicam de vltima excitatione respondeo solum inde concludi hominem illum in eo statu fore damnandum, quia non est acturus pœnitentiam, vnde fit, ut ex hypothese quoddam illa excitatio erit vltima, & illi resistente, non possit saluari. Ex quo vltius sequitur, ut licet ille peccauerit peccato impœnitentiæ, non consentiendo illi vltimæ excitationi, nihilominus illa transacta iam non committit nouum impœnitentiæ peccatum, quia nec aduertit, nec ita excitatur, ut aduertere possit. Ex his verò non fit illum hominem etiam pro illo tempore esse extra statum salutis, quia ex vi status est capax remissionis peccati, si pœnitentiam agat: quoddam autem illam non sit acturus, est per accidens, & ex eius negligentia, vel malitia. Vnde simpliciter loquendo etiam posset in eo breui tempore homo ille pœnitentiam agere ex vi generalis prouidentie gratiæ. Nam licet futurum sit, ut amplius non excitetur per generales causas, seu media gratiæ, id est, accidentarium & contingens, & non proveniat ex reprobatione, seu ordinatione diuina positina, (ut sic dicam,) sed ex præscientia & permissione. Præuidit enim Deus post illam excitationem non fuisse illum hominem excitandum per aliqua ordinaria media externa existentia in Ecclesia, & permisit sine noua excitatione mori: voluitque amplius illum interius excitare, quia satis illi prouidit excitando illum in illo articulo necessitatis, & tempore satis morti vicino.

Quod peccator post vltimam excitationem repudiatam non excitetur amplius, id non prouenit expositiua reprobatione, sed ex præscientia, & promissione Dei.

Respondetur ad Concil. Senon.

Ad vltimum ex Concil. Senonen. respondetur, Concilium loquutum fuisse eodem modo, quo Scriptura, quam allegat: nam Deus semper est ad ostium cordis paratus ad pulsandum, non tamen continue pulsat, sed temporibus opportunis, idque satis est, ut gratiæ necessitas vsui libertatis non repugnet, ut infra dicetur.

8.  
An aliqui fideles propter sua peccata aliquando sufficienti destituantur.

Alia dubitatio circa propositam generalem regulam est, verum ab illa regula exceptio aliqua fiat, vel admittenda sit, quod est quærendum, an aliqui homines etiam ex fidelibus propter grauissima peccata interdum deserantur à Deo pro aliquo huius vitæ tempore, ita ut sine auxilio sufficienti relinquantur. De hoc verò puncto disputari in 4. tomo de Pœnit. disp. 8. & scire nihil occurrit addendum; ibi enim adnotavi duobus modis posse hanc exceptionem intelligi. Primum ex parte ipsorum criminum, seu peccatorum, ita ut sint ali-

A qua irremissibilia, vel multitudo aliqua peccatorum certa, quæ ex lege Dei puniantur hac pœna priuationis omnis auxilij in hac vita. & in hoc sensu ostendi esse certissimum, non esse talem exceptionem admittendam, & nonnulla Scripturæ loca subobscura declaravi. Alio modo potest intelligi exceptio ex parte personarum, quia potest Deus aliquos ita punire, & dubium est, an interdum faciat, & sic diximus rem non esse tam certam, nihilominus veram omnino esse sententiam, quæ talem exceptionem admittit, quam capite sequenti confirmabimus, ubi ostendemus, etiam infideles non relinqui à Deo in hac vita sine sufficiente auxilio gratiæ, ut conuerti possint; ergo multo minus relinquet fideles quantumvis iniucos, & peccatores sine sufficiente auxilio.

B  
C  
D  
Dicendum ergo est nullam esse admittendam exceptionem à generali regula posita, quia cum illa regula & voluntas Dei tot modis sit nobis in Scriptura tradita, & per Ecclesiam declarata, non licet nobis aliquem hominem ab illa excipere, nisi per eandem Scripturam, vel Ecclesiam æquè de exceptione constet, vel ratione conuincatur, sed nullo ex his modis talis exceptio, ut ex dicendis in capite sequenti patebit, ostendi potest: ergo. Ratione item declaratur, quia auxilium sufficiens aut est ad non peccandum iterum, vel ad resurgendum à peccato commisso: neutro autem modo negatur peccatori in hac vita auxilium sufficiens: ergo. Minor quoad priorem partem de peccatis futuris declaratur in hunc modum, Quia sermo esse potest de auxilio sufficiente ad vitanda singula peccata in particulari, seu seruandum præceptum in omni occasione particulari, in qua eius obligatio occurrit: vel est sermo de perseverantia longi temporis in observatione præceptorum sine lapsu. Priori modo non destituitur fidelis auxilio sufficiente in aliqua certa ac definita occasione peccandi vel seruandi præceptum obligans; quia vel sine illo auxilio potest vitari hic & nunc peccatum, & seruari præceptum, ut contingere potest in peccato contra solam legem naturalem, non urgente graui tentatione, & tunc licet negetur auxilium speciale, non negatur necessarium, sed abundans, & ideo non tantum peccatori, sed etiam iusto potest interdum non dari, quia tunc auxilium, (ut ita dicam,) generale est sufficiens, & hoc non negatur. Vel illud auxilium gratiæ est simpliciter necessarium propter tentationem urgentem, vel quia præceptum est supernaturale, & tunc si negaretur auxilium sufficiens in certa, & determinata occasione, homo non seruans præceptum non peccaret, quia sine sufficienti auxilio non potest. Qui autem non facit, quod non potest, non peccat: quod maxime verum est, quando absolute non potest in particulari actu & occasione, ut in lib. 2. latè dictum est. At verò nullus peccator excusatur ab observatione præcepti, vel à culpa in transgressionem eius, propter priora peccata, neque propter obdurationem suam, nec potest verè dicere, *Per Deum abest*; ergo non omnino priuatur auxilio sufficiente. Denique talis peccator cum habeat fidem, potest per illam orare, & ad hoc sufficienter excitatur ipsamet tentatione & periculo, si autem oret, sicut oportet, non denegabitur auxilium; ergo.

E  
Si autem sit sermo de auxilio ad non peccandum diu, quia ad hoc est necessaria gratia sanctificans, auxilium sufficiens ad iustificationem erit consequenter saltem remotè sufficiens ad non peccandum postea quouis tempore, iuxta dicta cap.

9.  
Assensio negans probatur.

Si negaretur gratia sufficiens in determinata occasione alicuius non peccaret.

cap. præcedenti, & illud satis est. Iam ergo probatur nemini fideli negari auxilium sufficiens ad resurgendum à peccato, quandiu hinc vivit, quia etiam ille peccat quoties debito tempore non servat penitentiae præceptum quo obligatur, nec enim propter peccata præcedentia excusatur. Idemque de præcepto amandi Deum super omnia: si autem talia præcepta servet, iustificabitur. Item semper potest orare per fidem, quam habet, & reddit argumentum factum: ab his autem obligationibus nemo excipitur; ergo nec à regula habendi auxilium sufficiens fidelis aliquis excipiendus est.

10.  
Instatur con-  
tra ex D.  
Paul. Rom. 2.

Instatur  
responde-  
tur.

Dicunt aliqui, tali homini non dari auxilium sufficiens, etiam pro illo tempore, & nihilominus imputari ei peccatum, quod tunc committit, quia propter peccata præcedentia illi denegatur tale auxilium, iuxta illud Pauli ad Rom. 2. *propter quod tradidit illos Deus in reprobum sensum, ut faciant ea quæ non conveniunt.* Imò addunt aliqui, etiam si per totam vitam denegentur homini talia auxilia, imputari illi omnia sequentia peccata, quia propter peccatum originale denegantur. Sed hoc nullo modo sustineri potest, quia si homo eo tempore & momento, quo transgreditur præceptum, non habet libertatem, nec potestatem ad vitandum actum, erit quasi materialis transgressio, & non imputabitur ei ad novam culpam, & consequenter, nec ad novam penam coram Deo, ut est certa doctrina, ut Paulus dicit de tali homine qui thesaurizat sibi iram; ergo de nouo committit culpam; ergo non imputatur tantum ratione præcedentis culpæ. Accedit quoddam effectus sequutus ex priori culpa, si nullo modo fuit prævisus, nec moraliter prævideri potuit, etiam in priori culpa non imputatur, quia non est voluntarius; in præsentem autem talis effectus non est prævisus: in præcedenti culpa, & maxime in originali; ergo nullo modo imputatur, si in tempore, quo fit delictum, deest auxilium quo possit vitari: ergo necessario fatendum est in illa opportunitate non negari. Et hæc expressa sententia Augustini lib. 3. de lib. arbit. cap. 18. 19. & 21. contra Faustum cap. 44. & 5. contra Iulian. cap. 5 & lib. de nat. & grat. cap. 67.

11.  
Aliter in-  
stante res-  
pondetur.

Dices hæc ad summum procedere de fideli, quando in fide perseverat: fieri autem posse ut propter multiplicationem peccatorum ita derelinquatur, ut fidem amittat, & ita omni auxilio sufficiens privetur. Respondeo, vel talis homo consideratur priusquam amittat fidem, vel postquam amisit illam; in hoc posteriori tempore iam inter infideles numeratur, de quibus capite sequenti dicemus. In priori autem tempore nunquam privatur auxilio sufficiens ad conservandam fidem, quantumvis alia peccata multiplicet fidei non contraria: quod patet ratione facta, quia non privatur auxilio ad vitanda alia peccata in particulari; ergo nec ad vitandum peccatum contrarium fidei, aliàs sentiendo contra fidem, vel illam negando, non peccaret, & consequenter nec fidem amitteret, nam fides semel habita non amittitur in hac vita sine culpa illi contraria. Ergo fidelis peccator nunquam privatur auxilio sufficiens ad resurgendum à peccato. Hæc autem intelligenda sunt de auxilio sufficiens communi & ordinario: nam extraordinariis auxiliis sæpe privantur peccatores propter peccata sua, ut capite sequenti dicam. Vnde fit ut sæpe moraliter resurgere non possint propter nimiam difficultatem ex prava illorum dispositione subortam, quæ com-

Auxiliis ex-  
traordinariis  
sæpe ordina-  
riis nunquam  
peccatores à  
Deo privan-  
tur.

A munc auxilium, licet in rigore sufficiat ad opus, moralem tamen difficultatem non aufert, quæ interdum vocatur impossibilitas vel moraliter, vel secundum Dei præscientiam, & quia in illa difficultate, & impossibilitate sæpe derelinquuntur à Deo, ideo dicuntur in Scriptura deserti, & obdurati, ut in cap. sequenti generalius dicemus. Quædam verò Augustini loca difficilia, quia omnibus statibus peccatorum communia esse possunt, in capite ultimo huius libri tractantur.

B

## CAPUT XI.

*Quomodo infidelibus omnibus detur auxilium sufficiens ad fidem, & salutem.*

Supponimus generalem regulam cap. 8. constitutam etiam in omnibus adultis, & infidelibus locum habere, quia illi etiam sub illis omnibus, quos Deus saluare voluit, sub illisque omnibus, pro quibus Paulus orare obsecrabat, comprehenduntur. Imò Principes & Reges, pro quibus in particulari orationem postulabat, eo tempore infideles erant, & præterea Scripturæ locutiones sæpe sunt ita universales, ut omnes comprehendant, ut Ioan. 1. *Illuminatus omnem hominem.* Apocalyp. 1. *Ecce sto ad ostium, & pulso, si quis, &c.* & huc etiam spectat generalis vocatio Christi Matth. 11. *Venite ad me omnes, &c.* interdum verò loquitur specialiter de impiis & infidelibus. Et Paulus Act. 14. cum dixisset Deum reliquisse gentes ingredi vias suas, statim conatur ostendere non fuisse relictas sine sufficienti auxilio. Et hoc etiam supponit ad Rom. 1. cum dixit gentes fuisse inexcusabiles. Item Isai. 65. *Expandi manus meas ad populum non credentem & contradicentem.* Et hoc etiam probat universality redemptoris Christi, iuxta illud 1. Corin. 5. *Deus erat in Christo mundum reconcilians sibi.* nam in mundo etiam infideles comprehenduntur, & ideo ipse præcepit Apostolis: *Euntes in mundum universum prædicate Evangelium omni creaturæ, quia omnibus sine exceptione media salutis præparabat.*

2.  
Sub illis om-  
nibus, quos  
Deus saluare  
voluit, infide-  
les compre-  
henduntur.

Probat ex  
Script.

Et ad eundem loquuntur de generali largitione gratiæ quantum est ex parte Dei, Patres, quos partim in dicto lib. 4. de Prædest. cap. 4. allegavi, partim in superioribus ostendendo dari reprobis auxilium verè sufficiens: quibus addi possunt Dionys. cap. 9. de cœlest. Hierarch. dicens radium divini luminis paratum semper esse, & omnibus patere ad participandum, & ad cæcitatem erroris expellendam. Et Nazian. 2. qui orat. 11. de laudib. Athanas. in principio Deum confert soli qui mundum illuminat universum, quam comparisonem eleganter etiam ponderat Ambrosius serm. 8. in I. sal. 118. & August. lib. 1. de Gen. contra Mar. cap. 3. & lib. 1. retract. cap. 10. Cyrillus etiam & Chrysost. in Ioannem, ita exponunt verba illa, *illuminatus omnem hominem*, &c. Chrysostomus item homil. 26. ad Hebr. Deum dicit paratum esse ad omnes iuvandos, & idem habet larè Prosp. ferè toto lib. 2. de vocat. gent. præsertim cap. 25. 26. & ult. denique rationes supra factæ cap. 8. hoc confirmant.

Item ex SS.  
Patribus Au-  
gust. Greg.  
Nazianz. Ambros.  
&c.

Hæc igitur veritate supposita, quaerimus quomodo

2.



Infidelium  
ordines tres  
distingui  
possunt.

Lapsi à fide  
gratiam suf-  
ficien-tem re-  
ceperunt.

Item illi  
quibus fides  
sufficiens  
est prædica-  
ta, sed surdis.

modo hæc sufficiens gratia omnibus infidelibus conferatur. Possumus autem infideles in tres ordines distinguere, quidam sunt, quibus non solum prædicata fuit fides, sed etiam interdum donata, ab illa tamen postea per apostasiam, & hæresim ceciderunt. Alij quibus fides prædicata sufficienter est, illam tamen amplecti noluerunt. Alij qui vel nihil de Evangelica fide audierunt, vel certe numquam fuit illis sufficienter proposita. De primis facilis est responsio; dicendum est enim huiusmodi homines antequam fidem perderent, ita recepisse auxilium sufficiens ad perseverandum in fide, sicut accipiunt iusti auxilium sufficiens ad perseverandum in gratia, licet postea illam amittant. Itemque dicimus si tantum fidem mortuam habuerunt, ita accepisse auxilium sufficiens ad comparandam vitam ætæ, seu charitatem & iustitiam, sicut alij peccatores, qui semper in fide perseverant, illud accipiunt. Et eadem proportionalis ratio & omnia ibi dicta possunt hic facile applicari, neque in hoc est nova difficultas. Postquam autem isti facti sunt infideles, credendum est non omnino privari auxilio sufficienti, ut recipiscant, iuxta proximè dicta in cap. præcedenti, quia semper manent viatores & resurgere possunt. Quia verò initium iustificationis à fide sumendum est, & illi fide carent, auxilium sufficiens eorum incipit à vocatione ad relinquendum errorem, & ad veram fidem redeundum. Hanc verò vocationem recipere credendum est temporibus opportunitis, (sicut diximus de vocatione ad poenitentiam;) quando occurrit aliquid, quod memoriam antiquæ fidei, & prioris lapsus excitet, vel quando necessitas confitendi, aux exercendi fidem occurrit, vel aliis similibus, præter alias occasiones, quas Deus pro sua liberali gratia ad huiusmodi homines excitandos observat, vel procurat. Addo insuper præter vocationem ad fidem, posse illis dari auxilia ad aliqua opera bona, ut in sequenti membro dicam; est enim quoad hoc eadem ratio.

De secundo item genere infidelium, qui non ignorant inculpabiliter Evangelium, quia illis sufficienter propositum est, non est explicatu difficile, quando & quomodo datur eis auxilium sufficiens ad salutem. Nam in illis etiam primum auxilium necessarium est ad credendum: hoc autem illis datum est, quando illis fuit proposita fides; quia, ut diximus, Deus non negat internam vocationem, quando externam concedit; ergo sicut exterius vocati sunt, ita etiam est credendum interius fuisse sufficienter excitatos, vel ut possent immediate velle credere, vel saltem ut aliquam diligentiam adhibere possent ad perfectius audiendum, vel considerandum, ut ita possent paulatim ad voluntatem credendi pervenire, nec enim necesse est, ut hoc auxilium sufficiens à principio sit integrum, & completum respectu deliberati consensus fidei, vel poenitentiae, vel alterius similis actus, quasi ultimatè intenti; sed satis est quod sit sufficiens ad aliquid agendum, quod si fiat, dabitur ulterius auxilium, & sic consequenter donec ad proximum, seu integrum perveniatur: unde si primus gratiæ impulsus in vacuum recipiatur, quia homo deest gratiæ Dei, contingere potest, ut Deus ulterius in motionibus gratiæ non progrediatur.

Dices: quod si homo, cui semel prædicata est fides, tunc resistit, & postea iterum non occurrit occasio audiendi fidem, numquid ille homo manet in reliquo vitæ suæ tempore sufficienti au-

xilio gratiæ destitutus? Videretur enim id sequi ex declaratione facta, quia tali homini non datur hoc auxilium, nisi per fidei prædicationem: hoc autem videtur absurdum, tum quia aliàs auxilium sufficiens multis hominibus solum daretur semel, vel iterum in vita, quod non potest dici auxilium absolute sufficiens ad salutem, tum etiam, quia aliàs talis homo post illam primam resistantiam, & ratione illius maneret quodammodo extra statum, vel saltem extra possibilitatem salutis. Respondetur, si in huiusmodi homine maneat aliqua memoria prioris vocationis, & prædicationis fidelis, per illam poterit iterum, vel sæpius excitari; quia moraliter deesse non possunt occasiones excitantes memoriam illam, quas credendum est, Deum non præterire, quin eis ad vocandum interius hominem utatur; si verò nulla manet memoria præteritæ vocationis & prædicationis, vel nihil amplius occurrit, quod illam excitet, tunc de tali homine pro illo tempore ita iudicandum est, sicut de aliis qui nihil de rebus fidei unquam audierunt, de quibus dicendum superest.

Tota igitur difficultas est de his infidelibus, quibus Catholica fides nunquam prædicata, nec de illa quicquam audierunt. Ratio autem difficultatis est, quia isti numquam receperunt auxilium sufficiens ad credendum; ergo neque ad salutem. Consequentia clara est, quia fundamentum salutis est fides: ideoque qui credere non potest, nec salvari potest; sed qui non recipit auxilium sufficiens ad fidem, credere non potest; ergo nec salvari potest, nec auxilium sufficiens recipit ad salutem. Antecedens probatur, quia fides ex auditu, teste Paulo ad Roman. 10. unde subiungit, *Quomodo credent ei, quem non audierunt: quomodo autem audient sine prædicante*; & ideo dicebat Christus Dominus Luc. 7. *Rogate Dominum messis, ut mittat operarios in messem suam*; quia per hos operarios, statuit Deus fidem propagare, & homines ad credendum excitare, & ideo Paulus ad Roman. 1. dicit Evangelium esse virtutem Dei in salutem omni credenti, quia per illud revelatur iustitia Dei ex fide. Ergo quibus non est prædicatum Evangelium, non est applicata virtus, neque aperta via ad credendum; ergo non recipiunt auxilium sufficiens, quo possint credere.

Secundò argumentari possumus ex his, quæ in Scriptura legimus: nam quos Deus vult ad fidem attrahere, ad illos Prædicatores mittit, & quibus negare vult vocationem ad fidem, prædicationem etiam externam avertit. Primum ostenditur in facto Eunuchi, ad quem Deus misit Philippum, Actor. 8. & ex facto Cornelij, ad quem Deus misit Petrum, Actor. 10. Imò etiam ad Paulum missus est Ananias, Act. 9. Et cum Deus vellet Macedonios ad fidem vocare, visio per nollem Paulo *conversa est, vir Macedo quidam erat stans, & deprecans eum, & dicens: Transiens in Macedoniam adiuvam nos*, Actor. 16. ubi subiungitur de Paulo, *ut autem visum vidit, statim quasiimus proficisci in Macedoniam, certi facti, quod vocasset nos Deus evangelizare eis*. E contrario verò cum Deus nollet pro eo tempore Asiam & Bythiniam ad fidem vocare, Paulus & socij, *vetiti sunt à Spiritu sancto loqui verbum Dei in Asia, & cum tentasset ire Bythiniam, non permisit eos Spiritus sanctus*: ergo signum est eos vocari, quibus prædicatur Evangelium, & illos non vocari, quibus non prædicatur; ergo hi non accipiunt auxilium sufficiens ad credendum.

4.  
Tota difficultas est de illis, quibus fides non est prædicata. Ratio difficultatis proponitur, & probatur ex Scriptura.

3.  
Instatur, & instantiæ respondetur.

Tertiò

Ex S. Aug.

Tertio augetur difficultas, quia hinc colligit Augustinus magnam esse Dei gratiam, quando Prædicatores fidei & suasores veritatis ad aliquem mittit, quia nimirum illa est via ad initium fidei & iustitiæ; è contrario verò ad occultum iudicium pertinere, quando Deus Prædicatores verbi sui ab aliqua gente auertit, vel occasionem audiendi verbum Dei negat. Primum patet ex Augustino locis sæpe citatis qu. 2. ad Simplic. & de spirit. & lit. cap. 34. & de prædest. Sanct. c. 8. & sumitur ex his, quæ in expositione mystica Psalmi 134. dicit circa illa verba, *Educens nubes ab extremis terra.* per nubes intelligens Apostolos, & alios Euangelij Prædicatores, per quos Deus fulgura in pluuiam conuertit, id est, terrores & vindictas in pluuiam gratiæ & misericordiæ, & in id Psalm. 87. *Numquid mortuis facies mirabilia, aut medici suscitabunt, & confitebuntur tibi.* Vbi per medicos etiam Pastores & Doctores Ecclesiæ intelligit, qui licet non suscitent spiritualiter mortuos, applicant tamen medicinam, qua per gratiam Dei suscitantur. Ac denique lib. 1. de peccat. merit. cap. 22. ex gratia & prædestinatione Dei dicit oriri, quòd aliquis etiam si rudis ingenio, & prauis moribus sit, occasionem habeat audiendi Euangelium, & inde proficiendi ad salutem. Et ibidem edocet, miraturque, quòd sæpe alius melioris ingenij, naturæ, ac probitatis morum ibi nascatur, & vsque ad mortem viuat, vbi nunquam prædicationem Euangelij audiat, quod pertinet ad secundam partem, quam proposui. Et similia ferè habet dicta qu. 2. ad Simplicianum sub finem. Prosper etiam lib. 2. de vocat. gent. cap. 3. & contra Collator. cap. 25. & ad Gallos cap. 3. & epist. ad Rufin. ad hoc iudicium Dei refert, quòd Spiritus sanctus vult Paulum ire in Asiam & Bythiniam ad prædicandum Euangelium, Act. 16. & similiter quòd Paulus ait Rom. 1. sæpe proposuisse ire Romam ad prædicandum Euangelium, & prohibitum fuisse: à Spiritu sancto fuisse prohibitum, Chrysostomus, Ambrosius, D. Thomas & alij intelligunt, colliguntque inde tam verba, quam itinera Prædicatorum à nutu Dei pendere. Ergo qui diuino iudicio hac gratia, seu hoc ostio ad gratiam priuantur, gratiam sufficientem ad salutem non recipiunt.

Ex Prosper.

Ex Chrysostomo, D. Ambrosio, D. Thoma &amp; alijs.

Ratione probatur.

Quarto possumus ratione argumentari, quia infideles, qui prædicationem fidei non habuerunt, habent ignorantiam inuincibilem fidei, & non peccant non credendo; ergo signum est non habuisse auxilium sufficiens ad credendum, ac proinde nec ad salutem. Probatur consequentia, quia qui cum auxilio sufficienti non facit, quod tenetur, peccat, quia potest, tenetur, & non facit: at isti non peccant, etiamsi teneantur per se loquendo; ergo signum est per impotentiam excusari: hæc autem impotentia non prouenit nisi ex carentia auxilij sufficientis, nam in reliquis potestatem habent; ergo.

§ 6.

Infidelibus, quibus fides non est prædicata, gratia sufficiens ad salutem non denegatur. Probatur assertio ex S. Script.

Nihilominus dicendum est, his infidelibus non negare Deum auxilium sufficiens ad salutem. Hæc veritas ex generali regula cap. 8. demonstrata colligitur, & in locis Scripturæ ibi citatis conuincitur, præsertim illis, quæ generalius loquuntur, & Prouerb. 1. *Sapientia foris prædicat, in plateis dat suam vocem, &c.* Sapient. 11. & 12. latè; optimum verò testimonium est illud 1. Timoth. 4. *Speramus in Deum vivum, qui est saluator omnium hominum, maxime fidelium.* quod multi exponunt, quia omnium est Saluator, saltem quoad corpora, iuxta illud, *qui solem suum facit oriri super bonos, & malos,*

A &c. fidelium autem est Saluator etiam quoad animos. Sed hoc non placet, quia eodem modo dicitur Saluator respectu omnium, maxime verò fidelium, quia eos specialius beneficiis prosequitur. Atque ita intellexit Paulus Orosius, ut statim referemus. & Prosper lib. 3. de vocat. gent. cap. 10. aliàs 31. dicens, *que sententia subtilissima breuitatis & validissimi roboris si tranquillo consideretur intuitu, totam hanc, de qua agimus, controuersiam dirimit.* quia nimirum Paulus dicendo, *omnium*, & addendo, *maxime fidelium*, apertè significauit omnes, & quoscumque infideles sub illa generalitate comprehendit.

Hoc ipsum latè docet, & sæpe repetit idem Prosper lib. 2. de vocat. gent. ferè per totum, expressius verò cap. 25. ita concludit, *Deo autem placuit hanc (id est, efficacem gratiam) multis tribuere, & illam (id est, sufficientem) nemini denegare.* quæ verba aliqui de gratia tantum externa, & non de interiori auxilio intelligere voluerunt: sed immeritò, tum, quia nullum habet fundamentum in verbis Prosperi; tum quia ille loquitur de gratia auxilij sufficientis: externa autem vocatio interiori destituta non est auxilium sufficiens, ut suprà ostendi: tum etiam, quia loquitur de gratia, cum qua sunt inexcusabiles qui non cooperantur: ad hoc autem sola vocatio exterior non sufficit. Præterea Fulgentius epist. 7. ad Venant. totus est in hac vetitare demonstranda, eamque optimis Scripturæ testimoniis & rationibus confirmat, & licet ex instituto de fidelibus peccatoribus loqui videatur, sæpe ad omnes tam iustos, quam peccatores sermonem extendit, & specialiter cap. 8. ait, *Sicut medico nostro nulla est incurabilis plaga, ita nec in aliquo vulnere, nec in aliquo tempore celestis potest deficere medicina.* quæ verba non video, quomodo possint de sola gratia externa, vel interna intelligi, nisi dicamus omnia esse ficta, & solam in externa specie apparentia, quæ in tota illa epist. Fulg. scribit, quod nefas esset explicari.

Ex SS. Patribus, Prospe.

Fulgentius

His accedit Paulus Orosius in Apolog. dicens, *Deum adiutorium suum non solum in corpore suo, quod est Ecclesia, cui specialia ob credentium fidem gratia dona largitur: verum etiam vniuersis in hoc mundo gentibus propter longanimitatem suam clementiam subministrare;* & postea explicat huius gratiæ modum, ut statim referam, est etiam illustre testimonium Ambrosij exponentis illud Psalm. 118. in Orationario 8. *Misericordia Domini plena est terra, quibus verbis coniungit illa Matth. 5. Qui solem suum oriri facit super bonos & malos; & ait, Quomodo misericordia Domini plena est terra, nisi per passionem Domini nostri Iesu Christi.* & infra, *Plena est terra misericordia Domini, quia omnibus est data remissio peccatorum, super omnes sol oriri iubet, & quidem hic sol quotidie super omnes oritur: mysticus autem sol iustitiæ omnibus ortus est, omnibus venit, omnibus passus est, & omnibus resurrexit,* adiungit quod ad rem maxime spectat, *Si quis autem non credit in Christo, generale beneficio ipse se fraudat, ut si quis clausis fenestris radios Solis excludat, non ideo sol non est ortus omnibus.* & infra super omnes pluuiæ est, & hoc diuinæ misericordiæ deputatur, quia pluit super iustos & iniustos. Omnes denique Patres qui dicunt Deum omnes illuminare, & quamuis multi Christum non agnoscant, per illos stare quominus illuminentur, apertissime idem sentiunt, tam de his infidelibus, quibus post Christum Euangelium prædicatum non est, quam de illis, qui ante Christi aduentum in gentiliis

Orosius

Ambrosius

gentilium erroribus vixerunt, quos Patres suprà retulimus, & ibi rationem huius veritatis attulimus.

6. Prior modus explicandi, quomodo Deus gratiam sufficientem omnibus, & singulis præparauit, quantum est ex se.

Modus autem explicandi hoc auxilium & respondendi difficultatibus, duplex esse potest, unus est Deum præparasse sufficienter toti vniuerso auxilia gratiæ, & pro omnibus & singulis hominibus, nullum excludendo, quantum est ex se, voluisse tamen ut hæc auxilia ad singulos homines, ministerio aliorum hominum peruenirent. Sicut videmus id fecisse in lege Euangelica mittendo Apostolos in vniuersum mundum ad prædicandum, & ante Euangelicam in lege veteri per Moysen, vel ante hunc per Abraham illi genti sufficientia fidei remedia prouidit, & prius in toto tempore legis naturæ veram fidem à primis parentibus tradidit, eamque filiis suis communicari ac sufficienter proponi, & à parentibus ad filios derivari voluit, & mediante fide cætera, etiam salutis remedia vnoquoque tempore, opportuna vel necessaria omnibus tradidit, quia pro omnibus indifferenter illa instituit. Ita ergo ex parte Dei omnibus parata sunt sufficientia auxilia. quod verò in multis contingat, ut talia remedia, vel prædictio fidei ad illos non perueniat accidentarium est, & à Deo non est procuratum, sed præuisum, & permissum. quæ quidem permissio nec iniusta est, quia Deus nulli debet maiora auxilia. Imò, ut Augustinus sæpe tradit, cum homines essent in originali peccato, hæc censeretur iusta illius pœna in his, qui illum patiuntur, licet aliis fuerit ex misericordia Dei remissa. Neque etiam esset illa permissio contra voluntatem antecedentem Dei saluandi omnes homines, quia ex parte Dei parata est salus omnibus, & hoc solum ad illam pertinet voluntatem. Nec denique est illa permissio contra debitam & sapientem Dei prouidentiam, quia non tenetur Deus mutare, vel agere communem cursum causarum generalium in vnoquoque ordine, ne in illo aliqua monstra, vel defectus sequantur.

Vnde iuxta hunc dicendi modum non erit necessarium, ut infideli in syluis educato, vel vniuersis Gentilibus, quibus vera fides nunquam per homines prædicata est, Deus, vel per se interius, vel per Angelos aliquo extraordinario modo fidem reuelat, quocumque modo viuant, quia ex vi generalis voluntatis, aut prouidentiae, non cogitur Deus miraculoso modo homines saluare, vel ad fidem excitare, sed tantum per ordinarias causas, quæ si desint, Deus (ut sic dicam) functus est officio suo vniuersalis prouisoris. Et hunc modum dicendi videtur sequi Gregor. in 1. d. 46. q. 1. ad 3. vbi multum inclinatur in eam sententiam, quod iustis non dantur auxilia antecedentia sufficientia ad salutem, illum autem modum generalis sufficientiæ tribuit Scoto & Ochamo.

Gregor. in 1. d. 46. q. 1. ad 3.

7. Seaderur prior illo modus.

Possumus autem hunc dicendi modum persuadere primò ex Paulo Act. 17. vbi de antiquis gentibus loquens, ait, *tempora huius ignorantia despiciens Deus, nunc annunciat hominibus, &c.* despexisse enim dixit, quia non peculiari modo illis prouidit, vnde cap. 14. eandem prouidentiam Dei circa eosdem fideles explicando, per causas tantum generales id facit, dicens, *qui in præteritis generationibus dimisit omnes gentes ingredi vias suas. Et quidem non sine testimonio reliquit semetipsum beneficiens de celo, datus pluuia, & tempora fructifera, implens cibo, & letitia corda nostra.* Vbi indicat solum per hos ex-

Fr. Suarez de Gratia Pars II.

A teiores effectus illas nationes ad sui cognitionem excitasse, non autem per aliquam reuelationem internam, vel extraordinariam illas docuisse: & in Epist. ad Rom. in principio, quodammodo de antiquis gentibus loquitur. In cap. autem 10. agens de tempore legis gratiæ, in quo Deus nouo quodammodo voluit homines ad fidem vocare, non aliter hanc gratiam ad omnes peruenisse declarat, nisi quia omnes audierunt, vtrique quantum est ex parte Dei, quia in omnem terram exiuit sonus eorum, & in fines orbis terræ verba eorum.

B Secundo item declaratur ex causa paruulorum, multi enim paruuli damnantur, quia illis applicari non potuit habitualis fides, seu remedium originalis peccati, siue quia in lucem nasci non potuerunt, siue quia sunt de parentibus Gentilibus, & omnino ignorantibus, tale remedium, siue quia licet de fidelibus nati fuerint, contingit deesse necessaria ad Baptismum, ita ut ante mortem illis applicari non potuerit. Et nihilominus illos etiam saluare voluit Deus, eisque censeretur auxilia sufficientia dedisse in causis vniuersalibus gratiæ, vel in suis parentibus, ut ait Prosper lib. 2. de vocat. gent. cap. 8.

C aliàs 23. nec oportet, ut per miraculosa, vel extraordinaria remedia Deus illius prouideat, quid ergo mirum, quod idem contingat in multis adultis? Aliud non dissimile exemplum est in his peccatoribus, qui in perpetuam amentiam incidunt, in qua incapaces sunt auxiliorum sufficientium, quibus iustificari possint, quæ in se ipsis recipiant, & nihilominus ex parte Dei non denegantur illis sufficientia remedia. Nam Deus ex se illa dare paratus est, & aliud impedimentum accidentarium est, ex generali causarum ordine proueniens Deo vidente, & permittente. Ita ergo de cæteris impedimentis, vel defectibus contingentibus in aliis hominibus dici potest.

D Hic modus dicendi non continet iniustitiam, nec aliquid simpliciter repugnans diuinæ bonitati, ut in discursu factò satis ostenditur. Estque hoc maxime verum si meritum humanæ naturæ per peccatum originale corruptum consideremus, ratione cuius indigna est facta omnium auxiliorum gratia, & ideo licet illis priuaretur, nulla est iniustitia in Deo, sed iusta pœna, ut August. lib. de bonor. perseuer. cap. 8. Considerat nihilominus tamen supposita Christi redemptione & voluntate, quam Deus habuit prouidendi omnibus hominibus necessaria ad remedium peccati, & singulis iuxta capacitatem suam, non satisfacit ille modus explicandi auxilium sufficiens adultorum. Primò, quia adulti sunt capaces propriæ præparationis & dispositionis ad participandam Christi redemptionem, & peccati remissionem obtinendam; ergo in se ipsis debent aliquo modo recipere auxilium sufficiens quo possint disponi, alioqui qui non recipiunt in se hoc auxilium, non sunt liberi, nec in se potestatem habent ad consequendam salutem; ergo per alios, vel per solas vniuersales causas extrinsecas non satis illis esset prouisum.

E Secundo, quia licet verum sit, potuisse Deum sine iniustitia negare absolute omnibus, vel aliquibus hominibus lapsis hoc auxilium, non esset tamen instum imputare carentibus tali auxilio propriam damnationem, nisi tantum ratione peccati originalis, nam propria non possent illis imputari, si non haberent auxilium sufficiens ad vitanda illa, iuxta doctrinam suprà tradi-

8. Paruulis Deus debet auxilia sufficientia gratiæ in causis vniuersalibus.

Propter.

Nec denegatur peccatoribus amentiam prolapsa.

Hic modus non repugnat simpliciter diuinæ bonitati, nec iniustitiam continet, secundum S. August.

9. In adultis hic modus explicandi non satisfacit.

Aa

ram



tam ex Augustino de corrept. & grat. cap. 11. & 12. imputantur autem & propter illa damnantur, ut est certum ex Paulo ad Rom. 1. dicente, gentes fuisse inexcusabiles, & thesaurizasse superitiam in die itæ: ergo necesse est, ut in se ipsis & proximè recipiant auxilia; ad non committenda propria peccata personalia. Ergo mediante tali auxilio recipiunt aliquo modo in se auxilium sufficiens ad salutem. Nam omnis adultus qui habet auxilium sufficiens ad non peccandum, habet etiam ad salutem consequendam, quæ ratio magis ex sequentibus declarabitur.

Confirmatur hic modus ex S. Prospero.

Tertio tandem hoc confirmatur ex Patribus, qui hanc generalem gratiæ communicationem quoad adultos, non solum in causis extrinsecis & vniuersalibus, sed etiam in internis auxiliis & inspirationibus constituunt. Prosper enim lib. 2. de vocat. gent. cap. 16. aliàs 9. cum descripsisset externas & internas gratias, quibus Deus homines vocat, subiungit, *Quæ opitulatio per innumeros modos sine occultis, sine manifestis omnibus adhibetur, & quod à multis refutatur, ipsorum est nequitia: quod autem à multis suscipitur, gratia est diuina, & voluntatis humane.* & in eodem sensu in cap. 4. aliàs 1. de reprobis dixerat, *qui quidem in comparatione electorum videntur abiecti, sed nunquam sunt manifestis, occultisque beneficiis abdicati.* & cap. 5. aliàs 2. cum dixisset, tam in populo Dei, quam in gentibus neminem fuisse iustificatum, nisi per spiritum gratiæ, subnectit statim, *quæ et si parciore antea, atque occultior fuit, nullis tamen sæculis se negauit, virtute una, quantitate diuersa, consilio incommutabili, opere multiformis.* & apertissime cap. 13. aliàs 8. Circa maiorem (inquit) præter generalem gratiam parcius atque occultius omnium hominum corda pulsantem, &c. Eandem sententiam indicant Fulgentius, Paulus Oros. & alij Patres suprâ allegati, & in eadem fuisse Augustinum, infrâ ostendemus.

IO. Posterior modus explicandi sufficientiam auxiliorum gratiæ. Ex S. Scriptura Ioan. 1.

Alter igitur modus explicandi sufficientiam hanc, est, quam indicant verba illa Ioannis 1. *Erat lux vera quæ illuminat omnem hominem venientem in hunc modum.* quæ verba (ut suprâ dixi) de illuminatione interna & supernaturali Patres intelligunt, & omnibus hominibus adultis generaliter quantum est ex parte Dei communicari sentiunt. Iuxta quam interpretationem, etiam illis infidelibus, quibus Euangelium, vel fides per homines prædicata non est, Deus prouidet modum, quo illuminentur, & excitentur sufficienter ad fidem, si per eos non steterit, vel extraordinario modo prouidendo, ut ad illos Prædicatores mittantur, vel ministerio Angelorum eos docendo, vel per se ipsum illos interius illuminando, & vocando, ut sic etiam in omnibus hominibus illud Apocalypsi 3. locum habeat, *Ego sto ad ostium, & pulso.* quam sententiam non obscure indicat Prosper locis citatis, & specialiter cap. 23. etiam de paruulis ait, *ad aliam pertinere gratia partem, quæ vniuersis semper est impensa nationibus.* & addit, *quæ vtrique si bene eorum viderentur parentes, etiam ipsi per eosdem inuarentur.* Ergo supponit adultis parentibus in se ipsis datam esse sufficientem gratiam, quæ bene uti potuissent, & per eam non solum saluti propriæ, sed etiam infantium prouidere. Vnde sicut parentibus imputatur filiorum desertio, ita multo magis unicuique adulto imputandum est, quod fidei lumine caruerit, & ita Dionys. cap. 9. de cœlest. Hierar. dixit. *Non rectè imputari gubernatoribus Angelis, si gentes alia ad falsorum Deorum cultum deuoluunt.*

Ex SS. Patribus Prosper.

Dionys.

**A** sunt; sed illis ipsis qui in omnibus propriis à recto calle, quo ad Deum ascendere possent, sua sponte deniarunt. Fuissent ergo per Angelos instructi, nisi ipsi impedimentum posuissent, unde infrâ dicit. *Diuini luminis pelagus paruum semper est, & parat omnibus ad participandum.* & infrâ, *nunquam præfuerunt alicui alicui Dei, sed vnum illud omnium, ac singulare principium, ad quod sanè obsequentes ducebant Angeli præfecti singulis gentibus.* Eodemque modo Irenæus lib. 4. cap. 71. ait Deum dedisse omnibus liberum arbitrium, cui vim non infert; sed bona (inquit) sententia adit illi semper utique ex parte Dei illuminantis, & inspirantis illam, hoc est enim quod subiungit, & propter hoc consilium quidem bonum dat omnibus: posuit autem in hominum potestate, electione, &c. & idem sentiunt alij Patres; suprâ relati vbi eamque de hoc generali gratiæ communicatione loquuntur.

Irenæus.

**B** Ratione potest hoc breuiter ostendi à sufficienti partium enumeratione, quia etiam hos infideles nunquam exterius vocatos ad fidem, per ministerium hominum Deus vult saluare, quantum in ipso est, non obstante originali peccato. imò ab hoc ipso peccato vult illos eripere; propter Christum; ergo aliquo modo illis contulit sufficientiam mediæ: non contulit in solis causis vniuersalibus, nec solum per alios homines, ut ostensum est; ergo necesse est, ut illis in se ipsis auxilium hoc sufficiens conferat, vel proximè, vel remotè, vel saltem in eorum potestate illud constituat, ut si contingat illud non recipere, reuera per illos stet, & non per Deum: nec per solam naturalem aliquam impotentiam id eueniat. quomodo autem hoc intelligendum sit, & qualiter difficultatibus in contrarium occurrentibus sit satisfaciendum, in sequenti capite explicabimus.

Probatum ratione.

## C A P V T XII.

**D** Difficultas circa superiorem doctrinam proponitur, eiusque occasione, tractare incipit axioma illud, Facienti quod in se est, Deus non denegat gratiam.

**E**X dictis in fine præcedentis capitis difficultas nascitur, quæ est vna ex potissimis huius materiæ, & his temporibus valde controuersa. Nam videtur ex dictis sequi, Deum expectare voluntates hominum, ut eos ad fidem exciter, & consequenter dare illis hanc priorem gratiam excitantem ex bono vsu liberi arbitrij naturali: hoc autem est incidere in errorem damnatum Semipelagianorum; ergo. Sequela patet, quia Deus non dat omnibus his infidelibus huiusmodi excitationem supernaturalem ad fidem, quia re vera multi eorum sunt, qui nec exterius audierunt, nec interius senserunt motionem ad fidem, nec aliquam rerum fidei apprehensionem habuerunt, & nihilominus dicitur Deus paratqs esse ad dandum eis hanc excitationem, & per eos stare, quod illam non accipiunt, & hoc modo dicuntur accipere à Deo auxilium sufficiens ad credendum quantum est ex parte Dei; ergo aliquid

Proponitur difficultas.

Deus

Probat ex  
Concil.  
Arauc.

& Trident.

2.  
Error Semi-  
pelagianorū

3.  
DD Catho-  
licorum  
sententia af-  
firmans Deū  
dare aliqui-  
bus primum  
auxilium ad  
fidem excitans  
intuitu  
boni operis  
naturalis,  
aliis mini-  
mū  
S. Thom.

Calet.

Deus expectat ex parte illorum, ut eis hanc gratiam conferat; nam si nihil expectaret, omnibus indifferenter daret: falsitas autem consequentis probatur, primò ex Concilio Arausicano can. 4. *Si quis, ut a peccato purgemur, voluntates nostras Deum expectare contendit, resistit ipsi Spiritui sancto.* loquiturque de expectatione quoad primam gratiam, qua preparatur voluntas à Domino, ut statim declarat, nam ad infusionem subsequenter gratiæ, & formalem remissionem peccati, non est dubium, quin Deus expectet voluntates nostras cooperantes vocationi suæ, ut postea dicemus lib. sequenti. Secundò idem probatur ex Concil. Trid. sess. 6 cap. 5. dicente, initium iustificationis sumi à vocatione Dei, qua nullis precedentibus meritis Deus hominem excitat. Si autem Deus expectaret hominis voluntatem, iam aliquod meritum ex parte hominis præcederet. Tertiò, quia initium supernaturalis sanctificationis esset ex nobis, non ex Deo, quia præcederet ex parte hominis aliqua ratio totius iustificationis.

In hoc puncto occurtebat in primis tractandus error Semipelagianorum, dicentium, vel semper, vel saltem interdum, vel in aliquibus hominibus expectare aliquem bonum vltum liberi arbitrij, ut opus gratiæ in illis facere incipiat, siue expectet vltum illum, ut meritum perfectum, vel imperfectum, vel impetratorium, siue ut aliqualem dispositionem, & rationem, propter quam opus gratiæ incipiat, nam à tali dispositione, vel ratione non potest aliquid ratio meriti, licet imperfecti, separari: cuius erroris authores & sensum in lib. 1. cap. 5. & 16. pro viribus explicauimus. Circa illius autem impugnationem, necesse non est, multum in presenti immorari, tum quia expressè damnatus est in Concilio Arausicano, ferè per omnes canones, & in Trid. sess. 6. cap. 5. tum, quia in dicto loco loca Augustini, & Prosperi, aliorumque Patrum retulimus, qui ex professo errorem illum impugnant. tum præterea, quia in lib. 2. de prædest. cap. . . ex professo errorem illum impugnauius tum denique, quia in his, quæ cum Catholicis disputabimus, afferemus omnia quæ pro hoc errore, vel contra illum desiderari possunt.

Omissis ergo Semipelagianis, multi ex Catholicis Doctoribus antiquis & modernis, docuerunt Deum aliquibus conferre siue, vel vocationem, & primum auxilium ad illam excitans intuitu alicuius boni operis naturalis ex viribus naturæ facti: aliis verò non dare tale auxilium, quia nullo modo per bona opera naturalia ad illud se disponunt. quam sententiam olim docuit D. Thomas 2. d. 28. q. vnica, art. 4 ad 4. ubi sic ait, *etiam ad fidem habendam aliquis se preparare potest per se, quod in ratione naturalis est: unde dicitur quod si aliquis in barbaris nationibus quod in se est facit, Deus sibi reuelabit illud, quod est necessarium ad salutem, vel inspirando, vel doctorem mittendo.* ubi aperte ante omnem excitationem ad fidem ponit preparationem hominis si faciat quod in se est per lumen rationis naturalis & ita intellexit locum illum D. Thomæ Caietanus 1. 2. q. 109, art. 6. Idemque D. Thomas in eodem 2. d. 5. q. 2. art. 1. explicat illud axioma de faciente quod in se est, per vires solius liberi arbitrij, & apertissimè q. de verit. art. 11. ad 1. ubi sic inquit, *Si aliquis in syluis nutritus ductum rationis naturalis sequitur in aperitum boni, & fuga mali, certissimè est tenendum quod Deus ei, vel per internam inspirationem reuelaret*

Fr. Suarez de Gratia Pars I L

A necessaria, vel ad eum predicatorem dirigeret. Et idem ferè dicit in solutione ad 1. quem locum ad hoc ipsum allegant Vict. Relect. de perueniente ad vltum rationis p. 3. num. 14.

Eandem sententiam indicat Bonavent. 3. d. 25. art. 1. q. 2. ad vlt. & Gabr. d. 24. art. 3. dub. 1. in fine, clariùs Durandus 3. d. 25. q. 1. num. 9. latius Alens. 2. p. q. 112. membr. 8. colu 2. & 3. p. q. 61. aliàs 69. membr. 5. art. 3. ubi quaerit an facienti quod in se est infallibiliter detur gratia? & respondet affirmando: in solutione autem ad 6. distinctiùs explicat dupliciter posse hominem facere quod in se est, vel ante fidem, vel post illam, & omisso nunc posteriori membro de priori ait, *in quolibet homine per naturam est ratio recta, & hæc re-*

*uelundo est notio boni indita a creatione;* & infra, *si ergo secundum istam notionem operetur homo suo arbitrio recurrendo ad illum, quem scit suum esse principium, & quem scit esse orandum sibi, & petat ab eo lumen cognitionis fidei & boni, dabitur ei, & sic faciet quod in se est.* Et nihilominus ibidem in solutione ad 1. & 3. ait gratiam quæ sic datur facienti quod in se est, mere gratis ac liberaliter, & non ex merito dari. Citatur etiam Altiliodor. lib. 3. summæ tract. 2. cap. 1. q. 5. sed ibi licet indistinctè approbet illud axioma, non declarat hunc sensum, rationes tamen quibus vtitur, possunt ad illum applicari, & in fine quaestionis addit, licet Deus det gratiam facienti quod in se est, nihilominus sepe dare illam etiam non facienti quod in se est, quod non potest esse verum de gratia sanctificante; loquitur ergo de gratia auxiliante. Allegatur etiam Alber. in 2. d. 18. art. 1. ad 4. sed ibi indistinctè loquitur, & magis videtur de dispositione ad charitatem obtinendam loqui. apertius id docet ibi Richard. art. 1. q. 2. dicens posse hominem per sua naturalia cum sola generali motione primi mouentis, quam supponit quælibet actio creaturæ, se disponere remotè ad gratiam, gratiam vero, quia dum suo libero arbitrio rectè vult, se disponit ad gratiam: necesse est ergo, ut per se disponat ad aliquam finem auxiliantem gratiam. quam sententiam refert & probat Nicolaus de Oibellis in 3. d. 27. & multi alij Scholastici antiqui eodem modo loquuti sunt, ponentes dispositionem aliquam ex naturali usu bono liberi arbitrij, saltem remotam ad gratiam sanctificantem, & consequenter proximam ad auxiliantem, ut Gabr. Ocham, Scotus, Durandus, quos retuli in lib. 2. de prædest. cap. 17.

Præterea ex recentioribus Theologis nonnulli sententiam hanc eodem modo explicatam approbant, ex Thomistis quidem Soto 4. d. 1. q. 2. art. 3. §. ad argumentum cit. Respondetur ob id Deum gentes condemnasse quod Deum quem naturali lumine cognouerint, non subinde qualiter ius natura iubebat conuerint. quod si ius illud natura signasset, Deus illis aliori si lei rodis affulsisset ut possent salui fieri. Similia habet lib. 2. de natura & Grat. cap. 12. in fine. Consentit Cano Relect. de Sacramentis in genere p. 2. ad 1. & 2. nec dissentit Victor. ubi suprâ. Medina 1. 2. variè loquitur. nam in q. 88. art. 6. in solutione cuiusdam secundi argumenti priùs videtur negare illud axioma, *facienti quod in se est*, &c. intellectum de faciente quod in se est per vires naturæ, & nihilominus statim addit si infidelis qui Euangelij notionem non habet, ut puer educatus in syluis perueniens ad usum rationis bene utatur naturali ratione Deum

Ex recentioribus Theologis Thomæ Soto Medina, &c.

Deum gentes condemnasse quod Deum quem naturali lumine cognouerint, non subinde qualiter ius natura iubebat conuerint. quod si ius illud natura signasset, Deus illis aliori si lei rodis affulsisset ut possent salui fieri. Similia habet lib. 2. de natura & Grat. cap. 12. in fine. Consentit Cano Relect. de Sacramentis in genere p. 2. ad 1. & 2. nec dissentit Victor. ubi suprâ. Medina 1. 2. variè loquitur. nam in q. 88. art. 6. in solutione cuiusdam secundi argumenti priùs videtur negare illud axioma, *facienti quod in se est*, &c. intellectum de faciente quod in se est per vires naturæ, & nihilominus statim addit si infidelis qui Euangelij notionem non habet, ut puer educatus in syluis perueniens ad usum rationis bene utatur naturali ratione Deum

illuminaturum esse illum. & hanc regulam ponit ut certam ex illo principio quod Deus dat omnibus sufficientia media ad salutem; in quæst. autem 109. art. 6. dub. 3. ad 2. prius idem dicit de puero perueniente ad vsum rationis, videlicet infallibiliter illuminari ad fidem, si quod in se est, facit per lumen rationis, & addit hoc esse reuelatum in sanctis Scripturis, & inferius dicit esse probabile illud axioma, *facienti quod in se est, &c.* intellectum per vires naturæ, & postea dicit contrarium esse probabilius, quæ videntur repugnantia, nam si est sermo de gratia habituali & iustificante, non solum est probabilius, sed certum, non dari infallibiliter ei, qui facit quod in se est, per vires naturæ, neque contrarium est probabile, ut infra suo loco dicitur: si verò est sermo de gratia actuali illuminante, quomodo est reuelatum in Scriptura quod puer ille bene vtens ratione illuminabitur inspiratione fidei, si illud axioma non est verum, & certum in dicto sensu, Constantius ita intellexit axioma illud, Viguerius in Instit. Theolog. c. 10. §. 4. dicens auxilium Dei paratum esse facienti quod in se est, id est, si cesset à peccato, & anhelat ad bonum rationis.

Vega.

Eandem sententiam docet Vega lib. 13. in Trident. cap. 11. via 3. in fine, & idem probat nullum viatorem destitui auxilio sufficiente, quia nullus viator est, qui non possit bene vti viribus suis: ei autem, qui hoc fecerit, Deus, qui nemini deest, auxilium sine dubio præstabit sufficiens ad obtinendum bona supernaturalia. Idem latè Cordub. lib. 2. de ignorant. quæst. 4. per totam, præsertim ad quoddam tertium argumentum, & videndus etiam est quæst. 5. ad 4. ubi ait axioma illud in eo sensu esse communiter receptum. Præterea sententiam illam in dicto sensu intellectam & piam esse, & ab omni suspitione Pelagiani erroris alienam docent, Driedo de capt. & redempt. gener. humani tract. 2. c. 5. p. 2. illius ad 2. & 3. q. & lib. de Concord. d. p. c. 3. longè à principio, & Ruard. art. 7. §. 5. *Dottoris*, eisdem penè verbis Molina in Concord. disp. 9. & 10.

Cordub.

Driedo.

Ruard.  
Molina.

4.

Hæc sententia verum esse supponit hoc axioma: *facienti quod in se est, Deus non denegat gratiam.* Tribus modis potest intelligi hoc axioma. Primus modus ex D. Thoma.

Fundamentum huius sententiæ supponit axioma illud, *facienti quod in se est, &c.* in aliquo sensu, & quasi per se notum. Theologia, & ideo breuiter circa illud notare oportet, tribus modis posse intelligi iuxta triplex gratiæ significatum; potest enim intelligi de gratia habituali, vel de actuali concomitante, seu adiuvante, vel de actuali præiua, seu excitante. Primo modo intellectum est illud axioma à D. Thoma 1. 2. quæst. 109. art. 6. ad 6. & 1. 2. art. 3. & in eo sensu dicit non esse intelligendum de faciente quod in se est per solas vires naturæ, sed per vires gratiæ auxiliantis, excitantis & adiuvantis, & sic intellectum esse verum, priori autem modo esse falsum. quæ doctrina vera & certa est, ut infra lib. de iustificat. ostendemus. hic autem sensus nihil ad præsentem causam refert, quia non de habituali gratia, sed de actuali auxilio tractamus: est autem aduertendum D. Thomam in illis locis ita principium illud exposuisse, quia de gratia habituali tractabat, & de illa obiectum fuerat: non tamen alios sensus excludit, nec illos ibi attingit, quia necessarij non erant.

Secundus ex  
Alen.

Secundo modo intelligi potest in illa propositione nomine gratiæ auxilium gratiæ cooperantis cum libero arbitrio; quem sensum indicauit Alen. 1. p. q. 61. membr. 5. art. 3. ad 5. & respectu talis gratiæ facere quod in se est, non est præparari ad talem gratiam, neque aliud præuium ali-

A quod facere, quo posito talis gratia conferatur, quia nihil præuium satis est ut gratia cooperans actu nobis infundatur, seu in nobis operetur, quia præter omnem antecedentem dispositionem requirit simultaneam cooperationem nostram, ut ex dictis in lib. præcedenti constat. Debet ergo intelligi de conatu, seu cooperatione simultanea ex parte hominis, ita ut sensus sit, si per hominem non steterit, & quantum in se est conari voluerit, non deerit illi gratia cooperans, ut sicut oportet, operetur. Et hic sensus non potest etiam esse verus de faciente quod in se est, per vires solas liberi arbitrij, tum quia non potest illo modo conari ad opus gratiæ cooperantis, qui non fuerit excitatus per gratiam præuenientem, siue excitantem, tum etiam, quia illemet conatus non potest esse naturalis, sed obedientialis, quia debet esse à libero arbitrio eleuatus per gratiam, & cum eius adiutorio: debet ergo intelligi de homine vocato sufficienter, & sensus est, tali homini non defuturam gratiam auxilij cooperantis, si iste simul conari & cooperari voluerit; & in hoc sensu axioma illud exponit Alen. citato loco, licet obscure, estque verissimum, quia, ut Augustinus dixit, *Deus preparat voluntatem adiuantem, & adiuvat preparantem*, ad quod est de se paratus, si per hominem non stet, id est, si cooperari voluerit, & hoc solum per illud axioma sic intellectum, significatur, estque verissimum, ut lib. præcedenti dictum est, & in septimo latius dicitur: non solet autem communiter axioma illud in dicto sensu accipi, sed facere quod in se est, sumitur tamquam præuium quod ex parte hominis antecedens ad gratiæ receptionem, & hoc modo illud nunc accipimus. Vnde neque hic sensus inferuit instituto, quia non de cooperante auxilio, quod semper est efficax, sed de sufficiente, & præueniente, seu excitante tractamus.

August.

Tertio intelligitur illud principium de gratia excitante, quia veræ gratiæ excitantes plures esse possunt inter se subordinatæ, quarum una sit prior, seu antecedens, & alia posterior, seu subsequens. Duobus item modis potest intelligi aliquem facere quod in se est, ut gratiam excitantem obtineat, primo bene operando, per priorem excitationem cum illa & per illam, ita faciendo quod in se est, ut vltiorem excitantem gratiam obtineat, & hunc sensum indicat Gerson 4. p. Alphab. 24. litt. M. & Driedo supra, & satis est communis. Secundo bene operando per vires liberi arbitrij ratione naturali excitatas, ita ut sensus sit facienti quod in se est, per vires naturæ excitantem gratiam recipere. In priori sensu admitti potest illud principium, quia in eo supponitur gratia, in qua potest fundari aliqua ratio proportionata ad obtinendum vltius auxilium, quia semper initium boni operis, & totius meriti tribuitur gratiæ, & ratione illius etiam subsequens excitatio est gratia tamquam gratia pro gratia quod non repugnat: oportet autem in hoc sensu etiam aliquam limitationem adhibere, ut nimirum inter gratias proportio debita seruetur, ut infra in cap. 15 & 16. commodius declarabimus. Verumtamen nec hic sensus ad rem præsentem facit, quia præcipua difficultas est de infideli nondum excitato, nec vocato per gratiam, quia fidei auditum non habuit, & ita non potest per priorem supernaturalem gratiam, sed per naturales vires operari, ut primam excitationem gratiæ supernaturalis obtineat.

Tertius ex  
Gerson &  
Driedone.

E

Est ergo vltimus sensus, ut de prima excitante gratia

5.



Axiomatis  
sensu de quo  
intelligi de-  
bet.

Gerson.  
Quis cense-  
tur facere,  
quod in se  
est.  
Probat hic  
sensus.

gratis sit sermo, ante quam non potest homo fa-  
cere aliquid per vires gratiæ, cum illas non ha-  
beat. intelligendum ergo erit axioma de faciente  
quod in se est per vires naturæ, & in hoc sensu  
intelligunt Doctores citari illud axioma, cum  
quibus sentit Gerson 1. p. Alphab. 21. litt. D  
dum ait illum facere quod in se est, quia via  
naturalis rationis facit, quod nouit. Fundamen-  
tum eorum fuisse videtur, quia hic etiam sensus  
& necessarius, vt verum in vniuersam sit Deum  
dare omnibus hominibus sufficiens supernatura-  
le auxilium ad salutem, nam multi sunt homines  
qui tale auxilium actu & in se non recipiunt,  
cum fidei prædicationem, aut reuelationem non  
habeant; ergo vt Deus aliquo modo det illis tale  
auxilium, necesse est vt illud offerat homini fa-  
cienti, quod in se est per eas vires quas habet,  
nimirum per rationem naturalem & libertatem,  
quia talis homo alias vires non habet, nec Deus  
contulit illas, nec aliam viam ad illas obtinendas  
illi præbuit. Confirmatur, ponamus illum homi-  
nem facere quod in se est per vires quas habet,  
hoc enim non repugnat, cum nihil includat su-  
perans potestatem talis hominis: tunc vel Deus  
dat gratiam tali homini, & habetur intentum,  
vel non dat, & nunc non per hominem, sed per  
Deum stat quominus homo ille saluetur, quod  
dici non potest. Item homo ille non potest iuste  
damnari, quia iam fecit, quod potuit. Denique  
valde consentaneum est bonitati & prouidentie  
Dei, vt bene vtenti viribus acceptis, maiores  
præbeat, vt progredi possit: & ita hunc vniuer-  
salem sensum indicat Gerson 2. p. Alphab. 24. litt.  
M. dicens, nulli facienti quod in se est, bene vtenti  
donus Dei, iam habitis, deest Deus in necessariis ad  
salutem, siue illa credenda, siue operanda sint. & con-  
sonat quod dixit Nazianz. orat. 2. in laudem Ba-  
siliij, Deo gratum est quod pro viribus efficiat: ergo  
piissimè & sine inconueniente creditur in omni  
statu hominis viatori facienti quod in se est per  
vires, quas habet, Deum non denegare gratiam  
in eo statu necessariam, quia inde non sequitur  
quod homo mereatur gratiam, sed quod Deus  
prouideat homini necessitatem patienti. Et hoc  
tenus de hac sententia: prius enim quàm de alia  
iudicium proferamus, aliorum opiniones tractan-  
dæ sunt.

A seu legem propter Christum statutam dandi pri-  
mum gratiæ supernaturalis auxilium homini fa-  
cienti quod in se est absque auxilio.

Ad hoc autem probandum inducunt Aug. se-  
pissimè dicentem ex duobus hominibus æquè af-  
fectis, Deum vnum illuminare, alium non illumi-  
nare, solum quia ita sibi placet, quod maximè so-  
let exemplo paruulorum confirmare, in quibus  
non potest assignari differentia vel ex parte ipso-  
rum, quia capaces non sunt, nec ex parte paren-  
tum, quia conantibus & desiderantibus parenti-  
bus iustis & bonis, interdum non possunt bapti-  
zari infantes: & è conuerso licet parentes sint ini-  
qui, & negligentes, Deus prouidet alium modum,  
quo instans baptizetur & saluus fiat, & idem con-  
tingit in adultis, vocat enim Deus interdum iui-  
quissimos transgressores legis naturalis & con-  
uertit: & non vocat moderatos, & seruantes, vt  
possunt, legem naturalem. Hæc est doctrina &  
ponderatio tria apud Aug. in libris quos sæpe ci-  
tauimus lib. 1. ad Simplic. q. 2. præsertim circa  
finem epist. 107. & optimè 1. de peccat. mer. &  
remiss. cap. 12. & sæpe alijs. Ergo Deus in dan-  
da vocatione, vel auxilio excitante non seruat  
illam legem de faciente quod in se est, ante  
auxilium gratiæ, nam si eam seruaret, sem-  
per vocaret potius obseruatorem legis natu-  
ræ, quàm transgressores, & si nullum inue-  
niret seruantem illam, vocaret potius minus  
malum, quàm nequiores, quia est eadem pro-  
portio, & ratio: ergo signum est, nullam esse  
talem legem, nam si esset, Deus seruaret il-  
lam, tum, quia non potest negare seipsum,  
tum quia respectu Christi ex iustitia obliga-  
retur.

Sententia ne-  
gans dari à  
Deo auxiliū  
gratiæ fac-  
te naturali-  
ter, quod in  
se est.  
Probat ex  
S. August.

Secundò: doctrina Augustini & certa,  
nullum bonum, quod sit initium salutis, posse à  
nobis fieri per facultatem liberi arbitrij: si autem  
esset lex à Deo posita, vt facienti quod in se est  
per liberum arbitrium, daretur auxilium suffi-  
ciens, eo ipso bonum aliquod factum ex natura  
esset initium salutis, ergo secundum Augustinum  
nulla est talis lex à Deo data. Maior traditur ab  
Augustino lib. de prædest. Sanct. per totum, &  
lib. 1. contra duas epist. Pelag. cap. 8. & q. 2. ad  
Simplic. & alijs innumeris sæpe citatis, & quod  
caput est etiam in Concilijs Arausic. & Trident.  
definitur. Minor per se nota videtur, quia posita  
illa lege necesse est, vt bene vtenti libero arbitrio  
naturali, ratione illius boni vsus detur auxilium  
gratiæ. Dices non esse rationem, sed conditio-  
nem sine qua non, sed contrà, quia in hac ma-  
teria hæc duo non separantur, quia conditio sine  
qua non, licet physicè non sit causa per se, sed  
per accidens, nec sit propria ratio effectus, tamen  
moraliter est ratio & causa, præsertim supposita  
lege, & quasi pacto sub tali conditione, vtique  
dandi auxilium, si feceris quod in te est. Vt ideo  
sicut respectu totius prædestinationis non potest

E dari ratio ex parte nostra, ita nec conditio sine  
qua non. Idem autem est de primo gratiæ auxilio  
quod de tota prædestinatione. Item alijs posset  
dari ratio ex parte nostra, cur Deus hunc vocet,  
& non illum, quia ad hoc satis est ratione reddere  
conditionem necessariam: vt, v.g. quia hic fecit  
quod in se est, & non ille: consequens autem est  
contra Augustinum d. q. 2. ad Simplic. & dicta  
q. 6. & 8. ex octuaginta tribus, & lib. de spirit. &  
lit. cap. 34. & sæpissimè. Vnde Prosper lib. 1. de  
vocat. gent. cap. 25. alijs cap. 9. in fine. *Profoundi-  
tas (inquit) illius questionis, quam secundum admi-  
nistratorem*

### C A P V T XIII.

*Tractatur altera sententia precedenti con-  
traria, negans datam esse à Deo legem  
dandi auxilium gratiæ facienti quod  
in se est per vires naturæ ad seruan-  
dam legem naturalem.*

I. QVamuis opinio in priori capite tractata,  
noua non sit, nec singularis Molina, nec  
à doctrina D. Thomæ, & grauium Thomistarum  
aliena, vt ibidem satis ostensum est, nihilominus  
moderni aliqui Thomistæ eam vt Molina singu-  
larem referunt, & in eam vehementer inuehiunt,  
asserentes contrariam doctrinam esse certissimam,  
omniūque Thomistarum, & aliorum Doctorum,  
& de mente Augustini, & D. Thomæ, & præcipuè  
negant esse aliquam promissionem à Deo factam,  
*Fr. Suarez de Gratia Pars II.*

rationem Apostoli impenetrabilem confitemur, per liberi arbitrii velle, & nolle non soluitur, quia licet insis homini bonum nolle, tamen nisi donatum non habet bonum velle.

2.

Opinio af-  
firmans vi-  
detur fauere  
Semipelag.

Tertio argumentum sumunt ex sententia Semipelagianorum, quia illi nihil ampliùs dicebant, nisi quod Deus cum in homine aliquid bonæ voluntatis inspexerit, illuminat, & confortat illum, &c. ut lib. 1. ex Cassiano & aliis visum est, & impugnatur à Prospero contra Collector. cap. 4. & sequentibus. Quid est autem aliud, Deum dare gratiam facienti quod in se est, nisi cum viderit in illo aliquem bonum usum liberi arbitrii, auxilium gratiæ adiungere? ergo sicut reprobata est ab Augustino, Prospero, Concil. Arausicano, & Tridentino illa sententia Pelagianorum, ita non est admittenda illa lex, ex qua eadem doctrina sequitur. Nec enim locum habet responsio quòd Semipelagiani ponebant meritum gratiæ de condigno, vel de congruo, nam hoc potius negabant, ut supra visum est, sed quia affirmabant ex parte nostra aliquid posse præcedere, quod intuens Deus dat gratiam, hoc satis visum est ad eorum sententiam reprobendam. Imò non constat eos asseruisse hoc fieri à Deo ex certa lege statuta, & quocunque modo id asseruerint, reprobatur: ergo multo magis ponendo legem & promissionem sub conditione, nam talis conditio inducit debitum legale, quod ad iustitiam aliquo modo pertinet, secundum D. Thomam 2.2. quæstio. 80. art. 1. nimirum, quia includit pactum & conuentionem, in qua necesse est aliquam rationem iustitiæ, saltem imperfectæ, fundari; ergo si illa admittatur, ratio gratiæ destruitur, quod potissimum argumentum Augustini contra Semipelagianos, quia vera gratia debet esse omni merito, ut idem Augustinus in tota epist. 105. & 106. prosequitur, & lib. 4. contra Iulian. cap. 3. lib. de patient. c. 10. & aliàs sæpe: maxime verò toto lib. de prædest. Sanct. à cap. 2. & 3. & ex illo Prosper ad excerpta Genuen. cap. 3. & 4. ponderans cum Augustino illud Psalm. 53. *Pro nihilo saluos facies illos*, quia non dixit, *pro exiguo*, sed *pro nihilo*. Idem contra Collator. cap. 6. & lib. 1. de vocat. gent. cap. 18. Fulgentius de incarnatione & grat. cap. 18. & P. Diacon. cap. 8. Denique ad id confirmandum sunt optima verba Ambrosij lib. 2. in Lucam 5. penult. ubi adducens illud Psalm. 126. *nisi Dominus custodierit ciuitatem*, &c. cum dixisset non posse homines sine Deo ædificare, nec custodire se ipsos, adiungit: *Audeo tamen etiam ego dicere quòd homo non possit viam adori, nisi Dominum habeat præuiantem*.

3.

Vnde est quartum argumentum, non potuisse hanc legem statui propter merita Christi, nec Christum illam mereri potuisse, nam per talem legem destrueretur ratio gratiæ; sed Christus non meruit ut gratia eo modo daretur hominibus, ut iam non esset gratia: ergo nec talem legem meruit. Maior probata est, quia licet facere illam legem respectu nostri fuerit gratia, posita verò lege, illam implere & dare auxilium facienti quod in se est per naturam, iam non esset gratia, sed debitum ex vi promissionis sub tali conditione operum, & sic daretur ex operibus, & consequenter non esset gratia, ut argumentatur Paulus Rom 17. Ergo per talem legem destrueretur ratio gratiæ. Minor autem, scilicet hoc Christum non meruisse, nec potuisse talem conuentionem cum Patre suo facere, probatur ex infinitis

A Scripturæ locis, in quibus dicitur salus dari nobis per Christum ex pura misericordia, & gratia respectu nostri, Rom. 15. Gentes autem super misericordia honorare Deum, ad Tit. 3. *Non ex operibus iustitiæ, quæ fecimus nos, sed secundum suam misericordiam saluos nos fecit.*

4.

Quintò, quia aliàs adiutorium gratiæ subiungeretur obedientiæ humanæ, essetque gratia non ductor, sed pedissequa liberi arbitrii: conueniens est erroneum; ergo illa sententia admitti non potest; sequela patet, quia si Deus dat gratiam facienti quod in se est, iam præcedit bonus usus liberi arbitrii priusquam gratiam, & est ratio eius; ergo gratia subiungitur obedientiæ humanæ; nihil enim aliud est subiungi illi, & esse pedissequam, nisi sequi ex illa seu obedientiam humanam, id est, humanis viribus præstitam præcedere, & gratiam subsequi. Secundò, quia Augustinus sæpissimè contrarium tanquam certissimum docet, præsertim epist. 107. ad Vitalem, ubi ad hoc latè expendit verba Psalm. 26. *à Domino gressus hominis diriguntur, & viam eius volet.* ponderans non dixisse, quia voluit, sed & volet, quia voluntas sequitur dictum gratiæ, non è conuerso. Tertio propositionem illam in Cassiano reprehendit Prosper contra Collect. cap. 4. & sequentibus: vnde cap. 39. definit. 6. inquit, sicut Pelagiani putabant liberum arbitrium tolli, si à gratia præuenitur. Denique Fulgent. lib. de Incarnat. & gratia c. 19. & 20. ait, Sicut in generatione carnali præcedit Dei operatio omnem hominis geniti voluntatem, vel affectum, & sicut in conceptione Christi, Spiritus sancti operatio Virginis operationem antecessit, ita in spiritali hominis generatione, non præcedere voluntatem hominis sed subsequi Spiritus sancti operationem. Ratione item ostenditur, quia si illud consequens admittatur, destruitur, & è medio tollitur gratia præueniens, quia ipsa præueniretur à libero arbitrio facienti, quod in se est. Consequens autem est contra doctrinam certissimam, quam infra trademus; ergo.

Psalm. 26.

Prosper.

Fulgent.

D

Sextò, quia aliàs Deus expectaret hominis voluntatem antequam spiritum gratiæ infunderet, seu primam gratiam inspiraret. Consequens est fallum; ergo. Sequela patet, quia si Deus dat gratiam suam homini facienti quod in se est per voluntatem suam, necesse est ut expectet, quid homo faciat, priusquam gratiæ suæ illum præueniat; quando enim sit promissio sub conditione, expectatur euentus conditionis, priusquam effectus promissionis conferatur. Falsitas autem consequentis patet, quia repugnat directè definitioni Concilij Arausicani cap. 4. Nec satisfaciet, qui dixerit, licet Deus det primum auxilium gratiæ facienti quod in se est, non tamen expectare ut id faciat, nam sæpe vocat hominem non facientem bonum quod in se est, imò facientem omne malum, iuxta illud Isa. 10. *Inuentus sum à non querentibus me.* Hoc (inquam) non satisfacit, quia definitio Concilij vniuersalis est, quòd Deus neminem expectat, & gratia in nullo est pedissequa, nam ratio gratiæ in nullo destruitur. Vnde etiam Semipelag. dicebant non semper Deum expectare liberum arbitrium, sed sæpe, imò & regulariter præuenire voluntates etiam prauas: & nihilominus, quia in aliquibus contrarium ordinem nonnunquā admittebant, damnati fuerunt. Ergo multo magis reiicienda est hæc sententia quæ è contrario docet Deum regulariter vocare eum, qui facit, quod in se est, licet aliquando id non expectet.

5.

Isa. 10.

Semipelag.  
reiicienda  
sententia.

His

6. His argumentis putant hi authores satis excludi, & improbati legem illam & promissionem, seu quasi pactum inter Deum & Christum dandi primam gratiam supernaturalis auxilij proximè sufficientis, omni homini facienti quod in se est, & consequenter reprobant promissionem illam intellectam de homine operante sine tali auxilio, & solum in eo sensu credunt posse sustineri, quod de homine faciente quod in se est, per primum auxilium supernaturale explicatur. Verumtamen quantam vim habeant obiectiones factæ contra catholicam sententiam probè intellectam, postea videbimus: nunc solum addimus hos impugnatores non respondere ad difficultatem propositam de generali lege dandi auxilium sufficiens omnibus hominibus adultis: nam si illam omnino de medio tollunt, evertunt axioma certissimum, *per Deum non stare quominus omnes homines salventur, & omnibus adultis dare auxilium sufficiens, quantum in se est.* quod aded videtur fundatum in Scriptura, Patribus, Redemptione Christi, & misericordia Dei, ut negari non posse videatur, vel si illam legem non omnino negant, oportet ut nobis declarant, an illa lex fuerit cum promissione omnino absoluta, & nullam conditionem includens, vel cum aliqua limitatione, & conditione fuerit.

7. Nam si primum dicant, coguntur etiam dicere talem legem & promissionem habere effectum in omnibus, quod incredibile est, & ipsi in suis argumentis contrarium supponunt, nimirum Deum sua voluntate multis non dare talia auxilia, etiamsi sint in omnibus naturalibus conditionibus siue naturalibus, siue liberis æquales, & hanc dicunt esse admirationem Augustini, quæ secundum Prosperum ex usu liberi arbitrij solui non potest, & exemplo paruulorum id confirmant, putantque eandem esse rationem de adultis, quæ omnia sunt contraria illi legi pro adultis latæ cum absoluta promissione. Si verò lex illa conditionem includit, cur legem ipsam absolute & sine ulla distinctione impugnant? Cur item conditionem illam nobis non declarant? vel si declarare eam possunt, cur non in eodem sensu Catholicos Doctores interpretantur? Denique admissa illa lege sub aliqua conditione, necessarium est ut talis conditio à libero arbitrio naturali pendeat, quia nec potest esse necessaria, vel impossibilis, aliàs esset impertinens, nec potest gratiam supponere, cum ad primam gratiam dandam requiratur, quod si hoc modo conditionem ponant, omnia eorum argumenta corruunt, ut faciliè consideranti patebit & in discursu sequentium capitum nos explicabimus.

## C A P V T XIV.

*Tractatur tertia opinio, quæ partim à precedentibus recedit, partim cum utraque conuenit.*

1. **I**nter duas præcedentes opiniones tertia veluti media hoc tempore introduci cœpit, quæ affirmat cum prima, seruanti legem naturalem infallibiliter dari à Deo auxilium supernaturale sufficiens ad fidem & iustitiam supernaturalem, & admittit id fieri ex aliquo merito boni usus libertatis in obseruatione legis naturalis: negant tamen hanc obseruationem legis naturalis fieri siue

A aliqua gratia ordinis naturalis, quam in vocatione congrua naturali constituunt, eamque putant sufficere, ut gratia fidei, siue auxilij supernaturalis ad fidem sit vera gratia, quia licet propter aliquod meritum detur, hoc procedit ab aliqua gratia priori, propter Christum data, & ita est gratia pro gratia. Et propter hoc putat hæc opinio satis discrepare à sententia Semipelagianorum, & soluere argumenta præcedentis opinionis in capite superiori posita.

B **F**undamentum huius sententiæ esse potest, quia necessarium est fateri, Deum dare omnibus hominibus adultis sufficiens auxilium ad salutem, cum sine fide nemo saluari possit. At verò hoc auxilium supernaturale ad credendum in re ipsa & actu, (ut sic dicam,) non omnibus datur; non enim ad omnes peruenit fidei prædicatio, vel vocatio, ut supponitur tamquam manifestum: ergo necesse est, ut detur, saltem in præparatione voluntatis Dei, seu quantum est ex parte ipsius: ergo ex parte eorum, quibus non datur in re ipsa aliquid, desideratur, propter cuius defectum non datur: ergo illud nihil esse potest, nisi obseruatio legis naturalis, seu bonum aliquod morale naturalis ordinis, quid enim aliud ante gratiam fidei in homine dari, vel cogitari potest, quod vel per se conferte, vel cuius defectus obstatere possit vocationi fidei? Quidquid enim aliud cogiteetur siue bonum ingenium, siue bona indoles; siue humana potentia, vel nobilitas, aut aliquid huiusmodi ad vocationem fidei, quæ animi probitatem & sanctitatem respicit, impertinens est, ut optime discurret Augustinus dicta q. 2. ad Simplician. circa finem. Sola ergo obseruantia legis naturalis desiderari potest in homine nondum vocato, ut vocetur ad fidem. Ergo simpliciter verum est seruanti legem naturalem Deum non denegare superius auxilium ad supernaturalem seruandam, quæ inchoari debet per vocationem ad fidem.

C **A**t verò naturalis lex seruari non potest per vires liberi arbitrij: ergo ut illa conditio impleatur, necessarium est, ut aliqua gratia præcedat quæ iuuuet ad seruandam legem naturalem: ergo optimè potest talem obseruationem, tamquam propter aliquale meritum dari vocatio ad fidem sine iniuria gratiæ, quia iam gratia præcedit, & ratione prioris seminis diuinis totum refertur in authorem prioris gratiæ, & sic receditur à reliquijs Pelagij, & omnia rectè conciliantur. Prima propositio subsumpta probatur ab authoribus huius opinionis ex illo principio, quod nullum opus bonum morale potest fieri sine gratia saltem congruæ cogitationis, de quo in lib. 1. copiosè diximus. Simpliciter verò probari potest, quia saltem ad seruandam totam legem naturalem non sufficiunt vires liberi arbitrij, sed necessaria est gratia Dei, ut ibidem ostendimus: ut autem homo seruet legem naturæ sicut oportet, ad obsequendam vocationem ad fidem, non satis est vnum, vel aliud bonum opus legis naturalis facere, sed necesse est totam legem seruare, nam *qui in uno offendit, est omnium reus*, & vnum peccatum mortale sufficit ad obstruendum ostium supernaturalis gratiæ Dei; ergo necesse est ut ante vocationem ad fidem supponatur alia gratia, quæ licet sit inferioris ordinis, det sufficientiam & potestatem ad seruandam totam legem naturalem, aliàs conditio impossibilis postularetur ab homine ad recipiendum auxilium proximè sufficiens ad fidem, sic enim lex & conditio esset inutilis. Et ita probatur

2. Huius assertionis fundamentum quod.

3. Lex naturalis an & quomodo seruari queat.

Consequenter prima.



Altera con-  
sequencia,

hara est prima consequentia. Secunda verò inde facile patet, quia opus factum ex gratia est aliquo modo meritum subsequens gratia. Potest ergo vocatio ad fidem cadere sub tale meritum, sine iniuria gratia, & sine cogitatione Semipelagiani erroris, qui fidei initium soli libero arbitrio, sine ulla gratia tribuebat.

4.

Hæc sententia quatenus ait, seruanti legem naturalem dari vocationem supernaturalem ad fidem, cum prima coincidit, & de illis iudicium feremus in cap. sequenti; quatenus verò difficultati respondet ex sola gratia præueniente cogitationis congruæ naturalis, & solum propter illum modum loquendi à Semipelagianis se satis discipulare putat, nobis difficillima visa est semper, vt lib. 2. dixi, nec nunc aliter de illa sentire possumus. Primò, quia cogitatio congrua

Cogitatio  
congrua an-  
tecedens vo-  
cationem ad  
fidem non  
habet ratio-  
nem gratia.

antecedens vocationem ad fidem non habet rationem gratia, nisi ratione congruitatis, quia in reliquis naturalis est, etiam iuxta illam sententiam, neque etiam in illo genere est auxilium sufficiens, sed efficax, non enim dicitur congrua, nisi quando effectum consequitur: ergo qui cogitationem illam congruam non recipiunt, non habent ullam gratiam præuiam, nec auxilium sufficiens, quo possint legem naturalem seruare, & se disponere vt vocationem ad fidem recipiant. Ergo illis simpliciter non datur nec offertur auxilium sufficiens ad salutem. Responderi potest, etiam cogitationem honestam naturalem, quæ futura non est congrua, esse gratiam & auxilium sufficiens ad legem naturæ seruandam; sed contrà, quia talis cogitatio est debita non solum speciei, sed etiam cuiusque individuo: imò & necessaria, vt proxima libertas bene, vel malè operandi compleatur; ergo non est auxilium gratia, sed ipsius naturæ.

5.

Dicunt hoc esse verum de minima cogitatione sufficienti, non verò de quacunque maiori minima, nam illa non est debita & consequenter est gratia: sed hoc etiam gratis ex cogitatum est, nam quòd sit intensior, vel nimis intensa cogitatio, non prouenit ex prouidentia extraordinaria, regulariter loquendo, sed ex communi cursu & actione causarum occurrentium, & interdum ex libera appellatione voluntatis, supposita prima excitatione qualicumque ab externo obiecto. Sed quidquid in hoc sit, aut eueniat, sumamus hominem, qui solum habuit minimam cogitationem honestam sufficientem, si enim est possibilis casus, non est cur in tanta hominum & occasionum varietate negetur. Nec video vnde probari posset, ita disposuisse Deum res omnes & causas vniuersi, vt ab eis omnes homines ad alti intentius, vel efficacius ad cogitationes honestas mouerentur, quam simpliciter necessarium sit, & sufficiat ad bonum opus morale. Posico ergo casu, quòd aliquis homo tantum exciteretur minima cogitatione ad seruandam legem naturalem, iam ille homo nullam habet gratiam præuenientem, seu excitantem ordinis naturalis, & consequenter nec supernaturalis: interrogo ergo de illo, an possit facere, quod in se est, vt vocetur ad fidem, vel non possit? Si non potest; ergo nullo modo habet auxilium sufficiens ad salutem: si autem potest; ergo sine præuia gratia potest se præparare ad vocationem, seu inspirationem fidei, & illam mereri, quod cōcedi non potest, etiamsi dicatur nunquam esse talem hominem vsurum tali potestate; hoc enim est per accidens, non ex defectu virium, sed quia ita supponitur à Deo præscitum in tali homine,

A quod accidentarium est, & posset oppositum contingere, vt statim dicam.

Secunda ratio principalis contra illam sententiam est, quia, vt dixi, cogitatio congrua non censetur habere rationem gratia propter vires, quas ad operandum præbet, sed propter solam congruitatem, nam alioqui merè naturalis est, & per ordinarias causas naturales prouenit: congruitas autem non consistit in virtute agendi, sed solum in hoc quòd secundum Dei præscientiam effectus infallibiliter futurus sit ex tali cogitatione: vnde authores eiusdem sententiæ fatentur congruitatem inducere operationis necessitatem consequentem, non antecedentem; ergo cogitatio congrua non est gratia, quæ det proprium auxilium & vires operandi, licet sit quoddam beneficium gratuitum, quoad congruitatem: ergo, in rigore loquendo, homo meretur primam supernaturalem gratiam, seu vocationem ad fidem, per vires naturales, non per vires gratia. Consequens autem non videtur villo modo concedendum, quia tunc re vera talis vocatio ad fidem esset ex operibus, & consequenter non esset gratia, iuxta Paulum Rom. 11. Prior sequela patet, quia illud meritum procedit ex cogitatione congrua, sed cogitatio congrua, vt est gratia non dat vires operandi; ergo illud meritum non procedit ex viribus gratia; ergo procedit ex viribus naturæ, & in illis fundatur. Posterior illatio probatur, quia illa dicuntur propriè opera iuxta mentem Pauli, quæ sunt ex viribus naturæ, & non ex viribus gratia: sed tale est illud meritum; ergo gratia quæ datur ex tali merito, est ex operibus, & consequenter non est gratia. Nec satis esse potest quòd ibi præcedat beneficium quasi extrinsecum Dei præparandi illas naturales vires, seu illam cogitationem tempore congruo, quia hoc non tollit, quin in re ipsa opus fiat propriis naturæ viribus, & vt tale est fundamentum, quia meritum non fundatur per se, & substantialiter, (vt sic dicam,) in beneficio extrinseco Dei præparantis occasionem opportunam operandi, sed in bonitate operis proportionata viribus, quibus efficitur.

D Diceretur fortasse cogitationem congruam tametsi naturalem, etiam dare vires operandi gratuitas, seu, vt est gratia, quia non solum ratione congruitatis est gratia, sed etiam, quia datur maior seu intensior, & in se aptior ad mouendam voluntatem, quam esset necessaria, iuxta illam doctrinam relatum in præcedenti ratione, quòd omnis cogitatio maior minima sufficiente est gratia. Sed huic euasioni duo maxime obstant, vnum est, quia inde sequitur illam gratiam, prout dat vires operandi, non esse necessariam ad posse, sed ad facilius posse mereri gratiam apud Deum, quod etiam non concedetur, quia non minus sapit Pelagianum errorem. Sequela probatur, quia illa cogitatio dicitur esse gratia dans vires operandi, quia est maior, quam sit necessaria: ergo minor est sufficiens; ergo minor dat posse; ergo altera maior non dat posse, sed tantum facilius posse ratione illius excessus. Item eo ipso, quòd talis excessus, seu talis intentio maior dicitur esse non necessaria, apertè concluditur solum esse vtilem, ac subinde non dare posse, sed facilius posse. Aliud est, quia voluntariè supponitur cogitationem congruam semper esse maiorem, vel meliorem, quam necessaria sit, nam si minor est sufficiens, contingere etiam potest vt sit congrua, nam excitatio sufficiens dat simpli-

6.

7.  
Euasio.

Obstat.

citer posse : qui autem verè & simpliciter potest, contingens est, vt interdum operetur ; cur ergo non potuit præuidere Deus, aliquem consensurum fuisse cum minori, vel minima cogitatione sufficiente : ergo hoc posito, quod proculdubio est contingens, minor cogitatio erit congrua : ergo non est de ratione cogitationis congruæ, vt sit maior, quàm necessaria sit, vel sufficiat ad consensum : gratis ergo supponitur quod semper sit maior.

8. Vnde oritur ratio alia meo iudicio efficax ad hominem ; nam iuxta discursum factum, apertè sequitur, cogitationem minimam sufficientem ad honestum consensum posse etiam esse congruam, & id esse merè contingens. Ponamus ergo aliquando id esse futurum, & esse præuisum à Deo. Tunc ergo facienti quod in se est, per talem cogitationem naturalem Deus dabit vocationem fidei ex merito talis actionis : ergo ex operibus, & nullo modo ex gratia. Probatur hæc vltima consequentia, quia illa cogitatio vt honesta, nec vt talis, vel tanta est gratia vt idem author concedit, quia est debita naturæ liberæ, nec etiam vt congrua, quia illa congruitas est consequens ex futura cooperatione liberi arbitrij, & Deus non poterat impedire illam secundum bonitatem suam, nec etiam poterat cogitationem illam negare secundum suam naturalem iustitiam, quia est debita tali naturæ. Ergo nulla ratio gratiæ ibi intercedit ; ergo tale meritum esse potest, & in eo casu esset ex pura natura.

9. Tertia principalis ratio contra illam sententiam est, quia admittit meritum initij fidei in nobis, quod nullo modo admittendum videtur, siue dicatur fundatum in natura, siue in gratia quadam ordinis naturalis ; siue dicatur esse meritum de condigno, siue de congruo, siue perfectum, siue imperfectum ; ergo. Maior videtur planè concedi, vel supponi in illa sententia, dicit enim eum, qui proximè non est vocatus ad fidem, vocari vel interius, vel etiam exterius ex merito obseruandi legem naturalem cum sola congrua cogitatione. Vocatio autem proxima ad fidem est initium fidei, vt ex Concil. Trident. & Arausicano in lib. 1. latè probaui. Nec dici potest quod cogitatio congrua naturalis ad faciendam elemosynam, vel ad aliquo modo naturali verum Deum vt auctorem naturæ colendum, sit vocatio ad fidem, vel initium fidei, quia initium fidei est aliquid per se pertinens ac necessarium ad ipsam fidem : quælibet autem alia cogitatio alterius moralis obiecti, seu operationis est valde extrinseca, & per accidens ad fidem. Vnde Augustinus lib. de prædest. Sanct. cap. 2. ad summum reducit initium fidei ad cogitationem credendorum, nam credere (inquit) est cum assertionem cogitare, quia nullus aut credere, aut velle credere potest, nisi prius cogitet esse credendum : potest autem cogitare de credendis, & non credere. Ante illam autem cogitationem aliud initium fidei non agnoscit, imò etiam maxime probat initium fidei non posse cadere sub meritum, quia illa cogitatio non potest sub meritum cadere. Vnde etiam facile probatur altera propositio in argumento subsumpta, tale scilicet meritum non esse admittendum, quia planè repugnat Augustino, & non consonat Concilio Tridentino cap. 5. sess. 6. dicenti, exordium salutis sumi à vocatione, qua multis præexistentibus meritis excitamur, &c. de qua gratia subdit cap. 7. fidem ex auditu concipientes, &c. & hoc ipsum

A multis testimoniis & rationibus in lib. 2. probauimus, & aliqua in sequenti capite addemus. Propter hæc ergo non videtur per illum dicendi modum conuenienter fieri satis difficultati propositæ, nec sufficienter vitari Semipelagianorum doctrina, præsertim cum illi nō negarent cogitationem honestam naturalem, nec congruitatem eius, & cum illa non transcendat rationem naturæ doctrinæ, magisque dici possit doctrina opportuna, quam gratia congrua, quæ omnia in lib. 2. latius prosequutus sum. Et ideo de hac sententia in præsentia hæc sufficiunt : quæ ad perfectam excommunicationem illius axiomatis, *facienti quod in se est*, necessaria visa fuerunt.

B

## CAPVT XV.

### *Proposita difficultati satisfi, & Axioma propositum in vero, & catholico sensu explicatur.*

Vltis aliorum opinionibus, superest vt nonnullis assertionibus nostram declaremus, & iuxta illam difficultati propositæ satisficiamus. Primò ergo dicimus negari non posse, quin Deus certa lege ac voluntate decreuerit dare omnibus hominibus lapsis propter Christum sufficiens auxilium, quo possint credere, & filij Dei fieri, & non peccare, sed legem diuinam seruare. Hæc assertio satis probatur ex dictis cap. 15. vbi ostendimus ita fieri, & hoc esse certum, & infallibile sine personarum distinctione ; ergo fundatur in lege Dei, vel firma voluntate, quantum est ex parte eius, quia non potest aliunde habere certitudinem, & infallibilitatem. Quodd autem hæc lex propter merita Christi statuta sit, manifestum est, quia totum hoc gratiæ auxilium sufficiens pertinet ad gratiam redemptionis ; ergo propter Christum datur, & ideo gratia Dei, gratia Christi in Scriptura & Concilio appellatur : ex quibus hæc assertio & lex non obsecrè colligitur. Hinc ergo rectè dicitur, legem hanc fuisse quasi pactum quoddam inter Christum Deum hominem & æternum Patrem.

D Nam Christus ex præscripto eiusdem Patris omnia sua merita obtulit ab initio Incarnationis suæ, pro salute omnium hominum ; ergo vt omnibus darentur auxilia sufficientia ad illam consequendam, ideo enim est vniuersalis Redemptor omnium, quoad sufficientiam : ergo Pater acceptando meritum, promisit Christo dare hominibus tale auxilium. Quod etiam potest antecedenter explicari : nam Deus Pater Christo promisit dare omnibus hominibus remissionem peccatorum, & veram iustitiam, quantum in se erat, si ipse pro eis satisfaceret, & iustitiam mereretur. At Christus & acceptauit constitutionem, & impleuit, & inde firmata est lex dandi omnibus hominibus auxilia sufficientia ad salutem, quæ in adultis debent esse auxilia actualia, & in ipsis recepta, vel in eorum manu, & potestate aliquo modo posita, vt supra probatum est, & ideo ibidem diximus, quodd licet considerato humanæ naturæ lapsu ante hoc pactum cum Christo, & sine illo potuisset Deus sine ulla infidelitate & iniustitia, non dare, nec offerre hominibus auxilium sufficiens ad salutem, quia peccatum naturæ erat tota illa pœna dignum, & ante præordinata & præuisa merita Christi, Deus nulli tale auxilium debebat, aut promiserat ; nihilominus

I.

Decreuit Deus certa lege dare omnibus hominibus lapsis sufficiens auxilium credendi, & filios Dei fieri.

Lex quasi pactum quoddam inter Deum hominem, & Patrem æternum.

2.

Credere iuxta Aug. quid.

hilominus stante merito Christi, & generali lege cum illo stabilita, non potest Deus ex se negare alicui adulto, tale auxilium aliquo modo sufficiens, aliàs & esset infidelis in suis promissis, & iniustus, non quidem respectu peccatoris, qui dum talis est, nullum habet ius in se acquisitum, (vt sic dicam,) sed respectu Christi, cuius est proprium tale ius, propter quod semper tale auxilium in principio est merè gratuitum respectu eius, cui datur, licet respectu Christi præmium meritum sit.

3.  
Lex dandi  
omnibus ho-  
minibus au-  
xilia suffi-  
cientia ad  
salutem,  
haud est ab-  
soluta

Deus non  
omnibus in-  
fidelibus dat  
in effectu  
vocationem  
ad fidem.

Rom. 10,  
Act. 14.  
Rom. 1.

D. Thom.

4.  
Conditio  
dandi auxi-  
lij ex vi pro-  
missionis,  
qualis sit.

D. Thom.

Axioma, fa-  
cient quod in  
se est, Deus nō  
denegat gra-  
tiam, expo-  
nitur.

Dico secundò. Hæc lex dandi omnibus hominibus auxilia sufficientia ad salutem, quo ad auxilia supernaturalia, seu proximam vocationem ad fidem per sufficientem eius propositionem externam, vel internam actu dandam omnibus & singulis viatoribus adultis, non fuit absoluta, includens scilicet absolutam promissionem, sed sub aliqua conditione. Hæc assertio communiter recepta est, præsertim ab auctoribus primæ & tertiæ sententiæ, & alios quos infra referam. Et per experientiam videtur evidens, quia quod Deus non omnibus confert, certè non omnibus absolute promissit, est enim fidelis & verax, & se ipsum negare non potest: at verò experimento constat Deum non omnibus infidelibus dare in effectu proximè vocationem ad fidem, quia ad multos externa prædicatio non pervenit, & internæ revelationis nullum est indicium; nec affirmari potest sine fundamento, quia, teste Paulo, ordinaria lex est, vt homines per externam prædicationem ad fidem vocentur: ideo enim interrogat ad Roman. 10. *Quomodo audiens sine prædicante*, & Actor. 14. & Roman. 1. Cum vult ostendere Deum non omnino defuisse Gentiles, nec reliquisse sine aliquo auxilio, non dicit interiùs se illis revelasse, sed per visibilia opera se illis manifestare, & per generalia beneficia omnes ad se attraxisse, & eodem modo loquuntur Patres statim referendi. Confirmatur, quia multi sunt infideles, quibus infidelitas ad culpam non imputatur, propter ignorantiam inuincibilem, vt est communis sententia Theologorum cum D. Thoma 2.2. quæst. 10. art. 1. ergo illi nec exterius, nec interiùs sunt vocati sufficienter ad fidem, quia si vocati essent, & non credidissent, iam eorum infidelitas esset culpabilis.

Tertiò dicendum est, hanc conditionem talem esse, vt non sit effectus auxilij dandi ex vi promissionis, sed aliquid aliud, quod sine illo auxilio fieri possit, & nisi fiat promissio, Deum non obligat. Hanc assertionem satis declarant Doctores allegati in prima opinione, & inter eos apertissime D. Thomas locis ibi allegatis. Dicunt verò aliqui D. Thomam retractasse illam doctrinam 1.2. quæst. 109. art. 6. ad 2. & quæst. 102. art. 3. vbi axioma illud, *facient quod in se est, Deus non denegat gratiam*, exponit de faciente quod in se est per auxilium gratiæ, & per motionem diuinam. Sed in primis ibi D. Thomas formaliter non retractat priorem doctrinam, sed axioma illud applicatum ad gratiam habitualement, de qua ibi tractat, dicit intelligendum esse de faciente quod in se est per auxilium gratiæ, quod est certissimum, quia ad gratiam habitualement nemo potest se præparare, nisi per auxilium gratiæ. Non docuit tamen ibi D. Thomas axioma illud intellectum de primo auxilio supernaturali gratiæ non posse habere verum sensum, nec etiam negavit conditionem in eo postulatam esse tunc implendam ante illud primum auxilium: non enim potest per aliud supernaturale auxilium impleri, cum supponitur illud esse primum, nec per illud ipsum impleri potest, cum debeat supponi impleta,

A vt illud detur, sicut indicant ipsa verba facient quod in se est. Imò etiam in alio sensu de gratia habituali, vera est hæc pars assertionis cum propositione seruata. Nam eo modo quo verum est facienti quod in se est, dari primam gratiam habitualement, illa conditio non impletur per ipsam primam gratiam habitualement, sed per aliam primam gratiam auxiliantem, vt in eisdem locis D. Thomas indicat, & infra ostendetur.

Uterius verò expendo celebrem locum D. Thomæ 1.2. quæst. 89. art. 6. vbi de puero proveniente ad usum rationis sine auditu fidei, dicit, si se ipsum ordinauerit ad debitum finem, per gratiam consequetur remissionem originalis peccati. Interrogo igitur, an loquatur de ordinatione in finem per conuersionem perfectam & supernaturalem voluntatis in Deum vt in vltimum finem, vel de conuersione aliqua honesta & naturali, siue in bonū rationis & honestum, vt Caietanus, Viçt. Medina & alij exposuerunt, siue in Deum explicitè & in particulari cognitum, vt Capreolus & alij interpretantur. Primum dici non potest, quia illa conuersio ad Deum supponit fidem, & in illo puero nondum supponitur fides, nec vocatio ad fidem, cuius signum est, quia licet tunc non conuertatur in Deum, siue in eo peccet, siue non, manebit infidelis tantum negatiue etiam ex eiusdem D. Thomæ sententia. Si autem secundum dicatur, interrogo rursus, an sensus sit ex vi illius ordinationis ad debitum finem statim & immediatè infundi gratiam habitualement, & remitti peccatum sine alia meliori dispositione, vel statim dari tali puero auxilium supernaturale, & vocationem ad fidem, qua possit se sufficienter ad gratiam iustificantem præparare. Primum non potest attribui D. Thomæ, continet enim magnum errorem, quem ipse refutat in aliis locis allegatis eiusdem 1.2. ergo oportet secundum amplecti: ergo ex sententia D. Thomæ illi puero facienti quod in se est ante vocationem ad fidem, datur auxilium supernaturale actualis gratiæ.

Quocirca in hoc loco explicando multum laborant Thomistæ: nam pro certo habent D. Thomam loqui de aliqua conuersione hominis ad vltimum finem, quæ antecedit vocationem internam ad fidem: estque evidens ex ipso discursu D. Thomæ. Præmitte enim primum quod tunc, id est, in principio vsus rationis homini cogitandum occurrit esse de libertate, de seipso, vbi non de cogitatione fidei, sed de naturali loquitur, & Caietanus diligenter interpretatur, idque conatur ex ipsa naturæ inclinatione & propinquitate ad se ipsum deducere. Nam sic de cogitatione fidei D. Thomas loqueretur, & gratis ac sine villo fundamento id supponeret, & contra hypothesim procederet: nam tractabat de puero nec exterius, nec interiùs vocato ad fidem. Loquitur ergo de naturali cogitatione & consequenter de ordinatione ad finem, per naturalem actum voluntatis: nam conuersio supernaturalis voluntatis supponit supernaturalem cogitationem in intellectu, vt idem D. Thomas de eadem re tractans docuit lib. 3. contra gent. cap. 145. ratio. 5. Hinc ergo difficilis valde redditur conditionalis propositio, quam statim Diuus Thomas subiungit, *si se ipsum ordinauerit ad debitum finem, per gratiam consequetur remissionem originalis peccati*; qua difficultate pressi Thomistæ fatentur, necessarium esse, vt inrer illam debitam ordinationem ad finem, & infusionem gratiæ habitualis intercedat alia conuersio ex auxilio supernaturali gratiæ & fidei.

5.  
Expenditur  
locus D. Tb.  
1.2. q. 89.  
art. 6.

6.

D. Thom.

Quidam



7. Quidam verò illorum dicunt, auxilium hoc supernaturale ad hanc secundam conuersionem non dari infallibiliter habenti priorem bonam ordinationem, sed piè credi, frequenter ac sæpius dari ex diuina liberalitate, & arbitrio. Indicat Bannes 2.2. qu. 20. art. 1. dub. 2. ad 4. Sed responsio euacuat discursum D. Thomæ, quasi puero habenti primam bonam deliberationem naturalem, non semper & infallibiliter daretur vocatio ad fidem, possent multi habere illam primam deliberationem naturalem, & sic implere præceptum naturale conuertendi se ad Deum, & manere in solo peccato originali, & postea peccare prius venialiter, quàm mortaliter, contra id quod D. Thomas conabatur ostendere. Et præterea vel repugnat diuinæ prouisioni, quòd multis tunc negetur auxilium gratiæ, licet faciant quod in se est; vel gratis dicitur, quòd multis, & frequentius detur; non enim satis est dicere, quod piè creditur, si absque fundamento creditur; ergo idem est de omnibus credendum. Et ita tandem fatetur Medina ibi; addit verò, quòd non statim inspirabitur fides sic facienti quod in se est, sed post aliquod tempus à Deo dispositum. In quo etiam Deus non permittit hominem illum prius peccare venialiter, quàm mortaliter. Vtrumque autem est voluntariè dictum, & præter intentionem D. Thomæ: si enim tandem recurrendum esset ad illam prouidentiam Dei, superuacaneus fuisset labor reddendi rationem ex illo præcepto concurrendi se ad Deum ut homo peccet venialiter donec de ultimo fine aliquo modo deliberet.

8. Alij ergo tandem fatentur Deum infallibiliter inspirare fidem illi puero statim ac rectè deliberat ordinando in debitum finem naturalem: addunt verò illum non implere illam conditionem per vires naturæ: sed per auxilium supernaturale gratiæ. Dicunt enim puerum illum in eo momento mortali quo peruenit ad vsum rationis simul, aut intra breuissimum spatium, duplicem illustrationem, & internam motionem supernaturalem à Deo recipere, vnam qua excitat mentem illius pueri ad cognoscendum Deum naturali cognitione, & conuertendum se ad illum affectu naturali perfecto in suo genere quoad hoc, ut se, & sua in illum finem referat. quod si huic motioni diuinæ puer consentiat, statim in eodem momento, & paulo post datur ei alia inspiratio supernaturalis, qua possit credere in Deum actu supernaturali fidei infusæ, & conuerti in ipsum vero actu charitatis, cui inspirationi si obediat, statim iustificatur. Ratio prioris auxilij est, quia homo tenetur præcepto naturali conuerti se in Deum ut finem naturalem; ergo ad prouidentiam Dei spectat in eo tempore, & occasione dare illi auxilium sufficiens ad implendum illud præceptum, quia in statu naturæ lapsæ, non potest homo illud implere per facultatem naturæ, & conuertendo se in Deum, & proponendo absolute placere illi in omnibus; ergo dat Deus tunc illud primum auxilium. Ratio autem alterius partis est, quia si homo cooperetur, ut debet, cum illo primo auxilio, iam facit quod in se est, non per solam facultatem naturæ, sed per auxilium supernaturale; ergo Deus illi non denegat nouum auxilium, quo iustificari possit si velit; cui sententia videtur fauere D. Thomas ad Rom. 13. sect. 10. ubi ait eos qui non audierunt Euangelium, excusari posse à peccato infidelitatis per ignorantiam inuincibilem, iuxta ver-

bum Christi Ioan. 17. *Si non venissem, & loquutus eis fuisset, peccatum non haberent. & subiungit. Si qui tamen eorum fecissent quod in se est, Dominus eis secundum suam misericordiam prouidisset, mittendo eis Prædicatores fidei sicut Petrum Cornelio, Act. 10. & Paulum Macedonibus, Act. 16. & continuo addit, sed tamen hoc ipsum quod aliqui faciunt, quod in se est, conuertendo se, scilicet ad Deum, ex Deo est mouente corda ipsorum ad bonum, iuxta id Threnor. 3. *Conuerte nos Domine, & conuersemur.**

Verumtamen qui sic exponunt se ipsa incidunt in sententiam, quam toto conatu reprobant verbis paululum mutatis, quæ in proprietate sumpta, aut vera non sunt, aut sententiam non variant, nec distinguunt. Explico singula. nam in primis iuxta illam interpretationem, iam conceditur esse verum illud axioma, *facienti quod in se est, Deus non denegat gratiam*, intellectum de prima gratia proximè auxiliante ad fidem, id est, de prima inspiratione fidei infusæ, & cum dicant infallibiliter dari hanc gratiam facienti quod in se est, necesse est, ut admittant certam legem, & promissionem Dei, quia non potest esse aliunde consecutio infallibilis. Rursus solum requiritur, ut homo faciat quod in se est, in obseruatione præcepti naturalis, per actum vtiq; moraliter bonum, & merè naturalem præcipi potest, & de facto præcipitur pro illo instanti vsus rationis, ut ipsi supponunt, de quo nunc non concedimus. Deinde consequenter loquendo fateri cogentur de tali homine, & tali actu omnia, quæ ipsi contra Molinam obiciunt, nimirum Deum ad inspirandum fidem tali homini, expectare bonum motum naturalem voluntatis eius, & consequenter non dare illis gratis inspirationem fidei, sed merito prioris voluntatis, itemque ex parte hominis posse dari causam, cur huic inspiret fidem, & non illi, scilicet, quia hic conuersus fuit in Deum naturali conuersione, & non ille: solumque videntur hæc omnia excusari in illa sententia, quia illa conuersio licet in se sit naturalis, dicitur fieri per motionem præuiam supernaturalem.

Quod autem hoc non excuset, probatur primò, quia hoc præuium auxilium non est per se requisitum ad actum, nec reddit illum meliorem, quàm ex natura sua sit: solum enim potest illud auxilium necessarium reputari propter fomitis repugnantiam, & alia impedimenta naturæ lapsæ: necessitas autem talis auxilij nihil refert ad meritum illius actus, vel ut sit dispositio, aut præparatio ad supernaturale auxilium fidei, quod optime declaratur in puero perueniente ad vsum rationis in natura integra, nam si fingamus permansisse homines in statu integræ naturæ, nascerentur infantes, sicut modo & paulatim crescerent, & ad vsum rationis peruenirent. Ille ergo puer per vires naturales sine speciali auxilio posset in primo tempore vsus rationis conuertere se in Deum finem naturæ, & implere legem naturalem, tunc obligantem, ut supponitur; ergo illi sic facienti quod in se est, inspiraretur fides; ergo in illo statu posset homo mereri fidem, & ita nunc non esset gratuitum donum Dei. Probatur consequentia, quia tunc ille puer non minus bene operaretur per vires naturales, quàm nunc dicatur operari per illud auxilium: ergo si iste meretur aliquo modo vocationem proximam ad fidem, etiam ille eandem suis viribus meretur, quia si actus non est melior, parum refert quod per tale auxilium vel sine illo fiat, vel è contrario si in natura integra non

& Medina.

Deum infallibiliter inspirare fidem puero statim ac rectè deliberat.

Confirmatio ratione.

9.

10.

non potest concedi tale meritum per actum naturalem, & iam nunc non est admittendum ratione illius auxilij, quod propter vincenda tantum impedimenta datur: vel denique si in utroque casu admittatur illa propositio, facienti quod in se est, sine merito, vel propria dispositione ad fidem, euacuantur omnes obiectiones cap. 13. propositæ contra comunem doctrinam.

**11.**  
**Obiectio.** Secundo obiectio, quia si sine sufficiente fundamento asseritur, dari tale auxilium supernaturale ante inspirationem fidei, nam in primis, quod supponitur de præcepto naturali dilectionis Dei super omnia obligante pro illo primo instanti vsus rationis, non solum incertum est, sed etiam communiter non recipitur etiam ab ipsis Thomistis, qui licet admittant præceptum, satis impleri dicunt deliberando de honesta vita, seu de loquendo bono rationis, & proponendo secundum rationem vivere, proposito elicto viribus naturæ eo modo, quo potuerit fieri, siue absolutum sit, siue conditionatum, id est, quantum in se fuerit quod sine speciali auxilio gratiæ fieri potest. Vnde D. Thomas in 1. 2. in corpore art. 6. quæst. 89. solum dixit obligare tunc naturale præceptum ordinandi seipsum ad debitum finem, quod Caietanus exponit satis impleri collocando finem suum in beatitudine imperfectæ & inchoatiue apprehendendo bonum confusè, pro ut erat illa consuevit. quia cogitatio quæ nunc excutit primò, non est de Deo, sed deliberandi de seipso, ut D. Thomas voluit, quæ cogitatio naturalis est, & naturali modo occurrit, ut Caietanus exposuit, & propositum voluntatis de illo obiecto confuso, & cum dicta limitatione haberi potest per naturales vires: unde nullum fundamentum relinquitur ad ponendum tunc illud præuium auxilium supernaturale, & multo minus ad asserendum dari infallibiliter omnibus. Vbi est enim lex, vel promissio absoluta talis auxilij, nam sine illo potest non peccari mortaliter in illo primo tempore vsus rationis, ut declaratum est, & hoc est satis ad prouidentiam Dei.

**12.**  
**Auxiliu quo sensu dicitur supernaturale.** Vtteriùs verò esto detur illud auxilium; interrogo quo sensu dicatur supernaturale: nam ex parte obiecti, quod tunc occurrit ad deliberandum de illo, non est supernaturale, ut supponitur, quia tale auxilium est ante reuelationem fidei, & ideo cum tota illa cogitatione & omissione debitæ conuersionis manet infidelitas negativa, ut auctores illius sententiæ fatentur. Deinde non est auxilium illud supernaturale ex parte actus, propter quem datur, quia ille etiam actus naturalis est, & non indiget aliquo principio supernaturali: ergo solum potest supernaturale vocari, quia est gratuitum, & naturæ non debitum, in se tamen naturale quod est, solumque per maiorem excitationem intellectus, intra ordinem cognitionis naturalis, vel aliquem similem affectum dari potest, iuxta dicta lib. 1. cap. 1. At verò hoc satis non est, ut tale auxilium sit principium meriti de congruo, aut dispositionis ad primam gratiam primi auxilij supernaturalis, ut prior discursus ostendit, quod dici non potest, ut statim latius dicam. Ergo ex eo quod tale auxilium præcedat ad faciendum quod in se est, non vitantur incommoda obiecta contra primam sententiam; vel si in illo casu sine illis incommodis & sine merito illo, vel propria dispositione datur inspiratio fidei facienti quod in se est, seruando legem naturæ co-

**A** modo, quo potuerit per vires rationis, cum communi Dei influenza sine vilo fundamento meriti, vel dispositionis propriæ. Concludimus ergo conditionem inclusam in illa promissione facienti quod in se est, implendam esse ab homine sine auxilio propriè supernaturali in suo esse & ordine, quod tunc nobis satis est, siue iuandus sit homo per auxilium ordinis naturalis, siue non, quod statim amplius expendemus.

Quartò addo conditionis complementum non esse necessarium ut Deus det homini primam auxiliantem gratiam supernaturalem. Probatur, quia Deus interdum & sæpius dat illam transgredientibus legem naturalem & magnis peccatoribus: si enim, *enims vult, miseretur, & quem vult, indurat*, Rom. 9. eodemque modo dicit per Isaiam cap. 65. *Inuentus sum à non querentibus me*, &c. Et hac ratione illa conditio, facienti quod in se est, non solum non erit meritum, vel dispositio, ut statim dicam, sed nec dici poterit conditio necessaria ad obtinendam talem gratiam, seu conditio sine qua non obtineretur, quandoquidem siue illa multis & frequentissimè datur, ut late probat Augustinus lib. 1. contra duas epist. Pelagian. cap. 19. & lib. de Gratiâ & lib. arbitr. cap. 6. expendens hanc hanc Dei gratiam in vocatione Pauli, eandemque in se ipso recognoscit lib. 4. 5. & 7. Confession. per multa capita. Ratio verò est, cum quia hoc modo liberalitas diuinæ gratiæ maxime ostenditur, quam suis operibus Deus manifestare voluit, iuxta illud Rom. 9. *ut ostenderet diuitias gloriæ suæ in vasa misericordiæ*, & illud ad Ephes. 1. *in laudem gloriæ gratiæ suæ, in qua gratificauit nos in dilecto filio suo*. Tum etiam, quia in hoc maxime omnipotentiam suam manifestat, quod voluntatem hominis quantumuis rebellem & auersam quando voluerit, & ubi voluerit, potest ad se conuertere, ut Augustinus dixit in Enchirid. cap. 100.

**D** Ut ergo Deus gratiæ suæ auxilium alicui conferat, non est necessaria conditio, ut homo ipse prius sua libertate bene vtatur. Potuit tamen esse conditio illa necessaria, ut Deus teneatur talem gratiam dare ex vi legis, seu promissionis & pacti cum Christo transacti, quia non est factum, nisi sub tali conditione, ut ostensum est; ergo sicut illa non impleta non obligat, ita si impleatur, obligat, non homini facienti, quod in se est, sed Christo: & ideo fortasse non sine causa dictum non est in illo axiomate *facienti quod in se est*, Deus dat gratiam, ne fortè putaretur etiam posse conuerti dicendo, non facienti quod in se est, Deum non dare gratiam, quod omnino falsum est, sed tantum dictum est, Deum non denegare gratiam facienti quod in se est, quia iustissimè potest denegare illam non facienti quod debet, & sæpius id facit, & è conuerso misericorditer eam donat facienti quod in se est, & infallibiliter propter Christum, & respectu eius etiam iuste.

Quartò dicendum est, ante fidem, etiam si faciat homo, quod in se est, obseruando legem naturæ, non mereri vilo modo, vel de condigno, vel de congruo vocationem ad fidem, neque se disponere posituè ad recipiendum primum supernaturale auxilium, seu vocationem ad fidem. Ut distinctè probetur assertio, aduertendum ante proximam

**13.**  
Non est necesse ut Deus det homini primam auxiliantem gratiam supernaturalem. Rom. 9. Isai. 65.

August.

Rom. 9.

**14.**

Nec enim necesse ut homo prius bene vtatur sua libertate.

**15.**

Ante fidem homo non mereri vilo modo vocationem ad fidem.

proximam vocationem ad fidem, posse hominem facere quod in se est, duobus modis, scilicet vel per solas vires liberi arbitrij, vel per aliquam præuiam gratiam ordinis naturalis: ideoque utroque modo sigillatim probanda est assertio. Et de primo quidem supponimus, cum dicitur homo facere quod in se est per solas vires liberi arbitrij, non excludi generalem concursum, & providentia Dei debitam causis secundis secundum communem cursum & legem naturæ; sine hac enim nihil potest homo operari. Excluditur ergo omne speciale gratiæ auxilium siue naturalis ordinis sit, siue supernaturalis. In quo sensu efficaciter probatur assertio argumentis factis in cap. 13. quia sententia Massiliensium non alia ratione reprobata est, nisi quia ex parte solius liberi arbitrij, ponebat aliquod meritum primæ gratiæ. Nec oportet distinguere de merito condigni, vel congrui, quia illi, ut vidimus lib. 1. de merito imperfectissimo loquebantur, & interdum etiam nomen meriti non admitterebant, quia verò dicebant gratiam non liberalissimè dari, sed per modum retributionis, intuitu humani operis, eorum sententia reiecta est.

16.  
Verificatur  
assertio.

Et propterea non solum sub nomine meriti, sed etiam sub ratione propriæ & moralis dispositionis illa pars assertionis certissima est, tum quia vix potest à ratione propriæ dispositionis aliqua ratio meriti separari, tum etiam, quia moralis dispositio est magna ratio inducendi formam ad quam est dispositio, & quandam rationem debiti secum affert, atque ita gratiæ rationem dimittit, aut certè destruit: nam quod per proprias dispositiones obtinetur, per opus proprium comparatur. Vnde si opus ipsum non sit gratia, seu ex gratia, quod sic comparatur absolutè est ex operibus, & sic tollit rationem gratiæ. Nec enim vitatur sententia Semipelagiana, dicendo, non omnibus dari gratiam propter similem dispositionem, quia nec ipsi Massilienses hoc dicebant, ut supra etiam vidimus. Neque permitti potest, ut vel in vno tantum homine ratio gratiæ destruat, ut destrueretur, dicendo aliquem saluari & non ex gratia, seu (quod idem est,) suis operibus inchoando salutem suam, merendo, aut se disponendo suis viribus ad primam gratiam.

17.  
Confirmatur.  
2. Cor. 2.  
1. Ioh. 15.

Potestque hæc pars confirmari ex illis fidei principiis, *Quid habes quod non accepisti*, 2. Corinth. 4. *Sine me nihil potestis facere*, Ioan. 15. Hæc enim & similia intelliguntur de operibus conferentibus ad æternam salutem: omne autem meritum & moralis dispositio ad gratiam multum ad salutem confert: ergo non est ex viribus liberi arbitrij sine Christi gratia. Item ex illo ad Philipp. 1. *qui capis in vobis opus bonum, ipse perficit*, non ergo incipit homo suam salutem operari, sed Deus, de quo propterea etiam dicitur operari in nobis velle, & perficere pro bona voluntate, ad Philipp. 2. & dare sufficientiam præcogitandi, 1. Corinth. 3. Si autem homo suis viribus aliquo modo mereretur, vel se disponderet ad primum gratiæ supernaturalis auxilium, inchoaret suam salutem, sicut inchoat generationem ignis, qui primam dispositionem ad illam inducere incipit; ergo in negotio salutis & supernaturalis iustitiæ non potest tribui soli libero arbitrio.

18.  
Probatur ratione.

Ratio verò huius partis ab aliquibus redditur, quia homo nullum bonum morale facere

*Fr. Suarez de Gratia Pars II.*

A potest solis liberi arbitrij viribus: meritum autem, vel dispositio positiva ad gratiā, non potest esse nisi actus moralis bonus, ut per se notum est: ergo. Hæc verò ratio falsum assumit, ut ex dictis in lib. 2. constat. Ratio ergo propria est, quam attigit D. Thomas 3. contra gent. cap. 149. ratione 4. meritum debet esse proportionatum præmio, seu retributio, sed actus, quos homo per facultatem naturalem producit, non habent proportionem cum gratia, vel auxilio, quod facultatem naturæ excedit. Ergo non possunt illud mereri. Quæ ratio etiam de dispositione fieri potest, quia etiam dispositio esse debet proportionata formæ. Illam tamen magis quoad dispositionem declarat idem Doctor sanctus ibidem ration. 2. *Nam agens instrumentale* (inquit) *non disponit ad perfectionem inducendam à principali agente, nisi secundum quod agit: ex virtute principalis agentis, sed anima nostra operatur sub Deo, si ut agens instrumentale sub principali agente; ergo non potest anima se preparare ad suscipiendum effectum diuini auxilij, nisi secundum quod agit ex virtute diuina. Præuenitur igitur homo diuino auxilio ad bene operandum, magis quam ipse diuinum auxilium præueniat, quasi merendo illud, vel se preparando ad illud.* Hæc ferè D. Thomas, in quibus aduerto subsumptam illam propositionem, quod anima nostra operatur sub Deo, sicut agens instrumentale sub principali agente, cum maiori proprietate verum habet in operibus gratiæ, & in lib...

Sed refellitur.  
Propria ratio ex 3.  
Thom.

B tractauimus, & ideo in hoc sensu videtur in illo discursu sumenda, ut efficacius ratio concludat, non posse hominem se preparare ad aliquod auxilium gratiæ supernaturalis, nisi tanquam instrumentum Dei moueatur per aliud prius supernaturale auxilium, & ideo perueniendum esse ad aliquod primum, ad quod homo preparari non possit. Alioquin si de fide sola sub ordinatione causæ secundæ ad primam sermo esset, & solum diceretur anima nostra instrumentaliter agere sub Deo, generali & improprio modo quo causa secunda principalis dicitur comparari ad primam sicut instrumentalis. Sic tantum illa ratione concluderetur, non posse hominem se disponere suis viribus ad primum gratiæ auxilium, sine concursu generali Dei, quod non satis esset ad probandam assertionem, ut constat; cum maiori ergo proprietate intelligi debet, & ita optimus est discursus.

C Probanda superest eadem assertio de homine faciente quod in se est, per auxilium gratiæ ordinis naturalis, iuxta distinctionem gratiæ excitantis positam in superiori lib. cap. 7. Clarum enim est hominem de quo loquimur, non posse facere quod in se est per auxilium gratiæ supernaturalis ordinis, quia loquimur de homine priusquam interius vocetur ad fidem, ante quam vocationem nullum auxilium supernaturalis ordinis internum homo recipit, ut per se clarum est, & in superioribus ostensum est; ideoque non potest tunc facere, quod in se est per auxilium supernaturale, quia debet supponi cum tali auxilio, quia causa efficiens supponitur effectui, & tunc necessariò habebit tale auxilium sine merito, vel dispositione propria, quæ est assertio, quam probare intendimus. Loquimur ergo in assertione de auxilio naturalis ordinis, & priusquam auctoritate illam probemus, possumus in hunc modum illam ratione ostendere & explicare. nam duobus

D tractauimus, & ideo in hoc sensu videtur in illo discursu sumenda, ut efficacius ratio concludat, non posse hominem se preparare ad aliquod auxilium gratiæ supernaturalis, nisi tanquam instrumentum Dei moueatur per aliud prius supernaturale auxilium, & ideo perueniendum esse ad aliquod primum, ad quod homo preparari non possit. Alioquin si de fide sola sub ordinatione causæ secundæ ad primam sermo esset, & solum diceretur anima nostra instrumentaliter agere sub Deo, generali & improprio modo quo causa secunda principalis dicitur comparari ad primam sicut instrumentalis. Sic tantum illa ratione concluderetur, non posse hominem se disponere suis viribus ad primum gratiæ auxilium, sine concursu generali Dei, quod non satis esset ad probandam assertionem, ut constat; cum maiori ergo proprietate intelligi debet, & ita optimus est discursus.

E Probanda superest eadem assertio de homine faciente quod in se est, per auxilium gratiæ ordinis naturalis, iuxta distinctionem gratiæ excitantis positam in superiori lib. cap. 7. Clarum enim est hominem de quo loquimur, non posse facere quod in se est per auxilium gratiæ supernaturalis ordinis, quia loquimur de homine priusquam interius vocetur ad fidem, ante quam vocationem nullum auxilium supernaturalis ordinis internum homo recipit, ut per se clarum est, & in superioribus ostensum est; ideoque non potest tunc facere, quod in se est per auxilium supernaturale, quia debet supponi cum tali auxilio, quia causa efficiens supponitur effectui, & tunc necessariò habebit tale auxilium sine merito, vel dispositione propria, quæ est assertio, quam probare intendimus. Loquimur ergo in assertione de auxilio naturalis ordinis, & priusquam auctoritate illam probemus, possumus in hunc modum illam ratione ostendere & explicare. nam duobus

19.  
Assertio de homine faciente quod in se est per auxilium gratiæ ordinis naturalis.

Bb bus



bus modis excogitatum est hoc auxilium naturale, per quod fiat tale meritum, vel dispositio. Primum ut illud auxilium nihil aliud sit, quam naturalis cogitatio, quæ congrua sit ad bene operandum, etiam si per solas naturales causas & vires naturales hominis producat, Deo nihil specialiter operante vel in causis externis tali, vel tali modo applicandis, vel aliquid speciale interius operando, vel solum habeat illa cogitatio rationem gratiæ, quia facit peculiare Dei beneficium per suam generalem providentiam, ita disponere causas universi, ut talem cogitationem in homine excitarent. At verò contra hunc sensum procedunt omnia, quibus cap. 14. in lib. 2. ostendimus, si in hac sola cogitatione fundetur meritum primæ vocationis proximæ ad fidem, non recedi re ipsa à sententia Cassiani & Fausti solum per hoc quod cogitatio illa gratia nominetur, quia illa est gratia solo titulo, quia non transcendit rationem doctrinæ, & in eo gradu non spectat ad doctrinam revelantem, sed naturalem, atque ita est minor gratia, quam illa quam Pelagius admittebat.

20.

Modus proprii auxilij gratiæ ordinis naturalis.

Venit ad alium modum quo potest conclusio intelligi de proprio auxilio gratiæ ordinis naturalis, pro ut addit aliquid internæ excitationi, ex peculiari effectione & providentia Dei, quem modum insinuant auctores, qui dicunt puerum venientem ad usum rationis, si faciat quod in se est, per motionem antecedentem ad vocationem fidei, statim infallibiliter illam vocationem obtinere. nam licet vocent illam motionem supernaturalem, re vera non potest esse ordinis, seu entitatis supernaturalis, cum ante auditum fidei internum, & externum antecedit: solum ergo potest esse supernaturalis quo ad modum lib. 1. superiori c. 7. explicatum. quidquid enim sit, an alio modo, vel titulo illi sic operanti detur initium fidei, quod postea videbimus. Dico non posse id esse per modum meriti, aut dispositionis moralis & proportionatæ, nam ad hoc dicimus in assertione non sufficere auxilium naturalis ordinis, quod probatur primò rationibus supra adductis ex D. Thoma, quia actus moralis ordinis naturalis etiam si fiat auxilio gratiæ, semper est improporionatus toti ordini supernaturalis gratiæ; ergo nec moralis dispositio positiua, nec meritum eius esse potest. Item, quia licet anima nostra moueatur à Deo per specialem excitationem ordinis naturalis, nihilominus ut sic mota non agit instrumentaliter sub Deo ut auctore supernaturalis gratiæ, imò supposita illa excitatione & morali adiutorio, eius voluntas naturali modo operetur actum moralem naturalem, ac verè acquisitum, & per illum efficit habitum acquisitum, ad quem tantum ex vi illius motionis se disponit: ergo ex vi illius non meretur, nec preparatur anima ad recipiendum auxilium supernaturalis ordinis, donec aliquo auxilio eiusdem ordinis moueatur, & ita operetur instrumentaliter sub Deo, ut per se ac propriè supernaturaliter ac principaliter operante.

21.

Declaratur.

Præterea declaratur vtrique ratio, quia opus morale factum ab aliquo ex sola gratia naturalis ordinis, de se non est melius vel physice, vel moraliter, quam similis factus ab alio per ordinarium concursum causarum, sicut habitus per accidens infusus, non est melior de se,

A quam acquisitus, nec visus congenitus, quam miraculose restitutus: ut, v. g. fieri potest, ut cogitatio de Deo comparata à Philosopho, seu naturali discursu cum solo generali concursu Dei, & data rustico gentili per speciale auxilium naturale Dei sint æquales, & consequenter, quod bonus aliquis motus voluntatis in utroque excitatus, vel liberè factus sit æqualis, & in aliis actibus minus perfectis res clara videtur. tunc ergo sit argumentum, nam actus factus ex communi cursu causarum per vires arbitrij, non est sufficiens, ad quaecunque meritum supernaturalis vocationis; ergo nec similis actus factus cum auxilio naturalis ordinis. Probatur consequentia, quia sola relatio, seu emanatio à tali auxilio non reddit actum moraliter meliorem, aut digniorem; ergo nec magis aptum ad tale meritum.

Vnde fit vniuersalis ratio, quia omnes isti actus boni ordinis naturalis absolute spectati, absistendo ab hoc, vel illo modo quo fieri possunt, tales sunt, ut per se loquendo possint fieri per solas vires arbitrij; ergo de se sunt improporionati ad tale meritum, nisi aliquo modo ad supernaturalem modum subleuentur; ergo quocunque modo fiant, ita ut in illo inferiori ordine maneant, non sunt vilo modo meritorij supernaturalis gratiæ. Patet consequentia, quia non euadunt meliores, etiam si per tale auxilium fiant, & declaratur optimè, quia homo in statu naturæ integræ, potuit fide speciali auxilio gratiæ habere dilectionem Dei naturalem, tam perfectam, quam nunc possit homo per hoc auxilium ordinis naturalis, & nihilominus non potuit mereri fidem, vel initium eius per illum amorem, imò nec Angelus id potuit: ergo nec homo lapsus id potest, etiam si per speciale adiutorium similem Dei amorem eliciat. Quocirca rationes omnes, quæ probant nos non posse per bonum opus morale viribus liberi arbitrij factum vilo modo mereri auxilium gratiæ supernaturalis, aequè procedunt, siue illud opus sit factum ex aliquo auxilio ordinis naturalis, siue cum solo generali concursu vniuersalis providentiæ, in quantum, quia tale opus respectu supernaturalis ordinis est quasi nihil, & quasi ex se solum placet in ordine ad finem, vel præmium naturale, &c. Hæc enim & similia aequè procedunt, siue naturale opus fiat viribus propriis, siue cum adiutorio Dei ordinis naturalis, cum quo opus in se non sit melius, nam tunc tale adiutorium valde extrinsecum est, & quodam modo plus agere videtur qui cum minori adiutorio aequaliter operatur.

Ultra has verò rationes, assertio quocunque sensu intellecta, id est, de homine faciente quod in se est, siue per vires solas liberi arbitrij, siue per beneficium cognitionis congruæ, siue per specialem excitationem ordinis naturalis, probanda à nobis est ex quodam supernaturali principio, quod initium fidei non cadit sub meritum, quo maxime Augustinus & alij Patres Massilienses expugnant: ex illo autem rectè concluditur, nullum opus bonum morale, seu ordinis naturæ quomodocunque factum est; nunc autem probandum est latius.

22.

Vniuersalis ratio.

23.

Probatur assertio.

& in primis docet illud D. Thomas 2.2. q. 10. art. 4. ad 5. ubi de Cornelio dicit, cum placuit Deo suis orationibus & elemosinis non fuisse infidelium, aliqui, ait, eum operari non fuisse Deo accepta. quia sine fide nemo ei placet: unde egregie dixit Ambrosius lib. 6. in Lucam 9. & respondens Iesu: Adfectoria tunc habet meritum si fide procedente conferantur, & lib. 7. ad illud cap. 11. Veruntamen quod si superest dase elemosinam: Opera (inquit) sine fide vana sunt. Præterea probatur ex Augustino lib. de prædilat. Sancti. ubi ad cap. 2. ad infidelios Semipelagianos reuocat initium salutis ad sanctam cogitationem, & ante illam ostendit nihil in homine inueniri, quod initiu fidei, vel iustitiæ esse possit. Declinat autem illum esse sanctam cogitationem quæ ad religionem vtiq; Christianam & pietatem pertinet. Deinde in cap. 3. retrahit quod alibi dixerat, initium fidei esse posse ex nobis, quod non esset simpliciter retractandum, sed explicandum si homo aliquæ ratione posset vocari conuenit ad fidem meriti. Item cap. 7. nulla opera posse esse meritum, vel impetrationem fidei, quia vt opera habeant vim aliquam merendi, vel impetrandi, debeant ex fide procedere, iuxta illud ad Ephes. 2. Gratia estis saluati per fidem, & hac non ex vobis; donum enim Dei est, ne quis gloriatur. Fides ergo præcedit, ait Augustinus, vt pericula cætera impetrentur, ideoque non probant vulgarem loquendi modum, ille ad fidem tractus est, vel credere meruit, quia vi probus erat, sed potius vt bonus fuerit, ad fidem vocatus est, & ideo de Cornelio autem fuisse fidelem cum per opera sua impetraret aduentum Petri, quod in Christi fide videretur instrueretur Ad. 10. & idem habet Epist. 57. q. 2. de quo latè dixi lib. 1. cap. 4. Præterea cap. 15. eiusdem libri de prædilat. in hoc æquiparat initium gratiæ per vocationem ad fidem cum incarnatione, quod sicut in humanitate assumpta nihil potuit præcedere, quo aliquo modo mereretur vocationem, ita in nomine nihil potest præcedere quo fidem mereretur.

Eandem doctrinam habet Augustinus aliis innumeris locis, nam lib. de grat. & lib. arch. cap. 7. Opera (inquit) sunt ex fide, non ex operibus fides. Opera vtiq; quæ sunt alius meriti, & per se conferant ad veram iustitiam, & salutem æternam, & ideo lib. 4. contra Iulian, cap. 3. ante fidem, ait, nullum esse vere virtutis opus, non quia bonum esse non potest meriti modo, sed quia non confert ad salutem, sed est quasi nihil in negotio salutis, & ob eandem causam dicto lib. de grat. & lib. arch. cap. 8. comparat iustificationem creationi, quia sicut creatio est ex nihilo, ita iustificatio ex nullo merito esse potest, nec ex operibus quæ sin taliquid in ordine ad Christianam iustitiam, quæ à fide inchoatur. Vnde Epist. 105. Si dixerimus (inquit) ante fidem præfuisse meritum gratiæ, quod meriti habebat homo ante fidem, vt acciperet fidem. Similiterque dicit in Epist. 106. fidem non esse tribuendam præcedentibus meritis, aut impetrationi, quia omnia hæc radiceantur in fide, & hac ratione in eisdem locis notat vitam æternam ita esse mercedem meritorum, vt sit etiam gratia, quia est gratia pro gratia, vt ait etiam lib. de corrupt. & grat. cap. 13. & Ioann. 1. quia meritum eius fundatur in priori gratia, fidem autem ita esse gratiam, vt non posset merces appellari, quia non potest supponere meritum fundatum in gratia, Et. Suarez de Gratia Pars 11.

A & omne aliud fundatum in operibus, non potest esse meritum vltimæ gratiæ, aut fidei. & multa similia habet Augustinus dicta q. 2. ad Simplician. & Psalm. 144. Iustitia tua exultabunt, & alibi sæpe contra Semipelag. disputans.

Hanc Augustini doctrinam imitatus est Prosper contra collator. cap. 21. vbi tractans locum Apostoli Rom. 2. Generi, quæ legem non habent, naturaliter ea, quæ leges sunt, faciunt, quæ contra gratiæ necessitatem & liberatam allegabat Tullianus; respondit, si locus ille de gentibus per fidem iustificatis intelligatur, nihil fauere Tulliano, quia gratis & sine vilo merito reconciliari sunt, nihil enim boni operis, inquit, ex mortuis, nihil iustitiæ procedit ex impiis, id est, nullum opus meritorium gerit, vel iustitiæ ex impiis qui & fide carent, & spiritum vitæ nondum accipere inceperunt, esse potest. Deinde verò admissio alio sensu quod Paulus loquatur de gentibus fide carentibus, & aliquid boni naturalis operantibus, ait non potuisse illos ex illis operibus iustificari, quia nullus est bonæ voluntatis motus, vtiq; iustificationem impetrans, nisi quem creauit diffusit per Spiritum sanctum charitatis affectus, & addit probationem, quia sine fide impossibile est placere Deo, referens hæc verba, non solum ad peccatam, verum etiam ad singulos eius actus, quæ non possunt Deo placere in ordine ad salutem, & veram iustitiam, nisi à fide oriuntur. Vnde cap. 19. ait, Si bonum præcedens fidem possit illam mereri, sequi sic animam ædificari in templum Dei, vt non accipiat fundamentum, quod non incipit, nisi quando fides in corde aduentis generatur; intelligit autem sequi, non accipi fidem tamquam donum gratiæ collatum, quod summum censet incontinentis. Et similiter cap. 37. & 38. probat ex professo vocationem ad fidem non posse sub cuiuscumque præcedentis bonis operis meritum cadere, idem habet in responsione ad Gallos cap. 8. Fulgentius de Incarnat. & grat. cap. 26. vtiq; ad 20. probat omne meritum gratiæ iō fide radicari, & ante illam esse non posse: fuit tamen Concil. Atraculanum cam. 157. dicens Deum nullis præcedentibus meritis fidem inspirare, quod etiam habet Concil. Trident. cap. 5. & 6.

B Respondent vnde aliquid hos Patres idem initium gratiæ ad fidei cognitionem renouescit, cumque pro fundamento nostræ iustificationis posuisset, quia & frequentius contingit, vt ante fidem non præcedant opera bona facta ex alia priori gratia, & ita rariū est, & quasi accidentarium inchoari gratiam ante fidem, quia initium fidei est per se ac necessariū fundamentum iustitiæ, quod autem aliud fundamentum inueniam procedat, licet etiam sit contingens. Et verumque confirmant, quia aliis omnia bona opera quæ ab infidelibus sunt, etiam in suo genere interdum sunt illustria, vt difficillima fieri possint sine gratia Christi, quod non videretur admittendum. Et similiter in homine fidei victoria grauis tentationis, aut insigne boni operis morale, vel fieret fide gratia Christi, vel nunquam fieret, nec esset meritorium, nisi fieret ex innotio fidei.

C Si bonum præcedens fidem possit illam mereri, sequi sic animam ædificari in templum Dei, vt non accipiat fundamentum, quod non incipit, nisi quando fides in corde aduentis generatur; intelligit autem sequi, non accipi fidem tamquam donum gratiæ collatum, quod summum censet incontinentis. Et similiter cap. 37. & 38. probat ex professo vocationem ad fidem non posse sub cuiuscumque præcedentis bonis operis meritum cadere, idem habet in responsione ad Gallos cap. 8. Fulgentius de Incarnat. & grat. cap. 26. vtiq; ad 20. probat omne meritum gratiæ iō fide radicari, & ante illam esse non posse: fuit tamen Concil. Atraculanum cam. 157. dicens Deum nullis præcedentibus meritis fidem inspirare, quod etiam habet Concil. Trident. cap. 5. & 6.

D Respondent vnde aliquid hos Patres idem initium gratiæ ad fidei cognitionem renouescit, cumque pro fundamento nostræ iustificationis posuisset, quia & frequentius contingit, vt ante fidem non præcedant opera bona facta ex alia priori gratia, & ita rariū est, & quasi accidentarium inchoari gratiam ante fidem, quia initium fidei est per se ac necessariū fundamentum iustitiæ, quod autem aliud fundamentum inueniam procedat, licet etiam sit contingens. Et verumque confirmant, quia aliis omnia bona opera quæ ab infidelibus sunt, etiam in suo genere interdum sunt illustria, vt difficillima fieri possint sine gratia Christi, quod non videretur admittendum. Et similiter in homine fidei victoria grauis tentationis, aut insigne boni operis morale, vel fieret fide gratia Christi, vel nunquam fieret, nec esset meritorium, nisi fieret ex innotio fidei.

E Veruntamen neutra ex dictis expositionibus est admittenda, nam illa prior, vt Patres loquantur de his quæ frequentius accidunt, & quæ rara sunt, non considerent, non rectè in præfenti accommodatur, tem quia aliis non

Psalm. 144.

24. Prosper.

Fulgens.

Cano. Arabi.

25.

16.

Bb 2

facis

fatis Pelagianos confutaret, nec certo & infallibili principio contra illos vteretur, nimirum fidei initium non cadere sub humanum meritum; nam quod id frequentissime coniungat, Sempelagiani non negabant, vt lib. 2. dictum est, & Prosper refert cap. 37. contra Collatorem. vbi illum late impugnat, quia in quibusdam ponebat vocationem fidei initium, in aliis ex merito. Vnde Augustinus nec in Cornelio, nec in Lactone, vel villo alio vult id admittere. non ergo ponunt illud principium, vt contingens in pluribus, sed vt per se ac simpliciter necessarium. Et ideo non solum negant actum, sed potestatem, dicunt enim non posse hominem mereri fidem, quia ipsa fides est, quae hanc confert potestatem, item hoc declarat exemplis absolutam impossibilitatem contrarii euentus indicantibus, vt est exemplum hypostaticae vnionis, ita enim est gratia, vt non possit ante illam meritum in natura assumpta antecedere, & exemplum creationis, ita enim est ex nihilo, vt nunquam possit aliter contingere. Denique quod praecedant bona opera ante fidem, non potest dici tarum, quia via inueniuntur infideles, in quibus aliqua bona opera inueniuntur, vt lib. 2. dictum est, cum Chrysostomo Homil. 67. ad Paulum, & aliis.

Et ob eandem, vel maiorem rationem alia responso admittenda non est, nimirum ita fidem esse fundamentum iustitiae, vt aliquando possit aliud antecedere fundamentum, tum quia etiam dicitur hinc occasio Sempelagianis dicendi, licet frequentius iustitia fundetur primum in fide, in aliquibus sumere initium à bonis operibus humanis. Dices illos loquutos esse de bonis operibus viribus naturae factis, non per aliquam priorem gratiam ordinis naturalis, vt isti Theologi loquuntur. Sed contra in hoc est: quia si per gratiam hanc solum intelligatur cogitatio honesta naturalis, & congrua, etiam ipsi illam non negabant; si vero aliud maius auxilium intelligatur, in primis non est de fide dari tale auxilium; ergo illo titulo non poterit sententia Sempelagianorum, vt erronea damnari, deinde quod caput est, Paulus, ad Roman. 3. sub operibus legis concludit omnia quae non sunt ex fide, & absolute dicit; *ex operibus legem non iustificabitur omnis caro coram illo*, & postea subiungit, *iustitia autem Dei per fidem Iesu Christi in omnes, & super omnes qui credunt in eum*: nec inter opera legis & fidei meritum agnoscit, & concludit, *iustificati gratia per gratiam ipsam*, vtique per gratiam fidei, de qua infra subicit: *arbitramur enim iustificari homines per fidem sine operibus legis*, & ad Ephes. 2. *Gratia estis saluati per fidem, & hoc non ex vobis, Dei enim donum est, & non ex operibus*, vtique sine fide, vel ante fidem, vel non ea fide factis.

Quae loca exponens Concilium Tridentinum sess. 6. cap. 8. ait, *vt per fidem ideo iustificari dicamur, quia fides & humana salutis initium, fundamentum, & radix omnium iustificationis*, vbi distributio omnis ponderanda est, includit enim omnem alium modum iustificationis, & omnem aliam radicem: item loquens de hac eadem iustificatione, quae à fide inchoatur, ait, *nihil eorum, quae praecedunt illam, sine fide*, (vtique naturalis, quam ponebant Pelagiani,) *sine opera*, qualicumque vtique sint, iustificationis gratiam promeretur: in nullo ergo homine possunt praecedere opera quae sine exordium illius iustificationis, quod fundatur in fide: quapropter regula posita ab eodem Concilio cap. 1. & 6. de exordio iustificationis à vocatione fidei non regulariter, sed infallibiliter acci-

pienda est, illas nihil certi de exordio & fundamento iustificationis haberemus; non ergo vocatione ad fidem tantum ponitur, vt necessitas ad iustificationem, sed etiam vt exordium necessarium & vnicum, & certe ipsum nomen exordij, vel fundamenti excludit necessitatem omne aliud prius exordium, vel fundamentum: nam fundamentum non datur fundamentum, & ad hoc significandum additum est nomen exordij, initij, & radicis, vt significetur non posse dari aliam priorem radicem. Denique addit Concilium, *nullo eorum existentibus merito*, vtique ante vocationem fidei, quis enim contra verba tam absoluta, & vniuersalia audeat dicere in aliquibus hominibus, vel etiam in aliquo homine, vocationem ad fidem esse ex aliquo, vel qualicumque merito.

Ad incommoda autem, quae inferebantur, respondendum aliud esse loqui de gratia in genere, aliud de gratia quae possit esse principium merendi aliquo modo supernaturali auxilium, ante fidem: ergo & ante proximam vocationem fidei fatemur propter Christum dari, quia nulla vera est gratia Dei, quae non propter Christum detur, vt in principio huius materiae dixi; negamus verò ante vocationem fidei antecedere gratiam, quae possit esse exordium vel fundamentum supernaturalis iustitiae, licet ad alios bonos effectus deliquit possit, & hoc probant testimonia adducta, & ratione statim declarabitur: vnde ad primum incommodum de infidelibus respondendum, fortassis nunquam in eis esse victorias grauium temptationum integras, & sine vlla peccati labe, nec difficilia opera bona sine aliquo defectu culpae; si verò aliquando sunt, non sunt sine aliquo gratiae auxilio propter Christum dato, & nihilominus in ordine ad fidem promerendum nihil sunt. Ad aliud verò de fidelibus similiter dicimus, si talia opera sunt ex solo auxilio naturalis ordinis, & nullo modo ex fide, non mereri supernaturalis praemium apud Deum, vt infra tractando de merito ostendimus.

Aliiter verò quis subterfugere posset allata testimonia, dicendo talia opera bona, quae ante fidem interdum faciunt, non fieri sine aliqua vocatione bona, & illam tunc dici posse vocationem ad fidem, saltem remotam, eamque à Conciliis & Patribus sub vocatione fidei includi: & ita verum esse ante illam nulla praecedere merita, nihilominus tamen ex illa vocatione remota posse procedere aliquod opus, quod sit meritum proximae vocationis ad fidem, & ad proximam excitatio ad bonum opus faciendum ante reuelationem fidei esse vocationem quamdam ad fidem, quia ad illam ordinatur, & hoc satis esse ad aliquale meritum proximioris vocationis ad fidem, etiam si actus fidei non dum praecesserit. Potest hoc subterfugium diuorum Patrum testimonij colorari, vnum est Augustini lib. 83. quest. 68. dicentis, *Namquid erga Iacob Pharaonem, quantum boni consequutus fuerit terra illa per aduentum Ioseph? Illius ergo rei gesta cognita, vocatio eius fuit, vt populum Israel misericordialiter trattaret, non esset ingratus. Quid autem huius vocationis obtemperauerit, sed exercitum crudelitatem in eis, quibus humanitas, & misericordia debebatur, meritis parauit, vt indueretur illi car, &c.* Certe cognitio illa quam habuit Pharaos de aduentu Ioseph in terram Aegypti, & de beneficiis per eum illi genti collatis, non fuit reuelatio fidei, nec per eam excitabatur Pharaos immediate ad credendum; & tamen Augustinus inde dicit incorpisse vocationem Pharaos

Preser.

Aug.

Chryst.  
27.

Rom. 3.

Ephes.

28.  
Conc. Trid.

19.

Nulla vera  
gratia quae  
non deus  
propter  
Christum.

30.

Opera quae  
praecedunt  
fidem, quid,  
secundum

August.



& Gregorius.

Pharaonis, qua si vltus bene effer, vltius illumi-  
naretur, sicut e contrario illa male vtendo obdu-  
rari meruit. Aliud testimonium est D. Gregorij  
Homil. 9. in Ezechiel. in illa verba, *Mitto ergo te  
ad filios Israel. vbi sic inquit, Nec fides sine qui-  
bus, nec opera adiuuant sine fide, nisi fortasse pro  
fide accipienda fiant.* Ergo secundum Greg. ope-  
ra quæ præcedunt fidem, quatenus pro fide per-  
cipienda fiunt, possunt iuuare ad merendam pro-  
ximam fidei vocationem. Et in eius sententiæ  
confirmacionem addit. *Sicut Cornelius ante pro  
bonis operibus meruit audire, quam fidelis existeret;  
qua ex re colligitur, quia bona opera pro fide per-  
cipienda faciebant.* quod ex Act. 10. latius dedu-  
cit.

31.  
Responsio  
Authoris.

Respondeo duobus modis posse intelligi ali-  
quem operari pro fide obtinenda, vno modo  
ex intentione Dei solum, quia nimirum Deus  
excitat hominem ad bene moraliter operandum,  
vt probet illum, an bene respondeat illi priori vo-  
cationi, & animo dandi illi altiore, si illa be-  
ne vtatur, sin minus dimittendi illum: alio mo-  
do potest intelligi ex intentione ipsius hominis  
bene operantis & potentis, vt à Deo illumine-  
tur in fide. De priori modo posset intelligi lo-  
cus Augustini, & præmissio illo sensu duo di-  
da sunt, vnum est illam priorem excitacionem,  
non posse dici vocationem ad fidem, sed ad mi-  
sericordiam, gratitudinem, iustitiam, vel aliam  
similem virtutem moralem, de his enim virtu-  
tibus apertè loquitur Augustinus. Quando au-  
tem in aliis locis dicit vocationem ad fidem præ-  
cedere omnia opera pietatis, & merè gratis dari,  
apertè de illa loquitur Concilium Tridentinum  
in illo cap. 8. cum dicit, *iustificacionis exordium  
sumendum esse à vocatione, quia Deus tangit cor  
per Spiritus sancti illuminationem, vt gratia ad-  
iutus liberè possit mouere se ad iustitiam coram  
Deo.* & addit cap. 7. *Disponuntur ad ipsam ius-  
titiam, dum excitati diuina gratia, & adiuti,  
fidem ex auditu concipientes liberè mouentur in  
Deum.* Vocatio ergo de qua loquitur Conci-  
lium, est ex auditu fidei, & ab illa inchoatur  
fundamentum iustitiæ, & omnium dispositio-  
num ad illam. Et de eadem vocatione dicit an-  
tecedere omnia merita. Non possunt ergo hoc  
testimonium, & similia eludi, ea interpretan-  
do de vocatione ad bonum opus morale, vel  
ad aliquam cognitionem naturalem, quam Deus  
potest dare ante reuelacionem, vel prædicatio-  
nem fidei, quia nec illa potest dici fundamen-  
tum iustitiæ, nec re vera est vocatio ad fidem,  
cum illam non proponat vlllo modo, vt sup-  
ponimus. Neque intentio Dei extrinsecus mutat  
naturam, & rationem talis vocationis, neque  
enim habet, quod sit talis, vel talis vocatio ex si-  
ne extrinsecus vocantis, sed ex obiecto ad quod  
vocat.

32.  
Exactior re-  
spōsiō pro D.  
Augustino.

Quocirca persistendo in eodem sensu ver-  
borum Augustini addendum, posita illa vo-  
catione Pharaonis per solum naturalem bonum  
vsum eius ante primam vocationem ad fidem,  
non potuisse mereri fidem, vel initium eius,  
sed ad summum potuisse non ponere obicem  
fidei, seu inspirationi eius, vt generaliter fla-  
tim dicemus; quia intentio Dei extrinsecus non  
addit illis operibus dignitatem, vel proportio-  
nem cum tali præmio. Vnde non est cur fin-  
gamus Deum hoc intendisse, aut ad hunc fi-  
nem dedisse Pharaoni vocationem illam, vt  
bene illa vtendo mereretur vocationem ad fi-  
dem.

Fr. Suarez de Gratia Pars II.

dem, quia nec Augustinus hoc dicit, nec ha-  
bet fundamentum in Scriptura, vel ratione:  
imò repugnat Deum intendere aliquid gratiæ  
sue contrarium. Item non oportet fingere ita  
fuisse vnam vocationem ad aliam ordinatam, vt  
si Pharaon bene vreretur prima, illi esset promiss-  
sa proxima vocatio ad fidem, quia hæc etiam  
promissio ficta est, & sine fundamento, & præ-  
ter ordinationem diuinæ gratiæ. Igitur nulla  
ibi particularis intentio Dei cogitanda est, præ-  
ter illam generalem, quam ex se habuit propter  
Christum dandi omnibus adultis vocationem ad  
fidem, si per eos non staret. Ante quam vocationem  
sæpe dat aliam bonam excusacionem mora-  
lem, reseruat autem vocationem ad fidem pro tem-  
pore quod sibi placet, iuxta æternam disposi-  
tionem suæ sapientiæ, & voluntatem consilij  
sui: & ita se gessit cum Pharaone: quem for-  
tasse postea non vocauit ad fidem, quia inue-  
nit obduratum, vel prauè dispositum per abu-  
sum prioris dispositionis, quod impedimentum  
si non haberet, vocaretur à Deo, non propter  
aliquod meritum, vel dispositionem, sed propter  
suam propriam, vt mox etiam generaliter di-  
cemus.

De posteriori modo operandi pro fide obti-  
nenda ex propria intentione ipsius operantis, vi-  
detur loqui Gregorius, in quo loco oportet ad-  
uertere illum supponere in operante aliquam  
fidei notitiam; quomodo enim potest quis per  
sua opera intendere, fidem obtinere, nisi iam  
cognitionem fidei habeat, nam intentio est actus  
voluntatis, quæ cognitionem supponit. Hæc  
igitur cognitio, quæ ante illam intentionem  
supponi debet, duplex esse potest, scilicet cuius-  
dam opinionis, fideiue humanæ, vel ex audi-  
tu alicuius Prædicatoris, vel ex fama, aut con-  
uersatione cum fidelibus comparata, vel esse po-  
test fides vera, vel supernaturalis, imperfecta  
tamen, & confusa. Prior modus etiam con-  
tingere potuit in Pharaone, & mihi verissi-  
mile videtur de illo modo potius loquutum esse  
Augustinum in loco superius tractato. Nam  
Pharaon ita expertus fuerat beneficia terræ suæ  
per Iosephum collata, vt simul aliquam Dei no-  
ticiam ab eo acceperit, quia Ioseph & verbis suis  
& factis illam semper insinuat. Nam Genes. 41.  
in primo aditu ad Pharaonem, cum hic di-  
xerat vidisse somnia, quæ nullus ediscere pote-  
rat, respondet Ioseph, *absque me Deus respon-  
debit prospera Pharaoni.* Et paulo post ipse Pha-  
raon confessus est, *Ioseph fuisse Spiritum Dei ple-  
num.* & postea illa cognitio durare potuit, &  
crescere per familiarem & diurnam conuersa-  
tionem cum populo Hebræorum, & per Moy-  
sem confirmata est signis & prodigiis, & nunc  
etiam simili modo Iudæi, qui inter fideles ver-  
santur, & Saraceni qui notitiam aliquam, vel  
famam Christianæ Religionis habent, etiam si  
non credant, illam esse veram, saltem possunt  
dubitare & desiderare illuminari, & propter hunc  
finem aliquod facere petendo, & bonum aliquod  
operando. Ac denique ille, qui incipit audire  
prædicationem fidei, quando deliberat, & non-  
dum credit, potest saltem generaliter aliquid fa-  
cere propter veram fidem, quæcumque illa sit, ob-  
tinendam.

33.  
Aduertendum  
circa dicta à  
Gregorio.

Genes. 41.

Et de his omnibus dici quidem potest habe-  
re aliquam vocationem ad fidem, nondum tamen  
internam & sufficientem proximè, sed externam,  
& remotam, quia iam habent aliquem auditum  
fidei

34.

Molina.

fidei, cuius signum est, quia illa esse potest satis, ut qui illam omnino negligit, peccatum infidelitatis committat, atque imputari ei incipiat, quod fide careat, ut rectè dixit Molina in concordia disp. 11. ad q. 14. & in materia de fide largius dicitur. Illa autem qualiscumque vocatio, licet in entitate sua supernaturalis non sit, nihilominus vera gratia est, quia est honesta cogitatio de re supernaturali homini non debita, & ideo quidquid ex illa fit, non fit sine aliquo auxilio gratiæ. & præterea intentio illa aliquid faciendi propter fidem veram obtinendam, non fit sine inspiratione divina non debita, etiam si nondum supernaturalis ordinis sit, ut præcedenti lib. cap. 7. dixi. ideoque mirum non est, quod ille bonus usus talis vocationis aliquid conferat ad obtinendum à Deo ulteriorem vocationem proximam fidei, & qui dixerit ibi intervenire aliquam rationem, vel umbram meriti impetratorij, vel dispositionis remote, non poterit Semipelagianismi argui, quia licet ibi operetur arbitrium naturali virtute, quoad subitæntiam operis, non tamen id facit sine præueniente gratia, & inspiratione ad ordinem gratiæ pertinente, ac subinde aliquo modo supernaturali.

35.

Auctoris  
mens.

Nihilominus tamen mihi verius videtur illas actiones liberas hominis deferuire quidem tamquam materiales dispositiones, seu quasi viam, qua ordinariè tendi ut ad sufficientem fidei præpositionem, in qua Deus incipere solet dare proximam excitationem supernaturalem sufficientem ad voluntatem credendi, ut lib. præcedenti cap. 8. latè declaratum est; non tamen sufficere ad rationem alicuius meriti, vel moralis dispositionis. Ratio est, quia omnes illæ actiones sunt valde improporcionatæ ad meritum supernaturalis præmij, quia omnino sunt naturalis ordinis, & ex parte operantis, cum nondum fidem habeat, non possunt ordinari ad finem supernaturalem, ut talis est, sed ad summum sub aliqua ratione confusi & generali, qualis est cognitio veritatis, vel fidei veræ, ac Religio, vel quid simile. Ergo neque sunt aptæ ad meritum supernaturalis præmij, qualis est supernaturalis vocatio, nec etiam sunt tales dispositiones morales, quibus ex natura rei supernaturalis excitatio tanquam propria forma debeat, quamvis ex diuina ordinatione gratuita nemini cooperanti, ut potest & debet, illi externæ vocationi interna & supernaturalis negetur. Et ita etiam respectu harum actionum, quamvis ex aliqua gratia ad supernaturalem providentiam pertinente, procedant, verum est principium supra positum, ante fidem infusam nullum esse proprium, & supernaturale meritum.

36.

Molina  
opus  
operandi ex fide  
propter fidem  
quia.

In posteriori autem modo operandi propter obtinendam fidem expressam, & distinctam plurius mysteriorum ex fide supernaturali iam concepta, licet confusa & imperfecta intercedere potest aliquod meritum vterioris vocationis ad fidem, imò possibile est tale meritum esse de condigno, si operans sit iustus, sicut esse potest per priorem fidem licet confusam per charitatem operantem; erit autem de congruo etiam si in peccato sit, si re vera ex spiritu fidei infusæ petat fidei incrementum, vel propter illud operetur. Adde etiam, licet talis homo non petat, nec intendat explicitè perfectionem fidei, quia fortasse nihil de illa cogitavit, vel audiuit, satis esse, quod ex desiderio salutis suæ, vel colendi Deum ut debet, operetur, ut impetret, & aliquo modo merea-

tur illam fidei perfectionem, quæ nunc communi lege necessaria est ad salutem, quia illa opera habent sufficientem proportionem cum tali præmio, & secundum ordinem diuinæ providentiæ, illud est tali homini, & pro tali statu maximè necessarium. Et hoc satis probat exemplum Cornelij, & similis est de Lydia purpuraria, de qua non sine mysterio dicitur Act. 16. quædam mulier nomine Lydia colens Deum; nam in hoc ultimo verbo significatur, iam habuisse fidem, & secundum illam religiosè & fortasse etiam iustè coluisse Deum, ideoque meruisse amplius doceri à Paulo, imò etiam vocationem congruam ad illi credendum accepisse, ut illa verba indicant, cuius Dominus aperuit cor. De hoc ergo modo operandi ex fide propter fidem loquutus est Gregorius in loco allegato, cum enim dicit opera non iuuare sine fide, nisi propter fidem percipiendam fiant, non intelligit tunc illa opera iuuare sine omni fide, sed sine aliqua, pro qua obtinenda sunt, & cum de Cornelio dicit pro bonis operibus meruisse audire antequam fidelis esset, intelligit antequam Christianus & baptizatus esset.

Quæ expositio violenta, aut voluntaria videri posset, nisi ex ipso Gregorio sumpta esset, qui in Homil. 19. eiusdem operis tractans illa verba, *scilicet in vestibulo erat gradus, & vestibulum ante eam. per vestibulum fidem allegoricè interpretatur, quia prius ad fidem venimus, ut postmodum per spiritualium donorum gradus celestis vite aditum inuenimus.* non enim ait virtutibus venit ad fidem, sed per fidem perstringitur ad virtutem, & statim id probat in Cornelio, de quo ait habuisse fidem antequam Petrum audiret, *si enim, ait, Deum verè & ante Baptismum non crediderat, quid orabat? vel quomodo hunc omnipotens Deus audierat, non ab ipso se in bonis perfici petebat.* Notetur verbum *perfici*, quia non fidei initium, sed perfectionem petebat, quam fuisse expressam cognitionem Christi Dei hominis, postea Gregorius declarat, & iterum reperit, *Nec enim poterat bona agere, (utique meritoria) nisi antea credidisset.* Scriptum nanque est, *sine fide impossibile est placere Deo*; fidem ergo habuit, cuius opera & eleemosyna placere potuerunt; bona autem operatione meruit ut Deum perfectè cognosceret, & incarnationis eius mysterium credidit, quantum ad Baptismi sacramentum perveniret; per fidem ergo venit ad opera, sed per opera est solidatus in fide. Et ita ex sententia Gregorij principium positum quod ante fidem nullum sit verum meritum, comprobatur; quomodocumque ergo homo ante fidem faciat quod in se est, proximam vocationem supernaturalem ad fidem mereri non potest.

Ultimò ergo dicendum est conditionem sub qua Deus promisit omnibus adultis proximum auxilium sufficiens ad salutem, seu fidem, solum negativè esse intelligendum, id est, si homo ex parte sua impedimentum diuinæ vocationi non posuerit; & eodem modo exponendum est illud axioma, *facienti quod in se est Deus non denegat gratiam*, intellectum de prima gratia auxiliante, ut facere quod in se est tantum sit non ponere obicem gratiæ, unde si lex naturæ servetur, tantum id serviet impedimentum remouendum, non quia illa operatio sit aliqua ratio obtinendi gratiam. Hanc assertionem sumo ex D. Thoma 3. contra gent. cap. 15 § 9. ubi proposita difficultate, quomodo sit in hominis potestate salus, cum ab auxilio gratiæ pendeat, quod promoueri homo non potest,

Gregor.

37.

Non fidei  
initium, sed  
perfectio ne-  
cessaria est.

38.

Códicis sub  
qua Deus  
promisit om-  
nibus adultis  
auxilium suf-  
ficiens ad sa-  
lutem, quo-  
modo intel-  
ligenda sit.  
Exponitur  
axioma, fa-  
cienti quod in  
se est Deus non  
denegat gra-  
tiam.

est, respondet, licet homo non possit gratiam mereri, posse illam impedire, ideoque quando illa caret, illi imputatur, quia illam impedivit. Deus enim (inquit) quantum in se est paratus est omnibus gratiam dare, ubi evidenter subintelligit conditionem, nisi illum ponant, unde subiungit, *sed illi soli gratia priuatur, qui in se ipsis gratia impedimentum prestant.* & simili modo in dicta q. 14. de verit. art. 11. ad 1. ait, *ad diuinam providentiam pertinet, ut cuilibet provideat, de necessariis ad salutem, dummodo ex parte eius non impediatur.* & in eodem sensu dixit 2. 2. q. 2. art. 5. ad 1. quibus non datur auxilium præparans voluntatem ad amandum & credendum, ex iustitia non dari, in pœnam præcedentis peccati, & hanc sententiam sæpè inculcat Henricus quodlibet 8. qu. 5. & Alenf. p. 3. quæst. 61. membro 5. art. 3. cum dixisset Deum dare gratiam suam facienti quod in se est, & in solutione ad 1. explicasset id non facere Deum ex hominis merito, sed ex sua mera liberalitate & misericordia, subdit in solut. ad 5. *licet homo non possit se disponere ad gratiam, nisi Deus illum disponat, posse tamen removere illud, quod est impedimentum gratia, & tunc intrat Dei gratia.* Sic etiam Abulens. Matth. 23. q. 21. dicit Deum revelare mysteria fidei necessaria ad salutem omnibus non ponentibus obicem, & eodem modo ait offerre gratiam suam omnibus facientibus quod in se est.

Henricus.  
Alenf.

Abulens.

37.  
Cumel.

Facit i quod  
in se est, ut in-  
tellegi possit.

Medina.

40.

August.

Ambros.

Sic etiam dixit Cumel. 1. 2. q. 11. art. 3. disp. 5. excitantem gratiam sufficientem esse in potestate nostra, quia Deus paratus est illam dare, pendet tamen aliquo modo ex potestate nostra, quatenus possumus illam impedire, & ita exponit axioma illud, *facienti quod in se est*, id est, non ponenti obicem Deus non negat gratiam. Denique omnes qui simul dicunt homini facienti quod in se est, Deum non denegare gratiam, & nihilominus dare illam merè gratis, & sine ullo merito, ut sunt Ruardus, Driedo, Molina & alij, re vera nihil aliud sentiunt, nisi eatenus conditionem illam esse necessariam, quatenus confert ut non ponatur impedimentum gratia, unde etiam Medina qui 1. 2. quæst. 19. art. 6. dubio 3. 9. ad argumentum, in solut. ad 3. probabilem existimavit illam sententiam, addit ibidem 9. respondetur, bona opera moralia quæ facit peccator conferre, ut minorem repugnantiam habeat ad gratiam iustificantem. Sic ergo facere quod in se est, intelligi poterit ad ponendum obicem gratia.

Præterea est hæc sententia & explicatio antiquis Patribus conformis. nam in primis illa regula Augustini lib. 2. de peccat. merit. cap. 2. ut homines non iuventur gratia Dei, in ipsis causa est, non in Deo, planè supponit & Deum esse paratum ad dandam gratiam si homo non impediat, & hominem posse impedire & Epist. 105. dicit quibus non datur auxilium gratia, eos meruisse ut non datur & alia multa in cap. 17. afferemus. Ambrosius circa id ad Rom. 1. *non autem arbitror*, &c. sic ait, *Prohibitum se dicit usque ad tempus data epistola à Deo, scilicet quia sciens adhuc imparatos illos ad alias urbes dixerit Apostolum.* Declaratus autem quomodo essent imparati, dicit paulo inferius, vitiis prohibebantur carnalibus ne digni iam essent addiscere spiritualia, id est, indigni erant & de se inepti ad spirituales doctrinam, unde quod infra dicit eosdem exhortatos esse à Paulo, ut digni fierent ad excipiendam doctrinam à vitiis carnalibus abstinendo, negativè etiam intelli-

gendum est, scilicet ut à vitiis abstinendo impedimenta tollerent. Luculentius hoc docuit Chrysost. Homil. 7. in Ioann. circa illa verba, *illuminat omnem hominem*, dicens, *si illuminat omnem hominem venientem in hunc mundum, quoniam pacto tot homines sine lumine permanerent? Illuminat profecto quantum in ipso est.* Si quis autem mentis oculis sponte sua continentibus, ad huius lucis radium aciem dirigere noluerint, non ex luminis natura in tenebris persistebunt, sed malitia sua, quæ sponte tanto se dono indignos reddiderunt. & infra, qui autem eius munere frui negligunt, hanc suam caecitatem sibi ipsis imputant, & sic etiam dixit Homil. 42. in Genes.

*Non eo quod non possumus, sed ex eo quod non volumus, ab omnibus bonis sumus alieni.* Sic etiam Andr. Cresc. in Apocalypsi, suo cap. 19. *Qui hoc* (inquit) *auxilio destituimur, ideo destituimur, quia una cum ipso maiorem operi adhibere non volumus.* Videtur autem loqui de his, qui vocationi non cooperantur, & ideo postea illa priuantur, sed à fortiori sequitur meritò illa priuari qui antecedenter, (ut sic dicam,) illi ponunt impedimentum. Denique eandem sententiam aliter & optimè declarat Marcus Heremita in lib. de Paradiso, lege & spiritu, sub titulo de his qui putant se ex operibus iustificari cap. 27. *Omne, inquit, opus bonum quod per nostram naturam operamur, tantum equidem efficit, ut è contrario malo, aut vitio abstinemus. Ceterum extra gratiam sanctificationis affectu accensionem nobis facere non potest.* Sic ergo facere quod in se est in observanda lege naturæ, non quidem per modum meriti, aut moralis dispositionis, sed per modum remouentis impedimentum peccati conducere potest ad gratiam. ita ergo intelligenda est illa conditio.

Denique à sufficienti partium enumeratione hæc interpretatio, seu assertio concluditur; ostendimus enim excitantem gratiam necessariam ad salutem generali lege omnibus esse per Christum oblatam, & promissam non absolutè, sed sub aliqua conditione ab ipso homine pendente. Hæc autem conditio non est meritum aliquod, vel dispositio proportionata supernaturali gratia; ergo tantum esse potest esse conditio non ponendi obicem, Pater consequentia, quia nulla alia potest cogitari, quia licet interdum bona aliqua actio sit necessaria, cum illa per se nihil ad gratiam conducatur, solum potest esse necessaria ut obicem peccati impediat, vel potest esse utilis ut pravas dispositiones, & vitia quæ hominem ad opera gratia ineptiorem reddunt, impediat. Confirmatur, quia si aliquis adultus omnino caret hac gratia excitante interna, id non est primariò ex parte Dei, quia ipse maximè cupit illam omnibus conferre; ergo est ex parte hominis: causa autem ex parte hominis esse non potest, quod illam non mereatur, vel ad illam se moraliter non præparet, cum id facere non possit ante primum auxilium; ergo solum esse potest causa, quia ponit aliquod impedimentum gratia Dei; ergo è contrario conditio in dicta lege inclusa solum est ut homo non ponat obicem gratia Dei. Denique hæc conditio est iustissima, & non repugnat dignitati, vel liberalitati gratia Dei; ergo ita est intelligenda.

Dicunt verò aliqui, licet hæc explicatio in rigore vera sit, nihilominus de facto & praxi nunquam Deum dare gratiam facienti quod in

Chrysost.

Cresc.

Marc. Herem.

41.

Concluditur prædicta interpretatio à sibi ipsa partium enumeratione.

42.

Aliorū etiam h explans nem.



se est dicto modo, quia nullus est qui non ponat impedimentum gratiae, si Deus aliquantulum differat dare illam, & ideo vel non dat illam, quia non facit quod in se est, vel si speciali vult misericordia uti, dat illam etiam non facienti quod in se est, sed hoc diuinare est, nam cum inscrutabilia sint iudicia Dei, & innumerabiles modi vocandi homines, non possumus in hoc aliquid certum affirmare. Fortasse enim aliquos supernaturaliter vocat paulo post usum rationis, quo breui tempore possunt facere quod in se est per rationis usum, & se ipsa habere cogitationem congruam qua id faciant; aliis verò licet tardiori mora differat vocationem, fortasse probet auxilium gratiae ordinis naturalis, ut quod in se est faciant, & postea vocat illos. ergo licet haec fortasse rara sint, non possumus affirmare nunquam fieri, aut Dei potentiam in modo & serie communicandi auxilia gratiae limitare.

## CAPVT XVI.

## Difficultati cap. 12. propositae satisfi.

I.  
Solutur  
proposita  
difficultas,

ex Concilio  
Arausico.

**E**X doctrina superioris cap facile soluitur difficultas in initio capitis 12. proposita, in qua inferebatur, si auxilium supernaturale omnibus non datur, sed multis tantum offertur, Deum expectare voluntatem hominis, ut ei suam gratiam conferat, negatur enim sequela; quare expectare voluntatem hominis, est expectare aliquod meritum, vel dispositionem, vel preparationem eius: haec autem ex parte nostra praecedere non potest, ut diximus, & hoc est quod intendit Concil. Arausicanum, cum enim ait, *si quis, ut à peccato purgemur, voluntatem nostram Deum expectare intendit*, per voluntatem non ipsam potentiam intelligi, sed actum eius, sensusque est, si quis ut à peccato purgemur, velle nostrum Deum expectare contendit, id est, velle purgare, ut aperte declarant sequentia verba, *non autem ut purgari velimus, per Spiritus sancti infusionem fieri consuevitur*; hoc ergo est quod Deus non expectat, nec aliquam dispositionem propriam, vel meritum ex parte hominis; quamvis ergo requirat interdum ut homo saltem impedimentum non apponat, non propterea expectat aliquam bonam voluntatem eius, quae sit ratio gratiam obtinendi, ac proinde nec sequitur quod hominis voluntatem expectet, nec quod meritum aliquod ex parte hominis praecedat, nec quod initium salutis sit ex parte hominis, quia non ponere obicem, nullum meritum, vel initium est. Dices expectare Deum ut homo non peccet, nec obicem ponat, quod etiam videtur absurdum, ad hoc respondebimus in puncto sequenti.

2.  
Obiectio ad  
responsionem  
prima.

Contra dictam verò responsionem instari potest, quia vel illa conditio non ponendi obicem, est in potestate hominis sine gratia praecedente & excitante, vel ad illam implendam requiritur gratia: neutrum potest conuenienter dici; ergo manet integra eadem difficultas. Minor quoad priorem partem probatur, quia aliàs posset homo ante omnem gratiam Dei se immunem à peccato seruare per bonum usum naturalem boni liberi arbitrii, quod dici non potest, etiam si de

**A** peccatis mortalibus loquamur, ut ex dictis in lib. 2. suppono. Sequela probatur, quia quodlibet peccatum mortale est sufficiens impedimentum diuinæ gratiae; ergo ut homo non ponat obicem, oportet ut omnia peccata euitet; ergo si per solum liberum arbitrium potest non ponere obicem, potest omnia peccata mortalia euitare. Altera verò pars minoris probatur; quia ad implendam illam conditionem, requiritur prior gratia, si illa non datur, petitur ab homine conditio illi impossibilis, & sic vana est promissio; si verò datur, hoc est contra hypotheseum, loquimur enim de homine nondum vocato, nec excitato per gratiam, & praeterea iam illius gratiae promissio erit omnino absoluta, & sine ulla conditione, quod etiam est contra dicta.

**B** Secundo obicitur contra dictam responsionem, & declarationem, quia ex illa sequitur, si homo postquam venit ad usum rationis, peccatum aliquod mortale committat, eo ipso fieri incapacem illius promissionis, quia Deus offert gratiam facienti quod in se est, quod videtur inconueniens, quia aliàs inutilis esset illa promissio, quia nullus est homo, qui perueniens ad usum rationis, non citissime peccet, nisi praenaturatur à Deo per gratiam, ut non peccet. Item, quia aliàs Deus non esset paratus ad dandam gratiam ei, qui semel peccauit, quia nec absolute eam promissit, nec iam superest conditio, quae ab homine impleri possit; quod etiam est absurdum, & contra dicta. Probatum autem prima sequela, quia quodlibet impedimentum peccati, est sufficiens impedimentum gratiae: postquam autem homo semel peccauit, non potest peccatum à se tollere; ergo nec impedimentum tollere; ergo statim fit incapax promissionis: non dico autem fieri incapax gratiae, nam si Deus velit, poterit illam dare: sed infero fieri incapacem promissionis, quia ex vi illius non tenetur Deus illam dare ponenti obicem, quod si dederit, ex sola sua libertate dabit, non ex promissione.

**C** Tertiò obicitur potest, quia sequitur, si homini facienti quod in se est, Deus non daret gratiam, habere talem hominem excusationem apud Deum, etiam si reliqua necessaria ad salutem non praeter, quia iam per illum non stetit, sed per Deum. Consequens videtur esse contra Augustinum epist. 105. post medium dicentem, *Cum non liberat, nisi gratia, nihil iustum inuenis in eo, quem liberat, non voluntatem, non operationem, non saltem ipsam excusationem, nam si haec iusta est, quisquid ea utitur, non merito, sed gratia liberatur*. Ergo nec talis excusatio ex sententia Augustini admitenda est. Et rationem indicat, quia aliàs ratione illius daretur gratia, & ita non esset mera gratia, sed ex aliquo merito, id est, ex aliquo titulo iustitiae, quia qui propter excusationem exigit aliquid, non ut omnino gratuitum, sed ut debitum aliquo modo id postulat. Vnde etiam sequitur axioma illud, *facienti quod in se est*, &c. intellectum etiam eo modo quo nos illum interpretati sumus, non omnino à Pelagianismo excusari, quia ex parte hominis esset aliqua ratio obtinendi gratiam, saltem quia excusationem habuit apud Deum, & ideo gratiam recepit. Quarto sequitur è contrario eum qui peccando in principio usus rationis posuit impedimentum gratiae fidei, non habere

2?

Altera obie-

ctio.

3.

Obiectio

tertia.

August.

habere excusationem suæ infidelitatis, æque nullum posse adultum negatiuè tantum infidelem, saltem post aliquam moram temporis ab usu rationis. Consequens est falsum, ut supponimus: ergo sequela patet, quia ille sua culpa caret notitia fidei; nam si fecisset quod in se est, ut tenebatur, recepisset reuelationem, & excitationem ad fidem; ergo imputatur illi carentia fidei, ac subinde est infidelis culpabiliter, & non tantum negatiuè.

4.  
Responsum  
D. Thomæ  
circa hanc  
difficultatē.

Principalem difficultatem insinuat D. Thomas dicto lib. 3. contra gent. cap. 160. dum ait, quod dictum est, in potestate liberi arbitrii esse ne impedimentum gratiæ præstet, competere his in quibus natura integra fuerit, quia si natura sit lapsa, non erit in potestate eius, nullum impedimentum gratiæ præstare. Et ita oritur difficultas tacta, quia sic conditio postulata ab homine lapsa impossibilis videtur. In fine autem capituli respondere videtur primò, id non esse inconueniens, quia illa impotentia ei imputatur ad culpam, quod non est intelligendum propriè & in se, quia illa impotentia formalitè sit culpa, vel nouam poenam mereatur, id enim nullo modo dici potest, cum illa impotentia, nec sic actus hominis, nec in se libera: dicit ergo imputari ad culpam in radice, quia hic defectus ex culpa præcedente in eis relinquitur, utrique originali peccato. Hæc verò responsio satisfaceret quidem, nisi Deus quantum est ex se saluare omnes homines lapsos, eisque auxilia ad delendum originale peccatum sufficientia, & adultis actualia auxilia in singulis recipienda, quantum est ex se, dare decreuisset. Adposita in Deo hac voluntate, prouidentia illi consentanea, nullo modo potest illa responsio satisfacere, quia peccatum originale iam non est computandum in ea, quæ impediunt in adultis initium excitantis gratiæ supernaturalis, quia non obstante hoc peccato promissa est hominibus lapsis propter Christum diuina gratia sufficiens; ergo in ea promissione non potest postulari, ut conditio requisita carentia talis culpæ, cum promissio supponat illam culpam, quæ adultis remitti non potest, nisi prius in eis impleatur illa promissio dando illis excitantem gratiam: ergo ita facta est, ut sit implenda, non obstante illo impedimento, si aliud non addatur; ergo necessarium est, ut sit in potestate hominis lapsi, cui facta est illa promissio, non addere aliud impedimentum, aliàs facta esset illa promissio sub conditione impossibili, & ita derisoria, & frustranea existeret.

5.  
Argumentū  
primum.

Addit ergo D. Thomas in eodem loco aliam responsionem, nimirum licet homo lapsus non habeat potestatem ad vitandum omnino peccatum, habere tamen potestatem ad euitandum hoc, vel aliud peccatum. Vnde, inquit, quodcumque commisit, voluntariè commisit, & ita non immeritò ei imputatur ad culpam, per quam nimirum ponat impedimentum gratiæ. Verumtamen responsio non caret difficultate, quia primò licet in multis verum sit hominem lapsum posse vitare hoc, vel illud peccatum, non tamen in omnibus determinatis actibus & occasionibus id verum est: nam si occurrat tempus diligendi Deum, ut Auctorem naturæ super omnia, in illo non potest homo implere naturalem legem sine auxilio gratiæ, ut supra lib. 2. dictum est; ergo nec potest facere quod tenetur, ut non ponat impedimentum gratiæ, & hoc argumentum maximè urget, si verum est teneri hominem venientem ad usum rationis statim, vel quàm primum Deus illi in mentem venit, illum hoc modo diligere: nam tunc non poterit non statim pone-

re impedimentum, nisi per gratiam præueniatur; ergo tunc non erit danda gratia facienti quod in se est, sed potius erit illi necessaria; ut faciat quod debet, & quod in se est cum illa, non verò ante illam.

Secundò fieri potest simile argumentum de occasione in qua grauis tentatio occurrat, nam tunc etiam non potest homo non ponere impedimentum gratiæ, nisi per illam præueniatur; ergo si ab eo petitur, ut ante gratiam non ponat impedimentum gratiæ, conditio impossibilis ab eo postulatur. Estque verisimillimum similem tentationem regulariter, ac ferè omnibus hominibus occurrere paulò post rationis usum, præsertim iis, qui inter infideles sine illo usu veræ religionis educantur, quia ipsa consuetudo vel superstitiosi cultus, vel imitandi vitia parentum est sufficiens ad inducendam grauem tentationem statim post rationis usum, maximè interueniente dæmonis sollicitudine, qui cum circa omnes vigilet quærens quem deuoret, maximè in iis dominatur, qui nondum aliquam diuinæ gratiæ excitationem accipere inceperunt: vnde verisimile est statim in illo initio enixè contendere ut cadant, & ponant gratiæ impedimentum: ergo cum resistere non possunt sine gratia, si ab eis postulatur tamquam conditio necessaria ut resistent, ne ponant gratiæ impedimentum petit conditio impossibilis, nam ut possint resistere, oportet ut per gratiam præueniantur.

Tertio sit argumentum de ipsa collectione præceptorum, & de impotentia seruandi omnia sine peccato, quia etiam si homo gentilis, verbi gratia, seruet semel, aut iterum præceptum naturale occurrens, non statim illuminatur à Deo, & fieri potest, ut per aliquod longum tempus non illuminetur: at verò homo infidelis non potest longo tempore totam legem naturalem, sine peccato seruare; ergo si ab illo petitur, ut conditio necessaria ad primam gratiam obtinendam, petitur conditio impossibilis: ergo ut iis hominibus detur gratia sufficiens, non satis est afferre illis gratiam, si faciant, quod in eis est, sed oportet illos præuenire per gratiam ut possint facere quod in eis est, seu quod debent.

Ad hæc responderi potest per distinctionem potentie moralis & physice, & dicendo, licet in prædictis casibus moraliter non possit homo facere quod debet, physice posse facere, ita ut illi imputetur si non faciat, & hoc satis esse ut ei imputetur, & censeatur ponere impedimentum gratiæ, iuxta quam responsionem consequenter concedendum erit his hominibus dari, vel offerri auxilium sufficiens physice, licet non moraliter, quia licet auxilium supernaturale, quod Deus paratus est dare in se expectatum sit, vel esse posset moraliter sufficiens, imò etiam de se potest esse efficax, nihilominus modus quo offertur homini non ponenti obicem est naturaliter impossibilis, ut declaratum est, & ita in effectu talium hominum sufficientia poterit dici physica, non moralis, seu moraliter possibilis: nec hoc inuoluit iniustitiam ex parte Dei, quia non tenetur lege vlla iustitiæ copiosiores gratiam, & faciliorem modum illam obtinendi conferre, & quia peccatum originale de se totam illam gratiæ carentiam, vel sterilitatem meretur, & Deus ex vi generalis voluntatis saluandi homines, aut vniuersalis redemptionis ad maiorem prouidentiam, aut liberalitatem obligari noluit.

Sed hæc responsio, licet contentiosè possit sustineri, quia non inuoluit errorem, aut aliquid manifestè contrarium diuinæ bonitati, nihilominus mihi

6.  
Argumentum  
secundum.

7.  
Argumentum  
tertium.

8.  
Respondetur  
distinguen-  
do potestatem  
moralem, &  
physicam.

9.  
Quod au-  
tor non  
probat.

mihi non probatur, quia est durissima sententia, & parum consentanea visceribus diuinæ misericordiae, quam in Scripturis sanctis erga peccatores & miseros homines lapsos Deus ostendit; & etiam contra sufficientiam vniuersalis redemptionis Christi, quæ ut perfecta sit, non tantum physica, sed moralis esse debuit, aliàs respectu talium hominum magis illis esset occasio damnationis maioris, quam salutis, nam cum illa potentia physica talis sit, ut numquam consequatur effectum sine gratia, quid confert ad salutem quod offeratur gratia redemptionis sub conditione faciendi id quod propter impotentiam moralem numquam faciendum est. Denique modus ille prouidentiae non videtur Deo dignus, nam videtur esse simulatio quædam, vel hominum elusio, quam prouisio sufficiens.

10.  
Alia respon-  
sio

Aliter ergo responderi potest distinguendo inter facere quod in se est, & facere, seu implere quod homo tenetur: nam in omni occasione potest homo gratia destitutus facere quod in se est, per viros naturales, quamuis non semper id sit satis ad faciendum cum effectu totum ad id quod tenetur, licet ad aliquam excusationem sufficiat; quæ responsio potest facile accommodari ad primum casum de dilectione Dei super omnia. nam licet in rigore homo teneatur per legem naturalem diligere Deum super omnia actu perfecto & absoluto, & destitutus gratia id facere non possit, nihilominus aliquo actu imperfecto potest diligere, unde si in hoc genere faciat, tunc quod potest moraliter, etiam si perfecte non diligit, facit nihilominus quod in se est, ut non ponat impedimentum gratiae, quia licet non impleat legem integre, facit quod potest, & in eo quod non facit per impotentiam, excusatur. In secundo autem casu, aliter hoc explicandum est, quia ille qui consentit tentationi contra legem naturalem, non excusatur à culpa propter solam tentationem, nec facit quod in se est, nisi resistat, etiam si soli suæ libertati relinquatur, ut in lib. secundo visum est, quia libertas si sit perfecta, includit potentiam moralem non faciendi, & ita in illo casu & physice & moraliter potest homo facere quod in se est, ita ut non ponat impedimentum, unde si tentatio eò peruenit, ut tollat potentiam moralem, tunc habet locum responsio quod si homo faciat quod moraliter potest, & propter impotentiam moralem vincatur, nihilominus non ponet impedimentum gratiae, quia excusatur à graui culpa, licet cum effectu non impleat legem.

11.

At verò licet hoc sustineri possit respectu singulorum instantium temporis, pro quo durat tentatio, non tamen respectu totius tentationis absolute, nam licet totam illam non possit homo moraliter & in effectu vincere, nihilominus non excusatur à culpa in quocumque momento peccet, quia cum impotentia morali respectu totius temporis, stat potentia moralis respectu singulorum instantium, & ita optime stant illa duo simul, videlicet, ut homo non excusetur à culpa, nihilominus moraliter non possit facere quod in se est, id est, quod necessarium est, ut non ponat impedimentum gratiae, & ita reuoluimus in priorem responsionem, eademque difficultas relinquatur in tertio casu: nam extra casum tentationis grauis potest homo moraliter non peccare in singulis, licet simpliciter non posset vitare omnino peccatum, nec ad hoc facere quantum in se est sine auxilio gratiae.

12.

Quapropter persistendo in eadem responsione dici potest, esto verum sit in illis casibus non

A excusari hominem à peccato violando legem naturalem, nihilominus si faciat quod in se est aliquo modo & ex pura infirmitate cadat, nihilominus quoad hoc excusatur, ut non propterea censeatur ponere impedimentum excitanti gratiae, seu vocationi diuinæ, quia conditio in rigore postulata non est ut omnino peccet, sed ut non sit omnino negligens, & quasi contemptor legis naturalis, imò potius humanam aliquam diligentiam ad se continendum adhibeat, pie enim credi potest Deum non deferaturum eum, qui saltem hoc modo se gessit, licet interdum cadat, quia est casus ex infirmitate, vel ignorantia, quam miseratur Deus, iuxta illud Pauli, *Misericordiam consequutus sum, quia ignorans feci*, qui modus dicendi est probabilis, non tamen mihi omnino satisfacit, quia satis declarat conuenientem & sufficientem prouidentiam Dei erga hos homines, non solum ut saluari possint, sed etiam ut possint simpliciter & moraliter non peccare; item quia non potest negari, quin omne peccatum mortale de se sit dignum carentia omnis gratiae, etiam excitationis; unde licet Deus det illam hominibus sic peccantibus ex sua liberalitate, sicut dat etiam interdum illam induratis & contemptoribus & pessimis hominibus, nihilominus non possumus asserere esse infalibilem regulam quod his, qui sic peccant, dabit Deus gratiam si negligentiores non sint.

1. Timoth. 1.  
13.

C Multo enim melius videntur expediri praedictae difficultates per distinctionem duplicis gratiae supra traditam, una est enim ordinis naturalis, altera supernaturalis, ex quibus prior potest in suo genere esse sufficiens ad implendum quodlibet præceptum legis naturalis, & ad vitandum quodlibet peccatum, etiam vigente graui tentatione, ut ex dictis in lib. secundo constat; non autem est talis gratia proximè sufficiens ad implenda supernaturalia præcepta, vel actus per se infusos eliciendos, sed remotè dici potest sufficiens, quia bene utitur illa, non negatur altera supernaturalis, quæ ad dictos effectus necessaria est, & proximè sufficit.

13.

D Qua doctrina, quæ vera & communis est, facile ad primam instantiam respondetur: occurrente præcepto naturali diligendi Deum finem naturæ super omnia, & tempore pro quo obligat ad prouidentiam gratiae Dei, quam propter Christum pro lapsis hominibus statuit pertinere ut præueniat hominem per sufficiens auxilium gratiae naturalis ordinis quo possit homo illud peccatum implere, si velit, & ad illam gratiam dandam non postulatur conditio ut homo faciat quod in se est, sed ex liberalitate & misericordia Dei datur, quia necessitas hominis id requirit, & Deus voluit per Christum omnium misereri, prouidendo in articulis necessitatis iuxta vniuersum cuiusque occasionis exigentiam saltem sufficienter, quod si per tale auxilium homo non impleat præceptum, iam non facit quod in se est; si verò adimpleat, non propterea meretur supernaturale auxilium, dabitur autem gratis propter Christum.

14.  
Instantiæ  
occurrent,  
primò.

E Ad secundam instantiam similiter dicitur in omni articulo grauis tentationis contra legem naturalem non deferaturum Deum dando simile auxilium eiusdem ordinis sufficiens ad non consentiendum tentationi, & seruandum præceptum, siue Deus immediatè conferat tale auxilium per se ipsum, siue per Angelum custodem, siue per alia media specialis prouidentiae suæ, vel positiuè excitantia mentem hominis speciali modo, & præter communem ordinem causarum, siue priuatiuè accendo Dæmonem, ne tam grauius tentet: hoc autem solum

15.  
Occurrunt  
secundò.



solum pertinet ad eandem providentiam Dei, & eo modo fundandum & explicandum est quo in precedenti puncto id fecimus ad tertiam instantiam, eodem modo responderi potest Deum per auxilia specialia gratiæ eiusdem ordinis naturalis præuenire hominem ratione vteatē, ita ut moraliter possit totam illam legem naturalem implere, & omnino peccatum vitare pro aliquo tempore, in quo si cum illis auxiliis faciat quod in se est, illuminabit eum.

16. Ut autem hæc difficultas clariùs expediatur, quæri potest, quomodo sit intelligendum Deum dare gratiam hanc facienti quod in se est per auxilium inferioris gratiæ, an scilicet statim de illam in eodem momento, ut post aliquam moram, vel quanta illa sit; nam iuxta quantitatem moræ facile intelligetur, an possit homo in tota illa sine peccato conservari antequam illuminetur per vocationem ad fidem. Quidam sentiunt in eodem puncto, vel saltem immediatè postquam homo fecit, quod in se est intra ordinem naturæ actu recipere supernaturalem illam illuminationem, ita sentiunt multi Thomistæ, habentque fundamentum in D. Thoma 1. 2. q. 89. art. 6. ubi ait, si homo in sylvis educatus, & perueniens ad usum rationis faciat quod in se est, ut conuertatur in Deum, eo modo quo tunc potest, statim fore iustificandum, quod non potest intelligi ex vi conuersionis & dispositionis naturalis: ergo debet intelligi, quia statim recipit illum in actionem fidei, cui si cooperari velit, statim iustificatur. Quod si hoc verum est, cessat difficultas posita, quia ut homo faciat quod in se est, ita ut primam supernaturalem excitationem gratiæ recipiat, non est necessarium facere quod in se est perseveranter, vel constanter pro aliquo tempore, sed tantum in prima occasione, quæ post usum rationis moraliter offertur: id autem facere potest homo non tantum per auxilium supernaturale, id est, ordinis supernaturalis, (ut quidam indicant,) sed etiam per auxilium peculiare gratiæ ordinis naturalis, ut declaratum est, quia datur solum ad actum naturalem, & ad vincendam naturalem difficultatem, imò extra occasionem amandi Deum supra omnia, vel vincendi grauem tentationem, ordinaria naturalis cogitatio honesta cum perfecto usu rationis potest ille ad id sufficiens, quia solum requiritur ut homo faciat quod in se est, ad cuiusmodi impedimentum peccati, hoc autem pro brevi tempore fieri potest sine speciali auxilio gratiæ, etiam naturalis ordinis, ut iam etiam explicatum est.

17. Verumtamen non video, quo fundamento affirmetur, eum qui in vno actu & momento conuertitur in Deum, vel in bonum rationis, eo modo quo tenetur, vel quo potest per auxilium siue naturæ, siue gratiæ præcedens ad fidem, & fidei vocationem ita in vel in eodem momento physico, vel morali, seu immediatè post infallibiliter illuminari à Deo supernaturaliter, præsertim quando non exstat periculum mortis, seu extremæ necessitatis articulus. Hoc enim nec reuelatum est in particulari, nec ex necessitate sequitur ex vniuersali redemptione Christi, nec ex generali voluntate, qua Deus vult omnes homines saluos fieri, quia hæc possunt impleri in quolibet tempore huius vitæ, dum mors non instat. Item illud, quod homo operatur, quando facit quod in se est, non est vltima dispositio ad gratiam excitantem, imò nec dispositio est, sed tantum remouens impedimentum: unde ergo habet necessariam connexionem cum tali gratia, cum de extrinseca pro-

A missione, cum illa restrictione & præcisione facta non conitet? Unde in hoc est magna & notanda differentia inter gratiam habitualem & actualem, & in sensu illius axiomatis de vna, vel de alia intellectu. Nam gratia habitualis requirit certam dispositionem vltimam, cum qua habet infallibilem connexionem, & ideo facienti quod in se est per auxilium supernaturale præueniens, infallibiliter datur gratia statim, ac homo se disponit. At verò gratia prima excitans, nec requirit præuiam dispositionem, nec habere, illam potest, sed ad summum carentia obicis, cum qua sola non habet infallibilem connexionem inductio formæ; seu talis gratia: unde ergo affirmari potest, facienti quod in se est ante talem gratiam, dari statim supernaturale auxilium gratiæ.

B Dicunt aliqui à posteriori id colligi, ne possit homo perueniens ad usum rationis in peccato originali peccare prius venialiter, quàm mortaliter, quod reputatur inconueniens. Sed hoc fundamentum & remotum valde & incertissimum est, quia vel id nullum est inconueniens, in pueris enim baptizatis peruenientibus ad usum rationis credimus id interdum accidere, nec est maior impotentia in non baptizatis, & præterea etiam in illa sententia id vitari non potest, quia non potest tunc tam magna illuminatio & accelerata iustificatio ut non possit homo aliquantulum distrahi, & prius venialiter peccare, quàm per illam iustificantem gratiam iustificetur. Si enim iam quis impleuit præceptum naturale faciendo quod in se est per prius auxilium, antequam illuminaretur per vocationem ad fidem, non tenetur statim, aut vocatur credere, sed potest deliberare & recogitare, nec tenetur hoc facere cum tanta temporis celeritate, ut non possit interim comedere aut loqui: poterit ergo peccare venialiter priusquam incipiat credere, vel etiam si credat, non tenetur statim diligere Deum super omnia dilectione charitatis, ut iustificetur, non enim hoc affirmatiuum præceptum obligat eum tanto rigore, ac subinde potest mora aliqua intercedere, in qua homo venialiter peccet, priusquam ab originali peccato iustificetur. Non est enim illud solidum fundamentum, nec vllum video quo possit incunctanter affirmari, facienti quod in se est in vno actu, & occasione infallibiliter statim Deum dare auxilium supernaturale sufficiens.

D Dico ergo de hoc tempore & modo quo Deus dat unicuique hominum auxilium supernaturale proximè sufficiens, nihil posse à nobis definire affirmari, sed hoc Deum suæ libere dispositioni reservasse, nam cum illa præueniens gratia non fundetur in merito, vel dispositione hominis, non potest ex ipsius actione, certa regula sumi circa tempus in quo datur hæc gratia. Et verisimilius est, non omnibus etiam facientibus quod in se est, statim dari, ne videatur ex debito & propter hominis actum dari. Unde sicut ad ostensionem gratiæ Dei, Deus interdum dat hanc gratiam magnis peccatoribus, & nō dat minoribus, ita etiam multos fortasse priusquam faciant, quod in ipsis est, præuenit per hanc eandem gratiam supernaturalis ordinis, dando illis ne peccent, alios fortasse mouet prius per auxilium ordinis naturalis, & statim ac facienti quod in se est, illos illuminat, aliis etiam id in facientibus circa observationem legis naturalis, differt vocationem supernaturalem pro tempore à se disposito, non quia expectet eorum meritum, vel dispositionem, sed quia pro suo arbitrio non vult dare,

In quo gratia habitualis, & actualis differant.

18.

19. Afferunt Auctoris.

deare, nisi in articulo maioris necessitatis, vel congruitatis in ordine ad alios fines providentiae suae. Et haec differentia in partibus ipsis cernitur; nam quibusdam providet Deus extraordinario modo ut baptizentur, aliis non ita, licet fortasse in vita & diligentia parentum, vel non sit discrimen, vel etiam interdum meliores, vel minus mali sint, quorum filius perire permittitur, quam eius, cui Baptismo specialiter providetur. Et de adultis gentibus legimus, quosdam servasse Deum usque ad senectutem, & tandem peculiari modo providisse modum, quo fidem audirent, quam antea nec exterius, nec interius perceperant; alios vero ante vocasse, alios nunquam, quae varietas non potest in eorum facta referri, cum vel eadem, vel peiora in his saepe inveniuntur, qui citius vocantur: solum ergo dicere possumus Deum neminem deserere, nisi prius deseratur ab ipso; non tamen dicere possumus, Deum statim accedere, (ut sic dicam,) vel infundere vocationem naturalem adulto, eo ipso quod aliquo tempore non deserit Deum, seu non peccat mortaliter, vel aliquod naturale praeceptum tunc occurrentes observat: verisimile autem est Deum non adeo differre gratiam suam, ut in ea mora non possit homo per auxilia ordinis naturalis quae tunc recipit moraliter sine peccato perseverare. Hoc enim iam attingit necessitatis articulum, & moraliter sequitur ex promissione illa qua Deus paratus est dare omnibus auxilium sufficiens, saltem opportuno tempore, ut supra cap. . . explicatum est.

20.  
Corollarium.

Ex quibus colligit lector, ex tribus ordinibus excitationum quas superiori lib. cap. . . distinguimus merè naturalem, gratuitam ordinis naturalis, & gratiam ordinis supernaturalis, aliquam eorum necessarium esse, ut homo faciat quod in se est, ne gratiam impediatur, non tamen quamlibet sufficere. Primum declaratur, quia homo non facit quod in se est, nihil boni agendo, nam licet per se solum necesse sit cavere impedimentum peccati, illud tamen moraliter non cavetur, sine aliqua bona actione: tum propter praecepta affirmativa saepe occurrentia, tum propter negativa, quae propter pericula & occasiones vitae praesentis, sine positivis actibus voluntatis non servantur, & ideo non dictum est, non ponenti obicem, sed dictum est facienti quod in se est, quia aliquid boni agere oportet: hoc autem non fit sine excitatione cogitationis honestae, ut ex dictis in superioribus constat, ergo aliqua excitatio necessaria est ad faciendum quod in se est. Altera verò pars declaratur: nam cogitatio merè naturalis non sufficit absolute, non quia talis cogitatio non possit esse satis, ut homo possit aliquid boni facere, imò etiam ut congruè & cum effectu illud faciat, sed quia non statim ac homo facit aliquid boni, censetur facere quod in se est, nam aliquando oportebit facere opus arduum & difficile, vel plura bona per aliquod tempus, quod non potest moraliter impleri per solam naturalem cogitationem. Est enim moraliter necessaria maior & specialiter excitatio & praeventio Dei, quae non est per se debita natura, sed gratiam continet veram, & quae nunc per Christum datur, licet sit ordinis naturalis. Haec autem non sufficit, ut sit principium meriti altioris excitationis supernaturalis, sed solum ut sit auxilium ad non ponendum illi obicem. Tertia verò excitatio supernaturalis si sit prima, est etiam gratuita data, in eodem ordine & potest esse principium non solum non ponendi impedimentum sequentibus excitationibus, sed etiam merendi illas saltem

A de congruo, vel eas impetrandi, & se ad illas moraliter disponendi, faciendo nimirum quod in se est per tales excitationes, ut per subsequentes tandem usque ad gratiam habituales perveniatur.

Denique ex his facile erit reliqua argumenta in principio huius capituli proposita dissolvere. Ad secundum in primis dicimus ante excitationem supernaturalis etiam supponi in homine excitationem, qua possit ira facere quod in se est intra ordinem legis naturalis, ut non ponat impedimentum superiori gratiae, ideoque non esse inutilem illam promissionem sub ea conditione, etiam si rarissime impleatur illa conditio propter hominum negligentiam, vel infirmitatem, quia non promittit Deus omnibus, vel pluribus cogitationem congruam, vel gratiam, vel gratiam efficacem, quae faciunt cum effectu quod in se est, sed tantum sufficientem, & haec nulli deest aliquo ex modis explicatis. Peritur autem in illa obiectione, quia dicendum sit de homine, qui iam semel non fecit, quod in se est, sed peccavit & per hoc posuit impedimentum gratiae. Ad quod breviter dicendum est, si rigor iustitiae attendatur, hominem sic parentem, quantum in se est, perpetuum impedimentum gratiae posuisse, eaque privari omnino non meruisse novum demerito, & distincto ab eo, quod per peccatum originale contraxerat, quod totum de se manifestum est, considerata malicia mortalis peccati, de quo loquimur. Nihilominus tamen attento ordine divinae providentiae, & gratiae, dicendum est, quamdiu talis peccator in hac vita vivit, etiam si

B Genilis, vel infidelis sit, Deum esse paratum ad vocandum, & per gratiam praevenientem illuminandum illum, si eo modo quo potest per auxilium, quod actu recipit, etiam si ordinis supernaturalis non sit, cesset impedimentum apponere, faciendo quod in se est, ad observandam legem naturalem. Et hoc ex parte convincit illa secunda obiectio, quia isti peccatores non sunt extra statum salutis; ergo habent sufficiens auxilium ad illam consequendam; sed multi sunt qui illum non habent actu in se receptum, quia Deus non omnes peccatores ita praevenit, ut testatur Divus Thomas 3. contra gentes, cap. 161. & maxime videtur verum de praeventionem per auxilium ordinis supernaturalis; ergo necesse est, ut saltem det hoc auxilium, ostendendo illud quantum in se est, si per homines non steterit, seu, quod idem est, si desit actuale impedimentum gratiae apponere. Unde ut talis conditio impleatur, non est necessarium, ut homo à se expellat maculam peccati, quam contraxit, ut recte notavit Alenf. 3. part. quest. 61. artic. 3. ad 5. quia hoc est impossibile sine praevia fide, & aliis auxiliis supernaturalis gratiae. Quia licet talis macula de se impediatur, Deus pro sua misericordia & propter Christum, ea non obstante, paratus est succurrere homini, si removeat, (ait Alenf.)

C actum suum voluntarium, & dissentium ad bonum, & consensum ad malum. nam post hoc removeat illud, quod est prohibens gratiam, id est, cessat ponere impedimentum, quod satis est, ut Deus pulset per gratiam, occasionem, & tempus sua voluntate liberè disponendo, ut in fine praecedentis puncti explicatum est.

D Ad tertium de excusatione peccatoris facientis quod in se est, si ei non daretur auxilium, respondetur in primis, casum non esse admittendum secundum ordinariam Dei providentiam, quia Deus non deserit iustum, nisi deserentem ipsum, ut saepe dictum est; illa verò permixta hypothese, dicendum est, in eo casu excusari quidem hominem à novo peccato,

21.

Solutio: reliqua argumenta in principio huius capituli posita.

Argumentum secundum.

Dubium.

Solutio.

D. Thom.

Alenf.

22.

Argumentum tertium de excusatione peccatoris facientis quod in se est.

peccato, si non faciat id, quod sine gratia facere non potest, non tamen excusari, vel à culpa originali, in qua permanet, nec ab aliis peccatis, quæ contra legem naturalem commiserit: quia licet homini denegetur auxilium supernaturalis ad actus superioris ordinis, semper habet arbitrium libertatem, & sufficientem rationis vsum ad non peccandum contra legem naturalem, quod satis est ut ei imputetur qualibet transgressio naturalis legis, etiamsi ei non daretur auxilium, vel ad præcedentis peccati remissionem obtinendam, vel ad fidem consequendam, vel ad constantem perseverandum in legis naturalis observatione. Nam ut transgressio naturalis legis in rigore & sine legitima excusatione imputetur ad culpam, satis est ut quolibet determinato tempore & actu habeat homo sufficientem cognitionem, & rationis aduerentiam, cum naturali libertate ad non peccandum, etiamsi maior gratia illi non daretur, præsertim quando propter antecedens peccatum indignus factus est gratiæ.

40.

Atque hunc in modum intelligenda sunt verba Augustini ibi allegata; nam is, qui à Deo gratiam non recipit, nunquam potest eorum peccatorum, quæ commiserit, excusationem apud Deum prætereundere. Item in hoc statu naturæ lapsæ, quamvis homini gratia negaretur, non posset excusari, aut conqueri, vel quod ei fieret iniuria, vel quod absque sufficienti auxilio gratia priuaretur, etiamsi faceret, quantum posset per suam auctoritatem, quia nihil potest facere de se conferens ad salutem, & ideo talis excusatio aliquo modo minuitur in negotio redemptionis rationem gratiæ & libertatis, cum qua nunc datur, quia vel supponeret in homine non procedere culpam, quæ hominem reddet gratiæ indignum, vel eum supponeret non oblitum talis culpæ, posset hominem aliquid suis viribus facere, quo gratiam promeretur, aut eius indignitatem à se repellat. Nihilominus tamen verum est, si homini faceretur, quod in se est, omnino negaretur auxilium necessarium ad remissionem peccati obtinendam, vel ad faciendam opera necessaria ad salutem, habeturum fuisse excusationem quoad novam culpam committendam in his, quæ sine tali auxilio facere non posset, nec enim talis excusatio repugnat gratiæ, quia non est talis, ut ex parte hominis excludat ullam causam, & indignitatem causam gratiæ, sed solum excludat novam culpam in omissione sequentium actuum, qui sine tali gratia fieri non possunt. Nam ut hæc ad novam culpam impuleretur, non satis est quod gratiæ carentia ex priori culpa, quæ voluntaria fuit, posset fieri, quia effectus subiens ad culpam, vel non imputatur ad novam culpam, nisi fuerit prævisus, vel poterit, vel debuit prævideri, & per negligentiam non fuerit prævisus: non oportet autem ut illa subsequenter commissa fuerint prævisi, & quamvis fuissent, prior culpa inde fuisset castigata, postea non committeretur nova culpa, quia nova voluntas libera non intercedit.

41.  
Expenditur  
vltima obiectio.  
An de culpa  
infidelitatis.

Vnde ad quartam & vltimam objectionem de culpa infidelitatis, vel infidelitate negatiua, respondemus negando sequelam. Nam licet is, qui ad vsum rationis peruenit, non faciat quod in se est, sed peccet contra legem naturæ, & ob eam rem à Deo non illuminetur, potest nihilominus à noua culpa infidelitatis excusari, quamvis de fidei doctrina nullam noticiam fuerit consequutus, quod est esse infidelem negatiue. Quia licet in re

Fr. Suarez de Gratia Part. II.

A ipsa posuerit impedimentum gratiæ, ipse omnino & inuincibiliter ignorare potuit, quod illa culpa, quam contra legem naturalem committeret, futura esset impedimentum gratiæ, quia hæc nunquam in cognitione eius ascendit, & ita nouum illud quod ex illo peccato in eum redoundauit, non fuit prævisum, ac proinde nec voluntarium, nec culpabile, ideoque ignorantia fidei semper manet inuincibilis, ac negatiua rationis. Vnde consideratè aduertendum est aliud esse simpliciter imputari hominibus infidelitatem, quod caute audiuit fidei; aliud vero esse hoc imputari ad specialem culpam infidelitatis. Nam hoc posterius non est in vniuersum verum, ut declarauimus, sed autem prius simpliciter verum est, quia verè & in re ipsa infidelis suis peccatis ponit impedimentum gratiæ, & ita voluntate sua facit id quod est impedimentum, licet rationem impedimenti in tali voluntate & actione ipse non agnoscat, quæ ignorantia satis est ut à speciali culpa infidelitatis excusetur, non tamen obiter, quominus impedimentum ipsum sit voluntarium, sicut potest quis cum accedit ad Sacramentum, non recipere effectum, quia ponit obicem gratiæ, & nihilominus non peccat de nouo, quia inuincibiliter ignorat, vel non aduertit obicem, & similia exempla obuiæ esse possunt.

## CAPVT XVII.

### Objectionibus in cap. 13. propositis satisfit.

EX his quæ hæcenus diximus, satis explicatus manet sensus, in quo prima sententia cap. 12. relata intelligenda sit, ut admitti possit, & aliquot Scholasticorum verba, quibus libero arbitrio plus quàm oportet, et in dispositionibus ad gratiam inuoluntate videtur, vel per interpretanda si fieri poterit, vel si capitulo locum habere non poterit, relinenda esse, ut iterum tractando de iustificatione, & de dispositionibus ad illam, necessàriò dicendum erit. Vnde si argumenta secundæ opinionis cap. 13. relata tantum cõtenderent, ut ante auxilium supernaturalis gratiæ nullum eius meritum, vel ratio motus ex parte liberi arbitrii admittatur, ad illa respondere non oporteret, quia nobis contraria non essent. Quia verò ductores illius opinionis, vel plus intendunt, vel omnia inuolunt, & simpliciter negant legem illam dandi gratiam homini scienti quod in se est, idcirco necessàrium ducimus illius opinionis argumentis, quatenus doctrinæ nostræ obuiare possunt, satis facere.

Primum sumebatur ex frequenti admiratione Augustini, quod in causa æquali Deus quosdam vocet, & non alios: vel etiam in interuallo iniquiorem potius vocet, quàm minus inuolunt, cuius prouidentia diuinæ nullam rationem putat dari posse ex parte hominum, sed tantum ex D. i libera voluntate, quod non ita esset si Deus statuisset semper dare gratiam facienti, quod in se est; sed in primis respondemus, hæc doctrinam Augustini non repugnare cõ illa lege, & principio in eo sensu intellecto, quæ nos exprimus, verumque enim coniungit D. Thom. lib. 4. cõtra gentes c. 139. & ibi, nã in hoc vltimo tradit hæc doctrinam Augustini dicentem interdum Deum ex abundantia bonitatis suæ, eos

Argumentum  
primum cap.  
64. vocati-  
onem Dei.

C c qui



qui gratia suae impedimentum praestant, gratia sua praevenerit, non tamen omnes similes ita praevenerit, ut gratiam & misericordiam suam liberalem ostendat, nec huius discriminis esse aliam rationem inquirendam, praeter simplicem Dei voluntatem, & nihilominus in cap. 159. docet quoties homo Dei gratia non praevenerit, ipsi imputari, quae etiam est doctrina Augustini, ut supra allegavi, & ex illa sequitur aperte Deum dare suam praevenerit gratiam homini facienti quod in se est, in sensu à nobis explicato. Igitur ex mente Augustini, & Thomae illa doctrina huic axiomatici non repugnat.

1.

Dicemus enim in primis doctrinam Augustini in illo argumento allegatam frequentissime ab eo tradi de gratia efficaci, non de gratia sufficiente absolute sumpta, ut prout nunc de illa tractamus. Hoc patet ex iisdem locis Augustini. Nam in dicta q. 2. ad Simplician. à medio ferè vsque ad finem in hac ponit mysterium gratiae, quod multi vocantur eo modo, quo aptum erat eis ut venirent. *Ad alios autem, ait, vocatio quidem pervenit, sed quia talis fuit, qua moneri non possent, ut eam capere apti essent, vocati quidem dici potuerunt, sed non electi.* In utrisque ergo ponit vocationem, diversitatem autem in hoc constituit, quod uni datur vocatio congrua, alteri tantum sufficiens, cuius rationem praeter divinam voluntatem ignorare se dicit. Et de eadem inaequalitate vocationum loquitur lib. de Spirit. & liter. cap. 34. cum ait. *Iam si ad illam profunditatem scrutandam quisquam nos coarctet, cur illi ita suaderetur, ut persuaderetur, illi autem non ita, duo sola occurrunt interim, quae respondere mihi placeat. O altitudo divinitarum, & numquid iniquitas apud Deum? Cui responsio ista displicet, quare doctiores, Supponit ergo Augustinus in illa quaestione omnes suaderi, quod pertinet ad sufficientem gratiam; quosdam verò persuaderi, quoad efficacem gratiam spectat, quae aliis, qui non persuadentur, non datur: & in hoc ponit admirationis causam. Denique eundem sensum indicavit Augustinus in illa celebri sententia; *Cur hunc trahat, illum non trahat, noli indicare, si non vis errare.* Nam trahere apud Augustinum gratiam efficacem significat, & in eodem sensu tractat eandem quaestionem Epistol. 107. à medio.*

2.

Trahendi verbum pro gratia efficaci apud Augustinum.

Secundò si velimus sententiam illam & doctrinam Augustini sufficientem gratiam extendere, in hoc etiam maxime cernitur, quia siue facientibus quod in se est, siue non facientibus, non aequalis datur, sed quibusdam maior, aliis minor, pro arbitrio Dei, siue facta hominum aequalia sint, siue inaequalia. In hoc sensu loquitur Augustinus lib. 1. de peccat. merit. cap. 12. ubi proponit duos homines, alterum ab incunte pueritia modestum, moderatum, &c. alium flagitiis, & facinoribus coopertum, & nihilominus maior gratia illi, quam illi datur. *Non dico (inquit) ut iste credat, ille non credat, (quod pertinet ad inaequalitatem in gratia efficaci,) sed ut iste audiat, quod credat, ille non audiat, quod spectat ad inaequalitatem in sufficienti gratia.* Ad utrumque verò gratiam tam efficacem, quam sufficientem pertinet; quod idem Augustinus lib. 2. de peccat. merit. cap. 13. dixit, *Cur autem illum adiuvet, illum non adiuvet, adiuvet illum tantum, illum autem non tantum, istum illo, illi isto modo, penes ipsum est, & aequitatis tam secreta ratio, & excellentia potestatis.* Cum hac autem merè voluntaria distributione gratiae, tam efficaci, quam sufficientis, stat optimè certa lex, ut facienti quod in se est, Deus non denegat

A gratiam; quia per hanc legem, ut diximus, non obligatur Deus nulli dare gratiam, nisi facienti quod in se est, nec dare aequalem omnibus facientibus quod in ipsis est, nec dare tantam, vel tantam gratiam facienti quod in se est; ideo nec dare statim, nec citius quam non facienti quod in se est, nec etiam tardius, quam alteri plus facienti, sed solum definiuit Deus non negare aliquo modo sufficientem facienti quod in se est, quae lex non tollit omnem aliam Dei libertatem.

Ad secundum argumentum negamus ex illo principio, ut à nobis explicatum est, sequi, opus aliquod factum ex solo libero arbitrio esse finitum fidei, vel salutis, quia licet ante primam gratiam possit aliquis facere aliquid boni naturalis, ratione cuius dicatur facere quod in se est, illud bonum opus non est initium salutis, quia nec est meritum, nec dispositio ad auxilium supernaturale, sed est tantum removens novi peccati obicem, quod posset gratiam impedire: & ideo nullo modo est ratio, propter quam datur gratia, sed ex mera Dei misericordia datur, praesentim cum in homine supponatur originale peccatum, ratione cuius est tali gratia indignus, sicut etiam per Sacramentum datur gratia homini tantum attrito, non ex vilo merito, nec dispositione ex se sufficiente, ut inf. à videbimus, sed merè gratis, & nihilominus infallibiliter ex lege à Deo statuta propter Christum datur.

Ad primam autem instantiam, quae in eodem argumento sit, quia facere quod in se est, non potest esse conditio requisita ad gratiam, quin sit ratio, propter quam datur, respondetur in primis illam non esse conditionem sine qua non datur gratia, quia multis datur non facientibus quod in se est, sed solum est conditio sine qua Deus non tenetur ex vi illius legis, vel universalis redemptionis Christi, gratiam conferre, ut supra notavi, & ideo cum Deus dat gratiam facienti quod in se est, non dat intuitu operis eius, sed intuitu Christi & misericordiae suae, quae statuit beneficium illud omnibus non ponentibus obicem conferre.

D Ex quo etiam alia ratio sumitur, quia bonum opus sic factum non influit positivè, (ut sic dicam,) in gratiam, sed in hanc negationem resolvitur, quod obicem non ponit: sola autem carentia obicis non est propria ratio gratiam obtinendi. Et ita non habet locum altera instantia ibi facta, fatemur enim, sicut in praedestinatione non datur ratio eius, nec conditio sine qua non, ita nec in collatione primae gratiae. Non potest autem fieri comparatio in conditione requisita ad obligationem promissionis, quia Deus non promittit praedestinationem sub aliqua conditione, sicut promittit omnibus sufficientem gratiam. Quod si fiat comparatio inter praeparationem totius gratiae, quae datur praedestinatiis cum praeparatione primae gratiae sufficientis, prout ad omnes homines extenditur. Respondetur in hoc tantum servari similitudinem, quod neutra voluntas, seu praeparatio habet causam ex parte hominum, sed ex sola misericordia Dei; diversam verò rationem in hoc inveniri, quod praeparatio gratiae praedestinationis est absoluta, & per decretum efficax, altera verò universalis praeparatio auxilij est conditionata per voluntatem tantum inefficacem, seu antecedentem, quantum est ex parte Dei, vel si per hominem non steterit; ideoque ad primam gratiam praedestinationis nulla ratio, vel conditio expectatur, quae non sit ab ipsa praede-

3. Negatur opus aliquod factum ex solo libero arbitrio esse initium fidei, vel salutis.

4. Instantia primae occurrat.

Alteri instantiae respondeatur.

prædestinatione. Ad primam autem gratiam sufficientem quæ non prædestinatis datur, potest requiri condicio non ponendi obicem, quia potuit Deus decernere non aliter eam dare aliquibus pro sua libertate.

5. Vnde cum dicitur eandem esse rationem de primo gratiæ auxilio, quæ de tota prædestinatione, responderetur id esse verum de primo gratiæ auxilio quod ex propria prædestinatione procedit, nõ verò de primo gratiæ auxilio quod ex generali voluntate saluandi omnes homines confertur. Cuius ratio est, quia gratia propria prædestinationis est gratia efficax, quæ non est promissa omni facienti, quod in se est, sed ex sola Dei voluntate præparata est quibus datur, vt libro sequenti videbimus, & ideo vel in eis non prærequiritur vt faciant quod in se est per auxilium ordinis naturalis, vel illa etiam dantur congrua & efficacia ex vi prædestinationis, & ita respectu totius prædestinationis non habet locum illa conditio, quia illam et auxilia ex vi electionis & prædestinationis præparatur, quia prædestinatio non solum est radix beneficiorum gratiæ supernaturalis ordinis, sed etiam gratiæ ordinis naturalis; imò etiam naturalium beneficiorum, quæ ad supernaturale finem cum effectu conducunt, vt in prima parte ostensum est: vnde etiam fit, vt licet omnes prædestinati facturi sint, quod in se est, & quod oportet ad salutem; nihilominus nõ ideo prædestinati sunt, quia facturi sũt, sed prædestinantur vt id faciant. Aliud verò est de prima gratia tantum sufficiente, quæ datur non prædestinato, nam illa nõ est absolute præparata omnibus hominibus, sed generatim tantum sub conditione, dum modo non ponant obicem, & multi non implent conditionem, & ideo tali gratia perpetuo carent. Alij verò implentes conditionem, illam recipiunt, non tamen efficacem, sed tantum sufficientem, quia non ex prædestinatione recipiunt, nec aliter erat promissa, & nihilominus in eo quod aliquid boni faciunt dum id, quod est in se, faciunt, aliquid beneficium congruæ cogitationis, vel gratiæ ordinis naturalis omnino gratis, & sine illa præcisa conditione accipiunt, quod tamen non ex propria prædestinatione, sed ex generali prouidentia, vel naturæ, vel gratiæ dimanat.

Prædestinationis gratia ex sola Dei voluntate præparata quibus datur.

Prædestinatio quid.

6. Et ita etiam procedit, quod in eodem argumento additur de vocatione, quod nulla eius ratio, vel conditio præuia postulari ex parte hominis, est enim id verum maxime de vocatione efficaci, de qua loquitur Augustinus in locis ibi allegatis, vt ex dictis in primo argumento constat. Et eodem modo loquitur Prosper, agit enim de bona voluntate pia & conferente ad salutem: de vocatione autem sufficiente supernaturali, quæ generaliter omnibus offertur, verum est multis non offerri, nisi sub ea conditione, & ideo non dari, quia impedimentum ponunt. vnde si isti conferantur cum aliis nõ ponentibus obicem, quibus talis vocatio datur, licet utrique prædestinati non sint, aliqua ratio reddi potest illius cõperationis, cur illis non detur sicut istis, scilicet quia illi posuerunt impedimentum: absoluta verò ratio cur istis detur, non potest dari nisi ex parte Dei & Christi, quia sola cetera obicis non est ratio obrinendi gratiam, vt dixi: præterquam quod etiam illud quod isti faciunt, vt nõ ponant obicem ex peculiari beneficio Dei præparantis illis vel cogitationem congruam naturalem, si tam facile sit opus, vt illa sufficiat, vel gratiam aliquam specialem naturalis ordinis efficacem etiam, seu congruam ad illum proximum actum. Vnde

Fr. Suarez de Gratia Pars II.

A hoc ipsum, *facere, quod in se est*, quatenus est à Deo voluntarie præparatum, nullam habet propriam rationem, vel conditionem ex parte hominis; etiam si non ex propria prædestinatione cõferatur, sed ex vniuersali prouidentia naturæ, vel gratiæ, quia modus etiã & ordo talis prouidentie, omnino gratis est à Deo institutus & ordinatus, sine vlla causa, vel conditione absolute præuisa, ex parte hominis, & ideo omne particulare bonum inde proueniens ad homines ex parte Dei misericordia, licet non sit propria gratia, nisi ad prouidentiam supernaturalem pertineat, vt supra dictum est.

B Ad tertium respondemus ex dictis facile parere posse sententiam à nobis explicatam longissime à Semipelagianis distare; illi enim dicebãt hominem posse suo arbitrio aliquo modo se præparare suis viribus ad gratiam, & ita aliquale meritum in operibus naturæ ponebãt respectu gratiæ & vocationis supernaturalis, & cõsequenter cogebãtur dicere infusionem primæ gratiæ nõ esse liberalem donationem, sed aliquam retributionem, quæ omnia cõstant ex dictis in lib. 1. & supponuntur aperte in testimoniis ibi allegatis, quæ superflue cõtra catholicam sententiam allegantur. Nam auctores eius nullum omnino meritum ante primam gratiam ponunt, nec rationem in operibus naturæ admittunt, quæ mouere possit Deum ad dandam gratiam per modum dispositionis, vel congruæ petitionis, vel aliquid simile. Nec etiam ponunt illam legem per modum pacti conditionati, inter Deum & nos, sed per modum liberalis misericordie iam decretæ & statutæ à Deo, quod si in illa aliquod pactum interuenerit, est respectu Christi Domini tantum, & respectu illius etiam potest esse vera iniustitia in tali donatione, non quatenus sit peccatori, sed quatenus sit Christo, & est retributio meritum eius, non recipiens.

7. Argumentum tertium.

D Addo insuper tantum abesse, vt hic modus offerendi gratiam omnibus facientibus quod in se est, diminuat rationem gratiæ, seu gratitæ donationis, vt potius limitet & angustet, vt sic dicam liberalitatem Dei in hac vniuersali gratiæ largitione. Nam certe liberalius ageret Deus cum hominibus, si propter Christum absolute & sine vlla conditione decreuisset omnes in particulari sufficienter, & proximè vocare ad fidem, etiam si ex parte ipsorum hominum peccata præcederent, & multiplicarentur, quia hoc modo ad plures talis gratia perueniret. Nunc autem, quia effectus ita ostendunt non ita decreuisse, & circa aliquos ita se gessisse, quia illos vocat, etiam si nihil fecerint boni, sed potius multa peccata commiserint, alios vero propter peccata nõ ita vocare, rectè intelligimus circa priores liberaliorem extitisse Deum. & hanc esse vnam ex profunditatibus prouidentie eius, quam Augustinus sæpè miratur. Ergo signum est, quod promissio gratiæ sub illa limitatione facienti quod in se est, ad eum finem tantum posita, vt homo non ponat impedimentum gratiæ, non minuit rationem gratiæ in ratione doni gratuiti. sed facit vt tale donum gratuitum non tam effuse communicetur. Ideoque quando Deus differt per aliquod tempus hoc donum, non expectat ipsum hominem, vt aliquid faciat, quo gratiam promeretur, vt Semipelagiani putabant, sed potius homo expectat Deum, vt sui misereatur, quia Deus suo arbitrio, & ad ostensionem gratiæ suæ differt gratiam suam, quando & quantum vult, & nihilominus ab homine exigit vt interim impedimentum non

8.

Promissio gratiæ ad quem finem posita

Differt Deus gratiam suam quantum vult, pro suo arbitrio.

Cc 1 ponat,

ponat, quod rigoris potius est, licet iusti, quam liberalitatis.

9.  
Argumentum  
quartum.

Quartum argumentum non indiget noua solutione, cum enim ostensum sit, non esse contra rationem gratiæ, ut certa lege offeratur omni facienti, quod in se est, ad non ponendum obicem eidem gratiæ; manifestum est legem, vel promissionem factam dicto modo propter merita Christi non pugnare cum gratia Christi, imò esse maxime meritis & muneribus eius consentaneam. Nam cum ipse sit vniversalis Redemptor quoad sufficientiam, debuit omnibus mereri & obtinere sufficientia auxilia gratiæ ad salutem, & remissionem peccatorum obtinendam: sed non obtinuit, ut omnibus adultis actu darentur talia auxilia, cum hoc non fiat; ergo obtinuit saltem, ut darentur omnibus non ponentibus obicem, & consequenter, ut omnibus offerentur, sub ea saltem conditione, si facerent quod in se est, ne tactu eiusdem gratiæ impedirent. Nec dubitari potest, quin totum hoc potuerit cadere sub meritum Christi: nam potius illa de se sufficientia erant ad obtinendum, ut omnibus etiam iniquissimis & rebellibus daretur talis gratia: de facto autem propter rationes diuinæ providentiæ occultas, noluit merita sua ad hoc absolute obtinendum ordinare, sed cum illa tantum limitatione, ut satis declaratum est. Neque ex hac lege in dicto sensu lata sequitur homini facienti quod in se est, deberi ex vi talis legis, ut iam satis declaratum est, quia solum respectu Christi includit lex illa debitum iustitiæ, respectu verò hominis peccatoris ex sola misericordia, certa lege decet propter Christum datur.

10.  
Ad quorum  
argumentum  
negatur gra-  
tiam sequi  
obedientiam  
humanam.

Ad quintum negatur sequela, nimirum gratiam esse pedissequam liberi arbitrii, seu obedientiæ humanæ, quia licet possit aliqua bona operatio naturalis antecedere non solum naturam, sed etiam tempore infusionem primæ gratiæ excitantis; nihilominus illud bonum opus non est meritum, nec ratio obtinendi talem gratiam, sed solum deseruit ad non ponendum illi obicem. Hoc autem non satis est, ut dicatur gratia subsequi ex naturali bono vsu liberi arbitrii, nec ut gratia dicatur esse pedissequa obedientiæ humanæ, nam hæc verba significant consequutionem causalem, id est, ut gratia sequatur ex obedientia humana, ut ex ratione & merito, vel aliquali causa eius, quod verum esse non potest, nec sequitur ex dicta sententia, sed solum sequitur, quod secundum ordinem temporis, ante impulsu supernaturalis gratiæ præcedere possit aliquis bonus motus naturæ, & quod hic motus possit esse necessarius ad non ponendum obicem gratiæ, quæ iusto iudicio Dei pro aliquo tempore interdum differtur, & quando postea datur ei, qui obicem non posuit, ex pura misericordia datur, non quia sequatur, vel debeatur propter opus eius. Testimonia autem in illo argumento allegata, de operatione pia, & meritoria aliquo modo apud Deum supernaturalium donorum intelliguntur, ut lib. 2. latè diximus, & de illis verum est, nec ordine naturæ, seu causalitatis posse procedere gratiam, sed subsequi, quia non sunt causa proximæ gratiæ, sed effectus; & consequenter etiam verum est nec ordine temporis posse tale opus primam gratiam antecedere, cum causa debeat prius existere, quam effectus. Vnde ad ultimam rationem ibi positam, facile etiam respondetur ex dicta sententia non tolli necessitatem gratiæ præuenientis, nam hæc semper necessaria est ad opera

pietatis, & meritoria apud Deum, etiamsi aliquod bonum opus naturale possit sine illa & ante illam præcedere. Quia tale opus nec tollit necessitatem præuenientis auxilii, ut veram rationem gratiæ in eo impediatur, nec denique tale auxilium dicitur præueniens, quia ante illud nullum bonum opus præcedere possit, sed quia nullum opus pietatis, seu quod possit esse meritorium, vel ratio talis auxilii, illud potest antecedere: quod autem præcedat opus iuuans solum ad non ponendum obicem tali auxilio, nec necessitatem eius tollit, nec aliunde repugnantiam, vel aliud inconueniens inducit.

Ad sextum, in quo inferebatur Deum expectare voluntatem hominis, iam latè responsum est in capite præcedente, negando sequelam, quia potius homo expectat voluntatem Dei, quam Deus expectet voluntatem hominis; nam per legem illam non negandi gratiam facienti quod in se est, non obligatur Deus (ut dixi) ad non dandam gratiam, si velit, homini nondum facienti, quod in se est, sed etiam facienti contra id, quod facere potest & debet, sed solum non obligatur dare suam gratiam excitantem ponenti obicem, licet sæpe id faciat, & ideo te vera non expectat voluntatem hominis. Quod si interdum differt conferre talem gratiam, non est, quia expectet voluntatem hominis, sed quia non tenetur dare illam quam citissime potest, & pro suo arbitrio disponit tempora, in quibus daturus est illam; interim tamen, dum illam non confert, non vult ex parte hominis impedimentum, quod magis pertinet ad rigorem & gratiæ restrictionem, quam ampliacionem, ut declarauimus; ideoque licet Deus aliquibus differat gratiam conferre, & tandem illam eis conferat, si non ponant obicem, faciendo, quod in se est, non ideo in eis ratio gratiæ destruitur, quia nunquam datur ex operibus eorum, ut putabant Cassianus & alij Massilienses, sed dat ex vniuersali misericordia sua, quia vult omnes homines saluos fieri. Illa ergo argumenta impugnant rectè illam propositionem intellectam in sensu Semipelag. qui erit propriè sensus causalis, scilicet quia homo facit per liberum arbitrium quod in se est, id est, aliquid boni, ideo Deus illum supernaturaliter vocat, seu dat illi primam auxiliantem gratiam supernaturalem, non verò impugnant illam intellectam in sensu purè conditionali, in quo conditio nullam rationem meriti, vel causæ includit, sed solam obicis gratiæ negationem, ut satis declaratum est.

II.  
Ad sextum  
argum quod  
Deus expectet volun-  
tatem homi-  
nis, respon-  
sum est in  
præcedenti  
capite.

## CAPVT XVIII.

E Quid Augustinus senserit de sufficienti auxilio, an omnibus adultis detur.

Quamuis in superioribus capitibus definitum sit, Deum ex parte sua dare omnibus hominibus adultis auxilium actuale sufficiens ad salutem, & interdum doctrinam Augustini id confirmauerimus; quia verò eius auctoritas in hac præcipuè materia magna est, & aliqui contendunt, longè aliter illum sensisse, necessarium visum est, hoc punctum separatim tractare, mentemque Augustini diligenter inquirere,



quiere, ut veritas, quam ostendimus, non solum auctoritate eius non obscuratur, verum potius confirmetur.

I.  
Punctum  
difficultatis  
primum de  
reprobis.

Primum ergo Augustinus videtur interdum docere post lapsum Adæ, negare Deum omnibus reprobis auxilium sufficiens. Primum testimonium sit lib. 1. de corrept. & grat. cap. 11. ubi distinguens duplex auxilium, vnum quo homo possit saluari, si velit, id est sufficiens, aliud, quo non solum possit, sed etiam velit, id est efficax, subiungit illud prius datum esse primo homini in statu innocentiz, & Angelis etiam malis in sua creatione. *Alias (inquit) quoniam non talis natura facta erat, ut sine diuina adiutorio posset permanere, si vellet, non vniue sua culpa cecidissent. Adiutorium quippe defuisset, sine quo manere non possent.* & adiungit: *Nunc autem quibus deest tale adiutorium, iam pena peccati est.* In quibus verbis aperte, docere videtur, nunc propter peccatum originale aliquibus non dari adiutorium, quo possint saluari, si velint, id est sufficiens. Qui autem illi sint, explicat, dicens; *Quibus autem ausur, secundam gratiam datur, non secundum debitum, & tanto amplius datur per Iesum Christum Dominum nostrum, quibus id dare Deo placuit, ut non solum adsit sine quo permanere non possumus, etiam si velimus, verum etiam tantum, ac tale sit ut velimus.* in quibus aperte declarare videtur, solis predestinatis hominibus dari gratiam, qua possint saluari, & velint aliis vero neutram dari, nam quibus datur (inquit) gratia, qua possint, si velint, datur etiam ut velint: ergo e contratio quibus non datur ut velint, nec etiam datur gratia, qua possint, si velint.

2.  
Secunda difficultas.

Secundo sumitur argumentum ex variis locis Augustini, in quibus significat eos, qui non conuertuntur, vel saluantur, ideo non saluari, quia non ita vocantur, ut respondere & saluari possint: at si talis fuit eorum vocatio, profecto non est sufficiens, quia ut sit sufficiens, oportet ut saltem deo possit. Ita vero loquitur q. 2. ad Simplicianum. *Ad alias (ait) vocatio quidem peruenit, sed quia talis fuit, qua moueri non possent, vocari quidem dici potuerunt, sed non electi.* Simili modo lib. de Predest. Sanct. cap. 6 ait, *Mulsi audiunt verbum veritatis, sed alij credunt, alij contradicunt; volumus ergo isti credere, nolunt autem illi, quis hoc ignoret? sed cum aliis preparatur, aliis non preparatur voluntas à Domino, discernendum est vniue quid pronemias de misericordia, quid de iudicio.* Vbi videtur in Deum causam non credendi reducere, nimirum, quia illis non preparatur voluntas à Domino: quibus autem non preparatur voluntas, profecto auxilium sufficiens non datur, nam voluntas non preparatur nisi per auxilium praueniens, & excitans, habens paratum auxilium adiuvans ex parte Dei: totum autem hoc includit auxilium sufficiens, ergo his, quorum voluntas non preparatur, nec auxilium sufficiens datur. Vnde cap. 8. ait; *qui non veniunt ad Patrem, non doceri ab illo, nã si audissent, ait, & didicissent, venirent.* Vnde simili modo subiungit inferius, *quos docet, misericordia docet; quos autem non docet, iudicio non docet.* At qui non docetur, profecto non recipit auxilium sufficiens, ut discat, & credat, nam si ne doctrina nemo potest discere, & similia sæpe repetit in illo capite, & alia multa habet in lib. de bonor. perseverant. Vbi in cap. 8. notanda sunt illa verba, *Non itaque in hominum, sed Dei est potestas, ut habeant homines filios Dei fieri, ab ipso quippe accipiunt eam, qui dat cordi humano cogitationes pias, per quas habeat fidem qua per dilectionem operatur.* Nam in his verbis significat, potestatem filios Dei

Fr. Suarez de Gratia Pars II.

fieri, non omnibus dari, sed tantum electis, per auxilium autem sufficiens ex sententia Augustini solum electis datur. Et hoc confirmat cap. 14. inter alia dicens de his qui non credunt, *sed quoniam ut crederent, non erat eis datum, etiam unde crederent est negatum.* & infra, *si e perditionis massa non sunt gratia predestinatione discreti, nec ipsa eis adhibetur, vel dicta, vel facta, per qua possent credere, si audirent, vniue talia, vel viderent.* Non datur ergo illis auxilium, quo possint credere. Hoc autem est auxilium sufficiens; ergo non eis datur.

Tertio augetur eadem difficultas ex his & aliis locis, in quibus sentit non posse sufficientem reddi rationem ex parte hominum, cur ex pluribus audientibus Euangelium hic ita suaderetur, ut persuaderetur, & ille ita suaderetur, ut resisteret, ut præter citata loca videre licet lib. de Spirit. & liter. cap. 34. & dist. q. 2. ad Simplician. & Epist. 107. ad Vitalem, & sub nomine Augustini lib. de predest. & grat. cap. 15. & aliis sæpe allegatis locis, ubi semper recurrit ad occulta Dei iudicia, & ad verba Pauli, *O altitudo diuitiarum! & nunquid iniquitas est apud Deum.* At vero si vniue homini audienti Euangelium daretur auxilium sufficiens, in promptu esset ratio cur iste crederet, ille non crederet, nimirum, quia, cum vterque possit credere, iste non vult, & ille vult: ergo cum Augustinus sentit hinc differentiam esse diuine voluntatis tribuendam, planè etiam sentit vniuersum per Dei voluntatem dari auxilium sufficiens ad credendum, & non alteri pro Dei voluntate: vnde lib. 2. de peccat. merit. cap. 17. eandem proponens questionem, cur iste velit, ille non velit, non solum in libero arbitrio, sed recurrit ad auxilium præueniens, *quo vel aperitur quod latet, vel suauis fit quod non delectabat.* Sentit ergo, ei qui non credit, deesse, vel illuminationem, vel suauitatem sufficientem, qua moueri possit ad credendum, nam si nihil tale illi defuisset, non posset inde reddi ratio, cur non credat, sicut alius. Maxime autem videtur virgere quo lib. de bono persever. cap. 9. dicit, *ex duobus iam gradibus atque vniue, cur iste ita vocetur ut ob autem sequatur, insensibilis sunt iudicia Dei.* Sunt ergo aliqui nunquam vocati, ergo illi non recipiunt auxilium sufficiens.

3.  
Difficultas  
tertia.

Quarto sunt alia testimonia, in quibus saltem de aliquibus hominibus valde malis videtur docere, priuari omnino sufficienti auxilio: de obduratis & execratis generatim tract. 53 in Ioan. & specialiter de Pharaone lib. propositionum Epist. ad Rom. m. 61. ubi de Pharaone ait, ita fuisse à Deo desertum, *ut iam ei non imputaretur, quod nunc non obtemperauit, quandoquidem obdurata cernit obtemperare non poterat.* Sed ille tantum dicit non imputari, quia talem se præbuit, cui cor obduraretur; ergo saltem postquam se talem præbuit, priuatus fuit sufficienti auxilio, nam si adhuc illud haberet, adhuc illi imputaretur, quod non obediit.

4.  
Difficultas  
quarta.

Quinto potest hoc confirmari ex illa celebri sententia Augustini, *Deus neminem deserere nisi prius deseratur ab ipso*, supra tractata cap. 2. ex qua argumentamur hoc modo: nam in illa saltem supponitur Deū deserere eum, qui se deserit, hanc enim vim habet particula *nisi*, quæ excipit à regula, quam supponit: illa autem desertio non est, nisi denegatio auxilij: aut ergo id dicitur propter auxilium efficax, vel propter sufficiens. Primum dici nō potest, quia alias esset falsa prior pars, nimirum Deum neminem deserere nisi deseratur ab ipso, quia quoad auxilium efficax, sæpe Deus deserit iustos, priusquam deserant ipsum, & deseruit Adam,

5.  
Difficultas  
quinta.

Cc 3 pñaf-

priusquam peccaret, & deseruit Angelos, qui ceciderunt, & quoad hanc negationem efficacis auxilij generaliter dictum est, *Deus quem vult indurat*. Ratio autem est, quia homo non deserit Deum nisi peccando; quando autem primò peccat, iam caret auxilio efficaci; ergo non negatur illi, quia deseruit prius Deum, nondum enim illum deseruerat. Ergo oportet axioma illud intelligi de auxilio sufficiente; ergo saltem illos, qui Deum semel, vel sæpius deserunt, ipsos deserit, negando illis auxilium sufficiens, non est enim aliud deserere, quàm negare auxilium, vnde Concil. Trid. sess. 6. cap. 13. inde probat non deesse iustis auxilium sufficiens ad seruanda præcepta, & perseuerandum, quia Deus non deserit illos.

Conc. Trid.

6.  
Difficultas  
secunda.

Sextò possunt hic etiam induci illa loca Augustini, in quibus exponendo sententiam Pauli, *Deus vult omnes homines saluos fieri*, non vult intelligi de omnibus omnino hominibus, quia Deus non vult etiam ex parte sua omnes homines saluare: vnde videtur expressè affirmare in dicta Epist. 107. aliquos non ideo destitui auxilio salutis, quia nolunt illud habere, sed quia Deus non vult illos saluare, & in quibusdam locis videtur apertè id dicere de paruulis, & in aliis inde sumit argumentum ad adultos, vt lib. 4. contra Julian. cap. 8. vbi infert tamquam absurdum, quia aliàs Deus vellet saluare omnes adultos, inter quos multi sunt sceleratissimi, & non vellet saluare omnes paruulos, qui quoad propria peccata innocentes sunt.

7.  
Respondetur  
difficultati  
primæ, de re-  
probis.

His non obstantibus dicendum est, Augustinum nec sensisse, nec sentire potuisse omnes reprobos carere auxilio sufficiente ad salutem, imò e contrario docuisse omnes homines habere auxilium sufficiens ad salutem, vel ad fidem, vel ad seruandum vnumquodque præceptum, vel cauendum peccatum, in quacumque occasione occurrente. Probo primò in hunc modum, quia Augustinus multis in locis docet dedisse Deum potestatem omnibus hominibus vt filij Dei fiant, sed hæc potestas non datur, nisi per gratiam præuenientem & sufficientem ex eiusdem doctrinæ ergo sentit omnibus dari, vel offerri auxilium sufficiens. Consequentia euidens est. Maior probatur primò ex lib. 1. de retract. c. 10. vbi recognoscens locum lib. 1. de Genesi. contra Maximi. cap. 3. dixerat. *Illud autem lumen (vtrique diuinum) non irrationalium animalium oculos pascit, sed pura corda eorum, qui Deum credunt, & ab amore visibilibus & temporalibus se ad eius implenda præcepta conuertunt, quod omnes homines possunt, si velint.* adiungit, *Non existiment noui hæretici Pelagiani secundum eos esse dictum; verum est enim omnino omnes homines hoc posse, si velint, sed preparatur voluntas à Domino, & tantum augetur munere charitatis vt possint.* & similia sæpe reperit eodem lib. cap. 12. recognoscens alia verba quæ in lib. contra Adunant. Manich. cap. 16. posuerat. *Nisi quisquam voluntatem mutauerit, bonum operari non potest, quod in nostra potestate esse possumus alio loco Dominus docet, vbi ait: Facite arborem bonam, & fructum eius bonum: aut facite arborem malam, & fructum eius malum.* Adiungit, *quod non est contra gratiam Dei, quam predicamus. In potestate quippe hominis est mutare in melius voluntatem, sed ea potestas nulla est, nisi à Deo detur, de quo dictum est, Dedit eis potestatem filios Dei fieri, cum enim hoc sit in potestate, quod cum volumus facimus, nihil tam in potestate, quàm ipsa voluntas est, sed preparatur voluntas à Domino.*

8.

Dicet aliquis in prædictis locis solum affirma-

re Augustinum neminem habere illam potestatem, nisi cui Deus illam dat, nunquam tamen apertè dicere, Deum dare omnibus illam, imò cum dicat Deum dare illam potestatem præparando voluntatem, significat non dare illam nisi per gratiæ efficacem: nam de hac sola interpretatur vbique illa verba, *preparatur voluntas à Domino*. Respondetur in priori ioco satis expressè dixisse Augustinum, quod omnes homines possunt, si velint, quod postea non retractat, sed potius confirmat dicens, *verum est, &c.* Idem sentit in posteriori loco, cum indefinitè dicit, *quod in nostra potestate esse possumus, alio loco Dominus docet.* nam verba Domini quæ inducit, ad omnes homines sine dubio diriguntur. Vnde potius ex his locis colligendum est de mente Augustini illa verba, *preparatur voluntas à Domino*, non limitari ad vocationem congruam, seu efficacem, seu vtrique cum proportionem accommodari: nam interdum voluntas ita præparatur vt infallibiliter velit, & tunc præparatio fit per gratiam congruam: interdum solum præparatur vt possit facere, si velit, & tunc præparatur per gratiam sufficientem, & hanc præparationem dicit dari omnibus hominibus, vt habeant potestatem filios Dei fieri, id est, vt possint credere, & ab amore visibilibus ad implenda diuina præcepta se conuertere.

Et hoc manifestè confirmat lib. 3. de lib. arbit. cap. 19. vbi hominibus peccantibus & se excusantibus quod concupiscentiam & ignorantiam vincere non possint, respondet. *Relle fortasse queretur si erroris & libidinis nullus victor existeret; cum verò ubique sit præsens, qui multis modis per creaturam sibi Domino seruientem auersum vocet, &c. non tibi imputatur ad culpam, quod inuitus ignoras, sed quod negligis querere, quæ ignoras, neque illud quod vulnerata membra non colligis, sed quod volentem sanare contempsis.* qui locus est valde notandus, nam in eo de omnibus hominibus lapsis indifferenter loquitur, de quibus subiungit, *Nulli enim homini oblatum est scire vtiliter querere, quod inuoluntate ignorat, & humiliter confitendam esse imbecillitatem vt querenti & confitenti ille subueniat qui nec errat, cum subuenit, nec laborat.* In quo discursu apertè satis confirmat omnia, quæ dicta sunt de progressu vocationis diuinæ, nam incipit ab externa vocatione, quo homo saltem potest adhibere diligentiam ad querendum quod ignorat, & interdum incipit à vocatione ordinis naturalis, quam dum peccator contemnit, altiori vocationi obstaculum ponit. Quod totum nos docuit Augustinus in prædictis verbis, vnde etiam confirmat doctrinam suprà datam de homine faciente, quod in se est, nec minoris auctoritatis putandus est hic Augustini locus, eo quod ante Pelagium fuerit conscriptus, tum quia in eisdem verbis non omisit Augustinus explicare necessitatem gratiæ, quæ etiam ante exortum Pelagij non ignorabat, vt facile constabit, verba, quæ citauimus, consideranti. Tum quia in lib. de natur. & grat. cap. 69. eadem verba recognoscens Augustinus ait, *Ita exhortatus sunt quantum potius ad rectè viuendum & gratiam Dei non euacuauit.*

Secundum principale argumentum sumitur ex aliis Augustini locis, in quibus Augustinus docet, non stare per Deum quominus homo saluetur, & seruet præceptum, si velit, quamuis, sine auxilio Dei hoc facere non possit, quia auxilium Dei præstò est; ergo supponit ex parte Dei nemini deesse auxilium sufficiens, tum ad obseruanda præcepta, tum consequenter ad salutem. Consequen-

Obiectio:

Retorquetur.

9.  
Confirmatur  
ab Augusti-  
no.

10.  
Respondetur,  
difficultati  
secundæ.

tia

ria clara est; assumptum verò sumitur ex Augustino tract. 1. in Ioann. circa finem, dicente, Deum esse lumen hominum omnibus expositum, multo verò illam lucem videre non posse, quia peccatis suis aggrauabantur. Clarius lib. 2. de peccat. merit. cap. 17. ubi sic ait, *ut innotescat quod laeabar, & suave fiat, quod non delectabar, gratia Dei est, quae hominum adiuvat voluntates, quae ut non adiuventur, in ipsis itidem causa est, non in Deo, sine damnandi praedestinati sunt propter iniquitatem superbiae, sine contra ipsam suam superbiam iudicandi, & erudiendi, si filij sint misericordiae.* ubi tam de reprobis, quam de praedestinati confirmat non deesse illis adiutorium diuinæ gratiae ex parte Dei, licet in iis habeat effectum, & non in illis.

11.  
Affirmatur  
de reprobo  
Esau.

Deinde in particulari de vno reprobo Esau id affirmat dicta q. 2. ad Simplician. dicens: *Noluit ergo Esau, & non concurrens, sed si venisset & cucurrisset, Dei adiutorio peruenisset, qui etiam velle, & currere vocando praestaret, nisi vocatione contempta reprobus fieret.* Manifestè ergo supponit illum habuisse auxilium sufficiens, quo posset venire si vellet, si enim non haberet potestatem, non posset de illo verè dici, *si voluisset cucurrisset*, nec posset dici vocationem contempsisse, nisi illam amplecti in potestate eius fuisset. Idem ergo de cæteris reprobis Augustinus intellexit, nec enim de vno maior ratio est, quàm de cæteris: nam licet non omnibus æqualis vocatio detur, nulli nihilominus deest aliquis sufficiens vocationis modus, propter quod dictum est, *Multi sunt vocati, pauci verò electi*, ut eadem quæstione prius Augustinus ponderabat. Item quod isti vocati qui resistunt, ita vocentur, ut eis imputetur non venire, ac subinde habere auxilium sufficiens, quo possent venire, si vellet, euidenter docet idem Augustinus lib. octuaginta trium quæst. q. 68. dicens, *Itaque nec illi debent sibi tribuere quod venerunt, quia vocati venerunt, nec illi qui voluerunt venire, debent alteri tribuere, sed tantum sibi, quoniam ut venirent vocati, erat in libera voluntate.* Certè non esset in libera voluntate, si non esset in potestate: unde infra dicit; *qui vocatus non venit, sicut non habuit meritum premij ut vocaretur, sic inchoat meritum supplicij, cum vocatus venire neglexerit*; ergo habuit veniendi sufficiens auxilium.

12.  
Probatur  
tertiò ex  
Augustino.

Tertiò probari hoc potest ex locis Augustini, in quibus docet, Deum non præcipere nobis impossibilia, quia cum præcepto offert auxilium, utique sufficiens, quia aliàs non daret potestatem, nec faceret obseruationem præcepti possibilem, sic Psal. 56. in principio ait, *neque imperaret hoc Deus ut faceremus, si impossibile iudicaret, ut ab homine fieret, si considerans infirmitatem tuam deficiis sub præcepto, confortare in exemplo, sed etiam exemplum ad te est multum, adest ille qui praebeat exemplum ut praebeat & auxilium.* & lib. de natur. & grat. cap. 33. *Non Deus (ait) impossibilia iubet, sed iubendo admonet facere quod possis, & petere quod non possis, & adiuvat ut possis, & cap. 69. eo ipso quo firmissimè creditur Deum iustum & bonum impossibilia non potuisse præcipere, tunc admonemur & in facilibus quid agamus, & in difficilibus quid petamus.* Et lib. de grat. & liber. arbitr. c. 15. Quare (inquit) iubet si ipse datus est: quare dat si homo facturus est? nisi quia dat quod iubet, cum adiuvat ut faciat, cui iubet.

13.  
Probatur  
quartò, ex  
eodem.

Quartò probatur ex illis locis, in quibus Augustinus docet Deum velle omnes homines saluos fieri, intelligendo distributionem illam absolute & simpliciter, ac sine vlla limitatione. Quamvis enim aliquibus in locis aliter exposuerit illam distributionem, quia de voluntate beneplaciti, absoluta &

efficaci locum exponebat; tamen in aliis admittit in Deo aliquam voluntatem salutis respectu omnium hominum. Præcipuus locus quoad hanc partem est lib. de spirit. & liter. cap. 33. ubi quærens, cum gratia sit donum Dei ad salutem necessarium, cur non omnibus illam donet, cum ipse velit omnes homines saluos fieri, & respondet: *vult Deus omnes homines saluos fieri, & in agnitionem veritatis venire, non sic tamen ut eis adiuvat liberum arbitrium, qui vel bene, vel malè viuentes iustissime iudicentur.* Quod cum sit, infideles contra voluntatem Dei faciunt, cum eius Euangelio non credunt, & cætera quæ prosequitur, ostendens, licet Deus velit saluare omnes, eos condemnari, qui contemnunt eius gratiam, seu vocationem, de qua in cap. 34. declarat, quomodo à Deo fiat, quia *in omnibus (ait) misericordia eius praeuenit eos, consentire autem, vel dissentire, propria est voluntatis.* Idem significat in id Psal. 45. *Deus in medio eius non commouebitur.* Denique hanc fuisse Augustini sententiam, satis persuadent Prosperi, Fulgentij, & Pauli Orosij testimonia, quibus supra doctrinam ipsam confirmauimus: illi enim ab Augustini mente numquam in hac materia discreparunt. An verò ab hac regula sit aliqua exceptio admittenda, iuxta doctrinam Augustini, respondendo ad testimonia in contrarium adducta dicemus.

Primum testimonium obiectum erat ex lib. de corrept. & grat. cap. 11. quod re vera obscurum valde est, quia non facile potest explicari, de quo adiutorio Augustinus loquatur. Primum enim ait habuisse Angelos & Adam adiutorium, quo possent peruenire, si vellet; secundò dicit tale fuisse illud adiutorium, ut si illo caruissent, licet in bono non perseverassent, non posset eis ad culpam imputari, quia non talis natura facti sunt, ut sine Dei adiutorio perseverare in bono possent. Tertiò addit, homines qui in natura lapsi illo carent adiutorio, nimirum quo possint perseverare, si velint, in peccatam peccati, illo carere. Quartò sentire videtur (licet id non debeat) homines nunc, licet illo adiutorio careant, peccare, cum in bono non perseverant; quoniam enim verisimile est, potuisse Augustinum in contrarium cogitare? Aliqui ergo intelligunt Augustinum loqui non de auxilio necessario ad vitanda singula peccata, sed ad perseverandum semper, vel diu sine peccato, & quia hoc adiutorium nunc includit gratiam habitualement, putant aliqui Augustinum de adiutorio gratiae habitualis, utique pro ut includit auxilia illi debita, & peculiarem Dei protectionem quam iustificatis Deus exhibet.

Hæc autem expositio, licet ex parte satis consentanea discursui Augustini, non tamen videtur sufficiens ad omnium dictorum eius veritatem tuendam, nam falsum erit secundum dictum: nimirum si Angeli & Adam non habuissent gratiam habitualement, non defuisse illis ad culpam imputandam, si in bono in quo creati sunt, non perseverarent. Nam Angelus creatus in sua pura natura, posset perseverare, & non perseverare in bono naturali, seu morali, & non perseverando graniter peccaret. Ideoque longè certissimum est de primo homine creato in natura integra sine donis gratiae, tam habitualis, quàm actualis, vel etiam sine vllò ordine ad supernaturalem beatitudinem, ut lib. 2. ostensum est. Ergo absolute falsum est, sine adiutorio habitualis gratiae non potuisse hominem, vel Angelum perseverare, si vellet, & non fuisse illi imputandum ad culpam, si non perseveraret. Quod si quis dicat loqui Augustinum de perseverantia in

Psal. 45.

14.  
Respondetur  
testimoniis in  
contrarium ad  
ductis.

15.



obseruatione præceptum etiam supernaturalium, & in ordine ad beatitudinem supernaturalem: contra hoc est, quia homo, vel Angelus crearetur, sine gratia habituali cum præceptis & obligatione tendendi in supernaturalem finem, posset per auxilia actualia perseverare, si vellet; ergo absque adiutorio gratia habitualis, per primum auxilium supernaturale, habet auxilium saltem remotè, ac in radice sufficiens ad perseverandum si vellet, & ita tunc solum ei non imputatur ad culpam non perseverare, quando omni modo & proximè & remotè illi negaretur auxilium actuale sufficiens ad perseverandum; ergo necesse est, Augustinum intelligi de adiutorio sufficiente quocumque modo: ergo consequenter cum negat dari aliquibus hominibus lapsis tale adiutorium in pœnam peccati, non solum loquitur de gratia habituali, sed absolutè de auxilio sufficiente quocumque modo. Nam etiam homo lapsus si recipiat, vel paratum habeat primum auxilium sufficiens ad suam conversionem, ubi in virtute & radice recipit auxilium sufficiens ad totam salutem, & subinde ad perseverandum, quia si bene utatur primo auxilio, poterit iustificari, & habere gratiam habitualement, & cum illa auxilium sufficiens ad perseverandum in illa; hoc enim omnibus iustis datur aliquo modo, ut supra ostensum est. Vnde D. Thomas 2. 2. q. 2. art. 3. ad 1. de auxilio præveniente & actuali hunc locum Augustini intelligit, & simpliciter ac sine expositione illum sequitur, sentireque videtur propter peccatum originale negari aliquibus hoc auxilium non solum ut est necessarium ad perseverandum, sed etiam ut est necessarium ad credendum, amandum, &c. nisi alio modo exponatur.

16.

Aduertendum primum.

Aduertendum secundum.

Ut ergo mentem Augustini intelligamus, in primis præ oculis habere oportet distinctionem supra traditam de duplici modo recipiendi auxilium sufficiens ad aliquem effectum, scilicet, vel proximè, vel remotè, quæ membra satis iam declarata sunt. Deinde aduerto aliud esse non dare alicui aliquod auxilium, aliud omnino denegare. Primum dicit solam negationem actualis donationis, quæ potest esse propter indispositionem subiecti; secundum addit directum nunquam dandi, quidquid homo ex se faciat. Et sic Deus non dat gratiam suam sanctificantem homini peccatori, & indisposito, non tamen negat illam in dicto sensu rigoroso. Denique intelligi potest locus Augustini, vel de auxilio ad perseverandum in iustitia, vel de auxilio ad quodcumque peccatum vitandum, vel quemcumque actum pietatis exequendum. Et quia Augustinus de perseverantia præcipuè loqui videtur, illum sensum nunc prosequimur, de altero dicemus in solutione ad quartum.

17.

Supponitur pro dictamine inter hominem in statu naturæ integræ &amp; lapsæ.

Ultimus ergo supponendum est ex sententia Augustini discrimen inter hominem in statu naturæ integræ & lapsæ, quod in natura integræ idè auxilium proximè sufficiens ad seruanda singula præcepta, & vitanda omnia peccata, erat etiam sufficiens ad seruanda omnia præcepta, & vitanda omnia peccata, quouis tempore, subinde fieri poterat ut cum solo illò adiutorio, quo homo in illo statu posset perseverare, si vellet, etiam vellet, & actu perseveraret. Hoc est enim quod ibi ait Augustinus, *Tunc ergo dederat homini Deus bonam voluntatem, ipsa quippe eum fecerat, qui fecerat rectum; dederat & adiutorium, sine quo in ea non posset perseverare, si vellet, ut autem vellet, in eius relinquitur arbitrio.* Et addit inferius. *Quia noluit*

**A** permanere, profectò eius culpa est, cuius meritum fuisset, si permanere voluisset, sicut fecerunt Angeli sancti, qui cadentibus aliis per liberum arbitrium, per idem liberum arbitrium steterunt ipsi. Hæc autem comparatio inter Angelos non est ita accipienda, ut putemus, sicut Angeli mali ceciderunt per liberum arbitrium sine adiutorio Dei, ita bonos permansisse per liberum arbitrium sine adiutorio gratia; hic enim sensus est valde absurdus, & contra eundem Augustinum aliis in locis. Inteligit ergo per illud idè auxilium, quo receperunt perseverare, si vellet, actu perseverasse, & voluisse perseverare, per liberam voluntatem, eodem utique auxilio, & non maiori adiutam, & idem dicit facere Adamum potuisse, si vellet.

**B** At verò in natura lapsa sentisse videtur Augustinus, auxilium, quod tantum dat homini posse perseverare, si vellet, non esse tale, ut cum illo tantum de facto perseveret & velit, sed indigere hominem in hoc statu speciali aliqua protectione Dei, ut actu velit & perseveret, & quamvis hæc ipsa protectio sit in potestate hominis, si velit facere quod in se est per priora auxilia, & ideo remotè habeat auxilium sufficiens ad perseverandum, nihilominus proximè non habet illud, nisi quando recipit auxilium, quo non tantum possit si velit, sed etiam velit & perseveret. Et hanc infirmitatem dicit esse pœnam peccati, quia nascitur ex difficultate bene operandi orta ex lapsu naturæ, ratione cuius non potest in hoc statu ordinari & sufficientibus gratia auxiliis perseveranter diu facere quod in se est, nisi aliquod aliud adiutorium accipiat: nec etiam potest per solum auxilium moraliter sufficiens ad singula peccata vitanda, diu perseverare sine peccato, nisi specialius à Deo protegatur ac dirigatur. Et hoc est in quo Augustinus discrimen constituit, adiungens, *Nunc autem quibus deest tale auxilium, pœna peccati est, quibus autem datur, secundum gratiam datur, non secundum debitum, tantoque amplius datur per Iesum Christum Dominum nostrum, quibus id dare Deo placuit, ut non solum adsit, sine quo permanere non possumus, etiam si velimus, verum tantum ac tale sit ut velimus.* Hæc ergo est sententia Augustini, quam nunc non expendimus, nec probamus, infra enim tractando de dono perseverantia, tractanda est, sed illam supponimus, ut sensus Augustini quantum ad rem præsentem facit, intelligatur.

**C** Dico ergo sensum Augustini esse Adamum recepisse auxilium proximè sufficiens ad perseverandum, si vellet, & ita sufficiens, ut pro sua libertate, & velle, & perseverare cum affectu potuisset, quod est verissimum, siue illud adiutorium gratiam habitualement includeret, siue non, quod nunc non refert. De hoc ergo eodem auxilio ita proximè sufficiens negat Augustinus dari hominibus lapsis, qui cum effectu non perseverant, idque in pœnam primi peccati; quare ratione illius carent iustitia originali, & integritate naturæ, & inde fit ut auxilium sufficiens, quod modo recipiunt, non sit tale ac tantum, quale & quantum fuit in Adam propter fomitem & alia impedimenta bene operandi, ut explicavi. Non dicit tamen Augustinus huiusmodi homines in præsentis statu nullum auxilium sufficiens recipere ad perseverandum, nam recipiunt saltem remotè sufficiens, quod suo modo est verè sufficiens, in eis tamen propter conditionem huius status tale est, ut non sit proximè, sed remotè sufficiens, & ut nunquā consequatur effectus, ita ergo suo modo in præsentis

18.

De natura lapsæ quid.

19.

An Adam receperit auxilium proximè sufficiens ad perseverandum, si vellet.

De hominibus lapsis quid.

senti iuxta præcedentem Augustini doctrinam : & hæc responsio sufficere posset præsentī quæstioni, quia non affirmamus omnes recipere auxilium sufficiens proximum, aut perfectum, sed aliquod qualecumque illud sit, nam in illo est magna varietas, ut capite sequenti dicturi sumus.

20.  
Si homo, vel Angelus careret perseverantiz dono, an ei imputeretur culpa non permanere.

Et hinc faciliè intelligitur veritas illius conditionalis propositionis Augustini, quod si Angelus, vel Adam caruisset adiutorio quo posset permanere, si vellet, non ei imputeretur ad culpam non permanere. Est enim hoc verum, quia in Angelo, vel homine integro non distinguuntur hæc duo, potestas ad vitanda singula peccata, vel servanda singula præcepta, & potestas faciendi hæc omnia collectivè & perseveranter, ac longo tempore, ideòque si illi deesset adiutorium quod posset peruenire si vellet, oporteret, ut illi deesset etiam ad servanda singula præcepta, vel ad evitandum peccatum in particulari; & in tali, vel tali singulari occasione, inde autem optimè sequitur talem lapsum ex defectu potestatis non potuisse illi ad culpam imputari: quod non ita esset in homine lapsio, quia in illo coniunguntur illa duo, habere adiutorium quo possit singula peccata vitare, si velit; & non posse diu perseverare in vitandis omnibus longo tempore sine maiori auxilio, ideòque licet homo lapsus careat adiutorio sufficiente ad perseverandum, nihilominus illi imputantur singuli lapsus, quia in singulis habent sufficiens adiutorium, ut singula vitare possit, si velit; unde numquam dixit Augustinus hominem lapsum in pœnam originalis peccati privari adiutorio, quo possit singula peccata vitare, si velit; sed quo possit perseverare, utique proximè & moraliter, ita ut sine maiori gratia possit illa potestas habere effectum perseverandi, etiam si in singulis ita sufficiat; hoc enim necessarium est ut peccatum imputetur, ut Augustinus eodem loco supponit, & in aliis passim, ut lib. 3. de lib. arbit. cap. 18. & 19. lib. 1. de peccat. merit. & remiss. cap. 35. & lib. 22. contra Faust. cap. 78. Certissimum autem est homines lapsos carentes perseverantiz dono, in suis singulis transgressionibus verè peccare, ut etiam ex sententia Augustini ostendimus.

21.  
Respondetur secundo argumento de auxilio efficaci, seu congrua vocatione.

Ad secundum argumentum multo facilior est responsio, nam in prioribus locis loquitur Augustinus de auxilio efficaci, seu vocatione congrua, dicitque multos alios, qui vocati sunt, & non electi, carere congrua vocatione, quia cum non essent electi, Deus noluit illam præparare: cum hoc autem stat, ut habeat vocationem sufficientem, ut per se constat, ut talis vocatio reuera dat posse, nec homo ideo illi resistit, quia non potest consentire, sed quia non vult, ut expressè dicit Augustinus lib. 2. de peccat. merit. cap. 17. & de prædest. Sanct. cap. 6. Quod ergo Augustinus in primo testimonio ad Simplicianum dicit, *talem esse horum vocationem, qua moveri non possent*, non intelligitur ex vi vocationis, sed ex præscientia Dei, unde facit sensum compositum, nam absolute possent, si vellent cum tali vocatione moveri, sed quia Deus præsciuit, illis non futuram congruam fuisse vocationem, ideo in præsentia Dei & in sensu composito talis fuit, ut cum illa moveri non possent, sicut Ioann. 12. de Iudæis dicitur. *Propterea non poterant credere*, ubi Augustinus tract. 53. *Ideo (ait) non poterant, quia hoc Propheta prædixerat, ideo autem prædixit, quia Deus hoc futurum esse præsciuit: quare autem non poterant, si à me quærat, cito respondeo, quia volebant, malam quippe eorum voluntatem prævidet Deus, & non Prophetam prænuñciavit ille, cui futura abscondi non possunt*. Hunc ergo modum loquendi imitatur

Augustinus in dicta quæst. 2. ad Simplician. & sæpe alias cum vocationem non congruam dicit esse talem ut per eam moveri non possint, utique cum effectu, quia Deus præsciuit ita futurum.

Et simili modo cum in cap. 6. de prædest. Sanct. ait quibusdam non præparari voluntatem a Domino, subintelligendum est congruè, & sicut prænotavit eos indigere, ut cum effectu convertantur. Et similiter in cap. 8. cum dicit, qui non veniunt, non doceri à Patre, & subintelligendum est congruè, & prout sciuit, eis fore aptum ut discant. Et in hoc ponit semper occultum Dei mysterium quoddam quoddam sic docet, vocat, aut præparat, sicut novit eis congruere, alios autem minime. Et in hoc eodem sensu dicit de bonor. persever. cap. 14. non electis ad fidem negari unde credant, utique quia non datur auxilium efficax, quo credant actu, cum verò addit, *eis non adhiberi dicta, vel facta, quibus possent credere*; intelligendum est de potestate, quæ relocatur in actum, seu de potestate etiam in sensu composito cum divina præscientia, iuxta priorem expositionem. Denique quod in cap. 3. eiusdem libri ait, potestatem filios Dei fieri à Deo esse in universum certissimum est, tamen hæc eadem potestas in sufficientem & efficacem distinguenda est, & priorem dat Deus omnibus, posteriorem autem dat, quibus vult, & hoc est in eius potestate & voluntate, quod ibi Augustinus affirmat; videtur enim loqui de potestate, quæ effectum faciendi filios Dei simul consequatur, & tribuat.

Et iuxta hæc facilis est responsio ad tertium, in illa enim sæpe repetita ab Augustino admiratione & insolubili quæstione, cur Deus hunc trahat, & non illum? cur iste ita suadeatur ut persuadeatur, & non alius? cur iste ita doceatur ut discat, & non alius, duo sunt distinguenda, unum est executio, & effectus, seu discretio, prout in re ipsa evenit. Aliud est præparatio vocationis vni congruæ, non ut possit tantum, sed etiam velit, & alteri non ita congruæ, licet sufficiens; ut possit, si velit. Illud enim prius rationem habet ex parte hominis, nimirum liberum arbitrium, quo unus gratiæ cooperatur, alius autem cooperari non vult, & hoc non negat Augustinus, nec in hoc ponit admirationem, imò sæpe talem proponens quæstionem, prius respondet, *cito dico, quia volunt, & quia nolunt*, ut in dicto lib. 2. de peccat. merit. cap. 17. de Prædest. Sanct. cap. 6. de spirit. & liter. cap. 34. tract. 53. in Ioann. & dicto cap. 15. de prædest. & grat. In secundo autem ponit admirationem, ut ex eisdem locis constat, & meritò, quia cum divina prædestinatio & præparatio talis, vel talis vocationis antedat voluntatem humanam, non potest ex parte hominis reddi ratio, cur magis pro hoc tempore, quam pro illo, in hac occasione, quam illa huic præparetur vocatio, & non alteri, sed tantum est in voluntatem Dei referendum, ut in lib. sequenti latius dicemus. Quapropter in hac admiratione non indicat Augustinus, vni dari auxilium sufficiens, & non alteri, sed vni dari congruum, & non alteri, quod longè diuersum est. Unde in lib. 2. de peccat. merit. cap. 17. cum dixisset homines nolle facere quod iustum est, quia vel illud ignorant, & non innotescit, vel quia non fir suaue per gratiam, statim subiungit, *Qua quod non adiuvantur, in ipsis causa est, non in Deo*. in quibus verbis aperte supponit auxilium sufficiens, possumque tam ad proximum, quam ad remotum applicari, aliter autem, & aliter. nam multis per gratiam sufficientem innotescit, firque suaue, quod iustum est; & nihilominus non ita iuvantur per gratiam ut faciant, quia

22.

23.  
Respondetur ad tertium.

ipsi nolunt cooperari. & tunc licet illis satis innotescat, quod est iustum, non tamen congruè, vel licet fiat suave, adhuc tamen pro sua indispositione eis apparet difficile: possent tamen si vel-  
lent, cum solo illo auxilio præueniente iustum operari, si vel-  
lent; nam auxilium cooperans illis est paratum. Aliis autem sæpe nondum innotuit, quod latebat, tamen per eos stat, ut non reueletur, & ideo auxilium saltem remotum accipiunt, licet proximam vocationem aliqui non accipiant, de qua in ultimo loco citato Augustinus loquutus est.

24. *Respondetur ad quartum.* Circa quantum argumentum multi tribuunt Augustino quod senserit eos, qui in Scriptura obcæcati & indurati dicuntur, ita deseri, ut sufficienti auxilio ad salutem, vel ad non peccandum priuentur, quia dicere solet Deum excæcare & obdurare peccatorem, cum deferendo, & non adiuuando, ut habet in tract. 53. ut Ioann. Sed immerito hoc ei generaliter tribuitur: nam eodem tract. de Iudæis inquit, *dictum esse non poterant credere, non ex defectu potestatis, sed ex præscientia.* Et infra dixit, *ut nemo audeat liberum arbitrium sic defendere ut nobis orationem qua diximus, ne nos inferas intimationem, conetur offerre: rursus ne quisquam neget voluntatis arbitrium, & audeat excusare peccatum.* quod ultimum verbum pro præsentis puncto valde considerandum est. Nam si isti obdurati carerent auxilio sufficienti ad evitanda singula peccata, excusandi essent à peccato, quia non possent vitare illud, & nemo peccat in eo quod vitare non potest, iuxta doctrinam eiusdem Augustini in locis proximè antea citatis. At hæc excusatio absurda & omnino cavenda eidem Augustino visa est, & meritò, nam Christus de eisdem Iudæis excæcatis & obduratis dixit Ioan. 15. excusationem non habere de peccato suo, & Paulus Rom. 1. dicit Gentiles fuisse inexcusabiles & morte dignos, etiamsi de eisdem dixerit esse datos in reprobum sensum, & cap. 2. de homine obdurato dixit, *Tu autem secundum duritiam tuam, & impenitentem cor thesaurizas tibi iram, &c.* ergo necesse est fateri hos non caruisse aliquo modo sufficientis auxilij. Vnde in eodem loco Augustinus post verba citata subiungit, *Audiamus Dominum & precipientem & opitulantem & iubentem, quid facere debeamus, & adiuuantem ut implere possimus.* Intellexit ergo Augustinus hanc potestatem etiam obduratis non omnino negari. Idem sumitur ex eodem Augustino lib. 5. in Iulian. cap. 3. ubi de eisdem excæcatis Iudæis ait, *ita cæcitas fuit Iudæis grande incredulitatis malum, & grandis causa peccati ut occiderent Christum.*

25. *Orig. Chryso.* Regula ergo generalis de his induratis etiam secundum Augustinum est, Deum non denegare illis auxilium sufficiens, quæ etiam est communior doctrina, ut supra dixi & optimè confirmant Orig. 3. Pertarch. cap. 1. Chryso. Hom. 67. in Ioan. & alij Patres, ut alibi latius dixi. Maior verò difficultas est in altera parte obiectionis de speciali exceptione Pharaonis, quia illum à peccato excusat Augustinus citato loco. Nihilominus re ipsa spectata certum videtur non posse excusari, quia non carebat sufficienti motivo ad cognoscendum præceptum, & libertate ad obediendum, aliàs cur toties illi ex parte Dei, & sub gravissimis comminationibus præciperetur, ut populum Dei dimitteret, & quod amplius est, ipse suis verbis fatetur peccatum suum Exod. 9. dicens, *Peccavi etiam nunc, Dominus iustus, ego autem, &*

A *populus meus impij.* & Scriptura id confirmat paulo inferius, dicens, *Videns autem Pharaos, quod cessasset pluvia, & grando, & tonitrua, auxit peccatum, & ingratus est cor eius, & induratum nimis.* quæ verba etiam ostendunt Pharaonem tunc liberè operatum esse, & cum potestate non facienda. Vnde in cap. 10. dixit ad illum per Moysen Dominus, *Vsq; quò non vis subisci mihi? dimitte populum meum, &c.* Sin autem resistis, & non vis, &c. quæ omnia aperte includunt sufficientem vocationem ex parte Dei, & potestatem ex parte Pharaonis ad obediendum. Vnde in eodem capite,

Exod. 10.

B ipse iterum fatetur, *Peccavi in Dominum Deum vestrum, & in vos.* Non est ergo dubium, quin Pharaos in illa obduratione gravissimè peccaverit. & hæc est communis Patrum sententia, quam latè & bene expendit Orig. supra. & Chryso. Hom. 16. in ad Rom. ubi ait, *Pharaonem vocari à Paulo vas ira, quia erat homo iram Dei accendens, per suam duritiam, quia Deum lenitatem ingentem nactus, melior nequaquam evadebat, sed incorruptus manebat.* & infra, *neque Deus quidquam omisit eorum, quæ ad illius correctionem, emendationemque facerent, nec ille quidquam omisit eorum, quæ ipsum perderent, omnique venia priuarent.* & in expositione Psalm. 118. circa verba illa, *increpasti superbos,*

Chryso.

C inter eos, qui adversus Deum sese extulerunt, primum ponit Pharaonem, de quo ait, *insolentia affectus in mari rubro interiiit.* & similiter de illo sentit Hieronymus epist. 48. ad Sabiniam, & in epist. 110. ad Hedibiam q. 10.

Hieronym.

Denique, ut alios omittam, etiam ipse Augustinus aliis in locis evidenter hoc docuit, nam q. 68. sæpe allegata ex libro octuaginta trium questionum dicit, habuisse Pharaonem vocationem, cui obtemperare noluit, non dicit non potuit, sed noluit, utique cum velle posset, quod per malitiam fecisse ostendit, adiungens, *sed exercuit crudelitatem in eis, quibus humanitas, & misericordia debebatur;* & serm. 88. de tempore, ex professo explicat obdurationem Pharaonis, & in principio refert, aliquos dicere intra se, *Cur iniquitas illi Pharaoni imputatur, cum Dominus cor illius indurasse referatur?* Ipse verò ut defendat, meritò illi imputari, ait, indurationem illam, non Dei potentiam, sed patientiam induxisse. Denique ait, *quoties eum Dei plaga percussit, afflictiis pœnituit.* At ubi ei remissio illa indulgentiam dedit, iterum se in superbiam elatus erexit. Et infra, *Nemo cum Paganis, aut Manicheis iustitiam Dei reprehendere, aut culpam præsumat, sed certissimè credat quòd Pharaonem non Dei violentia, sed propria iniquitas, & indomabilis superbia contra Dei præcepta toties fecerit obdurari.* & infra ait quòd Pharaos per decem plagas compulsus est facere, per primam potuisse facere, *Tunc* (inquit,) id est, post dimissum Hebræorum populum, *pœnitet Pharaos quòd vivat & evasisse eum tanta eius scelera non sustinebant, ut qui in tantis plagis nullam emendaverat culpam.*

26.

E Et quæst. 18. in Exod. dicit, *ut tale cor haberet Pharaos, ut quòd patientia Dei non moveretur ad pietatem, sed potius ad impietatem vitij proprii fuit.* Nec intelligit fuisse tantum vitij, quod tunc committebat, quando suo vicio tam malignè insinibus Dei resistebat, ut ibidem subiungit; quod verò ibidem ait Pharaonem dici induratum, quia inflexibiliter resistebat, non flexibiliter, consentiebat, non significat inflexibiliter, id est, necessariò, sed pertinaciter & contumaciter: vel potest etiam facere sensum compositum in ordine ad præsentiam Dei, qui prælecebat tam prave fuisse affectum Pharaonem,

Pharaonem,



Pharaonem, ut non esset flecendus omnibus illis signis, & nihilominus illa fieri voluit, qui eum obdurandum praecebat, & permittebat, & quæst. 24. ait non tantum signa à suis incantatoribus facta, fuisse occasionem Pharaoni obdurationis suæ, sed etiam patientiam Dei, quia illi interdum parcebat, ubi expendo verbum *parcebat*, nam aperte supponit culpam sin resistentiā Pharaonis, quam statim vocat perseverantiam in malo, & adducit illud Roman. 2. *Ignoras, quia potentia Dei ad poenitentiam te adducit, tu autem secundum duritiam tuam, & impoens cor thesaurizas tibi iram in die ire.* intelligens hoc ipsum accidisse Pharaoni, ac subinde peccasse, non enim thesaurizatur ira in die iræ, nisi aggravando & multiplicando peccata, & quæst. 29. ponderat illa verba Exod. 8. *ignoravit Pharaon cor suum*, quibus significari vult voluntate sua libera id fecisse, quia *hac est*, inquit, *radix vitiorum.*

Quid ergo dicendum ad verba illa propositionis 62. in epist. ad Roman. In primis dici potest Augustinum aliis in locis retractasse illam sententiam. At obstat, quia lib. 1. Retract. cap. 23. quædam alia ex illo libro corrigit, & hoc tacet, unde virtute confirmat. Imò eandem propositionem 62. recognoscens approbat quod dixerat, obdurationem esse poenam præcedentium peccatorum. Refert tamen ibi se dixisse per obdurationem relinquere Deum hominem ut male operetur, quomodo autem, aut quantum illum derelinquat, & an obduratus male operetur, ita ut ei imputetur, nec ne, ibi non explicat; sed nihilominus dicendum est, quidquid sit de sensu illius loci, alia, quæ plura sunt, & magis elaborata, præferenda esse, præsertim, quia librum illum super ad Romanos scripsit initio suæ conversionis, antequam esset Episcopus, & non magna diligentia, sed prout fratribus interrogantibus respondendo occurrebat, ut ipse dicit dicto cap. 23. lib. 1. Retract. quod autem ibi verbum illud non emendavit, potuit casu & per inadvertentiam accidere.

Addo verò si omnia verba Augustini pensentur, aliquam fortè posse admitti non impossibilem interpretationem: cum enim dixisset obduratum esse cor Pharaonis, eamque obdurationem fuisse ex iudicio Dei retribuētis incredulitati eius debitam poenam, subiungit, *non ergo hoc illi imputatur, quod tunc non obtemperaret, quandoquidem obdurato corde obtemperare non poterat, sed quare dignum se præbuit cui cor obduraretur priori infidelitate.* Ex his ergo verbis colligo illam impotentiā obtemperandi, de qua loquutus est Augustinus, non fuisse absolutam, nec ex denegatione auxilij divini, sed fuisse compositam, & ex suppositione infidelitatis, & incredulitatis. Dum enim Pharaon in sua incredulitate persistebat, non poterat obedire Deo præcipienti dimittere populum suum, ut sibi sacrificaret. Quomodo enim obediret ei, in quem non credebatur quia ergo erat in sua incredulitate obduratus, & obfirmatus, illa dispositione supposito, non poterat obedire. Non erat autem ita destitutus auxilio ad credendum si vellet, quin infidelitas ei ad peccatum imputaretur, quia re vera sufficienter vocabatur, saltem ut posset attendere & considerare magnitudinem signorum, & non ponere obicem maioribus auxiliis internis Dei. Et ideo infidelitas illa sine dubio culpabilis in eo fuit, tamen illa supposita necessitate quadam saltem morali sequebatur inobedientia circa præceptum dimitti populum, & ideo dixit Augustinus non potuisse obedire cum esset obduratus priori infidelitate.

Dices hoc non satis fuisse, ut illa inobedientia Pharaoni non imputaretur ad novam culpam, quia suppositio illa libera erat, & liberè durabat, potuissetque illam Pharaon tollere, si voluisset: talis autem suppositio non excusat à nova culpa actum primum subsequentem, etiam si necessariò ex illa sequatur: ut licet ex prava intentione finis necessariò sequatur acceptatio vnicuique medij, etiam prava, non excusatur à nova culpa talis electio, vel acceptatio, quia semper est in potestate hominis talem intentionem tollere.

Respondetur hoc non esse certum, sed sub controuersia, aliqui enim putant in subsequenti actu non esse novam culpam, sed totam ponendam esse in ipsa intentione, & in perseverantia in illa, & potuit Augustinus in illo sensu loqui, quæ alia quæstio non est pertinet ad punctum de sufficienti auxilio, quia non obstante illa impotentia, & illo genere excusationis poterat Pharaon habere sufficiens auxilium saltem remotè ad credendum, & consequenter ad obediendum. Deinde dici potest, cum Augustinus ait non imputari ei, quod tunc non obtemperarit, non ideo dixisse, quia non fuerit dignus speciali poena propter illam inobedientiam, cuius contrarium aliis locis docet, sed quia attendendo ad radicem, & causam inferentem quandam necessitatem non obtemperandi, illa erat tota ratio talis culpæ, & ratione illius reliqua imputabantur.

Quinta obiectio fumebatur ex illo axioma, *Deus neminem deserit, nisi prius deseratur ab ipso*, de quo supra tap. 2. dictum est, intelligendum esse non solum de desertione quoad habitualem gratiam, sed etiam quoad actuale auxilium. Et in primis ex illomet principio accepimus, hominem, priusquam deserat Deum, habere ab ipso auxilium sufficiens, ut possit ipsum non deserere, quia si prius homo careret auxilio sufficienti, eo ipso esset desertus, nec verè dici posset deserere Deum, cum in eius potestate non esset ad illum conuertere, vel illi obtemperare; deserere enim dicit liberum recessum ab eo: non est autem liber recessus, ubi potestas accedendi deest: hæc autem potestas est per auxilium sufficiens; ergo necesse est ut homo priusquam deserat, tale habeat auxilium. Unde illa propositio quatenus formaliter negatiua est, regulam continet infallibilem quod Deus quoad auxilium sufficiens, non deserit eos, qui ipsum non deserunt, quia hoc est; quod formaliter in illa pronuntiatur, & ideo ad veritatem opus est necessarium, & quia duæ negationes virtute affirmant, ibi etiam continetur affirmatio, quod Deus de se omnibus præbet auxilium sufficiens. At verò alia affirmatio quæ ibi etiam videtur virtute inclusa, nimirum Deum deserere hominem, qui prius ipsum deserit, intellecta de actuali desertione, non est ita vniuersaliter infallibilis in omni genere desertionis; aliter enim vera est in desertione per ablationem gratiæ habitualis, aliter in desertione per negationem actualis auxilij. Nam in priori desertione infallibilis regula est, Deum deserere per ablationem gratiæ habitualis eum, qui per mortale peccatum ipsum deserit, quia peccatum mortale opponitur tali gratiæ, & ideo lege certa statutum est, ut qui deserit Deum peccando mortaliter, deseratur ab ipso, amittendo charitatem, ac filiationem diuinam, & eum proportionem qui deserit Deum per infidelitatem, seu hæresim, deseritur per ablationem habitus fidei, & in spe similiter seruata proportione: sed, ut dixi, non est hic sensus intentus in illa proportionem, sed de actualibus auxiliis.

Uterius ergo distingui potest illa propositio

27. Obiectio.

Soluitur.

28. Respondetur argumentum quinto, quod *Deus neminem deserit, nisi prius deseratur ab ipso*.

29.

Distinguitur  
propositio de  
desertione  
quoad auxi-  
lium con-  
comitans, &  
præueniens.  
August.  
Concil. Trid.  
De auxilio  
concomitan-  
te quid.

de desertione quoad auxilium concomitans, A vel præueniens, & de utroque intellecta est à Patribus, estque verissima, nam utrumque auxilium Deus de se homini offert; ideoque si actu non dat, in homine est causa, ut dixit Augustinus 2. de peccat. merit. cap. 17. & Tridentin. sess. 6. cap. 3. Primum ergo intelligi potest illud principium ad concomitans, siue sit per modum gratiæ actualis specialiter adiuvantis, siue per modum concursus. Nam, ut supra docui, de hoc etiam auxilio verum est, Deum de se paratum esse ad tribuendum illud. Vnde fit ut nemini actu negetur, nisi per ipsa stet, ac proinde neminem, quoad hoc auxilium, deserere Deum, nisi quia ipse desererit Deum. Duobus autem B modis intelligi potest, Deum non dare hoc auxilium. Primum, quia nec actu dat, nec paratus est illud dare. Secundum, quia licet Deus de se velit dare, nihilominus actu non dat. Prior modus, absolute loquendo, non habet locum, ut dixi, quia Deus de se paratus est ad iuvandum omnes, si tamen contingat hominem carere auxilio præueniente & excitante necessario ad operandum, Deus pro tunc non erat expositus ad concurrendum cum illo, quia ille non habet potentiam proximam ad operandum, & Deus non offert suum actuale auxilium, nisi supposita potentia sufficiente ad operandum, ut in omnibus etiam causis secundis manifestum est. Tunc vero homo caret tali auxilio præuenienti, & quoad illud deseritur, quia ipse deserit Deum, ut statim dicemus; & ita de primo ad ultimum etiam caret concomitante auxilio, & quoad illud etiam deseritur, quia prius ipse deseruit Deum aliqua culpa, propter quam præueniente caret, ac priuatus est.

Posterior autem modus habet in homine iam præuenito per auxilium sufficiens, qui est proxime potens ad operandum, si velit: quoties autem actu non operatur, Deus illi non præbet actu adiuvantem, seu cooperantem gratiam, aut concursum. Radix autem & causa huius negationis etiam est ex parte hominis, nam cum Deus de se sit expositus ad iuvandum, ideo non actu iuvat, quia per hominem stat, unde quoad hoc etiam est infallibilis regula, Deum deserere hominem, non conferendo illi talem concursum actualem, quia homo quodammodo deserit ipsum non cooperando gratiæ eius. Hæc vero desertio per se non extenditur ad futuras operationes, vel tempora, sed tantum est pro eo tempore & momento, in quo homo non operatur, nam licet tunc homo non consentiat, Deus paratus manet ad iuvandum illum postea, si consentire velit, & ideo illa non est propria desertio, sed mera negatio præsentis auxilij; & ita existimo intelligenda esse verba Prosperi ad obiect. Vincent. in 15. *Nemini Deus correctionis admittit viam, nec boni possibilisate despoliat, quia qui se à Deo auerit, ipse & velle quod bonum est, & possibile sustulit.* quod verbum vel in sensu composito intelligendum est, quia dum vult male operari, non potest conuerti, vel cum hac limitatione, quantum est de se, nam ex parte Dei nunquam aufertur possibilitas, ut idem Prosperus dixerat.

30. Dices in hoc concursu, vel adiutorio actuali, Difficultas. vel cooperante, simul cooperantur Deus & homo, ut præcedenti libro dictum est; ergo etiam negatio influxus simul est ab utroque: ergo non magis potest tribui homini, quod Deus illi negat concursum, quia ipse deserit Deum, suam ne-

gando cooperationem, quam è contrario, quia ex neutra parte est prioritas. Et confirmatur, quia aliàs quando homo operatur assentiendo gratiæ excitanti, dici etiam posset Deum iuvare hominem, & cooperari cum illo, quia ipse suum influxum tribuit, quia oppositorum eadem est ratio: consequens autem non potest admitti, aliàs adiuvans gratia esset pedissequa liberi arbitrij, & influxus Dei esset posterior natura, quam influxus causæ secundæ, quod est impossibile, ut supra visum est.

Respondetur ad priorem partem negando consequentiam, quia licet in ipso actuali influxu cooperante Deus & homo simul influant & tempore, & naturâ, nihilominus Deus antecedenter offert suum adiutorium, & ex parte suæ voluntatis ita est paratus & expositus ad concurrendum & iuvandum, ut solum expectet cooperationem hominis ad actualiter influendum, & ideo negatio actualis influxus non illi, sed homini merito tribuitur: nam Deus ex se vult concurrere & adiuuare, non tamen absolute, sed sub conditione, si per hominem non steterit, quæ conditio non impletur, & quod non impletur, homo in causa est, non Deus. Vnde licet inter illas negationes non sit propria causalitas, & consequenter nec propria prioritas naturæ, propriè tamen esse potest una ratio alterius, ideo enim Deus non stat actu, quia ex parte hominis non completur necessaria conditio. Et quia quod in tempore Deus non facit, vult etiam non facere, ideo ab æterno habuit voluntatem absolutam non iuvandi eum, qui non se adiuuat, & hoc est deserere illum quoad hoc auxilium. Hæc autem posterior voluntas est consequens ad præscientiam futuræ reſistentiæ, vel negligentiae ex parte hominis, & ideo non est contraria priori voluntati antecedenti, nec est sine causa, seu ratione ex parte hominis.

Vnde non est eadem ratio de carentia actionis, quæ de actione ipsa, nam ad non influendum homo sufficit, & ita potest esse proxima ratio, ob quam Deus non influit, & potest inter illas negationes intelligi aliqua prioritas saltem rationis cum fundamento in re, quæ in præſenti sufficit. Secus vero est in positiva actione, in qua & causa secunda à prima, & liberum arbitrium à gratia essentialiter pendet, & nullo modo est causa illius, & ita nec est prior tempore, nec natura, nec intelligi potest in aliquo signo operatio hominis sine concursu Dei, licet neque hic præcedat cooperationem hominis, sed sunt omnino simul. Et ita ad confirmationem negatur sequela, quia non est eadem ratio in negatione actionis, quæ in ipsa actione, ut declaratum est, quia negatio est imperfectio, actio vero perfectio, & ideo non æquè pendet à Deo, sed bonum ex integra causa, malum ex quocunque defectu; sic ergo in auxilio comitante axioma illud verificari potest, etiam si Deus de se nunquam homini deneget auxilium sufficiens.

Venio ad auxilium præueniens, de quo potissime Augustinus loquitur: hoc autem auxilium, (ut supra dixi,) non est nisi excitans, quod potest esse vel congruum, seu efficax, vel incongruum, & tantum sufficiens. De quo priori non possumus hic exactè dicere, quia nondum quid illud sit, vel quomodo detur, declarauimus, & ideo possumus punctum hoc in librum sequentem remittere. Quantum vero ad soluendam obiectio-

Enodatur.

31. Auxiliū præueniens quid, & quomodo sit.

Obiectio.

nem

Solutur.

nem, dicimus in primis dictam sententiam Deus nimirum deserit, nisi prius deseratur ab ipso, non habere locum generaliter in vocatione congrua, seu gratia præueniente efficaci, quia sæpe Deus non dat illam, licet ex parte hominis culpa non præcesserit, ut quintum argumentum, ad quod respondemus, & inductio de Angelis & Adamo probant. Idemque est in omni prima vocatione, quæ omne peccatum antecedit, & nihilominus est inefficax. Dicunt verò aliqui, saltem in homine lapso semper illam posse carentiam originali culpæ attribui. Veruntamen etiam id dici non potest, quia homines lapsi non possunt semper dici carere hoc auxilio efficaci, propter peccatum originale, nam semper post illud remissum, imò post longum tempus iustitiæ & sanctitatis cadit homo in peccatum mortale, & non recipit auxilium efficax ad vitandum illud: ergo non est necessarium ut præcedat desertio Dei ex parte iusti, ut non detur ei hoc donum. Et ratio est, quia nemini est debitum ex iustitia propter opera priora, & magis à priori ratio est, quia Deus satis prouidet homini per auxilium ex parte sua efficax, & ab ipso homine sit inefficax, ut supra dictum est.

Deinde dicimus negatiuam propositionem virtute inclusam in illo dogmate intellectam de actuali desertione Dei quoad hoc auxilium non esse necessariam, nec generaliter veram, quia sæpius Deus efficaciter vocat & trahit homines perditissimos, qui prius ipsum deseruerunt, etiam pertinacissimo, & obdurato corde, quia, ut Augustinus dixit, efficax gratia à nullo duro corde rejicitur, quia ad hoc datur ut cordis duritia penitus auferatur, nec cogitur Deus ad non dandam hanc gratiam desertori cuicunque, quando & quomodo valuerit, quia nec vlla lege sese ad hoc obligauit, nec repugnat potentia, vel bonitati eius, imò in hoc maxime ostendit gratiam suam, qua vsus est cum Nabuchodonosor Dan. 4. & non cum Pharaone Exod. 14. sed in simili ferè causa vnum efficaciter vocauit, alium minimè, planè ad ostensionem gratiæ suæ, ut Augustinus lib. de Prædest. & grat. cap. 13. & 16. accuratè expendit. Nihilominus addimus in sensu, (ut ita dicam,) potenciali veram esse illam propositionem negatiuam, quia qui Deum offereundo deserit, de se dignus est, ut priuatur cogitatione congrua, & efficaci: & similiter qui sæpius resistit sufficientibus vocationibus Dei, non meretur efficacem accipere. Et de facto verissimum est, Deum sæpe hoc modo deserere eos, qui se deserunt, ut sumitur ex Augustino dicta quæst. 2. ad Simplician. epist. 105. & aliis plerisque locis. Vnde hoc totum potest in illo dogmate comprehendere, crediderimque ab Augustino & Patribus etiam esse intentum, & hæc videri possunt satis ad responsionem quinti argumenti, quia non oportet dogma illud de sufficienti auxilio intelligere, aut in eo etiam verum esse, cum de auxilio efficaci tam concomitante, quàm præueniente verissime & sufficientissime intelligatur, & ex mente sanctorum Patrum explicetur.

Nihilominus tamen etiam de auxilio sufficienti intellectum illud dogma quoad affirmationem in illo inclusam potest verum sensum habere, si Deus neminem deserentem se omni auxilio sufficienti priuet. Nam, ut supra diximus, auxilium sufficiens dupliciter datur, scilicet proximè & remotè. Item auxilium quod

Fr. Suarez de Gratia Pars I.

A remotè sufficit, necesse est, ut ad aliquid aliud proximè sufficiat, quo medianter remotè dicatur ad aliud sufficere, vnde etiam fit, ut in talibus auxiliis perueniendum necessarium sit ad aliquod primum quod sit proximè sufficiens ad primum medium, seu opus, aut effectum necessarium ad salutem. quæ omnia ex dictis satis constant. Dico ergo in primis, quandiu homo in hac vita ratione vtitur, & liberè operari potest, etiam si millies deseruerit eum, nunquam ita deserit, ut non possit à peccando cessare, & quodlibet peccatum in particulari occurrens moraliter euitare. Ratio est, quia nec peccatum præsens excusationem habet propter præcedentia, nec posset imputari, si homo non haberet sufficiens auxilium, quo illud possit vitare; ergo in hac vita nunquam destituitur homo tali auxilio, occurrente occasione vitandi peccatum, aut seruandi præceptum. Consequentia clara est, utraque autem præmissa probata est latè supra tam Scripturâ, quàm doctrinâ Augustini, & videri potest Bellarm. lib. 2. de grat. & lib. arb. cap. 7.

Affectio

Bellarm.

Sed addo in primis tunc necessarium esse, ut detur auxilium immediatè sufficiens ad orandum: vnde vterius dico illud auxilium sufficiens ad orandum, esse etiam immediatè sufficiens ad quietandum peccatum pro eo tempore, vel momento, quo fit oratio, respectu verò temporis futuri, seu ad perseverandum in victoria importunæ, aut continuæ tentationis, erit tantum remotum: per orationem autem infallibiliter impetrabitur auxilium proximè sufficiens pro futuro tempore, perseverante etiam oratione, si oportuerit. Quoad hoc ergo auxilium necessarium ad vitanda singula peccata, non procedit illud principium quatenus affirmat, Deum deserere eum, qui se deserit. Et ratio à priori est, quia licet homo deserendo Deum, ex se mereatur deserti in futurum etiam in singulis occasionibus peccandi; nihilominus, quia homini concessit totum huius vitæ tempus, ut in eo possit salutem consequi, & peccata vitare, ideo ex se nunquam negat auxilium in singulis momentis sufficiens, ut nunquam peccator dicere possit, per Deum abest, Ecclesiast. 13.

33. Ampliat.

Ecclesiast. 13.

Posito verò hoc auxilio ad non peccandum, in eo continetur remotè auxilium sufficiens ad totam salutem, quia si homo cum præsentibus auxiliis faciat, quod in se est ad vitanda noua peccata, semper recipiet maiora auxilia, quibus ad remissionem præcedentium, & ad perseverandum in futurum possit disponi, si velit, iuxta superius dicta. Et ita etiam quoad hanc partem non habet locum illa pars affirmatiua dicti axiomatis. Nihilominus tamen, quia sæpe homo malè vtitur illo auxilio ad non peccandum, ideo priuatur veterioribus auxiliis proximè sufficientibus ad fidem, vel alia propinquiora opera salutis, ut supra etiam ostendimus. Et hic verificatur etiam illa pars affirmans quoad auxilia sufficientia proxima ad salutem, vel ad perseverandum sine peccato, vel ad remissionem præcedentium. Adhibenda verò semper est limitatio supra posita, ut hoc intelligatur quantum est ex merito & in dignitate deserentis Deum, nam licet sæpe Deus eo rigore cum peccatoribus utatur, non verò semper & infallibiliter, nulla enim absoluta lex de hoc lata est, sed

D d suæ

August.

32.



sue misericordiz & liberz voluntati hoc Deus reservavit, sicut in priori puncto diximus. Addi etiam potest, licet Deus non deserat hominem abutentem prioribus auxiliis, quoad auxilia simpliciter necessaria: deserere autem saepe quoad vberiora etiam intra latitudinem sufficientium, iuxta doctrinam Gregorij lib. 11. moral. cap. 5. & Hom. 11. in Ezech.

34.  
Responde-  
tur sexto &  
vltimo ad te-  
stimonium  
Augustini,  
circa verba  
Pauli,  
Deus vult  
omnes homi-  
nes saluos  
fieri.

Ad sextum & vltimum caput & testimonium Augustini responderetur, licet interdum Augustinus exponat illa verba Pauli, *Deus vult omnes homines saluos fieri*, non de omnibus hominibus simpliciter, sed aliis modis, non ideo id fecisse, quia putauerit nullo modo velle Deum omnium hominum salutem, sed ut indicaret non eodem modo velle omnes homines saluare, sed quosdam singulari electione, & proposito efficaci velle saluare, & ideo etiam secundum hanc voluntatem interpretari voluit verba Pauli, & consequenter ad illam distributionem omnium hominum explicare. Nihilominus tamen in aliis locis, præsertim de spirit. & lit. cap. 33. fatetur Deum ex se velle omnes homines saluare, & ita exponit verba Pauli, ut supra vidimus. Cum ergo in aliis locis indicat quosdam non saluati, quia Deus noluit saluare, in primis verbum illud *noluit*, pure negativè & de sola negatione efficacis voluntatis, seu electionis intelligendum est, ita ut non sit sensus aliquis carere sufficienti auxilio salutis, quia Deus de se absolute voluerit illos non saluare, sed sensus sit, quia aliquos non elegit voluntate absoluta, ideo non præparasse illis auxilia salutis efficacia & congrua, de his enim illa loca intelligenda sunt, cum quo stat, ut omnibus media sufficientia ex antecedente voluntate saluandi omnes, præparauerit.

## C A P V T XIX.

*Utrum auxilia sufficientia omnibus hominibus equaliter conferantur ex parte Dei, vel unde eorum varietas, seu inequalitas oriatur.*

I.  
Questi-  
onula de auxi-  
lij sufficien-  
tis distribu-  
tione, & an  
ex parte Dei  
omnibus de-  
tur æquali-  
tas.

Matth. 23.

**D**iximus auxilium sufficiens omnibus confecti, superest, ut breuiter explicemus quomodo distribuatur, id est, an ex parte Dei omnibus inæqualiter detur, & unde contingat, variis modis & inæqualibus confecti. Loquimur autem de auxilio sufficiente: nam de comparatione illius cum efficaci, & cur quibusdam detur auxilium efficax, aliis verò tantum sufficiens, in libro sequenti dicendum. Deinde si de solo euentu, vel de facto ageretur, res esset facillima, & extra controuersiam inter eos, qui Scripturam & fidei principia admittunt, quia euidentissimum est de facto non dari omnibus etiam reprobis æqualia auxilia sufficientia, sed aliis maiora, aliis minora, ut res ipsæ manifestè ostendunt. Dicit enim Christus Matth. 23. *Si in Tyro & Sidone facta essent virtutes, quæ sunt facta in te, in cilicio & cinere penitentiam egissent.* Erat ergo auxilium illud de se sufficiens, & in Iudæis fuit tantum sufficiens, quia illi resisterunt, & in hoc grauitè peccarunt, & tamen illud non est datum Tyris, nec Sidoniis, nec etiam aliis gentibus, nec æquale, sed longè minus. Vnde etiam legimus Act. 14. & 17. Deum

**A** permisisse gentes ingredi vias suas, & tempora prioris ignorantiz despexisse, non quia sine auxilio sufficiente gentes reliquerit, sed quia longè minora auxilia sufficientia eis tribuerit, quam Iudæis, iuxta id Psalm. 147. *Non fecit taliter omni nationi.* & Rom. 3. *Quid ergo amplius Iudæus est?* aut qua utilitas circumcisionis? multum per omnem modum.

Psalm. 147.  
Rom. 3.

Post aduentum etiam Domini nostri Iesu Christi eius gratia non omnibus gentibus est æqualiter applicata, aliis enim citius, aliis tardius prædicatum est Euangelium. Et in Actis Apostolorum legimus volente Paulo ire ad vnam gentem, prohibitum esse à Spiritu sancto, & ad aliam esse missum, Act. 16. nunc etiam maiora gratiæ auxilia dantur fidelibus Christianis, quam olim darentur gentibus, vel Iudæis, ut ex illo 1. Timoth. 4. *Qui est Saluator omnium hominum, maxime fidelium.* Colligit elegantè Prosper lib. 2. de vocat. gent. cap. 31. aliàs 10. dicens, *Adiciendo autem, maxime fidelium, ostendit esse partem generis humani, quæ merito fidei diuinitus inspirata ad summam, atque eternam salutem specialibus beneficiis prouebatur.* in quibus verbis de prædestinatis, ac subinde de efficacibus auxiliis loqui videtur; tamen negari non potest, quin etiam hi, qui ex Christianis non saluantur, specialibus beneficiis præmoueantur, licet ad effectum non perducantur; recipiunt ergo illi maiora auxilia sufficientia, quam infideles, & in rigore verborum Pauli sub illis adaptantur, qui vltius subiungit cap. 32. *In ipsis quoque fidelium populus non eadem omnibus, nec paria, (vtique auxilia) conferuntur.* & hac ratione, cæteris paribus, Christiani, qui damnantur, censentur grauiori iudicio & condemnatione digni, quia maioribus auxiliis restiterunt, & inter Christianos ipsos maiori pena sunt digni, qui pluribus auxiliis præuenci damnati sunt. Itaque de facto ipso, seu de auxiliorum sufficientium non solum comparatione efficacium, sed etiam inter se inæqualitate nulla est controuersia. De radice autem & causa huius varietatis questio agitur.

2.  
Responde-  
tur quod  
non, & pro-  
batur.

Timoth. 4.

Prosper.

**D**ixerunt ergo Semipelagiani, Deum quantum in se est, omnibus æqualiter providere, & de se paratum esse ad danda omnia æqualia auxilia sufficientia; ex parte autem hominum prouenire, quod alij maiora, alij minora recipiant, ut latè refertur Prosper in Epist. ad Augustinum, & Hilarius in alia Epist. ad eundem Augustinum, & idem Augustinus Epistola 106. & 107. & lib. de prædest. Sanct. cap. 1. 2. potestque sententia hæc aliquo modo fundari in verbis Sapient. 6. *Puillum & magnum ipse fecit, & æqualiter est illi cura de omnibus.* quod maxime videtur de supernaturali providentia intelligendum. & ratio ibi insinuat, quia sicut Deus æqualiter est creator omnium, ita etiam decet bonitatem eius, ut sit æquè omnium Saluator. Item, quia, ut ibidem præmittitur, *non subtrahet personam cuiusquam Deum*, id est, non est acceptor personarum Deus, ut etiam Act. 10. & saepe in aliis locis Scripturæ dicitur: esset autem acceptio personarum & irrationabilis discretio, seu electio, si Deus hominibus ex parte sua omnino æqualibus, & in originali peccato æquè nascentibus gratiæ auxilia inæqualiter distribueret sine vlla causa, vel ratione ex parte illorum.

3.  
Contrarium  
Semipelagianorum  
placitum: Deus  
quantum in se  
æqualiter  
providet: ex  
parte autem  
hominis pro-  
uenire, quod  
alij maiora,  
alij minora  
accipiant.  
Sap. 1.

Secundo videtur huc sententiæ multum fauere Dionysius cap. 9. de Cælest. Hierarch. vbi non ex parte

4.  
Fauet Dio-  
nysius

nytes, Cy-  
prianus, &  
al. j.

parte Dei, sed ex parte hominum oriri sentit, quod quidam magis, alij minus à Deo illuminantur, Ipsa (inquit) lucis participatio pro suscipientium meritis varia sit, scilicet vel magna, obscura, vel lucida, cum tamen radius ille divinus, unus ac simplex sit, eodemque modo se habeat super omnia semper explicitus. Item Cyprian. Epist. 59. aliàs lib. 3. Epist. 8. sic ait, esse apud omnes siue infantes, siue maiores natu, unam divini muneris aequalitatem, declarat nobis divina Scriptura fides. & infra, sed illic aequalitas divina & spiritalis exprimitur quod pares & aequales sint omnes homines, quando à Deo semel facti sunt. & infra, cum Spiritus sanctus non de mensura, sed de pietate atque indulgentia paterna aqualis omnibus praebeatur: nam Deus ut personam non accipit, sic neque aetatem, cum se omnibus ad caelestis regni consequutionem aequalitate librata praebeat patrem. & Epist. 76. ad Magnum p. 2. aliàs lib. 4. epist. 7. Si dies (inquit) omnibus aequaliter nascitur, etsi sol super omnes pari & aequali luce diffunditur, quanto magis Christus sol & dies verus in Ecclesia sua lumen aeternae vitae pari aequalitate largitur. Et infra inducit exemplum Manna, quod ab ab omnibus aequaliter colligi poterat, sic enim ait, Spiritus gratia munus sine annorum discretionem, seu acceptionem personarum super omnem Dei populum aequaliter effundi. Denique D. Augustinus in id Psalm. 45. Deus in medio eius non commovebitur, ait: Quid est, Deus in medio eius: hoc significat, quod aequus est omnibus Deus, & personas non accipit; quomodo enim illud quod in medio est, paria habet spatia ad omnes fines; ita Deum medius esse dicitur aequaliter omnibus consulens.

4.  
Reprobatur  
Masilienſi  
sententia ab  
Augustino,  
Prospero &  
aliis.

Suppositio  
pro sensu  
questionis.

Concluditur  
proposita  
questio.

5.  
Traduntur  
hæc assertio-  
nes à Prospe-  
ro.

Nihilominus hæc Masiliensium sententia ab Augustino, Prospero & aliis Patribus & Conciliis reprobata est, ut in fide eritonea; quia verò in ea multa continentur, quæ non æquè falsa, vel etiam non omnia falsa sunt; ergo per partes oportet illa discernere, & pretiosum à vili, seu veritatem ab errore separare. Primò ergo supponimus, quod dictum iam est, Deum omnibus hominibus lapsis, nullo excepto, ex parte sua sufficientem gratiam offerre, paratūque esse ad dandum omnibus auxilium supernaturale sufficiens, & illuminandum omnes si ipsi gratiæ Dei obicem non posuerint. Hoc latè probatum est in superioribus, & denuo id convincunt testimonia Patrum proximè allegata; in hoc ergo non errabant Semipelagiani, nec illis in hoc Augustinus contradixit, ut ex dictis in superioribus constat. Secundò nihilominus dicendum est rationem varietatis & inæqualitatis huius sufficientis auxilij in diversis temporibus, locis, seu nationibus, aut personis, non posse ex parte hominum, seu ex libero arbitrio sufficienter assignari.

Has suas assertiones. (interponendo aliam veluti huius fundamentum,) tamquam certissimas definitiones tradit Prosper lib. 2. de vocat. gent. cap. 30. aliàs 10. dicens, Commendamus, ut cum de gratia profunditate & altitudine disputatur, tribui illis saluberrimis & veracissimis definitionibus sumus intenti, quarum prima proficitur aeternum & proprium esse divina voluntatis, ut omnes homines salvos fieri velit, & in agnitionem veritatis venire. Alia simul predicat, omnem hominem, qui salvus fit, quique in agnitionem veritatis venit, Dei auxilio innari ac regi, usque in fide per dilectionem operatur, permaneat, custodiri. Tertiò verò temperanter & sobriè protestatur, non omnium voluntatum Dei comprehendendi posse rationem, & multas divi-

Fr. Suarez de Gratia Pars I L.

A norum operum causas ab humana intelligentia esse subiectas, ut cum in temporibus & nationibus, in familiis, in parvulis, in nondum natis, & genitis, quædam aut variè, aut insignitè gesta esse nascuntur, non ambigamus ea ex illis esse, quæ iustus & misericors Deus in hoc transitorio sæculo noluit sciri. Deinde postquam cap. 31. primam propositionem modo à nobis suprâ explicato confirmavit, in 32. confirmat suam tertiam & nostram secundam assertionem, tum ex effectibus, quia etiam in fidelibus populis non omnibus paria & similia conferantur auxilia, & ante omnia meritorum pondera, dissimillima divinarum mensura est munus. quæ varietas non potest nisi in liberam Dei voluntatem referri. Tum ratione, quia non possumus hanc diversitatem graduum carnis aptare meritorum, cum totius boni meriti principalis causa sit gratia, de cuius operibus sumitur, quidquid in singulis probabile reperitur.

& confir-  
mantur

Ut autem distinctius veritas hæc declaretur, & confirmetur, possumus nonnullos huius inæqualitatis & varietatis sufficientis gratiæ modos distinguere, & in singulis quid in solam divinam voluntatem, quid verò in humanam referri possit, agnoscere. Potest autem hæc varietas spectari, vel inter singulares personas, vel in ipso humano genere in diversis temporibus, seu ætatibus Ecclesiæ, vel in diversis mundi partibus, & provinciis in eodem tempore & statu Ecclesiæ. Primò ergo inter personas invenitur inæqualitas, quia ad quosdam divina illuminatio supernaturalis, & interna vocatio proxima ad fidem nunquam pertingit, nec per auditum, nec per inspirationem internam: ad alios autem pervenit, & actu confertur. Vtrumque membrum per se satis patet, experientiæque comprobatur, & in superioribus auctoritate confirmatum est; huius ergo discriminis ratio, in his, qui tale auxilium non recipiunt, ex parte illorum reddenda est, tam quia est defectus rei maximè necessitæ ad salutem, qui non à Deo, sed ab homine provenit primariò, tum quia est poena quædam, quæ supponit in homine culpam, tum denique, quia non est contra gratiam Dei, sed in favorem eius, ut ostendatur de se omnibus communicari. Et hoc etiam in superioribus latè probatum est; in aliis verò quibus tale auxilium actu confertur, prima ratio non ex illis, sed ex Deo sumenda est, & ita in utrisque completur sententia Domini, dicentis, Perditio tua ex te, tantummodo in me auxilium tuum. & in hoc in primis errant Semipelagiani, qui non minus causam recipiendi à Deo primum auxilium gratiæ ponebant in bono vsu liberi arbitrij, quam carentiæ illius in malo vsu; decepti verò sunt, quia homo per se sufficit ad ponendum obstaculum auxilio Dei, non tamen ad promerendum illud. Imò in statu naturæ lapsæ ratione peccati originalis illud demeretur, quantum est de se, & ideo quando illi datur, gratis & ex solo Christi merito confertur, quod non solum de primo auxilio efficaci, sed etiam de sufficiente intelligendum est, ut iam dicâ.

6.  
Distinguitur  
aliquot  
modi inæ-  
qualitatis  
gratiæ suffi-  
cientis

Semipelagia-  
norum ex-  
tor.

Potest enim ulterius hæc inæqualitas inter singulares personas inveniri, etiam in his, qui supernaturale auxilium sufficiens actu recipiunt: nam quidam per illum tantum recipiunt posse, alij recipiunt etiam velle, ut Augustinus frequenter loquitur. Quod discrimen non est, per se loquendo, inter auxilia sufficientia, de quibus nunc tractamus, sed est inter auxilium sufficiens

Differunt  
auxiliū suffi-  
ciens, & effi-  
cax.

& efficax, nam auxilium quod dat posse, est tantum sufficiens, aliud autem dans velle, est efficax. Regulariter autem credibile est illud, quod est efficax, etiam in ratione sufficientis esse maius; an verò super necessarium sit, postea videbimus. In his ergo, in quibus auxilium est efficax, causa prima & principalis est voluntas diuina; quomodo autem id etiam ex libero arbitrio pendeat, in libro sequenti tractandum est; de aliis verò in quibus est tantum sufficiens, duo distinguenda sunt, vnum est, habere tale auxilium, aliud est, quod sit tantum sufficiens. hoc posterius habet rationem ex parte ipsius hominis volentis vel tali auxilio: ex parte autem Dei non habet propriam causam per se & positivam, sed tantum permissivam, quia non vult dare maius, vel congruentius auxilium, quod pro sua voluntate, sine vlla peculiari causa ex parte hominis facere potest: non facit autem Deus ut illud auxilium sufficiens quod de facto præstat, sit inefficax, sed hoc facit homo ut latè in superioribus ostensum est.

8. At verò illud prius, scilicet habere, seu recipere tale auxilium (loquendo de tota serie auxiliorum sufficientium, illaque ad primum reducendo,) non habet causam ex parte hominis, sed solum ex parte Dei & Christi, quia illud auxilium etiam si sit tantum sufficiens, est vera gratia prima, & ideo nullum meritum, vel rationem habere potest ex parte hominis, ut contra Massilienses sæpius Augustinus argumentatur, vrgens illud Rom. 11. *Si autem gratia, non ex operibus, alioqui gratia iam non est gratia.* Hoc enim non minus procedit de auxilio sufficienti, quàm de efficaci, quia auxilium præueniens est vera gratia, etiam si illi resisti possit, & interdum resistatur, ac proinde sit tantum sufficiens, ut apertè colligitur ex Concil. Trident. & Senonienf. locis suprà citatis. Quapropter etiam si comparatio fiat inter duos, quorum vnus nec proximè vocatus fuit ad fidem, alius verò vocatus fuit, sed non consensit, nihilominus dici non potest, hunc fuisse alteri prælatum in tali vocatione propter merita sua, vel propter aliquam bonitatem in ipso inuentam, magis quàm in alio, sed ratio tota in Dei voluntatem remittenda est. Nam licet fieri possit, ut is qui vocatur, sit minus malus, quàm alius, & ideo ratio aliqua sumi posse videatur ad eum modum quo Paulus dixit 1. Tim. 1. *Misericordiam consequutus sum, quia ignorans feci.* Sicque peccatum ex ignorantia dicitur esse remissibilius esse, quàm peccatum ex malitia; nihilominus hæc ratio non est propriè motiua, nec causa talis gratiæ, sed tantum minus impediens: nec est generalis, nec propria, nam Deus interdum vocat duriorem, & non eum, qui minus peccauit, & interdum verumque, aliquando neutrum; ergo signum est hæc facere secundum consilium voluntatis suæ, per altissimas suæ prouidentię rationes, quas humana fragilitas inuestigare non potest, nec debet. Vnde si aliquando potius vocat eum, qui ex ignorantia peccauit, quàm eum qui ex malitia, etiam id facit propter suam bonitatem & gratiam, non propter meritum hominum, & præterea quòd ille, cui miseretur, minus antea peccauerit, etiam prouenit ex prioribus rationibus prouidentię suæ, quibus res ita disposuit, ut ille minora saltem impedimenta gratiæ apponeret, atque ita non tantum bona, sed etiam quòd mala minora, vel pauciora sint, diuinæ prouidentię

A & voluntati meritò tribuitur. quæ omnia quatenus ad finem supernaturalem ordinantur, ad diuinam prædestinationem & gratiam aliquo modo pertinent. & ita sæpe de his effectibus loquitur Augustinus, ut in superioribus allegatum est.

B Tertiò adhuc inter singulares personas, qui multa auxilia sufficientia recipiunt, & per illa ad salutem non perueniunt, inuenitur infinita varietas. Nam quidam recipiunt illa auxilia toto tempore vitæ, alij tardiùs, alij in fine vitæ: & quidam plura & maiora, alij minora, & pauciora, quidam per illa nunquam iusticiam consequuntur, alij interdum perueniunt ad illam; quidam breui tempore, alij diuturno, licet tandem non perseuerent. In hac ergo varietate aliter de primo auxilio, aliter de subsequentiis dicendum est. Nam quoad primum certum est, in utroque homine initium talium auxiliorum, quod unicuique datur, siue paruum, siue magnum sit, esse ex sola gratia & misericordia Dei, ut contra Semipelagianos Concilia definiunt, & iam sæpe dictum est, vnde fit, varietatem, quæ in primo auxilio inuenitur, (nam vni datur maius, alteri minus,) non esse ex diuersitate meritum ipsarum hominum, sed ex voluntate Dei, nam si neuter illorum meretur suam gratiam, multo minus potest vnus mereri, quod maiorem accipiat quàm aliùs. At verò in posterioribus auxiliis potest illa varietas oriri ex dispositione recipientium, non naturalem, sed per cooperationem cum primo auxilio: sic enim potest homo operans per fidem, aliquo modo sequentia auxilia mereri, ut sæpe dictum est.

C Nihilominus tamen hæc ratio huius varietatis nec adæquata est, nec prima. Dico non esse adæquatam, quia non semper Deus dat sequentia auxilia iuxta mensuram dispositionis, sed sæpe maiora. Nam licet verisimile sit nemini negari auxilium, ad quod per prius auxilium se disponat; nihilominus sæpe dat multo maiora, & sine vlla dispositione, vel non obstante contraria dispositione, quia sicut illud prius est aliqualis iustitiæ, ita hoc est misericordiæ, & ad ostensionem diuinæ gratiæ fit. Dixi etiam non esse illam primam causam huius varietatis, quia in eo qui meliùs vritur primo auxilio, ut impetret secundum, illud primum non solum est sufficiens, sed etiam efficax, ut hoc ipsum prouenit ex altiori & occultiori gratia Dei, & mera gratuita, atque ita tota causa tandem refunditur in Deum.

E Contra totam autem hanc doctrinam solet obijci verbum Christi Domini Matth. 25. vbi proponens parabolam talentorum ait, hominem illum petegre euntem distribuisse talenta, unicuique secundum propriam virtutem, quasi per propriam virtutem, propria dispositio & meritum; & per talenta, prima gratiæ auxilia & semina significantur. Veruntamen neutrum horum est necessarium, nam multi Patres per talenta non intelligunt gratiam sanctificantem, neque auxilia ad illam expectantia, sed vel gratias gratis datas, ut Anastas. Nicenus q. 84. in sacram Scripturam, vel diuersa Ecclesiæ officia & ministeria, ut Chrysost. Hom. 5 1. Imperf. vel munus prædicandi Evangelium cum maiori, vel minori talento, seu cum pluribus, aut paucioribus donis tantum naturæ, quàm gratiæ collatum. Vnde quod additur, secundum propriam virtutem, non oportet intelligi secundum propriam

9. Varietas inter singulares personas qui multa auxilia sufficientia recipiunt, & per illa ad salutem non perueniunt, vnde fit.

10.

Deus sæpe dat multo maiora, sine vlla dispositione, & cur.

11. Obiectio ex Scriptura.

Retorque-  
tur.



proprium meritum, vel dispositionem, sed secundum propriam capacitatem, nam licet dona, vel ministeria gratiæ non debeantur naturæ, nihilominus in distribuendis illis, præsertim quando ad publica ministeria ordinantur, Deus ordinariè rationem habet naturæ & ingenij, seu conditionis naturalis vniuscuiusque, hoc enim ad suauem prouidentiam spectant, & non est contra rationem gratiæ, & ideo frequentiùs seruatur, licet interdum ad ostensionem virtutis suæ, instrumentis de se ineptis ad sua opera Deus utatur.

12. Aliorum facilius solutio.

Additur alia ab Auctore.

Alij denique faciliùs se expediunt, dicentes non oportere singulas particulas & verba parabole accommodare, atque ita illa interposita fuisse à Christo Domino, quia ita solet ab hominibus fieri, non quia Deus in suis donis gratiæ conferendis semper modum illum obseruet. Addo vltimò, quamuis sub illis talentis dona gratiæ sanctificantis comprehendamus, & per propriam virtutem dispositionem vniuscuiusque intelligamus, non oportere intelligi de dispositione ad primum gratiæ auxilium, nec de dispositione, quæ propria virtute hominis fiat, non enim dicitur propria virtus sola illa, quæ propriis viribus acquisita est, sed etiam illa, quæ ex dono Dei propria recipientis facta sunt; prius enim quàm homo ille sua bona traderet seruis suis, vocauit illos, & fecit illos suos, per quod rectè intelligimus sermonem esse de hominibus iam vocatis ad Ecclesiam, & per fidem Christi seruis effectis, per quam etiam diuersimodè ad dona gratiæ recipiendâ disponi potuerunt, ita exponit D. Thomas 2. 2. q. 24. art. 3. ad 1.

13. Consideratur varietas auxiliorum iuxta ætates mundi, & status Ecclesiæ.

Prosper.

Jerem. 31. Ezech. 11. 33. & 36.

Isai. 54. & 55.

Joan. 6.

Tit. 3.

14. Duo consideranda in illa varietate.

Quartò potest hæc varietas auxiliorum considerari in diuersis mundi ætatibus, & præsertim in tribus statibus Ecclesiæ, scilicet legis naturalis scriptæ & Euangelicæ. In quibus certissimum est, longè diuersam fuisse gratiæ mensuram, nam in tempore legis naturalis, adeò erat rara fides, & vocatio ad illam, vt non dubitauerit Paulus vocare illa tempora ignorantia, quæ despexit Deus, dimittens omnes gentes ingredi vias suas, Act. 14. & 17. Eandemque gratiæ sterilitatem, quæ in gentibus fuit in Epist. ad Rom. latè describit Prosper lib. 2. de vocat. gent. cap. 23. & inter alia dicit, tunc fuisse parcius & occultius communicatam. At verò de Iudæis iam ostendimus maiorem fuisse illis concessam; tamen in illa eadem lege scripta fuit multò abundantior gratia pro tempore legis nouæ promissa Ierem. 31. Dabo legem meam in visceribus eorum. & Ezechiel. 11. Dabo eis cor vnum, & spiritum meum. & cap. 33. Suscitabo super eas pastorem. & cap. 36. Spiritum meum ponam in medio vestri. Isai. 54. Ponam vniuersos filios tuos doctos à Domino, & cap. 55. Omnes sitientes venite ad aquas. & infinita similia, quæ tempore legis nouæ esse impleta ostendit Christus Ioann. 6. & sæpe in Euangelio, & Apostoli passim in actibus, & in suis Epistolis. Certum est autem hanc varietatem non esse ortam ex hominibus. Non enim ex operibus iustitia quæ fecimus nos, sed secundum misericordiam suam saluos non fecit.

Ratio ergo tota illius varietatis ex diuina voluntate pendet. Duo autem possunt in illa varietate considerari, vnum est collatio cuiuscumque gratiæ, siue maioris, siue minoris, & hoc semper fit ex liberali misericordia Dei per Christum; aliud est, eius gratiæ varietas, seu inæqualitas, in qua duæ sunt partes, scilicet sterilitas & abundantia gratiæ. Et licet vtraque fuerit ex diuina voluntate, diuerso tamen modo. Nam sterilitas, seu parui-

Fr. Suarez de Gratia Pars I I.

tas gratiæ pertinet ad rigorem, & ideo fundamentum habuit semper in originali peccato, additis multis personalibus, vt Paulus expendit Rom. 2. præter autem rationem supplicij fuit etiam medicinalis pœna respectu totius generis humani, vt suam indigentiam magis agnosceret, & Christi gratiam & incarnationem magis æstimaret. Atque eisdem rationibus, ob quas Incarnatio Verbi diuini tanto tempore dilata est, minor fuit in præteritis generationibus gratiæ communicatio, & excitatis hominum permissio. Vnde est illud Pauli Rom. 11. *Concluse Deus omnia in incredulitate, vt omnium miseretur*; & ad Galat. 3. *Concluse Scriptura omnia sub peccato, vt promissio ex fide Iesus Christi daretur credentibus*. quod successu temporum factum est, nam post antiquiora tempora copiosior gratia Iudæis data est, non propter ipsorum meritum, sed propter Christum, & in ipsius gloriam, & ex gratuita electione Dei, vt in Epist. ad Rom. latè Paulus ostendit. Tandem verò in tempus legis nouæ abundantia gratiæ reservata est, propter eiusdem Christi præsentiam, vt in fine tractatus de legibus latè diximus, atque ita omnis gratia, eiusque abundantia respectu communitatis generis humani non habet aliam radicem, & causam, præter voluntatem Dei, & Christi meritum.

Vltimò considerari potest hæc veritas sufficientiæ auxiliorum in diuersis orbis prouinciis & nationibus, quæ maximè cernitur tempore legis Euangelicæ. Nam certum est rationes illas, quibus Euangelium prædicatum est, maiora sufficientis gratiæ auxilia recepisse, quàm eas, quæ hoc beneficio caruerunt. Videmus autem Euangelium quibusdam esse citius prædicatum, quàm aliis, adeò vt vsque ad nostra tempora à vastissimis gentibus fuerit ignoratū, & nondū ad omnes perueniret. Quod autem non sine speciali & occulta Dei prouidentia, hæc, & similia eueniant, ostensum nobis est variis exemplis. Nam in primis Paulus Rom. 1. dicit se proposuisse ire ad prædicandum Romanis, & prohibitum esse vsque tunc, quod multi Patres de prohibitione per Spiritum sanctum intelligunt, Chrysost. Greg. Ambt. Anselm. & alij; item Act. 16. vbi Paulus & Timoth. prius veriti sunt à Spiritu sancto loqui verbum Dei in Asia, & postea cum tentarent ire in Bithyniam, non permisit eos Spiritus sanctus, & postea per visionem admonitus est Paulus transire in Macedoniam. & cap. 18. similiter per visionem præcepit illi Dominus, *Loquere, & ne facias, &c. populus enim mihi est multus in hac ciuitate*.

Huius autem veritatis & prouidentia diuinæ Semipelagiani conabantur rationem reddere ex operibus hominum à Deo prauis, nam quibusdam aiebant, prædicatum est, quia credituri erant, aliis negatum esse, quia non erant credituri: vnde quia rationem reddere non poterant ex operibus aliquando futuris, illam sumebant ex præscientia operum sub conditione futurorum, vt referunt Prosper & Hilarius in Epistolis ad Augustinum, & in suum fauorem eundem Augustinum allegabāt, quia in Epistola 49. q. 2. de toto tempore prædicationis Euangelicæ dixit voluisse Christum hominibus apparere, & prædicare doctrinam suam, quando sciebat, vt ibi, esse, qui in eum fuerant credituri. Nec videtur hæc sententia aliena à sensu Patrum, nam Gregorius Hom. 12. in Ezech. docet, interdum Deum prohibere verbum suum alicubi prædicari propter auditorum malitiam, qui verbum cum fructu non suscipient, & adducit id Act. 12. vbi Paulus refert sibi esse à Domino di-

Qd 3. Quum

Etum, Exi velociter ex Ierusalem, quoniam non recipiens testimonium tuum de me. Et Homil. 4. in Evangel. eandem rationem reddit ex præscientia Dei, vetuisse nimirum prædicare tunc Paulum in Asia, ne grauius de contempta prædicatione iudicaretur; præuidebat ergo Deus illos, qui tunc in Asia erant, non fuisse credituros, & ideo Apostolos & socios illuc ire voluit. Eandem rationem tradit Chrysostomus Hom. 65. in Matth. & Beda verba Gregorij vsurpans Act. 16. & expressè OEcum-nijus. In Asia (inquit) & Bithynia vetas spiritus ut verbum diffiminent Apostolum, præscit enim heresim eorum, qui spiritum impugnarent, dominaturam illis, qui ibi degerent.

17.

Refertur prædictæ va-  
rietatis ratio  
in volunta-  
tem Dei.  
August.

Nihilominus dicendum est, simpliciter & absolute loquendo, non posse rationem primariam & proximam adæquatam huius varietatis ex libero arbitrio hominum sumi, sed esse occultissimum, & ex diuina voluntate & prædestinatione pendere. Vnde Augustinus lib. octuaginta trium quæstionum, q. 68. circa finem, Hæc (inquit) vocatio, quæ fuit in singulis hominibus, siue in populis, siue in genere ipso humano per temporum opportunitates operatur, & profunda ordinationis est, & lib. de bonor. persec. cap. 14. in diuinam prædestinationem id refert, & contra Semipelagianos id conuincit ex illo Matth. 11. *Va tibi Corozaim, &c.* nam ibi prædicatum est Euangelium, & facta sunt signa in populis non credituris, & negata sunt Tyrus & Sidoniis, qui credituri essent, si talia verba audissent, & signa conspexissent. Idemque latissime tradit Prosper in Epist. ad Rufinum, ubi inter alia ponderat, in initio Euangelicæ prædicationis non iussisse Apostolos ad prædicandum, nisi quod spiritus Dei eos ire voluisset, & quasdam gentes suo tempore cœpisse gratiæ Dei esse participes, alias nullum adhuc odorem boni istius attingisse; totumque refert in voluntatem Dei, cui humana non possunt obistere voluntates. Nam quod istis prædicetur Euangelium, non potest eorum bonis moribus tribui, cum bonos & pios mores non conferat nisi gratia, nec quod illis non prædicetur, potest ex prauis eorum moribus nasci, cum multi sunt tam ferè mores, quos non facile possis gratis mutare, si velis. & lib. 2. de vocat. gent. cap. 9. & sequentibus, alias cap. 3. eandem gratiæ inæqualitatem mirabiliter expendens, concludit. *Quæ causa itaque sint harum sub eadem gratia dissimilitudinum, quæ rationes, sanctis Scripturis non loquentibus, quis loquitur; & cum eis inscientis Pauli Apostoli à disputatione transeat in stuporem, cuius erit tanta præsumptio, qui hac differendo existimet aperienda potius, quam silentio miranda.*

18.

Confirmatur  
ratione.

Declaratur.

Ratio verò est, quia ex diuersis operibus liberi arbitrij bonis, aut prauis, non potest prima ratio huius veritatis assignari, & licet interdum possit aliqua proxima inueniri, non potest esse adæquata, nec prima. Declaratur hæc ratio, quæ est fundamentalis in hac materia. Nam in primis quod Semipelagiani dicebant quibusdam esse negatam, vel debitam prædicationem Euangelij, quia sub conditione præuisum est, quod licet prædicaretur, non crederent, quatenus sentiebant illam esse pœnam incredulitatis illo modo futura, valde errabant, & sæpè arguuntur ab Augustino, quia Deus non punit peccata, quæ futura non sunt, etiam si essent futura, si hoc, vel illud accideret, quia hæc simpliciter nihil sunt: quod autem nihil est, non est dignum pœna, imò interdum est miseratione dignum, & ita inter gratiæ beneficia computatur. *Rapius est ne malitia mu-*

*taret intellectum eius;* Sap. 4. vt expendunt Augustinus epist. 107. Prosp. lib. de ingratia cap. 12. vnde ex hoc ipso testimonio reprobatur sufficienter illa sententia, quæ asserbat Deum punire priuatione gratiæ suæ illa peccata, quæ commissurus quis esset si viueret, vel si Euangelium ei prædicaretur, vt notauit Augustinus epist. 105. & de Corrept. & grat. cap. 8. & de prædest. Sanct. cap. 14. nihilominus tamen seclufa ratione pœnæ, vel meriti, sæpè vetum habet illa ratio, quod Deus prohibet alicui genti aliquo tempore prædicari Euangelium, quia tunc non erant credituri, non tamē in pœnam infidelitatis, quæ fuisset futura, sed potius ex misericordia, ne contemnendo fidem maioris pœnæ rei fierent, vt Gregorius & Beda dixerunt. Hæc verò ratio licet sit aliquando vera, non est adæquata, quia interdum prædicatur fides etiam his, qui peiores ea occasione futuri sunt, quorum in hoc Deus noluit miseri, & ita tandem in secretum diuinæ voluntatis reuoluntur. Similiter sæpè prohibetur aliquibus prædicari, propter eorum peccata, quæ impedimentum illatura sunt fidei, & in pœnam non infidelitatis, quæ futura esset, si prædicaretur, eis Euangelium, sed peccatorum, quæ iam à tali gente commissa ceruntur, nam licet Deus posset eorum miseri, & per abundantem gratiam illorum mentes commutare, iusto & occulto iudicio non vult.

E contrario verò sæpè Deus iubet alicubi prædicari Euangelium, præuidens illic esse multos credituros, vt apertè dicitur Act. 18. ibi, *Populus enim mihi multus est in hac ciuitate.* Tunc verò nec talis prædicator est propter bona merita in illis gentibus inuenta ante fidem, quia nulla talia esse possunt, vt supra latè probatum est, & optimè ostendit Prosper dicta Epist. ad Rufinum, & Augustin. dicto lib. de prædest. Sanct. nec etiam propter meritum futuræ fidei, quia vt præuisa tantum sub conditione nullam habet rationem meriti, vt dictum est: vt futura autem absolute est effectus ipsius prædicationis, & auxilij, & ideo non potest esse meritum eius: fides ergo, quæ tunc futura esse præuidetur, vt effectus gratiæ præuidetur, & propter illam tamquam propter finem à Deo intentum tale auxilium conferatur. Et in hoc sensu illa ratio reddi potest, aliquando vt causa proxima in illo genere talis beneficij, non tamen potest esse ratio adæquata, quia sæpè Deus præuidet gentem credituram, si ei prædicetur fides, & tamen ad illam Prædicatores non mittit, sicut in Tyris & Sidoniis vidimus. Quapropter nec illa potest esse ratio prima, sed recurrendum est ad diuinam voluntatem, quæ ita voluit gratiæ suæ dona distributere, & in hoc sensu approbauit illam rationem, & explicuit quod contra Porphyrium scripserat Augustinus lib. de prædest. Sanct. cap. 9. Addi etiam potest ex eodem Augustino lib. de prædest. Sanct. c. 9. Addi etiam potest ex eodem Augustino lib. de dono persec. cap. 9. tunc maximè eis prædicari Euangelium, qui præuidetur credituri, quando illi sunt prædestinati, & ad salutem electinam propter electos maximè Deus suam gratiam communicat. Vnde fieri potest vt propter paucos electos prædicentur Euangelium, ubi plures sunt repugnaturij; & tunc occasione electorum, quibus datur auxilium efficax, datur reliquis audientibus auxilium sufficiens. Et ad hunc modum ex hac radice adæquata ratio redditur huius mirabilis varietatis prouidentie diuinæ, quantum in hac vita iuxta diuinam Scripturam coniectare possumus.

Prosp.

August.

19.

E contra iubeat Deus alicubi prædicari Euangelium, præuidens quod illi sint multi credituri.  
Probat ex Scripturâ Act. 16.  
Prosp.  
August.

20.  
Responde-  
tur argumē-  
tis Massiliē-  
sum.  
Argumen-  
to primo.

1. Cor. 9.

Rom. 9.

Argumento  
secundo.

Ad argumenta ergo Massiliensium respondeo. *A*d primum dicitur, verba illa Sapientis, *Æqualiter est illis cura de omnibus*; solum significare æqualitatem in vniuersalitate, quia omnium rerum, nulla excepta, habet prouidentiam Deus, & in hoc est quædam æqualitas, quia siue sint res magnæ, siue minimæ, omnium in particulari, & in indiuiduo habet prouidentiam. Nihilominus tamen quoad effectus prouidentie, & modos eius, est varietas in diuina prouidentia, vel iuxta Dei arbitrium, vel secundum proportionem & vnicuique conuenientem rationem, & hoc modo dixit Paulus 1. Corinth. 9. *Numquid de bobus cura est Deo?* non quia nulla sit, sed quia non talis, qualem habet de hominibus, vel de Prædicatoribus Euangelicis, de quibus Paulus ibi tractabat. Deinde dicimus sermonem Sapientis ibi esse de iustitia, in retribuendis pœnis, dixerat enim, quod *Potentes potenter tormenta patientur*. & ideo adduxit rationem, quod Deus non accipit personas, & quod pusillum, & magnum ipse fecit, quia in negotio iustitiæ æquitatem seruat, atque ita æqualitatem etiam seruat vtrique iustitiæ. At verò in negotio gratiæ non oportet vt seruet æqualitatem, quia non vt iudex, sed vt Dominus absolutus illam confert, & ita licet maiorem, vel minorem tribuat, non accipit personam, nec tenetur quos æqualiter creauit, æqualiter gratificare, quia sunt beneficia diuersorum ordinum, quamquam etiam in ipso ordine naturæ plura etiam beneficia quibusdam conferat, quàm aliis, solum quia vult, vel quia ita voluit causas vniuersi disponere. Et hoc est quod Paulus dixit Roman. 9. esse in potestate figuli ex eadem massa facere vnum vas in honorem, & aliud in alium inferiorem vsum. Ad secundum respondemus, testimonia illa Sanctorum intelligenda esse iuxta priorem modum æqualitatis, qua Deus ex se nemini gratiam suam negat, & omnibus illam offert æqualiter, id est, nullo excepto, seu æqualiter quantum ad gradum sufficientiæ, in latitudine autem illius non negat dare illam copiosiorē in maiori, vel minori, secundum consilium voluntatis suæ, & diuidens singulis prout vult.

## CAPVT XX.

### De concordia liberi arbitrij cum necessitate sufficientis auxilij præuenientis.

**H**ic est veluti scopus totius disputationis huius libri, & ideo licet resolutio puncti in hoc titulo propositi ex discursu totius libri manifesta sit, vtile nihilominus erit eam breuiter proponere, & totius libri doctrinam veluti in summam colligere. Libertas ergo arbitrij duas includit partes, seu potestates, vt supra dixi, scilicet potestatem agendi, & potestatem non agendi, seu oppositum faciendi. Vnde duo repugnare videntur vñi libertatis, videlicet impotentia actum faciendi, & necessitas faciendi, seu, quod idem est, impotentia supponendi actum, vel faciendi alium repugnantem. In præsentī ergo nulla est difficultas de concordia auxilij sufficientis cum libertate arbitrij ex sua parte, quia requirit potestatem non agendi, quoniam hanc ipsam requirit auxilium sufficiens, quatenus tantum, seu præcisè est sufficiens, quia illud dicitur auxilium sufficiens, quod licet det posse in re, non

dat agere, aut velle: nec per se postulat vt illud det infallibiliter, & ideo optimè componitur auxilium sufficiens; non solum cum potestate non agendi, sed etiam cum ipsa carentia actionis. Ex hoc ergo capite non est in præsentī difficultas, sed illa pertinet ad auxilium efficax, & in lib. sequenti tractabitur. Difficultas ergo præsens est de concordia sufficientis auxilij cum libertate arbitrij, ex ea parte, qua potestatem faciendi requirit.

Ad difficultatem ergo explicandam oportet vltius aduertere, aliud esse loqui de efficacia auxilij sufficientis, quàm de se, seu in actu primo habere, aliud de necessitate talis auxilij. Nam tale auxilium ratione suæ efficacitatis tantum abest, vt repugnet libertati, vt potius compleat illam, si aliqui tale auxilium necessarium sit ad operandum, vt ipsa ratio sufficientis auxilij includit, & nomen indicat. Dicitur enim auxilium sufficiens, quod dat posse: nam si supponat posse, solum dabit facilius posse, & ita iam non erit tantum sufficiens, sed abundans, sicut habitus acquisitus non est tantum auxilium sufficiens, sed plusquam sufficiens, & augens virtutem agendi, aliàs sufficiens. Auxilium autem gratiæ quod præcisè dicitur sufficiens, non supponit sufficientem potestatem, sed dat illam, & ideo merito dicitur complere libertatem arbitrij ex ea parte, qua libertas potestatem agendi requirit. Vnde etiam nulla est difficultas in concordia talis auxilij positi in potentia cum eius libertate. Difficultas ergo non solum esse potest in carentia talis auxilij, supposita eius necessitate. Nam si necessarium est, sine illo non est potestas agendi; ergo nec integra libertas: sæpe autem contingit deesse tale auxilium, saltem propter hominis impedimentum: ergo tunc actio & ommissio non est libera; in contrarium verò est, quia non obstante carentia auxilij, actio, vel ommissio imputatur ad culpam; ergo est libera.

Tertio ad hanc concordiam explicandam necessarium est libertatem agendi considerari in ordine ad singularem actum cum determinatione omnium circumstantiarum & conditionum, quæ hic & nunc ad agendum requiruntur; duobus enim modis possumus loqui de potestate agendi, & non agendi, vno modo in confuso respectu alicuius multitudinis actionum, vel omissionum, quæ non simul, sed successiue occurrunt, & dicitur homo posse, vel non posse seruare omnia præcepta, vel vitare omnia peccata collectiue longo tempore: quæ potentia & impotentia non consideratur in singulis actibus, nec in aliquo in particulari, sed in toto illo cumulo, vnde magis est potestas continuandi, vel perseverandi, quàm simpliciter agendi, vel non agendi. Alio modo consideratur potestas hæc in ordine ad singularem actum hic & nunc, in tali materia, & cum talibus circumstantiis faciendum, vel vitandum. Dicimus ergo libertatem arbitrij esse hoc posteriori modo considerandum, quia actiones sunt singularem, & cum omnibus ad singularem requisitis exercentur, & ideo actio libera exercetur, & vñus libertatis in sola tali actione cernitur, & locum habet: respectu verò obiecti confusi, seu multitudinis actuum collectiue sumptorum in tantum erit potestas libera, in quantum in singulis actibus libere possit exerceri, quia non exercetur libertas immediatè circa totam collectionem, sed ratione singulorum, & sigillatim circa vnumquemque, vnde fieri non potest vt sit libertas ad collectionem totam, si vel in vno singulari actu desit; contrario verò accidere potest, vt detur potestas libera ad singulos, & nihilominus, quod

Dd 4 simpli

1.  
Discutitur  
punctū diffi-  
cultatis cir-  
ca auxilium  
sufficiens.

1.



Consideratur auxilium sufficiens in ordine ad singulos actus in particulari.

simpliciter non possit totam collectionem indefectibiliter explere, non physica impotentia, sed morali, ut in lib. 1. explicatum est. In presenti ergo auxilium verè sufficiens considerandum est in ordine ad singulos actus in particulari suppositos. nam si tale fuerit, hoc satis erit ad illius cum libertate concordiam: etiamsi fortasse secundum potestatem moralem illud non satis sit, ut possit homo simpliciter, & moralem totam aliquam collectionem actuum continuata serie efficere, quia talis impotentia potest esse, ut dixi, cum arbitrij libertate, ac proinde etiam esse potest cum auxilio sufficienti ad liberum usum: an verò ex diuina providentia aliter detur, necne, lib... tractando de perseverantia, dicemus.

3. Effectus ad quos auxilium sufficiens potest esse necessarium. Effectus primus.

Tandem sunt duo effectus liberi, ad quos necessarium esse potest auxilium sufficiens, vnum est, vitare aliquod peccatum, siue non violando negatiuum præceptum, siue implendo præceptum affirmatiuum: aliud est efficere aliquem actum supernaturalem, ut talis est, siue fiat ex præcepto, siue non, & siue ita fiat, ut possit omitti sine peccato, vel ad vitandum peccatum necessarium sit, semper enim ad talem actum efficiendum est auxilium gratiæ necessarium, unde potest etiam distingui necessitas auxilij sufficientis ad hunc, vel illum effectum; nam ad primum interdum requiritur per se ut in vitandis peccatis contra præcepta supernaturalia affirmatiua, interdum in casu, & quasi per accidens ob extrinsecam difficultatem, ut in implendo præcepto naturali tempore grauis tentationis, vel difficultatis. Ad posteriorem autem effectum requiritur per se propter excellentiam talis actus: & ideo ad hunc posteriorem effectum requiritur auxilium per se supernaturale: ad primum autem sufficere potest speciale auxilium gratiæ, etiamsi naturalis ordinis sit, quæ omnia ex dictis in superioribus manifesta sunt.

Effectus secundus.

4. Regula prima.

Conciliatur libertas arbitrij ad non peccandum, cum necessitate auxilij ad cauendum peccatum, ex Bellarmino.

His ergo positis duæ regulæ sunt constituendæ. Prima est quoties occasio peccandi in particulari occurrit, & homo non potest in tali puncto & momento peccatum vitare sine auxilio Dei, illi adest sufficiens auxilium quo possit non peccare, & hoc modo conciliatur libertas arbitrij ad non peccandum cum necessitate auxilij, ad cauendum peccatum. hanc sumo ex doctissimo Bellarmino lib. 2. de grat. & lib. arb. cap. 7 & in superioribus satis est probata, quia si homo sua virtute non potest vitare peccatum, & diuina non illi adest, simpliciter non potest, nec per se, nec per aliam: ergo non erit liber ad vitandum peccatum; ergo ut sit liber pro tali tempore, vel momento, necesse est, ut pro eadem illi adsit auxilium. Confirmatur, nam si nunc homo faciat, quod vitare non potest, etiamsi illud de se sit malum, & peccatum materialiter, homini non imputabitur ad culpam, iuxta doctrinam Augustini, neminem scilicet peccare in eo, quod vitare non potest lib. 3. de lib. arb. cap. 18. & 19. & lib. 1. de peccat. merit. & remiss. cap. 35. ergo signum est, tunc hominem non fuisse habiturum liberum arbitrium ad vitandum actum, si careret sufficienti auxilio; non enim ob aliam causam actus non imputaretur ad culpam; ergo cum è contrario constet actum imputari, necesse est dicere, auxilium non deesse, & ita fieri concordiam inter libertatem & auxilium necessarium; & hoc modo illa duo conciliant Patres communiter, Innocentius in Epist. ad Concil. Mileuit. & Carthag. Celestinus in Epist. ad Episcop. Galliar. cap. 6. Lgo serm. 6. de Passione Domini. Hieronymus in Epist. ad Ctesiphontem, Augustinus 2. de peccat. merit. cap. 17.

August.

Innocent. Celestin. Leo. Hieronymus. Augustinus.

A & lib. 5. contra Iulian. cap. 5. & Chrysost. Hom. Chrysostom. 16. in ad Hebræos, & alij suprà citati.

Dicunt verò aliqui hoc fore verum, si talis carentia auxilij non sit ipsi homini libera saltem in causa; secus verò esse quando ipse per actum liberum fuit sibi causa carentiæ talis auxilij, tunc enim simpliciter illi imputatur peccatum. Et consequenter liberè illud committit, non obstante impotentia illa, quia illamet voluntaria & libera est; sed hoc intelligi potest vel de culpa quæ iam præcessit, & postquam commissæ fuit, iam non est in potestate hominis, quin fuerit commissæ, licet duret sine noua culpa, vel de culpa quæ committitur, quando homo caret sufficienti auxilio. In priori sensu falsa est responsio, nam licet homo liberè & culpabiliter inebrietur, nihilominus dum iam est ebrius, non habet usum libertatis, quia sic dispositus est impotens ad rationem utrum pro & tempore, & ideo quæ tunc agit, vel non sunt peccata vilo modo si inuincibiliter non fuerunt præuisa, vel etiamsi fuerunt peccata in causa, iam tunc non sunt noua peccata quæ imputentur, quidquid sit de questione an possint denominari peccata à præcedenti culpa, quæ solum est de modo loquendi, & ad rem præsentem nihil refert, quæ est doctrina Augustini lib. 22. contra Faustum cap. 44. & 78. & sumitur etiam ex aliis locis suprà allegatis, estque trita & communis in Theologia: in præsentem autem supponimus hominem in tali occasione peccandi non excusari agendo id quod malum est, quia, ut rectè dixit August. tract. 53. in Ioann. gratiæ necessitas non est ita defendenda, ut per eam excusetur peccatum, contra illud Ecclesiast. 15. Ne dicas, per Deum abest.

C Contra Faustum cap. 44. & 78. & sumitur etiam ex aliis locis suprà allegatis, estque trita & communis in Theologia: in præsentem autem supponimus hominem in tali occasione peccandi non excusari agendo id quod malum est, quia, ut rectè dixit August. tract. 53. in Ioann. gratiæ necessitas non est ita defendenda, ut per eam excusetur peccatum, contra illud Ecclesiast. 15. Ne dicas, per Deum abest.

In posteriori autem sensu, vel inuoluit repugnantia, vel nulla, etiam est responsio, quia si homo dicitur carere hic & nunc in tali occasione sufficienti auxilio ad non peccandum, quia actu peccat, vel hoc intelligitur de hoc eodem peccato, ad quod vitandum non habet sufficiens auxilium, vel propter aliud ordine naturæ prius. Primum inuoluit repugnantiam, tunc quia, supponitur hominem peccare in eo, quod vitare non potest, quia ad id non habet auxilium sufficiens, tum etiam, quia prius est habere, & non habere auxilium sufficiens, quam peccare, & non peccare, quia sicut potentia est prior actu, ita necesse est, ut auxilium sufficiens, quod dat posse, præcedat, vel ad vitandum peccatum si homo velit, vel ut possit ei imputari peccatum, si nolit: ergo non potest ipsummet peccatum, quod committi dicitur sicut sufficienti auxilio, esse causa, vel ratio carentiæ talis auxilij. Non deerit fortasse qui respondeat hic intercedere prius & posterius in diuersis generibus causarum, nā est peccatum, vel ratio carentiæ auxilij, per modum dispositionis, vel demeriti: carentia autem procedit in genere causæ non impediens, quæ ad efficientem reducit.

Sed hæc doctrina propter generalem difficultatem quam habet, de qua infra in materia de iustificatione hic applicata inuoluit repugnantiam, quia si defectus auxilij sufficientis præcedit in genere causæ efficientis, eo ipso destruit rationem culpæ, & demeriti in sensu subsequente, & ideo impossibile est, ut talis actus præcedat in ratione prauæ dispositionis demeritorie talis auxilij; loquendo enim de eodem peccato, impossibile est ut idē actus naturaliter malus, qui sequitur ex carentia

5. Aliorum opinio.

Respondetur.

Augustinus.

Idem.

Ecclesiast. 15.

6.

7.

cauentia auxilij sit ratio, seu causa talis priuationis auxilij; si verò contingat in eodem momento præcedere in homine aliud peccatum natura prius, tunc ad illud reuocanda est quæstio: oportebit enim ut ad illud prius peccatum vitandum, præcedat sufficiens auxilium, nam si non præcedat, iam illud peccatum non liberè fieret, & consequenter non esset peccatum: si autem præcedat iam illud auxilium, quod est proximè sufficiens ad prius peccatum vitandum, erit immediatè sufficiens ad vitandum subsequens peccatum, nam si homo bene vteretur priori auxilio vitando prius peccatum, reciperet auxilium sufficiens proximè ad vitandum peccatum posterius, & hoc satis est ut peccet, quia sua voluntate caret proximo sufficienti auxilio. Hæc tamen moraliter humano modo non contingunt in vno eodémque momento, sed in successione aliqua, licet interdum breui sit, ut mox explicabitur.

7. Ex quo inferunt aliqui regulam positam necesse necessariò intelligendam de auxilio proximo ad non peccandum, sed sufficere, ut sit remotum. Ita simpliciter affirmat Bellarminus suprà. Videtur autem intelligendum, si regula non tantum de præsentis tempore & momento, in quo peccatum vitandum est, sed etiam de aliquo futuro tempore in quo tentationi resistendum est, intelligatur. Nam si præcisè loquamur de tempore pro quo vitandum est peccatum, semper auxilium proximè sufficiens adesse oportet, quia illud quod dicitur remotum, tale esse oportet, ut per illud statim homo possit vitare peccatum quamdiu per illud auxilium operatur, & habere illud auxilium si fuerit necessarium ad vitandum subsequens peccatum in illo puncto, vel tempore quo vitare necesse est. Declaratur exemplo, quia non semper tempore tentationis statim recipit homo auxilium, quo immediatè tentationem vincat, sæpe enim oportet prius orare & auxilium impetrare ad resistendum tentationi, ut docent Pontifices locis citatis, & Concil. Trident. cap. 11. dicens, *Deum iubet facere quod possis, & petere quod non possis, & adiuvare ut possis.* ex Augustino lib. de nat. & grat. cap. 34. Ideoque in Oratione Dominica petimus, *& ne nos inducas in tentationem,* & Matth. 26. dixit Christus, *Vigilate & orate ne intretis in tentationem.* Ut ergo homo verè sit tunc liber ad non peccandum, necessarium est, ut in eomet tempore homo habeat actuale auxilium sufficiens ad orandum sicut oportet, ad obtinendum aliud auxilium quo possit resistere tentationi. Nam si tale auxilium non habeat, non erit hic & nunc simpliciter liber ad orandum, ut mox dicemus & consequenter, nec habebit auxilium sufficiens præmium, vel remotum ad resistendum tentationi.

Cens. Trid.

Matth. 26.

8. Ex quo etiam sequitur, ut illudmet auxilium sufficiens ad orandum regulariter sit etiam proximè sufficiens ad vitandum peccatum pro illo tempore, pro quo quis orat, quia dum actu quis orat, petendo auxilium contra tentationem, non peccat, sed pro tunc resistit tentationi, alioqui non verè & ex corde oraret. Et ideo licet respectu victoriæ postea de tentatione obrinendæ, auxilium illud orandi possit dici remotum respectu resistentiæ, quæ sit eodem tempore, quo oratur, auxilium ad orandum est etiam proximum ad non peccandum dum quis illo bene vritur orando. Et ideo si pro tunc orare omittat, eo ipso peccabit, licet non tam contra præceptum orandi, quàm contra illud præceptum, pro quo seruando orare tenebatur, quia ex eodem data fuit obligatio orandi, quia oratio

A erat tunc veluti medium necessarium ad resistendum tentationi. Quod si contingeret hominem propter orationem prius omittam in posteriori tempore priuari auxilio, sine quo iam non posset resistere tentationi, tunc re vera non imputaretur lapsus ad nouam culpam, vel culpæ augmentum, sed imputaretur tantum ratione prioris omissionis, nam reliqua sequuntur ex necessitate, & sine noua libertate, posita illa hypotheti, illam tamen nos admittimus, nisi in illo casu, in quo usus rationis absorbeatur, & consideratio mali tanta sit, ut non sit iam in potestate hominis applicare mentem ad considerandum & resistendum: nam si homo sit compos sui, & intellectum applicare ad considerandum valeat, numquam destituitur auxilio sufficienti ad vitanda saltem singula peccata pro qualibet definita occasione, ut in regula dictum est.

B Sed obicit tandem potest, ut regula magis explicetur, quia vel est sermo de auxilio sufficienti ad vitandam peccatum, vel vincendam tentationem, pro aliqua mora temporis, vel tantum pro singulis momentis cuiusque temporis. In priori casu non videtur necessaria regula, quia licet, homo destituatur sufficienti auxilio necessario ad non peccandum pro aliqua mora temporis, resistendo constanter opportuna tentationi, nihilominus poterit esse simpliciter liber ad non peccandum, quia pro singulis momentis potest restituere hanc libertatem, & ita non habet locum regula, quod ad concordiam libertatis cum necessitate auxilij sit necessaria præsentia auxilij. In posteriori autem sensu regula nec vera, nec necessaria videtur, quia licet in singulis momentis homo destituatur omni auxilio speciali gratiæ, si retinet usum rationis, est liber ad non peccandum; ergo non est necessarium auxilium actu collatum ad concordiam cum libertate.

C Respondemus hic non disputari à nobis quando, aut quomodo sit necessarium, aliquod speciale auxilium gratiæ ad non peccandum, de hoc in primo & secundo libro satis dictum est, sed supposita necessitate auxilij, explicamus quomodo conferri debeat, ut cum libertate subsistat. Dicimus ergo, regulam intelligi de singulis temporibus & momentis, pro quibus vitandum est, nam sic libertas exercetur, & declaravi, & in hoc sensu dicimus regulam esse veram ac necessariam. Primò quidem ac propriè propter peccata supernaturalibus præceptis contraria, qui nec pro singulis momentis vitari possunt sine speciali auxilio gratiæ, tempore obligationis præcepti, vel tempore grauis tentationis, quoniam non vitantur etiam pro singulis instantibus, sine voluntate supernaturali. Secundò propter peccata contraria legi naturali, non tamen ita propriè, quia si ratio pro singulis instantibus potens sit vigilare ac considerare in rigore, per hoc solum considerabitur libertas arbitrij ad non peccandum, nihilominus tamen sæpe tempore tentationis necessaria est aliqua specialis gratia, ut talia peccata in singulis momentis possent libero & humano modo vitari. Ad hoc tamen sufficit pro singulis instantibus protectio extrinseca, per quam non permittitur homo ita premi tentatione, ut rationis usum perturbet. Posita autem hac moderatione, si tentatio sit intensiue grauis, & diuturna, necessaria erit specialis excitatio saltem ordinis naturalis, ut homo possit absolute talem tentationem vincere, non tamen ut simpliciter maneat liber, iuxta ea quæ in lib. 1. diximus.

E Secunda regula sit, ut homo sit proximè & immediatè liber ad actum supernaturalem efficiendum,

9. Obicitur.

10. Respondetur.

Intellectus regulæ.

11. Regula secunda.

dum, necessarium est, ut sit actu præventus per auxilium proximè sufficiens ad talem actum faciendum: unde concordia inter necessitate auxilij sufficientis & libertatem hominis ad supernaturalium actum faciendum, in hoc posita est, quod ubicunque & quoties necessaria est homini tam plena & proxima libertas, illi etiam datur actu auxilium sic sufficiens. Hanc regulam sumo ex Concilio Senonensi. in decretis fidei cap. 15. dicente, *Nec tamen tanta gratia necessitate libero præiudicat arbitrio, cum illa semper sit in promptu, &c.* Ratio verò regulæ est suprà tacta, quia auxilium sufficiens dat posse facere actus supernaturales; ergo sine illo auxilio non est potestas ad faciendum; ergo nec libertas; ergo servata proportionem sine auxilio proximè sufficiente, non est proxima potestas, nec libertas ad eundem effectum. Nam in his necesse est proportionem servari, quia siue potestate non est libertas, nec siue auxilio sufficienti potestas: unde sit ut homo non excitatus, nec præventus actu à Deo, in eo statu non sit proximè, seu integrè liber ad actum supernaturalem efficiendum, quia non est proximè potens: non enim potest esse maior libertas, quàm potestas, ut in prolegomeno primo fusè declaratum est. Quod autem non sit proximè potens, patet, quia non habet formam, per quam constituitur proximè potens: sicut aqua nondum calida, non potest dici proximè potens ad calefaciendum, iam verò calefacta rectè dicitur proximè sufficiens; ita ergo est voluntas nondum excitata, nec peruenta per gratiam.

Censil. Sin.

12.  
Inclausa.

August.

13.  
Respondetur  
distingui  
libertatem  
omnino re-  
motam, seu re-  
motissimam  
partim re-  
motam, par-  
tim proxi-  
mam, & sim-  
pliciter pro-  
ximam.  
Omnino re-  
motam quæ  
August.

Respondeo, triplicem libertatem in homine posse distinguere in ordine ad supernaturalia opera, scilicet omnino remotam, seu remotissimam, partim remotam, partim proximam, & simpliciter proximam. Omnino remotam, & quasi fundamentalem voco illam, quæ est in homine ex conditione naturæ suæ, eo ipso quod propter rationis usum habet voluntatem quæ sit diuina suorum actuum, & indifferens ad volendum, vel nolendum, seu non volendum. nam ratione huius propiæ naturæ est capax elevationis ad supernaturales actus modo etiam rationali & libero efficiendos, sicut dixit Augustinus lib. de prædest. Sanct. c. 5. *posse habere fidem, sicut posse habere charitatem, nature est hominum: habere autem fidem, quemadmodum habere charitatem gratiæ, est fidelium.* Et hoc etiam ostendunt rationes factæ in præcedenti obiectione ad probandam falsitatem conse-

quantis, quod quidem intellectum de libertate hac radicali & remotissima falsum est, sed in eo sensu non sequitur ex regula, ut dicemus. Hæc autem libertas naturalis in ordine ad supernaturalia opera in duobus consistit. Primò in virtute quasi generali intelligendi, amandi & liberè operandi, nam illa vis ratione sui generis est inchoata quadam potestas actiua saltem obediencialis ad intelligendum, amandum, & liberè operandum supernaturaliter. Secundò consistit in capacitate etiam obedienciali passiva recipiendi supernaturaliter vires, & auxilia, quibus illa vis compleri possit ad liberè operandum in supernaturali ordine. Unde etiam constat cur hanc libertatem remotissimam appellemus, nimirum quia partim consistit in capacitate passiva, quæ est valde remota respectu liberi usus, qui est proprius virtutis actiue, partim consistit in via actiua, quæ ut est ad agendum tales actus, est omnino remota, & obediencialis, solumque inchoata, & quasi partialis, licet ad agendum semper sit per se sufficiens. Unde sit libertatem quoad hunc infimum gradum, non pendere ex aliqua gratia actu collata, sed tantum ex possibilitate gratiæ. Et ideo hæc libertas omnium hominum est, licet non omnium sit gratia, sicut Augustinus dicto cap. 5. de prædest. Sanct. dixit, *Non omnium est fides, cum posse habere fidem sit omnium.*

Remotam libertatem ad opera supernaturalia, & quasi mixta appello illam, quæ præter innatam & radicalem vim rationis & voluntatis, iam est aliquo modo compleri per aliquod supernaturale auxilium in ordine ad aliquem actum supernaturalem, saltem imperfectum, nondum tamen in ordine ad actum perfectum, respectu cuius dicitur illa libertas remota, quia nondum includit totam virtutem actiuam supernaturalem ad talem actum proximè necessariam. Est tamen minus remota, quàm præcedens, tum quia iam includit aliquam virtutem actiuam in ordine supernaturali: tum etiam, quia in priori statu remotissimæ libertatis reliqua necessaria ad usum talis potestatis solum sunt in capacitate passiva hominis, & ex vi illius libertatis non potest homini imputari, quod illa habeat, vel non habeat, sed tantum voluntati Dei. At verò in secundo statu remotæ libertatis iam est aliquo modo in potestate actiua hominis comparere, vel impetrare id, quod ad proximam libertatem sibi deest, idcirco potest illi imputari, si illud non habuerit, utpote si non bene utatur illo priori auxilio iam recepto. Est igitur minus remota, magisque propria libertas: si quis autem attentè consideret, quæ in superioribus diximus, facile intelliget hanc libertatem remotam respectu alicuius actus semper esse proximam respectu alterius, qui sit via ad obtinendum maiorem vim efficiendi ulteriorem actu, quia donec aliquis actus liber sit hoc modo in proxima potestate actiua hominis, semper est in potestate merè receptiua integræ libertatis, saltem ex parte, & inde semper est in actu remotissimæ libertatis. Ergo tunc solum dici potest habere aliquem actum in sua potestate libera saltem remotè, quando proximè habet in eadem libertate alium actum, qui sit via ad ulteriorem.

E

Proxima ergo libertas simpliciter ad supernaturalem actum erit, quando homo habuerit in se receptam vel aliquo modo in manu sua positam totam gratiam necessariam & sufficientiam ad efficiendum talem actum, si velit. Quod enim talis status sit proximæ libertatis manifestum est, quia

14.

Libertas re-  
motæ quæ.

15.

Libertas  
proxima  
quæ.



quia nihil est amplius, quod expectetur; & quia tunc iam est potentia completè disposita cum omnibus requisitis ad agendum. Quòd verò ad hunc statum tota illa gratia sit necessaria, ex ipsa definitione potentie libera ostendi potest, talis enim esse debet ut positis omnibus requisitis ad agendum, possit, agere, vel non agere. Item quia siue tota illa gratia nondum voluntas habet simpliciter posse operari talem actum; ergo nec habet proximam ad illum libertatem. Et de hac potestate intelligendum est quod dixit Augustinus lib. 1. Retract. cap. 22. *In potestate hominis est mutare in melius vitam, sed illa potestas nulla est, (utique completè & proximè,) nisi detur à Deo, de qua scriptum est: Dedit eis potestatem filios Dei fieri.* & de eadem libertate proxima intelligendum quod idem August. alibi dixit, *liberum arbitrium ad amandum Deum peccati granditate perdidimus.* utique quo ad proximam potestatem, quæ est per gratiam & auxilium, cuius indigni per peccatum facti sumus, nisi per Christum fuisset reparatum. Et ideo lib. de Grat. Christi cap. 50. non amissam potestatem, sed infirmam & enervatam esse per peccatum naturalem possibilitatem, dicit ex sententia Am-

brofij. *Et hæc est (inquit Augustinus) per peccatum vitata natura, cui sola per mediatorem Dei & hominum, & omnipotentem medium divina subuenit gratia.*

De hac ergo proxima libertate procedit regula posita, & contra illam sic intellectam non procedit obiectio, ut faciliè ex dictis patet: distinguitur ergo sequela; nam si intelligatur de libero arbitrio remotissimo, & radicali, negatur sequela, si de proximo; conceditur, nec contra hunc sensum procedunt rationes, quibus falsitas consequentis probatur, nam Augustinus dicto loco de spirit. & lit. loquitur de virtute remota, & radicali liberi arbitrij, & hæc eadem non potest dari per formam extrinsecam: potest autem completè, & in perfecta potestate constitui, & quia bruta omnino carere hac libertate etiam remotissima, ideo non sunt gratie capacia: per peccatum, item non perditur radicalis libertas, perdit autem potest proxima potestas, quatenus perditur gratia, & posset tolli omnè auxilium gratie, si dignitas peccati consideretur: de facto autem non priuatur homo omnibus auxiliis gratie propter peccatum, & ideo proximam libertatem ad piè operandum non amittit.


Augustin.

Idem.

16.




LIBER



# LIBER QUINTVS DE AVXILIO EFFICACI GRATIÆ DEI.

PRÆLVDIVM.



IN libri præcedentis initio præmisimus partitionem actualis auxilij Dei in sufficiens, & efficax, primumque illius diuisionis membrum per totum illum librum prosequuti sumus: nunc de altero membro dicendum superest; in eo enim explicando præcipuè videtur Augustinus in suis libris contra Pelagianos, eorumque reliquias laborasse, & in hoc tempore exacta eius disputatio & cognitio valde necessaria est, ad mediam veritatis viam ita tenendam, vt nec ad Pelagianam impietatem beneficium huius gratiæ non agnoscentem, nec ad extremam Caluini insaniam, libertatem arbitrij specie recognoscendi gratiæ efficaciam, negantem declinemus. Quod quia obscurum & difficillimum est, magna est his temporibus inter Catholicos Doctores controuersia, quam ea moderatione tractare curabimus, vt sine vlla nota, aut censura opinionis alicuius, quid verum, & definitionibus Conciliorum & doctrinæ Augustini magis consentaneum esse nobis videtur, simpliciter proponamus: quamquam enim ad veritatem, quam credimus, persuadendam, sæpe necessarium futurum sit, quid periculi declinandi in hunc, vel illum errorem in sententia contraria esse possit, vel appareat, per virgines rationes & illationes iudicare, nunquam tamè intentionis nostræ erat, notam, vel infamiam talis erroris alicui opinioni Catholicorum Doctorum inurere, sed solum vim & efficaciam rationum ostendere, obsequentes in omnibus Sedis Apostolicæ iussionibus, quibus in hac maxime controuersia omnis verborum, non

A tantum à censuris & contumeliis, verum etiam ab omni verborum amaritudine & aculeo abstinere omnibus commendatum est, & nouissimè à Sanctissimo Domino nostro Paulo V.

## CAPVT I.

### *Quotuplex sit auxilium efficax.*

QVod ad nomen attinet, in libro præcedenti cap. 1. ambiguitatem vocis abstulimus, <sup>I. Ratio nq. minis.</sup> quia interdum vox *efficax*, solam potentialem, (vt ita dicam,) efficaciam significat, quæ interdum esse potest in habitu, vel auxilio potentiæ liberæ, etiam si de facto effectum non consequatur, seu operetur, in quo sensu etiam auxilium sufficiens est efficax, propriè tamen in præsentia materia significat vox illa talem auxilij efficaciam, quæ ab actione, seu effectu non separatur, sed infallibiliter habet illum coniunctum. Et fortasse hac ratione aliqui distinxerunt auxilium efficax in actu primo, & in actu secundo: nam in priori significatione efficacitas illa de se in solo actu primo sufficientem vim actiuam habente saluatur, & ideo talis virtus, vel auxilium dicitur efficax in actu primo; in altera verò significatione actus primus non separatur à secundo, & ideo dici etiam potest auxilium efficax in actu secundo: non quia auxilium efficax formaliter, & per se sit semper actus secundus, non est enim hoc necessarium, vt videbimus, sed quia vel est actus secundus, vel saltem non est sine actu secundo, seu semper est in actu secundo. In quo sensu diuisio non est cur reiiciatur, procedit tamen ex dicta vocis æquiuocatione, qua sublata, non est in illo sensu necessaria, quia auxilium efficax absolutè dictum, & à sufficiente condistinctum, semper est in actu secundo; in alio verò sensu, vtilis erit, vt mox dicam: quodd autem aliquod detur auxilium efficax talem habens efficacitatem, in dicto cap. 1. præcedentis libri probatum est, quod hic repetere non est necessarium.

farium. Ut autem varias & gravissimas difficultates, quæ in hoc auxilio explicando occurrunt, quid nimirum sit, quomodo detur, & cum libertate arbitrij in concordiam redigatur, & similes, distinctius tractemus, operæ pretium erit alias divisiones huius auxilij in hoc capite præmittere, quæ non parvam lucem afferent, nam occasionem præbebunt ad explicandos terminos, quibus in sequentibus utendum nobis est.

2. Secundò ergo diuiditur auxilium efficax in excitans & adiuuans: non tamen omnes hanc diuisionem admittunt, putant enim non dari auxilium excitans, quod intra gradum & latitudinem excitantis efficax sit. Nos autem contrarium de *existente* ostendimus in cap. 1. & ideo nunc de hac diuisione sub his terminis nihil ampliùs dicemus; sub aliis verò terminis vniuersalioribus faciliùs recipietur diuisio, nimirum ut auxilium efficax quoddam sit concomitans, & aliud præueniens. quam diuisionem sub his terminis tradit Ledesma tract. de Auxil. quæst. 1. in principio, notabil. ult. dicentque esse communem eorum auctorum, qui physicam prædeterminationem defendunt, & licet in fine promittat in toto illo tractatu explicare, an diuisio sit bona, id planè intelligit ex parte membri posterioris de Auxilio præueniente; sed ex ea etiam parte nos de diuisione non dubitamus, licet de illo auxilio præueniente quale sit, inter nos sit controuersia. Quod aded constanter asserui lib. 3. de Auxiliis cap. 3. ut in fine illius capitis dixerim, auxilium concomitans non propriè dici efficax, quia non tam est effectuum, quàm ipsa effectio: sed quidquid sit de illa rigorosa proprietate, certum est eomodo, quo illud est auxilium, & semper ac infallibiliter habet effectum coniunctum, esse auxilium efficax iuxta descriptionem auxilij efficacis in principio positam, quam etiam dictus auctor supponit. De alio verò membro auxilij. præuij efficacis id satis probauimus in dicto capite primo præcedentis libri. Inter hæc autem duo auxilia præueniens antecedit actionem voluntatis saltem ordine nature, & ut aliquale principium eius, & proinde est in re aliquo modo ab ipsa distinctum: concomitans verò pro ut à præueniente distinguitur, non est aliquid in re distinctum ab actione voluntatis, sed in ipsa imbibitur; vnde non est principium eius, sed est ipse concursus, vel influxus actualis gratiæ imbibitus in ipso. Atque hinc fit, ut notior multo sit efficacia auxilij concomitantis, quàm præuenientis, quia concomitans physicè connectitur cum actu voluntatis, tamquam via cum termino, à quo est physicè inseparabilis, etiam de absoluta Dei potentia, & ideo tale auxilium rectè dicitur efficax in actu secundo. Auxilium autem præueniens comparatur ad actum voluntatis tamquam causa ad effectum, vel ut principium ad actionem, cum qua infallibiliter connectitur: nam hoc habere debet, ut sit efficax, & ideo hæc efficacia rectè potest vocari in actu primo, non quia separatur in re à secundo, sed quia, pro ut natura & ordine causalitatis antecedit, in ipso actu primo inuenitur. Et ideo hoc auxilium efficax præueniens *prædeterminans* solet

Fr. Suarez de Gratia Pars II.

A à multis appellari, quia efficaciter determinat voluntatem liberam ad consensum. De hoc ergo auxilio præuio efficaci, seu in actu primo est præcipua controuersia: nam, ut dixi, in altero auxilio concomitante aliqua efficacia proportionalis, utique concomitans noua est, ut dixi, & facilem habet concordiam cum libero arbitrio, quia non includit suppositionem antecedentem, sed subsequenter: nihilominus tamen etiam in illo habet peculiarem difficultatem, an possit habere rationem prædeterminantis auxilij, & ideo de duplici prædeterminatione in actu primo, & in actu secundo, seu per auxilium præueniens, vel concomitans nobis disputandum erit.

B Tertiò diuidi potest auxilium efficax in simultaneum, & præcedens, seu prius. quæ quidem diuisio cum præcedenti in re conuertitur, nam auxilium concomitans simultaneum est, præuium verò, seu præueniens auxilium est prius, seu præcedens. Per has ergo posteriores voces insinuantur singulæ proprietates vtriusque membri præcedentis diuisionis, & ad illas, vocesque ipsas explicandas hanc diuisionem addimus. In qua primum aduertimus, cum termini illi *simultanei*, vel *priori*, sint relatiui, comparari posse, vel ad terminum, seu effectum, qui per talia auxilia fit, vel ad influxum liberi arbitrij comparatum cum auxilio Dei. Non sunt ergo accipienda illa membra per comparisonem ad terminum, vel effectum auxilij, sed per comparisonem ad influxum liberi arbitrij. Nam respectu termini, seu effectus vtriusque auxilium tam concomitans, quàm præueniens est simul tempore, quia ille effectus in momento fit, & de ratione auxilij efficacis est, ut ab illo non separatur, sed cum infallibiliter inducat, ut supponimus. Vtrumque item auxilium est prius natura ipso effectui, vnum tamquam actio suo termino, aliud tamquam causa suo effectui. Comparantur ergo ad influxum liberi arbitrij, vnde etiam necesse est, ut secundum nature ordinem, & non induratione sola comparentur. Nam quo ad tempus omne auxilium efficax ut efficax est simul tempore cum cooperatione liberi arbitrij, quia de concomitante, id est per se manifestum, cum sit concursus ad ipsummet actum liberi arbitrij: de præueniente autem patet ex ratione proximè facta, quia auxilium efficax etiam præueniens est infallibiliter coniunctum cum suo effectui; sed ille effectus non fit sine cooperatione nostra, ut supponimus, ergo sicut illud auxilium est simul tempore cum suo effectui, ita etiam cum voluntatis influxu: igitur diuisio intelligitur secundum ordinem nature. Nam auxilium efficax *simultaneum*, dicitur illud quod est prius natura, & in hoc sensu loquantur necesse est Scriptores moderni, qui iam nobiscum admittunt auxilium simultaneum, & in hoc illud distinguunt à præuio, quod dicunt esse prius. Nam cum hoc secundum non potuerint intelligere de prioritate temporis, sed nature, (ut ipsimet declarant, quia aliàs destruerent efficaciam talis auxilij,) necesse est ut illud primum intelligant etiam de simultaneitate nature. Ratio autem clara est, quia auxilium concomitans, & influxus liberi arbitrij, non comparantur inter se tamquam

3. Alia in simultaneam, & præcedens seu prius.

E c causa



causa & effectus, nec distinguuntur in re ipsa, sed tantum ratione, & ideo dictum naturae ordinem inter se non habent; auxilium autem praeuium est causa liberae nostrae cooperationis, & ideo est prius naturā, quā illa.

Vnde obiter intelligitur comparando inter se haec duo auxilia comitans & praeuium, seu simultaneum & praecedens, simul tempore esse, praeuium tamen esse prius naturā, quā concomitans. Primum patet, quia auxilium praeuium est simul tempore cum nostra cooperatione, ut probatum est: sed auxilium comitans est etiam simul tempore cum nostra cooperatione: ergo de primo ad ultimum etiam illa duo auxilia sunt simul tempore inter se. Secundum item probatur, tum quia praeuium auxilium est prius natura quā nostra cooperatio, ut dictum est; ergo etiam prius quā auxilium comitans. Probatur consequentia, tum quia auxilium concomitans & nostra cooperatio sunt simul natura: tum quia auxilium praeuium comparatur ad comitans tanquam principium ad actionem: nam actualis influxus gratiae manat à principio gratiae tanquam actio eius, sed principium esse prius naturā sua actione, per se patet; ergo auxilium praeuium efficax & prius naturā comitante. Ex quo etiam intelligitur haec duo auxilia non dici efficacia, quia aliquod earum solum & per se spectatum satis sit ad inducendum effectum, sed quia vnumquodque earum est efficax in suo ordine, & non separatur ab effectu, quamuis necesse sit ambo coniungi, quia nec principium agit sine actu, neque actio esse potest nisi à principio, & ita ut actus nostrae voluntatis fiat, necesse est ut ab aliquo principio gratiae efficaci, & per actualem, ac proinde efficacem influxum fiat.

4. Diuiditur auxilium efficax ex parte termini, propter quod datur.

Quartò potest iuxta dicta diuidi auxilium efficax ex parte termini proximi, propter quem datur; nam quoddam est proximè efficax respectu motuum excitantis gratiae, aliud est efficax respectu propriorum actuum humanorum gratiae cooperantis. De hoc posteriori membro propriè intelligitur doctrina de gratia efficaci ab Augustino tradita, & à Theologis ventilata, & in eodem sensu proprio de illo agimus in toto hoc libro: tamen quia membrum etiam primum in bono sensu verum est, ideo breuiter est explicandum. Diximus enim in lib. 3. motus gratiae excitantis supernaturales esse, & fieri effectiue à nostris potentijs. Hinc ergo aperte sequitur indigere nostras potentias auxilio supernaturali gratiae ad illos actus efficiendos, quia nihil supernaturale possunt nostrae potentiae facere suis viribus naturalibus cum solo concursu naturali, quod est per se notum si termini intelligantur. Et æquè procedit, siue actus liberè, siue necessariò fiant, quia supernaturale auxilium non tantum requiritur propter libertatem, sed maximè propter supernaturalitatem actus. Ergo licet motus gratiae excitantis sint necessarij ad efficiendos illos, est nobis necessarium auxilium supernaturale: illud autem auxilium respectu talis motus efficax est, quia nunquam separatur à tali actu, quod tantum diximus esse de ratione auxilij efficaci, supposita generica ratione auxilij. Assumptum probatur, quia vel

A talis motus in nobis fit, vel non fit: si non fit, nullum auxilium ad illum efficiendum nobis datur, quia motus auxilij excitantis ex genere suo est primum gratiae supernaturalis donum, ut lib. 3. vidimus. Si verò fit in nobis talis motus, à nobis etiam saltem ex necessitate operantibus fit; ergo auxilium quod tunc nobis datur, non separatur à suo effectu. imò haec efficacia facilius intelligitur in auxilio ad hos actus, quia cum illi non sint liberi, optimè habere possunt causam ita efficacem, ut illi resisti non possit quoad tales motus, ac subinde potest esse efficax physice, & cum absoluta necessitate, quia non efficax actus liberi, sed necessarij.

B Ex hac doctrina inferunt aliqui, auxilium sufficiens ad vnum actum supernaturalem, semper esse efficax respectu alterius. Ita tenet Medina 1. 2. quaestio. 109. art. 10. in vltimis dubitationibus ad 1. sequitur Aluar. disputat. 87. nume. 12. & tota disputat. 80. Ratio in summa est, quia auxilium sufficiens est actuale; sed auxilium actuale non est in nobis sine actuali operatione: ergo semper est efficax ad aliquam operationem, saltem imperfectam, licet respectu alterius perfectae sit tantum sufficiens. Confirmatur, quia auxilium sufficiens est excitans, sed excitatio haec fieri non potest sine actu vitali; ergo. Veruntamen haec sententia dupliciter potest intelligi, primò de gratia efficaci tantum ad actum necessarium ipsiusmet gratiae excitantis, & sic procedit ratio facta, & est res clara. Secundò intelligi potest de alio effectu, qui & sit actus distinctus à motu gratiae excitantis, & sit etiam actus liber, & tunc posteriorem sensum insinuant dicti auctores, tum in exemplo attritionis quod inter alia ponunt, dicuntque auxilium quod ad illam datur respectu illius esse efficax, ad contritionem verò esse sufficiens: attritio autem actus liber est, cum sit dispositio de se remota; ut cum Sacramento possit esse proxima ad gratiam, tum ex testimonio Isai. 55. in quo fundatur, *Verbum meum quod Isai. 55. egredietur de ore meo, non reuertetur ad me vacuum, sed faciet quacunque volui.* Ex quibus verbis colligi voluit vocationem internam, qua Deus alloquitur, animam vacuum non esse, aut sine fructu, sed semper habere in homine aliquem effectum, licet non semper habeat ultimum, quem Deus intendit, respectu cuius saepe est sufficiens, & non efficax. Sentiant ergo vocationem internam semper habere aliquem effectum ab ipsa distinctum, qui sit aliquis spiritalis fructus, qui non potest esse nisi aliquis supernaturalis actus liber, quia in huiusmodi actibus fructus spiritalis consistit, & nullus videtur esse alius proprius effectus gratiae excitantis.

E Veruntamen in hoc sensu necessarium non est omnem gratiam sufficientem esse efficacem quoad aliquem actum, vel effectum ab ipsa distinctum. Probatur primò ex Scriptura, 2. Corinth. 6. *Exhortamur ne in vacuum gratiam Dei recipiatis.* quae exhortatio supponit posse gratiam Dei ex se sufficientem ex parte hominis vacuum reddi: vnde 1. Corinth. 13. de se ait idem Apostolus, *Gratia eius in me vacua non fuit*, & Prouerb. 1. *Prouerb. 1. absolute*

5. Inferunt autem auxilium sufficiens ad vnum esse efficax respectu alterius.

6.

1. Cor. 6.

1. Cor. 13.

absolute

Prout. 1.

absolutè dicitur, *Vocani, & renuissis, extendi manum meam, & non fuit qui aspiceret. Despexistis omne consilium meum, & increpationem meam neglexistis.* quæ verba aperte significant posse hominem à Deo vocatum interius, omnino excitationem obicere, ita ut nullum, vel minimum effectum in illo habeat, præter ipsam excitationem, quæ à vocatione non distinguitur; ratio autem est, quia vocatio interior, etiam si sit proximè sufficiens ad aliquem actum, non imponit necessitatem, nec determinat voluntatem ad illum, ut infra videbimus: potest ergo voluntas (ut Concilium Tridentinum docet,) pro innata libertate illam abicere, utique omnino, & in nullo illi consentiendo, quia eadem ratio est de toto effectum libero, siue perfecto, siue imperfecto: & confirmatur inductione: nam potest quis interius vocari ad fidem, & nullam voluntatem credendi liberam, vel perfectam, vel imperfectam habere, & vocari ad poenitentiam, & non habere contritionem, nec attritionem, & sic de aliis. Neque hoc est contra efficaciam verbi diuini interni, (etiam si de illo demus intelligi testimonium Isaïæ, quod nunc expendere non est necesse,) quia Deus ipse vult permittere homini, ut sua libertate utatur, eique omnino resistat, si velit.

7.

Faremur tamen interdum fieri posse, ut gratia efficax, ad vnum actum liberum dispositionem aliquo modo ad alium meliorem, sit gratia tantum sufficiens ad illum meliorem: si tamen rectè consideretur, non est gratia sufficiens proximè, sed remotè, nam vocatio ad attritionem, etiam si sit congrua, & efficax ad attritionem ipsam, non est proximè sufficiens ad contritionem, sed indiget homo attritus noua vocatione, & excitatione interna perfectiori ad contritionem: tamen quia per attritionem se disponit ad illam, eamque aliquo modo mereri potest, seu impetrare, ideo vocatio congrua ad attritionem dici potest remotè sufficiens ad contritionem. Et hinc fieri potest ut vocatio, quæ postea datur ad contritionem, non sit congrua, seu efficax, quia hæc non semper impetratur per attritionem, sed est nouum beneficium Dei merè gratuitum, ideoque optime potest vocatio efficax, ad attritionem esse tantum remotè sufficiens ad contritionem, idemque est de similibus. Denique inter ipsos etiam motus gratiæ excitantis fieri potest, ut vnus excitet alium, ut fortis representatio poenarum inferni excitat timorem indeliberatum, & illustratio circa excellentiam gloriæ excitat motum desiderij, &c. & tunc auxilium proximè efficiens primum actum, dici potest causa secundi, non proxima, sed remota in genere propriæ causæ efficientis physicè; tamen eo modo, quo est causa, semper est efficax, & non tantum sufficiens, quia cum isti motus non sint liberi, sed necessarij, nunquam illud auxilium est sine utroque effectum, quia actus secundus ex primo naturaliter consequitur, absque deliberatione voluntatis, ut supponitur.

8.

Diuiditur  
auxilium  
efficax in

Quintò diuidi potest auxilium efficax in physicè, & moraliter efficax. Duobus autem modis possunt hæc verba *physicè* & *moraliter* in præsentia accipi & applicari, scilicet, vel ut significat

*Fr. Suarez, de Gratia Pars I I.*

A cant dineros modos causandi, quos supra in auxiliis gratiæ respectu liberi consensus distinximus; vel ut significare possunt connexionem gratiæ efficacis cum libero eius effectum, quæ interdum potest esse moralis, interdum verò physica. Et utroque modo possunt in præsentia verba illa accipi: & iuxta illos duos sensus hæc partitio in duas potest subdiuidi, & in hoc priori quidem sensu hæc quinta diuisio datur, & potest in primis applicari ad habitum gratiæ. Nam de illis docent omnes absque opinionum varietate, esse physica principia actuum gratiæ: nihilominus tamen omnes etiam fatentur, habitum non esse gratiam efficacem, sed tantum de se sufficientem in suo genere, quia non habet semper & infallibiliter coniunctum actum, habitibus enim utimur, cum volumus. Solum lumen gloriæ posset dici gratia efficax, quia efficaciter & inuitabiliter inducit visionem, & consequenter etiam habitus charitatis in patria eandem efficacitatem inducit. Veruntamen illa efficacitas non est circa actus liberos, conseruando libertatem eorum, sed inducendo necessitatem, & ideo non pertinet ad efficaciam gratiæ, de qua nostratamus, sed dici potius debet efficacia gloriæ.

Nunc verò datur illa diuisio de auxiliis actualibus, de quibus agimus: nam inter hæc aliqua esse possunt, quæ licet moraliter tantum causent, efficaciam nihilominus sunt, quia in illo suo causandi modo infallibilem habent connexionem cum effectum, & hoc modo, (iuxta infra dicenda,) vocatio congrua, & in vniuersum auxilium excitans opportunum est auxilium efficax morale, quia eius causalitas solum est moralis, ut lib. 3. ostensum est: auxilium autem adiuvans actuale, seu per modum influxus, est etiam efficax, quia nunquam separatur à suo termino, & est physicum, quia suo modo physicè inducit effectum, quæ sunt clara iuxta principia auxilij excitantis & adiuvantis à nobis posita. Qui verò auxilio excitanti tribuunt causalitatem physicam in consensum, dicere consequenter possunt, illud esse interdum efficax in dicto sensu, id est, causando physicè, non excludendo moralem causalitatem, quia iuxta illam sententiam utraque conuenit auxilio excitanti. Et ita iuxta eandem sententiam non oportebit membra hæc distinguere semper realiter, sed tantum formali ratione, seu consideratione, eodemque modo poterunt etiam gratiæ actualiter adiuvanti applicari. Alij verò qui non ponunt auxilium efficax in motibus gratiæ excitantis, seu vocantis, neque in aliquo actu vitali nostro, sed in sola motione præuia à Deo indita, fortè non admittent diuisionem hanc in dicto sensu, quia motionem illam non moraliter, sed physicè agentem inducunt, & sine illa aliam propriam efficacem gratiam non admittunt, quæ præueniens sit. Nam de concomitante, ut dixi, non controuertitur, præterquam quod illa eo modo quo causat efficaciter, & distinguitur ab excitante, & physicè inducit effectum, ut dictum est. Veruntamen de hac opinione, & eius fundamento in discursu huius libri tractandum est.

Sexta igitur diuisio addi potest iuxta alium sensum prædictorum verborum. Auxilium enim gratiæ tunc dicitur efficax, ut supra dixi, quando

physicè, &  
moraliter  
efficax.

9.

10.  
Diuisio  
sexta.

E c 2

quando habet effectum liberi consensus infallibiliter coniunctum. Hæc ergo coniunctio dupliciter potest esse infallibilis, nimirum physice, & moraliter. Physicam nunc voco coniunctionem, seu infallibilem consecutionem effectus, quoties aded necessaria est, ut omnino repugnet, & contradictionem implicet à tali auxilio effectum separari, siue illa connexio fundetur in præuia causalitate physica, siue in morali congrua, siue in concomitante auxilio, & siue illa infallibilis consecutio sit ex natura rei, siue ex aliqua suppositione. Et hæc etiam dici potest efficacia simpliciter, id est, quæ nunquam deficit, nec deficere potest. Talem autem gratiam efficacem esse possibilem, ex dictis in cap. 1. libri præcedentis supponimus: qualis autem sit, & vnde oriatur illa connexio, in discursu huius libri videndum est. Moralem autem connexionem appello, quando ex circumstantiis, vel aliis causis accurrentibus semper sequitur talis effectus, quamvis consecutio talis, ac tanta non sit, ut ex aliquo intrinseco principio repugnet effectum non sequi. Sic enim tentatio vehemens in natura lapsa & carente speciali Dei auxilio potest dici moraliter efficax ad trahendum hominem in prauum consensum; ergo multo magis potest auxilium gratiæ esse moraliter efficax ad bonum consensum in nobis efficiendum. Vnde hæc moralis efficacitas comparata ad priorem, dici potest minor, & quodammodo secundum quid: ideoque in hoc genere efficacitæ moralis possunt esse gradus ad eum modum, quo in victoria grauis tentationis, vel observatione omnium præceptorum supra lib. 1. id explicuimus. Nam interdum dici potest auxilium moraliter efficax, quia ut in plurimum ac ferè semper effectum inducit, licet interdum deficiat, sicut dicitur morale periculum, in quo frequenter caditur, licet non semper accidat. Aliter verò cogitari potest auxilium efficax, quod nunquam omnino priuatur effectu, licet possit, quia nullam intrinsecam repugnantiam inuoluit. Non videtur enim dubium, quin appellatio auxilij efficacis omnem hanc amplitudinem & varietatem admittat. An verò omnes hi modi auxilij efficacis in re ipsa dentur, in discursu huius libri tractandum est.

¶ I. I.  
Vicina diu-  
sio.

Septimò diuidi potest efficax auxilium in illud quod de se & ex intrinseca ac sola sua virtute est efficax, & illud, quod tantum in præscientia Dei est efficax, & sub illo respectu confertur: solet autem hæc diuisio propriè dari de auxilio efficaci præuio. Nam, ut dixi, in auxilio merè comitante non habet difficultatem efficacitæ, quia in illo virtute inuoluitur cooperatio liberi arbitrij. Vnde cum tale auxilium comitans sit ipsemet influxus actualis Dei in ipsum opus liberum, de se & intrinsecè habet ut sit efficax, quia per se habet, ut non separetur à termino, non tamen propriè dicitur sola sua virtute esse efficax, nisi dictio *sola*, non excludat concomitantia, quia tale auxilium sine cooperatione liberi arbitrij efficax esse non potest, cum sine illo neque esse possit: vnde etiam, si ut secundum membrum diuisionis huic auxilio, prout in re ipsa dato, non rectè accommodetur, quia nunquam potest esse efficax in sola præscientia, cum eo ipso quod datur, necessariò efficax sit. dixi *in re ipsa dato*, quia si ut oblatum tantum con-

A sideretur, de se tantum est sufficiens, in præscientia potest esse efficax, ut postea videbimus.

Propriè verò data dicta distinctio de auxilio præueniente, quod à solo Deo sit in nobis sine nobis, quam partitionem nunc præmittimus, non ad probandam, vel reprobandam illam, hoc enim est ferè totum præsentis libri opus, sed ad terminos explicandos, quibus necessariò vsuri sumus. Illud ergo auxilium dicitur de se efficax, quod positum in voluntate virtute sua facit illam consentire, determinando vtrique illam ad consensum, ita ut intrinsecè repugnet naturæ talis auxilij esse in voluntate, & non sequi statim eiusdem voluntatis consensum, non ratione aliquius præscientiæ, vel alterius suppositionis, quæ liberum vsum voluntatis humanæ inuoluit, sed ex connaturali modo agendi, & mouendi talis auxilij. Et ad explicandum hunc modum agendi & mouendi voluntatem, solet hoc auxilium vocati prædeterminatio physica, quam vocem infra cap. 6. ex professo declarabimus. Auxilium autem præueniens efficax tantum in præscientia dicitur illud, quod positum in voluntate non habet vim ita determinandi illam ad vnum, ut absolute repugnet, posita illa motione, non sequi consensum. Fit autem tale auxilium efficax, quando in re habiturum est effectum, & Deus id præsciens ea intentione dat tale auxilium ut infallibiliter talem effectum simul conferat. Tunc enim tale auxilium, & in re ipsa efficax futurum est, quia non separabitur ab effectu, & datur ut efficax, quia sub illa habitudine & intentione tribuitur; non videtur ergo dubium, quin vterque istorum modorum ad denominationem ut veritatem auxilij efficacis sufficiat. An verò vterque sit possibilis, vel sufficiens ad efficaciam auxiliorum gratiæ explicandam, vel ad saluandam ex vna parte perfectam Dei providentiam & prædestinationem, & ex alia humanam libertatem in operibus gratiæ, hæc sunt à nobis in discursu huius libri declaranda.

D

## CAPVT II.

*Vtrum auxilium efficax sit ad singulos actus pietatis necessarium, vel solum ad aliquos, vel aliquam eorum multitudinem.*

Hæc quæstio non habet locum in auxilio efficaci purè comitante, quia de illo certissimum est esse necessarium ad singulos actus, quia est ipse actualis influxus Dei in actum, sine quo impossibile est aliquem actum fieri, & illo posito impossibile est non fieri, quia est ipsa via, seu actio ut est à Deo: vnde si actus sit supernaturalis, necesse est talem influxum esse auxilium efficax gratiæ: est ergo necessarium ad singulos actus pietatis. Et de hoc aliqui exponunt Augustinum lib. de corrept. & grat. cap. 11. cum dicit, dari nobis quoddam auxilium, quo voluntari,

NON



non tantum datur ut possit, si velit, sed etiam datur ipsi non velle. Sed licet hoc vix dicatur de hoc auxilio, non hoc tantum intendit Augustinus, ut lib. precedenti cap. 1. ostendimus.

Quæstio ergo est de auxilii efficaci præueniente, quæ Deo faturis voluntas, vel facinus, iuxta modum loquendi Augustini lib. de grat. & lib. arb. cap. 16. & 17. & lapideas fundatum in Scriptura, ut sæpe vidimus, & dicemus iterum in c. 4. & in hoc sensu de auxilio efficaci tractabimus, nec declarationem hanc sæpius repetere necessarii sit.

Dixerunt ergo aliqui hoc auxilium efficax non esse necessarium, nec dari ad singulos actus supernaturales, sed ad duos tantum effectus, scilicet, vel ad diuturnam perseverantiam in gratia, vel ad finalem penitentiam, quæ hominem in statu gratie mori faciat. quam sententiam ex mente Augustini defendit moderatus ille, qui commentum in hanc de auxilio efficaci componere voluit, & in eum finem libellum scripsit, in quo negat divisionem auxilij in sufficiens & efficax, ut suprà cap. 1. lib. 3. retuli. Ille enim non videtur negasse possibilitatem auxilij efficaci, ne omnino Augustinum negare videretur. Negavit ergo necessitatem auxilij efficaci ad singulos actus, illamque ad illos duos effectus restrictam, quia illos tantum de Augustini mente esse credidit. quod potest suaderi primò ex eodem Augustino de concept. & grat. cap. 11. & 12. ubi hanc difficultatem constituit inter hominem ipsum, & Adamum in statu innocentie, quod hunc datum est auxilium, quo possit perseverare si velit, non vero quo perseveraret inane autem datur hominibus lapsis, & electis, non solum ut possint, sed etiam ut perseverent. Ex hoc auxilium significat in hoc statu esse maxime necessarium, propter difficultatem hunc operandi in illo contrarietatem ex peccato originali.

Hinc ergo colligi videntur, hanc necessitatem talis auxilij efficaci propriam & peculiarem esse ad perseverandum, quia in illo cernitur specialis difficultas quæ in singulis actibus non invenitur. Secundò inde sequitur, adæquatam rationem ponendi hoc auxilium esse inamutem hominis, & alios defectus contractos ex peccato originali, nam inde oritur difficultas perseverandi. Tertio argumentatur, quia secundum Augustinum auxilium efficax solis prædestinatis datur, ergo tantum datur ad illos effectus, qui sunt proprii prædestinationis: hi autem sunt perseverantia in gratia, & penitentia finalis; ergo ad hos tantum effectus est necessarium hoc auxilium. Illatio est undens. Assumptum autem videtur plane doceri ab Augustino dicto loco de concept. & grat. cap. 9. vbi ad 11. & dist. 9. 2. ad Simplic. & de prædest. Sancti. cap. 8. & 10. de bon. pers. seu. cap. 8. & 14. lib. de Grat. Christi. cap. 12. & lib. 1. contr. duas Epist. Pelagianos cap. 9. & 20. His enim locis ait auxilium efficax esse illud, quod datur secundum propitium misericordis Dei, & hoc dari qui sunt electi, & à nulla perditionis discreti, & similia, quibus significat, illud propitium ex quo datur auxilium efficax, non esse nisi efficacem electionem ad gloriam, quæ est propria prædestinationis, ac proinde auxilium efficax esse proprium illorum. Quærit possimus argumentari, quia si auxilium efficax esset ad singulos actus necessarium, tunc multiplicanda essent auxilia efficacia, quot essent actus supernaturales specie distincti, quia principia distinguuntur per actus: & auxilium efficitur datur, ut principium sui actus. Consequens autem

Fr. Suarez de Gratia Peri 11.

tem videtur absurdum; quid enim necesse est tunc multiplicare auxiliorum species?

Nihilominus contraria sententia tamquam omnino vera tenenda est, ac dicendum gratiam efficacem dari, & requiri ad omnes & singulos actus supernaturales, qui ad hominibus sunt. Probat primò ex sententia Augustini, qui simul adducit & interpretatur Scripturas, ex quibus hæc veritas colligitur. Primò igitur Augustinus loquens in particulari de hdei actu, vel de actu dilectionis, aut penitentiae, dicit, non fieri à nobis sine iustis & sanctis, vel alia & occultaocatione Dei. quibus verbis solet ipse gratiam efficacem significare. Est autem eadem ratio de his & cæteris actibus; ergo ad omnes & singulos necessaria est. Maior constat facile legenti epistolam 105. 106. & 107. Augustini, & quæstionem 1. ad Simplic. sæpe citatam, & quæstionem 68. in lib. 83. quæstionum. Secundo quod Christus dixit Ioann. 6. Nemo venit ad me, nisi Pater meus traxerit eum, ubi Augustinus interpretatur de tractu per gratiam efficacem, & tamen illud non intelligitur de sola perseverantia, sed etiam de tractu ad fidem, vel ad penitentiam: utrumque constat ex eodem Augustino super eundem locum, & 3. contra Iulian. cap. 5. & de prædest. Sancti. cap. 8. & 11. Et idem habet Fulgentius lib. 1. ad Monimum cap. 8. & 14. Fulgent. ubi eodem modo exponit illas locutiones Scripturæ, *faciunt ut faciant*, &c. Ezechiel. 36. ubi non tantum dicitur, *faciunt ut perseverent*, & ad idem facit quod Paulus ait, *Deum operari in nobis velle*. Volumus enim quociens sancti operantur, & non tantum cum perseverant. Tertio idem gratia efficaci tribuit Augustinus, quod præparat voluntatem hominis ad bene operandum, quæ præparatio in singulis actibus est necessaria, iuxta illud, *Præparatur voluntas à Domino*, quod ita exponit Concil. Aruiscanum can. 4. Assumptum constat ex Augustino in locis citatis, & 1. Retract. cap. 13. & 14. & lib. de grat. & lib. arbit. cap. 16. & 20. Et tandem in idem rudie, quod aliis locis ait, Deum per hanc gratiam ita movere sensum, ut accommodet assensum, ut ex istis locis constare potest, & lib. 1. contra duas Epist. Pelagianos cap. 9. Quid autem homo accommodat assensum ad singulos actus, necessarium est; ergo gratia efficax, iuxta mentem Augustini in Scriptura fundatà, ad singulos actus necessaria est. Quod etiam confirmat sententia illa Augustini posita in Concilio Aruiscano cap. 20. *Nulla sunt in homine bona, quæ non facit homo, nisi vero bonum facit homo, quod non præstet Deus, ut faciat homo, per gratiam enim efficacem hoc præstat Deus, ut ex aliis locis ostensum est.*

Secundò simpliciter ostenditur ratione, quia quociens homo operatur aliquem actum supernaturalem, supponitur in illo gratia præueniens data ad illum effectum, ut constat ex Tridentino sess. 6. can. 3. & 4. fed talis gratia consequitur effectum in eo, qui operatur; ergo est gratia efficax; ergo repugnat operari quicumqueque huiusmodi actum in particulari, quin à gratia efficaci procedat. quæ ratio generaliter procedit in singulis. Sed responderi potest inde solum probari, esse necessarium gratiam efficacem concomitantem, à qua velut extinctivè auxilium præueniens denominatur efficax, quod alij non negabunt: sed contra hoc obstat dicta in cap. 1. huius & precedentis

Ec 3 cedentis

3. Contentionem veniat. Probat 1. ex Augu.

Ex Scriptura. 12. Ioann. 6.

Augustin.

Ezech 36. Phil. 2.

Concl. drag. Augu.

Gratia efficax ad singulos actus necessaria est.

4. Offendit rationem. Conc. Trid.

cedentis libri, ubi ostendimus gratiam efficacem esse etiam præuenientem. Et in præsentī probari potest in omni sententia, vel modo explicandi huiusmodi gratiam, non enim potest una, & eadem ratio reddi in omni opinione. Qui ergo constituunt efficaciam gratiæ in prædeterminatione physica, requirunt illam propter concursum causæ primæ cum secunda, vel propter indifferentiam voluntatis, vel propter excellentiam actuum supernaturalium: omnes autem hæ rationes habent locum in omnibus & singulis actibus pietatis; ergo iuxta illam sententiam, necessarium dicendum est huiusmodi gratiam efficacem esse necessariam ad omnes & singulos actus, & ita fatentur consequenter auctores illius sententiæ.

5.  
Instantia.

At verò si gratia efficax in vocatione congrua constituatur, etiam inuenietur necessaria ad actus singulos, quamvis ex diuerso principio & fundamento; præcipue enim fundanda est hæ necessitas in modo operandi Dei, & in magna perfectione prouidentie eius, præsertim in his supernaturalibus, & quæ ad salutem hominem spectant. Nam in primis Deus confert singulis hominibus ad singulos actus auxilia necessaria, vel conuenientia cum certa præscientia futurorum saltem sub conditione; ergo quando alicui dat vocationem, cum qua in tempore operatur, iam ipse Deus præuiderat, fuisse cum illa operaturum, si ei daretur: ergo præcognouit talem vocationem fore congruam, & ut talem illam dare voluit; sed hæc ratio in omnibus & singulis actibus inuenitur; ergo & vocationis efficacis necessaria. Respondet esse magnam differentiam, quia incongruitas habet rationem mali, & ideo Deus non vult illam, sed permittit. Congruitas verò habet rationem boni, quod Deus vult & intendit, & ideo ipsa gratia congrua ut efficax est, datur ex intentione Dei: hoc autem modo datur ad omnes & singulos actus; ergo: unde tandem confirmatur, nam Deus iuxta probabiliorē sententiam prædefinit omnes & singulos actus supernaturales; ergo ut infallibiliter illa prædefinitio habeat effectum, necessaria est gratia efficax ad singulos actus.

Respondetur.

6.  
Concluditur.

Ex his ergo satis constat, gratiam efficacem non dari tantum ad perseverandum, & finalem penitentiam agendam, sed etiam ad omnes illos effectus, qui per actus supernaturales fiunt, ut confiteri fidem, quando oportet, vel implere aliquod supernaturale præceptum in quacumque definita occasione, vel etiam aggredi opus consilij, & similia; quia ostensum est ad singulos actus supernaturales esse necessarium auxilium efficacem; ergo est etiam necessarium ad perficiendos effectus, qui sine talibus actibus fieri non possunt. Imò quotiescumque actus, vel effectus ordinis naturalis fieri non potest sine gratia, ut vincere gravem tentationem, vel amare super omnia Deum auctorem naturæ, &c. ut talis effectus, vel actus in esse prodeat, necessarium est auxilium efficacem talis ordinis: nam rationes æquæ procedunt.

7.

Accedit tandem quod sine vilo fundamento timuit ille auctor admittere necessitatem auxilij efficacis ad singulos actus magis, quam ad perseverandum. Quia sic auctoritate Augustini motus efficaciam auxiliorum gratiæ in dono perseverantiæ recognouit, sententia Augustini eadem est de singulis actibus, ut vidimus. Nec in illo de corrept. & grat. contrarium dixit: nam licet de perseverantia ibi tractet, alia non excludit, imò indefinitè de vincenda tentatione & vitando peccato

A loquitur: si autem ille auctor timuit, ne tam ampla gratiæ efficacis necessitas libertati repugnaret, & sine causa timuit, ut infra videbimus, & in constanter timuit, nam idem de perseverantia timere debuisset; quia etiam perseverantia per actiones liberas fit, nec auxilium ad perseverandum datur, nisi quatenus ad plures actus liberos successivè tribuitur. Ac denique finalis poenitentia per vnum singularem actum interdum completur, quem liberè facere necessarium est, ut constet; ergo immeritò talis discretio, seu limitatio. Reliqua verò quæ in fundamentis illius sententiæ attingebantur, sequenti capite expendantur.

B

### C A P V T III.

*Verum auxilium efficax in omni statu, & in omnibus personis sit ad salutem, & ad omnes pietatis actus necessarium.*

I N hoc capite breviter nonnulla dubia explicanda sunt, quæ in fundamentis prioris opinionis in præcedenti capite impugnatae postulatur. Est autem extra controuersiam auxilium efficax, maxime necessarium esse hominibus lapsis, eisque fuisse à Deo præparatum ab æterno, & in tempore dari, iuxta mentem Augustini dicto lib. de corrept. & grat. cap. 11. & de bon. perseu. cap. 14. ideoque de hoc puncto non disputamus. Sed primum dubium est, an efficax auxilium sit proprium prædestinatorum, vel etiam reprobis detur. quod enim solis prædestinatis detur, videntur probare testimonia Augustini, in principio capitis præcedentis adducta, & potest confirmari, quia auxilium efficax datur ex absoluta prædefinitione diuina illius effectus, propter quem datur, sed Deus non absolute prædefinit actus reprobis; sed tantum prædestinatorum, iuxta illud Rom. 8. *Quos præscinit, & prædestinauit conformes fieri imagini filij sui, &c. & quos prædestinauit, hos & vocauit.* utique vocatione ex proposito, ut exponit Augustinus, id est, efficaci; ergo reprobis non dantur auxilia efficacem saltem præuia, sed ad summam concomitantia, quæ ipsorum liberam cooperationem intrinsecè includunt.

C

D

E

Nihilominus dicendum est, verum & proprium auxilium efficax præueniens, quo Deus facit, ut homo faciat, non solum prædestinatis, sed etiam reprobis dari. Probatur ex dictis capite præcedenti: nam efficax auxilium non tantum datur ad perseverandum in gratia, sed etiam ad consequendam gratiam per propriam & supernaturalem dispositionem; sed reprobi interdum ita vocantur, ut cum effectu iustificentur, & credant, diligant, & poeniteant, sicut oportet; ergo recipiunt auxilium efficax, ut ita faciant. Nam quod tale auxilium non solum faciat cum illis, sed etiam faciat illos facere, probatur aperte, quia testimonia Scripturæ, quibus probatur, verbi gratia, dari auxilium præuium efficax ad credendum, generaliter loquuntur de omnibus credentibus, siue reprobi sint, siue prædestinati, & sic de cæteris actibus. Assumptum patet ex verbis Christi. *Nemo potest venire ad me, nisi Pater meus traxerit eum, & illis, Omnis qui audiuit à Patre, & didicit, venit ad me, utique per fidem; illæ enim particulae, nemo, & omnis nullum discrimen faciunt,*

I.

Dubium 1.

Rom. 8.

2.

Datur auxilium efficax præuium omnibus, siue reprobi sint, siue prædestinati.

Probatum ex Scriptura.

Ioan. 6.  
Ibid.

faciunt, vel permittunt inter prædestinatos & reprobos, quoad necessitatem trahentis gratiæ. Et simili modo ponderari possunt alia testimonia capite præcedente allegata, & generalia verba Concilij Arausici c. 9. Quoties bona agimus, Deus in nobis atque nobiscum, ut operemur, operatur. Cum enim dicitur *agimus*, non supponit fuisse prædestinatos, vel se tales reputasse, qui sic loquebantur. Ratio verò est, quia auxilium non est efficax ex ultimo effectu salutis æternæ, ad quem ordinatur, sed ex proximo propter quem datur: hic autem effectus in reprobis etiam inuenitur, ut constat; ergo.

3. Neque Augustinus huic veritati contrarius esse potuit, cum ubique omnia pietatis opera tribuat efficacitati gratiæ, & Deo in nobis operanti, siue ab electis, siue à non electis fiant. Igitur ubi loquitur de gratia speciali prædestinatorum, vel includit non tantum vnum, vel aliud auxilium efficax, sed collectionem, vel seriem talium auxiliorum, quibus certissime liberantur quicumque liberantur, ut ipse loquitur de don. persequ. cap. 14. vel per antonomasiam efficacem appellat vocationem electorum, quia ex proposito efficaci æternæ salutis illorum datur; sic enim lib. de prædest. Sanct. cap. 16. dicit, *Vocat Deus prædestinator multos filios suos, ut membra faciat prædestinati vnicuique filij sui, non ea vocatione, qua vocati sunt illi, qui noluerunt venire ad nuptias, &c.* & infra sic exponit Paulum 1. Corinth. 1. dicentem, *Ipsis vocatis Iudæis & gentibus predicare se Christum, &c.* illud enim verbum, *vocatis*, intelligit de certa quadam vocatione eorum, qui secundum propositum vocati sunt, quos præsciuit & prædestinavit conformes fieri imaginis filij sui, de qua etiam intelligit illud Rom. 9. *Non ex operibus, sed ex vocante dictum est, quia maior seruiet minori. Ex vocante, ait, non quacumque vocatione, sed qua vocatione sit credens.* In quo contextu videri potest docere Augustinus, omnem vocationem, qua aliquis fit credens, esse propriam prædestinatorum: sed hoc tam est absurdum, ut nec cogitari possit in mentem Augustini venisse. Loquitur ergo de vocatione ad fidem viam fixam, & stabilem, & in fine capitis concludit, ita exponens alia verba Pauli Rom. 12. *sine penitentia sunt dona & vocatio Dei.* intelligit ergo per antonomasiam dici vocationem ex proposito illam quæ virtute continet iustitiam perseverantem, de qua rectè intelligitur illud Rom. 8. *quos prædestinavit, hos & vocavit, & quos vocavit, hos & iustificavit, quos autem iustificavit, illos etiam glorificavit.* Nam hoc ultimum necesse est intelligi de solis iustificatis cum perseverantia finali; ergo etiam vocatio sumenda est pro tali vocatione, quæ vel virtute, vel collectione protectionem singularem electorum includat. Hæc ergo sola vocatio, vel gratia efficax est propria prædestinatorum, & ita exposuit latè locum illum Augustinus de corrept. & grat. cap. 7.

4. Nihilominus tamen dantur aliæ vocationes vel ad fidem, vel ad penitentiam, quæ nec sunt communes omnibus reprobis, nec solis prædestinatis dantur, multi enim, ait Augustinus dicto lib. de Prædest. Sanct. cap. 6. *audiunt verbum veritatis, sed alij credunt, alij non credunt. Volunt ergo isti credere, nolunt autem illi; quis hoc ignoret? quis hoc neget? sed cum aliis præparetur, aliis non præparetur voluntas à Domino, discernendum est, quid veniat de misericordia eius, quid de iudicio.* Non ignoravit autem Augustinus, non omnes illos qui volunt credere esse prædestinatos, & tamen

A de omnibus illis ait, & præparari illis voluntatem per gratiam, utique efficacem. Unde in lib. 2. *Idem.* contra duas Epist. Pelagianorum cap. 9. vniuersè de omnibus ait, *homo præparat cor, non tamen sine adiutorio Dei, qui tangit cor.* & inde concludit ibi illam sententiam in Concilio Arausico receptam: *Multa Deus facit in homine bona, quæ non facit homo, utique siue prædestinatus sit, siue reprobus.* Ergo etiam præscitus quando credit, habet vocationem non tantum, qua possit credere, sed qua fiat credens, licet non eo singulari modo, quo prædestinatus, & eadem ratio est de vocatione ad iustitiam, seu penitentiam & similes actus.

B Ratio autem in contrarium facta falsum assumit, quia probabilius est Deum prædefinire omnes actus supernaturales etiam reproborum. Et licet demus non præfinire illos illo singulari modo, quo prædefinit actus prædestinatorum, utique ex intentione efficaci saluandi illos, & ut tales actus istis cum effectu profint ad æternam salutem: nihilominus certum est, ex certa præscientia dare illis talem vocationem, qua credant vel ament saltem ad tempus: & hoc satis est ut gratiam efficacem illis gratuito conferat. Unde non displicet distinctio aliquorum dicentium, aliam esse prædestinationem perfectam, & simpliciter talem, quæ est ad æternam gloriam, de qua loquitur Paulus ad Roman. 8. & aliis locis: aliam verò esse prædestinationem secundum quid, scilicet ad iustitiam, vel ad fidem temporalem, & sic gratiam efficacem semper dari ex aliqua prædestinatione istarum, seruata proportionem. Hoc enim videtur significasse Augustinus dicto cap. 7. de corrept. & grat. in fine, dicens, eos, qui ita vocantur, ut interdum credant, vel iusti sint, licet postea à fide, vel conuersatione Christiani hominis lapsi sint, ut tales huius vitæ finis inueniat, eos (inquam) esse ex illis, de quibus dictum est, *Multi vocati, pauci electi.* Et tamen (inquit) *quis negat eos electos, cum credunt, & baptizantur, & secundum Deum vivunt.* quia nimirum ad aliquid electi iam conspiciuntur, licet incertum nobis sit, an sint simpliciter electi, ut in eo ad quod efficaciter vocati sunt, perseverent, & ita gratia efficax semper datur ex aliqua prædestinatione saltem ad gratiam, vel fidem, aut simile donum, quod etiam sumi potest ex Augustino dicta q. 2. ad Simplician.

C Secundum dubium est, an efficax gratia auxilium pertineat solum ad statum naturæ lapsæ, vel etiam in statu innocentie fuerit necessarium. Cui dubio solum potest occasionem præbere locus Augustini præcedenti capite allegatus, ex lib. de corrept. & grat. cap. 11. ubi de primo homine dicit, tale adiutorium ei datum esse quod deferret cum vellet, & in quo perseveraret si vellet, non quo fieret, ut vellet. Et subiungit adiutorium quod hominibus lapsis datur, in hoc esse maius & potentius, quod per illud efficitur ut homo velit. Et infra significat, ideo tantam, tamque efficacem gratiam, non esse datam primo homini, quia tunc liberum arbitrium ita liberum erat, ut & bene posset & male; nunc autem propter infirmitatem naturæ lapsæ necessarium esse auxilium quod hominem velle & beneficiere faciat.

E Sed nihilominus sine vlla dubitatione dicendum est, etiam in statu innocentie fuisse necessarium auxilium efficax ad actus supernaturales efficiendos. Probat, quia necessitas huius auxilij non est orta ex lapsu naturæ humanæ, nec ex defectu virtutum

Sed nihilominus sine vlla dubitatione dicendum est, etiam in statu innocentie fuisse necessarium auxilium efficax ad actus supernaturales efficiendos. Probat, quia necessitas huius auxilij non est orta ex lapsu naturæ humanæ, nec ex defectu virtutum

Conc. Araus.

Prædestinatio autem perfecta, & simpliciter talis, quæ est ad æternam gloriam, alia verò secundum quid, August.

6. Dubium 2.

7. Affertur.

Probat.

Ecce 4 virtutum



virium bene operandū contracta, sed ex intrinseca perfectione supernaturalium actuum, cuius signum est, quia non tantum ad actus difficiles ob gravem tentationem, nec solum ad collectionem actuum, vel perseverantiam, sed simpliciter ad singulos actus est necessarium hoc auxilium, ut ostendimus capite præcedenti. Suprà autem lib. 2. & 3. ostensum est, necessitatem gratiæ ad singulos actus non oriri ex originali peccato, sed ex perfectione & excellentia talium actuum; ergo simpliciter in præsentī necessitas auxilij efficaciæ, cum sit ad singulos actus, non est orta ex peccato originali: ergo fuit etiam in statu innocentie, quia in illo voluntas hominis non minus erat de se indeterminata, & pendens à Deo, quam modo sit, & Deus non minus præsciebat, quæ vocatio futura esset homini congrua in illo statu, quam in illo. Et ita sentit apertè Augustinus lib. 8. Genes. ad liter. cap. 12. idemque significat in Enchirid. cap. 106. circa finem dicens. *Natura humana etiam si in illa integritate, in qua condita est, permaneret, nullo modo seipsam creatore suo non adiuvante servaret.* vbi de adiutorio efficaci loquitur, & lib. de natur. & grat. cap. 48. contra Pelagium dicit, quod etiam in natura sua & integra homo non peccaret, fuisset illi necessarium adiutorium Dei, sicut lumen est necessarium oculis ad videndum.

8. Neque in priori loco contrarium sensit: nam ibidem de gratia primi hominis ait, *tunc ergo dederat homini Deus bonam voluntatem, in illa quippe cum fecerat, qui fecerat reum.* quibus verbis apertè significat habuisse Adamum gratiam efficacem ad illam bonam voluntatem, quam ante peccatum habuit. Quia verò in illa bona voluntate non perseveravit, dicit, non accepisse gratiam, qua perseveraret, sed qua posset perseverare si vellet, nam si priorem accepisset, perseverasset, ut ibidem Augustinus subiungit. Vnde nunquam dicit Augustinus dari potuisse in illo statu perseverantiam sine efficaci auxilio, sed solum dicit de facto non fuisse datum tale auxilium, quia effectus eius datus non est, nunc verò dari multis; quæ duo certissima sunt. Insinuat autem Augustinus in eo loco in natura lapsa, esse necessarium peculiare donum perseverantiæ, quod non ita erat in statu innocentie necessarium, propter corruptionem naturæ, quæ non omnino sanatur per gratiam habitualement, ut bene explicat D. Thomas q. 109. art. 9. in corpore, & art. 10. ad 3. & nos latius infra tractando de perseverantia, dicemus.

D. Thom.

9. Dubium 3.

Tertium dubium simile præcedenti esse potest de Angelis, an ipsis etiam necessarium sit auxilium efficax gratiæ ad bene operandum. Eadem tamen est eius resolutio: nam Augustinus suprà eodem modo de Angelis & de homine integro loquitur, eodemque modo est exponendus. Nam omnino eadem est ratio, supponendo, ut sæpe dictum est, actus iustitiæ etiam respectu Angelicæ naturæ supernaturales esse: & ideo indigere gratiæ auxilio, quod tunc in eis est efficax, quando effectum habet, nam tunc etiam cum illis operatur, & eos facit bene operari. Quo modo dixit Augustinus lib. 12. de Civit. c. 9. Angelos, qui perseverarunt, fuisse amplius adiutos. Atque ita de Angelis etiam sensit Fulgentius lib. 2. ad Thrasymun. cap. 2. vbi permanentium sanctorum Angelorum in honore, tribuit singulari gratiæ Dei, qui quos voluit, à casu pravitatis virtute sua defendit, & cap. 3. ait, sicut sola virtus divina potuit

August.

Fulgent.

A hominem reparare, ita solam potuisse Angelum custodire. Idemque docuit Gregorius lib. 1. Reg. cap. 1. & Anselm. lib. 2. de casu Diabol. cap. 1. & sequentibus & Bernardus serm. 22. in Cantic. & indicat Basil lib. de Spirit. Sanct. c. 16. Et quavis hi Patres de perseverantia loquantur, tamen cum in Angelis perseverantia sicut & via, vno actu consummetur, eadem ratio de singulis actibus, quæ de tota perseverantia existit. Est autem ratio suprà tacta, quia vel prædestinatio, vel præscientia, & prædefinitio gratiæ congruat, non minus in Angelis, quam in hominibus locum habet, ut per se omnibus clarum est.

Greg.  
Anselm.  
Bernard.  
Basil.

B Quartum dubium, quod in ultima ratione superiori capite proposita postulatur, est, an idem auxilium efficax ad omnes actus pietatis sufficiat, vel pro illorum varietate & distinctionem multiplicari, & specie distingui necessarium sit: loquor autem de distinctione specifica, quia de numerica nullum potest esse dubium, quia hæc auxilia transfleunt cum actibus, quia in actuali motione consistunt, & ideo cum illis etiam multiplicantur, saltem numericè. Est ergo dubium de multiplicatione specifica, quod etiam claram habet resolutionem in auxilio efficaci comitante, quia illud in ipsomet actu intimè imbibitur tanquam via, seu actio tendens in illum, & ideo necesse est cum actibus multiplicari, & pro varietate illorum distingui; nam actio à termino speciem sumit, & per illum distinguitur. Item hoc auxilium efficax non distinguitur à concursu Dei circa tales actus: ac diuinus concursus multiplicatur, & distinguitur pro varietate effectuum talis concursus, ut in lib. 3. dictum est; ergo eodem modo philosophandum est de hoc auxilio efficaci, neque in hoc aliqua occurrit difficultas. At verò loquendo de Auxilio efficaci præueniente, oportet distinguere iuxta varios modos explicandi substantiam, causalitatem, & efficaciam huius auxilij. Qui enim dicunt esse motionem à solo Deo factam in nobis, & per se ac physicè efficaciter efficere actum, propter quem datur, consequenter dicunt, hæc auxilia efficacia pro varietate actuum, seu effectuum distingui; quia sunt principia per se illorum, & per illos specificantur, & ad modum habituum distinguuntur. Quod quidem posito illo principio, facile sustineri potest, licet non careat dubitatione, an eadem species motionis efficaciæ sufficiat ad omnes actus eiusdem habitus, etiam si contingat illos specie distingui, ut sunt amor, odium, desiderium, dolor, &c. Sed in hoc non immoror, quia est parvi momenti, & procedit ex falsa hypothese, ut dicemus.

10.  
Dubium 4.

C Iuxta opinionem verò quæ in excitatione & causalitate morali efficaci hoc auxilium ponit, non est hoc dubium speciale de auxilio efficaci, sed de sufficiente etiam interrogari potest, quia modo inclinandi & mouendi voluntatem conueniunt, solumque differunt, quia vnum cum effectu persuadet, & non aliud, quod sine dubio non provenit ex specifica diuersitate, sed ex libertate arbitrij, & ex aliis circumstantiis, ut infra dicemus. De utroque ergo dicendum est, auxilium sufficiens & efficax interdum posse in sua entitate & specie multiplicari ac distingui, aliquando verò posse auxilium eiusdem speciei ad actus specie diuersos tribui & esse efficacem. Declaratur exemplis utraque pars. nam ad actum eleemosynæ interdum inducitur quis timore pœnæ, interdum desiderio gloriæ, qui duo motus dati per modum excitantis gratiæ in sua entitate sunt specie distincti,

11.

distincti, & nihilominus inducunt ad eundem actum, quem uterque potest sine alio efficaciter efficere. Et è contrario motus timoris à Deo immisus, in vna occasione inducit ad poenitentiam, in alia ad remittendam iniuriam, vel quid simile. Ratio autem vtriusque partis est, quia hæc distinctio & causalitas non est per se, physicè loquendo, sed moralis, vnde non est de intrinseca ratione talis motus, ordo ad talem effectum, vt ab illo suam speciemumat, sed ex prudentia & mouentis potentia ad talem effectum accommodatur, iuxta moralem capacitatem recipientis, ideoque potest idem actus fieri per plures motiones gratiæ efficacis specie distinctas, vel simul, vel diuisim operantes, & è contrario possunt actus distincti per eandem præuiam gratiam obtineri vel successe & in diuersis occasionibus, vel simul si actus ipsi habeant inter se talem connexionem, ratione cuius simul fieri possint, iuxta superius dicta in genere de gratia excitante.

12.  
Obiectio.

Solutio:

Dicunt autem aliqui, quando plura huiusmodi auxilia ad eundem actum dantur, licet in entitate physica specie differant, in genere moris esse eiusdem speciei, quia ad eundem finem ordinantur, vt ad actum fidei, vel quid simile. Sed non video in his actibus propriam vnitatem specificam etiam moralem: nam intra genus causæ moralis possunt inueniri modi causandi eundem actum specie diuersi, causa enim consulens, & causa petens ac rogans, causæ morales sunt specie diuersæ, & licet ad eundem effectum concurrant, distinctionem in modo causandi conseruant, nec possunt dici esse eiusdem speciei moralis, etiamsi in eundem effectum influant, quia vnaquæque suo modo influit: sicut materia & forma, licet ad eundem effectum concurrant, non propterea habent aliquam vnitatem specificam, neque in genere entis, neque in ratione causæ: non oportet ergo in his auxiliis, quando in se distincta sunt, & diuersum modum causandi moralem habent, aliquam vnitatem specificam fingere, propterea quod ad eundem actum concurrant. Et ita Prosper lib. 2. de vocat. gent. cap. 26. numerando varios modos, quibus Deus ad fidem homines trahit, suadendo exhortationibus, mouendo exemplis, terrendo periculis, incitando miraculis, dando intellectum, inspirando consilium, corque ipsum illuminando, & fidei affectionibus imbuedo, nullam eis vnitatem specificam tribuit, sed absolute plura præsidia seu auxilia diuinæ gratiæ excitantis appellat, quæ, vt supra dicebam, possunt dici componere vnum adæquatum auxilium sufficiens, vel efficax, non tamen per modum vnius speciei, sed per modum vnius collectionis causatum moralium concurrentium, vel necessarium ad talem effectum solum in genere gratiæ, & vt procedunt ex misericordia, seu gratuita liberalitate, & amore Dei, possunt dici habere vnitatem moralem specificam in ordine ad Deum moraliter operantem, eo scilicet modo, quo actus externi moraliter diuersi ex intentione finis possunt habere vnitatem moralem in genere virtutis, seu boni moralis. Sed hæc consideratio extrinseca est ad propriam causalitatem, & rationem auxiliorum gratiæ explicandam, nam hoc modo omnia beneficia diuinæ gratiæ, vt moraliter procedunt à Deo, possunt dici eiusdem speciei quatenus ab eadem liberalitate, vel misericordia Dei procedunt. Hic ergo respectus hic non consideratur, sed entitas auxilij, vel modus causandi, & in his possunt auxilia data ad eundem effectum inter se distinctionem habere, & è conuerso idem auxi-

lium potest ad varios actus in diuersis temporibus, vel occasionibus hominem mouere, vt explicatum est.

## C A P V T I V.

*Vtrum gratiæ efficacia consistat in necessitate, quam infert voluntati, vt non liberè, sed necessariò consentiat.*

**Q**Uæ in præcedentibus capitulis de auxilio efficaci diximus, omnia pertinent ad exactam expeditionem quæstionis, an sit tale auxilium, nam ad illam spectat tam necessitas, quam varietatem talis auxilij declarare, quod hactenus generatim præsticimus: nunc inquirendum superest, quid sit tale auxilium, in quo tria includuntur, nimirum, quæ nam motio sit, quem modum causandi habeat, & vnde, quòve modo habeat infalibilem connexionem cum suo effectu, quæ tria simul, vt occasio tulerit, tractabuntur, quia non possunt commodè disputatione seiungi. Solum aduerto ex illis tribus solum tertium posse directè pertinere ad dogmata fidei: nam circa duo prima nihil habemus expresse definitum, vt videbimus, ideoque incipimus à tertio puncto, quatenus in eo cum hæreticis est controuersia, vt disputationem inter Catholicos expeditam relinquamus.

In puncto ergo proposito duo sunt errores inter se in vno principio, & fundamento consentientes, & in conclusionibus, seu illationibus extremè dissentientes. Pelagiani enim, & Calvinistæ ac Lutherani in hoc conueniunt, quod efficacia gratiæ consistit in quadam necessitate, quam Deus infert voluntati, illam liberè operari non relinquendo. Vnde Pelagius eo colore gratiam negauit, ne libertatem negaret, cui efficaciam & necessitatem gratiæ repugnare credidit; & ideo fingeat se impugnare Manichæos, & similes hæreticos negantes liberum arbitrium, cum gratiam impugnabat, teste Augustino lib. 2. contra duas epistolas Pelagianorum à principio, & aliis locis. E contrario verò Lutherus, vt refert Concilium Senonen. in principio, nimis anxie fingens vitare Pelagium, factus est Manichæus, & ante Lutherum præter Manichæos Priscilianistas Limonianos, eandem hæresin docuerunt propè tempora Augustini, hæretici dicti *Prædestinati*, & vt refert Faustus lib. 1. de Grat. cap. 3. 7. & sequentibus, & Wicleph. vt refert Walden. in doctrin. fid. antiq. cap. 23. & postea sequenti sunt Calvinum Melanchth. Beza, & alij nouatores, vt supra lib. 1. retuli, & latè Stapleton. in Promptuar. Cathol. feri. 6. in hebdom. 1. Quadrag. num. 4. & in Antidot. ex Actis Apostol. cap. 9. & lib. 4. de Iustificat. cap. 1. Bellarmin. lib. 1. de grat. & liber. arbit. cap. 11. & lib. 4. cap. 14. lib. 6. cap. 9. & 11. Ruard. art. 7. Rossenart. 36. contra Luther.

Omissio autem errore Pelagij, quia in superioribus satis iam impugnatus est, & quia illatio, seu fundamentum eius explicando concordiam gratiæ cum libertate arbitrij evertitur, de errore Lutheri, & Caluini hoc loco dicendum est. Et vt distinctius intelligatur, reuocanda est disputatio ad actum elicatum voluntatis, quo illa præbet consensum gratiæ mouenti, quem proinde consensum appellabimus,

Puncta præsentis difficultatis.

1. Gratia efficacia vnde, & quo modo habeat infalibilem connexionem cum suo effectu, punctum tertium.

2.

labimus, siue sit amor, siue dolor, siue intentio, siue electio, siue alij similes, omnes enim fiunt per consensum voluntatis. Actus autem aliarum potentiarum, etiam ipsius fidei, prout est in intellectu, non sunt liberi, nisi per denominationem à consensu libero voluntatis: in hoc ergo tota disputatio versatur. In huiusmodi autem consensu tres proprietates necessariae ad actum liberum distinguendae sunt, scilicet actiue fieri à voluntate, libenter, seu voluntarie fieri, & cum indifferentia fieri, id est, cum potestate non faciendi illum. Lutherus ergo ut adicitur libertatem euerteret, etiam primam conditionem actus voluntatis negauit, dixit enim non fieri ab ipsa effectiue, sed à solo Deo voluntati immitti, ipsa voluntate merè passiuè se habente. Inducebatque comparisonem figuli & luti, qua vitur per Ieremiam Deus, *Sicut lutum in manu figuli, sic vos in manu mea*, cap. 18. & per Isaiam cap. 45. *Numquid dicit lutum figulo suo: Quid facis? ad eamque alludit Paulus Roman. 9. dicens, An non habet potestatem figulus luti, ex eadem massa facere aliud quidem vas in honorem, & aliud in contumeliam*. Vnde inferebat, sicut lutum non habet ullam actiuitatem circa formam, quam artifex inducit, ita neque homo in actibus gratiae, quos à Deo recipit.

Sed hæc sententia quoad hanc partem non solum hæretica est, sed etiam stultissima, & ab omni humano sensu aliena. Ut hæreticam ergo damnat illam Concilium Tridentinum sess. 6. cap. 5. & ean. 4. ubi anathematizat dicentes hominem in conuersione sua ad Deum, nihil omnino agere, sed merè passiuè se habere, repugnantem apertissimè Scripturæ sanctæ exhortanti homines, *Conuertimini ad me*, &c. quis enim aliam exhortetur ad recipiendum, quod à mera voluntate alterius, dantis, seu facientis pendet, nisi aliquid ipsum agere oporteat? Est ergo illa prouocatio ad agendum, sicut & illa Petri epist. 2. cap. 1. *Satagite ut per bona opera certam vestram uocationem & electionem faciatis*. opera enim nostra non dicuntur, nisi quæ à nobis fiunt. Vnde subdit, *Hæc enim facientes non peccabitis aliquando*. & similia verba, & consilia & præcepta sunt infinita in Scriptura. Ut stultam verò reiecit illam sententiam quoad illam partem etiam ipse Calvinus, dicens, *Quis ita desipit ut hominis motionem à iactu lapidis nihil differre autumet? neque verò quicquam simile consequitur ex nostra doctrina: in naturales facultates hominis referimus approbare, respicere, velle, nolle, &c.* Præcipua verò rationis fundamenta, quibus improbanda est hæc pars, ex aliis duabus conditionibus sumenda sunt, quia nec voluntaria operatio, nec libertas actualis, nec liber usus sine actiuitate vlla in sola receptione intelligi possunt, ut mox dicam.

In secunda conditione nulla est controuersia cum hæreticis: nam euidenti experimento percipimus nos libenter velle, cum volumus, & voluntarie facere quod volumus; vnde neque ipsi hæretici inter se in hoc dissentiunt, ut existimo, quamuis re vera Lutherus consequenter loquendo & negando actiuitatem voluntatis in suis motibus non potuerit voluntarium admittere, cum de ratione voluntarij sit, ut sit à principio intrinseco cum cognitione, ut est quasi primum principium in doctrina morali, ut constat ex Aristotele 1. Ethicor. & D. Thoma 1. 2. quæst. 6. nam quod ex me non prodit, sed ab alio extrinseco agente immittitur, non potest mihi esse voluntarium, quoad ipsam actionem, vel effectiorem, licet receptio possit esse obiectiue libera, & tunc oportet ut per alium actum à

volente elicatum sit volita. Quidquid verò sit de imperitiis Lutheri, Calvinus, Bucerus, & alij nouatores non solum admittunt voluntarium in actibus gratiae, sed etiam eo colore excusare volunt errorem suum in neganda libertate. Dicunt enim hominem liberè operari, quia libenter operatur. Et in hoc sensu dicunt esse in nobis liberum arbitrium à coactione, non à necessitate, & ita negant in operibus gratiae tertiam conditionem actus liberi, quæ est in differentia potentiae, à qua proximè procedit ad agendum, & non agendum, vel ad agendum hoc, aut oppositum eius. Et hæc fuit sententia Caluini lib. 2. Institut. cap. 2. §. 6. & aliorum.

Nec desunt inter Scholasticos, qui ad libertatem simpliciter sufficere putant libertatem à coactione, quæ in actu voluntario inuenitur, etiam si libertas à necessitate desit, sic enim Scotus dixit Filium procedere liberè à Patre, vel Spiritum sanctum à Patre & filio, licet necessariò procedant, quia voluntariè producantur, & de amore Beatorum videntur eodem modo loqui, in quam sententiam inclinant Castro verb. *libertas*, & Cosmas Philarchus lib. 2. de causa Prædest. cap. 16. & clariùs Iacob Naclantus ad Ephes. 1. in digressionem, quod *prædestinatio libertatem non tollat*. & Michaël Baius in suis assertionibus dixit solum violentiam repugnare libertati naturali, quia aiebat, quod *voluntarie sit, etiam si necessario fiat, liberè fieri*. Et videtur nonnihil fauere Augustinus lib. 1. de grat. Christi cap. 13. dicens, *Præceptum liberè facit qui libens facit*, quæ verba in eum finem inducit, ut declararet gratiam efficacem non tollere libertatem, sed augere potius, quia cum magna suauitate facit libenter operari. Vnde tract. 26. in Ioann. exponens verba Christi, *Nemo potest venire ad me, nisi Pater meus traxerit eum*, inde ostendit tractionem libertati non repugnare, quia si trahitur, voluntate trahitur, neque solum voluntate, sed etiam voluptate. Ac denique in aliis locis sæpè opponit libertatem coactioni, docetque gratiam Dei non cogere hominem, & ideo non tollere libertatem eius.

Sed licet interdum Catholici illo modo loquantur, longè à sensu hæreticorum distant. Illi enim omnino consentiunt esse in nostris actibus libertatem indifferentiæ, vnde solum cum eis de nomine superest quæstio; an perfectum voluntarium, sine indifferentia satis sit ut actus absolute possit liber appellari. Hæretici verò simpliciter negant indifferentiæ libertatem, & ita tota controuersia cum eis nobis in tertia conditione actus liberi, nimirum ut cum indifferentia fiat, id est, cum libertate à necessitate. Nam hoc est quod Calvinus, Melanchth. Bucer. & alij maxime negant in voluntate nostra à Deo mota. Etenim licet ipsi generalius loquantur, præcipue verò id contendunt de operibus gratiae, & de omni consensu voluntatis, quam diuina gratia in nobis operatur: vnde quia moraliter tunc dicitur quis agere, quando seipsum liberè mouet, ideo interdum isti hæretici ita loquuntur, ut dicant hominem ita moueri per gratiam, ut ipse non agat, vel potius non se agat, ad eum modum, quo Aristotel. lib. 1. Magn. Moral. cap. 22. dixit bruta non se mouere, licet physicè & voluntariè se moueant. Sensus itaque huius erroris est, quod sicut bruta necessariò naturæ impulsu mouentur, cui non possunt resistere, ita homines necessariò mouentur impulsu Spiritus sancti de se efficaci, ut nec possint illi resistere, nec aliud facere, quam id, ad quod impelluntur,

Lutherus  
quæ libertatem  
arbitrij.

Ierem. 18.

Isai 45.  
Rom. 9.

3.  
Responde-  
tur.  
Cant. Trid.

2. Petr. 1.

Opera no-  
stra quæ.

Caluin.

4.

Arist.  
D. Thom.

Caluin.

5.

Scotus.

Castro.  
Philarch.  
Naclant.

Baius.

August.

6.

Aristot.



Caluin.

tur, & hoc sensu dixit Caluinus, *penes Spiritum sanctum esse totam actionis efficaciam*. Item dixit, *voluntatem mouet gratia, non ut multis antea saeculis traditum & creditum est, ut postea electionis nostra sit gratia obtemperare, aut refrigerari, sed illam efficaciter faciendo*. Item hinc dixit voluntatem nostram non cooperari gratiæ, neque esse pedissequam gratiæ, quos loquendi modos etiam in Augustino reprehendit, quia liberum consensum indicant. nam in motibus gratiæ excitantis non dicitur voluntas nostra cooperari gratiæ, etiamsi physicè illos efficiat, quia non liberè, sed necessariò illos efficit; ita ergo de quolibet actu supernaturali voluntatis Caluinus censet.

7.  
Eius fundam-  
entum.

Fundamentum Caluini supponit in primis necessitatem gratiæ efficacis præuenientis voluntatem in omnibus suis actibus, præsertim supernaturalibus, eamque probat eisdem testimoniis, quibus Catholici vtuntur, & nos supra multa adduximus, quia in hoc generali fundamento non est controuersia. Deinde addit Caluinus hanc efficaciam gratiæ præuenientis libertatem esse per veram efficientiam in voluntatem nostram, ita ut illi resistere non possit, quod etiam multi Catholici docent, ideòque illam sententiam tractando, huius partis fundamenta asseremus, quia communia sunt. Ex his ergo concludit Caluinus per hanc gratiam imponi necessitatem voluntati, contrariam libertati. Potuit autem illationem probare his modis, primò, quia tunc potentia liberè operatur, quando positis omnibus prærequisitis ad agendum potest non agere, vel aliud agere, sed voluntas in operibus gratiæ, nunquam ita operatur: ergo. Probatur minor, quia vnum ex requisitis ad agendum talem actum est gratia efficax præmouens, sed illa posita, non potest non agere; ergo. Secundò, quia posita illa gratia actus necessariò fit à voluntate, & illa gratia ponitur ante vsum libertatis; ergo inducit necessitatè simpliciter, quia est suppositio antecedens, quæ libertatem tollit, teste Anselmo lib. de Concord. prædestinat. &c. Tertiò, quia illa gratia datur per voluntatem Dei efficacem, quia vult ut homo cum effectu omnino infallibiliter operetur; sed voluntas Dei necessariò infert effectum: nam voluntati eius quis resistit; ergo. Ex quibus omnibus constat Caluinum solum posuisse in his actibus necessitatem ex suppositione scilicet, supposita motione gratiæ de se & natura sua efficacis, & in sensu composito respectu illius, quia cum illa motione impossibile est simul poni carentiam actus, & è conuerso non posita motione, impossibile est poni actum; motionem autem dari pro libera Dei voluntate sola. Et nihilominus quod hanc solam necessitatem dixisse gratiam tollere libertatem.

Anselm.

8.  
Error Caluini euerti-  
tur.  
Bellarmin.

Ad hunc errorem confutandum supponimus in primis de ratione liberi arbitrij non esse tantum libertatem à coactione, sed etiam à necessitate, hoc copiosè & eruditè probat Bellarminus lib. 3. & 4. de lib. arb. ideòque in allegandis testimoniis Patrum non iminorabor, sed quædam tantum præcipua, & expressiora ex Scriptura, & Augustino indicabo. Primò ergo ex Scriptura est locus notissimus Ecclesiastici 15. *Deus reliquit hominem in manu consilij sui, adiecit mandata & præcepta, si volueris mandata seruare, conseruabunt te. Apposuit tibi ignem & aquam, ad quod volueris, porrige manum tuam. Ante hominem vi-*

Ecclesi. 15.

*ra & mors, bonum & malum, quod placuerit ei, dabitur illi.* In quo testimonio quot sunt verba, tot sunt argumenta dictæ veritatis. nam habere rem in manu consilij, nihil aliud est, quàm habere potestatem eligendi hoc, vel illud, iuxta proprium arbitrium, ea enim quæ necessitati sub sunt, non cadunt sub consilium. Quis enim dicat beatum relinqui in manu consilij, ut Deum videat. Item mandata & præcepta non dantur de necessariis, vel impossibilibus; item conditio illa *si volueris*, supponit potestatem non volendi, & est illa phrasis frequens in Scriptura. Denique certa verba euidenter includunt potestatem eligendi inter contraria & opposita, quæ cum necessitate ad vnum esse non potest. Vnde Caluinus & ceteri fatentur hoc testimonium conuincere, hominem in statu innocentie habuisse voluntatem à necessitate volendi liberam, quia de primo homine ibi Sapiens loquitur: nihilominus verò aiunt, hanc libertatem per lapsum humanæ naturæ fuisse amissam.

Hanc verò friuolam euasione refutauimus in Prolegom. 1. est enim contra omnem rationem, quia libertas illa naturalis est voluntati, & naturales proprietates non fuerunt per peccatum amissæ. nunc verò addimus Scripturam eo modo loqui de hominibus, vel cum hominibus lapsis: nam de homine lapso loquitur idem Sapiens Ecclesiastici 31. cum dicit, *Beatus diues qui inuentus est sine macula, & qui post aurum non abiit, quis est hic, & laudabimus eum: fecit enim mirabilia in vita sua, &c.* Evidenter enim loquitur de hominibus in hoc statu mortali viuentibus, & concupiscentiis ac effectibus temporalibus obnoxiiis: in quo statu diues maioribus periculis & occasionibus peccandi subditus est; & ideo specialiter beatificat, & laudat diuitem, qui affectu diuitiarum non ducitur, & immaculatè viuit: per hanc autem laudem, & beatificationem ostendit esse in illo libertatem à necessitate, & potestatem volendi, & non volendi, sicut statim expressè subdit, *qui potuit transgredi, & non est transgressus facere mala, & non fecit.* Similiter cum homine lapso loquebatur lex Numer. 3. *In arbitrio viri erit, sine faciat, sine non faciat.* & Paulus 1. Corinth. 7. *Quod vult faciat, &c.* & similia, quibus non tantum libertatem à præcepto, sed etiam indifferentem potestatem volendi & nolendi numerare apertè declarat, & similiter cap. 9. de se dicit, *Non sum liber?* & postea libertatem hanc declarat, quia potestatem habebat manducandi & bibendi ex bonis fidelium, & nihilominus subiungit, *sed non vsum sumus hac potestate.* Igitur erat liber, quia potestatem habebat vtendi, & non vtendi, & hæc est potestas indifferentiæ, quam vocamus libertatem à necessitate.

Respondent aliter hæretici, hominem quidem secundum se spectatum etiam in natura lapsa habere hanc potestatem, tamen in vso per diuinam motionem necessitari semper, ut altera potestate definitè vtatur. Sed hoc multis modis reicitur, primò ad hominem, quia etiam in statu innocentie homo regebatur generali prouidentia Dei, & indigebat motione ipsius; & nihilominus non priuabatur vso libertatis, ut Caluinus conuictus verbis Scripturæ falsus est. Secundò, quia prouidentia Dei non destruit naturam, sed iuuat illam: nec enim fieri potest, ut homo naturam suam libertatem à necessitate habeat,

9.  
Refutatio  
euasio.

Ecclesi. 31.

Numer. 3.

1. Cor. 7.

9.

10.  
Hæretico-  
rum alia  
responsio.

Reicitur  
primò.

Secundò  
reicitur.

habeat, & simul ex natura sua petat talem providentiam, quæ usum libertatis auferat; quod si illam non postulat, verisimile non est Deum suo tantum arbitrio talem providentiæ modum ordinasse, cum suauiter omnia disponat. Sapient. 8. ex quo rectè intulit Augustinus lib. 7. de ciuit. cap. 30. Deum sic administrare omnia quæ creauit, vt rebus singulis suos proprios exercere & agere motus sinat. Tertiò hoc ipsum conuincunt prædicta Scripturæ loca, quia non de sola potestate quasi remota, sed de usu ipso loquuntur: & ideo ob talem usum, vel reprehendunt, vel laudant hominem operantem; quia cum tali potestate & libertate hoc, & non illud operatus est, cum possit vtrumque; loquuntur ergo Scripturæ de homine in hoc statu constituto, & prout nunc de facto operatur, vel motus, vel adiunctus à Deo cooperante cum illo; ergo docent non obstante diuina motione, vel cooperatione absque necessitate, & cum indifferentia potestatis operari. Et ita exposuit Scripturæ testimonia Concilium Tridentinum sess. 6. cap. 5. vt statim latius referemus, & aliis modis hanc veritatem confirmabimus.

Magis Augustinus.

Conc. Trid.

11. August.

Solum, quia in contrarium Augustinus allegatur, ex eius doctrina ad eandem veritatem confirmandam pauca subiiciemus. Nam in primis de liber. arbit. præsertim in 3. à principio libertatem adstruit, quæ necessitatem excludat, vnde cap. 1. ait, *Nulla culpa ostendi potest ubi necessitas dominatur.* Estque attentè notandum motum liberum sæpe ibi ab Augustino *voluntarium* appellari, non tamen ex eo solum quod sponte fiat, sed quia tam voluntariè sit, vt si homo velit, illum cohibeat, & in hoc distinguit illum à motu naturali lapidis, quod in potestate (inquit) non habet lapis cohibere motum, quo fertur inferius, animus verò dum non vult non ita mouetur, & ideo naturalis est lapidi ille motus, homini iste voluntarius. & in eodem sensu dicit in fine, *motus, quo huc, & illuc voluntas conuertitur, nisi voluntarius esset, atque in nostra potestate, nec laudandus esset, neque culpandus.* Et hinc cap. 2. vrget difficultatem, quomodo libertas cum diuina præscientia infallibili cohercat, dicent; *Quomodo est voluntas libera, ubi tam inenitabilis apparet necessitas?* quæ difficultas nulla esset, si libertas tantum esset à coactione, vt per se patet. Eodem modo loquitur de lib. de vera relig. cap. 14. vbi prius ait peccatum adeò esse voluntarium, vt nisi voluntarium sit, non sit peccatum. Et hinc concludit, dubitandum non esse habere animum liberum arbitrium. Quale autem sit hoc voluntarium explicat, dicens; *tales enim seruos suos meliores esse indicauit Deus, si eis seruient liberaliter, quod nullo modo fieri posset, si non voluntate, sed necessitate seruient.* Semper ergo quasi per antonomasiam simpliciter voluntarium vocat illud, quod liberum est, eique necessitatem opponit.

Libertas vt cohercat est præscientia diuinæ, ex eodem Augustinus.

Necessitas libertati opponitur.

12. August.

Et eodem modo loquitur lib. 1. contra Faust. cap. 5. de ciuit. cap. 10. *Multa (inquit) facimus quæ si nolumus, non utique faceremus, quò primus pertinet ipsum velle, nam si volumus, est, si nolumus, non est.* & lib. de grat. & liber. arbit. cap. 3. sic ait, *Cui dicitur, Noli vinci à malo, arbitrium sine dubio voluntatis eius conuincitur, velle enim & nolle propriè est.* & plura specialiter de operibus gratiæ statim afferemus. Neque in aliis locus est sibi contrarius, licet, vt dixi, interdum liberum vocet voluntarium, utique perfectum, etiam

A quoad determinationem ad vnā partem potius quàm ad aliam; & similiter necessitatem aliquando vocat coactionem, quando sit contra modum naturalem operandi voluntatis. Specialiter verò loco illo de gratia Christi loquimur de libertate non tantum à necessitate, sed etiam à seruilis modo operandi, quod apud Augustinum est frequens; dixerat enim ibi per gratiam fieri, *vt non sit terribile, sed suauis mandatum, id est, vt non formidine pœna cogar esse sub lege, sed libera charitate delecter esse cum lege.* Et sic adiungit, *præceptum enim liberè facit qui liber facis, utique perfectà libertate.* nam qui facit præceptum, supponitur facere cum libertate indifferentiæ, quia sine illa non est capax præcepti; quando verò id facit liberè ex amore, tunc perfectè liberè, id est, vt filius, & non vt seruus id facit.

Idem.

B

Hoc ergo catholico principio supposito concludendum est, diuinam gratiam efficacem, id est, per quam re ipsa, sancta opera facimus, proprium modum liberè operandi cum indifferentia necessitatem excludente non auferre. Hæc assertio est de fide tradita olim à Patribus contra Pelagianos, & nostris temporibus specialiter definita contra Lutheranos & Calvinistas. Potest autem probari ex omnibus Scripturæ locis, quibus supra probauimus dari nobis sæpe gratiam sufficientem in actu primo, quæ ex pura hominis resistantia effectum non habet, vt sunt illa, *vos semper Spiritui sancto resistitis, vocati, & renuistis: quosies volui congregare filios tuos, & nolulistis.* Nam in his & similibus locis ostenditur potestas libera à necessitate, quandoquidem ex sola sua voluntate non facit, quod per gratiam potest; dicent fortasse hæc testimonia solum probare gratiam sufficientem, non tollere libertatem, de gratia verò efficaci nihil probare: nam hi qui resistunt, non recipiunt efficacem gratiam. Sed contrà vrgetur primò, quia si homo cum gratia sufficienti est vere liber ad operandum & non operandum, sicut aliquando vtitur illa potestate ad non operandum, ita vtitur etiam interdum eadem potestate ad operandum; ergo sicut liberè resistit, ita liberè cooperabitur gratiæ, si velit.

13. Conclusio.

Probat ex Scriptura.

Instantur.

Expeditur.

Deinde Scriptura hominem sic vocatum & per sufficientem gratiam excitatum monet, ne in vacuum gratiam Dei recipiat, & præcipit, vt conuertatur, & similia Ezechiel. 36. Ierem. 1. Ioan. 6. ad Philip. 3. ergo supponit esse in potestate eius libera actualiter & efficaciter operari cum gratia, nam qui operari non potest nisi ex necessitate ab alio motus, non est capax præcepti, aut exhortationis ad actualem operationem. Tertiò homines etiam quando per gratiam operantur, laudantur de bono opere, & digni censentur mercede, & tamquam fideles operari, & cooperatores Dei, & coadiutores. Matth. 20. 1. Corinth. 3. hæc autem dici non possunt, nisi de liberè ac moraliter operante; nam operata ex necessitate, nec laude, nec mercede sunt digna; ergo non solum qui resistunt, sed etiam qui operantur ex gratia liberè operantur: at in illis gratia est efficax; ergo efficax gratia non inducit necessitatem contrariam libertati.

Opera ex necessitate facta nec laude, nec mercede digna.

Secundò ipsemet Calvinus fatetur, veritatem hanc multis antea sæculis & traditam & creditam in Ecclesia esse, nimirum gratiam Dei etiam in his omnibus qui sanctè operantur, non

14. Fatetur Calvinus.



non tollere veram ac moralem electionem à necessitate liberam, sed in his etiam operibus verum esse illud, qui potuit transgredi, & non est transgressus. facere mala, & non fecit. hæc enim & similia sine gratia efficaci non fiunt, & tamen liberè & cum potestate non faciendi fiunt, & ita intellexerunt has Scripturas antiqui Patres. Et ut alias nunc omittamus, id copiosè ostendit Augustinus lib. de grat. & liber. arbitr. multa congerens testimonia Scripturarum cap. 2. & sequentibus. Vnde Epist. 89. qu. 2. *liberum* (inquit) *arbitrium non tollitur, quia inuatur, sed ideo, inuatur, quia non tollitur.* & lib. 6. de ciuit. cap. 10. *Si necessitas* (inquit) *nostra illa dicenda est, qua non est in nostra potestate, manifestum est quibus rectè, vel perperam viuatur, sub tali necessitate non esse.* ergo etiam quando voluntas rectè operatur, sub tali necessitate non est, cum tamen rectè non operetur sine efficaci gratia, & lib. de prædest. Sanct. cap. 5. *Credere, inquit, vel non credere, in arbitrio est voluntatis nostræ;* ergo etiam qui credit, liberè credit, quamuis sine efficaci gratia non credat, de qua subdit statim idem Augustinus. *Sed preparatur voluntas à Domino.* non dixit, *necessitatur*, sed *preparatur*, quod longè diuersum est; omnia denique Augustini loca suprà adducta ad probandam gratiam adiuuantem voluntatem nostram, & cum illa cooperantem in conuersione sua, & in aliis operibus pietatis ad hanc veritatem confirmandam valent, supposito alio principio eiusdem Augustini, quod *nemo inuatur nisi qui sponte aliquid conatur*, lib. 2. de peccat. merit. cap. 5. & in id Psalm. 26. *Adiutor meus esto,* &c. Denique ubicunque Augustinus docet difficilem esse concordiam gratiæ cum libero arbitrio, simul docet non esse impossibile, & ita esse vnum affirmandum, & aliud non negandum, vt lib. de grat. & lib. arbitr. cap. 1. & seq. & Epist. 46. & 47. Prosper etiam lib. 2. de vocat. gent. cap. 28. expressè docet efficacem gratiam non tollere mutabilitatem voluntatis; quia verò ibi specialiter de dono perseverantiæ loquitur, de illo dono disputando locum illum tractabimus.

Tertiò definita est hæc veritas in Concil. Trid. sess. 6. cap. 5. vbi docet exordium iustificationis sumi à vocatione, qua peccatores vocantur, & per excitantem & adiuuantem gratiam ad suam iustificationem disponuntur, *eidem gratiæ liberè assentiendo*, exponit statim, ideo liberè assentire, quia *neque nihil omnino agat, inspirationem illam recipiens, quippe qui illam abiciere potest.* Vbi apertè declarat, non tantum liberè consentire, quia voluntate consentit, sed etiam quia sine necessitate consentit, cum potestatem abiiciendi inspirationem retineat. Et hanc libertatem comprobatur, quia cum in Scriptura nobis dicitur, *Conuertimini ad me, & ego conuertar ad vos*, libertatis nostræ admonemur: nemo cum illo modo inuitatur, nisi qui in potestate sua habet & conuerti, & non conuerti. Nec dubitari potest, quin Concilium in toto illo capite generatim de gratia loquatur, quæ interdum sufficiens, interdum efficax esse potest, tum quia nisi gratiam efficacem comprehenderet, hæreticorum sententiæ, quam præcipuè refellere intendit, non opponeretur, tum quia non satis doceret conuersionem & dispositionem ad iustitiam esse liberam, quia illa conuersio non fit, nisi per gratiam efficacem: illud autem est contra intentionem eius, & contra verbum, ait enim per motionem illam gratiæ hominem *non nihil omnino agere illam inspi-*

Fr. Suarez de Gratia Pars I l.

**A** rationem recipiens; de illo ergo, qui aliquid agit in sua conuersione, iam habet gratiam efficacem. Sic ergo certissimum Concilium agere de tota motione gratiæ præuia, quæ non tantum necessaria est ad posse, sed etiam ad agere liberè, ac subinde gratiam efficacem præuiam includere. Et eodem modo idem definit in can. 4. cuius verba, & multa alia in sequenti capite, & infrà contra prædeterminationem physicam amplius vergebimus. Consentit cum hac definitione Concilium Senonen. in Decret. fidei cap. 15. vbi efficacem gratiam dicit non tollere libertatem in actu, quia *non tale est grave trahentis auxilium, cui resisti non possit.* censet ergo hanc libertatem esse à necessitate, & hanc non inducere auxilium efficax quia potestatem resistendi relinquit.

**B** Et ante Concilium Tridentinum indicauit hanc veritatem Concilium Arausicanum, quatenus in can. 8. 15. & 25. docet liberum arbitrium per peccatum primi hominis fuisse infirmatum, inclinatum, & attenuatum, & ita læsum, vt sine gratia Dei nihil boni possit operari. Et ita tantum abest, vt per gratiam tolli dicat liberum arbitrium, vt potius reparari dicat: imò quatenus amissum fuit per peccatum, dicit per illum reddi, qui potuit illud dare. Dicitur autem amissum, vt suprà exposui, quantum ad potestatem sanctè operandi, nam quia hæc potestas per gratiam datur, ideo per eandem dicitur libertas arbitrij reddi; ergo non tollit gratia libertatem, sed restituit illam, iuxta verbum Christi Ioan. 8. quod idem Concilium allegat, *Si filius vos liberauerit, verè liberi eritis.* & hanc libertatem idem Concilium docuit can. 23. dicens, *Quando homines ita faciunt, quod volunt, et diuine seruantes voluntati, quamuis volentes agant, quod agunt, illius tamen voluntas est, à quo preparatur & iubetur, quod volunt.* Et can. 25. propter eandem libertatem dicit. *Baptizatos per Christi gratiam, Christo auxiliante, & cooperante posse, que ad salutem pertinent; si fideliter laborare voluerint, adimplere.* Sunt etiam valde notanda verba Concilij Toletani IV. cap. 65. *Sicut homo propria arbitrij voluntate serpenti obediens perit, sic (vocante se gratia Dei) propria mentis conuersione quisque saluatur.* Vbi est exponenda comparatio, tanta enim libertate dicit hominem conuerti per gratiam, quanta contra gratiam peccauit; sicut ergo peccauit cum libertate excludente necessitatem, ita & nunc per gratiam operatur. Idem docet Concilium Valentin. in Gallia tempore Lotharij cap. 6.

**C** Rationes ad hanc veritatem confirmandam sunt ferè generales de libertate arbitrij. quæ cum proportionem sunt applicandæ. Primò & quasi à priori, quia gratia quantumvis efficax non destruit naturam, sed perficit; ergo non tollit vsum naturalis libertatis, sed perficit. Secunda, quia gratia dat posse operari si homo velit, & iuvat ad operandum, quando homo vult: ex neutro autem sequitur ablatio libertatis, imò vt verè iuuat, oportet, vt illam non auferat. Tertia à posteriori, quia alius homo esset incapax præceptorum, & auxilium supernaturalium, & meriti, ac mercedis, &c. iuxta quam rationem considerandum est, licet absolute loquendo non implicet contradictionem, Deum per aliquam motionem præuiam necessitate voluntatem humanam, nihilominus id repugnare; si seruandæ sunt proprietates mortalium actuum, quas de facto, & secundum fidem Deus obseruat. Vnde quoad hoc error Caluini contradictionem inuoluit, præterquam

August.

Credere, & non credere, arbitrium.

August.

Prosper.

15. Conc. Trid.

Conc. Senon.

Conc. Araus.

Conc. Tolet.

Conc. Valent.

17.

Firmatur rationibus arbitrium liberum. Primò.

Secundò.

Tertiò.

ff

reliquam



Probationes  
contra Cal-  
uinum.

terquam quoddam impietatem etiam loquitur contra diuinam bonitatem. Declaratur & probatur, nam in primis ille hæreticus non solum asserit Deum per motionem gratiæ necessitare voluntatem nostram ad actus bonos, sed etiam per alias motiones similes necessitatem inferre ad actus prauos, etiam intrinsecè malos: hoc autem impium est, & contra diuinam bonitatem, & sapientiam, & ita ex hoc capite inuoluit omnimodam repugnantiam, quia repugnat Deum non prudentissimè & honestissimè operari. Deinde constat ex Scripturis actus nostros ita fieri à nobis, ut possint prudenter præcipi & prohiberi, quantum est ex parte modi operandi nostri: nam de facto præcipiuntur & prohibentur à Deo; si autem Deus necessitaret homines ad hos actus, inepta esset talis prohibitio, vel præceptio; ergo cum hac proprietate etiam repugnat illa necessitas. Simile est de ratione meriti & demeriti, præmij & supplicij; quid enim magis iniustum, quam necessitare hominem ad aliquid faciendum, & postea eum punire, quia id facit: & similiter cessaret ratio præmij si homo nihil de sua libertate in illo promerendo adhiberet, ideoque non posset Deus per iudicium verum, seu tanquam iudex causas hominum, ut sic dicam, terminare, sed solum per potentiam, & absolutum dominium. Docet autem Scriptura Deum longè aliter providere hominibus, cum diuina: ergo providentiæ repugnat illa necessitas, quæ argumenta & similia ex sacris litteris copiosè locupletat Augustinus lib. de gratia & lib. arbit.

August.

Fundamentum autem Caluini non eodem modo soluitur à Catholicis, aliqui enim putant illationem inficiari neminem posse, & ideo posteriorem partem de auxilio physico prædeterminante falsam esse putant; quapropter ad iudicandum in quo Calvinus quoad hunc fundamentum errauerit, quid sit auxilium efficax, & in quo eius efficacitas consistat, & præsertim an physice prædeterminet voluntatem, diligenter inuestigandum est.

## C A P V T V.

*Verum auxilium efficax sit excitans, seu in aliqua excitatione positum, præsertim iuxta mentem Augustini.*

1.

Auxilium efficax quid addat ultra sufficiens.

**R**iectis hæreticis, superest controuersia cum Scholasticis, quæ in hoc maxime posita est, ut declaremus, quid addat auxilium efficax ultra sufficiens. Et quoniam ex dictis in præcedenti libro constat, auxilium sufficiens, generatim loquendo, actu dari per auxilia excitantia, primum omnium inquirendum proponimus, an intra latitudinem auxilij excitantis detur aliquid verè efficax, & à sufficiente distinctum. In quo puncto una opinio est, auxilia excitantia intra suum ordinem contenta non posse esse efficaciora, sed tantum sufficiens, necessariumque esse, addi illis auxilium aliquod gratiæ adiuuantis ut efficaciora fiant. Quale autem sit hoc auxilium adiuuans, in quo efficacitas auxilij consistit, duobus modis iuxta duas opiniones explicatur. Prima dicit, illud auxilium adiuuans esse simultaneum, seu

Auxilium adiuuans qualesc.

**A** concomitans, quia non putat dari auxilium adiuuans præuium, sed re vera nisi hoc amplius explicetur, non satis est ad saluandum auxilium efficax præuium, quod faciat nos velle: nam auxilium adiuuans simultaneum, licet nobiscum faciat velle, & ad hoc sit efficax, non tamen facit nos velle, efficaciter inducendo voluntatem, ut in capite primo libri præcedentis explicatum est.

Propter hoc ergo altera opinio, quam moderni Thomistæ nunc communiter defendunt, distinguit duplex auxilium adiuuans, scilicet præueniens, & simultaneum, dicitque efficax præueniens, quia excitans auxilium non est efficax, ut supponitur, & solum auxilium adiuuans concomitans non dat efficacitatem præuiam, sed simultaneam, quæ non satis est ad saluandum auxilium præuium efficax, de quo tractamus; ergo efficacitas hæc ponenda est in auxilio aliquo adiuuante præuium. Primum autem principium, in quo istæ opiniones conueniunt, scilicet auxilium in suo ordine sistens non esse efficax iuxta mentem dictorum auctorum probari potest, quia auxilium præuium simpliciter efficax debet infallibiliter habere effectum liberi consensus voluntatis excitatæ, sed auxilium præcisè excitans non potest infallibiliter habere talem effectum; ergo non potest esse efficax; ergo. Maior supponitur ex dictis in primo capite huius & præcedentis libri. Minor probatur primò ex Concilio Tridentino sess. 6. cap. 5. & can. 4. absolute, ac proinde generaliter definiente, posse voluntatem huius excitationibus, id est, illuminationibus & inspirationibus resistere. Secundò, quia auxilium excitans nunquam potest habere dictum effectum, sine auxilio adiuuante; ergo non potest esse efficax sine illo. Tertiò, quia auxilium excitans non prædeterminat voluntatem ad vnum; ergo non est efficax.

Nihilominus assero auxilium efficax præueniens ordine naturæ consensum liberum voluntatis esse quoddam auxilium excitans, ita ut auxilium excitans in genere sumptum abstrahat à sufficiente & efficaci, & in illa diuidi possit tanquam in membra distincta intra latitudinem auxilij excitantis. hanc asseritionem tenent omnes auctores, qui admittunt auxilium efficax præueniens, & physicam prædeterminationem negant, ut infra videbimus. Eamque ex doctrina Augustini sic colligo: Vocatio Dei est gratia excitans, sed vocatio aliqua non est tantum sufficiens, sed etiam efficax, ideoque de se vocatio abstrahit à sufficienti & efficaci; ergo similiter gratia excitans abstrahit à sufficienti, & efficaci, daturque aliquod auxilium excitans & efficax: consequentia evidens est, maior etiam nota est, vel ex ipso nomine vocationis, nam per vocationem mens excitatur. Vnde Conc. Trid. sess. 6. c. 5. exordium salutis dicit sumi à vocatione, qua sine meritis homines vocantur; ut qui per peccata à Deo auerserant, per eius excitantem atque adiuuantem gratiam ad conuertendum se, disponantur. Incipit ergo vocatio ab excitante gratia, & in illa maxime consistit: vnde cap. 6. subiungit; disponantur autem ad ipsam iustitiam dum excitantur diuina gratia & adiuti fidem ex auditu concipientes, &c. Idem docuit Augustinus dicta questione 1. lib. 1. ad Simplician. in fine, dicens, Quis potest credere nisi aliqua vocatione, hoc est, aliqua rerum testificatione tangatur. Tactus autem cordis per gratiam excitantem

2.  
Distinguitur auxilium adiuuans in præueniens, & simultaneum.

3.  
Assertio.

Colligitur ex Augustino.

Concil. Trid.

Vocatio ab excitante gratia.

August.

Propter

citantem sit; ergo secundum Augustinum vocatio est gratia excitans. Arque ita Prosper lib. 2. de vocat. gent. cap. 26. varios modos recenset, quibus Deus hominem præuenit, ac præparat voluntatem, *ut diuinis*, inquit, *excitata præsidio diuino in se cooperetur operi.* Subdit inferius, *ipsa enim gratia hoc omni genere medendi atque auxiliandi agit, ut in eo quem vocat primam sibi recipere & famulam donorum suorum, præparet voluntatem.* Ex mente ergo horum Patrum vocatio sit per gratiam excitantem, per quam etiam voluntas à Domino præparatur.

4.

Superest ergo, vt minorem propositionem, in qua est rationis vis, ex doctrina Augustini ostendamus: multa enim sunt apud illum loca, in quibus duas vocationes distinguit, quarum altera sufficiens tantum, altera etiam efficax est, quod licet sub his terminis fortè non dicatur ab Augustino per definitiones, nihilominus res eadem explicatur. Insignis locus est in lib. 1. ad Simplician. quæst. 2. circa mediam, vbi primum inquit, *quia non præcedit voluntas bona vocationem, sed vocatio bonam voluntatem, propterea vocanti Deo tribuitur, quod bene volumus, nobis verò tribui non potest, quod vocamur.* Vnde infert sententiam in hac materia valde notandam, *non igitur ideo dictum esse putandum est, non volentis, neque currentis, sed miserentis est Dei, quia nisi eius adiutorio non possumus adipisci quod volumus, sed ideo potius, quia sine eius vocatione non volumus.*

Argumentum primum.

Ex qua sententia primum argumentum sumimus: nostrum enim velle bonum maximè tribuitur soli Deo propter gratiam efficacem, etiam ex doctrina aliorum auctorum: at verò secundum Augustinum, Nostrum bonum velle non tribuitur soli Deo propter adiutorium, sed propter vocationem, ac subinde propter gratiam excitantem; ergo excitans gratia & vocatio aliqua, secundum Augustinum, est auxilium efficax: vnde statim Augustinus hanc vocationem dicit esse *effectricem bonæ voluntatis.* Deinde verò obicit, *si vocatio ista ita est effectrix, ut omnes eam vocati sequantur, quomodo verum est: Multi sunt vocati, pauci verò electi?* & in summa respondet, non omnem vocationem esse ita effectricem bonæ voluntatis, sed quandam esse quam vocati non sequuntur, utique quamuis possint, & illa de se est sufficiens, alia est, quam vocati sequuntur, & hæc est efficax bonæ voluntatis, & hoc est quod ait, *Igitur non volentis, neque currentis, sed miserentis est Dei, qui hoc modo vocauit, quomodo aptum erat eis, qui sequuti sunt vocationem: ad alios autem vocatio quidem peruenit, sed quia talis fuit, quæ moueri non possent, ut eam capere apti essent, vocati quidem dici potuerunt, sed non electi.* Distinguit ergo ipsam vocationem in sufficientem & efficacem, quamuis aliis nominibus illas describat, nam vnā vocationem dicit esse cui vocatus non se accommodat, nec obtemperat, & hæc est sufficiens, aliam dicit esse quæ commodo præstatur, quo ei, qui vocatur, aptum est vt vocationem sequatur, & vocantem non respuat, & hæc est efficax, quia nunquam effectui suo frustratur. Vnde in fine quæstionis excitanti gratiæ expressè tribuit hanc efficaciam, dicens; *igitur non volentis, neque currentis, sed miserentis est Dei, quandoquidem nec velle, nec currere, nisi eo mouente atque excitante, poterimus.*

Argumentum secundum.

Alter locus Augustini est lib. de Prædestin. Sanct. in quo sapissimè efficaciam diuinæ gratiæ. *Fr. Suarez de Gratia Pars II.*

A tiaz, qua electionem, & prædestinationem Sanctorum Deus exequitur, in excitante gratia maximè ponit, quatenus per eam electos suos ita vocat, vt faciant quod Deus intendit, quod est proprium munus efficacis gratiæ. Sic cap. 2. ait, *Operatur Deus fidem nostram, miro modo agens in cordibus nostris, ut credamus.* Quis autem sit ille mirus modus, exponit cap. 8. dicens, *Omnis, ut dicit Veritas, qui audiuit à Patre, & didicit, venit, valde remotè est à sensibus carnis ex schola, in qua Pater audiuit, & docet ut veniat ad Christum.* & infra, *Multos venire videmus ad Christum, sed ubi, aut quomodo à Patre audierint, hoc non videmus, mirum gratia ista secreta est, gratiam verò esse quis ambigat?* & eodem modo nos dicere possumus gratiam esse excitantem quis ambigat? quid enim est doctrina interior Spiritus sancti, nisi eius illuminatio & inspiratio, quibus ipse tangit hominum corda, illaque excitat? Est ergo illa gratia excitans; efficaciam autem eius declarat Augustinus, dicens, *Hæc itaque gratia, quæ occulte humanis cordibus diuina largitate tribuitur, à nullo duro corde respuitur, ideo enim tribuitur, vt cordis duritia penitus auferatur.* Alludens ad illud Ezechielis 26. *Auferam cor lapideum de carne vestra, dabo vobis cor carneum.* Merito ergo gratiam illam efficacem appellamus, cum ita cor hominis tangat, vt etiam induratum illi non resistat, sed duritiam eius auferat. Eandem verò esse vocationem efficacem in eodem lib. cap. 16. declarat Augustinus, dicens, *Vocat Deus prædestinatos multos filios suos ut eos faciat membra prædestinati vnici filij sui, non ea occasione, qua vocati sunt, qui noluerunt venire ad nuptias, sed ea vocatione prædestinatos vocat, quam distinxit Apostolus, dicens, ipsis vocatis Iudæis & Græcis, &c. & infra. Sic enim ait ipsis vocatis ut illis ostenderet non vocatos, sciens esse quamdam vocationem eorum, qui secundum propositum vocati sunt, &c. quam etiam ait esse significatam à Paulo ad Roman. 9. dicente, non ex operibus, sed ex vocante. & addit, non quancumque vocatione, sed qua vocatione sit credens; ecce efficaciam, idèoque de eadem vocatione intelligit aliam sententiam Pauli ad Roman. 11. *sine penitentia sunt dona & vocatio Dei, idèst, inquit, sine mutatione stabiliter fixa sunt ad hanc vocationem qui pertinent, omnes sunt docibiles Dei.* & infra præuenit eum miseræ ordia Dei quia sic vocatus est ut crederet. eandemque appellat vocationem ex proposito in cap. 18. quia procedit ex definito proposito Dei, & est medium efficax quo illud impletur & de illa tandem exponit in cap. 20. quod de purpuraria dicitur Act. 16. *Dens aperuit sensum eius, &c. dicens, Sic enim vocabatur ut crederet.**

B

Auguſt. *Auguſt. Ezech. 26.*

C

Declaratur vocatio efficax.

D

6.

E

Argumentum tertium.

Auguſt.

Ezech. 26.

Declaratur vocatio efficax.

Argumentum tertium.

Adhuc de-  
tionis

F f 2

clarior ef-  
ficacia vo-  
cationis.

Distingui-  
tur vocatio  
nem electo-  
rum, & com-  
munem.

7.  
Argumentum  
quartum.

tionis efficaciam, subdit, *ex istis nullus perit, quia omnes electi sunt: electi sunt autem, quia secundum propositum vocati sunt, propositum autem non suum, sed Dei.* Ac tandem duas vocationes iterum distinguit, vnam electorum, quam vocat secundum propositum, aliam communem, qua multi sunt vocati, pauci vero electi, quia licet sit sufficiens, non est efficax, sed illi resisti potest, & resistitur; alia vero ita est efficax ut impossibile sit carere effectu, ut in discursu totius capituli late declarat. Vnde autem illa efficacia proueniat cap. 8. ponit per aliam sententiam sibi familiarem, *preparatur voluntas à Domino*, qua preparationem ubique declarat à Deo fieri per auxilia excitantia illuminationum, & inspirationum, seu per vocationem efficacem.

De quo est quartum, & optimum testimonium in epist. 107. ad Vitalem, vbi tractans eandem sententiam dicit, *non ideo preparare Deum voluntatem, quia legem, atque doctrinam libero eius adhibet arbitrio, sed quia vocatione illa acta atque secreta, sic eius agit sensum, ut etiam accommodet assensum.* & inferius ait, *quomodo dicitur quod per legem Dei atque doctrinam Scripturarum fiat, quod eadem Scriptura dixit preparatur voluntas à Domino, ac non potius per occultam inspirationem gratia Dei, &c.* Quid autem est occulta inspiratio nisi quædam occulta excitatio: illa ergo preparatio sicut sufficienter fit per quandam communem excitationem, ita efficaciter fit per aliam, quam Augustinus vocat occultam, altam, atque secretam, quam etiam aliis locis, præsertim in lib. de grat. Christi cap. 13. & 14. internam doctrinam appellat, quæ sine dubio ad gratiam excitantem pertinet, ut in lib. 3. visum est.

8.  
Argumentum  
quintum.

Quintò facit quod Augustinus lib. 83. quæstionum qu. 68. vocationi diuinæ tribuit quod sit illa efficax gratia, per quam Deus ipsum velle operatur in nobis; dixerat enim Deum non misereri peccatoris, nisi voluntas præcæserit, & quoniam velle quisque non potest, nisi admonitus & vocatus, siue intrinsecus, vbi nullus hominum videt, siue extrinsecus per sermonem sonantem, vel alia signa visibilia efficitur, ut etiam ipsum velle Deus operetur in nobis. & quia quidam vocati veniunt, alij non veniunt, subiungit eos, qui veniunt, sibi tantum id tribuere: qui autem veniunt, non sibi, sed vocationi, per quam nimirum preparata est eorum voluntas à Domino, ut ipsemet Augustinus recognoscendo locum hunc declarauit 1. Retract. cap. 26. & ideo in priori quæstione concludit, *hæc autem vocatio qua siue in singulis hominibus, siue in populis, atque in ipso genere humano per temporum opportunitates operatur, alta & profunda ordinationis est.*

9.  
Argumentum  
sextum.

Sextus locus sit ex lib. de grat. & lib. arbit. cap. 5. vbi gratiam efficacem datam à Paulo ut conuerteretur, ponit in vocatione, dicens, *ut autem de celo vocaretur, & tanta magna & efficacissima vocatione conuerteretur, gratia erat sola, nam merita erant magna, sed mala.* Ex qua ratione intelligitur illam dictionem exclusiuam, sola, non excludere liberam cooperationem Pauli in sua conuersione, nam proximè antea dixerat illam gratiam non tollere propriam voluntatem, & iterum, *nec ipse solus, nec gratia Dei sola, sed gratia Dei cum illo*, in prioribus

ergo verbis excludit illa particula omne voluntatis meritum, nam hoc est quod ibi contra Pelagianos ostendit, nimirum conuersionem non esse ex meritis, & ideo ait processisse in Paulo merita, sed mala, quæ non poterant gratiam mereri, sed potius indignationem, & ideo talis vocatio gratia sola fuit, id est, nullius meriti merces; ergo si illa vocatio magna fuit, & efficacissima, ut Augustinus dicit, fuit etiam gratia, seu auxilium non tantum sufficiens, sed etiam efficax: ergo apud Augustinum non solum gratia adiuuans, pro ut ab excitante distinguitur, sed etiam gratia excitans, qualis est vocatio, gratia, seu auxilium efficax, & hæc loca sunt valde notanda tanquam capitalia in hac materia, præsertim, quia etiam auctores contrariæ sententiæ, cum quibus disputamus ad probandum auxilium efficax, illis maxime vruntur.

Ex quibus & similibus locis formari possunt plures rationes, quibus in doctrina Augustini intentum conuinci videtur, vna est, quia illa est gratia efficax, per quam Deus facit ut velimus, & ut faciamus, ut late docet idem Augustinus lib. de grat. & liber. arbit. cap. 14. 16. & 17. Sed gratia per quam Deus facit ut faciamus, est vocatio; ergo talis vocatio est gratia efficax, ac subinde excitans; minor sumitur ex eodem Augustino eodem libro de grat. & lib. arbit. cap. 16. dicente, *Certum est nos facere cum facimus, sed ille facit ut faciamus, præbens vires efficacissimas voluntati.* vbi expendenda est particula, vires, significat enim non actionem, sed virtutem agendi, & hanc dicit esse efficacissimam, & per gratiam præuenientem & excitantem dari, ut itatim explicat istis verbis, *certum est nos seruare mandata cum volumus, sed quia preparatur voluntas à Domino.* & iterum, *Certum est nos velle cum volumus, sed ille facit ut velimus bonum, de quo dictum est, preparatur voluntas à Domino, de quo dictum est, à Domino gressus eius dirigantur, & viam eius vult, de quo dictum est, Deus autem est, qui operatur in vobis & velle.* Docet autem idem Augustinus lib. 83. quæstionum q. 68. ut iam retuli, vocationem esse per quam Deus hæc omnia facit, dicens, *quoniam nec velle quisquam potest nisi admonitus & vocatus, &c.* efficitur ut & ipsum velle Deus operetur in nobis. Idem tradit idem Augustinus tract. 26. in Ioann. & serm. 2. de verb. Apost. & de prædest. Sanct. cap. 19. illa vocatione (ait) quæ siue pœnitentia est, id prorsus agitur & peragitur, ut credamus

Similis ratio est, quia gratia efficax est quam Deus confert prædestinatis ut saluentur, sed medium potissimum quo saluantur prædestinati, est quædam vocatio, quam Augustinus vocat ex proposito; ergo illa est gratia efficax; consequentia est clara. Maior est Augustini lib. de bonor. persecut. cap. 14. vbi definit prædestinationem Sanctorum, dicens, *Nihil aliud est, quam præscientia & preparatio beneficiorum Dei, quibus ætèrnis liberantur, quicumque liberantur.* vbi notanda est particula, certissime, nam per illam significare voluit Augustinus efficaciam mediocriorem, ut est notum in eius doctrina. Minor vero colligitur ex eodem capite, sic enim statim subiungit, *Ex quo apparet habere quosdam in ipso ingenio diuinum naturaliter munus intelligentia, quo moueantur ad fidem, si congrua suis mensibus vel*

10.  
Ratio pro  
D. Augusti-  
no.

August.

11.

audians



audiunt verba, vel signa conspiciant. quæ verba A  
propter gratiam excitantem & congruentem manifestæ sunt dicta. Item ex lib. de corrept. & grat. cap. 7. 9. & sequentibus, ubi latè declarat, Deum dare prædestinatis perseverantiam per vocationem secundum propositum suum, quam qui accipiunt, infallibiliter perseverant, ac proinde efficaciter iuvantur.

11. Alia ratio. Alia denique ratio esse potest, quia Deus dat efficacem gratiam preparando voluntatem, ut sæpe in citatis locis Augustinus affirmat, & in Enchirid. cap. 32. de don. persever. cap. 8. 1. Retract. cap. 22. & lib. 2. cap. 4. Sed Deus præparat voluntatem per gratiam provenientem, quæ sit vocatio congrua, ut eisdem locis idem Sanctus docet, præsertim dicta quæst. 2. ad Simplician. Ergo illa eadem vocatio est gratia efficax excitans. Consequentia est clara in eadem sententia Augustini. Tandem possumus hoc concludere ex principiis suprâ positis, quia gratia efficax prævia, seu quæ facit, ut velimus, non est auxilium concomitans, seu concursus, aut influxus simultaneus; ergo esse debet gratia excitans. Antecedens probatur, tum quia per influxum simultaneum non facit Deus ut velimus, sed ipsum velle facit nobiscum: per auxilium autem efficax facit ut velimus, tum quia proprium auxilium efficax, de quo tractamus, fit à Deo solo in nobis sine nobis, utique liberè cooperantibus: auxilium autem concomitans non fit in nobis sine libera cooperatione nostra; tum denique, quia auxilium efficax prævium datur, ut præparet voluntatem, concomitans verò, ut adiuvet præparatam; ergo propria gratia efficax non est ipse simultaneus concursus, seu influxus. Consequentia verò prima probatur, quia inter actuales gratias nulla est, quam Deus in nobis sine nobis efficiat, nisi gratia excitans, ut in lib. 3. probatum est, & in sequentibus probandum est latius, hoc enim solum ferè superest in hoc libro examinandum.

12. Ad fundamentum autem prioris sententiæ, negamus minorem, nam dari potest aliqua vocatio, seu gratia excitans, ex qua infallibiliter sequatur liber consensus. & ad primam probationem ex Concilio Tridentino negatur consequentia, stat enim voluntatem posse resistere, & infallibiliter non resistere: quomodo autem hæc duo coniungantur, in sequentibus Inquirendum est, nam hoc opus & hic labor est. Ad secundam probationem negatur consequentia, nam vocatio, aut excitatio non dicitur efficax, quia sola sine auxilio adiuuante faciat consensum, hoc enim in illa sententia necessarium, aut verum est, quia utrumque auxilium utique excitans, & adiuuans simul necessarium est, ut actus supernaturalis fiat; vnde in superiori libro etiam de auxilio vndique sufficiente diximus debere utrumque auxilium aliquo modo includere; ergo multo magis efficax. Non ergo dicitur auxilium excitans, quia solum facit, sed quia in suo ordine tale est ut infallibiliter consequatur effectum, ac subinde, ut infallibiliter habeat coniunctum, vel secum afferat necessarium auxilium adiuuans. Vnde autem hoc habere possit aliquod auxilium excitans, postea videbimus, ut iam dixi. Ad tertium denique negatur consequentia, quia efficacia auxilij non consistit in prædeterminatione, ut dicemus.

Fr. Suarez de Gratia Pars II.

## C A P V T V I.

An efficax auxilium consistat in motione, vel effectione, de se & natura sua prædeterminante physicè voluntatem humanam ad vnum actum, & exercitium eius.

Diximus auxilium efficax consistere in quadam efficaci vocatione. aggredimur iam exponere in quo consistat eius efficacia, vel quomodo fiat, quidve addat communi vocationi. In quo puncto duæ sunt opiniones celebres, una de physica prædeterminatione, altera de congrua vocatione, de quibus suo ordine dicendum est: ut autem circa priorem clarè procedamus, necessarium est accuratè prius explicare terminos ut sine confusione, vel æquivocatione omnia puncta, quæ in hac sententia occurrunt, tractare possimus. Et in primis verbum *determinandi*, à quo verbum *prædeterminandi* compositum est, declarandum est, deinde quid addat illa particula *præ*, & consequenter quid nomine prædeterminationis significetur, vel quotuplex illa esse possit, aperiemus. *Determinare* igitur iuxta primam vocis significationem idem est, quod terminum rei designare, aut constituere, siue id exterius fiat, ut in agris & regionibus fieri solet, siue per sententiam, vel decretum, sicut dicitur iudex determinare causam, vel superior determinare quid sit agendum suo utique præcepto. Hinc ergo, quia voluntas de se indifferens est, ad ea, ad quæ est libera, determinari dicitur, cum ad alteram partem inclinatur, vel definitur, & quando id fit cum aliqua antecessione, dicitur prædeterminatio. Vtrumque autem multis modis fieri potest, quos distinguere oportet & omnes quæ ad præsentem causam non faciunt, clariùs procedamus.

Duobus igitur modis potest actus voluntatis humanus denominari prædeterminatus à divina voluntate, scilicet obiectivè tantum, & per quandam extrinsecam denominationem, vel effectivè influendo aliquid, quod sit intrinsecè in voluntate humana, & determinet illam. Sic inter homines pater dicitur apud se determinare, quem statum filius accipere debeat, & è converso statum ille dici potest prædeterminatus in voluntate patris. Item dicitur voluntas subditi determinari à voluntate superioris, qua illi præscribit, quid agere debeat. Voluntas enim superioris nihil ponit in voluntate subditi, nec modum operandi eius immutat, sed solum præscribit, & definit materiam, circa quam versari debet, & ita dicitur determinare illam, extrinsecè imponendo illi obligationem, vel obiectum eius moraliter mutando. His ergo modis dici potest voluntas Dei determinare voluntatem hominis. Primò quidem per voluntatem, quam vocant signi, seu præceptivam, quæ determinatio non est quoad exercitium, nec ponit aliquid in ipsa virtute agendi voluntatis creatæ, nec inducit necessitatem oppositam libertati simpliciter, sed oppositam libertati à præcepto: vnde hic modus prædeterminationis nihil ad præsens refert. Secundo potest etiam dici, Deus determinare actum

1.

De terminare quid.

2.

Actus voluntatis humanæ quod modis nominetur prædeterminatus à voluntate divina.

Conclusio 1.

Conclusio 2.

voluntatis humanæ obiectivè & per denominationem extrinsecam, solum quia æterno decreto absoluto suæ voluntatis secum statuit, ut voluntas humana in tempore talem actum liberum suæ voluntatis habeat. Nam tale decretum Dei cum sit liber, est quædam determinatio voluntatis eius, quia Deus in hoc liber ostenditur, quod se ipsum determinare potest, ut dixit D. Thomas 1. p. qu. 19. art. 3. & in 2. d. 25. q. 1. art. 1. ad 3. per illud ergo decretum determinat Deus voluntatem suam ad volendum, ut homo in tempore velit, & ideo actus ille voluntatis humanæ denominari potest determinatus, vel ex æternitate prædeterminatus à voluntate divina. Hæc autem prædeterminatio in Deo existens per se ac præcisè spectata non immutat voluntatem humanam, nec limitat, aut coarctat intrinsecè eius indifferentiam, sed solum extrinsecè, & obiectivè denominat illum actum hominis determinatum, sicut actus immanens in potentia denominare solet extrinsecè obiectum suum, sicut volitio denominat volitum obiectum suum, ut visio visum, ut auditio auditum, &c.

3. Quamvis autem magna quæstio esse possit, an Deus isto modo prædeterminet sua æterna providentia actus liberos futuros in tempore à voluntate humana, nunc verò non illam quæstionem tractamus, quia illa prædeterminatio non est aliud, quàm prædeterminatio quædam talis actus humani, vel hominis ad agendum in tempore talem actum, loquendo nimirum de prædestinatione ut ad voluntatem Dei pertinet, & in æterno illius proposito consistit, nunc autem de prædestinatione non agimus, sed de gratia: esto igitur habeat Deus illud propositum, quo prædestinet talem actum, per illud prædeterminat illum obiectivè & denominativè, ut dixi, non subiectivè, vel effectivè; quia sicut prædeterminatio per se & formaliter nihil ponit in prædestinato, sed executio prædestinationis est passivè in prædestinato, ut dixit D. Thomas 1. p. q. 23. art. 2. Ita dicendum est de prædeterminatione Dei in hac significatione sumpta: nam dicit in Deo eundem omnino actum, si respectu eiusdem obiecti sumatur. Et sicut prædestinatio differt à gratia prope est donum nobis datum, tamquam æternum à temporali, seu tamquam causa ab effectu, ita differt hæc prædeterminatio à gratia efficaci, de qua tractamus: ideòque sicut in præfenti non agimus de prædestinatione, ita nec de prædeterminatione in hac significatione sumpta.

4. Eadèque ratio est de diuina præfinitione, illa in usu Scripturæ & Patrum cum prædestinatione coincidit. Nam definire in hac materia idem est, quod mentis consilio ac proposito voluntatis aliquid proponere, vel statuere, ut 1. Reg. 20. dicitur, *Intellexit Ionathas quod definitum esset à patre suo, ut interficeret David* & 1. Machab. 1. *Multi de populo Israel definierunt apud se, ut non manducarent immunda.* Et in eodem sensu tribuitur Deo Actor. 27. *Definiens statuta tempora,* &c. & cap. 2. *Hunc definito consilio & præscientia Dei tradidit,* & Luc. 22. *filius hominis secundum quod definitum est vadit.* Quia verò Dei propositum æternum est, ideo Deus non solum definire, sed etiam prædefinire dici potest quidquid suo æterno decreto fieri statuit; quod decretum præfinitio vocatur Ephes. 3. ibi secundum præfinitionem seculorum: ubi Græcè habetur nomen *προβλεψισ*, quod *propositum* significat: unde ibi particula *πρὸ* solum significare videtur ante-

A cessionem propositi interni ad executionem externam, quæ in hominibus temporanea est, & ideo rectè dicitur in Deo semper indicare ante-cessionem æternitatis.

Quamvis alia etiam ratione possit illa particula *πρὸ* addi verbo definiendi, ut significet non solum ante-cessionem æternitatis decreti ad executionem eius, quæ in tempore fit, sed etiam ut in ipsa æternitate significet ante-cessionem rationis propositi voluntatis ad præscientiam futurorum, quam volunt aliqui esse propriam significationem verbi præfinitionis, ut Deo attribuitur in Scriptura, nihil in hoc colligi potest, quia in ea non inuenitur verbum hoc compositum *πρὸς* definitio, sed tantum simplex *definitio*, ut ex allegatis locis manifestum est, & in nullis aliis inuenitur. Neque etiam aliunde potest illa verbi impositio, aut proprietas ostendi: unde licet non negem posse particulam *πρὸ* in illa significatione sumi, nihilominus id non exigit verbi proprietas, vel significatio, sed iuxta materiæ capacitatem loquendum erit, quod etiam de verbo prædestinandi intelligendum est, nam hæc duo verba idem significant. Imò in Scriptura, ubi in vulgata Latina hæc verba variantur, in Græco idem verbum respondet quod est *ἐπι*, vel *ἐκ* *ἐπι*, ubi est verbum *ἐκ* *ἐπι* semper ponitur in vulgata verbum *prædestino*: ut Roman. 8. *quos præscivit, & prædestinavit*; & iterum, *quos prædestinavit, hos & vocavit*, & ad Ephes. 1. *qui prædestinavit nos*; & iterum *prædestinati secundum propositum eius*, & 1. Corinth. 2. *quam prædestinavit Deus ante secula.* Ex quibus ultimis verbis intelligimus particulam *πρὸ* ex intentione Pauli significare ante-cessionem æternitatis, & in his omnibus respondet Græcè verbum *ἐκ* *ἐπι*. At verò ubi inuenitur in nouo Testamento Græcum verbum *ἐπι*, in vulgata ponitur verbum *definitio*, sine præpositione, ut patet ex locis Lucæ, & Actorum supra citatis. Solum ad Roman. 1. ubi Græcè habetur simplex participium *ἐκ* *ἐπι* noster interpres, vertit *prædestinatus*, nam quia illa destinatio, seu definitio æterna est, non dubitavit interpres illam vocare prædestinationem. Unde etiam intelligitur, illam particulam *πρὸ*, in rigore solum significare ante-cessionem æternitatis diuini propositi ad executionem eius tam in verbo *prædestinandi*, quam in verbo *prædeterminandi* in illa prima acceptione sumpti, nam hæc in rigore, ut dixi, idem sunt.

6. Possuntque hæc confirmari ex verbis Dionys. cap. 5. de diuinis nominibus, in fine, quem locum obiter etiam hic declarabimus, est enim celebris in hac materia, & aliqui non rectè illo utuntur. Agens ergo Dionysius de diuinis exemplaribus seu ideis, inquit iuxta translationem Ambrosij Florentini: *Exemplaria verò esse dicimus rationes in Deo substantificas rerum, & singulariter ante subsistentie, quas prædestinationes Theologia vocat, & bonas, diuinæque voluntates, eorum, que sunt, definitrices atque effectrices, secundum quas ipse super-substantialis Deus, que sunt, omnia prædestinavit atque produxit.* Vbi in primis quoad verba attinet, aduerto, ubi prius exemplaria vocantur *prædestinationes*, secundum aliam translationem, quam D. Thomas commentatur vocari *prædeterminationes*. Unde idem D. Thomas in commentario sub distinctione dicit, *quas sacra Scriptura vocat prædeterminationes, seu prædestinationes*, pro certo habens illa verba esse synonyma. Et ubi postea ipse idem dicitur *definitrices, & effectrices*, illa versione apud D. Thomam

D. Thom.

1. Reg. 20.

1. Mach. 1.

Act. 27. &amp; 2.

Luc. 22.

Ephes. 3.

ut præ,  
notio.

5.

Rom. 8.

Ephes. 1.  
1. Cor. 2.

6.

Dionys.

D. Thomam dicuntur *prædeterminatiue* : alia autem versio habet, *discretiue & effectiue* ; & in ultimo loco habetur apud eundem D. Thomam verbum *prædefiniuit*, pro verbo *prædestinauit*. D. Thomas autem loco utriusque posuit *prædeterminauit*, sentiens hoc verbum Deo attributum etiam significare internum mentis propositum, & in ea significatione idem esse quod prædestinare, vel definire.

7. Deinde aduerto vocare Dionysium ipsa exemplaria, seu ideas *prædestinationes*, seu *prædefinitiones*, addique etiam vocari *diuinas voluntates*, quia, ut ibi notat D. Thomas, rationes rerum possibilem in mente Dei secundum se spectatz, antequam Deus velit ad illarum imitationem aliquid ad extra producere, non habent rationem exemplarium, & ita per voluntatis præfinitionem quasi complentur in ratione exemplarium, & ideo & præfinitiones & prædestinationes & voluntates Dei esse dicuntur. Vnde aduertit ibi Carthusianus non loqui ibi Dionysium de prædestinatione in eo rigore, quo electis tribuitur prædestinatio, sed latiori modo prout dici potest de qualibet præordinatione diuina, siue sit de premio, siue de pœna, & siue sit ante, vel post præscientiam aliquius rei futuræ, & siue sit præfinitio absoluta rei in se, siue sufficiens tantum, & in causis suis. Nam quælibet istorum ad rationem idearum, seu exemplarium constituendam sufficit. Denique addi potest exemplum simile de verbo *præparandi*, ex D. Thoma 1. p. q. 23. art. 2 ad 3. ubi ait verbum illud dupliciter posse tribui Deo, primo pro præparatione æterna ex parte ipsius Dei, quæ est decretum æternum, quo se ab æterno præparauit ad saluandum electum, vel aliquid simile agendum. Et sic ait dici bonam voluntatem humanam esse ab æterno præparatam in mente Dei, quæ præparatio in voluntate creata non est, nisi denominatio extrinseca ab æterno actu Dei. Secundo verò modo dicitur Deus præparare voluntatem humanam in tempore efficiendo aliquid in illam, quo illam disponat, & intrinsecè præparatam reddat. Idem ergo est, seruata proportionè, de verbo *prædeterminandi*.

D. Thomas.

8. In præsentem ergo per se ac directè non agimus de hac prædeterminatione Dei extrinseca, quia non agimus de prædeterminatione cum qua illa coincidit, sed agimus de gratia efficaci, quæ à prædestinatione differt, tamquam effectus à prima & originali causa, & tamquam temporale quid ab æterno, ut Augustinus docuit lib. de prædest. Sanct. cap. 10. & lib. de don. perseuer. cap. 14. Dico autem præsentem tractationem non esse per se & directè de hac prædeterminatione, quia si vna sit cum altera connexa, indirectè posset ad illam extendi disputatio, & ideo qui ponunt gratiam efficacem in prædeterminatione intrinseca nostræ voluntatis, magnam vim in hoc faciunt quod omnes actus nostri liberi arbitrij sint prædestinati, præfiniti, seu prædefiniti, & in dicto sensu prædeterminati in proposito ac decreto absoluto diuinæ voluntatis, non solum prius secundum æternitatem, sed etiam secundum antecessiorem rationis diuini decreti ad præscientiam futurorum, quia putant ex tali prædeterminatione extrinseca sequi intrinsecum in nostra voluntate per gratiam, vel motionem efficacem, quia nullo alio modo potest illud decretum prædeterminationis Dei infallibiliter impleri; alij verò in contrario extremo ut prorsus caueant à tali modo gratiæ efficacis quem putant esse contrarium libertati, negant etiam illum

Augustinus.

A modum prædeterminationis, seu prædestinationis omnium actuum liberorum in se ipsis antecedentem præscientiam futurorum, sed aiunt ante præscientiam absolutam futurorum, solum prædefiniti & præordinari in causis efficacibus, vel sufficientibus, sicut modò circa verba Dionysij dicebamus. Post præscientiam verò absolutam voluntatem ordinari ad suos fines, & sic etiam præfiniti in prioritate æternitatis, non in antecessione ad præscientiam absolutam. Nos autem ut ab hac controuersia abstinemus, supponimus posse Deum in priori sensu prædeterminare, seu prædestinare actus liberos humanæ voluntatis ita absolute, ut omnino fiant & liberè fiant credimus, licet in malis actibus id facere non possit Deus propter bonitatem suam, in bonis possit, & de facto admittimus id fecisse in Sanctis actibus liberis à gratia efficaci procedentibus, & non obstante hac prædeterminatione extrinseca, de intrinseca, inquirimus, an sit necessaria, vel passibilis ad executionem talis prædestinationis, & consequenter, an hoc sit gratiæ efficacis munus.

B Ut ergo de intrinseca prædeterminatione dicamus, vterius aduertimus potentiam de se indifferentem duobus modis posse determinari, scilicet actu primo & in actu secundo. Priori modo est determinata, quando prius natura quàm actum operetur, est limitata & definita ad vnum effectum, posteriori modo est determinata quado actu operatur. Rursus prior determinatio in actu primo multiplex est, nam quædam esse potest quoad specificationem tantum, alia quoad exercitium, vel, quod perinde est, vna esse potest solum quasi conditionata si voluntas operari velit, alia est absoluta, quia per illa voluntas determinatur, ut velit. Priori modo est voluntas de se determinata ad amandam beatitudinem in communi, nam licet actu de illa cogitetur, non est voluntas omnino determinata ad exercendum actum amoris circa illam; nihilominus tamen ita est distincta, ut si velit aliquem actum circa illam exercere, ille esse debeat amor, seu persecutio, non odium, aut fuga: alio modo ex parte simili, licet inferiori determinatur voluntas per habitum charitatis ad sanctæ operandum, non quidem quoad exercitium actus, ut per se manifestum est, nec cum tanta limitatione, seu determinatione, ut si voluntas habens talem habitum, operari velit ad sanctam operationem determinetur, quia non est vnde habitus ille tantam præbeat determinationem, aliàs esset inamissibilis, quod esse falsum in lib. 9. videbimus: nihilominus tamen aliquo modo & sub alia conditione determinat, quia si voluntas illo habitu uti velit, non potest nisi sanctè per illum operari: quomodo dixit Ioann. canonic. cap. 3. *Qui natus est ex Deo, peccatum non facit, quoniam semen ipsius in eo manet, & non potest peccare, quoniam ex Deo natus est*, utique si ut talis operari velit; hanc ergo & quancumque similem vocamus determinationem quoad specificationem, vel conditionatam, & secundum quid, vel sufficientiæ non exercitij. Vnde obiter constat non esse in præsentem sermonem de hac determinatione, quod est memoriæ mandandum, nam solent per hanc æquiuocationem eludi argumenta, quia hoc modo etiam auxilium sufficiens determinat voluntatem ad vnum quoad specificationem sub conditione, quia si homo tali auxilio cooperari velit, non nisi bene & in tali specie operabitur, & ita illa est determinatio sufficientiæ, licet non sit efficacis: est ergo in præsentem sermo de determinatione

8. Potentia de se indifferens quomodo determinari possit.

Ioan. 3.



zione absoluta, & quoad exercitium, quæ tunc esse dicitur in voluntate, quando ita affecta, & proximè completa in actu primo, in illo non sistit, nec sistere potest in temporis duratione, quia non potest se continere, quin exerceat actum secundum. Quando ergo potentia prius natura est sic constituta in actu primo, dicitur etiam determinata in actu primo.

9. Vltius autem hoc dupliciter contingere potest, vno modo ab intrinseco, scilicet ex innata conditione potentia actiue, alio modo ex forma, vel actu aliquo, qui licet intrinsecè efficiat voluntatem, ab extrinseco provenit, nimirum perfectiorem alicuius extrinseci agentis scilicet Dei. Prior modus neque in voluntate cadit, nec habere potest locum in presenti puncto, saltem comparatione facta ad voluntatem ipsam secundum se spectatam. Probat, quia supponimus voluntatem esse liberam; ergo illa secundum se spectata, non habet innatam determinationem ad vnum quoad exercitium, quia hoc repugnat libertati naturali, quæ indifferentiam requirit, etiam naturalem, ut iam ostensum est. Item gratia efficax non est conditio intrinsecè connata, seu congenita voluntati; ergo non potest illi dare priorem modum determinationis ad vnum, cum semper auxilium efficax sit aliquid superadditum voluntati ab extrinseco agente Deo; & ideo dixi hanc determinationem non esse innatam ipsi voluntati secundum se spectatæ, nam comparata ad illam entitatem, quæ est gratia efficax, si talis est illa entitas, ut posita in voluntate determinet illam in actu primo ad exercitium actus proportionati illi auxilio; sic talis determinatio convenit tali entitati ab intrinseco, nam est conditio illa connaturalis, & intrinseca, quia per nullum alium actum primum illi additur, alias esset processus in infinitum.

10. Imò non solum ipsa ex se erit determinata ad vnum, sed etiam ex intrinseca sua natura, & conditione habebit determinare voluntatem cui adheret, ad coexercendum secum, (ut sic dicam,) eundem actum, quia non potest aliter illa entitas habere connaturalem annexionem, & omnino intrinsecam cum suo actu secundo, quia non potest suum actum exercere, sine cooperatione voluntatis, ut supponimus; ergo vel ipsa non est ab intrinseco simpliciter determinata ad exercitium suæ actionis, vel aequè determinat voluntatem ad secum cooperandum. Illa ergo determinatio in actu primo, si datur, licet sit ab extrinseco respectu voluntatis, erit intrinseca tali auxilio efficaci, seu illi principio agendi completo ex voluntate, & tali motione, quæ efficax auxilium dicitur. Et consequenter licet talis determinatio fiat in voluntate effectivè à Deo, quia Deus est, qui efficit in voluntate auxilium efficax, nihilominus ab ipso auxilio sit illa determinatio formaliter in voluntate, quia talè auxilium adherendo voluntati, determinat illam. Atque hic est vnus & fortè præcipuus sensus questionis propositæ; & hanc vocabimus semper determinationem in actu primo, de illa inquirendo, an fiat in voluntate per auxilium efficax, modo iam explicato.

11. Alium modum determinationis vocavimus in actu secundo, quia per illum constituitur potentia in vltima determinatione. Nam de ratione huius determinationis in actu secundo est ut fiat per effectiorem ipsiusmet actus secundi, quia ante illam effectiorem semper est potentia in actu primo, siue prius tempore, siue prius natura consideretur,

A & ideo ante actum secundum, quæ effectiorem eius, non potest esse potentia determinata in actu secundo, est enim aperta repugnantia. Ut autem illa effectio actus secundi habeat rationem determinationis, supponere debet in potentia indifferentiam aliquam quoad exercitium, quia verbum ipsum *determinandi*, connotat respectum ad rem, vel materiam, seu potentiam, quæ non supponitur determinata, sed indifferens: nam si omnino supponatur determinata, non indigebit determinatione. Et ideo ignis quando calefacit, non dicitur determinari ad calefaciendum, sed agere id, ad quod determinatus est; Sol verò, quia de se est aliquo modo indifferens ad obdurandum, vel liquefaciendum, dicitur determinari à dispositione ceteræ, verbi gratia, ad liquefaciendum, & intellectus dicitur determinari à voluntate ad credendum, quia antea erat aliquo modo indifferens, & eodem modo dicitur voluntas determinare se, quando vult credere.

B In quo modo loquendi animadverto differentiam inter potentiam indifferentem ex dominio voluntatis, vel indifferentem alio modo minùs perfectò, scilicet ex sola vniuersali virtute agendi, vel ex subordinatione ad superiorem potentiam. Nam potentia libera propriissimè eicitur determinare se, quod adedè necessarium reputatur, ut dixerit D. Thomas, nec Deum nec hominem fore libetum, nisi haberet vim internam determinandi se, vel eminentem, quasi per se ipsam formaliter, ut voluntas diuina, vel actiue voluntatiè agendo in se ipsam ut voluntas humana. At verò aliæ causæ alio modo indifferentes non dicuntur determinare se, sed determinare vel ab alia causa in quocumque alio genere, sicut determinatur virtus Solis ex dispositione, vel capacitate passivi, vel à superiori potentia mouente, & applicante, sicut intellectus determinatur à voluntate ad credendum. Hæc ergo determinatio in actu secundo, etiam interuenit in actu, qui sit per efficax auxilium, & ideo alius sensus præsentis questionis est, an efficax auxilium immediatè efficiat, vel conferat hanc ipsam determinationem in actu secundo, non præuio aliquo actu primo, in quo talis determinatio consistit, sed per immediatum influxum absolutè voluntatis Dei in ipsum actum secundum, ita ut per illum, quasi formaliter determinetur voluntas humana à voluntate diuina efficaci influente effectiue talem determinationem.

C Atque ex his facile declarari potest, cur hæc determinatio humanæ voluntatis, *prædeterminatio* vocetur: non enim additur illa particula *præ*, propter antecessiorem æternitatis ad tempus: nam hæc determinatio non est æterna, sed in tempore fit, ut declaravi, imò nec aliqua antecessio durationis temporalis per illam particulam *præ*, indicatur, quia determinatio illa non antecedit tempore effectum gratia efficaci, seu actum secundum & vltimum voluntatis, ut etiam declaravi. Dicitur ergo prædeterminatio propter antecessiorem naturæ & causalitatis, quod quidem facillimè intelligitur in tali determinatione, si dari in actu primo supponatur, nam actus primus præcedit secundum saltem ordine naturæ; ergo si voluntas per auxilium efficax determinatur in actu primo, profectò prædeterminatur, tum quia prius natura constituitur in actu primo, tum etiam, quia recipit illam prædeterminationem, ut præuiam ad suum consensum, sicut etiam recipit motionem auxilij, & ideo per illud præmoueri dicitur: & hinc dicitur Deus prædeterminare illam

12.

13. *Prædeterminatio*, de determinatione voluntatis humanæ.

non

non formaliter, & quasi extrinsecè per suum propositum æternum, ut in priori significatione verbi *prædeterminandi* dicebamus, nec etiam formaliter intrinsecè, quia hæc ipsa motio efficax, quatenus est intrinsecè inherens voluntati, illam determinat formaliter, ut iam satis explicavi, sed dicitur Deus prædeterminare voluntatem effectivè, cum quia facit in illa internam prædeterminationem formalem, tum etiam, quia illam efficientiam habet solus Deus sine cooperatione voluntatis, præveniendi omnino usum libertatis eius. Denique dici etiam potest *prædeterminatio* per comparationem ad meritum, quia antecedit illud, quamquam hoc habet locum in primo auxilio efficaci, non verò univèrsaliter in omnibus sequentibus, ut postea videbimus.

14.

At verò si gratia efficax non determinet voluntatem in actu primo, sed immediatè ad actum, vel per actum secundum, tum etiam particula *præ*, non potest significare antecessorem durationis respectu effectus, seu consensus liberi voluntatis, quia involuit ipsum actum secundum, vel formaliter, quia ad illum immediatè terminatur: unde etiam antecessio secundum realem ordinem naturæ & causalitatis, difficile ibi explicatur, quia actio ipsa, quæ sit consensus voluntatis, unica est, & simplex; unde non potest in illa distingui aliquid prius naturæ & causalitate, quàm aliud. Nec satisfaciet, qui dixerit per illam particulam *præ*, solum significare prioritatem in dignitate, excellentia, independentia, & inefficientia talis auxilij, quod principales partes habet in tali effectu. Hoc, inquam, non est satis, quia id totum invenitur in auxilio efficaci simultaneo, & concomitante; ergo illo modo non explicatur propria prioritas auxilij præiij, quæ inveniri debet in auxilio efficaci, de quo tractamus, & per illam particulam significatur. Si ergo in ipsa determinatione actus secundi, prædeterminatio admittatur, necessarium est dicere Deum sua motione efficaci præcedere aliquo modo influxum voluntatis creatæ, etiam si ad eundem terminum, seu actum secundum immediatè terminetur. Unde si gratia efficax vocetur ipsa voluntas Dei quatenus movet & trahit nostram voluntatem ad agendum, sic antecedit ordine naturæ, saltem virtuali, quia concurret imperando, & trahendo nostram voluntatem, sicut voluntas nostra præcedit movendo brachium. Non videtur autem alienum à proprietate locutionis voluntatem ipsam Dei, ut activè influentem ad extra gratiam efficacem vocare, sicut multi censent voluntatem creatæ ut actu inferentem ex se effectum, esse activam creationem. Quòd si actio ipsa consensus liberi recepta in voluntate hominis, ut est ab efficaci voluntate divina, vocetur auxilium efficax Dei: sic dicitur prædeterminare voluntatem creatam formaliter, & per particulam *præ*, denotabitur actionem illam pro ut procedit à speciali voluntate divina efficaci, determinatè facere, ut voluntas creata in eam actionem influat, & ut sic vocari prædeterminationem, quia secundum illum respectum ad voluntatem Dei habet quamdam antecessionem ad voluntatem hominis, cuius influxum ex necessitate quadam sibi connaturali coniunctum habet, hic enim modus antecessionis non repugnat: an verò possit gratiæ efficaci accommodari, postea videbimus.

15.

Supereft explicanda altera particula, per quam hæc prædeterminatio *physica* appellatur. In quo prædeterminatio *physica* in primis adueto Francisc. Cumel dict. lib. 1.

A Opuſculor. disp. 4. sect. 2. conclus. 4. reprehendere hunc modum loquendi de prædeterminatione *physica*; imò addit vocabulum illud à me, & à nostris, esse inventum ad improbādam aliorum sententiam. Quod autem ad me spectat, verissimè affirmo illud non excogitasse, nec ab alio, quàm à defensoribus talis auxilij efficaci illud didicisse. Unde tantum abest, ut à Patribus Dominicanis reputetur à nobis inventum, ut M. Aluar. disp. 22. num. 1. affirmat, non esse novum, sed antiquum in Ecclesia, & à Patribus usurpatum in eadem acceptione, qua in præsentī disputatione sumitur, quod multis verbis explicare conatur. Sed quid sit de nominis initio, aut inventione ad explicandam peculiarem sententiam, eamque ab aliis distinguendam, necessarium fuit peculiare nomen. Et ad hunc finem illud non fuit incongruum, quia per illud explicatur hanc determinationem non esse metaphoricam, sed veram, nec tantum secundum quid, aut moralem, seu ex his, quæ frequentius accidunt, ac subinde ex accidenti talem, sed esse determinationem simpliciter & ex intrinseca natura talis entitatis, seu auxilij, ac proinde esse per se talem ex aliqua propria causalitate per se. Nam iuxta communem usum etiam Ecclesiasticum, ita solet illud additum physicè usurpari. Sic enim ad significandam veram unitatem trium personarum in Deo, dicitur esse una persona in alia naturaliter, & à Græcis physicè. Et unio Verbi ad humanitatem vocatur naturalis & physica, & Theologi solent vocare physicam, efficientiam Sacramentorum, ut declararent esse veram & realem. Ad hunc ergo modum in præsentī ad explicandam rigorosam proprietatem huius determinationis illa particula *physicè* determinationi adiungitur.

Advertendum est autem variis modis posse auxilium efficax dici physicum, primò in ratione entis, & hoc est verum, non tamen sufficit ad rem explicandam, quia etiam gratia excitans sufficiens est entitas physica, id est, vera & realis. Secundò in ratione motionis formaliter efficientis & immutantis voluntatem, & hoc etiam non est satis, nam id etiam habet auxilium sufficiens, est enim motio physica, quia verè & realiter voluntatem inclinat, & intellectum afficit & immutat, non tantum obiectivè, sed etiam formaliter per internam Spiritus sancti efficientiam, ut in superioribus ostensum est, & ex ipsis terminis est satis notum. Tertiò potest illa determinatio dici *physica*, propter efficientiam, quia nimirum tale auxilium physicè efficit consensum voluntatis. Et hoc siue sit verum, siue falsum, non sufficit, quia potest esse physicum principium per se influens cum voluntate in actum suum, & nihilominus non determinare voluntatem quoad exercitium actus, neque absolute, sed solum sufficienter, seu sub conditione; sic enim multi dicunt auxilium sufficiens præveniens physicum principium actus, quando transit in auxilium adiuans actu, etiam si non determinet voluntatem illo modo, & habitus charitatis physicè afficit voluntatem, & inclinat illam, & cum illa efficit physicè actum, & tamen, quia in efficientia sui actus subest dominio voluntatis, non determinat illam. De hac autem motione gratiæ efficaci nunc inquirimus, an distinguatur in hoc ab habitu & à gratia sufficiente, quod omnino determinet voluntatem, ita ut illa posita implicet contradictionem, voluntatem non velle.

Quarto ergo modo dicitur *physica* prædeterminatio in ratione determinationis, & necessariæ connexionis

ſea, cur  
ſic dicta  
Cumel  
Aluar.

16.  
Auxilium  
efficax phy-  
ſicum variis  
modis dicitur.

17.

connexionis inter entitatem talis auxilij, & actum secundum, ac influxum voluntatis in ipsum, duoque per illam vocem *physica* significantur, ac denotantur: vnum est illam determinationem esse simpliciter, & omnino absolutam, ita vt nulla ratione, aut modo impediri possit illa connexio. Aliud est, eandem determinationem fieri ex vi talis entitatis sine aliquo respectu ad alias circumstantias, vel ad specialem voluntatem, aut præscientiam Dei, sed esse omnino intrinsecam, & naturalem illi entitati, seu auxilio. Quocirca ne hæteamus fortè in voce *physica*, qua nonnulli eiusdem opinionis vt nolunt, res ipsa spectanda est, & statuendum nihil aliud per illam indicari, nisi motionem illam talem esse, vt à solo Deo fiat in homine, & de se, & sua vi naturali ac proprietate habere effectum ita determinandi voluntatem, vt voluntas non possit resistere illi, vel vt impossibile omnino sit, voluntatem illam habere, & non consentire. Et hunc modum determinationis ita censeo sufficere, vt dicatur *physica* determinatio, vt licet fingamus motionem illam præuiam & efficacem, non habere *physicam*, & per se efficientiam in consensum, sed per solam inhaerentiam suam determinare omnino voluntatem quasi formaliter ligando, vel impediendo illam, ne posset suum influxum suspendere, id satis fore, vt sit vera & *physica* determinatio, quia formalis causalitas, quæ est à vera forma reali, *physica* est.

18.

Ad efficaciam  
vocationis  
an sit neces-  
saria præde-  
terminatio  
physica.

Ex his ergo satis, vt arbitror, declaratus est sensus quæstionis propositæ, neque aliquis existimet superuacaneam esse tam prolixam terminorum declarationem, quia non solum est necessaria ad vim rationum & testimoniorum penetrandam, sed etiam erit vtilissima ad expedienda, cum longè maiori breuitate multa argumenta, & varia diuerticula præcludenda. Præterquam quod ad intelligendum statum quæstionis, & varietatem opinionum est necessaria. Primum ergo & præcipuum punctum totius controuersie est, an ad efficaciam vocationis, seu excitantis auxilij necessaria sit prædeterminatio *physica* voluntatis, in quo puncto duæ sunt opiniones extremè contrariæ, quas hic breuiter & generatim attingam, nam postea per partes sunt fusè tractandæ.

19.

Opinio pri-  
ma.

Prima opinio simpliciter affirmat efficaciam auxilij in *physica* prædeterminatione positam esse, Cuius fundamentum generale, omittis nunc testimoniis, est quia non potest auxilium præuiæ motionis, seu vocationis esse ita efficax, vt infallibiliter inferat cōsensum voluntatis, nisi omnino ineuitaliter determinet voluntatem ad talem consensum; sed hoc non fit, nisi per *physicam* prædeterminationem: ergo. Minor euident est ex declaratione data. Maior probatur, quia posito auxilio efficaci præuenienti, consecutio actus liberi non potest esse infallibilis, nisi vel ex præscientia, vel quia immutabilis est posito tali auxilio. Sed infallibilitas non potest primò & per se ex præscientia provenire; ergo necesse est, vt eueniat ex prædeterminatione *physica*. Minor probatur, quia vel est sermo de præscientia absoluta, & hæc supponit præscientiam auxilij absolute futuri, & efficaciam eius, vel præscientia conditionata, & hæc vel nullo modo datur de talibus futuris contingentibus, quæ sit omnino certa & infallibilis, antequam præsciantur absolute futura, vel si datur necessariò supponit, sub illa conditione decretum Dei absolutum & efficax, in quo veritas illa, & certitudo fundetur, quod decretum inuoluit etiam efficaciam, quam auxilium de se habet ad determinandam vo-

luntatem. Et quia hoc tantum fundamento videtur præcludi via ad saluandum omne aliud auxilium præuium efficax, quod sit potentissimum medium, quo Deus exequatur absolutam prædestinationem, vel de salute electorum, vel de aliis actibus liberis, quos præfiniuit, vt iam supponimus, ideo ab Auctoribus huius scientiæ omni conatu & contentione impugnata est conditionalis scientia, quia illa è medio sublata, non superest alius modus sufficiens efficaciz, præter *physicam* prædeterminationem. Modi autem explicandi & defendendi hanc sententiam sunt multi, & auctores eius in illis nõ conueniunt, & aliqui non in omnibus punctis, sed in vno, vel alio consentiunt, & ideo nunc nec auctores refero, nec alia fundamenta, membratim enim in sequentibus capitibus illud præstabo.

Secunda opinio negat esse necessariam prædeterminationem ad efficaciam auxilij. fundamentum est in primis à posteriori, tum quia posita huiusmodi necessitate auxilium tantum sufficiens erit de se inefficax, ac subinde non sufficiens: tum etiam, quia talis ac tanta efficacitas induceret necessitatem libertatari actus contrariam. A priori verò fundamentum est, quia ad saluandam veram efficaciam auxilij sufficit futura causalitas eius, quæ sit infallibilis in diuina præscientia, quam Deus sine dubio habet de huiusmodi futuris sub conditione, prius secundum rationem, quàm talia auxilia efficaciz, seu congrua distribuat. In modo autem explicandi hanc sententiam est aliqua diuersitas, quæ postea per partes tractanda est, & ideo nunc neque auctores refero, neque fundamenta illa amplius vrgeo. Nos verò hanc posteriorem sententiam approbamus & defendimus. Et fundamentum propositum prioris sententiæ euerimus demonstrando, dari in Deo certissimam & infallibilem scientiam veritatum contingentium, non fundaram ex parte obiecti in aliquo decreto libero diuinæ voluntatis, sed in veritate rei secundum se, vt in secundo prolegomeno tractatum est. Iam nunc addimus, non parum infirmari credibilitatem contrariæ sententiæ ex eo, quod efficaciter persuaderi non potest, nisi negando Deo quamdam scientiam valde conformem infinitæ illius perfectioni, sapientiæ, & altissimæ prouidentiz, nec non sanctis Scripturis & Patribus nimis consentaneam, & quæ nec demonstrari potest impossibilis, neque hætenus, vel probabiliter persuasum est.

Addo denique tam certum mihi esse Deum non prædeterminare illo modo voluntates humanas, neque id esse necessarium ad piè, sanctèque operandum, vt si vel talem necessitatem prædeterminationis admittere, vel electionem absolutam, aut prædefinitionem actuum liberorum ante præscientiam eorum negare necessarium esset, potius dicerem hoc posterius esse negandum, quàm illud prius admittendum. Nam in doctrina fidei arctius est dari peccatoribus auxilium sufficiens ad salutem, & auxilium efficax non tollere libertatem supernaturalium, quàm sit certum dari absoluta decreta libera in Deo futuris actibus liberis ante præscientiam eorum. Et ideo si oporteret vel illa principia labefactare, admittendo tale genus prædeterminationis, vel illa decreta in illo absoluto sensu non admittere, sed aliter illa interpretari, hoc potius esset eligendum, quàm prius: sed cum omnia illa dogmata vera sint, inter se non repugnant, nec in eas angustias redigimur, vt alterum ex illis duobus eligere necessarium nobis sit, vt iam terigimus, & in discursu sequentium capitum planum fiet.

20.  
Opinio se-  
cunda.

21.



C A P V T VII.

*Vtrum auxilium efficax necessarium ad piè operandum, sit positum in aliqua excitatione per se, & ex vi sua nature, ac præcisè entitatis, prædeterminans physicè voluntatem ad consensum.*

1. **V**T duæ sententiæ generatim relatæ præfilius examinantur, & iudicium de illis datum verum & solidum ostendatur, per omnes modos discurre oportet, quibus illæ opiniones defendi solent, vel possunt, ut in illo, qui & principiis fidei magis consentaneus apparuerit, & ad resistendum hæreticis aptior, & minoribus difficultatibus implicatas fuerit, quiescamus. Circa opinionem verò de auxilio prædeterminante tres modi occurrunt, quibus cogitari potest. Primus quòd detur aliquis motus excitantis gratiæ qui natura sua habeat vim hanc prædeterminandi voluntatem, & inevitabiliter illam inducendi in consensum. Secundus est, ut nulla excitatio per se ad hoc non sufficiat, sed compleatur virtus illa per aliam motionem realem distinctam ab actu prævio excitantis gratiæ, & ab actu liberi consensus, & quasi modia inter illos. Tertius ut consistat in ipsa immediata productione deliberati consensus, prout ab efficaci voluntate Dei procedit, vel (quod perinde est) ut consistat in efficaci Dei voluntate, quia talem actionem voluntati hominis immitte, eandemque ad se cum cooperandum efficaciter trahit. Ex quibus modis duo primi ad prædeterminationem in actu primo pertinent, tertius ad prædeterminationem in actu secundo, iuxta declarationem in superiori capite datam. In hoc ergo capite primum modum, qui facilior est, expediemus.

2. **R**atio igitur dubitandi in puncto proposito est, quia efficax præueniens auxilium positum est in aliqua excitante gratia, id est, in vocatione quadam alia & secretæ & internæ doctrinæ: ergo necesse est, ut detur aliqua excitans gratia, quæ ex se, id est, ex vi sui modi intrinseci hanc efficaciam habeat; ergo illa etiam gratia erit physicè prædeterminans voluntatem. Antecedens probatum est latè capite præcedenti ex sententia Augustini, qui testimoniis Scripturæ illud confirmat. Nam gratia illa, de qua loquitur Christus Ioann. 6. *Omnis qui audit a Patre, & didicit, venit ad me*, gratia excitans est, nam consistit in interna doctrina, illuminatione, & inspiratione, & tamen illi tribuit Christus infallibiliter effectum liberi consensus, cum dicit, *venit ad me*, ut enim notat Augustinus lib. de grat. Christi cap. 14. non dixit Christus, *potest venire ad me, sed venit, ubi iam* (inquit) *& possibilitatis profectus, & voluntatis effectus & actionis effectus est.* Nam, ut superius dixerat, quando Deus docet per Spiritus gratiam, ita docet, ut quod quisque didicerit, non tantum cognoscendo videat, sed etiam volendo appetat, agendoque perficiat. quæ omnia pertinent ad gratiam excitantem. Idemque confirmant omnia, quæ de efficaci vocatione capite præcedenti diximus. Consequentia verò prima probatur, quia si excitatio non habeat hanc efficaciam ex se, seu ex intrinseco modo suo, iam non ipsa erit efficax, sed aliun-

**A** de proveniet efficacia ex alio principio vocationi addito, quod accidentarium esset, quod est contra proprietatem verborum Scripturæ, & Augustini. Altera etiam consequentia nota est ex declaratione data capite præcedenti, nam idem est prædeterminare, quod ex se infallibiliter effectum inferre.

**N**ihilominus in hoc puncto omnes utriusque opinionis Auctores in hoc convenire videntur, quòd per solas excitationes non prædeterminatur simpliciter, ac physicè voluntas, hoc in nostra sententia manifestum est, in aliorum autem opinione patet, tum quia ob eam rem, præter excitationem postulant novam motionem prædeterminantem physicè, quia solæ excitationes ad hoc non sufficiunt. Vnde Ledesma artic. 1. conclus. 1. licet excitationibus tribuat determinationem moralem, de quo statim dicam, addit in fine illius, illam prædeterminationem non esse physicam. Tum etiam, quia isti auctores fatentur, ex duobus hominibus habentibus æqualia auxilia prævenientia excitantia, posse vnum converteri, & non alium, si vni detur auxilium adiuuans prædeterminans, & non alteri; ergo supponunt excitantia auxilia non prædeterminare physicè. Imò, ut cap. 5. dixi, ideo negant auxilia excitantia in suo ordine esse efficax auxilium, quia illa non prædeterminant physicè voluntatem, & ipsi putant veram efficaciam in physica prædeterminatione consistere. Ut autem hæc veritas magis declararetur, & confirmetur, nonnullis propositionibus distinguenda est.

**D**ico primò. Ad actum liberum supernaturalem efficiendum, non est necessaria excitans gratia physicè prædeterminans voluntatem. Probatur primò ex principiis superiori libro positis de gratia sufficienti. Nam Deus præbet homini, qui non convertitur, vocationem & excitationem necessariam ad salutem, & non dat illi excitationem determinantem voluntatem eius: ergo talis excitatio determinans non est ad salutem simpliciter necessaria. Et confirmatur, quia si excitatio de se determinans voluntatem est necessaria, ut voluntas consentiat; ergo sine illa non potest consentire; ergo sine illa non habet sufficientem excitationem, & consequenter non peccat non consentiendo. Hic verò responderi potest vulgari distinctione, scilicet excitationem determinantem esse necessariam, ut quis consentiat, non verò, ut possit consentire, & ideo sine illa habere hominem sufficientem excitationem, ut possit velle, non tamen ut velit. Sed hoc virtute impugnatum est in superiori libro, & in simili forma impugnabitur in sequentibus, quia auxilium verè sufficiens ex parte sua sufficiens est, non tantum ad posse, sed etiam ad velle, si homo bene illo uti velit, ut potest cum auxilio adiuuante, quia si nova vel distincta excitatio necessaria est, cum illa non sit in potestate hominis, simpliciter & absolute actus non est in eius potestate.

**E**Secundò probatur assertio, ratione philosophica, quia voluntas ad actus naturalis ordinis non indiget excitatione, vel cognitione prævia naturali determinante voluntatem, ut ipsa possit, & de facto consentiat pro libertate sua; ergo servata propositione, neque in supernaturalibus est necessaria excitatio sic determinans. Antecedens videtur certum, & satis declarari à Sapiente Eccles. 15. illis verbis, *Deus creavit hominem & posuit eum in manu consilij sui, &c.* Vbi declarat propo-

3.

Ledesma.

4. Assertio 1. Probatur 1.

Confirmatur.

5. Probatur secundò.

Eccles. 15.

proposuisse Deum homini vitam & mortem, ignē & aquam, ut porrigat manum ad quod voluerit. Est ergo determinatio illa in manu voluntatis, licet antecedentia consilia, vel obiecta illam non determinent. Idem probatur ex modo, quo præbet homo consensum voluntatis, vel tentatione inductus, vel ad petitionem alicuius. Quis enim dicat tentationem determinare voluntatem physicē, ut omnino velit? Tentatio autem se habet ut excitans ad malum. Idemque est de petitione, nam constat experientia non statim hominem annuere petenti aliquid, & postea suo arbitrio consentire, etiamsi excitatio petentis aucta non fuerit; non ergo ipsa fecit determinatione efficaciter, sed voluntas se determinauit. Consequentia verò prima probatur, quia Deus eleuat voluntatem in supernaturalibus modo accommodato tali naturæ, & hoc est *fortiter & suauiter* illi providere. Item, quia eadem ratio cum proportionem applicata utrisque operibus inuenitur, ut magis ex sequenti assertione patebit.

6.  
Affectus  
cunda.

Probat ex  
Scripturâ.

Apoc. 3.

Ephes. 2.

Dico secundò. Gratia excitans prædeterminans physicē voluntatem, neque datur hominibus vocatis ad gratiam, etiamsi de facto consentiant, neque est possibilis non solum de communi lege, verum etiam neque ex natura rei. Prima pars probatur primò ex illis locis Scripturæ, in quibus dicitur Deum ita vocare homines, ut relinquat in potestate eorum consentire, vel resistere, ut est illud Apocalyp. 3. *Ego sto ad ostium, & pulso, &c.* & similia; quia dici non potest in omnibus his locis esse sermonem de sola vocatione, cui resistunt omnes homines, qui illam recipiunt, sed absolute de quacumque, quæ à quibusdam recipitur, & ab aliis reiecitur: aliàs sine causa diceret Deus, *Si quis aperuerit, intrabo ad eum.* & hoc etiam mihi probat admonitio Pauli ad Ephes. 2. *Cum timore & tremore vestram salutem operamini;* & subdit rationem, *Deum enim est, qui operatur in vobis & velle, & perficere.* Duo enim coniunxit Paulus in his verbis, vnum est, homines debere operari salutem suam, aliud Deum esse qui salutem operatur, & perficit. Supponit ergo Paulus, non obstante præuia operatione Dei per vocationem ad hominem pertinere, & in potestate eius esse operari, & non operari suam salutem, & ideo fortasse monuit, ut cum timore & tremore operamur, quia possumus resistere vocationi Dei, etiamsi interdum cum illa operemur.

7.  
Probat ex  
Conc. Trid.

Conc. Senon.

Vnde secundò principaliter probatur assertio ex cap. 5. & can. 4. sess. 6. Concilij Tridentini, quibus tradit talem esse inspirationem & illuminationem Dei, ut qui illam recipit, possit illam abicere. & eandem vim habent verba Concilij Senonens. dicentis præuenientem gratiam non inducere necessitatem, *quia non est tale gratie trahenti auxilium, cui resisti non possit.* Quæ profectò loca intelligenda sunt in sensu composito, saltem respectu gratiæ vocantis, etiamsi talis sit, ut cum illa contingat de facto hominem conuerti; ergo stante tali excitatione manet in voluntate integra potestas ad non consentiendum illi: ita ut homo possit coniungere dissensum cum tali excitatione, si ut talis est præcisè spectetur; ergo talis excitatio de se non determinat voluntatem ad consensum physica determinatione, quia hæc determinatio, ut ex terminorum declaratione constat, excludit hanc potestatem. Sed hoc testimonium & ratio in eo fundata ad omne genus physice prædeterminationis applicanda est, & ideo inferius latius circa illud iminorabimur. nam de

A sola excitante gratia facile ab aliis auctoribus admittitur. Vnde Bannez 2. 2. q. 10. art. 1. documen. 3. circa finem, cum sibi hoc testimonium Concilij obieceret, adhibet primum responsum, primumque (ut ait) verum sensum Concilij, ut de auxilio excitante loquatur, illi enim secundum se spectato resisti potest.

Bannez.

Tertio probatur in doctrina Augustini, quia id est in potestate nostra, quod si volumus, facimus, si aolumus, non facimus: sed per excitantem gratiam velle constituitur in nostra libera potestate; ergo per excitationem non tollitur potestas nolendi id, ad quod excitamur, etiam in sensu composito respectu excitationis, id est, etiam stante tali excitatione. Maior traditur ab Augustino lib. 1. de lib. arbitr. cap. 12. & sequentibus, & lib. 3. cap. 1. & 3. & 1. Retract. cap. 6. & 22. Minor autem sumitur ex doctrina eiusdem Augustini lib. 3. de liber. arb. cap. ult. dicente, *Voluntatem non allicit ad faciendum quod libet, nisi aliquod visum: quod autem quisque sumat, vel resumat, est in potestate, sed quo viso tangatur, nulla potestas est.* Ad hunc enim modum aliis in locis de excitante gratia philosophatur, ut in superioribus visum est, & in sequentibus videbimus. Nam per excitantem gratiam tangitur cor nostrum, ideòque non est ipsa in nostra potestate; relinquit autem in nostra potestate, tam velle, quam nolle; ergo non determinat physicē voluntatem: vnde est illud Augustini q. 2. ad Simplician. *Velle suum voluit esse & nostrum, suum vocando, & nostrum sequendo.* dicitur enim nostrum, quia in potestate nostra est, & in lib. 3. questionum q. 68. *Si quis sibi tribuat, quod venerit vocatus, non potest tamen sibi tribuere quod vocatus sit.* Ergo, teste Augustino, etiam vocatio illius, qui de facto venit, non ita determinauit voluntatem eius, quia possit sibi tribuere quod venerit, ergo non fuit determinata eius voluntas per eius vocationem & similia sumi possunt ex Prospero lib. 2. de vocat. gent. cap. 99. aliàs 16. & in sequentibus discursum hunc generalius urgebimus.

8.  
Probat in  
doctrina Au-  
gustini

C Quis autem argumentatione naturali, supposita doctrina theologica, nam gratia excitans tota consistit, vel in illuminatione intellectus, quam Augustinus vocat internam, seu reuelationem, vel in simplicibus affectibus voluntatis, quos Augustinus vocat spirituales voluntatem, & suauitatem; sed neutrum istorum potest voluntatem omnino determinare ad consensum; ergo sola gratia excitans non potest de se illam efficacitatem habere illo modo declaratam. Maior quoad utramque partem inuenitur apud Augustinum tract. 26. in Ioan. tractando & conferendo illa verba Christi, *Nemo potest venire ad me*, &c. & illa, *Omnes qui audiunt à Patre & didicerit, venit.* Vbi inter alia dicit, *Attrahitio est ipsa reuelatio.* & ibidem explicat tractionem per illud, *Trahit sua quemque voluntas.* & serm. 2. de verbis Apostol. dixit, *Ista suauitas ipsa est attrahitio*, & lib. 1. de grat. Christi cap. 13. & 14. *Si doctrina dicenda est, ita dicatur, ut alius eam Deus infundere credatur.* & lib. 2. de peccat. merit. cap. 17. *Ut innotescas quod latebas, & suauis fiat, quod delectabat, gratia Dei est quæ hominum adiunas voluntates.* quibus verbis totam hanc gratiam reuocat ad certam scientiam, & vltiorem delectationem, & alia multa sumi possunt ex dictis suprâ de gratia excitante.

August.

Prosper.

D Quis autem argumentatione naturali, supposita doctrina theologica, nam gratia excitans tota consistit, vel in illuminatione intellectus, quam Augustinus vocat internam, seu reuelationem, vel in simplicibus affectibus voluntatis, quos Augustinus vocat spirituales voluntatem, & suauitatem; sed neutrum istorum potest voluntatem omnino determinare ad consensum; ergo sola gratia excitans non potest de se illam efficacitatem habere illo modo declaratam. Maior quoad utramque partem inuenitur apud Augustinum tract. 26. in Ioan. tractando & conferendo illa verba Christi, *Nemo potest venire ad me*, &c. & illa, *Omnes qui audiunt à Patre & didicerit, venit.* Vbi inter alia dicit, *Attrahitio est ipsa reuelatio.* & ibidem explicat tractionem per illud, *Trahit sua quemque voluntas.* & serm. 2. de verbis Apostol. dixit, *Ista suauitas ipsa est attrahitio*, & lib. 1. de grat. Christi cap. 13. & 14. *Si doctrina dicenda est, ita dicatur, ut alius eam Deus infundere credatur.* & lib. 2. de peccat. merit. cap. 17. *Ut innotescas quod latebas, & suauis fiat, quod delectabat, gratia Dei est quæ hominum adiunas voluntates.* quibus verbis totam hanc gratiam reuocat ad certam scientiam, & vltiorem delectationem, & alia multa sumi possunt ex dictis suprâ de gratia excitante.

9.  
Probat ratione  
naturali.

August.

Minor autem quoad priorem partem de actu intellectionis

10.



intellectus manifesta est ex alio principio Theologico, quòd intellectus in hac vita non habet potestatem determinandi voluntatem ad vnum, nam illa esset necessitas quoad exercitium, saltem in sensu composito, quæ in hac vita impossibilis est ex sola suppositione actus intellectus, nisi precedat actus voluntatis, in quo talis determinatio fundetur, vt est notum in doctrina D. Thomæ 1. 2. q. 9. & 10. & 13. & 1. p. q. 82. & in Philosophia etiam, seu Metaphysica manifestum est, quia est ad libertatem necessarium. Nam intellectus non est potentia libera, sed naturaliter apprehendit, aut iudicat: ergo si aliquando libere assentitur, oportet vt à voluntate moveatur. In actu ergo intellectus, qui antecedit omnino voluntatem, non est libertas. quod maxime notum est in actu gratiæ excitantis, de quo tractamus, vt ex suprà dictis patet; ergo ad libertatem voluntatis necessarium est, vt per illum actum intellectus non determinetur ad vnum, illa enim determinatio esset ab intrinseco, quia motio voluntatis per illum actum intrinseca est; ergo illa determinatio esset necessitas repugnans libertati. Et ideo etiam in Deo ad saluandam libertatem eius circa obiecta secundaria suæ voluntatis necessarium est, vt per suam infinitam scientiam non determinet voluntatē suam ad illa obiecta, sed quòd ipsa se determinet, vt ex D. Thoma 1. p. q. 19. suprà reculi.

11. Ratione de qua conuincitur.

Ratio denique à priori est, quia duo sunt in actu intellectus, vnum est actus ipse, aliud est obiectum eius: actus ergo ipse non habet peculiarem vim determinandi voluntatem, quia non mouet illam, nisi quatenus illi obiectū applicat, nec ratione sui habet aliam efficaciam, vt est verior sententia, & quamuis haberet, illa deberet esse subiecta dominio voluntatis, aliàs non liber, sed naturalis esset; progressus in actibus harum facultatum, sicut est inter phantasiam & appetitum. Obiectum autem solum determinat voluntatem, quando infinitum est bonum, & quando ita proponitur, vt in carentia amoris illius nulla ratio boni representari possit. Et hac ratione dixit D. Thomas voluntatem in hac vita non necessitari ab obiecto ad exercitium actus, sed in sola clara Dei visione, vbi per talem determinationem simpliciter necessatur voluntas ad Dei amorem. Ad beatitudinem verò in communi dicit idem D. Thomas voluntatem determinari, seu necessitari quoad specificationem, quia in illo obiecto nulla ratio mali apprehendi potest. Ad alia verò bona particularia, neque isto modo determinatur voluntas in hac vita quoad exercitium, nisi in actibus indeliberatis, vel nisi homo impediatur, ne alias rationes boni & mali considerare valeat, quod non est necessarium ad gratiam excitantem, neque ad efficaciam gratiæ, alias non posset homo per gratiam efficaciter moueri ad eligendum inter bonum, & malum, vtrique ex parte sufficienter considerando, vel stante libertate, & potestate considerandi illud, quod manifestè falsum est, & contra modum loquendi Scripturæ de vsu libertatis, & contra efficacitatem & excellentiam gratiæ. Ergo excitans gratia ex ea parte, quæ ad intellectum pertinet, nunquam determinat voluntatem quoad exercitium, & rarissime quo ad specificationem. Fortasse enim aliquando ex privilegio id conceditur, tunc autem qualis fuerit determinatio, erit etiam necessitas, vtrique quoad specificationem, nam oportet vt tollatur potestas, & consequenter libertas cogitandi alia, quæ ad contrarios actus, vel speciem diuersos, possent inducere.

12. Probatur data secunda

Superest probanda altera pars de actibus voluntatem excitantibus. Probatur autem quia actus gratiæ excitantis in voluntate, solum est quidam

Fr. Suarez de Gratia Pars II.

A simplex effectus, qui solet vocari velleitas: hic autem actus non potest determinare voluntatem ad plenum & absolutum consensum, seu, (quod idem est,) non potest necessitare illam quoad exercitium ex sola suppositione talis motionis, quia neque habet eum illa necessariam connexionem, neque perfectionem illi æqualem. Et declarari potest primò ex testimonio Augustini illis verbis.

Declaratur.

— *Trahit sua quemque voluptas,*

nam illa attractio quæ solet delectatio inducere voluntatem, non est necessitas, nec determinatio ad vnum, sed solum inclinatio quædam, & propensio, sed similis est motio gratiæ excitantis, etiam efficacis, teste Augustino, vt patet etiam ex eplis eius, *Noces ostēdis puero, & trahis illum: omi ostēdis ramū, & trahis illum.* Nam in his etiam vsu rationis carentibus non semper, vel non statim talia obiecta ostensa determinant, quoad exercitium; ergo multo minus excitationes indeliberatæ voluntatis, vel simplices affectiones, aut delectationes determinant liberam voluntatem ad vltioriē consensum, quod tandem declaratur ac confirmatur ex principio communi Theologorum cum D. Thoma 1. 2. q. 13. a. 6.

August.

D. Thom.

C ad 1. quòd dilectio finis non determinat voluntatē ad electionem etiam mediij vnici & necessarij, nisi ipsa sit efficax & absoluta; quia si tantum est conditionata, aut desiderium quoddam, non habet efficaciam mouēdi eādem voluntatem ad actū absolutū, qualis est electio, sicut etiam voluntas ipsa non mouet intellectum, vel aliās potentiam per *vellem*, sed solum per *volo*. Cum ergo isti motus gratiæ excitantis sint solum velleitates simplices, non possunt determinare omnino voluntatē ad plenum consensum. Tandem isti motus gratiæ excitantis, cum naturales sint, id est, necessarii, non procedunt ex perfecta deliberatione, nec ex dominio voluntatis: consensus autē debet esse deliberatus, vt ex dominio voluntatis; ergo non potest sequi necessaria illatione, seu intrinseca cōnexionē ex illis motibus; ergo illi non determinant dicto modo voluntatē ad cōsensum.

D Quinto hinc colligere possumus rationē aliam, quia si gratia excitās, vt talis est, determinaret phyllicè voluntatem, plane simpliciter necessitare, necessitate sine vlla tergiversatione cōtraria libertati: certū autē est non necessitare hoc modo; ergo. Maior probatur, quia illa non esset necessitas ab extrinseco, in qua solēt quæri diuerticula, quæ postea expendimus, sed esset ab intrinseco, quia esset ex solo iudicio rationis, vel ex intrinseca cōnexionē actū voluntatis inter se: ergo esset necessitas absoluta cōtraria libertati. Probatur consequentia, nam primò si illa determinatio voluntatis proveniret ab intellectu, res est clara, quia neque ex parte iudicij rationis esset indifferentia, quia iudicium sine indifferentia fieret, cū precedat voluntatem, & non relinqueret indifferentiā in actu voluntatis; quod aded est necessariū ad libertatem, vt auctores oppositæ sententiæ in indifferentia iudicij libertatē constituāt; ergo si voluntas determinatur à cogitatione sancta, quæ in intellectu præcedit, iam illa cogitatio non relinqueret voluntatē indifferentē. Imò intelligi non posset talis determinatio aliunde provenire quoad exercitiū actus, nisi ex intrinseca natura & cōditione voluntatis, quia cogitatio nō mouet, nisi secundum modum intrinsecum & cōnaturalem intellectui & voluntati; illa ergo necessitas consequentiæ, esset necessitas ab intrinseco, & cōsequenter necessitas simpliciter. Vnde hac ratione determinatio voluntatis ad amandum in patria dicitur, esse necessitas simpliciter cōtraria libertati, quia provenit ab intrinseco ex natura taliū actū, & talis obiecti: & motiones indeliberatæ voluntatis

13. Conclusio.

G g sunt



sunt necessariae simpliciter, quia ab intrinseco habent illam necessitatem supposita tali representatione obiecti; ergo idem esset in ipso consensu, si per sanctam cogitationem omnino determinaretur. Atque idem facile probari potest de actibus voluntatis inter se, quia motus gratiae excitantis, ut dixi, necessarius simpliciter est; ergo si ex illo necessario sequeretur consensus necessitate consequentiae, illa etiam esset necessitas consequentis, quia esset ab intrinseco ex natura voluntatis, vel saltem actuum eius; esset ergo necessitas simpliciter. Sicut dicunt Theologi ex absoluta intentione finis sequi necessario electionem medij si ut vnicum & necessarium proponatur, & consequenter si intentio esset naturalis, id est, non libera etiam electionem fore simpliciter necessariam, quia est intrinseca consecutio ex natura voluntatis: ita ergo esset in presenti.

14.  
Quaestio.  
Solutio.

Sed quares, an saltem de potentia absoluta dari possit gratia excitans quae hoc modo voluntatem physice praedeterminet. Respondeo breuiter duobus modis posse intelligi praeuiam motionem vitalem, & excitantem determinare physice voluntatem vno modo, relinquendo illam suae naturae, seu conaturali causalitati: alio modo eleuando illam per Dei omnipotentiam, utendo scilicet illa ut instrumento ad impellendam physice, & cum omni determinatione voluntatem ad consensum. Dico ergo repugnare dari excitantem gratiam quae priori modo determinet physice voluntatem. Ratio est, quia isti praeuij motus excitantes qui in intellectu, vel voluntate ante usum libertatis praecedunt ex se & natura sua, non habent hanc vim, ut rationes factae probant: ergo per solos illos non potest necessitari voluntas si Deus eos suo conaturali modo operari & mouere voluntatem sinat, quia illi actus suae naturae relictij non possunt immutare conaturalē modum operandi voluntatis, nec inducere necessitatem ab intrinseco, qualis illa esset, ut ostensum est. Dicunt

Obiectio.

verò aliqui posse Deū tunc suspendere cōcursum ad omnē alium actū quo voluntas posset resistere tali excitationi, & tunc aiunt necessariū esse si voluntas consentiat; quia licet libera sit ad efficiendum hūc, vel illū actum proposito obiecto, nihilominus necessariū aliquē efficit, nec potest suspendere omnē actum. Respondeo primò praemissa hac hypothēsi & non cōcessā iam ibi immutare Deum ordinē conaturalis prouidentiae, & deinde illū effectum non sequi ex gratia excitante, sed ex intrinseca determinatione voluntatis, cuius natura esse dicitur, ut non possit actū suum merē negatiuē, ut sic dicam, suspendere: unde suppositis illis principiis, illa nō esset determinatio ab intrinseco, sed necessitas quaedam quoad exercitiū contraria libertati. Quae, (consequenter loquendo,) non minus fieret per quālibet propositionē vnius obiecti boni cum ablatione cōcursum ad suspendendū actum nolēdi.

Responso 1.

Responso 2.

Respondeo verò secundò ex illa hypothēsi solum sequi necessitatē quoad specificationem, non verò quoad exercitiū, quia falsa est illa sententia quae dicit proposito obiecto non posse voluntatem suspendere omnē actum, sed necessitari ad aliquē in cōfuso, quia non est maior ratio de tota collectione actuum, quā de singulis: unde licet Deus negaret cōcursum ad alios positiuos actus in praedicto casu, non necessitaretur, vel determinaretur voluntas ad eliciendū consensum, quia illum potest suspendere virtute suae libertatis, quae non immutatur propter impotentiam eliciendi alios actus, quae sequitur ex hypothēsi negationis, seu carentia cōcursum.

15.

Alia solutio.

Nihilominus verò dico posse Deum de potētia absoluta vti excitatione ut instrumento ad deter-

minandam voluntatem. Probat, quia sicut potest vti alijs rebus, vel motionibus ut instrumentis physice ad efficiendum aliquid supra naturā illorum, ita potest vti illa excitatione ad efficiendū in voluntate actum consentiendi tanta vi & efficacitate, ut voluntas non possit illi resistere: si autē hoc faciat, Deus determinabit physice voluntatem per illā motionem: haec autē praedeterminatio voluntatis reuera esset quaedam absoluta necessitas voluntatis, ut in sequentibus probabo. nam eadē est ratio de hac determinatione facta per hoc instrumentū, vel per quamlibet aliam motionē, ut per se norum videtur. Quocirca sicut supra prolegom. 2. diximus, posse Deum necessitate voluntatem, ita nunc dicimus posse id facere miraculosē per illam excitationē, & hanc vocamus determinationē. Verūamen, sicut ibi diximus non posse voluntatē hominis necessitari per solā voluntatē extrinsecā Dei, nisi extrinseca actio, vel mutatio in ipsa voluntate sit maior, vel alterius rationis, ita nūc dicimus per excitationē non posse voluntatē hominis necessitari, nisi eleuetur ad nouū modū agēdi, alioqui vel non fiet talis determinatio in voluntate, vel non fiet per excitationem, sed ad praesentiam eius Deus per seipsum, vel per aliud principium illam faciet.

C

Ad rationem dubitandi negatur consequentia: nam esto verū sit vocationem ipsam, seu excitationem esse efficacem, nihilominus quando talis est, non habet illā efficaciam ex intrinseca determinatione, quam ad efficiendū consensum habeat, sed solū quia ita datur ut infallibiliter illū efficiat, quae infallibilitas non oritur ex sola natura, seu entitate talis actionis: quomodo autē illi conueniat, discursus sequentium capitulum explicandum est, nam hoc in omni sententia locū habet, ut videbimus.

Probat.

16.

Impugnatur ratio dubitandi.

## CAPVT VIII.

*Verū excitans gratia per seipsam, & natura sua determinet saltem moraliter voluntatem, idēque talis efficacia auxilij excitantis ad actus liberos & sanctorum voluntatis necessaria sit.*

D

Artem affirmatē huius quaestionis insinuante multi ex auctoribus allegandis capite sequenti, expressēque tradunt illam Aluar. disp. 3. concl. 1. & Ledesma dicta q. art. 1. conclus. 1. & generaliter eam attribuit suis Theologis, signatim verò allegat Ioannem Vincētinum, qui putat illam certissimam in Theologia. Tribuit etiā Driedoni lib. de Concord. p. 2. c. 3. sed ibi nihil de praedestinatione morali docet, sed solum de necessitate praeuij motionis per gratiam excitantem tractat, quae longē diuersa est, ut infra dicam. Deinde Ledesma ad suam sententiā probationem in primis allegat & inducit ea, quae in principio quaestionis pro conclus. 3. id est, pro determinatione generatim attulerat, illa enim ait, ad minus de morali praedeterminatione conuincere. Ibi autem adduxerat locutiones Scripturae, quibus dicitur Deus vel inclinare corda hominum, vel immutare illa, vel attrahere, vel facere ut velint, & faciant & offerre cor lapideum, & dare cor carneum. Item illa in quibus dicitur Deus causa nostrorum actuum, & incipere ac perficere nostrum velle, nam est causa, inquit, per suum auxilium; ergo illud debet esse praeuium, antecedens & efficaciter praedeterminans, &c. Ac denique illa, in quibus soli Deo tribuitur salus hominis, ut illud, non est volentis, &c. & ad hunc modum inducit loca

E

1.

Affirmatur quaestio. Aluar. Ledesma.

Driedo.

loca similia Patrum & Conciliorum, quæ nunc superuacaneum est referre, quia nec peculiarem vim habent, & in sequentibus repetenda sunt.

2.  
Principia  
notatu di-  
gna.

Postea verò eadem testimoniis inducit per rationes Theologicas, & obiter ponit duo principia notatu digna, in quibus inductio nititur. Vnum est, illa omnia quæ Scriptura docet, non posse fieri per gratiam sufficientem, nam hæc solum dat virtutem & potestatem: quæ autem Scriptura docet, significant actualem efficientiam Dei in nostros actus. Secundum principium est, cum, qui habet auxilium sufficiens, non habere actualem inclinationem ad opera supernaturalia, sed tantum habitualement: nam illud auxilium habet rationem virtutis & potentie, Scriptura autem loquitur de inclinatione actuali, dum dicit, Deum inclinare cor nostrum, & similia. Reliqua quæ in discursu octo rationum dicit, nihil habent peculiare de prædeterminatione morali, & ideo illis nunc prætermitto. In altero verò loco applicat priores rationes, supposito generali fundamento quod sit necessaria diuina prædeterminatio, inferendo illam debere esse necessariam moralem. Primum, quia Deus debet præmouere, & prædeterminare voluntatem iuxta illius naturam: voluntas autem est moraliter operans, & ideo natura sua postulat moralem inductionem per mentis illustrationes, & pias affectiones antequam physicè prædeterminetur; secundò & ferè in idem redit, quia prædeterminatio physica debet fieri tali modo, ut non tollat libertatem: ad hoc autem necesse est, ut præcedat prædeterminatio moralis; ergo est æque necessaria. Probatur minor, quia ut prædeterminatio physica non tollat libertatem, necessarium est, ut fiat iuxta naturam ipsius voluntatis: hoc autem non haberet nisi præcederet prædeterminatio moralis; ergo. Tertio voluntas efficit suum actum & physicè & moraliter: ergo utroque modo debet prædeterminari à Deo, hoc enim necessarium est, ut omnibus modis verum sit Deum operari in nobis opera nostra, & facere, ut faciamus illa.

3.  
Aduertendum  
circa  
verba præ-  
mouendi, &  
prædetermi-  
nandi.

Præquam sententiam meam proferam, duo in superioribus animaduersa in memoriam reuocare necesse est. Primum cauendam esse æquiocam transitionem à verbo *præmouendi* ad verbum *prædeterminandi*, & è conuerso, ac si essent æquipollentia, cum reuera sint longè diuersa. nam *præmouere* latius patet, quam *prædeterminare*, & prædeterminatio includit præmotionem, & addit aliquid, nimirum quod motio talis sit, ut aliquo modo infallibili inducat voluntatem ad consensum, faciendo illam velle; unde ferè ita se habent præmotio, & prædeterminatio, sicut gratia præuia sufficiens & efficax, nam sufficiens præmouet, sed non requirit illam connexionem cum effectu; efficax verò & præmouet, & habet illam connexionem cum effectu, & inde dicitur efficax. Unde si habeat illam connexionem vi sua, & in actu primo, dicitur etiam prædeterminare. In præfenti ergo non mouetur questio de præmotione; plus enim quam certum esse supponimus, & præmotionem gratiæ esse necessariam ad singula opera pietatis, & primum omnium esse necessariam præmotionem moralem, quam facit gratia excitans per se, & per viam supernaturalem sibi connaturalem, & innatam, ut latissime in lib. 2. & 3. declaratum, & probatum est; quod ergo inquiritur est, verum necessarium sit hanc gratiam excitantem in tali gradu, modo, vel entitate dari, ut non solum præmoueat, sed etiam vi sua intrinseca prædeterminet voluntatem, ita illam præmouendo, ut in actu

Fr. Suarez de Gratia Pars II.

A primo illam prædeterminet, saltem morali modo.

Secundò aduerto prædeterminationem moralem duplicem cogitari posse, una est quæ solum dicitur moralis, quia fit per causalitatem, seu motionem moralem; in reliquo verò tam infallibiliter inferat effectum, quæ prædeterminatio quæ physica dicitur, ita ut omnino repugnet, & contradictionem implicet poni in voluntate talem motionem moralem præuium, & non sequi consensum, seu simul poni motionem illam cum eurentia consensum. Altera prædeterminatio dici potest moralis, quia non solum in modo causalitatis, sed etiam in gradu certitudinis, (ut sic dicam), quoad obtinendum consensum moralis dicitur, quia non est tam necessaria, vel infallibilis conexio, ut intrinsece repugnet, vel contradictionem implicet separati talem præmotionem moralem ab effectu, si cum negatione illius componi, licet moraliter, & humano modo procedendo id non contingat.

Dico primò ex vi gratiæ excitantis quantumcumque abundantis & perfectæ in suo genere, & per se, ac ex sola sua virtute, & causalitate spectatæ, nunquam potest voluntas ita prædeterminari ad actum consentiendi tali excitationi absolute & simpliciter, ut repugnet illam excitationi resistere. Hanc assertionem posui in lib. 3. de auxiliis, & mihi illam probant omnia adducta in præcedenti capite: nam siue talis prædeterminatio vocetur physica, siue moralis, siue absolute & simpliciter talis sit, ut in voluntate non maneat potestas illi resistendi, procedunt omnes rationes ibi adductæ. Primum, quia Concilia sine limitatione docent posita excitatione posse hominem dissentire si velit: cui vniuersali distinctioni non possumus auctoritate nostra exceptionem vel limitationem addere. Et ad hoc corfirmandum valent plurimum quæ de vocatione Pauli disserit Chrysostomus in tom. 3. homil. de ferendis reprehensionibus, & vocat. Pauli: nam si quæ excitatio posset prædeterminare illo modo voluntatem, maxime certè vocatione Pauli: negat autem Chrysostomus illo in loco voluntatem Pauli fuisse ita determinatam per illam vocationem, ut illa posita; aliud velle non posset, nam licet non utatur verbo *prædeterminandi*, sed verbo necessitatis, aut coactionis, re tamen veracundem sensum intendit, eò enim tendunt omnia exempla & comparationes, quas adducit in commendationem liberi, & plenè voluntarij consensus Pauli, & omnia inutilia essent, & nullius momenti, nisi in eo sensu loqueretur, quod non latius pondero, ut prolixitatem vitem, maxime cum in sequentibus multa similia expendenda sint: rogo autem studiosum Theologum, ut locum illum attentè legat & consideret.

Secundò probatur assertio discursu facto in præcedenti capite, quia in motu excitante per se spectato nihil est habens vim determinandi voluntatem simpliciter, & per causalitatem physicam; ergo multo minus per causalitatem moralem, quæ ex suo genere minus potens est ad prædeterminandam in actu primo voluntatem, quia tota motio gratiæ excitantis est, vel ex parte obiecti, vel per quædam sympathiam potentiarum animæ, vel actuum eius: in neutro autem horum inuenitur infallibilis conexio ex vi talium actuum, ut sibi probatum est. Unde si aliquando vel intellectus determinat voluntatem, vel vnus actus voluntatis determinat ad alium, non est propter solam moralitatem, sed propter physicam causalitatem, vel quia voluntas ex se habet talem determinationem ad tale obiectum, si sufficienter proponatur. Id videre licet in visione diuinæ essentie, quæ determinat voluntatem ad exercitium amoris Dei. Nam hæc,

4.  
Alterum ad-  
uertendum  
circa præde-  
terminationem.

5.  
Assertio.

Probatur  
primò.

Chrysostom.

6.  
Probatur  
secundò.

vel verius sit, nec visionem, nec essentiam visam, ut obiectum amabile est per physicam efficientiam mouere voluntatem, nihilominus vel ipsa motio obiectiua & finalis quatenus in suo genere causalitas physica est, habet illam vim propter eminentiam obiecti, vel, (quod facilius intelligitur,) ipsa voluntas naturā suā est determinata, ad summum bonum, & per charitatis habitum cum eadem determinatione eleuatur, & ideo talis prædeterminatio physica est, sicut etiam prædeterminatio quo ad specificationem ad habitudinem in communi sufficienter agitaram, ac propositam physica est, prouenit enim ab intrinseco ex ipsa natura voluntatis. At verò quando voluntas per actum intentionis absolutæ finis determinatur simpliciter ad electionem mediij necessarij, illa etiam prædeterminatio alia ratione physica est, quia inter illos actus est connexio omnino necessaria, & ut probabilius creditur, fundata in physica efficientia actus intentionis circa actum electionis, quæ efficiētia ibi est determinata ad vnum ex natura talis actus, & fortasse etiam ex natura ipsius potentie, quæ ab intrinseco determinatur ad volendum obiectum quod sub ratione boni necessarij proponitur: tale autem repræsentatur vnicum medium supposita absoluta finis intentione. Itaque in voluntate rationis nunquam potest esse ex vi obiecti, vel præuij actus, aut excitationis absoluta prædeterminatio moralis in eo gradu infallibilis, ac necessariæ connexionis, quin ibi intercedat prædeterminatio physica: ostensum est autem per solam excitantem gratiam non posse voluntatem physicè prædeterminari; ergo nec moraliter potest in eo gradu.

7.  
Inflatur.

Atque hinc virget etiam in præsentī altera ratio tacta in capite præcedenti, quia tanta prædeterminatio moralis necessariò includeret necessitatem simpliciter libertati actus contrariam, sed non obstante quacunque gratia excitante actus voluntatis est liber, ut supponimus; ergo per talē gratiam non prædeterminatur moraliter voluntas in illo gradu. Maior patet ex declaratione facta, quia vbique intercedit tanta determinatio prouenit ab intrinseco ex interna determinatione potentie ad tale obiectum: determinatio autem ab intrinseco inducit necessitatem contrariam libertati sine controuersia, & ita est in amore Dei clarè visi, & suo modo in affectu beatitudinis in communi, & in consuetudine electionis necessariæ ex efficaci finis intentione. Nam si quæ manet ibi libertas, est in perseverando in intentione, ac si intentio esset omnino præueniens ac necessaria in determinatione ad electionem absoluta necessitas esset, quia est in intrinseco, ut declaravi. Cum ergo gratia excitans quæ datur viatoribus, non ponat aliquid in homine quod ab intrinseco determinet quo ad exercitium voluntatem eius, quia nec ex parte obiecti ita determinat, nec ex connexione actuum, ut satis declaravi, sequitur ex se non posse simpliciter, & cum connexione omnino infallibili ex vi talis motionis prædeterminare voluntatem.

8.  
Effugium.

Dices assertionem hanc repugnare dictis in c. 6. ibi enim diximus excitationem posse esse auxiliū præueniens simpliciter efficax: auxiliū autem simpliciter efficax effectum infert omnino infallibiliter, quo modo ergo nunc negamus posse solā gratiam excitantē hoc modo prædeterminare voluntatem? Item aliqua gratia excitans dari potest ex voluntate Dei absoluta intendētis hominis conuersionem; ergo talis excitatio prædeterminabit simpliciter voluntatem, saltem moraliter, quia, ut

A dicit D. Thom. si de intentione Dei mouentis est D. Thom.  
ut homo conuertatur, infallibiliter conuertetur: nam voluntati eius quis resistet? ergo. Respondeo Respondeo.  
ad priorem partem, dictum quidem esse aliquam excitationem, seu vocationem esse efficacem, non est tamen dictum aliquam vocationem esse prædeterminantem, hæc enim duo sunt diuersa, ut capite præcedenti dixi, & in sequentibus latè ostendam, & ideo potest esse vocatio efficax, & non prædeterminans simpliciter siue physicè, siue moraliter. Item dictum est c. 6. vocationem aliquam esse efficacem, sed non est dictum de se, & ex vi suæ entitatis, & obiecti, & ideo ex hac etiam parte non est præsens doctrina superiori contraria. Vnde ad alteram partem responderetur in primis, etiam si consequentia admittatur, non esse contradicēta, quia in eo casu solum sequitur excitantem gratiam prædeterminate voluntatē, & adiuncta voluntate Dei, non ex vi solius excitationis, ac subinde tūc Deū per talem voluntatē aliquid actiuitatis adiungere ultra totam causalitatem connaturalem tali gratiæ excitanti, siue vtendo illa, ut instrumento, siue ad præsentiam eius immediatè operando efficacius, quod siue sit verum, siue falsum, non est contra assertionē. Secundò verò responderetur negando consequentiam, quia, ut dixi, aliud est infallibiliter facere, aliud prædeterminatē, & ex illa voluntate, seu intentione Dei absoluta solum sequitur quod illa excitatio infallibiliter consequetur effectum, non verò quòd prædeterminet, quia primum sufficit vt voluntati Dei nemo resistat, quia Deus non intendit per illam voluntatem suam, ut nostra voluntas prædeterminetur, sed vt conuertatur.

Dico secundo. Excitans gratia talis ac tanta esse potest, ut ex se prædeterminet moraliter voluntatem, cum morali scilicet connexione, & consecutione, quæ licet physicè deficere possit, vel nunquam, vel rarissimè deficit. Hanc assertionē damus priori sententiæ, & illam posui in lib. 3. de auxiliis c. 10. probarique potest facillè, quia quidquid non repugnat fieri per excitantē gratiam, potest Deus facere per illam, dando nimirum excitationem accommodatam ex natura sua ad talem effectum, sed voluntatem nostram prædeterminari moraliter per excitationem præuiam, non inuoluit vllam repugnantiam; ergo melius & maxime poterit id fieri per excitationes gratiæ. Minor probatur, quia id repugnat libertati actus; ergo non est vnde aliàs repugnet: neque enim aliud principiū repugnantie in hac materia excogitatum, neque arbitror excogitari posse. Antecedēs probatur, quia hæc moralis prædeterminatio, ut à nobis explicata est, nec inducit absolutam necessitatem, nec tollit potentiam resistendi etiam in sensu composito, id est, potentiam componendi dissensum cum tali excitatione; ergo non repugnat libertati. Secundò probatur eadē minor inductione, quia multa facimus, & omittimus liberè, ad quæ sumus illo morali modo prædeterminati. nam in his, ad quæ magna consuetudine, vel inclinatione ducimur quando occasio magna offertur, & attentè cogitatur, & siue peculiari difficultate proponitur, quandam moralem prædeterminationem experimur, & ita illa operamur, ut vix possimus, moraliter loquendo, aliud facere, & ita communiter de his dicimus non posse nos aliud facere, quæ impotentia interdum ita est, ut vix aliud vnquam velimus, quatinus reuera possimus. Item hoc probant exempla mirabilium conuersionū, quas Deus per suam gratiam facit ex magnis peccatoribus magnos Sanctos subito efficiendo: nam, ut id faciat fortiter & suauiter,

ter,



ter, propterea deest providentia Dei, per huiusmodi fortem excitationem fieri dubium non est, pro ut de vocatione Pauli sentit Augustinus lib. de grat. & lib. arbit. c. 5.

August.

10.

Hanc etiam partem confirmaui in dicto libro de auxiliis exemplo grauissimæ tentationis hominis, quæ moraliter determinat liberum arbitrium si gratia defuit. quod exemplum aliqui reprehendunt, illudque adeo sinistrè interpretati sunt, ut mihi obiecerint, quod asseruerint non habere Deum maiorem virtutem ad prædeterminandam voluntatem ad bonum, quam dæmonem ad malum. Respondemus autem in primis exemplum illud & modum explicandi hanc causalitatem moralem sumptum esse à nobis ex Patribus, primum ex Augustino lib. de grat. & lib. arbit. c. 21. cuius hæc sunt verba ultima. *Si tamen potens est, (scilicet Deus,) siue per Angelos bonos, vel malos, siue quocunque alio modo, operari etiam in cordibus malorum pro meritis eorum, quorum malitiam non ipsa fecit, sed aut originaliter tracta est ab ipso Adam, aut creuit per propriam voluntatem, quid mirum est si per Spiritum sanctum operatus in cordibus electorum suorum bona, qui operatus est ut corda ipsa essent ex malis bona.* Ecce videtur Augustinus eodem argumentandi modo. Et ut argumentum sit efficax, necesse est ut sit vniuocus sermo, (ut sic dicam,) de modo operandi in cordibus hominum, ut de genere moralis illatio fiat, quia per Angelos bonos, vel malos non aliter voluntas nostra mouetur.

Responsio.

August.

11.

Hieron.  
D. Thom.

Secundò vñus est illa comparatione Hieronym. lib. 2. contr. Iovinianum, non longè à principio, cumque refert D. Thom. 1. 2. q. 80. art. 1. argum. 2. & q. 3. de Malo, art. 3. arg. 14. verba Hieronymi sũt, *Liberi arbitrij nos condidit Deus, nec ad virtutes, nec ad vitia necessitate trahimur, alioquin ubi necessitas est, nec corona nec damnatio est. Sicut in bonis operibus perfectio est Deus, non enim est volentis, neque currentis, sed miserentis & adiuvantis est Dei, ut peruenire valeamus ad calcem, sic in malis atque peccatis semina nostra sunt incitina & perfectio Diaboli.* quæ verba ita exponit D. Thomas, ut pro nobis etiã respondeat, obiecerat enim ex verbis Hieronymi sequi tam verè & propriè esse Dæmonem causam mali, sicut est Deus causa boni. Respondet autè, *Quòd similitudo illa non tenet quantum ad omnia: nam Deus est auctor bonorum nostrorum operum, & sicut exterius persuadens, & sicut interius mouens: Diabolus autè non est causa peccati, nisi ut exterius persuadens, ut ostensum est.* Ut ergo illa comparatio, seu argumentatio cõuenienter fiat, nõ oportet ut sit æqualitas in modo, in quo Deus & dæmon suadent, sed satis est quòd sit aliqua similitudo in hoc quod uterque suadet. Sicut ergo falsò imponderetur Hieronymo quòd dixerit, nõ aliter Deum esse causam boni, quàm dæmon sit causa mali, ita & nobis immeritò attribuitur.

12.

Idem D.  
Thom.

Tertiò idem D. Thomas lect. 5. in Ioannem, ut explicet trahendi modum Patris ad Filium, què dicit esse congruum, quia trahit reuelando & docendo, alia comparatione æquivalente, vel etiam inferiori videtur. *Nam aliquis homo, (inquit,) trahit aliquem suadendo ratione, & hoc modo Pater trahit homines ad Filium, demonstrando eum esse Filium suum, vel per internam inspirationem, vel per miraculorum operationem, &c.* Et infra videtur exemplo Augustini de obiecto delectabili, quod appetitum attrahit, iuxta illud,

*Trahit sua quemque voluptas.*

Sicut ergo ex his comparationibus non licet inferre, Deum nõ aliter trahere, quàm homo, vel obiectum extrinsecum trahat, ita neque ex altera comparatione inferri potest.

Fr. Suarez de Gratia Pars II.

Præterea inter modernos auctores vñus est prior comparatione Soto lib. 1. de natur & grat. c. 16. dicens, *quòd autem Deus aliquo modo illuminet, inspiret & tangat corda nostra absque voluntate nostra, patet similitudine tentationis ad malum, & ad hoc inducit sequentia verba Augustini. Fatendum est ex superioribus, & inferioribus visis animam tangi, ut rationalis substantia sumat ex utroque quod voluerit, & ex merito sumendi vel miseria vel beatitas subsequatur.* Vbi est etiam obiter aduertendum, interdum ut Augustinum voce inspirationis ad explicandam dæmonis suggestionem, sic enim ait 4. de Trinit. cap. 12. *Diabolus sua societati malignos affectus inspirat.* quem interpretans D. Thomas q. 3. de Malo art. 3. ad 2. ait, *Dicendum quòd Diabolus inspirat homini affectum malignum per modum persuadentis.* Ex quibus non licet inferre æqualitatem in modo, vel efficacia inspirationis. Denique Bellarminus lib. 4. de grat. & lib. arbit. cap. 22. ex efficacia humanæ eloquentiæ ad flectendum voluntatem alterius hominis furnit argumentum ad declarandam efficaciam internæ suasionis ad inclinandam voluntatem hominis quo ipse voluerit.

13.

Soto.

August.

Aduertendum.

D. Thom.

Igitur nostra argumentandi ratio nec noua est, aut peregrina, nec in ea indicatur Deum non aliter mouere quàm dæmonem. Neque enim hoc ad argumenti efficaciam, vel cõuenientiam necessarium est, quin potius quanto excellentiori, & multiplicit ac vario modo poterit Deus mouere hominis voluntatem, quàm Dæmon, tantum erit argumentum efficacius, nam à minori, seu à fortiori sumptum est. Si enim dæmon per solam exteriorem suasionem tantam habet vim, quomodo non habebit Deus maiorem & maximam, cum & exterius, & interius perfectiori modo persuadere possit. Quem sensum in dicto cap. 10. lic concludendo expressimus. *Ergo multo magis potest Deus sua excitante gratia ita illuminare hominem, & affectum eius inclinare, & accendere, ut moraliter eum ad consentiendum trahat ac determinet.* Et in cap. 14. ex eodem antecedenti ita inferitur. *Multo ergo excellentiori modo potest Deus accommodare homini vocationem congruam.* Non ergo sit argumentum ab æquali, sed ab inferiori, vel, ut expressè dicim in d. cap. 14. num. 16. sit argumentum à fortiori, quia (ut ibidem subditur,) *multo est potentior diuina gratia, & plures modos nouit Deus inclinandi & trahendi voluntatem.*

14.

Auctoris argumentandi ratio.

Denique eodem lib. 3. de auxiliis cap. 11. explicando verbum trahendi, Ioan. 6. de morali tractatione & persuasionem, quæ est explicatio Augustini, & D. Thomæ ibidem, illam declaravi per aliud testimonium Apocypf. 12. vbi dæmon dicitur trahere, quod etiam de tractione per suasionem declarauit Thomas non Angelicus, sed Anglicus ibi, & D. Thomas dicta q. 3. de Malo art. 3. ad 2. respondendo ad quædam verba Bedæ, dicentis quòd Diabolus trahit animam in affectum malitiæ: unde non licet inferre tractionem, vel persuasionem esse omnino eiusdem modi, sed solum conuenire in generali ratione suasionis moralis, nam ibi etiam habet locum argumentum à minori. Nam si persuasio dæmonis, cum sit multo inferior, tractio vocari potest, multo magis persuasio Dei, quæ longè excellentior, & magis interior est, nam Deus multo altius & excellentius potest illuminare intellectum quàm Dæmon possit decipere, nec solum per sensus, sed etiam per se ipsam potest interius docere & dirigere intellectum. Et (quod caput est) potest ipsi voluntati imprimere, & in ea propriè effi-

15.

cere affectiones supernaturales non liberas, & suavitatem, qua moraliter attrahat voluntatem ad liberum consensum. Accedit quoddam hic modus prædeterminationis in multis est proprius Dei ex parte actuum, ad quos pie mouit, scilicet honestos, & supernaturalis ordinis, ad quos nulla creatura potest perfecte inclinare etiam moraliter, nisi ut instrumentum Dei. Secundò in modo directo & per se utique influendo immediatè in ipsismet principis spiritualibus animæ illuminando, & affectionibus sanctis imbuendo illa. Tertiò in modo remouendi impedimenta, & auertendi cogitationes contrarias, quod multum refert ad moralem hanc determinationem de qua tractamus. Sic ergo explicata & probata assertio extra controuersiam est, ut existimo, neque in ea difficultas alicuius momenti occurrit.

16.  
Assertio tertia.

Probat.

Dico tamen tertiò, hanc prædeterminationem moralem non esse simpliciter necessariam ad singulos actus supernaturales voluntatis liberè efficiendos. Ita docui in citato loco lib. 3. de auxiliis, & fundamento tacto in capite præcedenti; quod si hæc gratia esset necessaria, qui illam non reciperet, non haberet auxilium sufficiens. Consequens est falsum; ergo. Sequela probatur ex principio sæpè repetito, quod auxilium sufficiens includit auxilia necessaria, præsertim ea, quæ sunt simpliciter præuenientia, & ad actum primum pertinentia, cuiusmodi sunt omnia excitantia auxilia. Minor constat, quia aliàs omnes peccatores, qui ideo non conuertuntur, vel non agunt poenitentiam, quia non recipiunt neque sentiunt vocationem adeò efficacem, ut moraliter eos determinet, & vehemèter inclinet, etiam si aliam vocationem habeant, quæ illos ita considerare faciat, ut eos indifferentes constituat ad plenè deliberandum, excusarentur à culpa, quia omnes qui non recipiunt auxilium necessarium, excusationem habet sufficientem: consequens autè est planè falsum, ut constat.

17.  
Explicatur, & confirmatur.

Aliter eadem ratio explicatur & confirmatur assertio, quia hæc determinatio moralis in gradu declarato non fit per quamcunque sufficiens excitationem, sed per abundantem, & moraliter vehementem, nam in omnibus rebus moralibus experimur hæc duo esse valde diuersa, & voluntatem non determinari moraliter à quacunque sufficiens motione, sed oportere illam esse abundantem, vel etiam vehementem, ut in petitione non quælibet preces, quæ sufficiunt ad impetrandum, determinant moraliter voluntatem eius qui rogatur: preces autem importunæ determinant, & quodam modo cogunt. Idem est de consilio, de motione obiectorum sensibilium, & de qualibet tétatione intelligendum, in excitationibus gratiæ: nam per eas mouet Deus voluntatem modo illis accommodato; ergo non determinat illam moraliter, nisi per copiosum, & superabundans auxilium excitans. Auxilium autem abundans non est simpliciter necessarium ad singulos actus pietatis, ut est per se notum, tum quia ad agendum non est per se necessaria virtus summa, aut excedens; tum quia superabundantia auxilia, nec dantur, nec offeruntur omnibus, neque est in hominis potestate, regulariter loquendo, habere has vehementes excitationes, sed Spiritus sanctus illas diuidit pro ut vult; ergo simili ratione auxilium moraliter prædeterminans non est simpliciter necessarium.

18.  
Explicatur tertiò.

Tertiò explicatur aliter, quia omnia auxilia excitantia quantumvis magna sint, solum constituunt potentiam in actu primo respectu consensus, & quantum est ex se possunt tempore præ-

Acedere ipsum consensum, & in hoc legitimo sensu rectè dicuntur dare potestatem agendi liberè: at verò intra latitudinem potestatis potest esse maior, & minor facultas, & cum maiori, vel minori inclinatione ad alteram partem cum sufficienti iudicio & inclinatione voluntatis: ergo illa potestas sufficit ad perficiendum actum si homo velit; ergo altera moralis determinatio non est simpliciter necessaria.

Respondent aliqui hæc argumenta probare, hanc prædeterminationem moralem non esse necessariam ex natura rei, nihilominus esse necessariam ab intrinseco ex ordine diuinæ providentiæ, quia aliàs incertus esset eius ordo & fallibilis. Sed hoc non rectè dicitur, tum quia nullibi est nobis reuelatum, vel aliqua graui autoritate traditum ex Dei ordinatione maius & abundantius auxilium esse necessarium ad singulos actus, quam ex parte actus, vel ex parte liberi arbitrij necessarium sit; tum etiam, quia si minus auxilium sufficit, & multis datur, cur de facto non multi cum illo solo operabantur si Deus non impediat. Quod si Deus impediat, iam illis non imputabitur, præterquam quoddam absurdissimum est id Deo attribueret. Tum præterea, quia si intercedat prædeterminatio physica, illa sufficit ad infallibilitatem providentiæ: si verò physica prædeterminatio tollitur, moralis penitus non sufficit ad infallibilitatem providentiæ, nisi aliunde intercedat præscientia omnino infallibilis futuri, si talis motio Dei præcedat; quod si hæc præscientia supponitur & admittitur, non erit necessaria prædeterminatio moralis ad infallibilitatem providentiæ; ergo propter ordinem providentiæ non est necessaria talis prædeterminatio moralis. Denique ipsa experientia & communis modus sanctè operandi fidelium, ostendit non semper homines in actibus duci his vehementibus impulsibus, sed interdum à Spiritu sancto sic moueri, interdum relinqui, ut ordinatio modo excitentur per fidem, & deliberent cum integra indifferentia, imò interdum cum repugnantia naturæ, vel aliarum difficultatum, siue tanta gratiæ impulsione. Non est ergo illa determinatio necessaria, per se loquendo, licet sit utilissima, & aliquando propter indispositionem subiecti possit esse moraliter necessaria, ut in citato loco latius dixi.

Neque video cur defensores physice prædeterminationis de hac assertione sint solliciti, aut illi contradicant: nam si auxilium aliquod præueniens non excitans, sed adiuuans prædeterminat physice voluntatem, illud satis superque erit ad generalem, (ut ita dicam,) efficaciam auxilij simpliciter necessarij ad singulos actus: ipsum autem auxilium physice prædeterminans non potest simul prædeterminare moraliter, quia non mouet morali modo, cum non sit actus vitalis, sed pura motio, vel qualitas passiuè tantum recepta in hominis potentia, & per physicam determinationem, ac efficientiam illam trahens ad coëfficiendum; ergo ipsummet auxilium physice prædeterminans, si datur, non prædeterminat moraliter. Neque etiam necessario supponit prædeterminationem moralem, quia, ut ipsi dicunt, collatio, & operatio talis auxilij non pendet ex tempore, loco aliisque circumstantiis, neque ex aliqua dispositione liberi arbitrij; ergo etiam si non præcedat in arbitrio prædeterminatio moralis, dummodo obiectum sit sufficienter propositum, poterit satis prædeterminari voluntas per solum

19.  
Aliorum responsio.

Impugnatur.

28.

solum auxilium adiuuans praedeterminans physice; ergo in illo sententia non est, cui sit hac praedeterminatio moralis necessaria, cum physica sufficiat, semperque necessarius esse credatur.

21.  
Fundamen-  
tis contrariis  
occurritur.

Nec fundamentum contrarij sententiae probat necessitatem praedeterminationis, sed solum necessitatem praemotionsis moralis; de hac enim motione loquitur Scriptura, cum dicunt, Deum inclinare corda, immutare, convertere, & facere ut velint, &c. nam haec omnia per morales motiones praestat Deus, & per illas incipit in nobis operari, & cum illis perficit in nobis quod intendit, etiam si ex parte vacillantis gratiae nihil addat, sed tantum ex parte adiuuantis. Accedit quod dicti auctores habent omnes locutiones de motione physica per gratiam prauam adiuuantem, & praedeterminantem interpretantur. Nos autem ostendimus illa omnia fieri per vocationem congruam, quae praedeterminationem moralem non requirit, & a physica longe distat: nulla ergo praedeterminatio ex illis locis probatur. De illis autem principijs quae ad inducendas rationes in testimonijs fundatas adducuntur, dico, primum quidem verum esse, nam illae locutiones, vel omnes, vel quae plures earum propter vocationem efficacem dicuntur: male autem inde inferunt, illa dicta esse propter praedeterminationem: nam potest esse vocatio efficax sine praedeterminatione physica, vel morali, ut iam dixi, & in sequentibus late exponam.

22.

Alterum autem principium falsum est, nam gratia excitans siue sufficiens, siue efficax, dat actualem inclinationem, & non habituales, quia talis gratia in actibus vitalibus consistit, ut dixi, ut est actualis cogitatio sancta, quae motum aliquem in affectu mouet, qui motus actualis inclinatio est non habitualis. Nec refert quod auxilium sufficiens dicatur dari per modum actus primi, seu potentiae, nam id intelligendum est, non quantum ad substantiam actus, (ut sic rem delectem,) sed quantum ad causalitatem respectu consensu liberi. Ad eum modum quo intentio finis dici potest virtus, & quasi actus primus ad electionem mediorum, & assensus praemissarum respectu assensus conclusionis, & amore rei possibilis respectu gaudij, & sic de alijs. Et in vniuersum causalitas moralis per actus secundos fit, ut per consilium, petitionem, vel aliquid huiusmodi, & nihilominus ille actus secundus & prauus, & inducens ad aliam, dicitur esse per modum virtutis & actus primi. Cum ergo Deus inclinat corda per gratiam excitantem, actualem quidem praebet inclinationem, indeliberatam tamen, ac necessariam quae despectu actus perfecti & deliberati per modum actus primi comparatur.

23.

Ad alias tres actiones non esset necessaria nobis responsio, quia procedunt ex fundamento physicae praedeterminationis, quod falsum esse credimus, & nihilominus addimus etiam, ex illo non recte procedere, nam prima ratio solum probat ante physicam praedeterminationem debere praecedere moralem praemotionem, & inductionem per diuinas illuminationes & affectiones, ut in ipsa forma argumentandi concluditur: non tamen inde inferitur hanc inductionem debere necessariò esse tantam, ut gradum moralis praedeterminationis attingat. Nam, ut voluntas conaturali modo operetur, minor inductio sufficit, imò tunc quodammodo libetius operatur, quan-

do minus vehementer indicitur, ut patet in eo, qui ex vehementi passione peccat, minus enim libet peccat, quam qui suo arbitrio, sine passionis vehementi tractione delinquit. Eadem ferè responsio est ad secundum: nam, ut Deus moueat voluntatem hominis iuxta naturam eiusdem voluntatis, satis est quod praecedat moralis motio, & sufficiens inductio: quod si hoc non sufficit, ut saluetur postea libertas in praedeterminatione physica, neque etiam sufficit quod praecedat moralis praedeterminatio: nam ante praedeterminationem physicam maior libertas cernitur in voluntate ad utrumque, & non lum ad alteram partem moraliter praedeterminatam, & post imperatam praedeterminationem physicam aequalis necessitas physica ex illa oritur, siue moralis praedeterminatio praecesserit, siue non; quid ergo conferre potest talis praedeterminatio moralis, ut physica non tollat libertatem? Ad tertium negatur consequentia, quae quo ad praedeterminationem physicam supra in huiuslibi tertij tractata est; ostendimus enim ibi non esse necessarium, ut Deus omnes causas physice agentes, etiam si libere sint, praedeterminet physice, sed solum ut eas physice adiuvet cum eis coëfficiendo, & licet ibi solum de praedeterminatione per generalem concursum tractauerimus, eisdem est ratio de quaeunque alia, ut in sequentibus videbimus. Quoad alteram vero partem de praedeterminatione morali, etiam non est bona illatio, quia ut Deus sine causa moralis nostrorum operum moralium, sufficit quod ad illa moraliter moueat, & inducat quod facere & sufficere, & efficaciter potest sine praedeterminatione morali, ut saepe iam dixi.

## CAPVT IX.

Proponitur opinio affirmans efficaciam auxilij prauj consistere in physica praedeterminatione voluntatis per modum actus primi, ac proinde talem praedeterminationem ad omnes & singulos actus pietatis esse necessarium.

Hanc opinionem in hoc titulo praesentis capitis contentam tenent in sententia plures ex recentioribus Thomistis, nam licet interdum in verbis differant, tamen vera in tribus propositionibus conveniunt, ex quibus eadem assertio sequitur, in qua rei difficultas consistit. Prima est ultra id totum quod ex parte gratiae excitantis necessarium est ad vocationem ut homo possit converteri, vel pie operari ut actu conuerteretur, vel consentire necessarium esse ut Deus sola sua voluntate & potentia imprimat in hominis voluntate novam entitatem, quam vocant motionem virtuosam & efficacem, quae non est actus vitalis, nec sit à voluntate, sed Deus solus illum efficit voluntate merè passivè se habente ad receptionem eius. Secunda est quod hinc sequitur receptionem huius motionis non esse liberam voluntati, sed Deum pro solo suo arbitrio illam dare, vel negare, quia nec potest esse in se immediatè libera voluntati, cum ab illa non pendat effectus, sed voluntas merè passivè se habeat in illius motionis

1.  
Propositio.

Propositio.



tionis receptione, quod est contra rationem actus proximè liberi, ut in primo prolegomeno ostensum est, neque etiam libera est remotè in aliqua dispositione libera voluntatis, quia talis libera dispositio requirit similem motionem præuiam, & ita sistendum est in prima, quæ sine tali dispositione detur.

2. Tertia propositio est, hanc motionem esse per se & physicè actiuam consensus voluntatis, non quidem solum, sed cum ipsa voluntate, ita tamen, ut in usu actiuitatis suæ non subdatur voluntati, sed illam potius sibi subdat, adeò ut illa motione semel posita in voluntate, non possit voluntas illi resistere, suum actum sustinendo, nedum oppositum eliciendo, imò nec Deus ipse possit facere, ut posita illa motione in voluntate, non statim voluntas eliciat & exerceat actum, propter quem illa morio datur, quia hæc est natura talis motionis, ideòque vocatur auxilium de se & natura sua efficax, quod ad hunc finem datur, & non potest esse sibi contrarium. Ex quibus principiis apertè sequitur assertio posita, nimirum hoc auxilium per modum actus primi determinare physicè voluntatem ad vnum actum, & ad exercitium eius prius natura, quàm illum eliciat, & nihilominus aiunt illum elicere liberè, quia sub illa motione manet semper potestas voluntatis ad non habendum illum actum, & tota illa determinatio fit modo accommodato libertati voluntatis.

Hæc sententia solet in primis tribui Gregorio & Capreolo, qui ex parte quidem illam docuerunt, non tamen omnino, ut supra lib. 1. retuli, quia non per se, neque ex propria ratione actuum supernaturalium talem motionem postulant, sed solum in lapsa natura, ob illius defectum & impotentiam ad benè operandum, & quoad hanc partem, ibi illam impugnauius, quantum ad id verò, in quo cum prædicta opinione consentit, in hunc locum illam remissimus. Sententia ergo quam proposui, recentior est, eamque magna asseueratione defendunt Theologi sacri Ordinis Predicatorum, & aliqui dicunt incœpisse temporibus Magistri Soto, qui eam indicauit lib. 1. de natur. & grat. cap. 16. ibi tamen nihil reperio quod ad causam pertineat; imò cum tres ordines auxiliorum, seu donorum distinguat, in primo ponit eos motus, qui à Deo fiunt in nobis sine nobis liberè consentientibus, non tamen sine nobis vitaliter coefficientibus, ut expressè declarat: in secundo ordine ponit actus gratiæ quos Deus principaliter facit in nobis, non tamen sine nobis liberè cooperantibus: in tertio ponit gratias, quas Deus solus facit in nobis sine ulla proxima & immediata coefficientia nostra, licet in adultis liberam dispositionem supponant, & in hoc ordine habitus per se infusos constituit. Nullum verò auxilium actuale ponit quod vitalis actus non sit, vel quod à Deo solo fiat in homine passiuè tantum se habente, & nullo modo se ad illud disponente. Determinationis autem, vel prædeterminationis, quæ à solo Deo fiat, nullam mentionem facit, imò semper attentissimè dicit Deum ita mouere hominem, ut potestatem resistendi nobis relinquat. Et quamuis dicat Deum prius natura nos mouere, illud longè diuersum habet sensum. Præterquam quòd in eo aperte multa habet Soto, quæ illi prædeterminationi repugnent, ut in fine lib. 3. tetigi, & in sequentibus dicam.

Primus ergo ex recentioribus Thomistis, qui

A sententiam illam magis insinuare cœpit, videtur fuisse Medina 1.2 q. 10. art. 4. vbi generaliter de concursu Dei cum causa libera disputat: quæst. tamen 109. art. 2. in fine generalius loquitur, & specialiter agens de auxilio gratiæ art. 10. dub. 2. in tertia assertionione, & in fine articuli ad 3. & vltimam dubitationem hanc sententiam indicat; nunquam tamen vritur verbo prædeterminandi, aut prædeterminationis. Neque declarat quid addat auxilium efficax supra sufficiens, imò licet dicat addere aliquid, nihilominus in illa vltima dubitatione ait, *In eo qui sequitur*

B *vocationem esse aliquem modum, vel ablationem alicuius impedimenti, vel aliquid simile nobis occultum, quod non est in eo, qui similem vocationem non sequitur.* quæ certè doctrina neque necessaria est, si prædeterminatio semper requiritur, neque cum illa rectè coheret, quia posita in vno prædeterminatione, & non in alio, parum refert, quòd in cæteris vocatio sit æqualis in utroque, ut recentiores Thomistæ ingenuè fatentur, sicut infra videbimus. Magis igitur distinctè illam doctrinam tradit Bannez 1. p. q. 14. art. 13. dub. 2. concl. 3. cum dubiis sequentibus, & q. 19. art. 3. & 4. & q. 23. art. 3. & 5. & omnia in summam redigit 11. q. 10. art. 1. docum.

C Postea in defensionem eiusdem sententiæ integrum opus scripsit P. Franciscus Danila, vbi cap. 13. 22. & 27. clarè dicit hoc auxilium à solo Deo fieri in voluntate ipsa merè passiuè se habente, & ex illo sequi consensum non tantum infallibiliter, sed etiam inuitabiliter. Alius verò eiusdem sententiæ defensor dixit immobiliter. Nuñus Capezudo 3. p. q. 61. art. 5. q. 2. præsertim ad 8. & 11. & circa finem consentit P. Didac. Aluar. super Isaiam cap. 10. postea verò ex professo materiam tractauit in lib. 1. de auxil. qui totus hac doctrina respersus est, in lib. tamen 9. disp. 83. & sequentibus, copiosè de hoc puncto disputat, acriterque sententiam recitatam defendit. De quo argumento etiam scripsit Petr. Ledesma tractatum copiosum de Auxiliis, præsertim in principio vnicæ quæstionis, & art. 1. 5. & sequentibus. Alij etiam recentiores eiusdem ordinis Magistri in eiusdem doctrinæ defensionem suos tractatus, relectiones, aut controuersias scripserunt.

Eandem sententiam docuit Magister Cumel p. 1. q. 14. art. 13. q. 19. art. 8 & q. 23. art. 5. & 1. 2. q. 111. art. 3. disp. 5. & pro illa postea latè pugnavit in toto ferè opere opusculorum, præsertim tom. 1. disp. 5. conclus. 3. vbi distinguit tres modos huius prædeterminationis. Primus est quòd Deus determinet voluntatem sola sua potentia efficiendo actum secundum in ea. Secundus est, ut Deus efficiat præuiam formam, vel motionem prædeterminantem voluntatem, &c. Tertius est ut solus efficiat actum secundum in voluntate, & nihilominus illam prædeterminet, quia prius natura facit actum. Et primum modum expressè reijcit tanquam omnino falsum, & continentem errorem Lutheri. Postea confusè loquitur de alijs duobus modis, & magis videtur sequi tertium, nam in declaratione assertionis 5. restat igitur, concludit intelligere assertionem de auxilio gratiæ Dei efficaci præmonente nos efficienter proprie, seu prædeterminante voluntatem, quæ se determinat sub hac determinatione Dei, & se agit Deo efficienter inchoante, & voluntate simul se mouente non in alia duratione, nec in alio instanti, aut in aliquo priori, in quo Deus agit, & non ipsa. Et in hoc sensu latissimè

Qrit ex recentioribus Thomistis sententiam illam magis insinuare cœpit. Medina.

Bannez.

Danila.

Capezudo. Aluar.

Ledesma.

4. Cumel.

Distinguit Cumel tres modos prædeterminationis.

Auxilium de se, & natura sua efficax est.

Soto.

Distinguitur auxiliorum ordines.

3.



simè probat suam sententiam. At verba illa omnia, ut sonant, non sunt contra nostram sententiam, ut ego distinctè satis in lib. 3. de auxilio declaravi. Vnde hic author non videtur ausus opinionem hanc de prædeterminatione in actu primo per formam, vel motionem præuiam declarare, vel defendere. Infra verò post multa, quæ pro sua sententia allegat, iterum eandem assertionem pluribus verbis explicat, & apertè dicit hanc gratiam prædeterminantem dari per modum principij, imò esse formam dantem voluntati totum vim agendi, nam liberum arbitrium nullas habet vires ad actus supernaturales, quamuis paulò inferius etiam modum de prædeterminatione in actu secundo insinuet, ut infra dicam. Huic etiam sententiæ adhæsit Cabreta 3. p. q. 8. art. 4. per plures disputationes, & q. 62. art. 1. disp. 8. & sequentibus, ubi latissimè pro physica prædeterminatione pugnat, licet in modo explicandi illam nunc cum cæteris sentiat, nunc dissentiat, & variis modis loquatur, quos obiter suis locis attingemus. Cum his etiam authoribus videtur sentire Petrus Trigosius in Commentar. ad Bonauentur. 1. p. q. 14. art. 5. & 6. dub. 1. & q. 15. art. 1. Alij plures antiqui, & moderni pro hac sententia allegantur, quanto verò fundamento, infra videbimus.

Cabreta.

Trigosius.

5. Ponuntur fundamenta capitalia pro sententia.

Fundamenta capitalia huius sententiæ duo esse possunt. Vnum est philosophicum, nimirum causam primam præmouere secundam per concursum generalem, & applicare illam ad agendum in omni operatione sua, ac subinde prædeterminare physicè illam, si libera, & ex se indifferens ac indeterminata sit. Iuxta quod principium auxilium efficax in ordine gratiæ non est aliud, nisi concursus generalis ordinis gratiæ, & in illo præuius seruata proportionem eiusdem modi necessitatis & efficientiæ cum concursu præuii generali ordinis naturæ ad opera eiusdem ordinis tam necessaria, quàm libera, & in hoc vnico fundamento procedunt omnes ferè moderni Thomistæ, maxime verò Ledesma & Aluarez. Sed in hoc sensu iam est à nobis terminata quæstio in dicto lib. 3. ostendimus enim ibi neque in naturalibus causis, neque in liberis ad actus ordinis naturalis necessarium esse talem præuium concursum, & consequenter neque ad actus supernaturales esse necessarium ex vi generalis influentiæ primæ causæ, vel subordinationis dependentiæ cæterarum ab ipsa. Vnde etiam ex ibi dictis constare potest frustrà induci Scripturæ testimonia, in quibus Deus dicitur facere ut velimus, vel emollire corda nostra, vel auferre cor lapideum, & dare cor carneum, propter auxilium efficax hoc modo explicatum, id est, propter solum concursum præuium in modo suo communem omnibus actibus liberæ voluntatis; quia (ut ibi argumentabamur) ratione illius concursus si detur, etiam dicitur Deus facere ut voluerit Iudas vendere Christum, & ut illum vendiderit, & per veram ac propriam, & positivam efficientiam corda obdurare, & tollere cor carneum, & dare lapideum, & similia quæ ex illo principio ibi latè probauimus. Quàm verò sint absurda, per se satis notum est.

6. Auxilium efficax non esse necessarium ex aliqua radice, seu origine indifferenti, regula Augustini.

Quapropter obseruanda est in hac materia regula ex doctrina Augustini desumpta, auxilium efficax gratiæ non esse necessarium ex aliqua radice, seu origine indifferenti, (ut sic dicam,) seu communi bonis & malis actibus, aliàs non minus Deo tribui possent mala, quàm bona, quod per absurdum est, non solum de malis ut mala sunt,

sed etiam de ipsis actibus qui sine malitia non sunt, ut ibidem ostendi. Sumitur autem hæc regula ex Augustino lib. de grat. Christi cap. 17. quatenus Pelagium, qui dicebat ideo bonam operationem non tantum nobis, sed etiam Deo tribui, quia posse nobis donauit, impugnat. nam hoc modo etiam mala operatio tribuenda esset Deo, & nobis, quia illud etiam posse nobis donauit. Atque ita, inquit, (quod absit) quemadmodum cum Deo laudamur in operibus bonis, sic cum illo culpamur in malis, possibilitas enim illa quam dedit, tam nos facit posse bona, quàm mala; sic ergo nos dicemus, efficacitas enim illa quam per concursum præuium dat, tam nos facit mala velle, aut facere, quàm bona, utrumque enim de malis eadem ratione & proportionem intelligendum erit utrique de actibus malis. Nam iuxta doctrinam Augustini possibilitas malitiæ moralis, ut talis est, non ex Deo est, sed quia sumus ex nihilo. Et eandem rationem, ac regulam repetit Augustinus eodem lib. cap. 27. & eodem modo lib. de spirit. & liter. cap. 34. tractans verba Pauli, *Quis enim te discernit?* attingit expositionem quæ cogitari posset, dicendo, ideo discretionem tribui Deo licet fiat per liberum arbitrium, quia Deus dedit liberum arbitrium, & refutat, quia liberum arbitrium commune est bonis & malis, & ita non minus Deus diceretur auctor mali, quàm boni, si solum ratione liberi arbitrij dictum esset, *quis enim te discernit?* vnde concludit non dici homini fideli, *Quis te discernit?* quia liberum arbitrium recepit, quo posset credere, sed ideo, *Quia visum suasionibus agit Deus ut credamus,* &c. Ergo à fortiori si diceretur fideli, *Quis te discernit?* quia per concursum præuium efficacem Deus determinat voluntatem eius ad credendum. Pari ratione infidelis qui credere noluit, dicere posset, Deus me discreuit, quia meam voluntatem efficaciter prædeterminauit, ut nollem credere.

August.

Idem.

7. Exploditur responsio aliorum.

Et eodem modo lib. 2. de peccator. merit. c. 18. explodit responsionem dicentium, bonum actum voluntatis tribui Deo, quia dat & conseruat voluntatem, sine qua actus ille bonus esse non posset, quia hoc commune est actibus malis, & ita malus actus tribuendus esset Deo. quod (inquit) nefas est dicere. Est ergo regula constans in doctrina Augustini, efficaciam illam, ob quam boni actus specialiter tribuuntur Deo, non esse ponendam in aliqua effectiōe, vel motione Dei ex genere suo communi bonis actibus & malis: concursus autem causæ vniuersalis & præuius efficax, si datur, communis est, seruata proportionem actibus malis & bonis. Non igitur rectè nec conclusione ad doctrinam Augustini ponitur illa efficacia auxilij gratiæ, in sola ratione & necessitate vniuersalis concursus. Huc accedunt rationes præcipue sumptæ ex libertate auxilij ad actus gratiæ, tam quoad specificationem, quàm quoad exercitium, quæ per illum modum efficaciam destruitur, simulque sufficientia auxilij talem efficaciam non habentis è medio tollitur, quas rationes in capitibus, sequentibus prosequemur, explicato prius alio principio, seu modo fundandi hanc sententiam.

D

E

Alij ergo hoc genus auxilij efficacis prædeterminantis physicè requirunt, non ex indigentia concursus præuij vniuersalis omnibus actibus, sed ex peculiari necessitate inuenta in operibus bonis voluntatis. In qua etiam sententia est varietas: nam quidam existimant necessitatem hanc non esse per se ex vi, & natura supernaturalium actuum, sed esse quasi per accidens ortam ex peccato

8.



Gregor.  
Capitul.

cato originali, & corruptione lapsæ naturæ, & ita censuerunt Gregorius & Capreol. in 1. d. 18. ad 12. argum. Qui proinde non solum ad supernaturales actus, sed etiam ad quolibet bonos morales ordinis naturalis illam præmotionem specialem Dei requirunt, non tamen in omni natura, vel in omni statu, sed in natura humana lapsa. Sed de hac sententia nihil denuo vel peculiare dicere necesse est, tum quia non pertinet ad verum auxilium efficax, quod ad omnes & singulos actus pietatis in omni creatura intellectuali, & in omni statu eius necessarium est, ut cap. 3. declaravi; tum etiam, quia sine vlla ratione, vel fundamento requirit talem motionem ad singulos actus naturæ lapsæ, præsertim ordinis naturalis, si per se non est talis necessitas in omni statu liberæ naturæ, ut latè in lib. 1. declaratum est, & probatum. Tum denique, quia multo minus potest hoc modo ratio reddi cur propter naturæ lapsæ corruptionem tam efficax prædeterminatio necessaria sit, si alioqui non erat per se necessaria, nam ad supplendam debilitatem & infirmitatem lapsæ naturæ in bene operando & liberè sufficit addere vires illam infirmitatem supplentes & adiuuantes, etiam si non prædeterminent voluntatem, sicut in statu innocentie ex eorundem authorum sententia erant vires sufficientes sine prædeterminatione. Fateor tamen me non legisse in illis authoribus quod expressè asserant præmotionem illam talem esse, ut omnino ac physicè prædeterminet voluntatem, ita ut voluntas pro sua libertate non possit ei resistere, solum enim aiunt liberum arbitrium in natura lapsa sine illa motione bene operari non posse, non tamen dicunt cum illa non posse non operari: videtur autem id sequi ex eorum dictis, & ideo in lib. 1. quoad utramque illam sententiam impugnauimus, & quo ad secundam partem, quæ huc spectat, à fortiori impugnabitur, simulque cum modernorum sententia.

Alio igitur modo ac fundamento asseritur necessitas talis auxilij per se efficacis ac prædeterminantis ob peculiarem difficultatem actuum supernaturalium, quam rationem defendit Aluar. disp. 24. num. 37. & videtur loqui de speciali difficultate quæ nascitur ex statu naturæ lapsæ, nam allegat D. Thomam 1. 2. q. 109. art. 9. in ratione secunda, quæ de hoc statu peculiariter procedit. Sic autem ratio non sufficit, quia gratia efficax, ut suprâ dictum est, in omni statu requiritur. Item, quia ad singulos actus pietatis est necessaria, quod non nascitur ex statu, sed ex natura talium actuum. Ex illa ergo sumendum est fundamentum hoc, quod potest in hunc modum explicari, quia tanta est eminentia actuum supernaturalium, ut ad eos voluntas nostra ex se sit omnino impotens, & ideo indiget supernaturali virtute, per quam totam vim agendi recipiat; ergo illi non sufficit habitualis virtus, sed quoties in actum prodire debet, indiget peculiari & actuali eleuatione, quæ non potest fieri nisi per peculiarem motionem prædeterminantem; quia si motio non sit prædeterminans, non erit actualis, nam ex se poterit esse sine actuali operatione, ac subinde per modum habitus, & tunc indigebit potentia alia præmotione actuali ut eleuetur, & ne procedatur in infinitum, sistendum est in tali motione, quæ & de supernaturalem virtutem propriè efficiendi actum supernaturalem: nam hoc est necessarium, ut eleuet potentiam, & simul illa eleuet, ut illam operari faciat efficaciter, quia aliàs erit necessaria alia præmotio ut voluntas inchoet suum consensum,

A cum voluntas ex se non possit illum in supernaturalibus inchoare.

Hoc fundamentum non inuenio ita propositum, vel explicatum in defensoribus huius prædeterminationis; insinuat tamen ab eis in aliquibus rationibus, & argumentis suis, ut infra videbimus. Atque ita fundamentum hoc reducitur ad hanc rationem Theologicam, quia actus liberi gratiæ sunt supernaturales in se; ergo non possunt fieri à voluntate nisi eleuata per motionem actualem eiusdem ordinis ad physicè agendum, & inchoandum efficaciter actum. Et confirmatur: nam hoc maximè urget si verum est quod nos asserimus, voluntatem in his actibus operari ut instrumentum Dei, nam instrumentum non agit nisi motum, & dum mouetur non potest in sensu composito non moueri, & hoc est prædeterminari. Huic verò rationis fundamento adduntur omnia Scripturæ testimonia, in quibus soli Deo, cuiusque voluntati, aut gratiæ, vel motioni hi actus tribuuntur, & Concilia ac testimonia Patrum, præsertim Augustini & D. Thomæ; sed hæc omnia distinctius proponuntur sigillatim in variis capitibus distributa, & ideo illa nunc omitto, & ad iudicem de hac sententia ferendum accedo.

## C A P V T X.

C Directè ostenditur, auxilium efficax necessarium ad singula supernaturalia opera, non posse consistere in motione, vel qualitate prædeterminante physicè in actu primo voluntatem ad consensum.

D Vo asseruntur in sententia relata in capite præcedenti, vnum est auxilium in actu primo prædeterminans voluntatem esse possibile simul cum vso libertatis: aliud est illud esse necessarium ad singulos actus. Nam illud prius supponitur, ut fundamentum fidei non destruat, hoc verò posterius additur, quia aliàs per illud auxiliū prædeterminans non explicaretur adæquatè ratio auxilij efficacis, cum hoc ad singula opera necessarium sit, ut suprâ vidimus. Ex illis verò duobus secundum est magis rigorosum, magisque restrictum, nec potest subsistere sine primo; è contrario verò primum punctum ex hypothese posset subsistere sine posteriori, id est, licet esset verum posse saluari sine secundo, quia quod est necessarium etiam possibile, non verò è conuerso, & ideo prius de hac posteriori parte illius sententiæ dicendum est, in qua omnes authores qui putant illam determinationem libertati repugnare, à fortiori tenent auxilium hoc efficax non esse necessarium: illos autem referemus in sequenti capite. Ex Theologis autem Dominicanæ familiæ refertur Ioan. Vincèti. docuisse tale auxilium non esse necessarium, ac subinde auxilium efficax per se spectatum non esse in sola prædeterminatione physica positum. Hæc igitur sententia probanda in præsentia est.

Ut autem rationes firmitus procedant & tergiversationibus, ac subterfugiis minus expositæ, hinc opera pretium esset de isto auxilio prædeterminante omnia inquirere, quod de prævio cōcurfu in lib. 3. à c. 30. tractauimus: sed quia id minus esset prolixum,

9. Auxilium  
efficax ob  
peculiarem  
difficultatem  
actuum super-  
naturalium,  
necessarium  
est.  
Aluar.  
D. Thom.

2.



Suppositio,  
Auxilium  
prædetermi-  
nans esse ali-  
quid super-  
naturale à  
Deo solo in-  
fufum.

prolixum, lectori committimus, ut ea omnia re-  
legat, & ad hoc auxilium cum proportionem appli-  
cet, unicuique enim mediocriter intelligenti id  
erit facillimum. Nunc ergo supponimus ex com-  
muni fere consensu authorum illius sententiæ,  
hoc auxilium esse aliquid supernaturale à Deo so-  
lo infufum, quia non est actio vitalis ipsius homi-  
nis, sed tantum passivè in eo recipitur, ut per illud  
operetur. An verò illud auxilium sit qualitas, vel  
motio pura, parum refert ad puncta theologica,  
vel dogmata fidei, dummodo supponatur esse vera  
entitas creata, & homini inherens, id enim præci-  
puè in hac sententia supponitur. Consequenter  
autem loquendo longè probabilius illud auxilium  
esse qualitatem, quia motio spiritualis sine ter-  
mino spirituali intelligi non potest, qui terminus  
non potest esse nisi qualitas, ut dicto loco proba-  
tum est. Addimus præterea qualitatem hanc, seu  
entitatem poni in se ipsa distinctam, & à subiecto,  
in quo recipitur, quia est aliquid ordinis superna-  
turalis, & ab omnibus gratiis excitantibus quæ  
sunt actus vitales, quia illis additur, ut fiant effica-  
ces, & ab habitibus infusis, ob eandem rationem,  
quia illos reducit de potentia in actum, & ab ipso  
consensu libero voluntatis, quia ponitur, ut sit ve-  
ra causa realis eius. Quanta verò sit hæc distinctio,  
an perfectè realis, vel tantum secundum quid, &  
modalis, metaphysica quæstio est, in qua immo-  
tari non oportet, quia ad dogmata fidei, & verita-  
tem Theologicam, quam inquirimus, parum re-  
fert. Consequenter autem loquendo verius ac  
clarius ponitur tale auxilium, ut propriam entita-  
tem ac realitatem habens omnino realiter distin-  
ctam tam à potentia, quam ab aliis gratiis priori-  
bus, quæ in potentia supponuntur, quam etiam  
ab actu libero eliciendo à potentia, cum tali au-  
xilio, sicut de prævio concursu dictum est.

2.  
Alia suppo-  
sicio.

Item supponimus auxilium recipi immediate  
in potentia, quæ elicit actum, propter quem da-  
tur, ut si detur ad fidei assensum eliciendum, in-  
funditur intellectui; si verò ad habendam volun-  
tem credendi, vel amoris, aut poenitentiae actum,  
& similes voluntati, erit immediate imprimen-  
dum; quia in illa suum proximum effectum habi-  
turum est.

3.  
Quæstio,  
cui volun-  
tas habeat  
habitum in-  
fufum, an  
vna motio  
imprimatur  
habitu, &  
altera volun-  
tati.

Et in hoc conveniunt dicti authores, imò quia  
determinatio propriè dicta voluntati attribuitur,  
ab illa pendet omnis alia operatio humana, ideo  
simpliciter hoc auxilium attribuitur voluntati.  
Disputari autem potest, quando voluntas ha-  
bet habitum infufum, an vna motio imprimatur  
habitu, & altera voluntati. Nam Ledefina, &  
alii ita sentiunt, quia putant auxilium hoc esse  
concursum prævium necessarium unicuique prin-  
cipio creato; seu qualitati permanenti ex subordi-  
natione ad causam primum. Supponendo autem  
non postulari hoc concursus causæ primæ, sed  
ut dat vires causæ proximæ, & potentia in qua  
recipitur, non oportet multiplicare auxilia effi-  
cacia ad eundem actum liberi concursus, vel amo-  
ris, etiam si ad illum actum plures qualitates con-  
currunt, scilicet voluntas & habitus, nec etiam  
oportet fingere dari speciale auxilium coniunctum  
habitu in eadem potentia, & illam efficaciter de-  
terminans.

4.  
Alia sup-  
positio.

Vnde tandem supponimus, hoc auxilium esse  
quendam actum formalem ipsius voluntatis, quia  
iuharet illi, ergo informat illam, & reducit illam  
de quadam potentia passiva in actum. Nam prius-  
quam voluntati infundatur hoc auxilium, est po-  
tentia receptiva, & capax illius, & caret illo; ergo

A est in potentia ad illud; ergo quando infunditur,  
reducitur in actum, sicut mobile per motum, vel  
sicut materia per formam. Hic autem actus non  
est actus secundus voluntatis, quia ab illa non eli-  
citur, ut dictum est; ergo est actus primus, quia  
non datur medium. Constituitur ergo voluntas  
per hoc auxilium in actu primo completo ad eli-  
ciendum suum actum. Atque ita licet voluntas  
habeat habitum infufum, non habet iuxta hanc  
sententiam actum primum completum, sed  
expectatur hoc complementum, ut sit integrum  
principium proximum talis actus. Si autem vo-  
luntas careat habitu, vel addendum est aliud  
principium, quod suppleat vicem habitus, vel  
tale erit hoc auxilium, ut propriam actiuita-  
tem afferre, & vicem habitus simul supplere  
possit.

Non desunt tamen ex authoribus illius opi-  
nionis, qui in hoc tergiversentur, negando hoc  
auxilium dari, ut actum primum, vel ut comple-  
mentum virtutis causæ proximæ, quia non di-  
stinguunt hoc auxilium à concursu prævio, de  
quo ita sentiunt. Sed, ut vidimus dicto lib. 3.  
cap. 33. etiam de ipso concursu prævio id non  
satis consequenter, vel probabiliter dicitur, &  
multo minus potest in præfenti applicari, cum  
iam rationem concursus excluderimus, & sup-  
ponamus hoc auxilium postulari propter defe-  
ctum virtutis causæ proximæ. Et sanè in do-  
ctrina Augustini negari non potest, quin hoc  
auxilium, si datur, maximè detur, ut det vires  
voluntati. Nam in eisdem locis, quibus di-  
cti authores utuntur, ut nobis persuadeant hanc  
esse sententiam Augustini, apertissimè ille doc-  
cet, per hoc auxilium dare Deum vires effi-  
cissimas voluntati, lib. de Grat. & liber arbitrii,  
cap. 17. & aliis locis efficaciam huius gratiæ tri-  
buit nostrum consensum in omne bonum,  
quia & facit nos velle, & facere. Non est ergo  
subdubium quin hoc auxilium sit actus primus dans  
vires agendi voluntati, & cum illa simul efficiens  
actus eius tanquam principium eorum, quod  
etiam de propria, & physica efficientia omnes dicti  
authores intelligi volunt.

Sic ergo explicato hoc auxilio, quod non  
sit simpliciter necessarium ad singulos actus pie-  
tatis, duobus modis probari potest, scilicet  
ostentivè, seu directè, & ab inconuenienti &  
indirectè. Prior probatio ex illo principio su-  
mi potest, quod nihil est postulandum, aut  
asserendum, ut necessarium, quod sufficienti  
ratione, aut medio non ostendatur necessarium;  
sed in præfenti nullo modo potest necessitas hu-  
ius auxilij sufficienter ostendi; ergo. Maior est  
in Philosophia receptissima, quia natura nihil  
facit frustra, & ideo vera Philosophia non per-  
mittit multiplicare res, quæ tantum propter  
vsum dantur, nisi ad talem vsum probentur ne-  
cessaria, unde est axioma receptum, Frustrà fit per  
plura quod potest fieri per pauciora. Et simili ra-  
tione diximus in lib. 3. concursus prævium non  
esse credendum nisi probetur necessarium; quia  
verò in Theologia, quæ autoritate diuina &  
facta instituitur, satis esse debet necessitatem au-  
thoritate probare, licet ratione non conuin-  
catur, ideo contrario modo applicanda est illa ma-  
ior propositio ad Theologicum institutum, quia  
in mysteriis supernaturalibus nihil affirmare pos-  
sumus ut necessarium, nisi quod ut tale reuelatum  
est, vel in reuelatis continetur, vel ex iis probabi-  
lius ducitur: aut certè ad alia reuelata explicanda,

5.  
Auxilium  
dari ut actum  
primum, vel  
ut comple-  
mentum vir-  
tutis causæ  
proximæ, qui  
tergiversen-  
tur.

6.  
Istud auxi-  
lium non ef-  
ficaciter necesse-  
rium ad sin-  
gulos actus,  
quomodo  
probari pos-  
sit.

aut

aut defendenda est apertius, magisque accommodatum: quod ergo supernaturale fuerit, lumenque rationis naturalis excedens, si aliquo ex dictis modis non probeatur necessarium, non est admittendum, neque credendum.

7.  
Declaratur  
ratione.

Superest probanda minor, quæ primò declaratur ratione: nam duo munia possunt in illo auxilio physicè prædeterminante distingui, vnum est quoddam sit principium physicum actus supernaturalis, aliud quod habeat illam efficientiam cum determinatione ad vnum quo ad exercitium, ita ut in sua efficientia non subdatur libero vsui voluntatis liberæ. Primum quidem directè pertinet ad dandas vires voluntati, quæ de se insufficientes est etiam physicè ad hos actus efficiendos. Vnde fateamur voluntatem humanam indigere aliquo supernaturali principio physicè adiuuante illam ad eliciendos singulos supernaturales actus. Quod autem tale principium ut sit completum debeat habere coniunctam secundam conditionem, non pertinet ad dandas vires voluntati, & ideo in ea parte non est necessarium, neque etiam ob indifferentiam, vel indeterminationem intrinsecam voluntatis ad velle, quia non est necesse hanc indifferentiam tolli prius natura, quàm operetur, imò hoc est parum consentaneum naturali conditioni, ac modo operandi illius facultatis. Nam, ut suprâ lib. 3. dicebamus, frustra naturæ author dedisset voluntati illam naturalem indifferentiam, si oporteret postea prius ab alio determinari, quàm posset determinatè operari, quod ibi generaliter probauimus de operibus voluntatis, & rationes ibi factæ æquè in præsentia materia procedunt.

8.  
Confirmatur  
ratio.

Vnde confirmatur hæc ratio, quia ex natura rei non est necessaria noua virtus, quando causa secunda habet intrinsecam virtutem completam in ratione principij proximi: ut sol non indiget alia virtute suæ luci addita, nec ignis alia præter calorem suum. Quo argumento conuincuntur aliqui ex Thomistis, ut fateantur has causas non indigere concursu præuio, ut virtute agendi per modum actus primi, quia non est superfluum, & voluntarium tot multiplicare qualitates; sed in ordine gratiæ potest esse causa secunda completa in ratione principij agendi proximi, ut intellectus per lumen gloriæ in ordine ad visionem, & voluntas per charitatem, &c. ergo tunc saltem non est necessaria alia qualitas ut det virtutem agendi, vel illam compleat, quod si potentia careat habitu, tunc licet indigeat alio principio coadiuante, non est necessarium ut illud principium sit prædeterminans voluntatem, quia sine hac determinatione potest dare vires sufficientes etiam in ratione principij, sicut habitus dat illas.

9.  
Instantia.

Dicetur forè neque habitum, neque aliquam aliam entitatem separabilem ab actu secundo posse dare has sufficientes vires, quia potentia ipsa semper manet inferioris ordinis, quam sit habitus eliciendus. Sed contra, quia licet mille qualitates infundantur potentiæ, semper potentia manet inferioris ordinis, semperque eius proprius influxus est necessarius, ut sæpè tetigi, & in sequenti libro ex professo probabitur: ergo sine causa multiplicantur istæ qualitates. Nam vel ob similitudinem rationis in infinitum procedetur, vel sistendum est in vna perfecta qualitate, quæ in ordine supernaturali sit integrum principium proximum ad physicam efficientiam ex parte potentiæ necessariam ad talem actum, ut est, v. gr. lumen gloriæ, vel charitas, vel aliquid simile, vlt-

Quæritur.

tra quod solum desideretur concursus Dei simultaneous, iuxta dicta in fine libri terrij. Ergo ob hanc præcisam rationem ut voluntas recipiat à Deo virtutem supernaturalem ad efficiendum physicè quam ex se non habet, non est necessaria multiplicatio qualitatum: nam per vnam perfectam potest Deus totam illam virtutem donare. Neque actualis, seu transiens vltra habitualement necessariam est, quando hæc adest, quia vel esset necessaria propter indeterminationem potentiæ, vel propter subordinationem causæ secundæ ad primam, & vtraque ratio exclusæ iam est in libro 3. ergo nullus superest titulus talis necessitatis respectu potentiæ constitutæ in actu primo per habitum. Respectu vero potentiæ carentis habitu infuso, licet daremus esse necessariam qualitatem, seu motionem actualem ac transeuntem suppletentem vicem habitus, non ideo esset necessarium, ut illa qualitas esset prædeterminans voluntatem, quia sine tali conditione, aut prædeterminatione posset dare vires physicas integras, & proportionatas actui supernaturali in ratione principij physici, relinquendo voluntatem integram in sua naturali potestate vtendi, vel non vtendi principio quolibet sibi superaddito circa obiectum indifferens, seu cum indifferentia iudicij propositum. Addo etiam posse Deum per se ipsum supplere efficientiam physicam habitus, non prædeterminando potentiam, sed quasi coniungendo se illi & offerendo suum influxum, si voluntas suum adiungere velit, ut in prolegom. 1. & in lib. 3. explicauimus. Nam quo ad hoc, eadem est ratio de Deo concurrente per modum causæ primæ vniuersalis, vel concurrente per modum causæ proximæ principalis, ut in eò casu concurreter.

Solent prædicti authores aliud huius necessitatis principium magni facere, nimirum diuinam prædestinationem, præfinitionem, seu decretum ac propositum, seu intentionem efficacem & absolutam. (hæc enim omnia, quod ad præsens spectat, in idem recidunt,) quia Deus statuit hominem conuertere. de qua dixi D. Thomas 1. 2. qu. 112. art. 3. in fine corporis. *Si ex intentione Dei motus est, quod homo, cuius cor mouet, gratiam consequatur, infallibiliter illam consequetur.* Ut ergo illud propositum Dei indubitanter impleatur, necessaria est motio prædeterminans. Veruntamen neque ex hoc capite ostenditur talis necessitas, quia motio prædeterminans non est medium necessarium, ut prædestinatio, & propositum Dei infallibiliter impleatur. Imò addo neque esse proportionatum, quia prædestinatio ipsa, & propositum Dei ex parte obiecti includit ut voluntas humana plena libertate conuertatur, & gratiam consequatur, ad quem finem non est aptum medium prædeterminationis, ut capite sequenti ostendam. Sufficit ergo motio præuia quæ suum effectum infallibiliter consequatur, meritò enim D. Thomas illa voce *infallibiliter* vsus est, quæ non requirit præuiam determinationem in causa, sed certitudinè effectus, etiam si causa de se indifferens sit. Vnde etiam Augustinus, lib. de dono perseuer. c. 14. loquens de medijs prædestinationis, dixit esse beneficia omnia, quibus certissime liberantur quicumque liberantur, non dixit quibus prædeterminantur, vel quidpiam æquiualens, sed dixit *certissime*, quia satis est quod talia media infallibiliter sint habitura effectum in præscientia diuina, quod per vocationem congruam sine prædeterminatione subsistere optime potest, ut in sequentibus declarabimus. Et inde ex responsione ad rationes alterius sententiæ, & ad

10.  
Necessitatis  
principium  
hominis con-  
uertendi, qui  
magni faci-  
at.

D. Thom.

August.

ad testimonia quæ congerit, euidentiùs constabit hanc necessitatem talis prædeterminationis, nec autoritate, nec ratione probari: nolumus enim nunc ad illa argumenta, & eorum solutionem digredi, ne discursum disputationis interrumpamus, & doctrinam confundamus.

11.  
Probatur as-  
sertio Au-  
toris ex in-  
conuenienti.

Secundò & præcipuè probatur nostra assertio ex inconuenienti, quia si hoc auxilium prædeterminans physicè voluntatem est simpliciter necessarium ad conuersionem eius, vt supponitur, sequitur eos, quibus non datur non habere auxilium sufficiens ad suam conuersionem, ac subinde, neque liberè non conuerti, ita vt eis imputetur si non conuertantur postquam sufficienter vocati sunt. Consequens est falsum, & sine vlla contentione à catholicis Doctoribus non admittitur; ergo neque antecedens admitti debet. Probat sequela, quia illud auxilium necessarium est, & qui illo caret non habet illud in sua potestate; ergo nec auxilium sufficiens habet, nec libertatem quo ad specificationem ad habendum actum supernaturalem. Consequentia nota est ex dictis suprà de libertate, & auxilio sufficiente, quia voluntas non est proximè libera ad actus supernaturales, nisi actu habeat præuenientia auxilia necessaria, & in potestate sua habeat concomitantia. nam verumque requiritur ad proximam sufficientiam auxilij. Ad sufficientiam autem ac libertatem, seu potestatem remotam necessarium saltem est habere in sua potestate auxilium efficax. At verò qui non recipit actu auxilium prædeterminans ex ea parte non habet potestatem, & sufficientiam proximam. nec etiam habet immediatè illud in sua potestate actiua, quia non sit ab homine, nec etiam mediatè, quia nihil potest facere, quo illud consequatur; ergo nullo modo est liber cum sufficienti auxilio ad tales actus.

12.

Hæc ratio exaggerata semper est à nostris Authoribus, ideòque defensores contrariæ sententiæ nos reprehendunt quod frequenter hoc argumentum reperimus, & nimium illud exaggeramus, cum ab antiquis Patribus & Doctoribus sapiùs dissolutum sit. Nos autem in Patribus, vel antiquis Theologis non inuenimus responsum quòd huic causæ possit accommodari, & in his quæ ab ipsis excogitata sunt, non quiescunt, & ideo cum res hæc multum necessaria sit ad defendenda dogmata fidei ab hæc ricis incurisibus, mirandum non quòd semper intemus à catholicis Doctoribus postulantes, vt nos doceant, quomodo cum necessitate talis auxilij prædeterminantis sit sufficiens auxilium, & potestas libera, quoad specificationem in his, quibus tale auxilium non datur. Eo, vel maximè, quòd quidam eiusdè Dominicanæ familiæ magnus Theologus Pater Ioan. Vincent. indissolubilem reputauit hanc difficultatem. Et ideo, vt Ledesma art. 11. refert ab illa sententia quoad hanc partem recessit, negando necessitatem talis auxilij, licet possibilitatem non negauerit, & ideo concesserit aliquibus dari: in quo non esset sibi contrarius, vt illi obicit Ledesma, si aliunde illa prædeterminatio non repugnaret, quia potest Deus sua voluntate dare maius auxilium, quàm necessarium sit. Igitur omiſſa quæſtione de possibilitate contra necessitatem indicauit ille Theologus, & Thomistarationem factam esse indissolubilem, quia libertas non est sine potestate agendi. Vnde si libertas sit quoad specificationem, cum sit ad vo-

Vincentin.  
Ledesma.

Fr. Suarez de Gratia Pars II.

lendum vnum, vel aliud, dari non potest sine potestate ad vtrumque, neque etiam potestas esse potest sine sufficienti auxilio, cum sine auxilio gratiæ homo non possit hos actus operari, & ideo per auxilium sufficiens hoc posse recipi, vt lib. 1. & 4. ostensum est.

Duobus autem modis principalibus respondent dicti Theologi. Prima responsio est negando auxilium hoc efficax esse necessarium, vt homo possit conuerti, sed tantum esse necessarium, vt conuertatur, & ideo ante tale auxilium, & sine illo habere hominem auxilium quo possit conuerti, & ita habere auxilium sufficiens. Sicut Adam in statu innocentie non habuit auxilium efficax ad resistendum suggestioni Dæmonis, & nihilominus habuit auxilium si sufficiens quo posset resistere, si vellet, vt ait Augustinus de corrept. & grat. cap. 11. Hoc responsum tradit Cabrera suprà disp. 6. dub. 7. num. 32. & 33 & latius Aluarez disp. 18. ad 6. & disp. 115. num. 21. dicens hæc motionem non esse necessariam, vt homo possit operari, sed vt actu operetur, neque esse in recto, vt ait, principium actiuium, & vltimum complementum virtutis actiue. Similem doctrinam habet in disputatione vigesima in solutionibus argumentorum, & aliis locis, quæ ibi citat & pro illis allegat D. Thomam in 3. contr. gent. cap. 66. ration. 4. & q. de potent. art. 7. ad 7. Sed nescio quo colore, cum nullum verbum sit ibi apud D. Thomam de motione prædeterminante liberum arbitrium, nec de principio in recto, vel in obliquo, nec satis intelligo quid hæc verba significant, non enim sunt in vsu.

Simili modo responder Ledesma dicto art. 11. conclus. 1. ex hoc eum principio defendit auxilium præcedens ad auxilium efficax, & separatam ab illo esse verè sufficiens, quia auxilium sufficiens habet rationem virtutis & potentie: efficax autem auxilium dat actualem operationem, & non est necessarium ex parte principij virtutis, seu potentie, imò supponit integram potentiam ex parte hominis sufficienter præuenientem, subordinatam tamen motioni diuinæ prædeterminanti, quæ sufficiens est ante illam motionem, licet operari non valeat sine motione. sicut potentia motiua existens in manu de se sufficiens est ad efficiendum motum, licet subordinata sit appetitui, & sine illius motione ipsa non moueat. Et intellectus habitu fidei instructus sufficiens potentia est ad eliciendum actum credendi, licet illum non valeat elicere, nisi motus à voluntate cui subordinatur. Ad hunc ergo modum vult ille auctor comparari voluntatem instructam auxilio sufficiens ad diuinam voluntatem, & motionem eius per auxilium prædeterminans quòd voluntas prius est potentia sufficiens ad actum eliciendum, ita verò subordinata voluntati diuinæ, vt non valeat inchoare actum suum, (nisi prædeterminata à voluntate diuina, & ideo, ait) in se supponitur sufficiens potentia ante talem motionem, ideòque auxilium sufficiens præcedit ante auxilium efficax, & in hac responsione hic auctor præcipuè insistit, licet aliam adiungat, de qua statim dicam.

Dicta verò responsio in primis nititur in alio fundamento quòd auxilium efficax gratiæ solum est concursus primæ causæ in illo ordine, quod fundamentum in superioribus euerſum est; probauimus enim concursum primæ causæ in quolibet ordine, & per se ex vi solius subordinationis

13.  
Responsio  
dictorum  
Theologo-  
rum praua.

August.  
Cabrera.

Aluarez

D. Thom.

14.  
Responsio  
Ledesma.

15.  
Responsio  
nis Ledesma  
fundamentum  
quod

H h n i s



nis ac dependentiæ causæ secundæ à prima non esse quid præuium in ipsa causa secunda, sed simultaneum, & imbibitum in actione ipsius causæ secundæ, & ideo ante talem concursum re ipsa exhibitum optimè intelligi præcedere ordine naturæ in causa secunda sufficiens, & integra virtus agendi. Auxilium autem efficax, de quo tractamus, non est concomitans, sed præuium, ut inter nos conuenit; ergo non rectè supponitur dari per modum concursus: præterea etiam admissio concursu præuii, supra ostensum est negari non posse, quin sit actus primus, & det virtutem agendi: ergo etiam si auxilium efficax gratiæ singatur solum per modum concursus præuii, erit actus primus, & dabit virtutem agendi. Multo ergo magis est talis virtus, & principium agendi si necessarium est, non propter dependentiam generalem causæ secundæ à prima, sed maxime propriè ac proximè propter defectum virtutis causæ proximæ, quæ est voluntas, ut ex sententia Augustini comprobaui-  
mus.

16. Hinc ergo euidenter concludi videtur, sine tali auxilio non esse voluntatem sufficienter in actu primo constitutam; quod quidem his verbis fateretur Cabrera 3. p. q. 18. art. 4. disp. 6. dub. 8. num. 110. ubi comparat voluntatem sine hoc auxilio visui carenti specie ad videndum. Et Cumel in Opusc. lib. 1. disp. 4. sect. 2. in declaratione 6. conclusionis dicit auxilium efficax esse donum gratiæ in genere principij, & causa efficientis antecedens piam vsum conuersionis, &c. & conclus. 4. §. adde etiam, ait auxilium sufficiens non grammaticaliter, (ut ipse loquitur,) sed theologicè dici sufficiens, quia dat homini, ut possit agere, tribuitque ei vim ad volendum, sed non completè omnino, quia est etiam necessaria gratia efficax intrinseca prædeterminans voluntatem, per modum actus primi, & tunc (ait) homo est completè potens, & ibidem iterum, atque iterum repetit auxilium sufficiens dare quidem posse, sed non completum, & integrum: accedente autem efficaci compleri, & fieri proximè sufficiens. Denique Aluarez, Cabezudo, & alij locis supra allegatis faterentur hoc auxilium esse principium per se actus voluntatis, & esse actum primum, vel saltem complementum eius.

Aluarez.  
Cabezudo.

17. Hinc ergo multis modis reicitur responsio. Primò, quia auxilium efficax proximè, & immediatè non dat agere, sed posse agere, licet det tale posse ad quod statim sequatur agere; ergo sine illo non habet potentia integrum posse per totum antecedens auxilium; ergo totum illud non potest dici sufficiens. Primum antecedens patet, quia voluntas habet immediatè & proximè, seu formaliter agere ab ipsa actione: hoc autem auxilium distinguitur ab ipsa actione, ut iam positum est in illa sententia; ergo tale auxilium per se, & formaliter non dat agere, sed aliquid præuium ad agere, quod non est nisi posse, quid enim aliud cogitari potest? Vnde nota est prima consequentia, quia si ante tale auxilium voluntas haberet integrum posse, non indigeret auxilio dante posse; si autem indiget illo, signum est totum præcedens auxilium non dare integrum posse, ac subinde non esse sufficiens, ut in secunda consequentia inferebamus.

18. Respondet Ledesma dicto art. 11. conclus.

A 2. pro aliis suis auctoribus, (licet in hoc puncto ab illis discrepet,) negandam esse illam vltimam consequentiam in eorum opinione. Nam illi solum dicunt auxilium efficax con-  
summatium, & impletium auxilij sufficientis, vnde supponunt ante illud esse auxilium sufficiens, quia complementum supponit rem quam complet, sicut existentia supponit essentiam, quia illam complet. Sed non cluditur verbis tam grauis difficultas, nec in re tam ardua, ut licet verbis ambiguis ad vim rationis fugiendum, quod certè in illa responsione fit. Duobus enim modis aliquid dici potest complementum rei. Primò tanquam addens aliquam perfectionem rei iam perfectæ: secundò tanquam constituens illam in tali esse completo; & primo modo supponit rem, non autem secundo modo: ut, forma vno modo dici potest complementum materiæ, quia actuatur illam, & ita supponit illam aliquo modo, quia ut sic non constituit materiam in esse materiæ; alio verò modo est forma complementum constitutum compositi, & ut sic non supponit compositum, sed complet, & constituit illud; & sic existentia, (cum istis auctoribus loquendo,) non complet essentiam constituendo illam in esse essentia, sed suo modo actuando illam, & ideo potest illam in ratione essentia supponere: complet autem essentiam in ratione entitatis actualis illam constituendo, & ut sic impossibile est intelligere essentiam completam in ea ratione entitatis actualis ante existentiam. In presenti ergo auxilium efficax dicitur, esse complementum potestatis efficiendi actum supernaturalem tanquam constituens, & integrans principium sufficiens effectuum actus supernaturalis. Patet consequentia, quia tale est illud complementum, ut sine illo potentia quæ supponitur sit infirma, & simpliciter impotens ad talem actum efficiendum; ideo enim tale complementum simpliciter necessarium ex parte principij, ut det vires ad efficiendum.

Eadem doctrina adhibenda est si hoc auxilium dicatur esse complementum auxilij sufficientis; quamquam, si alij auctores attentè legantur, non ita loquuntur, sed dicunt esse complementum actus primi, vel virtutis, seu principij effectui actus voluntatis. Et ante tale complementum in ratione principij, seu virtutis volunt auxilium esse complementum in ratione sufficientis, quæ ad sufficientiam non putant esse necessarium illud complementum in ratione virtutis, & principij actiui, quod non esse consequenter dictum facile intelligi potest, ut statim notabo. Veruntamen admissio illo modo loquendi, non potest auxilium efficax dici complementum auxilij sufficientis, tanquam formaliter complens, & constituens illud. Nam hoc pugnat cum doctrina ab eis recepta circa distinctionem auxilij in sufficiens & efficax: illa enim duo membra distinguuntur tanquam completa in suis rationibus, & ut inter se distincta. Quapropter si aliquo modo permitti potest, ut auxilium efficax dicatur complementum auxilij sufficientis, intelligendum erit de complemento quasi extrinseco, & addendo nouum modum perfectionis, & virtutis, & sic diceretur auxilium sufficiens supponi ad efficax in ratione sufficientis auxilij, non tamen in ratione sufficientis, & compleri principij ad amandum, v. g. vel consentiendum.

Alia responsio  
Ledesma.

Auxilium  
efficax in  
presenti  
quid.

19.  
Quid si hoc  
auxilium dica-  
tur comple-  
mentum au-  
xilij suffi-  
cientis.

Quæ

Quæ duo probamus esse repugnantia, quia auxilium, ut sit sufficiens, debet sufficere in ratione principij actiui, aliàs non habet sufficientiam necessariam ad veram libertatem, quæ residet in potentia actiua, ut actiua est, ut in Prolegom. 1. ostendimus. Et ideo de ratione sufficientis auxilij est, ut det sufficientem potestatem actiuam operandi, ut ibidem & latius in supetiori libro ostensum est.

20. Declaratur hæc doctrina exemplo potentie visus, & principij sufficientis ad videndum: nam visus per se spectatus est integra potentia visiva, non tamen est integrum principium videndi, ideoque species visibilis recte dici potest commentum principij videndi tanquam constituens illud: non potest autem hoc modo dici complementum potentie visus tanquam constitutum illius, quia supponit illam, licet possit dici complementum tanquam actus addens illi aliquam perfectionem. Hinc verò manifestè sit, ut licet potentia visiva, ut talis est, supponatur ante speciem, & inueniatur sine illa, nihilominus sufficiens principium videndi non possit sine specie inueniri, quia sola potentia sine specie non sufficit ad videndum. Ita verò comparantur auxilia excitantia, quæ sufficiens auxilium ab his auctoribus dicuntur ad auxilium efficax, sicut potentia visiva ad speciem, vel in vniuersum, ut inchoatum principium ad comprincipium, quo completur; ergo licet illa auxilia possint dici sufficientia in suo genere, utique excitantis gratia non sunt, nec dici possunt sufficiens auxilium in ratione potentie & principij simpliciter effectiui actus secundi, & ultimi voluntatis.

21. Secundò principaliter impugno responsionem illam, nostrumque argumentum confirmo, quia ut voluntas possit facere actus supernaturales, non solum indiget potestate morali, sed etiam physica, quia licet voluntas moraliter operetur cum liberè vult, simul operatur physice, propriè, & per se, efficiendo actus suos, & ad utrumque est per se impotens in ordine ad actus supernaturales, & ideo non solum indiget auxiliis dantibus posse morale, sed etiam dantibus posse physicum, quod in lib. 3. latè ostensum est, & nobiscum in hoc conueniunt dicti auctores. Hinc ergo argumentor: nam homo non potest dici habere auxilium sufficiens simpliciter ad liberum actum efficiendum, propter solam potestatem moralem, nisi habeat etiam physicam, sed per auxilia excitantia, seu antecedentia ad auxilium efficax, & illo præciso non datur voluntari potestas physica ad eliciendum supernaturalem actum, sed tantum moralis, ut ex sententia dictorum Patrum suppono, nam in hoc non dissentimus; ergo per illa sola non datur ei principium sufficiens. Maior videtur evidens ex terminis, quia non potest actus liberè fieri à voluntate nisi fiat ab illa physice, ut supponitur; ergo quando voluntas de se non habet, potestatem physicam ad eliciendum actum, non potest dari illi absoluta potestas sufficiens ad eliciendum illum, nisi detur illi physica virtus ad ipsum eliciendum.

Fr. Suarez de Gratia Pars I.

A Imò si quis attentè consideret, in ipso verbo eliciendi includitur efficientia physica. Et in actibus liberis imperatis id ad sensum declaratur: nam si caret quis pedibus, non est liber ad ambulandum, etiamsi sit liber ad volendum, vel desiderandum ambulare, unde neque potest talis homo constitui in statu sufficienti ad liberè ambulandum, nisi ei restituantur pedes, & detur potentia physica ad ambulandum, quia aliàs non erit in potestate eius ambulare, simpliciter loquendo. Sic ergo voluntas nisi ei detur potestas physica ad amandum, vel credendum, non est libera simpliciter, neque habet auxilium sufficiens ad illos actus exercendos: sicut homo nunc non est liber ad videndum Deum, neque ad id habet auxilium sufficiens pro hoc statu, quia caret potestate physica ad efficiendum talem actum.

B Respondebunt fortasse ante auxilium efficax dari homini per habitus infusos potestatem physicam ad eliciendos actus supernaturales, & ita dari auxilium sufficiens in utroque genere potentie. Sed contra hoc instari potest ex omnibus dictis, quia habitus sine auxilio efficaci est quasi potentia remota, & per se simpliciter impotens, sicut potentia visiva sine specie. Quod maximè conuincit supponendo, ut iam diximus, hoc auxilium prædeterminans non postulari ex parte generalis concursus in genere, sed ex parte virtutis causæ secundæ, ut det illi vires ad operandum supernaturaliter, quia solus habitus non dat illas integras, ac proinde neque sufficientes. Adhuc tamen euidentius id ostenditur in homine infideli vocato ad fidem, vel peccatore vocato ad pœnitentiam, nam in illo non est habitus infusus, qui det potestatem physicam, eliciendo voluntatem credendi, vel actum pœnitentiæ; & omnes motus gratiæ excitantis præcedentes conuersionem non sunt principia physica conuersionis, ut ipsi supponunt contra Molinam, me non repugnante.

C D Nec etiam ipse Spiritus sanctus adiungitur pœnitentiæ confortans immediatè illam, & cooperans physice cum illa talem actum: hoc enim ipsi in me impugnant, & volunt virtutem hanc physice efficiendi talem actum dari homini in eo statu constituto per motionem Dei efficacem, quam dicunt non esse aliam ab ipso auxilio efficaci. Unde Ledesma dicta q. vnica in principio, in quarto fundamento, ait in illo homine auxilium constituere voluntatem in actu primo proximo ad operandum, ac proinde illud esse auxilium sufficiens proximè, & reliqua quæ antecedunt, solum esse remotè sufficientia. Et idem repetit art. 6. §. aduertendum, post tertiam conclusionem, & rationem reddit, quia in illo casu nihil aliud est, per quod voluntas constituatur in actu primo respectu talis actus. Et eandem doctrinam habet Alvarez, ut sæpe in superioribus allegaui, & videtur esse communis horum auctorum ut in materia etiam de iustificatione dicemus. Ergo peccatori cui non datur auxilium prædeterminans, non datur auxilium simpliciter sufficiens ad pœnitendum, nec infideli cui prædicatur Euangelium, datur internum auxilium sufficiens ad volendum credere quandiu non datur auxilium efficax, quia non est constitutus

22. Instancia

Oculadit

Ledesma

Alvarez

tutus in actu primo, nec habet virtutem physicam ad efficiendos. Quæ ratio iudicio meo efficacissimè concludit ad hominem in peccatores, quantumvis actu vocato, & excitato, prius tamen natura concepto quàm auxilium efficax recipiat, non esse auxilium simpliciter, & proximè sufficiens ad conuersionis actum efficiendum. Quod tandem Ledefina suprà concedit, & ad aliam solutionem diuertitur, de qua statim.

22. *Vigetur citio.* Tertiò possumus hoc virgere, nam etiam si daremus, auxilium efficax non dare potestatem agendi, eo ipso quòd simpliciter necessarium dicitur ad volendum, quocumque modo fingatur necessarium, siue ex parte principij, siue ex parte actus, siue ex parte Dei, siue ex parte hominis, si tale auxilium nec offertur illi, ita ut in potestate eius actiua constitutur, non potest homo in tali statu constitutus dici habere auxilium sufficiens, aut veram libertatem ad talem actum efficiendum. *Probatur.* Probatur, quia si ad agendum est necessarium tale auxilium, ergo ad potestatem agendi est necessaria potestas habendi idem auxilium, ut superiori libero tractando de auxilio sufficienti latè probatum est; ergo si Deus nec dat hoc auxilium, neque expectat aliquid ex parte hominis, ut illud det, sed pro suo arbitrio illud distribuit, ut solent dicere illius sententiaæ authores, profectò non est tale auxilium in potestate hominis, ac subinde neque effectus eius est in libera hominis potestate, nec talis homo potest dici auxilium simpliciter talem actum sufficiens recipere. Et hoc argumentum maximè virget contra aliquos ex dictis Theologis, qui dicunt Deum nec dare, nec paratum esse dare omnibus reprobis efficacem prædeterminationem, sed de facto decreuisse æterno decreto illis non dare tale auxilium ex se solo, & ante omnium operum præuisionem, sicut docet Cabrera dicta disp. 6. dub. 7. à num. 20. vnde in num. 28. ait esse simpliciter impossibilem collationem talis auxilij respectu reprobi, quia suppositio antecedens, ait, facit actum simpliciter necessarium, vel impossibilem: illud autem decretum est suppositio antecedens, ut ipse ait, quia antecedit libertatem reprobi, & ideo facit simpliciter impossibilem collationem talis auxilij.

23. *Instantia.* Quòd si instetur inde sequi esse impossibilem actum ad quem tale auxilium est necessarium, & consequenter omissionem eius non imputari in culpam. Respondetur negando sequelam, quia auxilium non est necessarium ad posse, sed ad agere. Neque aduertit, (præter alia quæ diximus,) licet carentia auxilij necessarii ad agere non tollat potestatem agendi, nihilominus impossibilitatem simpliciter, & antecedendam habendi id quod est necessarium ad agere, reddere impossibile ipsum agere, & consequenter excusare omissionem eius. *August.* Propter quod dixit Augustinus lib. de corrupt. & grat. cap. 11. si primo homini defuisset auxilium, ita ut illud habere non posset, si vellet, non fuisse illi lapsus imputandum, quia nemo peccat in eo quod vitare non potest, ut idem Sanctus dixit lib. 3. de liber. arbitr. cap. 18. & lib. de natur. & grat. cap. 67. ubi subdit, Non

A imputari homini quod inuitus ignorat, sed quia negligit querere, quæ ignorat, & quia volentem sanare contemnit; ergo si Deus ex se non vult sanare, nec dare auxilium efficax, non potest homini imputari quidquid ex illa carentia necessariò sequitur. Est ergo sententia illa valde repugnans sufficientiæ auxilij, multumque diminuens vniuersalè, & veram Christi redemptionem circa reprobos, & veritatem promissionum Dei, quibus se ostendit paratum ad omnes homines conuertendos, omniumque remittenda peccata, ac denique contra iustitiam Dei, & quòd imputet homini, quæ reuera vitare non potest. Ideoque, ut superiori libro notavi, iuxta doctrinam Concilij Senonen. in decreto fidei 15. ut necessitas auxilij præuenientis in his, qui illo carent, libertatem ad agendum non auferat, necessarium est, ut Deus quantum in se est paratus sit illud dare. Vnde etiam ipse Cabrera in illa sententia constans non est, ut infra in illo, & aliis ad notabo. Non enim defunt qui respondeant semper esse in potestate hominis in hac vita recipere hoc auxilium efficax, quia quandiu hic viuit, nunquam est extra statum salutis, ideoque potest auxilium efficax recipere. Vnde ex eo quòd homo non habeat auxilium efficax, (ait P. Aluarez,) non rectè infertur non posse operari, sed non esse operaturum, sicut ex eo quòd paries careat albedine, non sequitur non posse esse albam, sed solum non esse albam; ita ergo carens auxilio efficaci ad amandum non amabit; potens autem est ad amandum per virtutem actiuam quam dat auxilium sufficiens, quia semper potest pro isto statu moueri efficaci motione. Sed responsio non satisfacit. Primò, quia auxilium præuium ante hoc efficax non dat virtutem actiuam physicam & sufficientem, ut iam ostensum; imò interdum nullam physicam virtutem actiuam præbet, ut de homine carente habitu charitatis dicebamus.

24. Secundò, quia illa potentia est in homine non habente auxilium efficax ad habendum illud ex parte ipsius hominis, est tantum potentia passiva, cum à solo Deo fieri debeat, & sola eius voluntate detur, aut negetur: habere autem auxilium in potentia passiva tantum, non satis est ad moralem potestatem operandi, de qua tractamus, nisi id sit aliquo modo constitutum in hominis actiua potestate. Quia, (ut suprà probatum est in primo Prolegomeno,) potentia passiva, ut sic, non sufficit ad libertatem arbitrij, vnde non dicitur homo habere in sua potestate quod potest recipere, sed quod potest agere, iuxta illud Augustini lib. 1. retract. cap. 21. & lib. 2. cap. 1. Illud est in nostra potestate quod cum volumus facimus. quod de illo auxilio efficaci prædeterminante dicere non possumus, quia nec possumus illud in nobis facere, nec pro nostro arbitrio, aut voluntate nobis datur, ut statim ostendemus. Ergo illa potentia, quæ est in omnibus viatoribus, ad recipiendum hoc auxilium efficax non satis est, ut dicantur habere auxilium sufficiens, nisi etiam ex parte Dei ita illis offeratur, ut sit in potestate morali ipsorum, ac subinde in eorumdem voluntate sit habere illud, vel saltem non impedire quod à Deo detur; ergo necessarium est Deum quantum

Respondet Aluarez.

Respondeo illa responsio.

August.



quantum ex se, est paratum esse illud dare nisi per hominem stet, imò iuxta dicta in superiori libro de auxilio sufficiente, hoc non satis est ad auxilium proximè sufficiens, sed tantum remorè: ergo nullo modo saluari potest in ea sententia, quòd infidelis, vel peccator sufficienter vocatus ad fidem, vel pœnitentiam habeat auxilium proximè sufficiens ad voluntatem credèdi, vel pœnitendi, quod satis magnum inconueniens est, & multo maius quod nec remorè potest illud habere, vt in sequenti puncto ostendam.

25.  
Alia respon-  
sio Theolo-  
gorum.

Medina.

Auila.  
Aluar.

Distinguit  
Aluarez inter  
auxilium ef-  
ficax datum,  
& oblatum.  
Ledesma.

Cumel.

Cabrera.

26.

August.

Prosper.  
Anselm.  
D. Thom.

Doctrina  
Cœcil. Trid.  
de hominis  
cōuersione.

Alia igitur responsio dictorum Theologorum est hominem sufficienter vocatum habere auxilium sufficiens simpliciter, quia si per eum non stet, infallibiliter prædeterminabitur voluntas eius ad consentiendum. Ita respondet Medina 1. 2. q. 109. art. 10. in principio dubij post primam conclusionem, §. *tertio nota*, & in fine art. ad 3. dubit. Sequitur Franciscus de Auila cap. 7. & 8. Aluar. disp. 18. ad 6. & in aliis locis infra citandis. Et propterea in disp. 95. ad 1. distinguit inter auxilium efficax datum & oblatum, dicitque illi auxilio dato non posse resisti, illi autem oblato resisti posse. Eandem doctrinam habet Ledesma in principio quæstionis in 4. fundamento in fine, licet postea in variis particulis soluendo argumentum hoc multum laboret, & pluradicat, quæ non videntur satis intelligi, neque inter se conuenire, vt infra notabo. Eandem doctrinam sæpe reperit Cumel 1. 2. q. 111. art. 3. ad 3. & in opusc. lib. 1. disp. 4. sect. 2. in declaratione 5. conclusionis, & sapissimè in illa & sequenti disputatione. Teneat denique Cabrera supra disp. 2. num. 457. 476. & aliis.

Solent hi auctores ad hanc solutionem confirmandam vti testimoniis Patrum asserentium, quòd homini non detur gratia, in ipso causam esse, non in Deo, quos supra latè retuli lib. 4. per varia capita. Et videri potest Augustinus lib. 1. retract. cap. 12. lib. 2. de peccator. merit. cap. 17. & q. 1. ad Simplician. & lib. 83. quæstion. q. 68. & Prosper lib. 1. de vocat. gent. cap. 5. & lib. 2. per totum, & Anselm. de Casodiabol. cap. 2. & 3. & D. Thomam 1. contr. gent. cap. 159. & 160. Imò etiam Concilium Tridentinum sess. 6. cap. 5. apertè docet esse in potestate hominis conuersionem ipsam, ac subinde in eadem potestate esse habere omnia auxilia necessaria ad conuersionem. Doctrina ergo ipsa in se vera est, & certa: Patres autem illam non applicant ad auxilium prædeterminans, sed absolute, & simpliciter loquuntur de potestate habendi auxilia necessaria, vt homo saluetur si velit. Quomodo autem illa doctrina applicanda sit ad præuenientia auxilia vsque ad primum in præcedenti libro pro virili explicatum est, nunc autem videndum est, an possit applicari ad auxilium efficax si in efficaci prædeterminatione ponatur.

27.  
Mens aucto-  
res in præ-  
sentia.

Dico ergo non posse applicari, quod ita ostendo: nam si est in potestate morali voluntatis humanæ sufficienter vocat ad fidem habere infallibiliter auxilium prædeterminans & efficax, vel illud impedire; id esse debet intercedente aliquo vsu libero eiusdem voluntatis, veluti medio, inter auxilium excitans sufficienter, & hoc prædeterminans: non potest autem postulari talis vsus, nec sufficere; ergo

Fr. Suarez, de Gratia Pars II.

A non potest hoc auxilium priusquam re ipsa detur in libera, & morali hominis potestate constitui. Maior clarissima est ex his quæ diximus cum Augustino, quia potestas moralis est in his quæ cum volumus facimus, vel habemus, aut recipimus: sic enim habitualis gratia est in potestate peccatoris, & sic de aliis: si ergo supposita vocatione auxilium prædeterminans est in potestate nostra, oportet, vt sit medio aliquo libero vsu voluntatis nostræ. Quòd autem hoc dici non possit, pro vt in minori subsume- bamus, probatur primò ratione supra insinuata, quia hinc sequitur non esse in potestate peccatoris sufficienter vocati immediatè conuerti, aut velle credere, vel pœnitere. Consequens autem est falsum ergo. Sequela patet, quia posita vocatione quantumuis sufficiente non potest voluntas immediatè prorumpere in consensum, seu actum ad quem vocatur, quia non immediatè recipit prædeterminationem, sed prius debet aliquem alium vsu medium suæ libertatis habere, vt in illa responsione supponitur.

Falsitas autem consequentis ostenditur primò ex modo loquendi Patrum, qui semper illa duo tanquam immediata coniungunt, sic Augustinus q. 2. ad Simplician. non dixisset *credere esse nostrum & Dei*; subiungit, *Dei vocando, nostrum sequendo*, neque inter illa duo medium agnoscit. Simili modo Prosper lib. 2. de vocat. gent. cap. 26. prius declarat quomodo Deus præmoueat ac præparet voluntatem, per gratiam excitantem, & deinde immediatè adiungit, *sed voluntas hominis subiungitur ei*, ( id est, illi gratiæ, ) *atque coniungitur, quæ ad hoc prædictis est excitata præsidio, vt diuino in se cooperetur operi, & incipiat exercere ad meritum, quod superno semine concepit ad studium*. Ergo ex sententia Prosperi potest voluntas sufficienter vocata immediatè incipere consensum cooperando gratiæ Dei, nullo alio interueniente medio vsu libertatis. Idem eleganter docuit Bernardus lib. de grat. & liber arbit. versùs finem, cuius verba sapiùs in superioribus retuli. Ratione item declaratur, quia nescit tarda molimina Spiritus sancti gratia, sed Deus immediatè vocat sufficienter ad fidem, ita vt homo plenè attendat, & habeat obiectum præsens cum sufficienti excitatione voluntatis, & nihil aliud per illam vocationem intendit, aut præcipit homini sic vocato nisi, vt velit credere, & credat; ergo ad hoc dat ei auxilium proximè sufficiens.

Secundò potest hoc ad hominem efficaciter probari contra dictos auctores, quia aliàs expectaret Deus voluntatem hominis, vt daret illi initium efficax conuersionis, seu consensus, quod iuxta illorum sententiam in motione prædeterminante consistit. Consequens autem illud ipsum in nobis damnant, & licet dicamus Deum expectare voluntatem, non vt per se operantem, sed vt gratiæ suæ cooperantem, nihilominus id putant ad Semipelagianorum sententiam pertinere, vt infra videbimus; ergo non possunt consequenter illam sequelam, vel consequens eius admittere, maximè, quia non solum sequitur expectare Deum liberum arbitrium, vt suæ gratiæ cooperans, sed vt per se ac viribus suis bene

28.

Ostenditur  
falsitas con-  
sequentis ex  
modo loque-  
di Patrum.  
Augustin.  
Prosper.

Bernard.

Declaratur  
ratione.

29.

Argumentum  
secundum.

Hh 3

Probat.

utens sua libertate post vocationem, ut ostendam. Probat ergo sequela quoad priorem partem, ut in argumento absolute est proposita, quia post vocationem sufficientem in potestate nostra est recipere, vel non recipere auxilium efficax prædeterminans; ergo priusquam Deus illud det, respicit an homo se disponat, nec ne, ad auxilium efficax, vel an illi ponat impedimentum, nec nec; ergo expectat aliquem proprium usum liberi arbitrij, ut iuxta exigentiam eius det, vel neget auxilium. Iam

Probat. altera pars.

ergo probatur altera pars, quia ille usus non potest esse ab auxilio efficaci, quia antecedit illud, siquidem ab illo pendet quod detur, vel non detur auxilium efficax: ergo est à solo libero arbitrio, & ita expectat Deus usum proprium liberi arbitrij solum ut det, vel non det prædeterminans auxilium. Ex quo ulterius efficacius obicitur contra hos auctores testimonium Pauli dicentis, *Quis enim te discernit?* quàm soleat ab ipsis contra nos obici. Patet, quia supposita necessitate physica prædeterminationis, per illam maximè sit discretio inter bonos, & malos, prædestinatos & reprobos; sed ut unus recipiat hoc auxilium potius, quàm alius, radix est propria vniuscuiusque voluntas libera, per quam unus se disponit ad tale auxilium, & non alius, vel unus posuit impedimentum, & non alter: ergo discernitur unus ab alio proprio arbitrio, cessat ergo interrogatio Pauli.

29. Argumentum tertium;

Textio ac præcipue ac ex re ipsa argumentor, quia nullus potest cogitari præteritus usus liberi arbitrij, qui sit conditio sub qua Deus offert quantum est ex se tale auxilium, & non sine illa: duplex enim cogitari potest talis usus, unus est negatiuus non resistendi, vel non impediendi infusionem talis auxilij: alius est positivus se disponendi per aliquem bonum motum ad receptionem talis auxilij; sed neuter usus potest habere locum respectu talis auxilij: ergo. Maior per se clara est, & illa partitione vtuntur auctores illius sententiæ: circa minorem autem diuisi sunt, nam quidam requirunt dispositionem negatiuam, eamque esse dicunt non resistere sufficienti vocationi, sed sinere se mouere, nam si ita se habeat (inquiunt) voluntas hominis sufficienter vocati, infallibiliter prædeterminatur: quando autem non prædeterminatur, ideo est quia non finit se prædeterminari, sed resistit. Ad hanc autem dispositionem negatiuam dicunt non requiri aliud auxilium prædeterminans, & ideo dicunt esse in mera potestate liberi arbitrij, & hoc modo esse in potestate eius habere auxilium prædeterminans. Hunc modum dicendi sequitur Cabrera suprà disput. 2. § 11. num. 302. 457. & 476. quamuis satis repugnet alteri sententiæ eius suprà relata, quòd homini sit simpliciter impossibile habere hoc auxilium ex decreto Dei antecedente ad omnem usum liberum voluntatis hominis per absolutam voluntatem Dei non dandi illud. Quidquid verò sit de consequentia doctrinæ, fundamentum illius sententiæ esse potest, quia necessarium est ut ad auxilium efficax aliquo modo sit in potestate hominis iam vocati, sed non est in potestate immediata eius ad inchoandum consensum, quia ad hoc debet prædeterminari à

Cabrera.

A Deo, nec mediante dispositione positiua, quia ad illam erit necessaria alia prædeterminatio: ergo oportet ut sit per dispositionem illam negatiuam, ad quam non est necessaria prædeterminatio, nec nouum positiuum auxilium.

Hanc sententiam impugnauit latè lib. 3. de auxil. cap. 13. Et in ea impugnatione nobis consenserunt Ledesma dicto art. 1. ad 3. & Aluar. disput. 105. ad 6. & Cumel in opusc. lib. 1. disput. 4. sect. 3. circa finem tertiæ conclusionis; & propter huius discursus complementum, iterum hæc rationes summam proponere non grauabor, possumusque ad duo capita impugnationes reducere. Primum continet rationes theologicas in secunda obiectione proximè facta insinuat. *Prima*, quia ex illa sententia sequitur hominem se disponere viribus solis liberi arbitrij sine gratia physice adiuuante ad obtinendum auxilium efficax, quod non videtur concedendum, quia aliàs multum haberet homo vnde gloriaretur. Neque obstat quòd illa dispositio negatiua sit, nam est dispositio moralis, & in moralibus magni momenti est libera abstinencia, vel omisio quando est difficilis, & laude digna, ut est manifestum in victoria tentationis contra præceptum negatiuum per solam suspensionem actus mali. *Secunda*, quia vltima resolutio cur huic detur, & non illi, auxilium efficax reduceretur in solum liberum arbitrium, quod videtur alienum ab illa interrogatione Pauli, *Quis enim te discernit?* 1. Corinth. 4. & ab admiratione Augustini dicentis, *Cur hunc trahat, & illum non trahat, noli indicare*, &c. & verbis Prosperi dicentis, rationem ob quam huic datur auxilium efficax, & non illi, non reddi sufficienter ex usu liberi arbitrij. *Tertia*, quia iam gratia efficax esset pedisequa liberi arbitrij, non ductrix, nam supponeret usum eius, & illum infallibiliter sequeretur, iuxta illam sententiam. Item initium salutis quoad efficaciam actus, (ut ille auctor loquitur,) esset à libero arbitrio non tantum ut cooperante cum auxilio comitante, sed etiam sua sola libertate ita se præparante, saltem sinendo se duci ut infallibiliter trahatur. *Quarta*, quia sequitur dari ex parte hominis causam moralem saltem negatiuam suæ prædeterminationis, quæ fuit opinio Henrici quodlib. 4. quæst. 19. & quodlib. 8. quæst. 5. communiter tamen à Theologis reprobata, ut dixi lib. 2. de prædestinat. cap. 10. & ab ipso etiam Cabrera dub. 7. Sequela probatur, quia primus effectus proprius prædestinatorum est auxilium efficax, nam antecedentia, excitantia, & sufficientia communia sunt ex generali gratiæ prouidentia, sed auxilium efficax dicitur dari ex dispositione negatiua propria libertate concepta; ergo.

B

C

D

E

30.

Ledesma.  
Aluar.  
Cumel.Convincitur  
rationibus  
theologicis.  
Ratio prima.

Ratio secunda.

1. Cor. 4.  
August.  
Prosper.

Ratio tertia.

Ratio quarta.

Henricus.

Cabrera.  
Probat. sequela.31.  
Obicitur.

idem responderi poterit de auxilio efficaci iuxta illam sententiam, negando illum vsum negativum esse dispositionem ad auxilium efficax, vel initium eius, sed meram carentiam obicis. Cur enim non hic cum eadem proportionem dicetur, Deus ex se offerre auxilium efficax prædeterminans omnibus sufficienter vocatis, non tamen absoluta promissione, sed sub conditione si non ponant obicem sinendo se mouere? Nam posita hac lege licet detur auxilium efficax non ponenti obicem per vsum negativum suæ libertatis non dabitur gratia ob dispositionem eius, sed ex sola libera voluntate Dei, quia licet contraria dispositio sufficiat ponere obicem gratiæ efficaci, nihilominus illa per se nihil confert ad eam gratiam, sed Deus gratuitò dat eam. Vnde si Deus velit, dare poterit auxilium efficax etiam illi qui reluctatur, & ponit obicem. Quapropter licet is cui negatur auxilium efficax, quia non sinit se ducere ex parte sua, dici possit se discernere ab alio qui recipit auxilium, quia ratio ob quam ei non datur ab illo sumitur, nihilominus discretio ex parte alterius non potest ipsi tribui, quia nihil fecit dignum tali auxilio, vel de se conducens ad illud, sed Deus sola misericordia illud dedit. Sicut quando vnus vocatur ad fidem, & non alius, discretio fit inter illos, quæ ex parte eius, qui non vocatur, potest habere causam in ipso, ex parte verdè eius, qui vocatur minimè. Sic ergo videntur posse eludi rationes factæ.

32. Et videtur maiori ratione hæc omnia esse admittenda in primo auxilio prædeterminante, quàm in prima vocatione, quia ante primam vocationem nulla gratia antecedit in qua funderetur carentia obicis: in hoc autem auxilio efficaci antecedit gratia excitans, & moraliter iuvans ad non ponendum obicem, & sinendum se ducere. Nam licet vocatio sufficiens non necessitet hominem, nec omnino illum prædeterminet ad non resiliendum, vel sinendum se ducere, nihilominus de se ad id mouet, & quando liberum arbitrium se sinit duci, seu non resistit, non solum id facit, sed moraliter adiutum ab ipsa vocatione, & quasi cooperando illi commodo, quo in abstinentia illa negatiua, & libera potest intelligi cooperatio. Vnde ex hac parte licet negatio illa vocetur aliqualis dispositio, non erit contra gratiam, quia illa eo modo quo fit ex gratia excitante, & adiuuante fit, dispositio enim negatiua non fit physice, sed moraliter, & ideo satis est quòd à gratia excitante, & moraliter adiuuante fiat. Sicut in exemplo posito de victoria tentationis pura negatiua per solam carentiam consensus ad illam sufficere potest auxilium excitans, & moraliter adiuuans, vt in lib. 1. dictum est.

33. *Euasio.* Hæc tamen euasio, & æquiparatio tolerari aliquo modo posset, si vsum ille negatiuus posset intelligi per modum remotionis obicis, quæ sit libera voluntati per solum vsum negativum; quia verdè hoc intelligi non potest, locum non habet dicta euasio, quod explicabitur melius deueniendo ad secundum caput rationum, quibus illa responsio impugnatur. Primò ergo arguentor, quia si auxilium efficax est prædeterminans, nullus obex potest illi poni ex parte hominis si Deus ex se paratus est ad dandum illud. Aut enim ille obex est aliquid habituale in ho-

A mine existens, vel actuale, neutrum dici potest; ergo. Probat minor quoad priorem partem de habitu, quia vel illud est peccatum originale, vel habituale, vel aliquid aliud quod non sit peccatum. Primum dici non potest, quia licet peccatum originale de se reddat hominem tali auxilio indignum, tamen supposita generali voluntate Dei saluandi, & redimendi omnes, illud solum non est sufficiens ratio ad negandum adultis auxilia necessaria ad salutem, vt de sufficientibus ostensum est in lib. 4. Et est eadem ratio de efficaci, vel certè maior. Quia, (quod notandum est,) collatio, vel denegatio auxilij efficaci adiuuantis, de quo tractamus, non habet locum nisi in homine sufficienter vocato ad fidem, vel pœnitentiam, nam ille, qui nondum vocatus est, non est capax auxilij efficaci, cum non possit operari nisi vocatus; & ideo in illo, qui non est vocatus, non oportet aliam rationem querere, ob quam non recipiat auxilium efficax, seu prædeterminans, nisi quia non habet vocationem, qua conuerteri possit: cur autem careat vocatione, aliunde petendum est ex dictis de auxilio sufficienti. Posita autem vocatione sufficienti in homine, v.gr. existente in peccato originali, sicut peccatum originale impedimentum non posuit vocationi, ita nec potest solum ac per se peccatum esse obex auxilio efficaci; quia eo ipso quòd non obstante illo peccato, Deus hominem vocat, quasi remittit ex ea parte indignitatem, & reatum peccati originalis, & se obligat quantum est ex se ad dandum auxilium efficax, si nihil aliud illi obstat; quia non frustra neque fictè vocat; ergo vocat vt perficiat quantum in ipso est; ergo necessitate quadam consequentiæ secundum ordinatam & prudentem prouidentiam dando vocationem non obstante habituali peccato offert etiam de se auxilium efficax.

D Vnde non immeritò dici potest auxilium efficax cooperans, & adiuuans debitum esse homini vocato ratione vocationis, etiam si aliàs in originali peccato esse supponatur, si aliud impedimentum non interueniat. Et hæc ratio æquè probat de peccato habituali relicto in actuali, vel actualibus commissis. Nam licet hæc de se possint impedire vocationem, tamen si illis non obstantibus Deus dat vocationem sufficientem, ratione quodammodo debetur, & necessariò offertur ex parte Dei auxilium coadiuuans ex necessitate non absolutæ potentie, sed ordinariæ, & sapientis prouidentie, vt declarauimus. Præter peccatum autem non potest alia habitualis dispositio cogitari, quæ sit obex ad recipiendam prædeterminationem, nam si quæ fingi potest maximè naturalis aliqua, vel permanens indispositio potentiarum ad operandum vt esset infania, vel amentia, aut somnus, aut aliquid simile; nihil autem horum habet locum in homine actualiter vocato sufficienter, oportet enim vt attendat, & sit aptus proximè ad operandum, si velit, aliàs etiam esset incapax vocationis; nulla ergo habitualis dispositio siue moralis, siue habitualis, quæ non est obex sufficientis vocationis, est de se obex prædeterminationis. Atque hoc maximè necessarium est in sententia contra quam disputamus, quia dispositio illa negatiua, quam ponit, est libera, & pendens ex vfu libero saltem negatiuo, seu suspensiuo actus liberi. Denique

Notandum

34. *Auxilium efficax cooperans, & adiuuans homini vocato ex vocatione debetur.*



nique est evidens ratio, quia si per dispositionem illam negatiuam tollitur obex, necesse est, ut tale sit, quia à libero usu pendeat, ut per illum usum tolli possit. At verò habitualis dispositio præexistens in subiecto, non potest tolli per usum liberum, præsertim negatiuum. Quomodo enim per hunc usum libertatis auferretur habituale, vel originale peccatum, quod sine positiua dispositione supernaturali auferri non potest, idè non auferatur necessariò, supponit gratia efficaci operationem. Idemque de quolibet alio impedimento naturali euidentius est. Sit ergo certum respectu auxilij efficaci, seu prædeterminantis nullum interuenire posse habitualement obicem.

35.  
Ponitur pro-  
batio ut  
actuali.

Iam probatur idem de actuali, quia vel ille obex consisteret in actu positiuo, vel in carentia actus. hoc secundum dici non potest in illa sententia, quia obex consistens in carentia actus positiui, non potest tolli nisi per oppositum actum positiuum; ergo non potest tolli per usum negatiuum libertatis, quia actus non ponitur nisi per usum positiuum. Item si vocatio sufficiens sit, v. g. ad voluntatem credendi, interrogo, cuiusnam actus positiui carentia possit esse obex collationi auxilij prædeterminantis ad illam voluntatem? nullius profectò. Nam si sit carentia actus mali, illa non obest, imò prodest plurimum ad non impedienda gratia auxilia: carentia autem actus boni si moraliter tantum sit quædam negatio, quia non est omisio peccaminosa, nec carentia actus debiti ex præcepto impertinens est, nec potest moraliter obesse: physice autem, (ut sic dicam,) potest prodesse, ut voluntas sit expeditior ad attendendum vocationi ad fidem, & illi assentiendum, si velit. Si verò sit omisio per carentiam actus debiti ex præcepto, hæc nec necessaria est, nec moraliter coniungi potest cum vocatione actuali ad actum omnino diuersum.

36.

Quòd enim non sit necessarius huiusmodi obex, ut homo vocatus non recipiat prædeterminationem ad consensum, manifestum est, sæpius enim contingit cum homo vocatur ad fidem, vel poenitentiam, non teneri pro eo tempore ad alium actum exercendum, ut est per se notum; ergo tunc carentia aliorum actuum, quamuis bonorum, non potest esse obex, ne recipiatur auxilium prædeterminans ad voluntatem credendi, vel poenitendi. Quòd verò neque moraliter possit contingere, patet, quia homo non potest simul occupari circa multa, præsertim grauissima, & quorum singula magnam requirant animi attentionem & considerationem; ergo dum homo vocatur actu ad finem, v. g. & Spiritus sanctus per sufficientem vocationem internam cor eius, & mentem ad id agendum, & intendendum excitat, non imponit illi præceptum, ut eodem tempore aliud præceptum impleat, & de re illa interiùs cogitet & sollicitus sit, non enim esset conueniens prouidentia nec capacitati hominis consentanea. Vnde quando aliud præceptum affirmatiuum instat, potius excitabitur homo ad cogitandum de illo, vel si ad id non excitatur, excusabitur per naturalem inconsiderationem, & sic carentia alterius actus non erit obex actui

A fidei, vel prædeterminationi necessariæ ad illam.

Solum video cogitari posse, post vocationem sufficientem necessarium esse orationis actum ad obrinendum auxilium prædeterminans ad voluntatem credendi, v. g. & carentiam actus ostendi esse obicem alterius auxilij. Sed neque hoc cum probabilitate dicitur, tum quia si homo sufficienter vocatur ad fidem, eo ipso offertur illi auxilium adiuuans ad credendum tanquam consentaneum illi vocationi, ut supra declarauimus: tum etiam, quia si homo tunc ad orationem non excitatur, non potest actum illum habere, sed ad alium debet immediatè conari, ad quem excitatur; si verò excitatur ad actum orandi, cessabit pro tunc excitatio ad alium actum, & redibit quæstio de ipsa voluntate orandi, nam ad illam erit etiam necessarium auxilium prædeterminans, unde si datur, iam homo orabit, & non ponet obicem; si verò non datur, querendum est, cur non detur, vel quo modo sit in potestate hominis, aut quænam obicem illi ponere possit ob solam carentiam alienius actus.

37.

Tandem potest hic obex constitui in aliquo alio actu libero, cuius carentia sit remotio obicis, qua posset auxilium efficax impedire. Sed hoc etiam verisimile non est. Primò, quia nullo probabili modo potest explicari quis, vel qualis sit ille actus qui auxilio efficaci suscipiendo obsit, si non auferatur, vel suspenditur. Secundò ad hominem in illa sententia, iuxta quam etiam ad illum actum erit necessaria Dei prædeterminatio. Vel igitur Deus prædeterminat voluntatem ad illum actum, vel non prædeterminat: si prædeterminat, non potest voluntati imputari quòd aliam prædeterminationem impediat, quia Deus præuenit illam, prædeterminando illam ad alium actum, cui illa resistere non potuit: si autem Deus non prædeterminat voluntatem ad illum actum, tunc carentia talis actus non est moralis obicis remotio, quia voluntas non per suæ libertatis usum, sed necessariò, & ex impotentia naturali non habet illum actum. Probatur, quia non potest actum illum habere sine prædeterminatione, & illa caret, ut supponitur: ad illam autem carentiam non potuit ipsa se disponere, quia nec fingi potest qualis sit illa dispositio, nec si fingatur, in illa sistemus, sed radicem eius inuestigando in infinitum procedemus; ergo quòd Deus det hanc, vel illam prædeterminationem, non potest in aliquam negationem liberam ex parte voluntatis humanæ reduci, sed solum pendet ex diuina voluntate.

Quod præterea ita explicatur, quia stante sufficienti vocatione ad fidem, vel homo est capax sub disiunctione, vel diuisim plurium prædeterminationem ad varios actus inter se ita repugnantes, ut simul esse non possint: vel est tantum capax vnius prædeterminationis ad vnum actum? hoc posterius dici non potest, tum quia per illud tollitur libertas quo ad specificationem actus, quia hæc requirit capacitatem indifferentem ad plures actus, tum etiam, quia si homo vocatus ad credendum, v. g. pro tunc solum est capax vnius prædeterminationis,

38.

minationis, certè illa potius erit prædeterminans ad voluntatem credendi, quam ad ullam aliam. Quæ enim alia fingi potest? aut cur illius potius erit capax voluntas, quam alterius, cum supponatur actu excitata sufficienter ad volendum credere? unde si Deus non det illi talem prædeterminationem ad volendum credere, non poterit ipsi voluntati imputari, nec alium negatiuum vsum eius reduci, quia si non est capax alterius prædeterminationis, nec etiam est capax alterius actus, & consequenter neque omissionis liberæ illius. Si verò est capax plurium prædeterminationum, interrogo, cur potius vnam, quam aliam à Deo recipiat, certè non potest in vsum liberum negatiuum ipsius voluntatis reduci, quia prius natura, quam aliquam prædeterminationem accipiat, æquè caret omni actu, tam voluntatis credendi, quam cuiuscumque alterius ipsi repugnantis; ergo ex vi illius negatiuæ dispositionis non est cur magis ad vnam voluntatem determinetur à Deo, quam ad aliam; ergo impossibile est intelligere cur voluntas sufficienter vocata ad fidem prius natura, quam ad hoc, vel illud prædeterminetur, se disponat, vel (si malis ita loqui,) se non impediat ad recipiendam prædeterminationem credendi per carentiam alicuius actus qui posset impedire voluntatem credendi, nam illa carentia actuum, quæ in illo priori naturæ antecedit est naturalis, & vniuersalis ad omnes actus.

39. Et hæc est potissima ratio, & iudicio meo, demonstratio, ob quam talis negatio alicuius actus intelligi non potest tanquam libera dispositio, vel remotio obicis, quæ aliquo modo siue per se, siue per accidens sit ratio, vel occasio, ob quem Deus det auxilium efficax præueniens post sufficientem vocationem, & ob eandem causam illud non repugnare, vel non resistere Deo vocanti, (vt in dicto libro de auxiliis notauimus) licet per negationem explicetur, non consistit in negatione, sed in aliqua voluntatis cooperatione: nam vocatio ipsa, de qua loquimur, est ad aliquid agendum, scilicet supernaturalem consensum, vnde per negationem omnis actus illi resistetur: vt ergo non resistatur, necessaria est cooperatio aliqua, & ideo impossibile est, illud non resistere, vel se sinere moueri, quatenus liberum est per solum liberum arbitrium fieri sine cooperante gratia: vnde Isai. cap. 50 cum dixisset, *Dominus aperuit mihi aurem, ego autem non contradico*, quomodo non contradixerit declarat, dicens, *Corpus meum dedi percutientibus*, & adiungit, *Dominus Deus auxiliator meus*, &c. Et ideo Augustinus lib. de prædestinat. Sanctior. cap. 8. diuinæ gratiæ efficaci tribuit, quod homo non resistat, quia ad hoc, (inquit,) datur vt cordis duritia penitus auferatur, quod etiam habet Prosper in carmine de ingratia, cap. 15. igitur ad non repugnandum necessaria est gratia efficax, & in illa sententia necessaria est prædeterminatio; ergo non potest constitui in potestate hominis per præuiam non repugnantiam liberam, vt illa opinio confingit.

40. Est igitur alia opinio, dicens hoc auxilium esse in hominis potestate media aliqua dispositione positiua, quam si homo faciat, Deus

A prædeterminabit eius voluntatem ad consentiendum sufficienti vocationi ad fidem, v. g. vel pœnitentiam, sicut est in potestate hominis habere à Deo gratiam habitualement, iuxta illud Ioan. 1. *Dedit eis potestatem filios Dei fieri*, quia est in hominis potestate habere liberam dispositionem positiuam, quam si habeat, infallibiliter gratiam habitualement consequetur. Et ita videntur sentire interdum dicti auctores. Dixit enim Ledesma in principio questionis in quarto fundamento ad finem, cum Deus mouet hominem sufficienti auxilio supernaturali ad detestandum peccata illud auxilium esse sufficiens tantum remotè, & mediatè respectu actualis conuersionis; nam si voluntas veller, in virtute huius motionis tandem perueniret ad perfectam conuersionem: ergo eodem modo potest peruenire ad recipiendam prædeterminationem, sine qua impossibile est habere actualem conuersionem. Cum autem dicitur, si voluntas veller, aperte significatur hoc fieri mediante aliqua dispositione libera eiusdem voluntatis. Eandem doctrinam habet Fr. Dauila, cap. 7. dicens, si homo bene vteretur auxilio sufficienti, Deus daret illi efficax per quod conuerteretur. Idem iudicat Cumel supra disput. 4. sect. 2. concl. 5. in eius declaratione ait, non esse dubium quin si homo præuentus auxilio excitante, & sufficiente non malè illo vtatur, aut non resistat, & habebit efficax, vbi licet non dicat positiuè bene vtatur, tamen cum aliàs impugnet vsum negatiuum, oportet vt per illum non malum vsum aliquem bonum intelligat: satis enim malè vritur excitatione Dei, qui nihil boni per illam operatur; vnde paulo inferius docet idem auctor, & bene, quod non resistere gratiæ, est consentire illi. Et iterum in §. vnde in hac assertionem, dicit hominem gratia vocante, & excitante præuentum habere posse auxilium efficax Deo adiuuante, si bene vtatur prioribus auxiliis. Paulò verò inferius vtrumque modum videtur approbare, dicens, homo non caret prædeterminatione efficaci, nisi quia resistit liberè, vel opponit obicem, vel quia nihil curat de illa se diuertendo, & non attendendo diuinæ vocationi. Idem repetit inferius §. his ita prælibatis, vbi latè explicat hunc vsum positiuum, & in sect. 3. conclus. 7. & similia inueniuntur passim in aliis defensoribus illius sententiæ, sed illa omitto, ne & mihi, & aliis molestus sim.

Hanc verò sententiam impugnauimus etiam in dicto cap. 13. lib. 3. de Auxil. quas impugnationes iidem auctores approbarunt, Cumel dicta disput. 4. sect. 3. in discursu conclusionis tertie. Ledesma dicto artic. 1. ad 3. Aluar. in disput. 105. ad 6. vt manifestum sumit, auxilium efficax non dari ex dispositione hominis libera, & à fortiori sequitur ex dictis ab ipso disput. 18. 23. 90. 91. & aliis. Vt autem veritas hæc intelligatur, & directè impugnetur illa sententia, sine tergiversatione aduertendum est hîc solum comparari auxilium prædeterminans cum vocatione sufficienti respectu vnius, & eiusdem actus conuersionis, ad quem immediatè voluntas per talem vocationem excitatur, quod ideo aduerto, quia si vocatio sufficiens ad vnum imperfectum actum cum auxilio efficaci ad actum perfectum conferatur, tum rectè

Ioan. 1.

Ledesma.

Dauila.

Cumel.

41.

Cumel.

Ledesma.  
Aluar.

Aduertendum.

rectè fieri potest ut homo cooperando priori vocationi se disponat ad recipiendum auxilium efficax ad perfectiorem actum : ut , v. gr. si quis excitatur ad fidem , & illi consentit , per illum bonum usum se disponet , ut excitetur ad attritionem peccatorum , & si illam eliciat , poterit per illam disponi ad auxilium efficax quo perfectè conuerratur , hunc enim ferè ordinem describit Concilium Tridentinum sess. 6. ut in lib. 3. fusè explicatum. Imò si quis attentè consideret , in hoc progressu non disponit homo per actum vnius auxilij immediatè ad illud auxilium prædeterminans , sed ad aliquam aliam excitationem ad altiore actum , vel ad similem actum iterum meliori modo præstandum , cui excitationi aliud auxilium efficax , vel prædeterminans interdum coniungitur ratione prioris supernaturalis dispositionis. Quod si dicti auctores citati in prioribus locis hoc tantum intendunt , vera est doctrina per se spectata , & intellecta de auxilio efficaci , ut sic abstrahendo à questione de modo illius. Non est autem hoc punctum difficultatis quam tractamus , debet enim comparari , vnaquæque vocatio sufficiens ad auxilium efficax illi proximè , & immediatè necessarium , ut obtrineat illum actum liberum , & consensum ad quem proximè hominem vocat , id est , vocatio ad fidem cum auxilio efficaci ad voluntatem credendi , & vocatio ad attritionem cum ipsamet attritione , & sic de aliis. Dico ergo , si auxilium efficax consistit in motione prædeterminante distincta ab ipsa vocatione , impossibile esse ut illud auxilium pendeat à libera hominis dispositione , quæ sit veluti media inter vocationem , & auxilium efficax , ratione cuius sit in potestate hominis habere , vel non habere auxilium efficax.

Circ. Trid.

Assensum  
Auctoris.42.  
Probatur.

Probatur primò , quia vel illa dispositio est aliquis bonus vsus talis vocationis , vel est aliquis alius actus : neutrum dici potest ; ergo. Minor quoad priorem partem probatur primò ex hypothese declarata , quia bonus vsus vocationis non est nisi consensus in actum ad quem proximè vocatio excitat ; ergo non potest ille actus esse dispositio ad auxilium efficax , quo consentiendum est illi vocationi , aliàs esset dispositio ad se ipsum , imò ad suum principium. Secundo , quia ad illum bonum usum quicumque sit , requiritur auxilium efficax , nam ille bonus vsus actus est supernaturalis & gratiæ , unde non fit sine auxilio efficaci , iuxta dicta supra cap. 2. ergo si auxilium efficax est prædeterminans , ille bonus vsus supponit prædeterminationem ; ergo non est dispositio ad illam ; ergo illa prima prædeterminatio non datur ex dispositione hominis , neque hoc titulo dici potest esse in potestate hominis. De hoc autem primo auxilio efficaci ad primum bonum usum auxilij sufficientis est sermo , ut animaduerti.

43.

Neque contingit hominem per vnum bonum , & pium usum vnius vocationis mereri , aut se disponere immediatè ad auxilium efficax ad alium actum distinctum ab illo primo vsu , sed , ( ut dixi , ) per illum primum actum poterit quis se disponere ad recipiendam aliam vocationem , cum qua alium meliorem actum efficiat si velit ; ergo bonus vsus vocationis non potest esse præuia dispositio ad auxilium efficax

A immediatè necessarium ad effectum proprium & immediatum talis vocationis. Quod si demus , licentiam fingendi vnam & eandem vocationem posse habere duos effectus liberos , minorem , & meliorem , & per priorem posse hominem disponi ad posteriorem , & ad auxilium efficax , necessarium ad illum : nihilominus etiam ad minimum actum necessarium erit auxilium efficax , & in illo vrgetur difficultas. Et deinde non potest cum sufficienti probabilitate affirmari , posito illo priori vsu minus perfectò infallibiliter dari auxilium prædeterminans efficaciter ad alium meliorem usum illius vocationis. Vbi enim est hæc lex , vel promissio ? vel qua probabili ratione id suaderi potest ? ergo etiam quo ad illam partem pendebit nouum auxilium prædeterminans ex solo arbitrio Dei , quamuis ratione prioris actus habere possit aliquam congruentiam ex parte hominis : existimo tamen , ut dixi , hanc congruentiam semper esse ex parte nouæ excitationis , vel vocationis , non respectu auxilij efficaciis , seu prædeterminantis.

Neque minus certum est in principiis fidei non posse hanc dispositionem consistere in aliquo alio actu distincto à bono vsu sufficientis vocationis , nam ille actus , si non sit ex vocatione supernaturali , erit naturalis : non potest ergo esse dispositio ad donum prædeterminationis supernaturalis , præsertim cum illa dicatur esse quasi dispositio vltima , ad quam sequitur infallibiliter tale donum , quod nullo modo potest tribui actui naturali. Item , quia ad illum actum etiam si naturalis sit , erit necessaria prædeterminatio diuinæ ordinis naturalis , si consequenter in illa sententia loquendum est , & ita vel ad illam prædeterminationem erit necessaria alia dispositio , & sic procedetur in infinitum , vel illa dabitur pro sola voluntate Dei , & non ex dispositione hominis. Præterquam quod explicari non potest , quis sit ille actus liber voluntatis , qui & non sit bonus vsus vocationis , & necessariò intercedere debeat inter vocationem ad pœnitentiam , & ipsam pœnitentiam , seu prædeterminationem ad illam. Nam si illa vocatio est in suo ordine proximè sufficiens ad illum actum pœnitentiæ , ad quem excitat immediatè , potest voluntas illi consentire , si velit , aliàs non esset vocatio proximè in suo ordine sufficiens. Nam si sufficiens est , dat potestatem in illo ordine , & alioqui homo est liber , & adiutorium est paratum ex parte Dei ; ad quod ergo est alius actus necessarius ?

Et præterea cum per vocationem non proponatur nisi pœnitentiæ obiectum , & aliunde necessarium non sit , imò neque vrile , neque ordinariè contingens , ut homo simul in eodem momento de aliis rebus cogitet , profectò nullus actus cogitari potest , qui necessarius sit , ut homo post vocationem sufficientem ad pœnitentiam auxilium efficax ad eundem pœnitentiæ actum recipiat. Tandem potest hoc optimè declarari in negotio Angelorum. Nam omnes in primo instanti suæ creationis acceperunt auxilium efficax ad rectè operandum , ut constat : in secundo verò boni Angeli habuerunt auxilium efficax sine præuia dispositione , quia illa , quæ in primo instanti præcellerat , non fuerat sufficiens , aliàs etiam mali , qui similem dispositionem

44.

45.



positionem cum proportionem habuerant, ratione illius recepissent auxilium efficax in secundo instanti. Nam in secundo instanti habuerunt sancti Angeli dispositionem præuiam ad auxilium prædeterminans, quia vno deliberato actu suam viam consummarunt, & ille fuit effectus auxilij efficax; ergo talis prædeterminatio non fuit in potestate illorum ratione præuiæ dispositionis; ergo nec fuit in potestate aliorum Angelorum, quibus datum non est tale auxilium, quia non magis potuerunt ad illud disponere, quam boni Angeli. Idem ergo est in omnibus, nam cum proportionem potest idem discursus applicari.

## C A P V T X V.

### *Corollaria, quibus ratio ab incommo- dis distinctius con- cluditur.*

1.  
Corollarium  
primum.

**E**X toto ergo hoc discursu concludo in primis, non posse dici consequenter in illa sententia de auxilio efficaci prædeterminante quod ex parte Dei offeratur illis, quibus post sufficientem vocationem non datur. Probat, quia si offertur, certè per voluntatem Dei offertur, & per aliquam legem, & promissionem: nam tale auxilium sicut non datur à Deo nisi liberè, & voluntariè, ita non nisi eadem libertate offerri potest: si ergo offertur, per aliquam voluntatem offertur. Aut ergo per voluntatem absolutam, aut per conditionatam, seu antecedentem. Non per absolutam, quia voluntas Dei absoluta semper impletur, & facit quod vult: si ergo tale auxilium offertur, per voluntatem absolutam datur; ergo è contrario quibus non datur, neque etiam offertur per voluntatem absolutam. Neque etiam offerri potest per conditionatam voluntatem. Quæro enim qua sit illa conditio, sub qua offertur, oportet enim quod sit conditio contingens, & dependens à libero vsu voluntatis, nam si esset conditio impossibilis, nulla, & ridicula esset oblatio, si necessaria transiret voluntas in absolutam; ergo esse debet conditio contingens, & non aliunde quam ex voluntate hominis; ergo esse debet pendens ab vsu libero voluntatis. At hoc dici non potest, quia ille vsus nec positivus esse potest, nec negativus, vterque enim exclusus est, & ab eisdem auctoribus improbat, ut vidimus: ergo repugnantia sunt hæc duo, scilicet quod Deus ex se offerat illud auxilium; & quod non pendeat ex libero vsu recipientis positivo, vel negativo.

2.  
Corollarium  
secundum.

Secundò infero, iuxta illam sententiam dici non posse hominem sufficienter vocatum ad fidem, v. gr. & carentem auxilio prædeterminante sua culpa, carere efficaci auxilio, proptèr sæpe repetitum Cumel disp. 4. sect. 1. cap. 15. prope finem, & aliis locis allegatis, & Aluar. suprà ad disp. 18. num. 20. dicit esse in potestate hominis impedire ne habeat illam motionem, & ideo quando non implet præceptum, ei imputari, eo quod sua culpa se impedivit ne daretur ei auxilium efficax. Idem repetit disp. 23. num. 11. & sæpe

Comel.  
Aluar.

**A** aliàs. Dico ergo hoc non dici consequenter in illa sententia, & probò ex proximè dictis, quia hæc culpa supponit quod tale auxilium offeratur à Deo sub aliqua conditione, quam homo sua culpa non ponit. Et ideo Aluar. disp. 61. ad 7. etiam ait offerre Deum omnibus auxilium efficax, & ex aliquorum culpa procedere quod tale auxilium efficax non recipiant. Sed ostensum est, tale auxilium non offerri quibus non datur; ergo non carent illo sua culpa, sed quia Deus non vult dare. Item hæc culpa supponit quod homo post vocationem sufficientem possit ponere obicem quo impediatur sibi dari tale auxilium, ut in his locis proximè citatis dicti auctores fatentur. Ostensum est autem nullum esse talem obicem, quia nec positivum, neque negativum esse potest, etiam ex sententia illorum auctorum, ut ostendi; ergo falsa est assertio talis culpæ, & non consequenter asseritur. Item illa culpa supponit quod tale auxilium pendeat ex aliqua dispositione libera suscipientis. At hoc ipsum improbant dicti auctores, & meritò, ut visum est; ergo dicere non possunt quando non datur, ob culpam hominis non dari. Maior probatur, quia si aliqua culpa ibi intercedit, liberè committi debet: ex illa autem pendet quod tale auxilium detur; ergo pendet ex libera dispositione recipientis. Sicut effectus Sacramenti in adultis, ideo potest per culpam suscipientis non recipi, quia pendet ex libera dispositione recipientis; in paruulis verò impediri non potest, quia à libera illoque dispositione non pendet.

**P**raterea interrogo, qualis sit illa culpa, aut enim est aliqua prior, propter quam Deus negat auxilium efficax, vel est aliqua quæ specialiter committitur ponendo obicem, seu impedimentum auxilio efficaci, ut non detur. In hoc enim valde obscurè loquuntur dicti auctores, confundendo duas quæstiones, quas suprà distinximus, quarum una est de auxilio efficaci non dato antecedenter, ut sic dicam, seu in radice, quia non datur sufficiens. Altera est de auxilio efficaci non dato in se, & immediatè supposito iam sufficiente. Vnde Pater Aluar. disp. 113. concl. 2. indistinctè dicit quod Deus pro loco & tempore non dat auxilium sufficiens vel efficax ad fidem poenitentiam, &c. semper id esse in poenam peccati, vel originalis, vel alterius, siue præcesserit tempore, siue tantum ordine naturæ, & eodem modo ait in solut. ad 5. neminem deferri à Deo quo ad auxilium efficax, nisi prius ipse deferat Deum per aliquod peccatum originale, vel mortale, & de iusto ait, quod in exercitio prius deferat Deum peccando, quam Deus eum prius auxilio efficaci. Quæ quidem magna ex parte possunt habere locum si de priori quæstione tractaremus, coniungendo auxilium efficax sufficienti, & considerando immediatam rationem, ob quam de facto non datur auxilium sufficiens, quod quidem adultis omnibus offertur, & ideo non negatur de facto nisi ob aliquam culpam, vel causam ex parte hominis, ut in libro præcedenti latè dictum est. At verò tractando præcisè de negatione, seu non collatione auxilij efficax solius, & immediatè ac supposita sufficienti vocatione, pro ut nunc quæstionem tractamus, non habet locum illa doctrina in sententia asserente hoc auxilium efficax consistere in physica prædeterminatione, ita enim loquimur.

3.  
Adducuntur  
alia incommo-  
da, ex  
quibus ratio  
distinctius  
concludi-  
tur.

Et

4. Et in primis iam ostendi hoc auxilium numquam posse negari hoc modo propter solum peccatum originale, vel habituale, seu actuale prius tempore commissum, quia eo ipso quod non obstare præcedere peccato datur sufficiens vocatio, necesse est iuxta ordinatam providentiam, ut omne auxilium necessarium ad sequendam vocationem offeratur ex parte Dei, & non negetur propter solum peccatum præcedens, seu in habitu præexistens. Et confirmatur, quia non obstante præcedenti peccato homini non imputatur ad novam culpam quod non sequatur vocationem propter denegationem necessarij auxilij. Denique certum est carentiam talis auxilij non posse semper reduci in culpam prius tempore commissam, vel contractam: nam Angeli qui in secundo instanti ceciderunt in illo, caruerunt auxilio efficaci, & tamen in illis nulla culpa præcessit. Idemque est de Adam & Eva in primo instanti, quando in Paradiso peccaverunt. Nunc etiam paruulus baptizatus qui perueniendo ad usum rationis in primo actu moraliter peccat, non recipit auxilium efficax ad illud vitandum, & non propter originale peccatum, quia iam fuit remissum.

5. Cum ergo auxilium efficax sine præcedenti peccato non detur, signum est illam causam propriam ob quam negatur. Nec etiam est adæquata, dat enim frequenter Deus auxilium efficacissimum ei qui in toto tempore præcedenti in peccatis fuerat, vel etiam immediate antea actualiter peccabat, ut forte in bono latrone, & Paulo, & aliis similibus contigit. Ergo ex præcedenti culpa nulla causa sumitur negandi auxilium efficax, maxime illi qui sufficienter in præsentis vocatur, non obstanti priori culpa.

6. Illa culpa non potest esse commissæ in eodem instanti temporis in quo auxilium prædeterminans denegatur, quia vel esset prius natura quam intelligatur voluntas hominis determinata, vel prædeterminata ad hanc vel illam partem, vel esset simul, aut posterius natura, nihil horum dici potest cum probabilitate; ergo. Minor quo ad primam partem declaratur, & probatur, quia in instanti temporis in quo voluntas velle incipit, duo tantum signa distinguunt Theologi omnes, Vnum est status indifferentiæ ipsius voluntatis, in quo intelligimus in illa negationem omnis actus & determinationis; secundum est signum, vel instans in quo iam voluntas est determinata ad alteram partem, sed in neutro illorum intelligi potest illa culpa, ob quam negetur prædeterminatio; & tertium adderetur sine fundamento: ergo nullo modo potest illa culpa prævia pro eodem instanti cogitari. Maior communis est & necessaria ad libertatem, quia actus non est liber nisi in eo instanti in quo fit, & ideo necesse est ut pro eodem instanti supponat voluntatem secundum se indifferentem, & in statu neutro, ut Scotus loquitur. Minor quo ad primam partem probatur: quia in illo signo naturæ nec intelligi potest culpa commissionis, quia nondum intelligitur voluntas aliquid actu velle, nec etiam omissionis, quia illa negatio quæ præintelligitur in voluntate, in illo signo naturæ non est libera, sed merè naturalis, ut etiam in Deo ipso considerari potest, & ratio est, quia illa indifferentia nihil aliud est quam potestas ad verumlibet, quæ ex natura sua habet illam indifferentiam coniunctam; ergo illa negatio non potest esse culpabilis, nam omnis culpa libera est

A se deber. Item illa dispositio præcedit ordine naturæ etiam in illo cui in posteriori signo naturæ datur auxilium efficax; at in eo non fuit culpa ut est notum; ergo neque in alio cui non datur prædeterminatio; ergo non negatur propter culpam in illomet instanti temporis ordine naturæ antecedentem. Quia ut dixi inter illa duo signa non potest initium cogitari, nec ab aliquo Theologo vel Philosopho positum est. Et quidem merito, tum quia in voluntate diuina non intelligitur tale signum medium, ergo neque increata, tum etiam quia ad libertatem actus, vel potentiæ id non est necessarium, nec ad aliquam causalitatem in qua fundatur ordo naturæ, tum denique, quia in voluntate, quæ mouetur per auxilium efficax inter carentiam determinationis quæ natura præcedit, & determinationem ipsam non potest concipi status medius voluntatis, ergo neque etiam in voluntate quæ tale auxilium non habet.

7. Altera verò pars de culpa commissæ in eodem instanti, & in eodem signo naturæ in quo prædeterminatio denegatur, probatur, quia inuoluit repugnantiam in illa sententia. Nam Deus dicitur negare tali homini prædeterminationem gratiæ propter culpam, ergo necesse est ut ordine saltem naturæ antecedit, quia illa culpa erit causa demeritoria, & ratione illius dicit Aluar. supra in illo casu habere locum axioma Theologorum, quod Deus non deserit hominem quo ad auxilium efficax, nisi prius deseratur ab ipso, ergo oportet ut culpa saltem prioritate naturæ antecedit. Deinde fit hoc evidens ad hominem in illorum authorum opinione, quia voluntas in illo instanti naturæ in quo determinatur, non potest se determinare nisi prædeterminata à Deo saltem ad realem actum, ergo si in eo signo posteriori naturæ iam peccat, præcessit in illa prædeterminatio Dei ad talem actum, ergo præcessit denegatio auxilij gratiæ prædeterminantis, quia illæ duæ prædeterminationes sunt oppositæ, & ideo collatio vnius est denegatio alterius: ergo sicut prædeterminatio ad actum malum (si datur) non potest dari ob culpam vel malitiam, quæ resultat ex actu, ut videtur per se evidens, & in tertio libro probatum, nec etiam potest esse simul natura cum ipso actu, quia dicitur esse principium eius, ita etiam negatio prædeterminationis gratiæ non potest sequi ex culpa, imo neque esse simul natura cum illa, sed necessariò debet ordine naturæ præcedere, quia imbibitur in contraria prædeterminatione, ut declaravi. Quod quis ibi fingat culpam puræ omissionis, quæ mereatur denegationem auxilij efficaciis facile refutabitur: tum quia talis peccandi modus moraliter non contingit ut communiter Theologi docent, tum etiam quia illamet supponit carentiam prædeterminationis diuinæ ad omnem actum, & consequenter etiam prædeterminationis gratiæ, tum denique quia in illa opinione talis negatio actus non potest esse libera, & consequenter non potest esse culpa, ut paulo antea insinuavi, & in sequenti capite iterum dicam. Et ex his à fortiori concluditur talem culpam non posse natura posteriorem esse, ergo si auxilium efficax in prædeterminatione consistit, carentia eius in homine habentem sufficientem vocationem nullo modo potest ex culpa eiusdem hominis redundare, vel illi attribui.

8. **C**oncluditur, necessitatem prædeterminationis non posse componi cum sufficientia proxima auxilij necessarij respectu illius actus ad quem prædeterminatio desideratur, tum quia sine tali auxilio non est actus primus completus, tum etiam quia deficiente illo defunt vires necessariæ ad faciendum talem actum. Item concludo carentiam talis auxilij non posse componi cum sufficientia remota, quia illud auxilium necessarium nec actu recipitur ve supponitur, nec est ita constitutum in potestate hominis vt ex libertate eius pendeat, aut possit aliquid facere quo auxilium consequatur, neque illo sua culpa caret, sed sola voluntate Dei. Præterea concludo carentiam talis auxilij non posse componi cum completa libertate quoad specificationem respectu actuum supernaturalium. Probat, quia sine auxilio sufficiente non datur libertas, quia non datur potestas sine qua libertas esse non potest. Denique concludo non posse imputari ad culpam homini sufficienter vocato, & non prædeterminato quod non consentiat vocationi. Probat, quia sine libertate, & potestate, ac sufficientia auxilij non est culpa. Et declaratur amplius, quia ille dissensus vel non consensus supposita carentia prædeterminationis gratiæ non est in se ac proxime culpabilis, quia non est liber cum ex illa suppositione consensus sit impossibilis, nec etiam remote, seu in alio est culpabilis, quia illa carentia auxilij non habet fundamentum in libera voluntate, dispositione, aut culpa hominis vt late ostensum est. Ergo nullo modo potest talis dissensus, vel carentia consensus ob culpam imputari. Hæc autem omnia nec concedi possunt, nec ab ipsis Doctoribus Catholicis, qui prædeterminationem defendunt, conceduntur. Illationes autem ita probatæ sunt, & responsiones omnes, seu euasiones ita exclusæ, vt intellectum cogere videantur, ergo vel hoc solum fundamentum videtur efficaciter probare talem prædeterminationem non esse necessariam ad pie operandum consentiendo sufficienti vocationi, ac proinde non consistere in illa auxilium efficax, quod ad omnem piam voluntatem, omnemque consensum supernaturalis vocationis necessarium est.

## CAPUT XVI.

### Quibusdam suffragiis rationis facta occurritur.

1. **P**etrus Ledesma dicto art. 10. ad 3. quamvis argumentis conuictus fateatur hoc auxilium prædeterminans non esse in potestate voluntatis nostræ media aliqua dispositione libera positua vel negatiua, nihilominus adiungit modum alium quo dicit maxime, *declarari difficultatem istam grauissimam*, modus autem solum est asserere quod in potestate voluntatis nostræ est consentire diuina vocationi, & conuerti tanquam in potestate subordinata diuina potestati in genere causæ efficiemis, non vero tanquam in potestate prima & suprema. De qua propositione, & de omnibus quæ ad eius declarationem postea dicit nemo nostrum dubitat. Quod autem audire ac intelligere desideramus est quomodo veritas illa ad soluen-

**A** dum argumentum applicetur, quod ille auctor non facit, sed ex illo principio conatur inferre necessitatem prædeterminationis. Nos autem illationem illam facile negamus, quia vt voluntas nostra subordinetur diuinæ, & consentiat illi tanquam potestas subordinata in genere causæ efficiemis, & non suprema, & tanquam secundum liberum, & non primum, ad hoc inquam necessaria non est prædeterminatio sed sufficit dependentia essentialis in concursu simultaneo cum potestate physica priuata, & indifferente ad consentiendum & dissentiendum, vt in 3. lib. declaratum est, & infra in solutionibus argumentorum dicitur. Supponimus ergo subordinationem voluntatis nostræ ad diuinam in qua assensenda non est dissensus, quia illa subordinatio talis est vt non tollat libertatem quoad specificationem, supponit enim in voluntate hominis sufficientem potestatem physicam in actu primo ad se determinandum per eandem potestatem subordinatam diuinæ potestati. Ex hoc autem principio inferimus subordinationem illam non consistere in prædeterminatione, neque hanc esse necessariam ad saluandam illam, quia sicut oportet in Deo supponere supremam potestatem, ita necessaria est in voluntate nostra potestas sufficiens licet subordinata, qua potestate priuatur si prædeterminatio est necessaria, & pro sola Dei voluntate non datur, in quo puncto est difficultas, ad quam nihil dictus auctor respondet.

**C** Addit vero aliqua quæ ne euidenciam & intelligentiam rationis factæ abundant proponere oportet & an aliquid ad difficultatem soluendam attente inspicere. Primo ergo adducit exemplum subordinationis voluntatis ad intellectum tanquam adinonentem physice vt est probabile, quia non obstante illa subordinatione voluntas habet potestatem ad volendum licet sit ita subordinata intellectui vt nihil possit velle nisi prius prædeterminetur ab ipso. Ad quod respondemus illud quidem non tantum non soluere sed etiam confirmare, & explicare rationem & difficultatem nostram, quia nunc non agimus an hæc prædeterminatio tollat libertatem quoad exercitium nec ne; id enim in capite sequenti tractabimus: sed inferimus quod si illa prædeterminatio est necessaria, & non datur, tollitur libertas in carentia actus seu consensus. Idemque euidenter sequitur in illo exemplo data hypothesi. Nam si morio, seu prædeterminatio intellectus siue moralis siue physica necessaria est ad liberè volendum, & voluntas ab intellectu non moueatur, impossibile est vt carentia sui actus non sit illi libera, quia licet ipsa habeat suam potestatem volendi; non tamen simpliciter sufficientem siue intellectu, nec etiam est in potestate eius motio intellectus loquendo de prima, & ideo donec actu moueatur vel prædeterminetur (vt ille loquitur) ab intellectu non est simpliciter libera ad volendum. Hæc enim ratione dicunt Theologi ignorantiam antecedentem tollere voluntarium seu impedire libertatem, & excusare culpam, ergo simili modo carentia prædeterminationis cum plane sit antecedens (vt ita rem explicem) id est nullo modo sit à voluntate hominis, plane tollit voluntarium, impedit libertatem & excusat à culpa.

**D** Dicit ulterius idem auctor Deum prædeterminantem voluntatem non debere considerari tanquam aliquid extrinsecum, sed tanquam

Negatur illatio.

2. Instantia prima.

3. Instantia secunda magis



magis intrinsecum voluntati quam ipsammet sibi, & ideo concursus Dei ait non est appellandum extrinsecum cum sit omnino necessarium ad operationem voluntatis. Vnde videtur hic auctor velle quod ut voluntas hominis dicatur habere in sua potestate prædeterminans auxilium satis est quod illud sit in potestate voluntatis Dei, quæ intrinsecè est in illa, & quod sicut voluntas se determinando necessitatem sibi non infert, ita etiam Deus prædeterminando illam, necessitatem ei non infert, & quod sicut motio intellectus est intrinseca homini, & ideo non necessitat illum, ita & motio Dei est intrinseca.

4.  
Eucritur  
fundamen-  
tum huius  
doctrinæ.

Sed fundamentum huius doctrinæ solum est positum in quodam nouo vsu vocum & æquiuoco, ac inusitato modo loquendi. Vnde doctrina ipsa nulla ratione admittenda est. Primum declaratur, quia licet Deus intime sit in voluntate per essentiam, præsentiam, & potentiam, & per gratiam; nihilominus respectu effectuum quos causat efficienter in voluntate, simpliciter est causa, seu principium extrinsecum. Et ita loquuntur D. Thomas in 1. 2. quæst. 9. art. 6. in ipso titulo articuli quærens an voluntas moueatur à Deo sicut ab exteriori principio, & respondet affirmando; Idemque dixerat in art. 4. & repetit in quæst. 10. art. 4. & 1. p. q. 105. art. 4. ad 2. & 3. Estque per se evidens quia Deus semper operatur in voluntate ut causa efficiens, at vero causa efficiens in omni bona philosophia causa extrinseca est, non quia non manere possit in effectu vel subiecto in quo operatur; sed quia non pertinet ad intrinsecam constitutionem effectus. Hinc ergo quoad alteram partem pertinet, manifestum est illam intrinsecam præsentiam Dei nihil referre ad explicandam libertatem hominis in actibus gratiæ supposita necessitate prædeterminationis, quia verò iste auctor eandem doctrinam applicat ad vitandam necessitatem quoad exercitium, de illa parte in capite sequenti.

5.  
Quantum-  
cunque co-  
gitetur inti-  
mitas Dei in  
homine, seu  
in voluntate,  
semper vo-  
luntas Dei  
est omnino  
distincta à  
voluntate  
hominis.

Nunc quod ad præsens attinet ex dicto principio evidentissimum est, quod quantacunque cogitetur coniunctio vel intimitas Dei in creatura, seu in voluntate, semper est Deus suppositum distinctum, & voluntas eius est omnino distincta à voluntate hominis, unde non potest dici homo habere in sua potestate ea quæ à sola diuina voluntate pendent, nisi quatenus sunt illi promissa ab ipso Deo sub aliqua conditione à voluntate ipsius hominis dependente. Aliàs etiam damnatus haberet etiam auxilium efficax in sua potestate, quia habet intra se intime Deum, qui potest illud dare si velit, & in potestate mea esset videre Deum, quia sua voluntate potest in me id facere, ergo per illam intimam præsentiam non explicatur quomodo auxilium efficax sit in hominis potestate, ergo nec illa sufficit ad libertatem hominis, sed sufficit ad libertatem Dei, ut iterum in capite sequenti, & de exemplis ibi adductis dicam, quamuis ex dictis tum hic tum in primo prologemeno capite 6. satis illis responsum sit.

6.  
Alia instan-  
tia.

Pergit auctor ille dicens auxilium prædeterminans non tempore sed natura antecedere determinationem ipsius voluntatis, & hoc satis esse ut ipsa determinatio voluntatis, & eius consensus sit in potestate illius. Ad hoc autem dicimus in primis in præfati puncto non tractari quomodo ipsa determinatio voluntatis in actu secundo seu

A consensus ipse sit in potestate voluntatis, hoc enim in caput sequens referuamus, sed tractari quomodo prædeterminatio quam Deus solus in illo priori naturæ facturus est, sit in potestate voluntatis, ad hoc autem nihil refert quod tempore vel naturâ tantum præcedat consensum voluntatis, nam hoc satis est ut ab ipsa voluntate non fiat, nec ab aliquo vsu libero eius pendeat, & inde apertè infertur non esse in potestate morali eius, sed tantum in potentia receptiua, quæ non sufficit, ut sæpe diximus. Quocirca illa conclusio: *Prædeterminatio non præcedit tempore, ergo est in potestate voluntatis*, si intelligatur de potestate morali mala est, quia nullum habet principium in quo funderetur, oportet enim ut supponat hoc vniuersale pronunciatum, *quidquid non tempore, sed natura tantum antecedit consensum voluntatis, est in potestate morali eius*, quod falsum est: nam excitatio necessaria & efficax potest antecedere non tempore sed natura, & visio Dei non antecedit tempore amorem, sed tantum natura, & tamen non sunt in potestate morali & libera voluntatis. Si vero consequens illud intelligatur de potestate tantum passiuâ, & non sufficit ad rem præsentem, & antecedens est impertinens ad illam, quia siue motio voluntatis præcedat consensum eius tempore, siue natura, semper necessarium est ut ante motionem voluntas sit in potentia passiuâ ad recipiendum illam. Quapropter non video qua fiducia ille auctor solutionem hanc concludat dicens. *Hæc solutio est clara, & aperte dissoluit argumentum propositum, quod quidem conuincit auctores opposita sententia*, idque hac ratione suadet, quia ut argumentum euidenter soluat, satis est dicere probabilia, sed illa quæ in hac solutione dicuntur sunt maxime probabilia, & apparentia; ergo euidenter dissoluit argumentum. At enim quæ hætenus diximus satis ut credo demonstrant, nihil in omnibus recitatis contineri quod declaret quomodo prædeterminatio hæc sit in potestate morali hominis vocati, in quo est cardo totius difficultatis. Et ut non disputem, an omnia ibi dicta probabilia sint, saltem respondeo ad soluendum argumentum, non satis esse dicere probabilia, nisi illa ad punctum difficultatis applicentur, & illud aliquo modo probabiliter dissoluant, quod in omnibus illis dictis non assequimur.

Vnde idem auctor illis non contentus addit aliam notandam declarationem. In fine enim illius argumenti 3. optimè difficultatem proposuerat isto modo. Postquam homo sufficienter vocatus est, nihil potest facere ut Deus inchoet prædeterminationem physicam in illius voluntate: ergo non est in hominis potestate. Respondet autem quod si homo sit constitutus in potentia ad conversionem per auxilium sufficiens, in tali casu potest facere aliquid ut Deus inchoet prædeterminationem physicam suæ voluntatis. Sed quid nam quæso est quod potest ille homo facere ut Deus inchoet? nam videtur hoc aperte repugnare his quæ idem auctor dixerat ostendens hominem non posse habere aliquem bonum vsum suæ libertatis, quo à Deo prædeterminationem illam obtineat: quia si potest homo facere aliquid ut Deus inchoet prædeterminationem, iam se disponit ad illam, & ad ipsum hominem reducit inchoatio talis auxiliij. Item incidit illa responsio in id quod tanquam inconueniens

7.  
Alia ite no-  
tanda eius  
Auctoris de-  
claratio.

ueniens solet nobis obici, quod initium salutis quoad efficaciam sit ab homine, quia ipse inchoat aliquid ut Deus auxilium efficax sibi conferat.

8.  
Quomodo  
explicet  
quid sit il-  
lud, quod  
homo fa-  
cere possit

Ut ergo dictum illud corrigat & explicet, quid sit illud quod homo facere possit, adiungit dicens. *Nam potest inchoare predeterminationem ipsam presupposita diuina predeterminatione qua est simul tempore, quamvis prius ordine naturae, & causalitatis.* Ac profecto non est hoc nodum expedire sed impedire magis ac religare; quomodo enim voluntas inchoabit predeterminationem quam ipsa non facit? Aut quomodo facit ut Deus inchoet predeterminationem quae est simul tempore si Deus in omni genere causae prius ordine naturae & causalitatis predeterminationem iam fecisse supponatur? Aut denique quomodo illa duo non inuoluunt repugnantiam inchoare predeterminationem presupposita predeterminatione. Nam quod praesupponitur in voluntate ante inchoationem eius nullo modo potest inchoari ab ipsa, praesertim cum iuxta hos auctores ipsa predeterminatio Dei sit principium omnis actionis voluntatis, & omnis inchoationis eius. Denique ut euoluamus ea, quae tam inuolute sunt dicta, distinguamus predeterminationem in actu primo de qua tractamus à determinatione in actu secundo. Priorem enim facit Deus solus iuxta dictam sententiam, & illam non potest inchoare voluntas; illa vero supposita potest voluntas inchoare determinationem in actu secundo, quae nullo modo potest dici predeterminatio, quia non solum non praecedit priorem predeterminationem, verum etiam nec concursum simultaneum Dei. Neque etiam ratione huius inchoationis determinationis in actu secundo potest dici voluntas inchoare predeterminationem naturae antecedentem, cum nullo modo sit causa illius sed effectus, ac proinde nec ratione eiusdem determinationis, vel inchoationis potest dici voluntas habere in potestate sua predeterminationem à Deo praestandam, cum illam expectare debeat ut inchoare suam actionem possit. Quae quidem omnia non animo contradi-cendi à me dicuntur, sed ut res si fieri possit intelligatur: quoniam à multis annis hac opprimor difficultate, & summo affectu intelligendi, vel inueniendi aliquem exitum hos & alios auctores euolui, & omnia eorum responsa meditarus sum, nihilque inueni, quod vel apparet, aut verisimiliter repugnantiam illam mihi componeret, & ideo non timui molestus esse lectori omnes praedictos dicendi modos enumerando, & si quis alius superest vel excogitari potest in sequenti capite illum attingemus, nulla enim diligentia superuacanea censenda est, quia ex hoc puncto magna ex parte verum iudicium praesentis controversiae pendet, & in illo grauissima dogmata fidei concutiuntur, quae non solum inconcussa retinere, sed etiam pro viribus explicare, & eorum rationem reddere tenemur.

## CAPVT XVII.

## Obiectionibus contra discursum factum satisfit.

1.  
Quoniam  
S. Olent nobis obici instantiae quaedam quibus  
vis rationis factae eneruari videtur. Nam ele-  
Fr. Suarez de Gratia Pars II.

A. Oio, seu praedestinatio ita est ad salutem necessaria ut sine illa comparari non possit, & illa non est in manu hominis, sed ex sola voluntate Dei pendet, & nihilominus habet homo auxilium sufficiens quo simpliciter potest saluari. Idem argumentum sumitur ex praedestinatione singulorum actuum supernaturalium, nam sine illa esse non possunt, & nihilominus homo est liber & habet auxilium sufficiens ad actus à Deo non praefinitos faciendos, cum tamen talis praefinitio in potestate hominis non sit, item vocatio congrua est necessaria ad supernaturalem actum, ita ut sine illa nunquam fiat, & talis est ut non sit in potestate hominis; non est enim (ut Augustinus dixit) in potestate nostra ut his vel illis visis tangamur, & nihilominus qui non congruenter vocantur sufficienter vocantur, ut absolute possint venire si velint teste Augustino quaest. 2. ad Simplician. & quaest. 68. & 83. ergo, Item qui de facto non conuertuntur non habent in tempore auxilium efficax ad conuersionem, ergo Deus ab aeterno decreuit non dare illis auxilium efficax, ergo ex decreto absoluto Dei carent aliquo auxilio necessario ad conuersionem & nihilominus habent auxilium sufficiens, & simpliciter possunt conuerti, ergo illa consecutio non est formalis, nec habet maiorem efficaciam in auxilio praedeterminante quam in his omnibus. Nam in his omnibus necesse est distinguere inter necessarium ad agendum, & ad potestatem agendi ut priori deficiente, & negato possit subsistere secundum, ergo idem in praedeterminante auxilio locum habet.

Adhuc primum in generali dicimus exempla non esse de auxilio aliquo natura sua necessario ad operationem, & ideo non esse similia quod in sequentibus latius per singula capita explicandum erit, nunc autem breuiter singula perstringemus ne lector dubius, vel suspensus maneat. Electio igitur, praedestinatio & praefinitio non sunt auxilia ut in 3. prolegom. dixi, sed sunt actus immanentes in Deo quos necesse non est per se & immediate esse principia operationum, & ideo licet admittamus illos fuisse in Deo ex parte ipsius ad meliorem providentiae modum necessarios, nihilominus possunt homini dari sufficientia auxilia ad salutem non solum remota, sed etiam proxima. Eo vel maxime quod etiam illi actus non sunt in Deo sine aliquo ordine ad futurum usum libertatis cum auxilio concomitante gratiae prius praesum à Deo per scientiam saltem conditionatam, ut in 1. & 2. prolegomeno tactum est, & in sequentibus saepius dicitur. Qui ordo non est contra gratuitam electionem aut praedestinationem, nec contra voluntariam praedefinitionem, quia non est habitu-do ad illum usum libertatis futurum tanquam ad causam seu rationem illorum actuum, sed tanquam ad effectum mediis auxiliis congruentibus, quae usum libertatis non impediunt, sed dirigunt.

E. Vnde ad tertium de vocatione congrua dicimus imprimis illam esse necessariam non ex natura rei, sed supposita praescientia futuri euentus sub conditione, & ideo de illa rectè dici esse necessariam ad actionem, non ad potestatem quia nec ad actionem necessaria est per se, sed supposita tali scientia. Deinde dicimus in vocatione congrua duo esse distinguenda, scilicet, auxilium quod est principium actus, & congruitatem ad futurum consensum ratione primi dat

instantiae ob-  
ici soleant?

2.  
Soluuntur  
obiectiones

3.  
Respondetur  
ad tertium de  
vocatione  
congrua

potestatem agendi, & in illo consistit sufficientia quæ potest esse æqualis in auxilio non congruo: congruitas verò non augeat virtutem auxilij vt infra ostendetur, sed est necessaria ad infallibilitatem effectus, & ideo sine illa potest optime dari auxilium sufficiens. Vnde tandem dicitur in potestate hominis sufficienter vocari esse facere vt vocatio eius congrua sit, & ideo licet de facto illi non sit congrua illi imputari, quia auxilium sufficiens habuit. Vnde est illud Augustini quæst. 2. ad Simplician. *Noluit Esau, & non cucurrit, nam si voluisset, & cucurrisset Dei adiutorio pervenisset, qui etiam velle, & currere vocando præsaret, nisi vocatione contempta reprobus fieret.* Fuit ergo in potestate Esau aliquid, quod si faceret vocatio illa congrua fuisset. Et ad idem pertinet quod dicta quæst. 68. & 83. de vocatis ad carnem dicit. *Nec omnes illi qui vocati sunt venire voluerunt, nec illi qui venerunt venire possent nisi vocarentur, ideoque nec illi debent sibi retribuere quod venerunt, quia vocati venerunt; nec illi qui noluerunt venire debent alteri tribuere, sed tantum sibi, quoniam ut venirent vocati, erat in eorum libera voluntate.* Ergo in eadem voluntate erat facere aliquid, quo vocatio in eis esset congrua, non fuit tamen in voluntate eorum facere vt prædeterminarentur.

4.  
Responsio  
ad ultimam  
instantiam.

Et hinc etiam facilis est responsio ad ultimam instantiam, nam is qui post sufficientem vocationem non consentit seu operatur, non caret aliquo principio supernaturali ad operationem, sed tantum concursu simultaneo, cuius carentia non est ex parte Dei, sed ex parte liberi arbitrij, nam Deus ex se paratus est, & offert illum concursum homini vocato; ipse autem homo non vult influxum ex parte liberi arbitrij necessarium adhibere, & ideo & actuali concursu & operatione caret, quod in auxilio prædeterminante locum non habet, vt satis probatum est. Non ergo recte existimant alij auctores eandem esse difficultatem de auxilio simultaneo in operatione imbibito, & de prædeterminatione, cum differentia sit notissima: nam auxilium simultaneum non fit sine cooperatione liberi arbitrij, & ideo potest impediri per voluntatem hominis liberè non adhibentis suam concausationem, vt sic dicam, prædeterminatio autem est à solo Deo, & præcedit ordine naturæ, & causalitatis omnem influxum liberi arbitrij, quia nec illius præparationem seu dispositionem, nec concausationem requirit, imò est causa influxus eius, & ideo non habet vnde sit in potestate liberi arbitrij.

5.  
Instantia.

Instat verò Ledesma, quia etiam auxilium physicum intimè imbibitum in ipsa operatione est causa effectiva ipsius operationis; ergo est prius natura quam illa & præuium ad illam. Et e contrario etiam auxilium prædeterminans tenet se ex parte actus, & non ex parte principij ergo est eadem difficultas. Respondetur utramque partem antecedentis falsam esse, & contra dicta eiusdem argumentis in aliis locis, nam auxilium imbibitum in ipsa actione non potest esse causa actionis voluntatis cum sit idem indiuisibiliter cum ipsa: vnde quidam eiusdem ordinis Theologus, & prædeterminationis defensor dixit non obstante subordinatione ad causam primam simul natura attingi effectum, & actionem à causa prima, & secunda. Ridiculumque est asserere quod Deus prius natura faciat meam visionem quam ego, aut quod prius natura faciat meum consentium, quam mea voluntas, esto à voluntate

Respon-  
detur.

A non fiat nisi cum subordinatione ad primam causam. De auxilio autem prædeterminante si detur satis per se patet esse omnino prius causalitate & natura, supraque de concursu præuius satis ostensum est præcedere per modum principij, vel complementi eius quod multo est euidentiùs in auxilio prædeterminante quod non tantum ponitur ob generalem concursum, sed vt det vires voluntati vt declaratum est.

## C A P V T XVIII.

B *Verum possibile sit auxilium efficax physicè prædeterminans voluntatem in actu primo saluo libero vsu eiusdem voluntatis in eodem actu secundo, ac subinde an libertas quo ad exercitium in actu voluntatis simul possit cum auxilio physicè, & in actu primo prædeterminante voluntatem concordari.*

N Onnulli ex Theologis qui negant auxilium prædeterminans in actu primo esse necessarium ad omnia opera pietatis, licet consequenter negent in illo consistere ad æquatè auxilium efficax, nihilominus fatentur interdum dare Deum auxilium efficax per hunc modum prædeterminationis, quia est consentaneus omnipotentia Dei, & efficaciar diuinæ voluntatis, & non repugnat aperte libertati. Primò, quia illa morio tantum inducet necessitatem in sensu composito, quæ non repugnat libertati. Secundò, quia Deus sapientia sua infinita nouit vnāquamque causam secundā mouere fortiter, & suauiter, fortiter vt efficienter faciat illam facere, & suauiter vt modo illi consentaneo illam operari faciat, ac subinde liberè si libera sit, licet nos fortasse modum illum operandi Dei non assequamur. Tertiò argumētantur exemplis vt in actibus prædefinitis seu prædestinatis, aut electorum. Præsertim verò in actibus voluntatis Christi, in subitaneis conuersionibus vt Pauli, & in confirmatis in gratia.

Hanc sententiam refert P. Aluar. disput. 91. num. 5. & in margine citatur P. Lorca, sed ille in alio sensu loquutus est vt cap. 3. declarabo. Eandem opinionem tribuit Ledesma F. Ioanni Vincent. in artic. 1. & in principio quæstionis refert aliquos dixisse auxilium prædeterminans dari prædestinatis vt infallibiliter operentur, nam ille modus operandi est necessarius ad certitudinem antecedentem prædeterminationis: reprobis verò ad bene operandum non dari, quia in illis non est necessaria illa infallibilitas antecedens. Refert item alios dixisse hoc auxilium prædeterminans dari in natura lapsa non verò datum fuisse Angelis Sanctis, neque etiam Adamo fuisse necessarium in statu innocentia. Qui omnes dicendi modi supponunt hoc auxilium esse possibile salua libertate, esto non sit per se necessarium, & hanc opinionem fere ante triginta annos in quibusdam solemnibus disputationibus cuiusdam insignis collegij D. Thomæ Aquinatis vidi publice defendi. Et videtur illam insinuare Card. Tolet. ad Rom. 11. notab. 4. dicens. *Augustinus existimat totum esse gratia, quia facit hominem cooperari, & determinat arbitrium*

1.

2.

Aluar.  
Lorca.

trium



trium hominis, quia dat ut velle possit, & facit velle. Existimo tamen non semper id esse, sed saepe iuvat hominem ut velle & operari possit, quod tamen vellet, & operetur homini est faciens quod est in se quamvis non sine adiuvante gratia. ubi dicens, existimo non semper id esse, significat aliquando id esse, & quod difficilius est sentit secundum Augustinum semper ita esse quod postea videbimus.

3. Auxilium, motio, qualitas, &c. indita voluntati ex sola efficientia Dei, & ex se prædeterminans illam physicè in actu primo, omnino repugnat cum libertate.

Nihilominus dico auxilium, motionem, qualitatem, aut entitatem inditam voluntati ex sola efficientia Dei sine concursu libero effectuum voluntatis, & ex se prædeterminans illam simpliciter seu physicè in actu primo ad eliciendum actum secundum, omnino repugnare cum libertate eiusdem actus, & hoc modo esse impossibilem. Hanc sententiam tractavi in opusculis, & in Metaphysica, & in prima parte, illamque confesso communem Theologorum: Quia vero ad hoc etiam est controuersa sciendum est quæstionem hanc cœpisse in Hispania ante annos 40. distincte, & in propriis terminis in scholis agitari, & præsertim in Salmanticensi de qua possum tanquam ocularis testis deponere: ex libris vero postea editis intelligimus eandem controuersiam in aliis etiam provinciis, & regionibus ortam esse, & paulatim adeo creuisse ut oportuerit Apostolicam sedem modum in hac disputatione seruandum præscribere. De auctoribus ergo qui ante hanc ortam sententiam scripserunt dicam postea, quia magis lubrica esse potest eorum sententia, eo quod non tam clare neque eisdem verbis quæ nunc vsupantur rem disputantur; solum ergo hic adnotabo aliquos qui post illa tempora scripserunt, & in primis satis notum plures ex Theologis Societatis Iesu sententiam hanc & accurate disputasse, & pro viribus asseruisse. Præcipue vero id præstitit illustrissimus Bellarminus lib. 1. de grat. & liber. arbit. cap. 12. Fonseca lib. 6. Metaph. cap. 2. quæst. 5. Molina in concordia ad art. 13. quæstion. 14. disp. 13. 38. & 40. & ad q. 23. disp. 1. memb. 6. Valent. in controuersia lib. de diuin. grat. p. 2. cap. 3. & in 2. tom. summæ Theologiæ disput. 8. quæst. 3. punct. 4. §. 2. Vasquez 1. p. disput. 88. & 98. & 1. 2. disp. 185. cap. 6. & 11. Leonard. Lef. in disputatione speciali de gratia efficaci, & alij obiter, & per occasionem eandem sententiam indicant.

4. Probatur auctoritate.

Ex aliis vero modernis scriptoribus ex professo defendit hanc sententiam illustriss. Ferdinand. Mascaregnas in tract. de auxiliis diuin. grat. & Francisc. Diotalen. in opusc. de concursu Dei ad actus liberos, & Alexander Pefant. 1. 2. qu. 111. art. 5. disp. 4. ubi satis explicat suam sententiam licet in disp. 7. eam suspendere videatur eo quod Clementis VIII. decretum ea de re illo tempore expectaretur. Et eandem doctrinam habet in 1. par. q. 19. art. 8. & q. 23. P. etiam Lorca licet in contrarium allegeret, quia aliquam prædeterminationem physicam admittit esse possibilem, nihilominus in sensu in quo nunc loquimur, expresse tenet hanc sententiam 1. 2. disp. 21. de grat. sub tit. *Explicatur concordia*, &c. ubi declarando mentem suam ait, *Non enim est existimandum hoc auxilium esse aliquam qualitatem per modum actus primi determinantem voluntatem ut quidam præuè philosophantes dicunt, hac enim conferret libertatem, quia quacunque ratione voluntas ante operationem intelligatur determinata aufertur libertas*. Eandem sententiam multis modis docet & confirmat Cusiell lib. 2. controuersiar. præsertim à num. 137. per multa sequentia, & Fr. Suarez de Gratia Pars I l.

A Specialiter in num. 176. dicit. *Videri autem secundum fidem nullum esse auxilium ex his quæ tenent se ex parte voluntatis creatæ, quatenus per modum principij præsupponitur suis actionibus, quod ita determinet voluntatem ad agendum, ut non relinquas ipsam secundum se, & intrinsecè indifferentem, & indeterminatam physicè ad agendum, & non agendum, ita ut pro sua libertate possit re ipsa agere, & non agere, quod late postea probat*. Breuius hoc punctum attingens Ludouic. Tena in epist. ad Hebr. cap. 4. in vltimis verbis nostræ sententiæ subscribit sine disputatione vel probatione, & cap. 12. difficult. 2. n. 59. ait gratiam non esse efficacem sine nostro consensu, imo nostro consensu fieri efficacem. Pro hac nostra sententia quantum ad hanc partem allego F. Cumel in opusc. lib. 1. disp. 4. conclus. 4. quæ est. *Ita affirmatur a nobis efficacia diuini auxilij esse à Deo, & non ex nostra cooperatione ut non dicamus Deum prædeterminare nos ad extra se solo aliqua actione prius in nobis posita, seu aliqua actione prædeterminante prius in nobis recepta, in qua mere passive se habeat liberum arbitrium, quod latissime repetit in explicatione conclusionis 5. & addit. Quia si tolleretur libertas, & necessitaretur voluntas*. Et in disp. 5 & aliis locis sæpe id repetit negando expresse posse salua libertate prædeterminari voluntatem physicè, & in actu primo per actionem solius Dei ipsa voluntate passive se habente. Et eodem modo possemus pro eadem sententia referre Ledesinam, cuius verba paulo post referam.

C Ut ratione probemus assertionem suppono quod sæpe dixi non esse controuersiam an voluntas nostra iam sufficenter vocata indigeat principio physicè cooperante illi, & adiuuante illam cum actu operatur, nam in hoc omnes convenimus, estque certissimum, & euidentis supposito principio fidei quod illi actus sunt supernaturales, Neque etiam est controuersia quod sit in particulari hoc principium, an licet sit habitus in his qui operantur ex habitu; in aliis vero sit vel ipsa vocatio physicè concurrens cum potentia, vel sit ipsa virtus indita Dei per se ipsam eleuans & adiuuans potentiam, vel sit etiam aliquis actus primus datus per modum transeuntis. Hi enim omnes modi concipi possunt sine prædeterminatione physica voluntatis, & si hoc modo quilibet illorum asseratur habet suam probabilitatem, & non pertinet ad præsentem controuersiam, sed ad aliam, quæ lib. 3. tractata est. In præfenti ergo solum dicimus illud principium quod cum voluntate efficit physicè actum supernaturalem, non posse talem esse ut simul etià formaliter ipsam determinet, quin etiam libertatem in efficientia talis actus tollat, illamque ad eum exercendum absolute necessitet.

E Superest ergo explicata assertio probetur, quia posito in voluntate illo principio prædeterminante illam, actus non est liber remote, seu in causa, neque etiam est formaliter liber, ergo nullo modo. Consequetia est clara, & Maior similiter, quia impressio seu receptio talis auxilij non est libera voluntati, quia neque ab illa fit neque voluntas ad illam se disponit, neque ex libero usu eius pendet ut capite præcedenti probatum est, consequenter in illa sententia loquendo, ergo actus qui necessario sequitur ex illa causa non est liber in causa, quia illa prædeterminatio est causa quasi adæquata illius actus, ut etiam prædicti auctores loquuntur, seu est unica, & totalis radix in quam vltimo resoluitur talis actus inter principia proxima eius

5. Supponendum.

6. Probatur ratione.

nam illud auxilium ulterius resolvitur in divi-  
nam voluntatem, quæ est altior causa minusque à  
libertate hominis pendens. Iam ergo probatur  
Minor de formali libertate, quia actus est liber  
formaliter ea habitudine ad suum proximum  
principium, sed hic actus est liber ad suum pro-  
ximum principium ergo. Probatur minor, quia  
proximum principium talis actus non est nuda  
vel sola voluntas, sed est hoc compositum seu  
constitutum à voluntate, & hac entitate auxilij,  
sed ab hoc composito inevitabili necessitate pro-  
cedit actus, ergo non est formaliter liber ex ha-  
bitudine ad suum principium.

Hæc ratio per se spectata videtur multum co-  
gere intellectum, potest autem eius efficacia va-  
riis modis ex hæcenus dictis declarari. Primus  
est quia auxilium illud per se spectatum non effi-  
cit libere sed necessario ut supponitur, quia natu-  
ra sua est determinatum ad exercitium sui actus,  
adeo ut dicant auctores illius sententiæ non so-  
lum naturaliter, verum etiam neque de poten-  
tia absoluta posse ab actione separari. Nec etiam  
ut conjunctum voluntati: quia (ut ait Aluar.)  
auxilium efficax præoperantis gratiæ non subdi-  
tur quantum ad usum potestati nostræ liberæ vo-  
luntatis, sed potius è conuerso eam sibi subiicit,  
& obsequentem facit fortiter, & suauiter, ita vero  
fortiter ut non possit voluntas illi resistere, sed  
ista duo sunt impossibilia talis auxilij entita-  
tem inesse voluntati, & illam non cooperari, er-  
go non potest actus ille denominari, aut esse for-  
maliter liber. Probatur consequentia, quia tam  
necessaria est cooperatio illa voluntatis, quam  
efficientia ipsius auxilij, quia auxilium inevita-  
bili necessitate post se trahit voluntatem, & effi-  
cientia eius prorsus est necessaria homini, quia  
eius dominio non subditur, ergo non minus ne-  
cessaria est coëfficientia voluntatis, non habet er-  
go ille actus unde habeat formalem libertatem.

8.

Ad vim huius rationis vitandam addit Aluar.  
notandum verbum in dicta disp. 87. nam cum di-  
xisset voluntatem non subdere sibi auxilium ef-  
ficax quoad usum, sed illi ita subiici ut impossi-  
bile sit habere illud, & simul illi non cooperari,  
addit, *quantum possit si velit non cooperari*. Sed  
quis non statim in his verbis repugnantiam vi-  
deat. Ut si quis diceret impossibile esse non co-  
gitante intellectu de Deo non posse voluntatem  
ipsum amare, posse tamen si velit, planè diceret  
repugnantia, quia conditio *si velit*, non habet lo-  
cum ubi supponitur volendi impossibilitas. Hæc  
autem potestas tollitur dum dicitur esse impossi-  
bile quod proponitur. Quod si sensus sit posse  
voluntatem non cooperari si velit ablata entitate  
auxilij efficacis illud non est non posse cooperari  
si velit, sed est non posse tunc operari nec posse  
velle, quia neutrum potest sine prædeterminatione  
ut ipsi dicunt. Sicut in exemplo posito valde  
absurdum esset dicere intellectu non cogitante  
de aliquo obiecto non posse quidem cum illo in-  
cogitantia coniungi operationem voluntatis,  
quamvis possit circa rem illam operari si velit  
subintelligendo ablata incogitantia seu posita  
cogitatione in intellectu, quia hoc non est velle  
operari cum incogitantia, sed cum cogitatione,  
ita enim illud prius non est posse velle non co-  
operari auxilio efficaci præexistenti, sed est posse  
non velle, aut potius non posse velle si illud non  
detur. Vnde sicut in dicto exemplo propter illam  
potentiam volendi ablata incogitantia non potest  
homo dici libere non velle rem de qua non cogi-

A tat, si necessariò de illa non cogitat ita in præ-  
senti propter potestatem non cooperandi ablata  
entitate auxilij non potest dici voluntatem li-  
bere cooperari auxilio quod necessario, & sine  
usu libertatis in se recipit, & quo stante non po-  
test non cooperari.

Secundus modus explicandi vim dictæ ratio-  
nis sequitur ex præcedenti, & est satis vulgaris,  
quia per tale auxilium quædam necessitas inferitur  
voluntati liberari actus contraria. Probatur illatio,  
quia voluntas præuenitur quadam motione, cui  
non potest resistere. Ergo patitur necessitatem  
in agendo per talem imperium, quia satis eui-  
dens necessitas est illa cui resisti non potest, cum  
ante libertatis viam inferatur. Et in idem ferè  
redit si dicamus auxilium illud non relinquere  
in voluntate liberæ potestatem agendi, & non  
agendi, quia ubi non est potestas resistendi, ne-  
que est potestas non agendi, sine potestate au-  
tem non agendi non est indifferentia; ergo nec  
libertas. Vigetque magis hæc ratio, quia supra  
ostensum est ad usum liberum necessariam esse  
potentiam proximam agendi & non agendi, po-  
sita autem illa prædeterminatione non manet ta-  
lis potestas proxima, quia impossibile est non  
agere stante voluntate in tali dispositione, ergo  
exercitium talis actus non potest esse liberum.

Ad hanc rationem duo sunt principales modi  
respondendi. Primus admittit voluntatem no-  
stram non esse liberam in receptione auxilij, quia  
à solo Deo fit, nihilominus tamen libere operari  
cum tali auxilio. Secundus est etiam in receptio-  
ne ipsius auxilij efficacis seruari, & interuenire  
usum libertatis. Et quia in utroque modo mul-  
tipliciter insistitur, & hoc est vnum ex præcipuis  
punctis huius controversiæ, de utroque suo or-  
dine dicemus, & multa quæ habet occasione ab  
aliis auctoribus dicuntur expendemus. Primus  
ergo respondendi modus duplici verborum forma  
explicatur, sed in idem recidunt. Communiter  
ergo dicitur hæc necessitas esse tantum in sensu  
composito, & ideo non tollere libertatem. Contra  
hoc vero opponimus illam necessitatem composi-  
tam esse ex antecedente suppositione, & ideo re-  
pugnare libertati iuxta doctrinam Anselmi in  
prolegomeno primo traditam. Et ideo alij re-  
spondent licet voluntas posito auxilio non possit  
non agere in sensu composito, posse in sensu di-  
uiso, & id satis esse ad libertatem.

Sed hæc responsio satis refutata est in prolo-  
gomeno 1. quia illa potentia in sensu diuiso non  
est potentia propriè a sua sed magis passiva qua-  
tenus potest Deus auferre illam prædeterminatio-  
nem, & relinquere voluntatem in sua naturali  
potestate. Et in idem redit quod illa non est po-  
tentia proxima ad utrumque, sed est proxima ad  
agendum, & remota ad non agendum, quæ non  
sufficit ad libertatem quando illud, quod proxi-  
me necessarium est ad non agendum non est in  
potestate voluntatis. Sic autem est in præsentia,  
nam voluntas prædeterminata per auxilium, non  
potest immediate exercere potestatem non agen-  
di, quia stante auxilio non potest cum illo com-  
ponere suspensionem actus, ideo enim illa potestas  
quam retinet dicitur esse in sensu diuiso, ut ergo  
exerceat illam potestatem oportet ut tollatur præ-  
determinatio. Et hac ratione vocamus illam pote-  
statem remoram, seu mediatam. Non est autem in  
potestate voluntatis ponere illud, quod proximè  
necessarium est ad non agendum, nimirum tollere  
prædeterminationem, quia sicut à solo Deo, &  
sua

9.

9.  
Duo princi-  
pales modi  
respondendi  
ad prædictam  
rationem.

11. *ius voluntate efficaci posita est, ita solum ab illo tolli potest, quia solum ab illo pendet.*

Confirmatur, & declaratur, quia ut voluntas in hoc instanti iam prædeterminata in actu primo per hoc auxilium sit libera oportet, ut prius natura, quam eliciat actum sit potens ad non eliciendum illum in illo instanti temporis in quo operatur, aliàs numquam actus esset liber, sed posita prædeterminatione iam non habet potestatem non agendi pro illo eodem instanti, quia non habet potestatem componendi carentiam actus cum illo auxilio, ergo reuera non est libera pro eo instanti ad illum actum. Aliiter explicatur, quia ut actus sit liber, oportet ut eadem potentia quæ est integra facultas volendi sit capax nolitionis, seu carentiæ volitionis, quia aliàs in illo adæquato principio non esset indifferentia neque potestas ad opposita, sed adæquatum principium consensus supernaturalis non est sola voluntas, sed compositum ex voluntate, & auxilio, quod compositum non est capax carentiæ actus, & multominus nolitionis contraria ad quam non prædestinatur; ergo illa potentia, quæ in sensu diuiso manet ad libertatem non sufficit, quia non est talis quæ exerceri possit à totali, & integro principio liberi actus. Ideoque merito dicimus potentiam proximam ad non agendum esse necessariam ad actum liberum, quia potestas remota, quæ in ipsa potentia durat, solum potest deferuire pro alio tempore, & pro sola voluntate, si auferatur prædeterminatio, quod satis non est. Et confirmatur, quia si actus à voluntate sic prædeterminata sit, non est in potestate voluntatis cessare ab illo, vel sua potestate inchoare, (ut sic dicam,) suspensionem actus, nisi Deus prius natura auferat prædeterminationem; ergo continuatio illius actus non est libera, nec est in potestate voluntatis, ergo nec inchoatio, seu productio illius fuit libera. Denique si res moraliter consideretur, videtur per se euidens illam potentiam, quæ in sensu diuiso manet sub illo auxilio nihil conducere ad laudem actus, vel hominis operantis, quia quod potestas illa maneat sub auxilio, naturale, & necessarium est, & illa potestas, tunc non exercetur ab ipso homine villo modo libero, quia hic, & nunc non caret suspensione actus per dominium, & potestatem suam, sed quia tali modo præuenitur, ut inevitabiliter habeat talem actum; ergo reuera non maet actus liber.

12. *Reiicitur quorundam distinctio duplicis necessitatis.*

Nihil etiam ad rem pertinet quorundam distinctio duplicis necessitatis, scilicet ab intrinseco, & dicentium necessitatem, quæ ex hoc auxilio nascitur respectu voluntatis esse ab extrinseco, & ideo non repugnare eius libertati, sicut repugnat necessitas ab intrinseco qualis est in amore beatifico. Hæc inquam responsio nihil prodest, quia in primo prolegomeno ostensum non minus repugnare libertati necessitatem ab extrinseco, quia non minus impedit vsum necessitatis non agendi. Et reuera (ut mox dicebam,) moraliter rem considerando, ut actus non sit laude, vel reprehensione, præmio, vel pœna dignus, parum refert quod necessitas hinc, vel inde proveniat, si tanta sit, ut sit homini inevitabilis qualis esset præsens necessitas, ut expressis verbis aliqui ex dictis authoribus consensunt, & sanè consequenter, quandoquidem impressio talis qualitatis evitari non potest ab homine, si Deus vult illam dare. Neque emanatio actionis ab auxilio inevitabilis est, etiam per potentiam absolutam, ut ipsi dicunt. Quod autem id quod est inevitabile non possit ad culpam imputari per se notum videtur, cur enim inculpabile est, quod per ignorantiam inveni-

A eibilem, vel per absolutam coactionem fit, nisi quia est inevitabile. Item ob hanc causam patres defendentes libertatem contra hæreticos negantes illam ex parte providentiæ, vel actionis Dei summo studio defenderunt, & declararunt nullam necessitatem ab extrinseco inferri voluntati, per Dei scientiam, vel providentiam, supponentes profecto hanc necessitatem repugnare libertati actionis. Hoc autem constat ex dictis in prolegom. 1. & plures patres asseremus infra eorum mentes in hac controversia inuestigantes. Denique addo quod posito illo genere prædeterminantis auxilij necessitatis, non tantum erit ab intrinseco, sed etiam ab extrinseco, quia entitas talis auxilij natura sua, & ab intrinseco est determinata ad agendum, sicut impetus impressus lapidi, licet sit illi intrinsecus, & violentum motum in illo faciat, nihilominus ab intrinseco, & naturaliter est determinatus ad faciendum illum motum; ergo multo magis auxilium illud est per se, & ab intrinseca sua natura determinatum ad illam actionem, cum nec Deus ipse ut aiunt possit illam impedire; ergo necessitas illa respectu auxilij est ab intrinseco, & consequenter respectu voluntatis oritur illa necessitas ex intrinseca impotentia quam habet ad resistendum illi auxilio, & ita respectu illius principij adæquati necessitas illa est ab intrinseco quandoquidem oritur ex ultimo, & formali constitutivo illius principij. Et hæc ratio maxime virget si talis prædeterminatio servata proportionem est ad omnem actionem voluntatis necessaria: nam tunc voluntas natura sua postulat illum modum agendi, & ita necessitas illa est connaturaliter debita voluntati, & ideo satis ab intrinseco existit. Veruntamen etiam si non sit per se necessaria talis prædeterminatio quoties data fuerit necessitas erit ab intrinseco ex parte voluntatis, saltem ob intrinsecam impotentiam resistendi naturali impulsioni talis auxilij ut dixi.

## C A P V T XIX.

D *In humana voluntate non posse simul esse auxilium ex se ac physicè illam prædeterminans cum potestate resistendi eidem auxilio.*

N Onnulli ex his auctoribus, qui auxilium prædeterminans defendunt, cum viderint sine potestate resistendi non posse libertatem subsistere, dicere tentarunt hoc auxilium prædeterminans non imponere necessitatem, nec auferre potestatem non agendi, etiam in sensu composito, sed solum determinare ad semper sic agendum, quæ non est necessitas, sed determinatio, nec tollit potestatem resistendi si velit etiam in sensu composito, sed solum facit ut voluntas illa potestate non utatur, quia licet infallibiliter id faciat, non tamen inevitabiliter. Vnde consequenter aiunt, illud auxilium, licet determinet potentiam, non tollere indifferentiam eius quoad potentiam ad utrumque, etiam in sensu composito, licet infallibiliter in alteram partem inclinanda sit voluntas. Hunc modum defendendi illam sententiam sequutus est Cabrera supra disput. 2. §. 8. num. 309. 310. & sequentibus. Nec videtur ab hac sententia alienus Cumel. disp. 4. & 5. ubi sæpius negat voluntatem determinari per auxilium prævium efficax donec voluntas sua

Cabrera



sua ratione se determinet cum efficacia illius auxiliij, & consequenter ait habere vim ad ponendum illiobicem, & resistendum ut specialiter patet disp. 5. post conclus. 3. sub tit. alijs argumentis. §. aduerte tamen. Et pro hac responsione facit quod notat Ledesma art. 2. ad 5. quod voluntas affecta illo auxilio operatur infallibiliter, item quod ait art. 10. ad 1. quod in actu ad quem prædeterminatur voluntas non est necessitas, sed infallibilitas proveniens ex efficacia auxiliij, efficacia autem ait, & necessitas sunt res omnino dissimiles, quia licet necessitas includat intrinsicè efficaciam, efficacia non includit necessitatem, licet includat omnimodam infallibilitatem; nam si hoc verum est cum illa efficacia optimè manere poterit potentia ad non agendum, etiam in sensu composito, quia efficacia infallibilis tantum non tollit hanc potentiam, ut nos infra dicemus. Hanc etiam doctrinam sub quadam notanda distinctione admittere videtur Alvarez disput. 93. num. 2. ait enim auxilium efficax dupliciter posse considerari. Primo secundum suam entitatem præcisè, id est, ut est talis motio, vel entitas in voluntate recepta, & sub hac ratione ait voluntatem posse resistere auxilio efficaci, quod ait ab omnibus concedi. Vnde sit non obstante tali auxilio efficaci sic spectato voluntatem posse non agere, etiam in sensu composito: nam verbum resistendi sensum compositum involuit. Alio modo ait posse auxilium efficax considerari secundum omnem virtutem realem quam habet, ut venit à Deo, & ut est instrumentum voluntatis Dei efficaci, & sic non posse voluntatem illi resistere, & consequenter tantum retinere potestatem ad non agendum in sensu diuiso.

Auxilium  
efficax du-  
pliciter po-  
test considerari in sen-  
tentia Alva-  
rez.  
Primo.

Secundò.

2.  
Cabrera sibi  
ipsi contra-  
dicit.

Ex his verò auctoribus Cabrera quantum à sua, & suorum sequacium sententia recedit, tantum nostram sententiam, & rationem factam confirmat, late enim probat ad libertatem necessarium esse ut non obstante præmotione Dei maneat voluntas indifferens simpliciter, & cum potestate ad resistendum, & non agendum in sensu composito, quod nos intendimus estque nostræ rationis fundamentum. Hinc ergo nostram sententiam confirmat, suam verò consequenter deponit. Vnde quidam alius eiusdem doctrinæ sectator responsionem illam reiiciens dixit. *Nec nobis placent qui dicunt hanc præmotionem efficaciam auxiliij in omni sensu relinquere facultatem indifferenter, hoc quippe non esse determinare, sed indeterminare. Certe (ait) prædeterminatio quamvis noster recentior Thomista novit improdeterminatio est, & ita quos impugnare instituit amplectatur.*

3.  
Tres con-  
tradictiones  
notantur:  
Prima con-  
tradictio.

Tres ergo contradictiones in illa doctrina notare possumus. Prima est, quod voluntas physicè determinetur ad unum, & simul maneat indifferens, quia determinatum, & indeterminatum contradictoriè, vel privatiuè opposita sunt, idem autem est indifferens quod indeterminatum. Præterea sic explico, quia vel est sermo de indifferentia remota, ut sic dicam, & passiva quæ est in voluntate secundum se spectata, vel de indifferentia proxima, & in actu primo completo respectu talis actus pro eodem instanti prius natura quam eliciatur. Si de priori tantum sit sermo est vocum æquiuocatio, quia illa indifferentia est tantum in sensu diuiso, & non sufficit ad libertatem ut ostendi, & manet in voluntate etiam intellecta, quia nihil aliud est quam capacitas naturalis ipsius voluntatis, si autem intelligatur secundo modo ut necessarium ad libertatem, sic immediatè, ac formaliter repugnat esse potentiam physicè determinatam ad

unum actum prius natura, quàm illum eliciat, & in eodem signo esse indifferentem respectu eiusdem actus ut ex ipsis terminis constat, quia in eodem puncto temporis, & naturæ, & respectu eiusdem actus secundi esse simul determinatum, & indeterminatum in actu primo proximo contradictoria sunt.

Secunda contradictio est quod actus sequatur infallibiliter ex efficacia prædeterminationis, & non sequatur inuitabiliter. Nam licet alio modo, & ex alio capite possint illa duo simul coniungi, ut infra dicam, tamen posita hypothese physice prædeterminationis de se efficaciis repugnantiam inuoluit, quia quando effectus est infallibilis ex vi causæ proximæ, & ex natura talis entitatis intrinsicè determinatæ ad talem effectum, ita ut repugnet ex illa non sequi, talis effectus inuitabilis est, quia nihil aliud significat hæc vox, nisi quod effectus prodeat à causa cuius actio enitari non potest, tale autem est auxilium per se efficax, ideo enim infallibiliter agit, quia ex se est ita determinatum ad agendum, ut eius actio impediri non possit. Et declaratur, quia, ut ipsi etiam, aiunt implicat, contradictionem auxilium efficax poni, & non sequi actionem consensus, quia eo ipso non esset efficax, quid autem potest esse magis inuitabile quam id quod implicat contradictionem non fieri. Tunc ergo infallibile distinguitur ab inuitabili quando est infallibilitas in effectu non in causa, hic autem est causa, ut declaravi, & ideo distingui non possunt.

4.  
Secunda con-  
tradictio.

Neque contra hoc obstat distinctio ab alijs adhibita inter efficaciam, & necessitatem, quia licet efficacia in communi sit superior ad necessitatem, quia dari potest efficacia libera; tamen efficacia rei intrinsicè determinata ad unum, & ad exercitium actus, & inuitabiliter secum trahentis ad agendum potentiam, cui inest intrinsicè includit necessitatem, & similiter infallibilitas ex tali efficacia proveniens necessitas est non tantum secundum quid, sed simpliciter, quia licet respectu voluntatis sit ex suppositione; illa tamen suppositio est omnino antecedens, & in illa recipienda voluntas ipsa absolutam necessitatem patitur. Nec plus valet aliorum responsio distinguendum duplicem necessitatem, unam infallibilitatis, & aliam coactionis, & dicentium hanc posteriorem repugnare libertati non priorem, & illam solum sequi ex prædeterminatione. Verumtamen si utrumque ex illis membris sumatur, propriè distinctio est insufficiens, quia datur necessitas simpliciter, & in causa, quæ nec est tantum infallibilitatis, nec coactionem propriam infert, & nihilominus repugnat libertati, & sic per physicam prædeterminationem infertur, quia facit actum esse simpliciter necessarium, ut ostensum est, licet relinquat illum voluntarium, & non coactum. Quod si in primo membro necessitas coactionis late dicatur omnis illa necessitas simpliciter, quæ est præternaturalis, & ab intrinsicè, certè talis est, quæ per physicam prædeterminationem infertur, ut probatum est. Vel si è contrario necessitas infallibilitatis dicatur omnis illa quæ sine propria coactione inuenitur, & cum voluntario coniungitur, sic non est vniuersaliter verum necessitatem infallibilitatis non esse contrariam libertati, talisque est necessitas quam induceret prædeterminatio physica, ut ostensum est.

Tertia contradictio est quod auxilium sit per se, & natura sua efficax, & quod maneat in voluntate potestas ad resistendum illi in sensu composito. Nam in primis illa potestas numquam reducitur ad

5.  
Tertia con-  
tradictio.

ad actum ut ipsi farentur, idque infallibiliter, & non ex præscientia Dei, qua prævidit effectum contingentem futurum hoc modo potius quam illo, nam hoc ipsi ex professo impugnant; ergo est infallibile ex vi causæ; ergo contrarium est impossibile, sed ad impossibile non est potentia; ergo non est in voluntate potestas ad resistendum huic motioni ex suppositione illius. Probatur consequentia, quia resistere esset coniungere negationem consensus cum illa motione, sed hoc est impossibile, neque ad illud est potestas in voluntate, ergo neque ad resistendum tali motioni. Præterea declaratur in hunc modum, quia si comparemus potestatem voluntatis ad naturam, & entitatem illius motionis, ita se habent ut non possit voluntas illud auxilium facere inefficax; ergo non potest illi resistere, nam per resistantiam fieret inefficax. Antecedens probatur, quia illud auxilium est efficax ex intrinseca natura sua, ut isti dicunt, sed non potest voluntas mutare naturam talis auxilij; ergo non potest facere illud inefficax. Item non magis potest voluntas resistere illi auxilio, quam voluntati divinæ beneplaciti efficaci, sed huic voluntati Dei non potest voluntas nostra resistere ut Scriptura docet, ergo nec tali auxilio, si tale est. Maior est frequens in illis auctoribus, & est consequens ad illorum doctrinam. Quia ponunt illud auxilium habere vim ad implendam voluntatem divinam tam infallibiliter & efficaciter, quam necessarium est ad omnipotentiam, & infallibilitatem divini decreti, ergo fieri non potest ut sit tale, & quod in voluntate sit potestas resistendi illi auxilio, etiam in sensu composito, & confirmatur tandem, ac declaratur, quia potestas in sensu composito est potestas ad componendum unum cum alio, & ideo stante consensu non manet in voluntate potestas ad dissensum in sensu composito; quia non potest voluntas unum actum cum alio componere, id est, simul utrumque habere, sed iuxta illam sententiam, ita repugnat, simul componi auxilium prædeterminans cum carentia actus, sicut repugnat componi consensum cum dissensu: ergo repugnantia est dicere cum tali determinatione manere in voluntate potestatem resistendi in sensu composito.

Neque hæc incommoda evitantur per distinctionem auxilij efficaciis quoad puram entitatem suam, vel quoad totam virtutem quam habet ut instrumentum Dei. Nam in primis quæro de auxilio secundum præcisam entitatem spectato an prædeterminet physicè voluntatem, necne. Nam si non prædeterminat physicè non est efficax secundum communem sententiam horum auctorum, ergo male ponitur sub auxilio efficaci, & tamquam membrum; & confirmatur: nam si non determinat physicè voluntatem, ex se non habet infallibilem connexionem cum consensu voluntatis, nec etiam habet illam ex præscientia conditionata in sententia horum auctorum, ergo simpliciter, & omnimodo non habet talem connexionem infallibilem, ergo est simpliciter coniungens, & cum entitate illius auxilij coniungatur carentia talis consensus, ergo tale auxilium non est efficax ex se, nec dat actu operari, sed posse. Si autem auxilium sic spectatum in sua præcisa entitate prædeterminat physicè voluntatem, incidimus in contradictiones illatas. Nam repugnat voluntatem posse resistere tali auxilio efficaci, nam resistantia (ut dixi) includit sensum compositum, quia nisi adit adversarius, non habet locum resistantia, in sensu autem composito impossibile est voluntatem resistere entitati ipsam physicè prædeterminanti, quia physica præ-

determinatio in sua ratione includit ut non subdatur dominio voluntatis, sed illam potius sibi subiiciat, ut ex terminis est notum, & aliis locis idem auctor dicit: voluntas autem ubi dominium non habet, nec resistere potest, quia non nisi per potestatem dominatiam suorum actuum resistit.

Fortè diceretur entitatem illius auxilij secundum se spectatam si in se ipsa separaretur à reali virtute instrumentali Dei non esse prædeterminantem, nec futurum esse auxilium efficax, nunc verò nunquam separari ab illa virtute, & ideo semper in se esse efficax, & prædeterminans, & ideo vocari auxilium efficax non formaliter, ut sic dicam, sed denominativè ab illa virtute. Sed hæc & similia frustra dicuntur, & si evolvantur vix intelliguntur. Interrogo enim an illa virtus instrumentalis addat aliquid reale entitati auxilij præcisè spectatæ necne. Quia si nihil addit, superflua est distinctio, quia illa entitas per se ipsam erit virtus instrumentalis divinæ voluntatis, & omnipotentia, ergo ex vi suæ entitatis habebit omnem virtutem realem, quam habere potest ut ex Deo procedit. Quod si sub una ratione habet aliquam virtutem realem quam sub alia non habet aliquid etiam entitatis, illi addi necesse est quando ei realis virtus additur, nam virtus realis non est sine reali entitate. Magis verò sentit dictus auctor illam virtutem realem instrumentariam esse aliquid reale additum entitati auxilij, dicit enim virtutem illam esse intentionale quid, per quod virtus principalis agentis est incompleta ut in instrumento. Unde videtur sentire hanc virtutem similem illi quæ additur per concursum prævium omnibus causis secundis, ex eius, & aliorum sententia, quod si hoc ita est superflua est illa prior entitas auxilij efficaciis, cui secundum se spectatæ dicitur voluntas posse resistere. Ad quid enim est tot entitatum multiplicatio; nam si Deus addit hanc virtutem instrumentariam auxilio excitanti, vel habitui infuso, satis erit, ut eleuet illa ad instrumentaliter agendum in virtute Dei, & ad determinandam potentiam, ut efficaciter operetur; ad quid ergo est illa alia entitas, quæ dicitur auxilium efficax cum de se sit, inefficax? vel qualis esse potest? Nam si sit per modum actus vitalis erit auxilium excitans, si sit entitas de se permanens erit habitus, si verò sit motio, vel qualitas transiens erit eiusdem rationis cum virtute illa instrumentaria, ac subinde ex vi suæ entitatis habebit omnia quæ auxilio efficaci, & prædeterminanti tribuuntur.

Dici adhuc potest auxilium quidem efficax esse unam, & simplicem entitatem; tamen illam non habere totam suam efficacitatem ex se, & quasi essentialiter, vel ut naturam proprietatem, sed solum ut procedit ab efficaci voluntate Dei, qua vult hominis voluntatem realem actum efficere, & consequenter vult ut illa entitate ut instrumento. Unde si fieret à Deo entitas, & non ex illa voluntate efficaci, sed ex præcisa voluntate faciendi talem entitatem, illa non haberet vim prædeterminandi, nec rantam efficacitatem. Sed hoc repugnat valde principiis illius doctrinæ. Sic enim destruantur omnia, quæ de prævio concursu primæ causæ, & de motione intentionali illi auctores dicere solent ut lib. 3. vidimus. Nam si entitas illius auxilij non habet naturam suam intrinsecam illam efficaciam, & vim prædeterminandi, seu applicandi voluntatem, & causam secundam, sed solum ex Dei voluntate sine vlla reali additione, sola voluntas efficaci Dei volentis immediatè uti potentia, vel habitu, vel actu, gràtia excitantis ut instrumento sufficiens erit-

7.  
Præcluditur  
alia evasio.

8.  
Instantia.

Occurrit  
instantia.

6.  
Hæ contra-  
dictiones nõ  
evitantur  
per supradic-  
tam distin-  
ctionem Au-  
xilij effica-  
cis.

que superflua præuia motio, quasi media, & inhærens potentia; & tunc incidemus in aliam opinionem, & quæstionem tractandam duobus capitibus sequētib; ubi videbimus an ille modus necessarius sit, & an salua libertate locum habeat, ideòq; de hac vltima euasione nihil amplius hic dicere necesse est. Solum adiungo etiam si demus auxilium verè efficax completi ex illa entitate cum virtute instrumentali addita, quidquid illa sit eandem relinqui difficultatem in ratione facta. Nam de facto præueniri dicitur voluntas per illam entitatem auxilij eleuatam, seu assumptam, vt instrumentum absolute voluntatis Dei, ergo illi vt sic non potest resistere voluntas in sensu composito, quia aliàs sequentur contradictiones illatæ, cum supponatur voluntas non posse resistere, illi auxilio, sic completo, & tunc relinquatur idem argumentum quod talis necessitas composita tollat libertatem, quia tota illa suppositio integra est antecedens simpliciter omnem, vsum nostræ libertatis.

## CAPVT XX.

*Auxilium si ex se sit efficax, ac physicè prædeterminans non posse à libero vsum pendere, sed necessitatem antecedentem inducere.*

1. Adducitur  
modus fugiendi vim  
principalis  
argumenti.

VENIO ad alium principalem modum fugiendi vim principalis rationis. Nam aliqui ex dictis auctoribus coacti argumentis factis interdum retrocedunt, & conantur defendere suppositionem illam auxilij efficaciis sic explicati non esse antecedentem, quia pendet ex aliquo vsum libero humanæ voluntatis quod satis est vt sit suppositio consequens, vt nos etiam docemus. Illa verò dependentia duobus item modis ab eis asserta est. Primus est, vt ille vsum liber sit antecedens ad tale auxilium, nimirum circa aliquam dispositionem præuiam ad illud, cuius intuitu, vel ratione cuius tale auxilium infallibiliter detur. Secundus modus est vt ille vsum libertatis sit aliquo modo cooperans ipsi auxilio. Priorem modum inculcat sæpe Cabrera, & coguntur approbare qui dicunt hominem sufficienter vocatum non carere auxilio, nisi culpa sua, nam inde planè sequitur pendere ex libertate eius cui datur. Nihilominus plures ex dictis auctoribus hunc dicendi modum reiciunt, & merito vt capite præcedenti vidimus, nam illa dispositio libera est impossibilis in illa sententia, & in plura incommoda incidit talis assertio, quæ ibi tractata sunt.

2. Reiciuntur.

Addo insuper etiam illo modo non saluati propriam, & formalem libertatem supernaturalis consensus quæ ipse verè, & in se liber dicatur, & sit, quod nullo modo admitti potest, & ex Concilio Tridentino, & aliis testimoniis constat. Assumptum declaro primo, quia quod Deus solus in nobis facit supposita dispositione libera non est liberum nobis formaliter, sed tantum per denominationem à tali dispositione, sicut actus exterior denominatur liber ab interiori, vt patet clarè in infusione gratiæ habitualis, quæ hoc tantum modo potest libera denominari, ergo in præfenti licet præcederet illa dispositio libera infusio auxilij prædeterminantis quod solus Deus facit, tantum erit libera per denominationem à tali dispositione, quia posito illo auxilio necessario sine noua libertate sequitur

actus, vt ostensum est. Ergo talis actus non est liber nisi per denominationem ab illa præuia dispositione. Ex quo vltèrius sequitur in nostris actibus supernaturalibus nullum esse meritum præter illud quod in illa dispositione præuia & libera cogitari potest. Ita enim in vniuersum inuenitur in omni actione quæ solum est libera per denominationem extrinsecam à præcedenti actu libero, vt in eanulū si proprium meritum præter illud quod in actu denominante inuenitur, vt in actu exteriori non est distinctum meritum ab illo quod est in interiori, à quo proximè imperatur, & in receptione gratiæ habitualis, & in similibus idem seruetur, vt in materia de merito latius videbimus, ergo simili modo voluntas credendi quæ necessario sit posito auxilio efficaci non habet nouam laudem, nec proprium meritum præter illud quod in dispositione libera ad tale auxilium inuenitur. Hoc verò nullus Theologorum admittet, & ideo illa sententia merito ab omnibus explodenda est.

Secundus modus dicendi in hoc puncto est illam dispositionem liberam non esse aliam ab ipso consensu qui est effectus auxilij excitantis: nam eandem dicunt esse dispositionem ad ipsum auxilium. Nam potest in genere causæ materialis illud antecedere licet in genere causæ efficientis ab illo sequatur. Ita refert Cumel in dicto lib. 1. opusculor. disput. 4. sect. 2. sub tit. *Conferentia difficultatum*, & Lorca disput. 2. de gratia in fine, & potest tribui Palentia tom. 2. disp. 8. q. 3. puncto 4. 5. 2. conclus. 3. quamuis ibi loquatur de infusione habitus quam ponit inter auxilia gratiæ efficaciis. Non potuit autem id sentire de auxilio prædeterminante, quod ibi latè, & efficaciter impugnauerat. Cuiuscumque tamen fuerit illa sententia falsa est sine dubio meritoque à prioribus auctoribus impugnatur. Primo quia in vniuersum impossibile est effectum factum à forma in genere causæ efficientis esse veram causam eiusdem formæ in genere causæ præparantis subiectum ad introductionem talis formæ: Quia intelligi non potest forma in aliquo genere realiter causare, nisi iam habeat esse reale, quod habere non potest priusquam fiat à sua efficiente causa, ergo ante hanc efficientiam impossibile est præcedere aliquam realem causalitatem eiusdem formæ. Sed de hoc fusius disputabimus infra tractando de iustificatione. Nunc addo etiam si vera esset illa mutua causalitas inter formam efficientem, & dispositionem eius nihil id referre ad saluandam libertatem supposito modo efficiendi auxilij efficaciis per physicam prædeterminationem. Nam argumentum factum probat efficientiam illam esse necessariam, & sine vsum libertatis propter impotentiam resistendi, & continendi influxum voluntatis: hæc autem impotentia, & necessitas eadem est etiam si consensus dicatur præcedere in genere causæ materialis. Nam hoc (iuxta illam sententiam) commune est dispositionibus, & agentibus naturalibus, vt in forma, & calore ignis, & similibus. Ergo ad summum erit consensus dispositio physica ad tale auxilium non verò dispositio libera. Accedit specialis repugnantia in principiis illius sententiæ. Nam hoc auxilium ponitur tanquam præuius influxus primæ causæ à quo essentialiter pendet actio causæ secundæ, quis autem dicat, vel intelligat actionem causæ secundæ esse dispositionem præparantem ipsam causam secundam ad recipiendum præuium influxum Dei ad eandem actionem? Item in illa sententia impossibile est intelligere concursum simultaneum Dei præcedere ad præuium respectu eiusdem actus, sed

3. Secundus  
modus dicendi.

Impugnatur.



in eodem actu non potest actio causæ secundæ, ut est ab ipsa in illo genere causæ antecedere simultaneum concursum Dei, ergo multominus potest antecedere ad concursum præuium, seu auxilium efficax. Denique auxilium efficax ponitur in voluntate, ut det illi posse agere, & agere, sed impossibile intelligere actionem in potentia antequam agat, & multo impossibilius antequam possit agere, ergo impossibile est, ut actio propter quam datur auxilium efficax, ante illud præcedat in quolibet signo naturæ, aut genere causæ.

4.  
Tertius mo-  
dus.

Tertius ergo dicendi modus est hanc suppositionem istius auxilij efficaci non esse antecedentem, quia ipsummet auxilium, seu prædeterminationem, quæ per illud fit, non est à solo Deo, sed etiam à libero arbitrio cooperante, & efficiente ipsammet prædeterminationem ex propria deliberatione. Ita docet Ledesin. dicta questione, art. 10. ad part. 1. & ad 7. ubi ait præuium auxiliū non præsupponi simpliciter ad actum secundum, sed esse initium ipsius actus, ita ut quando est tale auxilium prædeterminans, iam sit ipse actus in suo principio, & ad 8. ait ideo voluntatem non obstante hac prædeterminatione libere se determinare, quia taliter prædeterminatur à Deo quod ipsa concurrat ad suam prædeterminationem. Et in art. 8. ex professo probat hanc prædeterminationem non fieri à solo Deo, sed etiam à voluntate simul coëfficiente illam, & in conclusione, id probat, quia si solus Deus efficeret prædeterminationem in actu primo, iam actus eliceretur à voluntate prædeterminata, & sic non esset simpliciter liber, sed necessarius, quia voluntas sic determinata non posset non elicere actum ad quem prædeterminatur, & sic actus ille elicitus non procederet ex libertate voluntatis, quia in ipsa elicientia actus (sic loquitur) prædeterminatione supposita non reperitur libertas, sed potius necessitas.

5.

In quibus verbis & rationi nostræ, & assertioni optime consentit, sed planè dissentit ab aliis eiusdem ordinis auctoribus, qui tanquam dogma in sua sententia tradunt prædeterminationem physicam à solo Deo fieri in voluntate, imo & à se ipso in multis aliis locis dissentit. Nam vult hoc auxilium efficax esse eiusdem modi cum concursu generali præui, qui est iuxta suam suorumque sententiam immediatus influxus causæ primæ in secundam complens, iuuans, & applicans, & determinans eam ad agendum, ergo non est à causa secunda, quia nondum mota, & applicata nihil potest agere. Item in causis naturalibus quæ agunt actione transeunte, nullus ex illis auctoribus dixit influxum causæ primæ in secundam esse ab ipsa causa secunda, quia non potest calor, verbi gratia, agere in se ipsum. Neque id dici potest secundum ipsos in voluntate libera, quia nihil potest agere nisi prædeterminata; ergo prædeterminatio non potest esse ab ipsa, quia esset ab illa ut nondum determinata. Multo ergo minus potest id dici de auxilio efficaci gratiæ, si in tali prædeterminatione consistit, tum quia minus poterit voluntas indeterminata in ordine supernaturali agere, tum etiam quia tale auxilium prærequiritur, ut det vires agendi voluntati, tum maxime, quia tale est hoc auxilium, ut detur voluntati independenter ab ipsius usu libero, ut capite... ex eorundem auctorum sententia ostendemus.

6.

Denique si Deus dando hoc auxilium non solus operetur iam illud non esset immediatus influxus in causam, sed in operationem causæ, quia illa prædeterminatio esset quædam operatio causæ, scilicet voluntatis, cum ab illa fieri, & consequenter

A elici dicatur. Sed in hoc puncto etiam habet notabilem doctrinam prædictus auctor in eodem art. 8. ad 1. dicit enim quod voluntas antequam intelligatur operari formaliter, & expressè præintelligitur habere aliquam operationem, interpretatiuam, & veluti virtualement, quæ reducitur ad ipsam operationem formalem. Per quæ verba significat prædeterminationem consistere in illa operatione actuali. Quam duobus exemplis declarat. Vnum est, quia voluntas dum amat vult amare non alia operatione formali, sed interpretatiua. Aliud est, quia pura omisso est voluntaria interpretatiue non formaliter.

Duo exempla, quibus declaratur præcedens doctrina.

Sed doctrina hæc mihi est noua, quia in nullo alio Theologo antiquo, vel moderno Thomista, vel alterius Scholæ illam legi, & ita fateor me non intelligere quid sit illa operatio interpretatiua in præsentia materia, vel quomodo per illam expediat difficultas. Vnde interrogo, an illa operatio interpretatiua sit aliquid distinctum à voluntate, siue ut res omnino distincta, siue ut modus realis nouus, & nihil reale sit in voluntate. Si hoc posterius dicatur, sequitur auxilium efficax prædeterminans nihil esse in rerum natura distinctum à voluntate, nec per illud factam esse mutationem realem in voluntate, sed esse ipsam voluntatem nescio quo virtuali, aut morali modo à nobis conceptam, quod quam sit absurdum tam simpliciter quam in doctrina eiusdem auctoris, & suorum per se est evidentissimum. Nam per illud auxilium dicitur voluntas recipere vires, & iuari ad agendum, & applicari, & similia quæ sine aliqua realitate noua intelligi non possunt. Si verò admittatur primum, necessarium est fateri illam rem, vel realem modum fieri per veram, & formalem efficientiam, quia noua mutatio formalis, & realis non fit sine propria efficiente causa, & ita illud auxilium verè, & formaliter à Deo fit; ergo si sit concurrente voluntate, etiam ab ipsa efficienter fit, ergo est formalis actio, & operatio, & non tantum interpretatiua. Accedit quod operatio interpretatiua dicitur esse libera non per modum omissionis, seu suppositionis concursus, sed per modum positivæ operationis: positivus autem usus libertatis intelligi non potest siue vera efficientia, ut in prolegom. 1. probatum est.

7.  
Quæ quidem doctrina noua est auctori.  
Quæ sequitur incommoda.  
Primum.

Ex quo sequitur aliud incommodum, & alia contradictio, nimirum quod auxilium efficax non reducatur, ut sæpe ipsi asserunt in solam Dei voluntatem, sed etiam in hominis libertatem; quandoquidem liberè cooperari dicitur illi prædeterminationi. Alia præterea contradictio est, quod illa operatio interpretatiua, vel quomodocumque nominetur erit à voluntate indifferente, & nondum determinata, cur enim non idem dici poterit de operatione vera, & formali, vel si hoc repugnat, ut ille auctor toties repetit, cur non illud præferam cum illa operatio interpretatiua, vel nihil sit, vel non possit non esse aliqua vera, & determinata efficientia proficiscens à principio actiuo indifferente. Tandem illa operatio interpretatiua necesse est in re ipsa distingui ab operatione formali, quia realiter influit in illam influxu distincto, & simultaneo, & est aliquid supernaturale; ergo non potest esse in voluntate, nisi per supernaturalem actionem, vel tanquam supernaturalis actio; erit vera, & formalis operatio supernaturalis, & ita quoties homo consentit gratiæ vocanti, efficit duas liberas voluntatis operationes, vel actiones supernaturales quod nemo hactenus dixit, neque verisimile est, quia nihil cogitari potest per secundam illam actionem quod per vnam non sufficiens.

8.  
Aliud incommodum.

tissime fiat, ut per se constat, & in exemplis, in contrarium adductis declarabitur.

9.  
Respondetur  
ad primum  
exemplum  
de voluntate  
amante, &  
volente ama-  
re, &c.

Vnde ad primum exemplum de voluntate amante, & volente amare respondemus contrarium illo exemplo manifestari, nam cum homo voluntarie amat, vel odit, non alio actu formali, vel interpretativo, vult amare. Sed ipsomet actu quo amat directe obiectum amat intine, & quasi reflexe actum ipsum. Neque necessarium est prius natura aliquem, velle amare quam amare, aut voluntatem amandi esse aliquid in voluntate distinctum ab ipso amore, & realiter influens, vel efficiens ipsum formalem amorem, sed unico impetu voluntas amat obiectum, & illemet amor se ipso est voluntarius, & amatus. Alias oporteret in infinitum procedere, quia quilibet amor voluntatis est voluntarius, & amatus, & ita in nullo potest melius sisti quam in ipso primo amore quo incipit obiectum amari. Quia sicut illo actu amatur obiectum, ita ratione obiecti ipse etiam amor amatur, vnde neque prius amatur amor quam obiectum. Nec obiectum potest amari, quin amor ipse ametur. Sic ergo quando voluntas libere determinatur ad volendum, vel amandum, libera determinatio non est aliquid praeuium ad ipsam actionem amandi, sed quia ipsa actio amandi se ipsa voluntaria est per se ipsam est formalis determinatio voluntatis in actu secundo, antequam non antecedit alia determinatio in actu primo, ut ostendi neque est necessaria alia praeuia determinatio in actu secundo, quia alias procederetur in infinitum, & quia per ipsam voluntariam actionem sufficientissime fit talis determinatio, ut etiam lib. 3. cap. ... declaravi, & ita illa determinatio non est virtualis actio, sed formalis non distincta ab ipsamet actione consentiendi aut amandi. Sed ipsamet per se ipsam voluntaria est, & quandam reflexionem virtutalem includit. Vnde immerito vocatur praedeterminatio respectu eiusdem voluntatis cum nullo modo antecedit tempore, vel natura determinationem eius, ut iam etiam aduertit.

10.  
Ad aliud  
exemplum  
respondetur.

Aliud vero exemplum non est ad rem, quia omisio pura nulla actio est nec formalis, nec virtualis, sed est suspensio actionis quae nihil reale addit voluntati quod ab ipsa rarefiat. Dicitur autem virtualiter seu interpretative voluntaria, quia contrarius actus est in potestate libera voluntatis, & cum sufficienti aduertentia non exit in actum, & ideo moraliter ac interpretative censetur ac si directe vellet operari, & ideo dicitur virtualis quaedam volitio, non per aliquem modum actionis quae in re ipsa inueniatur, sed per quandam imputationem moralem, & quasi aequivalentem estimationem. In praesenti autem si praedeterminatio illa interpretativa intercederet, oporteret esse aliquid positivum & reale ut declaravi, quia effectus eius non esset carentia actus sicut in omissione, sed esset positiva determinatio potentiae de se indifferentis, nam cum haec indifferentia in quadam negatione consistat, non potest determinari nisi per aliquid positivum additum potentiae. Quod si illa operatio libera interpretativa negativae explicetur, non poterit esse nisi carentia contrariae determinationis, & ita incidimus in opinionem ab eodem auctore nobiscum impugnata de praeuia dispositione negativa, quae neque potest esse supernaturalis, nec libera, qui iuxta illem sententiam, prius natura quam voluntas se determinet, si à Deo non incipit praedeterminari non liberè sed naturaliter caret utraque determinatione & est capax illius, & ita ex

A parte illius non potest sumi ratio ob quam magis ad unam quam ad alteram partem praedeterminetur ut capite... late declaratum est. Relinquitur ergo ut talis praedeterminatio sit à solo Deo, & simpliciter necessaria voluntati, quando illi imprimitur, & consequenter ut actio, quae ab illa necessario fluit, sit simpliciter necessaria, & non libera. Atque haec sententia iterum inculcabitur, & impugnabitur in sequenti puncto.

## C A P V T X X I.

B *Vis superioris discursus alio modo manifestatur, & argumentis satisficit.*

Vltimo possumus efficaciam di&di fundamenti declarare, quia voluntas potest necessitari à Deo per impressionem alicuius motionis, impulsus vel praeuiae entitatis sibi inditae quocunque nomine appelletur, sed non potest vehementius necessitari quam per illum modum praedeterminationis, ergo illa praedeterminatio est vera necessitas contraria libertati. Maior probata à nobis est in prolegom. 1. ubi ostendimus esse communem. Minor probatur ex aequiparatione, quia nihil cogitari aut explicari potest in quo excedat illa necessitas ab hac praedeterminatione.

Solent nihilominus isti auctores distinguere duplicem modum praedeterminationis, unam dicunt esse cum modo necessitatis, aliam non ex necessitate, sed secundum modum naturae voluntatis, & ideo liberè. Ita Ledesma art. 10. ad 1. & ad 8. ubi addit etiam si per habitum ita determinaretur voluntas quoad exercitium actus sicut nunc dicitur determinari per motionem auxilij non fore necessitandam, quia determinatio non esset naturalis, sed secundum modum suum. Eadem distinctione utitur F. Cumel in opuscul. lib. 1. disp. 5. post secundam conclusionem §. videntes h. auctores, &c. Item Aluar. disp. 22. num. 11. colligitque distinctionem ex D. Thoma 1. 2. quæst. 10. art. 4. ubi D. Thomas ait, ita Deum mouere voluntatem ut non ex necessitate illam determinet. Sed hunc locum in lib. 3. late tractat. Allegat etiam eundem Doctorem sanctum 1. p. q. 23. art. 1. ad 1. q. 5. de verit. art. 5. & 3. contra gent. cap. 90. in primis, quia in his locis tractando locum Damasceni dicentis Deum non praefinire actus liberos, illum exponit de praefinitione necessitante, indicans esse aliam non necessitantem. Quae distinctio ex mente Damasceni & D. Thomae possit facile intelligi de praefinitione interna Dei, & externa praedeterminatione. Nam prior non mutat voluntatem hominis, & ideo de illa recte dicitur non necessitare voluntatem, quia per se & immediate non agit in illam, ut infra explicabo, & de praedeterminatione ad extra non contendimus necessitare voluntatem & ideo negasse illam Damascenum, & de illa intelligendam D. Thomae interpretationem.

Omissis tamen nunc testimoniis de quibus postea perimus ab his Patribus in quo duo isti modi differant, ut in vno dicatur necessitati voluntas, & non in alio. In quo varia dicta esse inuenio ab eisdem auctoribus, quae proponam ut lector iudicet an vel inter se consonent, vel satis intelligantur. Primo ergo voluntas dicitur determinari secundum modum suum, quia praedetermina

2.  
Duplex mo-  
dus praede-  
terminatio-  
nis à quibus-  
dam distin-  
guntur, una  
cum modo  
necessitante,  
alia non ex  
necessitate.

3.

terminatur mora per iudicium rationis ex se indifferens, qui modus motionis est maxime naturalis eidem voluntati. Vnde differentia erit quod quando prædeterminatur cum modo necessitante non mouetur per iudicium indifferens, ita videtur exponere Cumel supra. Vnde sequitur secunda differentia, quia cum voluntas prædeterminatur secundum modum suum non prædeterminatur physicè ab obiecto, nec ab interno impetu, sed tantum ab intrinseco, quando vero prædeterminatur cum modo necessitatis prædeterminatur ab obiecto, vel ab interno, & connaturali impetu quod est contrarium libertati. Ex quo constat tertium discrimen; nam quando voluntas determinatur ab intrinseca stante perfecto & indifferenti iudicio actus est perfecte voluntarius, & rationalis sine interna determinatione, & ideo est liber, quando vero determinatio est alio modo; aut actus voluntatis non est plene rationalis nec perfecte voluntarius, quia per surreptionem quandam & imperfectam ac indeliberatam cognitionem mouetur, & consequenter cum interna necessitate. Vel si cognitio, & iudicium est perfectum, & inde voluntas spontaneè, & voluntariè fertur, obiectum tale est, ut ab interno impetu voluntas necessario in illud feratur ac subinde ex necessitate.

Hæc verò tollunt suppositionem quam in argumento fecimus, & in prologom. 1. probauimus, nimirum stante perfecto iudicio rationis cum indifferentia obiecti plenè cognita posse voluntatem extrinsecus necessitari per diuinam motionem. Et qui attente considerauerit intelliget secundum illum modum planè concedi illam prædeterminationem ad vnum quoad exercitium actus esse quandam necessitatem ab intrinseco immixtam voluntati, solum additur illam non excludere libertatem ab actu, vel quia manet idem iudicium de se sufficiens ad actum liberum, vel quia voluntas ibi operatur non ex se determinata, sed ut determinata ab alio. Et ita assignatur differentia inter illos duos modos prædeterminandi ab extrinseco voluntatem cum necessitate, vel sine illa stante eodem iudicio rationis, sed absolute negatur modus prædeterminandi cum necessitate. Cuius oppositum in loco citato ostendimus esse magis consentaneum diuinæ potentie, & communi sententie Theologorum. Et certè si D. Thomas in locis quæ proximè allegabantur, duos modos prædeterminandi voluntatem insinuat cum necessitate, & sine illa, in illis aperte loquitur de motione, voluntatis, quæ fit, vel fieri potest à Deo in hac vita stante perfecto iudicio rationis.

Accedit satis esse in dicto prologom. 1. ostensum indifferentiam iudicii non sufficere ad libertatem formalem actus, quia non sufficit ad potestatem agendi, & non agendi. Et quia indifferentia iudicii non est indifferentia hominis operantis, sed est potius indifferentia quædam ipsius obiecti, ut sic dicam, nam cognoscitur, ut habens aliquam rationem boni admixtam alicui rationi mali, vel cum in perfectione aliqua ratione cuius magis, vel minus potest allicere voluntatem, & de se non valet eam ad exercitium determinare, quia in opposito actu, vel in carentia illius aliqua ratio bonitatis, seu utilitatis cogitari potest. Hæc autem indifferentia obiecti formaliter non est indifferentia voluntatis operantis, vel actionis eius, sed solum conducit,

Fr. Suarez, de Gratia Pars II.

A vt obiectum ex se non moueat cum necessitate voluntatem. Hoc autem non sufficit, ut actus voluntatis sit formaliter liber, quia libertatem formalem habet ex habitudine ad ipsam potentiam operantem ex parte sua cum dominio actionis suæ iuxta exigentiam talis obiecti. At verò hoc dominium potest Deus auferre, & facere, ut sine illo voluntas feratur in tale obiectum ultra merita eius, ut sic dicam, ergo potest facere, ut stante iudicio rationis voluntas non libere, sed ex necessitate determinetur. Hoc ergo posito non subsistent differentie prædictæ, quia in utroque casu supponitur voluntas determinata cum pleno iudicio rationis, & in neutro determinatur ab obiecto nec ab interno impetu, in utroque actus est æque voluntarius, & spontaneus, quia nec est ex indeliberatione rationis, nec ex propositione obiecti sub ratione necessarij boni, ut supponimus, ergo nullum est discrimen.

Est ergo alia responsio quam ex Ioanne Vincent. refert Ledesma in dicto art. 10. ad 1. supposito eodem indifferenti iudicio dupliciter posse determinari, voluntatem ad talem actum. Primo quasi totaliter ex vi solus impulsus causæ superioris, ita ut voluntas nulla ratione se moueat ex vi propriæ deliberationis, & electionis, sed totaliter moueatur à causa ipsam determinante, & applicante, secundò potest ita prædeterminari à causa superiori, ut simul ipsa se ipsam prædeterminet ex vi propriæ deliberationis, & electionis subordinatæ ad determinationem superioris causæ. Prior ex his modis dicitur esse cum modo necessitatis, & repugnare libertati, quia non est secundum modum voluntatis, qui est per propriam deliberationem, & electionem moueri. Secundus autem modus est secundum naturam voluntatis liberæ, & ideo non repugnat libertati; & per hanc distinctionem ait Ledesma solui argumentum euidenter, quæ in eo dicuntur probabilis, & quia voluntas cum ex se sit indifferens non potest operari nisi prædeterminata secundum modum suæ naturæ, ideoque talis prædeterminatio non repugnat libertati siue ab ipsa voluntate fiat siue à Deo, & ita concludit argumentum in omni sententia habere eandem difficultatem.

Verumtamen distinctio illa non potest in præfenti accommodari, & suspicor F. Ioannem Vincent. non de hoc genere determinationis quam nunc tractamus illam adhibuisse, sed de alia tractanda in capite ... ut ibi declarabo; scripta enim illius auctoris videre non potui. Itaque præ oculis habenda est distinctio de duplici determinatione voluntatis in actu primo, vel in actu secundo, nam hic non tractamus de determinatione in actu secundo, sed in actu primo, quia si determinatio aliqua fit per auxilium efficax præuium quod & ab actione voluntatis realiter distinctum sit, & in suo genere physicum principium eius, illa non potest esse determinatio in actu secundo, sed in actu primo, ut saepe ostensum est, & ex ipsis terminis patet, quia antecedit actionem causæ secundæ, & est actus eius non ergo secundus sed primus. Item quia determinatio in actu secundo fit à voluntate effectiue simul cum Deo, hæc vero determinatio quæ fit per hoc auxilium effectiue fit à solo Deo, quia solus infundit, & potest infundere tale auxilium, formaliter autem fit ab entitate talis auxilij inhaerente voluntati, ergo

6. Alia responsio, supposito indifferenti iudicio dupliciter possit determinari voluntatem ad actum.

7. Distinctio illa non conuenit in præfenti.

Duplex determinatio voluntatis, in actu primo, vel in actu secundo, præ oculis habenda.

K k est



est determinatio in actu primo, & non in secundo.

8. Quod autem illi non possit applicari distinctio prior probatur, quia talis determinatio non semper fit totaliter a causa extrinseca scilicet Deo, quia fit sine concursu effectiuo alterius causæ, materialis autem concursus ex parte voluntatis recipientis, in omni etiam determinatione inuenitur; item illo modo semper determinatur voluntas per solum impulsus causæ superioris quia etiam in secundo modo quando dicitur voluntas determinari secundum modum suum, si id intelligatur de determinatione in actu primo ut loquimur tantum fit per auxilium efficax quod est quasi impulsus à solo Deo impressus. Unde loquendo de eadem determinatione falsum est quod in secundo membro dicitur voluntatem ita determinari à causa superiori ut simul determinet se ipsam; quia ipsa non facit illam determinationem, ergo per illam non determinat se. Multo magis falsum est quod faciat vel recipiat illam ex vi propriæ deliberationis, & electionis, quia deliberatio, & electio non est sine usu libertatis, sed voluntas recipit illam determinationem ante omnem usum libertatis ut capite... ostensum est, ergo recipit illam sine vlla deliberatione, vel electione, quoad hanc ergo partem nulla est differentia.

9. Et hinc fit nullum etiam discrimen esse posse in libertate, vel necessitate actionis, quæ à tali determinatione procedit. Primum quia non magis determinatur voluntas secundum modum suum quoad actum primum in secundo membro quam in primo; Quia in utroque membro ex parte intellectus idem modus seruetur, quia idem iudicium de se indifferens præcedit ut supponitur. Ex parte autem voluntatis non fit illa determinatio in actu primo cum maiori efficientia, deliberatione, aut electione voluntatis in secundo membro quam in primo ut probatum est. Nihil ergo reperitur in secundo membro cur illa determinatio dicatur magis esse secundum modum voluntatis quam in primo, ergo ex hac parte actus non est magis liber in vno membro quam in alio, neque reuera esse potest, quia illa membra verbis tantum non re ipsa distinguuntur, quoad hanc determinationem in actu primo. Probat ut secundum neque in emanatione actionis seu deliberationis in actu secundo à tali actu primo vllum posse assignari discrimen. Quia in utroque membro actio illa seu determinatio in actu secundo non est à solo Deo, sed fit ab ipsa voluntate, est enim actio vitalis, ergo quoad hanc partem, etiam cum voluntas necessitatur à Deo, determinatio non fit à solo impulsu Dei totaliter, si per hoc excludatur coefficientia ipsius voluntatis. Quod si hæc non excludatur non est differentia inter primum, & secundum membrum quoad hanc partem. Deinde in tali efficientia non est maior deliberatio, vel electio in vno membro quam in alio, quia utraque efficientia est æquæ voluntaria, & spontanea & utraque ex vi præcedentis determinationis in actu primo trahentis voluntatem ad cooperandum secum determinationem in actu secundo si ita meretur appellari, & in utroque etiam casu illa determinatio est cum quadam necessitate, cui voluntas non potest resistere, quæ non est magis absoluta in vno casu quam in alio, quia in utroque est ex sup-

positione motionis, & in utroque est æquæ in-evitabilis per resistantiam voluntatis, quia in posteriori membro tam inevitabilis dicitur esse consecutio actionis ut implicet contradictionem non sequi. Quæ ergo maior inevitabilitas in priori membro quam in secundo.

Quod si de determinatione in actu secundo sit sermo, nulla est ratio ob quam in posteriori membro dicatur esse cum deliberatione, & electione voluntatis, magis quam in priori, quia non fit cum maiori iudicio, nec cum maiori potestate non operandi seu volendi, quia in sensu composito in neutro casu dicitur esse potestas, in sensu autem diuiso in utroque eadem potestas voluntatis sub tali prædeterminatione manet. Ergo nulla maior electio, seu deliberatio in altero membro quam in alio intercedit. Sicut ergo verisimile dicitur in priori casu actionem voluntatis non fieri ex deliberatione, vel electione sua, quia non agit ut indifferens, sed ut determinata, nec electio habet locum ubi altera pars inevitabilis est, ita propterea dicendum est in posteriori membro. Atque ita si ex aliqua determinatione voluntatis in actu primo sequitur actio ita necessaria, ut non sit verè libera, similis profecto sequitur ex hoc auxilio prædeterminante.

Non est ergo evidens hæc responsio nec procedit ex probabilibus, quæ possint ad soluendum argumentum adaptari. Nam discursus factus videtur demonstratiuè ostendere quod nec inter prædeterminationem in actu primo, nec inter actiones emanantes ab utroque actu primo inuenitur differentia. Imò hinc directè roboratur argumentum, quia ideo aliquando necessitatur voluntas per similem præuiam motionem, quia iam non operatur ut indifferens, sed prædeterminata ad vnum, & quia illud compositum ex voluntate, & præuia motione, quod est proximum, & adæquatum principium talis actionis naturaliter agit, & non liberè, & ab illo habet actio quod necessaria, vel libera sit, & ob eandem rationem voluntas sic agens prædeterminata in actu primo non potest propriè dici determinare se neque ignis cum calefacit, quia verbum determinandi se, dicit habitudinem ad causam in actu primo indifferentem. Denique non video quo colore dicatur hanc difficultatem æquè vrgere in omni sententia, cum nos nullo modo admittamus voluntatem cum liberè operatur operari prædeterminatam physicè ac simpliciter, falsumque esse censemus quod supponitur ibi, voluntatem indigere prædeterminatione in actu primo à se vel ab alio ut liberè operetur, nam si est prædeterminatio in actu primo, illa semper est ab alio & repugnat libertati, & sine illa, potest voluntas cum concursu vel auxilio Dei concomitante se determinare, etiam si prius natura sit omnino indifferens ut in lib. 3. cap. ... ostendimus. Si vero sit determinatio in actu secundo, illa non est aliud quam ipsa actio volendi, quia voluntas non potest veile quin determinetur sed illa determinatio non est prædeterminatio, nec suppositio antecedens, sed est ipsa formalis determinatio quæ liberè fit à voluntate, & ideo est suppositio consequens includens usum libertatis, & illo supposito inducens necessitatem secundum quid, & longè dissimilem ab illa quæ esse potest à diuina motione prædeterminante.

Atque ex his tandem refelluntur facili qui putant saluari libertatem nostram non obstante

107

II. Responsio allata non procedit ex probabilibus.

12. Refelluntur

tota

qui putant  
saluari liber-  
tate nostra,  
per hoc  
quod tota  
impressio  
provenit à  
voluntate Dei  
libera.

tota necessitate quæ per tale auxilium efficax vo-  
luntati hominis fieret per hoc solum quod tota  
illa impressio provenit à voluntate Dei libera quæ  
in se indifferens est, & intimè adest voluntati  
nostræ, & movendo illam perficit illam suæque  
libertatis ac indifferentiæ participem facit. Ita  
loquuntur interdum aliqui ex dictis auctoribus,  
& certè Ledesina qui saluaretur libertatem  
quoad specificationem & potestatem agendi in eo  
qui caret hoc auxilio per solam intimam assisten-  
tiam voluntatis & potentie diuinæ in nostra  
voluntate ut cap. ... retuli faciliè etiam in præsentì  
dicet indifferentiā voluntatis diuinæ intimè  
mouentis, & gubernantis voluntatem nostram  
sufficere ut consensus noster liber sit. J etiam si  
ex duplici necessitate nobis immissa procedat,  
nimirum ex necessaria receptione auxilij præde-  
terminantis, & ex necessaria dimanatione ab  
auxilio, & voluntate illo affecta. Atque in ter-  
minis quidam ex his Patribus refert hanc eua-  
sionem ex alio Thomista quem non nominat.  
Ait enim illum prius asseruisse non obstante  
prædeterminatione voluntatem hominis retine-  
re indifferentiā, postea vero id explicando &  
tacite retractando dixisse prædeterminationem  
procedere ex indifferentiā, quæ splendet in vo-  
luntate diuinā, & ideo licet præmotio sit de-  
terminata ad vnum dici indifferenter, & indif-  
ferentem relinquere voluntatem.

13.  
Præcedēs re-  
spondendi  
modus liber-  
tatis Dei sal-  
uat non no-  
stram.

At profectò (ut iste auctor rectè dixit) hic  
respondendi modus libertatem Dei saluat non  
nostram. Quid enim ad nostram libertatem re-  
ferret quod in diuinā splendeat indifferentiā,  
nisi nobis participationem illius indifferentiæ  
communicasset. Certè illo modo etiam actio  
ignis & lapidis descendens esset libera igni,  
& lapidi, quia etiam in illa splendet indif-  
ferentiā diuinæ voluntatis, quæ posset illam im-  
pedire, & concursum ad illam suspendere. In-  
differentiā ergo Dei facit ut actio sit ipsi libera  
non causæ secundæ, nisi ipsa indifferens sit, &  
in illa indifferentiā conseruetur, & permaneat  
in eo instanti prius natura quam operatur, ita  
ut actio, ut est ab illa proximè completa ad  
operandum respiciat illam ut indifferenter, &  
inde illi libera denominetur. Confirmatur pri-  
mo, quia alias etiam ipsa infusio efficacia au-  
xilij, imò & sufficientis ac præuenientis dici  
posset libera voluntati quia procedit ab indif-  
ferentiā diuinæ voluntatis quæ in illa resplen-  
det, & omnino gratis & liberè talem morio-  
nem præbet. Consequens autem absurdum est,  
& contra omnium doctrinam ut constat, ergo  
indifferentiā diuinæ voluntatis non sufficit ut  
actio voluntatis humanæ libera sit.

14.  
Retorqueat  
argum. 6.

Præterea argumentum sumptum ex liberta-  
te quoad specificationem efficaciter retorque-  
tur ex dictis capite... Nam potentia Dei quan-  
tumvis sit intima nobis nisi intelligatur esse pa-  
rata per voluntatem Dei ad nos iuvandum non  
reddit nos potentes. Vnde si absolutè & sine  
respectu ad vsum nostræ libertatis decreuit  
non dare alicui auxilium necessarium ad ali-  
quem actum simpliciter sit illi impossibilis ta-  
lis actus, ergo similiter in præsentì à contra-  
rio si Deus non obstante sua indifferentiā de-  
creuit dare tale auxilium prædeterminans, &  
non suspendere illud, licet posset simpliciter,  
sit nobis impossibilis suspensio talis actus, &  
consequenter sit ipse actus simpliciter necessa-

Fr. Suarez de Gratia Pars II.

rius quoad exercitium respectu hominis etiam-  
si sit liber respectu Dei. Ac tandem inde su-  
mitur optimum argumentum, quia supposita ne-  
cessitate prædeterminantis auxilij, impossibilis  
pura, & libera ommissio talis actus, quia si actus  
non sit, præcedit carentia, vel ablatio præde-  
terminationis, quæ & necessaria nobis est, cum  
auxilium non pendeat ex libertate nostra, & il-  
la supposita non liberè sed necessario sequitur  
carentia actus. Ergo eadem proportionè con-  
uerso supposita immisione talis auxilij ex sola  
voluntate Dei in se quidem indifferente ex se  
tamen se determinante absoluto decreto ad in-  
fundendum illud auxilium non relinquitur ho-  
mini indifferentiā in agendo cum tali auxilio  
recepto, est enim eadem ratio. Manet ergo so-  
lidum fundamentum assertionis, propter quod  
illam omnino veram, & fidei principiis consenta-  
neam censemus.

Nec obstant in principio obiecta. Ad pri-  
mum enim responderetur necessitatem sensus  
compositi quando in suppositione non inclu-  
ditur aliquo modo vsum libertatis vel habitudo  
ad illum esse necessitatem simpliciter, & re-  
pugnantem libertati ut satis probatum est. Ad  
secundum fatemur ad omnipotentiam Dei per-  
tinere ut possit mouere voluntatem efficaciter,  
& suauiter ut infallibiliter, & liberè, sed non  
illo modo, quia in illo inuoluitur contradi-  
ctio quis autem possit esse alius modus postea  
explicabimus pro ut videbitur probabilius. Fa-  
temur enim non posse nos assequi omnes mo-  
dos omnipotentie Dei possibiles, nihilomi-  
nus tamen scimus illum non esse possibilem  
in quo contradictio inuoluitur. Credimus  
etiam Deum ita mouere per gratiam ut vsum  
libertatis non auferat & ideo modum illum  
non admittimus. Ad tertium de actionibus  
prædefinitis à Deo admittimus eas sæpè præ-  
definiri, & inde infallibiliter sequi ut sit futu-  
rus actus prædefinitus non tamen media præde-  
terminatione physica, sed media vocatione con-  
grua ut infra dicemus. Et ideo suppositio illa  
non est omnino antecedens nam habet quendam  
respectum ad cooperationem liberam volun-  
tatis per illam intentam, & ideo non est si-  
mile.

Et per hoc respondendum est ad alia exem-  
pla, nam voluntas Christi ex vi vnionis habet  
necessario coniunctum diuinum regimen suæ vo-  
luntatis creatæ per quod ita dirigitur ut infalli-  
biliter semper velit quod bonum & melius est  
etiam si non prædeterminetur, ut in propria ma-  
teria latius tractatum est. Similiter voluntas  
Pauli absque determinatione efficaciter vocata  
est ut etiam Augustinus & Chrysostomus, &  
Anselmus infra citandi explicarunt. Idem est de  
confirmatis in gratia, nam licet aliqui non du-  
bitent concedere illos necessitari ad non peccan-  
dum, quia hæc tantum est necessitas quoad spe-  
cificationem, non est tamen id admittendum  
quia restringendo casum præcepti affirmatiui hic,  
& nunc obligantis, incideremus in necessi-  
tatem quoad exercitium. Neutra ergo ponen-  
da est in his confirmatis ordinariè loquendo,  
nam per vocationes congruas sufficientissimè  
possunt liberè sed infallibiliter in bono con-  
firmari ut latius in sequentibus dicturi su-  
mus.

Solum superest addendum vnum verbum pro-  
pter

15.  
Responderetur  
ad primum  
argum. ut.

Ad secundum  
responderetur.

16.  
Responde-  
tur ad exem-  
pla

per eos qui ut enervent fundamentum adductum A dicunt illud fuisse fundamentum erroris Pelagij, sæpiusque ab Augustino, & aliis Patribus fuisse solum. Nos vero dicimus si fundamentum dicitur principium aliquod ex quo formatur ratio, & assertio colligitur, sic sæpe contingere, ut ex eodem principio catholico hæreticus & catholicus argumententur, & hæreticus male colligat; catholicus autem bene. Sic ergo ex libertate arbitrij argumentabatur Pelagius, & nos etiam argumentamur, sed ille ex illo principio inferebat absolute, & in vniuersum gratiam Dei non esse necessariam ad B opera libera, quæ pessima consecutio est, & nullum habens fundamentum quo nitatur, quia opus liberum bene potest ab alio excitari, & adiuuari, & ideo necessitas gratiæ excitantis, & adiuuantis nullam habet repugnantiam cum libertate. Nos vero ex libertate arbitrij in usu operum gratiæ colligimus non esse necessariam nec possibilem prædeterminationem physicam, quodd longe diuersum est & consecutio illa habet, maximum fundamentum tum in natura liberi arbitrij, & repugnantia inter indifferentiam, & prædeterminationem, & inter liberum C usum, & necessitatem antecedentem. Et ita hæc nostra consequentia habet magnum fundamentum in Patribus, & in Conciliis, ut præter dicta pluribus in sequentibus ostendetur, illatio vero Pelagianorum ab omnibus Patribus impugnatur.

18.  
Difficultas.  
Solvitur.

Dices etiam Pelagius ex arbitrij libertate colligere volebat non dari auxilium efficax quod etiam nos colligimus. Respondemus in primis priorem partem non satis constare: nam Concilia Mileuitanum, Arausicanum, & Tridentinum sufficientem tradunt doctrinam contra Pelagium, & non definiunt aliquid de gratia efficaci, sed de necessitate gratiæ præuenientis, præmouentis, excitantis, & adiuuantis. Et Cælestinus Papa in Epist. 1. à cap. 4. vsque ad 12 doctrinam necessariam contra Pelagianos, & Semipelagianos tradit, & in eis solum ostenditur dicta gratiæ necessitas, & in cap. 8. solum dicitur ita de diuina gratia esse sentiendum, *ut nec nostrum deesse sentiamus arbitrium, & in bonis quibusque voluntatis humana singulis moribus magis illius non dubitemus valere auxilium.* Et in cap. 12. concludit Deum esse auctorem bonorum omnium operum, quia illa sua gratia præuenit, & illorum initium in nobis operatur, *agitque ut quod ipse vult nos velimus, & agamus.* In quibus omnibus nihil de efficaci gratia sub propriis terminis tradit, quod sane fecisset si Pelagius eam suo argumento impugnasset. Sed esto pars illa vera sit, & in hoc etiam errauit Pelagius. Falsa profecto est altera pars, quia nos ex illo principio non impugnamus absolute gratiam efficacem, sed gratiam ex se prædeterminantem physicè, ac subinde refellimus talem modum gratiæ efficacis de quo nec fuit controuersia cum Pelagio, nec Augustinus vnumquam loquutus est, ut infra ostendimus.

## CAPVT XXII.

*Virum concursus Dei simultaneus ex se prædeterminet voluntatem ad consensum.*

D Vos modos prædeterminandi physicè voluntatem supra distinximus, vnus est prædeterminando prius natura in actu primo voluntatem per aliquam entitatem ab ipsa, & ab actu secundo illius distinctam, ut ipsa sic prædeterminata actum eliciat. Alter est immediate prædeterminando ipsam ad ipsam actum secundum sine entitate præuia, sed immediate per diuinam voluntatem, ita efficiendo in voluntate, & cum illa actum ipsius, ut in ipsamet efficientia humana voluntas à diuina prædeterminetur. Priorem modum impugnauius in præcedentibus capitibus, in hoc, & sequentibus posteriorem expèdemus, & prius de necessitate; postea de possibilitate huius prædeterminationis dicemus. Duobus autem modis intelligi potest prædeterminatio hæc per influxum immediatum in ipsum actum secundum scilicet quod ipse concursus Dei ex se, & quasi absolute spectatus habeat hanc vim prædeterminandi voluntatem, vel saltem, ut illam habeat per respectum ad voluntatem diuinam à qua procedit. Et licet auctores ponentes prædeterminationem in ipso actu indistinctè loquantur, nos ut vis rationū magis appareat, de priori modo dicemus in hoc capite, & de altero in sequenti.

1.  
Duo modi prædeterminandi physicè voluntatem.

Quod ergo hæc prædeterminatio fiat per ipsam actionem consensus voluntatis, ut est à Deo sentit in primis F. Cumel in vltima huius puncti examinatione, quam in lib. 1. opusculor. reliquit copiosam in disp. 4. sect. 3. concl. 4. ubi sic inquit. *Ita affirmatur à nobis efficacia diuini auxilij esse ex Deo non ex nostra cooperatione, ut non dicamus Deum prædeterminare nos ad extra se solo aliqua actione prius in nobis posita, seu aliqua actione prædeterminante prius in nobis recepta, in qua inere passim se habeat omnino liberum arbitrium, & infra addit rationem, quia alias voluntas non se libere determinaret.* Vnde (inquit) *eadem determinatio conuersionis est à Deo, & ab homine, sed à Deo prius ordine nature, qua est prior in causando, & mouendo liberum arbitrium hominis, &c.* Et ibidem negat esse ibi duas actiones, sed vnā tantum Dei, & hominis, quæ prius natura est à Deo. Et in conclusione 5. expressius dicit, *eandem esse actionem qua voluntas se determinat ad conuersionem, & conuertitur, & eadem actione determinatur, & determinans qua à libero arbitrio elicitur cum gratia Dei Deus determinat idem arbitrium.* Et quod mirabilius est statim subdit, *neque hac actio qua voluntas actualiter, & formaliter determinatur, & se determinat est respectu eius voluntatis effectus posterior natura quā sit effectus Dei, sed simul est effectus voluntatis humane, & ipsius Dei.* Idem repetit disp. 5. dum refert quintam sententiam dicens, *non esse putandum Deū ita se gerere, ut nobis nihil agentibus ipse producat suam actionem in nos qua efficienter nos determinet, & iam prius voluntate determinata ipsa procedat ad opus, quia hoc manifestam dicit implicationem cum libertate, & in discursu huius sectionis, quæ prolixissima est hoc sæpe inculcat.*

2.  
Cumel.

Quia verò de nobis conqueritur quod eius senten



sententiâ nostro modo, & non sicut ab ea traditur, & explicatur referimus (quod sanè à nostra salutem intentione alienum est) non audemus hanc sententiâ illi tribuere. Nam profectò eisdem locis multa docet, quæ apertè videntur contraria his quæ mox recitauimus. Dicit enim sæpe auxilium efficax dari voluntati tanquam principium agendi consensum supernaturalem, & ad constituendum vel complendum illum in actu primo, vt det illi virtutem agendi in illo ordine. Ita habet in disp. 4. sect. 2. conclus. 3. & conclus. 3. §. Sed pro intelligentia & disp. 5. sect. 1. conclus. 3. per totam, maxime vero in repetitione eiusdem tertie conclusionis § quocirca, & § quod vero ex professo impugnat dicentes hoc auxilium in re non esse nisi ipsammet actionem, & operationem voluntatis, quia licet actio voluntatis sit una, & indissolubilis à Deo, & ab ipsa; dicit tamen habitudine ad illud auxilium Dei, à quo procedit tanquam à suo principio; ergo necesse est vt si dicat auxilium efficax prius infundi à Deo solo sine concursu actiuo voluntatis, cuius oppositum dicit in prioribus locis: verum est in illis non loqui sub nomine auxilij efficacis, sed sub nomine determinationis.

Vnde videtur sentire, quod licet auxilium efficax præinfundatur à solo Deo, illud non est determinatio formalis voluntatis, sed solum motio fortis, & suavis, quæ in eodem temporis instanti cum voluntate efficit liberum consensum quem dicit esse determinationem formalem, & ideo negat in prioribus locis voluntatem determinari à solo Deo, sed simul à se ipsa, & ita videtur exponere seipsum infra sub tit. Aliis argumentis § & confirmatur. Sed hoc modo non explicatur punctum difficultatis, sed obuoluitur non distinguendo determinationem in actu secundo à determinatione in actu primo. Nos enim non tribuimus huic auctori, vel aliis omnibus quod dicant actum ipsum secundum fieri à solo Deo, & quod per illum determinet formaliter voluntatem, sed referimus quod vere asserunt Deum solum infundere voluntati auxilium per modum actus primi, ita efficax, vt ex se habeat non posse separari ab actu secundo, & consequenter negare non posse quin iste actus primus inherens voluntati formaliter illam afficiat, & determinet in actu primo ad talem actum secundum, & exercitium eius. Quod tandem ferè eisdem verbis fatetur idem auctor in locis proxime citatis § moneor etiam, dicens. Ad hoc quod voluntas exerçeat opera supernaturalia necesse est, quod prius voluntas realiter determinetur quam operetur, Et iterum, vt voluntas operetur necesse est vt realiter determinetur ad illam operationem per aliquid reale positum quidquid illud sit, quod iterum repetit, soli Deo vt auctori gratiæ tribuens determinationem. Nihil ergo mirum est si huic auctori vnâ & alteram opinionem tribuamus, cum in eo vtramque legamus.

5. Cabrera.

Eodem ferè modo tribuo sententiâ hanc P. Cabrera, quamvis tam multipliciter de hac prædeterminatione loquatur, vt vix possim de illius sententiâ definitum ferre iudicium. Sæpe enim defendit prædeterminationem hanc fieri per aliquid distinctum ab actu secundo, & prius natura illo. vnde videtur ponere prædeterminationem in actu primo supra refutatam, & tamen disp. 2. § 11. num. 474 dicit quod determinatio Dei relinquit voluntatem determinatam in actu secundo, & indifferentem in actu primo, & quod voluntas præmota est adhuc indifferens in actu primo licet

Fr. Suarez de Gratia Pars II.

A sit determinata in actu secundo. Quod videtur repugnantiam inuoluere, si non intelligat prædeterminationem fieri per ipsum actum secundum, licet sub eo maneat voluntas cum suo actu primo, quod ad tuendam libertatem actus non sufficit, vt supra ostendit. Deinde §. 10. num. 413. dicit motionem prædeterminantem non distinguî ab actione voluntatis nisi formaliter, nec Deum concurrere immediate ad illam, nisi per præuiam motionem. Item videtur hanc sententiâ supponere in disp. 6. dubio 8. quando dicit num. 30. quod Deus confert auxilium concomitans, non vt prædeamus in actum, sed vt adiuuet ad eliciendum actum in quem iam prodire cœperamus. Nam his verbis insinuat prius nos incipere prodire in actum propter auxilium efficax quod prius natura Deus præbet quam nos actum eliciamus, ergo sentit per illudmet auxilium incipere nos in actum prodire quod intelligi non potest nisi auxilium sit sæpe actus sub aliqua præuiâ ratione consideratus, vnde in eadem disp. 6. dubio. num. 1. dicit auxilium Dei simultaneum vocari coadiuuans, quia ipsam operationem incipientem per auxilium prædeterminans coadiuuat, & consummat, concomitans vero quia concomitatur operationem vt incipientem per auxilium præueniens. Nisi forte improprie loquatur, & intelligat auxilium prædeterminans inchoate operationem non formaliter sed virtualiter, quia complet, & determinat potentiam ad illam eliciendam. Nam proprie vtendo terminis contradictionem inuoluit dicere nos incipere prodire in actum secundum priusquam Deus suo auxilio concomitante, & adiuuante nobiscum operationem inchoet. Nec etiam video quid sit prodire in actum nisi elicere illum. vnde incipere prodire in actum erit incipere elicere illum. at vero elicere, & incipere elicere idem sunt, quia actio eliciendi momentanea est, & ita simul incipit, & tota fit. Est ergo mihi intellectu difficilis illius auctoris mens, & sententiâ quæ omnia non parum ipsiusmet doctrinæ obscuritatem, & perplexitatem indicant.

Constantius videtur illam sententiâ defendere Ledesma, nam toto art. 8. ex professo probat prædeterminationem non fieri à Deo in nobis sine cooperatione, & efficientia voluntatis nostræ liberè concurrentis vt explicat in prima probatione tertie conclusionis. Et in secunda addit non esse necessarium vt hæc prædeterminatio fiat per aliquem actum distinctum ab eo quo prosequitur obiectum, sed per eundem secundum rem ratione formali distinctum vt in art. 7. late dixerat: & quod magis est dicit in illa doctrina conuenire discipulos D. Thomæ, & ipsum D. Thomam, & Caietanum pro illa citat, in dicto art. 7. & ideo in art. 10. ad 7. dicit. quando est auxilium physice prædeterminans iam esse actum in suo principio. Alludens ad modum loquendi M. Cabrera pro vt verba in proprietate sonant. Et ideo ait Ledesma hoc auxilium non requiri, vt principium operationis, neque ex parte potentie, sed ex parte operationis, vt art. etiam 11. late prosequitur. Et nihilominus dicit in dicta solutione ad 7. auxilium prædeterminans voluntatem esse necessarium tanquam antecedens ordine nature ipsam operationem, & vt voluntas exeat in actum. Quæ duo difficile conciliantur, nisi in ipsa operatione distinguatur inchoatio, & consummatio, seu initium operationis, & ipsa operatio absolute sumpta quod videtur efficaciter impugnari ratione supra facta, & aliis quæ in lib. 3. fecimus tractando de concursu præuiâ.

6. Ledesma.

K k 3

Sing

*Singularis quadam sententia refertur.*

7. Denique omittere non possum quin hîc referam notandam sententiam alterius defensoris huius prædeterminationis. Qui prius tria distinguit in Dei operatione circa actus voluntaris nostræ. Primum vocat simplicem immutationem, qua voluntas constituitur in ultimo complemento per modum actus primi. Secundum est productio actionis voluntaris cum ipsa voluntate. Tertium est productio effectus. Primum ante omnia requirit ad auxilium efficax, & dicit fieri à solo Deo prius natura quam voluntas operetur, nam in aliis duobus, ut ait non prius natura operatur Deus quam voluntas non obstante subordinatione, quia hæc subsistere potest sine prioritate nature. In quo aperte tradit modum prædeterminationis in superioribus capitibus tractatum satisque consequenter iuxta illum loquitur. Statim verò addit obscurissimam distinctionem in qua videtur hanc posteriorem sententiam profiteri, & difficillime explicare. Post præuium enim auxilium efficax, seu post illam quam vocat simplicem immutationem distinguit in consensu voluntatis duplicem actionem, vnam quæ identificatur cum consensu in ratione consensus, aliam, quæ natura præuenit consensum, quam vocat initiatiuam in qua agitur voluntas, quam etiam dicit, esse auxilium efficax præuium. Et hanc posteriorem actionem dicit etiam non esse liberam in illo priori, quamuis antecedente nostra libera determinatione, actio quæ non erat in illo priori libera constituitur libera in ratione consensus nostri in alio posteriori nature.

*Refellitur dicta sententia.*

8. In qua sententia antequam ulterius progrediamur duo notanda sunt, & cauenda. Primum est; quia ille auctor simul videtur ponere duo auxilia præuia physicè prædeterminantia voluntatem, vnum per simplicem immutationem Dei ante actionem voluntatis, aliud per actionem quadam initiatiuam consensus. Hoc autem nullo modo admittendum est, nam licet daremus aliquam prædeterminationem physicam, superuacaneum esset duplicem fingere. Tum quia in eodem genere physico vnum tantum auxilium efficax ad singulos actus cum aliquo fundamento requiri potest: tum etiam quia hæc prædeterminatio dicatur supponere auxilium sufficiens quocumque modo talis prædeterminatio cogiteretur sufficiens auxilio peruenire, infallibiliter inducet consensum, aliis non esset vera determinatio, ergo esto sit necessaria, vna sufficit. Declaratur denique ex re ipsa, quia si fingamus antecedere auxilium prædeterminans physicè voluntatem in actu primo, & distinctum in re ipsa ab actu secundo, & ab omni actione humane voluntatis, per illud intelligitur voluntas perfecte completa in actu primo, & proxime expedita ad actum secundum, ergo iam non indiget alio auxilio præuiuo, sed tantum simultaneo concursu, ergo qui ponunt auxilium prædeterminans in actu primo superflue fingunt aliud auxilium prædeterminans in ipso actu secundo seu actione eius; item quia illa actio per habitudinem ad tale principium iam determinatum in actu primo prodit cum sufficienti de-

A terminatione, imo si verum facendum sit supposita tali prædeterminatione proderet sine indifferentia, & sine libertate, ergo non solum non indiget noua prædeterminatione, sed etiam est incapax illius. Sicut supra lib. 3. cap. de agentibus naturalibus dicebamus non indigere præuiuo concursu propter prædeterminationem quia cum de se sint determinata ad vnum, & non habeant indifferentiam, non sunt capacia nouæ determinationis.

B Secundum est in illa sententia notandum quod in supernaturali consensu duplicem ponit actionem voluntatis, siue re siue formaliter, siue ratione distincta. Vnam vocat initiatiuam, & priorem quàm sit ratio consensus, quia natura præuenit illum: aliam, quæ sit consummativa consensus, & primam dicit esse auxilium præuium efficax, non verò secundam: itemque priorem, ut sic, non esse liberam, constitui autem liberam in ratione consensus in altero posteriori nature. Hæc verò distinctio, & quæ circa illam dicuntur reicienda omnino sunt. Nam si per illam duplicem actionem, ille auctor intelligat propriam actionem prædicamentalem, & terminum eius, qui est consensus, vel actus vitalis, prout est in re qualitas, quæ ab aliquibus vocatur grammaticalis actio. Sic nec dicere debuit, nec potuit priorem actionem initiatiuam, esse in illo priori non liberam, quia hoc multum repugnat libertati arbitrij: nam vsus libertatis maxime pender ab illo puncto, in quo voluntas incipit suam actionem elicere. Item quia repugnat actionem prius natura non liberè elicitam posterius natura constitui liberam in eodem instanti, tum quia non possunt duo prædicata contradictoria de eodem verificari in eodem instanti temporis: tum etiam quia actio illa semper retinet eandem habitudinem ad suam potentiam, à qua habet quod libera, vel necessaria sit: tum denique quia non potest actio illa denominari libera à consensu, qui est terminus eius, quia potius consensus in tantum est liber, in quantum fit per actionem liberam, quia libertas exercetur in ipsa actuali efficientia per quam fit terminus. Si autem in consensu ipso præter terminum & qualitatem distinguatur duplex actio, quarum vna sit non libera, & altera libera, & falsum fundamentum supponit, & multum derogat libertati, ut facile ex dicendis patebit.

*Punctum difficultatis distinctè explicatur.*

E Igitur ne in aliorum placitis referendis prolixiores simus (solum enim illa proponimus ut modus doctrinæ consideretur) illis prætermisissis, ut punctum difficultatis explicetur, & intelligatur difficultatis ratio, suppono in primis in ipso actu secundo, seu consensu libero voluntatis tantum illa duo inesse, & distinguere posse quæ paulo antea distinximus, scilicet fieri, & factum esse, seu actionem & terminum, seu qualitatem, & dependentiam eius: hæc enim omnia æquivalentia sunt. Et quidem illa duo in re ipsa aliquo modo distinguere ex philosophia suppono, & nunc non controuertitur, nec ad præsentis controuersias Theologicas multum refert, siue quis opinetur, illa duo in his actibus ratione tantum distinguere, siue ex natura rei, nam licet hoc posterius verius sit, tamen etiam permissio illo

Aliud notandum, quod in supernaturali consensu duplicem ponit actionem voluntatis, vnam initiatiuam, aliam consummatiuam.

9. Supponitur quædam re punctum difficultatis distinctè explicatur.

In libero consensu voluntatis tantum illa duo respiciuntur, scilicet, & factum esse.

illo primo, doctrina de auxilio efficaci non variatur. Dixi autem tantum illa duo, inueniri in libero consensu, quia ad rem explicandam maxime refert quod in consensu ipso neque plures qualitates, neque plures actiones, neque aliquod aliud genus entitatis, vel modi realis illius actus, in eo inesse fingatur. Hoc postremum per se notum videtur, quia discurrendo per predicamenta facile potest talis cogitatio refutari, & in re nullum habet fundamentum. Primum etiam est satis notum, & ab omnibus traditum quia vnus consensus si in predicamento qualitatis est, ut supponitur, non est nisi vna simplex qualitas, sicut est vna simplex tendentia formalis in vnum tantum obiectum. Neque in libero consensu ordinis naturalis aliud inuenitur, nec in supernaturali est aliqua ratio multiplicandi illas qualitates, imo hæc supernaturalia concipere, & explicare debemus ad instar naturalium seruata indifferentia in dignitate, seu excellentia actus, quæ in vna simplici qualitate cerni debet. Vnde argumentari possumus quia si essent duæ qualitates, vel vtraque esset ordinis naturalis, & sic ex vtraque simul non fieri vnus actus supernaturalis; vel vna esset naturalis, & altera supernaturalis, & sic tota supernaturalitas esset in vna, & altera frustra fingitur: vel vtraque esset supernaturalis, & ita quilibet per se spectata esset in suo genere perfecta, & sufficiens ad effectum formalem consentiendi, & tendendi completè in tale obiectum: ergo vna sufficit & alia frustra fingeretur. Quis enim vnquam cogitauit voluntatem v. g. credendi inuolueri duas qualitates, & idem est de similibus actibus simplicibus? Ita enim consideramus consensum in vnum simplex obiectum: nam si inuoluat plura obiecta, poterunt esse plures actus, ut est probabile de intentione finis, vel electione medij etiam si eodem tempore fiant, & de amore Dei, detestatione peccati, & similibus, & tunc erunt etiam plures consensus, vnumquemque autem per se considerando in illo tantum potest esse vna qualitas, & ita nunc loquimur.

10.

Vnde facillè concluditur secundum membrum de actione quod in præsentia maxime est necessarium, quia si quod gratiæ auxilium datur in ipso actu secundo voluntatis, illud maxime in actione ipsa considerandum est, tum quia qualitas ipsa, quæ est terminus actionis, potius est effectus auxilij, quam auxilium, tum etiam, quia tale auxilium requiritur ad iuuandum hominem ad agendum, homo autem primò, & immediatè efficit ipsam actionem; ergo in illa, & ad illam debet maxime adiuuari. Hinc ergo aliqui ex modernis in hoc, & præcedenti capite allegatis, ut declarent auxilium prædeterminans in ipsomet actu secundo distinguunt in illo duas actiones, quarum altera sit auxilium prædeterminans, & altera sit actio consentiendi, & illam dicunt esse priorem naturæ, & à solo Deo, hanc vero esse à libero arbitrio in posteriori naturæ.

11.

In vno simplici consensu, non est nisi vna actio simplex, & indiuisibilis.

Contra hoc ergo pro certo statuimus, in vno simplici consensu non esse nisi vnâ actionem simplicem, & indiuisibilem. Et in hoc nobiscum sentiunt Cumel. & Aluat. & interdum Ledesma, nam aliàs variè loquitur. At hanc partem in lib. 1. & 3. tetigi, & ideo nunc illa breuiter probatur. Quia ex parte termini illa actio habet vnitatem, nimirum vnâ qualitatem tamquam intrinsecum terminum per illam actionem productum, & vnum obiectum tanquam extrinsecum terminum, quem mediante ipsa qualitate respicit, & ex

A parte principiorum non multiplicatur; ergo est tantum vna. Probatur minor, quia licet ad illum actum effectiue concurrant Deus, & voluntas, per suammet entitatem, vel etiam per habitum infusum, aut aliam supernaturalem entitatem sibi inditam per modum principij & actus primi, nihilominus non procedunt à singulis principijs istis singulæ actiones, sed vna indiuisibilis ab omnibus; ergo etiam ex hac parte non multiplicantur. Probatur vltima propositio subsumpta, & primum de voluntate, quia voluntas, nihil potest agere sine Deo, & in supernaturalibus operibus nihil potest agere sine physico influxu actuali adiuuantis gratiæ: ergo nulla actio ibi intercedere potest quæ sit à sola voluntate; est ergo vna indiuisibilis à Deo, & ab ipsa, & à principio gratiæ. Et hac ratione cum D. Thoma dixi citatis locis vnâ esse indiuisibilem actionem à causa prima & secunda, quia nihil potest agere causa secunda sine immediato influxu causæ primæ, idem enim est cum proportionem in præsentia.

Et hinc facillè probatur ex parte Dei non multiplicari actionem tendentem ad talem consensum. Primo quia illa vnica actio, cum iam sit, à Deo, sufficit, nam per illam fit totius terminus, & in illa intimè consistit essentialis dependentia, vel causæ secundæ à prima, vel voluntatis à gratia, & à Deo ut auctore gratiæ in actibus supernaturalibus, ac denique in illamet saluatur excellentia, & eminentia causæ primæ, & gratiæ in suo genere, quia illa actio magis, ac principalius, essentialius est à Deo, & gratia, quam à voluntate; ergo superflue fingeretur alia actio solius Dei, vel solius gratiæ. Præterquam quod multa sunt quæ repugnent: nam illa actio quæ esset à solo Deo in voluntate, non posset esse vitalis; ergo non esset actus secundus voluntatis, nec haberet pro immediato termino qualitatem illam actualem, quæ est consensus voluntatis, nam illa intrinsecè est qualitas vitalis, & non nisi per actionem vitalem fit, saltem connaturaliter, quod nunc satis est, quia non sunt fingenda monstra, vel miracula peregrina in ordinario modo supernaturaliter operandi voluntatis; ergo si daretur talis actio Dei, non esset auxilium immediatum in ipso actu secundo, sed in aliam qualitatem, vel alium terminum & ita esset auxilium prædeterminans in actu primo, non in secundo, quem nunc inuestigamus. Item si aliqua ibi esset actio solius Dei, esset natura prior, quam actio voluntatis, nam ad hoc ponitur ut sit causa actionis voluntatis, & faciat illam facere, quid ergo per illam fit? Non enim fieri potest immediatè altera actio quæ sit à voluntate, tum quia ad actionem non est actio, tum etiam quia terminus actionis non est ab alio principio, quam ipsa actio, illa autem secunda, est ab alio principio, vtique à voluntate: neque etiam ipse consensus ut est qualitas quædam potest immediatè per illam fieri, tum quia, ut ostensum est, non fit sine influxu voluntatis: tum etiam, quia aliàs nihil nouum voluntas ageret, sed actum à Deo iterum ageret, & quasi conseruaret. Nam illa prima actio, quæ à solo Deo esse dicimur, non potest esse partialis tantum: tum quia debet in suo ordine esse perfecta, & efficax, & à sufficienti potestate procedens, tum etiam quia aliàs non posset fieri etiam secundum ordinem naturæ sine consortio alterius partialis actionis, & ita non esset præuia nec prædeterminans; ergo produceret prius totum terminum

12. Probatur, ex parte Dei non multiplicari actionem.



num, & sic voluntas non eluceret, sed quasi reproduceret, & conseruaret consensum suum. Vnde etiam sequeretur illam non liberè, sed ex necessitate recipere, & habere talem consensum, non est ergo in actu consensus talis actio; est ergo tantum vna.

### Corollaria ex precedenti doctrina.

13. Ex his nonnulla infero ad veram resolutionem questionis necessaria. Primum est actionem illam, per quam liber consensus supernaturalis, & ut supernaturalis sit, ita elici à voluntate per proximum principium gratiæ, illam adiuuans cum concursu Dei tanquam primæ causæ in illo ordine, ut tota à singulis illis principiis tam in suo esse, quam in sua inchoatione vel qualicunque emanatione prodeat. Probat, nam quod ab omnibus illis principiis simul effectiue oriatur, certissimum est à voluntate propter vitalitatem actus, & maxime propter libertatem, ut definit Concilium Tridentinum sess. 6. cap. 5. & can. 4. à principio physico gratuito seu supernaturali propter necessitatem gratiæ physicè adiuuantis, de qua supra libro 3. dictum est: à Deo ut à prima causa propter essentialem dependentiam, & subordinationem voluntatis creatæ ad diuinam. Quod vero sit ab omnibus, & singulis quoad totum suum esse, Probat, quia est indiuisibilis actio, & ideo non potest pars ab vno principio fieri, & pars ab alia; ergo tota à singulis. Item quia ille actus totus est supernaturalis, & gratiæ, & totus est vitalis, & liber, & totus est creatus, quæ rationes ita sunt inter se connexæ, ut postulent concursum omnium illarum causarum; nihil ergo est in illo actu, quod fiat ab vno ex illis principiis sine consortio aliorum. Vnde tandem concluditur, quidquid in illa actione sit tanquam intrinseca inchoatio eius, debere ab omnibus illis principiis, & à singulis illorum fieri, quia inchoatio actionis non est aliquid ab ipsa àctione distinctum, & quia ratio facta æquè in tali inchoatione, qualiscunque cogitetur, procedit.

14. Secundò hinc infertur actionem illam, qua sit consensus liber voluntatis, sub nulla ratione esse prius naturæ necessariam, quam liberam, neque in illa aliquid considerari posse prius non liberè factum, & postea liberè. Probat, primò quia illa actio quatenus non libera consideratur, vel est à solo Deo, vel est etiam à voluntate. Prior consideratio est omnino falsa, tum quia ostensum est, illam actionem non prius naturæ fieri à Deo, quam à voluntate, tum etiam, quia aliàs si solus Deus semel illam infunderet, in illa recipienda voluntas non esset libera; ac ex illa receptione necessitate plusquam physica (ut sic dicam) sequeretur consensus voluntatis siue formalis, siue etiam actiuus, seu actio eius; ergo nullo modo talis consensus posset esse liber, ut à fortiori ostendi potest ex dictis capitè.... Præterquam quod est contra rationem actus vitalis recipi prius naturæ, quam eliciatur.

Si autem actio in illo signo est à voluntate non potest concipi ut non libera, vel certè nunquam est libera. Probat, primò, quia illa actio est omnino indiuisibilis, tam in sua entitate, quam in modo, quo fit, quia in momento elicitur; ergo & secundum rem, & secundum omnem modum concipiendi semel tantum à voluntate elicitur; ergo vel elicitur necessario, vel liberè, & non potest secundum diuersas rationes, aut in diuersis

A naturæ instantibus illis duobus modis elici: Secundò istæ duæ conditiones liberi, & necessarij adeo sunt repugnantes, ut non possint simul inesse eidem actioni respectu eiusdem potentia, vel in eodem instanti naturæ, vel in eodem temporis instanti, quia inuoluunt contradictionem. Tertio si in primo signo intelligitur illa actio, ex necessitate elicità à voluntate non habet, unde sit magis, vel minus libera in eodem instanti temporis pro alio instanti naturæ, quia voluntas non elicit illam cum maiori iudicio rationis, nec cum maiori determinatione, aut auxilio efficaci ex parte gratiæ in vno signo, quam in alio. Præterquam quod si in primo signo actio illa est necessaria necessitate opposita libertati, eadem necessitate sequitur duratio illius actionis pro secundo signo naturæ; ergo in illo etiam destruetur libertas, iuxta doctrinam datam in capite.... Si vero in primo signo non est tanta necessitas, sed solius infallibilitatis falsum est, in illo signo actionem non esse liberam, nam eadem necessitas in secundo signo inuenitur; est ergo impossibilis illa doctrina. Accedit tandem quod illa signa naturæ in tali actione distingui non possunt præferim respectu eiusdem voluntatis hominis, ut à fortiori patebit ex sequenti illatione.

C Tertio infero, actionem illam non prius naturæ, & causalitate fieri ab vno ex illis principiis quam ab aliis, id est, à voluntate prius, quam à gratia, vel principio supernaturali physicè adiuuante, vel è contrario, neque etiam prius à libero arbitrio ut causa secunda, quam à Deo, ut causa prima. Hanc assertionem docent nobiscum sapienter citati Theologi, qui in asserenda physica prædeterminatione à nobis dissentiant, licet aliis locis, ut nos impugnent, ab illa recedere videantur, ut in sequentibus videbimus. Tamen illatio est euidentis ut in simili diximus in lib. 5. simultaneum concursum explicando, quia illa actio est vna, & indiuisibilis; ergo intra illam (ut sic dicam) non potest inueniri realis causalitas, quia idem non est causa sui ipsius; ergo non potest sub vna ratione esse prior, quam sub alia. Item illa actio essentialiter, vel intrinsecè pender ab illis omnibus principiis, & à singulis illorum; ergo non potest esse prius naturæ ab vno solo, quam à cæteris.

Quapropter reiiciendus est ille loquendi modus. Deum dare auxilium concomitans, non ut prodeamus in actum, sed ut adiuuet ad eliciendum actum in quem prodire caperamus. Ac si voluntas possit prodire in actum sine concursu concomitante Dei, vel possit inchoare actum prius naturæ, quam illum eliciat, vel quam Deus concursum inchoet, quæ sunt plane absurda. Nec minus falsum est, quod in alio loco idem Auctor dicit, consensum voluntatis ut exercitum non refundi in liberum arbitrium, etiam ut eleuatum per auxilium efficace. Nam si liberum arbitrium est vera causa efficiens illum consensum, iuxta doctrinam Concilij Tridentini sess. 6. can. 4. certe facit illum ut exercitum, quomodo ergo non refunditur in illud? Deinde idem Concilium in dicto, cap. 7. dicit gratiam vnicuique dari secundum propriam eius dispositionem, & cooperationem. Est autem dispositio per consensum; ergo sicut dispositio refunditur non solum in gratiam, sed etiam in cooperationem, ita & consensus. Item Augustinus lib. 83. quæst. 68. non reprehendit illum, qui sibi tribuit quod venerit vocatus, cum tamen hoc sit refundere consensum in liberum arbitrium Dices.

verum

15. Corollarium tertium.

16. Reiiciendus loquendi modus.

verum est actum illum reduci in voluntatem, ut in causam, vel concausam proximam, vltimatè vero esse reducendum in auxilium efficax. Respondetur de hac resolutione in vltimam radicem postea dicendum esse, nam magis pertinet ad ordinem prædestinationis & intentionis quam executionis, & quatenus fieri potest in ordine executionis sistit in vocatione, iuxta illud Augustini dicta q. 68. *Si quis sibi tribuat quod veneris vocatus, non potest sibi tribuere quod vocatus sit*, quæ vocatio est magis principium morale quam physicum. Vnde loquendo de efficacia physica consensus, & actionis consentiendi non potest resolui in solum auxilium, sed in voluntatem cum auxilio.

*Questionis resolutio.*

17. Nihil necessarium inuenitur in ipso actu consentiendi, quod sit auxilium efficax, quo voluntas physice prædeterminetur ad ipsummet consentum.

Ex his ergo videtur apertè concludi, nihil necessariò inueniri in ipso actu consentiendi, quod sit auxilium efficax, quo voluntas physice prædeterminetur ad ipsummet consentum. Probatur, quia talis prædeterminatio vel fit per ipsum actum secundum, ut intelligitur in termino, & in esse perfectæ qualitatæ, vel ut est actio in fieri ad illam qualitatem: neutro autem modo potest esse auxilium physice prædeterminans voluntatem; ergo non est tale auxilium. Primum membrum minoris manifestum est, tum quia consensus ipse (ut dicebam) sub illa ratione non est auxilium, sed est effectus intentus & comparatus per talia auxilia: tum etiam quia ille actus sic spectatus supponit voluntatem iam determinatam in actu secundo per ipsammet actionem per quam efficit talem consentum; ergo non potest ipse consensus prædeterminare voluntatem. Item quia prædeterminatio dicitur esse necessaria voluntati ad eliciendum consentum, quia non potest vel indeterminata agere, vel non habet vires, consensus autem ipse iam supponit totam actionem voluntatis, & per se non dat vires ad agendum aliud, nedum seipsum; hæc ergo pars eidentissima est.

Altera de actione probatur primo ad hominem ex principio ab aliis posito, quod voluntas nihil potest agere non prædeterminata, inde enim optime inferitur, quod actio prædeterminans voluntatem non potest esse elicitæ ab ipsa voluntate, quia aliàs efficeret illam nondum prædeterminata, conditio enim necessaria ad agendum debet supponi actioni, saltem ordine naturæ, quod autem fit ab ipso principio efficiente, non supponitur ad actionem eius; ergo si prædeterminatio fieret à voluntate, non supponeretur ad actionem voluntatis; ergo non esset conditio necessaria, ut voluntas ageret; ergo ageret voluntas nondum prædeterminata, quod est contra hypothefin. Quin potius, ut supra dicebam, est repugnantia in verbis, quod voluntas eliciat actionem, & quod actio illa sit prædeterminatio eius, quia in eodem signo, in quo illam elicit, flectitur ad illam potius quàm ad aliam; ergo determinatur formaliter per illam actionem, nondum prius natura determinata, & effectiue determinat se non prædeterminata ab alio. At vero ostensum est vnicam actionem illam non fieri sine influxu ipsius voluntatis; ergo per illam non prædeterminat Deus voluntatem.

18. Responderi solet illammet actionem non posse fieri à voluntate humana nisi influente diuina, & per illum influxum, ut est à Deo prædeterminati physice voluntatem humanam ut suum cursum adiungat, quia ille influxus Dei sine dubio est

A physicus, & est prior ordine naturæ, quia prima causa prius natura agit, quam secunda. Et hoc argumèto nos maxime premunt Cabrera, & Cumel, ut saltem hanc prædeterminationem physicam negare non possimus: & ut ex illa conuicant, argumenta supra à nobis facta ad probandum, physicam prædeterminationem in actu primo tollere libertatem, non esse efficacia, quia in hac prædeterminatione in actu secundo instantur. Veruntamen ratio est longe diuersa, nam in hoc auxilio nulla est propria prædeterminatio ex parte Dei, sed con-determinatio, ut sic dicam, nisi in verbo prædeterminandi sit æqui-uocatio, quam sæpe aliàs declarauimus.

B Primò enim cum voluntas se determinat ad consentum, id non facit sine physico influxu, & coëfficientia Dei siue cooperantis per gratiam aliquam physice adiuuantem, siue concursum causæ primæ in illo ordine præstantem. Ille vero concursus non est præuius, sed simultaneus, & similiter ille actualis influxus gratiæ adiuuantiæ simultaneus est tam tempore, quam natura, cum cooperatione ipsius liberi arbitrij, ut proximè ostensum est; ergo talis influxus, ut est à Deo non est prædeterminatiuus voluntatis, sed tantum cooperatiuus in quocunque signo temporis, vel naturæ consideretur. Nam auxilium prædeterminans ex vi illius particulæ, prædicat aliquam antecessorem saltem causalitatis, & naturæ ad propriam determinationem voluntatis, & in hoc sensu tractatur quæstio. Et ideo etiam ab aliis auctoribus cōdistinguitur concursus simultaneus à præuiuo, seu prædeterminante.

C Secundo prædeterminans auxiliū dicitur ab his auctoribus influxus in causam, & non proximè in effectum; ille autem influxus Dei imbibitus in actione, qua voluntas facit suum consentum, non est influxus in causam, sed in actionem, seu effectū causæ, quia intimè imbibitur in ipsa actione; ergo ille non prædeterminat voluntatem. Instat vero, Cumel, quia illa actio est in voluntate; ergo non potest ille influxus esse in effectum, quin sit etiam in causa. At hoc modo committitur æqui-uocatio, & nimis materialiter consideratur voluntas; duplicem enim habet actionem, & potentiam receptiuæ eiusdè actionis in posteriori natura postquam facta est, seu iam fit. Influxus ergo in causam est ille, qui præcedit in causa prius natura, quam operetur, & in illa fit ut illam compleat, vel applicet ad agendum; at ille concursus vel influxus non ita recipitur in voluntate, sed solum tanquam in potentia passiuæ, quæ recipit ipsam actionem, in qua immediate ille influxus imbibitur. Sicut influxus quem præbet ipsa voluntas, etiam recipitur in ipsa, non formaliter, ut in causa agente, sed ut in materia seu subiecto talis actionis.

E Tertiò idem declaratur, quia voluntas prius natura considerata, quam Deus illum influxum præbeat, est omnino indifferens & indeterminata, quia natura sua talis est, & nondum intelligitur aliquid recepisse quo determinetur, sed ab illo statu immedia, reducitur ad actionem, qua elicit suum actum secundum quam actionem simul cum Deo efficit; ergo non operatur, & elicit actionem ut prædeterminata, & consequenter non prædeterminatur per concursum, vel influxum imbibitum in eadem actione. Probatur consequentia quia inter illud signum naturæ, in quo præexistit indifferens & aliud, in quo actionem iam elicit, non datur medius status, seu medium instans naturæ, in quo intelligatur prædeterminata à Deo per illum influxum; quia ostensum est inter illum influxum

19.

20.

influxum Dei, & influxum voluntatis, non esse ordinem naturæ nec causalitatis; ergo in hoc modo agendi, & secluso prævio influxu immediato in potentia ipsa voluntatis non esse necessaria vera & propria prædeterminatio.

21.

Addo semper illa verba, *vera*, & *propria*, quæ etiam dici potest uniuoca prædeterminatio. Quia æquiuocando in verbo prædeterminandi potest quis illam Dei actionem vocare prædeterminationem, quia per illam actionem voluntas se determinat; Ideoque cum eandem actionem Deus faciat, potest etiam dici per illam determinate voluntatem, quamuis non sine illa libere, & omnino simul cooperante. Vnde vltcrius quia eadem actio principaliori, ac excellentiori, magisque independenti modo est à Deo, quàm à voluntate, ideo ad hoc significandum potest illa determinatio à Deo dici prædeterminatio. Sed hoc dico tantum esse verbo ludere significationem eius mutando, per quod omnino à propria questione diuertimur. Nam in illo usu verbi particula *præ* non significat ordinem causalitatis, neque indicat aliquod auxilium efficax quo dentur voluntati vires ad operandum, nec significat determinationem, quæ in voluntate fiat, ut operari valeat, sed significatur solum excellentia, & maior perfectio influxus diuini, seu illius actionis prout est à Deo, quàm ut est ab hominis voluntate. In quo sensu nulla est questio de prædeterminatione, cum tota difficultas consistat in antecessione causalitatis, quæ dicitur auxilium efficax facere, ut voluntas faciat efficienter, ac physice, & causaliter prædeterminando voluntatem ipsam.

22.

Quodd facile declaratur ostendendo rationem difficultatis longè disparem inter hoc auxilium simultaneum, & prædeterminans causaliter, quam P. Cumel. & alij enixè, & frequenter postulant. Nam in hoc simultaneo influxu Dei cum voluntate ad eius primam determinationem influxus Dei non ponitur, nisi cum dependentia eiusdem numero actionis indiuisibilis à libera cooperatione voluntatis, & ideo illa determinatio numquam est suppositio antecedens causaliter liberum voluntatis usum, sed illum potius intrinsecè includit, ideoque quantumuis ille influxus Dei propter suam excellentiam vocetur prædeterminatio, numquam per particulam *præ* significatur suppositio antecedens necessitans voluntatem ad cooperandum, sed solum dicit ita esse simul, cum cooperatione voluntatis, ut cum illa dignior, & excellentior sit, de quo nemo dubitat. Altera verò prædeterminatio causalis inducet antecedentem necessitatem, quæ in dicto auxilio simultaneo non inuenitur, & ideo dicimus ex parte illius vel esse non posse, vel saltem non esse veram, & propriam determinationem de qua loquimur. Vnde cum Ledesma, & alij suprà citati dicunt Deum esse qui prædeterminat voluntatem, & nihilominus voluntatem in eodem signo naturæ efficere prædeterminationem suam loquantur de prædeterminatione æquiuocè, & in hoc posteriori sensu vel fugiunt difficultatem, vel certè solis verbis à nobis dissentiant, non in re. Ille tamen sensus non potest consistere cum multis aliis doctrinis, quas de hac prædeterminatione tradunt, nec cum distinctione auxilij efficaci physice prædeterminantis ab auxilio simultaneo. Si autem in sensu proprio, & vsitato inter nos de prædeterminatione loquantur, repugnat profecto prædeterminationem fieri actiue à voluntate libere cooperante, cum ad hoc illi detur à Deo, ut ipsa suam primam actionem, ac primum influxum

A inchoare valeat, quia (ut ipsi supponunt) præexistens determinata id facere non potest. Ablata ergo vera prædeterminatione, quæ per actionem præuiam & solius Dei, & distinctam in re ab actione voluntatis fiat, nulla relinquitur prædeterminatio vera ex vi solius simultanei influxus, quem Deus ut prima causa, & auctor gratiæ habet in talem actionem voluntatis.

## CAPVT XXIII.

B *Vtrum concursus simultaneus ut est à voluntate Dei semper ac necessario habeat vim prædeterminandi physice voluntatem.*

Priusquam fundamento contrariæ sententiæ respondeamus, oportet de alio sensu questionis dicere, quia possunt illius sententiæ auctores in hoc posteriori sensu suam opinionem interpretari, & discursum à nobis factum enervare, adhibita quadam distinctione, quam de prædeterminatione in actu primo supra retulimus, & hic potest apparenter accommodari. Nam concursus, seu auxilium Dei dupliciter spectari potest, primo secundum se, & secundum suam præcisam entitatem, secundo ut procedit à voluntate efficaci Dei, qua vult hominem efficere talem consensum. Priori ergo modo verum est concursum illum non habere vim prædeterminandi voluntatem, quia suo modo pendet à libera, & simultanea cooperatione eius. Et hoc probant omnia quæ in præcedenti discursu dicta sunt, & id fortasse non negabunt contrariæ sententiæ defensores, cum etiam de auxilio prævio interdum id doceant, ut vidimus. At verò spectatus ille concursus posteriori modo videtur habere vim determinandi, & prædeterminandi voluntatem humanam. Probat, quia ut procedens ab illo decreto diuinæ voluntatis participat totam vim, & efficaciam illius, sed illud decretum Dei est efficacissimum ad determinandum libere voluntatem nostram; ergo & ille influxus Dei ut ab illo decreto manans habet eandem vim. Minor probatur, quia non potest nostra voluntas resistere in tali decreto voluntatis diuinæ, ut est de fide certum, vnde posito illo decreto, quod Deus efficaciter vult, ut ego liberè velim, fieri non potest, quin velim, & liberè velim, ergo mea voluntas manet determinata ad talem actum ex vi diuini decreti. Vnde cum illud decretum antecedit hominis consensum, vere dicitur per illud prædeterminari, & quia illius decreti efficacia non mandatur executioni, nisi medio auxilio simultaneo, ideo tale auxilium non ex se, sed ob respectum ad tale decretum dicitur prædeterminare voluntatem, & habere quandam veluti eminentem antecessorem ad illam prædeterminandam.

I.  
De alio sensu questionis.

Auxiliu Dei dupliciter spectari potest.

E Nihilominus assero etiam hoc modo non esse necessariam prædeterminationem physicam voluntatis humanæ ad liberum consensum præstandum, postquam sufficienter præuenta, & excitata est, habetque omnia auxilia gratiæ necessaria ex parte principij proximi, ad physice efficiendum talem actum. Ita tenent Auctores omnes moderni in cap. 10. & 11. allegati, & in capite sequenti allegandi. Nunc enim non dico hunc modum prædeterminationis in prædicta responsione esse impossibilem,

2.



possibile, vel simpliciter, vel cum usu libertatis, id enim videbimus capite sequenti, sed solum dico non esse necessarium ad omnes & singulos actus, seu consensus supernaturales nostræ voluntatis. Ratio est, quia non est necessarium, ut concursus simultaneus quem Deus præbet ad singulos actus supernaturales, procedat ex illo decreto absoluto voluntatis Dei, quale in dicta responsione explicatur, sed tota ratio illius prædeterminationis dicitur esse tale decretum; ergo neque talis prædeterminatio necessaria est ad singulos actus. Consequentia cum minori evidentes sunt ex dictis maior autem probatur, quia illud decretum non est necessarium, ut voluntas humana constituatur in actu primo completo, & ita perfectio, & sufficiente ad præstandum consensum, vel elicendum quemeunque actum supernaturalem, ut solum indigeat concursu actuali, & simultaneo: tum quia sublato è medio auxilio prævio (ut supponimus) nihil aliud fingi potest necessarium, tum etiam, quia sæpe ostensum est illud esse de ratione auxilij sufficientis, quod proxime antecedit effectum liberæ actionis. Nam esse potest in his qui non consentiunt, & tamen illis non datur ex vi illius decreti, ut per se notum est; ergo ad habendum omne auxilium necessarium proxime ante concursum simultaneum, non est necessarium illud decretum. Neque etiam est necessarium ad ipsum concursum præstandum. Ergo nulla superest ratio, ob quam illud decretum simpliciter necessarium sit. Hanc consequentiam nunc ut clarum suppono, quia ad producendos effectus per causas secundas, per se loquendo, & quantum est ex parte ipsorum effectuum, vel ex indigentia causarum secundarum solum illud decretum, & ea tantum efficacia ex parte diuinæ voluntatis necessaria est, quæ ad præstandum generalem concursum effectui accommodatum sufficiens fuerit, quidquid sit, an ex parte Dei intercedere possint alia decreta prædefinitiva, de quibus sæpe tactum est, & infra cap. .... dicturi sumus. Nunc ergo solum superest probanda minor propositio, ad quam tota huius puncti difficultas reuocatur.

3. Ad concursum simultaneum præstandum, non est absolutum Dei decretum necessarium.

Quod ergo ad concursum simultaneum præstandum, non sit absolutum Dei decretum necessarium. Probatur primò ex obiecto illius decreti, nam per illud proximè solum vult Deus concurrere cum voluntate, sed in ipso nomine, & ratione concursus includitur, ut non solus Deus faciat talem effectum, sed cum alio simul coëfficiente; ergo ex vi talis obiecti non est absolutum necessarium, & efficax decretum de tali effectu futuro, sed solum de concursu cum alio, in quo includitur cōditio, si alius coëffecerit. Dices imò eo ipso, quod Deus vult concurrere, vult etiam hominem cooperari, nam concursus est plurium cursus, & ideo si Deus absolute vult concursum cum voluntate, vult etiam ipsam voluntatem operari, & ita vult etiam absolute consensum eius. Sicut si Deus vult absolute vnum correlatiuorum esse in rerum natura, eo ipso vult etiam aliud: ut si voluit Abraham habere filium, voluit etiam illum esse patrem, concursus autem includit alium concurrentem quasi correlatiuum; ergo absoluta voluntas vnius includit similem voluntatem alterius. Respondeo duobus modis posse aliquem concurrere cum alio, vno modo absolute volendo vtriusque concursum, alio modo volendo tantum suum concursum ex suppositione alterius, vel sub conditione, si alter velit concurrere, vtrum-

que enim modò experimento humano cognoscimus, & certe posterior modus est frequentior inter homines. Seruata ergo proportionem dicimus, esto possit Deus priori modo velle actionem voluntatis humanæ, & ita simul absolute velle & suam, & voluntatis humanæ efficientiam actualem (de quo dicemus capite sequenti) nihilominus illum modum volendi non esse necessarium ad concursum Dei, sed satis superque esse secundum, quia Deus potest velle præstare suum influxum, non simpliciter, & absolute, sed quantum est ex se, & subintellecta conditione, si per humanam voluntatem non steterit. Quid enim repugnat Deum ita velle? Si autè non repugnet ponamus id voluisse, certe illud sufficiet ad concurrendum actu, si per hominem non steterit, quia Dei voluntas semper permanet, & de se est efficax, ideoque licet conditionata sit dum completur conditio transit in absolutam, & habet effectum; illa ergo sufficit ad concursum ad extra præstandum; ergo aliud decretum magis absolutum non est simpliciter necessarium.

Secundò probatur eadem propositio inductione, seu argumento sumpto ex concursu ordinis naturalis. Nam ut Deus hunc concursum præbeat humanæ voluntati ad actus naturalis ordinis non est necesse ut talis cōcursus procedat ex absoluto, & efficaci decreto, quo Deus velit hominem hoc, vel illud velle, ergo neque ad præbendum simultaneum in ordine gratiæ est necessarium illud decretum. Consequentia probata est in lib. 3. quia licet concursus generalis gratiæ sit nobilioris generis in ordine entis, tamen in modo quo datur, vel offertur causæ secundæ, eandem proportionem seruat, quia nulla ratio diuersitatis intercedit. Quia ante hunc concursum gratiæ supponitur data volūtatī omnis gratia necessaria, in actu primo complete ad volendum, & ita ei offertur concursus, ut in manu eius relinquatur ex parte sua concurrere, vel non concurrere, & sic etiam impedire, ne Dei concursus ad extra exeat; ergo seruat proportionem quoad modum concursus ordinis naturalis.

Iam ergo probatur antecedens inductione in actibus peccatorum: Deus enim non præbet suum concursum ad illos, prævolendo illos absoluto decreto, quo velit hominem habere talē actum, præsertim prius ratione, quàm præuiderit voluntatem hominis fuisse ad talem actum determinandam; id enim, & diuinæ sapientiæ, ac bonitati repugnat, & sanctis Patribus dicentibus, Deum non prædestinare actus malos, & videre, licet maxime in Prospero ad Gallos c. 1. & ad Vincentium c. 6. 10. & 11. Quid est enim prædestinare generaliter sumptum, prout ad singulos actus applicatur, nisi ex se absoluto, & efficaci decreto destinare, aut velle ut aliquid fiat. Non habet ergo Deus hoc decretū circa actus malos, etiam ut sunt effectus quidam, & reales volitiones; quia ut ibi dixit Prosper, *Deus non iniecit homini, aut damoni huiusmodi affectum, aut voluntatem.* Propter quod dixit etiam Augustinus in Enchirid. cap. 31. *Scriptum non esse, non est voluntas nisi à Deo, quia verum non est, licet omnis potestas sit à Deo.* Et propterea etiam sub disunctione in eod. lib. cap. 95. dixit. Nihil fieri nisi quod Deus velit, aut volendo, aut sinendo, ut fiat, & alia multa loco allegato adduximus. Et in Prolegomeno 2. & in sequentibus agendo de prædefinitionibus, aliquid addemus. Præbet ergo Deus concursum ad reales actus peccatorum, sine illo prævio decreto suæ voluntatis, quo ex se absolute velit talem hominem consensum præstare,

4. Probatur argumento sumpto ex concursu ordinis naturalis.

5.

stare, sed solum per voluntatem concurrenti, homine ipso cooperante, in quo tacita includitur conditio; ergo signum est, per se, & ex generali ratione concursus nihil aliud esse necessarium, ac subinde neque in actibus bonis vel supernaturalibus illam necessitatem inueniri.

Et declarari potest, quia ut Deus faciat non oportet ut velit vel voluerit, quod alius facturus, sed satis est ut velit quod ipse facturus est. Nam ut Augustinus etiam dixit. Ea tantum predestinat, quæ est ipse facturus lib. de predestinat. sanctorum cap. 10. Ergo ut concurrat, satis est ut velit suum influxum, etiamsi non velit influxum voluntatis humanæ, sed illam dari sinat, ut citato loco dicit idem Augustinus, vel permittat, ut in aliis locis habet. Neque obstat quod in re hi duo influxus non distinguantur, quia nihilominus potest Deus mente discernere illam actionem, ut est à se, & ut est à voluntate creata, & ita illam velle quantum est ex se sub priori respectu, non tamen sub posteriori, sed tantum sinendo, aut permittendo, vel etiam oprando, iuxta capacitatem materiæ, ut à voluntate humana fiat.

6.  
Probatur ab  
inconueniē-  
ti.

Tertio idem probamus præcipue ab inconuenienti tractato cap. 11. Quia si ad consentiendum gratiæ vocanti necessarius est concursus Dei ad extra manans, ex illo decreto absoluto Dei ad intra, sequitur eos qui carent tali concursu, simpliciter, & absolute non posse consentire gratiæ vocanti; hoc autem omnino falsum est, ut sæpe diximus & probauimus, & ab aduersariis, sub his verbis non admittitur; ergo etiam est falsum tale decretum esse necessarium. Probatur sequela, quia supposita illa necessitate, ille, qui caret concursu in se recepto, nunquam habet illum in potestate sua; ergo nec consensum habet in potestate sua, ergo non fuit potens ad consentiendum. Qui enim simpliciter potest consentire, prefecto habet consensum in potestate sua, quia non potest, nisi ratione huius potestatis; ut autem sæpe ex Augustino diximus id habemus in potestate nostra, quod si volumus facimus, non potest autem hoc modo habere homo in potestate sua consensum nisi etiam habeat concursum Dei oblatum, ac proinde positum in sua potestate. Quia concursus ordinis gratiæ est simpliciter necessarius ad consensum supernaturalem; ergo qui non habet concursum in re ipsa si neque in sua potestate illum habet, ita ut infallibiliter detur, si velit, profecto neque consensum habet in sua potestate. Quod autem iuxta illam sententiā homo non habeat concursum in sua potestate probatur, quia ipse concursus nec datur nec dari potest, sine illo decreto antecedente voluntatis Dei, ut in illa sententia supponitur, sed Deus non habuit tale decretum æternum circa hominem, qui in tempore illum concursum non recipit; quia decretum illud cum sit efficax, & absolutum non caret effectu, neque homo potest aliquid facere, ut Deus habeat tale decretum; ergo nullo modo habet in sua potestate talem concursum.

Concursus  
ordinis gra-  
tiæ est sim-  
pliciter ne-  
cessarius ad  
consensum  
supernatura-  
lem.

7.

Respondent decretum Dei non esse necessarium ad posse, sed ad agere, & ideo licet Deus non habuerit decretum, hominem posse agere, licet acturus non sit. Sed contra, quia ut supra de concursu dixi, licet in se tantum sit necessarius ad actionem, tamen habere illud oblatum, est necessarium ad potestatem agendi, non offertur autem per decretum Dei; ergo quod supponatur decretum in suo ordine sufficiens, est necessarium solum ad agere, sed etiam ad posse. Et declaratur facili, & humano modo ex illo axioma. *Id possumus quod per*

**A** *amicos possumus.* Quo D. Thomas 1. 2. q. 109, art. 4. videtur ad conciliandam libertatem arbitrij cum necessitate gratiæ. Illud enim axioma verum habet, quando, vel amicus paratus est ad auxiliandum, vel saltem auxilium eius ab altero potest impetrari, & obtineri. Si autem amicus omnino ex suo arbitrio decreuisset non adiuuare alium, neque alter posset illum ab illa voluntate mutare, profecto non haberet in tali casu locum axioma illud *Id possumus quod per amicos possumus*, & simpliciter esset homini impossibile, quod sine adiutorio talis amici facere non posset. In præfenti, ergo applicatur illud axioma, quia licet causa secunda non possit suum effectum facere, sine concursu, seu adiutorio primæ, nihilominus simpliciter potest facere effectum suæ virtuti proportionatum, quia causa prima de se parata est ad concurrentium, & consequenter voluntate sua offert illi concursum, quia Deus non aliter est paratus, nec indiget alia præparatione, nisi voluntate sua. Vnde si absolute, & efficaciter, ac ex se Deus ab æterno decreuisset non iuuare causas secundas in agendo, simpliciter non possent suos effectus producere, quia nec per se, nec per amicum ut sic dicam, possent operari.

Et ne quis tergiversetur dicendo, quod semper intrinsecam suam potestatem retinerent, oportet aduertere sermonem esse de potentia simpliciter, & proxima, quæ includit omnia requisita in actu primo, seu in præparatione. Et ut nullus sit dubitandi locus, maxime id est verum. Loquendo de potestate morali, quæ necessaria est, ut possit imputari non agentis carentia actionis, si illam omittat. Ita igitur voluntas per gratiam excitata, & in actu primo sufficienter constituta, licet indigeat simultaneo influxu, & concursu gratiæ, nihilominus est simpliciter potens ad consentiendum, quia quoad influxum habitus, vel alterius principij proximi sibi inhaerentis, habet illam ad nutum suum, quia habitu etiam infuso, vel simili principio videtur, cum vult, quoad influxum vero Dei oportet, ut habeat illum ita paratum, ut infallibiliter derur, quantum est ex parte Dei; ergo contrarium si Deus non est ita paratus, nec nostra voluntas est moraliter potens, nec illi potest imputari, quod careat concursu, & consequenter neque quod careat operatione; ergo simpliciter, & humano modo loquendo non potest, quia sola potentia physica, quæ in illa manet parum profecto refert ad liberam potestatem, cui carentia actionis imputetur. Confirmatur quia impossibile est, me habere in potestate mea effectum, nisi habeam actu, vel in mea potestate quidquid necessarium est, ut effectus fiat; quia si non habeam in mea potestate omnia necessaria poterit effectus non sequi ex defectu prioris auxilij, vel concursus necessarij, magis quàm ex defectu meo. Nam si decretum Dei est necessarium, & non ponitur, nec ego possum facere ut ponatur, cur potius meo defectui imputatur quod non sequatur talis effectus, quam defectui diuini decreti? Planè non video.

Quod autem Deus non sit paratus ad concurrendum, si necessarium est decretum illud, probatur multipliciter. Primo quia Deus non est paratus, nisi per aliquam determinationem liberam voluntatis suæ sufficientem ad effectum æternum quantum est ex parte Dei, tunc autem Deus non habuit talem determinationem, ut supponitur, nec denuo potest illam inchoare, ut est certum; ergo: Secundo eo ipso quod Deus non habuit illud decretum, habuit positum decretum non concurr-

8.  
Aduertendum.

tendi

rendi tunc ad talem consensum, vel concurrendi ad aliquem contrarium, quia Dei voluntas in suis decretis liberis non manet suspensa, sed inter opposita aliquid statuit; ergo repugnat Deum paratum esse ad concurrendum, facta hypothese, quod non decreverit concurrere. Quis enim dicat Deum esse paratum ad dandum, vel faciendum quod ex se absoluto decreto statuit non dare, vel facere? Terrio carentia talis concursus non potest moraliter imputari; ergo signum est, non esse in potestate, nec Deum paratum esse ad dandum illum. Antecedens patet; constituamus enim hominem sufficienter vocatum prius natura, quam voluntas eius ad consensum, vel dissensum determinetur, & quod Deus non decreverit dare talem concursum, sed alium, quid quæso facit homo, ut talem concursum recipiat? nihil certe responderi aut cogitari potest, quod ad rem pertineat.

9. Eadem est ratio de concursu simultaneo, ac de prævia prædeterminatione inhzente homini.

Et hic applicari possunt omnia quæ in simili discursu diximus, de prævia determinatione inhzente homini. Nam reuera eadem est ratio de extrinseco decreto Dei, seu de concursu simultaneo, si ab illo decreto necessario pendet, quia quod tale decretum nobis non inhzereat, sicut prædeterminatio in actu primo, parum refert si necessitas est eadem, & antecedens omnino ad nostram libertatem, ita ut ab illa non pendeat poni, vel non poni tale decretum, ut reuera pendere non potest, si illud est antecederenter necessarium, & pro solo Dei arbitrio datur, vel negatur. Quia quando Deus non habet tale decretum non est ex præscientia alicuius liberi usus arbitrij, sed ante omnem præscientiam, ut illi authores consequenter dicunt: nec est propter aliquam dispositionem arbitrij positivam, vel negativam quia utraque supponit decretum concurrendi, vel non concurrendi Dei, ut facile patet ex supra dictis. Et hoc optime declarat, & confirmat ratio supra tacta de concursu, quia si concursus datur per decretum absolutum determinatum ad unum actum, nunquam voluntas est indifferens proximè ad plures actus, & proinde se habet ad alios omnes extra illum ad quem decrevit Deus concurrere, ac se haberet ad omnes, si Deus decrevisset ad nullum concurrere, tum autem nullum posset operari, nec liberè aliquem omitteret, sed omnibus ex necessitate careret; ergo & nunc necessitate caret illis ad quos Deus suo solo arbitrio decrevit non concurrere. Ergo in particulari loquendo de actu gratiæ, qui caret concursu ad illum, & habet determinatum concursum ad aliquem alium solum, non liberè, nec cum potestate morali actus gratiæ omittit. Ergo cum necessitate talis decreti non potest saluari potestas moralis, & libertas consensuendi in his, qui carent necessario concursu.

10. Nec est simile de auxilio simultaneo, ut solet nobis obiici, si ponamus illud non pendere necessario, ac essentialiter ex illo decreto absoluto, sed ex alio innolente conditionem, quale nos explicuimus. Nam si concursus dari potest ex vi decreti conditionati optime intelligimus, quamvis homo sufficienter vocatus non recipiat actu simultaneum concursum, nihilominus Deum de se paratum esse ad illum dandum, & habere circa talem hominem simile decretum, quia stante tali decreto, stat non habere in re effectum, quia non est omnino absolutum, & Deus ipse ita temperavit illud, ut cooperante alio ageret ad extra, non vero cooperante non ageret. Est enim Deus maxime Dominus suæ potestatis quoad vsum, & suæ actionis ad extra, & ideo potest vno vel alio modo illà velle iuxta con-

Fr. Suarez de Gratia Pars I I.

A silium voluntatis suæ. Et inde facile etiam intelligitur habere hominem sic vocatum in sua proxima potestate consensum quia in genere causæ proximæ per vires gratiæ in se receptas, cum potentia obedienciali suæ voluntatis, potest illum consensum elicere, & per amicum, id est, per Deum, habet paratum concursum gratiæ, & ita habet illum in potestate sua, ut iam posita suppositione ex parte Dei ex suo arbitrio, & concomitante influxu pèdeat habere, vel non habere ad extra talem concursum. Est ergo longe diuersa ratio de auxilio etià simultaneo pèdente, vel non pèdente à tali decreto, & ideo dicimus tale decretum non esse necessarium.

Vnde consequenter sequitur, nec prædeterminationem physicam per immediatum influxum Dei in actum consensu posse esse necessariam. Ac proinde cessat distinctio supra nobis obiecta. Nam siue illa sit possibilis, siue non (de quo statim) negamus esse necessarium ad liberum consensum supernaturalem auxilium simultaneum habens respectum ad tale decretum, quia ipsum decretum necessarium non est, & sine illo potest dari simultaneus consensus, seu auxilium in actione ipsa voluntatis inhibitu. Sicut autem dari potest ita verisimilius est, de facto dari, vel semper, vel frequentius, quia ille est modus magis accommodatus libero arbitrio, & nulla est ratio fingendi semper aliud modum determinationis, si aliunde ex se ipsa, & ex dependentia, vel subordinatione causæ secundæ ad primam, vel ex peculiari conditione actuum gratiæ id non ostenditur. Occurrebat autem hic difficultas, quia sequitur, aliquid fieri in rerum natura sine voluntate Dei, saltem efficaci, & absoluta ipsius effectus, utique actus liberi. Facile verò respondetur negando sequelam, quia quod fit volente Deo ad id concurrere, non fit sine voluntate Dei, siue det concursum per antecedens decretum absolutum, siue per concomitans ex parte obiecti, ut in lib. 1. explicavi. Nam D. August. locis citatis prius absolute dixit, nihil fieri, nisi quod vult Deus, & postea addidit, vel volendo, vel sinendo ut fiat.

Vnde ad secundam partem duplex distinctio est adhibenda. Vna est de malis actibus, vel bonis. Nā de malis concedimus, & omnino affirmamus fieri sine beneplacito Dei, & ipso non volente absolute & efficaciter, ut actus fiat, siue prius, ratione, quam illum futurum esse præsciat, siue etiam postquā illū futurum esse prænouit, quia sibi nullo modo placet, nec illum simpliciter vult, sed vellet potius nō fieri. licet noluerit illum impedire, nec concursum ad illum negare, & postea illū ad prænam, vel ad aliud quod bonam ordinet. In bonis autē actibus, & præsertim supernaturalibus, triplex volūtas Dei distinguenda est, utique, intentionis, executionis, & coplacentiæ. prima antecedit effectū actus, & non est proximū principiū physicum eius; secunda comitatur actū modo supra explicato in lib. 3. Tertia subsequitur actū iam præuissum absoluta scientia visionis, de qua dictū est. *Vidit Deus cuncta quæ fecerat & erāt valde bona.* Dico ergo actū bonum, & gratiæ fieri posse sine prævia Dei voluntate absoluta exequēte, quia sufficit volūtas cōfinitās virtute cōditionē includēs. Nunquā vero fit sine voluntate beneplaciti Dei cōsequēte, & probabile est maxime quoad actus gratiæ non fieri sine decreto absoluto diuinæ volūtaris, per modū intētionis antecēdētis, quæ ad ordinē prædestinationis, non executionis pertinet. Sed de hoc decreto, quomodo à voluntate exequente differat, & cur minus repugnet arbitrij humani libertati, sæpe iam dictum est, & infra magis declarabitur.

11.

Difficultas

Soluitur.

12.



## CAPUT XXIV.

*Verum auxilium efficax prædeterminans  
physicè voluntatem influendo im-  
mediatè in actum eius liberum  
possibile sit.*

1. **I**N superiori capite vidimus, necessitatem huius auxilij pugnare quoad specificationem circa supernaturales actus, id est, non relinquere potestatem moralem faciendi illos in his, quibus tale auxilium denegatur, nunc videndum est, an tale auxilium datum repugnet libertati quoad exercitium, & ideo possibile non sit saltem salva actus libertate. Aliqui enim moderni Theologi qui nobiscum sentiunt in his quæ hætenus contra physicam prædeterminationem auxilij efficacis diximus, in hoc puncto docent, hoc genus physicæ prædeterminationis non repugnare cum libertate actus ideòque non solum esse possibile, sed sæpe etiam dari præsertim ad quasdam miraculosas, & efficacissimas conversiones ut Pauli, Matthæi, Magdalene & similibus, vel ad actus, qui ex quadam singulari gratia, & privilegio conceduntur, ut fuerunt fortasse omnes actus Beatissimæ Virginis in via, præsertim vero ille qui Angelicæ annuntiationi assensum præbuit. Et hanc existimo fuisse opinionem F. Ioannis Vincent. quantum ex his, quæ & Ledesma refert, & ab aliis audiui, coniectare possum. Nam ut supra dixi eius scripta videre non potui. Eandem sententiam P. Lorca ex professo docuit novus quidam Scriptor non indoctus, & constanter affirmat esse doctrinam D. Thomæ & Scoti, imò & Sancti Augustini. Sed de auctoribus infra dicam, nunc vocatione tantum, vel physica, vel Theologica ex principiis fidei agendum est.

Theologi  
quidam mo-  
dèrni, quid  
in hoc pun-  
cto doceant.

2. Quo in  
fundamen-  
tum huius  
sententia.

Fundamentum huius sententiæ videtur esse, quia licet ut homo supernaturalem consensum præbeat, necessarium non sit, ut Deus ex voluntate efficaci, & omnino absoluta illum moveat auxilio illo simultaneo, non tamen videtur dicendum Deum id facere non posse. Primum quia multum derogat omnipotentia Dei, nam ut D. Thomas 1. p. q. 19. art. 8. & 1. 2. q. 10. art. 4. & sæpe alii docet, divinæ potentia non tantum subsequitur actus voluntatis, sed etiam modus eius, utriusque quod libere fiat, ergo potest Deus, de absoluta sua potentia efficaciter velle, & exequendo facere, ut voluntas humana consentiat. Vnde Augustinus in Enchirid. cap. 95. *Tunc (inquit) in clarissima luce sapientia videbitur, quod nunc propter fidem habet, antequam manifesta cognitione videatur quam certa & immutabilis, & efficacissima sit voluntas Dei, quam multa possit, & non velit, nihil autem velit quod non possit, quamque sit verum quod in psalmo canitur. Deus autem noster in cælo & in terra omnia quæcumque voluit fecit, quod utique non est verum si aliqua voluit & non fecit. Et quod est indignius, ideo non fecit, quoniam ne fieret, quod volebat omnipotens, voluntas hominis impedivit.* Non est autem minus indignum de Deo sentire non posse velle efficaciter aliquid fieri, à voluntate hominis, ne forte hominis voluntas impediatur, ne Dei voluntas impleatur. Vnde cap. 103. ait. *Rogandus est Deus ut velit, nam si velit, necesse est fieri quod voluerit*, utique & modo etiam quo voluerit; ergo potest Deus habere illud decretum, & per

A illud determinare efficaciter voluntatem hominis, ut velit, & libere velit, sicut eam Deus velle voluit, illa autem prædeterminatio non fit nisi per auxilium simultaneum, ut manans ab illo decreto, quia supponimus Deum aliud præuium non influere.

B Secundo argumentor quia Deus potest prædefinire absoluto decreto actum liberum hominis ante absolutam præscientiam eius, ut nunc supponimus, ergo etiam potest illam suam voluntatem exequi per similem voluntatem efficacem exequendam. Probatur consequentia, quia alias executio non esset æque efficax, ac infallibilis, ac ipsa intentio. Dices ex parte executionis sufficere, voluntatem concomitantem cum præscientia conditionata, quod ex parte voluntatis humane non deerit coefficientia, & influxus, si tali, vel tali modo exciteretur & moveatur. Sed contra quia hic modus licet forte aliquando sufficiat, non potest in uniuersum satisfacere, quia fieri potest ut Deus per conditionatam scientiam prævideat voluntatem hominis quocumque modo hic, & nunc exciteretur, tamen ex parte obiecti, quam per motiones præuenientes in ipsamet voluntate de se nunquam esse consenturam, nisi esse parte ipsius finet consensus determinetur. Cum enim contingens sit an voluntas in tali, vel tali occasione ex se consentura sit sine alia prædeterminatione, contingere etiam poterit, ut in nulla occasione sit consentura, & quod id prævideat Deus. Ergo tum vel admitenda est possibilis prædeterminatio physica, per absolutum decretum executivum Dei, vel concedendum est in aliquo casu Deum non posse absolute decernere, ut fiat actio libera, quod videtur absurdum, & alienum ab illa omnipotentissima potestate, quam, teste Augustino, Deus habet ad corda hominum inclinanda.

C Tertiò quod caput est, in hoc apparet repugnantia, quia Deus per illam voluntatem absolutam non inducit aliquem actum primum prædeterminatam voluntatem, sed præbet tantum actualem motionem, quæ nihil aliud est, quam ipsamet actio, & operatio voluntatis; hæc autem motio non fit in voluntate sine actuali cooperatione eiusdem voluntatis, ergo necessitas, quæ per talem motionem inducitur, non est necessitas antecedens, sed comitans, seu subsequens ex ipsamet cooperatione libera voluntatis; ergo non repugnat libertati iuxta principia supra posita. Alias nullius esset actus liber, quia quoties voluntas operatur, hæc determinatio, & necessitas, operatione ipsa inducitur, quia vero ipsamet voluntas illi cooperatur, ideo optimè stat cum illa necessitate libertas; ergo idem est in præsentia determinatione, quam Deus facere potest per actum secundum, quia non faciet illum sine cooperatione libera voluntatis; ergo ex parte libertatis non est repugnantia; ergo cum aliunde esse non possit, non est divinæ omnipotentia denegandum. Et confirmatur tandè, quia Deus est primus auctor naturæ, & inclinationum quæ naturam sequuntur, ergo sicut præbet inclinationes innatas, ita potest præbere elicitas; ergo voluntas humana, subest divinæ, etiam quoad inclinationes elicitas per actus liberos. Et hæc ratio dicitur sumpta ex D. Thoma 1. 2. q. 9. art. 6. in corp. & ad 3. & q. 10. art. 4. & 1. p. q. 105. art. 4. & q. 111. art. 3. & 4.

E Nihilominus est secunda sententia huic extremè contraria simpliciter negans, esse possibilem talem modum prædeterminationis, etiam liberum usum voluntatis humane impediendo. Ut enim hæc opinio intelligatur, aduerto, duplicem hic esse questionem

5. Secunda sententia præcedenti extremè contraria.

quæstionem, una est simplicior, & abstractior, an Deus solum concurrente cum voluntate auxilio simultaneo, & nullam mutationem distinctam, ac propriam illi imprimendo, possit illam prædeterminare ad unum: Alia est magis composita, & contracta, an possit Deus illo modo prædeterminare voluntatem ad actum liberum seruato modo libertatis eius, vel tantum eam necessitando. Auctores ergo huius secundæ opinionis etiam in priori quæstione repugnantiam credunt inuolui in terminis, & ideo non posse Deum illo modo prædeterminare voluntatem, ad unum actum, & exercitium eius immediatè imprimendo ipsum actum secundum, sine alia præuia motione determinante. Potestque hæc sententia suaderi, quia si est prædeterminatio à Deo facta, est natura prior quam influxus voluntatis, si vero est per concursum simultaneum, illi repugnat vera prioritas naturæ, quæ in ordine causalitatis fundetur, ut sæpe ostensum est. Sicut ergo repugnat idem respectu eiusdem esse prius natura, & non esse prius, ita repugnat fieri prædeterminationem per auxilium simultaneum. Item motio Dei ut sit vera prædeterminatio debet esse à solo Deo; sed repugnat motionem quæ sit à Deo per concursum simultaneum esse à solo Deo, quia illa eadem motio & actio dicit essentialem habitudinem ad liberum arbitrium, ut sæpe ostensum est; ergo repugnat esse prædeterminationem per auxilium simultaneum solum. Consequentia cum minori nota sunt. Maior probatur, quia si motio non sit à solo Deo, erit simul à voluntate; ergo voluntas influit in illam motionem non ut præexistens ordine naturæ determinata, quia prius natura, quam influat nihil à Deo sola accepit quo determinetur, ut supponitur; ergo per illum influxum, quo ipsa voluntas influit in illam primam motionem, seipsam determinat concurrente Deo; ergo ex parte Dei non est vera prædeterminatio causalis, ut sic dicam, sed solum condeterminatio simultanea quæ non solù possibilis, sed etiam necessaria est in omnibus actibus liberis, & æquiuoce dicitur prædeterminatio ratione excellentiæ, & independentiæ, non ratione prioritatis naturæ, in causalitate fundatæ, ut in cap. præcedenti declarauimus. Ergo ut sit specialis prædeterminatio facta à solo Deo, oportet ut à solo Deo fiat, in voluntate prius natura, quam ipsa quidquam faciat. Ergo repugnat fieri per solum simultaneum concursum. Et ideo multi ex his qui hanc prædeterminationem dicunt fieri per ipsum actum immediate, distinguunt aliquam actionem formaliter distinctam, quam solus Deus facit, & natura priorem, quam sit actio voluntatis. Sed hæc sententia intelligi non potest, nec explicari, ut patet ex discursu capituli superioris. Et præterea habet eandem repugnantiam cum libertate actus, vel maiorem quam motio prædeterminans in actu primo, ut à fortiori probant omnia dicta cap. quæ facile hic explicari possunt. Igitur in ipso actu voluntatis, nihil ex parte Dei inuenitur nisi auxilium, seu concursus simultaneus imbibitus in actione ipsius voluntatis, quæ non sit sine inflexione, ut sic dicam eiusdem voluntatis ad eandem actionem, & ideo non videtur esse posse prædeterminationem vera ex parte Dei.

6. Neque videtur satisfacere responsio, quæ ex dictis in capite præcedenti sumi potest per distinctionem illius auxilij simultanei, vel secundum se spectati, vel ut procedat à decreto absoluto voluntatis Dei efficaciter præuolentis, ut voluntas hu-

A mana hoc velit: & quod priori modo non prædeterminet prout ratio facta probat. Secundo autem modo possit prædeterminare, non ratione sui, sed voluntatis Dei quæ præcedit. Hoc, inquam, non videtur satisfacere. Primo quia licet fingatur ille concursus simultaneus procedere ab illo absoluto decreto diuinæ voluntatis, de illo procedit ratio facta, quod in re non habet prioritatem respectu influxus voluntatis, nec sit sine ipsa se determinante, & ad illam partem flexente, unde non potest habere causalitatem in ipsam voluntatem, quæ faciat ipsam facere, cum actio illa prius fiat ab ipsa voluntate, quam possit illam determinare ut faciat. Deinde ille concursus simultaneus consideratus, ut fluens ab speciali decreto voluntatis Dei, nihil in se amplius habet, quam similis concursus procedens à generali decreto concurrenti, & inuolente conditionem, si voluntas velit; sed hic posterior concursus non prædeterminat, ut supra declaratum est, & dicti Auctores nobiscum farentur; ergo nec prior potest prædeterminare. Probatur consequentia, quia illa habitudo ad voluntatem Dei efficacem solum est quædam determinatio extrinseca in ipso concursu Dei: sed sola determinatio extrinseca non sufficit ad specialem effectum realem: ergo nec ad prædeterminationem voluntatis satis esse potest, quia hæc prædeterminatio aliquis effectus realis est.

C His verò non obstantibus, quoad partem contrariam sentio. Vnde dico primo posse Deum, per absolutum decretum executium suæ voluntatis ita præuenire hominis voluntatem, ut illam prædeterminet ad volendum, quod Deus vult, eam velle, etiam si nihil agat in ipsam voluntatem hominis præter actum ipsum consentiendi, ad quem ipsa etiam voluntas hominis concurrat. Hoc probant argumenta prioris sententiæ magna ex parte, & idè confirmant quæ in primo Prolegomeno adduxi ad probandum posse Deum nostram voluntatem necessitate immediate per efficaciam suæ voluntatis, quæ necessitas non est sine aliqua prædeterminatione. Vnde si ratio facta pro tertia parte probaret efficaciter, non posse Deum hoc modo prædeterminare voluntatem, à fortiori probaret non posse illam necessitare, quod videtur multum derogare omnipotentia Dei. Quia reuera nulla sufficiens ostenditur repugnantia, quia in eo casu dicendum est, prædeterminationem principaliter procedere à decreto absoluto, & efficaci voluntatis Dei, quod tunc præcedit ordine causalitatis, comparandas duas voluntates diuinam, & humanam inter se, licet in ordine ad actionem, vel effectum non prius natura influat diuina voluntas quàm humana.

D Hæc enim duo non repugnant, quod facile patebit inchoando ab vltima replica proxima facta. Pro secunda opinione. In qua falsum est, quod sumitur, nimirum nihil plus esse in concursu, seu influxu Dei simultaneo dato ex absoluto decreto prædefinitiuo simpliciter talis effectus, vel dato ex decreto includente conditionem, quia licet in hoc conueniant, quod influxus ab utroque proueniens sit simultaneus cum influxu voluntatis, & in re ab illo non distinctus, nihilominus necesse est, ut illi duo influxus in se sint distincti in modo suo, & in efficacia sua, aliàs non posset magis vnus prædeterminare, quam alius, ut recte probat discursus factus, & in simili probatum est etiam in dicto prolegomeno 1. Nec est quod dicamus non posse Deum variis & pluribus modis concurrere cum voluntate auxilio simultaneo, ita ut vnus sit attempetatus, ut ita dicam, indifferentiæ voluntatis, & quasi

7.  
Sententia  
Auctoria.

8.

quasi subiectus potestati eius, alius sit præternaturalis voluntati eiusque potestati non subiectus, & prior sit à voluntate Dei, quæ solum vult concurrere quasi sub conditione, si voluntas hominis sese accommodare voluerit, aliàs vero sit à voluntate absolute volentis ita agere, ut omnino voluntas humana subsequatur, ita ut resistere non possit.

9.  
Solutur fundamentum secundæ sententiæ.

Et ita quantum ad hanc partem attinet facile soluitur fundamentum secundæ sententiæ. Ad primam ergo eius partem nego, in omni prædeterminatione ad extra necessarium esse, ut sit prior natura, quam actio voluntatis: satis enim esse potest, quod procedat à prædeterminatione ad intra, præcedente ordine efficaciz, & causalitatis respectu humanæ voluntatis, quam vult illo modo trahere ad operandum. Ad alteram vero partem dico, prædeterminationem in actu primo per se postulare, ut à solo Deo fiat: non est autem hoc necessarium in hac prædeterminatione actus secundi, quia non dicitur prædeterminatio eo quod prius natura determinet voluntatem quam ipsa agat, sed quia illa actio prout à Deo fuit in voluntate, talis est, ut non subdatur indifferentiæ, seu potestati voluntatis, & quia illum modum habet ex influxu causæ prioris, & potissime, & antecedentis in volendo efficaciter, ideo talis actio, ut est à Deo dicitur prædeterminatio. Ad ultimam denique partem iam responsum est, non differre hunc influxum ab alio non prædeterminante, in sola denominatione extrinseca, sed per intrinsecam entitatem, seu modum suum, ratione cuius habet, ut non subdatur potestati voluntatis.

10.  
Non potest Deus per suam voluntatem efficacem prædeterminare voluntatem hominis immediate influendo in illam ipsum actum, nisi necessitando illam.

Ex his verò concludo, & dico secundò contra primam sententiam. Non potest Deus per suam voluntatem efficacem prædeterminare voluntatem hominis immediate influendo in illam ipsum actum, nisi necessitando illam, ideoque impossibile est talis prædeterminatio secundum consensum voluntatis, seruatò simul modo libertatis in ipso. Probatur primò, quia Deus per huiusmodi voluntatem suam efficacem, & influxum ab illa manantem potest necessitare voluntatem humanam, sed inter illam necessitatem, & hanc prædeterminationem, nullum medium constitui vel discrimen assignari potest; ergo sicut talis necessitas, non potest esse sine prædeterminatione, ita neque talis prædeterminatio sine necessitate. Consequentia evidens est. Maior probata est in Prolegom. 1. & probatur optimè testimoniis & rationibus primæ sententiæ. Vnde si ad illam defendendam Auctor eius negauerit posse Deum decreto suo necessitare voluntatem eneruat rationes suas, veriusque derogat ipse omnipotentiz Dei, quam id nobis obiciat. Quia in hoc quod actio Dei ita determet voluntatem, ut libertatem operandi ei non relinquat, nulla inuoluitur repugnantia ut ex terminis ipsis videtur per se notum, quod autem simul determinat & relinquat liberam actionem, præ se fert statim repugnantiam, quam esse veram ostendimus, probando minorem rationis factæ, scilicet, inter talem prædeterminationem, & necessitatem, nullum inueniri discrimen, aut medium. Quia ex parte Dei idem decretum efficax antecedit, & ex parte influxus ad extra immissus voluntati humanæ etiam est conuenientia in hoc quod neuter subditur potestati voluntatis; ergo.

11.  
Responderi potest esse distinctum ratione decretum Dei in vno, & in altero casu: nam in vno vult voluntatem velle liberè, in altero vult velle cum necessitate. Sed contrà, quia si vtrum-

A que decretum est absolutum, & efficax quoad hoc, ut voluntas creata velit, & est decretum executiuum ad extra quod vi sua facit, quod vult, impossibile est illa differentia. Probatur, quia si consideretur efficacia illa talis decreti, æquali necessitate ex illo sequitur hic effectus, qui est creatam voluntatem velle, quia vtrique est necessitas in sensu composito, & ex tali suppositione antecedente, ut æque impossibile sit voluntati creatæ resistere vtrique decreto; ergo non magis vna necessitas quam altera repugnat libertati; ergo non magis per vnum decretum vult Deus hominem operari quam per aliud; Si ergo per vnum infert necessitatem contrariam libertati, etiam per aliud.

B Quocirca ut sic Deus necessitet, non oportet, ut modo nostro intelligendi vel loquendi ponatur necessitas ex parte obiecti, ut cum dicitur, velle, ut voluntas hominis velit necessario, sed eo ipso quod ponitur Deus velle absolute, ut homo velit, eadem necessitate sequitur volitio in homine, quia impossibile illi est, tali voluntati Dei resistere. Quod si hæc necessitas directe volita à Deo contraria est libertati hominis, profecto etiam si non fingatur directe & quasi in actu signato volita, sed in actu exercito, æque repugnabit libertati, quia eiusdem rationis est, & in eadem efficacia antecedente fundatur. Vnde è cōtrario inuoluitur repugnantia, cum fingitur decretum eiusdem efficaciz respectu actus volendi, coniungendo in eodem actu ex parte obiecti modum libertatis, quia non potest efficacia actus esse contraria obiecto suo; ergo cum talis & tanta sit efficacia actus, ut inducat necessitatem contrariam libertati, ut de alio actu similis efficaciz conceditur, impossibile est in obiecto eiusdem actus ponere modum libertatis.

C Secundò principaliter id probatur ex parte auxilij, quo mediante Deus exequitur tale decretum, quia non potest Deus efficaciter voluntatem nostram determinare, ex vi sui interni decreti, nisi aliquid in nobis ponendo, quo talis determinatio fiat, quia illud decretum, vel omnipotentia Dei per illud applicata, est proximum principium efficiens talem determinationem; ergo aliquid debet ab illo principio prodire efficienter, & in homine intrinsecè recipi, quo talis determinatio fiat. Sicut enim supra Prolegom. 1. probaui voluntatem humanam non posse necessitari à diuina per solam extrinsecam denominationem, seu quasi sympathiam, sed necessariam esse aliquam mutationem intrinsecè factam in humana voluntate per propriam, & per se efficientiam voluntatis diuinæ, ita in præfenti dico determinationem hanc, quæ efficienter fieri dicitur per voluntatem Dei absolutam, aliquid esse debere per se factum à Deo, & intrinsecè receptum in voluntate. Quia illa determinatio non est denominatio extrinseca, & est aliquid quod ante actionem Dei voluntas humana non habebat, sicut etiam de necessitate diximus.

E Deinde iam supponimus, id, quod Deus facit ad determinandam voluntatem, non esse aliquem actum primū, nec motionem præuiā in re ipsa distinctam ab actu secundo voluntatis. Præterea esse non potest ipsemet actus secundus, ut prius factus à solo Deo, tum quia ostendimus in illo actu non esse plures actiones, vnam solius Dei, & aliam voluntatis simul, & Dei, tum etiam, quia id repugnat actui vitali, tum præterea, quia voluntas non faceret suum actum eliciendo, & educendo illum de non esse, ad esse, sed actum iam à Deo factum quasi iam foueret, & conseruaret, seu actū ageretur: tum denique quia inde euidētius sequitur necessitas absoluta voluntatis,

12.  
Probatur 2.  
ex parte auxilij.



voluntatis, quam ex impressione auxilij in actu primo physice prædeterminantis, quia illa actio solius Dei esset suppositio simpliciter antecedens, & ex illa inuitabiliter sequeretur consensus, seu illa secunda efficientia voluntatis. Superest ergo ut illa determinatio ut est aliquid inhærens voluntati, necessario ponenda sit in aliquo auxilio simultaneo talis naturæ, & conditionis, ut non substat dominio, & libero usui voluntatis; ergo tale auxilium non potest distingui à simili auxilio necessitante, seu non potest in eodem distingui ratio prædeterminandi, & ratio necessitandi.

13.

Prima ex his duabus illationibus apertissime probatur ex dictis hinc, & in dicto prolegomeno primo, quia si illud auxilium secundum se spectatum subesset dominio voluntatis, non obstante quacunque determinatione interna diuinæ voluntatis dandi voluntati humanæ tale auxilium, posset voluntas humana etiam posita illa hypothesi, non se inclinare, sed suspendere suum influxum, & consequenter posset actus non sequi, nec auxilium illud ad extra poni quod repugnat efficaciæ diuinæ voluntatis. Sequela patet, quia nullo alio modo influxus volitus, vel oblati ex parte Dei subest dominio voluntatis hominis, nisi quatenus non obstante illa voluntate Dei, in voluntate hominis manet potestas ad suspendendum suum influxum. Repugnat ergo Deum ex absoluta efficacia sua velle ita coagere cum voluntate hominis, ut omnino infallibiliter cooperetur, nisi talem modum concursus illi præstando respectu cuius non habeat voluntas creata potestatem sustinendi suum influxum, seu detinendi, ut sic dicam, cooperationem suam, & hoc ipsum est tale auxilium non subditi potestati voluntatis.

14.

Hæc autem est necessitas absoluta respectu voluntatis, & consequenter repugnat libertati actus. Primo, quia illa impressio eminenti quodam modo incipit antecedenter à Deo respectu humanæ voluntatis, & hæc non potest illi resistere, nec suum influxum sustinere, ut declaratum est. Secundo, quia libertas quoad exercitium posita est in potestate suspendendi actum, vel per positivum actum nolendi agere, vel per negativam suspensionem interpretatiuè voluntariam, ita ut hæc potestas intelligatur manere etiam post oblatum concursum ex parte Dei. At in eo casu talis potestas non relinquatur voluntati, ut satis declaravi; ergo nec relinquatur libertas quoad exercitium. Maior quoad priorem partem ex terminis nota est, quoad posteriorem autem, scilicet, quod illa potestas manere debeat etiam ex suppositione concursus oblato ex parte Dei, patet, quia debet esse potestas proxima qualis requiritur ad usum libertatis, & non est potestas proxima donec habeat paratum concursum ex parte Dei: nam si prius natura consideretur voluntas, non habebit potestatem suspendendi actum morali modo, sed habebit impotentiam ad habendum illum; ergo si talis offertur concursus voluntati, quo oblato non est in potestate eius suspendere suum influxum, non liberè, sed ex necessitate simpliciter suum præbet concursum. Denique isto modo explicuimus in dicto prolegom. I. vim diuinæ voluntatis ad inferendam immediatè per se ipsam absolutam necessitatem voluntati humanæ, nec cum minori necessitate intelligi potest, concursus simultaneus datus voluntati humanæ, cum qua illa omnino determinetur. Ita ut non valeat iam suum influxum suspendere; ergo non potest in re distingui talis determinatio à necessitate, nedum ab illa separari.

Fr. Suarez de Gratia Pars II.

A Tertiò idem probamus ex comparatione huius determinationis ad alteram, quæ fit per impressionem actus primi physice determinantis: nam de hac ostendimus, si in actu primo præcedat, non posse relinquere libertatem quoad exercitium in actu secundo, in quo Theologi cum quibus nunc disputamus nobiscum consentiunt; ergo idem dicendum est de hac prædeterminatione in actu secundo. Probatum consequentia, quia hi duo modi prædeterminandi cōueniunt in hoc quod in utroque habet voluntas humana quandam necessitatem eliciendi aliquem actum provenientem ab aliquo principio extrinseco antecedente, cui ipsa non potest resistere, vel non cooperari illi, solumque in hoc differunt, quod in priori principium proximum actus secundi, à quo provenit determinatio illa repugnans libertati, præcedat in voluntate natura in voluntate inhærendo illi, in hoc vero secundo modo principium proximè determinans humanam voluntatem ad actum secundum, non præcedit inhærendo voluntati, sed quasi intimè assistendo, est enim increata virtus diuini decreti intimè assistentis, voluntati ad prædeterminandam illam in suo actu. Hæc autem differentia respectu necessitatis illatæ voluntati quasi materialis est, & modum necessitatis non mutat, neque minuit, ergo si una determinatio est cōtraria libertati; etiam altera. Minor declaratur, & probatur, quia præmotio inhærens voluntati, illamque in actu primo determinans, non alia ratione tollit libertatem in actu secundo, nisi quia in influxu, quem præbet in actu secundo non subditur potestati voluntatis, sed potius subiicit sibi, ita ut considerando constitutum illud ex voluntate, & tali præmotione, licet actio ab illo composito simul, & adæquatè præcedat, nihilominus comparando inter se illa duo principia, præmotio est quodammodo prior comparatione voluntatis, & illam secum inuitabiliter ducit: sicut è contrario quando voluntas operatur per habitum infusum, licet actio adæquatè, & simul procedat ab illo constituto ex potentia, & habitu, tamen comparando inter se illa duo principia, voluntas est prior, & quasi virtus habitus, qui in agendo illam inuitabiliter comitatur, & hinc fit ut hæc motio sit libera, illa verò necessaria. At vero quod præmotio facit cum inhærentia, decretum Dei fortius, & efficacius facit sine inhærentia, coniungitur enim voluntati hominis, & ex utroque confurgit vnum adæquatum principium proximum talis actionis, in quo principio comparando diuinam voluntatem ad humanam, diuina est prior, & ab illa eminenti quodam modo incipit actio per talem influxum, cui voluntas humana non potest resistere, nec suum influxum continere, ut illi non cooperetur. Denique voluntas diuina tunc virtus humana modo quodam inuitabili ipsi voluntati humanæ; ergo est eadem, vel maior necessitas, quia hæc necessitas non consistit in inhærentia sed in illo modo trahendi voluntatem inuitabiliter ad consensum: vel certè sicut in priori modo dicitur voluntas prædeterminata in actu primo per entitatem auxilij, ita in hoc posteriori dici potest eminenti modo prædeterminata in actu primo per omnipotentiam, & voluntatem Dei absolutam assistentem illi ad vrendum illa ad talem modum agendi, qui eius indifferenti potestati non subdetur. Est ergo hæc vera necessitas libertati contraria. Quod magis respondendo ad motiua contrariæ sententiæ constabit.

15.  
Probatum 3.

16. *Responde-  
tur ad pri-  
mum.* Ad primum respondemus ad omnipotentiam Dei pertinere, ut possit hominis voluntatem trahere, & mouere quo voluerit, omnibus modis simplicibus, ut ita dicam, id est, non includentes, simul repugnantes, & contradictorias condiciones. Et hoc modo merito docet D. Thomas ad omnipotentiam Dei pertinere, ut faciat voluntatem operari non solum substantiam actus, sed etiam modum libertatis eius. Ad eandem vero potentiam quæ sapienter omnia operatur, pertinet, ut cum vult hominem liberè operari, applicet media consentanea, & non repugnantia libertati operationis, modus autem determinandi voluntatem per solam efficaciam omnipotentia suæ non est accommodatus libertati operationis, sed illi repugnans, ut ostensum est, & ideo si Deus velit ut illo modo, etiam ille cadet sub omnipotentiam suam, tamen eo ipso vult ut humana voluntas ex necessitate operetur, non liberè, quia vult, ut operetur ex necessitate immissa, à causa primaria, quæ est necessitas repugnans libertati.

17. Et sic etiam verissimum est, quod ait Augustinus, voluntatem hominis non posse impedire, ut non fiat, quod Deus absolute vult hominem velle. Sed oportet discernere quid, & quomodo velit Deus, ut iudicetur, qualis sit etiam impotentia ex parte hominis, & an necessitas inferatur contraria libertati, necne. Nam si Deus antecedenter, & ex se efficaciter, & absolute vult, hominem velle, & id operari per absolutam efficaciam omnipotentia suæ, tunc non potest velle, ut homo liberè velit, quia non potest velle contraria. Vnde tunc homo inuitabiliter id vult, tamen ex necessitate absoluta vult, & non liberè, quia ex impotentia intrinseca, & antecedente (ut ita dicam) non potest impedire quin fiat, quod vult omnipotens. Si autem Deus simul absolute velit, hominem velle & liberè velle, iam non id vult fieri ex sola efficacia omnipotentia suæ, nec vult per hoc ipsum determinare voluntatem hominis, sed intendit aliis modis contentis, in thesauris sapientia suæ, & potentia illam inducere, ut velit, & tunc etiam homo infallibiliter vult, quod Deus vult. & non poterit impedire voluntatem absolutam Dei, nihilominus tamen liberè vult, quia non ex antecedente prædeterminatione efficaci, sed alio modo accommodato libertati inducitur, qui modus non ex sola omnipotentia, sed etiam ex præscientia aliqua habebit infallibilitatem, & ita illa necessitas non erit antecedens, sed consequens, ut in sequentibus explicabimus.

18. *Affectum,  
& ad repli-  
cam.* Ad secundum rectè ibi responsum est, ut ex proxime dictis constat. Ad replicam autem ibi factam, imprimis dicimus, quod in ea supponitur ita esse impossibile, ut nunquam contingat. Vnde Augustinus quæst. 2. ad Simplicianum, ad omnipotentiam, & omniscientiam Dei pertinere credit, ut non desit illi modus ita vocandi hominem, ut infallibiliter velit, quod Deus vult eum velle, non ex prædeterminatione, sed ex congruitate vocationis. Sic enim ibi pro illis omnibus qui ita vocantur, ut non consentiant, hanc generalem regulam statuit. *Si vellet Deus illorum misereri, posset ita vocare, quomodo illis aptum esset, ut & mouerentur, & intelligerent, & sequerentur.* Et pro aliis contrariam ponit regulam. *Cuius miseretur sic eum vocat, sicut scit ei congruere, ut vocantem non respuat.* Vnde subdit inferius. *Cum ergo aliis sic, aliis autem sic moueatur ad fidem, eademque res saepe alio modo dicta moueat, & alio modo dicta non moueat, aliisquæ moueat, aliis*

*A non moueat, quis audeat dicere, defuisse Deo modum vocandi, quo etiam Esau ad eam fidem mentem applicaret, voluntatemque coniungeret in qua Iacob iustificatus est? Vbi pondero non dixisse Augustinum non defuisse Deo modum, quo voluntatem Esau ipse determinaret, sed quo ita vocaret Esau, ut ipsemet Esau mentem suam applicaret, voluntatemque coniungeret. Loquitur ergo de modo vocationis congruo ei, qui vocatur, & à Deo præscito & de hoc interrogat Augustinus. Quis audeat dicere Deo defuisse? Sentiens nullo modo admittendum esse casum, in quo impossibilis sit Deo talis vocatio. Et ratio est, quia licet quælibet vocatio singularis, & determinata non habeat de se infallibilem, sed contingentem effectum, nihilominus cum Deus infinitis modis possit vocare, confusè, & indeterminatè loquendo, impossibile est, non esse aliquam vocationem habituram effectum, quam Deus pro infinita scientia distinctè, & in particulari nouit, & pro sua omnipotentia facere potest.*

Deinde vero si arguens urgeat, ut casum admittamus. Illo posito respondemus, in eo nihil aliud supponi, nisi dari voluntatem hominis ita dispositam, vel affectam in aliquo casu, ut consensura non sit, quocunque modo alliciatur, vel attrahatur, donec necessitetur, perinde enim est dicere non esse consensuram, nisi per efficaciam extrinsecam Dei determinetur, quod arguens supponit, & dicere non esse consensuram, nisi necessitetur, nam ut probaui illa duo idem sunt. Sicut ergo arguens dicit ex illa hypothese; Deum non posse absolute velle, ut ille homo consentiat, nisi volendo etiam prædeterminare physicè, eius voluntatem ex parte ipsius, præter omnem motionem moralem, ita nos dicimus, non posse Deum tunc velle absolute, ut homo ille consentiat, nisi volendo, ut saltem necessario velit, cum præsciat nullo modo esse liberè voliturum.

Ad tertium iam ostensum est, in eo genere determinationis involui repugnantiam cum libertate. Prima vero probatio contra hoc inducta non est solida, quia licet hæc determinatio fiat per ipsammet operationem, quæ simul à voluntate hominis fit, includere potest necessitatem contrariam libertati. Nam etiam quando Deus necessitat voluntatem, concurret voluntas ad ipsam actionem necessariam, & nihilominus actio non est libera, quia ad illammet necessitatur à Deo. Et actus gratia necessitantis sunt necessarii, licet sint effectiue à voluntate, sed oportet, ut fiat cum potestate non agendi, & hanc non habet voluntas, si à Deo efficienter determinatur ab extrinseco, ut declaravi. Vnde cum ibidem dicitur hæc necessitas non esse antecedens, sed consequens ad liberam cooperationem voluntatis, respondemus falsum supponi, tum quia ibi non est cooperatio libera, tum etiam quia illa necessitas quatenus oritur ex decreto Dei absoluto simpliciter & per se spectato est antecedens, & repugnans libertati, ut declaravi. Altera vero probatio, quia hæc necessitas eadem reperitur in omnibus actibus voluntatis, facile retorquetur contra argumentum, quia eadem ratione sequeretur eandem determinationem inueniri in omnibus actibus voluntatis, quod ipse concedit. Cum ergo determinatio intelligi non possit, sine aliqua necessitate, & non in omnibus actibus voluntatis inueniatur determinatio, licet in omnibus sit illa necessitas composita, quæ ex suppositione liberæ cooperationis resultat,

19.  
Instantiæ  
occurrit.

20.  
Respondetur  
ad tertium.

resultat, quæ est illa, quæ res cum est, necessa-  
rio est, signum evidens est, determinationem,  
quam ipse admittit in quibusdam actibus, &  
non in omnibus non includere solam illam ne-  
cessitatem, sed aliam antecedentem, per quam fit  
ut liberum arbitrium non libere, sed ex necessitate  
cooperetur influxui voluntatis Dei, & hanc dici-  
mus esse necessitatem simpliciter libertati repu-  
gnantem. Ad confirmationem nemo est, qui ne-  
get, Deum posse præbere inclinationes elicatas  
voluntati, imo nunquam in illa fiunt, quin Deus  
illas faciat. Quod solum docet D. Thomas in  
locis citatis. Vnde etiam verissimum est volun-  
tates humanas subesse diuinæ quoad inclinationes  
elicitas tam liberas, quàm necessarias, discerne-  
re tamen oportet modum talis subordinationis &  
subiectionis. Non enim spectat ad Deum eo  
quod sit primus auctor naturæ, ut necessitando  
voluntatem efficiat in illa elicitam inclinationem  
liberam, sed modus faciendi illam est duplex,  
moralis per præmotionem excitantem, & phy-  
sicus per influxum simultaneum, qui subsit pote-  
stati voluntatis, non verò physicè prædetermi-  
nando: nam licet Deus hoc etiam possit facere, ut  
auctor voluntatis, faciet tamen necessitando, ut  
declaramus.

21.  
Deus secun-  
dum legem  
ordinariam  
non conuer-  
tit ad se vo-  
luntates ho-  
minum de-  
terminando  
illas, etiam  
in conuersio-  
nibus mira-  
biliores.

Ex quibus tandem concludo secundum legem  
ordinariam Deum non conuertere ad se volun-  
tates hominum determinando illas etiam in conuer-  
sionibus mirabilioribus, ut Pauli, & similium. Hoc  
probamus primò, quia Deus secundum legem  
ordinariam non necessitat voluntatem humanam  
ad hos actus, sed determinare illam hoc mo-  
do esset necessitare illam; ergo non determi-  
nat. Secundò, quia nulla est necessitas talis præ-  
determinationis, vel ut conuersio sit certa, & in-  
fallibilis, vel ut sit subitanea, & mirabilis: Nam  
iuxta generalem regulam, ex Augustino allegatam  
ad hoc sufficit vocatio congrua. Vnde de ipsa  
conuersione Pauli docet Augustinus de Grat.  
& liber. arbitr. cap. 5, ita fuisse factam, & in se-  
quenti capite, & aliis subsequenter, id fiet  
evidentius; ergo illa determinatio necessaria non  
est propter moralem, & communem usum diuinæ  
gratiæ. Vnde neque habet congruitatem ad ostē-  
sionem potentie, & virtutis Dei in subitis, &  
miraculosis conuersionibus, ut latronis, vel Ma-  
gorum: tum quia ex visibili effectu nunquam po-  
test constare quod fiat ex tali determinatione Dei,  
quia alius modus semper est possibilis: tum  
etiam quia multò magis ostenditur sapientia Dei,  
& virtus gratiæ eius, ita operando efficaciter ta-  
lem effectum, ut semper relinquat humanæ vo-  
luntati suam determinationem omnino liberam,  
cum sola cooperatione diuina physica simulta-  
nea, & concomitante, ut potestati eiusdem vo-  
luntatis subiecta. Vnde sancti Patres de latrone,  
Magis, Marthæo & similibus loquentes nullam  
mentionem faciunt talis determinationis, sed in-  
ternæ gratiæ inspirantis, illuminantis, &c. ut in  
sequentibus videbimus.

21.  
Instantia de  
actione scri-  
bendi Cano-  
nicam scri-  
pturam.

Sed instat ille Auctor, quia actio scribendi  
canonicam scripturam talis est, ut sine illa præ-  
determinatione physica fieri non videatur, quia  
scriptor canonicus mouetur ad scribendum à Spi-  
ritu sancto dictante non solum sensum, sed etiam  
singula verba & singulorum ordinem, quod ne-  
que facile, neque sine fictione tribui potest mo-  
rali persuasioni, & non potius physice prædeter-  
minationi. Similis actio dicitur esse locutio pro-  
phetica Spiritus sancti. Iuxta illud Psalm. 44.

De locutione  
prophetica.

A *Lingua mea calamus scriba velociter scribens.* Et  
nihilominus negari non potest, quin sit actio li-  
bera, alias incideretur in errorem Montani, qui  
dixit Prophetas loquutos esse tanquam arrepti-  
cios.

Sed frustra excogitata est necessitas determi-  
nationis physice in his actionibus, quatenus ad  
voluntatem pertinent. Quia quidquid in eis ne-  
cessario fit ex determinatione Spiritus sancti, po-  
tissimum fit in intellectu, quæ autem pertinent  
ad voluntatem sine tali determinatione fiunt. In  
his ergo hominibus primò spectari potest id, quod  
interius ab Spiritu sancto accipiunt, in quo pri-  
mum est illustratio intellectus quoad reuelatio-  
nem occultæ veritatis ex parte obiecti propo-  
sitæ, & hæc cum ordinariè antecedit voluntatem  
non est libera, sed est ad modum gratiæ excitantis  
quam Spiritus sanctus in nobis, sine nobis  
inchoat. Quod si contingat prophetam priùs ex-  
optare aut petere, vel se aliquo modo liberè præ-  
parare, ad talem illustrationem recipiendam, id  
quidem faciet sua voluntate libera non physicè  
prædeterminata à Deo, sed inspiratione aliqua  
mota, ut v. g. quando Elifæus petiit psalterium qui  
mentem eius excitaret, & similibus. Nulla est  
enim ratio fingendi ibi determinationem magis,  
quàm in aliis actibus religionis, orationis, aut  
fidei.

Deinde post reuelationem obiectiuam reperit-  
ur in propheta iudicium quo veritati reuelatæ,  
& reuelationi tanquam à Deo factæ assentitur.  
Et tunc si reuelatio sit evidens, per illam de-  
terminatur & necessitatur intellectus ad assen-  
sum veritatis reuelatæ. Vnde ibi non est necessa-  
ria determinatio voluntatis ad tale iudicium, quia  
neque actus eius necessarius est, nec concurrat  
causaliter ad tale iudicium. Quod si is, qui re-  
cipit reuelationem per modum complacentiæ  
velit veritatem illam amare, aut in eius assensum  
consentire, id omnino liberè, & sine vlla præ-  
uia determinatione physica facere poterit. Si ve-  
ro reuelatio sit obscura, tunc in substantia non  
excedit rationem fidei, & ideo ad assensum ne-  
cessaria erit motio libera voluntatis. Verunta-  
men sicut in aliis vocationibus ad fidem, volun-  
tas credendi ordinariè non habetur per physicam  
determinationem. Sed per vocationem congruam,  
ut ille auctor admittit. Ita in propheta voluntas  
assentiendi reuelatis per inspirationem congruam,  
& opportunam optime fiet; ergo etiam ex hac  
parte necessaria non est prædeterminatio physica  
ad propheticam cognitionem, magis quam ad  
ceteros supernaturales actus.

Secundò considerari potest in propheta exte-  
rior locutio, seu prædicatio prophetiæ ad quam  
in primis requiritur voluntas libera loquendi, &  
annuntiandi reuelationem sibi factam, vel do-  
ctrinam reuelaram, nam sine vlla dubitatione ita  
loquebantur prophete, plena libertate, & cum  
magno merito. Loquebantur autem mori à Spi-  
ritu sancto, qui eis voluntatem loquendi inspi-  
rabat, & quando ad hoc munus illos efficaciter  
eligebar, congrue etiam inspirabat eis talem vo-  
luntatem, ita ut infallibiliter eam haberent, &  
in ea perseverarent quandiu, & quomodo Deus  
volebat; ergo neque ad hanc voluntatem erat  
necessaria prædeterminatio, sed ordinarius mo-  
dus inspirandi, & vocandi congrue sufficiebat,  
post voluntatem autem necessaria etiam erat gra-  
tia & directio Spiritus sancti, vel ad loquendum  
sine errore, & sine additione aliqua vel diminu-  
tione

23.  
Occurritur.

24.

25.



tione eorum quæ Deus reuelauerat, & annuntiari volebat, vel ad loquendum conceptis verbis, & alio ordine, & modo dictatis à Spiritu sancto. Veruntamen licet ad hoc esset necessaria specialis directio Spiritus sancti, non tamen erat necessarium nouum auxilium, ex parte voluntatis, sed ex parte intellectus, quia per actum explicatum iam sufficienter erat voluntas determinata ad mouendam linguam, vt profertur quidquid Spiritus sanctus menti dictaret: postea ergo solum necessarium erat vt Spiritus sanctus dictaret, & offerret verba, & seriem eorum, & hoc modo linguam dirigeret; ergo neque ex hac parte erat necessaria prædeterminatio physica ex parte voluntatis ad actum liberum, sed solum erat necessaria determinatio ex parte materiæ, seu subiecti, quæ potest dici quoad specificationem, non verò quoad exercitium actus elicitæ à voluntate de quo tractamus. Qui modus determinationis etiam inter homines suo modo reperitur. Nam cum amanuensis scribit, quæ ego dicto, liberè omnino scribit, & ad id ipse se determinat, non ego determino saltem illum physicè, licet rogando, vel præcipiendo, possum illum moraliter mouere, & nihilominus ex parte materiæ, & obiecti, determino quoad specificationem scriptionem eius, vt talia verba, & tali ordine scribar. Ad hunc modum cum maiori tamen excellentia determinat Deus locutionem Prophetæ efficaciter proponendo illi talia verba, & non permittendo, vt illi alia occurrant, nec aliquod impedimentum quominus integrè, & perfectè illa concipiat, & exprimat ei occurrat. Quæ quidem respectu intellectus, & linguæ quædam necessitas est, respectu autem voluntatis nulla est nisi quoad quandam determinationem, & specificationem. Nam quoad exercitium iam supponitur in voluntate determinatio libera prophetandi exterior, neque nouum actum elicit ad quem determinatione quoad exercitium indigeat, & ad perseverandum in eadem voluntate, perseverantia prioris vocationis, & inspirationis sufficit.

26.

Quomodo  
intelligenda  
verba illa:  
Lingua mea  
animus scri-  
bo, &c.

Atque ita optimè intelliguntur verba illa. *Lingua mea calamus scribae velociter scribens.* Nam sine dubio Deus inspirauerat, Psalmistæ loquendi voluntatem, & liberè volebat linguam mouere, ad loquendum ea quæ Spiritus sanctus dictaret, & ideo in ipsa locutione rectè comparat linguam suam respectu Spiritus sancti calamo scribentis, quia in illa locutione nihil suum agnoscebat, nisi motionem linguæ, nam verba, & res dictabat Spiritus sanctus, & ita utebatur illa lingua tanquam instrumento. Quod tandem potest non male explicari per verba sapientis *Hominis est animam præparare, & Domini gubernare linguam.* Si per illam animæ præparationem voluntatem loquendi intelligamus, quæ quando est sancta tribuitur homini, non quia non sit etiam ex inspiratione diuina, sed quia per liberam determinationem habetur. Gubernare autem linguam non semper est in hominis potestate, vel libertate, quia pender ex imaginatione, & conceptione verborum quæ non semper est in manu hominis, & multa occurrere possunt homine etiam inuito, quæ illam perturbent. Hæc autem necessitas altiori modo inuenitur in locutione prophetica, & ideo altior decretio, & gubernatio linguæ est necessaria, tota verò sit medio intellectu, & fantasia sine nouo vsu libertatis, vt explicauimus.

27.

Idem de cen-  
dam de Scri-  
ptore cano-  
nico, quod  
de propheti-  
ca locutione  
dictum.

Et quod dixi de prophetica locutione, eadem proportionem locum habet in Scriptore canonico. Antecedit enim in illo libera scribendi voluntas ex diuina inspiratione concepta sine illa prædeterminatione physica, sicut de prophetis explicauimus.

A Ipso verò actu scribendi non erat necessaria noua motio voluntatis, sed sola specialis directio, ex parte intellectus, & phantasie, ac memoriæ tam rerum, quam verborum, si necessaria esset. In hoc enim potest esse varietas iuxta materiam scripturæ, & dispositionem antecedentem scriptoris. Interdum enim scriptor excitatur à Spiritu sancto ad scribendum quæ aliàs vidit, vel nouit, vt de se dicit Lucas capite primo Euangelij. Et tunc Spiritus sanctus non omnino præuenit scriptoris mentem, sed ab illo vult etiam diligentiam adhiberi, vt ex 2. Machab. 2. colligimus, & totum id fit per liberam voluntatem scribentis, non determinatam physicè, sed inspiratam, & motam congruenter à Spiritu sancto. Ultra diligentiam verò, & supra libertatem scriptoris. Spiritus sanctus assistit menti eius, dirigendo, & supplendo, quod ipse scriptor sua diligentia non potest, vel non assequitur, vel remouendo ne quidquam scribat aliter, quam Spiritus sanctus vult. Aliquando verò Scriptor merè prophetice scribit, quæ tunc actu ei reuelantur, & à Spiritu sancto dictantur, & omnino se gerit Scriptor, sicut amanuenses Spiritus sancti, sicut Baruch scribebat verba quæ dictabat Ieremias, & ipse Ieremias (vt dicitur Ierem. 36.) dictabat tanquam legens ex libro, utique ex libro mentis suæ, in qua Spiritus sanctus ea scripserat. Et in utroque tam Ieremia quam Baruch voluntas scribendi, vel dictandi, & obediendi Deo hoc præcipienti omnino libera erat, ex inspiratione diuina, sine physica prædeterminatione; materia autem, & verba Scripturæ erant omnino ab Spiritu sancto sine interuentu voluntatis humanæ. Quocirca in toto opere scribendi, vel dictandi canonicam scripturam nulla prædeterminatio physica voluntatis humanæ necessaria est. Neque inuenitur opus supernaturale, pro quo sit necessaria, nisi vbi voluerit Deus humanæ voluntati absolutam inferre necessitatem.

## CAPVT XXV.

*Quid addat auxilium efficax auxilio præuenienti sufficienti, seu vocationi efficaci generali, ac sufficienti vocationi, & an per congruitatem vocationis hoc sufficienter explicetur.*

Diximus in cap. 5. auxilium efficax in vocatione aliqua speciali, ac proinde in aliquo modo excitantis gratiæ consistere, & in subsequen-  
tibus declarauimus, nullam esse excitationem quæ ex sola sua extrinseca natura, seu entitate talis, seu tam efficax sit, nec præter vocationem necessariam esse aliquam prædeterminationem ex parte Dei, quæ vocationi tribuat efficacitatem illam, nam omnino talem modum efficacitatis exclusimus, totum quia repugnat sufficientiæ gratiæ, cui illa prædeterminatio non adiungitur ex parte Dei, tum etiam quia pugnat cum arbitrij libertate. Et ideo superest explicandum quid illud sit, quod vocationi efficax addit ultra sufficientem; nam cum vocationi sufficiens sit vera vocationi, & de se effectrix consensus, & nihilominus vocationi efficax ab illa distinguatur, necesse est vt ratio *efficacis* aliquid addat tali vocationi, quid ergo illud sit, inquirimus. Quod certe obscurum est, nam ideo dixit Augustinus

1.

nus hanc vocationem efficacem altam, & secretam, & profundæ considerationis esse; Conandum nihilominus est id explicare, quod breuiter per nonnullas assertiones faciemus, deinde ad maiorem declarationem, & confirmationem nostræ sententiæ nonnullis obiectionibus satisfaciemus.

2. Primum ergo asserimus, vocationem efficacem non addere sufficienti nouum auxilium præueniens, nec aliquam entitatem, vel proprietatem realem absolutam, quæ ad constituendum auxilium efficax, & distinguendum illud à sufficiente necessaria sit. In hac & sequentibus assertionibus abstinco nunc à probationibus, & ab auctoritate, quia de hac re sigillatim agendum est in capitulis sequentibus. Nunc solum assero saltem in eo esse hanc propositionem consentaneam Conciliis & Patribus, quod in illis non inuenimus alia auxilia gratiæ præuenientis nostrum velle, & per quam Deus efficiat nos velle nisi auxilia excitantia, ut sunt illuminationes, & inspirationes. Non potest autem vocatio efficax addere ultra sufficientem aliquod peculiare auxilium excitantis gratiæ, quod per vocationem non efficacem non detur, tum quia si illud auxilium est necessarium & negatur, vocatio, quæ datur non poterit esse sufficiens iuxta principia hætenus posita, & probata. Tum etiam quia probatum est, nullum auxilium excitans de se, & ex vi suæ entitatis esse efficax ad determinandam voluntatem ad vnum, ergo quocunque auxilio excitante dato oportebit inquirere, per quid fiat efficax, & sic procedetur in infinitum: vocatio ergo non fit efficax per additionem peculiaris auxilij excitantis. Ergo nec per auxilium præuium ad velle liberum, quia, ut dixi, nullum est tale auxilium præuium nisi excitans. Et hæc ratio etiam probat in vniuersum vocationem non constitui in ratione efficacis per entitatem, vel proprietatem realem illi additam: nam vel illa esset res distincta ab omni excitatione, vel tantum modus eius; neutrum est verisimile, & utrumque inuoluit omnes difficultates tactas de auxilio prædeterminante vel rem non explicat.

3. Primam partem probo, quia si est entitas distincta, erit speciale auxilium actuale distinctum ab excitante, & præuium ad actum, ac proinde distinctum ab influxu simultaneo ab ipso imbibito, & sic erit auxilium actuale medium inter excitans & velle liberum, quod, ut dixi, in sanctis Patribus non inuenitur, & obiter notari possunt Augustinus in qn. 1. ad Simplician. dicens: *Credere Dei esse & nostrum, Dei vocando, & nostrum sequendo.* Vbi inter illa medium non constituit, nec in lib. 83. question. q. 68. cum dicit, *Si quis sibi tribuat quod veniat vocatus non potest sibi tribuere quod vocatus sit.* Nec Prosper lib. 2. de vocat. gent. cap. 26. vbi cum descripsisset modum vocandi Dei per inspirationes, illuminationes, &c. immediate subiungit. *Sed voluntas subiungitur huic gratia, quæ ideo excitata est ut incipiat velle cum merito, quod domino semine conceperat.* Neque etiam Bernardus medium illud agnouit lib. de grat. & liber. arbit. circa finem. Si vero illa proprietas est tantum modus intrinsecus excitationis, ille non potest esse nisi vel intensio, vel claritas vel similis proprietas, si excitatio sit in intellectu, vel suauitas aut quid simile, si sit in voluntate: nihil autem huiusmodi sufficit, ut excitatio de se vel in se fiat absolute efficax, ut supra probatum est, quia per talem proprietatem non extrahitur motio à ratione gratiæ excitantis, de qua probatum est non habere de se

A talem efficaciam. Et inde facile probatur altera pars; quia vel illa entitas aut proprietas, talis est, ut sit necessaria ad operationem, & sic sine illa non erit vocatio sufficiens, vel non est simpliciter necessaria, & sic non pertinebit ad auxilium efficax, quod necessarium est. Item vel addita illa entitate, aut proprietate necessario sequitur consensus voluntatis, & sic non erit liber, quia illa necessitas est antecedens, & procedunt omnes rationes supra factæ contra physicam prædeterminationem, vel non sequitur necessario, & sic non sequetur infallibiliter, ex vi talis entitatis, seu proprietatis per se, & absolute spectatæ, & consequenter non sufficit ad constituendam vocationem in ratione efficacis.

B Dico secundò, Vocatio efficax illa est, quæ de facto habitura est infallibiliter effectum à vocante intentum, & ideo licet in se sit gratia præueniens à solo Deo facta, nihilominus includit habitudinem ad cooperationem futuram liberi arbitrij, cum auxilio gratiæ simultaneo, & consequenter includit quandam congruitatem respectu personæ cui datur, ut sit illi ita proportionata, & accommodata, sicut oportet, ut in tali persona, in tali tempore, & occasione infallibiliter effectum habeat, & per hoc habet illa vocatio, quod congrua, & efficax sit. Hæc doctrina communiter approbatur à Theologis nostræ Societatis, & ab aliis Doctoribus, qui negant prædeterminationem physicam; quos supra retuli: De aliis vero antiquioribus & Patribus dicam inferius. Nunc prior pars probatur facile ex dictis; sequitur enim à sufficienti partium enumeratione. Nam gratia efficax dicitur quæ infallibiliter habitura est effectum, & sub hac ratione à Deo infunditur, ut in superioribus declaratum est. Sed non habet hanc infallibilitatem ex vi suæ entitatis, vel alicuius absolute proprietatis suæ, ut proximè ostensum est, & sequitur clarè ex omnibus dictis contra alias sententias; ergo necesse est ut habeat coniunctam habitudinem ad effectum futurum cum libera determinatione, ut inde habere possit dictam infallibilitatem, seu fundamentum eius: non enim potest cogitari alius modus talis infallibilitatis. Secundo declaratur à simili de præscientia Dei, circa futura contingentia, est enim infallibilis, quamvis obiectum non habeat in sua causa determinationem, & ideo dicimus necessarium esse, ut talis scientia includat habitudinem ad ipsam determinationem causæ, ut suo tempore futuram, non quia aliter esse non possit, sed quia non aliter futura est. Sic igitur hæc gratia quæ antecedenter infunditur, infallibiliter habebit consequentem operationem voluntatis, non quia aliter esse non posset, etiam stante illa gratia, sed quia aliter futura non est.

E Altera verò pars de congruitate, seu proportionem ad personam supposita præcedenti, solum pertinet ad modum loquendi: nam cum tale auxilium dicat habitudinem ad effectum infallibiliter futurum, & eam non habeat ex innata proprietate absoluta, oportet ut habeat ex congruitate, vel proportionem quam habet ad talem personam. Et quamvis infra de Augustini mente in capite speciali dicturus sim, liber tamen nunc saltem ostendere hunc loquendi modum non ab alio, quam ab Augustino desumptum esse. Ille enim in primis in q. 1. ad Simplician. multis verbis doctrinam hanc tradit, ex quibus pauca indicabo. Cum eadem res inquit uno modo dicta

4. Vocatio efficax quænam sit.

5.

Notabilia D. Augustini verba.

altum

alium moueat, quis audeat dicere defuisse Deo modum vocandi, quo etiam Esau mentem applicaret, voluntatemque coniungeret. Vbi duo aduerto, vnum est ponere congruitatem vocationis, non in modo eius absoluto, sed respectiuo ad talem personam. Aliud est, quod posita illa vocatione dicit per illam fieri, vt is, qui illam recipit v.g. Esau, si illam reciperet suam mentem, & voluntatem applicaret, nam illa verba recte intelliguntur vt illud *Esau* in casu nominadi positum sit, & det suppositu verbo applicandi, & coniungendi vocationi Dei. Quod si quis dixerit sensum potius esse Deum per vocationem potuisse mentem Esau (vocem hanc in genitiuo ponendo) applicare, quod ad præsens spectat, non multum refert, quia sensus in idem redit, nimirum non defuisse Deo modum vocandi, ita accommodatum Esau, vt per vocationem illam, quod volebat obtineret. Prior vero sensus videtur magis ad Augustini mentem, nam statim cum de reprobis dixisset, non esse congruenter vocatos, subdit. *Possent alio modo vocati accommodare voluntatem.* Præterea sic inquit, licet multis vno modo vocentur, tamen quia non omnes eodem modo affecti sunt, illi sequuntur vocationem, qui illi capiendi reperiuntur idonei. Vbi valde notanda est causalis nota, quia non in extrinsecam prædeterminationem, sed in congruentiam vocationis causam refert sequendi vocationem. Idemque significat cum iterum inquit solius Dei misericordis fuisse illo modo vocare, quomodo aptum est. Ac denique illi (inquit) electi qui congruenter vocati. Ex quo verbo sumptum est nomen vocationis congrua. Præterea ex lib. de Don. perseue. cap. 14. hæc verba notanda sunt. *Ex quo apparet in quibusdam esse naturale lumen intelligentia, quo mouemur, si congrua suis mentibus vel audiant verba, vel signa conspiciant.* Sed hæc, & alia multa inferius latè tractanda sunt.

6. Infalibilis connexio, quæ in vocatione congrua, seu efficaci cum libero consensu inuenitur, non est merè causalis, sed præscientia, quæ in vocatione congrua, seu efficaci cum libero consensu inuenitur, non est merè causalis, sed præscientia, &c.

Dico tertio, infalibilis connexio, quæ in vocatione congrua, seu efficaci cum libero consensu inuenitur, non est merè causalis, sed præscientia, non per absolutam scientiam, sed per conditionatam, qua Deus de omni voluntate creata, & creabili præscit, quid sit actura in omni tempore, & occasione, si hoc, vel illo modo excitetur, seu vocetur. Ita docent Auctores allegati, & alij inferius allegandi, & assertio solum indiget breui declaratione, quia ex superioribus sequitur. Supponit ergo assertio vocationem efficacem, quam ad maiorem claritatem congruam appellamus, habere infalibilem connexionem cum consensu voluntatis, quod est clarum ex dictis, tum quia hoc est de ratione auxilij efficaci, vt supra posuimus, tum etiam quia hoc est necessarium, vt hæc vocatio sit medium ad diuinam electionem, prædestinationem, aut efficacem prædefinitionem implendam, vt notum est. Infalibilitas autem propriè loquendo respicit intellectum, est enim proprietas cognitionis, seu scientiæ, & obiecti eius. Vnde sicut dupliciter cognosci potest effectus futurus, scilicet, in causa, & in se, ita duplex distinguitur infalibilitas, altera in causa, altera in effectu ipso, seu in emanatione actuali ipsius effectus à causa. Auxilium autem efficax est causa liberi consensus, & tunc dicitur efficax, cum ita datur, vt infalibiliter habeat effectum inducendi hominem in consensum, dicimus ergo non esse hanc infalibilitatem in causa, id est, in tali vocatione, vel auxilio secundum se spectato. Quod etiam est manifestum ex dictis, quia vocatio non dicitur efficax ex eo, quod voluntatem sua naturali vir-

A cure ita determinet ad consentiendum, quin possit non consentire, si velit, etiam in sensu composito, seu posita tali motione, sed quod ita est ab aliqua causa, vt possit non esse, non obstante illa, seu etiam illa posita, non est infalibile in causa, quia quod est infalibile in causa, non potest non euenire posita illa: ergo hæc infalibilitas non potest esse in ipso auxilio secundum se spectato, tanquam in causa. Et inde concluditur debere esse in præsentia, quia in effectu futuro priusquam fiat, non potest alius modus infalibilitatis cogitari, vt est per se notum. Rursus hæc præscientia in præsentia non potest esse absoluta, quia præscientia absoluta futuri consensus gratuit supponit auxilium efficacem, & voluntatem Dei dandi tale auxilium, ad talem effectum, ante quam voluntatem debet præcedere secundum rationem hæc infalibilitas, vt Deus non quasi casu sed per se, & ex propria intentione intelligatur dare auxilium efficacem, vt efficacem est; ergo necesse est vt illa infalibilitas præcedat in scientia conditionata, qua Deus prænouit tale auxilium, si detur tali voluntati, in tali opportunitate futurum esse illi ita congruum, vt omnino sit illi consensus; talis ergo est infalibilis connexio auxilij efficaci cum suo effectu.

C Hæc est sententia nostra de auxilio efficaci breuiter, & summatim proposita, quæ duas principales continet partes, vnâ negativam, scilicet, non posse consistere in vi, quam ex se, vel ex decreto præuio, vel absoluto voluntatis Dei habeat, prædeterminandi physicè voluntatem humanam ad consensum, alteram positivam, qua efficacitas eius dicto modo explicatur. Et hæc posterior pars præter rationes adductas concluditur à sufficienti diuisione ex priori, quia non potest alius modus infalibilitatis, & efficacis cogitari.

7. Duæ sunt principales partes sententiæ Auctoris, vna negativa, altera positiva.

## C A P V T XXVI.

### Duabus obiectionibus contra superiorem doctrinam satisfit.

C Ontra superiorem resolutionem multa obijciuntur, quæ ad quatuor capita reduco. Nam in primis videntes contrariæ sententiæ defensores, si vocatio congrua prout à nobis explicata est possibilis sit enervari, maximè positionem physicæ prædeterminationis, persuadere conantur illud genus efficacis non esse possibile, & quia illa supponit dictam præscientiam, in hoc maximè insistant, vt negent Deum esse præscium futurorum contingentium, sub conditione in seipsis, nisi præcedat aliquod decretum prædeterminationem physicam in conditione inuoluens, in qua cognosci possint. Et rationes quibus hoc probare conantur, sunt præcipuè obiectiones eorum contra doctrinam positam; Illis tamen satisfactum à nobis est in Prolegom. 1. vbi duo ostendimus. Vnum est conditionatorum contingentium præscientiam, non posse Deo negari secundum Scripturas, doctrinam Patrum, rectamque rationem, aliud est decreta conditionata ad talem præscientiam admittenda non esse, quia in multis diuinæ bonitati repugnant, vt in actibus peccatorum, in aliis non decent Deum, vt pote superuacanea, & otiosa, in omnibus vero eadem repugnantia cum libertate creata, quæ in physica prædeterminatione inuenitur.

I. Ad quatuor capita reducuntur obiectiones contra præcedentem resolutionem. Primum.



**Secundum.** inuenitur. sit ideo de hoc primo genere obiectionum nihil nobis dicendum superest. Aliud caput obiectionum sumitur ex necessitate auxilij seu consensus præuij causæ primæ in secundam ante concursum imbibitum in eius actione. De quibus satis dictum est in lib. 3. sub finem. **Tertium.** caput sumitur ex auctoritate scripturæ, Conciliorum, Patrum, aliorumque Theologorum de quibus per varia capita sigillatim dicere decreui, ac distinctè, quia res est magni momenti, multumque interest nouam ab antiqua doctrina discernere, quod non potest vel breui, vel confuso sermone fieri. **Quartum.** caput obiectionum ortum est ex nonnullis incommodis, vel etiam erroribus, quæ ex nostra sententia, vel malè intellecta, aut sinistrè explicata inferuntur, & nobis tribuantur, quibus in hoc capite & sequenti breuiter satisfaciemus quia occasionem amplius sententiam nostram declarandi habebunt.

**2. Prima Obie.** Primò igitur obiiciunt, quia ex nostra sententia sequitur, efficax auxilium non physicè, sed moraliter tantum efficere consensum voluntatis nostræ: Consequens est absurdum, ergo. Secunda patet, quia vocatio quantumvis congrua, solum est gratia excitans, quæ ut nos supra docuimus, non efficit physicè consensum, ergo si auxilium efficax in sola vocatione congrua consistit, non efficit physicè consensum. Hoc autem esse absurdum patet, quia in verbis non tantum defunt vires morales ad efficiendos actus supernaturales, sed etiam physica, quia superant actiuitatem physicam libero arbitrio naturaliter inditum; ergo oportet ut auxilium efficax de quo Augustinus dixit, *dare vires efficacissimas voluntati*, det utraque vires non tantum in genere moralis principij, sed etiam physici.

**3. Respondetur.** Respondemus nunc nobis non esse controuersiam, de principio physicè adiuuante ad præstandum consensum, omnes enim fateamur principium aliquod esse necessarium. Nos autem diximus illud (quidquid sit) tale esse, ut detur voluntati prius natura quam consentiat, relicta in ea potestate ad non consentiendum, seu non operandum per tale principium, etiam in sensu composito, id est, ad componendum simul cum illo principio, & tota gratia præueniente negationem consensus. Ex quo etiam concedimus, & ita esse dicendum sentimus, & fieri posse, & sæpè etiam fieri, ut voluntas habens sufficiens principium gratiæ tam morale quam physicum ad consentiendum, non consentiat. Qua veritate supposita ad argumentum responderetur, distinguendo primum consequens ex parte efficacis auxilij. Aut enim sub efficaci auxilio comprehenditur totum auxilium gratiæ necessarium in actu primo ad eliciendum liberum pietatis actum; & cum omnibus requisitis, ut infallibiliter coniungatur actui illum eliciendo, vel præcisè intelligitur nomine auxilij efficacis aliqua morio actualis, & præuia quæ proximè inducit voluntatem ad consensum. Priori modo nego sequelam, quia auxilium efficax includit totum auxilium sufficiens, & hoc non tantum morale principium agendi, sed etiam physicum comprehendit, ut dixi. Posteriori autem modo loquendo de auxilio efficaci, concedo sequelam, nam ubique Augustinus non aliter explicat illam morionem, nisi per internam suasionem, & affectionem, ut ex locis proximè citatis in secunda assertione constar, & plura alia postea inferemus. Neque ratio facta in contrarium pro-

**A** cedit de auxilio efficaci in hoc posteriori sensu sumpro, sed in priori, neque vlla alia cogitari potest, cur sit necessarius alius modus agendi, nisi fortasse propter prædeterminationem physicam, quam non admittimus.

Ut autem hoc amplius declaratur, aduerto, ante actuale effectiorem consensus, duo tantum auxilia præuia esse necessaria. Vnum est illud quod dat voluntati potestatem physicè eliciendi consensum: aliud est, quod Deus allicit, & trahit eandem voluntatem ad liberè eliciendum eundem actum. Illud prius datur v. g. homini iusto per virtutes voluntati infusas, dant enim potestatem

**B** physicè efficientem ad eliciendum suos actus, si velit, hoc vero posterius dat Deus per auxilia excitantia, quæ simul dant moralem potestatem, sine qua simul cum physica non potest fieri actus, & utrumque horum est necessarium ad auxilium sufficiens, & à fortiori ad efficax, ut sæpè dixi. Potestque circa hæc aduerti secundum modum con-

**C** naturalem operandi potestatem physicam supponi ad moralem excitationem, quia nemo excitatur, nisi ad id, quod potest velle. Vnde quia homo ex solis viribus liberi arbitrij non habet potestatem physicam, saltem integram ad efficiendos actus supernaturales, ideo ut homo exciteretur quasi connaturali modo supponi debent habitus infusi, per quos integra potestas physica ad eliciendos hos actus datur, vel completur. Quia verò si habitus nec sunt naturales, nec debiti nostris potentiis propter quod secundum ordinem diuinæ prouidentiae ut adulti illos recipiant, debent ad illos per proprios actus disponi, quod sine præuia excitatione facere non possunt, ideo necessarium est ut maturetur quasi connaturalis ordo, ita ut homo prius exciteretur, quam physicam, & internam voluntatem operandi habeat, sed tantum, quandam eius inchoationem, vel capacitatem. Hoc patet in infidelibus qui alliciuntur ad fidem, antequam habeant internam virtutem infusam, & in peccatoribus qui ad pœnitentiam excitantur. Et ideo tunc ne excitatio frustra fiat, vel

**D** ad rem impossibilem, necesse est ut cum ipsa excitatione, detur aliquo modo potestas physica ad actum eliciendum, ad quem voluntas excitatur. Siue hæc potestas physica detur per ipsosmet actus gratiæ excitantis, iuxta opinionem dicentium illos esse principia physica consensus quando præstatur. Siue detur per aliquam aliam qualitatem supernaturalem simul cum excitatione datam modo quodam transeunte, ita ut, non amplius permaneat in voluntate, quam ipsa excitatio durer, nec plus etiam determinet voluntatē ad consensum, quam excitatio ipsa, sed solum veluti præsto adsit potentia ad coagendum illi, sicut adest habitus, ut alia opinio non improbabilis tradit. Sine talis potestas detur immediatè ab ipso Spiritu sancto, qui simul ac excitat hominem præsto illi adest, & quasi sese offert ad iuuandam voluntatem eius, & cooperandum illi, ut peramicum possit, quod per se non potest, ut nobis in tertio libro probabilius visum est. Quicumque igitur ex his modis ventis sit, sufficit, ut consensus non detur sine principio physico supernaturali per se & propriè efficiente actum consensus cum voluntate, quando ipsa vult, concurrente simul Deo ut causa vniuersali per auxilium simultaneum, qui etiam est per se, ac physicus etiam si non sit prædeterminans; ergo ob necessitatem physici principij, neque est necessaria prædeterminatio, neque illud principium negant, qui physicam prædeterminationem non agnoscunt.

Secundo

4<sup>a</sup> Antea actuale effectiorem consensus, duo tantum auxilia præuia sunt necessaria, & quædam illa?

5.  
Secunda ob-  
iectio.

Secundo obijciunt instando contra dictam solutionem; duo enim efficit gratia in nobis; primum est, quia antecedenter nos facit velle, & facere iuxta illud. *Deus est qui operatur in nobis velle.* Et illud *faciam ut in preceptis meis ambuletis*, & similia; Secundum est, quod nobiscum operatur ipsum velle iuxta id Ioan. 15. *Sine me nihil potestis facere.* Et illud, Corinth. 15. *Non ego sed gratia Dei mecum.* Verumque ergo horum facit Deus per veram, ac physicam efficientiam, quia sola moralis metaphorica est, & impropria; & ideo Theologi qui melius sentiunt, tribuunt humanitati Christi domini in miraculosis operibus, & sacramentis in effectione gratia, physicam efficientiam, & non tantum moralem, ut proprietatem verbi *faciendi* veramque causalitatem sacramentorum tueantur; ergo similiter in presenti verumque eorum tribuendum est Deo, & gratia Dei, per veram, & physicam efficientiam. At verò in responsione data ad præcedentem obiectionem rectè quidem saluatur propria efficientia physica in secundo effectū quem posuimus, scilicet, quod Deus nobiscum operatur ipsum velle, hoc enim facit per gratiam concomitantem, non tamen saluatur primum, scilicet, quod Deus faciat nos velle propriè, ac physicè faciendū, ut velimus, quia si hoc facit per solam gratiam excitantem, non physicè sed moraliter tantum id facit, ergo ut id etiam verè, ac propriè faciat, necessarium est, auxilium physicè prædeterminans; ergo sine tali auxilio non saluatur proprium auxilium efficax, cuius proprius effectus est, ut Deus per illud nos velle faciat, propriè, & physicè hoc in nobis efficiendo. Et confirmatur, quia ex nostra sententia sequitur, aliquid supernaturale à nobis, & in nobis fieri, quod non sit ex gratia physicè operante, quod admitti non potest. Sequela probatur. Quia cum Deus facit nos facere, dat nobis hoc, quod est facere, quod aliquid supernaturale est; ergo si ut faciat nos facere non operatur physicè sed tantum moraliter, etiam non dat nobis agere supernaturale physicè sed moraliter.

6.  
Respondetur.

Ad obiectionem in primis dico, Deum cum facit, ut faciamus, velit velimus, antecedenter, seu prius natura, quam nos faciamus, aliquid in nobis efficere omnino propriè physicè ac per se, quod satis esse posset ad eam proprietatem, & rigorem locutionis, quem arguens desiderat. Assertionem autem facile probamus, quia Deus facit ut velimus præparando voluntates nostras per suas internas illuminationes, & affectiones, has vero Deus facit in nobis immediatè per seipsum efficiendo illas in intellectu, & voluntate tanquam principalis, & vera causa physica; ergo ut faciat nos facere aliquid physicè in nobis operatur. Quod non potest ita facere homo vel Angelus quando sua virtute hominem moraliter mouet, suadendo, aut consulendo, vel tentando.

7.

Deinde hinc fit, ut illud auxilium quod Deus interius imprimat ad præparandam voluntatem, aliquo etiam modo physico hominem moueat, excitet, & inclinet. Nam si illa Dei operatio sit in intellectu, ipsum formaliter afficit, & illuminat ac facit attendere; causalitas autem formalis vera & physica est. Et præterea illud auxilium voluntatem inclinat, & attrahit aliquo modo etiam ante consensum, excitando in illa simplices affectiones timoris, vel amoris non liberas, sed necessarias, ad quas probabile est concurrere effectiue mentis illustrationes, seu supernaturales cogitationes propriè ac physicè, & licet solum concu-

**A** rant finaliter mouendo, etiam causalitas finalis est suo modo physica, & propria, & omnis causalitas solet verbo *faciendi* generaliter significari. Illa vero affectio, seu motio indeliberata, quæ tunc excitatur in voluntate, & à Deo physicè fit, etiam inclinat formaliter voluntatem, & in eo genere physicè, ac per se, & ita allicit voluntatem ad consentiendum, & quantum est de se facit illam consentire cum omni proprietate quæ in tali modo cauſandi esse aut intelligi potest. Quia vero non imponit necessitatem voluntati potest nihilominus non sequi effectus non consentiendi, & tunc clarum est non posse dari causalitatem physicam effectiuam consensus, cum ille non fiat. Quando vero consensus sequitur cooperante libero arbitrio, etiam tunc physicè operatur gratia, siue per ipsosmet motus gratia excitantis, siue per aliquod principium physicè effectiuum consensus, quod cum illa datur, ut declarari.

**B** Nihilominus ergo deest, quominus cum proprietate dicatur Deus facere ut faciamus, non minus, quam dici possit cum physica prædeterminatione. Quia conferendo motum gratia excitantis, & motionem illam præuiam inter se, utraque fit à Deo propriè, & physicè, & utraque afficit voluntatem, & suo modo formaliter illam inclinat, & per neutram illarum facit Deus; ut faciamus adæquatè, & complete, ut sic dicam, seu formaliter donec nos ipsi liberam actionem eliciamus, & tunc iam intercedit nouus influxus physicus Dei, & gratia ipsius in consensum, siue ille fiat cum prædeterminatione, siue absque illa; ergo non minorem efficientiam physicam habet gratia Dei in vno modo quam in alio. Solumque inuenitur differentia, quod efficientia gratia per motionem physicè prædeterminantem talis est in actu primo, ut non relinquat liberam cooperationem voluntati, sed necessitate quadam illam extorqueat, quæ non solum est physica, id est, vera, ac per se, & per realem influentiam, sed etiam est physica, id est, naturalis, ac necessaria, ac repugnans libertati. At vero efficientia gratia per uocationem congruam, & dantem simul, vel supponentem principium physicum consensus, quo voluntas possit vri, & non vri arbitrio suo, & est physica quando fit, & antequam fiat consensus, cum physicè in ipsum agere non possit, est causa moralis, qualis oportet, ut consensus liberè sequatur. Vnde ad obiectionem in forma respondetur primo, negando minorem, quia utrumque illorum, quæ in argumento distinguuntur, fit verè & physicè à Deo quantum fieri oportet, imò & quantum fieri potest, salua libertate.

**C** Ad maiorem verò explicationem dici secundo potest, quod actus consentiendi, & est quid physicum, & esse quid morale, ut liberè fit, & utroque modo facit illum Deus, & facit ut à voluntate fiat, tam physicè, quam moraliter cum omni proprietate, & sine metaphora. Diferſo tamen modo, nam ut est quid physicum, fit physicè, ac per se, & immediatè à Deo cum actu influit in illum, ut autem est quid morale per se, ac propriè fit à Deo morali modo per inductionem, & tractionem moralem voluntatis. Vnde ad veritatem, & proprietatem illarum locutionum non est necesse fingere, quod prius natura, quam nostra voluntas suum concursum præbeat, Deus physicè flectat illam, & determinat, hoc enim non fit physicè, nisi cum iam voluntas seipsam flectit, & consentit, prius vero natura solum antecedit moralis inductione suadendo, & inclinando voluntatem. Nam licet

8.

9.

licet hæc inductio fiat per reales<sup>o</sup> motus factos à Deo physicè; tamen respectu futuri consensus solum habent causalitatem moralem, & per illos dicitur Deus trahere voluntatem ad consensum cum omni proprietate ad quam sufficit causalitas moralis, quia unusquisque effectus suæ propriæ causæ tribuendus est, quia causalitas moralis in suo genere vera, & propria est, & effectibus moralibus accommodata. Et ita exposuit illas locutiones Augustinus citatis locis, tribuens semper vocationi, vel inspirationi diuinæ, quod per illam facit Deus nos velle, & in locis proximè citatis videre licet. Estque testimonium optimum in lib. de Corrept. & Grat. cap. 2. vbi prius ait, gratiam Christi esse per quam fit omne bonum. *Non solum ut monstrante ipsa quid faciendum sit fiant, verum etiam, ut prestante ipsa faciant cum dilectione quod sciunt.* Declarans vero quæ sit hæc gratiæ per quam hoc Deus facit, adiungit. *Hanc quippe inspirationem bonæ voluntatis, atque operis poscebat Apostolus eis quibus dicebat. Oramus autem Deum ne quid faciatis mali.* Et eodem modo exponit illam causalitatem Prosper. 2. de vocat. gent. & plura ex Patribus inferius asseremus.

Quapropter non est simile quod assertur de efficacia sacramentorum: nam effectus gratiæ, ut sit à sacramentis est physicus non moralis, & ideo si non habent causalitatem physicam, non possunt habere veram causalitatem, sed metaphoricam, quod secus est in præsentii. Sermones enim debent rebus accommodari iuxta materiæ capacitatem. Et hinc etiam est quod in præsentii materia Patres semper exponant antecedentem tractionem, seu inductionem gratiæ per moralem modum, ut allegavi, & plura in capitibus sequentibus allegabo. De sacramentis autem, vel humanitate Christi Domini non ita loquuntur, sed simpliciter illis tribuunt potestatem, causalitatem, & effectiorem. Et nihilominus etiam in eis non est certa illa causalitas physica sed adeo probabiliter defenditur, quia sine inconuenienti potest saluari, & alioqui moralis in illa materia nec necessaria est, nec potest esse nisi valde metaphorica. At vero in præsentii materia moralis causalitas est propriissima, & per se necessaria ad moralem consensum, ut etiam Auctores oppositæ sententiæ fatentur, & alioqui physica efficientia sufficienter illi coniungitur eo modo quo à nobis explicata est, & maior non solum non necessaria non ostenditur, sed etiam habere videtur repugnantia incommoda libertati, & sufficientiæ gratiæ; est ergo longè diuersa ratio. Ad confirmationem autem negatur sequela, quia quando Deus facit nos facere, ita ut cum effectu faciamus, etiam facit physicè nostrum facere & ita nihil habemus, quod non sit ab ipso physicè & propriè, facit autem nostrum facere non

solus, sed faciendo nobiscum. Non enim quidquid Deus nobis donat, solus ipse facit, sed quædam donat faciendo nobiscum iuxta Concilium Arausicanum, & Augustinum.

Fr. Suarez, de Gratia Pars II.

## CAPVT XXVII.

Satisfit alteri obiectioni, & à variis incommotis doctrina data vindicatur.

**A**ltera obiectio sæpiùs repetita contra nos, est, quod ex nostra sententia sequitur, vel potius quod asseramus, prius natura nos efficere determinationem nostram, quam Deus physicè nos adiuvet: consequens est absurdum quod variis propositionibus nobis attributis ostendunt. Et in primis F. Dauila tres potissimè inter alias ponit. Prima est. *Quod liberum arbitrium suis viribus inchoet opus pietatis, ut opus inceptum gratia promoueat, & consummet.* Secunda. *Partem aliquam operis pii fieri à libero arbitrio solo, partem à Deo, & illam, quæ est à libero arbitrio esse priorem.* Tertia. *Habere hominem aliquid per solum liberum arbitrium, quo se discernit, &c.*

Secundò Petrus Cabrera eandem doctrinam nobis attribuens, primò sententiam nostram his verbis refert. *Asserunt, voluntatem prius se determinare ad operandum in actibus liberis ex vi sua libertatis, & sufficientis auxilij, quam Deo concurrat per auxilium efficax.* Ex quo principio has propositiones infert. Prima est. *Itaque Deum voluntatem iam determinatam adiuvare, ut talem actum perficiat.* Secunda. *Secundum istam sententiam voluntas constituta in actu primo per auxilium sufficiens, reducit ad actum secundum se sola, & per seipsum.* Statim vero addit, *sed ad eam reductionem concomitantè concurrat auxilium efficax.* Tertia. *Itaque in hac opinione hæc propositio est vera. Quia voluntas se determinat ad hunc actum, ideo Deus efficaciter illi auxiliatur ad eundem actum, & contraria est falsa.* Et tamen statim subdit, quod licet negemus concursum Dei esse aliquid prius datum voluntati iam constitutæ in actu primo quo applicetur, & reddatur potens ad operandum, nihilominus docemus illum concursum esse immediatum influxum in actionem simul cum libero arbitrio, & quod concursus Dei per auxilium efficax, neque tempore neque natura antecedit concursum voluntatis ad eandem actionem sed influxus liberi arbitrij & auxilij efficacis à se mutuo pendent, & simul omnino sunt, & in eandem numero actionem. Infert autem hic Auctor illas propositiones, non tanquam inconuenientia, quæ ex nostra opinione sequantur, sed tanquam sententiæ quæ à nobis asseruntur. Ego autem ne iudicem voluisse nobis falsum imponere, illa retero tanquam illationes contra nos factas, & obiectas. Et in fine illius §. num. 109. me solum refert tanquam illius doctrinæ assertor: & in disp. 22. Metaph. sect. 2. & lib. de Auxil. c. 5. & lib. 2. c. 7. & 8.

Tertio eandem nobis in summa obicit Aluar. nam disput. 22. num. 11. in fine ait nos appellare determinationem Dei condeterminationem & addit. *Sed verius dixissent postdeterminationem cum reuera in eorum sententia determinationem creatæ voluntatis ordine natura subsequatur.* Quod in disputat. 99. se probaturum promittit, in illo autem loco non probat, sed supponit, nos asserere has tres propositiones causales esse veras, *Quia homo operatur, Deus operatur, quia homo vult consentire ideo adiuvatur, quia homo*



unde conuertit, ideo gratia excitans transit in adiuvantem, seu cooperantem. Et his suppositis in eas inuehitur tanquam in assertiones Semipelagianorum quas Prosper & Hilarius ad Augustinum detulerunt, de quibus ipse contra Semipelagianos maxime disputauit.

4.  
Cunel.

Quarto eodem planè modo de me sentit, Cumel dicto lib. 1. disp. 4. in principio §. Certè, vbi me sentire dicit, *Deum expectare influxum voluntatis humanae preuidendo ipsum per scientiam mediam antecedenter ad influxum suum diuinæ gratiæ, & ad eius etiam concursum.* In quibus verbis solum pondero particulam illam *antecedenter*, nam reliqua quæ ad præscientiam conditionatam pertinent superius tractata sunt, de altera vero sententia, quod Deus expectet influxum nostræ voluntatis infra dicendum est. Expressius vero ead. disput. 4. sect. 3. post primam conclusionem sic inquit. *Videntur nonnulli Auctores huius ætatis sentire quod Deus & gratia illius solum tribuunt initium iustificationis remotum, videlicet, primam excitationem, hominem vero supposita illa excitatione incipere prius naturæ liberam conuersionem, per quam proximè, & immediatè preparatur ad gratiam, & postea natura, quia voluit homo consentire, Deum velle hic, & nunc adiuuare illam, simultaneo concursu.* Et postea me solum allegat, confertque inter se varia verba mea. Item inferius post secundam conclusionem, sub tit. *Aperitur campus, &c. §. sanè sic argumentatur. Si efficacia auxilij & gratiæ actualis Dei proueniret ex nobis, sola autem sufficientia esset ex Deo, sequeretur quod principale est in nostra conuersione tribuendum nobis esse.* In qua argumentatione videtur particulam assumere *ex nobis exclusiue*, alias friuola esset argumentatio. Vnde satis declarat exclusiuam cum dicit, *sola autem sufficientia esset ex Deo*; supponit ergo nos hoc docere, vel hoc sequi ex nostra sententia.

5.  
Ledesma.

Quintò P. Ledesma art. 15. prius de nobis omnibus, quos ab schola, & doctrina D. Thomæ relegat, solum ait, quod negemus Deum prius naturæ efficere in nobis consensum quam nos illum faciamus sed ad minus inquit tenent quod debent esse simul prædeterminatio, & præmotio Dei & etiam creatura quæ quidem secundum istos non debet esse prædeterminatio neque præmotio. Et ad hoc ostendendum inferius multa ex libris nostris adducit. Et nihilominus ibidem subiungit, aliquos ex nostris dicere, quod voluntas creata prius naturæ prædeterminat se ad ipsam operationem, supposito diuino auxilio sufficiente, quia sine prædeterminatione efficacis auxilij ipsa voluntas eleuata per auxilium sufficiens potest seipsam applicare, & prædeterminare prius naturæ, & tunc veluti subsequitur diuina operatio. Et citat solum Molinam referens fideliter eius verba ex Concord. pag. 186. hoc est ad quæst. 14. art. 13. disput. 29. §. vlt. & ex eis colligit. *Molinam apertè significare quod supposito auxilio sufficiente & proueniente ipsa voluntas liberè se applicat, & mouet prius naturæ ad opera supernaturalia, & Deus tunc cooperatur cum ipsa voluntate, ceterum in ordine ad effectum naturalem natura istarum est prius altera.* Quomodo autem id ex verbis Molinæ colligat, non declarat, neque inuenio vnde id colligere potuerit.

6.

Circa hanc obiectionem aduerto, nonnullos Theologos absolutè concedere, tam in operibus gratiæ, quam naturæ voluntatem nostram prius naturæ influere in suum actum quam Deus in

A illum influat per generalem, vel specialem concursum. Ita tenet Cordoua in quæstion. lib. 1. quæst. 55. dub. 8. & latè id explicat dubio 10. versus finem, & refert pro hac sententia Gregorium in 1. distinct. 38. art. 2. vbi tamen solum ait cum Okam voluntatem nostram non determinari à voluntate diuina efficienter illam prædeterminante. At vero in 2. disput. 37. art. 3. ad 8. dicere videtur quod Deus in suo cōcursu sequitur determinationem voluntatis, & causalem illam admittit, ideo Deus agit talem actum, quia illum voluntas agit, & non ideo voluntas agit, quia Deus agit. Sequitur Lorca disp. 38. de peccatis & disp. 20. de Grat.

B Hæc vero sententia nobis non probatur, & sæpe in superioribus reiecta est, quia cum omnis actio liberi arbitrij in quocunque signo naturæ consideretur, essentialiter pendet à concursu Dei, impossibile est, quod vero, & proprio ordine naturæ, seu causalitatis, præcedat actio liberi arbitrij, vel quod sit causa, vel ratio ob quam Deus in illam influat. Quod in re faceret etiam Gregorius supra, vbi locutionem corrigit dicens non esse intelligendum, quod prius natura voluntas aliquid agat, quam Deus, propriè loquendo de prioritate naturæ, sed solum, quod voluntas humana influens in talem actum sit quodam modo ratio, & motiuum, ob quod voluntas diuina determinet suum concursum ad eundem actum. Et idem ferè vult Corduba distinguens tria signa rationis, in quorum primo voluntas diuina se determinat ad concurrentium cum voluntate humana ad quemlibet actum, in secundo illa generalis voluntas Dei determinatur ad talem actum, & ad exercitium eius futurum, in tertio vtrique voluntas simul coagunt talem actum. Hæc autem omnia necessaria non sunt, nec rem declarant, sed obscuriorem reddunt. Prius ergo natura & æternitate antecedit voluntas Dei offerens concursum simultaneum, & postea in tempore vtrique voluntas simul tempore, & natura operantur eundem actum: neque est necessarius ullus ordo, vel causalitas inter vtramque causam vel influxum eorum, vt in lib. 3. de generali concursu naturæ & gratiæ dixi. Eademque ratio est de actuali influxu proximi principij gratiæ cum voluntate supernaturali actum eliciente.

Ad totam ergo illam obiectionem tria diximus. Primum est illam doctrinam, & propositiones quibus explicatur, adeo esse à nostris scriptis alienas vt contrariæ formaliter, & expressè in eis habeantur. Id ostendo in primis ex eisdem locis meorum librorum, quæ in contrarium allegantur: nam in Metaph. disput. 22. sect. 2. nihil eorum reperietur, quæ Cabrera allegat imò in num. 54. in fine attingens punctum de ordine prioris, & posterioris natura inter influxum causæ primæ, & secundæ, illius resolutionem remitto in sect. 3. vbi num. 10. ostendo non inueniri talem ordinem, sed esse omnino simul, quia sunt vna indiuisibilis actio, in qua non potest ordo causalitatis inueniri, & sub aliis rationibus declaro influxum causæ primæ esse naturæ priorem. In lib. autem primo de Auxil. à cap. 5. ostendo quidem non esse necessarium, neque dari concursum præuium, aut prædeterminantem, præsertim ad actus liberos, & maxime ad actus peccatorum, vt in eodem libro latius doceo. De prioritate autem liberi arbitrij

7.

8.

Respondetur ad obiectionem.

arbitrij verbum nullum in locis inde allegatis inuenitur, imo in lib. 1. cap. 15. à num. 7. idem dixi quod in Metaphysica. Et lib. 3. cap. 22. num. 4. & 5. de voluntatis determinatione ad actum supernaturalem, similiter dixi non esse prius ab homine, quam à Deo, imo à Deo esse prius, id est, principalius, vel prius ratione auxilij præuenientis, licet ratione concursus, seu actualis influxus non sit prior influxus Dei secundum propriam rationem causalitatis, sed omnino simul.

9. Ex Patre Molina, vnus ille locus quem Ledesma refert, intentioni nostræ demonstrandæ sufficiebat, sic enim habet. *Dicendum ergo est, non prius Deum concurrere concursu vniuersali ad effectus causarum secundarum, quam causas secundas, aut è contrario, neque prius existere vnum influxum, quam alium, sed vtrumque immediatum in actionem, & effectum producendum, atque à se inuicem dependere, ut existant. In quo etiam est latissimum discrimen, & maxime notandum inter concursum Dei vniuersalem cum causis secundis ad agendum naturaliter, & auxilium particulare, gratiam præuenientem ad actus supernaturales, quibus arbitrium ad gratiam disponitur. Etenim ut ex his quæ à disputatione octaua dicta sunt, ex parte constet, & in sequentibus amplius explicabitur omnino est dicendum, concursum Dei particularem gratiam præuenientem semper, vel natura antecedere influxum liberi arbitrij ad actiones suas supernaturales, quibus ad gratiam gratum facientem disponitur tanquam causa principiumque efficiens in liberum arbitrium immissum, quo mediante Deus ulterius una cum libero influxu eiusdem arbitrij in huiusmodi operationes supernaturales influit. At vero cum Deus per concursum vniuersalem, & causa secunda immediate influant in effectum causa secunda, tanquam dua partes vnius integræ causæ, quarum neutra, illis præcisè influxibus singularibus influit in alteram, sed vtraque immediate in effectum sit, ut neutra illis præcisè singularibus prius altera concurrat.*

Cum ergo Molina vniuersaliter loquatur de influxu Dei, ut causa vniuersalis, cum causis particularibus, & ipse Ledesma fateatur, Molinam docere in causis naturalibus non esse prioritatem inter illas causas, non video, vnde colligat illum in operibus gratiæ aliter sensisse. Nam differentia quam ibi ponit Molina inter vtrasque causas non est in auxilio simultaneo, sed in præueniente, quia in causis naturalibus non censet esse per se necessarium, in liberis autem in ordine ad actus supernaturales catholicè docet esse necessarium, non vt prædeterminet, sed vt det virtutem, & principium agendi. Postquam autem voluntas sic est præuenia illam Molina comprehendit sub causis secundis completis in actu primo ad agendum, quæ iam non indigent nisi simultaneo concursu, cum quo simul natura, & non priusquam prima causa operantur. Atque in hunc modum suam sententiam expressè declarat in eodem libro disp. 39. in Lusitana editione, & 41. in Antuerpiana, vbi expressè declarat, & influxum Dei per concursum generalem, & influxum præuenientis gratiæ in actus supernaturales esse omnino simul natura cum influxu liberi arbitrij, & hunc nullo modo posse esse priorem. Et hanc doctrinam sepiissime in illo opere repetit, vt videre liceat disp. 28 alias 29. & aliis.

10. Hinc facilè refelluntur alie propositiones à F. Dauila illatæ, vel assertæ. Nam contra primam Fr. Suarez de Gratia Pars 11.

A idem Molina in disp. 39. alias 40. §. *Possimus* docet in contritione nihil esse quod supernaturale non sit, & quod non simul à Deo emanet, non solum tanquam ab excitante, & inuitante, & alliciente, sed etiam tanquam à cooperante, id est, non tantum moraliter sed etiam physicè. Contra secundam vero in disp. 38. addita in editione Antuerpiana §. *Illud deinde* docet liberum arbitrium, & gratiam esse causas partiales non partialitate effectus, sed causæ, nihilque esse in libero actu supernaturali, quod à solo libero arbitrio fiat, non influente simul Deo, & eius gratia. Quod etiam dixerat in editione priori disp. 37. & 38. quæ est 40. in posteriori §. *Possimus*. Et hinc infert ibi & in §. *Ad primum* contra tertiam propositionem illi obiectam, nihil habere aditum iustificatum de quo gloriari possit, ac si à Deo non acceperit omne id, in quo à non iustificato discernitur. Et inde infert in eadem disp. §. *Ad secundam* dicendum non esse ex duobus æque vocatis vnum conuerteri pro sola sua libertate, sed simul cum auxilio cooperantis gratiæ Dei.

B Prima verò propositio obiecta à P. Cabrera quatenus prioritatem tribuit libero arbitrio, iam refutata est, addo verò in se inuolueret repugnantiam. Fatemur enim non asserere, voluntatem se determinare ex vi suæ libertatis, & sufficientis auxilij, in hoc autem includitur, determinationem non esse prius ex sola libertate, sed simul esse ex virtute gratiæ; repugnat ergo quod subdit, prius esse hanc determinationem quam Deus ad illam concurrat per auxilium efficax, quia, eo ipso, quod gratia influit in ipsam determinationem, fit & ostenditur efficax in actu secundo, vt Molina frequenter docet. Similis contradictio in secunda propositione inuenitur, in qua prior illa pars, quod voluntas constituta in actu primo per auxilium sufficiens se sola, & per seipsam se reducat in actum secundum, est contra expressa verba Molina, & contra alteram partem, in qua dicit etiam ex sententia Molina, ad eam reductionem concomitanter concurrere auxilium efficax. Quid ergo se sola si non se reducit sine concursu gratiæ efficacis? Similis contradictio inuenitur in his, quæ idem auctor refert, & confitetur in tertia propositione, vt paulo inferius declarabo.

C Possent autem illi auctores respondere, quod licet in quibusdam locis prioritatem negemus, ex dictis à nobis in aliis locis inferatur, & ita per inscitiam repugnantia dicamus. Ad hoc refellendum addimus secundum dictum, quod proposui, nimirum, nihil in eorum, quæ in obiectione asseruntur, nobisque tribuuntur ex dictis nostris, vel probabiliter, vel etiam apparenter sequi. Hoc probatur in primis de illo principali absurdo, quod in illa obiectione inferitur, quia sequitur, aiunt, nos prius natura efficere determinationem nostram, quam Deus physicè nos adiuuet, negatur enim sequela, transit enim ab extremo ad extremum sine medio. Ex eo enim quod asserimus cōcursum Dei non esse priorem, inferunt esse posteriorem, cum tamen detur medium, quod nos asserimus, scilicet, esse simultaneum. Item transitum faciunt à verbo prædeterminandi ad verbum adiuvandi, namque dicimus, voluntatem se determinare priusquam à Deo physicè prædeterminetur, imo sine tali prædeterminatione inferunt quod se determinet, priusquam Deus illam physicè adiuuet, quæ illatio valde frivola est, quia datur adiutorium physicum, & simultaneum: tale est enim adiutorium

Refelluntur alie propositiones à F. Dauila illatæ.

II. Refutatur prima propositio obiecta à P. Cabrera.

12. Instantia. Refellitur.

generalis concursus, & specialis influxus principiorum cooperantis gratia. Quin potius ex ipsa ratione adiutorij nos inferimus cum Augustino, debere esse omnino simul, & non prius sub illa ratione, ut in lib. 3. de auxilio gratia adiuvantis declarauimus.

Hinc apertè corrumpit illarum propositiones, quarum illationes in hac prima fundantur. Cum ergo F. Dauila infert primo liberum arbitrium *suis viribus* inchoare opus pietatis, si excludat cooperantem gratiam, ut indicant illa verba *suis viribus*, malè infert, quia si liberum arbitrium non prius inchoat, quam à Deo iuuetur per gratiam physicè cooperantem, certè non suis viribus inchoat. Si autem particula *suis viribus* non excludit cooperationem gratia, sed solum significet, voluntatem sua libertate inchoare cum cooperante gratia opus pietatis supposita vocatione Dei, sic catholica est doctrina, ut capite sequenti ostendimus. Quod autem additur voluntatem suis viribus inchoare opus, ut illud *inceptum gratia perficiat & consummet*, malè inferitur, & ad priorem sensum in rigore pertinet. Nam liberum arbitrium non solis suis viribus, sed gratia physicè adiutum opus inchoat; ergo gratia non tantum physicè adiuvat ad perfectionem, & consummationem pij operis, sed etiam ad eius inchoationem. Cuius contrarium per illa verba significatur. Verius ergo diceretur, gratiam iuuare ad inchoandum opus, ut postea etiam ad illud perficiendum, & consummandum iuuet. Iuxta illud. *Qui cepit in vobis opus bonum ipse perficiet*. Secunda item illatio, *quod pars operis sit à libero arbitrio, & pars à gratia*, ineptissima est, quia nihil est à libero arbitrio, priusquam à concursu, & adiutorio Dei, quomodo inferri potest partem aliquam facere solum liberum arbitrium? Tertia etiam illatio ruit, quia arbitrium solum nihil facit sine gratia, ergo licet simul cooperetur ad actum quo se ab alio discernit, non ideo solus facit aliquid quo se discernat. Vnde ad summum inferri posset, non solam gratiam discernere iustum ab iniusto, quod in adultis, & quoad discretionem, quæ in executione fit, omnino concedendum est, iuxta illud Augustini. *Qui creauit se sine te, non saluabit se sine te*. Ut infra iterum dicemus verba Pauli tractando.

13.  
Refutantur  
aliæ propo-  
sitiones quas  
infert Ca-  
pita.

Ex aliis verò propositionibus, quas infert Cabrera duæ priores satis iam reiectæ sunt. Tertia vero est de ista causali propositione, *quia voluntas se determinat, ideo Deus efficaciter auxiliatur ad eundem actum*, & è contrario hæc erit falsa, *quia Deus auxilium efficax præbet ideo voluntas se determinat*. Eandemque illationem facit Aluar. & per tres alias propositiones illam declarat. Vnde subinfert, concursus Dei ad nostram determinationem non esse determinationem, sed post determinationem. Nos autem quoad illationem attinet, facile negamus, illam causalem sequi ex nostra sententia, quia negamus esse ordinem causalitatis, inter influxum liberi arbitrij, & gratia, seu Dei, idque conuincimus ex identitate actionis indiuisibilis, sed illarum propositiones causales in rigore affirmant ordinem causalitatis, ergo non solum non sequuntur ex nostra sententia, sed ex illa potius in rigore falsæ esse conuincuntur, ut latius probaui lib. 1. de Auxilio. 15. & 16. & lib. 3. c. 6. & 14. Dico autem illas propositiones causales esse falsas, quia si nota illa causalis non indicat propriam causam, sed necessariam conditionem, vel concursum comitantem, sic verissimum est cooperationem liberam ar-

A bitrij necessariam esse, ut gratia efficax suum effectum obrineat, quia non iuuat Deus nisi eum qui aliquid conatur ut est Augustini axioma. Et hunc sensum admittit etiam Cabrera in disp. 2. n. 407. Ego vero censeo vitandam esse locutionem, quia in materia graui & calumniis, ac periculis exposita oportet cum omni proprietate, & rigore loqui. Vtendum est ergo verbis significantibus concomitantiam, ut *Deum non determinat voluntatem, nisi ipsa se determinet, non iuuat nisi ipsa se iuuet*.

Atque hinc ad propositiones, quas Aluar. subinfert, neganda in primis est illa propositio. *Deus operatur quia homo operatur*, cum in ipsa operatione hominis Dei operatio includatur. Quid est ergo quod Aluar. refert? *Dixerunt* (inquit) consequenter, quod licet in eodem prorsus momento temporis, & naturæ, Deus, & voluntas operari incipiant, tamen Deus operatur, quia voluntas nostra operatur. Quomodo hæc possunt dici consequenter, cum in verbis citatis aperta contradictio inuoluatur? Nam si Deus & voluntas nostra, in eodem signo, seu momento naturæ operari incipiunt, impossibilis est illa causalitas, quæ necessario supponit prioritatem naturæ in operatione nostræ voluntatis; sed ideo in hoc allucinantur, quia nolunt distinguere inter hæc duo, Deus non operatur, nisi voluntate hominis cooperante, vel Deus operatur, quia voluntas hominis operatur, quæ longissime inter se distant, sicut propositio causalis differt à simplici, seu de inesse. Quod in omni operatione causæ secundæ suo modo locum habet; nam Deus non concurret cum sole, nisi ipse illuminet, non tamen concurret, quia illuminat. Et idem defectus committitur in illatione illius propositionis, *quia homo vult consentire ideo iuuatur*, quam dicit sequi euidenter ex negatione physicæ prædeterminationis, cum tamen nulla sit ratio vel apparentia illationis, sed tantum abusus verborum. Nullo ergo modo dici potest *quia homo vult consentire, ideo adiuvatur*, cum non possit velle consentire sine adiutorio Dei. Dicit ergo debet nisi homo velit consentire non iuuatur. Præterea idem est de vltima propositione illata ab eodem Auctore, *quia homo vult conuertere, ideo gratia excitans transit in adiuvantem, seu cooperantem*, nam cum illa causali nota est in rigore falsa, quia ipsum velle conuertere est à gratia adiuvante, & iuxta sententiam Molinæ gratia excitans influit in illud velle non tantum moraliter sed etiam physicè, & per illum influxum transit in gratiam adiuvantem, non autem influit gratia excitans, quia arbitrium vult quamuis non influat, nisi etiam arbitrium velit. Sicut quando voluntas, operatur ex habitu charitatis, habitus non influit, nisi volente arbitrio, non tamen influit habitus, quia vult voluntas, non enim præcedit aliquod velle, quo voluntas applicet habitum ad agendum, sed propriè dicitur habitus non influere nisi volente arbitrio.

Denique eadem ratione non est admittenda ex parte Dei illa causalis locutio, quia Deus, vel gratia influit, seu concurret, ideo liberum arbitrium concurret, si talis locutio ad actuale, seu concomitantem concursus Dei ad extra referatur. Probatur quia intercedit eadem ratio, quia illi influxus Dei, gratia, & liberi arbitrij in re non distinguuntur, & ideo non potest esse inter illos vera causalitas. Dico autem, *si referatur ad influxum comitantem*, quia si sermo sit de præueniēte auxilio, seu de vocatione verissime dicitur, quia Deus vocat, vel præuenit hominem, ideo vult, vel consentit,

nam

14.  
Respondetur  
ad propo-  
sitiones quas  
Aluar. subin-  
fert.

15.



nam gratia præueniens est vera causa consensus, licet non excludat cooperationem liberi arbitrij: item si illa causalis referatur ad voluntatem Dei, quam aliqui vocant concursum, seu auxilium ad intra, sic etiam verè dici potest. Quia Deus vult seu præbet concursum, voluntas creata operatur, quia voluntas Dei est vera causa, & principium omnis effectus, & actionis voluntatis humanæ, & ita non solum æternitate, sed etiam ordine naturæ antecedit, quia per actum immanentem, & virtute transeuntem influit in ipsum concursum, & hac ratione vera est causalis illa propositio, ad quam non est necessaria prædeterminatio physica, sed vera efficientia physica, & simultanea sufficit.

16.  
Respondetur  
ad ea quæ  
Cumel subi-  
ungit.

In his verò quæ Cumel subiungit falsum est Deum præscire prædeterminationem sub conditione futuram antecedenter ad influxum gratiæ, vel concursum Dei, neque id potest inferri ex nostra sententia, sed potius contrarium, quia Deus non præscit futurum siue absolute, siue sub conditione, nisi eo modo, quo futurum est in utroque illo statu. At verò determinatio libera nec absolute, nec sub conditione futura est antecedenter ad influxum gratiæ, vel Dei, sed cum illo, & omnino simul, ut ostensum est; ergo non aliter præscitur futura. Itaque sicut in præscientia absoluta Deus prævidet determinationem futuram à voluntate cum concursu, & gratia Dei illi in tempore danda, ita in præscientia conditionata scit ad quam partem voluntas sit determinanda, cum tali concursu, & auxilio gratiæ, si illi in tali opportunitate detur, aut offeratur, ut illam iuuet ad se determinandum, & ita non antecedenter, sed concomitanter ad influxum gratiæ prævidetur talis determinatio. At verò in hoc etiam sensu inferri potest ex nostra sententia Deum expectare cooperationem nostræ liberæ voluntatis, ut ipse operetur. Sed de hac locutione dicam latius infra cap.... Est enim sub illis verbis, & ablata æquiuocatione verissima.

17.  
Item respō-  
detur ad alia  
quæ in altero  
loco Cumel im-  
ponit.

Quæ in altero loco Cumel mihi imponit, quatenus attingunt quæstionem de initio salutis, infra in eodem capite tractanda sunt: quoad alia verò reiecta sunt. Quis enim dixit supposita excitante gratia liberum arbitrium incipere prius natura conuersionem, per quam proximè præparatur ad gratiam? Nam si sit sermo de gratia, id est, de auxilio efficaci, vel physice adiuvante, homo non se præparat ad illam gratiam incipiendo conuersionem, sed cum illa gratia gratis collata incipit conuersionem. Si vero sit sermo de gratia sanctificante, sic verum est, hominem per conuersionem se præparare ad illam, sed falsum est prius natura incipere talem conuersionem; quam per auxilium gratiæ ad illam inchoandam physice iuuetur, non prius nec posterius, sed simultaneo concursu. Et aperte repugnantia inuoluitur, cum dicitur, quia homo voluit consentire prius natura ideo Deum velle iuare illum simultaneo concursu, nam simultaneus concursus non datur ad id, quod est prius natura, cum à nobis dicatur simultaneus non tantum tempore, sed etiam natura. Nec aliud tandem colligere potuit, ex omnibus locis, & verbis meis, quæ ibi citat, nisi vel Deum in consensu simultaneo, non prius natura, prioritate scilicet, causalitatis operari, quod ego libentissime admitto, vel Deum quoad hunc concursum expectare influxum liberi arbitrij, quod etiam verum, & certum iudico. Sed de hoc posteriori puncto in loco citato dicam; de priori vero iam satis est dictum,

Fr. Suarez de Gratia Pars II.

A & demonstratum, quam longè sint ab illo principio cetera quæ ex illo male inferunt. Quorum vnum est, quod ultimo loco addit, de sufficientia, & efficacia auxilij, quod prior sola sit ex Deo, *secunda ex nobis*. Hæc enim posterior pars falsa est, ut dicam capite sequenti, nec sequitur ex dictis, cum arbitrium nihil faciat in ordine supernaturali sine auxilio efficaci, nec det illi efficaciam, sed ab illo potius iuuetur. Solum ergo dici potest auxilium efficax operari siue nobis, quod verissimum est, longe tamen diuersum.

Ad ea tandem quæ Ledesma induxit, fate-  
mur, nos dicere, Deum non prius natura influere per concursum generalem, nec per actuale influxum gratiæ adinantis. Cauenda vero sunt verba, quibus sæpe ille auctor confusè vtitur concursum confundendo cum prædeterminatione, cum præmotione, ut possit inde concipere lector nos omnem gratiæ præmotionem negare. Distincte ergo loquendo asserimus, Dei gratiam præcedere præmonendo liberum arbitrium, excitando illud, alliciendo, ac præparando, non prædeterminando, & quoad hæc præmotio Dei non est simul, sed præcedit tempore quando est tantum sufficiens, vel saltem natura, quando est efficax, modo à nobis declarato. Post hanc verò præmotionem, in illo puncto, quo arbitrium determinatur, nullam aliam prædeterminationem, vel præmotionem causalem admittimus, sed concursum, & influxum simultaneum, ut satis iam declaratum est. Neque Molina aliquid amplius dicit in illo eodem loco, quem Ledesma citat, ut manifestè ostensum est.

Ultimò ergo addo tertium dictum quod proposuit, videlicet, totam hanc obiectionem locum habere in sententia illorum Doctorum, & ab eis eodem modo soluendam esse, si velint consequenter loqui, solumque inter nos relinqui controuersiam de auxilio præuio prædeterminante, cum qua omnes istæ illationes & propositiones nullam habent connexionem. Declaratur assertio. Nam isti auctores admittunt nobiscum esse necessarium auxilium simultaneum imbibitum in actione liberi arbitrij.

Neque enim negare possunt, ut laudent, primam causam, per se, & immediatè influere in actionem creaturæ, neque etiam possunt negare, quin actio liberi arbitrij, si supernaturalis sit, immediatè, ac per se sit ab aliquo principio supernaturali, & gratuitè physice in illam influente. Ergo loquendo præcisè de illo influxu simultaneo, obijci eodem modo potest cõtra illos Auctores, quod prius natura influat arbitrium, quam gratia, quia hoc, non influit prius secundum illum influxum; ergo posterius. Item sequitur, Deum concurrere, quia voluntas concurrat. Hæc autem non debent, nec possunt admitti in illa sententia, etiam respectu auxilij simultanei, quia nihil intelligi potest fieri à libero arbitrio sine illo simultaneo influxu; ergo necesse est, ut etiam fateantur ex negatione prioris, non inferri affirmationem posterioris, quia simultas excludit prioritatem, & posterioritatem respectu eiusdem, & secundum eundem ordinem naturæ, & causalitatis. Item fateri debent ex concomitantia necessaria non sequi concausalitatem cum necessaria concomitantia, quia non agunt solitariè, ut sic dicam, sed concurrente simul. Ergo in hoc versatur eadem ratio in vtraque opinione. Solum ergo superest quæstio de necessitate præuij cõcursus, ante simul-

Alm 3 tancum;

18.  
Respondetur  
ad ea  
quæ Ledesma  
induxit.

19.

20.

taneum, quæ controuersia per hanc obiectionem non attingitur, quia siue detur talis præmotio, siue non detur, semper est verum liberum arbitrium in operibus gratiæ nihil posse sine aliqua præmotione, & nullum opus posse agere, aut inchoare, sine actuali influxu, & concursu Dei proportionato operi voluntatis humanæ, & eiusdem ordinis cum illo. Nihil ergo sententiæ nostræ obstant propositæ obiectiones, de aliis vero ut lectoris fastidium leuemus, in capitulis sequentibus iuxta occurrentes occasiones dicemus.

## CAPVT XXVIII.

*Concluditur vera concordia libertatis auxilij cum efficaci auxilio eiusque necessitate in gratia operibus.*

1. Hæc concordia est præcipuus scopus in hac disputatione intentus.

**H**æc concordia in teipsa iam explicata est, quia verò est præcipuus scopus, & fructus in hac disputatione intentus, ideo breuiter, & clarè proponenda est, & nonnullæ obiectiones dissoluen-  
da, ut per eam solutionem veritas illustrior fiat. Duæ vero sunt, ut sic dicam, partes libertatis, quæ integræ, & illæse conservari debent secundum fidem, non obstante necessitate auxiliorum gratiæ etiam efficientiam, quæ secundum legem ordinariam Dei hominibus dantur. Prior pars libertatis est quoad specificationem, seu contrarietatis, quæ requirit potestatem veram, & moralem, ad præstandum supernaturalem consensum vocationi, etiam in his hominibus, qui vocationi sufficienti non consentiunt. Altera pars libertatis est quoad exercitium, quæ postulat potestatem non consentiendi vocationi, etiam in his hominibus qui vocationi consentiunt, & pro illo eodem instanti pro quo consentiunt, considerata prius natura, quam consensus fiat. Quæ omnia satis patent ex dictis supra de libertate.

2. Necessitas gratiæ efficientis optime convenit cum libertate quoad specificationem. Ratio.

Dicimus ergo primò, necessitatem gratiæ efficientis existentis in vocatione congrua optime convenire, seu in concordiam redigi cum libertate quoad specificationem. Ratio est, quia homo à Deo vocatus habet potestatem proximè sufficientem ad consentiendum si velit, ita ut sine alio præueniente auxilio, vel prædeterminatione extrinseca proveniente possit cum effectu velle, & facere id, ad quod vocatus est, ergo talis homo licet cum effectu non consentiat, liber est ad consentiendum. Antecedens probatum hætenus est contra alias sententias. Consequentia verò probatur, quia in illo homine ordine naturæ præcedit vera potestas consentiendi per principia gratiæ, tam moralia, quam physica, & potestas dissentiendi, per innatam libertatem, ut effectus ipse probat in his, qui non consentiunt; ergo in tali homine prius natura, quam dissentiat, est vera libertas ad consentiendum, & consequenter, quoad specificationem actus, seu libertas contrarietatis; hæc enim idem sunt.

3. Eadem ratio aliter formatur.

Secundò ad maiorem declarationem eadem ratio aliter formatur, quia homini sufficienter vocato, & nihil consentienti nihil deest ex parte gratiæ necessarium ad consensum, nisi auxilium gratiæ simultaneum, seu concomitans, sed hic defectus non est contrarius libertati; ergo. Maior suppo-

**A** nitur ex dictis. Minor probatur, quia licet ille concursus ad extra non detur, esse potest oblatus, & paratus ex parte Dei, & de facto ita offertur, quia secundum scripturas, & promissiones, ac comminationes Dei, per Deum non stat, quominus homo consentiat, & velit postquam vocatus est; ergo id satis est ad libertatem. Probatur consequentia, quia hæc libertas consistit in proxima potestate sufficiente ad utrumque, & consequenter ex parte Dei habente paratum concursum: hoc enim intimè imbibitur, vel requiritur in proxima, & integra potestate, ut supra probatum est: actualis autem concursus simultaneus non requiritur ad potestatem, sed ad usum eius. Vnde in actibus etiam naturalibus idem modus libertatis ad utrumque inuenitur, licet in usu, & in effectu homo vnum tantum concursum ad vnum actum, & non ad alium in se recipiat, tamen quia hoc ipsum per illum stat, & pendet ab usu libertatis eius, ideo cum carentia talis concursus stat vera libertas ad eundem actum.

**B** Terriò declaratur, quia quod vocatio sit inefficax seu incongrua non oritur ex Deo, sed ex homine, ut in superioribus probatum est; ergo talis vocatio, quæ in se est incongrua confert homini potestatem, quæ liber simpliciter constituitur ad non reddendum vocationem incongruam; ergo incongruitas illa stat cum perfecta libertate ad consentiendum, aliàs non posset homini imputari, nec esse libera talis inefficacia, seu incongruitas. Et hoc confirmant illæ admonitiones Petri, & Pauli. *Satagite ut per bona opera certam vestram vocationem faciatis* 1. Pet. 1. & *Adiuuantes exhortamur vos, ne in vacuum gratiam Dei recipiatis* 2. Cor. 6. Essent enim istæ exhortationes vanæ, nisi bonus usus gratiæ, vel vocationis esset in proxima potestate recipientis. De quibus & aliis locis plura in capite sequente.

4. Declaratur.

**C** Superest verò difficultas, quia vocatio, seu auxilium efficax, est simpliciter necessarium, ut homo consentiat, sed hæc vocatio non datur homini qui non consentit, ergo deest illi aliquid necessarium ad consensum; ergo non est liber ad consentiendum. Probatur consequentia ex nostris principiis. Primo, quia vocatio congrua est necessaria tanquam vnum ex prærequisitis ad operandum, ostendimus enim hoc auxilium efficax esse præmouens, & ordine naturæ antecedens operationem. Secundo, talis vocatio etiam si dicatur aliqua ex parte innolere auxilium simultaneum, nihilominus non solum non datur, verum etiam nec offertur à Deo, neque est in potestate hominis habere illam, quia nihil potest homo facere, ut illam habeat, ut supra de prædeterminatione physica dicebamus: Rationes enim ibi factæ, æquæ hic procedunt, quia nec immediatè potest homo in se facere talem vocationem, nec media dispositione libera ad illam se preparare, cum omnis talis dispositio debeat ab aliqua congrua vocatione proficisci. Et confirmatur. Nam illud est in nostra potestate, quod est in nostra voluntate, iuxta illud Augustini 1. Retract. c. 22. *Id est in nostra potestate quod cum volumus facimus*, sed habere talem vocationem non est situm in nostra voluntate, sed est beneficium omnino gratuitum, nam ratione huius vocationis potissime dictum est ab Apostolo. *Non est volentis neque currentis, sed Dei misericordie*, iuxta sententiam Augustini in Enchirid. c. 2. dicentis. *Quando non volentis, &c. nisi quia & ipsa voluntas vult ipsum est à Domino preparatur*. Preparatur autem per sanctam & congruam cogitationem, seu

5. Proponitur difficultas.

seu vocationem, vt ipse lib de Dono perseuer. cap. 8. declarat, & in q. 2. ad Simplician. *N si vocando, inquit, precedat misericordia Dei, nec credere quisquam potest, vt ex hoc incipiat iustificari & accipiat facultatem bene operandi.* Et infra expresse dicit, nobis tribui non posse quod vocamur, præfertim illa vocatione quæ congrua dicitur, de qua inquit. *Igitur non volentis, neque currentis, sed miserentis est Dei qui hoc modo vocauit, quo aptum erat eis, qui sequuti sunt vocationem.* Talis ergo vocatio cui non datur, neque etiam offertur; ergo non est in potestate eius, ergo neque in libertate, ergo nec effectus talis vocationis est in eius potestate, aut libertate, cum ad illum sit necessaria talis vocatio, sicut nos contra necessitatem physicæ prædeterminationis argumentati sumus.

6. Duo distincta ad differentiam expediendam.

Ad hanc difficultatem expediendam, & differentiam assignandam inter vocationem congruam, & physicam prædeterminationem, duo attentè distinguenda sunt. Nam aliud est, vocationem, quæ homini de facto datur esse congruam, vel incongruam, aliud verò est quod Deus præcognoscendo vnā vocationem futuram congruam, aliam verò non talem futuram elegerit vnā, vel alteram tribuere. Nam manifestè constat posse hoc secundum pendere ex sola Dei voluntate, quamvis primum etiam ex voluntate humana pendeat. Dicendum est ergo vtrumque eorum verum esse. Nam posita in homine sufficiente vocatione, & præciscendo ab omni præcognitione Dei circa futura est in potestate hominis facere, vt illa vocatio Dei congrua sit, quia illi simul offertur auxilium concomitans, quo possit operari, si velit, & si de facto operetur, iam vocatio erit congrua, & vt talis, erit à Deo præcognita, & libera electione collata. Neque obstat quod quidam obiciunt, quia nemo potest se disponere ad auxilium efficax, saltem primum, neque illud impetrare, aut emereri, nam ad hæc omnia supponi, debet; ergo nec potest habere illud in sua potestate, etiam quoad hoc, vt efficacia auxilij pendeat ex libertate hominis. Respondemus enim negando consequentiam, quia illa potestas quæ est in homine vocato vt non reddat vocationem incongruam, non est remota, vt sic dicam, scilicet, per potestatem se disponendi ad aliquod auxilium, sed est proxime per potestatem cooperandi auxilio, seu vocationi, cum auxilio simultaneo sibi iam oblato. Atque ob hanc rationem necessitas vocationis congruæ non requirat cum absoluta libertate, & potestate, ad bene operandum, etiam tum, quando contingit, vocationem non esse congruam, quia causa huius defectus, seu incongruitatis actualis, in libero arbitrio fuit.

7.

Difficultas autem posita non procedit contra hanc partem, sed tantum probat aliud secundum membrum, quod proposuimus, scilicet non obstante hac dependentia, congruitatis vel incongruitatis vocationis à nostro libero arbitrio, nihilominus manere in æterna Dei providentia, & sola libera electione quod decreuerit dare huic homini in tempore vocationem, quam præiudic ei futuram congruam, vel aliam non talem futuram, quia cum in præscientia sua omnia præoccupet, potest velle quod sibi placuerit, & varias vocationes pro suo beneplacito distribuere, seu causas secundas ita præparare, vt hæc, vel illa vocatio ad hunc, vel illum hominem præueniat. Et hoc tantum est quod Augustinus in locis citatis docet, & probant rationes factæ idemque confirmat argumentum proxime factum, quod homo non potest se disponere ad primam vocationem, etiam

A sufficientem, ergo multo minus ad congruam; Hæc ergo distributio, sicut & prædestinatio voluntate Dei fit, & non habet causam ex parte hominis, vt infra latius dicam.

Vnde vt difficultas clarius solvatur addendum est, vocationem congruam ita esse necessariam vt consensus cum effectu derur, vt illa necessitas non sit ex parte principij, quatenus confert veram potestatem ad agendum, sed solum ex parte effectus, vt certo, & infallibiliter futurus sit. Quæ necessitas maxime consideratur in ordine ad diuinam præscientiam, & prædestinationem, vt voluntas prædefinitiva Dei possit infallibiliter impleri. Et ideo non obstante necessitate vocationis congruæ, qui illam non habet, absolute & simpliciter habet potestatem operandi, quia ipse est in causa, vt vocatio, quam habet, congrua non sit. Neque refert, quod non sit, vel fuerit in hominis potestate recipere à Deo illam vocationem, quam præcognouit futuram esse congruam. Quia ex parte ipsius consensus, vel potius ex parte principij eius non erat illa simpliciter necessaria ad tale opus, vel consensum præstandum, poterat enim fieri per aliam vocationem simpliciter, & verè sufficientem. Si homo illa vti voluisset, sicut posset, sed illa necessitas est solum ex præscientia Dei qui præiudic hominem de facto non bene vsutum alia vocatione, & illa necessitas quoad hanc partem est consequens liberum vsuum, vel abutuum in præscientia, & non est necessitas simpliciter, & antecedens, & ideo carentia talis vocationis non est contra libertatem quoad specificationem respectu talis effectus.

Atque hinc tandem est apertum discrimen inter necessitatem physicæ prædeterminationis, & congruæ vocationis. Nam physica prædeterminatio dicitur esse antecedens, ac per se, & natura sua necessaria ad omnem actum liberum voluntatis, & ideo si illa non datur, nec offertur à Deo, sed potius ex absoluto, & antecedenti Dei decreto omnino negatur, actus simpliciter, & omnino fit impossibilis voluntas, nullo enim modo est in potestate eius. At vocatio, quæ de facto est congrua non est simpliciter necessaria, alia enim de se sufficeret, si homo illam non contemneret, sicut de vocatione Esau dixit Augustinus dicta q. 2. ad Simplician, vnde si quæ est in illa necessitas non est antecedens sed consequens. Quod ex alia differentia declaratur, nam physica prædeterminatio si necessaria est, reuera requiritur ex parte principij, vt der, vel compleat posse, vt manifestis argumentis probatum est, etiam si assertores eius aliquando tergiversentur, ideoque qui talem prædeterminationem non recipit in se, absolute non habet potestatem integram & proximam, & quia illam non habet in sua potestate morali, ita vt facere possit aliquid ad obtinendam illam, neque potestatem remotam habet, ac subinde liberam quoad specificationem, nec illi potest imputari ad culpam carentia talis auxilij efficaci, & consequenter nec omissio effectus illius.

At verò vocatio congrua duo habet, nam & est vocatio, & est congrua. Quatenus vocatio est dat posse integrum, & completum tam morale, quam physicum, quia supponit vel principium physicum supernaturale, vel illud secum affert, vt declarauimus capite..... Quatenus vero congrua est, dat illud posse tale modo, vel in tali opportunitate, vt infallibiliter habeat effectum, & ideo dicitur sub hac ratione non solum dare posse, sed etiam agere, quia inducit infallibiliter ad

2.

9.

10. Vocatio congrua duo habet.



agendum. Veruntamen intercedit differentia, A quia sub priori ratione dari posse per se, & independentem ab usu liberi arbitrii, sub posteriore autem ratione dari agere cum ordine ad usum liberi arbitrii à Deo præsumptum ad quem illa congruitas dicitur habitudinem. Et hinc fit ut possit dari integra potestas, & consequenter etiam integra libertas, sine congruitate vocationis, quia potest præcedere vocatio, quæ det talem potestatem, & solum desinat esse congrua ex defectu liberi arbitrii in cuius proxima potestate est bonus usus talis vocationis, & quia cum illo auxilio gratiæ non facit, quod potest, ideo talis vocatio congruitate caret, quam posset habere. Et hoc modo congruitas talis vocationis, est in potestate hominis, licet non sit in eius potestate habere aliam vocationem, quam Deus prænouit futuram congruam, & nihilominus illam dare noluisset quod non obstat libertati, & potestati per aliam vocationem comparatæ.

II. Efficacia gratiæ libertati arbitrii quoad exercitium actus non repugnat, sed media vocatione congrua optime concordat.

Dico secundò. Efficacia gratiæ libertati arbitrii quoad exercitium actus non repugnat, sed media vocatione congrua optime concordat. Assertio quoad priorem partem certa est de fide, modus autem huius concordantiæ licet sit obscurus, à nobis tamen explicatur in hunc modum. Quia duo requiruntur ad gratiam, seu auxilium efficacem præuium, vnum est ut inducat voluntatem in consensum, aliud ut infallibiliter consequatur effectum; primum habet vocatio congrua ex se, & ex natura sua, & hoc præcisè spectatum non repugnat libertati, quia cum vocatione sic considerata manet indifferentia voluntatis, ita ut posset cum illa vocatione coniungi eadem consentus, si nulla alia suppositio fiat. Secundum autem non habet illa vocatio ex se sola, sed ut habet habitudinem ad effectum futurum, & præsumptum à Deo, qui in sua præscientia falli non potest. Hinc ergo fit, ut illa efficacitas vocationis optime simul consistat cum libertate actus: quia quatenus illa vocatio spectatur, ut congrua, iam inuoluit usum libertatis.

II. Declaratur.

Et hæc ratio concordantiæ maxime declaratur ex differentia inter infallibilitatem physicæ prædeterminationis, & vocationis congruæ. Nam prior est infallibilitas in causa determinata prius natura; quam efficiat actum secundum, id est, in auxilio de se efficaci, & prædeterminante voluntatem humanam, unde repugnat indifferentiæ requisitæ, ad usum libertatis, hæc vero posterior est infallibilis effectus, ut futuri à sua causa proxima præuisa, ut liberè determinanda cum tali auxilio; unde necessitas quæ sequitur ex priori infallibilitate, est necessitas omnino antecedens, quæ libertati repugnat. Altera vero est necessitas consequens, quæ optime cum libertate consistit. Item prior infallibilitas, seu necessitas nullo modo pendet ex libera potestate voluntatis, quia nec habere illam prædeterminationem est in potestate libera voluntatis, sed solum in potestate receptiua respectu liberæ voluntatis Dei, & post receptam illam determinationem non est in potestate voluntatis suspendere, vel impedire actionem eius, at posterior infallibilitas absolute pendet ex libero usu voluntatis cuius præuisio supponitur in mente Dei per scientiam conditionatam, & inde est infallibilis connexio talis vocationis cum consensu libero voluntatis.

Vnde ulterius in hoc modo efficacitatis vocationis congruæ non antecedit, vel tempore, vel natura determinatio voluntatis humanæ ad vnum

in actu primo, sed semper intelligitur de se indifferens etiam posita illa vocatione, ita ut præcisè spectando talem vocationem, possit voluntas humana pro sua libertate illam facere non congruam, seu reddere inefficacem. Atque ita prima determinatio est illa, quæ fit in actu secundo concurrente simul ipsa libera voluntate; solum ergo præcedit vocatio, ut habens habitudinem ad liberam determinationem voluntatis futuram infallibiliter in præscientia Dei, quæ habitudo non solum potest esse simul cum libertate, sed etiam usum eius in suo termino inuoluit. At vero in altero modo efficacitatis per physicam prædeterminationem antecedit in humana voluntate determinatio ad vnum in actu primo, ad quam voluntas humana liberè non concurret, & ab illa sic prædeterminata procedit postea actus secundus secundum ordinem causalitatis, & naturæ, quod male potest cum libero usu circa eundem actum componi, quia talis effectus, ut provenit à tali causa proxima, & in actu primo integrè constituta, non est contingens, sed necessarius, nec procedit indifferentia ad non agendum, sed cum necessitate absoluta, & ab extrinseco proveniente ad agendum. Ex comparatione ergo vtriusque efficacitatis ita concludimus. Infallibilis connexio inter præueniens auxilium efficacem, & consensum voluntatis tantum esse potest, vel antecedens, & in causa, vel consequens, & in præscientia aliqua futuri euentus in se ipso, sed prior modus infallibilitatis non potest cum libertate actus concordari, ut multis modò ostensum est; ergo ideo cum illa concordat, quia non est infallibilis in causa per se spectata, sed ut habente habitudinem ad effectum infallibiliter in præscientia futurum. Ergo non potest aliter quam per vocationem congruam hæc concordia explicari, & cum illa optime constare.

Contra hunc autem concordantiæ modum multa nobis obijciuntur. Primum est quia procedit ex fundamento scientiæ conditionatæ, quod (ut quidam ait) omnes antiqui Doctores negant, & certum est (in eius vtriusque sententia) talem præscientiam non dari. Et quamvis hoc non sit certum, saltem negari non potest, quin tale fundamentum sit dubium, ideoque videri debet insufficientius ad concordantiæ explicandam, quia de fide certum est, gratiam, & prædestinationem Dei non tollere libertatem, dogma autem fidei non debet in dubio principio fundari. Hæc vero obiectio facilè, & maiori efficacitate retorqueri potest contra physicam prædeterminationem. Nos enim sententiam quæ in illa constituit efficacitatem auxiliorum gratiæ falsam esse censemus, & ut credimus efficaciter probamus, & ex eo præcipuè illam impugnamus, quod talis modus præuenientis efficacitæ concordari non potest cum actu nobis libero quoad exercitiū, neque necessitas eius potest cum libertate quoad speciem talis actus conciliari in eo, cui tale auxilium non datur. Ac denique etiam credimus, antiquos Doctores maiori ex parte tale genus prædeterminationis negasse, & alios plerosque illam non agnouisse, quod in sequentibus ostendemus. Et quamvis de hoc sit contentio, multo magis dubia est assertio talis prædeterminationis, quam scientiæ conditionatæ: nam (ut credimus) multo minori nititur auctoritate, & seclusis aliis testimoniis, vel rationibus in illa scientia nulla maior inuenitur repugnantia, quam in absoluta scientia futurorum

contin

contingentium, & per se spectata decet Deum, pertinetque ad perfectionem eius: in prædeterminatione autem inuenitur repugnantia respectu libertatis, & non pertinet ad perfectionem Dei, sed potius præ se fert violentum quendam prouidentiam modum. Incautè autem id nobis obiiciant, in quo ipsi maiori ratione redargui possunt.

13. Et nihilominus in forma respondemus ad priorem partem negando assumptum. Est enim illa sententia conformis scripturis, & antiquis Patribus, & omnino vera, quam multi ex aduersariis iam negare non audent, licet in modo, seu fundamento illius à nobis discordent, ut physica præterminationi adhæreant, ex quo quanta illis incommoda sequantur in secundo Prolegomeno ostendimus. Ad alteram partem dicimus dogma fidei non fundari in dubio fundamento quantum ad rationem credendi, sæpè autem explicari, & defendi per fundamentum minus certum quamuis probabilius. Sicut quod Spiritus sanctus non sit filius, dogma fidei est, id autem à nobis explicatur, quia processio per voluntatem non est per modum similis, quod sub opinione est. Ita ergo in præfenti licet concordia auxiliij efficaci cum libertate sit dogma fidei, & de scientia conditionata non sit tanta certitudo, nihilominus hanc viam ut sanioerem, & magis accommodatam eligimus ad illud dogma fidei defendendum, & explicandum, quod ad munus Theologi pertinet.

14. Obiectio.

Hinc verò obiiciunt secundò, quia concordia hæc libertatis cum gratia, & Pelagianis visa est impossibilis, & Augustino, & Patribus saltem valde obscura, & difficilis; si autem hæc concordia sumenda esset ex vsu libertatis præuiso per scientiam conditionatam, res esset valde facilis, & peruisa, & ita nec hæretici habuissent occasionem exaggerandi repugnantiam gratiæ cum libertate, nec Augustino visa esset res adeo difficilis. Imo aliquando illam rationem esset aggressus ad hanc concordiam explicandam, quod tamen nunquam facit, sed semper in hoc negotio recurrit ad subiectionem intellectus in obsequium fidei, & recognitionem omnipotentiæ Dei, & iustitiæ, ac bonitatis eius, nihilque aliud respondendum putat, nisi quod Paulus homini dicenti. *Quid adhuc queritur? voluntati eius quis resistet?* responderet. *O homo tu quis es, qui respondeas Deo, o altitudo diuinitatum, & non est iniquitas apud Deum.* Ergo signum est hunc modum concordia, quem nos assignamus non esse verum, neque principis fidei consentaneum.

15. Soluitur prima pars obiectio.

Tres partes habet obiectio Prima spectat ad rem ipsam, & in hoc fundatur, quod hæc ratio concordia est nimis facilis, cum tamen ipsa concordia semper visa sit obscurissima, præsertim Augustino epistola 46. in fine & 47. in principio, & in lib. de grat. & liber. Arbitr. in principio. Respondemus hunc modum concordia comparatum quidem ad obscuritatem, & perplexitatem, quæ posita physica prædeterminatione in tali concordia inuenitur, esse facilem, & clarum, nihilominus tamen absolutè loquendo esse valde supernaturalem, & multa includere quæ ab homine non comprehenduntur, licet utrinque concipiantur. Nam in primis scientia illa de futura libera determinatione voluntatis ex tali, vel tali hypothese nimis, est obscura, & difficilis, necessariumque est fidei adiutorium, ut ea credatur, quia diuinæ excellentiæ, & testimoniis scripturarum est magis consentanea. Vnde cum hæc concordia illam sententiam supponat, eo ipso difficilis est, & obscura. Deinde illa posita su-

A perest illa difficultas quæ Philosophos errare fecit, quomodo cum tali præscientia stet contingentia, quam noui quidam Theologi audent dicentes, hanc scientiam esse causam futuritionis effectus per eam cogniti. Imo etiam in ipso Deo non caret difficultate ad explicandum quomodo cum tali præscientia liberè operetur, ut in proprio opere de illa scientia attigimus. Ad hæc etiam si scientia ipsa non tollat libertatem, adhuc obscurum est, quomodo gratia proueniens ex absoluto decreto Dei, etiam si illam scientiam supponat, libertatem non impediat, cum absolutè voluntati Dei nemo possit resistere. Ac denique in executione satis obscurum, ac difficile est ad intelligendum quomodo voluntas diuina, & humana ita in effectione eiusdem actionis conueniant, ut neutra alteram ordine causalitatis, aut prædeterminationis antecedit, quæ difficultas non tollitur per scientiam conditionatam. Nam in illamet scientia necessarium erit, ut saltem sub conditione illa, quæ in tali scientia supponitur proponantur illæ duæ voluntates ut coniunctæ, & quasi præparatæ ad efficiendam eandem actionem omnino simul natura sine præuia efficaciacia, vel prædeterminatione vnus in aliam. Hæc ergo concordia quam assignamus non potest propter claritatem, vel facilitatem contemni, cum difficultatibus scateat. Debet autem aliis præferri, quia in his difficultatibus nulla est, quæ vel repugnantiam aliquam cum aliquo dogmate fidei, vel contradictionem in rebus ipsis ita præ se ferat, ut non sufficienter, imo & euidenter soluantur, saltem negatiuè, ut aiunt, id est ita soluendo argumenta, ut euidenter sit non concludere. In alia vero ratione concordia, quæ physicam prædeterminationem supponit multa includuntur, quæ ita apparent, & inter se, & cum dogmatibus fidei pugnantia, ut nobis non videantur sufficienter ne dum euidenter dissolui.

Secunda pars obiectiois erat de modo argumentandi Pelagianorum contra Augustinum, arguebant enim illum, quod introduceret fatum nomine gratiæ efficaci, seu vocationis ex proposito, quod nullo colore dicerent, si concordiam libertatis cum tali gratia ad scientiam illam mediam reuocaret. Vnde tertia pars illius obiectiois est, quod Augustinus nunquam vsus est tali scientia ad hanc concordiam explicandam. Verum tamen quod ad Augustinum attinet in Prolegom. 2. ostendimus, illum, & scientiam mediam agnouisse in Deo, & ad nonnulla mysteria explicanda illa vsum fuisse: quomodo verò illam semper cum prædeterminatione, & congrua vocatione coniunxerit, infra in speciali capite declarabimus. De Pelagianis verò siue illam scientiam ignorauerint, siue illam cognouerint, parum nostra refert, nam in hoc valde errabant, quod necessitatem auxiliij gratiæ etiam adiuuantis, & simultanei, seu generalis consensus putabant repugnare libertati. Vnde in obiecto scientia mediæ (sic eam agnouerunt) non admitterent posse includi auxilium gratiæ, ut ex hypothese præsciretur, quid esset voluntas cum illo subsidio liberè operatura, quia credebant illam hypothese destruere libertatem. Et ideo cogitare non potuerunt per scientiam hæc posse efficaciam gratiæ cum libertate conciliari. De Semipelagianis certius est, illam scientiam tribuisse Deo, male tamen illa vsi sunt, non ad conciliandam libertatem cum vera gratia, sed ad defendendum bonum vsum solius libertatis sine adiutorio gratiæ, & consequenter ad distribuendâ veram rationem gratiæ, ponendo meritum gratiæ in merito solius liberi

16. Secunda pars obiectiois soluitur.

Item tertia pars.

liberi arbitrij, & tribuendo rationem meriti, vel demeriti operibus nunquam futuris. Et hoc putarunt necessarium esse ad concordandam libertatem cum gratia, & ad saluandam in Deo generalem voluntatem saluandi omnes homines, ut constat ex Epistola Prosperi. Et quia D. Augustinus ralem concordiam non admittebat, imo validissime impugnabat, dicebant illum introducere factum, & similia.

## CAPVT XXIX.

*Aliis obiectionibus contra superiorem concordiam ab incommotis desumptis satisfi.*

1. Obiectiones contra superiorem concordiam, ab incommotis desumptis. Primum incommotum.

**V**Ltra superius dicta præcipue nobis obiicitur, quod iuxta illam rationem concordia, multa videntur consequenter concedenda, quæ in Semipelagianis, vel etiam in Pelagianis sunt damnata aut certe ad illa nimium videntur accedere. Primum est quia sequitur, auxilium efficax recipere efficaciam à libero arbitrio, & consequenter id, quod est potissimum in tali auxilio esse à nobis, & non ex Deo, quod dici non potest. Sequela patet quia iuxta nostram sententiam auxilium in re non est efficax, nisi per liberam determinationem voluntatis humanæ, & ipsa vocatio non denominatur efficax, nisi per habitudinem ad illam determinationem, & quasi per determinationem ab illa. Secundum est, quia sequitur, rationem ob quam auxilium nobis datum est efficax, esse voluntatem nostram bene vtem rem sua libertate. Consequens est falsum ergo. Sequela patet ex præcedenti propositione, quia nostrum arbitrium est, quod suo bono usu dat efficaciam auxilio; ergo est ratio ob quam est efficax. Falsitas autem consequentis probatur; quia sic homo fidelis discerneret se à non fideli per suum arbitrium contra Paulum 1. Corinth. 4. Tertium est posse hominem resistere auxilio efficaci, quia potest facere, ut non sit efficax, quandoquidem hoc pendet ex sua libertate. Consequens autem est falsum, quia auxilium efficax procedit ex proposito Dei absoluto, cui nemo potest resistere, & est medium efficax ad illius propositi executionem, sed voluntati Dei efficaci nemo potest resistere, ut dicitur Esther. 13. Ergo neque efficaci auxilio. Vnde argumentor in hunc modum, quia vel vocationi congruæ resisti potest, vel non potest. Si potest illi resisti, non est auxilium efficax, si non potest ei resisti, non minus repugnat libertati, quam prædeterminationis physica, & difficultates omnes de illa propositæ hic locum habent. Quartum inconueniens est, quia sequitur auxilium efficax non addere supra auxilium sufficiens aliquod auxilium præuenientis gratiæ, sed solam cooperationem voluntatis cum auxilio simultaneo. Ex quo ulterius fit, auxilium efficax non distingui à sufficiente, nisi in actuali effectione, & in auxilio simultaneo, ac proinde non esse efficax, quia facit hominem consentire, sed quia illo cooperante facit cum illo consensum, quæ omnia sunt à nobis in c. 1. præcedentis libri reprobara. Quintum est, quia sequitur conuenientiam hominis non resolui ultimam in solam diuinam voluntatem, sed etiam in humanam, ac subinde ex duobus vocatis ad fidem, quod unus credat, & alter non credat, non esse tri-

**A** buendum soli diuinæ voluntati, sed maxime humanæ. nam iste non credit, quia non vult, ille autem credit, quia vult. Et licet sit differentia, quod ille solo suo arbitrio non vult, iste autem non solo arbitrio, sed adiuuante simul gratia vult, nihilominus propria, & innata libertas est in suo genere non solum proxima, sed etiam vltima ratio, in quam discretio illa resoluitur. Quod si verum esset cessaret admiratio Augustini, cur hunc trahat, & illum non trahat, &c. non facilis est ratio scilicet, quia hic vult, & ille non vult, quod neque Augustino, neque modo loquendi scripturæ consentaneum est. Et similia multa possunt obijci, & inferri, quæ videntur contraria vel scripturis, vel Conciliis, vel Augustino, & ideo de his testimoniis tractando in sequentibus capitulis alias obiectiones commodius proponemus.

**B** Ad propositas verò obiectiones respondemus, nihil posse ex nostra sententia sequi, quod errorem Pelagij, vel Massiliensium redoleat, cum ab utroque errore longissime discrepet, imò utique directè opponatur. Quod facile intelliget, qui attentè considerauerit, quæ de illis erroribus in Prolegom. 4. fideliter, ac diligenter tradidimus, & quæ in his quinque libris de necessitate auxiliorum gratiæ, tam excitantis quam adiuuantis, ad inchoanda, perficienda, & consummandam pietatis opera docuimus. Ad primum ergo inconueniens negatur sequela. Vocatio enim congrua, sicut non habet suum esse, vel suam perfectionem à libero arbitrio, ita neque ab illo potest efficaciam suam habere, sed vel efficienter habet illam à Deo, vel formaliter à sua perfectione quæ intrinsecè est talis virtus agendi. Neque obstat quod tale auxilium non sit effecturum, nisi cum illo sit concursus simul voluntas humana se liberè determinans: nam hinc solum fit tale auxilium non exercere actu suam efficaciam sine libero arbitrio concausante cum illo, inde vero non fit, quod auxilium ab altera concausa habeat suam efficaciam, sed solum quod eam non exerceat sine illa. Sicut habitus claritatis non elicit actum sine voluntate se determinante, & tamen non recipit efficaciam à voluntate, sed solum non exerceat illam sine voluntate. Et ut hoc evidentius fiat, distinguamus vocem illam efficaciam, potest enim significare vel vim, & potestatem agendi, vel actualem causalitatem, aut effectiorem. Si ergo priori modo sumatur, euidentius est, vocationem congruam non recipere efficaciam suam à libera determinatione voluntatis, nam ante talem determinationem habet vocatio illam efficaciam, effectiue quidem à Deo, ut dixi, formaliter vero per seipsam, quia habet innatam, & intrinsecam illam vim agendi, vel causandi quæ nomine efficaciam in prædicta acceptione significatur. Si vero sit sermo de efficacia posteriori modo sumpta, subdistingui potest, nam duplex causalitas potest in illa vocatione considerari, vna antecedens ordine naturæ liberum consensum voluntatis, & determinationem eius, & hæc in genere causæ efficientis nondum est efficacia in actu secundo, sed in actu primo, tamen in genere causæ formalis est vera causalitas physica, quam vocatio habet, vel in intellectu illuminando illum, vel in voluntate afficiendo, & vi taliter inclinando illum, & hæc tota causalitas, siue physica, & formalis, siue in suo genere effectrix bonæ voluntatis, est eodem modo effectiue à Deo, & intrinsecè ac formaliter ab ipsamet vocatione, & nullo modo esse potest à libero arbitrio, ut constat. Alia ergo est efficacia actualis,

2. Responderet ad obiectiones.

Ad primum incommotum.

Tertium.

Quartum.

Quintum.



actualis, seu in actu secundo causæ efficientis, siue physica, siue moralis. Et hæc efficacia nihil est aliud, quam ipsa actio voluntatis quatenus à tali auxilio procedit, de qua actione verissimè dicitur vocationem non efficere illam sine consortio, & determinatione libera voluntatis. Propter quod rectè monuit Augustinus lib. de grat. liber. arbitr. cap. 2. in fine, *ut qui aliquid secundum Deum operatur non alienet hoc à propria voluntate*. Non tamen propterea dici potest habere auxilium à voluntate illam efficaciam, seu actionem, sed solum non habere illam sine cooperatione voluntatis, quod verissimum est, & ab arguentibus necessario confitendum in sua sententia. Quia licet daretur voluntati auxilium præuium prædeterminans, nihilominus non potest actu efficere consensum sine cooperatione libera voluntatis se liberè determinantis, ut etiam ipsi vel inuiti consentiant, ne vsum libertatis in consensu negent, & nihilominus non dicent voluntatem dare auxilio illam efficaciam, sed tantum auxilium non habere illam sine voluntate liberè concausante.

Nomine efficacis quid intelligatur.

Sed dicent fortasse nomine efficacis nihil ex dictis intelligi, sed ipsam actualem determinationem ad operandum, hinc enim auxilium, vel vocatio vocatur efficax quod includit quandam infallibilem determinationem ad agendum: tota autem ratio huius determinationis in nostra sententia videtur esse liberum arbitrium, quia vocatio illa quantumvis congrua non facit illam determinationem efficaciter, sed ad illam semper quasi spectat liberum arbitrium, & ideo dicimus esse necessariam præscientiam liberæ determinationis, ut actio auxilij sit infallibiliter futura; ergo quod ad hoc tota efficacia est à libero arbitrio, non solum respectu vocationis, sed etiam respectu Dei, quia etiam Deus non prædeterminat liberum arbitrium, sed quasi expectat determinationem eius. Declaratur exemplo de voluntate, & habitu charitatis, quando enim voluntas tali habitu affecta exercet actum amoris, licet habitus non recipiat à voluntate efficaciam quoad vim agendi, nec quoad inclinationem ad actum, nec quoad ipsam actionem, seu efficientiam eius, nihilominus à voluntate habet determinationem, & quasi applicationem quoad exercitium actus. Ita ergo erit in præfenti de vocatione, nam licet sit congrua in suo vfu, ut ita dicam, & exercitio suæ actionis, subiicitur voluntati, & dominio ejus non minus quam habitus, hoc enim nos necessarium putamus ad concordiam ejus cum libertate.

4. Ad replicam respondeo, in his, & similibus obiectionibus tacitè supponi determinationem esse quid distinctum ab actione voluntatis, & prius illa, quod nos omnino negamus. Quia non admittimus in voluntate liberè operante determinationem simpliciter præuiam in actu primo, credimus enim actionem procedentem à tali principio, non posse esse liberam, ut hæcenus latè ostensum est. Seclusa autem determinatione in actu primo ex voluntate quocunque Dei auxilio præuenia, ut maneat in actu primo indeterminata (ut saluetur libertas ejus in operando), immediatè sequitur determinatio in actu secundo, quæ nihil est aliud realiter, ac formaliter, nisi actio ipsa consentiendi, quia voluntas non se determinat, nisi efficiendo suum consensum. Quantum ergo ad rem spectat, parum refert loqui de illa actuali efficacia sub nomine determinationis, vel sub nomine

A actionis consensus, cum in re nulla sit distinctio, sed tantum in nominibus. Igitur sicut ostensum est vocationem non habere efficaciam suæ actionis à libero arbitrio, sed à Deo effectiue, & ab innata virtute formaliter, ita dicendum est de determinatione. Nam vocatio de se determinata est ad talem actionem, & exercitium ejus, non totum (ut sic dicam) sed quantum est ex parte sua, & cum hac determinatione à Deo datur sub eadem conditione, si voluntas cooperari voluerit, & ideo licet verum sit, posita illa vocatione, & oblato auxilio simultaneo solum expectare determinationem, quatenus à libera voluntate pender, nihilominus nullam efficaciam vel determinationem inde recipit auxilium, sed tantum illi coniungitur concausatio (ut sic dicam) voluntatis.

B Et hoc ipsum confirmat exemplum de voluntate, & de habitu charitatis, nam habitus charitatis de se satis est determinatus ad suam actionem, non est enim formaliter liber, & ideo quantum est ex se determinatus est ad exercitium, & speciem sui actus, illum tamen non semper elicit, etiam proposito obiecto, quia non est integrum principium sui actus, sed indiget cooperatione voluntatis, & quia voluntas libera est, & per habitum non cogitur suam cooperationem illi præstare, ideo dicitur habitus quasi applicari à voluntate ad operandum, non quia talis applicatio, vel determinatio sit aliquid præuium in ipso habitu, sed quasi per denominationem extrinsecam, vel concomitantiam, quia eo ipso quod voluntas se applicat, determinat, seu elicit, habitus etiam elicit actionem, ad quam de se satis erat natura sua determinatus. Ita ergo censemus de vocatione etiam congrua, si secundum se, & secundum suam entitatem tantum consideretur, nam si spectetur, ut datur ex proposito Dei, sic habet quandam determinationem non intrinsecam, sed extrinsecam ita ordinatam ad effectum secundum præscientiam conditionatam, ut infallibiliter illum consequatur. Et secundum hanc rationem à Deo, & non ab arbitrio habet efficaciam suam etiam quoad determinationem ad talem effectum, quia ex libera voluntate Dei datur homini vocatio talis, ac tantæ actiuitatis, cum tali congruitate, & habitudine ad effectum infallibiliter consequendum. In qua observatione, & attemperatione vocationis maxime misericordia Dei relucet, teste Augustino lib. de spirit. & litter. cap. 34. & aliis locis infra citandis. Unde licet talis vocatio in executione illum effectum consecutura non sit sine influxu libero voluntatis humanæ, quem respicit ut infallibiliter futurum, nihilominus non habet suam efficacitatem ab illo, sicut præscientia visionis non est in Deo sine habitudine ad effectum futurum, & tamen non est ab illo, neque suam veritatem habet ab illo, & Pater æternus talis est per habitudinem ad filium, & tamen non habet paternitatem ab illo, hæc enim duo longè diuersa sunt, ut est per se notum.

E Ad secundum inconueniens negatur sequela. Et quia illatio probationis, solum probatur ex primo inconueniente, cum illud negatum sit, & ostensum non sequi, euaneſcit illa probatio. Ut autem res ipsa evidentior sit, & inde nostra sententia magis confirmetur aduerto ex Augustino lib. de dono persever. cap. 10. cooperationem nostram liberam

6. Respondetur ad secundum inconueniens.

cum

cum vocatione congrua, ut transsit in gratiam adiuuantem, & cooperantem comparari posse, vel ad voluntatem Dei, seu propositum æternum, quod Deus habuit dandi talem vocationem, vel ad actualem efficientiam ipsius vocationis cum actuali influxu liberi arbitrij cooperantis. Et iuxta hanc secundam considerationem potest esse duplex sensus illius consequentis. *quod nostræ libera cooperatio sit ratio ob quam nobis detur vatio congrua*, scilicet, ut sit ratio, ob quam voluit Deus nobis illam dare, vel ut sit ratio ob quam vatio in se sit, & constituitur efficax & congrua. Et in priori sensu oportet sumere illam cooperationem, ut ab æterno præmissam, quia ut facta in tempore non potest esse ratio æternæ voluntatis Dei. In posteriori autem sensu sermo esse debet de libera cooperatione arbitrij, ut in tempore exercetur.

7. Dico ergo si illatio fiat in priori sensu malam esse, & consequens esse falsum. Nam si operatio illa liberi arbitrij spectetur, ut præcognita per scientiam absolutam qua futura prævidetur, talis præscientia supponit in Deo voluntatem, & propositum dandi homini talem vocationem; ergo non potest esse ratio illius voluntatis: si autem sit sermo de præscientia conditionata, sic licet secundum rationem antecedit propositum Dei, non tamen potest esse ratio talis propositi, quia illa cooperatio in illo signo nondum cognoscitur, ut simpliciter futura. Nam conditionalis nihil ponit in esse, nec homo est dignus premio, vel poena propter actionem tantum sub conditione futuram, ut Augustinus lib. 2. de Dono persever. cap. 9. & 10. & alibi frequenter docet contra Semipelagianos. Et colligitur ex illo Sapient. 4. *Rapius est ne malitia mutaret intellectum eius*, & ratio est, quia totum illud opus quandiu solum est sub conditione futurum, continetur sub latitudine entis, & non actualis, & ideo non potest in eo, ut sic præuiso fundari actuale meritum, nec impetratio, aut aliud simile genus causæ, vel rationis, sed solum potest fundari ratio finis. Et hoc modo verum est liberam cooperationem futuram, & sub conditione præmissam fuisse finem, propter quem voluit Deus dare vocationem congruam, ut homo consentiret: inde tamen non sequitur illam cooperationem esse vocationem divini propositi, sed potius sequitur esse effectum eius, & ad summum dici posse rationem finalem ipsius vocationis. Hoc autem non est contra rationem gratiæ efficacis: nam quomocunque explicetur auxilium efficax, in omni sententia dicendum est dari homini, ut illi infallibiliter cooperetur, licet non detur illi quia cooperaturus est. Hæc namque duæ habitudines per illas duas particulas *ut* & *quia* importatæ sunt inter se repugnantes, nam in posteriori indicatur præexistens causa, seu ratio, aut motuum dandi auxilium, in priori vero denotatur potius effectus, qui etiam est finis auxilij, seu vocationis Dei. Sicut Paulus dixit ad Ephes. 1. *Elegit nos ut effemus sancti, non quia futuri eramus sancti*, ut ibi notat Hieronymus, & eodem modo addit ibidem Paulus. *Sorte vocati sumus, predestinati secundum propositum eius, qui operatur omnia secundum consilium voluntatis sue, ut simus in laudem gloriæ eius*, &c. Et Augustino lib. de prædestinatione sanctor. cap. 17. *Intelligamus (ait) vocationem qua sunt electi, non qui eliguntur, qui crediderunt, sed qui eliguntur, ut credant* & cap. 19. *Non quia erudidimus, sed ut credamus vocamur atque illa vocatione qua sine penitentia est, id prorsus*

A *agitur, & peragitur ut credamus*. Et Concilium Arausican. Can. 25, cum Augustino ponderat illud 1. Corinth. 7. *Misericordiam consequutus sum, ut sim fidelis*, addens, *non quia eram fidelis*. Quamvis ergo scientia conditionata futuræ liberæ cooperationis præcedat voluntatem dandi talem vocationem, eaque sufficiat, & necessaria sit, ut vatio propter talem cooperationem tanquam propter suum proximum finem detur, non tamen sufficit, ut propter illam tanquam propter rationem, seu causam meritoriam, impetratoriam vel aliam similem detur. Quia (ut dixi) illæ habitudines sunt repugnantes, & habitudo finis optime cadit in rem nondum præcognitam, ut absolute futuram, sed ut possibilem, vel futuram sub conditione, habitudo vero alterius rationis, vel causæ postulat existentiam causæ saltem, ut absolute futuram, seu præsentem in præscientia.

B Et à posteriori hoc confirmatur, quia in multis Deus prævidit sub conditione fuisse consenturos, si vocarentur tali modo, ut de Tyriis, & Sydoniis dicit Christus Matth. 11. & tamen non propterea vocati sunt illo modo, ut ponderat Augustinus dicto cap. 16. de Don. persever. & in Enchirid. cap. 95. Et in omnibus reprobis cognovit Deus sub conditione, quod consentirent, si hoc, vel illo modo vocarentur, & tamen illis non dantur vocationes congruæ, ut de Esau dixit Augustinus q. 2. ad Simplician. Igitur ex tali modo congruitatis, aut efficacis vocationis nullo modo sequitur dari ex parte hominis rationem aliquam decetæ, vel congruitatis propter quam à Deo talem vocationem recipiat. Quod necesse fateatur etiam fautores physice prædeterminationis, negare enim non possunt, quin Deus priusquam vellet talem prædeterminationem dare, sub conditione prævideat, hominem consenturum, si illi tale auxilium detur: & nihilominus qui recte ex illis sentiunt, non admittent consensum liberi arbitrij esse rationem, vel causam ob quam Deus vult dare tale auxilium, sed potius esse effectum, vel ad summum finem auxilij. Et ideo merito supra diximus, errare, qui in illa sententia dicunt consensum liberum voluntatis, licet sit à prædeterminatione, esse dispositionem ad illam, tum quia illæ duæ habitudines sunt inter se repugnantes, ut dixi, tum etiam, quia ratio facta urget contra illam sententiam, quod ex parte hominis daretur ratio, & causa auxilij efficacis, negari enim non potest quin dispositio præparans hominem ad gratiam sit ratio, vel aliqua causa illius.

C Dicendum superest de altera parte, si sensus argumenti sit, ex nostra sententia sequi, quod in executione ipsa determinatio liberi arbitrij, sit ratio ob quam, seu per quam determinatio fiat efficax, & congrua. Et sic etiam nullius momenti, vel considerationis est illatio. Quia ut in præcedenti puncto dictum est, licet auxilium efficax ad suam actualem efficientiam requirat coëfficientiam liberam voluntatis, nihilominus auxilium non sit efficax per efficientiam liberi arbitrij, sed per propriam virtutem, & actionem, & ita determinatio liberi arbitrij non est ratio efficacitatis auxilij, etiam in executione, sed potius sub una ratione est effectus eius, sub altera vero est coëfficientia cum eodem. Nam eadem vatio efficax considerari potest, vel ut est auxilium præueniens, & inducens voluntatem ad consensum, vel ut transsit in statum gratiæ cooperantis, & adiuuantis. Et priori quidem ratione est causa saltem moralis ipsius liberæ determinationis voluntatis,

tatis, prius verò quam hunc effectum, in re ipsa obtineat non dicitur efficax, nisi quia & illud potest obtinere, & de facto infallibiliter illud obtinebit. Inde tamen non fit ut determinatio libera sit ratio efficacis vocationis, sed solum sequitur, quod in illa cōsummetur efficacia auxilij tanquam in termino, & effectu per illud intento. Nec etiam sequitur quod illud auxilium solum sit efficax, ut concomitans, seu per solum denominationem ab effectu, sed solum sequitur non esse efficax sine habitudine ad effectum infallibiliter consequendum, quam habitudine non habet prius quam effectus in re sequatur, & consequenter prius etiam, quam tale auxilium fiat in adiuuans, seu concomitans, & tunc tunc effectrice, ut est sub illa habitudine determinatur efficax, & ita includit determinationem liberi arbitrij, non ut rationem suæ efficaciz, sed ut terminum seu effectum eius.

10.

Quatenus autem vocatio consideratur ut actualiter operans consensum simul cum voluntate, siue moraliter, siue etiam physicè, vel per seipsam, vel per aliquod aliud supernaturale principium quod habet coniunctum sub hac ratione, sua efficacia est ipsamet actio qua fit consensus, non tamen ut est à libero arbitrio, sed ut est ab ipsa vocatione, seu principio aliquo supernaturali. Et ideo ratio efficaciz auxilij non est determinatio libera voluntatis quamvis non sit sine illa, quia nomine determinationis liberæ significatur illa actio, ut est à libera voluntate à qua esse non potest, nisi etiam sit ab auxilio efficaci, neque etiam potest esse ab auxilio, quin sit à voluntate. Magis autem recipit nomen determinationis liberæ per habitudinem ad voluntatem hominis quam per habitudinem ad auxilium efficax, vel ad voluntatem Dei, quia cum ibi concentrant simul Deus, habitus infusus, aut aliqui suppleñs vicem eius, quando ille deest, & voluntas hominis, & ex his tribus quasi consuetur vnum principium concretum, quod prius natura intelligitur esse in actu primo, in illo priori sola voluntas humana intelligitur indifferens ad influxum suum præstandum: nam habitus de se determinatus est modo iam declarato, & licet Deus libere influat, iam supponitur sua voluntate determinatus ad influendum quantum est ex se, ut supra etiam declaravi, voluntas autem hominis adhuc manet indeterminata in illo priori, ut actio possit esse libera. Ideoque quando in posteriori natura actio illa simul procedit ab illis principiis quasi partialibus, formaliter denominatur determinatio in ordine ad voluntatem hominis, quamvis simul fiat à Deo, & à gratia adiuuante tam moraliter, quam physicè. Atque ita illa determinatio non est ratio altis principiis ut agant, vel efficacia sint, sed est quædam concausalitas, sine qua actualis efficientia aliorum principiorum subsistere non possit.

*An possit voluntas resistere vocationi congruæ.*

11.  
Obiectio  
tertia.

In tertia obiectione ponitur quid sit dicendum de potestate resistendi vocationi congruæ. Aliqui enim absolute concedunt sequelam, nimirum voluntatem posse resistere voluntati congruæ, quia ut auxilium efficax non tollat libertatem videtur in voluntate potestas illi resistendi, ut videntur probare argumenta facta contra physicam prædeterminationem, & videtur etiam sumi ex Concilio Tri-

Fr. Suarez, de Gratia Pars II.

A dentino, & Senonen. ut infra videbimus, & est expressa sententia Augustini lib. 3. de liber. arbit. cap. 18. ubi sic ait. *Quæcumque causa est voluntatis, si ei resisti non potest, sine peccato ei ceditur*, utique quia sine libertate, unde etiam dicere posset, sine merito ei consentitur, etiam si actus sit bonus. Contra hoc autem videtur urgere argumentum factum, quia verbum *resistendi* includit compositionem, quia nisi supponatur aggressor, non habet locum resistantia, resistere autem vocationi congruæ illa supposita videtur impossibile, quia alias non esset infallibiliter efficax; ergo illa supposita non manet in voluntate potestas resistendi. Propter quod alij simpliciter negant esse in nostra voluntate potestatem resistendi auxilio efficaci, seu vocationi congruæ, nec putant illam potestatem esse necessariam ad libertatem, quia auxilium efficax non est necessarium ad posse, sed ad agere; seu velle, & libertas consistit in posse. Sed hoc à nobis impugnatum est in physica prædeterminatione, & eadem ratio videtur habere locum in omni auxilio præueniente efficaci, quia omne tale auxilium dat posse, quia ut præueniens est non dat agere, hoc enim pertinet ad auxilium simultaneum, de quo solo potest in rigore dici, quod det tantum agere, & non posse. Vnde Augustinus sapientissime docet, per vocationem qua præparatur voluntas à Domino dari homini potestatem ut filius Dei fiat. Mihi ergo dicendum videtur vocationem congruam dupliciter spectari posse, primo ut vocatio est secundum omnem entitatem, quam includit: secundo ut denominatur congrua per habitudinem ad effectum infallibiliter futurum. Priori modo spectata dico semper resisti posse, quia non determinat voluntatem, ut supra probavi, & quia simpliciter loquendo nulla est repugnantia, quod cum tali vocatione simul stet, & componatur negatio consensus, imo & voluntas consentiendi in obiectum vocationis, sed potius in contrarium, quia illa vocatio relinquit voluntatem indifferenter ad hæc omnia. Et hoc etiam probat ratio in priori opinione adducta, & alia facta contra physicam prædeterminationem. At vero sumpta vocatione congrua posteriori modo, & sub illa reduplicatione, ut congrua est, sic dico non posse illi resisti propter rationem factam, quod illa ut congrua includit propositum Dei efficax à quo procedit. Et ratio à posteriori est, quia vocatio ut congrua involuit vsum liberum, & supponit illum in diuina præscientia, homo autem non habet potestatem resistendi suomet consensui in eodem, & pro eodem instanti in quo habere illum supponitur, quia non potest velle non consentire dum consentit, facta utique suppositione, sed vocatio ut congrua involuit actualem consensum modo explicato; ergo illi ut sic non potest eadem voluntas resistere. Et ob eandem causam talis potentia resistendi non est necessaria ad libertatem nec impotentia resistendi vocationi congruæ, ut talis est, repugnat libertati, tum quia ad libertatem non est necessaria potestas ad opposita vnum cum alio componendo, tum etiam quia impotentia illa solum est ex suppositione consequente, & supponente iam vsum libertatis, & ideo non repugnat libertati, sicut etiam necessitas consequens illi non repugnat.

Ex quo tandem constat differentia inter auxilium efficax positum in prædeterminatione physica, vel in vocatione congrua. Nam priori modo est suppositio omnino antecedens, siue spectetur secundum suam nudam entitatem, siue sub ratione

12.  
Differentia  
inter auxilij  
efficax pos-  
itum in præ-  
determina-  
tione physi-  
ca, vel in vo-  
catione con-  
grua.

N n

auxilij



auxilij efficaci, hæc enim duo in illa entitate non distinguuntur, quia ex vi suæ entitatis, ac per se dicitur habere vim determinandi voluntatem, cui ipsa voluntas non potest resistere; & ideo talis impotentia resistendi inducit necessitatem absolutam, & simpliciter non tantum consequentiam, sed rei, & consequentis. At vero vocatio congrua, ut est congrua, & auxilium efficax, non est suppositio omnino antecedens: nam licet illa vocatio absolute spectata sit auxilium præueniens, tamen ut congrua est inuoluit habitudinem ad usum liberum infallibiliter futurum, non ex absoluta efficacia prædeterminante talis vocationis, sed ex spontanea cooperatione voluntatis futura, & præuisa sub conditione à Deo, qui talem vocationem ut congruam, & efficacem dare voluit. Et ideo impotentia resistendi illi vocationi ut congrua est, non supponit necessitatem absolutam, sed tantum ex suppositione consequente, ut declaratum est. Libertas autem saluatur per hoc, quod liberum arbitrium de se potens est ad resistendum illi vocationi secundum se spectata.

### Quid addit auxilium efficax sufficienti.

13. Ad quartum inconueniens concedimus, auxilium efficax non addere supra sufficiens nouum auxilium præueniens, quod sit morio, vel qualitas distincta à toto auxilio sufficiente, & ab influxu simultaneo, & prior natura illo. Imo hoc existimamus necessarium, tum ut auxilium sufficiens sit verè sufficiens, tum ut potestas proximè libera ad efficiendum, & non efficiendum actum inueniatur in homine non tantum sufficienter, sed etiam efficaciter vocato. Vnde etiam supra diximus, vocationem congruam non addere sufficienti aliquam proprietatem absolutam, quia illa esset necessaria ad posse, & non esset in hominis potestate cum sit præueniens, & illa data non esset in hominis potestate non habere actum ad quem sic vocatur. Et sic incideremus in omnia incommoda, quæ vitare studemus. Hæc autem rationes probant de quocumque alio auxilio distincto à sufficiente, & ultra illud necessario. Nihilominus vero negamus, hinc sequi contra superius dicta, auxilium efficax non esse præueniens, quia sub ratione datur antequam homo operetur, & non constituitur in illa ratione per cooperationem, vel per auxilium simultaneum, sed per efficaciam virtuales sibi intrinsecam, ut est sub habitudine ad cooperationem liberi arbitrij de facto infallibiliter futuram cum auxilio gratiæ simultaneo.

14. Atque eodem modo vocatio congrua ut est auxilium efficax præueniens à sufficiente distinguitur, nam vnaquæque res per id ab alia distinguitur, per quod constituitur. Vocatio autem efficax ut antecedens est congrua, non constituitur per auxilium simultaneum, vel per actuale cooperationem liberi arbitrij, sed per attemperationem ad illam, ergo eodem modo distinguitur à vocatione sufficiente, quæ non ita attemperatè tribuitur. Dixi autem, *ut antecedenter est congrua, seu efficax*, quia si spectetur ut transit in rationem gratiæ cooperantis, & adiuuantis sic verum est non distingui à vocatione sufficiente, nisi in actuali actione cum auxilio simultaneo, & cooperatione liberi arbitrij. Et simili modo licet sub hac posteriori ratione non faciat voluntatem vellet, aut facere, sed cum illa faciat ipsum velle, nihilominus sub priori ratione facit ut voluntas velit, & operetur, quia illam excitat, mouet, & inducit, ut velit, & operetur. Et quia tali modo, & opportunitate datur, ut infallibiliter talem effectum obtineat, ideo non solum dicitur, & est efficax, propter actu cooperatur, sed etiam propter præmouet, & inducit ad volendum. Non est enim de ratione gratiæ efficaci, quæ facit facere, ut se sola prædeterminationem aliquam, vel ipsam determinationem voluntatis faciat, hoc enim esset contra libertatem talis determinationis, sed satis est, quod ita præmoueat, ut infallibiliter obtineat determinationem liberam ab ipsa voluntate, quamuis in executione neque sola, neque simul cum ipsa voluntate talem determinationem efficiat.

### Sit ne auxilium efficax per se tale.

Sed dicunt aliqui. Ergo gratia efficax non est per se efficax, sed quia illi adiungitur voluntas, & sic efficacia gratiæ quodammodo subiicitur libero arbitrio, contra Concilium Arausican. Can. 6. Imò etiam erit per accidens, & contingenter efficax, quod videtur contra vim, & dignitatem efficacis gratiæ.

Respondet in priori consequente particulam illam *per se* posse excludere consortium alterius causæ, & significare quod sola non sufficiat ad suam causalitatem, vel posse significare modum causandi, & denotare quod non habeat modum causandi per se, sed tantum per accidens, vel denique potest significare intrinsecam connexionem inter talem vocationem, & illam efficacitatem, à qua dicitur efficax, ita ut dicatur non conuenire illi per se, quia non habet illam intrinsecè innatam ex natura sua, & ex vi suæ absolutæ entitatis.

Primum sensum indicat probatio in contrarium inducta, in illo vero respondemus ad illationem priorem, duplicem causalitatem inueniri in tali vocatione. Quædam est antecedens, & quasi intentionalis, & moralis, quæ illi conuenit, ut est gratia præueniens, & inducens voluntatem ad consensum, & sic negatur illa prior consequentia. Quia reuera sola vocatio est, quæ attrahit, & allicit voluntatem prius natura, quam ipsa consentiat: nam ad hoc non cooperatur liberum arbitrium, nec alio modo est causa ipsius vocationis. Et similiter vocatio quando ut efficax datur, sola est, quæ habet illam causalitatem cum congruitate, ad capacitatem, & conditionem recipientis, hanc ergo congruam causalitatem per se sola habet quasi formaliter, eamque à solo Deo recipit, ut dixi, sine cooperatione, dispositione, aut merito liberi arbitrij. Alia causalitas illius vocationis est in actuali executione, & actione ipsius consensu, & determinationis ad illud, & sic concedenda est illatio, nam vocatio congrua non est ita efficax determinationis voluntatis, ut se sola illa efficiat, sed concomitater cum ipsa voluntate, nec aliud esse potest de ratione auxilij efficaci, ut dixi sæpè. Nec inde fit, ut gratia subiiciatur libero arbitrio, sed fit, ut in aliquo genere causandi, & efficiendi comiteretur illud, quod verissimum est, ut infra circa Conc. Araus. latius dicemus.

In secundo sensu negatur simpliciter consequentia, quia gratia excitans, ut excitans est, non est causa per accidens actus supernaturalis. Vnde à fortiori vocatio congrua non est causa per accidens, etiam si ultimum effectum per illam internum non ex necessaria determinatione obtineat, neque ex sola sua causalitate, sed cooperante simul voluntate libera, potest enim esse causa per se, etiam si quoad executionem

15.  
An gratia efficiat sic per se efficiat

16.

17.

executionem causa non sit totalis in omni genere, sed requirat consortium alterius causa liberè agentis. Est autem vocatio causa per se, quia non ab extrinseco, sed natura sua ad talem effectum ordinatur, vnde quando effectum obrinet, illum per se causat, vel in genere causæ finalis ratione obiecti, quod ponit, vel in genere causæ moralis quatenus voluntatem attrahit per actua-lem internam cogitationem, affectionem, inclina-tionem, & suauitatem quæ inclinationem auget: quæ moralis causalitas in suo genere, & re-spectu effectus moralis est causalitas per se, & fundatur in physica causalitate formali, quam ta-lis gratia habet in voluntate quam afficit, & in-tellektu, quem illuminat, vt supra declarauimus. Ac denique quando talis vocatio transit in gratiam adiuuantem, etiam physicè causat per se consen-sum voluntatis, vel per ipsummet actum, quo vo-luntatem excitat, vt est probabile vel per princi-pium aliquod supernaturale, quod vel supponit, vel secum adducit, vt supra etiam declarauimus.

In tertio autem sensu fateamur vocationem il-lam non esse per se, & ex vi suæ entitatis efficacem, quia licet congruitas illa ad effectum infallibiliter futurum sit valdè consentanea naturæ, & inclina-tioni talis vocationis, pendet nihilominus à futu-ra liberi arbitrij determinatione tanquam à termi-no quem illa congruitas respicit, & ideo vocatio illa non potest habere illam congruitatem ex ne-cessitate absoluta, & simpliciter, non potest ergo ab intrinseco, & per se illi conuenire, nisi ex suppo-sitione talis termini, & quia suppositio illa est sim-pliciter libera, & contingens, ideo congruitas etiã conuenit contingenter illi vocationi secundum se spectatæ. Supposita autem congruitate per se, ac necessario est efficax, quia est per se causa ef-fectus, vt declarauimus, & ex hypothese infallibiliter habebit effectum. Et hoc satis est ad omnem per-fectionem, & utilitatem gratiæ efficacis, non enim consistit eius perfectio, vel utilitas in hoc, quod libertatem tollat, sed potius, vt sit utilis, oportet, vt libertatem conseruet, & inuet, & perfe-ctio eius in hoc consistit, quod vt subest sapien-tissimæ ac omnipotentissimæ prouidentie, ita ar-temperatur voluntati liberæ, vt eam liberè, & in-fallibiliter in consensum inducat. Atque hoc mo-do, sper huiusmodi concordiam, & gratiæ dignitas, & arbitrij libertas in suo gradu, & ordine optime saluantur.

*In quem fiat vltima resolutio hu-manæ conuersionis.*

18. Responde-tur ad quin-tum inconue-niens de vlti-ma resolu-tione huma-næ conuer-sionis.

Ad quintum inconueniens de vltima resolu-tione humanæ conuersionis, & salutis, quod fie-ret vltimatè in liberum arbitrium, & non in solam diuinam voluntatem respondemus in aliquo ge-nere posse resolutionem vltimam, & debere fieri in liberum arbitrium, non tamen in omni genere, & modo, præsertim in bonis operibus, & pietatis. Est ergo considerandum fautores prædetermina-tionis physicæ contendere, omnem actum, om-nemque consensum voluntatis nostræ reducend-um esse in solam Dei voluntatem, adeo vt inter-dum dicant, hanc causalem propositionem falsam esse. *Quia homo vult consentire, & cooperari Deo excitanti, vel conuerti, ideo consentit, cooperatur, vel conuertitur.* Quia ipsummet cooperari voluntatis humanæ reducitur in voluntatem Dei tanquam in causam per se efficientem. Vnde inferunt, cum

*Fr. Suarez, de Gratia Pars II.*

A quæritur cur homo vocatus à Deo vellet conuerti non esse respondendum, quia vult, nec esse sisten-dum in facultate liberi arbitrij, sed esse responden-dum quia Deus vult, & quia facit illum consenti-re, efficaciter determinando illum vt liberè con-sentiat. Solus autem Deus ideo vult determinare voluntatem hominis, quia vult, quia sola voluntas diuina est, quæ non habet aliam priorem se, & ipsa est prior cæteris, quia est prima causa omnium rerum, & omnium determinationum. Vnde infe-runt vltèrius voluntatem creatam non habere in sua potestate, & dominio primam (vt ita dicam) deliberationem sui actus, sed hanc esse in Deo, qui est primum deliberans, & primus Dominus, & ideo necesse est vt prius ipse deliberet, & decer-nat efficaciter, quid voluntas humana deliberatu-ra sit, & volitura, & tunc poterit voluntas huma-na illud ipsum, quod Deus decreuit velle, & deli-berare, & non aliud. Ad hoc autem persuadendum non alia argumenta adducunt, nisi quibus præde-terminationem, physicam probare nitantur, quæ partim iam soluimus, & alia in sequentibus capi-tibus tractanda sunt. Et quamuis interdum vi-deantur illam doctrinam limitare, ad actus gratiæ, vel ad actus bonos; si tamen fundamentum bonum est, eodem modo procedit de omni humana deli-beratione, & determinatione in omni materia. Nam etiam Iudas non habuit primo potestatem, & dominium deliberandi de Christi venditione, & in eam liberè consentiendi, sed Deus primo hoc deliberauit & decreuit, ac efficaciter voluit vt Iu-das idem deliberaret, ac veller, & ideo Iudas id se-cum statuit, quia Deus ita deliberauerat secundum consilium voluntatis suæ. Quod absit vt creda-mus, aut de Deo cogitemus.

C Nos ergo respondemus distinguendum in pri-mis esse ordinem executionis ab ordine diuinæ prædestinationis. Incipiendo ergo ab ordine exe-cutionis, quia ab illo debet fieri resolutio ad ordi-nem prædestinationis, dicimus in primis, etiam in actibus pietatis faciendam esse resolutionem li-beri consensus in facultatem liberi arbitrij, non quidem solam, sed diuinam per gratiam illique cooperantem. Hoc videtur certum, quia t. lis con-sensus liber est ipsi homini consentiendi, sed illam denominationem, & rationem liberi non accipit nisi ab innata facultate libera ipsius voluntatis, non est enim hic consensus mihi liber, quia Deus de illo deliberat, sed quia ego de illo delibero, & facultatem, habeo illum faciendi ex sola innata libertate. Ergo necessaria est aliqua resolutio fa-cienda in facultatem liberi arbitrij. Vnde non po-terit illa causalis propositio negari. *Quia homo vult consentire, cooperari, vel conuerti, supposita excisante gratia, ideo consentit, cooperatur, vel conuertitur.* Nam profecto si homo non conuertitur, quia vult, non potest voluntati eius tribui conuersio: nam id tri-buitur voluntati, quod facit, quia vult; si autem conuersio non potest tribui voluntati, multomi-nus poterit libertati, cum id solum sit liberum, quod est in volutatis potestate. Est ergo illa causa-lis omnino vera, & Catholica, *quia homo vult gratia vocanti consentit*, quam ex Scripturis, Conciliis & Patribus in sequent. capitulis comprobabimus.

E Nunc sufficiunt verba Augustini lib. 83. Quæ-stionum q. 68. *Si quis sibi tribuat ut veniat vocatus, non potest sibi tribuere, quod vocatus sit.* quibus aperte concedit, rectè tribui homini venire post voca-tionem, hoc est consentire, non autem alia ratio-ne tribuitur, nisi quia sua libertate, ac voluntate venit, quia vult. Vnde lib. de spiri. & liter. cap. 34. ne.

19.

19. Rectè tri-buitur ho-mini venire post vocatio-nem, hoc est consentire, non autem alia ratio-

N n 2

cum

cum dixisset, visorum suasionibus agere Deum, ut velimus, &c. concludit. *Sed consentire, vel dissentire propria voluntatis est.* Si ergo est propriæ voluntatis, certè consentit, quia vult. *Quæ res* (subiungit) *non solum non infirmat quod dictum est. Quid enim habes, quod non accepisti? Verum etiam confirmat. Accipere enim, & habere anima non potest dona, de quibus hoc audit, nisi consentiendo, ac per hoc quid habeat, & quid accipiat, Dei est, accipere autem, & habere utique accipientis est.* Quibus consonat quod ait epistola 54. ad Macedon. parum ante medium. *Homo cum bonus est, ab illo bonus est, scilicet Deo, illius enim spiritu boni sunt quicunque boni sunt, cuius capax creata est nostra natura per propriam voluntatem. Pertinet ergo ad nos, ut boni simus, accipere, & habere quod dat, qui de suo bonus est, quo quisque neglecto, de suo malus est.* Dicitur autem accipere ad nos pertinere, quia in nostra situm est voluntate; ergo conuertimur, consentimus, & cooperamur, quia volumus, hoc enim modo Dei dona accipimus. Vnde merito dicit Prosper. lib. 1. de vocat. gent. cap. 35. *Frustra dicitur quod ratio operandi non sit in electis cum etiam ad hoc operentur, ut electi sint.* Deinde assero, hanc resolutionem ita fieri in voluntatem, ut non excludatur vera, propria, ac præcipua causalitas efficiens Dei præparantis, & adiuuantis non tamen prædeterminantis voluntatem. Prior pars certissima est, & à nobis sæpè repetita. Ostendimus enim sine gratia vocante, & adiuuante physicè nihil boni operari nos posse; maximum autem bonum est consentire gratiæ vocanti; ergo neque id potest, nisi in virtute ipsius vocationis & gratiæ. Vnde hæc causalis propositio simpliciter vera est. *Homo consentit, & conuertitur, quia à Deo accepit, ut consentiat, & conuertatur.* nam ut hæc sint dona Dei non oportet, ut solus Deus illa faciat, sed satis est, quod gratis illa solus inchoet, & principaliter consummet. Et sic etiam verè dicitur, homo operatur, seu consentit, quia Deus vocatione illum attraxit, & illi persuasit. Quomodo dixit Augustinus dicta quæst. 68. eos, qui vocati venerunt, non debere sibi tribuere quod venerint, utique solitariè, vel primario, *quia nec venire possent nisi vocarentur.* Ac similiter verissimè dicitur homo consentire liberè, quia Deus efficienter, & liberè adiuuat illum ut consentiat, tam ut causa prima ordinis gratiæ, quam per modum causæ proximæ, dando illi virtutem supernaturalem agendi, vel per habitum, vel per seipsum, cum illo principaliter cooperando. Igitur hoc genus adiutorij, & causalitatis optimè per illam causalem explicatur, homo consentit, aut vult piè, quia Deus illum adiuuat, & vult illum bene operari. Nam voluntas Dei est prima causa illius operis, etiam si non antecedit in illa absolutum decretum, sed voluntas concurrenti quantum est ex parte sua, tum quia illa etiam est vera causa coëfficiens cum voluntate humana, si illa cooperetur, tum quia in eodem opere & actione, licet illæ duæ voluntates quoad influxum ad extra sineul natura concurrant, tamen voluntas creata semper concurrat ut pendens ab increata, & non è contra tum denique quia voluntas Dei præcedit offerens suum concursum, & auxilium, per quod potestas voluntatis humanæ suo modo completur. Ita ergo vera est illa resolutio consensus voluntatis humanæ in diuinam, ut cooperantem, & iuuantem.

21. Altera verò pars negatiua de voluntate prædeterminante in superioribus satis probata est; nam

A propter subordinationem, & dependentiam essentiali causæ secundæ à prima non est necessaria illa resolutio, ut in actibus malis satis ostenditur. Neque propter bonitatem, vel supernaturalitatem consensus, est necessarium, quia in hoc genere dependentiæ referunt eandem proportionem, & ad illos possunt dari physica principia proportionata, & offerri concursus sine tali prædeterminatione. Et alioqui illa prædeterminatio non stat cum libertate. Quamobrem addimus in hoc genere resolutionis ultimæ, si per particulam ultimam solum excludatur prior causa determinans, sic resolutionem liberæ determinationis voluntatis humanæ etiam in consensu supernaturali & operibus pietatis fieri in facultatem liberam voluntatis creatæ, sistendo in illa supposita supernaturali præparatione eius cum omnibus principiis supernaturalibus, moralibus, & physicis præuiis necessariis ad operandum. Quia ut paulò antè explicauimus adæquatum principium istius determinationis liberè coalescit ex vocatione habitu infuso, Deo ut iam libera sua determinatione exposito ad concurrendum, vel iuuandum, & voluntate libera hominis. Quo principio sic constituto, & præintellecto in quodam signo naturæ actualis determinatio peculiari modo pendet liberè à sola voluntate creatæ, nam alia principia iam de se sunt determinata, ut declarauimus, & ideo in executione, & ortu talis actionis ab illo adæquato principio verissimè dicitur ideo nunc fieri talem actionem, quia voluntas hominis liberè vult, & antè non fuisse factam, quia nolebat. Item est verum quod voluntas hominis ideo nunc vult, quia libera est, & quia ipsa se determinat, non prædeterminata ab alia priori voluntate, quamuis non se determinet nisi dependenter à priori voluntate, & ideo non sit primum deliberans, nec primum se determinans. Quæ omnia in superioribus satis explicata, & probata sunt. Neque contra hoc video rationem alicuius momenti, quæ non possit in actibus liberis circa obiecta parua inficiari, & ex principiis positis facile solui. Nam hinc non sequitur vel voluntatem hominis facere aliquid sine Deo, vel facere aliquid prius quam Deus illi cooperetur, vel quam illam excitet, & adiuuet, si opus sit pium, nec sequitur, voluntatem conferre aliquid gratiæ in actuali operatione, sed solum sequitur gratiam nihil in illo consensu, vel determinatione efficere sine voluntate se determinante. Nec denique sequitur hanc determinationem hominis fieri sine præcedente deliberatione, & decreto Dei, nam præcessit deliberatio Dei, qua statuit vocare, & iuuare hominem, & cum illo concurrere si ipse velit, quod per se sufficit ad exhibitionem consensus liberi, quantum ad ordinem executionis spectat.

22. Possimus autem ulterius progredi, resoluendo hanc totam executionem in diuinam prædeterminationem. Et sic in operibus pietatis, & in libero consensu, ac determinatione eiusdem ordinis, de quibus nunc loquimur, facile admittimus, & verissimum credimus, hominem congruenter vocatum, ideo velle credere v. g. quia vult, & ideo velle, quia congruenter vocatus est, & ideo vocatum esse congruenter, quia Deus voluit ita eum vocare, & ideo illum etiam vocasse, quia absoluto, & efficaci decreto voluit, præiunxit seu prædestinavit illum, ut crederet. Imo credimus iuxta Augustinum subordinationem, seu emanationem vocationis ab hoc proposito



proposito Dei esse de ratione talis vocationis congruam, ut videlicet in eodem Augustino lib. de Correp. & grat. cap. 7. & 14. & lib. 5. contra Iulian. cap. 4. & aliis locis infra in proprio capite citandis. Et hoc decretum necessarium est, & sufficit, ut salus hominis, & discretio inter iustos, & iniustos in solam Dei voluntatem ultimo resolvatur, iuxta illud ad Roman. 9. *Non est volentis, neque currentis, sed Dei misericordis*, & alia quæ capite sequenti insinuabimus.

23. Neque hinc sequitur prædeterminatio, quæ ad extra in humana voluntate fiat, nam illud propositum Dei non transcendit ordinem intentionis, nec per se exequitur quod vult, nec immutat voluntatem humanam plusquam necessarium sit, ut tale propositum infallibiliter impleatur, ut autem illud infallibiliter impleatur, sufficit vocatio congrua, ut iam explicatum est, ideoque prædeterminatio physica necessaria non est. Imò repugnaret tali decreto: nam per illud vult Deus ut homo liberè consentiat, quod non potest per physicam prædeterminationem executioni mandari, quia illa non faceret liberè consentire, sed necessariò, ut in superioribus visum est. Quocirca secundum executionem loquendo dicendum est, ex duobus sufficienter vocatis, hunc consentire, quia vult, & uterque operatur pro sua innata libertate, quāvis non operetur sua uterque potestate. Nam prior non solis viribus naturalibus id facit, sed cooperando gratiæ, alter sola innata potestate dissentit. Ascendendo autem ad inscrutabilia iudicia diuinæ prædestinationis, vult credere, quia Deus prædestinavit illum, ut crederet, & quia Deus voluntate absoluta præfinit ut crederet. De altero autem non possumus dicere, non conuertere, quia Deus noluit, vel quia prædestinavit, ut non crederet, quia Deus id non intendit, neque voluit, sed tantum permisit, & ideo quoad partem in voluntate ipsius hominis sistendum est, non credidit enim, quia noluit vocationi assentire, noluit autem, non quia ex parte vocationis aut Dei aliquid illi necessarium deesset, sed quia noluit, & ibi tanquam in vltima ratione sistendum est. De qua re dixi plura Tractat. de prædestinat. & reprobatur.

### C A P V T XXX.

*Doctrina data de auxilio efficaci, & concordia eius cum libero arbitrio, verbis Christi Matth. 11. comprobatur.*

1. **S**uppono in scriptura sacra non inueniri aliud expressè traditum de auxilio prædeterminante, vel de vocatione congrua, imò nec de auxilio efficaci, sub his expressis vocibus, sed ad summum inueniri verba prædestinandi, præfinitendi, aut defendendi, Deo ex æternitate attributa etiam quoad effectus à libero arbitrio dependentes. Sed de his iam in superioribus diximus esse longè diuersa à verbo prædeterminandi prout significat motionem quam Deus voluntati hominis in tempore infert, ut modo illo utimur, an verò liceat ab vno ad aliud argumentari, licet dictum etiam sit, aliquid fortasse attingemus. Vocationis autem, & auxilij nomina sæpè inueniuntur in Scriptura, cum addito vero

*Fr. Suarez de Gratia Pars II.*

**A** congrua vocationis non inuenitur. Solum ad Hebr. 4. loquens de Christo Paulus exhortatur nos, *ut ad eam cum fiducia ad thronum gratiæ eius, ut misericordiam consequamur, & gratiam inmensam in auxilio opportuno*. Quæ vox magnam affinitatem habet cum auxilio congruo, & ita D. Thomas exponit, id est, *congruo tempore*, & ita cæteri verbum illud maxime exponunt de temporis opportunitate, scilicet, vel in quo maxime illo indigemus, ut est tempus tribulationis, persecutionis, ac tentationis, vel etiam mortis, aut certè de tempore in quo nobis prodesse possit, ut est tempus huius vitæ, ut cum Chrysostomo exponit Theophyl. At vero nihil obstat, quin ibi etiam significetur auxilium omni ex parte ita opportunum, ut de facto proficit, tale enim maxime petendum est, nihilominus tamen qualis esse possit, vel requiratur opportunitas, ibi non declaratur, nec in alio Scripturæ loco, ut dixi. Ideoque non sunt petenda expressa testimonia, quibus vera doctrina de auxilio efficaci comprobetur, sed per illationes, ac deductiones vel necessarias, vel maxime probabiles, veritas hæc ex scriptura eruenda est. Tribus autem modis doctrinam datam ex Scriptura colligimus. Primo ex locis in quibus docemur, eandem vocationem quæ in vno homine est inefficax, in alio esse efficacem. Secundo ex aliis quæ in proxima potestate voluntatis humanæ, supposita vocatione Dei, ponunt tam resistere illi, quam facere, ut effectum habeat, ac subinde efficax sit. Nam ex utroque principio concluditur, prædeterminationem physicam non esse necessariam ad efficaciam gratiæ, ac subinde in vocatione congrua ponendam esse. In tercio vero loco addi possunt testimonia quæ ita commendant usum, & modum libertatis, ut consequenter prædeterminationem excludant.

Primum ergo argumentum sumimus ex illo loco Matth. 11. *Va tibi Corozain, Va tibi Bethsaida, quia si in Tyro, & Sidone factæ essent virtutes quæ factæ sunt in te, olim in cilicio, & cinere poenitentiam egissent*. Ut autem ex hoc loco argumentum validum sumi possit, oportet supponere verba Christi non per exaggerationem, aut per coniuncturam fuisse dicta, sed certissimam prophetiam ex infallibili præscientia profectam continere. Hoc probatum suppono ex Prolegom. 2. & aliis locis ibi citatis, nunc sufficit nobis auctoritas Augustini lib. de dono perseuer. cap. 10. & 14. & in Enchirid. c. 95. quibus locis illis verbis Christi utitur tanquam certissimis, & apertissimam continentibus prophetiam. Quo supposito sic ex hoc loco argumentamur. Si in Tyro, & Sidone factæ essent virtutes, quæ coram Iudæis factæ sunt, cum solo interiori auxilio, quod Iudæis datum, & oblatum est, illi credidissent, sed Iudæis habitatoribus Corozain, & Bethsaiidæ tantum fuit data vocatio sufficiens, qua possent vel credere, & non est data prædeterminatio physica, ut constat, quia noluerunt credere, ergo Tyrij, & Sidonij cum eadem vocatione crederent absque alia prædeterminatione; ergo illamet vocatio, quæ in quibusdam non fuit efficax, in aliis foret efficax, & non propter prædeterminationem, ergo quia illi attemperarent voluntatem suam vocationi, & quia vocatio esset illis attemperata, & congrua licet aliis non fuerit.

Ad hoc argumentum respondent, negando Tyrios & Sidonios fuisse credituros per eandem vocationem externam, & internam solam præuenien-

2.  
Primum argumentum sumitur ex Matth. c. 11.

Supponendum.

3.  
Quid ad hoc argumentum respondeant aduersarij.

rem, sed fuisse credituros, quia eorum voluntates à Deo prædeterminarentur. Quia illa præscientia Christi supponebat decretum Dei conditionatum, quo statuerat dare Tyriis & Sidoniis prædeterminationem si apud illos factæ essent omnes virtutes, quæ in aliis ciuitatibus factæ sunt. Nam Christus Dominus non dixit, quod si illæ virtutes factæ essent, apud Tyrios cum illis solis, vel sine prædeterminatione credidissent. Sed hoc ex parte refutatum est in prolegom. 2. vbi ostendimus frustra in Deo confingi talia conditionata decreta. Hic verò ex propriis impugnatur tripliciter. Primo apertissimo testimonio Augustini dicto lib. de dono perseuer. cap. 14. vbi ex verbis illis Christi ita colligit. *Ex quo apparet habere quosdam in ipso ingenio diuinum naturale munus intelligentiæ, quo moueantur ad fidem, si congrua suis mentibus vel audiant verba, vel signa conspiciant.* Hæc enim illatio Augustini nullius momenti est, si verum est Tyrios & Sidonios fuisse credituros, quia danda illis fuisset prædeterminatio, quæ non fuit data Iudæis, quia licet in Tyriis non fuisset aliud intelligentiæ lumen, nec alia ratio congruitatis, sed in omnibus antecedentibus conditionibus essent pares Iudæis, imò licet essent inferiores, & virtutes factæ apud illos essent minores, si danda esset illis prædeterminatio infallibiliter essent credituri. Ergo vel Augustinus, si aliàs sentiebat illud discrimen fuisse futurum inter Tyrios, & Bethsamicas ex diuina prædeterminatione illis danda quæ istis fuit negata, ineptissimè intulit aliud discrimen in congruitate; vel si hoc de Augustino sentire ineptissimum, & insolentissimum est, fatendum est illum non cognouisse talem prædeterminationem, nec conditionatum decretum de illa danda Tyriis, sed in sola congruitate à Deo præcognita diuersitatem illam quoad efficaciam posuisse.

Secundò impugnatur illa responsio, quia ex illa redditur omnino inefficax, imò iniusta Christi Domini exprobratur. Probatum sequela, quia iuxta illam responsionem hunc fuisse oportet sensum comparationis Christi. Si in Tyro, & Sidone essent virtutes, quæ factæ sunt in vobis, illis data etiam fuisset diuina prædeterminatio, quæ vobis data non est, & sic in cinere & cilicio pœnitentiam egissent. Ad hæc quæ exprobratio Iudæorum est? Profectò potius esset excusatio. Nam si hoc Iudæis innotesceret, meritò responderent. Quid mirum quod illi crederent prædeterminationem reiicientes ad credendum? Da nobis illam & credemus. Aut quid nos reprehendis, si prædeterminationem sine qua impossibile est, voluntatem nostram determinari ad credendum, non habemus, nec tu illam nobis das, aut offers, neque nos aliquid agere possumus quo illam consequamur? Vt si quispiam exprobraretur, quod pondus non portauerit solus, quod alter cum adiutorio tertij portasset, inutilis esset reprehensio, nam iusta excusatio esset in promptu vt per se constet. Respondent verò Christum increpasse Iudæos, quia maiora peccata commiserant, per quæ magis indigni talis auxilij extiterunt, vt pote propria malitia obdurati, quod non fecerunt Tyrij ac Sidonij. Quamuis enim (aiunt) non potuerunt Iudæi aut Tyrij, &c. ad prædeterminationem suis viribus se præparare, potuerunt nihilominus magis, vel minus se impedire, & ideo meritò exprobrantur Iudæi, qui cum essent magis indigni, magis fuerunt adiuti ex parte Dei. Et statim

A ad hoc allegant D. Thomam 3. contr. gent. cap. 159. & 160.

Ad hæc responsio in primis inuoluit repugnantiam in illa sententia, nam iuxta illam ex parte hominum nulla potest reddi ratio cur potius huic homini detur prædeterminatio, quam illi, nec cur potius huic denegetur, quam illi, nam Deus ante præscientiam omnium futurorum decreuit huic dare determinationem, & non illi pro solo suo arbitrio; ergo ante præuiam in illis Gentilibus, & Iudæis maiorem vel minorem indignitatem, vtrisque voluit non dare determinationem; ergo non potest illa responsio accommodari iuxta illius sententiæ principia. Secundo magis hoc vrgetur, quia illi auctores dicunt, non solum ante præscientiam futurorum absolutam, sed etiam ante conditionem decreuisse Deum nõ dare prædeterminationem Tyriis, etiamsi in illis fierent talia signa, ergo similiter ante omnem præscientiam absolutam, & conditionatam voluit Deus non dare Iudæis eandem determinationem, etiamsi apud eos fierent talia signa; ergo non est illis negatum illud auxilium propter maiorem indignitatem; sed absolutè, quia Deus dare noluit. Accedit quod obduratio Iudæorum in non credendo visis talibus virtutibus, & signis, supponit carentiam prædeterminationis; ergo non potuit illa obduratio esse ratio ob quam Deus decreuit talè prædeterminationem eis non dare. Nisi fortè dicant, propter obdurationem sub conditione præuiam decreuisse Deum etiam sub conditione non dare Iudæis prædeterminationem ad fidem; etiamsi in eis fierent virtutes, quod & in illa sententia repugnat, quia talis præscientia supponit in Deo decretum merè voluntarium, in quo fundetur, & præterea puniret Deus peccatum tantum sub conditione præcognitum, quod esse valde absurdum ostendit Augustinus contra Semipelagianos dictis locis de don. perseuer. cap. 10. & 14. & lib. de Prædestinat. Sanctior. frequenter.

Tertiò etiam illo modo non iustificatur Christi exprobratio, quia etiamsi Iudæis denegaretur prædeterminatio propter maiora peccata, possent reprehendi propter illa peccata, non tamen quia non conuertebantur, & pœnitentiam agebant, at verò vt ibi D. Thomas notat, Christus non exprobrauit Iudæis peccata commissa, sed eorum impœnitentiam; ergo supponit illa exprobratio datum fuisse Iudæis, vel oblatum quicquid eis necessarium erat ad agendum pœnitentiam, ac subinde prædeterminationem non esse necessariam. Probatum consequentia cum maiori, quia denegata prædeterminatione, in sensu composito iam non poterant conuerti, nec erat in potestate illorum facere aliquid quo auxilium efficacis prædeterminationis obtinerent, ergo non peccabant in eo, quod non erat in eorum potestate, vt sæpe ex doctrina Augustini argumentari sumus. Imo possent illi Iudæi non immerito conqueri, quod fidei vocarentur ad fidem, & ad occasionem captandam, vel colorem puniendi illos, fierent in eis exteriora signa, & virtutes cum illis nec daretur nec offerretur internum quoddam auxilium necessarium omnino ad credendum.

Quartò multo magis excusari possent, quod non solum non dabatur, nec offerebatur eis determinatio ad credendum, sed potius ipsorum voluntas à Deo prædeterminabatur ad voluntatè non credendi, & prius fuisset determinata ad illos actus, quibus vel obdurati, vel magis inepti ad credendum facti sunt. Et sic etiam iustè

5.

6.

7.

Refutatur  
responsio.

4.  
Item impu-  
gnatur illa  
responsio.

ad comparationem exprobratoriam respondendo se possent excusare dicentes, quid nobis imputas, quod indigniores facti sumus, cum Deus ipse nostram prædeterminauit voluntatem ad omnia, quæ fecimus, vel voluimus, quod in Tyriis & Sidoniis non tam frequenter, vel non circa obiecta habentia tam grauem deformitatem fecit. Sed obiicitur nobis, idem argumentum posse fieri contra nos, quia etiam vocatio congrua est necessaria ad agendam pœnitentiam, & hæc non fuit data Iudæis, data vero fuisset illis gentibus. Vnde etiam possent Iudæi excusari, quia non fuerunt congruenter vocati, sicut alij fuissent. At vero nihil iuuat euasio, nec excusatio Iudæorum esset legitima, nam auxilium ex parte Dei oblatum reuera erat idem, seu æquale, & per meritum Iudæorum, non fuit eis congruum, aliis vero futurum erat congruum non sine libera cooperatione ipsorum, seu non sine ordine ad illam. Et ita merito Iudæi exprobrantur comparatione gentilium. Prædeterminatio autem data fuisset, ex sola voluntate Dei, & ex eadem fuisset negata Iudæis, quæ est euidentis inæqualitas, non ex ipsis nata, sed tantum ex Deo.

3. Instantia. Sed contra hoc instatur, quia etiam nunc fuit similis differentia. Nam Iudæi videntes signa posuerunt impedimentum, ne à Deo prædeterminarentur, quod impedimentum non ponerent Tyrij & Sidonij. Sed hoc eisdem modis redarguitur, & conuincitur, in illorum auctorum principiis. Tum quia etiam hoc modo supponitur, Deum in præscientia denegasse illud auxilium Iudæis propter eorum peccata, & non ex se, quod ipsorum dictis est contrarium. Tum etiam, quia ex parte Tyriorum illa scientia est conditionata, & ita Deus decreuisset dare prædeterminationem Tyriis, si virtutes in eis fuissent factæ, quia iam sub conditione præiudicat eos non fuisse opposituros, impedimentum prædeterminationi, quod & repugnat doctrinæ illorum, quia Deus non habet illam præscientiam, ante decretum liberum suum, & coincidit in sententiam Semipelagianorum, quatenus dicebant, Deum punire, vel præmiare opera sub conditione tantum præuisa, & nunquam futura. Tum præterea quia supposita necessitate prædeterminationis nulla est dispositio ex parte hominis libera, quæ posset impedire prædeterminationem, neque hoc potest in culpam hominis refundi, vt supra efficaciter probatum est, quia nemo impedit secundum vel nouum auxilium præueniens, nisi quia non bene vtitur primo, nemo autem bene vti potest primo nisi ad illummet vsum detur auxilium efficax; ergo deueniendum est ad primum auxilium efficax necessarium ad primum vsum, si ergo illud detur, infallibiliter sequetur bonus vsus prioris auxilij, & non ponetur impedimentum ex parte hominis, sed quia Deus non vult dare. Præterquam quod quicumque vsus, vel non vsus priorum auxiliorum, reuocandus est in illa sententia, ad prædeterminationem datam, vel negatam ad hunc vel illum vsum.

9. Denique tota hæc responsio manifestè repugnat Augustino in citatis locis. Nam ex hoc ipso Christi testimonio colligit vocationem congruam pro solo Dei arbitrio negari quibus vult, sine vlla ratione sumpta ex operibus vel absolue, vel conditione præuisis. Quapropter nullo modo posset iusta, vel rationalis inueniri Christi exprobratio, si conditionalis illa propositio, Si Tyriis prædicatum fuisset euangelium cum talibus signis,

A in illa suppositione fundata esset, quod illis daretur prædeterminatio efficax; ergo sensus verborum Christi necessarius est, credituros fuisse Tyrios & Sidonios cum illis auxiliis quibus vocabantur Iudæi, vtique non solum externis, sed etiam internis sufficientibus. Hi enim nunquam excluduntur quia semper supponitur Deum illa dare proportionata vocationi, & signis externis, vt in lib. 3. declaratum est. Meritoque sub signis, & virtutibus intelligere debemus non tantum quæ sensibus obiiciebantur, sed etiam quæ in animis audientium virtute Spiritus sancti fiebant; ita vt planus, & simplex sensus verborum Christi sit. Si Tyriis, & Sidoniis, data fuissent subsidia, quæ vobis data sunt, pœnitentiam egissent; ergo illa erant satis ad efficacem conuersionem, si voluntas libera suam cooperationem adhiberet.

Vnde possumus tertio argumentari, nam verba Christi in communi, & vsitato, ac proprio verborum sensu accipienda sunt, nisi vel grauissima auctoritas, vel euidentis ratio aliter interpretari compellat, sed iuxta communem, & vsitatum sensum, similia verba faciunt sensum præcisum, & exclusiuum, & ita sine dubio ab his qui Christum audiebant intelligebantur; ergo ita sunt à nobis interpretanda. Maior constat ex generali regula interpretandi Scripturam. Minor declaratur exemplo, nam si me rogante alium, vt mihi beneficium conferret, & illo nolente dicerem: Si Petrus petiisset à te, illi dares, nemo diceret, sensum esse. Si Petrus à te petiisset dando pecunias tibi beneficium illi dares, aut satis esse ad veritatem meæ locutionis, quod Petrus non sola petitione, sed adiunctis pecuniis obrineret: hoc enim non esset beneficium impetrare petendo, sed obtinere emendo. Sic ergo in præsentia, si conditionalis locutio Christi non ita intelligatur, vt Tyrij, & Sidonij credituri essent, cum eisdem subsidiis præcisè sumptis, quæ data fuerant Iudæis in rigore, & proprietate falsa esset locutio Christi, etiam si credituri essent cum illis subsidiis adiuncta prædeterminatione, quæ Iudæis data non fuerat, neque oblata. Eo vel maxime quod tunc conuersio Tyriorum magis fuisset coacta, vel necessaria, quàm libera, & voluntaria, de qua Christus loquebatur, & ob cuius defectum Iudæis exprobrabat.

Vnde præter Augustinum locis citatis hunc sensum tradunt, vel tanquam certum supponunt expositores in Matthæum, Gloss. ordin. D. Thomas. Iansen. Maldonat. expressius vero Anselmus sic ait. *Quamuis præiudicat Deus illos (scilicet Tyrios & Sidonios) habiles esse ad conuersionem tamen non fuit iniustitia, sed eos, qui peccatores erant, & ideo indigni noluit vocare quia cum vult, miseretur, & quem vult indurat.* Certe non vocat habiles, quia essent capaces prædeterminationis, hoc enim modo omnes quantumuis obdurati sunt habiles, sed quia erant ita affecti, vt eis futura fuisset congrua vocatio. Vnde subdit inferius. *Sed quare Deus negat gratiam libenter suscepturis, & gratia consensurus, non est nostrum scire, &c.* Idem sagis insinuat Ambrosius lib. 7. in cap. 10. Lucæ dicens. *Si Tyrus & Sidon tanta operationum celestium viderent miracula non despexissent remedium pœnitentie.* Vbi non prædeterminationi; sed eorum arbitrio id tribuit.

Ex hoc ergo loco concludimus, eandem vocationem, quæ in vno est inefficax in alio posse esse; imo & futuram esse efficacem si illi detur, sine

II.

Eadem vocatio, quæ in



uno est inefficax, in uno potest esse, imò & futura est efficacis si illi datur, &c.

additione alicuius auxilij præuenientis, solum propter congruitatem ad eum, qui benè usus esset illa vocatione, si ei daretur. Et ad idem confirmandum valet illud Ezechiel. 3. *Non ad populum profundi sermonis, & difficilis lingua tu mitteris, neque ad multos profundi sermonis, &c. Et si ad illos mittereris audirent te.* Hæc enim conditionalis eodem modo induci potest, & debet, quo præcedens. Vnde Hieronymus ibi. *Facilius illi audirent, qui profundi sunt, alique sermonis, & nihil habent de leuitate Iudaica, sed graui, & solido ingrediuntur pede, & cum ignota sint lingua, nota fidei sunt, &c.* quibus verbis circumstantias ad congruitatem vocationis conferentes videtur describere. Et concludit. *Vnde sequitur etsi ad illos mitterem te ipsi audirent te.* Et alia similia supra in Prolegomen. 1. tractata possunt huic argumento accommodari. Vbi etiam ostendi varietatem harum conditionalium propositionum non posse in prædeterminatione fundari, sed tantum in libera determinatione arbitrij futura. Et inde consequenter inferitur efficaciam vocationis in actu secundo pendere à libera cooperatione arbitrij, ex quo vltius concluditur, efficaciam in actu primo includere habitudinem ad futuram liberi arbitrij determinationem, ac proinde in congruitate vocationis sitam esse.

## CAPVT XXXI.

Eadem doctrina aliis scripturæ locis ad bonum usum gratia exhortantibus suadetur.

1. Inducuntur illa scripturæ loca, in quibus homines exhortantur, ut suam vocationem reddant efficacem.

Secundò principaliter ad hoc inducimus illa scripturæ testimonia, in quibus homines exhortantur, ut suam vocationem quantum est ex parte sua reddant efficacem vtrique in actu secundo, vel quod perinde est admonentur ne irritam reddant vocationem Dei, nam hæc duæ negationes illi affirmationi æquivalent, nec potest aliter vocatio non fieri irrita, nisi consentiendo seu cooperando illi. Hæc namque exhortationes supponunt in potestate hominis actiua, & morali positum esse sufficientis vocationis effectum. Nemo enim prudens alium monet, ut agat, quod non potest, neque excitat illum ad recipiendum, quod ab alterius sola voluntate provenire potest, nisi etiam ex sua pendeat, ergo testimonia quæ ad effectum vocationis homines exhortantur, supponunt, efficaciam non pendere ex prædeterminatione, sed dari homini in actu primo, & in eius morali potestate constitui, quoad actum secundum, quod esse non potest nisi per vocationem congruam. Nam si intercedere debet prædeterminatio, exhortandi prius essent homines, ut haberent prædeterminationem, quod tamen superuacaneum esset, cum ab illis fieri non possit, neque ab eorum arbitrio pendeat.

2. 1. Petri. c. 1.

Primò igitur isto modo inducimus verba Petri 2. epist. c. 1. *Satagite ut per bona opera, certam vestram vocationem, & electionem faciatis.* Quæ verba quoad particulam *certam* duplicem habent sensum. Vnus enim ut significant certitudinem cognitionis, ita ut sensus sit, satagite per bona opera, vel vos ipsos, vel alios certos reddere, quantum in hac vi-

ta fieri potest, quod vestra electio, vel vocatio à Deo sit, vel quod sitis verè iusti, aut etiam electi, & prædestinati, quem sensum Beda Occumen. & Glossa sequuntur. Alter sensus est ut Petrus non de certitudine subiecti, seu cognitionis, sed de certitudine obiecti, & vocationis loquatur, ita ut idem sit facere vocationem, & electionem certam, quod facere firmam per eius executionem. Quam expositionem indicat D. Thomas 1. p. q. 23. art. 8. ait enim prædestinationem fieri certam per bona opera, quia per mediocrum executionem certitudinaliter impletur. & ideo dixisse Petrum. *Satagite, &c.* Igitur facere vocationem certam, idem est, quod illam in re ipsa ratam, ac firmam reddere. Quod expressius tradit noster Bellarminus lib. 3. de Iustificat. cap. 9. ad vltim. & in versione quæ apud Occumenium est, sic legitur. *Ut vocationem, & electionem vestram firmam faciatis.* Et eodem modo legit Caietanus estque hæc expositio textui consentanea. Imò, si quis rectè consideret, prior etiam expositio hanc inuoluit, ac supponit, quia ideo bona opera sunt signa, quæ possunt cognitionem aliquo modo certam gratiæ, ac prædestinationis, vel in ipso operante, vel in aliis generare, quia vocationem firmam, & ratam reddunt. In hoc autem sensu idem est facere vocationem certam, quod facere efficacem, & fructuosam; est ergo hoc in potestate hominis, & ab illo pendet, alias frustra diceretur illi ut suam vocationem certam faceret.

Deinde hoc confirmatur ex verbis Pauli 1. Corinth. 6. *Adiuuantes exhortamur, ne in vacuum gratiam Dei recipiatis.* Quæ quidem verba licet ad omnem gratiam huius vitæ accommodari possint, nam illa exhortatio, & in gratiis gratis datis, & in ipsamet habituali saltem pro futuro tempore locum habet, tamen Paulus de gratia comuni omnibus fidelibus loquitur, cum omnibus exhortetur, illaque de gratia actuali potissimum intelligat, quia habitualis non fructificat, nisi media actuali, & in tantum manet otiosa, in quantum actualis gratia in vacuum recipitur. Eo vel maxime quod habitualis gratia non est communis omnibus, cum tamen ad omnes dirigatur exhortatio, vnde etiam sic ut ibi maxime intelligenda sit gratia vocationis, quia illa est prima inter actuales, ac proinde communis omnibus, qui gratiæ Dei participes aliquo modo effecti sunt ad quos Pauli exhortatio generaliter dirigitur. Evidenter enim ad eos loquitur Paulus qui gratiam aliquam acceperunt, cum expressè dicat. *Exhortamur vos ne in vacuum gratiam Dei recipiatis.* Vnde Augustinus lib. de grat. & liber. arbit. cap. 5. sic ait. *Ut quid enim vos rogat si gratiam sic susceperunt, ut amitterent liberum arbitrium.* Intelligit ergo Paulum ad eos loqui, qui gratiam aliquam susceperunt. Quod etiam est per se euidentius. nam si nullam recipiunt, quo modo possunt illam in vacuum recipere? Vnde testimonium quod inducit Paulus. *Tempore accepto exandini te, & in die salutis adiui te, & gratiam præuenientem datam supponit, & adiuuantem ostendit tempore placito, id est, legis gratiæ oblatum esse, & ita D. Thomas ibi de gratia præueniente, & cooperante locum illum interpretatur. Cum autem inter has prima gratia, quæ in homine recipitur, sit vocatio, de illa maxime monet Paulus, ne in vacuum illam recipiamus. Et ita intellexit locum illum Augustinus lib. de Grat. & liber. arbit. cap. 5. ubi hæc verba coniungit cum illis 1. Cor. 15. *Gratia Dei sum id, quod sum, sed**

gratia

*gratia eius in me vacua non fuit.* quam gratiam ad vocationem reducit dicens. *Ut autem de calo vocaretur, & tam magna, & efficacissima vocatione converteretur gratia Dei erat sola.* Quibus locis vritur etiam Concilium Senonen. in præfatione ad ostendendam concordiam gratiæ cum libero arbitrio, quæ quidem concordia non habet difficultatem, nec habuit vnquam respectu gratiæ habitualis, sed respectu actualis, & præcipuè operantis, præuenientis, seu vocantis.

Hoc ergo supposito, tale ex hoc loco conficitur argumentum, Nam vel Paulus loquitur de vocatione sufficiente in genere vt abstrahit à congrua, & incongrua, seu ab efficaci, & tantum sufficienti, vel loquitur de purè sufficienti, vel de sola efficaci: quidquid horum dicatur concluditur intentum. Nam si dicatur primum (vt planè dicendum est cum Paulus generatim, & indefinitè loquatur) supponit admonitio Pauli esse in proxima hominis potestate, postquam sufficienter vocatus est, fructum talis vocationis ferre, si velit, & consequenter illam efficacem facere, vel illi resistere, & sic illam vacuum reddere. Dicent fortasse, esse quidem hoc in potestate hominis vocati, sed non eodem modo, nam potest fructum talis gratiæ ferre, si aliam recipiat, quæ prædeterminetur, potest item illam vacuum reddere, si non prædeterminetur: Sed contra, nam potestas dandi illam prædeterminationem est solius Dei, nec ad alterum illorum potest homo aliquid, ex se præstare, vt supra probatum est, ergo frustra monetur vel à Petro vt firmam suam vocationem faciat, vel à Paulo, vt non in vacuum gratiam recipiat: nam prius oportuisset illum monere, vt prædeterminationem recipiat, vel vt caueat carentiam prædeterminationis, hæc autem admonitio esset ridicula, & frustranea, quia recipere, vel non recipere prædeterminationem non est in hominis potestate, vt sæpe dictum, & probatum est. Supponit ergo Paulus, talem esse illam gratiam, vt in homine susceptam, vt ab homine ipso adhibita sua cooperatione possit fieri non vacua, quam nos congruentem vocamus, & quo possit etiam vacua fieri, si homo cooperari nolit.

Et declaratur ampliùs expendendo alia mumbra; nam si loquatur Paulus de gratia sufficiente, eo ipso exhortatur hominem, vt sufficientem gratiam efficacem faciat; ergo supponit hoc esse in proxima potestate hominis vocati ex vi gratiæ sufficientis, ita vt recepta illa gratia immediate habeat in manu sua effectum gratiæ, sine alia gratia præiuta, quæ non sit in hominis potestate. Probatum consequentia, quia vt ibi Ambrosius & D. Thomas dicunt, *tunc gratia in vacuum recipitur, quando nullus ex ea fructus percipitur.* Iuxta illud Isai. 55. *Sic eris verbum meum quod egredietur de ore meo, non reuertetur ad me vacuum, sed faciet quæcumque volui.* Ergo non reuerti vacuum est reuerti cum effectu. Sic ergo in alio loco gratiam Dei, non in vacuum recipere, idem est, quod non sine fructu & effectu illam recipere, ergo idem est quod bene illa vti, ita vt fructum ferat nam dux negationes affirmant. Idem ergo est non in vacuum, quod cum fructu, si autem est cum fructu, iam est efficax; ergo monet Paulus, vt ita in nobis recipiamus gratiam sufficientem, vt efficax etiam sit; ergo est in potestate nostra facere aliquid, quoposito gratia erit efficax. Quod verissimè dicitur, si efficacia præuenientis gratiæ consistit in congruitate vocationis dicentis respectum ad nostram liberam cooperationem, cum

efficacia autem prædeterminationis physici stare non potest, cum illa nullo modo sit in potestate hominis nisi inerè passiva, nec ex nostra libertate pendeat, sed illam omnino antecedit.

Denique non minus idem conuincitur si de gratia efficaci locum illum interpretemur, nam si eos etiam qui gratiam efficacem receperunt monet Apostolus ne in vacuum gratiam Dei recipiant, supponit profecto esse in potestate hominis vacuum reddere etiam illam gratiam quæ cooperante auxilio futura est efficax. Nam si talis gratia supponeretur in homine recepta, cum qua impossibile esset, homini non ferre fructum, superuacanea, & illusoria esset admonitio, vt cauerent, ne gratiam illam in vacuum reciperent, quam receptam non possent ipsi reddere vacuum. Vnde rectè dixit Augustinus supra. *Vt quid eos rogat si gratiam sic susceperunt vt propriam perderent voluntatem.* Vbi propriam voluntatem appellat, non ipsam potentiam, nemo enim cogitauit vnquam per gratiam perdi potentiam ipsam, sed intelligit proximam potestatem liberè vtendi, vel non vtendi gratia, seu ipsum liberum vsum, quo vacua reddatur. Si autem gratia efficax præueniens prædeterminaret voluntatem, profecto secum non admitteret veram facultatem reddendi illam vacuum; ergo si Paulus loquitur de gratia efficaci, & monet ne vacua fiat, supponit consistere in tali modo gratiæ, quæ in sua efficacia à libera cooperatione liberi arbitrij aliquo modo pendeat.

Et hoc confirmant alia verba Pauli 1. Corinth. 15. *Gratia Dei in me vacua non fuit.* Vbi sine dubio loquitur de gratia efficaci, talis enim erat gratia illi data, & tamen quodammodo gloriatur, quod in ipso vacua non fuerit, sed abundantiùs (ait) *illis omnibus laboranti.* Supponens profecto potuisse ab ipso vacuum fieri, aliàs quæ esset gloriatio? Vt autem non in se, sed in Domino gloriari cognosceretur, se statim corrigit dicens. *Non ego sed gratia Dei mecum.* Id est, (vt Augustinus exponit) *non solus sed gratia Dei mecum, ac per hoc nec gratia Dei sola, nec ipse solus, sed gratia Dei cum illo.* Ergo id, per quod in re ipsa fit, vt vocatio sit non vacua, quod est esse efficax, non est aliqua alia gratia sola, sed est gratia simul cum cooperatione liberi arbitrij, & consequenter præueniens gratia non est efficax sine habitudine ad hanc liberam cooperationem.

Responderi potest, Paulum quidem loqui de gratia efficaci in qua recipienda voluntas iam consentit, (hoc enim expressè testatur Concilium Senonen. supra, & ex textu colligitur, quia loquitur ad fideles, qui efficacem gratiam ad credendum receperant) & nihilominus hortari eosdem fideles, ne in vacuum gratiam Dei accipiant, non quidem quoad illum effectum, quem iam in eis habuerat, sed quoad alios fructus bonorum operum, respectu quorum prior illa gratia, potest esse sufficiens, & non efficax. Respondeo in primis, licet hic sensus ex parte verus sit, & intentus à Paulo vt Chrysostomus, Theophylact. & alij exponunt, nihilominus non posse ad illum Pauli verba limitari, nam generalia sunt, vt supra dicere incepi. Itaque non solum monet Paulus peccatores, sed etiam iustos, ne in vacuum gratiam Dei recipiant. Nam vt ibi ait Theophylactus. *Quid prodest à peccatis liberari diuina gratia, deinde rursus eis per propriam socordiam impleri?* Deinde non monet tantum

6.

Propriam voluntatem hic appellat Augustinus, non ipsam potentiam, sed proximam potestatem liberè vtendi vel non vtendi gratia.

7.

8.

tantum iustos, sed etiam fideles peccatores, ne in vacuum gratiam fidei recipiant. Nam (ut idem Theophylactus subdit) *ad reconciliationem non sufficit fides, sed visa etiam est necessaria*. Deinde non monet tantum fideles iam credentes sed etiam quoslibet iam vocatos ne gratiam vocationis in vacuum receperint, quia ad omnes loquitur, ergo si de gratia efficaci loquitur, etiam vocationem congruam quoad primam efficaciam eius comprehendit, illamque efficacem supponit, talem esse, ut possit per libertatem hominis vacua fieri. Deinde addo idem probari, etiam si de priori gratia propria voluntate recepta sit sermo, quia illa non potest fieri fructuosa nisi cum noua gratia excitante, & efficaci; ergo cum Paulus exhortatur ne gratiam illam reddamus inefficacem, de illa loquitur non secundum se tantum spectata, sed ut habet adiuncta, & oblata necessaria auxilia actualia ad fructificandum in quibus gratia efficax actualis includitur; ergo semper idem argumentum redit.

9.

Et ita Augustinus, & cum illo Concilium Senonense citatis locis maxime vtuntur illo testimonio ad probandum gratiam non tollere liberum arbitrium. Et ut probatio sit efficax, necesse est intelligant, Paulum ibi loqui de quacunque gratia viz, nam hæretici non dicunt omnem gratiam tollere libertatem, sed aliquam. Vnde si verba Pauli ad aliquam gratiam limitentur, non probabunt contra hæreticos; respondebunt enim illam quidem gratiam, de qua Paulus loquitur non tollere libertatem, quandam verò gratiam specialem illam tollere. Igitur de quacunque gratia huius vitæ verum est, posse ab homine vacuam fieri, & præcipue de præuia, & actuali, nam in hoc maxime ab hæreticis erratum est; ergo de hac etiam loquitur Paulus, vel saltem etiam illam comprehendit. Nam (ut dixi) verius est generaliter loqui de auxilio gratiæ cui nec repugnat euacuari fructum liberi consensus, vel operationis, nec repugnat non esse vacuum, sed in re ipsa reddi efficax ita ut habeat effectum. Et his testimoniis adiungi possunt frequentes exhortationes similes quæ in Scriptura inveniuntur, ut est illa 2. Tim. 1. *Admoneo te, ut resuscites gratiam Dei quæ est in te per impositionem manuum mearum*. Vbi licet nomine, gratia Dei possit gratia gratis data intelligi, maxime tamen loquitur Paulus de gratia Spiritus sancti, quæ in ordinatione seu consecratione datur ad Episcopatus, & Sacerdotij munera sanctè exercenda; ut Chrysostomus, Theophylactus, D. Thomas, & alij intelligunt. Cum autem Paulus dicat gratiam, quæ est in te, clarum est per verbum resuscitandi non monere Timotheum, ut amissam gratiam recuperare studeret, iustus enim erat, & gratiam in se habebat; monet ergo, ut non sinat esse otiosam, sed actuosam, & operatoriam illam reddat, quod est ex parte sua illam reddere efficacem. Obiici autem potest, quia hoc modo magis esset resuscitare hanc gratiam, quam illi cooperari, quia illo verbo magis officium excitantis, quam cooperantis significari videtur. Vnde apud Chrysost. Homil. 1. ita legitur, *ut excites gratiam Dei quæ est in te*. Veruntamen excitatio illa quam Paulus dicto loco poscebat, supponebat excitationem quam Spiritus sanctus facturus erat in eodem Timotheo, mediantibus illis eisdem verbis, quibus Paulus ipsum Timotheum monebat. Supposita autem illa excitatione generali à se facta, vel à Spiritu sancto per eum, rectè monetur Timotheus, ut gratiam in se existentem excitet, & applicet ad

A particularia opera suo muneri consentanea. Et ita in illis verbis docemur, posita sufficienti gratia excitante esse in proxima potestate nostra cum gratia cooperante efficacem reddere illam excitationem, non solum quoad consensum immediatum illi præstandum, sed etiam ad ulterius progrediendum ad excitandam in nobis alios effectus, & hoc modo torpentem, vel etiam dormitantem gratiam excitare, & vigilantem reddere. Vnde Chrysostomus ibi sic exponit. *Inest quidem gratia intra te, ceterum tu vehementiorem illam efficere stude*. Et iterum sic ait. *Excita gratiam Spiritus, quam accepisti ad Ecclesiæ institutionem, ad perpetranda miracula ad omne religionis obsequium, quippe hanc vel extinguere vel excitare in nobis est*. Vtique supposita prima excitatione Dei, quæ temporibus opportunis nunquam deest.

Confirmat hoc Chrysostomus ibidem alio testimonio Pauli dicens. *Idcirco, & alibi ait: Spiritum nolite extinguere, is enim angore, (vel forte langore) animi, & negligentia extinguitur, vigilantia vero, & intentione suscitatur*. Vnde Macar. Homil. 17. cum dixisset. *Deus à perfectis requirit voluntatem animæ in obsequium spiritus, nempe, ut assentiantur*, id confirmat dictis verbis Apostoli. *Spiritum nolite extinguere*. Et homil. 27. *At (inquit) quo pacto scriptum est, spiritum nolite extinguere, si ipse inextinguibilis est, & lucidus? Tu vero voluntate tua negligens ac non consentiens extingueris ab spiritu*. Et idem confirmans addit. *Eodem modo dicit nolite extinguere Spiritum sanctum Dei. Vides in tua voluntate positum esse, ac libero tuo arbitrio, ut honore officias Spiritum sanctum, & non ardes*. Ac denique D. Thomas 1. Thessalon. 5. circa illa verba varios modos declarans quibus à nobis potest extingui Spiritus sanctus non in se, sed in nobis, vnus, inquit, est, cum aliquis bonus motus surgit, & homo impedit, extinguit spiritum. Act. 7. *Vos semper spiritui sancto resististis*. Ex his ergo testimoniis rectè colligimus, semper esse positum in hominis potestate, vel spiritum, id est, motionem, & vocationem spiritus extinguere, vel accendere, quod est ex parte sua efficacem reddere, illi cooperando. Et qui ab hac generali regula Scripturarum moriorem prædeterminantem exceperint, ostendere debent Scripturas, & authentica testimonia, quibus talis exceptio nitatur, vel si illa non censetur exceptio, necessarium erit, ut exponant, quomodo respectu talis motionis locum habeat illud. *Spiritum nolite extinguere*, vel illud. *Vos semper Spiritui sancto resististis*.

Quæ verba vltima paulò amplius vrgere libet, illi enim dicuntur Spiritui sancto resistere, qui vocationi eius, illuminationi, & inspirationi non consentiunt, neque cooperantur. Interrogo ergo, an illi ita moti essent à Spiritu sancto, ut statim, seu immediatè possent, nulla alia præmotione Spiritus sancti expectata, bene vti illa vocatione, eique assentire, vel adhuc indigerent alia motione, sine qua inclinare, aut determinare voluntatem suam non possent. Si primum dicatur, merito quidem arguuntur illi, quod Spiritui sancto resistere, consequenter vero inde conuincitur, non esse necessariam motionem prædeterminantem ad consentiendum vocationi sufficienti, neque ad reddendam illam ex parte nostra efficacem, seu ad cooperandum illi, ut efficax sit. Si autem dicatur secundum immerito illi de resistentia culpantur, quia falsum est, eos resistisse, præsertim moraliter, & liberè, quod necessarium est,

Postea sufficienti gratia excitante est in proxima potestate nostra cū gratia cooperante efficax reddere illam excitationem.

IO. Spiritus S. negligentia extinguitur, vigilantia vero suscitatur.

II. Quinam dicantur Spiritui sancto resistere.



ut eis dissensus ad culpam imputetur. Probatur, quia illa resistentia est tantum negatiua, scilicet, quia homo non statim inclinat voluntatem suam ad consensum, & Hæret illam, submittēdo eam tali vocationi. Et hæc non potest dici resistentia, nec imputari ad culpam, quia nondum datum est, nec oblatum, aut aliquo modo positum in manu hominis, id sine quo inchoare non potest talem inclinationem, seu determinationem voluntatis, nō est ergo illa resistentia, sed impotentia amplectēdi talem vocationem. Vel resistentia illa est positia, quia homo proprio actu vult dissentire, & tunc non solum procedit ratio facta, sed etiam alia, quia ad illummet actum positium prædeterminatur voluntas humana à motione Dei, & illa motio est prima radix talis resistentiæ homini inenitabilis; ergo homo nō resistit Spiritui sãcto, sed ipse Deus est, qui suo spiritui, ac proinde sibi resistit. Et similem vim habent verba illa. *Vocauit & renuisti* Prover. 1. & illa *Hodie si vocem eius audieritis, nolite obdurare corda vestra.* Psalm. 94. Et illud. *Quoties volui congregare filios suos, & nolui.* Matth. 23. Nam his omnibus, & similibus, discursus factus potest applicari.

12. Seculariter autem hunc argumentandi locum optimè confirmat reprehensio illa Domini ad populum Iudaicum per Iaiam c. 5. *Expectavi ut faceres vineas, fecisti autem labruscas, Quid est enim expectare vineas, nisi expectare fructum, & effectum culturæ spiritualis vineæ, quæ procul dubio, sit per vocationem, & auxilia præuenientia, non externa tantum, sed etiam interna sufficientia, & necessaria ad ferendum fructum, ut supra lib. 4. c. 2. probati, & conuincunt illa priora verba. Quid amplius debui facere vineæ meæ, & non feci.* In illis autem non comprehenditur auxilium prædeterminans, ut est per se euidens, quia si illud datum esset vineæ, infallibiliter fructum attulisset; ergo sine illa sunt alia auxilia de se efficacia, si homo eis uti velit ad ferendum fructum, & è conuerso voluntas illis præparata immediate potest facere ut sint efficacia cooperando illis; cum auxilio simultaneo sine alio præuiō. Alioqui frustra Deus expectaret fructum à vinea, quæ ad ferendum fructum indiget tribus beneficiis, v.g. putandi, fodiendi, & rigandi, si duobus adhibitis tertium oreretur. Quod euidentissimè vrget in auxilio prædeterminante, si necessarium est, quia illud quando non datur, nullo modo est in hominis potestate, quia Deus pro solo suo arbitrio dat, vel non dat illud; si ergo Deus non dederat, imo ex se decreuerat non dare prædeterminationem suæ vineæ, quid de illa conquiritur quod non dederit fructum? aut quomodo potuit ab illa expectare fructum cum non posset vel ab illa, vel in illa prædeterminationem expectare. Illa ergo reprehensio efficaciter conuincit, post sufficientem culturam mysticæ vineæ, quæ omnia auxilia præuenientia actu data, & concomitantia oblata includit, efficaciam sumendam esse in ordine ad cooperationem liberi arbitrii, ac subinde in congruitate consistere. Et hoc amplius confirmabimus cap... declarando quomodo Deus expectat fructum liberæ voluntatis, nam illa expectatio certissima est, & profecto si determinatio physica necessaria esset, locum non haberet, ut ibi ostendemus.

**13.** Denique concludimus hunc locum illis testi-  
**Concluditur** moniis quibus post sufficientem vocationem po-  
 illis testimo- stulatur, speratur, vel alio simili modo vocationi  
 niis, quibus immediate coniungitur consensus, tanquam in  
 post sufficiē. proxima hominis potestate existens. Nam ut hac  
**14.** te vocatio-

**A** omnia vera sint; & non fictitia, necessarium est, præter eam vocationem nihil necessarium esse ad defectum, & efficaciam eius, præter vsum liberum cum simultaneo Dei auxilio, nam si quid prius, & quasi medium inter illa intercedere necessarium est, illud prius esset præstandum, vel procurandum, quam cōsensus postulatetur. Nam aliàs consensus non esset in proxima hominis potestate, sed in remota, vel non esset in potestate actiua completa, sed in receptiua, quod talibus testimoniis repugnat, Huiusmodi est illud Apocalyps. 3. *Ego sto ad ostium, & pulso, si quis aperuerit intrabo ad illum* Vt enim in his verbis. *Si quis aperuerit*, non postuletur ab homine conditio impossibilis, necesse est, vt supposita pulsatione Dei sit in potestate hominis aperire, vt per se notum est. Ergo necesse est, vt in actu aperiendi (qui est consensus) iam non pendeat voluntas ab aliquo auxilio, quod non sit in eius potestate, nisi tantum passiva. Nam quod huiusmodi est, non est in morali hominis potestate, neque est conditio homini possibilis moraliter, nisi quatenus homo aliquid liberè agere potest ad illud consequendum, quod de auxilio prædeterminante dici non potest, vt supra ostendi, vbi probatum est, neque positiuè, neque negatiuè posse hominem se disponere ad prædeterminationem, aut illam impedire, vel non impedire. Ergo conditionalis illa promissio ostendit, recepta occasione præueniente, & oblato auxilio simultaneo, esse in proxima hominis potestate ita se gerere, vt efficacem reddat vocationem sine alio auxilio prædeterminante.

Respondent aliqui, in illo loco, & similibus sermonem esse de vocatione non quacunque, sed efficaci, quæ includit auxilium prædeterminans, vt ipsi dicunt. Sed præterquam quod prædeterminatione non pertinet ad vocationem, vt infra circa testimonia Augustini ostendam, gratis, & contra vim verborum illa euasio huic testimonio applicatur. Primo quia verba Scripturæ generalia sunt. *Ego sto ad ostium & pulso*, quæ non possunt vniuersaliter de vocatione efficaci verificari, quia Spiritus sanctus non est semper ad ostium, vt efficaciter pulset. Vnde Concilium Senonen. decret. fidei 13. expresse illa verba intelligit, de præueniente auxilio indifferente, cui resisti non potest, & sæpè resistitur, & idem indicat Tridentin. sess. 6. c. 5. Secundo quia si prædeterminatio data cum tali vocatione supponitur, impertinens est illa conditio, quia ex suppositione talis vocationis esset conditio necessaria, & inuitabilis, conditio autem non apponitur, nisi quia non obstante pulsatione Dei fieri potest vt homo non aperiat, tali potestate, quæ sæpè in actum reducitur. Terriò quia certum est similem conditionalem esse verissimam de omnibus sufficienter vocatis, quod si aperuerint Deus intrabit ad illos. Hac enim ratione de omnibus adultis peccatoribus verum est, quod si pœnitentiam egerint, iustificabuntur, ergo promissio illa conditionalis non fit tantum efficaciter vocatis, sed etiam sufficienter vocatis; ergo de illis omnibus verum est habere in potestate sua efficaciam suæ vocationis, cum tamen non habeant in potestate sua prædeterminationem; ergo efficacia non pendet ex prædeterminatione, sed ex cooperatione liberi arbitrij, seu habitudine ad illum. Et eodem modo induci possunt similia testimonia Conuertimini ad me, &c. Zachar. 4. Ioel 2. *Proicite iniquitates vestras, facite vobis cor nouum.* Ezechiel 18. & 33. vbi similes habentur promissiones.

## CAPVT XXXII.

## Alia Scriptura testimonia contra physicam prædeterminationem expenduntur.

1. Afferuntur testimonia Scripturæ quæ ducunt physicæ prædeterminationi repugnant.

**T**ertio principaliter afferre possumus testimonia quæ ducunt physicæ prædeterminationi repugnant, nam illa consequenter probant auxilium efficax in congrua vocatione consistere. Quia exclusæ prædeterminatione non potest aliter explicari auxilium efficax. Hæc autem testimonia quædam ostendunt auxilium efficax, quod simpliciter necessarium est ad singula opera pietatis non esse ponendum in prædeterminatione efficaci, seu, (quod perinde est) prædeterminationem physicam, non esse per se necessariam ad singula opera pietatis, sed ad liberam determinationem eius. Et hanc partem probant satis efficaciter multa ex testimoniis in duobus punctis præcedentibus adductis. Quia dum probant per vocationem sufficientem ita poni consensum in potestate voluntatis, ut immediate valeat in effectum prodire, & per illam stare, ut non sit efficax vocatio, vel ut habeat effectum cum simultaneo auxilio oblato ex parte Dei, consequenter conuincunt non esse simpliciter necessariam huiusmodi prædeterminationem ad talem consensum.

2. Et ad hoc ipsum probandum valent omnia testimonia, quibus lib. præcedenti cap. 2. & sequentibus probauimus, dari huiusmodi auxilium sufficientem, quod licet interdum sit remotum respectu alienius actus reducendum semper sit ad aliquid cuius comparatione sit proximum, ita ut per illud, & cum illo possit voluntas in aliquem bonum actum prodire, vel prauum vitare. Hæc enim proxima sufficientia auxilij nunquam esse potest respectu alicuius actus, si prædeterminatio est necessaria, quia si prædeterminatio data est, iam non est sola sufficientia, sed efficacia, si vero non est data, eo ipso quod data est, auxilium non est proxime sufficiens, quia deest aliquid necessarium, quod prius obtinendum est, non comitanter tantum sed præuè & antecedenter. Vnde etiam fit ut non sit in proxima potestate actiua hominis, sed tantum in receptiua. Semper ergo potentia illa in statu sufficientiæ concepta est tantum remota. Et consequenter vterius fit, quod non sit sufficientia libera, & moralis, quia receptio talis prædeterminationis, nullo modo est in actiua potestate hominis, quia neque ad illam prædeterminationem efficiendam potest effectiue, vel liberè concurrere, neque etiam potest aliquid liberè agere, quo illam obtineat, vel non impediat. Sic ergo testimonia Scripturæ, quæ probant dari auxilium verè, ac proxime sufficiens, probant auxilium necessarium ad piè operandum non consistere in physica prædeterminatione.

3. Quibus addi potest illud Deuter. 30. *Mandatum quod ego precipio tibi hodie, non supra te est, neque procul positum, vel in cælo situm, ut possis dicere. Quis nostrum valet ad cælum ascendere, ut deferat illud ad nos, ut audiamus, & opere impleamus?* Vbi considerandum est verba illa dirigi ad populum à Deo vocatum, & supernaturaliter illuminatum, aliisque auxiliis gratiæ sufficienter instructum. Quamuis enim illa lex verus populo illi gratiam non con-

**A** ferret, tamen Deus qui legem illam dabat necessaria etiam gratiæ auxilia ad illam implendam propter Christum offerebat, & ideo dicit. *Mandatum non supra te est*, non quia non esset supra naturæ vires, vel quia sine gratia posset impleri, cum statim ibi proponatur summum præceptum diligendi Deum super omnia, sed quia non erat supra vires illius populi sub tali providentia gratiæ constituti. At si inter vires necessarias ad mandatum implendum est illa determinatio, quam Deus solus facere potest, & tribuit illam cui vult, & cui vult negat, profecto mandatum Dei est supra hominem quantumvis gratia instructum; si determinationem illam non habet, quia talis determinatio supra hominem est, & in cælo est (ut sic dicam) nec habet modum, aut viam qua illuc ascendat ad illam obtinendam. Declaratur exemplis: nam si Deus præcipiat mihi propheta, aut miracula facere, & non det donum prophetiæ, aut gratiam miraculorum, nec modum obtinendi illam, profecto merito dicitur tale mandatum, esse supra hominem, & esse procul, & in cælo situm, &c. At non magis potest voluntas hominis determinari ad diligendum Deum sine prædeterminatione Dei, quam prophetare sine dono; ergo si Deus nec dat talem determinationem, nec modum obtinendi illam, dat præceptum supra hominem, quia in præcepto diligendi Deum continetur, ut voluntas determinetur ad diligendum illum. Atque ita reliqua omnia, quæ in illo capite subsequuntur de propositione boni, & mali, vitæ, & mortis, & præcepto eligendi vitam, eandem veritatem confirmant.

Alia denique sunt testimonia, quæ non solum probant auxilium prædeterminans non esse necessarium ad opera pia, sed etiam repugnare illis, quatenus esse debet opera humana, & quæ in laudem, & meritum ipsius hominis operantis cedant. Hæc autem testimonia eadem sunt cum illis quibus in Prolegom. 1. & in cap. 4. huius libri contra Caluinum probauimus, auxilium efficax non consistere in motione necessitante voluntatem. Præcipuum verò est illud. Ecclesiast. 15. *Deus ab initio constituit hominem, & reliquit eum in manu consilij sui. Addeit mandata, & præcepta sua. Si volueris mandata seruare, conseruabunt te. Apposuit tibi aquam & ignem, ad quod volueris porrige manum tuam. Ante hominem vita, & mors, bonum & malum, quod volueris dabitur illi, quem locum in dicto cap. 4. latè tractaui. Et in primis ostendi non esse limitandum ad statum innocentiae, sed absolute de omni statu esse intelligendum. Quia licet ea omnia dicantur de homine ab initio creato, continent tamen intrinsecam hominis proprietatem, quæ per peccatum non amittitur. Deinde certum est, illa omnia non solum dici de actibus ordinis naturalis, siue civilibus, siue moralibus, sed etiam de supernaturalibus, quia homo est relictus in manu consilij, in ordine ad consequendum, vel amittendum finem vltimum propter quem creatus est, qui finis supernaturalis est, & per actus supernaturales comparatur. Vnde cum dicitur. *Si volueris mandata seruare conseruabunt te*, non solum de naturalibus, sed maximè de supernaturalibus intelligitur, quia horum obseruantia in primis necessaria est ad vitam animæ (de qua ibi etiam maximè sermo est) obtinendam, & conseruandam. Vnde tandem fit, ut illa intelligantur de homine non solum naturalibus viribus instructo, sed etiam supernaturaliter vocato, & in eo statu constituto in quo possit de supernaturaliter agendis consiliari,*

Ecclesiast. 15.

consilii, & de obseruatione præceptorum etiam supernaturalium deliberare, & quæ ad vitam, vel meritum dicunt eligere. Hinc ergo argumentamur sicut ex his verbis colligitur libertas arbitrii in supernaturalibus, ita etiam probari vsum libertatis consistere in determinatione voluntatis præueniente ab ipsa adhuc indifferente, & nondum ab illo determinata, ac proinde prædeterminationem repugnare modo operandi voluntatis, quem ex dono Creatoris habet voluntas, & quo in operibus gratiæ non priuatur. Probat hanc illatio ex ponderatione singulorum verborum. Nam illud *in manu consilij sui* significat proximam potestatem cum indifferentia, quam magis explicat conditio illa *si volueris*, & augetur cum dicitur, *ad quod volueris porrigere*. Nam verbum hoc apertissime significat determinationem voluntatis ab ipsa habente simul proximam potestatem porrigendi manum ad aliud, quod etiam satis confirmat verbum *quod placuerit*.

5. Respondent vera esse hæc omnia, & his verbis significari, nihilominus tamen per illa non excludi prædeterminationem Dei, nam licet voluntas humana prædeterminetur à diuina prius natura, nihilominus ipsa in posteriori signo naturæ, se etiam determinat, & porrigit manum ad id, quod vult, quia licet se liberè determinet, non est tamen primum liberum à se primo determinans, sed sub primo libero à quo prædeterminatur. Et ad hoc inducunt D. Thomam 1. p. q. 22. art. 2. ad 4. dicentem per illa verba distingui hominem ab agentibus naturalibus, quæ non ducuntur consilio, quia habent virtutem operatiuam determinatam ad vnum, non tamen excludi quin liberum arbitrium, & tota prouidentia humana subdatur diuinæ. Vnde alij dicunt per illa verba excludi quidem à voluntate determinationem ad vnum innatam, & intrinsecam naturæ suæ, non tamen excludi prædeterminationem ab auctore naturæ, vel gratiæ extrinsecus immixtam modo accommodato suæ naturæ, ita vt nec vim consiliandi, aut eligendi auferat.

6. Sed hæc in superioribus variis modis impugnata sunt, & certè dictis verbis sapientis non bene accommodantur. Et in primis considero duo illa verba, *constituit hominem*, & *reliquit eum*, nam verbum *constituit* ad creationem hominis pertinet, per quam constitutus est talis naturæ, & libertatis: verbum autem *reliquit* ad prouidentiam pertinet per quam ita Deus gubernat hominem, vt illi offerens obiecta, proponensque mandata, & virtutem ad consiliandum, & operandum tribuens, illum ita relinquit in manu consilij sui, vt ei integrum sit, cum generali concursu simultaneo, & proportionato ad hoc, vel illud manum porrigere pro sua voluntate. Ergo in verbo illo *relinquendi* includitur quod illum non prædeterminet, nam si iam prædeterminatus porrigit manum, id est, efficit volitionem ad quam est prædeterminatus ab alio, profecto iam non ipse se determinat, sed efficit id, ad quod iam determinatus est. Confirmatur, ac declaratur, nam cum sapiens dicit, *si volueris*, vel *ad quod volueris porrigere*, vel loquitur ad hominem constitutum in solo statu sufficientiæ, vel ad hominem iam prædeterminatum. Si primum dicatur, immerito illi dicitur *porrigere manum*, quia non potest illam extendere, nisi prius ab alio applicetur, & prædeterminetur, quod non est in eius potestate. Si vero dicatur secundum, frustra illi,

A dicitur *si volueris*, &c. quia sic prædeterminatus non potest nisi vnum velle, nec potest non velle.

Declaratur ad hominem, nam illi auctores dicunt, auxilium, quo Deus præmouet voluntatem, vt operetur, si velit, non satis esse vt velit, nisi ultra illud accipiat auxilium, quo prædeterminetur, vt velit, vel vt alij etiam aiunt, quo infallibiliter, & inuitabiliter velit. Ergo in priori statu sufficientiæ frustra dicitur homini *porrigere manum* ad id, quod volueris, quia nondum habet id, sine quo velle non potest, nec illud habet in sua morali potestate. In altero vero statu frustra, & irrisorie dicitur ei, *si volueris* cum iam omnino ex necessitate sit voliturus. Non minus ergo probant dicta verba, constitutum, ac relictum esse hominem in potestate vera, & quæ possit reduci in actum volendi sine præuia determinatione, quàm in potestate volendi sine præuia necessitate. Neque ad hoc refert quod homo non sit primum liberum, quia ad hoc satis est, quod in sua determinatione pendeat ab alia priori, & prima voluntate libera, vt iam sæpe explicatum est. Nec locus D. Thomæ facit ad causam, clarum est enim, voluntatem creatam semper constitui sub prouidentia Dei, & à diuina voluntate, & consilio principaliter regi, ita tamen, vt eius indifferentia, & electio non lædatur, nam hoc ipsam pertinet ad prouidentiam Dei, quæ sine causa ad illum modum prouidendi per prædeterminationem coarctatur. Denique iam supra ostensum est, determinationem ad vnum ab extrinseco prouenientem, & necessitatem antecedentem, etiamsi sit ab extrinseca causa, non minus repugnare libertati, quàm determinationem ab intrinseco. Imo magis quodammodo, in quantum aliqualem violentiam includit. Et ad hunc modum induci possunt alia testimonia, quibus libertas arbitrii, & vñus eius comprobati solet.

7. Declaratur.

### C A P V T XXXIII.

D An ex locis Scripturæ, quæ dependentiam liberi arbitrii à voluntate, & omnipotentia diuina testantur: physicam prædeterminationem ostendant.

A D nostræ sententiæ confirmationem, non satis est ostendisse, quàm sit Scripturis diuinis conformis, sed etiam explicare oportet, nihil in diuinis scripturis reperiri, quod vel probabiliter illi officiat, vel auxiliū physicæ prædeterminationis suadeat: Hoc autem præstare melius nō possumus, quàm respondendo testimoniis Scripturæ, quæ defensores physicæ prædeterminationis in suæ sententiæ confirmationem inducunt. De quibus in primis generatim dicimus in nullo illorū verbum *prædeterminandi*, vel aliud æquiualens reperiri. Et primū quidem ex formalibus verbis ipsorum testimoniorum constat, ideoque neque ab ipsis arguentibus in illo sensu testimonia proferuntur: secundum partim in superioribus à nobis indicatum est, quia sæpe sumuntur argumenta à verbo generali ad speciale, ac si essent æquipollentia, vt à verbo *præmonendi* ad verbum *prædeterminandi*, & similibus. Et hoc est præ oculis habendum, nam omnia testimonia per similes illationes inducuntur.

1. Respondetur testimoniis Scripturæ, quæ, defensores physicæ prædeterminationis in suæ sententiæ confirmatione adducunt.



Deinde aduertimus Caluinum eisdem vti testimoniis ad probandum Deum voluntate sua, & motione praeuia necessitatem inferre voluntatibus hominū in omnibus earum actionibus, quibus catholici respondēt, male inferre, quia omnia, quae illis locis docentur potest facere Deus absque necessitate, & salua libertate, quam in aliis locis eadem Scriptura praedicat. Si ergo nos ostēdimus, omnia illa, quae in eisdem testimoniis dicuntur optime consistere sine praedeterminatione, & cum integra indifferentia in operando, & cum omni sufficientia, & efficacia, ac necessitate gratiae, quam in eadem Scriptura inuenimus, profecto conuincemus talia testimonia non magis ad probandam dictam praedeterminationem, quam ad suadendum Caluini necessitatem valere. Quod maiorem vim habebit, si consideretur vix posse mente concipi, ne dum verbis declarari, quid in re ipsa inter hanc necessitatem, & illam praedeterminationem intersit. Sed iam ad singula testimonia veniamus, quia vero quam plura multiplicantur, ad pauciora capita, & ad certam argumentorum seriem illa reducere conabimur.

2.

Primò adducuntur loca quae docent dependentiam arbitrii à diuina voluntate. *Isai. 26.* *1. Cor. 12.* *Philipp. 1. & 2.*

Primò inducunt illa testimonia, quae docēt dependentiam essentialē in operando liberi arbitrii creati à diuina voluntate, & maxime in operibus gratiae. Huiusmodi sunt illa *Isai. 26. Domine dabis pacem nobis, omnia enim opera nostra operatus es in nobis.* & *1. Corinth. 12. Operatur omnia in omnibus,* & similia multa quae in libro 3. adduximus. Et de operibus gratiae maxime ponderari solent verba ad *Philip. 1. Qui capis in vobis bonum opus ipse perficiet,* & *cap. 2. Deus est, qui operatur in vobis velle, & perficere pro bona voluntate.* Hinc ergo ita in virtute colligunt. Voluntas nostra ita pender essentialiter à Deo in suis liberis actibus, vt eos Deus ipse in nostra voluntate operetur; ergo efficacissima potentia sua praedeterminat Deus voluntatem ad talia opera. Item peculiariter tribuitur Deo in operibus gratiae, quod ipsum velle in nobis faciat, & inchoet pro sua bona voluntate; ergo id facit per efficacem voluntatem suam nostram praedeterminando. In his testimoniis, (quod de sequentibus etiam intelligatur,) vt prolixitatem non necessariam euitem, non expendam accuratē, an testimonia in sensu litterali asserantur, necne, sed cum in quo allegantur facile admittam, vt ad punctum argumenti quod vt dixi, in illatione consistit statim respondeam. Quod dico, quia illa verba *Isaia omnia opera nostra operatus es in nobis*, ad litteram fortasse intelliguntur de flagellis diuinis, vt exponit Hieronymus, vel de beneficiis mirabilibus, vt Cyrillus, & D. Thomas ibi volunt, nunc verò admittimus illa verba de omnibus operibus nostris, quia de omnibus vera sunt, & ab Scholasticis passim in eo sensu asseruntur, vt patet ex D. Thoma 3. contr. gent. cap. 67. & ad Rom. 9. lectione 3. & aliis frequenter. Responderetur ergo negando consequentiam, nullum enim habet solidum principium in quo fundetur. Nam in primis in lib. 3. ostensum est, Deum non dici operari opera nostra propter praeuium concursum sed propter concomitantem. Deinde certum est Deum non dici facere opera liberi arbitrii, quia solus illa facit in nobis, sed quia illa nobiscum operatur, nam quod Deus operando facit, verè ipse operatur, & simpliciter illi tribuitur, quia principaliter operatur, & sua virtute à nemine pendere, & omnibus dat operandi virtutem. Igitur ex illa locutione generali,

A & similibus non potest inferri, praedeterminatio in operibus liberi arbitrii, neque in operibus bonis, magis quam in malis. Et eodem modo de generali cōcursu exponit D. Thomas priora verba Pauli in epistola ad Corinth. Imo etiam ita interdum exponit posteriora verba ad Philip. vt videre licet in Commentar. ad cap. 26. *Isaia.* Concedamus autem vltima verba Pauli de operibus gratiae intelligenda esse, sed non propterea in illis probabiliter illatio. Quia Deus operatur velle gratuitum in nostra voluntate sine praedeterminatione, quia voluntatem nostram preparas adiunandam & adiunas preparatam.

B Vnde D. Thomas ibi ait illis verbis reprobari non tantum errorem Pelagianorum, sed etiam eorum qui dixerunt voluntatem nostram necessitari à gratia. Quia hoc excludit (inquit) Apostolus cum dicit: *Operatur in nobis.* Quia interior per instantum mouet voluntatem ad bene operandum: Quod perfectissime fieri potest sine praedeterminatione. Imo ita fieri satis indicat Apostolus in eodem loco cum praemittit. *Cum metu, & tremore vestram salutē operamini,* & proxime subdit. *Deus est enim qui operatur in vobis,* ac si diceret non vestris viribus, sed diuino auxilio potestis vestram salutem operari, & ideo eam cum timore operamini, ne Deus auxilium suum subtrahat ad perficiendum bonum opus, quod per idem auxilium in vobis inchoauerat bonam voluntatem, vt propositum inspirando. Sicut cap. 1. dixerat, & exposuit August. lib. de grat. & liber. arbitrii. cap. 9. & lib. de Don. perseuer. cap. 13. & serm. 94. de tempore cap. 3. Quibus in locis, & in multis aliis docet illa verba exhortationis, & tacitae comminationis ostendere quidē hominem debere suam salutem operari, sed principaliter illam operari Deum, & è conuerso ita Deum operari hominis salutem, vt oporteat ipsum hominem illam liberè operari, habentem in potestate sua non perficere, quod Deus incipit, vel impedire auxilia quibus velle, & perficere operatur in nobis. Haec autem omnia vix, aut ne vix quidem possunt in auxilium praedeterminans conuenire. Quia illud non subest villo modo potestati nostrae, vel vt detur, vel vt auferatur. Vnde non est quod timeamus, ne aut propter opera nostra negeur, aut si detur quod effectu eius careamus.

Secundo loco adducuntur loca in quibus dicitur, Deus habere liberum arbitrium hominis in manu sua, vt quocunque voluerit vertat illud, sicut dicitur de corde Regis *Prouerb. 21. Vbi sit mirabilis comparatio, quod sicut diuisiones aquarum, ita cor Regis in manu Domini quocunque volueris inclinabit illud.* Vbi non solum est sermo de potestate Dei in voluntatem Regis quoad executionē eius, quam Deus facile potest impedire, & mutare, sed etiam de potestate in internam ipsam volitionem, seu electionem, vt verba ipsa conuincunt. Nā potestas supra executionem, non est potestas in cor, sed in manum, vel aliam similem facultatem, nec impediendo executionem mutatur interna voluntas per se loquēdo, est ergo cor hominis in manu Dei quoad ipsam internam volitionem, ergo & quoad praedeterminationem. Hāc ergo verbo inclinandi significauit Sapiens, quia loquitur de inclinatione efficaci seu in actu secundo, & deliberato, per illam enim cor mutatur. Et licet de Rege loquatur, idem à fortiori de quocunque homine intelligit. Nam quia Reges magis videntur esse sui iuris, & potestatis, ideo quasi per exaggerationē in eis ponit exemplum: De toto autem populo similiter dicitur 2. Paralip. 30. *In Iuda vero facta est manus Domini,*

3.

4. Secundo adducuntur loca in quibus dicitur Deus habere liberum arbitrium hominis in manu sua.

mini, ut daret eis cor vnum, ut facerent iuxta preceptum Regis. De quo etiam scriptum est Esther 15. *Conuertit Deus Spiritum Regis in mansuetudinem.* Et similis est locus Ecclesiastes 9. *Sunt iusti atque sapientes & opera eorum in manu Dei.* Vbi Chaldaica paraphrasis addit, *Et ab eo decretum est omne, quod eris in diebus eorum.* Quasi dicat, quidquid homines deliberent esse in manu Dei, ut ex decreto eius omnia succedant.

Respondetur nullum catholicum posse dubitare, quin omnium hominum, non solum potestates, sed etiam voluntates sint in manu Dei, & nihilominus de modo est inter eos magna contentio. Vnde ex eo quod Scriptura dicat cor Regis esse in manu Dei, non recte infertur, hoc esse intelligendum ratione prae-determinationis, sicut non sequitur esse intelligendum ratione necessitatis. Dico ergo, quoad actus bonos cor hominis esse in manu Dei, quia per cogitationes sanctas, & congruas, & per inspirationes, & affectiones illis cogitationibus proportionatas ita potest voluntatem hominis mouere, ut quocumque voluerit, vertat illam. Vnde Beda in Prouerb. de solis iustis locum illum intelligens, ait. *Cor Regis in manu Dei, quia sicut diuisiones gratiarum iuxta suam voluntatem, & Angelis, & hominibus tribuit, ita etiam corda Sanctorum quibuscumque voluerit digna donationibus reddit.* Neque vllum habet Pelagianista locum quo absque Dei gratia quis saluus fieri possit. Et sequitur ibi Gloss. ordin. Et Hieronymus solet de solis bonis Regibus, vel iustis hominibus verba illa exponere, ut videre licet Ierem. 4. Ezechiel 18. & Daniel 5. nunquam tamen id putat esse dictum propter prae-determinationem, sed ad summum propter Dei perfectam gubernationem.

At vero D. Augustinus lib. de grat. & liber. arbit. cap. 21. etiam de corde peccatoris, & de inclinatione eius etiam ad opera mala verba illa interpretatur. Quod est consantaneum generalitati verborum, & nostram sententiam non infirmat, sed potius confirmat. Nam certum est non inclinare Deum directe & positiue voluntates hominum ad mala opera, multoque minus prae-determinare, aut prae-destinare illa ut in lib. 3. ostensum est. Ergo si verba sapientis comprehendunt etiam prauos Reges, & praua consilia, & decreta illorum, non intellexit Deum inclinare corda prae-determinando, sed aliquid aliud operando, vel operari sinendo, iuxta materiz capacitatem. Et ita Augustinus ex illo, & aliis testimoniis quae congelerat ita concludit. *His, & talibus testimoniis diuinorum eloquiorum, quae omnia commemorare nimis longum est satis quantum existimo manifestatur, operari, Deum in cordibus hominum ad inclinandas eorum voluntates quocumque voluerit, siue ad bona pro sua misericordia, siue ad mala pro meritis eorum.* Quod vltimum verbum non potest intelligi de prae-determinatione, tum propter absurditatem sententiae, tum quia si determinaret voluntatem ad malum, non semper id faceret propter demeritum, sed sua tantum voluntate, ut in libro etiam tertio ostensum est. Tum denique quia in fine capituli ait Deum id facere per Angelos bonos, vel malos, siue quocumque alio modo operando in cordibus malorum pro meritis eorum. Si autem Deus prae-determinat voluntatem hominis, certe id non facit variis modis, sed vno, & determinato modo, neque facit per Angelum bonum, vel malum, sed per seipsum. Angeli enim operantur in cordibus immittendo cogitationes,

Fr. Suarez de Graua Pars II.

A & per illas excitando affectiones; ergo si Deus per Angelos inclinat voluntatem non inclinat prae-determinando, ergo etiam quando per seipsum inclinat, non oportet, ut id faciat prae-determinando, sed in bonis, ut dixi congruas cogitationes immittendo, quae per se & cum effectu in bonum à Deo intentum inducant; in malis autem vel operando ea, quae per se bona sunt cum praescientia, quod ipsi male sint eis vsuri, vel praemittendo, ut mali Angeli eos ad malum inducant.

Et per haec responsum ad alia loca, quae per se spectata nullam habent difficultatem. Nam facile potuit Deus tribui Iudae dare cor vnum congrue totum illum populum excitando, & mouendo, ut infallibiliter Regi consentiret, & tamen liberè, & sine prae-determinatione, licet non sine adiutorio diuino consentiret. Et ita Augustinus lib. 1. contra duas epistolas Pelagianor. cap. 2. ex his & similibus locis nihil aliud quam efficaciae gratiae auxilium colligit. Et similiter exponit locum Esther, nam eodem modo potuit Deus sine prae-determinatione conuerrere in mansuetudinem cor Assueri, per cognitiones menti, & phantasiae obiectas, & excitando bonum, & magnum affectum in cor eius erga Esther. Vnde cum ipsa Esther cap. 14. petiisset. *Conuerte consilium eorum super eos,* statim subiecit. *Tribue sermonem in ore meo in conspectu leonis, & transfert cor illius.* Nam quia illa mutatio non per coactionem, vel necessitatem, nec certe per physicam prae-determinationem, sed morali modo facienda erat, petie sermonem compositum, id est aptum, & accommodatum ad mouendum cum effectu cor Regis adiuuante Deo interius, rationes congruas proponendo & affectiones aptas ad persuasionem excitando. Alter vero locus, ex Ecclesiaste, eandem habet responsionem, etiam si intelligamus opera iustorum dici esse in manu Dei, eo quod ex eius liberali gratia, & prae-destinatione pendent, quia nihilominus non pendent ex prae-determinatione, sed ex praemotione, & vocatione congrua, vel generaliter ex Dei speciali prouidentia, & ordinatione, ut Hieronymus ibi insinuat, qui non solum de operibus bonis, sed etiam de malis poenae quae iusti patiuntur, verba illa interpretatur, quia omnia iustis eueniunt iuxta diuinæ prouidentiae dispositionem. Potest etiam ille locus aliis modis exponi de operibus iustorum, quia licet magna circumspectione ab eis fiant, in manu Dei sunt, id est, in eius potestate, & iudicio, & trinita, & ipsos iustos later, qualia sint, & ideo nesciunt, an amore, vel odio digni sint. Et aliis modis hic locus exponitur, sed prior expositio nobis sufficit, estque responsio dicta praeculis habenda, quia multa similia loca per illam exponuntur, de quibus consuli potest Augustinus dicto lib. de grat. & liber. arbit. cap. 10. & 11.

E Tertius locus argumentandi est ex efficacia, & omnipotentia diuinæ voluntatis, ita enim dicit Deus per Isaiam cap. 46. *Iudicium meum stabit, & omnis voluntas mea fit,* & in Psalm. dicitur. *Omnia quaecumque voluit fecit,* utique quae absoluta voluntate voluit, de qua etiam dicitur Esther 13. *Domine Rex omnipotens in diuisione tua cuncta sunt posita, & non est qui possit resistere voluntati tuae.* Et similia sunt in scriptura frequentia. Ex quibus tale conficitur argumentum. Decretum diuinæ voluntatis semper antecedit deliberationem voluntatis humanæ, quia illud est æternum, hoc temporale; illud est causæ primæ, à qua pendet, & determinatur omnis effectus causæ secundæ,

7. Tertio ex efficacia, & omnipotentia diuinæ voluntatis, Isai. 46. Psal. 135.

sed decretum Dei illud est efficacissimum, nec illi valet resistere humana voluntas; ergo semper prædeterminat voluntatem, vel per seipsum propter naturalem subordinationem, & subiectionem humanæ voluntatis ad diuinam, vel motionem aut qualitatem aliquam, quam per suam omnipotentiam potest voluntati humanæ imprimere, ut suum decretum infallibiliter exequatur. Ergo in hac prædeterminatione ponendum est auxilium efficax, quia illa semper est efficax, & sine illa nullum auxilium potest esse efficax magis, quam sine diuina voluntate.

8. Respondetur quatuor catholica dogmata ad Deum pertinentia in illis testimoniis contineri, de quibus nulla potest inter catholicos esse controversia. Primum consilium diuinum semper stare, id est, nec deficere, nec frustrari posse, quia semper est prudens, & rectum, & in scientia certa, & infallibili fundatum. Secundum est voluntatem diuinam efficacem, & absolutam semper impleri. Tertium, quod est præcedentis fundamentum in manu omnipotentis diuinæ omnia esse constituta. Quia enim Deo *subest cum voluerit posse*, & quia nihil absolute vult nisi prudentissimo consilio, habensque in thesauris scientiæ, & potentis sue media, quibus possit infallibiliter exequi quidquid absolute vult, ideo talis omnis voluntas eius infallibiliter fit. Quartum dogma est neminem posse resistere tali voluntati diuinæ: quod sequitur ex duobus præcedentibus, nam si posset quis resistere voluntati Dei posset efficere, ut voluntas Dei non impleteretur. His addi debent alia ad hominem pertinentia, qualia sunt, primo, diuinæ voluntatis efficaciam, & omnipotentiam non auferre, neque impedire humanarum operationum, seu electionum libertatem. Secundo sæpe executionem diuini consilij, ac decreti pendere à libertate hominis. Tertium est ea quæ à Deo decreta sunt, ut per liberum arbitrium fiant, non fieri ab eo inuitabiliter, simpliciter, & absolute loquendo. Quia quod est inuitabile non est liberum, ut ex terminis per se notum videtur. Quia quod euitari non potest sub humanam potestatem non cadit, ac subinde nec sub libertatem. Quartum est, voluntatem Dei decernentem de actibus à libero arbitrio præstandis, non auferre veram, & proximam potentiam eius ad agendum, & non agendum, quia hæc est necessaria ad actus libertatem, ut in Prolegomeno primo probatum est.

9. Cum ergo hæc nobis omnibus communia esse debeant, etiam difficultas dictorum testimoniorum omnibus communis est. Vnde quidam illis oppressi negant, posse Deum prædefinire absolute, & efficaciter actus voluntatis humanæ in particulari. Et cum omnibus circumstantiis eius salua libertate, quod nobis nullo modo probari potest, ut alibi ostendimus, & in hoc opere sæpe diximus. Suppositis ergo decretis præfinientibus ad intra, quia nobis illa testimonia obiciunt putant, non posse mandari executioni efficaciter, nisi per prædeterminationem ad extra, quæ talis sit, ut illa supposita non relinquat in humana voluntate potestatem aliter volendi quam à Deo decretum sit, quia hoc putant necessarium, ut non possit resistere voluntati diuinæ. Sed non possunt nobis explicare quomodo talis voluntas maneat libera ad operandum si ad unum prædeterminatur, & priuatur potestate aliter operandi. Vnde (quod maius est inconueniens) ipsa voluntas diuina sibi ipsi repugnaret, volendo, ut humana voluntas operetur sine libertate, id est, sine potestate aliter volendi. Nos

autem dicimus decretum Dei non auferre à voluntate potestatem simpliciter aliter volendi, aut operandi etiã tali suppositione posita, quia non est decretum ita antecedens quin supponat præscientiã conditionatam futuri consensus liberi, si tali vocatione voluntas hominis præpararetur, & adiuuaretur. Et consequenter negamus ad efficientiam talis decreti, esse necessarium, & accommodatum mediam voluntatem prædeterminare ad unum, sed potius illã ita dirigere, ut infallibiliter faciat quod Deus decreuit, & hoc satis esse, ut consilium Dei steret, & omnis eius voluntas fiat, & ut in voluntate humana non sit potestas resistendi diuinæ, quia nunquã valet ad effectum perducere oppositum eius, quod Deus decreuit. Quod totum prouenit ex diuina omnipotentia cum infinita sapientia coniuncta, & non repugnat libertati, quia supponit illius usum præuisum, & ad illum, dicit formalem, vel virtutalem habitudinem, ut explicatum est, & iterum in capite penultimo huius libri dicitur.

## CAPVT XXXIV.

An Scriptura dicat Deum dare nobis velle propter physicam prædeterminationem.

Quartus locus argumentandi sumitur ex his scripturæ testimoniis, in quibus dicitur Deus in operibus pietatis, non solum dare posse, sed etiam velle, vel agere. In quo puncto præcipue pöderantur verba Pauli Rom. 4. vbi de promissione facta Abraham, *sic erit semen tuum ait. Ideo ex fide ut secundum gratiam firma sit promissio*, & infra subiungit. *Confortatus est fide dans gloriam Deo plenissime sciens, quia quod promissus potens est, & facere*. Quæ verba ponderans Augustinus libro de prædestinatione sanctorum cap. 10. ait. *Quando promissus Abraham in semine eius fidem gentium, non de nostra voluntari potestate, sed de sua prædestinatione promissus. Promissus enim, quod ipse facturus erat, non quod homines, &c.* Quæ latè prosequitur D. Thomas etiam super Paulum imitatus Augustinũ ait. *Ideo ex fide, ut secundum gratiam firma sit promissio non quidem per operationes hominum, quæ possunt efficere, sed secundum gratiam, quæ infalsibilis est.* Est ergo argumētum Pauli & Augustini. Dei promissio est certa ex his, quæ ipse facturus est, non quæ homines, sed Deus promissit fidem gentibus in Abrahamo, ergo ipse est qui facit illam, non, ergo dat tantum posse credere, sed etiam credere.

- Atque ita videmus impletũ in illa Lydia Purpuraria de qua dicitur Act. 16. *Deum aperuisse cor eius intendere his, quæ dicebantur à Paulo.* Nam *aperuisse cor* nihil aliud significat quam illi dedisse credendi voluntatem. Et similiter Act. 13. vbi de gentibus dicitur. *Crediderunt quotquot præordinati erant in vitam æternam.* Quod perinde est ac si diceretur. *Crediderunt qui erant prædestinati*, ut secundum gratiam firma sit promissio. His consonant verba Christi Ioan. 5. *Qui ex Deo est verba Dei audit: propterea vos non auditis, quia ex Deo non estis.* Vbi audire idem est quod obedienter audire, & suscipiẽdo fidem. Et hoc tribuitur determinationi prouenienti ex diuina prædestinatione, nam ob fidem non potest velle dici esse ex Deo, nisi secundum prædestinationem. Præterea hoc confirmatur

1.  
Quartus locus ex his, quibus dicitur Deus non solum dare posse, sed etiam velle, vel agere.  
Rom. 4.

2.  
Act. 16.



firmatur ex illo Ioan. 18. *Sicut palme non potest ferre fructum à semetipso nisi manserit in vite, ita nec vos nisi in me manseritis*, iuncto illo Roman. 11. *Non in radicem portas, sed radicem te*. Quibus verbis significatur, sicut fructus palmitis totus est ex virtute vitis, ita omnem pietatis fructum, seu actum esse ex gratia efficaci determinante tempus, modum, & qualitatem, ac quantitatem fructus. Et eodem modo solent hic induci testimonia omnia, quæ sunt de necessitate gratiæ, vt Ioan. 15. *Sine me nihil potestis facere* 2. Corinth 3. *Non sumus sufficientes cogitare*, &c. & ad Hebr. 13. *Deus pacis apiet vos in omni bono, faciens in vobis quod placitum est coram se*.

3. Ad hæc omnia vno verbo responderi potest, illis rectè probari necessitatē auxiliij efficacis ad credendum, vel piè operandum, non tamen probari modum efficacitæ per prædeterminationem, quia alio modo suauiori, & magis consentaneo diuinæ prouidentie, & satis efficaci, & infallibili fieri, & impleri possunt. Vt autem hoc enidentius fiat, aduerto, duo tangi in his testimoniis. Vnum est Deum non solum dare posse efficere opera pietatis, sed etiam dare ipsum facere, seu ipsa opera. Aliud est, non solum dare ipsa opera eo tempore, quo fiunt, sed etiam in priori tempore illa promississe, & in æternitate prædestinasse. Et vtrunque horum verissimum, & certissimum est, ex neutro autem rectè, vel apparèter colligitur prædeterminatio. Nam si illud primum præcisè spectetur, ex eo sufficienter verum inuenitur, quod ad opera gratiæ Deus non solum dat dona supernaturalia, quibus homo fit potens ad talia opera efficienda, sed etiam cum illa fiunt per eadem dona, influit actu in eadē opera, ac deinde per seipsum, & per generalem concursum ordinis gratiæ physicè, ac immediatè efficit in nobis, & nobiscum eadem opera, quæ omnia subsistere possunt sine prædeterminatione, vt per se patet, & satis superque sunt, vt Deus dicatur dare nobis talia opera, vel alia efficere in nobis. Vt enim hoc verissimum sit, non est necesse, vt solus Deus illa opera faciat in nobis, vt ex fide constat; ergo faciendo illa nobiscum, verè facit illa. Quin potius licet Deus faceret in voluntate hominis præuam determinationē in actu primo, ex vi illius non diceretur per se, & propriè facere ipsum velle, nisi alio modo immediatè influeret in ipsum actum, ergo è contrario etiam si non der talem determinationem, si dat supernaturalem virtutem, & cum illa per se, & immediatè facit ipsum opus influxu quodam gratuito, & supernaturali, vere facit in nobis talia opera. Quocirca ex vi huius prioris locutionis, quod Deus facit in nobis ipsum velle, non inferitur, nec probatur aliud auxilium efficax nisi simultaneum, nam hoc est per se ac simpliciter necessarium, quia efficacia actus pij in ipso, & per ipsum consuminatur, & ideo ea tali sufficientia præcisè spectata, non solum prædeterminationis, verum etiam nec alicuius præuenientis auxiliij efficacis, necessitas colligitur, nisi aliunde ostendatur.

4. Aliud vero principium in illis testimoniis contrarium, oprimè ostendit esse necessarium auxilium efficax præueniens, quo Deus impleat fidei, aut priorum operum promissionem, & prædeterminationem, non tamen probat hoc auxilium debere esse physicè prædeterminans, quia vt diuina promissio & prædestinatio infallibiliter impleatur vocatio efficax, seu congrua prope à nobis explicata est sufficit, & vt per actus liberè factos sicut ordinata est, fiat, necessariū est, vt non per physicam

Fr. Suarez de Gratia Pars I I.

A prædeterminationem, sed per auxilium, cui secundum se spectato, voluntas hominis possit resistere, impleatur, sicut per vocationem congruam fit. Neque ex posteriori testimonio aliquid amplius colligunt Sancti Patres: nec verbum *prædeterminandi*, aut æquiualens in eis inuenitur, sed solum docent Deum non promittere ea, quæ homo ex se, suisque viribus facturus est & industria, sed ea quæ ex peculiari Dei auxilio, præparatione, & indeclinabili directione recipiet; ac faciet, & hoc modo dat Deus per vocationem congruam fidem, & pia opera quæ promittit. Non enim ita illa promittit, vt nō sint homines ea facturi, nam hoc ipsum in promissione includitur, sed (vt Augustinus citato loco dixit) *quia etsi faciant homines bona, quæ ad colendum Deum pertinent, ipse facit, vt illi faciant*; hoc autem facit Deus per vocationem congruam, vt sæpè est dictum, & mox amplius explicabimus.

B Ex testimoniis autem secundo loco adductis, primum in quo Christi verba afferuntur, *Qui ex Deo est, verba Dei audit*, non oportet, ita intelligi, vt esse ex Deo sit esse prædestinatum, quia fortasse multi tunc non credentes erunt prædestinati; tum etiam quia causa non credendi non potest in Deū non prædestinantem refundi, ideoque altera casualis. Propterea vos non auditis, quia ex Deo non estis vel in rigore falsa, vel, impropriissima esset. Igitur, esse ex Deo est adhærere Deo, & regi spiritu eius, iuxta illud Roman. 8. *Qui spiritu Dei aguntur, hi sunt filij Dei*. Vnde è contrario illi dicuntur ex Deo non esse, qui Deo non adhærent, nec motiones eius sequuntur. Sicut ibidem isti, qui non sunt ex Deo, dicuntur esse ex Diabolo non prædeterminatione, aut reprobatione, sed praua ipsorum voluntate. Ita ergo dicuntur non esse ex Deo, quia sua voluntate ei resistunt, & diabolo adhærent; ergo è contrario dicuntur esse ex Deo, qui diuinam inspirationem sequuntur, & ideo Ammonius Leontius, & Theodorus apud Maldonatum, ibi dixerunt hominem esse, vel non esse ex Deo, non natura sed electione. Ex quo vero sensu tantum abest, vt physica prædeterminatio colligatur, vt potius libertas in obtemperando vel resistendo gratiæ præuenienti stabi-

D Quia vero Augustinus tract. 42. secundum prædeterminationem locum illum interpretatur, respondemus etiā hunc sensum nō obstat nostræ sententiæ (quidquid sit an literæ quadret) quia licet donum fidei ex prædeterminatione procedat, illa prædestinatio per vocationem congruā impletur nō per prædeterminationem physicam. Potest autem illa prædestinatio, aut esse simpliciter ad æternam salutem, si fides viua sit vsque ad finē vitæ permanens, vel tantum secundum quid per quandam prædeterminationē ad fidem solam, vel ad credendum aliquando si fides sit temporalis. Si autem altera pars. Propterea vos non auditis, quia ex Deo non estis si ad carentiam electionis ex patre Dei referatur, non potest sumi in sensu causali, quia Deus nullo modo est causa incredulitatis, dicit ergo solam consecutionem secundum præscientiam, vt etiam idem Augustinus exponit.

E Ad loca ex actibus desumpta fatemur in priori de Lydia indicari efficaciam præuenientis gratiæ, illam verò dicimus fuisse per diuinas illuminationes, & inspirationes illi formiæ cōgruētēs. Et ita Prosper, lib. de vocat. gent. c. 23. aliàs 8. nihil aliud ex illo loco colligit, nisi fidem esse ex inspiratione diuina. Alter vero locus de præordinatis ad vitā æternam variè exponitur, sed nunc damus, sermonem

5. Verba illa esse ex Deo, quomodo intelligenda.

6.

7.

Respondetur ad loca ex Actibus desumpta.

esse de prædestinatis, ut sentit Prosper. in epist. ad Rufinum. Intelligendum vero est vel simpliciter ad vitam æternam, siue secundum quid ad credendum, ut sentit Chrysostomus Homil. 30. exponens *præordinati, id est, præfiniti à Deo*, non enim oportebat omnes, qui tunc crediderunt, fuisse prædestinatos ad gloriam, neque etiam omnes prædestinatos, qui ibi aderant, tunc credidisse; crediderunt ergo, qui pro tunc prædestinati erant ad credendum. Illa autem prædefinitio potest exponi, ut solum denotet æternam antecessorem, etiam si non fuerit ante præscientiam absolutam futuræ determinationis voluntatis; vel potest intelligi de prædefinitione ante præscientiam absolutam futurorum; quem sensum etiam concedimus, & nihilominus nihil inde colligitur, quia illa prædefinitio non excludit conditionatam præscientiam futurorum, & ita per vocationem congruam executioni mandatur. Cætera vero testimonia sine causa allegantur, probant enim humanam voluntatem sine auxiliis gratiæ nihil valere ad opera pietatis, nec posse illam inchoare, nisi gratia præcedat, & incipiat, inde tamen nulla probabilitate inferri potest, voluntatis libertatem obrundi, seu prædestinati per gratiam, aut hoc esse necessarium ad opera pietatis, vel simul esse posse cum eorum libertate. Neque Augustinus, vel alij Patres in illo sensu his testimoniis utuntur, sed tantum ut necessitatem gratiæ ante omne meritum persuadeant. Et specialiter verba ultima Pauli ad Hebræos indicant modum, quo Deus in nobis facit, quæ illi sunt placita, *aptando nos in omni bono*, per vocationem utrique congruam, ut supra explicatum est.

## CAPVT XXXV.

*An soli Deo tribuantur in Scriptura opera pietatis propter physicam prædeterminationem.*

1. Quintus arg. m. locus ex locis quibus hominis salus, & omnia opera quæ ad illam conferunt, soli Deo tribuuntur.

**Q**uintus argumentandi locus ex illis testimoniis sumitur, in quibus hominis salus, & omnia opera quæ ad illam conferunt, soli Deo tribuuntur, vel in solam eius voluntatem reuocantur. Præcipuum testimonium est illud Roman. 9. *Non est volentis neque currentis, sed Dei misericordis*, & ibidem, *Cuius vult, miseretur, & quem vult indurat*. Vbi totum tribuitur voluntati Dei, quod non potest alia ratione fieri, nisi quia voluntas eius sola est, quæ voluntates humanas determinat. Aliud testimonium vulgatissimum est illud 1. ad Corinth. 4. *Quis enim te discernit?* Vbi significat Paulus Deum solum esse qui iustum à peccatore discernit, determinando utrique illius voluntatem ad bonum; propter quod ei etiam dicitur. *Quid habes, quod non accepisti?* Ex his enim locis sæpè probat Augustinus, hanc discretionem esse ex sola misericordia, non ex hominum libertate. Præsertim q. 2. ad Simplician. & lib. de prædestinatis. Sanctior. c. 4. & 5. Tertium testimonium huic loco accommodatum esse potest illud Ierem. 10. *Scio Domine quia non est in homine, via eius, nec viri est, ut ambulet & dirigat gressus suos*. Ex quibus testimoniis ita solent argumentari propugnatores prædeterminationis physice. In operibus gratiæ totum est tribuendum Deo; sed non potest tribui totum Deo, nisi ratione physice prædeterminationis; ergo. Maior patet ex dictis testimoniis, præsertim ex illis. *Non est volentis* ideo enim negatur homini, ut totum Deo tribuatur. Quia ut

**A** dicitur 1. Corinth. 12. *Omnia operatur unus, atque idem spiritus, diuidens singulis prout vult*. Et idē probant multa ex superius tractatis, & ita etiā loquuntur Patres præsertim Augustinus, & Anselmus, quorum testimonia postea tractabimus. Minor autem probatur, quia cū sit certum hominē per liberum arbitrium concurrere ad opus pietatis, nihilominus dicitur totum esse Deo tribuendum; ergo id esse non potest, nisi quia ipse concursus voluntatis humanæ reducitur in diuinam prædeterminatam illā. Item quia licet voluntas humana proximè operetur, tamen vltima resolutio fieri debet in diuinā voluntatē, vult enim homo, quia Deus vult, ut velit, ergo quia prædeterminatur. Denique hoc sensu ait Paulus. *Non est volentis, neque currentis*, non quia ipse non velit, sed quia quod velit non est impetandū illi, sed gratiæ prædeterminanti. Alioqui si quod velit homo ipsi in suo genere vltimatē attribuat, sicut dicitur, non est volentis, sed Dei misericordis, quia in vno genere Deus incipit, & ita dici poterit non esse Dei misericordis, sed hominis volentis, quia in alio genere liberum arbitrium est vltima ratio se determinandi. Quo argumento vtitur scilicet Augustinus in Enchirid. c. 32.

**B** Sed hæc testimonia ad summum probant necessitatem diuinæ præmotionis, & congruæ vocationis gratuito, & ex voluntaria electione, & prædeterminatione collata. Vnde in memoriam reuocanda est distinctio supra data de duplici ordine sub quo possunt hæc opera pietatis & gratiæ considerari, scilicet, sub ordine executionis, & prædeterminationis. Priori modo certum est talia opera non fuisse à sola gratia, nec à solo libero arbitrio, sed ab utraque iuxta illud Augustini serm. 15. de verb. Apost. c. 11. *Non partim gratia, partim liberum arbitrium, sed totum singula opere indiuiduo peragunt*. Posteriori autem modo omnia in solum Deum, eiusque voluntatem reducuntur. Quæ doctrina supposita facile dicta testimonia intelliguntur & argumento ex illis formato satisfi.

**C** Quod ergo attinet ad verba Pauli. *Non est volentis, &c. Nazianz. orat. 31. de executione ipsa intellexisse videtur, & ideo exposuit, id est, non solum volentis, nec currentis solum, sed etiam Dei misericordis*. Et subdit. *Ita quoniam velle quoque ipsum à Deo est optimo iure totum Deo assignauit*. Contra hanc vero expositionem obiicit Augustinus in Enchirid. c. 32. quia eadem ratione dicere possumus, *non est Dei misericordis, sed hominis volentis* subintelligendo solius, & etiam, quia non est solius misericordis Dei, sed etiā volentis hominis: id autem admittendū non est, aliquid enim singulare voluit Paulus misericordie Dei tribuere, ut ex cōtextu manifestū est. Addit etiam, & recte Augustinus. *Restat ut propterea recte dictum intelligatur non volentis hominis, sed misericordis est Dei, ut totum Deo detur, qui hominis voluntatē bonā, & præparat adiuvandā, & adiuvat præparatam*. Eandem doctrinā habet q. 2. ad Simplician. & cōcludit. *Non igitur ideo dictū putandū est, non volentis, neque currentis, sed misericordis est Dei, quia sine eius adiutorio non possumus adipisci, quod volumus, sed potius, quia sine eius vocatione non volumus*. Et sic etiā dixit in lib. Proposit. epist. ad Roman. c. 61. *Quia neque velle possumus, nisi vocemur, ideo verissimū est misericordis Dei esse, quod bene velimus, & operemur*. Quod approbat lib. 1. Retractat. c. 23. *Sed parū inquit de ipsa vocatione disserui, quia sit secundum propositum Dei*. ac si diceret, ideo soli Deo misericordis tribui bonum velle, quia ex sola eius misericordia vocatio congrua præcedit. De qua intelligitur etiam ab eodē Augustino lib. 83. Quæstion. q. 69. *Licet quis possit sibi*

3. Hæc verba, *Non est volentis*, &c. de executione ipsa intellexisse videtur Nazianzenus.

attribuere,

attribuere, quod veniat, non talis tamen potest sibi tribuere, quod vocatus sit. Igitur quia necesse est, ut vocatio congrua precedat, & hæc datur ex sola misericordia Dei, ideo soli Deo, & misericordiz eius nostrum bonum velle attribuitur. Falsum ergo est non posse hoc soli Deo tribui, nisi quia prædeterminat hominis voluntatē, cum Aug. doceat illi tribui, quia congruenter vocat, id est, quia excitat voluntatē hominis sicut oportet, ut illa consentiat. Et hanc expositionem declarat, & confirmat optimè D. Anselm. lib. de Concord. p. 3. cuius verba infra in proprio capite latius tractabimus.

4. Adde præterea, quod verba Pauli etiam secundum ordinem executionis intellecta, non excludunt quin libertati voluntatis tribuenda sit conuersio in suo genere, & ut proximæ causæ, sed doceant non ita tribuendam esse voluntati, sicut gratiæ, quod neque Nazanz. negauit, ut infra ostendamus, & Anselm. his verbis declarauit. *Licet iustitia seruetur (vel recipiatur) per liberum arbitrium, non tamen tantum est imputandum libero arbitrio, quantum gratia, quoniam illam, liberum arbitrium non nisi per gratiam præuenientem, & subsequenter habet, & seruat.* Non est ergo propter gratiam prædeterminantem, sed propter præuenientem, id est, propter vocationem, ut Aug. dixit, & propter subsequentem principaliter cooperantem. Quamuis loquendo secundum ordinem prædeterminationis & electionis gratiæ multo magis tribuitur voluntatis consensus soli Deo, fauendo vltimam resolutionem in ipsum. Consentit enim voluntas cum adiutorio gratiæ, quia prius vocata est congruenter per solam gratiam; ideo autem sic vocata est, quia illam Deus elegit, vel ad salutem, vel ad fidem, aut poenitentiam; ideo vero illam elegit quia voluit, iuxta illud. *Miserere cuius miserere, & misericordiam præstabo cuius miserere.* Et ita sicut supra ostensum est, ob prædeterminationem non esse necessariam prædeterminationem, quia per vocationem congruam sufficientissimè, & accommodatissimè impletur, ita ut vltima resolutio in diuinam voluntatem eligentem fiat, & ea ratione dicatur, non esse volentis, neque currentis, sed Dei miserentis in sua æterna dilectione. Non est ergo necesse, ut per physicam prædeterminationem tollatur à voluntate humana indifferentia, quam habere debet prius natura, quam se determinet, sed oporteret solum, ut voluntas sic indifferens congruenter vocetur, & excitetur, ut cum adiutorio gratiæ comitante infallibiliter se determinet.

4. Et hæc responsio applicanda est ad secundum testimonium de discretionem inter eum, qui gratiæ consentit, & eum, qui resistit: nam si resolutio fiat ad ordinem diuinæ intentionis, sic fuit ex sola misericordia Dei, huic potius quam illi vocationem ex proposito, seu congruam præparare, in vfu autem, & executione coniungi necessario debet libertas arbitrij, iste enim consentit, quia non vult pro sola sua voluntate. Et similiter inter iustos iste est sanctior, quam ille, quia pro sua libertate magis conatur cum adiuvare gratia, licet hic maior conatus ex diuina electione media cōgrua vocatione descendat. Et ita vtrumque coniunxit Concil. Trid. sess. 6 c. 7. dicens, *Vnumquemque accipere iustitiam secundum mensuram, quam Spiritus sanctus paratur singulis prout vult, & secundum propriam cuiusque dispositionem ac cooperationem.* Et sic etiam verissimum est quod Paulus incitato loco 1. Cor. 4. intendit, Neminem, scilicet, discerni ab alio, nisi per ea, quæ accepit, quia licet ex adductis vnus non discernatur ab alio, nisi per liberam suam indif-

A ferentis voluntatis operationē, tamen ratio diuersitatis, in ipso vfu manat ex gratia, non media prædeterminatione quæ indifferentiā in operādo auferat, sed media vocatione cōgrua, quæ gratis datur, & ex diuina electione omnino voluntaria manat.

Circa tertium testimoniū notanda est Damasc. doctrina lib. 2. de fide c. 26. discriminē esse inter electionē, & actionem liberam, quod electio semper est in nostra potestate, & ideo sēper est libera, actio vero non semper est in nostra potestate, sed interdum deficit, vel ex impotentiā nostra, vel ex ordine diuinæ prouidentię. Et ratio esse videtur, quia electio est per se, ac proximè ac formaliter libera, & ideo non priuatur suo intrinseco, & connaturali modo, quo fieri postulat, actio vero est libera per denominationē ab electionis imperio, quod est illi intrinsecū, & ideo extrinsecus etiā potest impediri. Et ideo ad conseruandā libertatē necessariū est, & sufficit quod in electione, seu volitione vfus libertatis seruetur, etiam si executio impediatur, vel non sit in hominis potestate, tūc enim volūtas profecto reputabitur, & defectus executionis homini nō imputabitur. Hoc supposito dico verba Ierem. intelligi posse de executione, & actione, & sic in eis cōmendatur gratia subsequens, ad nostrā electionē, seu propositū. Quāuis enim homo cū priori gratia optimè eligat, & proponat, indiget diuina gubernatione, & directione, ut illā exequatur, vel quia lōgè maior in executione inuenitur difficultas, vel quia non est in potestate hominis omnia impedimenta præcauere, &c.

Hac ergo ratione merito dicitur. *Non est in homine via eius*, quia licet illā ingredi, & ambulare proponat, oportet, ut Deus det vires ad ambulandū, & dirigat gressus eius. Cui cōsonat illud Prou. 2. *A Domino diriguntur gressus viri, quis autē hominū potest intelligere viā suā.* Et ideo dixit Paulus, Deum non solum dare velle, sed etiā perficere pro bona voluntate, vel hominis proponētis cū gratia, vel Dei ad vtrumque gratiam conferentis. Vnde etiā dixit Hieronym. Dialog. 3. contra Pelag. *In Domini potestate est, ut id quod capimus, quodque laborare adiuuamur, illius ope, & auxilio adimplere valeamus.* Et sic etiā multi exponūt illud Prou. 16. *Homini est præparare animā, & Domini gubernare linguā*, nam licet se præparet, & proponat homo loqui, si in ipso vfu Deus non dirigat mētē, & gubernet linguā facile labitur. Simili modo in eod. Prou. 16. dicitur. *Cor hominis disponit viā suā, sed à Domino gressus eius diriguntur*, sicut strenuus Dux optimè disponit exercitū, & nihilominus successus victoriæ ex diuina prouidentia, & adiutorio maximè pēdet, quia non potest industria humana omnia prouidere, quæ possunt victoriam iuuare vel impedire, iuxta hunc ergo sensum nihil hæc testimonia pertinet ad prædicationem voluntatis in electione, vel in volitione libera, quia respectu talis gratiæ iā hæc electio, vel præparatio supponitur facta per aliam gratiam præuenientem, & adiuuantem, & hæc vlterior gratia subsequēs, quatenus ad nouū actum, seu voluntatis vsum, & executionem datur, etiam confertur per gratias excitantes, aut internas, dirigendo mētē, & confortādo voluntatē, influendo illi suauitatē, vel quid simile, quatenus vero ad actiones, & facultates executiuas exteriores spectat, datur, auferendo impedimenta, vel adiutoria etiā corporalia executioni accōmodata tribuēdo.

Aliter verò possunt verba Ieremiæ intelligi de via hominis, etiā quoad ipsam electionē liberam, seu quoad ipsum interiōrē cōsensū, seu propositū nostræ volūtaris. Et sic dicitur nō esse in hominis potestate

6.

Nota da Damasceni doctrina.

7.

8.



potestate via eius, quia non est illius potestate habere vocationem, & excitationem, sed diuini hoc est muneris, quem sensum ibi Hieron. amplexus est. Sunt tamen duo notanda. Vnum est, quod licet prima excitatio non sit in hominis potestate, tamen habere secundam, & tertiam, & omnes alias necessarias ut ambulet, & dirigantur gressus eius, est aliquo modo in eius potestate, quia si bene utatur prioribus, posteriores accipiet. Aliud est, quod licet præparatio cogitationis, vel congruæ vocationis ex sola Dei misericordia sit, nihilominus ex culpa hominis esse, quod vocatio illius congrua non sit. Et vtrumque significat August. lib. 2. de Peccator. merit. cap. 17. cum dixit. *Gratia Dei est qua adiuvat hominum voluntates, qua ut non inueniatur, in ipsis isidem causa est non in Deo.* Quod ex ipso loco Ierem. colligitur, quia in eo statim subiicit. *Verruntamen corripe me in iudicio*, &c. Igitur iuxta Augustinū licet non sit in homine via eius quantum ad excitationem, est quantum ad determinationem, & cooperationem, & ita quando Deus actu non iuuat, & dirigit viam eius, ab hominis libertate, & culpa prouenit, & ideo necesse est, ut oret. *Corripe me Domine in iudicio*, &c.

## CAPVT XXXVI.

*An Deus faciat, ut velimus, & faciamus per physicam prædeterminationem, aut efficientiam.*

1. Respondetur ad illa loca in quibus dicitur Deus facere ut velimus, & faciamus.

Sextus arguendi locus maxime sumi solet, ex illis testimoniis in quibus dicitur Deus facere, ut velimus, & faciamus; & ad eadem reducuntur illa, in quibus dicitur Deus trahere homines, neque aliter posse ad eum venire. Sic inducuntur verba Ezechiel. 11. & 36. *Dabo vobis cor nouum, & spiritum nouum ponam in medio vestri, & faciam, ut in præceptis meis ambuletis.* Quibus consonant illa verba Rom. 8. *Qui spiritu Dei aguntur hi sunt filij Dei.* Item adducuntur verba Isai. 50. *Dominus meus aperuit mihi aurem, ego autem non contradico* quasi aperire autem sit, cor ad consentiendum determinare. Item illa Ioan. 6. *Nemo potest venire ad me, nisi Pater, qui misit me, traxerit eum.* Quibus consonat illud Canticor. 1. *Trabe me post te.* Ex quibus sic argumentatur. Si Deus expectat determinationem nostram, ut nobiscum operetur, nos potius illum trahimus, ut nostram conuersionem operetur, quam ipse nos trahat ut illum sequamur. Et similiter potius nos facimus, ut ipse faciat, quam e conuerso. Alij sic vident, quia verba Scripturæ sunt in omni proprietate intelligenda, sed verbum *facere* significat physicam efficientiam, nam moralis metaphorica est, ergo cum Deus dicitur facere, ut faciamus, vel, ut velimus, intelligendum est physicè id facere, ergo facit prædeterminando voluntatem, nam sola prædeterminatio physica facit per propriam efficientiam, ut voluntas faciat.

2. Respondetur ex dictis testimoniis, & similibus solum probari necessitatem diuinæ gratiæ, & efficaciam eius, modum autem efficiendi per physicam prædeterminationem nullo modo posse ex illis locis colligi, quod breuiter ostendo. Primo enim non est necesse, ut promissio illa per Ezechiel. *Dabo vobis cor nouum, & spiritum nouum* intelligatur strictè de sola gratia efficaci, nedum de sola prædeterminante, sed in vniuersum de abundantia gratiæ, quæ in lege noua danda erat, quæ includit non solum

A auxilia efficacia, sed etiam sufficientia, & copiosa, quæ abundantius hoc tempore omnibus offeruntur, vel per internas inspirationes, ut indicant illa verba. *Ponam spiritum meum in medio vestri*, vel per sacramenta, ut indicant illa verba. *Effundam super vos aquam mundam*, ut egregiè expendit & interpretatur Aug. lib. 3. de doctrin. Christian. cap. 34. & lib. 18. contra Faustū. c. 4. Quia vero in illis verbis non solum promittitur spiritus, seu virtus gratiæ, sed etiam effectus & fructus eius, qui in obseruatione mandatorum Dei consistit, ideo verum etiam est, ibi maxime promitti gratiam efficacem, quæ homines ad Deum cum effectu conuertat, & ita corda eorum renouet.

B Duplex autem distingui potest cordis renouatio. habitualis, scilicet & actualis. Prior fit per infusionem habituum gratiæ, quam solus Deus facit in nobis sine nobis proxime concurrentibus, quia illa infusio in se, ac formaliter non est nobis libera. Quia vero illa renouatio non fit in homine adulto, nisi præuia dispositione eius libera, ideo aliter intelligitur Deus dare cor nouum, per actus fidei, & dilectionis, cor hominis ad se conuertendo. Hæc autem facit ita illius mentem congruè vocando, & excitando, ut infallibiliter illum consensum inducat. Et eodem modo auferit cor lapideum, ita mouendo eius voluntatem per pias affectiones, ut propter duritiam non resistat. Quia vero hæc nouitas non fit in homine sine illius libera determinatione, ideo non obstante dicta promissione ex parte Dei, & ab ipsis hominibus per eundem Prophetam postulat. *Proicite à vobis prauiticationes vestras, & facite vobis cor nouum, & spiritum nouum.* Ergo ex priori promissione non colligitur prædeterminatio quæ solus Deus in voluntate hominis faciat, sed ad summū congrua excitatio, & vocatio, quæ omnino liberā relinquat hominis determinationem ratione cuius ab ipso postuletur, ut faciat sibi cor nouum & ut aueriat se ab iniustitia sua, ut ibidem dicitur. Nam quia hoc non fit prædeterminatione, sed morali inductione, ibidem additur. *Cū auerteris se impium ab impietate sua, quæ operatus est, & feceris iudiciū, & iustitiam, ipse animā suā viuificabit.* Et ad hunc ferè modū expendit hæc loca D. Aug. lib. de Grat. & liber. arb. c. 14 & 15. & in aliis sæpe dicit, Deū facere ut velimus, per vocationē quā propterea, effectricē bonæ voluntatis appellat. ut videre licet in q. 2. ad Simplic. & in aliis locis statim citandis.

Ad verba Isaia dicimus, vel nihil probare, vel contrarium suadere. Nam illa verba ad literam intelliguntur de Christo, quia Prophetam introducit dicens de se. *Dominus erigit manē, manē erigit mihi aurem, ut audiam quasi magistrum.* Dominus meus aperuit mihi aurem, &c. Erigere autem, seu aperire aurem Christi fuit ostendere illi voluntatem Patris de redimendo genere humano, & ideo manē, quia statim in principio suæ conceptionis manifesta illi est: cui statim ipse obediuit, acceptando illam, & hoc est, quod ait, *Ego autem non contradico*, & ideo subiungit, *Corpus meum dedi percutientibus*, &c. In illo ergo loco solum docetur summa Christi obedientia, quam ex amore præstiterit, non ex prædeterminatione, neque in verbis illis vllum eius indicium inuenitur.

Possumus autem piè verba illa per amplificationem, vel similitudinem ad omnes Sanctos extendere, & nec isto modo quidquam probant, sed oppositū suadēt. Nam dicitur Deus aperire aurem alicuius per illuminationes, & inspirationes, quas Augustinus vocat doctrinam altam, & secretam, quam Spiritus sanctus interius docet in schola à sensibus

3. Erigere, seu aperire aurem Christi fuit ostendere voluntatem Patris.

sensibus remota. In omnibus ergo illis verbis prioribus, neque umbra prædeterminationis physice cogitari potest, nam per illam, si daretur, non audiretur Deus quasi magister, sed quasi motori physico cederetur; significatur ergo in illis verbis diuina vocatio. Et cum illa congrua est, illud sequitur, quod adiungitur. *Ego autem non contradico*, in quo etiam propria determinatio hominis vocati, quæ immediatè subsequitur rationem sine alia prædeterminatione, quæ à vocante fiat, significatur. Et ad eundem modum interpretandum est verbum *agitur* in testimonio Pauli Rom. 8. de quo, & de verbis Augustini in fine capitis aliquid commodius addam.

5. Ad verba Ioannis certum est ibi esse sermonem de tractione morali: nam hæc tractio duplex esse potest iuxta doctrinam superius datam, vna sufficiens, altera efficax, & de vtraque potest ille locus intelligi. Primo quidem de sufficiente, nam Christus dicit. *Nemo potest venire ad me, nisi Pater meus traxerit eum*. Ergo è conuerso qui potest venire iam trahitur, sed qui sufficienter vocatur potest venire, ergo trahitur, ergo illa verba de tractione etiam sufficiente verificanda sunt. Certum est autem tractionem hanc sufficientem non esse nisi moralem, non enim distinguitur à gratia excitante, seu vocatione sufficiente, per quam Deus voluntatem hominis inuitat, & allicit, ac proinde quantum est in se trahit illam. Ex his ergo verbis in hoc sensu intellectis nihil aliud concluditur, nisi gratiam præuenientem, & moraliter excitantem esse necessariam ad consensum liberum, per quem homo venit ad Christum. Et ita Aug. lib. 7. contra duas Epistolas Pelagian. cap. 3. ex his verbis probat, per gratiam nobis dari, non solum venire, sed etiam posse venire ad Christum, & in cap. 19. probat ex eisdem verbis non solum adiuuantem, sed etiam excitantem gratiam nobis dari gratis.

6. Secundò intelligitur ille locus de tractione efficaci quæ infallibiliter habet effectum, & hunc sensum frequentius probat Augustinus, tum ibi tract. 26. tum in lib. de Prædestinat. Sanctior. cap. 8. & 16, & de Grat. & liber. arbitr. c. 5. & est satis consentaneus contextui, & verbis Christi. Protulit enim illa verba Dominus aduersus Iudæos, qui non credentes contra ipsum murmurabant, eosque dicit non fuisse tractos à Patre, at illi sufficienter erant per Christi prædicationem vocati, & excitati; ergo iam sufficienter trahebantur, & tamen Christus ait, non fuisse tractos à Patre; ergo loquitur de tractione efficaci. Item verbum ipsum *trahendi* non potestatem veniendi sed effectum significat. Vnde statim de illo, qui trahitur subdit Christus. *Et ego resuscitabo eum in nouissimo die*, ergo qui trahitur, credit, non enim suscitabitur ad vitam, nisi qui crediderit, ergo tractio talis est, ut hominem faciat credentem; est ergo efficax. Et ferè omnia verba quæ consequenter ibi Christus dixit hunc sensum confirmant vsque ad illa. *Sunt quidam ex vobis qui non credunt. Propterea dixi vobis, quia nemo potest venire ad me nisi fuerit ei datum à Patre meo*, vbi pro verbo *traxerit eum*, ponit illud *fuerit ei datum*. Vnde sicut de omnibus qui non credunt verum est, illis non esse datum credere, ita etiam verum est, ipsos non esse tractos à Patre etiam si multi sint sufficienter vocati. Cum ergo Christus ait. *Nemo potest venire*, intelligitur de potestate, quæ effectum veniendi habeat, seu quod perinde est de impotentia composita, id est fieri non potest, ut aliquis veniat, qui non sit tractus. In hoc ergo sensu ait, neminem posse actu ve-

nire, nisi efficaciter à Patre trahatur.

Hoc ergo sensu posito, Manichæi olim, & nunc etiam Caluinistæ colligunt tractionem Patris necessitatem inferre voluntati, & auferre libertatem hominis in actu veniendi ad Christum. Isti vero Catholici Doctores, cum quibus disputamus, ex eodem verbo colligunt prædeterminationem physicam, quam negare non possunt esse necessitatem quandam, sed dicunt esse in sensu composito, & negant tollere libertatem, etiam si necessitas illa ex suppositione antecedente simpliciter, & ex intrinseca efficientia ipsius tractionis oriarur, & in hoc vltimo ab hæreticis distant. Veruntamen Patres respondendo hæreticis planè ostendunt, tractionem illam nullam vim, aut necessitatem antecedentem inferre voluntati. Quod maximè necessarium nobis est, cum supra ostenderimus, non posse talem necessitatem non esse libertati contrariam.

8. Dicimus ergo in primis cum Patribus illam tractionem, ut est à gratia præueniente esse moralem per internam illustrationem, affectionem, & similes excitantes motiones. Ita exponit expressè Augustinus tract. 26. in Ioan. & variis exemplis declarat, quæ vulgaria sunt. Item Cyrillus lib. 4. in Ioannem. cap. 5. sic inquit. *Gratia Dei cognitionem sui haberi ostendit, cum dicat, neminem ad se venire posse, qui Patris monitionibus non trahatur*, vbi vox *monitionibus* ponderanda est, nam appetit significat moralem causalitatem, & excludit aliam physicam tractionem, seu determinationem mediam inter præuiam motionem, & actum veniendi. Et ut significet, in potestate hominis esse trahi, si velit, subiungit. *Ita eis persuadet, penitentia, & lachrymis veniam de his quæ fecerunt, & dixerunt à Deo Patre postulare, ut per fidem in seipsum consilio Patris, atque auxilio meliore itinere facto ad salutem reuocentur*. Item Chrysost. homil. 45. in Ioan. *Quomodo trahit* (inquit) *hoc Propheta prædixerat, quod erunt omnes docibiles Dei*. Latius vero quam ceteri id exposuit Prosper. contra Collator. cap. 14. vbi varios modos trahendi ponit, qui omnes ad excitantem gratiam pertinent, nulla prædeterminationis facta mentione. Trahit (inquit) contemplatio, trahit rerum gestarum cognitio, trahit timor, trahit desiderium, trahit delectatio, &c.

Denique Bern. in lib. de Grat. & liber. arbitr. eodem modo verbum *trahendi* exponit, vocatque illum spiritalem tractionem, & adducit inter alia verba sponsæ in argumento citata. *Trahe me post te*, & illa exponit per verba. *In odorem unguentorum tuorum curramus*, & deinde id exponit à simili variis modis, quibus per tentationes trahimur ad consensum peccati. Est etiam vsus illius verbi frequēs in Scriptura in illa significatione, ita enim accipitur Ierem. 3. 1. *In charitate perpetua dilexi te, ideo attraxi te miserans*, utique beneficiis te alliciens, flagellis te admonēs, ut omnes exponunt. Et Osee 11. *In funiculis Adam traham eos*, id est, beneficiis & amore quibus trahi solent homines. Sic etiā Ioan. 11. dixit Christus. *Si exaltatus fuero à terra, omnia traham ad meipsum*, ut latè Leo Papa declarat, serm. 28. de Passione Domini, & Apocalyp. 12. dicitur de Dracone. *Traxit secum tertiam partem stellarum*. utique exemplo suo, & suasionem. Quod autè trahere significat physicè prædeterminare, aut quod Deus isto modo trahat, nullo modo potest ex Scriptura ostendi. Ergo omnino præferenda est dicta expositio, trahit enim Pater homines ad filium vocando illos, & illuminando, ac suauitatem infundendo, & tunc efficaciter illos trahit, quando hæc omnia confert,

9. Verbum trahendi ut exponat Bernardus.

conferre, prout preiudicat unicuique congruere, ut Augustinus sæpissimè docet, & infra videbimus.

10.

Ad primam vero instantiam, quia si post vocationem nostra determinatio expectatur, ut trahamur, potius nos trahimus Deum, respondetur negando sequelam, primo quia, ut Deus det nobis vocationem congruam, nullo modo trahimus Deum: nam eius vocatio, omnia nostra opera antecedit. Nec refert quod libera nostra determinatio sub conditione præcognoscat, quia illa præscientia talis prædeterminationis sub conditione futuræ non allicit Deum, nec mouet, ut det nobis cognitionem, sed potius dat nobis Deus vocationem, ut illam determinationem habeamus, quod facit ex sola misericordia, quam aliis non præstat, licet similem præscientiam conditionatam de illis habeat, ut in Tyriis & Sidoniis manifestum est. Denique neque cooperatio nostra ad determinationem liberam proprie dici potest trahere Deum ad cooperandum auxilio simultaneo ad eandem determinationem. Quia neque in nostra cooperatione præcisè spectata aliqua ratio meriti inueniri potest maxime respectu cooperationis Dei quam essentialiter includit: neque etiam talis cooperatio potest ex parte Dei esse ratio motiua concurrendi, quasi inuitando illum, & trahendo ad auxilium, cum talis cooperatio sine ipso auxilio esse, aut intelligi non possit. Deus ergo ipse ex æternitate sola sua libera volūtare gratuita omnino præparauit illud auxilium simultaneum quasi sub ea conditione, si homo ex parte sua, suum etiam adhiberet concursum. Et ideo in tēpore non influit quidem Deus illo auxilio sine libero arbitrio, & hoc influente, etiam Deus omnino simul concurret, non tractus ab homine, sed præcisè non sine homine ut pura conditione, vel potius ut concausa necessaria. Non est ergo similis ratio, nam nos non anteceditur, & ideo non trahimus illum, Deus autem antecedit vocando nos, & ideo nos trahit.

11.  
Difficultas  
Solvitur.

Dices ergo per auxilium simultaneum non dicitur Deus nos trahere. Respondetur etiam si hoc dicitur nullum esse inconueniens supposita significatione dicta verbi trahendi. Ad maiore vero claritatem, & doctrinæ cōplementum distingui potest. Nam si trahere solum significet allicere, & præmouere, verū est id non facere Deū per auxiliū simultaneum, si autem significat idem quod conuertere sic etiam per auxilium simultaneum Deus hominem trahit: nam sicut homo venit efficiendo ex parte sua consensum, ita Deus trahit illum, eundem consensum faciendo. Et in hoc sensu Deus nos trahit, non tantum moraliter, sed etiam physicè, & ad hanc tractionem non est necessaria antecessio influxus Dei, imo hæc repugnat, sed sufficit antecessio voluntatis, qua ex se nobis talem concursum præparauit.

12.  
Instantia.  
Occurritur.

Sed instabis rursus, quia saltem poterit homo per suum consensum trahere Deum ad gratiam sibi præstandam, quod videtur inconueniens. Respondeo, ad illum actum liberum efficiendum, ad quem Deus proximè nos vocando trahit, non possumus nos illum trahere, ut dictum est, tamen per vnum actum supernaturalem, ad quem iam tracti sumus bene possumus Deum ad aliud beneficium nobis præstandum trahere: nam certe per orationem trahimus, ut conuertatur ad nos, infundendo iustitiam, in virtute illius promissionis. *Conuertimini ad me, & ego conuertar ad vos.* Zach. 4. & illius, *si quis diligit me, &c.* Et qui sanctè viuunt, trahit Deum, ut se magis amet, vnde est illud. *Vulnerasti cor meum, & illud, Auerse oculos tuos à me, ipsi enim*

*me auolare fecerunt.* Imo Aug. de ipsa tractione Dei dixit tract. 16. in Ioan. *Si non traheris, ora, ut traharis*, quod debet necessario intelligi respectu diuersorum, nemo enim potest conuenienter orare, nisi trahatur saltem ad orandum, fieri tamen potest ut aliquis vocatus ad penitentiam nondum ita vocetur, ut illam perfectè agere valeat, vocatur autem ita ut saltem orare possit & tunc nemo tractus ad orationem potest trahere Deum, ut se trahat ad conuersionem. Et ita etiam sponsa iam tracta ad gratiam, utique per priorem gratiam, adhuc petebat. *Trahe me post te.* vel ad consortium gloriæ, vel ad maiorem fructum gratiæ. Ratio est quia per priorem gratiam, & actum eius possumus mereri, vel impetrare auxilium ad posteriorem actum perfectiorem, illud autem trahere non dicit aliquam imperfectionem, quia nihil est aliud quam impetrare, aut mereri, vel placere Deo, & ita illum mouere sine vlla mutatione in ipso, & omnia alia seclusa imperfectione.

Ad vltimam ponderationem verbi *faciendi* vel *ageudi*, in primis, dico verbum faciendi in Scriptura frequentissimè significare morelem causalitatem, quæ per moralia consilia, vel alias similes excitationes, aut motiones fit. Est optimus locus Iacob. ult. *Frates mei, si quis errauerit à veritate, & conuerterit quis eum, scire debet quoniam, qui conuerit feceris peccatorem à via sua mala, saluabis animam eius à morte.* Homo autem non facit conuertere peccatorem prædeterminando, sed docendo, & mouendo exterius, qui est influxus valde remotus, & per accidens propter quod dixit Paulus. *Neque qui plantat est aliquid, neque qui rigat, & nihilominus Iacobus illum explicat per verbum faciendi, ut conuertatur.* Item Christus Matt. 5. de illo qui indebitè uxorem dimittit, dixit, *facit eam mœcham*, quia illi occasionem præbet. Et cap. 9. dixit mulieri, quæ fluxum sanguinis patiebatur. *Fides tua te saluam fecit*, quod certe non fecerat physicè. Et similiter Luc. 16. dixit. *Facite vobis amicos de mammona iniquitatis, utique benefaciendo, & de Pharisæis dicit Matt. 23. Circumcitis mare, & aridam ut faciatis vnum phylleum, & cum fueris factum facitis illum situm gehennæ duplo, quam vos, utrumque autem fiebat moraliter ab eis, primum dicendo, & monendo, secundum prauo exemplo. Quomodo etiam dicitur 2. Regum. 12. Quia blasphemare fecisti nomen Domini. Et eandem vim habet illud 3. Reg. 12. Auertunt mulieres cor eius, & illud ibidem. *Certissime auertent corda vestra* & 4. Reg. 14. *Peccare fecit Israël.* Denique dæmon propter inductionem morelem dicitur operari in filiis dissidentia. Ephes. 2. idem autem est operari quod facere.*

Non est ergo nouum, nec alienum à communi, & proprio sermone humano, nec ab vñtata Scripturæ phrasi, quod cum eadem Scriptura dicit. Deum facere, ut velimus, vel ut ad ipsum conuertamur, vel ut præcepta eius seruemus, interpretemur id facere per sanctam cogitationem, illuminationem, & inspirationem, seu (quod perinde est) per congruam vocationem. Imo etiam potest id colligi ex modo loquendi Dei per Ieremiam, cap. 32. *Dabo eis cor vnum, & viam vnam, ut timeant me vniuersis diebus, & infra. Timorem meum dabo in corde eorum, ut non recedant à me.* Per timorem ergo datur homini ut non recedat à Deo quod non physicè, sed moraliter per timorem fit. Et ad hunc modum similes locutiones exponit August. præsertim lib. de Prædestinat. Sanctior. cap. 8. 15. 16. &c

13.  
Verbum faciendi, vel ageudi in Scriptura significat morelem causalitatem.

14.



16. & 19. & Epist. 107. ad Vitalem. *Vocatio* (inquit) *illa alia atque secreta sic monet sensum, ut accommode assensum, & aliis quæ postea in proprio capite ponderabimus.*

15.

Deinde addo licet causalitas moralis respectu physici effectus, seu entitatis minus propria, & quasi metaphorica sit, nihilominus respectu moralium operationum, ut tales sunt, esse propriam, ut docuit Cano. lib. 2. de locis à cap. 4. usque ad & optime Soro lib. 1. de Natur. & Grat. cap. 18 in fine dicens. *In moralibus ille prorsus est verè, iudicaturque causa, qui lege, ope, consilio, favore, vel persuasione movet quemque, siue ad bonum, siue ad malum.* Et similem sententiam habet Vega lib. 2. in Trident. cap. 15. circa finem. Et ratio est, quia unusquisque effectus propriè attribuitur causæ sui ordinis. Vnde si Deus consiliis, vel inspirationibus nos instigaret ad malum, verè diceretur facere nos peccare. & è conuerso cum Concilium Tridentinum sess. 6. Can. 6. definit. *Deum non operari in nobis peccatum propriè & per se*, certè etiam definit non causare illud moraliter, nec excitare ad illud; ergo è contrario cum definit Deum operari bona, non tam physice quam moraliter ad intelligit. Nam reuera in tali modo & respectu talium effectuum vix potest moralis causalitas, ut ad genus causæ efficientis pertinet, alio verbo proprius explicari, quam verbo *faciendi*. Nec postulandum est ut semper addatur determinatio, seu limitatio *faciendi moraliter aut morali modo*, quia id neque communi neque vltimo sermone accommodatum est, neque est necessarium, quia sermo accommodatur rebus, & materiz à qua sufficienter determinatur. Vnde cum de morali actu agitur, eo ipso quod dicitur vna causa facere, ut alia faciat, intelligitur non facere necessitando, seu quod idem est prædeterminando, seu inducendo. Vnde D. Thomas q. 6. de Malo. art. vnic. ad 15. generaliter ait. *Causa illa qua facit voluntatem aliquid velle, non oportet, quod ex necessitate id faciat, ex necessitate, scilicet, etiam supposita motione.* Et in sensu composito, subdit enim, *quia potest per ipsam voluntatem impedimentum præstari, vel remouendo talem considerationem, vel considerando oppositum.* Vbi etiam supponit D. Thomas talem motionem esse moralem, & ita facere voluntatem velle, ut possit per eandem voluntatem impediri.

16.

Denique assero per hanc moralem causalitatem diuinæ gratiæ non excludi physicam Dei efficientiam, imo non vnam tantum, sed multiplicem ibi interuenire. Nam primo Deus cum excitat, & vocat interius hominem, physice, in intellectu eius, & voluntate operatur actus illos quibus formaliter hæ potentiz excitantur. Deinde quando liber consensus voluntatis fit, Deus immediate, physice, ac per se illum efficit influendo salutem ut causa prima ordinis gratiæ. Et præterea per dona gratiæ data per modum actus primi, siue sint habitus, siue sint ipsi actus gratiæ excitantis siue aliquid aliud creatum, siue ipsemet Spiritus sanctus ut peculiari adiutor, physice influit cum voluntate in eundem actum; ergo omnibus modis necessariis, & conuenientibus Deus facit nos facere, & dando vires efficacissimas voluntati, & physice cum illa, & in illa operando. Ergo propter physicam efficientiam non est necessarium aliud genus auxilij prædeterminationis.

17.

Quod tandem ita declaro, nam in illo auxilio, quod alij auctores excogitarunt, duo distinguere

A oportet, vnum quod physice efficit actum, aliud quod id facit cum determinatione sibi naturali, & intrinseca ad vnum, ratione cuius sibi subiicit potentiam voluntatis, & illi non subiicitur quoad vsum, vel exercitium. Primum horum pertinet ad proprietatem physicam verbi faciendi, quam nos verissimè, & propriissimè tribuimus vocationi congruæ, quatenus includit, vel supponit, aut secum trahit principia gratiæ physicæ adiuuantia voluntatem in sua determinatione. Secundum autem non pertinet ad physicam efficientiam, sed ad modum efficiendi intrinsecum tali auxilio, quem modum communicat illud auxilium quasi formaliter voluntati, ut in superioribus explicauimus. Hic autem agendi modus non pertinet ad veritatem, vel proprietatem locutionum Scripturæ, cum sine illo modo omnis efficientia propria tam moralis, quam physica saluetur, ut explicauimus. Imo talis modus agendi locutionibus eiusdem Scripturæ repugnat tum in aliis locis, tum in his, quæ tractamus, in quibus ita est physica efficientia admittenda, ut moralis non excludatur, ut iidem auctores fatentur; posito autem illo modo efficiendi, omnis alia efficientia scilicet esse moralis, quia non poterit habere effectum moralem libere actionis, ut à nobis ostensum est.

Et iuxta hæc facile intelliguntur verba Pauli. *Quiunque spiritu Dei aguntur, hi sunt filij Dei*, quæ sine dubio non fuerunt ab ipso scripta propter physicam prædeterminationem, sed propter ductum, & regimen Spiritus sancti: nullus enim antiquorum Patrum illum locum aliter interpretatus est. Sed plures eorum simpliciter exponunt, agi spiritu Dei, nihil aliud esse, quam *vitam spiritumaliter instituere*, ut ibi ait Theodoretus, vel *sanctè, & spiritumaliter vivere*, ut ait Cyprianus lib. de Zelo, & liuore versus finem. Quia vero nemo spiritumaliter viuit, nisi qui motionem Spiritus sancti sequitur, ideo non solum dixit Paulus, qui sanctè vel secundum spiritum viuunt, sed qui aguntur *spiritu Dei*. Hoc est (ait Theophylact.) *gubernantur, reguntur, seu à gubernatore quopiam*. Irenæus autem lib. 5. cap. 10. ponit verbum *ducuntur pro aguntur*. Et idem habetur in versione, quam interpretatur Chrysostomus homil. 14. & ipse similiter exponit. *Ostendit, quod sic vult illum (vtrique spiritum) visa nostra omnium esse, & gubernatorem nauis, & aurigam*. Et infra. *Quamuis baptisma acceperis, nisi spiritu postea ducaris, vitam perdidisti*. Nihil ergo aliud per verbum *aguntur* significatur, nisi Spiritus sancti motio, & directio per diuinas inspirationes, & motiones, quas nos sequi oportet; & quando illas sequimur, dicimur agi à Spiritu sancto, non quia ab illis prædeterminemur, sed quia ab illis vehementer inclinamur. Et eodem modo D. Thomas ibi verbum *agendi*, per verbum *regendi* explicauit, addit vero positum esse ad indicandum *filios Dei peculiari modo Spiritus sancti instinctu gubernari*. Et Caietanus ibidem dixit illud verbum positum esse à Paulo *ad insinuandam promptissimam obedientiam, qua filij Dei Spiritus sancti inspirationibus obsequi debent*. Vnde etiam rectè Adam verbum *agendi* per verbum *trahendi* declarauit.

Hoc autè non esse extra verbi *agendi* proprietatè, & vsum manifestum est. Nam idè Paulus ad Galat. 5. ait. *Si spiritu ducimini, non estis sub lege*, ubi in Græco est idem verbum. Et similiter 1. Cor. 12. ubi Paulus ad Christianos ex gentibus conuersos ait. *Sciitis quia cum gentes essetis, ad simulachra multa prout ducobamini, eñtes*, Græcè habetur prout agebamini,

&amp; ita

18. Quomodo intelligenda hæc Pauli verba: *Quiunque spiritu Dei aguntur*, &c.

Per verbum *aguntur* significatur Spiritus sancti motio.

19.

& ita legit Origen. lib. 7. in ad Roman. in principio. Vnde colligit, quod etiam gentes ad idola aguntur aliquo spiritu, quem esse malum spiritum, dubium non est, à quo tamen gentes non physicè prædeterminabantur, sed inducebantur. Et quando homo aliqua passione ducitur, ab illa agi dicitur. Vnde Lactantius lib. 6. c. 19. *Tres inquit sunt affectus, qui homines in omnia facinora præcipites agunt, ira, cupiditas, libido, quæ certè ad consensum voluntatem non physicè prædeterminant, sed per quandam sympathiam mouent, & attrahunt moraliter.* Et ad hominem probare possumus, non loqui Paulum de physica prædeterminatione, alioqui quoties voluntas nostra consentit iuxta illorum Theologorum sententiam, dicenda esset spiritu diuino agi, quia ab illo prædeterminatur physicè. Quomodo ergo verum est, omnes, qui spiritu Dei aguntur esse filios Dei, nam omnes qui per voluntatem suam agunt, saltem quatenus agunt, aguntur spiritu Dei; ergo etiam qui aguntur, cum fornicari, vel furari volunt, erunt filij Dei. Si ergo hoc non potest audiri, etiam in eorum sententia dici non potest, homines dici agi à spiritu sancto, quia physicè prædeterminantur ab illo; aguntur ergo moraliter, quia mouentur, & inclinantur.

20.

Neque aliud sensit Augustinus etiam in illo loco, qui ponderatur, non enim sine causa addidit particulam illam *vix*, ut in citato Prolegomeno animaduerti. Vbi alia etiam loca Augustini adiunxi. Quibus addi potest optimus Augustini locus in Enchirid. cap. 64. vbi de iustis sic inquit, *Quantus de illis sit veraciter dictum. Quotquot spiritu Dei aguntur, hi filij sunt Dei, sic tamen spiritu Dei excitantur, & tanquam filij Dei proficiunt ad Deum, ut etiam spiritum suo quibusdam moribus humanis deficiant.* Vbi aperte verbum *aguntur* exponit per verbum *excitantur*, de quo manifestum est, prædeterminationem non includere, neque indicare. In sermone vero 43. de Verbis Domini. c. 7. de adiutorio spiritus illa verba exponit, dicens. *Agis, si ageris, & bene agis, si à bono agaris.* Et infra. *Si spiritu Dei aguntur, regnant, quia magnum habent adiutorem.* Itaque ex illo loco ad summum habemus necessitatem gratiæ excitantis, & adiuantis, etiam ex sententia Augustini, quia vero hæc est prima causa; nostrarum piarum actionum, & quia potenter nos inclinat, & indeclinabiliter gubernat, quando vult, ideo dixit Augustinus, hoc regimen spiritus sancti per verbum agendi, significari, quali nos *vix* aliquid agamus. Quia vero non ita agimur, quin moraliter agamus, ideo non prædeterminamur, nec in eo modo agimur, ut ipsum agi à libertate, & actione nostra non pendeat. Vnde Theophylactus ibi rectè dixit. *Agis à spiritu necessariam nobis esse per omnem vitam, id vero à nobis tanquam nostrum exigi, quia in manu nostra est agi, & non agi quoad consentiendi effectum, etiam postquam excitati sumus.*

21.

Admonitio  
ad studiosi  
veritatis in-  
dagatorem.

Quod ergo ad hunc locum argumentandi ex Scripturis pertinet, solum superest, studiosum lectorem, ac veritatis diligentem indagatorem admonere, ut testimonia Scripturæ pro vtraque sententia adducta simul consideret, & inter se conferat: nam ex dictis ad minimum colligit ex vi Scripturæ prædeterminationem physicam non esse necessariam, ac proinde hinc sumi saltem argumentum negatiuum ex Scriptura, nimirum, talem physicam prædeterminationem non habere in Scriptura fundamentum. Quod argumentum est in hac materia magni momenti, ut in superioribus dixi, tum quia Patres, & Concilia in hac materia

A non docent; nisi quæ ex Scripturis confirmari possunt, ut in Augustino in libris omnibus contra Pelagianos maxime obseruari potest: tum etiam quia res adeo difficilis intellectu, ut vix possit mente concipi, nedum ratione suaderi, cum per traditionem non habeatur, si in scripturis non inuenitur reuelata, non habet, unde fide digna fieri possit. Ex prioribus vero testimoniis videtur ulterius probabilissimè, imò efficaciter ostendi, ea quæ de aliis dogmatibus liberi arbitrij, & sufficientis auxilij Scriptura docet non posse cum illo dogmate de physica prædeterminatione conciliari. Vnde cum vtraque, sententia illationibus ex Scriptura nitatur, quæ contra nos propositæ sunt, ita soluantur, ut non solum quiescat intellectus, verum etiam directe conuincatur non rectè tales illationes, aut inductiones fieri. At vero quæ à nobis in contrarium obiectæ sunt, non solum non improbantur, verum etiam nec aliquid ad eas respondetur, quod intellectui satisfaciatur.

B

## CAPVT XXXVII.

Ex capite quinto, & Canone quarto sess. 6.  
Concilij Tridentini veritas confirmatur, & quedam euasio refellitur.

C

Quauis ante hoc Concilium alia nonnulla doctrinam de gratia nobis tradiderint, quia ex generalibus, & approbatis, hoc solum fusè materiam hæc declarauit, ac definiuit, ac ferè in summam redegit, quæ Pontifices, & antiquiora Concilia tradiderunt, ideo post Scripturæ testimonia huius Concilij auctoritate expendendam proponimus. De quo duo, quæ de Scriptura diximus, ostendere conabimur. Vnum est, Concilium Tridentinum pro nobis stare, quia multa quæ docet, non videntur cum efficacia auxilij ex se prædeterminantis componi. Aliud est, nihil esse in hoc Concilio, quod efficacitati vocationis congruæ aliqua ex parte repugnare videatur.

Sedes & pater  
tes capitis.

D

Priorem partem præcipuè probamus ex sess. 6. c. 5. in prioribus eius verbis, quæ talia sunt. *Declarat præterea, scilicet sancta Synodus, ipsius iustificationis exordium in adultis à Dei per Christum Iesum praueniens gratia sumendum esse, hoc est, ab eius vocatione, qua nullis eorum existentibus meritis vocatur, ut qui per peccata à Deo auersi erant, per eius excitantem, atque adiuantem gratiam ad conuertendum se ad suam ipsorum iustificationem eidem gratia liberè assentiendo, & cooperando disponantur: ita ut tangente Deo cor hominis per Spiritus sancti illuminationem, neque homo ipse nihil omnino agat, inspirationem illà recipient, quippe qui illà, & abire potest, neque tamen sine gratia Dei mouere se ad iustitiam coram illo libera sua voluntate posset.* Quibus verbis respondet Can. 4. cuius hæc sunt verba, *Si quis dixerit, liberum hominis arbitrium à Deo motum, & excitatum nihil cooperari assentiendo Deo excitanti, atque vocanti quoad obtinendam iustificationis gratiam se disponat, ac præparet, neque posse dissentire, si velit, sed veluti inaninè quoddam nihil omnino agere merèque passivè se habere, anathema sit.*

2.  
Probatum  
prior pars.

E

Ex his igitur verbis hoc argumentum colligimus. Concilium docet, vocationem illam, quam homo recipere potest, si velit, quamque interdum recipit, talem esse, ut possit illi resistere, si velit; ergo talis vocatio licet efficax sit, non prædeterminat physicè voluntatē. Vel aliter docet Conciliū potestatem illā resistendi, aut dissentiendi esse necessariam,

3.  
Colligitur  
argumentum.

vt homo liberè operetur; ergo docet vocationem efficacem semper debere esse talem, vt licet habeat effectum, possit homo illi resistere, si velit; ergo docet vocationem efficacem non esse prædeterminantem, nam auxilio prædeterminanti physice nemo resistere potest, quia de ratione illius est, vt determinando ad vnum, tollat potestatem agendi oppositum, vel non agendi illud stante tali motione. Atque ita hoc testimonio conuincuntur omnes nostræ sententiæ auctores, & conuictus etiam fuit Ioannes Vincentius apud Ledesin. art. 10. in fine. Ab aliis autem idem Concilij testimonium variis modis eluditur, quos in aliis libris tetigi, & refutavi. Idemque postea exactissime præstitit Franciscus Diotalleuius in suo 1. opusculo theologico, sed non possumus illos in præsentī opere omittere, ne maximum nostræ sententiæ fundamentum, quod ex hoc Concilio sumitur, tanquam minus firmum & solidum præterire videamur.

Ledesin.

Diotalleuius.

4.  
Respondet  
aut primò.

Probat. af-  
sumptum.

Respondio  
aliorum.

5.  
Retorquen-  
tur.

Prima responsio est, falsum esse primum antecedens à nobis assumptum, quia Concilium, vt aiunt, loquitur de sola gratia excitari per Spiritus sancti illuminationem, & inspirationem, quæ tantum est sufficiens, & de hac sola dicit Concilium, posse hominem illi resistere, seu dissentire, non autem dicit posse hominem resistere efficaci auxilio. Assumptum probatur ex verbis Concilij: nam in cap. 5. solum dixerat præueniri hominem per Spiritus sancti illuminationem, & inspirationem, vt per illam se disponat liberè agendo, & subdit, quippe qui illam & abicere potest, illam vtique inspirationem. Vnde quando in Can. 4. dicit, liberum arbitrium à Deo motum, & excitatum posse dissentire, si velit, solum loquitur de arbitrio moto, & excitato, modo tradito in cap. 5. videlicet, per Spiritus sancti illuminationem, & inspirationem. Vnde quidam modernus Scriptor ausus est dicere, alienum esse à mente Concilij Tridentini dicere posse hominem resistere auxilio efficaci, quia Concilium nunquam dixit, gratiæ adiuuanti, aut efficaci resisti posse, sed excitanti, & vocanti duntaxat. Alius ponderat dixisse Concilium posse dissentire si velit; quia in hoc videtur supponere nōdum velle. Sed hoc valde frivolum est, nam sensus est liberum arbitrium motum & excitatum posse dissentire, si velit, quia licet interdum consentiat, ex vi motionis posset dissentire, vel prius natura, quàm consentiat, vel in posterum, si iam nunc consensit.

Vt ergo ostendam hanc responsionem non satisfacere, suppono intentionem Concilij fuisse damnare errorem hæreticorum huius temporis, & præsertim Caluini. Ita docent Doctores catholici, qui post Concilium contra hæreticos scripserunt, & ipsemet Caluinus ita sensit in Antidoto apud Ruard. art. 7. & exactis eiusdem Concilij quæ Romæ habentur, mihi compertum est. Item ex fine Concilij, qui præcipue fuit Ecclesiam defendere, & purgare à nouis hæresibus, præsertim in materia de iustificatione, quam in illa sessione tractat. Vnde cum in primo, & secundo Canone hæresim Pelagij breuissimè damnasset, & tertium Canonem contra Semipelagianos statuisset, statim in quarto damnat Caluinum, & sequaces, quod in cæteris prosequitur. Ideoque si attentè expendantur verba Canonis cum proportionem respondentem verbis Caluini ad damnanda illa. Nam quia ille dicebat post diuinam motionem non habere liberum arbitrium suar partes in agendo, Concilium definit, verè agere liberum arbitrium, & quia ille

Fr. Suarez de Gratia Pars II.

A negabat nos cooperari, Concilium definit hominem cooperari, ac denique, quia ille dicebat, motionem Dei nobis necessitatem inferre, Concilium definit liberum arbitrium motum, & excitatum, posse dissentire, si velit. Ex quibus manifestè constat Concilium, vt omnibus his verbis in sensu contradictorio ad verba Caluini; itaque loquitur de actione morali, de libera cooperatione, & de vera potestate resistendi, aliàs nihil ageret, neque hæreticorum sensum damneret.

B Ex quibus infertur non fuisse mentem Concilij tantum definire vnum, vel aliud auxilium non inferre necessitatem voluntati ad consentiendum, sed simpliciter docere, ac definire voluisse, consensum nostrum, licet cum gratia fiat, liberè fieri, ac proinde nec ab vno, vel ab alio præueniente auxilio, neque ab omnibus simul, quæ ad illum necessaria sunt, vel quoquo modo sua sola virtute præmoueat, necessitari voluntatem ad consensum. Probat. primò, quia absolute definit consensum liberè fieri, vt ex dictis cap. 1. & Can. 4. atque etiam 5. est manifestum; ergo definit à nullo tali auxilio, neque à tota collectione auxiliorum, necessitari voluntatem, quia hoc totum necessarium est ad libertatem actus. Secundo probatur ex intentione Concilij Tridentini iam dicta. Nam Caluinus nō dixit, quodlibet auxilium gratiæ necessitate voluntatem, sed quoddam peculiare, quod omnibus, & solis consentientibus datur, vt supra cap. 4. retulimus, & ex Ruardo art. 7. versus finem, & Bellarmino, ac aliis intelligimus; ergo oportuit vt Concilium contradictoriam veritatem dehniret, nimirum auxilium, nullave gratiæ auxilia ita præmouere voluntatem, vt tollant libertatem, aliàs Caluinus, & Concilium sub cōtraria tantum docuissent, quæ possunt esse simul vera, & sic Concilium nihil effecisset. Tertio, quia ad doctrinam de libero arbitrio per se, ac maximè refert quod libertas in ipso usu auxiliorum gratiæ integra, & illa se feruetur; nam si per aliquod auxilium præuium usus liber parum ad dogmata fidei referret, quod per hoc, vel illud auxilium id fieret. Concilium autem hoc dogma definire voluit, & quidquid ad illud necessarium est; ergo non tantum definit non necessitari voluntatē per vnum, vel aliud auxilium, sed simpliciter liberè cōsentire, ac proinde à nullo auxilio, siue illud sit vnum, siue plura, necessitari.

C Hoc supposito facile admitto, & concedo Concilium tantum docere in dicto cap. 5. voluntatem à Deo excitatam ita agere præbendo consensum, vt possit diuinam inspirationem, & illuminationem abicere. Dico tamen inde non intelligi ipsum loqui de auxilio tantum sufficiente, sed absolute de auxilio præueniente, quodcumque illud sit & siue habeat effectum, siue non habeat, atque adeo nō minus loqui de auxilio efficaci, quàm de sufficiente. Vt hoc autem probem, ex eiusdem Concilij verbis prius sumo, ipsum non agnouisse aliam præuenientem gratiam necessariam ad liberam conuersionē præter vocationem, excitationē, illuminationem, & inspirationē, quæ omnia sub nomine gratiæ excitantis comprehenduntur, vt in lib. 3. explicatum est. Quod ergo aliam præmotionem non agnouerit, probatur primò ex taciturnitate: si enim alta esset necessaria, illam non præterisset, alioqui insufficientem doctrinam tradidissent. Secundo, ac maximè, quia non rectè inde probasset hominem liberè assentire vocationi, seu inspirationi ex eo, quod illam abicere potest, illam enim causalitè nota, quippe qui, vim habet rationis ac probationis; etset autem inualida si alia præmotio

6.  
Illius.

Probat.

Ruardus,  
Bellarminus,  
&c.

7.

Assertur, &  
probatum,  
Concilium  
loqui de  
auxilio suffi-  
ciente, & ab-  
solute de  
præuenient,  
nec minus  
de auxilio  
efficaci quā  
de sufficien-  
te.

Pp cscce



esset necessaria. Diceret enim Calvinus, quòd licet posset abicere inspirationem, non verò aliam motionem, & ideo non liberè consentire. Vt ergo processus Concilij sit solidus, oporteret, ut intellexerit in præcedenti doctrina, quam in eodem capite tradiderat, præmotionem gratiæ necessariam comprehendisse, ac proinde cum subdit, *quippe qui, & illam abicere possit*, perinde fuisse, ac si diceret, quippe qui omnem præmotionem necessariam ad consensum abicere potest.

8.

Benedictus.

Tertiò probatur, quia etiam ipse Calvinus ita intellexit Concilium Tridentinum, & ideo sensit illud sibi contrarium, & deinde illud impugnare conatus est. Vt enim Ruardus refert, priùs in hoc reprehendit Patres Concilij Tridentini, quòd docuerint, *gratia Dei nos preparari ad percipiendam iustitiam, & quòd huic gratiæ partes assignans excitandi, & adiuuandi, ut ipsi liberè cooperemur*. quæ reuera est doctrina Concilij, contra quam impius hæreticus priùs obiicit Scripturæ testimonia capite superiori tractata; & postea sic inquit, *In eo hallucinantur, quòd motum nobis offerri somniant, qui mediam electionem nobis relinquant, nihil autem de efficacia illa cogitant, qua cor hominis renouatur, ut ex prauo fiat rectum*. Intellexit ergo Calvinus, in eo sibi esse contrarium Concilium Tridentinum, quòd nulla habita ratione efficacis motionis præuenientis necessitantis, quam ipse confinxit, solam gratiam excitantem, & adiuuantem docuit esse necessarias. In quo certè non errauit ille hæreticus, quia non ignorauit voluisse Concilium, ipsum, eiusque doctrinam damnare, & ideo solam præuiam inspirationem posuisse, cui voluntas possit dissentire, si velit, & hoc ad libertatem actus sufficere docuisse, quod ille hæreticus refutare non potuit, nisi adhzrendo aliam motionem necessitantem, quam *diuinam efficaciam, & efficaciter efficientem vocat*: illam ergo motionem, & omnem aliam tollentem potestatem dissentendi Concilium reprobare voluit. Malè verò, & subdolè hæreticus ille inde colligit absolutè negasse Concilium efficaciam illam Dei, qua cor hominis renouatur: nam si sermo sit de renouatione habituali, illam postea docuit in cap. 7. de actuali illam quidem posuit, non tamen præuenientem per motionem aliam à gratia excitante distinctam, & mediam inter inspirationem, & consensum, sed per cooperantem, & adiuuantem physicè, & per veram efficientiam ad ipsum consensum, ut sæpe explicatum est.

9.

Concluditur, Concilium loqui simul de gratia efficaci, & probatur.

Hinc ergo concludo, Concilium loqui etiam de gratia efficaci, seu: quod perinde est, de excitatione, etiam quando suum consequitur effectū. Probatur primò ex verbis, sic enim ait, *ut tangente Deo cor hominis, per Spiritus sancti illuminationem, neque homo ipse nihil omnino agat inspirationem illam recipiens*. Vbi non dicit nihil omnino agat; quando autem homo aliquid agit, tactus profectò Dei efficax est; ergo loquitur, Concilium etiam de tactu, seu vocatione efficaci. Secundò, quia Concilium non docet actum esse liberum quando potest fieri, sed quando fit, vel (quod perinde est) non tantum docet hominem esse liberum ad agendum, quando potest agere, sed etiam cum agit, & recipit inspirationem Dei, tunc autem inspiratio est efficax; ergo loquitur Concilium etiā de vocatione efficaci. Tertiò est hoc necessarium ad efficaciam, & veritatem doctrinæ: nam, ut notauimus, vniuersalis est, & continet hanc generalem definitionem, *consensum supernaturalem voluntatis, cum datur, esse liberum, non obstante influxu,*

**A** & motione auxiliorum gratia; ergo necesse est, ut Concilium etiam auxilium efficax comprehendat, quodcunque illud sit, alioqui diminuta esset doctrina, & indebitè, ac sine consequenti fundamento proposita, & contra hæreticos inefficax esset. Quartò, quia Calvinus de solo auxilio efficaci dixit inferre necessitatem voluntati; ergo oportet, ut Concilium etiam illud comprehendat, cum negat inferre necessitatem, alioqui non contradiceret Caluino; sed istius error posset cum definitione Concilij consistere. Quocirca sicut ex illa Concilij definitione omnes Catholici colligunt contra Calvinum non esse necessarium ad consensum, neque dari auxilium efficax necessitās voluntatem; ita nos contra quoscunque contrarium asserentes inferimus, auxilium efficax, quodcunque illud sit, non auferre potestatem abiciendi illud, seu non consentiendi stante illo. Ex quo vterius colligimus, ex mente Concilij auxilium efficax non esse prædeterminans, quia auxilium physicè prædeterminans non relinquit potestatem dissentendi, cum impossibile sit illo posito non consentire.

Atque hinc possumus ex hoc loco Concilij directè probare, auxilium efficax, etiam præueniens non esse aliquid distinctum à vocatione; ac proinde esse non posse nisi vocationem congruam. Primò quidem argumento tacto quòd Concilium ex eo quòd voluntas potest abicere inspirationem cui consensit, infert liberè consentire, quæ consecutio non esset bona nisi supponeret non dari aliam præuiam motionem præter inspirationem; ergo Concilium non agnoscit gratiam præuiam efficacem mediam inter excitationem, & consensum; ergo necesse est, ut ipsamet vocatione, quatenus per inspirationem datur, quæ effectum habeat, licet resisti possit gratiam efficacem præuenientem ponat. Secundò, quia motio per solam excitationem, vel illuminationem non potest prædeterminare physicè voluntatem, ut in superioribus ostensum est; sed Concilium non ponit alium modum præmouendi voluntatem, nisi per illuminationem, & inspirationem, ut ostensum est; ergo non potuit ponere auxilium efficax, in motione physicè prædeterminante; ergo in vocatione congrua à sufficienti partium enumeratione ex communi consensu proposuimus.

Neque contra hoc obstat quod supra obiicitur, quia Concilium nunquam dixit, nos posse resistere auxilio efficaci, vel adiuuanti, nam licet de efficaci hoc non dixerit per illa verba expressa, satis tamen id dixit, cum docuit, eum qui aliquid agit recipiēs inspirationem posse dissentire, quia qui recipit inspirationem, gratiam efficacem habet; ergo habet etiam potestatem resistendi tali gratiæ quatenus præueniens est. De adiuuante verò nihil speciale in hoc dixit Concilium, quia necessarium non erat. Aut enim est sermo de gratia actu adiuuante, & illa, ut sic, non est gratia præmouens, sed cooperans, quæ intrinsecè includit liberum consensum voluntatis. Ideoque eo ipso quòd voluntas habet potestatem obiciendi inspirationem, non consentiendo illi, habet etiam potestatem non admittendi, nec recipiendi in se auxilium adiuuans, cooperans, non per modum resistantiæ, quia tale auxilium nondum est, sed ne impediendo ut actu detur, utrique per modum negatiuum non cooperandi, seu non ponendo conditionem necessariam, sub qua tale auxilium offertur. Si verò sit sermo de gratia adiuuante solum per modum principij, vel

10.

Probat etiam auxilium efficax, & præueniens non esse aliquid distinctum à vocatione.

11.

Respondetur supra factæ obiectioni.

vel ut oblata in actu primo, sic eadem est ratio de illa, quæ de omni motione præueniente, seu excitante, quia vel illa gratia adiuuans non est distincta ab excitante, ut multi volunt, & ideo æquè potest illi resisti, vel est aliquis habitus, vel aliquid oblatum per modum habitus, & sic minus potest necessitare, vel prædeterminare omnino voluntatem quoad exercitium.

C A P V T XXXVIII.

*Alteri euasioni occurritur.*

1.  
Sedes & sen-  
sus capitis.

**S**ecunda responsio esse solet, Concilium quidem loquutum esse de auxilio efficaci, tamen cum dixit liberum arbitrium motum, & excitatum, posse dissentire, si velit, loquutum fuisse de potestate in sensu diuiso, non in sensu composito, ita ut sententia Concilij sit, cum illa motione Dei manere, & conseruari in voluntate prestatem dissentendi, non tamen potestatem illam extendi ad componendum dissensum cum tali motione, itaque, (ut aiunt,) est similtas potestatis dissensus cum eodem auxilio, & ideo non de hac, sed de priori loquutum fuisse Concilium. Fundamentum proprium istorum actorum est, quia putant doctrinam Concilij in sensu composito intellectam esse falsam. Ut autem in Concilio videantur aliquod habere fundamentum, ad regulas Dialecticorum recurrunt, arguentes, quod propositiones Concilij non habent formam modalis compositæ, ut latè prosequitur P. Aluarez. Qui etiam addit aliam probationem, quia sensus diuisus sufficit ad intentionem Concilij: nam per illum saluatur sufficienter efficacitas gratiæ, & liberum arbitrium; primum per se patet, secundum probat, quia potestas in sensu diuiso sufficit, ut in eodem instanti in quo recipit voluntas auxilium efficax, maneat in eo libera, & expedita facultas, quia potest non operari, si velit.

2.

Tertiò sumo aliam probationem ex eodem disp. 93. quia Concilium Tridentinum numquam dixit voluntatem à Deo motam posse resistere, sed posse dissentire, quia nimirum verbum *resistendi* apertè includit sensum compositum, quem non includit verbum *dissentendi*. Nam verbum *resistendi* importat quandam renitentiam respectu auxilij, vel voluntatis Dei mouentis actu: verbum autem *dissentendi* illam non dicit; ergo signum est voluisse Concilium loqui in sensu diuiso, & non in composito. Quartò contra nos ad hominem obijciunt, quia nos cogimur ita explicare Concilium quoad auxilium simultaneum, nam etiam illo posito voluntas liberè operatur; ergo potest dissentire, si velit: non potest autem in sensu composito, seu potestate simultatis componendi dissensum cum tali auxilio; simultaneo, ut per se notum est. Ergo debet exponi Concilium in sensu diuiso. Item ad hominem contra me argumentatur Ledesma, quia ego assero auxilium præueniens posse moraliter prædeterminare voluntatem, ita ut infallibiliter sequatur actio, tunc ergo non potest voluntas dissentire componendo dissensum cum tali auxilio, aliàs non esset infallibilis consecutus consensus à tali auxilio; ergo solum potest dissentire in sensu diuiso; ergo hoc satis est ad libertatem, ac proinde ita est intelligendum Concilium. Item obijcit Aluarez, quia nos dicimus esse impossibile, dissensum com-

Ledesma.

Aluarez.

Fr. Suarez de Gratia Pars II.

**A** poni cum vocatione congrua, & ideo non posse qui illam habent, dissentire in sensu composito, sed tantum in diuiso.

Nihilominus assero negari non posse quin Concilium in sensu composito loquatur de potestate simultatis, ita ut non obstante motione illa antecedente, de qua loquitur Concilium, nomine *vocationis*, & *inspirationis* in potestate voluntatis sit, illa motione perseverante, & actu instigante, consentire, sed illam à se abicere. Hanc sententiam ex patribus Dominicanis tenuit Ioannes Vincentius supra citatus, & ex his qui eos in sententia de prædeterminatione sequuntur, Cabrera 3. p. q. 18. disp. 2. §. 8. num. 313. & sequentibus. Eandem insinuat Vega lib. 4. in Trident. cap. 2. in fine, & Soto lib. 1. de Natur. & Grat. cap. 16. Probatum primò, quia Concilium loquitur de potestate ad dissentiendum, non obstante motione, quæ ad libertatem sufficit; sed illa potestas in sensu diuiso respectu talis motionis non sufficit ad libertatem; ergo. Maior certa est, nam, ut dixit Concilium, docet hominem operari, & ut hoc probet, dicit, *quippe qui & illam abicere potest*; ergo loquitur de posse per potestatem sufficientem ad vltimam libertatis. Minor autem probanda est ex dictis in Prolegomeno 1. Nam Concilium loquitur de motione præueniente, quæ est suppositio antecedens vltimam libertatis, talis enim est vocatio, & inspiratio, de qua loquitur, ut ipsemet definit in Can. 3. unde est ex conditionibus prærequisitis, ut homo possit supernaturaliter consentire. In dicto autem Prolegomeno ostensum est, potestatem ad non agendum polita tali antecedente suppositione, debere esse ad componendam cum illa carentiam actus, quia potestas in solo sensu diuiso ad non agendum posita omnibus requisitis ad agendum communis est potentiis etiam naturaliter agentibus, & non liberè; ergo.

Vne argumentor secundò, quia etiam Calvinus non negaret potestatem dissentendi in sensu diuiso, etiam si motionem necessitantem poneret. Reperio quidem in P. Aluarez, ad confirmationem 5. argumenti, Calvinum arbitrari esse, cum auxilio efficaci non posse simul esse potentiam ad oppositum actum, nec facultatē, qua homo possit dissentire, si velit, utique etiam in sensu diuiso: nam in hoc sensu apertè loquimur, id enim ait negasse Calvinus quod ipse affirmat. Non allegat autem ubi in Caluino hoc legatur, nec aliquem qui de Caluino hoc referat. Nec video quomodo in mentem hominis cadere potuerit auxilium efficax ita mutare naturam voluntatis, & determinare illam ad consensum, ut non maneat in illa potestas ad dissentiendum, etiam si auxilium auferatur. Nec etiam est verisimile credidisse, Deum non posse desistere à motione semel data, vel etiam si desistat, non posse voluntatem velle oppositum eius, quod antea per auxilium voluerat. Imò aliàs docuit voluntatem dum à Deo non mouetur ad bonum, à concupiscentia necessitari ad malum, ac subinde in voluntate esse potentiam ad utrumque in sensu diuiso. Et alibi lib. 3. contra Pighi se excusat, dicens, *Quasi ego substantiam voluntatis redigi in nihilum oportere, vel docuerim, vel ego somnauerim*. Frustrà ergo ad faciendam vim definitionis Concilij imponitur Caluino, quod negauerit potestatem dissentendi in sensu diuiso, cum hæc nihil aliud sit, quàm potestas habendi contrarium actum, si motio auferatur.

Præterea quanvis nos asseramus, Deum posse

3.  
Assertio Au-  
thoris de  
potestate si-  
multatis.

Ioan. Vincen.

Cabrera.

Vega.  
Soto.

Probatum as-  
sertio.

2.  
Arguitur se-  
cundò.

3.

P p 2

necessi

necessitare voluntatem, nihilominus fatebimur, quodd postea motione necessitante adhuc potest voluntas non operari in sensu diuiso, tum quia carere potest motione, & illa ablata, carere operatione, vel habere contrariam: tum quia per illam motionem, etiam necessitante non destruitur, nec in se mutatur voluntas; ergo sub illa motione retinet potestatem ad oppositum, si talis motio auferatur. Ergo iuxta illam interpretationem omnino inutilis redditur definitio contra Calvinum, & insufficiens ad veram libertatem stabiliendam. Confirmatur, quia beatus necessariò amat Deum, & tamen in sensu diuiso potest non amare; ergo per illam potestatem non saluatur libertas presentis actus. Quo exemplo pressus Alvarez dicta disp. 92. num. 12. dicit, amorem beati esse simpliciter necessarium, & non necessitate tantum suppositionis. Vnde (inquit) non solum non habebis actum contrarium dilectioni, sed nec poteris illum habere. quæ propositio iuxta Dialecticam illius auctoris, facit sensum diuisum, at in illo sensu falsa est propositio: nam qui est beatus, potest in sensu diuiso non amare Deum, si visione Dei careat. Vnde falsum est, necessitatem amoris in patria non esse suppositionis, etiamsi sit necessitas ex suppositione antecedente simpliciter, id est, libertatem excludens, ut in Prolegom. 1. & suprâ in hoc libro declarati. Et ideo cum necessitate simpliciter subsistit potestas ad oppositum in sensu diuiso. Et ita frustratur intentio Concilij, si de illa sola potestate verba eius interpretentur.

Tertiò hoc ipsum explicatur in hunc modum, quia si vera est sententia de necessitate physice prædeterminationis, tali auxilio posito in voluntate, potentia, quæ relinquitur in voluntate ad dissentendum in sensu diuiso, non est potentia proxima, sed remota, & proximè est potentia passiva, & non actiua ad contrarium actum, vel ad suspensionem actus, ad quem voluntas est prædeterminata; ergo non est potestas ad libertatem sufficiens, nec est illa de qua Concilium loquitur. Maior declaratur, & probatur, quia stante illa motione voluntas sic affecta non potest immediatè prodire in dissentum, nec ex interno dominio suspendere actum, aliàs posset simul componere carentiam consensus cum illa præmotione, quod repugnat præmotioni, ut ipsi dicunt; necessarium ergo est, ut priùs auferatur motio, ut sic possit in voluntate esse dissensus, seu carentia consensus. Ergo posita motione potentia ad dissentum solum est remota: potentiam enim remotam respectu alicuius actus illam vocamus, quæ non potest immediatè in illum reduci, nisi priùs aliqua dispositio in illa mutetur. Et hinc facile intelligitur, & probatur minor, quia priusquam voluntas sic præmota sit capax dissensus, oportet, ut illa præmotio cesset, & auferatur; hoc autem non est in potestate actiua voluntatis, sed tantum passiva. Quod probatur, quia impressio talis motionis à solo Deo fit, in voluntate hominis passivè se habente, ut in principiis illius sententiæ suprâ probatum est; ergo sicut in fieri non pendet illud auxilium à nostra voluntate, nisi passivè, ita neque in conservari; ergo sicut voluntas antequam illud reciperet, tantum erat in potentia passiva ad recipiendum illud auxilium, ita postquam illud recipit, tantum manet in po-

tentia passiva ad carendum illo.

Et confirmatur, quia effectivè solum pendet illud auxilium à voluntate, & potentia Dei, & non à voluntate hominis. Confirmatur præterea, quia nihil potest voluntas hominis efficere, ut à se illam præmotionem expellat, quia, (ut defensores eius dicunt,) non subiicitur voluntati, sed illam sibi subiicit, ut statim ac illi imprimatur, consentiat; ergo posita illa præmotione, non potest aliquid facere voluntas, quo tollatur. Declaratur in habitu charitatis; nam in via postquam homo habet habitum charitatis, potest homo aliquid facere, quo illum à se expellat, quia per illum non necessitatur ad actum amoris, etiam in sensu composito; at verò in patria non potest habitum illum à se activè expellere, quia ibi habitus non separatur à suo actu, cum quo impossibilis est actus contrarius habitui, manet tamen homo in potentia passiva ad carendum tali habitu, & media tali carentia iam poterit actum contrarium efficere. Sic ergo cum auxilium prædeterminans tale sit, ut repugnet esse sine consensu actuali, eo ipso quod imprimatur voluntati; non potest voluntas aliquid agere, quo aliud auxilium à se expellat; ergo solum movet in potentia passiva ad carendum illo, ac subinde neque ad carendum consensu.

Ex quo tandem probatur prima consequentia in argumento facta, quod talis potestas ad libertatem non sufficiat, quia libertas non est in potentia passiva, ut passiva est, sed ut est actiua; & ideo usus libertatis agendo debet inchoari, ut in Prolegom. 1. ostensum est. Sed postquam homo recipit talem motionem, non est in potestate hominis carere illa, quia solum est ad hoc in potentia passiva; ergo quandiu Deus ex se non auferit illam motionem, non est in potestate libera voluntatis dissentiri illi motui; ergo illa potestas in sensu diuiso non sufficit ad liberum usum; ergo non loquitur de illa Concilium.

Vnde quartò argumentor ex verbis Concilij, nam in cap. 6. ait, *Tangente Deo cor hominis per Spiritus sancti illuminationem*, hominem illam liberè recipere, quippe qui illam abicere potest; tribus enim modis possumus verbum *abiciendi* interpretari; primò, ut idem sit, quod non admittere talem motionem, seu impedimentum quasi præueniens apponere, ne imprimatur. Et hic sensus non habet locum; tum quia hoc non est in potestate voluntatis, ut suprâ latè ostensum est; tum quia Concilium evidenter loquitur de inspiratione iam in homine recepta, de qua dicit, non inferre necessitatem, quia homo potest illam abicere. Et proprietas verbi *abiciendi* idem requirit, ut per se constat. Secundò ergo *abicere* idem significare potest, quod illam motionem à se polle-  
re. Tertiò, ut sit idem, quod illi non consentire, etiamsi insit. Et hic posterior est reuera sensus Concilij; tum quia id satis est ad libertatem consensus: tum quia in Can. 4. hæc verba explicantur per illa, *posse dissentire si velit*. Tamen licet secundus sensus admittatur, non potest ad auxilium prædeterminans applicari, ut ex paulo antea dictis manifestum est; nam verbum *abicere* non significat solum potentiam passivam cædendi tali motione. Quis enim dicat hominem videntem Deum posse abicere lumen gloriæ solum, quia potest illo privari à Deo? Verbum ergo *abiciendi* actiuum est, & requirit potestatem activam pellendi à se talem motionem, hanc

5.  
Confirmatur.

6.

7.  
Arguitur quartò.

Alvarez.

4.  
Arguitur tertiò.

Probat.



8.  
Instantia.  
Soluitur.

hanc autem non habet voluntas, vt explicauit. Dices, etiam hoc modo non potest voluntas abiciere inspirationem, quia est actus necessarius, & à Deo solo fit liberè. Respondeo primò, esto ita sit, non referre, quia, vt dixi, Concilium non loquitur de hoc modo abiiciendi. Secundo dico esse dissimilem rationem; nam voluntas aliquo modo potest à se obicere inspirationem, quia, illa non obstante, potest velle aliquid illi repugnans; & consequenter potest velle applicare intellectum ad alia obiecta creata; & ita mentem à sancta illa cogitatione auertere, vtrique ponendo illi impedimentum. At prædeterminatio non permittit hoc voluntati, quia inenitabiliter facit illam adhærere consensui, & ita non permittit illi habere actum consensui contrarium, nec velle aliquid quo illi prædeterminationi impedimentum ponat. Præterquam quòd iuxta illam sententiam, voluntas non potest se, vel intellectum ad aliud applicare, nisi per aliam motionem ad id prædeterminetur, & tunc ipse Deus aufert vnam præmotionem, vt aliam imprimat, voluntas autem nunquam potest à se obicere prædeterminationem. Vnde non video quomodo in eius sententiaverum esse possit quod Ledesina suprà dicit, voluntatem suis viribus posse abicere motionem Dei prædeterminantem, quid enim faciet, vt eam à se abiciat, cum eam nec facere, nec impedire possit.

9.

Nec etiam potest illam abicere, in alio sensu, quod probatur primò, quia non potest illam abicere dum est ex aliorum sententia, quia hoc includit sensum compositum: sic enim homo abicit inspirationem, quando illa stante & durante illi dissentit: non sic autem potest abicere prædeterminationem, quia dum est impossibile, est non habere consensum. Nec etiam potest illam abicere postquam ablata est, quia nemo abicit à se quod non habet, quis enim dicat hominem abicere vestes, quibus ab alio spoliatus est. Vnde attentè est ponderanda in verbis Concilij particula *illam*, nam euidenter facit sensum compositum, tunc enim quis abicit motionem hoc modo, quando illi sua voluntate se opponit, & facit, vt effectum careat, quod non fit nisi stante morione. Nam si motio cessat, etiam si homo quippiam aliud operetur, iam non se opponit motioni, nec illam suo effectum priuat, cum iam non sit; ergo non abicit illam, nemo enim abicit quod non habet. Vnde & Aristot. 4. Metaph. cap. 5. tex 12. *Abiciens, (ait,) habet aliquid eius quod abicit, vbi idem dicit D. Thomas lect. 13.*

Aristot.

10.  
Accedit ratio.

Accedit quòd iuxta illam sententiam allata præmotione necessariò cessat consensus, quia impossibile est habere illum sine prædeterminatione; ergo tunc non homo abicit motionem Dei per carentiam consensus, sed dum à Deo ipso priuatur promotione, priuatur consensu: vt autem voluntas contraria suboriat, alia etiam prædeterminatio contraria necessaria est, quam Deus pro sua sola libertate præbet; ergo nec tum homo abicit à se priorem præmotionem per talem voluntatem, quia iam præmotio illa cessauerat, & altera successit, cui potius tribuenda est expulsio quasi formalis alterius motionis, quam volitionis, quæ ex illa secunda præmotione inenitabiliter sequitur. Ergo illa verba Concilij, *Quippe qui & illam abicere potest*, & intrinsecè includunt sensum compositum, tam ratione verbi *abicere*, quam ratione relatiui *illam*, & nullo

Fr. Suarez de Gratia Pars II.

A modo possunt cum proprietate, & varietate ad prædeterminantem motionem applicari. Idemque est de illis, *Potest dissentire si velit*, primò ratione verbi *dissentire*, quod non verificatur nisi respectu motionis, & inspirationis actu mouentis; sicut dicitur quis dissentire tentationi, quando illa vrgetur, non verò postea quando iam cessauit. Item quia magis est dissentire, quam non consentire alicui, sed posse non consentire includit compositionem cum alterius petitione, aut suasionem; ergo eandem multo magis innouit verbum *dissentire*. Item quia consentire gratiæ, vel tentationi est coniungere proprium velle eidem gratiæ, vel tentationi; ergo & dissentire est coniungere nolle cum illa gratia, cui homo dissentit. Nec refert quod in Can. 4. non addatur relatiuum *illi*, subintelligendum enim est ex mente Concilij in cap. 5. explicata, & addito illo relatiuo multo certius est, neminem dici dissentire vocationi, nisi quando illam in se sentit, & habet, sicut nec dissentit tentationi, nisi quando illa vrgetur.

Ad hanc instantiam virtute respondet Alvarez dicta disp. 42. num. 15. obicit enim sibi, quia hæc propositio est falsa, *Nemo potest resistere auxilio efficaci*, quod probat, quia hæc propositio est impossibilis, *Homo resistit auxilio efficaci*, quia vt sit vera, oportet vt cum auxilio efficaci simul sit resistentia, & dissensus, quod est impossibile. Respondet verò vtramque propositionem tam de possibili, quam de in esse veram esse: quia licet non possint esse simul auxilium efficax, & actualis resistentia, nihilominus homo resistere potest auxilio efficaci, non actu dato, sed oblato, quia potest illi obicem ponere, cum offertur per gratiam sufficientem. Sed hæc responsio repugnat propriæ doctrinæ illius auctoris, & ferè aliorum, qui illam sententiam sequuntur; quia si auxilium efficax est, prædeterminans, non pender ex dispositione hominis negatiua positiua, vt suprà probatum est, vnde non potest illi obicem ponere, nec in tali auxilio distinguuntur dari, & offerri, quia si non datur, nec offertur, cum nihil possit homo facere, vt detur. Deinde non satisfacit, quia Concilium loquitur non de auxilio oblato, sed dato; sic enim ait, *Si quis dixerit, hominis liberum arbitrium à Deo motum, & excitatum*. Vnde tandem cogitur dictus auctor admittere hanc propositionem, *Homo à Deo efficaciter motus, potest dissentire auxilio efficaci*; reuertitur autem ad sensum diuisum, quia illam destruit, quia si auferatur motio, iam liberum arbitrium non dissentit auxilio efficaci, sed quia illud iam non habet, contrarium operatur.

II.  
Responso  
Alvarez.

Quintò hoc ipsum valde confirmat particula *si velit*. nam loquitur Concilium de libero arbitrio à Deo moto, & excitato, ac subinde loquitur facta suppositione talis motionis, & addit *posse dissentire ut velit*. ergo supponit etiam illam voluntatem dissentire esse possibilem. Quis enim dicat hominem ligatum catenis, quas non potest rumpere, posse fugere si velit, solum quia si ab alio catena auferantur, tunc poterit fugere, si velit. Qui ergo simpliciter dicit hominem ligatum catenis posse fugere, si velit, profectò dicit, non obstantibus catenis posse simul fugere, aut posse catenas soluere, & ita fugere, si velit. Sic ergo Concilium dicens, *potest dissentire, si velit*, aperte dicit non obstat tali

12.  
Quintò ar-  
gumentum.

Pp 3

vocatio

vocatione in homine recepta, posse hominem, si velit, aut motionem ipsam pellere, & ita dissentire, vel quod est certius, & simplicius, non obstante motione in homine existente, posse hominem velle non operari secundum illam. Et confirmatur, quia potentia in sensu diuiso, quando vnus actus supponitur, non est potentia ad tempus præsens, sed ad futurum, nam cum dicitur aqua frigida potest esse calida, non est id verum, nisi pro tempore futuro: quando autem Concilium dicit liberum arbitrium, & excitatum posse dissentire, profecto intelligit pro eodem tempore, quo mouetur, posse statim dissentire. Et hic est planus sensus Concilij, omnisque alius sensus est profecto valde violentus, & futilem, ac inanem reddit Concilij doctrinam. Quis enim vnquam dixit voluntatem ita necessitari per gratiam, vt neque in sensu diuiso possit tali actu carere; si motio gratiæ tollatur, profecto neque stolidissimi hæretici hoc dixerunt; quid ergo oportebat, Concilium nos docere potestatem in sensu diuiso? aut quid hoc contra hæreticos proficiebat?

13.  
Argumentum sextum.

Apr. 1.

Sexto addo ex prædictis verbis colligit, Concilium non loqui de aliqua motione, quam homo non sentiat prius, vel tempore, vel natura, quam consentiat, ac subinde non loqui de auxilio efficaci, quod nec vitale sit, nec in homine fiat ipso non cooperante vitaliter, sed vt ita rem explicem, loqui de auxilio, quod in homine fiat, ipso sentiente: ergo non loquitur de auxilio, quod detur per modum concursus præuij, qui ab ipso percipi non possunt. Hoc colligo ex vi verbi *dissentendi*, & *consentiendi*, nam relationem, & coniunctionem dicunt ad aliquid, quod prius animaduersum, & sensu quodam spiritali perceptum est. Et hoc significauit Concilium cum dixit, *Tangente Deo cor hominis*, nam ille tactus sentiri debet, vt moueat, sicut in illo, *Ego sto ad osium & pulso*, pulsus ille vitalis, & perceptibilis ab homine esse debet, vt homo possit aperire, vel rennere. Et ideo addidit Concilium, *per Spiritus sancti illuminationem, vel inspirationem*, quia hæc sunt motiones perceptibiles ab homine. At Concilium loquitur de motione efficaci, vt probauimus, & dicit hominem posse illi dissentire, & supponit auxilium efficax tale esse, vt faciat se percipi, & respectu illius dicit habere locum tam dissensum, quam consensum; ergo sicut in consensu hoc non potest esse verum, nisi respectu auxiliij, quod actu existit, & percipitur, ita neque in dissensu, quia etiam concludit habitudinem ad motionem existentem, & ab homine perceptibilem, seu perceptam, licet diuerso modo: nam consensus dicit habitudinem conformitatis, dissensus difformitatis. At verò respectu motionis impressæ homini sine sensu hominis, non est propriè consensus, quia illa motio non sentitur, sicut homo non consentit habitui, quando per illam operatur, sed consentit inspirationi, quam habuit, multoque minus respectu talis motionis habet locum dissensus, quia consensus licet hæc denominationem recipiat respectu inspirationis, saltem potest esse simul cum prædeterminatione, (si detur,) & aliquo modo illi conformatur, saltem vt actu suo principio; actus verò contrarius non potest esse simul cum prædeterminatione, (si detur,) vnde nec potest haberi repugnando illi, sed repugnando inspirationi; ergo auxilium illud cui homo potest dissentire, si velit, non est prædeterminatio, sed inspiratio; ergo & gratia efficax non est prædeterminatio, sed inspiratio.

Septimò considero quod licet Concilium loquatur de auxilio efficaci, non tamen de illo solo, sed de sufficiente, id est, de vocatione, & inspiratione necessaria quæ aliquibus est efficax, & in aliis inefficax. Hoc videtur admitti ab omnibus Auctoribus citatis, non enim dicunt Concilium loqui de solo auxilio efficaci, sed loqui etiam de illo. Item, quia Concilium tradit doctrinam generalem de necessitate gratiæ, cum qua & liberè consentit, & liberè etiam dissentit; loquitur ergo de auxilio tam efficaci, quam sufficiente. Hinc ergo nouum argumentum sumo: nam Concilium dicens posse hominem abicere inspirationem, seu posse illi dissentire, si velit, abstractè loquitur de inspiratione tam sufficiente, quam efficaci, sed respectu sufficientis verbum *potest* accipitur in sensu composito, vt Alvarez fatetur dicta disput. 92. num. 8. ergo etiam respectu efficacis. Probatur consequentia, quia idem verbum in eadem simplici propositione vniuersimter accipiendum est, & non æquivocè respectu diuersorum; id enim non congruit, præsertim in doctrina fidei tradenda, ac definienda. Tum etiam, quia Concilium dicens liberum arbitrium aliquid agere, inspirationem illam recipiens, quippe qui illam abicere potest, per relationem illam refert eandem omnino entitatem diuinæ inspirationis quatenus habet virtutem mouendi, & inducendi arbitrium in consensum, & respectu illius dicit voluntatem posse dissentire, etiam si interdum non dissentiat; ergo semper facit sensum compositum respectu talis auxiliij secundum se spectati, solum vt præueniens, ac necessarium est: ergo siue in re tale auxilium sit efficax, siue inefficax, semper potestas resistendi illi est in sensu composito, quamuis non semper resistentia in actum redigatur. Et augetur vis huius rationis, quia ex mente Concilij eadem inspiratio eiusdem omnino entitatis, & virtutis, quam nostra voluntas aliquid agendo, liberè acceptat, posset ex eadem libertate voluntatis frustrari effectu. Ergo secundum entitatem suam eadem inspiratio præueniens est, quæ interdum est efficax, interdum sufficiens; ergo etiam quando dicit Concilium, posse voluntatem dissentire, si velit, eandem potestatem tribuit voluntati respectu vtriusque auxiliij, vt præueniens est, etiam si non semper æqualem effectum habeat; ergo si illa potestas est in sensu composito respectu auxiliij efficacis. Quæ ratio in dicendis infra in questione de operantibus inæqualiter, cum aliquali auxilio præueniente euidentior fiet.

Octauò ita ex dictis argumentor, quia dicere posse dissentire vocationi, & addere, in sensu diuiso, inuoluit repugnantiam, nam per hoc secundum destruitur primum. Pater, quia eo ipso, quod sensus diuisus postulatur, requiritur, vt tollatur motio, vt potestas dissentendi in actum reduci valeat, at tunc illa cessatio, vel opposita voluntas, non est dissensus, vt probauimus; ergo potestas illo modo in sensu diuiso, non est ad dissentiendum, sed ad non volendum, ad aliud volendum absque dissensu ad gratiam, quæ iam non mouet. Vnde confirmatur, nam actu dissentire gratiæ vacanti, est cum illa actu instigatè componere dissensum; ergo posse dissentire eidem gratiæ, est posse cum illa componere dissensum. Nec per hoc fit transitus à sensu diuiso ad compositum, vt Alvarez dicit, & non probat, sed explicatur obiectum, & actus illius potentia, qui cum in se, & ex propriis rationibus extremorum compositionem inuoluat,

14.  
Argumentum septimum.

Alvarez:

15.  
Argumentum vltimum.

Confirmatur.

non

non potest attribui alicui facultati ob potestatem in sensu diuiso, sed in composito, aliàs non erit potentia ad talem actum.

16. **C**onfirmatur, ac declaratur, nam dissensus, de quo loquitur Concilium, debet esse contrarius consensui, de quo idem Concilium loquitur, sed consensus non est possibilis nisi componendo actum consentiendi, cum motione gratiæ, quia cum sit consensus supernaturalis, non potest esse nisi cum motione gratiæ; ergo etiam dissensus includit compositionem cum eadem motione gratiæ. Patet consequentia, quia contraria quatenus opposita sunt debent versari circa idem simile, & dissimile, nam respectu diuersorum non erunt opposita, & ita est in proposito, nam dissensus, & consensus dicuntur quasi relatiuè ad gratiæ sensum, ut supra dicebam; non sumeretur autem respectu eiusdem, nisi eandem motionem supponerent in voluntate, & cum illa vterque componeretur. Vnde si quis petenti, num velit dare, dicetur consentire petitioni, & si stante eadem petitione nolit, dicetur dissentire. Si autem postea videm non petenti nolit dare, erit simplex nolitio, non tamen erit dissensus, quia non dicit habitudinem oppositam eidem termino; ergo si detur motio gratiæ, cum qua coniungi non possit carentia actus, ad quem mouet, neque volitio illi opposita respectu talis motionis impossibilis est dissensus. Ergo in nullo sensu verum esse potest, quòd homo possit illi motioni dissentire, si velit, quia ad impossibile nulla est potentia.

**A** iturus committere bellum aduersus alium Regem, non sedens prius cogitat, si possit occurrere ei, qui cum viginti millibus venit ad se? certe in sensu composito intelligendum est. Nam potestas in sensu diuiso, id est, ad occurrendum alteri, si desistat venire cum viginti millibus, & cum paucioribus veniat, inutilis esset, & impertinens ad deliberandum de bello committendo. Et confirmatur, nam si regula illa Dialectica forma est, erit vera hæc propositio simpliciter prolata, *Voluntas Christi unita verbo potuit peccare*, quo faciet sensum diuifum, nimirum si dimittatur à verbo, quæ tamen in communi sensu omnino falsa indicatur. Ergo huiusmodi propositiones simpliciter, & sine alia declaratione prolata communiter faciunt sensum compositum, quando in similibus materiis proferuntur; ergo incredibile est Concilium in alio sensu fuisse loquutum.

**B** Ad secundum negamus sensum diuifum sufficere ad intentionem Concilij, satis enim à nobis ostensum est, potestatem ad carentiam actus, vel ad actum oppositum in sensu tantum diuiso non sufficere ad libertatem, nam talis potestas inueniri potest etiam in potentiis naturaliter agentibus, & in ipsa voluntate respectu illorum actuum, quos interdu necessarii, & non liberè producit, ut de amore beatifico diximus, & de actibus indeliberatis, qui motus primò primi dicuntur, est euident. Nam illos facit voluntas ex quadam necessitate contraria libertati, & nihilominus potest voluntas in sensu diuiso suspendere talem actum, & ab illo dissentire: nam licet in sensu composito stante illa indeliberatione ex parte intellectus non possit cum illa coniungere suspensionem illius actus, vel habere dissentium illi contrarium, nihilominus cum illa indeliberatione, seu inaduertentia ex parte intellectus retinet voluntas intrinsecam potestatem, ut possit suspendere, & tollere à se illum actum, si ex parte intellectus consideratio antecedit, atque adeo in sensu diuiso. Simile est de illo qui aliquid operatur ex ignorantia inuincibili antecedente, nam in eo non liberè, sed necessarii operatur, & ideo in eodem non peccat. Et nihilominus retinet potentiam in sensu diuiso ad cauendum tale opus, quia ignorantia illa non abstulit nec diminuit voluntatis potestatem in actu primo, ratione cuius potest illud opus vitare, si ex parte intellectus ignorantia tollatur, & consideratio accedat, ac subinde in sensu diuiso. Hoc ergo argumentum ad hominem retorquetur, supposito illo principio, quod in eo supponitur, nimirum Concilium loqui de illa potestate, quæ in voluntate sufficit, & necessaria est ad vsum liberum, sed potestas in sensu diuiso ad hoc non sufficit, ut satis superque ostensum est; ergo loquitur in sensu composito.

**C** Ad tertium respondeo, verba *dissentendi* & *resistendi* in præsentī materia æquipollentia esse, quia nihil aliud est resistere vocationi diuinæ, nisi illi non consentire, vel dissentire: sicut non est aliud resistere tentationi, quàm non consentire, vel dissentire illi; nec aliter consulimus alicui, ut resistat, nisi dissensum consulendo. Idem ergo est de resistentia vocationis Dei. Vnde quod Christus ad Hierusalem dixit *Matth. 23. Quoties volui congregare filios tuos, & nolisti*, Stephanus dixit *Actol. 7. Vos semper Spiritui sancto resististis, sicut patres vestri, ira & vos*. Et in eodem capite, prius de Moyse loquens subdit, *Cui noluerunt obedire Patres vestri, sed repulerunt, & auersi sunt cordibus suis*, in quibus verbis nolle obedire, est

2. Negatur, 2. sensum diuifum sufficere ad intentionem Concilij.

3. Ad tertium responderetur circa verba *dissentendi*, ac *resistendi*.

*Matth. 23*

*Actol. 7.*

*Ibidem.*

## C A P V T XXXIX.

### Ad fundamenta contraria interpretationis respondetur.

17. **T**andem refutamus dictam euasione, & interpretationem de sensu diuiso, expendendo fundamenta, in quibus nititur, simulque stendendo, quàm sit ille sensus alienus à communi more loquendi, non tantum in vulgari vfu hominum, sed etiam in Scriptura, & in ipso Concilio. Et quidem primum fundamentum Dialecticum dignum profectione non erat, ut in tam graui puncto, & materia adduceretur, ut quia verbum *potest* inter extrema propositioni positum est, sensus sit diuifus, & non compositus. Igitur quia Paulus dixit, *Sine fide impossibile est placere Deo*, non erit id verum in sensu composito, sed indiuiso, quod aperte falsum est, nam illa duo componere, carere fide, & placere Deo, impossibile est: in sensu autem diuiso homo carens fide potest placere Deo. Item *Esther 13. Non est qui possit resistere voluntati tue*, quod est verum in sensu composito, non in diuiso. Similia habentur *Iob 9. & 41.* & semper ferè verbum *potest* interponitur, quia hic est communior modus enunciandi. Et idem Concilium Tridentinum in simili forma loquendi sæpe vtitur verbo *posse* in sensu composito, ut in cap. 14. & 15. Can. 2. & 1. diligenter obseruat *Diotaleu. cap. 6.* Vbi etiam rectè norat in communi sermone cum dicimus fratrem quantumvis rogatum posse non consentire, & hominem acriter tentatum posse resistere, intelligimus hæc dici in sensu composito, quoniam aliàs ridiculæ essent similes asseuerationes. Sicut etiam quod Christus Dominus dixit *Luc. 10. Quis Rex*

Refutatur dicta euasio, & interpretatio de sensu diuiso.

*Hebr. 11. 6.*

*Esther 13.*

*Iob 9. & 41.*

*Concil. Trid.*

*Diotaleu.*

*Luc. 10.*



dis dissentire, repellere autem est resistere, & vnum per aliud explicatur. Denique satis à nobis declaratum est, quomodo in ipso verbo dissentendi includatur renitentia quædam, ac subinde resistentia, quia dissensus dicitur habitudinem contrariam cui dissentitur, eundemque sensum compositum inuoluit.

4. Mens Concilij pluribus argumentis comprobatur.

Præm. 21.

Et præterea ex eodem Concilio potest multis argumentis ostendi hanc fuisse illius mentem. Primo, quia non est verisimile ex industria vitasse verbum *resistendi*, sed potius voluisse non solum in actu signato & confuso, sed etiam in actu exercito, & specifico explicare modum resistendi, qui est per dissensum. Secundò, quia verbum *abycere*, satis apertè inuoluit resistentiam, sicut verbum *renuendi*, quod habetur Proverb. 21. *Vocavi, & renuistis*, & facillè possunt inueniri similia æquivalentia. Tertio Concilium, ut diximus, generatim loquitur de vocatione, tam sufficienti, quam efficaci; sed dissentire vocationi sufficienti est, illi resistere; ergo posse dissentire efficaci, est posse illi resistere. Quarto Calvinus ipse confessus est, multis sæculis traditum esse in Ecclesia, & creditum, *Gratiam ita mouere voluntatem, ut nostra postea sit electionis motio aut obtemperare, aut refragari*; & in eo hæreticus fuit, quòd quam agnouit esse antiquam Ecclesiæ fidem, ausus est negare. At Concilium voluit antiquam fidem retinere, ac definire, & Caluino resistere, ergo voluit docere posse voluntatem refragari motioni gratiæ, ac *refragari* idem est quod *resistere*. Addo vltimò Patres Concilij Senonensis, cuius doctrinam tacitè approbavit Concilium Tridentinum, expressè vfos esse verbo *resistendi*, ut infra videbimus, ubi doctrinam hanc datam amplius confirmabimus.

Concil. Senon.

5. Notatur contraditio Caluini.

Solum hinc adnotabo contradictionem, quam in sententia illius Auctoris inuenio; sentit enim hanc propositionem liberum arbitrium à Deo motum, ut excitatum potest resistere, si velit, in omni sensu falsam esse, iuxta suam sententiam, quia non potest facere sensum diuisum, quia verbum *resistendi* compositionem inuoluit. Quod non aliunde colligi potest, nisi quia resistentia in re, & actu non fit nisi facta compositione cum motione gratiæ, quia non existente contrario, vel aduersario, non est resistentia. Igitur quia resistentia actualis respectu motionis prædeterminantis est impossibilis, infert potestatem ad resistendum esse impossibilem, & consequenter illam propositionem, *Homo potest resistere efficaci motioni*, in omni sensu esse falsam, imò non esse capacem sensus diuisi, & ideo falsam esse. Deinde etiam faceret actualiter dissentire motioni efficaci esse impossibile, quia idem est quod actualiter componere cum illa actum dissentendi. Et nihilominus contendit propositionem illam, *liberum arbitrium à gratia motum potest illi dissentire*, admittere potest sensum diuisum, & in eo esse veram. Quod quidem solum dixit, quia non potuit repugnare Concilio Tridentino: non est tamen consequenter loquutus, quia non est minus de re impossibili potestas dissentendi motioni, quam potestas resistendi, nec *dissentendi* verbum minus inuoluit illam compositionem, quam verbum *resistendi*, ut ostensum est. Imò ipse faceret æquè falsas esse has duas propositiones de inesse, homo resistit motioni efficaci, & dissentit eidem motioni, vel homo abiicit illam; ergo etiam hæ propositiones de possibili, homo potest resistere motioni, potest illi dissentire, po-

A test illam abiicere, sunt æquè falsæ, & in omni sensu possunt admittere; vel si duæ posteriores sunt veræ, ut reuera sunt, ex doctrina Concilij, etiam prima est vera, & propositiones de inesse non sunt impossibiles.

Vltimum argumentum, quo nos redarguunt, quia eadem difficultas habet locum in nostra sententia, quam nos per sensum compositum, & diuisum dissoluimus, tres habet partes, quibus sigillatim respondendum est. Prima est de concursu simultaneo, quæ non est ad rem. Tum quia Concilium expressè loquitur de motione præuiam, quæ tempore, vel natura antecedit liberam determinationem voluntatis: tum etiam, quia est longè diuersa ratio, nam auxilium simultaneum inuoluit liberum influxum voluntatis, sunt enim simul natura, imò & indiuisibiliter eadè actio, & ideo nihil mirum est, quòd illo posito voluntas, & liberè operetur simpliciter, & necessariò ex suppositione, quia positio illius inuoluit liberum vsum, & ita suppositio illa non est antecedens, sed comitans. Et consequenter necessitas non est absoluta, nec repugnans libertati, quia est consequens ad vsum eius.

In quo est euidentis differentia inter concursum simultaneum, & motionem præuiam, quæ ita breuiter potest declarari, quia sensus compositus inter simultaneum concursum ad consensum cum dissensu includit formalem compositionem inter consensum, & dissensum, & ideo qui dixerit, consentiens potest dissentire, statim intelligatur in sensu diuiso, quia aliàs diceret impossibilia, & quia nec consensus dicitur habitudinem coniunctionis cum dissensu, nec è contrario, sed potius dicuntur habitudinem repugnantiam inter se, & uterque dicitur habitudinem coniunctionis cum eadem gratia, vel tentatione. At verò sensus compositus inter vocationem, vel motionem præuiam, & dissensum, non dicitur compositionem inter consensum, & dissensum, sed inter principium consensus, & dissensus, ad quod principium tam consensus, quam dissensus dicuntur habitudinem coniunctionis, & ideo ille sensus compositus non solum non includit formalem repugnantiam, sed potius est necessarius ad veritatem propositionis, in qua simpliciter dicitur arbitrium vocationi, inspirationi, consilio, petitioni, vel motioni simplici posse consentire, vel dissentire, si velit. Immeritò ergo nos arguunt, quòd eadem distinctione sensus compositi, & diuisi, quam in illis impugnamus, ad nostram defensionem vtamur. Respondemus enim esse eandem verbis, non sensu, vel quod perinde est, nos non impugnare distinctionem secundum se, & absolute spectatam, sed abusum, vel malam applicationem eius sine vilo delectu. Nam ad motionem præuiam, ex qua sequitur necessitas antecedens, malè applicatur: ad motionem autem concomitantem, ex qua solum sequitur necessitas consequens, optimè accommodatur. In præsentem autem pacto maximè reprobamus vsum illius distinctionis ad explicationem Concilij, cuius doctrina per malam applicationem illius distinctionis planè euertitur, cum Concilium apertè in sensu composito loquatur: quod nobis non obstat, quia, ut dixi, quando dicit, *potest illi dissentire*, vel *abycere illam*, non refert auxilium simultaneum, sed præuiam motionem, ut in littera manifestum est.

Secunda pars erat de prædeterminatione morali, de qua possumus in primis respondere, illam obiectio

6. Vltimi argumenti aduersarij pars prima, de concursu simultaneo.

7. Declaratur differentia inter concursum simultaneum, & motionem præuiam.

8. Pars secunda, de prædeterminatione morali.

obiectionem nihil refert ad explicationem Concilij, quia illud non sequitur de motione prædeterminante siue physicè, siue moraliter, sed simpliciter de vocatione, qua homo conuerteri potest, & ei resistere. Quia verò doctrina Concilij habere potest locum, etiam in vocatione moraliter prædeterminante, & ut res ipsa explicetur, dicimus vltèrius, prædeterminationem moralem, prout in superioribus, & lib. 3. de Auxiliis, declarata est, non esse prædeterminationem simpliciter, ideoque absolute non repugnare cum illa coniungi dissensum, ac proinde etiam in sensu composito verum esse, posse hominem illam abicere, & illi dissentire, si velit. Satis enim efficax ad prædeterminandum moraliter fuit vocatio Pauli, & tamen Anselmus exponens verba orationis Dominicæ, *Fiat voluntas tua*, de illa sic ait, *In Paulo videtur cogens voluntas Dei, sed non est, quia licet sit prauisus, tamen voluntas erat libera, & ei resisteret, si vellet*, quia illa vocatio secundum se, & absolute spectata, non inferebat necessitatem etiam in sensu composito, ad quod fatendum etiam Concilium Tridentinum cogit, quia indifferenter, & vniuersaliter de vocatione diuina loquitur. Vnde fit ex tali auxilio moraliter tantum prædeterminante, non sequi infallibiliter consensum, vtiq; per se, & simpliciter, sed tantum secundum quid, id est, moraliter. Eo tamen modo, quo illa prædeterminatio est antecedenter moraliter efficax, minuit profectò libertatem, sicut concupiscentia antecedens minuit illam, & ideo licet sic vocatus possit simpliciter dissentire, moraliter autem non potest. Et ita nulla est repugnantia in doctrina, sed magna consecutio, & tota doctrina Concilio est consentanea.

9.  
Pars tertia,  
de vocatione  
congrua.

Tertia pars erat de vocatione congrua, quæ ex dictis in superioribus expedita est. Distinguenda enim vocatio illa vel per se, & secundum entitatem absolutam, vel prout inuoluit habitudinem congruitatis. Priori modo spectata, non habet per se, ac necessariò, quoddam sit efficax. Vnde illi homo potest resistere, & dissentire, si velit, idque velle potest, simpliciter loquendo, etiam in sensu composito, quia absolute non repugnat dissensum coniungi actu, cum tota illa vocatione, totaque eius entitate, & virtute secundum se spectata, nec ex vi illius est infallibile, quoddam sequatur consensus. Et ita omnia quæ docet Concilium, in illa locum habent in eodem sensu composito quem tradidimus, neque propter vocationem congruam, seu efficacem nos explicamus Concilium in sensu diuiso, etiam respectu illius, neque ad hoc vtimur illo modo illa distinctione sensus compositi, & diuisi: at verò considerando vocationem congruam, vt congruam, & sub habitudine, quam sub ea ratione inuoluit, & sub hac formalitate talis vocatio est gratia efficax, & illi resisti non potest, & simpliciter homo non potest illi dissentire, quia iam inuoluit sensum compositum. In quo sensu etiam est impossibile hominem cum illa vocatione non consentire, sine præiudicio tamen libertatis, quia illa suppositio sub illa formalitate non est suppositio antecedens simpliciter, sed consequens, quia supponit vsum libertatis futurum cum auxilio simultaneo. Et licet vocatio congrua, etiam vt congrua præcedat influxum liberi arbitrij, vt in re ipsa datur, non tamen præcedit illum vt futurum, imò supponit illum in præscientia præsentis, & ex hac parte est suppositio concomitans, ex qua solum sequitur necessitas consequens, quæ libertatem quam supponit, non aufert. Concilium autem Tridentinum non est loquutum de vocatione hac sub illa formalitate con-

A gruitatis, sed simpliciter de vocatione, & inspiratione, quam homo liberè recipit, & ideo de illa, & de omni vocatione verum est, in sensu composito posse hominem illi dissentire, si velit.

## CAPVT XL.

Ex alijs locis eiusdem Concilij Tridentini eadem veritas confirmatur, & alijs obiectionibus occurritur.

B Quid hætenus tractauimus, est præcipuum testimonium, quoad confutandam physicam prædeterminationem, & consequenter nostram sententiam fundandam, vti solemus. Nec eorum reprehensionem veremur, qui mirantur adeò nos hoc testimonio permoueri, cum res, (vt aiunt,) sit clarissima, & facillimè dissoluatur. Hætenus enim nullam responsum cogitare potuimus, nec in eorum libris legimus, præter eas, quas retulimus, quæ an sint claræ, vel satisfaciant, iudicio aliorum sapientium remittimus. Existimòque rem esse dignam Pontificis summi declaratione: nam agitur de intelligentia eiusdem definitionis fidei contra hæreticos huius temporis, ex cuius vera interpretatione, & Concilij grauissimi auctoritas, & sincera doctrina in articulis de gratia, & libero arbitrio pendet. Possumus autem hoc alijs testimoniis, & verbis eiusdem Concilij confirmare, quia licet per se non conuincant, iuuant tamen, tum ad intelligendum mentem Concilij esse, quam diximus: tum etiam ad confirmandam veritatem, quam intendimus per illationes valde vrgentes ex principiis fidei ab eodem Concilio traditis.

1. Primò expendimus quod Concilium cap. 7. eiusdem sessionis ait, vnumquemque iustificatum suam iustitiam recipere secundum mensuram, quam Spiritus sanctus partitur singulis prout vult, & secundum propriam cuiusque dispositionem, & cooperationem. In quibus verbis solum ponderamus duas causas, seu mensuras assignare Concilium quantitatatis gratiæ, quæ vnicuique homini in sua iustificatione tribuitur. Primaria est voluntas Dei, secundaria, est libera voluntatis nostræ cooperatio; frustra autem Concilium hanc secundam partem adiunxisset, si modus cooperationis nostræ in physicam prædeterminationem, tanquam in vnicam radicem, & causam reducenda esset. Nam licet verum sit gratiam infundi vnicuique iuxta mensuram dispositionis suæ, & dispositionem esse maiorem, vel minorem iuxta vniuersiusque cooperationem, nihilominus iuxta illam sententiam in vnoquoque est maior, vel minor, cooperatio, quia maiori præuia motione prædeterminatur, quia sicut homo conatur ad volendum, quia prædeterminatur physicè, ita magis conatur, quia intensius, & fortius prædeterminatur: prædeterminatio autem datur maior, vel minor non ex hominis dispositione, sed ex sola Dei voluntate. Imò (vt ipsi aiunt) entitas ipsa auxilij prædeterminantis, non habet illam efficacitatem, nisi vt est instrumentum diuinæ voluntatis efficacis, & præficientis, vt voluntas creata tanto conatu, & non maiori, neque minori, operetur; ergo superuacuum, & frivolum est, illas duas mensuras tanquam distinctas assignare, sed oportet dicere solam Dei voluntatem distribuentem, vnicuique prout vult, & gratiam, & dispositionem, & conatum ad illam, & prædeterminationem ad conatum

2.  
Expenditur  
locus Con-  
cilij, quod  
vniuersusque  
iustificatus  
accipiet suam  
iustitiam iuxta  
mensuram.

Ruardus.

Prædeter-  
minatio  
physica ad  
vnum, in re  
ipsa non dif-  
fert à ne-  
cessitate.

3.  
Confirma-  
tur.

conatum esse mensuram iustitiæ, quæ unicuique infunditur, quod certè valde alienum videtur ab illo modo loquendi Concilij. Vnde etiam ipse Calvinus in illis verbis intellexit, voluisse Concilium suam efficacem motionem dammare, quæ necessitaret voluntatē ad cooperandum, ut refert Ruardus dicto art. 7. ostendimus autem prædeterminationem physicam ad vnum in re ipsa non differre à necessitate.

Quod ita confirmari potest ex prædicta definitione. Nam si præuia gratiæ motio necessitaret voluntatem, etiam coëfficientia voluntatis posset esse maior, vel minor cum eadem necessitate, & consequenter actus posset esse intensior, & remissior, & illi posset etiam respondere habitualis forma gratiæ intensior tanquam dispositioni physici, non verò ut dispositioni morali, quæ cooperatione ipsius hominis tribueretur, quia ipse non esset causa moralis illius maioris, vel minoris conatus, sed sola motio diuina. At verò eadem ratio est, si voluntas physice prædeterminatur ad tantum, vel tantum conatum, quia eo ipso quantitas potestatis non est in potestate morali, ac libera voluntatis, quia si prædeterminatur ad conatum ut sex, impossibile est non conari ad illos gradus, & impossibile est plus conari; ergo superflue, & nomine potius, quam re diceretur mensura gratiæ reduci in suo genere ad quantitatem cooperationis hominis, si illa non est in eius potestate morali, sed à sola extrinseca motione, eiusque quantitate pender. Quocirca cum Concilium duas quasi mensuras quantitatis iustitiæ ponit, diuinam scilicet voluntatem, & conatum humanæ voluntatis, tacite nobis inuit mirabilem virtutem, & sapientiam Spiritus sancti. Nam licet sua voluntate in ordine suæ prædestinationis, seu intentionis præfiniat quantitatem gratiæ, & iustitiæ quam unicuique infundere vult; nihilominus in executione huius voluntatis ita se accommodat libertati humanæ voluntatis, ut illius libertati, per cooperantem, & simultaneam gratiam adiuuandæ determinationem eius, & modum determinationis, cum tanto, vel tanto conatu committat. Et ut vnusquisque homo hoc faciat, ut ab intentione suæ voluntatis non discrepet, vniuscuiusque voluntatem præparat, non prædeterminando, sed vocando vnumquemque prout nouit ei congruere, ut se disponat ad eam gratiæ quantitatem obtinendam, quam Spiritus sancti eam habere decreuerat.

4.

Expenditur  
secundò di-  
ctus locus  
Concilij,  
præcepta  
Dei non esse  
hominibus  
seruatu im-  
possibilia.

Secundò expendi pro nostra sententia possunt verba eiusdem Concilij, in cap. 11. & Can. 18. ubi docet ac definit, præcepta Dei non esse hominibus ad seruandum impossibilia. Nam hæc veritas cum necessitate physici prædeterminationis non potest subsistere respectu illorum hominum, qui de facto præcepta non seruant. Quod ita breuiter declaro: nam ut observatio præcepti sit possibilis homini, necesse est, ut in eo instanti, in quo homo seruaturus est, vel pro sua libertate violaturus præceptum prius natura, quam consensum, vel dissensum, circa observationem præcepti eliciat, simpliciter, & proximè sit potens ad eliciendum actum voluntatis, quo obseruet præceptum; sed nullus qui in eo instanti præceptum violat, habet in illo priori naturæ talem potestatem ad seruandum præceptum; ergo nulli homini de facto non seruanti præceptum, est possibile facere illud. Consequentia euident est. Maior autem est manifesta, quia, ut actus sit liber, oportet, ut potentia sit libera, ac proinde potens ad vtrumlibet pro eodem instanti, pro quo actus sit. nam quod antea fuerit libera, parum con-

A fert ad libertatem præsentis actus, si in hoc iam potentia sua libertate priuata est; ergo debet esse libera in ipsomet instanti, in quo liberè operatur; ergo etiam debet esse potens ad vtrumlibet. Non potest autem hæc indifferentia esse in potentia, ut iam composita cum vno actu in eodem instanti, ut per se patet; ergo debet esse pro illo instanti, ut intelligitur, facultas esse prius natura, quam vnum, vel alium actum eliciat. Nec sufficit qualibet potentia, sed debet esse proximè sufficiens ad vtrumque, quia remota potentia simpliciter non est potentia, cum nouo complemento indigeat, & ideo libertas consideratur in potentia cum omnibus requisitis ad agendum, quæ est potentia proxima. B quæ omnia ex dictis in Prolegomeno, manifesta sunt.

Iam ergo probatur minor ex duplici capite, seu principio, in aliorum sententia. Primò, quia qui in hoc instanti non seruat præceptum prius natura, quam habeat actum, vel omissionem liberam contrariam præcepto, caret prædeterminante auxilio ad actum, quo seruandum esset præceptum; ergo caret potestate proxima ad illud seruandum; hanc enim complet auxilium prædeterminans, dat enim posse, ut sibi negare non possint. Et licet non daret posse, sed tantum esset necessarium ad agere, qui illud non habet datum, non habet etiam oblatum, neque villo modo illud habet in sua potestate proxima; ergo ex hac etiam parte caret potestate proxima ad seruandum præceptum. Et consequenter è conuerso præceptum est illi ad obseruandum impossibile. Secundò ex alio capite, quia illemet homo prius natura quam in alterutram partem seruandi, vel violandi præceptum determinetur, prædeterminatur à Deo ad actum nolendi seruare præceptum; ergo eo ipso in illo priori naturæ caret potestate proxima ad seruandum præceptum est illi ad obseruandum impossibile. Probatur hæc consequentia; quia cum tali prædeterminatione est impossibile coniungere volitionem seruandi præceptum, quia impossibile est cum tali prædeterminatione non coniungi actum ad quem prædeterminatur, quia actus est impossibilis cum alio quo seruandum esset præceptum.

Neque hic potest applicari distinctio de actu materiali, vel formalitate peccati, quia satis est prædeterminatio ad actum materiale nolendi, ut volitio contraria sit impossibilis cum tali prædeterminatione. Nec etiam hic habet locum distinctio de sensu composito, & diuiso, quia potentia in sensu tantum diuiso non est potentia proxima, neque est sufficiens ad libertatem, ut satis iam ostensum est. Hoc ergo argumentum efficaciter, ut credo, conuincit necessitatem prædeterminationis physici, esse contrariam possibilitati mandatorum, quam Concilium definit. Verumtamen si quis consideret, hoc argumentum coincidit cum supra facto de sufficientia auxilij, quia si necessarium est auxilium prædeterminans, sine illo non datur auxilium sufficiens, & hinc consequenter fit, ut præcepti observatio fiat impossibilis non seruanti illud. Solam ergo in præsentia additur, illud consequens esse contra doctrinam Concilij. Addi etiam potest, inde sequi transgressionem præcepti non esse liberam, nec posse ad culpam imputari, quia si consistat in omissione, necessariò sequitur ex carentia prædeterminationis; si verò sit in actu positivo, hic necessariò habetur, posita prædeterminatione, quam vitare non potest homo, si Deus illam imprimat. Et hæc argumenta variis modis vrget & locupletat Diotaleuius cap. 5.

Tertio

Diotaleuius



7. Tertiò ponderari potest, quod idem Concilium in eodem cap. 11. dicit, *Deum non deferere iustum, nisi prius deferatur ab ipso*, quod etiam repetit idem Concilium in cap. 13. Quod dogma verum esse, quoad auxilium efficax præcedenti lib. 4. cap. 2. ostendimus. At si auxilium efficax in prædeterminatione consisteret, negaret illud Deus iustis antequam defereretur an ipsis, sicut negauit illud Adamo, priusquam peccaret, & negat illud paruulo baptizato cum primum venit ad usum rationis, & primum peccatum commisit, & in vniuersum negat illud cuilibet prius iustificato, in illo primo peccato quo gratiam amittit, quia in omnibus his casibus in illo instanti, in quo quis erat iustus, primò peccat prius natura, quam peccet, caret prædeterminatione ad non peccandum, & consequenter sine culpa sua. Imò, quod grauius est, habet prædeterminationem ad actum, cum quo non potest præceptum seruare; ergo tale auxilium efficax, & eius necessitas, est contra mentem Concilij, & contra alia verba, quæ in eodem cap. 13. de iustis ait, *in Dei auxilio fortissimam spem collocare, & reponere omnes debent*. Nam in auxilio sufficiente solo, & per se spectato, nullus potest spem ponere, si præter illud, est aliud necessarium ex parte Dei, & non datur, vel non speratur eadem firma spe. Parumque id refert dicere illud aliud auxilium esse necessarium ad operari, non ad posse. Nam Concilium loquitur de spe auxilij necessarij ad operandum, & perseverandum actu, & non tantum ad posse perseverare.

8. At verò si auxilium efficax in illa prædeterminatione consistit, quam Deus pro sua sola voluntate dat cui vult, & negat cui vult, expectata ex parte eorum ratione, vel cooperatione, profectò nemo potest tale auxilium sperare illa firmissima spe; ergo nec potest in tali auxilio spem suam firmissimam collocare, quia firmissima spes fundatur in promissione diuina: nemini autem Deus tale auxilium promissit. Nam vel est promissio particularis, & de hac sine reuelatione constare non potest, vel est generalis facta omnibus, & hæc vel est absolutè facta, & hoc non, aliàs in omnibus haberet effectum, vel sub aliqua conditione necessaria ex parte hominis, & ex eius libertate dependente, & hoc etiam non potest dici, quia supra latissimè ostensum est, auxilium prædeterminans non posse pendere ex libera dispositione, vel obice hominis. Ergo iuxta illam sententiam, nullo modo potest homo firmissimè confidere in diuino auxilio, sed potius semper timere, ne ab ipso pro sola sua voluntate deferatur per negationem talis auxilij, vel etiam per impressionem prædeterminationis ad actum malum, quæ summa est desertio, etiamsi actus ille materialiter consideretur. Vnde etiam concluditur ex mente Concilij, auxilium efficax tale cogitari debere, vt à Deo fuerit promissum sub illa saltem conditione, quod *nisi ipsi gratia defuerimus, sicut caput opus bonum, ita perficiet*, operans velle, & perficere, quæ conditio non potest esse alia, nisi actualis cooperatio ex parte liberi arbitrij, quam respicit auxilium efficax, & quoad effectus executionem per illam consummatur. Et quia illa cooperatio semper est homini libera, ideo dicit Concilium, esse in potestate hominis illam conditionem implere quæ necessaria est, vt ab ipso Deo non deferatur. Atque hoc etiam argumentum profertur latè Dotalen. dicto cap. 5. Nos autem in dicto cap. 2. libri præcedentis omnia, quæ ad illud confirmandum conducere possunt, diximus.

Ex his satis probatum credimus, illum modum

A auxilij efficacis prædeterminantis, vel contrarium esse Concilio, vel certè à mente ipsius alienum. Nunc breuiter alteram partem, quam proposui, ostendo, nimirum nihil esse in Concilio, quod auxilio efficaci congruæ vocationis repugnet, aut minus consonum videri possit. Tria enim loca solent nobis ex illo obiici. Primum est in Can. 3. in quo definit, *sine præueniente Spiritus sancti inspiratione, atque eius adiutorio, neminem posse credere, sperare, diligere, aut penitere sicut oportet*, sub quo subsumitur, si voluntas hominis non prædeterminatur à gratia, seipsam ad actum sine adiutorio gratiæ se determinare, ac proinde se disponere ad gratiam, quod est contra verba Canonis. Sed friuola est illa subsumptio, nam quasi principium in nostra sententia est, voluntatem diuinam inspiratione excitatam, sine adiutorio gratiæ etiam physicè efficientis, non posse velle, aut se determinare ad agendum aliquid, sicut oportet ad salutem. Vnde efficacius nos conuertimus argumentum ex illo Canone sumptum: nam si doctrina Concilij sufficiens est, vt esse debet, inde colligimus ad hos actus requiri prædeterminationem. Nam sicut dixit sine inspiratione, & adiutorio non posse actus illos fieri, ita significauit cum inspiratione, & adiutorio posse fieri, neque etiam gratiæ esse necessariam. Sed potest dari inspiratio, & adiutorium sine determinatione, vt in superioribus probatū est, quia potest dari principium adiuuans, & non prædeterminans physicè potentiam, & potest dari actuale auxilium adiuuans, quod non sit inspiratio, nec præueniens motio, ac proinde neque prædeterminans. Ergo quidquid additur, est præter doctrinam datam à Concilio in illo loco. quod potest confirmari ex cap. 16. vbi numerans auxilia quæ Christus in iustificatos influit, & optimè possunt sine prædeterminatione subsistere, addit Concilium, illis positis nihil iustificatis deesse ad bene operandum, & merendum.

Alter locus est Canon. 4. Nam quia Concilium ibi dicit, *liberum arbitrium à Deo motum, & excitatum, &c. posse dissentire, si velit, & aliquid agere, neque merè passiuè se habere*, inferunt, cum dicit, *motum, & excitatum*, præter excitationem ponere motionem, quæ non potest esse nisi prædeterminationem, ac subinde cum dicit, *posse dissentire, si velit*, solum docere, per illam motionem non auferri à voluntate libertatem, quam habet innatam, ac proinde posse dissentire in sensu diuiso. Ac denique ex eo, quod Concilium contra Lutherum docet, aliquid agere liberum arbitrium, quia non merè passiuè se habet, colligunt sensisse Concilium, hoc satis fuisse ad damnandum etiam Caluinum, quia si voluntas agendo consentit, & cum potestate dissentendi, non potest non liberè agere.

Sed hæc quàm sint contraria verbis, & intentioni Concilij, satis à nobis ostensum est, & breuiter declaratur. Nam in primis cum dicit, *motum, & excitatum*, gratis fingitur particulam *motum* idem significare, quod *prædeterminatum*. Nam si attendamus ordinem literæ, prius dicit, *motum*, quàm *excitatum*: cum tamen si detur prædeterminatio, excitatio debeat illam præcedere; si verò vim vocis spectemus, *motum* vniuersalius est, quàm *prædeterminatum*, vel *excitatum*. Non oportet ergo per illas duas voces, duas distinctas mutationes intelligere, sed quod per vnā dictum fuerat generali verbo, per alteram magis in specie declaratur. Vel certè, quia liberum arbitrium dicitur moueri obiectiuè per intellectus illuminationem, & obiecti propositionem, quæ motio quoad voluntatem, est quodam

Soluentur obiectiones.

Obiectio prima.

Euerctur.

IO. Secunda obiectio.

II. Eliditur.

quodammodo metaphorica, fortasse insinuare voluit Concilium, liberum arbitrium non solum habere esse motum, utique illo modo, sed etiam excitatum per aliquam affectionem in illo formaliter receptam, ut lib. 3. explicatum est.

12.

Fortè tamen sine vilo mysterio duas voces posuit Concilium ad maiorem rei expressionem, sicut ibidem, subiungit, *assentiendo Deo excitanti, atque vocanti*, quæ duæ voces ferè æquipollentes sunt, vel eandem rem sub diuersis respectibus significant, & de neutra earum fingi potest, quod prædeterminationem significat. Vnde quod Concilium addit, *posse dissentire, si velit*, euidenter destruit prædeterminationem, quia necesse est loqui de potestate in sensu composito, ut probatum est, qui sensus est impossibilis, & contradictionem inuoluit cum physica prædeterminatione, ut in cap. 11. ostensum est. Quapropter quod tandem addit Concilium *liberum arbitrium aliquid agere*, non physice tantum, sed etiam moraliter intelligendum est, prout agere dicitur, qui est dominus suæ actionis. Vnde in cap. 5. inde probat liberum arbitrium aliquid agere recipiendo inspirationem, quia illam abicere potest, quia nisi ageret, ut habens dominium sui actus, non posset inspirationem abicere. Vnde in hoc etiam distinguit hominem à brutis, vel inanimatis, quæ comparata ad hominem non agunt, licet efficientiam physicam habeant.

13.

Obiectio  
tertia.

Tertius locus est in cap. 16. vbi Concilium ait, *Non habere hominem unde in se, & non in Domino gloriatur, cuius tanta est bonitas erga homines, ut eorum velit esse merita, quæ sunt ipsius dona*. At verò si determinatio ad consensum esset ita propria humanæ voluntatis, & non esset ex prædeterminatione Dei, iam haberet homo aliquod omnino proprium, vnde in se, & non in Domino gloriaretur, utique in sua determinatione, quæ magni momenti est ad meritum. Imò cum actus solum imputetur homini ad meritum ratione illius determinationis, non rectè diceretur Deus imputare nobis ad meritum sua dona, sed determinationem nostram nobis omnino propriam.

14.  
Solutur.

Respondemus etiam in hoc argumento tacitè inuolui illam pessimam illationem, quod determinatio nostra libera, si non sit ex prædeterminatione physica Dei, non sit donum Dei, quod falsum omnino est, quia, ut actus nostri sint dona Dei, non oportet quod sine ex prædeterminatione diuina, sed, ut idem Concilium dicit, satis est, quod *sint ex virtute à Christo infusa, quæ talia opera antecedit, comitatur, & subsequitur, sine qua Deo grata esse non possent*. quæ omnia habent nostra bona opera sine prædeterminatione, nam illa antecedit virtus gratiæ excitantis, comitatur virtus gratiæ adiuvantis, subsequitur verò quatenus ad perseverandum in gratia, bona opera multiplicando, eadem antecedens, & comitans virtus necessaria est. Cum ergo tota hæc virtus optimè sine prædeterminatione subsistat, non est necessaria ex mente Concilij prædeterminatio, ut nostra bona merita dona sint Dei.

15.

Et ob eandem causam, non sequitur posse nos in nobis, & non in Deo de aliquo nostro bono gloriari: nam ipsa libera determinatio, etiam si à nobis sit, est donum Dei, quia ab eius vocatione congrua, & auxilio nos adiuvante procedit, & qui sic de illa gloriatur, non in se, sed in Domino gloriatur. Scriptura enim (quod attentè considerandum est) cuius verba Concilium usurpat, nō prohibet simpliciter gloriari, sed in se, & nō in Domino, ut Ierem. c. 9. significavit, & exposuit Paulus 1. Cor. 1. & 2. Cor. 10. vbi simul

A prohibemur gloriari in nobis. Conceditur autem nobis in Domino gloriari. At verò sicut ex Pelagiano errore sequitur gloriatio hominis in seipso, ita ex prædeterminatione physica tollitur omnis gloriatio in Domino, quia tribuitur opus gratiæ, ut nullā gloria possit ex eo in hominem redundare etiam in Domino, quia determinatio ad bonum opus nullo modo est à libertate ipsius hominis, sed ex sola impressione diuina. Concilium autem cum Paulo ita coniungit gratiæ influxum cum operatione nostra libera, ut non possit homo in se gloriari, in Deo autem possit.

B

## CAPVT XLI.

*Expenduntur Canones 4. Concilij Mileuitani, & Arausicani, & an Deus expectet hominis voluntatem, exponitur.*

C PRæter Concilium Tridentinum nulla generalis Synodus aliquid de gratia in particulari definiuit. nam licet Ephesina Synodus Pelagianos damnauerit, non tamen ex professo doctrinam fidei tradidit, sed solum Cælestini Papæ sententiam amplexa est, ut in 6. Prolegomeno retuli. Et ideo solum de Conciliis Prouincialibus dicendum superest: nam illorum etiam auctoritas magni ponderis est, & ita illa vitur sæpe Augustinus in hac materia, ut videre licet in Epist. 90. & sequentibus, & in 105. & lib. 3. contra Iulianum cap. 1. & sæpe aliàs. Inter Concilia autem Prouincialia, quæ de gratia scripserunt, Mileuitanum, & Arausicanum sunt firmiter auctoritatis, quia & à Sede Romana probata sunt, & antiquissima traditione, & consensu totius Ecclesiæ sunt roborata, ut in 6. Prolegomeno visum est, & vnum contra Pelagianos, aliud contra Semi-pelagianos pugnavit.

Ex his verò Concilium Mileuitanum octo tantum habet canones ad gratiam spectantes, ex quibus duo primi de peccato originali, cuiusque remissione per Baptismum definiunt, in tertio verò, quarto, & quinto necessitas gratiæ adiuvantis ad cauenda peccata docetur. De quo adiutorio in sexto, septimo, & octauo traditur, in hac vita non esse tale, ut ad viuendum sine vilo peccato sufficiat. Ex omnibus ergo illis capitibus tantum hæc verba quæ in Can. 4. leguntur, aliquid possunt ad præsentem causam conferre. *Per gratiam non solum nobis reuelari, quid appetere, quid vitare debeamus, sed etiam nobis præstari, ut quod faciendum cognouerimus, etiam facere diligamus, atque valeamus*. Quæ possunt in hunc modum pro physica prædeterminatione induci, quia cum illud Concilium ait, per gratiam præstari, non intelligit tantum moraliter, sed etiam verè efficienter, ac physice; ergo efficit in nobis gratia, & ut valeamus diligere, & ut diligamus: primum autem præstat per gratiam sufficientem; ergo secundum præbet per efficacem; ergo per gratiam prædeterminantem. At verò in hac inductione cæteris omnibus concessis hæc vltima consequentia nullius momenti est; præstat enim nobis Deus tam moraliter, quam physice, ut ipsum amemus moraliter quidem per gratiam efficacem præuenientem, congruè nos vocando; physice verò per gratiam concomitantem, & simultaneam physice nos adiuvando, quod optimè fit sine vlla prædeterminatione, ut sæpe est à nobis explicatum. Cum ergo illud Concilium, non aliud gratiæ adiutorium requirat,

1.

2.

Concilium  
Mileuitanū  
quoad gratiam  
in præ-  
senti expen-  
ditur.

quitar, potius ex illius negatiua auctoritate contra prædeterminantis gratiæ necessitatem arguentur. Nec in illo Concilio aliud in hac causa consideratione dignum inuenio.

3.  
Expenditur  
Concilium  
Arausicanū.

Ex Concilio Arausicano generaliter obiciuntur nobis illæ locutiones. *Ipsa gratia facit ut inuocetur à nobis*, Can. 3. *Quoties bona agimus, Deus in nobis, atque nobiscum, ut operemur, operatur*, Can. 9. *Nemo ex eo quod videtur habere, gloriatur tanquam non acceperit*, Can. 16. *Multa in homine bona sunt, quæ non facit homo, nulla verò facit homo bona, quæ non præstet Deus ut faciat homo*, Can. 20. *Prorsus donum Dei est diligere Deum, ipse ut diligeretur dedit*. Ac denique addunt illa in quibus necessitas præuenientis auxilij definitur. Veruntamen hæc omnia confirmant potius nostram sententiam, quàm oppugnent, quatenus tantum docent nos moueri, & iuari à gratia per inspirationes, præuenientes, & adiutorium comitans, & simultaneum: nec cuius auxilij prædeterminantis mentionem faciunt. Illa enim duo auxiliorum genera per illa verba indicantur, *Deus in nobis atque nobiscum operatur*. Dicitur enim Deus operari in nobis, quando solus ipse nos mouet; operatur autem hoc modo illuminationes, & inspirationes sanctas nobis infundendo, ut idem Concilium dicit Can. 45. & 6. & 7. & per easdem dicit facere Deum, ut ipsum inuocemus, oremus, amemus, seu velimus, & sicut oportet operemur: per inspirationes autem & illuminationes non prædeterminatur physica voluntas, ut iam ostensum est. Quod si vis fiat in verbis *faciendi*, & *operandi*, quæ significant efficientiam physicam, idem respondemus quod de similibus verbis Scripturæ diximus. nam Concilium loquitur imitando Scripturam, & proximè imitatur Augustinum, de quo postea dicemus. Ac denique ipsummet Concilium sensum suorum verborum satis explicuit per verba *illuminandi*, & *inspirandi*, per quæ dicit in Can. 7. *Dare Deum suauitatem in consentiendo & credendo*. & Can. 17. *dixit, fortitudinem Christianorum Christiana charitas facit*, ubi verbum *facit* moralem certè causalitatem significat, & Can. 23. *inquit. Quando homines ita faciunt, quod volunt, ut diuina seruiant voluntati, quamuis volentes agant, quod agunt, illius tamen voluntas est à quo præparetur, & iubetur, quod volunt*. quæ est sententia Augustini tract. 19. in Ioan. & apud Prosper. 336. aliàs 338. Apud Augustinum autem voluntatem præparari à Domino, non est prædeterminari, sed congruè vocari, ut in proprio capite ostendimus. Sed aiunt, Concilium dicit hoc fieri in nobis per operationem diuinam, operatio autem diuina quid physicum est. Respondeo, etiam inspiratio est quid physicum, nam est diuinà operatio, & non ideo prædeterminat.

Augustin.  
Prosper.

Obiectio.

Solutur.

4.  
Adducuntur,  
& expenduntur  
duo alij  
Canones  
eiusdē Con-  
cilij.

Præter hæc, quæ generalia sunt, expenduntur contra nos duo alij Canones eiusdem Concilij. Prior est Can. 4. ubi Concilium damnat, *Si quis dixerit, ut à peccato purgemur, voluntatem nostram Deum expectare*, &c. Nam ex nostra sententia sequitur Deum expectare voluntatem nostram, ut eam à peccato purget, hoc autem est contra dicta verba Concilij, ut patet: ergo. Maior, seu sequela probatur, quia Deus non purgat voluntatem à peccato, nisi iam consentientem, & determinatam; sed Deus, (ut nos dicimus,) non efficaciter facit ut determinetur, ergo expectat illam ut se determinet, & sic à peccato purgetur. Ad hunc canonem respondi lib. 3. de Auxiliis c. 15. Deum non expectare voluntatem ho-

Fr. Suarez de Gratia Pars II.

minis non vocati, ut illum vocet, expectare tamen voluntatem hominis iam vocati, ut consentiat.

Hoc verò responsum acriter reprehenderunt, qui postea pro auxilio prædeterminante scripserunt. Ex quibus Camel. dicto lib. 1. disp. 4. sect. 3. runt parum à principio dixit esse sententiam falsissimam. Alij verò dicunt esse contra illud Concilium, quia sensus illius Canonis, ut aiunt, est, quòd licet quis habeat auxilium sufficiens ad conuersionem, & purgationem peccatorum, Deus postea non expectat nostram voluntatem, ut actu velit purgari & conuerti. Hunc autem esse sensum Concilij probat Aluarez ex contrario errore Massiliensium, quod Concilium damnat. Massiliensium enim sententia erat, postquam Deus vocat hominem ad penitentiam, expectare eum, ut si velit, consentiat, non autem efficere, ut efficaciter, & infallibiliter præbeat assensum; ergo hoc est quod damnat Concilium. Antecedens probat, ex epistolis Prosperi, & Hilarij ad Augustinum, & epistola 107. Augustini ad Vitalem. Et ad idem ponderat verba Concilij, quia non damnat dicentes, Deum expectare nostram voluntatem, ut illam exciter, sed non expectare, ut illam à peccato purget. Et addit rationem, *quia ut purgari velimus, sit in nobis per Spiritus sancti illuminationem, quæ debet esse operatio physica*, de qua etiam loquitur Paulus, quem Concilium allegat ad Philip. 2. cum dicit, *Deus est, qui operatur in nobis*. Vbi etiam ponderat non dicere, *operatur nobiscum*, sed *in nobis*, quod antecessorem quandam significat. Denique addunt rationes, ut rem ipsam suadeant, quia causa efficiens non expectat suum effectum, seu Deus per auxilium præoperantis gratiæ est causa, quòd homo velit; ergo non expectat illum, ut velit. Alias item rationes ab inconuenienti inducunt, quas in sequenti puncto melius proponam.

5.  
Reprehende-  
runt  
Cumh.

Aluarez.

Philipp. 2.

In quo sensu Catholico dicatur Deus expectare, vel non expectare voluntatem peccatoris, ut eum à peccato purget.

Punctum quod in intelligentia huius Canonis attingitur, est vnum ex præcipuis huius materiæ, in quo ecclesiastica definitio iure, ac merito desiderari, ac postulari potest: interim tamen dum Ecclesia aliud non definit, duo mihi videntur omnino vera, & à Theologis asserenda. Vnum est postquam Deus vocauit hominem sufficienter ad penitentiam, expectare voluntatem eius, ut eum à peccato purget. Hanc asseritionem probaui in loco citato verbis illis Apoc. 3. *Ecce ego sto ad ostium, & pulso, si quis aperuerit, intrabo*. Quia & metaphora ipsa, & modus loquendi aperte ostendunt postquam Deus pulsat, expectare responsum, sicut qui pulsat ad ostium amici, expectat responsum. Illa enim condicionalis aperte ostendit, Deum non intrare donec homo respondeat, & consequenter illum expectare. Quod eodem verbo dixit Isai. c. 30. *Expectat Dominus ut misereatur vestri*, & Deus per ipsum cap. 5. postquam numerauit omnes gratias, quibus vineam suam præparauit, inquit, *expectanti ut faceret vinas, facit autem labruscas*. Ad quæ loca respondens P. Aluarez solum ait, in illis locis per illa verba tantum significari exigere Deum ab homine quæ vocat, & à peccatis purgare vult cooperatione sui liberi arbitrij, non tamen significari expectare Deum talem cooperationem, quæ sit à nobis ex nobis, sed quæ sit donum Dei. Probatque hanc expositionem ex eodem Propheta, dicente, *Beati omnes qui expectant eum*.

6.  
Punctum ca-  
nonis.

Assertio pri-  
ma.

Apoc. 3.

Isai. 30.

Isai. 5.

Respondet  
Aluarez.

Isai. 30;



7.  
Religatur il-  
la responsio.

Sed hæc nobis non satisfaciunt. Nam esto ve-  
rum sit, ut tenera est, per illa verba explicari libe-  
ram cooperationem nostram, non est minus verum  
per illud verbum *expectandi* propriè, & sine vlla  
erroris suspitione, aut vmbra explicari. Cur ergo  
in me reprehendunt modum loquendi, quem imple-  
met Spiritus sanctus docuit? aut què credibile est  
damnasse Concilium Arausicanum propositionem  
in Scriptura expressè contentam, & non solum in  
vno loco per Prophetam à Spiritu sancto dictam,  
sed in alio etiam ex ore ipsius Dei relata? Deinde  
Scriptura sacra propriè est interpretanda vbi vel  
evidens ratio, vel cogens auctoritas aliud non do-  
cet, per verbum autem *expectat* ita significatur ne-  
cessitas nostræ liberæ cooperationis, ut etiam si-  
gnificetur debere cum determinatione nostræ li-  
beræ voluntatis inchoari, & hanc expectare Deum,  
ut illi cooperetur. Alioqui, quid expectat Deus?  
Non quidem ut fiat in nobis auxilium efficax, rum  
quia nemo expectat, quod à solo suo arbitrio pen-  
det, tum etiam, quia de vinea sua dicit Deus, *Ex-  
pectans ut faceret*, ipsa autem non est factura auxi-  
lium prædeterminans. Nec posito illo auxilio est,  
quod Deus expectet liberam cooperationem, quia  
necessariò sequitur ex illo auxilio sine vlla mora,  
& in eodem puncto, ita ut ab ipso homine impediri  
non possit. Nec etiam potest Deus expectare coo-  
perationem ab homine vocato, & non prædeter-  
minato, si illa prædeterminatio necessariò debet  
antecedere sine cooperatione ad illam, quia ex-  
pectaret rem impossibilem; non ergo determinatio-  
nem, ut à se solo faciendam, sed ut non potest fieri  
sine nobis.

8. Verbum ergo *expectandi* propriè sumptum, (ut  
sumi debet in dictis testimoniis quātum fieri pos-  
sit,) necessitatē talis prædeterminationis excludit,  
& ostendit talem, & tam veram ac propriam esse  
nostram liberam cooperationem, ut Deus verè di-  
catur expectare illam immediatè, & proximè post  
sufficientem vocationem. Nam etiam hoc includit  
verbum *expectandi*, & ideo in dicto c. 5. Isaia prius  
describuntur omnia subsidia præuia, & necessaria  
antecedenter in vinea, ut fructum posset ferre, &  
postea merito dicitur expectasse Deum ab illa ut  
faceret vinas, fecisse autem labruscas, quia vtiq̃ue  
facere poterat, labruscas per seipsam, vinas per au-  
xilia gratiæ, quibus iam erat sufficienter instructa.  
Et hoc ipsum satis apertè docet Paulus, cum ho-  
mines iā vocatos monet, *ne in vacuum gratiā Dei reci-  
piant*, 1. Cor. 6. què locum tractās Aug. lib. de Grat.  
& liber. arb. ait, *Ut quid eos rogat, si gratiam sic susce-  
perunt, ut propriam perderent voluntatem*. Vbi pro-  
priam vocat, id est, cui integrum sit in hanc, vel il-  
lam patrem se flectere, non obstante præcedente  
gratia, & vocatione. Quia verò hæc proprietas vo-  
luntatis per gratiam non destruitur, ideo merito  
rogat Paulus, & per illum Deus, ne in vacuum gra-  
tiam recipiamus; ergo à fortiori hoc ipsum ex-  
pectat Deus, nam negare, plus est, quàm expectare.

9.  
Confirmatur  
ex Concilio  
Tulcan.

Præterea veritas hæc confirmari potest ex Conc.  
Trid. sess. 6. c. 7. dicente, vnumquemque recipere  
iustitiam secundum mensuram, voluntate Dei di-  
stributam, & secundum propriam cuiusque disposi-  
tionem, & cooperationem. Ex quibus verbis colligo,  
quod licet Deus voluntate sua præfinierit vnicui-  
que mensuram iustitiæ, quam illi dare statuit, ni-  
hilominus simul decrevisse illam dare commensu-  
ratam dispositioni, & liberæ cooperationi vniuf-  
cuiusque. Ac proinde licet in ordine intentionis,  
quoad præfinitionem Deus non expectet volunta-  
tem hominis, nihilominus executionem illam,

A eiusque cooperationem expectare. Nam, ut confe-  
rat gloriam, expectat merita, & perseverantiam, &  
ut conferat habituales gratias, & iustitiam, ex-  
pectat ut homo secum diuino auxilio disponat,  
& ut conferat dispositionem, expectat liberam coo-  
perationem ad illam, quia statuit non dare talem  
dispositionem sine libera cooperatione, & hoc sa-  
tis est, ut illam expectare dicatur. Vnde etiam dixit  
Hieronymus in dictum cap. 30. Isaia. *Gratiæ mi-  
sericordia Dei qua nostram expectat penitentiam*. Et  
Prosper lib. 2. de vocat. gent. cap. 8. aliàs 2. *Terra  
vines, & de gratia imbre iam fecunda, habet, quod  
ab ipsa expectetur, ad id quod accepit augendum*.  
Eodem modo loquuntur Ambrosius, & Hierony-  
mus, quos in dicto libro de auxiliis allegavi, qui-  
bus P. Alvarez non aliter quàm ad Scripturas re-  
sponderet, & ideo euasione eius præmitto.

Hieronymus.  
Prosper.

B Secundo ergo assero verum sensum illis Cano-  
nis 4. esse Deum non expectare dispositionem, aut  
meritum aliquod proprium voluntatis humanæ,  
id est, propriis, & solis viribus suæ libertatis fa-  
ctum, ut in ea opus gratiæ suæ inchoet per vo-  
cationem, inspirationem, & alia præuenientia  
auxilia non tamen negare Concilium, postquam  
gratis Deus hominem vocauit, expectare liberam  
cooperationem eius ad consensum, ut cum à pec-  
catis purget. Hanc assertionem probō primò ex  
dictis, hæc enim posterior pars sequitur ex dictis,  
quia non potuit definire Concilium contra ex-  
pressam Scripturæ locutionem. Ex hac autem po-  
steriori parte sequitur prior, quia excluso hoc  
posteriori sensu falso, nullus aliàs verus relinqui-  
tur nisi illo prior. Secundo probatur ex verbis  
Concilij, tum quia non loquitur de vno, vel alio  
actu iustificationis, seu purgationis à peccato, sed  
de toto negotio gratiæ, quod in huiusmodi pur-  
gatione interuenit, & ita damnat dicentes ex-  
pectare Deum voluntatem hominis, ut cum à pec-  
cato purget. Deinde non loquitur de expectatio-  
ne cooperationis liberæ voluntatis à gratia præ-  
ueniente, sed simpliciter de expectatione volun-  
tatis, nimirum, ut per se quisque solis viribus ali-  
quem effectum habeat, per quem Deus gratiam  
obrineat.

10.  
Assertio se-  
cunda.

Probat.

D Denique in probationem adducit Concilium  
sententiā illam Augustino familiarem ex Prou. 8.  
iuxta LXX. *Præparatur voluntas à Domino*. Quod  
facere Deum per vocationem ideam Augustinus  
exponit lib. 2. de peccator. merit. cap. 18. & de præ-  
destinat. Sanctior. cap. 16. & aliis locis sæpe cita-  
tis; ergo non loquitur Concilium de voluntate iam  
vocata, & excitata, nam talis voluntas iam est à Deo  
præparata. Et ided testimonium illud nihil facit  
contra veram sententiam quam defendimus: nam  
licet Deus expectet consensum à voluntate post  
vocationem, nihilominus ipse est qui talem vo-  
luntatem ad consentiendum præparat. Et ided si  
sensus Concilij esset, quem aduersarij illi affigunt,  
extra rem fuisset testimonium illud. Nec plus va-  
leret aliud ex Paulo ad Philip. 2. *Deus est qui ope-  
ratur in nobis velle*, nam hoc facit Deus in nobis  
per vocationem, teste Augustino de Spiritu, &  
liter. cap. 34. & aliis frequentibus locis infra re-  
ferendis; ergo non potest loqui Concilium de  
homine iam vocato, nam licet Deus expectet  
consensum eius, nihilominus ipse erit, qui in  
ipso homine cum vult operatur ipsum velle.  
Damnatur ergo Concilium eos, qui dicebant velle,  
& desiderare sanitatem animæ præcedere in homi-  
ne sine operatione Dei, & hoc velle expectare  
Deum, ut in ipso salutis opus incipiat, & con-  
tra

11.

Expositio  
Augustini.

Philipp. 2.  
August.

tra hunc sensum optimè probant dicta testimonia.

12.  
Conuincitur  
sensus ex  
errore contra-  
rio.

Præterea conuincitur hic sensus ex errore contrario, quem Concilium in illo canone damnare intendit. Nam Synodus illa directè impugnat Semipelagianorum errorem, ut in Prolegom. 6. ostendimus. Illorum autem error fuit, initium salutis sumi à libero arbitrio aliquid per se merente, saltem volendo, & desiderando sanitatem; & ideo dicebant hanc voluntatem expectare Deum, ut hominem à peccato purget. Et ita tota contentio cum illis fuit de prima excitatione, & vocatione diuina, cur quibusdam detur, & non aliis, vel cur huic maior, aut citius, aut magis congrua, quàm illi, quod eorum referebant in solam hominis voluntatem, quam dicebant expectare Deum, ut iuxta eius affectum eam vocet. Ut autem Concilium hunc errorem damnet, necessarium fuit loqui in sensu à nobis exposito; ergo in eo loquutum est. Maior latè à nobis probata est in Prolegomen. 5. & cum res consistat in facto, testibus probanda est. Producant ergo prædicti Auctores auctorem aliquem antiquum, vel modernum, qui ante ipsos dixit, contentione cum Semipelagianis fuisse de consensu post vocationem ex auxilio gratiæ liberè præstando; an Deus postquam hominem vocauit, illum expectet, necne, non potius de vocatione ipsa, & de aliquo bono vsu liberæ voluntatis, qui præcedere possit, aut debeat. Certè qui attendit legeret epistolas Prosperi, & Hilarij, & librum Augustini de prædestinat. Sanctor. nihil aliud inueniet. Sed quia hæc in dicto Prolegom. 5. latè tractaui, repetenda hæc esse non sensui.

13.  
Probat ex  
Augustino.

Tertiò probare hoc possumus specialiter ex Augustino in eadem epistola 107. ad Vitalem, quæ in contrarium allegatur, ubi in principio ita refert errorem Vitalis, qui credebatur ante initium salutis initium non præcedere, nisi doctrinam, & legis, vel fidei propositionem, reliqua verò ex solis viribus liberæ voluntatis pendere. Vnde infra obiciendo illud Psalm. 36. *A Domino gressus hominis diriguntur, & viam eius volens, ponderat Augustinus non dixisse, & viam eius discet, aut aliquid, (inquit,) huiusmodi, quod posses dicere à Domino dari, sed homini iam volenti, ut scilicet, beneficium Dei, quo gressus hominis dirigit, ut viam eius discat, teneat, gradiatur, sua homo voluntate præcedat, & hoc Dei donum sua præcedente voluntate mereatur.* Hic ergo fuit error Semipelagianorum, contra quem, & contra Semipelagianos in progressu epistolæ disputat ex locis Scripturæ, quæ necessitatem gratiæ non solum ad progressum, sed etiam ad initium voluntatis bonæ conuincunt. Et inter alia dicit, *Deum vocatione alia, atque secreta promouere hominem, ita mouendo sensum, ut accommodet assensum.* Et infra circa finem epistolæ ait, *Quomodo dicitur, quod per legem Dei, atque doctrinam Scripturarum fiat, quod eadem Scriptura dixit, Preparatur voluntas à Domino, ac non potius per occultam inspirationem gratia Dei?* Et infra. *Quomodo expectat voluntates hominum, ut præueniant eum quibus det gratiam, &c.* Hoc ergo est quod ab Augustino damnatur, scilicet, quod Deus expectet, vel voluntas hominis præueniat ipsum, seu quod expectet meritum voluntatis operantis sua sola naturali libertate, ut ei gratiam suam communicare incipiat. Hoc ergo ipsum est quod Concilium Arausicanum in illo Canone decreuit, nam eandem doctrinam contra eun-

Psalm. 36.

Augustin.

dem errorem tradere voluit.

Et simili modo Petrus Diacon. in lib. de Incarnat. & grat. cap. 7. referens argumentationem Massiliensium, hanc dicit fuisse conclusionem eorum. *Restat ut non ille, (scilicet Deus,) excitet voluntatem humanam, sed eam expectet ab homine, ut æquum sit in volentibus præmium, in nolentibus autem iusta damnatio.* Non solum ergo dicebant Semipelagiani Deum expectare consensum, sed dicebant expectare voluntatem ad excitationem gratiæ, & consequenter illam voluntatem esse consensum quendam liberum à sola voluntate sine ullo gratiæ auxilio conceptum. Contra quem errorem ipse argumentatur ex verbis Christi, *Va tibi Corozain, va tibi Bethsaida, quia si in Tyro, & Sidone, &c.* Quod exemplum euidenter ostendit intentionem eius contra Massilienses fuisse, quod Deus non expectet præmiam bonam voluntatem hominis ad eum vocandum. Vnde in cap. 8. sic contra eos incipit. *Sed nos sequentes eundem Apostolum, omnium bonarum cogitationum originem, earumque confessionem, & voluntatem ex Deo, & per Deum, & in Deo dicimus, qui prauas hominum voluntates, & terrenis affectibus implicatas, per infusionem, & operationem intrinsecus Sancti Spiritus absoluit, & corrigit, sicut scriptum est, Preparatur voluntas à Domino.* quod infra exponens verbis Cælestini Papæ addit, *& ut boni aliquid agant, paternis inspirationibus suorum ipse tangit corda filiorum.* Affirmabant ergo Semipelagiani Deum expectare voluntates hominum, ut eorum corda suis inspirationibus tangat, & hoc est, quod expectet hominem iam vocatum, ut consentiat.

Et hoc ipsum confirmat Fulgentius in libro suo de Incarn. & grat. cap. 30. ubi respondens Petro dicit, *Ad illud, quod vestra eos dicere testatur epistola, id est, quia Deus expectat hominis voluntatem, &c.* Et in eodem sensu errorem illum accipit, & ita illum impugnat exemplo paruulorum, quibus Deus confert gratiam suam non expectata eorum voluntate, quod exemplum optimè accommodatur adultis quoad gratiam vocationis, quam Deus solus facit, non verò quoad comitantem, quæ post vocationem liberum consensum nobiscum operatur. Vnde inquit. *Si ergo ad saluandos homines, sicut isti volunt, non excitat, neque mutat, sed expectat hominum voluntates, quomodo infantes, &c.* Intellexit ergo Fulgentius sententiam Massiliensium fuisse Deum non præuenire voluntates hominum, excitando illas, ut eas mutet, & de malis bonas faciat, sed expectare illas ut bonæ esse incipiāt, & sic suam excitationem mereantur. Vnde infra suam argumentationem ita concludit. *Si enim Dei bonitas salutem non incipit hominis operari, nisi bonam eius inuenerit voluntatem, iniquum eris condemnari qui bene nec velle, nec nolle potueris.* Et infra, *Certissime credendum est, & fiducialiter consistendum, quam eandemque Dei gratiam in maioribus saluandis operari bona voluntatis initium, quæ in paruulis sine voluntate operatur saluationis effectum. Ipsa gratia infantes neque volentes, neque nolentes redimit, quæ maiores illuminando volentes ex nolentibus facit.* In quibus omnibus ponderanda sunt duo. Vnum quod tota controuersia cum Semipelagianis erat de initio bonæ voluntatis: aliud, quod hoc initium ponitur in inspiratione & illuminatione, per quam Deus congruè utique datam voluntatem ex nolente volentem facit. Vnde postea subiungit. *In paruulis salutis opus sine propriæ voluntatis assensu gratia Dei operante perficitur, quod bona voluntatis exordio diuinitus dato in maioribus inchoatur, ut opere solius gratia voluntas, quæ mala*

14.

Petr. Diacon.

Mat. 11

15.  
Confirmat  
Fulgent.

fuit, bona fiat, & deinceps gratia secum operanti ser-  
uitium obedientia cooperatricis exhibeat. Ex quibus  
verbis colligo, ad illam solam gratiam, quam Deus  
solus operatur in nobis, non expectare Deum vo-  
luntatem nostram ex mente Fulgentij, qui hoc  
asserit, ut Semipelagianis contradicat; in hoc ergo  
illi errarunt, & hoc est quod damnat Concilium  
Arausicanum, nam ut voluntas cooperetur gratiæ  
secum cooperanti, necessariò est eius obedientia  
expectanda.

16. Denique graues etiam Theologi illum Cano-  
nem ita intellexerunt. In primis Bellarminus de  
Grat. & liber. arbit. cap. 6. ubi contra quosdam qui  
dicebant, Deum non semper nos vocare, sed tamen  
paratum esse ad vocandum, si velimus, dicit eos in-  
cidere in Semipelagianorum errorem, & adiungit.  
*Expectat quidem ille, qui pulsatur ad ostium cordis, ut  
aperiatur, & ideo dicit: Si quis mihi aperueris, in-  
trabo ad eum, sed non expectat ut inuenerit ad pul-  
sandum, sed ipse praeuenit pulsando, & vocando, ut de-  
finitum est in Concilio Arausicano can. 4.* Similiter  
Vega lib. 6. in Trident. c. 5. inter alia quæ contra  
nostram liberam cooperationem obiicit, quarto

Item Vega. loco ponit hunc Canonem 4. Concilij Arausicani  
dicentis. *Deum ut à peccato purgemur, voluntatem  
nostram non expectat.* Et responder, *Verum hoc ad  
gratiam praeuenientem referendum est, non ad instifi-  
cantem; ideo enim dictum est, Deum voluntatem no-  
stram non expectare, quia ut instificemur, ipse nos prae-  
uenit, ut velimus, & assentiamus, & cooperemur sua  
vocationi.* Per gratiam autem praeuenientem Vega in-  
telligit excitantem, ut in solutione primæ obie-  
ctionis latè declarauerat; ad hanc ergo ait, non ex-  
pectare Deum voluntatem nostram, ad cooperan-  
tem autem apertè vult Deum cooperationem no-  
stram expectare. Quin porius etiam Medina lib. 2.

Medina. q. 109. art. 6. dub. 1. idem argumentum quarto loco  
proponens contra libertatem consensus responder,  
sensum definitionis Arausic. Concilij esse, quòd nos  
non praeuenimus Deum, sed ipse nos praeuenit in bene-  
dictionibus dulcedinis dādo consensum libero arbitrio,  
quæ verba verissima sunt; in verbo tamen dandi  
potest esse æquiuocatio, possuntque illud defenso-  
res prædeterminationis de illa interpretari, præser-  
tim cum Medina non sit ab illa sententia alienus.

Idem: Nihilominus tamen idem Auctor in secundo du-  
bio vltimum argumentum ita proponit. *Deum ex-  
pectat nostrum consensum, ut nos conuertat, ut supra  
demonstratum est.* Et postea in solutione non negat  
hoc antecedens, sed ait. Respondetur, quòd *Deum  
expectat nostrum consensum.* (nam, ut ait Augustinus)  
qui creauit te sine te, non soluabit te sine te. Verum  
non expectat nostram voluntatem, quasi ipsa praeueniat,  
& inde sit initium boni, sed ut sequatur, & obediat  
diuinæ vocationi. Quæ est vera, & genuina intelligen-  
tia Concilij. Et licet vltimum verbum possit ad præ-  
determinationem detorqueri, tamen verbum ex-  
pectat nullo modo habet locum respectu illius, ut  
declarauimus. Vnde etiam optimè dixit Soto lib. de

Soto. Natur. & grat. c. 15. *Cum Deus tam sit præstō, qui no-  
bis opituletur, nimirum, qui irradiare Principum corda  
sed ipse iniustitia nunquam cessat, quid causa esse potest,  
cur non instauratur, nisi quia assensum nostrum expe-  
ctat, & operari, quod testimonio Apocalypsi. & alijs  
confirmat.*

17. Ad obiectionem ergo ex illo Canone sumptam  
Occurritur obiectioni ex illo Canone sum-  
pta. Contenta in respondemus negando illam dicti Canonis inter-  
pretationem. Et ad probationem similiter dicimus  
malè reformari Semipelagianorum sententiam in  
illo Canone damnatam, & peius ad nostram com-  
parari. Tria enim in illa sententia Massiliensium

A continebantur. Primum expectare Deum hominis  
voluntatem, ut illam vocet, secundum id, quod in  
illa expectat, esse aliquale meritum, vel impetra-  
tio primæ gratiæ auxiliantis. Tertium illud meri-  
tum esse aliquod opus liberum solis viribus hu-  
manæ voluntatis factum, & hæc sunt, quæ in  
illo Canone damnantur; ut in dicto Prolegom. 5.  
& hinc iterum dixi. Nos autem contra primum  
dicimus, Deum non expectare voluntatem homi-  
nis, ut illam excitet, sed vocare illam iuxta men-  
suram voluntatis suæ & gratiæ; nihilominus ta-  
men affirmamus expectare voluntatem hominis,  
ut gratiam cooperantem, vel subsequenter actu  
illi conferat. Secundò addimus, ut Deus has gra-  
tias conferat, non expectare aliquod meritum  
fundatum in volitione aliqua libera solis naturæ  
viribus facta; nam hoc etiam damnatum est in di-  
cto Concilio Can. 3. & 6. Tertio dicimus expecta-  
re Deum liberam cooperationem nostræ volunta-  
tis iam vocatæ, ut recipiat diuinam inspirationem  
in solis viribus, sed per diuinam gratiam adiuta,  
ut dixit Concilium Tridentinum dicto cap. 5. vi-  
delicet quisquam credat esse necessariam præuiam  
excitationem Dei, ad quam Deus non expectet  
voluntatem hominis, si diceret post illam nihil  
amplius operari gratiam, sed expectare Deum, ut  
voluntas solis suis viribus naturalibus liberè con-  
sentiat, cum Pelagio quoad hanc partem sentiret,  
quia concessa excitante gratia, adiuantem nega-  
ret, utramque autem secundum fidem confiteri  
necesse est, ut in superioribus est ostensum. Nun-  
quam ergo expectat Deus in negotio salutis, ut  
homo solis suis viribus operetur, & nihilominus  
expectat, ut suum arbitrium cum adiutorio gratiæ  
flectat, & illi sese accommodet ad inspirationem  
diuinam liberè recipiendam.

Quartò hinc colligimus Deum postquam ho-  
minem vocauit ad dandum illi gratiam cooperan-  
tem, seu auxilium simultaneum, non expectare  
ab illo aliquem actum voluntatis integrum, (ut  
ita dicam,) qui ordine naturæ præcedat, & conse-  
quenter non expectare ab illo aliquod meritum,  
vel dispositionem, sed solam quasi partialem con-  
causationem. Prior pars declaratur, quia post vo-  
cationem immediatè expectatur consensus, qui, ut  
dixi, non sit solis viribus voluntatis, omnis enim  
alius actus solis viribus naturæ factus, & est imper-  
tinens, & non est meritorius auxilij voluntatis ad  
consensum; ergo nihil huiusmodi expectat Deus.  
In ipso autem consensu licet operetur voluntas  
hominis cum gratia adiuuante, non tamen ope-  
ratur prius quàm illa, & ideo non potest coope-  
rantem gratiam mereri, nec ad illam se disponere;  
ergo non hoc expectat Deus, sed cum vocante gra-  
tia ex se gratis offert cooperantem. Quia verò ita  
offert cooperantem gratiam voluntati vocatæ, ut  
nec sine illa, nec priusquam illa operetur, ideo ne-  
cesse est, ut liberum influxum simultaneum, &  
concausantem expectet. Vltimò addimus ad dan-  
dam aliquam obsequentem gratiam, expectare  
Deum voluntatem hominis, ut prius saltem natura  
aliquod opus liberum faciat non sola, sed cum coo-  
perante gratia, in quo opere aliqua ratio meriti,  
vel dispositionis inueniri potest. Sic enim ut in-  
fundat gratiam homini vocato ad poenitentiam, ab  
illo expectat ut consentiat, & conuertatur ad ipsum  
liberè, iuxta illud Zachariæ 5. *Conuertimini ad me,*  
in quo libertatis nostræ admonemur, ut dicit Conc.  
Tridentinum, libertatis vtrique non per se operan-  
tis, sed gratiæ cooperantis conuersionem, quam  
Deus expectat, ut per sanctificantem gratiam ad  
nos

sententia  
Massilien-  
sum, quæ  
damnatur,  
& re-  
feruntur.

18.  
Corollarium

Declaratur  
prior pars.

Zacharia 5.



nos conuertatur. Contra hos ergo modos expectandi voluntatem nihil facit Canon Concilij Arausicani.

19.  
Obiectio.

Retorque-  
tur.

Neque etiam obstat, quod ex Augustino in dicta epistola ad Vitalem obicitur, nimirum, quia si Deus expectat voluntatem excitatam ut consentiat, si velit, sequitur non facere Deum efficaciter, & infallibiliter, ut homo consentiat, quod est contra Augustinum citato loco. Respondemus enim concedendo Semipelagianos nihil distinxisse inter vocationem congruam, vel non congruam, efficacem, vel non efficacem, sed absolute dixisse omnem vocationem dari ex hominis merito, praeuia bona voluntate naturali, vel praecedente in re ipsa, vel saltem in praescientia diuina: & hoc modo posuisse causam totius praedestinationis, etiam primae vocationis ex parte hominis sua libera voluntate operantis. In quo errarunt, & reprehenduntur ab Augustino in illa epistola, & aliis locis. Hic autem error non sequitur ex hoc, quod Deus post vocationem gratis datam expectet hominis liberam cooperationem ad consensum, quia etiam illa, cum datur, est effectus ipsius vocationis, & gratiae adiuvantis, & ideo non potest esse meritum, aut causa vocationis, vel praedestinationis, cum sit effectus eius.

20.

Neque etiam sequitur ex dicta Dei expectatione, quod Deus non vocet quos vult, ita ut efficaciter eos faciat consentire: quia inter vocationes datur aliqua efficax, quam Augustinus ibi *altam*, & *secretam* vocat, alibi *congruam*, & secundum propositum, & sicut absolute gratis vocat, ita etiam gratis sic, vel sic vocat. Et nihilominus etiam quando congrue vocat ad perfectionem operis, expectat in executione cooperationem liberam voluntatis, quamvis non certo praesciat infallibiliter esse futuram: hoc enim non est contra expectandi proprietatem. Et per hanc vocationem simul operatur Deus ut velimus, & expectat, ut ad volendum cooperemur; haec enim duo non sunt repugnancia, sicut non repugnant Deum operari in nobis velle, & expectare ut fiat etiam a nobis. Et ita patet etiam responsum ad aliam verborum ponderationem, nam verbum *operandi*, & physicam efficientiam significare potest, quatenus Deus verè & physicè efficit in voluntate inspirationem, per quam illam vocat, & potest causalitatem etiam moralem significare, quatenus per illam excitationem allicit voluntatem ad consensum, ut in superioribus explicatum est.

21.

Ad ultimam rationem, quod causa non expectat suum effectum respondeo, Deum propriè non expectare suum effectum, ut illummet effectum producat, sed expectare concausam liberam, ut secum coefficet. Deus enim per suam preuenientem gratiam non est adaequata, vel vnica causa efficiens consensum humanae voluntatis, sed determinationis eius, sed est primaria causa, quae operari non vult ipsum consensum sine alia causa libera, & ideo expectat cooperationem, vel, (ut ita dicam,) condeterminationem eius. Quod si instetur, quia licet Deus ut faciens consensum, non sit sola causa illius, nihilominus ut facit voluntatem velle per gratiam praepoerantem est causa vnica. Respondeo, ut sic non esse causam actualiter efficientem consensum, sed solam vocationem ad consensum, & ad illam efficiendam, non expectare voluntatem hominis; illa verò vocatione iam facta, per illam non facit actualiter voluntatem velle, & ideo illam expectat, ut secum faciat determinationem, seu ipsum velle. Vnde Augustinus in dicto c. de

Instantia:

Remouetur.

A grat. & liber. arbit. postquam dixit, *Ut quid eos vocat, si gratiam sic susceperunt, ut propriam perderent voluntatem?* subiungit. Tamen ne ipsa voluntas sine gratia putetur aliquid posse continere, cum dixisset, *Gratia eius in me vacua non fuit, sed plus illis omnibus laboranti*, subiungit, & ait, *Non ego, sed gratia Dei mecum, id est, non solus, sed gratia Dei mecum, ac per hoc ne gratia Dei sola, nec ipse solus, sed gratia Dei cum illo. Ut autem de caelo vocaretur, & tam magna, & efficacissima vocatione conuerteretur gratia Dei erat sola.* Ad vocationem ergo nihil est quod expectetur, ad effectum autem vocationis liberam voluntatis cooperationem expectari, necesse est. Vnde si determinatio ipsa libera voluntatis consideretur ut est effectus Dei, sub ea ratione non expectatur à Deo, sed sit, prout est verò à libero arbitrio, sic expectat Deus, ut voluntas humana secum in illum influat. Denique addo quando vna causa habet plures effectus inter se subordinatos, rectè posse expectare vnum, ut faciat alium, & sic Deus expectat organizationem corporis humani, ut creet animam, quamvis organizationem etiam ipse faciat. Et ita etiam ut gratiam sanctificantem infundat, expectat hominis conuersionem, quamvis hanc etiam ipse faciat. Nunquam tamen dicitur expectare illum effectum, ut ab ipso est, sed ut futurus est ab alia concausa, & propriè tunc habet locum, quando efficientia alterius causae non est omnino ad vnum determinata, ut satis declaratum est.

C Vltimò in hoc puncto adnotare libet quendam modernum Scriptorem mihi hac occasione imposuisse, quod in Metaphys. disp. 2. sectione 4. dixit, *Providentiam Dei expectare determinationem voluntatis humanae*, & in hoc dictum inuehitur, quia sic subtraheretur providentiae libera nostrae voluntatis determinatio, quia supponeretur providentiae, & quod alicui causae supponitur, ab illa non fit. Sed illa propositio in terminis non inuenitur in dicto loco Metaphysicæ, nec in aliis scriptis meis. Neque sequitur ex hoc, quod Deus expectet voluntatem nostram ad ipsam determinationem cum illa faciendam. Neque ex eo, quod expectet voluntatis consensum ad aliam subsequente gratiam conferendam, sequitur expectare illum ad totum ordinem providentiae suae, prout per illam propositionem significatur. Quocirca cuiuscunque sit illa propositio, ut nimirum est ambigua, & non simpliciter proferenda, quia providentia est aeterna, & comprehendit utrumque ordinem intentionis & executionis, & sub utroque cadunt liberae determinationes humanae. Et ut Deus per suam providentiam antecedenter de illis disponat, non expectat illas, nec cooperationem voluntatis, quia dispositio providentiae antecedit executionem, & determinationem. Et hoc modo simpliciter loquendo libera determinatio, & cooperatio voluntatis, est sub providentia vel prohibente, vel permittente. & offerente generalè concursus, ut in operibus malis, vel ordinare, consulere, praecipiente, vel etiam praefiniente in operibus gratiae. Et ita quoad haec omnia providentia non expectat cooperationem liberam voluntatis. At verò quoad ea, quae pertinent ad ordinem executionis, providentia, vel potius gubernatio diuina expectat voluntatem humanam, vel ut cooperetur ad faciendum consensum, vel ut illi tribuat poenam, vel praemium iuxta eius cooperationem. Et sic in praesenti materia non dicitur verè praedeterminatio diuina, expectare determinationem humanam, & consequenter neque vocatio quae est primus praedestinationis, vel supernaturalis providentiae effectus: iustificatio autè diuina rectè

22.  
Auctor Scri-  
ptori sibi im-  
ponenti re-  
spondet.

dicetur expectare illam, & eadem ratione cooperatio auxilij diuini dicetur expectare cooperationem arbitrij: quia isti sunt particulares effectus prouidentia gratia, qui secundum ordinem executionis à cooperatione voluntatis pendent, quam Deus perinde expectat.

## CAPVT XLII.

*Expenduntur canones quintus, & vigesimus quintus Concilij Arausicani, & an initium bonæ operationis sit, vel non sit, à libero arbitrio, declaratur.*

I.  
Inducitur  
Canon. 5. &  
25. Concilij  
Arausicani.

**A**lter Canon illius Concilij, qui in hac causa inducitur, est Canon quintus, ubi damnatur, qui dixerit initium fidei esse ex nobis, & non esse ex Deo, quod generalius dicitur in Canone 25. *Hoc salubriter profitemur, & credimus quod in omni opere bono nos non incipimus.* Nam hoc (aiunt) intelligendum est de initio proximo, non de remoto tantum, seu de initio efficaciae gratiae, non tantum de sufficiente, quia solus non inchoatur, nisi per gratiam efficacem, nec bonum opus incipit proprie, nisi cum voluntas incipit ad consensum determinari. Vt ergo vera sit vniuersalis illa definitio Concilij, necesse est ut voluntas nostra in suo bono consensu à Deo prædeterminetur, ut sic Deus incipiat in nobis bonam voluntatem. Alioqui si voluntas est, quæ se determinat, illa inchoat bonum opus, & non Deus, & sic falsum est quod in omni opere bono nos non incipimus.

2. Propter hoc argumentum solent alij Auctores nobis tribuere, quod asseramus initium bonæ operationis, ita esse nostrum, ut non sit Dei mouentis: eoque progrediuntur, ut nos affirmare dicant initium consensus liberi esse ex nobis solis, secluso Deo, ut F. Dauila expressè dicit locis citatis, & Ledesma sentit, dicens, ex nostra sententia sequi, quod diuina voluntas non faciat realiter in nobis quod vult, sed duntaxat moraliter, ut per nostrum liberum arbitrium nos applicemus ad actionem, & simus soli causa physica applicandi illud donum ad vsum. Vnde inferunt etiam vterius, sequi ex nostra sententia gratiam esse pedissequam nostræ voluntatis, & ita contra nos inducunt canonem sextum eiusdem Arausicani, quatenus damnat eos, qui *humilitati, aut obedientia humana subiungunt gratia adiutorium.* Probat sequela, quia si Deus non prædeterminat voluntatem nostram, ipsa præcedit saltem ordine naturæ inchoando suam determinationem, & obedientiam, & applicando se ad opus, (ut Ledesma inibi tribuit,) *prioritate quadam causalitatis physica, & realiter, ut statim Deus influat ex vi sua voluntatis antecedentis.* Est ergo gratia pedissequa voluntatis, non è contrario. Nec hoc inconueniens vitatur per hoc quod gratia antecedens præcedat, quia licet præcedat in essendo, (ut Dauila obiicit,) in operando est posterior iuxta nostram opinionem.

3.  
Caluin.

Priori ac principali argumento vsus est Calvinus in suo Antidoto contra Concilium, quod docet, gratiam infundi vnicuique secundum propriam dispositionem, & cooperationem, contra quod obiicit, *Quia hoc gratia initium est, ut ex nolentibus faciat volentes, ut fides iam in suis exordiis, quam incrementis usque ad ultimam perfectio-*

**A** nem Dei sit donum. Cui respondet Ruardus dicto art. 7. circa finem aiens: *Nec gratia initium est, quod ex nolentibus, ac repugnantibus faciat volentes, sed est magnus in ea progressus; procedunt enim sanctæ cogitationes, &c.* quæ responsio continet sensum verum Arausicani Concilij, cuius canones sumpti sunt ex doctrina Augustini, qui ad redarguendos Semipelagianos initium iustitiæ, & boni operis reducit ad sanctam cogitationem, ut patet lib. de prædestinat. Sanctor. cap. 2. & sequentibus, & lib. 2. contra duas epistolas Pelagianorum cap. 8. seu, quod idem est, ad vocationem. Vnde in quæst. 2. ad Simplician. inter alia dicit, *Quia non præcedit voluntas bonæ vocationem, sed vocatio bonam voluntatem, propterea vocanti Deo tribuitur, quod bene volumus.* Similia habet lib. 83. quæstion. quæst. 68. Et similiter Cælestinus Papa epistola 1. cap. 8. hoc initium vocat *instinctum Dei*, cum Zosimo Papa, & Concilio quodam Aficano: at verò non est aliud instinctus, quam vocatio, vel inspiratio, aut excitans gratia, ratione cuius bonorum operum initium Deo tribuitur. Ideo utique, ut ibidem dicitur, *quia præparatur voluntas à Domino, & ut boni aliquid agat paternis inspirationibus suorum tangit corda fidelium.* Et eodem modo loquuntur de initio salutis passim contra Semipelagianos Prosper, Fulgentius, & Petrus Diaconus in operibus contra illos, quibus consonat Bernardus lib. de Grat. & liber. arbit. in principio dicens, *Gratia operanti salutem, cooperanti datur liberum arbitrium, dum consentit, hoc est, dum saluatur: consentire enim saluari est.* Non est ergo initium salutis, sed magnus progressus, ut dicit Ruardus. quod pluribus verbis circa finem libri Bernardus prosequitur, quæ paulo post commemorabo.

**C** Primùm ergo dicimus Concilium Arausicanum in hoc sensu loquutum esse de initio fidei, vel boni operis, doctrina enim eius contra Semipelagianos est, & fidem, & voluntatem credendi initium in nobis sumere ab inspiratione diuina gratis data, & non ex aliquo bono desiderio, vel in vocatione, aut obedientia, quæ in nobis præcesserit, quod præter omnia dicta ex verbis eius licet intelligere. Nam in dicto Can. 5. *initium fidei dicit fieri per inspirationem Spiritus sancti, & per illud fieri, ut velimus, & cap. 7. repetit, absque illuminatione, & inspiratione Spiritus sancti.* Ac tandem in cap. 25. postquam dixit, *in omni bono opere nos non incipere*, addit, *sed ipse nobis nullis præcedentibus bonis meritis, & fidem & amorem sui ipsius inspirat.* Et iuxta hanc intelligentiam loquutum est de exordio iustificationis Concilium Tridentinum dicta sess. cap. 5. & de initio fidei, spei, & charitatis, in can. 3.

**E** Cum ergo nos ante omnem consensum bonum, & ante liberam determinationem ad illum supponamus præcedere initium gratia per sanctam cogitationem, & piam excitationem voluntatis, quæ voluntatem inclinet, & inducat in consensum, superflue contra nostram sententiam hæc definitiones afferuntur. Et ab omni recto sensu alienum est, per hoc initium prædeterminationem velle intelligere. Tum quia nec Concilium Arausicanum, nec alij Patres tale auxilium explicarunt, tum etiam, quia ante illam præcedit vocatio: tum denique, quia illud initium omnibus operibus naturalibus commune est, imò etiam malis, ut actiones positivæ sunt, (iuxta illam sententiam,) atque ita si illud est initium operis boni, de quo tractat Concilium, eadem definitio

Ruardus.

August.

Cælestinus PP.

Zosimus PP. Conc. African.

Prosper. Fulgentius. Draconius.

Bernard.

Ruardus.

4. Aff. pro prima de initio fidei, vel boni operis.

Conc. Trid.

5.

Suppositio.

definitio habebit locum in operibus, quæ ad gratiam non pertinent, quod absurdissimum est. Præterea hoc declaratur, quia Concilium loquitur de initio fidei, vel boni operis, quod Deus in nobis sine nobis operatur hoc autem: non est nisi initium, quod in vocatione, seu excitatione positum est, pertinet enim ad illa bona, quæ sunt in homine, & ea non facit homo, ut supra diximus. At verò aliud initium quod in ipso consensu, vel determinatione libera consideratur, non fit à solo Deo, ut iam diximus, & iterum statim dicemus. Vnde est illud Bernardi in dicto libro in fine. *Deus tria hæc (hoc est, bonum cogitare, velle, & perficere,) operatur in nobis, primum profectò sine nobis, secundum nobiscum, tertium per nos.* Et infra. *A Deo sine dubio fit nostra salutis exordium, nec per nos utique, nec nobiscum; verum consensus & opus etsi non ex nobis, non iam tamen sine nobis.*

Bernard.

6. Vnde addo secundò distinctionem illam de duplici initio proximo, vel remoto in præsentia superuacaneam esse, & frustra inuentam esse ad sensum Concilij detorquendum. Quia Concilium non tractat de initio actus boni, quod sit aliquid intrinsecum ipsi actui, & quasi pars eius, sed de initio, quod hominem mouere incipit ad talem actum, quod, per se loquendo, seu ex necessitate non est, nisi vnum, quod est primum gratiæ auxilium, & vocatur principium causaliter, & effectiue, non materialiter. Addo etiam in ipsomet actu consensus non distingui initium intrinsecum & proximum ab actu, nisi fortè ipsa actio per quam fit qualitas illa, quæ est actus, vocetur initium eius, quod physicè considerari potest, moraliter autem nihil refert, quia in ipsa actione consistit moralis, ac libera determinatio, cuius initium est diuina vocatio, & inspiratio: ipsa autem effectio consensus, iam est ipsa libera pietatis operatio; ergo non datur ibi initium ab actione libera, & à vocatione distinctum, quod sit medium inter utranque. Solum ergo ratione vocationis, & excitationis præuiz dictum est à Concilio, quod in omni bono opere nos non incipimus.

7. De altera verò distinctione ad eundem finem inuenta de duplici initio salutis, vel conuersionis absolutè, vel de initio efficacis, quorum primum ponitur in vocatione, secundum in prædeterminatione, dico in primis, illam distinctionem in Patribus non reperiri, solum eos loqui de initio salutis, vel bonæ voluntatis per vocationem, & inspirationem diuinam, & consequenter de illo intelligi prædicta decreta. De alio verò initio, quod efficacis vocatur, dico, si aliquid est, non esse prædeterminationem, sed vel aliquam vocationem, vel actionem ipsam liberam, quæ à voluntate vocata cum Dei auxilio fit. Nam cum dicitur initium efficacis, dupliciter potest sumi, vno modo pro initio actus efficaciter, ita ut semper habeat effectum, in quo sensu illud additum efficacis sumitur in vi adiectiui, ut idem sit, quod initium efficax. Et tale initium non distinguitur à vocatione congrua, & efficaci, & de tali initio efficaci etiam loquitur Concilium Arausicanum, quia illud etiam datur à solo Deo, & merè gratis, & prius saltem natura, quàm homo liberè determinetur. Ex hoc verò sensu nullum argumentum sumitur ex dicta definitione Concilij contra nos, imò nos inde argumentum sumimus, quod hoc initium efficax sufficiat, ut in omni bono opere nos non incipiamus, quia semper præcedit efficax voca-

tio Dei. Alio igitur modo initium efficacis dicitur, initium formale, (ut sic dicam,) ipsius consensus, quod non est aliud, nisi actio eius, quæ, ut dixi, potest dici initium intrinsecum ipsius actus, sicut potest actio dici initium sui termini, & ad hoc significandum dici potest efficacis, id est, actualis effectio ipsius consensus. Et hæc acceptio initij est, (ut dixi,) extra mentem Arausici Concilij, & ideo quidquid de illa sit, nihil ad præsentem difficultatem refert.

8. Dico igitur tertio, loquendo in hoc sensu de initio proximo, seu efficacis consensus voluntatis, tale initium ab ipsa voluntate fieri, non tamen sola, sed simul cooperante, & adiuvante Deo physicè efficienter, ac propriissime, & ideo propter tale initium non esse necessariam, nec possibilem prædeterminationem, salua nostra libertate. Hoc satis probatum est in superioribus, supposita explicatione terminorum, & ideo non oportet probationes repetere; præsertim cum hæc sit expressa sententia Bernardi in verbis citatis, & Augustini etiam in locis allegatis, præsertim dicta q. 2. ad Simplician. & q. 68. & 83. & lib. 1. Retract. cap. 13. ibi recognoscit, quod dixerat in lib. quarundam proposit. in epistola ad Roman. *Nostrium est credere, & velle verum est,* (inquit,) *sed eadem regula, scilicet, quod utrumque, (utique credere, & bene operari, aut velle,) Dei est, quia ipse preparat voluntatem, & utrumque nostrum, quia non fit, nisi volentibus nobis.* Et adiungit, *Ac per hoc, quod etiam postea dixi, quia neque velle possumus, nisi vocemur, & cum post vocationem voluerimus, non sufficit voluntas nostra, & cursus nostri, nisi Deus & vires currentibus præbeat, & perducas quò vocat, &c. Verissimum est, sed parum de ipsa vocatione deserui, quia sit secundum propositum.* Vbi apertè docet quidquid post vocatione fit in nobis, non fieri sine nobis, quamuis etiam non fiat sine viribus gratiæ, neque dixit necessarium esse aliud principium efficacis, quod sine nobis fiat præter congruam vocationem. Quapropter longè alienum est à nostro sensu dicere, initium efficacis ita esse nostrum, ut non sit Dei, quia potius asserimus ita esse Dei, ut non etiam nostrum. Nec etiam asserimus esse à Deo tantum moraliter, sed etiam physicè; sed dicimus etiam physicè non tantum esse à Deo, sed etiam à nobis, neque etiam in hoc genere causalitatis per se, & physicè est prius natura à Deo, quàm à nobis, licet neque prius sit à nobis, quàm sit etiam à Deo per propriam, & simultaneam efficientiam. Quæ omnia latissime sunt à nobis in superioribus probata, & sæpius declarata. Ac denique non minus doctrinæ nostræ, repugnat dicere, ita voluntatem nostram se ad agendum, seu volendum applicare, ut nos soli simus causa physica applicandi præuenientem gratiam ad usum: nam licet nos simus causa, non tamen sine Deo, & ideo non soli; parum enim refert mutare nomen consensus, aut determinationis in nomen applicationis, nam res eadem est, & quidquid est, si à nobis sit, etiam à Deo fit, & si est aliquid supernaturale, non fit sine cooperatione, & influxu alicuius principij gratiæ, & supernaturalis. Quod dicitur applicari à nobis, non quia nos soli aliquid in illud efficiamus, sed quia veluti vltima concausa, quæ ad illum usum gratiæ expectatur, est nostrum arbitrium, ut supra declarauimus.

8. Assertio tertia de initio proximo, seu efficacis consensus voluntatis.

Bernard.

August.

9. Vnde vltimò colligo frustra nobis obiici, quod gratiam faciamus pedissequam arbitrij, vel quod illam humanæ obedientiæ subiiciamus. Quia in primis

9. Corollarium.



primis obedientia, quæ per hanc determinationem liberam datur Deo vocanti, non fit sine adiutorio gratiæ, ut dixi; ergo illa non potest dari obedientia humana in sensu, in quo loquebantur Semipelagiani, quos damnat Concilium specialiter illa voce utens, can. 3. & 6. sed dicenda est obedientia supernaturalis, & quodammodo diuina, sicut inuocatio humana dicitur, quæ sine spiritu fidei fit, quæ autem à diuina inspiratione procedit, iam non est humana. Deinde ista obedientia supponit gratiam præuenientem, & est effectus eius; ergo determinatio ex parte voluntatis est pedissequa illius gratiæ, & non è conuerso. Nam per illam gratiam inducitur voluntas, dirigitur, & gubernatur, & voluntas illi subiicitur. Vnde hæc gratia non tantum præcedit in essendo, ut obiectebatur, sed etiam in causando, vel formaliter physice efficiendo intellectum, & voluntatem effectiue moraliter suadendo, & excitando, ac finaliter alliciendo. Et quatenus est principium adiuuans, actualiter etiam præcedit ordine nature. Ipse verò influxus gratiæ adiuuantis est omnino simul, & ideo nec respectu illius potest gratia adiuuans dici pedissequa, sed solum comitans, quod verissimum est. Igitur ex eo quod prædeterminatio physica non præcedat, non sequitur præcedere nostram determinationem ad influxum gratiæ concomitantis, & ideo nullo modo sequitur, gratiam esse pedissequam liberi arbitrij, ut sæpe responsum ac declaratum est.

14.  
Epilogus ca.  
p. iij.

Concludo igitur, nullum argumentum in fauorem physice prædeterminationis ex illo Concilio sumi posse. Ex quo in primis pro nobis resultat argumentum ab auctoritate negatiua, quod, ut sæpe dixi, in hac materia est vrgens, quia hæc Concilia accuratè doctrinam de Gratia tradiderunt, præsertim, quæ necessaria erat contra errores, quos refellebant. Secundò sumimus argumentum etiam positium valde probabile, ex verbis quibus illud Concilium nobis declarat præuenientia auxilia, eorumque causalitatem, & efficientiam, semper enim vitur nominibus significantibus vitales actiones intellectus, & voluntatis, & modum moraliter excitandi, & mouendi. Talia sunt illa verba Canonis 5. *per inspirationem Spiritus sancti corrigentis voluntatem*, per quæ explicat similes locutiones Scripturæ ad Philipp. 1. & ad Ephes. 2. Item illa Canon. 6. *ut hac omnia agere valeamus, per infusionem, & inspirationem Spiritus sancti in nobis fit*. Et illa Can. 7. *Non absque illuminatione, & inspiratione Spiritus sancti, qui dat omnibus suauitatem in consentiendo, & credendo veritati*. Nullis enim verbis poterat moralis inductio melius declarari. Nec refert quod vitatur etiam verbis faciendi, & operandi, & nomine operationis, tum quia hæc voces generales sunt, & declarantur per alias proprias, & specificas, tum quia inspiratio est propria operatio, & effectio Dei in nobis. Vnde per illam facit Deus, ut velimus, ut in superioribus declaratum est. Vltimò expendimus illa verba Canonis 15. *Hoc etiam secundum catholicam fidem credimus, quod accepta per Baptismum gratia, omnes baptizati Christo auxiliante, & cooperante, quæ ad salutem pertinent, possint & debeant, si fideliter laborare voluerint, adimplere*. Hæc enim verba vera esse non possunt, nisi auxilium illud quod necessarium est ad consentiendum gratiæ, eaque bene vitendum ad seruanda mandata, sit in hominis potestate, quod esse non potest si sit physice prædeterminans. Item illa conditio, *si fide-*

**A** liter laborare voluerint, aperte ostendit hominem posse impedire, vel non impedire efficacius auxilium, quod tamen de prædeterminante dici non potest, & ideo ab eodem Concilio per inspirationem declaratur, dum ait, *Ipse nullus præcedentibus bonis meritis, fidem, & amorem sui prius inspirat, ut & Baptismi sacramentum fideliter requiramus, & post Baptismum cum ipsius adiutorio, ea quæ sibi sunt placita, implere possimus*.

## C A P V T XLIII.

*Quid alia Concilia, vel Pontifices summi de gratia efficaci senserint.*

**P**ost superiora Concilia vsque ad nostra tempora in cæteris Prouincialibus Conciliis nihil ferè de Gratia traditum est. Nam licet anno Domini 855. Concilium Valentinum Galliæ tempore Benedicti terrij celebratum controuersiam de gratia tetigerit, solum approbat, & sequitur quod in prioribus Conciliis definitum fuerat. Quatenus autem in cap. 2. definit, malos ideo perire, quia boni esse non possunt, & cap. 3. damnat cum Concilio Arausicano dicentes, aliquos esse prædestinatos ad malum, potest eius auctoritas contra prædeterminationem physicam induci. Sed de hoc satis & generaliter dictum cap. 3. expendendo rationes de auxilio sufficienti, & lib. 3. excludendo prædeterminationem ad malum.

Pro nostra ergo sententia solum expendimus doctrinam Concilij Senonensis, de cuius auctoritate in Prolegom. 6. dixi. Illud ergo Concilium in decretis fidei, cap. 15. multa docet quæ ad præsentem causam multum referunt, & ideo accuratè expendenda sunt. Nam quædam sunt verba quæ nostram sententiam aperte docere, alia verò quibus physicam prædeterminationem omnino refellere videtur. Priora verba huiusmodi sunt. *Neque liberum arbitrium asserentes diuinam excludimus propterea gratiam, quod illi, (id est, Nouatores,) falso toties imponere non verentur, atque hoc fumo credulorum oculos perstringere, sed iuxta Scripturam sacram eo extendimus, ut voluntas humana misericordia præuenientis auxilij suffulta, & interiori quodam, & occulto secretioris inspirationis afflatu contacta sese conuertant in Deum, Deo appropinquet, & ad veram illam gratiam sese præparet, quæ tandem accepta sit ad vitam æternam*. In quibus verbis in primis aduertimus, non loqui Concilium solum de gratia, qua voluntas humana se potest conuerrere, sed de gratia, qua se conuertit, & ad sanctificantem gratiam præparat, ait enim ad hoc extendi libertatem humanæ voluntatis, *ut afflatu diuinæ inspirationis contacta sese conuertat in Deum, &c.* non ergo tantum ut possit, sed etiam ut sese conuertat. Per inspirationis autem afflatum, seu contactum, certè non intelligit prædeterminationem, sed quod Scriptura illis verbis solet significare, & quod Concilium Tridentinum dixit, *Ita ut tangente Deo* Concil. Trid.

1.

2.  
Concilium  
Senonense  
expenditur.

suum consequatur, ac subinde sit efficax. Neque illud Concilium agnouit alium præuenientem motionem distinctam ab inspiratione, quæ inter contractum eius, & conuersionem necessaria sit.

3. In sequentibus autem verbis talem prædeterminationem excludere videtur. *Neque tamen tanta gratia necessitas libero præiudicat arbitrio, cum illa semper sit in promptu, nec momentum quidem prætereat, in quo Deus non stet ad ostium, & pulsæ, cui si quis aperuerit ianuam, intrabit ad illum, & cenabit cum illo. Nec denique tale sit huiusmodi trahentis Dei auxilium cui resisti non possit.* In quibus verbis multa sunt, quæ sententiam nostram plurimum confirmant. Vltima verò planè videntur contradictoria assertioni physice prædeterminationis. Nam qui illam astruunt, consequenter fatentur, non magis posse voluntatem humanam resistere auxilio prædeterminanti, quàm voluntati diuinæ absolutæ, & efficaciter volenti, quia hæc voluntas in illo auxilio virtute continetur. Ita affirmat Bañez 1. part. quæst. 14. art. 13. §. *Secundo est notandum.* Dauid. cap. 10. & 27. Aluarez in cap. 10. Isaïæ, & de Auxiliis disput. 93. Verba autem Concilij Senonensis contradictoria omnino sunt, vt ex terminis constat.

Bañez.  
Dauid.  
Aluarez.

4.  
Euah.

Aluarez.

Huic testimonio ex his verbis variè dantur euasiones, quas expendere necesse est. Prima est Concilium Senonense loqui de auxilio efficaci oblato à Deo, non autem de auxilio efficaci recepto in ipso arbitrio, ita P. Aluarez dicta disp. 93. ad 1. in fine n. 4. & dicit explicationem colligi ex ipso contextu. *Nam loca, (inquit,) Scriptura adducta à Concilio ostendunt ipsum loqui de auxilio efficaci oblato, cui resistere iudei.* Hæc verò responsio refutatur primò, quia inuoluit contradictionem in eadem doctrina: nam si auxilium efficax est physice prædeterminans, vel datur, vel omnino negatur ex parte Dei, cui actu non datur, & ideo nunquam ita datur, vt ei resisti possit, vel potius vt possit obex poni ex parte hominis infusione eius, vt in superioribus latè probaui, non solum ex principiis ipsius doctrinæ, sed etiam testimoniis auctorum eius, & in particulari eiusdem Aluarez, qui constanter negat posse dari ex parte hominis dispositionem liberam ad hoc auxilium, tam negatiuam, quam positiuam. Ex quo euidenter sequitur non posse hominem ponere obicem huic auxilio, cum ex libera eius dispositione non pendeat; ergo etiam repugnat, hoc auxilium offerri, cui non datur.

5. Vnde quod ad nos attinet, libenter admittemus interpretationem Concilij, si vera esset. Quia si auxilium efficax tale est, vt verè possit offerri ex parte Dei, & impediti ex parte hominis, euidenter sequitur non esse auxilium prædeterminans. Ergo quæcumque ratione dicat Concilium Senonense posse hominem resistere auxilio efficaci, siue ne introducat in hominem, siue ne introductum operetur, optimè infertur non esse prædeterminans. Addimus verò interpretationem esse contra Concilij contextum: nam priùs ait quod voluntas humana misericordie præuenientis auxilio suffulta, & interiori inspirationis afflatu contraria libere sese conuertit. Hoc autem non facit voluntas per auxilium oblatum, sed per auxilium datum, nec dici potest suffulta, & contraria, donec in se aliquid recipiat, & tamen de illa sic afflata probat Concilium libere operari, quia tale est hominis trahentis Dei auxilium, vt ei resisti possit; ergo loquitur de auxilio non tantum oblato, sed recepto. Probat sententia, tum ex contextu, & consequentia sermonis,

A tum quia aliàs probatio esset æquiueca, & inutilis. Nec testimonia Scripturæ, quæ Concilium adducit, loquuntur de resistentia, quæ sit gratiæ oblata, sed de illa quæ facta est Iudæis auxiliis sibi collatis. De illis enim loquebatur Christus cum dicebat Matth. 23. *Quoties volui congregare filios tuos, &c.* & nolui, præmiserat autem, *Ierusalem, Ierusalem, quæ occidis Prophetas, & lapidas eos, qui ad te missi sunt.* Per quos nimirum Deus vocauerat eam, & non solum obtulerat, sed etiam contulerat auxilia, quibus conuerterentur, si vellent. Et eodem modo loquitur Stephanus Actor 7. dicens, *Vos semper Spiritui sancto resististis,* quæ testimonia Concilium affert.

Matth. 23.

Act. 7.

B Respondebunt, opinor, restitisse Iudæos sufficientibus auxiliis collatis, & efficaci oblato. Sed responsio supponit, efficax auxilium esse distinctum à præueniente, cui resisti potest; quod tamen est contra doctrinam illius Concilij, expressè enim dicit illudmet auxilium præueniens quo homo conuertitur in Deum, tale esse vt ei resisti possit, & ideo conuersionem esse liberam; ergo etiam respectu auxilij efficacis requirit ad libertatem actus resistendi potestatem. Imò, (vt suprà circa Concilium Tridentinum notauit,) vt ratio Concilij sit efficax, & non sit ex puris particularibus, necesse est, vt loquatur de omni auxilio præueniente necessario ad efficaciam auxilij, alioqui non rectè probaret actum esse liberum, quia vni auxilio præuenienti potest homo resistere, si alteri non possit resistere. Vnde cum singulariter loquatur de auxilio præueniente, vel sentit esse vnum tantum, vel collectiue loquitur de toto auxilio præueniente, ac trahente, ac de illo etiam quando actu operatur, dicit posse hominem illi resistere, etiam quando illi non resistit. Vnde consequenter etiam sentit, illud idem auxilium, cui homo resistit, de se esse efficax, & futurum fuisse efficax, si homo voluisset, seu si per eum non stetisset. Et propterea optimè inducit illa testimonia, vt ex eo quod homini imputatur, quando auxilium manet inefficax, inferat, etiam quando est efficax posse hominem illi resistere, quia nimirum idem omnino auxilium præueniens est,

6.

D cui homo interdum resistit, interdum verò non resistit, licet possit. Neque in alio sensu potest tota illa doctrina firma, & solida inueniri. Quod verbis sequentibus optimè confirmat, dicens, *Frustra Paulus Thessalonicenses admonerat spiritum ne extinguere si diuinis inspirationibus homines inuincibiliter raperentur.* quæ ratio vix habet in prædeterminatione, quia respectu illius frustranea esset talis admonitio, quia inuincibiliter illum rapiet, magis autem esset vana respectu eius, cui non datur, quia esset de re sibi impossibili. Non agnoscit ergo Concilium tale genus rapientis auxilij, nec aliud præueniens agnoscit, nisi diuinas inspirationes quæ sine inuincibili rapto efficaces esse possunt.

E Vnde subiungit idem Concilium. *Trahit quidem Deus, utique efficaciter, sed in eius odorem currimus; non vi, non vnco rapiamur.* Certè non potest voluntas maiori vi raptari, quàm physica prædeterminatione, nec potest cogitari morio, cui metaphora vnci magis accommodatur. Satis ergo aperte docet illud Concilium Deum inspirationibus trahere homines, non alio auxilio, quod instar vnci eos rapiat, ita vt resistere non possint.

7.

causa vniuersalis omnium entium, & ut sic ei resisti non potest. Dicit ergo Concilium loqui de illo auxilio sub priori ratione, non sub posteriori: hoc autem solum ex eo colligit, quod aliàs assertio esset falsa, quia si illo auxilio posteriori modo spectato, resisti posset, voluntati Dei posset resisti, quod falsum est. Sed non est hæc probabilior euasio. Primum ad hominem repugnat propriæ doctrinæ; docent enim illi Auctores auxilium esse per se efficax, & ex vi suæ entitatis, & naturæ voluntatem ad exercitium physicè determinare; ergo fateri debent, tale esse illud auxilium, etiam in sua entitate præcisè consideratum, ut illi non possit humana voluntas resistere. Item aiunt, entitatem illius auxilij non subordinari, nec subesse dominio voluntatis creatæ, sed potius illam sibi subiicere ex vi suæ entitatis; ergo non est in voluntate potestatis affectæ illa entitate talis auxilij illo uti, vel non uti, sed potius auxilium semper illa utitur, ita ut voluntas in hoc non possit ei resistere. Item aiunt frequentissimè implicare contradictionem, entitatem illius auxilij coniungi cum carentia actus, seu effectus eius: ad id autem quod implicat, nulla est potentia; ergo non est in voluntate potestas coniungendi carentiam cum illo auxilio, vel cum entitate eius præcisè spectata; ergo nec est potestas resistendi illi entitati.

8.  
Instauria-

Soluitur.

Dicunt fortasse entitatem illam prodire semper à voluntate Dei absoluta, & non posse aliter fieri, & inde provenire, ut implicet coniungi cum carentia actus, ac proinde illam impotentiam resistendi, non esse solum respectu entitatis auxilij, sed provenire à voluntate Dei. Sed in hoc etiam æquiuocatio committi videtur, quia duæ voluntates Dei absolutè ibi distinguendæ sunt, una est voluntas faciendi in humana voluntate entitatem talis auxilij, alia est voluntas absoluta, quod homo conuerteretur: nam cum conuersio actualis, & auxilium ad illam in re sint distinctæ entitates, ut supponitur, etiam potest voluntas diuina in ordine ad illas secundum rationem distingui. Quamuis ergo illa entitas auxilij non possit esse in rerum natura sine voluntate Dei absoluta dandi illam, quia est causa efficiens eius vnica: nihilominus si talis entitas per se non est talis, ut ei voluntas humana resistere non possit, producere poterit illam Deus ex sola ista voluntate absoluta de actu conuersionis hominis, quia hæc voluntas non est per se causa efficiens illius entitatis, nec repugnat fieri ex alia intentione diuina, pro illius libertate. Neque in se habet unde repugnet separari à tali conuersione, neque id recipit ex illa sola voluntate diuina, per quam fit, quia ex vi illius solam entitatem intrinsecam recipit. Hoc autem dicitur esse impossibile in illa sententia.

9  
Alia instauria-

Retorquetur.

Vnde aiunt entitatem illius auxilij necessariò procedere à voluntate Dei, qua vult ipsam hominis conuersionem. Ergo in hoc necessariò supponunt, entitatem illam talem esse, ut ex vi suæ essentia, & proprietatis habeat ita determinatam voluntatem humanam, ut habeat inuitabilem connexionem cum actuali eius consensu. Non ergo habet illa entitas talem efficientiam, quia subest voluntati Dei de consensu voluntatis creatæ, sed potius ideo volendo Deus talem entitatem, necessariò vult efficaciam illam consensu, quia est intrinseca, & inseparabilis à tali entitate. Tandem ita hoc declaro, quia vel illa entitas de se, & natura sua habet quoddam sit instrumentum absolutæ voluntatis Dei de actu voluntatis hominis, vel solum id habet ab extrinseco ex arbitrio Dei, hoc posterius dici non

potest in illa sententia, tum quia aliàs posset poni in re illa entitas, & non assumi, ut tale instrumentum, tum etiam, quia querendum statim erit, quid addat Deus illi entitati, volendo illa uti, ut tali instrumento: nam si nihil addit, impertinens est illa entitas, quia sine illa posset Deus uti inspiratione, ut instrumento ad talem effectum, & uti vna inspiratione, & non alia, pro suo arbitrio. Si verò illa entitas natura sua habet innatam, & inseparabilem illam rationem instrumenti, inuoluitur est distinctio, quia in entitate illius auxilij præcisè spectata includitur essentialiter ratio instrumenti, & ita non potest illi resisti magis sub vna ratione, quam sub alia.

Secundò hinc facillè ostenditur alienam esse expositionem à mente dicti Concilij. Primum, quia non est verisimile Concilium cogitasse de distinctione obscurissima, & quæ vix possit intelligi, minusque credibile est ex illa pendere concordiam libertatis cum auxilio efficaci gratia, & veritatem illius propositionis, quod homo possit illi resistere, & quod Concilium tam absolutè, & sine distinctione affirmaverit posse voluntatem illi auxilio resistere. Secundò & maximè, quia Concilium expresse loquitur de illo auxilio, ut est virtus, seu instrumentum Dei ad trahendam voluntatem. Hoc aperte probamus ex illis verbis. *Interiori quodam, & occulto secretioris inspirationis afflatu contracta, & ex illis. Nec tamen tale sit huiusmodi trahentia Dei auxilium*, &c. auxilium enim quo Deus nos trahit, instrumentum Dei est, unde cum à Concilio consideretur, ut per illud nos Deus trahit, euidenter loquitur de illo ut instrumento Dei. Item infra eodem modo considerat diuinas inspirationes, quando dicit, *non rapere nos inenitabiliter*, ac denique metaphora vnei apertissimè declarat, & sermonem esse de auxilio, ut instrumento Dei, & Deum non rapere nos suo auxilio, neque uti illo ut tali instrumento, quo veluti vnco raptemur. Tertio per illam distinctionem destruitur doctrina Concilij, nam quacumque ratione non possit resisti illi auxilio, tollitur libertas actus, si enim illi entitati secundum se spectatæ resistere non possemus, non esset consensus noster liber; ergo si illi ut instrumento Dei resistere non possumus, consensus non erit liber. Probatur consequentia, quia quod ad nos attinet, tanta necessitas nobis infertur vno modo, sicut alio: quod autem ex parte agentis hoc vel illo modo fiat, nihil ad nostram libertatem refert, ut in primo Prolegomeno latè ostensum est. Et confirmatur, quia illa entitas non habet rationem diuini auxilij, nisi quatenus per voluntatem Dei datur; ergo si illi ut subest voluntati resistere non possumus, simpliciter auxilio diuino resistere non possumus, cuius contrarium simpliciter, & sine addito, vel declaratione docuit illud Concilium.

Addunt ergo tertiam explicationem, dicentes, *vel potest explicari Concilium de resistentia in generali quadam acceptione, quatenus posse resistere, est idem, quod velle dissentire, si velit, ut loquitur sanctum Concilium Tridentinum*. Per quæ verba videntur velle huic etiam applicare explicationem de sensu diuiso. At profectò si liceret hoc pacto Concilia interpretari, nihil certi in illorum definitionibus, ac doctrinis haberemus. Quoties enim aliquis sentiret verba Concilij contraria ei opinioni, cui ipse affectus est, posset ad libitum verba ad improprium sensum detorquere, vel significationem nouam, & communiter non videretur illis effingere. Certè si hoc licitum est, frustra Augustinus ex vi, & proprio

10.  
Concilij explicatio, recitatur.

11.  
Alia eiusdem Concilij explicatio.



Psal. 78.

Scripturam  
interpretan-  
di regula.

12.

Rom. 4.

13.  
Auxilium  
efficax qua-  
le sit  
Ledesma.

proprietate nominis *Adiutoris*, quo Deum inuocamus. *Adiutor meus esto, ne derelinquas me*, Psal. 78. colligit etiam nos aliquid agere. *Nam si nihil agis*, (inquit,) *quomodo iunaris*. tract. 4. in 2. epist. Ioan. & sermone 13. de verb. Apostoli, imò vniuersa Ecclesia ex proprietate verborum, *Hoc est corpus meum*, colligit realem præsentiam corporis Domini in Eucharistia. Et simili modo ex proprietate verborum, quibus idem Christus Deus, & homo dicitur in Scriptura veritatem mysterij Incarnationis, secundum substantialem vnionem duarum naturarum comprobauit. Et in vniuersum hæc regula interpretandi Scripturam, vt à proprietate verborum sine auctoritate certa, vel ratione cogente non recedamus. Quæ in Cõciliis interpretatio seruanda est, præsertim quando doctrinam tradunt contra hæreticos, tunc enim summa industria omnem sermonis impropriatatem, & ambiguitatem vitare student, ne hæreticis occasionem tergiuersandi, & eludendi doctrinam relinquant, quoad fieri possit.

Nulla ergo modo admittenda est illa interpretatio, quæ à proprietate verbi *resistendi* recedit. Quid enim quæso est *resistentia in generali quadam acceptione*? Aut quis vnquam intellexit verbum *resistendi* habere locum vbi non est oppositio, seu contraria motio? Resistentia ergo intrinsecè inuoluit compositionem contrariæ motionis, & ideo interpretari potestatem resistendi in sensu diuiso perinde est, ac dicere, illam non esse potentiam resistendi, sed cessandi ab opere, si motio aliàs cesseret. Vnde rectè argumentatur vir ingeniosus à simili ex verbis Pauli Roman. 4. *Vbi non est lex, nec præuaticatio*; nam quia præuaticatio includit compositionem cum lege cui opponitur, optimè concludit, vbi est præuaticatio, supponi legem, & cessante lege non habere locum præuaticationem. Ita ergo resistentia intrinsecè dicit compositionem cum opposita motione, & ideo si liberum arbitrium dicitur posse resistere auxilio gratiæ, supponitur auxilium mouens arbitrium: si autem non potest impedire opus auxilij, nisi prius auferatur auxilium, illud non est posse resistere: destruitur ergo sententia Concilij, cum sensus diuisus in ea cogitatur. Quod à fortiori probant omnia dicta in simili de Concilio Tridentino, nam verbum *resistendi* euidentius facit sensum compositum, & idem sensus æquè necessarius in præsentia est, vt sententia Concilij sit hæreticis contraria, & vt ex illa potestate resistendi rectè libertatis vsum inferat, vt satis in cap. explicatum est.

Hinc tandem Ledesma art. 13. ad 5. fatetur auxilium efficax non esse tale vt ineuitabiliter inferat actum; nam *auxilia*, (inquit,) *qua ineuitabiliter actus inferrent, tollerent libertatem, quia non relinquunt in potentia potestatem, qua possit actus vitare*. Et de talibus auxilijs, (inquit,) *loquitur Concilium Senonense*. Vnde consequenter ait, ex auxilio efficaci actum sequi infallibiliter, non ineuitabiliter; quia cum moueat potentiam & prædeterminet illam, iuxta naturam, & conditionem voluntatis libere, semper manet in potentia virtus, & potestas ad actum vitandum, si vult. Et ad hoc suadendum adducit communem doctrinam distinguentem inter illos duos terminos, & asserentem contra Caietanum affectus liberos, & contingentes respectu diuinæ voluntatis, venire infallibiliter, non ineuitabiliter, quia infallibilitas respicit scientiam, ineuitabilitas dicit ordinem ad causas secundas, quæ si *emittant*

*nequeunt*, inquit, *effectus productionem, ad illam necessitantur*. Vnde licet expressè non dicat posse hominem resistere auxilio efficaci, id apertè sentire videtur: tum quia per illam doctrinam vult satisfacere Concilio Senonensi, vt ipsemet declarat, tum etiam, quia si effectus non est ineuitabilis supposito auxilio; ergo potest liberum arbitrium illud euitare; ergo potest impedire; ergo potest auxilio resistere.

Hæc verò responsio in primis non potest Concilio satisfacere, tum quia manifestè loquitur de potentia resistendi, quæ respectu eius auxilij potest in actum reduci, vt pater ex testimonijs Scripturæ, quæ adducit, tum etiam, quia non agnoscit auxilium præueniens, nisi diuinas inspirationes, quibus immediatè coniungi dicit consensum, vel dissensum, & tamen respectu illarum ponit resistendi potentiam, non respectu alterius auxilij prædeterminantis, imò sentit non dari, quia illi resistere non posset, quia effectus veluti vnus voluntatem raptans. Deinde illa responsio, vt suprà latè ostendi, destruit propriam sententiam: nam si auxilium tale est, vt implicet contradictionem, cum illo componi carentiam actus, quomodo actus ille est euitabilis supposito auxilio, nam euitabilitas dicit possibilitatem carentiæ actus non obstante auxilio, quæ possibilitas fundari debet in potestate vitandi actum in sensu composito, &stante auxilio: vitare autem non est aliud quàm carere illo; ergo includit potestatem carendi actui, coniungendo illam carentiam cum tali auxilio. Quæ autem potentia potest esse ad id, quod implicat contradictionem. Præterea distinctio illa inter infallibile, & ineuitabile optima est, si infallibilitas solum dicat habitudinem ad scientiam intuentem veritatem futuri effectus in seipsa; si autem oriatur ex causa, inuoluit repugnantiam, nam talis ineuitabilitas fundatur in ineuitabilitate effectus à tali causa. At verò effectus auxilij efficaci dicitur esse infallibilis ex vi auxilij secundum se spectari, vt est causa talis effectus; ergo repugnat dicere, effectum sic infallibilem non esse ineuitabilem respectu talis auxilij. Et ideo Dauila in suo libro sæpe dicit, hoc auxilium mouere voluntatem infallibiliter, & ineuitabiliter, & Cabezudo dixit infallibiliter, & immutabiliter, quod perinde est. qui certè magis consequenter loquuntur, tamen nimis apertè contradicunt Concilio Senonensi, & id admittunt, quod directè videtur contrarium libertati. E contrario verò Ledesma timens hunc lapsum, à propria sententia inuitus recedit.

Et declaratur ampliùs ad hominem, nam idem Auctor art. 2. ad 5. circa finem ait, auxilium prædeterminans applicare voluntatem ad operandum, & omnino non subordinari ipsi potentie etiam quoad exercitium actus, quia tenet se ex parte primæ causæ, nam est motio, qua mediante Deus mouet potentiam, & ideo non subordinatur illi. Ex quo euidenter inferitur voluntatem non habere vllam potestatem supra tale auxilium, vt illud impediatur ab exercitio sui actus: nam illa duo sunt correlatiua disquiparantiæ, scilicet, subesse alteri, & hoc illi præesse; ergo ablato vno, aufertur aliud; si ergo auxilium non subordinatur potentie voluntatis quoad exercitium actus, nec voluntas habet potestatem, quia illi præsit, (vt sic dicam,) vel possit impedire exercitium sui actus; ergo non habet potestatem vitandi talem actum. Ergo repugnant illa duo, scilicet, auxilium non subordinari potentie, & potentiam posse

14.  
Responsio  
Concilij non  
satisfacit.

Dauila.  
Cabezudo.

Ledesma.

15.  
Declaratur.

Illatio.

posse euitare actum, stante auxilio. Quod si forte dicat hanc potentiam vitandi talem actum esse tantum in sensu diuiso, videmus ad priora absurda, & tantum verbis ludimus. Quia, hæc potestas non tollit, quin auxilium simul datum inuitabiliter actum inferat: nulla enim esse potest motio aded necessitans quin in sensu diuiso relinquitur potestatem vitandi actum, vel potius carendi illo: quia reuera posse carere actu, oblato auxilio, non est posse vitare illum, quandoquidem nec potest vitare, quin habeat auxilium per intrinsecam potestatem moralem, sed solum potest illo carere ex voluntate extrinseca Dei, nec illo auxilio posito potest vitare, quin actus sequatur. Nullam ergo subterfugium, linquitur, quo hæc definitio Concilij Senonensis eludi, aut vitari posse videatur.

**16.** Obiectio ex Concilio Senonensi. *Contra nos verò obiici solet ex eodem Concilio Senonensi, quia de bonis operibus dicit, In quibus & liberum arbitrium operatur, & gratia, primò tamen & principalius gratia, & ut Pelagianum condemnar, non solum eum, qui negat necessitatem gratiæ, sed etiam qui primatum illi denegat. Sed hæc quid contra nos? qui id totis viribus, & omni veritate, & proprietate defendimus, cum eadem proprietate libertatem seruantes, & declarantes quod alij in hac posteriori parte non præstant, & ideo potius eisdem verbis perstringi possunt.*

**17.** Alio obiectio ex Concilio Moguntino. *Obiiciunt etiam nobis Concilium Moguntin. cap. 7. in quo nihil inuenimus, nisi quod Concilium Arausicanum, & Tridentinum docuerunt, scilicet, initium iustificationis esse ex gratia, & per gratiam nos excitari, & adiuuari, ut consentiendo, & cooperando ad iustificationem disponamur. Quæ omnia nos constanter docemus, idemque quod verbis Concilij Senonensis proximè respondemus, de illis dicere possumus. Et quæ in Concilio Tridentino, & aliis expendimus, in hoc ponderari possunt, quia tantum ponit gratiam excitantem, per quam solus Deus operatur in nobis, & adiuuantem qua nobiscum operatur, & nos illi liberè cooperamur: aliam verò prædeterminantem gratiam nec agnoscit, nec indicat.*

**18.** Obiicitur testimonium aliquod sub nomine Concilij Colon. quod reuera Concilij non est, sed enchiridium quoddam non magnæ auctoritatis, ut in Prologomen. 6. cap. 21. in fine diximus, & ideo necessarium nobis non esset ad illud respondere, etiam si in aliquo nobis contradicere videretur. Re tamen vera nihil habet contrarium, imò sæpe dicit in hominis voluntate esse ut gratiam sibi oblatam vel recipiat, vel recipiat, & præuenientem gratiam acceptare, vel abicere, & similia nostræ sententiæ consentanea. Neque ibi aliam gratiam operantem, vel præuenientem insinuat, præter diuinas inspirationes, & illuminationes. Nihil ergo illi Enchiridioni respondere necesse est. Utile verò censo explicare quandam distinctionem auxilij præuenientis, quam ibi tradit, tum quia esse potest vsui, tum etiam, quia posset aliquis ad prædeterminans auxilium illam applicare. *Nam quædam dicitur esse, quia Deum præuenit peccatorem, ut resurgat, alia qua peccator præuenienti Deo assentiens resurgit.* Vnde prior cogitari potest esse auxilium præueniens sufficiens, posterior verò auxilium efficax prædeterminans, quia dat non tantum posse, sed etiam consentire. Et ideo hæc posterior vocatur ibi *iustificans gratia*, quia infallibiliter pertrahit ad illam.

**19.** Alio obiectio ex circa graui.

A seu mouendi voluntatem, sed ex actibus, & proximis effectibus, ad quos gratia præueniens datur. Vna enim datur ad actus, qui remotè disponunt ad iustitiam, alia ad actum, qui est vltima dispositio; & prior dicitur dari peccatori ut resurgat, posterior verò iam resurgit. Vnde utraque ex his gratiis potest esse sufficiens, & efficax, neutra verò est physice prædeterminans voluntatem. Nam de priori gratia ibi dicitur resistere in motu cogitationis sanctæ, & affectionis, vel timoris, & ex illa sæpe oriri bonos actus liberos, & supernaturales disponentes aliquo modo ad iustificationem, inter quos actus ponitur actus fidei, vel attritionis. Est ergo gratia præueniens, non tantum sufficiens, sed etiam efficax ad suum proximum effectum propter quem datur, licet non semper sit efficax ad effectum iustificationis vltimè intentum. Sicut vocatio ad fidem qua homo de facto conuertitur ab infidelitate, licet non conuertatur ad poenitentiam aliorum peccatorum, vocatio efficax est in suo gradu, licet non sit ex omni parte perfecta, nec efficax quoad omnia ad iustificationem necessaria. Vnde in illo effectu inuenitur libera determinatio voluntatis, quæ ab ipsa sit cum cooperante gratia, & non à sola præueniente: quod in eodem libro §. *Ergo cum peccator*, insinuat cum dicitur, *Interim nos ante iustificationem nihil facimus, nisi quod bonis inspirationibus Dei non repugnamus, sed assentimus.*

C Alia verò gratia præueniens dicitur dari homini, resurgenti à peccato, quia datur immediatè ad dispositionem vltimam quæ simul tempore est cum iustificatione ipsa. Et hæc etiam gratia præueniens consistit in diuinis excitationibus, per illuminationem, & inspirationem Spiritus sancti, quibus homo immediatè inducitur, & eleuatur ad vltimam dispositionem, atque ideo ad ipsam iustitiam, ut ibidem §. *Hanc autem gratiam*, latè exponitur, unde hæc etiam gratia præueniens potest interdum tantum esse sufficiens, interdum verò etiam efficax, cooperanti ipsi libera voluntate, eadem gratia præuenta, & adiuta. Et hoc est, quod ibi significatur cum dicitur: Ita totum Deo reatè adscribitur qui voluntatem nostram, quam creando nobis impertit, gratia sua præuenit, excitat torpescentem, ut lapsum suum norit; postea corrigit nolentem, ut resurgere velit; postremò adiuuat voluntatem, ut resurgere possit, & sic salus nostra *Dei gratitudo est donum.* Hæc autem motio, & excitatio, quæ datur, ut immediatè efficiat, vltimam dispositionem ad gratiam, actu non iustificat hominem, nisi quando actu obtinet à voluntate hominis talem consensum, & ideo tunc solum potest illam determinationem gratiæ iustificantis recipere, iustificantis scilicet, non formaliter, sed suo modo effectiue, & dispositiue. Ad hanc autem efficientiam, vel denominationem non est necesse, ut habeat ex se, & natura sua suam vim prædeterminandi physice voluntatem, sed satis est ut secundum propositum Dei in ea opportunitate conferatur, in qua prænoscentur effectum habitura: neque aliud ex illo Enchiridio colligi posset, etiam si eius auctoritas admiranda esset.

E Præter Concilia desiderare potest Lector, ut alia decreta Ecclesiastica à summis Pontificibus de hac materia edita expendamus. Si quis autem legat attentè, quæ de doctrina Pontificum in hac materia diximus Prologomen. 6. cap. 1. facillè intelliget, nihil hîc nobis addendum superesse, quia ipsi in suis Decretalibus solum confirmant Africana Concilia, vel eandem doctrinam tradunt, quam illa, & Arausicanum Concilium docuerunt,

præuenientem, ex actibus, & proximis effectibus.

20. Gratia præueniens, quæ dicitur dari homini resurgenti à peccato.

21.

cuerunt, & ideo quæ de his Conciliis diximus, decretis Pontificiis intelligi debent. Docent enim necessitatem gratiæ contra Pelagium, illique tribuunt salutis initium contra Semipelagianos, de auxilio autem prædeterminante ne verbum insinuant. Quod maximè intelligere liceat ex epistola Cœlestini, vbi summarim omnes sententiæ, in quibus doctrina fidei ad gratiam pertinens continetur, referuntur ex Innocentio Papa, & Africanis Conciliis, & aliquid additur ex Zosimo Papa, quod in eius decretis nunc non habemus. Et in fine subduntur illa verba, *Profundiores verò, difficilioreque partes occurrentium questionum, quas latius pertractarunt, qui hereticis resistunt, sicut non audemus contemnere, ita non necesse habemus adstruere, quia ad confitendum gratiam Dei, cuius operi ac dignationi nihil penitus subrahendum est, satis sufficere credimus quidquid secundum prædictas regulas Apostolica Sedis nos scripta docuerunt.* Cum ergo in superioribus regulis nihil de gratia prædeterminante doceatur, rectè ex his ultimis verbis concludimus ad expugnandos Pelagianos, & Semipelagianos, & ad totam gratiæ necessitatem tuendam, illam non esse necessariam, ac proinde cum aliunde videatur libertati repugnare, non esse admittendam. Propter hæc igitur plura de his epistolis Pontificum dicere non est visum necessarium, neque etiam pro nobis aliud speciale argumentum ex eis sumimus, præter negatiuum, quia sine auxilio prædeterminante sufficientem gratiæ doctrinam nobis tradiderunt, & Pelagianos, & Semipelagianos confutarunt, quod in hoc puncto, ut sæpe ostendi, magnum est argumentum. Aliqua verò quæ nonnulli Pontifices, non ut Pontifices, sed ut Scriptores, vel Doctores Ecclesiastici tradiderunt, in sequenti capite proponentur. Ad Patres igitur veniamus:

#### C A P V T XLIV.

*Ex Patribus Augustino antiquioribus physica prædeterminatio refellitur, & vocatio congrua comprobatur.*

1. **V**T veritatem lucidiùs ostendamus, & Lectoris fastidium leuemus, in tres classes Partes, à quibus argumentum sumimus, distinguimus. In prima ponimus eos, qui vel Augustinum præcellerunt, vel vsque ad eius tempora vixerunt, & ab eo doctrinam eius de gratia vix legere potuerunt. In secunda solum Augustinum ipsum constitimus, tanquam præcipuum gratiæ Dei propugnatorem. In tertia ponimus subsequentes Patres, qui Augustinum imitati sunt.

2. **Q**uod ad primi ordinis Scriptores spectat, quia, ut dixi, ferè nullus eorum præter Hieronymum de diuina gratia ex professo disputauit, non sunt ab eis testimonia expressa expectanda, sed tantum aliqua generalia principia, ex quibus per necessarias, vel multum probabiles illationes eorum sententia colligi valeat. Huinsmodi autem principia duo esse censemus. Vnum est quodd efficacia præuenientis gratiæ morali modo explicent sine physica, seu efficaci prædeterminatione: aliud est quod ad libertatem requirunt intrinsecam potestatem proximam sese flectendi ad vtrumque, cui repugnat necessitas prædeterminationis ab extrinseco præuenientis, ut in lib. 3. cap. 43. allega-  
*Fr. Suarez, de Gratia Pars 11.*

**A**ui, & statim alios addam; qui etiam in operibus gratiæ necessariam existimant eandem potestatem proximam ad vtramque partem. Ac proinde volunt in nostra potestate esse uti, vel non uti gratia, quæ à Deo præuenitur, quod repugnat physica prædeterminationi, ut defensores eius farentur.

**P**rimò igitur ex Patribus Græcis adduco Chrysostomum homil. 19. in Genes. dicentem. *Quia liberi arbitrii esse nostram naturam fecit Deus, ipse quidem quæ sua sunt, per suam misericordiam semper exhibet, & sciens abscondita, & profunda mentis arcana hortatur, consulit, conatusque nostros malos reprimit, & necessitatem utique non imponit.* Quomodo autem necessitatem non imponat declarans, subiungit. *Sed congruis remedijs appositis, totum iacere in agrotantis sententia, dimittis.* Quod non video qua veritate dici posset, si ex parte Dei concursus gratiæ necessarius, non cum indifferentia offerretur, sed in vnam partem prorsus voluntatem hominis determinaret. Et ideo indicat Deum suadendo, & vocando congrua ponere remedia iuxta infinitam præscientiam suam. Vnde Homil. 22. sic inquit. *Quia in nostra potestate totum post gratiam relictum est, ideo peccantibus supplicia propofita sunt, & bene operantibus retributiones.* Vbi valde notanda est particula *post gratiam*, cum ad explicandam mentem Chrysostomi in aliis locis, quæ mox referemus, quia manifestè loquitur de gratia præueniente, & constituyente voluntatem in actu primo: tum etiam, quia sub illa gratia comprehendit omnem gratiam quouis modo antecedentem consensum voluntatis, ut ex priori loco, & ex ipso contextu manifestum est, & illa stâte dicit, totum relinqui in potestate voluntatis; non quia voluntas non indigeat concursu Dei ad actuale consensum, sed quia illum habet ad vtrâque partem paratû, & solum expectatur cooperatio eius, at si præcederet gratia prædeterminans, illa profectò non relinqueret totum in nostra potestate, quam ad vnû inenitabiliter flecteret. Et simili modo dixit idem Chrysostomus Homil. 9. in Ioan. *Deus neminem cogit suadendo, & beneficiendo voluntarios quoscunque, & ultro sequentes allicit, & ad se trahit.*

**A**liis præterea locis videtur Chrysostomus apertè prædeterminationem negare, ut Homil. 17. in Ioan. cum dicit, *Deus nostras non præuenit voluntates*, & Homil. 12. ad Hebr. dicens, *Nostros non antecedit voluntates, ne nostrum ledatur arbitrium*, & Homil. 42. ad popul. *Nostros non præuenit voluntates, ne nostram teneret libertatem.* In quibus locis verbum *antecedit*, & verbum *præuenit*, non sunt quidem posita ad excludenda auxilia gratiæ excitantis, seu præuenientis, quæ antecedens etiam dici potest: nam in hoc sensu locutiones continebant errorè contra fidem. Ergo posita sunt ad excludendum motionem vi sua efficaciter prædeterminantem voluntatem. Nec iuuabit, solum dicere posita esse ad excludendam motionem necessitantem; tum quia iam est ostensum, non posse præuiam motionem sic determinare, nisi necessiter: tum etiam, quia essent futile, & idèrica verba Chrysostomi, perinde enim esset, ac si diceret, Deus non necessitat voluntatem ne tollat libertatem: sensus ergo est non præuenire illam tali efficaci motione, ne libertatem eius ledat, seu ne illam necessitet. Atque in eodè sensu exponit Chrysostomus in dicta homil. 42. illud Psalm. 120. *Ne des in commotionem pedem tuum*, dicens. *Quia in nobis est dare, non in illo altero, vbi illa negatio non*

3. Adducitur Chrysostomus ex Patribus Græcis:

4.

Psalm. 120.

R 1

excludit



excludit omnem effectiōem Dei, vt per se constat, & ipse statim declarat; excludit ergo prāmotionem, quæ efficaciter faciat voluntatem ad mouendum pedem. Nam verbum illud Psalmi, *Ne des*, idem significat, quod ne eligas, aut voluntatem tuam ad hoc determines. Et ideo sibi statim obicit, *Quid ergo in Deo nihil est?* respondet, *Omnia quidem in Deo, sed non ita, vt liberum in nobis arbitrium violetur.* Nihil ergo potuit excludere, nisi hanc efficacem prāmotionem.

Præterea homil. 5. ad Ephes. in illa verba, *Qui aliquando eratis longè facti estis propè*, cum dixit, *Illud longè, & illud propè est solius liberi arbitrij, & electionis*, per illud solius non excludit adiutorium Dei; excludit ergo motionem, quæ determinationem voluntatis antevertat, & indifferentiam tollat. Et eandem doctrinam latè tradit in Homil. de ferend. reprehensionib. & conuersione Pauli in fine, vbi prius dicit, *Paulum non sola vocatio adduxit, sed & voluntas eius*, & addit infrà, *Vellem autem vos sermonem hunc diligenter memoria tenere.* Et infrà, cum dixisset, Deum ita trahere hominem, vt non cogat, addit verba valde notanda. *Nam si ipse vult, nos autem non volumus, ad nostram salutem nihil proficiunt ea quæ alioquin efficacia sunt, non quia infirma sit eius voluntas, sed quia cogere neminem vult.* Vbi primum expendo vocare Chrysostomum efficacia auxilia, quæ ad salutem nihil proficiunt, quia homo resistit, sentiens planè per hominem tantum stare, vt effectum non habeant. Deinde docere, Deum non mouere hominem, qui conuertitur, neque etiam Paulum ipsum per talem motionem cui homo resistere nō possit, non quia Deus id facere nō possit, sed quia si faceret, hominem cogeret, id est, necessitaret. Et hinc paulo infrà reprehendit excusationem eorum qui dicunt, *Si Deus volet, persuadebis mihi vt conuertar.* Quos non arguo, (inquit,) sed valde probo quòd ad voluntatem Dei confugiunt, vellem autem, nos etiam nostra offerre, & tunc dicere, si Deus voluerit. Et infrà, *Et aliqui si solam voluntatem Dei prætexas, nihil eorum quibus opus habes, adipisceris unquam.* quibus verbis, & multis aliis docere præcipuè intendit efficaciam gratiæ quoad actua-lem determinationem voluntatis humanæ, non ex sola diuina, sed simul ab humana pendere.

Ad hæc testimonia Chrysostomi, præsertim ad locum homil. 12. ad Hebr. responderet Camel. Chrysostomum non solum ibi de auxilio prædeterminante, sed etiam de omni auxilio præueniente, & excitante loqui, ac subinde errasse, & semina Semipelagianii erroris iecisse. Et in me acriter inuehitur quòd ineptè locum illum citauerim, subticendo antecedentia, & consequentia verba. Et nihilominus ex eadem Homil. 12. suam sententiam probare conatur, quasi potuerit Chrysostomus sentite præuenientem gratiam diuinæ inspirationis, vel excitationis repugnare libertati. Et ad hanc posteriorem partem suadendam adducit generalia verba eiusdem Chrysostomi Homil. 4. de laudibus Pauli, quibus virtutem & potentiam gratiæ diuinæ mirum in modum extollit, & insuperabilem vocat. Et specialiter ponderat illa verba. *Noli*, (igitur,) *in praua permanere sententia, sed considera virtutem Crucifixi. Quòd si temporum opportunitas cuncta fecisse dicatur, ad repellendum Theodotus, & eius discipuli proferuntur, qui cum eisdem ferè, quibus etiam Christus temporibus existisset, & veritatem per quadam etiam signa impugnare tentasset, repente destructi sunt.* quæ verba videtur inducere contra gratiæ congruitatem, quia sentit

A Chrysost. efficaciam eius, non ex temporis, opportunitate, sed ineffabili Christi virtute prouenire.

Hæc verò obiectio, & reprehensio efficaciam dictorum testimoniorum magis illustrat, cum non possint aduersarij illa effugere, nisi attribuendo Chrysostomo tum Semipelagianum errorem, tum contradictionem in propria doctrina. Ego verò in primis censeo, Chrysostomum verè, & catholicè sensisse de initio salutis, & iustitiæ, quòd ex gratia sit, & non ex nobis. Hoc latè probaui in dicto cap. 8. lib. 1. de prædestinat. verbis expressis eiusdem Chrysostomi, Homil. 18. & 38. in Genes. Homil. 12. in 1. ad Corinth. & 38. ad Popul. & aliis quæ ibi videri possunt. Et idè de Chrysostomo sensis Driedo locis infrà in proprio capite allegandis. Et Episcopus Lucensis in Aduertend. ad 1. tomū Chrysostomi quæsitio 9. vbi hæc verba ex Chrysostomo refert. *Nos quidquid boni habemus, ex præuenientia, vocantis, & semper incipientis gratia benignitate habemus, nullū est in nobis meritum quod non sit donum Dei, cuius quidem tanta est bonitas, vt velit nostra esse merita, quæ sunt ipsius dona.* Non tamen designat locum, sed ait, *In initio homilia citata.* Solum autem citauerat homil. 42. in Genes. & 17. in Ioan. in quibus illa non reperio, nec in alia homilia eadem formalia verba inuenio, quanuis in sententia habeantur in dicta homil. 12. ad Corinth. iuncta homilia de Adam, & Eua. Sunt verò alia valde notanda verba eiusdem Chrysostomi homil. 70. in Matth. *Verum cum per gratiam vocati sumus, cur hæc tam accuratè disputat, quia videlicet vocatio, & purgatio ipsa ex gratia sunt: vt verò vocatus iam, & candida indutus veste, seipsum non maculet, ad diligentiam quoque persinet vocatorum. Nam non quia dignus, sed quia gratia tibi largita est, vocatus fuisti, oportebat te vicissim pro gratia non nihil reddere, &c.* Quid clarius? Et in lib. de Compunct. cord. circa finem, dicit Sanctos, non propter signa, sed propter animi virtutes, & ait, *quod vtrique nunc quidem diuino, & gratia celesti, proprio tamen studio operati sunt.*

C

His addo, Chrysostomum nunquam in hoc puncto fuisse sibi contrarium, aut contraria docuisse. Probatur primò, quia omnia quæ dicit, possunt facile sine contradictione intelligi, distinguendo gratiam, tempora, & personas, de quibus loquitur, vt in dicto cap. 8. fusè declarauimus. Cum enim dicit Deum expectare voluntates nostras, vt bonum eligant, & virtutem operari incipiant, vt eo modo gratiam à Deo obtineant, loquitur ad fideles, & iam vocatos proponit modum, & rationem obtinendi abundantiora gratiæ auxilia, vel dona. Cum verò omnia bona tribuit gratiæ, tanquam origini, & principio, loquitur simpliciter de toto ordine auxiliorum gratiæ. Et ita etiam exposuit dictam homil. 12. ad Hebr. idem Episcopus Lucensis in Annotat. ad tom. 4. quæsitio 31. iuncto quæsitio 13. ad 2. tom. quod ibi allegat. Secundò probatur, quia sunt multa & varia loca, in quibus nunc hoc, nunc illo modo loquitur, vt incredibile sit, vel ignoranter sibi contradixisse, vel toties sententiam mutasse.

E Et interdū in vno eodèque loco agnoscit præuiā Dei motionem de se efficacem, cui semper voluntas possit resistere, vt maximè videri potest in verbis proximè allegatis ex homil. de ferend. reprehensionib. & conuersionib. Pauli. Et in dicta Homil. 4 de laudibus Pauli, in principio, vbi initium gratiæ, & miserationis Dei erga illū ponit in vocatione, statim verò subdit. *Sed nullus hoc audiens*

7.

Driedo.  
Episc. Luc.  
conf.

Notanda  
Chrysostomi  
verba  
circa vocationem.

8.

Episc. Luc.  
conf.

diens ipsam vocationem necessitatem putet, si quidem potuit redire unde discesserat, &c. Et cum postea præuiam, & fortem gratiæ præmotionem, descripsisset, interrogat, *Et cur, inquit, hoc non ante factum est?* Respondet. *Ne quæras istud, nec velis esse curiosior, sed concede incomprehensibili Dei providentiæ salutem esse hominum notis sibi temporum opportunis atibus ordinanti: sic enim ipse fatebatur, dicens: Cum autem placuit ei, qui me segregavit, de viro matris mea, vocavit per suam gratiam, ut revelaret filium suum in me. Nihil igitur tu scrutaris amplius, quia hæc dicit & Paulus. Et addit paulo inferius, Ab ipso itaque discamus, quoniam nullus ante Paulum, neque ipse Paulus ex se tantummodo illum invenit, sed ipse se Christus ostendit, & ideo dicebat: Non vos me elegistis, sed ego elegi vos.* Per quæ omnia evidenter declarat initium salutis esse ex solo Deo. Vnde interrogans ulterius cur Paulus non fuerit antea persuasus, licet doctrinam, & miracula Christi ignorare non potest, & respondet. *Quia nec dum utique vocatus fueras a Christo, vocatione utique speciali & opportuna. Et statim repetit. Tu verò hoc audiens noli vocationem istam necessitatem putare, non enim Deus cogit homines vocando, sed post vocationem quoque permittit eos propriarum esse dominos voluntatum.* Vnde inferius ad finem homiliz dicens, per Pauli linguam Deum bonis mundum repleuisse, per illam, ait, quam in ipsum contulit gratiam. *Quia enim dignam tali dono devotionem gerebat, expressa in illo etiam gratia convescunt.* Vbi gratiam videtur Paulo tribuere, non tamen primam, nec ex se, sed ut cooperanti priori gratiæ. Ac tandem in eodem sensu eundem sermonem ad omnes extendit.

Ex quibus ulterius colligo, non adhæsisse Chrysostomum errori Semipelagianorum, nedum auctorem illius fuisse, quia in multis locis contra eorum sententiam expressè docet, & in aliis non in eorum sensu loquitur, nec sibi contrarius est, ut ostendi, tum hic, tum in dicto cap. 8. Vnde licet in aliquibus locis, minus cautè fortasse loqui videatur, causa fuit, quia nondum illo errore exorto securius ad fideles, etiam à Deo vocatos loquebatur, vel fervore loquendi, & mouendi eos ad exercitium virtutis, vel zelo impugnandi hæreticos, quorum error contra libertatē arbitrij tunc se parabat. Et hoc est, quod Sixtus Senens. Episcopus Lucensis, & alij dicunt excessisse Chrysostomum aliquando ut libertatem arbitrij contra hæreticos defenderet, intelligi enim debet hic excessus in modo loquendi magis, quàm in sensu doctrinæ, & fortè ille qui nunc paret excessus propter novas hæreses, pro illorum temporum statu non erat: quæ doctrina est consentanea Augustino lib. de prædestinat. Sanctor. c. 14 & lib. de don. persecut. c. 19.

Præterea est manifestum ex dictis non potuisse Chrysostomum negare veram prævenientem gratiam, eo quod existimaverit illam esse contrariam libertati. Nam expressè in dicta Homil. 4. de Laudibus Pauli ponit vocationem præuiam, & non inferentem necessitatem, & homil. 12. ad Corinth. omnia rectè facta, etiam fidem dicit esse ex vocatione, & homil. 28. *prævia gratia* omnia tribuit, etiam si liberè fiant; & dicta homil. 22. dicit post gratiam consensum relinqui in nostra potestate. Et in aliis locis vocationem illam, quæ necessitatem non infert, docet esse ita posse opportunam, & congruam, ut infallibiliter habeat effectum. Sicut de vocatione Pauli significavit in dicta homil. 4. in verbis suprà citatis, & Homil. 31. in Matth. *Quemadmodum, ait Petrus, & Ioannem vocavit quando obtemperavi os ciebat, sic Mattheum quoque tunc voca-*

Fr. Suarez de Gratia Pars I. I.

**A**uit, quando miraculorum fama perdomitum minima reluctatum videbat. Et in hoc nihilominus dicit ostendi, virtutem vocantis ad cor hominis transmutandam. Et postea commendans Matthæi obedientiam ait, *Mirabili hac obedientia testimonium vocanti perhibuit; quod opportunè ipsum vo. aueris.* Et similiter in hom. 65. exponens parabolam vineæ dicit, Patremfamilias vocasse operarios in illis horis in quibus obtemperaturi erant, quia nimirum congruè & efficaciter illos vocavit. Idemque sentit de Centurione super Psalm. 115. De illo verò dicit propter opera fuisse dignum vocatione, quia loquitur de vocatione secunda quæ per Petrum facta est, iam enim erat fidelis. Quamvis ille modus loquendi possit etiam piè interpretari, ut dignitatem lato modo vocaverit aptitudinem quandam, & dispositionem, quasi physicam ad non resistendum vocationi, quæ non est ratio meritoria vocationis, sed remouens, prohibens, quod faceret vocationem, vel non dari, vel non esse congruam.

Ultimò ex dictis concludo cum Chrysostomus in homil. 12. ad Hebr. & 17. in Ioan. aliisque locis dicit Deum non præuenire nostras voluntates, non posse aliter intelligi quàm de præuentione per motionem necessitatem, seu quod perinde est, physicè prædeterminantem. Sic enim docet aliis locis, licet præcedat vocatio congruentissima, nunquam esse necessitantem, sed relinquere in voluntate veram potestatem, & dominium vtendi illa, vel non vtendi, quod dominium repugnat auxilio prædeterminanti, nam propterea defensores eius dicunt, non subdij voluntati, sed illā sibi subdere. Et ideo etiam Chrysostomus post vocationē totum videtur ponere in arbitrio voluntatis, non quia sola sine ope gratiæ possit præstare consensum, illam enim gratiæ necessitatem sæpius docet, sed quia semper est in potestate voluntatis vocationem secundum se spectatam facere inefficacem, & è conuerso, ab illius libera potestate, & cooperatione efficientia actualis vocationis proximè, & ita, mediatè pendet. Neque propter hoc Chrysostomus cum Semipelagianis sentit gratiam subiiciendo libero arbitrio, sed vsum præuenientis gratiæ quoad subsequētē actū secundū libertati subiicit, quia non exit in actum nisi voluntas velit, sicut habitus infusi subiiciuntur volūtati quoad vsum, etiam si gratis infundantur, & recipiantur.

Denique idem sensus confirmatur ex aliis Patribus Græcis, nā Iustinus antiquior Chrysostomo in lib. Respons. ad plures necessar. quæstion. in q. 3. duriorē locutionē habet, ita necessariò interpretandam. Nam eo quod Deus liberū arbitriū, cum eligendi potestate nobis concessit, infert. *Non igitur causa est Deus virtutis nostræ, aut vitij, sed propositum nostrum, & voluntas.* quæ quidem sententia quoad virtutē sine vlla limitatione verissima est, quoad virtutē autē necessariò est limitanda, & explicanda Neque enim credibile est sanctissimū, & sapientissimū virū voluisse negare, Deū esse causam simpliciter virtutis humanæ. Negat ergo esse talem causam, quæ hominem adigat, & sola sua vi determinet ad virtutem, sed illi liberam determinationem permittat, quam nomine propositi declarauit. Et quoad solum æquiparat virtutem, & vitium: nam sicut Deus non determinat voluntatem ad malum, ita non prædeterminat ad bonum vtique motione illa physica, & de se efficaci. Vnde q. 9. subiūgit. *Ad quæ voluntas nos impellit, (vtique determinando sc.) eorū causa, vel corona donamur, vel afficimur supplicio. Deus enim nobis dedis facultates ad*

R 1 2 agendum;

12.  
Concludit  
ut

13.  
Concluditur  
idem sensus  
ex aliis Pa-  
tribus Græ-  
cis.  
Ex Iustis.

10.  
Chrysostomus non ad-  
hæsit erro-  
ri Semipela-  
gianorū, ne-  
dum illius  
auctorem  
fuisse.

Sixtus Sen.

August.

11.

agendum, sed eas libertati voluntatis iudicioque subiecit. Vbi per facultates, ( vt doctrina sit solida, & vniuersalis, ac responsio sufficiens, ) necesse est, vt tam gratiæ, quàm naturæ principia intelligat. Et in omnibus ad libertatem requirit, vt voluntatis libertati subiectæ sint. Vnde concludit, *Ad propositum, & voluntatem gubernare Deum eas facultates, non ad naturam.* Et simili modo exposuimus supra in lib. 3. Patres Græcos, qui aliquando significant actus liberos non esse ex prædefinitione, seu prouidentia communi, vique agentibus non liberis, quorum actiones ad vnum ordinatæ sunt. de quo videri potest etiam Bellarminus lib. 4. de grat. & liber. arbitr. cap. 7. in fine.

Bellarmin.

14.  
Refertur  
Gregorius  
Nicens.

Præterea refertur Gregorius Nicens in oratione magna catechetica cap. 3. vbi aduersus eos, qui dicunt, posse Deum, si velit, eos, qui resistunt, compellendo attrahere ad suscipiendam prædicationem, inquit. *Vbi est ergo liberum arbitrium, ubi est virtus, ubi est laus eorum, qui se recte gerunt? est enim solum inanimorum, aut eorum, quæ sunt expertia rationis, aliena voluntate ad id, quod videtur adduci.* In quibus verbis hæc vltima maxime expedit: nam contrariæ sententiæ Auctores docent, voluntatem nostram solam Dei voluntate, vel motione aliqua per illam solam immissa, ad volendum id quod proponitur adduci; quomodo enim ab alio non ducitur, qui ab alio non determinatur. Hæc tamen oratio non habetur in volumine operum Niceni, quo vtor, & ideo sensum eius in hac parte accuratius expendere non potui. Et propterea etiam omitto, quæ ab vtriusque sententiæ defensoribus nomine eius citantur lib. 7. Philosoph. cap. 1. & lib. 8. c. 4. quia hoc etiam opus videre non potui. Alij loco illius referunt Nemesium in lib. de Natur. homin. qui extat in tom. 9. Biblioth. Sanctor. in toto autem illo nihil dicit, quod multum ad causam præsentem faciat, præter id quod de liber. arbitr. & præscientia conditionata in Prolegom. 1. & 2. notauimus, & quæ in lib. 3. cap. ex eodem adduximus contra prædeterminationem Dei ad actus malos.

Nemesius.

15.  
Cyrillus  
Alex.

Clarius de hac re testimonium nobis tribuit Cyrillus Alexandr. lib. 8. contra Iulianum prope libri finem, vbi in §. *Sed fortassis dicerent aduersarij, hanc illorum obiectionem proponit. Quare filius Dei factus est homo, vt homines ad se conuerteret, cum posset, siquidem est verè Deus, annuendo solum, & ineffabili virtute terrena corda transmutando facere, vt vellent, & scaperent sibi placuisse, vel gloriæque viuere?* Et post aliqua in §. *Si autem, respondet. Omnis, quæ in cælis rationalis, & mentalis creatura liberum habet motum ad faciendum quæcunque voluerit, & propensio in vnoquoque à necessitate libera est. Licebat enim sic, & non aliter bonos celebres fieri, & honores assequi, iustæque cōdamnari improbos. Itaque, vt & nos quoque ad quoduis bonum sponte incederemus, consilia, non coactè viuere super terram homini promissis Deus.* In quo responso illi modo in obiectione proposito transmutandi corda ineffabili virtute faciendo, vt velint, vti que physicè, & inuitabiliter, apertè opponit modum operandi liberè, & consilio, idque censet illum modum motionis & transmutationis cordium contrarium esse libertati. quod in §. sequenti declarat, dicens, *Itaque si ineffabili quadam diuina virtute, & efficacia usus mutasset singulorum mentem ad bene agendum, & indidisset postea bonum, à quo agerrimè postea discedere posset, & non sponte ultra non esset fructus mentis, nec res digna laude, sed necessitatis. Profe-*

A Etò licet Cyrillus voce *physica prædeterminationis*, non vtatur eisdem verbis, quibus aduersarij eam definire solent, illam describit, dicunt esse, vel ipsam Dei omnipotentiam, quæ ineffabili virtute, & efficacia corda transmutat, vel motionem quæ sit illius virtutis instrumentum, eamque virtute infallibili modo contineat. Docet ergo Cyrillus, Deum non hoc modo mouere, & transmutare, corda etiam in operibus gratiæ, sed persuadendo signis, & doctrina mirabili ultra legem, & mentem, ac corda hominum illustrans, vt ibi latè prosequitur.

Vnde idem Pater lib. 4. in Ioan. cap. 6. exponens verba illa, *Erunt omnes docibiles Dei*, dicit. *Non enim cum dicat neminem posse ad se venire, nisi Pater traxerit eum, vt quadam cogi, trahique credentes putandum est, sed motione, doctrina, reuelatione ineffabiliter facta, vt ille solus nouit.* In quibus verbis, & excludit necessitantem præmotionem, & moralem inductionem docet, dumque ait, *ineffabiliter*, agnoscit necessitatem internæ illuminationis, ac doctrinæ; addens verò, *vt Deus nouit*, gratiam vocationis efficacis insinuat, quam Deus ineffabili modo præbet, prout nouit homini congruere, quæ est Augustini phrasis. Et in cap. 7. circa illa verba, *Omni qui audiuit à Patre, & didicit, veniat ad me*, inquit. *Vbi auditus disciplinaque diuina adest, ibi fides, non vi, sed persuasionem oritur. Patrocinio igitur Dei Patres non vi fideles Christum agnoscunt.* Vbi expendo illos duos modos, *Vi*, aut *persuasionem*, ponere vt immediatè oppositos, ac subinde prædeterminationem, quæ persuasionem non attrahit, vim quandam inferre. Sub persuasionem autem comprehendit omnem moralem modum allicienti voluntatem, vt constat. Est etiam egregium testimonium Cyrilli lib. 11. in Ioannem cap. 21. vbi circa illa verba, *Nemo ex eis perit nisi filius perditionis*, quærit, *Quomodo Apostolos seruauit Christus, aut cur Iuda non profuit hac saluatio?* Et in summa respondet, *Gratiam in aliis effulsit, saluauitque omnes, qui cooperantem ei voluntatem tradiderunt; sic enim salutis nostræ modus dispositus est. Iudas autem, ( inquit paulo antea, ) nulla necessitate, sed proprio iudicio fecit.* Et addit inferiùs verba notanda, *Quòd si proditor aequaliter aliis discipulis Saluatoris auxiliū non habuisset, frustra hac à nobis dicerentur: sin autem non minus, quam ceteri diuina gratia regebatur, sed suo ipsius iudicio in profundum perditionis elapsus sit, quomodo etiam non seruauit eum Christus, qui suum patrocinium ei præstitit, qui quantū ad ferendam opem illi attinuerit, seruasset hominem, nisi vltro ille in perditionem insiluisse.* quæ omnia subsistere non possunt, si auxilium prædeterminans necessarium, vt satis est, in superioribus demonstratum.

His addi potest Clemens Alexandrinus lib. 1. Pedag. cap. 9. quatenus dicit, vt Deum omnibus sua sapientia machinis, ad voluntates hominum ad se trahendas, vbi expendo non tam potentiam, quàm sapiētiā exaggerare, quia non vtitur Deus absoluta potestate ad determinandam voluntatem ad vnum se solo necessitando ex suppositione motionis suæ, sed vri sapientia ad suadendum, cooperante etiam potestate. Atque ita post illa verba declarat hanc tractionem Dei per internas excitationes, & moralem inductionem. Et similem doctrinam habet lib. 1. Stromat §. 8. & lib. 5. parum à principio. Quibus locis ita coniungendam docet gratiam cum libertate, vt in voluntate sit integra potestas: nam illud est liberū, cuius ex aquo sumus domini, ac proinde in nobis esse vocationi obtemperare, vel repugnare post moralem

16.  
Cyrillus.

17.  
Addendos  
Clementis  
Alexandrin.



lem inductionem. Quamvis enim non hæc omnia simul doceat, tamen omnia loca conferendo, hæc est eius mens, & doctrina, in qua tantum à prædeterminatione abest, ut ea quæ docet, non possint cum illa subsistere. Eodemque modo adiungi potest Irenæus lib. 5. contr. hæres. cap. 1. nam similiter docet convertere Deum homines non vi, sed secundum suadellam, quemadmodum dicebat Deum suadentem, & non vim inferentem accipere que velle. Item Marcus Eremita in opusc. de his qui putant ex operibus iustificari cap. 56. dicens, Occultè gratia nobis auxiliari non desinit, in nobis autem solum est pro virili bonum facere, aut non facere, primum quidem divinitus excitat conscientiam, &c. Denique refertur potest Ildorus Pelusiota lib. 2. Epistolarum epist. 72. ubi eodem modo explicat præmotionem Dei per vocationem, quæ unumquemque pro sua voluntate addiscere & salutem assequi relinquat, & talem dicit etiam fuisse vocationem Pauli, & similes.

Vltimò ex Græcis addo Philonem Carpathiorum Episcopum, qui æqualis est Epiphanio, ac proinde antiquior Augustino, & nihilominus, ita in locutionibus de gratia imitatur Augustinum, ut vique ad eius tempora superuixisse, & eius opera legisse videatur. Nam in expositione Canticorum ad illa verba cap. 6. Pulchra ut luna, electa ut sol, terribilis ut castrorum acies ordinata. Primum per sexaginta Reginas intelligit animas sanctas, quæ castissime se regentes, ac ceteros qui caelorum regnum, ex divina gratia, & libero arbitrio cooperante adipisci nituntur. Ac deinde post multa subiungit verba Pauli, Gratia Dei sum id quod sum, & gratia eius in me vacua non fuit, & addit, Collaboravit enim, & quidem plus quam ceteri: Stultus igitur, & hunc nos imitari post acceptam Spiritus sancti gratiam ex libero voluntatis arbitrio, quæ bona sunt agere, cooperemur gratia. Postea verò aggreditur explicare, quomodo gratia, & arbitrium coniungantur, & adductis multis Christi verbis, quibus homines innuit, & aliis ad salutem, inquit. Ecce donat gratiam promerendi, offert, ut capias, hortatur accipere, ostentat occurrere, pulsas ut aperias, ait enim: Stas ad ostium, & pulso, si quis mihi aperuerit, &c. Et infra, Quid ergo dicemus? trahamur oportet, præveniamur à gratia, eaque semper adiungemur. Id ipsum fatemur usque, sed collaboremus omnino necesse est, ne in illud incidamus, quod de negligentibus, ac peruariacibus dicitur: Ex te perditio tua Israel. Duo igitur ad salutem sunt nobis maxime necessaria, quorum unum supra nos, alterum nobis inest ex munificentia conditoris, divina gratia, scilicet, nos præveniens, & liberum de voluntate iudicium, gratia alliciendo incipit, admissa consequitur, bene retenta, ac fœta perficit. Ac tandem dicit gratiam allicere, ac movere voluntatem, non tamen vlla vi cogere. In quibus verbis omnia, quæ in hoc puncto nos tradimus, continentur. Et quavis hic Sanctus non expresse reiciat physicam prædeterminationem voluntatis, sine illa tamen explicat totam gratiam prævenientem, trahentem, & adiuvantem voluntatem, & cum illa semper coniungit liberam voluntatis determinationem, seu cooperationem, & sub nomine coactionis, & vis, excludit quicquid spontaneam determinationem ex indifferente potestate impedire possit, qualis prædeterminatio physica esse videtur.

Ex Patribus Latinis asserri possunt omnia quæ de libertate arbitrij tradunt, etiam in operibus gratiæ, & præsertim ubicunque docent

Fr. Suarez de Gratia Pars 11.

post vocationem ad fidem, vel pœnitentiam esse in proxima hominis potestate ad alterutram partem se determinare, & tunc illi imputari, si in deteriore partem declinet. Hæc enim & similia, ut latè probatum est, cum prædeterminatione physica ab extrinseco immixta independentè à voluntate hominis, & necessaria ad volendum non subsistunt. Sic ergo Clemens Roman. epist. 3. circa medium. Qui audit sermonem veri Prophetæ, (ait,) habet in sua potestate velle, & nolle illa amplecti. Nam si hoc esset, ut videntes ea iam non haberent in sua potestate aliud facere, quam audierant, vis erat quadam natura, per quam liberum non esset ad aliam migrare sententiam. Simili enim modo nos dicimus, si audiens cum vocatione simul recipiat talem impulsus, ut iam non habeat in sua potestate aliud facere, vis quædam esset prædeterminationis, non libera electio. Nunc autem, (subdit inferius,) liberum est animo in quam volueris partem declinare iudicium suum, & quam probaveris, eligere viam. Quid quæso est, in quam volueris partem declinare, nisi se determinare, aut quomodo id attribuitur voluntati, si prius natura ita ab alio determinatur, ut iam non nisi unum probare, aut eligere possit. Hunc locum locupletat egregiè Turrian. lib. 1. pro epist. Pontif. cap. 2. adductis Græcorum testimoniis, ex quibus maxime ad causam faciunt verba Concilij Ticinensis ad Constantinum.

Secundò allegari potest Leo I. licet enim hi Patres Pontifices fuerint, tamen quia in his locis non definiendo, sed simpliciter ad doctrinam in Ecclesia receptam tradendam loquuntur; ideo eorum testimonia nunc proferimus. Leo igitur in serm. 2. Epiphaniæ in fine, ubi post exaggeratam gratiam vocationis gentium, & divini luminis beneficium, ad cooperandum divinæ gratiæ exhortatur, dicens, Et nos de cordibus nostris quæ sunt Deo digna promamus, & addit, Quamvis enim omnium bonorum sit ipse largitor, etiam nostra tamen fructum quarit industria. Non enim dormientibus provenit regnum caelorum, sed in mandatis Dei laborantibus, atque vigilantibus, ut si dona illius irrita non fecerimus, per ea quæ dedit mereamur accipere quod promissit. Hæc enim Sancti Leonis doctrina non solum in operibus quæ post iustificationem facere debemus, sed etiam in illis, quæ post vocationem facere oportet, ut iustificemur, verum habet. Vtraque enim sunt dona Dei, & ex efficaci vocatione, seu excitatione procedunt, & tamen de illis ait non obstante præmotione Dei necessariam esse nostrâ industriam, seu consensionem, esseque in nostra potestate prævenientia Dei dona irrita facere, ac proinde in illis prævenientibus donis non contineri auxilium prædeterminas voluntatem nostram, cū illud nec possit à nobis tū fieri, nec expectet nostrâ industriâ, sed omnino ad cooperandū quasi cogat.

Tertiò expendo nonnulla Ambrosij testimonia. Nam lib. 1. in Lucam in 6. Visum est, & mihi, sic ait. Potest etiam non ipsi soli visum esse, quod visum sibi esse declarat. Non enim voluntate humana tantum visum est, sed sicut placuit ei, qui in me loquitur Christus, qui, ut id, quod bonum est, vobis quoque videri bonum possit, operatur. Quod ad operantē, seu prævenientem gratiâ, & sanè efficacē pertinet, quomodo autē datur, sic declarat. Quæ enim miseratur, & vocat, ubi nō prædeterminationi, sed vocationi id tribuit. Vnde subiungit, Et ideo qui Christum sequitur, interrogatus, cur cum volueris, Christianus respondere potest: Visum est mihi. Qued cum dicit, non negat Deo visum, à Deo enim preparatur voluntas

R r 3 hominum;

27.  
Expēduntur  
nonnulla tes-  
timonia  
Ambrosij.

hominum: ut enim Deus honoretur à Sancto, gratia Dei est. Est ergo hæc secundum Ambrosium, non gratia prædeterminationis, sed vocationis, quæ per eandem vocationem fit, & relinquit in homine potestatem, qua possit dicere, *Visum est mihi*, quod propriam determinationem à se factam significat, non à solo Deo immisam. Est etiam egregius locus apud eundem Ambrosium, in expositione Symboli Apostolor. cap. 4. ubi de Spiritu sancto ait, *Vbi vult, in quos vult, & quantos vult, & quantum vult inspirat sua propria voluntate*. per quæ verba gratuitam præuenientem gratiam nobis tradit, eamque in diuina inspiratione constituit, & pro eadem Dei voluntate, esse efficacem demonstrat, subiungens, *Replet ergo gratia sua, quos vult, & quantos vult, & quantum vult*. Ex quo intelligimus præcedere quidem posse voluntatem præuenientem Dei, illam verò per inspirationem accommodatam secundum diuinam sapientiam sine alia prædeterminatione efficaciter impleri. Vnde ad Roman. 9. §. *Quos & vocauit, Hos*, (inquit,) *quos vocauit, præparauit ad gloriam, siue eos, qui prope erant, siue eos qui longè, sciens permanuros in fide*. Denique in lib. 4. in Lucæ 4. §. *Et repleti sunt*, de Iudæis eiicientibus Christum ait. *Nec mirum, si perdiderunt salutem qui eiecerunt à suis finibus salutare. Moralis enim Dominus, & qui docuerat exemplo sui Apostolos suos, omnibus omnia fieri, nec volentes repudiat, nec inuitos alligat, nec eiicientibus reluctatur, nec rogantibus deest*. Certè non video cur Ambrosius moralem Dominum vocauerit, nisi quia morali modo, & liberis hominibus accommodato homines vocauit, ideoque sic homines inuitat, ut non alliget ad vnum, quod faceret prædeterminando; ille enim modus moralis non esset. Rectè ergo ad inètem Ambrosij dicere possumus Deum trahere homines, per moralem gratiam quoad modum præuix inductionis, cooperando physice cum illis, si ipsi velint: nam hæc physica efficientia, etiam ad moralem effectum necessaria est.

Quartò addimus Hieronymum lib. 4. in Ieremiæ 18. in principio exponens, quod ibi ait per Prophetam Deus, sæpe prædici mala, vel bona, & non euenire, quia hominum voluntates immutantur, ait Hieronymus hoc dixisse Deum, *ut liberum significet arbitrium*. & subiungit, *Et hoc dicimus, non quòd ignoret Deus hoc, vel illud gentem, aut regnum esse futurum, sed quòd dimittat homines voluntati suæ, ut vel premia, vel pœnas sua voluntate, & suo merito recipiat*. Difficile profectò explicatur, quomodo Deus homines voluntati suæ dimittat, si in singulis actibus vel bonis, vel etiam malis ad vnum tantum, & ad exercitium eius illam determinat. Ne autem per verbum illud gratiam exclusisse videretur, subdit Hieronymus. *Nec statim totum erit hominis, quod eueniet, sed eius gratia, cui cuncta largitus est, ita enim libertas arbitrij reseruanda est, ut in omnibus excellat gratiam largitoris*. Stante igitur hac gratiæ excellentia, & necessitate, ita concilianda est cum libertate, ut ea non obstante voluntas suæ libertati committatur, non ita ut prædetermine-  
tur. Similia ferè habet Ierem. 24. circa finem, & cap. 26. in principio.

Item Isaïæ 49. in id, *In vacuum laboravi sine causa, & vanè fortitudinem meam consumpsi*, dicens. *Hæc vniuersa dicuntur, ut liberum hominis arbitrium monstraretur, Dei enim vocare est, & nostrum credere, nec statim si nos credimus, impos-*

**A** sibilis Deus, sed potentiam suam nostro arbitrio derelinquit, ut iuste voluntas premium consequatur. Quid quæso est; Deum potentiam suam nostro arbitrio derelinquere, nisi actionem suam ita temperare, & arbitrio accommodare, ut indifferentiam eius non auferat, neque ad vnum prædeterminet. Quam moderationem, seu accommodationem influxus diuini ponit etiam Hieronymus in illis actionibus voluntatis, ad quas Deus specialiter per gratiam præmouet. Et similia habet epist. 150. ad Hedibiam q. 10. ubi post vocationem gratiæ absolutam potestatem consensus, vel dissensus voluntati tribuit. Et ex eiusdem libera facultate, rationem reddit, cur ex eisdem vocatis quidam veniunt, alij obdurescunt. *Quia non saluati*, (inquit,) *irrationabiliter, & absque iudicij veritate, sed causis præcedentibus, quia alij non susceperunt Dei filium, alij suscipere voluerunt*. Quam rationem nolunt defensores prædeterminationis admittere. Hieronymus verò illam censet necessariam saltem in ipsa executione, quia discretionem per solam prædeterminationem rationabilem non censuit. Tandem in epist. 146. ad Damasum de filio prodigo verba illa, *Diuisit illis substantiam*, exponit, id est, *dedit illis liberum arbitrium, dedit mentis propria libertatem, & ut viveret unusquisque, non ex imperio Dei, id est, non ex necessitate, sed ex voluntate*. Vbi per imperium, non legem, ut per se constat, sed *motionem physicam* intellexit Hieronymus, sicut dicere solemus, membra externa imperio voluntatis moueri, eamque per necessitatem explicat, quia tale imperium necessitatem imponit, si omnino ad vnum determiuat.

Denique meritò pro hac parte allegare possumus Tertullianum lib. de anim. cap. 21. & lib. 2. contra Marcion. cap. 5. & sequentibus, & Cyprian. epist. 55. ad Concilium, & alios, qui agentes de arbitrij libertate, semper dicunt ita subiici gratiæ, vel ita moueri diuinis inspirationibus, seu vocatione, ut electio, seu, (quod idem est) determinatio eius potestati relinquatur, quod certè cum præuia, & totali determinatione ad vnum per solam Dei voluntatem immissa intelligi non potest. Vnde etiam dixit Tertullianus lib. de exhort. ad castitat. cap. 2. non esse soli Dei voluntati tribuendum, quod ab hominis pender voluntate: quem locum cum aliis suprà lib. 3. cap. 1. satis expendimus. Possuntque hîc adduci testimonia Patrum, dicentium suppositionem antecedentem repugnare libertati, quos partim in Prolegom. 1. agentes de indifferentia necessaria ad vsum libertatis, partim in Prolegom. 2. tractando de præscientia Dei adduximus. Item possent huc afferri Patres docentes cum eisdem auxiliis præuenientibus posse homines conuertere, & non alium. Nam illud pronuntiatum non potest cum alio prædeterminante subsistere, ut defensores eius fatentur, & ideo illud impugnat. Sed de illo puncto proprium caput postea instituemus.

\* \*

23.  
Allegatur  
Tertullianus  
&  
Cyprianus.

C A P V T

22.  
Additur  
Hieronymus.

Ierem. 24.  
& 26.

24.  
Isai 49.

CAPUT XLV.

Antiquos Patres nihil pro physica prædeterminatione nobis tradidisse.

**I.** **Responde-**  
**tur ad ob-**  
**iecta.** **I**N hoc capite ad ea respondebimus, quæ ex auctoritate eorundem Patrum aduersarij nobis obijciunt, simulque ab auctoritate negatiua eorundem Patrum argumentabimur. Nam certè verisimile non est, si tale genus auxilij efficacia necessarium est ad salutem, omnes hos antiquos Patres illud ignorasse, aut si illud cognouerunt, tanto silentio illud præterisse: sed nulla mentio talis auxilij in his Patribus inuenitur; ergo vehemens coniectura est, vel nunquam dari, vel saltem non esse necessarium. Minorem non aliter probo, nisi quia neque in his, quæ in his Patribus legere potui, aliquid huiusmodi inueni, neque defensores alterius sententiæ, qui maiori fortasse diligentia illud quæsierunt, id nobis allegant, quod breuiter ostendam discutendo per ea quæ allegata inuenio.

**Allegatur I.**  
**Dionysius.** Primò enim allegatur Dionysius cap. 4. de diuinis nominib. dicit Deum vocare amorem, quia generat, seu creat in nobis, & immittit amorem, & quia, ad illum pertinet quod moueat, & censeat motionem in alijs. Sed hæc omnia loquendo in ordine gratiæ verissimè dicuntur propter infusionem charitatis tam habitualis, quam actualis per excitantem, & adiuuantem gratiam, neque aliud ex illis verbis colligit D. Thomas explicando illa in lect. 11. citatur etiam Dionysius in cap. 5. eiusdem libri, in vltima eius parte, vbi agit de diuinis exemplaribus, ac prædefinitionibus. Sed ille locus pertinet ad generalem prouidentiam, vel rerum creationem, vt alij volunt, & ideo illum sufficienter attingimus in lib. 3. cap. 1.

**D. Thom.** **2.** **I. I. Ephrem.** Secundò allegatur Ephrem, varijs in locis. Primò in serm. de vita relig. satis post medium, vbi comparat gratiam speculo, & inter alia dicit, *Ab sine gratia adminiculo, non proualeat ei cor placere viribus suis, verum ut ipsi placeat, ab ea accipit.* & infra, *Homine sine gratia adiutorio pauper est, & bonorum inops; si vero ipsam gratiam promeruerit, poterit illius opè virtutes exercere, atque perficere.* Hæc autem, & similia quid pertinent ad gratiam prædeterminantem? Allegantur præterea hæc verba, *Anima gratia, & eius adiutorio destituta, inefficax, & inutilis est.* Sed illa verba nec formaliter inueniuntur in Ephrem, nec quidquam referrent; nam solum probant necessitatem gratiæ, non efficacem prædeterminationem. Est ergo illud testimonium egregium, ad commendandam gratiam, ad probandam autem, vel insinuandam physicam prædeterminationem, inutile omnino est. Imò si attentè legatur Ephrem, non minus commendat cooperationem, & liberam applicationem voluntatis, & nimium illi tribuere videretur, nisi ad fideles, & gratia præuentos loqueretur.

**3.** **Idem Ephrem** Deinde allegatur in serm. 3. de Compunct. cord. solum, quia inter multiplices petitiones gratiæ hanc interponit. *Da mihi medicamentum efficax quo plenissime ab oculis meis cures vulneribus.* Sed quis non videat quam sit inefficax testimonium, nam ad litteram postulat contritionem, quæ est medicamentum efficax peccatorum, vt licet postula-

**A** ret auxilium efficax, non ideo postulat prædeterminationem physicam, sed illam, quam serm. 1. vocat *dulcem protectionem, & illuminationem, & quam in opere de diuin. grat. vocat custodem animæ, magistrā inuincibilem, & gubernatricem animæ.* Quibus verbis, & similibus moralem modum operandi præuenientis gratiæ demonstrat. Et quia illa non prædeterminat voluntatem, admonet. *Cum promptitudine igitur animi morem ipsi gerito, & cuncta tibi perspicua reddet.* Denique allegatur idem Sanctus in confessione, seu precatione ad Deum, quæ incipit, *Sana me Domine,* propter sequentia verba, *Quemadmodum terra, licet seminata, nequit à se fouere germina, sine tuæ bonitatis visitatione, ita neque cor meum eloqui poterit beneplacita tibi beneficio gratiæ tuæ, nisi per ipsam fructificauerit iustitiæ fructum.* Ex quo inferunt ex mente huius Patris necessarium esse, non solum vt gratia fructificet, sed etiam vt faciat liberum arbitrium fructificare. Sed in primis Ephrem non dicit, an gratia faciat liberum arbitrium fructificare, necne, sed solum dicit, cor hominis non posse sine gratia fructificare. Deinde licet id verum sit, non sequitur quod gratia id faciat prædeterminando, sed moraliter inducendo, & cooperando simulque efficiendo. Denique quod in illo loco intenditur, & optimè probatur, est, necessarium esse, vt Deus incipiat seminare in anima per gratiam præuenientem, non tamen id satis esse ad ferendum fructum, nisi gratia etiam adiuuet, & sæpius animam visitet, quod totum sine prædeterminatione physica fieri potest, & magis consentaneè ad naturam hominis liberam fit.

**C** Tertiò citatur Basilii lib. de Spirit. sanct. cap. 8. vbi tractans illud Apostoli ad Roman. 8. *In his omnibus superamus per eum, qui dixit nos, ait, Nequaquam hac voce humile quoddam ministerium inuocat, sed auxilium potius, quod per imperium suæ potentie operatur in nobis, sicut & ipsum alligauit fortem, diripuitque vasa illius, videlicet nos quibus ad omnia mala opera fuerat abusus, fecitque vasa utilia Domino, apparatus ad omne opus bonum, ob promptitudinem illius, quod erat in nobis.* Sed his etiam verbis nulum vestigium physici prædeterminationis inuenitur. Nam si illa colligatur ex verbo illo, *per imperium potentie suæ*, frivolum est, quia omne auxilium gratiæ, siue sufficientis, siue efficax, operatur Deus in nobis per imperium potentie suæ. Si verd id sumatur ex verbo illo, *fecitque vasa utilia Domino*, iam sæpe dictum est, verbum faciendi generalius esse, & non limitari ad physicam prædeterminationem, quod magis significauit Basilii in sequentibus verbis, nam dicit *fuisse nos vasa Domino apparatus ad omne bonum ob promptitudinem, &c.* Nam longè aliud est, voluntatem reddi aptam ad operandum, ab eo, quod est physicè prædeterminari.

**E** Apparentius possent ex Basilio citari verba, quæ Petrus Diaconus de Incarnat. & grat. cap. 8. refert, in oratione sacri Altaris, *quam, (vt ait,) penè vniversus Oriens frequentat.* Suntque huiusmodi, *Dona Domine virtutem, ac tutamentum, malos, quasumus, bonos facito, bonos in bonitate conserua, omnia enim potes, & non est qui contradicat tibi, cum enim volueris saluare, & nullus resistit voluntati tuæ.* quæ verba formalia in operibus Basilij non inuenio, tamen in Missa hæc habet æquivalentia. *Deus omnis consolationis inclinantes tibi sua capita custodi, muni, conforta, ab omni opere malo discedere fac, in omni autem opere bono cadiuina, & idoneos fac indamnabiliter accipere incommutabilia, & viuifica mysteria in remissionem peccatorum, & Spiritus sancti communia-*

Re 4 nem,

4.  
III. Basilii,  
Rom. 8.

5.  
Diaconus.



nem. Et prius pro Catechumenis sic orat. *Fac eos membra Ecclesiæ, & idoneos fac; lanacro regeneratio- nis, & remissione peccatorum, &c.* Et infra pro ministris Altaris. *Idoneos nos fac virtute tua sancti Spiritus in ministerio isto, ut indamnabiliter stantes in conspectu sanctæ gloriæ tuæ offeramus tibi sacrificium laudis: tu es enim operans omnia in omnibus.* At verò ex prima oratione solum colligit Petrus Diacon. docuisse Basilium per illam precem non a seipsis, sed à Deo malos homines fieri bonos, nec sua virtute, sed diuinæ gratiæ adiutorio in ipsa bonitate perscrutari. Virumque autem sufficienter fit per excitantem, & adiuuantem gratiam sine prædeterminatione, idem- que de cæteris orationibus dicimus. Similesque orationes inueniuntur in Missa Chrysostomi, & æquiualentibus nunc Romana Ecclesiæ vitur.

6. Quarto allegatur Nazianzenus orat. 31. vbi  
IV. Nazianz. tractans illud ad Roman. 9. *Non est volentis, &c.* ait. *Ipsam etiam rectè velle diuino auxilio indiget, imò, ut rectius loquar, voluntas quoque ipsa, & electio eorum quæ recta, & cum officio coniuncta sunt, diuinum quoddam beneficium est, atque à Dei benignitate manans. Itaque quoniam velle quoque ipsum à Deo est, optimo iure totum Deo assignauit.* Sed mirum est Nazianzenum in illo loco asseri pro illa sententia, cum ibi exponat verbum Pauli, *Non est volentis, &c.* id est, non solum volentis hominis, sed etiam miserentis Dei, quam expositionem non probauit Augustinus, non quia falsam doctrinam contineat, sed quia non explicat primarias vices, quas Deus in opere gratiæ habet etiam circa ipsam voluntatem. Alioqui tamen verum est, velle ita esse Dei, ut sic etiam nostrum iuxta regulam eiusdem Augustini lib. 1. de Retract. cap. 21. & aliis locis.

7. Nazianzenus ergo in illo loco non solum non docet necessitatem auxilij prædeterminantis, verum etiam nec de certo modo auxilij loquitur, sed solum dicit, voluntatem ad rectè volendum diuino auxilio indigere, & propterea rectam voluntatem diuinum esse beneficium, & à bonitate Dei manans, quod tam ratione auxilij adiuuantis, quam excitantis verum est. Quod verò ait totum esse assignandum Deo, ideo dixit, quia non tantum operari, sed etiam ipsum velle à Deo est, quamuis etiam sit nostrum; vel id dixit, quia principaliter est ex Deo. *Nam cuius est quod est amplius, eius dicitur esse totum, ut aliàs dixit Chrysostomus homil. 12. ad Hebræos.* Vnde in oratione 1. quæ est apologetica pro fuga sua, dixit idem Gregor. singularis, & eximie Dei benignitatis argumentum esse facere, *ut nostra quoque aliqua ex parte sit virtus, & animi proposito excolatur, arbitryque libertate parem in utramque partem motum habente.* Imò oratione 38. quæ est in sanctam Natiuitatem, de primo homine dicit, ita fuisse arbitrij libertate donatum, *ut bonum non minus illius esset, qui elegeret, quam eius, qui semina prauisisset.* Intelligendum autem est, non minus quoad absolutam virtutis influxus necessitatem, non quoad perfectionis, seu efficacitæ gradum.

8. Quinto refertur Cyrillus Alexandrinus libro 1. de Adoratione in Spiritu, pag. 15. vbi exponens verba illa Genes. 10. *Cum verò manè factum esset, urgebant Angeli Loth, dicentes: Accipe uxorem tuam, & duas filias, quas habes, & exi.* Ex illis sic colligit. *Indicium autem tibi sit valde manifestum, dum non solis verbis nos stimulat, & adhortationibus menti inmissis, ut discedamus à peccato, sed tantam etiam benignitatem nobis exhibet vniuersorum Saluator Deus, ut efficaci subsidio adiuet, secundum quod scriptum est: Apprehendisti manum dexteram meam,*

A & in consilio tuo deduxit me. Nam quoniam hominis natura non valde generosa est, neque satis idonea, ut malum effugere queat, simul quodammodo nobiscum certat Deus, & duplex beneficium concedere videtur persuadens admonitionibus, ut subsidium inueniamus, & fortius illud prestans, quam ut malum presens, & violentum praualeat possit. Hæc enim sunt eius formalia verba quæ optimè confirmant necessitatem gratiæ excitantis: quid verò faciant ad causam non video. Nam quod Cyrillus dicit dare nobis Deum auxilium, vel subsidium efficace, nemo nostrum negat, sed quale illud sit, inter nos controuertitur. Cyrillus autem ibi non tractat de auxilio necessario ob concursum primæ causæ, sed ob humanæ naturæ fragilitatem.

B Vnde verisimile est solum loqui de efficacia in actu primo, id est, de illa qua reddimur potentiores tentatione ad vincendam illam. Hic enim est, ut alibi notauimus, frequens modus loquendi Sanctorum, maxime quando loquuntur de auxilio abundantiori, quod dat Deus homini, quem vult potentiorē, seu valentiorē reddere, quam sit tentatio. Quod auxilium quantum ad consequendum effectum sæpe est tantum sufficiens, quia homo illi cooperatur: nam de se solum est quoddam præueniens auxilium, quod per internas adhortationes, & admonitiones menti immittas datur, ut Cyrillus explicat, adiuuans verò, ac simultaneum auxilium indicat, dum ait, *Simul quodammodo nobiscum certat Deus.* Quod autem neutrum eorum prædeterminet voluntatem, significat, cum subdit, nihilominus, paucos esse qui virtutem exerceant, sed qui talis est electus, & diuinam gratiam non perfectorie assequutus. Vnde paulo superius exemplo vocationis Abraham ordinem gratiæ in nobis describit, dicens. *Vbi vocati fuerimus, & diuinit obediuerimus legibus, & ad promptitudinem, ac desiderium transferimus, quasi in terram omnibus bonis excelsum tunc Deus suæ cogitationis claritatem immittit.* Vbi post vocationem non prædeterminationem, sed obedientiam requirit, non sine coadiutore Deo, ut postea declarat. Et hæc sententia Cyrilli est optima ad intelligendum vera esse quæ suprâ de mente Chrysostomi dixi.

D Sexto allegatur Athanasius super cap. 2. ad Ephes. in illa verba, *Ipsius enim sumus factura, creati in Christo Iesu in operibus bonis, &c.* eo quod ibi dicat Deum immutare voluntatem nostram, eiusque bona opera præparare, ac prædefinire. Hoc verò testimonium, neque auctoritatem habet, neque efficaciam, Dico non habere auctoritatem, quia illud opus non est Athanasij, ut omnes docti sentiunt, vnde inter eius probata opera non collocatur. Et quamuis soleat tribui Theodoro, aut Theophylacto, nihilominus illa verba in eorum commentariis super illum locum non inueniuntur, neque alia quæ ad rem præsentem aliquid faciant. E Addo verò etiam non habere efficaciam, quia longè diuersum sensum habet quod dicitur Deus immutare mentem nostram, & præparare, ac prædefinire bona opera eius. At verò Deus immutat voluntatem per auxilia excitantia, & adiuuantia, & præparando hæc auxilia quantum est ex se, præparat bona opera, vel efficaciter, vel sufficienter, præparatione utriusque æterna, ut dixit D. Thomas 1. parte quæstione 23. artic. 2. ad 3. & eodem modo illa prædefiniuit, de quo verbo plura in superioribus.

I I. Septimo refertur Cyprianus lib. 3. ad Quirin. cap. 4. vbi habet illam sententiam, *In nullo glorandum, quando nostrum nihil sit.* Et in expositione

95

10.  
VI. Athanas.  
Ephes. 2.

D. Thom.

I I.  
VII. Cyprian

tione orationis Dominicæ circa illa verba, *Fiat voluntas tua*, quia licet his verbis nos postulare opem, & protectionem Dei, & in aliis non credentibus fiat voluntas Dei per conuersionem ad fidem. At verò tractans hæc loca Augustinus lib. 4. contr. duas epistolas Pelagianorum cap. 9. & lib. de prædestinat. Sanctor. cap. 3. ex illis solum colligit nihil boni, & pietatis posse ab homine fieri sine dono gratiæ Dei. Et orandum esse non solum pro fidelibus, ut boni fiant, sed etiam pro infidelibus, ut conuertitur, & ut liberè conuertantur, non quidem ex sola sua libertate, sed ex auxilio, & vocatione diuina etiam congrua, & efficaci, quæ omnia optimè subsistunt sine physica prædeterminatione, cum tamen illa cum vera libertate componi non possit.

August.

12.  
VIII. Ambrosius.

Octauo allegatur Ambrosius lib. 10. in Lucam; ad illa verba cap. 22. *Conuersus Dominus respexit Petrum*, ubi sub verbo *respexit*, intelligit internam gratiæ auxilium, & ait, quandiu Dominus non respexit, Petrum illum non fletisse. *Respexit*, (inquit,) *Iesus, & ille amarissime fletit*. Vnde generaliter refert, *quos Iesus respicit, plorant delictum*, quam expositionem, & doctrinam probat Augustinus lib. de Grat. Christi, cap. 45. Sed quidquid sit de expositione, de qua dixi alibi, doctrina est verissima, non propter physicam prædeterminationem, sed propter congruam, & efficacem internam excitationem, quam & verba Scripturæ, & ipsius Ambrosij, & aliorum Patrum indicant. Ait enim Lucas, *Dominus respexit Petrum, & recordatus est Petrus verbi Domini*. Primus ergo effectus illius respectus fuit memoriam Petri excitare. Vnde etiam Ambrosius dixit, *Respicit ut recorderis, & fatearis errorem*. & Augustinus lib. 3. de consensu Euangelistar. cap. 6. *Mibi*, (inquit,) *videtur illa respectio diuinitus facta, ut ei venires in mentem quoties iam negasset, & quid ei Dominus prædixisset, atque ita misericorditer Domino respiciente, pœniteret eum, & salubriter fletat*. Et lib. de Grat. Christi, cap. 45. de eadem respectione loquens, *Dominus*, (inquit,) *laenter subuenit, cor tetigit, memoriam renouauit, interiori sua gratia viuificauit Petrum*. Et similia habet Leo Papa serm. 3. de Passione, dicens, *In illum conuersa est veritatis inspectio, ubi erat cordis facienda correctio, quasi illi quadam vox Domini insonaret, ac diceret, Quid habes Petre, &c.* & serm. 9. *Diuino*, (inquit,) *vidit intuitu, & pauentis animum innox, ut inspexit, erexit, & in fletus pœnitudinis incitauit*. Hic ergo est modus quo Christi respectio cor conuertit, illud excitando, & illuminando non physice prædeterminando.

August.

Luc. 22.

Ambros.

August.

Leo PP.

13.

Ambros.

Neque plus probant alia verba quæ ex eodem Ambrosio allegantur lib. de Fuga sæculi, cap. 1. *Non est in potestate nostra cor nostrum, &c.* & infra, *Quis autem tam beatus, qui in corde suo semper ascendat, sed hoc sine auxilio quod fieri potest? nullo profecto modo*. Duobus enim modis intelligi potest non esse in potestate nostra cor nostrum; scilicet, vel quantum ad consensum, vel quantum ad excitationem aliquam, vel tactum cordis per antecedentem cogitationem. Ambrosius ergo non loquitur priori modo, nec loqui potuit, cum absolute loquendo fidei repugnet. Loquitur ergo in posteriori sensu, ut ex verbis eius euidenter constat. Dixerat enim, *Frequenter irrepit terrenarum illecebra voluptatum, & vanitatum offusio mentem occupat, ut quod euitare studeas, mente voluas, quod cauere difficile est homini,*

*A* exuere autem impossibile. Et postea subdit, *Non enim in potestate nostra est cor nostrum*. Et adiungit, *Sed nostra cogitationes, quæ improniso offusam mentem animumque confundunt, atque alio trahunt, quæ tu proposueris, ad secularia renouant, &c.* Ad superandas autem, & vincendas has cogitationes requirit Ambrosius speciale gratiæ auxilium, non physicam prædeterminationem. Vnde Augustinus lib. de bono perseveran. cap. 8. & lib. 2. contra Iulianum, cap. 8. & lib. 4. contra duas epistol. Pelagianorum, cap. 11. tractans hæc verba Ambrosij nihil aliud ex illis colligit, nisi necessitatem diuini auxilij, & illud inchoandum esse per sanctam cogitationem, quæ in nostra potestate non est, ac denique dicta verba explicat per illa Pauli, *Non sumus sufficientes cogitare aliquid ex nobis quasi ex nobis, sed sufficientia nostra ex Deo est*.

August.

1. Cor. 3.

Tandem obiicitur nobis Hieronymus, primò in Epistola ad Ctesiphontem, ubi postquam retulit argumentum Pelagij, quod si voluntas indigeret diuino auxilio, non esset libera, illud improbat tanquam blasphemum, & impium. *Nam per arbitrij libertatem*, (inquit,) *asserunt se nequaquam ultra necessarium habere Deum, & ignorant Scripturam: Quid habes quod non accepisti, &c.* Verumtamen argumentum ab hoc testimonio sumptum eundem habet defectum, quem sæpe notauimus, quia ex necessitate auxilij diuini infert necessitatem physice prædeterminationis, quæ illatio nullius momenti est, ut per se constat. Sicut è contratio peccabat Pelagius ex necessitate diuini auxilij inferendo tolli libertatem, quæ nulla illatio est, quia auxilium excitans, & adiuuans, seu concomitans, non repugnat libertati, aliàs etiam dependentia quoad generalem concursum libertati repugneret, quod sensisse Pelagium in ultimo Prolegomeno diximus; & valde probabile est, illud etiam à Hieronymo impugnari, secus autem esset si argumentum Pelagij fieret contra solam physicam prædeterminationem; nam si illa esset semper necessaria, frustra diceretur voluntas libera, cum nunquam posset se determinare. Quia verò contentio Pelagij cum Catholicis non erat de prædeterminatione physica, ideo friuolum erat argumentum Pelagij, cui etiam Hieronymus tractando verba Pauli, *Non est volentis, neque currentis, &c.* occurrit, dicens: *Velle, & currere meum est, (utique per meam determinationem,) sed hoc ipsum meum sine Dei semper auxilio non erit meum*.

14.  
Obiicitur  
Hieronym.

Rom. 9.

Et eundem sensum habent alia verba Hieronymi ad Ephes. 2. quæ non melius pro physica prædeterminatione afferuntur, cum vel illi nullo modo faueant, vel potius repugnent: nam circa illa verba, *Gratia estis saluati per fidem, & hoc non ex vobis*, addit Hieronymus, *Hæc ipsa fides non est ex vobis, sed ex eo, qui vocauit vos*, ubi aperte significat illud esse dictum à Paulo ratione vocationis, non ratione physice prædeterminationis. Et in eodem sensu subiungit. *Addidit itaque, & dixit, fidem quoque ipsam non nostra voluntatis, sed Dei muneris*, quod ipsemet exponit, dicens, *Non quod homini liberum tollatur arbitrium, & secundum illud Apostoli ad Romanos, non sit volentis, nec currentis, sed miserentis Dei, quod ipsa arbitrij libertas Deum habet auctorem, & ad illius beneficium cuncta referantur, cum etiam bonum nos velle ipse permiserit*. ubi maxime pondero verbum *permiserit*, directè enim opponitur verbo *prædeterminandi*, & usurpatum est à Hieronymo in generali

15.  
Hieronym.

nerali significatione explicando nobis quomodo diuina gratia præueniens per vocationem, (ratione cuius dictum est illud, *non est volentis, neque currentis*, & illud, *hoc non ex vobis*,) voluntatem non determinet, sed sinat operari bonum, si velit. Denique similia sunt verba eiusdem Hieronymi, in illa verba Hieremias 24. *Dabo eis cor ut sciant me*. quæ comparat cum illis Pauli, *Deus est qui operatur in vobis velle*, & utrisque doceri dicit, *quod non solum opera, sed etiam voluntas nostra Dei nitatur auxilio*, & cap. 26. circa principium. *In nostra quidem potestate possumus est facere quid, & non facere, ita duntaxat, ut quidquid boni operis volumus, ad Dei gratiam referamus, qui iuxta Apostolum dedit nobis velle, & perficere*

Jeremia 24.

Philipp. 1.

## CAPVT XLVI.

*Augustinum in vocatione congrua sine physica prædeterminatione efficacem præuenientem gratiam constituisse.*

1. Sedes, & dispositio capituli.

**T**Ria in hoc titulo proponimus. Primò enim dicimus Augustinum posuisse gratiam efficacem in quadam vocatione, & hoc probauimus latè suprà cap. 5. Secundò affirmamus illam vocationem, quæ efficax esse dicitur, talem dici, & esse, quia infallibiliter consensum obtinebit, idque habere ex congruitate quadam ad eum cui datur, quam congruitatem præsciuit Deus, & obseruauit, ut illam daret, & cum illa non solum potestatem, sed etiam velle homini donaret. Tertio negamus posuisse Augustinum efficacitatem vocationis in aliquo auxilio prædeterminante ipsi vocationi adiuncto, & ab omni auxilio excitante distincto. Et hæc duo probanda à nobis sunt, & quia præcipua loca, ex quibus sumuntur, eadem ferè sunt cum illis, quibus primum punctum probauimus, ideo breuiter in singulis designabimus verba, quæ ad rem præsentem faciant, & illis alia testimonia, si occurrerint, adiungemus.

2. Testimonium de efficacia vocationis per congruitatem ad hominem.

Primò igitur Augustinus explicat efficaciam vocationis per congruitatem ad hominem, qui vocatur in lib. 1. ad Simplician. q. 2. ubi postquam distinxit vocationem efficacem, quam vocat *efficacem bonæ voluntatis* ab inefficaci, sic concludit. *Igitur non volentis, neque currentis, sed miserentis est Dei, qui hoc modo vocauit quomodo aptum erat eis, qui secuti sunt vocationem*. Vnde subdit inferius. *Illi electi qui congruenter vocati*. Et infra, *Non volentis, &c. quia etiam si multos vocet, eorum tamen miseretur, quos ita vocat, quomodo eis aptum est ut sequantur*. Et infra, *Cuius miseretur, sic enim vocat, quomodo scit ei congruere, ut vocantem non respiciat*.

3.

Ad hoc testimonium quidam ex defensoribus alterius sententiæ, cum non posset negare in illo esse sermonem de congrua vocatione, ausus est dicere, in omnibus quæ ibi tractat Augustinus de vocatione congrua, non loqui ex propria sententia veritatem definiendo, sed solum disputando, & inquirendo vsque ad illa verba, & tamen intueamur superiora, & inde nostram quantum ipse Dominus dederit, sententiam proferamus. Nam interrogando, & respondendo, ac replicando processerat, vsque ad illa verba, quæ præ se ferant initium definitæ sententiæ, vnde, & in

**A** margine notatur, *conclusio questionis*. sed hoc audiendum non est. Primò, quia idem Augustinus lib. de prædestinat. Sanctor. cap. 4. & lib. 2. de retract. cap. 1. recognoscens, & allegans questionem illam, illam simpliciter approbat, & laboratum, inquit, in ea esse pro libero arbitrio, & vixisse gratiam Dei. Secundò, quia ille modus interrogandi, quo Augustinus vtitur, non est indicium dubitantis, quin ex alterius sententia loquentis: nam ille est ordinarius modus procedendi Augustini subtiliter inquirentis veritatem. Vnde ad singulas interrogationes statim adhibet responsum, & in ea propriam sententiam ad talem interrogationem pertinentem satis declarat, & ita ad questionem principaliter propositam resoluendam progreditur. In illa autem questione cum principaliter proposuisset exponere verba Pauli ad Roman. 9. *Cum enim nondum nati essent, &c.* statim illa ex propria sententia explicare aggreditur, dicens: *Quo adiutorio fidentius factus aggredior. Et primò intentionem Apostoli, quæ per totam epistolam viget, tenebo*. Nimirum, quod gratia non detur ex meritis, sed ex liberalitate Dei. Et ad declarandum, & defendendum hoc fundamentum vtitur variis interrogantibus, per modum obiectionum, quibus satisfacit distinctione vocationis congruæ, & non congruæ, seu singularis, & communis ex proposito, vel ex generali prouidentia. Et ita totam illam doctrinam affert, ut maximè propriam, & quasi denuo sibi reuelatam, ut in citatis locis significat. Tertio hæc mens Augustini ex aliis eius locis colligitur, in quibus per eandem vocationem explicat mysterium diuinæ gratiæ, & prædestinationis, & quia in prioribus operibus suis parum de illa disseruerat, hoc ipsum tanquam proprium defectum ipse notat lib. 1. retract. cap. 23. Qui ergo credibile est, in illa præcipua questione non esse loquutum de vocatione ex propria sententia? Quarto si expositionem illam admittamus, tota doctrina, quam Augustinus tradit in illa questione per septem columnas, à principio vsque ad dicta verba, & tamen intueamur superiora, erit inutilis, ac nullius auctoritatis, quod absurdissimum est, & contra omnes, qui postea scripserunt, & questionem illam allegarunt. Quintò verba illa, & tamen intueamur superiora, nihil colligunt, imò verum sensum dictum confirmant. Nam si per illa superiora totam doctrinam præcedentem intelligamus, potiùs inde colligimus, illa omnia tanquam vera, & certa Augustinum supponere, & ex illis tanquam ex veris fundamentis à se iactis principalem questionem resolvere, & definire; si verò particula superiora, (quod verius est,) ad sola verba Pauli, quæ proximè tractabat, referatur, ex illis nihil colligitur contra doctrinam in eadem questione priùs datam. Deuenerat enim Augustinus ad interrogandum, quomodo Deus iuste de hominibus conqueratur, si cuius vult, miseretur, & quem vult, indurat, & non potiùs de Deo iuste còqueri possint quoddam inæqualiter cum eis se gerat. Et ut respondeat, dicit intuenda esse superiora verba utique Pauli, nam subiungit. *Ait enim paulo antè. Quid ergo dicemus? nunquid iniquitas est apud Deum?* Ex his respondet non iniquè agere Deum, cum de peccatoribus conqueritur, quia ille non cogit ad peccandum, nec sufficientem vocationem negat. Neque etiam posse eos sic peccatores iuste de Deo conqueri, quod eos nõ congruè vocet, sicut alios, quia neque in hoc iniquè agit, cum nihil eis debi-

Defensio pro Augustino.

Rom. 9.

eum



tum neget, & dona sua possit cui voluerit gratis donare. Ex quo verò sensu, nō solum non infirmantur superiora, sed potius confirmantur, quia nullū aliud medium expediendæ quæstionis attulit, sed ex iactis fundamentis illam resoluit. Sexto denique hoc fit evidens, quia etiam post illa verba, *Et intuemur superiora*, ad idem expresse reuoluitur, nam paulo post dicit. *Conqueritur autem iuste de peccatoribus, tanquam de his, quos peccare ipse non cogit. Simul etiam, ut hi, quorum ipse miseretur, hanc quoque habeat vocationem, ut dum Deus de peccatoribus conqueritur, compungantur corde, atque ad eius gratiam conuertantur.* Et paulo inferius. *Hac demonstratio potentia Dei, & annuntiatio nominis eius in uniuersa terra prodest eis, ut timeant, & rursus corrigant, quibus vocatio talis congruit.* Et inferius in Epilogo quæstionis. *Præcipimur, (ait,) ut credamus, sed quis potest credere, nisi aliqua vocatione, hoc est, aliqua rerum testificatione tangatur.* Vbi non solum redit ad vocationem, sed etiam declarat in quo consistat, utique in actu cordis, non in prædeterminatione. Quia verò non omnis tactus est efficax, subdit, *Quis habet in potestate, tali viso tangi mentem suam, quo eius voluntas moueatur ad fidem.* Et vsque ad finem quæstionis eandem doctrinam eisdem ferè verbis sæpius inculcat: quomodo ergo de illa in superioribus verbis ex propria sententia non est loquutus? Non potest itaque de mente Augustini in illo loco dubitari.

Secundum testimonium non dissimile præcedenti sumimus ex lib. de dono perseuer. cap. 14. Nam de Tyrnis & Sidoniis dicit. *Etiā credere potuerunt, si mira illa Christi signa vidissent.* Vbi oportet semel notare, loqui Augustinum de potestate, quæ reduceretur in actum, ut ex contextu aperte constat, & est frequens eius phrasis tam ibi, quàm in dicta quæst. ad Simplician. & aliis. Vnde in prædicto loco paulo post subiungit. *Nec sic induratum eras cor Tyrriorum, & Sidoniorum, quoniam credidissent, si qualia viderunt, isti signa vidissent.* Et tamen de eisdem addit. *Sed quoniam ut crederent non erat eis datum, (utique per prædestinationem,) etiam unde crederent est negatum.* scilicet, vocatio congrua. Et ideo subinfert, *Ex quo intelligimus habere quosdam in ipso ingenio diuinum naturaliter inuolunt intelligentia, quo moueantur ad fidem, si congrua suis mensibus vel audiant verba, vel signa conspiciant.* Non poterat certè clarioribus verbis explicare quomodo efficacia vocationis ex congruitate ad vocatum pertineat. Erram in hoc, quàm in præcedenti testimonio oportet aduertere, docere Augustinum eandem vocationem esse posse congruam vni, & non alteri, non certè ex coniunctione, vel defectu auxilij prædeterminantis, iam enim non esset eadem vocatio si sub vocatione congrua tale auxilium comprehenditur; ergo ex congruitate ad vocatum. Vnde dicit alibi idem Augustinus vocationem interdum differri, ut sit congrua in vno tempore, quæ non esset in alio: sic enim in expositione Psalm. 142. circa illa verba, *Cirò exaudi me Domine, inquit, pluiam differebas, ut hauriens imberem, non respicerem, quod influeres.* Sic ergo ideo differebas, iam da, quia anima mea sicut terra sine aqua tibi. Caprat ergo Deus secundum Augustinum occasiones vocandi congruè quod certè non esset necessarium, si in prædeterminatione necessitas posita esset.

Tertiò idem probatur ex lib. de prædestinat. Sanctor. cap. 16. vbi ponens vocationem in interna doctrina, qua homines sunt interius docibiles Dei, efficaciam eius declarat, in fine dicens. *Ad hanc vo-*

*cationem omnes qui pertinent, sunt docibiles Dei, nec potest quisquam eorum dicere? Credidi, ut sic vocarer; præniti enim cum misericordia Dei, quia sic vocatus est, ut crederet, id est, ut congruebat audienti, ut disceret, & cap. 19. similiter ait, Illa vocatione id prorsus agitur, & peragitur, ut credamus, & cap. 20. dicit. Hoc donum gratis in illam purpurariam descendat, cui, sicut Scriptura dicit in Actibus Apostolorum, Deus aperuerat sensum eius, ut intenderet in ea qua dicebantur à Paulo, sic enim vocabitur, ut crederet. In ipsa ergo vocatione ponit illum modum accommodatum recipienti, ratione cuius dicitur, sic vocari, ut credat, quem modum aliis locis per congruitatem ad eum, qui vocatur, declarat. Et in Epistol. 107. ad Vitalem exposuit per illa verba sic eius agit sensum, ut accommodes assensum, quod inferius dicit fieri, per occultam inspirationem Dei. Inspiratio ergo ipsa quæ est vocatio, quatenus ita datur homini, ut accomoder assensum, quod est date cum congruitate ad susipientem, est auxilium efficax.*

Quartò idem probari potest ex omnibus locis dicto cap. 5. allegatis, in quibus Augustinus docet, dare Deum efficacem gratiam præparando voluntatem, per vocationem occultam, & secretam, adiungendo alia loca, in quibus ait hanc præparationem voluntatis fieri per reuelationem internam, & spirituales delectationem quam infundit, ut sumitur ex lib. 2. de peccator. merit. cap. 17. & lib. de grat. Christi cap. 10. & 14. & de prædestinat. Sanctor. cap. 8. Et similia sunt loca, in quibus ait, hoc fieri per internam Spiritus sancti persuasionem, quando enim suasio fit modo ita accommodato audient, ut persuadeatur; tunc rectè dicitur persuasio. Vnde in lib. de natur. & grat. cap. 25. *Magnus est Dominus qui persuadet, quomodo ipse nouit.* Et in lib. de spirit. & liter. cum prius in cap. 33. rationem, cur ex duobus audientibus Euangelium vnus credit, & alius non credit, & arbitrij libertate, quia vnus vult, & alius non vult, reddidisset, quia per hoc non satis explicatur donum gratiæ, addit in cap. 34. *Non ideo tantum ista voluntatem diuino muneri tribuendam, quia ex libero arbitrio est, quod nobis naturaliter concreatum est, verum etiam quod visorum suasionibus agit Deus, ut velimus, ut credamus, siue extrinsecus per Evangelicas exhortationes, & siue intrinsecus, vbi nemo habet in potestate, quod ei veniat in mentem, sed consentire, vel dissentire propria voluntatis est.* Vbi expendimus in primis non alium modum suasionis internæ ponere Augustinum, nisi moralem, & per actus vitales medijs obiectis potentias nostras excitantibus. Et his modis, (ait inferius,) agit Deus cum anima rationali, ut ei credat, quia credere non potest, nisi sit aliqua suasio, vel vocatio, cui credat, & sic, ait, ipsum velle Deus operatur in nobis. Totum ergo negotium ex parte antecedentis tribuit vocationi, & suasioni, & specialem misericordiam, & profunditatem mysterij in hoc solum ponit, quòd huic ita suadeatur, ut persuadeatur, illi autem non ita. Et nihilominus concludit, *Consentire, & dissentire propria voluntatis est, non quia consentire sit solius voluntatis sine adiutorio concomitantis gratiæ, sed quia vocatio quantumvis congrua, non adigit voluntatem ad alterutram partem, quam doctrinam habet etiam in lib. 83. Quæstion. quæst. 68. & lib. de grat. Christi cap. 10. & in lib. 7. Confession. cap. 6. notari possunt illa verba, Tu Domine iustissime moderator vniuersitatis, consulentibus, consultiisque nescientibus occulto instinctu agis, ut dum quisque concludit, hoc audiat, quod eum oportet audire.*

4- Aliud testimonium priori non dissimile. Notandum.

Aduertendū, eandem vocationem posse esse congruam vni, & non alteri.

5.  
Solutio.Impugna-  
tur.

At potest aliquis dicere, suasionem transire in A persuasionem, quando illi adiungitur nouum auxilium prædeterminans, vel intellectum, ut iudicet, ita esse credendum, vel voluntatem, ut velit credere. Sed contra hoc est in primis, quod numquam Augustinus in omnibus dictis locis hoc insinuat. Estque profecto mirabile, quod iubeant nos credere Augustinum posuisse discrimen, & rationem in sola physica prædeterminatione, cum Augustinus in illis locis, in quibus principaliter hoc agit, ut declararet quomodo Deus in nobis faciat, ut velimus, semper id per internam suasionem, & vitalem excitationem declararet, nulla facta mentione prædeterminationis; & cum rursus inquit, unde habeat suasio illa, quod tunc persuadeat & non illum, numquam id tribuit soli voluntati, vel prædeterminationi Dei, sed aliis modis per congruitatem ad suscipientem id explicare conatur. Accedit quod ipsum verbum *persuadendi*, vel nomen *persuasionis*, non nisi improprie potest applicari physice prædeterminationi, cum persuasio fiat vitalis, & humano modo, illuminando intellectum, & excitando affectum; prædeterminatio autem fiat vi quadam de se communi facultatibus non vitalibus etiam non sentientibus, nedum intelligentibus. Denique probando secundam partem propositam, quod nimirum Augustinus non in auxilio physico, ac prævio addito vocationi, sed in ipsa met vocatione, & modo illius ipsiusmet efficaciam posuerit, aperte concludemus, non in alio modo, quam in congruitate vocationis ad quam immediate sequatur consensus cum auxilio concomitante, ac physice adiuuante efficacitatem præuenientis gratiæ posuisse.

6.

Altera ergo pars negatiua, quam proposui probandam, ex eisdem fere locis aliis eorum verbis ponderatis eruenda est. Nam in primis in dicta quæst. 2. ad Simplician. semper docet, ratione vocationis tribui Deo nostrum velle, sic enim ait. *Quia non procedis voluntas bona vocationem, sed vocatio bonam voluntatem, propterea vocanti Deo velle tribuitur, quod bene volumus, nobis vero tribui non potest, quod vocamur. Non igitur dictum est putandum: Non volentis, neque ciuentis, sed miserentis est Dei, quia nisi eius adiutorio non possumus adipisci, quod volumus, sed ideo potius, quia nisi eius vocatione non volumus.* Igitur ex sententia Augustini necessarium non est aliquod auxilium præueniens præter vocationem, ratione cuius tribuitur soli Deo bona voluntas hominis, sed sufficit vocatio congrua, quam ipse quibus vult, ex sua misericordia confert. Confirmatur valde hoc testimonium, quia vocatio, quæ in aliquo non est efficax, esset efficax, si ille veller, & quod sit inefficax, eius duritiei, & resistentiæ tribuitur: hæc autem vera esse non possent, si efficacia vocationis penderet ex sola voluntate Dei, vel, (quod perinde est,) à nouo auxilio præueniente, ac prædeterminante, quod Deus pro suo arbitrio dat, vel negat quibus vult; ergo ex mente Augustini non est necessarium tale auxilium. Consequentia euidens est, nisi quis velit dicere Augustinum illam non vidisse, & repugnantia docuisset. Minor autem latè probata est in cap. . . Maior verò pater ex verbis illis, *Noluit Esau, & non cucurrit, sed etsi voluisset, cucurrisset.* Haberet ergo auxilium efficax si voluisset: nam sine auxilio efficaci, nec velle, nec currere potuisset; & ideo subdit, *Qui ei etiam velle, & currere vocando præsaret, nisi vocatione contempta reprobis fieret;* ergo inefficacia vocationis ex culpa hominis procedit; non ex defectu auxilij prædeterminan-

tis secundum Augustinum.

Confirmatur vterius idem testimonium ex illis verbis; *An forte illi qui hoc modo vocati, non consentiunt vocationi, possent alio modo vocati accommodare fidei voluntatem, & ut illud verum sit, Multi vocati, pauci vero electi, ut quamuis multi vno modo vocati sint, tamen quia non omnes vno modo affecti sunt, illi soli sequantur vocationem, qui ei suscipiende inueniuntur idonei: & illud non minus verum sit, Non volentis, sed Dei miserentis, qui hoc modo vocauit, quomodo aptum erat eis, qui sequuti sunt vocationem.* Vbi interrogo, quisnam sit ille modus vocationis, de quo his verbis loquitur Augustinus. Nam si auxilium prædeterminans necessarium est, nullo alio modo potest vocatio esse efficax, nisi quia præter excitationem habet adiunctam prædeterminationem, neque inefficax, nisi quia datur sine prædeterminatione. Augustinus autem non potest de hoc modo intelligi, quia secundum modum illum omnes vocati sine vlla alia consideratione, & quomodocumque affecti sint, consentiunt vocationi, si illo modo vocentur, & non consentient si tantum excitentur, & non prædeterminentur, quod consequenter concedunt aduersarij: si autem hoc verum est, impertinens est tota illa doctrina Augustini, quam millies repetit, & videbimus. Item quia non rectè diceret Augustinus, quod qui nunc consentit, alio modo vocatus, accommodaret fidei voluntatem, sed potius dicere debuisset, quod Deus determinaret eius voluntatem ad fidem. Cum ergo dicit, *accommodaret fidei voluntatem*, aperte sentit post vocationem congruentem, sine alia præueniente determinatione Dei ipsam voluntatem cum cooperante auxilio sese fidei accommodare. Præterea expressè dicit, ex pluribus vno modo vocatis, quosdam sequi vocationem, alios non sequi, & misericordiam singularem Dei erga eos, qui sequuntur vocationem, esse, quia illo modo utrosque vocauit potius, quam alio; ergo ille modus non potest consistere in prædeterminatione, quia vocatio adiunctam habens prædeterminationem, non est data omnibus illis, nam si talis data esset omnibus, omnes consentirent quocumque modo essent affecti; & sine illo modo in nemine haberet effectum, iuxta illam sententiam. Est ergo euidens Augustinum loqui de vocatione eodem modo collata intra propriam rationem excitationis.

Et hoc ipsum his verbis paulo inferius explicat. *Cum ergo alius sic, alius vero sic moueatur ad fidem, eademque res saepe alio modo dicta moueat, alio modo dicta non moueat, aliumque moueat, alium non moueat, quis audeat dicere defuisse Deo modum vocandi, quo etiam Esau ad eam fidem mentem applicaret, voluntatemque coniungeret, in qua Iacob iustificatus est.* Vbi obiter notari potest vocationem congruam secundum Augustinum talem esse, ut relinquat vocato potestatem applicandi, & coniungendi voluntatem suam ad fidem, seu, prout antea dixerat, *accommodandi voluntatem suam fidei.* Nam his verbis satis significatur etiam post vocationem efficacem manere determinationem in libera potestate voluntatis, ac subinde non interuenire prædeterminans auxilium, quod inde etiam sit perspicuum, quia si in tali modo auxilij posita esset efficacia, nec dubitari posset, an talis modus futurus esset efficax in Esau, nec in illo haberet locum, quod subdit, *Quod si tanta esse potest obstinatio voluntatis, ut contra omnes modos vocationis obdurescat, &c.* nam contra prædeterminationem euentissimum est neminem posse obdurescere; quia tamen Augustinus non

7.  
Confirmatur  
secundum  
testimonium  
superius addu-  
ctum.Ponitur vo-  
candi mo-  
bus.

8.

Aliud notan-  
dum ex Au-  
gustino.

non prædeterminationi, sed vocationi moraliter inducenti efficaciam antecedentem tribuebat, ideo illi dubitationi locum esse considerauit. Et nihilominus adiungit, *Quis dicat modum quo ei persuaderetur, ut crederet, etiam omnipotenti defuisse?* ubi etiam vis verbi *persuaderetur*, ponderanda est, iuxta alia quæ diximus. Certè qui sincerè, & sine affectione quæstionem illam, & seriem doctrinæ, & Augustini discursum considerauerit, dubitare non poterit, quin ad vocationem efficacem nullum auxilium prædeterminans, vel distinctum à vocatione ipsa, & interno modo persuasionis eius postulauerit.

9. Confirmatur testimonio Augustini.

Secundò hoc confirmat aliud testimonium ex lib. de perseuer. cap. 14. nam certè si differentia substantialis, ut sic dicam, inter vocationem efficacem, & non efficacem consisteret in adiuncto, vel non adiuncto alio auxilio prædeterminante, malè Augustinus ex eo, quod Tyrii crederent visis illis signis cum quibus non crediderunt Iudæi, intulit, fuisse diuersitatem aliam antecedentem inter Iudæos, & Tyrios, vel in lumine naturalis intelligentiæ, vel in cordis obduratione, seu dispositione. Nam sine tali diuersitate cæteris omnibus æqualibus antecedenter hi crederent, & illi non crederent, solum, quia hoc voluit Deus prædeterminare, & non illos, quod quidem consequenter concedunt Alvarez, Ledesma, & alij contrarium opinantes, ut suprà retuli, & infra etiam in capite speciali dicam. Quantum verò id repugnet Augustino, constat ex verbis illis, *Ex quo apparet habere quosdam in ipso ingenio, &c.* nihil enim tale apparet, si sola prædeterminatio consummat illam differentiam, & ad eam sufficit, imò est tota causa illius. Est ergo talis prædeterminatio aliena à mente Augustini.

10. Confirmatur ex eodem.

Tertiò est magnum argumentum quòd ubique Augustinus in operibus gratiæ non tribuit soli Deo nisi vocationem, & nunquam nisi ratione illius tribuit Deo, quòd faciat nos velle, neque inter vocationem, & consensum factum cum auxilio cooperante ponit medium auxilium præueniens voluntatem, & faciens eam facere: incredibile autem est hæc omnia prætermisisse, si hæc omnia in auxilio prædeterminante posita essent. Assumptio probatur ex eisdem locis, nam in quæst. 1. ad Simplician. *Vt velimus*, (ait,) *suum voluit esse, & nostrum, suum vocando, & nostrum sequendo.* Certè si prædeterminatio necessaria est, potius dicere debuisset, suum prædeterminando, quia quidquid est in vocatione præter prædeterminationem, est etiam in eo, in quo de facto Deus non operatur ipsum velle; & quia iuxta illam sententiam prædeterminatio sola est, quæ dat vocationi illam efficaciam. Augustinus autem nihil tale dixit, sed vocationi immediatè adiunxit consensum. Optimèque idem probatur ex lib. de Grat. & liber. arbit. cap. 5. ubi de Paulo ait, *Quòd conuersus fuerit, nec gratia erat sola, nec voluntas erat sola, ut autem vocaretur, gratia fuit sola.* Nec aliquam gratiam præueniam ponit, quam Deus solus in illo effecerit. Item probatur ex Enchirid. cap. 3. dubitans enī quomodo sit verum illud, *Non est volentis*, &c. cum nemo salutem operetur, & consequatur, nisi volens respondet, *Non nisi quia ipsa voluntas*, (ut scriptum est,) *à Deo preparatur.* Quod ut in aliis locis tum hic, tum cap. 5. citatis docet, non fit nisi per vocationem, & auxilia excitantia. Vnde in eodem loco concludit, *Deus soli Deo qui bonam voluntatem, & preparat adiuvandam, & ad-*

Fr. Suarez de Gratia Pars II.

A *inuat preparatam.* Neutrum autem horum facit Deus prædeterminando, sed adiuvat cooperando, & preparat excitando. Vnde lib. 2. contra duas epistolas Pelagianorum cap. 10. sic inquit, *Studium hominis quod dicitur bonum, quamuis cum esse cæperit, adiunnetur gratia, non tamen incipit sine gratia, sed ab illo inspiratur, de quo dicit Apostolus, Gratiarum autem Deo qui dedit idem studium in corde tibi, ubi notanda sunt illa verba, cum esse cæperit, adiunnetur gratia,* optimè enim explicant concomitantiam gratiæ adiuvantis sine præueniente. Alia verò, *sed ab illo inspiratur,* apertè declarat præuenientem tantum esse per inspirationem, & ab illa duci initium boni studij, & ratione illius dici dare huiusmodi studium in corde. Et similem doctrinam habet locus allegaris de prædestinat. Sanctior. cap. 5. 16. & 19. epist. 107. ad Vitalem, & de Natur. & Grat. cap. 32. lib. 83. quæstionum, quæst. 68. & scilicet 13. & 15. de verbis Apostoli.

Quartò notari potest in doctrina Augustini, non ponit efficaciam præuenientis gratiæ in vno modo mouendi vniformiter, (ut sic dicam,) & eiusdem rationis in omnibus, qui inuertuntur, sed in variis, & mirabilibus modis; ergo signum est non ponere illam efficaciam in auxilio prædeterminante: nam illud eiusdemmodi esset in omnibus. Antecedens patet ex dicta q. 2. ad Simplician. ibi, *Si tanta potest esse obstinatio voluntatis, ut contra omnes modos vocationis obdurescat, & ibi, Quis potest credere nisi aliqua vocatione tangatur, & statim, Quis habet in potestate tali viso tangi?* Quia nimirum hic tactus potest esse multiplex. Item de spirit. & liter. cap. 14. *His modis agit Deus, ut velimus.* Expressius lib. 3. de liber. arbit. cap. 18. & lib. de Natura & Grat. cap. 67. *Cum ubique sit præsens, (ait,) qui multis modis per creaturam sibi Domino seruientem doceat credentem.* & lib. 1. contr. duas epist. Pelagian. cap. 19. *Quis trahitur si iam volebat? & tamen nemo venit nisi velut; trahitur ergo miris modis, ut velit ab illo, qui nonis intus in cordibus hominum, operari.* Et eandem doctrinam habet lib. 1. de peccator. mer. cap. 5. Item lib. de Corrupt. & Grat. cap. 5. *Quare isti sic, illi aliter, atque alij aliter diuersis, atque innumerabilibus modis vocantur, ut reformentur? absit, ut dicamus, &c.* & lib. 4. Confession. *Conuertere nos, (dicit ad Deum,) miris modis.* Et lib. 5. cap. 7. Deo dicit, *Egisti mecum miris, & occultissimis modis, tu illud egisti Deus, nam à Domino gressus hominis diriguntur, & viam eius vult.* quibus verbis efficaciam gratiæ per moralem directionem declarat, & miris, & occultissimis modis à Deo fieri proficitur, quod in cap. 8. eleganter prosequitur, & lib. 7. cap. ult.

Sed instant, quia potius dicens Augustinus *miris modis*, indicat altioremodum mouendi, quàm moralem, nam moralis motio non est tam admirabilis. Sed hoc non enervat testimonium; fatemur enim, si Deus prædeterminaret physicè voluntatem, futuram esse motionem satis mirabilem, sed præterquam quòd esset necessitans, esset una singularis, & ita non posset in ea verificari illud *multis, & mirabilibus modis.* Vnde falsum est, & apertè contra mentem Augustini dicere, in morali modo trahendi voluntatem, non posse Deum operari multis, & mirabilibus modis, nam ad persuadendos, & trahendos homines, multa, & mirabilia operatus est, & interiùs in cordibus hominum quotidie operatur, *habens inclinandum cordium omnipotentissimam*

11. Notandum.

12.



sentissimam potestatem, ut idem Augustinus dixit de corrept. & Grat. cap. 14. Et hic sensus evidentiissime conuincitur à fortiori, ex eo quod lib. 5. contra Iulian. cap. 4. In cordibus impiorum, dicit, facere Deum miris ac ineffabilibus modis, etiam tunc quando perversè agunt, & obduntur, quanuis non simili intentione, nec voluntate tunc Deus operetur; & ideo certum sit, tunc non operari prædeterminando, sed ea operando, quæ de se bona sunt, sciens homines ex malitia sua illis bonis esse præuē vsuros.

13.  
Ponderatur quod supra notatū, non ponere Augustinum efficaciam auxilij gratiæ in modo agendi.

Vnde potest quintò ponderari id, quod iam in superioribus notauimus, non ponere Augustinum efficaciam auxilij gratiæ in modo agendi Dei bonis, & malis actibus communi, ne inde sequatur ita posse Deo tribui actus non bonos, sicut actus pietatis, & gratiæ, ut contra Pelagian. arguit lib. de Grat. & liber. arbitr. cap. 17. & 27. & lib. 2. de peccator. merit. cap. 18. & docet lib. de Spirit. & liter. cap. 33. & 34. Inde ergo rectè colligimus Augustinum non posuisse auxilium efficax inefficacia præuij concursus de se generalis omnibus operibus volūtatis, ut actiones positiuæ sunt, cuiuscunque ordinis existant, quoniam aliàs æquē Deus faceret, ut homo velit infirma, & suprema, mala, & bona, quod & est cōtra excellentiam gratiæ, & alienum à diuina voluntate, ut in lib. 3. latè argumentari sumus.

14.  
Ponitur argumentum, non operari Deum per gratiam efficacem in voluntate, hominis modo communi animantibus, brutis, & rebus insensibilibus.

Sextum, & simile argumentum ex eo sumitur, quod Augustinus sæpe etiam repetit, non operari Deum per gratiam efficacem in voluntate hominis, modo communi animantibus, brutis, & rebus insensibilibus. Sic enim in dicto lib. 2. de peccator. merit. cap. 5. cum dixisset petendam esse à Deo gratiam, adiungit, *Nec tamen de hac re solis votis agendum est, ut non subinferatur adinueniendo etiam nostre efficacis voluntatis. Adiuutor enim noster dicitur, nec adiuuari potest, nisi qui etiam aliquid sponte conatur*, & rationem subdit, *Quia non sicut in lapidibus insensatis, aut sicut in eis, in quorum natura rationem voluntatēque non condidit, salutem nostram Deus operatur in nobis*. Modus autem ille efficaciter applicandi potentiam per auxilium efficax communis dicitur esse omnibus agentibus naturalibus, brutis, & insensibilibus. Et certè si tale auxilium necessarium est, & solum sufficit voluntatem inthectere, ut velit, solis votis agendum est, ut tale auxilium detur; imò nec vota adhiberi potuerunt, nisi ad illa facienda prius aliquid tale auxilium detur. Neque ab homine postulare oportebit, ut suæ voluntatis efficaciam adiungat, quoniam nisi ita in illo operetur Deus, non potest illam adhibere; si verò ita Deus operetur in homine, non poterit illum non adiuungere, & ita non aliter applicabitur voluntas eius à Deo, quàm applicetur appetitus bruti quantum est ex parte huius determinationis. Est ergo hoc valde alienum ab Augustini mente, & doctrina.

15.  
Additur quod ubique quæ August. loquitur de hac præuia gratia, seu voluntatis præparatione, locum libertati voluntatis reſeruat.

Vnde septimam considerationem addimus, quia ubicunque Augustinus loquitur de hac præuia gratia, quam *præparationem voluntatis* appellat, suum locum libertati voluntatis reſeruat, sentitque semper posse resistere, & contemnere voluntatem, ideoque illi imputari inefficaciam vocationis. quæ omnia non ſtant cum prædeterminatione, ut supra ostendimus. Assumptum probatur primò ex generali doctrina Augustini, quoties voluntas cedit alicui monenti illam, quia non potest illi resistere, non illi imputari ad culpam, vel ad præmium. Ita habet lib. 3. de liber.

A arbit. cap. 18. quod recognoscit, & confirmat lib. de Natur. & grat. cap. 6. *Quæcunque, ait, ista causa est volūtatis, si non potest ei resisti, sine peccato ei ceditur*. Quod ideo verū est, quia tunc voluntas sine libertate cōsentit, nulla enim alia causa potest ita illam excusare à culpa, si aliàs actio de se peccaminosa sit; igitur perinde fuit dicere, *sine peccato ei ceditur*, ac dicere, *sine libertate ei ceditur*, id est, causa inducens hominem ad volendum, vel facit eum velle, si ei resisti non potest, sine libertate ei ceditur. Vnde infra iterum interrogat. *Potest ergo ei cedere, quæcunque illa sit, resisti?* Et respondet, *potest planè*. Ut autem dixi, licet id tradatur de potestate resistendi tentationi, tamen ratio in qua fundatur in motione ad bonum, locum habet. Nam sicut tentationi sine culpa ceditur, si ei non possit resisti aliquo modo saltem per gratiam, ita motioni ad bonum sine laude cederetur, ac proinde sine libertate, si ei resisti non possit. At verò, qui cedit vocationi Dei, est dignus laude, ut fides docet, & Augustinus passim; ergo talis motio ita est causa voluntatis, id est, volitionis hominis, ut possit homo ei resistere.

Et ideo frequenter repetit Augustinus, vocare hoc, vel illo modo esse solius Dei, *venire autem semper esse in voluntate, vel sola si non venit, vel adiuta si venit*, ut dixit de grat. Christi, cap. 14. & dicto cap. 34 de spirit. & litera. His modis, (ait scilicet, vocatione, & suasionem) *ipsum velle credere operatur Deus in ipso homine, consentire autem vocationi Dei, vel dissentire, propriæ voluntatis est*. quæ verba faciunt sensum compositum, & includunt potestatem resistendi, ut circa Concilium Tridentinum explicauimus. Et ob eandem potestatem, & libertatem dicit in q. 68. ex 83. licet homo vocatus, & veniens non possit sibi tribuere, quod vocatus sit, posse nihilominus sibi tribuere, quod veniat sibi, inquam, non soli, sed adiuto, ut in alio loco declarauimus. Et in eodem sensu dixit tract. 4. in Ioannem. *Eo quod adiungis voluntatem tuam Deo, castificas te ipsum, castificas te, non de se, sed de illo, qui venit, ut habitat in te. Tamen quia agit ibi aliquid voluntate, ideo & aliquid tibi tribuendum est, ita ut dicas, Adiuutor meus esto*. Denique in lib. de Ecclesiast. dogmat. cap. 21. Augustino attributo, sic habetur. *Manet ad querendam salutem arbitrij libertas, sed admonente prius Deo, & innitante ad salutem, vel eligat, vel sequatur, occasione salutis, hoc est, inspiratione Dei*. Vbi aliqui inspiratione exponunt, id est, prædeterminatione, contra vim verbi, & contra omnem vsu, & contra contextum, quia per illa verba *inspiratione Dei* exponitur illa *occasione salutis*, ut patet ex illa particula, *hoc est*, occasionem autem salutis appellat quod dixerat, *monente, & innitante Deo*. Inspiratio ergo nihil aliud est, quàm ipsa motio, & inuitatio, quæ per illuminationem, & piam affectionem à Deo interius fit. Vnde concludit ille Auctor, seu Augustinus. *Initium ergo salutis nostra Deo miserante habemus, ut acquiescamus saluifera inspirationi, nostre potestatis est*. At certè acquiescere prædeterminationi non esset potestatis nostræ, sed necessitatis.

Confirmari potest antecedens, in principali ratione assumptum, quia Augustinus locis supra citatis dixit, cum eadem vocatione hominem interdum nolle, & alium non velle, vel eundem in diuersis temporibus, ut ex Psalm. 142. allegauimus, & de Tyriis, & Sidoniis comparatione Iudæorum dixit de don. perseuer. cap. 14. & supra tractatum est; ergo ex sententia Augustini illa vocatio ex natura sua talis est, ut ei resisti non possit.

16.  
Vocari hoc, vel illo modo solius Dei est, ex Augustino.

17.  
Confirmatur.

Vnde

Vnde non solet explicare Augustinus efficaciam gratiæ, aut vocationis per impotentiam resistendi, aut dissentiendi, sed per certam effectus consecutionem, sicut de don. per scti. c. 14. dixit, media prædeterminationis esse illa, *quibus certissime liberantur, quicunque liberantur.* Et in lib. de Prædestinat. Sanctior. c. 8. de hac gratia loquens, ait, *A nullo duro corde respuitur*, quia ex intentione Dei est, ut non respiciatur, ut subdit dicens, *Ideo enim tribuitur, ut corda duritia penitus auferatur*, & ideo etiã tribuitur, sicut aptum est ei, qui vocatur, seu sicut scis ei congruere, ut vocantem non respiciat. Sicut dixit q. 2. ad Simplician. ergo ponit Augustinus efficaciam salua potestate resistendi: talis autem efficacia non potest esse prædeterminationis, ut suprà ostendi, etiã ex aduersariorum confessione; est ergo congruentiæ præcognitiæ à Deo, ut satis expressè in verbis proximè citatis Augustinus declarauit.

Denique confirmari potest idem antecedens ex alio principio suprà posito in doctrina Augustini, homini sufficienter vocato, & non consentienti, culpæ attribui, quòd vocationem contemnat, ei que resistat, ut expressè dicit de Esau dicta q. 2. ad Simplician & de Pharaone dicta q. 68. & 83. & vniuersaliter ibi ait. *Qui noluerunt venire, non debent alteri tribuere, sed tantum sibi, quoniam ut venirent vocati, erat in libera eorum voluntate.* Idem habet 2. de peccator. merit. & remiss. cap. 17. & in Enchiridion. c. 64. & de natur. & grat. c. 67. Hinc ergo colligimus vocationem sufficientem quātum ex se est, esse efficacem, nisi homo ei resistat, ac proinde illi eidem auxilio quod est efficax, quando ei non resistitur, posse resisti. Probatur hæc illatio, quia si vocationi sufficienti resistere culpa est; ergo illa vocationis dat proximam potestatem efficiendi, ita ut possit reduci in actum sine alio præiugio auxilio, si voluntas vellet. Nam si alia ratio esset necessaria, cum hæc non datur, nec sit in hominis potestate, non habet homo per solam vocationem priorem proximam potestatem consentiendi illi, ac subinde homini non consentienti tali vocationi, nō potest id ad culpam illi imputari, quia non habet in potestate sua consensum, & quod non est in potestate nostra, etiam si non fiat à nobis, non imputatur nobis, ut proximè ex Augustino dicebamus. Et augetur hæc ratio in eadem doctrina Augustini, quia auxiliū efficax est necessarium, ut de potestate agendi, & consentiendi, quia præparat voluntatem, ut velit, ut patet per Augustinum epist. 107. & aliis locis suprà citatis: per illam autem præparationem datur voluntati potestas pie operandi, teste eodem Augustino lib. 1. Retractat. c. 12. & lib. 2. c. 1. & in Enchirid. cap. 12. & serm. 10. de verb. Apostoli. Imò lib. de grat. & liber. arbit. c. 16. dicit, dare vires efficacissimas voluntati; ergo vocationis efficax dat potestatem agendi, & consentiendi; ergo si non est in potestate hominis facere, ut vocationis efficiens sit efficax, non potest illi tribui, quod resistat.

Octauam rationem sumo ex eo quòd in doctrina Augustini, neque Angelis, neque hominibus in statu innocentie fuit necessaria prædeterminatio physica ad suam conuersionem, vel ad resistendum tērationi; ergo per se nō est necessaria ad actus supernaturales, neque ex vi præiugii cōcursus Dei, neque propter actū excellentiam, seu supernaturalitatem; ergo neque in statu naturæ corrupta est necessaria illis titulus, neque etiam propter corruptionē naturæ; tum quia sicut tentationes, & difficultates insurgentes ex hac naturæ corruptione, non physice, sed moraliter inducunt ad malum, ita contra illas, efficax esse potest in eodē genere moralis ju-

Fr. Suarez de Gratia Pars I I.

A ductio gratiæ illuminantis, & inspirantis; tū etiam, quia illa necessitas nō posset esse ad singulos actus iuxta doctrinam in lib. 1. & 2. datam, quod etiã est contra rationē auxilij efficacis, ut ex dictis in principio huius libri constat. Ergo si verū est illud principium, manifestum est non posuisse Augustinum prædeterminationem physicam, ut necessariam ad opera gratiæ, ac proinde non posuisse in illa efficaciam auxilij, seu vocationis. Principium autem illud, seu antecedens probamus ex lib. de corrept. & grat. cap. 11. & 12. ubi Augustinus ait, Adamo in statu innocentie datam esse gratiam, qua posset perseverare, vitando peccatum, non tamen esse datam gratiam, qua illud vitaret, & perseveraret. Et idem dicit de Angelis. Dices hoc verum esse de Adamo, & de Angelis malis, quia illis non est data gratia efficax, non verò de Angelis bonis, quibus est data. Sed contrā: nam de omnibus Angelis sentit Augustinus non esse illis datam gratiam de se efficacem; ait enim voluisse Deum in illis experiri libertatem arbitrij, & subdit, quòd sicut mali Angeli per suum arbitrium ceciderunt, ita boni per suum arbitrium steterunt; ergo non ex prædeterminatione gratiæ steterunt, aliās nihil in eo diff. crimine libertas arbitrij ostenderetur, nec esset differentia inter homines, & Angelos, quam ibi Augustinus ostendere vult. Scio in nostra sententia etiã esse difficilem illam differentiam, quam difficultatem in superioribus tractauimus, & infra iterum tractando de dono perseverantiæ euoluenda est, nunc nobis sufficit, quòd si Angelis bonis fuit necessaria prædeterminatio, sicut nobis esse dicitur, non potest subsistere quod Augustinus ait, in Angelis, & primo homine voluisse Deū experiri libertatē magis, quā nūc in hominibus lapsis expeririatur. Quòd si locus hic cogere alicui non videatur, profectò superiora videntur satis superque sufficere: multa enim, ut existimo, conuincunt, posuisse Augustinum auxilium efficax præueniens in vocatione congrua non prædeterminatē, sed modo accommodato inducente hominem infallibiliter ex præscientia Dei. Et omnia simul sumpta hanc fuisse mentem Augustini satis ostendunt, si quæ id euidentius expendendo loca Augustini, in quibus contrariæ sententiæ Auctores opinionem suam fundare conantur.

## CAPVT XLVII.

### *Utrum Augustinus physica prædeterminationi aliquando faueat.*

R Espondemus nullam inueniri apud Augustinum testimonium, in quo id doceat, vel ex quo satis probabili cōiectura talis mens Augustini colligi possit. Hanc assertionem probamus discurrendo per omnes modos loquendi Augustini, quos vel ab aliis nobis obiectos inuenimus, vel nos notare, & inducere potuimus: non enim semel, sed sæpius, totā Augustini doctrinam, præsertim ad hanc materiā pertinentē, euoluimus, non quidē ex præiudicio, & animo defendēdi propriā sententiā, sed omnino inueniēdi mētē eius, nihilque occultādi, quod ad illā indagādā conducere posse videatur.

Primā obiectionē sumūt ex errore Pelagij, contra quem Augustinus disputauit, supponuntque Pelagiū non errasse in gratia excitante, sed in adiuvante, qua Deus efficaciter præuenit voluntatem, & efficit, ut liberè consentiat. Nam omnē gratiam excitantem,

Instantia.

Euenitur.

1. Respondetur. Probatur responsio.

2. Obiectio ex errore Pelagij.

18. Confirmatur a.

19. Sumitur octauo ex doctrina Augustini, quòd neque Angelis, neque hominibus in statu innocentie fuit necessaria prædeterminatio physica ad suam conuersionē, vel ad resistendum tērationi.

excitantem, quam D. Aug. ponit, dicunt, admisisse Pelagium, negasse autem præuenientem physicè efficacem, & cōtra hoc aiunt, direxisse Aug. totam disputationē suam, vnde concludunt, in contrario sensu docuisse, necessarium esse auxilium de se efficacem, ac subinde prædeterminans. Ita argumētatur Aluar. disp. 99. n. 2. & suppositionē illam probat ex Aug. epistol. 107. ad Vitalem, refertque verba vbi dicit, *inter eos agi de Gratia quæstionem, utrum præcedat, vel subsequatur hac gratia hominis voluntatem, hoc est, utrum ideo nobis detur, quia volumus, an per ipsam hoc etiam efficiat Deus ut velimus.* Secundò adducit Augustinum lib. de Grat. Christi. cap. 10. qui refert sententiam Pelagij fuisse, *non adiutorio Dei, sed ex nobis ipsis in nobis effici voluntatem bonam*, & verba Pauli, *Deus est, qui operatur in nobis velle*, exposuisse de operatione per illuminationem, & *excitationem stupentis voluntatis*, & cap. 47. nihil aliud Augustinus à Pelagio exigit, nisi vt Dei adiutorium admittat. Alias coniecturas adducit ille Auctor. quas omitto, quia parui momenti mihi videntur, & quia superfluum est iudiciis vti, vbi factum fide dignis testimoniis comprobatur.

Respondemus ergo primò obiectionem hanc falsum supponere. Nam Augustinus lib. 1. contra duas epistolas Pelagianor. c. 19. ad illos sic loquitur. *Vos autem in bono opere sic putatis adiunari hominem Dei gratia, ut in excitanda eius ad ipsum bonum opus voluntate nihil eam credatis operari.* In quibus verbis apertè refert Aug. Pelag. absolūtè negasse excitantem gratiam, seu excitationem voluntatis per gratiam, cum tamen adiuuantem aliquo modo saltem nomine admitterent. Vnde excitantem, & re, & nomine negasse videntur, quia licet doctrinam, legem, & promissiones, quæ excitant voluntatem, sub nomine gratiæ admitterent, in illis solis gratiæ adiutorium ponebant, vt in Prolegom. §. c. 2. & 3. ex variis locis Aug. ostensum est. Secundò dicimus obiectionem factam etiam in illatione peccate: nam licet Pelagius admitteret auxilium sufficiens per veras internas excitationes, & negasset efficacem, & in hoc secundo ab Aug. impugnetur, non sequitur Aug. pugnasse pro auxilio prædeterminante, sed pro vocatione congrua, & efficaci, vt in omnibus suis libris declarauit, sicut iam vidimus. Et præterea quod caput est, maximè errauit Pelagius negando adiutorium gratiæ concomitans, & physicè adiuuans voluntatem, & in hoc sensu dixit, *Non adiutorio Dei, sed ex nobis effici voluntatem bonam.*

Sed instant, qui Pelagiani tribuebant Augustino, quòd libertatem tollerēt, vt patet ex epistolis eorum, contra quas quatuor libros Augustinus scripsit, præsertim lib. 1. c. 2. & cap. 5. & lib. 4. c. 9. Item lib. 4. contra Iulian. cap. 8. Ergo signum est Augustinum posuisse auxilium efficacem prædeterminans, aliàs nulla verisimilitudine potuissent Pelagiani id inferre ex sententia Augustini. Respondetur primò, si nunc Catholici inferunt ex verbis Augustini prædeterminationem physicam cum eam in scriptis suis non solum nunquam nominauerit, vel insinauerit, sed etiam multa illi contraria docuerit, quid mirum est quòd hæretici apertè intulerint Augustinum posuisse necessitatem auxilij repugnantis libertati? Malè ergo intellexerunt Augustinum, & ideo, vel per ignorantiam, vel per calumniam malè argumentati sunt. Addo etiam esse valdè probabile putasse Pelagianos, dependentiam humanæ voluntatis in agendo à diuina etiam quoad conuersum simultaneū esse

contrariam libertati; & ideo etiam concursum generalè negasse, vt in dicto Prolegom. c. 2. & 3. latè dixi. Semipelag. verò quantum ex epistolis Hilarij, & Prosperi colligitur, ex alio capite putarunt Aug. doctrinam de Grat. esse contrariam libertati. quia ponebat vocationem altam, & secretā necessariam esse ad opera pietatis, eamque dicebat dari ex solâ electione diuina gratuita, nesciebant enim hoc componere cum potestate operandi in eis, qui non ita vocantur, nec cum potestate non operandi in his qui vocantur. At verò eos in hoc errasse, & libertatē arbitrij optimè cum illis principiis consistere, ostēdit Aug. in libris contra illos, non quidem tribuēs Deo physicā prædeterminationē, seu potius virtute ostendens illā non esse necessariam ad efficaciam gratiæ, cum cōgruitas vocationis satis sit, vt ex locis allegatis in capite præcedenti cōstat.

Et per hæc responsum est ad testimonia ex lib. de Gratia Christi. Aliud verò ex epistola ad Vitalem nihil facit ad causam. Nam Vitalis ille ad quem scripsit Augustinus præcipuè negauit præuenientem gratiam, nam ob eam tamen negabat directè, esse orandum pro infidelibus, vt crederent, sed tantum esse illis veritatem proponendam, vt bene notauit Baron. tom. 5. ann. 419. n. 54. Vnde ex verbis Augustini citatis magis videtur Vitalis fuisse Semipelagianus, quàm Pelagianus, negabat enim voluntatem credendi esse donum Dei, sed ex solo libero arbitrio, solumque requiri, vt doctrina fidei hominis proponatur. Vnde Augustinus illum impugnat, quia vt velimus Deus facit in nobis, & modum, quo facit, declarat, dicens. *Si ita præpararet atque operaretur Deus hominis voluntatem, ut tantummodo legem, atque doctrinam libero eius adhiberet arbitrio, nec vocatione illa alta, atque secreta sic eius ageret sensum, ut eadem legi, atque doctrina accommodaret assensum, non opus esset orare, &c.* Non erat ergo illa quæstio de auxilio prædeterminante, sed de tota gratia necessaria ad voluntatem credendi, & maximè de interna vocatione accommodata ad actualiter credendum, & ita ex illo testimonio potius nostra sententia confirmatur, vt in capite præcedenti visum est.

Secundam obiectionem sumunt ex errore Semipelagianorum, dicunt enim errasse in hoc, quòd initium bonæ voluntatis ex nobis esse dicebant, & Deum iuuare voluntatem, quia ipsa incipit velle: & hoc in eis impugnat Augustinus lib. de Prædestinat. Sanctor. cap. 2. & sequentibus, vbi soli Deo tribuendum esse dicit initium bonæ voluntatis. Ergo ex sententia Augustini necessarium est, vt in efficiendo ipsomet consensu prius solus Deus verè, ac physicè influat efficiendo, & inchoando actum, vt ita verum sit, nos consentire, quia Deus facit nos consentire, & non è contrario. Nam si contrarij m dicatur, inciditur in Semipelagianum errorem, & consequenter Augustino contradicitur. Et confirmatur hæc obiectio ex illo modo loquendi, quo Augustinus in eodem loco vtitur contra Semipelagianos, dicens, *Detur totum Deo*, quia nimirum etiam ipsum initium consentiendi, ex Deo est, utique prædeterminante voluntatem, vt in actum prodeat. Et sic etiam dixit lib. 4. contra duas epistolas Pelagianorum cap. 9. *Nunquid Christianus liberum arbitrium negat esse in hominibus, quia Deo totum tribuit, quòd rectè viuimus?*

Hæc verò obiectio sæpe in superioribus refutata est; Et in primis peccat sicut præcedēs, Semipelagianorū errorē malè interpretando. Illi enim errarunt, dicentes, ante omnia gratiæ initium præcedere

Argumentatur.  
Aluar.

Aug.

Soluitur dicta obiectio ex Augustino.

3. Instantia.

Respondetur 1.

4. Respondetur 2.

5. Obiectio 1: ex errore Semipelagianorum.

6. Diluitur obiectio.



cedere in nobis affectum aliquem liberum, seu bonum salutis desiderium, aut propositum fidei solis viribus liberi arbitrij conceptum, & hoc dicebant esse initium salutis. Et hic est error, contra quem scripsit librum de prædestinat. Sanctior. Augustinus, demonstrans initium fidei non esse ex nobis, sed ex gratia, utique in eodem sensu de illo initio loquens, ut constat ex epistolis Prosperi, & Hilarij ad illum, & ex omnibus, quæ circa canonem 5. Concilij Arausici supra vidimus. Ex quibus etiam constat hoc initium, de quo Augustinus contra Semipelagianos loquitur, non esse influxum voluntatis cooperantis gratiæ, vel gratiæ cooperantis cum libero arbitrio, ut inter se comparantur secundum ordinem prioris, vel posterioris naturæ: hæc enim speculatio valde aliena est ab intentione Augustini, & impertinens ad illum errorem confutandum. Nam Massilienses loquebantur de actu voluntatis facti à libero arbitrio, solo suis viribus, qui non solum natura, sed etiam tempore potest præcedere omnia gratiæ auxilia, & esse meritum primi auxilij, & hoc sensu subiciebant gratiam obedientiæ humanæ, & in eodem sensu dicuntur ab Augustino fecisse gratiam pedissequam arbitrij, quæ omnia non possunt ad causam de qua tractamus adaptari, ut in citatis etiam locis latè ostensum est.

6. Deinde dicimus quodd licet loquamur de initio fidei, aut salutis in illo sensu, id est, de primo influxu voluntatis in ipsummet consensum semper subsistit, veraque est sententia Augustini, scilicet, etiam hoc initium esse tribuendum Deo, & esse donum eius, non quia prædeterminet voluntatem ad illum, sed quia præparat voluntatem ex sola misericordia, ut dicit in eodem libro de Prædestinat. Sanctior. cap. 6. & aliis locis, ubi declarat hanc præparationem facere Deum per gratiam congruam, ut vidimus, & quia voluntatem præparatam adiuvat, ut dicit in Enchirid. cap. 32. Hoc autem initium secundum Augustinum, ita est donum Dei, ut sit eius solius, & nihilominus adiungenda est efficacia voluntatis, ut idem Augustinus dixit lib. 2. de Peccator. merit. cap. 5. & ideo non soli Deo, sed etiam liberæ voluntati actus liber tribuitur, ut dixit tract. 4. in epistolam Ioann. & q. 68. & 83. Neque hinc fit, hoc initium ita esse à voluntate, ut ab illa sola sit prius natura quàm à Deo, vel à gratia, quanquam enim aliqui Catholici ita interdum loquantur, & non pertineat ad errorem Semipelagianorum, non est tamen, ut sæpe diximus, quia involuit repugnantiam, cum in vna indivisibili actione non possit esse causalitas. Nec ex parte voluntatum Dei, & hominis ordinem considerando, potest antecedere voluntas hominis, sed potius voluntas Dei antecedit, quanvis non prædeterminando, sed offerendo concursus post excitantem gratiam, ut iam etiam explicauimus. In ipso autem actuali influxu ad extra non est ordo prioris, aut posterioris naturæ, sed simultas, ut ex doctrina Augustini de gratia adiuvante, & cooperante in lib. 3. probatum est. Ac denique etiam in hoc sensu non est vera illa causalitas, quam Massilienses in suo, & longè peiori admittebant, quia homo incipit, Deus petijt, vel quia homo operatur, Deus illum adiuvat, quia influxus hominis nullo modo est causa concursus, vel adiutorij divini, cum non antecedit, sicut dictum est, sed est concausa, sine qua Deus non adiuvat, & ita solum dici potest, quodd Deus non adiuvat, nisi voluntas coadiuvet, nec voluntas influit, nisi Deus influat, & iuvet illam, quæ sup. verissima.

Fr. Suarez de Gratia Pars II,

A Et hinc etiam patet ad confirmationem, quo sensu dictum sit ab Augustino, *Detur totum Deo*. Hanc enim sententiam idem Sanctus explicuit in eodem lib. de Prædestinat. Sanctior. cap. 3. & clariùs in Enchirid. cap. 32. dicens, *Detur totum Deo, qui hominis voluntatem bonam, & præparat adiuvandam, & adiuvat præparatam*. Modus ergo ille loquendi est contra Semipelagianos, qui initium bonæ voluntatis tribuebant homini, perfectionem autem Deo; contra hos ergo ait Augustinus, *totum*, id est, utrumque, & quidquid boni est in homine, dandum est Deo principali auctori, non tamen eodem modo, (ut ibidem statim explicat,) quia initium solus Deus operatur, præparando voluntatem per sanctam inspirationem, consensum autem, seu bonam voluntatem operatur adiuvando illam, & principales partes habendo in illa, non tamen liberi arbitrij cooperationem excludendo. Et ideo aliis locis sæpe dicit, rectè tribui voluntati, quod veniat vocata, licet vocari sit solius Dei serm. 15. [de verb. Apostol. & de Spirit. & litera, cap. 34. & aliis locis supra citatis. Et ideo in eodem lib. de Prædestinat. Sanctior. cap. 3. ait, *Utrumque nostrum est*, (id est, velle, & operari,) *propter arbitrij libertatem, & utrumque Dei*, (non propter prædeterminationem,) *sed propter Spiritum fidei, & charitatis*.

C Tertia obiectio sumi solet ex eo, quod frequenter ait Augustinus, hominem agi à Deo in operibus bonis, ut lib. de Grat. Christi cap. 25. & alibi sæpe: perinde autem esse videtur agi, quod determinari. Et potest augeri hæc obiectio ex libro de Actib. Concilij Palæstini, quem in 6. Prolegom. retulimus, ubi cap. 2. dicit, *plus esse agi, quàm regi, nam qui regitur, aliquid agit, qui autem agitur, vix videtur agere*. Respondemus Augustinum in hac locutione imitatum esse Paulum ad Roman. 8. dicentem, *Qui Spiritu Dei aguntur, hi sunt filij Dei*, quod à Paulo certè non est dictum propter prædeterminationem physicam, sed propter Spiritus sancti instinctus, & inspirationes, quibus gubernantur illi, quos ipse inhabitat, & gubernat, ut cap. declarat. Non igitur Augustinus in alio sensu loquutus est, neque alium peregrinum sensum à Paulo assignare voluit. Quod ipse satis in Enchirid. declarat, dicens cap. 64. *Quamvis filij Dei Spiritu Dei agantur, sic tamen Spiritu Dei excitantur, & tanquam filij Dei proficiunt ad Deum, ut etiam Spiritu suo interdum deficiant*. Vbi pondero verbum *aguntur*, per verbum *excitantur*, ab Augustino exponi, & ideo non ita agi, ut prædeterminentur, cum interdum Spiritu suo resistant. Et sic etiam dixit lib. de Gratia Christi cap. 25. *Ut agant quod bonum est, ab illo aguntur, qui bonus est*. Et paulo antea. *Non quia nos non volumus, aut quia nos non agimus, utique propriè, & moraliter, sed quia sine ipsius adiutorio, nec volumus aliquid boni, nec agimus*. Et de corrept. & Grat cap. 2. hoc declarat per alia verba Pauli 2. Corinth. 13. *Oramus ad Deum, ne quid faciatis mali*, per quam oratione ait, *poscebat Apostolus inspirationem bonæ voluntatis, atque operis*. Et subdit inferiùs, *Intelligent filij Dei Spiritu Dei se agi*, inspiratione nimirum bonæ voluntatis, & per suavitatem, quam dedit Dominus, ut terra eorum daret fructum suum. quæ omnia nõ certè physicam prædeterminationem, sed morale, & divinum regimen declarant. Ac denique serm. 13. de Verb. [Apost. eandem sententiam declarans, verbum *agendi* per verbum *regendi* exponit, & modum regiminis his tribus verbis explicat, *Non lege præcipiente, minante, promittente,*

E

7. Explicatur sensus dicti Augustini, quod *detur totum Deo*.

Augustin.

8. Obiectio 1. ex eo quod ait Augustinus, hominem agi à Deo in operibus bonis.

Respondetur.

Rom. 8.

Augustin.

2. Cor. 13.

Idem August.



sed Spiritu exhortante, illuminante, adiuvante. Quod ergo in alio loco dicit, *plus esse, quam regi*, quoad vocis energiam, & emphasim, intelligendum est; nam in te ipsa Spiritus sanctus non agit homines nisi regendo, & iuvando illos, per verbum autem agendi, significatur, hoc regimen esse potentissimum ad recte dirigendum hominem, & ut illum reddat obsequentissimum, & hoc significavit Augustinus illis aliis verbis, *Qui agitur, vix aliquid agere intelligitur*, nam dicendo *vix*, locutionem corripuit, ne liberam actionem & determinationem voluntatis tollere videretur, & gratia abundantiam, & singularem protectionem, non physicam prædeterminationem significavit.

9  
Obiectio 4.  
locum Augustini, in quibus gratia requiritur efficiens, modo & efficacissimam.

Idem Aug.

Quartò obijciuntur vulgares loci Augustini, in quibus gratiam requirit efficacem, imò & efficacissimam de grat. & liber. arbitr. cap. 5. 8. & 16. de quibus aliis locis dicit, per eam inclinare Deum voluntatem hominis in nobis mirabili, & ineffabili modo operando nostrum velle, & agendo quod vult in cordibus hominum, ut dicit in lib. de prædestinat. Sanctior. cap. 20. ubi etiam ait, *Deum ad vitam æternam parare, & convertere hominum voluntates*, & lib. de don. persever. cap. 6. ait, *Potens est, & à malo in bonum flectere voluntates, & ad malum pronas convertere, & dirigere in sibi placitum gressum*. & de grat. & liber. arbitr. cap. 20. *Voluntatem, ait, per gratiam ex mala in bonam mutari*. Et addit, *Voluntates creatas ita esse in Dei potestate, ut eas quò voluerit faciat inclinari*.

10.  
Diluitur obiectio.

Respondemus hæc, & similia valde generalia esse, omnes enim fateamur, hæc omnia esse in potestate Dei, cum ab illo petamus, *Convertere nos Deus salutaris noster*, & similia. De modo autem est controuersia. At de hoc numquam Augustinus dixit esse per physicam prædeterminationem, nec per generale concursum debitum creaturis, sed per ineffabilem Dei providentiam, qua Deus illuminat, excitat, mouetque interius, & exterius hominum mentes. Quod ex eisdem locis manifestum est, tum quia his eisdem verbis *dirigendi*, & *gubernandi* utitur; tum quia testimonia Scripturæ, quæ adducit, de hoc genere providentiæ loquuntur, tum ex locis suprâ allatis, in quibus hanc conversionem, seu mutationem per vocationem congruam fieri dicit. Et ideo quæst. 2. ad Simplician. eam vocat *efficitricem bonæ voluntatis*. Vnde lib. 4. contra duas epistolas Pelagianorum cap. 9 exponendo verba orationis Dominicæ, iuxta sententiam Cypriani, ait illam orationem fieri non solum pro volentibus, sed etiam pro repugnantibus, & oppugnantibus, *ut fiant ex nolentibus volentes, & ex repugnantibus consentientes*, & addit, *A quo, nisi ab illo, de quo scriptum est, preparatur voluntas à Domino? Ecce modum, quo Augustinus putauit, illud fieri à Deo, præparari autem voluntatem non est prædeterminari, sed est congruè vocari, & ut verba ipsa præ se ferunt, & aliis locis ipse Augustinus explicat, ut capite præcedenti ostensum est. A signo potest etiam hoc declarari, quia interdum idem Augustinus declarat hanc efficaciam per eam, quam habet Dæmon ad inclinandam voluntatem hominis per tentationes, & instigationes pravas, ut lib. de grat. & liber. arbitr. cap. 20. lib. 5. contra Iulian. Nam licet declaratio non sit ab æquali, vel omnino simili, ut suprâ etiam dixi, nihilominus, ut sic apta, oportet, ut in modo sit inter eas saltem generalis convenientia quoad moralem inductionem. Quatenus ergo Deus voluntatem præmouet, inducendo illam efficaciter, moraliter eam mouet secundum Augustinum, licet ut cooperetur cum illa non so-*

lùm moraliter, sed etiam physicè consensum eius efficiat.

Quintò ponderant Augustinum ubique tribuere hanc efficaciam omnipotentia Dei, cui nihil negandum est. Sic dixit lib. de grat. Christi cap. 24. *Legant, & intelligant, inueniantur, atque fateantur, non lege, atque doctrina insonante forinsecus, sed interna, atque occulta, mirabili, atque ineffabili potestate operari Deum in cordibus hominum, non solum veras reuelationes, sed etiam bonas voluntates*. Et latissimè idem docet lib. 5. contra Iulian. cap. 3. & de grat. & liber. arbitr. cap. 20. & de Corrupt. & grat. cap. 5. ubi ait, *sine corruptione posse Deum, quem velit, ad penitentiam, & potentissima sua medicina potestate convertere*. Et epist. 107. dixit, *omnipotentissima facilitate*. Ac denique in Enchirid. cap. 95. dicit, efficacissimam esse voluntatem Dei, quæ nihil vult, quod non faciat, quia omnia quæcumque voluit, fecit. *Quod vique, ait, non est verum, si aliquis voluit, & non fecit, quoniam ne fieret, quod volebat omnipotens, voluntas hominis impediuit*, ut subdit cap. 98. *Quis tam impie desipiat, ut dicat, Deum malas hominum voluntates, quas voluerit, quando voluerit, ubi voluerit in bonum non posse convertere*. & similia repetit cap. 102. & 103.

Respondemus, procul dubio esse opus omnipotentia Dei efficaciter convertere voluntatem hominis quo voluerit: hanc verò omnipotentiam non minus, imò magis quodammodo ostendi faciendo hanc mutationem per vocationem congruam, cooperante liberè humana voluntate, & secum Deo determinante nondum prædeterminata, quam si fiat per physicam prædeterminationem, quia maioris virtutis, & sapientiæ est, ita mouere, & inducere voluntatem, ut liberè, & infallibiliter consentiat, seipsam determinando, quam ita illam mouere, ut ex necessitate consentiat, quod per prædeterminationem fit. Itaque hoc opus meritis tribuitur omnipotentia Dei, quia solus ipse potest mentem humanam intrinsecè mutare, vel intellectum mirabili modo instruendo, & illuminando, vel voluntatem bonis affectibus, & congruentibus imbuendo. Non est tamen opus solius omnipotentia, sed præeunte infinita sapientia, & præscientia Dei, qua solus nouit unicuique congruentem adhibere medicinam, quia solus præscit, quod unicuique creaturæ, vel facultati eius congruat, vel quomodo suadere debet ut persuadeat, vel mouere voluntatem, ita ut non resistat, ut in locis præcedenti capite allegatis ipsemet Augustinus declarat, præsertim dicta q. 2. ad Simplician. de don. persever. cap. 4. & de Corrupt. & grat. cap. 12.

Et hinc etiam est, ut ad eandem omnipotentiam pertineat non vno tantum, sed innumeris, & infallibilibus modis posse efficaciter convertere hominum voluntates, quia per infinitam sapientiam nouit omnes modos possibiles, quibus suauiter voluntas, & efficaciter in consensum trahi potest, & diuina omnipotentia omnes complectitur, & quem vult facillimè exequi potest. Ergo ex omnipotentia non certè colligitur physica prædeterminatio, imò nec colligitur quòd sit possibilis cum usu libertatis, quia non extenditur ad repugnantiam, sed solum colligitur, quòd sit possibilis, si Deus velit necessitate voluntatem, ut suprâ dictum est. A signo etiam potest hæc responsio confirmari, quia interdum extendit Augustinus illum effectum omnipotentia & actus etiam malos, ad quos sine ulla dubitatione non prædeterminat Deus voluntatem, nec etiam directè inducit: magna autem vis omnipotentia illius est, quòd solum permittendo ma-

11.  
Obiectio 5.  
Augustinum ubique tribuere hanc efficaciam omnipotentia Dei, cui nihil denegandum est.

12.  
Respondetur.

August.

13.



lum, & inducendo ad obiecta de se bona, vel quæ sine peccato possunt amari, conuertit voluntatem hominis infallibiliter, quo vult, etiam præsciat talem voluntatem non esse id facturam sine aliqua culpa. Quæ efficacia ita est etiam diuinæ omnipotentia, ut non sit sequenda à diuina sapientia, & præscientia; ergo in hoc sensu loquitur de omnipotentia respectu actuum bonorum, ut sermonis consecutio sit vni-formis, quamuis non sit necesse in omnibus seruari similitudinem, ut in lib. 3. latius declarauit.

14.  
Obiectio 6.

Retorque-  
tur.  
August.

Sexto solet nobis obijci, quia si Augustinus ita de auxilio efficaci sentiret, non diceret esse occultissimum mysterium, cur ex duobus vocatis vnus suadeatur, & non alius, cur Deus hunc trahat, & illum non trahat, quia facile posset reddi ratio, quia iste vult, & ille non vult; at verò Augustinus non ita respondet, sed raptus in admirationem ad iudicia Dei occulta negotium remittit, nobisque ne curiosius illa inuestigare velimus, consulit, ut videre licet tract. 26. in Ioan. de spirit. & liter. cap. 34. lib. de prædestinat. Sanctior. cap. 6. & 8. & sæpe alibi. Ad hoc verò in superioribus responsum est, & nunc etiam dicimus, optimè nouisse Augustinum, quòd in hac arca Ecclesia pro voluntate quisque vel palea, vel frumentum est, ut ipse dixit in lib. de vera Relig. cap. 7. Neque ignorauit ex duobus vocatis, vnum credere, & alium non credere, quia ille vult, & iste non vult credere. Sic enim dicto cap. 6. de prædestinat. Sanctior. refertens verba Massiliensium, *Muli audiunt verbum veritatis, sed alij credunt, alij contradicunt; volunt ergo isti credere, nolunt autem illi.* Respondet. *Quis hoc ignoret? quis hoc neget?* Et dicto lib. de spirit. & liter. cap. 33. eandem tractans questionem primo sic respondet. *Primo igitur illud dicamus, & videamus, vtrum illi satisfaciat questioni, quòd liberum arbitrium naturaliter attributum a creatore animæ rationali, illa media vis est, quæ vel intendit ad fidem, vel inclinari ad infidelitatem potest.* Et ideo nec istam voluntatem, quæ credit Deo, dici potest homo habere, quam non accepit, quandoquidem vocante Deo surgit de libero arbitrio, utique à Deo adiuto. Et ita in toto illo capite rationem illam profequitur, quòd vnus sit reus, quia continuit vocationem, alius iustificatur, quia illam amplectitur.

15.

Celestinus.

August.

Ad id verò statim in cap. 34. *Hec disputatio, si questioni illi soluenda sufficit, sufficiat.* Vbi illam non reprehendit, sed permittit iudicari sufficientem, quod dicere potuit, vel quia vltior inuestigatio, & resolutio non pertinet ad fidem, sed ad illas subtiliores questiones de quibus dixit Celestinus, *sicut non est necesse adstruere, ita nec licet contemnere;* vel certe, quia in aliquo ordine ratio illa sufficiens est, utique in ordine executionis, ut nos explicamus, licet secundum ordinem prædestinationis questio maneat, cur huic Deus congruam præparauerit vocationem, & non illi. Et hæc est questio, quam Augustinus admiratione dissoluit, & ad iudicia Dei occulta referuat. Et ideo dicto cap. 6. de prædestinat. Sanctior. post illam responsionem, *Quis hoc neget,* addit, *sed cum alijs præparetur, alijs non præparetur voluntas à Domino, videndum est utique quid veniat de misericordia eius, quid de iudicio.* Iam verò in superioribus ex doctrina eiusdem Augustini ostendimus præparari voluntatem à Domino per inspirationes, & illuminationes, non per concursum, seu per physicam prædeterminationem. Et simili modo in lib. 1. de peccator. merit. & remiss. cap. 3. dixit; *Cur istam illa, illum isto modo adiuuet, penes ipsum*

*est, & equitatis tam secreta ratio, & excellentia potestatis.* Ac denique in cap. 14. de dono persever. in mysterium diuinæ prædestinationis reuocat, quòd his congrua suis mentibus verba, vel signa, quibus moneantur ad fidem, offerantur, alijs verò non offerantur. Ergo propter hanc Augustini admirationem non est necessaria prædeterminatio: nihil ergo in doctrina Augustini inuenimus, aut nobis hætenus propositum est, ob quod illi possit talis sententia attribui, etiam defensores illius sententia quòd sit expressè Augustini, frequentissimè, & alleueranter affirmant. Ideoque prudentem Lectorem admonemus, ut non verborum exaggerationes, sed vni testimoniorum attentissimè meditetur.

## CAPVT XLVIII.

### Quid post Augustinum Patres Latini de Gratia efficaci senserint.

**P**ROpono questionem de solis Patribus Latinis, quia in Græcis, qui post Augustinum scripserunt, nihil in hac causa dictum inuenio, præter ea, quæ ex illis, qui prope tempora Augustini fuerunt in cap. adduxi. Solam posset referri locus Damasceni lib. 2. de fide, cap. 29. & 30. & contra Manichæos, ubi prædefinitionem actuum liberorum negat, de quo satis in alijs locis dictum est. Alia verò, quæ in illo capite dicit, *ut nihil boni fieri à nobis posse sine auxilio Dei, liberum tamen nobis esse Deum vocantem sequi,* & similia, valde generalia sunt.

Omissis ergo Græcis Patribus, inter Latinos Augustino propinquissimus fuit Prosper, gratia Dei, & Augustiniana doctrina acerrimus propugnator. Ille igitur in lib. 2. de vocat. gent. cap. 9. alijs 26. & 27. Gratia, (inquit,) Dei in omnibus iustificationibus principaliter præminet. Modum autem declarat, dicens, *suadendo exhortationibus,* & alijs externis motionibus, quos recenset, quibus adiungit internas, dicens, *Dando intellectum, inspirando consilium, eosque ipsum illuminando, ac fidei affectionibus imbuendo.* Et hic terminat motiones præuenientis gratia, & statim subiungit. *Sed etiam voluntas hominis subiungitur ei, atque coniungitur, scilicet; subiungitur præuenienti gratia, coniungitur adiuuanti, seu cooperanti.* Et addit de voluntate. *Quæ ad hoc prædictis est excitata presidij, ut diuina in se cooperetur operi.* Vbi ponderandum est inter excitantia auxilia, & consensum nullum ponere auxilium prædeterminans, sed ipsi voluntati cooperanti diuino operi tribuere, quod se coniungat præuenienti gratia Dei, de qua paulo post dicit. *Quæ operatio per innumeros modos siue occultos, siue manifestos omnibus adhibetur, & quod à multis refutatur, eorum est nequitia, quòd autem à multis suscipitur, & gratia est diuina, & voluntatis humane.* In quibus verbis imitatur Prosper Augustinum. Ideoque eisdem modis ponderanda sunt, quibus similia in Augustino considerauimus, quos hic repetere necessarium non iudico.

Est etiam attentè legendus Prosper contra Collator. ferè per totum, præsertim cap. 5. 8. & 16. ubi per illuminationes, inspirationes, & bonos affectus declarat modum quo Deus præuauit, & trahit voluntatem, & in eis ponit initium salutis contra Semipelagianos, & post illas motiones immediate il-

1.  
Recententur  
Patres Latini,  
qui de  
hac contro-  
uersia scrip-  
serunt.

2.  
1. Prosper,  
inter Latinos  
Augustino  
propinquis-  
simus.

3.  
Eiusdem  
Prosperi lo-  
cus contra  
Collator. at-  
tentè legē-  
dus.



lis subiungit liberam cooperationem voluntatis humanæ ad consensum cum adiuvante gratia. Et in cap. 14. id latè prosequitur ubi verba illa notari possunt, *Quis perspicere, aut enarrare possit, per quot affectus visitatio Dei animum ducat humanum, ut que fugiebat, sequatur, quæ oderat, diligat, &c.* Non ergo per physicam prædeterminationem, sed per internos affectus, illuminationes, ac motiones declarat Prosper mirabiles mutationes, quas per gratiam suam facit Deus in cordibus hominum. Et his modis adiungit statim, factas esse conversiones Marthæ, Pauli, Zachari, & boni Latronis, de quo ait, *In Latronis quoque iustificatione, etiamsi nulla operantis gratia intelligeretur indicia, nonne cum omnibus credentibus etiam ipsum acciperemus attractum?* Vtique per illas illuminationes, & affectiones, quibus Deus animum humanum visitat, quas nomine operantis gratiæ in his verbis intellexit. Et in eodem capite expendo quod in fine dicit. *Cum Deus sit qui operatur omnia in omnibus, siue alios sic, alios sic attrahere velit, ad eum nemo nisi aliquo modo attractus venit.* Certè si attractio est prædeterminatio, non alios sic, alios sic, sed omnes sic, nec quemlibet aliquo modo, sed omnes vno modo attrahit; ergo modus ille alienus est à sensu Prosperi, modus autem tractionis per affectiones, in quibus ineffabilis varietas cernitur, est illi maximè consentaneus.

4.  
adhuc alius.

Eandemque doctrinam indicat in cap. 16. dicens, *bonam voluntatem, qua adhaeretur Deo, nec negandum est hominis esse propriam, & consistendum est Deo inspirante conceptam.* Quid, quæso aliud nos dicimus? Fortasse si aliquis nostrum id dixisset, tanquam Semipelagianus ad aduersariis damnaretur. Denique in cap. 6. responsionem ad Gallos ita concluditur. *Prædeterminationem autem Dei, siue ad bonum, siue ad malum in hominibus operari ineptissime dicitur, ut ad utrumque homines quadam necessitate videatur impellere, cum in bono voluntas sit intelligenda de gratia, in malis autem voluntas sine gratia;* quia verba videntur adedè expressa, ut non videam quid amplius desiderari possit. Nam quod non prædeterminationis, sed prædestinationis nomen posuerit, nullum subterfugium præbet dictis auditoribus, cum ipsi dicant, decretum ipsum, quo Deus prædestinat, seu efficaciter prædefinit talem actum esse id, quo vel immediatè prædeterminatur voluntas, vel à quo prædeterminatio totam suam efficacitatem accipit, per quam in homine efficacissime operatur. Neque etiam hic possunt distinguere necessitatem compositam, vel diuisam: nam Prosper euidenter loquitur de necessitate proveniente ex prædestinatione, quæ est necessitas composita, ut ipsi fatentur, & tamen ait, ineptissime poni talem necessitatem, per quam prædestinationis impellat ad bonum, vel malum, illud efficacissime in homine operando.

7.

Non ignoro hæc eadem ferè loca contra nos citari, quia in eis dicitur Deus potens, & occulta virtute hominum corda convertere. Nam cap. 16. contra Collator. de libero arbitrio, ait Prosper, *non à seipso, sed à creatore mutatur.* & ibidem, *Agit hoc occulta, & potens gratia Dei,* & aliis locis dicit, *gratiam esse creatricem bonæ voluntatis,* eamque in nobis generare, ut in epist. ad Ruffin. & in carmin. de Ingratis, & alibi sæpe. Et specialiter ponderatur, quod lib. 1. de vocat. gent. cap. ultimo, ubi quæstionem illam, cur ex duobus æquè reis, vnum Deus iustificet, & non alium, dicit esse impenetrabilem, & per liberi arbitrij velle, & nolle non solus. Verumtamen propria verba non sunt contraria præceden-

tibus, & in sensu à Prospero intento verissima sunt. Dicitur enim homo non à seipso, sed à creatore mutari, quia mutatio non incipit ab homine, nec eius propria, & principali virtute, perficitur, quamvis non fiat sine ipso. Vnde immediatè post illa verba, *sed à creatore mutatur,* addit Prosper, *Ut quidquid in eo in melius reficitur, nec sine illo sit, qui sanatur, nec nisi ab illo sit, qui medetur, cuius sumus noua creatura,* &c. Vnde eadem ratione vocat gratiam genitricem, & creatricem bonæ voluntatis, quia à Deo solo incipit, & sine vilo nostro merito, quamvis non fiat sine nostra determinatione libera quoad consensum, nec sine coëfficientia physica quoad initium boni effectus, de quo initio loquebatur, cum dixit, *fieri in nobis occulta, & potens gratia Dei,* sic enim ait, *Nec propria virtute ad initia salutis emittitur, sed agit hoc occulta & potens gratia Dei, quæ dimotis terrenarum opinionum, & operum mortuorum fauillis torrem obruti cordis exagitat, & desiderio veritatis inflamat, non ut inuitum hominem subigas, sed ut subiectionis cupidum facias, nec ut ignorantem trahat, sed ut intelligentem sequentemque precedat.* Hæc est ergo potens, & occulta gratia Dei, per quam Deus in nobis inchoat salutem, quamvis illam sine libera determinatione non perficiat. Vltima denique sententia de quæstione illa profunda, & impenetrabili, eodem sensu à Prospero traditur, quod ab Augustino doceri, supra diximus. Et ipsemet Prosper exposuit, dicens, *Quia licet insit homini bonum velle, vel nolle, tamen nisi donatum non habet bonum velle.* Dicitur autem donatum ratione vocationis congruæ, in qua, ut diximus, tota admiratio posita est.

Post Prosperum scripserunt eodem tempore in gratiæ defensionem, & iuxta doctrinam Augustini Fulgent. & Petrus Diaconus, in lib. de Incarnat. & Grat. Et præterea Fulgent. lib. 1. ad Monimum à cap. 14. & epist. 2. per plures sequentes, sed sicut in illis nullum vestigium prædeterminationis physici inuenitur, ita neque aliquid habent, quod specialiter in nostrum fauorem afferri possit, præter argumentum negatiuum, quo sæpe vsi sumus. Quia cum doctrinam D. Augustini latè declarent, & defendant, nullam mentionem faciunt auxilij physici prædeterminantis, nec per verba expressa, nec per æquiualentia; sed per auxilia præuenientia excitando, & per concomitantia adiuuando, totum negotium gratiæ, & necessitatis eius declarant. Ergo signum est non inuenisse apud Augustinum tale auxilium, nec illum necessarium esse existimasse. Exemplum adhiberi potest in verbis Fulgentij epist. 6. ad Theodor. cap. 6. qui locus solet nobis obici, quia in eo docet superbos esse, qui aliquid boni sibi tribuunt. Vnde sic concludit. *Ut ergo quadam in deteriora non recidant, gratia eius gubernat, ut quadam ad meliora conscendant, gratia eum eleuat, & ut in æternum permaneant, ipsa gratia viuificat & conseruat.* Talia sunt testimonia, quæ nobis obiciuntur, nos autem clamamus hanc esse doctrinam, quam de gratia profitemur. Nam ibidem attingendo modum, *quomodo hæc bona non dat natura, sed gratia,* ait Fulgentius, *Sed ex benignitate diuine illuminationis acquiritur.* Sic ergo non propter prædeterminationem, sed propter illuminationem, & inspirationem diuinam hæc omnia operatur in nobis Deus, & facit, ut eadem cum illo cooperemur, & qui hoc modo recognoscit hæc omnia esse dona Dei, licet simul fateatur necessariam esse liberam hominis determinationem, non est superbus, sed cautus & fidelis.

Tertiò possumus simili modo vti Gregorij 3. Gregorij aucto

6.  
2. Fulgentius,  
& Petr. Diaconus.

7.

auctoritate, non quia de prædeterminante auxilio quicquam expresse docuerit, sed quia nulla illius mentione habita per auxilia excitantia declarat totum negotium præuenientis gratiæ, etiam efficaciæ, voluntatem hominis ad se trahentis & conuertentis, sic lib. 18. moral. cap. 22. aliàs 24. tractans verba illa, *Gratia Dei sum id quod sum*, addit, *Ex cuius aspiratione gratia, quia virtutum opera protinus in corde generantur, ut ex libero quoque arbitrio subsequatur actio, cui post hanc vitam retributio æterna respondeat, illico adiecit, & gratia eius in me vacua non fuit.* Vbi solum ponderamus tantum aspirationi gratiæ initium tribuere virtutum omnium, & per ipsam interiorius dicere, *facere Deum in homine meritum quod remunerat.* Et optimè eandem doctrinam de præueniente, & subsequente gratia tractans lib. 33. cap. 20. inter alia dicit. *Liberum arbitrium in bono formatur electis, cum eorum mens à terrenis desideriis gratia aspirante suspenditur.* Et iterum Pauli locum tractans lib. 16. cap. 11. habet illam sententiam Gregorio dignam. *Si superna gratia nocentem non præuenit, nunquam profecto inueniet, quem remuneret innocentem.* Quam declarans subiungit, *Superna igitur pietas prius agit in nobis aliquid sine nobis, ut subsequente quoque nostro libero arbitrio, bonum quod appetimus agat nobiscum.* Vbi apertè declarat illud, quod Deus prius agit in nobis sine nobis, esse aliquem affectum excitantis gratiæ, quo iam aliquid boni appetimus, quod subsequente gratia liberè facimus, nulla utique alia prædeterminatione interueniente. Et in confirmationem huius doctrinæ exponit verba Pauli dicentis, *Non ego, quia non ex se, sed ex gratia operante, Et tamen, (inquit,) quia se esse aliquid, cum gratia inuenit, adiunxit: sed gratia Dei mecum.* Non ergo in se gloriantur, qui se aliquid, nimirum ipsam liberam determinationem cum gratia Dei facere profitentur. Imò addit, *non enim diceret, mecum, si cum præueniente gratia subsequens liberum arbitrium non haberet, quod certe non haberet si gratia illa præueniens, etiam prædeterminans esset.* Eandemque doctrinam repetit lib. 24. cap. 7. aliàs 11. ubi est etiam notanda illa sententia, *Quia præueniente diuina gratia in operatione bona nostrum arbitrium sequitur, nosmetipsos liberare dicimus, qui liberanti nos Domino consentimus.* Non est ergo alienum à sententia Gregorij dicere, hominem vocatione præuentum determinate se cum diuina gratia, nam hoc modo à malo se liberat.

8.  
4. Anselmus.

Quartò maiori fiducia nostram sententiam tribuimus Anselmo, qui clarius quam ceteri principium illud, huiusque materiæ fundamentum quod necessitas etiam si sit ex suppositione extrinseca, si sit omnino antecedens usum libertatis, illi est contraria, eumque destruit, declarauit in lib. de Concordia. Ex quo principio subintulit in secunda parte huius operis, *etiam aliqua præscia, & prædestinata non euenire ea necessitate, quæ præcedit rem, & facit, sed ea, quæ rem sequitur, & rationem subiungit, dicens, Non enim Deus quamuis eam prædestinet, facit voluntatem cogendo, aut voluntati resistendo, sed in sua illa potestate dimittendo.* In quibus verbis necesse est eum loqui de gratia efficaci præueniente, quia per eam facit Deus ea quæ prædestinat. Illa ergo gratia ex Anselmi sententia talis est, ut voluntatem in sua potestate dimittat; quomodo autem dimitteret illam in sua potestate, quæ de se indifferens est, si illam ad vnum,

A & ad exercitium determinaret? Vnde ideo dicit prædestinationem relinquere voluntatem in sua potestate, quia aliàs inferret necessitatem antecedentem, quam dixerat contrariam esse libertati, & prædeterminatio physica infert necessitatem antecedentem, ut & probatum est, & aduersarij non negant, Anselmi sententiā contra eius verba interpretando, ut in secundo Prolegom. ostendi. Et ne quis putet hoc esse contra Dei gratiam, vnico verbo soluens obiectiones, quæ contra nos fieri solent, adiungit. *Quamuis autem sua voluntas utitur potestate, nihil tamen facit in bonis, quod Deus non facit in bonis sua gratia, in malis non sua, sed eiusdem voluntatis culpa.* Et in p. 3. exponens modum quo Deus inducit voluntatem, inter alia dicit. *Adiunxit gratia liberum arbitrium, mitigando, aut penitus remouendo vim tentationis impugnantis, aut augendo affectum eiusdem rectitudinis.* Denique cum omnia subiaceant dispositioni Dei, quidquid contingit homini, quod adiunxit liberum arbitrium ad accipiendum, vel seruandum hanc rectitudinem, sua gratia imputandum est. Et postea dicit corda humana ex se proferre inutiles cogitationes, & noxias, illas verò, sine quibus ad salutem anima non profuimus, nequaquam sine generis sui semine, & laboriosa cultura concipiunt, & germinant. Quod quidem cum ex Dei providentia sit modo apto, & commodo suscipienti, tunc gratia est congrua, & effectum consequitur: hunc ergo modum, & non alium efficaci gratiæ Anselmus indicauit.

C Huic concordat alius eiusdem Anselmi egregius locus super 6. cap. Matth. circa verba orationis Dominicæ, *Fiat voluntas tua*, ubi duas in Deo distinguit voluntates. *Vna est, (inquit,) misericordia, quæ non est cogens, neque aliquid libero arbitrio aufert, quæ omnes homines vult saluos fieri, quod tamen in libera voluntate illorum possum est.* Et hanc distinguit à voluntate, quam dicit esse de effectibus rerum, & illam in frā vocat voluntatem iustitiæ, & priori voluntati dicit posse resistere, non posteriori. In citatis autem verbis solum pondero, ideo dicere Anselmum voluntatem misericordiæ non cogere voluntatē, quia relinquit in libera hominis potestate id, quod vult, sentiens quidquid tollit indifferētiā voluntati, cogere illam. Verbum autem *agendi* ibi non sumitur in eo rigore, quo dicitur coactum id, quod est omnino contra elicitam volitionem, sed eo modo, quo repugnat naturali modo agendi voluntatis, qui est, habere suum velle in sua indifferente potestate. Dicit fortè aliquis illam voluntatem misericordiæ esse tantum antecedentem, nam ponit exemplum in voluntate, quæ Deus vult omnes homines saluos fieri. Sed ut verum sit voluntatem misericordiæ sæpe esse antecedentem & illam includere Anselmum, non tamen potest ad illam solam Anselmi sententia limitari; tum quia aliàs valde diminuta esset distinctio, & tota doctrina nec satis explicaret, quomodo voluntas absoluta circa electos nō cogeret illorum voluntates. Tum maximè, quia statim sibi obicit hoc modo. *In Paulo tamen videtur cogens voluntas Dei, sed non est, quia licet sit percussus, tamen voluntas erat libera, ut resisteret, si vellet.* Supponimus autem voluntatem Dei de conuersione Pauli, & fuisse voluntatem misericordiæ, & non fuisse tantum antecedentem, seu conditionatam, sed beneplaciti, seu consequentem, & absolutam, & tamen illi, utique ut operanti ad extra affirmat Anselmus potuisse Paulum resistere; ergo planè dicitur

9.  
Eiusdem  
Anselmi lo-  
cus super  
Matth.

Obiectio

Soluitur

Suppositio  
pro volun-  
tate Dei de  
Pauli con-  
uersione.

talera

talem voluntatem Dei non prædeterminare physicè voluntatem humanam, esto illam ita moueat, vt in effectu nunquam resistat.

IO.  
Alia obic-  
tione

Responde-  
tur:

Obiici verò solet ex eodē Anselmo, quod in eodem lib. de Concord. p. 3. non longè à principio dicit. *Totum imputandum est gratia, quia neque volentis est, quod vult, neque currentis est, quod currit, sed totum est Dei.* Omnibus enim, excepto Deo solo, dicitur. Quid habes, quod non accepisti? Et infra dicit per illa verba, *Non est nolentis*, &c. non negare Paulum in voluntate, vel corrente aliquid prodesse libero arbitrio, sed significare non esse imputandum libero arbitrio, quod vult, vel quod currit. Respondemus in his omnibus loqui Anselmum in more Augustiniano, & in eodem sensu elicere totum esse gratiæ, non quia excludat propriam determinationem liberi arbitrii, sed quia gratia est, quæ inchoat bonum opus, ad illum perficiendum adiuvat. Itaque verba Anselmi abundè hoc declarant, si integrè referantur; sic enim ait. *Quantum non omnibus des, quia cuius vult miseretur, & quem vult indurat: nulli tamen datur pro aliquo precedenti merito, quoniam quis prior dedit illi, & retribuetur ei. Si autem voluntas per liberum arbitrium seruando, quod accepit, meretur augmentum iustitiæ, aut primum aliquod, hæc omnia fructus sunt primæ gratiæ, & gratiæ pro gratia.* Et tunc addit: *& ideo totum imputandum est gratiæ,* vbi apertè loquitur non solum de prima conuersione, sed etiam de fructibus iustitiæ, & ad omnia applicat verba Pauli, *Non est volentis*, &c. & solum dicit non imputari homini, quia sunt gratia pro gratia, id est, quia & per gratiam adiuuantem fiunt, & ducunt primam originem à gratia; sic ergo totum imputatur gratiæ, & in eodem sensu infra dicit, *non imputari libero arbitrio*, vtique tanquam merenti principium, & radicem talis boni. Alioqui paulo superius idem Anselmus loquens de rectitudine, seu sanctitate voluntatis dixerat. *Sicut illam nullus accipit, nisi gratia præueniente, ita nullus eam seruat, nisi eadem gratia subsequente. Nempe quantum illa seruetur per liberum arbitrium, non tamen est tantum imputandum libero arbitrio, quantum gratia, cum hæc rectitudo seruatur.* Non ergo absolutè negare intendit, imputandum esse libero arbitrio, sed non tantum quantum gratiæ, &c. Et rationem addit. *Quoniam illa liberum arbitrium, non nisi per gratiam præuenientem, & subsequentem habet, & conseruat.* Vnde cum hanc reddat tanquam adæquatam rationem, virtute excludit gratiam prædeterminantem, quæ longè diuersa est à præueniente, vt ex aliis verbis Anselmi satis ostensum est, & pluribus aliis verbis idem Anselmus repetit, explicando cooperationem liberi arbitrii cum gratia. Eandemque doctrinam habet ad Ephes. 1. vbi ratione gratuitæ vocationis dicit omnia bona speciali modo gratiæ attribui. Et ita explicat verba Pauli, *Creati in operibus bonis*, & alia quæ omitto ne sum prolixior.

II.  
s. Bernardus.

Quintò docet non minus apertè eandem sententiam Bernard. in lib. de Grat. & liber. arbitr. vbi non longè à principio necessitatem antecedentem dicit destruere libertatem, si non illam relinquat indifferentiam, vt possit, vel ad malum conuerteri, consentiens appetitui, aut malo spiritui suggerenti, vel ad bonum gratiam sequens. Et infra de bono Angelo dicit, liberè permanfisse propria voluntate, non aliqua extrinseca necessitate; vnde ita concludit, *Manet ergo libertas voluntatis, vbi etiam sit captiuitas mentis, tam in bonis, quam in malis, sed in bonis ordinatior. Tam integra*

**A** quoque pro suo modo in creatura, quā in creatore, sed in creatore potentior. quæ verba sunt valde notanda, quia in prioribus, vt clarum supponit Bernardus, voluntatem in malis supponi omnino indifferentem, & seipsam determinare, & affirmare eandem habere in bonis libertatem, licet per gratiam melius ordinetur. In posterioribus verò aperte sentit, non magis prædeterminari ab alio voluntatem creatam quoad liberum actum, quàm in creatam, aliàs non video quomodo vera sit æquiparatio quam in libertatis integritate facit Bernardus. Vnde tacitè & vno verbo occurrit obiectioni, quod voluntas creata esset primum liberum, negat enim sequelam, dum addit; *sed in creatore potentior.* Nam de ratione primi liberi est, non quod vt possit determinari, ab alio non prædeterminatus, quod etiam habere debet secundum liberum, vel non erit liberum, sed ad rationem primi liberi vltius necesse est, vt per se possit determinari sine dependentia ab alio, quod non habet secundum liberum. Item est de ratione primi liberi, quod ita sit liberum, vt ab alio non possit necessitari, nec impediri, quominus determinetur, quo velit: at secundum liberum licet habeat connaturalem indifferentem potestatem, à superiori libero potest necessitari, tam vt velit, quàm vt nolit, vel non velit, quia pendet ab illo, & ideo licet voluntas creata imitetur diuinam in integritate libertatis, diuina habet semper potentiorē libertatem, (vt sic dicā,) & ideo in sola illa est libertas per se, & quasi in primo fonte, quod est esse primum liberum.

Est etiam insignis locus eiusdem Bernardi, distinguens enim illa tria. *cogitare, velle, & perficere, quæ Deus operatur in nobis*, adiungit. *Primum profectò sine bonis, secundum nobiscum, tertium per nos facit.* Vnde iterum concludit. *A Deo ergo sine dubio sic nostra salutis exordium, nec per nos vique, nec nobiscum*, quia, (vt inquit,) in sancta cogitatione consistit, sub qua etiam motum præuium voluntatis, qui ex tali cogitatione sine libertate nascitur, comprehendit. Neque aliam præmotionem gratiæ, quæ à Deo sine nobis in nobis fiat, agnoscit. Nam iterum infra dicit, *Sic autem ista cum libero arbitrio operatur, vt tantum illud in primo præueniat, in cæteris comitetur.* Vbi particula exclusiua tantum, attentè consideranda est. Neque etiam inter illam præuiam cogitationem, & consensum aliquam solius Dei præoperantem gratiam interponit, neque in ipso consensu aliquid à Deo putat fieri sine nobis, sed absolutè dicit, *Verum consensus, & opus est non ex nobis, non iam tamen sine nobis.* Ita, (sicut infra subdit,) quod à sola gratia captum est, pariter ab utraque perficitur. Et infra, *Non partim gratia, partim liberum arbitrium, sed totum singula opere indiduo peragunt.* Multaque alia in hanc sententiam docet, quæ in eo videri possunt, & in superioribus sæpe sunt inculcata.

Quia verò in fine ita concludit, *Deus igitur auctor est meriti, qui & voluntatem applicat operi, & opus explicat voluntate.* eo ipso verbum applicat per verbum prædeterminat physicè explicandum censetur, nobisque obicitur, cum tamen euidenter cum toto contextu constet, ipsum loqui de modo applicationis, quo voluntas per cognitionem mouetur, & applicatur. Quod etiam in lib. de interior. domo cap. 68. idem Bernardus declarauit, usurpans sententiā illā libri de Ecclesiast. dogmatibus. *In nobis manet arbitrii libertas ad querendā salutē, sed admonēte prius Deo, & inuitatē ad salutem,* vel

12.  
Alius locus  
Bernardi.

13.



vel ut diligamus, vel sequamur, potestatis nostra est divina inspirationi acquiescere, & qua ad salutem nostram pertinent, eligere, & sequi. Alia item ex eodem Bernardo in eodem lib. de grat. & liber. arbitr. contra nos expendit Curnel. sed generalia sunt, scilicet, gratiam præuenire hominem, & non tollere libertatem, & similia, quæ omnes dicimus, sed modum inquirimus, & hunc ostendimus explicasse Bernardum iuxta doctrinam, quam sequimur.

Curnel.

14.  
Richardus  
de Sancto  
Victore.

Sexto fauet multum Richardus de Sancto Victor. tract. 1. de stat. interi. homin. cap. 13. ubi rationem libertatis ita declarat. *Libertas est, quod consensus eius extorqueri, vel cohiberi non potest. Potest enim consentire, vel non consentire aspirationi diuinæ, similiter, & suggestioni diabolica. Vtrumque quidem ex libertate, non tamen oportet ex necessitate.* In quibus verbis expendat in primis Lector, an prædeterminatio physica extorqueat consensum, nam profecto id negari non potest; ergo iuxta prædicta verba libertatem euacuat, eique repugnat. Deinde aduertat comparationem inter inspirationem Dei, & suggestionem demonis. Item tacita illatio notanda est, nam ex eo quod diuina inspiratio non extorquet consensum, tacite infert Richardus, Deum non extorquere illum, aliàs nec probatio esset effitax, nec exemplum accommodatum; unde fit, ut non aliam præuenientem Dei motionem agnoscat, præter inspirationem moraliter inducentem, sicut facit suggestio demonis, licet altiori modo, & potentiori id faciat Deus, ut in superioribus vidimus. Denique expendo, quod libertati opponit necessitatem etiam compositam, quæ ex antecedente necessitate possit præuenire. Quæ omnia prædeterminationi physicæ planè contraria sunt. Præterea lib. 3. de contemplat. cap. 24. *Absque dubio, (inquit,) quidquid boni in bonorum cordibus agitur, septiformis ille spiritus per inspirationem gratiam operatur.* Et infra, *saluo humana voluntatis arbitrio, & omnino absque ulla vocatione qualibet bona voluntas per inspirationem gratiam in diuinæ voluntatis complacitum inflatur, & ideo homini ad retributionem gloriæ cumulat, quidquid ex libero mentis consensu in ipsa diuinitus agitur.* Vbi & omnem coactionem excludit, id est, necessitatem extrinsecus prouenientem, iuxta communem morem loquendi Patrum, ut explicavi sæpe, & per diuinam inspirationem solam hanc fieri arbitrij promotionem, & mirabilem inductionem, apertissime sentit. Nec possunt alij auctores inspirationem prædeterminationem interpretari, quia nec proprietates sermonis id permittit, ut iam sæpe dixi, aliàs & ipsi cogentur dicere, etiam actus malos fieri inspiratione diuina, cum prædeterminatione fieri dicant: illud autem absurdissimum esse ipsi etiam non diffitebuntur.

Illatio.

15.  
7. Laurentius  
Iustinian.  
Rom. 5.

Septimo his adiungo Laurentium Iustinian. de quo quidam asseruit multa docere, in lib. de Gradib. perfect. cap. 5. quæ nobis repugnant. Citat autem in primis verba quæ expendo, illud Roman. 5. *Charitas Dei diffusa est, &c.* adiungit. *Non inquit extorquetur violenter, nec sollicitudine hominis reperitur, sed diffunditur ex alto in cordibus electorum, quoties, & quando eidem spiritui placet, qui (Domino perhibente,) ubi vult, spirat, auditurque vox eius, ignoratur tamen unde veniat, aut quò vadat. Porro Spiritus iste sanctus quemadmodum est potens in opere, in sermone efficax, in dilectione seruidus: ita est in consolando promptus, in exhortando intentus, & in se communicando munificus.*

16.

Sed quidquid in his verbis nobis repugnet, non video, multa autem, quæ non parum faueant, confido: nam primum illud, quod diuinus amor non

A extorquetur violenter, satis repugnat physicæ prædeterminationi ab extrinseco prouenienti, & non relinquenti in voluntate indifferentiam, ut se omnino liberè ad amandum determetur. In proximè autem sequentibus verbis, *nec sollicitudine hominis reperitur*, sermo est de sollicitudine, quæ sola propria industria, & libertate fiat, procedatque sancti Spiritus afflatum, & ita illa sententia punguntur Semipelagiani: per eam verò non excluditur libera cooperatio, propriusque conatus post diuinam inspirationem, & cum cooperante gratia Dei. Multoque minus negatur sollicitudo cooperandi diuinæ gratiæ in vsu charitatis, cum Paulus dicat, *soliciti Ephe 4. seruare unitatem Spiritus in vinculo pacis.* Et ideo fortasse non dixit Sanctus, *nec sollicitudine habetur*, aut exercitu, *sed reperitur*, quia loquitur de tota infusione eius, ut ab inspiratione diuina incipit, sic enim non reperitur sollicitudine, sed incipit inspiratione diuina, quam, (præsertim congruam,) Spiritus sanctus præbet, prout vult. Loquendo verò de ipsa iustitia, vel libera conuersione, ait idem Sanctus cap. 6. *Hæc est thesaurus intus absconditus, hæc est pretiosa margarita cum solitudine, & sudore reperia.* In reliquis autem citatis verbis docet Laurentius diuinam inspirationem consistere, vel in auditu interiori, ubi vox Spiritus sancti percipitur, & ratione illius dicitur Spiritus sanctus efficax in sermone, quia loquitur ad cor, & modo illi congruo, quando vult, & ita est efficax etiam in operando, consolando, exhortando, & cætera quæ ibi dicuntur, in quibus nullum vestigium physicæ prædeterminationis reperio. Et vterius pondero, quod paulo inferius ait, *Homo autem virtutis amator, & gratia cooperator ratione trahitur, charitate informat, boni & honesti delectatione allicitur, bellum quoque sibi ipsi inducit, in quo non licet terga vertere, nec in propria virtute considerare.*

Ex cap. verò 6. allegantur hæc verba. *Omnes quæque præuenit donis, excitat clamoribus, & præoccupat promissis.* At quis hoc neget? Certè hæc verba potius confirmant quod docemus, præuenientem gratiam in diuinis excitationibus, & internis clamoribus positam esse. Maximè verò spectanda sunt omnia antecedentia, in quibus idem Sanctus docet hanc gratiam sufficientem, & omnibus offerri, & homini imputari, quod vel illam non recipiat, vel quod illi pulsanti non pareat, & similia quæ cum physica prædeterminatione non posse subsistere à nobis ostensum est. Addit verò inferius hæc verba, quæ doctrinam nostram valde confirmant, cum Spiritu sancto enim per admirationem loquens, ait, *Vt errantium mortalium attraheres corda, quotidie per aspirantem gratiam, & veritatis lumen, atque internam vocem, &c. utique facis ut conuersantur ad cor, & iterum, Interioris hominis pulsas ad ianuam, &c. ut tibi pulsanti per obedientiam virtutem spiritualis habitaculi sui patefaciat aditum.* Ad eundem modum explicat gratiæ efficacitatem idem Pater serm. de Epiphani. ubi inter alia dicit, *Est autem gratia gratum faciens quasi musarina stella præfulgida, quæ electum quemque præcedens corde ducit ad Christum.* Ac denique cum frequentissime in suis operibus de gratia loquatur, semper modum operandi eius iuxta doctrinam, quam sequimur, declarat.

17.

Octauo inter hos Sanctos Patres recensemus Abulensem, qui ob insignem eruditionem, & sanctitatem id sibi promeruit. Ille igitur punctum hoc attigit in cap. 19. Matth. q. 174. quem locum contra nos quidam obiicit, dicens sibi Abulensem docere, Deum præmouere, & inclinare liberum arbitrium salua

18.

8. Abulensis.

salua eius libertate. Verumtamen Abulensis verba inspiciamus. Primò igitur sic ait. *Homo secundum naturam habet libertatem arbitrii, nisi ad eum pertinet determinatio sui operis, ut ex proprio iudicio eligeret hoc.* Sæpiùsque in discursu illius quæstionis repetit rationem libertatis in hoc consistere, quòd possit voluntas se ad utramque partem, seu ad volendum, vel ad non volendum determinare, nullamque in tota illa quæstione specialem prædeterminationem gratiæ tribuit, neque in generali concursu præuiam motionem in causa agnoscit, solum enim in solut. ad 2. dicit, *Sine Deo gratis donante, nihil possumus facere, cum ipse sit causa vniuersalis, & principium omnis boni, non solum in hominibus, sed etiam in omnibus creaturis.* Idemque repetit in solut. ad 3. dicens, *Deum agere interius in ipsa voluntate, sicut in aliis rebus.* Agit enim de concursu ad volendum, qui est in voluntate, quia in illa recipitur actus volendi.

19.  
Explicatur  
in quo libe-  
rũ arbitrium  
se moueat,  
determinet,  
& moueatur  
ab alio.

At verò in q. 175. ad 1. fusè explicat in quo liberum arbitrium se moueat, & determinet, & in quo moueatur ab alio, & in summa dicit proposito sufficienter obiecto per suam libertatem flectere in hanc partem, vel aliam. *Et non est querenda, (inquit,) alia causa, neque dependet quantum hoc liberum arbitrium ab aliquo, sed per naturam suam hoc potest, vbi non excludit dependentiam à concursu generali Dei, quam iam docuerat; excludit ergo solum causam prædeterminantem, seu quæ flectat arbitrium ad hanc partem potius quàm ad illam, nisi cooperando cum illo.* Quia verò ad hanc determinationem necesse est, ut præcedat cogitatio, quæ non potest semper esse ex motione ipsius voluntatis, concludit necessarium esse, deuenire ad motorem extrinsecum, qui præmoueat voluntatem ad deliberandum. Et quoad hoc ait, ita voluntatem esse dominam sui actus, ut indigeat moueri à Deo, utique præuia motione, quæ per cogitationes fit, & alios motus similes his, quos Deus in mente nostra facit, qui certè motus non sunt, nisi motus gratiæ excitantis. Deinceps verò latè explicat, quomodo per hunc modum Deus faciat voluntatem eligere, vel non eligere aliquid, non ex parte ipsius voluntatis, prædeterminando illam, sed ex parte obiecti immutando intellectum, & inter alia dicit. *Proposui duabus partibus contradictionis Deus facit, quòd vna earum eligatur, non quidem determinando liberum arbitrium ad hoc, & distrahendo ab illo, quia hoc esset contra conditionem libertatis, & nihil relinqueretur libero arbitrio, per quòd esset liberum.* Sed ex parte intellectus, ut latè prosequitur, semperque in hoc insistit, quòd Deus non determinat voluntatem directè, id est, ex parte intellectus. Quæ quidem doctrina directè repugnat cum physica prædeterminatione, quanuis multa alia, quæ ibi Abulensis attingit, maiori explicatione indigerent, & tamen omitto, quia nihil ad præsentem causam referunt.

20.  
Locus notan-  
dus in Abu-  
lense.

Præterea est locus notandus in Abulense Matth. 25. q. 6. 2. vbi tractans illa verba parabolæ de decem virginibus, *Tunc surrexerunt omnes virginibus illæ, eaque accommodans ad conuersionem, sic ait: Verum est, quòd præcedente clamore, id est, pulsatione Dei, omnes excitantur, quia quando Christus efficaciter vult pulsare, nemo est, qui non excitetur. Verum est enim, quòd multi vocantur, qui non obediunt, quia pulsatio illa non est efficax, saltem respectu illorum, nam si Deus vult foris pulsare, necesse est, quòd ex audiat homo, quia cor hominis in manu Dei est, & quocumque voluerit, vertet illud, Prouerb. 21. In pulsationibus autem*

A minoribus quidam obediunt, & quidam non. Vnde ab equali pulsatione quidam mouetur, & alius non, scilicet, quia non sunt equaliter dispositi, & talis modus est quantum ad augmentationem charitatis per actus nostros; quòd autem velit Deus quosdam pulsare efficaciter, & alios non, ab eius liberaliter pronenit, quia vult quibusdam potius benefacere, quàm aliis, cum nulli reneatur, ad Roman. 9. quòd cui vult miseretur. Vbi duo expendo. Primum, quòd ponit efficaciam in gratia excitante, secundò, quòd non ponit illam in efficaciaphysica, quam excitatio ad determinandam voluntatem ex se habeat, sed in congruentia ad personam cui datur, nam ideo dicit, eandem excitationem in vno esse posse efficacem, & non in alio.

His addere possumus Thomam Waldensem lib. 1. doctrinal. fidei antiquæ cap. 23. & sequentibus, præsertim in 25. Nam & tempore æqualis est Abulensi, & eruditione ac auctoritate, præsertim in confutandis hæreticis non inferior. Non oportet autem verba eius referre, aut ponderare, quia & rem ex professo disputat, & acriter inuehitur in quosdam Magistros, qui periculosè, ut ipse ait, necessitatem antecedentem ex efficacia diuinæ voluntatis prouenientem in actibus voluntatis humanæ, iam tunc introducere conabantur, & per hoc, ut ipse iudicat, concordiam libertatis humanæ, cum operatione diuinæ gratiæ, & voluntate impossibilem reddebant. Et ideo quanuis in libris de Auxiliis, huius viri testimonio vsus fuerit, nihil contrà ab aduersariis dictum, vel obiectum est.

21.  
Thomas  
VValdensis

## C A P V T XLIX.

Quid D. Thomas de hac controuersia, seu de auxilio gratiæ efficaci senserit.

PRæcipuum auctoritatis nomen quo defensores physice prædeterminationis nos premunt, & sub cuius umbra defendi student, est nomen, & auctoritas D. Thomæ, & ideo nihil ferè in hac materia docent, nec conclusionem ponunt, quam non dicant esse ex mente D. Thomæ, vel frequentius esse expressam. D. Thomæ, ita ut licet ipsi semper inter se contraria doceant, vnusquisque intrepidè asserat suam sententiam esse expressè D. Thomæ. Nos verò credimus in hoc puncto à nobis stare D. Thomam, vel saltem non repugnare, & ideo ad eius sententiam accuratius indagandam, hunc locum, & caput hoc integrum designavi. In quo priùs proponam loca quæ pro pro contraria sententia afferri solent, deinde producam, quæ nobis fauere videntur, & utraque diligenter expendam, ac explicabo. Aduerto autem quatuor præcipua capita, seu ordines testimoniorum posse in doctrina D. Thomæ spectari, in primo sunt generalia in omnibus causis secundis, quatenus à concursu causæ primæ in agendo pendent, & de his dixi lib. 3. c. 38. In secundo ordine sunt, quæ de libertate voluntatis generatim loquuntur, quæ tractavi in eod. lib. cap. 44. In tertio gradu pono illa, quæ sunt de modo quo Deus cõcurrit ad actiones peccaminosas, quatenus tales actiones reales sũt, & hæc attigi in eod. lib. c. 49. In quarto specialiter collocarunt, quæ de auxiliis & motionibus gratiæ tractant. Et hæc sola ad præsentem locum pertinent.

1.  
Sedes capitis  
de auxilio  
gratiæ effi-  
caciæ.

Aduertenda.

2.  
Præponitur  
locus D.  
Thomæ, quæ  
pro contra-  
ria sententia  
affertur solit.  
Obiectio 1.  
Solutur.

Primò ergo allegatur D. Thomas 1. 2. q. 9. art. 6. quia in corpore affirmat, Deum solum, & non agentia creata mouere voluntatem; sed agentia creata ut Angeli possunt voluntatem moraliter mouere, ergo Deus altiori modo, atque adeò physice potest mouere, & prædeterminare. Sed hoc obiectio non magis procedit de actibus gratiæ, quàm de actibus ordinis naturalis, nam doctrina ibi data à D. Thomā generalis est. Illatio ergo dupliciter deficit. Primò, quia non loquitur ibi D. Thomas de promotione voluntatis, sed de morione. Deus autem non solum mouet voluntatē per auxilium præueniens, sed etiam per auxilium, seu concursum simultaneum, quem D. Thomas sæpe vocat motionem primi mouentis in eadem 1. 2. q. 109. Et ita nihil aliud est mouere voluntatē, quàm aliquid agere in ipsa, sicque D. Thomā discursus eò tendit, ut probet ipsum motum voluntarium causari à Deo in voluntate. Concedimus ergo loqui de morione physica, negamus autem inde sequi loqui de morione prædeterminante. Secundò verò damus illam doctrinam esse veram etiam de morione præueniente: in ea verò, ut suprà attigi, duo oportet distinguere, vnum est quomodo fiat, aliud quomodo causet liberum motum voluntatis. Ipsa ergo motio cum sit aliquid reale inhaerēs voluntati, scilicet aliquis motus deliberatus eius, physice fit, & imprimitur à Deo, qui in hoc superat omne genus creatum. Illa autem motio causat consensum morali modo, & in hoc etiam est differentia inter Deum, & Angelum, quia ipsamet causalitas moralis longè altiori modo est à Deo, & simile discrimen est ex parte intellectus, nā Angelus solū potest illū excitare, applicādo obiecta, vel phasmata, Deus autē per se illuminādo, & physice efficiēdo in ipsū. Et ita in præmotione est physica efficiētia Dei propria eius sine physica prædeterminatione.

2.  
Obiectio 1.  
Remouetur.

Secundum argumentum sumi solet ex solutione ad 3. eiusdem art. ubi cum dixisset Deum ut vniuersalem motorem mouere hominem ad bonū, ipsum autem hominem per rationem se determinare ad hoc, vel illud determinate volendum, adiungit, *Sed tamen interdum specialiter Deum mouet aliquos ad aliquid determinate volendum, quod est bonum, sicut in his, quos mouet per gratiam, ut infra dicitur.* Respondeo tamen aliud esse prædeterminare voluntatem quoad exercitium actus, aliud mouere voluntatem ad aliquid determinate volendum. Nam à priori prædeterminatione non potest separari consensus, ex intrinseca vi talis determinationis; ab altera verò motione potest consensus separari, quantum est ex vi talis motionis. Vnde per sufficientem gratiam præuenientē mouetur, id est, allicitur, & excitatur voluntas ad aliquid determinate volendum, scilicet ad fidem, vel poenitentiam, &c. & nihilominus talis motio nō prædeterminat voluntatem. Itaque ad aliud aduerbium *determinate*, quod D. Thomas adiunxit, non opponitur indifferentiæ, vel potestati resistendi, sed opponitur generalitati motionis. Dixerat enim ibi, quod Deus mouet voluntatē, ut generalis motor ad vniuersale bonum; huic ergo vniuersali motioni opponit determinatam motionē, quæ fit per gratiam, tamen sicut illa motio vniuersalis nō determinat physice voluntatem ad exercitiū actus circa vniuersale bonum, sed ad summū quoad specificationem, iuxta doctrinam eiusdem D. Thomæ ibi q. 10. art. 2. ita etiam motio gratiæ ad aliquid determinate volendum, non determinat, quoad exercitiū actus, sed determinat ad certam speciē, licet non determinando absolute, & simpliciter

Fr. Suarez de Gratia Pars II.

A etiam quoad specificationem, qui cum bonum sit particulare, potest voluntas aliud illi p. a. ferre pro suo arbitrio, in quo differt hæc motio ab alia, quæ est ad bonum in communi. Potest tamen illa motio dici determinare ad certam speciē actus, quantum est de se: nam si ex tali motione voluntas deliberatē operetur illi consentiendo, efficiet honestum actum in tali, vel tali specie, & non alium. Vnde potest hæc motio esse, vel ex parte obiecti illuminando intellectum circa tale bonum, vel ex parte voluntatis simplicem aliquem affectum, vel suauitatem circa illud præbendo, manente semper indifferentia voluntatis ad talem motionem sequendā; sicut etiā habitus inclinatur ad aliquid determinare volendum, relinquendo indifferentē voluntatē, vñ illā inclinationē sequatur, vel ei resistat.

B Et iuxta doctrinam ad intelligenda alia loca D. Thomæ oportet distinguere verbum *determinandi*, nam intelligi potest, vel de determinatione quoad exercitiū actus, & in hoc sensu nunquam inuenitur apud D. Thomam voluntatem in hac vita prædeterminari ab aliquo exteriori mouente. Alio modo significare potest verbum illud determinationem quoad speciē actus, vel necessitando quoad specificationem, ut respectu boni in communi, vel inclinando tantum, quantum est de se. Et hoc modo dicitur interdum voluntas determinari ab habitu, vel à passione, vel ab obiecto, & proprius dicitur moueri ad aliquid determinate volendum, ut D. Thom. in illa solut. ad 3. loquutus est. Aliquādo verò it. loquitur D. Thom. nam 1. contr. gē. cap. 82. ad 4. dicit, *bonum apprehensum voluntatem determinare ut obiectum proprium.* Vbi Ferrariens. notat *determinare*, illo modo nihil aliud esse, quàm dare speciē actui, & ibidem distinguit duplex determinans, vnum efficiens, aliud specificans, & hoc posteriori modo dicit ibidem, voluntatem diuinam determinari ab intellectu, cum tamen certum sit non determinari quoad exercitiū actus, nisi ad dilectionem sui, ad alia verò solum obiectiue, ut voluntas possit ad hoc, vel illud suum actum terminare. Et in eadem significatione D. Thom. q. 6. de illo art. vñic. distinguit exercitiū actus à determinatione, & exercitiū dicit esse à voluntate mouere seipsam, determinationem verò esse ab obiecto. Sic ergo in citato loco dicit Deum per gratiam mouere ad aliquid determinate volendum, quia mouet ad particularia obiecta, quæ non possunt nisi per determinatos & particulares actus amari.

C Tertio obiciunt totam questionem 109. D. Thomæ in 1. 2. in qua sæpe D. Thom. dicit indigere hominem ad opera gratiæ auxilio Dei mouētis. Sed illa loca non pertinent ad auxilium præuium, seu præueniens, sed ad concursum simultaneum, seu auxilium concomitans, quod cum proportionem generale est omnibus rebus, ut in lib. 1. & 3. ostendi sæpius. Et ideo hanc obiectionem omitto, solumque aduerto ubi D. Thom. in illa questione postulat auxilium gratiæ præuenientis præter rationē illā primi mouentis explicare illud per verba pertinentia ad excitantē gratiā, & moralem inductionē, & directionē, sic enim dicit art. 9. *Necesse est nobis ut à Deo dirigamur, & protegamur, quia omnia nouit, & omnia potest.* quæ verba sunt valde notanda, nā in eis P. Sanctus explicat gubernationē internā præuenientis gratiæ morali modo, & illius certū, & infallibile regimē nō tribuit soli omnipotentiæ, sed adiungendo omnē scientiam sub qua necesse est conditionatā etiam cōprehendi: nā debet esse talis, quæ sit præuium, & dirigat, (nostro

T c modo

5.  
Obiectio 1.  
Euertitur.



modo loquendi, omnipotentia, & voluntate ut certa & infallibilia media eligat, & exequatur: scientia autem sic praeuia potest esse de futuro effectui libero, nisi conditionata, ut in Prolegom. 2. dictum est. Et eodem modo loquitur D. Thomas in 2. d. 28. q. 1. art. ad 3. & 3. contr. gent. cap. 147. & 148. ubi solum docet, auxilium gratiae esse necessarium, & non tollere libertatem. Vnde immerito haec loca contra nos allegantur

6. Obiectio 4. in 1. 2. q. 111. art. 2. dicentem ad interiorum actum voluntatis dari auxilium gratiae operantis, & reddit hanc rationem. *Quia quantum ad istum actum voluntas se habet ut mota, Deum autem ut mouens, & praesertim, cum voluntas incipit bonum vel- le, quae prius malum volebat.* Dixerat autem supra in eodem articulo, in illo effectui, in quo mens non-stra est mota, & non mouens, solum Deum esse mouentem, quia operatio alicuius effectui mouenti tribuitur, & non mobili. Ergo sentit D. Thomas primum voluntatis actum, praesertim in primo consensu fidei, vel conuersionis in Deum, precedere ex motione Dei, cui soli sit tribuendus sub aliqua ratione: at hoc esse non potest, nisi per physicam praedeterminationem; ergo.

7. Respondetur obiectio 4. eodem D. Thoma. Respondeo concessa tota maiori propositione, negando minorem, loquitur enim ibi D. Thomas de actu interiori voluntatis, qui est intentio, vel simplex consensus in aliquod supernaturale bonum propositum, ut propter se amandum, propter honestatem suam; ita ut talis actus eliciatur non per modum electionis, sed per modum intentionis, aut voluntatis primae. De quo motu D. Thomas generaliter docet non homini, sed auctori naturae esse tribuendum, ut supra lib. 3. cap. 44. tractauimus, ubi id explicuimus intelligendum esse non secundum physicam efficientiam, sed secundum morale quandam attributionem, secundum quam dicitur voluntas se mouere, cum ex intentione medio consilio ad electionem progreditur, non vero in ipsa intentione finis. Illam ergo doctrinam accommodat ibi D. Thomas ad voluntatem in ordine operantem, nam in prima intentione, seu voluntate dicit moueri ab auctore gratiae per gratiam operantem, quia nodum operatur ex electione, postea vero in electionibus etiam gratuitis iam se mouere per gratiam cooperantem. Ergo ad illum modum loquendi de gratia operante, (sive aliàs verus sit, sive no, de quo in eodem lib. 3. cap. 21. diximus,) non est necessaria praedeterminatio physica, sed sufficit specialis motio accommodata, ut voluntas possit intendere tale bonum, vel alio modo propter se, ac simpliciter in illud tendere, si velit, etiam si ad illud non praedeterminetur. Nam licet propter illam motionem talis actus voluntatis morali, & speciali modo tribuatur Deo; non excluditur, quin à voluntate, & liberè efficienter, ac proinde tam moraliter quam physicè fiat, ut ibidem ad 1. D. Thomas fatetur. Et ideo in illo determinatio quoad exercitiu ab ipsa pendet, etiam si per gratiam operantem praeuocatur.

8. Confirmatur ex eod. D. Thoma quodlibet. 7. art. 1. ubi cum in corpore eandem doctrinam tradidisset, & in argumento 2. obieciisset, quod talis modus motionis repugnat libertati, respondet ad 2. quod Deus mouet omnia secundum modum eorum, & ideo diuina motio à quibusdam participatur cum necessitate, à natura autem rationali cum libertate. Explicans autem quid sit in rationali natura moueri secundum modum suum, adiungit. Et ideo sic Deus mouet mentem humanam ad bonum, quod tamen potest huic motioni resistere, & sic ex Deo est,

A quod homo se ad gratiam praeparet, sed quod careat gratia, non habet causam à Deo, sed ab ipso homine. Ergo illam motio gratiae operantis talis est, ut possit homo ei resistere, quod repugnat auxilio physicè praedeterminanti. Et ita ex his simul sumptis oppositum aperte probatur, praeterquam quod saltem in electionibus gratiae apertissime in utroque loco dicit D. Thomas voluntatem non praedeterminari à Deo, sed ipsam se mouere & determinare, licet praemota per intentionem finis, certum est autem actus supernaturalium electionum esse ex auxilio efficaci gratiae; ergo de ratione efficaci auxilij non est, quod praedeterminet aliàs semper, & in omnibus actibus eam rationem seruet; ergo nec voluntate simplici, seu intentione finis est necessarium tale auxilium praedeterminans. Probatur consequentia, tum quia efficacia auxilij eiusdem rationis quo ad hoc est in omnibus actibus, tum quia rationes sumptae ex libertate, & sufficiencia auxilij, quae in illis actibus procedunt, tum denique, quia isti actus solum differunt ab electione, quod voluntas tunc non mouetur medio consilio, ex proprio actu proprio, sed ex vi obiecti apprehensi per cogitationem ab alio immixtam. Haec autem differentia saluatur optime sine praedeterminatione physica, & ad summum declarat gratiam excitantem aliter esse necessariam in intentione finis, quam in electione mediorum; quia ante intentionem est voluntas quasi dormiens, & ideo debet ab alio incipere excitari, postquam vero iam excitata est, & intentionem liberè elicit, per illam potest excitare intellectum ad consultandum, & ita se ad electionem mediorum mouere.

C Quinto obiectum quod D. Thomas 1. 2. q. 112. art. 3. dicit, Si ex intentione Dei mouentis est quod homo gratiam consequatur, infallibiliter ipsam consequitur. In quibus verbis sine dubio loquitur D. Thomas de motione per auxilium efficace, cum dicat infallibiliter consequi effectum. Deinde clare supponit tale auxilium dari ex intentione absoluta, & praedestinatiua Dei, aliàs non recte inferret ad illam intentionem infallibiliter consequi effectum, quia intentio Dei solum antecedens, seu conditionata, saepe frustratur effectui; permittente ipsomet Deo. Vnde tandem colligitur auxilium, quae ex vi illius intentionis datur, esse praedeterminationem, quia procedit ex quadam voluntate, cui nemo potest resistere.

D Ad hoc argumentum responderi potest D. Thomae quidem loqui de absoluta intentione ex parte sua, non ex parte obiecti, id est, non de intentione dandi gratiam sanctificantem, de qua in titulo articuli loquitur, nec de intentione dandi praeparationem illam, quae est per conuersionem perfectam ad Deum, sed de intentione dandi gratiam sanctificantem illis, qui se ad illam praeparauerint. Hanc enim necessariam consecutionem inter praeparationem, & gratiam videt ibi probare D. Thomae, ut patet ex titulo articuli, & ex conclusione, qua ad illud respondet: & illam necessariam consecutionem gratiae probat ex eo, quod est ab intentione absoluta Dei, nam ad hoc vocat hominem ad poenitentiam, ut si per eum non steterit, sed actu se conuertat, ac praeparet, infallibiliter gratiam consequatur, potestque respondere confirmari ex eodem in 4. dist. 17. q. 1. art. 1. quaestio articulo 3. ubi eandem tractans quaestionem in hoc sensu illam definit, unde verisimile sit in eodem sensu fuisse loquentum in alio loco.

E Secundò vero concedimus priorè sensum esse etiam ibi à D. Thomae intentum, quia licet supponat legem dandi gratiam se praeparanti sufficienter, quae sicut generalis est, & infallibilis, ita fundamentum habet in absoluta intentione, & promissione Dei, absoluta, (inquam,) respectu consecutionis: nihilominus non

Probatur consequentia.

9. Obiectio 5.

10. Responderetur primo.

Confirmatur ex eodem D. Thoma.

11. Responderetur secundò.

nō de illa tantū loquitur, sed de illa infert, quod si de intētionē Dei est iustificare hominē, cuius cor mouet, ita mouebit illū, vt infallibiliter illam consequatur, & cōsequenter vt infallibiliter cōuertatur. Et hoc etiam probat locus Ioan. 6. quem adducit. Hoc ergo sensu supposito concedimus duo prima, quae inde inferuntur, scilicet D. Thomam loqui de motione per auxilium efficax, & de intētionē absoluta sanctificandi, vel conuertendi hominem, quem vocat. Negamus tamen tertiam illationem, nimirum auxilium, quod ex vi illius intētionis datur, esse physicē prae-determinans, quia sufficit vocatio congrua, vt illa intētio infallibiliter impleatur. Quod probamus primō ex verbis eius, prius enim dixerat ibi interueniente necessitate non coactionis, sed infallibilitatis, vbi, vt diuisio sit adaequata, includit omnem necessitatem antecedentem, & repugnātem libertati, quam prae-determinatio physica induceret, & postea repetit verbum *infallibiliter*, quod dicit ordinem non ad causam, sed ad praescientiam. Secundō est hic sensus non solum verus, sed etiā necessarius, quia intētio illa includit, in obiecto, quod homo sanctificetur liberē, & ideo postulat motionem, cui & homo possit resistere, vt praeparatio ad gratiam sit libera, & infallibiliter non resistat, vt sit efficax motio. Haec autem duo in physica prae-determinatione non coniunguntur, cum vocatione autem congrua optimē conueniunt; ergo non est, cur limitemus indefinitā doctrinā D. Thomae ad motionem prae-determinantē, cum qua cetera repugnat; veritatem ergo habet propter congruam vocationē. Nec aduersarij habent, quomodo hanc responsionem inficiantur, nisi diuertendo ad impugnandā sententiam mediam, quae & per se satis defenditur, & in Prolegom. 2. satis, vt credimus, nō solum eam defendimus, sed etiam persuasimus.

12. Ex hac doctrina facili respondetur ad alia testimonia D. Thomae, in quibus docet homines saluari, credere, amare, aut mereri iuxta mensuram voluntate Dei praescriptam, vt ex p. 1. q. 19. & 23. & 2. 2. q. 14 art. 3. & 3. contr. gent. c. 89. & 90. & aliis locis constat. Nam haec omnia per vocationem congruam executioni mandantur, & optimē intelliguntur modo proximē explicato, & aliquid de re ipsa in sequentibus addemus, vt omnibus satisfaciamus. Nunc verō sensus hic confirmari potest ex eodem D. Thoma q. 6 de Verit. art. 3. vbi licet doceat, praedestinationem habere certitudinem in ratione causae, nihilominus in corpore, & ad 3. declarat, non mandari executioni per media, quae ex se sint infallibilia ex vi suae causalitatis, sed ex modo, quo à Deo applicantur. Nam liberum, (inquit,) *arbitrium deficere potest à salute, tamen in eo, quem Deus praedestinat, vel si cadat, quod resurgat.* At profectō si certitudo mediorum consisteret in auxiliis prae-determinantibus, multo breuius expeditisset D. Thomas difficultatem ad illa, & ad omnipotentiam, & efficaciam diuinā voluntatis recurrendo, quod nunquam facit, quoties in particularibus mediis ordinem executionis declarat.

13. At potest ob stare alter locus in q. 6. de Malo, art. vnic. ad 3. vbi differentiam constituit inter hominem, & bruta, quod bruta determinatē mouentur ad vnum per instinctum. Sed Deus, (inquit,) *mouet voluntatem immutabiliter propter efficaciam virtutis mouentis, quae deficere non potest, sed propter naturam voluntatis motae, quae indifferenter se habet, non inducitur necessitas, sed manet libertas.* Vbi illa verba immutabiliter, & per efficaciam statim explicat per verbum infallibiliter dicens, *sicut etiam* Fr. Suarez de Gratia Pars I I.

A in omnibus providentia diuina infallibiliter operatur. Vnde illa immutabilitas magis ex parte Dei, quam ex parte hominis intelligenda est, Deus enim ita mouet praedestinatum modo libero, & contingenti, (vt in vtroque loco D. Thomas dicit,) vt nihilominus praedestinatio Dei immutabilis sit. Hoc autem prouenit ex efficacia voluntatis suae, quae non consistit in hoc, vt per physicam praedeterminationem ad liberum actum moueat. hoc enim repugnat, sed in hoc, quod tot potest adminicula adhibere, prout videt esse congrua praedestinato, vt infallibiliter obtrineat, quod intendit.

B Atque haec tantum inuenire potui in doctrina D. Thomae, vel ab aliis allegata, vel ex parte aliqua à me obseruata, quae colore aliquo possint in hoc puncto adduci. Existimo tamen illa sola sufficere ad ostendendum, D. Thom. nec agnouisse, neque fortasse cogitasse de aliquo auxilio gratiae physicē prae-determinante, tum, quia si rem tanti momenti ex illo auxilio pendere existimasset, debuisset profectō aliquam disputationem de illo texere, illius naturam, & vim, & concordiam eius cum vsu libertatis clarē & loculenter explicare: hoc autem nunquam fecit, vt visum est; ergo magnum argumentum est illud non agnouisse. Tum etiam, quia in eisdem locis, vel similibus, quae pro illa sententia adducuntur, multa dicit, quae cum tali modo auxilij non rectē subsistūt, vt obiter explicauimus.

Præsertimque notanda sunt duo, vnū est, quoties D. Thom. dicit Deū mouere voluntatem secundum modū suū, explicare modū illum, vt sit modus indifferēti, & indeterminationis ad opposita. Iuxta quam interpretationē, illa duo, scilicet mouere voluntatem secundum modū suū, & prae-determinare illam, repugnantia inuoluunt secundum doctrinā D. Thomae, quam expressē tradidit in dicto quodlibet 1. art. 7. ad 2. & dicta q. 6. de Malo, art. vnic. & satis indicat 1. p. q. 83 art. 1. ad 3. & 4. & praesertim ad 5. circa finem. Alterum notandū est, non aliter explicare D. Thom. cur Deus praemouendo voluntatem illam non necessitet, nisi quia ita mouet, vt voluntas possit motioni resistere, vt expressē dicit in dicto quodlibet, ad 2. Et idem sumitur ex dicto art. vnic. q. 6. de Malo, ad 15. vbi ait, *quod licet Deus faciat, voluntatem velle, non oportet, quod ex necessitate hoc faciat, quia potest per ipsam voluntatem impedimentum praestari.* Hoc autem quomodo fieri possit à voluntate, explicat D. Thomas dum addit, *vel remouendo cogitationem, quae inducit ad volendum, vel ad considerandum oppositum, scilicet, illud quod proponitur vt bonum, secundum aliquod non esse bonum.* In quo apertē supponit vt voluntas non inducatur ex necessitate per motionem praeuiam gratiae, oportere, vt possit illam impedire, vel remouendo illam, vel alio simili modo.

D E loquitur de potestate voluntatis in sensu composito, nam remouere cogitationem supponit cogitationem, vt per se patet. Cūque doctrina illa formalis sit, & generalis, habet locum in omni praeuia motione. Vnde ex doctrina D. Thomae omne auxilium praeueniens voluntatem, si à voluntate remoueri, seu illi resisti non potest, ex necessitate libertati contraria mouet. Et ideo in eodem articulo ait D. Thom. quod si dispositio, per quam aliquid videtur alicui bonum, non subiacet voluntati, ex necessitate voluntas mouetur.

Est praeterea optimus locus hanc D. Thomae mentem ostendens in 1. p. q. 62. art. 3. ad 2. vbi sic ait. *Inclinatio gratia non inducit necessitatem, sed habens gratiam potest ea non vti, & peccare.* T t 2 fateor

14.

Notandum.

Alterum notandum.

Omne auxilium praeueniens voluntatem, si à voluntate remoueri, seu illi resisti nequit, ex necessitate libertati mouet contraria. D. Thom.

fateor quidem verba illa scripta esse de gratia habituali, nam de illa tractatur in articulo, & in argumento; nihilominus nos non consideramus materialiter, ut sic dicam, illa verba, sed formalem rationem eorum, nam ratio ob quam gratia non inducit necessitatem, ideo est, quia potestati habentis subditur, ut illa utatur, vel non utatur.

Ergo si aliqua est gratia, quæ ita inclinat mentem hominis, ut non sit in potestate voluntatis ea uti, vel non uti, sed illa posita necessitetur ad usum eius, talis inclinatio gratiæ inducit necessitatem, ex mente D. Thomæ. Et ideo in principio solutionis vniuersalem profert sententiam. *Omnis forma inclinat suum subiectum secundum modum nature eius.* quod intelligitur non solum de forma per modum habitus, sed etiam per modum motionis actualis, quæ, ut recipitur, in mobili forma eius est. Et ita etiam de actuali habet eandem propositionem D. Thomas in locis supra citatis, & q. 3. de Malo, art. 2. Quid autem sit formam recipi secundum modum subiecti respectu rationalis nature, non est, nisi quod in usu, & effectu eius libertati subdatur, ut in aliis verbis allegatis D. Thomas declarauit, & in aliis locis notauimus.

16. Et hinc etiam fit quod maximè intentionem nostram confirmat, ut quoties D. Thomas vult explicare, quomodo gratia, non obstante libertate habentis, illum inducit ad bonum, indeclinabiliter, & ineffabiliter in officio continet, non id tribuit motioni prædeterminanti, sed vel custodiæ diuinæ, eiusque excitationi, ut q. 24. de verit. art. 9. vbi de viatoribus etiam virtute perfectis ait, ita inclinari ad bonum, ut difficile cadant, subdit autem. *Sed totum, quod deficit ad confirmationem, completur per custodiam diuinæ providentiæ in illis, ut scilicet, quandoque occasio peccati se inserit, eorum mens diuini excitetur ad resistendum.* Vel etiam vocationi hoc tribuit, ut in q. 6. de verit. art. 1. vbi ex prædeterminatione dicit sequi glorificationem, in qua est consecutio finis, & collationem auxilij ad consequendum finem, (utriusque congruum, & efficax,) & illud declarans, addit, *quod est appositio gratiæ, quod ad vocationem pertinet.* In vocatione ergo constituit auxilium efficax, quod prædestinato confertur. Quod expressè dixit super Rom. 8. lib. 6. vbi ait, prædestinatos trahi per vocationem internam, quæ, (dicit,) *nihil aliud est, quam quidam mentis instinctus, quo eos hominis mouetur à Deo ad assentiendum, in his, quæ sunt fidei, & virtutis.* Et addit, *Et hæc vocatio in prædestinatis est efficax, quia huiusmodi vocationi assentiunt.* Vnde alibi hoc auxilium vocat efficacem persuasionem per aspera, vel per lenia, &c. ut q. 22. de verit. art. 9. ad 8. vbi hoc modo exponit illud Luc. 14. *Compelle eos intrare, & similiter Ioan. 6. exponens illud, Nemo potest venire ad me, nisi Pater meus traxerit eum, dicit, Patrem trahere, per illuminationem, & inspirationem internam, per quam, ait, si quis non trahatur, non est defectus trahentis, qui quantum est ex se, nulli deficit, sed est propter defectum eius qui non trahitur.* Quod certè non habet locum si prædeterminatio physica est necessaria, ut ostendimus. Ex his ergo omnibus concludimus D. Thomam de prædeterminatione physica nihil formaliter decreuisse, nec aliquid de motione voluntatis à Deo per auxilia tradidisse, quod sine tali prædeterminatione non optimè subsistat. E contrario verò multa in eius doctrina inueniri de modo, quo Deus mouet voluntatem, siue per gratiam præuiam, siue per alios modos prouidentie suæ, quæ partim eun-

dem modum excitandi, & trahendi homines continent, quem nos dicimus, præ se ferunt, partim aliqua continent, quæ physicam prædeterminationem non compatiuntur. Nam si attentè considerentur, quæ diximus, hæc omnia satis probata ex illis relinquuntur.

## C A P V T L.

*Quid alij antiqui Scholastici in hac controuersia senserint.*

B IN lib. 3. tractando hoc punctum, de concursu præui, & præmotione primæ causæ in secundam, an necessaria sit ad omnes actiones causarum secundarum, præter concursum simultaneum, plures Scholasticos antiquos negantes talem præmotionem esse necessariam, allegauimus, applicando illam doctrinam ad punctum de concursu Dei ad actiones peccatorum. Illos ergo omnes soleo in præfenti puncto pro nostra sententia allegare, quia cum potissimum fundamentum contrariæ sententiæ abnegent, ac euertant, meritò quidquid super illud ædificatum est, destruxisse, & negasse affirmare possumus. Et ita etiam plures illorum pro nostra sententia refert Ledesma in principio suæ quæstionis vnicæ, de Auxil. nimirum Alenssem, Bonauenturam, Marsil. Gabriel. Gregor. Henric. Capreol. & Caietanum.

Et Alensis quidem multum fauet 1. p. q. 26. memb. 4. art. 3. dum declarat, quomodo prouidentia sit de actibus liberis, non secundum acceptiorem, sed secundum concessionem, ut ipse loquitur, id est, ut declarat, non secundum modum, aut motionem, cui resisti non possit, sed ita, ut relinquatur voluntati potestas resistendi, & contradicendi, &c. & memb. 7. art. 1. vbi ait, Deum per suam prouidentiam circa actiones voluntatis, non inducere necessitatem ab hoc, id est, non necessitatem causæ efficientis, & impellentis, sed inducere necessitatem ad hoc, ordinando actiones ad debitos fines, quod bene declarat. Et q. 40. memb. 4. ad 3. excludit apertè prædeterminationem voluntatis diuinæ ab actibus liberis, & videtur loqui etiam de prædeterminatione ad intra omnino absoluta, & ita exponit Damascenum, vnde à fortiori sequitur Deum non prædeterminare ad extra voluntatē.

Secundò ac meritò allegatur Bonauentura, licet soleat in contrarium citari in 2. d. 26. art. vnic. q. 6. Sed ibi solum tradit communem doctrinam, de gratia operante, cooperante, & per utramque dicit mouere Deum voluntatem, diuerso tamen modo: nam per operantem solus Deus præuenit, & præmouet voluntatem, per cooperantem autem mouet illam non sine illa se mouente, & priori gratiæ operanti solum excitare, & præparare voluntatem. Quæ omnia sunt consentanea nostræ sententiæ, nihilque addit, in quo prædeterminationi physicæ ansam aliquam tribuat. Eandemque doctrinam repetit in dist. 27. dub. 1. literali. Addit verò ut gratiam præuenientem, seu operantem facere voluntatem bonam, & non fieri à libero arbitrio, sed infundi à Deo, quod dicere videtur propter gratiam habitualement, quæ ab Scholasticis operans vocatur, quatenus animam sanctificat. Si verò id applicetur est auxilium gratiæ præuenientis, seu operantis, dicitur nos facere bonos initiativè, & quia per illud facit Deus, ut velimus, modo

1.  
Punctum capituli  
pius circa  
auxiliū gratiæ  
efficacis.

2.  
Fauet 1. nostræ  
sententiæ  
Alensis.

2.  
Fauet Bonauentura.

Luc. 14:  
Ihan. 6.



in superioribus explicato, nam homo propriè non fit bonus, donec consentiat, & liberè operetur.

Allegatur etiam idem Sanctus pro physica prædeterminatione in 1. d. 40. art. 1. q. 1. sed ibi potiùs ait, prædeterminationem, etiam ut est causa, non inferre necessitatem, quia non est tota causa salutis, sed cum alia causa contingenti, scilicet, libero arbitrio. *Quatenus verò (inquit) præter rationem causæ importat præscientiam, sic non potest discordare à libero arbitrio, non tamen inferi illi maiorem necessitatem, quàm præscientia.* Ex simili modo in d. 47. art. 1. quæst. 1. concordare conatur decretum voluntatis Dei cum libertate nostræ voluntatis, sed solum dicit, non inducere necessitatem consequentis, sed consequentiæ. Quomodo autem id sit intelligendum, non declarat, semper tamen interponit præscientiam, dicitque non maiorem necessitatem per voluntatem induci, quàm per præscientiam, sentitque voluntatem Dei semper esse iuxta aliquam præscientiam, quam supponit, ut cum ait, *bene sequitur, Deus vult hunc saluare; ergo saluabitur, nunquam enim vellet, nisi pariter præsciret esse saluandum.* Vbi profectò loqui videtur de præscientia, quæ secundum rationem præcedat voluntatem, quia aliàs nulla esset illa ratio. Vnde in solut. ad ult. ait, quod voluntas Dei secundum convenientiam ad præscientiam, vult illa, quæ vult, ubi satis indicat antecessionem præscientiæ, quæ certè non potest esse nisi conditionata. Et similia habet, in dist. 47. art. 1. q. 1. Nam ait, Deum non velle absolute salutem prædestinari, nisi per convenientiam ad præscientiam. Quocirca ea, quæ in his locis Bonaventuræ docet, vel sunt generalia verba, quibus omnes utimur, ut sunt illa de necessitate consequentiæ, & consequentis, vel si quid speciale addit, in nostram planè sententiam inclinat. In alio verò loco 1. d. 37. art. 1. q. 1. quem in dicto cap. 41. lib. 3. tractavi, aperte tollit prædeterminationem, & in operibus gratiæ solam excitationem præuiam, & simultaneum concursum agnoscit.

4. Tertiò dicendum est de sententia Scoti, nam  
3. Adducitur illum etiam utriusque sententiæ defensores in  
Scotum. suum patrocinium allegant. Sed ut breuiter, &  
Duplex quæ- distinctè rem proponam, distinguendus est duplex  
stionis sen- sensus quæstionis suprà tractatus, scilicet, an de-  
sus. tur prædeterminatio physica in actu primo, quæ  
sit aliquid inhærens voluntati, distinctum ab actu  
secundo eius, vel an detur in ipsomet actu secun-  
do, solum per decretum absolutum voluntatis  
Dei, quo absolute voluit, ut homo vellet. & vir-  
tute illius decreti influit in voluntatem hominis  
talem simultaneum influxum, cui illa non possit  
resistere. Priorem modum attingit Scotus in 4. d. 49.  
q. 6. §. *Dico ergo, & docet esse contrarium libertati*  
voluntatis. Virtutem autem nomine *habitus*, & dicit  
esse contra libertatem voluntatis, quod determi-  
naretur ad unam per habitum sibi inhærentem, qui  
non subiaceat quoad usum potestati eius. Vide-  
turque loqui non solum de libertate actus, sed  
etiam de libertate potentie, inquit enim, quod  
si subiiceretur in ageudo habitui sibi inhærenti,  
non esset superior illo, & consequenter non esset  
libera ex natura sua. Quàm verò sit solida hæc il-  
latio nunc non expendimus, id enim egimus in  
Prolegom. 1. sed solum assertionem Scoti contra-  
riam prædeterminationi physice per modum actus  
primi inde colligimus. Nam vel nomine *habitus*  
intelligit entitatem creatam inhærentem poten-  
tiæ liberæ, quæ sit principium actus eius, & eius  
dominio in usu non subdatur, vel certè si cum

A proprietate de habitu loquutus est, ex paritate ra-  
tionis extenditur ad omnem actum primum ab  
extrinseco impressum voluntati, licet sit per mo-  
dum entitatis, vel qualitatis actualis, quia non  
minus impelleret voluntatem informando illam.  
Et hoc confirmat generalis doctrina eiusdem Scoti  
in 1. d. 39. §. *De secundo dico, ubi ad libertatem*  
actus existimat necessarium quod voluntas in eod-  
em instanti, quo actum elicit, ut est prius natura,  
in actu primo constituta, ita ponat actum suum con-  
tingenter, quod ut prior naturaliter posset equè pone-  
re aliud oppositum in esse. hoc enim principium  
apertè repugnat cum prædeterminatione physica  
in actu primo. Quod etiam repetit in 1. d. 18. circa  
finem, post solutionem ad secundum, & similiter  
in 2. d. 39. §. *Contra istud*, in fine, ait, quod si vo-  
luntas agit secundum pondus datum, ita ut illo  
accepto non possit non agere, non liberè agit.  
Et huc etiam spectant loca quæ suprà lib. 3. c. 41.  
adduximus, in quibus aperte negat necessita-  
tem præuiæ motionis ex vi generalis concursus  
Dei.

Deinde alterum modum attingit Scotus in 4. vbi suprà, & indicat, fieri posse, ut voluntas hu-  
mana determinetur ad unum, & ad exercitium  
actus, salva eius libertate. Sic enim ait volunta-  
tem beati determinari per voluntatem Dei, ut  
perpetuò amet ipsum, nec possit ab illo actu ces-  
sare, conservando nihilominus libertatem volun-  
tatis, & potestatem, quam habet ad non aman-  
dum, vel etiam ad peccandum. Posset autem ille  
locus intelligi de libertate ipsius potentie, non  
autem de libertate actus. Nam priorem modum  
determinationis dixerat repugnare libertati ipsius  
potentie, quia ipsa, (inquit,) non esset voluntas,  
nisi esset causa prior, &c. Ergo è contrario cum di-  
cit posteriorem modum determinationis esse pos-  
sibilem salva libertate voluntatis, intelligit de li-  
bertate ipsius potentie radicali, & remota, non de  
libertate actus. Nam primum indicant illa verba  
eius, *Non sic autem est contra libertatem, vel na-  
turam eius, quod determinetur à causa priori.* Et  
præterea dicit illam determinationem auferre po-  
tentiam proximam agendi, & non agendi, & so-  
lùm relinquere remotam, vnde inquit. *Non est in*  
potestate propinqua talis voluntatis peccare, quia non  
est in potestate eius, quod impediens cesset. At verò  
illud posse remotum, cum non sit posse simpli-  
citer, sed secundum quid, licet sufficiat ad liberta-  
tem potentie, non satis est ad libertatem actus,  
ut in Prolegom. 1. ostensum est.

Iuxta quam expositionem doctrina illa Scoti  
non est nobis còtraria, sed potiùs supponit veram-  
que determinationem esse contra libertatem, de  
qua nos agimus, licet non veritæ sit contra na-  
turam potentie liberæ de quo egimus in dicto  
Prolegomeno. Et mihi quidem placeret valdè ex-  
positio, nisi in responsione ad quoddam argumen-  
tum diceret ibidem Scotus, illum actum amoris,  
ad quem Deus sic beatum determinat, esse laude  
dignum pro quanto, (inquit,) ipsa voluntas in suo or-  
dine contingenter se determinat. Idem autem est in  
illa materia contingenter, quod liberè, vnde non  
obstante prædeterminatione illa, admittit Scotus  
voluntatem se liberè determinare, aded ut actus  
eius sit laude dignus. Propter quod fateor in his  
verbis multum favere Scotum illi sententiæ,  
quæ affirmat esse possibilem prædeterminatio-  
nem, quæ immediatè sit per voluntatem diui-  
nam absolutam, & efficacem, immediatè in-  
fluentem in actum voluntatis humanæ, salva  
libertate

Posterior,  
fieri posse ut  
voluntas hu-  
mana deter-  
minetur ad  
unum.

Prior docet  
esse contra-  
rium liber-  
tati volun-  
tatis.

libertate eiusdem actus voluntatis humanæ. Sed in hoc non probamus eius sententiam, & fortasse per libertatem solum intellexit perfectum voluntarium ab intrinseco, quod credidit etiam sufficere, ut sit laudabilis actus, etiamsi fiat absque indifferentia. Sic enim solet aliàs loqui Scotus, cuius sententia in hoc etiam communiter non probatur.

In alijs vero locis expressè docuit Scotus illum modum prædeterminationis per voluntatem Dei absolutam, vel per influxum præuium ab illa procedentem, non esse necessarium, ut voluntas in actibus suis se determinet, quod in actibus peccatorum expressè declarauit in 2. d. 37. §. *Ad solutionem*, ubi his verbis rem comprehendit. *Quia Deus non solum, sed cum voluntate actum est facturus, ideo suum concursare posuit in potestate ipsius voluntatis humanae.* quibus verbis nostram sententiam de solo concursu simultaneo oblato per voluntatem Dei omnino absolutam, sed includentem conditionem apertissimè docuit. Nec apud ipsum ego inueni, in quo de concursu ad actus bonos, vel ad actus gratiæ aliter loquatur, solumque in actu beatifico tanquam singulari alium modum in priori loco insinuat.

Difficultas  
in doctrina  
Scoti.

Dum vero aliæ difficultates hinc oblici solent in doctrina Scoti. Prima est, quod ipse docet, quia si prima causa necessariò ageret voluntas hominis, non liberè ageret, ut patet in d. 2. q. 2. §. *Obsecro*, & d. 8. q. 5. *His rationibus*, versic. *Argumentor sic*, & d. 39. §. *Tertia propositio*. Illud autem videtur in hoc fundari, quod causa secunda non agit, nisi mota à prima, nam inde inferit, quod si Deus necessariò causam secundam moueret, & consequenter causa secunda necessariò ageret. Sed hæc difficultas procedit per multas illationes, & potest in contrarium retorqueri: nam si libertas causæ primæ nunc est radix contingentia, ideo est, quia nunc non imprimit causæ secundæ motionem, quam imprimeret si necessariò ageret: nam si eandem motionem nunc imprimeret, æquè necessitaret illam, & libertas Dei solum induceret, ut effectus esset contingens respectu Dei, non verò ut sit liber ipsi causæ secundæ, ut rectè argumentatur Gabriel in 1. dist. 38. art. 1. Corduba in quaestione. lib. 1. q. 55. dub. 4. & 10. ergo nunc de facto non imprimit Deus voluntati talem motionem etiam ex sententia Scoti, nisi velimus illi attribuire contradictoria; præsertim, quia in eadem q. 1. d. 8. §. *Ad argumenta pro opinione*, dicit voluntatem nostram esse de se indeterminatam, & posse ex se determinari ad hoc, vel illud, & hoc non impediri à Deo, quia cum liberè agat, suum concursum illi accommodat. Contrarium autem putat esse dicendum, si Deus ageret ex necessitate naturæ, quia tunc non sic posset Deus suam actionem moderari, sed ageret quantum posset. Ex illo ergo principio nihil in præsentis colligi potest, quod nobis obstat, quidquid sit de veritate illius, de quo videri possunt dicta in Metaphys. disp. 12.

Altera diffi-  
cultas,

Richardus.

Altera difficultas est, quia Scotus docet cognoscere Deum futura contingentia in decreto voluntatis suæ, quo vult illa fieri, ut patet in 1. dist. 39. §. *visio de contingentia*. Nam illud decretum Dei est suppositio antecedens, & consequenter est de illo eadem difficultas. Et hoc modo potest pro illa sententia citari Richardus in 1. dist. 38. art. 1. q. 3. & omnes qui ita sentiunt de scientia Dei circa futura contingentia. Sed hæc obiecto etiam sit per illationes, & fieri potuit ut

A omnes considerauerit Scotus, & ideo non fuerit consequenter loquutus. Posset autem exponi de decreto prædeterminante ad extra, iuxta ea quæ iam dixi, & amplius infra explicabo. Verumtamen etiam hoc habere possit locum in actibus bonis, non tamen in malis. Et ideo alij intelligunt Scotum de voluntate Dei concurrendi cum causa secunda, inter quos etiam Gabriel Vazquez in 1. p. q. 14. art. 13. sequitur in hoc opinionem Scoti, cum tamen aliàs omnino neget prædeterminationem, & prædefinitionem. Ac propterea dicit, voluntatem illam Dei, in qua ipse cognovit futura contingentia, non esse præuenientem, sed concomitantem respectu cooperationis voluntatis creatæ. Quomodo autem talis voluntas Dei sufficiat, ut in ea cognoscatur futurum contingens, non declarat, nec declarari potest, ut existimo, nisi supposita in Deo scientia conditionata, qua cognoscit voluntatem creatam cooperaturam esse in tali occasione, si ipse permittit, & velit concurrere. Postea autem illa scientia res est facillima, & fortasse in illo sensu loquutus est Scotus. Operarem autem mentionem aliquam illius scientiæ conditionatæ magis expressam apud illum inuenire.

Vazquez.

Quartò nostram sententiam docet expressè Marilius in 2. q. 16. art. 4. in 3. probatione secundæ conclusionis, dum ait, *de natura agentis liberi esse, quod se possit determinare, nam si ab alio determinaretur, ab alio necessitaretur*, ut latius supra retuli lib. 3. cap. 42.

5.  
Accedit  
Marilius.

Quintò fauet Henric. quodlibet. 9. q. 5. circa finem, ubi & generalem tradit doctrinam de determinatione voluntatis à seipsa, quam supra retuli, & illam extendit etiam ad motionem gratiæ, dicens. *Si Deo agente fieret directè, ut voluntas de non volente fieret volens, licet non esset contra naturam eius, sed præter eam tantum, non tamen diceretur actus liberalis, nec secundum eum esset laudabilis, nec esset omnino. Quia cum altio eius, (id est, hominis,) taliter debeat esse in ipso, quod secundum eam voluntas laudabilis dicatur, & virtuosa, oportet, quod à nullo alio moueatur, (id est, determinetur,) ad actum volendi, sed à seipsa directè solum, licet aliquo assistente, & cooperante, ut supra, Spiritu sancto, vel per se, & immediatè, vel in aliquo dono eius, vel utroque modo. Et inferius ad exponendum quomodo motus indeliberati inclinent voluntatem, non tamen necessitent ad consensum, addit. *Quemadmodum gratia aliqua à Deo in voluntate inclinat ipsam, sicut pondus ut velit, quia tamen actum voluntatis non elicit, nec illum ad eliciendum compellit, quia non habet elici, nisi ab ipsa voluntate libera, & frequenter, nec diceret eam sine tali pondere inclinante ipsam, & in eis quæ pertinent ad rationem meriti, nullo modo posset ipsam sine illo elicere.* Quodlib. 4. q. 19. congruentiam*

6.  
Fauet Hen-  
ricus.

prædeterminationis ponit in quadam non repugnanti respectu gratiæ præuenientis. Nam licet illa sententia respectu prædeterminationis falsa sit, tamen supponit gratiam præuenientem, non prædeterminare physicè voluntatem, sed relinquere illam liberè, ut possit resistere, & ideo meritò reprehendi, qui resistit, & esse laude dignum, qui non resistit. Eandemque doctrinam latissimè repetit quodlib. 8. quaest. vnic. ubi tantum abest, ut censcat, voluntatem quoad suam liberam cooperationem posse physicè prædeterminari à gratia, ut dicat fieri à voluntate ex se, & ex naturalibus suis, ita ut quodammodo non includatur in prædeterminatione, neque in eius effectum, licet non sit sine eius effectum,

effectu, nec sit distinctum quid à prædeterminationis effectu. Quæ refert non ut omnia approbem, sed ut de fonte illius auctoris quoad tollendam prædeterminationem evidentiùs constet.

7.  
6. Allegatur  
Capreolus.

Sextò allegamus Capreolum in 1. d. 45. quæst. 1. art. 2. ad 5. contra secundam partem quintæ conclusionis. Argumentum enim eò tendebat, ut probaret, Deum necessitatem inferre voluntati, hoc modo. Deus potest necessitare voluntatem creatam necessitate naturaliter præcedente; sed hoc non potest aliquid aliud faciendo, quàm tantum volendo, quoniam nullo alio modo agit ad extra, neque aliter volendo, quàm prius naturaliter, & sic vult; ergo Deus necessitat de facto quamlibet voluntatem creatam ad quemlibet actum suum liberum, & ad quamlibet cessationem, & vocationem ab actu naturaliter præcedente. Respondet autem in hunc modum. Licet Deus possit voluntatem creatam quamlibet necessitare, non tamen sic necessitat eam, & comprobatur, quia si necessitaret, hoc non faceret, nisi volendo, dico, quòd licet hoc faceret volendo, tamen non vult nunc illud, quòd vellet tunc, talis enim necessitas proveni-  
vet expressione alicuius forme, qua nunc non imprimi-  
tur, id est, gratia consummata, vel ex aliqua motione speciali Dei, qua nunc non movetur. Profectò vide-  
tur expressum testimonium, supponit enim Ca-  
preolus, quòd si Deus imprimat voluntati formam, vel motionem, ex qua necessariò sequatur operatio in voluntate, illa erit necessitas excludens libertatem, licet sit in sensu composito, seu suppositio-  
nis diuinæ, & inde infert, Deum nunc per gratiam non dare homini hanc motionem, ne illum necessi-  
tet. Vnde ibidem 2. & 3. principale contra ean-  
dem conclusionem, generaliter supponit, necessi-  
tatem ex suppositione antecedente repugnare li-  
bertati. Et ad quintum negat omnem effectum ita  
pronente à causa prima, ut non sit in potestate  
causæ secundæ illum impedire, ideoque ut effectus  
liberè fiat, requirit potestatem resistendi, etiam  
supposita omni prævia dispositione, quæ in ea sit  
antecedens ad agendum, ut in solut. ad 3. exposue-  
rat. Hæc autem omnia repugnant cum prædeter-  
minatione physica, ut ex dictis constat. Et ideo  
idem Capreolus in 1. d. 40. & sequentibus tractans  
de concordia prædeterminationis, præscientiæ, & vo-  
luntatis diuinæ, cum libertate hominis, semper eui-  
tat necessitatem provenientem à suppositione an-  
tecedente, & sine libertate antecedit, & ab illa in-  
evitabiliter proveniat effectus: vnde virtute euitat  
physicam prædeterminationem, licet eo nomine  
non utatur.

8.  
Allegatur  
eodem modo  
Sonninus.

Et eodem modo allegari potest Soncinus lib. 9. Metaphys. quæst. 17. Nam ex professo probat ad li-  
bertatem actus necessariam esse potentiam prius  
natura, quàm operetur, ita esse indifferentem, ut  
nihil in ea sit necessariò determinatum ad velle, alio-  
qui (ait) illum velle non esset contingenter à volun-  
tate, sed necessariò. Ferrariensis etiam licet alias  
concursum prævium, eiusque necessitatem doceat,  
ut in lib. 1. retuli, nihilominus de auxiliis gratiæ  
loquens lib. 3. contr. gent. cap. 159. ipsa rei veritate  
ductus, ea docet, quæ cum prædeterminante auxi-  
lio, eiusque necessitate non subsistunt. Dixit enim  
in primis, causam, ob quam ex duobus excitatis,  
vnus se præparat ad gratiam, & non illius in liber-  
tatem arbitrij, & non in defectum alicuius auxi-  
lij necessarij ad talem præparationem esse reducendam;  
quia in potestate virtutis est habere omne  
auxilium ad talem præparationem necessarium.  
Vnde addit, quòd si alicui sine culpa sua auxilium  
necessarium negaretur, non posset illi carentia præ-

A parationis imputari. At si physica prædeterminatio  
est necessaria, non est in hominis potestate, nec  
qui illa caret, sua culpa illa priuatur, ut supra osten-  
sum est.

Septimò principaliter allego Ægidium, quem  
Cumel nobis obiicit in 2. d. 25. quæst. 2. art. 1. quia  
dicit, ut anima convertatur in Deum conversione,  
qua se ad gratiam disponat, necessarium esse, ut or-  
dine saltem naturæ præcedat diuinus quidam impetu-  
tus. Quis autem hoc negat? Oporteret ergo referre  
quo modo Ægidius illum impetum declararet, &  
an significet prædeterminare voluntatem, vel po-  
tius relinquere illam indifferentem. Nam quod ad  
primum attinet, postquam Ægidius allegavit illa  
loca Scripturæ, Ego sſo ad ostium, & pulso. Audiam  
quid loquatur in me Dominus, adiungit. Huiusmodi  
autem pulsationes, vel locutiones, aut conversiones  
possunt dici boni impetus, quos continuè, vel quasi con-  
tinuè Deus facit in anima nostra. Nihil ergo aliud  
per hos impetus Ægidius intellexit, nisi motus gra-  
tiæ excitantis, quos infra vocationes Dei appellat.  
Estque evidens argumentum, quia dicit illos conti-  
nuè, vel quasi continuè, & iterum semper, vel quasi  
fieri à Deo in anima nostra, quod non potuit dicere,  
nisi propter inspirationes diuinas, quæ sunt motus  
vitales, quos percipimus, & per quos nobis loquitur,  
vel nos terret, aut afficit: nam prædetermina-  
tio etiam si daretur, non ita frequenter fit, sed so-  
lùm cum liberè consentimus.

7. Principa-  
liter allega-  
tur Ægidius

Apul. 7.

Et hinc evidenter convincimus, non loqui Ægi-  
dium de impetu prædeterminatè, sed de inclinante,  
quia illi impetus, qui quasi continuè sunt in nos,  
rardè habent effectum consensus liberi. Vnde ad-  
iungit ille Auctor, Cum ergo tales impetus sequimur,  
dicimur aperire Deo. Et infra, Et ipse in nobis suam  
vocem audientibus, & suis impetibus, seu motibus ob-  
temperantibus largitur suam gratiam. In quibus  
verbis aperte supponit, non semper homines sequi  
illum impetum, nec aperire pulsanti, ac proinde  
non esse prædeterminantem. Imò quòd hoc sit in  
nostra libertate, aperte sentit, dicens vltius. In  
vobis autem est permanere in virtute, & sequi Deum  
ad hanc vocantem, vel secedere, &c. & sequi diabo-  
lum ad malitiam vocantem. Et infra dicit, hos im-  
petus gratiæ, etiam in statu legis naturæ, datos fuisse  
hominibus, quos aliqui sequentes disponebantur ad  
gratiam, & concludit idem fuisse servatum in An-  
gelis. Profectò in toto hoc discursu evidenter docet  
hic auctor nostram sententiam, nec inter illos  
impetus gratiæ excitantis, & conversionem agnos-  
cit aliud medium auxilium, quod ordine naturæ  
antecedit cooperationem liberi arbitrij, & expressè  
etiam dicit, in aliis agentibus, vel ad operationem  
ordinis naturalis non esse necessarium aliquem im-  
petum, sed solam operationem Dei, secundam quod  
Deus in omni operante operatur. Addi etiam potest,  
quòd in eodem 2. d. 7. quæst. 1. art. 2. §. sunt alij im-  
petus, ad opera gratiæ solùm postulat ex parte Dei  
motus gratiæ excitantis, quos vocat impetus, quos  
possumus sequi, & non sequi; quos sequendo adipisci-  
mur gratiam, & non sequendo sumus in culpa. Et eo-  
dem modo de Angelis sequitur.

E

Octavò refert Adrianum, quem Ledesina contra  
nos allegat in 4. quæst. de Sacrament. pœnit. de quo  
Sacramento plures quæstiones tractat Adrianus;  
hanc verò materiam solùm attingit in quæst. 1. post  
tractatum de Iestitut. in art. 3. qui incipit, Tertiò  
vestat, in cuius initio dicit, terram anima nihil Deo  
dignum posse efficere, nisi sole gratia illustretur, & ad  
operandum excitata, adiuvetur. Et infra dicit an-  
tam non posse curari à morbo peccati via naturæ,  
Tt 4 sed

10.  
8. Refertur  
Adrianus.



sed medicina celestis gratia morbum illum vincere, & animam sanare potest, anima quidem cooperante, sed minus principaliter. Nihil certe est in his verbis, quod ad prædeterminationem vllō modo pertineat. Pergit verò dicens cum Augustino, *Magna gratia commodatio, quia nemo venit, nisi trahatur*, & inde inducit admirationem, cur hunc trahat, & illum non trahat, cum responsione Augustini, & verbis Christi, *Si in Tyro, & Sidone*, & loco Augustini in quo tractionem explicat per excitationes congruentes. Vnde nihil inuenio in illo auctore, in quo à nostra sententia discrepet, nam potius illi fauet, cum non agnoscat nisi gratiam excitantem, & cooperantem, & excitantem quam quoad efficaciam per congruitatem declaret more Augustiniano.

Nonò hic addi possunt omnes Auctores, quos in Prolegom. 1. adduximus, dicentes, ad liberam actionem necessarium esse, ut potentia proxima positis omnibus prærequisitis ad agendum, possit agere, & non agere. Item quos allegauimus in lib. 3. dicentes, voluntatem præexistentem ordine naturæ plenè constitutam in actu primo, & sic indeterminatam seipsam determinate cum concursu proportionato, & simultaneo primæ causæ efficientis illum de se indifferenter, & quasi independentem à libera cooperatione voluntatis. Ex his enim principiis euidenter refellitur necessitas, imò & possibilitas auxilij prædeterminantis ad actum liberum, etiam si supernaturalis sit, quia & ratio libertatis eadem est, formaliter loquendo, in actu supernaturali, & propter supernaturalitatem non postulat actus maiorem determinationem antecedentem in potentia libera, sed maiores & supernaturales vires, quæ in actu primo sine prædeterminatione dari possunt.

Quidam verò contra nos allegat Doctores Scholasticos asserentes, voluntatem beneplaciti Dei ineffabiliter, & semper impleri, & esse immutabilem, prædefinireque actus liberos præsertim prædestinatorum, & ad hoc citat Bonauent. in 1. dist. 40. & 47. Scot. dist. 39. & 46. Capreolum dist. 45. & 47. Herueum. d. 38. & 46. & Guillel. de Rubion. 1. dist. 38. 46. & 47. & posset allegare omnes de voluntate, scientia, & prædestinatione Dei scribentes. Sed illa omnia generalia sunt, & de illis non est inter nos controuersia. Nemo enim Catholicus negat, voluntatem Dei absolutam, & beneplaciti semper impleri, & esse immutabilem, nec etiam de prædefinitione actuum liberorum nunc disputamus, & nullus ferè est, qui absolute neget, posse Deum illos prædefinire, sed tota controuersia est de modo prædefinitionis, & concordiz, cum usu libertatis nostræ, & consequenter de modo, quo Deus efficaciter, seu infallibiliter exequitur per hominem id, quod prædestinauit, aut præfiniuit eum velle.

At verò dicti Auctores numquam docuerunt, hanc executionem fieri media prædeterminatione ad extra, quæ ita necessitet voluntatem, ut non possit illi resistere postquam illi semel imprimitur simili, vel maiori necessitate, ac independenter ab eius libertate, nullusque inuenietur ex antiquis Theologis qui talem prædeterminationem cum libertate arbitrij concordare fuerit conatus. Imò supponere videntur concordiam libertatis cum tali prædeterminatione esse impossibilem, & ideo illa prætermissa aliter concordiam explicant, vel media aliqua conditione inclusa in obiecto diuini decreti, ut Alenf. vel media aliqua præscientia, ut Bonauent, suprà, & tractat bene Andreas de Ca-

stonou. in 1. dist. 22. quæst. 5. & 6. & attigit Okam in 1. dist. 83. quæst. 1. liter. 1. Gregor. q. 2. art. 2. Gabriel art. 1. in 2. parte illius. Waldens. lib. 1. Doctrinal. fid. cap. 28. Ioan. Arboreus tom. 1. Theosoph. lib. 4. cap. 11. Idemque constare potest ex dictis de libero arbitrio in Prolegom. 1. & de concursu Dei cum voluntate creata in lib. 3. Quocirca in locis citatis dicunt quidem in generali diuinam voluntatem absolutam semper impleri, & ad eius omnipotentiam pertinere, ut possit, quod vult facere per voluntatem creatam liberè operantem, modum autem in particulari, vel non declarant, vel semper ita illum exponunt, ut necessitas, quæ in illo interuenit, non sit antecedens, sed consequens, ut

B sæpe terigimus.

## C A P V T L I.

### Quid moderni Scriptores de hac controuersia senserint.

EOS Scriptores sub hoc titulo comprehendo, qui post Concilium Tridentinum hoc punctum attigerunt, & ideo initium sumam à M. Soto, qui eodem tempore, & ad ipsum Concilium opus de natur. & Grat. scripsit, & magnam meritò apud omnes habet auctoritatem. Hunc ergo insignem Theologum purè & sincerè pro nostra sententia allegaui in lib. 3. de auxiliis cap. 13. in fine, quod malè tulerunt contrariæ sententiæ Auctores, & quidam ipsorum tacitè me accusat, quòd non ex fide verba eius quædam interposita subtrahendo, allegauerim, ipseque longo discursu Sotum in suam sententiam trahere conatur. Sed licet potuerim vel Sotum non attentè legere, vel propter affectum ad propriam sententiam illum non intelligere, verisimilè tamen assero, fideliter eum retulisse, sicut illum intellexi, nihilque ad occultandum, vel mutandum eius sensum, sed solum breuiter causa aliqua verba, quæ necessaria non videbantur, omisisse. Nunc verò cum iterum, atque iterum varia eius loca relegerim, constanter affirmo de auxiliis gratiæ idem, quod nos diximus, docuisse, excepto vno modo loquendi de auxilio, seu concursu simultaneo, in quo etiam nunc alij recentiores Thomistæ à Soto discrepant, & fortasse solum in verbis discrimen positum est.

Explico singula. Nam Soto in lib. 1. de Natur. & Grat. cap. 15. assertionem de libertate nostra in operibus conuersionis inde probat, quòd *neminem coactus Deus, vel necessitate ad se trahit, sed in nostra est potestate gratiam eius respicere*. Vbi pondere primò, post vocem *coactus* addidisse, *vel necessitate*, ut non solum libertatem à coactione, sed veram indifferentiæ libertatem tueretur. Secundò noto, loqui de necessitate ab extrinseco illata à Deo, posita, ex parte intellectus, aduertentia necessaria, ac sufficiente ad conuersionem, nam excludit necessitatem à Deo provenientem ab illo, qui actu conuertitur. Vnde talis necessitas non poterat esse nisi ex aliqua motione Dei, ac proinde respectu illius in sensu composito. Iudicauit ergo Soto hanc necessitatem esse contrariam veræ libertati, & ideo illam in conuersione negauit: quam tamen fautores physicæ prædeterminationis, vel requirunt, vel admittunt. Denique ad libertatē hanc necessariū credidit, ut in homine, qui conuertit

Okam.  
Gregor.  
Gabr.  
Waldens.  
Arborem.

1.  
Sotes in  
demorum  
Scriptorum  
post Conci-  
lium Trien-  
tinum.

2.  
Allegatur  
Soto.  
A Deo ne-  
cessitatem  
coactus ad se  
trahi.

Notandum.

Luc. 19.

10.

11.

Bonauent.  
Scot.  
Capreol.  
Herueus.  
Guil. de Ru-  
bion.

12.

Bonauent.  
Andr. de Ca-  
stropen.

conuertitur, sit potestas resistendi gratiæ, utique trahenti, nam hoc est illam respuere, ut supra circa Concilium Tridentinum diximus, cuius formam loquendi Soto imitatus est; postea verò addit, nunquam per Deum stare, quo minus ipsi pulsanti aperiamus, quod certè non ita esset, si prædeterminatione esset necessaria, ut supra ostensum est; postea verò radicem propriam huius veritatis attingens ait, *Non enim ad se nos trahit Deus, ut pecudes, &c. sed illuminando, dirigendo, pulsando, & instigando*, ubi non aliter modum tractionis, & præmotionis Dei exponit, quàm nos cum Augustino explicauimus. Neque in toto discursu illius capituli aliud peragit, nisi eandem doctrinam verbis Scripturæ, Augustini, Hieronymi, & Bernardi confirmare.

3. At verò in fine quarti hunc eundem locum recognoscens Soto, reperit quod ibi dixerit, causam proximam, cur ex duobus vocatis vnus iustificatur, & non alius, ex libertate arbitrij sumendam esse, scilicet, quia iste assentire voluit, ille noluit, nam ex prædeterminatione solum causa remota redditur. Addit priorem partem esse intelligendam de causa materiali, & dispositiua, quod intelligit respectu infusionis primæ gratiæ, nam respectu actualis conuersionis, cur in vno sit, & non in alio, causam proximam dicit esse libertatem voluntatis. Addit tamen, *Quidam, verò hoc taxare voluerunt, dicentes, quòd nimirum tribuerim libero arbitrio in iustificationis causa*. Si nobis exposuisset Soto, quam ob causam illi censores, quos refert, dictum eius taxare voluerint, euidentius mentem suam explicasset. Verisimillimum autem existimo, ideo censores illos in dictis Soti offendisse, quia motionem Dei prædeterminantē ē medio tollebat, & quia præter prædestinationem, non reddebat ex parte Dei aliam causam proximam, ob quam ex duobus vocatis vnus conuertatur, & non alius, præter libertatem voluntatis, sentiens in tota vocatione, & in omnibus motionibus præuenientis gratiæ posse esse æqualitatem, & nihilominus in actuali conuersione posse esse discrimen, hoc enim est, quod ibidem ait, *Cum ex duobus vtrunque Deus aspiret, cur iste conuertatur, & non ille, reddi non potest causa, nisi quia vnus præbet assensum, alter verò minimè*. Quod certè non esset verum, nisi aspiratio esset æqualis, alioqui ex maiori aspiratione posset reddi ratio. In illa ergo doctrina euidenter supponebat Soto, non dari ei, qui conuertitur, prædeterminationem præuiam, quæ alteri negetur. Hoc ergo est, quod alij taxare voluerunt: iam enim fortasse opinio illa inceperat pulsare. Et nihilominus ipse constanter respondet, *Et tamen salua semper Ecclesia Catholica censura, arbitror necessariò dicendum*. Et rationem reddens addit, *Assensus enim liberi arbitrij non est causa præueniens motionem Dei, sed effectus eiusdem motionis idem præuenientis liberi arbitrij*. Qualis autem illa sit, explicat, dicens, *Est enim pulsatio, & aspiratio Dei ad corda nostra*, & de hac aspiratione, & præueniente motione dicit esse causam nostri consensus, non tamen habere hunc effectum necessariò, quia oportet liberum etiam arbitrium suam cooperationem adiungere. quam doctrinam exemplis, & testimoniis locupletat, nihil tamen mutat, neque addit in substantia doctrinæ, & ideo non opportuisset tam prolixè verba referre, nisi nos aduersariorum instantia cogeret. Illud denique verbum, quod postea subdit, *Qui audit, & discit, venit ad me; quasi in nostra potestate sit trahenti assentire, vel dissentire*, prædeterminatio-

A ni est contrarium, quia talis potestas non est in nobis, si tractio per physicam prædeterminationem fiat.

Hanc eandem doctrinam latius exposuit Soto in dicto lib. 1. cap. 16. ut in altero loco refert, & tacitè confirmat. Ibi enim tres ordines effectuum gratiæ, qui in nobis sunt à Deo, distinguit, in primo ponit motiones gratiæ præuenientis, quibus Deus solus mouet corda nostra; explicat autem idem Soto, particulam illam *solus* excludere liberam cooperationem nostram, non tamen vitalem efficientiam. Et in hoc ordine ponit *inspiraciones, illuminaciones, pulsaciones, ac denique totam internam vocationem*, quam *excitando, & suggerendo* Deus in nobis facit. Neque agnoscit aliam motionem præuiam, quæ à solo Deo, nobis nec liberè, nec vitaliter cooperantibus, in nobis fiat. *Neque ego*, (inquit,) *contrarium potui vnquam excogitare*. In tertio ordine ponit habitus infusos, qui ad præsens non referunt. Igitur in secundo ordine ponit quemlibet actum supernaturalem liberum, etiam ipsam conuersionem, inter quam, & priores actus gratiæ excitantis, non ponit mediam aliquam motionem, quæ à Deo solo fiat, sed dicit, simul tempore fieri à Deo, & à nobis. Et ita ad hunc secundum effectum præter priorem gratiæ motionem, nihil aliud requirit, nisi auxilium simultaneum, seu generalem gratiæ concursum. Vnde paulo inferius de hoc secundo genere motionis Dei ait, *Neque aliud est me Deum hoc modo mouere, quàm mecum concurrere ad eliciendum liberum actum*. Et ibidem expressè addit, quando vnus conuertitur, & non alius, esse necessariò inæqualitatem in hoc concursu, non verò in præuenientibus motionibus.

Dices ex his rectè colligi non posuisse Soto prædefinitionem distinctam ab actu conuersionis, seu in actu primo, nihilominus tamen potuisse illam ponere in actu conuersionis, seu in ipsomet concursu ad illum. Et videtur ita sentire, nam ait, per hanc motionem Deum nos trahere, cōuertere, promouere, eoque aliquem meliùs conuerti, quo hæc motionē recipit auctiorē, & meliorē. Denique addit, *illam motionem Dei licet sit simul, esse priorem natura cooperationem liberi arbitrij*; cum ergo inseparabilis sit cooperatio liberi arbitrij ab illa motione Dei; erit illa prædeterminatio eius in actu secundo. Quàm verò fuerit Soto alienus ab hac cogitatione ponendi prædeterminationem in tali concursu, euidenter, ut opinor, conuincitur, ex his, quæ dicit in principio eiusdem capituli; proposita enim difficultate quomodo possit voluntas liberè consentire, cum Deus per suam omnipotentem voluntatem, cui humana non potest resistere, illam moueat. Responder in summa, voluntatem humanam posse illi motioni resistere, seu facere, ut in se non ponatur, neque hoc esse contra omnipotentiam Dei, quia ipse disposuit *cum singulis causis modo proprio concurrere*, cum naturalibus naturaliter, & cum voluntariis liberè. Et ad hoc explicandum subiungit, *Quocirca quidquid Deus vult voluntate absoluta, & quæ dicitur beneplaciti, sit iuxta illud, Voluntati eius quis resistet? Quando autem cum libero homine concurrat, non vult illud fieri, nisi salua humana natura, & libera voluntate, quæ idcirco resistere Deo potest*. Vbi euidenter distinguit hanc posteriorem voluntatem, à voluntate absoluta, & beneplaciti, & cui resistere nullus potest; ergo sentit esse conditionatam, & ob inclusam conditionem non esse omnino efficacem ac beneplaciti, ac proinde illi resisti posse. Conditionem autem in illa voluntate

4.

5.  
Effugium.

Occurrit  
effugio.

voluntate ex parte obiecti inclusam explicat inferius, dicens, *Sunt ergo alia secundi generis opera, quae ita in nobis Deum exercet, si nos tamen assensum praebeamus.* Hæc ergo conditio est in obiecto illius voluntatis posita, & ideo non est absoluta, nec omnino efficax, & inde fit ut liberum arbitrium possit illi resistere, vel suspendendo actum suum, vel alium repugnantem efficiendo. Quod certe non posset, si Deus per absolutam voluntatem talis actus, vel effectus concursus suum præstaret, tunc enim & solum ad illum actum offerret concursus, & sic nullum alium actum posset voluntas hominis efficere, & determinare prorsus, vel potius necessitaret voluntatem hominis ad exercitium talis actus, ut supra ostensum est: quapropter nullo modo posset humana voluntas illi voluntati Dei resistere. In his ergo omnibus Soto nobiscum consentit. Alia verò, quæ ex eodem Soto super epistol. ad Roman. allegari solent, ad rem non pertinent: nam sunt generalia principia de gratia præmouente, & efficaci, & de prædestinatione quam omnes admittimus.

¶ Vnum verò est, in quo Soto à nobis differre videtur, quia dicit illum concursus prout est motio Dei, esse priorem natura, quam sit cooperatio nostræ voluntatis, & consequenter esse unum ex prærequisitis ad consensum, & non ex concomitantibus. Sed in hoc eius sententiam non probamus, nisi fortasse ita explicetur, ut in verbis tantum à nobis discrepetur. Non enim ponit duos concursus Dei necessarios ad consensum post motionem gratiæ excitantis, sed unum tantum, ut ex discursu illorum capitum constat; ille autem concursus inhibitus necessariò esse debet in ipsa actione voluntatis, & ab illa in re non distingui, ideoque nec potest esse ex prærequisitis ad agendum, neque prius, sed simul natura secundum propriam rationem causalitatis. Et in hoc iam nobiscum conveniunt moderni Thomistæ, & consequenter recedunt à sententia Soti in illo sensu intellecta. Quod si fortasse Soto existimavit in ipsomet actu consensus actionem Dei, & actionem voluntatis esse in re distinctas, & ideo actionem Dei esse prærequisitam, & priorem natura, iam hoc à nobis satis refutatum est in cap. ... Et supposito illo sensu fateor incautè incidisse in quendam modum physici prædeterminationis, non vidisse autem repugnantiam, quam hic sensus includit cum his, quæ in eodem capite dixerat, nec fortasse de illatione cogitasse. Posset tamen intelligi de prioritate naturæ latè sumpta, ut dicit prioritatem independentiæ, & perfectionis, vel certe posset exponi de auxilio non ut iam posito in voluntate hominis, sed ut oblato ex parte Dei, sic enim dicitur rectè esse prius natura, & cum illo sic oblato posse voluntatem hominis agere, seu ei resistere. In alio enim sensu impossibile est, quod Soto ait, *Illo posito esse in facultate voluntatis agere, & non agere:* nam cum dicit, *illo posito*, iam facit sensum compositum, at posito ad extra concursu Dei in hominis voluntate, impossibile est illam non agere. Et similiter falsum erit, quod dicit, *ante divinum concursum non potest voluntas agere*, nam loquendo de concursu ad extra posito in voluntate hominis, falsum est, nam prius tempore, vel natura, quam illum in se recipiat, potest voluntas agere, quia ut possit, sufficit ut habeat concursus oblatum. Fateor tamen Sotum si in hoc sensu loquutus est, immeritò & æquivocè sententiam, quam refert, impugnare. Quapropter in hac parte eius philosophandi rationem non probamus.

A Secundo loco allegari solet in utraque partem Vega lib. 6. in Trident. à cap. 4. usque ad 9. Sed ibi ferè transcribit doctrinam Soti, ideoque circa eius loci sensum immorari non oportet, nam reuera lubricè loquitur, quamvis nihil ibi dicat, quod sine prædeterminatione physica intelligi non possit, ut lib. 1. de auxil. cap. 14. & lib. 3. cap. 13. sufficienter explicavi. In lib. autem 12. cap. 22. ad primam obiectionem sic inquit. *Cuperem clare, & distinctè tradi, perinde esse in nostra potestate omnia exercitia virtutum, ad quæ credimus esse necessariam Dei gratiam, ac si solus generalis concursus sufficeret, &c.* Et rationem reddit infra, *quia Deus tam admirabiliter suum omnem concursus, & omnem suam*

B *scientiam, prædestinationem, & voluntatem voluntatis nostra arbitrio subiecit, ut possit ipsa de se quicquid voluerit statuere.* Certe hæc malè coherere possunt cum physica prædeterminatione, imò exaggerationem continent, quam prudenter accipere, & explicare oportet. Præterea in lib. 13. cap. 12. multa dicit de auxilio efficaci, quæ cum prædeterminatione physica subsistere non possunt. Nam in primis ait, peccatorem induratum, qui à Deo sufficienter excitatur, posse auxilium efficax ad ultimam conversionem, & dispositionem ad iustitiam impetrare, si velit. In quo duo includuntur, unum est hominem sic excitatum posse per illam solam excitationem cum generali concursu gratiæ proximè, & immediatè aliquid licitè operari, quo aliud maius auxilium impetret. Aliud est auxilium efficax esse in hominis potestate interdum proxima, interdum remota, in ordine ad diversos actus. Utrumque autem horum pugnat cum physica prædeterminatione, ut satis in superioribus ostensum est. Verba aliqua eius, quia energiam, & vim habent, hic transcribam; cum enim dixisset induratos posse pœnitere, licet in divina providentia, & prophetia infallibile sit eos non acturos pœnitentiam, subdit. *Et horum omnium causa est, quia licet nullus valet pœnitere sine auxilio divino, tamen illud auxilium potest quicumque, si velit, habere, etiamsi eo sit privatus. Sicut & auxilio generali ad loquendum careo, cum hæc scribo, tamen illud possum, si velim, habere, & ideo libere taceo, & possum cum voluero, loqui. Et Deus quidem omnibus peccatoribus perseverantibus in peccatis subtrahit auxilium efficax ad pœnitentiam, quod solis illis præstatur, quos verè suorum pœniteret. Sed quia derogare non novit legibus communibus, præsertim favorabilibus, nunquam alicui sic subtrahit, nec quenuquam in hoc punit, ut non possit hoc auxilium, sicut, & generale habere, hoc enim esset legem communem invertere, & viam terminum facere, sed punit omnes peccatores, qui non convertuntur in hoc, quod habeant auxilium quo convertantur.*

C Aliud est auxilium efficax esse in hominis potestate interdum proxima, interdum remota, in ordine ad diversos actus. Utrumque autem horum pugnat cum physica prædeterminatione, ut satis in superioribus ostensum est. Verba aliqua eius, quia energiam, & vim habent, hic transcribam; cum enim dixisset induratos posse pœnitere, licet in divina providentia, & prophetia infallibile sit eos non acturos pœnitentiam, subdit. *Et horum omnium causa est, quia licet nullus valet pœnitere sine auxilio divino, tamen illud auxilium potest quicumque, si velit, habere, etiamsi eo sit privatus. Sicut & auxilio generali ad loquendum careo, cum hæc scribo, tamen illud possum, si velim, habere, & ideo libere taceo, & possum cum voluero, loqui. Et Deus quidem omnibus peccatoribus perseverantibus in peccatis subtrahit auxilium efficax ad pœnitentiam, quod solis illis præstatur, quos verè suorum pœniteret. Sed quia derogare non novit legibus communibus, præsertim favorabilibus, nunquam alicui sic subtrahit, nec quenuquam in hoc punit, ut non possit hoc auxilium, sicut, & generale habere, hoc enim esset legem communem invertere, & viam terminum facere, sed punit omnes peccatores, qui non convertuntur in hoc, quod habeant auxilium quo convertantur.*

D Et in cap. 13. de eisdem induratis ait, quod simpliciter, & absolutè possint pœnitere, satis, opinor, explicatur ex eo, quod quicumque peccator potest cum voluerit, habere auxilium Dei efficax ad resurgendum. At profectò non ita potest peccator habere cum velit physicam prædeterminationem, cum nec velle hoc possit, nisi ad illud velle prædeterminetur, ut satis in superioribus deductum est. Ergo ex sententia huius auctoris auxilium efficax non consistit in physica prædeterminatione. Quod verò idem auctor subdit, aliquos in sensu composito non posse converti, ipse tum in illo, tum in capite præcedenti satis exponit de sensu composito cum præscientia Dei quoad impossibilitatem simpliciter, vel de sensu composito cum aliqua prava consuetudine, vel frequentia peccandi quoad

7.  
Refertur  
Vega.

8.

Idem  
Vega



quoad moralem impossibilitatem. Et his opponit A potestatem simpliciter, quæ consideratur ex vi præuenientis auxilij sufficientis cum libertate arbitrij, & sic dicit esse in potestate cuiuslibet peccatoris habere auxilium efficax ad suam conuersionem, quod verissimè dictum est, & repugnat, (vt ostendi,) cum physica prædeterminatione. Signum ergo est Vegam nunquam de illa cogitasse pro auxilio efficaci explicando. Vnde inferius per auxilium efficax explicat concursum simultaneum, quam Deus nemini negat, si per eum non steterit, quod sano modo intelligendum est iuxta superius dicta. Concursus enim actualis dicitur specialiter efficax, quia ex natura sua est necessariò coniunctus cum cooperatione liberi arbitrij, nec potest ab illa separari, quod non habet auxiliū excitans, & ideo nec habet illum modū efficaciz, nec semper est efficax, licet alio modo, scilicet, ob congruitatem sæpe sit efficax, vt explicauimus.

Tertiò potiori ratione pro nostra sententia profero Alphonsum à Castro lib. 7. cont. hæres. verb. *Gratia* hæres. 1. quem etiam in lib. 3. de Auxiliis allegauit. Et licet aduersarij abnuant fortasse, quia non loquitur expressè de prædeterminatione physica illam negando, tamen negare non possunt, quin explicando ex professo auxilia gratiz, & concordiam eorum cum libertate, ita de illa prædeterminatione tacuerit, vt non solum illam negare, sed etiam profus ignorasse ostenderit. Nam in primis inter quinque assertiones, quas catholicæ vocat, quarta est. *Postquam Deus voluntatem nostram excitauit ad bonum, est in ipsa hominis voluntate hæc potestas, vt Deo moueri, & inspirari consentiat, vel dissentiat.* Respondendo autem ad primam obiectionem, illam magis declarans dicit, *hanc esse arbitrij nostri libertatem, vt Deo mouenti consentiat, & cooperanti cooperetur.* Vbi iam non de sola potestate, (quod aduersarij attipere possint,) sed de actuali conuersione loquitur, & ad illam nihil aliud, quàm excitantem gratiam, & cooperationem Dei requirit, & addit. *Deus autem nunquam seipsum nobis negat, imò semper paratus est, vt nos excites, & adiuuet.* quod non satis esset, si prædeterminatio esset necessaria, quia ad illam non est omnibus Deus paratus, imò quod illum se multis, & innumeris hominibus negat. Et in responsione ad 2. obiectum eandem doctrinam pluribus verbis reperit, & apertè docet ad opera gratiz hæc duo tantum auxilia esse necessaria, scilicet, *præuentionem, & cooperationem.* Præuentionem autem exponit, dicens. *Deus ergo præuenit mouendo, & excitando, nos autem sequimur obediendo per consensum.* Cooperationem autem vocauerat in assertionem 3. *concausationem generalem Dei,* & per illam in dicta responsione dicit Deum adiuuare infirmitatem nostram, & nos vocari à Paulo *coadiutores Dei.* Ex quibus verbis (ait) *apertè satis colligimus in eodem opere simul Deum, & nos operari.* Docet ergo omnia, quæ nos de his auxiliis sentimus, & dum nihil addit, indicat hæc sufficere, alioqui inutilam doctrinam tradidisset, & insufficientissime obiectionibus, & difficultatibus satisfecisset. Eandem doctrinam confirmat in lib. 9. verbo *libertas*, hæres. 1. circa finem, & omnia quæ in confirmationem libertatis ibi adducit, eò tendunt, vt ostendat non solum hominem de se liberum esse, sed etiam postquam Dei præuiam motionem accepit, sui iuris esse, vt in hanc, vel illam partem determinari incipiat. Et apertè dicit Deum expectare hanc hominis cooperationem liberam postquam illum vocauit,

Quarè liber hîc Michael de Palacios attere, quem in lib. de auxiliis prætermisi, quia de concursu Dei aliter quàm nos loqui, & sentire visus est in t. d. 46. Nunc autem, quia inuenio illum pro physica prædeterminatione allegari, cogor illius sententiam expendere, vt veritas innotescat. Citatur ergo in 2. dist. 25. & 26. quia dicit, *Deum bifariam mouere liberum arbitrium, efficaciter, & inefficaciter,* quæ verba habet in d. 25. in ultimo §. totius disputationis, respondendo ad argumentum in principio positum. Sed videamus quomodo membra illius partitionis exponat, ait, *Inefficaciter quidem mouet, quando excitat, vocat, præuenit, non subsequuto effectu.* Efficaciter verò quando incipienti Deo cooperatur liberum arbitrium, & mouet salutem, præter nostram voluntatem, quæ verba si in Molina inuenirentur, dicerent fortè non distinguere auxilium efficax ab inefficaci, nisi ab euentu, & illum sequi, vel non sequi pro innata voluntatis nostræ libertate; ergo vt minimum ex eis colligere debemus, eum non posuisse motionem mediam inter excitationem, & consensum, in qua consistat efficacia, sed ipsam excitationem vocari efficacem, quando ita datur, vt obtineat consensum, inefficacè verò, quâdo illum non consequitur. Addit verò aliquid, quod videtur nobis contrarium, videlicet, quando Deus mouet inefficaciter, tunc necessariò sequi consensum. *Ceterum quando efficaciter mouet, tunc liberum arbitrium necessariò cooperatur;* qualis autè sit illa necessitas, ita exponit. *Nā hoc est efficaciter moueri, quod subsequatur cooperatio liberi arbitrij.* Nō ergo ponit necessitatē in causa, seu in intrinseca virtute motionis, sed in effectu, quia cum dicitur motio efficax, iam dicitur illi cooperari liberū arbitriū. vnde adiungit, *Ad hæc necessitas non est simpliciter, sed secundum quid, quia illa cooperatio liberi arbitrij est necessaria sub instanti, sub quo est, quia omne quod est, quando est, necesse est esse; at est libera simpliciter, quia potest liberum arbitrium illam non præstare.* Ac si diceret, est necessitas consequens, non antecedens, id est, ex suppositione ipsius vsus liberi, non ex suppositione motionis, nam illa non obstante posset arbitrium suam cooperationem non præstare. In dist. autem 26. vbi de gratia operante, & cooperante disputat, nullam aliam præoperantem gratiam actualement agnoscit, nisi auxiliū, (ait,) *quæ Deus excitat mentes ad bene volendum,* quod auxilium vocat etiam gratiam præuenientem, & vocationem, quam cum Augustino effectricem bonæ voluntatis appellat. Vnde repetens inferius diuisionem gratiz efficacis, & inefficacis dicit, tunc esse inefficacem quando est sola gratia operans, efficacem verò quando est etiam cooperans; tunc autem est cooperans, quando cū illa agit liberum arbitrium. Nullam ergo prædeterminantem gratiam hic auctor agnouit. In eod. verò, quod alibi dixit de concursu Dei, vel non satis consequenter loquitur, vel certè in modo tantum loquendi differt, vt de Soto diximus, nam eodem modo, quo Soto, de prioritare naturæ generalis concursus loquitur.

Venio ad alios auctores, qui contra Caluinum ex professo scribentes punctum huius causæ distinctius attigerunt. Quinto ergo loco numeramus Ruardum, quem Banez, & Ledesma ingenue fatentur sententiam nostram docuisse; Cumel verò cū id simpliciter negare non sit ausus, dicit saltem variè sensisse, & interdum in vnam, interdum in alteram partem declinare, ac denique vtrunque partem censuisse probabilem. Quoniam verò hic auctor in art. 7. contra Lutherum ferè

10.  
Atteritur  
Michael de  
Palacios.

Deum bifariam liberū arbitrium mouere

9.  
Adducitur  
Alphonsus à  
Castro.  
Obiectio.

Soluitur

Nullam prædeterminantem gratiam hic Auctor agnoscit.

11.  
Adnumeratur Ruardus.

Liberum arbitrium esse facultatem, qua positis omnibus requisitis ad eligendum, & agendum possumus non eligere, & non agere.

ferè à principio per multas paginas punctum hoc persequitur, ad iudicium ferendum de illius sententia, non hæc, vel illa verba separatim sumpta sumenda sunt, sed tota series doctrinæ est attentè inspicenda, & non quid dubitationis mouendo, aut difficultatis proponendo, sed quid definiendo, & assertiones stabiliendo dicat est considerandum. Primò ergo pro fundamento totius materiæ ponit receptam definitionem liberi arbitrii, quam nos in Prolegom. 1. posuimus, dicens. *Liberum arbitrium est facultas, qua positis omnibus requisitis ad eligendum, & agendum possumus non eligere, & non agere.* quam descriptionem de potestate composita cum omnibus requisitis declarat, dicens. *Ita videlicet, quòd omnibus similiter se habentibus quando eligimus, possumus non eligere, imò plerumque refutare, & quando non eligimus, aut refutamus, possumus eligere, aut refutare.* Statim verò proponit difficultatem de generali concursu, dicitque esse facilem, quia Deus mouet vnāquamque causam modo illi accommodato. Propter quod ait, *Deus liberum arbitrium sic mouet, ut non ex necessitate moueat, nec ad vnum ipsum determinet, quæ duo æquivalentia cenfer, & ideo vtrumque negat, ea verò verbis distinguit, ut tergiuersationibus occurrat.* Ex hoc ergo fundamento post plures columnas §. Et quia articulus, procedit ad tractandum de concordia libertatis in operibus pieratis, cum necessitate gratiæ [ad illa exercenda, & infra in §. Et post homo per liberum arbitrium, nomine gratiæ declarat intelligi auxilium gratuitum animam interius mouentis, dirigentis, & inspirantis ei cogitationes saluantes, ac bonum propositum, atque ad ea, quæ sunt salutis. Et infra dicit, *Deum in corde operari, illuminando intellectum, & voluntatem afficiendo.* Et iterum, *Diuina suggestio, pulsus ad ostium cordis, directio Dei, quando intus in corde fiunt, proprie sunt gratia, per quam bene agimus.* Omnis tamen affectus Dei gratuitus, qui natus est salutem hominis promouere gratia hic intelligi potest. Et addit, *hanc esse gratiam, quæ in interna Dei motione consistit.*

12.

Ex quibus constat nullum aliud auxilium promouentis gratiæ hunc auctorem cognoscere, nisi illud, quod in his motibus gratiæ excitantis consistit. Post tres verò columnas attingens cooperantem gratiam dicit, *Licet gratia sit ratio operandi, nihilominus totum primum opus, & quidquid est eius, & gratia esse, & liberi arbitrii.* Et rationem infra indicat, quia licet actio habeat à gratia, quòd supernaturalis sit, à voluntate habet, quòd sit libera, *Nulla enim est actio (inquit) libera, nisi per viam, & naturam liberi arbitrii à qua sola nascitur omnis libertas.* Paulo verò inferius difficultatem questionis huius concordie argumentando, & dubitando dicit, *Deum vsi voluntate, vsi instrumento, applicando illam ad opus, quam difficultatem etiam in operibus liberis naturalis ordinis inueniri dicit. Quia per diuinam providentiam voluntas mouetur, & determinatur ad opus.* Cui postea respondet, *Deum agere in cordibus nostris suasionem inclinando, & dissuasionem auertendo.* Quis nouit, (inquit,) *Deus vocare unumquemque quomodo pro suo arbitrio aptum, & idoneum nouit ad sequendum.* Quod latè testimoniis Augustini à nobis suprà citatis confirmat, nec alium modum, quo Deus voluntatem nostram determinet, admittit. *Quia suasio sola, (dicit paulo inferius,) siue ab homine, siue à Deo fiat, non mouet efficaciter voluntatem.* Ipsa enim sola, (inquit,) *ex suo iudicio se flectit in eam partem, quæ magis placet.* Vbi particula sola

A non excludit generalem concursum simultaneum Dei, excludit ergo prædeterminationem efficacem ab extrinseco agente. Nihilominus tamen statim subdit, *posse Deum efficaciter flectere hominis voluntatem, à proposito, quod habet in aliud.* Hoc verò consequenter exponit de efficaci motionem per suasionem accommodatam iuxta infinitam scientiam, & potentiam Dei; sic enim ait, *Sed hoc facere potest Deus in operibus pietatis per semina sanctarum cogitationum, & affectionum, quibus misericorditer hominem prauertit.* quod testimoniis Augustini latè comprobatur.

B Hoc ipsum persequitur in §. *Potest etiam homo,* vbi parum post principium distinctius proponit questionem, quam obscuram, & perplexam esse dicit. *An bonus vsus gratiæ, quæ à Deo prauertitur, & quæ voluntas ad conuersionem preparatur, nostri sit liberi arbitrii, &c.* quam disputat variis Augustini testimoniis, quibus docet conuersionem esse tribuendam libertati voluntatis, non tamen soli, sed diuinitus adiutæ, vtrique per cooperantem gratiam. Quia verò Augustinus in multis locis videtur loqui de sancta cogitatione, & illuminatione, quæ ad intellectum pertinet, addit inferius Ruardus, quòd licet præter suasionem ex parte intellectus, exigatur alia gratia, per quam immediate inclinetur, & accommodetur voluntas per primum affectum, per quem etiam voluntas à Deo effectus flectatur, nihil mutat, neque impedit voluntatis libertatem in libero vsu gratiæ, quia ita suauiter inclinat, & determinat eam Deus, ut ex consilio, & iudicio, & sic liberè sequatur hanc Dei appropriationem. Ex quibus verbis non satis perpenlis existimauit S. Cmel docuisse Ruardum prædeterminationem physicam ad consensum non repugnare libertati consensus. At Ruardus longè est ab illo sensu; sententia enim eius in eis verbis est, præter illuminationem intellectus mouere etiam Deum voluntatem, determinando illam ad aliquem affectum non liberum, sed necessarium, nec propterea lædi libertatem in bono vsu gratiæ, quia ex illo priori, ac necessario affectu sequitur per liberam determinationem consensus. Quem sensum euidenter declarat, dum addit. *Spiritus Christi suadendo ut sequamur, simul voluntatem quasi naturaliter afficit placentia quadam rei suæ, quæ est voluntati ratio se determinandi, principium, & seminarium bonarum volitionum, quæ ex eo quasi semine producit.* Non poterat certè clariùs, aut doctius rem explicare, & ostendere, neque ponere præuiam motionem gratiæ, nisi per actus vitales, tam voluntatis, quàm intellectus, nec ponere necessariam consecutionem consensus ex talibus actibus, sed docere ad illum se determinare voluntatem gratiam adiutam. Et, quod caput est, subiungit statim. *Quod autem diximus de libero vsu, liberoque neglectu gratiæ, quæ datur ad penitentiam, & conuersionem peccatoris, quòdque & ad ipsam vel vsi possumus, & conuerti, vel negligere etiam eam, quæ ad conuersionem est sufficiens, sic quod ea stante non conuertamur, adeo ut in nemina parte contradictionis sit necessitas, sed mera contingentia, definitum esse in Concilio Tridentino, in decretis, & Canonibus de iustificatione.* Et post verba Concilij adiungit. *Nam sicut credere voluntarium est, ita & de peccatis propter Deum penitere, & ab eis ad Deum conuerti, nec vlla ad hac esse potest per quancunque gratiam necessitas, quin contemni possit.*

13.

Post prædictam verò resolutionem, quam satis constanter tradit, mouet alias questiones, quibus per varias assertiones respondet, quantum plures eandem

14.

eandem doctrinam continent, & extendunt potius quàm diminuant. Nam in prima ait, posse hominem ex viribus liberi arbitrij sufficientem vocationem non cōtemnere, quia potest non peccare, & cōtemnere esset peccare. In secunda verò ait, percipientem Dei pulsum posse sine noua gratia habere sibi gratū, quòd Deus cor eius pulsare dignetur, vtrique per nouum actum liberum, vt euidenter exponit. In quo necesse est, vt de gratia præueniente loquatur, nam noua gratia concomitans semper necessaria est, vt in tertia assertionem statim declarat. Quod ergo in prima dicit, de viribus liberi arbitrij intelligendum est, vel præcisè spectando libertatem actus, vel melius non excludendo concomitantem gratiam, quæ semper ad non peccandum contra naturale præceptum necessaria est: nam quia illa non præcedit liberum arbitrium, sed comitatur illud, ideo non semper exprimitur. Vnde vniuersaliter addit in quarta assertionem, *Omnes gratias, quæ sunt nobis operandi principia, aut quibus dirigimur, & protegemur, & vniuersæ, quia præcedunt tempore, vel natura Dei operationem efficacem, esse posse sine usu, & fructu, &c. nec voluntati adducere necessitatem.* Et in quinta, & sexta explicat gratiam efficacem per vocationem ex proposito. In septima verò clarissimè attestatur eandem vocationem in vno non habere effectum, quia sola sua libertate illam negligit, ideo verò habere conuersionis effectum, quia ipso annuente Deus conuersionem eius efficaciter operatur, vtrique auxilio simultaneo. Nam ideo subdit, in hoc seruari proportionem inter supernaturalia, & naturalia. *In eo enim, (ait,) qui vult ambulare, etiam Deus cooperatur, & si non vult, Deus ei non cooperatur, & tamen nihil est positum absolutum ante actionem in vno, quod non sit in alio.* Eandemque doctrinam repetit in assertionem 10. de duobus æquè vocatis, quòd ex libertate vnus consentit, & non alius. Et reddit rationem. *Quia omnibus positis, quæ præcedunt, & requiruntur ad fidem, & conuersionem, libera manet voluntas, nullaque inducitur necessitas se determinandi ad credendum, vel sequendum vocationem, nec ad oppositum.* Quod ex Augustino latè probat, & inferiùs addit, *In omni enim materia, ita pietatis, & gratiarum, sicut morali, & civili ad voluntatem pertinet se determinare ad vnā, vel alteram partem.* Et addit verba notanda. *Et quamuis sub Dei determinatione, non tamen propterea minus liberè se determinat, quam si non concurreret, nec determinaret Deus.* Quod profectò dicit propter concursum simultaneum, quem determinationem Dei appellat, quia verè efficit determinationem ipsam voluntatis, quamuis non sine ipsa se determinante.

15.

Et ideo paulo inferiùs cùm dixisset non obstare hac libertate nostræ determinationis, eos, qui secundum propositum vocantur, indeclinabiliter sequi Dei impulsu, addit, id fieri modo occulto, & soli Deo cognito, solūque constanter affirmat *directionem Dei nihil ponere in homine sic indeclinabiliter directo, præter motus cordis, quales sunt etiam in alio, qui secundum hoc propositum non diriguntur.* Vnde paulo inferiùs sic inquit. *Potest quidem humana voluntas resistere diuino instinctui, sed non potest impedire intentionem prædestinantis Dei, quia corda hominum in manu Dei sunt, & quocunque volueris inclinabis ea, quamuis sese efficienter sola determinet, vbi particula sola, (vt sæpe dixi,) excludit prædeterminationem ab alio, non concursum, nec influxum simulta-*  
*Fr. Suarez de Gratia Pars II.*

A neum comitantis gratiæ, vt paulo antea ex Prospero citauerat lib. 2. de vocat. gent. cap. 9. *Prosper.* aliàs 25. Non potest ergo de huius auctoris sententia dubitari, nimirum, quòd in neganda physica prædeterminatione nobiscum conueniat. Nam licet interdum dicat esse obscurum, quid addat vocatio congrua non congruæ, non id dicit, propter physicam prædeterminationem, quam pro certo supponit, non addit, sed propter alios modos tollendi aliqua impedimenta, auertendi cogitationes, vel quid simile, de quo etiam inter nostros auctores est controuersia, vt in cap. . . dicam. Atque eodem modo, multo post, respondendo ad Caluinum in 9. *In eo hallucinatur,* eandem doctrinam reperit, videtur tamen illam solum tradere, vt probabilem, ita vt liceat vnicuique in suo sensu abundare. Sed hoc non de physica prædeterminatione intelligit, sed de questione illa, an in eo, qui conuertitur, aliquid prius natura præcedat, quod non detur ei, qui non conuertitur. In hac enim questione licet ipse negantem partem, vt probabiliorē sequatur aliam relinquit aliorum iudicio, addit verò statim. *Quod autem Caluinus hic proponit, quòd scilicet, motio Dei electionem excludat, improbabile est, & Scripturis, & Patribus aduersatur.* Quid autem est electionem excludere, nisi prædeterminare physicè? Et addit notabiliter. *Efficacia enim diuina motionis, qua cor hominis ex prauo fit rectum, hominis fit cooperatione.* Hæc paulo fortasse fusius, quàm par esset à me dicta sunt, cogit tamen nos iusta veritatis defensio, nec credimus futurum inutile, nam in his, quæ retulimus, multa tetigimus, quæ veritatem ipsam magis explicare, & confirmare, & aliquas duriores locutiones lenire, & interpretari valent.

Sexto loco ponimus Driedonem, quem pro nostra sententia post nos retulit etiam Ledesma *Adponitur Driedo.* F. autem Cumel doli nos arguit, quòd illum diminutè, & subdolè allegauerimus. Et mirabiliter, vt ipse ait, ponderat multa in Driedone de Captiuit. redempt. gener. human. in 2. eius parte. In primis videlicet, quòd comparat Deum mouentem liberum arbitrium per gratiam, artificem vrenti aliquo instrumento viuo. Deinde expendit locutiones, quia dicit, gratiam nos trahere, & facere ex nolentibus volentes, & dare non tantum posse, sed etiam velle, præuenire, mouere, ac determinare liberum arbitrium. Facile autem Lector aduertet, hæc omnia generalia esse, & ferè omnia in Scriptura contenta, & ideo nihil referre ad punctum controuersia, quod in explicando modo eius efficientiæ, & efficaciz gratiæ consistit. Vnde quamuis non asseramus Driedonem, in eo capite nostram sententiam docuisse, quia de controuersia non disputat, nihilominus multa in illo obseruari possunt, quibus clarè ostendit, nihil aliud, quàm nos de efficacia gratiæ sensisse.

Et in primis illud ipsum exemplum de artifice, & instrumento statim corrigit, assignans differentiam, quòd instrumentum necessitate, & vi impellitur, libera verò hominis anima, (inquit,) à Deo recipit suauitatem quandam, seu inclinationem, qua ex proprio iudicio mouetur, ex libera & spontanea voluntate ad actum, & motum. Deinde prius comparauerat gratiam lumini, & inter alia illud exponendo dixerat. *Potestas liberi arbitrij designatur in hoc, quòd ipsa mens iam diuinitus mota, & excitata sentiens adesse Iesum saluatorem, & utinque percipiens*

17.



cupiens presentem esse medicum, qui paratus est sanare, & illuminare, potest cordis ostium aperire, pulsare, orare, clamare, &c. Præterea nunquam motionem Dei præuiam declarat, nisi per excitantes gratias eodem modo, quo Augustinus, & Prosper, quos refert: sicque inter alia inquit, *Deus facit sua interna inspiratione præueniens ob bonum voluntatis nostræ consilium, & ex nolente faciens volentem.* Omnia ergo illa, quæ Deus dicitur facere in nobis, ut velimus, & faciamus, intelligit hic Auctor sequens Augustinum, & Patres, fieri per inspirationem, & vocationem, cui nostra voluntas cum cooperante gratia statim coniungitur. Neque aliam motionem mediam inter excitantem gratiam, & simultaneum concursum agnoscit, neque vnquam dixit, gratiam Dei determinare voluntatem nostram, ut ei imponitur, sed solum inclinare, mouere, vel mutare, & similia quæ communiter gratiæ excitanti tribuuntur. At quamuis verbo determinandi interdum vtatur, ex reliquis omnibus constaret non de prædeterminatione physica quoad exercitium, sed de obiectiua, & sufficienti determinatione morali, vel de concomitante physica esse intelligendum. Vnde tandem ex pluribus sensibilibus exemplis, & modis loquendi, quibus efficacia gratiæ declarari solet, illum præfert, quo dicimus *Deum esse spirituales medicum, & ducem, & illuminationem.* Et inter alias rationes cur illum modum explicandi præferat, præcipua est, quia ille modus docet nos intelligere quod Deus sua gratia adiuvans homines, neque cogit liberum arbitrium, neque impellit necessitate, neque impedit potestatem libertatis illius. Et similes sententias, & modos loquendi, in illo capite repetit, quibus eandem mentem, & doctrinam testatam reliquit.

18.

Eandem doctrinam eisdem ferè loquendi modis tradidit Driedo in eodem opere tract. 4. cap. 2. p. 5, ubi in prima conclusione dicit, *credere esse per vim arbitrij non solam, sed suam, & tractam, & edoctam à Deo Patre.* Et interea addit, *Quod Deus interna sua inspiratione facit eorum animos intendere in ea, quæ dicuntur, & accommodare sese, dociles reddere, & accommodare corda sua Domino.* Certè valde aliena hæc sunt à physica prædeterminatione. Vnde subiungit: *præuenit enim non vim inferendo voluntatibus, sed suauiter trahendo eas, suasionibus suggerendo, & inuitando.* Et multa similia ibi prosequitur, quibus satis euidenter hanc mentem suam ostendit.

19.

Idem Driedo.

Magis verò in specie attingit punctum controuersie idem Auctor in tract. 5. eiusdem operis cap. 4. nam in cap. 1. argumen. 2. confirmat vltim. ut probaret omnibus non dari auxilium necessarium ac sufficiens, obiecerat, quia ex duobus audientibus Euangelium, vni datur auxilium ut credat, alteri non datur. Respondet autem secundum ordinem prædestinationis vnum credere, quia *Deus ita eius voluntatem præparauit inuitando, & suggerendo, qualiter aptum nouit, ut crederet:* alium verò non credere, quia non habuit illo modo præparatam voluntatem, sed hoc ideo fuisse, quia ipse ex parte sua contempsit vocationem, ut Augustinus de Iudæis dicit, non potuisse credere, quia noluerunt, sed oculos clausuerunt. Vnde ex parte Dei ille, qui non credit, habuit auxilium, ut posset credere, & sese ad accipiendam fidem accommodare. quæ doctrina eadem est cum nostra, nam per vocationem congruam, explicat efficaciam auxilij, & defendit quomodo sine illa habeat aliquis auxilium verè sufficiens, quia per il-

lum stat, ut sua vocatio non sit congrua, quæ in physica prædeterminatione locum non habent. Et tandem pleniorẽ illius puncti declarationem in librum de Concordia remittit.

20.

At verò F. Cumel nos doli criminatur, eo quod Driedoni tribuamus ea quæ argumentando, & obiciendo in illo libro scribit, non quæ docet definiendo, in quibus suam sententiam docere vult, quia dicit, Deum facere, ut prædestinati se ipsos bene determinent in suis electionibus, & facere, ut consentiant, quamuis liberè, & quod non solum persuadet, & suggerit, & inuitat, nam hæc pertinent ad causas morales, sed etiam ulterius voluntatem bonam infundit, atque immittit. quæ citat ex 2. part. illius lib. cap. 2. fol. 39. Nihilominus constanter asserimus, Driedonem eandem doctrinam de vocatione congrua, in vtraque parte luculentissimè, & apertissimè tradidisse. Nam in primis in 1. part. illius operis cap. 4. ad 2. *De Tyrio & Sidonio,* (inquit,) quod isti credidissent si virtutes illa quæ facta fuerant in Iudæa, in illis facta fuissent. Sed huiusmodi, ait, virtutes fuerunt, non solum miracula, & verba foris impensa, sed & beneficia quædam intus pulsantia Iudæorum pertinacium corda. Vbi apertè docet eisdem beneficiis internis fuisse Tyrios credituros, non ergo prædeterminatione. Et paulo inferiùs in eodem capite explicans egregiè, ac defendens Chrysostomi locutiones in hac materia inter alia dicit, *Verissimè dicimus nostram esse incipere, & credere, obedire, pulsare, petere, innocare, quia talia non sunt sine nostro arbitrio, cum sint nostri arbitrij opera. Sed ut hæc libera voluntate faciamus, misericordia Dei præueniens intus vocans, & suggerens operatur, largiens spiritum fidei.* In quibus verbis maximè pondero verbum *incipimus*, in quo scrupulosissimi sunt aduersarij. Driedo autem intrepidè affirmat voluntatem iam præuentam, & excitatam incipere suum consensum, vtrique se nondum prædeterminatam determinando, Deo illi cooperante.

Multaque similia in discursu illius capitis dicit, quæ longum esset referre. Solum ergo obseruo, nullum motum præuenientis gratiæ ponere, nisi ad excitantem gratiam pertinentem, referendo, & confirmando, quæ in tract. de captiuit. & redempt. dixerat.

21.

Im verò in secunda parte illius operis, quæ tria habet capita, nullus est, qui ignoret, quin primo capite argumentando procedat, nec ego scio aliquem ex nostris, qui mentem Driedonis ex illo capite collegerit, nec ex secundo capite, in prima parte illius, nam ibi præambula quædam tradit generalia, & omnibus communia. Neque etiam in secunda parte illius capitis, ego illam allegaui in libris de auxiliis; quia verò inde obiciuntur verba allegata, respondeo, ibi constituere Driedonem differentiam inter demones, & Deum, quod Dæmon potest proponendo obiectum inuitare, sed non potest producere cogitationem malam, aut voluntatem malam, Deus verò non solum inuitat, nec solum sua dat, aut suggerit, sed & voluntatem bonam infundit, ac immittit. Quæ differentia verissima est, locumque habet, etiam in ipsis motibus gratiæ excitantis ante consensum. Nam dæmon licet possit tentare exterius, vel per phantasmata, non tamen potest in intellectu efficere cogitationem, aut in voluntate aliquem motum, etiam primò primum, Deus autem per se efficit in voluntate affectionem bonam, & dilectionem, & complacentiam non liberam. Quam etiam differentiam

Constituit  
Driedo dif-  
ferentiam  
inter Dæmo-  
nes, & Deum.

nos supra constitimus, ut ostenderemus maiorem Dei efficaciam in persuadendo, & trahendo voluntatem, quamvis illam non determinet. Illa ergo verba nihil ad præsentem causam referunt. Imò post illa subiungit Driedo. *Nempe sament, (id est, nec Deus, nec Diabolus,) hominis voluntatem cogit, sed uterque exigit liberum hominis consensum.* Et paulo inferius etiam de diuina prædestinatione dicit, quod libertatem non cogit, & addit. *Sed neque urget ulla necessitate, quod cum in bono, quam in malo, ita liberè operatur, ut facere, & non facere aequè in eius sit potestate.* Quod quomodo verum sit si prædestinatio infert physicam prædeterminationem, non video. Cætera verò quæ ibi dicit, maxime in conclusione 5. verissima sunt, & communia, ideòque ad probandam physicam prædeterminationem non pertinentia. In illa ergo parte illius operis tertium caput est maxime considerationis, quem locum in lib. 3. de Auxil. allegavi, licet vera omiserim, quia sunt clarissima, præsertim in solutione ad primam secundæ partis §. *Quantum verò attinet ad liberum arbitrium*, ibi enim in primis ait, *homines à Deo iustificatos suis consiliis, &c. seipsos determinare ad bonarum operum electionem, sed Deum facere, ut homo sic determinet.* Declarans autem quomodo id faciat Deus, subiungit. *Ipsè est à quo sancta sunt desideria, recta consilia, & iusta sunt opera, non quod nos hac non faciamus, sed quod ipse adiuvet, ut nostra voluntate hac omnia faciamus.* Et addit, quod notandum est, *Nostreque sponte incipimus rectè nobis consulere, & de agendis pro nostra salute deliberare.* Et infra repetit, quidquid Deus erga nos incipiens operatur, id facere internis exhortationibus, & inspirationibus. *ut voluntas illis excitata præsidii illi operanti cooperetur*, quæ sunt verba Prosperi. Eandemque doctrinam in §. *Ad illud iterum*, atque iterum repetit, variisque modis exponit, & semper docet tractionem Dei fieri per motus excitantis gratiæ, per quos voluntas accipit potestatem consentiendi, retenta potestate resistendi, & Deum solum trahere, & incipere quoad priores motus, non tamen solum operari ipsum consensum. Ac tandem simili modo in solut. ad 2. declarat tractionem hominis ad fidem per illos motus, post quos homo libera voluntate incipit credere. Et infra in §. *Respondeo verissimum*, inter alia quæ pro concordia libertatis cum prædestinatione docet, inquit. *Tametsi homo non possit resistere diuina prædestinationi, & intentioni, seu voluntati, quæ est secundum æternum eius propositum, utique tamen potest resistere diuina inspirationi.* Non agnoscit ergo inspirationem, vel motionem ita prædeterminantem, ut ei non possit resistere. Multa denique similia poterit unusquisque in illo auctore observare, sed illa omittimus, quia hæc sufficientissima sunt, tum ad defensionem nostræ fidei in allegando, tum etiam ad veritatis confirmationem.

22.  
Allegatur  
Stapletonium.  
Cumel.

Septimò allegare solemus Stapletonium, quia non solum assertorem, sed etiam propugnatorem nostræ sententiæ existimamus. Veruntamen hunc etiam nobis eripere conatur P. Cumel, & columnam integram contra nos, & in suum favorem inducit, sumptam ex lib. 4. de Iustificatione, seu de Grat. & liber. arbit. cap. 18. Veruntamen hoc exemplo clarè intelligit Lector, non mala fide (hoc enim tam grauib, & religiosis viris non tribuam,) sed mala illatione citari auctores ab his Patribus. Nam omnia verba, quæ

Fr. Suarez, de Gratia Pars II.

A ibi Cumel refert, generalia sunt, ut quod nemo resistit voluntati diuinæ, quod salva libertate hominis, habet Deus omnipotentissimam potestatem in cor eius, quod iustificatio est quædam creatio, quia principium eius ex solo Deo est, ut datur gratia efficax, & quod Augustinus tribuit alicui vocationi efficacissimam & infallibilem operationem, salva libertate, quodque potissima, & efficacior causa, cur ex duobus vocatis hic conuertitur, & non ille, est diuina voluntas, prædestinatio, & gratia. Ac denique quod licet voluntas possit semper resistere gratiæ, nihilominus aliquando infallibiliter non resistat.

B Ex quibus omnia priora sunt à nobis in superioribus tradita, & comprobata, hoc autem ultimum maxime repugnat aduersariis. Nam de auxilio prædeterminante docent, non solum voluntatem illi non resistere, verum etiam nec posse resistere. Stapletonius autem optimè docet omni prævia motioni Dei posse voluntatem resistere, licet interdum infallibile sit non restitutam, quia motio datur ex proposito, seu absoluta intentione Dei in occasione opportuna, cum prævia certitudine ex parte Dei, quæ in verbo infallibiliter denotatur. Ultra hoc verò expendat Lector, non vnum, vel aliud verbum illius libri, sed totam doctrinæ seriem à principio usque ad finem, & sole clarius videbit, neque in vno verbo à nostra doctrina discrepare. Nam antea ponit præparantem, seu præuenientem, ac præmouentem, ac præuiam gratiam, quam Deus facit in nobis sine nobis liberè cooperantibus, & merè gratis, & in hac ponit initium iustitiæ, eamque constituit in motibus, & actibus vitalibus gratiæ excitantis, & per hanc dicit facere Deum ut velimus, & similia: huic verò statim subiungit voluntatis libertatē cum cooperante gratia, neque aliam motionem prædeterminantem præuiam agnoscit.

C Ut autem hoc fiat euidentius, & certissimè constet quantum cohæreant illæ locutiones generales cum nostra doctrina, non grauabor ad litteram referre alia eiusdem Auctoris testimonia, in quibus formaliter, & expressè prædeterminationem refutat, & congruam vocationem stabilit. Igitur in Antidotis Apostolicis ad Acta Apostolor. cap. 9. circa illa verba Pauli, *Domine, quid me vis facere?* impugnans Calvinum, & defendens libertatem, etiam in conuersione Pauli inter alia multa dicit. *Tota illa vox Christi foris audita, & tota interna diuini Spiritus pariter loquentis inspiratio, atque persuasio nihil aliud erat, quam excitans, & præueniens gratia solius Dei, eiusque ineffabilis misericordiae opus, sed gratia efficacissima, quia congrua, quia cum talibus visis coniuncta, quæ ad Sauli animum expugnandum aptissima esse, & certissimum effectum consequutura Deus præuidit, non autem talis gratia, quæ in ipso conuersionis instanti liberam Paulo cooperationem, liberam consentiendi, vel non consentiendi electionem tolleret, quam doctrinam variis Augustini testimoniis confirmat, & post illa rem magis declarans adiungit. Hinc etiam certò colligimus, gratiam præuenientem, quæ non nisi à suo effectū, efficax gratia est, (nam gratia adiuvans, seu cooperans, à qua Calvinus semper abhorret, est in ipsa actus productione, seu in ipso conuersionis, aut alterius cuiusque boni operis actu,) non tantum natura, sed & tempore interdum hominis cooperationem, seu conuersionem prouenire. Vnde rursus sequitur, à præuenienti gratia, quantumcunque efficaci, humanam voluntatem non determinari, sed*

23.

24.

Vv 2

sed liberam relinqui. Quidquid enim voluntatem formaliter determinat, sine in malum, sine in bonum, non potest esse ipso actu voluntatis prius, nisi prioritate nature, in quantum videlicet à tali principio ille actus procedit. Nam actus voluntatis etiam in primo instanti, in quo producit, sicut duplex habet principium, à quo fit, Dei gratiam, & propriam voluntatem, ita à neutro prius quam ab altero, sed ab utroque simul in eodem instanti natura producit. Hoc, nempe est, quod sapienter Bernardus scripsit, inducitque verba Bernardi, quæ à nobis in superioribus in eodem sensu tractata sunt. Eandem doctrinam inculcat idem Auctor in epist. ad Roman. cap. 9. ubi pro fundamento efficacis gratiæ scientiam conditionatam supponit, ut in 2. Prolegom. vidimus. Item super Ioan. cap. 15. & in Promptuar. Catholico fer. 6. hebdom. 2. Quadrages. & fer. 3. multa dicit, quæ in eo videri possunt, hic enim omnia referre nimis prolixum est.

25.  
Adiungitur  
Jacobus  
Paiua.

Octauo his adiungo Iacobum Paiua, qui in lib. 4. Orthodoxar. explicat causam Patrum societatis Iesu contra calumnias Chemnitij assumpsit. Hic enim cum libertatem arbitrij cum Luthero euerteret, Iesuitas Pelagianismi insinulauit, eo quod libertatem cum gratia conciliarent, Paiua verò ita sententiam nostram interpretatur, & tueretur, ut simul prædeterminationem physicam, non quidem his verbis, sed æquiualentibus, auferat, quia non credidit aliter posse Chemnitij errorem refelli, aut vitari; unde consequenter ostendit quàm iniuste huius orthodoxæ sententiæ aliquid Pelagianismi erroris tribuatur. Quæ omnia, ut euidentius constent, pauca ex multis, quæ ille docet, ad verbum proferam. Et primò Iesuitarum doctrinam his verbis proponit. *Et sanè, (inquit,) quamuis nos à diuina misericordia pendeamus, quamuis nihil boni operetur fidelis, quod in illo non efficiat Deus, quamuis non solum gratia conferatur, ut conuerteri possimus, sed etiam ut conuertamur, etsi gratia hac, quæ ad operandum necessaria est, & velle facit, non sit quacunque inspiratio, aut cogitatio sancta, seu boni propositi suggestio, sed efficacis Dei operatio, quamuis hac omnia vera admittamus, & ex D. Augustino variis locis elici posse concedamus, homini tamen semper liberum relinquitur diuina operationi præbere impedimentum, eamque vel amplecti, vel etiam repudiare. Et adiungit. Hæc verba Chemnitij sunt liberum arbitrium à diuina gratia coniungentium? Quod declarans addit inferiùs. *Aperitè confitemur mentem nefariis cupiditatibus pressam, & scelerum monstros occupatam, à miserando illo statu respirare nunquam posse, nisi diuina gratia alliciatur, & diuino Spiritu quasi stimulus quibusdam excitetur. Neque item oblatam sibi gratiam amplecti, nisi peculiaribus Spiritus sancti impulsibus adiunetur, aut, (ut suis utar verbis,) nunquam se ad gratiam applicare hominem posse, nisi eadem celestis gratia adiumento sit. Quod tamen non impedit quominus liberum arbitrium ultro gratiam apprehendat, sique illi liberum eam reicere, & aspernari. Et inferiùs iterum. Quod si voluntas à Deo mota non ultro vult, hoc est, non liberè sese ad gratiam applicat, voluntas dici non potest. Et infra. Quare qui diuina gratia hominum voluntates ita ad iustitiam allici putat, ut liberum illis nullo modo sit eam aspernari, & respuere magis quidem iustitiam humanis mentibus à Deo obtrudi, quàm efficere,**

**A** villam velint, existimare videntur. Egregia quidem sententia, quæ & aduersarios pungit, & potissimum illorum fundamentum in illos retorquet. Nam sine potestate resistendi ostendi non subsistere libertatem nostram cum diuina motione, & ideo Deum non ita facere velle, ut nobis eripiat potestatem resistendi, quia illud magis esset obtrudere iustitiam, quàm facere, ut illam humano modo cum dominio nostri actus velimus.

Vnde tandem iu hunc modum concludit. *Ex quibus manifestum sit, atque testatum efficientem causam applicationis animi ad gratiam, hoc est, interius Dei vocibus auscultandi, vel ingratis aspernandi esse tum gratiam ipsam, tum liberum arbitrium. Quæ duo nisi simul concurrant, fieri certè non poterit, ut humana mens se toto impetu ad iustitiam adiungat. Nam etsi quadam sint, quæ Deus in nobis nullo nostro consensu antecedente efficiat, ut ad se nos vocare, voluntatem nostram ad iustitiam amorem excitare, huius tamen gratia non repugnare, atque obfistere, sed ad illam se applicare, & adiuuare, atque diuino beneficio ad se delatam non repudiare, neque nostrum liberum arbitrium diuini auxilij expers potest, neque diuina virtus in nobis facere, libero arbitrio non consentiente, solet. Vnde liquet ex gratia, & libero arbitrio unicam causam constari nostræ ad iustitiam applicationis. Quare à Theologis nostris appositissime hæc Dei gratia cooperans appellatur, quia unà cum libero arbitrio operatur, ut diuinam gratiam non respuat, sed complectatur. Nihil quidem, & ad defensionem nostram, & ad veritatis declarationem, & probationem distinctius, aut efficacius dici poterat. Et nihilominus P. Cumel malè etiam fecit, quod hunc virum pro nostra sententia allegauerim.*

**C** Nonò est graue testimonium Ioannis à Bononia in lib. de prædest. ante sexaginta annos euulgato, vtiq. anno 1555. ubi ipse docet libertatem consensus nostri cum diuina gratia in hoc consistere, quod voluntas resistere possit, & interdum resistat illimet præuenienti gratiæ, cum qua potest consentire, & interdum etiam consentit; postea verò addit. *Ceterum non desunt modò homines, quamuis omni pietate præditi, aliter de libero hominis assensu dum iustificamur, quam nos sentientes, ac ideo OEcumenici Concilij Tridentini decreta obscurare quodammodo conari videntur, dum aiunt, habere homines libertatem arbitrij, ut excitationi, & admonitioni diuina resistere possint, sed his diuinis inspirationibus, atque monitionibus suppositis nullum resistere arbitrium. Obscurare autem dixi, quoniam ex dictis Reuerendissimi Domini Hieronymi à Bononia Sanctissime Sedis Apostolica Nunciij dignissimi, necnon Archiepiscopi Conuani, Professoris Theologiæ peritissimi, atque sacri Palatii Magistri eximij, apud Carolum Imperatorem V. cognomine Maximum, Residentis eandem opinionem in sancta Tridentina Synodo fuisse summam diligentia à Patribus discussam, & tanquam minus probabilem optimo iure percipi reiectam.*

**E** Decimò solet pro hac sententia citari Corduba lib. 1. suarum questionum q. 55. dub. 9. & 10. nec immeritò allegatur, quidquid in contrarium Cumel conetur. Nam ille Auctor pro comperto habet nullam suppositionem antecedentem, quæ in sensu composito inferat necessitatem, posse simul cum libertate actus stare. Vnde in dubio 9. notabili 1. supponit, ut fundamentum ab omnibus receptum

26.

27.  
Testimonium  
Iohann. à  
Bononia.

28.  
Citatur  
Corduba.



de ratione liberæ potestatis esse, *ut omnibus causis eodem modo se habentibus absque ulla variatione in se, vel in alia re prius natura, quam in aliquo instanti velit, possit diuissim non velle, seu nolle pro eodem instanti.* Quod fundamentum rectè intellectum coincidit cum illo principio liberam causam esse, quæ positis omnibus prærequisitis ad agendum potest agere, & non agere. Et ex hoc principio procedit ad difficultatem communem de concursu in habito tractandam. In qua (omissis opinionibus quas refert, impugnat,) in summa distinguit inter concursum ad extra, & voluntatem Dei per quam datur. Et de concursu dicit esse concomitantem, & non esse conditionem antecedentem, & ita ex hac parte non repugnare libertati. Voluntatem autem Dei dupliciter, vel potius tripliciter considerat, sed duo signa sunt, quæ ad præsens referunt, vnum est, in quo Deus antecederet offerit suum concursum, & sic dicit, voluntatem Dei esse præuiam, & ordine naturæ antecedentem, tamen ut sic non esse voluntatem efficacem respectu consensus voluntatis creatæ, sed tantum generalem, & illa etiam supposita non consentire. Aliud signum est in quo Deus efficaciter, & in particulari vult concurrere ad talem actum, & ut fiat, & hanc voluntatem Dei negat esse præuiam ordine naturæ, ideoque sub hac ratione non esse conditionem prærequisitam, solumque inducere necessitatem consequentem, quia in secundo signo medio inter illas duas volitiones Dei intelligitur determinata ad talem actum per coniunctionem ad voluntatem humanam, & prius ratione, quam Deus habeat illam volitionem præiudicet hominis voluntatem esse consensuram, & ex hac parte necessitas proveniens ex illa voluntate, supponit liberum usum, & applicationem voluntatis creatæ, atque ita non est conditio antecedens, sed concomitans, & ideo non lædit libertatem.

Et in fine addit, (quod ad præsens refert,) *eodem modo philosophandum esse de concursu auxilij diuini specialis ad opera gratia, vel supernaturalia, & ad diligendum Deum super omnia.* In qua doctrina nunc non discutimus modum explicandi concursum simultaneum Dei, sed solum expendimus, Cordubam in eo laborasse, ut non poneret ex parte Dei concursum prædeterminantem voluntatem humanam, siue ad opera ordinis naturalis, siue gratiæ, quia id credidit esse contra primum libertatis fundamentum. Vnde non solum tollit prædeterminationem per concursum præuium ad extra, qui sit per modum actus primi, vel tanquam complementum eius. Sed etiam per concursum ad intra, ut sic dicam, seu per voluntatem Dei efficacem, à qua proveniat concursus ad extra, nam dicit talem voluntatem vel non esse efficacem, si est præuiam, vel esse concomitantem, si est efficacem. Quod etiam aliqui ex nostris docuerunt. Et ob eam causam recedit Corduba à sententia Scoti dicentis Deum cognoscere futura contingentia in decreto suæ voluntatis, quia decretum illud non potest esse efficax, nisi præuisa prius futura prædeterminatione libera nostræ voluntatis, quia aliàs tolleretur eius libertatem. Non solum ergo Corduba nostram sententiam, quoad punctum controuersie, & substantiale, (ut sic dicam,) sequitur, sed etiam indicat fundamentum eius sumptum ex conditione libertatis esse quasi axioma ab omnibus receptum, neque posse conuelli, & quoad hoc cau-

Fr. Suarez de Gratia Pars II.

Adem rationem esse de operibus gratiæ & ordinis naturalis,

Vndecimò Albertus Pighi lib. 6. de liber. arbitrio paulo post medium, referens illa impia verba Caluini, *Voluntatem proinde mouet Deus, non prout multis seculis traditum est, & creditum, ut nostra postea electionis sit, aut motioni eius obtemperare, aut refragari, sed illam efficaciter afficiendo: licet directè contra Calvinum disputet, ita verò agit, ut simul prædeterminationem physicam impugnet, nihilque inter illam, & gratiam efficacem, quam Calvinus confinxit, discernat.* Vnde Caluino dicenti: *Neque secus accipi sententia Christi potest, Omnis qui audiuit à Patre meo, venit ad me, quam ut efficacem à seipso gratiam doceas.* ille respondet, *Tibi non credimus Caluine, secus accipi non posse hanc Christi sententiam.* Et hac occasione ex professo probat, nec ex his verbis, nec ex aliis, *Nemo potest venire, &c. nisi Pater traxerit, neque ex aliis similibus colligi auxilium præuium, ita ex se efficax, ut liberum arbitrium non possit ei resistere, & sapius resistat. Nam trahit Deus, sed volentem, ut Chrysostomus ait, & qui audit, venit, si tamen discat, id est, persuadeatur, quod ex eius voluntate pendet, quia Deus, (ut Cyrillus ait,) non vi trahit credentes, sed motione, & reuelatione ineffabiliter facta.* Hæc ille ferè ad verbum.

Postea verò cum Caluinus diceret, *docendos esse homines diuinam benignitatem expositam sine exceptione omnibus, qui eam querunt, sed cum i) eam querere incipiant, quibus diuina gratia aspirauit, nec hanc quidem portiunculam de eius laude discernendam fuisse.* Quæ profectò assertio in sententia, quæ physicam prædeterminationem præuiam requirit, verissima est, & tamen contra illam sic insurgit Pighius. *Hoc doces, omnibus expositam Dei gratiam, qui eam querunt, sed nullos posse eam querere priusquam ille suo beneplacito eandem nec desiderantibus, imò auersantibus, intruserit.* Quid ergo aliud hic doces, quam nemini eandem esse expositam nec querendam cuiquam, ut quæ queri non possit, antequam habeatur, & habita possitque frustra queritur, nec in cuiusquam præterquam vnius Dei

potestate sit, ut habeatur, aut non habeatur. Hoc est Caluine docere homines? Doctores salutaris, & verè Evangelicos. Certè argumentum si efficax est, æquè procedit contra omnem gratiam præuiam, ac necessariam, & ex se efficacem, siue dicatur necessitate voluntatem ad exercitium atque, siue ita determinare, ut ei resisti non possit, quia omnis talis gratia à nemine queri potest, nisi iam habeatur, cum ad illam querendam necessaria sit, & postquam habetur, frustra queritur. Est autem argumentum efficacissimum, ut ex suprà dictis constet. Nam licet possit quis effugere dicendo, per vnā gratiam sic efficacem posse queri aliam, facillimum est sic fugientem capere, quia nulla posterior gratia efficax queri potest, nisi per aliā priorem iam datam, vnde necessariò perueniendum est ad primam, quæ non possit queri, nisi prius habeatur, & ita illa frustra queritur, & de illa necessariò dicendum est in vnius Dei esse potestate, ut habeatur, vel non habeatur. Ergo cui illa non datur, frustra querit, imò impossibile est, ut querat, & ita illi non est exposita benignitas Dei. Nec ille cui datur, potuit illam querere, nec oportet illum monere, ut per illam aliam querat, quia inuitabiliter queret, cum non possit resistere primæ motioni efficaci, nec plus agere potest, quā illam prædeterminetur. Refert etiam hunc Auctorem pro nostra sententia Ledesma in lib. 1. de

30.  
Propositur  
Albertus Pighi.

31.

Ledesma

Vv 3 liber.

Consideratur  
voluntas  
Dei.

29.

liber. arbitr. cap. 3. 4 & 5. Liber autem, quo vtor, non est in capita diuisus, totusque liber est de variis locis Augustini pro libero arbitrio. Ex quibus illud solum, quod dicit, *hanc autem*, nunc noto, ait enim demonstrare Augustinum, *voluntatem seipsam in sua potestate habere, & seipsa vti, ut ipsa inherente in commutabili bono, vitam beatam habeat, auersa verò illam amittat.*

32.  
Producitur  
Ekim.

Duodecimò expendere possumus duo testimonia Ioannis Ekij, quæ F. Cumel contra nos inducit, nescio quo iure, quia ipse illationis modum non declarat, & verba in vno loco sunt generalia, in alio nostram potius sententiam continent. Vnus locus est in Enchirid. cap. 31. in quo Ekij dicit, Deum esse primam causam, sine qua nihil fit, & specialiter concurrens ad opera bona, & mouens omnia, singula iuxta vniuscuiusque proprietatem, irrationalia naturaliter, rationalia liberè. Sed hæc nihil ad causam referunt, omnes enim illa docemus, & ex illis solum inferri potest, quòd Deus, ut causas liberas modo consentaneo naturæ illarum moueat, non illas prædeterminat, sed indifferentem motionem præbet, aut offert, cui illæ causæ vel resistere, vel cooperari possint. Alter locus est in lib. de Prædestinat. centur. 3. n. 67. vbi ex quodam Henrico Gorchheim duplicem distinguit motionem Dei gratiam, vnam sufficientem, quam Deus nemini denegat. Aliam efficacem, quam subdistinguit, vno modo, (inquit,) *ut sit genus motionis, quæ specialiter mouentur prædestinati, quæ respersa quodam suauitatis odore, intima viscera anima facundando deiformat, & in celeste desiderium transmutat. Potest & alio modo dici motio efficax, quæ assequitur, consequi gratiam, & si in ea persuerat, saluari, & nihilominus priorem, quæ altioris ordinis est, solis prædestinatis dari.*

Gorchheim.

Cumel.

Hæc allegat Cumel, & non ampliùs vel inducendo, vel respondendo illa euoluit. Ille tamen Auctor in posteriori membro vocationis efficacis, plus dicit in nostra sententia, quàm velimus. Docet enim aliquam vocationem esse efficacem ex solo effectu, & non esse maiorem gratiam in eo, qui consentit, quàm in eo, qui resistit. Defendit enim ibi opinionem asserentem, in multis eorum, qui saluantur, rationem totius prædestinationis, esse bonum vsum vocationis. Vnde consequenter negat, vocationem esse effectum prædestinationis, sed generalis providentiæ gratiæ: negat item bonum vsum vocationis, ut est à libero arbitrio, esse effectum prædestinationis, nedum gratiæ prædeterminantis. In his ergo euidenter eam tollit, & consequenter negat, illam esse de ratione auxilij efficacis.

33.  
Distinguntur  
ordines  
saluandorum.

Distinguit verò ille Auctor duos ordines saluandorum. Vnus eorum est, qui per communem gratiam saluantur, in quibus datur communis prædestinationis ratio; alius est ordo singulariter prædestinatorum, ex gratuita Dei voluntate, sine vlla ratione ex parte illorum, & his dicit dari priorem modum gratiæ efficacis. Veruntamen neque illam ponit hic Auctor in motione pertinente ad concursum Dei physicè prædeterminantem, sed in motione morali magis suauis, & ad mouendum voluntatem accommodata, planè Augustinianò more. Hæc enim euidenter indicant illa verba. *Quæ respersa quodam suauitatis odore intima viscera anima facundando deiformat, &c.* Et item illa motio nihil est aliud, quàm gratia congrua. Quod ergo ad causam nostram attinet, ille Henricus manifestè docuit nostram sententiam. De Ekio verò nihil certò affirmare possumus, nam in fine

A illius § subdit, *Nolo tamen, existimet me omnia Henrici dicta recipere.* Quod fortasse dixit propter prius membrum gratiæ efficacis, nam aliud ipse supponit tanquam fundamentum sententiæ de Prædestinat. quam ibi prosequitur. Nos autem quoad eam partem, sententiam illam reiicimus, quia connexa non est cum sententia de vocatione congrua, ut in cap. ult. huius libri explicabimus.

Ultra hæc testimonia, quæ grauiora sunt, alia breuiter percurreremus, & insinuabimus, non quia Doctores minoris auctoritatis sint, sed quia obiter, vel nimis breuiter punctum attingunt; eos tamen omittendos censuimus, quia vel in modo loquendi, vel in sententiis, quas obiter profertur, satis indicant quendam vnam consentum, in hoc principio, quod efficacia gratiæ quoad consensum actuale non prædeterminat voluntatem, sed ex ipsius libero vtu pendet. Primo ergo in hoc secundo ordine pono Cardinalem Contarenum in lib. de Prædest. vbi inter alia non longè à fine ita concludit. *Quo fit, ut non ex gratia ipsius efficacitate, sed ex nostra voluntate pendeat, quominus illa cordis obstinatio pertumpatur.* Vbi non negat gratiæ concursum, sed nomine efficacitatis illam intelligit, quam gratia ex se habeat ad determinandam suam voluntatem.

33.

Contarenus

Secundò allego Iodocum Clichtoueu in Compendio assertionum fidei, ex Concilio Senon. cap. 23. quod est de libero arbitrio, vbi cum retulisset verba Damasceni excludentis necessitatem ab operibus liberi arbitrij, subdit hæc verba. *Quæ omnia aqne militanti contra eos, qui subiiciunt hominum actus inenitabili necessitati, undecunque illam pendere dicant, sine ab ipsis astrorum latronibus, ut autumamus illi, contra quos superioribus verbis agis Damascenus: sive à fato quodam inexorabili, ut posuerunt Eshnici quidam, sive à futurorum absoluta quadam necessitate, quæ contingentiæ non admittat, ut falso putauerunt nonnulli de diuina præscientia, ac providentia malè sentientes.* Et infra optimè declarat, quomodo dici possit diuinum auxilium subesse voluntati hominis, scilicet, quia ex parte Dei offertur, & si petatur, obtinebitur, & in homine est, vel illo bene vti, vel illud negligere. Et de his qui negligunt, subdit, *Nunquid huiusmodi error in via morum adscribendus est dura cuidam necessitati, aut destitutioni liberi arbitrij? Nequaquam, &c.* Ac denique tam multa in hanc sententiam dicit soluendo obiectiones omnes, quæ nobis solent ex Scriptura opponi, ut inter eos, qui sententiam nostram expressè docent, meritò numerari possit.

34.

Iodocus Clichtoueu

Tertiò expendere oportet locum Iansenij in Concord. cap. 59. ad verba Christi Ioan. 6. *Nemo potest venire ad me, &c.* quia F. Dauila & Cumel de illo nobiscum contendunt. Verba autem, quæ referunt, in sententia solum continent generalem doctrinam, nimirum, Deum efficaciter excitare mentes hominum, & longè aliter mouere intellectum, & voluntatem, quàm alius homo, vel Angelus, nimirum propriè & physicè in illa interiùs efficiendo ipsolinet talium potentiarum actus. Vnde notat etiam distinctionem inter verbum *trahendi*, & *veniendi*. Nam prius gratuitam Dei motionem præuenientem omne meritum, & vsum libertatis, & gratiæ diuinæ efficaciam indicat; posterius autem verbum *veniendi* ostendit hominis libertatè, quæ per gratiam Dei efficacem non læditur, quæ omnia, ut dixi, generalia sunt, & potest vnaquæque opinio illa in sèsu interpretari.

35.

Expenditur  
Iansenius  
Ioan. 6.

Uterius

Uterius verò proponit Iansenius dubium à nobis latè discussum, quomodo cum necessitate tractionis illi, qui non trahuntur, sua culpa non veniant, quando sufficienter fidem audiunt. Et post multa, quæ dicit circa Chrysostomi responsiones, in quibus aliquid statim notabimus, in summa respondet cum Augustino, eos, qui non trahuntur, non excusari, *quia obicem, & impedimentum posuerunt diuinae attractioni, dum acceptis à Deo donis non bene utuntur.* Hæc autem responsio non habet locum posita necessitate auxilij prædeterminantis, ut sæpe ostensum est, quia si illud est necessarium ad omnem bonum usum præuenientium donorum gratiæ, etiam primæ vocationis; ergo necessariò sistendum est in aliquo, quod non negatur propter defectum boni usus, quia ante usum, qui est effectus eius, nullus bonus usus esse poterat, & ab illo pendent consequenter reliqua. Illa ergo responsio ostendit, Iansenium per gratiam efficacem non intellexisse auxilium prædeterminans, neque sententiam Augustini de illo intellexisse. Accedit, quoddam prius referens Chrysostomum dicentem, aliquando nos incipere bonum opus, & inde sumi rationem, (utique proximam,) cur iste trahatur, & non ille; illum rectè defendit à Semipelagiano errore, quia supponit gratiam excitantem, quæ posita rectè dicitur homo incipere consensum, non tamen sine gratia adiuuante, & principaliter efficiente propriè; ac perficiente ipsum consensum. In quo satis etiam aperte sentit, postquam gratia præueniens dedit homini potestatem propinquam, & proximè eligitiuam actus, non esse necessarium aliud initium solius Dei prædeterminantis, sed potentiam posse immediatè inchoare suum actum, quia illi potentia sic constituta in actu primo propinquo nihil deest nisi executio actus, ut idem Auctor paulò antea dixerat, quod tamen initium executionis non est sine gratia cooperante, ut idem etiam docet.

Quartò allegari solet pro nostra sententia Rosenfis, art. 36. contra Lutherum, nec immeritò, tum quia impugnando hæreticos, impugnatur omnem antecedentem necessitatem, ut libertati contrariam, tum etiam, quia expressè, ac sæpius docet auxilium Dei ita conferri homini antecedenter, ut in manu eius sit illo bene uti sine aliqua præueniente determinatione, & per illud ad gratiam sanctificantem preparare. *Quod cum sua sponte, (inquit,) non coactus faciat, contingenter utique facit; nec tamen per hoc, ait, prouenitur Deus, aut de nouo quicquam vult, quod antea noluerat. Quæ res unanimi consensu Patrum traditur.* Hæc ille versùs finem in §. Vtrumque sicut diximus.

Quintò allegatur Horanti lib. 1. de Locis Cathol. qui totus est contra errorem Caluini de gratia efficaci auferente libertatem, per quandam verò coniunctissimam sympathiam, seu consecutionem simul prædeterminationem oppugnat, & eius fundamenta dissoluit. Tale illud est, quod cap. 31. contra Calvinum defendit, rationem discriminis, cur iste vocatus venit, & non ille, optimè ex libero arbitrio sumi, quia scilicet, hic manum porrigit, & non alius. Item cap. 42. irridens Calvinum, ait. *O pulchram consecutionem, Deus humanum cor emollit; ergo seipsum flectere non potest, libet videre.* Et infra. *Quasi verò non magis quadrem celestis fanor, & nostre vires, quam quicunque alius concursus causa superioris cum inferiori.* Item in multis quæ cap. 47. & 52. dicit, prædeterminationem planè excludit, & præ-

A fertim cap. 53. ubi distinguit gratiæ dona in tres ordines, prout Soto antea fecerat, & in secundo ponit actus pietatis liberos, in quibus nihil dicit operari Deum, nisi cooperante libero arbitrio, nec inter illos, & priores motu gratiæ excitantis medium auxilium à solo Deo factum agnoscit, multaque alia in sequentibus capitulis vsque ad 58. notari possunt.

Sextus sit Franciscus Carthag. in tractatu de prædestinat. præsertim discursu 4. & 3. ubi expresso probat determinationem nostræ voluntatis, nec fieri sola Dei actione, nec sine illa nobiscum cooperante.

B Septimus Delphi. Sæpius materiam hanc indicat lib. de reum euentu, & lib. 4. de liber. arbit. & lib. 5. de iustific. & lib. 2. de prædestinat. per totum, præsertim dub. 2. ubi inter alia multa dicit, voluisse Deum ut homines ipsi ad alterutram partem determinent, & ideo post vocationem expectare illos, ut eis suam gratiam impendat, & ab eorum libertate pendere, quoddam vocatio efficax, vel inefficax sit, & similia.

C Octauò his annumerari potest Franciscus Romanus Magister Generalis sacre Religionis Prædicatorum. Nam in lib. de necessit. & libert. oper. ex professo docet, necessitatem ex suppositione antecedenti esse contrariam libertati, & hanc fuisse sententiam communem Patrum, & Concilij Tridentini, cui interfuit.

Et nonò ei adiungimus Thomam Elisium eiusdem familiæ Theologum in lib. de liber. arbit. q. 4. art. 8.

Decimus refertur Franciscus Balchar. Episcop. Mirens. lib. contra Calvinum.

Vndecimus Bunder. in Compend. controuer. Theolog. lib. 7. de Grat. & liber. arbit. art. 7. & in scuto fidei tit. 10. de lib. arb. proposit. 4.

D His addimus Cuncrum lib. de Grat. Christi cap. 10. & lib. de Grat. & liber. arbit. cap. 10. ubi inter alia ait, concursum causæ primæ non esse aliquid præuium in causâ secunda, ac proinde vtramque causam simul concurrere, solumque primam dici priorem, quia superior est, à quo inferiores pendunt, & ibi etiam laudat sententiam Driedonis, & Ricardi, dicentium ex duobus similiter vocatis vnum posse conuerti, & non aliud pro sua libertate: quia verò Ruardus addidit particulam *sola*, ipse bene declarat illam particulam solum excludere aliam præuenientem gratiam, non Dei cooperationem, quæ simul incipit, & definit cum libero voluntatis opere. Ac denique per varias assertiones sententiam hanc defendit, & declarat. Sic etiam Ioannes Maria Verratus in Apologia contra fautores Lutheranorum dicit, in illa sententia lib. de Ecclesiast. dogmat. *Initium nostra salutis Deo miserante habemus: ut verò acquiescamus salutifera inspirationi nostra pietatis est.* Vnum solius Dei esse, scilicet, initium salutis, aliud esse in mera facultate nostri liberi arbitrij, scilicet, acquiescere, &c. ubi videtur excedere illa particula *mera*, sed eandem habet intelligentiam, quia non est posita ad fauendum Pelagio, sed ad contradicendum Caluino: non ergo excludit adiuuantem gratiam, sed prædeterminantem.

E Præterea Iulius Sirenius in Compend. de prædestinat. lib. 2. de Reprob. cap. 18. eiusmodi prædeterminationem disertè excludit, Ioannes Maria Capella lib. de Concord. libertatis humanæ cū diuina præscientia p. 1. cap. 26. & p. 2. c. 5. 6. & 7. Felicianus Capitonius in explicationib. Catholic.

Distinguum gratiæ dona.

38.

Adducitur Franciscus Carthag. determinationem nostræ voluntatis ex professo probans.

39.

Idè Delphi materiam hanc sæpius indicant.

40.

Ad numeratur Franciscus Romanus.

41.

Adiungitur Thomam Elisium.

42.

Refertur Rom. Balchar.

43.

Additur Bunderus.

44.

Adiungitur Cuncrum.

Laudatur sententia Driedonis, & Ruardus.

Ioannis Maria Verratus.

45.

Adponitur Iulius Sirenius, Ioannes Maria Capella, Felicianus Capitonius.

36. Allegatur Rosenfis.

37. Recensetur Horanti.



Petr. Aurel.  
Sadelet.  
Oforius.

part. 1. Explicat. 55. Petrus Aurelianus Sanutius in recenti Lutheranorum propugnatione digressio. 3. Sadelet in Epist. ad Roman. cap. 8. Oforius lib. 9. de Iustit. qui etiam excedit in negotio prædeterminationis, sed nunc illud non agimus.

46.

Præter hos Auctores nonnullos commemorat F. Cumel. & de quibusdam solum dicit allegari à nobis, nostram verò non docere sententiam; de aliis verò ait etiam suam tradidisse. In priori ordine ponit Sixtum Senens. lib. 6. Bibli. ann. 148. non designat autem quis ex nostris illum in hoc puncto allegauerit, neque ego noui. Item Iansenium Ecclesiasti. 15. & Ekium in Enchirid. cap. 31. Qui certè in his locis nihil dicunt, quod ad causam pertineat. In alio verò ordine præter alios, de quibus iam dixi, in primis adducit Petrum Soto in Institut. Sacerdot. lect. 9. de pœnit. quia dicit operationem Dei esse efficacem, & natura priorem in conuersione peccatoris. Sed hæc, & omnia, quæ ibi dicit, generalia sunt, possuntque optimè intelligi, vel de vocatione congrua, & efficaci, vel de operatione, qua Deus nobiscum cooperatur: aperte enim declarat esse priorem natura ratione independentiæ, quia Deus, à nulla causa pendet, sed alia ab ipso. Addit Hieronymum Perez sui ordinis virum doctissimum in Commentar. ad 1. part. D. Thomæ quæst. 19. art. 2. & quæst. 22. art. 1. 2. & 3. Sed hunc Auctorem videre non potui, neque ego scio, an scripta eius typis mandata sint. Quæ tamen ipse refert, valde generalia sunt, ut quod Deo attribuit efficaciam gratiæ, quia non solum attingit rem, sed etiam modum fiendi, & quod prædefiniat actus liberos, & similia, de quibus nunc non est controuersia, ut sæpe dixi.

47.

Medina.  
Cordub.

Textus refert Medinam Complutensem, de quo nihil aliud affert, præter id quod refert Corduba loco supra citato, de cuius sententia iam satis dictum est, nec Medina aliud refert, nisi quod Deus concurret cum causis secundis per suam voluntatem, quod nemo negat; de modo autem voluntatis, & concursus est controuersia. Allegat præterea Franciscum à Christo in 1. d. 39. & d. 40. & 41. sed in priori loco solum agit de concordia diuinæ providentiæ cum libero arbitrio, & refert varias sententias, nihilque satis definit: neutram autem ex his, de quibus nunc tractamus, in particulari attingit, sed vel in generali contentus est illa responsione communi, quod efficacia diuinæ voluntatis tanta est, ut effectus, & modos eorum provideat, vel descendendo ad modum particularem magis inclinatur in quandam Gregorij sententiam nostræ valde affinem. In posteriori autem loco tractat de causa prædeterminationis, nihil verò de nostra causa attingit. Denique allegat Cosmam Philareum in quæst. de causa prædestinat. & reprobat. ad Gregor. XIII. à cap. 11. vsque ad 15. & lib. 3. de dogmatib. fidei cap. 24. ubi docet, Deum determinare voluntatem per auxilium gratiæ, & prius natura. Ille verò auctor licet de prima conuersione id latè doceat, præsertim in cap. 11. de Prædestinat. nihilominus expressè dicit in actibus moralibus voluntatis, imò etiam in multis operibus gratiæ postquam homo est in gratia, ipsum hominem se determinare, & rationem determinationis immediatè à voluntate sumi, imò dicit in his actibus voluntatem cum se determinat esse priorem natura concursu Dei; solum ergo excipit primam gratiæ acceptionem. In quo certè non consequenter loquutus est, nec pro aliqua sententia earum, quas tractamus, allegari potest. Magistratamen fauet nostræ, quia docet prædeterminationem physicam non esse necessariam ad

A omnes actus, modum autem specialem, quo Deus determinat voluntatem ad primam gratiæ acceptionem, non declarat. Quapropter, si quis velit, quæ attulimus, attentè ponderare, vel auctores ipsos euoluere, faciliè intelliget, nostram sententiam fuisse communem Theologorum consensum, priusquam à paucis modernis in dubium vocaretur.

## CAPVT LII.

*Tractatur questio appendix, an gratia præueniens auxilium sufficiens, & efficax, possint esse equalia in duobus hominibus, quorum unus consentit vocationi, & non alter.*

PROBANDO sententiam nostram, simul fundamenta contrariæ sententiæ, tam quæ ab auctoritate, quam quæ ratione petuntur, dissoluimus; nunc verò duas, vel tres appendices quæstiones, quæ hic tractari solent, & in lib. 3. de Auxil. à nobis disputatæ sunt, hic addere oportet, tum ad materiæ complementum, tum quia aliquid in eis addendum occurreret, quod ad maiorem veritatis confirmationem, ac declarationem, & aliarum obiectionum expeditionem conferret. Solent ergo aduersarij maxime nobis obicere, quod ex nostra sententia sequatur ex duobus hominibus recipientibus equalia gratiæ auxilia, contingat vnum conuerti, & non alium, quod maximum reputant inconueniens. Sequela videtur manifesta, quia stante eodem auxilio potest homo operari, & non operari; ergo idem homo cum eodem auxilio potest vno tempore consentire, & non in alio; ergo pari, vel maiori ratione ex duobus hominibus vnus cum equali auxilio poterit consentire, licet alius dissentiat. Falsitas autem consequentis solet à dictis auctoribus præcipuè probari: quia in eo, qui consentit, Deus actu facit ipsum actum consensus, quem non facit in alio: ergo necessariò dat illi maius auxilium. Hæc verò probatio diuertit à vero sensu quæstionis, & ex æquiocatione procedit, quam ante omnia tollere necesse est.

Primum ergo omnium distinguere oportet inter auxilium præueniens, & concomitans, quod est ipsemet actualis influxus Dei in actum liberum hominis supernaturalem, qui influxus in re non distinguitur ab actione libera hominis, sed est eadem, ut manans à Deo, ut sæpe dictum est. Hic ergo influxus est in eo, qui conuertitur, & non in eo, qui resistit, unde non sunt æquales, nec esse possunt in auxilio concomitante. Nec refert, quod Deus sit paratus ad dandum simile auxilium ei, qui non conuertitur, & quod per eum stet, quo minus illud recipiat: nam hoc non obstat quo minus in alio pertineat ad maiorem Dei gratiam recipere actualiter illud auxilium, quo alius ex negligentia sua caret. Semper igitur qui conuertitur, habet ex hoc capite maius auxilium, & consequenter maiora etiam dona, vel actualia, nam ipsemet actus sunt dona Dei, vel habitualia, quæ ratione actuum infunduntur. Vnde ad tollendam hanc æquiocationem, & omittendum hoc punctum, de quo non potest esse controuersia, quæstionem posui de solo præueniente auxilio, seu de vocatione, in qua primum est difficultatis.

Secundò supponere oportet, auxilium præueniens

1.  
Argumentum  
capitis.

2.  
Distinguitur  
inter auxilia  
præuenientia,  
& concomi-  
tans.

3.

Consideretur  
auxilij prae-  
ueniens.

niens duobus modis spectari posse. Primò secundum suam entitatem, & vim quam habet ad mouendam, & trahendam voluntatem, siue illa vis physica sit, siue moralis. Secundò potest considerari in ratione doni, & beneficij gratuiti: non enim semper hæc duo æqualiter, seu cum eadem proportionem alicui rei conueniunt, sed interdum illud donum, quod in sua entitate absoluta, vel minus est, vel non maius, in ratione beneficij, & doni moraliter existimatur maius propter diuersos respectus, maxime verò, quia in ea opportunitate datur, in qua vel magis necessarium est, vel maiorem fructum homini est allaturum. Sic certè contritio data homini in medio vitæ, à qua fortasse postea recederet, vel data in extremo vitæ, & cum qua saluaretur, non reputatur æquale beneficium, sed hoc posterius multo maius, etiam si fortasse contritio ipsa nec in intentione, nec in duratione, nec in auxilijs ad eam necessarijs sit maior, imò etiam si sit minor. Ratio autem est, quia beneficium, & gratia, sicut etiam misericordia, vel eleemosyna, non attenditur solum ex quantitate doni, sicut morio, vel auxilium, sed maxime ex affectu dantis, & ex commoditate recipientis, & ex effectibus, vel fructibus, qui de facto in tali dono, tanquam in semine, & in virtute continentur, vt facile posset humanis exemplis monstrari, sed res est per se satis clara.

4.  
Assertitur  
gratiam effi-  
cace prae-  
uenientem,  
excedere  
praeuenien-  
tem gratia,  
quæ tantum  
sufficiens  
est.

1. Cor. 4.

Tertiò supponendum est vocationem, seu gratiam efficacem praeuenientem in ratione gratiæ, & beneficij semper excedere praeuenientem gratiam, quæ tantum sufficiens est. Hanc assertionem tradidi cum Bellarmino lib. 3. de Auxil. c. 20. & probabiliter satis illam suadet testimonium Pauli 1. Corinth. 4. quod in hac causa maxime obijci solet. *Quis est qui te discernit.* Nam intelligendo hæc verba de discretionem in æterna sanctitate, & iustitia, inter eum, qui conuertitur, & eum, qui resistit, illam Paulus Deo singulariter attribuit, quod, (vt supra declarauimus,) maxime intelligendum est secundum diuinam electionem, & præparationem diuini auxilij congrui & accommodati; ergo hoc est peculiare beneficium, quod recipitis, qui conuertitur, & non alius, pertinensque ad praeuenientem gratiam. Atque ita intellexit hunc locum Augustinus docens planè hanc sententiam in lib. de Prædestinatio. Sanctior. à cap. 5. vsque ad 16. vbi differentiam in hoc constituit, quòd *præparatur voluntas à Domino*, vtique per vocationem congruam, vt alijs locis suprà citatis exponit, & specialiter de dono perseueret. cap. 14. vbi docet, quòd sicut Deus vocat congruo modo eum, quem elegit, ita potuisset præparare opportunitatem similis vocationis ei, quem non elegit, & ideo merito ad gratuitam Dei voluntatem, hanc diuersitatem reuocat, & singulare Dei beneficium esse reputat. Quod etiam sentit Prosper ad 4. & 5. obiectionem Gallor. & ad excerpta Genuens. cap. 4. & lib. 2. de vocat. gent. cap. 23. aliàs 8. Remigius 1. ad Corinth. 4. Ac denique D. Thomas 1. 2. q. 112. art. 4. in hoc sensu docet inæqualitatem gratiæ habitualis provenire ex inæquali dispositione, non esse tamen ibi sistendum tanquam in prima radice, quia hæc posita est in diuersa præparatione diuinæ gratiæ. Et ideo in 2. 2. q. 24. art. 3. inæqualitatem charitatis reducit in solam voluntatem Spiritus sancti, vtique tanquam in primam radicem, nam in executione etiam est dispositio ex parte hominis, cuiusque cooperatio attendenda, vt docuit Concilium Tridentinum sess. 6. cap. 7. Vnde idem

Proffri.

Remigius.

5.

Inæqualitas  
gratiæ habi-  
tuali vnde  
proueniat, ex  
D. Thoma.

Concil. Trid.

A D. Thomas Matth. 25. circa illa verba, *Vniusque secundum propriam virtutem*, ait, *Si queris, quare unus habet magis de gratia, quam alter. Dico, quòd huius rei est causa proxima, & causa prima: proxima est maior conatus istius, quam illius; causa prima est electio diuina.* Ratio denique est, quia vocatio efficax, est magis accommodata ei, cui datur, & in virtute, & in semine continet sanctitatem, vel etiam æternam gloriam, si talis sit, vt mediante illa talem effectum consequamur. Vnde prouenit ex peculiari Dei prouidentia, & gratuita electione, ideòque in ratione gratiæ, & beneficij excedit. Quocirca cum in superioribus ostensum sit, neminem credere, aut conuertere sine auxilio efficaci praeueniente, manifestum est in eo, qui conuertitur, semper esse maiorem gratiam praeuenientem, saltem in ratione doni, & beneficij, quam in eo, qui non conuertitur.

Quartò manifestum est sæpe, & fortasse frequentius contingere, vt is, qui conuertitur, maiora auxilia praeuenientia recipiat, etiam in ratione auxilij, & motionis, quam ille, qui non conuertitur, & similiter inter duos, qui conuertuntur intensius, & remissius differentiam sapissimè prouenire ex pluribus, & maioribus inspirationibus diuinis. Vnde etiam fit, vt auxilium efficax sæpe differat à sufficienti, non solum in ratione beneficij, sed etiam in quantitate absolutæ motionis, & auxilij, vel saltem in maiori, & specialiori protectione Dei auferentis impedimenta, & offerentis occasiones, & opportunitates, quæ conuersionem, vel operationem faciliorem reddant. Hæc omnia adeo sunt certa, & clara, vt non indignant probatione, nam constat ferè experimento. Item in auxilijs externis videmus hanc diuersitatem: nam quibusdam prædicatur Euangelium, & non alijs, & in Corozaim, & Bethsaida factæ sunt virtutes, & non in Tyro, & Sidone; ergo eadem differentia, & distributio intelligenda est in internis auxilijs: nam ordinariè Deus excitat interius, mediante exteriori verbo, signo, vel obiecto. Præterea sæpe contingit, vt multis æqualiter exterius audientibus idem verbum Dei, non detur interius æquale lumen, sed diuersimode ab Spiritu sancto doceantur, vt tradit Gregor. Homil. 30. in Euangel. Ratio verò est, quia Spiritus sanctus est Dominus donorum suorum, & singulis diuidit prout vult, & quibus maiorem gratiam, & maiora auxilia confert, maiorem facit misericordiam, ceteris verò, quibus dat maiora, non facit iniustitiam, quia maiora non debet, & sufficientia non negat, ad quòd accommodari potest parabola Matth. 10.

His ergo existentibus certis, difficultas superest, an semper necessarium sit maius praeuenientis gratiæ auxilium dari illi, qui consentit, quam ei, qui non consentit, non solum in ratione beneficij, sed in ratione motionis physice, vel saltem moralis auxilij, vel possit esse vniformitas in toto actu primo, & nihilominus esse diuersitas in actu secundo, seu in æqualitate in toto praeuenienti auxilio, inæqualitas in solo concomitante auxilio ex parte Dei, & conatu liberi arbitrij ex parte hominis. In quo puncto est multorum Theologorum sententia, necessariam semper esse inæqualitatem in aliquo praeuenienti auxilio. Hanc opinionem sequuntur non solum omnes defensores physice prædeterminationis, sed etiam aliqui ex nostris auctoribus. Vnde sententia hæc in duas subdiuidi potest. Prior affirmat eum, qui conuertitur, semper habere præuium auxilium maius consistentem

Matth. 25.

6.

Auxiliū effi-  
cax in quo  
differat à  
sufficienti.

Gregor.

7.

Difficultas.

Discutitur.

in aliqua physica motione per se influente in actum liberum, & necessaria, ut eliciatur. Hæc sententia sequitur apertè ex necessitate præmotionis physicæ, & ideo non oportet in particulari referre auctores, quia iidem sunt, quos suprà pro physica prædeterminatione retuli. Solùm aduerto, solos illos, qui prædeterminationem physicam necessariam esse putant, cogi consequenter ad hoc asserendum: nam qui dicunt esse possibilem, non tamen necessariam, facile possunt, imò & debent admittere non esse necessariam, hanc inæqualitatem, quia sine illa motione præuia postest quis consentire, & consequenter, licet de facto consentiat, necessarium non est, ut in illa motione superet alterum, qui non consentit, nec etiam in alia, quia nulla alia præuia motio cogitari potest, quæ ad consentiendum sit physicè necessaria, cum post sufficientem vocationem auxilium concomitans physicè sufficiat.

9.  
Sententia  
prima.

Fundamenta huius opinionis non sunt alia præter ea, quæ pro physica prædeterminatione asseruntur. Maxime verò videtur illud, *Quis enim te discernit?* Quia hæc verba in omnibus, & respectu omnium aliorum, qui minora iustitiæ dona recipiunt, vera sunt; ergo semper Deus est, qui discernit, non solum metaphoricè, aut moraliter, sed propriissimè, & physicè, quod non potest esse verum, nisi ratione maioris præmotionis physicæ, imò ratione talis motionis, quæ ineffabiliter inæqualitatem, & discrimen inter vocatos efficiat. Urgent præterea verba sequentia, usque ad illa, *Quid gloriaris, quasi non acceperis.* Nam si absque maiori physica motione posset homo in sua fide, v. g. à non credente discerni, multum haberet de suo vnde posset gloriari, nimirum, quod melius fuerit usus gratia, quam alius, hoc enim ex sua innata libertate haberet, si maior motio Dei in eo non procedit. Vnde ulterius fit, ut talis homo non teneatur maiores gratias Deo agere, quam alter, qui non convertitur, quia non maiorem præmotionem accipit, & quamvis simultaneum auxilium receperit, quod alter non accepit, nihilominus non minores gratias debet Deo, quia ex se paratus fuit ad dandum, & ipse homo culpa sua non accepit.

9.  
Sententia 1.

Secunda sententia est aliquorum, qui cum non admittant physicam prædeterminationem, vel ut necessariam, vel etiam ut possibilem, nihilominus putant, semper esse necessarium in eo, qui convertitur, aliquod maius auxilium morale, aut positivum, ac per se moraliter concurrere, ut est maior mentis illustratio, vel explicatio ad magis attendendum, vel maior voluptas, & suavitatis affectus, aut saltem priuativum, nimirum, maior impedimentorum, aut tentationum remotio. Vnde qui sic opinantur, non semper requirunt maius auxilium internum etiam morale, sed vel internum, vel etiam externum, quale esse potest in prædicta remotione impedimentorum, vel in meliori corporis dispositione, magisque apta ad internam attractionem, vel certe in meliori Doctore, & melius suadente, aut aliis similibus auxiliis. Hanc partem ex nostris tenuit Gabriel Vasquez 1. p. disp. 98. & 1. 2. disp. 189. cap. 14. & fortasse aliquos habuit sectatores, ex his, qui postea docuerunt, ex illis verò, qui scripta sua typis mandarunt, & physicam prædeterminationem non admittunt, nullum alium scio, qui hunc dicendi modum fuerit sequutus. Fundamentum autem eius in primis consistit in quibusdam testimoniis Augustini, quæ

Vasquez.

generalia sunt in omni sententia, & iuxta tertiam suppositionem à nobis positam facile exponuntur, & ex discursu constabit.

Præter hæc autem testimonia magis fundatur in principiis philosophicis, quam Theologicis. Nimirum, quia fieri non potest, ut stante eadem representatione obiecti sub eadem ratione convenientis, vel disconvenientis, & eadem mentis attentione, & ex parte voluntatis eadem præuia dispositione, vel habituali, vel actuali, per aliquam imperfectam motionem, affectionem, vel delectationem, & ex parte corporis eadem, vel æquali complexione, & pensatis omnibus eadem promptitudine, vel difficultate, ac denique, ex parte rerum externarum, seu adiacentium eadem impedimentorum remotione. His, inquam omnibus æquè constitutis fieri non potest, ut unus consentiat, & alius dissentiat, vel quoddam idem homo nunc resistat, postea velit, non solum in supernaturalibus, sed etiam in moralibus, vel politicis, vel cuiusvis ordinis naturalis. Hoc autem principium videtur posse probari à priori, quia voluntas non potest moveri ad volendum, vel nolendum, nisi per rationem; ergo stantibus omnibus paribus ex parte rationis non potest voluntas aliter, & aliter velle pro suo solo arbitratu. Quod à posteriori confirmatur primò, quia aliàs etiam posset voluntas pro suo arbitrio in malum, ut malum ferri. Confirmatur secundò, quia aliàs posset sequi id, quod malum est, & peccatum nullo existente defectu in ratione, quod videtur esse contra Aristotelem 3. Ethic. cap. 1. dicentem, *Omnis peccans est ignorans*; imò, & contra Sapientem dicentem, *Errant, qui operantur malum*, & contra D. Thomam, ac ferè omnes Theologos dicentes, non posse esse defectum in voluntate, quin præcedat error, vel inconsideratio in intellectu. Confirmatur tertio, quia si duo obiecta, vel media proponantur voluntati, & ut æqualia inter se, & ut æqualiter considerata, fieri non potest, ut voluntas alterum eligat, nisi prius vel intellectus in vnum magis intendat, vel aliquam rationem illud præferendi inueniat, quia ad illam electionem, necessarium est aliquod motivum, quia non potest voluntas moveri sine motivo ex parte obiecti.

10.

Confirmatur  
primò.

Confirmatur  
secundò.

Proverb. 14.

Confirmatur  
tertio.

Hinc ergo concludit hic auctor, idem necessariò dicendum esse in operibus gratiæ, quando unus vocationi consentit, & alius dissentit, nimirum aliquam inæqualitatem præcedere in eis, quæ ad gratiam præuenientem necessariò debet pertinere; quia cum præcedat consensus, non potest tribui homini; ergo soli Deo eiusque peculiari providentiæ, cumque illud, quidquid est, quod ei qui convertitur, antecederet datur, ad supernaturalem consensum præstandum, ordinetur, & iunet, sine dubio ad auxilia gratiæ præuenientis pertinet; ergo ex aliquo capite semper auxilium præueniens maius est in eo, qui consentit, quam in eos qui resistit. Et ad hoc confirmandum induci possunt testimonia, quæ in dicta disputatione 98. cap. 3. Vasquez allegat, in quibus Deus dicitur aliquorum misereri, & alios indurare, & non esse volentis, neque currentis, sed Dei miserentis ad Rom. 9. quod ratione specialioris vocationis gratiæ dictum esse suprà diximus, & testatur Augustinus q. 2. ad Simplician. Itè propter eandem rationem dicitur Deus specialiter trahere eum, qui venit, id est, qui consentit, & similia, quæ habentur Io. 6. & aliis locis, quæ tractantur ab August. lib. 2. contra duas epistolas Pelagianorum, cap. 3. & 19. de prædestinat. Sanctor. cap. 8.

11.  
Concluditur  
à Vasquez.

Rom. 9.

August.

Ioan. 6.  
August.

82



& alibi saepe. Denique ad idem induci possunt testimonia Augustini, & aliorum Patrum ab eodem citata cap. 4. praesertim videtur vrgere illud Augustini lib. 2. de peccator. merit. cap. 17. vbi causam inquirens, cur homines nolunt facere, quod iustum est, respondet, *quia vel latet, quod iustum est, vel non delectat. Tanto enim, ait, quodque vehementius volumus, quanto certius, quod bonum sit, nonimus, eoque delectamur ardentius.* Iuxta quam regulam Augustini semper in eo, qui consentit bene volendo, est maior aliqua cognitio, vel delectatio, quae illum impellit, & in eo, qui non similiter vult, est minor. Vnde cum in capite 19. subinfert, Deum aliquando non dare hominibus *certam scientiam, vel victricem delectationem* ad operandum iustitiam, *ut cognoscant non a seipsis, sed ab illo sibi esse lucem, qua illuminantur tenebra eorum, & suauitatem, qua dat fructum terra eorum.* In quibus verbis supponit clarè, quoties homo bene operatur, aliquid speciale in hoc recipere, sine quo non ita operaretur, vel quod non datur alteri, qui non ita operatur. Et ad hunc modum alia eiusdem Sancti, & aliorum testimonia in huius sententiae fauorem inducuntur.

12. Nihilominus contrariam sententiam veram posse credimus, & necessariò consequentem ad eam, quae hactenus docuimus de gratia efficaci, quod ex se non sit ita efficax, ut sua vi siue physica, siue moraliter determinet voluntatem omnino, id est, ita ut non possit voluntas ei resistere. Dicimus ergo, vocationem efficacem, seu congruam non semper excedere vocationem sufficientem, in aliquo dono praeuenientis auxilij, siue physice praeuouente, siue moraliter, siue interiori, siue exteriori, siue positiue inclinante, siue remouente prohibens. Hanc assertionem docuerunt multi Theologi. Et ex antiquis possumus in primis referre D. Thomam 3. part. q. 69. art. 8. ad 2. dicentem de aliquibus baptizatis, *quod licet interdum aequalem gratiam percipiant, non aequaliter illa vtuntur, sed unus studiosius in ea proficit, alius per negligentiam gratia Dei deest.* Et quamuis verum sit praecipue loqui de gratia habituali, & sacramentali Baptismi, tamen quatenus inaequalitatem postea tribuit libero arbitrio, necesse est, ut in omni gratia praeuia necessaria ad operandum aequalitatem supponat. Vnde idem D. Thomas Matth. 25. in illa verba, *Vnicuique secundum propriam virtutem*, dicit proximam rationem inaequalitatis gratiae esse diuersum conatum liberi arbitrij, licet prima causa sit diuina electio. In quo etiam sentit non esse necessarium, ut secundum ordinem excitationis illa inaequalitas ex inaequali auxilio praeueniente proueniat. Pro eadem sententia citauimus in lib. de Auxiliis Bonauentur. in 4. d. 16. part. 2. art. 4. quæst. 1. vbi aperte de charitate dicit, *intendi quantum ad feruorem, & augeri quantum ad essentialem virtutem*, id est, *quantum ad actum, vel quantum ad habitum*, & primum, ait, à cooperatione liberi arbitrij, secundum verò est à dono cœlesti, nimirum, quia habitus à solo Deo intenditur, ex quo elicit, etiam motum contritionis feruentiorem esse posse ex cooperatione liberi arbitrij, & addit, *Vnde ex aequali gratia aliquando magis feruens elicitur motus, aliquando minus, secundum cooperationem liberi arbitrij*; addit verò, proprium augmentum fieri in ipsa virtute poenitentiae, & illud fieri per gratiam, sicut de charitate dixerat. Expressius, & latius punctum attigit Altisiodoren. lib. 1. Sum. tract. 2. cap. 3. & aperte docet, inter duos æquè tentatos, quorum vnus resistit, & non alius, non esse necessariam aliquam antecedentem inaequalitatem interuenire, sed libertatis dominium sufficere. Idem ex professio

A docet Dionys. Cisterciens. 2. dist. 27. art. 3. vbi eandem doctrinam tradit de agente libero, & putat se qui necessariò ex definitione potentiae liberæ, & in conclus. 3. id explicat etiam in actibus supernaturalibus, qui procedunt à duobus voluntatibus habentibus æquales habitus charitatis cum omnibus aliis praequisitis æqualibus. Nam ex sola libertate, ut ait, potest vnus actus esse intensior, & alius remissior, & eadem ratione potest ab vna esse aliquis actus, & ab altera nullus, quia libertas vtrumque æquè complectitur.

B Præterea ex modernis Theologis allegaui in lib. de Auxiliis Sorum lib. 1. de Natur. & grat. cap. 16. & Vegam lib. 6. in Trident. cap. 9. quos etiam Vasquez citat, & addit Ioan. à Bonon. opusc. de liber. arbitr. §. *Ex suis autem*. dicentem in hac quaestione de duobus, quorum vnus convertitur, & non alius, sufficientem rationem esse, *quia sic vni visum est, & non alteri.* Allegaui præterea Ruardum, quem Vasquez supra num. 35. pro sua sententia ellegat, nec sine aliquo fundamento, nam variè loquitur, & in vtramque partem trahi potest, existimo tamen nostræ fauere sententiae. Nam art. 7. decimam assertionem ponit huiusmodi, *quod ex similiter tractis, & interiori in corde vocatis, vnus credit, & convertitur, & alius manet incredulus, nec convertitur, contingere potest ex sola arbitrij diminutione preparati libertate.* Et rationem addit, *quia possit omnibus, quæ procedunt, & requiruntur ad fidem, & conversionem, libera manet voluntas, nec inducitur necessitas, se determinandi ad sequendam vocationem.* Postea verò in discursu assertionis ad illam explicandam quaerit, quid addat vocatio à proposito, quæ effectum habet à vocatione communi, quæ consensum non persuadet, & responder. *Videtur quod sit aliquis modus, vel oblatio impedimenti, vel simile aliquid, quod non est in alio, & plerumque ob eius culpam, & negligentiam, & quod obscurius est, addit, Ex sola enim Dei ordinatione inspirationes vim quandam intentionalem accipere possunt.* Vnde videtur tacite limitare assertionem, nimirum, quod in internis inspirationibus potest esse æqualitas, semper tamen aliquid amplius sit in vocatione congrua ex ablatione impedimentorum. Sed hæc expositio destruit assertionem, sic enim non similiter trahuntur illi homines, quia magna pars tractionis est ablatio impedimentorum. Et similiter repugnat his, quæ in septima, & octaua assertionem docuerat. Et ideo existimo in assertionem explicasse Ruardum id, quod per se, ac simpliciter necessarium est, postea verò declarasse modum, qui frequentius seruetur, & qui fortasse non pertinet ad solam gratiam praeuenientem, sed aliquam concomitantem includit, ut paulo post explicabo posterioris sententiae fundamenta soluendo.

E Allegaui præterea Driedonem in lib. de captiuit. & redempt. gener. human. tract. 4. cap. 2. part. 5. conclus. 5. quæ talis est. *Quoniam modum ex duobus aequaliter iustis, contingit alterum libero arbitrio à gratia deficere, consentiendo desiderijs, alterum eodem arbitrio innixto Dei auxilio perseuerare, sic ex duobus adhuc impijs, equaliter indignis, equaliter diuinis instantibus pulsatis, aut admonitis ad fidem, vel poenitentiam contingit alterum non reluctare, sed locum dare pulsanti Deo, alterum verò resistere.* Quam assertionem postea declarat, nihil omnino limitando, vel addendo. Nihilominus tamen P. Vasquez eundem Driedonem pro sua sententia allegat in eodem opere, & tractatu, in capite (inquit) quinto ad ultimam confirmationem secundi argumenti. Sed tractatus ille non habet caput 5. & licet locum diligen-

Affertio, vocationem efficacem, seu congruam non semper excedere vocationem sufficientem.  
D. Thom.

Idem 3. Tho.

Bonauent.

Altisiodor.

Cisterciens.

13.  
Sorum.  
Vegam.  
Vasquez.  
Io. à Bonon.

Ruard.

14.  
Driedon.  
Affertio:

Vasquez.

Stapler.

Cuner.

Horantini.

14.  
Probat  
Sententia.

Nissen.

15.  
Expediunt  
eandē quæst.  
Chrysostom.  
Hieronym.  
Cyrillus.

Origen.

ter præstet non inueni, & ideo iudicium de illo proferre non possum. His addemus Stapletonium lib. de Grat. & liber. arbit. cap. 8. vbi etiam ex Augustino eandem sententiam refert. Latius, & optimè docet eandem sententiam Cunerus lib. de liber. arbit. cap. 9. & 10. vbi Driedonem, & Ruardum allegat, atque approbat. Quia verò Ruardus dicit, *ex sola libertate voluntatis à Deo præparata posse hoc discrimen inter æqualiter vocatos euenire. ipse temperat particula sola*, seu explicat positam esse ad excludendam specialem, ad nouam motionem præuiam, quæ detur illi, qui consensit, non tamen ad excludendam diuinam cooperationem gratuitā, *qua simul*, (inquit,) *cum ipso voluntatis opere incipit, & desinit*. Eandem sententiam tradit Orantius in locis Cathol. lib. 1. cap. 37. vbi inquit, *Si interroges cur ex duobus vocatis unus conuertatur, & non alius? liberum arbitrium in causa fuisse, cum Augustino, Hieronymo, Chrysostomo, & vniuersa Ecclesiam dicam*.

Secundò principaliter probatur hæc sententia auctoritate Patrum, nam frequenter dum tractant quæstionem, cur Dei gratia in quibusdam effectum consequatur, in aliis verò minimè, rationem ex parte liberi arbitrii reddunt, asserentes, in vtrisque nihil ex parte Dei deesse, & plerumque illis gratiæ auxilium æqualiter offerri. Ita Gregorius Nicenus in Orat. Magn. catechum. cap. 30. & inter alia dicit potuisse homines conqueri, si alij vocarentur, alij expertes essent vocationis. *Si autem*, (ait,) *pariter ad omnes procedit vocatio, non est quod Deum accusent, &c.* Et intra diuersitatem inde oriri dicit, quòd Deus aliquid in hominis potestate dimisit. *Hoc autem est*, (inquit,) *liberi arbitrii libera electio, &c.* Vt autem ratio alicuius sit momenti, necesse est, vt de æquali vocatione loquatur, quam æqualitatem per particulam *pariter* indicauit, non quia oporteat æqualem esse in omnibus: nam hoc necessarium non est ad iustitiam Dei defendendam, quod Nicenus intendit, sed quod esse possit, & forte non raro ita sit in communi vocatione, quæ in quibusdam habet effectum, & in aliis non habet. Nam si oporteret, semper vocationes esse inæquales, inde potius sumenda esset ratio, nam ex parte liberi arbitrii non posset satisfacere, quandoquidem ad consentiendum maiori semper indiget gratia, quàm ei, qui non conuertitur, detur, vel ex parte Dei offeratur.

Atque eodem modo tractant, & expediunt eandem quæstionem Chrysostomus Homil. 16. in ad Roman. ferè per totam, & Hieronymus epist. 150. ad Hedibiam quæst. 10. & optimè Cyrillus lib. 11. in Ioan. cap. 21. vbi de Iudæ dicit. *Quod si proditor æqualiter alijs Saluatoris auxilium non habuisset, frustra hæc à nobis diceretur*, (scilicet, ipsi Iudæ lapsum esse tribuendum,) *sin autem non minus quàm ceteri diuina gratia regobatur, sed suo ipsius iudicio in profundam perditionis delapsus est, quomodo etiam non seruauit eum Christus?* vti que quantum in ipso erat, & quantum satis erat, vt cum aliis innocens permaneret, vnde concludit. *Gratia igitur in alijs effulsit, seruauitque omnes, qui cooperantes ei voluntatem tradiderunt, sic enim salutis nostræ modus dispositus est*. Nihil, certè illustrius, vel manifestius dici poterat. Subscribit item Origen. lib. 3. Periarth. cap. 1. vbi defendendo, tam in bonis, quàm in malis, arbitrii libertatem, sumit exemplum ex Paulo ad Hebr. 6. de terra, *quæ sæpe venientem super bibens imbrem, germinat vel herbam opportunam, vel spinas, aut tribulos*. Et addit. *Ex his quos assumpsimus Pauli sermonibus euidenter ostenditur, quod vno eodemque opere Dei, quo imbram terra largitur, alia*

*A* quidem terra diligenter exculta fructus ferat bonos, alia verò, quæ negligenter exculta est, spinas, & tribulus proferat. Quod latè prosequitur, & per terram intelligit liberum arbitrium, quod in hoc à terra materiali differt, quòd terra ab aliis coli debet, vt fructificet, liberum autem arbitrium ipsum est, à quo oculum speratur, non sine ope, & auxilio cœlestis pluiæ, & auxiliij.

*B* Neque isti soli Patres, qui vel ante Augustinum scripserunt, vel ipsum non legerunt, sed etiam Augustinus ipse sæpe docet eandem vocationem in vno habere effectum, & non in alio, quia vnus accommodat voluntatem suam vocationi, & nō alius, sic ait q. 2. ad Simplician. *Quamuis multi vno modo vocati sint, quia tamen nō omnes vno modo affecti sunt, illi soli sequuntur vocationem, qui ei capienda reperiuntur idonei*. Et infra, *Cum ergo vnus sic, alius autem sic moueatur ad fidem, eademque res vno modo dicta moueat, alio modo non moueat, vnum moueat, alium non moueat*. Per quæ verba, & alia multa, quæ ibi habet similia, apertè sentit, cum eadem vocatione vnum consentire, alterum repugnare. Dices saltem postulare Augustinum in ipsis vocationibus diuersum modum, vel diuersam affectionem, vel dispositionem ex parte vocatorum. Respondeo in primis, etiam si contingat, vocatos esse diuersimodè affectos, vel ex complexione naturali, vel ex consuetudine, hoc nihil obstat, quo minus auxilium gratiæ præueniens vti que datum æquale sit secundum se, & secundum vim excitandi, & mouendi, quam habet, & hoc nobis satis esset; nam illa maior proportio ad conditionem suscipientis non pertinet ad maius auxilium, licet pertineat ad maius beneficium ex peculiari Dei electione proueniens, iuxta doctrinam eiusdem Augustini de dono persever. cap. 14. Deinde illa diuersitas antecedens in affectionibus suscipientium vocationem, licet sæpe consideretur, non est tamen simpliciter necessaria, quia stante tali dispositione voluntas vocata liberè determinatur, quia ratione talis dispositionis, per vocationem non determinatur, potest & cum illa, & sine illa vel consentire, vel repugnare vocationi. Et præterea licet Augustinus varios modos illius diuersitatis attingat, etiam concludit, *eandem rem vno modo dictam vnum mouere, & alium non mouere*, vti que pro suo arbitrio, etiam si alia diuersitas vel in personis, vel in vocationibus non præcedat. Et similiter in expositione Psalmi 142. circa illa verba, *velociter exaudi me Domine*, significat eandem vocationem vno tempore esse profuturam, & non alio, esseque speciale beneficium Dei dare illam tempore opportuno, etiam si in se eadem sit. Vnde sic inquit. *Cito audi me Domine, quæ enim mora quando sic sitis, ad inflammandam sitim meam? Pluiam differbas, vt hauriens imbiberem, non respuerem, quod infueres. Si ergo differbas, iam da, quia anima mea sicut terra sine aqua tibi*.

*C* Declarant præterea Augustini mentem alia eiusdem testimonia, in quibus testatur, licet non possit homini tribui, quòd fuerit vocatus, posse illi tribui, quòd vocatus venerit, & affirmat lib. 83. Quæstion. q. 68. & tract. 4. in 1. epist. Ioan. vbi sic ait, *Quia apud ibi aliquid voluntate, ideo aliquid tibi tributum est*. Nam si homini consentienti vocationi rectè tribuitur, quod veniat, cum multo magis repugnanti tribuatur, quòd nō veniat, rectè consequitur, sufficientem rationem diuersitatis reddi ex vtriusque libero vsu, etiam si in omnibus antecedentibus sit æqualitas. Idemque confirmant alia loca in quibus ait, post vocationem homini relinqui liberam electionem, & qui vocatus non venit, potuisse venire,

161

Eandem vocationem in vno effectum habere, & non in alio, doctrina Augustini.

Obiectio.

Solutur.

Augustin.

Psalm. 142. Eandemmet vocationem vno tempore esse profuturam, & ad alio, idè Augustinus inquit.

17.

Alia Augustini testimonia.

venire, & venturum fuisse, si voluisset, & consentire, vel dissentire vocationi, propriae voluntatis esse, quae loca in superioribus satis allegata sunt: ex illis autem principiis aperte sequitur assertio, quam nunc confirmamus, & inferius rationabimur. Ponderanda sunt tamen specialiter verba Augustini in Enchirid. cap. 64. *Quamuis veraciter dictum sit, Quotquot spiritu Dei aguntur, hi filij sunt Dei: sic tamen ut filij Dei excitantur, & tanquam filij Dei proficiunt ad Deum, ut etiam spiritum suo maxime aggrauante corruptibili corpore, tanquam filij hominum quibusdam moribus humanis deficient ad seipsos.* Ex his enim verbis recte perpenſis, non obscure colligitur eandem excitationem, qua interdum spiritu Dei ita agimur, ut proficiamus, aliquando ab homine refutari, & ideo deficere: hoc ergo, & in vno eodem homine, & in diuersis suo arbitrio operantibus potest contingere.

August.

18. Aliud eiusdem.

August.

Eff. gium P. Vasquez.

Est denique testimonium satis expressum eiusdem Augustini lib. 12. de Ciuitate cap. 6. vbi ut explicet ad illam diuersitatem constituendam vim libertatis sufficere, dummodo habeat auxiliū ad vtrūque sufficiens, inquit. *Si cum aliqui duo aequaliter affecti animo, & corpore, videant vnius corporis pulchritudinem, quae visa vnus eorū ad illicitē perficiendū moueatur, alius in voluntate pudica stabilis perseveret, quid putamus esse causa, utique nisi vsum libertatis.* Discutrens enim deinde alias causas excludendo, addit, *Si eadem tentatione ambo tementur, & vnus ei credat, aliter perseveret; quid aliud apparet nisi vnum voluisse, & alterum noluisse à castitate deficere.* Quem locum multis quidem verbis conatur effugere P. Vasquez, non possunt autem satis colligere, quid tandem respondeat, interdum enim contemnere locum videtur, & dicere, alios libros, in quibus Augustinus de gratia ex professo scripsit, esse praefrendos. Quali verò Augustinus vel in illo opere de Ciuitate aliquid contra Dei gratiam, vel contra aliorum librorum doctrinam scripserit, vel in aliis libris de Gratia non eodem modo de libertatis virtute senserit; in nullo enim loco eam separat à gratia in operatione boni, vel perseverantia in illo; in omnibus verò soli libertati defectum tribuit. Vnde aliter respondet, quamuis Augustinus constituat in eo casu aequalitatem in rebus aliis, non negasse beneficium vocationis congruae, quae illi datur, qui bene operatur. Sed licet verum sit Augustinum non excludere hoc beneficium, nihilominus aequalitatem constituit in omni motiuo, & excitatione, atque adeo in omni auxilio, haec enim duo non repugnant, ut iam explicauimus. Cetera verò, quae circa illud testimonium Vasquez adiungit, magis ad suam sententiam adstruendam, quam ad testimonium explicandum pertinent: quantum autem ad id valeant, postea videbimus.

19. Augetur vis testimonij exemplo Angelorum.

Augetur vis huius testimonij exemplo bonorum, & malorum Angelorum, quod in eodem capite 6. Augustinus tractat, & proprius in lib. de Corrept. & grat. cap. 11. & 12. Nam in Angelis certum est, eos, qui ceciderunt, habuisse, vel aequalia, vel maiora auxilia gratiae praueniētis, quam illi, qui steterunt, nam fuerunt perfectioris naturae, & gratia est illis data iuxta proportionem naturalium, ut communiter docent Theologi. Neque potest cum fundamento dici, plura impedimenta in vno Angelo, quam in alio fuisse, & ab vno fuisse ablata speciali gratia, & non ab alio. Quin potius Augustinus dicto cap. 11. & 12.

*Fr. Suarez de Gratia Pars I.*

Apetere sentit, omnes relictos esse cum eisdem auxiliis gratiae praueniētis propositione seruata, ut libertate sua vterentur. Solūm cogitari potest Luciferum, v. g. maiorem quandam occasionem superbiae habuisse propter maiorem naturae excellentiam. Sed hoc nihil obstat, tum quia etiam habuit excellentiorem gratiam cum proportionem, tum etiam, quia multi inferiores in natura peccarunt, & alij eis superiores perseuerarunt.

Deinde ex casu Adami, & ex eodem Augustino in eodem loco de Corrept. & grat. potest sumi efficax argumentum, nam sine dubio habuit sufficientem gratiam ad vincendam tentationem, & cum illa sola ex parte praueniētis auxilij stante eadem dispositione voluntatis eius, & cum eisdem antecedentibus impedimentis potuit moraliter magna facilitate tentationi resistere, quod si faceret, gratia illius fuisset efficax; ergo cum illa eadem gratia praueniēte potuisset vel ipse Adam, vel alius homo illi similis tentationem illam vincere, & ita illud idem auxilium, quod nunc fuit tantū sufficiens, sine alio praueniēte esse efficax, seu effectum habere; non est ergo necessaria inaequalitas illa ex parte praueniētis auxilij, aut circumstantiarum antecedentium inter auxilium efficax, & sufficiens.

Aliud item exemplum habetur nomine Augustini in lib. de Praedestinat. & grat. cap. 15. de Pharaone, & Nabuchodonosor, quia eisdem, seu aequalibus gratiis prauenti sunt, ut ibi late declaratur, & tamen Pharaon suo arbitrio fuit induratus, Nabuchodonosor autem gratiae cooperando fuit conuersus. Quod verò dicunt aliqui illos considerari ab Augustino aequales, in externis auxiliis, non internis, erit quidem verum quoad concomitans, seu adiuuans auxilium, non autem quoad sola praueniētia, alioqui parui momenti, & efficaciae fuisset comparatio, ut paulo post in simili dicam. Vnde Augustinus ibidem cum rationem diuersitatis ex libertate arbitrij reddidisset, ex parte Dei ait, *illa omnia vel adiuuante Deo perfici, vel deferente permitti.* Est ergo diuersitas in auxilio adiuuante, & in beneficio congruae opportunitatis, non in maiori praueniēti auxilio.

Generalius exemplum sumitur ex Prospero lib. 2. de vocat. gent. cap. 15. aliàs 5. vbi vniuersaliter de gentibus ante Euangelij praedicationem ait. *Adhibita semper est vniuersis hominibus quadam superna mensura doctrinae, quae etsi paucioris, occultiorisque gratiae fuit, sufficit tamen, sicut Dominus indignant, quibusdam ad remedium, omnibus ad testimonium: ut non dubie, sed euidenter appareat, quod nisi ubi abundauit peccatum, superabundaret gratia, nunc quoque vniuersum genus humanum obsecaret impietas.* In quibus verbis solum expendo iuxta sententiam Prosperi eandem gratiae mensuram in quibusdam fuisse efficacem, quandoquidem illis profuit ad remedium, licet in ceteris frequentius solum fuerit sufficiens.

E Et quamuis nunc specialior, maiorque gratiae vocatio vniuersis gentibus tribuatur, ut idem Prosper cap. 23. prosequitur, nihilominus proportionem seruata etiam in illa generaliter spectata, & respectu communitatis plurium hominum, vel etiam populorum inuenitur quadam aequalitas, nam multi eisdem auxiliis praueniuntur, quorum aliqui conuertuntur non resistentes gratiae Dei, sed illi cooperantes, alij verò pro sua libertate gratiae resistendo deficiunt.

20.

Casus Adami in argumentum ponitur.

21.

Adiucitur exemplum Pharaon, & Nabuchodonosor.

August.

22.

Generalius exemplum sumitur ex Prospero.



23.  
Prosper.

Et hoc significauit idem Prosper cap. 16. dicens, *hanc abundantiorē gratiam ita credimus, ut experimur potentem, ut nullo modo arbitremur esse violentum, quo quidquid in hominibus agitur, sola Dei voluntate peragitur.* Deinde verò explicatis huius gratiæ præuenientibus auxiliis, addit, *Quæ opitulatio per innumeros modos suis occultis, sine manifestis omnibus adhibetur, & quod à multis respuitur, ipsorum est nequitia: quod autem à multis suscipitur, & gratia est diuina, & voluntatis humana.* Vbi semper loquitur de eadem præuenienti gratia, ac proinde etiam æquali; ideo enim non ex sola illa, sed adiuncta etiam hominis libertate rationem diuersitatis in hominum conuersione, vel auersione desumit. Hoc etiam confirmat quædam pia, & vera Sanctorum cogitatio, quæ se ad humilitatem prouocant, quia si Deus aliis eadem contulisset auxilia, quæ ipsis contulit, meliores fuissent. At hæc consideratio supponit cum eisdem auxiliis posse vnum hominem melius proficere, quàm alium, magis cooperando, quæ consideratio præcipuè solet ex D. Francisco ferri. Illam verò inter sua exercitia ponit Bonauentura, & est 8. Quod opusculum habet tom. opusculor. in ult. in antiquis. in nonis autem in tom. 6. in 3. par. opusculor. Et eandem tradit S. Vincentius in tract. de vita spirituali. cap. 3.

Confirmat  
Sanctorum  
cogitatio.

De mandatura.

Vincentius.

24.  
Habetur singulare exemplum in Evangelio.

Vltimò habemus singulare exemplum in Evangelio Matth. 11. *Si in Tyro & Sidone facta essent virtutes, quæ Corozain, & Bethsaida facta sunt, in cilicio, & cinere poenitentiam egissent.* Affirmat ergo Christus eisdem auxiliis, quibus Iudæi non sunt conuersi, fuisse Tyrios, & Sidonios conuertendos, si eis data fuissent. quam fuisse prophetiam, & certissimam Christi assertionem, & reuelationem in secundo Prolegomeno probauimus. Et ex eodem loco supra cap. ostendimus ad actualem conuersionem, & bonum vsum præuenientium auxiliorum, non esse necessarium auxilium de se efficax, & physicè prædeterminans, & ibi dicta probant, nullum aliud auxilium præueniens esse necessarium, quandoquidem cum eisdem fuissent conuersi Tyrii, & Sidonij. Neque verisimilis est quorundam responsio dicentium, Christum loquutum esse de solis externis auxiliis, nam, (ut in eodem capite argumentati sumus,) tunc vana, & captiosa fuisset exprobratio, nam si hoc Iudæi intelligerēt, merito, ac iustissimè etiam ipsos fuisse conuertendos si cum illis externis auxiliis, eadem interna sibi data fuissent. Certum præterea est, etiam Iudæis non defuisse interna auxilia sufficientia, quibus conuerti possent, si vellent, aliàs iniuste reprehenderentur; ergo Christus non tantum de signis externis est loquutus, sed sub illis comprehendit interna subsidia, quæ per illa externa opera tanquam per instrumenta Dei ordinariè conferuntur, ut in superioribus sepe dictum est cum Augustino de spirit. & liter. cap. 33. & 34. & sæpe aliàs. Quod autem de eisdem, & non maioribus, vel ex se efficacioribus fuerit loquutus, vis exprobrationis postulat, ut dixi, & in dicto capite latius prosequutus sum.

Et ita hoc Christi testimonio tanquam efficaci, vtuntur Soto, Vega, & alij ex citatis auctoribus, ut Vasquez, etiam refert. Qui agnoscit quidem certitudinem reuelationis Christi, ait tamen, quod si eadem signa facta Bethsaidæ fierent in Tyro, & Sidone, essent maiora dona, & beneficia gratiæ respectu Tyriorum, & Sidoniorum, quia

ipfis fierent magis congrua, quàm Iudæis, quibus non congruebant. Et videtur loqui de signis non tantum externis, sed ut per illa dabantur interna, sic enim cap. 7. concludit. *Itaque si interius eadem esset omnino vocatio in duobus, posset esse uni maior gratia propter congruentiam quàm alteri, cui congrua non esset.* Ac certè per hanc responsionem sic declaratam, vel à propria sententia recedit, vel nobiscum de nomine disputat. Omnes enim fatemur vocationem congruam semper esse maius gratiæ beneficium; dicimus tamen in se, & absolute spectatam non esse maius auxilium, id est, non necessariò includere aliquam specialem motionem præuiam, nec modum posituum eius, imò nec carentiam impedimenti speciali gratia prouisam, sed solum respectu congruentiæ ad consensum præuisum sub conditione futurum. Quod si hoc ipsum vocet ipse maius auxilium, erit quæstio de vocabulo; si autem aliquid peculiare posituum, vel priuatiuum præuium requirit, ut reuera in sua assertionem declarat, non satisfacit responsio ad Christi verba. Nec in verbis subiunctis verè supponitur, *quod esset eadem omnino vocatio, &c.* non potest enim dici eadem omnino vocatio, quæ præter respectuā congruitatem aliquid includit, quod non includit alia, siue illud posituum, siue priuatiuum sit, quia in auxiliis moralibus, qualia sunt hæc, de quibus tractamus, magna pars auxilij in se, & absolute spectati in ablatione impedimentorum consistere potest. Imò non solum in moralibus, sed etiam in physicis, illud censi posset physicum auxilium, quia licet sit causa per accidens, est conditio physica requisita, unde in moralibus etiam inter causas per se computatur; si ergo vocatio, quæ supponitur, est omnino eadem, non debet includere aliquid posituum, vel priuatiuum, quod alia non includit, & si propter solam congruentiam dicitur maius beneficium, vel donum, aut gratia, non tamen verè, & propriè maius auxilium.

Vltimò argumentor ratione, & in primis contra priorem modum postulandi excessum in eo, qui conuertitur ex parte auxilij efficaci, ratio est facilis, ex principiis à nobis positis. Primò, quia gratia efficax non requirit necessariò nouum auxilium præueniens ultra sufficiens; ergo cum eodem auxilio præuenienti stat vnum operari cum adiuuante gratia, quæ præstò est, & alium non operari, quia potest resistere vocationi. Secundò, quia probatum est gratiam efficacem non consistere in præuiò auxilio prædeterminante ad exercitium actus, vel ad vnum actum; ergo stante toto auxilio præuenienti in duobus æquali, stat vnum operari, & non aliud, cum vtrumque maneat in vtriusque indifferente potestate; ergo cum æquali auxilio præuenienti, stat vnum consentire, & alium resistere. Tertiò hæc rationes applicantur contra alteram sententiam, nam æquè procedunt de quocunque excessu, quia ostensum est, efficacem gratiam præuenientem positam esse in vocatione congrua, sed hæc congruitas vocationis non consistit in aliqua maiori eius intentione, vel claritate, aut distinctione, aut alia simili proprietate absoluta, neque in carentia alicuius impedimenti, sed solum in habitudine ad effectum infallibiliter futurum in diuina præscientia, quæ dari potest sine vlla præuia inæqualitate; ergo. Minor quoad priorem partem de prioritatem positui probatur, quia vel illa proprietas est necessaria ad consensum, vel non est necessaria: si est neces-

25.  
Probatu-  
ratione.

faria,

facta, danda erit in praeuenienti auxilio eius, qui non conuerterit, aliis non habebit auxilium sufficiens: si verò non est necessaria, sine illa poterat quis consentire, & de facto interdum cōfentire, qui praeuenitur sufficienti auxilio, & possibile posito in esse, nihil sequitur repugnans; ergo cum aequali praeuenienti auxilio, & sine tali excessu posito, fiat vnus consentire, & alium dissentire. Et eodem fere argumento probatur altera pars de ablatione impedimenti. Primum quidem, quia stante eadem motione positiua, & ablationis aequaliter impedimentis, manet indifferens voluntas vtriusque hominis vocati; ergo licet vnus pro sua libertate dissentiat, alter potest cooperari gratia Dei; cur ergo non ita interdum continget actum in vtroque sit potestas moralis apta reduci in eum pro dominio libertatis. Imò hæc ratio probatur, non ablati etiam impedimentis posse cōfentire, qui maiora habet impedimenta, aut ex parte naturæ suæ, vel consuetudinis minus est dispositus, & alius non consentire, quia ad hoc extenditur libertas voluntatis, si gratia posita, quæ ad vincendum illud impedimentum, vel difficultatem simpliciter sufficit. Et è conuerso, licet quis habeat æqualia positiua auxilia cum minoribus impedimentis, poterit minus operari, quia semper manet in voluntate potestas intrinseca ponendi impedimentum, vel suspendendi proprium actum, & auerendi considerationem intellectus, hoc enim impedimentum, est quasi concomitans, & ab vsu propriæ libertatis pendet, ideoque non tollitur per auxilium praeueniens, quia per illud non aueritur libertas, & ideo ex hoc capite semper esse potest diuersitas in consensu, licet in praeuenienti auxilio sit æqualitas.

**26.** Tandem declaratur vis huius rationis, quasi applicando illam ad exercitum. Constitamus itaque hominem praeueniri à Deo motione sufficienti, ut conuerteri possit, quia & satis attendit, & omnes praeiux circumstantiæ necessariæ occurrunt, & nullum impedimentum occurrit, quod voluntas superare non possit. De hoc ergo homine inquit, an necessarium consentiat, necne? Primum non asserunt dicti auctores, & constat ex superioribus dici non posse, ergo stante illa motione, staret illum non consentire. At verò nihil repugnat, motionem similem esse efficacem in alio eiusdem praeiux conditionis; ergo. Respondent illum, qui habet talem motionem, posse sine nouo dictamine intellectus per libertatem voluntatem transferre considerationem ad aliud obiectum, quod magis inclinet ad oppositum actum, & quando hoc non facit, necessarium consentire, & nihilominus libere, quia illa necessitas talis est, quam per libertatem auersionem considerationis impedire possit; quando verò illam auerit, iam non habet æqualem considerationem cum aliquo, & ideo autem, non esse mirum, quod tunc vnus consentiat, & non alius.

**27.** Verumtamen hæc responsio, & in se difficilis est, & vim rationis non euacuat: est autem difficilis propter duo. Primum, quia ille modus resistendi, auerendo cogitationem, non semper habet locum, respectu gratiæ excitantis, quia illa excitatio est necessaria, ut lib. 3. visum est. Ponamus ergo duos excitari per cogitationem sanctam, & affectionem à Spiritu sancto independentem ab eorum libertate immixtas, certe tunc non est in eorum potestate illas non recipere; ergo neque eis est liberum per eas non attendere, & mouere; ergo tunc non habet locum resistentia per ablationem.

Fr. Suarez de Gratia Pars I L

nem cogitationis. Dices, licet non possit homo illam cogitationem auertere, pro illo instanti pro quo illam recipit, posse tamen immediate post illud instanti illam auertere. Sed hoc neque semper est ita, quia Spiritus sanctus, qui illam cogitationem immittit, potest eandem necessitate illam pro aliquo tempore conferre. Nec etiam satis est, quia interdum deliberatio est facienda in eodem instanti, in quo immittitur in spiratio, ut in Angelis, & nihilominus in illorum instanti potest vnus sic vocatus consentire, & alius non præbere assensum.

Secundò esto ille modus sit possibilis, ut esse potest, saltem applicando mentem ad aliam cogitationem liberam, licet altera immixta non tollatur, sed simul maneat, licet, inquam, hic modus possibilis sit, non apparet cur tempus sit necessarius, vel cur non possit vterque sic vocatus mentem simul applicare æqualiter ad cogitationem alterius obiecti, quantum necesse est, ut eligatur, & nihilominus, quòd pro vtroque libertate, vnus rem vnā, alter aliam eligat. Quæ difficultas generalis est in omnibus liberis electionibus, & ideo illam non declaro sed vterius ostendo etiam admissio ut necessarium illo modo resistendi per applicationem mentis ad cogitationem oppositam, nõ euacuari difficultatem: nam inde etiam sequitur cum aequali praeuenienti gratia vnus resistere, & non alius. Probatur, quia ex duobus a quibus vnus impeditur coniungitur vocations, & cōfentit cum adiuvante gratia, & alter voluntarie applicat intellectum ad contrariam considerationem; ergo cum aequali vocatione vnus cōfentit, & alius resistit. Probatur consequentia, quia in eodem momento, in quo adhuc durat æqualis vocatio, vnus consentit, & non alius tunc etiam, quia illam applicationem mentis ad aliam cogitationem, est resistentia, inde enim incipit. Ex quo vterius sequitur, (quod maxime considerandum est,) illam inæqualitatem, quæ inter illos duos postea reperitur, non esse ex sola praeueniente gratia, illa enim æqualis fuit, sed esse partim ex sola libertate in eo, quæ se applicauit ad considerandum aliud, partim ex libertate cum cooperante gratia in eo qui se accommodauit vocationi.

Superest ut fundamentis aliarum opinionum breuiter satisficiamus. Quia verò prius opinio in sola physica prædeterminatione f. indur, negato illo principio, nulla fere alia responsio necessaria est. Nam etiam illæ interrogationes Pauli 1. ad Corinth. 4. *quis enim discernit? & quid gloriaris quasi non acceperis.* ut in superioribus sunt à nobis sigillatim explicatæ. Ex et tertia suppositione facta à nobis in hoc eodem capite possunt optimè declarari. Nam si discretio intelligitur secundum diuinam electionem, & prædeterminationem, Deus solus est, qui discernit, solo enim consilio voluntatis suæ, & non illi vocationem congruam præparauit, quod est maius, & singulare beneficium, licet non semper absolute sit maius auxilium. Si verò discretio in executione consideretur, sic ex parte eius, qui deficit, non tribuitur Deo, nec enim propria ratio deficienti, est defectus auxilij, sed abusus libertatis, ut supra dictum, & probatum est. Ex parte autem eius, qui proficit, tribuitur quidem Deo, ut principi causa, non tamen soli, nec sine cooperatione liberi arbitrij, ut etiam probatum est. Et ob eandem causam etiam homo proficit, & ab alio discernatur, cooperando gratia Dei, nõ habet unde in se gloriatur quasi non acceperit, cum ipsemet bonus vnus gratia sit eiusdem

Ratio:

Declinatur.

28.

Occurrit  
secundum.

Declaratur  
vis rationis.

Respondetur.

29.  
In illius  
aliam opi  
nionem la  
tenti.

1. Cor. 4.

Responsio  
occurrit  
prius.

eiusdem gratiæ principalis effectus. Quia verò homo sic operando aliquid meretur, & laudem, & gloriam habet apud Deum, ideo quando oportuerit, poterit non in se, sed in Domino gloriari, ut ex Paulo, & Sanctis Patribus etiam in superioribus declaratum est. Nihil ergo ex illo testimonio contra doctrinam datam deduci potest, neque tandem sequitur eum, qui conuertitur, non tenei ad maiorem gratiarum actionem. Nam in primis tenetur gratias agere pro dono fidei, vel poenitentiae sibi concessio per auxilium concomitans gratiæ, quod alteri datum non est. Deinde tenetur gratias agere pro maiori beneficio vocationis congruæ, ac denique pro singulari effectui, quo Dominus illum elegit, ac media, quibus certissime liberaretur, præparauit; hæc enim omnia esto aliquando non includant auxilia in sua entitate maiora, semper sunt maiora beneficia, ac proinde maiori gratitudine digna.

30. Fundamentum alterius sententiæ duas habet partes. Prior magis pertinet ad moralem Philosophiam, nititur enim in illo principio, quod voluntas nunquam mouetur alter circa vnum obiectum, quam circa aliud, neque mouetur ad vnum, & non ad aliud, nisi in ipsis obiectis, vel in eorum applicationibus, vel in aliis prærequisitis conditionibus aliqua diuersitas ante vsum libertatis præcedat. Hoc autem principium existimo falsum esse, & libertati contrarium, quod breuiter ostendo ex dictis in Proleg. 1. Nam voluntas ut sic libera, potest operari, & non operari, positis omnibus prærequisitis ad agendum; ergo omnibus illis stantibus, voluntas non necessitatur quoad exercitium, vel, (quod perinde est,) non ita determinatur, quin possit resistere in proprio sensu composito, id est, eisdem prærequisitis perseverantibus. Ergo stante eiusdem obiecti eadem applicatione, & consideratione, cum cæteris præuiis conditionibus potest eadem voluntas pro sua libertate, vel ferri in obiectum, vel non ferri: vel ferri maiori conatu, vel minori. Et eadem ratione in duobus similiter affectis, & dispositionis circa idem obiectum, & illa varietas ex sola libertate contingere, & in actum reduci potest, quia illa potestas in utroque est physica, & moralis, & in utramque partem æque contingens.

31. Instatur.

Instanti quocurritur.

Dicent fortasse, eum, qui consentit in tale obiectum, semper applicare mentem ad considerandum attentius illud obiectum, vel ad iudicandum magis practicè illud esse amandum, vel quid simile. Sed interogabo rursus, an illud iudiciū, vel maior consideratio simpliciter necessaria sit ad talem consensum. Hoc postea non potest consequenter dici ab eo, qui sic respondet. Nam si illa maior attentio, non est simpliciter nec essaria, quo fundamento asseritur semper interuenire, & sine illa nunquam præstari consensum. Si verò illa maior attentio necessaria est, interogabo ulterius, an supposita propositione obiecti cum minori attentione illa maior attentio sit in hominis potestate, & ex eius pendeat voluntate, vel non ita pendeat, vel necessarium sit, ut ab extrinseca causa proueniat. Si hoc postea dicatur, aperte sequitur, ante illam maiorem attentionem non habere voluntatem ad consentiendum, neque immediatè, quia non potest consentire sine maiori attentione, neque mediatè, quia non potest intellectum ad maiorem attentionem applicare, ut in responsione supponitur. Atque ita fit, ut alter, qui non consentit ex defectu talis attentionis, non liberè, sed necessariò non consentiat, & ita illa inæqualitas non erit

A respectu voluntatum liberè operantium, de quibus nunc tractamus. Et præterea instari potest, quia posita illa maiori attentione, vndeunque proueniat, voluntas adhuc libera est, & ita in duobus habentibus eundem attentionis gradum idem argumentum fieri potest.

Si verò tandem dicatur illa maior attentio esse in potestate hominis, & ab eius libertate pendere, quidquid sit de veritate assertionis, quam nunc expendere non est necesse, inde aperte sequitur, illam maiorem attentionem non esse ex conditionibus prærequisitis, ad vsum libertatis, & consequenter in præsentia materia sequitur, illam conditionem non pertinere ad præueniendam gratiam, quæ sine cooperatione libera nobis datur, sed ad subsequenter respectu prioris gratiæ, & comitantem respectu alicuius liberi vsus. Et id non obstat quominus verissimum sit, duos homines cum eisdem auxiliis gratiæ præuenientis diuersimodè vfos esse libertate sua, & inde tandem factum esse, ut vnus, v.g. voluerit credere, & non alius. Probatum assumptum, quia ex illis hominibus, qui æquales inspirationis receperunt, vnus applicuit mentem suam ad magis recogitandum, & alius non applicuit, licet liberè possit: hæc autè est prima inæqualitas, ex qua aliq. oriri possunt, illa autem non supponit auxilia præuenientia æqualia, ac proinde nec ab illis prouenit, sed ex parte eius, qui nò amplius considerat, oritur ex sola libertate; ex parte verò alterius maior attentio sit expositiuo vfu liberæ voluntatis applicantis intellectū, qui vsus non pertinet ad solam gratiam præuenientem, sed ad cooperantem simul cum libero influxus voluntatis; ergo simpliciter verū est, illos cum æqualibus præuenientibus auxiliis inæqualiter operatos fuisse.

Atque hic discursus quem de maiori attentione, vel consideratione fecimus, fieri potest de iudicio practico, si dicatur esse in vno, & in alio, & de quacunque alia conditione prærequisita, siue positiuè, siue practicè, tanquam remorio impedimentū. Nam similiter interogabo, an remorio talis impedimentū necessaria sit ad consensum, necne. Si enim non est necessaria, frustra petitur, quia stare eodem impedimento, licet vnus non consentiat, stabit consensus alterius, cum ad illum præstandum non sit necessaria præuia impedimenti remorio. Si verò est necessaria, petendum ulterius est, an subsit voluntati libertatis; nam si non subest, ille, à quo tale impedimentū non tollitur, non poterit consentire, & ita cessat comparatio, quam tractamus: inter eos enim fieri debet, qui liberè possunt consentire, vel dissentire; si verò remorio talis impedimenti est in potestate libera voluntatis, non est necesse, ut per maiorem gratiam præuenientem fiat, cum possit fieri per vsum libertatis cum concomitante gratia, supposita aliqua priori sufficienter excitante. Et tunc inter duos æqualiter vocatos prima inæqualitas in vfu libertatis esse poterit, quod vnus liberè fugit impedimenta, & alius licet possit idem facere, negligit pro sua libertate; ergo ex hoc capite neque inuenitur necessaria inæqualitas in præuenientibus auxiliis, neque etiam illud principium in illo fundamento positum, est vniuersaliter verum, quia stantibus omnibus prærequisitis ad vsum libertatis in duobus hominibus optimè fieri potest, ut inæqualiter incipiant liberè operari, siue immediate prodeant in consensum, vel dissensum, siue in diuersam applicationem intellectus, siue in quascunque alias condiciones varias, ex quibus tandem in consensum, vel dissensum deueniatur.

Neque

32.  
Rursus obicitur, & respondetur.

33.



34.  
Eademque  
probationes  
in contra-  
tione posita.

Neque obstant probationes in contrarium posita, ad principalem enim rationem respondetur, voluntatem quidem nunquam moueri, nisi sub aliqua ratione cognita in obiecto, in quo sensu verum est nunquam moueri, nisi per rationem, tamen, quia illa ratio non est cogens, neque efficaciter determinans voluntatem, & quia cum una ratione volendi potest in eodem obiecto esse coniuncta alia ratio non volendi, ideo stante aequali consideratione prauius utriusque rationis, licet voluntatem consentire, aut dissensire suo arbitratu, sine non interueniat diuersum iudicium practicum, siue interueniat, dummodo illud sit subsequens liberam motionem eiusdem voluntatis, alioqui necessitas eius requiratur libertati, iuxta discussum proxime factum. Ad primam confirmationem negatur sequela, nimirum, voluntatem pro sua libertate posse fieri diligendo in malum sub ratione mali, quia illud non continetur sub tota latitudine obiecti voluntatis; libertas autem solum potest exerceri intra latitudinem obiecti.

Ad primam  
confirmatio-  
nem.

35.  
Ad secun-  
dam.

Ad secundam confirmationem, ut nunc abstrahamus à longa disputatione moralium, an possit esse defectus culpe in voluntate sine prauius defectu in intellectu, respondeo breuiter, licet densus semper procedere, vel comitari aliquem errorem, vel aliquam inconsiderationem intellectus, quoties voluntas peccat, non tamen esse necessarium, ut illa inconsideratio, vel error praecedat omnem usum libertatis, sepe enim sunt voluntaria, nam ipsa voluntas quasi exerceat intellectum, vel praecipiat illum ad iudicium practicum erroneum, vt libertatis, quo vult, renuat. Et hoc satis est, vt omnis, qui peccat, ignorans, vel errans appellatur. Et ideo non obstat quominus is, qui consensit temeritati, aequali auxilium praeueniens habeat cum illo, qui resistit, quia ille defectus considerationis, qui fortasse in vno inuenitur, & ad in alio, non peruenit necessitate ex defectu auxilii praeuenientis, sed potest esse ex defectu auxilii concomitantis ob negligentiam, & voluntarium defectum eius, qui peccat. Addo etiam fieri posse, vt is, qui peccat, & qui resistit, aequalem habeat considerationem, & quod in praedictis Dei vni sit congrua, & alteri non congrua ad resistendum. Vnde solum fit, vt possit aliquando is, qui resistit, non habere maiorem considerationem, quam alius habeat, qui resistit, quia illa potest esse absolute sufficiens ad resistendum temeritati, & nihilominus, respectu vni esse congrua, & non alteri. Vnde etiam fit, vt is, qui non resistit, in re ipsa careat aliqua consideratione, quia hic, & nunc indigeret ad resistendum; illa vero indigentis non nascetur in illo ex intrinseca impotentia voluntatis, sed ex informitate suae libertatis, quam Deus in operum prauius prauidet, & ita illud peccatum non est sine defectu inconsiderationis, illa tamen, vt dixi, voluntaria est, quia possit, & deberet amplius considerare, quod cum aequali gratia excitante facere potuisset, & ideo aliam tunc cum aequali praeueniente gratia vnus resistit, & alius non resistit.

36.  
Ad tertiam.

Ad tertiam confirmationem de obiectis, seu mediis aequalibus respondemus negando assumptum, potest enim voluntas in eo casu eligere, quod voluerit, imò in hoc maxime consistit dominium voluntatis. Quod in libertate evidenter elucet, & illius participatio necessaria est voluntati creare, vt in sua determinatione libe-

Er. Suarez, de Gratia Pars II.

A si sit, alioqui semper esset ab intellectu, vel obiecto determinanda, etiam quoad exercitium actus, quod repugnat libertati. Vt autem voluntas tunc eligat, sufficiens ratio est, quod in vno obiecto, vel medio inuenitur motuum sufficiens, vt eligatur, & in altero nihil est, quod necessitet ad eius electionem, & ideo pro sola libertate voluntatis potest non apparere. Et quia in hoc est aequalitas in utroque medio, vt vnum assumatur, & aliud relinquatur, potius quam è conuerso, non est necessarium speciale motuum, sed sola libertas sufficit. Neque oportebit, vt in vno minores difficultates, aut impedimenta appareant, quia eadem de illis est ratio. Nam, vt dixi, & semper voluntas potest ab intrinseco se impedire, vt sic dicam, etiam extrinseca impedimenta non addunt, & è conuerso licet adhiat impedimenta aequalia, vel etiam maiora, dummodo inuincibilia non sint, potest sua libertate illa superare. Et ideo semper voluntas est libera ad eligendum, non solum inter aequalia, sed etiam inter inaequalia, quod voluerit praesciendo, vt in 1.1. q. 1. latius disseritur.

Ad alteram partem, in qua praedicta generalis doctrina ad auxilia praeuenientia gratiae applicabatur, iam ferè responsum est, quia vel necessarium non est, aliquam inaequalitatem praecedere ante consensum, vel dissensum, vel quauis interdum praecedat, non oportet, vt sit in auxiliis excitantibus, seu praeuenientibus, nam potest esse in aliquo vsu libero prioris praeuenientis auxilii, qui vsus sit veluti via, seu praeterea quaedam dispositio ad supernaturalem consensum, propter quem excitantia auxilia principaliter data sunt, vt de maiori attentione, aut recollectione, aut alia simili conditione explicuimus. Ad testimonium autem Scripturae, & Patrum, quae in contrarium inducebantur, responsum ex tertia suppositione sumenda est, illam enim tantum probant; nam semper qui conuertitur, à Deo recipit auxilia congrua, quibus à Deo efficaciter tribuitur ad consensum, & haec est singularis misericordia Dei, quae non potest in merito hominis fundari. Vnde ratione illius dicitur Deus, cuius vult misereri, & trahere, quem vult, etiam si auxilia in sua entitate maiora non conferat illi, quem sic vocat.

Solum ergo vltimum Augustini testimonium ex 1. de peccatorum meritis, & remissionis, c. 17. & sequentibus indiget aliqua expositione: nam ibi rationem discretitatis inter alios vocatos, quorum vnus consensit, & alius resistit, inde sumere videtur, quod in altero coram, aliqua maiore cognicio, vel delectatio praecedat. Respondendi autem potest in primis Augustinum reddidisse rationem moralem, ex his, quae frequentius accidunt, non quia in rigore semper necessaria sit. Deinde dici potest Augustinum, vocasse certam scientiam, aut vultum delectationem, vocationem congruam, quae semper, & infallibiliter consequatur effectum, & ideo si in illuminatione consistit, potest dici certa, quia semper hominum certiorum reddit, etiam si in se fortasse interior, aut clarior non sit, est in delectatione consistit, dici potest vultus delectatio quia semper vincit, etiam si fortasse maior in sua entitate non sit. Vnde dici etiam potest, quod licet in vno praecedat maior aliqua attentio, vel affectio, seu delectatio, illis inaequalitas non provenit ex sola excitante gratia, sed adiuncto aliquo vsu libertatis, vt in superiori puncto explicuimus.

37.  
Fundamen-  
ti sententiae  
altera pars.

38.  
Vltimum  
Augustini  
testimonium  
explicuimus.

## CAPVT LIII.

*Dubium appendix de concordia gratia efficacis cum gratuita, & efficaci electione, ac prædestinatione saluandorum omnium, & cum diuina prouidentia, ac prædefinitione actuum liberorum humane voluntatis.*

1.  
Summa præ-  
positio.

**C**ogimur in hoc capite explicare concordiam efficacis gratia prout à nobis declarata est, cum diuina electione prædestinatorum, præfinitione actuum liberorum, & in vniuersum cum perfectione diuinæ prouidentia, tum quia hæc omnia ita sunt cum gratia connexa, vt non possit sine compositione illorum inter se doctrina hæc consummari, tum maxime, quia defensores physicae prædeterminationis existimant, vera dogmata de illis omnibus sine tali genere prædeterminantis auxilij non posse consistere, & ideo non solum nobis obiciunt, sed etiam tribuunt multa, quæ iudicio illorum vel absurda, vel etiam erronea sunt, quia ex nostra sententia sequi contendunt. Proponemus ergo sigillatim obiectiones eorum, & occasione illarum veram concordiam in illis omnibus, quæ proposuimus, ostendemus.

2.  
Obiectio 1.  
de electi-  
one gratia præ-  
destinatorum  
ad gloriam.

Prima obiectio sumitur ex electione gratuita prædestinatorum ad gloriam. Supponunt enim ex sententia Augustini, & D. Thomæ necessarium esse contineri Deum in æternitate sua ante præscientiam omnium meritorum absoluto, & immutabili decreto statuisse, tot, & talibus hominibus æternam beatitudinem conferre in tali gradu, & perfectione, & non pluribus, neque paucioribus, quod decretum, vel electio gratuita prædestinatorum vocatur. Ablata igitur necessitate prædeterminationis physicae, & posita efficacitate gratia dependente aliquo modo à cooperatione liberi arbitrij, sequi necessarium existimant, discretionem inter electos, & non electos, non ex Deo, sed ex hominibus esse sumendam, ac proinde tolli electionem gratuitam ex parte Dei. Vnde quidam illorum Patrum ex nostra sententia intulit non Deum eligere homines, sed potius homines eligere Deum, contra illud, *Non vos me elegistis, sed ego legi vos*, Ioan. 15. Probatur sequela, primo, quia ita Deus ordinauit prædestinatos ad gloriam, vt per actus liberos illam adipiscantur, sed iuxta nostram sententiam, decretum Dei efficax & antecedens repugnat libertati; ergo iuxta nostram sententiam non potuit in Deo talis electio, seu decretum præcedere. Vel secundo, vt Deus habeat tale decretum, necesse est, vt sola sua virtute possit efficaciter determinari homines, vt saluari velint, & media salutis implere per actus liberos; sed iuxta nostram sententiam Deus non habet talem potestatem, quia sine auxilio prædeterminante non potest esse talis efficacia, quæ sufficiat ad certitudinem dictæ electionis, & nos negamus tale genus auxilij; ergo.

Ioan. 15.

3.

Quod si respondeamus, posita præscientia conditionata posse consistere sufficientem mediorum efficaciam, & certitudinem sine prædeterminatione, contra hoc insurgunt, primo impugnando scientiam conditionatam, & certitudinem eius,

**A** nisi fundatur in antecedente decreto. Secundo inferendo, eo ipso sequi electionem ad gloriam non esse ante omnem præscientiam meritorum, ac proinde non esse omnino gratuitam, quam non elegit hunc potius, quam illum, nisi quia nouit hunc fuisse consenturum vocationi, & non illum, & ita in tempore non ideo Deus trahet hominem, quia elegit eum in æternitate, sed potius quia præuidit hominem fore eligentem Deum tali tempore, elegit illum ex æternitate. Tertiò similiter conferunt numerum saluandorum non esse certum in diuina electione, & vocatione, & in præscientia, quod etiam repugnat gratuite electioni.

**B** Secunda obiectio huic similis est, quia sequitur ex nostra sententia Deum non prædefinire actus liberos, quia si illos prædefiniret, illa præfinitio esset suppositio antecedens, vt illa particula *præ* denotat, & ita tolleretur libertatem iuxta nostra principia. Et confirmatur hæc obiectio, quia iuxta illam sequitur consequenter, actus liberos euenire præter intentionem Dei; quod multum derogat perfectioni diuinæ prouidentia. Sequela probatur, quia intentio dicit decretum absolutum, ac præfinitum voluntatis, sed Deus non habet tale decretum circa actus liberos, qui de facto eueniunt; ergo præter intentionem Dei eueniunt.

4.  
Obiectio 2.  
de actibus  
liberis.

**C** Tertia obiectio est, quia sequitur Deum non habere perfectam prouidentiam omnium effectuum causarum secundarum in particulari; quod est absurdum, vt per se constat. Sequela patet, quia prouidentia dicit rationem prædisponentem de futuris euentibus; ergo perfecta prouidentia postulat perfectam dispositionem omnium in particulari, absolute statuendo quid in singulis momentis, & actibus omnis causa secunda futura sit, quod non fit sine absoluta omnium prædefinitione; ergo ablata huiusmodi prædefinitione, aufertur perfecta prouidentia. Et confirmatur, quia sine tali prouidentia, non est perfecta gubernatio, quia hæc in eo posita est, quod Deus tamquam supremus Dominus utatur omnibus causis secundis, & omnibus voluntatibus, applicando illas quo voluerit, & ubi, quando, & quomodo voluerit, qui usus non potest esse sine vniuersali præfinitione. Assumptum patet, quia dominium est potestas vtendi, vnde in usu perfecto ostenditur plenitudo dominij; usus autem est applicatio potentia ad opus, ex D. Thoma 1. 2. q. 16. ergo si Deus non applicat inferiores causas, & præsertim voluntates humanas ad suas operationes, non perfecte utitur illis, ergo neque perfecte eas gubernat, & consequenter neque perfecte eis prouidet, quia gubernatio est effectus prouidentia.

5.  
Obiectio 3.  
de prouiden-  
tia.

D. Thoma;

**E** Quarto specialiter obicitur de perfectione prouidentia circa peccata, non solum vt actus sunt, sed etiam vt peccata sunt, neutro enim modo saluatur perfecta Dei prouidentia circa illa iuxta nostram sententiam. Prior pars probatur, quia actus peccatorum iuxta nostram sententiam non præfinitur à Deo; ergo neque intenduntur ab ipso; ergo fiunt præter intentionem Dei, & sine ipsius voluntate, quod est contra perfectionem prouidentia. Altera pars probatur, quia licet peccata, vt peccata solum permittantur à Deo, tanta verò sapientia illa permittit, vt illis non minus utatur ad fines suæ prouidentia, quam si illa ordinaret, vt videre licet in peccato crucifigentium Christum, & in peccato fratrum, qui Iosephum Aegyptiis vendiderunt, & similibus: hoc autem tam excellens prouidentia genus non potest

6.  
Obiectio 4.  
de perfectio-  
ne prouiden-  
tia circa pec-  
cata.

5.

test consistere sine præfinitione talium actuum, quia permissio purè spectata relinquit voluntatem omnino indifferentem sine vlla determinatione; ergo per se sola, si non funderetur in aliqua præfinitione, non potest esse medium certum ad aliquem finem. Vnde confirmatur, quia quod Deus permittit, infallibiliter euenit, vt in induratis contingit, iuxta illud, *Nemo potest corrigere, quem tu ipse desperexeris*. At hoc intelligi non potest sine præfinitione; ergo.

6.  
Difficultates  
obiectionum.

Punctum  
primum, de  
efficaci ele-  
ctione præ-  
destinato-  
rum.

Molina.

7.  
Vazquez.

Hæ obiectiones duas præcipuè attingunt difficultates, vna est de ordine prædestinationis quoad gratuitam electionem, in qua prædestinatio vel consistit, vel fundatur, alia est de præfinitione actuum liberorum. Et hæc duo pendent ex aliquo puncto, an scilicet, in diuina voluntate ordo intentionis, & executionis distinguendi sunt. Quæ tria breuiter attingam propter huius materiæ complementum, nam in 1. p. & in lib. de Auxil. latius hæc disputata sunt. In primo ergo puncto antiqua, & celebris opinio Theologorum fuit, Deum peculiari actu, & proposito absoluto voluntatis suæ, ita dilexisse omnes homines, qui saluandi sunt, vt ante omnia bona, & mala merita omnium parium hominum præuisa à cæteris non saluandis discreuerit, & ad æternam gloriam infallibiliter consequendam destinauerit: postea verò docti aliqui moderni, licet hunc actum gratuitæ electionis diuinæ prædestinatorum ad gloriam, non negauerint, dixerunt tamen, non esse priorem etiam ratione voluntate dandi, & constituendi prædestinatos in tali ordine rerum, in quo infallibiliter talia haberent merita, per quæ tantam gloriam consequerentur. Quam opinionem sequutus est Molina in concordia. q. 23. art. 1. & 2. disp. 2. §. *Præterea*, & art. 5. disp. 1. memb. 8. qui non differt ab antiqua opinione in asserenda gratuita electione prædestinatorum ante merita absolute præuisa, sed solum in explicanda illa per signa prioris, & posterioris secundum rationem, hæc enim ipse negat. Neque in hoc noua est eius opinio, nobis tamen non videtur necessaria, neque apta ad explicandos nostro modo effectus, & causas prædestinationis. Sed quia hoc ad præsens non refert, sufficient nobis alibi dicta, cum his, quæ statim dicemus.

Deinceps verò P. Vazquez 1. p. disp. 89. à cap. 6. licet signa rationis in actibus diuinæ voluntatis non neget, nihilominus latissime persuadere conatus est non habuisse Deum ante præuisa saluandorum merita absolutum actum voluntatis dandi illis gloriam. Non abstulit autem omnem præuiam intentionem dandi eis gloriam, quæ esset finis meritorum, & gratiæ, quam illis dare decreuit: sed dicit illam intentionem non fuisse per efficaciam decretum voluntatis Dei, sed per simplicem affectum, quem alij velleitatem, alij conditionatam voluntatem, alij voluntatem antecedentem appellant. Nam hunc saltem actum reputauit necessarium, vt Deus perfectam prouidentiam gratiæ haberet illam ad debitum finem ordinando, quod sine aliquo actu circa eundem finem intelligi non poterat. Negat tamen illum actum esse absolutum, & efficacem, quia putat repugnare libertati humanæ, & derogare meritis gloriæ, & propter alias rationes, quas latissime prosequitur; multa etiam Patrum, & præsertim Augustini testimonia congerendo. Et ideo in eadem 1. p. disp. 82. cap. 5. cum doceat in voluntate Dei ordinem intentionis esse priorem ordine executionis, limitationem adhibet, quia cum finis consequendus est

A per media moralia, vt sunt merita, intentio finis non potest esse efficax, sed per simplicem tantum affectum.

Tandem nouiores quidam Theologi eò progressi sunt, vt non solum negent, habuisse Deum ante præuisa merita efficacem voluntatem dandi prædestinatis gloriam, verum etiam doceant nullo actu, vel affectu voluisse Deum dare aut ordinare illos ad beatitudinem consequendam, directe intendendo illorum beatitudinem, vt finem prius ratione, quam voluerit eis dare merita, quæ in tempore contulit, quibus præuisis voluit efficaciter gloriam eis propter merita tribuere. Fundantur, quia in diuina voluntate nullus est ordo intentionis, sed executionis tantum. Vnde P. Vazquez reprehendunt, eo quod non fuerit consequenter loquutus. De me autem aiunt, futilibus argumentis motum esse ad illos duos ordines intentionis, & electionis in diuina voluntate vniuersæ distinguendos; fundamentum autem propter quod ipsi illos negant, est, quia putant, Deum constitui volentem liberè creaturam, nam per solam suam voluntatem essentiam, seu entitatem, sed simul cum ipsa creatura volita, quæ est terminus illius voluntatis diuinæ cum quo ipsa non necessariò constituitur.

Quo fundamento posito sic colligunt. Creatura non potest concurrere suo modo ad constituendum Deum volentem, nisi accipiat entitatem, aut esse actuale per ipsammet voluntatem, per quam dicitur volita, quia solum sub illo statu non habet necessariam connexionem cum libera Dei voluntate, nam sub esse possibile, vel nullam connexionem habet, quia non amatur, vel si quam habet, illa est necessaria, quoad aliquam complacentiam iuxta varias opiniones. At verò creatura non accipit entitatem, vel esse actuale, nisi per voluntatem exequentem Dei; ergo non potest intelligi Deus volens liberè creaturam, nisi per voluntatem exequentem; ergo nec potest intelligi in voluntate diuina ordo intentionis distinctus etiam ratione ab ordine executionis. Vnde consequenter inferunt, quod licet in actibus voluntatis Dei assignari possint signa rationis, illa sola sunt cogitanda in ordine executionis, ita vt illud sit volitum prius, quod in re futurum est prius executione, seu quod est alterius causa, ad eum modum, quo solet medium in executione esse causa finis. Ex quo tandem concludunt non dari in voluntate diuina circa prædestinatos præuiam intentionem liberam dandi eis gloriam, sed solam voluntatem exequentem, in qua prius intelligitur voluntas vocandi, quam iustificandi, & iustificandi quam glorificandi.

Nihilominus in hoc primo puncto de efficaci electione prædestinatorum, quæ ordine intentionis præcedat eorum merita præuisa, opinio affirmans, quæ D. Thomæ, & communis Theologorum est, & Augustini etiam esse opinor, mihi semper placuit. Vt autem illam breuiter proponam, à tertio puncto inchoandum est, in quo communis sententia Theologorum omnino præferenda est, quam non futilibus argumentis, sed solidis rationibus fundatam esse certò credimus. Est autem communis sententia in diuina voluntate non tantum executionis, sed etiam intentionis ordinem reperiri, & à nobis considerandum esse. In hoc autem puncto duo includuntur, vnum est in diuina voluntate utrumque ordinem intentionis, & executionis verè, & propriè reperiri; aliud est inter illos ordines esse distinctionem aliquam rationis.

8.

9.  
Corollarium.

10.

Punctum  
tertium de  
gratuita ele-  
ctione præ-  
destinatorum.



tionis, & consequenter in eis actus ratione distinctos cum ordine prioris, & posterioris in variis rationis signis spectari posse. Primum est præcipue intentum, & ante omnia probandum, inde verò inferemus aliud, quia licet in hoc non sit tanta concordia inter Theologos, neque res sit tanti momenti, quia in modo ipsius intelligendi, & concupiendi nostro, quam in re ipsa consistit; nihilominus rectè de illis signis sentire, & loqui ad rem meliùs intelligendam & explicandam non parum prodesse potest, ut in discursu dicemus. Nunc ergo per dictos ordines solum intelligimus actus ipsos pertinentes ad ordines ipsos intentionis, & executionis secundum formales rationes eorum, semotis imperfectionibus, quales sunt distinctio actualis, quæ in re sit inter tales actus ratio causalitatis inter eos, & prioritas temporis, vel naturæ. quibus ablatiis optimè concipimus, eundem actum esse posse veram intentionem vnius rei, ut finis, & electionem alterius, ut mediæ ad illam, sicut intelligimus posse amari vnam rem ut honestam, & aliam tantum ut vitile. siue illi amores sint re, siue ratione distincti, siue hunc, siue illum ordinem inter se seruent. In hoc ergo sensu dicimus in Deo esse ordinem intentionis, quia in voluntate diuina est vera intentio vnius rei, & finis, & electio alterius rei ut mediæ ad illam. Et sententiam sic explicatam credimus esse communem Theologorum, præsertim D. Thomæ, & Scholasticorum, & Augustini. Quia verò de ordine executionis nulla est quæstio, ordinem intentionis præcipue ostendimus, & quia Theologi, & Augustinus maximè hoc attingunt tractantes de diuina prædestinatione, & gratia, ideo principale punctum hic intentum de gratuita electione prædestinatorum ad gloriam comprobabimus.

Ostenditur  
ordo inten-  
tionis.

11.  
Probatur  
gratuita electio præde-  
stinatorum  
ad gloriam.  
D. Thom.

Idem.

12.  
Idem D.  
Thom.

Primo, 16.

Primo ergo sumitur prima sententia satis aperte ex D. Thomæ 1. p. q. 22. art. 1. ubi docet prouidentiam esse rationem ordinis rerum in finem utique intentum ab ordinante, & providente. Vnde addit in solut. ad 3. quod prouidentia est in intellectu, sed supponit voluntatem finis; nullus enim præcipit de agendis propter finem, nisi velit finem. Ex hoc principio in q. 23. art. 4. probat ad prædestinationem, prout est in intellectu, supponi in voluntate Dei, dilectionem, seu electionem, quia prædestinatio aliquorum, (inquit,) ad salutem æternam præsupponit secundum rationem, quod Deus illorum velit salutem, utique ut intentionem finis respectu mediorum prædestinationis. Et in art. 7. hanc intentionem vocat principalem prævisionem, per quam Deus intendit certum numerum saluandorum, quia omne agens, (inquit,) intendit determinatam mensuram in suo effectu. Eundem intentionis ordinem supponit D. Thomas in 1. 2. q. 111. art. 13. cum inquit, si ex intentione Dei mouentis est, quod homo, cuius cor mouet, gratiam consequatur, infallibiliter illam consequitur. Nam in his verbis ordo intentionis euidenter continetur, supponunt enim in Deo intentionem dandi gratiam, & ab illa procedere motionem, quæ infallibiliter habeat effectum.

Præterea idem D. Thomas lib. 1. contr. gent. cap. 86. ex professo docet, dare rationem diuinæ voluntatis, eo modo, quo finis est ratio volendi ea, quæ sunt ad finem. Et sic in ratione prima dicit, Deum velle bonitatem suam tanquam finem, & cætera ut media, iuxta illud Prouerb. 16. Vniuersa propter semetipsum operatus est Dominus. In ratione autem secunda dicit, etiam inter bo-

na creata vnum ordinari à Deo ad aliud ut in finem, & sic cadere sub diuinam voluntatem, & in ratione 1. dicit, supposito, quod Deus aliquid vult, necessariò velle, quæ ad illud requiruntur. Quæ omnia euidentissimè pertinent ad ordinem intentionis, neque sine illo intelligi possunt. Vnde licet de modo loquendi sit alia controuersia inter Theologos, an sit dicendum Deum velle vnum, quia vult aliud, vel velle vnum propter aliud; item an vnum obiectum creatum sit Deo ratio volendi, aliud per modum finis, vel sola sua bonitas sit finis, propter quem vult omnia creata ut media ad gloriam suam, nihilominus omnes in hoc conveniunt, quod in Deo est intentio finis, & electio mediorum, & quia inter media vnum est propinquius fini, quam aliud, ideo interea velle vnum propter aliud, ut videre licet in Caietano 1. p. q. 19. art. 5. Ferrariensi 1. contr. gent. cap. 86. & 87. Capreol. in 3. dist. 1. quæst. vnic. art. 3. ad argumenta contra primam conclusionem, ubi in solut. ad 3. expressè distinguit in mente Dei ordinem intentionis ab ordine executionis, & illum dicit esse priorem ratione, ex parte obiectorum.

Eadem est sententia Scoti in 1. dist. 41. & in 3. dist. 7. quæst. 3. & dist. 19. ubi Lycherus, & alij explicant, & sequuntur, & Corduba lib. 1. q. 56. opinio. 1. in secunda eius parte, ubi inter alia expressè distinguit in Deo duas voluntates dandi gloriam prædestinatis, aliam ante præuisa merita, aliam post meritum præuisionem, & hanc dicit esse voluntatem executionis, illam intentionis. Denique omnes alij antiqui hanc doctrinam supponunt, dum de Christi, vel nostra prædestinatione disputant, ut videri potest in Durand. in 1. dist. 41. Bonauentur. in 3. dist. 1. art. 2. q. 1. & aliis ibi, & Alenf. 3. p. q. 2. memb. 13. Eandem sententiam sequitur Bellarm. lib. 2. de Grat. & liber. arbitr. cap. 17. Et illam supponit Valentia, qui falsò in contrarium allegatur. Nam in 1. tom. disp. 1. q. 19. punct. 5. §. ex his assertionibus, expressè dicit Deum prius voluisse beatitudinem Petri, quam eius merita in genere causæ finalis, prius autem voluisse merita, quam beatitudinem in genere causæ moralis, seu dispositiue, per quæ duo explicat apertè ordinem intentionis. Et in secunda assertionem, ex locutionibus Scripturæ probat Deum verè, & cum omni proprietate operari propter finem, ac subinde esse in voluntate eius ordinem intentionis, qui per particulam propter, vel ut, solet frequenter in Scripturis indicari. Et in 4. tom. disp. 1. punct. 7. in toto illius discursu illam distinctionem supponit. In §. autem Neque verò, & sequenti referens expressè illam distinctionem de ordine intentionis, & executionis, non refutat illam, sed supponit potius, & addit ad rem, de qua ibi tractat, in tempestivè applicari, quod nostra nunc non refert. Ait etiam quidquid est posterius in intentionis ordine, semper fieri in executione propter illud, quod est in intentione prius, quod est verissimum; per hoc autem non confunduntur, sed distinguuntur apertè ordines prædicti.

Possumus præterea veritatem hanc ex facta Scriptura, & Patribus confirmare, quatenus eodem modo loquuntur de Deo, ut agente propter finem, & intendente finem, & eligente media, sicut de hominibus; & ad id explicandum modo hominibus accommodato, Deo etiam consilium tribuunt, quod seclusis imperfectionibus, & cum omni proprietate in his, quæ ad perfectionem

Caietan.  
Ferrar.  
Capreol.

13.  
Scotus.  
Lycher.  
Corduba.  
Distinguit  
Corduba in  
Deo duas  
voluntates  
dandi gloriam  
prædestinatis.

Durand.  
Bonauent.

Alenf.  
Bellarm.

Valentia.

14.  
Comprobatur  
dictorum  
veritas ex  
Scriptura.

Ephes. 1.

nem simpliciter pertinent, ab omnibus intelligitur. Sic dicitur ad Ephes. 1. *Elegit nos in ipso, ante mundi constitutionem, ut essemus Sancti.* Vbi particula, *ut*, finem denotat: & ideo à Hieronymo ibi, & Augustino frequenter ponderatur, non dixisse Paulum, *quia futuri eramus sancti*, quod ad ordinem executionis pertinuisset, sed, *ut essemus sancti*, quod pertinet ad ordinem finis & intentionis. Vnde infra Paulus, *Sorte vocati sumus predestinari secundum propositum eius, qui operatur omnia secundum consilium voluntatis suæ, ut simus in laudem gloriæ eius.* Et in eodem sensu dicit cap. 2. *Creatus in operibus bonis in Christo Iesu, quæ præparauit Deus, ut in illis ambulemus.* Illa etiam voluntas, qua vult Deus, omnes homines saluos fieri, nullo modo potest esse nisi per modum cuiusdam intentionis, qua Deus vult hominibus salutem, & ex vi cuius præparat omnibus media aliquo modo sufficientia, ut illam consequi possint. Cui simile est illud Luc. 13. *Quoties volui congregare filios tuos, & noluisti?* Hæc enim & similia non metaphoricè interpretanda sunt, cum non sit necessarium, & proprietas verborum tenenda sit. Per ea ergo significatur voluntas Dei antecedens, qua de se tale bonum intendit, & ex vi illius confert media, quæ ex hominum malitia effectu suo frustrantur.

Ephes. 2.

Luc. 13.

15  
Intentio in  
electis abso-  
luta, & effi-  
cax.  
Aug. 1.

Idem.

In electis autem intentio est absoluta, & efficax, & ex vi illius media congrua, & accommodata Deus confert. Et hunc intentionis ordinem variis locupletionibus explicauit nobis Augustinus de hac ipsa materia differens. Ait enim lib. de Corrupt. & Grat. cap. 14. *Cum homines per corruptionem in viam insitias, seu veniunt, seu reuertuntur, quæ operatur in cordibus eorum salutem, nisi ille, qui quolibet plantante, & rigante dat incrementum Deus?* Et rationem, seu modum declarans addit. *Cui volenti saluum facere nullum humanum resistit arbitrium, ac si diceret, vocationem eius, qui sic vocatur, ut conuertatur, procedere ex absoluta voluntate Dei saluandi illum, & ideo neminem illi resistere; præcedit ergo secundum Augustinum illa diuina intentio ad talem executionem. Eandem doctrinam indicauit lib. de Prædestinat. Sanctior. cap. 8. dicens, Hæc gratia, qua oculis humanis cordibus diuina largitate tribuitur, à nullo duro corde respuitur. Ecce efficaciam in executione, radicem autem ex ordine intentionis ostendit, addens, Ideo quippe tribuitur, ut cordis duritia primitus auferatur. Et infra, Sic quippe facit filios promissionis, & vasa misericordiæ quæ præparauit in gloriam, ubi verbum, facit, executionem, verbum autem præparauit, intentionem indicat. Et similiter in cap. 17. ait. Elegit prædestinatos, ut credant non quia crediderunt. Et infra, Quos prædestinauit, hos & vocauit, illa scilicet vocatione secundum propositum. Quod propositum non est nisi intentio efficax saluandi illos, quam paulo antea vocauerat electionem æternam, dicens, Elegit eos de mundo, cum hic ageret in carne, sed iam electos in seipso ante mundi constitutionem. Vbi duplicem electionem æternam, & temporalem indicat. Vnde huic æternæ electioni tanquam primæ, & efficaci intentioni solet Augustinus tribuere omnem peculiarem curam, quam in executione Deus habet prædestinatorum, ut in cap. 7. de corrupt. & grat. latè, & eleganter describit, declarat, & concludit. Hæc omnia operatur in eis, qui vasa misericordiæ operatus est eos, qui & elegit eos in filio suo per electionem gratiæ, id est, gratuitam, ut notauit Toletus ad Roman. 11. notat. 4. & verba ab eodem Augustino subiuncta declarant. Quoniam secundum propositum vocati sum per electionem, (ut dictum est,) gratia non præ-*

cedentium meritorum suorum. Vnde etiam constat, quoties Augustinus loquitur de vocatione secundum propositum, per propositum intelligere hanc diuinam intentionem, & electionem, vnde subiungit, *Ex istis nullus perit, quoniam omnes electi sunt: electi sunt autem, quia secundum propositum vocati sunt: propositum autem non suum, sed Dei, de quo alibi dicit, ut secundum electionem propositum Dei maneret.* Et ut tolleretur omne dubium, terminum, seu obiectum illius electionis declarat, dicens, *Electi sunt autem ad regnandum cum Christo.*

Præterea est ad hanc rem confirmandam insigne testimonium Eusebii Pamphili, seu Cæsariensis in disputatione cum Philosopho de filij diuinitate, quæ refertur in Concilio Niceno nouiter per Alphonsum Pisanum, nostræ Societatis, collectum, & in tom. 1. Conciliorum editum. Ibi enim in lib. 2. paulo ante medium, tractando verba illa Prouerbiot. 8. *Dominus possedit me*, &c. vel iuxta Septuaginta, *Condidit me initium viarum suarum*, inter alia interrogauit Eusebius Philosophum, *Est ne conditus homo propter mundum, an mundus propter hominem?* Respondit autem Philosophus, *Omnino mundus propter hominem*: quam responsionem acceptans Eusebius subiungit, *Si mundus est propter hominem, omnino cum homo prior in Dei proposito, mundus in Dei proposito erit homine, ac rationabili sapientia posterior.* Igitur si homo prior est mundo, erit prior naturis, quales sunt cælum, terra, dies, nox, nubes, abyssi, fontes, montes, & colles, prior erit his sapientia, & homo in Dei proposito iam prior est mundo, sed eundem accidet posterior in via creationis conditum fuisse. Qui autem in diuina intentione homine posterior erat, ille in viam creationis incidit. Sed sapientia quam inuenit prudentia filius Dei, quam dedit homini ad imaginem suam, ipsa etiam in diuina intentione mundo, & mundi naturis prior fuit. Et iuxta hanc doctrinam, & distinctionem de homine interpretatur illam Salomonis sententiam. *Dominus possedit me initio viarum suarum; possedit utique in proposito, & initium in ordine intentionis.* Confirmatque tandem totum discursum verbis illis Domini. *Sabbatum propter hominem factum est, non homo propter Sabbatum.*

16.  
Confirma-  
tur.  
Euseb.

Præ 8.

Hoc autem testimonium quantum ad sensum attiner, nullum patitur tergiversationem: volunt enim explicare Eusebius, quomodo sapientia creata in homine, (de quo locum Salomonis interpretatur,) vocetur initium viarum Domini, cum in executione fuerit posterior, & ad hoc explicandum distinguendum ordinem intentionis, & executionis, & supponit ordinem intentionis esse priorem, & initium respectu inferiorum creaturarum fuisse hominem. Vnde dici non potest Eusebium solum distinxisse executionem ad extra, quæ in tempore facta est, à voluntate Dei æterna, per quam in tempore creationem executus est: tum quia expressè dicit, hominem fuisse priorem mundo in diuino proposito, & è conuerso mundum fuisse posteriorem in eodem Dei proposito: & deinde hoc propositum declarat per intentionem Dei; tum etiam, quia si in ipsa voluntate æterna Dei, non est nisi ordo executionis, non habet in illa res futura alium ordinem, nisi correspondentem ordinis executionis, ut aduersarij frequenter, & consequenter docent. Non potest ergo de sensu illo dubitari, neque ipsi Scholastici expressius, & clarius, de his ordinibus, & signis loquuntur. Deinde considero, quod licet illa sententia ab Eusebio non modicam auctoritatem habeat, longè maior illi accrescit ex consortio Patrum, quorum nomine respondebat, ut ibidem

17.

ibidem dicitur, nam illi saltem tacendo consensisse visi sunt, & ipse Eusebius illam doctrinam, tanquam communem, & receptam à Catholicis proponere visus est. Pondero præterea Eusebium totum suum discursum in particula *propter*, fundasse. Nam quia Philosophus admiserat mundum propter hominem creatum esse, inde intulit hominem fuisse priorem in intentione diuina, & inde tandem ordinem intentionis, & executionis in ipsa Dei voluntate distinxit, suumque discursum ex illis Christi verbis, *Sabbatum propter hominem factum est*, confirmauit: vnde eodem modo possemus nos ex infinitis, sacra Scriptura locutionibus similibus eandem veritatem comprobare.

18.  
Veritas supra dictorum ostenditur.

Denique ratione etiam potest eadem veritas ostendi, quia quidquid est perfectionis in voluntate creata, & actibus eius inuenitur, licet in voluntate creata non sit, nisi admixtum imperfectionibus, nihilominus seculis imperfectionibus Deo tribuendum est, cui nulla perfectio deneganda est: sed operari propriè & perfectè propter finem spectat ad perfectionem simpliciter; ergo hoc maxime tribuendum est Deo. Minor certissima est, quia in vniuersum pertinet ad perfectionem agentis non tempore & casu operari, sed in definitum terminum sua actione tendere, & ideo omnia agentia etiam naturalia, quatenus perfectè operantur, agunt propter finem; inter illa verò ea, quæ ratione carent, agentur potius, quàm agant propter finem, propter imperfectionem suam, vnde necesse est, vt ab aliquo intellectuali agente dirigantur, vt etiam Aristoteles assequutus est; ergo in intellectuali agente ad formalem perfectionem eius simpliciter spectat, vt per se operetur propter finem, certa ratione, & consilio sua opera in definitum in finem ordinando. Hoc autem faciunt creaturæ rationales, vel producendo actus à sua voluntate distinctos, vel vnum actum per alium efficiendo, vt electionem mediorum per intentionem finis, vel prius tempore, & causalitate, quàm aliud volendo: hæc autem imperfectiones, & similes remoueri possunt à voluntate Dei, seruata perfectione simpliciter agendi, & volendi propriissime propter finem, nam propter infinitatem, & simplicitatem suam, vno purissimo actu potest velle plura obiecta creata, vnum, vt finem alterius, & vt rationem volendi illud, sicut etiam eodem actu vult se, & alia, se propter se, & alia propter ipsum; ergo habet Deus propriè, & formaliter illam perfectionem, sine cæteris imperfectionibus. Et confirmatur, nam difficilius apparet vno, & eodem actu aliquid velle necessariò, & aliqua liberè, & vnum efficaciter, aliud ineffaciter, seu simplici affectu, quàm velle vnum vt finem, & alium vt medium; sed in diuina volitione simplicissima, illa omnia inueniuntur eminenti, & formali modo, quia ad perfectionem simpliciter spectant; ergo hæc etiam intelligenda in ea sunt. Quidquid ergo nos appetimus diuersis actibus intendendo, diligendo, vtiendo fruendo, vult Deus vno simplicissimo actu.

19. Hac autem perfectione intellecta in diuina voluntate, consequens necessariò fit, vt in eo sit ordo intentionis; hic enim ordo per se, & remotis imperfectionibus non dicit ordinem realem in ipsis actibus, sed tantum veram rationem formalem intentionis, & electionis in tali actu, ex quo resultat ordo aliquis realis in ipsis obiectis, & consideratur à nobis secundum rationem in ipso actu Dei, quia non possumus illam prout in se est, intelligere, sed inadæquatè illum incipiendo, & in plures actus secundum rationem illum distinguendo. Ergo sicut in

A nobis est ordo intentionis realis, ita est in Deo eminentiori modo, quem nos per distinctionem, & ordinem rationis explicamus. Et confirmatur, ac declaratur, nam simili ratione docent Theologi, Deum habere in mente sua ideas, seu rationes rerum omnium, per quas tanquam supremus artifex res tan varias, ac multiplices operatus est. Quia, vt Augustinus ait lib. 8. Quæstionum. q. 48. non aliter intelligimus Deum summa ratione omnia condidisse; non minus autem concipere debemus Deum rationabiliter operantem in morali, quàm in artificioso modo operandi; ergo necessariò debemus concipere Deum vt perfectissimè operantem propter finem, nam sicut ad perfectum, & rationabilem modum operandi artificis spectat, per proprium exemplar vnumquodque producere, ita ad effectum, & rationabilem modum agentis liberè, & moralis pertinet per propriam intentionem, & electionem propter finem operari, sic igitur operatur Deus; ergo in voluntate eius datur verus ordo intentionis, qui in illis actibus consistit.

B Et hinc aliter sequitur, ordinem intentionis nostro modo intelligendi, esse distinctum ab ordine executionis, & illo priorem. Probatur, quia nos non possumus apprehendere, aut explicare diuina, nisi ad instar eorum, quæ in nobis experimur, sed in nobis ordo intentionis antecedit ordinem executionis, quia finis est, qui prius mouet ad sui affectum, & desiderium, seu intentionem, & inde fit transitus ad electionem, & inde ad executionem, seu vsum; ergo licet Deus hæc omnia in se habeat vno simplicissimo actu, nihilominus secundum rationem intelligere debemus voluntatem Dei primariò ferre in finem, quàm in media, & prius per modum cuiusdam determinati affectus interni, quàm per modum exequentis ad extra, & hoc vocamus ordines intentionis, & executionis. Et confirmatur; nam in scientia Dei licet simplicissima, & sine discursu sit, intelligimus Deum, v.g. siue hominem esse risibilem, quia est rationalis. Vnde nostro intelligendi modo, si actus illos ratione distinguamus, apprehendimus, vt priorem cognitionem essentiae, quàm passionis ab illa resultantis, & actum circa principium, quàm circa conclusionem, ergo similiter in proposito. Declaratur præterea, quia vbi nos intelligimus, vnum dependere ab alio, & non è contra, intelligimus prioritatem, & ordinem secundum rationem, sed executio pendet ab intentione, & illam supponit, è contrario verò intentio non ita pendet, quia licet intentio efficace inferat executionem, tamen potest esse intentio determinata, & executio indifferens, quia potest per varia media, & diuersis modis fieri; ergo intelligitur rectè ordo rationis in quo intentio præcedit.

C Neque contra hanc resolutionem vilius momenti est fundamentum nouum in vltima sententia propositum. Id enim, quod supponit, Deum constitui volentem liberè simul per suam essentiam, & creaturam volitam, incredibile mihi visum est. Tum quia inde sequitur, Deum, ex parte saltem formaliter constitui volentem per ipsam creaturam volitam; tum etiam, quia similiter concedendum erit, constitui formaliter scientiam rei factas per ipsas creaturas scitas, quod nulla ratione permittendum est, quia hoc maior imperfectio esset in Deo, quàm accipere scientiam, vel voluntatem à rebus. Deinde creatura volita, vel scita, & terminus extrinsecus volitionis, vel scientiæ; ergo non potest formaliter concurrere ad constituendum Deum volentem, vel intelligentem; nam in nobis non est intelligibile solum, quia obiectum se habet extrinsecè; ergo multo minus in Deo. Denique denominatio volentis, vel

Confirmatur, & declaratur.

Augustinus.

10.  
Distinguitur ordo intentionis ab executionis ordine. Probatur.

Confirmatur.

Declaratur.

11.  
Reiicitur fundamentum in vltima sententia propositum.



vel scientis, nulla ex parte potest esse extrinseca, etiam quoad determinationem ad tale obiectum, aliàs non esset vitalis, neque ex intrinseca perfectione.

22.

Et ut alia omittam, quibus illud principium euerti facile potest, etiam illatio, quæ ex illo fit, nullius est momenti: nam ut Deus sit volens liberè, non est necessaria existentia actualis creaturæ, aliàs ex tempore constitueretur Deus volens; sufficit ergo obiectiva præscientia; ergo etiam consequenter dicendum esset Deum constitui volentem per creaturam obiectiuè sibi coniunctam, tam in ordine intentionis, quàm in ordine executionis, præsertim, quia ad actum liberum non est necessariò mutatio libera in obiecto voluto, sed sufficit moralis, vel secundùm aliquam habitudinem ad esse futurum: hæc autem mutatio etiam in ordine intentionis spectari potest, quia eo ipso, quòd Deus intendit creare hominem, intelligitur homo ipse nouo quodam modo coniunctus voluntati diuinæ; ergo in illa opinione etiam dici posset, & deberet Deum constitui sic determinatè volentem per suam voluntatem, & hominem sic obiectiuè sibi coniunctum, quòd si hoc est incredibile, quia illa qualiscunque mutatio in tali obiecto à voluntate Dei libera prouenit, idem est probabile in voluntate executionis, quæ est causa sui obiecti. Sit ergo certum dari ordinem intentionis in voluntate Dei libera.

23.

Hoc ergo supposito in particulari pñcto, quòd prima obiectio facta postulat de electione prædestinatorum, in primis fatemur, in operibus gratiæ, & gloriæ maximè inueniri ordinem intentionis, & executionis, & utrumque considerari debere in diuina voluntate, seu prædestinatione. Deinde admittimus circa prædestinatos primum omnium antecedere efficax decretum Dei, quo ante omnia merita absolutè præuisa statuit talibus hominibus dare regnum cælorum, quòd decretum respectu prædestinatorum vocatur *dilectio*, & respectu aliorum, qui non sic eliguntur, vocatur *electio*, & respectu mediorum, quibus comparanda est beatitudo, vocatur *intentio*. Est autem absoluta, & efficax, ut sit proportionata mediis certis, & congruis, quæ ex vi illius dantur prædestinatis, ut indeclinabiliter gloriam consequantur; distinguitur autem secundùm rationem ab electione mediorum, quia circa diuersa obiecta versatur, & procedit secundùm rationem, tum quia gloria est propter se, seu immediatè propter Deum, media autem sunt propter hominis gloriam, tum etiam, quia decretum de gloria per se non limitatur ad hæc, vel illa media, sed postea hæc per electionem determinatur. Vnde etiam distinguitur illa intentio à voluntate exequente, quia intentio nostro modo concipiendi incipit ab ipsa gloria, & præcedit merita absolutè prouisa, voluntas autem executiua incipit à vocatione, & inde procedit ad alia auxilia, quibus fiunt merita, & perseverantia in illis, quibus præuisis intelligitur voluntas executiua etiam circa ipsam gloriam, quæ cadit in illam sub diuersa ratione præmij iam debiti, & est per modum applicationis potentiæ executiue, vel per modum actualis productionis luminis gloriæ, & auxilij necessarij ad videndum Deum, in quo beatitudo consistit.

24.  
Respondetur  
principali obiecti.

Ad obiectionem ergo principalem concedimus Deum ante omnia merita præuisa elegisse prædestinatos efficaciter ad gloriam, hoc enim propter discussum hîc factum, & Scripturis, & Augusti-

no magis consentaneum existimamus, ut in alijs locis citatis latius ostendimus. Neque talis actus est suppositio ita antecedens, ut tollat libertatem, quia per se non est executiua, neque determinatiua voluntatis creatæ, & quia virtute claudit habitudinem ad media efficacia non sine libera determinatione voluntatis humanæ conditionaliter præuisa. Et ideo ad illam intentionem gloriæ non est necessarium auxilium prædeterminans, sed congrua vocatio sufficit, vnde consequenter dicimus, ut Deus habere possit hunc actum salua ipsius efficacia, & prædestinatorum libertate, necessariò supponi in Deo scientiam conditionatam, quam nos verissimè supponi censemus, ut ostendimus in secundo Prolegomeno, vbi, quæ contra illam obijci solent, dissoluimus.

Ad replicam autem secundam, quæ nunc additur, quòd tunc ista electio non esset omnino gratuita, sed aliquo modo ex præuisis meritis, respondemus negando sequelam, quæ certè fundari non potest nisi in errore Massiliensium, qui ad rationem præmij, vel pænæ putabant sufficere opera sub conditione præuisa, quòd tamen Augustinus, & Prosper omnino damnant, ut in Prolegomeno 2. visum est, & ad hominem potest retorqueri argumentum: nam qui ponunt physicam prædeterminationem, negare non possunt, quin Deus per scientiam simplicis intelligentiæ, ac subinde ante electionem prædestinatorum præscierit, si talibus hominibus talis modus prædeterminationis detur, fore consensuros, & tamen inde non sequitur, quòd voluntas eligendi eos ad gloriam, fuerit ex illis operibus; ergo nec in nostra sententia sequitur. Dicemus ergo illam præscientiam, esse necessariam ex parte Dei, ut habeat certa media, quibus suam electionem exequi possit, si eam gratis velit concedere. Vnde non sequitur Deum elegisse hominem, quia liberè erat consensurus, sed elegisse illum, quia voluit, & quia elegit, ideo ita vocare illum, ut consentiat, ut Augustinus q. 2. ad Simplician. & alijs locis docet. Et ita etiam non sequitur, numerum saluandorum non esse certum in voluntate, sed in præscientia, nam per scientiam conditionatam nihil scitur absolutè futurum; ergo in illa non potest esse certus prædestinatorum numerus, sed cum illi voluntas adiungitur, in ea est certus, ut per se satis constat.

25.  
Ad replicam,  
quæ nunc  
additur re-  
sponderetur  
negando se-  
quelam.

Sed instari potest, quia illa voluntas dandi gloriam, quam Deus habuit erga prædestinatos, inclusit necessariò respectum ad talia media, quorù efficacia ex libero arbitrio pendeat; ergo semper includit conditionem, si homo consentiat, seu cooperetur vocationi; ergo non fuit absoluta, & efficax voluntas. Item non potest magis esse absoluta voluntas finis, quàm mediorum, sed mediorum non est absoluta simpliciter; ergo nec voluntas finis. Probat minor, quia est voluntas meritorum liberè exercendorum; ergo necessariò includit conditionem in obiecto, aliàs libertati repugnaret. Præterea vocatio congrua non est ex se absolutè efficax, sed solum supposita cooperatione liberi arbitrij sub conditione futura; ergo nec voluntas finis, quæ includit formaliter, vel virtute ordinem ad talem vocationem potest esse simpliciter absoluta, quia saltem virtute includit semper illam conditionem. Denique illi voluntati Dei potest humana voluntas resistere, simpliciter loquendo; ergo illa voluntas Dei non est absoluta & efficax, nam voluntati Dei efficaci nemo potest resistere. Antecedens probatur, quia homo

26.  
Instantia.

homo potest absolute non habere talia merita, sed si illa non habeat, resistet illi voluntati, ergo simpliciter potest illi voluntati resistere.

27.  
Respondetur.

Ad hæc responderi potest voluntatem illam Dei dupliciter considerari posse, vno modo secundum se, & abstrahendo à præscientia Dei conditionata, alio modo vt iam supponit illam scientiam; & priori modo non esse absolutam voluntatem, neque efficacem, sed indifferentem vt sit efficax in præscientia. Et hoc probatur argumentis factis. Alio verò modo posse considerari vt coniunctam scientiæ conditionatæ, & vt sic esse efficacem. Ad eum modum quo nos dicimus vocationem congruam per se spectatam, & secundum suam absolutam entitatem non habere intrinsecè, ac determinatè actualem efficaciam, sed potius de se esse indifferentem, vt congrua, vel incongrua sit, in præscientia autem esse congruam & efficacem, quia cooperatio liberi arbitrij illi coniungenda supponitur.

28.

Sed non est necessaria distinctio quoad actum diuinæ voluntatis, neque illi rectè accommodatur, neque etiam æquiparatio illa cum congrua vocatione in omnibus fieri potest. Imò ex diuersitate inter voluntatem internam Dei, & vocationem externam facile res intelligitur. Vocatio enim est res creata habens suam absolutam entitatem, secundum quam optimè consideratur, vt præcisa à cooperatione voluntatis creatæ, quam prædeterminare non potest, sed excitare, & inducere, & cum illa cooperari si velit, & ideo de se dicitur non inferre necessariò actualem efficaciam, sed solum ex suppositione, quòd voluntas sit illi cooperatura, quam suppositionem entitas illius vocationis per se non postulat, nec præsupponit, sed solum vt procedit ex tali præscientia, & ideo sub tali respectu dicitur efficax, non absolute & secundum se. At verò decretum illud voluntatis Dei, vt sit tale decretum necessariò supponit talem præscientiam conditionatam qua illa media præcognoscuntur, vt efficacia. Nam si decretum illud consideretur secundum suam solam absolutam entitatem, sic non est decretum efficax, nec inefficax, nec absolutum, nec conditionatum, imò nec decretum liberum est, sed est sola voluntas Dei se necessariò amans, & potens liberè amare objecta creata, seu creabilia, prout voluerit, sine mutatione, vel additione reali, quæ in ipsa fiat. Constituitur autem nostro modo intelligendi in esse talis decreti per determinatum respectum ad tale, vel tale objectum, & quia determinatio voluntatis supponit objectum cognitum sub tali ratione, vel conditione, qua possit tale decretum terminare, ideo non potest tale decretum absolute tantum, & secundum suam entitatem spectari, sed necessariò considerandum est vt supponit talem scientiam, & cum illa tali, vel tali modo determinatur.

29.

Et hac ratione si Deus non habet scientiam conditionatam de futuro effectu talis vocationis, si detur, nullo modo posset habere decretum dandi illam vocationem vt congruam, & efficacem, neque daret illam, vt gratiam specialem & singulare beneficium, quale in præcedenti capite explicuimus; supposita autem præscientia, dat illam peculiari affectu longè diuerso ab eo, quem habet erga illum cui dat vocationem entitate similem absque tali præscientia: & ideo talis affectus singularis non potest considerari tanquam quid absolutum, & abstrahibile à tali præscientia, seu objecto, vt per illam proposito. Sic ergo di-

A cimus de electione prædestinatorum ad gloriam. Nam, vt haberi possit eo modo, quo nunc illam habuit Deus, necessariò supponit præscientiam eiusdem gloriæ, vt infallibiliter comparabilis per hæc, vel illa media, & ideo considerari non potest secundum se, vt abstrahit à tali præscientia, per quam obiectum capax talis effectus illi proponitur. Vt sic autem spectatum illud decretum omnino est absolutum, & efficax, quia licet executio eius pendeat ex cooperatione libera tanquam à concausa, vel conditione necessaria, nihilominus ante tale decretum supponitur purificata conditio in præscientia Dei, & in obiecto, vt per illam proposito, & ideo absolute vult Deus talem gloriam dare, & per illam voluntatem efficaciter determinatur ad danda media quæ in præscientia sua nouit esse efficacia.

Ad instantias verò facile respondetur. Ad primam aliqui dicunt decretum illud dandi gloriam de se abstrahere etiam à meritis, & aliis medijs pendentibus à libertate hominis, ideòque esse posse omnino absolutum. Sed non placet, quia probabilius est, semper, & in omni signo prædestinasse Deum gloriam vt humano, & morali modo consequendam, & vt coronam, ac præmium meritorum, in quo necessariò includitur virtualis ordo ad merita, seu ad media moralia, & libera, saltem abstractè & in communi. Dicimus ergo, quòd licet secundum hanc considerationem medium illud pendeat à conditione homini libera, tamen quia in præscientia Dei iam supponitur purificata conditio, decretum est omnino absolutum. Sicut inter homines, quia ignorant conditionem futuri euentus, promisso sub conditione talis euentus futuri conditionata est; si tamen fiat promissio sub conditione de præsentia cognita, nomine tantum est conditionata, & propositum internum necessariò erit absolutum, quia purificata est conditio. Et simili modo dicimus ad secundam instantiam voluntatem dandi merita tali homini, seu voluntatem dandi illi fidem, charitatem, &c. esse absolutam, sicut mox de prædefinitione dicemus; neque id repugnat libertati, quia supponitur in præscientia futurus vsus ille libertatis, & per illam suppositionem purificatur conditio, potestque esse decretum absolutum sine læsione libertatis.

Ad tertiam eodem modo dicimus, hoc decretum Dei de gloria hominis prædestinati virtute ordinari ad vocationem congruam, vt congrua est, concipique ex suppositione congruitatis eius iam præiuxit. Vocatio autem illa licet præcisè spectata non sit de se efficax, tamen vt congrua est, omnino est efficax, & ita purificata conditione, non impedit quominus decretum Dei sit absolutum. Ad quartam negatur posse voluntatem humanam resistere illi decreto Dei, sicut non potest resistere vocationi congruæ, vt congrua est, & præiuxit, vt tali. Neque hæc impotentia resistendi est contraria libertati, quia non est impotentia simpliciter, sed ex suppositione vsus liberi iam præiuxit. Nam si voluntas præiuxit hoc volitura in tali tempore, & occasione, iam non potest aliter velle, illa hypothese supposita, & nihilominus liberè est volitura, quia hoc ita futurum supponebatur; eodem ergo modo non potest voluntas resistere tentationi, quæ ex efficacia sua, & sapientia potest applicare media, cum quibus nouit voluntatem consensuram.

30.  
Respondetur ad alias instantias.  
Ad primam;

Ad secundam;

31.  
Ad tertiam;

Ad quartam.

CAPVT LIV.

Appendix de prædefinitionibus cum  
aliarum obiectionum re-  
sponſione.

I.  
Sedes & ſū-  
ma capitis  
de Præde-  
finitionibus  
diuinis.

**V**T aliis obiectionibus ſatisficiamus, pauca de prædefinitionibus diuinis, quod tertio loco propoſuimus, dicenda ſunt. Et in primis circa verbum *prædeſiniendi*, ſeu *praſiniendi*, (idem enim ſunt in uſu Scripturæ, & Patrum,) aduertendum eſt, in ſignificatione non diſtingui à verbo *prædeſtinandi*, nam indifferenter utroque Patres utuntur, ut ex infra citandis conſtabit. Et in Scriptura idem verbum Græcum *ἐπιζω*, vel *προορίζω*, interdum per verbum *prædeſino*, interdum verò per verbum *praſino*, aut *deſino* à vulgato interprete transfertur, ut videre licet ad Rom. 1. & ad Cor. 2. & ad Ephēſ. 1. & Act. 2. & ita hæc verba ut ſynonyma ponit Salmeron in Præludiis ad epiſt. Pauli tract. 2. diſp. 1. ubi etiam addit verbum *prædiſpono*, quod minus uſitatum eſt, & verbum *prædeſtermino*, quod etiam in Scriptura non inuenio, uſu tamen Theologorum receptum eſt, ut ſtatim dicam. Quia tamen hæc verba ex ſimplicibus compoſita ſunt addita particula *præ*, circa utramque partem aliquid declarandum eſt, ut in verborum ſignificatione æquiuocatio tollatur.

2.  
Conſidera-  
tur verbum  
*deſino*, vel  
*deſinio*.

1. Cor. 2. & 9.

Ephēſ. 1.

Rom. 8.

Mat. 1. & 17.

Luc. 22.

D. Thom.

Circa verbum ergo *deſino*, aut *deſinio*, aduertendum eſt poſſe, vel ad internos actus animæ, vel ad externos, qui ab illis procedunt, applicari. Nam *deſtinare* ad animum relatum idem eſt, quod proponere, vel intra ſe conſtituere aliquid faciendum, iuxta illud 2. ad Corinth. 8. & *deſtinatam voluntatem noſtram*, & cap. 9. *Prout deſtinauit in corde ſuo*. Et iuxta hanc ſignificationem in Deo explicuit verbum *prædeſtinandi* Paulus ad Ephēſ. 1. cum dixit, *Qui prædeſtinauit nos in adoptionem filiorum per Ieſum Chriſtum ſecundum propoſitum voluntatis ſue*, & in eodem ſenſu loquitur ad Roman. 8. dum ait, *Hiſ, qui ſecundum propoſitum vocati ſunt Sancti*, de quibus poſtea ſubdit, *Quos prædeſtinauit, hos & vocauit*. Apud Latinos verò ſæpe refertur hoc verbum ad exteriores actiones, & ſignificat *mittere*, vel aliquod munus aliquem exterius designare. Idem conſiderare licet in verbo *deſiniendi*, nam communiter ſignificat aut verbis deſcribere, ſeu declarare rei naturam, & eſſentiam, aut certis terminis, & limitibus rem aliquam terminare. Frequenter verò refertur ad animum, ut patet ex illo Act. 2. *Hunc deſinito conſilio, & præſcientia Dei tradi- tum*, & cap. 17. *Deſiniens ſtatuta tempora*, & Luc. 22. *Filius hominis ſicut deſinitum eſt, vadit*. Idem notari poteſt in verbo *determinandi*, in rigore enim ſignificat exteriorem actionem ponendi terminum certum, vel loci, vel temporis; transfertur verò etiam ad animum, nam quia voluntas de ſe indifferens eſt cum aliquid eligit, vel proponit, determinari dicitur. Et ita proportionē ſeruata, idem eſt, *prædeſterminare*, quod *prædeſinire*, & utrumque verbum poteſt Deo attribui, vel ratione interni, & æterni propoſiti, ut videre licet in D. Thoma 1. part. quæſt. 23. art. 1. ad 1. & 3. contr. gent. cap. 90. vel ratione externæ temporalis actionis, qua cauſam ſecundam de ſe in-

Fr. Suarez, de Gratia Pars II.

A differentem ad vnum determinat, & nunc moderni Theologi frequenter loquuntur.

Et ideo in lib. 1. de Auxiliis cap. 16. num. 6. & ſequentibus, ad tollendam hanc verborum æquiuocationem, ne quæſtiones confundantur, diſlinxi in Deo prædefinitionem, ſeu prædeterminationem ad intra, & ad extra, & propoſui uti verbo *prædeſiniendi*, ad ſignificandum internum decretum Dei, quia in hoc ſenſu inuenio magis uſitatum in Scriptura diuina verbum *deſiniendi* Deo attributum: verbum autem *prædeſterminandi* ad ſignificandam externam actionem prædeterminantem accominodauit: quia neque in Scriptura diuina, ſeu in vulgata Latina hoc verbum uſitatum inuenio ad ſignificandam prædeſtinationem Dei, & in rigore Latino verbum *prædeſterminandi* propriè ſumptum externam actionem magis ſignificat. Quod ſi alicui, (ut video,) hæc accommodatio verborum non placuit, non contendo de verbis, dummodo res ipſa, de qua diſputatur, ambiguitate verborum non confundatur. Idem notari poteſt in verbo *diſponendi*, quod ſerè idem eſt, cum verbo *præparandi*, in quo ſimilem ſerè diſtinctionem notauit D. Thomas 1. part. quæſt. 23. art. 2. ad 3. aliis verbis, diſtinguens duplicem præparationem, vnā, quæ in paſſo recipitur, quam nos æternam vocamus, aliam, quæ manet in agente, quam nos vocamus internam, eſt enim propria agentis intellectualis, qui præconcipiendo, & volendo ſe præparat ad agendum; & ad hanc inquit D. Thomas prædeſtinationem pertinere, idemque nos dicimus de prædefinitione, quia, ut dixi, verbum *prædeſiniendi*, & *prædeſtinandi* in rigore æquiuocantia ſunt. Inter verbum autem *prædeſiniendi*, & *præparandi*, hæc ſolet notari differentia, quod ea tantum dicitur Deus præſinire, quæ abſoluto decreto facere ſtatuit: præparare autem dici poteſt, & illa, quæ ſic decreuit, & quæ antecedente tantum voluntate diſpoſuit, nam etiam dici poteſt Deus gloriam reprobis præparariſe, utique quantum in ipſo eſt.

Denique ex dictis intelligi poteſt verbum *prædeſiniendi*, (& idem ſerè eſt de exteris ad propoſitum voluntatis applicatis,) verbum, inquam, *prædeſiniendi*, ex vi propriæ ſignificationis ſux, non ſignificare voluntatem Dei per modum exequentis, nec per modum proximi principij efficientis ad extra, ſed ad prædefinitionem ſufficere propoſitum per modum intentionis, ſeu electionis, id enim propriè ſignificat verbum *prædeſtinandi*, ut ex Paulo notauit, & in propria materia oſtendi, & in ſequentibus attingam: illi autem verbo æquiualeat, ut dixi, verbum *prædeſiniendi*. In nobis etiam id conſtat, rectè enim dicimur nobiſcum deſinire, quæ facere intendimus, vel eligimus, iuxta illud 1. Machab. 1. *Multi de populo Iſraeli deſinierunt apud ſe, ut non manducarent immunda, & elegerunt magis mori*, &c. Et ſic etiam dicitur 1. Reg. 20. *Intellexit Ionathas quod deſinitum eſſet à patre ſuo ut interficeret Dauid*. Et idem eſt cum proportionē de verbo *deſtinandi*, iuxta illud Machab. 6. *Deſtinauit non admittere ſilicem*, & alia quæ ſuprà citauimus. Ac denique talis deſinitio, vel prædeſinitio ſolum eſt propoſitum quoddam voluntatis, quod de ſe vltimū, & effectum antecedere poteſt, quamuis ad illam ſiue phyſicè, ſiue moraliter, inclinet, & ſiue propriè, ſiue metaphoricè moueat, & inducat.

Y y

Quod

3.  
Item.

In Deo prædefinitionem prædeſtinationem ad intra, & ad extra ab Antiquo diſtinguitur, & cur.

D. Thom.

D. Thom.

Verbi prædeſiniendi, & prædeſtinandi notio. 7. prædeſiniendi, & præparandi quiddam diſtinguant.

4.

1. Machab. 1.

1. Reg. 20.

1. Machab. 6.



Quod si quis dicat etiam voluntatem æternam Dei executivam, qua in tempore operatur, esse definitionem, seu præfinitionem, non multum de verbo contendam, maxime quando illa voluntas est omnino absoluta, dummodo non asseratur, illam solam esse voluntatem prædefinitivam, & in ordine intentionis non sufficienter saluari: hoc enim, & sine fundamento dicitur, & falsum esse ostendunt quæ adduximus.

Superest dicendum, quid denotetur per illam particulam *præ*, ex qua *prædefinitio*, *prædestinatio*, & similia componuntur. Quidam enim novi Theologi volunt, in proprietate solùm significare antecessionem decreti divini ad omnem præscientiam futurorum, secundum ordinem rationis, & omnem aliam significationem impropiam esse dicunt, & ideo in expositione Scripturæ quoad talia verba non esse admittendam, cum Scriptura debeat in proprietate sermonis explicari, quodcumque commode potest. Sed hæc sententia quoad hanc posteriorem partem non habet fundamentum, neque in Latina significatione illius dictionis, & compositionis in omni proprietate sumptæ, neque in Patribus, aut Scriptura, ut ex dicendis patebit. Dico ergo tria posse per illam particulam, & compositionem eius propriè significari. Primò quidem interdum significat non durationis, aut antecessionis ordinem, sed dignitatis excellentiam, sicut videri potest in nomine *Praelati*, aut *Præpositi*. Et sic de Virgine dicit Ecclesia, *Elegit eam Deus, & prælegit eam*, id est, ad singularem dignitatem elegit. Et hoc significatum in verbo *prædestinandi*, & appellatione prædestinatorum placuit Catherino, quia putavit non omnes saluandos esse prædestinatos, sed illos qui altiori modo, & ad singularem gloriæ dignitatem electi sunt. Neque displicet illa significatio Salmeroni in dicta disp. 1. neque Lorino ad illa verba Act. 2. *Hunc definitio Dei consilio traditum*. Sed licet significatio hæc non sit impropria, nobis non est necessaria, tum quia neque auctoritate, neque sufficienti ratione ostendi potest Scripturam uti verbis illis in dicta significatione, tum etiam, quia omnino verum esse credimus, omnes saluandos esse electos, & omnes electos esse prædestinatos: tum denique quia ponitur interdum idem verbum respectu generalium effectuum providentiæ Dei, ut Act. 17. ubi vulgata habet, *desinens statuta tempora*, Græcè habetur participium *ὑποτάσσας*, quod per verbum *prædestinandi* solet in aliis locis verti, ut statim dicam. Addo verò etiam si illa significatio admittatur, non esse illà abutendum ad opinionem Catherini de prædestinatione stabiliendam; nam etiam in hoc sensu omnes saluandi prædestinati sunt, quia comparatione reprobatorum omnes fuerunt electi, vel præelecti, id est, ad singularem excellentiam, & dignitatem singulari beneficio destinati.

Secunda significatio est, ut particula *præ* in illis verbis Deo attributis significet antecessionem æternitatis ad tempus, quam significationem existimo esse propriissimam, & ad explicandam divinam Scripturam, ubi oportuerit, esse aptissimam, & sufficientissimam. Hoc probò primò verbis Pauli ad Roman. 8. *Quos præscivit, & prædestinavit*, nam in verbo *præscivit*, particula *præ* non necessariò dicit antecessionem rationis ad decretum Dei, ergo sufficienter explicatur per antecessionem æternitatis ad tempus; ergo etiam in alio verbo potest habere eandem significationem om-

nino propriam. Vnde ex vi verborum Pauli solùm haberi potest præscientiam, & prædestinationem esse æternam: quem autem ordinem rationis inter se habeant, inde non habetur, quod si ex ordine litteræ argumentum sumi posset, scientiam præire significatur. Sed neque argumentum est efficax, & quamvis admitteretur, non esset intelligendum de præscientia absoluta futurorum meritorum, sed de aliqua alia, ut in proprio loco explicatum est.

Confirmari hoc etiam potest, quia verbum Græcum *ὑποτάσσω*, & *προορίζω* quasi synonyma in Scriptura ponuntur, & interdum ubi est verbum simplex *ὑποτάσσω* in vulgata ponitur verbum *prædestino*, vel simile, & è conuerso, ubi est verbum *προορίζω*, in vulgata ponitur verbum simplex *decerno*, aut *definio*. Exempla sunt ad Roman. 1. *prædestinatus filius Dei*; Græcè *ὑποτάκτως*, & è contrario Act. 4. *Quam manu tua, & consilium tuum decreuerunt fieri*, Græcè *προορίσασθαι*, in cap. verò 8. utrumque verbum est compositum, ibi. *Quos præscivit, & prædestinavit*, & ibi, *Quos prædestinavit, hos & vocavit*, in utroque enim loco est verbum *προορίζω*. Idem inuenietur ad Ephes. 1. ibi, *Qui prædestinavit nos in adoptionem filiorum per Iesum Christum*, & 1. ad Corinth. 1. ibi, *quam prædestinavit Deus ante sæcula in gloriam nostram*. Hinc ergo colligimus per illam particulam *præ*, significare antecessionem æternitatis: nam propter verbum simplex *definio*, v. g. Deo attributum censetur æquivalens verbo *prædestino*, quia decreta Dei non possunt esse nisi æterna; ergo signum est per particulam *præ* significari antecessionem æternitatis.

Dices ergo in verbis citatis, *quam prædestinavit Deus ante sæcula*, superflue addidisset Obiectio: Paulus particulam *ante sæcula*, quia per particulam *præ*, iam id esset significatum. Respondetur: deo potius inde confirmari, quod dicimus, nam illa particula, *ante sæcula*, addita est ad explicandam antecessionem per verbum *prædestinandi* indicatam, sicut 1. Petr. 1. ubi de Christo dicitur, *præcogniti quidem ante mundi constitutionem*, ista postrema particula addita non est, nisi ad explicandam cognitionem Dei vocari præcognitionem propter æternitatem. Atque ita verbum *prædestino*, seu *προορίζω* de antecessione æternitatis exposuit Origen. ad Roman. 1. & Auctor commentariorum in eandem epistolam nomine Hieronymi ad Roman. 8. & aperte idem Hieronymus ad Ephes. 1. Item verbum *prædestinandi* non solùm usurpat à Patribus respectu gloriæ, sed etiam respectu gehennæ, ut videre licet in Augustino 21. de Civit. cap. 14. & in Enchirid. cap. 100. & lib. 2. de Peccator merit. cap. 17. & sæpè aliis locis, & Fulgentio lib. 1. ad Montm. cap. 14. & 17. 27. & 28. & Prosper ad obiection. Vincent. 10. & sequentibus. Ergo verbum *prædestinandi* in rigore, & proprietate non significat antecessionem ad scientiam, quia Deus neminem prædestinavit ad pœnam ante præscientiam peccatorum; ergo proprietas illius verbi compositi sufficienter saluatur per antecessionem æternitatis ad tempus. Et idem confirmari potest ex verbo *præparandi*: nam in hominibus in rigore solùm significat antecessionem per æternitatem, ut ex D. Thom. retuli; idem ergo est in cæteris similibus verbis.

Nihilominus

9. Nihilominus addenda est tertia significatio illius compositionis, seu particulæ *præ*, quæ sine dubio est etiam satis propria, nimirum, ut non solum significet antecessorem æternitatis, sed etiam ordinem aliquem antecessoris secundum rationem fundatum, vel in ordine obiectorum, vel alia simili ratione, ob quam vnus actus Dei tanquam prior, alio à nobis apprehendatur. Sic enim quia cognitio obiecti præcedit volitionem eius, hac ratione dici potest præscientia, vel præcognitio respectu volitionis, sic etiam, quia intentio finis ratione antecedit electionem mediorum, ideo propositum saluandi electos dici potest prædestinatio ad gloriam, etiam respectu electionis mediorum in particulari: & quia illud est propositum omnino gratuitum, etiam dici potest prædestinatio propter antecessorem ad absolutam præscientiam meritum. Ac denique, quia effectus, quos Deus est facturus, futuri non sunt, nisi ex decreto absoluto voluntatis Dei, ideo tale decretum potest dici prædefinitio per comparationem ad præscientiam eiusdem obiecti prædefiniti, ut futuri, vel etiam per comparationem ad ipsam rem futuram, quæ in hoc sensu ideo præfinita dicitur, quia ex præfinitione habet, quod sit futura. Arque in hoc sensu dicuntur in Scriptura vel definita, ut Actor. 17. vel præfinita, Danielis 11. & 12.

10. In hoc ergo ultimo sensu procedunt maximè obiectiones, quæ in hac materia ex præfinitionibus Dei sumuntur, quia ad perfectionem prouidentia Dei erga homines, & eorum actiones necessarium existimatur, ut Deus hoc ultimo modo omnes actus liberos in particulari, absoluto decreto, & ante præscientiam absolutam illorum, ut futurorum præfinitur; imò aliqui volunt, ut talis prædefinitio dicat antecessorem ad scientiam conditionatam eorundem futurorum. Et quia, qui ita sentiunt, omnia testimonia vel Scripturæ, vel Patrum, quæ de his prædefinitionibus loquuntur, statim accommodant ad hoc genus prædefinitionis, seu ad hanc ultimam significationem, ideo voces ipsas accuratè distinguere necessarium existimaui, nunc de re ipsa quid sentiam breuiter propono.

II.  
Assertio  
principalis  
prima.

Primo ergo certum existimo posse Deum prædefinire actum liberum in particulari hoc genere prædefinitionis, & salua eius libertate. Hoc mihi sufficienter probant, quæ ad probandam electionem prædestinatorum adduxi, & in aliis locis hanc etiam assertionem latè probaui, & ab Auditoribus, quibus nunc respondemus, libenter admittitur, ideoque in illa confirmanda non immorabor. Addimus verò hanc præfinitionem supponere præscientiam conditionatam, & ideo facillimè cum libertate actus præfiniti conciliari, sicut de electione ad gloriam explicauimus. Vnde etiam adiungimus, hanc præfinitionem esse in voluntate Dei per modum intentionis actus præfiniti, non per modum voluntatis exequentis, ac per se immediatè efficiētis ad extra illum actum præfinitum: sic enim non solum esset præfinitio ipsius actus, sed etiam prædeterminatio voluntatis creatæ ad efficiendum, quod eius læderet libertatem, ut supra ostendimus. Est igitur illa præfinitio talis intentio, quæ virtutè includat habitudinem ad congruam vocationem præuisam, & efficaciter applicet voluntatem diuinam ad præbendam talem vocationem voluntati, offerendo simul voluntati creatæ concursus necessarium ad actum prædefinitum eliciendum. Atque ita fit, ut supposita

Fr. Suarez de Gratia Pars II.

prædefinitione infallibiliter illum eliciat, & nihilominus liberè, quia illa præfinitio non mandatur executioni per physicam prædeterminationem, sed per congruam vocationem, vnde fit, ut illa infallibilitas non sit ex suppositione omnino antecedente, sed concomitante, quia supponit cooperationem liberam humanæ voluntatis, sub conditione futuram in præscientia.

Vnde in hoc puncto tandem concludimus, sicut prædefinire actum liberum hoc modo non repugnat libertati, nihilominus repugnare illi, quod Deus nullo habito respectu ad vsum libertatis sub conditione præuisum, apud se statuat, & præfinit facere talem actum, & sua potestate efficaci prædeterminare voluntatem hominis, ut illum faciat, quia talis modus præfinitionibus induceret necessitatem contrariam libertati, ut satis in superioribus demonstratum est. Et de hoc genere præfinitionis, loquutus est Damascenus, cum negauerit Deum prædefinire actus liberos lib. 2. de fide cap. 30. Et in Dialogo contra Manichæ, quem meritò D. Thomas de prædefinitione necessitante explicauit 1. p. q. 23. art. 1. ad 1. Neque enim alius modus prædefinitionis necessitante voluntatem humanam intelligi potest, ut in superioribus etiam est probatum. Quod enim quidam dicunt Damascenum loqui de præfinitione, per quam Deus præparat effectui causam ex se minimè indifferentem, sed intrinsecè determinatam ad vnum quoad specificationem, & executionem, valde alienum à ratione est, quia ridiculam reddit Damasceni doctrinam. Ille enim agebat de voluntate humana, quam supponit esse liberam, & in suis actibus indifferentem, & de illa dicit, Deum non prædefinire eius actus, ne liberum eius vsum impediatur, & quia nec vitium admitti vult, & rursum nec virtuti vim affert. quæ rationes euidenter ostendunt ipsum loqui de præfinitione inferente necessitatem ab extrinseco illi potètiæ, quæ de se liberæ operationis est capax. Nam talis prædeterminatio ab intrinseco, respectu obiectorum de se indifferentium, & stante iudicio rationis, inuoluit in se repugnantiam, & contradictionem, supposita natura voluntatis; ridiculum ergo esset dicere, Deum non præfinire actus tali genere determinationis, seu necessitatis, hoc enim in nullius mentem vnquam venit. Loquitur ergo Damascenus de præfinitione extrinseca necessitante, quæ, ut dixi, alia esse non potest, nisi quæ statuit Deus efficacia sua prædeterminare voluntatem, ad actum præfinitum, ut satis iam explicatum est. Atque ita responsum est ad secundam obiectionem principalem in præcedenti capite positam. Ex dictis enim sequitur hoc genus præfinitionis antecedentis non esse possibile salua libertate, sed non ideo sequitur tolli omnem præfinitionem, nam est vera, & sufficiens præfinitio, quæ licet præcedat ordine rationis actui absolute futurum, nihilominus non est suppositio simpliciter antecedens, propter vsum libertatis præcognitum, & in ipsa præfinitione virtualiter obseruatum.

Secundò dicimus Deum nullo modo prædefinire actus liberos malos, non quia id repugnet libertati, sed quia contra ordinem diuinæ sapientiæ, & bonitatis esse credimus. Hanc veritatem præter Damascenum docuerunt satis expressè Leo Papa serm. 16. de Passione Domini, ubi tractans verba Actor. 4. facere quæ manus tua, & consilium tuum decreuerunt fieri, accuratè distinguit inter passionem, & actionem,

11.  
Concluditur.

Damascen.

13.  
Assertio secunda.

Leo PP.

dicteque passionem fuisse decretam à Deo, non verò actionem. Numquid, (ait,) iniquitas persequentium Christum ex Dei oria est consilio? Et illud faciamus, quod omni manus est crimine, divina preparationis manus armavit. Vbi certè non habet locum distinctio de. præfinitione malitiæ, vel actionis malæ: nam de actione ipsa loquitur Leo, cum illam à passione distinguit, nec poterat manus præparationis divinæ non armare manus exequentes ludæorum, si eorum realem actionem Deus ex se, & suo prævio consilio præfinitionis; nam qui intendit efficaciter actionem, necesse est, ut præparet media, quibus infallibiliter eueniat. Eandem præfinitionem malorum actuum sub nomine prædestinationis negat, & impugnat latè Fulgent. lib. 1. ad Monim. nam cap. 14. proponit quæstionem, an sicut Deus prædestinat bona opera, ita etiam prædestinet mala, & cap. 17. negat, quia non ipse fecit, ut fierent, & quia ininitum talis voluntatis non est ex Deo, ut persequitur c. p. 19. & sequentibus, ex quibus euidenter constat, illum etiam de ipsis actibus prout sunt reals operationes loqui. Quæ est etiam aperta sententia Prosperi ad obiectum Vincent. in 10. & sequentibus vsque ad finem, & ad cap. Galorum cap. 12. 14. & 15. & in sententiis, quæ illis correspondent, ubi pro regula tradit, Deum non prædestinare opera, quæ nec ipse fecit, nec ut faceremus exegit. Et sic etiam dixit Augustinus lib. de Dono persever. cap. 21. quod Deus omnia quæ prædestinavit, implevit. Et ideo in aliis locis non tribuit præfinitioni Dei omnes voluntates hominum, sed addit sub disunctione permissionem, ut constat lib. 3. de Trinit. cap. 14. Vnde sumpta est regula 58. apud Prosperum. *Voluntas Dei est prima, & summa causa omnium corporalium, & virtualiumque motionum; nihil enim sit visibiliter & sensibiliter, quod non de invisibili, & intelligibili summi Imperatoris aula, aut inbeatur, aut permittatur, & in Enchirid. cap. 95. Non sit aliquid, nisi omnipotens fieri vidit, vel sinendo, ut fiat, vel ipse faciendo.*

34.

Dixi autem Deum nullo modo prædefinire hos actus, quia non solum illos non prædestinat illa præfinitione, quæ antecedit secundum rationem præscientiam absolutam futuri actus prædefiniti, sed etiam neque illos intendit voluntate antecedente, neque voluntate consequente illorum præscientiam eos acceptat, aut simpliciter vult, quamvis illos iam præviſos futuros ad alios effectus suæ providentiæ à se intentos, & aliquo modo prædefinitos illos ordinet. Hanc censeo esse sententiam communem Theologorum in 1. d. 47. & in 2. d. 38. & dictorum Patrum, præsertim Augustini in locis allegatis, & in Enchirid. cap. 100. & sequentibus, & lib. 4. de Civit. cap. 27. & enarrat in Psalm. 16. circa illa verba, *ut non loquatur os meum opera hominum*: & alibi frequenter, ut in lib. 3. allegatum est. Explico autem breviter, & probo singulas partes. Et in primis de primo & rigoreſo modo præfinitionis, quæ præcedat scientiam futurorum per modum absolutæ, & efficacis intentionis, videtur res nimis certa; quia, quod Deus sic intendit, etiam procurat, & pronidet media, quibus infallibiliter eueniat, quod Deo tribui non potest circa actus peccatorum, ut ex ipsis terminis cuiuslibet debita fide, ac pietate rem consideranti evidens videbitur, & latissime lib. 3. ostensum est, estque expressa sententia Damasceni loco statim citando, *Secundò addebam Deum non prædefinire hos*

actus quolibet alio modo, quod probatur, quia Deus non intendit illos, quantum est ex se, ac subinde nec intentione absoluta, ut dictum est, nec intentione simplici, seu antecedenti, aut quantum ex se, quod docuit Damascenus lib. 2. *Damascen.* de fide cap. 29. dicens, *Ex his, quæ in nostro arbitrio consistunt, ea, quæ bona sunt, primariè vult gratia, quæ habet Deus, mala contra, nec primariè, nec secundariè, verum libero arbitrio ea permittit.* Dicitur autem Deus primariè velle ea, quæ ex sua mera voluntate intendit, siue absoluto actu, siue conditionato illa intendat, sicut vult omnes saluari; hoc enim exemplum in eodem capite adhibet Damascenus. Ergo ex illius sententia etiam illo modo non intendit Deus actus peccatorum. Et si quis totius capituli discursum legat, facillè intelligat, eum loqui de actibus ipsis, ut sunt opera realia, quæ adiunctam habent malitiam. Et sane meritò, nam hoc satis est, ut à Deo, quantum ex se est, non intendantur. quod est valde consentaneum Scripturis, & rationibus factis in lib. 3. quæ hic repetere non est necesse.

Neque de his actibus reputamus inconueniēs, quod in confirmatione secundæ obiectionis in præcedenti capite inferebatur, scilicet, aliquem actum realem fieri præter intentionem Dei. Quid enim mirum est, quod sit præter intentionem eius, id quod Scriptura simpliciter docet esse contra voluntatem, & contra præceptum eius? Hoc enim affirmat Scriptura non tantum de malitia talium actionum, vel de illis, ut malæ sunt, sed simpliciter de ipsis actionibus materialibus liberè factis, ita enim à Deo prohibentur, ut in dicto libro 3. ponderauimus. Vnde inductione facillè ostendi potest, multa homines facere, vel voluntariè omittere præter, vel etiam contra intentionem Dei. Quando enim Deus homini inspirat fidem, & ille vel non vult credere, vel vult in suo errore persistere, proſectò præter intentionem Dei agit, quia Deus nihil tale intendebat. Quis enim dicat Deum cum aliquem vocat, intendere ut resistat? Imò potius intendit verè, & ex animo, quamvis non absolute, sed quantum est ex parte sua, ut homo tunc consentiat, & contra hanc intètionem Dei agit, qui resistit, etiaſi non agat contra intentionem absolutam, hæc enim frustrari non potest. Neque hoc derogat perfectioni diuinæ providentiæ circa tales actus, etiaſi ut actus sunt, ut in secunda, & quarta obiectione opponebatur, quia licet non intendantur à Deo, non casu, nec fortuitò eueniunt respectu eius, nec sine cura & providentiæ eius eueniunt, sed ex certa scientia, & voluntate permittendi illos, & concurrenti ad illos cum libero arbitrio ipso se determinante: id autem, quod me sciente, & voluntariè non impediante, cum possem, mihi euenit, non potest dici casu, aut fortuitò, mihi accidere, ut per se constat.

Denique addimus Deum nullo modo velle simpliciter hos actus peccatorum, ut reales, & positivi sunt, etiaſi præuideat illos esse futuros postquam illos permittit. Potest tamen velle aliquos effectus eorum, & ipsos etiam ordinare ad fines suæ providentiæ, iuxta infinitam sapientiam suam; & ita etiam potest aliquo modo præfinire tales effectus, & bona, quæ ex illis malis elicit, licet ipsa mala nullo modo præfiniat. Tota hæc doctrina sumitur ex Augustino locis allegatis, & in lib. de liber. arbit. cap. 20. & lib. 5. Genes. ad liter. cap. 20. Et declaratur breviter per partes. Nam in primis est certum, si sermo sit de peccato, ut pec-

17.

August.

15.



cato, ut peccatum est, Deum nullo modo, & in nullo signo velle illud simpliciter, & absolute, etiam si postquam illud permisit, præsciat esse futurum, quia est obiectum prauum, & proinde incapax diuinæ benevolentiae, seu complacentiae, & ita in hoc omnes conueniunt. Addimus verò, quod licet in talibus actibus per se spectatis, & præcisa malitia moralis, sit aliqua bonitas transcendentalis, seu physica, nihilominus propter coniunctionem, quam habent cum malitia morali, quæ à tali actu hinc, & nunc à tali persona liberè facta inseparabilis est, & ideo talem actum nunquam posse simpliciter placere diuinæ voluntati, quia voluntas fertur in rem prout est in se, & illam formaliter volendo, virtualiter vult quidquid est cum illa inseparabiliter coniunctum, Deus autem nullo modo potest velle malitiam, nec formaliter, nec virtute, nec explicitè, nec implicitè, & ideo non vult talem actum, nec complacet in illo. *Mundi enim sunt oculi eius*, (ut Scriptura dicit,) ne utique scientia approbationis, & ita hoc probant alia testimonia, quibus Deus ostendit, quanto odio peccata prosequatur, quæ supra lib. tractata sunt. Arque ita fit ut Deus nullo modo prædefiniat talem actum sine prædefinitione antecedente secundum rationem præscientiam absolutam eiusdem actus futuri, siue subsequente ad eandem scientiam, & antecedente sola duratione æternitatis, quia veraque præfinitio requirit absolutam voluntatem talis actus, quam Deus non habet.

Habacuc 3.

18.

Neque contra hoc obstat, quod Deus ad tales actus voluntariè, ac realiter concurrat in tempore, quod facere non potest sine æterna voluntate talium actuum. Dico enim non esse necessarium actum, quo Deus velit absolute, aut præfinit aliquo modo talem actum, sed sufficere voluntatem concurrenti cum libero arbitrio, & permittendi, ut ipsum etiam operetur, si velit; ex vi illius voluntatis, vel ipsamet Dei voluntas, vel potentia executiua eius influat in tempore cum causa secunda ipsa cooperante, ut in eodem lib. 3. explicatum est. Vnde quod quidam aiunt, nihil Deum ad extra agere, nisi per voluntatem prædefiniensem, est quidem verum de effectibus, quos Deus se solo producit, de effectibus autem, quos cum causis secundis facit, solum generaliter influendo, non est necessarium, neque vlla ratione fundatum, præsertim si intelligatur de voluntate absolute prædefiniense effectum ipsum, satis enim est, quod præcedat voluntas concurrenti modo dicto, & sub tacita conditione, si liberum arbitrium cooperatum fuerit. Illa autem voluntas, licet non sit præfinitio actus, potest aliquo modo dici præfinitiva ipsius concursus, non simpliciter, sed quantum est ex parte Dei, seu potest dici præfinitiva quoad offerendum concursum causæ secundæ; & applicandam potentiam executiuam Dei ad cooperandum voluntari creatæ, si per illam non desit. Sicut etiam voluntas permissiua Dei potest dici præfinitio quædam non effectus permissi, sed ipsius permissio- nis. Nam ex vi illius voluntatis præfinit Deus non impedire actum, & eadem ratione præfinit paratum esse ex se ad efficiendum illum.

19.

Neque etiam hinc sequitur Dei prouidentiam circa hos actus esse vel confusam, vel alio modo imperfectam. Non quidem confusam, ut in superioribus etiam dixi, quia illa volentes concurrendi, licet prædictam conditionem includat, determinatur ex decreto Dei ad talem in specie, &

A in indiuiduo, non tamen ad vnum tantum, sed ad plures sub disunctione, quantum indifferentia liberi arbitrij postulat; ad omnes verò sub eadem conditione, & dependentia à libera cooperatione eiusdem liberi arbitrij. Sicut permissio actus mali, etiam ut mali, licet non sit præfinitio actus, vel malitiæ, nihilominus non est confusa, sed distincta, & particularis; permittit enim Deus talem speciem peccati, & talem indiuiduam malitiam, quæ hinc, & nunc tali actione libera resultat; ergo ex hac parte nulla est confusio in prouidentia. Neque etiam ex alio capite est aliqua imperfectio; possumus enim distinguere prouidentiam curam, seu dispositionem in antecedentem ad effectum, ut futurum, & subsequentem, omnibus his modis inuenietur perfecta circa actus liberos non bonos sine præfinitione. Nam antecedens prouidentia circa tales actus optima, & perfectissima, est permissiua tantum, quæ includit in primis, quod Deus det voluntati vires ad liberè volendum, deinde quod illi offerat concursum ad tales, vel tales actus, quos permittit, denique quod statuatur non impedire talem actum, etiam si præsciat, voluntatem malè operaturam, si ita operari sinatur. Hæc enim sufficiunt ad prouidendum causæ secundæ, sicut oportet in ordine ad tales actus, & maior efficacia, vel maior voluntas Dei circa tales effectus neque necessaria est, neque consentanea diuinæ bonitati. Neque etiam perfectio prouidentiam postulat, ut æquali voluntate Deus omnia velit, sed potius requirit, ut vnumquodque velit prout suam maiestatem, ex bonitatem decet.

C

Præterea considerando ea, quæ pertinent ad subsequentem prouidentiam talium actuum, postquam futuri præuidentur, perfectissima inuenietur sine præfinitione ipsorum, quia ut ostendi in istis nec necessaria est, nec conueniens voluntas Dei absoluta, qua complaceat in his actibus sic præuisis. Imò bonitas, & sapientia Dei consentaneum est, ut tales actus illi displiceant, & hic est primus actus huius prouidentiam, quam subsequentem appellamus circa huiusmodi effectus, displicent Deo, & abominatur illos, seu odio eos habet, non quatenus ab ipso sunt, sed quatenus sunt à libero arbitrio. Et hinc sequitur, ut illos ad condignam poenam ordinet, quod etiam ad hanc partem perfectæ prouidentiam spectat. Potestque Deus, si vellet, ibi resistere sine imperfectione, (ut ita dicam,) priuatiua suæ prouidentiam, quia non tenetur ad alios effectus illos actus ordinare, vel aliter de illis disponere. Nihilominus tamen ex bonitate sua prouidet sufficientem medicinam in remedium talium peccatorum, quamdiu hæc vita durat; sæpe etiam non tantum sufficientem, sed etiam efficacem modum illa tollendi procurat: aliquando etiam occasionem ex eis sumit alia maiora bona faciendi; habet ergo de his actibus perfectissimam prouidentiam, etiam si illos nullo modo præfinit.

D

E

Hinc verò fit, quod ultimo loco posuimus, ut licet Deus hos actus non præfinit, possit præfinit aliquos effectus eorum, vel fructus, quos ipse illorum occasione operari vult: hoc probat exemplum passionis, & mortis Domini cum verbis Petri Actor. 2. & aliorum fidelium Actor. 4. & quæ latè tradit Augustinus locis citatis. Et ratio est clara, quia licet actus peccati sit malus, effectus potest esse bonus, quia non

20.

21.

est à peccato, ut peccatum est, sed ut actus est, & in ipso effectu separatur optimè bonitas illius ab omni malitia, & ideo potest Deus absoluta voluntate illum effectum velle, & definito consilio, ac decreto aeterno illum definire, quod est prædefinire saltem secundum antecessorem æternitatis. Quod satis superque est ad dicta loca Scripturæ, maximè cum in eis non addatur particula *pre*, sed simplicia verba definiendi, vel decernendi ponantur. Vnde non est intelligendum hæc esse prædefinita in particulari ante permissionem, & præscientiam peccatorum, id est, secundum eas condiciones, quæ à peccato essentialiter pendent, vel secundum habitudinem ad talem causam, sic enim peccata etiam prædefiniuntur, quod negatum est fieri posse. Satis ergo est, vel quod fuerint prædefinita ante prævisionem peccati, secundum aliquam rationem de se abstrahentem à tali causa, vel medio, vel quod post præscientiam peccati fuerint acceptata, & prædefinita ex æternitate, & ad alios effectus diuinæ providentiæ ordinata. Et ita facile soluitur difficultas vltima tacta obiectione capitis præcedentis. Nam licet Deus ex infinita sua sapientia & potestate uti possit voluntatibus malè operantibus ad optimos effectus providentiæ suæ, tamen pro sua infinita bonitate id facit solum permittendo, non præfiniendo actus malos. Neque obstat, quod permissio præcisè spectata non sit sufficiens ad inferendum infallibiliter effectum, quia non est ita præcisè spectanda, sed ut coniuncta præscientiæ. At verò supposita conditionata scientia tam infallibile est Deo, quid sit absolute futurum posita permissione, ac si esset prædefinitum. Solum est differentia, quod infallibilitas permissionis non est ab illa, ut causa, sed à pura scientia, quam supponit: infallibilitas autem præfinitionis ita est à scientia, ut etiam sit à præfinitione, ut à causa. Item voluntas permittendi non includit intentionem, vel voluntatem actus mali permissi: prædefinitio autem eiusdem actus includeret absolutam voluntatem, & intentionem eius. Ac denique voluntas permittendi non obligat, (ut sic dicam,) permittentem ad procurandum effectum permissum, sed solum ad non impediendum; voluntas autem prædefiniens actum, antequam præsciatur absolute futurus, obligat de se ad procuranda media, quibus talis intentio impleatur, quod Deo respectu malorum actuum repugnat.

22.  
Assertio  
principalis  
tertia.

Suppositio.  
D. Thomæ.

Tertio principaliter assero, Deum prædefinire aliquo modo omnes actus bonos, non tamen eodem, seu æquali modo, sed quosdam principali quadam præfinitione, ut actus pietatis, & præcipuè illos, qui ad salutem prædestinatorum, vel ad alios fines similes supernaturalis providentiæ à Deo absolute intentos efficaciter ordinantur; alios minus principali præfinitione, nimirum eos, qui vel sunt inferioris ordinis, vel qui non sunt ex primaria Dei intentione efficaciter intenti, sed tantum ex secundaria. Ad explicandam hanc assertionem suppono doctrinam D. Thomæ 1. p. q. 13. art. 7. in hac materia valde notandam, interrogando enim, an numerus prædestinatorum sit certus, respondet esse certum, non solum secundum modum cognitionis, quomodo numerus arenarum maris, vel etiam numerus reproborum, vel quorumcumque indiuiduorum est etiam certus, sed etiam secundum modum cuiusdam præfinitionis prin-

cipalis. Ex hac ergo doctrina colligo ex mente D. Thomæ Deum non eodem modo, seu æqualiter præfinire omnia bona, etiam naturalia vniuersi, sed quædam per se primò, & ex primaria intentione, alia secundariò quatenus ad alia primariò præfinita necessaria sunt, ut ipse ibi latè explicat. Sic ergo nos dicimus de actibus liberis bonis, omnes quidem esse præfinitos aliquo modo, quia omnes sunt à Deo ab æterno dispositi, & absolute voliti, & ordinati ad aliquod præmium, vel alium finem: totum enim hoc pertinet ad perfectam providentiam actuum bonorum, & sufficit ad aliquod genus propriæ præfinitionis, ut supra ostendi, non tamen sunt omnes æqualiter præfiniti, sed quidam primariò, & principaliter, alij secundariò, & quasi per occasionem, ut ita dicam.

Quod sic declaro, quia Deus ex primaria præfinitione decrevit numerum prædestinatorum, & gradum, ac ordinem illorum, & ad consequendum illum finem, hunc mundum instituit, & talem ordinem rerum, & causarum, ac providentiæ modum elegit, in quo, (sub conditione vtriusque, si ita institueretur,) prævidit, vnumquemque electorum per tot, & tales actus, tantumque eorum numerum fuisse infallibiliter ad eum gradum gloriæ peruenturum, ad quem illum eligeret, & sic omnes illos actus prædefiniuit. Quæ præfinitio comparata ad electionem gloriæ secundaria est, nihilominus tamen propriissima præfinitio. Et comparatione illorum actuum reproborum, potest dici etiam primaria, ut iam declaro. Nam Deus prius ratione, quam decerneret talem ordinem rerum, sub quo electi infallibiliter saluarentur, sub eadem conditione prævidit in eodem cursu, & duratione rerum fuisse futuras alias generationes hominum, quos etiam voluit creare, & ad beatitudinem ordinare, & sufficientia media eis providere. Et licet simul prævidet neminem eorum fuisse bene illis vsurum perseveranter, ac proinde neque saluandum: nihilominus etiam præcognouit ad tempus multos fuisse bene operaturos, & iustificandos, licet non essent in iustitia permanfuri.

Sic ergo simpliciter, & efficaciter voluit, ut illi homines essent, & ut talia, vel talia opera facerent, quod potuit velle etiam ante præscientiam absolutam talium actuum futurorum, ac proinde per propriam prædefinitionem, ut dicit antecessorem ad absolutam scientiam talium actuum, qui sunt præfiniti. Et nihilominus illa præfinitio secundaria, & minus principalis dici potest, quia non est ex illo proposito primario saluandi tales homines, sed quasi per occasionem, quam ordo rerum propter dictos præcipuè dispositus pro aliis offerebat. Sicut numerus etiam reproborum, & omnium animarum certus est ex aliqua præfinitione diuina, non tamen primaria, quia Deus per se non ita intendit numerum reproborum, sicut prædestinatorum, sed prævidit, si sub tali ordine rerum, & annorum, ac temporum constitueret prædestinatos, futurum fuisse, ut aliorum non electorum hominum numerus tantus esset, & ideo consequenter illum præfiniuit, & maiorem, vel minorem esse noluit. Ad hunc ergo modum potuit eorum actus præfinire, & credibile est ita fecisse, vel in omnibus bonis actibus, vel saltem in actibus gratiæ, & maximè in illis, ad quos sunt necessaria auxilia efficacia, & sæpe maiora, & specialiora, quam ex generali cursu supernaturalis etiam providen-

23.  
Declaratur  
ista suppositio.

24.

providentiæ dari soleant. De actibus autem inferioribus, & præsertim de moralibus ordinis naturalis, licet id etiam sit probabile, & facile defendi possit, non est tamen ita necessarium, quia sufficit prædefinitio æterna, quæ supponat præscientiam Dei absolutam eorundem actuum, & includit absolutam Dei voluntatem, & acceptationem eorum, & ordinationem eorum ad aliquale præmium sui ordinis, vel ad alios fines diuinæ providentiæ. Et ita est sufficienter declarata, & obiter probata assertio. Qui autem maiorem probationem desiderat, libros de *Auxiliis* consulat.

25.  
Expediunt  
dicta obiectio  
seria, & sic  
idum opus  
concluditur.

Atque hinc tandem facile expeditur tertia obiectio, quæ sola superest ex positis in capite præcedenti, negamus enim per hanc doctrinam aliquid perfectioni diuinæ providentiæ circa bonos actus derogari. Quod in primis est manifestum de his, quos ante absolutam scientiam Deus præfiniuit siue primariò, siue secundariò, quia non pertinet ad perfectionem providentiæ Dei omnia, quæ facit, æquè principaliter intendere; imò ad perfectum dominium, & libertatem Dei pertinet, ut pro suo arbitrio ad extra opere-  
tur, & ideo ex æqualibus bonis creatis potest vnum velle, & non aliud, & à fortiori vnum principalius intendere, aut prædefinire, quàm aliud. Hoc autem supposito nullus alius defectus perfectionis in providentia talium actuum cogitari potest. At verò etiam si aliqui actus boni non sint ita prædefiniti, sed tantum post præscientiam, stabit tota perfectio necessaria diuinæ providentiæ, ut patebit facile applicando, quæ suprà dixi de providentia antecedente, & subsequente. Nam ad antecedentem spectat primò, quòd Deus præbet, ut res sufficientes, tam ex parte liberi arbitrij, quàm ex parte gratiæ, ad efficiendos tales actus. Secundò quòd ad illos offert concursus ex parte sua necessarius. Tertiò, quòd Deus quantum in se est, intendit talem actum. Quartò, quòd illum aut præcipit, aut consulit, vel saltem tanquam honestum proponit. Quintò, quòd paratus est aliquod præmium propter illum conferre, vel etiam illud promittit, si homo non impediatur. Atque hæc propterea vi-


dentur sufficere ad hanc partem providentiæ. Quòd autem ultra hæc ad iatur prædefinitio antecedens, ubi Deus voluerit, potest pertinere ad quandam supererogationem, ut sic dicam, non tamen ad absolutam perfectionem providentiæ. Imò esset nimia limitatio, & coarctatio libertatis diuinæ, si cogeretur singulas actiones etiam bonas determinatè præfinire, & ita non posset liberi arbitrij curam gerere, ut illi etiam inter bonas actiones, omnino electionem relinquendo, ad omnes, & singulas, quantum est ex se, concursus præbendo, provideat præsciens semper per scientiam conditionatam, quid operaturum sit.

Quoad subsequentem autem providentiam post præscientiam absolutam talis boni actus futuri habet Deus absolutam voluntatem complacentiæ in illo; quamvis enim hæc voluntas non sit operatiua talis actus, nihilominus ad perfectam providentiam spectat, tum quia prudentis gubernatoris est bene operantes laudare, & eorum facta approbare, tum etiam, quia ex illo Dei beneplacito possunt aliqui actus, vel effectus providentiæ subsequi. Secundò habet Deus voluntatem remunerandi tale opus. Tertiò ordinat illud ad alios fines, prout ad maiorem suam gloriam, vel ad alios effectus providentiæ suæ iudicat expedire. His ergo modis sufficientissimè disponit Deus de singulis actibus bonis in particulari, atque eos præfinit, quantum, & quomodo vult, iuxta consilium voluntatis suæ. Et hoc etiam modo perfectissimè utitur voluntatibus humanis tanquam supremus dominus, tum mouendo illas, quantum necessarium, vel conueniens iudicat, tum sinendo illas operari, simul cum illis cooperando, tum denique illis siue hoc, siue illo modo operantibus ad alios fines providentiæ suæ utendo, ut eleganter Augustinus in locis citatis, & præsertim in *Enchirid.* exposuit. Igitur & perfectio providentiæ cum dicto modo prædefinitionis diuinæ, & ipsa diuina præfinitio cum efficaci gratia per vocationem congruam optimè consistit, & concordat, & utraque cum libertate optimè conciliatur, quod non ita fieri posse cum alio prædefinitionis modo, satis ostensum est.

26.

August.

F I N I S.



INDEX






# INDEX RERVM

## PRÆCIPVARVM,

quæ in hoc volumine  
continentur.

### A

#### *Actio.*



N gratia adiuvans sit Actio, vel  
principium actionis, & quæ sit  
eius necessitas. 102

#### *Actus.*

ad Actus supernaturales necessa-  
rium non esse auxilium præuium per modum  
concurfus, sed simultaneum sufficere. 231  
Vtrum auxilium efficax sit ad singulos Actus pie-  
tatis necessarium, vel solum ad aliquos, vel  
aliquam eorum multitudinem. 328  
Vtrum auxilium efficax in omni statu, & in omni-  
bus personis sit ad salutem, & ad omnes pietat-  
is actus necessarium. 330

#### *Adultus.*

Quid Augustinus senserit de sufficienti auxilio, an  
omnibus Adultis detur. 304

#### *Arbitrium.*

De concordia liberi Arbitrij cum necessitate suffi-  
cientis auxilij præuenientis. 319  
An ex locis Scripturæ, quæ dependentiam liberi  
Arbitrij à voluntate, & omnipotentia diuina  
testantur: physicam prædeterminationem osten-  
dant. 433

#### *S. Augustinus*

Augustini sententia de gratia operante, & coope-  
rante examinatur. 124  
Vtrum Augustinus physicæ prædeterminationi ali-  
quando faueat. 483

#### *Auxilium.*

Quid sit, & quotuplex internum gratiæ Auxi-  
lium. 61  
Vtrum auxilium excitans sit primum in ordine  
gratiæ sanctificantis adultorum. 64  
Diuisio auxilij moraliter, vel physicè adiuvantis,  
exponitur. 103

Ad actus supernaturales necessarium non esse auxi-  
lium præuium per modum concurfus, sed si-  
multaneum sufficere. 231

An rectè Auxilium gratiæ insufficiens, & efficax  
diuidatur. 236

Vtrum auxilium sufficiens non solum homini sit  
necessarium ut possit operari, sed etiam ut ope-  
retur, aliquo modo tribuat. 240

Vtrum auxilium sufficiens sit verum auxilium gra-  
tiæ internæ distinctum à lege, reuelatione, & do-  
ctrina. 246

Vtrum auxilium sufficiens internum in sola gratia  
excitante consistat, & cum illa conuertatur, seu  
idem omnino sit. 249

An Auxilium aliquod verè sufficiens, sit ex se inef-  
ficax, vel vnde id habeat, quando tale esse con-  
tingit. 255

Vtrum auxilium sufficiens detur interdum præ-  
destinatis, vel reprobis. 260

Vtrum auxilium sufficiens detur omnibus homi-  
nibus adultis, quantumuis reprobi sint. 263

An, & quomodo fidelibus semel iustificatis, qui  
tandem non saluantur, detur auxilium suffi-  
ciens ad salutem æternam. 267

Quid Augustinus senserit de sufficienti Auxilio,  
an omnibus adultis detur. 304

Vtrum auxilia sufficientia omnibus hominibus  
æqualiter conferantur ex parte Dei, vel vnde  
eorum varietas, seu inæqualitas oriatur. 314

De concordia liberi arbitrij cum necessitate suffi-  
cientis Auxilij præuenientis. 319

Quotuplex sit Auxilium efficax. 324

Vtrum Auxilium efficax sit ad singulos actus pie-  
tatis necessarium, vel solum ad aliquos, vel ali-  
quam eorum multitudinem. 328

Vtrum Auxilium efficax in omni statu, & in om-  
nibus personis sit ad salutem, & ad omnes pie-  
tatis actus necessarium. 330

Vtrum Auxilium sit excitans, seu in aliqua exci-  
tatione positum, præsertim iuxta mentem Au-  
gustini. 338

An efficax Auxilium consistat in motione, vel in  
effectione, de se & natura sua prædeterminan-  
te physicè voluntatem humanam ad vnum  
actum, & exercitium eius. 341

Vtrum auxilium efficax necessarium ad piè ope-  
randum, sit positum in aliqua excitatione per  
se,



# Index Rerum.

se, & ex vi suæ naturæ, ac præcisè entitatis, prædeterminantis physicè voluntatem ad consensum. 347

Proponitur opinio affirmans efficaciam Auxilij præuij consistere in physica prædeterminatione voluntatis per modum actus primi, ac proinde talem prædeterminationem ad omnes & singulos actus pietatis esse necessariam. 355

Directè ostenditur, Auxilium efficax necessarium ad singula supernaturalia opera, non posse consistere in motione, vel qualitate prædeterminante physicè in actu primo voluntatem ad consensum. 358

Verùm possibile sit Auxilium efficax physicè prædeterminans voluntatem in actu primo saluo libero vsu eiusdem voluntatis in eodem actu secundo, ac subinde an libertas quoad exercitium in actu voluntatis simul possit cum auxilio physicè, & in actu primo prædeterminante voluntatem concordari. 376

In humana voluntate non posse simul esse Auxilium ex se ac physicè illam prædeterminans cum potestate resistendi eidem auxilio. 379

Auxilium si ex se sit efficax, ac physicè prædeterminans non posse à libero vsu pendere, sed necessitatem antecedentem inducere. 382

Vis superioris discursus, alio modo manifestatur, & argumentis satisfit. 384

Verùm Auxilium efficax prædeterminans physicè voluntatem influendo immediatè in actum eius liberum possibile sit. 398

Quid addat auxilium efficax auxilio præuenienti sufficienti, seu vocatio efficax generali, ac sufficienti vocationi, & an per congruitatem vocationis hoc sufficienter explicetur. 404

Duabus obiectionibus contra superiorem doctrinam satisfit. 406

Satisfit alteri obiectioni, & à variis incommodis doctrina data vindicatur. 409

Concluditur vera concordia libertatis Auxilij cum efficaci auxilio eiusque necessitate in gratiæ operibus. 414

Aliis obiectionibus contra superiorem concordiam ab incommodis desumptis satisfit. 418

Doctrina data de Auxilio efficaci, & concordia eius cum libero arbitrio, verbis Christi Matth. 11. comprobatur. 425

Quid post Augustinum Patres Latini de Auxilio efficaci senserint. 487

Quid D. Thomas de hac controuersia, seu de Auxilio gratiæ efficacis senserit. 492

## B

*Barradas.*

**B**arradas docet cognoscere Deum in sua æterna præscientia omnia futura prius ratione, quàm aliquid de rebus extra producendis libere discernat, non per coniecturam, nec cognoscendo solum inclinationem, seu pronitatem voluntatis libere in actu primo completo constitutæ cum omnibus prærequisitis ad agendum; sed infallibiliter & præsciendo determinatè quam partem sua libertate eliger, si non impediat. 3

*Bellarminus.*

Bellarmini Sententia de Scientia conditionata traditur, & explicatur. ibid.

*Fr. Suarez de Gratia, Pars I.*

*Benedictus Pererius.*

Quid senserit de scientia Dei conditionata, explicans illa verba Genes. 1. *Non desistent à cogitationibus suis.* ibid.

## C

*Causa.*

**V**erùm Causa prima, & secunda, vt partialis causa, ad eundem effectum concurrant. 141

Verùm concursus præuius constituat Causam secundam in actu primo, vel compleat virtutem eius ad agendum. 157

Verùm concursus præuius sit separabilis à simultaneo, seu ab actione causæ secundæ, & è conuerso. 167

Influxum præuium primæ Causæ in secundam non esse per se necessarium ad actiones proprias naturalium agentium. 174

*Concilium.*

Ex capite quinto, & Canone quarto sess. 6. Concilij Tridentini veritas illa colligitur, Vocationem illam, quam homo recipere potest, si velit, quamque interdum recipit talem esse, vt possit illi resistere si velit; ergo talis vocatio licet efficax sit, non prædeterminat physicè voluntatem. 451

Ex aliis locis eiusdem Concilij Tridentini eadem veritas confirmatur, & aliis obiectionibus occurritur. 453

Expenduntur Canones 4. Concilij Mileuitani, & Arausicani, & an Deus expectet hominis voluntatem, exponitur. 456

Expenduntur Canones quintus, & vigesimus-quintus Concilij Arausicani, & an initium bonæ operationis sit, vel non sit, à libero arbitrio, declaratur. 462

Quid alia Concilia, vel Pontifices summi de gratia efficaci senserint. 464

*Concordia.*

Concluditur vera Concordia libertatis auxilij cum efficaci auxilio eiusque necessitate in gratiæ operibus. 414

Aliis obiectionibus contra superiorem Concordiam ab incommodis desumptis satisfit. 418

*Concursus.*

Verùm concursus Dei, vt primæ causæ, ad supernaturales actus auxilium supernaturale sit. 134

An Deus etiam in ordine gratiæ per Concursum simultaneum influat in effectum, & actionem causæ secundæ immediatè immidiatione virtutis, & suppositi. 145

Verùm præter simultaneum concursum gratiæ, qui est in actum voluntatis, vel intellectus, sit necessarius alius præuius in potentia receptus, & à motibus excitantis distinctus, referturque prima sententia cum suis fundamentis. 147

Quid sit concursus præuius, & quod munus eius, ob quod necessarium esse creditur. 150

Quomodo



# Index Rerum.

Quomodo præuius Concurfus à potentia in qua recipitur, & ab eius actione distinguatur.

153

An præuius concurfus fit qualitas, vel in quo prædicamento fit.

155

Vtrum concurfus præuius constituat causam secundam in actu primo, vel compleat virtutem eius ad agendum.

157

Vtrum concurfus præuius fit separabilis à simultaneo, seu ab actione causæ secundæ, & è conuerso.

162

Proponitur sententia quæ docet generalem Concursum Dei esse influxum in effectum, & imbitum in actione causæ secundæ: influxum autem in causa per se, & ex vi generalis concurfus necessarium non esse.

170

Quid Patres, & Philosophi de necessitate præuij Concurfus quoad causas naturales senserint.

176

Quid de concursu præuij in causis secundis naturalibus D. Thomas senserit.

179

Quid Aristoteles, vel antiqui Philosophi de necessitate Concurfus præuij in causis secundis naturaliter agentibus senserint.

183

Soluendo rationes assertioni nostræ contrarias, eadem veritas amplius confirmatur.

187

Ex vi generalis Concurfus non esse necessariam præuiam motionem in voluntate, moraliter determinantem illam ut liberos actus eliciat.

192

Præuium Concursum physicè prædeterminantem non esse voluntati liberæ necessarium, ut aliquid determinatè velit.

196

Doctrina superioris capitis auctoritate Scripturæ, & Patrum confirmatur.

200

Auctoritate D. Thomæ, & aliquorum posteriorum Theologorum eadem doctrina confirmatur.

202

Ex concursu Dei ad actus, qui sunt peccata, peculiari ratione superior doctrina comprobatur.

209

Deducenda ad varia incommoda eadem doctrina comprobatur.

211

Sententia superioris capitis ex Scriptura, & Conciliis colligitur.

218

Ex Patribus eadem doctrina confirmatur.

222

Quid de concursu præuij ac prædeterminante ad actum peccati D. Thomas senserit.

225

Vtrum Concurfus Dei simultaneus ex se prædeterminet voluntatem ad concursum.

388

Vtrum concurfus simultaneus ut est à voluntate Dei semper ac necessariò habeat vim prædeterminandi physicè voluntatem.

394

## D

### Decretum.

Quæ Decreta conditionata, & libera Deo attribuenda sint, & in illis non posse contingentia sub conditione futura præsciri.

36

Duplex decretum conditionatum intelligi potest se tenens ex parte diuinæ voluntatis; vnum cadit in antecedens, alterum in consequens propositionis conditionalis.

37

Exemplum vtriusque.

ibid.

De possibilitate Decreti conditionati ex parte obiecti.

ibid.

Repugnare tale Decretum in Deo nonnulli arbitrantur leui fundamento.

ibid.

Contraria sententia stabilitur à priori, & ab incommotis.

ibid.

Possibile est vtrumque genus Decreti conditionati ex parte obiecti in Deo.

ibid.

An & quomodo in Deo concipi possit Decretum primi generis?

ibid.

Deus prius ratione habet scientiam simplicis intelligentiæ, quàm habeat Decreta libera: siue absoluta, siue conditionata ex parte obiecti.

38

De Decretis conditionatis secundi generis ex parte obiecti.

ibid.

An in Deo dentur infinita?

ibid.

Decreta libera ex infinita perfectione diuina ideo non innotescunt, quia non ponunt in Deo perfectionem.

39

Circulus vitiosus existeret inter ordinem Decretorum, & obiectorum.

ibid.

An saltem Deus habuerit Decretum conditionatum circa aliquos actus liberos sub conditione futuros?

ibid.

Decretum offerens concursum ad plures actus non ideo generalis dicitur quòd sit confusum, & circa actum liberum in communi.

41

Dicitur generale quòd in omnibus, & singulis speciebus actuum qui possunt hic & nunc elici singulos actus determinet.

ibid.

Decretum illud generale est quasi conditionatum.

ibid.

Posito illo generali Decreto, non est necessarium Decretum absolutum particulare.

ibid.

Per Decreta conditionata non satis defenditur præscientia omnium futurorum.

44

### Deus.

Deum habere certam, & infallibilem scientiam futurorum contingentium conditionatorum, ex Scriptura, prout à Patribus intellecta est, ostenditur.

5

Plures ex Sanctis, & antiquis Patribus scientiam conditionatam in Deo cognouisse, præsertim Augustinum, & nullum eorum illam Deo negasse.

10

Neque in Augustino, neque in aliis Patribus aliquid contra perfectionem diuinæ scientiæ conditionatæ reperiri.

15

Deum habere conditionatam scientiam futurorum ante decretum liberum, seu voluntatis, secundum rationis ordinem, nec posse talem scientiam in tali decreto fundari, ex eisdem Scripturæ, & Patrum testimoniis ostenditur.

19

Quid de hac scientia conditionata D. Thomas senserit.

24

Ratione à priori ostenditur dari in Deo conditionatam præscientiam, & principali fundamento contrariæ sententiæ occurratur, veritasque talium propositionum declaratur.

28

Quæ decreta conditionata, & libera Deo attribuenda sint, & in illis non posse contingentia sub conditione futura præsciri.

36

An Deus etiam in ordine gratiæ per concursum simultaneum influat in effectum, & actionem causæ secundæ immediatè immediatione virtutis, & suppositi.

145

Proponitur sententia quæ docet generalem concursum Dei esse influxum in effectum, & imbitum in actione causæ secundæ: influxum autem in causa per se, & ex vi generalis concurfus



# Index Rerum.

concurfus necessarium non esse. 170  
An soli Deo tribuantur in Scriptura opera pietatis  
propter physicam prædeterminationem. 438  
An Deus faciat, vt velimus, & faciamus per  
physicam prædeterminationem, aut efficien-  
tiam. 440

## E

### Electio.

**D**E concordia gratiæ efficacis cum gratuita, &  
efficaci Electione, ac prædestinatione sal-  
uandorum omnium, & cum diuina prouiden-  
tia, ac prædefinitione actuum liberorum hu-  
manæ voluntatis. 522

### Excitatio.

Quomodo supernaturalis Excitatio ex naturali-  
bus actibus Ecclesiæ, seu eorum, per quos vo-  
catur pendere possit. 23  
Vtrum auxilium sit excitans, seu in aliqua Exci-  
tatione positum, præsertim iuxta mentem Au-  
gustini. 338  
Vtrum auxilium efficax necessarium ad piè ope-  
randum, sit positum in aliqua Excitatione per  
se, & ex vi suæ naturæ, ac præcisè entitatis,  
prædeterminantis physicè voluntatem ad con-  
sensum. 347

## F

### Facere.

**T**Ractare incipit axioma, *Faciendi quod in se est  
Deus non denegat gratiam.* 278  
Tribus modis potest intelligi hoc axioma. 280  
Primus modus ex D. Thoma. ibid.  
Secundus ex Alensi. ibid.  
Terminus ex Gersono, & Driedone. ibid.  
Axiomatis Sensus de quo intelligi debet. 281  
Quis censetur facere quod in se est. ibid.  
Quomodo sit intelligendum Deum dare gratiam  
facienti quod in se est per auxilium inferioris  
gratiæ. 299  
Tractatur altera sententia præcedenti contraria,  
negans datam esse à Deo legem dandi auxi-  
lium gratiæ Facienti quod in se est per vires  
naturæ ad seruandam legem naturalem. 281  
Tractatur tertia opinio, quæ partim à præceden-  
tibus recedit, partim cum vtrique conue-  
nit. 283  
Propositæ difficultati satisfit, & Axioma propo-  
situm in vero, & catholico sensu explica-  
tur. 285  
Difficultati cap. 12. propositæ satisfit. 296  
Obiectionibus in cap. 13. propositis satisfit. 301

### Fides.

Fidem puero statim ac rectè deliberat Deus infal-  
libiliter inspirat. 287  
Ante Fidem homo non meretur vilo modo voca-  
tionem ad fidem. 288  
Modus operandi ex Fide propter obtinendam fi-  
dem, quis? 294

## G

### Gratia.

**Q**uid sit, & quotuplex internum Gratiæ au-  
xilium. 61  
*Fr. Suarez de Gratia, Pars I.*

Vtrum auxilium excitans sit primum in ordine  
Gratiæ sanctificantis aduulorum. 64

Vtrum Gratia excitans sit actus vitalis homi-  
nis. 66

Aliis fundamentis primæ sententiæ satisfacit, &  
quod sit principium proximum efficiens Gra-  
tiæ excitantis inquiritur. 69

Vtrum motus Gratiæ excitantis sint indeliberati,  
ita vt ex necessitate non libertate fiant. 71

Vtrum Gratia excitans in intellectu sit, & quæ sit  
necessitas, vel munus eius. 73

Vtrum Gratia excitans in voluntate sit, & quæ sit  
necessitas, vel munus eius. 75

Vtrum Gratia excitans sit necessaria solum ante  
fidem, & alios habitus infusos, vel etiam post  
illos. 79

Duo incidenter dubia de necessitate excitantis  
Gratiæ, tam in natura lapsa quam integra ex-  
pediuntur. 87

Vtrum motus Gratiæ excitantis sint in sua entri-  
tate supernaturales. 89

Vtrum præter excitantem Gratiam sit necessaria  
gratia adiuuans ab illa distincta. 92

An Gratia adiuuans sit actio, vel principium  
actionis, & quæ sit eius necessitas. 102

Quibus modis differat actualis influxus Gratiæ  
adiuuantis, ab excitante gratia. 105

Vtrum Gratia excitans sit principium physicè ad-  
iuuans præsertim vbi habitus infusus deest. 108

Vtrum in homine liberè ac supernaturaliter ope-  
rante sine habitu, principium adiuuans, ad ta-  
lem actum supernaturalem eliciendum, sit ali-  
quid creatum animæ infusum. 112

Quid sint Gratia operans, & cooperans, & quo-  
modo ad excitantem, & adiuuantem compa-  
rentur. 119

Quid sit Gratia præueniens, comitans & subse-  
quens, & quomodo ad excitantem, & adiuuan-  
tem comparentur. 127

Quomodo Gratia præueniens, comitans, & sub-  
sequens ad operantem, & cooperantem gra-  
tiam comparentur. 130

Vtrum Gratia sufficiens sit tantum actualis, vel  
etiam habituales includat. 133

An & quomodo fidelibus peccatoribus semper  
dum viuunt, Gratia sufficiens tribuatur, qua  
conueriti, & iustificari possint. 169

Difficultas circa superiorem doctrinam proponi-  
tur, eiusque occasione tractare incipit axioma,  
*Faciendi quod in se est Deus non denegat gra-  
tiam.* 278

Tractatur altera sententia præcedenti contraria,  
negans datam esse à Deo legem dandi auxi-  
lium Gratiæ facienti quod in se est per vires  
naturæ ad seruandam legem naturalem. 281

Tractatur tertia opinio, quæ partim à præcedenti-  
bus recedit, partim cum vtrique conuenit. 283

Propositæ difficultati satisfit, & Axioma propo-  
situm in vero, & catholico sensu explica-  
tur. 285

Difficultati cap. 12. propositæ satisfit. 296

Obiectionibus in cap. 13. propositis satisfit. 301

Vtrum Gratiæ efficacia consistat in necessitate,  
quam infert voluntati, vt non liberè, sed ne-  
cessariò consentiat. 333

Vtrum excitans Gratia per seipsam, & natura sua  
determinet saltem moraliter voluntatem, ideo-  
que talis efficacia auxilij excitantis ad actus  
liberos & sanctos voluntatis necessaria sit.

# Index Rerum.

Quid post Augustinum Patres Latini de Gratia efficaci senserint. [487](#)

Tractatur quæstio appendix, an Gratia præueniens auxilium sufficiens, & efficax, possint esse æqualia in duobus hominibus, quorum vnus consentit vocationi, & non alter. [512](#)

## H

*Homo.*

**H**omo ante fidem non meretur vlllo modo vocationem ad fidem. [188](#)

Homini facienti quod in se est Deus non denegat gratiam. [178](#)

Sententia Pauli, *Deus vult omnes Homines saluos fieri*, vt intelligenda, ex Augustino. [306](#)

## I

*Infidelis.*

**Q**uomodo infidelibus omnibus detur auxilium sufficiens ad fidem, & salutem. [174](#)

*Influxus.*

Influxum præuium primæ causæ in secundam non esse per se necessarium ad actiones proprias naturalium agentium. [174](#)

*Iustificatio*

Iustificatio comparatur creationi. [191](#)

## L

*Lex.*

**L**ex naturalis an, & quomodo, seruari queat. [183](#)

Lex quasi pactum quoddam inter Deum hominem, & Patrem æternum. [181](#)

Lex dandi omnibus hominibus auxilia sufficientia ad salutem, haud est absoluta. [186](#)

*Libertas.*

Libertas arbitrij ad non peccandum conciliatur cum necessitate auxilij ad cauendum peccatum, ex Bellarmino. [310](#)

Libertas alia omnino remota seu remotissima: alia partim remota, partim proxima: alia simpliciter proxima. [312](#)

Libertas omnino remota quæ. [ibid.](#)

Libertas remota quæ. [ibid.](#)

Libertas proxima quæ. [ibid.](#)

Vtrum possibile sit auxilium efficax physicè prædeterminans voluntatem in actu primo saluo libero vsu eiusdem voluntatis in eodem actu secundo, ac subinde an libertas quoad exercitium in actu voluntatis simul possit cum auxilio physicè, & in actu primo prædeterminante voluntatem concordari. [326](#)

## M

*Misilienfes.*

**M**isilienfium sententia ab Augustino, Prof. p. o. & aliis reprobat. [315](#)

*Motio.*

Ex vi generalis concursus non esse necessariam præuiam motionem in voluntate, moraliter determinantem illam vt liberos actus eliciat. [192](#)

An efficax auxilium consistat in motione, vel in in effectione, de se & natura sua prædeterminante physicè voluntatem humanam ad vnum actum, & exercitium eius. [141](#)

Motio, auxilium, qualitas, aut entitas indicta voluntati ex sola efficientia Dei, & ex se prædeterminans illam physicè in actu primo, omnino repugnat cum libertate. [377](#)

*Motus.*

Vtrum motus gratiæ excitantis sint in sua entitate supernaturales. [82](#)

## N

*Necessitas.*

**N**ecessitas gratiæ excitantis, in intellectu. [73](#)

Necessitas gratiæ excitantis in voluntate. [71](#)

Duo incidenter dubia de necessitate excitantis gratiæ tam in natura lapsa, quàm integra expediuntur. [87](#)

Necessitas gratiæ adiuantis. [102](#)

Necessitas concursus præuij. [150](#)

Necessitas libertati opponitur. [336](#)

Quid Patres, & Philosophi de necessitate præuij concursus quoad causas naturales senserint. [176](#)

Quid Aristoteles, vel antiqui Philosophi de necessitate concursus præuij in causis secundis naturaliter agentibus senserint. [183](#)

## O

*Opus.*

**O**pera nostra quæ. [314](#)  
Opera ex necessitate facta, nec laude, nec mercede digna. [316](#)

## P

*Peccator.*

**A**n & quomodo fidelibus Peccatoribus semper dum viuunt, gratia sufficiens tribuatur, qua conuerti, & iustificari possint. [269](#)

*Peccatum.*

Quid de concursu præuij ac prædeterminante ad actum peccati D. Thomas senserit. [225](#)

*Perseuerantia.*

An Adam receperit auxilium proximè sufficiens ad perseuerandum. [308](#)

Si Angelus, vel Adam carnisset adiutorio quo posset permanere, si veller, an ei impuraretur ad culpam non permanere. [309](#)

*Potentia.*

Potentia de se indifferens quomodo determinari possit. [343](#)

*Præuij.*



# Index Rerum.

## Prædefinitio.

Appendix de Prædefinitionibus, cum aliarum objectionum responsione. 129

## Prædestinatio.

Prædestinationis gratia ex sola Dei voluntate præparata quibus detur. 103

Prædestinatio quid. ibid.

Prædestinatio alia perfecta, & simpliciter talis, quæ & ad æternam gloriam, alia verò secundum quid. 131

Dubium appendix de concordia gratiæ efficacis cum gratuita, & efficaci electione, ac Prædestinatione saluandorum omnium, & cum diuina prouidentia, ac prædefinitione actuum liberorum humanæ voluntatis. 122

## Prædestinatus.

Verum auxilium sufficiens detur interdum prædestinatis, vel reprobis. 160

## Prædeterminatio.

Prædeterminatio physica cur sic dicta? 141

Ad efficaciam Vocationis an sit necessaria prædeterminatio physica. 146

Ex quo principio nitatur Ledesma inferre necessitatem prædeterminationis. 173

Proponitur opinio affirmans efficaciam auxilij præuij consistere in physica Prædeterminatione voluntatis per modum actus primi, ac proinde talem prædeterminationem ad omnes & singulos actus pietatis esse necessariam. 151

Scripturæ testimonia contra physicam Prædeterminationem expenduntur. 132

An Scriptura dicat Deum dare nobis velle propter physicam prædeterminationem. 136

An Deus faciat, vt velimus, & faciamus per physicam Prædeterminationem, aut efficientiam. 140

Ex Patribus Augustino antiquioribus physica Prædeterminatio refellitur, & vocatio congrua comprobatur. 162

Antiquos Patres nihil pro physica prædeterminatione nobis tradidisse, 171

Augustinum in vocatione congrua sine physica Prædeterminatione efficacem præuenientem gratiam constituisse. 178

Vtrum Augustinus physicæ Prædeterminationi aliquando faueat. 181

## Principium.

Verum gratia excitans sit Principium physicè adiuuans præsertim vbi habitus infusus deest. 108

Vtrum in homine liberè ac supernaturaliter operante sine habitu, Principium adiuuans, ad talem actum supernaturalem eliciendum, sit aliquid creatum animæ infusum. 112

Solum Spiritum sanctum immediatè adiuuare voluntatem vt principale principium proximè, & physicè faciens supernaturalem actum quando sine habitu elicitur. 116

## Promissio.

Promissio gratiæ ad quem finem posita. 303  
Differt Deus gratiam suam in quantum vult pro suo arbitrio. ibid.

## R

### Reprobis.

**R**eprobis etiam datur auxilium efficax. 330  
Effectus propter quem datur auxilium efficax, in reprobis etiam inuenitur. 331

## S

### Scientia.

**D**eum habere certam, & infallibilem Scientiam futurorum contingentium conditionatorum, ex Scriptura, prout à Patribus intellecta est, ostenditur. 1

Plures ex Sanctis, & antiquis Patribus scientiam conditionatam in Deo cognouisse, præsertim Augustinum, & nullum eorum illam Deo negasse. 10

Neque in Augustino, neque in aliis Patribus aliquid contra perfectionem diuinæ scientiæ conditionatæ reperiri. 15

Deum habere conditionatam scientiam futurorum ante decretum liberum, seu voluntatis, secundum rationis ordinem, nec posse talem scientiam in tali decreto fundari, ex eisdem Scripturæ, & Patrum testimoniis ostenditur. 19

Quid de hac scientia conditionata D. Thomas senserit. 14

Ratione à priori ostenditur dari in Deo conditionatam præscientiam, & principali fundamento contrariæ sententiæ occurritur, veritasque talium propositionum declaratur. 18

### Scriptura.

Scripturæ testimonia contra physicam prædeterminationem expenduntur. 132

An ex locis Scripturæ, quæ dependentiam liberi arbitrij à voluntate, & omnipotentia diuina restantur: physicam prædeterminationem ostendant. 133

An Scriptura dicat Deum dare nobis velle propter physicam prædeterminationem. 136

### Semipelagiani.

Semipelagianorum error. 115

### Spiritus sanctus.

Solum Spiritum sanctum immediatè adiuuare voluntatem vt principale principium proximè, & physicè faciens supernaturalem actum quando sine habitu elicitur. 116

## T

### S. Thomas.

**Q**uid D. Thomas de auxilio gratiæ efficacis senserit. 191

Z z 1

Trabere



# Index Rerum.

## *Trahere.*

*Trahendi* verbum pro gratia efficaci apud Augustinum. [302](#)

## V

### *Vocatio.*

**Q**uomodo supernaturalis Vocatio ab actibus  
eum, qui vocantur pendere possit. [94](#)  
Vocatio excitante gratia. [338](#)  
Distinuitur Vocatio in sufficientem, & efficaci-  
ce. [339](#)  
Declaratur Vocatio efficax. [ibid.](#)  
Huc declaratur efficacia Vocationis. [ibid.](#) & [340](#)  
Distinguitur Vocatio in Vocationem Electorum,  
& communem. [340](#)  
Ad efficaciam Vocationis, an sit necessaria præde-  
terminatio physica? [346](#)  
Augustinum in Vocatione congrua sine physica  
prædeterminatione efficacem præuenientem  
gratiam constituisse. [478](#)

Tractatur quaestio appendix, an gratia præue-  
niens, auxilium sufficiens, & efficax, possint  
esse æqualia in duobus hominibus, quorum  
vnus consentit Vocationi, & non alter. [512](#)

### *Voluntas.*

Præuium concursum physicè prædeterminantem  
non esse voluntati liberæ necessarium, ut ali-  
quid determinatè velit. [196](#)  
Vtrum gratiæ efficacitas consistat in necessitate,  
quam infert voluntati, ut non liberè, sed ne-  
cessariò consentiat. [333](#)  
Voluntatis humanæ actus quot modis nomine-  
tur prædeterminatus à voluntate diuina. [341](#)  
Vtrum excitans gratia per seipsam, & natura sua  
determinet saltem moraliter voluntatem, ideo-  
que talis efficacia auxilij excitantis ad actus li-  
beros, & sanctos voluntatis necessaria sit.  
[350](#)  
In humana Voluntate non posse simul esse auxi-  
lium ex se ac physicè illam prædeterminans  
cum potestate resistendi eidem auxilio. [372](#)

*F I N I S.*











